


HIERONYMI  
**CARDANI**  
MEDIOLANENSIS  
**OPERA OMNIA**

In Decem Tomos Digesta.







HIERONYMI  
**CARDANI**  
MEDIOLANENSIS

Philosophi ac Medici Celeberrimi

**OPERA OMNIA:**  
TAM HACTENVS EXCVSA;

hîc tamen aucta & emendata ; quàm nunquam aliàs vîsa,  
ac primùm ex Auctoris ipsius Autographis eruta:

**Curâ CAROLI SPONII,**

DOCTORIS MEDICI COLLEGIO MEDD.

*Lugdunæorum Aggregati.*

**TOMVS PRIMVS:**

*2VO CONTINENTVR*

**PHILOGOGICA, LOGICA, MORALIA.**

Elenchus vniuersalis Operum, ad calcem vitæ Autoris habetur.



**LVGDVNI,**

Sumptibus IOANNIS ANTONII HVGRETAN,  
& MARCI ANTONII RAVAVD.

*M. DC. LXIII.*

**CVM PRIVILEGIO REGIS.**



HIERONYMI

MEDICOLANENSIS

Philosophi ac Medici Celeberrimi

TAM HACTENUS EXCVSA

hic tamquam ante de conuictis : quoniam nuncupat ab illis  
et primum ex Anglico ipius Agraphis scriptis

DOCTORIS MEDICI COLLEGIO MADO

Legationem Regiam

DEO CONTRAVENTIS



Summus Joannis Antonii HUGUETAN

& MARCI ANTONII RAVARD

AN. DC. LXIII

GEN. LIB. REGIS





G V I L I E L M O  
DE LAMOIGNON,  
S V P R E M I  
GALLIARVM SENATVS  
P R I N C I P I.

**V**IDE quid agas, Scipio; ac-  
penser iste paucorum homi-  
num est: præmonebat non  
infacetus conviva. Videmus  
quid agamus, ILLVSTRIS-  
SIME G V I L I E L M E ; Autor iste, quantumvis  
multorum voluminum, paucorum tamen  
hominum est: Sed Tuū similiū, sed il-  
lustrium convivarum, sed ingentium  
librorum heluonum: Idémque ille Te di-  
gnissimus est, & Tu illo. HIERONYMVS  
CARDANVS, vaser ille Italus, versatili vir  
ingenio, & centum Doctor artium, atria  
tua pulsât, quæsiturus patronum proli suæ;  
quam novam atque numerosam Europæ  
nunc primùm ostentare gestit. Nobis au-  
tem, tanquam nutriciis & educatoribus  
vti voluit; qui hos fœtus, si non ab vtero  
â 3 rubentes



rubentes, saltem à prælo madentes, limin tuo sisteremus. Atque vtinam quantum ille ingenij & eruditionis in scribendo adhibuit, tantundem nos industriæ ac diligentia in publicando impendisse, agnoscat literatorum natio. Quidquid sit, sincerè testamur, nos nihil curæ omisisse, ad omnia huius Autoris perquirenda, exscribenda, & emaculanda. Ne quid enim omnino tanti viri dilitesceret; vel in sordibus, aut privatâ cedro diutiùs jacêret; rimati sumus plurimarum angulos bibliothecarum, in Gallia, Italia, Germania: vnde manuscriptos codices, & ipsa Cardani autographa, hamis aureis expiscati sumus. In primis autem curavimus, Purpuratæ Themidis Princeps, ne quid nisi legitimum & genuinum hîc immisceretur: quod facillimè euincet styli germanitas, sensuumque vniformis tenor. Et certè si quid adulterinum obtruderemus, statim id subolfaceret tua Lutetia, nasuta ciuitas: & tunc, Væ, æternum væ, falsariis!

Felici autem casu factum est, vt quemadmodum Cardani Opera Priora ante plures annos lucem aspexerunt in illustri Basileâ, Romana Numatij Planci colonia; ita hæc Posthuma & Nova, simul cum Prioribus



Prioribus; publicet hodie nostra Lugdu-  
num, altera Planci colonia. Vtraque ciui-  
tas sanè digna, quæ generosos foetus Orbi  
daret; Romanosque spiritus liberis homi-  
nis liberrimi inspiraret; eiusque Manibus  
exultabunda acclamaret, Deæ tuæ, Car-  
dane, Deæ tuæ te fortunant, Fama, Li-  
bertas; & Eruditio.

Nec minùs eum fortunabis, Princeps  
Consultissime, si post benignam in sinum  
tuum admissionem, illum præterea erudi-  
torum coronæ commendaueris: Alioqui  
spe suspensâ in ambiguo nutat; tot ante-  
hac partos honores hodiernâ die aut cu-  
mulaturus aut everfurus. Etsi enim ma-  
gnus est famâ, maiorque meritis, multos  
tamen iam-ab-olim nactus est aduersarios:  
quos vivus adhuc, & iam gloriâ suâ fruens,  
experiebatur acerrimos: sed post eius obi-  
tum (qui ipsis quoque antagonistis luctuo-  
sus fuit, præsertimque magno Scaligero) ani-  
malcula quedam, maligna & venenata, scor-  
pios alienæ famæ, terra damnata suppuravit:  
qui cùm virtute & viribus vt priores non  
possent, punctiunculis atque veneno graf-  
fati sunt: Et vt iniqua sunt imperitorum  
iudicia, innocentem hominem, iam cada-  
ver & pulverem, ausi sunt collocare inter  
Furvarum Artium Consecraneos. Nempe,  
quia



quia tuum res arcanae captum superant,  
crucem & bustum & infernum crepas, im-  
perite Iudex, & pedanee. Quàm calum-  
niosè, quàm fatuè, pronuntiabit æquitas  
tua, Præses amplissime; ad cuius tribunal  
causa hæc appellatione devolvitur. In qua  
dimicatione, ipso tacente reo, nullòque  
defendente Patrono, nec enim opus est,  
isti ipsi Libri causam perorabunt.

Quod reliqua spectat, ingenuè fate-  
mur, Cardanum, vt Philosophum decet,  
liberrimè suos sensus vbique expromere.  
Is enim, quamuis inter larvatos non exi-  
guam vitæ partem exegerit, nusquam ta-  
men larvatus apparet. Et veluti summè  
semper vitat, alienæ opinionis mancipium  
esse, ita se suâque nunquam stolidè admi-  
ratur, aut callidè occultat; vir minimè  
omnium dissimulator suû; immo seuerior  
suorum errorum, propriæque vitæ cen-  
sor, quàm alienæ. Cæterùm, vastita-  
te ingenij vniuersa in scientiis complexus  
est, quæ vix singula singuli assequi potuere.  
Ac fortassis nimio multa sciebat, quæ ig-  
norare tutissimum est: Verùm illa ideo  
sciebat, vt refelleret, aut execraretur, aut  
irrideret. Optandum tamen foret, vt suo  
ille ingenio dare frænos maluisset, solam-  
que excolere Physiologiam, sororémque  
eius



eius Medicinam; quàm volitare & luxuriari per omnia rerum; politica, œconomica, mechanica, astrologica, caduca, æterna, superna, inferna. Verùm ita fit, varietas delectat; mentemque humanam fúsque deque versat vesana curiositas.

Quorsum igitur, ista Tibi, Supremo Magistratui, offeruntur? Herclè quia Magistratum est, sicut & Sapientum, omnia nosse, dijudicare, eligere, expungere. Adde quòd ingenuus quisque, & verè nobilis animus, qualem Tibi Natura, meliórque Deus implantavit, seria studiorum avidè sectatur, si amœnitatis melle condiantur, maximèque allicitur philtro novitatis. Talia apud Cardanum frequentissimè occurrunt: quæ ille suo semper modo persequitur, nempe ad perpetuum vsum vitæ, morum, valetudinis: Idque sine fuce & phaleris; imò nimium crebrò sine elegantia; rerum quippe quàm verborum amantior: Quanquam ubi elegans esse satagit, id strenuè agit: in eoque seipsum superat, ut plures alios. Si quid autem in tanta mole scriptionis Autori exciderit, quod dictum nolles, illud sanè mille millèque bene dictis compensatur: & etiam illud idem cæteris auget decòrem; non secus ac in tabella, nigelli paululum format umbras, & addit honorem picturæ.



Opera ista tam varia, tam curiosa, tam expectata, Nomini Tuo nuncupamus, dicamus, consecramus: Idque meritissimò; quandoquidem in illa sublimitate Dignitatis, in illo fulgore Purpuræ, Libris nostris suus apud Te constat honor; Artémque Typographicam & Bibliopolas diligis, & laudare soles, utpote Custodes Immortalitatis. Et quamvis occupatissimus mortaliū vivas, Musis omnibus sua tempora dispensas: ad illarūque sacrum pulvinar sacram mentem reficis. Quinimo studere & meditari ludum putas, præ tetricis illis Legum, litiūque, quæ vel ferreum & χαλκέν-  
<sup>τερον</sup> possent frangere, nisi subinde aures animūque Tibi demulcerent Forenses tuæ Luscinia, Apollinis Palatini aves. Sed illæ publicè; privatim verò, in ampla & electissima Bibliotheca tua, Tibi canunt ipsemet Apollo, & Musarum chorus. In quo suavissimo concentu, partes quoque suas non indecorè sustinebit Cardanus noster.

Sed & alia longè maiora nos ad hanc dedicationem impulêre. Meminerunt omnes boni, neque mali dememinerunt, quantum Tibi Patria debeat; ab eo tempore quo turbulentissimis rebus nostris, stationem tuam constantissimè tueri, cum paucis ausus es: ac inter ficas, rabiēmque centi-  
cipitis



clivitis belluæ, Regiam auctoritatem asserere minimè dubitasti; tuâ te virtute involvens, pro tam iusta causa mortem alacriter appetiturus. Enimvero dulce nomen Mors est, viro Nobili, & Senatorio, pro suo Rege occumbenti.

Ob hæc merita, Regum maximus, idemque iustissimus, inter tot electos viros electissimum Te voluit; qui in Sede Regni sui primaria Iustitiæ gubernaculum moderareris. Idque factum est exultante Lutetia, immo toto Regno, cui iam notissimus eras; quandoquidem Sacrum Principis Consistorium, in quo virtutis tyrocinium posueras, in univèrsam Galliam Iuris obtinet dictamen. Nec poterat quisquam eligi, magis ex voto publico, qui luctum illum detergeret, lacrymasque siccaret, quas effundebant boni omnes, ob immaturam mortem Illustrissimi Decessoris tui, POMPONII BELLEVRAÏ, origine Lugdunensis:

*Quem Themis, & Charites, sibi de meliore metallo*

*Conflarant. Malè sit vobis, fata, invida fata,*

*Quæ rapuistis eum, properantem ad gloriam Avorum.*

*Sed Magno bene sit Regi, agricolæ ingenioso,  
Qui facit ut vivat, similique repullulet auro.*



Etenim, Nobilissime Guilielme, Tibi cum Pomponio cognata virtus cognatos etiam honores, cognatâq; efflagitat encomia. Tu, sicut Ille, quantus quantus es, totus es candor & probitas. Tibi, sicut Illi, mens alta, solers ingenium, os affabile, manus purissimæ. Amantur in Te, quæ amabantur in Illo, Dignitas sine fastu, lautitia sine luxu, gravitas non morosa, nobilitas non ventosa, ipsæque literariæ dotes adeo sine ostentatione, ut etiam inter literatos mirè & suaviter Te ornet modesta Scientiæ dissimulatio. Quantus autem sis in Doctrina Iuris, tam Romani quàm Gallici, tam Politici quàm Ecclesiastici, testantur Oracula illa Iuridica, quæ ut alter Pomponius (sive iste nostras, sive ille Pandectistes) disertè & nervosè, ex ipsis Causarum visceribus deprompta, quotidie fundis: Idque sæpè sæpius imparatus & inopinatè. Tua igitur Tibi ornamenta, tuam Tibi dignitatem, sapientiam, constantiã, eruditionem, impensè gratulamur: Olímque tuæ canitiei sublimius quiddam & augustius vota populi augurãtur. Quem candidum diem, ô si Sol iste nobis revehat, nihil vnquam salubrius, nihil plausibilius Gallia viderit!

Sed ista forsàn Te gloriæ blandimenta non capiunt, mavísque aures attentas dare  
misero



miserorum litigantium gemitibus, quos tabidos & exsuccos Palatij liminibus affigit Iudiciorum hectica febris. Iis velle opitulari, Tibi naturæ generositate pronum est. Bis dat, qui citò dat: Quòd citò ius reddere amas, bis reddere est: præcipuè nobis è remotioribus provinciis, qui ad tribunalia vestra trahimur, anhelantes Romana milliaria tercentum & sexaginta; diætas autem legales octodecim. Hisce miseriis finem vel modum imponere, totamq; litigiorum viperinam sobolem extinguere, vel eam ad suos autores amandare, pium erit & iustum. Norunt eruditi, à qua mundi plaga nos invaserit ista pestis; & à quonam tempore Fori peritia olim apud nos facilis & simplex, degeneraverit in vulpinam Artem, & lupinam; ipsaq; nostra Iurisprudencia, casta, sancta, & veneranda, sæpe tamen impuris manibus contrectata, vix evaserit, quin ex matrona Gallica fieret Avenionensis arlotta. Hasce sordes eluere, Divamq; pristinae restituere majestati, multi ante Te conati sunt Viri magni: sed nescio quo semper fato reluctata est temporum iniquitas; quæ ipsis indomabilior fuit, quam ista sit quæ hodie, tranquillo Regno, sola Tibi restat edomanda, hominum malitia. Hanc minutatim conteres, improborum




malleus fortissimus: Quidquid autem venenati pulvisculi residuū erit, quotidiano Senatuscōsultorum spiritu diffilabis. Optabile facinus, & arduum! minimè tamen desperandum, Te promotore magno; majorèque Auspice LVDOVICO, ad hoc nobis A DEO DATO, vt aggrediatur OPVS HEROICVM EMENDATIONIS SVORVM TEMPORVM. Hoc vult, & gaudet velle; igitur patrabit. Quid enim impossibile est Regi magnanimo, & iuveni; qui abundè possidet aurum, & ferrū, & sapientiam, & suorum *corda*? Verbulum istud, Oratori Romano durum & barbarū, Regi nostro, suavissimum est, & Gallicissimum. Optimus hic, maximúsque Princeps, qui in ipso victoriarum cursu pacem hostibus concessit, non patietur vt bello plusquā internecino familiæ nostræ pereant, & à famelicis harpyiis vivi devoremur. O DEVS pacis & pacificorum, da nobis pacem, externam, internam, æternam.

Scribebamus Lugduni ad Ararim, Calendis Ianuariis, anno seculi climacterico M. DC. LXIII. qui vtinam hydræ palatinæ, sub Hercule LVDOVICO, sit exitialis. I. H.

*Illustrissimæ Dignitati Tue*

Addictissimi & devotissimi,  
IOANNES ANTONIVS HVGVEAN,  
& MARCVS ANTONIVS RAVVD.





# BIBLIOPOLARVM

Ad Lectorem Humanissimum

P R Æ F A T I O.

**H**UMANISSIME LECTOR, Inter innumeros elapsi proximè sæculi Scriptores, vix vllus occurrit, cuius monumenta maiore omnium eruditorum applausu, admirationis affectu, fuerint hætenus excepta ac concelebrata, quàm HIERONYMI CARDANI Mediolanensis, Medicinæ Professoris Nobilissimi: idque meritò quidem, nisi vehementer fallimur, siue polydædalam quâ abundè pollent eruditionem spectes, siue perspicaciam oppidò raram, humanâque sublimiorem quam præ se ferunt, siue denique *παρρησια* Philosophicam, quâ tanquam gratissimo embammate saporata visuntur. Quo factum, vt author ipse, *Maximus literarum Dictator* à quibusdam magni nominis Viris, ab aliis *Vir incomparabilis*, ab aliis *Portentum ingenij*, audire meruerit. Cum ergo plerosque omnes ipsius *Opera* summopere sitire exploratum haberemus, eaque partim repertu non essent facilia, partim corruptissimè typis extarent publicata, non pauca etiam in lucem nusquam adhuc prolata: in animum induximus, vniuersa ista, quæ *edita*, quæ *anecdota*, vndecunque corrogare, nostrisque sumptibus in boni publici gratiam, augustiore formâ Bibliothecis acceptissimâ, prælo committere: Quod dum aggredieremur, honestum hunc nostrum impetum penè sufflaminârunt, quæ sese mox oggeslere difficultates quamplurimæ. Studioforum tamen hominû consiliis opportunè sublevati, coeptum cursum tenere perreximus, aspirante inprimis CAROLI SPONII, Medici nostratis, amicabile favonio. Hic enim tot Cardani, tamque varias lucubrationes certâ donare œconomiâ minimè gravatus est: quo in negotio etiam si GABRIELIS NAVDÆI τὸ πᾶν vestigia aliquatenus sectari sibi proposuerit, maiori tamen ex parte proprium Martem adhibere non dubitavit. Quàm id verò feliciter, penes candidos rerum æstimatores situm volumus iudicium. Totius ergò *Bibliotaxia* ab ipso institutæ hæc est ratio. Omnium prima *Philologica* in fronte locantur, vnâ cum *Logicis Moralibusque*. Ista mox excipiunt ad *Physiologiam* pertinentia. Subiunguntur *Mathematica* varij generis, putà *Arithmetica*, *Geometrica*, *Musica*, *Astronomica*, *Astrologica*, *Onirocritica*. Postmodum *Medicinalia* succedunt. Denique agmen claudunt *Miscellanea*, ex *Fragmentis & Paralipomenis* confarcinata. Ist hæc autem omnia cum *decem* in *Tomos* seu *Volamina* eâ proportionem digerenda venerint, in singulis vt certa quædam debitæ molis æqualitas seruetur, mirum nemini videri debet, si *Moralium* partem vnâ primus tomus sibi vindicet, aliam verò secundus



dus ; similiterque si Physicorum partem vnam secundus sortiatur, aliam tertius ; denique si Medicinalia quatuor in tomos , sextum scilicet, septimum, octavum ac nonum, ita suadente materiei vbertate, dispestantur. Ex quot porro , & quibus, seu libris seu tractatibus, & quâ serie positus , singuli Tomi concinnati fuerint , docebit *Elenchus generalis Operum* suo loco expressus. Quia verò inter illa Opera, non pauca nunc primùm prodeunt in lucem , ex authoris autographis eruta, hæc ipsa tali charactere ( + ) designanda censuimus in Elencho modò laudato, vt ab iam olim editis faciliùs internoscantur. Ceterùm dolendum omnino, vt si quid aliud , quòd nonnullas nobis tanti Viri reliquias inviderit fatorum iniuria: membranæ siquidem bene multæ adeò aut laceræ , aut malè habitæ à blattis , muriùmque incurfibus, aut tam exoletis tamque ignorabilibus apicibus exaratae , nostras ad manus pervenere, nihil vt inde, quod frugis alicuius esset, extundere licuerit. Quo in genere fuerunt *novissimi duo* ex decem *Contradictorium Medicorum* libris , quos proinde omittere necesse fuit : prætereaque varij libri *Elementorum Geometricorum* : *Tractatus de Febris putridis*: *Tractatus de morbo Gallico*: *Commentarij in Librum III. & VI. Epidem. Hippocratis*, necnon *in libb. Prorrheticon* : *Commentarij in Artem medicam Galeni*: *Commentarij in libb. Galeni de Differ. morborum*: & *de Differentiis symptomatum* : necnon *in libb. Galeni de Differ. febrium*. Tandem præter ista non dissimulandum, quædam alia Cardani scripta, apud Gabr. Naudæum memorata, heic desiderari, vtpote quæ nobis, vt vt avidissimè quæritatibus, obtingere nullo pacto potuerunt: cuiusmodi est, *liber de Prudentia eximia* : *liber de Origine ventorum* : *Experimenta ad omneis morbos*. Vt nihil iam dicam de scriptis, quæ planè intercidisse putantur, inter quæ, præter *Metoposcopia libros tredecim* , quos periisse affirmat modò laudatus Naudæus , multi sunt alij libri ab ipso autore passim nuncupati , quorum hodie meræ supersunt epigraphæ, contextûs verò nec vola ampliùs apparet nec vestigium. Tot lucubrationum penitus amissarum iacturam quis obsecro , è meliore luto fictus non ægrè ferat? imò & earum, quarum exilia duntaxat fragmenta religiosè sublegere, ac posteritati consecrare nobis licuit : è quibus sanè πολλοσφημοειος summam ipsarum præstantiam ac amplitudinem haud aliter colligi posse censemus, quàm ex solo pedis vestigio Herculani corporis statura Pythagoræ olim deprehensa fertur, vel potiùs quàm ex effosso vno alteròve osse, gygantum proceritatem datur animo metiri. Utinam exoriantur imposterum qui feliciore quàm nos vtentes Mercurio, quæ nos latuere hypomnemata , in aprium amicè expromant : quo ipso catorthomate luculentam procul dubio tum à nobis, tum à reliquis omnibus literariæ Reipubl. Civibus inituros se gratiam persuasissimum habeant. Bene vale , HUMANISSIME LECTOR, nostrisque conatibus candidè fave.





# VITA CARDANI.

A C

DE EODEM

IUDICIUM.

Per GABRIELEM NAVDÆVM.



NON eo sine Iudicium de Cardano meum literis consignare mihi visum est, ceteris ut norma sit eius estimationis quam de Cardano facere debent. Neque enim sum nescius, quàm difficile sit, ad alterius Minervam, aut ingenium aut iudicium suum accommodare. Verùm cum homines eruditos videam, iis tantum Cardani libris euoluendis operam nauare, qui suo vitæ, studiorumque instituto commodi aliquid atferre possunt, ceteros autem quos in omni fere disciplinarum genere Cardanus elaborauit, vel ignorare penitus quales sint, vel in Bibliothecæ solùm ornamenta penes se reconditos habere, quodd maior pars istorum inuentu difficilis existat; non putavi propterea quemquam illorum satis idoneum fore, ut de Cardano sententiam ferat; quoniam nisi diligenter exploratis singulis quibusque rerum conditionibus, pronuntiare de illis velle, hominis est nimium confidentis, & aliorum otio, non secus atque suo, prorsus abutentis. Mihi vero licet non infit ea animi perspicacia, isque modus eruditionis variæ, & reconditæ, quem habere debet, qui mirificum in omnibus scientiis Cardani ingenium ex angulis, & Musarum adytis, in quibus hætenus velut à seipso diuissum latuit, totum simul, in apertam hominum lucem pertrahere satagit; non mentiar tamen si dixerim, me eò usque omnibus eius auctoris lucubrationibus, ab ineuntis statim ætatis, & liberioris ingenij culturæ principio delectatum fuisse, ut nullas aliorum ardentius vnquam habere concupierim, diligentius conquiescerim, frequentius euoluerim: imo verò cum illius libros de Sapientia, priusquam denuò Typis committerentur, nec prece, nec pretio nancisci à Bibliopoli possem, testes sunt ex amicis meis quàm plurimi, me non dicam insuauem hunc laborem, sed gratissimum potius exantlassè, qui in illis manu propriâ excubendis ferendus erat: adeoque semper mihi arrisit varia illa, multi-

Tom. I.

plexque Cardani doctrina, ut nihil intentatum reliquerim, quò eam aut in suis, aut in Camutij, Tartaleæ, Duni, Scaligeri, & aliorum libris inuestigare; & siue Medicæ, siue Moralis, Philosophicæ, Mathematicæ, Historicæ, Politicæ, Philologicæ, alteriusue generis esset, exploratam haberem. Ex eoque factum est, ut priusquam in Italiam cum felicissimæ recordationis Domino meo, Ioanne Francisco ex Comitibus Guidiis à Balneo S. R. E. Cardinali Eminentissimo proficiscerer, nihil penitus de Cardani vita, moribus, libris, opinionibusque desiderari à quoquam posset, quod sicut vn-gues, & digitos non tenerem: ac etiam nunc, videntur hæc omnia, adeò non excidisse mihi ex animo, ut vereri debeam, ne imparatus ad iudicium istud aggrediar; quod non vllâ diligentia meâ iactantiâ, non ingenij confidentiâ, nec aliorum sententiis meâ isthac determinatione ut obstruam, legesve sanciam, sed potius ut nonnullorum desideriis inseruiam, qui melioribus studiis addicti, parciores in excutendo Cardano fuerunt, omni odio & affectu procul, sic instituo. Inprimis igitur quod ad hominis vitam, & mores spectat, si quæ de seipso dixit in exemplo natiuitatis suæ, & in libris de Consolatione, de Sapientia, de Utilitate capienda ex aduersis, de Libris suis, de Vita propria, & alibi passim, attendamus, nemo fuit ortu vilior, naturâ imbecillior, institutione neglectior; vxore, liberis, seruis, infelicio; toto denique vitæ suæ tramite pauperior, miserior, afflictior. Atque hæc corporis, & fortunæ suæ damna fuerunt; ingenium verò si quis inimicus tale illi affinxisset, quale suum esse in themate natalicio testatus est, potuisset in illum agere meritò eâ lege,

*Pœnæque lata, malo qua nollet carmine  
querquam*

*Describi.*

Nam ex Venere loci Lunæ, ac Mercurij dominâ, & Mercurio multum, Saturno medio-criter committâ, animum sibi effectum ait, in diem viuentem, nugacem, religionis contemptorem, iniuria illata memorem, inuidum, tristem, insidia



# Vita Cardani.

*insidiatorem, proditorem, magum, incantatorem, frequentibus calamitatibus obnoxium, suorum osorem, turpi libidini deditum, solitarium, inamenum, auferum, sponte etiam diuinantem, zelotypum, obscenum, lasciuum, maledicum, varium, ancipitem, impurum, calumniatorem, & omnino incognitum propter morum, & naturæ repugnantiam, etiam his cum quibus assidue versabatur.* Neque profecto dubium est apud me, quin ipse talis esset, qualem omnibus aliis se conspiciendum præbuit: nam eiusmodi mores sibi à natura fuisse inditos, non hic modo, sed alibi toties inculcat, nihil ut verius fuisse cenferi possit; & qui penitissime Cardani indolem nouerit, eam non multum ab hac Epithetorum farragine remotam fuisse deprehendat; ut mittam aliorum etiam grauissimorum virorum iudicia, qui Cardanum miras de se ipso fabulas concitasse, & insanienti proximum vixisse, non perperam asserunt. Et hercle non video quid aliud existimari possit de homine, qui somniis, ostentis, auguriisque vanissimis, & maxime ridiculis fidem adhiberet; qui totus ex delirantium vularum obseruationibus penderet; qui quoties vellet, à sensibus per extasim peregrinaretur: qui spectra, & larvas videret: qui Paredrum aliquem, & sibi fauentem Genium adesse, vel stultè crederet, vel malignè mentiretur: qui vxorem duxit sine dote: qui filiorum educationem neglexit: qui iuniorum ex illis auricula auulta, puerum verò nomine Guilhelmum verberibus, licet immerentem, sapius multauit: qui se iactatum à Patre pro spurio fuisse, & abortiuo medicamento, priusquam nasceretur, tentatum refert: qui pannosus aliquando, mox ornatus in publicum prodiret: qui inter amicorum colloquia lubentius nihil diceret, quam quod illis ingratum fore cognouerat; qui Lunam non secus in cælo de die, quam noctu videret: qui Romæ diuerso ab aliis cultu spectandus incederet; qui Bononiæ suffultum tribus tantum rotis currum aliquoties vsurparet: qui iuuenis rixas miscebat, adultus meretrices sectabatur, vir factus à ludis, & aleâ non temperabat, senex quoque carcerem vitare non potuit; qui denique probra vitæ suæ, turpitudinesque vel minimas, è priuata domus secreto ubi non secus ac aliorum hominum sordes, & flagitia delitescere rectius potuissent, non euulgauit modò, sed nauseanti ferme per tot ineptias, & narrationes inconditas Lectori, obtrudit: Nam si facere isthæc sapientis est, nescio sanè, cur Orestes, Coræbus, Amphistides non ipsi quoque sapientes inter, numerari possint. Enimuero potuisset tamē Cardanus naturæ suæ, ut ab ipso met vocatur anomala, simulque nominis, & personæ decori prospicere, si in exemplo thematis sui natalitij (quandoquidem hic locus erat conuenientissimus) affectiones tantum, & propensiones illas denudasset, quæ ad indicandam artis suæ præstantiam, detegi saluo pudore, & nominis integritate poterant: aliarum verò non magis quam Erasmus, Longolius, Campanus, meminisset, qui licet dubiis parentibus orti fuerint, maximasque in vita paupere & desultoria difficultates rulerint, quoniam tamen

in illis velandis, obtegendisque, cautiore Cardano fuerunt, nullam hæcenus, eo saltem nomine, laudum suarum imminutionem perpeffi sunt. Et amabo quotus est hominum, cui ut Satyricus monet, promptum sit

*Murmurq, humilesq, susurros,*

*Tollere de templis, & aperto viuere voto?*

Ego sanè non secus hoc tempore, quam olim Iuuenalis,

*Egregium sanctumq, virum si cerno, bimembri*

*Hoc monstrum puero, & miranti iam sub aratro,*

*Piscibus inuentis, & fætæ comparo mula.*

Omnes enim homines suapte naturâ mali, stulti, improbi sunt, & si palam offendunt, quanto magis inter priuatæ familiæ septa Cardano similes existunt? Vnde qui cum odit, propter priuatas illas turpitudines, hunc etiam reliquos homines odisse conuenit, si in eorum intima semel descendat. Singuli quippe suo modo peccant, insanunt, delirant, & in eo tantum sapiunt, quod peccatis, & fraudibus suis nubem iniicere ex pulchræ Lauernæ instituto didicerunt: quod idem Cardanus seu naturæ liberioris impulsu, seu virtutum confidentiâ præstantissimarum, quæ tot maculis longè præponderant, aut aliâ tandem de causâ facere non potuit. Quamobrem si quis à me scisciteretur, quid tandem de vita, moribusque Cardani statuendum sit? Ego certè non immunem illum ab ineptia præstare vellem, quandoquidem vel ex eo talis fuisse deprehenditur, quod tot inepta, & absurda de se ipso prodiderit, quæ reliquorum hominum, more, æterno potius silentio obruere, & damnare debuerat. Cæterum cum asserente grauissimo censore Seneca, *nullum unquam magnum ingenium sine mixtura dementiae* fuerit; & ab ea non prorsus liberi vixerint Philosophi illi magni nominis, Porphyrius, Iamblichus, Aëlius, Maximus, Chrysantius, & id genus ab Eunapio laudati, qui tantum abest ut cum Ennio professi sint, se non curare

*Marsium Augurem,*

*Non vicanos Aruspices, non de circo Astrologos,*

*Non Istiacos coniectores, non interpretes somnium.*

Quod potius magicæ vanitatis mancipia fuerint, nec somnia, terrores, portenta, Genios, Lemures, stultissimasque eiusmodi obseruationes, quarum plenus est Eunapius, flocci fecerint. Possent ista quidem Cardano patrocinari, quominus ad Anticyras confestim amandaretur, nam certum est, non eandem esse ingeniorum apud omnes homines naturam, & in illorum differentia, quædam per temporum vicissitudines reperiri, quæ propter ignotam nobis causarum syndromen, siue corporis temperies multum adæquata, siue bilis adustæ copia, aut organa magis affabrè composita, radiûsue præstantior ab intellectus agentis splendore delibatus, in illam concurrant, multa sciunt, videntque reliquis omnibus negata: atque velut ebria continuo forent, aut à sensibus seiuncta, mores obtinent inconditos, sermonem turbidum, vitam inæqualem, verum ex aduerso, difficilia quæque celeriter apprehendunt,

&



# Vita Cardani.

& facile retinent; perſentiſcunt etiam, vaticinantur, incomperta loquuntur, occulta detegunt, & pro ſectis aut religionibus quibus addicta ſunt, pro officiis quibus mancipata, ſic rebus vanis, aut ſolidis inhærent: quemadmodum in Platonicis illis Philoſophis, & Cardano videre eſt, qui ex Academia placitis, Spectra, Lemures, Portenta, & ex inuariabilis Fati neceſſitate, auguria, ſomnia, oracula, & eiufmodi alia, quæ velut extremae dementiæ ſigna Peripatetici ſubſannant, diligenter obſeruare conſueuerunt. Itis igitur & ſimilibus de cauſis, videri poſſet Cardanus, nihil ab eorum conſuetudine diuerſum egiſſe, qui talem ingenij differentiam naſti ſunt: ſed cum veritatis amore, nihil vnquam antiquius ſibi fuiſſe cõtendat, & ex conſequenti, frequenter in illas voces prorumpat, *Nunquam me mentitum eſſe memini: ergo iam ſecurus de mendacij ſuſpicionem, vt qui in veritatis ſtudio conſenſerim, & ſimiles alias quæ in eius libris paſſim occurrunt: Ego contra mendaciſſimum illum fuiſſe deprehendi, & ab hoc vitio, reliqua demum velut è fonte promaniſſe, quæ à nonnullis deliramenta vocantur, non leuibus de cauſis exiſtimo. Hoc autem ne quis à me dictum inconfultò fuiſſe, quoniam res eſt magni momenti, ſibi perſuadeat; en ſignatis tabulis ipſam confirmo, quarum fidem ne Cardanus ipſemet ſi nunc viuat, eleuare meritò poſſit. Quippe cum capite xii. de propria Vita dixiſſet, Grammaticam nunquam didici, vt neque Græcam, aut Gallicam, aut Hiſpanicam linguam, ſed uſum ſolum mihi neſcio quomodo tributum: & antea cap. ix. aſſeruiſſet, ſe miraculo adiutum fuiſſe, ad intelligendam linguam Latinam, quale tãdem fuerit miraculum iſtud capite xli. ſic explicat: *Quis fuit ille qui mihi vendidit Apuleium, iam agenti ni fallor annum xxx. Latinum, & ſtatim diſceſſit, ego verò qui eò uſque, neque fueram in ludo litterario niſi ſemel, qui nullam haberem lingue Latine cognitionem, cum imprudens emiſſem, quòd eſſet auratus, poſtridiè euasi qualis nunc ſum in lingua Latina, necnon & Græcam quaſi ſimul, & Hiſpanicam, & Gallicam accepi, ſed duntaxat vt libros intelligam, ignarus ſermonis, & narrationum & regularum Grammaticæ prorsus. Hoc autem quàm ſit veritati conſentaneum, declarant verba illa ex opusculo de Libris propriis, quod ſub finem librorum de Sapientia, & de Conſolatione reperitur: *Interim verò Grammaticæ & Dialecticæ operam dabam, circa videlicet annum ætatis ſuæ xxiii. nam circa xxxv. addiſcenda linguæ Græcæ ſedulo operam impendit, vnde præſenti, inquit, anno, nimia intentione ſtudy Græcarum literarum labefactatus, nihil ardui molitus ſum, ſubiungitque paulo poſt, *Librum Micylli in Epiomen redegi, quem coniunxi libro de Græca literatura inſtitutione. Sed mendacium iſtud licet miraculo coniunctum, leuiſſimum forſan videri poſſit, quoniam ex eo nihil ſequutum eſt, quod Cardano vtilitatis quicquam attulerit. At non idem de eo dici poteſt, cuius nunc oportunitas eſt hiftoriam paucis contexere: Nam cum libro v. de Sapientia confidenter ſcripſiſſet, *Dum in hac vrbe inuidia laboraremus, nec licrum ſuppeditaret impenſis, multa vt noua inueniremus tentauimus in arte: nam extra artem*****

Tom. I.

nihil non ceſſit: Tandem Phthiſis (quam Pthoë vocant) multis ſeculis curam deploratam exco- gitanti, ſanantique multos qui nunc ſuperuiunt, nec difficilius quàm Gallicum morbum; & Illuſtriſſimus Ioannes Hamiltho Archiepiſcopus S. Andreae, S. P. ſanctæque ſedis Apoſtolicæ Legatus, & Eccleſiæ Regniſque Scotiæ Præſes, in eiufmodi pollicitationem de curatione Phthiſis quâ tunc miſerè diſcruciabatur, neſcio quo caſu incidifſet: putauit ſalutem ſuam in hoc Cardani ſecreto repositam eſſe. Quamobrem magnis pollicitationibus illum ad ſe in Scotiam pellexit, eiufque conſilio, per aliquot menſes uſus, quamuis non adepta prorsus ſanitate, dimiſit, iis honoribus cumulatum, quos Cardanus inter vitæ ſuæ potiſſimos, meritò poſtea recensuit. Sed videamus nunc, quomodo totum iſtud negotium ſolemini cuidam mendacio, quod nolens ſcilicet protulerit, acceptum refert idem Cardanus, in editione Rouilliana opusculi de Libris propriis. *Iſtud, inquit, admiratione dignum, cum nunquam mentitus ſim, iſtam qualemque bonam fortunam, tamen ex mendacio ortam fuiſſe: Nam neque verum erat me Pthoë laborantes ſanari, neque tamen conſultò mentitus eram, aut ex toto, tunc enim ſanare illos poſſe ſperabam: ita ſatum me impulit, quaſi Fortuna nunquam verâ virtuti faueat, vt egregiè nolens mentiri, hocque ſolum mendacium, quod me inuito excidit, tantum mihi vtilitatis & voluptatis afferret. Itis autem duobus mendaciis, tertium adiungo, quod item celeberrimum fuit, quia de Genio illo toties decantato, cui Cardanus tum in natalitio thematè, cum in hiftoria vitæ & librorum, ac in opusculis, & libris omnibus, ſeipſum curæ fuiſſe, ad rauim & ſatiſdium inculcat. Vnde res foret omninò longa, difficilis, & tædij pleniffima, quæcumque variis in locis de hoc numine dixit, ad pleniorẽ eius hiftoriam colligere. Verum quia non obſcurè, quale tandem iſtud fuerit, in Dialogo de humanis conſiliis explicat, ſatis mihi erit colloquentes de eo Thetim & Ram. huc adducere. RAM. *Tot tantæque emira in vita acciderunt, vt ſuſpicari cogar & ipſe, qui illi intimus ſum, Genium ei eſſe, & magnum, & potentem, & rarum, vt non ſit ſuarum actionum Dominus, ſed quæ cupit non habet, quæ habet non concupierit, nedum vt ſperarit: ille tamen hoc abhorret, ſed cum cogitat Deo omnia parere, acquieſcit. TET. Sed cuius naturæ ſerunt enim quædam eſſe Saturnios, alios Iouios, atque ita de aliis. RAM. *Suſpicatur eſſe Venerium, Saturno, Mercurioque miſtū. TET. Tales omnes miſere viuunt, & pereunt, quamuis quorundã magnum ſit nomẽ. RAM. Hoc neſcio, cum neminem nouerim præter hunc, & illius patrem, ao Socratem, qui huiusmodi Geniorum familiaritate uſus fuerit. At hercle ſi dæmon ille Socraticus, non multum diuerſus fuerit ab eo quem Cardanus ſibi comitem fuiſſe iactat, vereor ne pro fabula vterque deinceps habeatur. Nam quod ad poſtremum atinet, mirum eſt quàm exiſis & debilibus fulcris innitatur, imò vero quàm vanis & ridiculis notis ſe Cardano prodiderit. Primum enim per ſomnia & ſtrepius monere eum conſueuerat: deinde verò magis adhuc innotuit, cum Cardanus, quemadmodum ſubdit Thetim, ſine vilo medicamento liberatus eſt herniâ inteſtinorum in latere dextro, liberatusque***



# Vita Cardani.

*etiam ab origine vrina*: demumque palpitatio-  
nem cordis, & aurium tinnitum excitauit.  
Sed frustra, neque enim hæc omnia satis esse  
Cardano potuerunt, quominus capite xlvii.  
de vita sua dixerit, *Mihi fuisse bonum & miseri-*  
*cordem spiritum diu persuasum est, sed quâ ra-*  
*tione me certiore redderet de imminentibus, non-*  
*nisi exacto anno vita lxxiv. deprehendere, dum vi-*  
*sam meam conscribere adortus sum, potui.* Enim-  
uero ne tunc quidem istud rescire vlllo modo  
potuit, si tota illa narratio de Numinis fauen-  
tia, non tantum vana, & ridicula, sed planè  
commentitia est, eodemmet Cardano teste, &  
arbitro etiam in propria causa: nam libro xvi.  
de Varietate, capite xciii. negat se vllum vnquã  
Genium habuisse, *Ego certè nullum Demonem aut*  
*Genium mihi adesse cognosco*: subiungitque postea,  
*illud bene scio, mihi pro bono Genio datam ratio-*  
*nem, patientiamque in laboribus magnam, bonum*  
*animum, pecunia honorumque contemptum, quæ*  
*omnia maximi facio, & Demonio Socratis melio-*  
*ra atque ampliora dona existimo.* Hac igitur li-  
bera, & ingenuo viro digna confessione, ruit  
aceruus ille ineptiarum, quas Cardanus de spi-  
ritu suo familiari, de splendore, de spectris, &  
Luna visa pleno meridie, similibusque nugis &  
mendaciis, cum non ita sui compos erat, velut  
in publicum theatrum ridendas inuexit. Enim-  
uero non semper eum sui compotem fuisse, sed  
æstu quodam raptum, indicio est omnium cer-  
tissimo, varietas illa pugnantium inter se sen-  
tentiarum, quas non est quod aliquis obliuio-  
ne eorum quæ iam dixerat, aut æstu, vafrici-  
que prolatas ab eo fuisse, sibi persuadeat, cum  
se in rebus aliis memorè ad miraculum vsque  
præstiterit; & artis ac vafriciei suspicionem  
omnem eleuet, quod grandia quidem, sed con-  
traria semper, nunquam autem connexa, & sibi  
mutuò coherencia loqueretur. Æstum autem,  
& calorem illum tam varium & inæqualem,  
quo magnæ mentes interdum agitantur, &  
quo sensim refrigerante, sua plerumque vel  
mirantur, vel ad eam rationem quâ tunc dicta  
sunt, non amplius intelligunt, si quis ad alicuius  
tantum Genij præsentiam contingere velit,  
magnum profectò is aditum facit credulis, su-  
perstitionisque hominibus, similes vt Genios  
concedant Socrati, Plotino, Ciceroni, Bruto,  
Cassio, Cæsari, Synesio, Porphyrio, Iambli-  
cho, Chicco Asculano, quin etiam Iulio Sca-  
ligero, & innumeris aliis, qui vel ambitione  
ducti, vel in Platoniorum & Cabalistarum  
scholis innutriti, illud acceptum Geniis suis fe-  
runt, in quo naturæ suæ sublimitatem mirari  
citiùs, & æstimare deberent. Sed pauci vel quæ  
recta sunt vident, vel non affectibus suis infer-  
uunt. Atque vtinam ex eorum numero non es-  
sent, qui propter similes nugas, & affanias, de  
miserorum vita statuunt, benè quidem & au-  
spicatò, si deorum colloquiis, & musicis, cœ-  
lestibusque oblectamentis interfuisse, malè  
verò & ominosè, si Dæmonum chorais & co-  
messationibus sese immiscuisse, ex læsæ imagi-  
nationis utrobique vitio, asserunt. Et sanè  
versatus sum ed lubentiùs in hoc Cardani cir-  
ca Genium suum mendacio, aut, quod ego  
lubentiùs dicerem, deliramento explicando,  
quod futurum spero, magna vt inde bonæ  
mentis accessio dæmonographis omnibus  
fiat, ne tam præcipiti ferantur in illos censu-

ra, quos rumor incertus, aut vanus, dæmo-  
num addictos consortio vixisse refert: cum  
Hieronymus Cardanus, cuius præsertim  
exemplum aduersus talis flagitij postulatos  
adducitur, post solemnes illas citrationes quas  
attulimus, nihil penitus habeat de Genio suo,  
quod miseris illis, & plerumque fatuis ho-  
muncionibus, præiudicio esse possit. Verum  
quia meam nolo facere istorum litem, huc  
tandem redeo, vt Cardanum ex intemperie  
quadam animi nusquam æqualis & compositi,  
absurda multa fecisse, & minimè sibi in omni-  
bus consentanea loquutum fuisse, concludam.  
Scitum est enim, melancholicos omnes, cuius-  
modi eum fuisse in dubio apud me non est,  
superbos esse, nimiumque sibi blandientes, &  
elatos, quia melancholia cum halitiosa sit,  
flatus illi, ventosa faciunt ingenia, & magna-  
rum rerum vt nominis, honorum, auctorita-  
tis desiderio flagrantia; sunt præterea suspica-  
ces, morosi, inuidi, maleuoli, simultatum te-  
naces, immites, *ἀσπῆρες* vt Timon, Cato, Dio-  
genes, & velut in extremo confinio naturæ  
humanæ positi, vt Cœlestem, vel Belluinam,  
aut mixtam interdum ex vtraque, leuissimo  
impulsu suscipiant.

Sequitur nunc, vt quanta, qualisve Car-  
dani doctrina fuerit, dispiciamus; qua in re,  
non eorum more mihi faciendum esse intel-  
ligo, qui Cardanum nunquam integrum as-  
piciunt, nec illum ex immensis voluminibus,  
quæ nobis in omni fermè scienciarum genere  
reliquit, sed ex Medicis tantum, aut Mathe-  
maticis æstimant. Nam cum summa ingenia,  
quantum ad præsens institutum spectat, duas  
in partes dispertire consueuerim: prima &  
infima meo iudicio eorum est, quæ Facul-  
tati cuidam ab aliis separata, ac veluti soli-  
tariæ mancipata, sic in ea excolenda se  
exercuerunt, vt idcirco digna habeantur,  
quæ cæteris omnibus præire suo merito pos-  
sint: sic Euclides, Pappus, Archimedes,  
Vieta, Galilæus in Mathematicis; Ptole-  
mæus, Tycho, Copernicus, Gassendus in  
Astronomicis; Plato, Aristoteles, Alber-  
tus, Pomponatius, Cremoninus, Licetus  
in Philosophicis; Hippocrates, Galenus,  
Auicenna, Fernelius, Duræus, Riolanus;  
Moræus in Medicis dissertationibus, primum  
nullo non consentiente locum obtinent, &  
nisi mea me fallit coniectura, eundem per  
ætatum consequentium decursus factum te-  
ctumque retinebunt: quia nihil difficilius  
est in scientiis, quàm summos illos viros,  
qui laboribus suis viam ad illarum arcem  
sibi munierunt, velut olim effatos, & vie-  
tos senes de Ponte deicere. Secunda verò  
& suprema ingeniorum differentia homines  
illos complectitur, qui benignioris naturæ  
maiori quodam priuilegio, non vni tan-  
tum scientiæ, tanquam Polypus saxo, in-  
fixi & addicti sunt, sed per illarum orbem  
plus minusve exspatiantur, quemadmodum  
ex illis,

*Quos aliena inuuant, propriis habitare mo-  
lestum.*

alij Germaniam & Italiam lustrare: nonnulli  
præterea Hispaniam, & Angliam, ac vniuer-  
sam Europam adire, cæteri denique, velut  
Drackus, orbem vniuersum circuire soliti sunt.

Et



# Vita Cardani.

Et sanè quemadmodum hîc eiusmodi Peregrinatorum triplex ordo statuitur, haud fecus, cum maxima sit supremæ classis illius latitudo, non inconueniens mihi visum est, si eorum hominum quos ambitu suo complectitur, tres veluti gradus, ordinè sive constituerem: Ita ut primus illis dicatus sit, qui perlustratis diligenter humanioribus literis, excurrere quoque in viciniore illis disciplinas voluerunt, Agellio scilicet, Macrobio, Petrarchæ, Politiano, Vallæ, Calcagnino, Giraldo, Campano, Foxio, Rhodio, Tomasino, Gaudentio, & similibus aliis: secundus autem eos complectatur, qui longius adhuc per scientiarum varietatem prouecti sunt, Ciceronem nempe, Plutarchum, Plinium, Viuem, Gesnerum, Bodinum, Parricium, Mazzonium, Allarium, Mersennium, Donium, & id genus alios: Tertius denique eorum sit, qui nihil in disciplinis non peritum ingenio suo, nihil intentatum esse voluerunt, cum ad omnia erecti & parati, non minùs etiam ad singula sufficerent, quæ laus propria fuit olim Democriti, Theophrasti, Varronis, & hoc nostro tempore Erasmi, Budæi, Pici, Fracastorij, Scaligerorum, Casauboni, Grotij, Salmasij, Petanij, Patini, & præ cæteris omnibus Hieronymi Cardani: quem cum singuli suâ quique in arte propria præstantissimum fuisse non dubitent, ego certè primum eum, & vnicum fuisse existimo, qui simul in omnibus tam egregiè versatus sit, ut videatur natura exemplum in eo ostendere voluisse, maioris amplitudinis, & immensitatis doctrinæ, quam homini huc usque concedere potuerit. Nam si in reliquorum omnium dotes inquiramus, videbimus multos humanioribus studiis Theologica tantum superinduxisse, nonnullos Mathematica etiam: quosdam Medicinæ, & Philosophiæ cognitionem: alios linguarum Orientalium, vel Iuris vtriusque notitiam: & rursum aliquos paucis paginis, ut Picum, & Fracastorium: mirabilem ingenij sui præstantiam explicasse: sed qui plures scientias in numero habuerit, qui altius in illas descenderit, qui commentariis amplioribus illustrarit, alium profectò ab Hieron. Cardano inueniemus neminem. Ut miraculo proximum sit, hominem hunc, plus fermè in omnibus scientiis vidisse, quam singuli in propriâ suâ requirerent, aut inueniri posse sperarent. Certè in humanioribus literis, in Philosophia, Medicina, Astronomicis, Mathematicis, Historia, Metaphysicis, Politica Morali, necnon remotioribus aliis disciplinis, nihil eum latuit, quod operæpretiū fuerit, ad cumulatam earum cognitionem intellexisse. Et amabo, quis negabit librum de Proportionibus dignum esse, qui cum pulcherrimis antiquorum inuentis conferatur: Quis in Arithmetica non stupet, eum tot difficultates superasse quibus explicandis Villafrancus, Lucas de Burgo, Stifelius, Tartalea, vix ac ne vix quidem pares esse potuissent: Quis in libris de Subtilitate & Varietate, non expressam videt cum suis omnibus ornamentis, & oblectamentis naturam? Quis commentarios in Ptolomæum, & Aphorismos Astronomicos, non Gauricis, Iunctinis, Stottheris, & similibus aliis præferat? Quis in exiguo Neronis encomio, non cognitam illi

fuisse omnium temporum, & locorum historiam, perspiciat? Quis ex libris de Sapientia, ex Proxenetæ, eum aliquid fugisse censet, quod Machiauellus, Paruta, Bodinus, Septalius, quod ipsemet Aristoteles, Plato, Xenophon scire aut excogitare potuerint? Iam verò si morales libros attingam, si Medicos, si reliquos omnes quos certum in ordinem cogere non possis, quot opes, Deus bone? depromi, quot arcana erui, & haberi ex ipsis in communem vtilitatem possunt? Hoc autem melius adhuc intelligere poterit, qui Cardanum, cum Iulio Cæsare Scaligero, diuini propemodum ingenij æmulo suo, componere aggredietur: nam licet hic, maiori cum ornatu & splendore in scenam prodierit, mentemque heroicis planè cogitationibus fectam, & rerum altissimarum capacem habuerit, attamen intra literarum humaniorum, & philosophiæ medicinæque cancellos se continuit, libertatèque Cardano reliquit, quem in omnibus aliis disciplinis locum magis ambiret, occupandi. Nec propterea si nobiles illæ exercitationes, manibus quotidie teruntur, quicquam tamen dedecoris Cardano ab illis inuritur, quod ab æquis iudicibus abstergi, vel minimo negotio non possit. Nam primum quis ferat Scaligerum, Exercitationes suas, triennio post secundam librorum de subtilitate editionem, inuulgasse, nec tamen illam videre voluisse, nec mendis illis pepercisse, quæ postremâ hac diligentia sublata à Cardano fuerant: ne videlicet laboris sui quantumvis frustra impensi, fructum amitteret? Præterea quis nescit Cardanum, actione primâ in Calumniatorem librorum de subtilitate, sic omnes illius aculeos rerudisse, obiectiones diluisse, accusationes infregisse, ut earum ratio haberi non debeat, quæ superesse forsan ex tanto numero possent? nam homo fuit Cardanus, & humani à se nihil alienum putauit: nec adeò mirum est illum errasse, quin multò magis admiratione dignum sit, tam rarè, & in tam paucis, ac minimis cespitalle. Imò verò ausim ego pignore deposito contendere, multò plures nauos esse, quos Scaliger exercitationibus suis immistos reliquit, quàm eos, quibus aduersus Cardanum tam procaciter exagitandis, totos nouem annos insudauit; idque non tam eruendæ veritatis studio, quàm ut effræni desiderio suo satisfaceret, cum illis omnibus congregiendi, quos suo tempore, literarum eruditionumque Principes haberi cognouerant. Sic enim in commentariis ad Aristotelem de animalibus, Theodorum Gazam hominem innocentissimum, & multis vocibus sagaciter efficitis ut Græcas Latinis redderet, de literatis omnibus bene meritum, quo iure, quæue potest iniuria sugillar: sic Erasmus cum alio titulo laceßere non posset, fingit se à pueris Academiæ Parisiensis, eorumque moderatoribus exoratum, ut istud in se certaminis reciperet, qui pueri, tantum abest, ut auctores illi eius rei fuerint, quod primam orationem quam habuit in Erasmi, Iuto, & quod peius adhuc olet fœdatâ, pedib' conculcarint: sic denique Fernelium, non aperto Marte, sed occultis quibusdâ diuerbiis, & dissimulato ei nomine, prouocauit, ne ex Quadrû illis, quos



# Vita Cardani.

obstruere suis luminibus censebat quemquam intactum relinqueret ; vir alioqui dignus, quem ætas nostra, licet nullos alios quam septem Poëtices libros edidisset, maximis, & tantum non diuinis honoribus cumulatum posteritati transmittat. Porro quoniam maior erat Cardani fama, quam ut soli Iulio Scaligero molestia faceretur, non erit forsitan alienum ab instituto sermone eum pariter ab aliis defendere, quos multo leuioribus de causis molestos expertus est: Neque enim defuerunt quidam nasutuli, quibus putidum videretur eum vitam, & actionum suarum historiam conscripsisse, totque libros de propriis libris confecisse, ut quinque ad minimum, variis temporibus & locis editi reperiantur. Meminique non ita pridem, vitio datum fuisse clarissimo nostræ tempestatis Philosopho Fortunio Liceto, quod de suis quoque historiam contexisset, quasi tam infamis & propudiosa foret eiusmodi Philautia, ut his duobus scriptoribus exceptis, reliqui omnes eam deuitare, canne peius & angue studuerint. Verum enimvero nihil aliud faciunt, quam supinam, & incredibilem suam ignorantiam prodere, qui fictis eiusmodi criminibus Cardanum onerant: Neque enim quod de vita primum dicebatur, culpam potius in eo debet, quam in Cornelio Sylla, Iulio Cæsare, Octauio, Quinto Catullo, Adriano, Marco Antonino, Flauio Iosepho, D. Augustino, Monlucio, Thuano, Scaligero, Puteano, & non paucis aliis, quorum exemplo tantum abest ut peccare quis possit, quod illud modestè imitari, cum præsertim res est insignis, & factis vel euentis memorabilibus referta, laudem in se non minimam obtineat. Idemque dicendum est etiam de libris propriis, quorum seriem texere, cum plures sunt, aut de rebus variis, non potest nisi honestum, & utile censei. Etenim præterquam faciunt indices eiusmodi, ne quid alicui auctori tribuatur, quod suum non sit: ostendunt præterea qui libri semel aut pluries editi fuerint, & quo loco, quâ formâ, quo tempore, qui separati, vel cum aliis coniuncti, qui auctiores, illustrati, correcti, & num extrema manus illis addita fuerit, aut alia deinceps expectanda sit ab editionibus postremis; quæ cuncta, certum est plurimum commodi, & delectationis afferre, iis omnibus, qui librorum honestissima voluptate capiuntur. Hincque cum istud Galeno perspectum foret, duos qui nunc etiam supersunt, ad Bassum, & Eugenium de propriis libris commentarios edidit; absque quibus esset, vix haberemus nomina ducentorum & amplius librorum suorum, qui Roma simul cum Pacis templo conflagrarunt: eiusque postea exemplum sequuti sunt D. Augustinus, Dionysius Carthusianus, Erasmus, Gesnerus, Federicus Nausea, Ioannes Cochleus, Michaël Neander, Nicolaus Nancelius, Ioannes Caius, Philippus Bosquierus, Henricus Stephanus, Iacobus Auzolius, Franciscus Maurolycus, Laurembergius, Genebrardus, Campanella, Schioppius, Federicus Cardinalis Borromæus, Annæus Rulmanus, Erycius Puteanus, & paucis abhinc annis, Fortunius Licetus, omnes enim isti, libris separatis, & ad id modò destinatis, propriarum lucubrationum historiam

complexi sunt: ut alios mittam, qui suorum quoque librorum rationem habuerunt, quanquam minori apparatu, & nudo sæpius indice, aut epistolâ de hac re ad amicum scriptâ, quemadmodum fecere Porta, Taurellus, Bellaius, Tomasinus, Champerrius, Seuertius, Nouarinus, Caneuarius, Durastantes, Franciscus Mirandulanus, totque alij, ut Cardano, plus testium, & exemplorum suppetat, quam inuidorum telis, ab hac sua lucubratione de propriorum operum historia propulsandis, opus esse possit. Quin potius suffundi illi pudore deberent, quod hominem accusent tot præclaris auctoribus innixum, quasi nullum sibi fauentem ostendere posset, & quam ipsi ratione, tam hic testibus & auctoritate careret. Illud præterea magnam ansam præbuit æmulis Cardani, & Astrologiæ præsertim iuratis hostibus, ut ei liberius insultent, quod, nec in suo themate natalitio, nec in Ioannis Baptistæ filij, aut Aimari Ranconeti, vel Edoardi VI. Regis Angliæ, aliisque schematibus propositis, quicquam ferme horum euentuum, qui postea consecuti sunt, obseruaret: Neque enim sibi carcerem, laqueum filio, mortem violentam Ranconeto, breuè ætatem Edoardo, prædixit, sed successus è directo potius contrarios; Qua de re cum ludibrium iam debuerit Iosepho Scaligero, & postea etiam Alexandro de Angelis, qui hac potissimum ratione, diuinationes Astrologicas, funditus conuellere nititur, non est hic quod in eodem saxo rursus voluendo, diutius immorer. Istud potius excutiendum est, qui fieri possit, ut Astrologi Principes tot instructi regulis, tot obseruationibus edocti, nihil ut in arte sit tam obscurum, difficile, abditum, quod sibi peruium non fecerint, vix vnquam in prædictionibus suis eâ felicitate vtantur, quâ plerumque deliras anus, senes victos, homines ineptos, & fatuos longè certius in res futuras, & abditas, penetrasse videmus. Nam quod Alexander de Angelis Cardano potissimum imputat, tanquam Astrologica vanitatis instauratori maximo, illud tantò magis de Medioximis, & Patellaniis Astrologis, dicendum est: & memini me in Italia quasdam Ephemerides annuas Lucæ Gaurici vidisse, in quibus cum pro libertate scribendi quæ tunc vigeat, singulis Principibus Europæis maximas felicitates, aut gravissima damna minaretur, nihil postea perinde cecidit, ac ipse futurum prædixerat: Atque vtinam Henricus secundus, quem ille extremâ tantum senectute, & morbo placidissimo fatis concessurum dixerat, non ætate potius florenti, & tam acerbo, præcipitque fato nobis ereptus fuisset. At ex aduerso Plebei vates, Gallorum quidem Michaël Nostradamus, Italarum Sauonarola, Anglorum Merlinus Caledonius, Germanorum Lolhardus, & Ioachimus, Lusitanorum denique Bandarra Calceolarius, imò verò multæ vbique gentium vetulæ, & homines, quod antea dicebam, non Astrologiæ modò, sed literarum penitus ignari tam certas de rebus futuris prænotiones habuerint, ut

*Pythia qua tripode ex Phœbi lauroque profatur,*  
pronuntiare de illis felicius, confidentiusque



# Vita Cardani.

vix potuisset. Hoc vero cum multis de causis contingere non dubium sit, potiores tantum hic attingere mihi consilium est; & illam imprimis, quod artis falsæ nulla potest esse prædictio vera, nisi casu aliquo, aut industriâ, vel peculiari quadam ingenij temperaturâ, quæ tria, præter artem sunt, talis efficiatur: Astrologiam verò è falsis & futilibus scientiis, quæ sæpius hominum animos infatuant, non postremam esse, tot iam argumentis virorum omni laude doctrinæ, ingenijque cumulatissimorum demonstratum est, ut qui contrarium sentit, non magnos hic in sapientiâ, & bonæ mentis adeptione, progressus fecisse videatur. Hæc verò cum ita sint, non est accusandus Cardanus, quod illuc prædicendo non attigerit, ubi artis suæ præsidio pertingere non poterat: maxime cum eâ sagacitate sit usus, quæ casu, propriæque animi temperie suffulta, ipsum in plerisque genituris, non vanum, futilémque fecit. Verum quoniam vis illa mentis anomala, excedens, rara, quæ factis in homine se prodit magnis & admirandis, eò tantum impulit Cardanum, ut scientiarum omnium secreta penetraret, eaque maiori facilitate, acriori iudicio, præstantiori modo, quam quivis alius unquam fecit, explicaret, eam ob rem non potuit ille, iuxta cum aliis, qui solas tantum ab illo mentis impetu, rerum futurarum præsentiones recipiunt, de morte filij sui, aut Aimari Ranconeri, aliorumve, quemadmodum forsân Nostradamus fecisset, pronuntiare. Nostradamum autem dico, quia nobis exemplo est, Astrologos, cum aliquid certi proferunt, id non artis suæ beneficio consecutos fuisse. Sed illius humoris orgasmo, quem ipsemet Nostradamus diuinum appellat, & sibi potissimum fauentem fuisse, hoc in centuriis tetrasticho, testatur.

*Horrida vaticinor diuino numine plenus:  
Bella, famem, turbas, fuida contagia pestis,  
Diluuiâ, atque æstus, terras, mare sanguine  
tincta,  
Paces, ac vitas, magnorum & fata viro-  
rum.*

Sic enim illud è Gallico sermone reddidit Ioan. Amatus Chauigneus, quamquam expressius adhuc eâ de re tetrastichum aliud habetur, quod Latine reddi quoniam commodè non potest, satius erit illud, iisdem verbis quibus ab auctore sub initium primæ Centuriæ prolatum fuit, consulere. Secus enim, si Chiromantie tribuatur, quod Bartholomæus Cocles tabellam, ut inquit Cardanus, xlv. virorum moriens reliquerit, qui violentâ morte, ut euentu postea contigit, perire debebant: si Nomantie, quod Hannibal Raimundus, ex duobus agris, aut singulari prælio decernentibus, primum qui moriturus esset, indicabat: si Geomantie, quod Catanus, quo fine negotium aliquod terminari deberet, statuebat: si Scripturæ, quod Prosper Aldorissus, ex eius diuersitate, illius citius erat, varios animi morus, naturæque propensiones eliciebat: si denique reliquis diuinationibus, quod Anus deliræ & merobibæ, res furto subreptas inveniunt, futuros coniuges designant, morbos denunciant; & non potius ad communem illarum diuinationum omnium causam re-

cui ramus, sequetur ab euentu minime fallaci, regulas eiusmodi nugacium disciplinarum, non minus quam Astrologiæ veras esse, quofanè effato, nescio quid magis fatuum, & absurdum dici possit. Vltimum denique quod Cardano summam inuidiam constauit, & à bonis omnibus, quod quique religioni magis addictus erat, eò flagrantiori studio exagitatum fuit; est Domini nostri Iesu Christi genesis, ab eo non aliter quam si hominis cuiusdam fuisset, ex artis suæ regulis explicata. Hoc enim Thuanus *extrema amentia, imò impie audacia*; Scaliger verò *vanitatis cum impietate coniuncta*, testimonium esse dicit: sed posterioris istius verba ex præfatione in Manilium, tam expressa sunt, ut risu temperare non possim, quoties oraculum istud nostri temporis, tam pueriliter loquutum fuisse, animaduerto, ut isthæc dixerit, *Audi subtilitatem nostri sæculi, exiit ante xlv. annos cymbalum geneethliacorum, qui Domini nostri Iesu Christi thema edidit, & omnia quæ illi acciderunt, ex positu stellarum, necessario illi contigisse ratiocinatur: impiam dicam magis, an iocularem audaciam, quæ & dominum stellarum stellis subiecerit, & natum eo tempore putarit, quod adhuc in lite positum est, ut vanitas cum impietate certaret.* At ficcine Scaliger subtilitatem nostri sæculi vocas, quæ trecentis & amplius ante sæculum nostrum annis, inter Astronomos obtinebat: videris profectò tam sedulam operam bonis libris euoluendis impedisse, ut multorum notitia te fugerit, qui licet tanquam siderati, & omnis bonæ frugis vacui, à tui similibus non attingantur, potuissent tamen si tibi vel de titulo noti fuissent, insignem à te incogitantie, & supinitatis maculam auertere. Nam quis ferat Cardanum, eius impiæ vanitatis accusari, ob excogitatum à se thema natalitium Domini nostri Iesu Christi, quod tamen Tyberius Russilianus Sextus Calaber, sæculo præcedente, tribus variis schematibus proposuerat, in *Apologetico*, ut illum vocauit, *aduersus Cucullatos*, qui ex quadringentis propositionibus, quas Bononiæ, Florentiæ, Patani publicè tuendas susceperat, duodecim velut Hæreticorum placitis affines, damnauerant, & hanc imprimis quæ dicebat, quod *Christum quoad Corporis compaginem elementariam astris suppositum, eiusque genituram, & Prophetam magnum, & ea quæ circa corpus enenerunt, præsertim violentum eius mortis genus nuntiassent, non inconuenit.* Hanc enim conclusionem simul cum aliis ut Tyberius defenderet, librum edidit sedente Leone X. eo titulo quem supra retulimus, & tria Christi genescos themata, secundum tres rationabiles differentium Doctorum opiniones, in eo tam luculenter enarrauit, ut mirum potius sit Cardanum habuisse, vnde post ipsum racemationes & spicilegia colligeret. Verum nec ipse Tyberius Russilianus, nullo alio auctore tam grandè nefas molitus est, nam Petrus de Alliaco Cardinalis Archiepiscopus Camaracensis, qui sub Martino V. in vinis esse desit, præterquam contendit Christi natiuitatem prænosci potuisse ex geneethliacis obseruationibus, eiusdem insuper natiuitatis schema cœleste proposuit, in *Elucidatio Astronomiæ concordia cum Theologica & historica veritate*; & ipso Petro vetustior



# Vita Cardani.

vetustior Albertus Magnus Ratisbonensis Episcopus, in Speculo suo astronomico, loquutus de ea hunc in modum fuerat. *Iam scimus quod sub ascendente eiusdem parte Cœli (scilicet Virginis) natus fuit Dominus noster Iesus Christus, non quia subiaceat motui, aut eius indicio natorum desideratissimus, qui creauerat ipsas stellas, sed quia cum extenderet Cœlum sicut pellem, formans librum universitatis, noluit literis eiusdem deesse, ex eis quæ secundum providentiam suam in libro æternitatis sunt scriptæ: non quod Cœli figura causa esset quare nasceretur, sed significatio; imò & vero verius ipse erat causa, quare modus admiranda suæ natiuitatis significaretur per Cœlum.* Quid plura? superior adhuc Alberto Albumasar, aut si mauis Alboasar, quantumvis foret Mahumedanus, multa tamen de Christo dicit non protrita apud alios Arabes; & inter alia, natum eum fuisse sub prima facie Virginis contendit. Quanquam Rogerius Bacchonus dubium reliquerit, post allata verba Albumasaris, ex interpretatione Latina Hermanni Dalmatæ, num Christi Domini, aut beatæ Virginis eius matris natalitium thema, literis ab hoc Arabe proditum fuerit: nam verba Bacchoni sunt ex opere tertio quod ad Clementem V. dedit, *Intentio est quod Beata Virgo habet figuram & imaginem infra decem primos gradus Virginis, & quod nata fuit quando sol est in Virgine, & ita habetur signatum in Calendario, & quod nutriet filium suum Christum Iesum in terra Hebraorum.* Cuius etiam opinionis videtur fuisse Christianus auctor libri de Vetula, quem Ouidio nonnulli perperam adscribunt; ille siquidem numero quadragesimo sexto, & postremo, sic Virginem compellat,

*O Virgo felix, o Virgo significata*

*Per stellas ubi spica nitet, quis det mihi tantum*

*Vinere, quod possim laudum fore præco tuarum.*

Verùm quicquid tandem de hac difficultate statuendum sit, certum est Saluatoris nostri genefim, à quatuor aliis auctoribus grauissimis exaratam fuisse, priusquam Cardano de ea pariter exaranda in mentem venisset. Vnde mirari satis non possum, illos non visos, nec auditos vnquam fuisse duobus illis eruditorum Coryphæis, Thuano, & Scaligero, qui saltem ex Bacchono, Pico Mirandulano, aut commentariis Roberti Holkot in Sapientiam Salomonis, discere potuissent, erratum à nonnullis ante Cardanum hunc errorem fuisse, vt Christum falsis, & commentitiis astorum imaginibus submitterent: nec propterea æquum esse, vt Cardanus, quasi sceleris istius primus opifex fuerit, tam acerbè ab illis vapulet: cum alioqui, vel eo tantum nomine culpandus sit, quod istud, licet magnorum virorum, & omni fermè exceptione maiorum exemplo fecerit. Cæterum patet inde, quàm vaser Cardanus fuerit, nam cum certo certiùs exploratum haberet, themata Christi natalitia ab Alliacensi, & Tyberio Russiliano exarata fuisse, nec illum latere possent quæ Pico, Albumasar, & Bacchonus de illis dixerant, noluit tamen eorum vnquam meminisse, vt vulgo literatorum, inuentum istud

suum fuisse, persuaderet: quod ei postquam ex voto cessit, non secus ac in igne contigerat, quem nullum esse sub concauo Lunæ, post Laurentium Vallam, sed illius tamen suppresso nomine, primus asseruit, noluit deinceps, quantumvis ab æmulis vrgeretur, & in discrimen capitis veniret, vel minimam de illis auctoribus mentionem iniicere; maluitque de sua impietate tot rumores disseminari, quàm ex opinione tam audacis facti, partam gloriam amittere. Atque hæc sunt, quibus tela calumniarum, quæ aduersus Cardani libros, effrænemque eius audaciam, cum ab æmulo Scaligero, tum ab aliis disseminata fuerant, retundi posse mihi persuasi.

Superest nunc, vt qualis Cardanus in libris suis fuerit, & quo stilo, quâ methodo, quantâ cum facilitate, & doctrinæ varietate illos scripserit, ex attenta singulorum inspectione, disquiram. Stilum igitur vsurpauit liberum, æqualem, apertum, non comptum nec elaboratum, qualis in Fernelio, & Scaligero cernitur: sed minimè etiam neglectum, aut inquinatum, vt illum habuere Foroliuiensis, Conciliator, Niphus, Pomponatius, & id genus Philosophi & Medici, qui ab impuro sermone, Barbari vulgò nominantur: quin etiam cum libet, assurgit, ludit, excurret, deliciasque sectatur, & veneres amœnissimas, in quarum specimen illud tantum proferam, quod in libro 2. de Venenis, capite vii. de ea re dixit, quam hîc nominari non flagitio ducet, qui flagitiosè nunquam exercuit, *magna res est concubitus, quod ad conseruationem generis fit: ideoque multis modis à natura illius appetitus ornatus: & ubi finis nullus ad metam, ibi nec est inuenire terminum voluptatis.* Est in concubitu ipso voluptas, est in illecebris dum exercetur, est dum absoluitur, est in meditatione, est in memoria: & dolor, & voluptas in patiente delectant: seu pudeat, seu vltro se offerat, paria fermè sunt: ipsa forma, quæstus, modus, tentigo, seminis effusio, omnia ex equo iucunda, iuuat occurrentem vltro videre, iuuat occursum declinantem, iuuat è rimula aspicere, ubique est quod præferas, nudam, ornata, semicomptam, omnia libidinis stimulos accendunt: si in domo sit, gaudes commodo, gaudes ludis; si extra, gaudes furto: si humilis sit conditionis, quod omnia tibi liceant; si nobilis, quod diligaris ab illa: si publica sit res, quod cuncti tuæ felicitatis participes sint; si occulta, quod plus habeas, quàm existiment. Nil mirum est igitur, si ob hoc ipsum, maria terræque perturbentur: & in ipso tot fascina, philtrea, veneficia, tot affectus, & corporis atque anima passionnes sint constituta. Cedò nunc in Exercitationibus Scaligeri, in oratoribus & elegantiarum magistris, venustiore sermonis hosculum, & hunc proferenti, vicissim herbam porrigam, concedamque Cardanum non quoties, & ubicunque voluit, fuisse disertissimum. Tantum igitur ab eloquentia non aberat Cardanus, quin omnibus in præfationibus suis, in encomiis rerum diuersarum, & similibus libellis, qui sermonis ornatum desiderabant, eum cumulatissimè præstiterit, & in aliis operibus, cum vti cogeretur vocibus barbaris & impuris, istud præfatà semper veniâ fecerit. Hinc in Arithmetica, *Ne mireris, inquit, candide Lector, quod opus hoc minimè*

*Latinum*



# Vita Cardani.

*Latium, nedum elegans effecerim, cum & mihi  
facilius fuisset meo more scribere, quam aliorum  
voluntati satisfacere, sed ne sermonis difficultas  
que puram excolentes Romanam linguam, in  
tam arduis commentis consequi solet, artis peri-  
tos à lectione deterreret. Sic in commentariis  
ad Ptolemæum, Reuerendissimi, & aliarum  
vorum vsum respuit, quia non sunt probæ  
germanæque latinitatis notæ signatæ. Scalige-  
ro quoque, penitiores intima barbariei notas  
quasdam inurit, in Actione contra calum-  
niatorem, & capite xxxix. de Vita sua, non  
omnem se elocutionis curam deposuisse si-  
gnificat: maiorem tamen attulisse, in tanta  
multitudine scriptorum non potuit nec for-  
san debuit, vitandæ, ut supra dixit, confusio-  
nis, & obscuritatis gratiâ, quæ plus iusto elo-  
quentiæ studiis addictos, ferè semper con-  
sequitur. Et hæc ipsa causa fuit, cur Mercu-  
rialis in Arte Gymnastica, & libris Variorum  
quos prouectionibus ingeniis scribebat, eas  
castigati sermonis delicias sectatus est, quas  
postea certo consilio neglexit, cum in scho-  
lis doceret, & eos libros scriberet, quos po-  
licioribus ingeniis minimè futuros vñui co-  
gnouerat. Quod inconueniens ut Cardanus  
vitaret, stilo inter sublimem & infimum me-  
dio est usus, eumque adeò sibi domesticum  
fecit, nihil ut docere veller, quod non ma-  
ximâ cum facilitate, & amicitate diceret, si-  
ue liberâ oratione, siue metris adstrictâ, que-  
madmodum in nania de morte filij, & qui-  
busdam tetrastichis, vteretur. Ab hoc igitur  
stilo minimè ingrato, vasto, confuso, sicco,  
ampullato, interciso, sed æquali potius &  
perspicuo, doctrina etiam maximâ parte cla-  
ra, facilis, & iucunda defluxit: nec ab elo-  
cutione venit, quod Cardanus quibusdam in  
libris obscurus, impeditus, & nonnunquam  
etiam rædij plenus fuisse censeatur, sed tribus  
aut quatuor aliis de causis, quas sigillatim ex-  
cutere, non erit forsân ab instituto nostro alie-  
num: quoniam omnes ab immensa illa doctri-  
na pendent, quam Cardano peculiarem fuisse,  
& antea quidem, & nunc etiam maximè  
contendo. Neque enim poterat sibi tempera-  
re, cum artium secreta, scientiarum principia,  
& rerum omnium naturam teneret, quin ad  
alicuius difficultatis explicationem, prædij  
multum ab illa sæpe diuersis, & externis velu-  
ti militibus vteretur: sicque Geometrica Physi-  
cis, Astronomica Medicis, Ethicis Metaphysica,  
Politica historicis, humanis diuina, supremisq;  
infima, quoties vel impetus vrgebat, vel er-  
uendæ per tot ambages veritatis ratio postu-  
labat, nullo discrimine permiceret. Istudque  
cum duplici modo facere posset, non eo tan-  
tùm vñus fuit, qui Platoni, Galeno, Aristote-  
li familiaris est, scilicet dum numeris, aut  
Geometricis quibusdam exemplis, Physicas,  
vel Medicas conclusiones stabiliunt; sed  
maximè multa dicit, & longas affect dil-  
fertationes, non prorsus quidem ab illa re,  
de qua tunc agitur diuersas, sed quas, ne co-  
gitatione tamen, quicquam expectaret. Nam  
quis amabo in Arithmetica, præclaros illos  
discursus requirat de proprietatibus numero-  
rum mirificis, de motu Planetarum, de crea-  
tione rerum, de turri Babylonica, de duratio-  
ne mundi Platonica, eiusque vicissitudinibus,*

Tom. I.

de gradibus, ut vocant, medicinarum, &  
eiusmodi rebus aliis? Quis in Dialectica iu-  
diciū de historicis, & epistolarum scripto-  
ribus? Quis in commentariis de Alimento,  
explicationem trium rerum quæ sunt difficil-  
limæ cognitu? Quis alibi passim tot excursus  
grauissimos de rebus variis? quos omnes si  
velim indicare, dies me potius quam oratio  
deficeret: nam quales illi, & quàm frequen-  
tes sunt in libris de Vtilitate ex aduersis ca-  
pienda? quot in libris Medicis? quot in histo-  
ricis? quot vel in epistola sola quam scripsit ad  
Thaddæum Dunum? ut missos faciam quos  
de rebus suis frequentissimos habet: eo tan-  
tùm sine, quemadmodum alicubi fatetur, ut  
plura folia Typographis mitteret, quibuscum  
antea de illorum pretio pepigerat; atque hoc  
modo fami, non secus ac famæ scriberet: &  
sanè cum culpari ea de re non possit, quan-  
do modum honestiorem non habuit, quo pau-  
pertati suæ subueniret; sed adhuc Galeno com-  
mendatior est, quod is non pretio illectus,  
aut inopiâ compulsus, sed innato sibi & gen-  
ti suæ vicio, lectoribus, Asiaticâ suâ facundiâ,  
rædij non parum, sæpius attulerit. Præterea  
illud Cardano familiare fuit, ut nonnunquam  
breuitatis studio, multa sibi cognita, & vñu  
ipso trita supponeret: diuisionumque mem-  
bra singula non explicaret, aut longius petita,  
absque intermediis, tanquam maximè neces-  
saria, & tractationi opportuna iungeret:  
mens enim illius acris, & ad differendum  
intenta, vbique permeabat, & inquirebat ar-  
gumenta, transfiliendo per varia media, quæ  
non ut tunc decuit explicata, orationem post-  
modum longè difficillimam reddebant, ut præ-  
sertim in libris Contradicentium medicorum  
videre est, & in commentariis etiam de Ali-  
mento, qui hac de causa tyrones procul à  
lectione sua summouent. Denique ipsa quo-  
que rerum tractandarum difficultas, plerum-  
que causa fuit eius obscuritatis, quam in  
Cardano multi reprehendunt: sed iniuriâ ta-  
men, cum philosophorum nullus, qui cona-  
tus fuerit multa simul complecti, variæque  
scribere, non Aristoteles, Theophrastus, Ale-  
xander, Themistius, Auerroës, Plotinus, vi-  
tium istud, si modò vitium dici debet, effuge-  
re potuerint, & qui facillimus existimatur Pla-  
to, is Cardani iudicio, cæteris omnibus ob-  
scurior est. Verùm minimè tamen obstant hæc  
omnia, quominus qui totum simul Cardanum  
aspicit, qui libros eius singulos explorat, qui  
mentem excutit tot fætæ rerum pulcher-  
rimarum notionibus, ut velut Emporiū sit sci-  
entiarum omnium nobilissimū, à quo res Mathe-  
maticas Germani; prædictiones astronomicas  
Angli; medicas commentationes Itali; morales  
Galli: naturales denique totius orbis populi  
reportare secū consueuerant, is non poterit in  
eo, tantam scriptorū copiā, tam variā multi-  
plicemque lectionem: tam diligentem rerum in-  
dagationem, tantum sermonis & sententia-  
rum ornatum, non magni facere, & ex illis pa-  
riter non tenacissimā eius memoriam, felicis-  
simam sagacitatē, iudiciū in tanta rerum diuersi-  
tate sæper rectum, æquale, firmissimum depre-  
hendere & mirari. Nam licet in quibusdam, ut  
rectè doctissim⁹ Thuanus animaduertit, inter-  
dum plus homine sapere, in pluribus minus pueris



# Vita Cardani.

*intelligere videatur* : eiusmodi tamen inæqualitas, velut fax est & amurca, sine quibus liquores præstantissimi conseruari non possent, tantum abest ut propter illas, viliori pretio distraherentur. Et reuerà non illa quicquam obfuit Cardano, cuius libros velut luxuriantis ingenij partus felicissimos, Typographi certatim Typis suis committunt: cum interim ipse, totius Europæ calculis, scriptorum omnium decus mirâ quadam ingenij volubilitate, & ad res dissitas, obscuras, penitusque inter se dissidentes percipiendas, promptitudine, superasse videatur.

Porro ne quis amplius dubitare possit, quot & quibusdam libris Cardanus, tantum sibi nominis, & famæ conciliarit: simi lque ut illorum accuratâ recensione, iudicio isti de Cardano coronidem imponam. Primi ordinis & indicis eos faciam, qui typis expressi reperiuntur, simulque modum editionis indicabo, quæ in instructissima, & ornatissima Bibliotheca cæteris omnibus præferenda sit. Deinde verò eosdem omnes in certas classes referam, ut Typographi quoties illorum editionem integram moliri voluerint, facere istud commodius, & maiori cum elegantia possint. Ac tandem M. S. operum Cardani, quorum ad me notitia peruenit, Catalogum subiiciam, ut quemadmodum ego, meâ bonâ fortunâ, quosdam ex illis nactus sum, eosque publici iuris feci, & faciam si me Deus adiuet, in posteram, sic omnibus aliis liberum sit, suam in similibus thesauris eruendis diligentiam, bonis omnibus testatam facere.

Primus igitur Catalogus qui operum editorum est, pro varia Chartæ complicatione, non vnus etiam formæ libros continet; ita ut alij sint in Charta expansa, alij in complicata bis, aut pluries, & ab illa diuersitate maiores aut minores, quos deinceps cum Bibliopolis breuitatis, & facilitatis de causa, in folio, in quarto, in octauo, & duodecimo, vel decimosexto vocabimus, & quidem.

*Libri Cardani qui in maiori forma haberi debent sunt sequentes.*

**O**pus de proportionibus numerorum, motuum, ponderum, sonorum, &c. cum duobus libris adiunctis, vno de arte magna seu regulis algebraicis, qui prius separatim editus fuerat in folio Norimbergæ, scilicet anno 1545. altero de Alizaregula, Basileæ ex officina Henric. Petrini anno 1570. mense Martio.

In Claudij Ptolemæi de Astrorum iudiciis, aut ut vulgò appellant, quadripartita constructionis libros iv. commentaria, cum libellis de septem Erraticarum stellarum qualitatibus; de xii. genituris, de interrogationibus, & Cumradi Dasypodij tabulis in libros iv. apotelesmaticos Ptolemæi, ac descriptione Horologij Argentoratensis, Basileæ apud eundem 1578. mense Septembri. Verum cum in editione Lugdunensi in octauo, & in alia quæ prius Basileæ facta maiori in charta fuerat, Seruatoris nostri genesis, non sine multorum indignatione legeretur; ex posteriori ista, nescio cuius consilio, sed optimo tamen, sublata fuit. Neque

enim pias mentes minus offendeat, quam castas, locus ex 8. capite libri 2. Politicorum Aristotelis, quem idcirco Leonardus Arétinus Latinum reddere noluit; quamuis Perionius, Sepulveda, Gifanius, alique interpretes, cum postea retinere non veriti sint: & similis alius ex posteriori libro Hippocratis de morbis popularibus, qui cum Valesio non probaretur, nec dignus etiam habitus est eâ interpretatione, iisque notis, quibus libros omnes Epidemion illustrauit.

*De subtilitate libri xxi. Cum Apologia aduersus horum librorum calumniatorem, Basileæ apud eundem Henric. Petrum 1582. editi primum fuerant in octauo variis in locis, & postea etiam Basileæ anno 1611. cum eadem Apologia in Scaligerum.*

*De rerum varietate libri xvii. Basileæ apud eundem 1581. iique non secus ac alij de Subtilitate, sæpiissime editi fuerunt in octauo.*

*In septem aphorismorum Hippocratis particulas commentaria, item de venenorum, ac pestis præsertim differentiis, præseruatione, & cura libri 3. & de prouidentia temporum liber, Basileæ apud eundem 1564.*

*In eiusdem Hippocratis prognostica, & libros de septimestri, & octimestri partu, commentarij absolutissimi: cum septem consiliis pro grauissimè diuersis morbis laborantibus. Basileæ apud eundem anno 1568.*

*In eiusdem libros de aëre, locis, & aquis commentarij, cum oratione de Medicorum inscitia, & tribus consiliis, necnon exiguo libello Ioan. Baptiste Cardani de fulmine, Basileæ apud eundem anno 1570.*

*Opuscula quadam artem medicam exercentibus utilissima, scilicet de aqua, & æthere, de Cyna radice: Medicine encomium, & consilia tria: itemque actio prima in calumniatorem librorum de subtilitate, Basileæ apud eundem. 1569. Verum quoniam hæc omnia, præter actionem in Scaligerum, quæ cum libris de subtilitate toties excusa fuit, translata postmodum à Cardano fuerunt, in opusculorum Medicorum volumina duo, de quibus postea nobis dicendum est, si quis hoc volumine in folio carere velit, istud, me iudice, nullo suo damno facere poterit.*

*De sanitate tuenda, ac vita producenda libri iv. editi à Rodolpho Syluestrio, Basileæ apud eundem 1582.*

*Reperiuntur autem in Quarto.*

**L**ibelli v. astronomici. 1. de supplemento Almanach. 2. de restitutione temporum. 3. de iudiciis geniturarum. 4. de reuolutionibus. 5. de exemplis centum geniturarum cum Aphorismorum astronomicorum segmentis vii. Norimbergæ apud Ioan. Petreum 1547. duo priores cum quinto non integro, editi antea fuerant ab eodem Petreio 1543. & prius adhuc Mediolani, auctore ipso sumptum Typographo subministrante, quoniam exiguæ tunc molis erant, & opus erat illos quam emendatissimos in lucem prodire.

*Contradictorium Medicorum libri duo, quorū uterque centum, & octo contradictiones continet, in secundo vero habentur etiā libelli de Sarzaparilla, de Cyna radice, & consiliū pro dolore vago, Lugduni*



# Vita Cardani.

Lugduni apud Sebastianum Gryphium anno 1548. Prodicunt etiam Parisiis in octauo apud Iacobum Macæum 1546. & Marpurgi cum adiuncto utrobique libello contradictionum, quas Peletarius ex Lacuna collegit: certum est etiam Venetiis editos fuisse, sed mihi illos hæcenus vidisse non fuit cõcessum.

*Theoroston seu de vita producenda, atque incolumitate conseruanda Dialogus, studio & operâ Fabricij Coccenarij Tyburtis editus Romæ, apud Ioannem Baptistam Robletum, 1617.*

*Somniorum Synefiarum, omnis generis insomniâ explicantes libri iv. quibus accedunt opuscula de libris propriis: de curationibus & prædictionibus adnandis: Neronis encomium: Geometria encomium: de vno: actio in Thessalicum Medicum: de secretis: de gemmis & coloribus: Dialogi duo Guglielmus siue de morte: Tetim seu de humanis consiliis: de minimis & propinquis: de summo bono, Basileæ per Henricum Petri, anno 1562. Ex istis encomia Neronis & Geometriæ, edita postea fuerunt in secunda parte Amphitheatri sapientiæ Socraticæ Io-co-Seriæ Casparis Dornauij; primum verò in notis etiam Lotichij ad Petronium tomo secundo; & separatim Lugduni Batavorum in exiguo, & elegantissimo volumine.*

*De sapientia libri v. quibus omnis humane vitæ cursus viuendique ratio explicatur: item de consolatione libri tres, & Ephemerus siue libellus de libellis propriis. Norimbergæ, apud Ioannem Petreum 1544. & postea Genevæ in octauo, apud Petrum & Iacobum Chouet 1624. cum Petri Alcyonij viri doctissimi, & eloquentissimi duobus libris de Exilio: separatim verò Hieronymus Scorus libros de consolatione Venetiis ediderat in octauo, sub annum 1542.*

*Sequentes haberi tantum possunt in octauo.*

**P**RACTICA Arithmetica, & monstrandi singularis. Mediolani, operâ Ioan. Ant. Castellionei, pro Bernardino Caluscio 1539.

*De immortalitate animorum liber, Lugduni apud Sebast. Gryphium 1545.*

*Commentaria in librum Hippocratis de Alimento, prælecta dum profiteretur Bononiæ supra ordinariam medicinam, Romæ apud Heredes Antonij Blady 1574. & Basileæ apud Sebastianum Henric. Petri, anno 1582. mens. Martio.*

*Libellus cui titulus est Exemplum xxii. egrorum Hippocratis, quem edidit Cardanus annuum agens lxxix. Romæ, apud eosdem Heredes impressores Camerales, anno 1575.*

*De malo recentiorum medicorum medendi usu, libellus centum errores illorum continens: Item alius de simplicium medicinarum noxa. Venetiis apud Hieronymum Scorum. 1545. Priorem editionem iam antea molitus fuerat idem Scorus, sed complectebatur tunc lxxvi. tantum errores, adeoque mendis erat deformata, ut Cardanus in præfatione secundæ istius editionis dicere non veritus fuerit, Erubescō, cum ultra etiam trecentos errores meos in hoc libro, præter etiam admissos à Librariis recognosco, & nihilominus à tam debili principio, Cardanus, aded celebris, & peruagatæ famæ initium auspicatus est: primus enim iste fuit librorum ab ipso editorum, sed*

tertiò demum recusus iterum fuit Parisiis, in ædibus Rouillij in octauo 1565. ut postea commodius dicetur.

*De Causis signis, ac locis morborum liber. Basileæ per Sebastianum Henric. Petri, anno 1583.*

*Opuscula Medica & Philosophica in duos tomos diuisa, quorum primo continentur: Ars medendi parua. Consilia pro difficultate spirandi, ventriculi dolore, surditate, sanguinis fluxu, lepra, Medicina & Podagra encomia, & Apologia in Andreæ Camutium: secundo verò Dialectica Hypercheren, de Socratis studio, Antigorgias, de aqua, æthere, & Cyna radice. Basileæ tomis duobus ex officina Henric. Perrina, anno 1566. Ex illis Consilia, Medicinæ encomium, & libri de Aqua & Æthere, quemadmodum supra diximus, edita prius fuerant in folio Basileæ anno 1569. libellus quoque de Cyna radice habetur in eodem volumine: nec non sub finem libri secundi contradicentium, & in collectione auctorum de Lue Venerea. Denique encomium podagræ, vnâ cum Loselio de Podagrâ editum fuit, Lugduni Batavorum anno. 1639.*

*Opuscula Medica Senilia in iv. libros tributa, quorum primus est de dentibus, 2. de rationali curandi ratione, 3. de facultatibus medicamentorum præcipue purgantium, 4. de morbo regio, Lugduni sumptibus Laurentij Durand 1638. qui M.S. copiam habuit à Leone Allutio viro doctissimo, & mihi amicissimo.*

*Methodi medendi sectiones iv. in quarum prima recentium medicorum errores refelluntur. in 2. de simplicium medicamentorum nocumentis agitur. 3. admirandas curationes, & prædictiones continet. 4. consilia in diuersis morborum generibus complectitur. Parisiis in ædibus Rouillij, via Iacobæa, sub signo Concordiæ. 1565. Fateretur ipsemet Rouillius, nihil in his sectionibus contineri, quod non item in aliis operibus Cardani iam editis haberetur: nam 1. & 2. libellum de malo medendi usu constituunt, 3. extat integra post librum de Insomniis; quartam vero secundus opusculorum Tomus subministrat, vnde qui ab ipso libro sibi comparando temperauerit, non propterea censetur aliquo carere ex Cardani libris, si reliquos omnes habuerit.*

*De utilitate capiendâ ex aduersis libri iv. Defensiones pro filio coram Præside Prouinciæ habitæ: & Ioan. Bapt. Cardani libellus de abstinentia ab esu ciborum fœtidorum, Basileæ per Henric. Petri, anno 1561. mense Augusto.*

*De præceptis ad filios libellus, ex Bibliotheca Gabr. Naudæi, Parisiis apud Thomam Blasium 1635.*

*Lettera di Messer Girolamo Cardano, mellaquale, tuti i Giouani alla virtù, & allo studio del le piu lodeuoli discipline, mirabilmente escorta, in Bologna per Alessandro Bonaccio.*

*Liber de libris propriis, Lugduni apud Gulielmum Rouillium sub Scuto Veneto. 1557. videri posset hic non ab alio diuersus, qui in secunda parte libri de Insomniis editus postea fuit, sed cum non ita penitus sese res habeat, & liber sit exiguus, atque inuentu facilis, rectius ille faciet, qui in reliquorum censu, eo ipso carere noluerit.*

*De propria vita liber, ex Bibliotheca Gabrielis Naudæi, Parisiis, apud Iacobum Vallery in Palatio 1643.*



# Vita Cardani.

Denique in duodecimo habetur tantum.

**P**roxeneta, seu de humana sapientia liber, recens in lucem protrahus, Lugduni Batavorum ex officina Elzeviriana anno 1627. prodit etiam Genuæ eadem forma 1630. apud Paulum Marceau; & rursus ex officina Elzeviriana anno 1633. sed minori adhuc voluminis formâ.

Tot igitur libris, aut potius voluminibus diuersis, opera omnia Cardani constant, saltem quantum ego, post adhibitam hîc, & in Italia, maximam semper in illis perquirendis diligentiam, hæcenus obseruare potui: nisi forsitan aliquis, amplioris ostentatione studij, istos etiam penes se habere velit, scilicet.

Thaddæi Duni Locarnensis epistolas medicinales, editas Tiguri in octauo, anno 1592. propter vnâ bene longam Cardani, quæ cum responsione Thaddæi in eodem habetur volumine.

Andrea Camutij disputationes, quibus Hieronymi Cardani magni nominis viri xxx. Conclusiones infirmantur, &c. Papiæ in octauo 1563. nempe vt simul habeat ipsas conclusiones, quas Cardanus Papiæ anno 1561. aduersus errores Galeni, in expositione Aphorismorum Hippocratis, proposuit.

Quæsitâ, discursus in Archimodem, & cætera quedam alia Nicolai Tartaglia, sed vulgari Italicorum sermone conscripta, edita Venetiis in quarto 1605. & aliis temporibus, quoniam habentur in illis multæ literæ Cardani, de rebus Geometricis, & Algebraicis, quas, non secus ac conclusiones illas in Galenum, frustra sit qui alibi quàm in Camutij, & Tartagliæ libris requirat.

Quoniam verò non minimum refert Iulij Cesaris Scaligeri exercitationes, vnâ cum Cardani libris qui de Subtilitate sunt, euoluere, consulo, vt cæteris præferatur ipsarum editio facta in quarto Lutetiæ, à Michaële Vascosano 1557. quoniam omnium est emendatissima, & elegantissima.

Possẽ quoque inter libros Cardani referre interpretationem operis de subtilitate, factam propriâ Gallorum linguâ, à Richardo le Blanc, & editam Parisiis in quarto apud Carolum Langelier 1556. ac postea etiam in octauo. Verum quoniam plures aliæ, & horum librorum de subtilitate, & aliorum etiam interpretationes fieri potuerunt, quas omnes ob linguarum Europæ varietatem, & Prouinciarum quibus illæ familiares sunt, distantiam, videre non potui, & si vidissem magnum tamen operæ pretium fore non existimaui, vt isthuc afferrentur, propterea satius habui, ab illis omnibus inuestigandis aut recensendis, temperare.

Hæcenus GABRIEL NAVDÆVS.



TESTIMO





# TESTIMONIA

## PRÆCIPUA

### DE CARDANO,

A GABRIELE NAVDÆO COLLECTA.



ON potuit Cardanus diem sibi extremum in commentarios illos referre, quos de vita sua, ad iv. vsque Kalend. Maias, anni M.D. LXXVI. satis accuratè perduxerat: Quamobrem exhibemus illum ex inlustris viri Iacob. Aug. Thuani nunquam satis laudata historia: simulque eius & summatum aliquot aliorum de tanto viro iudicia, atque testimonia magis exquisita. Nam capite censos qui Cardani laudibus quot-  
diè in calum efferunt, ad hac comitia vocare, non modo putidum & inane foret, sed im-  
mensi quæque laboris negotium, adeò nullus est scriptorum, qui Cardanum non miretur &  
suspicat; nec ars ulla, quam ipse diuini propemodum ingenij sui præstantia, non auctiorem  
& ornatiorem reddideris.

THVANVS

AD ANNVM

M. D. LXXVI.

pag. 136. lib. 62. to. 4.

**R**OMÆ magni nominis siue Mathe-  
maticus, siue Medicus Hierony-  
mus Cardanus Mediol. natus hoc  
anno iudem obiit. Varia eius vita, vt mores;  
pluræque ipse de se inaudita in viro litteras  
professo simplicitate seu libertate scripsit,  
quàm curiosus quisquam à me exigat. Romæ  
eum diuerso ab aliis cultu incedentem paucis  
ante obitum annis conspiciat & adlocuti, ac  
sæpius admirati sumus; cùm celeberrimi tot  
scriptis hominis recordatio subiret, neque ta-  
men quidquam in eo, quod tantæ famæ res-  
ponderet, animaduertemus: eoque magis  
Iulij Cæsaris Scaligeri acerrimum iudicium  
suspeximus, qui diuinum ingenium suum in  
opere de subtilitate exagitando præcipuè  
exercuit, inæqualitate illius vbique diligenter  
notata, qui in quibusdam interdum plus ho-  
mine sapere, in pluribus minùs pueris intel-  
ligere videatur. In Arithmetice multa cona-  
tus est, & inuenit: Iudiciariæ, quam vocant,  
fidem apud multos adstruxit dum certiora per  
eam, quam ex arte possint, plerumque pro-  
meret. Verùm extremæ amentia fuit, imò  
impia audacia astrorum commentitiis legi-  
bus verum astrorum dominum velle subiicere.  
Quod ille tamen exaratâ seruatoris nostri ge-  
niture fecit: Tandem cùm tribus diebus minus  
septuagesimum quintum annum impleuisset,

eodem, quo prædixerat, anno & die, videli-  
cet xi. Kalend. viii. ob id, ne falleret, mor-  
tem suam inedia accelerasse creditus. Corpus  
ad D. Andree depositum, deinde Mediolanum  
translatum, & ad D. Marci in maiorum mo-  
numento conditum.

IN PRIMO TOMO

QVÆSTIONVM

MARTINI HENRICI

Artium & Medicinæ Doct. edito

Papiæ in quarto 1567. liber 3.

præfationem habet sequentem.

*Ad Hieronymum Cardanum Theor. Ord.  
in Gymnasio Bononiensi primo loco  
pub. profitentem.*

**C**VM æstimarem permagni mea interesse;  
Cardane literarum decus, si de omni  
mea studiorum ratione, te vnum præ cæte-  
ris maximè certiorem facerem; virum tam  
multarum, & optimarum artium scientiâ,  
quàm eloquentiâ insignem. Operæ pretium  
esse duxi, quæ successiuis horis cùm est otium  
à medendi occupationibus, passim inter le-  
gendum colligo, tibi in omnibus disciplinis  
præstantissimo, visenda tradere. Quod nun-  
quam tibi, aut lucubrationes vllas miserim,  
aut Epistolam saltem scripserim, quò tibi, si  
non ingenium quodcunque, doctrinaque mea,  
certè animus ramen ac voluntas innotescer-  
et: veritus sum hætenus, ne mea eruditio,



# Testimonia

aut vlla omnino virtus eiusmodi esset, vt licitum mihi putarem, scribere ad te virum mea sententia, nostro æuo; omnium literatissimum: cuius fama difusa vbique, tranauit maria, & montes altissimos transcendit. Tanta enim tua iam pridem est claritudo, & æstimatio, vt possis, vel obsoletis nitorem dare, fastidiis gratiam, nouis auctoritatem, & vt semel finiam, hæc apud eruditos tuorum studiorum reuerentia est, hunc tibi honorem deferunt docti omnes, quem Diuus Augustinus scriptoribus Canonicis autumat sese retulisse, vt te nuspiam in scribendo, errori confinem credant. Testes sunt Scholastici sexcenti, vbique locorum tuæ singularis virtutis, & eruditionis clarissimâ voce præcones, & buccinatores. Quid multa, publicè, priuatim, in Gymnasio Ticinensi, Bononiensi, aliisque omnibus vbique gentium, Cardanus ab eruditissimis viris extollitur, celebraturque meritisimo præconio. Est enim tuæ virtutis splendor, in tanta celebritate famæ, inque tam fuso per vniuersum orbem eruditorum hominum sermone, vt ad summam laudem, & honorem, nihil possit accedere. Gratulor tibi, qui tam præclarum ingenium, tamque eminentissimum nactus es, vt inter laudata ingenia, primum locum tibi meritò vindicaueris; cui præter cætera tam exprompta, fidelisque memoria est, vt quæ ex tempore fluunt, quasi viuo, (vt ita dixerim) gurgite; ea vndare videantur; in quo cælestis planè, immortalisque naturæ lumen, ita effulget, vt non modo cum nostri temporis scriptoribus, sed etiam cum veteribus, vel meritò quidem eruditorum penè omnium testimonio, conferendus venias. Quantum enim doctrinâ, & eloquentiâ, inter huius sæculi scriptores valeas, facile iudicant ij, qui tua scripta diligenter, & accuratè legunt; vno ore planè omnes fatentur; virtutum omnium exempla omnium semina disciplinarum, omnium rerum simulachra, & effigies, in tuis libris intueri, tantamque in tuis voluminibus vtilitatem existere, quanta vix fortasse in omni Græcorum, Latinorumque copia inueniatur. Itaque vel granditate heroica, vel argumentorum varietate, ac multiplicitate, vel dicendi vano artificio, vel doctrinâ ad eò quadam remotâ, sententiis abstrusioribus pollent, vt quicquid laudis, & dignitatis antiquis scriptoribus hætenus tributum sit, id totum tibi (absit verbi inuidia) iure tribui possit, viro meâ quidem sententiâ, cum ingenij natura præstanti, tum verò tot pulcherrimas arces penitus mente complexo. Nam si medicè scribis, admirandum Hippocratem, diuinâ quadam sapientiâ, & probitate mirabilem, Galenum grauissimum Medicinæ Autorem, & mirum apprimè medendi artificem, probatissimum Auicennam, experientissimum Auentorem, ornatissimum Celsum, vtilissimum Mesuem, subtilissimum Auerroem, & alios penè infinitos, citra tædium nominandos, effingis: si Philosophicè diuinum Platonem dono quodam prouidentia genitum; Aristotelem summo ingenio, doctrinâ, eloquentiâ, rerum peritiâ, prudentiâque insignem Philosophum, & quem iure omnis miratur posteritas: lucidissimum Themistium, acerrimum, atque acutissimum

Auerroem, refers, atque alios quotquot in Philosophia præclarissimi atque eminentissimi fuere. In historia cognitione præcellis: calles Theologiam, Mathematices peritases, & ita meâ sententiâ, vt nullum aliûm vquam habeat hæc ætas, qui tecum conferri possit. Quod si meum iudicium in hac re, non satis habebit apud te ponderis, idem testantur vno ore omnes, quotquot apud Italos cognoui huius artis peritos. Neque solum ad plenum calles has omnes altes, verum etiam in ipsis authorum adytis, es diligentissimè versatus, ac libros omnes habes in promptu, at digitos vnguesque tuos. Habemus enim, obseruandissime præceptor, huius rei veracissimos testes, quos quidem in præsentia recensere superuacaneum est. Equidem vt demum finiam, vbi vbi dego; quoquò proficiscor, clarissimâ vnâ omnium voce, Cardanum celebrari audio, virtutis excellentiam circumferri, venerandam, & omni ætate admirabilem doctrinam extolli, & pro numine adorari, & ad cælum vsque laudibus euehi. Itaque ætatem quam ago, vitam, quam spirò, lucri fecisse mihi videor, qui hoc hoc numen vidi, hunc hunc Cardanum Præceptorem habui, quo post Hippocratem, Galenum, Platonem, Aristotelem, Cicerones, & Fabios, doctiorem nulla ætas habuit: qui diuinis, humanisque doctrinis, & admirabili eloquentia cum præiret. Quo circa cum vbique gentium notissimus sis, & dignus qui vniuerso innotescas orbi, posteritati quoque celebris, plausibilisque futurus; harum nostrarum lucubrationum partem tibi dicatam, manu mea inconsideratè satis effusam, rudem & impolitam adhuc, mandamus, vt pro tuo arbitratu, eas vel emittas, vel supprimas: quod si benè cesserit, nec laudem putabo meam, nec dedecus, sin secus, tuum in vtranque partem æstimabitur consilium. Nam te critico, facile scio, blateratorum aculeos optimè deuicabunt, & sub tuo præconio, quasi clypeo Palladis, iam se ostentabunt æmulis inuulnerabiles. Adeoque, tuo iudicio, mihi confido, vt modo plenâ, quod aiunt, cerâ subscribas, igniculos bonæ immittens spei, me ad scribendum, quàm fuerim antea, longè facias alacriorem. Vale ornamentum orbis, huius sæculi decus, & discipulum tuum ex animo dilige. Corti solonæ Idibus Ianuarij.

**PRÆFATIO IVL. CÆSARIS**  
*Scaligeri in libros xvi. exotericarum exercitationum, quos non semel inuit scriptos à se fuisse aduersus Hier. Cardanum præclarum opus de varietate. Edita verò sunt simul cum aliis eiusdem Scaligeri literis & orationibus Tolosæ 1621. ex M.S. clarissimi Maulsaci.*

**P**osteaquam mei fati fauitia, tam miserè mihi fauit, vt cum mea vnius gloria, publici luctus conuinxerit acerbiter, atque tam egregios meos, & officiosos conatus, tam dira calamitas sit consecuta: Non putavi committen



## de Cardano.

committendum mihi, quin quanta est ob leuissimas castigationes meas affectus molestia Hieronymus Cardanus, tantum me ex eius interitu cepisse mœroris, testatum relinquerem posteritati. Non tamen eius vita mihi terrori esse posse videbatur: tanta tamen in omni genere literarum exstabant eius merita, ut ego quoque, qui me vnum ex hisce ciuibz profiteor, communem omnium vtilitatem, meis commodis debuerim anteferre. Orbata est enim Reip. literaria viro maximo atque incomparabili: eamque iacturam fecit, quam fortasse nullis posthac sæculis reparare possit. Ego etsi priuatus sum & teste, & iudice, atque etiam (pro Dijs immortales) laudatore lucubrationum mearum: eas enim ita approbavit, ut spem omnem defensionis suæ, in declinatione sola potuerit, in desperatione potentiæ suæ; in suarum virium ignorance: quibus ille tam pollebat, ut eum nullus modus, nulla ratio latere potuerit, qua meas quoque castigationes posset ad celebritatem nominis sui comparare. Atque ille quidem talis tantusque fuit, ut ostendere potuerit studiosis se eadem sensisse, quæ ego tanquam contraria scripserim, si bona iudicaret: sin aliter sentiret, eadem animi præsentia corroborare aliquando, quæ semel statuisset, qua statuerat ea, quæ corroborari posse iudicasset. Ego vero, quæ eo animo, ac spe ad eum virum scripsissem, quem equidem omnium mortalium ingenuissimum atque eruditissimum vulgò prædicarem, ut me inuictum illi fore considerem: ex eius vita operosam laudem propter assensiones, *non ex interitu, ignauam* quierem, ex hac quasi causæ desertione mihi expectasse, quis non videt? Profectò viri illustissimi, & quem ego acerrimum, atque suæ fidentem magnitudini cognouissem, benignitate, atque beneficio frui licuisset. Facile enim, ut erat omnium humanissimus, ad amicitia iura communia, vel simplicissimis literulis euocabatur. Me qui in præliis diu exercitatus ad pericula omnia audaciam meam abiecissem: qui in assiduis disputationibus penè attritus, in diuturnis scribendis ærumnis penè consumptus essem, disputare tam supinè de tanto heroè, in tanto conflictu, tanto puluere, somnolentum, victoriam concupisse haud sanè verisimile est. Neque solum abest à ratione rerum, & ab opinione hominum iudiciorum abesse debet, verum etiam abest ab omni vtilitate nominis mei. In eo enim semper adhærescere voluit animus meus, ut putaret omnem hominem (ut sanè omnes nihil aliud, quàm penè nihil sumus) adeò errare posse, ut sibi etiam licere posse contendat. Quod si consummatissimo viro contrigit aliquando: quod si sæpe mihi, & nonnunquam alijs vsu venit, prolapsiones illas non esse errorum centibus adscribendas, nisi quis postea porro eas tueri velit. Pro constantia enim pertinaciam, pro humanitate feritatem profiteri necesse est. Neque enim errat is, cui aliquid excidit paulo importunius, sed si quando suam culpam propriam facit ex infami defensione. Igitur illo viuente, si ex conscientia rerum, meos conatus silentium esset consecutum, quid mihi

potuit honorificentius euenire? Nempe tanquam præceptorem, aut patrem modestissimis assensionibus excepisset. Quod si ad pertinaciorem disputationem rem reuocasset, quotus quisque nunc iam non intelligit, ex priore mentis agitatione futurum, ut ad insaniam propius accederet? Id quod diuinus ille vir cum acutissimè perpendisset, quod non potuit ferre, tulit. Id enim animi constantiam ad viuendum asferre non potuit, ad moriendum potuit: quod potuit ferre, non tulit, hoc est communionem animorum nostrorum, atque iudiciorum ad publicam studiorum vii itatem. Quamobrem doleo vicem meam, qui ad prælium hoc luculentissimas susceperim rationes, ad confictum habuerim explicatissimas, ad victoriam quam speraui, eas, quas neque sperare licuit constanti viro, (quis enim talem euentum rei expectasset?) neque concupiscere viro forti. Huius laus in hostium laude penitus posita est. Doleo verò vicem totius reipublicæ, cuius doloris causas vulgus quidem literatorum pro suo capiti capere potest, pro meritis illius diuinitatis nullo modo potest. Cum enim in homine docto tres partes omnino excellere debeant, morum integritas, atque ciuilitas, eruditio varia & multa; ingenium summum cum acerrimo iudicio coniunctum, tria hæc ille puncta adeo plenè tulerat, ut ad vnum modò totus pro se, solus pro omnibus factus à natura esse videretur. Nemo enim humanior cum minimo quoque, nemo apparatus ad omnia cum maximis quibusque viris inuentus est. Lenitas regia, celsitudo animi popularis, non solum omnium horarum, sed etiam omnium locorum, omnium hominum, omnium fortunarum homo. Quod verò attinet ad eruditionem, circumspectamus quælo totum hunc huiusce sæculi felicissimi consummatissimum orbem literatorum: multosque magnosque viros efferent merita cuiusque sua, ceterum hos vna tantum, aut altera in parte Philosophiæ occupatos. Ille verò cum profundissimis naturæ, Deique arcanis humaniores literas ita coniunxerat, easque tam eloquenter explicarat, ut nihil aliud toto ætatis tractu professus fuisse videretur. Magnus vir sanè, magnus etiam si hoc solum præstiterit. Cæterum si ingenij expromptam celeritatem, igneam ad omnia vim, æqualem ad minima, & maxima quæque, vel laboriosam diligentiam, vel inuictam constantiam consideremus, proprior impudenti fuerit is qui se illi comparare ausus fuerit. Non igitur vel infensus animus, cuius ego vestigia ne noui quidem, neque liuor, cuius ne umbra quidem attingit vquam umbram meam, sed tot tantæque illius monumentorum illustres rationes ad hoc me impulerunt, ut de illis aliquid sentirem, & absolutis de subtilitate Commentariis, exisset, priorum appendia quasi quædam, eruditissimus liber de Varietate rerum. Atque ego illicò antequam de eius morte quidquam allatum esset, exemplo sane meo me ipsum imitatus, triduo ea cursum inbreuissima capita congestissem. Postquam de eius interitu rescui, in vnum congesti libellum, ut eius sanè adiuuarem labores: sed ita, quemadmo-



# Testimonia

quemadmodum se ille voluisset, si quando mecum, aut aliquo doctore viro, de rebus suis conferre debuisset.

*EIVSDEM SCALIGERI  
in librum de Subtilitate, ad Hieronymum Cardanum.*

## P R Æ F A T I O.

**N**Ominis tui splendor, atque magnitudo, Hieronyme Cardane, vel ignauissimum quemque poterat accendere ad obrectationem: nisi nobis omnibus compertum esset: te tuam gloriam non cum publica utilitate solum, sed cum singulorum quoque laude coniunctam esse voluisse. Quocirca licuit nobis procul ab omni studio contentionis otio frui, atque tranquillitate literaria: nostrosque animos tanquam in arce quadam veritatis collocatos continere, quam tu posteritati magnis operibus exædificasses. Neque enim lectissimæ deerant observationes infinitæ penè lectionis: & aderat ingenij vigor insignis ad omnium scientiarum minutissima quæque momenta consequenda. Acerimum verò iudicium, quod ego animam sapientiæ vocare consuevi, etiam supererat. Diligenter ego legenti mihi disceptationes tuas, in quibus de medicorum controuersis cognoscebas, veniebat in mentem, non solum debere nos hæc tibi, quæ apud veteres Autores desiderarentur: verum etiam exoptandum porro nobis esse, tum vt multò plura scriberes, tum vt quæ scripsisses, in manus nostras peruenirent. Qua in re, quanta animi nostri cupiditate fuerant inflammati, tanta nos benignitate prosequuta fortuna fuit. Ea namque de subtilitate subtilissimis vel inuētis vel iudiciis disputasti: vt nihil in vniuersa natura præterea requiri posse videatur. Nam qui liber de Mundo Philonis circumfertur, patriis hæret narrationibus, parum admodum versatur in nostrati Philosophia. M. T. Commentarius de vniuersitate mutilius est iniuria temporum. Apuleij similis conatus Autoris inciticia, aut incuria deprauatus fuit. Solus ille labor, qui Arist. nomini attribuitur eiusmodi compendij inscriptione, sustinebat vniuersæ naturæ dignitatem quæ humana poterat intellectione capi. Atenim vero cum Philosophus ille summa fastigia delibasset: Eius exemplo tu non tam imitationem instituisse, quam perinde atque propositis gloriæ premiis, cum ipsius diligentia ac magnitudine certare visus es. Hos equidem libros ingentis laboris, variæ doctrinæ, summi ingenij plenissimos cum animaduertissem, in eam adductus sum opinionem: vt mihi iam paucissimarum rerum cognitionem superesse sperarem. Tandem verò cum nactus locum, vbi dicis: aliquem aliquando exorturum, qui materiam ipsam hanc fusius tractet, tibi que fore gratissimum, id si vllò vnquam tempore contigisset: sanè verò qui antea tot scientiarum cumulum, quo ceteros mortales anteis, in te admirarer: hanc tuam æquanimitatem, qua te ipsum superabas, ad affectum quempiam diuinum referebam. Felicissimi fuerat hominis, attigisse metam vltimam iudicio-

rum nostrorum: at tibi ipsi tanto Philosopho, vel solos anteponeere conatus aliorum, nonnisi certæ fuit diuinitatis. Hunc ego arbitror esse habitum illum, quem sapientiæ nostræ Dux Aristoteles extra, supraque omnium habitum virtutum in heroicis animi statuebat. Quare dum hæc stupidus, atque alia tua circumspectio: ducedine quadam, nescio an deceptus, certè captus sum imitandi tui: quem ad eiusmodi fastigium, nonnisi multarum artium, ac maximarum virtutum antegressione euectum esse iudicabam. Igitur auidius horum librorum lectione repetita, nihil in rebus mancum, nihil in oratione superfluum occurrebat: arbitrabar tamen breuitatem illam, qua in vtroque Aristotelem repræsentat, non tam egere præsidio propter se, quam parere cupiditatem aliis auxiliij petendi ad intellectionem. Mihi verò præter ceteros, qui antehac meliorem ætatem inter arma & temerè, & frustra, & miserè prodegissem: nunc seræ eruditionis rudimentam nouitatem meam trepidatione quadam minus liberali, sed non impudenti, & sui conscia profiterer, ita diligentissima agere disquisitione visa sunt. Paulatim ergo cum me ipsum multis locorum difficultatibus obtulissem: (arridebat enim aditus rerum varietate, qui se facilem dare nobis per initia videbatur) ea me in loca indui, vnde pedem referre non liceret. Creuit ibi tamen simul animus cum periculis: subiitque indefessum opera multa, atque laboriosa. In quam minus tempestiua imprudentia impulsus sæpe sui conscia imbecillitas reuocauit: sapientiæ studium perpulit, vt ad calcem vsque deducere obstinaret. Quod studium in partes quidem varias sæpenumero scindebatur aded, vt iam & puderet audaciæ, & tæderet laborum, & peniteret progressionis. Quoad me confirmauit humanitatis tuæ recordatio: vnde meipsum adigerem ad hoc genus exercitationum, in quo circa res alias & plurimas, & maximas, diu multumque versatus eram. Vt quæ ad acuendos animos nostros vel vltro omiseras, vel consultò innotueras, vicissim tibi proponeremus, vel tanquam supplementa recensenda, vel quasi publico in certamine perpendenda. Non enim contradicendi, aut contendendi ambitione motus, sed communi omnibus studiosis iure excitatus, ea protuli coram te maximo omnium consensu literarum dictatore iudicanda: quæ non nisi tua operanobis esse plana possent. Quamobrem qui videas hæc, quasi sese dedere in clientelam tuam: spero haud committes, vt vel animi nostri candorem negligas, vel contempnas nouitatem: sed iam nos exercere incipiamus.

**EX IOAN. BAPT. SILVATICI**  
libro de Collegij Mediolanensium  
Medicorum origine, antiquitate,  
necessitate, dignitate, &c. Mediolani 1607.

*Hieronymus Cardanus cap. xx.*

**S**ed nemo profitentium Medicorum Hieronymo Cardano, omnium ferè scientiarum



# D<sup>r</sup> Cardano.

rum dogmata, plenius, purius, acque niti-  
dius in Scholis publicis explicauit: tanquam  
ad omne scientiarum genus esset natus, inter  
omnes sui, & antiqui temporis profitentes  
Medicoseminentiſſimus, verum Medicinæ lum-  
men: In omnibus propemodum Italiae Gym-  
nasiis publicè docuit, & in celebrioribus vrbi-  
bus summa cum sui nominis gloria, & autho-  
ritate, artem medicam exercuit, ex purissimis  
Græcorum fontibus, haustis præceptis. Erat  
non insignis modò Medicus, sed & summus  
Philosophus, & in omni Philosophiæ parte  
maximè excellens: Astrologus maximus: item  
& veteris Magiæ peritissimus: ita vt de euentu  
rerum, mira quadà prædictione vteretur. Pa-  
tre natus est iure consulto collegiato, & Ma-  
thematico optimo. Scripsit libros quatuor de  
Fato: nouæ Geometriæ vnum, de Arithmetica  
alterum, & de Astrorum iudiciis vnum: de  
rerum subtilitate, earumdemque varietate  
duos: contradictionum medicarum volumen  
magnum: de malo medendi vsu: de venenis:  
de causis, & signis morborum: de sanitate  
tuenda: de arcanis æternitatis: de animi im-  
mortalitate, & de secretis. Commentaria item  
in lib. de Aëre, locis, & aquis Hippocratis: in  
eiusdem Prognostica: in librum de Alimen-  
to: in libros Epidemiarum: in Aphorismos,  
& librum de Prouidentia ex anni constitutio-  
ne: libros ad hæc de somniis quatuor, & opu-  
scula, quibus continentur liber de libris pro-  
priis, de curationibus admirandis, de Prædi-  
ctionibus, Neronis encomium, & Geometriæ  
encomium, de vno, Actio in Thessalicum Me-  
dicum, de Secretis, de Gemmis, de Coloribus,  
Dialogus de Morte, Dialogus Tetim, siue de  
humanis consiliis, de minimis & propinquis,  
de summo bono. Quis quæſo Medicus Hip-  
pocrate, & Galeno exceptis, plura, & tam  
varia scripsit? Eius sunt conditionis hi libri  
gratique, aded accepti, atque viles omnibus  
gentibus fuere, vt vbique locorum, & in om-  
ni Europæ regione, summa diligentia fuerint  
illi sæpe etiam excusi, de certantibus inter se  
Typographis, de eorum politiore, & emen-  
datiore editione, nunquam propterea peri-  
turi. Verè itaque aliquando de se ipso dicere  
ille potuit, plura scripsi quàm legi, plura do-  
cui quàm didici: Princeps nullus Italicus,  
dum is viueret, eius in medicina opem, vel  
consilium prætermisit. Fama verò eius, etiam  
apud maximè longinquos diuagata insigni,  
tum Iohannes Amulthon è regia Icotorum  
stirpe, atque apud illos Pontifex primarius,  
ad se vocauit, multis maximisque, ob resti-  
tutam ei salutem, illum donauit præmiis.  
Quòd si omnia quæ de maximo hoc viro di-  
ci possunt admiranda, persequi voluerimus  
singula, & in dicendo decet proculdubio  
oratio, & in scribendo manus defleatetur.  
Vnum hoc loco illi à Poëta illustri decanta-  
tum elogium, commentorare sufficiat.

*Æmulo Epidamij inter omnes,  
Sui Cardane caput, &c.*

Mortuus est Romæ, anno salutis humanæ  
1576. vixit annos sex & septuaginta, sibi diu,  
aliis nunquam satis.

Tom. I.

EX CELEBERRIMI DOCTIS-  
simique viri Iacobi Philippi Thomasini  
Nobil. Patauini, & Ciuitatis nouæ Anti-  
stitis meritissimi Elogiorum parte prima  
edita Patauij 1630.

*Hieronymus Cardanus.*

**P**atritius Mediolanensis, qui in Academia  
Patauina prima virtutis suæ rudimenta  
hausit, mathematicum insignis cultor, & ex-  
plicator, suprà cæteros, propter edita inge-  
nij monumenta innumera, toti terrarum or-  
bi probata, præconiis efferendus. Natus est  
anno dno. m. ix. Kal. Septembris, hora sexta,  
m. 40. à Meridie, ex Matre Clara Micheria,  
& Patre sene Facio Cardano illustri Iurif-  
consulto; per vim ex vtero extractus ( vt  
ipsemet testatum reliquit ) reuixit lauacro  
vini, capillatus antequam natus, ater enim  
capillus, prælongus, & crassior ei nascenti  
fuit. Infans frigidis humoribus obnoxius, pro-  
cedere ætate, totoque reliquæ vitæ cursu, tum  
aduersa, tum secunda, insperato, supra mortaliū  
omniū cogitationes euentu, passus, vtramque  
fortunæ aleam lussit: Modo enim calamitati-  
bus vexato, bonorum Ilias occurrebat: mo-  
dò bonis ingentib. affluente, calamitatum  
Miriades adoriebantur. Principibus cogni-  
tus, & Regibus, Ecclesiasticis quoque pro-  
cerib. gratissimus extitit. Sæpè per somnium  
admonitus, non leuia pericula euasit, &  
quod adiutus à Numine non obscure, multa  
conscripterit, persuadere posteris conatus est.  
Vir ætatis mediæ, vxorem duxit perspicacem,  
quæ tres masculos abortiuit, duos edidit, &  
puellam vnā; obiitque postquam secum  
vixisset annis xv. agente tum Cardano annum  
xli. Filiorum educationi comprimis studuit:  
deinde scriptioni deditus, multa publicis ta-  
bulis consignanda mandauit. Nouarum re-  
rum inuentione felicissimus; plura scripsit,  
quàm legerit; plura docuit, quàm didicerit,  
laudis enim, ac gloriæ maximè appetens,  
immodicā sciendi cupiditate flagrabat, & vt  
ad immortalitatis apicem perueniret, studio-  
rum labores omnes, & molestias alacer exant-  
labat. Quisquis es, qui nosse id exactius cu-  
pis, librum de libris propriis, vel librum  
xii. Geniturarum adi, quarum octaua est Hie-  
ronymi Cordani, moresque eius, ingenium,  
fortunas, opes, & euentus omnes, mirā elo-  
quentia sperandos exhibet, ferè verax. Se-  
nex naturæ legibus satisfecit, eo fermè an-  
no, quo se prædixerat moriturum. Sepultus  
est Mediolani in ecclesia Diui Marci, eo in-  
tumulo; quem Facio Cardano Patri, ipse po-  
suerat hisce verbis.

FACIO CARDANO

I C.

*Mors fuit id, quod vixi vitam morte  
dedit ipsa,*

*Mens aeterna manet, gloria tua quies.*

Obiit



# Testimonia

Obiit anno M. D. XXIV. iv. Kalend. Sept.  
anno Aetatis lxxx.

Hieronymus Cardanus Medicus Parenti  
posterisque V. P.

Caterum tanti viri effigiem, & numisma, debemus excellentissimo, & omnibus virtutibus ornatissimo Felici Ossio, Sexennio iam in Patavini Gymnasij luce, primariam eloquentiae Graecae & Latinae cathedram, summam cum laude obtinenti. Ab eo scilicet nobis utrumque curatum est, operam humanissimam, & eruditissimam viro Io. Antonij Castellionai, iuris utriusque, & sacrae Theologiae Doctoris, Vicariique perpetui Abbatiae S. Vincentij in Prato apud Mediolanenses. Nun illi meminit etiam Cardanus ipse in libro de libris, propriis hisce verbis, *Somnium hoc veluti initium gloriae nostrae, si qua omnino est, erit in aethyris ex aduerso imaginis meae depinxi.* Adeat librum ipsum, qui somnium, & interpretationem eius nosse penitus cupit.

## IVL. CAPACIVS IN Elogiis virorum literis Illustrium.

*Hieronymus Cardanus.*

EX sordido statu priusquam nasceretur, exilium expertus (abortiuum enim medicamentum alieno mandato mater bibit, ut de se ipso in Opusculo de paupertate testatur) omnium Doctrinarum apicem conscendisse Hieronymum Cardanum dixerim; quibus non tantum Mediolano in qua urbe ortus est, & Bononiae, cuius Academiam illustravit, sed omni fere Italiae, in qua provincia claruit, attulit honores. Doctiorem fortasse eius non nouit aetas, sed varium, sed curiosum, sed Naturae arcanis perditè delectatum, ut superstitionibus se emanciparit. An dicere in scribendo non fuisse cultum, cum quicquid in buccam venerat, scripsisse visus fuerit? In re medica multus fuit, sed quem persape aliorum opinionibus aduersari huiusmodi animaduertes, ut illud sibi ambitiosius poposcisse credas, ut appeteret laudem.

*Equus ipse melior Bellorophonte,  
Neque pugno, neque segni pede victus.*

Nec tædedit in subtili rerum varietate enarrasse (num puerilia?) quibus ingenij acumen exerceret Scaliger. Accusas in eodem, genituras? merito. Mathesim ad naturae auctorem transferre, quam vanum? Hem, tam inani labore de Christo nascente loqui? Quam latè hominum prorupit audacia. Hoc verò illepidum concitare eum iudicavi, cum in Raimundum Lullium animaduertit. Quid facere potuisset praetorius, quam nebulonem illum, literarumque parasitum ex Doctorum coetu explodere? Quid eo stolidius, aut spurcius? Quid Lullianorum asseclarum amenius? An & amentem Cardanum appellaueris in arte magna, quas algebraicas regulas dixit, & amentiore in iudiciis geniturarum? Sanioris hoc ingenij iudicium esto, scripsit

praeterea de immortalitate animae; Contradictiones Medicorum, de sanitate tenenda, de simplicium medicamentorum noxa, Commentaria in Ptolomeum, Arithmetica, Arithmetica practica; de utilitate capienda ex aduersis libros quatuor, quibus ut in omnibus excelleret, in Ethica praxi se versatum praebet, ut Mathematicus, Medicus, Orator eximius, Philosophiam quoque ex omni parte calluisse patefaceret.

EX PROMPTUARIO  
*Iconum Gulielmi Rouilly pag. 268.*

Hieronymus Cardanus, Medicus Mediolanensis subtilissimus, multa scripsit tam acutè & diligenter, ut merito ab omnibus literatis, ob eius summum ingenium, exactamque plurimarum rerum cognitionem, passim existimetur. Scripsit Arithmetica absolutissimam, practica Arithmeticae & mensurandi singularem, Artis magnae, siue de regulis algebraicis librum vnum, qui & totius operis de Arithmetica (quod opus perfectum inscripsit) est in ordine decimus, de sapientia libros quinque, de consolatione libros tres ab auctore recognitos, de immortalitate animae librum excusum à Grypho Lugduni anno Domini 1585. contradicentium medicorum librum, continentem contradictiones 1081. de malo recentium Medicorum medendi usu libellum, centum errores illorum continentem, & infinitos alios quos haec pagina non potest capere. Floruit anno salutis 1544.

HENRICVS MONANTHOLIVS  
*in Ludo Iatromathematico pag. 9.*

AT his veteribus contenti, quia recentiorum etiam exempla plurimorum mouent, recentiores etiam aliquot selectos viros proferamus, quibus eandem sententiam mirum in modum placuisse nouimus; inter quos primum pono Hieronymum Cardanum cui hoc elogium merito à Rodolpho Syluestro Bononiensi Medico tributum esse arbitror, quum de eo dixit, illum vnum in omnibus humanis scientiis tantum praestitisse, quantum in eorum singulis, qui praestantes viri excelluerunt. Hic scripsit Arithmetica, decem libros Geometriae, commentarios doctissimos in iv. Libros Claudij Ptolomei de iudiciis, & alios quamplurimos; quorum qui videre volet titulos, legat in libro quem ipsemet edidit de libris propriis. Idem ille passim multis in locis, quam Mathematica sint Medico necessariae nobis expressit, vnum duntaxat locum attingam, &c.

PETRVS RAMVS IN  
*Proaemio Mathematico pag. 470.*

Scripsit Hieronymus Cardanus doctissimè Mathematica plurima, Medicinam tamen proficitur.

*Ibidem*



# de Cardano.

Idem ibidem pag. 480.

**H**inc praesentia ornamenta Bohonienſis  
Academix, Sigonius Orator, Cardanus  
Medicus, Papius Iureconſultorum Craſſius  
Scauolaque.

**F. THOM. CAMPANELLA IN**  
*Syntagma de libris propriis, pag. 87.*

**C**ardanus denique Physiologica, & curioſa  
plura confirmat ex moralibus, medi-  
cina, & omnibus ferè ſcientiis: additque ſu-  
perſuicioſa multa, vt Apulcius; & hoc præſer-  
tim nomine bonus eſt, quia nihil negligit, nihil  
inacti relinquit, vnde homo conſiderationes  
augeat, & ſcientias locupletet.

*Paolo Morizia nell'hiſtoria del' Antichità  
di Milano lib. 1. cap. 59.*

**M**A venendo à tempi più vicini, dico che  
di gran lume ſono ſtati alla noſtra  
Citta, li famoſi, & immortali Andrea Alcia-  
ti, & Girolamo Cardano, il primo dottore  
Leggiſta, & l'altro dottore filoſo, & l'vno &  
l'altro nominatiſſimi non ſolo nella noſtra  
Italia, ma anco per tutta l'Europa; & ambi  
ſono ſtati famoſi lettori de primi ſtudij non  
ſolo d'Italia, ma anco di Francia, contanta  
concorrenza di ſtudenti da tutte le parti  
d'Europa, che pareua, che correſſero all' ora-  
culo d'Apolline. In queſti v'era la nobilita  
della lingua, & l'eccellenza delle altre ſcien-  
ce, come ſi puo vedere dalli gran volumi de  
componi menti Laſciati al mondo, a perpe-  
tua loro immortalità, & gloria della patria.

**Hippocrates Lectori commenta-  
riorum Hieron. Cardani  
in Aphoriſmos.**

**G**raiorum culpa euertus cum ſum ante meo-  
rum.  
*Inſuper ex obitu me mihi reſtituit:  
Quem pro tot meritis, Dy faxint, vt vice  
verſa,  
Alterius gentis reſtituat pietas.*

**Cardanus de ſeipſo ſub initium li-  
bri 1. contradicentium M.**

**C**vm Medici, patria, affines, fortuna, pa-  
rentes,  
*Me inuiſum odiſſent, non potuere tamen  
Extremos inſſu Fati ſuperare labores.  
Sic viuam ſemper, maior & inuidia.*

**Idem ſub Effigie ſua in libris de  
Subtilitate & alibi.**

**N**on me terra teget, celo ſed raptus in alto  
*Illuſtris viuam docta per ora virum:  
Quidquid venturis ſpectabit Phœbus ab annis  
Cardanos noſcet, nomen & vſque meum.*

Tom. I.

**Sub eiufdem effigie in Iconibus Io-  
Sambuci, qui verſus referuntur  
etiam, à Ioan. Cræſelio in  
Elogiis lib. 2.**

**S**piritus hunc proprius verſat, præcordia raris  
Doribus extollit, ſidera clara mouet:  
*Nefcio quid dicam, mirabor, nil later iſtum  
Quam legiſſe putes ſcribere plura ſolet.*

**Marc. Antonius Maioragius ſub  
Cardani Perſona.**

Extat ſub finem lib. 2. contradicentium.

**E**xalta immenſi iam ſunt monumenta laboris,  
*Qua nunquam fulmen, non ſana incendia,  
durum  
Non poterit ferrum, non longum abſumere  
tempus.  
Iam tenebris adoperta caput, qua corpus in  
ipſum  
Tantum bella gerit, veniat mors improba nobis:  
Mens tamen illa mei melior pars aſtra ſubibit:  
Clarius, & noſtrum viuet per ſecula nomen  
Omnia; quaque patet Latia præſtantia lingua,  
Me leget aſſidue doctorum Turba virorum.*

**Marci Ant. Maioragij Rhetoris Hende-  
caſyllabum, ad Hieron. Cardanum  
Med. Mediolanenſem.**

Extat ſub initium lib. 1. contradicentium M.

**C**ardane omnibus è meis amicis  
Doctrina, ingenio, ſagacitate  
Princeps; quem Medice repertor artis  
Humano generi ſauens Apollo,  
Impellit per iter nec uſitatum,  
Iam trita à reliquis via relicta,  
Ægroſque edocet, atque deſtitutos  
Conſeruare homines leui labore.  
Cur illa aurea tam diu premuntur,  
Que ſcripſiſti opera in tuis tabellis?  
Cur non efficis imperitiores,  
Vt tandem ingenio tuo fruantur?  
Cur non cœlius attributa dona  
Vulgas? vt quibus hand data eſt facultas:  
Ægris conſugere ad tuos Penates,  
E ſcriptis habeant tuis ſalutem?  
Nam fama ante fores ſtat, vſque clamans,  
Teſtaturq, Deos ſibi annuentes  
Immortale decus tibi futurum,  
Ægrorum ſi hominum miſertus, edas  
Quam primum monumenta iam peracta.



# Testimonia

N. 24. Sept. A. 1501. O. 21. Sept.  
A. 1576. Æt. 75.

Incerti ad Hieron. Cardanum, re-  
fertur ab eodem Cardano in  
opere de libris propriis, edito  
Basileæ 1562. & à Io. Bapt. Silua-  
tico in Elogio Cardani.

**Æ**Mulos Epidaurij inter omnes,  
Sat Cardane caput, sat extulisti:  
Europa Populi satis fatentur,  
Cunctos fastigio tuo relictos:  
Artis diuitias thoris ab altis  
Pendentem obstupuit corona quondam,  
Magnos ingenij studiiq; fructus  
Pagina variæ ferunt per orbem:  
Quas docti manibus fouent ubique  
Delectant, sapiunt, tenent, aluntque,  
Doctrina procul abdita legentes.  
Te reges Aquilonij vocarunt,  
Vt mortem fugerent sibi propinquam:  
Qui per te reduces, Charonta fallunt,  
Expectat stygiis dum eos Arenis.  
Quot ciues patria tuis medelis,  
Quos flebat mulier, tamen reducti?  
Hæc Cardane satis superque monstrant,  
Æstra te digito ferire solum,  
Despectantem alios humi relictos.  
Nunc tantis preme copiis habenas,  
Ora contrahe fontium tuorum,  
Quo riuus tenues fluant in orbem,  
Fundis dum proprias opes abunde:  
Palam apparuit esse ser pusillas  
Doctrinas hominum, medendi in arte,  
Complexu & vario scientiarum,  
Qui palmas hodie putant mereri:  
Illi non sine sentiunt dolore  
Graui, non nisi parua se tenere,  
Toto nec secus orbe indicari.

Io. Matthæus Toscanus, in Peplio  
Italiae lib. 4.

**C**ardanine manus plures curauerit agros.  
Est dubium, an plures scripserit vna libror.  
Quisquis enim voluit tot scripta volumina,  
dextra.  
Hunc calamum numquam deposuisse putat.  
Hunc qui pallenti reduces tot nouit ab orco  
Incubuisse agris, nocte, dieque putat.  
Felix qui semper venturo profuit auro,  
Ætati at nunquam defuit ipse sua,

Hieronymus Cardanus Mediolanensis Me-  
dicus, Philosophus & Mathematicus æquè  
illustris, publicè medicinam Papiæ, ac Bono-  
niæ summa cum dignitate professus est. Ad  
quem ex longinquis regionibus delatos des-  
perata valetudinis, non paucos vtriusque se-  
xus brèni conualescentes in patriam rediisse  
ipsi vidimus. Libros tot edidit vt ipsemet eo-  
rum indicem in lucem emittere sit coactus.

Gaspar Cunradus in Prosographiæ  
melicæ millenario primo.

**M**E varij rerum doctore leguntur agones:  
Natura hinc dici Dadalus an mereor?

Carmen Thomæ Venatorij in lau-  
dem Cardani. Extat in libris de  
Subtilitate, editis Lugduni 1550.  
apud Rouillium 8.

**E**Bibit hic sophia fontes, & flumina Musis.  
Et Phæbo, & doctis non inamœna viris.  
Hinc Medicos miscet succos, & corpora Regum  
Illi creduntur summaque cura, fides.  
Deinde Syracusij sunt nota Mathemata ciuis,  
Cætera sunt terris cognita, & aucta polis.

Carmen Laur. Durnhoferi in lau-  
dem eiusdem. Ibidem.

**N**on Cardane tuam poterunt extinguere  
laudem  
Ignes flammiferi, fluctisq; nec aqua,  
Ingens atque potens in toto personat orbe,  
Imo quæ celsum venit ad vsque Polum.  
Dum res occultas, quadam caligine rectas,  
Et varias, aperis, difficilesque doces.  
Dumque tua humanos sanat Medicina dolores,  
Tuque Dei curas vulnera cordis ope.  
Dum stellæ monstras, & pectus sidera Celi,  
Atque artes, Orbis quas speciosus habet.  
Dumque omnes disciplinas producis in vsum,  
Qui facit egegijs artificesque bonos.

Annibalis Crucei ad lectorem  
Arithmeticæ Cardani:

**M**ultiplices numerorum vsus, discrimina  
partes,  
Quæque voluminibus mille legenda tenes.  
Exiguo, facili, docto, digesta libello,  
Hic tibi Cardani sedula cura dabit.  
Perlege mox, isti tantum debere libello,  
Te dices, quantum mille voluminibus.

In Astronomicum opus Hieron. Cardani de  
supplemento Almanach, carmen Ioa-  
chimi Hetteri Leuco-Petræi.

Extat in vltima editione anni 1547:

**D**icitur in tenui finxisse volantia vitro  
Æstra Syracusij machina docta senis.  
Fertur & errantis radiantia cornua Lunæ,  
Deduxisse suis sedibus Endymion.  
Ingenio sic magnus Atlas, & fortis Orion  
Nomina iam Fama non morientis habent.  
Te quoque sera manet venturi gloria sectæ.  
Cardane, ingenio nobilis; arte potens.  
Qui tanquam Astrifero superum sis lapsus  
Olympo,  
Tempora, signa, orbis, sidera, fata doces.  
Et rerum varias ostendis in Æthere causas,  
Multaque præterea, quæ latere prius.  
Hæc vere est animis moderatis digna voluptas,  
Inclita cognati quarere intra poli.

ELEN



# ELENCHVS GENERALIS,


*Sive Oeconomia omnium Operum Hieronymi Cardani,  
in decem Tomos diuisorum.*

Signum † præfixum, ea denotat, quæ modò in lucem prodeunt.

## TOMVS PRIMVS.

Quo continentur


*Philologica, Logica, Moralia.*

- I.  E Vita propria, Liber.
- II. Ephemerus, de Libris propriis.
- III. De Libris propriis, eorúmque vsu, ex edit. Rovillij.
- IV. De Libris propriis & eorum vsu, ex edit. Henricpetr.
- V. De Socratis studio.
- VI. Oratio ad Cardinalem Alciatum, sive Tricipitis Geryonis, aut  
Canis Cerberi.
- VII. In Thessalum Medicum, Actio secunda.
- VIII. Encomium Neronis.
- IX. Encomium Podagræ.
- X. † Mnemosynon. M.S.
- XI. † De Orthographia, liber. M. S.
- XII. † De Ludo alex. M.S.
- XV. Dialectica.
- XVI. † Contradictiones logica. M.S.
- XIII. De Vno.
- XIV. Hyperchen.
- XVII. † Norma vitæ confarcinata, sacra vocata. M.S.
- XVIII. Proxenetæ, seu de Prudentia ciuili.
- XIX. De Præceptis ad filios.
- XX. † De Optimo vitæ genere, M.S.
- XXI. De Sapientia.
- XXII. De Summo bono.
- XXIII. De Consolatione.
- XXIV. † Dialogus Hieron. Cardani, & Facij Cardani patris. M.S.
- XXV. Dialogus Antigorgias, seu De recta vivendi ratione.
- XXVI. Dialogus Tetim, seu De humanis consiliis.
- XXVII. Dialogus De mortē, seu Guglielmus.
- XXVIII. De Minimis & propinquis.
- XXIX. † Hymnus, seu Canticum ad Deum, M.S.

## TOMVS SECVNDVS.

Quo continentur

*Moralia quædam, & Physica.*

- I.  E Vtilitate ex aduersis capienda.
- II. † De Natura, Liber. M. S.



- III. † Theonoston Liber primus, sive de Tranquillitate. M.S.
- IV. Dialogus de Vita producenda, seu Theonoston Liber secundus.
- V. † Theonoston Liber tertius, seu de Animi immortalitate. M.S.
- VI. † Theonoston Liber quartus, seu de Contemplatione. M.S.
- VII. † Theonoston Liber quintus, seu Hyperboreorum. M.S.
- VIII. De Immortalitate animorum.
- IX. De Secretis, Liber vnicus.
- X. De Gemmis, & coloribus.
- XI. De Aqua.
- XII. De Vitali aqua, seu æthere.
- XIII. † De Aceti natura. M.S.
- XIV. † Problematum sectiones septem. M.S.
- XVI. † Discorso del Vacua. M.S.
- XV. † Se la qualità può trapassare di subbietto in subbietto. M.S.
- XVII. De fulgure.

### TOMVS TERTIVS.

Quo continentur

*Physica.*

- II. **D** Subtilitate.
- III. **D** Actio prima in Calumniatorem librorum de Subtilitate.
- I. De rerum varietate.

### TOMVS QVARTVS.

Quo continentur

*Arithmetica, Geometrica, Musica.*

- I. † **D** ENumerorum proprietatibus, Liber vnicus. M.S.
- II. **D** Practica Arithmetica.
- III. Computus minor.
- IV. Artis magnæ, siue de Regulis Algebraicis.
- V. † Liber Artis magnæ, sive quadraginta capitulorum, & quadraginta quæstionum. M.S.
- VI. De Aliza regula.
- VII. † Sermo de plus & minus. M.S.
- IX. † Exæreton mathematicorum. M.S.
- VIII. Encomium Geometriæ.
- XI. † Operatione della linea M.S.
- X. De Proportionibus numerorum, motuum, ponderum, sonorum.
- XII. † Della natura de' principij, è regolo Musicali. M.S.

### TOMVS QVINTVS.

Quo continentur

*Astronomica, Astrologica, Onirocritica.*

- I. **D** E Restitutione temporum & motuum cœlestium.
- II. **D** De Prouidentia ex anni constitutione.
- III. Aphorismorum Astronomicorum segmenta septem.
- IV. Commentarij in Ptolemæum, de Astrorum judiciis.



- V. De septem Erraticarum stellarum viribus.
- IX. De Interrogationibus, libellus.
- VI. De Iudiciis geniturarum.
- VII. De Exemplis centum geniturarum.
- VIII. Liber duodecim geniturarum.
- X. De Revolutionibus.
- XI. De supplemento Almanach.
- XII. Somniorum Synesiorum libri.

## TOMVS SEXTVS.

*Medicinalium primus.*

- I. **E** Ncomium Medicinæ.
- II. De Sanitate tuenda, Libri quatuor.
- III. Contradicientium Medicorum Libri duo, olim impressi, nunc auctiores.
- IV. † Contradicientium Medicorum Libri octo posteriores, nunc primum in lucem emergentes. M.S.

## TOMVS SEPTIMVS.

*Medicinalium secundus.*

- I. † **D** E Vsu ciborum, Liber. M.S.
- II. De Causis, signis, ac locis morborum.
- III. † De Vrinis, Liber. M.S.
- IV. Ars curandi parva.
- V. De Methodo medendi, sectiones tres priores, demptâ quartâ quæ Consilia quædam continebat, suo loco restituta.
- VI. De Radice Cina.
- VII. De Cyna radice, seu de Decoctis magnis.
- VIII. De Sarza parilia.
- IX. De Oxy-melitis vsu in pleuritide, Epistola.
- X. De Venenis, Libri tres.
- XI. Commentarij in librum Hippocr. de Alimento.

## TOMVS OCTAVVS.

*Medicinalium tertius.*

- I. **C** ommentarij in librum Hippocr. De Aëre, aquis, & locis.
- II. Commentarij in Aphorismos Hippocratis.
- III. Conclusiones de Lapidibus Galeni in explicatione Aphorismorum.
- IV. Apologia ad Andream Camutium.
- V. Commentarij in lib. Prognosticorum Hippocratis.

## TOMVS NONVS.

*Medicinalium quartus & postremus.*

- I. **C** ommentarij in lib. Hippocr. de Septimestri partu.
- II. Examen XXII. ægrorum Hippocr. in Epidem.
- III. Consilia varia partim edita, partim hætenus anecdota.



- IV. Opuscula Medica senilia, seu de dentibus libri quatuor.
- V. † De Dentibus, liber quintus, seu de morbis articularibus. M.S.
- VI. † Floridorum libri, sive Comment. in Principem Hazen. M.S.
- VII. † Vita Ludovici Ferrarij, & Alciati. M.S.

## TOMVS DECIMVS.

Quo continentur

*Miscellanea, ex Fragmentis, & Paralipomenis.*

### I.

#### F R A G M E N T A.

- I. † **D**E Arcanis æternitatis, tractatus. M.S.
- II. † **D**Politica, seu Moraliū, Liber vnus. M.S.
- III. † Elementa linguæ Græcæ. M.S.
- IV. † De Inventionē, tractatus. M.S.
- V. † De Naturalibus viribus, tractatus. M.S.
- VI. † De Musica, Liber. M.S.
- VII. † De Integris, tractatus Arithmeticus. M.S.
- VIII. † Expositio Anatomiae Mundini. M.S.
- IX. † Commentarij in libros Hippocr. de Victu in acutis. M.S.
- X. † Commentarij in duos libros priores Epidem. Hippocr. M.S.
- XI. † De Epilepsia, tractatus. M.S.
- XII. † De Apoplexia. M.S.

### II.

† *P A R A L I P O M E N O N libri octodecim. M.S.*

- I. † **D**E humanis ciuilibus successionibus. M.S.
- II. † **D**E humana perfectione. M.S.
- III. † περὶ θαυμασίων, seu de Admirandis. M.S.
- IV. † De dubiis naturalibus. M.S.
- V. † De rebus factis raris, & artificijs. M.S.
- VI. † De humana compositione naturalium. M.S.
- VII. † De mirabilibus morbis & symptomatibus. M.S.
- VIII. † De astrorum & temporum ratione & diuisionibus. M.S.
- IX. † De mathematicis quæsitis. M.S.
- X. † Historiæ lapidum, metallicorum, & metallorum. M.S.
- XI. † Historiæ animalium. M.S.
- XII. † Historiæ plantarum. M.S.
- XIII. † De anima. M.S.
- XIV. † De dubiis ex historicis. M.S.
- XV. † De clarorum virorum vita & libris. M.S.
- XVI. † De hominum antiquorum illustrium iudicio. M.S.
- XVII. † De vsu hominum, & dignotione eorum, tum cura & errore. M.S.
- XVIII. † De sapiente. M.S.





# INDEX

## Librorum, Tractatum, & Capitulorum Tomi Primi.

\*\*\*\*\*

### I.

#### De propria vita.

CAP. I. **P**ATRIA & Mores.  
fol. I

2. Natiuitas nostra. 2
3. Communia quadam quae parentibus meis  
contigere. ibid.
4. Vita ab initio usque ad praesentem diem  
finem, scilicet Octobris 1575. enarratio  
breuis. 3
5. Statura & forma corporis. 4
6. De Valetudine. 5
7. De Exercitatione. 6
8. Victus ratio. ibid.
9. Cogitatio de nomine perpetuando. 7
10. De vita instituto. 8
11. Prudentia. 9
12. Disceptandi & profitendi studium. ibid.
13. Mores & animi vitia & errores. 10
14. Virtutes & constantia. 11
15. De amicis atque patronis. 12
16. De inimicis & amulis. 13
17. Calumnia, diffamatio, insidia ab accu-  
satoribus. ibid.
18. Delectatio. 14
19. Ludus & alea. ibid.
20. Vestitus. ibid.
21. Incessus & cogitatio. ibid.
22. Religio & pietas. 15
23. Observationes nostra praecipue. ibid.
24. Domus. 16
25. Paupertas & detrimentum in patrimo-  
nio. ibid.
26. Matrimonium & filij. ibid.
27. Filiorum aduersa fortuna. 17
28. Lites iuges. ibid.
29. Peregrinationes. 18
30. Pericula & casus, & de insidiis multi-  
plicibus variis & assiduis. ibid.
31. Felicitas. 22
32. Honores delati. 32
33. Dedecora, quis locus somniis: de hirunde

Tom. I.

in insignibus

24

34. Magistri mei. 26
35. Alumni & discipuli. ibid.
36. De Testamentis. ibid.
37. Proprietates quadam naturales, mirifi-  
ca inter quas somnia. 27
38. Proprietates quinque, quibus adiutus sum.  
30
39. Eruditio vel representatio. 31
40. Felicitas in curando. ibid.
41. Ostenta naturalia visa, rara tamen de  
vita propria & filij ultione. 34
42. Praecognoscendi vis in arte & aliis. 36
43. Res prorsus supra naturam. 37
44. Quae in diuersis disciplinis digna adin-  
ueni. 39
45. Libri à me conscripti, Quo tempore, cur,  
quid acciderit. 40
46. De meipso. 43
47. Spiritus. 44
48. Testimonia Clarorum virorum de me.  
45
49. Sententia de mundi rebus. 47
50. Dicta familiaria quae sunt imposterum  
observationes: excludit opinionem falsam  
Nania. 48
51. In quibus deficere me sentiam. 51
52. Aetatum commutatio. 52
53. Conuersionis qualitas. 53

### II.

De libris propriis cui titulus est  
Ephemerus. à fol. 55. ad fol. 59

### III.

De libris propriis eorumque ordi-  
ne & usu, ac de mirabilibus ope-  
ribus in arte Medica factis. à  
fol. 60. ad fol. 95

### IV.

De libris propriis Liber recogni-  
tus. à fol. 96. ad fol. 150

22

V.



# Index Capitum.

## V.

De Socratis studio. à fol. 151.  
ad fol. 158.

## VI.

Oratio ad Illustrissimum I. Alcia-  
tum Cardinalem, siue Tricipitis  
Geryonis aut Cerberi canis.  
à fol. 159. ad fol. 168

## VII.

In Thessalicum Medicum Actio  
secunda. à fol. 169. ad fol. 178

## VIII.

Encomium Neronis. à fol. 179.  
ad fol. 220

## IX.

Encomium Podagræ. à fol. 221.  
ad fol. 225

## X.

### Mnemosynon.

|         |  |     |
|---------|--|-----|
| CAP. I. | DE ordine.   | 216 |
| 2.      | Principia, Axiomata, Regula<br>generales, supposita. | 231 |
| 3.      | De Propriis.   | 237 |
| 4.      | De suis.   | 243 |

## XI.

### De Orthographia.

|           |   |       |
|-----------|---|-------|
| REGVL. I. | DE numero & forma &<br>magnitudine litera-<br>rum, & propriis ictis.                      | 247   |
| 2.        | De prima & secunda diuisione Ele-<br>mentorum, & Alphabeto Græcorum eiusque<br>diuisione. | 248   |
| 3.        | De diphthongis in utraque lingua, & aspi-<br>ratione in Græcis literis.                   | ibid. |
| 4.        | De L & K, quod non sint literæ, & de<br>transitu literarum à Græca in Latinam<br>linguam. | ibid. |
| 5.        | De tertia & quarta & quinta diuisione<br>literarum consonantium.                          | 249   |
| 6.        | De duabus alis literis, vocalibus conso-<br>nantibus & digammate.                         | ibid. |
| 7.        | De duabus præcipuis causis erroris in<br>scribendo.                                       | ibid. |
| 8.        | De triplici affinitate literarum inter se,  |       |

|     |  |       |
|-----|--|-------|
|     | & de 24. literis.  | 250   |
| 9.  | De literis maioribus in initio ponendis,<br>& de diuisione syllabarum. | ibid. |
| 10. | De duplici difficultate circa vsum.                                    | 251   |
| 11. | De compositione dignoscenda.   | ibid. |
| 12. | De diphthongorum ratione.  | 252   |
| 13. | De ancepitibus literis.  | ibid. |
| 14. | De literis quæ colliguntur.  | 253   |
| 15. | De deruatione.   | ibid. |
| 16. | De literis, quæ nunquam in fine di-<br>stinctionum inueniuntur.        | ibid. |
| 17. | De literis quæ se non consequuntur.                                    | ibid. |
| 18. | De geminatione litterarum.   | 254   |
| 19. | De iudicio adhibendo.  | ibid. |
| 20. | De compositione dignoscenda.   | 255   |
| 21. | De mutationibus vocalium in compo-<br>sitione.                         | ibid. |
| 22. | De consonantium mutatione.   | ibid. |
| 23. | De consonantium ad vocales compara-<br>tione.                          | 256   |
| 24. | Quod modus scribendi variat signifi-<br>catum.                         | ibid. |
| 25. | De his quæ ex conuersione aliarum lin-<br>guarum.                      | ibid. |
| 26. | De multitudine Consonantium.   | 257   |
| 27. | De Pronominum compositione atque va-<br>rietate.                       | ibid. |
| 28. | De Aspiratione   | ibid. |
| 29. | De pugnantibus scribendi causis.                                       | ibid. |
| 30. | De syllabis primis, secundis, tertiis ab<br>usu & auctoritate veterum. | ibid. |
| 31. | De Accentibus ex Aldo.   | 258   |
| 32. | De diuisione Orationis.  | 259   |

## XII.

### De Ludo Alex.

|         |  |       |
|---------|--|-------|
| CAP. I. | DE Ludorum generibus.  | 262   |
| 2.      | De ludorum conditionibus.  | ibid. |
| 3.      | Quibus & quando magis conueniat lu-<br>dere.   | ibid. |
| 4.      | Utilitas ludi & damna.   | 263   |
| 5.      | Cur tractauerim de ludo.   | ibid. |
| 6.      | Principale fundamentum in alea.  | ibid. |
| 7.      | De fritillo pendente & alea adulterina.  | ibid. |
| 8.      | De conditionibus lusoris.  | 264   |
| 9.      | De vnius aleæ iactu.   | ibid. |
| 10.     | Quod alea damnata sit ab Aristotele.   | ibid. |
| 11.     | De duarum alearum iactu.   | ibid. |
| 12.     | De trium alearum iactu.  | 265   |
| 13.     | De numeris compositis tam vsque ad sex<br>quàm ultra, & tam in duabus aleis<br>quàm in tribus. | ibid. |
| 14.     | De punctis geminatis.  | 266   |
| 15.     | De eo, qui contingit circa hoc, errore.  | ibid. |
|         | 16. De   |       |



# Index Capitulorum.

|   |       |
|---|-------|
| 16. De ludo chartarum.                                  | 267   |
| 17. De dolis in huiusmodi ludis.                        | 268   |
| 18. Pacta communia in Primaria.                         | 269   |
| 19. De punctorum seu numerorum diuersitate in Primaria. | ibid. |
| 20. De fortuna in ludo.                                 | 270   |
| 21. De timore in iactu.                                 | 271   |
| 22. De diuisione ludorum gemina.                        | ibid. |
| 23. De ludis chartarum, in quibus industrie locus est.  | ibid. |
| 24. De differentia ludi chartarum à ludo alce.          | 272   |
| 25. De ludis chartarum.                                 | ibid. |
| 26. An iidem doceant & sciant.                          | ibid. |
| 27. An sit aliquid ad artem extra artem.                | 273   |
| 28. De longo consilio & iudicio procedentiâque.         | ibid. |
| 29. De moribus ludantium.                               | 274   |
| 30. De ludo Alce antiquorum.                            | ibid. |
| 31. De ludo Talorum.                                    | 275   |
| 32. Conclusio operis.                                   | 276   |

## XIII.

De Vno à fol. 277. ad fol. 283.

## XIV.

Hyperchen. à fol. 284. ad fol. 290.

## XV.

Dialectica à fol. 291. ad fol. 308.

## XVI.

### Contradictiones Logicæ.

|  |       |
|--|-------|
| CONTRADICTIONES. I. Conclusio potest esse dissimilis præmissis.              | 399   |
| 2. Probanda conclusionis terminum unum necesse est esse totum, alium partem. | ibid. |
| 3. Fapesmo & Frisefomorum communes sunt omnibus figuris.                     | ibid. |
| 4. Demonstratio est in conuertibilibus.                                      | ibid. |
| 5. Ex negatiuis nihil concluditur.   | ibid. |
| 6. Manifestum est per se, quod Mundus non est antiquus.                      | ibid. |
| 7. Frisefom non ponitur communis nisi duabus figuris.                        | 310   |
| 8. Syllogismus in prima non valet, minori existente negatiua.                | ibid. |
| 9. Enthymema est verè syllogismus.   | ibid. |
| 10. Omnes syllogismi possunt in vniuersales prima figura reduci.             | ibid. |
| 11. Nomina transposita idem significant.                                     | ibid. |
| 12. Particularis negatiua de inesse, non conuertitur in terminis.            | ibid. |

Tom. I.

|   |       |
|---|-------|
| 13. Exemplificatio in literis, ne putetur syllogismus valere propter materiam.                | ibid. |
| 14. Exemplificatio in literis est propter facilitatem.  | ibid. |
| 15. Syllogismi ad impossibile reducuntur ad tres figuras.                                     | ibid. |
| 16. Syllogismi tertia figura omnes reducuntur in primam.                                      | 311   |
| 17. Solus quintus tertia figura non reducitur ad primam.                                      | ibid. |
| 18. Intentio Arist. est solum loqui de syllogismis per naturam.                               | ibid. |
| 19. Non esse inuentum, est genus contingentis.  | ibid. |
| 20. Istæ æquivalent: Socrates est non albus, & Socrates non est albus.                        | ibid. |
| 21. Vni contingentia dua contradictoria assignantur.  | ibid. |
| 22. Demonstratio est ex necessariis tantum.   | 312   |
| 23. In definitione syllogismi non ponitur semper.   | ibid. |
| 24. Necessarij & semper sunt conditiones syllogi demonstratiui.                               | ibid. |
| 25. Particularis negatiua de necessario non contingenti in terminis.                          | ibid. |
| 26. Affirmatiua necessaria contradicit negatiua de messe.                                     | ibid. |
| 27. Diuiditur propositio in tres partes demonstratiuas.                                       | ibid. |
| 28. Propositio duplex quoad materiam, necessaria & probabilis.                                | ibid. |
| 29. Propositio est in actu sine verbo.  | ibid. |
| 30. Propositio negatiua est in qua predicatum remouetur à subiecto.                           | 313   |
| 31. Tantum sunt duo modi syllogismi hypothetici coniuncti.                                    | ibid. |
| 32. Exemplificatio in literis est manifestior.  | ibid. |
| 33. In secunda figura non valet syllogismus ex puris affirmatiuis.                            | ibid. |
| 34. Dictum de omni, est quando omne dispositum per subiectum conuertitur sub predicato.       | ibid. |
| 35. Dictum de omni est verum.   | ibid. |
| 36. In conuersione seruatur qualitas.   | ibid. |
| 37. Homo est prior animali sicut præmissa conclusione.  | 314   |
| 38. Circulo non contingit demonstrare.  | ibid. |
| 39. Quædam est in conuersione veritas propositionis.  | ibid. |
| 40. Ex negatiuis sequitur affirmatiua.  | ibid. |
| 41. Particularis affirmatiua particulari negatiua & contraria.                                | ibid. |
| 42. Syllogismi propositionum non conuertibilium non recipiunt ostensionem per viam contrarij. | ibid. |
| 43. Quodcumque per syllogismum rectum demonstratur per syllogismum etiam potest contrarij     | aa 2  |



# Index Capitulorum.

- contrarij demonstrari. *ibid.*
44. Syllogismus contrarij ni plus se habet quam syllogismus conuersionis. 315
45. Omnis syllogismus est per tres terminos. *ibid.*
46. Neque propter quod contingit falsum syllogizare. *ibid.*
47. Sunt modi non concludentis syllogismi. *ibid.*
48. Syllogismus concludens extremum de extremo per medium quod & conclusio non probat. *ibid.*
49. Scire tripliciter dicitur. *ibid.*
50. Possumus scire quod hic trigonus habet tres angulos aequales, ductus rectis, ignorato si est 316
51. Oportet addiscentem praecognoscere quod est *ibid.*
52. Definitio non significat esse vel non esse *ibid.*
53. Propositio significat esse vel non esse & dicitur positio. *ibid.*
54. Inductio non facit scire sed probat. *ibid.*
55. Demonstratio circularis quatuor eget conditionibus. 317
56. Conclusio necessaria ex praemissis tantum sequitur necessariis. *ibid.*
57. A negatiua finita ad affirmatiuam infinitam non valet consequentia. *ibid.*
58. Nullus auctor exposuit ad litteram ante ipsum. *ibid.*
59. In diffinitione non sunt partes ut materia & ut forma. *ibid.*
60. Quando clausura additur praedicationi enuntiatio est falsa vel superflua. *ibid.*
61. Intentio est tractare de materia demonstrationis. *ibid.*
62. Proportio est tanquam finis aliarum partium. 316
63. Propositio significat esse vel non esse & dicitur positio. *ibid.*
64. Traductio non facit scire sed probat. *ibid.*
65. Per se est idem quod primo. *ibid.*
66. Qui scit esse, scit quid nomen significet. *ibid.*
67. Primo uniuersalium commento de diffinitione constat ex genere & defferentia. *ibid.*
68. Vniuersale in predicando est notius apud naturam. *ibid.*
69. A priuatione ad habitum non est regressus. 319
70. Non est necessarium cum unum contrariorum inuenitur in natura inueniri reliquum. *ibid.*
71. Commune est omni substantia non suscipere contrarium neque magis aut minus. *ibid.*
72. Aliquod genus relationis non suscipit magis nec minus. *ibid.*
73. De proprietate subiecti est ut sit appositum non suppositum, praedicatum non subiectum. 320
74. In media figura non fit categoricus syllogismus. *ibid.*
75. Ens solo nomine est commune. 321
76. Definitio non potest demonstrari. *ibid.*
77. Ars communis est qua speculatur ens in quantum est. *ibid.*
78. Equiuoca sunt quorum solum nomen & commune & ratio subiecti diuersa. *ibid.*
79. Album solum qualitatem significat. *ibid.*
80. Suppositio non est demonstrabilis. 322
81. Species praedicatorum de pluribus differentibus non solum. *ibid.*
82. Tantum sunt duo modo syllogismi hypothetici, conditionalis compositi. *ibid.*
83. De omni comprehendit tres conditiones *ibid.*
84. Vtitur Aristoteles nomine equiuoco. 323
85. Datur demonstratio negatiua. *ibid.*
86. Vnius rei tantum est una demonstratio. *ibid.*
87. Demonstratio ex causis remotis non est demonstratio nisi equiuoce. *ibid.*
88. Distinguitur positio in suppositionem & deffinitionem. *ibid.*
89. Demonstratio a causa remota ad effectum & demonstratio quia. 324
90. Necesse est de subiecto praecognosci quia est. *ibid.*
91. Assignantur modi concludentes ex negatiua uniuersali & affirmatiua particulari. 325
92. Definitio neque uniuersalis neque particularis. *ibid.*
93. Principia sunt in uno quoque genere quae quod sunt non contingit demonstrare. *ibid.*
94. Maior negatiua non habet conditionem totius & partis. *ibid.*
95. Maiori de inesse existente & minori de possibili non tenet syllogismus per dictum de omni. *ibid.*
96. Album per accidens praedicatur. 326
97. Logica duobus modis visitatur. *ibid.*
98. Quidquid praedicatur per se de praedicatione praedicatur per se de subiecto. 327
99. Enthymema est syllogismus & exemplum inductio. *ibid.*
100. Omnis demonstratio est ex principiis 328
101. Petitio est propositio dubia vel contrarie credita. *ibid.*
102. Definitio est semper uniuersalis. 329



# Index Capitulorum.

103. Demonstratio est supra naturam vniuersalem infusam multis rebus. *ibid.*
104. Demonstratio omnis & ex necessariis. 330
105. Recognitio dicitur non esse terminorum quod significant. *ibid.*
106. Duo contradictoria simul aguntur supra falsitatem. *ibid.*
107. Non omnis Syllogismus est de necessariis aut veris pro maiori parte. *ibid.*
108. Augentur demonstrationes in infinitum in post assumendo. *ibid.*
109. Debet omitti figura tertia, quia in ea concluditur particularis. 331
110. A simplicibus ad composita ponitur resolutio. *ibid.*
111. Liber posteriorum ordine doctrinae praecedit librum topicorum. *ibid.*
112. Primo ponuntur sex partes Logicae. *ibid.*
113. Vniuersale est nobilius particulari quia perpetuum. *ibid.*
114. Demonstrationes augentur in latus *ibid.*
115. Triangulus habet tres aequales duobus rectis quia figura recti linea. 312
116. Propositio affirmatiua praecedit negatiuam. *ibid.*
117. Vniuersale est finitum particulare est finitum. *ibid.*
118. Quod est per accidens non est necessarium. *ibid.*
119. Solutio illa fuit ad primam dubitationem. *ibid.*
120. Illa dubitatio fuit Platonis. *ibid.*
121. Opinio Platonis tantum destruit discere de nouo. *ibid.*
122. Vniuersalia praecedunt singularia. 333
123. In demonstratione absoluta necessario medium est causa maioris extremi. *ibid.*
124. In demonstratione absoluta notior est causa quam effectus. *ibid.*
125. Ponuntur tres species Syllogismorum. 334
126. Demonstratio est ex propriis. *ibid.*
127. Demonstrationes ex mediatis equiuocè dicuntur demonstrationes. *ibid.*
128. Praemissa praecognoscuntur non solum quo ad quid est, sed quo ad si est. *ibid.*
129. Enunciatio definitur ab Aristotele. 335
130. Dialectica accipit utramque partem contradictionis. *ibid.*
131. Differentia est quae praedicatur de pluribus specie differentibus. *ibid.*
132. Vni affirmatiuae contingentis vniuersali duae opponuntur. *ibid.*
133. Vniuersalis negatiua non conuertitur in terminis. *ibid.*
134. Proponit se probaturum in omni syllogismo affirmatiuam esse propositionem. *ibid.*
135. In coniugationibus Syllogismorum communissima accipi debent. 336
136. Omne quod per impossibile deducitur ostensiuè demonstrari potest. *ibid.*
137. Dicere album & non album simile est dicere potest ambulare & potest non ambulare. *ibid.*
138. Disputauit non esse utendum Syllogismo per impossibile. *ibid.*
139. Quod per impossibile deducitur ostensiuè probari potest. *ibid.*
140. In deductione ad impossibile non praesupponitur contrarium. 337
141. In fine dicitur primam dignitatem esse probabilem. *ibid.*
142. Instantiam particularem contingit esse *ibid.*
143. Syllogismus ad impossibile non praesupponit categoricum. *ibid.*
144. Equiuoca non comparantur. 338

## XVII.

Norma vitae confarcinata. à fol. 339. ad fol. 354.

## XVIII.

### PROXENETA

seu

### De Prudentia Ciuili.

- CAPUT I. **C**ausa scribendi hoc opus, & nominis
1. tum generalia praecepta. 355
  2. Ordolibri, de ordine multa. 358
  3. Opus hoc propter quos factum. 359
  4. Dubitationes quaedam, & an diuinitio utilis. *ibid.*
  5. Fortunam in humanis rebus plurimum posse. 360
  6. Hominis natura & mores, ac de causis nostrarum ciuiliū calamitatum. 361
  7. Qui finem quarunt, quem habere non possunt. 363
  8. Qui finem quarunt, quem habere nolunt. *ibid.*
  9. Qui rem noxiam aut omnino turpem quarunt. *ibid.*
  10. Qui aliena à professione quarunt. 364
  11. Qui ea quarunt, quae retinere non possunt. *ibid.*
  12. De ineptis hominibus & actionibus. *ibid.*
  13. Necessarium est, ut sciamus finem quem volumus. *ibid.*



# Index Capitum.

|   |       |  |         |
|---|-------|--|---------|
| 14. De duplici fine in hac vita.  | 365   | 62. De dolo dignoscendo.   | 404     |
| 15. De summo bono in civili vita.   | ibid. | 63. Captores quomodo eludendi.   | ibid.   |
| 16. Animum esse virtute instruendum.  | 366   | 64. Quando à conuentis discedendum.  | 406     |
| 17. De temporis compendio.  | ibid. | 65. Proxenetæ.   | ibid.   |
| 18. Locum tutum ad habitandum eligendum esse.   | 367   | 66. Proxenetæ quomodo in amicitiam alliciat.   | ibid.   |
| 19. Ferenda esse multa in hac vita.   | ibid. | 67. Proxenetæ usus.  | 407     |
| 20. Actionum & verborum diuisio.  | ibid. | 68. Quomodo cum tanta improbitate hominum conuersatio stare possit.                                      | ibid.   |
| 21. De virtutibus extra nos.  | 368   | 69. De his quæ definiri non possunt, nec habent caput proprium.  | 408     |
| 22. De Solertia.  | ibid. | 70. Historiam rerum præteritorum multum prodesse & ad ferendum, & ad deliberandum, & ad exequendum.      | 409     |
| 23. De moribus.   | 369   | 71. Res magnæ quomodo per Proxenetam tractanda, & de nobiliore quodam alio genere.                       | ibid.   |
| 24. De comitate.  | ibid. | 72. Res periculose quomodo tractanda.  | 410     |
| 25. De existimatione retinenda.   | 370   | 73. Domesticorum sollicitatio & cautio.  | 411     |
| 26. Quæ vitanda.  | ibid. | 74. Quomodo homines ad magna pericula inducantur.  | 415     |
| 27. Mala occultanda.  | 371   | 75. Verborum vis.  | 416     |
| 28. Mala verbis mollienda.  | 372   | 76. Homines quomodo captandi, iuxta conditionem vniuscuiusque.   | ibid.   |
| 29. Sermonem breuem esse debere.  | ibid. | 77. Amicorum usus & familiaritas.  | 417     |
| 30. De iuramento.   | 374   | 78. De negotiatione cum amicis, magistratibus, & absolute impetranda.                                    | ibid.   |
| 31. Silentij laus.  | ibid. | 79. De amicorum vitiis.  | 418     |
| 32. Lentum in deliberando esse oportere.  | 375   | 80. Vbi amicus tuo periculo erret.   | 420     |
| 33. Hominum mores scire conuenit.   | ibid. | 81. De conuersatione cum Principibus.  | ibid.   |
| 34. Potentium de rebus opinionem sciri esse necessariam.                                    | 376   | 82. De calumnia apud Principes abolenda.   | 423     |
| 35. Cognoscere quæ in vrbe aguntur.   | ibid. | 83. De Principum seruitute.  | 424     |
| 36. De preparatione. Vbi de modis parandi opes.   | ibid. | 84. Vbi te à Principis seruitute subduxeris.   | 425     |
| 37. De familia.   | 377   | 85. Vbi manendum sit in patria cum periculo.   | ibid.   |
| 38. Res domestica & eius conseruatio.   | 379   | 86. De Itinere.  | ibid.   |
| 39. Oeconomica distributio & præcepta.  | 382   | 87. De habitatione extra patriam.  | 426     |
| 40. Societas & conuersatio, & de officio, & pietate.  | 386   | 88. De procuratore in patria relinquendo.  | 428     |
| 41. Amici.  | 388   | 89. De Hospitalitate.  | ibid.   |
| 42. Occasio.  | ibid. | 90. De Existimatione civili.   | 429     |
| 43. Quomodo animi & corporis firmitas seruetur.   | 389   | 91. De captanda apud Populum auctoritate vel existimatione.  | 431     |
| 44. Quot modis homines in officio contineantur, de beneficiis collocandis : Veneratio quid. | ibid. | 92. Artificum præcepta specialia.  | 435     |
| 45. Scientia Animi.   | 390   | 93. Vbi Fortuna votis aduersatur quid agendum.   | 438     |
| 46. Homines singuli, quibus capi soleant.   | 392   | 94. Vbi cum impari colluctari necesse sit.   | 439     |
| 47. Homines singuli, quomodo ad amicitiam alliciantur.                                      | ibid. | 95. Similibus præceptis vii in diuersis casibus oportere : unde ex aliis Capitibus petenda esse auxilia. | ibid.   |
| 48. Tentandi homines ante necessitatem.   | 393   | 96. Errores quomodo corrigendi.  | 440     |
| 49. Quæ in eo quod quaritur, sint consideranda.   | ibid. | 97. De consilio & officio non numerata pecunia.  | ibid.   |
| 50. Cum quo negotium sit aduertendum.   | ibid. | 98. De negotiatione cum minimis.   | 441     |
| 51. Metiendas esse proprias vires ante omne negotium, & quomodo.                            | ibid. | 99. De negotiatione cum incognitis.  | 442     |
| 52. De simulatione.   | 394   | 100. De communi sermone, laudeque propria & suorum, & scomatibus.  | ibid.   |
| 53. De dissimulatione.  | 395   | 101. De Epistolis conscribendis.   | 446     |
| 54. De persuasione, vbi Dilemmata.  | ibid. |  |         |
| 55. De vi.  | 401   |  |         |
| 56. De natura.  | ibid. |  |         |
| 57. De tempore.   | ibid. |  |         |
| 58. Scientia rerum, morum ac potentie.  | 402   |  |         |
| 59. De decore.  | ibid. |  |         |
| 60. De executione.  | 403   |  |         |
| 61. Verbis pluribus quando uti liceat.  | ibid. |  |         |
|   |       |  | 102. De |



# Index Capitum.

|   |       |                              |       |
|---|-------|------------------------------|-------|
| 102. De dolo ac seductione.                                   | 447   | 20. De Fide.                 | 480   |
| 103. De eripiendo ab iniuris.                                 | 448   | 21. De Gratia & officio.     | ibid. |
| 104. De amulis.   | ibid. | 22. De Seruis.               | ibid. |
| 105. De Delatoribus.  | 451   | 23. De Vitiis in genere.     | ibid. |
| 106. De infidiis ubi de Exploratore.                          | ibid. | 24. De Amore.                | ibid. |
| 107. De inuidia abolenda.                                     | 453   | 25. De Voluptate.            | ibid. |
| 108. De contempta & irrisione.                                | ibid. | 26. De Iniuria.              | ibid. |
| 109. De calūnia apud Populū eradicanda.                       | 454   | 27. De Odio.                 | ibid. |
| 110. De contentione.  | 455   | 28. De Luxuria.              | 481   |
| 111. De iniuria accepta.                                      | ibid. | 29. De Gula.                 | ibid. |
| 112. De iudi. io.   | 458   | 30. De Inuidia.              | ibid. |
| 113. De hostibus ubi de Reconciliatione.                      | 427   | 31. De Ira.                  | ibid. |
| 114. De inimico exitiali.                                     | ibid. | 32. De Superbia.             | ibid. |
| 115. De ultione.  | 460   | 33. De Mendacio.             | ibid. |
| 116. Vbi in arbitrio sis negotiatoris.                        | ibid. | 34. De Aduersis.             | ibid. |
| 117. Vbi omnia tibi sint aduersa & de mero-<br>re.            | 461   | 35. De Animalium educatione. | ibid. |
| 118. De his qui grauius vitiis obstricti sūt.                 | ib.   |                              |       |
| 119. De filiorum cura.  | 462   |                              |       |
| 120. Quum dua conditiones simul repugnan-<br>tes proponuntur. | 463   |                              |       |
| 121. De contrariis indicationibus.                            | 464   |                              |       |
| 122. Opes an honor preferenda.                                | 465   |                              |       |
| 123. De gloria.   | ibid. |                              |       |
| 124. Quæsitæ circa gloriam.                                   | 466   |                              |       |
| 125. Quantum decipiamur circa finem.                          | ibid. |                              |       |
| 126. De variis signis & fascino.                              | ibid. |                              |       |
| 127. De Axiomatibus.  | ibid. |                              |       |
| 128. De gentis, sicut, Astrologia, & Fortuna.                 | 469.  |                              |       |
| 129. De diuina Natura.  | 470   |                              |       |
| 130. Exempla.   | ibid. |                              |       |
| 131. De senum vita pro exemplo.                               | 472   |                              |       |
| 132. Peroratio.   | 473   |                              |       |

## XIX.

Præceptorum ad Filios Libellus.

|         |   |  |              |
|---------|---|--|--------------|
| CAP. I. | D | E Dei cultu.                                   | 475          |
| 2.      |   | De Principiū observantia. <i>ibid.</i>         |              |
| 3.      |   | De Vita.                                       | <i>ibid.</i> |
| 4.      |   | De Itineribus.                                 | 476          |
| 5.      |   | De Virtutibus, & I. de Fortitudine.            | <i>ibid.</i> |
| 6.      |   | De prudentia in generali.                      | <i>ibid.</i> |
| 7.      |   | De prudentia circa domesticos.                 | 447          |
| 8.      |   | De prudentia circa uxorem.                     | <i>ibid.</i> |
| 9.      |   | De prudentia erga filios.                      | <i>ibid.</i> |
| 10.     |   | De prudentia erga diuitias.                    | <i>ibid.</i> |
| 11.     |   | De prudentia circa honores.                    | 478          |
| 12.     |   | De prudentia erga negotia.                     | <i>ibid.</i> |
| 13.     |   | De prudentia erga parentes, fratres & affines. | <i>ibid.</i> |
| 14.     |   | De prudentia erga amicos.                      | <i>ibid.</i> |
| 15.     |   | De prudentia erga inimicos.                    | <i>ibid.</i> |
| 16.     |   | De prudentia circa conversationem.             | <i>ibid.</i> |
| 17.     |   | De sapientia.                                  | 479          |
| 18.     |   | Qui libri ad legendum admittendi.              | <i>ibid.</i> |
| 19.     |   | De Probitate & virtute.                        | <i>ibid.</i> |

|                              |       |
|------------------------------|-------|
| 20. De Fide.                 | 480   |
| 21. De Gratia & officio.     | ibid. |
| 22. De Seruis.               | ibid. |
| 23. De Vitiis in genere.     | ibid. |
| 24. De Amore.                | ibid. |
| 25. De Voluptate.            | ibid. |
| 26. De Iniuria.              | ibid. |
| 27. De Odio.                 | ibid. |
| 28. De Luxuria.              | 481   |
| 29. De Gula.                 | ibid. |
| 30. De Inuidia.              | ibid. |
| 31. De Ira.                  | ibid. |
| 32. De Superbia.             | ibid. |
| 33. De Mendacio.             | ibid. |
| 34. De Aduersis.             | ibid. |
| 35. De Animalium educatione. | ibid. |

## XX.

De Optimo vitæ genere. à fol. 482.  
ad fol. 489.

## XXI.

De Sapientia Libri V. à fol. 492. ad  
fol. 582.

## XXII.

De Summo bono Liber. à fol. 583.  
ad fol. 587

## XIII:

De Consolatione Libri III. à folio  
588. ad fol. 636

## XXIV.

Dialogus Hieronymi Cardani, &  
Facij Cardani ipsius patris. à fol-  
637. ad fol. 640

## XXV.

Antigorgias Dialogus; seu de recta  
viuendi ratione. à f. 64 l. ad f. 666

## XXVI.

Dialogus qui dicitur Tetim, seu de  
humanis cōsiliis. à f. 666. ad f. 672.

## XXVII.

Dialogus de morte cui titulus est  
Guglielmus. à f. 673. ad f. 689

## XXVIII.

De Minimis & propinquis Liber  
vnus. à f. 690. ad f. 694.

## XXIX.

Hymnus seu Canticum ad Deum.  
à f. 695. ad finem huius Tomi.





## PRIVILEGE DV ROY.



LOUIS PAR LA GRACE DE DIEU, ROY DE FRANCE ET DE NAVARRE;  
A nos amés & feaux Conseillers les gens tenans nos Cours de Parlement, Maistres des Requestes ordinaires de nostre Hostel, Baillifs, Senechaux, Preuosts, leurs Lieutenans, & à tous autres nos Iusticiers & Officiers qu'il appartiendra, Salut. Nos chers & bien amez JEAN ANTOINE HUGVETAN & MARC-ANTOINE RAVAUD Marchands Libraires de nostre Ville de Lyon, nous ont tres humblement fait remonstrer, que par les soins de plusieurs personnes de consideration, ausquels ils ont contribué les leurs, avec des notables sommes de deniers, ils auroient recouuert toutes les Oeuures de HIEROSME CARDAN, notamment les manuscrits de cét Auteur, pour l'acquisition desquels, & d'en faire transcrire vne partie, ils auroient fait tres grande despenſe, comme il faut qu'ils en fassent encore pour la graueure d'un grand nombre de figures, & recompense des habiles hommes qu'ils employent pour mettre le tout dans l'ordre & avec les ornemens necessaires. Lesquelles Oeuures comme tres vtils au public, & fort desirées par les gens doctes & curieux, les Exposans desireroient faire imprimer s'il nous plaisoit leur accorder nos lettres sur ce necessaires. A ces causes desirans fauorablement traiter les Exposans, leur donner moyen de se recompenser des fraix qu'ils ont fait, & de ceux qu'ils ont à faire, & que le public ne soit priné de l'vtilité qu'il peut recevoir desdites Oeuures; Nous leur auons permis & permettons par ces presentes d'imprimer & faire imprimer toutes les susdites Oeuures en tels caracteres, marges & autant de fois que bon leur semblera, durant le temps & espace de vingt années à commencer du iour qu'elles seront acheuées d'imprimer, faisant pendant ledit temps tres expresse inhibitions & deffenses à toutes personnes de quelle qualité & condition qu'elles soient, d'imprimer, faire imprimer, vendre ny debiter lesdites Oeuures, ou partie d'icelles, sans le gré & consentement desdits Exposans sous quelque pretexte que ce soit, à peine de dix mille liures d'amende applicables vn tiers à Nous, vn tiers à l'Hostel Dieu de nostre Ville de Paris, & l'autre tiers ausdits Exposans, confiscation des Exemplaires contrefaits, & de tous despens, dommages & interets. A condition que lesdits Exposans mettront en nostre Bibliotheque publique deux exemplaires desdites Oeuures, vn en celle seruant nostre personne estant en nostre Chasteau du Louure, dans le lieu vulgairement appelé le Cabinet des Liures, & vn en celle de nostre tres cher & feal Cheualier Chancelier de France le sieur Seguier auant que de les exposer en vente à peine de nullité des presentes, du contenu desquelles voulons & vous mandons que vous fassiez iouir & vser lesdits HUGVETAN & RAVAUD, ou ceux qui auront droit d'eux, sans souffrir qu'il leur soit donné aucuns empeschement; Voulons aussi qu'en mettant au commencement ou à la fin desdites Oeuures l'Extraict des presentes, elles soient tenües pour deuëment signifiées, & que foy y soit adjoutée, & aux copies collationnées par vn de nos amez & feaux Conseillers & Secretaires comme à l'original: Mandons au premier Huissier ou Sergent sur ce requis, faire pour l'exécution des presentes tous Exploits & Actes necessaires sans demander autre permission, nonobstant oppositions, ou appellations quelconques, Clameur de Haro, Charte Normande prise à partie & autres lettres à ce contraire: Car tel est nostre plaisir. DONNE' à Paris le xxix. iour de Septembre, l'an de grace mil six cents cinquante-huict, & de nostre regne le seixième.

Par le Roy en son Conseil.

MASCLARY.

*Acheué d'imprimer le 17. Avril 1663.*

HIERONY





# HIERONYMI CARDANI DE PROPRIA VITA, LIBER.



V M omnium rerum, quas indipisci humano generi licet, nihil iucundius, nihil præstantius, veritatis cognitione videatur: nec vlla mortalium structura perfecta possit, quanto minus à calumnia tuta: Exemplo sapientissimi & optimi, vt creditum est, viri Antonini Philosophi, librum de Vita nostra scribere aggredimur. Testati nihil adiectum iactantia, aut ornandæ rei causa. Sed quantum licuit collectis euentibus, quibus interfuerunt discipuli: præcipuè Hercules Vicecomes, Paulus Eufomia, & Rodolphus Syluester, tum à nobis conscriptis historiæ partibus, librum conflasse. Tentauerat id iam paucis ante annis, ex agnatis & discipulis meis Gaspar Cardanus professione Medicus: sed morte præuentus absoluere non potuit. Licuit & priuato homini, & Iudæo hoc ipsum absque reprehensione agere, vt si mihi non res adeo magnæ obtigerint: admiratione dignæ certè plures. Nec nos Galenum idem tentasse latet: honestius vt sibi visum est, quasi aliud agens sparsim, ignauia tamen factum est studiosorum, vt nullus classicus illam ordinare tentauerit. Nostra autem sine fūco, & non doctura quemquam, sed pura historia contenta, vitam non tumultus habet. Quales L. Syllæ, & C. Cæsaris, nec non Augusti, quos haud dubium est vitam suam scripsisse, ac gesta, vt fuerit hæc res exemplo veterum non noua aut à nobis excogitata.

## CAPVT PRIMVM.

*Patria & Maiores.*

**P**ATRIA mihi Mediolanum: oppidum, ex quo familia profluxit Cardanorum, xxiv. M. P. ab Vrbe distans: à Gallareato M. P. tantum septem. Pater Facius Iurisconsultus: Auius Antonius: Proauus alter Facius: Abauus Aldus. Facio primo fuere filij Ioannes, Aldus secundus, & Antonius auus. Antonio Gotardus, Paulus Iurisconsultus & Antistes, & Facius pater, ac Nothus, & ipse Pauli prænomine. Nunc extant ex eadem stirpe agnati mei xxx. prope. Seu ergo Cardanorum familia ipsa per se sit, seu, vt quidam putant, ramus Castillioneorum, certum est nobilem & antiquam fuisse. Ab anno enim mclxxxix. præfuit Vrbi

*Tom. I.*

nostræ Milo Cardanus, tam sacris quam profanis mensibus xcii. Et non solum ciuilibus causis, sed vt cæteri Principes capitalibus iudiciis: Et tum etiam aliis viribus quæ sub eâ ditione erant, & regioni illi toti. Inter illas, autem fuit Comum. Sed hanc potestatem consecutus est Milo ab Archiepiscopo Cribello dum euasisset in Pontificem Urbanum Tertium. Sunt etiam qui velint Franciscum Cardanum militia Mathæi Vicecomitis Ducem, ad nos pertinere. Sed Castillioneorum ex familia, sumus adhuc nobiliores Cælestino quarto Pontifice Maximo, ex eadem familia oriundo. Longæui autem fuere maiores nostri: Facij primi filij vixere xciv. lxxxviii. lxxxvi. Ioanni duo fuere filij Antonius qui vixit lxxxviii. annis, Angelus xvi. hunc nos decrepitum pueri agnouimus. Aldo pnicus Iacobus, qui excessit lxxii. Gotardus patruus meus vixit lxxxiv. hunc nos vidimus, pater meus lxxx. annis. Cæterum Angelus

A



gelus ille fuit, qui filios prope lxxx. annum procreauit decrepitis fimiles ( quorum vnus tamen adhuc viuit lxx. maior ) & visum post lxxx. recuperauit; audio, & quosdam vidi ex illis, procerioris fuisse staturæ. Cæterum materno ex genere fuere Micherij, Clara mater, auus Iacobus, qui vixit lxxv. annis, frater eius Angelus cum essem puerulus, vt ex ipso audiui lxxxv. agebat. Communia patri, & paterno patruo, & auo materno, eruditio & singularis integritas. Sed patri & materno auo senectus magna, & Mathematicarum peritia. Idem maternus auus in carcere fuit parum differenti ætate, qua ego, cum vterque lxx. anno. Fuerunt & quinque alia Cardanorum stirpes ab Aldina nostra, Antonioli an. M. ccc. lxxxviii. Gasparini an. M. ccccix. Raynerij M. cccxci. Henrici antiquissima M. ccc. cuius descendentes Bertus & Ioannes Facioli quasi ætate pares: Et Guliermus qui quando floruerit incertum est, eius tamen filij Zolus, Martinus, & Ioannes qui Gallareate habitauit.

\*\*\*

## CAPVT II.

### Natiuitas nostra.

Tentatis, vt audiui, abortiuis medicamentis frustra, ortus sum an. M. D. VIII. Calend. Octobris, hora noctis prima non exacta, sed paulo magis dimidia, & tamen besse minore. Erant autem figuræ loca principalia eiusmodi, vt in genitura viii. post finem Quadrupartiti Ptolomæi diximus. Consideraui ergo quod luminaria ambo cadebant sub angulis, & etiam nullum eorum aspiciebat ascendens, quia erant in vi. & xii. poterant etiam esse in viii. cum hac conditione. Illa enim quia descendit, & non est angelus, dici potest cadens ab angulo, & licet maleficæ non essent in annulis, Mars tamen vtrunque luminare damnabat ob locorum odium, & cum Luna quadratum: idè poteram esse monstrosus: sed quia locus coniunctionis præcedentis fuit virgin. xxix. cui præest Mercurius: Et neque hic, neque locus Lunæ, nec ascendens est idem, nec aspicit virgin. penultimam partem, debui esse monstrosus: imò facile erat vt discerptus ex ventre matris prodiret, à quo parum abfui. Natus ergo, imò à matre extractus, tanquam mortuus, cum capillis nigris & crispis, recreatus balneo vini calidi, quod alteri potuit esse perniciosum, mater conflictata tribus perpetuis diebus in partu, superstes euasi tandem.

Cæterum vt ad rem redeam, cum Sol & maleficæ ambæ, & Venus & Mercurius essent in signis humanis, idè non declinaui à forma humana: Sed cum Iupiter esset in ascendente, & Venus totius figuræ domina, non fui oblausus, nisi in genitalibus: vt à xxi. anno ad xxxi. non potuerim concumbere cum mulieribus, & sæpius deslerem sortem meam: cuique alteri propriam inuidens. Et cum Venus dominaretur, vt dixi, toti figuræ, & Iupiter esset in ascendente, factus sum abiectæ fortis: lingua parum blæsus, & addita est propensio ( vt Ptolomæus ait ) media inter frigidam & Harpocratiam, id est rapacem & inconsultam diuinationem: in quo genere ( præ-

ensionem honestiore vocabulo dicunt ) non obscure aliquando valui: similiter ac in aliis diuinandi generibus. Et quoniam Venus & Mercurius erant sub radiis Solis, illi vim vniuersam tribuentes, poteram & hoc modo aliquis euadere, quamuis cum Genesi adeò ( vt Ptolomæus appellat ) misera & infortunata, nisi Sol ipse prorsus fuisset abiectus, cadens loco sexto, & à sua altitudine. Remansit ergo sola quædam vaftricies, & animus minimè liber: verum omnia abrupta & interdicta consilia: vt vno verbo dicam destitutus corporeis viribus, cum paucis amicis, paruo patrimonio, pluribus inimicis, quorum maximam partem neque nomine, neque vultu agnosco, absque humana sapientia, nec memoria validus, sed prouidentia aliquanto melior: vt nesciam cur conditio quæ ad familiam & maiores contemptibilis censetur, gloriosa, imò inuidiosa apud eosdem sit. Hac die ortus est olim Augustus. Toto Romano Imperio noua Indictio incipit. Ferrandus Hispaniarum Rex generosissimus, vxorque eius Elizabetha classem primum emiserunt, qua totum Occidentem adepti sunt.

\*\*\*

## CAPVT III.

### Communia quædam quæ parentibus meis contigere.

Pater purpura vestiebatur, insolito ciuitatis more, quamquam capitium nigrum retinuerit, eratque blæsus in loquendo: variorum studiorum amator: ruber, oculis albis & quibus noctu videret; vsque ad extremum vitæ, vsu perspicilliorum non opus habuit. In ore illud semper ei erat, *Omnis spiritus laudet Dominum, quia ipse est fons omnium virtutum.* Iuueni ex vulnere capitis detracta fuerunt ossa, vt absque capite diu manere non posset. Caruit dentibus omnibus à lv. anno supra. Erat Euclidis operum studiosus, & humeris incuruis: & filius meus natu maior ore, oculis, incessu, humeris, illi simillimus: sed lingua forsan ob ætatem, expeditior. Vtebatur amico vnico & familiari, sed satis disparibus studiis Galeazio Rubro (familia hoc nomen erat) qui illi præmortuus est: Et Io. Angelo Saluatico Senatorem, aliàs discipulo & contubernali. Similitudo morum & studiorum fabrum illi amicum effecerat: is enim est qui Archimedis cochleam inuenit nondum vulgatis Archimedis libris: Gladios qui plumbi instar flecterentur, & ferrum penè vt lignum scinderent: & quod maius fuit, thoraces ferreos ( me spectante sæpius experimentum, eram autem adolescentulus ) qui ictibus igneorum tormentorum militum legionariorum resisterent: adeò vt quintuplici ictui, vnus idem sufficeret: vixque rimulam, contraxit. Mater fuit iracunda, memoria & ingenio pollens, paræ staturæ, pinguis, pia. Ambobus parentibus commune fuit iracundos esse, parum constantes etiam in amore filij: indulgentes tamen, adeò vt pater sine ret, imò iuberet, ne à lecto ante secundam diei horam absolutam surgerem: quod mihi ad vitam & incolumitatem magno adiuuen-



# De Vita propria.

3

to fuit. Melior etiam (si dicere licet) visus est fuisse & amantior pater, matre.

\*\*\*

## CAPVT IV.

*Vita ab initio vsque ad presentem diem  
(finem scilicet Octobris, an. 1575.)  
enarratio breuis.*

**F**Orsan hoc si Suetonius animaduertisset, addere ob commodum legentium poterat, neque enim, vt Philosophi dicunt, quicquam est, quod vnum non sit. Ergo natus Papiæ, primo mense, nutritum ipsa die qua agrotauit (vt audiui) ex peste amisi: rediit mater; mihi carbunculi quinque in facie crucis in effigiem; superuenerunt, vt vnus, foret in nasi apice: Quibus locis post triennium, totidem tubercula (variolas vocant) renouata sunt. Mense secundo nondum expleto, Isidorus Resta Ticinensis patritius, me nudum balneo aceti calidi exceptum, tradidit nutrici: per illam delatus sum Moiragum (villa est vii. M. passuum distans à Mediolano, in via recta ex Vrbe nostra Papiam per Binasci oppidum:) ibi cum venter obduruisset & intumesceret, corpus contabesceret, intellecta causa, quod nutrix vtero gereret, meliori nutrici traditus sum, sub qua tertio anno ablaetatus sū. Quarto delatus Mediolanum, mitius tractatus sum à matre, & amita Margarita illius sorore (mulier cui fel desuisse existimo) nisi quod & à patre & à matre sine causa verberatus, toties agrotavi ad mortis periculum. Tandem septennis cum factus essem, (neque enim pater cum matre habitabat) tum primum cum meritò possem verberibus dignus haberi, à verberibus abstinendum decreuerunt. Sed mala fors minimè me deseruit, infortunium conmutauit non sustulit; conductæ enim domo, pater me, & matrem, & materteram secum traxit in domum: atque ibi iussus sequi patrem, tam molli corpore, ea ætate, à summa quiete, ad summam & assiduam exercitationem retractus, meritò in capite octauæ anni, laboravi dysenteria cum febre: & erat morbus tum Epidimius, si non pestilens vrbi nostræ, & ego clam multam vnam acerbam deuoraueram. Itaque aduocatis Bernabone Cruceio, & Angelo Gyra, non prius in spem salutis redij, quam cum prorsus vt mortuum deslissent vtrique parentes simul cum matertera. Ibi pater qui pio vir corde erat, diuinam B. Hieronymi vim experiri potius voluit (salutem meam illi voto commendans) quam à Demone, quem palam familiarem habere se profitebatur, cuius causam nunquam exquirere recordatus sum: conualui dum Galli, denictis in Abduæ confiniis Venetis, celebrabant triumphum, quem à fenestra spectare licuit. Tum remissa est cura comitandi patrem, & assiduus labor. Sed nondum ex satiata ira Iunonis, non planè restitutus ex morbo, cecidi è scala (habitabam autem in via quæ Maynorum appellatur) cum malleo, à quo pertusa frontis pars summa sinistri lateris, vulnusque acceptum non sine offensa ossis, vt cicatrix perpetua maneat, in hanc vsque diem. Vix conualueram ex hoc, sedebamque in limine

Tom. I.

domus: cum lapis à vertice vicinæ altissimæ descendens, latus longusque vt nux, sed tenuis vt quasi corticalis dici posset, verticem sinistræ partis, vbi capilli frequentes aderant, vulnerauit. Sub initio decimi anni domum quasi infaustam pater commutauit, è regione in eadem via: vbi triennio toto mansi: Sed non mutata fors mea, nam rursus pater me vt seruum ducebat secum mira pertinacia, ne dicam sæuitia, vt diuino potius consilio factum, ex his quæ post sequuta sunt credas quam patris culpam: tum maximè quod mater, & matertera simul consenserint. Longè tamen initius mecum egit, nam nepotes duos interim, vnum post alium habuit, quorum seruitute leuior tanto mea facta est, si non irem secum, & minus molesta si simul comitarer. Pòst mutatis domibus, illi semper comes, tandem xvi. perfectò anno, iuxta pistrinum Bossiorum, in domo Alexandri Cardani, habitare cœpimus. Erant autem patri meo duo ex sorore filij, Euangelista ex ordine D. Francisci ætatis prope lxx. annorum: & Otto Cantonus Publicanus, ac diues: qui prius moriens, voluerat me hæredem ex asse relinquere, sed pater vetuit, dicens malè parta esse: Itaque arbitrio fratris sui qui adhuc supererat, bona distributa sunt. Anno exacto xix. contuli me in Ticinensem Academiam, cum Ioanne Ambrosio Targio, vbi sequenti etiam anno mansi, sed sine socio. xxi. peracto cum eodem rursus Papiam me contuli. Quo anno publicè disputauim, & professus sum Euclidem in Gymnasio: Dialecticam paucis diebus; tum & primam Philosophiam, primum pro fratre Romulo Seruita, post pluribus pro quodam medico Pandulfo. Exacto xxii. anno mansi in patria, ob bella quibus regio nostra grauius tenebatur. Post initium anni M. D. xxiv. contuli me Paduam, vnde forte fortuna sub finem anni, id est mense Augusti, cum Io. Angelo Corio Mediolanum me contuli, vbi patrem extremo morbo laborantem inueni, qui de mea potius quam propria salute sollicitus, iussit redire Patauium: hoc ipso etiam latior, quod me lauream Venetiis adeptum in Artibus, vt dicunt, intelligeret. Vbi rediissem accepi literas illum obiisse, nona die à qua à cibo prorsus abstinuisset: mortuus est xxviii. Augusti, cœpit abstinere xx. quæ fuit sabbati. Sub anni xxiv. finem, factus sum Rector eius Academiæ: in fine sequentis Medicinæ Doctor, in priore vno suffragio bis repetita suffragatione, nictor in secundo cum iam bis excidissem, xlvii. suffragiis contra me latis, nec esset vltra tertium experimentum locus superior euasi ix. contra me latis, cum totidem solum pro me fuissent antea xlvii. ante approbantibus. Hæc tam & si parua esse non ignorem, eo ordine quo euenerunt retuli: vt mihi legenti (neq; enim aliis hæc scribo) voluptati essent, & simul hi (si qui etiā legere dignentur) sciant magnorum casuum obscura fore initia, & successus, seu quod aliis talia, sed non animaduertentibus accidere soleant.

Ergo mortuo patre, & peracto magistratu, sub initio xxvi. anni, contuli me in Saccenſe oppidum (abest id à Patauio M. P. x. à Venetiis xxv.) hortatu auxilioque Francisci Bonæfidei Medici Patauini: qui (cum nec illi beneficium contulisset, nec eius fuisset

A 2

auditor:



auditor, quamquam publicè profiteretur, ) summæ integritatis studio tantum, mihi ad dictus fuit. Mansi ibi dum Patria omni malorum genere vastaretur. Peste nempe atroci M. D. xxiv. & bis mutato Domino: Anno M. D. xxvi. & M. D. xxvij, annonæ penuria extitit, vix pecunia atramentum signatum, pro Cerere, redimi poterat: tributis intolerabilibus: Anno M. D. xxviii. morbis ac peste: quæ solum aliquanto mitius ferri poterant, quod vniuersum depopulabantur: Anno M. D. xxix. redij in patriam bellicis infortuniis paululum remittentibus: tunc reiectus à Collegio, nil boni à Barbianis impetrare potens, matrem etiam morosa, redij in meum oppidulum: sed non adeò integer vt abieram, molestia enim, laboribus, curis postmodum accedentibus tussi atque tabefactione, empyemate ex crudo humore foetido, eo perductus sum, vnde nemo ad salutem redire soleat. Tum eo morbo solutus, vòto B. Virginis: sub finem anni xxxi. duxi vxorem. Luciam Bandarinam ex oppido Saccenfi. Quatuor autem ad hanc diem obseruaui actiones meas ante Plenilunium, non cogitando semper perfectas fuisse. Et tum in spem ingressum, vnde alij excedere soleant: Et vt dixi extremo in limite constituisse fortunam. Et itinera fere omnia ad lx. vsque annum mense Februario initium habuisse. Ea ergo post secundum abortum peperit mihi duos masculos & vnã medio tempore fœminam. Sequenti anno contuli me circa Aprilis finem Gallareatum, vbi mansi xix. mensibus, quibus sanitati restitutus sum. Et desij pauper esse, nam nil mihi relictum est. Mediolani ex humanitate Præfectorum Xenodochij magni, tum Philippi Archinti auxilio viri Illustris, & tum Oratoris insignis, profiteri cœpi publicè Mathematicas, xxxiii. annis iam perfectis, oblata est post biennium conditio Medicinam publicè profitendi Papiæ, non accepi, nam spes non erat vnde sumerem stipendiũ. Eo anno scilicet M. D. xxxvi. Placentiam me contuli, aduocatus litteris Antistitis Archinti ( sed nondum factus erat Sacerdos ) ad Pontificem nil peractum, sollicitabat & Prorex Gallorum instante, vt audiui post, Illustri viro Ludouico Birago Duce peditatus Regis Gallorum in Italia: multa & magna offerebat ( erat enim Brisaccus Prorex singularis in studiosos amoris & humanitatis ) sed nihil actum est. Sequenti anno M. D. xxxvii. pactus sum cum Collegio, & exclusus planè: anno autem M. D. xxxix. tot non obstantibus receptus, præter omnium spem, Sfondrati auxilio & Francisci Crucei viri optimi. Post anno M. D. xliii. Medicinam Mediolani professus sum: sequenti autem cum domus mea ruiisset Papiæ Medicinam professus sum, ( nullo licet concursore ) sed pecuniæ non numerabantur; cessauit ergo anno xlv. peracto, mansique Mediolani cum filio natu maiore, qui tum agebat annum xi. filia ix. explebat: Aldus bimus erat; cum Moronus Cardinalis ( quem honoris causa nomino ) æstate anni M. D. xlv. conditiones non aspernandas obtulit; at ego qui, vt dixi, Harpocraticus sum, dicebam summus Pont. decrepitus est: murus ruinofus, certa pro incertis derelinquam: neque

ego tum Moroni probitatem, nec Pharnesiorum splendorem inrelegebam, eram etiam insinuatus ab anno M. D. xlii. in amicitiam Principis Istonij, qui aliquid dedit, plura dabat quæ nolui accipere. Sed post ætatem redij ad profitendi munus, & sequenti anno instante Andrea Vesalio viro clarissimo, & amico nostro, oblata est conditio D. ccc. Coronatorum in singulos annos à Rege Daniae, quam recipere nolui cum etiam victus impensam suppeditaret, non solum ob regionis intemperiem, sed quod alio sacrorum modo consueuissent: vt vel ibi malè acceptus futurus essem, vel patriam legem meam maiorumque relinquere coactus. Peracto L. anno quod stipendium non numeraretur, mansi Mediolani: sequenti mense Februarij M. D. lii. oblata est occasio eundi in Scotiam, accepique antequam discederem aureos coronatos Gallicos Sco, & M. cc. in reditu, abfui cccxi. diebus, poteram si manere voluissem multo maiorem summam recipere: ab anno M. D. liii. in Calendis Ianuariis vsque ad annum M. D. lix. ad Calendas Octobris Mediolani moram traxi. Sed oblatas maiores condiciones renui, vnã Regis Gallorum, metui Cæsaria nos offendere cum inter eos Principes desauirent bella: aliã paulo post cum rediissem à Mantuæ Principe, patruo illius, intercedente D. Ferrando: aliam ante hanc locupletiolem, sed nimis disitam, cum Scotorum Regina, cuius leuimum cura ueram; & tamen spe sanitatis adipiscendæ. Post cum sanassem experimento, & gratia inductum. Anno igitur M. D. lix. cum Papiam accessissem, ibi paulo post occasio nata est mortis filij: Duraui tamen vsque ad annum M. D. lxii. Et tunc Bononiam vocatus adij, & munere continuato vsque ad annum M. D. lxx. Pridie Nonas Octobris detentus sum in carcere: vbi præter libertatem amissam, omnia fuere ciuilitè administrata. xi. Calendas Ianuarij M. D. lxxi. hora & die simili qua detentus fueram, scilicet Veneris, & sub crepusculo nocturno, redij domum, sed ita vt domus mihi carcer esset. Itaque vt prima mora fuit lxxvii. dierum ita in domo lxxvi. vniuersa clxi. mansi eodem anno, vsque ad exitum lxx. anni mensis Septembris in fine: inde veni Romam die pugna contra Turcas celebrata, Nonis Octobris. Nunc vero exactus est, ab ea die ingressus in Urbem annus quartus, à carcere quintus, ex quo vt priuatus dego, nisi quod Collegium Romanum Idibus Septembris me recepit, & Summus Pontifex pensionem exhibet.

\*\*\*

## CAPVT V.

### Statura & forma corporis.

Statura mediocris: pedibus breuibus, latis prope digitos, dorso eorum altiore, adeo vt vix calceos congruentes inueniam, cogererque antea illos instituere: pectore angusto aliquantulum: brachijs admodum tenuibus, dextra manu crassiore, digitisque incomparatis, vt chiromatici rudem esse pronunciarint ac stupidum: inde vbi norunt puduerit. In



ea linea vitæ brevis, & Saturnina vocata longa & profunda: sinistra autem pulchra, oblongis digitis, & teretibus ac compactis: vnguibus splendidis: collo aliquantulum longiore, & tenuiore: mento diuiso, labro inferiore crasso & pendulo: oculis valde paruis, ac quasi coniuuentibus, ni quid intentius aspicio: super palpebram sinistri oculi macula lenti paræ similis, vt nec facile deprehendi queat: fronte latiore, & in lateribus vbi temporibus iungitur capillis nuda, quorum color & barbæ flauus erat, detunfos soleo crines ferre, & barbam breuem quæ vt mentum bifida erat: pars tota sub mento pilis abundabat longis, vt ibi magis barbatus viderer. Senectus barbam mutauit, capillos parum: Sermo altior adeo vt reprehenderet ab his qui se amicos mihi simulabant: vox aspera, magna, & quæ tamen profitendo non procul audiretur: sermo non admodum suavis & nimius: intuitus fixus quasi cogitantis, dentes superiores anteriores magni: color ex albo ruber: facies oblonga, non multum tamen: caput retro in angustum desinit, tanquam in sphaerulam exiguum. Adeo verò nil rarum est in nobis vt pictores plures qui ex longinquis regionibus venerant, me delineandi causa, nihil inuenire potuerint, quo exprimere ita possint vt ex pictura dignoscerent. In gutturis parte inferiore tumor velut sphaerula dura, non admodum conspicua, à matre hereditaria, & deriuata.

## CAPVT VI.

## De Valetudine.

**I**nfirmo statu corporis plurifariam fui, natura, calu, symptomatibus. Natura enim caput laborauit defluxionibus, modo ad ventriculum, modo ad pectus, adeo vt tum maxime sanum me existimem, cum tussi raucedineque laboro: nam cum ad ventriculum defluit, fluxum ventris, abominationem cibi efficit: nec semel credidi veneno me tentatum, sed post modum ex insperato salus redibat. Alia destillatio fuit ad dentes, per quam ab anno M. D. lxxiii. cœpi amittere illos confertim, antea non nisi vnum aut duos. Nunc adsunt xiv. & vnus infirmus: sed qui diu durabit, vt reor, multum enim profuit auxilium. Cruditas præterea & ventriculi imbecillitas. At ab anno lxxii. supra, cœpi cum aliquid plus comederim, aut biberim, vel importunè assumpserim, aut quod parum utile ventriculo, lædi: Auxilium ex secundo de Tuenda sanitate docui. Adfuit & palpitatio cordis in iuuenta, hæreditaria à qua prorsus liberatus fui arte medica. Hæmorrhoides etiã & podagra à qua firmiter adeo liberatus sum, vt sæpius quæsierim, non venientem reuocare, quàm cum aduenerit depellere. Enterocœle item, hanc primum contempsimus: postmodum à lxxii. anno supra pœnituit satis non obuiam iuisse, tum maxime cum animaduerti illam fore hæreditariam à patre: In qua illud contigit admiratione dignum, quod cum ab utroque latere cœperit, neglecta in sinistro, sponte, ac plenè sanata est: in dextro, diligentius per vincula & alia curata, inualuit.

Torn. I.

Vexatus quoque perpetuò morbis cutaneis ac pruritu: modo his, modo illis. Inde anno M.D. xxxvi. (quis credidisset?) correptus fluxu vrinæ, & magno etiam, cum annis penè xl. laborem eodem, à lx. vnciis ad centum in singulos dies, viuo, nec contabesco (inditio annuli iidem) nec sitio: & multi eodem anno hoc malo correpti adiutore nullo, longè plus perdurarunt, quàm qui Medicorum opem quæsiere. Decimum vigilia anniuerfaria penè octo dierum; vere, æstate, autumno atque hyeme: vt penè totus mensis si quando minus, absumatur in anno, & duo quandoque. Hanc cibi abstinencia in qualitate & durtie, non in quantitate curare soleo, nec vllò anno intermisit.

Morbi autem qui casu superuenierunt, Pestis secundo mense à quo natus sum, inde xviii. anno seu peracto seu corrente, non satis memini: nisi quod Augusto mense accidit, & quod tribus diebus fere sine cibo permansi: suburbia & hortos circundans, vesperi redibam domum, apud amicum paternum Augustinum Lanizarium, edisse, mentiens: quantum verò toto eo triduo aquarum hauserim non dico: vltima cum non possem dormire, cor maxime palpitabat, febris magna, videbar in lecto esse Asclepiadis, in quo perpetuò ascenderem impulsus, atque descenderem: tum existimaui me ea nocte interiturum: interim somno deprehensus, antracèque abrupto, qui superiori dextri lateris spuria costæ incumberebat: materiæque ab initio pauca & nigra eiecta, forte ob impositum medicamentum patrum, quod etiam singulis diebus quater deuorabam, sudor fluxit tantus, vt lecto superato, per tabulas in terram deflueret. Vigesimo septimo anno correptus sum tertiana simplici: in quarta & septima deliquio animi, eaque die liberatus sum. Anno xlv. Papiæ primum podagra lv. febre amphimerina, quæ durauit xl. diebus, crisi per vrinam cxx. vnciarum liberatus sum, xlii. die Octobris anni M.D. lv. Anno M.D. lix. quo Papiam reuersus sum coli dolore per biduum.

At symptomata fuere varia, primum à septimo anno ad xii. penè vsque surgebam noctu, clamabam, sed nil explicitè: & nisi mater & matertera inter quas dormiebam me apprehendissent, sæpius præcipitatus essem: tamen cor saliebat, ex compressa manu breui subsidebat, id enim flatus proprium est. Eodem tempore, sed durauit ad annos xviii. si obuiam iuissem vento præsertim frigido, inspirare non poteram; verum retento spiritu vbi animaduertissem cessabat. Eodem tempore, ab hora qua me contuleram in lectum, vsque ad sextam exactam, à genibus infra nunquam incalescebam: Vnde mater præcipuè inter alias, negabat me superfuturum diu. Præterea singulis noctibus, vbi incalueram, sudabam totus sudore copioso & calidissimo, vt qui audiebant non crederent. xxvii. anno in duplicem tertianam incidi, quæ soluta est septima die. Post in amphimerinam anno liv. quæ durauit xl. diebus. Anno lvi. mense Nouembri, ex modici aceti sciliciti potu, correptus sum dysuria, valde acri, ieiunavi primum xxxiv. horis, post aliis xx. & sumpsi abietis lachrymam, & euasi:

A 3

Fuit



Fuit mihi mos ( de quo plures admirabantur ) ut causas doloris si non haberem, quærere, ut dixi de podagra: Vnde plerumque causis mor-  
bificis obuiam ibam ( ut solum deuitarem quantum possem Vigiliis ) quoddam arbitrarer voluptatem consistere in dolore præcedenti sedato: Si ergo voluntarius sit dolor, facile sedari poterit: Et quoniam experior me nunquam posse prorsus carere dolore, & si modo contingat, subit in animum impetus quidam aded molestus, ut nihil possit esse grauius, ut multo minus malus sit dolor, aut doloris causa, in qua nulla prorsus inest turpitudine, periculumve. Itaque ob hoc morsum labij, & digitorum distorsionem, & compressionem cutis, ac tenuis musculi brachij sinistri usque ad lachrymas excogitavi; quo præsidio sine calumnia adhuc viuo. Natura, alta loca timeo quamquam latissima: & ea ubi suspicionem rabiei canis habuerim. Laboravi interdum etiam amore Heroico, ut me ipsum trucidare cogitarem; verum talia etiam aliis accidere suspicor: licet hi in libros non referant. Demum in adolescentia, tentatus sum circiter ad biennium usque, carcinomatis suspicionem: & forsan initium in mamilla sinistra, erat tumor ruber, fuscus, durities, morsus; hanc sustulere prope iuuentam varices, quas in iuuenta subsecuta est, ut dixi palpitatione cordis; à qua hæmorrhoides multo cum sanguine, & pruritus ille ac sordities cutis, ac planè ita præter spem aut curam ullam leuatus sum; quamuis quædam ex his auxilio sustulerim: natura commutante massam morbi.

## CAPVT VII.

*De Exercitatione.*

**A**B initio, omni genere meditationis gladiatoria operam dedi, aded ut apud istos præferoces, in aliquo numero essem, ludebam gladio, & solo, & cum scuto oblongo, & rotundo magno, & paruo: & cum pugione ac gladio, sarissa, hastis, tum vero gladio, & pallio satis commodè insiliebam equum ligneum: Noram inermis eripere habenti pugionem euaginatam: cursu saltu me exercebam, satis validus in hoc, nam brachiis minus obexilitatem. Equitandi, natandi, exonerandi machinas igneas parum confidens: ad eo ut fulmina quasi Deorum iram perhorrescerem. Eram enim natura timidus, artis peritia fortis: vnde & in numerum militum tumultuaria adscriptus sum. Noctu etiam aduersus decreta Principum, armatus inambulabam vrbes, in quibus degebam. Die armatus incedebam soleis plumbeis ponderis octo librarum, noctu velo laneo nigro facie testus, calceis ex Endromide. Exercebar multis diebus à summo mane ad vespertinam usque armatus, sudoreque madidus operam dabam musicis instrumentis, nocte tota sæpe ad diem usque vagabar. Vbi Medicinæ operam dedi, equis & mulis vectus sum: sed pedibus magis, ab anno M. D. lxii. carpento vehi cœpi Bononiæ, Romæque, atque in hoc persto: mane exeo carpento, pedibus redeo: leuioribus vestibus à prandio, grauioribus perpetuum vehor.

## CAPVT VIII.

*Victus ratio.*

**D**Ecumbere horis decem, dormire si bene valeo & rectè, octo, si malè quatuor aut quinque, surgerè hora diei secunda: si vigilia torqueret, surgebam, & deambulabam circa lectum, cogitabam de Orochilia, abstinebam à cibo, vel plusquam dimidio: medicamentis parum, præterquam populeonis vnguento vsus sum, vel vsi adipe, aut oleo nymphæarum quibus inungebantur loca xvii. femora, pedum plantæ, ceruix, cubiti, carpi, tempora, iugulares, cor, iecur, superius labium. Matutina vigilia distorquebar nimis, & prandium semper cœna minus fuit: cum post L. annum, mane contentus fuero pane ex iure, & ab initio etiam ex aqua, & vuis Creticis magnis Zibibis appellatis. Post variè egi: nil minus tamen quàm ut vitello oui cum panis vnciis 2. aut parum plus, modicoque vini meri, aut sine, prandium exigerem. Vel si dies sit Veneris aut Sabbati pane ex iure chamarum, vel astacorum tentavi carnis modicum, nihil melius vitulina solida, in olla cocta absque liquore villo, verum dorso gladiatorum diu verberata, inueni: huic acquieui, destillare solet per se intinctum, quo nullus melior, est enim multo humidior; pinguiorque ipsa carne assata in veru. In Cœna ferculo vtor maximè ex beta, aliquando oriza, acetario ex cichorea, sed magis placet sonchus spinosus latiore folio, ex cichorea candida radix. Piscibus vescor libentius quam carne, modo boni atque recentes. Carnes solidas amo (& fumen vitulinum & apri) assatas, & subtiliter detritas tenuissimis gladiis, placet ignis. In Cœna dulci vino, & nouo delector ad quantitatem semi libræ, aquæ duplum, & plus etiam: delector maxime alis Gallinaceorum iuuenum, iecoribus Gallinarum, & Columborum turritorum, totaque parte sanguinea. Astacorum etiam fluuiialium vsu oblector, quod mater dum essem in aluo tam auidè comederit: item Chamis atque Ostreis. Præterea libentius & maiore cum utilitate piscibus, quàm carnibus vescor: soleis, passeribus, rhombis, gobiis, testudinibus terrestribus, laschis, tum trigliis seu mullis: caponibus seu cuculis, coruis, merlucis, id est, asellis: spigola, id est, lupo, laterinis, atherinis: umbrina, umbra. Ex dulcibus autem aquis, Lucis, Cyprinis, Persicis, vtrisque laschis, id est, fargonibus: Cauedenis, squalis: Tarantela, Thymnis, Halecibus salis, mollibus, ac duris magis. Mirum quod Thelinas, id est, charnas ut suaves edamus, & sanas Gongolas seu Conchas ut venenosas fugiamus. Item limaces nisi purgatos: placent astaci dulcium aquarum, & cætera crustacea: fassarum nimis dura sunt, Anguillæ, Ranæ, fungi etiam maligni. Gaudeo dulcibus melle, saccharo, vuis pensilibus, maturis, pepo-  
nibus postquam illorum intellexi Theriacam, Ficubus, Cerasis, Persicis, Sappa, nec ab vilo horum læsus usque in præsentem diem. Oleo supra modum delector, & sale misto, ac mollibus Olinis: ab allio etiam iuuor, sed  
ruta



ruta alexipharmacum non solum ad custodiam, sed ad omnia veneficia, proprium mihi semper fuit inueni atque feni, vtile etiam expertus sum absynthium Romanum. Veneri neque immoderate incubui, nec ex superfluo usu multum laesus sum: nunc tamen manifestè ventriculum labefactat; piscibus in craticula vilioribus, modo recentibus, mollibus, carne alba delectatus, non sine commodo sum. Ouillum caseum valde pinguem non aspernor. Cyprinum à iii. libris ad vii. sed selectis partibus, omnibus præfero eduliis. Ex piscibus magnis sumo caput & ventrem, ex parvis dorsum & caudam. Caput semper elixum, & in magnis partes reliquas, aut in craticula: molles frixos aut non multum elixatos. In quadrupedibus alba meliora, sanguinea duriora cor, iecur, renes: pulmo mollior: extrema parum nutriunt. In quibus rubra præter cor mollia: alba mediocria, præter testes, qui sunt molles: liuentia duriora. Summa rei genera septem, aer, somnus, exercitatio, cibus, potus, medicamenta, medium: Species quindecim, ex aëre, somno, exercitio, pane, carnibus, lacte, ouis, piscibus, oleo, sale, aqua, ficibus, ruta, viuis aut acris cæpa. Præparatoria quindecim, Ignis, Cinis, Balneum, Aqua, Patina, Sartago, Veru, Crates, Pistillus, Gladij acies, Dorsum: Tyrocestis, Petroselinum, Rosmarinus, & Laurus. Exercitationes Rota Molettrina, Deambulatio, Equitatio, Pila parua, carpentum, spatia nota armorum fabris, Equitatio, sella, Navigatio, Politura Charratum. Frictio seu lotio, Quindecim. Verum ut in sacris, rem ad pauca, profunda cogitatione, & splendida ratione redeginam sine splendore quædam tibi minus aperta videbuntur, quæ sunt clarissima. Quinque sunt quæ modice non nisi feni sumenda sunt: Panis, pisces, caseus, vinum & aqua: duo ut medicamenta mastix, & coriandrum, sed ex multo saccharo: condimenta duo crocus & sal, hoc & elementum; quatuor mediocriter: sunt enim alimenta caro, vitelli ouorum, zibibum, & oleum: quod & elementum absconditum, & proportionem respondens stellarum elemento ignitum.

## CAPVT IX.

*Cogitatio de nomine perpetuando.*

**P**erpetuandi nominis rationem, & votum, tam cito inij quam serò spectare potui: namque haud dubie duplicem esse intelligebam vitam, solidam, & communem animalibus ac stirpibus: Et propriam homini gloriæ atque actorum studio. Verum in prima naturam defuisse, votum reliquisse; in altera nihil fore quo sperare deberem, non opes, potentiam, firmam valetudinem, robur, familiam, industriam aliquam propriam: non saltem vel linguæ Latinæ peritiam, non amicos, non quicquam in parentibus nisi miserum & abiectum. Post aliquot annos, somnio in spem huius secundæ iniectus sum: modum tamen non videbam, nisi quantum miraculo ad intelligendum Latinam linguam adiutus fui.

Verum reuocatus ratione ab huiusmodi desiderio, ut nihil inanius ea spe, nedum voto solo animaduertentem. Scribes, inquam, quomodo legenda: Et de qua re præclara, & adeo tibi nota ut desiderare legentes possint? quo stylo, qua sermonis elegantia, ut legere sustineant? sit ut legant? nonne æuo præterlabente, in singulos dies fiet auctio, ut prius scripta contemnantur, nedum negligantur? At durabunt aliquot annis? quot? centum? mille? decies mille? ostendo exemplum, vel vnum inter tot millia? Atque omnino cum desitura sint etiam, si per reditus Mundus renouaretur, ut Academici volunt non minus quam, si ut initium habuit, & finem accepturus est, nil interest, an post decimam diem, an decem millia myriadum annorum? Nihil vtrunque, & ex æquo ad æternitatis spatium. Interim tu discruciaberis spe, metu torqueberis, laboribus enervaberis? quicquid vitæ est reliquum suavis amittes. O egregium inuentum! Sed tamen Cæsar, Alexander, Annibal, Scipio, Curtius, Herostratus etiam cum vitæ dispendio, cum summa infamia, cum cruciatu maximo, hanc spem cunctis prætulērunt? sit ita: cum nihil sit: tamen ad metam iam prope accesserant: rationem illam Philosophorum non viderant: multo minus inierant; iam multa ad hoc parata habuerant: Et tamen quis negat stultos prorsus fuisse: ut etiam ex illa Ode 29. lib. 3. *Tyrrhena regum progenies*, ipsius Horatij iudicio dignoscitur. Placer illud

*Ille potens sui*

*Latusque deget: cui licet in diem*

*Dixisse, vixi, cras vel atra*

*Nube polum, pater occupato,*

*Vel sole phro; non tamen irritum*

*Quodcumque retro est efficit, neque*

*Diffinget, infectumque reddet,*

*Quod fugiens semel hora vexit.*

Concluserat autem rem prius paucis, dicens: Quod adest memento componere æquus. Id est præsentibus rectius quam potes dispositis uti. At Cæsari, atque Annibali, & Alexandro hoc fuit consilium, proprium nomen pro vita producere: simulque familiæ, & suorum tum etiam Urbis, aut Prouinciæ, atque interim gaudere partis: Fac ut inde potiri sint. At qualis finis? Sylla veterum omnium labores, & quæcumque ante se, ac miracula perdidit: vnusquisque sequentium familias ac suos: namque Iuliorum familia, prorsus à Commodio Imperatore sublata est, dum adulterinus tot modis Princeps, suspectum habet quodcumque legitimum germen. Similiter & patriam perdidit. Vbi nunc enim Romanorum Imperium? ridicula res & inaudita, in Germania. Quanto igitur melius fuisset superesse Iulios adeo claros, Aenæ stirpem? Romanos orbis Dominos esse, quam vanis istis nominibus, laruas stuppeosque homines decorari? Itaque si perpetua est anima, quid opus est vanis nominibus? si interit: quid profunt? si Generatio finem habitura est, finientur hæc omnia, supereruntque eo modo quo lepores & cuniculi? Ergo nil mirum est, me illo amore coactum flagrare; at nunc mirum est, his intellectis posse, & tamen mansit hæc stolidi cupiditas. Nam Cæsaris & illorum stultum



fuit consilium : at cupiditas mea gloriæ, inter tot & aduersa, & impedimenta, stolidam non tantum stulta. Non tamen vnquam concupiui gloriā aut honores : imò spreui, cuperem notum esse quod sim, non opto ut sciat, qualis sim. De stirpe scio quā inuoluta sit res, & quā parum prospicere illi possimus. Itaque quā licuit vixi mihi : & in aliquā spem futurorum, præsentiā spreui. Ergo si aliqua est excusatio propositi nostri, ea esset, ut intermedio tempore, qualicunque modo possem, superessem. Hæc enim videtur honesta, quæ & si nos fallat spes, votum tamen naturale cum sit, laude dignum est.

\*\*\*

## C A P V T. X.

### *De Vita instituto.*

**I**Vxta hoc igitur, vitæ genus mihi institui, non quale volui, sed quale licuit : neque quod debui elegi, sed quale opinabar fore melius : nec vnum & constans cum omnia sint periculosa, dura, & imperfecta : sed quale opportunum vnoquoque tempore visum est : vnde factum est ut aliena metientibus, varius habitus sim, imò ut dixi inconstans ; vbi enim nulla est certa vitæ ratio, necesse est illos, multas tentare, & per varios anfractus procedere. Finis fuit perpetuitas qualiscunque, ut dixi, haberi posset : non opes, non desidia, honores, magistratus, potentia, verum hoc votum, & successus, & casus, & æmuli, & temporum conditio, & ignorantia mea interpellant, & mihi sanè nullus apparatus ad has res : Et Astrologiæ cognitio quam tum habebam, & ut mihi videbatur, & omnes aiebant, me non excessurum xl. vitæ annum, certè non ad xlv. peruenturum, multum obfuit. Ego interim partim necessitate, partim offerentibus se voluptatibus quotidie, cum rectè viuere deliberarem, delinquebam. Negligens ob malam spem res ipsas : in deliberando aberrabam, & frequentius in opere peccabam. Donec eo deuentum est, ut qui finis vitæ futurus credebatur, viuendi initium fecerit xliij. scilicet annus.

Itaque à voluptate initium sumpsi ætate, natura, curis præteritis, & occasione suadentibus. Manè si profitendum esset, ut Mediolani primùm, post Papiæ longè sapius profitebar : Inde deambulabam in umbra extra urbem mœnia : prandebam, Musicæ post operam dabam : inde piscatum ibam iuxta lucos, & sylvas paulum ab Urbe distantes : studebam, scribebam, vesperi domum me recipiebam : perdurauit hoc tempus annis sex, sed heu : *Fulsere quondam candidi tibi soles.* Dixit ille : Ingressus post longum illud iter atque honorificum : sed valeant lucra, honores, ambitus illi ; intempestiua voluptates : perdidici me., perij, creuerunt difficultates atque molestiæ : velut umbra taxi, ut ferunt : nullam iam restabat solatium, nisi exitiale : sed in hoc genere beatitudo esse non potest, nam secus tyranni qui à beatitudine plurimum absunt, forent beatissimi. Itaque ut taurus iunctis oculis furens, dum maiore impetu fertur, necesse est ut impingat, & ruat. Impegi igitur

ac rui : Interim & ante hæc, calamitas illa de filio natu maiore accidit. Confessi sunt quidam è Senatu ( sed puto non de seipsis intelligi voluisse ) ea spe damnassee illum, ut dolore interirem, aut insanirem, ab vnoque quam parum abfuerim, Superi norunt (& ego suo loco enarrabo) sed non successit. Volo ut intelligas ( nam Parerga adiunctum est ) quæ tempora, qui mores : nam certus sum me neminem ex illis offendisse, ne umbra quidem. Meditatus ergo sum defensionem qualemcumque pro filio illo : sed qui valere poterat, tam exulceratis quorundam animis ? Ego memoria doloris filij, perculsus, imminetium attonitus, præteritorum eneruatus, futurorum anxius ; sic tamen exorsus, ut commemora rem Senatus humanitatem, æquitatem, misericordiæ exempla ; laudabatur eius benignitas ac simul factum Io. Petri Solarij tabellionis, qui cum filium spurium conuictum haberet de veneficio, in duas sorores legitimas, solum hereditatis consequendæ causa, satis habuit damnassee illum ad triremes. Laudatur Augustus in interrogatione, Non tu patrem occidisti ? Deinde quæ sanctia occidere patrem innoxium, & decrepitum in filio ? si dignus habitus est pater beneficio damnati ad bestias, quanto magis in alterius facto ? Quid possunt merita humani generis, si singularis virtus innocentia, tam crudeliter plectatur ? An non maius est plectere patrem supplicio filij, quàm proprio ? si occidar vnus perit : paulò post sine alio fructu moriturus : si filium occiditis, spem successionis amputatis : Fingite totum humanum genus vobis supplicare pro filio eius, cui omnes debent : adolescente irato, tot incommodis laborante, dedecore summo affecto, decepto, propter uxorem sine dote : mulierem corruptam sine pudore, patre inuito & inscio conductam, quid facturi estis ? At non supplicant, non norunt ? nemo est tam acerbus meus aut illius hostis, qui non ultro sit condonaturus vitam illi, cuius mors, etiam inferos ad commiserationem sit prouocatura. Hæc & alia huiusmodi cum protulissem, non valere tamen, nisi eosque, ut decretum sit, si impetrare pacem potuissem, vitæ parceretur. Sed non potuit filij stultitia, qui dum iactat opes quæ non sunt, illi quod non erat exigunt. Sed mittamus hæc in eo instituto à prima ætate mansi, ut vitæ consulerem : studia autem Medicinæ, magis huic proposito conducebant, quàm legum : & ut propiora fini, & ut orbi communia toti : Et omnibus sæculis : tamen ut candidiora, ac quæ rationi ( æternæ naturæ legi ) non hominum opinionibus inniterentur : idè hæc ipsa amplexatus sum, non Iurisprudentiam. Tum præcipuè, quod, ut dixi, amicorum huiusmodi amplexus, opes, item potentiam, atque honores, non solum aspernari, sed refugerem. Verum pater cum deserui studia à me Iurisprudentiæ, ut Philosophiam sequerem animaduertit : fleuit me præsentem, indoluit quod non eisdem studiis incumberem : nam nobiliorem disciplinam ( & id sæpe ex Aristotele iactabat ) arbitrabatur, quæ esset ad opes & potentiam aptior : tum etiam ad totam familiam euehendam : Quod munus profitendi institutiones in urbe ipsa cum honorario



rario centum coronatorum, quo iam tot annis gaudebat, non in me (vt sperauerat) transitorium intelligebat: sed alium hac in causa successurum videret. Nec eius commentaria peruentura essent, nec à me illustranda forent. Illuxerat enim paulò ante spes quædam gloriæ, quòd cum emendasset commentaria Ioannis Cantuariensis Episcopi in Opticam seu Perspectiuam, carmen typis euulgatum sit huiusmodi.

*Hoc Cardana viro gaudet domus: omnia nonis Vnus: Habent nullum secula nostra parem.*

Quòd potius augurio quodam fuit illis, qui laboribus suis profecturi essent, quàm ipsi, qui vltra Iurisprudentiam, quàm satis vt audiui insigniter excoluit, in Mathematicis solum rudimenta tenuit, nihil noui excogitauit, nil ex Græca lingua transtulit: Quòd ei potius ex varietate studiorum, & inconstantia propositi accidit, quàm quòd naturæ muneribus destitueretur: aut ignauia, vel iudicii defectu, quorum vitiorum nullo laborauit. Ego autem tum voto firmo proposito, tum rationibus adductis, tum quòd parum illum etiam absque impedimento profecisse viderem, & alias etiam ob causas, immotus ad illius adhortationes mansi.

## CAPVT XI.

## Prudentia.

Melius est nonnunquam, etsi non tam bene eligas, in proposito persistere, quàm optimè eligendo postmodum variare: Et si aliud non esset quàm alacritas studiorum & humanarum rerum inconstantia, fluxus atque inanitas: Itaque constituta mihi difficillimæ rei ratione, vt simul de meipso, & de prudentia agerem, intellexi non solum alia, sed & hoc ipsum facillimum esse. Primum quòd cum sint varij rerum fines, variæque eligant quæ magis placent, tot sint modi, casus, subiecta, occasiones, vt ne quis merito me reprehendere audeat, nisi qui se melius nostra tenere quàm ego, atque propositum (quod omnino esse non potest) profiteatur. Eo adhuc supposito, quis modus melior adipiscendi, & si liceat. Et hoc maius est cogitatione nostra: inde quis commodior? Post quis retinendi adeptum? Demum quomodo adepto vti liceat? Iam ab initio testatus sum, quàm parum valuerim in *ἀβουλία* seu *ὀρνῶς*, nam & si hæc prudentiam solum significant, idem tamen est ac si dicamus (humana prudentia) quòd nulla res sit quam sciamus, prudentiam quæ habeat, præter homines solos. Diui enim aliquod melius habent scilicet intuitum, animalium cæterorum nullum: De Harpocratica cum aliud genus sit, sermo non est: igitur res prudentiæ ita se habuit. Specie autem aliis aliud visum est, omnia ab ingenio suo mercentibus: verè humanæ illius mansuetudinis atque sagacitatis parum habere, habuisseque me intelligo; quod parum etiam, proposita à nobis supra, vitiarunt,

## CAPVT XII.

## Disceptandi &amp; profitendi studium.

Tanto ardentior & efficacior in hoc fui: Bononiæ fermè semper extemporaneè professus. Inde quibus cum disputaturus essem, non audebant, & tridua illa disceptatio Papiæ cum Camutio instituta, publicata apud Senatam: ipse primo argumento primæ diei siluit: vel iudicio etiam omnium æmulorum qui intererant: Habentur eiusdem imagines quædam typis excusæ in Camutij monumentis: Aded verò hoc notum fuit omnibus, vt non iam de argumenti subiecto, sed de vi quæ inexpugnabilis videbatur disputarent: & adhuc credo viuat ea disceptatio: Branda vt dixi præceptor meus arti & ingenio tribuebat: æmuli Dæmoni: alij magis verisimili coniectura, meliori cuidam causæ ac perfectiori. Neque enim Mediolani, aut Papiæ, vel Bononiæ, neque in Gallia, nec Germania ab annis xxij. citra, aut contradictorem, aut disputatorem inueni: nec ego gloriore hoc; nam puto si lapis essem, idem facturi essent. Non hoc enim est naturæ meæ vel excellentiæ priuilegium, sed illorum qui congregari debent, tenebrarum, nec si delphinem sapiæ inuoluat, & fugere cogat, gloriosum sapiæ esse debet: sed conditio natalium. Angelus Candianus coram multis eruditissimis, cum argumentatus esset, & ego respondi: inde vellem vicem ei reddere, non erubuit dicere. *Ego me velle argumentari testatus sum, non tibi respondere.* Et erat Medicus eruditissimus, qui primas apud Principem nostrum in patria, & apud Pannoniæ Reginam in Belgio obtinuerat partes: vir maximæ authoritatis, & si quid ad rem facit, opulentus. Vnde cum profiterer simplicitatem, & imperitiam, multi dicebant de vno scimus te mentiri, & esse peritissimum, de altero dubitamus, cum non videamus, quorsum tendat verbum illud de imperitia? & maximè ab homine qui professus sit toties, nunquam mentiri. De profitendi exemplo inimitabili, iam desuit esse mirum, quod in positiuo est (vt Grammatici dicunt) cum in superlatiuo factum sit familiare. Nec experimentum videre velle tentarunt, nec desuit esse Sol cum obducta est nubes profunda. Nec discruciaris debes, cum tibi tot egregia lumina sint in cubiculo, si qui foris sunt nolint videri: neque enim timendum vt res diuina intreat; nam flores exorientem Solem adorant, Garamantes execrantur: vbique enim non solum diuina prouidentia est, sed vis æterna lucet. Porro de profitendi munere extemporaneo non solum semper præstiti, sed alios etiam docui: Et cum tantus in his videri potuerim; neque in sermone gratia, nec in perorando facultas, vt quicquid additum ex vna parte putes, tantumdem ex altera ademptum videas. Namque in disputando aded acris fui, vt omnes mirarentur exemplum, deuitarent experimentum: itaque vacuus ab hoc onere diu vixi, sed non magis, quàm cum duos vidissent præter spem casus: vnum Papiæ, inseruerat se Branda Porrus præceptor olim meus in Philosopho



loſophia, diſputationi ordinaria, quàm cum Camutio habebam in Philoſophia: namque vt dixi ſæpius ad eam me trahebant, exiſtimantes in Medicina nullam ſuperſeſſe gloriæ ſperni, adducebatque Ariſtotelis authoritatem: tum ego, cùm referret verba, dixi, *caue, quia deſeſt (non) poſt album, & eſt contra te*, exclamauit Branda, non profeſto, ego meo more pituitam qua abundo exercens, lentè contra dicebam, donec ipſe iratus mittit pro Codice, poſtulo ipſum, dari iubet: lego vt iacet, ille ſuſpicatus me ſublinire os, arripit librum è manibus, exclamans velle fallere auditores, incipitque legere, vt aduenit ad verbum illud, legit, ſiluit, obſtupuerunt omnes: qui aderant coniectis in me oculis, mirabantur: Accidit autem per eos dies vt Branda Mediolanum iret, res ſcripta erat Senatu: interrogant an verum eſſet; vir ſincerus & probus, certè reſpondit nimis verum eſt, credo quod ea die eſſem ebrius, Senatus conticuìt labris diſtētis. Alterum Bononiæ cum Fracantiano primo profeſſore in praxi Medicæ artis: cum veniſſet in contentionem de meatu fellis ad ventriculum, & recitaſſet Græcè coram tota Academia (diſſectio enim Anatomica exercebatur) dixi *deſeſt*: tum ille non profeſto, cum ego quietius affirmarem, exclamant diſcipuli, mittatur pro Codice: mittit ille lætus, ſtatim aſſertur, legit, inuenit vt dixeram ad vnguem, ſiluit, obſtupuit, admirabatur, ſed magis etiam diſcipuli, qui eo me per vim traxerant, ex illa die, adeò congreſſum meum fugiebat, vt monuerit famulos, vt me venientem oſtenderent, atque ita deuſtabat ne in via occurreret. Cumque ſemel per dolum aſſidenti Anatomiz ſuperinduxiſſent, auſugit, & togæ implicitus pronus cecidit, ex quo omnes qui aderant obſtupuebant, & ipſe paulo poſt diſceſſit, cum eſſet conſectus ad plures annos.

\*\*\*

### CAPVT XIII.

*Mores, & animi vitia, & errores.*

**D**iſſicillimum cùm per ſe ſit omnium hoc Argumenti genus, tum multo magis cogitantibus nobis, illos qui legere ſunt aſſueti propriam vitam ſcribentium Libros, non ſinceram narrationem ab illis traditam videre, vt nos hic narramus, ſed alios qualis eſſe debuerat literis mandaſſe, vt Antoninus: alios vera tradidiſſe quidem, ſed erroribus ſuis ſuppreſſis, vt Iosephus; at nos maluimus veritati in hoc inferuire, haud ignari, non habere excuſationem vllam, qui peccat in moribus, quèadmodum in cæteris: Quis cogere potuit? an ergo vnus ero ille leproſus, qui ex decem ſanatis ſolus ad Dominum rediit, ea ratione Medici, & Aſtologi morum naturalium cauſas in primas qualitates, voluntariorum in educationem, ſtudia, conuerſationem, referūt. Hæc omnia omnibus inſunt, ſed proprie congruentibus ætatibus, perturbationes quoque ex iſſdem tamen caſibus: itaque delectum in his habere oportet: præcipue ergo de his dicendum eſt, mihi, & eatenus quatenus conuenit illud γὰρ δὲ σὺν αὐτῷ. Me ergo natura mea non latuit, iracundus, ſimplex, veneri deditus:

ex quibus tanquam principiis etiam profluxere ſauitia, pertinacia contentioſa, alperitas, imprudentia, iracundia, vltionis deſiderium etiam vltra vires, nedum prona voluntas: vt illud placeat quod multi damnant, verbo ſaltem. *At vindicta bonum vita iucundius ipſa.* In vniuerſum nolui aberrare in me, quod dici ſolet, *Natura noſtra prona eſt ad malum.* Etſi verax, memor beneficiorum, amans iuſtitia, & meorum, contemptor pecuniæ: Gloria poſt obitum cultor, mediocritas etiam nedum parua omnia ſpernere ſolitus: cùm tamen ſciam quantum minima aſſerrent momenti ab initio, occaſiones nullas contemnere ſoleo. Natura ad omne vitium, & malum pronus, præter ambitionem agnoſco imperitiã meam ſi quis alius. Cæterum Dei ob venerationem, & quod omnia hæc vana quantum ſint dignoſco, occaſiones oblataſ vltionum etiam conſulto negligo. Frigidus ſum cordis timidus, & cerebri calidi, addiſtus cogitationi perpetuo: multa ac maxima, & etiam quæ eſſe non poſſunt reuoluens: duobus etiam ſimul negotiis mentem adhibere poſſum: qui garrulitatem & immoderantiam in laudes meas obſiiciunt, non de meis vitiis, ſed alienis me accuſant; repugno, non oppugno quemquam. Quid enim eſt vt laborem propter hoc, cùm inanitatem huius vitæ toties teſtatus ſim? quæ eſt excuſatio, laus ab eis dicitur, tam magnum putant non eſſe ſceleſtum. Aſſueui vultum in contrarium ſemper efformare; ideo ſimulare poſſum, diſſimulare neſcio: ſed hoc facile, ſi ad habitum nihil ſperandi conferatur, cui adipiſcendo xv. perpetuis annis, maximo labore incubui, & obtinui. Itaque propter hæc pannoloſus quandoque incedo, alias ornatus, tacitus, verbosus, lætus, triſtis: omnia enim reduplicant his ex cauſis. In iuuenta parum, & rarò caput cyrabam, ob auuiditatem incumbendi potioribus: in eundo inæqualis, celeriter tarde: Domi crucibus ad talos vſque nudus: Parum pius, & lingua incontinens: maximè iratus, vt pudeat & tædeat mei. Et licet pœnitentia ducerer, lui tamen graues, vt dixi, omnium pœnas: vt vitæ Sardanaſapæ, quam anno quo præfui gymnaſio Patauino egi, flagitia purgauerim: vt laus ſit in probro, & virtus in crimine ſapienter, & patienter tuliſſe atque emendaſſe. Exeuſet dicentem me neceſſitas, nam ſi dona Dei prætereire voluero, ingratus ero ſi iacturam quam acceperim enarrare abſque vitæ genere, & tū magis: Tum verò maximè, quòd, vt dixi, noſtra hæc non tanti ſunt æſtimāda, quanti vulgus facit, inania, vacua, & ſtatim velut vmbra illæ in occaſu ſolis adeò grādes, ſed nulli vſui, breui deſitura. Hæc ſi quis non inuidioſè æſtimare voluerit, & meditari quod modum non licet opponere: Quo animo, neceſſitate, occaſione, quantum doloris ex his contraxerim. Quod alij nullo impedimento affecti, admittunt deteriora etiam multo his; non conſistentes vel priuatim, nedum publicè, non beneficia accepta commemorantes; imò nec eorum vix memores: forſan æquiores mihi in iudicio erunt. Sed pergamus: illud inter vitia mea ſingulare & magnum agnoſco, & ſequor, vt libentius nil dicam, quàm quod audientibus diſpliceat: atque in hoc ſciens, ac volens perſeuero: neque ignoro quantum



quantum mihi inimicorum, vel hoc solum conciliet: tantum potest natura longæ consuetudini coniuncta! Hoc autem in meis benefactoribus deuoto, atque potentibus: sufficeret non adulari, saltem non blandiri. Sed & non minùs incontinens in vita cùm noscerem optimè quæ sequi expediret, & oporteret: vixque alius in huiusmodi errore, adedè pertinax facillè inuentus esset. Sum etiam solitarius quantum possum, quamuis hoc genus vitæ ab Aristotele damnatum intelligam: inquit enim *homo solitarius, aut bestia, aut Deus*; at huius causam reddidi. Simili vecordia, nec leuiore damno, eos retineo domesticos, quos mihi non solum inutiles, sed etiam opprobrio esse intelligo: adedè vt etiam animalia dono accepta hædos, agnos, lepores, cuniculos, ciconias, vt totam defædarent domum. Amicorum etiam penuria, & maximè fidorum laborum: Et multa, imò plurima admisi errata, quod quæcunque sciebam, seu parua, seu magna, seu opportunè, seu importunè, vbicunque intermiscere volui; tum etiam adedè, vt quos laudare proposueram læserim, inter quos Præses Luterianus vir eruditissimus Aemarus Ranconetus natione Gallus: atque in hoc, præcipiti non solum consilio, & rerum atque occasionum alienarum ignorantia (quas certè difficilè vitare fuisset) actus sum: sed quod certis illis rationibus quas postmodum adinueni, & ciuiles homines magna ex parte norunt, non innixus sum. In deliberando celer nimis, & penè præcipitis ob hoc consilij, & in quouis negotio impatiens moræ: Id verò obseruantes æmuli vt difficilem captu, si tempus habeam, non aliud magis agunt, quàm quod vrgent, & ego illos manifestè deprehendo, ac vt æmulos caueo, & vt hostes mihi habendos (qui sint) censeo. Quod si non consueuissèm, non poenitere, vilius rei quàm voluntariè effecerim, etiam quæ malè cessisset, prorsus vixissèm infelix: verumtamen causa plerunque malorum fuit filiorum stultitia summa, non sine flagitio, & agnatorum socordia, atque inuidia in suos, peculiare vitium familiarilicet municipalibus plerunque commune. Deditus fui etiam immodicè ab ipsa adolescentia ludo latrunculorum: quo etiam Francisco Sfortia Mediolani Principi innotui, & nobilium amicitiam multorum mihi comparauit. Sed cùm multis annis, ac penè xl. affidue illi incubuerim, quantum, familiaris rei iacturam passus sim, compendio nullo, non est facile dictu. Sed alea etiam longè deterius cessit, filiis ad aleam instructis, & domo aleatoribus sæpè patefacta: Nec vlla mihi nisi levis huius facti exculatio relinquatur, natalium paupertas, cum ego ad huiusmodi solertiam, non prorsus ineptus essem. Hic mos mortalium, sed alij nolunt dici: alij etiam non patiuntur, vtrum ne meliores aut sapientiores? Quid si quis alloquatur Reges, & dicat, nemo est vestrum qui non pediculos, muscas, cimices, vermiculos, pulices ederit, & fædiora etiã stercora ministrorum? quo animo accepturi sunt, quanquam verissima? Quid est hoc, nisi ignorantia conditionis, nolle scire quæ scimus, & rem vi velle comprimere? ita de peccatis, & reliquis omnia fœda, vana, confusa, inconstantia: & vt in arbore mala putrida, ca-

duca: non ergo quidquam noui attuli, sed nudavi veritatem.

## CAPVT XIV.

*Virtutes & Constantia.*

Cum multa sint in quibus homines aberrant, nulla tamen in re magis, quàm in constantia nomine hallucinantur. Primum quidem, quod quæ vera est diuini muneris sit, altera potius stupidorum aut amentium: Quæ quis vt inanem, & prorsus stultam irriserit in Diogene, cunæstate in Sole, arenæ feruenti se inuolueret: hyeme gelidas columnas nudus amplecteretur. Virtus contra fuit egregia Bragadini patritij Veneti, pati ea, quorum nec insolentium victorum quisquam minister esse voluit: Ea immortalis gloria digna viuum decorari, & si diuinum munus fuit potuisse ferre, humanum certè voluisse. Et quamuis circa aduersa clarior emineat, non rarius tamen in secundis occasionem sortitur, vt digna sit admiratione. Et rursus si etiam quibusdam occasio desit, non tamen ob hoc illi minùs constantes haberi debent. Tot modis igitur, cùm in hac virtute errare contingat, nec gloriæ quod pertulerimus, nec vituperationi quod occasio defuerit tribui debet, nec nostrum censere quod natura negatum est. Neque id nos defendimus, quod occasiones aliqua in parte defuerint, cùm nemo tam nobis infensus, tam iudex iniquus fuerit, qui non magis patientiam in aduersis, continentiam in prosperis admiratus sit, quàm crimini dederit, seu iucunda aspernando, seu difficilia tolerando: Dico voluptates, spectacula, morbos, imbecillitatem virium, æmulorum obrectationes, successus parum felices, lites, oppugnationes, minas potentium, suspicionem quorundam, confusionem familiarum, defectum multarum rerum, denique dissuasionem quorundam, seu amicorum verè, seu sub specie illorum, tum pericula ob tot hæreses quæ ingruébant: inde verò quauis bona fortuna, aut tot felicibus successibus, nunquam mutauit mores, nec asperior factus, nec ambitiosior, nec magis impatiens, nec contemptor pauperum, nec oblitus veterum amicorum, nec durior in conuersatione, nec elatior in verbis: nec vestibibus vsus preciosioribus, nisi quantum ex persona quàm gerebam coactus fui, vel quia vt dixi ab initio nimis obsoletis ob paupertatem vsus essem. In aduersis tamen non adedè natura constans, quippe quædam imparia viribus ferre coactus sum, ad quæ arte naturam vici: nam in maximis animi doloribus crura verberabam virga, sinistrum brachium mordebam acriter, ieiunabam, leuabar fletu multum, vbi contigisset flere, sed sæpè non poteram; ratione autem pugnabam, dicens, nihil nouum aduenit, sed solum tempus mutatum est, & anticipauit: numquid poteram non carere illius aspectu, & consuetudine perpetuò tempore? at subtracti sunt aliquot anni? quanta pars hæc temporis si ad æternitatem conferatur? Denique si paucis annis superuixero, partem amisi: si pluribus longior vita videbitur mihi, & plura forsan euenient



euenient per quæ leuabo dolorem, & illius æternam gloriam reddam: Quid tandem si is natus non fuisset. Verum impar dolori, vt infra dicemus, diuina benignitate, & manifesto miraculo leuatus sum. In actionibus etiam constantior, & maxime in scribendis libris, adeo vt oblatiis occasionibus optimis ab instituto non recesserim, sed in priori negotio perseuerabam, quod mutationem propositi in patre plurimum ei obfuisse animaduertentem. Non puto quemquam improbatum, quod cum essem receptus in Academia Ticinensi Affidatorum, in qua erant non pauci Principes & Cardinales primarij, quam etiam ob timorem receperam, nec absens tamen reieci, nec ab ea me exemi: Verum Regi cum insignibus dum exhiberentur, me subtraxi: dicens huiusmodi pompam mihi haud conuenire. De virtute autem non est, vt aliud dicam quam quod Horatius:

*Virtus est vitium fugere.*

Amicitiam numquam abrupti: neque si contigerit abrumpi, eorum quæ in amicitia contigerunt, vel arcanum patefeci, aut illis obieci; quin etiam nihil alienum mihi adscripti: in quo genere Aristoteles aliquantulum, Galenus ad turpem vsque contentionem peccauerunt: adeo vt Platoni soli hac in parte cedam; testimonium ex Vesalio modesto viro, qui paruis contentionibus à Curtio exagitat, nullibi eius mentionem facere voluit: cum nos bonarum literarum tantum amore (quamuis ab eodem Curtio de furto accusati, quod pignus retinerem pro sponsione pecuniarum quam sine teste fecerat) non eruditioni eius inuidi; quo factum est, vt eo Pifas se conferente, Senatus cum interrogaret, an ego illius loco substitui possem, respondit nullus melior: cumque illi scirent nos haud reconciliatos esse, profitendi munus mihi tribuerunt. Illud ad virtutem pertinere haud dubie existimo, numquam à iuuenta mendacium dixisse; paupertatem, calumnias, tot aduersa patienter tulisse, numquam potuisse merito ingratitude vel insimulari: sed hæc nimis.

## CAPVT XV.

*De Amicis, atque Patronis.*

**A** Micorum ex adolescentia primus Ambrosius Varadeus Latrunculorum ludi, & Musicæ & similitudinis morum: post Prosper Marinonus Papiensis; Octavianus Scottus Mediolanensis, à quo sæpe pecunia mutuo accepta adiutus sum, inde Gaspar Gallareatus. In Saccesi autem oppido, arcta amicitia cum Ioanne Maria Mauroceno patritio Veneto, & Paulo Illyrico Pharmacopola: Post reditum, cum Philippo Archinto Mediolanensi Archiepiscopo, per quem Ludouico Madio cuius ope & indigui, & adiutus sum. Præter cæteros Hieronymi Guerrini Gemmarij Mediolanensis, à quo multa didici arcana, quæ in libros, non vt qui à libris subripiunt contuli: & per eum Francisco Belloto Florentino insinuatsum: post Francisci Crucei Iurisperiti egregij viri probi, & Mathematicarum periti, à quo multum adiutus sum

in causa Collegij: per Donatum etiam Lari-  
zam Pharmacopolam, amicitia Francisci  
Sfondrati Senatoris Cremonensis, qui post-  
modum Cardinalis euasit: per hunc autem  
Præfecto criminum, & ipsi Cremonensi Io.  
Baptistæ Specario, viro erudito, & virtutis  
singularis: per quem innotui etiam Alfonso  
Daualo Prouinciæ Proconsuli, & militia Cæ-  
sareæ Duci. Per Sfondratum quoque munus  
profutendi Papiæ Medicinam adeptus sum.  
Inde in amicitiam receptus Andreæ Alciati,  
illius admirabilis Iurisperiti & Rhetoris:  
tum in eius agnati Francisci, qui nunc Car-  
dinalis est: post duorum Cardinalium Io. Mo-  
roni viri magnæ sapientiæ, ac Petri Donati  
Cæsij, quorum trium Mæcenatum patrocinio  
res mea stat. Et cum his quartus est Christo-  
phorus Madrutius Cardinalis Tridentinus, &  
Principum Illustrissimo genere, beneficiis er-  
ga nos, & liberalitate in cunctos nemini se-  
cundus. Post quos vt ad pares etiam amicos  
redeam, Panætij Beneuenti Aretini viri opti-  
mi familiaritas, mihi omni auro dignior visa  
affulsit, ipsa per se propria virtute constans.  
Tum Thadæi Massæ venerabilis Antistitis  
Romæ, ac singularis prudentiæ & integritatis:  
Antea verò Io. Meonæ à secretis Gubernatoris  
Prouinciæ Dom Ferrandi Gonzaghæ, simili-  
ter militia Cæsaris Ducis. Sed & cum Caro-  
lo Bonromeo, & Marco Antonio Amulio  
Veneto Cardinalibus singularis virtutis, tot-  
que aliis vt referre longum esset: quippe vbi  
opera, & autoritate Bonromei, & Alciati  
Bononiam veni Medicinam professurus, cum  
Senatu illo toto Illustrissimo amicitiam con-  
traxi: Sunt enim nobiles illi mirum in mo-  
dum officiosi, humani, atque prudentes splen-  
didique. Ex Medicis duos inculpatæ vitæ, eru-  
ditionis haud mediocris, & ambos Mutinen-  
ses Camillum Montagnanam, & Aurelium  
Stagnum: Melchiorum præterea de Valle Me-  
diolanensem, & Thomam Iseum Brixianensem,  
singulari beneuolentia prosequutus sum, gra-  
uibus etiam ex hoc susceptis inimiciis. Ex  
Anglis purpuratis Ioannem Checum institu-  
torem tenerioris ætatis Regis Odoardi sexti,  
& Claudium Laualum Gallum Legatum Re-  
gis sui apud Anglos, Principemque Badolphiæ.  
E nostris etiam ciuibus, non parum debeo sin-  
gulari virtuti Ludouici Tabernæ Præfecti  
Vrbis sapientissimi. Ex Professoribus Franci-  
scum Vicomercatum Mediolanensem Phi-  
losofum, & suspexi Andreæ Vesalium in  
Anatomica arte primum: duos quoque  
amicos paternos in pueritia colui, Augusti-  
num Lauizarium à libellis Senatus Comen-  
sem, & Galeazium de Rubeis fabrum, cuius  
mentionem sæpius fecimus: sed & Franciscum  
Bonafidem medicum Patavinum de quo etiã  
alias: multorum quoque eruditorum virorum,  
& amicorum mentionem prætereo, quod sine  
hac noti sint Orbi, eruditione sua: vt quod te-  
status sum de gratia experimento videatis,  
non oblitum eorum, quibus quantum in me  
est vitam nomini suo, præsentis testimonio da-  
turus sum. Subiiciam ergo, & Guilielmum  
Chouil, Præfectum Montium Prouinciæ Nar-  
bonensis seu Alobrogum: virum doctum, & Bo-  
nifacium Rhodiginum Iurisperitum Astro-  
logumque egregium: velut & Georgium  
Porrum



Porrum Rheticum, & Lucam Iustinianum Genuensem: Gabrielem Aratorem Carauagiensem Arithmeticum insignem. Verum singularem cum Ioanne Petro Albutio Medico & Professore Mediolanensi, ac M. Antonio Maioragio, item Mario Gessio Bononiensi amicitiam contraxi: Laurentium quoque Zehener Carinthiae medicum, sed & Adriani Belgae singularis fuit fides erga me, & multiplex officium, ac beneficium. Patrocinium autem Principis Matelliae diuinius fuit, estque maius, quam ut humano argumento partum videri possit: Omitto nunc animi illius singulares virtutes Rege dignas: peritiam omnium rerum, ac disciplinarum, amoenitatem ingenij, benignitatem, quid incrementa fortunae, splendorem patris, ac sapientiam humano fastigio maiorem, memorem in utroque animu & beneficiorum, & coniunctionis pristinae: quid in me erat, quod allicere potuerit ad eiusmodi mansuetudinem? non beneficia collata, non spes ex me concepta, senex, fortuna despectus, iacens, non ego vir gratosus: si quid esse potuit, sola opinio probitatis. Hos quales existimetis viros an Deos potius? qui tantum amoris studiorum, simplicitati morum, grato animo atque fideli: aeternis laboribus, laude dignis conatibus ac coeptis tribuerunt, quantum quisque alius potentiae, spei, beneficiis, consuetudini diuturnae, atque blanditiis impertiri solet.

\*\*\*

## CAPVT XVI.

*De inimicis & amulis.*

**N**on eandem inibo rationem, in enarrandis nominibus inimicorum aut amulorum, tam studiosè ut amicorum: quippe Galenum non parum errasse puto, qui Thessalum dum nomen eius proterit, aliquem esse docuerit: & cuius rationem haberet. Et si non ignauus sit, melius est reconciliari si iniuriam accepisti: aut non vlceisci: aut potius factis quam verbis: ergo amulos non solum spernere didici, sed eorum vanitatis misereri. Eos qui clam egerunt suo facto se miseros testantur, qui aperte si ius aequum est, accusandi.

\*\*\*

## CAPVT XVII.

*Calumniæ, diffamatio, insidia ab accusatoribus.*

**I**nsidiarum duo genera sunt, vnum quod ad famam pertinet, & honores de quibus nunc agere institui, aliud de quo infra: nunc cum de insidiis, & maxime occultis agere decreuerim, si modo paterent non adeo occultae fuissent, si magnæ, difficile fuisset occultare eas; paruarum stulta est curiosa observatio: quapropter quatuor tantum narratione contentus ero. Primæ quæ accidit dum Bononiæ accersendus essem, miserunt hostes nominis mei quendam à libellis, Papiam, qui neque auditorium vidit, nec discipulos consuluit, sed nescio, vnde, in hæc verba rescripsit, seu potius

Tom. I.

sententiam, cum quadam de alio mirifica enarrasset, puto, quod non speraret illum venturum: *De Hieronymo Cardano intellexi illum sine scholaribus profiteri, sed sedilibus hominem malorum morum, & ingratum omnibus, qui à stultitia non absit: moribus sanè deformem; quin etiam artis medica parum peritum, & opiniones quasdam in ea sectantem: ut in urbe sua nemini acceptus sit, nec artem exerceat.* Legebantur hæc à Nuncio Bononiensium, coram Illustrissimo Bonromeo vrbis eius Legato Pōtifício, iamque deliberauerat negotio finem imponere, sed cum inter legendum, verbum illud audissent, quod artem non exercerem, vnus ex his qui aderant, Hui inquit, ego noui hæc non esse vera, namque summos viros vidi opera sua vti, & ego quamquam non summus vir, vsus sum; arripuit verbum Legatus, & ego sanè testari possum, matrem meam iudicio omnium aliorum deploratam sanasse: Tum alter subdidit, profecto, & reliqua tam vera esse debent, quàm hoc ipsum, assensus est Legatus, nuncius ille obmutuit, & erubuit. Conclusum igitur est in hanc sententiam, ut vno tantum anno, postquam de hoc actum est, iam munus profitendi subirem, si eiusmodi erit qualem scripsit is, aut aliter parum utilis Academiæ & Vrbi, sinamus eum sibi conditionem quærere, sin secus poterit in posterum firmari pactu, & statui de stipendio, de quo est contentio, assensus est Legatus, atque ita conclusum est. Non eo contenti delegatum à Senatu impulerunt, ut conditionibus in quibus conueneramus, alias adderet quas cum obtulisset nolui recipere: summa stipendij minor, non locus promissus in profitendo, nullæ pecuniæ pro viatico, quibus cum non assentiret, coactus est redire, atque reuerti cum omnibus conditionibus propositis. Et quamquam talia impedimenta videantur; plurimum obesse, hoc opinione falsa hominū accidit: Cum enim fines mortalium actionum breuem ad interitum spectent, nedum ut perpetui sint: satis sapienti si ad ea spectet, nedum ut curet: media verò prorsus nihil: ne somnij quidem umbra, ut cuius in suis actionibus spectare, ac clare videre licet: & ideo penitus contemnenda, cum ad fines comparantur, ad vnguem similia ludis puerilibus cum nucibus vnicique, ut si eorum exitum, ad lauream, vel magistratu, aut etiam regnum quod ei obuenit homine iam facto, pertinere putet conexu aliquo, ut causa, aut similitudine, nonne stultus planè erit. Post hæc dum profiteretur, hæc arte auditorium subtraxerunt, horam constituere penè prandij, scholam ea hora vel paulo ante alteri dederunt, & de tribus quas ego offerebam conditionibus, ut vel celerius vellet incipere, atque ante absolvere: aut mutaret scholā, ut in assignata ego liberè possem profiteri: aut vicissim ipse profiteretur in illa, ego aliam deligerem; cum vidissem in omnibus reluctantem, iam impetraueram in noua electione, ut ipse alicubi profiteretur: hinc dolor, hinc lachrymæ, interrupit casus accusationis succedens, ut neque ego tot conspirationibus succubuerim, neque illi profitentem quem oderant videre cogerentur. Demum sub conductionis spe, voces sparserunt, & maxime apud Moronum Cardinale, me exiguo cum auditorio profiteri, quod quāquam non omnino

B verum



verum esset, quinimò ab initio Academia multos, & vsque ad dies ieiunij haberem auditores; tot tamen oppugnatus æmulis, tot insidiis, demum vi vt dictum est cedebat fortunæ virtus: ergo cum Cardinales specie honoris mei persuasissent, vt sponte cederem muneri: effecerunt vt ille hoc ageret, itaque peracta res est, illorum qui tantum concupierant obsequio maiore, quàm felici euentu.

Porro de calumniis, de falsa infamia, non est quod dicam: tanta, tam assidua, tam stulta & absurda, vt non nisi quæsitos rumores, non intentatas accusationes constet: palamque sit, deterius illos propria conscientia, excruciatos esse, quàm mihi obfuisse: quin imò & maius tempus condendis libris reliquerunt, & nomen ampliarunt, & vitam produxerunt, dum nimios illos labores subtrahere, & voluptatem, & scientiam multorum arcanorum peperere: Idque soleo dicere, & semper in ore habere, non odisse illos, neque etià dignos aliqua pœna quòd obfuerint, sed obesse voluerint. Quæ autem acerbiora, antequam Bononiæ conducerer aggressi sunt, inferius etiam exponam cap. 33.

\*\*\*

## CAPVT XVIII.

*Delectatio.*

**D**electant me gladij parui, seu styli scriptorij, in quo plus viginti coronatis aureis impendi: multas etiam pecunias in varia pennarum genera: audeo dicere apparatus ad scribendum, ducentis coronatis non potuisse emi. Præterea gemmis, vasculis, canistris æreis, & argenteis, vitreis quoque sphaerulis depictis, libris raris, natatione parum, piscatione plurimum, cui quandiu Papiæ mæsi opus dedi, atque vtinam non mutato proposito. Historiarum præterea lectione præcipuè, & in Philosophia, Aristotele & Plotino, Mysticisque illis inuentionibus, necnon Medicina: Poëtis quoque Italicis, Petrarcha & Aloysio Pulcio; solitudine potius quàm focis, quoniam paucissimi non improbi, nulli verè docti: non hæc dico quod doctrinam requiram, (admodum enim parua est tota) sed quis cogit vt iacturam temporis faciamus: Hoc est quod abominor.

\*\*\*

## CAPVT XIX.

*Ludus & Alea.*

**I**N nulla forsan re dignus laude haberi possum: an non tam certè, quàm quod latrunculis, & alea tam immodicè operam dedi, vt me dignum repræhensione fore intelligam. Lusi per plures annos vtroque modo, sed latrunculis supra quadraginta: Alea circa vigintiquinque, nec solum tot annis, sed totis diebus, turpe dictu. Itaque iacturam simul existimationis feci, & rei & temporis: nec angulus defensionis relictus est, præterquam si quis velit me defendere, vt dicat non amasse ludum, sed odisse ea, propter quæ ludere cogebar: calumnias, iniurias, paupertatem,

quorundam insolentiam, confusionem ordinum, contemptum, & morbosam naturam, atque ex his indignum otium: cuius indicio fuit, cum primum licuit me exercere digna persona, illa reliquisse: ergo non amor ludi, non luxuria hæc fuit, sed odium atque fuga. Multa & præclara quamquam inuenerim in libro de latrunculis, quædam tamen ob occupationes exciderunt: octo aut decem quæ nunquam licuit recuperare, ea omninò humanam solertiam excedere, & impossibilia inuentu esse videbantur. Ob id hæc adieci, vt monerem (quod spero venturum) si quando occurrant curiosis, vt coronidem, seu apicem adiciant.

\*\*\*

## CAPVT XX.

*Vestitus.*

**N**on aliter de me ego sentio quàm Horatius de suo Tigellio: Quinimò Horatium dixerim, tum de me sub illius persona locutum.

*Nil aequale homini fuit illi: saepe velut qui  
Currebat, fugiens hostem: persæpe velut qui  
Innonis sacra ferret; habebat saepe ducentos,  
Sæpe decem seruos: modo Reges atque Terrar-  
chas,*

*Omnia magna loquens: modo sit mihi mensa  
tripes, &*

*Concha salis puri, & toga, defendere frigus,  
Quamuis crassa queat.*

Quæras causam, imò causas, in promptu sunt, varietas primò cogitationum & morum: deinde vt saluti prorsus consulere corporis: & quòd cum mutauerim sapius patriam seu habitationis locum, coactus sum etiam mutare vestes, quas neque ob iacturam vendere, nec frustra seruare conueniebat, ob id necessitas intulit legem. Alia est causa non minor hac, aut quæ minùs vrgeat, è studiis neglectus familiaræ, ex neglectu domesticorum, negligitur cura vestium, ideò ex multis numero in paucas vsu rediguntur. Quamobrem minime aspernor Galeni sententiam, qui quatuor vestibus, aut binis tantum, si subuculam connumerare nolis, contentum hominem esse debere docet. Quare cum talia pro præsentī occasione seruato fine, & congruo proposito, variari possint, imò debeant: satis esse puto quaternis vestibus, vt binas feramus grauiore, grauissima, leui, leuissimæque, sient enim quatuordecim coniugationes, pereunte solum illa quæ omnes complectitur.

\*\*\*

## CAPVT XXI.

*Incessus & cogitatio.*

**I**ncessus inæqualis causa fuit cogitatio, nisi quis enim adhibeat mentem, pedes mouentur, imò & pluribus manus ad exemplum solliciti animi; tum verò negotiorum varietas, & occasiones: quin etiam & corporis dispositio: cum valemus, cum leues sumus, cum non delassati, cum vacui properamus & læti: cætera retardant gressum. Itaque abire in proterbium posset incessus meus, nam est inconsideratus,



deratus, dum aliena ab his quæ præ oculis sunt meditor: in vniuersum omnia inæqualia, quæ necessitas dura agit, cuique impetus animi dominatur, qui hæc continuare bona potest, nec sustinere velit mala: sola cogitatio perpetua, vt dixi, sed non perpetuò in eisdem: nihilominus tam intentè adest, vt neque comedere, neque voluptatibus operam dare, imò nec dolorem sentire, aut dormire sine illis cōcessum sit. Hoc igitur vnum bonum, quod malum arcessat, & requiem præbeat, vt nesciam an commodo, an incommodo maiore iuncta sit aut desineret. Cæterum ambulatio modo celer, modo tarda, modo capite & humeris erectis, modo inclinatis, parum distans, ab ea quæ in iuuenta specie, re magis.

## CAPVT XXII.

*Religio & Pietas.*

**T**emporibus adeò turbulentis natus, tot occasionibus obiectus, atque pauperie grauis, tot itineribus obuiam factus viris non solum à religione alienis, sed etiam hostibus, nec fuisse commotum, potius miraculo quàm sapientiæ, & diuino auxilio, quàm virtuti tribuendum est: quippe ab ipsa statim infantia, mihi hanc supplicationem institui. *Domine Deus infirma tua bonitate dona mihi vitam longam, & sapientiam sanitatemque mentis & corporis*: Vnde nil mirum, si religionis, & Dei cultus fuerim obseruantissimus. Alia etiam munera valeor accepisse, sed ita vt constet alterius fuisse, nō propriam: nam perpetuo, æger, & doctus, vt ita dicam plus in his quibus non studui, & quæ ab alio nullo didici, quàm in quibus ad magistros me contuli. Circa pietatē etiam diligentior, contra filij mortem ac dolorem pugnaui: moriturus erat, & eodem anno, ni fallor, parum absuit quin interiret sine sobole: nunc superest ex illo nepos, sed quid plura cur conferas mortales miseras, & dolores, immortalium voluptatibus: sanè dicam ingenuè si nil superesset, & si non tum mortuus esset, semper superuiuentus erat: quid ergo mihi si aliquid quid amisi? ô stultam cogitationem hominum! ô deliria nefanda! nec solum diuinæ Maiestatis memor sum, sed & B. Virginis Mariæ, Beatique Martini, sōnio monitus futurum, vt sub eius patrocinio aliquando quietiorem vitam, & perennem ducerem. Longa olim dissertatio à me conscripta est, quam hic contraxi, non posse esse pares vllō modo molestias huius vitæ, ei felicitati, quam de sequenti speramus, neque obitat quod eiusmodi supra naturam cum adsunt, ita mouent, vt nihil maius esse posse putes, nec queas ambigere, sed vbi recesserint quasi somnium res ipsa videatur. Vtinam si Deo placuisset hæc Charybdis tanto muneris sublata fuisset, nam & intentius monita cœlestia obseruarent, & obseruatorum meminissent, & eorum quæ meminissent voluptate largius fruerentur, & eo magis piè viuerent, ac exemplo aliis forent: sed iam graui infamia laborare me intelligo, qui legem sapientiæ instituere mortalibus volui: rapuit me eo pietas: & dolor miserorū, quia etiā de immortalitate animi naturaliter,

Tom. I.

Platoni & Aristoteli, atque Plotino consentanea, & rationi, & institutioni me dixisse reor, inter eos qui simpliciter locuti sunt: In Platone enim grauitas, in Aristotele diuio, in Plotino finis, & præmia desiderantur, quàm hoc inuentum non meum sit, sed Auicennæ cuius opinioni, vt verisimiliori inter Philosophos, libentius subscribo.

## CAPVT XXIII.

*Observationes nostræ præcipuæ.*

**N**ulla in parte melior mihi vitæ sum quàm in obseruationibus, propter longitudinem vitæ, & aduersorum multitudinem. Ergo primum præter preces illas pueriles, vbi proficere mente cœpi; gratias reddere solitus sum Deo, de his quæ mihi contigerunt, propitia quidem, de quibus turpe etiam homini ingratum fuisse, vel etiam belluæ existimarem: in aduersis autem quæ leuia erant, pro admonitione vt cauere accepi; & ô quoties eiusmodi monitis, maximas vitæ calamitates! quæ verò mediocria etiam de his debere me sentiebam, tum quòd nil ex his quæ tempus obliterare solēt, magnum esse crederem; tum quia omnium aduersorum Deum dispensatorem esse intelligebam: & licet mihi insensu videri possent, ad ordinem tamen vniuersi optima fuisse non dubito, quid quod mors omnino ineuitabilis est, quam leuiorem reddunt multitudo aduersorum, & vt Ægineta dicebat: qui lapidem magnum è vesica eximunt, minus patiuntur ob labores præcedentes, quàm qui exiguum, & ob id etiam rarius moriuntur. In extremis verò nialis, Deum, vt ita dicam, mei meminisse persuasus sum: quò consilio (mira res dictu!) mortem morte depuli. Secunda obseruatio specialis fuit vt Dei numen implorarem: ex scriptis etiam inuocarem Dei summi vitam, & vt doceret me facere voluntatem suam, quia Deus meus est; ecce quàm bonum, & quàm iucundum, ita triplici leuatus sum infortunio: dedit antequàm auferret: tutatus est aduersus currettes maris vndas: vitam quietam permisit. Tertia, vt in iacturis non suffecerit redemisse damna, sed aliquid plus semper occupauit: adeò, vt solus fermè mortalium ea, non solum consilio, sed experientia non oderim. Quarta, vt temporis summam haberem rationem: nam equitando, edendo, in lecto, vigilando, colloquendo, semper aliquid meditabar, aliquid reposui, memineram illius vulgaris adagij, *multa modica faciunt vnum satis*. Id est efficiunt cumulum: dicam breui fabellam, imò historiam, dum habitarem in domibus Ranutij Bononiæ, duo erant loca, vnus obscurus, sed tutus: alter splendidus, sed cui immineret tectorium ad momenta ruinosum, & cuius partes dum inhabitarem, deciderant certo vitæ discrimine, modo subessem, vix ex multis semel ad tutum me contuli. Quinta, vt senes colerem, ac cum illis essem. Sexta vt omnia obseruarem, nec existimarem fortuitò quicquam à natura fieri, qua ratione arcanis magis ditatus sum, quàm pecuniis: Septima vt certa fermè semper incertis anteponerem,

B 2 in



in qua causa adeo fortunatus fui, ut pleraque ex his quae mihi feliciter contigerunt, huic mentis proposito me debere persuadeam. Octava ut in nulla re quae mihi male cederet, persuasus ratione, voluerim persistere, imò plus tribui experimento, quam sapientiae meae, aut confidentiae de arte, idque praesertim in ægrorum curatione in cæteris volui forte me committere, nec de præteritis cogitavi ut plerique: Quid si sic fecissem? cui enim bono hæc? lucrum quo maius aufertur, non est lucrum, maxime ob temporis dispendium. Actum nunquam postposueris potentiae in curandis ægris, ut ænemata inani fistula: lactis aquam in hydrope. Vbi cum potentiori, aut cum vno ex ordinibus, & maxime bene merito inique tractaris, tu tanto mitius age: æqua enim dixi oportere esse omnia. Nisi vacuus, recipio negotium, non contentiosum solum quia melius, sed ut temporis compendium faciam. Amicitiam etiam subdolan non lacerabo, sed dissuam. Paulò post lxxv. annum nolui interesse lucri causa congregationi, nisi scirem quot & qui socij? fuge vbi familiaritas contemptum parit. Quantum potui minus memoriae reliqui: sed scriptis.

\*\*\*

#### CAPVT XXIV.

##### *Domus.*

**I**Nfans Mediolani in porta Ticinensi loco qui dicitur via arenae, post in via Mayni è regione arcis, & in propinquo in domo Lazari Soncini Medici, dum essem puer parvulus: adolescentulus in via Rouellorum in domo Hieronymi Hermenulsi, post in domo Cusanorum, adolescens & usque ad xix. annum in domo Alexandri Cardani; Papiæ ad sanctum Ioannem in Burgo, ad sanctam Mariam, ad Venerem in domo Cataneorum, & ad sanctum Gregorium in Monfalcone in Burgoliæ, inde propè scholas, propè Ceranouam procuratorem, & exinde in domo mea, quam emi iuxta templum B. Mariæ in Pertica. Bononiæ autem in via Gombri, inde in Galera in domo Ranutij, post in domo mea quam emi propè sanctum Ioannem in Monte; Romæ ad Populum, in area B. Hieronymi, propè Curiam Sabellam: inde in via Iulia propè B. Mariam Montis Serrati: antea verò Mediolani in domo quam emerat mater, iuxta templum B. Michaëlis ad Clusiam: inde in P. Orientali; post ad Quinque vias: inde ex ædificata domo quæ corruerat, redij ad B. Michaëlem.

\*\*\*

#### CAPVT XXV.

##### *Paupertas & detrimenta in patrimonio.*

**P**AUPER neque lucri cupidus, neque diligens dignitate ornatus vana & ambitiosa casus domus, bello in patria & tributis intollerandis, quasi perpetuò, familia multa, ab æmulis laceratus, à Collegio diu reiectus, ego quandoque prodigus, & inconsideratus: corpore infirmus, furtis dilapidatus, profusus in emendis libris, mutata toties nescio an dicam

sæpius Vrbe, an in Vrbe habitatione: morà Gallareate infructuosa, ut in xix. mensibus ne xxv. coronatos precium conductæ domus lucratus sim: alea aduersa oppigneratis ornamentis vxoris, & supellectile, ut mirum sit potuisse omnibus carere præfidiis: magis, non mendicare carentem: magis adhuc nil admisisse ne cogitasse quidem indignum, aut maioribus meis, aut virtute, aut honoribus, quibus antea decoratus eram, & in posterum florui, sed æquo animo tulisse omnia: hæc quindecim annis perpetuis, nec interim munere assidentis Medici perfrui voluisse. Verum dices, qua ratione? an docuisti priuatim? non, an mutuò accepisti sine pignore? non: An rogasti quenquam ut dono daret? neque inuenissem puto, & puduisset me, an forsitan victum attenuasti? neque illud. Quid ergo? ephemerides scribebam in scholis à Platinis publicè docebam: medendo aliquid colligebam, domestici fermè singuli, muneri quaestiuo addicti erant. Archinti domus munusculis aliquot adiuuabat, consulta vendebam: fortuita obseruabam, & spicilegium imitabar, à sumptu vestiario prorsus abstinebam, ita pertuli aduersam fortunam, ut etiam in secunda melius partis fruerer.

\*\*\*

#### CAPVT XXVI.

##### *Matrimonium & filij.*

**A**Ntea verò habitabam in Saccesi oppido lætus & hilaris, quasi expers omnium malorum, (refero autem importunè, sed nimis proposito huic conueniens somnium) ac quasi mortalis in immortalis sede collocatus, aut ut melius dicam, iucunditate: cum ecce nocte quadam, video me in horto quodam amœno, nimisque pulchro, floribus ornato, fructibus diuersi generis referto, spirabat aura suavis, ut nihil iucundius non pictor, non Pulcius Poëta, non cogitatio simile quicquam cõfingere posset; etiã in vestibulo horti, ostium apertum patebat, & aliud inde ex aduerso: cum ecce video puellam candida veste indutam, eam adeo amplector, exosculor, statim à primo osculo hortulanus clausit ostiũ, enixè coepi rogare ut apertum dimitteret, nunquam potui obtinere: mœstus itaque, & puellæ hærens, exclusus manere visus sũ: paucis post diebus arsit domus: nocte fuscitati sumus ad incendium, intellexi cuius domus esset quæ ardebat, scilicet Altobelli Bandareni, qui Tribunus erat collectitiæ militiae Venetæ in agro Patauino: nihil egi, vix enim facie mihi cognitus erat, sed fortè fortuna conducit domum quæ meæ contigua erat, agrè tuli: non enim tales vicinos habere desiderabam, sed quid facere poteram: interim post pauculos dies, è via, conspicio puellam facie ad vnguem, & vestibus similem ei, quam nocte illa videram: verum dicebam, quid mihi cum hac puella? si vxorem ducere voluero pauper, nihil habentem, & fratrum ac sororum multitudine oppressam, perij, cum vix, vel sic sumptum sustinere queam; si tentem abducere, aut occultè eam comprimere, cum ipse sit Oppidanus, non deerunt exploratores, tribunus mi-

litum



litum non iniuriam patietur, & in utroque casu quid mihi agendum erit? O miser, si optimè cedat, fuga opus est: hæc & talia volutanti subiit in mentem, melius esse mori quàm sic vitam agere: ab ea die cœpi non amare, sed ardere; intellexi quantissimam coniectura excipere poteram, me solutum eo vinculo, duco volentem volens, parentibus etiam rogantibus, & offerentibus auxilium si quo opus esset: neque enim parum poterat. Verùm somnij interpretatio non in puella desit, sed in filiis vim suam ostendit. Vixit mecum annis xv. sed tamen hoc incommodum, omnium malorum, quæ mihi in tota vita acciderunt, causa fuit. Vtrum hæc diuino consilio, aut mihi, mei maiorumve pro erratis debebantur. Ipse enim secus ferreus natura, ac omnibus futurus eram aduersis superior.

\*\*\*

## CAPVT XXVII.

*Filiorum aduersa fortuna.*

**A**T in filiis non dubiè vis somnij explicata est; primum duplici abortu duorum masculorum quadrimestrium, adeò ut desperarem de sobole, aliquando suspicarer de maleficio: tandem protulit primogenitum prorsus patri meo similem facie, ut in iuuenta paruit, bonum, benignum, simplicem, dextra tamen aure surdum, oculis paruis, albis, & qui nunquam quiescebant: duobus etiam digitis in sinistro pede, ni fallor, scilicet tertio & quarto à pollice numerando simul iunctis: dorso prominentiore, sed non ad deformitatem: hic vique ad xxiii. annum fermè quiescit vixit, post amore captus, ubi lauream consecutus est, Brandoniam de Serono, absque dote uxorem accepit: mater eius ut dixi iam diu obierat, & multo antem matris pater, quippe qui à nuptiis paucis mensibus superfuerit, vivebat tantum matris mater Thadea: tum verò cœpere dolores, & lachrymarum antea multa perpessus viuentem matrem suam, finem tandem habuerunt, tempus enim id fuit in quo oppugnabar. Interim accusatus filius, quod uxorem veneno tentasset, & in puerperio, decima septima die Februarii captus, post quinquagesimum tertium diem Idibus Aprilis, securi percussus est in carcere. Atque hoc primum & maximum infortunium, per quod, neque retineri honestè poteram, neque sine causa dimitti, nec tutò habitare in patria, nec eam securè relinquere poteram; despectus obambulabam Urbem, contemptus conuersabar, ingratus deuicabam amicos, quid agerem non occurrebat, quo me conferrem non habebam, nescio an infelicior, an odiosior. Subiere post filij minoris stultitia, flagitia, vexationes ut nihil addi possit: coactusque sum eum in carcerem non semel trudere, & exilio condemnare, & hæreditate paterna priuare; cum maternæ nihil esset. A sola filia, præter dotis sumptum, nihil molesti perpessus sum, sed hoc illi ut gratè debui ita persolui. Ex filio igitur nato maiore, duos suscepi nepotes, atque vna domus, paucis in diebus, tria funera vidit, filij, nurus, & neptis Diareginæ: parum abfuit, quin & nepos interierit. In vni-

Tom. I.

uersum tota res filiorum pessimè se habuit, nam filia ex qua duntaxat spes aliqua boni supererat, nupta diuiti, & egregio adolescenti Bartolomeo Saccho patritio Mediolanensi, sterilis euasit, ut vnica spes in nepote superfit. Haud me latet hæc inanitas videri posse temporibus futuris, & præcipuè alienis: sed nihil, ut dixi, in hac mortalitate, nisi inane, vacuum, & somnij umbra: præcipuè quòd solum est, quo omnia mortalium facta, res, vita, casusque constant? sed ut apud Crantorem pater ipsius eloquentiæ Cicero didicit, quo consolaretur in morte filia, ita eiusmodi in maximis aduersitatibus, modo hic, modo illic reuiuiscunt, & non contemnendo vsui atque utilitati sunt. Cæterum haud me latet, solum ea digna videri, quæ in libris referantur, velut magnarum rerum series ex minimis ortæ initiis, atque in his vel properandum, vel maxime ordinatim vnumquodque explicandum, ut fiat historiæ pictura persimilis: vel ingentium operum exempla, virtute, vel flagitio nata, aut casu, quàm breuissimè, nisi ad artem pertineant aut sapientiam. At nunc o tempora! & o mores! non scribimus nisi turpes adulationes, liceat laudibus efferre virtutem, & innocentia dignos, Plinius Traianum, Horatius Mecænatem. At facinus docentes quid facere debeant, stultè: sed si modo fac ut sperare possis, ergo ut hæc non laudabilis ita fecidissima in qua muli mutuo scabunt, verum si merita? vno verbo per transennam, & ut de re notissima, velut Plinij secundi cum Martiale. An in sapientia, & arte perfectus sit oportet liber, quem emere præstat: Ille perfectus est qui vno filo ab initio rei ad finem peruenit, nil relinquit, nil extra finem adiicit, diuisionis normam seruat, abstrusa docet, fundamenta demonstrat, vel si artis Principem exactè delineauerit, velut Vitruuium Philander.

\*\*\*

## CAPVT XXVIII.

*Lites iuges.*

**A**B obitu patris ad annum vsque xlv. scilicet xxiii. annis perpetuò fermè litigauit; & primum cum Alexandro Castillioneo Gatico vocato, pro quibusdam nemoribus: post cum agnatis: deinde cum Barbianis Comitibus: post cum Collegio: inde cum hæredibus Dominici de Torris, qui me sacro fonte leuauerat: cum omnibus superior euasi. Illud mirum, quod Alexandrum Castillioneum iudicio, & patruo suo Iudice, euerterim, quamvis sententiam obtinuisset aduersus me, quæ in iudicatum (ut Iuriconsulti dicunt) transferat: coëgi quæ illi pecunias omnes persolvere. Simili bona fortuna iudicatus à Rectoribus Collegij, atque exclusus pluribus sententiis, inde etiam pactione confirmata vltima sententia, ut socius essem, & Collegio subiectus, non tamen ex his vnus, tot aduersantibus planè receptus sum. Cum Barbianis etiam, post longas lites, minas, aliæque impedimenta conueni, & accepta pecunia pacta, planè liberatus sum à lite.



## CAPVT XXIX.

*Peregrinationes.*

**I**Nuisti Italiam pluribus itineribus penè totam, præterquam Neapolim, & Apuliam, regionisque illis conterminas; item Germaniam maximè inferiorem Heluetios, Rhetos: præterea Galliam, Angliam, vt dicunt, & Scotos, sed libet enarrare, quid acciderit. Erat Amultho Archiepiscopus beati Andree in Scotia ciuitatis principalis, frater Proregis nothus, idemque Pontificius legatus, & primas: is laborabat difficultate spirandi per circuitus, primum longiores, demùm cum annum xl. superasset, singulis octo diebus, aded vt planè moriturus videretur: Verum intra xxiv. horas, nullo vel planè leui auxilio liberabatur. Fatigauerat frustra Caroli V. tum Cæsaris, & Henrici Gallorum Regis medicos: itaque audito nomine nostro, misit per medicum suum, primum ducentos coronatos Mediolanum, vt Lugdunum me conferrem, aut ad summum Lutetiam, quasi ibi venturus: ego qui tum vacuus eram à profitendi munere, vt superius enarraui, libenter conditionem amplexatus sum. Itaque anno M. D. lii. octauo Calendas Martij, me itineri accinxi, transiens Dondosola, Sione, Geneva, per Montem Sempronium, lacu Lemano relicto, tertio Idus Martias, Lugdunum me contuli: Erat dies Bacchanalium Mediolanensium, qui sextus numeratur à communi: ibi moram traxi xlv. diebus, nulum videns Archiepiscopum, neque ipsum Medicum quem expectabam: sumptum tamen lucro vici, aderat Ludouicus Biragus Illustris vir Mediolanensis, peditum regionum Dux, cum quo amicitiam ego arctam contraxi, aded vt si vellem Proregi Brisacco inferuire, stipendium offerebat mille coronatorum in singulos annos. Aduenit interim Gulielmus Casanatus Medicus Archiepiscopi, attulitque trecentos alios coronatos, quos mihi dedit, vt in Scotiam me conferrem: impensas pro viatico eò vsque offerens, tum alia multa dona pollicitus: ergo per Ligerim fluium, Lutetiam traductus sum, vbi Orontium videre contigit, sed ille ad nos venire recusauit: vidi Duce Magnieno Thesaurum Regis Gallorum in templo B. Dionysij, rem fama minorem, existimatione mea maiorem, tum maximè ob integrum Monocerotis cornu; ex hoc congressus cum Regiis medicis, vnà pransi sumus, sed non obtinuerunt, vt me audirent à prandio, quoniam ante prandium volebant me priorem dicere. Profecutus igitur iter, amicè satis cum Pharnelio, & Syluio, alióque Regis medico quos ibi reliqueram, Bononiam Galliarum me contuli, vbi, quatuordecim equitibus armatis, & viginti peditibus comitatus, ita volente Sareponti Principe, perueni Caletem, vidique Cæsaris turrim adhuc stantem: inde superato maris sinu, Londinum ingressus, tandem tertio Calendas Iulij, ad Archiepiscopum Edimburgum veni: mansique ibi vsque ad Idus Septembris, acceptisque quadringentis aliis aureis

coronatis, torque vno centum viginti quinque coronatorum, asturcone præstantissimo, multisque aliis donis, vt ne vnus quidem vacuus redierit: veni in Brabantiam, atque in Tangarorum regione vidi Grauelingam, Antuerpiam, Brugiam Gandauum, Bruxellam, Louanium, Mallinem, Liram, Aquisgranum, Coloniam, Confluentiam, Cleuem, Andernacum, Maguntiam, Vormatiam, Spiram, Argentinam, Basileam, Neustat, Bernam, Bisanzonum, Rhetos interiores, Corium, Clauenam vrbes illorum: demum per lacum Lariū transiens, Mediolanum redij tertio Calendas Ianuarij M.D. liii. Ex his omnibus locis, Antuerpiæ, Basileæ, & Vexuntij solum moram traxi, cupiebant enim Antuerpiani omni studio me retinere: Londini Regem allocutus sum, accepique dono centum coronatos, renui quingentos, certè aliqui dicunt mille (veritatem scire non potui) quod titulo ipsius Regis, in Pontificis præiudicium subscribere noluerim: in Scotia familiaris factus sum Proregi Gallorum Vsellæ Principi: Basileæ parum absuit, nisi admonitus à Gulielmo Gratarolo, ne in pestifero hospitio reciperer: Vexuntij ab Antistite Lexouiensi bene acceptus, vt alias commemorauimus, & donatus, tum aliis in locis. Itaque Romæ quatuor annis, Bononiæ nouem, Patavij iii. Papiæ xii. Moiraghi iv. primis, Gallareatæ vno: In oppido Saccensi vi. propè annis: Mediolani xxxii. penè in tribus vicibus, tribus annis, vt ita dicam, vagatus sum. Præter hoc iter, vidi Venetias, Genuam, & Romam, & Vrbes quæ sunt in itineribus his, velut Bergamum, Cremam, Brixiam, & reliquas: item Ferrariam, atque Florentiam: vtrâque Vogheram atque Derthonam: Et vt breuiter dicam, penè totam Italiam, excepto Regno Neapolitano, & coniunctis regionibus, vt Apulia, Latio, Piceno, Vmbria, Brutiis, magna Græcia, atque Lucania, & Abbruzzo. Sed quæres cui bono tot vrbium commemoratio? magno, modo vna die spectaueris iuxta doctrinam Hippocratis, nam natura loci intelliges qualis sit, & mores habitantium, & quam partem præstet eligere, qui morbi regnent: Et ex his quæ commodior, nam tota illa pars olim & ob frigus, & nunc magis ob dissidia, parum est utilis: tum verò ad historiarum intellectū, & præcipue auxilio Mathematicorum talia describentium: naturam quoque & prouentum plantarum, atque animalium, & iter peregrinantibus, vnde libri etiam in hoc genere impressi habentur lingua Italica, hoc docentes etiam addita distantia.

## CAPVT XXX.

*Pericula & casus, & de insidiis multiplicibus, variis, & assiduus.*

**C**Asus autem quos referam incurri, habitabam in domo Cataneorum, mane ibam ad scholas, erat nix in terra, ego propè murum ruinosum à dextra scholaris minxi, inde per callem inferiorem incedenti, later è muro è regione ruit, hoc ergo periculum deuitali solum ob niuem, quod superiore tramite,



tramite : maximè impellente comite , ire ne-  
quiui. Sequenti , ni fallor , anno M. D. xl.  
cum essem in via orientali , venit in mentem ,  
& si nulla ratione , vt à sinistro latere trans-  
grederer ad dextrum , cumque ibi essem , ma-  
gna pars camenti ex altissima subgrunda ad-  
uerso latere cecidit , tanto spacio ante me , vt  
certè nisi mutassem illud iter , totum me con-  
triuisset , & sic euasi Deo volente. Paulò post  
propè eundem locum , in mula sedens ibam  
iunctus currui , & tum à dextra volebam  
præcedere , negotio inuitante , & mora tor-  
quente : dixi mecum , quid si ruat currus , &  
paulo post dum substitissem , cecidit , nec du-  
bium est quin oppressurus me fuisset , mani-  
festo detrimento , & periculo etiam non leui.  
Non de hoc miror quòd ita contigerit , sed  
quòd cum toties viam mutauerim , nunquam  
sponte , nisi in huiusmodi periculis , forsan  
alias non animaduerti : Attamen res magna ,  
non admiranda , si exemplum frequens non  
adesset. Cum puer , ni fallor , annorum xi.  
essem , ingressus cortem Donati Carchani viri  
Illustris , à cane non magno , mollis pili , demor-  
sus sum in ventre , & in quinque locis illius  
vulneratus sum , licet non grauiter , nigrican-  
tibus tamen plagis , in hoc nihil dicam nisi  
profuisset nescire periculum rabiei , si maiori  
natu contigisset , quod morbus non fecisset ,  
timor forsan perperisset. Anno M. D. xxv.  
quo Rector euasi , in Benaco penè submer-  
sus sum , cum inuitus ingressus essem habens  
equos conductitios , fracta malus , Temo , &  
è duobus remis vnus rupta vela , etiam mino-  
ris arboris , non superuenerat : Sirmij serua-  
tus sum , cum nulla aliis spes superesset , mi-  
hi exigua : quod si dilatus fuisset ingressus vel  
xl. parte horæ perieramus , nam tanta tempe-  
stas ingruit , vt vestes fenestrarum ferrei in  
hospitio flecterentur : Ego vero qui ab initio  
timere visus sum , inducto Lucio pisce magno  
in mensam , lætus cœnaui : cæteri non ita ,  
præter consultorem erroris , & in periculo  
acrem defensorem. Cum Venetiis essem Na-  
tali Virginis , pecuniam alea amisi , sequenti  
die reliquum , eram autem in domo collufo-  
ris : cūque animaduertissem chartas esse adul-  
terinas , pugione ipsum vulneraui in facie ,  
tenuiter tamen : Aderant præsentès duo eius  
familiares adolescentes , & duæ hastæ laquea-  
ribus affixæ , & ianua domus claue conclusa :  
sed ego vbi pecuniam omnem tam suam ,  
quàm propriam arripuissem , ac vestes meas ,  
tum annulos quos pridie perdideram , sequen-  
ti ab initio victor recuperassem , domumque  
per puerum meum iam amandassem , partem  
pecuniæ sponte abieci , quòd illum vulnera-  
tum viderem , ac statim aggressus famulos ,  
cum educere arma nequirent , supplicantibus  
vitam condonaui , ea conditione , vt ianuam  
domus referarent : Dominus tantam rerum  
perturbationem atque confusionem videns ,  
moramque omnem suspectam habens , quod  
in domo ( vt reor ) chartis adulterinis me cir-  
cumuenisset , postquā coniectura animaduertit  
parum differentiæ esse inter lucrum , & ia-  
cturam , ianuam aperiri iussit , itaque ego  
abij. Eadem die dum periculum à prætorio , ob  
iniuriam Senatori illatam , euitare conor ,  
armatus sub vestibus , hora secunda noctis ,

lapsus pedibus , cecidi in mare : Ego cadens  
mei non oblitus , iactaui dextram , & appre-  
henso transtro , à sociis seruatus sum , cum-  
que nauim ingredior , inuenio (dictu mirum)  
cum quo luseram , faciem vitta ligatam ex  
vulnere habentem , qui sponte obtulit vestes  
nauticas , quibus indutus cum illo Patavium  
vectus sum. Antuerpiæ cum vellem emere  
gemmam (nescio qua ratione quo fineve fo-  
ret in officina) in foueam cecidi , læsus & at-  
tritus in aure sinistra , excusabam satis leuiter  
factum , qui non nisi in cute offensus sim. An-  
no M. D. lxvi. dum essem Bononiæ , me proie-  
ci è carpento currente , quod retineri non  
poterat : vnde contractus annularis digitus  
dextræ manus , brachium quoque læsum , ad-  
eo , vt reflectere non possem ; mansit per ali-  
quot dies , inde transmutata est affectio ad si-  
nistrum , dextrum mansit illæsum , miro euen-  
tu , sed magis mirum quod post annos ix. re-  
diit nulla ex causa , quasi omine , in dextrum  
rursus , & nunc me fatigat : at digitus nullo  
præsidio adhibito , eo peruenit , vt nec noxam  
sentiam , & ab obliquitate pene liberatus sim.  
Quid dicam de periculo pestis quòd accidit  
anno M. D. xli. inuiseram famulum Colonel-  
li ex Insula Genuensis Illustris viri , is detine-  
batur peste , venerat enim ex Heluetiis , &  
inter duos ægros qui obierant dormierat. Ego  
in scius rei , vmbellam Cæsaris Mediolanum  
ingredientis detuli , quòd Rector essem Col-  
legij Medicorum , cognita re , volebat Co-  
lonellus , vt absconderemus in villa mor-  
tuum , pro mortuo enim habebatur , nolui  
assentiri vt absconderetur , nihil magis timens  
quàm dolum , & à dolo , sed Deus iuuat , con-  
ualuit enim æger quamuis præter spem non  
parum adiutus præsidio nostro paterno. Quid  
quod in anno M. D. xlv. hoc autem penè pro-  
digiosum est , veniebam cura quasi solutus , ex  
domo in qua canis pridie me parum attige-  
rat , non tamen vulnerauit morsu , sed quòd  
clam , & tacitus intentasset , metuebam ne  
rabidus foret , itaque oblata aqua licet nolue-  
rit bibere , non tamen aufugit , & Capi crus me  
iubente oblatum comederat : cum interim vi-  
deo canem magnum valde , ad me venientem  
procul satis , & erat dies sanctæ Crucis men-  
sis Aprilis læta admodum , via autem sepibus  
vtrinque virentibus munita , atque arboribus :  
dicebam ergo mecum , quid mihi hoc cum  
canibus heri & hodie : vitaui metum vanum ,  
qui scit quod hic verè non sit rabidus , & dum  
hæc cogito , canis iam appropinquabat , & ad  
vnguem è regione capitis mular , aded vt con-  
siliū capere nescirem , statimque vbi appro-  
pinquauit , exiliit me inuasurus , ego autem  
sedebam in mula parua , quod vnicum fuit sa-  
lutare auxilium iam tamen meditatū inij ,  
inflexo enim capite super collum mular , canis  
transiit collidens dentes , neque me læsit , ne-  
que prorsus tetigit , quod sanè potest inter  
miracula adnumerari , aded vt nisi hoc sæ-  
pius , & multis in locis scriptis mandassem ,  
existimarem me somniasse , & tum cogitatio-  
ne hallucinatum , nisi retrò respiciens forte  
rediret & inuaderet puerum , qui sequebatur  
retrò , & à sinistra propè sepem interrogas-  
sem , dic quæso ( nam canis iam abierat  
impetu cursus actus ) num tu vidisti quid ege-  
rit



rit canis ille, & an tibi molestus fuit? dixit minimè molestus fuit, sed apprimè vidi quid tecum egerit; dic sodes rursus interrogavi, quid egit? tum ille insiliit recta super caput tuum, te vero inflexo transiit, nec læsit, tum ego dixi mecum, certe non hallucinatus sum, sed res tamen hæc supra fidem omnibus videri poterit. In vniuersum quatuor fuere extrema pericula, id est in quibus nisi occurrissem, de vita actum esset, submersionis primum, canis rabidi secundum, casus cæmenti tertium minus, quia non inchoatum: rixa denique in domo nobilis Veneti. Totidem maxima detrimenta & impedimenta, primum concubitus, secundum mortis sæuæ filij, tertium carceris, quartum improbitatis filij natu minoris: sic examinari ordine vita debet. Omitto modo sterilitatem filia, Collegij litteram longam; tot iniquas nedum iniustas insectationes, malam corporis intemperiem, & imbecillitatem perpetuam; nullum coniunctum qui saperet, & frugi esset: nam si non defuisset, magna ex parte me alleuasset, & à plerisque incommodis minoribus immunem reddidisset.

Quod vero ad insidias lethales attinet, narabo mira dictu, attentus esto, nam rara historia est. Profectus Papiæ, legebamque in domo mea, erat mihi ancilla fortuita, & adolescens Hercules Vicecomes, duoque pueri, & famulus ni fallor: horum puerorum vnus erat Amanuensis, & Musicus, alter à pedibus; agebatur annus M. D. lxii. in quo ego decreueram abire Papiæ, & munus profitendi derelinquere, sed Senatus hoc ægrè ferebat, tanquam in homine irato, itaque cum essent duo Doctores, quorum vnus vir callidus, & qui discipulus meus olim fuerat, alter profitebatur Medicinam extraordinariam, simplex, neque vt puto malus: verum quid non agit cupiditas honorum atque opum, tum maxime cum simul, & honestis studiis coniungitur? Erat autem nothus hic: Æmuli autem maximo studio quærebant, vt urbem relinquerem, omnia facturi, vt videbatur, huius voti explendi causa. Itaque cum depellere propter Senatum non sperarent, quamuis me discessum quærente, inierunt consilium trucidandi, non ferro propter infamiam, & metum Senatus, sed dolo, namque concurfor videbat se non posse esse primum, nisi ego discederem, ergo rem procul exordiantur. Primum Epistolam exarant nomine Generi mei, aded turpem, & aded foedam, imo etiam nomine filia, pudere affinitatis mecum, pudere nomine Senatus, & nomine Collegij, rem eò spectare vt me munere profitendi indignum putent, & ab eò remoueant; percussus tam impudenti, & audaci reprehensione meorum, nesciebam quid agerem, quid dicerem quidve responderem: neque interpretari poteram quorsum hæc? tam impudens & importunum factum, & si nunc liqueat profectum eo consilio, quo & alia excogitata sunt, namque intra paucos dies, alia Epistola affertur nomine Florauanti: quæ in hunc sensum scripta erat, *Pudere ipsum, nomine patria, Collegij, Congregationis professorum, vt passim sparsum esset me abuti pueris, nec sufficere vnum, nisi etiam alterum adiun-*

*xissem: rem prorsus inauditam: rogare nomine tot amicorum, vt publica infamia consulere, non aliud Papiæ quam hæc consilia referri: domusque ciuium designari vbi hæc agerentur.* Ego cum hæc legissem obstupui: nec credere poteram illius fore Epistolam, amici & modesti viri: attamen adhuc in memoria hærebat prior Generi vt rebar Epistola: nam nunc, nunquam illam eius fuisse puto, sed nec quicquam tale vnquam excogitasse, cum ab eo tempore vsque ad hanc diem, & amicus & iratus, semper me coluerit, neque vilius de me malæ opinionis, nedum tam absurdæ vestigiū ostenderit: Omitto reliqua si etiam hæc credidisset vir alioquin prudens, quorsum Epistolæ mandare, quæ in manibus multorum esse posset, & focerum reprehendere criminis, quod vt incertum saltem erat: ita foedum, turpe, & ei graue futurum. Statim ergo vestem postulo, aded Florauentum, interrogo de Epistola, fatetur esse suam: tunc magis etiam obstupui: neque enim prorsus de dolo suspicabar, nedum vt cogitarem. Cœpi rationibus agere, & interrogare vbinam hæc tam celebria Concilia agerentur? in hoc cœpit nutare, nec habebat quod diceret: solum iactabat famam publicam, & gymnasij Rectorem, erat enim totus ille addictus Delphino: nihilominus vbi vidit rem eò spectare, vt potius ipse in periculum non leuè, quam ego in suspicionem criminis traheretur, consilium mutauit, & cessit, videbat enim quamuis vt dixi simplex, quantam rem ageret. Itaque ex illa die cessarunt omnia hæc, & machinæ excogitæ ruerunt: dicam autem, vt post intellexi, quonam pacto res agitata sit: persuaferant lupus, & vulpes pecudi illi, si ego non essem, omnino decreuisse Senatum, vt munus profitendi Papiæ illi secundo loco daretur; nam primum concurfor ipse, ibi arrogabat successionis antiquo quodam, & vsitato more, locum suum vulpecule retineret, sed non sic erat, vt postmodum euentus docuit. Ergo absoluto primo actu tragediæ, inchoatur secundus, qui lucem attulit primo: ante omnia ergo curarunt, vt hic (qui rubori esse debuerat patriæ, familiæ, Senatui, Collegio Mediolanensi ac Ticinensi, Concilio professorum, discipulis denique) Academicam Affidatorum Papiæ ingrederetur, in qua erant plures Theologi egregij, duo Principes Mantuæ Dux, & Marchio Piscariæ; & quoniam me ægrè eò deduci videbant, vt consentirem, minas addiderunt; quid facerem, percussus tanto filij casu? omnia aduersa expertus, tandem acquieui, tum maximè, quod me è profitendi munere in Academia, certis quibusdā diebus liberarent: neque tum ego animaduertebam technam, vt vellent recipere eum, quem omnes Ordines iam nondum xv. exactis diebus, vellent proscribere, tanquam omnium puerorum coniugem, ô fidem Deum! ô immanitatem mortalium! ô sceleratorum amicorum, & proditorum acerbiter! ô impudentiam, & sæuitiam serpentibus maiorem! Quid plura? in primo ingressu, animaduerto sic collocatam trabem; vt facile esset, quemcunque ingredientem lapsu inconfiderato posse occidere: nescio modo an fortuitò, an consultò id egerint. Verum quanto rarius poteram,



poteram, fingendo causas & cum irem importunè & inexpectatus, aderam : obseruans diligenter mulcipulam, sed nihil hac actum, seu quòd non tam publice facinus perpetrandum existimauerint, seu quòd omnino de eo non cogitarent; aut quòd alia in consiliis agitauerint. Vnum est, quòd intra paucos dies vocatus ad filium Petri Marci Throni Chirurgi agrotantem, extulerant plumbum in ostio, quo iuncea si paria retineri fingebantur, quicquid sit, quomodo, & qua arte id factum, non assequor, vt decideret: decedit ergo, si attigisset actum erat de me, quàm parum absuerim, Deus nouit: Ex hoc tunc cœpi nescio quid suspicari, inscius tamen quid suspicarer, tantus erat mentis meæ stupor. Sed audi tertium actum qui omnia detexit, venit paulo post Pecus illa rogatum, quòd vellent Missam celebrare nouā, vt duos quos habebam pueros Musicos, mutuo concedere vellem ad celebritatem: norant autem prægustatores esse mihi, & cum ancilla conuenerant de veneno dando: antea verò rogarant Herculem, vt huic negotio interesse vellet; ille nihil mali cogitans, pollicitus fuerat, sed vt vidit etiam hos requiri, malum suspicatus est; itaque respondit, solum vnus est Musicus, non duo; tum Florauantus vir rudis, adeo ardebat cupiditate abducendi, vt dixerit, det ambos, nouimus enim quod, & ipse Musicus est, & licet non adeò expertus, cum aliis tamen chorum puerorum implebit, respondit Hercules, finite parum (erant enim duo) vt colloquat herum, venit itaque instructus omnibus modis, vt si non prorsus fuisset amicus & excors, possem facile interpretari, quid agerent, cum tamen neque tunc animaduertentem: satis ergo habui pueros (hortante me Vicecomite) non dare: itaque discesserunt illi, respondit enim Hercules, puerum alterum prorsus ne notam quidem Musicæ cognoscere. Non exactis quindecim diebus, vel paulo pluribus, reuertuntur iidem, rogant vt mutuo dem pueros illos, velle recitare Comœdiam; tum verò Hercules ad me rediit, dicens, nunc iam aperta est fabula, volunt detrahare domesticos omnes tuæ mensæ, vt veneno te enecent! neque solum diligenter huiusmodi technis prospiciendum est, sed cuiunque occasione, haud dubium enim est, quærere illos in exitium tuum, dixi ego puto, sed tamen non poteram tantæ rei acquiescere. Quid dicam respondi Herculi, ille, tibi opus esse tuis domesticis, & ita illi abierunt. Tandem vt reor multis consultationibus actum est, vt omnino me perderent: Erat dies sabbati vi. ni fallor, Iunij, iuxta mediam noctem expergiscor; inuenio me carere annulo, cui inclusus erat hyacinthus: iubeo puerum surgere & quærere, sed frustra quæsiuit, surgo, impero vt lumē accendat, vadit, & redit: negat adesse ignem, comminatus ego grauiter: iterum iubeo quærere, venit lætus cum forcipe ferens ignem, carbonem scilicet ignitum quantitate ipsi, dico non satisfacturum, negat esse alium, iubeo vt insufflet, cum ter insufflasset, amissa spe flammæ, dum remouet candelam ab igne, flamma emicuit magna, & candelam accendit: Ego dixi animaduertistine Iacobe Antoni (hoc

enim erat prænomen) equidem ille respondit, quid? dixi, quoniam candela, inquit, nulla à carbone flamma edita, tamen accensa est, dixi ergo caue ne iterum extinguatur, quærimus annulum, inuentus est in pauimento è regione media lecti, vt eò peruenire non potuerit, nisi magna vi excussus à muro, & resiliens: Voui ergo me non exiturum die sequenti domo, fauebat occasio voto, festus enim dies fuit, & mihi nullus æger: Ergo mane adueniunt quatuor, aut quinque ex discipulis meis, cum zaphira, rogantque, vt velim interesse cœnæ in qua omnes professores Gymnasij, & Academiæ nobiliores adfuturi erant, nego me posse, ipsi quod scirent me non prandere, & ob id interesse nolle existimabāt; inquirunt, tua causa distulimus in cœnam; rursus respondi non possum omnino, rogant causam, dixi de prodigio, & voto, omnes admirabantur, sed duo ex his se intentè respiciebant, rogarunt sæpe, ne vellem tam celebrè conuiuium mea absentia conturbare, respondi vt prius: circiter post horam iterum redeunt enixius aliquanto rogarunt, respondi nolle votum frangere: omnino decreuisse non exire domo? quamuis vesperi obnubilato aëre, exierim ad inuisendum macellarium haud diuitem agrum, nam voto non vetabar. Itaque confusus semper mansi, donec ex patria discessi, nam statim deprehensum est vulpeculam successisse in munus profitendi à Senatu, & saltantem, & gaudentem quod hoc ei obuenisset: sed ô mortalium spes! non ter aut quater professus est, inuasit eum morbus, vt audiui, qui perdurauit circiter tres menses, & obiit: solo crimine perfusus, intellexi enim post quendam è suis, à poculis in conuiuium destinatum rei consciunt: Mortuus eodem anno Delphinus, paulo post Florauantus. Quin etiā in insidiis Bononiæ erga me fabrefactis, idem in totidem Medicis licet aliquanto serius accidit, mortui enim sunt qui quærebant animam meam: si tamen Deus annuisset tot calamitatibus afflictum me pro beneficiorum mercede, quæ in humanum genus adeo assidue contulit, ita remunerassent. Didiceram autem abstinere ab huiusmodi casibus, patrum Pauli qui veneno obierat, & patris qui bis venenum sumpsit, licet euaserit dentibus amissis, exemplo.

Quid postmodum, eodem fermè tempore malorum non accidit: mense Iulio coactus iter agere, ob grauē morbum quo nepos infans Papiæ premebatur, cum essem Mediolani. Ex illo correptus Erysipelate in facie, tum etiam ob dentis dolorē, parum absuit quin sectione venæ occurrerem, ni succedens nouilunium continuisset: à nouilunio melius me habui, & ita euasi vtrumque morbi periculum, & auxilij. Inde necem intentatam à domestico ob pecunias, quam solum paucis horis praueni. His successit podagra grauis & longa: subij & anno lxxii. vitæ pericula non leuia ex insidiis, cum parum mihi notæ essent viæ Romæ, mores adeò inconditi, vt multi Medici me ipso cautiore, & peritiores consuetudinis, causam mortis inde contraxerint. Ergo cum viderem me potius prouidentia diuina seruatum, quàm propria solertia, desij, in posterum sollicitus adeo esse de periculis: verum quis

non



non videt hæc omnia, quasi fuisse gloriæ consecuturæ præiudicia, aut vigiliam quandam, velut anni M. D. lxii. quam consecutum est munus profitendi Bononiæ octo annis, honestum & utile, cum quadam intermissione tot molestiarum, atque laborum, & iucundiore vita.

\*\*\*

### CAPVT XXXI.

#### *Felicitas.*

**Q**uanquam felicitatis nomen à nostra natura longè absit, cum tamen quod propius vero est, id ex parte assequi contingit, idè & eius particeps fui, primùm euidentis signo quòd ad amissim cuncta euenerunt, si cui mortalium, ut plerique fines atque principia, si paulo serius, aut citius incœpissent, vel finem distulissent, omnia fuissent euerfa. Secundum est in portione temporis comparata ad totum: velut cum in Saccensi oppido habitarem: cum inter Gigantes vnus sit necessarius minimus, & inter Pygmeos maximus: neque tamen paruus Gigas, neque magnus Pygmaeus est: ita etsi dum in oppido Saccensi fui, felix eram, non tamen sequitur, ut aliquando felix fuerim. Itaque ludebamus, Musicæ operam dabamus, spaciabamur, epulabamur, licet rarè studiis operam nauabamus, nullæ molestiæ, non timores, suspiciebamur, venerabamur, congregiebamur nobilibus Venetis, ætas mea floridissima: nihil fuit ea vita iucundius, quæ durauit quinque annis cum dimidio, à Septembri mense M. D. xxvi. ad mensem Februarij M. D. xxxii. conuersabamur cum Prætorè, publica domus erat regnum & rostra: Indicio quod tempus illud non solum euauit, sed memoria eius adeò contracta est in angustum, ob voluptatis sensum, ut læta somnia eo me deducant. Tertium est maius omnibus, quòd sicut ad felicitatem pertinet, vbi non possis esse quod velis, esse quod possis: ita ad vberiore felicitatem, ut eius quod optimum est, ex his quæ desideramus: Oportet igitur, ut dignoscamus quorum simus possessores, & eorum vnumquodque quàm bonum, ut optimum eligamus: seu duo vel tria ex his, & tale aut talia ardentè amare ac concupiscere, & ut minore incommodo, non solum ob ipsa quæ eliguntur, sed etiam ob alia possideantur: Demum ut optimè possideamus, aliud enim est possidere, aliud optimum esse quod possidetur, aliud optime, id est, perfectè possidere. Defuturos non ignoro, qui hæc ut paradoxa contempturi sint, sed vanitatem rerum mortalium intuenti, præterita memoranti, facile erit intelligere, hæc plusquam vellemus, esse verissima: Quòd si nondum illis assentiris, tempus omnia deteget, & talia ostendet sic se habere. Capiamus gratiâ exempli Augustum, M. Scaurum, Senecā, Acilium. Certè Augustus amplissimæ fortunæ vir fuit; & iudicio hominum felix, quid nunc illius superest? non stirps, non monumenta, omnia extincta sunt, si ossium aliquid maneat? Quis secum habere velit, nedum cupiat? Quis illius nomini vim facienti irascatur: Et si etiam secus sit, quid ad illum? Dum viueret felix erat? Quid plus illi quàm aliis suis beatis præter me-

ditiones, iras, furores, timores, cædes? domus plena tumultus, aula perturbationum: intimi insidiarum, si non dormiebat infelix fuit: si dormiebat somnus potior vigilia erat, vigilia ergo mala quando somnus est melior: qui tamen est indifferens. M. Scaurus quid cū tantis Thesauris, spectaculis, profusionibus, quorum omnium ne vmbra quidem superest: ætate sua tumultus, anxietates, vigiliæ, labores authorum? spectacula, pompa, voluptas aliorum? Quid felicitatis poterat esse in Acilio cū opes euauissent, dolores pro voluptatibus, & egestas loco diuitiarum subingressa foret? non laborabo ut ostendam Acilium fuisse infelicem, cum nil maius sit infelicissimæ vitæ argumentum quàm olim iucundè, & prosperè vitam duxisse, nunc autem miserè. At Senecæ quid nunc reliquum præter malam famam: anima beata esse non potest, cum viueret cum gregibus exoletorum, cum mensis cedris eburneisque, scœnore Italiam obruente, tot hortis ut etiam in adagium transferint? postquam coactus est metu venenorum Neronis, viuere pane & pomis solis ac aqua è fontibus hausta; idem docuit nemini deesse, modo velit, victum ad felicitatem, postquam sufficiunt tam pauca etiam luxuriosissimo nepoti: nam cætera erant ad voluptatem, non ad victum. Sed quid magis nostra decreta confirmat stulta iactantia L. Syllæ? qui se, occiso Mario iuniore, felicem iussit appellari, cum tam maxime esset miser, senex, cædibus, & proscriptionibus scœdus, cum tot inimicis, deposito magistratu: Quòd si sic licet esse felicem, & nos multo magis eo nomine digni erimus. Viuamus ergo cum nulla felicitas sit in his mortalibus, quorum substantia est marcida, inanis, & vacua. Quòd si quicquam boni est, quo adornes hanc scenam, neque huiusmodi fraudati sumus. Cuiusmodi quies, tranquillitas, modestia, temperantia, ordo, vicissitudo, hilaritas, spectacula, societas, temperantia, somnus, cibus, potus, equitatio, nauigatio, deambulatio, notitia rerum nouarum, meditatio, contemplatio, educatio, pietas, coniugium, conuiuia, memoria præteritorum bene disposita, mundities, aqua, ignis, Musicæ auditus, oculorum lustratio, sermones, fabulæ, historia, libertas, continentia, auiculæ, catuli, feles, consolatio mortis, communis temporis transitus miseris æqualis ac beatis, casuum & fortunæ. Spes etiam insperatorum, exercitatio in aliqua arte quam noris, transmutatio quæ multiplex est, Orbis amplitudo. Quid est ergo malum, in tot benefactorum, & sapientum multitudine, ut omnia sint plena spei? non ergo viuimus infelices, & nisi communis conditio hominum repugnaret, auderem prædicare amplam felicitatem: sed turpe ac futile consilium, ut alios decipias mentiri. Ergo si mihi optio loci detur Aquilam, vel Portum Veneris amœna ad habitandum loca me transferam: aut si extra Italiam Erycin Siciliæ, Diepam iuxta Drudim fluium, Tempeve Thesaliæ: neque enim ætas fert Cyrenaicam regionem, aut montem Syon Indæ, vel ut quæramus Zeilam insulam Indiæ: felices enim ferunt homines, regiones, non faciunt.



## CAPVT XXXII.

*Honores delati.*

**H**onorum neque auidus, nec cupidus, nec amator fui: vt qui intelligerem quantum mali in vita humana afferrent. Ira magnum malum est, sed temporale, honoris incommoda sunt perpetua. Primum honoris studium exhaurit opes, dum labores vitamus: & reliquas lucris anas, dum ambitiosè vestimur, conuiuiamur, & plures domesticos alimus: idè cogit nos ad mortem, tot modis vt non succurrat numerus, Monomachia, bello, rixa, litibus improbis, assidendo apud Principes, conuiuiis importunis, concubitu cum vxore, vel meretrice: experimur maria, profitemur honorificè pro patria pugnare: familiare erat Brutis se deuouere in praelio, Scæuola exurit dextram, Fabritius aurum reicit, hoc forsitan prudentis, cætera stultorum, imò amentium exempla. Non est vt iactes patriam: Quid est patria, nisi consensus (maximè loquor de Romanis, Carthaginensibus, Lacedæmoniis, Atheniensibus, qui hoc prætextu mali bonis volebant dominari, luxuriosi miseris) tyrannorum minutorum ad opprimendos imbelles, timidos, & qui plerumque sunt innoxij. O improbos mortales! An putas illos adèd vitæ prodigos, vt mortem pro patria honoris gratia subire vellent? sed rustici, pauperes secum veniebant illud, quid me miserius? sed si vixero, ego numerabor inter Principes ciuitatis, & aliena vt hic & ille bona possidebo, vt nunc alij mea: si moriar, descendentes ab aratro ad currus, & pompas vocabuntur; hic erat amor patriæ, stimulus honoris. Nolim subiici his acculationibus, neque vrbes illas, quæ pugnant pro libertate: neque eos Principes, quorum fructus Principatus solum est iustitiam tueri, bonos fouere, miseros eleuare, virtutes alere, proprios & eos qui plurimum iam potentia sunt consecuti meliores efficere, vt præmium talis honoris solum sit labor: neque hoc est vitium urbium, velle dominari, aut ciuium præminere aliis, sed necessitas ordinis efficit dominationem, improbitas tyrannidem. Sed redeamus ad trita, nam hæc pauci norunt: honos subripit tempus, dum tot hominibus, tot salutationibus cogimur aures præbere: eripit studia sapientiæ, quibus nihil in homine diuinius potest inueniri. O quot mortales iacent, nec digni auditores, qui si duas illas horas quas diebus singulis comandant se, & exornando consumunt studiis impendissent, biennio toto, aut triennio, iam possent profiteri: hoc honoris præmium ac decus. Idem impedit curam familiarem etiam filiorum, quid amentius? Subiicit nos inuidia, ex inuidia odium & æmulatio, ex his infamia popularis, infestationes, accusationes, mortes, amissio bonorum, supplicia; eo amittimus magnam partem libertatis si non totam: Quin etiam si cum populo sentire velis, quicquid boni nobis in hac vita relictum est, ipsam volupratem. Hac ipsa via ad perniciosissimum malorum (quasi protectore illo) honestè progredimur, scilicet ignauiam, hanc ingrediuntur improbi adolescentes, hoc ipso domus pe-

riclitantur funditus, & euertuntur. Omnia quæ appellantur bona, aliquid huiusmodi boni retinent, præter honorem: Filij, perpetuitatis initium: Amicitia, partem felicitatis non leuem: opes, commoda omnia: virtus, in infelicitate solatiū, in felicitate ornamentum, societates & collegia, securitatem magnam, & nunc & alias semper. Nunquid ergo perpetuos honores deuitare debemus, ac fugere? Non sanè, primum cum honos, opes, potentiam, & lucra adauget vt in magistratibus, & Medicis, atque pictoribus, & generaliter in artibus, vnde dici solet honos alit artes: secundo cum honos leuat hominem à periculo, vt Collegia & Congregationes, in his qui inuidia graui laborant, & in falsa calumnia & damnatione præpostera. Tertio cum honos addit potentiam, hoc maximè in militari arte, & quibusdam magistratibus, quorum est vicissitudo per optionem, vt vocant, & successiuos ex ordine gradus. Generaliter vel ad sarcindum ignominiam & dedecus, quæ sunt deteriora honore, vel ob utilitatem quæ ex coniuncta illi re sequitur, vel cum versaris vbi incognitus sis. Quartus est cum potes illum exercere gratia virtutis, nec labor multum impedit. Ergo in huiusmodi munere, neque fors auara fuit: puerum Cardani, multi comitabantur cum eo me contulissim, in augurium quoddam fortunæ meæ: vbi adeptus literas Latinas, statim etiam in vrbe nostra cognitus fui: Post vbi Papiam me contuli multi me sponte comitabantur, & oblata fuit conditio, quam si amplexatus fuissim, ad magnos honores aliquando cum Pontifice Pio quarto via patuissim: disputaui satis feliciter, & mecum Matthæus Curtius honoris causa congressus est; professus sum Mathematicas anno vnico, nam Academia dissoluta est anno M. D. xxxvi. vocatus ad Pontificem Maximum Paulum tertium: Tum iam duobus ante annis Mathematicas profitebar, Geometriam, Arithmeticam, Astrologiam, Architecturam. Anno M. D. xlvi. oblata est conditio ab Illustrissimo Morono profitendi Romæ, cum honorariis etiam Pontificis. Sequenti per Andream Vesalium, & Legatum Danicæ, in singulos annos aurei coronati Pannonici ccc. & vi. super vestigalibus pellium nobilium: hi à regia pecunia differunt octaua parte, & quidem tardius numerantur, & non adèd integra fide, sortique in parte subiacent. Et victum pro me & quinque familiaribus, & tribus equis. Tertia fuit in Scotia, verecundor summam explicare, vt in paucis annis fuissim ditissimus: Priorem non accepi, quod regio esset admodum frigida, & humida, homines planè barbari, ritus sacrorum & præcepta multum à Romana Ecclesia alieni: Hanc quod non liceret pecunias per trapezitas ac cursores in Angliam, quanto minus Galliam, aut Italiam traducere. Hæc fuit anno M. D. lli. mense Augusti; mense Octobris studiosissimus Princeps Badolphiæ, & à Secretis Gallorum Regis Vilander conditionem aliam obtulerunt, D. ccc. coronatorum in singulos annos: Et si vellem solum Regiam manum deosculari (vt dicunt) ac statim discedere, torquem aureorum D. Alij sollicitabant pro Cæsare qui obfidebat Mediomaticum, seu Diuodurum:

Ego



Ego nulli volui assentiri : huic quod viderem in summis difficultatibus ( unde maximam partem exercitus frigoribus, & fame amisit) versari; illi quod non par esset relinquere dominum, ut hosti illius adhererem. Ergo dum Antuerpia Basilæam me conferrem, Illustris vir Carolus Affaitatus me in villa sua excepit, & vel inuitum omnibus artibus conatus est Mula generosa donare, quæ ad pretium propè C. aureorum accedebat: Erat enim vir singularis humanitatis, ac libertatis, & amator hominum virtute præstantium. In eodem itinere nobilis Genuensis Azalinus, Asturconem obtulit (Angli eum appellant patria lingua *Obinum*) pudor me continuit, secus accepturus, cum nihil posset formosius iudicio meo, aut præstantius desiderari, candidus totus, teres, erant autem duo prorsus similes equi, optionemque offerebat: Anno sequenti oblata est conditio à Principe Dom Ferrando (ut moris erat eum appellare) xxx. M. Coronatum, ut fratri Mantuæ Domino, (& ut vocant Duci) perpetuo inseruirem: numerabant die prima inter reliqua M. coronatos, non placuit recipere: admirabatur Dom Ferrandus, agre tulit. Ad id propensior, quod tentasset me pro negotio illi honesto, mihi non ita, & hortationes non valuissent, & ad minas conuersus esset: intellexit denique cur mallem (more Hermelinorum) mori quam foedari, plurimumque ab ea die in posterum me amauit, ut mos est eorum qui animo sunt generosissimo. Fuit & ut dixi an. M.D.lii. sexta Proregis Brisaci, qui omnia offerebat, præcipue suasu Ludouici Biragi Illustris Ciuisque nostri: cæteri ut Medicum accersebant, Brisacus ut Machinatorem, sed multum aberat à votis. Interim antequam diuertam à proposito, verbo vel vno docere volo, cur tam locuples conditio à Rege pauperrimo, qualis est Scotiæ, cui non amplius ut referunt xl. M. aureorum reddituum est in anno, offerretur? Subsunt proceres, ut dicunt xiv. M. (quamquam non tot esse putem) hac lege deuincti, ut pro Regno armati in Castris sint per menses tres, precario alij dicunt: Et dum moritur aliquis, Rex est tutor (& ex consuetudine, cui Rex hoc munus delegauerit) filiorum, donec maximus natu xxi. annum attigerit, seu expleuerit. Interim victu & vestitu dempto, redditus omnes sunt tutoris, absque ratione reddenda, nam in locum Regis venit: Et quod maius est, seu masculus, seu fœmina, tutor connubio cui vult iungere potest, modo is, vel ea quæ iungitur, & ipsa nobilis sit, eamque dotem, non pro conditione pupilli, sed dantis accipere cogitur. Redeo ad nostra: ter Papiæ conductus sum, seu quater à Mediolanensi Senatu: ter à Bononiensi, quamuis irrita fuerit vltima. Reditum meum è Scotia Lutetiæ præstolabantur xl. viri nobiles: ut meam experirentur in arte Mèdica operam, & vnus M. coronatos sui duntaxat causa, offerebat, sed ego vix transire poteram, certè ausus non sum: Extat Epistola Præsidis Lutetiani, Emari Ranconeti, viri, ut dixi alias, Latinè Græceque eruditissimi de hoc. Dum per Galliam, ac Germaniam transirem, non aliter accidit mihi, quàm olim Platoni in Olympicis. Testimonium

quoque, de quo diximus, Collegij Patauini, recitauimus ad vrbis Præfectum; cui non ab simile fuerit, quod Venetiis, cum nisi nemine reluctante res confici posset, erant autem supra lx. suffragia, omnia obtinui: simili felicitate cum essent xxix. suffragia in Bononiensi Senatu, xxvii. electus sum, cum minori numero xxv. non potuissem. Et illud, omnibus gentibus non solum notum fuisse, sed etiam totius orbis Principibus, ac Regibus, & Imperatoribus nomen meum: quod & si absurdum possit dici, & inane, illud negari non potest, ut si singula spernas, acerbius contemptu indignus esse nequeat. Scientia multarum rerum, itinera, pericula, munera quæ exercui, conditiones oblatae, Principum amicitia, fama, libri, miracula circa sanationes, & in aliis quæ contigerunt, & res raræ penè supra naturam, Spiritus insuper, & cognitio splendoris: E tribus esse Collegiis Mediolanensi, Papiensi, atque Romano. Omnium autem honorum, nihil à me vel verbo quæsitus, præterquam Collegium Mediolanense in quo cooptatus sum mense Augusti M. D. xxxix. in fine; & profitendi Bononiæ, ambo necessitate coactus, non ambitione stimulatus. Decoratus præterea sum ciuitatis beneficio à Bononiensi Senatu: In vniuersum. ut dixi, honor res misera mortalibus, sed si ad rem hic, non solum plus aliquid consequutus, sed multo quàm sperabam, velut & illud cognominis, sed de dedecore sermonem faciamus.

\*\*\*

### CAPVT XXXIII.

*Dedecora, quis locus somniis? De Hirundine in insignibus.*

**D**edecoris igitur ratio longè aliter quam honoris est interpretanda: ut fugere honores plerisque præstat: dedecora vero pati, nemini vtile aut honestum iuxta popularem opinionem credunt, dici enim consuevit:

*Veterem ferendo iniuriam inuitas nouam.*

Vbi enim feras, ut neglegam agredientur & profligabunt, neque de pueritiæ ætate agendum est, quia non est capax dedecoris, sed si modo, conueniet illud Horatianum de patris educatione:

*Ipse mihi custos incorruptissimus, omnes  
Circum doctores aderat.*

Verum ut dixi dedecora & turpitudinem ferre, primum omnia parit incommoda quæ honor, sed maiora: Maximè autem sunt talia quæ circa fœminas versantur: cum verò duplicia sint dedecora atque honores, pestifera illa est hominis fors, quæ in cute habet honores; intus autem dedecore marcida est, honorantur à stultis, & à plebe, odio habentur à præstantibus, ab insolentibus iridentur: Contra qui intus honorantur, extra contemnantur: horum vita tuta est, & quieta si per eosdem liceat, ut sint contenti sorte sua. Qui vtrinque spreti, & inanes dedecoreque premuntur, hi sunt ut geruli, & agricolæ apud nos, qui si sub iustis Principibus vitam agant, satis bene valent, maximè si in vnum per societatem coierint. Qui verò intus & extra ho-

norantur



norantur calumniis, insidiis priuatis, accusationibus sunt valde obnoxij: à publicis iudiciis tuti sunt: quod homines tam iustos offendendo, populi inuidiam, vel etiam vitæ periculum vereantur. Dum essem Bononiæ, & ageretur de conditione paciscenda, bis aut ter nomine Senatorum & Iudicum venerunt noctu, qui petebant, vti subscriberem, mulierem iam damnatam, de impietate, & veneficio seu maleficio, prætorio & Pontificio nomine esse absolendum: maxime hoc argumento, quòd iuxta Philosophos nulli essent demones: aliam mulierem (sed hæc nondum erat à iudicibus damnata) vt iuberem à carcere liberari cum petiisset æger in manibus aliorum Medicorum: afferebant quoque, natiuitatum fasciculos, vt de his pronunciarerem, tanquam ariolus & vates, non vt Medicinæ professor, omnes tamen hi nil tulerunt, præter irritum laborem, & malum nomen. Principio tamen cum essem xii. annorum, & exonerasset sagittam pyrio puluere plenam, & chartaceo operculo vulnerata foret vxor honesta Musici: in mala colapho cæsus sum aded acriter, vt ceciderim. Disputatio habita Mediolani fuit cœpta supra vires, & parum feliciter cessit. Violentia quorundam, Medicorum addactus sum anno M. D. xxxvi. seu xxxvii. turpi conditione pacisci cum Collegio, sed vt dixi, postmodum dissoluta est, anno M. D. xxxix. & restitutus sum integrè. Anno M. D. xxxvi. cum curarem in domo Bonromeorum, vidi diluculo per somnium serpentem magnitudinis eximiam, à quo interfici timebam: paulo post aduenit nuncius vt inuissam filium Camilli Bonromei Comitæ (vt vocant) & viri illustris atque primarij, eo ad illum: videtur puer (erat enim septenis) exiguo laborare morbo, sed obseruanti pulsus, quarto ictu perpetuo intermittebat: rogat mater Comitissa Corona, quomodo se habeat: respondi non videri magnam febrem, nihilominus quòd ad quartum ictum perpetuò cessaret vereri aliquid, quod nesciebam (nondum enim libros Galeni de Præsagiis ex pulsibus, habebam) itaque cum per eadem omnia vsque ad tertiam diem permanissent, medicamentum quod vocatur Diarob, cum Turbit, propinare in morsulis decreueram: & iam conscripseram, nuncius ad Pharmacopolam ire cœperat, recordor somnij, *Qui scio, mecum dixi, ne hic puer moriturus ex signo præscripto?* (Et postquam libri apparuerunt ita inuētum est) *causamque Medici isti adeo mihi infensi, in medicamentum referant;* reuoco nuncium, qui nondum quatuor passibus ab ostio aberat, dico deesse quippiam quod addere vellem, lacero prius factum, clam, & aliud scribo è margaritis, osse monocerotis, gemmis. Datur puluis, euomit: intelligunt astantes malè se habere puerum: aduocantur tres Medici principales: sed ex his vnus mitior, qui in casu filij Sfondrati interfuerat, vident medicamenti descriptionem: Quid facias, quamuis duo me admodum odissent, Deo non permittente vltius grassari, non solum collaudant medicamentum, verum denuo exhiberi iubent, quod factum me seruauit; cum vesperi venissem intelligo omnia: mane sequenti in aurora aduocor, vi-

deolaborare in extremis puerum, patrem plorantem, proiectumque: *Ecce, inquit, quem dicebas non agrotare:* (quasi hoc ego dixissem) *saltem ne deferas illum donec viuit:* pollicitus sum, animaduerto detineri à duobus nobilibus paulo post; insurgere tentabat exclamans; non permiserunt, causam in me reiciebat: Quid plura, si locus fuisset medicamento Diarob cum Turbit (quod sanè non tutum erat) de me actum fuisset, cum vel sic tam grauiter donec vixit de me quereretur; vt omnes fugerent: Velut me canidia afflasset peior serpentibus Afri; sic euasi mortem, & commutauit iacturam ex infamia in studia, vt postmodum non pœnituerit. Non credam somnium illud, vt neque alia narrata superius, fuisse fortuita, sed vt facile est videre monita, vt quæ ab animo pio à multis oppresso miseris, quem Deus noluit derelinquere: sed eo stimulo excitatus, cum visio congrueret negotio, erat enim domus in campo B. Mariæ Pauonis, tota depicta serpentibus, vt qui viperam habeant iunctam veteribus insignibus Bonromeorum: vt nos Cardani antea pro insigni arcem rubram cum suis turribus, sed turricula insuper in medio nigra, & spatium circa arcem album, vt turricula distingueretur à Castellioneis, quorum nomen insigne declarat oppidum leone: Cæsar ergo Cardanis Aquilam nigram (præter rostrum) totam expansis alis (aliqui ore integro, alij diuiso depingunt) spacio croceo superaddidit: Vnde quidam spacia vtraque crocea seu aurata depingunt, alij antiquo more Aquilæ croceum, arcis album. Quin & ego ea die qua detentus sum, hirundinis imaginem sub tegete seu nubilario canentis, sigillo adieci, quod difficillimum esset insignia obcolorum varietatem referre. Accepi hirundinem multis modis conuenientem moribus nostris, innoxia mortalibus: pauperum societatem non abhorret, cum mortalibus versatur perpetuò, nunquam tamen familiaris, mutat regionem, idque reditque sapius, connubialis non solitaria, neque gregalis, cantu oblectat hospitem, carceris impatiens. Redeunt (soli) oculi obcæcati, & cum tantula sit, lapides perpulchros in ventre gerit, gaudet mirum in modum aëris clementia, & calore. Artificiosa, in condendo nidum, vt foli Alcyoni hac in parte inter aues cedat: alba sub ventre intus deforis nigra, remeat ad hospitium quasi grata & memor, nulla auis etiam carniuora eam persequitur, nulla illam volatu vincit, aut æquat: sed redeo ad historiam, bis in Saccensi oppido cura cum ignominia mihi cessit, matrona ciue nostra Rigona qui in sexta sanguinem mihi ex pede, in septima obiit: Alteri qui pauper erat, & patronalis Ecclesiæ (vt vocant) nolam, seu Campanam dictam pulsabat, cum medicamentum dedissem, nocte illa ni fallor obiit. Causa in vtroque eadem, quod huiusmodi morbum quo ambo laborabant, nunquam videram; verum parum abfuit infamia, quæ si increbuisse malè actum foret mecum, aded profligatis rebus meis, tam priuatis quam publicis, sed Vignani factum malè quoque cessit citra mortem tamen, vnde & nos dereliquit, cum nouem ex illa domo sanitati per me restituti fuissent; ter ergo



in li. annis, quibus sum à Medicina erravi, cum Galenus non se accusavit, quia toties errauerat, vt accusatio non habeat locum excusationis. Itaque dedecori nulli publico obnoxius fui, sparsis verò vocibus nullo autore, nemo magis, maximè Mediolani, Bononiæque: credo vt redderent gratias locupletes ciui suo; Papiæ nihil tale, quamuis verè ciuis eius vrbs, vt qui in eanatus & nactus domicilium. Verùm vt febris quosdam morbos finit, & ægros à morte liberat, qui nusquam aliter sanari possent, vt Hippocrates author est in Aphorismis; ita carcer ille superueniens clamoribus tot scelerum, omnia illa extinxit, vt nec suspicionis vestigium emicuerit, argumentum sanè quantum possit inuidia. Et vos Medici? Quid vobis feci? Ergo dedecora, & vituperationes finem quasi inuenerunt, vnde initium sumpsisse sperabant. Sed relinquamus sermones hos de infamia & dedecore, quæ nostra ætate ad fœminarum opprobria magis quàm virorum pertinent: nonne insigne illud commentum fuit Bononiæ Dialogi qui circumferebatur sub Melanphronis, id est obscuræ & nigræ sapientiæ nomine? sed adeò incomptè fabricatus, & infelicitè editus erat, vt experientia ipsa docuerit, authorem facti, nec albam, nec nigram sapientiam habuisse, vnde coacti sunt suum laborem ipsimet disperdere: sed redeamus ad patriam, vbi reiectus sum à cura hospitalis B. Ambrosij, quæ in annum præstabat vii. aureos viii. non attingebat: & eram ni fallor annorum xxxvii. iam antea excideram anno xxix. ex conductione villæ seu oppidi Caruaggi, stipendium non attingebat lxxx. aureos: labor clitelarum, at Mazentæ iam pactum contraxerant; erat circiter lv. ego iam transacta hora me subdixeram, tam parum absuit ne ibi contabescerem, si non potuisssem consenescere. Bassani circa annum xxix. quamuis intercedentibus amicis non accepi munus medendi, cuius munerarium erat centum aureorum: Est autem oppidum in agro Patauino. Sed præclara fuit oblatio Cæsaris Rincij Medici è primariis nostræ ciuitatis, vt si vellem suscipere curam villæ cuiusdam in agro Nouariensi, & distabat ab vrbe nostra L. M. passuum, daturus illos xii. ni fallor coronatos pro annuo stipendio. Non mireris ergo si in Saccenfi oppido nihil habebam stipendij, & perseueravi quinque annis: Et Io. Petrus Pocobellus Modetæ, & Io. Petrus Albutius Gallareate patrimonium acquisiuerunt aureorum prope xx. Hoc contigit ductis vxoribus in spem hæreditatis; quamuis vterque eorum non aliud matrimonium inierit prima superstite.

## CAPVT XXXIV.

*Magistri mei.*

**P**ater meus in prima pueritia Arithmetica rudimenta, & quasi tum arcana (nescio vnde sumperit) familiariter me docuit, anno circiter nono. Paulo post etiam Arabiæ Astrologiæ, dum & conaretur memoriam in me artificialem instillare, sed ego ad memoriam illam minimè aptus eram. Post xii. annum

docuit me primos sex Euclidis libros, sed ita vt quæ per me ipsum intelligere possem, nullam impenderet operam. Hæc sunt quæ sine ludo literario adeptus sum ac didici, sine lingua Latina: anno x. x. fermè exacto ad Academiam Papiensem me contuli, xxi. in fine disputaui sub Curtio Medicinæ primario, qui me dignatus est honore argumentandi, cum nil tale ab eo sperare ausus essem. Audiui & Brandam Porrium in Philosophia, & quandoque Franciscum Taegium Nouariensem, anno M. D. xxiv. Petauij audiui Curtium, & Memoriam in Medicina. Tum vidi Hieronymum Accorumbonum Medicinam practicam (vt vocant) profitentem, & Toserum Momum inter professores, & Hispanum Philosophum magni nominis.

## CAPVT XXXV.

*Alumni, atque discipuli.*

**P**rimus eorum fuit Ambrosius Bizozorus qui euasit in nauis Epidauricæ gubernatorem, vir ingeniosus & audax. Secundus Ludonicus Ferrarius Bononiensis, qui Mathematicas, & Mediolani, & in patria sua professus est, & singularis in illis eruditionis. Tertius Io. Baptista Boscanus, qui à libellis fuit Senatus Cæsaris Caroli V. Quartus Gaspar Cardanus nepos alterius Gasparis patruelis mei, hic Medicus euasit, & Medicinam publicè Romæ professus est. Quintus Fabritius Bozius, qui militiam exercuit Taurinæ regionis, licet pro Mediolanensi habitus. Sextus Iosephus Amatus à Secretis Proconsulis Prouinciæ nostræ. Septimus Christophorus Saccus, qui tabellio publicus factus est. Octauus Hercules Vicecomes Musicus, iuuenis, lepidus, & graciosus. Nonus Benedictus Cataneus Papiensis, qui operam dedit Iurisprudentiæ. Decimus Io. Paulus Euphonia Musicus, & satis eruditus. Vndecimus Rodolphus Syluester Bononiensis qui euasit Medicus, & Romæ dum hæc scribimus Medicinam exercet. Duodecimus Iulius Pozus Bononiensis: hic solus deseruit vadimonium. Tertius decimus Camillus Zanolinus, & ipse Bononiensis Musicus, & tabellio publicus elegantis consuetudinis. Quartus decimus Octauius Pitius Calabrensis, qui nunc mecum est, ex his præstantissimi secundus, quartus & vndecimus: sed duo priores in iuuenta obire, secundus annorum xliii. quartus nondum xl. ingressus:

*Immodicis brevis est ætas, & rara senectus*

*Quicquid amas cupias, non placuisse nimis.*

## CAPVT XXXVI.

*De Testamentis.*

**T**estamenta plura condidi ad hanc vsque diem, quæ est Calendarum mensis Octobris anni M. D. lxxvi. vltima per Iacobum macchellum, & Thomam Barberium Bononienses; alia Mediolani per Bartholomæum Sormanum, Hieronymum Amatam, & Io. Iacobum



Iacobum Tribellum. Et nunc decreui aliud, & vltimum condere: sed & codicillos confeci. Omnium summa est, vt velim mea bona in filios transire si fieri posset, sed minor natu adeo malè se gessit, vt malim transire in nepotem ex primo filio. Secundum est, vt descendentes mei, sint sub cura, quamdiu fieri potest, ob certas causas mihi notas. Tertium vt sint subiecta bona fideicommissio; & vbi deficeret progenies mea, tunc ad agnatos patrimonium meum quantum fieri potest, inconcullum transeat in perpetuum. Quartum vt libri mei corrigantur, & edantur typis, vt ea mente qua conditi sunt, talem vsum præstent humano generi. Quintum est, vt Domus Bononiæ vbi stirps deficeret in Collegium Cardanorum familiæ addictum transeat, & hæredes si non sint ex familia tamen nomen subeant. Sextum pro opportunitate variationem suscipit.

## CAPVT XXXVII.

*Proprietates quadam naturales, mirificæ inter quas somnia.*

Primum inditum naturæ vt ita dicam anomalæ, fuit ipsa natiuitas cum capillis longis, nigris, crispis, non sanè miraculosum, tamen planè portentosum: sed maxime cum exanimatus in hunc mūdum venerim. Secundum apparuit anno quarto, & durauit circiter tribus annis: Ex mandato patris quiescebam in lecto ad horam vsque diei tertiam, & cum ante illam euigilabar, quicquid supererat ad horam vsque diei consuetam in spectaculo incundo consumebam, nec vnquam vana expectatione de illo frustratus sum. Videbam ergo imagines diuersas quasi corporum æreorum. (Constare enim videbantur ex annulis minimis, quales sunt loricarum, cum tamen loricas nunquam eorumque vidissem) ab imo lecti angulo dextro ascendentes per semicirculum, lentè & in sinistram occidentes, vt prorsus non apparerent: Arcium, domorum, animalium, equorum cum equitibus, herbarum, arborum, instrumentorum Musicorum, Theatrorum, hominum diuersorum habituum, vestiumque variarum, tubicines præcipue cum tubis quasi sonantibus, nulla tamen vox aut sonus exaudiebatur: præterea milites, populos, arua, formasque corporum, vsque ad hanc diem mihi inuisas: lucos, & syluas, aliaque quorum non memini, quandoque multarum rerum congeriem simul irruentium, non tamen vt se confunderent, sed vt properarent. Erant autem perspicua illa, sed non ita vt proinde esset, ac si non adessent, nec densa vt oculo perua non essent. Sed ipsi circuli opaci erant spatia prorsus perspicua. Delectabar autem non parum, & spectabam intentus hæc miracula, vnde matertera mea semel me interrogauit an aliquid viderem? Ego quamuis adeo puer, mecum cogitabam, si fatebor indignabitur quicquid causam præbet huius pompæ, subtrahetque hoc festum: aderant enim etiam flores varij, & quadrupedia, & volucres cuiuscunque generis, sed omnibus tam bellè fabricatis deerat

Tom. I.

color, nam erant ærea: itaque ego qui nec ituenis, nec senex mentiri solitus sum, diutius antequam dicerem: Tum illa, quid ergo fili tam intentè respicis? Nō memini quid responderim ipsi, existimo autem nihil respondisse. Tertium fuit post hoc vt dixi, quod vix vnquam nisi prope diem incalescerem, à genibus infra. Quartum quod postmodum totus à somno perfunderer sudore calido, & valde. Quintum quod viderem quam sapissime per somnum gallum, quem timebam ne loqueretur humana voce, inde paulo post ita contingebat: Erant autem verba plerumque comminatoria, nec tamen memini quid vnquam in tot vicibus audierim: Erat autem gallus pennis rubris, & crista atque submentis similiter, credo autem supra centum vices hoc vidisse. Post huiusmodi tempora, iam ineunte pubertate, cum hæc visa cessassent, alia duo apparuerunt, quæ perpetuò ferme manserunt, & nunc etiam manent: licet postquam problemata scripsi, & euulgavi amicis; vnum ex his interciderit aliquando; idque est, quod quoties ad Cœlum oculos attollo, video Lunam, & verè video à fronte ex aduerso sitam: cuius causam ibi enarraui: alterum, quod cum fortuito animaduertissem casu ac fortuna, interueniente me rixis, nullum fieri sanguinem, nec quemquam vulnerari, consulto me immiscui certaminibus, atque seditionibus, sed neque tum cuiquam vulnus inflictum est: Post etiam cum veneratoribus iunctus nulla fera vulnerata, vel iaculo, vel à canibus esset, & id obseruaui comitatus aliquoties licet raro admodum, tamen nunquam frustratus sum hoc privilegio: Adeo vt cum semel (dum comitarer Istonij Principem Vigleuanum) captus esset lepus, & à canum moribus subtractus inuentus sit illæsus, illis non parum mirantibus. Solum in voluntariis sanguinis detractionibus, & his qui publicè plectuntur, hoc vt ita dicam privilegio, non sum potius. Et semel in arca templi magni Mediolani, dum quendam inimici eius in terram proiecissent, & aliquot vulneribus confecissent, ipso interuentu meo vnus eum clamantem percussit, statimque alios discedentes secutus est nec scio an illo vltimo ictu vulnerauerit. Octauum est, quod omnibus in occasionibus tum emerſi, cum iam nullis auxiliator esse videretur: Et licet hoc sit naturale, modus tamen vt adeo frequenter, & semper, efficit vt nec naturale dici, nec existimari possit: licet illud de gallo visum fuisse in somnis, naturale sit, toties & semper eodem modo certè prodigiosum dici merito potest: sicut iacere alea legitima tria tantum pūcta, agendo de re aliqua magna ac negotio naturale est, ac existimari meretur, & vsque ad secundum ictum si repetatur: Ter autem & quater sanè suspectum etiam à cordato viro haberi potest. Et similiter de successu, quod non nisi deplorata iam omni spe illuxerit occasio, vt omnino Dei voluntate factum videri debeat. Narrabo autem circa hoc duo exempla satis euidentia. Eratque annus M. D. xlii. salutis, æstiuumque tempus, in quo solitus eram adire singulis diebus domum Antonij Viçomercati prætiritij nostræ urbis, atque ibi totam diem



absumere certamine latorum; certabamus autem realibus vno, & usque ad tria, vel quatuor in singulos ludos, adeo ut cum ego vincere essem assuetus, auferrem aureum prope modum vnum die singulo, aliquanto plus, modo aliquanto minus: ita illi volupe erat sumptus eo modo, mihi vtrumque sumptus & certamen; ex quo tamen adeo euilueram, ut iam toto biennio aliquotque insuper mensibus, neque artis exercendae, neque lucri quod deperiebat torum, praeter id quod nuper dixi, nec existimationis, neque studiorum rationem haberem: Die quodam prope Augusti finem, coepit ipse consulto, seu quod iacturae iam adeo assidue pigeret, seu quod existimaret ius mihi aequum esse, quod nulla ratione, nullo iuramento, vel execratione a proposito dimoueretur, adeo ut coegerit me iurare, nunquam in posterum rediturum ludendi causa: Deierantque Diuos per omnes, atque ita dies illa fuit extrema, statimque me totum tradidi studiis: Et ecce mensis Octobris initio, Senatus, cum cessasset ob bella Academia Ticinensis, omnesque professores Pisas se contulissent, profitendi in vrbe mea munus obtulit, idque insperato obrigit, quod & amplexatus sum, quia ex vrbe non recedebam, alias nullo modo recepturus, ubi vel recedendum a patria fuisset, vel concursorem habiturus: cum nunquam praeter Mathematicas, easque diebus tantum festis professus essem: amissurus lucrum ex vrbe quotidianum, & subiturus incommodum transferendi meos ac suppellestem, & de existimatione periculum facturus. His de causis, cum sequenti anno, nollem a patria discedere, nocte praecedente diem qua Senatus misit, qui a me sciscitaretur, quid deliberassem (quis credat) tota domus funditus ruit, duntaxat seruato cubiculo in quo ego vxor, & filij dormiebamus: Itaque quod nunquam sponte facturus eram, nec sine nota facere potuissem, coactus sum recipere: Omnibus stupentibus qui rem norunt. Aliud autem dicam (cum horum exemplorum tota mea vita referta fuerit) sed in alio genere: laborabam & iamdiu ad desperationem vitae usque laboraueram, ut alias dixi empyemate illo notho. Legeram in collectis a patre meo, si quis hora matutina viii. Calendas Aprilis, exoraret virginem sanctam, ut filium rogaret pro re licita, genibus flexis, adiecta oratione Dominica, nec non salutatione Virginis Angelica, obtenturum quod petierit: Obseruaui diem horamque, peregi supplicationem, & tunc statim, sed die Corporis Christi, eodem anno, liberatus prorsus sum, sed & alias multo post, memor facti pro podagra supplicavi (nam proprie de hoc, duo exempla pater adducebat eorum qui liberati erant) & multum profuit, inde etiam sanatus sum. Sed in hoc, auxiliis etiam artis usus sum. Quatuor vero adducam exempla, atque proprietatum experimenta mirabilia de filio natu maiore: vnum a die sacri fontis; secundum ab anno illius supremo; tertium in hora ipsa qua confessus est causam, propter quam obiit; quartum quod a die qua capus fuit coepit, & usque in diem, mortis perduravit. Natus enim est anno M.D.xxxiv. pridie Idus Maias, & cum vitae illius timerem

xvii. Calendas Iunij, quae fuit Domini dies, leuatus est a Sacro fonte, illucescebat Sol clarissimus in cubiculo, hora diei inter quintam & sextam: Omnes ibi iuxta puerperam de more, praeter puerum famulumve: a fenestra abductum erat velamen lineum, & muro adhærebat: Crabro magnus ingreditur, circumuolat infantem, omnes qui aderamus timebamus illi, non nocuit, paulo post in velum impegit, tanto strepitu, ut diceret tympanum verberatum: accurrimus nil inuentum est, neque foras exire potuit, nobis id attentè obseruantibus: tunc omnes quod post euenit suspicati sumus, sed non tam acerbum exitum. Anno quo interiiit donaueram illi vestem fericeam nouam de more Medicorum, erat dies rursus Domini, iuit ad Portam Tonsam, ibi erat lanus, & de more ante ostium Porci, surrexit vnus a luto, & ita inturbauit, sedauit, ac impulit filium, cum non solum famulus eius, sed lanij & vicini, cum hastis porcum depellerent, ut appareret rem esse prodigiosam, vixque demum lassus, & filio fugiente, ipsum reliquit: Ex hoc ad me tristis praeter morem venit, & narrauit omnia, interrogans quid hoc sibi portenderet? Respondi cauere ne vitam ducendo suillam, etiam finem similem subiret, quanquam praeter aleam & delicias gulae, optimus esset iuuenis, & inculpatae vitae. Erat mensis Februarij, atque initium eius sequentis anni, cum ego degerem ac profiterer Papiæ, inspiciens forte fortuna manus, video in annulari dextrae in radice, ensis effigiem sanguinei, subito expani: quid plura? vesperi nuncius adest a pedibus, cum litteris generi, monet captum filium, ut veniam Mediolanum: eo die sequenti, signum illud liii. diebus intenditur, ascendit, cum ecce extrema die iam ad summum digiti pertingeret, & ruberet velut flammeus sanguis: ego qui nil tale suspicabar, territus ac mei impos, nesciebam quid agerem, quid dicerem, quid meditarer: noctis medio securi percussus est, mane signum penè euanuerat, sequenti & altera die abolitum est. Ante iam per dies ferme xx. dum detineretur in carcere plus minusve, studebam in bibliotheca, sentio vocem penè consentis miserationum, & quam breui desinentium; tum cor aperiri, dilacerari, auelli, coactus furore, exilio è loco in cortem, ubi alij erant è Palauicinis quibus domum locaueram: exclamo (non nescius quantum officerem causae filij, si ille crimen non fuisset confessus, imò vel si innocens ab eo fuisset, *Hei quia conscius est mortis uxoris, & nunc confessus est, & damnabitur capite, & securi percutietur.* Et subito accepta veste ad forum pergo, in medio ferme viae, inuenio Generum moestum, qui dixit, Quois? Respondi dubito ne filius conscius facti omnia confessus sit; tum ille ita est, nuper hoc accidit: accurrit explorator quem ego supposueram, totamque facti seriem renuntiavit.

Inter propria mihi secundum naturam fuit illud, carnem meam quippiam olere sulphur, thus, & alia quoque, praecipue contigit hoc circa xxx. annum, quo morbo illo tam graui laboraui: inde sanitati restitutus, nam tum sulphur mihi grauiter olere brachia videbantur,



bantur, & tunc etiam pruritu laboravi, nunc autem cessavit hoc symptoma ab ingressu senij.

Aliud quodd cum studerem, vacuus curis auxilio Magistrorum, neque Archimedes, neque Ptolomæum intelligerem: in profunda senectâ, cum forsâ xxx. annis intermissem, plenus negotiis, impeditus curis, nullo auxilio, clarè utrumque assequor.

### Somnia.

Nonne, & illud de somniis quodd tam vera fuerint, admiratione dignum videri potest: nec minimam partem attingere velim: Quorsum enim? sed tantum lucidissima, & maxima decernentia negotia: velut cum circa annum M. D. xxxiv. in diluculo, cum nondum quicquam constitutum haberem, & omnia pessum in dies irent, vidi in somno me currentem ad radicem montis qui mihi à dextra erat, cum immensa hominum multitudine cuiuscunque status, sexus, ætatis, mulierum scilicet, virorum, senum, puerorum, infantium, pauperum, diuitum variis modis vestitorum: interrogavi ergo quo curremus omnes? Respondit vnus ex his, ad mortem: exterritus ego, cum mons à læua mihi esset, conuersusque vt à dextra ipsum haberem, vires (quæ medium illud montis; eoque vbi ego eram frondibusque intectæ erant aridis, & sine vna prorsus, quales Autumno videri solent) apprehendere, atque in montem ascendere cepi; idque primum ægre ob montem, seu potius collem, qui arduus in radice multum erat: postmodum ea superata, per ipsas facile ascendebam: & cum iam in montis esset vertice, ac tanquam vltra impetu voluntatis transitorus, nudi lapides, & abrupti apparere: parumque absuit quin in tetram profundam, ac tenebrosam voraginem me præcipirarem, adeo vt memoria huius somnij cum sint xl. anni me contristet, ac simul terreat: itaque ad dextram conuersus vbi ericis contactus solùm campus apparebat, eo processu propter metum, qua iter agerem immemor, in vestibulo villici tugurij palea, & iuncis atque arundinibus recti, me esse animaduerti, puerum tenens dextra manu, veste coloris cinerei, ætatis xii. circiter annorum: tuncque somno atque insomnio simul solutus sum. Quo manifestè ad nominis immortalitatem, ad labores perpetuos & immensos, ad carcerem, & metum maximum ac tristitiam, duram sed in ob silices, infructuosam ob defectum arborum, & herbarum vtilium, lætam tamen, æqualem, ac mollem. Perennem ergo in futurum gloriam docuit: nam singulis annis vinea vindemiam reddit. Puer ille si spiritus bonus, faustum, stricte enim tenebam: si nepos minus. Casa illa in solitudine spem quietis. Sed horror tantus cum præcipitio etiam calum filij declarare potuit, qui nupsit, & periit indignum est credere fuisse præteritum, id verò Mediolani accidit.

Secundum, ibidem non multo post moranti: videbatur mihi quod anima mea esset in Cælo Lunæ, nuda à corpore, & solitaria, & ob id quærebar, audiui vocem patris mei dicentis, *Datus sum tibi custos à Deo, omnia hic*

Tom. I.

*sunt plena animabus; sed eas non vides, vt neque me, sed illas neque alloqui licet: manebis autem in hoc cælo vij. millibus annis, totidemque in singulis orbibus; vsque ad octauum, post peruenies ad Dei Regnum.* Ideo sic interpretatus sum, Patris anima tutelarî spiritus, quid amicus aut iucundius: Luna Grammaticam: Mercurius Geometriam, & Arithmeticam: Venus Musicam, diuinandi disciplinam, & poësim: Sol Moralem: Iupiter Naturalem: Mars Medicinam: Saturnus Agriculturam, herbarum scientiam, artes reliquas humiliores: Octauus orbis spicilegium, sapientiam naturalem, & varia studia, post hæc aliquando cum Principe requiescam. Id quasi expressum, etiam me non aduertente, in septem particulis problematum, quibus absolutis vel editis imminet tempus.

Visus sum etiam aliquando iuuenem mihi blandientem agnoscere, cuius tamen expectus minime memini, quem cum interrogassem quis esset, & cuias, grauatè respondit, *Stephanus Dames*: Non fert lingua Latina aliter explicari quam aliena sonet. Ego sæpius cogitavi de hoc, & *coronam* significat *medio*, *media*, *medieta* &c.

Aliud quod significauit Romæ quam diciturus essem vitam: vidi enim me anno M. D. lviii. vii. Idus Ianuarias cum Mediolani absque munere publico degerem: esse in Vrbe quadam multis Palatiis referta, atque ornata: Et inter cætera domo aurea, cui postmodum, vbi Romam veni, similem conspicatus sum, videbatur autem dies festus, & ego solus cum famulo, & mula, & ambo latebant post domum, audiebam tamen vocem famuli: Ibi cum pauci occurrerent in via, & ab omnibus curiose sciscitaretur vrbis nomen, nemine docente, anus quædam dixit vocari *Bachettam*, Latine viragam qua solent pueri vapulare, antiquo tempore ferulam, Iuuenalis.

*Et nos ergo manum ferula subduximus,* Sollicitus ergo ibam quærens, qui me doceret nomen verum: nam mecum dicebam, non est nomen hoc barbarum, nec in Italia vnquam intellexi esse talem urbem, hæcque iam obicerâ anui, addidit, *In ea sunt Palatia quinque; vt ego vidi* (inquio) *plusquam viginti*, tum illa repetiit, *at non sunt nisi quinque.* Itaque nondum inuento famulo, nec mula, expectatus sum. Quod afferam certi, non habeo quicquam; solum, illud apertum est Romam, & quid nomen illud Bachetta referret. Quidam dixit de Neapoli verbum. Hoc accidit in perturbatis causis, atque materia, aut diuino consilio.

Admonitus etiam M. D. xlvii. in æstate, dum Papæ filius natu minor ægrotaret, tanquam moriturus esset, vt linquerer animos: expergiscor, & statim ancilla accurrit dicens, *Surge, existimo enim Aldum periturum*: Quid habet? *Oculus ei distortus est: acet*, surgo, propino puluerem è margaritis, & gemmis in quo spem habebam, euomit: iterum exhibeo; detinuit, dormiuit, sudauit: intra tres dies conualuit. Talia decet viros opere pios, fide in Deum firmos, consilio prudentes, sine salutari vt prouidi patres familias, vtilis captantes occasiones, seruandi corpora ac animam, quæ illi coniuncta est, & maximè congruenti



Medicinæ modo, quem volentes imitari alij, ridiculi habentur, velut vates inanes: neque enim in artem redigi possunt. Hic autem miser ille est, qui tantum mihi attulit negotij. Multa quoque somnia mirabilia vidi, & supra fidem, quæ volens præmo.

Hæc igitur mira, & diuersorum generum cogitationes, somnia, & momentanea quatuor, quorum tria superius recitavi, conductio Mazente, casus in mare, domus ruina, quartum ligulæ historia admirabilis, de qua supra egi. Itaque munera Dei à me sunt recognoscenda: nec quisquam, quod mihi accidit huiusmodi, vel casibus, vel occasione momentaneæ, vel somniis pro regula communi statuere velit: Abunde enim, & forsitan etiam grauitur decipietur; nec multo minus, qui volet in merita mea referre: sunt enim largientis Dei munera, non quicquam cuique debentis, & multo minus mihi. Multo etiam falluntur, qui ad industriam, ad labores, ac studia mea, quæ vix millesimam partem implere potuissent: pessime vero qui conficta à me inanis gloriæ studio, imaginati fuerunt, à qua plurimum absum: deinde cur velim virtutem non solum mihi (si ita vultis) insitam, sed quam à Deo partam scio, frivolis his naniis, ac falsis fabulis feedare.

\*\*\*

### CAPVT XXXVIII.

*Proprietates quinque, quibus adiutus sum.*

**H**Vcusque tanquam de homine locutus sum, atque etiam aliquanto hominibus cæteris, natura inferiore ac disciplina: nunc de mei ipsius natura quadam admirabili, & eo mirabiliore, quod in me sentio esse quippiam, quod quid sit nescio: Et id me esse, cum non à me proficisci talia percipiam, adesse cum expedit, non cum volo. Quod oritur inde maius est viribus meis, quod detectum fuit anno M.D. xxvi. in fine, seu initio sequentis, vt sint peracti ex eo anni supra xlv. sentio ingredi foris in aurem, rem cum strepitu ex ea parte directè, vnde fit sermo de me: & si ad bonum decumbit in latere dextro, aut si à sinistro venit penetrat in dextrum, & fit strepitus ordinatus: Et si contentiosus contentio mira exauditur: si ad malum decumbit in sinistro latere, venit ex parte ad vnguem, vnde voces illæ tumultuantur. Et ideo à quacunque parte capitis ingreditur. Et persæpe cum res malè cedit, vox ex sinistra parte dum finiri deberet intenditur, & multiplicantur voces. Et persæpe si res sit ex vrbe eadem, accidit vt voce vix finita, ingrediat nuncius, qui me vocet illorum nomine: Et si ex alia ciuitate, & veniat nuncius, computa tempus interpositum à deliberatione, & initio itineris, & incidunt in idem, & vides sententiam peractam sub forma, qua conclusa est. Et durauit ad annum vsque M.D. lxxviii. sub tempore cui conspiratio succedebat, & ego mirabar quod cessaret.

Post paucos annos scilicet viii. vel circa id est M.D. xxxiv. cœpi videre per somnia quæ futura essent breui, & si eadem die, vide-

bam vt erant clara, & post ortum Solis, & explicata, adeo vt aliquando causam Collegij prorsus iudicatam, pactam, & condemnatam viderim, & quod obtenturus essem, profitendi munus Bononiæ, cessauit anno priore quam illud aliud, scilicet anno M.D. lxxvii. dum Paulus vnus è contubernalibus abiret, & ita durauit annis circiter xxxiii.

Tertium fuit spendor, hunc sensim auxi, originem sumpsit circa annum M.D. xxix. auctus fuit, sed nunquam perfici potuit, nisi circa finem lxxiii. inter finem Augusti, & initium Septembris anni M.D. lxxiv. sed propriè hoc anno M.D. lxxv. nunc vt mihi videtur, habeo perfectum. Est autem res quæ non me deserit, sed loco duorum præcedentium quæ deserunt, munit aduersus amulos, & pro incumbente necessitate. Et est composita ex exercitatione artificiosa, & lumine circumforaneo: lucunda nimis, & per se præstat longè plus ad auctoritatem, exercitationem, lucra & soliditatem studiorum, quam illa duo simul iuncta, & hominem non abstraxit à communibus studiis, & conuersatione humana, & reddit promptum ad omnia, & ad compositionem librorum est præstantissima, & videtur quasi vltimum nostræ naturæ, repræsentat enim omnia simul quæ ad rem illam faciunt: & si non est res diuina, certe est perfectissimum opus mortali-um.

Interim est quartum, quod incepit ab anno M.D. xxii. & perdurauit vsque ad annum M.D. lxx. vel lxxiii. scilicet hoc mihi datum est, vt reor ad consolationem: postquam seruatus sum in vita præter spem, & vt confirmarer in fide, ac inteligerem quod à Deo sum, & ille mihi omnia, ne aliquid indignum tot meritis admitterem. Et si quis dicat cur non omnes homines, aut saltem pauci hæc vident, & similia? Quid si sentiunt plures, aut per se clara non nobis? sed quod amoris indicium, mors sæua filij? si secus aliquis immortalis esse potest, exoptulo: si non, quid mihi plus? Mors enim omnis acerba, & penè eadem præter similem, quam æquat diuturna eius, & certa expectatio.

Quintum peculiare fuit, quod & ipsum perpetuò durauit, vt non nisi desperatis rebus emergerim, non nisi florentibus merisum, quales triremes in tempestate esse solent, modo ex imo ad suprema, modo ex supremis in vortices, idque tota vita. O quoties conditionem meam adeo miserabilem mecum desseui: non solum quod omnia pessum issent, & omnis spes salutis sublata foret, sed quod neque res meas cogitatione disponenti vt vellem, inuenirem modum euadendi: cum nullo meo studio aut labore, intra duos aut tres menses, vidi omnia commutata: vt maiores effectus quam voluntatem, & actum potestate fore crediderim, idque toties vt numerum referre pudeat. Et hac vicissitudine accidit sæpe vt omnia simul ruerent.



## CAPVT XXXIX.

*Eruditio, vel representatio.*

**S**ed verè aliquid sciam, seu videar: Grammaticam nunquam didici, vt neque Græcam, aut Gallicam, aut Hispanicam linguam, sed vñ solum mihi nescio quomodo tributum: non magis quicquam de Rhetorica noui, non etiam Opticam, vt nec disciplinam de ponderibus, quòd his studium non impenderim: neque verò Astronomiam, visa enim est mihi nimis difficilis, vt contra in Musica ineptus vsui fui, contemplationi non impar: Geographiæ, Philosophiæ illi altercatiæ, disciplinæ morali, Iurisprudentiæ, Theologiæ, operam non nauaui, nimis enim prolixa, & aliena à meo proposito, & totum hominem exposcebant. Sed neque vlli disciplinæ malæ, aut perniciosæ, aut vanæ: Vnde neque Chiromantiæ, nec scientiæ componendorum venenorum, aut Chymicæ: Physiognomiæ etiam non me dedi, nam longa res est, difficillima, & quæ multa memoria indiget, & sensibus acutis, quæ mihi adesse haud credo: non arti Magicæ, quæ per præcantationes agit, aut euocandis Dæmonibus, aut animabus mortuorum. Ex laudabilibus etiam, minimè, cognoscendis plantis ob memoriæ defectum: neque agriculturæ, quòd exerce oporeat magis quam scire: ab Anatomia aut multa me deteruere. Nec etiam pangendis carminibus, nisi necessarius & valde parum. Quid ergo est, quod tot mihi, vel ne cogitanti tribuerunt, nisi vt opinionem in arte medica minuerent?

*Pluribus intentus minor est ad singula sensus.*  
**Q**uod ad Astrologiam quæ prædicere docet, operam dedi, & nimis quam debui, fidi quæque in perniciem meam: ea quæ naturalis magis est, nulla vsui fuit: namque à tribus annis, id est, lxxi. ætatis citra, primum illam edoctus sum. Callui ergo Geometriam, Arithmeticam, Medicinam: contemplatiuam & praxim: Dialecticam magis; Magiam naturalem, id est proprietates rerum, & quæ sunt illis similia, vt quod ambra, calorem confirmet innatum, & cur, & (si adnumerandus) latrunculorum ludum: Præterea vsum linguæ Latinæ, & aliarum etiam quarundam: tum Musicam contemplatiuam: Nauticam autem non attigi: de Militari, non est vt inter disciplinas hanc adnumerem, ob multa difficilia in ea tamen carui, vt etiam Architectura. Sunt etiam quedam semidisciplinæ, velut symbolicarum literarum vsus, compositio, interpretatio. In proprio agro destitutor Chirurgiæ vsu: Si igitur disciplinarum celebriorum numerum statuas, xxxvi. à xxvi. studiis ac cognitione prorsus abstinni: Decem me dedidi. Existimarunt autem aliqui maiorem cognitionem, atque peritiam, ob representationem: representatio adiuuatur contemplatione profunda, & stabili, connexu multarum rerum bene intellectarum, Principiis melioribus non contradicendi studio vt in Galeno; non nimis laxis, & partim falsis (liceat mihi ob veritatis studium in aliquibus

paululum, non multum vt quidam credunt discedere à communi opinione) ac imaginariis vt in Plotino: sed iudicio exacto, & sermo, senio, Harpocratia, & exercitatione illorum quinque modorum iam sæpius commemoratorum auxilio vt. Verum addamus illis decem quæ nouimus, vñum: cognitionem historiarum multarum, quæ licet nulli disciplinæ peculiariter propria sit, tamen multum facit ad decorem, & ornatum eorum qua narrantur in illis. Hæc subiunxisse volui, quasi hortando vnumquemque, vt potius (quandoquidem vita nostra brevis est, & plena variis impedimentis, tum etiam incommodis) paucis quam pluribus operam dare, velit atque illis diligenter, & assidue eligere autem præter omnia, vtilia humano vsui, & nobis ipsis primum: ac connexa & vera assumere principia, nec quasi ira aut ambitione vetera relinquere, sed vt meliora hæc vel illa experiri. Et si nominis cura te trahit, aut utilitatem ex eo sperare audes, melius est vñum inuentum perfectè expolire, quàm mille persequi, & nihil absoluere.

*Sapius in libro memoratur Persius vno:**Quàm leuis in tota Marsus Amazonide.*

**Q**uod videmus præcipuè Horatio, ob vñum opus, nec magnum satis, sed excultum & aureum contigisse. Et nunc vt vates gloriari possit: *Dum Capitolium scandet tacita cum virgine Pontifex: victurum se in chartis, nec Strygia cohibendum vnda.* Satis enim constat, cessasse iam Pontifices ab ascensu illo, & Horatii famam adhuc florescere. Sic ergo nos Arithmeticam ad decuplum, Medicinam, non parum auximus. Proprium autem grauis viri est, statim ad rem properare: Et ad hoc, opus est multa lectione, toto triduo ingens volumen deuorantes; indicio opus est, pertrita vel parum vtilia prætereundo, obscurorum expectare occasionem, obelisco signando. Est in nostra structura familiare, vt principium sequentis, idem sit fini orationis. Orationis huiusmodi diuinos habeo authores: Sitque ea nitida, pura, connexa, ordinata, Latina, sermonis seruata proprietate; compositionis & sensus ab vno deducta principio textura. Quæ vero infinitæ sunt artes, non patiuntur se exornari, vt Geometria, & Arithmetica: aliæ contra non augentur, verum diuiduntur & exornantur, vt Astronomia, & Iurisprudentia.

## CAPVT XL.

*Felicitas in curando.*

1. **A**ccidit vt anno M. D. xxxvii. seu M. D. xxxiii. in æstate, cum esset mihi arcta consuetudo cum Donato Lanza, cui ex hæmoptoi laboranti iam pluribus annis multum, contuleram, vt esset Sfondrato Senatori, & à secretis Cæsaris intimus, cui persuaserat sæpe vt opera mea vteretur in cura filij maioris, puerili conuulsione laborantis, qui potius inter mortuos quam inter viuos numerandus videbatur: imbecilis, tum distortus, parum mente valens, & si tandem conualuerit: Filius alter natus minor nonum, aut decimum agens mensem, febre corriperebatur;



& Lucas Cruceius eum curaret, spem bonam afferens ut mos est: (Erat enim amicus valde Sfondrato, quod Cruceius esset Collegij procurator, Sfondratus patronus, & longa consuetudine, & mutuis officiis ac beneficiis vincti) & repente conuulsio acerrima, non desinente febre acuta, infantem inuaderet: unde cum periculum mortis non obscure immineret Cruceius vocandum suadet Ambrosium Cauenagum, Sfondratus Lanzae memor me: Adsumus hora diei secunda, & pater infantis: Ibi cum pauca Cruceius de morbo dixisset, quod sciret Sfondratum hominem esse prudentem, ipse verò syncerus & eruditus: Cauenagus nil afferebat in medium, quod locus ei ultimus deberetur: tum ego dixi, videtis quoniam infans hic opistotono laborat, ad quam vocem Prothophysicus, quasi vellem obscuritate verborum illum circumuenire, obstupuit: sed hanc dubitationem statim sustulit Cruceius, dicens, intelligit contractionem nervorum retro: Respondi ego equidem, & subiunxi, & id nunc ostendam, & sublato capite pueri quod pendulum erat in posteriora, idque Medici, & alij arbitrabantur ex imbecillitate, & pondere proprio capitis accidere, iussi, ut in antiquam partem erigerent: sensim tamen, quod cum nulla arte fieri potuerit, omnes mirabantur, & præcipue pater. Tum Cruceius in hæc verba prorupit. *Horbon. 1.* Ecce (vox est excitantis, & sermonem inchoantis) *In dignoscendis morbis non est D. H. par. 1.* æqualis, Modo, Sfondratus hæc verba excipit, conuersus ad me, inquitque, postquam morbum agnouistis, est ne remedio locus, aliis silentibus ne gloriam partam vana promissione sanciare, conuersus ad socios, vos scitis quod dicat Hippocrates in hoc, *Febrem conuulsioni*: Et recitavi Aphorismum, tum Cruceius qui modestia amicitiam retinere cupiebat si posset, ut si puer sanaretur locus esset beneuolentiæ pristinae, si interiret, ne videretur gloriæ æmuli inuidisse, curationem mihi addixit, consentiente Prothophysico Cauenago, intelligebant enim plus ex modestia laudis, quam ex contentione sperandum. Ego perfusionem, & lintea madefacta ex oleis lini, atque liliorum adhiberi iussi, molliter infantem tractari, donec collum erigeretur, nutricem à carnibus, infantem ab omnibus aliis cibis ac potibus abstinere, præterquam à lacte: eoque etiam parcè iubeo: In cunis, loco calido habendum: agitandum perpetuo, & leuiter, donec somnus obrepit. Dum reliqui Medici abscessissent, memini dixisse mihi patrem infantis. *Ego tibi hunc pro filio do: & me respondisse, Male consulis illi, qui velis patrem pauperem pro diuite subicere*: tum ille, at ego intelligo ut cures eum tanquam tuum, nil metuens quod hac causa eos (scilicet Medicos) sis offensurus, dixi, imò placet, ut socii sint in omnibus, & ut me adiuent. Hæc igitur ita miscui ut neque me prorsus desperare de cura, nec considerare intelligeret, esseque magis modestum, quam eruditum, aut peritia exercitationis utilem: bene cessit. Nam factum est, cum essemus prope xiv. diem, & tempus calidum, ut infans intra quatrimum prorsus conualesceret. Quo viso non tam quod cognouerim (ut reor) morbum, nam id exercitationi peculiari.

nec quod sanatus sit, nam casui tribui hæc poterant, sed quod in quatuor diebus sanasset, cum fratrem eius plusquam sex mensibus frustra vexassent, demumque semimortuum reliquerint; hoc ipsum de quo admirabatur, & cur omnibus aliis præponeret in posterum, causam fuisse existimo. Namque considerare eum probabile est, quod Cruceius æmulus & inimicus, dum procuratoris officio fungi cogeretur; Cauenago, & ipso patre præsentem hoc dixerit, quod laudare nisi coactus Collegij hostem honestè non posset; inuidiæ & æmulationis, non natalium conditionem mihi obstare conspicuum esse: itaque percussum filij casu, narrasse cuncta in Senatu, & apud Proconsulem Prouinciæ, & cæteros ministros, ac purpuratos effecisse, ut simul ad Collegium à quo tot sententiis, & demum conuentionibus, ac pactis reiectus fuero, pateret ingressus, & muneri profitendi publice in Academia adicerer, ac etiam dono remunerarer, & ut omnibus acceptus forem.

2. Proxima cura fuit Archiepiscopi Amulthonis Scoti, qui annos natus xlii. iam decennio laborabat difficultate spirandi: Medicos Regis Galliarum primum, post Cæsaris Caroli V. frustra expertus, misit. cc. coronatos primum Mediolanum, ut Lugdunum irem: inde adiecit ccc. ut Lutetiam me conferrem, & si per bella impediretur, ut irem in Scotiam; iui, curam agebat Medicus ex constituto Medicorum Lutetianorum: crimini dabatur quod non proficeret, coactus sum causam explicare: ille Medico suo indignabatur, is mihi, quod aperuissem causam, ita ab vno metuebam, ab altero accusabar dilationis, & maximè quod ubi curare coepissem, melius se haberet: inter tantas turbas veniam discendi petij, agrè sed tamen concessit, consilio relicto, quo post biennium conualuit: lxxv. diebus apud illum mansi, extat fides recuperatæ valetudinis, missusque primus è cubiculariis Michael, qui magnis præmiis reduceret pro Medico, sed non acquieui: numerauit pro hoc accessu Archiepiscopus aureos coronatos M. Dccc. è quibus Mcccc. ad me perueniunt.

3. In patria curauit Franciscum Gadium phratrium primum Canonicorum B. Augustini, ex lepra biennali, in sex mensibus, sed hic & præcedens (ò fors hominum miserabilis) liberati, ut propter factiones, decennio post violenta morte perirent.

4. Martham Mottam in duobus annis, quæ per annos xiii. in cathedra sedebat, nec unquam ambulauerat, cum duo priores violenta morte obierint decem circiter à curatione annis, hæc cum discederem à patria iam xxiii. annis superstes erat, verum per totam vitam inclinata, obambulauit.

5. Iulium Catium à phthisi, hic paulo post institutor teneræ ætatis Reguli Mantuæ euasit.

6. Ex Hæctica Io. Mariæ Astolfi filium.

7. Ex Empyemate Adrianum Belgam, qui postmodum, mirum in modum mihi gratus, & utilis fuit, atque amicus, adeo ut in Italo tale experimentum desiderarem.

8. Inde Io. Paulum Negrolum mercatorem toti vrbi notissimum, & duobus annis exper-



tum omnium principalium Medicorum curationem, demum pro phthifico derelictum, & hic valde mihi amicus factus est.

9. Gasparem autem Roullam Cauponem iam per annum in lapidem penè moralem mutatum, sanè per se prorsus ac perpetuo immobilem, sanauimus, remansit obliquo, & obstipo collo.

10. Quid quod ex febris nullus, ex aliis morbis vix è trecentis vnus perire solitus fuit: Indicio sunt testimonia eorum qui obeunt, in sanitatis libris seruata, nam mos hic Magistratus, notissimus est cuique ciui: Quapropter cum non promptum sit id ostendere, de aliis locis, testimonia adducere, aut gloriari, nec decens, nec commodum puto præsertim quod Medici parum hæc curant.

11. Vocatus sum etiam ad Ducem Sueffanum ex Ticinensi Academia, accepique C. aureos coronatos, & dona ex serico.

12. Similiter ad Cardinalem Moronum ex Bononia Mutinam: à quo inuitus munus recepi, plus enim illi me debere sentiebam: Verum in his duobus socios habui, & auxiliares claros viros, & ego propriis contentus sum operibus: cum in vniuersum plus centum viris deploratis, Mediolani, Bononiæ, Romæque sanitatem restituerim: nec mirum videri debet me optimè ac feliciter exercuisse Therapeuticam, qui etiam tenerem optimè Diagnosticam Medicinæ partem. Indicio duo sunt quæ publicè Bononiæ pollicebar: omnem agrum qui tempestiue in manus meas venisset, non natu maiorem lxx. annis, nec vii. minorem (vnde in Prognosticis vbi huius sæpe feci mentionem pro v. septem legi debet) nec à causa procacitica morbus pendeat vulnere, ictu, casu, terrore ingenti, aut veneno; (maxime repetito) quique sit mentis compos, nec valetudinarius utpote Phthificus, aut cum scirrho in iecore, profundove vlcere in loco malo: seu lapide magno in vesica, aut comitiali, me curaturum. Aliud (vt tamen liberum esset conditionem mihi recipere vel non) vt si moriturus esset æger, locum morbi ostenderem, & si mortuo illo aberrassem, teneri poena centupli acceptarum pecuniarum: Itaque cum plurimi apertè primùm sperantes me arguere posse, quod aberrassem, corpora dissecuissent, vt Senatoris Visi, Doctoris Peregrini, Georgij Ghisleri: In quo illud visum est admirabile prædixisse me morbum fore in iecore, cum vrinæ essent optimæ: incolumem vero ventriculum qui perpetuò doleret: post clam multos alios, nunquam errare me inuenerunt, nec conditionem recipere ausi, nec vt reciperetur consuluerunt.

13. Redeo ad curationes, Bononiæ, Vincen- tium Torronem ex coxendicis dolore laborantem iam anno transacto, cum perpetuo in lecto maneret, & nil leuaret morbum, nedum vt minueret, restitui sanitati.

14. Et ex simili affectu vxorem Claudij mercatoris hyeme profunda.

15. 16. Verum Romæ nobilem matronam Clementiam Massam atque Io. Casarem Bon- tempum Iuriconsultum ambos propè bien- nio laborantes, & ad summum calamitatis re- ductos, Medicosque vrbs celebriores expertos ita curavi, vt iam diu viuant. Curabam au-

tem Mediolani Hispanorum gentem, in qua mira experimenta dedi: Primum quod nemo gloriari possit, aliquem sanasse, quem ego vt insanabilem reliquerim, cum tantam multitu- dinem derelictorum ego restituerim: & alias dixi in arte non valere fortunam: Qua enim fortuna indiget tonfor vt tondeat, & Musicus vt canat aut pulset? Ergo neque in Medicina, sed habet Medicina tria præter artem, qui- bus casui subiecta videtur: primum quod sen- sibus non aded pateat vt cerdonica, & cõsoris, si quis ergo in profundiorẽ partem inciderit, aut morbum valdè multiplicem, & composi- tum non attris, sed artificis imperitia, parum prodesse poterit: Est autem multarum parti- um hæc ars, aded vt & nunc, & olim in mul- tos diuisa esset vulnerarios, oculos, Physicos, lapidarios, herbarios, ossarios: sed & vnaquæque pars paruas multas sortitur par- ticulas, si quis ergo incidat in morbum, in quo diu & feliciter versatus fuerit, fortuna- tus dici poterit, secus contra; præterea opus habet Medicus medicamentis, ministris, astantibus, Pharmacopolis, Chirurgis, co- quis, & vt externa etiam sine errore proce- dant. Ignis, aqua, cubiculum, mundicies, silen- tium, amici: timor cõtra, tristitia, ira efficient, vt morbus sit sanabilis, æger tamen pereat. Id verò vt breuiter dicam, cum ars sit, non sub- iicitur fortunæ; quatenus autem est plurium generum vt Medicina, aut plurium agentium, vt militaris licet vnius generis, aut plurium etiam eiusdem generis, & ab eodem agente, velut fabrilis clauorum, & magis æreorum, & arandi & ferendi, ita variis subiicitur. Et si quid facit ad rem, quod tamen plurimum fa- cere testatur Hippocrates in pluribus locis exercuisse artem: Primum Venetiis, post in Patauino agro Plebe Saccensi, vt Italico vtar verbo, Mediolani, Gallareatæ: Papiæ sed hic parum, Bononiæ, Romæ: In Gallia, Lugdun- scilicet in Anglia, & Scotia. Contulit etiam ad hoc ætas, iam ingresso lxxv. cum Galenus lxxvii. non exceßerit, Auicenna, id est Hasen lvi. vterque tota vita in itineribus cõsumpta. Galenus xx. perpetuis annis, Hasen semper, Ætius in suo Episcopatu, Oribatius in Ponto proscriptus, Paulus vagabundus.

17. Sed mittamus hæc, & casum Iulij Rin- glerij adolescentis Patritij enarremus, hic ha- bitabat apud s. Iacobi templum, in via sancti Donati Bononiæ xli. Calendas Iulij M. D. lxxvii. quem iam xl. plus diebus decumbentem, cum acutissima febre, grauique Phlegmone, amissis omnibus sensibus, cum de more consi- gnatus esset, liberauimus.

18. Quid de Annibale Ariosto iuvene nobili, & diuite, quem laborantem ex abscessu in pe- ctore in fistulam conuerso, & cum tabuisset, alia hæctica febre adiuncta, & ad duas libras saniei in singulos dies expueret, nec dormiret, Medici tanquam Phthificum, & toto pulmo- ne putrido, vt prorsus insanabilem relique- runt: septumque erexere ne quatuor puerili Michaelis Angeli iudicis Torroni inficeren- tur: hunc ego in xxx. diebus plenè curavi in- tus & extra, & ita pinguem reddidi, & bene coloratum, vt tota ciuitas miraretur. Nil for- san his duobus miraculis, Bononiæ quingentis iam annis simile visum est.



19. 20. Quin etiam duos adolescentes ad portam quæ Mutinam tendit, diarrhæa laborantes, Zeonarthum, & Io. Baptistam contiguus domibus, cum febre relictos ut mortuos, & nec tussi nec spirandi difficultate tenerentur, iamque xi. exegissent, intellexi laborare suppuratione in pulmone, & prædixi solo sputo saniei posse sanari, & ita ambo, admirantibus aliis Medicis; tum etiam coniunctis, intra xxv. diem ab initio, dum expuissent saniei puræ circiter libram vnam, in quatuor aut quinque diebus plenè curati conualuerunt.

21. E regione horum habitabat adolescens Marcus Antonius Felicinus, qui ex longo morbo cum loqui non posset (erat autem Senatoris nobilis, ut audio ob familiam antiquissimam ex fratre nepos) & febre perpetuò laboraret, nihil intelligens, mutus euasisset, & debilitatus ad mortem, derelictusque ab aliis Medicis, cum confiterentur, neque morbum intelligere, nec similem vidisse, & erant qui potionem meretricia eo deductum dicerent, susceptum in manibus, quatrduo reddidi sui compotem, & loquentem, intra decem autem alios aut duodecim dies perfectè sanavi, & puto ipsum viuere: ægrè ferebant ob id Medici in his exemplis, quod non redderem ullam rationem, neque docerem.

22. Quid de Agnete vxore Claudij Galli mercatoris in vrbe nostra, pro mortua derelicta à primariis Medicis? & iure, quandoquidem nullum ægrum alium, tametsi viderim morti multos proximiores, maiore labore curauerim.

23. Memini quæ alias commemorauerim in generali de infanientibus, comitialibus, cæcisque quibusdam seruatis: hydropicis, gibbis, inhibitis, claudisque in melius traductis.

24. Filiis fabrilignarij ad portam Tonsam.

25. Itemque Laurentij Gadij miraculo propè,

26. ac Legati Mantuæ reguli, 27. & præclara

insignis Hispani Iuaræ, eorumque omnium

curatione. 28. Quid de Simone Lanza: 29.

De Mareschalco: 30. de filia Io. Angeli Linati: 31. Antonio Scazoso: 32. Admirabili

denique illo casu filij Martini Mercatoris: 33.

Vxoris pharmacopolæ trium regum: 34. à

doloribus inueteratis: 35. alios à sanguinis

mixtu: 36. à quartana duplici nemo à me non

curatus est: 37. à veneno in Syrtiris filios

omnes seruauit tarde vocatus, tam etsi ambo

parentes obiissent. 38. Augustini Fornarij casum in hydrope. 29. De certamine cum Ca-

uenago, & Candiano in cura Octauiani Ma-

riani: sed non minoris bonæ fortunæ meæ ar-

gumentum, omiſſa incredibili exemplorum

multitudine, 40. casus Antoni Maroragij in-

faustus, & ex aduerso cura febris, pestilentia,

podagræ, minime fallax: ob id Mediolanenses

Medici dicebant, hoc mihi non excellentia

artis, sed bona fortuna euenire, quoniam qui

morituri essent in illorum, qui seruandi in

manus meas deuenirent.

Ne mireris, ô Lector, nec mentiri suspice-

ris, hæc omnia ita se habent, & huiusmodi

contigerunt, & maiora, & longè plura: nume-

rum non teneo, sed existimo ad clxxx. accede-

re, & plus ultra: nec tamen inaniter gloriari

suspiceris, aut cupere, vel sperare me præferri

Hippocrati. Primum de mendacio, cur tam

impudenter? indagare licet, vno deprehensio mendacio omnia corruunt. Deinde cur ob gloriam & lucrum? at si graues morbi mihi plures occurrant, nil existimem infelicius: neque enim confido vsurum me felicitate præterita. Refert Plinius & Plutarchus Cæsarem cum in acie aperta quinquagies collatis signis victor dimicasset, factum segniorè ad prælia, ne gloriam partam vitaret atque pollueret. Quanto facilius id mihi accidere posset? Deinde quomodo sperare quicquam magnum ex quotidiana opera possim? à Principe solum id liceat, si modo supersit aliquid spei. Verum quod ad gloriam attinet, non solum multo minus, imo prorsus nihil: nam non gloriosus est Hippocrates quod multos sanauerit, suo enim testimonio xxv. ex xlii. obierunt, xvii. sanati solum, sed quod rationem seruauerit. At ego bifariam in hoc inferior sum: Primum quod felicitas illa operum à diuino auxilio videbatur proficisci, non ab eruditione; & tot mihi in hoc genere fausta successerunt, ut spem operi æquari posse non confidam: raroque vere gloriari licuerit, quicquam ex consilio & cogitatione, (quamquam in hoc præstiterim quantum potuerim) accidisse. Morbi etiam Hippocratis fuere violentissimi, regio saxosa in Thessalia & prope, venti asperi, vina cruda, legumina, aquæ prauæ, modus vitæ inconditus, non medicamenta, non electio, exercitationes mortiferæ; si ego tunc ibi fuisset, non potuisset certe talia miracula edere, aut si ille composito seculo, molli regione, commodis omnibus abundante, medicinam exercuisset, nullum tale naufragium passus esset. Quæ ergo iactantia mihi in hoc, sed fuerit modo (postquam Dominus ut nunc sentio, mihi vera ob id ut puto narranti fauet) quid inquit ille, an non abunde, ne dicam solum satisfecit huic inani voluptati, quandoquidem florem fructu priuauit, in magna paupertate viuentem, cum tot æmulis, tot expositum iniuriis, tot afflictum calamitatibus: ergo iam scio obtinuisse hanc quamcunque gloriam, non solum absque mendacij suspicionem, sed etiam sine inuidia.

\*\*\*

## CAPVT XLI.

*Ostenta naturalia visa, rara tamen de Vita propria, & filij ultione.*

**I**Nter naturalia ostenta, primum illud quod & rarissimum est, natum me esse hoc seculo, in quo totus orbis innotuit, cum antiquis paulo plus Triente cognitum fuisset: Hinc lustramus Americam (nunc partem propriam appello) Brasiliam, maximam incognitæ antea portionem, terram ignitam, Patagones, Peru, Charcas, Parana, Acutia, Caribanam, Pico-ram, Hispaniam nouam, Quitum, Quiniram partem Occidentaliorem, Galliam nouam, & ea magis meridiem versus Floridam, Corte-ream, Estotilant, Marata: Præter has ad Orietem sub Antarctico Antiscio quasi Scythas, & alios nondum notos Boreales, Laponiam, Binarchiam, Amazones, & quæ est è regione insulæ Dæmoniorum (si hæc fabulosa non sint) hinc certe ut æqua fiat distributio, magnas



magnas sequuturas calamitates verisimile est: creuit opinio, minuentur & contemnuntur bonæ artes, & certa pro incertis commutabuntur. Sed hæc alibi, interim nos florente prato gaudebimus. Nam quid mirabilius Pyrotechnia, & fulgure mortalium, quod perniciosius multo est quam Cælestium. Nec te silebo magne Magnes, qui nos ducis per vastissima maria, & noctes tenebrosas, & tempestates horribiles in peregrinas, & incognitas regiones. Addatur quartū Typographica inuentio: manibus hominum facta, ingenio illorum inuenta, æmula diuinis miraculis, iam quid deest amplius ni Cælum occupemus. O insaniam hominum si vanitatem, si principia non animaduertimus: ambitiosum supercilium si non admiramur, sed ad ordinem redeo.

Erat dies xx. Decembris anni M.D.LVII. cum mihi prosperè cuncta succedere videbantur: non dormio ad mediam noctem usque, cum vellem visus est mihi lectus tremere, & cum eo cubiculum, terræmotum existimabam: post tandem somnus obrepit: vbi mane dies illuxisset rogo Simonem Sofiam, qui nunc hic Romæ est, in curruli lectulo iacentem, an aliquid senserit: respondet tremorem cubiculi & lecti: Qua hora? inquit sexta aut septima. Tunc ego in forum me conféro, quæro à pluribus an terræmotum ea nocte senserint, nemo affirmat: venio domum, accurrit famulus admodum tristis, nunciat Ioannem Baptistam duxisse in uxorem Brandoniam Serenam puellam amatam ab ipso, sed omnium bonorum expertem: atque hinc dolor, hinc lachrymæ: accedo prope locum, video rem transactam. Hoc sanè fuit omnium malorum initium, cogitavi diuinum nuncium, quoddam cognouisset conclusum vesperi, nocte voluisse significare, nam vbi illuxisset, antequam domo prodiret, aggressus eram filium: dixi (non eo tantum monitus ostento, sed quoddam videretur à seipso alienus) fili caue tibi hodie, magni mali quippiam ne efficias, locum memoria teneo, in ostio enim eram: sed non, an subiecerim de ostento. Non multis post diebus, sentio rursus tremere cubiculum, experior manu, cor sentio palpitare, in latus sinistrum enim decumbebam; eleuo me, cessat tumultus ille & palpitatio: iterum decumbo, itaque cum vtrumque rediisset, cognoui vnum ex alio pendere. Memineram etiam quoddam, cum visum esset antea tremere, tum cor mihi palpitabat, ut esset res naturalis: verum quomodo prior ille esset affectus non intelligebam, animaduerti solum quoddam duplex hic erat tremor: naturalis qui ex palpitatione cordis provenit, & à spiritu, qui eo medio provenit: quod ex similitudine deprehendi non paucis ante annis, nam cum antea essem solitus, si antelucanis horis expergiscerer, duris & grauius curis angi, à paucis annis nunc citra, & si contingat vigilia, non tamen cura: quoddam ea vigilia à morbofo habitu potius fiat quam ab afflatu.

Simile contigit cum anno M.D.XXXI. canis modesta ulularet præter consuetudinem assidue: corui insiderent domus vertici crocitantæ præter solitum, puer cum fasciculos lignorum frangeret, erumpebant ignis scintil-

læ, duxi uxorem inexpectato, à quo tempore multa aduersa concomitata sunt: non tamen prorsus omnia hæc diuina fuerunt, nam cum essem annorum prope xiii. coruus arripuit in campo B. Ambrosij laciniam vestis, nec dimittere magna vi me eum trahente, ac repellente voluit, nec quicquam tamen vel ad multos annos luctuosum accidit, aut mihi, aut meorum vlli.

Magna etiam, sed prorsus naturalia obseruauit: quæ superius à Cælo, hora penè xxii. stellam Veneri similem (dum essem puer) quæ illuxit tã clara, ut à tota vrbe nostra conspiceretur. Vidi tres inde Soles anno M.D.XXXI. & omnes in Oriente, & cum radiis, Aprili mense, Venetiis: vbi tum casu eram, durauitque spectaculum totis penè tribus horis. Antea vero circa annum M.D.XII. in agro Bergomeni propè Abduam fluuium, ceciderunt nocte vna supra M. ut referunt lapides, cum præcessisset vesperi ingens flamma, quæ in aëre ferebatur trabis ingentis similitudine: vidi ego ex his vnum dum puer essem, ponderis librarum supra cx. (non recordor an communium, an maiorum: nam libræ cxi. maiores Mediolanenses sunt cclix.) in domo M. Antonij Dugnani, iuxta ædem sacram D. Francisco dicatam, forma inæquali, & vndique abrupta, ut de casu coniectari possemus: color cineris, & saturior, si affricaretur sulphuris odorem reddebat, cotibus vulgaribus simillimus erat: Potuit & esse techna, nam ibidem tales lapides effodiuntur, & per orbem passim, cotium nomine deferuntur. Volui hoc subiecisse, quod neque apud Gasparem Burgatum, neque Franciscum Santouinum diligentes horum temporum Italos Scriptores, vllam mentionem huius rei inuenio. Sed quorsum tamen patritij illi hoc confinxissent? & passim alij licet minores ostendebantur: nec spectaculum gratum futurum Principibus qui tum regnabant. Constat enim seditiosis, huiusmodi ad res nouas moliendas animos addere, & forsitan aliquid etiam in hoc euidenti causa possunt. Sed sit modo vtrumque, circa id tempus, constat Venetiis tam grauem fuisse terræmotum, ut nolæ templorum sponte pulsarent, accidit enim hoc prodigium anno M.D.XI. ut anno M.D. XIII. cum Maximilianus Sfortia Mediolani Princeps, amisso toto Principatu, Nouariæ obsideretur à Gallis, canes Gallorum in urbem agminatim venerunt, canes Eluetiorum lingentes, atque illis blandientes, quo viso accurrit Iacobus Motinus Torfaninus Tribunus militum Eluetiorum, qui pluribus præliis interfuerat, Sfortiæ certam ex obseruatione victoriam spondens: quam sequenti die adeptus est. Hic ordinem & propositum videor transgressus, sed ad præsentia pertinet ostendere, me eo tempore natum quo multa mirabilia viderim. Iuueni (& nunc nuper à somno experrècto) videbantur quæ in cubiculo erant, ac si cum lumine fuisset, sed paulò post euanescebat vis illa, referunt Tiberio hoc accidisse.

Cum nocte præcedente x. Calendas Februarij M.D.LXV. qua die recessit Cæsius, ingressus Crassus, bis arisset lectus, prædixi me non permanfurum Bononiæ, & prima vice restiti, secunda non potui. Anno M.D.LII. carula domestica



domestica, & placida domi relicta ascendit super abacum, & lectiones meas publicas laceravit, librum de Fato, qui videbatur magis expositus non attigit: A fine anni præter omnem spem, propterea publicè desij per octo annos perpetuos. Nonnunquam ex minimis cum immodice perseverant, coniecturam facere licet: cum ex minimis, ut alias declaravi, ac vniuersi, velut retium maculis omnia apud homines constant, repetitis, & in diuersas figuras ut nebulæ formatis: nec solum per minima augeantur, sed & illa minima sensim in infinitas partes, ut ita dicam, diuidere oportet; isque solus in artibus, in consiliis, in negotiis ciuilibus præstantissimus erit, & ad summum culmen perueniet, qui hæc intelliget, & in opere ipso obseruare nouerit: quæ obrem in quibuscumque euentibus talia minima erunt obseruanda. Die qua venit à Bononia Ludouicus Ferrarius cum suo patrueli Luca: Pica in corte tandiu deblaterauit, præter solitum omnino, ut nos aliquem expectaremus, erat autem pridie Calendas Decembris M. D. XXXVI. nunquid hoc in causa? minimè, quoties in irritum cesserunt? Ergo his proderunt incerta ratione obseruata, ut Augusto: aliis contempta ut Iulio Cæsari & Syllæ: atque eadem ratio in alea, ut nulla sit aut obscura. Quæ verò supra naturam sunt, rationi naturali non subiacent; quæ subiacent, iam nil mirum continent, nisi eius imperitis. Aliud fuit cum penè merus sum in Benaco lacu, timebam ingredi, causam ignorans, & erat aeris magna tranquillitas. Eodem anno plura apparuerunt quæ liberationem, alia calamitatem portenderunt, velut solutio vinculi quo smaragdus collo appensus erat. At antea tres annuli quos in digitis gestabam (mirum sanè dictu) in vnum confluerant, ut tam exitus quàm coitus non parum esset admiratione dignus, tum magis quod liberatio, & damnatio post subsecutæ fuerint: sed dona hæc sunt Dei, nam quod ad prodigia attinet, nihil minus. Damnatus à prima pueritia ad mortem spirandi illa difficultate, frigore maximo pedum ad mediam noctem vsque, palpitatione cordis ea in ætate, sudore copioso; quem postmodum exceperit vrinæ profluuium perpetuum; dentes rari ac debiles admodum, manus dextra incompacta, linea vitæ valde brevis, inæqualis, intercisæ, ramosa, & reliquæ principales penè capillares aut valde obliquæ: Astra quæ minitabantur omnino obitum, ut omnes dicebant ante annum xlv. omnia vana inuenta sunt; viuo, & annum ago lxxv. non artium fallacia, sed artificum inscitia: quin quod, si quid tale esset, non magis elucescere poterit, quàm in Aristotele, de quo nihil tale legitur. Sed ad filij historiam accedamus, quæ verè quippiam habuit dignius consideratione.

Cecidit filius meus, intra cxxi. diem, ipse mortuus est exclamans se perire ignorantia eius, qui mortem filij mei suaserat, & deprecatus fuerat Falcutius Senator: vir alioquin primarum partium, quem secutus est Hala, qui à damnatione filij sic statim ægrotauit, ut Phthisi correptus reiecto pulmone expirauerit. Præses ipse Rigonus qui iudicium vrgebat, uxorem propriam extulit sine cereis, mi-

rum dictu! verumtamen ut à pluribus audiui: referunt ipsum quamuis nominis integri, sola morte iudicium cuius insimulabatur effugisse; tum etiam filium eius vnicum adolescentem morte ereptum, ut diceret domum illius diris excantatam. At paucos intra dies socer filij mei qui eius mortem procurauerat, in vincula coniectus, tandem amisso exactionis munere mendicauit: filius eius quem maximè amabat suspendio vitam finiuit, damnatus ut audio in Sicilia. Eorum qui ipsum accusarunt nemo non nisi magna calamitate euasit, aut perculsus, aut enectus: quin etiam dominus ac Princeps alioquin generosus & humanus, cum ipsum ob inuidiam meam, & accusatorum multitudinem deseruisset, & ipse multis modis conflictatus est grauibz morbis, cæde propriæ neptis à coniuge suo, litibus grauibz: tum etiam subsecuta calamitas publica, Zotophagite insula amissa, classe Regia dissipata, non quod tam impudens vel insanus, ut quicquam horum pertinere ad nos putem: sed homines bonæ mentis, ut in tempestatibus segetes euertuntur, & magnarum calamitatum tempore cadunt, præsidio optimorum Principum, tum occupatorum publicis aut propriis infortuniis destituti, quæ tempora obseruant improbi calumniatores ad amissum, non alia spe magis conspicua.

\*\*\*

## CAPVT XLII.

*Præcognoscendi vis in arte, & aliis.*

PORRò qualiscumque causa fuerit quæ plus mihi nominis hac in parte attulerit quam cuperem, seu diuinus afflatus, seu Harpocratica constitutio, seu quædam iudicij & mentis perfectio, non satis dicere possim. In Medica primum arte emicuerunt Cecilia Madiæ, de filio Io. Iacobi Reste, totque aliorum, ut in tanto tempore nemo gloriari possit vidisse hallucinatum: quin imò etiam qui alias partes artis à me detrahere conabantur, in hac primas perpetuo reliquerunt, nihil mihi tale optanti. Sed omittam reliqua, Bononiæ nonne offerebam, si quis vellet pro ægris decem numerare coronatos, ut bis, vel ter, aut semel tantum ægrum inuisere studiosè possem, me persoluturum quod acceperem centies, si aberrassem in partem quam mortis causam futuram prædicerem. Dissecuerunt plures nobiles. & primum quidem me præsentem, deinde cum viderent non falli vnquam, illis ne toties contingeret erubescere, clam dissecabant: sed nunquam in octo annorum spatio in quo ibi Medicinam publicè professus sum, contigit, ut vel de hoc non solum contradicere, sed neque hiscere ausi sint, tam scilicet hac in parte. At extra artem quæ in consilio Regis Edoardi VI. Anglorum dixerim, & quomodo calamitates eius Regni impendere, & quales, certè quis admiretur, taceo quæ in carminibus Næniæ mortis filij subticere volo, quod ipsi prohibuerint, & tamen puto extare miraculo propiora quam oraculis, de eo quod futurum esset vsque ad octauum annum, ab illius morte. Sed ut dixi, ea mihi non tribuo, quæ etiam malim perire, quàm ut gloriam hoc modo quæram;



quæram; nam & de Cypriamissione ab initio pronunciaui, & causas reddidi; tum etiam de Africæ Arce nil hæsitans; nec velim quemquam opinari, quod hæc longius petita sint, aut ex Dæmone, aut ex Astris, sed ex Aristotelis oraculo: solum enim, inquit ille prudentum, ac sapientum, esse veram diuinationem: Exquirebam quæ in re essent, primum didiceram locorum naturam, mores hominum, Principum præstantiam, Historiarum & nobiliorum, & secretariorum magnum numerum euolueram, inde adiutus meis artificibus quæ nunc exponam, pronunciauam.

Audi ergo quæ & qualia, doctrina crassa, dilemma, amplificatio, splendor singularis, Dialectica, & in ea longa, diligens, assidua exercitatio, & exercitatione maior cogitatio. Quædam tamen sic mihi contigerunt, ut causas vix reddere possim, nemini me dum essem adolescens, persuasum fuisse cuidam Ioanni Stephano Bisso, quod essem Chiromanticus, & tamen nil minus: rogat ille, ut prædicam ei aliquid de vita; dixi delusum esse à sociis, urget veniam, peto si quicquam grauius prædixero: dixi periculum imminere breui de suspendio, intra hebdomadam capitur, admouetur tormentis: pertinaciter delictum negat, nihilominus tandem post sex menses laqueo vitam finiuit, illi prius amputata manu. Non ita fortuitum dici potest, quod nunc accidit in Io. Paulo Eufomia iuvene alias alumno meo, intra mensem, & extat chiromanticum: sanus erat, quodam vespere iubeo mihi chartam exporrigi, scribo in illa ni caueat, breui moriturum: non hic sydera, non doli mihi explorati; reddo causas, transmittito, intra sex vel octo dies ægrotat, non multo post perit: prope miraculum talia imperitis videntur, si prudens illud scriptum legat, & consideret, dicet vidisse factum, non futurum præuidisse. Quid Romæ? tot sunt testes quot aderant coniunx; dixi, nisi non æquo animo vos non accepturos existimarem, dicerem aliquid: vnus ex his inquit forsan dicere vis vnum è nobis moriturum, respondi inquam ita videtur hoc anno, & die prima Decembris, qui vocabatur Virgilius obiit. Adde quod minimis constant res nostræ, & ab ipsis magnas mutationes accipiunt: atque ab eiusmodi, ac minoribus si dicere licet, indicantur. Non dicam quod ignoro, venit Gallus dum habitarem in domo Ranutij Bononiæ, volens alloqui me seorsum, dixi sufficere debere ne alij audirent: cum perstarem discessit, suspicatus nisi qui quærerent, non est inuentus qui viderit: quid putas? scelus cogitabat ille.

Quid dicam de Cypro, non semel ut audiui quinam essent apparatus Turcarum & Christianorum, dixi meruendum esse ne vinceremur: testis est Cardinalis Sfortia. Causas adducebam, tandem exitus ostendit, & vi & errore insulam amissam. Hæc & talia studiosis diligentibus, & peritis accidunt, non tamen neque necessario, neque in omnibus, certissima enim sunt, quæ in artibus, ut fabrilis.

Tom. I.

## CAPVT XLIII.

*Res prorsus supra naturam.*

**Q**Uod mihi accidit dum studerem Papiæ, ut mane quodam, antequam expergiscerem ictum in muro senserim, vacuum erat habitaculum, quod loco illi erat contiguum: & dum expergiscerem, & postea alium, quasi mallei, & quod eadem hora vespere intellexerim obiisse Galeazium de Rubeis amicum singularem, & de quo tam multa, non id referam in miraculum: primum potuit totum ad somnium continuitate referri: Secundo, ut dixi, potest à causa quadam naturali processisse ut de vapore illo: Tertio ut cum me viderent percussum prodigio, & metu me intra domum tota die retentum, confinxisse mortem hanc, atque traduxisse ad illam auroram, cum antea multo obiisset, paucos enim videas, qui ea hora ex morbo pereant. Quamobrem hoc prodigium non inter miracula tot modis labefactatum reponam: sed cuique ut de eo statuatur, ut melius videbitur, similia.

Ergo anno M.D.XXXVI. cum habitarem in P. Tonsa, erat menses ni fallor Iulij, prodicens è cœnaculo in Cortem, sensi maximum odorem cereorum quasi nuper extinctorum; territis voco puerum interrogans an quicquam sentiret, ille cum de strepitu intelligeret, negabat, monui non de sono intelligere, sed an odorem perciperet, dixit, O quam magnum sentio ceræ odorem, dixi, sile, & ancillam rogans, & uxorem, omnes mirabantur præter meam matrem, quæ nil sentiebat, credo grauedine præpedita: Itaque mortem imminere hoc ostento autumans, cum ad lectum contulisset me, non poteram obdormiscere: & ecce aliud prodigium priore maius, in via publica grunnientes sues, cum nulli ibi essent, inde anates similiter obitrementes: Quid hoc mihi, & vnde tot monstra? Et anates cur ad sues veniunt? qui tota nocte grunnientes perseuerarunt. Mane tot visis percussus, nesciebam quid agerem: vagabar extra urbem à prandio: & rediens domum, video matrem quæ me hortabatur ut properarem, ictum fulmine vicinum Io. præfectum alias pestilentia: Hunc ferebant, cum xii. ante annis ei muneri vacaret, quod pestilentia saui-ret, multa rapuisse: concubinam habebat, nec exomologesim subibat: forsan & alia peiora admiserat: erat autem vicinus, ut non intercederet nisi domuncula; vidi & cognoui esse mortuum prorsus, tunc liberatus sum à cura, illius obitu. Dices vnde tibi hoc visum? an ut seruarer? Nam aliquando, licet raro, sub porticu sua sedere confabulandi gratia contigerat. Erat enim locus frigidiusculus.

Secundum cum mater esset in extremis, experrectus & illucescente altius Sole, videns & nihil videns, xv. ictus (illos enim numeravi) audiui, quasi aquæ guttatim in pavimento cadentis, nocte autem præcedente, circiter cxx. prope numeravi, sed dubitabam quod hos à dextra sentirem, ne quis domesticorum mihi anxio illuderet, ut hi actus

D non



non viderentur in die contigisse, nisi ut nocturnis fidem facerent: Paulo post istum quasi currus tabulis onusti simul se exonerantis, supra laquearia sensi, tremente cubiculo, mortua est ut dixi mater, istum significatum ignoro. Omittam illud quod circa medium Iunii M. D. LXX. sentire visus sum ambulanti noctu, occlusis ostiis atque fenestra clatrata, inde assidere mihi, strepitum edente capsa; forsan ad nimiam cogitationem referri potest, nam alium de hoc interrogare non potui. Quis fuit ille qui mihi vendidit Apuleium iam agenti annum ni fallor xx. Latini, & statim discessit, ego vero qui eoque neque fueram in ludo literario nisi semel, qui nullam haberem Latinae linguae cognitionem, cum imprudens emissem quod esset auratus, postridie euasi qualis nunc sum in lingua Latina, nec non & Graecam quasi simul, & Hispanicam, & Gallicam accepi, sed dumtaxat ut libros intelligam: ignarus sermonis, & narrationum, & regularum Grammaticae prorsus: Anno M. D. LX. mense Maii, cum ob dolorem mortis filij paulatim somnum amissem, nec inedia, nec verbera quibus crura obequitando per segetes discruciabam, non ludus latrunculorum, quo tempus transiebam cum Hercule Vicecomite adolescente gratio: nam & ille iam vigiliis consumebatur, rogavi Dominum ut mei misereretur: nam ex perpetuis vigiliis necesse erat, aut me mori, aut insanire, aut saltem munus profitendi deferere. Itaque si defererem, non erat quo vitam honeste protraherem: si insanire ludibrio futurus essem omnibus, disperderem quod esset reliquum patrimonij, spem nullam affulgere commutanda ob senectutem conditionis: rogare itaque ut mortem immitteret: namque hanc esse communem, & statim concessi in lectum. Erat enim hora tarda, & decima surgere cogebat: vix duobus horis licebat conquirere in lecto: statim abripuit me somnus, & subito appropinquanti visus sum vocem ex tenebris audire, quam neque cuius esset, nec quis esset dignoscere potui ob tenebras: Dicebat enim illa, *Quid queris, seu quid doles?* nec expectato responso subiecit, *De filij nece?* cui ego, *an dubitas?* Tum is respondit, *Lapidem quem collo suspensum habes in os impone, & quandiu habebis, filij non recordaberis;* & somno illico solutus, cogitabam quid smaragdo cum obliuione: sed postquam nulla erat alia euadendi spes, recordatus verbi illius *credidit in spem, praefer spem & reputatum est ei ad iustitiam* (de Abraham loquentis) imposui lapidem, & ecce quod supra fidem omnem est, statim ita omnium, quae ad filij memoriam pertinebant obliuiscabar; tum tunc, cum iterum in somnum delatus sum, tum in posterum ad annum ferme vnum cum dimidio: donec conscripsi librum Theognoston, seu secundum Hyperboreorum. Interim dum comederem, & dum profiterer, cum non liceret smaragdi beneficio uti, torquebar ad mortis sudorem usque; sic somnum, & habitum prorsus ut mihi videtur recuperaui. Quod vero est prorsus admirabile, neque in vna, neque in altera mutatione quicquam morae vnquam interponi visum est.

Nocte quae praecessit Idus Augusti M. D. LXXII. lumen aderat, & ego eram vigilans, paululum enim differebat à secunda hora noctis: & ecce sensi strepitum ingentem à dextra, quasi exonerantis currum tabulis onustum; respicio, erat hoc in ingressu cubiculi mei, ex cubiculo ubi puer dormiebat (erat autem ostium apertum) video villicum ingredientem, respiciebam ad illum intentè ob multa, protulit ergo in ipso penè limine ostij, *Te sin casa*, quo dicto euauit: Ego neque vocem agnoui, neque vultum, neque vlla in lingua potui quid significaret assequi, respondi alias cur talia? sed si quis obiiciat cur adeo paucis eiusmodi miracula? Et quare si sic est, homines regna adeo appetunt, magistratus, & spes, per tot etiam nefanda? Dico hunc non esse locum ad hac determinanda, neque humeros tanto ponderi idoneos, sed ad Theologum relegare: mihi sufficiat historiae veritatem enarrasse. Omittam referre de Tonitru Bononiae, quod superstitit cubiculo sine fulgure, sed & absque tremore quod, minus malum: ut strepitus tabularum semper malus, quamuis in nullo horum mors subsecuta sit, nisi de matre, sed illa iam peribat morbo, & senio confecta: item de contumacia horologii, quae in causas facile naturales referri potest: ut etiam de terra illa quae anno M. D. LIX. mense Octobris, ac Nouembris, effossa singulis diebus sub foco, & prope cernebatur. Quae oculis meis non dormitans, sed in clara luce vidi. Circiter viii. Calendas Aprilis M. D. LXX. consilium pro patrono meo Cardinali Morono conscripseram, cuius vnum folium cum decidisset in terram, moerebam: Itaque exurgo, & vna mecum folium se erigit, & transgreditur usque ad abacum, ibique erectum, transiris eius adhæsit: Ego admiratione ductus voco Rodulfum, & ostendo rem miram, ille tamen non vidit motum: neque ego potui (ut qui nec tot mala expectarem) intelligere quid portenderet: erat autem ut euersis rebus meis, lenior aliquando aura afflaret.

Post mense, ni fallor, Iunii, cum scripisssem ad eundem, ecce quæro puluerarium, cum diu vbique quæsissem, eleuato folio, ut ex terra colligerem, quem imponerem puluerem, video latuisse puluerariam pyxidem altam vncia cum quadrante, rotundam, ut dimetiens esset longum vncia, qui fit ut in plano scribenti latere potuisset? & hoc ad illud pertinebat: confirmabatque spem, quam de illius humanitate & sapientia conceperam, utque ille cum optimo Pontifice ita ageret, ne pro tot laboribus tam aduersa perferrem.

Sed hæc omnia æquauit, plana reddidit, & certa quod securum est vii. Idus Octobris anni eiusdem, detentus eram pridie Nonas, fideiussionem pro M. D. CCC. coronatis aureis dederam, die illa hora nona diei illucescente in carcerem Sole, ubi illi abierunt, dixi Rodolfo Syluestri, ut clauderet ostium cubiculi: hoc ille facere grauabatur, & consilij mei præposteri, satis mirabatur; ego seu Deo ita volente, seu ratione inductus, ut quod perferre coactus essem, inuitus permiscerem cum voluntario: ergo paruit, ecce subito clauso cubiculi ostio, ostium ipsum maximo ictu percussum est, ut procul exaudiri posset, statim



statim reuertit nobis spectantibus ictus in fenestram operculum, quod irradiabat Sol, simili fragore, atque illico in fenestram, atque clatrata impingens, tanquam annexa stridebat, atque sic euauit: cum hæc animaduertentem, statim miseriam meam lamentari cœpi, sed apparuit quod pro signo certo mortis molesta interpretabar, ad vitam spectasse: Paulo pōt enim sic mecum ratiocinari cœpi, si tot Principes tam et si iuuenes, validi, felicesque, pro regibus suis, ut grati illis videantur, se certæ morti exponunt, cum ab obitu nil sperare possint prorsus: qui tu senex marcidus, ac penè infamis, pati potes, vel scelere, si eum te exillimabunt, vel iniuria si hoc malo indignus coram Deo sis, qui benignitate sua ostendit res tuas in illius conspectu positas esse? Itaque iam tutus mihi à morte quam pertimescebam esse videbar, & vitam lætam ducebam, quantum humana nostra natura fert: Eoque modo vitam produxi, de qua actū erat, recordanti quod antea non possem, vel momento in carcere morari, quin suffocari viderer. Huic ostento aded admirabili interfuit, ut dixi Rodulfus, qui sequenti anno lauræa decoratus est. Sed habent hæc mira in hominibus, ut cum adsunt, vel paulo ante acciderint, totum hominem ad se trahant: cum refrixerint aded attenuantur, ut nisi aliquo tanquam clauo firmiter instauraueris, quasi dubites an videris, vel audieris: quod reor maxime tum ob alias causas multo profundiores accidere, quam naturæ nostræ distantia à causis, quæ illud efficiunt. Scio quales quidam de talibus (ut hasui videantur) iocos & risus excitabant. Quorum princeps Polybius Philosophus sine Philosophia, qui nec quod sit munus historici intellexit sed nimium extendendo ridiculus euadit, interdum admirabilis, ut dum de Achæis loquitur lib. 2. histor. Quid plura? recte dicebat Tartalea, neminem scire omnia: imò, nihil eos omnes qui se multa ignorare non sciunt, vides Plinium cum aded luculentam tradiderit historiam, Bouem se prædare, dum de Sole & Astris agit. Quid igitur mirum de Polybio (dum altioribus atque diuinius se infert) adeo clare prodidisse militiam suam? vnum satis est harum rerum consuetudinem & sensum, vniuersi orbis (sanctè iuro) regno etiam diuturno, cariorem mihi esse. Quid si adiungere voluissem, quæ maiorem mihi narrabant fabulis similia, & tum ista digna visa: postquam tamen ego tam curè apprehendi, nonne hæc ipsa parua videri poterant? sed neque illorum prudentiæ, aut diligentiæ tantum tribuere ausus sum, ut confirmari possent. Sperarem: Verum illud admonere satis habui, circa morituros & ex insperato morituros, frequenter talia videri, præcipuè insigniter bonos aut malos. Vnde si ita est, non tam potest hoc esse fortuitum, quam naturale diuinumve. Neque enim suspensis animis terrore, aut commotis, fluctuantibus, immodici enim affectus, cum alterius generis miraculis obruunt opiniones falsas, non augent. Quid enim puellæ supplicanti Deo cum patris iussione, quem illa liberandum existimaret? sed hæc satis, nam solum cum accidissent & qualiter, & à quibus prorsus omnis suspicio, aut erroris, aut rethorice aberat, quam breuissimè

hic adscripti aliorum etiam quæ euidetia fuerunt, quod non tam insignis exempli essent, aut certiora mihi fuissent præsentia, sed non locupleti aded testimonio, immensam multitudinem prætermisi: ut etiam ex nostris commentariis deprehendere cuique licebit. Solum hoc rogo te ô Lector: ut cum talia leges, non factum humanum tibi pro scopo proponas, sed magnitudinem atque amplitudinem Orbis, ac Cæli, & has exiguas tenebras, in quibus miserè & anxie volutamur compares, facile intelliges nil incredibile me enarrasse.

## CAPVT XLIV.

*Quæ in diuersis Disciplinis digna adinueni.*

NVllam quasi esse scias quam præferas inuentionem: in Dialectica cum vna fuisset nota, (Aristotelica) rem & vsum diuissimus, ut singuli discipuli Euclidica, Ptolemaica, Archimedita, Hippocratica, Galenica, & Scotica præcepta perciperent. Præterea Dilemmatis vsum extendi, velut & Doctrinæ crassæ, πρότε amplificationis, splendoris, per quas spectra videre plurimi contendunt, & animam quasi à corpore abstrahere: tum sapientiæ experimenta ea præferre, quæ mirabilia videntur, ut ex tam breui spatio liceat tot depromere; quasi in mortalibus per circulum, velut in immortalibus initia finibus coeant: nec liceat etiam lectione (modo non exscribantur) simulachra, aut exempla, excerpere, ut labor plurimum mensium, vnius horæ spaciū imitari, supplere, aut æquare possit: aded vero res super aucta est, ut extemporaneum profitendi munus, quod alias tanti faciebant, desinant iure admirari. Dignique etiam venia sint, qui ad malum dæmonem talia referunt, quando neque bonum, neque Dei benignitatem agnoscunt.

In Arithmetica totam penè, & capitula Algebrae appellata, & numerorum tot proprietates, maximè rationem inter se similem habentium; & illorum, ac iam inuentorum tractationem, aut facilem, aut admirabilem, aut vtramque. In Geometria confusam, & reflexam proportionem; infiniti cum finitis, & per finita tractationem, quamquam ab Archimede prius inuentam. In Musica nouas voces, nouosque ordines inueni, aut potius inuentos in vsum reuocaui, ex Ptolemæo & Aristoxeno.

In naturali Philosophia, sustuli ignem ab elementorum numero: omnia docui esse frigida: non commutari elementa inuicem: palpigenesim: Qualitates veras esse tantum duas, calorem & humidum: vim salis & olei: non esse in mistis; principium ad generationem animalium perfectorum, nisi calorem cœlestem: Deum debere dici immensum: omnia quæ partes habent diuersas ordinatas animam habere, & vitam, animæ nostræ immortalitatem, iuxta Philosophos veram, non vmbatilem: Numero omnia constare, ut in plantis foliorum & seminū certo: Principiū similitudinis, esse modum agendi ab vno agente,



& vna materia, ab hoc sequi tot varietates & pulchritudinem: terram esse per se, & non vt mistum cum aqua: inde prominere in partibus oppositis sæpe: Cur Oriens sit melior Occidente? cur recedente Sole post solstitia, tam calor quam frigus multis diebus augeatur: Quid Fatum & quomodo: de causis rerum mirabilium, velut cur mille aleæ in mille iactibus, si sint legitimæ, necessario iaciunt monadem: Ab omnibus foliis plantarum putridis, diuersum iuxta foliorum naturam animal generari: Naturam nullam esse, sed rem fictam, & vanam, principium multorum errorum ab Aristotele introductam, solum vt Platonis opinionem nomine euerteret: Tum alia innumerabilia, sed illud præcipuè, quodd docui deducere contemplationem rerum naturalium ad artem, & opus, cum nulli ante me, ne id tentare quidem aggressi sint.

In Morali Philosophia, æqualitatem conditionis omnium, non solum hominum, sed etiam viuentium: vnde naturaliter coniectari licet compensationem à morte actionum: in hominibus vtilitatem capere ex aduersis: Quænam optima vita, & quomodo cum æqualitate stare possit? Tria esse regna: Quodd in regno humano, melius persæpe esset, nescire quid bonum vel malum, si nescias quantitatem, in aliis autem secus, sicut etiam de felicitate in vnoquoque: cognitio morum hominum primo in genere, post iuxta gentes, & reliqua vt consuetudines, demum huius propriæ vel alterius.

In Medica arte, rationem veram criticorum dierum: curam podagræ, & febris pestilentis generalem: transmutationes multiplices in olea: ex medicamentis non purgantibus purgantia conficere: de aquis singularibus: Artem coquendi cibos multiplicem & vtilem: prauorum medicamentorum in vtilia, & facilia transmutationem, item horribilium in facilia: præsidia quæ liberant asciticum & roborant, vt possit ipsa die per urbem ire: item quomodo ex vnius membri cura, possimus in alterius morborum ac causarum, tum cognitionem atque curationem deuenire, & quomodo vnius libri repetita ter quaterve lectione, diuersorum morborum cognitio, & curatio haberi possit. Vera secandi herniosos ratio, à me reuocata in vsum est, & breuior: & historia locuples vrinarum, cum vix habeamus illarum quædam vestigia, & vmbras. Interpretatio etiam à me librorum difficiliorum scripta est Hippocratis, præcipuè legitimorum, sed nondum perfecta est qua die hæc scribimus, scilicet xvi. Calendas Decembris M.D. LXXV. Præterea materiam de morbo Gallico ampliter, & experimenta ad morbos difficillimos comitialem, insaniam, cæcitatem, in paucis, vt de seta equina ad hydropem; alias ad scirrhus, vrigines meiendi, morbos articulares plurima, & ad lapidem renum, colicam, hæmorrhoidas, & alia ad v. millia. Absolutorum autem problematum seu quæsiturum ad xl. millia, minutiorum cc. millia relinquam, vnde lumen illud patriæ nostræ, appellabat *virum inuentionum*.

## CAPVT XLV.

*Libri à me conscripti. Quo tempore cur, quid acciderit.*

*Impressi Mathematici.*

**A**Rs magna. I  
De proportionibus. I  
Regula Aliza. I

*Astronomici.*

Commentariorum in Ptolemaum. 4  
De Genituris exemplaribus. I  
De Interrogationibus & Electionibus. I  
De septem erraticis. I  
De vñu Ephemeridum. I  
De emendatione motuum & cognitione stellarum. I  
Astrologiæ Encomium. I

*Physici.*

De subtilitate cum Apologia. 22  
De Rerum varietate. 17  
De animi immortalitate. I

*Morales.*

De vtilitate capienda ex aduersis. 4  
De consolatione. 3  
Exhortatio ad bonas artes. I

*Variorum opusculum primum.*

De libris propriis. I  
De curis admirandis. I  
Neronis Encomium. I  
Geometriæ Encomium. I  
De Secretis primus. I  
De vno. I  
De gemmis & coloribus. I  
De Morte. I  
Tetim seu de humana conditione. I  
De minimis & propinquis. I  
De summo bono. I

*Variorum opusculum secundum.*

Dialectica. I  
Hyperchen. I  
De Socratis studio. I  
De Aqua. I  
De Æthere. I  
De Decoctis. I

*Medicinæ opusculorum tertium.*

De causis, signis & locis morborum. I  
Ars curandi parua. I  
Consiliorum liber primus. I  
De Medicorum abusibus. I  
Quod nullum simplex Medicamentum noxa careat. I  
Triceps. I  
Apologia in Thessalicum Medicum. I  
Apologia in Camutium. I

*Commentarij Medicina.*

Aphorismorum lib. 7. De venenis. 3  
De aëris constitutione I. omnes. II  
Prognosticorum lib. 4. de septimestri partu I. omnes. 5  
De



De aëre, aquis & locis lib. 8. Confil. secundus  
lib. 1. omnes. 9  
De alimento lib. 22. | Examen.  
agrorum. 2

*In diuinandi genere.*

De Somniis. 4

*Extant impressi quos non connumero.*

De sapientia lib. 5.

Antigorgias lib. 5.

Medecinæ Encomium lib. 1.

Ephemeridum supplementum lib. 10.

*Scripti Mathematici.*

Geometria noua. 2

De numeris integris. 1

De numeris fractis. 1

De numerorum proprietatibus. 1

De Alogis. 1

De Commentitiis seu fictis. 1

Musica. 1

*Physici.*

De Naturâ. 1

De Secretis Quartus. 1

Hyperboreorum. 2

*Morales.*

De Moribus. 5

De optimo vitæ genere. 1

Memorialis. 1

De Vita nostra. 1

*In Medica arte.*

De vrinis. 4

De habitatione Romæ. 1

De dentibus. 5

De tuenda sanitate. 4

De iue Indica. 1

Confiliorum tertius. 1

Actus. 1

Contradicentium Medicorum. 12

Manuarius. 4

In librum de victu in Acutis. 6

In Galeni artem Medicam 1

Floridorum seu in primam primi. 2

In Hippocratis Epidemia. 5

*In Theologia.*

Hymnus, vira B. Virginis.

Vita B. Martini. cum disputationibus.

*Diuersorum Argumentorum.*

Paralipomena. 6

De clarorum Virorum libris. 1

De inuentione. 1

Problematum. 1

De conscribendis libris. 1

Proxeneta. 1

De ludis. 1

De carcere Dialogus. 2

Flosculus Dialogus. 1

De Nodis. 1

Antigorgias. 1

Medicinæ Encomium. 1

Metoposcopia. 1

Technarum calidarum. 7

De vsu Ephemeridum seu inuentionis no-  
ua. 1

Sacra. 1

Tom. I.

Qua causa permotus sim ad scribendum, superius intellexisse te existimo, quippe somnio monitus, inde bis, terque, ac quater, ac pluries, vt alias testatus sum: sed & desiderio perpetuandi nominis. Bis autem magnam copiam, ac numerum eorum perdidit: primum circa xxxvii. annum, cum circiter ix. libros exussi, quod vanos, ac nullius vtilitatis futuros esse intelligerem. Aderat interim multa farrago, & præcipue in medicina: nec ex his libris quicquam decerpfi, aut integrum seruauit, præter librum de malo medendi vsu, à quo primam editionem inchoauit, & Arithmetica rudimenta: ex quibus construxi Arithmetica parua. Paulò pòst, circa annum Domini M. D. XLI. opusculum de supplemento Ephemeridum, quod semel iam editum, inde auctum denuo superauxi & edidi. Anno autem M. D. LXXIII. alios cxx. libros, cum iam calamitas illa cessasset cremaui, sed non vt in prima: verum decerpfi quicquid vtile mihi esse visum est: Et præterea aliquos etiam integros seruauit, velut librum technarum calidarum ex opere fabularum, librum de libris clarorum Virorum, alia commutauit, vt Diomedes qui recepit.

*Χρῆσα χαλαίων, ἐκάρμβοι ἐννεαβοίων.*

Feci quia placebant: corrupti, quoniam displicuerunt, & euentus fauit vtrique consilio. Post ex geminatis somniis, scripsi libros de Subtilitate, quos impressos auxi, & denuo superauos tertio excudi curauit. Ex hoc ad artem magnam, quam collegi, dum Io. Colla certaret nobiscum, & Tartalea, à quo primum acceperam capitulum, qui maluit æmuum habere, & superiorem, quam amicum, & beneficio deuinctum, cum alterius fuisset viuentum. Interim dum iter agerem in Ligeri flumine, nec haberem quod facerem, commentaria in Ptolemæum anno M. D. LII. conscripsi. De proportionibus, & Aliza regula addidi anno M. D. LXVIII. ad librum Artis magnæ, & edidi; tum etiam libro Arithmetica, & duos nouæ Geometriae, & Musicam, sed hanc anno post vi. scilicet M. D. LXXIV. correxi & transcribi curauit. Libros de Rerum varietate anno M. D. LVIII. edidi: erant enim reliquiæ librorum de subtilitate, quas non potui ordinare, nec castigare ob multitudinem negotiorum, filij enim parum morigeri, aut apti, nulli penè reditus, legendi munus non intermittens, domestica distributio, artis in vrbe exercitatio, Confilia, Epistolæ, totque alia, vt nec respirandi, nedum corrigendi locus daretur. Edidi libros de consolatione primum inter tot ærumnas: post addidi de sapientia, vt denuo recuderetur, anno M. D. XLIII. Interim scripsi illa multa opuscula quæ partim edita sunt, partim nondum, sed & vniuersos medicinae libros, è quorum numero quatuor vides editos, Aphorismorum, de Alimento, de Aëre, Aquis & locis, ac Prognosticorum. Adhuc iacent Floridi duo commentaria in Artem medendi Galeni, in Epidemia Hippocratis primum & secundum: Cum veni Bononiam de somniis editus est, vtilis sanè multis futurus sapientibus, forsàn rudi plebi incommodus, sed quid est, quò si quis malè vtatur, aut etiam inconsulto, non noceat? Equi-



enses, arma, munitiones, improborum in manibus atrocia tela, bonis non tam commoda quam necessaria. Difficultatem affert diuisio, ut inter vtilis, & inutiles, tertius ordo statuatur solis Doctoribus legendus. Dialecticam conscripsi ut spectra illa naturalia, vix verisimilia, fabricare docerem: delectatus inde opere proprio, præ lætitia euulgavi, nec tamen habetur integra, nec emendata. Artem medendi parum commoda publico, cum cætera tardius emitti in lucem animaduertentem. Librum de animi immortalitate conscripsi potius studio rei, quam iudicio, cum tantæ molis non satisfaciat Hyperboreorum secundæ eius loco succedat: Dialogos, vnum ad leniendam calamitatem, qua pressus eram, alterum ad coarguendam hominum insaniam, ut quatuor contrariis satisfacerem dolori, & insanæ voluptati, stultæ cupiditati, atque timori. Proxena fuit ex impetu, quod volui. Memoriale in quo præstiti. Promptuarij libri quatuor, flores & fructus totius Artis medicæ, breuiter comprehendunt, ut postea nullo indigeas, si priora non hos consecutus fueris nil actum putato. Commentaria in libros de victu in acutis, ut per doctrinam solidam ratio habeatur eorū, qui ex morbis acutis seruari possunt. In quo genere, ut dixi, morborum curando, admodum felix fui. Libri de vrinis nondum absoluti sunt: Hi testantur naturæ miracula, cum intam paruis, tot contineantur, ut enim ad totum ita pars; simplex tamen est, & horum ratio, & in imitatione ob id summa difficultas; elaborata autem hæc compositio, multisque, ut par erat, comprobata experimentis. Porro cum libri contradicentium Medicorum, omnia dubia artis attingant, & ut mihi licuit dissoluere aggrediantur, si placuit sententia, cur damnare debeo? si diffido, cur apposui? decreui? determinavi? Problemata ut solet dici,

*Et prodesse volunt, & delectare Poeta.*

Libros de ludis, lusor, aleator, scriptor cur non de ludis scribat? Et forsitan ut dici solet *ex velle leonem*.

Metoposcopia libros è xiii. in septem contraxi, pars est Physiognomia. Accepi ex Hieronymo Vicecomite, Suetonius extulit artem laudibus mirum in modum, umbras quasdam veritatis animaduerti, seu vera seu falsa, difficillimum est quidquam determinare, nam ex falsis decipieris ob hominum & signorum multitudinem, & inconstantiam mutationis eorum.

Paralipomena & ipsa seruata sunt, ex veteri ruina; quis putet alia ratione deleta quæ deleui, nisi quod neque probabam confusæ, & sine ordine scripta: non delectus obseruatus, infima supremis, foeda nitidis, vtilia damno- sis, artificiosa fortuitis, curiosa absurdis, permista: neque sperabam, etiamsi multa sustulisset, reliquum posse emendari, & in vnum corpus rotundum redigi. Quamobrem melius esse putavi, si dum omnes vident, viuuntque, si donec res est nota omnibus, bene consulerem amicis atque patronis, & quod maius est, compendio maximo facto temporis, longè plura, & clarius & certius posse posteris relinquere, quam quæ aboleuimus ostende-

rem. Hoc dico pulcherrimum esse ita viuere, ut nemo desiderare possit, quod à bono viro, officij loco sit præstandum. Quamobrem de Inuentione, & conscribendis libris, & de libris clarorum Virorum scripsi, ut hæc eadem ipso facto quod verbis laudaueram confirmarem. Hymnum, & vitas illas, ut etiam illis à quibus multa acceperam, animo saltem me declararem non ingratum. Expunctionem quod in summa vtilitate, exactam diligentiam interponi debere non solum, sed etiam exigui arbitrarer. Ut enim summa quæque dominantur; & exornant, ita errata neglecta, parum accuratè scripta, animos legentium labefactant, ipsis libris detrahunt auctoritatem, communique bono detrimentum afferant. Non me latuit exemplo Aristotelis, & Galeni, hoc ipsum facere potuisse: sed illis hoc necessarium fuerat qui generaliter res tractarunt, mihi tutum & decorum, qui per particulas huiusmodi diligentiam, in libro de optimo vitæ genere pro viribus adhibuimus, cum non aliam viam aduersus præteritorum memoriam, & præsentium incommoda, ac futurorum ingruentia pericula inuenirem, nisi si quis immortalitate se immortalem fingere potest? sine senij incommodis mori, & tamen superare iuuentam; in perpetuo rerum tumultu, quietum; in continua reuolutione, constantem? hæc quatuor sufficere velim omisissis tot casibus, aliisque molestiis, quæ sunt longè plures his necessariis cuique mortali. Eorum igitur summa est, quæ acciderunt omnino futura erant, utpote mors meorum. At non eo modo? Quid refert? Aliis omnibus idem reditus? At non nunc. Quantum interest, si paulò post euenient: Numquam fuit, eritve requies vlla mortalibus; compara quæ nunc tibi acciderunt, his quæ erant & status in tempore Polybij: hæc rosarum calamistra, illa poterant dici calamitates. Nihil tutum illis, cædes sine causa seruitus, spoliari fortunis omnibus, iocus erat. Aliud contemplatio æternæ & beatæ nobis cognitæ vitæ, quæ alienigenis non erat. Ergo quid calamitosum hæc cogitanti accidere potest, ortus idem, finis idem communis, fors eadem, præterquam, quod nobis à morte gaudium relinquitur, verum fallimur, quatuor modis, ut supra exposui: quod credimus aliquid esse in hac vita solidum magis, etiamsi in mediis actionibus; & quod non animaduertimus nil esse diuturnum, nedum sempiternum; tertio quod arbitramur senescere mentem, etiam si anima superuiueret, quoniam opus quod corpori commune est senescit. At prorsus dico nil senescere nostrum; non animam, quia si instrumentum maneat, & operatio, ut mihi visus nunc; non corpus, quia iuxta Philosophos maximè Platonicos, ut in Phædone, non est nostri pars prima: non operatio quæ prima est, & perfectissima, cum impediri possit, non quod indigeat, sunt enim diuersa, Sol indiget aëre ut illuminet, aër est causa illuminationis Solis, aëris vitium impedit Solis illuminationem. Hæc igitur fuit ratio consilij mei, hic scopus. Secundus liber vocatur Memorialis, in quo tota illa doctrina quæ in priore collecta est, ut dixi, in hoc est diuisa, & in partes suas distributa, ut non solum con-

solari,



solari possis, sed etiam iuari in quamcunque conditionem incideris. Tertius est Promptuarij non solum ad lucrum, & ad honorem spectans, sed quod pulcherrimum sit fungi officio pietatis, & præstare quæ debeas, sed ut cognoscas quanto plus etiam debeas in eo, in quo alij nec debere se cogitant: Et si iucundum est aded Architecto, ædificasse domum, non casu, sed ratione: quanto magis homini hominem iure seruare potuisse, cognoscereque quantum possis? Quartus est hic ipse vmbilicus scriptorum, & ad voluptatem, & ad pietatem: quem si sciens aliquo defecasse mendacio, quo animo erga Deum me esse velles? aut quam voluptatem capere liceret? Et nisi foret quoddam homines sunt veluti animalia bruta, quæ non bonis, sed his delectantur tantum, quæ conficere possunt, aded ut muscis araneæ, & ferro struthiocameli. (Nam de his qui suspiciuntur, ac arte vafra voluerunt videri scire, quæ alij nulli sciunt: cum experimento compertum postea sit, multa quæ alij norunt, ipsos ignorasse, non curo:) est quinto loco opus de tuenda sanitate: vltimo Hyperboreorum secundus, in quinto, tertius, in sexto primus perficitur: Optarem præter hoc decemnouem, ex meis scriptis, librum nullum alium superesse. Miratur forsitan aliquis, nonne Virgilius, perditam Æneidem optauit, (imo voluit, & imperauit) superstitibus Bucolicis Georgicisque. Et nos nonnisi postquam omnia nostra recognouimus, in hanc sententiam deducti sumus. Libros ergo de Natura confestim, quarum causa satis dictum est. Hyperboreorum loco Theonoscon, de moribus, imitatione Aristotelis, quod in sua Republica censuerit tyrannidem longissimam, vix vsque ad centum annorum spatium extendit, cum id falsum sit. De vita nostra quoddam videat ad hoc commodum, necessitate, & tot occasionibus incitatus: nec iniucundum sit mihi tam perlostrare, si Epicurus non omnino fallitur de Dentibus, quod longorum morborum curam certa methodo, tradiderim, non secus quam in Commentariis acutorum. De Indicalue, quod tam multi de hoc ad me scripserint, & ego farraginem grandem in hoc argumentum congregassem: Porro de tuenda sanitate multæ fuere causæ, Galenum primum nimis exactum, dum sequitur ordinem, multa obscura, pleraque incerta, omnia imperfecta reliquit, pudet dicere, quandoquidem adeo circa illas suas frictions, & exercitationes aberrat, vagatur, immoratur, ut neque quale vinum sanis, & iuuenibus dari conueniat, in tot locis opportunis, tantisque voluminibus, quasi ex professo vitasse videatur, docere meminerit. Omitto quod neque mos antiquorum, nec Græcorum sanè conueniat Italis, & præsentis tempore: nec eadem penè res sint: refert enim in secundo de alimentis, Arum in Cyrenaica regione mandi ut rapum: nec villo modo esse molestum. Ignorauit etiam distillationis artificium, ea ætate nondum inuentum. Non parum etiam debuit apud me valere imperium eius, cuius & summa potestas, & bonitas conspicua sunt. Libellum actus, ut ætuarium, & in Machinis igneis igniculum addidi. Cæterum si quis volet ad priorum decemoucto normam, reliquos omnes meos re-

digere libros, resectis his quæ minus congruunt, aut necessaria sunt, prout & nos quibusdam in locis aliorum egimus, ut de varietate rerum, operæ pretium fecerit, & ei gratias habebimus. Memineris autem quod, cum libri omnes saltem boni, diuino lumine conscripti sint, trifariam tamen hoc contigerit, vel ut ab eo illustrati, quod est commune omnibus; omnis enim sapientia à Domino Deo est, & ut Platonici putant, noster intellectus à Bono cui iungitur, sit intelligens, & animam supra conuersam illuminat: alter modus est magis euident, cum particulatim etiam se infundit, de quo falso Platonici aliqui dubitauerunt, lex nostra non ambigit; tribuiturque probis hominibus: Tertius est, cum quibusdam occasionibus oblati apprehenditur, velut mihi contigit anno præsentis M. D. lxxvi. pridie Idus Martias, dum scriberem ferulæ historiam in libro de tuenda sanitate, laudabam enim quod placuissent ferulacea, occurrit mihi senex non togatus imò pannosus, in foro olitorio Romæ, quod piscario proximum est, qui me dissuasit ab vsu eius, dicens, *Posse iuxta Galeni sententiam statim perire, velut & cicutam*, cui cum respondissem, me dignoscere probe cicutam à ferula: dixit *caue scio quid dico*, & de Galeno quædam obmurmurauit: reuersus domum inueni locum quem alias non animaduerteram: propterea etsi non prorsus magna ex parte, tamen mutata sententia priori, multas exceptiones addidi. Quod in Italia collecta essent: de eorum caule esse intelligendum, si modo tutus esset vsus: si non obesset frigiditate: posse tamen, ut medicamentum naturæ non adeo familiare, vtendum esse eo, non abutendum: colligendum vere nouo non æstate ineunte, ortu vbi trifolium abundaret: si timeret aliquis ab eo prægustare, Zedoariam, aut malum Medicum; panem cum allio incoctum, cani aut gallinæ offerendum. Itaque si quis hæc animaduertat, fructum non leuem ex lectione colliget, & promerenti, ut ab initio præfati sumus, gratiasaget, sic hortor ut corrigant lege Augustana. At nostra quidem ut præfatus sum, noua eadem arte conscripta sunt, diligentia non eadem.

## CAPVT XLVI.

## De Me ipso.

Hæc & talia meditant, succurrit ea interrogatio quam sentio mihi obiici posse, scilicet an cum his omnibus malis, bonisque, ac mediis casibus, pigeat me viuere, vel vixisse? stultum esset non præcogitare quid dicas, & dictis, cur dixeris non addere rationem. Infelicitates sunt mors filiorum maximè sæua, aut stultitia, vel sterilitas: impotentia ad congressum mulierum: paupertas perpetua, pugna, accusationes: incommoda, morbi, pericula, carcer, iniuria in præferendo immeritos, tot, & toties. Sed omittamus communia, si non est infelix, cui neque filij, non honores, non opes, quomodo senex, cui de omnibus his aliquid est? compara te ortui & inferioribus, non solis potentioribus:



tioribus: non possum iure pœnitere conditionis meæ, immo felicior etiam sum (cognitione multarum, magnarumque rerum, certa ac rara) si Aristoteli credimus. At dico magis, hoc ipso, quod potui contemnere mortalia, velut Stoici: cuius rei fructum nunc percipio satis vberem, ut qui nec mihi ipsi in iuuenta inuideam, nunc decrepitis: neque sorte corporeorum sensuum, aut fortunæ beneficiorum, neque cogitatione, miser. At maius nunc dicam, esse me felicissimum, qui sciam, diuinitatis nostram naturam esse participem. Quid si quis morte periclitanti nunciet, superuiuentum xv. annos velut Ezechia regi, nonne latior euadet? si xxx. aut centum in mille transeat, quo gaudio immenso afficietur? nonne etiam harum omnium mortalium deliciarum obliuiscetur? si x. aut centies mille, non poterit sui iam esse compos? Sed fac ergo perpetuum sit: Quid iam erit quod amplius querat, aut speret? At qui extra spem hanc viuit, duplici veroque bono priuatur, & spe scilicet, ac fructu. Si ergo eiusmodi placuit Deo nos in mortalitate immortalitatis fieri participes, non decet negligere gratuita dona, nec aliam de conditione nostra habere existimationem.

\*\*\*

## CAPVT XLVII.

### *Spiritus.*

**S**piritus affidentes, aut præsidentes (Græci Angelos appellare soliti erant, quidem minus Latine Spiritus) fauisse quibusdam viris pro constanti, ut dixi receptum est: Socrati, Plotino, Synesio, Dioni, Fl. Iosepho, sed & mihi. Omnes quidem felices vivere præter Socratem, & me, qui ut dixi optima tamen conditione fruor. At C. Cæsari Dictat. Ciceroni, Antonio, Bruto, Cassioque mali licet illustres adfuerunt: Antonio, & Ciceroni gloriosi, sed perniciosus uterque: Iosephi præclarus & ratæ nobilitatis fuit, bellica virtute, gratia apud Vespasianum, & filios, ac opibus, monumentis historiarum, triplici sobole, & pugna cum calamitate suæ gentis: tum providentia futurorum, qua illustratus est in captiuitate, liberatus ab insania propriorum, & seruatus à maris fluctibus. Verum Dæmones manifestè fuerunt; at nobis ut credo bonus & misericors spiritus.

Mihi fuisse, diu persuasum est: sed qua ratione me certiorē redderet de imminenti- bus, non nisi exacto anno vitæ lxxiv. deprehendere, dum vitam meam conscribere adortus sum, potui. Tot enim imminetia, & ipso statim limine (ut dici solet) & ad vnguem & tamdiu cognita, & verè præuisa, maius penè miraculum est sine auxilio diuino, quam cum spiritu. Rem ipsam expiscari licet ex dictis: cum enim præuideat spiritus quod mihi imminet, utpote filium (quem verisimile erat eo vesperi pollicitum se ducturum Brandoniam Soronam) sequenti die perfecturum matrimonium, mouit illam palpitationem cordis, modo sibi peculiariter noto, ut repræsenteret tremorem cubiculi: Et illud idem in puero tum, & sic ego, & puer sensimus terræmotum, quem nullus ciuium, quod terra

non tremuerit, sensit. Et si non duxisset illam, quod absque magna contentione accidere non poterat, non propter hoc delusus videri poteram: sed maiorem gratiam meritò habiturus, tanquam vitare docuerit. Ita & in carcere, mouit speciem mihi, & socio adolescenti, repræsistentem strepitus illos ut (credo mandato Dei) confirmaret in diuina spe, & à morte euaderem, & omnia illa mihi quæ paterer mitiora viderentur.

Ex hoc intelligimus spiritum illum esse potentem, ut in his quæ simul aliis visa sunt: aut in quibus hallucinati sunt duo sensus simul, ut in illo *Te sin casa*. Item ostenta anni M.D.xxxi. corui, canis, scintillæ ignis, acciderunt quia potest spiritus mouere animalium ratione carentium animas, velut etiam homines capiuntur timore ab umbris, & spe delusi à re lucida, tanquam gemma aut metallo.

In vniuersum Dæmonum apud antiquos multiplices fuere differentiæ: Prohibentes ut Socratis; admonentes ut Ciceronis in obitu: docentes quid futurum sit, per somnum, per belluas, per casus, hortando nos ut ad locum eamus, & fallendo per sensum vnum, aut plures simul, & eo nobilior: Item per res naturales, & demum per non naturales, & hunc censemus nobilissimum. Item bonus, & malus.

Remanent dubitationes cur hæc sollicitudo pro me non aliis? Neque enim eruditione, ut aliqui putant præsto, sed forsan vice versa: An amor veritatis immensus & sapientiæ, & cum contemptu opum, etiam in hoc statu paupertatis; vel ob iustitiæ desiderium; aut quod omnia Deo tribuam, nihil propemodum mihi; aut forsan ad aliquem finem ipsi soli notum?

Aliud cur quæ admonet non apertè admonet? adeo ut vellem; sed vnam rem pro alia docet, velut strepitibus illis inconditis, ut considerem, Deum cuncta spectare, licet illum oculis non videam? Poterat enim per somnium admonere apertè, vel per aliud ostentum clarius, sed hoc forsan indicauit magis curam diuinam, maioraque quæ acciderunt timores, impedimenta, anxietates, & stridor timoris loco; obscuritate etiam opus est, ut intelligamus esse opera Dei, non ut vetare doceamur. Stultum ergo est præpropere in huiusmodi cognoscendis sollicitari: stultius proferre velle quæ tot modis impedita sunt consiliis hominum, consuetudine longa, iudiciis peruersis, & si vera futura sint parum prodesse potes? si falsa quid iuuant? Ergo ut à liberalibus viris, quibus licet multa donare, quæ nobis non licet recipere.

Rursus cur quædam quæ non potuerunt intelligi velut illud: *Te sin casa*, & *Lamant*, & id de vita quatuor annorum ex responsione Simij? Et de vermiculis quæ in scutellis apparuerunt? Nec est verisimile talia accidere ex errore, cum vis diuina non habeat quidquam contumax, & ei nota sit occasio, præcipua? Et ideo quamuis non habeam quid certi, verisimile tamen est, quod causa illa, scilicet spiritus, ut etiam natura, moueatur certo ordine, & sicut generantur monstra in natura nunquam aberrante, vitio materiæ, ita, & hic:



hic: neque enim verum esse puto vt spiritus sit nobilior naturæ intellectu, is tamen aberrat propter medium: Et ideo credendum illud etiam esse instrumentum. Et sicut in quibusdam annis multa nascuntur monstra impedita vi Solis: ita impedita vi corporea quadam cælesti, aut anima, velut instrumento, accidunt imperfectiones, & errores in cognitione futurorum per illa signa. Et si dicas quod illi errores sunt in actione per materiam, & hic in actione per voluntatem: dico quod spiritus cum sit immaterialis, & res bona à Deo pendens, & est quod vocant Theologi ( Angelum bonum ) ex Dei voluntate ostendit quod futurum est rectè, & nunquam aberrat. Natura est etiam edocta significare animæ semper rectè quod à spiritu percepit: sed instrumentum quo docere vult, non semper est bene paratum ad recipiendum. Et hoc siue sit vapor, siue aliud, & tunc sit forma imperfecta, nihil ostendens aliud quàm spiritus velit, aut natura, & ita aberrat, aut non cognoscit: & sola differentia est, quod apud Philosophos ex materia non apta recipiendæ formæ: apud Theologos ex voluntate Dei ob peccata plerumque.

Ceterum nolim plerosque decipi, circa cognitionis nostræ modum, de quo toties dixi; quasi intelligamus, omnia me accepisse à spiritu quæcunque noui; quorsum enim sensus: aut me omnia scire: essem enim Deus; quinimo scientia mea comparata ad immortalium cognitionem, est velut umbra hominis, ad infinitum Palatium. Est ergo cognitio triplex, à sensibus per observationes multarum rerum, quam plebs & imperiti in me magnificiunt; at cum duplex sit, vel tantum quod sit, vel cur sit, in plerisque sufficit scire quod sit, quia indignum studio esse iudicavi, horum minimorum causam quærere. Secunda est cognitio altiorum per causam, & iuxta disciplinas, quæ cognitio solet appellari demonstratio, quia ab effectu supra causam: & ea vtor, vt pergam ad amplificationem, ad splendorem, ad cognitionem generalem ex propria, licet in hac, tam raro ex arte affectus sum, quam frequentius adiutus à spiritu. Hæc cognitio placuit eruditis, existimant enim procedere ex eruditione, & vsu, ideo etiam putarunt plerique studiosum me esse, & memorem, cum nil minus. Tertia est cognitio incorporeorum; & immortalium, hæc mihi tota fuit à spiritu, per demonstrationem simpliciter, id est, dantem causam, & esse per demonstrationem certissimam, non tamen idem sunt hic quæ rursus erant, tum quia saepe deducunt ad absurdum: tum quia quod angulus extrinsecus sit æqualis duobus intrinsecis sibi appositis, non est causa vt sit, sed vt sciatur. Igitur hæc demonstratio simpliciter, est solum in substantiis corporeis, aut incorporeis, ideo in Philosophia naturali & diuina: Mathematica autem est quasi propter quid. Quod quamuis durum videatur, verum tamen est, cognitio enim quod ita sit, est causa quod construimus demonstrationem: Problemata quoque, & linguas, tametsi loqui nesciam, vt etiam nec cogitanti occurrant. Amplificationem vero, & splendorem, partim ab exercitatione, partim ab eo accepi,

nam splendori inhæsi plusquam xl. annis, antequam adeptus sim: ita conscribendi omnem artem, profitendique extemporaneè à spiritu, & splendore habeo, hoc tamen scientiæ genus apud hominès, plus inuidiæ, quàm nominis, gloriæ quàm vtilitatis hucusque attulit; sed ad voluptatem potius non leuem, neque vulgarem, & vitam producendam contulit, solatio in tot calamitatibus, auxilio in aduersis, commodo in difficultatibus atque laboribus, vt optimam partem totam complexus sit aliarum maiorem, omnibus perfectioni, atque decori necessarius. In vniuersum, factum, sic constat, in causis aberrare possum, remitto me ad sapientiores, id est Theologos.

\*\*\*

## CAPVT XLVIII.

*Testimonia clarorum Virorum de me.*

**T**estimonia de me quàm nobilia fuerunt à quatuor inimicis. Primum à Matthæo Curtio viro clarissimo, dum à Senatu interrogatus de successore, respondit me optimum, & nulli negotio, aut expectationi imparem. Aliud fuit à Delfino qui mihi concursor secundo loco erat; coram discipulis, & in foro coram me, dicenti cuidam, si ego discederem, Montanum venturum primo loco: & cum ego adiecissem, durius tibi negotium esset cum illo ambitus discipulorum perito, respondit. Quod ad primum, ego nemini unquam cedam loco, etiamsi Galenus profiteretur: mihi autem honestius esse duco, si secundo loco tecum sim, quam cum alio, si priorem possideam: neque durius negotium cum aliquo futurum posse esse reor, quam tecum: cum quo fauoribus principalioribus, & tota vrbe hac, & tot aliis illustribus viris, non potui impetrare, etiam libertatis mea gratia exulibus, vt tridentem tua scholæ aquare potuerim. Camutius alter concursor, librum typis excussit, in quo grauer queritur, Papiæ, & aliis in Academiis, nomen meum citari aduersus Galenum: qui si non aliud esset, tot annis præmortuus, iure vel prorsus extincta inuidia, & tot authoribus illi subscribentibus, præferri non cunctanter deberet: Prostat liber suus apud omnes. Sebastianus, Iustinianus, Venetus Prætor Patauij ætate anni M.D.xxiv. vir sapientissimus, & literarum humaniorum, ac Philosophiæ, Theologiæque studiosus: & qui multis legationibus pro sua Republica functus fuerat, cū interesset publicæ disputationi, in qua inter cæteros argumentatus erat Vincentius Madius Brixianus ( qui paulo post professus est Philosophiam publicè Ferrariæ ) vbi audiuit me disputantem post multos alios, rogauit quinam essem, cui quidam dixit, Mediolanensis, vocatur Hieronymus Cardanus; vbi absoluta fuit disputatio, iussit me vocari, & tota Academia præsentem, inquit: *Stude ô iuuenis, quoniam Curtium superabis*: cumque ego attonitus rei nouitate tacerem, subiecit, *intellexisti ô iuuenis: dico tibi, stude quoniam Curtium superabis*: obstupere omnes qui audierunt, & maxime quod non solum ex subditis illorum regni non eram, sed etiam ex vrbe non prorsus amica, ob bella quæ inter illos, & principes.



cipes nostros diu continuata intercesserunt. At in scriptis, cum multos alios testes, me huius relinquere non ignorem, hos ipsos quorum operibus honesta cum memoria insertus sum, subiicere operæ precium duxi, cum vbiq; typis impressa prostant.

*Testimonia de nobis in Libris.*

1. **A** Dolfus Crangius in Trithemium.
2. **A** Adrianus Alemanus in Hippocratem de aëre, aquis & locis.
3. Andreas Vesalius in Apologia contra Puteum, sed sub titulo Gabrielis filij Zachariæ.
4. Andreas Tiraquellus Iurisconsultus, de nobilitate, & in libro de Legibus connubialibus.
5. Augerius Ferrerius in libro de Morbo Gallico.
6. Annotationum author in Hermetem de natiuitatibus.
7. Antonius Mizaldus in libro de Sympathia & Antipathia.
8. Amatus Lusitanus in Commentariis supra Dioscoridem.
9. Andreas Baccius de aquis Thermarum, seu de Balneis: sed inuidiosè, vt ostendi illi ipsi.
10. Andreas Camutius vt supra dixi in Disputatione.
11. Antonius Maria, seu Marcus Antonius Maioragius vt ipse mutato nomine se inscripsit, in Antiparadoxis.
12. Adrianus Turnebus in Epistola quam præfecit interpretationi libri Plutarchi de oraculorum defectu: sed suppresso nomine meo, stultus accusat seipsum.
13. Brodæus in Miscellaneis.
14. Buteo lapis molaris, qui nec scit nec doceri potest.
15. Car. Clusius de Aromatibus Indiæ.
16. Christoforus Hispanus in itineralio Principis Hispaniæ.
17. Chronica Gasparis Bugari inter Medicos recensens & Professores.
18. Chronica supplementum per Sansoninum inter Medicos & Professores.
19. Conradus Gesnerus vbiq;.
20. Conradus Lycosthenes in libro de prodigiis.
21. Constantinus in Amatam, maxime vbi agit de lapidibus.
22. Christophorus Clavius Bambergensis in tertium elementorum.
23. Daniel Barbarus Aquilegiensis Patriarcha, in Decimo Commentariorum super Vitruuium, cap. octauo.
24. Daniel Santberchius in septimo Problematum.
25. Donatus de Mutis Aphorismos quosdam exponendo.
26. Epitome Bibliothecæ.
27. Franciscus Alexandrinus in suo antidotario.
28. Franciscus Fluxatus Candala, cuius vituperatio laudis loco haberi potest, in sua Geometria.
29. Franciscus Vicomercatus in suis Meteoris.
30. Fuchsius in compendio suo Medicinali.
31. Gaspar Peucerus de diuinationibus.
32. Gaudentius Merula de bello Erasmi, hic fuit primus qui nomen nostrum Typis publicauit, Patria Nouariensis.
33. Georgius Pictorius, Medicus, in suis libris qui plures sunt.
34. Gulielmus Gratarolus Bergomensis Medicus.
35. Gabriel Falopius de Fossilibus, licet contradicat.
36. Gulielmus Rondeletius in historia Aquatilium. Inuidiosè.
37. Gemma Phrifiis in sua Arithmetica.
38. Hieronymus Castillioneus in oratione de laude patriæ.
39. Hieronymus Tragus de Plantis.
40. Hieronymus Montuus Medicus Regis Gallorum.
41. Iacobus Peletarius in Mathematicis.
42. Io. Choul de Quercus Historia.
43. Io. de Coliado de ossibus.
44. Io. Baptista Plotius Iurisconsultus, de in litem iurando.
45. Io. Schonerus, de Natiuitatibus.
46. Io. Cochæus in initio suæ historiæ.
47. Ioachim Scelerus in Ioannis Hispanensis Isagoge.
48. Ioan. Ceredus de aquarum eleuatione.
49. Ioan. Stadius in tabulis & Ephemeridibus.
50. Io. Barros Lusitanus in quarto Decadis primæ suæ historiæ de India Orientali.
51. Iulius Cæsar Scaliger in libros de Subtilitate.
52. Iacobus Carpentarius in Alcinoi Commento.
53. Ingressus in libro de tumoribus.
54. Liber aggregatus de aquis.
55. Liber aggregatus primus, de Gallica seu Indica lue.
56. Leuinus Lemnius de Naturæ secretis.
57. Laurentius Damia in sua Geographia nondum excussus.
58. Leo Suauius de Arsenico & Auripymento.
59. Lucas Gauricus in suis natiuitatibus, licet inuidiosè.
60. Matthæus Abel in diuisione de situ orbis.
61. Martinus Henricus in quæstionibus Medicis diffuse.
62. Melancthon in initiis doctrinæ.
63. Melchior Guilandinus Borussius.
64. Michaël Seifeliis in sua Arithmetica.
65. Michaël Bombellus Bononiensis in sua Algebra.
66. Nicolaus Tartalea qui cum male dixisset, Palinodiam Mediolani recinere coactus est.
67. Philander in Vitruuium.
68. Petrus Perna, & Mathias de Lobel in libro stirpium aduersaria, capite de hora & Antithora.
69. Reignerius Solenander de Aquis calidis.
70. Seuerinus Bebelius libro secundo de Succino.
71. Thaddæus Dunus in opere peculiari.
72. Valentinus Nabod Colonienensis in Commen



Commento super Alchabitium.

73. Vareus in sua materna Poësi.

Plures alios, quorum nominum nunc non recordor, scio nomen meum literis publicè mandasse. Ex his qui malè dixerunt neminem agnoui qui Grammaticam excesserit: nescio qua audacia eruditorum ordini se intulerint, sunt enim hi.

|              |              |
|--------------|--------------|
| Brodaus      | Rondelletius |
| Fuchsius     | Buteo        |
| Carpentarius | Fluxada &    |
| Turnebus     | Tartalea.    |

Nam Scaliger, & Dunius, & Ingrassias, & Gauricus, & Solnander sibi nominis comparandi gratia contradixerunt.

Modo accipe alia testimonia hominum, nam de scriptis, quis dubitat Galeno, nec forsitan Aristoteli (si non Typicæ artis beneficio accidit mihi) totidem vix, illis viuentibus contigisse, Andreas primum Alciatus vt aliàs retuli, quem honoris causa nomino, præter id quod soleret appellare *virum inuentionum*, quotidie libros nostros reuoluebat, maxime illos qui inscripti sunt de Consolatione. Ambrosius Cauenagus Cæsaris Prothophysicus *virum laborum*. Iulius Cæsar Scaliger plures mihi titulos adscribit, quos ego mihi concedi postulassem, appellans *ingenium profundissimum, felicitissimum & incomparabile*: Neque cum tanta inuidia effici potui, vt publicè profrendo nomen meum prætereat Bononia, Papiæque tum alibi. Angelus Candianus, & Bartholomæus Vrbinas, ambo in elyti viri, ac Medici famosi, o quoties inuenti sunt (nec abscondebant) cum libris nostris in manibus, quamuis non admodum forent amici: sed finem iam imponamus, ne videamur sectari (omni) vmbriam, mortalia enim vana, & laus eorum omnino inanis.

## CAPVT XLIX.

### Sententia de Mundi rebus.

**D**Væ sunt causæ maximæ infelicitatis mortalium, vt cum omnia sint vana & inania, homo querit aliquid, quod sit plenum & solidum. Et quilibet putat se carere eo solido, æger sanitate, pauper opibus, orbis filiis, infelix amicis: dumque querit & non inuenit, cruciatur: sed multo magis inuento, cognoscit enim se deceptum, & aliud querit, semper enim aliquid deest, ideo Augustus se amicis carere, & pudicitia descendendum querebatur. Hi semetipsos decipiunt. Alia est eorum, qui putant se scire quod nesciunt: hi etiam dicipuntur, & alios etiam decipiunt, alij fingunt, atque hi alios decipiunt. His incommotis accedunt duo alia fortuita, si locis & temporibus viuas quibus Respublica peruersis legibus patitur naufragium: Nam resistere velle difficillimum est, & anxietate plenum, aut stultum prorsus: vitare non minus, aut periculosum: Prædia enim & pecuniæ publicis subiacent calamitatibus: Aliud fortuitum fluctuatio, sub qua breuitas vitæ continetur, ideo plerique in labore suo, & lucro alieno commoriuntur. Difficilia ergo hæc omnibus, difficillima senibus, & parum

cautis: impossibilia inexpertis vel non aduertentibus, fiuntque deteriora aliena stultitia, quæ cum fuerit cum ignorantia finis, efficit improbos sibi, & aliis etiam deteriores. Propterea aliqui societatibus se adiungunt: aliis id primùm proponendum Deus, & mors: ille vt qui non fallat, illa vt quæ suprema sit malorum, cogatque nos alia contemnere, certa, & malis finem impositura. Secundum, vt pluribus innitaris, ne si vnum pereat, aut cadas, aut seruus tuorum efficiaris. Tertium vt non res à quantitate, sed qualitate iudices, parua enim magnorum initia magnis, natura minoribus sunt anteferenda: Cumque pluribus indigeas, nec omnia ad calcem homini deducere liceat, nulli debemus immoderate incumbere: sed ad metam necessitatis, & securitatis: Ergo nec æqualiter, sed iuxta proportionem: velut virtuti, vt quæ nullo indigeat, & opibus quæ omnibus auxiliantur. Sextum educatio plurimum potest in pueris, sed si nil horum profuerit, vt sint natura mali, & stulti, ac ob libertatem contumaces, quin etiam adulti iam, & ignaui, & vnus tantum, & tu etiam senex, hoc est summum malorum, si addas paupertatem, aut lites, aut dispersum patrimonium, aut mala tempora, quæ omnia mihi nunc adsunt, præter hoc vltimum: tunc dico, præter reliqua dicta, adsunt auxilia, vnū vt consideres si non haberes, magis careres: alterum vt appropere Scipionem inuenire ex tuis, vt nurum, aut agnatum: in hoc non oportet demum errare, inde totus negotio, tanquam renatus, post tot stultitias, incumbas.

Ergo vt breuiter concludam, cum nunc omnia sint exigua, & inania, quicquid etiam in actionibus quæ relinquuntur, versatur, postmodum ad eò ex momentaneis pendet: tum præcipue in nobis, cum aliis multis exemplis, hoc vno declarato. Anno M. D. xii. xvi. Calendæ ni fallor Nouembris, dum Mediolani essem, iturusque Bononiam, antea circiter dies sex, ex ligula, qua caligas thoraci alligabam, aurichalcea cuspis exciderat: Id eo magis neglectum, quo magis premebar negotiis: Et tamen erant ligularum fasciculi sex, quos deferre destinaueram Bononiam, empti pridie quàm cuspis excidisset. Die & hora qua discedere (imo ipso momento quo carpentum ascendo,) meire, & ex more quasi velle cœpi, peracto negotio, dum volo nectere ligulam, impediior, quapropter pertæsus incommodi, vado ad tabernas quæ circa domum meam erant, emptum (tres enim propè, ni fallor, fuere) nullibi inuenio: hæsitans igitur quid agerem, recordor fasciculorum, peto clauem à genero: reddit, aperio arcam, quæ artificio Germanico difficile aperiebatur, video fasciculos, & ecce statim animaduerto librorum omnium, à me conscriptorum aceruos ibi reconditos, vt postmodum discedens, mecum omnes simul asportarem.

*Obstupui, steteruntque coma, & vox faucibus hæsit.*

Assumpsi illos, detuli mecum, profiteri corpi, initio Decembris, literæ aduenere, noctu fractam capsam, quidquid erat intus asportatum. Si ligula non fuisset, profiteri non poteram, excideram munere, mendicasset, tot monumen



monumenta perierant, ex tristitia breui ob-  
iissem: atque id ex momento pependit, o hu-  
manam conditionem, aut miseriam!

Vt vero hominum mores dignoscas, disci-  
plinarum cultum, & perfectionem, ex natu-  
ra, lege, & consuetudine percipies. Rudes  
igitur simplices sunt, & pertinaces, unde  
circa extrema versantur, & ubi boni optimi,  
non enim peruertuntur, ubi mali pessimi,  
non enim ratione vincuntur, nec persuasio-  
ne mouentur: circa Venerem ergo nefandi,  
& ingluuiem turpes: in ira saui, praecipue  
pauperes ob auaritiam, diuites ob ambitio-  
nem: Inertes autem, & rudes, & inuidi sunt,  
& tales maligni, auari etiam: Qui sub tyran-  
nis degunt, potentes in rapiendo aliena, pau-  
peres in retinendo propria: ubi auaritia, ne-  
que amor, nec fides, nec misericordia: Au-  
dacia ab ira facit crudeles: inertia facit sor-  
didos, praecipue gulae ac libidini iuncta: la-  
boriosi necessitate aut consuetudine fiunt, &  
a ficitate ingeniosi: si legibus a disciplinis  
interdicantur, & honos sit operibus, ambi-  
tioque locum habeat, ut si ab Optimatibus  
regantur, industria artium, & artificioso-  
rum operum imminet, & maxime si regio  
varietate florebat. In Republica, vel ubi  
opes quaeruntur, honori neutro modo con-  
sultitur.

Adduxi rerum exemplum, nunc subiiciam  
quale millies accidit: ridebis, & tamen tan-  
ti solum, aduenit mors & vita. Accidit au-  
tem hodie, id est iv. Calendas Maias anni  
M. D. lxxvi. vado ad forum: dem volo gem-  
marium conuenire per angustam viam, dico  
aurigae torpido viro, ut eat ad Altouitarum  
campum; ille dicit iturum, & aliud intelligit,  
eoque se confert; regredior, non inuenio: sus-  
pensor ille ad campum custodis arcis: ed me  
confero, onustus pannis, quia carpento an-  
tea vectus eram, inter eundem occurro Vin-  
centio Bononiensi Musico, & amico meo,  
animaduertit me non habere carpentum: ac-  
cedo, sed aurigam non inuenio: Ibi statim  
me sollicitudo maxima inuadit, nam per pon-  
tem rursus regrediendum erat, cum lassitudi-  
ne, ieiunio, sudore confectus essem: poteram  
impetrare carpentum a Domino, sed & huic  
multa obstabant pericula, Deo me commen-  
do, cogito prudentia, & patientia opus esse:  
regredior, sed hac mente, ut omnino nec de-  
lassaret nec conquiescerem: sed in fine pon-  
tis ad Alrouitum me confero, sub specie que-  
rendi de permutatione Neapolitana pecunia-  
rum, quam scire cupiebam, & ita sedeo: ille  
me sponte docet, aduenit Dominus, ego ob  
id statim abeo, video in campo aurigam, mo-  
nitus enim fuerat ab amico cui occurreram,  
ascendo carpentum, dubius an irem propter  
ieiunium, in crumena inuenio tria grana Zi-  
bibi, itaque omnia tuto perfeci, & etiam  
cum voluptate. Hic vides quot occurrerunt mo-  
mentanea, Vincentius, inde illius, & auri-  
ga consilium de adeundo Trapezitam: ille va-  
cuus tum curis: transitus Domini, ex quo  
exitus meus e domo, quo occurri aurigae, &  
grana illa viae creticae; ut fuerint septem,  
quorum singulum si vel anticipasset, vel di-  
stulisset, quantum proferre vix duo verba li-  
ceret, aut perdidisset me, aut incommoda,

& molestiam maximam attulisset: non nego,  
& aliis talia quandoque accidere consueuisses,  
sed nec adeo momentanea, nec periculis ma-  
gnis plena, aut maximis inuoluta difficulta-  
tibus, quae illi non animaduertunt.

\*\*\*

## C A P V T L.

*Dicta familiaria, quae sunt impostherum  
observationes: excludit opinionem  
falsam Nauia.*

**A**Genda sunt illa quorum commemoras-  
tione, nulla in aetate reminisci pi-  
geat, & facultas prius destituat hominem  
quam voluntas, in horum memoria tranqui-  
litas sita est, melius etiam est, si nullam de-  
sideret curam.

Optimum in contrariis haberi debet, quod  
in longo usu minus affert detrimenti.

Vt Soranus dicebat, honestum est acci-  
pere ab offerentibus, a non dantibus non exi-  
gere.

In ancipitibus, partem elige natura commo-  
diorem, ut boli exhibitionem, nam si potio-  
nem, non licet redire, & in ancipiti confun-  
deris, nec adeo grauitatem retines.

Qui non vult ratione agere, bestia est:  
aut ergo verberibus dignus, aut ab illo te  
separa, solus enim homo sermone res agit,  
ac tuetur.

Morosi intractabiles, duri, inertes non  
adeo inutiles sunt in principali causa, ut in  
multis aliis saepe, ideo fugiendi praeter ca-  
teros.

Cum potentibus praecipue, hoc sufficit  
(quod modestiam retinet) aut me iniuria affi-  
citis, aut ego iniuria queror: Cum coniu-  
ctis ut haeredibus, ab obitu meo vultis ne bo-  
na mea sic custodire? implicabis enim illos.

Obiicienti paucitatem discipulorum, re-  
spondi, plures vendi Donatos, quam Virgi-  
lios; & quod essem in opinionibus singula-  
ris, dixi: & ob id Monoceros in pretio, habet.

Iurisconsulto obiicienti paucitatem scho-  
larium, respondi, aliqui plus decoris affe-  
runt sua praesentia, alij plus dedecoris suo  
recessu.

Glorianti se plures habere agros, respon-  
di, non de hoc, sed quod plures sanentur ex  
illis: aliis acrius, turpissimum est tot in ma-  
nibus perire.

Dehortaturus adolescentem a societate  
improbiorum, dixi, pomum me ostensurum  
quod aceruum corruerit, ipsum non osten-  
surum aceruum, qui corruptum pomum re-  
stituerit.

Obiicientibus quod pueros multos alerem?  
 respondi, bifariam mereor: quod bene ago, &  
quod male audio.

Sapientia ut alia pretiosa, eruenda est e ter-  
ra visceribus.

Comparanti me aliis doctis, Virgilianum  
illud obieci.

*Quid si idem certe Phaeum superare canender*

Iussi saepe ut meditentur hoc solum &  
maxime: quid maius, & quid minus?

Magnum sapientiae indicium est, habere  
praestantem amicum.

Obiicienti



Obiicienti senium, senex est quem Deus destituit.

Amici in aduersis auxilium, adulatores consilium fuerunt.

Malum bono, non malo medicandum.

Animos scio esse immortales, modum nescio.

Plus debeo malis Medicis quod hostes meos perdant, quam bonis quamuis amicis.

Cum obiicerent me errasse in prædicando, cum essem cum aliis malis, & imperitis; dixi mirum fuisset, si cum essem inter illos, rectè prædixissem, aut aliud quippiam bene fecissem.

Cum facturus es aliquid, cogita quo in statueris cum egeris, seu eueniat, seu non.

Homini præclaro, viuendum ubi princeps degit.

Amicos lato vultu excipite, promerentur enim, inimicos ut sitis superiores.

Qui scribunt incondita, similes sunt cruda deuorantibus, ob leuem voluptatem, graues molestias subeunt.

Fidem hominum à comodo illorum metiare, si non sint omnino animo maiores ipsa re.

Maximum in humanis est, terminum actionum inuenire.

Homines nostra tempestate humanissimi, quod præsentibus, & sensilibus solum inhæreant, impietatis, & ingratitude, atque imperitiæ vno verbo damnati.

Similiter famulum amandaturus, tu mihi satisfacis, ego non tibi, propterea cogaris me relinquere.

Dicenti cur cum tu adeo sis sapiens, filij tui tam stulti sunt? Quia non ego adeo sapiens ut illi stulti.

Bene fortunati similes sunt pueris exilientibus & scalæ gradibus: qui quanto à numerosioribus, eo latiores, sed maiore periculo & iactura certant.

Melius est centum dicenda prætermittere, quam vnum tacendum proferre.

Pueri sunt eatenus cogendi ad promptè respondendum, quatenus de aliis obliuiscantur, non de interrogatis obiter respondeant.

Roganti quid agatur Romæ? Quod in Regia vrbium, & humanarum rerum.

An fuisti in carcere? vni, an vis & tu ibi esse: alteri socordiori, quid egisti quo timeas?

Non sunt inferenda libris, quæ finem non sunt consecuta, aut digna lectu.

Cum ea inde aliquid dicis, corticem profundiorē habere debes: cum ergo audis, & illum habere existima.

In negotiis non ut in artibus generis cognitio quidquam iuuat, sed quantitatem scire oportet: Possamus enim prodesse Rhabarbarum exhibendo tertiana laboranti, etiam si nesciamus quantitatem; at melius est tacere, aut non iniungere clientem, si modum in actione adhibere nescieris.

Lachrymæ sunt Medicina doloris, & ira misericordiae, & necessitas maximè historia confirmata vtriusque. In vniuersum in cunctis bonum est posse impetrare tempus,

Tom. I.

In tuis rebus oppone vitium vitio, velut socordiae litium curam, & exactionis, pertinaciæ iracundiam, superbiæ iniuriam, famem, & qui pugnis loco verborum agant, impatientem fac nuncium ad potentes.

Cum lauare vis, prius para linteum ad detergendum.

Anum pro ancilla sumpturus, interroga an sciant suere, lauare, panem facere, & iubè ambulare, ac ignem accendere. Querere etiam vinum tibi deesse, & si habet coniunctos, quasi opus habeas illis, aut amicos, & quomodo Dominum priorem reliquerit: quot coniuges, & filios habuerit: deinde abstine, aut saltem oppone opportuna præsidia.

Celeritas in effutiendo pessima, in agendo quandoque necessaria, in deliberando mediocris esse debet.

Quæ sunt alieni iuris ne exige, maximè à Dominis: quæ sunt tui, ne postula in conditionibus, sed vtere arbitrio tuo, modeste tamen.

Cum hominibus quæ sentis non dicas, sed multo magis quam mutuum cui des, videto.

Quod in æternis est Deus, fingit ipsius vmbra tempus: sed cum hoc etiam est impurum ob vicissitudinem.

In rebus periculosis, aut calumniæ obnoxiiis propter rem seu propter te, si non certus sis, ut possis absoluere sermonem, melius est præterire, in quo genere multi peccant, dum nimis ambitiosi sunt huius nominis quod multa sciant, vel quod omnia attigerint.

Caue ne deponas rem tuam in manibus gratiosi, vtetur enim, si relinquant: si redimas? periculum affert ne cum illo in inuidiam te trahat, certè suspensum tenebit.

Fac ut liber expleat usus, & usus reddat illum rotundum, hic & non alius perfectus est.

Dicenti misereor tui, respondi non iure.

Malum est boni defectus, bonum est per se virtus, quæ est in potestate nostra, aut quod est necessarium.

Opes filios amicos si non habuisti, & alia habes, felix es: si defunt & alia breui durabis.

Cum autem plures artes sint, vna est ars artium, per generalia dicere, quo plura paucis, obscurè clarè, certum per incerto dicere liceat: sed tribus indiges, ut ea generalia omnia conueniant illi vni, ut complice aptè includant atque excludant, & ut propria sint tractationi, quod solum prætermisit Aristoteles, propter penuriam scientiæ temporibus illis. Memineris etiam licere aliquid dare lepori ut in historiis.

Iniuste queruntur plurimi de virtute, dicentes illam famulari fortunæ, alij existimant eam felicitatis esse dominam; verba vero digna superbo.

*Victrix fortuna sapientia, dicimus autem:*

*Hos quoque felices, qui ferre incommoda vita,*  
*Nec iactare ingum didicere, &c.*

Bisariam enim peccat: primum docendo, quod sapientia (intelligendo hanc nostram) sit potentior fortuna: cum quotidie experiamur contrarium: & ratio est, quia fortuna totam se exhibet, & vires omnes in quauis re explicat; at nos solum firculum, & exiguum,

E

ac



ac exilem sapientiæ habemus: non ergo fortuna est potentior sapientia, sed multo minus nostra sapientia victrix fortunæ: Imò fortuna cædit vltro diuinæ sapientiæ, nec audet ponere pedem, vbi illius vel prætereuntis odorem senserit. Haud etiam placet sententia Bruti moribundi.

*Infelix virtus, & solis pronida verbis:*

*Fortunam in rebus cur sequeris dominam.*

Quamuis enim Plutarchus Antonij testimonium adducat de Bruto, quod occiderit solus Cæsarem facti splendore, cæteri ob inuidiam: id tamen forsan contigit ob alias causas, quàm quod ita sentiret: apparet enim ex testimonio Ciceronis, in Epistolis ad Atticum: Brutum multa quæ contigerant ægrè tulisse, & molestia affectum de his quæ successerant quòd non contigisset si finis fuisset gloria. Iniuste autem queritur quòd Antonius, qui vitam totam in armis consumpserat, sibi qui in vmbra & eloquentiæ operam nauans à fortuna prælatus sit. Fortia enim virorum verba incondita, & incompta sunt, sensus autem vegetes: vt illud ad Neronem de quo Tacitus. Ergo quàm stulte locum virtuti Brutus in seditione quærebat, cum in vrbe ab hostibus circumdata felix homo inueniri non possit, quanto minus in seditiosa? Et licet felicitas non sit in fortuna, sed virtute: fortuna tamen plus potest impedire quàm virtus illa aduersante præstare. Tria maximè mutant mores, ætas, fortuna, & coniugium; ideo caue: hominum quoque conuersatio vt candens ferrum manibus tractatum nil peius: malleis tufum lucrum fabro, aliis commodum affert.

#### NÆNIA IN MORTE FILII.

*Quis te subripuit nobis dulcissime fili?  
Quis potuit luctus tot nostra afferre sene-  
ctæ?*

*Cui tam dira fuit mens? ô crudelia fata!  
Nascentem uoluerem meum qua excidere flo-  
rem?*

*Non te Calliope, non te seruauit Apollo.  
Iam Cithara & cantus sileant: rhythmique  
sonori:*

*Quæ mihi pro charo renouant suspiria nato;  
Dum memini dulci modulante carmina  
voce.*

*Laurea quid te inuit Medica artis? tanta-  
que rerum*

*Cognitio, & lingua facundia rara Latina,  
Tam subito longi si nunc periere labores?*

*Quid seruasse Duces Hispanos profuit? aut  
quid*

*Præclaros cines, seu, si Praside cive,  
Atque Duce Hispano, cecidisti falce cruen-  
tus.*

*Heu quid agam? moritur mi animus, suauissi-  
me fili*

*Dum tacitus mecum crudelia fata renoluo:  
Nec licuit lacrimas nostras mandare li-  
bello,*

*Proh, scelus! eripitur gnatus: nec flere li-  
cebit?*

*Quasque dabam cineri aternas pro munere  
laudes*

*Immerita causas mortis reticescere cogor.*

*Nate haud immiti qui Principe, iussu Se-  
natus,*

*Exemplo infando veterum tam dira tu-  
listi:*

*Crimina fallacis properas dum tollere mœ-  
cha.*

*Coniugibus nostris iam tuto insultet adul-  
ter,*

*Plectitur egregij iuuenis si dextera vindex.*

*Heu fili virtutis imago certa paterna:*

*Vivere perpetuum dulcissime dignus in euum.*

*Sed non iam licuit rapiunt ad sidera Parca*

*Omne bonum: tetrisque adiungunt illustria  
terris:*

*Macte puer virtute animi: tum sanguine  
clarus,*

*Et patrij simul, & sectator honoris auiti.*

*Dum prius ipse procul Rex est, spes certa sa-  
luis:*

*Et Phœbus terris negat, & sua lumina  
Phœbe,*

*Sidera nec Cælo fulserunt vlla sereno:*

*Ne tetra aspicerent polluta Palatia cade.*

*Quo sequar? aut quæ nunc artus auulsaque  
membra*

*Et funus lacerum tellus habet? hoc mihi  
de te*

*Nate refers? Qui sum terraque marique se-  
quutus.*

*Figite me si qua est pietas in me omnia  
tela,*

*Coniicite ô saui: me primum absumite ferro:  
Aut tu magne pater diuûm miserere tuo-  
que*

*Inuisum hoc detrude caput sub tartara  
telo,*

*Quando aliter nequeo crudelem abrumpere  
vitam:*

*Sed non hac fili dederas promissa parenti  
Cautius vt seuo velles te credere amori:*

*Perdidit ille meum natum. O sanctissima  
coniunx:*

*Felix morte tua, neque in hunc seruata do-  
lorem,*

*Ipse ego nate tuum maculauit crimine no-  
men*

*Pulsus ob inuidam patria, laribusque pa-  
ternis,*

*Debueram patria pœnas, odiisque meorum.*

*Omnes per mortes animam fontem ipse de-  
dissem.*

*Contra ego viuendo vici mea fata super-  
stes:*

*Sed tamen aeternum viuet per sacula no-  
men,*

*Nate tuum: notusque Bactris, iam notus &  
Indis.*

*Mortuus es nobis, toto vt sis viuus in  
orbe.*

Morimur æque omnes, vt Horatius ait, so-  
lum superest gloria, quæ constat dignitate vir-  
tutis præcone, & eo vate atque sacro, id est,  
famolo: ob id adeo optabat Alexander Home-  
rum: nam historia decidit factis illustribus  
succeedentium: Poëta fabulantur, & idè per  
se contemnuntur: magnum miraculum in Ho-  
ratio



ratio, qui absque historia ausus est sustinere perpetuitatem nominis, quia absque historia delectare non possunt: ideo ipsemet id testatur.

*Lectorem delectando, pariterque monendo.*

Sed quod alij obfuisse, celer scilicet casus puritatis linguæ Latinæ, illum reddidit ob rarietatem singularem, desiderabilem. Oportet igitur ut subsistat factum rei egregiæ, & celebris: historia collecta, & Poëticis figuris amplificata à Vate, quia in prolatione non sustineret rotunditatem: unde illud,

*Gratis dedit ore rotundo,*

*Musa loqui.*

Sitque sacer ad ornandum fabulas illas; ut tot præcepta seruentur, quæ vix Aristoteles luculento libro complecti potuit: cum ergo hæc quatuor simul affuerint erit nomen æternum illius, aliter non.

At quorsum hæc? H. ut sciamus quæ ad vitam felicem sunt necessaria; & quod felicitas nulla est in hac vita, ne eam frustra querendo impingamus: & siamus grauius infelices. S. verum hæc non sufficiunt: necessarium est enim, ut velut artifices alij omnes, sciamus etiam finem rerum quas querimus: velut faber scit, & docet facere clauos, & seras, incudes, & malleos, clauos ad iungendas tabulas: seras ad claudendum ostia: incudem ad sustinendum ictus. At tu, inquit, nihil horum edoces: & neque constat quid felicitas sit, neque tu eam esse affirmas: nec quis usus, plane illud est difficillimum, quod non scimus, cum hac tua inanitate, & vacuitate, an per hanc doctrinam, aliquid plus tu inueneris, & an vere in hoc inani aliquid sit. Propterea audire vellent utilitatem, si aliqua est, seu finem, si enim nulla est utilitas, quorsum scribere docere, & discere? H. Est, & non est. Primum est illud, quod, ut dixi, scimus esse infelicitatem maiorem felicitate: hanc autem pene nullam. Et in hoc inani esse quandoque aliquid exiguum, & etiam breue: omnia tamen in nihilum redigi, ut nouimus illud exiguum colligere ad tempus & vitare infelicitatem: Et quod est infelicitatis (modo non sit extrema hominis comparatione, nam potest talis esse: sed per se, neque magna, neque mediocritas, nedum extrema aut maxima) depellere, & in nihilum redigere, ubi hæc ignorando fieres infelix. S. ergo ut video utilitas est quintuplex. Prima, ut alleues infelicitatem, si non sit extrema. Secunda, ut augeas illud parum felicitatis quod est humanæ naturæ. Tertia, ut aliquid perexigui colligas, & ad breue tempus pleni, in vacuo illo. Quarta, ut sciamus esse aliquam felicitatem perexiguam & breuem, & quod consistit solum in virtute, non impedita à magnis incommodis. Quinta, quod talis felicitas potest produci aliquanto plus, quia subiecta eius, & usus eorum, potest in quibusdam produci sensibilibus, comparatione vitæ humanæ, ob illius breuitatem. Sed si vita humana esset quingentorum aut sexcentorum annorum, omnes desperatione vitam finirent. Et similiter de felicitate recenti. H. optime & tibi gratias reddo, qui lon-

*Tom. I.*

ge melius rem declarasti, quam ego sciuerim proponere. Verum illud plane addo, quod felicitas ista, quantumuis, ut dixi tota minima & exilis, imo quasi (ut clare loquar) nulla, habet quatuor etiam gradus. Primus dum est in actu, sed ille est momentaneus, videtur aliquid esse, cum non sit. Indicio est quod consensu Philosophorum, nihil aliud est quam indolentia. Secundus cum nuper transit, & manent subiecta & effectus illius, ut quasi præsens videatur. Tertius cum tempus transit, memoria tamen adhuc manet: & hæc est umbratilis prorsus, nihil habens substantiæ. Quartus, ut rerum quarum vestigium nullum manet: & sunt velut casus quotidiani, quorum memoria etiam exoleuit: etsi adhuc recordaremur, memoria illa esset sine affectu ullo. Ex quo patet quod sufficit in hac vita traduxisse eam sine calamitate magna valde.

## CAPVT LI.

*In quibus deficere me sentiam.*

Sed sapiunt Phryges, impossibile non errare: sed multum errare necesse est eos, qui voluptatibus inservire volunt. Maximus ergo error fuit in filiorum educatione, nam plurimum potest educatio; sed carui mediis, filiis prudentibus, fratribus, sororibus, coniunctis, amicis, opibus, potentia, fide ministris: at poteram eligere, si voluissim parcere tot scriptis, vim inferre naturæ, & à voluptatibus temperare, in amicitia excolenda diligentior esse, expectare Senatus Bononiensis decreta, & ut profuit non rogasse, quanto plus non vrgere? plus potest occasio in huiusmodi, cum æmuli aduersantur, & tibi amicorum non par est potentia. Nec ludum latrunculorum adeo damno, sed sententiæ Horatii magis adhæreo.

*Vixi; cras vel atra*

*Nube polum, Pater occupato.*

Adde, modo futuris commodis non obstit: At ego præter id, ut essem in cibo continens, & in conuersatione decorem seruarem, minus mentem ac studium adhibui. Itaque parum erat, si septem elementa in cunctis actionibus obseruassim, cui bono? Et quamquam studiis literarum immodice additus, profuisset eadem constantia, etiam in cæteris negotiis, ut prior non esset adeo admirationi. Nimis satis fuit defuisse tot, memoriam, linguam Latinam per adolescentiam, valetudinem integram, amicos, & familiam utilem, in venereis robur per longum tempus, gratiam quandam ac venustatem, filios vel saltem communis prudentiæ participes: contra affuisse cor timidum, lites etiam longas, parentes morosos, tempora bellis atque hæresibus turbulenta; sed inuentis tot poteris te ipsum iuuare? Veritas nulli obesse debet, quæ ab aliis inuenta sunt, pleraque falsa inueni, aut ego non intellexi, unde etiam reliquorum usus inutilis fuit: inuenta à me utiliora, sed sera, ut si licuisset quæ habui post, tempestiue inuenire: aut quæ ab aliis quæsitæ sunt, tempestiue mihi cogni-



ta esse, forsan non adeo laborarem. Nihilominus adhuc tanta supersunt, ut si alius haberet, felicem se existimaret: scientia tot rerum, stirps intacta licet oblata, libri editi, tot edendi, nomen, ordines, opes honestæ, amici potentes, arcana, & quod optimum est Dei veneratio: sed ut dixi, neque vni, cuncta adesse possunt: nec in omni genere exuperare, nec si valde exuperet, in vno etiam tantum, vel in illo perfectus esse. Quid ergo est, quod requiras in me, omni hominum generi denegatum? vel quod admireris errores admissos à me cum omnes etiam alij aberrent?

## CAPVT LII.

*Ætatum Commutatio.*

**Æ**tates commutant mores, formam corporis, & temperamentum, atque habitum; in infantia ut audiui, eram pinguis ac ruber: in pueritia macilentus, facie longa, albus, & subruber, magni incrementi, adeo ut incrementum penè anno xvi. perfecerim, & tantus viderer, quantus nunc sum, temperatura melancholica. In iuuenta, rufus, mediocris habitus, mediocriter iracundus, lætus, voluptatibus deditus, Musicæ præcipuè. Consistenti ætate à xxx. ad xl. annum, constiti in eisdem: habebam quæ me perturbarent paupertatem, cum filiis & vxore: infirmum corporis statum, amulos adeo acerbos, ut cum sanassent Bartholomæam Cribellam matronam nobilem, & post eius fratrem, ipse conualecens irrideret me, cui ego, quid faceretis (alij enim secum ridebant) si non conualuisset? Ergo quid non sperandum, postquam non ante xxxix. annum incœpi respirare? neque tamè toto quadriennio sequenti, id est, à Calendis Septembris, usque ad Calendas Nouembris M. D. xliii. quidquam actum est, nec priuatim, nec publicè, nisi ut essem liberatus ab ea cura, & honore decoratus. Primus igitur annus mutationis fortunæ, fuit xliii. ab eo ad lxx. intercessere fere anni xxvii. tempus belli Peloponesiaci, in quo omnia illa scripta condidi: nam à lxxi. ad lxxv. quatuor anni fluxere, in quibus conscripsi xii. opera, sed libri ipsi sunt xviii. at maior pars imprimendorum erit, partim constans ex antiqua doctrina, partim noua. In hoc ergo tempore me dedidi vii. annis voluptati, Musicæ, atque aliis, alex, & piscationi maximè: Tunc ad disputationes me exercui, deteriusque corpore me habui; dolere dentes, & cecidere pauci ex eis: Podagra me inuasit, non tamen excruciauit, accessio erat xxiv. horarum, reliquum ad declinationem pertinebat, usque ad lx. an. vires non declinauerunt, ut appareat potius dolore animi, quam ætate fore imminutas. Ab eo anno citra, curavi, ut consulerem rei domesticæ; sed tot impedimenta affulsere, ut mirum sit me usque nunc viuere potuisse: si quis enumeret labores, curas, tristitiam, dolorem, errores meos in victu, rei familiaris occupationes, timorem egestatis, vigilias, molestiam ventriculi, flatus graues, pruritus &

etiam Phthiriasum, leuitatem nepotis, filij malè facta, quis non miretur adhuc me superuiuere? plurimi tamen mihi cecidere dentes, ut residui sint xv. nec prorsus integri, vel firmi: Tot insidiæ, tot laquei, anus furaces, aurigæ ebrij, omnes mendaces, ignaui, infidi, & superbi: neminem habui adiutorem, vnum semiauxiliarem: sexies vel circiter, ob tot incommoda, & errorem in victu, dormitum iens, credidi me non amplius surrecturum: ex his, bis eadem nocte periturum. Nondum testamentum quod vltimum esse volo confeci. Dices quomodo euadere licuit? Dolor fuit Medicina doloris, opposui primum iram indignationi, & amoris infano erga meos, studia seria: mediocribus mœtioribus, ludum lacunculorum; falsas autem spes, & excogitationes, magnis: non prandebam, sed res eo redacta est, ut mane sim contentus pomo vno cocto, vel xv. vuarum creticarum granis, absque vino, plerumque sine aqua, si altervtrum, valde modicè: nouissimè induxi mihi usum qui placet, spero salutarem, ius album Galeni, atque in eo panem madefactum probè, & nil aliud: Cœna tamen vberior. In omnibus, occurrit memoria libri de optimo vitæ genere: Recordabar quid acciderit filio Syllæ, quem Cæsar cum vxore, quod esset Pompeij filia, iussit interfici: Quid Q. Ciceroni? Quid Marco fratri? filia sine hærede mortua est, patre viuente, unde insaniuit; filio quamuis superstiti, nullus aut filius, aut filia: ita infelix Terentia omnibus suis superstes, cum suis centenis annis, cum coniugio olim tam florenti: O res humanas! Quid operibus Theophrasti tam pulchris atque vtilibus? Cœna post longa experimenta pisces magni, leues, bene cocti: ut bene nutriant, facile concoquantur & solidum præbeant alimentum. Cyprinos eligo, sed Romæ defrantur: horum loco Passeres, & Rhombos, ac Lucios à dodrante ad sesquilibrium: ac pisces leues, latos, aut etiam Triglas: Cyprinos non fontium, sed paludum (Scardeas vocant) ob causas alias enarratas deuio: ius verò betarum cum allio, aut Chamarum, vel Astacorum, vel Limaciarum cum lauri foliis viridibus, & loco betarum, sonchi, aut radicis cichoreæ, boraginis folia sana, & radices pro acetario ferculo: vel loco vnius horum, vitellos onorum, & recentes ut persæpe vno sim contentus. Carnes etiam albas, sed seorsum edo, bene coctas & pedes vitulorum, & iecur pullorum, & columborum, tum cerebrum, & quidquid sanguinei inest: Carnes in veru assatas, inde minutim incisas, aut tenues, & gladiatorum dorso verberatas, diu denud inuolutas in omento hædi: & in patina cum iure coctas, aliis omnibus præfero. Pedes ubi frigent lauo, non enim post, adeo frigent: nec nisi calefactis, & siccatis partibus humidis, sumo cibum. A prandio non ambulo, multo minus à cœna: Factus sum animo quietior, & fortior ob cognitionem, non ob regimen: & quoniam mihi iure mors timenda videtur, eam odi: ceteros qui illius aduentum non reformidant, Taureæ Campani exemplo, sinamus occurrere si expectare non satis est. Sed redeo ad propositum, ætatum mutatione, sæpe inueni in rebus meis



meis etiam reconditis tantam variationem, ut diceret ad esse Larem, qui omnia confunderet: ablatas pecunias, auctas, translatas aliò: ne credas sublitum mihi os, aut memoria lapsum, vide quid mihi acciderit heri, & nunc perseverat (neque enim ignoro quanta possunt obici illi mutationi) cœnavi satis lætus: à cœna tantum odium inuasit omnium librorum aliorum, meorumque, sed editorum, ut non sustineam cogitare de illis, nedum inspicere: ratio manet, agnosco esse causam in me similem melancholiæ, maximè cum optimi supersint: At de pecuniis alia ratio est, non dolus, non insania, nemo subtrahit, non error, quid ergo an violentia?

\*\*\*

## CAPVT LIII.

*Conuersationis qualitas*

**A**D conuersationem, ob multas causas, & eo magis hac ætate, parum idoneum me esse intelligo. Primum quia diligo solitudinem, numquam enim magis sum cum his quos vehementer diligo quam cum solus sum: diligo autem Deum, & spiritum bonum: hos dum solus sum contempler immensum bonum, sapientiam æternam, lucis puræ principium & authorem, gaudium verum in nobis, ubi periculum non est ne nos deserat, veritatis fundamentum, amorem voluntarium, authorem omnium, qui beatus est in seipso, & beatorum omnium tutela & desiderium: Iustitia profundissima seu altissima, mortuos curans, & viventium non oblitus. Spiritus autem mandato illius me defendens, misericors, consultor bonus, & in aduersis auxiliator, & consolator. Quem ergo mihi propones hominum cuiuscunque conditionis, qui secum perpetuo non deferat manticam stercoreis, & matulam vrinæ, etiam in venis? & plerique cum sint gratiosiores, ventrem habent vermibus refertum: multi ex his, multæque quæ placere solent, ut omnia æqua lance distribuerentur, etiam pediculis scatent: aliis alæ, aliis pedes, pluribus os fœtet. Cum hæc considero, quemnam mortalem (ad corpus respiciens) amare potero? quinimo Catulus, aut Capreolus multo purior, & nitidior erit. Sed animam amplector quod animal insidiosius, improbius, fallacius est homine? Mitto partes animæ perturbationibus subiectas, & intellectum amare volo: At quis intellectus syncerior diuino, altior, securior, & qui vera docere possit? replentur Bibliothecæ libris, animæ eruditione spoliantur: Transcribunt non scribunt, non desunt ingenia, sed alia. Quid ergo est, quoddam ex hominum consortio sperare possim? garruli, auari, mendaces, ambitiosi: Ostendite in seculo tam florenti, in occasione tam utili Typographiæ, qui vel centesimam partem inuenerit, eorum quæ Theophrastus, & do manum. Quinimo suis nugis, & vti ac vti, perturbant bene illa inuenta, pulchra. Sed neque hoc expedit rebus ipsis: inuentiones enim debentur tranquillitati, & quieti, ac stabili cogitationi, necnon

Tom. I.

experientiæ, quæ omnia sunt solitudinis, non societatis hominum, ut de Archimede legitur. Ego quod ad me attinet, lx. inuentorum forsitan, ne xx. quidem aliis, aut societati debeo: nolim teneri de mendacio, si aliquanto pauciora sint: fateor in Mathematicis aliqua, sed paucula à fratre Nicolao accepisse: sed quot exciderunt? tanta multitudo aliis debetur causis, sed adhuc etiam latenti vi illi splendoris, aut meliori. Quid ergo mihi cum hominibus? Alia ratio, beati non dignantur mea societate, ego miserorum non opus habeo, si blandiri velim, non sanabor: si exasperare, in malam trahent partem: Sunt præterea senes morosi, tristes, queruli, inuidi, dictis illorum quæ accessio fiet? Est etiam temporis angustia, *Dies nostri lxx. anni & in potentatibus lxxx.* ut parum supersit ad nugas, quam enim partem dederò illis? contemplationis, iniustus & impius: scribendi stultus, ut redeam ad labores quos subterfugere poteram, ocij paricida mei: ut et si exercitationis, somni, domesticorum negotiorum? Deinde cum quibus, amicis? frustra, operam enim meam desiderabunt, non colloquia: aliis quorsum? peritis illi plus multo forsitan existimabunt se scire quam ego? Et si sciant, contentio erit de genere, velim discere quorsum? si docere, erit impudentia & prodigalitas, sua effundere, ut nil nisi odium quaras? An etiam vni soli, an multis simul? si multis, quando finis? si vni, an tibi is Deus erit? Mouebis etiam aliis inuidiam, ut rursus in pelagus cogaris descendere turbulentum: loquuntur etiam plures simul, & clam te irridebunt: multis occasionibus te expones nullo lucro. Quod propterea summum est, in confabulatione lepor, in conuersatione iucunditas, ab his vtrisque plurimum abest natura senis, ac mores: in omnibus testem alium non aduoco quam Aristotelem. Ob hæc igitur semper difficilis fui conuersationis: quæ etiã vna fuit ex causis, ne itarem ad conuiuia: non tamen reiicio, aut excludo bonos, ac iustos, præsertim miseros, nec bene meritos de me, neque sapientes. Sed dices, homo animal est sociale, & quid ages, cum renunties hoc facto Mundi regno, amicis: quid poteris? gloriaris te habere amicos potentes, aut ergo frustra hæc est iactantia, aut cui lucro? cum enim sint qui eisdem placeant conuiuando, iocis, ludis, quid est ut illos deserant, te amplectantur? quid studia proderunt si non credant?

*Scire tuum nihil est, nisi te scire hoc sciat alter.*

Deinde si deerunt necessaria naturæ, multa patieris incommoda: hæc scio mihi obici posse: at non me latet multa dura videri & absurda, quæ tractata secus apparent: ut etiam contra, alia mollia & utilia, quæ secus absurda sunt & dura. Et mihi cum hoc plerumque seruatut quantum satis est, ob illos quos dixi me admittere, sufficiunt enim illi, & plus turba vtilis sunt, ac magis securi.



## CAPVT LIV.

*Et est Epilogus.*

**E**Rgo iam securus de mendacij suspicio-  
ne, vt qui in veritatis studio consenue-  
rim, cum quo & Dei amor, & immortalium  
spes, & tantæ amplitudinis possessio, & sa-  
pientiæ lucrum coniuncta sunt: nolo iactu  
vno cuncta confundere; sinamus hæc his,  
qui ob imperitiam falluntur, aut qui menti-  
ri gaudent, vel audita, læcta, vel etiam vi-  
sa adaugent, dum sperant imponere posse.  
At rogabunt qua spe freti de iis, quorum ne  
vnum mille viri vnus, mille referentis testi-  
monio subscribent? Ergo nil aliud nisi veri-  
tatis amor: at dissentiunt plane homines, vt  
carniuoræ volucres, aliæ sordidæ, corui,  
cornices, qui in libidinibus, rapinis, dolis,  
sæuitiæque versantur; alij nobiliores vt aui-  
læ, & accipitres: hi fastu nimio & iracundia  
flagrant. Quid mirum si hæc non animaduer-  
tant, quamuis talibus tamen exemplis om-  
nium historicorum, tam sacrorum, quam  
profanorum libri pleni sint, & nobis eorum  
vice qui aduersantur, Deus, ac plena machi-  
na beatis, & his qui sapiunt consentit: infi-  
niti pro exiguo numero, veraces pro menda-

cibus, sapientes pro stultis. Hoc vnum debe-  
rent curare Principes, vt eos qui in probos, &  
eruditos inuehantur, iustis pœnis, veterum  
exemplo punirent: Quod si neglexerint,  
vnus de omnibus & pro omnibus (præter  
quod potentia euertetur?) exiget. Ea ergo  
ratione non laudis meæ exempla, superius in  
arte adduxi (an putant me esse adeò ine-  
ptum, vt hoc medio velim redire ad sarcina-  
nam?) sed vt intelligant homines, me talem  
esse, scilicet veracem, & probum, ac poten-  
tem diuino spiritu, dum possunt exquirere  
veritatem. Porro cum humana fiant peritia,  
ratione, consilio, afflatu, occasione, impe-  
tu, & casu: Peritia certa est vt fabri: Con-  
siliū hominum subiicitur arbitrio, qui si  
amici non sint, nec beneficiis vllis, nec re-  
pentinis crudelitatis experimentis, vt euen-  
tus docent, mutari possunt: Afflatus rara  
avis est, nec vlli in omnibus vnquam satis-  
fecit; occasio maximè præuisa, bona: sed &  
ipsa non semper affulget, ratio vt tutissima  
est in expertis, & elaborata, ita casus malus,  
impetus pessimus propter quam aliquando in  
pugna, quia stulta: pro ratione, liber Actus pro  
numinibus, splendor, qui potest innui non  
scribi: pro supra mortalibus, spiritus, qui nec  
scribi potest, nec innui, nec est in potestate  
nostra.







LIBELLVS  
DE LIBRIS PROPRIIS,  
CUI TITVLVS EST,  
EPHEMERVS.

Ad HIERONYMVM CARDANVM  
Medicum, affinem suum.

**G**ALENVS ex antiquis, Eras-  
musque nostræ ætatis vir,  
libros ediderunt, nomina  
tantum priorum librorum  
continentes, ea vt puto ra-  
tione, quod multi quæ sua  
essent, negarent: alienaque, sed illorum no-  
mine indigna cohibuerunt: tum verò, quod  
studiosi illorum, vniuersos apud se habere cu-  
perent. Eam ego rationem secutus; quam-  
uis cum illis nunc, de gloria non contendam,  
eisdem tamen vt puto, quibus illi causis,  
prouocatus, tot laboribus, tanquam vmbi-  
licum quandam vnus diei, etiam adiecto stu-  
dio imponere decreui. Neque enim nunc de-  
sunt, quæ ea quæ edita non sunt, sibi impu-  
denter vendicent; aliquotque studiosi, cum  
nobis etiam viuentibus, nostra singulis die-  
bus requirant, à morte si superesse sciant, quæ  
forsan edita non sint, publicari nostro nomi-  
ne curabunt. Impium enim esset, cum tot vi-  
giliis ad hanc vsque diem, tam multa inuene-  
rimus: vt sine labore ea quisquam sibi adscri-  
bere possit. Quamobrem opus non tam mul-  
tis utile, quam mihi necessarium aggredior;  
& quamuis nostra extollere nobis minimè li-  
ceat, non tamen negligere decet. Tum præ-  
sertim, cum viuentibus illud etiam accidisse  
videam, quod aliquando magnis viris conti-  
gisse vidimus: vt scilicet nomina librorum  
nostrorum, à multis quærentur, & indies  
non deessent, qui apud Bibliopolas sciscita-  
rentur, quinam essent libri iam editi è no-  
stris, & qui non tam tabellas aliquando apud  
illos legi, frustra quærentium libros nostros  
nondum in lucem editos. Non enim ignoro,  
& si nullus nunc sim, & alios multos egre-  
gios viros suo tempore penè incognitos fuisse.  
Nam cum mortuis liuor non oblit: viuentes  
ided minore in precio habemus; quod &  
Octauianus Horatianus optimè docuit di-  
cens,

*Rara coronato plausere theatra Menandro,  
Riseruntque suum sæcula Maoniden.*

Non igitur vlli desperandum est, si bene  
studia sua collocauerit; sed elaborandum to-  
tis viribus ad virtutem & gloriam. Itaque  
multarum rerum causa hæc à nobis scribenda

sunt. Primòque vt sciant homines, quos ha-  
bere possint, quòsve debeant expectare ex li-  
bris nostris: tum verò vt si aliqua maneant;  
post obitum nondum in publicum ædita, vt  
nostra esse sciant, præsertim ea quæ non nisi  
à nobis possent inueniri. Noscant etiam quæ  
à nobis tractata sunt, quæ inuenta quòve lo-  
co doceantur. Simul etiam respondebimus  
his, qui nos de varietate criminantur: alios  
ab admiratione multitudinis ac magnitudi-  
nis librorum causa edocta liberabimus, acce-  
dit his singularis quædam vtilitas intelligen-  
di, quonam pacto facile, quis multa, & dis-  
cere & inuenire ac scribere queat. Ergo ne  
tot vtilitatis partibus, vnâ dieculam impen-  
dere poterimus? tum præsertim, quod & mi-  
hi præ oculis quasi incitamentum erit, ad per-  
ficienda quæ imperfecta sunt, tum dux viæ  
quidam, vt oportuniora ad corrigendum in  
manibus accipiam. Neque verò quisquam sa-  
næ mentis librorum varietatem culpet: nisi  
mecum Platonem, Aristotelem, Theophrastum,  
tum Galenum, Plutarchumque; ac Ciceronem  
Varronemque, ac Celsum, aliosque innu-  
meros in ius vocet. De paucis scribunt, qui  
pauca nouerunt; at qui multa sciunt, longè  
commodius per tempora modo in his, modo  
in illis versantur, eaque varietas scribendi,  
velut, & vitæ fastidium tollit, minuitque  
laborem: quo fit, vt qui nondum vno perfe-  
cto opere aliud inchoauerit, non propter hoc  
inconstantie crimen subeat, modo tamen  
multa ad finem breui perducatur, quod & Ari-  
stotelem ac cæteros fecisse video: nam non so-  
lum alia aliis temporibus scripserunt, quod  
necessarium vt est, sic ex styli varietate di-  
gnosceretur: sed multa eodem tempore; quo  
fit, vt aliquando tamquam de præcedentibus,  
aliquando de sequentibus, de eisdem tamen  
libris loquantur, & si dum Physica aut super-  
naturalia scribebat, nihil aliud interim scri-  
pisset, malè prorsus, cum tanta librorum  
multitudine actum esset. Desinant verò no-  
strorum, aut magnitudinem, aut multitudi-  
nem admirari, qui ea viderint, quæ Augusti-  
nus, Varro, Galenus, Theophrastusque scri-  
pserunt. Sed tamen illi iam ad senectutem per-  
uenerant: fateor inquam; sed & sua etiam



emendata sunt, nostrorum minor pars. Verum ego, postquam admirari non desinunt, noua ratione admirationem admiratione maiore tolami: nanque plures alios primo igne cremaui: horum verò qui supersunt, nullum non bis iam scripsi, editos omnes ter, denique si tempus, quod medendi exercitationi tribui consideres, nil reliquum, vel ad studia ipsa, vel ad voluptates, vel ad scribendum superesse videbitur. At contra, dum studij tempora metieris, nihil ad reliqua supererit. Sed tamen tempora voluptatum, etiam longe maiora fuere, ut qui per plures annos, totos dies ludendo consumpserim: & tamen tu qui me non mentiri scis defines admirari, quonam pacto sola adiutus sedulitate, tantam librorum congeriem scribere potuerim; si intelligas, nihil magis studiis aduersari, quam otium, plùsque vnum otium obesse rei literariæ, omnibus aliis vitiis pariter iunctis. Cum igitur nec agris excolendis, nec rationibus inuendis, nec otio, nec maledicentiæ, nec nugis aut spectaculis tempus tererem: quamuis etiã sero initium bis dederim, ut qui ad annum vsque vigesimum in patris seruitute perpetuo essem, hæc tamen etiam quæ nunc subiungam ad finem perducere potui: adiunxit tamen assiduitatem persæpe natura, & consuetudo quædam, qua duabus rebus, sine vlllo impedimento eodem tempore, incumbo & satisfacio. Itaque cum adhuc phebibus essem, morte Nicolai Cardani iuuenis territus, cœpi de vitæ breuitate cogitare, ac quærere, quonam pacto aliquid memoria dignum posteris relinquere possem. Sed cum in patris seruitute, & absque lingua Latina, forem Mathematicarum tantum peritus, libellum composui, in quo docebam, quonam pacto cognita longitudine ac latitudine duarum ciuitatum, aut duarum stellarum, veram illarum distantiam habere possemus. Erat liber exiguus, ac per capita diuisus, rem tamen probe absoluebat: nam tunc forte in manus meas inciderat, Gebri Hispani liber, cuius auxilio non parum adiutus sum. Hunc igitur cum Augustino Lauizario Comensi commodassem, illo ex peste præter opinionem mortuo amisi, nec vlla diligentia recuperare potui. Per idem tempus librum de latrunculorum ludo scripsi, quem anno ætatis xxiii. absolui; magnitudo Iustini historici liber, materna scriptus lingua, quod existimarem eos, qui ludis delectantur, minime maiore ex parte esse eruditos: diuisi autem illum in quatuor libros. In primo de ludo latrunculorum, in secundo de ludis fritilli, in tertio de ludis, ut dicunt chartarum, in quarto de alex ludis: ostendi ludos quadraginta, dolosque qui in eis fieri solent, rationes vincendi Arithmeticas, adeo admirabiles, ut multi qui librum legerint, nobis ex hoc in seriis rebus fidem haberent, industriam & mirram artem admirantes. Interim verò Grammaticæ & Dialecticæ operam dabam. Anno igitur eodem cum sequente, duos libros scripsi, Commentaria super Posteriorum primum Aristotelis, magnitudine Salustij, attamen non absolui: ea cum Octauiano Scoto commodassem, tum aliis, nescio quomodo exciderint, puto tamen absque dubio superesse. Scripsi & contrarias Aristotelis & Auerrois

in-dialecticis sententias, qui liber Terentij magnitudinem æquat, Contradiçiones circiter ni fallor centum, vel plures etiam; est nunc apud me & exemplar. Medicus quidam è nostris exscribi curauit, quod apud illum est, ita xxiii. & xxiv. annus peractus. Inter ludos & voluptates est xxv. In Sacense oppidum me contuli, quo anno ad mei institutionem, librum primum inchoaui vagantium morborum, cum duobus sequentibus annis reliquos penè perfecerim: nam liber tertius absolui non potuit. Magnitudo ut epidemiorum Hippocratis, materia de morbis est, tum miraculis, quæ circa illos acciderunt. Constitutiones temporum enarrantur, quæve illis successerint, atque vtinam melius librum tertium absoluissem, adiunxissemque alios. Sed per idem tempus, rogante amico, librum de re venerea condiditum librum alium sponte Chiromantiæ, quos ambos vrina felis corruptit. Inde succedente tempore ambos instaurauim: sed librum de re venerea perficere non potui. Porro Chiromantiæ, Cœclitis libro fermè æqualis est: Adiutus autem sum, lecto libro Fracisci Syrigati non parum, quod ille multa collegerit experimenta, quæ nondum in lucem prodire. Sed illo tamen mihi magis profuit methodus ipsa diuidendi, quam ex Galeno didiceram: ut libri ordinem, & facilitatem ac perfectionem assequerentur. Liber tamen de re venerea, Paradoxa Ciceronis non superat. Moris autem fuit nobis, ut quoscunque qui in arte aliqua scripsissent, prius legerem, quàm in eadem quicquam componerem. Per idem fermè tempus & ad annum vsque xxxi. duos libros magnos composui: alterum Aetij magnitudine, de Medicinæ regulis, in quatuor distributum. In quorum primo diffinitiones morborum omnium, & signa disposui, in secundo prædictiones & causas eorundem, in tertio curam simplicium morborum, in quarto compositorum: quod plerunque compositi morbi, contrarias habeant causas, Medicumque distorqueant, eoque magis diligentiam illi præter reliquos præstiti, quod nemo ad hanc vsque diem de his scripserit, nisi consulendi causa. Reliquum in quo Medicinæ sententias contrarias, quotquot inuenire potui, vnà collegi Græcorum, Arabum, Latinorum; hæc autem fermè quadringentæ, magnitudo libri ut Conciliatoris. Inde discedens anno xxxii. in oppidum Gallareate me contuli ob Medicorum Mediolanensium resistantiam, ibi tres libros construxi. Primum de fato, quod bis iam scriptum, nec tamen dignum editione, Terentij magnitudine; primum exemplar, apud Archintum Episcopum est, quod etiam longe minus eo, quod apud me est: ostendi autem ibi contra Alexandrum, quod solet dici, Ducunt volentem fata, nolentem trahunt.

Alterum de Astronomicis iudiciis, in decem libros diuisum, magnitudine Firmici, imitatus Ptolemæum in decimo: exempla ducentarum geniturarum adiunxi: nam plures prius erant, verum ut post dicam earum numerum minui. Tertium librum ad libri de occulta Philosophia Agrippæ confeci imitationem. Videns enim illum tam pulchrum inuentum, vana, & mendaci historia fœdasse, visum est, ut



13 vt eiusdem argumenti, sed veris collectis experimentis fabricarem, quem quoniam maior esset Strabonis libro, post in tres diuisi: docui autem, vires, naturam & miracula ibi elementorum, stirpium, metallorum, lapidum, herbarum, animalium, volucrum, artium, disciplinarum, curam animalium, veneficia, Alchimiam, decorationem; nec vlla in parte mihi magis placui. Porro cum initium illi dedissem anno XXXII. vix finitus est anno XXXXII. totiens mihi occurrit, quod adderem: quater autem scriptus est ad hanc vsque diem. Inde post menses XIX. quibus ibi mansi, annum agens XXXIV. in patriam reuersus sum, Archinti Episcopi persuasione, in cuius gratiam libros iudiciorum Astronomicorum fabricaueram, cœpique simul profiteri Arithmetica, Geometria, Astrologiâ. Conscripsi igitur in nouem mensibus, quibus legebam libros decem de circulis Sphæricis, octo autem erant absoluti, & totam circulo-  
 rum rationem continentes: nonus continebat tabulas, quas nuper inchoaueram. Feceram & dimidium decimi, de ponderibus & vmbri tractantem, cum ecce amicus ostendit tabulas eiusdem vsus, Ioannis de Regio monte: tunc Gabriel Arator quinque libros eiusdem autoris de circulis; tantundem igitur contristatus de his, quantum lætatus de tabulis, quod non leuem à me laborem sustulissent: seruare tamen librum meum decreui, quod plures longè propositiones contineret, quam Monteregij liber, quod lque propositionum ex Euclide nuncupatarum numerum contineant, qui in Monteregij, quod morte præuentus perficere non potuit: deest tum verò tabularum modus, vt ad compositionem longedifficilior: sic ad operationem longe aptior est. Euclidem igitur, hic liber magnitudine æquat; si tempus non dederit, addam quæ in Monteregij libro defunt, & ex duobus vnum perficiam, titulum illius relinquens nomini: etsi vtriusque argumenti initium dedit Geber nobis. Eodem tempore libellum de circulis scripsi, ad imitationem Campani; magnitudo vt Paradoxarum Ciceronis: materia est de motu in circuli periferia illorum mobilium, quæ temporibus statim mouentur, seu commensurabilibus actus, seu potentia prima, vel superficiali, secunda vel solida. Scripseram & antea: sed annum non teneo, libros duos: alterum de pituita, quod eo morbo diu laborauerim, magnitudine  
 16 Aëuarij, alterum de peste quæ anno à salute vigesimo septimo supra millesimum & quingentesimum villas vicinas inuaserat, magnitudine Academicarum questionum Tullij. Sed ad ordinem iam reuertor, cum hi libri nunc apud me absoluti sint. In fine XXXIV. anni, dum cessationis tempus esset, libros tres composui. Primum super primum ac septimū  
 17 Geographiæ Ptolemæi librum, magnitudine  
 18 Tulculanarum questionum Ciceronis, alterum super Sacrobusti de sphaera librum, magnitudine libri de Bonorum finibus. In quo multas à præcedentibus expositoribus prætermittas difficultates, aut male terminatas absolui: hi duo apud amicos sunt, quod mutuo  
 19 iam saepe illos commodauerim aliis. Sed tertius fuit elementorum super Euclidem, hic primo exiguus, ac quasi contemptus, sub ad-

uentu Ioannis Collæ Mathematici superau-  
 ctus à me, ac inde in tres libros diuisus: inde in septem, post in nouem, perpetuis tandem augmentis in quindecim euasit, & nunc est apud me absolutus: magnitudo illius vt elementorum Euclidis, propositiones nouiter inuentæ, plusquam quadringentæ. Docuit Euclides quadratum circulo inscribere: nos pentagono; ille circulum inscribit trigono; nos duos circulos cœquales inscribimus; ille figuras omnes similes proportionem seruare docet, nos in omnibus figuris æquilateris, & æquiangulis proportionem inter lineas subtensas inueniri ostendimus; ille corpora inter se contulit, nos corporum partes; ille lineas potentia commensurabiles inuenit superficiali, nos solida; ille docuit metiri rectilinea, nos quæ obliquis lineis continentur; ille ad mensuram agrorum aptior, nos diuidere docuimus; ille in Geometricis magis perstat, nos Arithmetica principia per illum ostendimus. Euclides omnia collegit, quæ in Geometria ab antiquis scripta essent, nos quæ inuenimus, suis autoribus adscriptis, nostris inuentis adiunximus, vno Archimede relicto, quem cum Archinto illi adiungere decreuimus. Sequenti anno interpretabar Vitruuium, & ne totiens ad eosdem labores redire cogerer, paraphrasim numero librorum, & magnitudine Vitruuij exaravi: in qua historias illius abditas & breues recito, obscura verba interpretor, mensuras declaro, machinarum structuram docco adeo diligenter, vt ne verbum reliquerim intactum. Eodem anno Ciceronis omnia volumina, vt dici solet, ad verbum legi. Tribus autem cessationis mensibus, cum multi inuidi dicerent, me literas Medicinæ nescire, quod totus Mathematicis viderer intentus, dierum X V. spacio, duos libellos qui nunc extant, edidi: alterum de malo medendi vsu, reliquum cui titulus est, quod nullum simplex medicamentum, noxa caret, hos quia excusi sunt, quales aut quanti sint, exponere superuacuum est: parui tanè sunt, & primi qui in publicum prodierint. Reliquo tempore vacationis, cum Archintus discessurus videretur, cœpi de rationibus meis cogitare diffidens mihi. Sed intelligens Pontificem Astronomia delectari, duos libros exaravi: alterum cui titulus Ephemeridum supplementum: alterum qui est de emendatione motuum cœlestium; hos denuo XV. dierum spacio ambos absolui: verum anno præsentis, additis LVIII. genituris ad nouem, quæ tunc aderant, libellum de genituris confecere, hosque tres simul denuo Germani impresserunt; quos quia notissimi sint, non est cur doceam, aut dicam, quid in eis contineatur. Absumpsi autem in secunda editione, quinque dies laboris: vt tres illi libelli, viginti dierum curam ad se traxerint. Tunc verò voto frustratus, nec cum Pontifice quicquam proficiens, per reliquos duos menses, tum etiam in posterum librum de Arithmetica magnis laboribus, plusquam foeliciter composui, quem post biennium ab initio edidi, omnes autem, cum publicatus sit, qualis sit nouerunt quem tandem denuo mutau, auxili, emendaui sic, vt XIV. libros contineat: absolutus quidem est, sed non emendatus, titulus eius, Opus perfectum, nec ab re: nam in primo libro



libro de integris agitur, ritusque Græcorum, Latinorum, Indorum, Hebræorum, ac Barbarorum explicantur, numerandi, multiplicandi, diuidendi, addendi, detrahendi, latera superficialia, vel solida quærendi, progrediendi. In secundo, omnia hæc in numerorum partibus ostenduntur, in tertio in irrationalibus. In quarto, in denominationibus, ac mixtis. In quinto, in proportionibus. In sexto quingentæ vires numerorū explicantur, cum vix quadraginta præcedens æuum potuerit inuenire: septimus, octauus, ac nonus mercaturæ dedicantur: decimus inscribitur Ars magna, continet sexaginta septem capitula: ex his quorum antiquitas vniuersa, vix septem potuit inuenire: vndecimus metiri ac diuidere superficiali docet: duodecimus eadem in corporibus ostendit facere: tertius decimus ac quartus decimus, quæstionibus Arithmeticis & Geometricis destinantur. In his vltra omnem artem, tum diligentiam, casus etiam, & nescio quis auxilio fuit, vt etiam multa per somnium inuenerim: tum ad quærendum confirmatus, nunquā fallente euentu ob quem successum, sub eodem biennio, decem libros de somniis fabricauim: in quorum primo generalem rationem illorum edocui. In decimo autem quotquot experimenta Græcorum, seu Latinorum historiis mandata sunt, vel mihi euenerunt, ad mille puto in vnum congeffi: intermedij octo libri, à rerum natura distincti sunt, coelestium, elementorū, herbarum & arborū, animalium, volucrum, piscium ornatus, & humanarum operationum. Per idem fermè tempus, cum nondum quicquid edidissim, hæremque in compositione librorum, paupertatis metu, per somnium ad scribendum aded sum confirmatus, vt illius imago etiam nunc me torqueat. Magnitudo igitur libri de somniis, Artemidori operi, quod in eadem facultate est fermè tripla, libri Arithmeticæ dimidio maior, quàm impressi. Sub eodem tempore, scripsi librum floridorum, seu Medicarum quæstionum, magnitudine Terentij: sed imperfectum. Tum verò librum de simplicibus, æqualem opusculis in medicina à nobis editis.

27 Scripsi etiam tres libros, in fine anni XXXVI. scilicet cessationis tempore, de vrinis, de purgationibus, de morbo Gallico: de vrinis, quod Galenum vidissim hanc solam partem reliquisse intactam, eius autem artem, in dissectionibus & pulsuum rationibus, quantum licuit sum æmulatus: liber est Tibulli magnitudine, ab experimento rationem assumens. Inde miro artificio causas ex differentiis venatus, libellum de purgationibus, eo consilio, quod Medici nulla re magis indigent, nec vlla in re frequentius aberrant; nacta occasione, ex variis, ac quasi contrariis antiquorum sententiis: cum tamen si rectè aduertamus, omiffa astantium cura, eadem omnibus fermè de purgatione sententia fuerit, nec vlla in re discrepent: sed multitudo, ac diuersitas casuum contradictionis speciem refert, liber Actuario æqualis. Librum de Gallico morbo, eo consilio scripsi: quod morbus ille, tam auxilia aded amplam considerationem requirant, pateatque illorum vis longe latèque ad alios etiam morbos: vt merito librum artis curatiuæ Galeni magnitudine superet. Interim quartum

librum collectaneorum, septem libris sum interpretatus, quos ad vmbilicum producere non potui: hoc autem vt magnos viros imitarer: quicunque etiam multa scripserunt, aliorum etiam scripta sunt interpretati, est autem liber totus, magnitudine libri Collectaneorum, & Auenzoar simul iunctorum. Sub illius anni fine, dum cessatio est, amicitiam Principis Alphonfi Auali illustrissimi consecutus, oportunè sanè: tunc vt illi gratificarer, librum de arcanis æternitatis inchoaui, subiectum est primi libri: nam in tres illum diuisi ob magnitudinem, vt ostendam mundum aduersus Peripateticos, suffragante historia, ratione, exemplo, initium aliquod habuisse, non tamen constare, quomodo habuerit, vt etiam certum est moueri sic stellas, cum tamen nondum modus aut ratio eius motus potuerit explorari. In secundo ostendi, regna omnia certos temporum limites habere, tum leges ac familias, qualèsq; hi sint fines, & vnde exoriantur: ostendi etiam successiones, non vltra quartam decimam prolem extendi posse, historiis innumeris, rationibus naturalibus, firmissis authoribus, sacra pagina & sapientum. Verum in tertio de ratione extendendi imperia, tuendique, ac instauratione militaris artis, de ahimi etiam immortalitate multa dixi, de prodigiis omnibus copiosè, tum de legis etiam naturæ argumentis. Redundauit multitudo sententiarum ac autoritatum ita, vt liber alius, non paruus confurgeret. Scripsi igitur accusatoris librum, ac de sapientia alium: Primum vero in tres diuisi, ac sub nomine libri de Consolatione edidi in lucem; librum autem de sapientia, in quinque diuisi. In primo de diuina sapientia, in secundo de naturali, in tertio de humana, in quarto de dæmonica, in quinto de his qui lapsi sunt, quonam pacto commode se redimere queant: hic quia annectetur huic, non erit vltèrius explicandus, deductus est autem ad vmbilicum præsentis anno, scilicet ætatis meæ XLII. in anni ipsius fine; verum libri de arcanis æternitatis, magnitudo dupla est libro de sapientia. Sequenti anno qui fuit XXXVIII. composui librum de supernis, eius tractatio, est de cœli substantia, motu, luce, magnitudine cuiusque eorum quæ apparent, de iride, grandine, comæis, areis, terræmotu, ventis, æstu maris, nimbis, pruina, niue, fulgure; magnitudo quanta libri Meteororum Aristotelis, cum Auerrois commento. Hoc etiam anno composui librum de facile parabilibus, ex tertio & quarto Canonum meorum libro extrahens, non ignorans Galeno tres tales libros tribui scilicet, qui & si omnes sui essent, non tamen hic noster superflueret, mutata tempora, alia est regio. Denique vnicuique temporum morbo non indiscere omnia conueniunt, quæ morbum illum iuuare possint, quod Galenus in eo qui suus est, tamen neglexit: magnitudo vt omnium trium illorum qui Galeno tribuuntur: hunc librum cum diu quæsierim, inuenire non possum. Eodem anno cum instrumentum nobile motus omnium Astrorum effingens, illustrissimus Princeps emisisset, quod aliàs viginti talentis aureis venditum fuerat ab authore, & nunc dissolutum, nullam spem restitutioni daret, Ianelli



Cremonensis industria instauratum, in desiderium me compulit, ut tam admirabiles machinæ symetrias, ac magnitudines, tum motus, ac formam describerem, tum maxime, quod iam de alio minore instrumento scripseram, annis ante duobus, tentavi igitur opus, aliquaque scripsi, sed non perfeci: nam otiosum hæc requirebant animum, & præsentiam machinæ, quæ tum non aderat, cum domi meæ esse nollem. At minus instrumentum typis excussum est, authoris primi Gulielmi Zealandini nomine suppresso; decet enim etiam, si tu per scriptum aliquid inueneris, quod ab alio prius sit inuentum; quamquam nullo ab illo habito auxilio, eius tamen nomen non præterire: nam & Aristoteles adeo famæ cupidus, vel saltem maledicendo nomina antiquorum Philosophorum posteritati commendauit; perexigua res libelli eius peracta est.

40 Succedente anno, tres libros de Christi vita superauxi, qui iam antea per triennium erant inchoati. In primo de his quæ circa eius natiuitatem acciderunt, in secundo de vita, in tertio de legis promulgatione tractaui: libri etiam de morte, qui in tres diuidebatur capita, distinxeram. Inueneram autem mira eius libri argumenta: sed somnio iam quo ad scribendum impellebar: ut sciam me librum illum non posse perficere, territus sum, ut ab eius compositione abstinuerim. Scripsi eodem anno librum secundum ac tertium epistolarum, etenim iam primum collegeram: transmutaui etiam ordinem: nam in primo XLIV. cœlestes epistolas posui, in secundo eas quæ libelli formam habent, in tertio familiares, quæ mihi dignæ memoria viæ sunt, clarorum Virorum ad nos, neque ad illos, liber minor epistolis Plinii, dimidio fere, quæ etiam magnitudine est liber de vita Christi. Sequentem totum annum, in emendatione librorum iâ editorum consumpsi. Sub initio anni XLI. admonitus sum, ut Græcis literis operam darem, somnio adeo clauo: ut protinus rei desperatæ incubuerim dies noctesque magna vi, cum Græcis libris solum versatus: studens autem, edidi Græcum introductionem, Sipontini regulis cœqualem, arte, ac breuitate mira quantum in me fuit, non enim veteranus, sed typo militabat, rum maxime *αὐτὸς ἑαυτοῦ* existens, expressi ibi vim, non eruditionem. Habueram sanè anno XXXV. initia Græcæ literaturæ: sed in quatuor mensibus adeo illa auxi, ut multa per horas legerem vix vel vnum inueniens impedimentum, facilem tamen, nec elaboratam requirebam compositionem. Interim animaduerti, lectis libris de consolatione, me nihil de amantium cruciatu dixisse. Protinus igitur, libellum de amantium consolatione, secundo libro de consolatione iam edito, æqualem edidi: quem aliquot ostendi amicis: inde denuo immutauim. Edidi eisdem diebus, librum de animi immortalitate, sub exercitatione Græcæ lectionis, Terentij magnitudine. In quo ostendi, Philosophorum omnium, ac legum, de immortalitate animi: vno Alexandro excepto, ab ipso Pherecide inchoans, eandem fuisse sententiam; docui & ibi causas dæmoniacorum

miraculorum, & vatum, ut ad naturam referri debeant. Præsenti anno, nimia intentione studij Græcarum literarum, labefactatus, nihil arduum molitus sum: sed librum experimentorum, mei causa collegi, non nisi in eo certa & admiranda reponens; augetur in dies, sed nunc admodum paruus est, minor Quinti Sereni libro. Cœpi & Galeni vitam texere, opus Celso non minus, si ex vngue leonem, adfunt cōparationes, opera, vita, sententiæ: collegi & fragmenta quædam, condidique librum artis Metoscopiæ DCCC. cum figuris humanæ faciei, magnitudo ut Tricassi chiromantia. Inde totus ad iocos conuersus, collegi librum epigrammatum, Catulli operibus æqualem magnitudine. Librum etiam Micylli in epitomæ redegi, quem coniunxi libro de Græcæ literaturæ institutione. Scripsi & conuiuium, seu de amore exemplum, ut puto prodigiosæ stultitiæ. Existimo enim, ut in rebus naturalibus, sic & in librorum compositione, quædam necessario simul cooriri, cum argumentis optimarum rerum, quæ fecerim quandam redeant, & si non aliis necessarium videatur, mihi sanè hoc contigit, ut etiam aliquando absolutos libros igni tradiderim, nec mediocris studij, vel contemptæ magnitudinis. Inter quos Arithmantiam, de peregrinatione trium sociorum, de hominis immortalitate, multa quoque alia deleui, quæ nunc enumerare inutile est. Quæcunque enim ad humani generis salutem, non profutura existimaui, si nocere cum hoc etiam possent, nullo modo superesse volui: & quamuis non scripisse videatur vtilius, non tamen sic est, neque enim animalia sine vrina, & excrementis viuere queunt: mundiora tamen essent si sine illis viuere possent ac elegantiora. Scripsi & hoc anno, de quatuor linguarum generibus, trito Italarum sermone, eius libri argumentum est, quænam linguarum harum, Græcæ, Latinæ, Italicæ, ac Hispanæ copiosior, ac aptior sit, ad exprimendam exacte animi nostri sententiam. Dialogus est, & vnusquisque partem suam tuetur: ut in quatuor libris, quatuor etiam linguis, viri totidem patrocinentur. Collegi & carmina, materina lingua, in librumque non paruum redegi, non tamen sunt absoluti, si finiantur, hi duo magnitudinem libri, de Florentinorum gestis Machiaueli cœquare poterunt. Facile est ex parte totum, ex argumento, rem ipsam colligere: Cum tot tantæque scripserim, haud dubie decreui, ab omni noua compositione librorum abstinere. Verum procedente tempore, imperfecta perficere destinaui, perfecta emendare, incomposita in ordinem redigere: nam cum præsentis libello, quem tanquam cristam confeci, hodie libri numerantur quinquaginta tres superstites, ac diuersi argumenti. Porro particulares autem centum quinquaginta octo: nam libri contradicentium Medicorum, quod prætermiseram duodecim sunt, tractatus autem duo ac septuaginta, Vitruuius autem libros decem continet. Hac igitur ratione, si omnes libros simul collegeris, totidem inuenies; tot igitur, ac tales libri nostri sūt. Data Mediolani. XIII. Kal. Octob. anni à salute M.D.XLIII.

(i. Sine pra.  
ceptore de-  
fms.





LIBER  
DE LIBRIS PROPRIIS,  
EORVMQVE ORDINE,  
ET VSV, AC DE MIRABILIBVS  
Operibus in Arte Medica factis.

AD NICOLAVM SICCVM  
*Mediolani Iustitiæ Praefectum.*



VM multi, N. Sicce, hoc nostrum scribendi assiduum studium non solum ciues, sed etiam exteri, qui in Vrbe nostra morantur, non probent: alij verò, quibus diuinius est ingenium, quærant diligentius quæ à nobis scripta, & quæ ex scriptis edita, quæ non: quidam etiam tantos labores tantamque sedulitatem admirentur, quomodoque fieri potuerit vt tot tantaque conscripserim, tamque varij argumenti, præsertim impeditus artis continua exercitatione: nonnulli etiam dubitent de his, quæ planè miraculis similia facta de me prædicantur, an vera sint, an, vt Medicorum vulgus calumniatur, partim non vera, partim temerario quodam ausu tentata periculose, licet felici successu, rogant, an aliam viam, quam quæ aliis sit in vsu, instituere coner, ac sequi consueuerim, omnibus his hoc vno opere simul respondendum duxi. Cùmque iam pridem libellum de libris propriis conscripserim, hunc ipsum illo sublato, ne bis de eadem re verba facerem, titulo eodem inscripsi. Verùm cum longè maior hic esset, pluraque contineret quàm prior ille, placuit vt & titulus libri augeretur. Difficilem sanè prouinciam me suscepisse intelligebam, vt qui de me ipso scribens vix calumniam subterfugere poteram, tum ob multiplicem historiam, rerumque varietatem, tum etiam vt fidem facerem his quæ à me scripta essent. Verum postquam toties à me scriptus, ac iam quindecies, non iam difficilem prouinciam, sed difficillimam aggressum planè me intellexi. Cum enim mihi ipsi non satisfacerem, vix fieri posse existimaui, vt cuiquam alij satisfacere possem. Etenim inter tot difficultates versabar, seu omnia narrarem, seu aliqua supprimerem, vt laudando conquerendoque par periculum subirem. Parùmque absuit, ne, vt in fabula, asinum in fossam abicerem. Verùm animo confirmatus pertasusque iam absumpti frustra temporis, conatus sum iacturam iactura, si possem, leuare. Atque id primum certis mihi rationibus propositis, sine quibus, vt reor, penitus impossibile esse duco opus hoc feliciter

absoluere. Earum prima erat, vt omnem animi perturbationem scribendo à me semouerem: ne, si voluntati meæ & præsentì etiam commodo forsitan satisfacerem, succedentibus temporibus liber his vitiis maculatus perueniret ad posteros, hominis irati speciem referens. Altera ratio fuit, vt vera constanter adicerem, nihil metuens, qui tot iam maiora pericula euaserim. Simul vt quæ omnino tuta non essent ita inuoluerem, vt ne quis dicta, quæ dicta non essent, contendere posset. Præscinderem verò solum minima, & quæ probari non possent. Ratus iuremeritò inter tot æmulos dubia pro falsis habenda esse. Quæ verò minima sunt, cum ad posteros peruenerim, curiositatem nimiam, & inopiam maiorum, & quam hi vocant pusillanimitatem, Græci felicius *μικροψυχίαν*, testantur. Itaque claris solum ac splendidis exemplis contentus ero, reliqua prætermittens, quæ, & si nobiliora sint, quia tamen teste carent, ficta videri possent. Hoc tamen solum me malè habet, quod cùm iam hoc primum anno hanc observationem inierim, maxima pars exemplorum perierit inter tot negotia atque curas, tum scribendi assiduum studium obliuioni tradita. Verùm & hanc quantulamcunque partem seruari omnino præstitit, quàm totam periisse. At cum mecum ipse reuoluerem, cui potissimum hoc opus dicaretur, neminem inueni ex amicis, quem tibi præferrem. Nam Reges, aut alios incognitos quærere, quibus libri dedicentur, hominis est aut plura de se pollicentis, aut plus iusto sperantis. Tu verò cùm nobilitati generis animi quoque splendorem adiunxeris, tum studium singulare, peritiàmque maximam liberalium, vt vocant, artium, meritò de his iudicium facere potes. Ego verò nomen tuum ac gloriam, quantum mihi fas est, ad posteros traducam, vt quemadmodum fortitudine & prudentia præsentì sæculo notus es vsque ad Indos, ita humanitate & erga studiosos amore futuris sæculis per me quoque innotescas. Simul hoc commodum nactus, vt quoniam peracta sunt hæc omnia in hac ciuitate, in qua non solum magistratu, sed propria potentia amicorumque multi



multitudine nihil te latere potest, fidem historiarum nostrarum adicias, ac veluti testis omni fide dignus assistas. Obtestor autem non solum te, sed alios quoscumque, qui nunc hac in urbe autoritate pollent, ut videant si quid à me hic falsò ascriptum sit, aut auctum vel immutatum: quod si deprehenderint, omnem fidem libello abrogent, nihilque verum esse existiment. Neque sese à me deceptos homines postea querantur, sed à te potius, hisque qui plurimum possunt in hac ciuitate, quos, ut exactores veritatis, in iudicium postulo. Quod si omnia hæc, ut se habent, referuntur, admonitos lectores, imo rogatos velim, ne mihi vitio vertant, quod plura de me loquar, quod meipsum laudare videar, quod vitam morisque meos, tum libros tanquam aliquid egregij, scriptis mandem, aut quod in multiplici scientiarum genere scripserim, quodve numinis fauorem testatus sim. Nam quorundam importunitate atque maledictis coactus sum fieri præco laudum mearum, narrareque publicè, quæ supra fidem in arte gesserim. Nò equidem gloriæ studio, sed ut illorum maledicta refellerem: Nec turpius mihi esse debet vera defensio, tamen cum laudatione mei ipsius necessariò coniuncta sit, quàm calumniatoribus falsa accusatio. Verùm quibus graue videtur, quod cum librorum meorum Elécho aliqua de me gloriosius scripserim, hi nihil agunt aliud quàm, quæ fatentur se Hieronymum, Augustinum, Ciceronem, Galenum, Erasmodum nunquam legisse, aut si legerint, omnino contempsisse. Namque hi omnes nec omnia scriptis suis mandarunt, quàmquam quidam obscurius, quidam diffusius. Nos tamè Galenum in primis sequuti, qui, ut ingenuum decet virum, apertè & sine dissimulatione aliqua hæc omnia complexus est, non solum à iusta accusatione, sed etià à calumnia titos fore nos existimamus. Quamobrem historiam ipsam iam aggrediamur. Annum agebam, ni fallor, decimum octauum, Geometriam solum sub patre edoctus, cum aliquando eum comitatus, ipsoque domum quandam ingressus, & me foris expectante (heredam autè plane trahi, ita diem illum memoria teneo) finis esset treretur. Itaque subiit mortis vehementis cogitatio & sollicitudo quædam, cum aulescentulus mihi mortè ipsam tanquam præsentem, aut saltem omnibus necessariam, proponere. Id quoque mihi durum videbatur sic vixisse, tanquam nunquàm vixissem. Seu verò id numine quodà impellente acciderit, seu iuuenili impetu, non facillè dixerim. Hoc vnum fat scio, ab ineunte ætate me inextinguibili nominis immortalis cupiditate flagrasse. Quamobrem eo ardore stimulatus, quod solum reliquum erat, cepi libellum velle conscribere de locorum distantia per longitudinem latitudinemque inuenienda. Erat enim mihi liber quidam antiquus de triangulis, Hebræi Hispani, citius auxilio, ut dixi, libellum de dignoscenda locorum distantia conscribere adortus sum: quem tamen perficere non potui, quædam enim deerant, quæ postea Monteregium docuisse animaduerti. Hunc autem, qualiscunque fuit, lingua Benuensium potius quàm Latina conscriptum, tradidi Augustino Lauisano Comensi à senatus libellis amico paterno. Paulò post decreui liberius in gymnasio literis

operam dare. Atque ita precibus matris & amici prædicti, minisque meis, ut qui omnino abire quoquo destinaueram, discessum in Academiam sequenti anno impetraui. Succedenti autem professus sum elementa Geometrica publicè Papiæ, tertio anno Mediolani mansi bello impeditus, quo, ne Academia frequentaretur, prohibitum est.

Interim mortuus est Nicolaus Cardanus iuuenis, annum, forte agens trigessimum, quem cum vidissem animam efflantem, adedò exterritus sum, ut toto triduo vix mente constarem. Atque ea cogitatione meditatus sum: exemplo illius Philosophi Galenici, librum De immortalitate paranda: conscripsi igitur, dedique amico eidem. Cum verò succedenti anno Pataviam me contulissem ob bellum, ut dixi, pestis maxima Mediolani sæuit, ex qua mortuus est amicus ille noster: & cum eo, ut fieri solet in his casibus, libelli mei bona quadam fortuna periere.

Interim verò librum quendam, quem Papiæ iam inchoaueram, eodem anno sub Francisco Memoria Bergomensis, auxi. Is est quem postea, suo loco ut dicemus, Contradictoria Medicorum est appellatus.

Anno quoque eodem scripsi folia quinquaginta commentariorum in quinque primas sectiones primi Posteriorum, quæ mutuo cum dedissem Octauiano Scoto, nescio quo casu, amissa sunt. Et tamen antea decerpseram Contradictiones, quas in libellum foliorum decem contuli, cuius initium est Prima contradictio textu commenti xxxix. Primi priorum. Necesse est aliquam præmissarum esse similem conclusioni, non solum in affirmatione & negatione sed in modo. Extat aliud exemplum huius libri apud Medicum quendam, eum tamen inter meos, quos superare vellem, non annumero.

Sequenti anno Rector Academiæ dictus sum, genio indulgi assidue, meumque morem sequutus aliquam mihi methodum, & de hoc constitui. Conscripsi itaque farraginem quandam De ludis, quam successu temporis in quatuor libros digessi: quorum primus perfectus est De ludo latrunculorum atque aliis, qui sola industria egent; est foliorum centum: folia intelligo similia his, quæ sunt librorum de Subtilitate, impressione Basiliensi, Initium operis, *Non per vitio alcuno*. Est enim materna lingua scriptus. Secundus est De ludis, qui à sola fortuna pendent, cuiusmodi Alea, Primeraque, de qua folia xx. estque pars ea perfecta. Tertius est De ludis, qui ex fortuna & occulta industria pendent, ut Trapola, Triumphique. Quartus est De ludis pendentibus ex fortuna, aperta que industria, velut fritilli ludi plerique. Ad voluptatem hæc scripta sunt. Dicebat ille,

*Arcus & arma tua tibi sint imitanda Diana.  
Si nunquàm cesses tendere, mollis erit.*

Accessit commodum, quo multa & varia scripsi, neque enim mens tandiu intenta vni negotio esse potest. Quod & Galenum, & Aristotelem, ac Theophrastum fecisse video. Dum eodem tempore modo in seriis, modo in iocis versantur: persæpe mentem ad celestia & superos erigunt: quandoque quæ ad mores attinent, tractant



tractant. Vt enim materia prima in formas diuersas pro tempore mutatur, ita intellectus in exempla rerum.

Anno sequenti, qui fuit salutis M.D.xxvj. contuli me in oppidum Saccenſe prope Patavium X. millibus paſſuum: atque ibi artem exercens ad annum uſque M.D.xxxij. manſi, quòd patria noſtra bello, & ſeditionibus, latrociniiſque vaſtata ac quaſſata eſſet: ibi primum farraginem immenſam, & ſupra ccc. folia ſcripſi Methodi medendi, quam digerere in quatuor libros propoſueram: nunc verò deſpero, quod verè male me habet, eſt, quòd in quarto eius operis collegeram auxilia ad morbos compoſitos, rem prorſus Medico vtiliſſimam: & ſerſan aliquando, ſaltem eum librum, abſolutam. Vt ſit operis titulus De morbis compoſitis, quandoquidem reliqua tractatio à multis peracta ſit. Eius vtilitas eſt ſic morbos curare, vt ſi aliis ſint coniuncti, eis non noceas, aut etiam proſis. Vix attinget hic liber folia centum.

ſcripſi & Epidemia, orſus ab anno M. D. xxvj. uſque ad annum M. D. xxxij. quorum initium eſt, Anno M. D. xxvj. die xxiv. Septembris, quæ mihi natalis fuit, contuli me in Saccenſe oppidum, magnitudo libri foliorum xxxvj. opus ſatis inconditum.

Ibidem conſcripſi libellum De peſte, qui interiit cum eſſet abſolutus.

Alium de pituita inchoaui, cui coniunctum fuit opus De Re venerea: ſed ambo hi libri corrupti ſunt vrina felis.

Conſcripſi etiam libellum Chiromantiæ, quem poſtmodum in libros De Rerum varietate tranſtuli.

Poſt modum, vxore ducta, redij in patriam menſe Februario, anno M. D. xxxij. valetudinarius, paupérque. Et vt Medicorum oppugnationem deuitem, Gallaratum me contuli. Conſcripſi ibi ſpatio xix. menſium librum de Fato, foliorum nunc eſt cxx. nam ter auctus eſt. Initium verò illius eſt: Omnes qui ſcribendo gloriam conſequi ſe poſſe ſperant. Diuiſum poſtmodum in quatuor libros. Sed libet tabulam non ſolum librorum, ſed etiam capitum ipſorum ſubiicere, quod etiam facturum ſum in quibuſcunque clarioribus voluminibus. Ea autem eſt:

### TABVLA LIBRORVM de Fato.

#### *Liber primus de Fati cognitione & Demonſtratione.*

- 1 De modo procedendi in hoc libro.
- 2 Quid ſit fatum.
- 3 Ea quæ ſunt, quatuor modis fieri.
- 4 Demonſtratio firmiſſima oſtendens omnia Fato fieri.
- 5 Quæ ſunt, quando ſunt, neceſſariò ſunt.
- 6 Differentiæ rerum, & neceſſitatis.
- 7 Quæ ſunt, à cauſis numero finitis neceſſariò fieri.
- 8 Omnia agentia naturalia vltimo conatu effectus ſuos producere.
- 9 Quæ ab appetitu & ratione reguntur, eadem Fati lege teneri.
- 10 Quacuſque cauſas propoſitas effectum ſibi proprium producere.

- 11 Ratio prima Fatum eſſe ſuadens, ſumpta à Dei ſcientia.
- 12 Ordinem tribus modis dici.
- 13 Ratio ſecunda ſuadens Fatum eſſe, à futuris ſumpta.
- 14 Ratio tertia ſuadens Fatum eſſe, à Fati ſubſtantia ſumpta.
- 15 De quinque ſignificatis huius nominis Fatum non propriis.
- 16 Autoritates Fatum confirmantes, & communis conſenſus de illo, & de tribus Parcis.
- 17 Experimentis probatur Fatum eſſe.
- 18 Fati quatuor ſpecies iuxta modorum numerum quibus ſit.
- 19 Fatum duplex ratione originis.
- 20 Si Fato aliqua non ſiant, nihil prorſus Fato fieri.
- 21 Fatum eſſe non ſolum neceſſarium, ſed totum immobile & indiuiduum, & an ſubſtantia vel accidens.
- 22 Exempla & mixtiones cauſarum quibus Fatum conſiſtit. Liber ſecundus continet rationes quæ aduerſus Fatum adducuntur, ſoluitque eas.
- 1 Ratio prima aduerſus Fatum à caſu & fortuna ſumpta.
- 2 Ratio ſecunda aduerſus Fatum à conſilio ſumpta.
- 3 Idè Fato conſilioq; ac caſu vel fortuna fieri.
- 4 Ratio tertia aduerſus Fatum ab his quæ contingunt, ſumpta.
- 5 Ratio quarta aduerſus Fatum à pœnis ſumpta.
- 6 Quantum interſit interponere Fatum & negare liberum arbitrium.
- 7 Fatum eſſe confirmatur autoritatibus ſacræ Scripturæ.
- 8 Ratio quinta aduerſus Fatum ſumpta à fluctibus maris.
- 9 Vtrum quælibet varietas in cauſis præcedentibus ſufficiat mutare effectum.
- 10 Quæ agunt certis temporibus atque proportionibus, & quibus agant.
- 11 Exempla temporum & proportionum in motibus naturalibus.
- 12 Ratio ſexta, quòd poſito fato Deus videtur eſſe iniuſtus & ingratus.
- 13 Ratio ſeptima, quòd ſi fatum ponatur, erit aliquid Deo potentius.
- 14 Ratio octaua, quòd poſito fato aufertur cultus diuinus.
- 15 De neceſſitate religionis.
- 16 De vtilitate religionis.
- 17 De damnis & incommodis religionis.
- 18 Ratio noua, quòd ſi fatum ponatur, potentiæ non erunt, nec omnis homo aptus erit riſui.
- 19 Ratio decima, quòd ſi fatum ponatur, futura proximiora non erunt certiora contra ſenſum.
- 20 Ratio vndecima, quæ docet non poſſe demonſtrari fatum eſſe, quia voluntas corrupta poteſt odiſſe bonum, & eligere deterius.
- 21 Ratio duodecima aduerſus fatum ab autoritatibus philoſophorum ſumpta.
- 22 Ratio decimatertia aduerſus fatum ſumpta à communi còſenſu, & maxime prudētium virorum, & eorum qui exiſtimationē apud homines magnam habent.
- 13 Ratio



- 23 Ratio decimaquarta, quod credulitas fati inutilis sit actionibus.
- 24 Ratio decimaquinta, quod fatum diuinationi, propter quam inuentum est, sit inutile.
- 25 Quod Astrologi, seu fatum sit, seu non, non possunt certe prædicere futura.
- 26 Quomodo diuinatione stante fato utilis esse possit.

*Liber tertius de generalibus consecutionibus ad Fatum.*

- 1 Diuinationem omnem à fato pendere, & quod triplex eius genus sit.
- 2 Prodigia quomodo futura doceant.
- 3 Prodigia debere his, de quibus sunt, proportionem respondere.
- 4 Prodigia quæ significat, & quæ sunt inania.
- 5 Prodigia cur à lege nostra reiiciantur.
- 6 Cur quædam, quamuis maxima, absque prodigiis fiant.
- 7 Modi meliores futura præuidendi.
- 8 Prælagia ex Astrologia.
- 9 Aliqua singularia comparata ad aliquas causas quoad quasdam conditiones possunt esse necessaria.
- 10 Prælagia ex physionomia.
- 11 Prælagia ex lineis corporis & nãuis.
- 12 Fati utilitas triplex: alia ad fortitudinem, ad incommoda ferenda, ad scientiam ordinis vniuersi.
- 13 Ea in quibus fatum est manifestius.
- 14 Mundi septem vincula demonstrantur.
- 15 Vinculum primum cum Deo, & quid ex hoc sequatur.
- 16 Vinculum secundum mortaliū cum cælo, & quæ sequuntur ex hoc.
- 17 Vinculum tertium cum causis naturalibus ordinatis, & quæ sequuntur.
- 18 Vinculum quartum vnitatis, & quæ ex hoc pendunt.
- 19 Vinculum quintum interitus & successionis in mortalibus.
- 20 Vinculum sextum Fati.
- 21 Vinculum septimum mundi cum homine.
- 22 Prælagia ex oraculis & Sybillis.
- 23 Prælagia ex somno.
- 24 Prælagia ex sortibus. De supplicationibus sacrificiis, & expiationibus.
- 25 Fatum in singularibus esse, sed tamen ad generalia per ea pertingere.

*Liber quartus de propriis considerationibus, quæ ex fato pendunt.*

- 1 Cognitio Fati in vnoquoque.
- 2 Naturalia maxime obnoxia feruituti, arbitrium minime, sensus mediocriter.
- 3 Fata legum.
- 4 De causis mutationis earum, & illarum autoribus.
- 5 De Prophetis, & causis eorum.
- 6 De causis celsationis miraculorum.
- 7 De dubiis & disputationibus inter leges & philosophos.
- 8 Fata Imperiorum.
- 9 Fata Prouinciarum.
- 10 De quinque calamitatibus vniuersi. Et quod plures esse non possint.

Tom. I.

- 11 De fine sæculi & fato in hominibus.
- 12 Signa senij Mundi.
- 13 De Mundi successionem secundum Principes intelligentias.
- 14 De Mundi successionem secundum ætates.
- 15 De his quæ in successionem principatus intelligentiarum in Mundo fiunt.
- 16 De his quæ in successionem ætatum Mundi adueniunt.
- 17 De eisdem secundum Apocalypsim. Et de terrestri Paradiso.
- 18 Simile dupliciter dici, quoad totum, & partem.
- 19 Similia quædam frequenter, pauciora raro, eadem nunquam.
- 20 Mentis & morum imago quomodo remaneant in scriptis.
- 21 De Animæ substantia.
- 22 Utilitas liberi arbitrij.
- 23 Liberæ voluntati discrimen in comparatione ad præterita & futura.
- 24 Eos, qui fato credunt, plerumque esse sapientissimos.
- 25 De causis errorum nostrorum.
- 26 De causis nostrorum calamitatum.
- 27 Esse ordinem quendam generalem ex quo tota fati lex pendet, & in quo comprehendatur: & operis totius conclusio.

Docent autem hi libri specialiter futura in singulis regionibus, hominumque sortem. Atque inter reliqua illud præcipuum est, non posse Italiam vnquam decem annis continuis sine bello magno esse. Et quamuis de Fato multi scripserint, velut Cicero, Alexander, & Pomponatius: Cicero tamen, vt cuius non esset professio, ornatius quàm verius scripsit: nec ea tractatio completa ad nos peruenit, sed ex duobus libris primus tantum: Alexander malè: Pomponatius tenuiter: nemo sufficienter. Verùm tractatio illa adeo utilis erat, vt prætermitti non posset. Nam fortes nos facit ad calamitates perferendas, prudentesque reddit eos qui felices sunt, dum norunt omne bonum & omne lumen datum esse de super.

Libros quoque de Astrorum iudiciis, quos nouem post annis edidi ter auctos, nunc verò redegi in decem. Primus est de principiis artis Astronomicæ pertinentibus ad motus & naturam syderum. Secundus de principiis artis prædicendi. Tertius de tabulis necessariis, earumque vtu. Quartus generales regulas iudicandi continet. Quintus de aëris mutationibus. Sextus de fame, bello, peste, ac similibus. Septimus de genituris. Octauus de directionibus. Nonus de redivis. Decimus de exemplis ducentarum geniturarum. Initium operis est, Hoc totum quod nos ambit. Folia continet circiter ducenta. Hic liber se habet ad Ptolemæi commentaria, velut Epidemiorum libri ad libros Aphorismorum in medicina. Est autem dilucidior commentariis. Tunc etiam librorum de Rerum varietate farraginem inchoauit, sed adhuc quorsum non intelligebam. Cum verò parum esset mihi eorum cuncti, totum tamen illud parum consumptum erat. Sed validudo restituta, virisque confirmata, & filio auctus eram. Itaque quasi è scopulo inaccessio me præcipitatus in mare, decreui in patriam redire anno



M.D.XXXIV. mense Octobris. Tum exigua spes affulsit. Munus enim mihi delegatum est profitendi festis diebus Geometriam, Arithmeticam, & Astrologiam, minimo tamen honorario Et illud etiam minimum suasu cuiusdam amici egregij præfeti Xenodochij imminuerunt: ita cum huius recordor, in mentem venit fabellæ illius Apuleij de annonæ præfeto. Sed transeat hoc cum aliis. Fatale enim mihi est à nullis deterius habere, quam à ciuibus meis & amicis. Erat hoc legendi institutum ex testamento patricij cuiusdam nostri Thomæ Plati. Vt verò magis audientes allicerem, pro Geometria Geographiam, pro Arithmetica Architecturam docebam. Hinc occasio nata conscribendi quinque volumina. Sed non tam occasio fuit quam somniorum monita. Quid autem acciderit, dicere non grauabor. Vix tres aut quatuor menses lapsi erant à tempore reditus in patriam, cum sub aurora nocte quadam videbar iuxta montis radicem cum toto humano genere, pueris, mulieribus, viris, pauperibus, diuitibus currere. Erat mons mihi à dextra anteriore parte vitibus arescentibus sine fructu, quales sub Autumno esse solent, consitus, reliqua medietas, quæ mihi à tergo relinquebatur virens tota, sed sola erica squallida etiam velut per hyemem esse consuevit. Itaque tam concitati cursus & tantæ multitudinis mecum currentis causam requirens, simul & quò curreremus, interrogans, respondit è sociis vnus, Ad mortem: hæc vox aded me exterruit, vt protinus montem, stipitibus vitium innixus, ascenderim: nam altera parte lubricus admodum & arduus nimis erat: cum verò pergerem vltra quasi euasurus, tam ingens periculum statim post verticem, ad quem iam conscenderam, voraginem obscuram & tetram, adeoque profundam conspexi, vt vel sola illius memoria me perterreat: nec vnquam eius absque horrore, quamuis per somnium res visa mihi sit, recordari possim. Itaque conuerso itinere per montis verticem, qui planus erat, retrocedens, herbida ac squallida illa parte paululum iam processeram, cum offertur mihi casa rustica vnico tugurio, atque eo ex palea sordida confecto, quales apud nos solent esse agricolarum pauperum: simulque puer pallidulus annum agens circiter xiv. cinerei coloris, sago indutus, quem ego manu apprehendens simul & ingressus, tugurioli & somnij finem feci. Intellexi ex hoc somnio me ad immortalitatis curam erigi. Iam verò animus aded euiluerat, spēsque ipsa defecerat, vt diu, quid somnium significaret, interpretari neglexerim. Credidi tamen in spem præter spem, vt sacra Scriptura dicit, & qualicumque modo conscribere aggressus sum libros spe quadam quasi edendi, cum nulla affulgeret. Hoc tamen somnium, velut initium nostræ gloriæ, si qua omnino est, eritue, in ectypis ex aduerso imaginis meæ depinxi. Interpretor autem ipsum sic: nam à numine eo, à quo seruatum me sæpius manifestè vidi, immisissum existimo: omnes mortales naturæ impulsu ad mortem properant, interitumque non solum præsentis vitæ, sed & famæ: consuluit genius vt ad virtutis montem ascenderem: iserat vitibus, id est, vita plenus, absque

fructu tamen, & absque voluptate: quoniam frondes aridæ erant. Ascendi laboriosè, idque ob paupertatem reliquaque impedimenta, futurum demonstrauit. Vitis tamen denuò frondescit, & fructum parit, subsequens sæculorum gloriam, alternamque vicissitudinem ostendens. Vorago illa, impedimentum, ne vltra humanas metas transirem, cum tanto impetu ad inaccessa deferret: reditus per ericas, vitam in fine suauem, sed tamen absque fructu, absque gloria, significat. Casa illa & puer quid ostendat, nondum intelligo. Atque hæc ita se habuerunt.

Verum vt ad ordinem redeam, eodem ferme tempore quindecim libros nouæ Geometriæ condidi hoc ordine: consequentia enim singulis propositionibus suo loco adieci, demonstrauique. Ita factum est vt quinque primis libris singuli respondeant, sexto autem duo, decimo vnus. Nam tres intermedij ad Arithmeticam spectant, vndecimo tres reliquis singuli, vt omnes numero & magnitudine elementis Euclidis æquantur. Initium operis, Cum duarum quantitatum. Docent hi libri figurarum diuisionem, tum inscriptiones, quas omisit Euclides. Principia quoque affectuum in quantitatis proportionem eandem habentibus demonstrant. Vtque ex vnaquaque propositione aliam elicere liceat, transitumque à superficiebus ad corpora: velut cum cubi latus diuidendo cuborum constituimus proportionem. Multa enim Euclides non tanquam inutilia aut ignota de figuris planis ac corporibus proportionibusque sed quoniam ad finem, quem proposuerat necessaria non erant, prætermisit.

Inde Arithmeticam artem conscripsi lxxviii. capitibus contentam, in cuius titulo variatum est, sed causam alibi declarauimus, eam tamen cum in opus perfectum transtulerim, præsentibus non annuero, tametsi edita sit.

Sphæræ etiam commentarium edidi: ita vocari solet opus quod à Sacrobusto conscriptum est. Extant hæc, velut & duo alia in primos Vitruuij de Architectura, quæ sunt apud Ferrarium. Destinaueram opus perficere: sed commodius visum est vt res potius sectarer, & quæ tractassem, in libros de Varietate Rerum atque de Subtilitate traducerem.

Simili modo etiam interpretatus sum primum ac septimum Geographiæ Ptolemæi librum, quæ commentaria & latine extant, & materna lingua à principe Istonij eleganter conuersa.

Tunc etiam libros de circulis Sphæricis, vmbris, atque ponderibus: sed rem à Monteregio peractam inueniens, destiti, solumque quædam fragmenta supersunt de ponderibus, & vmbris.

Hucusque multa parauit, sed nihil editione dignum. Vidi autem per somnium librum tribus coloribus depictum, qui mihi à patre ostēdebatur, delectabaturque me non solum colorum varietas, quippe rubro, viridi, aureoque distinctus erat, sed etiam multò magis res tractata: iamque cœperam libros hoc argumento de Varietate Rerum inscribere, ordinare, atque perficere: cum interim Ludouicus Ferrarius in domum venit, is adhuc puer conscripsit hos libros. Quo tempore, vt etiam in medicina aliquid



20 aliquid scire viderer, librum De malo meden-  
 21 di vsu confeci, & alium adiunxi, cuius titulus  
 erat, Quod nullum simplex medicamentum  
 noxa caret. Initium prioris est, Medicam ar-  
 tem antiquis temporibus: posterioris, Multos  
 ego vidi Medicos, amborum magnitudo fo-  
 liorum xvj. Porro in his duobus libris propo-  
 situm erat damnare quæ perperam aguntur  
 vitæque indicare, sed deerat occasio edendi.  
 Itaque forte fortuna aliàs cum in Academia  
 essem cum nemine contraxeram amicitiam,  
 nisi cum adolescentulo quodam pallido, qui  
 ultro ad me accessit, cum & ego, fatis ita vo-  
 lentibus, cuperem illius amicitiam, aliorum  
 autem ditiorum ac potentiorum aspernarer,  
 ita is mihi adhæsit, vt cum alio prorsus nesci-  
 ret omnino viuere. Mortuo patre factus est  
 dominus tabernæ Typographycæ, multorum-  
 que prælorum, vt certè videantur omnia no-  
 stra à quodam numine directa. Huic igitur  
 aperio consilium meum, libenter suscipit  
 onus, inquit: hoc paruum est quod propo-  
 nitur, etiam si tota impensa peritura sit, tui  
 gratia imprimam. Existimo tamen non ma-  
 gnâ iacturam me facturum: hæc ille. Atque  
 meritò suspicabatur cum ab omnibus con-  
 temnerer & oppugnerer, in artis autem operi-  
 bus negligerer, cur erat vt alios docere vellem?  
 Sed altius latebat fati mei consilium. Impri-  
 mitur liber, atque hic primus est editorum  
 lxxj. continebat abulus: secundo cum ab iis-  
 dem imprimeretur, centum complexus est.  
 Præcipua in eo sunt lasseris vires: præceptum  
 quod non agendo semper minus peccatur quâ  
 quippiam perperam agendo: Quanta occur-  
 rant considerata rectè agere volenti. Exce-  
 ptus quoque est à multis alacri animo, cessit-  
 que res aliter quam sperabatur. Sed & longè  
 aliter commodum, quod expectabamus ex illis  
 libellis. Nam non paruam retardationem at-  
 tulit ad gloriam in arte consequendam. Nacti  
 namque æmuli ex argumento libri occasio-  
 nem, dicebant, Nunquid modo dubitatis hunc  
 insanire? aliûmque medendi modum aliâ-  
 que, quàm nos, medicinam profiteri, cum in  
 tot rebus ritum nostrum acculet? Itaque meri-  
 tò, vt dicebat Galenus, qui tot insanientibus  
 contradicere niterer, insanire visus sum: cum  
 enim necessarium esset me vel illos aberrare,  
 quis mihi crederet contra tot probatos vsu  
 viros, diuites, senes magna ex parte, nec me-  
 diocriter eruditos, cultos vestibus, ornatos  
 moribus, facundia vulgari præditos, anticis  
 atque affinitatibus potentes, auræque popu-  
 lari in sublimem elatos, inde, quod maximum  
 erat, tot artibus ad cauendum ad fallendum-  
 que instructos. Ego verò pannosus, ita vt mihi  
 non conueniret illud, vestibus inquam homi-  
 ni surgit bona fama decusque. Itaque egregio  
 hoc meo inuento penè fame perij. Sed audi  
 aliud. Contigit autem hoc anno M.D.xxxvj.  
 medebat Comitum (ita vocant dignitatem  
 quandâ) Camillum Boromeum sanaueramque  
 à morbo satis graui, & cui alij opem afferre  
 non potuerant: ille non admodum tunc libe-  
 ralis in me fuerat, quòd pernoctare alio in  
 morbo apud illum, vt reor, noluissem. Itaque  
 deserui hominem. Forte fortuna transibam  
 iuxta domum eius, aduocant ad ancillam ægrâ,  
 vado, curo, sanatur intra biduum, paulò post

Tom. I.

puellus annorum septem, qui illi vnicus re-  
 manserat, ægrotat, conuolant statim ad me,  
 sed ea die monitus per somnium fueram, vt  
 ingens periculum, quod imminabat, cauerem:  
 diligentius solito rem tracto: video pulsûm  
 integra vna pulsatione quarto ictu & certò  
 ordine deficere: admoneo matrem de hoc: ab-  
 stineo à medicamentis validioribus. Quid plu-  
 ra? quarto die, cum morbus levis esse videretur,  
 extinctus est. Medici qui conuenerant,  
 cum me odissent, clam accusabant, dicentes  
 me morbum non intellexisse: sed cum non ha-  
 berent quod damnarent, siquidem, vt dixi,  
 somnio præmonitus ab omnibus potentiori-  
 bus auxiliis abstinueram, euasi periculum, nè  
 pater me occideret. Aded enim horum sica-  
 riorum maledicta famam meam læserant, vt  
 multis piaculum occidendo me facturos, si per  
 leges licuisset, persuasum esset: seruauitque  
 me Deus ab imminente periculo: cum non  
 multo post hi, qui mihi insidiabantur perie-  
 rint. Sed licet ab iniuria omni liberatus sim,  
 ille tamen, vt par est patrem vnicum lugentem  
 filium persuasumque quòd ex ignorantia mea  
 periisset, omnibus in locis pessimè de me lo-  
 quebatur. Successit & malo malum per idem  
 tempus fermet nam librum de Iudiciis Astro-  
 rum primum edideram: quod mihi famam  
 Astrologi iniunxit. Ita tot modis & insanus  
 paupertate, & Astrologus profitendo eden-  
 doque libros, & imperitus casu illustis pueri,  
 & modum alium medendi obseruans ex titu-  
 lo libri nuper edito, iam propè ab omnibus  
 habebat. Atque hæc omnia in Vrbe om-  
 nium nugacissima, & quæ calumniis maxi-  
 mè patet.

Sed hæc mittamus. Olim me solabatur ne-  
 cessitas fati in his, nunc video hæc omnia, &  
 Collegij oppugnationem felicissimè cessisse.  
 Nam cum tot aduersis tam multa mihi ne-  
 gotia incubuerint, vt vix explicare me potue-  
 rim: & quæ confeci opera conficere, quid fu-  
 tutum arbitraris si quid horum defuisset?  
 Nam præter immensam successuum felicitatem,  
 quæ semper me comitata est, ad hoc  
 exercitium totus natus videbar. Nulla enim  
 in re mihi defui: neque natura neque fortu-  
 na conatus nostros deseruit, aded vt nisi illa  
 obfuisent, quæ dixi, incomparabilem mihi  
 gloriam in hac vita comparassem. Sed Deus  
 ad meliorem me vocauerat. Conscripsi igitur  
 reuocatus ab eo exercitationis impetu,  
 duos libros Floridorum, id est Medicarum  
 disputationum. Vnum cuius initium est, Sa-  
 nitas est dispositio; qua vnumquodque mem-  
 brum perficere potest operationes suas: con-  
 tinet capita xxij. folia testum. Eius titulos  
 vt principalioris libri adscribere libuit: sunt  
 autem hi,

- 1 De sanitate & reliquis dispositionibus.
- 2 De spiritu.
- 3 De viribus.
- 4 De febre diaria.
- 5 De humoribus.
- 6 De febre putrida.
- 7 De membris.
- 8 De Hectica.
- 9 De febre pestifera.
- 10 De ventriculi morbis.
- 11 De Intestinatorum morbis.



- 12 De iecoris morbis.
- 13 De renum morbis.
- 14 De capitis morbis.
- 15 De Symptomatibus capitis.
- 16 De Symptomatibus Pectoris.
- 17 De Symptomatibus membrorum naturalium.
- 18 De Symptomatibus extremorum membrorum.
- 19 De Symptomatibus abscessuum & vulnerum.
- 20 De Symptomatibus variis & raris.
- 21 De Signis.
- 22 De Interrogationibus & agendis.
- 23 De auxiliis raris.

Proprius usus libri maximæque utilitas est difficillimas medicinæ quæstiones simplici oratione edocere. Ordinem quoque & facilitatem secuti sumus, ut si ad subiectam materiam respicias, adeo necessaria sit, ut sine horum cognitione Medicus esse non possit: sin ad facilitatem, quemlibet possit inuitare ad legendum: si ad ordinem, & facile inuenire possis, & inuenta memoriæ commendare. Summum enim studium nobis fuit, ut lectores & studiosos iuuaremus, postquam tot sunt quæ homines ab optimo opere auerunt. Pleraque autem ex his, quæ ibi traduntur, apud Galenum vix possunt inueniri, imò apud illum dubia atque obscura sunt, si modo sint. Seu quod prætermiserit, seu quoddam libri, in quibus hæc traduntur, intercederint.

- 23 Alter liber de medicamentis simplicibus, cuius initium est, Faba inuersa herba est.
- 24 Sub iisdem quoque temporibus libros octo conscripsi de Indico seu Gallico morbo.

Primus liber continet causas & originem huius morbi: Secundus, signa: Tertius generalem methodum curandi, utpote medicamentis, victus ratione, sanguinis missione: Quartus, curam per argentum viuum: Quintus, per lignum Indicum, corticemque eius, aquam, vinum simplex, compositum: Sextus, de cyna radice: Septimus, de Sarza Pazilia. Octauus de exquisitissimo modo curandi hunc morbum. Initium operis est. Hunc morbum initium habuisse. Magnitudo foliorum ccxxiv. Hi libri vnguenta & medicamenta mirabilia continent ac rationem curandi sublimem & singularem. Nonus morbus, noua curandi ratio, magnifica experimenta, methodusque medendi singularis. Habet enim hic morbus multa præcipua, magnitudinem cum lentitudine, varietatem magnam, species multas.

- 25 Per eadem tempora, quod somniis sæpius admonitus essem de impendentibus casibus, scripsi decem libros somniorum. Primus generalem illorum rationem continet. Secundus agit de generalibus simulachris. Tertius de hominis partibus, naturalibusque actionibus. Quartus de actionibus aliis. Quintus de homini adherentibus. Sextus de quadrupedibus. Septimus de auibus & piscibus. Octauus de Plantis, & metallicis. Nonus de rebus artificiosis. Decimus de exemplis, estque hic liber aliis iucundior lectu. Initium operis, à multis quidem neglecta est somniorum interpretatio: magnitudo foliorum ccclx. Excoluimus

hanc artem tamen de ea Artemidorus, aliique ornatè scripserint.

Tunc verò contigit ut quidam Brixienfis nomine Ioannes Colla, vir proceræ staturæ, macilentus, pallidus, subniger, cauis oculis, mansuetis moribus, tardus in ambulando, rarus verbis, ingeniosus, ac in mathematicis exercitatus, Mediolanum veniret: retulitque inuentas esse duas regulas Algebræ, ut vocant, cubi & numeri inuicem comparatorum, sciscitatus sum à quo, à Scipione Ferreo Bononiensi, inquit: Quis habet? dixit, Nicolaus Tartalea & Antonius Maria Floridus, sed Tartalea cum Mediolanum venisset, illas me docuit, quamuis satis inuitus. Has cum diligenter perscrutatus essem cum Ludonico Ferrario inuenta demonstratione alias innumeras etiam adinuenimus, ut ex his librum artis magnæ conficerem. Conscripsi igitur operis perfecti primum librum, cuius initium est, Si ab antiquitate aut necessitate. Et est foliorum xl. Tertium foliorum lxij. cuius est initium, Cum in radicibus quantatum, & quartum foliorum xxx. initium, Denominatio est numerus. Sextum quoque foliorum xcvi. initium cuius est, Numerorum alij dicuntur primi: Decimum, cuius initium est, Hæc ars olim à Mahomete, foliorum lxxxij. Primus enim est de integris. Secundus de partibus. Tertius de lateribus quadratis cubisque. Quartus de incognitis. Quintus de proportionibus. Sextus de numerorum proprietatibus. Septimus de mercatura. Octauus de redditibus. Nonus de his quæ sunt extra ordinem. Decimus de regulis magnis, atque ideo ars magna vocatur: atque hic solus ex omnibus editus est. Vndecimus docet planorum mensuras. Duodecimus solidorum. Tertius decimus quæstiones Arithmeticas, ut Quartusdecimus Geometricas. Hi libri complura continent singularia: primum quidem proprietates numerorum admirabiles, & maximè usque ad septem continua proportionem connexos. Laterum & solidorum ac superficialium vires, operationes, regulas generales inueniendi numeros occultos ex notis, quas Algebræ vocant, breues ac incognitos hucusque supputandi modos, multaque alia mira dictu. Si nos gloriaremur artem hanc à nobis inuentam, tamen de ea Nicomachus, Ptolemæus, Pacciolus, Boëtius, multa scripserint, fortasse non mentiremur. Nam neque centesimam partem eorum, quæ à nobis inuenta sunt, tanti viri attingere. Sed de hoc ut de aliis iudicium successoribus nostris relinquimus. Nos tamen ob id, perfectum id opus appellauimus, quod humanum sensum ferè excedit.

Tum verò Arithmantiam exaravi perfectique propemodum, & cum perfecissem, deleui licet enim ingeniosa esset, ac admodum delectabilis, quia tamen veritatis in se nihil continebat, & multorum malorum causa esse poterat, ideo protinus ut perfecti, laceraui discerpisquæ.

Postmodum cum artes & libros nihil proficere aduersus temporum & mortalium malignitatem viderem, sed potius intentum his abducere hominem à lucro famæque quasi dolorem leniturus, quod cogeret propositum relinquere, libros tres de Consolatione conscripsi:



conscripti : quorum initium est , Vtinam ex tot tantisque veterum monumentis, quæ barbarorum bellis interierunt. Magnitudo foliorum xxxvj. Primus generalem rationem consolationis continet. Secundus de mortis ac luctus consolatione. Tertius de consolatione infortuniorum quæ contingunt circa externa. Hos libros scio multos spernere. Nam felices his se non indigere putant : infelices, ad solatium miseriæ non sufficere. Et tamen felicitas moderationem, dum inconstantiam humanæ conditionis docent, præstant : infelices, si omnia rectè æstimare velimus, fortes reddere possunt. Nam nostra omnia momentanea sunt, & nihil aliud quam flatus & ventosus tumor est ipsa felicitas humana. Nullum medicamentum omnes sanare potest : sunt affectus animi qui prorsus sint insanabiles. Non tamen artis opus spernidebet aut Medicinæ, aut Philosophiæ. Arrianus & Plotinus adeo instant, ut parum talia referre putent, nos aliquid, sed multa falsò æstimari docemus. Impressus est hic liber ab Octaviano Scoto primum : deinde cum libris de Sapientia à Ioanne Petreio Nurembergæ. Id qua ratione contigerit, nunc explicabo. Neque enim, ut dixi, Octavianus sponte libros meos, neque libenter imprimebat iacturam veritus impensæ : Nam tamen lucrum fecisset in librorum. De malo medendi usu, impressione, id tamen in libris de consolatione postea compensavit : non solum quòd titulus & forsan etiam stylus non arderet, sed quòd Typographus ipse innumeros atque turpissimos errores imprimendo commisisset. Quam ob causam Librum de Astrorum iudiciis primum ego mea impensa Mediolani imprimi curavi, quòd esset exiguus valde, folia continens decem tantum. Verùm eo quoquo modo distracto, & etiam cum iactura, ubi libros de Consolatione tam secdè à Typographo Scoto conspurcatis vidissem, decrevi Practicam Arithmeticæ Mediolani excudere : satis enim constabat implexum opus, quòdque notis variis atque figuris indigeret, si alibi quàm Mediolani excuderetur, tum ob causas dictas, tum materiæ, quæ tunc nova videbatur, difficultatem, tum etiam exemplatis obscuritatem infinitos errores habiturum. Quod si Venetiis apud eosdem Scotos excuderetur, ne umbram quidem superfuturam : ut mihi omnino labor & gloria, Typographo impensa peritura esset. Statui igitur Mediolani librum imprimere, oblata est occasio : nam Bernardus Calusculus Bibliopola suis impensis id egit, suòque periculo, decemque coronatos mihi pro exemplari dedit. Tanti fuit nostra fortuna, nam mea impensa excudi non poterat : neque, ut dixi alibi, præterquam in vrbe nostra : nec, si non impressus fuisset, nostra monumenta inuenissent Typographum, continuo enim eo opere impresso cœperunt omnia commutari. Nam adieceram catalogum qualemcunque librorum nostrorum, quos vel scripseram vel cœperam scribere : & liber is distrahi cœpit in Galliis atque Germaniis. Ita cum tunc esset Andreas Osiander Nurembergæ vir eruditissimus Latinæ, Græcæ, Hebræicæque linguæ peritus, tum Typographus Ioannes Petreius bonis literis si quis alius fauens, inito consilio totis viribus me-

cum agere cœperunt, ut aliquod opus excudendum illis traderem. Atque ita initium gloriæ nostræ, si qua deinceps fuit, hinc ortum habuit. Ergo primum librum de Astrorum iudiciis auctum edidi.

Deinde per eadem tempora cum conscripserim tres libros. De Æternitatis arcanis, mox in septem diuisi, magnitudine operis & varietate argumenti motus. Itaque non solum librorum, sed etiam capitum, ob subiecti elegantiam, seriem subieci.

## TABULA LIBRORVM de arcanis Æternitatis.

*Libri primi de Deo, Mundi ortu, numero, magnitudine.*

### P R O O E M I V M.

- 1 Quænam supponere oporteat.
- 2 Quænam sint, & quot genera eorum quæ sciuntur, & cognoscuntur.
- 3 De modis quibus homines cognoscunt abditæ, & de afflatu generibus.
- 4 Dum esse vnum, & æternum.
- 5 Aristotelis supposita.
- 6 Aristotelis sententia & rationes pro mundi vnitæte.
- 7 Aristotelis sententia & rationes pro mundi termino.
- 8 Aristotelis sententia & rationes pro mundi æternitate.
- 9 Peripateticorum ratio circa Dei scientiam.
- 10 Supposita ex historia aduersus Aristotelem, & eius responsiones.
- 11 Oppugnatio responsionum illius.
- 12 Disputationis initium aduersus Philosophos.
- 13 Deum esse infinitum.
- 14 Deum cuncta scire.
- 15 Deum omnia posse.
- 16 Quòd non omnis potentia iuxta hominum opinionem, perfici potest.
- 17 Infinitum esse in mutatione.
- 18 Infinitum etiam in corporeis actu inueniri, & quid ad hoc Philosophi respondeant.
- 19 Species rerum non esse æternas.
- 20 Mundum initium habuisse.
- 21 Mundum generari & corrumpi rationibus à sensibilibus sumptis.
- 22 De interitu & generatione mundi.
- 23 Nihil esse æternum præter Deum.
- 24 Solutio rationis cuiusdam de stirpibus contra æternitatem.
- 25 Solutio rationum Aristotelis pro mundi vnitæte.
- 26 Solutio rationum Aristotelis pro mundi termino.
- 27 Solutio rationum pro mundi æternitate.
- 27 Solutio rationum Peripateticorum de Dei scientia.

*Libri secundi qui est De Mundi diuini, quem intelligibilem vocant, constitutione.*

- 1 Quæsitæ desideratæ & de decem generibus hominum.
- 2 De tribus substantiis.
- 3 De generibus Entis.



- 4 De Dei prouidentia.
- 5 Abyſſus diuinæ ſapientiæ & de cauſis maiorum.
- 6 Quomodo idem ſit vnum, & producat.
- 7 Quomodo idem ſit ſimplex, & felix.
- 8 Quomodo idem ſit neceſſarium & liberū.
- 9 Quomodo quod non intelligit, quæ intelligant, producat.
- 10 Vtrum vnum idemque ſimul ſit, ac totum.
- 11 De incorporeis.
- 12 De anima.
- 13 Animam humanam eſſe immortalem.
- 14 De eo quod eſt ſupra animam.
- 15 De dæmonibus & cultoribus aërearum regionum.
- 16 De mundi anima.
- 17 De Idæis, & quid ſint.
- 18 De Pulchritudine.

*Libri tertij, qui eſt de Mundi ſenſibilis  
conſtitutione, & ordine.*

- 1 De ſex mundi, ſeu vitæ generibus.
- 2 De conſenſu & diſſenſione partium mundi.
- 3 De cæli varia ſubſtantia.
- 4 De aëris regionibus.
- 5 De materia omnium.
- 6 Quæ in vniuerſo maiore ex parte aliquam inſignem vim habuere.
- 7 Cæli motum fieri per partes non commenſurabiles.
- 8 Dialectica oſtenſio, quod idem bis fieri non poteſt.
- 9 Anima in animalibus ex putredine genitis an cauſa præparationis, an præparatio cauſa animæ.
- 10 Mathematica cur aliter eſſe non poſſint.
- 11 Partium Orbis conſtitutio, & mores.
- 12 Species quæ, & quot, & de mundi ordine.
- 13 De imaginibus ſeu ſpeciebus ſenſibilium.
- 14 De ſpecie, & qualitate.
- 15 Cur hoc totum, & partes.
- 16 De Natura.
- 17 De mixtione generali.
- 18 De æternitate & tempore.
- 19 De eo quod potentia, & actu eſt.

*Libri quarti, qui eſt de ordine rerum  
humanarum.*

- 1 De mundi & hominis ſimilitudine, & æqua partium diſtributione.
- 2 De ſenſu & memoria.
- 3 De contemplatione.
- 4 De numeris.
- 5 De virtute & peccato.
- 6 De felicitate.
- 7 Congregationes an digniores ſingularibus.
- 8 De legum neceſſitate, uſu, & damnis.
- 9 De legum comparatione.
- 10 In omni falſo, veri, in omni vero, falſi aliquid contineri.
- 11 Moſem fuiſſe verum Prophetam.
- 12 Quibus argumentis Chriſti diuinitas oſtendatur.
- 13 Miracula fuiſſe vera.
- 14 Chriſti conceptionem, & illius atque Auguſti natiuitatem fuiſſe myſticam.
- 15 De Rerum humanarū æqua diſtributione.

- 16 Quod huius mūdi voluptates ſint inanes.
- 17 De quintuplici genere humanæ vitæ, ac ſine hominis.
- 18 De arte militari.
- 19 Imperia & regna eſſe animæ ſenſibilis.
- 20 Imperia & regna eſſe mundo neceſſaria.

*Libri quinti, qui eſt de ſucceſſionibus  
rerum naturalium.*

- 1 Quam difficilis ſit hæc tractatio de ſucceſſibus.
- 2 Quot & quanta accipere oporteat ad rectè prædicendum de futuris.
- 3 De triplici ſucceſſionis genere, cæleſti, naturali & humano, & eorum differētiis.
- 4 De xxj. generibus terminorum vitæ.
- 5 Quod mundus diu ſuperfuturus eſt.
- 6 Expoſitio verbi Chriſti, ego ſum veritas, quantum mundus durabit.
- 7 Quomodo in infantia mundi ſapientes, & Prophetæ ſeu vates.
- 8 Quomodo intelligenda ſint ea verba, & prædicabitur hoc Euangelium.
- 9 Qui dicantur magni nodi, & de cognitione temporum eorum.
- 10 Quæ in ſucceſſiuis temporibus fiant.
- 11 Qua ratione Mundus fluat per tempora.
- 12 De ſeptem calamitatibus generalibus.
- 13 De cauſis earum.
- 14 De ſignis præcedentibus eas.
- 15 De prodigiorum interpretatione.

*Libri ſexti, qui eſt de ſucceſſione rerum  
humanarum.*

- 1 Quanta ſit humanæ conditionis miſeria.
- 2 De duplici modo quo cunctæ res finiuntur.
- 3 Nullam legem poſſe eſſe perpetuam.
- 4 De legum interitu, & cauſis eius.
- 5 Signa mutationum legum.
- 6 De legum promulgationibus, & initiis, & Philoſophorum opinionibus, de fine bonorum.
- 7 Leges & regna, ciuitates & familia, certos habere fines demonſtratur hiſtoria, ratione naturali & Mathematica.
- 8 Libros & ſcripta ſapientum neceſſario interire.
- 9 Linguas & artes etiam ſuum habere interitum.
- 10 Quantam vim habeant mores & inſtituta.
- 11 De exitio imminente.
- 12 Quod in omni exitio imminente præuenit vnus, qui prædicit.
- 13 Nullum imperium vel regnum poſſe eſſe perpetuum.
- 14 De cauſis deſtruentibus regna & imperia.
- 15 Quod mutatio ſedis imperij deſtruit imperium.
- 16 Quod nulla ciuitas poteſt eſſe perpetua.
- 17 De ciuitatum vario interitu & calamitatibus.
- 18 Quod quæ ad vnum, & in vno, & quæ decedunt omnia calamitoſa.
- 19 Religio an vtilis ad artem militarem, & quæ & quomodo.
- 20 Quæ ſint neceſſaria ad obtinendum imperium vniuerſi.



- 21 Addita ad legem Christi impedire imperium vniuersi.
- 22 Gallos, Italos, Hispanos, Germanos, non posse adipisci imperium vniuersi.
- 23 Indiam Orientalem à Lusitanis, Occidentalem ab Hispanis, Hochelagam à Gallis defecturam.
- 24 Omnes qui sanguine proprio libertatem quaesivere, obtinuerunt.
- 25 De causa excidij Iudæorum.
- 26 De perturbationibus Mahumetanorum.
- 27 Circuitus esse in rebus humanis vt etiam in naturalibus.
- 28 De Christi Imperio, quando, & vbi erit.
- 29 De Causis repugnantiae in constitutione status cuiusque Reipublicae.
- 30 Leges ciuiles breuiter explicatae.
- 31 Exemplum generale de ciuitate Mediolanensi.

*Libri septimi, qui est de fine mundi.*

- 1 De fine mundi.
- 2 De prodigiis praecedentibus finem mundi.
- 3 De mundi reditu post interitum.
- 4 Breuis Epilogus historiae mundi.

Facile igitur est ex his quae capitibus ipsis pro titulis praescribuntur, materiam librorum coniectari. Difficillimus tamen liber est primus propter mundi numerorum magnitudinem, & vitam. Animi quoque & mentis unitas, immortalitas, consensus, & varietas, atque diuinitas non leuis.

- 30 Superfuit ex farragine illa folium vnum de sapientia, quod auxi primum, deinde in quibusque libris diuini, edidiqueus operis initium est. Quamquam omnium bonorum sapientiam diuinissimam esse constet. Agit autem in primo, de diuina sapientia: in secundo, de naturali: in tertio, de humana: in quarto, de diabolica: in quinto, de errorum emendatione, magnitudo foliorum lxx. Explicant hi omnem humanae vitae cursum, viuendique rationem. Explodunt vanam superstitionem, mortaliumque cupidam futura ex illicitis artibus praesciendi mentem coarguunt. Felicitati parandae hi utiles sunt. Sed mortales non adeo sapientiae praeceptis velut artibus atque scientiis indigere se existimant. Hi, si emendatiores in publicum prodissent, non erant paruae utilitatis: quandoquidem humanam vitam excolere non parum sit, cuius exemplo nos sumus, qui cum fato fortunaeque quadam vndique aduersa nati sumus, nec ex parentibus, aut affinibus, vel filiis, vel amicis, auxiliū habuerimus: ita tamen nos gessimus, vt plurimis vix persuaderi possit, non haec omnia mihi auxilio fuisse, quandoquidem alij vix cum his omnibus & statum & dignitatem tueri, & opes parare possint. Neque haec prodenda erant si vel metuerem: vel publicam utilitatem priuatae ac propriae non praefeream, haud ignarus haec omnia contra sapientiae praecepta prodire. Neque tamen hoc mihi difficillimum, sed id longè magis in vrbe nostra sapientiae operam dare, & gloriam in arte quaerere. Sed de his haecenus, nam inferius multò dilucidius explicabuntur.

- 31 Ex eadem farragine sumpta est materia libri, De animi immortalitate: cuius est initium, Saepè ac diu dubitatum est an animus

hic noster, folia continet lx. hunc ergo Gryphius anno M.D. xlv. vt alium Ioannes Petreius praecedenti anno, excussit. Docet hic liber animum nostrum esse immortalem: communique omnium sapientium consensu ex homine in hominem à supremo die transmigrare, multorum quoque mirabiliū quae circa mortuorum imagines contingunt, tum aliorum causas reddit. Hic certe liber medius est inter obscurissimos & clarissimos: humiles & altissimos. Velut qui de anima simpliciter tractat humilium est nobilitas, & qui de daemonibus nobilissimorum humillimus. De animi quoque immortalitate, Plato scripsit, sed ita vt per ironiam scripsisse videatur, dum seriis fabulas miscet. Illud quoque addimus quod praeter Aristotelem est non contra.

Simili ratione ex librorum De consolatione farragine librum, qui dicitur Consolatorius amantium, perficere destinaueram, sed maioribus intentus destiti. Perfeci autem primum contradicentium, quem impressit Octavianus Scorus, inde denuo cum secundo Gryphius, additi sunt tres sequentes, vt omnes sint foliorum circiter quadringentorum: superest & farrago pro sequentibus aliis libris, sed hic perfectos tantum connumeramus. Initium operis est, Vita hominis breuis est. Quilibet liber centum octo contradictiones continet. Fuerunt hi libri necessarii, nedum utiles, ne multorum librorum iactura fieret, quasi vel supposititij haberentur, aut à viro, cui non plena fides adhiberi deberet, scripti: & vt sciremus quibus in casibus haec, aut illa conuenirent.

Conscripsi & eodem tempore librum de libris propriis, imo non librum, sed potius tabulam deinde auxi, iterumque mutaui, donec ad hanc magnitudinem, huncque ordinem redigeretur. Non tam necessitate eorum quae adiciebantur in dies, quam etiam certo iudicio liber hic tam saepe mutatus est. Iconem ergo quandam mihi in eo proposui omnium eorum quae à me conscripta sunt, non solum ad memoriam confirmandam, eligendisque mihi libros quos prius absoluerem, & castigarem: sed vt doceam quibus causis, temporibus, quoque ordine talia conscripserim, & vt vim numinis suo loco testarer. Imitatus sum in hoc scribendi genere Galenum, & Erasmus, qui ambo catalogum librorum suorum scripserunt. Quod si Erasmus maiore fuit autoritate, licuit imitari, si minore, cum rectè fecerit, mihi licuisse constat. Plura de hoc non adiiciam, cum semetipsum prodatur.

Anno M.D. xliij. Florentiam inuisi. Deinde Senas profectus Franciscum Sfondratum praefectum vrbs, virum omni laude dignum, ac de me bene meritum salutavi. Is cum reuersus esset Mediolanum sequente aestate ob ingentia bella Academia in vrbe nostram translata est: abeuntibus etiam professoribus ob inopiam rei pecuniariae, locum eius accepi, qui Papiae iam anno M.D. xxxvj. pro me fuerat subrogatus, Medicinamque professus Mediolani, inde Papiae vsque ad M.D. lj. nisi quod M.D. xlvj. intermisi: scripsi igitur his annis commentaria in duas primas sectiones Aphorismorum, foliis cclxxv. quorum initium est



tium est, Intermissum diu ac penè interruptum legendi munus. Hæc autem cum Epidemiorum interpretatione in quatuordecim libros digeram, nec solum hos, sed omnes Germanos Hippocratis libros hæc expositio complectitur, non tamen omnia verba, sed solum sententias Aphoristicas. Apollo Aphoristicas sententias, quæ gravitate sensuum, & pondere verborum perbreuiter etiam scriptæ sunt. Itaque quod aliàs proposueram, scilicet ut totum Hippocratem commentarer, præstiti, nec tamen infinitum illud opus peregi. Reconditos sensus in omnibus commentariis eruere tum experimento, tum ratione, tum etiam ex eiusdem auctoris propriis verbis docui: quæ imperfecta erant, perfecì, dubia declaravi, & exponendo viam quasi mediam, ne in contradictionem trahi auctor posset, prosequutus sum. Generaliter autem hæc in omnibus: in his verò etiam totam Hippocratis, & Galeni doctrinam adieci. Nouis, sed tamen verissimis interpretationibus additis, quo illustrior senis sententia euaderet. Itaque iure meritò hæc commentaria omnibus nostris operibus præstant. Siquidem maturo iam annis consilio conscripti sunt: ac magis per otium: deinde quoniam vniuersam artem, licet generaliter tantum, amplectuntur: & diuini, ut ita dicam, Hippocratis sententiæ inhaerent, & finem habent nobilissimum, quippe artem parandæ aut seruandæ sanitatis. Quatuor enim artes totas quatuor voluminibus complexus sum Arithmetica in opere perfectò: sed & eam, ut dixi, penè etiam totam inueni: verum cum non adeò nobiles hæc ars professores habeat, non in tot manibus erit, tum verò etiam ob difficultatem. Astrologiam in commentariis iam supra Ptolemæum editis, sed & hæc ob difficultatem licet nobiles, paucos tamen habent lectores, tum magis quòd plures inuidos hæc ars sortita sit. Musicam in quinque libris restitui ab extrema iniuria vetustatis ac desuetudinis, amissis etiam libris qui de ea tractabant ob temporum longitudinem: sed tamen his libris pauci operam dabunt, quòd qui exercitatione illius non delectantur nec intelligent, nec curabunt artis principia & rationes: qui verò ipsam exercent artem, ab eruditione ac Mathematicarum scientia plurimum absunt. At commentaria hæc in Aphorismos & in vniuersam Hippocratis doctrinam, præter id quod totam artem amplectuntur, historia delectant, & utilitatem secum coniunctam habent, scribunturque eruditis, nobilibus diuitibus: ipsa ars in veneratione: ipsa auctoris fama inclita, cuius nomen colitur apud omnes, ad quos memoria eius peruenit. Ipsa tamen opera, quæ dixi, quatuor præstantissima sunt meo iudicio omnium, quæ à me conscripta sunt, tametsi non ignorem multos alios libros è nostris maiori in pretio apud multitudinem habendos: velut libri de Subtilitate, de Varietate rerum, de Arcanis æternitatis, & de Fato. Sed ni me fallit opinio, quatuor illa perpetua erunt cum humani generis ætate, hi autem à pluribus legentur: quo fit ut hæc commentaria, cum in utroque genere præstent, omnibus, quæ scripsimus, sint præferenda. Poterat & quatuor primis opus Metoposcopia adnu-

merari, quòd & in eo totam artem à me inuentam tradiderim: verum humilioris cuiusdam argumenti, & in genere coniecturali versari videtur. Sed ad ordinem redeo.

Succedenti anno scripsi in artem medicam 35  
foliis clxiiij. quorum initium est, Iam diu.

Rursus in sectionem primam Auicennæ 36  
foliis cl. initium, Hucusque diuersis cum ambagibus.

Interim verò conscripsi per ocium duos li- 37  
bros de Circulis, quorum initium est, Cum duo circuli se inuicem secant: folia xxiv. continent. Propositum fuit in eis ut obliqua multa rectilineis æqualia, imo potius non æqualia esse demonstrarem. Nam hoc quasi exemplum est diuinarum contemplationum. Id verò in superficiebus, & aliquantò mirabilius in angulis. Neque enim Euclides, aut Archimedes, aut Apollonius, aut Heber, aut alius quispiam, quòd sciam, de talibus scripserunt.

Anno verò intermissionis libros de Iudiciis 38  
Astrorum auxi, scripsi quæque alios xiiij. libros Metoposcopia, cuius operis initium est, Corporis totius significationes ex totius etiam habitu dignoscuntur: magnitudo foliorum clxxx. In primo igitur libro agitur de Physiognomia: in secundo, de significatis generaliter omnium linearum: in sequentibus septem libris, De significatione linearum iuxta Planetarum loca, à Saturno incipiendo, & ad Lunam descendendo per ordinem: in decimo, de lineis plura loca possidentibus: in vndecimo, de linearum mixtione, tum de lineis genuum, brachij, vmbilici, pedum: in duodecimo, de lineis in fronte mulierum: in tertio decimo de nauis & signis aliis. Fuit hoc opus totius nostræ inuentionis, præter primum librum, observationes tamen ab aliis sumptæ, & congruentes. Docent autem solo aspectu hominum vitam, naturam, mores, fortunamque agnoscere libri hi. Nec quisquam alius quòd id faciat, animaduertere potest. Nam lineæ ac signa illa non in manibus, sed fronte, quæ omnibus patet, obseruantur. Non paruum est omnino opus, cum vniuersam artem amplectatur, atque eò maius, quòd ferme octingentis figuris illustretur.

Eodem tempore cœpi librum experimen- 39  
torum, colligens quæ aliàs scripseram, quem perpetuò auxi, continet nunc folia ccx. initium cuius est, Omnis qui gloriam ex Medica arte consequi desiderat. Doceo quibus modis sanauerim syderatos, arthriticos, vrinæ profluvio tabescentes, ægrè spirantes, hæmopticos, vlcera praua, pestem, quartanas, melancholicos, comitiales. Peculiariora & propria medicamenta, & quæ regioni, & ætati nostræ congruerent, descripsi.

Eodem quoque anno condidi libros quin- 40  
que Musicæ, quorum initium est, Musicam neque ab antiquitate: magnitudo foliorum clxx. In primo libro agitur de generalibus artis regulis atque principiis: in secundo, de antiqua Musica, vbi de rythmis, carminibus, choris, saltationibus: in tertio, de Musica nostra: in quarto, de modo componendi cantilenas, & dicitur Contrapunctus: in quinto de structura & usu instrumentorum. Satis est in his libris nouarum consonantiarum scientiam me tradidisse. Historiam quoque rituum, & rythmorum,



rythmorum, antiquarumque modulationum, tum instrumentorum Musicorum compositionem omnem: vocumque in eis quarundam nondum cognitarum inuentionem.

41 Contigit autem per eadem tempora res mira admodum, & singularis exempli, cuius in Libris de Subtilitate memini, atque eo somnio xxj. libros eius argumenti scripsi, qui sæpius editi sunt. Est autem foliorum cclxxx. Initium operis est, Propositum nostri negotij est de subtilitate tractare. Librorum series hæc est.

*Tabula librorum de Subtilitate.*

Primus, de principiis naturalibus, materia, forma, vacuo, loco, corporum repugnantia, motu.

Secundus, de elementis.

Tertius, de celo.

Quartus, de luce & lumine.

Quintus, de metallicis.

Sextus, de metallis.

Septimus, de lapidibus.

Octauus, de plantis.

Nonus, de animalibus quæ putredine generantur.

Decimus, de animalibus quæ ex semine pro-  
ueniunt.

Vndecimus, de forma, & necessitate hominis.

Duodecimus, de illius temperamento.

Tertiodecimus, de sensibilibus, & voluptate.

Quartodecimus, de anima, & mente.

Quintodecimus, de inutilibus subtilitatibus.

Decimosexus, de scienciis.

Decimusseptimus, de artibus.

Decimooctauus, de mirabilibus, & spectris

Decimusnonus, de demonibus.

Vigimus, de intelligentiis.

Vigimusprimus de Deo, & vniuerso, atque  
ibi etiam de tonitru grandine, pluuia,  
& similibus.

Conscripti primò vnico folio, inde quatuor, post septem, inde auxi ad quinquaginta, & octuaginta demum cum editus est, nunc verò ad clx. integra folia peruenit. Vbi primum excussus est Nuringbergæ (nam & Lutetia, & Lugduni, & Basileæ) cessauit somnium illud, nisi quoddam in Scotia essem ea nocte, quæ præcessit cognitionem libri Micropresbyticom, cuius lectione maximè delector, tale quippiam, quod me iucunditate pertunderet, visus sum præ manibus habere. Itaque libri hi de omnibus generaliter tractant seu naturalibus, seu etiam artificiosis rebus, aut his quæ supra fidem esse videntur. Exemplis quoque & rationes, non omnium quidem, sed dumtaxat rariorum rerum, atque effectuum, adieci. Docui autem præcipuè causas eorum, quæ in superiore parte orbis sunt, elementa tantum tria, qualitates verò tantum duas esse, humorum species, ac naturam tam aptè distinxit, ut nunc primum intellecta ea ratio dici possit. Ventorum causas etiam aperui, rerumque maximarum tum artificia mirabilia ac spectra in abditis semper non tritis rebus veritatis. Quod si quid vulgatum sit, idèd admirabilius, cum in rebus adeò manifestis quantum lateat occulti, & ad altiores res exempli, intelligis: nota tamen hi libri amplectuntur, ut dubia libri de Fato, & abdita omnino

libri de Arcanis æternitatis. Tametsi enim libri de Subtilitate de abditis sint, ad illorum tamen causam experimento ac sensibili ratione ac quasi, ut ita dicam, per manus peruenire licet. Non ita in aliis quæ in libris de Fato, & de Arcanis æternitatis tractantur. Præterea hi successiones rerum humanarum continent, à quibus libri de Subtilitate, ut de naturalibus tantum tractantes, abstinent. Quæ de causa & de legibus, & de moribus quodammodo tractant, quodammodo non. Adieci autem demonstrationes: nec ad singularia, nisi exempli loco declaranda, perueni, quòd hoc in libris de Rerum varietate perficere destinassem, sed sine demonstratione. Itaque hi libri & quid tractent, licet pauca tantum de multis loco exempli adduxerim, & in quibus à cæteris Philosophiæ nostris libris differant, edocui-  
mus, ne quis titulis tantum librorum ex hoc opere inspectis, quædam repetita existimet, quòd similes tractationes contineri videantur.

Cæterum, ut ad ordinem redeam, sequenti anno Genuam inuisi, & ne nihil in via conscriberem, cœpi quatuor libros, De tuenda sanitate. In quorum primo agitur de his quæ ad sanos pertinent vsque ad iuuentutem: In secundo, de senibus: In tertio, de morbofis corporibus: In quarto de his qui alicui muneris addicti sunt, magnitudo operis folior. cccxiv. initium, Asclepiadem si quem alium mortale. Plura sunt in his libris quæ Galenus aut non attigit, aut saltem ab eo edita non extant, velut ratio coctionis in ventriculo, quies senibus vtilissima, aquæ caelestes quas vocant Elyxir, & aurum potabile. Regimen iter agentium, & eorum qui magnis incommodis subiacent, humorum discrimina ex libris de Subtilitate sumpta, præparationes, quoque ciborum, quas & si Galenus tradiderit, liber tamen eius non extat. Omisit etiam Galenus dicere quid tempus in alimentis faciat. Nec si quis libros de Tuenda Sanitate, de cibis boni & mali succi, & de attenuante victu in vnum iungat, opus simile nostro (absit iactantia dicte) facile efficiat: non solum quòd plura nos attigerimus, sed quòd quibusdam in partibus aliis principiis innitar.

Reuersus ex Genua scripsi folia quatuordecim operis de præceptis ad filios: cuius est initium, Cum multi, o filij, existimauerint. Hæc omnem sapientiæ rationem continent breuiter traditam, atque explicatam; neque enim exemplis, aut ratione, sed simplici admonitione indigent pueri. Docent autem & quibus modis patres familiās domesticos continere atque instruere debeant.

Anno xlix. ætatis meæ conscripsi libros decem problematum, quorum initium est, Cur Luna magis de nocte lucet quàm de die. Foliorum est hoc opus lxx. In primo libro de inanimatis agitur: In secundo, de animatis: In tertio, de moribus. In quarto, de legibus generaliter: In quinto, de lege Christi: In sexto, de lege Iudæorum: In septimo de legibus Mahumeti, & Idolorum: In octauo, de Repub. In nono, de successibus: In decimo de flagitiis. Soluuntur autem problemata omnia quadrisariam, Theologicè, Astronomicè, Naturaliter & iuxta Philosophorum Peripateticorum, Epicureorumque sententiam, qui cal-  
lidè



lidè omnia tractant. Propterea hi libri res varij argumenti continent.

45

Alium quoque librum materna lingua scripti foliorum clx. cuius titulus est, Technarum calidarum seu De le Burle calde: Initium, Fu nela inclita cità di Pauia. Harum & fabularum vnum & idem videtur esse propositum, scilicet delectare docendo, vt illud Horatianum communiter eis conuenire videatur:

*Omne tulit punctum, qui miscuit utile dulci.*

Veruntamen magnum discrimen est inter fabulas ac technas. Nam technæ historia constant, & amicè instruunt, & prudentibus conueniunt, & virum quantumcunque grauem delectare possunt: at fabulæ simpliciter docent, & pueris aut calumniantibus scriptæ videntur, his quidem, vt respondeamus moderatius: illis, vt aptius moneantur.

Sequenti anno contigit res rara, laborabat iam decennio illustrissimus vir Ioānes Amulthon, patria Scotus, Archiepiscopus Ecclesiæ B. Andreæ, grauissima spirandi difficultate, quæ illum fermè singulis decem diebus inuadebat: cùmque omnia tentassent frustra Medici, sui & affinis cuiusdam, vt audiui, consilio scripsit ad me, rogans vt ad illum curandum Lutetiam, aut saltem Lugdunum me conferrem, acciperem quantum vellem pecuniarum. Non leuem mihi futuram gloriam, ipsum venturum Lutetiam aut, si oporteret etiam Lugdunum. Ego, qui aliàs Gallias inuisere vel nullo compendio destinaueram, occasionem arripui, confisusque scilicet meæ in arte, confero me Lugdunum, neminem inuenio: tandem post xlvj. dies, ni fallor, aduenit medicus suus Gulielmus Casanatus vir egregius, non iam Lutetiam, sed in Scotiam vique deducturus: reuctor, tandem precibus victus, deducit in Scotiam. Sed dum itineri accingimur, atque in ipsa relictatione plurimi periere dies. Vltima, qua discessum parabamus, venit Ludimagister quidam ad me, consilium petit pro morbo grauido, offert pecunias: renuo: dicit se posse puerum ostendere qui dæmonas in vrceo videat, accedo: inuenio nugas, esse inter hæc loquimur de Orontij speculo ignem accedente, quod Archimedis inuentum esse sciebam: ostendit librum Archimedis impressum, quem Antonius Gogaua verterat in latinum. Tum ego librum inspiciens video alium sibi iunctum, scilicet Ptolemæi libros de Iudiciis, peto an venales sint, ille cogit vt accipiam, accepi tandem, dies enim festus erat vt emere non liceret, quo pacto igitur commentaria illa à me conscripta sint, in ipsismet retulisse me memin. Scripsi igitur foliis ccc. atque amplius nec minus scilicet in edendo quam scribendo. Et quamquam semel tantum editum, nullum tamen perfectius ex nostris operibus hoc in lucem prodiit. Initium cuius est, Libros hos antiquorum more de iudiciis. Additæ sunt præterea xij. genituræ exemplares. Et inter reliqua singularia præstat Christi genesis admirabilis. Quatuor libros hoc opus continet: in quo obscurissimum auctorem interpretatus sum, & totam artem complexus generaliter, nam singularia & propria ad libros de Iudiciis, de quibus supra dictum est, transtulimus.

46

Paulò post perfecti libros xvij. de Rerum varietate, quos iam pridem inchoaueram. Sed tres tantum erant. Visum autem est commodius vt in xvij. illud opus diuiderem. Hoc fuit quod Regi Angliæ Edoardo sexto admodum adolescenti, dum redirem è Scotia, ostendi. Folia cclx. continet. porro de vsu eius satis dictum est superius. Præcipua est tractatio de ventis, de piscibus, de dæmonibus, ac prodigiis. Sed libet tabulam subiicere, quoniam hic liber etiam diuisus est in multa capita, & quasi totus continuus miro quodam ordine esse videtur.

47

## TABULA LIBRORVM de varietate Rerum.

*Liber primus est de vniuerso, & partibus eius sensibilibus.*

- 1 Vniuersum, cometæ, ventorum ratio.
- 2 Elementorum natura.
- 3 Terræ genera, & natura.
- 4 Loca, & regiones.
- 5 Terræ miracula.
- 6 Aquæ natura, & genera, ac motus.
- 7 Aquæ miracula.
- 8 Aëris natura & genera.
- 9 Aëris miracula.
- 10 Elementorum artificia.

*Liber secundus, de mundi partibus diuiniioribus.*

- 11 Cælum.
- 12 Lux, & lumen.
- 13 Influxus.

*Liber tertius, de mixtis generaliter.*

- 14 Mixtorum proprietates.
- 15 Metallica.

*Liber quartus, de Metallis.*

- 16 Metalla.

*Liber quintus, de Lapidibus.*

- 17 Lapidum natura, generatio, differentiæ.
- 18 Gemmæ.
- 19 Lapidum miracula.

*Liber sextus, de Plantis, & productis ab eis.*

- 20 Plantæ, & earum differentiæ.
- 21 Plantæ aquam subesse significantes.
- 22 Plantarum miracula.
- 23 Plantarum cura.
- 24 Vinum, & acetum.
- 25 Succij alij, & mel.
- 26 Conuersatio eorum quæ à plantis proueniunt.

*Liber septimus, de animalibus & productis ab eis.*

- 27 Animalium generalis ratio, ac differentiæ.
- 28 Animalia imperfecta.
- 29 Serpentes.
- 30 Reptilium fugandorum ratio.
- 31 Quadrupedia.

32 Quadrupedum



- 32 Quadrupedum cura.
- 33 Quadrupedum proprietates.
- 34 Aur. s.
- 35 Aurum cura.
- 36 Aurum proprietates.
- 37 Pisces varij generis.
- 38 Piscium cura & proprietates.
- 39 Producta ab animalibus.

*Liber octauus, de Homine.*

- 40 Humana natura.
- 41 Sensus.
- 42 Mens.
- 43 Homines proprietates.
- 44 Morbi mirabiles, curæque superstitiosæ.
- 45 Communes calamitates.
- 46 Humanarum rerum finis.

*Liber nonus, de Motibus.*

- 47 Motuum generalis ratio.
- 48 Perennia.

*Liber decimus, de Ignis artificijs.*

- 49 Ignis vires, & alimenta.
- 50 Destillationes.
- 51 Chymica.
- 52 Viuri artificia.

*Liber undecimus, de Artificijs cõmunibus.*

- 53 Artes varia
- 54 Nauigandi ars.
- 55 Architectura.
- 56 Instrumenta, & vasa.
- 57 Compositiones pulchræ.

*Liber duodecimus, de Artificijs subtilioribus.*

- 58 Artificia mirabilia.
- 59 Ephemeridum compositio.
- 60 Chorographica descriptiones.
- 61 Occultatio.
- 62 Actiones mirabiles.

*Liber decimus tertius, de Artificijs humilioribus.*

- 63 Experimenta minima.
- 64 Scribendi instrumenta.
- 65 Luci seu decoratio.
- 66 Deliciæ.
- 67 Colorum, odorum, saporumque materia.

*Liber decimus quartus, de Diuinatione occultiore.*

- 68 Diuination an sit, & an in omnibus.
- 69 Ignea ostenta.
- 70 Aëris ostenta.
- 71 Aquæ ostenta.
- 72 Terræ ostenta.
- 73 Plantarum ostenta.
- 74 Animalium agrestium ostenta.
- 75 Animalium domesticorum ostenta.
- 76 Hominum ostenta.
- 77 Partuum ostenta.

*Liber decimus quintus, de Diuinatione artificiosa.*

- 78 Præfagia per singula genera rerum.
- 79 Chiromantica obseruationes.

Tom. I.

- 80 Striges, seu lamia, & fascinationes.
- 81 Miracula.
- 82 Auspicia.
- 83 Aruspicia.
- 84 Soni ac voces præter naturam.
- 85 Vocum varia ratio.
- 86 Visus falsa causa, & spectra.
- 87 Mentis præfagia, & oracula.
- 88 Præfagia tempestatum.

*Liber decimus sextus, De rebus præter naturam admirandis.*

- 89 Sigilla.
- 90 Magia naturalis.
- 91 Magia Artesij.
- 92 Præcantationes.
- 93 Dæmones, & mortui.

*Liber decimus septimus, de rebus dignis.*

- 94 Gentium ritus.
- 95 Linguarum varietas.
- 96 Vrbes resque aliæ insignes.
- 97 Thesauri.
- 98 Bibliotheca, & libri, ac vana vetustæ magnificentiæ exempla.
- 99 Resolutio à fine vnde vsus inuentorum.
- 100 Causa scribendi hos libros.

Cum verò rediissem in patriam, libros de Subtilitate & de Rerum Varietate, Commentariæque emendaui. 48

Sequenti anno Fabularum duos libros succissimis horis conscripsi. Fabulæ penè trecentæ: magnitudo operis folia lx. initium eius, Fabularum quidem originem. Puerulis hæ scriptæ sunt, & etiam viris, vt tamen opportunè eis vti discant.

Sub initio præsentis anni M.D.lv. conscripsi librum de aquæ vtilitatibus, quem iam scribere destinaueram, cuius initium est, Aquarum naturam ac genera: magnitudo foliorum xij. in quo doceo omnes morbos sola aqua, velut efficacissimo auxilio, sanare. 49

Cum verò nuper ægrotarem, Dialogum conscripsi, cuius titulus est, *Διάλογος*, seu De dedicatione, foliorum xl. initium eius est, Cum te, ô veritas. In quo doceo quàm ingrati sint potentes nunc erga eruditos: quodque idem sit esse fœlicem, probum, & eruditum. Quanam etiam sit ab obitu fœlicitas nostra, quæ vita, ac conuersatio, multaque alia præclara. Hoc verò anno M. D. lvii. duo admirabilia opera conscripsi, vnum quod Ars curadi parua inscribitur, quatuordecim foliis artem totam Medicam ita apte complectentem vt neque ea pars desit quæ ad manuum operationem pertinet: Chirurgiam nomine Græco appellamus, & diffusè satis, cuius initium est: Corpus nostrum Hippocrate teste. Id eo consilio effecimus vt & ad exercitationem promptissimè haberem signa & causas paratæque auxilia præcipua quæque. Et ad disputandum rationes, inuentionum modos & auctoritates. Res sanè dictu incredibile, nisi modum quo id fieri in vnaquaque arte posset, in libris de Subtilitate nuper adiecissimus. Alterū de vrinīs, quod in quatuor libros diuiditur: magnitudo fol. cxx. Initium: Cū præcipuarum trium docemus id primo genera & causas vrinarum, in secundo verò significata ex causis per se deprompta. In tertio significata ex morborū qualitate. In quarto compsitur 50

G

specierum



specierum indicia, tum ea quæ non adeò ad artem ipsam pertinent, necnon quæ supra fidem ex hac cognitione habentur. Tota tractatio demonstratiua est, noua nec à quoquam medico alio scripta, cum alia principia habuerimus. Eoſque autem processimus, vt ex hac sola cognitione doceamus morbos, tempora, exitus, ad miraculum vsque præcognoscere, vt vel hoc solo acerbissimum genus hominum deuinctum saltem in posterum habeam: nam artem paruam edere minimè proposui.

Hæc itaque sunt opera à me ad hanc vsque diem conscripta perfectaque, licet, vt dixi, plurima exciderint. Præter hæc autem innumera alia adortus sum, quæ tamen non perfecit: velut librum de facile parabilibus, vitam Galeni, librum de supernis, de quatuor linguis, de instrumentis Zelandinis, de purgatione, de vita Christi, de morte, Epistolæ cælestes, Grammatica Græca, Commentaria in septimum Collectaneorum. Multa præterea quæ nunc adhuc extant, è quorum numero sunt duo consilia de spirandi difficultate supra c. folia continentia. Multa etiam alia consilia scripta in Italia, Gallia, aliisq; regionibus, Encomia Podagræ, Neronis, Medicinæ ac Geometriæ, Orationes plus minus xx. in laudem eorum qui lauream susceperunt. Epistolæ familiares, atque inter has, consolatoria ad Franciscum Gadium, qui ex maximo statu inter sacerdotes, quos Canonicos vocant, B. Augustini, in carcerem coniectus miserè vitam ibi finiuit. Epistolæ etiam nuncupatoriæ de præstantia scientiarum, vita studiosorum, laude librorum, atque dignitate disciplinarum. Actio in Thessalonicum Medicum prima, cuius initium est: Laudo prudens consilium tuum. Oratio in laudem Collegij Mediolanensis: cuius initium est: Cum in omni. Hæ ambæ foliorum sunt xxx. Tituli librorum classicorum auctorum pars libri secretorum. Ars magna alia in Arithmetica. Farrago septem librorum aliorum contradicentium Medicorum. Farrago alia magna omnis generis. Declaratio magnitudinis Arcæ Noæ. Consilium an nocte homo hominem visu dignoscere possit, quod etiam impressum est. Quod verò omnibus maius est nullus liber minus quam ter scriptus est, cum aliqui etiam decies, plerique quinquies, vt Ars magna, libri de Subtilitate, sed nullus maior labor quam libri de Rerum Varietate, quem cum sæpius mutassem, demum traductis quibuscunque insignioribus rebus in libros de Subtilitate, ita illum exhausti, vt totus denuo conscribendus fuerit, atque ex integro restituendus. Videtur autem mihi hæc multitudo varietasque librorum somnio quodam vsque ab initio, scilicet dum librum de Astrorum iudiciis inchoassem, pauloque postquam aliud somnium videram quod me ad scribendum audendumque impulerat, demonstrata. Quadam enim nocte corpore exutus in cælo Lunæ cum patris anima esse videbar, sed cum illam non viderem, dixit, ecce ego tibi socius datus sum. Dum ego multa percūctari ab illo cœpi, ad quæ respondens inter reliqua me monuit vbinam essem, & quodd post vij. annorum millia in Mercurij cælum essem ascensurus. Inde post totidem annos in Veneris, ac dein-

de Solis, donec ad Paradisum, qui in mundi summo est, accederem. Hæc ego cum voluptate audiebam. Vanum somnium existimare poteram, ni tot postmodum scripsissem quæ Planetarum significatis congruere videntur, vt omnia quæ ad somnij interpretationem pertinent, complexus videar. Nam Paradisus libros de Arcanis æternitatis significare potest. Multitudo stellarum quæ in octauo orbe est, Libros de Rerum Varietate, & Subtilitate: Solis orbis, Medicæ artis libros: ab Apolline enim ars ea originem sumpsit, Arithmetica Mercurio Geometricaque, iocosaque Veneri, Moralia Ioui: Somniorum interpretatio Saturno & Lunæ, velut & reliqua quæ ad diuinationem pertinent. De ludis libri ad Martem. Sed iam tabulam librorum generalem subiiciamus.

### TABVLA GENERALIS omnium librorum.

|    |                                     |                   |
|----|-------------------------------------|-------------------|
| 1  | De locorum distantia.               | lib. j.           |
| 2  | De immortalitate hominis.           | lib. j.           |
| 3  | Commentaria posteriorum.            | lib. j. fo. 50.   |
| 4  | Contradictiones Logicæ.             | lib. j. fo. 10.   |
| 5  | De Ludis.                           | lib. iv.          |
| 6  | De morbis compositis.               | lib. j.           |
| 7  | Epidemia.                           | lib. j. fo. 36.   |
| 8  | De peste.                           | lib. j.           |
| 9  | De pituita.                         | lib. j.           |
| 10 | De Venereis.                        | lib. j.           |
| 11 | De Chiromantia.                     | lib. j.           |
| 12 | De Fato.                            | lib. iv.          |
| 13 | De Iudiciis Astrorum.               | lib. x.           |
| 14 | Elementorum Geometricorum.          | lib. xv.          |
| 15 | Arithmetica praxis.                 | lib. j.           |
| 16 | Commentariorum in librum de Sphæra. | lib. j. fo. 40.   |
| 17 | Commentariorum in Vitruuium.        | lib. ij. fol. 30. |
| 18 | Commentariorum in Geographiam.      | lib. j. fol. 20.  |
| 19 | De Circulis Sphæricis & vmbis.      | lib. j. fol. 8.   |
| 20 | De malo medendi vsu.                | lib. j.           |
| 21 | De vsu simplicium Medicamentorum.   | lib. j.           |
| 22 | Floridorum.                         | lib. j.           |
| 23 | De Medicamentis simplicibus.        | lib. j.           |
| 24 | De Indico morbo.                    | lib. viij.        |
| 25 | De Somniis.                         | lib. x.           |
| 26 | Arithmetica magna.                  | lib. xiv.         |
| 27 | Arithmantia.                        | lib. j.           |
| 28 | De Consolatione.                    | lib. iij.         |
| 29 | De Æternitatis arcanis.             | lib. vij.         |
| 30 | De sapientia.                       | lib. v.           |
| 31 | De Animi immortalitate.             | lib. j.           |
| 32 | Contradicentium Medicorum.          | lib. v.           |
| 33 | De libris propriis.                 | lib. j.           |
| 34 | Commentariorum in Aphorismos.       | lib. xiv.         |
| 35 | Commentariorum in artem Medicam.    | lib. j.           |
| 36 | Commentariorum in primam Auicennæ.  | lib. j.           |
| 37 | De circulis.                        | lib. ij.          |
| 38 | De Metoposcopia.                    | lib. xij.         |
| 39 | Experimentorum.                     | lib. j.           |
| 40 | Musica.                             | lib. v.           |
| 41 | De Subtilitate.                     | lib. xxj.         |
| 42 | De tuenda sanitate.                 | lib. iv.          |
| 43 | De                                  |                   |



- 43 De præceptis ad filios. lib.j.  
 44 Problematum. lib.x.  
 45 Technarum calidarum. lib.j.  
 46 Commentariorum in Ptolemæum. lib.iv.  
 47 De Varietate Rerum. lib.xvij.  
 48 Fabularum. lib.ij.  
 49 De aquæ vsu. lib.j.  
 50 *Allegoria*, seu de dedicatione dialogus. lib.j.

- 51 Ars medendi parua. lib.j.  
 52 De Vrinis. lib.iv.

Horum qui supersunt digestio à me in classes facta est: nam plures exciderunt, nec tam exciderunt quam in alios libros traducti sunt. Librum enim de locorum distantia, licet perierit, ante restitutum tamen in duodecimum librum de Rerum Varietate transtulimus. Dialecticæ commentaria, in contradictiones non maiore, sed meliore parte. Canonum Medicinæ in librum de morbis compositis. De peste, & pituita, & re venerea, in libros de tuenda sanitate primum, secundum, & quartum. Chiromantiam in decimum quintum librum de Varietate. Commentaria in Auerroem, in libros contradicentium Medicorum. Arithmeticæ Praxim, in opus perfectum. Commentaria in Vitruvium, in Ptolemæi Geographiam, in Sparæ librum, librum de supernis, vsum libri de circulis meliore, non maiore parte in libros de Rerum Varietate. Epidemia, orationes, encomia, consilia de Medicamentis simplicibus, Tituli librorum classicorum virorum, Epistolæ familiares, & nuncupatoriæ, consilium de notissima labe, expositio arcæ Noë adhuc exant. Abiuncti tanquam inutilia Arithman-  
 ciam, librum de paranda immortalitate, & Epistolas cælestes, Quæstiones in Biblia. Vt nostrorum laborum minima pars certè perierit. Nam libri de quatuor linguis, & consolatorius amantium, de vita Christi, de vita Galeni, de morte, Grammatica Græca, potius inchoati & farrago præparata quam conscripti. Sicut & liber de facili parabilibus, & quædam alia. Sed iam tempus est, ut quod propositum est absoluiamus.

TABVLA LIBRORVM,  
 qui editione digni à me  
 iudicati sunt.

*In quinque classes digestorum:*

PRIMA CLASSIS  
 MATHEMATICORVM.

- 1 Elementorum Geometricorum. libr. x.  
 fol. 150.  
 2 De circulis. lib.ij.fol.2.4.  
 3 Operis perfecti. lib.xiv.fol.320.  
 4 Musica. lib.v.fol.170.  
 5 De iudiciis Astrorum. lib.x.fol.200.  
 6 Commentaria in Ptolemæum. libr. iv.  
 fol.250:

*Secunda classis naturalium.*

- 7 De Arcanis æternitatis. lib.vij.fol.160.  
 8 De Fato. lib.iv.fol.120.  
 9 De animi immortalitate. lib.j.fol.60.  
 10 De Subtilitate. lib.xxj.fol.280.  
 11 De Varietate Rerum. lib.xvij.fol.260.

Tom. I.

*Tertia classis moralium.*

- 12 De Sapiencia. lib.v.fol.70.  
 13 Præcepta ad filios. lib.j.fol.14.  
 14 De Consolatione. lib.iv.fol.26.  
 15 *Allegoria*. lib.j.fol.40.  
 16 Tabularum. lib.ij.fol.60.  
 17 Technarum calidarum lib.j.fol.140.

*Quarta classis Medicinæ.*

- 18 Commentariorum in primam Auicennæ. lib.j. fol.150.  
 19 Commentariorum in artem Medicam. lib.j. fol.163.  
 20 Commentariorum in Aphor. libri xiv. fol.400.  
 21 Floridorum. lib.j.fol.100.  
 22 De Sanitate tuenda. lib.iv.fol.224.  
 23 De aquæ vsu. lib.j.fol.12.  
 24 De experimentis. lib.j.fol.210.  
 25 De morbis compositis. lib.j.fol.100.  
 26 De morbo Indico. lib.vij.fol.220.  
 27 De malo medendi vsu. lib.j.fol.16.  
 28 Quodd nullum simplex Medicam. libr. j. fol.16.  
 29 Contradicentium Medicorum. libr. v. fol.400.  
 30 Ars Medica parua. lib.i.fol.14.  
 31 De Vrinis. lib.iv.fol.120.

*Quinta classis extra ordinem.*

- 32 Metoposcopia. lib.xij.fol.180.  
 33 Somniorum. lib.x.fol.360.  
 34 Problematum. lib.x.fol.70.  
 35 De ludis. lib.iv.fol.200.  
 36 De libris propriis. lib.j.fol.30.

*Ex his autem atque etiam aliis in lucem  
 prodire ad hanc vsque diem  
 hi solum.*

- 1 De Sapiencia. Nur.lib.v.fol.70.  
 2 De consolatione. Nur.lib.ij.fol.36.  
 3 De Subtilitate. Bas.lib.xxj.fol.280.  
 4 De Varietate Rerum. Bas.lib.xvij.fol.260.  
 5 De animi Immortalitate. Lug. libr. j. fol. 60.  
 6 Contradicentium Medicorum. Lug.lib.ij. fol.150.  
 7 De libris propriis. Lug.lib.i.fol.30.  
 8 De iudiciis Astrorum. Nur.lib.x.fol.140.  
 9 Commentariorum in Ptolemæum Lug.lib. iv. fol.250.  
 10 Arithmeticæ Praxis. Mediol. libr. j. fol. 120.  
 11 Ars magna. Nur.lib.j.fol.83.  
 12 De Malo medendi vsu. Ven.lib.j. fol.16.  
 13 Quod nullum simplex Med. Ven. libr. j. fol. 16.

Collectus igitur numerus librorum, qui editi sunt aut editioni parati, exc. foliorum autem V.M. Hucusque igitur nomina, magnitudines, tractationem, vsum, præcipuæque librorum conscripsimus, ordinem quoque. Nam eo ordine legendi sunt quo etiam in classes fuere dispositi. Obiicient quidam arguentque me, quodd cum minimam partem librorum propositorum ediderim hunc librum tot pollicentem iam edam: quem post omnes editos aut saltem maiorem partem præstabat publicare: nam facile cuique est scribere se multos libros



composuisse, titulosque eorum, ac etiam capitulum publicasse. Ut vanitatis cuiusdam hoc exemplum potius quam emeritæ laudis dici possit. Atque ita esset si non plus laboris ac temporis in libris de Subtilitate & de Rerum varietate quàm in omnibus aliis simul inscriptum esset. Itaque non nisi editis libris de Rerum Varietate hunc in publicum emisi. Sciens ad reliquorum absolutionem vix tres menses requiri, ita ut castigati omnes intra quadriennium ad summum in publicum prodire possint. Itaque hæcenus de his satis. Nunc verò, cur scribendi munus hoc aggressus sim, nec temerè, exponam. Primum quidem numinis impulsu, deinde etiam ipsa rei præstantia, quæ me ad hoc inuitabat, demum quod nihilo ditior aliud faciens euadere potuissem nec foelicius vivere. Præsentiam quidem numinis mihi affuisse non dicam, sed tamen haud absurde forsan id mihi persuasi: quandoquidem primum monitus toties per somnium multa peregi multaque declinaui, quæ si euenissent, non hucusque peruenire potuissem. Quin etiam quasi coactus & ab aliis negotiis reuocatus sum ad studia. Neque inter tot oppugnationes aut victum, aut oppressum, vel impeditum, in tantæque paupertate nihil omnino defuisse maius mihi videtur, quàm ut sapientiæ meæ tribuam. Sed hæc minora sunt quàm ut forsan numinis vim attestentur: at toties seruatum diuina ope à peste, ab inimicis, à desperata intercute in infantia, nunquam cædi interfuisse, aut ubi quis vulneraretur, quamuis etiam accurrerem, imò nec in venatione, res mihi magna videtur. Denique natum hac ætate floridam, tot mira occurrisse, non sine numine credam. Quod si quis adiciat admonitionem patris per somnium, qua ad studia literarum excitabatur, profectò res mira videri possit hunc casum, si modo casus est, tot attulisse, tamque constanter præter opinionem. Sed iam ad alia transeamus, quilibet de hoc sibi, quod velit, statuatur, ego, quid credam, habeo; tum præsertim cum non monitus sim tantum, sed multa etiam edoctus fuerim per somnium, de quibus necdum cogitaueram.

Sed & si numen omne abesset, quod tamen non tam absque ingratitudinis vitio admittere possum, quàm absque iactantiæ suspitione negare, cum quilibet nouerit, qui ea quæ de Arcanis æternitatis legerit atque in eis fuerit exercitatus, esse verissima, nihilominus vel sponte hoc vitæ genus eligendo præstantissimum elegisse videor. Ut enim de Anaxagora ad Eudemum scripsit Aristoteles, interrogatus ille quinam foelix esset? Respondit nullum eorum quos existimas, sed qui à foelicitate alienissimus tibi videatur, animaduertat enim neminem nisi magnum, aut pulchrum, aut diuitem, foelicis appellatione dignum illi censeri, cum contrà sibi foelices beatique haberentur, qui iustis honestisque actionibus tranquille incumbere, diuinæque aliqua contemplatione participarent. Neque id congruere mihi quod ex Aristotele vulgatum est, existimauerim: scilicet quod pauperes diuitias, diuites sapientiam quærant. Etenim quamuis de numine, somniis, atque impulsu excusari possem, ostensurum tamen spero, etiam si proponatur bonorum finis ipsa voluptas iuxta Epi-

curum, optimum vitæ genus me mihi elegisse. Atque id tam apertè facere posse confido, ut nemo adeò sit huic causæ infensus, quem non in meam sententiam traham. Id verò commodius facturus sum si utilitates scribentium aliquod dignum nonnunquam inuentum mortalibus edocuerò. Itaque primum ab exemplis clarissimorum virorum iudicium sumendum reor, qui cum tot laboribus ac difficultatibus huic muneri addicti sunt. Quis enim Platone sapientior? Aristotele prudentior? Theophrasto doctior? Hippocrate grauior? Galeno acutior? Cicerone facundior? Cæsare Dictatore potentior? Hieronymo sanctior? Antisthene pauperior? Zenone melior? Cleanthe ærumniosior? Plinio impeditior? Sylla deterior aut imperitior? & tamen omnes conati sunt imaginem suæ mentis posteris scribendo relinquere. Quinimo alij sumptibus suis & industria aliena nomen apud posteros quæsiuerunt: Velut Iustinianus Imperator, Alphonsus Castellæ, ut vocant, Rex, & Constantinus Cæsar, ille leges, hic agriculturæ præcepta, horum medius tabulas Astronomicas reliquit. Ingenui magis hominis fuerat rem ut gesta est, fateri. Memorabile quoque factum Sostrati Gnidi fuit, qui cum turrim in Pharo Regis nomine ex ædificasset, exterius quidem obducta calce nomen Regis inscripsit: marmorì autem, Sostratus Dexiphanes Gnidius diis nauigantibus salutiferis. Quod etiam Mausoli Architecti fecisse ferunt. An ergo omnes hi desipere, qui non solum sapientissimi, sed etiam foelicissimi fuerunt? at dices, diuites hi erant & potentes, nequaquam. Nam Zeno pauper, Antistheni nihil fuit, Cleanthes verò noctu aquæ hauriendæ operam dabat pro hortis irrigandis, assidue verò studiis incumbebat, scribebatque de die adeò, ut lx. libros reliquisse feratur. Zenonis verò libri sunt innumerabiles. Sed iam ad rationem accedamus, primum quidem nihil esse delectabilius ipsa sapientia haud dubium esse debet. Ut tamen euidentius hoc sit, scire oportet omnem iucunditatem esse in voluptate, omnem tristitiam in dolore. Animalia igitur, quod sensu prædita sint, delectationem habent: plantæ autem non habent: aut si habent, exiguum ac quasi insensibilem. Sed cum animalia rationis expertia non cognoscant se affici voluptate, licet afficiantur, eorum longè minor est delectatio: hominibus autem maior, quoniam magis cognoscunt. Quia verò se cognoscere percipiunt, maxima, adeò ut harum foelicitatum interuallum pluries beluinarum foelicitatem contineat. Maximum igitur delectationis fundamentum est cognoscere propriam foelicitatem. Qui ergo adeò amentes sunt, ut non cognoscant infœlicitatem, nec valde foelices, aut infœlices esse possunt. Non est tamen foelicitas humana absoluta quod sit cum metu doloris, quod non sit diuturna, quod eodem momento non intelligamus & cognoscamus nos intelligere, sed paulo antè vel post, quod discrimen temporis, quamquam exiguum sit admodum, veratamen nos omnino esse foelices, adeò ut conueniant hæc duo tempora in vnum. Ob id igitur homines perfecta foelicitate non fruuntur, nec cognitio etiam humana est de omnibus, neque omni modo, nec perfecta. Vltimò non



non efficit ipsas res; intelligentiæ autem absque metumalorum, & semper, cognoscunt, & dum cognoscunt se cognoscere, simul atque eodem actu intelligunt: hisque tribus modis ab omnibus differunt, inter se autem quoniam plura aut pauciora perfectius aut minus absolute cognoscunt, non tamen faciendo cognoscunt. Hoc enim Dei proprium est, sunt & alia forsitan discrimina quæ intellectus meus non allequitur. Est & aliud maximum indicium quoddam humana felicitas in operatione consistat, quæ sit secundum cognitionem, nam vespere diem sequentem avidè expectamus, & si senes vna die fiamus seniores. Annos etiam persepe cupimus exactos, ut quoddam cum ipsorum cursu perfici debere speramus, habeamus absolutum. At mane diei finem non desideramus, quoniam exacta die nihil superest quod agamus, constat igitur animæ cognoscentis opus summum bonum in se continere, & ut Claudianus inquit, Ipsa sibi virtus pretium est. Cum igitur perfectio hominis summa sit, cognoscere se intelligere, qui scribunt legendâ: hac voluptate fruuntur: estque hæc vera mentis aternitas, cum eadem sententia perpetuo tempore maneat, & nostri pars melior. Ob id igitur sapientes conati sunt hanc meliorem sui partem scriptis ad nos traducere: atque id est commodum primum scribentium. Secundum est memorie ipsius confirmatio. Tertium est exercitatio honesta per quam etiam multa scitu digna nobis occurrunt, quæ alioquin incautos præterirent. Galenus verò cum principalem causam conseribendorum operum prætermittit, honestiorem quidem, sed longe minus efficacem subiunxit: scilicet preces amicorum quæ tamen nec nobis defuit, nam prædictiones ab Anglis, Mathematica à Germanis, Medica ab Italis postulabantur: naturalia verò ab omnibus. Gallis mortalia placuerunt, quæ forsitan vsui multis fuerunt. Si Epistolas omnes clarorum Virorum, qui ut ederem nostros labores, suadebant, in vnum congestissem, integra arca contineri non possent. Sed præterius multitudinis maximam partem earum ignibus tradidi. Verum ad institutum redeo. maxima voluptas est hominibus, cum se ipsos velut in speculo contemplantur. Nam speculum cum corporis tantum effigiem refert, magna tamen voluptate nos afficit, tamen si corpus pars nulla sit nostri, sed tanquam vehiculum solum. Etenim homo totus verè anima est scripta, igitur nostra cum legimus nos ipsos intuemur velut in speculo ipso. Adde quod effigies corporis ipso absente decedit, imago autem in animæ manet in libris, etiam si homo ipse non adit, quare forsitan melius libros picturis & statuis comparaueris: quæ tamen præter id quoddam, ut dixi, non nos sed nostrum opusculum repræsentant, nullus etiam Zeuxis, aut Apelles, vel Polyctetus tam ad vivum refert imaginem nostri corporis, ut scripta animæ. Distant præterea scripta à picturis & statuis, quoddam in omnium conspectu sunt: & ut immortalia à mortali, nam scripta renouantur augentque auctoritatem, translata imaginis amittunt. Atque id etiam scitum dignum, speculum hoc mentis cum contemplantur, tam nos, quam speculum, meliores reddit: corporum autem speculum & imago non ita. Quam-

Torm. I.

obrem Ovidium non aliud occultasse sub tam pulchra fabella Narcisi se ipsum in fonte intuentis reor, quam ut depingeret sapientem scripta sua perlegentem; hic enim verè ille puer formosissimus est animus noster sui imagine captus, sic enim inquit,

*Cunctaque miratur quibus est mirabilis ipse,  
Se cupit imprudens: & qui probat ipse probatur,*

*Dumque petit, petitur: pariterque accendit,  
& ardet.*

Quam putas esse voluptatem eruditi, cuius scripta iam leguntur, & placent: cum cogitat quod in Regum ac Principum cubicula penetrat, in manibus sapientum ac potentiorum versatur, diligitur à formosis; nam & mulieres legunt: alij auro vestiunt, commendaturque perennibus Bibliothecis, laudatur in publicis locis, suspiciturque à totius sæculi viris? Quod si contingat genium adesse bona esse quæ scribuntur, & rectè elaborata, subit spes tot futurorum sæculorum quibus perpetuo reuirescet: familiamque cum posteris ac patriam illustrabit. Quas opes cum hac vita conferes? cum tot Reges, ne dicam Principes & opulètos, temporis diuturnitas obruerit, ut ex decem millibus vix vnus supersit, Cleanthes autem qui dum viueret terram fodiebat, adhuc fama viuat innumerisque in libris refloreat? Quid dicam de his quorum libri ad nos perueniunt, qualis Plato, Aristoteles, Plutarchus, & absque numero alij? Sed age si quid melius habes his, opes erunt, verum non tam facile est parare opes, quam nomen, si quis à natura ad hoc sit institutus, subiacent hæc fortunæ, & labores inexhaustos, aut dolos, sceleratque facinora requirunt: maximè his temporibus. Itaque etsi meliores forent, non tamen tam tutæ earum acquisitio esset. Præterea & si bene succedat alea, grauis tamen & absque voluptate est acquisitio: nec licet simul acquirere & uti. Verum voluptas hæc ad posteros transfertur: sed forsitan filiis etiam parum proderunt, cum tot insidiæ ob eas illis immineant, hinc affines ex hereditate aucupium faciunt: dispensatores ac domestici subfurantur, tot lenones, sycophantæ, inde magistratus, & causidici, atque aulici, & quædoque Principes. Ipsi filij opibus inertes facti, nec se tueri, quin spolientur, possunt: nec spoliati, quid agant, habent ocio assueti. Deinde, ut de me loquar, si opes parandæ, erant, Medica arte nō aliter parare potuissem, at ea, si qua alia (gloria, quæ illam comitatur, excepta) tota seruilis est, plenæque laboribus, incommodis, sollicitudinibusque immensis, ac anxietatibus, &, ut verè fatear, ingenio viro indigna ut nō mirer olim seruorum fuisse hoc exercitium, illud potius malè habet quoddam nimis etiam me illi dederim, nanque ad hanc vsque diem supra decem millia ægorum curavi. Neque enim hæc vitæ meæ ratio lucrò obfuit, quippe quod solitudini detraxi, auctoritati adieci. Atque vtinam opibus comparandis nō plus obfuisset prodigalitas ipsa, atque incuria iā partorum, quam studia literarum & conscribendorum librorum voluntas. Si enim quantum auri ex arte accepi, referre vellem, vereor ne maior laude sit turpitudine, quoddam tantum profuderim. Neque tamen adeo me piget huius profusionis & incuriæ contemptusque pecu-



niarum, cum recordor Bionem Boristhenitem adolescentem heredem factum ab hereditate opulentiae hereditatis tabulas testamenti lacerasse. Cratem vero Thebanum supra centum talenta patrimonij diuississe ciuibus, quod exemplum securus est, ut ferunt, Apollonius Thyaneus & Peregrinus Philosophus. Sed dicet, hi, Philosophi fuerunt, nos de civili homine sermonem habemus, constat enim Socratem, & plerumque alios, maxime qui ex eius schola fuerunt, contempsisse diuitias. Sed quid dicet de Aristotele, qui ob veritatis studium in Euboeam concessit exul, & magna bonorum parte multatus? Quid de Philoxeno Poeta, qui cum nec Philosophus esset, nec satis bonis moribus institutus, ut qui gruis collum optaret, quique obscœne nimis vixit. Cum tamē sortitus in Sicilia domum esset & agros feraces, reliquit ea, dicens, *Μὰ τὴν ἡῆς ἐπὶ ταῦτα τὴν ἀρετὴν οὐκ ὀκνῶ, ἀλλ' ἐγὼ μὲν* Sed adhuc pugnant aliqui, Opes meliores sunt, eruditio & scripta vna hora parari nequeunt, neque vnius anni spacio: opes, Principis gratia, hereditas, thesaurus detectus, inuentio quæpiam noua, vna hora parari possunt. Opes possum sperare semper & si non habeam, delectet autem me illarum possessio, spes usque ad extremum lactare potest: At si opes habeam, quomodo sperabo iam senex euadere doctior & conscripturum opera, ni prorsus insaniam? Quamobrem meo iudicio & si numina non suassent, optimum tamen vitæ genus delegisse, & summum humanæ felicitatis apicem appetisse mihi videretur, ut in iudicio saltem non aberrauerim: postquam maior felicitas mortalibus contingere nequit, quam ut scriptis illustribus celeriter atque in omnium ore sint, ut contra nihil odiosius memoria scelerum & dedecorum. Quod verò ad Aristotelis sententiam attinet, satisfecimus, cum ille tum dandam Philosophiæ operam suadet, cum se ipsum & ancillam alere possit: at ego & filios & equos & anagnostas plures semper alui. At dicet, artis auxilio nihil refert, quandoquidem hæc studia ad auctoritatem, reliquaque commoda, quæ ex arte parantur, contulerunt. Denique illud considerandum, quod si vir fortis mortem sponte subire debeat ob voluptatem solum momento temporis ante mortem spe gloriæ consequendam, cur ego hos labores iucundos, hancque pecuniolæ iacturam, si qua sit, subire dubito propter voluptatem multò ampliorem, qua iam multis annis fruor, & in posterum fruiturus sum, non iactura vitæ, sed potius augmento, imo ne rei quidem familiaris iam in futurum, & forsan incremento? Constat etenim hæc opinio est studiorum maximas & raras occasiones splendidæque lucra oblata, quorum quædam recepi, quædam contempsisse.

Quin etiam alias Regum & Principum locupletissimas condiciones renui: non, ut plerique solent, iam quæsitas, sed sponte oblatas. Existimans longè melius esse liberum vivere atque in patria mediocribus opibus, quàm extra patriam & in seruitute opulentum & diuitem. Stultum enim est in tam breui vitæ curriculo mori ut viuas, aliquando infelicem esse, ut sis demum felix. Multi dum seruierunt mortui sunt: plures eum habitum corporis si-

bi comparauere, ut in posterum miserrimè semper conflictati sint. Plus etiam est non recipere, cum possis, quam voluisse, & accepisse, in hoc enim omnis ratio dignitatis manet illæsa, atque ideo honestius & honorabilius illud, forsan vtilius. Quærere etiam Principum gratiam his turbulentis temporibus adeò inutile & importunum existimaui, ut oblatam, quod multi sciunt, etiam hodie renuam. Quid enim inter tot bella peccatum, inter tot vestigalia & tributa tantamque rei pecuniariæ necessitatem sperari facile, aut etiam si offeratur, honestè recipi potest? aut inter tot adulatores qualis virtuti locus, aut qualis gratia studiosis inter imperitos? Mihi sanè satis felix esse videor, quòd metiar vires meas. Neque Alexandri gloriam, aut Augusti, optem. Nā prudentia est recognoscere vires proprias, suamque conditionem, quamquam multò illi minus fuerint felices, quam existimentur. Nihil felicius, nihil beatius studiis sapientiæ, cum illa nec violenti domini (hi sunt æstuantibus cupiditates, & animi perturbationes) nec necessariorum defectus impediunt. Hæc cum mihi studia pepererint longè plus acquisuisse videor, quam si Lucullianas opes mihi parafsem. Quàm dulce est atque iucundum scire quæ ante nos, & quæ supra nos sunt, quæque futura sint cum animus hinc discesserit, neque molesta vita, nec quæ post mortem formidolosa, ipse solus transitus naturæ lege grauis est. Cætera omnia, si sobolem excipias, tam parum mouere debent hominem diuina amplectentem atque in supremo illo mundo tam pulchro omnes curas, omnes mentis actus collocantem, ut facile in Pyrrhonis sententiam deueniam, qui omnia hæc indifferentia appellabat: adeò parum refert quomodo alea mortalium, horum bonorum, gloriæ, diuitiarum, amicorum, voluptatumque omnium cadat. Gratias tamen Deo ago, qui me penè quadraginta sex perpetuis annis sospitem seruauit, ut commodius sapientiæ studiis indulgere possem: quam occasionem iuui ut nulla ferè hora perierit à reditu in patriam, qui iam annis viginti duodus fuit, Horatianum illud aptè imitatus,

*Ibam forte via sacra, sicut metus est mos,*

*Nescio quid meditans nugarum totus in illis.*

Ut multiplici commodo sic frui contigerit, nam & meditata conscribere potui, & delectatione contemplationis firmam sanitatem in inualido corpore sum consecutus, & duplicem vitam egi: alteram qua anima cum corpore viuit & sensibus: reliquam, qua mens supercœlestia contemplatur. Itaque mihi sanè satis felix esse visus sum, tamen si paupertate tanta premerer quandoque, ut emptis libris ne obolus superesset: multique malè dicerent, plures etiam contemnerent, quominus miror Galenum dixisse se fuisse gloriæ contemptorem. Utque crederem persuaderi possem, si præsentis tantummodo meminisset. Verum postquam adiecit, & eius quæ ex conscriptis libris paratur, nescio quorsum tetenderint tam immensi conatus atque labores, si gloriæ non cupidus erat. Illud certè contenderim eos qui opum & honorum præsentium adeò sunt studiosi, non solum insanos & malos, sed etiam infelices esse. Nam & Deum,

*fidem,*



fidem, pietatem, & honestatem, vitæque quietem, imo vitam ipsam & omnem voluptatis sensum negligere coguntur. Et cum cætera vitia morbiq; animi finem omnia habeant, sola ambitio & avaritia infinita sunt atque perpetua. Avarus, semper malus, improbi alij quandoque etiam boni sunt. Multū ergo his studiis debere me sentio, quæ à tantis calamitatibus liberarunt. Ergo detractis à luxu & pompa pecuniis, commodis ac necessitati vitæ interuiui, anagnoscasque tres ferme semper alui. Sic in hac tam splendida paupertate quietus viuo.

Quamobrem malè agunt qui me tam imprudenter interpellant absque vtilitate: vt Germani plerique, ac Itali. Nam de Hispanis, ac Gallis, Anglis, Scotis, ac ciuibus meis hæc in re conqueri non possum: nec quisquam horum à negotiis absque munere me auertit. At illi, dii boni, ab incognito tanquam familiarissimo gratuitam operam tanquam debitam sine vlla verecundia exigunt. Quasi ego vnus illorum cupiditatibus explendis natus sum: cum tempus ipsum ager meus sit, & totum præmiis, & gloriæ, tum animi relaxationi mancipatum. Itaque desinant in posterum, rogo, mihi negotium faceßere. Omnis enim horula prædestinata est. Malignius quidam ciues mei faciunt, qui omnia velut & ius ciuitatis confundentes, conantur infima supremis comparare ac promiscere. Et homines sola garrulitate, dolis, ac patrociniis suis elatos peruasi à quibuldam grammaticulis in mei inuidiam extollere conantur, atque hi meritis illorum imperitia castigari perpetuòque excarnificati nullas malignitatis & stultitæ penas dant. Odi & tertium hominum genus quasi mixtum, quòd verbis quidem me extollunt ac laudant (qui mos nunc vt reliqua flagitia, impudentissimus inualuit) factis autem, re, atque iudicio damnant, quos pelliferos angues esse dixerim. Sed vt ad rem redeam, conatus sum non solum tranquillitate vitæ meæ, sed etiam aliorum, quantum licuit in hac ingenij mei mediocritate, consolare. Ob idque cum vita nostra beata bonis animi, corporis, ac fortunæ, tum voluptate constet, bonæque animi duplicia, alia quidem virtute & peritia rerum naturalium supernaturaliumque, alia humanarum meditationum scientia, in omni genere scripsimus, diuisimusque in classes. Præcipua tamen omnium sunt quæ ad sapientiam pertinent. Nam sicut canis mediocris conditionis elegantissima planta beator est, & homo mediocris fortunæ cane nobilissimo, & dæmon mediocri status homine beatissimo, ita sapiens mediocri fortuna felicior est fortunatissimo cum mediocri mente. Si quis enim beatus est, rex est: at non velles potius esse ceruum aut canem, quàm regem apum? Ita longe præstantior est dæmon vulgaris conditionis opulentissimo quocunque rege. Dæmon est autem quicunque sapiens est cum corpore. Et vt breuiter dicam, ac clarè eloquar non solum quod ego sentio, sed quod verissimum est, & mihi planè perspectum, hæc humana felicitas etiam cum sapientia iuncta somnium est: sine autem ea, fabula mera. Sed decipiuntur homines, cum non attingant limites sapientiæ.

Donec enim hærent sensibus, sunt auari, ambitiosique, inde ob id rapaces, perfidique, atque beatos se existimant, non secus ac qui scabie graui tenetur, cum se affatim scalpserit. Ob id ergo non bene iudicant homines de his quæ nesciunt. Optima igitur conditio humana animam habere præstantem, fecundam, ornatam disciplinis, rebus reconditis instructam. Credendum est autem in hoc his qui vtramque conditionem experti sunt. Nos enim per Deum fortunam nostram exiguam atque in ætate senili cum ditissimo iuvene, sed imperito, non commutaremus. Multò minus Aristotelem, aut Ciceronem, qui hoc apertè negauit se facturum, existimandum est. Minime autem omnium Platonem, aut Socratem, imò nec Epicurum ipsum voluptatis laudatorem. Vt ergo neque equo, neque puero credendum esset præferentibus conditionem suam tanquam foelicissimam, quòd aliam meliorem non norint: ita neque diuiti, qui sapientiam non norit, sapientibus foelicitate se præferenti, quòd talem se existimet ab aliis, que imperitis existimetur. Nam & pueri à pueris, & equi ab equis ea ratione beatiore iudicantur, & si aliter esset, quid prohibet ne nos diis beatiore arbitremur, cum quanta sit & qualis beatitas illa experimento non assequamur? Voco autem sapientiam eam quæ in libris de Arcanis æternitatis, de Fato, de Anima, de Subtilitate, deque Rerum varietate tradita est. Sed de his in libro de Dedicatione vberius atque plenius dictum est, quamobrem ad alia transeamus.

Interim ergo visum est mihi vt ante iudicium quod de me expectabam, aliqua in publicum darem, non solum ob causas quas superius retuli, & quòd difficile sit admodum mortali non sibi placere, sed vt tempestiuè experirer, quàm grato animo eruditi nostra excepturi essent. Neque hac in parte fortunam meam adeò acerbam expertus sum velut in aliis causis: nam cum primum in publicum prodire, statim in omnium manibus esse cœperunt: & tot eruditorum testimonio comprobari: vt nesciam an in propriis an in alienis libris nostra magis legantur: & an Galeno, aut Aristoteli, aut Archimedi id sua ætate contigerit, vt viuorum sententiæ in tot aliorum libris insertæ forent. Et quod vix post fata paucis conceditur, mihi vni multò ante à tot illustribus viris datum sit. Vt Laberij sententia illa bellè nobis conueniat, fortuna immoderata in bono atque in malo. Nam neque ego sperare potui, imò ne optare quidem ausus, vt me viuo viri plusquam quinquaginta, quorum maior pars inter classicos numerari potest, in suis libris nostris sententiis nominatim tanquam firmis testimoniis vterentur. Atque eo præsertim hæc maiora videri debent, quòd Galenus, qui nunc tantus habetur, sua ætate contemnebatur: vt ex illius testimonio in libro de ordine priorum librorum clarè videre licet. Inquit enim ibi: Mihi propositum non fuit vt libri mei quasi per manus ad posteros peruenirent, quando nec hos quos emiseram, iam placere multis viderem. Inde paulò post subiicit: Persuasum mihi est si vel Musæ aliquid conscriberent, non id multò gratius futurum vel indoctissimi viri scriptis.



Quam facile etiam Galeno fuerit libros suos conscribere, quam nobis, quilibet intelligit, cum non aliorum sententiis nec experimentis, nisi perquam raro inniteretur. Sed quicquid in mentem veniebat, propria fretus auctoritate, & si cum magno iudicio, literis mandabat. Vnde tot contradictiones in eius scriptis emanarunt; nobis autem illud Iurisconsultorum maxime conuenit, dicentium, Erubescimus, cum sine lege loquimur. Itaque tamen ob id, tum ob id, tum ob alias causas superius enarratas laboriosissimo scribendi genere vsi sumus. Nec etiam parum fuit in tot legis dissidiis magno plausu ab omnibus exceptos, passimque impressos: praesertim in tam vario argumenti genere, cum quorundam libri quos etiam solos ediderant, sub censura fuerint. Et eo magis cum illis tot amici essent, nobis tot aemuli. Similiter & in grauissimo hoc bello liberè, ut ingenuum decet virum, locutum esse, nec quemquam offendisse, maius est, quam quod sapientiae meae tribuam. Quid dicam de contentione accusationibusque mutuis ceterorum, Erasmi & Budæi, Fucij & Cornarij, Vessallij & Syluij, Nizolij & Maioragij: nobis ad hanc usque diem nihil tale contigit. Nam & si Nicolaus Tartalea libris materna lingua editis nos calumniatur, impudentiae tamen ac stultitiae suae non aliud testimonium quaeras, quam ipsos illius libros, in quibus nominatim splendidiorem vnumquodque è ciuibus suis proscindit: adeo ut nemo dubitet insanisse hominem aliquo infortunio; imo nec vel vnum accusat dictum nostrum, aut sententiam, sed solum iniurias congestit. Scis etiam quomodo publicè victus à Ludouico Ferrario in aede Franciscanorum palinodiam canere non solum sit coactus, sed & pollicitus scriptis mandare, quod tamen non praestiti; verum abstinens à maledictis in posterum, ut dixi, contra ciues suos exarsit. Et tamen ne quis forsitan maiora existimet quae non nouit, non aliud in tot locis obiicit, quam quod regulam vnam Arithmeticae, licet etiam sub suo nomine, tamen eo inuito, publicauerim. Habes igitur summam accusationis, quam toties repetit, ut satis constet vel inimicissimi iudicio, nequa errorem in scriptis, neque crimen in vita inueniri potuisse; adeo ut nisi notum esset quanta contentione id egerit, fictum à me hoc negotium ad gloriam augendam suspicari quis posset. Amatus verò Lusitanus, qui cum nomen prouinciae pro familia supposuerit, hominem ignotum se planè declarat (credo) ut nomen aliquod compararet, tam obscuranter me calumniatur, vnoque tantum loco, ut vel delirasse vel ebrium fuisse constet: cum ea scripserit imponatque mihi, quae ego neque somniaueram. Est suus liber impressus, est noster De malo medendi vsu. Ut quisque possit verba conferre, ac videre temeritatem, ne dicam, an stultitiam: qui hominem accusat de eo quod nec ille vnquam cogitauit. Itaque non solum ob hoc, sed ob ea quae de vena aiuga scripsit, existimo hominem hunc egregie mentiri, ut in ceteris, quae si vera essent, non essent contemnenda, velut mendaci viro fides non adhiberi debeat. Nam seu prudens mentitur, seu non assensus est ensum, seu oscitanter legendo deceptus est in

tam clara re, quid sperandum est de aliis? Tertius fuit Rondelletius, vir Gallus: qui nacta occasione vno ex loco multis modis nos accusat. Huic ignoscendum, qui Aristotelem & Galenum non vno in loco, ut me, sed in pluribus sigillet. Quod consilium modo verecunde fiat, & non aut contradicendi studio, aut inanis cuiusdam gloriae, haud improbo. Sed tam pauci id ingenuè faciunt, ut multo paucioribus & merito etiam res haec bene cedat. Existimat forsitan hac in parte nos imitari, sed longe aberrant plerique, nam nos ut principia rerum statuamus, in vno vel duobus ad contradicendum Aristoteli & inuiti descendimus: tam firmis verò rationibus, tam claris experimentis, tot etiam consequentibus, ut non dubitem apud posteros nostram hanc opinionem, in qua ab Aristotele dissidemus, plusquam probabilem futuram. Et tamen id tam verecundè, ut nemo nobis, quantumvis addictus Aristoteli, possit succensere. Sed, ut dixi, credamus haec omnia sincero animo ab illo facta, ut veritas elucesceret. Quid causae est, ut nos accuset, ubi literam videt manifestè esse corruptam, ut ipsemet fatetur? dicta mea quaedam repugnantia continent, quomodo igitur in quatuor versibus, nisi prorsus desiperem, vult me mihi repugnare? Par igitur erat contextus corruptione cognita ad me scribere, non tot ex vno sibi fingere solœcismos. Quod enim echeneis echineus non esset, aperte declaraueram: quodque torpedo à remora differret. Sed vir gloriae cupidior ansam damnandi arripuit libenter. Verum decebat hominem tam in redarguendo acrem, culpa, ut Cicero inquit, omni carere; cum enim nos tam exiguis in rebus accuset, & quae nihil ad nostrum faciunt institutum, & quae solum supremam manum expostulabant, quam nuper omnibus nostris operibus admouimus, cum antea ob intempestiuas quorundam preces nonnulla, ut etiam Aristoteli, & Galeno, excidissent inemendata: velut & Ciceroni qui praemium Academicarum quaestionum libris De gloria praeposuisse se imprudenter fatetur, decebat illum solum castigata emittere. At tantum abest ut emendata ipse in medium protulerit, ut tum praepostero iudicio, tum mendaci historia, tum propriis dissensionibus omnem fidem à libris suis abrogauerit. Cupiebam ab illo iuuari; nunc quam fidem adhibere possum homini in tota tractatione oscitabundo, leuiaque solum sectanti, & inconstanti? Quod quidem qui historiam nostram de piscibus in libris de Rerum Varietate traditam leget, & in suis editis libris quaeret facile vera esse comperiet: nec credo illum mihi irasci debere, sed vix edita pro suis volet agnoscere: adeo modis innumeris & intolerabilibus scatent. E quibus vnum quod excusatione omni caret, quodque, quia extra propositum esset, in eo loco praetermissi, hic pro exemplo subiicere statui. Inquit enim, Tiburo piscis est, quem ego è vitulorum aliquo genere esse puto. Dij boni quid vnquam absurdius dici potuit? Ita fato quodam natus sum, ut qui me calumniantur, insanire videantur. Quid enim Tiburonicum Vitulo marino idem aut simile? Tiburo capite piscis, vitulus quasi felis. Tiburo cum branchiis & sine pedibus, vitulus cum pedibus & sine branchiis.

Tiburo



Tiburo masculus cum duplici genitali & simplici lingua, vitulus cum unico membro & duplici lingua, ut autores referunt, sed ego, quanquam in Scôtia & tractauerim & disseuerim & comederim, duplicem illi esse linguam non animaduerti. Tiburo sine vno vel pilo, vitulus totus, ut quadrupes, pilosus. Tiburo velocissimus, vitulus piger admodum. Denique Tiburo membris internis dissimilis vitulo, & illi inimicissimus est. Aded ut si quis vellet, ut dici solet, ex vngue leonem, æstimationem libri eius ex hoc facere, fabulam potius quam historiam posset existimare. Sed ego non sic, verum potius illud Horatianum de illo dicam Quandoque bonus dormitat, **Homerus**. Itaque cum in his libris Grammatici potius, quam Philosophi vices gerat, contineat se suis limitibus, nec aliorum gloria illum adeo torqueat, ut iracundè scripsisse videatur: non cum iudicio, sed editos libros ad limam & incudem reuocet. Hæc communis utilitatis causa dicta, non nostra, existimet; quippe quod nos nihil nisi apposita demonstratione protulimus, quam si quis pensitaue-rit diligenter, vix à nobis dissentire poterit. Ad hoc forsitan ille non intelligit: quoniam non eodem in loco conclusio & demonstratio conscribantur: quod si hæc non assequitur, non pondus sententiarum, non connexum rerum, non succedentia, per quæ res ipsæ comprobantur, quomodo Galenum, aut Aristotelem, aut alios antiquos viri scripta percipiet? cum sapius & illi, & nos autem magis conclusionem in præmissis, & præmissas in conclusionibus non explicatas reliquerimus. Par enim hoc est facere ubi connexio sit necessaria ob infinitatem rerum, quæ comprehenduntur, quæ explicare penitus fuerit æquale, seu impossibile. Quod si in his se cupit exercere, & an vera sint, experiri, legat nostra commentaria seu in Ptolemæum, seu in Hippocratem. Nam nulli melius docebitur, quam reconditè quàmque altè repositæ fuerint sententiæ veterum, cum in illis explicandis nēruos omnes intenderimus. Quanquam forsitan par labor in commentariis ipsis planè intelligendis relinquatur. Quoniam rem viri eruditi intelligentes & quam in laboris & artis, plus iam mihi in litteraria tribuerant, quam ego exposcere verè undè ausus essem. Etenim cum nostris inuentionibus sensissent se non parum in scribendo iuuari, iuuabunturque Deo dante multo magis in post-erum, cum, ut ex ordine editorum librorum liquet, minus vtilia & minus elaborata prius ediderimus, seu dissimulent, seu præterea, pauci tamen sunt qui non manifeste in re aded manifesta potius fateri debeant se nobis, quam furti nomine notari.

Sed iam hos criticos viros mittamus, neque enim illis, sed solum veritatis studiosis scribimus, & ad ordinem reuertamur. Proponitur enim nobis ab initio fuerat rationem nostri instituti reddere, quod sanè, qui nostra legunt, laudabunt: neque ob id illis scribimus, sed eis tantum qui fructum aliquem gloriæ & diuitiarum ex tantis laboribus repositum: tanquam quæ hic habentur aut haberi possunt, possit & nostra esse: cum tamen non ita sit. Sed postquam exemplis id comprobare conantur, nam Hippocrates Perdicæ Ma-

cedonum Regis, Erasistratus Antigoni, Galenus Antonini philosophi & Commodi Imperatorum Medici fuere, Plato à Dionysio, Aristoteles ab Alexandro, Archimedes ab Hierone Principibus quantum voluerunt, acceperunt: Zeno quamvis aduena opinione philosophiæ apud Athenas statuas & summos honores meruit, & Antigoni Regis familiaritatem, & munera maxima. Respondeo non id mihi licuisse, quod vitæ genus à studiis non abhorrens solum mihi deligere poteram. Placuit igitur publicum profitendi munus quod non laboriosum & seruire esset, ut exercitatio: nec tam anxium, ut aula. Nam alioquin seruitutis impatiens moribus ipsis ac vitæ integritate, tum scopo mihi præstituto multum ab aulica vita alienus eram, & præsertim quod non in Adrianum, vel Antoninum philosophos, neque Hieronis pacem incideram, aut felicitatem Alexandri, aut Perdicæ securitatem, aut Dionysij gloriæ studium, sed in bella & seditiones, ac Principes à Philosophiæ studiis omnino alienos. Sed cum in ipso cursu profitendo satis feliciter versarer, ita ut mihi omnia ex voto successura videretur, properaremque ad id quod non ego, sed ceteri maxime optare solent, abrupit fortuna iter. Etenim Gallo Rege urgente commota est Italia, Eluetij, Turcæ: omnibus ergo ad interitum spectantibus deserui legendi munus, melius esse ratus, quod etiam tutius esset. Nam etsi omnia, ut postmodum cesserunt, prospere euenirent adiecto præter omnem spem Regi nostro Angliæ regno, maximo tamen in periculo versabamur, ne stipendia non numerarentur. Accessit & mors duorum præsidum Senatus, quibus nostra virtus perspecta erat. Verum id potius satis volentibus euenisse, augurio maximo, ut suo loco scripsimus, id ostendente, credendum est. Etenim si munus id non deseruissim, nunquam commentaria illa in Ptolemæum conscripsissem (ut lucra, & peregrinationem præteream, & honores habitos in itinere, tot tantæque vifa) quæ mihi cariora sunt quam vel stipendia annorum decem, & si ampla futura essent. Erui præclarissimam artem ex tenebris, & ab iniuria vindicaui. Fieri nunquam potuisset, ut legendo id negocij, aut saltem tam absolutè, expleuissim. Dic mihi, quid perierit è rebus superlucratus etiam sum, at in honore maiore eras? ita profectò, si res ageretur prout agi deberent. Sed postquæ à discipulorum seruitute & famæ periculo Genius quidam bonus etiam aduersus fauores Principum me vindicauit: aded ut sine labore sine cura aliqua auditorium nostrum tot eruditi viri frequerarent, floreretque Academia nostra, satis esse duxi ad gloriæ apicem peruenisse. Cum enim eò peruenerit si quis se abdicet, Quintilianus docet id summa cum laude fieri.

Iam verò expleueram ea quorum gratia me in Academiam contuleram, scilicet exercitationem docendi disputandique: ut quæ quasi in umbra conceperam, palam excutienda proponerem, filium ac nepotem erudieram, animum iam à medicis rebus distractum ad ea studia reuocaueram, nomen in arte comparaueram, multaque interim conscripseram, quod plus ocij legendo solum superesset, sed si persequeremur



seuerassem, haud dubium erat, cum vtrumque munus mihi incumberet & legendi & medendi, multo serius libros perficiendos. Ex hoc igitur quod malum videbatur non leue commodum est consecutum. Quo fit vt nunquam alicuius rei quæ euenerit, poenituerit, tum quia fatale mihi est omne bonū ex malo initium habere. Adde etiam quod quæ eueniūt, euentura sciam, salua tamen liberæ voluntatis potestate. Et quoniam quod factum est fieri non potest quin factum sit: animatusque sim ad perferendos fortunæ impetus, tum natura tū ratione, quod non lateat me omnia humana in finem redigi, in animum induxi vt nunquam voluerim quicquā aliter accidisse quā acciderit; quod etiam qui nolunt planē stulti sunt, cum, vt dixi, in irritum conentur. Hoc solum doleo, si Deum aliqua ratione offendā, quod autorem omnium bonorum, & tantam maiestatem læserim, atq; hoc vnum est quod aliquando me torquet & angit. Itaque & si nullam aliam dignitatem essem consecutus, satisfecisse viderer eam mihi vitæ quietem parando nominisque immortalitatem, non dicam acquirendo (hoc enim haud mihi dicere conuenit) sed ad id annitendo & vt in tot virorum illustrium ac sapientum animis effigiem meam reuiuiscens videam. Vt habeāt qui velint sua prædia villasque, & arcas nummis plenas, non tamen nisi vno sedebunt equo, vnoque in lecto dormient sepulti verno, obrutique Chao, pœna inexpressibili.

Verum de scriptis posteri iudicabant, vnum hoc satis sit præclaram mihi famam in artis operibus hac conscribendi assiduitate peperisse. Sed rem ipsam, prout gesta est enarremus: atque publicè recitemus quæcunque acta sunt. Illud primum præmonentes omnia hæc quæ subiungam in ciuitate nostra, Mediolano scilicet, facta fuisse: superelsèque plerosq; vt si quid falsum adicerē, merito à tot æmulis coarguerer; licentia etiam hac illis præstita, vt si vel aliquid horum falsum inuenerint, aut amplificatū, aut aliter gestum quā hīc subiunxero, existiment nihil omnino gestum: meque in omnibus non solum mendacem esse: sed egregium sycphantam. Verum non omnia expedit enarrare quæ mihi supra fidem euenerint, imo ne decimam quidem partem. Prætermisurus sum etiam quæcunque mihi extra urbem contingere. Videntur etiam quæ facta sunt non absque numine peracta esse: Nam præter viros probos & modestos neminem ex deploratis casibus sanare potui. Cumque mihi aliquando ambitiosi viri in curando socij essent, omnia, secus quā optarem, eueniunt. Aded vt si quis fortunam propriam meam, & cum quibusdam egregiis viris iunctam conferat, non parua detineatur admiratione; sed iam tempus est vt seriem rei exponam.

Veneram Mediolanum secunda vice ex oppido Gallarate rediens mense Octobris anni M.D. xxxiv. neque ad eam vsque diem quicquam insigne fecisse in arte medica me memini, quamvis plures ægros quāsi deploratos curassem. Sed casui illa tribuo, cum hi non iā à veris medicis tractati essent; alios etiā plures qui ad vigorem morbi summum peruenerant, curavi; quod etiam contigit, vt reor, fer-

me medicis omnibus. Iam igitur exactus erat octauus annus quo artem cœperam exercere. Veneram in urbem sine amicis, sine affinibus, sine opibus, autoritatēque medendi. Obtigit autem fors vt sacerdotes hi, quos canonicos regulares vocant (Sunt autem omnium monachorum nobilissimi ac syncerissimi) me in medicum eligerent. Erat eius collegij princeps, quem Priorem appellare solent, Franciscus Gadius vir prudens, sed acer: quem Regē, ob potentiam inter suos, nuncupabant. Is cum biennio & atrabile & lepra Græcorum detineretur aded graui, vt nec à clarissimis medicis sanari potuisset, imo neque iuuari vel modicum, & ipse dicere solet, malle se esse mortuum, quā tam acerbè conflictari, in sex mē-sibus à me plenè curatus est & quamvis postmodum in Diomedeia insula obierit, multi tamen supersunt tests huius primæ & tam præclaræ curæ, quam in patria egi.

Deinde cum in vrbe esset Branda Scotus<sup>2</sup> frater Octauiani illius amici nostri & ipse mihi familiaris, deduxit me in viam Sozzæ numeratæ, vbi ingressus ad mulierem natā circiter annos xxx. quæ iam xij. vt ipsa referebat, annis super cathedra sedebat, quoniam vlcus in crure sinistro patiebatur, quod etiam tabefactum erat atque debile, aded vt nullo modo se sustinere posset. Eratque in ea tabes alia quædam totius corporis, & dolores per circuitus eam vexabant, vocabatur Marthæ Motta quæ etiam nunc viuit: cum iam exacti sunt anni xx. habitatque extra portam orientalem nunc marito coniuncta. Eam curare aggressus biennij spatium sanaui; atque in posterum ambulauit, nuncque crus elongatum est, non tamen aded vt non claudicet aliquantulum. Peperitque filium quamvis parum superuixerit.

Post duos autem annos contigit vt Cæsar<sup>3</sup> Palauicinus comitali morbo & furore alternatim ferè detineretur, aded vt per septem menses frustra à medicis curaretur; vbi verò me vocasset ita intra xv. dierum spatium eum liberaui, vt nunquam in posterum de hoc morbo conquestus sit.

Poterat autem fortuna quadam contigisse<sup>4</sup> videri, si non pauld post patruelem Aloysij Palatij Iurisperiti egregij intra quinque dies liberaassem. Hæc tamen licet ita contigerint à cura illorum, qui similibus morbis detinentur, quantum possum, abstineo: non quod sint aded contumaces, sed quod nesciam vnquam quando dicere tuto possim me illos curasse.

Dum verò sub porticu portæ Tonsæ essem,<sup>5</sup> venit ad me faber lignarius, conquestusque est quod filius ei tabe mortuus esset, duos vero, ni fallor, haberent qui eodem morbo laborarent, quos facillè sanaui.

Venerunt & alij, similiterque curati sunt.<sup>6</sup> Sed ex hac fama motus Hieronymus Tiboldus mercator, cum iam diu langueret in lecto, multumque sanguinis & saniei expuisset, cum febre lenta aliâque putrida deductus ad extremum ossibus solum superstitibus, misit ad me, relictisque aliis medicis curatus est, pinguis quoque factus in admirationem omnes qui eum agnouerant, traxit filiâmq; pauld post suscepit. Itaque medici dicebant eum nō vera phthoe laborasse, tantum potest inuidia,  
vt



vt mentiri non pudeat, dummodo gloria detrahant eorum quos virtute sibi & attis experientis præferri putant; namque cum plures sanassem eiusmodi, adeo vt ausus sim scribere me phthificos & difficultate spirandi sanasse, in phthificis & medici ipsi & ego mendaces fuimus; sed ego bona fide hæc scripseram deceptusque fui spe mea, illi vero malo animo mentiti sunt, quod postmodum ira deprehensum est. Post quinque annos hic quem sanatum sperabam, die quadam cum ad solennia Ecclesiæ iussit, totus aqua, quæ per pluuiam confertim cadebat; perfusus est: rediens autem domum; cum se sanum existimaret interpellatus à sociis non curauit vt siccaretur, sed à vespera ad diluculum ludens deinceps correptus est febre, curatusque à me primum, deinde me discedente ab alio demum, me redeunte rursus à me sanari non potuit, sed reiecto pulmone more aliorum phthificorum mortuus est. Cum vero interrogarem post obitum uxorem, reperi tussim, nunquam ex toto sublatam; ex quo apparet siccatum vlcus distulisse interitum, non quod verus phthificus non esset.

Ante vero quam hic obiret, Donatus Lanza pharmacopola, qui è regione adis Beatae Mariæ ad scalam habitabat, audiens me de huiusmodi morbo differentem, interrogat eum cum quo loquebar: cum vero audisset quæ in huiusmodi morbis fecissem, & quod multos maxime pueros tabescentes, non tamen verè phthificos liberaissem, cum ipse iam diu eo morbo laboraret, communicato affectu auxilium petiit. Itaque visus est leuari, prædicabatque se à me sanatum, vt facere solent qui aliquid inmedicè cupiunt, cum de hoc ego non fiderem. Præferebat autem me omnibus aliis medicis suo iudicio. Verum planè apparuit nec hunc verè sanatum; nam post quatuor annos cum lectores cum comprehendere vellent, è fenestra desiliit, inde in piscinam febre decidit, latuitque totus madidus, correptusque febre in manibus meis, vt alter consumptus est.

Huius quoque affinem Simonem Lanzam cum iam duobus mensibus calculo laboraret, accersitus spatio dimidiæ horæ sanauit protruso arte mea calculo ( siquidem adesse intellexi ) ex renibus in vesicam. Sed hic egregius vir, quod nemo alius fecit, cum bis à me seruatus sit in vita, immemor beneficiorum quod negligentius viderer in aliis morbis eum inuiter ad alios se contulit, nouem illos imitatus de quibus Christus dixit, nonne decem sanari sunt, nouem vbi sunt?

Sed hæc multò post contigerunt, velut & illud Martino Donato qui ad portam Buleuterij habitat, duo pueri agrotabant, quorum natu maior cum sensum amisisset, factus est etiam mutus, cumque multis iam rationibus desperata salus esset, nam & vires debiles erant, & vrina aquea, & ipse iam decem diebus extra sensum, vt dixi, ac mutus, conualuit tamè, & frater natu minor periculum euasit: cognoui enim abscessum factum in capite; qua ratione etiam nuper ducts seruaui mulieres, quibus tempestiuè superueneram. Sed redeo vnde diueteram ob nominis vnus cum alterius prænomine similitudinem; nec tamen ab re fuit.

Donatus dum adhuc in viuis esset, dimissa officina in domum Francisci Sfondrati Senatoris se contulerat, conabaturque in gratiâ illius me nihil tale requirentem nec etiam cogitantem insinuare, nitebatur etiam illi persuadere vt opera mea vteretur: non solum vt mihi beneficeret ( erat enim vir admodum officiosus ) sed suo iudicio magis, vt illi prodesset, verum medici alij resistebant. Contigit interim vt puellus ni fallor xvij. natus mens febre agrotaret: aderat autem Lucas Cruceius famosus medicus, dixeratque non esse periculum xiv. die superueniente comitiali morbo subito correptus est. Aduocatur alius celebris medicus: hæret, & merito, nam in decretorio die aduenerat, & à febre; eratque admodum validus affectus, tum Donatus persuadet patri vt me aduocet, ille vt videbat periculi magnitudinem, simul & alterum medicorum attonitu, alterum hæere, misit statim ad me; non inueniunt; paulò post bona quadam fortuna rediens domum intelligo me vocari, accedo illico, non solum quod vir illustris esset Sfondratus, sed quod etiam de me bene meritus; ibi inuenio medicos: respicio puerulum, animaduerto contortum collum retro habere, dico coram omnibus laborare alio morbo etiam grauiore quàm comitiali, quærent quo? respondeo, Opisthotono: Ad vocem insolitam omnes silent, coniiciuntque in me oculos; tum Cruceius exponit quid hoc nomine significetur, deinde rogant quare id dixerim, tum ego puerulum attolli iubeo; vident retortam collum retrò, velut arcum, nec hoc contentus admoneo vt conentur dirigere; nihil proficitur; tum Cruceius, vt erat vir minime malus, seu numine impellente, inquit, Ecce non est similis Hieronymio in dignoscendis morbis. Ad hæc verba obstupuerunt omnes, vt qui scirent quanta apud medicos laborarem inuidia. Tum pater, est ne modo auxilium huic morbo; siluerunt focij. At ego ne gloriam partam scientia artis, fortunæ arbitrio committerem, respondeo me tentaturum omnia, nihil posse polliceri, quod morbus natura lethalis esset. Medici reliqui coniiciunt totum onus in me, ne si puer interiisset, quod scirent notum omnibus esse quàm mihi aduersarentur, ego in illos culpam reiecerem, postquam iam persuasum esset astantibus me solum morbum agnouisse. Hac igitur in parte fortunam propitiam habui, sanauique puerum, & satis breui, qui nunc à dignitatis cuiusdam nomine Baro vocatur. Itaque ex ea hora tantum gloriæ mihi accreuit, vt si vel integro anno Sfondratus Mediolani mansisset, tota vrbs opera mea vsura foret. Sed Deus qui me ad maius munus vocauerat, effecit vt nondum expleto bimestri spatio Sfondratus abierit: & interim etiam mortuus est Donatus Lanza. Tantum tamen mihi profuit hoc factum, vt nunquam deinceps coactus fuerim cogitare de moderando expensas, sed solum si oporteret vt laborem, augere vellem. Quomodo autem curauerim, iam testatus sum me non hîc dicturum, sed alibi suis locis.

Per eadem tempora multos sanauî spurto sanguinis laborantes, inter quos Iuliū Catium Iudi literarij magistrum, cū iam tabe summa confectus



confectus esset: etenim Phthisi correptum iam fuisse reor. Sed hic quod meliore viuendi ratione usus sit, etiam nunc magis valet, quam vnquam aliàs, cum iam anni decem præterierint. Et nuper tenellam ætatem Ducis Mantuæ instituit.

12 Calarem etiam Bozium sanum adhuc viuere ferunt, qui cum Mediolani non maneat, nescio quid referam. Hoc vnum scio illius duos fratres Phthoe post immodicum sanguinis ab ore exitum, periisse antequam ipsum curassem.

13 Aloysium Pusianum certè cum pluribus mensibus ex spuro sanguinis & spirandi difficultate laborasset, frustraque à duobus Medicis tentata fuisset cura ita sanauimus, vt omni suspitione, non solum periculo exutus sit, vitamque foelicem iam multis annis agat, erat enim tunc adolescentulus.

14 Sed non contentus hoc curationis genere aliud adortus sum in Io. Ambrosio Serono equite strenuo. Nam cum amicus esset, & iam diuturna tussi & per multos annos laborasset, quatruiduo verò sanguinem spueret, visus est cura diligentiore indigere. Atque ita sanatus est vt omnibus morbis potius obnoxius videretur quam huic. Quà arte & alium postea seruauimus qui plusquam centum sanguinis vncias reiecerat, cuique iam ter vas ruptum erat, & iam tabem cum esset adolescens, inciderat. Est autem è familia Apianorum venditor vestium veterum, sed tamen ambo hi paucis post annis quadam tabe obierunt.

15 Quæ verò in hoc genere morbi acciderunt in filiis Laurentij Gadij, tempus est vt exponam. Hic tabellio est, contigit autem anno, ni fallor, M. D. xlvj. vt duo filij morerentur ex simili fermè morbo: ad tertium autem adolescentulum vocatus, qui & ipse eodem morbo laborare videbatur iudicio parentum & domesticorum, cum iam fluxu ventris & tussi & summa tabe detineretur, iudicauit celerimè moriturum. Itaque cum alij quatuor filij & ipsi eodem morbo detineri viderentur, tertius pater quasi de veneno suspicabatur. At ego verècundè petij, vt cum mortuus esset qui iam grauiter laborabat, liceret corpus disseccare, vt aliis prospiceretur. Annuit pater, disseccuimusque. Sed hac in cura & actione aderat iuuenis quidam Medicus: peracta est res, inueni in iecore pustulas velut ciceris grana candida, rotunda, in pulmone quoque alias & partem oblongam liuidam atque fuscam. Ex quibus coniectura assequuti sumus non esse venenum, curæque modum. Itaque hac ratione seruati sunt omnes qui superstites erant, filij: & nunc etiam viuunt.

16 Sed postquam in veneni mentionem incidimus dicam quid euenerit Baptistæ Syrtiro Mercatori diuiti, vxorique, & filiis eius. Nam primum vxor ægrotauit, cumque nihil proficerent auxilia familiaris Medici, antequam illa obiret, ægrotauit & ipse coniux, ob idque alium quendam Themisonem turgidum, & multa deblaterantem, maledicum, in mendo infœlicissimum aduocauit. Is licet Medicamenta multa suo more, vt eruditus videretur, adhibuisset, multaque, vt solitus erat, differendo adduceret partim falsa, pleraque ex ignobilibus quibusdam Empiricis contra

alios Medicos, nihilo felicior in cura fuit: quippe æger defunctus est. Interim iam omnes filij ægrotabant: ego autem solitus eram tres fratres defuncti mederi Paulum, Euangelistam, Benedictum. Itaque videntes hos nihil profecisse, & quia res arbitrio eorum agebatur, defuncto fratre aduocant me. Ego perpendens rem diligenter, cognoui veneno illos esse affectos; doceo patruos; iubeo aduocari socium eum, qui primus in cura vxoris fuerat, veluti testem; præstitis auxiliis, scilicet copioso lactis potu, quamuis febrerent, omnes conualuerunt. Inter has erat puella minor natu annos agens circiter octo, quam auia existimabat sub occasu Solis perituram, quod iaceret vt mortua, irridebatque adhibentem auxilia: minúsque ob hoc mihi fidebat, quoniam crederet quadam inuenili ac prorsus temeraria spe me ad curandum accessisse; memini autem quod pueri ipsi conuellerentur etiam præter reliquos morbos: sed & illos postmodum curauimus solus; viuunt etiam nunc omnes præter infantulum, qui postquam sanatus fuit, à nutrice dormiente suffocatus est.

Per idem tempus contigit vt filia Io. Angeli Linati habitans in via magna portæ Ticinensis cum dolore cruris tremoreque simul iam biennio laborasset, tentasset, autem non solum Medicos, sed circulatores atque omnia frustra, acrius sæuiente morbo vt in xv. diebus eam liberauerim: concepitque filios nec amplius morbus is rediit.

Eodem quoque tempore fermè Agnes vxor Claudij Galli (atque hic solus Mercator Gallus in vrbe nostra remansit) habitat autem iuxta bulentarium vetus, nunc in vico Magdalene, quinquagenaria iam nouem mensibus perpetua febre laborans, postquam vltimam sumpisset vnctionem, destitutaque esset à Medicis, à me sanitati restituta est.

Aqua intercute laborantes multos etiam sanauimus, præcipuè pueros, inter quos Bianzardi filios duos, sed tamen nondum confirmato morbo.

Verum præteritis his quæ ab aliis fieri posse videbantur, pauca è multis exemplis subiiciam, quæ in matronis ac viris toti ciuitati cognitæ iam paucis annis exactis peregi miraculo proximiora, quam artis Medicæ operibus. Et primum referam quid contigerit de Iacobo Clauenzano adolescente patricio; is laborauerat iam septennio difficultate spirandi tanta, vt cum expertus esset præcipuos vrbs Medicos, non solum nihil profecerit, verum ad summam tabem reductus est vt malum quod singulis xv. diebus semel & vnica die vexare solitum erat, iam toto triduo singulis octo diebus detineret. Itaque aduocant me: cumque curando per duos menses continuos nihil profecissem, contigit vt pater videret vxorem mihi pecunias de more numerantem, risitque, quasi diceret, vt reor, non est hac solutio, sed profusio: aberat enim omnis spes sanationis, cum in deterius res laberetur in dies. Adeo vt iam pœniteret me prouinciæ susceptæ, deliberaueramque mecum ægrum derelinquere tunc: sed mater pro filij salute sollicita hortabatur, vt non desererem. Statui igitur adhuc per tres dies illum inuicere nulla cum



cum spe. Neque enim tempus quod mihi supererat, vel minimo morbo curando suffecisset: nec & si profecissem, poteram intelligere an profecissem, quod tempus illud recursum morbi minus esset: præterea etiam quandoque per xv. dies absque morbo fuerat, nec tamen curabatur: ut nullam certam sanationis spem inuenire liceret. Interim vado ad inuisendum uxorem Annibalis Cruceij, quam Ischiæ morbo per quatuor menses laborantem nuper liberaueram, ut multos alios. Cum verò crux debile remansisset, non poterat ire, adhibueram, dropacem Pauli, & contulerat. Tum mecum re cogitans dicebam, cum morbus Clauenzani non leuetur, ex cerebri imbecillitate esse debet. Nam Auicenna dicit tales non curari, quid igitur si experiar imponens dropacem capiti? sed quid ages, inquam, & quando deliberaui igitur duo alia medicamenta adicere: quæro in ciuitate, nam difficilia erant inuenturi: inuenio apud unum solum, iubeo cōfusi multum camentum, crado capillos, applico sequenti die, post ridie reuertor, inuenio libras duas aquæ effluxisse per suturam coronalem, admiramur omnes. Atque eò magis quod non solum cura vlla ex parte hoc factum fuit, quid plurare petitur ceratū, aqua effluit, paucior tamen in singulos dies, liberaturque; antequam cogerer ire Papiam, quæ occasio me premebat tunc. Vixit hic iuuenis pinguis admodum & sanus magna cum admiratione omnium. Oculisq; hic casus ora medicorum, ut illustrius non desierint obicere, tenet enim admiratio ac illi non tanta rei. Quinimo cum ægro illi difficultate spirandi regens Pyroaenus, miserunt medici ad patrem huius adolescentis, nam ego tunc in Scotia erā, omniumque medicamentorum descriptiones petierunt, sed non auli sunt administrare, quia ordo deerat: nec quid prius quid posterius adhibitu esset, interpretari poterant, abstinuerunt itaque, & forsitan quoddam eiusdem generis morbum esse non credebant, atque ita ille mortuus est. Narrabat etiā pater adolescentis maximo labore potuisse illas descriptiones redimere, quoddam simulare amissas esse. Vt cumq; sit, post aliquot menses tandem recepit, nam illi chariores eò sunt, quod præter omnem spem filiū sanatum viderit. Illud & magno testimonio est, quod cum septies urbem reliquerim, quotiescunque redij, hic opera nostra usus est, sed non solum hic, sed omnes ferme de quibus dixi, de ceterisque sum testantes fide sua ac perseuerantia quæ à me supra fidem gesta sunt, simulque eorum gratum animum, ut appareat nostros ciues non sponte, sed errore malos esse: cum ex mille vix vnus me reliquerit eorum, apud quos spectata virtutis effectus apparuit. Est etiam hoc exemplum pro teste non tam mea sapientia quam numinis cuiusdam auxilio adiutum esse. Tum maximè quod frequenter tali modo profecerim. Et erant ægri ipsius parentes, ut coniecere potui, mirum in modum probi.

<sup>21</sup> Post successit ut Ioannes Antonius Scazosus biennio arthritide laborans nequicquam tentatis auxiliis me aduocaret, quem breui sanauit.

<sup>22</sup> Quo exemplo motus Ioan. Baptista Marescalcus à Senatus libellis cum grauissima ar-

thritide quatuor iam mēsis laboraret mensse Decembri cum duplici febre continua & intermittente, immobilis penè, & appetentia cibi sublata, nec virtute satis constante, me vocauit. Itaque & hunc cum tot difficultatibus intra mensem curauit plenè.

Postmodum quod successit de Io. Paulo <sup>23</sup> Negrolo toti vrbi notum adeò est, ut plerique obstupuerint, omnibusque maledicis silentiū sit impositum. Pertransibo autem breuissimè rem omnibus notā, ut posteri eā sciant, laborabat igitur hic dolore grauissimo cum tussi & difficultate spirandi iam biennio, & ut erat liberalis admodum & ingenui animi, tres medicos primo ciuitatis absque dubio aduocauerat: cumque illi curando nihil profecissent, in eam opinionem, ut audio (neque enim ab ipsis hoc accepi) deuenerunt, ut esset phthisicus, & omnino insanabilis, spe igitur omni destitutus ad me venit, rogat ut opem afferā, fuit dies illa Iouis, iubeo ut sequenti mane opperiat me in lecto, adeo illum: omnibus bene pensitatis pronuncio ipsum sanandum: facturumque ut die Mercurij sequente intelligat se posse sanari. Describo igitur quædam in rem facientia, sequente die adnionet eum pharmacopola Castellinus ut desistat, tam calida enim esse medicamenta quæ scripsi, ut si eis vtatur, vitæ periculum subeat, quo consilio id egerit, tibi æstimandum relinquo. Die dominico cum diu sortem suam languens defluisset, decreuissetque abstinere ab his auxiliis nec amplius fidere consilio meo, admo-neor ab Ambrosio Serono, quem postea, ut superius recitauit, ex hæmophthoe curauit, accedo ad ægrum, post multa impetro ut pharmacopola vocetur, aduenit, interrogo quænam sint illa medicamenta calida, tandem, ut breui rem peragam, fatetur se ignorare singula medicamenta cuius naturæ sint, hocque pertinere potius ad me, quod & verum erat. Itaque conuictus propria confessione, accersitur alius pharmacopola, quid plura? die Mercurij accedo ad illum, latum inuenio. Proh Superi, inquit, vera pollicitus es, quomodo tam celebres medicos tam diu latere hic morbus potuit? ego, non latuisse puto inquam, sed quisque iudicio suo vtitur in medendo. Hinc fit ut ego in te fortunatior sim, alius in alio. Ut verò rem paucis peragam, post eam diem curatus dimidij mensis spatio conualuit perfectè.

Huius sororem, cum febricitaret iam duobus <sup>42</sup> perpetuis mensibus, ut primum vidi, quia aliorum medicamenta nihil profecerant, dixi in vtero habere: sanauitque intra quinque dies. Enixa autem est puerum qui etiam nunc viuit, estque eius primogenitus.

Atque hæc, antequam irem in Scotiam, sed ubi reuersus sum, optabam aliquo egregio facto gloriam partam iam antea, florentem reddere. Aperuit fortuna viam.

Erat quædam mulier nobilis Iulia Rota nomine, quæ iam quinq; aut sex mensibus languebat febre primū numquam intermittente, sed tamen quæ augetur tertia die ad vesperam: præterea duritie in latere dextro magno cum dolore, adeò ut super illud latus decubere non posset, aderat præterea tussis & spirandi difficultas tanta, ut ob spumam oris coniecta-

H rent



rent, illam duobus aut tribus diebus haud superfuturam, cum itaq; aliorum auxilium non profecisset, aduocatus intellexi multū adhuc virium superesse, terrebat tum me durities & pōdus lateris dextri, quod hepar iam affectum esse intelligerem. Itaque diligentia summa vsus, & vere ineūte, sanauī: cum tempus anni, quod in aliis ægris aduersabatur, fauisset.

26 Succedenti æstate curauī Clementem pocillatorem illustris mulieris Violantæ Bentiuolæ, qui ex vertigine cadebat, aded vt domum egredi non auderet. Erat autem morbus difficilis sanē, sed nescio an prius aliorum auxilia tentasset.

27 Similiter & Sacerdotem Franciscum de Puteis, cum laboraret annis iam xxvij. dolore capitis acerbissimo, frustrāque omnia tentasset, leuauī, sed non sanauī. Nec scio quid maius fuerit an sperare post tot annos, an leuare tātam morbi magnitudinē. Sed hæc mittamus.

28 Autumno Octavianum Robiam & ipsum à Senatus libellis iam secundo hæcticæ genere tabescentem, insomnem, & acerbissimis doloribus vexatum restitui, ita vt sanus videretur. Media autem hyeme Protasium Rœllum, & Iacobum Zampanam sacerdotem, ambos senes cum tumidis cruribus difficultate spirandi laborantes, ita curauī, vt & ipsis & aliis omnino sani viderentur: manserantque multis mensibus, sed cum ex mala victus ratione in eosdē morbos incidissent, duo senes à me amplius sanari non potuerunt: iuuenis diu reluctatus morbo nunc viuit. Itaq; in his me grauius peccasse intelligo, qui post tam graues morbos, & in quibus iam eō peruenerant, vt destituti à medicis nihil residui haberent, nisi vt efflarent animam, non imperauerim exactā viuendi normam, saltem vsque ad annum.

Sed ad eos qui superfuērunt, plenēque sanati sunt, de quibus est institutū, reuertamur. Quamquam non abs re hos tres ægros adiecerimus, vt intelligant medici, eos qui à grauiissimis morbis liberantur, saltem per annum, donec vires firmentur, exquisito victus genere vti debere. At tantum absuit vt exquisito victus genere vterentur, vt etiam pessimo. Vnus enim fructus horarios supra modum comedit, immodicōque cibo, quem fames insatiabilis exposcebat, repletus est. Alter prandebat hora xviij. benēque perpotabat, cœnabaturque ante vesperam: vt inter prandium & cœnam vix quatuor horæ intercederēt. Tertius moderatius vixit, sed cum se exercuisset, & calefactus esset valde, in æde B. Laurentij, quæ frigidissima est, supra duas horas cōsedit: aded vt pulmo abscessum ex hoc conceperit. Sed, vt dixi, omiſſis his ordinem sequamur.

29 Contigit eadem hyeme res. prorsus admirabilis. Laborabat Gaspar *Γασπαρ* (nam si Latine scribatur proferri non potest, quod diphthongus hæc græca vicem literæ inter o, & v, Latinum obtineat, vt cōstet literam naturam mediam esse, pleniorēque quā v. tenuiorēque quā o) hic est caupo trium tibicinū è regione arcis nostræ iam per annū integrū: sed à quinq; mēſibus citra penitus iacebat immobilis, nō pedē, non caput, aut brachiū mouere poterat, neq; aliud quicquā, præter dolorē enim ingentē membra vt lapis rigida obduruerāt. Et erat media hyēs, cōstet hunc à me

intra xl. dies plenē sanatū, non admirationē, sed stupore maximo eorum qui illū viderunt. Alij enim syderatū alij perculsum diuina ira, alij resolutum, alij dæmone correptum dicebant. Ita vt non deessent supplicationes & coniurationes. Hunc itaque ita curauimus.

Hac demum æstate Nicolaum Siccū militem illum præclarum, affinemque tuum, quā graui, quā diuturno morbo liberauerimus, & quā bene feliciterque, & tota ciuitas nouit, & tu testis locupletissimus es: cum tamen ab omnibus medicis desperaretur, hæcticus, arthriticus, tabefactus, regio morbo, & intercutis aquæ vitio etiam non carens.

Quartanis etiam captos, velut Ysabellam Lomatiam in vij. accessionibus sub fine Autumni liberaui. Atque ita liberaui, vt postquam vocatus fui paulatim febris minuere-tur, quæ solebat augeri, quod certum erat veræ curationis indicium. Nam & in aucupandis occasionibus & diiudicando morbos non fui oscitans.

Itaq; vt Cæsari Barbauarō nobili viro cū laboraret vlcere in vesica, nihil polliceri volui, & morbum agnoui, & vitā duobus annis produxi. Sed ad eos quos plenē curauī, reuertor.

30 Laborabant vxor ac filius Bartholomei Cressi Pistoriensis ciuis, iam septem mensibus duplici quartana filius, mater difficultate intestinorum, curatique diu à duobus clari nominis medicis cum nihil profecissent, ad me venit ipse Bartholomeus, incredibile est quanta celeritate illos liberauerim.

31 Atque hæc in dies exempla aded augentur, vt nunquam si ea prosequi velim, me viuente finem facturus sim, cū maiora perpetuò succedant. Nam & nuper Petrum Antonium Befucium sub hyeme ab arthritide difficillima, & in qua alij diu perperam fatigati erant, breui liberaui.

32 Et Io. Dominicum à melancholia in tribus diebus. Multa quoque alia supra fidem diuino, vt video, afflatu, & mihi supra spem contingunt. Itaq; si velim hanc historiam prosequi, quotq; podagricos medicamento illo meo tetrapharmaco curauerim, vt postea non redierit morbus, aut si redierit, leuissimus, quotque cōmitiales, stupidos, frigidos, doloribus ventriculi, vteri, intestinorum, ramicibus diuturnis laborantes, aliisque difficillimis morbis, veluti etiam cephalicis & diabete, diuinoque quodā præsidio, tum vrigine meiendi nouo & admirabili inuento, atque in angina duobus præsentibus auxiliis accertis, necnon alui profluuiio sanatos adicere velim, aded vt in contumeliam appellent me incognitorum morborum medicum, quasi non curandi ratione præcellam, sed quia solus cognoscam, solus etiam liberare eos possim, nullus propemodum erit finis. Sed decet gratias Deo agere, quod non solum quæ speraueram, concessit, sed etiā multa supra fidem. Inter reliqua medicamen habeo ad cordis palpitationem, quo plurimos in perpetuum curauī sola vnica exhibitione. Quo ego sanatus etiam sum cum esset mihi morbus hæreditarius. Nuper verò rogante Iulio Salmæ Principe ad Maximilianum Bohemiæ Regē illud trāsmisi, quod ipse Rex eo morbo detineatur. Eiusmodi autem sunt omnia auxilia de quibus memini, quæ vel



vel vnica vice vel statim liberant: Sed ad ordinem redeo.

- 36 Duas memini me aliquando mulieres curasse, quarum alteram ascite constabat laborare, adeo vt toto anno in lecto cubare non potuisset, aqua spiritum cohibente: alteram quam elephantiasim pati dicebant, sed has mitto: nomen enim excidit.
- 37 Bartholomeum autem Marianum qui phthisi laborare existimabatur hoc eodem, quo & illas, anno, quamquam pro deplorato relictum morbi intellecta sede intra xx. dies liberavi.
- 38 Franciscum etiam puerum duodecim annorum filium Philippi Peragalli, sed hunc cum alio medico hecticum, asciticum, leprosum, putridaq; febre laborantem sanauimus, quod totius ille non solum eruditus, sed etiam veritatis, vt videbatur, amator esset.
- 39 Denique & ab imminente cecitate Antonium Comitem, & Antistitem Boromeum; sed hic iam obiit, innumerisque alios è longis insanabilibus morbis.
- 40 Elysiaberam Pagnanam patritiam mulierem difficultate spirandi laborantem, perfectè quamvis & senem, & multis annis conflictatam sanavi, & nunc illa iucundè viuit.
- 41 Ex tremore Massium de Adobaris in xv. diebus.
- 42 Estrumis puerum in domo Andreae Cremonini autextoris.
- 43 Filium cauponis Pauonis ex tympanitide.
- 44 Bernardum Gemmarium è lapide auellana non minore in quatuor diebus, erat autem renalis.
- 45 Ex diabete filium Palaucinae, quæ habitat in foro pulceto.
- 46 Ex vteri antiquo dolore, vxorem pharmacopolarum tibicinum atque in perpetuum sanavi. Viuit enim: & iam anni ferme viginti prætereire.
- 47 Ex conuulsione ( id est crassis humoribus) diuturna, ex qua collum iam peruersum erat, sororem Antonij de Laude.
- 48 Ex sanguinis mictu Antonium de Caio in domo Antonij Maioraggi. Erat enim aduena.
- 49 Ex aqua in oculo, Bartholomeum Torneriũ.
- In acutis verò non minor affulsit fortuna, cum vix è trecentis vnus ex febre antequàm in Scotiam irem, in manibus meis periret. Post reditum è Scotia aliquanto plures quàm antea solerent, obiere. In vniuersum autem ex articulari morbo quantumvis difficillimo neminem curavi, qui non perfectè sanatus fuerit. Vt si deploratos ex hoc morbo velim enumerare, pluriq; centum sint. Ex phthoe autem eorum qui curati sunt, nemo præter Catium vltra sex annos superuixit. Itaque si ad felicitatem medendi respicio, haud piget fortunæ mee; quandoquidem videam Galenum tam paucorum meminisse quos ex deploratis morbis sanauerit. In libro enim de prædictione ad Posthumum meminit Eudemi lenis in hyeme à tribus quartanis curati, & vxoris Boethi, cuius morbum reliqui medici ignorare videbantur, tum Demadis Rhetoris & familiaris Charilampi cubicularij, sed horum duorum casus haud insignes fuisse reor. Meminit & iuuenis eius, decimo artis curatiuæ, quem Tessalici medici inedia penè perdiderant, &

Tom. I.

fermè tota hæc summa in tres redigatur. Verum Galenus non tantum curandi arte, quantum scientia dissectionis & prædicendi inclaruit. Admirabilem enim in hoc genere fuisse scripta eius de pulsibus tam egregia testantur. In curando verò si maiora exempla edidisset vir gloriæ cupidissimus, qui toties de prædictione gloriatur, quique etiam minima scriptis suis inseruit, existimant aliqui nõ prætermitturum fuisse. Verum conscripsisse multa talia credo, atq; etiam maiora in libris de cura vniuscuiusque morbi propria, sed hi libri magna humani generis iactura, vt reor, periire. Veruntamen neque ipse eum tam illustri sapientia & eruditione egregijsque factis artem ipsam ab iniuria tot nebulonum & sycophatarum vindicare potuit. Iacebat enim gloria artis vt etiam nunc. Propterea conque-ritur tertio Methodi medendi hunc in modum: Itaque nos quamquam à principio recusantè, orando tamen impulistis vt omne hoc opus tractando susceperem: quod Deos precor aliis quoque hominibus sit vsui. Certè minimam spem habeo propter eum qui nunc regnat, bonarum artium contemptum, diuitiarum verò ac existimationis & ciuilis potentia admirationem. Felicior fuit quod Cæsari aliquando placuerit; solet enim dici, quod Principibus placuisse viris non vltima laus est, quæquam hæc obsequij, ambitionis, astutiæ, ac fortunæ cuiusdam benignioris argumenta potius sint, quàm excellentiæ artis. Nihil tamè mirum est de Galeno, quod ab Antonino vocatus. Is enim solus inter omnes Imperatores philosophus extitit. Qui & omnibus eruditis fuit. Deinde Romam iam primum se contulerat sponte: Andromachoque Antonini medico conficiendæ theriacæ nomine in amicitiam se insinuauerat: vt ea causa ab Imperatore Demetrio mortuo, quod & euenit, vocaretur. Vt forsitan nobis gloriosius sit iam ter, nullis peregrinationibus sponte susceptis, aut officiis talia quærentes, à Regibus è patria ob solam artis opinionem esse auocatos. Et profecto vt video, longè facilius patuit nobis ad Reges aditus quàm Galeno, nec hoc dicimus vt nos illi conferamus: sed vt intelligant homines, Galenum longè maiore dignum fuisse fortuna, quàm cum tot laboribus, tantæque industria sit consecutus.

Sed vt ad propositum redeam, non operibus tantum insudavi, sed etiam vt in prædicendo minimè aberrarem. Memini inter reliqua, quod cum laboraret Ludouicus Madius puer annu agens circiter vndecimũ, aduocatusque essem cū alio celebri medico, cū videretur puer non grauiter laborare, quod & febris remissa foret, & puer facile morbum ferret, dixi matri futurum vt aliquando hic puer repente ex hoc morbo in grauissimum affectum incideret, à quo vix euaderet; cum illa causam sciscitaretur, respondi me ex venarum pulsu id intelligere; nunciauit hoc illustris formina alteri medico, qui cum eadem hora, quæ ego solebam, scilicet sub noctem puerum non inuiseret, dixit, quod & verum erat, hanc tantam mutationem se non percipere; nam aliis horis non tãta erat inæqualitas quæ vel ab ipso vel à me si tunc solum tetigissem percipi potuisset, Cùmque ego hanc diuersitatem auge-



ri in dies viderem, affirmati semper hoc futurum. Quod & contigit; namque repente post dies ferme xx. cum grauissima spirandi difficultas inuafisset, miserunt ad me, & venienti occurrit mater flens ac dicens, heu quàm verus vates magno meo malo fuisti! Itaque obiit puer altera die, ob id verò tum etiam alia experimenta cum toties abierim, nunquàm me deseruerunt: cum verò reuersus essem in patriam ægrotabat Io. Iacobus Resta, duòque aderant egregij medici, aduocor, vt vidi laborare abscessu cerebri dixi, rudior contradicebat, alter non negabat, sed posse adhuc sanari sperabat. Sequenti die cum adhuc conuenissemus, qui pridie negauerat laborare abscessu, credo immemor eorum quæ dixerat, abscessu cerebri iam quatrinduo laborare fassus est: ob idque mittendum sanguinem; quod & alter medicus censebat; tum ego nihil obiciens de pristinae diei contentione, respondi non laturam virtutem, cum verò ipsi concordēs contradicerent vt viderant me dicentem statim casuras vires, etiam dum sanguis mitteretur, admirabantur; neque enim causam adiciebā vllam, cur id ego expectarem: quamobrem surrexerunt diligentius pulsus exploraturi. Cùmque vnà ad ægrum iremus, tentatis venis iam prorsus cecidisse vires cognouerunt: & admirantes abiire. At ille post paulò mortuus est. Tum qui doctior erat, quendam submisit, qui me interrogaret qua ego arte id deprehendissem? cum respondissem ex pulsu, at & nos, inquit ille, pulsus percipimus; quasi idem sit pulsus sentire, & omnes illius differentias exactè assequi. Nuper verò cum ad quendam ingrederer, neque lotio neque vlla alia re visa, nec ægro interrogato pronuntiaui ex solo ægri aspectu illum magna spirandi difficultate laborare, non posse dormire, & pedes tumidos habere. Ille admiratus prædictionem, inquit, non solum pedes, sed & crura tumida habeo, iamque sex diebus noctibusque vigilo, & spirandi difficultate maxima laboro. Tum ego suis moriturum breui dixi. Mortuus est sexta die postquam illum inuiseram. Quomodo autem id assequutus sim, quatuor verbis explicabo: Cū accessissem, sedebat in lecto egrè spirans, omo-platasque trahens, quod maximè difficultatis spirandi argumentum est, & faciem tumidam habebat. Vnde clarum erat qui sic afficiatur, somnum capere non posse, debilitatis inde viribus aqua intercute à pedibus veluti remotioribus à corde corripì, quod & tumor faciei apertius ostendebat. Denique ne singula prosequar, in prædicendo adeò felix fui vt neminem mihi vel æmuli ipsi præferant; cum quidam vel plus mihi tribuant quàm res ipsa exposcat. Alij facile cesserint, modo laudis in arte aliquid remittere velint. Non enim existimant prædicendi partem medicæ arti propriam esse, ac medico, vt reliquas, conuenire. Verum non tam est prædictio hæc nostra ad ostentationem (vt plerunque esse solet) sed potius ad ægrorum salutem. Non pigebit autem subiicere quod Augustino Fornario Genuensi nobili viro contigit. Is namque Indica lue aliquando cum laborasset, correptus est febre lenta, qualis solet affectos illo morbo comitari; atque ita sensum in hydropis genus

illud incidit, quod vocant Tympanitem. Aderat & alius medicus: cùmque maxima diligentia ab utroque curaretur, nihil tamen proficiebat. Mulieres assistentes & amici collaudauerunt quendam alium medicum turgidum & gloriosum: & vt fit cum res ad vota non succedunt, facillè obtinuerunt vt superuocaretur. Is vt conspexit hominem diuitem, & liberalem, simulque quoddam inuideret mihi tamen iuueni, existimauit è re sua esse vt me abacto præda solus potiretur; itaque statuit vt coram omnibus Genuensibus nobilibus contra morem & decreta Collegij verba faceremus. Inuitauit autem, vt credo, illos, nam alioquin non tam communi consensu præsentēs adesse potuissent ad audiendum quod instituerat. Adveniunt itaque, & prior ille, cum dixissem demonstrassemque morbi genus, rogat autoritati suæ consulens, licet iunior esset, vt vltimo loco ei dicere liceret; assensus est senior, quid plura? Vt tum solebant ambo in vnum consenserunt, scilicet in ægri perniciem, vt me exploderent. Ita sunt mores hominum. Tunc senior lætus pronuntiat salutem futuram die sequenti, multaque alia addit amentium more; itur deinde ad ægrum; ibi multa gloriatus pollicitusque dicit communi consensu statutum, vt medicamentum sumeret, rogatque me an verum sit; ego qui mentiri non didici, respondi placuisse hoc maiori parti. Intellexerunt astates, intellexit & æger, rogat igitur æger me an medicamentum sumere debeat: fidebat enim plurimum mihi. Respondi vocatos esse tres medicos: hæc sententiam esse maioris partis: medicamentum esse naturæ innoxium; erat enim cassia nigra, hieræ species, & rhabarbarum: illorum maiorem esse autoritatem. Non audebam vltius progredi. Erat enim is Collegij procurator. Hæc namque officia plerique quærunt vt vi retineant & metu, quod bonis operibus, aut eruditione comparare non possunt, simul & vt apud imperitos autoritatem assequantur. Tum ille acrius instat, vrget, sanitatem pollicetur tandem medici amique recedunt. Tum astantes mulieres rogant, vt si existimem obfuturum medicamentum, ne exhibeam. At ego, qui non solum rerum naturæ satis peritus eram, sed etiam diuini iuris, in hæc verba respondi: Si è re fuisset vt non propinarem, non esset aduocatus hic tertius medicus; nam iam diu nos ab hoc auxilio volentes abstinuimus, verum postquam vos aduocari illum iussistis (leges autem Collegij iubent, vt qui vltimò aduocatur, sententiam ferat) non decuit me plusquam par esset contra obniti; omnes enim sciunt, me quantum licuit, obstitisse; multò minùs verò iam constituta re mihi soli licet à constitutis discedere; hoc enim improbi & fallacis hominis esset, aliud pertinacis: nec hoc etiam, si vellem, facillè esset facere sine magno meo periculo & iactura famæ; si vos ita voluistis rectèque consuluistis, non est cur ego obstitam: si errastis, haud par est me pro alieno errore poenas luere. Acquieuerunt inuitæ: vt quæ intelligerent non placere determinationem. Datur itaque medicamentum vesperi (hæc enim mane acta erant diluculo) ius quoddam. Tantum verò absuit vt conferret, vt noctem inquietam duxerit,



duxerit, mane obstreperet regmone; aduenit medicus senior; audit strepitum, videt plorantes; interrogat an is esset eger; respondent eum esse, adiciunt verba more mulierum. Ille pertimacia adeo amens erat, vt non crederet eum esse ægrum, sed dubitabat, credo, ne ego illi ludos facerē. Caput introducit; erat enim apertum ostium de more, vt morientibus fieri solet. Videt ægrum esse; statim abiit dicēs, mortuus est. Venit & alter Medicus; videt ægrum: solatur. Veni ego hora prandij. Tum æger ad me. Ecce vides hominem in te confidentem, ageti potes vt me reuoces à periculo præsentes: non ego illum, sed conciuēs mei ad me adduxerunt. Itaque hortatus hominem vt bono animo esset, aliquid dedi; iuxta vesperam reddij: nec discessi prius quàm illum perfectè ab omni medicamento noxa liberassem. Tum Genuenses omnes vsi sunt opera mea deinceps, præter duos qui addicti erant nomini illius; superuixit autem æger mensibus septem, & cū videretur liber, surgeretque, repente diaria obiit; vix enim superuivere poterat vel cum optimo regimine, quanto minus furculis lapathi crudis assidue vtens. Atque hæc in patria contigerunt. Quamobrem ne mireris si talibus atque his similibus crabrones, vt dici solet, irritauerim, vnde tot conspirationes, tot oppugnationes, maledictiones ortæ sunt. Adagium enim Veritatis est, Qui in tenebris ambulat, odit lucem. Nec verò ob solam ignorantiam plerique peccant, sed quoniam sanctissimam artem non legitime tractant. Vnde diuino destituti lumine maxima peccata perpetrant.

Verum his omissis, cum haud ignorem quàm multi historiam illam, cuius toties meminimus, quæque contigit extra patriam, tamen exitum scire cupiant, eam hic subicere decreui. Adiciam autem non verba, sed literarum ipsarum exemplum. Primæ igitur quæ ad me scriptæ sunt (nam aliæ ad mercatores prius de negotio transigendo omittuntur) à Medico suo in hanc formam scriptæ sunt:

S. P.

Cum in omnibus nouis coniunctionibus plurimum interfit, Vir eruditissime, qualis primus aditus sit, & qua commendatione amicitia fores aperiantur, æquum existimo huius mei ad te scripti (hominis & si tibi incogniti, tu tamen studiosissimi) rationem reddere. Plerique iucundissimæ amicitia causa est geniorum quædam veluti sympathia & similitudo. Aliis ea amicitia ad vitæ suauitatem non parum facere videtur, quæ studiorum similitudine conciliatur. Magnam certe vim habet ad alliciendas & coniungendas amicitias studiorum ac naturæ similitudo. Nihil quippe est appetentius similem sui, nihil rapacius quàm natura. Haud difficile nihilominus accidit vt huiusmodi amicitiarum nexus dissoluantur. Præsertim cum mores educatione, colloquiis, commerciis varientur, studiorum similitudo in dissimilitudinem pro occasione facillè permuteatur: mihi verò cum Cicerone maxima conciliatrix amicitia videtur virtutis opinio. Est enim proprium virtutis conciliare animos sibi hominum, & ad suos vsus adiungere, atque amicitias conseruare. In ea namque conuenientia rerum, in ea stabilitas, in ea

est constantia quæ cum se extulit, & lumen suum extendit, & idem aspexit, agnouitque in alio, ad id se admouet, vicissimque accipit illud, quod in altero est: ex quo eorum exardescit siue amor siue amicitia. Vnde nihil est amabilius virtute, nihil quod magis alliciat homines ad diligendum. Quippe propter virtutem & probabilitatem eos etiam, quos nunquam vidimus, amamus; cuius ea est vis vt (quod maius est) eam in hoste etiam diligamus. Quare quemadmodum despiciamus eos qui nec sibi nec aliis profunt, in quibus nullus labor, nulla industria, nulla cura est: sic suscepit vita consuetudoque communis vt beneficiis excellentes viros in cælum fama & voluntate tollamus, eos suspiciamus, maximisque efferamus laudibus, in quibus existimamus excellentes quasdam & singulares perspicere virtutes, atque eos quorum vita perspecta est in rebus honestis atque magnis, & bene Reipublicæ facientes, quorum virtus & studia fructuosa sunt aliis, sibi autem laboriosa, aut periculosa aut certe gratuita. Qua parte tantò plerosque maximæ famæ, nec minoris ingenij, aut eruditionis superasti, quanto te variarum artium studiosos tibi tuo isto indefesso scribendi studio deuinxisse, vel satis notit is qui tantorum tuorum monumentorum laborumque vel minimum (ex vnguibus leonem æstimo) degustarit. Ego ex tot, tantisque immensi laboris scriptis, quorum in libello de libris propriis catalogum recenseres, solum vidi libros de Sapientia, & de subtilitate, & de consolatione, qui vnà cum libris de sapientia annexi sunt. Hos mihi anno M. D. XLIX. dum Tolosæ medicinam facerem, amicus iuris peritus humaniorum admodum studiosus dedit; illos autem de subtilitate hoc anno M. D. LI. in Scotia vbi nunc ago, ab illo amico accepi. Hi ex tam multis soli apud me sunt: ex quorum lectione tanta mihi reliquorum cupiditas incessit, vt nisi spes esset iis aliquando, imo etiam breui frui, eorum carentia mihi longè grauior esset. Quemadmodum enim summa laude & gloria dignum esse lectione digna humaniorum generi vtilia scribere, sic aliorum vigiliis ac literariis frui laboribus, maxima mihi voluptas videtur: qua tandiut me tuis caruisse vt doleo & molestè fero, sic futura lectionis expectatione consolor. Tuamque in scribendo copia, varietas, multiplex lectio, rerum observatio, sententiarum ornata grauitas, pura castaque narratio, facit vt in tuis monumentis profundissimam memoriam, expertissimam industriam, & acerrimum iudicium quisque deprehendat, laudet, colat, atque veneretur. Me verò plurimum delectauit quòd librum de Sapientia quintum euoluēs, viderim quod tibi iure vendicas experientiam, vbi inter cætera sic scribis: Sed quid si ars ipsa non alat, nec vllus ad aliam detur transitus, nouum aliquod inuentum excogitandum est (semper enim nouitas rei gratiam parit) quod in quacunque re magnam affert utilitatem. Cum in hac vrbe inuidia diu laboremus, nec lucrum suppeditaret impensis (sic durior est spectata virtutis, quàm incognita conditio, & nemo propheta in patria sua est honoratus) multa vt noua inuenimus, tentauimus in arte: nam extra artem



nihil non cessit. Tandē phthisis quam phthoe vocant, multis sæculis curam deploratam excogitavi sanauique multos, qui nunc superuiunt, nec difficilius quàm Gallicum morbum: rationem etiam curandæ aquæ, quam intercutem dicunt multis iam sanatis inueni. Sed pro inuentione ratio duxerit, experimentum autem magister, aliorum opera incitamentum. At pro experimento si periculum sit tentandum, leuiter ac paulatim. His duobus à te inuentis, experimentis non minus homines tibi deuinxisti, quàm medicinam auxisti. Nam si non leuis est momenti artem quamvis præclaris magnificisque operibus exornare, & ei incrementa adiungere temporum excursu, ad quæ priorum nunquam vel ingenium vel industria penetrauit, quantò magis in arte omnium præstantissima, & quæ in totius humani generis salutem comparata sit, abstrusum quiddam & reconditum depromere, quod à vulgari genere philosophandi & popularibus sententiis abhorret, immensæ utilitatis videtur. Non pauci idcirco falluntur, qui medendi artem veterum labore inuentam, satisque consummatam rati non ultra progredi contendunt. Voluntque posteros omnes vno quasi filo deductos iisdem insistere semper vestigiis, de quibus nefas sit vel trāsuersum (quod aiunt) vnguem decedere. Viam illi prorsus obstruunt inueniendis nouis, & illos impudētiæ grauiter accusant, quod in eo omne studium collocarunt, vt aut nouum quippiam cenderet, aut traditas ab antiquis artes iam quasi vetustate collapsas fulcirent, aut illis adderent, quæ partim diligentia, partim experientia, partim ætate essent progrediente consecuti, & quæ temporis magis, quàm scriptoribus defuerant. Huiusmodi morosiora quorundam ingenia nosse oportuit, nihil simul & inuentum & perfectum esse. Omnium enim rerum principia parua sunt, sed suis progressionibus vsa augentur. Quippe nihil est in natura rerum omnium quod se vniuersum profundat, & quod totum repente euolet. Sic omnia quæ fiunt, quæque aguntur acerrimè, leuioribus principiis natura ipsa prætexuit. Et quod ait Comicus: Nunquam ita quisque bene subducta ratione ad vitam fuit, quin res, ætas, vsus semper adportet aliquid noui, aliquid moneat, vt illa quæ te scire credas, nescias, & quæ tibi putaris prima, in experiundo repudies. Itaque vt cum D. Fernelio Medico Lutetiæ claro loquar, tam peccant qui à veteribus peruestigata omnia comprehensaque esse contendunt, quàm qui eisdem primam rerum cognitionem detrahunt, illósque de veteri disciplinarum possessione deiciunt. Sed fortasse prolixius quàm epistolæ alteri negotio destinatæ vsus requirat. Ego, vt ad rem reuertar, tuæ eruditioni, virtuti, & sapiētiæ, quæ cum assiduo studio de studiosis literarum omnibus bene mereri non desinis, ita me adductum, ita deuinctum sensi, vt iam diu nihil animo æquè optatius habuerim, quàm vt mihi sese offerret occasio, quæ quàm gratus esset erga te animus meus, possem declarare. Quæ res tamen si serius quàm voluisssem, successerit, nunc demum tamen tam grata cum opportunitate se obtulit, vt tibi & mihi non mediocriter gratuler. Mihi tum ob R. A. R. D.

& Mæcenatis mei à te vno tanquam sibi propitio Æsculapio expectandam & expectandam sanitatem, tum ob mutuam & mihi exoptatam tuam consuetudinem, quæ frui hac vna me posse semper sum confusus. Tibi verò gratulor quodd hęc res & vtilitatem tibi non paruam, & laudem, vt spero, longè maiorem allatura sit, cuius amor (cum & virtutis sequax sit gloria) generosis animis veluti stimulus ad præclara facinora est innatus. Vnde hoc ingratum tibi futurum tantum abest vt existimem, quin potius maximè optandum putem. Rerum enim expetendarum, vt Cicero secundo de inuentione testatur, tria sunt genera. Nam est quoddam quod sua vi nos allicit ad sese non emolumento captans aliquo, sed trahens dignitate: quod genus, virtus, scientia, veritas est. Aliud autem non propter suam vim & naturam, sed propter fructum atque vtilitatem petendum, quod pecunia est. Tertium est ex horum partibus iunctum, quod & sua vi & dignitate nos inductos ducit, & præ se gerit quandam vtilitatem, quo magis expetatur: vt amicitia, bona existimatio. Hęc tria vna hoc negotio, vir optime, haud admodum difficulter potes maxima cum voluptate consequi. Quippe hinc tuæ virtutis ac scientiæ summa apud exterarum etiam orbis partes erit prædicatio: hinc facultatum domesticarum non mediocri prouentus: hinc multorum bonorum amicitia accedet, & incredibilis existimatio. Quibus te moueri patiari æquum est: præsertim cum omnes expectamus vtilitatem, ad eamque rapiamur, nec facere aliter vlllo modo possumus, vt autor est in Offic. Cicero. Nā quis est qui vtilia fugiat, aut quis potius qui ea non studiosissimè persequatur, potissimum quando cum dignitate & honestate coniungantur? Sed quorsum hęc omnia tendant, accipe; Regni Scotiæ Gubernatoris humanissimi principis frater Illustrissimus S. Andree Archiepiscopus, cui iā exactis circiter quatuor annis sum à Medicina, annum agens plus minus quadragesimum, anno ab hinc decimo, asthma periodico, ex repentina immensi caloris ex paruæ sphaeræ reticularis sub canicula ludo contracti in frigus permutatione & frigida ac humida victus cum temporis ratione vexatur. Prima autem morbi accessio fuit cerebri in pulmones destillatio, cuius etiam tum temporis comes fuit raucedo, quæ præsentis medici præsidii pro temporis occasione ablata est, relicta tamen mala frigidiori & humidiori cerebri temperatura, à qua materia præter naturam in capite aggregatur, quæ ideo paulatim asseruatur, quia cerebrum nec proprium alimentum probè concoquere (præsertim cum sanguine pituitoso nutriatur) vel vapores ad ipsum ex inferioribus partibus delatos præ imbecillitate valet resoluerere; quæ quidem ex præcedenti accessione derelicta facit, vt quoties reperitur in toto corpore materia, quæ propriam substantiam, vel vaporem, aut qualitatem, cerebrum impetere valeat, noua superueniat accessio: defluente nempe in pulmones eodem humore. Hinc iam periodica destillatio, cuius cum aliarum causarum signa prætereant, ea potissimum est nota, quod in totum fere citrà febrem comitantibus propriis etiam



etiam destillationis indicium, illi veluti sano ex manifesta causa confestim accidit. Quæ certe accessio singulis fere Lunæ coniunctionibus, & oppositionibus, imo etiam quadris veluti certis circuitibus aggreditur: hanc quidem spreto, ut hætenus, aut saltem sedulo non adhibito Medicinæ auxilio, in continuum tandem fluorem abituram (ita tempore subripere vires corporis vires morbi possunt) periculum est, potissimum cum iam fere continuo maxime noctis tempore non nihil defluat. Atque hinc non mediocriter pulmones imbecilliores redduntur. Serosus enim, liquidus, aquosus, pituitosus, & dulcis; aut insipidus (aliis qui si acris, aut salis fuisse, & pulmo exulceratus, & morbus Tabes dictus, Græcis *ἰσχυρὸν*, dudum subsequutus esset) est defluens in pulmones. Vnde initio tenuis & paucus tussis magna excernitur. Nam tussis lenatus ab expirato aëre dimissus ac dissectus in pulmones refluit; postea coctus & modicè crassatus, qualis tenuis & crassi medius fuerit, à viribus thoracis valentioribus cum mitiore tussis copiosius expuitur. Qui idem rursus paucus si crassus & lentus euaserit, tum tussis validissima foras mititur: quare tenacius hæret humor quàm ut per hanc possit auelli & leuari ad fauces usque. Hinc dyspnœa, seu spirandi difficultas cum stertore mox ubi præcepta est angustia à qua caliditas in corde & pulmone augetur, quæ quidem respirationem, magnam, vehementem, velocem, frequentem magnam ex parte facit, ac exhalando (quod caliditas aucti proprium est) per os spiritum calidum & feruentem per quam quoque aër partior quàm per sanitatem trahitur, etiam multum dilatato thorace. Cæterum pulsus artenarum mollis illi est, parvus accessionis initio creber, frequens, inordinatus, & inæqualis angustiam & dolorem partium respiratoriarum & calorem natium auctum demonstrans, cum aër attractus angustiae viarum causa cordi refrigerando & pulmone, ut iam dixi, non sufficiat. Itaque urina, ut ex ea indicia non præteream, subruffa, & ut plurimum mediocriter tenuis, sed instante accessione longè tenuior & alba, cruditatem per se ferens cum hypostasi pauca, aliquantulæ obstructionis nota, & bullis quandoque in media superficie desidentibus, humorem ad pulmonem & fluxum significantibus, quandoque solam coronam integra serie occupantibus, vinarque concoloribus capitis affectionem indicantibus. Accessionis verò tempore subruffa, & post accessionis vigorem longè rubrior & frequenter micta & pauca ob dictam superius rationem, urina cernitur. Totus corporis habitus admodum gracilis: & cum tabulis Hippocraticæ facies maxime accedat, nihil tamen illi proximum habet præter collapsa tempora ob musculorum (quos à temporibus *crotaphitas* appellant) substantiam diminutam: reliquæ faciei partes à sana fere nihil absunt. Itaque dum morbus dat inducias, ita habent totius corporis robor ut hominis penitus sani munia obire valeat; quæ maxime ratione tanto morbo idonea præsidia & ipsi eo tempore adhiberi & ipse validè perferre queat. Habes morbi integram rationem, quam hætenus ut lenirem, & ne in deterius

rueret præcauerem: quibus remediis, quo labore, qua industria fuerim usus aliquando fauentibus Superis intelliges. Ego enim absolutam illius curationem neque vnquam expectaui, nec quantumvis efficacissimis præsidii contingere posse confido, tum propter cæli humiditatem (& si non nihil salcedinis ex maritima participet) & ventorum impetum, tum ob illius perpetuos laborum cruciatus, quibus Reipublicæ causa, quæ fere tota ex eo tanquam tenui filo pendet, noctes diésque distorquetur ita, ut vix in tanta negotiorum vastitate interspirare liceat, multò minus sanitati indulgendo ea præstare quæ bonus noster Hippocrates non solum in Medico, sed & ægrotis & cæteris summè desiderat. Iam verò quibuscunque negotiorum tumultibus relictis, Lutetiam omnium disciplinarum genere, & maxime Medicina Ciuitatem florentissimam profectus est, totam sanitati operam ibidem nauaturus. Quoniam autem à me de tua singulari virtute, eruditione eximia, & exercitatissima in re Medica experientia, frequenter monitus est, suppetias tuas tanquam morbi validissimum propugnaculum auidissimè Archiepiscopus exoptat: quibus iam ita confidit (quod ad restituendum sanitatem non parum conducere videtur) ut inde sibi accessuram sanitatem tanquam ex Apollineis propitiis manibus persuasum habeat. Itaque non solum hac in re consilio tuo uti, sed tua præsentia frui tam cupidus est, ut nulli cuius sumptui, quo te Lutetiam possit ad aliquod dies allicere, velit parcere. Quamobrem fac, obsecro, ut te tam multorum & magnorum Philosophorum alumna Lutetia semel videat, tam multi docti amplectentur & admirabuntur: & cuius scripta magna cum religione volunt, cum maiori honore suscipiant, colant, & venerentur. Itaque quantum temporis viæ peragenda voles, quem comitatum, quos sumptus, quantum nummi, tantum ab eo qui has perfert, accipies; nec si ætas, corporis valetudo patitur & adsit voluntas, quo citius res peragatur, angariarum præstatio deerit; nec etiam si opus fuerit, Principum commeatus, seu vtriusque patriæ fides publica. Hoc denique vnum scito, Vir optime, tibi cum humanissimo & liberalissimo Principe negotium esse: de quo non minus tutò tibi ipsi polliceri potes, quam ipse de te expectationem concepit. Ille à te corporis bonum expectat, tu non mediocri fortunæ accipies: imo non fortunæ sed potius laboris tui, & singularis doctrinæ ac virtutis merita præmia. Quod si ætas, Musæ domesticæ, Penates, tempus, negotia, amici, vel aliud quoduis eò te adduci non patiantur ut Lutetiam accedas, saltem Lugdunum tibi viciniorem & famosam ciuitatem venias. Hoc à te pro tua humanitate contendimus, honoris bonique non vulgaris causa optamus, non vni etiam optimo Principi hac ratione solum obsequuturus, sed totam vnam Rempublicam & regnum tibi plurimum deuincturus. Quod si petitorum neutrum (quod non expectamus) concesseris, interim prudentis tui consilij morbo dicto (qui in Phthisim aut deterius, quod Deus auertat, ruerè promptus est) oppugnando idonei nos integerrimè, obsecro, mone: & quod visum



fuerit, accipe, nihil omittens quod in illius demolitionē facere posse deprehenderis. Quod quidem pro tua sincera fide facturum non dubito. Quemadmodum enim tu inter tam multa & magna tua & nunquam interitura monumenta quaecunque ad humani generis salutem non profutura existimasti, si nocere cum hoc etiam possent, nullo modo superesse voluisti: ut in libello de libris Propriis testaris: sic quā sis, ut profiteris, consecutus in quibusdam desperatis multis præcedentibus sæculis morbis à D. O. M. curandi rationem, aliquando promulges, non sepelias æquum est. Iniquum siquidem est in vtilissimis toto humano generi præceptis aliquid aut perpetuo recondere: aut aliud sentire, aliud scribere; maxime cum, ut in Adagio est, Expertes inuidentiæ sint Musarum fores. Sed ecce dum his literis summam manum admoueo, occurrunt duo à te xvij. de Subtilitate libro qui de mirabilibus inscribitur, commemorata, quorum alterum ad impinguandum homines mirifice facere testaris, alterum à te inuentum mirum in modum conferre anhelosis & suspiciosissis asseris. Horum neutrum nobis experiri hic contigit, tamen utraque in rem nostram non parum facere videantur. Itaque quantum ad ozimum attinet, in referendis ipsius facultatibus ita inter se dissentiunt Dioscorides, Galenus, & Plinius, ut nullo pacto illorum sententiæ conciliari possint. Sed de his nunc satis. Denique mandauit Iff. A. R. ut tempus tibi constituerem mensem Ianuarii, quo veluti statō & conducto die Lutetiam venias: vereor certē ne hyemis iniuria veniendi opportunitatem remoretur, aut voluntatem adimat. Sed occasio quæ Hippocrati præceptum est, facit, ut urgeam. Vale, Vir excellentissime. D. O. M. te diu incolumem seruet, & genium tuum ad scribendum in dies extimulet, ut tui Medicæ literarumque bonarum studiis diu prodesse possis, & nominis tui hac ratione immortalitatem comparare. Edenburgi xxvij. Septembris. M.D.lj.

Hæc Gulielmus Casanatus Medicus sanè eruditus, de quo in Commentariis Astronomicis mentionem fecimus. Itaque persuasit ut irem: petij autem solum cc. coronatos pro viatico Lutetiam vsque; ibi enim Archiepiscopum esse existimabam, sed non aderat, ubi igitur literas nostras accepisset, statim iussit numerari pecunias; accessi itaque Lugdunum. Alibi autem quomodo res gesta sit, enarraui. Illud sane admiratione dignum, cum nunquam mentitus sim, istam qualemcunque bonam fortunam tamen ex mendacio ortam fuisse; nam neque verum erat me Phthoe laborantes sanasse; neque tamen consulto mentitus eram, aut ex toto. Tunc enim sanare illos posse sperabam: verum animaduerti eos solum à me sanatos esse qui ex casu aliquo in sanguinis sputum, inde in tabem incidissent. Eos verò qui ex acri distillatione multam saniem reicerent, minimè. Ita fatum me impulit: quasi fortuna nunquam veræ virtuti faueat, ut egregiè nolens mentiri, hocque solum mendacium quod me inuito excidit, tantum mihi vtilitatis & voluptatis afferret. Literas itaque accepi & ccc. alios coronatos, ut irem in Scotiam; literarum exem-

plar hoc fuit. Erat autem Archiepiscopus ipse qui scribebat; & ego interim Lugduni plura consilia conscripsi pro nobilibus qui diuersis morbis laborabant.

Redditæ sunt nudiustertius Medico nostro mihi que perlectæ tuæ litteræ xxij. die Nouembris scriptæ. His autem ut singularem eruditionis absconditæ, & perfectæ virtutis tuæ opinionem nostram, Doctissime Cardane, æquasti, sic per te præcipuè restituendæ nobis certò sanitatis expectationem auxisti. Quam antea stimulatus Medico nostro maxime suadente, ad te tanquam mihi propitium & propositum Æsculapium morbi profligandi causa recurrendum existimaui. Non de aliorum doctissimorum Medicorum prædiis diffusus, verum de tuis auxiliis mihi plurimum pollicitus. Cum autem ipse iam aliquot exactis mensibus, ut ex Medici nostri literis abunde satis intelligere potuisti, hac solum ratione Lutetiam petere statuissim, grauissimis certè & urgentibus ineuitabilibusque tandem negotiis interceptus ab instituto desistere sum coactus. Quare dum aliam viam hinc proximam mihi studiosè apparandam ducō, incessit cupido virum hunc qui has perfert mihi iam elapsis quatuor annis à Medicina, tui studiosissimum, quique in iam dictam tui opinionem nos coniecit, ad te mittere, ut tuo deinceps consilio prudentissimo, atque, ut Deo ita dispensante expectamus, saluberrimo, cuius semper sitientissimus fuit, armatus, expeditus, morbo profligando præidia exquirat, adferat, atque adhibeat. Scripsit is ad te satis amplè influ meo, de mei ipsius temperamento, morbi origine & progressu, omnemque ferè eius rationem tibi meo iudicio ob oculos proposuerat. Sed quoniam hoc etiā ipsum haud facere satis videbatur, quo hoc quicquid est negotij, facilius, fidelius, ac felicius exequeremur, dictum nostræ valedudinis studiosum & fidelem ministrum tibi destinauimus, ex cuius sermone mutuâque colloctione spero tibi meam morbi que vniuersam rationem ita perspectam fore, ut postea nihil ad absolutam eius cognitionem merito possis desiderare. Nihilominus, quia ut ait Poëta, Nec retinent patulæ commissæ fidelius aures, Quam quæ sunt oculis subiecta: & quæ cernuntur certiora sunt, quam quæ audiuntur, inuentâque (quod prudentissimè dicis) in inuentorum ipsorum manibus mirum in modum relucet, hoc vnum pro singulari tua humanitate atque erga nos capta beneuolentia contendo, ut qui Lutetiam scripta tuis literis conditione venire destinaueras, Scotiam quoque qua voles conditione adire semel statuas; fidem publicam, viaticum, comitatum præstabit qui has perfert, dabitque, si quod pactum inter te & illum initum fuerit, P. Franciscum Restam aut alium trapezitam Mediolani sponsores. Hoc denique vñ tibi, Cardane optime atque eruditissime, pollicebor recto pectore, nullam te temporis vel laborum iacturam facturum, non mediocrem autem facultatum prouentum, maximum honoris famæ atque existimationis fructum inde consequuturum. Quare tibi persuadeas velim me longè plura velle, & posse præstare quàm polliceri. Quod haud dubiè si nostra causa



causa tantum laboris insumperis, re ipsa atque experientia deprehendes. Vale Doctissime Cardane laresque nostros, non usque aded, fortasse ut putas, Scythicos inuise. Edenburgi iv. Februarij, M.D. liij. De cæteris autem his literis non commemoratis Gulielmo Casanato qui eas tibi reddet, fidem dato.

Hæc ille persuasit non solum Epistola, sed Medici sui preces; tandem accessi Lutetiam; ibi Regij Medici cōuocati de morbo disseruerunt, me audiente quidem, non tamen loquente, quod ipsi, cum Regij essent Medici, locum dicendi ætimum postularent: ego cum post illos cōsem vocatus, nec eum curassem unquam; ut illi, deberi mihi intelligebam; tandem ubi simul pransi essemus, actum est de negotio. Postulabant autem & votum meum, sed interponere, quanquam honestissimo tunc loco nolui. Dicepsi, iui in Scotiam, Londino transiens, & Regem Anglorum conueniens. Vbi veni ad Archiepiscopum, quæ proposita erant à Medicis Regiis exequi studens, nihil profeci; atque ita xl. dies triui abique utilitate: imo cum iactura. Erat enim corpus tabidum, senij tabe; quod ubi admihauerti admonitus à familiari meo Ioan. Paulo Paladino, qui tum oprabat discedere, videbaturque hac causa suo voto fauere: mutavi consilium, & causam erroris illi declarans ita effeci ut intra xxv. dies reliquos, quibus ibi mansi, morbus mitesceret, caro restitueretur. Interim autem concurrebant multi, imo pene tota nobilitas, aded ut meum aliquando ex duabus Medicamentorum detegitionibus vna die accepisse xix. coronatos aureos. Cumque hyems succederet, decreui recedere, ac in patriam reuerti; neque enim tuum omnino ibi manere existimabam, seu ob aeris intemperiem, seu ob vnius è meis familiaribus improbitatem: quippe quinque mecum duxeram, sed vnus satis erat maledictus, inuidius, auarissimus, Dei contemptor. Importune igitur missionem quasiui, quam vix impetraui. Nam rationes multas Archiepiscopus adducebat, morbum non curatum, imo vix leuatum, paruum moram pro tam longo itinere, bella quantum saniebant, ingruentem hyemem, posse me mora quinque aut sex mensium omnibus satisfacere. Atque hæc omnia ego vera esse intelligebam: sed id me torquebat, quod ille nesciret in tanto periculo versarer, vrgebat etiam me filiorum amor. Et certe neque ego illius liberalitatem, neque ille me nouerat. Discessi itaque ut ita dicam, re infecta vix dum inchoata, relinquentes tamen consilium satis prolium, quod partim in itinere, partim ibi confeceram. Rediens itaque, cum animus esset per Celtas reuerti, ob latrones, tametsi Principum auxilio adiutus, nunquam potui. Intellexi autem ab affine meo Gaspare Cardano Medico, quem illuc transmisi, quique in latrones incidit, tum ex literis Lutetiam Præsidis Ranconeri multos illustres viros aduentum meum Lutetiæ operiri, sed fata non sinebant. Reuersus itaque per Belgas, & Germaniam in patriam tandem me contuli, cccxxv. diebus in itinere, lxxv. apud Archiepiscopum consumptis. Ita longè maior fuit impensa illi quam mihi lucrum, tametsi in itinere ubi mo-

ram duxi, non irrita ea fuerit. Certum enim est pro hoc aduēta meo Archiepiscopum paulo minus quatuor aureis talentis impendisse. Audiui etiam Principem Lutetiæ fuisse, qui me operiebatur, daturum duo penè talenta, id est, aureos coronatos mille, si curando illi assistere voluissim. Sed hoc non tam certum est, ut affirmare ausim de pecuniarum multitudine; ubi verò in patriam sum reuersus, penè biennium intercessit ex quo nullas literas ab Archiepiscopo accepi. Itaque illum vel mortuum vel bellis implicitum, vel pertæsum aduentus mei rebar. Tandem post biennium vix vno mense exacto, quod tempus ipse sibi ad scribendum præscripserat, aduenit vnus ex suis intimis cum his literis: Binas tuas literas accepi superioribus mensibus mihi etiam gratissimas per quemdam Angliæ Mercatorem, alteras verò per dominum Episcopum DunRordensem, vnà cum Balsamo Indico. Postremas tuas literas accepi à Scoto cum elegantissimis tuis commentariis in difficultissimum opus Ptolemæi. Quibus omnibus amplè & abundè ter quater responsum est. Per multas enim ad te dedi literas: incertum mihi tamen an tuas in manus deuenierint. Nunc autem famulo tibi noto Romam proficiscenti mandaui, ut excellentiam tuam inuiseret, & meo nomine saluaret, gratiasque ageret nedum de tuis munusculis variis & gratissimis, sed etiam de sanitate magna ex parte restituta, morbo propemodum depulso, viribus auctis, vita denique quodammodo recuperata. Ista namque omnia atque corpusculum ipsum tibi acceptum fero. Quandoquidem à tempore tuorum Medicamentorum tanta arte & dexteritate præscriptorum & compositorum, morbus ille mihi peculiaris & rarius & leuius multò me inuasit: quandoque enim accessiones solitæ vix in mense semel, aliquando verò bimestri spatio me opprimunt. Nec tum quidem vrgent, neque premunt more solito, sed solummodo persentisco lenissimè. Ingratitudinis vitio me insimulari liceret (quemadmodum ingenuè fateor) si ista tot & tanta beneficia non recognoscerem, & gratias referrem. Sed iam Epistolam ad te mitto viuam (nempe hunc Michaëlem) idcirco oro, ex animoque precor excellentiam tuam, ut si vsui tibi esse possim ope, opera, aut opibus, isti renunciaueris: qui me quam celerimè certiore faciet; id ubi ego resciero, in promptu rem factam esse existimato. Præterea Dominus Gulielmus Casanatus Medicus anno superiore lares inuisit paternos, neque adhuc reuersus est. Vir sanè multis nominibus & honore dignus, cuiusque necessitudo & cohabitatio iucunda fuisset. Multum tuam tamen excellentiam præmonere volo atque obsecro, ne à munere scribendi solito mihi deficias, & ne seiunctis corporibus, animi fiant disiuncti, sed præsentis perpetuò. Famulos & tuos domesticos meo nomine salutat opto. Vale, ex nostra Metropolitana sede Sancti Andree Kalendis Octobris. M. D. liv.

Has ipsemet Archiepiscopus scripsit; ego verò curavi ut adicerentur, quoniam scio multos & iure merito de exitu rei dubitasse. Post has etiam alias suscepi literas tanto Principe



cipe tamque perhumano dignas, quæ à me seruantur, vt intelligant homines, nec eum nobis grauem, nec illi inutilem fuisse amicitiam nostram. Sed si velim illustres viros quos ab insanabilibus propemodum morbis sanauimus, tum fœminas hic abscribere, forsân non id rectè facturus sum. Multi enim sunt quibus non tam iucundum est vt intelligatur eos à grauissimis morbis esse plene liberatos, quàm graue sciri, aliquando his morbis laborasse. Nuper enim illustrem virû iam quinquennio ægotantem in duobus mensibus perfectè sanauimus, cum iam in Medicis supra duo forsân talenta consumpsisset. Atque hæc historia cum plerisque nota sit: ab ea tamen enarranda tum aliis virorû illustrium qui non pauciores sunt quam decem, ob eam causam quam diximus, abstinere decreui. At verò hæc ex arte, illud autem nescio vnde: quòd amicorum nullus præter vnum Prosperum Marionum in manibus meis obierit. Sed dum ægotaret absens semper fui, aliquando vel leuissimo morbo (quod tamen rarissime accidit) detinebar, atque ita vt neque adesse possem, & viderer languere ob id solum vt amicus absque culpa mea periret. Adiciam autem quod nuper contigit in M. Antonio seu Antonio Maria comite, viro ob eruditionem omnibus noto. Is quam mihi esset amicus, in Endecasyllabis aliisque carminibus nostris libris adiectis declarauit. Sernaueram autem eum ter aut quater à maximis vitæ periculis. Verum cum nunc ægotaret primis quatuor aut quinque diebus illum curauimus cum altero Medico, visusque est planè leuari, adeò vt socius illum extra periculum esse omnino diceret. Ego tamen & tunc & ab initio ipso prædixeram certò moriturum aut vix spem esse salutis, si modo Phlegmone non adesset. Verum ille alter cum iam eum extra periculum esse arbitraretur, & illi magis Maioragius fidere videretur, ita se gessit vt ego ægotantem deseruerim. Cum verò xviii. die purulenta multa & fatida expuisset, Medicus ille vt audiui, morbo liberum arbitrabatur, affinis verò qui rem viderunt, è quibus primus & ipse eruditus admodum vir, rem mihi vt acciderat narrantibus, dixi exitium imminere. Itaque mortuus est xxiv. die à discessu meo: xxx. verò ab initio grauioris morbi: septem enim diebus antea latuerat. Atque hæc toti vrbi iam nota esse ferme reor ob hominis excellentiam. Quæ quomodo accidere potuerint nisi fato meo magno non video, cum ferme supra fidem sint. Nec talia fortuitò contingere crediderim omnia, neque, vt dixi aliàs, nunquam fera aut homo coram me vulnus accepit. Quod quamquam casu accidisse fateamur, similis tamen effectus ordine naturæ, sed diuinior ab eisdem causis procedit, vnde quæ dicta sunt medendo, scribendo, agendo, tolerando mirabilia oriuntur. Scio autem quid obiecturi sint qui paradoxa hæc legent: nam omnes ad me concurfuros si ita esset, tamquam ad sacram anchoram dicent: concurrunt sanè plurimi, non tamen omnes, ob duas causas: altera quòd iam Medici ex erroribus decreta fecerunt, dum nimis potentibus blandiri atque obsequi nituntur, atque is vsus adeò inualuit vt si quis decretis

suis aduerfetur, aut insanus, aut imperitus, aut parum saltem exercitatus habeatur. Sic olim Thessalus & Themison in arte Medica, & vt quisque imperitior ita audacior. Ergo si quis contra consuetudinem agat, pro imperito, verso rerum ordine, habebitur. Sin autem consuetudinem ipsam euertere studeat, magnum sibi malum comparabit. Neque enim Christus ob aliud Cruci affixus, Socrates ad cicutam damnatus, quam quòd consuetudines euertere voluerunt. Multis namque consuetudo per se placet, aliis etiam utilis: plerique verentur ne cum illa auctoritas sua concidat. Altera causa fuit: quoniam contingit in Medica arte quod & in mulierum forma: multæ enim formosioribus præferuntur aut propter fucum aut vestium ornatum aut mores aut ob amicitiam, aut quia potiri hac non illa speramus, vel quia non eadem omnibus formosiora videntur. Nonne Galenus inquit in libro de prædictione ad Posthumum: Boni Medici non solum calumniis & insidiis obnoxij sunt, sed etiam veneno? recitatque de quodam Medico qui Romæ cum duobus seruis extinctus est. Quintus verò, vir in arte excellens tanquam ægros interficeret Roma pulsus est. Quis maiora miracula fecit quam Christus? quis vita sanctior aut doctrina melior? & tamen pauci dum viueret crediderunt, multi calumniabantur, populûsque in necem eius consensit. An ego melior Christo aut potentior? Quid mirari debet quisquam, homines sibi malle bene esse quam aliis? & quod ab vno vel duobus fieri non potest, multorum consensu effici? talia enim sponte hominum ingenia sunt. Accedit etiam quòd fatale nobis ciuitatum Collegiis odio esse, iudiciisque oppugnari. Nam & pater meus vt ab eo accepi, diu in ingressu Collegij Iurisperitorum laborauit, & ego vt aliàs testatus sum, bis à Medicorum Patauino, toties filius meus natu maior à Ticinensi, vterque à Mediolanensi reiecti sumus. Sed in illis peruicimus. In hoc indulgentiam pariter vterque, sed serius expertus est: cum mitiora sint damna iudiciorum quam scelerum. Nam Romæ & Venetiis cum nulla sit spes pellendi per leges, ad vim se recipiunt. Itaque in malo bonû & vicissim in bono malû latet. Fateri tamè cogimur, plus esse odij vbique in operibus admirandis quam in iniuria, plus periculi quam in improbitate, plusque iacturæ quam in imperitia. Verum quamquam nunc non intelligam quorsum tetenderit hæc tanta oppugnatio, cum tamen reliqua omnia quæ olim mihi putabam aduersa, videam salutis meæ & egregij cuiusdam boni atque felicitatis causa contigisse: cur est vt non etiam de hoc idem existimen? Sed vt res cessura sit, malui Deo obsequi quam propriæ vtilitatis rationem habere. Itaque cum tot difficultatibus quamvis neminem vnquam læserim, ob solius veritatis studium viximus. Verum non hoc tam demiror quam quòd cum plerique ex his liberali sint ingenio, & non vulgari eruditione, vt Medico adhibito studio ac diligentia, nulla facta lucri iactura, famæ verò etiam incremento, cum ego solus his moribus tantis resistam, nolint potius sponte amici esse quam hostes? atque vnâ nobiscum artem ad legitimam exercitationis rationem



tionem restituere : remque literariam simul adinuare ? Illud sanè eos moueat exemplum quod cum septies è patria tanquam non rediturus discesserim, id valde parum ad clientum multitudinem comparandam obfuerit. Atque id etiam testimonium præbet quod additi & deuoti mihi fuerint multi ex ciuibus meis. Quantum verò auctoritas valuerit nostra, hi videre possunt, qui quantum mutata medendi ratio sit à paucis annis citra, correctique abusus, de quibus in libro de malo medendi vsu diximus, intelligunt. Quamobrem neque piget mei instituti, neque poenitet, cum & per omnes gradus digniores vel sic apens transierim, vel transire potuerim, & primario loco profitendo & electione Principum, nec quicquam quod Medico vt artem honeste ac gloriose exerceat, contingere ex artis operibus seu virtute, seu fortuna possit, mihi defuit : neque opibus parandis institutum hoc scribendi, sed voluntas ipsa obfuit, si modo diuitiæ inter vera bona numerandæ sunt. Cùmque his omnibus vitam vixi satis diuturnam & sospitem. In ipso verò instituto non mediocrem felicitatem adeptus, et Deo gratias maximas, qui me ad hoc accenderit, fortan magis cæteris mortalibus, debeam. Nam & hanc conspirationem ac famam malam quibus ab initio ab artis operibus, quæ ad sanitatem retrahebar, quis non videt non iactura mee causa, sed gloriæ perpetue perande tanquam vincula solida nobis a morte quodam inuenta fuisse? Quam etiam ob causam cum aliquando ad nobilem

matronam, aliàs verò ad mercatorem, qui me tenuiter persoluebant, ingressus, negassem me rediturum, illis causam intelligentibus, matrona quidem multa pollicita non potuit efficere vt redirem, mortuæque ex illo morbo paucos intra menses: Mercator autem obiiciebat auaritiam, quod nemo ex primariis aliis (tres autem primos adduxit qui & verè primi habentur) hoc fecisset; at ego vera dicere postquam sanctè deierabat, credidi: sed me cum reputans quod si tam vili pretio conducerer, necessariò futurum esset vt vel laboribus imensis me ipsum perderem, vel ceptum institutum de edendis libris in medio cursu abrumperem, aut oscitanter curando Deum offenderem, & agros simul & partem studiis ac tanta industria gloriam non potui persuaderi. Atque hæc fuit vitæ meæ ratio, hæc studia animique tranquillitas, tum fortuna in curandis morbis, conscientiaque tot secretorum ferme in quolibet morbi genere, quæ mihi plus satisfaciunt quàm si Croesi Lydi diuitias possiderem. Quod si statuto caueretur ne nisi pro sanatis agrotis Medici præmia acciperent & humani generi optimè consultum esset: & Medici pro conspirationibus studia bonarum literarum exercerent, & iidem essent Principes eruditione & auctoritate qui etiam optimates: quod nisi quandoque fiat, omnia circa artem tandem ruere necesse est. Nobis autem satis fuerit, rebus propriis ita consuluisse, vt hanc admonitionem priuati commodi causa factam quis non existimet. Pridie Nonas Septembris M.D.LIV.







# DE LIBRIS PROPRIIS, EORVMQVE VSV LIBER RECOGNITVS.

*Ad NICOLAVM SICCVM, alias Praefectum  
criminum Capitalium.*

**N**IL tam difficile est atque arduum, Nicolae Sicce, amicorum praecipue, quam de se aliquid scribere, aut vitam facta gestaue literis mandare. Seu enim te tuaque laudaueris, seu vituperaueris, seu extuleris, seu depresseris, hoc omne tibi cum de te scripseris, & cuius alij obfuturum nemo ignorat: quamobrem quam paucissimi hoc munus aggredi tentarunt: & plerique sanè eorum tanquam aliud quippiam agentes, fecerunt liberrimè, quod sciam. Soli L. Sylla Foelix cognomine, & C. Caesar, & ipse Dictator, hoc ausi sunt. Cicero, M. Antonius, Galenus, tum Hieronymus & Augustinus, Erasmiusque, aliis argumentis rem ipsam obumbrarunt. Verum mihi non id tam conuenire, quam necessarium fore existimaui: cum saepius libri mei in publicum prodierint, aucti à meipso, atque etiam aliquot in locis, licet paucis, mutati. Et ut in tot argumentis arduisque scribenti & ratio utilitatis communis tot laborum, & aditus quidam faciliior patèret. Nec negligere debui, quòd cum multa essent in aliis huius libri editionibus pollicitis, quæ non præstiti, alia rursus eorum loco absoluerim, quæ minimè promiseram, ut saepius iam hic liber sit editus, lectores ut commonefacerem, quæ tandem omnino perfecta opera, quæque edita, & quibus in locis nullam ampliùs desiderent castigationem. Simul etiam, ut librum mihi conderem tanquam promptuarium, ad ea quæ deficerent absoluenda: & voluptatem aliquam ex præteritis laboribus in hoc aded ærumnoso tempore, in ætate iam inclinante caperem: quantæ enim utilitatis humano generi præstitæ mihi conscius sim, palàm facere non verebor. Neque verò quàm multa aliis in editionibus prætermittere potui, hæc adiiciam: sed breuiter ad metam ipsam operis properabo. Sic enim & labor minor erit, & iactura temporis & oratio ipsa clarior atque illustrior euadet, ut plures qui fortè alias editiones aspernabantur, hanc vnâ ut lectu vtiliorem atque iucundior non sint neglecturi. Primum igitur, ut ad rem ipsam aditum quandam patefaciam, proponam quo tempore hunc vltimum librum scripserim, omnibus

(quàm paucissimis demptis) libris qui hæc numerantur absolutis. Annus hic est salutis millesimus, quingentesimus ac sexagesimus: Pontificis autem Pij quarti ex Medicea familia primus: & regni Philippi Hispaniarum Regis, ac nostri, tertius. Cum ego nuper vno de sexaginta annis absolutis, ut ex facti serie facile quisqueprehendere possit, non quod plurimi existimant fortuito hæc nobis contingere, aut esse hæc præmia fructusque virtutis ac laborum nostrorum, vel cuique licere quod vel agere: sed liberam quidem (ut Comicus ait) esse voluntatem, operam seruam, cum hunc librum scribere cœpi. Itaque ob ea quæ iam dixi, nil mirum esse debet si huic argumento nonnulla de vita nostra moribusque interferam: sed parcius admodum, non solum quòd (ut dixi) sermo hic de seipso vix iactantiæ aut amentitiæ suspitione carere possit, sed quod multa huius generis in aliis libris, tum maximè De utilitate ex aduersis capienda conscripsi. Quamobrem sic incipiam.

Cum natus essem Papiæ, grassante in vrbe nostra peste, tum etiam quòd mater partum ipsum occultari volebat, ne illius affines resciscerent. Pater enim meus, ut senex ac Iurisperitus, viduæ matris meæ pauperis publicas nuptias auersabatur: ipsa verò turpe ducebat, quòd diceretur non ex coniuge peperisse. Horum causa sub partus tempore Papiam se contulit, ubi non natus, sed ut in lucem ductus sum. Post multa igitur aduersa atque calamitates in infantia perpeffas, tum morbos, sub patre Mathematicis instructus, & Latinam linguam consuetudine edoctus, cœpi quamprimum cogitare, an via esset aliqua, ut immortales euaderemus. Nec mirum, fuisse hoc adolescentis consilium: cum referat Galenus, hoc tentasse quendam, & pollicitum esse, Philosophum etiam: quin & Erasistratum hoc ausum fuisse promittere. Conscripsi & libellum de locorum distantia, Hebraei libro: sed Ioannes Monteregius id argumentum, ut postmodum cognoui, felicius absoluerat: hos ambos dedi Augustino Lanizario Commeni, amico præcipuo: hique ambo illius morte periire non magna iactura nominis mei, nec publicæ (ut reor) utilitatis:



utilitatis : fuerant enim conatus iuueniles : & indolis potius iudicia, quàm fructus scientiæ, aut studiorum. Cùm verò me Patavium contulissẽ, conscripsi commentaria in libri Posteriorum primi initium, mediocris magnitudinis : è quibus decerpsi contradictiones, quarum exemplar extat apud Medicum Mediolanensem : & apud me liber cuius initium est : Prima contradictio textu Commentii xxix. Ipla verò Commentaria cùm dedissem Octaviano Scoto amico meo, interiøre. Cùm verò anno xxiv. ætatis Rector Academiæ creatus essem, scripsi libros de ludis : sed tamen primum tantum absolui : folia continet centum quinquaginta pene, Italica lingua. Initium est : *Nam per vitio aliquo.* Quorsum hæc ? Delectabar alea : non cedebat infelicitæ Methodum habere in quacunque re et prebui, ne temporis iacturam aded magnam facerem. Gaudebam ipsa contemplatione rei, atque studio. Possem me excusare, iuxta illud :

*Arcus & armatura tibi sint imitanda Dianæ :  
Si nunquam cesses tendere, molli erit.*

At, vt dixi duplex ratio ab hac alea ad id me impulit, quod existimarem plura non posse contineri citra methodum : & ipsa numerorum & casuum, necessitatisque ratio. Sed & id accedebat commodi, vt successibus temporibus nihil deperiret. Hanc tamen in triginta annis ob curas & negotia, tum studia nobilitata, vix absolui.

Anno autem M. D. xxvj. cùm in Saccense oppidum me contulissẽ, ibi enim grauissimam in perna fruebant ) conscripsi Epidemiorum libros, satis exiles, & vt Hippocratis narrationi conserentur prorsus indignos. Scripsi etiam mihi Collectanea quadam è diuersis auctoribus satis magna, quorum vltus nullus mihi propè est. Et librum de morbis coniunctis, quem sub alio argumento inchoaui. Sed ille apud me extat, & imperfectus tamen. Ea ratione id aggressus sum, quod certerem scire, imò maiori ex parte, morbos morbis largi, diuersaque postulare, imò frequentius contraria auxilia. Itaque hoc ipso opere docemus sic morbos curare, vt aliis si cui sit, non obsumus. Initium eius est : Quicunque morbos coniunctos : magnitudo, foliorum quinquaginta. Scripsi & libellum de peste, qui nescio quo casu, certè non magno damno interiit. Alium quoque de pituita, & alium de re Venerea : quos ambos nondum absolutos, felix vrina corripit : vnde illos abieci. Conscripsi & alium de Chiromantia, quem in libro de Rerum varietate transtuli. Ita toto illo sexennio quo in eo oppido artem exercui, magnis cum laboribus, parum mihi, natiò minus aliis profui. Detinebar in conditis cogitationibus, & studiis irritis, non satis pro pater & felice Minerua. Ducta vixore, necdum satis constanti valetudine, redij in patriam, anno trigessimotertio ætatis : pauper, inuisus omnibus : vnde Gallareatum seu Gallaratum me contuli, vbi spacio mensium xix. quibus ibi fui, conscripsi libros quatuor de Fato, qui nunc ad folia cxx. perueniunt : ter enim aucti sunt. Initium operis huiusmodi : Omnes qui scribendo gloriam consequi se posse sperant. Scopus tamen fuit,

Tom. I.

quod viderem nostras actiones nobis persæpe inuitis fieri, certoque ordine coniuncto successus rerum edocere, quanta vis Fati esset. Et certè magis fato adde Fato scribendum compulsus sum, quàm alia quauis ratione. Verum utilitas operis est, omnia æquiore animo ferre. Atque id mihi postmodum euenit, vt vsui magno esset. Narrabo autem historiam admirandam : quam si quem legere pigebit, illud Poëtæ dicat :

*Si nimius videor, seraque coronide longus  
Esse liber : legito pauca, libellus ero.*

Nec est vt de veritate ac fide huius rei quicquam dubitet, cùm me haud meminerim iam multis annis mentitum esse : aded veritatis semper amans fui.

Erat etiam mihi perpetuò studiorum & perpetuitatis tanta cura, vt dum reliqua negligerem, vulgus, omnis boni hostis, me accusaret atque damnaret. Itaque & quædam consecutus sum, siue promeruerim, siue ob ea is animus mihi datus sit, quæ supra communem hominum naturam sunt : velut neminem vulneratum coram me, toties prauidiisse meorum exitia, toties ereptum à periculis : quæ dicuntur, agitantur ve procul, aut etiam propè, clam, contra me, aut pro me, præsentis aures sentire, & manifesto prodigio, & tot annis, nunquam fallente euentu. Omitto, quod etiam nulla fera me præsentis vulnerata sit : multaque alia eiusmodi, quæ & in libris de Rerum varietate, & in Theonosto scripsi. Sed iam ad rem redeo. Vitam ducebam in Saccensi oppido, vt mihi videbar, infelicitissime : sed annum non sat teneo, quod ante ab anno (ni fallor) vigesimo vsque ad eam diem, muliere nulla potiri ob frigiditatem potueram : cum nocte quadam somniaui, me in Paradiso (ita enim ianitor ille pomarium id omnis pomorum generis refertum appellabat) esse, miraue admodum in eo voluptate frui : cùm ecce ante vestibulum ostij, cui propè etiam, vidi puellam veste alba indutam, non valde ornata : cuius faciem cùm essem intuitus, ad illam quæ extra pomarij ostium stabat accessi : & vix extuli pedem, cùm ianitor ille ostium oclulit : rogabam vt admitteret : negauit reditum : dicens : Intus eras, cur exiisti ? Itaque cùm quid agerem non haberem, puellam cœpi amplexari : atque illa etiam mihi ablandiebatur. Paucis igitur post mensibus, cùm domus Altobelli tribuni militum in oppido Saccensi tota concremata esset, domum ille contiguam meam conduxit. Erat illi puella natu maior inter foeminas, eiusdem formæ ad vnguem, ac ætatis, & veste alba, qualem in somnis videram, ad amussim vestita : memini somnij : sed id ad rem nihil. Ego tamen, qui tot puellarum pulchrarum atque nobilium & diuitum amore nunquam succendi potueram : quique mihi consciueram veneficij, aut naturalis impotentiz, aded illius amoris exarsi, vt eam protinus in vxorem à patre peterem : stupebant illi, tum alij qui scirent quales virgines repudiassem : existimabantque me ioco petere. Sed vbi intellexerunt me serio agere, protinus dederunt. Mirum dictu, vt statim è gallinaceo factus sum gallus, & ex θλαστή κηλόν : vt nisi ob recentem morbum mihi temperassem, periculum

I vitæ



vita subire cogeret. Deduxi eam Gallareatum, cum iam bis abortisset trimestres pueros: ibi peperit Ioan. Baptistam primogenitum. Hic cum natus esset die xiv. mensis Maij, die Domini proxima, scilicet xvij. sacro fonte leuatus est. Repositus iam erat in cunis à prandio, aderamulque propè omnes, & puerpera cum nutrice, & matre, materteraque mea: eratque serena illa dies atque hilaris, cum per fenestram apertam ingreditur crabro nuce iuglandi maior, qui cubiculum circumvolando obstrepebat: nos ob magnitudinē quasi vno ore rem veluti ominosam auersabamur simul, atque admirabamur: quod tempus id nondum crabronibus adeo magnis congrueret, nec solerēt tam tempestiuè se domibus ingerere: hoc enim illis consuevit accidere Iulio mense, & Augusto. Intenti igitur in illum omnes, verebatur ne quid mali infanti inferret. Vbi igitur bis cubiculum circumuolasset, tertia vice versus fenestram tetendit: verum per illam non exiit, sed ad chartacea specularia, quæ propè adiacebant deposita, magno impetu collisus, maioreque sonitu cum à nullo premeretur elisus, cecidit mortuus: nos admirati casum, ad illum properamus: sed tum primum intelleximus non fuisse crabronem, cum nihil inuentum sit: neque ibi aliud aderat quam specularis charta, fenestræ obtendi solita, ut latere potuerit diligentiam nostram. Ex eâ die ego (quid alij conceperint, nescio) id pro constanti habui, futurum brevis vitæ, garrulum, & repentina morte periturum: non tamen eo processit, ut tam seuum exitum suspicarer, nedum ut præuiderem. Noctē verò, quæ infestas illas nuptias secuta est, cum cubiculum meum tremuerit, nec in tota vrbe fuerit terramotus, iam mihi magnum malum ex eo præsumpsi. Cum verò ille crimen in carcere fateretur (si modò crimen erat, voluisse, nec occidisse, adulteram) cuius ego ne conscium quidem esse rebar, nonne conuulso mihi corde, lacerato, disruptoque exclamaui: Heu, quoniam filius meus hac hora fatetur se veneno sustulisse uxorem, consciusque est eius de quo accusatur: ob idque capite punietur? neque enim ego nouerā quam causam habuisset conatus illius tam stulti atque irriti, ut vel iudicio meo tum damnaretur. Denum cum signum illud in vngue annularis digiti dextræ manus horridum ipsa die qua captus est ille, inchoasset, die quæ exitium filij præcessit, adeo dilatatum sit ac inflammatum, ut ego qui nesciebam imminentem calamitatem, dicerem: Heu, quia mihi timeo magnum malum? existimabam autem damnatum ad triremes (neque enim tam acerbam iudicum sententiam sperare potui) & tamen verebar hoc solo signo, quod vereri nulla coniectura poteram: quid aliud dicere possum, quam fato & certa Dei scientia illum periisse: atque ut ille dicebat:

*Nascentes morimur, finisque ab origine pendet:*

Ut ipsa die qua natus sit, eiusmodi mortem, eaque hora subire cogeretur? Cum ergo ita sit, Plotini aurea ratio me plenè cum Theonosti meditatione consolata est: quem rebar, nec falsò, Regem Philippum, etiam si mihi omnia regna quæ possidet (sunt autem plura amplissima atque ditissima) si ea

omnia renunciasset, non potuisse consolari. Ergo ratio Plotini, quanquam & alibi recitata sit, eâ est: Quod si quæ futura sunt, præuisa sunt à Deo, etiam ordinata sunt: si ordinata à Deo, iusta etiam sunt: Deus enim iustissimus est, si iusta, queri non debemus, ne Deo aduersari videamur. Etenim non ille iustitiam suam indignatione statuit in poenam, ut homines: sed unicuique quod expedit, & quantum expedit, tribuit. At non nunc nos ex prouidentia Dei eam scire possumus, quam ex fati ordine ac constitutione, cuius auctor Deus ipse est, hæc à Deo instituta esse. Itaque quantam vtilitatem præbeat scientia huius libri, non obscurum est. Primum enim, ut aduersa tam æquo feramus animo, ut ne accidisse quidem cogitemus, aut non accidisse velimus: nam non pij solum & probi hominis est, sed etiam sapientis, velle, quæ Deum velle norit. Cariusque sit noscere hoc, Deum hæc non latere, quam non accepisse iniuriam: nam etsi iusta sit poena eorum qui plectuntur, non tamen iusta est damnatio illorum aut iniuria, quam illi damnando inferunt. Quid ergo hoc aliud est, quam si Domino, aut Regi optimo seruias, cuius ludi literarij iniquus magister filium tuum cædat per iniuriam, etiam sciente domino: an non carius tibi esse debet, quod filius acceperit iniuriam, resciscatque dominus, quam si omnino non verberasset? Nam & filio tuo & tibi retribuet pro iniuria accepta, & illum probè vlciscetur. Quamobrem quæ sic contingunt, iusta sunt: & etiam si per iniuriam & iniuste inferantur, ferenda: neque Deo modus deest compensandi liberaliter, & quæ acceperis damna, dico mortem, in hoc mundo summum malorum, cum superstites haud dubiè sint animi nostri: & necesse hæc magno prouinciarum & vrbiū ac regum regnorumque damno, prodigioque exitiali euenire soleant. Quod si iuste non solum hæc pateris, sed illi etiam damnauerint, non est quod vltionem quæras eorum pro quibus illi præmio digni sint. Secunda verò vtilitas ex huiusmodi scientia est, ut pius euadas: non aliter quam improbus seruus, cum animaduernerit dominum suum, quæcunque agit, è specula conspicientem. Ipsa quoque scientia rerum altissimarum, tantique ordinis, ac adeo admirabilis, per se iucunda est, & digna homine ingenuo. Quinetiam admonitus ex hoc vir prudens, ordinatos esse euentus, tum rerum causas, conabitur certis rationibus ac firmis, non ex auium volatu aut vanis superstitionibus, præscire quæ futura sint, atque ventura: ut bonis ipsis locupletius fruatur, & mala fortius ac moderatius ferat. Inde illud:

*Et prauis minus tela nocere solent.*

Accedunt præter hæc quatuor principalia commoda, alia etiam: velut quod sortes sumus in bello: neque alia ratione magis Turcæ sine timore militant, quod existiment omnino decretum esse, qui sint morituri aut superfuturi: tamen & in prælium eant illi, & se subducant. Ibi etiam multa singularia intelliges: quale illud, nō posse Italiam sine bello esse toto integro decennio. Sed etsi de hoc argumento scripserit Cicero, plus tamen hæc tractatio Philosophia quam Eloquentia indiget.

Periitque



Periitque alter liber. Sed Alexander malè ac perperam de Fato sensit: Pomponatius verò rem potius inchoauit, quam sit consequutus, tametsi de eo quinque libros conscripserit. Quamobrem quod & in aliis magnis libris conscriptis à me facturus sum, & in hoc faciam: scilicet ut capitum, non solum librorum argumenta subiiciam: ea autem sunt huiusmodi.

### TABVLA LIBRORVM de Fato.

*Liber primus, de Fati cognitione ac demonstratione, & communi consensu de illo: & de tribus Partis.*

- 1 De modo procedendi in hoc libro.
- 2 Quid sit Fatum.
- 3 Ea quæ sunt, quatuor modis fieri.
- 4 Demonstratio firmissima, ostendens omnia fato fieri.
- 5 Quæ sunt, quando sunt, necessariò sunt.
- 6 Differentiæ rerum & necessitatis.
- 7 Quæ sunt à causis numero finitis, necessariò fieri.
- 8 Omnia agentia naturalia, vltimo conatu effectus suos producere.
- 9 Quæ ab appetitu & ratione reguntur, eadem Fati lege teneri.
- 10 Quaecunque causas propositas effectum sibi proprium producere.
- 11 Ratio prima, Fatum esse suadens, sumpta à Dei potentia.
- 12 Ordinem tribus modis dici.
- 13 Ratio secunda, suadens Fatum esse, à futuris sumpta.
- 14 Ratio tertia, suadens Fatum esse, à Fati substantia sumpta.
- 15 De quinque significatis huius nominis Fatum, non propriis.
- 16 Auctoritates Fatum confirmantes.
- 17 Experimentis probatur Fatum esse.
- 18 Fati quatuor species, iuxta modum numerum quibus sit.
- 19 Fatum duplex, ratione originis.
- 20 Si Fato aliquo non fiant, nihil prorsus Fato fieri.
- 21 Fatum esse non solum necessarium, sed totum immobile & indiuiduum, & an substantia vel accidens.
- 22 Exempla & mixtura causarum quibus Fatum consistit.

*Liber secundus, continet rationes quæ aduersus Fatum adducuntur: soluitque eas.*

- 1 Ratio prima aduersus Fatum, à casu & fortuna sumpta.
- 2 Ratio secunda aduersus Fatum, à consilio sumpta.
- 3 Idem Fato consilioque, ac casu vel fortuna fieri.
- 4 Ratio tertia aduersus Fatum, ab his quæ contingunt sumpta.
- 5 Ratio quarta aduersus Fatum, à pœnis sumpta.
- 6 Quantum intersit inter, ponere Fatum, & negare liberum arbitrium.

Tom. I.

- 7 Fatum esse confirmatur auctoritatibus sacrae Scripturae.
- 8 Ratio quinta aduersus Fatum, sumpta à fluctibus maris.
- 9 Vtrum qualibet varietas in causis præcedentibus sufficiat mutare effectum.
- 10 Quæ agant certis temporibus atque proportionibus, & quibus agant.
- 11 Exempla temporum & proportionum in motibus naturalibus.
- 12 Ratio sexta, quòd posito Fato, Deus videtur esse iniustus & ingratus.
- 13 Ratio septima, quòd si Fatum ponatur, erit aliquid Deo potentius.
- 14 Ratio octaua, quòd posito Fato, aufertur cultus diuinus.
- 15 De necessitate religionis.
- 16 De vtilitate religionis.
- 17 De damnis & incommodis religionis.
- 18 Ratio nona, quòd si Fatum ponatur, potentia non erunt, nec omnis homo aptus erit risui.
- 19 Ratio decima, quòd si Fatum ponatur, futura proximiora non erunt certiora contra sensum.
- 20 Ratio vndecima, quæ docet non posse demonstrari Fatum esse: quia voluntas corrupta potest odisse bonum, & eligere deterius.
- 21 Ratio duodecima aduersus Fatum, ab auctoritatibus Philosophorum sumpta.
- 22 Ratio decimatertia aduersus Fatum, sumpta à communi consensu, & maxime prudentium virorum, & eorum qui existimationem apud homines magnam habent.
- 23 Ratio decimaquarta, quòd credulitas Fati inutilis sit actionibus.
- 24 Ratio decimaquinta, quòd Fatum diuinationi propter quã inuentum est, sit inutile.
- 25 Quòd Astrologi, seu Fatum sit, seu non, non possunt certè prædicere futura.
- 26 Quomodo diuination, stante Fato, utilis esse possit.

*Liber tertius, de generalibus consecutionibus ad Fatum.*

- 1 Diuinationem omnem à Fato pendere, & quòd triplex eius genus sit.
- 2 Prodigia quomodo futura doceant.
- 3 Prodigia debere his de quibus sunt, proportionem respondere.
- 4 Prodigia quæ significat, & quæ sunt inania.
- 5 Prodigia cur à lege nostra reiiciantur.
- 6 Cur quædam, quamuis maxima, absque prodigiis fiant.
- 7 Modi meliores futura præuidendi.
- 8 Præfagia ex Astrologia.
- 9 Aliqua singularia comparata ad aliquas causas, quoad quasdam conditiones possunt esse necessaria.
- 10 Præfagia ex Physionomia.
- 11 Præfagia ex lineis corporis & nœuis.
- 12 Fati vtilitas triplex: alia ad fortitudinem, ad incommoda ferenda, ad scientiam ordinis vniuersi.
- 13 Ea in quibus Fatum est manifestius.
- 14 Mundi septem vincula demonstrantur.
- 15 Vinculum primum cum Deo, & quid ex hoc sequatur.

1 2

16 Vincul



- 16 Vinculum secundum mortalium cum cælo, & quæ sequuntur ex hoc.
- 17 Vinculum tertium cum causis naturalibus ordinatis, & quæ sequuntur.
- 18 Vinculum quartum unitatis, & quæ ex hoc pendent.
- 19 Vinculum quintum interitus & successionis in mortalibus.
- 20 Vinculum sextum fati.
- 21 Vinculum septimum mundi cum homine.
- 22 Præfagia ex oraculis de Sybillis.
- 23 Præfagia ex somno.
- 24 Præfagia ex sortibus. De supplicationibus sacrificiis & expiationibus.
- 25 Fatum in singularibus esse, sed tamen ad generalia per ea pertingere.

*Liber quartus, de propriis considerationibus quæ ex fato pendent.*

- 1 Cognitio fati in vnoquoque.
  - 2 Naturalia maximè obnoxia seruituti, arbitrium minimè, sensus mediocriter.
  - 3 Fata legum.
  - 4 De causis mutationis earum, & illarum auctoribus.
  - 5 De Prophetis, & causis eorum.
  - 6 De causis cessationis miraculorum.
  - 7 De dubiis & disputationibus inter leges & Philosophos.
  - 8 Fata Imperiorum.
  - 9 Fata Prouinciarum.
  - 10 De quinque calamitatibus vniuersi: & quod plures esse non possint.
  - 11 De fine sæculi, & fato in hominibus.
  - 12 Signa senij mundi.
  - 13 De mundi successionem secundum Principes intelligentias.
  - 14 De mundi successionem secundum ætates.
  - 15 De his quæ in successionem Principatus intelligentiarum in mundo fiunt.
  - 16 De his quæ in successionem ætatum mundi adueniunt.
  - 17 De eisdem secundum Apocalypsim, & de terrestri Paradiso.
  - 18 Simile dupliciter dici, quoad totum & partem.
  - 19 Similia quædam frequenter, pauciora raro, eadem nunquam.
  - 20 Mentis & morum imago quomodo remaneant in scriptis.
  - 21 De animæ substantia.
  - 22 Vtilitas liberi arbitrij.
  - 23 Liberæ voluntatis discrimen in comparatione ad præterita & futura.
  - 24 Eos qui fato credunt, plerumque esse sapientissimos.
  - 25 De causis errorum nostrorum.
  - 26 De causis nostrarum calamitatum.
  - 27 Esse ordinem quandam generalem, ex quo tota fati lex pender, & in quo comprehendatur: & operis totius conclusio.
4. 10. Edidi tum libros de Astrorum iudiciis, qui iam impressi habentur. Statueram eos in decem diuidere libros: modò non sum certus me posse absoluere: bis sunt aucti, ter editi. Sed ut mihi videtur, vno obstat, quæ
- Vna cum gente tot annos-Bella gerit.*
- Nihilominus argumentum addam, ut

postquam editi sunt: liceat cuius iuxta nostra Principia Opus illud sic diuidere: est enim satis magnum, ut satis manifestum est, cum ad hanc usque diem venale profliterit. Primus de Astronomiæ Principiis, ad motus, situs, magnitudines, formamque cælorum pertinentes, disserit. Secundus, de Principiis prædicendi. Tertius, de Tabulis ad hoc necessariis. Quartus, de Generalibus causis futurorum. Quintus, de aëris mutationibus. Sextus, de fame, bello, peste, atque similibus. Septimus, de Genituris. Octauus, de transitu seu directionibus. Nonus, de reditu. Decimus, de exemplis ducentarum Geniturarum. Eo tempore sanitati restitutus sum, auctusque misero illo filio, quem Senatus acerbitas mihi eripuit. Proh Superi exclamarem, ni scirem, nos non nobis nasci, sed Dei arbitrio. Hunc primogenitum toties vlnis acceptum, optimum, ut nemo melior esset, sed columba simplicior, conantem vlcisci impudicæ vxoris improbitatem, nec tamen vltum, occiderunt. Deos tamen exoro, quos nihil horum quæ hîc fiunt, latet, ut si qua nostrum tangit cura, pij patris æternas lachrymas vlciscantur. Annus erat trigessimus tertius exactus, cum ludis & Musica æuum consumpseram, nec interea quicquam egregij inueneram aut perfeceram. Siquidem libros de Fato, & librum de Ludo latrunculorum, & Medicas contradictiones, paulo plus quam inchœaueram. Deceui ergo, non quod haberem quod sequer, sed quod fugerem (siquidem in decemnouem mensibus vix quadraginta coronatos lucratus cum essem, ad summam inopiam reductus fuero) Mediolanum redire. Fortè fortuna contigit, ut tum ex instituto Thomæ Plati, Mathematicæ lectiones nullum essent sortitæ professorem. Itaque etiam auxilio Philippi Archinti, iam tum illustri viri, quique Archiepiscopus vrbs nostræ designatus postea fuit, munus id pauculaque alia commoda sum consecutus, quæ tamen quinquaginta coronatorum summam non excesserunt: atque id tum mihi satis videbatur. Anno igitur M. D. xxxiv. Calendis Nouembris, Geometriam, Arithmeticam, Astronomiam, nonnunquam & vnus harum locos Architecturam, nonnunquam Geographiam profiteri cœpi.

Paulò post dicam quid contigerit nocte quadam, cuius non memini numerum. Iam illuscescente aurora, visus sum cum toto humano genere, maximeque turba mulierum non solum ac virorum, sed puerorum atque infantium, iuxta radicem montis, qui mihi à dextra erat, currere: cumque admiratione captus, vnum è turba interrogarem, quoniam omnes tam præcipiti cursu tenderemus? Ad mortem, respondit ille. Tum visus sum, statim ad montem desistere, atque ascendere velle: id verò erat difficillimum: sed à vinea adiutus, cum vitium ramos manibus apprehenderem, ægrè ascendi. Erat vinea qualis autumnò inclinante, sine fructu ac foliis viridibus, sed marcescentibus. Pars verò media, reliqua montis, quæ à tergo relinquebatur, virenti erica, sed sine vlla arbore vel arbusculo, plena erat. Cum ergo



ergo pergerem vltra, quasi euasurus etiam  
vltimum tam ingentis periculi, ecce in verti-  
ce, dum propero, profundam vallem obscu-  
ramque voraginem, adeoque terram conspexi,  
vt sola illius memoria sic perturber (cū ta-  
men anni iam viginti septem præterierint) vt  
nunquam sine horrore eius simulachri recor-  
dari possim. Itaque conuerso itinere, per mon-  
tis verticem, qui planus erat, retrocedens,  
herbida ac squalida illa parte paululum iam  
proceſſeram: cū offertur mihi casa rustica  
vnico tugurio, atque eo ex palea fordida con-  
fecto, quales apud nos solent esse agricola-  
rum pauperum: simulque puer pallidulus,  
annum agens circiter xiv. cinerei coloris sa-  
go indutus: quem ego manu apprehendens,  
simul & ingressus tugurioli & somnij finem  
feci. Intellexi ex hoc somnio, me ad immor-  
talitatis curā erigi. Iam verò sic animus euil-  
uerat, spēsque ipsa defecerat; vt diu quid  
somnia significaret, interpretari neglexe-  
rim. Credidi tamen in spem præter spem, vt  
sacra Scriptura dicit: & qualicunque modo  
conscribere libros aggressus sum, spe eadem  
edendi, cum nulla affulgeret. Hoc tamen  
somnia velut initium nostræ gloriæ, si qua  
omnino est; eritve, in eclypsis ex aduerso  
imaginis meæ depinxi. Interpretor autem ip-  
sum sic: (nam à numine eo, à quo serua-  
tum me sæpius manifestè vidi, immissum  
existimo:) omnes mortales naturæ impulsu  
ad mortem properant, interitumque non so-  
lum præsentis vitæ, sed & famæ. Consuluit  
genius, vt ad virtutis montem ascenderem: is  
erat vitibus: id est, vite plenus, absque fru-  
ctu tamen, & absque voluptate: quia fron-  
des arida erant. Ascendi laboriosè: idque, ob  
paupertatem reliquaque impedimenta futu-  
rum demonstrauit. Vitis tamen denud fron-  
descit, & fructum parit: subsequentiū se-  
culorum gloriā æternamque vicissitudinem  
ostendens. Vorago illa, impedimentum ne  
vltra humanas metas transire, cum tanto  
impetu ad inaccessa ferrer: vel illum tam gra-  
uem filij casum, quo nupsit & periit. Redi-  
tus per ericas, vitam agrestem, infructife-  
ram, sed minus laboriosam decernebat. Puer  
ille, Hercules Vicecomes est, alumnus meus,  
qui statim à coniugio filij domum meam in-  
gressus est: conueniunt enim ætas, tempus  
& forma ad vnguem: reliqua etiam quæ in  
somnia apparuerunt. Casa illa ac rusticum tu-  
guriolum in solitudine, tranquillitatem ani-  
mi: id enim declaratum est in quinto libro  
Thronolli. Arque hic finis Priami: nam cæ-  
tera quæ eueniunt, non prius intellecta sunt,  
quam postquam eueniunt. Quin etiam de  
morte ipsa quasi nolentes scripsimus in libris  
de Vtilitate capiēda ex aduersis. Ergo si prius  
intellecta hæc essent, non fuissent: non  
fuit; quia intellecta non sunt. Sed ad ordi-  
nem redeo.

315. Cū Geometriam, vt dixi, profiterer, li-  
bros quindecim in ea arte condidi, hoc titu-  
lo: *Novæ Geometriæ*: eamque rationem ser-  
uari, vt consequentia singulas propositiones  
suo loco reposuerim, atque demonstrauerim.  
Itaque primis quinque Euclidis, totidem no-  
uæ Geometriæ libri respondent: sexto autem,  
duo è nostris, ob illius magnitudinem. Septi-

Tom. I.

mo, Octauo & Nono, nullum comparauimus: quod eorum tractatio Arithmetica cū sit, ad opus perfectum sit translata. Decimo etiam nullum scripsimus correspondentem; ob illius perfectionem, & vt aliis tractatio-  
nibus nouis locus relinqueretur. Verum octa-  
uum, nonum ac decimum, super Euclidis vn-  
decimum confecimus: Decimo autem duode-  
cimum illius complectente. Vndecimus quo-  
que ac duodecimus super residuum duodeci-  
mi conscripti sunt. Sed duodecimus eade cor-  
poribus demonstrat, ac linearum solida pote-  
state, quæ decimus elementorum de linearum  
potestate superficiali. Tertiusdecimus liber  
noster principiis innititur trium vltimorum  
Euclidis librorū. Sed quartus decimus est Di-  
lemmatum: quintus decimus autem, Para-  
lipomenon. Initium operis est: Super datam  
rectam lineam. Docemus quatuor primis li-  
bris figurarum diuisionem, atque inscriptionē  
earum, scilicet quas Euclides prætermisit, vt  
trigoni vel quadrati vel duorum singulorum  
in triangulo. In quinto autem, de conun-  
ctione proportionum, cū Euclides de mul-  
tiplicatione illarum solum egerit. Docemus  
etiam proprietates quantitatum, quæ conti-  
nuam proportionem retinent: generaliter  
quidem omnium, sed propriè trium, qua-  
tuor, quinque, sex ac septem. In sexto ac  
septimo, reflexam proportionem: nec non  
multa de superficialium proportionibus. At in  
reliquis sex, solidorum proportionem demon-  
stramus, non secus ac Euclides de Superficie-  
bus egit. Sed in quartodecimo, de duplici  
deductione, instrumentoque Periplomeno seu  
Perirgaplaco: & descriptione Heptagoni, il-  
liusque naturæ ac proportionibus, tum aliis  
figuris ad hanc vsque diem solo nomine co-  
gnitis. In vltimo autem de Ooide seu ouali  
corpore legimus: nam reliqua corpora quæ  
vocantur Canonica, attigit Euclides: Archi-  
medes Sphæram, Conum Apollonius. Per-  
geus, Cylindrum Serenus. Reliquum igitur  
erat ad perfectionem artis, vt de illo tracta-  
reinus, vt essent in toto opere nouem præci-  
pue tractationes ab antiquis intactæ: Diuisio  
figurarum, & relictarum inscriptio seu cir-  
cumscriptio: Paralipomena, quæ ad iungen-  
das quantitatum rationes, & continuæ pro-  
portionis in certis numeris quantitatum pro-  
prietates: Reflexa proportio, solidorum pro-  
portiones, & laterum eorum nomina, po-  
testatesque Heptagoni, & aliarum figura-  
rum per perirgaplaca descriptio, & Ooidis  
affectiones, naturamque. Hoc tamen opus sic  
conscripti, vt esset totum inordinatum, &  
magna ex parte mancum, & minimè emen-  
datum: deinceps autem penè ipsum perfe-  
ci: Magnitudo totius operis, foliorum du-  
centorum.

Anno trigesimo sexto Arithmeticam ar-  
tem conscripsi, lxvii. capitibus contentam;  
in cuius titulo variatum est, sed causam alibi  
declarauimus: eam tamen cū in opus perfe-  
ctum transtulerim præsentibus non annume-  
ro, tamen si edita sit. Sphære etiam commen-  
tarium scripsi: ita vocari solet opus, quod  
Ioan. de Sacrobusto composuit: Extant hæc,  
velut & duo alia in primos Vitruuij de Ar-  
chitectura, quæ sunt apud Ferrarium. Desti-

I 3 naueram



naueram opus perficere, sed commodius visum est ut res potius sectarer: & quæ tractassem, in libros De Varietate rerum, & de Subtilitate, traducerem. Simili modo etiam interpretatus sum primum ac septimum Geographiæ Ptolemæi librum: quæ Commentaria & Latine extant, & materna lingua à Principe Istonij eleganter conuersa. Tunc etiam libros de circulis Sphæricis, umbris, atque ponderibus: sed rem à Monteregio peractam inueniens, destiti, solumque quædam fragmenta supersunt de ponderibus & umbris: tenensque multa parauit, sed nihil editione dignum. Vidi autem per somnium, librum tribus coloribus depictum (qui mihi à patre ostendebatur: delectabaturque me non solum colorum varietas (quippe rubro, viridi, aureoque distinctus erat) sed etiam multo magis res tractata. Iamque cœperam libros hoc argumento de Rerum varietate inscribere, ordinare atque perficere: cum interim Ludouicus Ferrarius in domum venit: is adhuc puer, rescriptit hos libros. Quo tempore, ut etiam in Medicina aliquid scire viderer, librum de Malo medendi vsu confeci: & alium adiunxi, cuius titulus erat: Quod nullum simplex

6. 1. Medicamentum noxa caret. Initium prioris est: Medicam artem antiquis temporibus;

7. 1. posterioris: Multos ego vidi Medicos: amborum magnitudo, foliorum xvi. Porro in his duobus libris propositum erat, damnare quæ perperam aguntur in arte, vitiaque indicare: sed deerat occasio edendi. Itaque fortè fortuna aliàs cum in Academia essem, cum nemine contraxeram amicitiam, nisi cum adolescentulo quodam pallido, qui vltro ad me accessit, cum & ego (Fatis ita volentibus) cuperem illius amicitiam, aliorum autem ditionem ac potentiorum aspernarer: ita is mihi adhæsit, ut cum alio prorsus nesciret omnino viuere. Mortuo patre factus est dominus tabernæ Typographicæ: multorumque prælorum: ut certè videantur omnia nostra à quodam numine directa. Huic igitur aperio consilium meum. Libenter suscipit onus, inquiens: Hoc paruum est, quod proponitur: etiamsi tota impensa peritura sit, tui gratia imprimam. Existimo tamen non magnam iacturam me facturum: hæc ille. Atque meritò suspicabatur, cum ab omnibus contemnerer & oppugnarer, in artis autem operibus negligerer, cur esset ut alios docere vellem? Sed altius latebat fati mei consilium; imprimatur liber, atque hic primus est editorum, qui lxxj. continebat abusus. Secundò, cum ab iisdem imprimeretur, centum complexus est. Præcipua in eo sunt: lassæ vires: præceptum, Quod non agendo semper minus peccatur, quàm quippiam perperam agendo: Quanta occurrant consideranda rectè agere volenti. Exceptus quoque est à multis alacri animo: cessitque res aliter quàm sperabatur: sed & longè aliter commodum, quod expectabamus ex illis libellis: nam gloriæ loco, quemadmodum & Hippocrates de se testatur Democrito scribens, infamiam retuli. Hos quidem superesse permisi, non quod aliquid dignum effatu continerent: sed ut cuique perspicuum esset, quantum homo ab homine differat: siquidem primi sunt illi eorum qui

supersunt, atque editi sunt: editi enim sunt anno ætatis meæ trigésimo quinto. Facile itaque perspicere poteris elocutionem, artem, emphasim horum, tum singulorum, pro ut vnumquodque serius aut tempestiuus editum est: quod etiam in adiudicandis aliorum laboribus non leuem vtilitatem afferet.

Anno autem trigésimonono, cum iam in Collegium receptus essem, plus exercitatio- 8. 2.  
ni medendi quàm antea intentus, scribere adortus sum librum, cuius titulus est, Floridorum: id est, Medicarum disputationum. Eius initium est: Sanitas est dispositio, qua vnumquodque membrum perficere potest operationes suas: continet capita xxij. folia centum. Eius titulos, ut principalioris libri, ascribere libuit: sunt autem hi:

- 1 De sanitate, & reliquis dispositionibus.
- 2 De spiritu.
- 3 De viribus.
- 4 De febre diaria.
- 5 De humoribus.
- 6 De febre putrida.
- 7 De membris.
- 8 De hectica.
- 9 De febre pestifera.
- 10 De ventriculi morbis.
- 11 De intestinorum morbis.
- 12 De iecoris morbis.
- 13 De renum morbis.
- 14 De symptomatibus capitis capitis.
- 15 De symptomatibus pectoris.
- 16 De symptomatibus membrorum naturalium.
- 17 De symptomatibus extremorum membrorum.
- 18 De symptomatibus abscessuum & vulnerum.
- 19 De symptomatibus variis & raris.
- 20 De capitis morbis.
- 21 De signis.
- 22 De interrogationibus & agendis.
- 22 De auxiliis raris.

Proprius vsus libri, maximæque vtilitas est, difficillimas Medicinæ quæstiones simplici oratione edocere. Ordinem quoque & facilitatem secuti sumus, ut si ad subiectam materiam respicias, aded necessaria sit, ut si ne horum cognitione Medicus esse non possit: sin ad facilitatem, quemlibet possit inuitare ad legendum: si ad ordinem, & facile inuenire possis, & inuenta memoriæ commendare. Summum enim studium nobis fuit, ut lectores & studiosos iuuaremus, postquam tot sunt quæ homines ab optimo opere auertunt. Pleraque autem ex his quæ ibi traduntur, apud Galenum vix possunt inueniri: imò apud illum dubia atque obscura sunt si modò sint: seu quodd prætermiserit, seu quodd libri in quibus hæc traduntur, interciderint. Verum quanquam huius libri tota farrago extet, ipsius tamen libri vix viginti chartæ absolutæ sunt. Scripsi & alium librum de Medicamentis simplicibus, cuius initium est: Faba inuersa herba est foliorum decem.

Sub iisdem quoque temporibus libros octo 9. 8.  
conscripsi, de Indico seu Gallico morbo. Primus liber continet causas & originem huius morbi: Secundus, signa: Tercius, generalem methodum curandi, utpotè Medicamentis, victus ratione sanguinis missione. Quartus,



tus, curam per argentum viuum : Quintus, per lignum indicum, corticemque eius, aqua, vinum simplex, compositum : Sextus, de Cyna radice : Septimus, de Sarza parilia : Octauus, de exquisitissimo modo curandi hunc morbum. Initium operis est : Hunc morbum habuisse magnitudo, foliorum cccxv. Hilibri vnguenta & medicamenta mirabilia continent, ac rationem curandi sublimem ac singularem. Nouus morbus, noua curandi ratio, magnifica experimenta, methodusque medendi singulari. Habet enim hic morbus multa parcia, magnitudinem cum lenitudine, varietatem magnam, species multas.

10. 4. Per eadem tempora, quod de somniis scriptis admonitus essem, de impendentibus casibus, scripsi decem libros de illis, quos hoc anno M. D. lxx. reduxi in quatuor, arte mirabili, quorum titulus est : Synesiorum somniorum. Primus est de principiis artis eius, & somniis simplicibus : Secundus, de compositis, & specialibus quibusdam illorum generibus. Tertius, de statibus & mutationibus. Quartus, est de exemplis : continet capita centum, & constructus est arte mirabili. Initium operis Somniorum interpretationem velut diuinitus concessam : magnitudo, foliorum sexaginta. Vnde mirum est, tot & tanta tam paucis chartis potuisse comprehendere. Sed plus continetur, quam in fronte repositum sit.

Tunc verò contigit, vt Brixensis nomine, Ioannes Colla, vir proceræ staturæ, macilētus, pallidus, seleniger, canis oculis, mansuetis moribus, tardus in ambulando, rarus verbis, in geometria, ac in Mathematicis exercitatus, Mediolanum veniret : retulitque, inuentas esse duas regulas Algebrae, vt vocant, cubi & numeri inuicem comparatorum. Sciscitatus sum à quo? A Scipione Ferreo Bononiensi, inquit. Quis habet : Nicolaus Tartalea, dixit : & Antonius Maria Floridus. Sed Tartalea, cum Mediolanum venisset, illas me docuit quamvis satis inuitus : has cum diligenter pericuratatus essem, cum Ludouico Ferrario, inuenta demonstratione alias innumeras etiam adinuenimus, vt ex his librum artis magnæ conficerem. Conscripti igitur operis perfecti primum librum, cuius initium est : Si ab antiquitate aut necessitate : & est foliorum xl. Tercium, foliorum lxxij. cuius est initium : Cum in radicibus quantatum : & Quartum, foliorum xxx. initium, Denominatio est numerus. Sextum quoque, foliorum xvi. initium cuius est : Numerorum alij decem primi. Decimum, cuius initium est, Hæc ait olim Mahomete, foliorum lxxxij. Primus enim est de integris : Secundus de partibus : Tercius de lateribus quadratis, cubisve : Quartus de incognitis : Quintus de proportionibus : Sextus de numerorum proprietatibus : Septimus de Mercatura : Octauus de redditibus : Nonus de his quæ sunt extra ordinem : Decimus, de regulis magnis : atque ideo Ars magna vocatur, atque hic solus ex omnibus editus est. Vnde decimus docet planorū mensuras : Duodecimus solidorum : Terciusdecimus quæstiones Arithmeticas, vt Quartusdecimus Geometricas. Hi libri complura continent singularia : primum quidem proprietates numerorum admirabiles, & ma-

ximè vsque ad septem continua proportionem connexos, laterum & solidorum, ac superficialium vires, operationes, regulas generales inueniendi numeros occultos ex notis, quas Algebrae vocant, breues, ac incognitos hucusque supputandi modos, multaque alia mira dictu. Si nos gloriaremur artem hanc à nobis inuentam (tamen de ea Nicomachus, Ptolemæus, Pacciolus, Boëthius, multa scripserint) fortasse non mentiremur. Nam neque centesimam partem eorum quæ à nobis inuenta sunt, tanti viri attigere. Sed de hoc, vt de aliis, iudicium, vt par est, posteris relinquamus. Nos tamen ob id perfectum opus appellauimus, quod omnibus rationibus sit absolutum.

Tum verò Arithmantiam exaravi, perfectique propemodum : & cum perfecissem, de leui : licet enim ingeniosa esset, ac admodum delectabilis : quia tamen veritatis in se nihil continebat, & multorum malorum causa esse poterat, idè protinus vt perfecti, lacerari, discerpsique. Postmodum cum artes & libros nihil proficere aduersus temporum & mortalium malignitatem viderem, sed potius intentum his abducere hominem à lucro, famaque : quasi dolorem leniturus, quod cogerer propositum relinquere, libros tres de Consolatione conscripsi, quorum initium est : Vtinam ex tot tantisque veterum monumentis, quæ barbarorum bellis interiøre : magnitudo, foliorum xxxvj. Primus, generalem rationem consolationis continet. Secundus, de mortis ac luctus consolatione : Tercius, de consolatione infortuniorum quæ contingunt circa externa.

Hos libros scio multos spernere : nam felices, his se non indigere putant : in felices, ad solatium miseriæ non sufficere. Et tamen felibus moderationem, dum inconstantiam humanæ conditionis docent, præstant : infelices, si omnia rectè æstimare velimus, fortes reddere possunt. Nam nostra omnia momentanea sunt, & nihil aliud quam flatus & ventosus tumor est ipsa felicitas humana. Nullum medicamentum omnes sanare potest : sunt affectus animi, qui prorsus sunt insanabiles : non tamen artis opus sperni debet, aut Medicina, aut Philosophiæ. Arrianus & Plotinus adeo instant, vt parum talia referre putent : nos aliquid, sed multa falso æstimari docemus. Impressus est hic liber ab Octauiano Scoto primum, deinde cum libris De Sapientia à Ioanne Petreio Norimbergæ. Id quæ ratione contigerit, nunc explicabo. Neque enim, vt dixi, Octauianus spontè libros meos, neque libenter imprimebat, iacturam veritus impensæ : nam tamen lucrum fecisset in librorum De malo medendi vsu impressione, id tamen in libris De consolatione postea compensauit, non solum quod titulus, & forsitan etiam stylus non arrideret : sed quod Typographus suus innumeros atque turpissimos errores imprimendo commisisset. Quam ob causam librum De Astorum iudiciis, primum ego mea impensa Mediolani imprimi curavi, quod esset exiguus valde, folia continens decem tantum. Verum eo quoquo modo distracto, & etiam cum iactura, ubi libros de Consolatione tam cædè à Typographo Scoto conspurcatis



spurcatos vidissem, curavi ut artem Arithmeticae Mediolani excuderent: satis enim constabat implexum opus, quodque notis variis atque figuris indigeret, si alibi quam Mediolani imprimeretur, tum ob causas dictas, tum materiae quae tunc noua videbatur difficultatem, tum etiam exemplaris obscuritatem, infinitos errores habiturum. Quod si Venetiis apud eosdem Scotos excuderent, ne umbram quidem superfuturam: ut mihi omnino labor & gloria, Typographo impensa peritura esset. Statui igitur Mediolani librum imprimere: oblata est occasio: nam Bernardus Calusculus Bibliopola suis impensis id egit, suoque periculo: decemque coronatos mihi pro exemplari dedit: tanti fuit nostra fortuna: nam mea impensa imprimi non poterat, neque (ut dixi) alibi, praeterquam in urbe nostra: nec si non impressus fuisset, nostra monumenta inuenissent Typographum: continuo enim eo opere impresso, ceperunt omnia commutari. Nam adieceram Catalogum qualemcunque librorum nostrorum, quos vel scripseram, vel ceperam scribere: & liberis distrahi cepit in Gallis atque Germaniis. Itaque cum tunc esset Andreas Osiander Norimbergae, vir Latinae, Graecae, Hebraicaeque linguae peritus, tum Typographus Ioan. Petreius, bonis literis, si quis alius, fauens, inito consilio totis viribus mecum agere ceperunt, ut aliquod opus illis traderem ut imprimerent. Atque ita initium gloriae nostrae, si qua deinceps fuit, hinc ortum habuit. Ergo primum librum De astrorum iudiciis auctum edidi.

13.7. Anno deinceps quadagesimo, cum conscripseram tres libros de Aeternitatis arcanis, mox in septem diuisi, magnitudine operis & varietate argumenti motus. Itaque non solum librorum, sed etiam capitum, ob subiecti elegantiam, seriem subieci.

## TABVLA LIBRORVM de Arcanis aeternitatis.

*Libri primi, de Deo, mundi ortu, numero, magnitudine.*

### PROOE MI VM.

- 1 Quenam supponere oporteat.
- 2 Quenam sint, & quot genera eorum quae sciuntur & cognoscuntur.
- 3 Demodis quibus homines cognoscunt abditam, & de afflatus generibus.
- 4 Deum esse vnum & aeternum.
- 5 Aristotelis supposita.
- 6 Aristotelis sententia & rationes pro mundi vnitatem.
- 7 Aristotelis sententia & rationes pro mundi termino.
- 8 Aristotelis sententia & rationes pro mundi aeternitate.
- 9 Peripateticorum ratio circa Dei scientiam.
- 10 Supposita ex historia aduersus Aristotelem, & eius responsiones.
- 11 Oppugnatio responsionum illius.
- 12 Disputationis initium aduersus Philosophos.
- 13 Deum esse infinitum.

- 14 Deum cuncta scire.
- 15 Deum omnia posse.
- 16 Quod non omnis potentia iuxta hominum opinionem perfici potest.
- 17 Infinitum esse in mutatione.
- 18 Infinitum in corporis actu inueniri, & quid ad hoc Philosophi respondeant.
- 19 Species rerum non esse aeternas.
- 20 Mundum initium habuisse.
- 21 Mundum generari & corrumpi rationibus a sensilibus sumptis.
- 22 De interitu & generatione mundi.
- 23 Nihil esse aeternum praeter Deum.
- 24 Solutio rationis cuiusdam de stirpibus contra aeternitatem.
- 25 Solutio rationum Aristotelis pro mundi vnitatem.
- 26 Solutio rationum Aristotelis pro mundi termino.
- 27 Solutio rationum Aristotelis pro mundi aeternitate.
- 28 Solutio rationum Peripateticorum de Dei scientia.

*Libri secundi, qui est de mundi diuini, quem intelligibilem vocant, constitutione.*

- 1 Quaesita desiderata, & de decem generibus hominum.
- 2 De tribus substantiis.
- 3 De generibus entis.
- 4 De Dei prouidentia.
- 5 Abyssus diuinae sapientiae, & de causis malorum.
- 6 Quomodo idem sit vnum, & producat.
- 7 Quomodo idem sit simplex & foelix.
- 8 Quomodo idem sit necessariū & liberum.
- 9 Quomodo quod non intelligit, quae intelligent, producat.
- 10 Vtrum vnum idemque simul sit, ac totum.
- 11 De incorporeis.
- 12 De anima, & verbo Sum.
- 13 Animam humanam esse immortalem.
- 14 De eo quod est supra animam.
- 15 De demonibus, & cultoribus aërearum regionum.
- 16 De mundi anima.
- 17 De idæis, & quid sint.
- 18 De pulchritudine.

*Libri tertij, qui est de Mundi sensilis constitutione & ordine.*

- 1 De sex vitae seu mundi generibus.
- 2 De consensu & dissensione partium mundi.
- 3 De coeli varia substantia.
- 4 De aëris regionibus.
- 5 De materia omnium.
- 6 Quae in vniuerso, maiore ex parte aliquam insignem vim habuere.
- 7 De mundi tripudio.
- 8 Coeli motum fieri per partes non commensas.
- 9 Dialectica ostensio, quod idem bis fieri non potest.
- 10 Anima in animalibus ex putredine genitis, an causa praeparationis, an praeparatio causa animae.
- 11 Mathematica cur aliter esse non possint.
- 12 Partium



- 12 Partium orbis constitutio & mores.
- 13 Species quæ & quot, & de mundi ordine.
- 14 De imaginibus seu speciebus sensilium.
- 15 De specie & qualitate.
- 16 Cur hoc totum & partes.
- 17 De Natura.
- 18 De mixtione generali.
- 19 De æternitate & tempore.
- 20 De eo quod potentia & actu est.

*Libri quarti, qui est de ordine rerum  
humanarum.*

- 1 De Mundi & hominis similitudine, & aqua partium distributione.
- 2 De sensu & memoria.
- 3 De contemplatione.
- 4 De numeris.
- 5 De virtute & peccato.
- 6 De felicitate.
- 7 Congregationes an digniores singularibus.
- 8 De legum necessitate, usu & damnis.
- 9 De legum comparatione.
- 10 In omni falso veri, in omni vero falsi aliquid contineri.
- 11 Mosen fuisse veram prophetam.
- 12 Quibus argumentis Christi diuinitas ostendatur.
- 13 Miracula fuisse vera.
- 14 Christi conceptionem, & illius atque Augusti fuisse mysticam.
- 15 De rerum humanarum aqua distributione.
- 16 Quod in hac mundi voluptates sint inanes.
- 17 De quincuplici genere humanæ vitæ, ac sine hominis.
- 18 De arte militari.
- 19 Imperia ac regna esse animæ sensilis.
- 20 Imperia & regna esse mundo necessaria.

*Libri quinti, qui est de successione  
rerum naturalium.*

- 1 Quam difficilis sit hæc tractatio de successibus.
- 2 Quot & quanta accipere oporteat ad reddendum prædicendum de futuris.
- 3 De triplici successionis tempore, cœlesti, naturali, & humano: & eorum differentis.
- 4 De xxi. generibus terminorum vitæ.
- 5 Quod mundus diu superfuturus est.
- 6 Expositio verbi Christi, Ego sum veritas: quantum mundus durabit.
- 7 Quomodo in infantia mundi sapientes & propheta seu vates.
- 8 Quomodo intelligenda sint ea verba: Et prædicabitur hoc Euangelium.
- 9 Qui dicantur magni nodi, & de cognitione temporum eorum.
- 10 Quæ in successivis temporibus fiant.
- 11 Qua ratione mundus fluat per tempora.
- 12 De septem calamitatibus generalibus.
- 13 De causis earum.
- 14 De signis præcedentibus eas.
- 15 De prodigiorum interpretatione.

*Libri sexti, qui est de successione  
rerum humanarum.*

- 1 Quanta sit humana conditionis miseria.
- 2 De duplici modo quo cunctæ res finiuntur.
- 3 Nullam legem posse esse perpetuam.
- 4 De legum interitu, & causis eius.
- 5 Signa mutationum legum.
- 6 De legum promulgationibus & initiis, & Philosophorum opinionibus de fine bonorum.
- 7 Leges, regna, ciuitates & familias, certos habere fines, demonstratur historia, ratione naturali & mathematica.
- 8 Libros & scripta sapientum necessariò interire.
- 9 Linguas & artes etiam suum habere interitum.
- 10 Quantam vim habeant mores & instituta.
- 11 De exitio imminente.
- 12 Quod in omni exitio imminente præuenit vnus qui prædicit.
- 13 Nullum imperium vel regnum posse esse perpetuum.
- 14 De causis destruentibus regna & imperia.
- 15 Quod mutatio sedis imperij destruit imperium.
- 16 Quod nulla ciuitas potest esse perpetua.
- 17 De ciuitatum vario interitu & calamitatibus.
- 18 Quod quæ ad vnum & in vno, & quæ decedunt, omnia calamitosa.
- 19 Religio an utilis ad artem militarem, & quæ, & quomodo.
- 20 Quæ sint necessaria ad obtinendum imperium vniuersi.
- 21 Addita ad legem Christi, impedire imperium vniuersi.
- 22 Gallos, Italos, Hispanos, Germanos, non posse adipisci imperium vniuersi.
- 23 Indiam Orientalem à Lusitanis, Occidentalem ab Hispanis, Hochelagam à Gallis defecturam.
- 24 Omnes qui sanguine proprio libertatem quæsiuere, obtinuerunt.
- 25 De causa excidij Iudæorum.
- 26 De perturbationibus Mahumetanorum.
- 27 Circuitus esse in rebus humanis, vt etiam in naturalibus.
- 28 De Christi imperio, quando, & vbi erit.
- 29 De causis repugnantia in constitutione status cuiusque Reipublicæ.
- 30 Leges ciuiles breuiter explicatæ.
- 31 De seruis.
- 32 Exemplum generale, de ciuitate Mediolanensi.

*Libri septimi, qui est de fine Mundi.*

- 1 De fine Mundi.
  - 2 De prodigiis præcedentibus finem Mundi.
  - 3 De Mundi reditu post interitum.
  - 4 Breuis Epilogus historiarum Mundi.
- Facile igitur est ex his quæ capitibus ipsis pro titulis præscribuntur, materiam librorum coniectari. Difficilissimus tamen liber est Primus, propter mundi numerum, magnitudinem & vitam. Animi quoque & mentis vni-



tas, immortalitas, consensus & varietas, atque diuiso non leuis. Initium: Cùm in omnibus quæ ad hanc vsque diem scripsimus: magnitudo, foliorum clxij.

14.5. Superfuit ex farragine illa folium vnum, De Sapia, quod anno quadragesimo secundo auxi primùm: deinde in quinque libros diuisi, edidique. Eius operis initium est: Quamquam omnium bonorum sapientiam diuinissimam esse constet. Agit autem in primo, de Diuina Sapia: in secundo, de naturali: in tertio, de humana: in quarto, de Dæmoniaca: in quinto, de errorum emendatione: magnitudo, foliorum lxx. Explicant hi omnem humanæ vitæ cursum, viuendique rationem. Explodunt vanam superstitionem, mortaliūq; cupidam futura ex illicitis artibus præsciendi mentem coarguunt. Felicitati parandæ hi vtilis sunt: Sed mortales non adeo sapientiæ præceptis, velut artib. atque scientiis indigere se existimant. Hi si emendatiores in publicum prodissent, non erant parvæ utilitatis: quandoquidem humanam vitam excolere non parum sit.

15.1. Ex eadem farragine sumpta est materia libri de Animi Immortalitate, cuius est initium: Sæpe ac diu dubitatū est, an animus hic noster: folia continet xl. hunc ergo Gryphius anno M.D. XLV. vt alium Ioannes Petreius præcedenti anno, excudit. Docet hic liber, Animum nostrum esse immortalem, communique omnium sapientum consensu ex homine in hominem, à supremo die transmigrare: multorum quoque mirabilium quæ circa mortuorum imagines contingunt, tum aliorum causas reddunt. Hic cum multis, licet leuibus, mendis scateret, non legitimum locum obtinuit: quippe succedentibus Theonosti libris obscurior euasit, alioqui satis iucundus lectu.

16.2. Simili ratione ex librorum de Consolatione farragine, librum qui dicitur Consolatorius amantium, perficere destinaueram: sed maioribus intentus destiti. Perfeci autem primum Contradicentium, quem impressit Octavianus Scotus: inde denud, tum secundo Gryphius, libri sunt octo, nunc recognitis primis ac immutatis, ne quid deesset: foliis opus totū constat quadringentis, initium eius est: Excrementa quæ. Fuerunt hi libri necessarij, nedum vtilis, vt multorum simul autorum memoria coleretur: & ne dubitarem quinam libri fide digni essent, vel qui apocryphi, vel vt minus celebris scriptoris: & vt sciremus quibus in casibus hæc aut illa conuenirent. Tum verò Medicinā Mediolani profiteri cœpi, stipendio satis amplo pro ratione temporum, & in patria, & nunquam aliàs professus: siquidem cētum quinquaginta aureorum coronatorum: is fuit annus ætatis quadragesimus tertius.

17.1. Conscripseram iam ætatis anno xxxvij. librum, de Libris Propriis: imò non librum, sed potius tabulam: deinde auxi, iterūque mutui, donec ad hunc ordinem redigeretur. Nec tam necessitate eorū quæ adiciebantur indies, quàm etiā certo iudicio: liber hic tam sæpe mutatus est. Iconem ergo quendam mihi in eo proposui omnium eorum quæ à me conscripta sunt, non solum ad memoriam confirmandam, eligendosque mihi libros, quos prius absoluerem & castigarem: sed vt do-

ceam; quibus causis, temporibus, quoque ordine talia conscripserim, & vt vim numinis suo loco testarer. Imitatus sum in hoc scribendi genere Galenum & Erasmus, qui ambo catalogum librorum suorum scripserunt. Verum non hic solum docui librorum nomina, sed & magnitudinem initium, materiam pertractatam, ordipem diuisionis, ordinisque librorum inter se vtilitatem, quidque in se præcipuum continerent: qua ex re etiā opera ipsa in capita digessi, quædam autem etiā in libros: neque quicquam difficilius huiusmodi enarratione, in qua medium tenere cogor: nec omnibus idem medium est. Sustulimus in hac editione curas admirabiles, quas olim peregimus. Floruimus quondam, en quò me filij stultitia, Senatus austeritas, & ingrata quorundā amicitia, tum patria genūque humanum adegerunt: Itaque solum de vitæ cursu, librisque à me conscriptis hic agam: Præcipua verò utilitas est, docere, quoniam pacto libri sint conscribendi: neque enim obiter hanc materiam pertractaui, sed quàm diligenter in tanta breuitate licuit: res omnibus necessaria, præterquam his qui sibi plurimum sapere videtur. Hæc in aliis editionibus iam antea euulgatis desiderantur. Si quem delectat videre nostræ ætatis decursum, fortunam, labores, fructus, non alibi melius perspicere poterit, Scripsimus enim illum anno sexagesimo ætatis nostræ diligenter, castigauique. Quid etiā in posterum facturi simus, edocemus: ne quis nouam editionem illius requirat, cùm quid facturum sim deinceps exposuerim. Etsi forte fortuna ante omnium absolutionem eripiar, modum docui quo expleri possint, atque limari. Curabo etiā quàm potero enixè, vt aliquis vel è stirpe nostra, vel aliena, ita sit institutus & animatus à nobis, vt hoc munus suscipere possit & velit. Addam præterea huic operi tria encomia, Geometriæ, Podagræ & Neronis, vt cum his expleat chartas centū.

Exegeram iam quadragesimum secundum ætatis annum, in extrema (vt ita dicam) non solum rerum inopia, sed fortunæ miseria, cùm Florentiam inuisi: deinde Senas profectus, Franciscum Sfondratum, Præfectum vrbis, virum omni laude dignum, ac de me benemeritum, salutavi. Is cùm reuersus esset Mediolanum, sequente ætate, ob ingentia bella, Acedemia in urbem nostram translata est. Abeuntibus etiā Professoribus, ob inopiam rei pecuniariæ, locum eius accepi, qui Papiæ iam anno M.D.XXXVI. pro me fuerat subrogatus, Medicināq; professus Mediolani, inde Papiæ, vsq; ad M.D.LI. nisi quodd M.D. XLVI. intermisi. Scripsi igitur his annis commentaria in duas primas sectiones Aphorismorum, foliis eclxxv. deinde quod diu antè instituerā, aggressus sum expositionem omnium Hippocratis librorum: adeo vt centum Commentariorum libros scribere instituerim: speroque huiusmodi expositionem omnium quos ediderim, aut conscripserim librorum præstantissimā futuram. Siquidem maturo iam annis consilio conscripti sunt, ac magis per otium, deinde, quoniam vniuersam artem, licet generaliter tantum amplectuntur, & diuini (vt ita dicam) Hippocratis sententiæ inhaerent, & finem habent nobilissimum, quippe artem parandæ



randæ aut forandæ sanitatis. Sex enim artes totas toridem voluminibus complexus sum. Arithmetica in opere perfectæ, sed & eam (ut dixi) penè etiam totam inueni: verum cum non adeò nobiles hæc ars professores habeat, non in tot manibus erit tum etiam ob difficultatem. Astrologiam, in commentariis iam supra Ptolemæum editis: sed & hæc ob difficultatem, licet nobiles, paucos tamen habet lectores: tum magis, quod plures inuidos hæc ars sortita sit. Musicam in quinque libris restitui ab extrema iniuria vetustatis ac deturpationis, amissis etiam libris qui de ea tractabant, ob negligentiam & vetustatem: sed tamen his libris pauci operam dabunt, quod qui exercitatione illius non delectabuntur, nec intelligent nec curabunt artis principia & rationes: qui verò ipsam exercent artē, ab eruditione, ac Mathematicarum scientia plurimum absunt. Metoposcopiam, quam multi vix artis nomine dignantur appellare, non putò magnam habituram dignitatem. Dialecticam verò an editurus sim, nescio. At commentaria hæc in vniuersam Hippocratis doctrinam, præter id quod totam artem amplectuntur, historia delectant, & vtilitatem secum coniunctam habent, scribunturque eruditius, nobilibus, diuitibus: ipsa ars in veneratione, ipsa autoris fama inclita, cuius nomen colitur apud omnes, ad quos memoria eius peruenit. Itaque omni studio, diligentiaque incumbam, ut quamprimum perficiantur. Initium davi ab Aphorismis, ut dixi, quos hoc anno in lucem edere proposui. Sequenti autem, octo aliorum septem ad præcepta generalia pertinent: octauis verò de Aëre, aquis & locis. Post verò viginties in Epidemias, seu vulgariam morborum libros ij. igitur erunt viginti octo, supereruntque libri Hippocratis quinquagintaquatuor. Si ergo libros de affectionibus, & de internis affectionibus, tum de natura muliebri, & duos qui sunt de morbis mulierum, librosque Prænotionum, seu Prognosticorum, & Coacarum prædictionum, & de Ratione victus in morbis acutis, qui omnes satis longi sunt, in duos distinxero, centum numerum ad vnguem explevero. Fuit autem initium operis, quod & Hippocratis, iusiurandi scilicet: Apollinē medicum & Asclepium. Porro quæret quis, pœne cur tamdiu, quod iam tanto tempore destinaueram, opus hoc distulerim? Huic ego non adducam negotiationum interpellationem pro exultatione, sed quod non intelligerem satis omnia, ut decebat. Quomodo autem ad hanc cognitionem deuenirem, suo loco inferius explicabo: nunc autem paucula de commentariis his subiungere libet. Erunt autem, ut reor, si ex vngue leonem, ad chartas mille ducentas, textus verò ipse trecentum: ut opus necesse sit in duo volumina, seu tomos diuisum. Ergo in eo summa industria, ut par erat in tanto opere, usus sum. Incitauit autem me ad hoc felix quidam interpretatio, primum in Aphorismos, cum vidissem Galenum adeò efficitantes illos exposuisse, ut ne vmbra quidem sensuum Hippocratis videatur assecutus: nam cum esset intentus contradicendo Sophoclis, veram Hippocratis sententiam passim reliquit, modò multa excipiens, modò etiam

nonnulla apertè damnans. Ex eo visum est mihi operæ pretium me facturum, si omnes illius explicarem, & à primo interitu vindicarem. Itaque rectè laborem collocaturus videbar, vbi nouitas rei me hortaretur, historiæ varietas delectaret, sensuum profunditas ingenium excerneret, vtilitas operis accenderet, viri autoritas tueretur & illustraret, multitudo rerum digna esset laboribus tantis. Ergo nunc primum audietis Hippocratem noua lingua loquentem ac differentem, non minus quam exultimatis noua esse quæ in Geometria & Arithmetica inuenimus. Sed hæc minoris sunt vtilitatis, & forsitan non inuenta, quia neglecta: ibi totum mortalium genus nervos, ut assequi sensa possit, intendit. Sed iam ad ordinem cœptum redeo.

Anno quadragesimo quarto Papiam me contuli, & cum præcedenti anno commentaria Aphorismorum scripsissem, tum scripsi commentaria Artis medicæ, chartis centum sexaginta: quorum initium est: iam diu intermissum. Anno autem quadragesimo sexto (nā anno vno intermisi, ob pecuniariæ rei publicæ inopiam) commentaria confeci in primā primi Auicennæ, chartis centum quinquaginta: quorum initium est: Hucusque diuersis cum ambagibus extant autem hæc omnia, ut etiā expositiones in Aphorismos priores, quarum initium est: intermissum ac penè chartis ducētis ac pluribus. Sed & circūferuntur plurima scripta in huiusmodi genere à discipulis, & varia, quæ ego non inter scripta mea connumero, licet extant. Nam sunt etiam tabulæ duæ magnæ: vna cuius inscriptio est: Tituli librorum classicorum autorum, foliorum x. initium cuius est: Oratio suasoria: altera autem foliorum xxxij. cuius titulus est, Tabula Hippocratis, cuius initium est: Ne miteris candide lector, quarum usus fuit mihi vtilissimus: duoque mihi sunt exemplaria: sed & primæ copiam aliis feci, huius autem non, quod quatuor mensibus vix nil aliud agens absoluerim. Similiter extant Encomia Podagræ, Geometriæque: Neronis etiam, sed imperfectum: Orationes quoque supra viginti in genere demonstratiuo, in laudem scilicet eorum qui lauream susceperunt. Epistolæ quoque familiares sine numero, ad Principes, tum priuatos: vnaque præcipua ad Franciscum Gadium, Phratrum ex ordine Canonicorum B. Augustini, qui cum mihi amicus esset dum floreret, Rexque cognomine ob potentiam appellaretur, coniectus in carcerem, miserè vitam ibi, ne dicam crudeliter, finiuit: nam per quindecim dies in profundissima gorgyne fuit, ut viuus sepeliretur. Epistolæ quoque nuncupatoriæ sed ex his nonnullæ impressæ, de præstatiā scientiarum, vita studiosorū laude liberorum, dignitateque disciplinarū. Farrago septem librorum nondū conscriptorum Contradictoriū medicorum, tum farrago alia collectaneorum, de quibus dixi, quæ ambæ supra quingētas cōtinent chartas. Declaratio magnitudinis arcæ Noæ. Consilium, an hora secunda noctis deprehendere hominis effigiem exquisitè liceat. Superfunt & duo consilia conscripta pro Archiepiscopo S. Andrea in metropoli Scotiæ: multa quoque & sine numero consilia scripta pro Anglis, Scotis, Gallis, Germanis, Italis, Hispanis, Cimbris,



Cimbris, Blandis, aliisque non ex harum numero gentium hominibus. Quæ verò non extant, ac perire, aut imperfecta sunt, longè plura sunt his quæ connumerauimus. Tum verò & illa omisimus, quæ hîc non annumerari, quamvis omnia extent apud aliquos.

Porro non illa magis quàm hæc quæ relinqui, quæque periêre, superesse velim: quamvis quædam (vt dixi) etiam edita sint, omnia verò absoluta, & in manibus multorum. Cotentus sum his operibus, quæ hîc sub certo numero recitantur. Sic etiam prætermitto duos libros quos de circulis scripsi, suntque apud me foliorum vigintiquatuor, quorum initium est: Cùm duo circuli se inuicem secant. Est autem argumentum eorum, demonstrare Obliqua rectis posse æquari: quod Archimedes solus in Parabolis constructione ostendit, & spiralibus seu elicis lineis: sed hæc à sensibus sunt remōtiores: neque hunc tamen inter nostros libros numeramus: vt nec librum de vita, quem dum ægrotarem anno M.D.LV. conscripsi: verum illius loco, vt pōst narrabimus, Eremitam scripsimus.

Cùm verò stipendium mihi non numeretur (erat ccl. coronatorum aureorum) intermisi, Mediolanique mansi: quo tempore libros de Iudiciis astrorum auxi, scripsi quæ alios xiiij. libros Metoposcopia, cuius operis initium est, Corporis totius significationes ex totius etiam habitu dignoscuntur: magnitudo, foliorum clxxx. In Primo igitur libro agitur de Physonomia, in Secundo de significatis generaliter omnium linearum: in sequentibus septem libris, de significatione linearum iuxta Planetarum loca, à Saturno incipiendo, & ad Lunam descendendo per ordinem: in Decimo, de lineis plura loca possidentibus: in Vndecimo, de linearum mixtione, tum de lineis genuum, brachij, vmbilici, pedum: in Duodecimo, de lineis in fronte mulierum: in Tertiodecimo, de nauiis, & signis aliis. Fuit hoc opus totum nostræ inuentionis; præter primum librum: observationes tamen à Christophoro Vicecomite, amico nostro, & qui primus artem post tot secula in vsum reuocauit, sumptæ. Docent autem, solo aspectu hominum vitam, naturam, mores, fortunamque agnoscere hi libri. Nec quisquam alius quid id faciat, animaduertere potest: nam lineæ ac signa illa non in manibus, sed fronte, quæ omnibus patet, obseruatur. Non paruum est omnino opus, cùm vniuersam artem amplectatur: atque eo maius, quod fermè Dccc. figuris illustretur.

19.13.

Eodem tempore cœpi librum Experimentorum, colligens quæ aliàs scripseram, quem perpetuò auxi: continet nunc folia ccx. initium cuius est: Omnis qui gloriam ex medica arte consequi desiderat. Doceo, autem, quibus modis sanauerim fideratos, arthriticos, vrinæ profluuiio tabescentes, ægrè spirantes, hæmoptoicos, vlcera praua, pestem, quartanam, melancholicos, comitiales. Peculiariora item & propria medicamenta vniuscuiusque morbi, & quæ regioni & ætati nostræ congruerent, descripsi.

20.1.

Eodem quoque anno condidi libros quinque Musicæ, quorum initium est: Musicam neque ab antiquitate: magnitudo, foliorum

clxx. In primo libro agitur de generalibus artis regulis atque principiis: in secundo, de antiqua Musica, vbi de rhythmis, carminibus, choris, saltationibus: in tertio, de Musica nostra: in quarto, de modo componendi Cantilenas, & dicitur Contrapunctus: in quinto, de structura & vsu instrumentorum. Satis est, in his libris nouarum consonantiarum scientiam me tradidisse: historiam quoque rituum & rhythmorum, antiquarumque modulationum, tum instrumentorum musicorum compositionem omnem, vtrumque in eis quarundam nondum cognitarum inuentionem.

22.21.

Contigit autem per eadem tempora res mira admodum, & singularis exempli, cuius in libris de Subtilitate memini: atque eo somnio xxi. libros eius argumenti scripsi, qui sæpius editi sunt; sunt autem foliorum cclxxx. Initium operis est. Propositum nostri negocij est de Subtilitate tractare: librorum series hæc est.

### TABVLA LIBRORVM de Subtilitate.

- Primus, de principiis naturalibus, materia, forma, vacuo, loco, corporum repugnantia, motu.
- Secundus, de elementis.
- Tertius, de coelo.
- Quartus, de luce & lumine.
- Quintus, de metallicis.
- Sextus, de metallis.
- Septimus, de lapidibus.
- Octauus, de plantis.
- Nonus, de animalibus quæ putredine generantur.
- Decimus, de animalibus quæ ex semine proueniunt.
- Vndecimus, de forma & necessitate hominis.
- Duodecimus, de illius temperamento.
- Tertiusdecimus, de sensilibus & voluptate.
- Quartusdecimus, de anima & mente.
- Quintusdecimus, de inutilibus subtilitatibus.
- Decimus sextus, de scientiis.
- Decimus septimus, de artibus.
- Decimus octauus, de mirabilibus & spectris.
- Decimus nonus, de demonibus.
- Vigesimus, de substantiis primis.
- Vigesimus primus, de Deo & vniuerso: atque ibi etiam de tonitru, grandine, pluuia, & similibus.

Conscripsi primò vniço folio, inde quatuor; pōst septem, inde auxi ad quinquaginta: demum cùm primum editus est, ad octuaginta: nunc verò ad clx folia integra peruenit: vbi primum excusus est Norimbergæ (nam & Lutetia, & Lugduni, & Basilea) cessauit somnium illud: nisi quod dum in Scotia essem, ea nocte præcessit cognitionem libri Micropresbyti-con, cuius lectione maximè delector, tale quippiam quod me iucunditate perfunderet, visus sum præ manibus habere. Itaque libri hi de omnibus generaliter tractant, seu naturalibus, seu etiam artificiosis rebus, aut his quæ supra fidem esse videntur. Exempla quoque & rationes, non omnium quidem, sed duntaxat rariorum rerum atque effectuum adieci. Docui autem præcipuè causas eorum, quæ in superiore parte orbis fiunt: elementa tantum



tantum tria, qualitates verò tantum duas esse. Humidorum species, ac naturam tam apertè distinxi, ut nunc primum intellecta ea ratio dici possit. Ventorum etiam aperui, rerumque maximarum, tum artificia mirabilia ac spectra: in abditis semper non tritis rebus versatus. Quòd si quid vulgatum sit, id eo admirabilius, cum in rebus adeò manifestis quantum lateat occulti, & ad altiores res exemplis intelligis. Nota tamen hi libri ampeccantur, ut dubia libri de Fato, & abdita omnino libri de Arcanis aternitatis. Tamen si enim libri de Subtilitate de abditis sint, ad illorum tamen causam experimento ac sensibili ratione, ac quali (ut ita dicam) per manus peruenire licet. Non ita in aliis, quæ in libris de Fato, & de Aternitatis arcanis tractantur. Præterea hi successiones rerum humanarum continent, à quibus libri de Subtilitate, ut de Naturalibus tantum tractantes, abstinere. Quæ de causa & de legibus & de moribus quodammodo tractant, quodammodo non. Adieci autem demonstrationes, nec ad singularia nisi exempli loco declaranda perueni. Itaque hi libri & quid tractent, licet pauca tantum de multis loco exempli adduxerim, & in quibus à ceteris Philosophiarum nostris libris differant, edocui: ne quis titulis tantum librorum ex hoc Opere inspectis, quadam repetita existimet, quòd similes tractationes contineri videantur.

23.4. Ceterum ut ad ordinem redeam, sequenti anno Genuam inui: & ne nihil in via confunderem, cepti quatuor libros de Tuenda sanitate. In quorum primo agitur de his quæ ad vitam pertinent, usque ad iuventutem. In secundo, de senibus. In tertio, de morboris corporibus. In quarto, de his qui alicui muneris additi sunt, magnitudo operis, foliorum cccxix. initium, Atepiadem si quem alium mortalem. Plura sunt in his libris quæ Galenus aut non attigit, aut saltem ab eo edita non extant: velut ratio coctionis in ventriculo, quies senibus utilissima, aquæ celestes, quas vocant Elixir: regimen iter agentium & eorum qui magnis incommodis subiacent: humidorum discrimina, ex libris de Subtilitate sumpta: præparationes quoque ciborum, quas et si Galenus tradiderit, liber tamen eius non extat. Omisit etiam Galenus dicere, quid tempus in alimentis faciat. Nec si quis libros de Tuenda sanitate, de cibis boni & mali succi, & de attenuante victu in vnum iungat, opus simile nostro (absit iactantia dicto) facile efficiat: non solum quòd plura non attigerimus, sed quòd quibusdam in partibus aliis principis imitar.

24.1. Cum Genua rediissem, conscripsi folia quatuordecim libri de Præceptis ad filios: initium libri est: Cum multi o filij. Hic continet omnem sapientiæ humanæ rationem, breuiter traditam atque explicatam: quoniam non argumentis, sed præceptis atque exemplis indigent pueri. Docent etiam, quibus modis patres familiæ domesticos continere & in obsequio & in officio debeant. At video quam parum occursuros, dicentes vulgatum illud,

Αὐτὸν ἔμαθον αὐτὸς Ἰάκωβος Βεῦλον.

Quid profuit hæc tua industria? quis infelicior in his? quorum alter malè periit: alter

Tom. I.

nec regi potest, nec regere? Communis mihi hæc conditio est cum maximis viris. Quid dicturi essetis, si saltem Reges inclyti hac calamitate caruissent? aut multò magis, si sapientes etiam? nunc neque sapientes ipsi, neque Reges aut Cæsares, quod multò maius est, hoc infortunio carcere potuerunt: ac, quod maximum est, nec in toto orbe filium probum optimis Imperatoribus eligere licuit. Mihi ergo defuit animus, fortuna me destituit: & ut filios duriores procrearem, & ut adeò pauper essem, ne possem cogere quos non poteram persuadere. Itaque videbar Senecam imitatus, de paupertate scribentem (si modò is liber Senecæ est) cum tota die scœnori incumberet: aut Epicurum, de frugalitate & abstinentia, dum hæc scripsi? Absit: non est cuiusvis egregij Palinuri non soluere nauim: quoniam imminet tempestas: nullius aurem, cum in ipso iam fueris tempestuoso mari, euadere: tam acriter nobis fortuna repugnavit, quàm illi fortiter & sapienter occurrimus: denum, quasi victa dedisset manus aggressa est filios non solum incautos, sed me non suspicante aliquid, ac perdidit. *ἡ πόλις ἐν ἐρηγορίᾳ πορεύεται.* Parum profuerit providentia, quæ victa cedit. Sed paucis id eueniet, ut plus possint facta quàm prudentia: itaque ne despiciere oportet quæ facis, quæ magistratibus vincuntur? non deceptus sum in iudicio, sed utraque necessitate victus. Certum est, eum qui occidit, optimum fuisse, dedisseque poenas stultitiæ suæ, & inuidiæ paternæ.

Anno xlix. ætatis meæ, conscripsi libros decem Problematum, quorum initium est: Cur Luna magis de nocte lucet quàm de die? foliorum est hoc opus lxx. In primo libro, de inanimatis agitur: in secundo, de animatis: in tertio, de moribus: in quarto, de legibus generaliter in quinto, de lege Christi: in sexto, de lege Iudæorum: in septimo, de legibus Mahumeti & idolorum: in octavo, de Repub. in nono, de successibus: in decimo, de flagitiis. Soluuntur autem problemata omnia quadri-fariam, Theologicè, Astronomicè, Naturaliter, & iuxta Philosophorum Peripateticorum, Epicureorumque sententiam, qui callidè omnia tractant. Propterea hi libri varij argumenti. Alium quoque librum materna lingua scripsi, foliorum centum quadraginta, cuius titulus est: Technarum calidarum, seu: *De le harte calde*: initium: *In nela inclyta citra di Pania*. Harum & fabularum, vnum & idem videtur esse propositum: scilicet delectare docendo: ut illud Horatianum communiter eis conuenire videatur:

*Omne tulit punctum, qui miscuit utile dulci.*

Veruntamen magnum discrimen est inter fabulas & technas: nam technæ historia constant, & amicè instruunt, & prudentibus conueniunt, & virum quantumcunque grauem delectare possunt: at fabulæ simpliciter docent, & pueris ac calumniatoribus scriptæ videntur: his quidem, ut respondeamus moderatius: illis, ut aptius moneantur.

Sequenti anno contigit res rara. Laborabat iam decénio Illustrissimus vir Ioannes Amulthon, patria Scotus, Archiepiscopus Ecclesiæ beati Andreæ, grauiissima spirandi

K

difficulta



difficultate, quæ illum firmè singulis decem diebus inuadebat: cumque omnia tentassent frustra medici sui, & affinis: cuiusdam, vt audiui, consilio scripsit, rogans vt illum ad curandum Lutetiam, aut saltem Lugdunum me conferrem: accepturum enim quantum vellem pecuniarum, nec leuem mihi futuram gloriam: ipsumque venturum Lutetiam, aut si oporteret, etiam Lugdunum. Ego itaque, qui alias Gallias inuifere vel nullo compendio destinaueram, occasionem arripui: confususque foelicitati meæ in arte, confero me Lugdunum: sed neminem inuenio: tandem post xlv. dies, ni fallor, aduenit medicus suus Gulielmus Casanatus, vir egregius, me non iam Lutetiam, sed in Scotiam vsque deducturus. Reluctor. Tandem verò precibus victus, deducor in Scotiam. Sed dum itineri accingimur, atque in ipsa relictatione, plurimi peririêre dies: quarum vltima, qua discessum parabamus, venit ludimagister quidam ad me, consilium petens pro morbo graui: do. offert pecunias: renuo: dicit se posse puerum ostendere, qui dæmonas in viceo videat: accedo, inuenio nugas esse. Inter hæc loquimur de Orōtij speculo ignem accendente, quod Archimedis inuentum esse sciebam; ostendit librum Archimedis impressum, quæ Antonius Gogaui in Latinū verterat. Tum ego librum inspiciens, video alium sibi iunctum, scilicet Ptolemæi libros de iudiciis: peto an venales sint: ille cogit vt accipiam: accepi tandem: dies enim festus erat, vt emere non liceret. Quo pacto igitur commentaria illa à me conscripta sint, in ipsismet retulisse me memini. Scripsi igitur foliis 300. atque amplius nec minus felix in edendo, quàm in scribendo. Et quamquam semel tantum editum, nullum tamen perfectius ex nostris operibus, hoc in lucem prodiit. Initium est, libros hos antiquorum more de iudiciis. Additæ sunt præterea xij. geniturarum exemplares Christi quæ natiuitas admirabilis. Continet hoc opus libros quatuor, in quo totam artem complexus sum, & difficilimum autorem explicavi. Pòst per otium, cum opus ipsum denuò emédassem, ad Gallos Typographos, egregios procrastinatores, transmissi: & cum non prodiret in publicum, tandem denuò in manus acceptum ita castigavi & auxi, vt maximè studiosis satisfacere possit, ob ea quæ inferiùs dum de Dialectica loquimur, docebimus. Sed dices, quid tibi hi profuerunt libri?

*Sed non auguriis valuisti pellere pestem.*

Quodd si tibi prodesse non potuerunt, quid aliis polliceberis, aut sperandum erit? Talia mihi obici posse sentio. Sed si egregius medicus lethali morbo corripiatur, num nemini medicinæ studiis vacandum erit, quodd ille se seruare non potuerit? Seruavi me proculdubio Dei auxilio, artis scientia: sed filios impotentes seruare nequiu. Est etiam astris Genius ille maior, aut æqualis origine, qui nos nostraque circumagit, dum non in Deum semper intenti esse possumus. Denique difficile est imperare sine milite & dignitate, ac imperandi facultate. Ipse artes disciplinæ, scientiæque perfectæ sunt in seipsis: nos exiguam partem attingimus, longè minor pars ad vsum deduci potest. Propterea vtiliores erunt hæ his qui

illis studuerint, quàm nobis in inuentione earum occupatis. Si, quæ nos inuenimus, alius inuenisset, & in lucem ante nos edidisset, proculdubio felices fuisset: nunc difficilimum fuit inuenire, atque inuentis commodè posse vti. Vt persicus dum poma aliis parit, & bombyx sericum se exhauriunt: ita magnarum inuentionum raro fructus ad ipsos redundat inuentores. Malè sit primum his, qui solis inuentis, quæ tam pauca erant, Aristotelis studuerunt. Malè sit his, qui circa nugas & nominum disceptationes, vellicando quæ ab aliis inuenta erant, tantum insudarunt. Malè sit his, qui mihi solùm impedimento fuere, tot negociis occupato, cum ipsis precario natus viderer. Malè sit etiam his, qui mihi frustra aduersati sunt, cum ne digitum quidem ad artium incrementum ipsi admouerint. Malè sit his denique, qui pro tantis bonis talem gratiam reddidere. Sed ad rem ipsam reuertamur: siquidem vulgare est, cum optimè feceris, pessimè accipi. Inspice Socratis vincula & cicutam, Aristotelis exilium, Theophrasti fugam, tot denique optimorum virorum casus.

27, 17.

Reuersus in patriam, perfecti libros xvij. de Rerum varietate, quos iam pridem inchoaueram: sed tres tantum erant. Visum est autem commodius, vt in xvij. illud opus diuiderem. Hoc fuit, quod regi Angliæ Eduardo sexto, admodum adolescenti, dum redirem è Scotia, ostendi. Folia cclx. continet. Porro de vsu eius satis dictum est superius. Præcipua est tractatio de ventis, de piscibus, de dæmonibus ac prodigiis. Sed libet tabulam subiicere: quoniam hic liber etiam diuisus est in multa capita, & quasi totius continuus miro quodam ordine esse videtur.

## TABVLA LIBRORVM de Varietate rerum.

*Liber primus est de vniuerso, & partibus eius sensibilibus.*

- 1 Vniuersum, cometæ, ventorum ratio.
- 2 Elementorum natura.
- 3 Terræ genera & natura.
- 4 Loca & regiones.
- 5 Terræ miracula.
- 6 Aquæ natura, & genera ac motus.
- 7 Aquæ miracula.
- 8 Aëris natura & genera.
- 9 Aëris miracula.
- 10 Elementorum artificia.

*Liber secundus, de mundi partibus diuiniioribus.*

- 11 Cælum.
- 12 Lux & lumen.
- 13 Influxus.

*Liber tertius, de mixtis generaliter.*

- 14 Mixtorum proprietates.
- 15 Metallica.

*Liber*



# De Libris propriis.

III

## *Liber quartus, de metallis.*

16 Metalla.

## *Liber quintus, de lapidibus.*

17 Lapidum natura, generatio, differentia.

18 Gemmae.

19 Lapidum miracula.

## *Liber sextus, de plantis, & productis ab eis.*

20 Plantarum, & earum differentia.

21 Plantarum aquam subesse significantes.

22 Plantarum miracula.

23 Plantarum cura.

24 Vinum & acetum.

25 Succus alij, & mel.

26 Conseruatio eorum quae à plantis proueniunt.

## *Liber septimus, de animalibus, & productis ab eis.*

27 Animalium generalis ratio, ac differentia.

28 Animalia imperfecta.

29 Serpentes.

30 Reptilium fugandorum ratio.

31 Quadrupedia.

32 Quadrupedium cura.

33 Quadrupedium proprietates.

34 Aues.

35 Auium cura.

36 Auium proprietates.

37 Piscis varij generis.

38 Piscium cura & proprietates.

39 Producta ab animalibus.

## *Liber octauus, de homine.*

40 Humana natura.

41 Senius.

42 Mens.

43 Hominis proprietates.

44 Morbi mirabiles, cura, &que superstitiosae.

45 Communes calamitates.

46 Humanarum rerum finis.

## *Liber nonus, de motibus.*

47 Motuum generalis ratio.

48 Perennia.

## *Liber decimus, de ignis artificijs.*

49 Ignis vires & alimenta.

50 Distillationes.

51 Chymica.

52 Vini artificia.

## *Liber undecimus, de artificijs com- munibus.*

53 Artes variae.

54 Nauigandi ars.

55 Architectura.

56 Instrumenta & vasa.

57 Compositiones pulchrae.

Tom. I.

## *Liber duodecimus, de artificijs sub- tilioribus.*

58 Artificia mirabilia.

59 Ephemeridum compositio.

60 Chorographicae descriptiones.

61 Occultatio.

62 Actiones mirabiles.

## *Liber decimus tertius, de artificijs hu- milioribus.*

63 Experimenta minima.

64 Scribendi instrumenta.

65 Fuci seu decoratio.

66 Deliciae.

67 Colorum, odorum, saporumque materia.

## *Liber decimus quartus, de diuina- tione occultiore.*

68 Diuinitio an sit, & an in omnibus.

69 Ignea ostenta.]

70 Aëris ostenta.]

71 Aquae ostenta.]

72 Terrae ostenta.]

73 Plantarum ostenta.]

74 Animalium agrestium ostenta.]

75 Animalium domesticorum ostenta.]

76 Hominum ostenta.]

77 Partium ostenta.]

## *Liber decimus quintus, de diuina- tione artificiosa.*

78 Praesagia per singula genera rerum.

79 Chiromantiae observationes.

80 Striges, seu lamiae & fascinationes.

81 Miracula.

82 Auspicia,

83 Aruspicia.

84 Soni, ac voces praeter naturam.

85 Vocum varia ratio.

86 Visus causa falsa spectra.

87 Mentis praesagia & oracula.

88 Praesagia tempestatum.

## *Liber decimus sextus, de rebus praeter naturam admirandis.*

89 Sigilla.

90 Magia naturalis

91 Magia Artesij.

92 Praecantationes.

93 Dæmones & mortui.

## *Liber decimus septimus, de rebus dignis.*

94 Gentium ritus.

95 Linguarum varietas.

96 Vrbes, resque aliae insignes.

97 Thesauri.

99 Bibliothecae & libri, ac varia vetustae ma-  
gnificentiae exempla.

99 Resolutio à fine, vnde usus inuentorum.

100 Causa conscribendi hos libros.

Anno igitur ætatis quinquagesimo secundo,

K 2 &



& hos, & qui editi erant de Subtilitate libros emendavi: atque hos primò quidem dicatos Cardinali Tridentino, illos Don Ferrando Gonzaghæ, denuò edidi: impressique sunt ambo Basileæ. Tertio quoque emendari prodire in lucem libri de Subtilitate: sed impressi etiam fuerant Lutetiæ, Lugduni, Norimbergæ: & materna quoque lingua, seu patria Gallica, conuersi per Ricardum de Blanchis. Verùm libri de Varietate rerum dum imprimuntur Basileæ, quidam vlturus propriam quam acceperat iacturam, ipse iniuriam appellabat, verba quædam addidit in capite de lamiis seu strigis, quæ Phratríos Dominicanos laceſſabant: cùm nihil minus mihi expediret, aut eſſet in animo: ita non ſufficere videbantur atroci fortunæ tela inuidia aduerſum me comparata, ni etiam alieno crimine nocens fierem. Expoſtulaui ſtatim à Typographo Henrico Perri, alioqui probò viro, qui (vt erat ingenuus) de illius adiectione quaſtus eſt mecum: at qui rem peregerat, cum ad illum etiam ſcripſiſſem, tantum abſuit vt ſe excuſaret, vt etiam me irriſerit, dicens: Quid tua intereſt, quòd quatuor verba adiecerim? an hoc tantum crimen eſt? quid facerem abſens abſenti? Impreſſus eſt etiam cum hac labe Auenioni, ſed exiſtimo ſuppoſito nomine id factum eſſe, quòd Lugduni potius ſit impreſſus. Cæterùm, cùm non ignorem maculatos fuiſſe codices B. Hieronymi, atque aliorum patrum noſtrorum, ab his qui aliter ſentiebant, erroremque ſuum auctoritate viri tegere voluerunt: vt ne quis in noſtris operibus hallucinetur, vel ab aliis decipiat, ſciant omnes, me nullibi Theologum agere, nec velle in alienam meſſem falcem ponere. Cæterùm, quod ad vitæ inſtitutum & religionem attinet, ſequi velle quod tutiſſimum eſt, atque in ea qua natus ſum lege, hiſque ritibus ac ceremoniis moribusque vti velle, quibus iam tot per ſecula maiores noſtri uſi ſunt, nec velle diſcordias ſerere, aut os in cælum ponere, vel plus quàm opus eſt ſapere. Si quicquam voluit me ſcire Deus arcanum naturali lumine, cur ego tanquam cæcus volo exire alueolum, & me tanquam iudicem inter litigantes, non vocatus ab vlla partium, conſtituere? aut, quod deterius eſt, & inſolentis certè animi, meos oppugnare, vt alienos ſequar? Itaque ſi quid in libris meis tale inuentum fuerit, quale illud, vt quenkam qui me non laceſſuerit laceſſam, aut de aliena meſſe contendam aut debaccher, id ſciant meum prorsus non eſſe: aut ſi velint, id cogitent, me etiam in inſaniam (quòd Deus auertat) inciſiſſe. Non probo Socratem, qui Deorum inſulſorum morem, quem colebat patria, nixus ſit euertere & irridere: & ego qui Deum illum omnium auctorem cum patria colo, conarer propter tricas & contentiones patriam vnus ego ſubuertere venerationem? præſertim, qui euertere tantis viribus nituntur, nec ipſi inter ſe conueniant.

28. 3. Sequenti anno ſucceſſiuis horis Fabularum tres libros conſcripſi. Fabulæ ſunt ſupra quadringentas: magnitudo operis, folia lxxx. Initium eius, Fabularum quidem originem. Puerulis hæ ſcriptæ ſunt, & etiam viris, ſi

tamen opportunè eis vti diſcant: nam multa de futuris arcana continent. Antilogos etiam, & naturalium rerum hiftoriam: non enim vbi abſurdis non vtor, falſa ſuppoſui, vt illud Horatianum obſeruarem:

*Et prodeſſe volunt, & delectare Poëta.*

Non negabo, quòd ſi potuiſſem melius collocare horas, quin id facturus fuiſſem: ſed quid agerem relaxandi animi cauſa, non habebam. At verò imitari Deum decet, qui cum potuiſſet nil creando mortale, in ſolis ſubſiſtere immortalibus, ac glorioſius: maluit vſque ad extremum ſuæ bonitatis imaginem extendere: atque ita creauit etiam, quæ & viſu & tactu foeda ſunt. Neque exiſtimo, vt nobiliora quædam pulchriora viderentur, quandoquidem ipſe nullius iudicio ſubiici poterat: ſed, vt dixi, rem vt ad extremum exemplum deduceret.

Sub initio anni M. D. lv. conſcripſi librum de Aqua & Æthere, quem iam ſcribere deſtinaueram: cuius initium eſt: Aquarum natura ac genera: magnitudo, foliorum xx. in quo doceo, omnes morbos ſola aqua, velut efficaciſſimo auxilio, ſanari: aquam quoque facere, quæ omnibus morbis auxilietur, vitam in longiſſimum æuum producat, perpetuæque in ſanitate hominem ſeruet. Adieci huic operi: quia exiguum erat, quædam alia de Cyna radice exhibenda, conſilium pro lepra, aliud pro ſanguine vndequaue ſuente, pro Hieronymo Palauicino ſpirandi difficultate laborante. Encomium Medicinæ verius & præſtantius, quàm ornatum aut elegans. Cùm edetur (editus eſt enim Baſileæ paucis antè annis) addam Apologiam aduerſus calumniatorem, cuius titulus eſt, Actio ſecunda: initium, Laudo prudens conſilium tuum. Addam & aliqua conſilia alia ſi ſors ferat, vt totum opus ſit foliorum centum.

Cum verò anno M. D. lv. ægotarem, ſcripſi librum cuius titulus eſt *Αἰθέρης*, chartarum penè triginta: cuius initium erat: Cùm te, ô veritas. Sed hunc poſtmodum, Deo volente, in aliud Opus, cuius titulus eſt, Eremita ſeu Theonottoſton, commutaui. Eius autem initium eſt: Cùm in viridario eſſemus: libros continet ſex, in quorum Primo agitur de ſolitaria vitæ commodis, atque iucunditate: in Secundo, de animi, corporiſque tranquillitate: in Tertio, de contemplatione ac ſtudiis artium & diſciplinarum: in Quarto, de animi immortalitate: vbi diuinos illos Eremitæ ſermones recitamus, & demonſtrationes manifeſtas, quòd animus noſter immortalis ſit: attulimus autem nouas, nec ampliùs à quoquam excogitatas. Quintus liber continet præclarum illud ſomnium, ad Ciceronis atque Plutarchi imitationem: nec non præcepta docet de vitæ diuturnitate. Sextus habet inſtituta de innocentia, ſanctitate, religione, beataque ac virtute plena in hoc mundo vita. Porro ita efficax eſt liber, vt quemlibet à luctu & deſperatione reuocare poſſit. Sed de hoc inferius agam: continet totum opus chartas propè ducentas ac triginta.

Cæpi interim anno M. D. lvij. quædam inchoare:



31.1.

inchoare: sed cum difficultate maxima agebatur, ob curam assiduam agrorum, potentiusque maximè virorum, ut vix possem respirare. Nam fermè ad apicem autoritatis, quanquam multis repugnantibus, ac etiam contra me conspirantibus, ascenderam: ac quasi innitus: tum verò nec Theonosti liber abolebatur, nec ullum de quibus nuper dicturus sum Opus. Itaque novum consilium iniij, si possem aliquando certa conscripta Methodo, mihi faciliorem ad absolvendos libros, qui restabant, viam sternere: neque enim eorum ullum opus fuit, quod non inchoassem. Feliciter ergo excogitavi ut conderem Dialecticam, cuius initium est: Quoniam omnium eorum: chartas continet paululum minus quam decem. Tanti cõstitit felicitas mea, omnisque autoritas operum ac librorum meorum in posterum, si qua futura est omnino, tum etiam scientiarum ac disciplinarum, & totius rei literariæ perfectio. Dices lector, Insanis ne? Quid hoc est? Haud insanio, vera narro, & comperta ratione, experimentoque. Dicam autem primùm quid contineat opusculũ illud. Primis quatuor chartis totam Aristotelis dialecticam addidit absolutam complexus sum, ut eorum quæ in Porphyrij Introductione, in Prædicationis, de Enunciatione, Prioribus, Posterioribusque Analyticis, tum Elencticis continentur præceptorum, nihil possis desiderare, quinimò longe magis dilucida perfecta, ordinata & clara perspicias. Sequentibus autem in quinque cum dimidio chartis (vix enim implent hunc numerum) vniuersam habes Galeni, Euclidis ac Ptolemæi Dialecticam: quæ tametsi inter se distinguuntur, ut sint quæ non genera Dialecticæ, imò quinque, ut verius dicam: Aristotelica, Galenica, Euclidis, ac Ptolemæi: & ut dixi, si placet, adiciamus, seu (si maius dicere) disiungamus Hippocraticam. Porro Hippocratis regulæ, præceptaque, quibus artem medicam constituit antiquorum more, paucula fuere: siquidem duo aut tria. Ptolemæi quoque totidem ferme quibus tamen confeci tria præclarissima opera, de Astorum motibus, deque eorum iudiciis, nec non Musicam. Euclidis autem regulæ plus quam viginti, sed & Galeni non paucæ: cum Aristotelis vix septem sint, aut octo. Tam paruo igitur libello quid habeatur, nunc dicam. Primùm quidem eo duce Hippocratem totum interpretati sumus, cuius vix antea minimam partem, nec eam satis rectè intelligebamus. Dum enim constructionis rationem adipiscimur, facillè est, ut in occultis scribendi modis, ac oblectra notarum suppositione, vel vna intellecta dictione totam epistolam intelligere. Hoc præsidio omnes artes, quarum principia cognouerimus, ita penetrare licet, ut ad quæcumque etiam noua quæstia atque problemata statim pateat aditus. Experimentum feci non semel, cessitque supra omnem expectationem: dicam autem quid acciderit. Transmisit ad nos Franciscus Sambus Rauenatis problema Geometricum huiusmodi: Deducere ex puncto in circuli circumferentia accepto tres lineas in aduersam rectam, sic ut circuli periferiam diuidant, rectangula extremarum dupla sunt rectangulo intermedia. Assimulabit, experimento verum esse

Tom. 1.

comperisse: rationem tamen nullam inuenire potuisse. Quærebat, an omnino verum esset, & an posset demonstrari, & quomodo: per biennium rem tractavi, nec inuenire poteram. Dialectica conscripta, suscepi in manus propositionem, volens videre an succederet: nec exacta est horæ pars quarta, cum inueni problema esse absurdum, si generaliter intelligatur, inde demonstrationem, quod ubi linea ad perpendicularum posita fuerit rectæ descendens ex puncto, per centrum, quod id verum erit: intelligo rectangula, quæ fiunt ex tota linea in partem interiorem. Demiratus sum vim medicamenti. Post aliquod tempus transmisit ad me Gualterus Custodis, qui Arithmeticam docebat Antuerpiæ, quinque quæstia: quorum primum & quartum erant facilia, verum secundum fuit, ut Rectanguli trigoni area esset vigintiquatuor, & anguli reliqui in proportionem dupla. Statim respondit: Latus minimum trianguli eo numero definiri, cuius quadratum esset latus, septingentorum sexaginta octo. Sic & ad reliqua proposita, quæ erant etiam faciliora. At verò ex eo libello statim dignoscimus, an qui composuerit librum aliquem, rectam teneret rationem conficiendi libros: & simul proposita materia, absolutissimum in eo genere librum conscribere docemur: tum verò, quotquot voluerimus quæstia inuenire, & inuenta per demonstrationem dissolvere: ubi autem profiteri voluerimus, textu lecto, Gorgiæ Leontini exemplo, extemporaneam conficere orationem, imò lectionem exactam. Quo fit ut rideam, cum audio Chrysippeam illam Dialecticam, quæ cum diis certare velle gloriabatur: cum palam sit, illum alia conscripturum fuisse, si huiusmodi scientiam calluisset. Etenim nos, postquam hunc libellum conscripsimus, in quo ne litera quidem superflua est, aut deficit, nec tamen in difficilibus exempla defunt: etiam libros omnes tanquam è tenebris in lucem exeuntes intelligere statim concessum fuit, nostros emendare libros, & inuenire admiranda in singulis disciplinis. Fui autem tam felix in citò absoluendo; quam infelicitissimus in serò inchoando. Cœpi enim illum anno ætatis meæ quinquagesimo octavo, absolui intra septem dies: res penè prodigio similis. Sed, ut dixi, si tempestiuè librum hunc conscripsissem: id est, intra annum trigesimum, sceleratissimus fuisset mortalium omnium, etiam cum tam humilibus initiis, totque æmulis atque inimicis: ni fortuna aliam viam ingressa, non iam paupertate, filiorum erroribus, oppugnationibus inimicorum, calumniisque tentasset, sed aliquo ingenti casu, ut tegula, vel de proditione Principis falsò insimulando oppressisset. Nam quos libros nondum perfecisset senex, decem totis annis perfecissem & edidissem: ita ut lucro & gloriæ tantum accessurum fuisset, ut paulo plus ad sortem meam adici in hoc vitæ genere potuisset. Præterea absoluissem libros de Utilitate capienda ex aduersis, quibus filiorum multitudini & securitati vel inuitis fermè Principibus, nedum Senatu ipso, prospexissem: tempestiuè patriam, non patriam sed quidvis potius, deseruissem. Tentavi quidè & prævidi, sed ut in crepusculo nebuloso, nulla edoctus arte, nec viri-

K 3

bus



bus opum fretus : quæ etsi quantum voluisssem non affuissent , quantum opus tamen fuisset non defuissent. Præterea librum Secretorum iam saltem, vt nunc habeo, iuuenis paratum habuisssem. Vt modò vel vnum ex his quæ ibi narrantur, verum fuisset , quid rogo viridi in ætate deesse poterat? Sed cur quoror? cùm sciam hoc ipsum noluisse Deum : quandoquidem nihil horum mihi quæ contigerint, sed honorum, seu malorum , sine illius singulari prouidentia & rerum, & modi, & temporis mihi, euenerit; atque ob id ferendum est, quod non solum ferre necesse est, sed quod optimè constitutum esse intelligo. Verùm quæ scripsi, sunt perinde ac si quis ex sūma foelicitate mare præternauigans, cum vniuersis his quæ habet, tum etiam filiis atq; vxore, incidat in piratas: à quibus occisis filiis in captiuitatē ductis, vxore & opibus omnibus spoliatus, & ipse pluribus confossus vulneribus, in vincula coniectus sit: dicatque, quod verissimum esset: Si ego non nauigasssem, felicissimus eram, nunc ex hoc casu factus sum infelicissimus.

Id verò adiecimus, vt homines intelligerent, quantum vtilitatis hic liber mortalibus sit allaturus: quamquam nec editus sit, nec adhuc an editurus sim proposuerim: est enim vnus è tribus his, quos mihi seruare decreui: nam alij sunt, Liber de Secretis, & Ars medendi parua. Sed de Dialectica nondum tam certò, vt de aliis duobus, constitui. Reliquos omnes edam, si potero: verùm si edatur, intelligent omnes non esse cuiusvis adire Corinthum. Vix enim toto anno quisquam eam sic legere poterit, vt intellexisse iuste audeat gloriari. Sed qui intellexerit, non minori sapientia ad omnia cognoscenda præditus videbitur, quam si dæmonem aliquem egregium habeat familiarem.

32.1. Anno M.D.LVIII. duo volumina condere aggressus sum: ea tamen præcedenti anno, antequam Dialecticam absoluerem, inchoaueram: sed satis confusè, & ineptè, vt verius dicam: nam quæ difficillima sunt, & magni laboris & industriæ, si quis oscitanter peragere aggrediatur, quod in facilioribus non est necessarium, cogitur ineptè id quod cœperat agere. Horum igitur vnum, Ars curandi parua, inscribitur, vigintiocto chartis artem totam medicam ita aptè complectens, vt neque ea pars desit, quæ ad manuum operationem pertinet (Chirurgiam nomine Græco appellamus) & diffusè satis: cuius initium est, Corpus nostrum, Hippocrate teste. Id eo consilio effecimus, vt & ad exercitationem potissimè haberem signa & causas, parataque auxilia præcipua quæque: & ad disputandum rationes, inuentionum modos & autoritates. Res sanè dictu incredibilis, nisi modum quo id fieri in vnaquaque arte posset, in libris de Subtilitate nuper adiecisssemus. Duo sat sunt in hoc opere admiranda: vnum quodd quæ ab Hippocratis ætate ad hanc vsque diem ignota manserunt, tum etiam ex Galeno in lucem reuocauimus: alterum, vt qui librum hunc teneat, quæ intus quasi in superficie posita sint, teneat, ac spectare sibi videatur, ac de futuris tanquam præsentibus pronunciare possit. Scio incredibilia videri: sed qui legerit & intelle-

xerit, non audebit negare: est enim è Dialecticæ fructibus. Scriptus est autem plus quam vices, insumpto in anagnostas talento: ordinatus, si quis alius liber, subtilitate & structura: librū refert Artis magnæ in Arithmetica, illiusque vices in medicina gerit: vnde ex hoc ad magnam euectus sum, non quidem sapientia, sed operum apud vulgum, scientiæ autem apud præcipuos amicos, qui librum illum viderunt, opinionem. Quapropter infinita in laudem meam conscripta sunt, tum carmine, tum soluta oratione: quorum magna pars excidit ob incuriam: multa etiam apud me manent, è quibus vnum subiicere decreui, incerti auctoris nunc, ita tempus omnino interpellat: forsan qui fecit, suos fetus agnoscere volet: ego, vtcumque sit, pro exemplo addam: nam reliqua quæ in laudem meam in aliis libris impressa sunt, me nesciente, dum libri apud Typographum cuduntur, præter Maioragij carmina, ab ipsis auctoribus adiecta sunt. Hæc verò ita se habent:

#### AD HIERONYMVM Cardanum incerti auctoris.

*Amulos Epidaurij inter omnes,  
Sat Cardane caput, sat extulisti:  
Europa populi satis farentur,  
Cunctos fastigio tuo relictos:  
Artis diuitias thoris ab altis  
Pandentem obstupuit corona quendam,  
Magnos ingenij studique fructus  
Pagina varia ferunt per orbem:  
Quas docti manibus fouent ubique,  
Delectant, sapiunt, tenent, aluntque,  
Doctrina procul abdita legentes.  
Te Reges Aquilonij vocarunt,  
Vt mortem fugerent sibi propinquam:  
Qui per te reduces, Charonta fallunt,  
Expectat Stygiis dum eos arenis.  
Quot ciues patria tuis medelis,  
Quos flebat mulier, tamen reducti?  
Hæc Cardane satis superque monstrant,  
Astra te digito ferire solum,  
Despectantem alios humi relictos.  
Nunc tantis preme copiis habenas,  
Ora contrabe fontium tuorum,  
Quo riuus tenues fluant in orbem,  
Fundis dum proprias opes abundè:  
Palam apperuit esse ter pusillas  
Doctrinas hominum, medendi in arte,  
Complexu & vario scientiarum,  
Qui palmas hodie putant mereri.  
Illi non sine sentiunt dolore  
Graui, non nisi parua se tenere,  
Toto nec secus orbe indicari.*

Alterum de Vrinis, quod in quatuor libros 33.4. diuiditur: magnitudo, foliorum cxx. initium: Cùm præcipuarum trium. Docemus in primo, genera & causas vrinarum: in secundo verò, significata ex causis per se deprompta: in tertio, significata ex morborum qualitate: in quarto, compositarum specierum indicia, tum ea quæ non aded ad rem ipsam pertinent, nec non quæ supra fidem ex hac cognitione habentur. Tota tractatio demonstratiua est, noua, nec à quoquā medico alio scripta, cū alia principia habuerimus. Eò vsq; autem processimus, vt ex hac sola cognitione doceamus morbos,



morbos, tempora, exitus ad miraculum vsque præcognoscere. Verum quanquam farrago tota peracta sit, atque conscripta, solum tamen ad hanc diem triginta circiter chartas perfecimus. Stylus ab aliis nostris aded diuersus est, ut nisi lectorem admonuissemus, nostri hi libri forsan non existimari possent.

34.4. Post hos, inchoatum opus De Vtilitate capienda ex aduersis, anno quinquagesimonono absolui, post obitum filij mei. Initium eius est: Non idem esse si quis dicat. Diuisus est autem in quatuor libros: magnitudo, charitatum supra ducentas viginti. In primo agitur de vtilitate capienda generaliter ex omnibus aduersis, cum etiam de præparatione aduersus imminetia mala. In secundo, de vtilitate capienda ex aduersis quæ nobis in corpore accidunt: in tertio, de his quæ in fortuna bonis: in quarto, de his quæ in coniunctis. Sed libet specialem tabulam singulorum adicere: neque enim abs re fuerit, ut simul quæ in illis continentur libris, quasi vno intuitu comprehendamus. Sic autem se habet.

## ORDO ARGUMENTORVM

*Primi libri.*

|  |    |
|--|----|
| 1 De demonstratione.                             | 1  |
| 2 De præparatione.                               | 7  |
| 3 De fine bonorum.                               | 11 |
| 4 De vtilitate generaliter capienda ex aduersis. | 14 |

*Secundi libri.*

|                                   |    |
|-----------------------------------|----|
| 5 De deformitate.                 | 26 |
| 6 De morbis.                      | 27 |
| 7 De dolore.                      | 29 |
| 8 De senectute.                   | 30 |
| 9 De morte.                       | 33 |
| 10 De cæcitate.                   | 46 |
| 11 De sanditate.                  | 47 |
| 12 De mutis.                      | 48 |
| 13 De obliuione.                  | 49 |
| 14 De impotentibus ad Venerem.    | 49 |
| 15 De claudis.                    | 50 |
| 16 De vniuersali resolutione.     | 50 |
| 17 De amore.                      | 51 |
| 18 De generali vitæ institutione. | 52 |

*Tertij libri.*

|   |     |
|---|-----|
| 19 De Principum incommodis.               | 61  |
| 20 De paupertate.                         | 66  |
| 21 De humilitate generis.                 | 85  |
| 22 De contemptu.                          | 87  |
| 23 De ocio in arte.                       | 88  |
| 24 De infamia.                            | 92  |
| 25 De inuidia.                            | 92  |
| 26 De iniuria.                            | 94  |
| 27 De amicorum paupertate.                | 94  |
| 28 De ingratis & perfidis.                | 114 |
| 29 De dignoscendis hominum vitiis.        | 116 |
| 30 De inimicis.                           | 127 |
| 31 De ira Principum.                      | 134 |
| 32 De lite.                               | 137 |
| 33 De exilio.                             | 141 |
| 34 De solitudine.                         | 144 |
| 35 De publica calamitate.                 | 146 |
| 36 De temporum ac magistratuum prauitate. | 147 |
| 37 De seruitute.                          | 150 |

|   |     |
|---|-----|
| 38 De phratriis.                              | 151 |
| 39 De carcere.                                | 152 |
| 40 De tædio multiplici.                       | 154 |
| 41 De spe abrupta, & calamitatibus fortuitis. | 156 |
| 42 De signis eximie potentie & gloriæ.        | 156 |
| 43 De ordine vitæ ducendæ.                    | 158 |
| 44 De cura morborum animi.                    | 160 |
| 45 De causis naturalibus.                     | 164 |

*Quarti libri.*

|   |     |
|---|-----|
| 46 De consanguineorum & amicorum calamitatibus. |     |
| 47 De seruorum improbitate.                     | 165 |
| 48 De vxore ducenda.                            | 168 |
| 49 De vxore contumace.                          | 169 |
| 50 De vxore impudica.                           | 173 |
| 51 De filiorum cura.                            | 174 |
| 52 De filiorum miseria.                         | 177 |
| 53 De filiis improbis.                          | 180 |
| 54 De filiis contumacibus.                      | 185 |
| 55 De filiis fugitiuis.                         | 188 |
| 56 De filiis stultis.                           | 189 |
| 57 De luctu.                                    | 191 |
| 58 De orbitate, vbi de spuris & adoptiuis.      | 197 |
| 59 De filiis suppositis.                        | 203 |

Hi libri absoluta Dialectica, ut dixi, conscripti sunt. Atque vtinam contigisset absolute ante errorem filij: neque enim ille errasset, nec errandi causam aliquam habuisset: nec, etiamsi errasset, periisset. Sed, ut iam narraui, & ego & ille communium calamitatum superuenturarum significatione, potius quam propriorum malorum causa, Fatis destinebamur. Dum enim hæc scriberemus, incidi in Epistolæ exemplar, quam illi sex antè mensibus transmisi, quam errorem illum committeret. Placuit autem in illius memoriam, & quod diuinitus mihi oblata videatur, eam hæc subnectere. Est autem huiusmodi.

Cum me potius, ô fili, fortis tuæ miserear, quam irascor ob delicta tua, quæ non solum in temetipsum, sed in tuos omnes admixisti: propterea hæc ad te scribo: quibus si mentem, ut par est, adhibueris, atque ad vnguem parueris, adhuc spes superest temetipsum seruandi: quod vtinam tandem ut ad faciendum animum inducas, superos supplex (si quæ pia patris in filium vota mouere possunt) rogo, atque etiam rogo. Quid enim est ut commoueri ad misericordiam non debeam, cum te tanta calamitate constitutum videam, ut omnibus quibus opus habent homines, tu indigeas? atque primum consilio, pecunia, corporis robore, & nunc demum bona valetudine. Dij boni, nisi hoc fuisset à te sponte questum, hunc dolorem perferre non possem: quia tamen tu tibi hoc poculum intriuisi miseriarum omnium, cum quibus nuper illud animaduerti, quod ab amicis etiam meis contemneris, atque id (ut existimo) tua culpa: non enim aliter, conicere possum (scio enim illorum grauitatem, & erga te & nos beneuolentiam, officiaque) ferre quicquid futurum est æquo animo decreui. Ita tamen hoc me angit, ut intempesta nocte (cum aliàs hoc mei moris non sit ante diem surgere, nunc iam multò antè) hæc scribam. Superos testor, me non ira aliqua commotum, quominus te



modis omnibus iuuarem, atque in domum reciperem: sed veritum, ne potius (quod proclivius fuisset) nos perditum traxisses, quam nos te ipsum adiuvissimus. Nam vos plures & iuvenes, ad perdendum: ego iam senio prehendor, & vnus sum: mihi nulli redditus, vobis prodiga voluntas, & consilium nullum: quæ fieri potest, vt non longè magis mihi metuerem, quam vt sperarem posse te redimi consilio meo? Præterea factum tuum, quod dissolui nequit: illorum mala mens: neque enim cum bona mente parentes senes admittere talia potuerunt quæ aduersus diuinas atque humanas leges ac Senatus præcepta pessimo exemplo sunt. Existimabant nostras has paruas facultates, quas tamen illi longè maiores putauerunt, hoc medio inuadere posse: prodegerunt sua: quid mirum est si alienis inhiant? neque enim si alio id consilio peregissent, tam præcipientes ad hoc connubium descendissent. Quamobrem non erat quod sperarem, me posse tuam simul atque suam mutare fortunam: hoc enim fuisset opulentissimi viri, qualem illi me crediderunt esse: vt verò timerem me pessum ire ab his, tum à te, si vos recepissem, tumet (qui nunc, vt puto, pacatiore es animo) tecum reputa. Pater, sine vllis redditibus, arte precarij lucri, senium iam ingressus, maxima multorum cum inuidia, atque ob id inconstanti fama, nec satis firma valetudine, etiam cum maximè mihi in visu prospiciam in tot vestigalibus, in tanta omnium rerum caritate, ingruentibus tot bellis, & in quibus vix finem sperare liceat: omittenda etiam & amittenda impressorum lucella, quæ non parua pars sunt lucri mei: subruenda spes munerum: vos plures, impotentes, sine arte, aut sine auctoritate, sine consilio; perditissimis moribus segnitiei, luxus & prodigalitatis. Quid iam? hoc non erat metuere periculum, sed volentem arcessere? Denique si quid spei erat, estve, in rebus nostris: licet & extra domum te agente, atque sine vlllo meo impedimento atque periculo (& quod maius his omnibus longè apud me est) sine cura aliqua aut sollicitudine animi mei te consequi atque habere, si mandatis meis parere volueris: id autem quomodo fieri possit, nunc dicam.

Primum opportunè duo volumina me scripsisse video; quibus ambobus indiges: alterum, quod De consolatione inscribitur: sed eo longè vtilius quod nunc adhuc perficio, De vtilitate ex aduersis capienda: præterea etiam ope à me ipso, quantum fas est. Primum ergo ab ope, qua nunc forsan tanquam præsentem indiges: hæc duplex erit: altera me ipso, altera per me: ex me ipso, curabo vt redditum lucrorum totum recipias: nam huius anni medietatem permisi tibi, futuri etiam medietatem relinquam: nunc etiam permitto, vt habeas suppetias ad sustentandum te. Si quid ex Aula impetrare poterò, habebis tu dimidium, dimidiumque redditus lucrorum: atque ita vtcunque res cedat, habebis plus quam ego, cum cogebar, ab initio totam familiam sustentare. Tui autem muneris erit, vt quoniam futuro anno locatio finitur, agere cum socero, vt quampluris possint nemora in posterum distraherentur, seu venditione seu

locatione lignorum: nam aut dimidium cum stipendio ex aula, vel totum absque stipendio, si fortuna cæptis nostris obset, ad te perueniet. Quæ verò per me, iam scis: omnia viliorum personarum lucra, aut altioribus ædibus habitantium, & quæ visis lotiis visitari postulant, tua futura. Quicquid etiam amicis impetrare poterò, in tuum commodum cedit. Legatus Venetus serici vlnas quinque dedit: aut igitur & te donabit: aut eius quod ad me perueniet, dimidium habebis. Et hæc de ope.

Quod ad libros de Consolatione attinet, animus tuus moderatione eget. Primum, ne quam tristitiam ex antè actis, aut præsentem fortuna concipias: nam omnia quæ tibi impendent mala, paupertas, vxor, contemptus, alienatio paternæ domus: omnia hæc inquam tute tibi ipsi volens ac sciens parasti. Quare etsi longè deteriora essent, non est vt doleas. Quod ad fortunam attinet, non est vt doleas: natura es homo, non bellua: vir, non foemina: Christianus, non Iudæus vel Mahumetanus, Italus, non barbarus: ex inclyta vrbe & familia, atque si quid ad rem attinet, eo patre cuius opera sine tuo labore (modò omnino non sis perditus) nomen tuum multis seculis manebit: An tibi parum fortuna fauere hoc ipso visa est? Sola valetudo infirma, & corpus inuaditum: alterum hæreditario iure habuisti, alteri (si prudens fueris, ac temperaueris à voluptatibus) occures & sanesces. Illud etiam cogita, quod in peccatis tuis punit me Deus, & in meis te: nam nisi noluisse, non errasses. Quæ enim mens est nobis, à Deo habetur, & per momenta etiam. Et quæ calamitosa videntur, si paulò plus in futurum quæ ventura sunt prospicere posses, vana esse intelligeres, sicut & quæ iucunda. Dum ergo de felicitàte gratulari, hominis sit humanam conditionem ignorantis: multò minus in aduersis contristari licet hominem: quoniam omnium vnus est finis. Et tanquam contempsisset pecunias stultum sit, & hic temporibus (si quando vnquam aliàs) durum, nihilominus etiam propter pecunias Deum contempsisse, adhuc deterius est. Propterea auus tuus Facius Cardanus, duo mihi præcipua mandata proposuit: alterum, vt singulis diebus Dei, & illius immensæ bonitatis beneficiorumque suorum recordarer: alterum, vt his quæ facerem, dum facerem, intentus essem.

Quæ verò ad vtilitatem ex aduersis capiendam pertinent, sunt hæc. Primum, ne irascaris. Impedit ira animum, ne possis cernere verum. Dolor est in ira, & corporis habitus corrumpitur, & homo facie ac moribus infano similis efficitur. Vnde rogatus Aristoteles quid esset ira, respondit: Furor temporaneus. Nec esto mendax: præter enim quod sit præceptum sacræ Scripturæ & Physicorum, hoc habet mendax, ne postmodum veritas ei credatur. Nec in ocio viuas, sed perpetuò studeas, memor dicti illius sancti viri: Cum anima ociatur, in eam ingrediuntur cogitationes malæ, sicut in inculto agro abundant herbæ agrestes & serpentes. Ne ludo indulgeas: scriptum est, Aleas fuge: olim lutores toto genere infames erant. Tempus, rem carissimam, amittis, & existimationem: tum verò & rem simul.



simul. Ne etiam credas fortunam tuam mutare in melius, ac opes gloriam & amicos parare, nisi animum cum corpore etiam ab incommodis vindicaueris: nec vindicabis corpus ab incommodis, nisi animum à vitiis segregaueris, virtutibusque ornaueris. Ab ea igitur incipiendum est, crede mihi: nam & qui seuerantur, & latrocinantur, felicitatem illam in virtute, non vitio repositam habent: illi quidem in solitudine & prudentia, hi vero in fortitudine: admiscetur autem virtuti: & ideo eorum causa hæc inuisa sunt Deo, legibus atque hominibus probis. Ceteram in huiusmodi quicquid est boni, ex bono: si est, virtute pendet, quanto magis in aliis? neque inuideas iis, o fili, qui per seclera diuites sunt, atque potentes, auratis ac sericeis induti. Romanorum gentem multo opulentiorem, & Persarum Reges, Deus perdidit, totque alios Principes, vt ne ex tot nemoribus fuscus remanserit: propter Abraham autem iustitiam, & quia illi placuit, ex vno fusculo Isaac multa nemora adhuc seruantur: seruanturque longè plura, maiora & felicitiora, si impietas in CHRISTVM non obstat. Umbra digiti Dei totum orbem terrarum circumagitur.

Animo sedato sic compones res tuas. Ne in plurima recumbas: calida enim temperies est generis nostri, & lapillis subiecta. Nouem horas dormiens prima hora diei surges, & ægros munes, tacitus in omnibus, nihilque quod ad te non pertineat dicis. Non exerceas te in inaleceas, nodum vt fides. Prius equo extra domum veharis, inde redibis pedibus. Vbi intus, calidior veste te circumda. Prandebis pane & modica carne, vel pisce asso. Bibes parcissime. A prandio, nisi cogaris, per quatuor horas stude: studia delectant hominem, obliterant curas, gloriam parant, animum exornant, artificis opus inuuant. Post iterum inuise ægros simili ratione: sed equitando magis ante cernam, vireta & arbuta, amœnaque loca inuise, circum urbem ambulans aut equitans. Si sudore quandoque aut pluuia madueris, cum domi fueris, nil magis age quàm vt cures temetipsum sicis lineis, ac calidis, tum vestibus suffultus in caldario mane. Cœna sit ad satietatem. Cubitum ea hora eas, quæ decima sit ante diem primam: si non liceat ob noctium breuitatem, quod deest, meridiano somno supple. A tepem rebus omnino abstine: à fructibus horariis, à vino nigro, à vano sermone & multo, à mendacio, à ludo, vt ne quid secreti mulieri reueles, & ne illi plus liceat quàm decet. Mulier enim stultum animal est, atque idè fraude plenum: cui si immodicè blandieris, nunquam felix esse poteris, sed ad ingentia mala te protrahent. Imitare belluas. Sectionem venæ atque purgationem, quantum potes, deuota: & vtere corallina, & lotionibus ex aqua calida vel frigida, pro vt opus est. Habes librum de Consolatione, habebis & libellum de Aqua & æthere, ac etiam paulò post librum de Vtilitate capienda ex aduersis. Disce ex errore admissò, parèd viuere, vt famulo & equo contentus sis absque ancilla: nam Phocioni Atheniensium Imperatori minor familia erat. Blandiaris mode-

ratè omnibus, atque eruditioni operam da. Atque hæc satis: quoniam speciatim dictis voluminibus, tum in libris de Sapientia, atque aliis, omnia à me sunt explicata. Super omnia, vanis promissis aut spei ne incumbet: Sed hoc habere te solum puta, quod habes: & his quæ habes, solum confide. Vale. v. Calendas Septembris. Transmisissim etiam libellum de Præceptis ad te: sed qui à libellis mihi est, satis est impeditus.

His diebus quidam conscripserat aduersus nostrum de Subtilitate librum, Opus ingens. Aduersus quem ego Apologiam scripsi, quæ edita est cum libro de Subtilitate, in tertia editione; in titulo eius est, Actio prima: chartarum est penè quinquaginta: initium eius est: Rectè quidem ac iure. Ea vtilissima est ad libros de Subtilitate, intelligendos: adducunturque in ea expositiones quorundam difficultatum locorum, & demonstrationes etiam non vulgares, tametsi pauca. Verum per id temporis conscripsi, Hymni ad Deum chartas supra quinque cuius initium est: Quibuscunque o iubar: difficillima res, & cuius vix duas lineas nonnunquam vna in die conscribere possum. Accidit ante dies quàm, filius meus in carcerem duceretur, vt dum scripta quædam reuoluo, hic liber in terram caderet: quamquam totis viribus, ne caderet, obniterer, itaque perterritus hoc miraculo aded sum, vt mihi deinceps non constarem: timui enim non falsò, quod & euenit: sed non poteram diuinare. Neque consuluerim, vt improbus & mala mente ad eum legendum accedat: cum Theonosto imprimeretur.

Reuersus ad profitendum Papiam anno M. D. lix. conscribere aggressus sum librum quartum Secretorum: perfeci plusquàm decem folia: cuius initium est: Cum quædam sint sapientibus; adiutus mirum in modum Dialectica: nam & aliàs aggressus fueram hanc prouinciam, sed parum feliciter. Verum libet, quæ iam absoluerim per tabulam ostendere.

#### TABVLA LIBRI De Secretis.

- 1 Occultè loquendo facillè.
- 2 Occultè scribendo ἀνεξήγητον.
- 3 Vincto vt significes.
- 4 Scissitando, nec detegendo.
- 5 Annixis, seu Prostereneos:
- 6 Agrixia.
- 7 Παγήνη seditionum.
- 8 Vesica lapidi.
- 9 Hernia inguinali.
- 10 ἱμβρηπύνη.
- 11 ὀλκοδότης, seu cataplasmos.
- 12 Margarita & ἱμφοίνιστος.
- 13 Proserpinæ apparatus:
- 14 Hyctalops.
- 15 Spectrum.
- 16 Pesti.
- 17 Perforando obliquè.
- 18 Phtoe.
- 19 Sanguinis fluxui:
- 20 Infania.
- 21 Diabeti.
- 22 Podagræ:



- 23 Vitæ producendæ.
- 24 Statua nobilis.
- 25 Æs varium.
- 26 Folia Gemmarum.
- 27 Smaltum rubrum.
- 28 Aqua marina.
- 29 Εὐνείδης ἀφ' ἐγδιδάσκων.
- 30 Smaragdus.
- 31 Gemmæ naturaliter pictæ.
- 32 Animi affectibus corrigendis.
- 33 Philtra.
- 34 Dæmonum naturalis visio.
- 35 Μαυρίδα.
- 36 Maximum ιδιότητων.
- 37 Surditati.
- 38 Fructus seruare.
- 39 Αναμνηστικός.
- 40 Κεκοσμένον ἐμπροσθεν.
- 41 Εὐχολόγος.
- 42 Quartanæ.
- 43 Scabiei.
- 44 Oleum de Sulphure.
- 45 Sphondylorum dorso luxatorum cura.
- 46 Renum lapidi.
- 47 Deliciis.
- 48 Ρινακίων.
- 49 Phasma.
- 50 Medicamentum Polycresson.
- 51 Experimentum mirum.
- 52 Catapluzon humanum.
- 53 Hæmoptoi.
- 54 Hydropsi.
- 55 Ad pondus metallorum augendum.
- 56 Μενδοσός.
- 57 Ad delineandum frontem.
- 58 Ad retinendos fugitios, & philtrum.
- 59 Ad oculorum morbos.
- 60 Φῶς ἐνὶ ὄψει.
- 61 Φιλοσόφου.
- 62 Exhalatio.
- 63 Καταπόδου.
- 64 Peregrinatio, seu Metamorphosis.
- 65 Somnus.
- 66 Ἀνισόα.

Quæris iure meritò, an experta? si sic, cur non diues, potens, ac denique Rex? Si non, quæ arcana? Non præsciui, cum oportuit. Sæpe dixi, non hæc nostra sunt: præter duo, nihil non expertum: præter sex, nihil expertum: reliqua omnia semi experta sunt. Sed ad quid quæram opes, si superuixisset ille miser, profutura hæc fuissent non parum, quæ nunc silent.

37. I. Post opus aggressus sum Mediolani vacationibus quadragenariæ, seu Bacchanalium potiùs, anni M. D. lxj. Ita enim non obscurum est, nostra ætate celebrari ante quadragenariam vacationes, in quibus ludunt, conuiuantur, personati ac laruati incedunt, denique nullum luxus ac lasciuæ genus omittunt Sybaritæ & Lydi Persæque vincuntur. Nec tantum bonis operibus ac piis quadragenaria promerentur, quantum peccant iis Lupercalibus. Hoc igitur tempore commentaria cœpi in Mundini Anatomiam, chartis duodecim: reliqua sunt in prima editione ad chartas centum viginti: initium: Nō eadem est ratio, vsus multiplex est, ac utilitas: inter reliqua Chino-graphiam foliatam inueni, & expressi, ut quasi cadauer lateat in commentariis, præsertim

si pingantur figuræ. Præterea breuē omnium morborum qui ex dissectione pendunt, curam tradidi: ut aquæ in oculo, seu nebula, strummarum, podagræ, fracturæ ossis capitis, Scinanches, tabescentium tumoris lienis & iecoris, aquæ intercus, herniæ, lapidis renum & vesicæ, atque huiusmodi. Adhibui verò diligentiam summam, ut clara esset expositio, & ab omni contentione remota, nec ex membris partibusve membrorum quicquam deficeret.

Eosque aliquid semper moliri non desui, 38. I. verum cum decreuissē modum ac finem aliquando facere, coactus sum tamē paucula hæc anno M. D. lxi. conscribere. Et primò libellum de Vno, foliorum quinque: cuius initium: Vnum bonum est: introductorius est ad Dialecticam. Libros Theognoston, & de Arcanis æternitatis. Demonstratur vnitas & ordo vniuersi, Mundus incorporeus qualis, & quod solum quod vnum etiam bonum.

Deinde librum de Secretis primum, foliorum decem: cuius initium: Maxima pars eorum. Hunc ob duas causas: primam, ut multis præclaris ingeniis satisfacerem, ut scilicet ope mea victum sibi parare possent: eaque causa nullum apposui secretum, sed solum viam illa inueniendi patefeci, ut illibatus liber semper esset, nec vsquam enulgaretur. Secunda, ut multos libros in ordinem redigerem: velut Dialecticam, & est secundus Secretorum: Hymnum, & est tertius: Et de nodis, & est vigesimus sextus: Et de Musica, & est vigesimus septimus: Et de lapidibus, & est trigesimus secundus: Et de præstigiis ex anima & operationibus eius, qui est quadagesimus quintus: Similiter quadagesimus sextus, & quadagesimus septimus, de potionibus, & externis auxiliis: & quinquagesimus quartus, de Geometricis: quinquagesimus quintus, de Arithmetice: & septuagesimus quintus, de Secretis educandi filios: & octuagesimus nonus, de Secretis ludendi: & nonagesimus primus, de Fato. Ut ergo hos tredecim libros cum illo in ordinem redigerem, hunc librum conscripsi.

Alium quoque, qui iam numeratus est 40. I. inter hos, composui, de Gemmis & coloribus, foliorum duodecim, in quo nihil quod ad materiam eam attinet, desiderari potest, adeò subtiliter omnem illorum naturam perscrutatus sum. Initium est: Gemmarum differentiarum plures. Utilitas satis perspicua est, cum præsertim illud ostendam, multos esse lapides qui fortunam gestantium commutent.

Conscripsi libellum alium cuius titulus est 41. I. Tetim, seu de Humanis consiliis, foliorum sex: initium: Utinam ô amice. Argumentum est, homines ac principes plerisque præsertim decipi in administratione. Fructus est, magnum afferre auxilium regnis cum felicitate subditorum, & Principum securitate, meliore fama, & Dei gratia. Hi quatuor cum hoc opere, ut patet, excusi sunt.

Conscripsi rursus libellum de Minimis & 42. I. proximis, foliorum trium. Alium de Summo bono, foliorum quatuor. Alium de Nodis, foliorum decem: initium primi, Cum anno M. D. lxx. secundi, Quoniam summum bonum: 43. I. tertij, Nodorum scientiam forsitan. Vltius primi 44. I.



# De Libris propriis.

119

mi est, ut doceamur nihil negligere, quandoquidem omnia nostra ex minimis ortum habent: Secundi autem, compendiosam ostendere viam ad securitatem, quanta ab homine haberi potest, ne simus infelices: & quibus hoc sufficere debeat, quive debeant felicitatem sequi. At verò tertij multa vtilia alia, pulchra, & propè admiranda. Duos priores cum libris de Somniis edidi.

45. 2. Cum etiam hoc anno obtisset Gulielmus Lataneus Anglus, adolescens mihi charissimus, conscripti librum foliorum duodecim, cuius initium est: Veniens è Scotia: titulus, Gulielmus, seu Gulielmina. Argumentum eius est, viuentes omnes esse mortuis infeliciores, plerosque etiam multo: quantus item sit dolor in morte, qualis, & cui assimiletur. Vtilitas eius est, perferre luctum commodè.

46. Demum cum viderem multa super futura optima, ne cogere vniuersa mutare; coepi conscribere libros Paralipomenon, quorum numerus definitus non est. Initium primi libri: Cum in Deo multa esse, tractatio est omnibus.

47. 5. Sed & libros quinque de rebus naturalibus, duos de supernaturalibus tres de moralibus. Initium primi: Dei faciendo generatio: In primo naturalium, de principiis quibus Mundus factus est: in secundo, de principiis quibus sit: In tertio, de principiis generationis. In quarto, de mixtis imperfectis: In quinto, de anima. In primo supernaturalium, de virtutibus: In secundo, de intellectu & communibus. In primo moralium, Ethica: In secundo, Oeconomica: In tertio, Politica. Causa constructionis hinc, ut omnia necessaria breuissime & ordinate colligerentur. Opus erit paulò maius chartis centum.

Florum igitur causa tabulam omnium subicere decreui. Vtilior autem diuisio mihi videtur in classes: erunt autem octo. Prima, Mathematicarum tractationum: secunda, naturalis Philosophiæ: tertia, moralis: quarta, Diuinum: quinta, Diuinationis: sexta, Introductionum: septima, Medicinæ: octaua, varij & incerti argumenti. Sic igitur & diuidemus illos, & distinguemus.

## Mathematici.

Elementorum Geometricorum, lib. xv. fol. cc.  
Arithmetica, lib. v. fol. ccc.  
Musica, lib. v. fol. clxxx.

## Naturales.

De natura, lib. v. f. c.  
Supernaturalium, lib. ij.  
De arcibus æternitatis, lib. vij. f. clx.  
De fato, lib. iv. f. cxx.  
De subtilitate, lib. xxi. f. cclxxx.  
De rerum varietate, lib. xvij. f. cclxx.  
De animi immortalitate, lib. j. f. lx.  
De gemmis & coloribus, lib. j. f. xij.

## Morales.

Moralium, lib. iij.  
Torum, lib. j. f. vj.  
De sapientia, lib. v. f. lxx.  
De præceptis, ad filios, lib. j. f. xliij.  
De summo bono, lib. j. f. iv.

De consolatione, lib. iij. f. xxxvj.  
De vtilitate ex aduersis capienda, lib. iv. fol. ccxx.

De minimis & propinquis, lib. j. f. iij.  
Gulielmus, lib. j. f. xij.

## Diuini.

Theognoston, lib. vj. f. cc.  
Hymnus, lib. j. f. v.

## Diuinatorij.

Commentaria in Ptolemæum, lib. iv. f. cccc.  
De iudiciis, lib. x. f. cc.  
Metoposcopia, lib. xij. f. clxxx.  
De somniis, lib. iv. f. lxx.

## Introductorij.

Dialectica, lib. j. f. x.  
De secretis primus, lib. j. f. x.  
De libris propriis, lib. j. f. c.  
De vno, lib. j. f. v.

## Medicina.

Commentaria in Hippocratem, lib. c. f. M. D.  
Commentaria in Mundinum, lib. j. f. cxx.  
De vrinis, lib. iv. f. cxx.  
Ars medendi parua, lib. j. f. xxvij.  
De sanitate tuenda, lib. iv. f. cccxiv.  
Floridorum, lib. j. f. c.  
Contradicentium Medicorum, lib. viij. f. cccc.  
De aqua & æthere, lib. j. f. c.  
De Indico morbo, lib. viij. f. cccxiv.  
De experimentis, lib. j. f. ccx.  
De morbis compositis, lib. j. f. l.  
De malo medendi vsu, lib. f. xvj.  
Quod nullum simplex, lib. j. f. xvj.

## Varij & incerti generis.

De Ludis, lib. j. f. cl.  
De Nodis, lib. j. f. x.  
Tabularum, lib. iij. f. lxxx.  
De Secretis quartus, lib. j. f. x.  
Problematum, lib. x. f. lxx.  
Paralipomenon, lib.

Librorum ergo horum summa, præter Paralipomena, est trecentorum: chartarum verò trium millium supra trecentas. Præter eos, qui tametsi edentur, aut editi sunt, sub nomine tamen librorum haud comprehensi sunt. Sunt autem hi.

## Consilia.

Duo, pro difficultate spirandi.  
Pro lepra.  
Pro sanguinis fluxu.  
Pro ventriculi affectu.  
Pro surditate.

## Apologia.

In Thessalicum Medicum.  
In Iulium Cæsarem Scaligerum.

## Encomia.

Medicinæ.  
Geometriæ.  
Neronis.  
Podagræ.  
Præter hæc quæ edenda aut edita dixi, sunt manuscripta non edenda, etiam si alia ex eis edita sint: Arithmetica parua edita fol. cxx.  
Tabula in Hippocratem, fol. xxxij. Tabula librorum



librorum classicorum, fol. x. Commentaria in Sphæram, fol. xxx. In Geographiam, fol. xx. In duos primos Vitruuij libros, fol. xx. Contradictiones Logicæ, fol. x. Epidemia, fol. xxxvj. De circulis libri duo, fol. xx. Commentaria in primam primi Hasen, fol. cl. In artem Medicam, fol. clx. De Simplicibus Medicamentis alius, fol. x. Epistolæ familiares ad amicos, eruditos & Principes viros, Vesalium, Matthiolum, Alciatum, Osiandrum, Archintum, Ranconetum, Checum, Gesnerum, Fabium, Bonifacium, Antonium, Felicianum, Maioragium, Cicereium, Antonium Alphusianum, Franciscum Vico-mercaturum, Magnienum, Georgium Ioachim-mum, & Hieronymum Scalingum, ad Cardinales plures, ad Principes nonnullæ. Epistolæ aliquot cælestes. Farrago insuper Medica fol. D. Orationes in demonstratiuo genere circiter xxx. Farrago libri Technarum, cum initio eius. Consilia multa per totam sparsa Europam.

Exciderunt etiam præter hæc, Arithmantia, de locorum distantia, De peste, De venereis, De humana immortalitate, De pituita, De circulis sphæricis & umbris, commentaria posteriorum imperfecta, Farrago operum Galeni quæ adhuc extant: Grammatica Græca, sed imperfecta: Tot Epistolæ, aliaque scripta, vt numerare nimis curiosi esset.

Itaque proponamus potius, quinam editi sint, idque breuiter: inde, qua ratione diligentiaque conscripti: demum, quo ordine legi debeant. Libri igitur impressi sunt hi:

#### LIBRI EDITI.

De malo medendi vsu. Bis impressus.  
Quod nullum simplex Medicamentum. Bis impressus.  
De consolatione. Bis impressus.  
De sapientia.  
De libris propriis, ter.  
Commentaria in Ptolemæum. Bis.  
De subtilitate, octies.  
De somniis.  
De animi immortalitate.  
Ars magna.  
Ephemeridum emendatio, & De genituris.  
De rerum varietate. Bis.  
De Aqua & Æthere.  
De vtilitate capienda ex aduersis.  
De Minimis & proximis.  
De vita beata.  
De vno.  
De secretis liber primus.  
De gemmis & coloribus.  
Gulielmus, seu de morte.  
Telim.  
Encomium Neronis.

Omitto Arithmeticam paruam, & duos libros Contradictentium, quoniam transmutati sunt alio ordine, ac ex toto permutati, vt nihil femè ex priore editione retineant. Sunt etiam Apologiæ, aliaque edita. Porro conscriptorum librorum quidam sunt exiles & aridi, quidam imperfecti, ac quasi imundi, nec expoliti: alij perfecti, quidam

supra nostras vires. Sunt & quasi diuini, alij verò mixti.

#### TABVLA LIBRORVM rum editorum, tum eden- dorum.

##### Exiles

De iudiciis Astrorum.  
De malo medendi vsu.  
Quod nullum simplex Medicamentum.  
De animi immortalitate.  
De tuenda sanitate.  
De præceptis ad filios.  
Fabularum.  
De Aqua & Æthere.  
De morbis coniunctis.  
De sapientia.

##### Supra vires nostras.

Dialectica.  
Ars medendi parua.

##### Diuina penè.

Theognoston.  
Hymnus ad Deum.

##### Impuri, sed quasi perfecti.

De ludis.  
Floridorum.  
De morbo Indico.  
De consolatione.  
Anatomia,  
De libris propriis.  
Experimentorum.  
Musica.  
Problematum.  
Mixti generis.  
De fato.  
De Arcanis Æternitatis.

##### Perfecti.

Geometria.  
Arithmetica.  
Commentaria Ptolemæi.  
Commentaria Hippocratis.  
Metoposcopia.  
De somniis.  
De subtilitate.  
De rerum varietate.  
De vtilitate capienda ex aduersis.  
De vrinis.  
De secretis.  
De vno.  
Contradictentium Medicorum.  
De secretis primus.  
De gemmis & coloribus.  
Tetim.  
De minimis.  
De summo bono.  
De nodis.  
Gulielmus.  
De natura.  
De supernaturalibus.  
Moralium.  
Paralipomenon.



TABVLA ORDINIS LIBRORVM,  
quo legi debent.

- 1 Elementa Geometrica.
- 2 Arithmetica.
- 3 Musica.
- 4 De vno.
- 5 Dialectica.
- 6 De secretis primis.
- 7 De libris propriis.
- 8 De natura.
- 9 De subtilitate.
- 10 De rerum varietate.
- 11 De gemmis & coloribus.
- 12 De animi immortalitate.
- 13 De fato.
- 14 De arcanis æternitatis.
- 15 Supernaturalium.
- 16 Theognostos.
- 17 Hymnus.
- 19 De sapientia.
- 18 De moribus.
- 20 De præceptis.
- 21 De utilitate capienda ex aduersis.
- 22 De minimis.
- 23 De summo bono.
- 24 De consolatione.
- 25 Gulielmus.
- 26 Tetim.
- 27 Commentaria in Mundinum.
- 28 Commentaria in Hippocratem.
- 29 De sanitate tuenda.
- 30 Floridorum.
- 31 De vris.
- 32 Ars medendi parua.
- 33 De experimentis.
- 34 De Aqua & Æthere.
- 35 De Indico morbo.
- 36 De morbis compositis.
- 37 Contradictentium Medicorum.
- 38 De malo medendi vfu.
- 39 Quodd nullum simplex.
- 40 Commentaria in Ptolemæum.
- 41 De iudiciis Astrorum.
- 42 Metoposcopia.
- 43 De somniis.
- 44 De secretis quartus.
- 45 Problematum.
- 46 Fabularum.
- 47 De ludis.
- 48 De nodis.
- 49 Paralipomenon.

Verùm ratio ordinis in plerisque nutat : quandoquidem horum librorum quidam antè & post legendi sunt diuersis rationibus : vt Dialectica, Ars medendi parua, De subtilitate, & de rerum varietate.

Sed hæc mittamus. Quid si contigerit vt ab obitu libri quidam maneat imperfecti, aut quod pluribus eueniet, non omnino castigati? At de hoc operapretium erat etiam monere lectores, vt si quis non inruditus eorundem causa qua nos hæc scripsimus, premiorum efficere tentauerit, non difficile sit rem ipsam absoluere. Sic contigit Homeri & Aristotelis & Virgilij operibus, vnde illud etiam vulgatum Augusti :

*Ergo ne supremis potuit vox improba verbis,  
Tam durum mandare nefas?*

Et reliqua que sequuntur. Nostra ætate

*Töm. I.*

idem contigit operibus Cælij Rhodigini. Spes erat emendatos iri à filio; sed gratiam videtis relata. Cupierant extinguere non illum, sed me: non mitiore, verum crudeliore, sed honestiore modo: vt conciderem in filij sanguine. Sed libet eorum nomina adicere, qui de me in suis libris palàm editis honorificè mentionem fecerunt: quanquàm multos alios esse non dubitem, quibus gratias debeam ob simile meritum: quos videre ad hanc vsque diem non licuit. Incipiam autem à primorū quoniam is videtur omen fecisse fausto cæpto, & non sine numine id egisse.

*Gaudentius Merula, in Erasmi cano bello: & in Sylua varia lectionis. Cui successit.*

*Donatus de Mutis, super expositione quorundam Aphorismorum.*

*Inde eruditissimi Viri:*

*Andreas Tiraquellus, de legibus connubialibus in initio quindecim libri.*

*Philander, in Vitruuij cōmentariis non semel. Gesnerus, dum mihi esset ignotus, passim.*

*Philippus Melancthon, in initiis sua Naturalis Philosophia.*

*Gemma Phrysius, in sua Arithmetica.*

*Franciscus Vicomercatus, in suis Meteorologicis.*

*Michaël Stiphelius, in sua Arithmetica.*

*M. Antonius Maioragius, in Antiparadoxis. Schonerus, de Natiuitatibus, in fine.*

*Epitome Bibliotheca.*

*Hieronymus Tragus, in suo Herbario.*

*Georgius Pictorius, de tuenda sanitate, & in conualibus sermonibus.*

*Antonius Mizaldus, in libro de Sympathia & Antipathia. (Regis.)*

*Christophorus Hispanus, de itinere Philippi Conradus Lycosthenes, de prodigijs.*

*Io. de Choul, in pulcherrimo libello de Quercus historia. nis proæmio.*

*Leninus Lemnius, in libri de Natura arca.*

*Adrianus Alemannus, in librum de Aëre & aquis Hippocratis.*

*Hieronymus Castillioneus, in oratione de Laude patria.*

*Ioachimus Ellerus, in Io. Hispalensis Isagoga.*

*Adolphus Crang, in Tritemij Abbatis introductorio.*

*Melchior Guilandius Borussus.*

*Gulielmus Gratarolus.*

*Castigator Hermetis, de Natiuitatibus.*

*Libermagnus de Aquis, à plurib. aggregatus.*

*Matthæus Abel, in Dionysium de situ orbis.*

*Nostradamus, in suis Prædictionibus annuis.*

*P. Constātinus, in castigationibus in Amati.*

*Gasper Peucerus, de Diuinationū generibus.*

Sanctè verò iurare possum, me nullum horū agnouisse, antequam de me scriberent, præter Gaudentium Merulam, Aptonium Maioragium, Donatum de Mutis Medicum, & Ioan. Choul: sed neque cum illorum quoque, præterquam Maioragio, amicitiam aut familiaritatem contraxi. Tancum verò absuit vt quemquam huius causa rogare, vt nunc etiam quasi pudeat meipsum: neq; apud quenquam minor mihi esse videor, quàm apud memetipsum. Itaque gratias tanto maiores illis habeo, vixque sua Aristoteli aut Galeno forsan similia contingere. Sed obiciēs, & aliquos damnaſſe scripta nostra atque hi sunt:

L

Nicolans



*Nicolaus Tartalea, in suis novis inventionibus.*

*Lucas Gauricus, in suo de Genitaris libro.*

*Io. Brodeus, in Miscellaneis.*

*Tadeus Dunus, in disputationibus suis.*

*Io. Buteon, in sua Arithmetica.*

*Ingraffius, De humoribus.*

Atque hi nullus prorsus existimationis, præter Brodeum, qui sibi hac causa nomen parare voluit, nec scit quod reprehendat. Gauricus de diuisione domorum arguit, sed non intellexit mentem nostram: pro qua etiam scripsit Antonius Alphasianus Senator ad me. Buteon planè stultus est, & elleboro indiget. Dunus, ut famam quæreret, cum esset meus auditor, euulgauit Epistolam meam. Ingraffius, nec in reprehendendo, nec vlla in re satis nouit quid dicat: melius fuisset omnino non scribere. Scribere enim ut imperitiam tuam prodas, nec fructum alium facias, superuacaneæ operæ est. Tartalea coactus est recinere palinodiam: sed tamen puduit eum stare promissis, nec quod scripserat, dele-re voluit, sed in amentia perseuerauit: cor-uo prorsus similis, viuens alienis laboribus, & fur manifestus alienorum studiorum, aded impudens, ut quod edideram iam publicè quadriennio antè de expiscandis nauibus submersis, ipse edito libello, nec rem satis intel-ligens, suppressa de nobis mentione, inuen-tionem illam: quia materna lingua Italica il-lam euulgauit, ut suam publicauit. Verùm homines eruditi nos lacefferunt, Rondele-tius, Iulius Scaliger, Fuchsius in præmio cuiusdam sui operis, ubi docet cauendas esse nostras Medicinæ contradictiones ut venenum pestiferum. Est etiam Reinerus Soleander qui-dam, de aquis calidis. Sed ille cum de causa ortus illarum nos reprehendat, non tamen respondet demonstrationi quam pro opinione mea attuli. Cæterum, ut dixi, Cæsari Scali-gero in Apologia quæ est cum libris de Subti-litate, satis responsum est. De Fuchio, pudet me illius, qui damnat, nec rationem adducit, vultque sibi credi velut oraculo, in tot causis arduis. At illi plurimum debere me fateor, cuius causa duodecim illos admirabiles Con-tradicentium medicorum libros instauravi. Sed ipsum non pudet agnoscere tot furta, qui nil de suo scripsit, sed integras Aëtij, inter cæteros, paginas. De Rondelletio, piget sa-nè in hanc arenam cum illo descendere: sed potius illi ignoscendum existimo, qui Ari-stotelem & Galenum non vno in loco, ut me, sed in pluribus fugillet. Quod consilium, mo-dò verècundè fiat, & non aut contradicendi studio, aut inanis cuiusdam gloriæ, haud im-probo. Sed tam pauci id ingenuè faciunt, ut multo paucioribus (& merito) etiam res hæc benè cedat. Existimat forsan hac in parte nos imitari, sed longè aberrant plerique: nam nos ut principia rerum statuamus, in vno vel duo-bus ad contradicendum Aristoteli, & in vi-ti, descendimus: tam firmis verò rationibus, tam clavis experimentis, tot etiam conse-quentibus, ut non dubitem apud posteros no-stram hanc opinionem, in qua ab Aristote-le dissidemus, plusquam probabilem futu-ram. Et tamen id tam verècundè, ut nemo nobis, quantumuis addictus Aristoteli, possit

succensere. Sed (ut dixi) credamus hæc om-nia sincero animo ab illo facta, ut veritas elucesceret. Quid causæ est ut nos accuset, ut literam videt manifestè esse corruptam, ut ip-semet fatetur: dicta mea quædam repugnan-tia continent, quomodo igitur in quatuor ver-sibus, nisi prorsus desiperem, vult me mihi repugnare? Par igitur erat contextus corrup-tione cognita ad me scribere, non tot ex vno sibi fingere solæcismos. Quod enim eche-neis echinus non esset, aptè declaraueram, quodque torpedo à remora differat. Sed vir gloriæ cupidior, ansam damnandi arripuit libenter. Verùm decebat hominem tam in re-darguendo acrem, culpa (ut Cicero inquit) omni carere: cum enim nos tam exiguis in re-bus accuset, & quæ nihil ad nostrum faciunt institutum: & quæ solum supremam manum expositulabant, quam nuper omnibus nostris operibus admouimus, cum antea ob intem-pestiuas quorundam preces nonnulla (ut etiam Aristoteli & Galeno) excidissent inemendata: velut & Ciceroni, qui præmium Academi-carum quæstionum libris de Gloria præpo-suisse se imprudenter fatetur: decebat illum, solum castigata emittere. At tantum abest ut emendata ipse in medium protulerit, ut tum præpostero iudicio, tum mendaci historia, tum propriis dissensionibus omnem fidem à libris suis abrogauerit. Cupiebam ab illo iu-uari: nunc quam fidem adhibere possum ho-mini in tota tractatione oscitabundo, leni-que solum sectanti, & inconstanti? Quod quidem, qui historiam nostram in libris de Rerum varietate traditam leget, & in suis editis libris quæret, faciliè vera esse comperiet: nec credo illum mihi irasci debere, sed vix edi-ta pro suis volet agnoscere: adeo mendis innu-meris & intolerabilibus scatent. E quibus vnum, quod excusatione omni caret, quodque extra propositum esset, in eo loco prætermisit, hîc pro exemplo subiicere statui. Inquit enim Tiburo piscis est, quem ego è vitulorū aliquo genere esse puto. Dîj boni, quid vnquam ab-surdius dici potuit? Ita fato quodā natus sum, ut qui calumniatur, insanire videantur. Quid enim Tiburoni cum vitulo marino? idem, aut simile: Tiburo capite piscis, vitulus quasi felis: Tiburo cum branchiis & sine pedibus vitulus cum pedibus & sine branchiis: Tiburo mascu-lus cum duplici genitali & simplici lingua, vi-tulus cum vnico membro & duplici lingua, ut auctores referunt. Sed ego quanquam in Sco-tia & tractauerim, & dissecuerim, & comed-erim, duplicem illi esse linguam non animadu-erti. Tiburo sine vno vel pilo, vitulus totus ut quadrupes pilosus: Tiburo: velocissimus, vi-tulus piger admodum: denique Tiburo mem-bris internis dissimilis vitulo, & illi inimici-simus est. Adeo ut si quis vellet (ut dici solet, & ex vngue leonem) æstimationem libri eius ex hoc facere, fabulam potius quam histo-riam posset existimare. Sed ego non sic: ve-rum potius illud Horatianum: *Quandòque bonus dormitat Homerus*. Itaque cum iis in libris Grāmatici potius quam Philosophi vi-ces gerat, contineat se suis limitibus, nec alio-rum gloria illum aded torqueat, ut iracundè scripsisse videatur, non cū iudicio: sed editos li-bros ad limā & incudem reuocet. Hæc cōmunis vtilitatis



utilitatis causa dicta, non nostra existimet: quippe quod nos nihil nisi appositae demonstratione protulimus: quam si quis pensitaue- rit diligenter, vix à nobis dissentire poterit. At hoc forsitan ille non intelligit: quoniam non eodem in loco conclusio & demonstratio con- scribuntur. Quod si hæc non assequitur, non pondus sententiarum, non connexum rerum, non succedentia per quæ res ipsæ comproban- tur: quomodo Galenum aut Aristotelem, aut clausi alicuius viri scripta percipiet: cū sapius & illi, & nos multo magis conclusiones in præ- missis, & præmissas in conclusionibus non ex- plicatas reliquerimus. Par enim hoc est facere, ubi connexio sit necessaria ob infinitatem re- rum quæ comprehenduntur, quas explicare pe- nitius fuerit *admirari* seu impossibile. Quod si in his cupit se exercere, & an vera sint experiri, legat nostra commentaria seu in Ptolemæum, seu in Hippocratem. Nam nullibi melius do- cebitur quàm reconditæ essent, quàmquæ altè repositæ sententiæ veterum, cum in illis expli- candis nervos omnes intenderimus. Quanquæ forsitan par labor in Commentariis ipsis planè intelligendis relinquatur. Quæ rem viri erudi- ti intelligentes. & quæ sit difficultatis & ar- tis, plus iam mihi in re literaria tribuerunt, quàm ego exposcere verecundè visus essem. Etenim cum nostris inuentionibus sensissent se non parum in scribendo iuvari, iuabuntur- que, Deo dante, multo magis in posterum, cum (ut ex ordine editorum librorum liquet) mi- nus utilis & minus elaborata prius edideri- mus: seu dissimulent, seu prætereant: pauci sunt tamen qui non malint in re adèd mani- festa potius fateri debere se nobis, quàm fur- ti nomine notari. Ceterum & inter eruditos etiam Arnatus Lusitanus in Commentario super Diocoridem testimonium locuples de nobis reddidit, licet in 1. Centuriarum editio- ne accusasset. Verum tamen res illa de qua ar- guebar, in caput suum recidebat, cum ego non eiusmodi sententiam protulissem. Vnum illud a illam pulcherrimum futurum opus suum, iu- dicio meo, si illud contraxisset ad trientem. Cetera enim cum sint vulgaria, in memoriam reuocant eos medicos, qui discipulos ad artem edocendam circumducunt, omnia docentes, necessaria fortuita, vulgaria & selecta, pertri- ta & secreta, ut ne quid prætermittant. At quod veneretur Hippocrate admodum, quod Antennam non contemnat, in ratione etiam curandi multa è vetustate in lucem reuocare conetur, laudo ingenium atque iudicium. Est etiam satis clarus & perspicuus. Quod etsi maledicat de me non curo, inter tot qui bene sentiunt: sunt sua edita, sunt & nostra: homi- nes potuerunt estimare. Ego non conferam, quando post inuentam Dialecticam pauca ad- modum videam esse sine labe. Sed ubi maior laus, ibi vituperationi amplior via, & latior patet. Sux tantum narrationes sunt, paucis excerptis locis: nostra ubique arte conscripta sunt, licet (ut dixi) passim in his quæ ante Dialecticam edita sunt, plura desiderem ego ipse in meis libris, quàm probem. Ita factum est hæc egregia inuentione, ut plura sordeant, quæ in alienis mirum in modum placebant, & de quibus in nostris gloriabar. Ita rectè Moles, nos docuit ex scientia torqueri, nihil-

Tom. I.

que iucundius imperitia. Si enim quis sapiens sit, nunquam probabit aliena, suæque despi- ciet. In angusto enim sumus: malumque illud scientiæ, doloris atque tristitiæ pater est. Cæ- terum cū, ut ab initio dixi huius sermonis, desperem posse omnia ad perfectionem dedu- cere, ut aliquis nostra opera vir etuditus ad in- eudem reuocare possit, decreui ipsam Diale- cticam, quam suppressere perpetuò destina- ram, in publicum edere

Qua edita & intellecta, non erit arduum omnia ad finem deducere omnium: extat enim prima editio, aut saltem tota farrago. Dicam igitur qui modus esse debeat libros conscri- bendi: atque eo intellecto, facile erit intelli- gere, quid & ubi deficiat quicquam in nostris libris, & quomodo restitui possint quæ defi- ciunt. Primum igitur, quod ad stylum attinet, non adèd contrahi debet ad Ciceronis regulam, ut si omnia dicere necesse sit, oporteat (que- niam Cicero eius non meminit) sic fari: Pin- gue illud intestinum bouis, quod gustu, dum diu sum excoquitur cum odoribus, adèd iu- cundum est. Sufficiat fuisse Horatii, fuisse Plinii. At contrà neque tanta licentia abute- mur, ut Græca infeliciter supponamus, si La- tina probè respondeant: aut bonitatem atque hæcitatatem eructemus: vel si præcisè, pro ad vnguem: vel si barbara nomina, quæ post- modum incertam habeant interpretationem, interposuerimus. Sit etiam oratio rei con- gruens: nec disputantes in Architectura. Livi- j facundia vtemur: nec in Medicina conabi- mur stylum, Ciceronis orationibus iudicia- riis assimilare. Meliusque est vno dicendi ge- nere, etsi non adèd probato, uti, quàm plu- ribus intermixtis, tametsi pulchrioribus. Ne- que verò se attollere in immensum, nec ve- lut cadentem in infimum se detrudere. Fugia- mus autem obscuritatem, quæ per se etiam ni- mis obrepit, & temporum successu, & vetu- statis vitio, & linguarum defectu atque per- mutatione libros ipsos reddit inutiles. Sed & cuique suam reddamus consuetudinem, ut fa- ciliior & clarior euadat oratio. Familiaris au- tem sit: sermo: propter id enim inuentus est, ut ab omnibus & facile intelligaris. Non quæ- ras absolutam: lenitatis enim animi indicium est. Neque verò verbosus sis: nam tempus eripis, charissimam rem. Et quod in Gale- no meritò contemnitur, audebis ne tu spera- re, quod in te diu placeat? Memineris sem- per, verba propter res ipsas facta esse, non res propter verba. Plus legitur, præterquam à pueris, Horatius in vno exiguo volumine, quod compertus sit, quàm Ovidius in tot. Sed nec adèd brevis sis, ut obscurus eua- das, aut concisus: ut Poëtæ & Hippocrates. At ei venia debetur, qui in tabulis ligneis scribere cogebatur. Sed ut non sunt verba à Cethegis expiscanda, aut reuocanda: ita ne- que multo minus dicendi quidam modi, quamvis Ciceroni & hominibus illius ætatis familiares: qualis ille: Deinde ne pro indicta *Prò domo* die quis accusetur, ut ter ante magistratus ac- *suam ad Pen-* cuset intermissa die, quam multam irroget, aut iudicet, quarta sit accusatio trinundinum prodita die, qua die iudicium sit futurum. Sed neque oportet res sui temporis tãquam notas breuiter transigere, cū multa ex antiquitate sic perierint:



perierint : quæ enim nunc notissima sunt in Italia, mille post annos apud Mamaricos & Paropamisas incognita erunt. Vbiq; vigeant studia literarum, vbiq; interibunt. Adornanda est oratio Poëtarum testimoniis, sed non sepienda ut Galenus, dum Chrysipum imitari studet, aut cum illo contendere, factus est. Cynico illi apud Lucianum cum Morione contendenti similis. Fugere debemus aliorum vitia, non æmulari; nec despiciere materiam subiectam. Parum splendebunt carmina in Geometria, vel Arithmetica: necessaria erunt in humanioribus literis, ornabunt Iuriconsultum, testimonium ferent de moribus disputanti. Sed non est inflectenda oratio: ut qui equo Troiano Mediolani insunt, colum illius ad sarcimina surripienda plicant. Ipsa oratio fluat per se: dum carmina quasi vltro se offerunt, non expedita videantur. Affectata omnis res, si habeatur, parum honesta est: si non habeatur, foeda & turpis. Circumfluant verba, nec per similia fiat repetitio: nec per diuersa deturpetur oratio, dum idem significant. Quid enim interest, si idem indicent verba, ut non bis significant dictione, dixisse significant, aut indicent? malo idem nomen repetere, quam eandem sententiam. Habes quos imiteris in hoc genere, ut in omni certè decet optimos: Ciceronem eloquentia, Quintilianum arte. Nonum premas in annum, & antiquorum more primum iudicia eruditorum explorata: tent mendæ nostræ plus nos, quam alios, etiam si illi longè nobis sint imperitiores: adeò perdifficile est nos agnoscere, ut non solum nos nostraque, sed (quod ex illo te nunc primum intelligere, si credis) nostri & familiares & domestici, vxorque ac filij: quàm exteros: quanto enim illis propior es, tanto magis eorum delicta te fugiunt: partim quia magis illi à te cauent, quod conspici se putant melius: partim id contingit consuetudine, quæ nos moueri adeò & animaduertere non patitur: partim quòd minus quærimus: vbi aliis placuerint, fac ut vltimus sis cui placeant. Citò enim placent aliis, quæ serò auctoribus ipsis placent. Atque hæc de oratione stylòque dicta sunt.

Verum de re ipsa maior debet esse ars, labor & industria. Legimus Plotinum in dictione fuisse negligentissimum, qui tamen per tot sæcula est in veneratione. At si res ipsa quæ tractatur absurda fuerit, aut malè tractetur, quæ iam spes superest ut liber ad posteros cum auctoritate transeat? Ergo primum de re ipsa dicamus, de qua tractatur: inde dicturi de modo. Sordida, vilia, inepta, falsa, impia, nefanda, & quæ legibus humanis aut diuinis aduersantur, fugere oportet. Scribimus, ut humano generi opitulemur, ut laudemur, ut res sint perennes: at sordida, vilia & inepta, hominibus non profunt, imò etiam nocent, & vituperatione digna sunt. Quomodo ergo ex huiusmodi laudem quæres, aut quem fructum afferes? Rursus impia & nefanda legibus aduersantur, quomodo perennia esse poterunt? Admiratus sum non parum, Ioannis Baptistæ Portæ opus de rebus naturalibus, in publicum prodisse, in quo nouo scribendi genere factitare venena nos docet. Quæ tanta potuit esse hominum

foecordia? aut quæ illi mens? Occiderunt filium conantem vlcisci Mœcham vxorem, ut ea illi in faciem obiciebat, nec tamen occidit: venena publicè factitare docentem, quibus fontes & insontes perdere liceat, suspicimus? O hominum mores! ò secula! Non illum quod oderim dixi, sed cupio ei esse meliorem mentem. At falsa sunt: atque ita reor: foecidissimi tamen exempli, & proflus igitur inutilia. Ergo mea ætate plures libri his argumentis foedi cecidère, quamuis impressi: Manganellus, Iulia Ficaria, atque huiusmodi, etiam solo nomine turpia: sed & Agrippæ libri de Occulta Philosophia: & meritorè, cum superstitione pleni, referti sunt experimentis falsis solum, atque absurdis. Venena esse, & cognoscere, & curare, si quis doceat, vtiliter illa necessariò facturus est. Sic Conciliator, Ponzeta, Auicenna, & reliqui præclari Medici fecère. Magicas vanitates non tam docet quam irridet Plinius: Magicam veram quis possit dignè laudare? Verba, nugæ, mendacia, chymicas fabulas, impia sacrificia, venena veneficiæque docere, & improbi viri est, & amentis, atque damnosum humano generi. At verò scribere ut nihil scribas, velut hodie cum tot Epistolis Italicis, vbi quisque nimium sibi sapit, ad nominis perpetuitatem nihil prodesse speres: ad præsentem vtilitatem, laudemque forsan non ineptè, si quis aptè fecerit: plura enim animalia stipulis & oleribus aluntur, quàm fructibus. Sed & mare cum nullam habeat arborem: quoniam fluctuum impetu vix fieri posset ut non disiceretur, raram quoque herbam, longè tamen plura alit animalia, quàm terra ipsa cum tot herbis, arboribusque. Ita etiam in hominum genere plures sunt ventosi, quàm solidi. Primum omnis ætas sexusque imbecillior, pueri, mulierisque: inde ex viris plebs tota lucro addicta, ob necessitatem: ex nobilibus omnes, primum indocti, & ex doctis etiam maxima pars, scilicet qui Musarum chorum à limine salutarunt: impediti etiam grandioribus curis, his magis delectantur ineptiis, tanquam morionum & minorum quodam exemplo, quàm seriis & difficilioribus studiis. Demum & ex his optimis multi delectantur huiusmodi nugis, vel ad remissionem grauiorum studiorum, vel ut aliorum moribus se accommodent: ita enim viuere coguntur, ac loqui, scribereque, non ut par esset, sed ut aliis satisfaciant: quorum est maximus numerus. Hæc tamen scripta si æterna esse putant, insaniunt: nam cum inania sint, factu etiam facilia sunt: itaque & plures id tentaturos esse necesse est: nec aliquis tam diligit parentes, ut nolit magis sibi bene esse quàm illis, aut illorum gloriæ cedere. Quis ergo est qui ita se à posteris amari, obseruari, venerarique persuadeat, ut illius causa nolint & ipsi scribere, ab hocque quod sibi tam honorificum esse putant, & in quo tantum se profecisse existimant abstinere: scribent igitur, & multitudine scriptorum obrui priores necesse est. At elaborabo ita ut nihil addi possit. Erras, nam quæ nunc maximè placent, cum tamen nihil aut valde parum contineant, hinc ad centum annos mutatis



mutatis moribus lingua ac ratione scribendi, quæ quasi circulo quodam perpetuo circumferuntur, necesse erit etiam si optima essent, negligi atque concidere. At Boccatij fabulæ nunc magis videntur quam antea: & Dantis, Petrarchæque ac Virgilij, totque aliorum Poëmata, sunt in maxima veneratione: & Aureus ille atinus Apuleij, & Æliopicæ fabulæ, cum tamen nihil contineant omnia hæc veri aut utilis: Veritas adiuvit illos tamen quot concidisse credis, comparatione eorum quæ superant. Deinde in alio scribendi genere sunt. Aliud est, argumento vni insistere, quamvis ficto: aliud est, ut in Epistolis fieri solet, liberè quovis vagari. Dicitur enim solet: Qui quod scribat, nescit, ad scribendas Epistolas se conferat. Ciceronis Epistolas defendit illius auctoritas, & puritas linguæ, quæ postmodum statim concidit: ut ibi inuentum sit non leue auxilium, ubi maximum timebatur esse periculum. Si Romana Respublica cum lingua diu florisset, non fuissent Ciceronis opera in tanta exultatione. Cecidit cum eo flos linguæ, & quæritur invidè quod periit. Adest & alia causa: res scilicet gestæ eorum temporum, ut nunquam alias, magnificæ & admirabiles: tum viri præclarissimi, Cæsares, Bruti, Pompeij, Crassi, Catones, Lentuli, Antonij, Hircij, Pansa, Lepidi, Crassij, atque alij innumeri, adeo ut omnia in idem tempus se contulerint: dico vrbis Imperium & Monarchia, seditio & bella maxima, mutatioque status Reipublicæ claritas virorum, & florentis linguæ casus: hæc igitur omnia servarunt Ciceronis Epistolas, quæ etiam Cælij Plinij: nam & adhuc Roma orbi imperabat sub Nerua Traiano, atque tam sub Domitiano: & quod decrat ex nitore linguæ ob temporum defluxum, & barbarorum in urbem aduentum, ille diligentia singulari supplavit, ut meritis post Ciceronianas primæ habeantur. Seneca autem Epistolæ vim libri, sed remissioris styli atque artis retinent: quippe ad vnum Lucilium Balbum Sicilia præsidem omnes scriptæ sunt: atque in eodem argumento, scilicet virtutem solam esse, in qua sit constituenda felicitas: mortem verò esse quasi virtutis metam, ac summum decus, si quis eam fortiter ferat. Sed & Petrarcha & Dantes, ut dixi, non Epistolas, sed libros & numeroso pede condiderunt. Sic & Apuleij fabulæ, libros undecim continuato ordine complerunt: in quo genere est illa Heliodori, atque etiam Achillis Stati. Æliopum tuetur antiquitas. Concident ergo tot Epistolarum libri, Philoſophi, Ficini, Politiani, Erasmi, Longolij, atque tot Italica lingua conscriptæ: aliis surgentibus aut melioribus, aut gratioribus. Et in eodem omnes Centuriæ, velut Amati, Montani, Farraginesque omnes: in quibus quod collibuit, intruserunt, ordine nullo, ratione admodum tenui, stylo humili. Cadent & Manardi Epistolæ: nec scio an nostræ Contradictiones, quamvis non levis laboribus conscriptæ, superesse poterunt. Certè si supererunt, gratia posteritati habenda erit. Hoc consilio omisi librum de Calidis technis constructionem, tamen lapidissimum esset argumentum, utique vite humanæ: & historica, non fabu-

TITUS I.

losa esset tractatio vniuersa: farragóque tota penè iam condita, ut solum exornatione indigeret. Ergo ea de quibus tractaret conuenit, debent esse primum humano generi vtilia & salutaria, deinde honesta, deinde perpetua. Hoc dico: quoniam & historiæ ipsæ pereunt vetustate. Quænam facta Alexandri magni præstantiora? & tamen cum à centum ferme historicis conscripta sint, trium solum historia superest: Iustini, Curtij, Arriani. Sed Iustini concisa & brevis, Curtij mutilata prioribus duobus libris, Arriani sola integra est. Nuper Diodori Siculi altera, non inelegans, prodit: sed & ipsa, ut Iustini, concisa est, & admodum pro tot gestis brevis. Cum seriem rerum, nomina, tempus, strategemata, consilia, Epistolæque sustuleris ex historia, narraverisque solum exercitus, duces, prælia & vrbes captas, historiam exanguem & quasi mortuam reddis. Ob hoc quàm multi historias scribere aggrediuntur: nullas tamen nos habemus historias ex vniuerso genere, præter Cæsaris commentaria, & Iugurthinum bellum, ac Carilinæ coniurationem ex C. Sallustij laboribus: ideo quod Val. Martialis in Apophoretis suis scribit, tam à paucis est intellectum, quàm verissimum, scilicet:

*Hic est, ut perhibent doctorum corda virorum,*

*Primus Romana Crispus in historia,*

Ergo adhuc locus scribendi multis superest. Nam primum historiæ suprema laus est veritas: ob id adulationibus plenæ nostri temporis historiæ, & mendaciis refertæ, temporibus futuris locum non habebunt inter posteros. Inde, ut perfecta sit locorum descriptionibus, nominibus potentiorum, & quod maximum est, causis belli, & quæ mouerunt auxiliarios ut in hanc vel illam partem declinarent. Inde patefaciat consilia habita, Epistolas occultas. Inde series, tempus, ordoque seruentur: atque adiciantur copiarum cum ducibus, gentes, prælia, strategemata, vrbes captæ, direptiones, modus, atque huiusmodi. Adsit stylus fluens, & clarus: orationes ducum magis veræ, quàm quæ historici facundiam ostendent. Nasutum virum ficta res, qui veritatis solum sit studiosus, quomodo delectare potest? Fabulas atque figmenta Poëtis relinquamus: liceat Homero & Virgilio, non gestarum rerum seriem fideliter narranti. Itaque & in exiguo argumento, ut Xenophontis in ascensu Cyri, maxima voluptatis & delectandi causa relinquitur: si rectè historia conscribatur. At dices: Nimis multa exiguntur, si omnia hæc necessaria sunt ad historiam ritè conscribendam. Fateor non cuiusvis est, hoc posse facere: sed solum illius, qui rebus ipsis secretioribusque consiliis omnibus interfuerit, & ad quem litteræ omnes zifris seu supposititiis notis scriptæ peruenire. Aliarum nullæ perpetuæ erunt. At dices: Quæ nostri Regis facta continent, nonne perpetuæ erunt, ob potentiam? Minimè, nisi ad illius stirpem orbis dominium tandem deuenerit: eorum solum historiæ seruantur, quorum posteris fortuna fauerit, ut orbis imperium adipiscantur. Verum interim tandiu seruantur, quandiu in ea spe subditis regni esse licet: nam Cræsi Lydo-

L 3 rum



rum Regis, & Scytharum & Ægyptiorum Regum, & Gallorum, antequam Romanis subicerentur, historiae atque acta, periēre maxima ex parte: sed si tamen rectē tradita essent, & ut docuimus, adhuc manerent: quandoquidem priuatorum quædam acta & vitæ, quod ad rectam descriptionem accedant, adhuc maneant. seruentur atque legantur. Verum obijcies: Nonne omnia tandem scripta intereunt? Certē: nam si mundus æternus est, ubi scripta ante tria annorum millia infinitis sæculis, ac tot in prouinciis seruata? si factus, ubi ad interitum venerit, secum cuncta consumet, seu igne, seu marcore consumatur, ac dissoluatur. At ego æterna appello scripta, quæ tamdiu durant, donec mundus ipse manserit. Satis nobis nunc sit declarasse, quænam scripta mereantur æternitatem, quæ non: quæ absoluta atque perfecta sint, quæ non quæque laude digna, quæue non: & quæ cum mundo ipso solum peribunt, & cum humano genere, & quæ non.

Electo præstantissimo argumento, & in quo diuersatus sis & feliciter multis cum experimentis, rationibusque efficacibus, non vulgaribusque obseruationibus, ubi omnium qui de ea re conscripserint seu ex proposito seu obiter libros reuolueris, veritatis quàm ostentationis amantior, prius quasi in præludiis scribendo, docendo, disputandoque exercitatus, propositaque omnium tibi farragine, conare primū ut eam in ordinem atque ad vnum redigas principium: deinde his rationibus ad scribendum accinge te; non ut laborem & versiculos diebus, ut ille stylo, metiaris: sed pro occasione vigoris, atque intentionis mentis, oculi, & vnitatis argumenti. Leges autem erunt hæc. Primū ut quicquid amplectēris (tantum verò amplectēris, quantum optimè noueris) diducas in species: atque ad singulas vsque diuidendo, nihil prorsus omittas, donec ad vltimas deuenieris. Demonstrabis autem omnes has sub eo genere contineri: nec ullas alias aut contineri, aut posse contineri. Inde, quæ sint tum totius generis affectiones, tum seorsum vniuscuiusque speciei; ne vna quidem prætermissa, inuenies pro tua facultate, atque edocebis. Dixi pro facultate, nam quantumcunque diligens fueris, longè plura omittes quàm attinges. Sæpius enim dixi, nos vmbra tantum rerum videre, non res ipsas, nec intima. Beatus verò ille fuerit, qui vel muscæ vel culicis, aut pediculi pūlicisve intima prospexerit. His cognitis, de singulis detractiones afferas. Inde conare, ut omnia in vnum, si potes, redigas principium: nam & faciliior doctrina, & firmior reddetur, videbiturque Artificiosa. Si non liceat, in quàm paucissima. Adde insuper nominum exquisitam significationem, & ordinem quàm nitidissimum, cum oratione clara atque emendata. Post, inuenta ipsa ad vltima extende: nec prætermittes, quæ ex ea doctrina commoda quis consequi possit.

Oportet autem non vnum demonstrandi genus in omnibus obseruare. Geometria exquisitissimas & purissimas requirit: Arithmetica, etiam præter illas, tentandi nodos admittit: non ut securum te reddant de re quæ sita, sed ut eorum spe ad quærendum demonstra-

tionem securior accedat. Astronomia ex propositis, tanquam sufficiat sic esse posse, ad conclusionem accidit. Musica eodem modo, sed experimentum quærit: quod etiam in iudiciis Astrorum definiendis obseruare solemus, tum in cæteris diuinatoriis artibus: qui modus quàm sapè, & maxime in vniuscuiusque fortuna prædicenda aberret, tamen arti plurimū affert vtilitatis, quando eo meliorem non habemus. Conferunt ad hoc plurimum quatuor illæ Ptolemæi regulæ, de quibus in Dialectica diximus. In Philosophia naturali, ab effectibus ad causas procedimus: ibi nouus labor est suscipiendus scilicet, ut illius eam causā esse demonstremus: sit autem hoc partim experimentis, partim à diuisione sufficienti proposita, singulis rei capitibus explosis: velut, Luna deficitur lumine: nihil potest intercipere Solis lumen nisi terra: quia nihil est humile & opacum nisi illa. In Medicina verò tum eo genere demonstrationis, tum causæ vtimur: velut in Dialectica, & quinta Aphorismorum, in expositione illius Aphorismi demonstraui-mus: Quæ corrupturæ sunt foetus: & vltimis sextæ particulæ: Si muci incidant, coxa delabitur & restituitur: sed coxa delabitur & restituitur: hoc causæ ratione ostendit: non tamen causam esse, vel effectum: inde reuertitur, effectum esse ostendendo, vnde esse causam demonstratur. Est præterea vnicuique disciplinæ modus tradendi etiam peculiaris. Geometrica summam amant claritatem, puritatem, breuitatem. Arithmetica eodem modo, sed demonstrationem non exigunt nisi ubi difficiliora, sunt atque tum illustrari etiam exemplo debent. Persæpè postulabant tacitæ obiectioni responsum, ubi absurdum videtur quod concluditur: exempla omnium in propriis tractationibus quære: hinc admonuisse satis sit. Astronomica eadem hæc insuper foliatis figuris & narratione repetita per alia verba, ubi difficultas vrget: hoc enim vbique intelligendum requirunt. Musica eandem repetitionē & declarationem finis, seu effectus. Optica præter demonstrationem, modum exigit efficiendi instrumenta ad experientiam: tum & materiam requirit, quod etiam in Astronomia & Musica negligere non debemus. Astrologia gaudet ratione, claritate, exemplo, non repetitione, quibus etiam Metoposcopia & tractatio de somniis: sed huic adicere debemus comparisonem ad hominis conditionem. Dialectica demonstratione & claritate, ut Geometria, explicationeque nominum. Theologia ornatu verborum absque figuris: veris enim innitur. Rhetorica, figuris & probabilibus (nō enim veritatem exigit) immodicoque ornatu, & argumentorum multitudine. Simplicium medicamentorum & dissectionis historia, candida narratione, picturaque exacta. Sed Anatomia multiplicē narrationem & diuersis connexam partibus requirit, & picturam foliatam. Reliquæ Medicinæ partes multiplicem postulant diuisionem, operandique modum cū peculiari verborum ornatu. Architectura verborum explicationem exigit ab ipso initio rei tractandæ, narrationem clarissimam, rationē, ichnographiam singularū partium, inde totius cum vmbis, quas etiā in figuris omnibus præterquā Geometricis planis requirimus. Geo-



græcia picturam etiam cum coloribus expetit, & puram narrationem, maximeque ordinatam comparationem ad alias prouincias, & itinerum rationem, historiam, & præclara locorum miracula, quæque abundant, & quæ optima ubique nascantur, quique homines insignes, imperia, leges, mores. Naturalis philosophia rationibus doceri debet, tum auctoritatibus, velut & Medicina, aliis causas repetendo, & ad principia deducendo: ornatum cum candore mediocrem verborum non aspernatur. Eadem & Medicina, & Magia præcipue, experimentis confirmari debet. Morum tractatio auctoritatibus munienda est, ut etiam simplicium historia, ubi in dubium reuocetur: sed præter id ornata esse debet, rationibusque & exemplis, si qua alia, confirmata. Si de ludis quis scribat nugari licet, sed appositè, clarescent ex exemplorum obliuiscatur. Gubernanda Reipub. ratio, qualis morum: sed oratione floridam & longiorem postulat. Fabula breuiem, claram, puramque narrationem exigit. Si quid intermiscueris, vitio vertetur. Forasan hæc atque alia difficilia videntur, quod mihi obijci solet: sed si vitium hoc effugere volueris, in aliud deterius prolabi necessarium est, immensam scilicet prolixitatem: nam res rebus adeo annexæ sunt, ut scientia nostra infinita sit, aut infinitæ similis: quamobrem hoc vitio dandum non est mihi, quod effugere non possum. Sed his clara erunt omnia, qui diu in nostris libris exercitati fuerunt: aliis certe non ita. In summa ergo conare, ut opus efficiat totum, lucidum, expolitum, elegans, vndeque absolutum & venustum. Verum dices: Hæc rectè se habent, sed si ad tam arctam normam ea de quibus scribere oportet, deducenda sunt, pauca admodum erunt de quibus scribere possimus: imò nulla, cum de iis antiqui, aut si quid restat, tu ipse scripseris: nempe de continuis quantitate Euclides, Archimedes, Apollonius, & tu de numeris, tum etiam de Musica & Astrologia utraque Ptolemæus: in naturali Philosophia Aristoteles, tum etiam diuina in Dial. Etica ille, tum etiam in Metoposcopia in Opricis, Vitellio: in Architectura, Vitruuius: in Medicina Hippocrates & Galenus. Quid iam residui est, de quo scribere possimus? Aberrastoto (ut aiunt) cælo: nihil scriptum est de vlla re: iam testatus sum, proprietates, naturasque rerum ipsarum esse infinitas. Quid igitur prohibet, ne assumpta aliqua specie, ut Ioan. Choil fecit in Quercu, pulcherrimum & absolutissimum librum conficiat? Nec ille huic negotio defuit arte diligentiæque: sed quia non plura experimentis compererat, non magnus liber, sed libellus tantum euasit. Ut ergo aliàs dixi in Quarto Theognosti libro, de cæli ad humani generis numerum comparatione: ita nunc de argumentis librorum dico, cui libet mortali, si omnes libros condere possent, mille librorum argumenta suppetere vel toto anno magno, qui triginta sex millibus annorum Solarium definitur. Iam verò postquam de Quercu verba fecimus, in illa afferamus exemplum. Sunt proprietates animalium quæ quercus gignit, in diementa infinita: loca in quibus peruenit feliciter, & in quibus educari non potest, alia in quibus in genistam transmutatur: partes,

fructus & species, cur, quomodo à natura genita, quando in aquis proficiat, & quando nigra euadat, quantum sub terra maneat: commoda foliorum, glandium corticis, ligni, medullæ, radicis: cur adeo neruosa, & cælatura inepta, quorsumue id naturæ agere attinet, aut necesse fuit? quotannis iuuat, & cur tam diu? quare ipsa tota planta genita sit: quando visci arbusculum in ea nascatur, cur umbra illius salutaris? quo in ordine plantarum sit, quot modis ex illius notitia hominibus ditari possit: cum quibus sympathiam, cum quibus antypathiam habeat: de pōdere illius, ratione, mensura ramorum & foliorum: quæ animalia illam diligant: de forma radicum: quid solo commodi vel detrimenti afferat, quæ sint illi congeneres & affines plantæ. Multa quoque & sine numero, quæ ad naturæ vires & artificia spectant: atque alia, quæ non licet memorari: quoniam profus ignota sunt. Sed iam ad propositum redeamus.

Operum igitur nostrorum defectus erroresque emendare volenti, primum scire decet, tria esse perfecta & castigata ad amissum: scilicet præsens hoc. Artem medendi paruum, & Dialecticam. Duo præterea castigata, sed non perfecta: Opus de Secretis, & Hymnum: in iis non plus habet quod agat quisquam, quam in tria priora: nam addere quicquam, ad meipsum solum pertinet. Verum opus Arithmetica, satis emendatum est. Ars solum magna, quæ emendatione indigeret, apud me est emendata: utinam tam à multis intelligatur. Sed & liber de vtilitate capienda ex aduersis, & liber de Subtilitate, perfecti sunt, atque castigati. In hac enim editione Henrici Petri, anni M.D.LX. nihil præter paucas voculas desiderari posse existimo. Commentaria in Ptolemæum, apud me sunt emendata. Geometricorum elementorum pars difficillima, tota est absoluta, præter vltimum librum: reliqua quisque poterit ex priore libro addere, seruata ea ratione, ut ordine Euclidis disponantur: scilicet quæ sunt supra tertium librum, præcedant ea quæ sunt supra quartum: atque ex iis quæ sunt supra eundem librum, præponantur: quæ sunt supra primam, iis quæ sunt supra secundam: atque deinceps supra secundam, iis quæ sunt supra tertiam. Quæ verò ad vltimum pertinent librum, à nemine suppleri postulo: neque enim alterius quam mei, hoc munus esse posse credo. Liber quoque de Malo medendi vsu, & Quod nullum simplex medicamentum noxa caret, demptis pauculis vocibus barbaris, nil aliud postulant: quoniam, ut dixi, eo consilio relictus sunt in Catalogo, ut imaginem referrem iuuenilis ingenij, & primæ formationis. Eadem in conditione est opus de Consolatione, liber Fabularum, & de Præceptis ad filios: editioni enim sunt parati. In libro Experimentorum id solum desideratur, ut tituli inanes auferantur. Cum enim proposuissem ad singulos morbos conscribere singularia experimenta, in quibusdam sanè plura quam sperarem inueni: in quibusdam non: neque enim more quorundam, quicquid auxilij quod profuisset aut sanauit ægrotantem, id pro experimento adnotauis: sed solum experimenta appello, quibus deplorati aliquo morbo seruati sunt. At, ut video, alios quosdam



non pudet pro experimentis vulgata conscribere: sed audent etiam ea, quæ iis qui mortui sunt, adhibere, inter experimenta numerare. Libri de Aqua & æthere exemplar emendatum apud nos est, ut solum excudi postulet. In omnibus autem iis quæ iam impressa sunt operibus, errores Typographorum, Typographus ipse emendet. Sunt autem quàm multi in libris de Consolatione: quod ob id admonere volui, si quando accideret ut non ante meum obitum imprimerentur. Sed & librorum de Rerum varietate exemplar est apud me castigatum, & multis in locis super auctum. Imperfecta extant Floridorum. Metoposcopiæque opera: quorum etsi farrago adsit, postulant tamen à me perfici. Sic & Theognosti quod reliquum est, atque sine farragine, adhuc à me desideratur: nam centum tantum & quadraginta chartas, sed difficillima quæque continentes absolui: reliquum erit (ut reor) paulò plus quàm centum chartæ. Libri quoque de Animi immortalitate exemplar emendatum, quantum emendare licuit, apud me est: nam ex Theognosti compositione quasi perculsus est: assimilaturque flammæ tenui ignis, quàm Sol irradians exanimat: verum tamen sic editus, multoque antea, ob emendationem elegantior ac pulchrior videbitur, ut spero. Problemata absoluta sunt: iudicio & censure potius quàm emendatione indigent: ea requirit vnius diei liberæ operam. Liber quoque de Ludis totus conscriptus est, paucis quibusdam in locis emendatione indiget: quod nescio quomodo chartæ quædam translata, negotium lectori facessere, atque impressori eo magis possent. Septem Aphorismorum particulæ, & ipsæ Commentariis sunt illustrata.

Libri autem de Astrorum iudiciis, sunt ad normam, quam, cum superius de illis ageremus, descripsimus, redigendi. Additis etiam genituris, quæ in nostris emendationibus conscriptæ inueniuntur, ut res ipsa & ordo postulat. Cæterum illud commune præceptum est, quod Anaxagoras dicebat, separare dissimilia, congregare similia, illaque connectere, ut liber magis ordinatus & lucidus euadat. Prætere aeximere repetita, absurda, inconcinna & barbara. Demum omnia ad principia auctoris, quantum fieri potest, reuocare. Et ob id summum est artis opus, optimè tenere scribentis mentem, principiumque illud, cui tanquam nauta temonidum nauem dirigit, insidet. At eadem ratione libros de Arcanis æternitatis corrigere licebit, memores opus illud naturale esse, non Theologicum: atque etiam cum hoc sub virgula censuræ illum habere, ne aliqui (ut Petrus de Paulo dicit) obscura in suam trahentes sententiam, utpotè cum de legum promulgatione agitur, seipsos perdant, & libris nominique meo maculam inurant. In summa, tandem cum me haud lateat, multa præter ordinem interposita, multa leuia, & transposita plura, in locis paucis voces non Latinas quasdam admissas, in omnibus (præterquam Dialectica, Hymno, & Arte medendi parua) restitui Latinas voces volo, & Augusti præceptum de Virgiliana Æneide seruari, ut auferant quæcunque leuia aut perperam interposita videbuntur: cæterum nihil omni-

no addant, nisi quid congruere ex farragine scriptorum meorum, quæ supererunt, exstimaauerint. Credidi enim melius esse, centum perperam apponere, quæ faciliè possunt auferri: quàm vnum deesse, quod nunquam arte vlla restitui posset. Cæterum postquam in hos incidimus sermones, non abs re erit (quod plures in nobis damnant) alij verò queruntur, rationem nunc reddere, cur scilicet difficilis admodum omnibus in meis operibus videar: cum in profitendo summa laus, quæ mihi nullo negotio auditorium semper frequens reddidit, fuerit, sitque facilitas & claritas summa in docendo: idque mirum videtur plerisque, cur idem à semetipso tantum duabus differat in causis, aded coniectis & affinis. Et quæquam superius quædam communi ratione dixerimus, nunc tamen rem totam ut maximè necessariam explicabo. Ea autem sic se habet. Cum in omni dicendi genere illud semper propositum sit, quæ menti occurrunt explicare: certè si rei argumentum simplex sit, obscura oratione uti aut imperiti est, aut insulsi, aut ambitiosi viri: velut in Mathematicis atque historia. At in Philosophia, dum non tam conamur quàm cogimur naturam imitari, cupimusque multa ac penè infinita complecti, necesse est ut obscura euadat oratio: nam si omnia distinctè distinguere voluerimus, primum quidem illa disponere oportet: deinde longissimo ambitu tanquam feras in vnum cogere, volenti uti: ea ratione contigit, ut necessarium esset multa breui oratione amplecti, atque ita obscuriores euadere indicio sit, nullum Philosophum hoc vitium (si modò vitium dici debet) effugere potuisse: Aristotelem, Theophrastum, Alexandrum, Themistium, Aueronem, Plotinum, Priscianum, Lydum. Et qui facillimus existimatur Plato, is omnium re ipsa est obscurissimus. Accidit mihi, quòd etiam quibusdam ex illis contigisse reor: scilicet ut longius petita absque intermediis (id autem breuitatis studio euenit) tanquam maximè necessaria & tractatione opportuna iungerem. Mens. n. acris & ad differendum intenta, vndique permeat & colligit argumenta, per media transiliendo, quæ recensere piget: vnde postmodum oratio obscurissima redditur. Vltimum in hac causa est, orationis & consuetudinis: quibus fit, ut vltima primis coniungamus, media prætermittamus nonnunquam, aut postponamus, omnia facientes ut cacephatem vitemus, & orationem floridam efficiamus. At in proficendo cum locus relinquatur interrogationi, præstat dilucida oratione instruere adolescentes: nam plurimæ quæ relinquuntur in docendo, quæque illorum animis occurrunt, licet petentibus declarare. Id verò indicium est, obscuritatem illam è re nasci, non esse affectatam. Cum enim & clarè differamus docentes, & dilucidè, quæ dilucidè dici possunt, explicemus, scribentes palam est non obuiam nos obscuritati ire, sed illam se nobis offerre.

Ea ergo ratione ad profitendum Papiam rediimus, ut facilius cæptæ opera possemus absoluere: tum etiam, quòd labor ille longè minor esset velitaria illa cursitatione per urbem, & quòd nullo negotio clarissimè possem docere: vnde mihi laudem non mediocrem, & frequens



frequens sperabam auditorium. Nec expectatio me fecellit: quanquam, ut dici solet: Semper illio mala. Accedebat, quod fuga minimè leporina videbatur, cum plusquam vellem medendi autoritate processissem. Tametsi ed ventum est, ut obstrepere vehementer inter tot tympana necesse sit. Sed malum malo plectitur, & (ut dici solet) suo telo iugulantur. Mihi hanc aetatem felicissimam esse putant: & ceteras aras ipsa, arbores, lapides, aër, felicitatem humanam & orbis totius notitia nunquam alia seculis habita enituit, tot rara, tot inuentiones, tot librorum, ars Typographica, multaque alia praeclara: verum homines infelicitissimi, si unquam antè. Bonis tutos esse non licet, mali felices esse non possunt: habeant gladios, cohortes, pecunias, scorta, vireta & campos, domos, picturas, gemmas, equos, & quicquid est deliciarum, mori tamen certum est: & quod bono viro maximè metuendum ac infelicitissimum, illis pro summa felicitate esse necesse est (horrendum dictu) nihil esse, & prorsus non esse, nec in aeternum esse sperare. Mihi verò sapientia bonum aliquid inter mortales esse videtur, vel hoc ipso, quod aut esse aliquid post obitum necesse sit, vel quod ad summum humanæ vitæ apicem peruenierim: nam cum multos sani iudicii viros interrogauerim, an unquam aliquid extra naturam praesentissent, vix unum aut alterum inueni. Mihi autem cum talia saepius sentire contingeret, siquidem naturæ vi illa sensi, pallens est nonnumquam me usque ad ultimos suos limites, tanquam speculatorem eorum, quæ ultimus esset propositus, ut postmodum ea docerem mortales, quod si vere sensi (ut reor) palam etiam est non hanc esse vitæ nostræ metum, non hos terminos: sed eorum solum qui immortalium rerum neglecta cura, totos se dederunt huius vitæ lenociniis. Quamobrem seu vno seu altero modo id euenerit, non temere obliuiscendum animi appuli. Incitabant me & aliæ causæ non leues ad hoc, de quibus nunc dicam.

Primum quidem, monitus non semel somniis ipse: deinde etiam ipsa rei præstantia, quæ me ad hoc incitabat: & quod nihilo ditiore aliquid faciens euadere potuissem, nec felicias viuere. Demum, quod aliter mihi facere non licebat. Præsentiam quidem numinis mihi affuisse non dicam, sed tamen haud absque forsitan id mihi persuasi, quandoquidem primum monitus toties per somnium multa peregi, multaque declinaui: quæ si euissent, non lucumque peruenire potuissem: quin etiam quasi coactus, & ab aliis negociis remouentem sum ad studia. Neque inter tot oppugnationes, aut victum aut oppressum, vel impeditum, in tantæque paupertate nihil omnino defuisse maius mihi videtur, quam ut sapientiæ meæ tribuam. Sed & hæc minora sunt, quam ut forsitan numinis vim attestentur: aut toties seruatum diuina ope à peste, ab inimicis, ac desperata aqua intercurrente in infantia, totque aliis de quibus etiam in initio libri memini, res mihi magna videntur. Denique natum hæc ætate florida, tot mira occurrisse, non soli casui tribuendum puto. Quod si quis adiciat admonitionem patris per somnium, quæ ad studia literarum excitaba-

tur, profectò res mira videri possit, casum tot attulisse, tanquam constanter præter opinionem. Verum anno M.D.LVIII. qui ætatis nostræ fuit LVIII. ab eo sensim destitui visus sum numine, quo impellebar: seu iam omnibus absolutis argumentis, & fermè etiam libris: seu intermittente se vi illa, non subducente: seu alia quacunque causa: certum est, cum aliàs nihil esset de quo per somnum non monerer: deinde annis iam decem abhinc illis cessantibus ardor ille accederet, quo nihil arduum mihi putarem: & hic maxima ex parte cessauerit, nec ætatis vitio, siquidem ad alia promptior factus sum: vim aliquam coelestem me delernisse, quæ diu antea dux mihi fuit ad obeunda negocia illa. Sed ut ad rem redeam, etiamsi nullum numen mihi affulsisset (quod tamen ego non tam absque ingratitude vitio dicere possum, quam sine iactantiæ suspitione quod affulserit affirmare) licet apud eos qui libros de Arcanis, æternitatis legerint, talia haud dubia sint, nihilominus vel spontè hoc vitæ genus eligendo præstantissimum elegisse videor. Ut enim de Anaxagora ad Eudemum scripsit Aristoteles, interrogatus ille quinam felix esset? Respondit: Nullum eorum quos existimas, sed qui à felicitate alienissimus tibi videatur. Animaduertat enim, neminem nisi magnum, aut pulchrum, aut diuitem, felicitis appellatione dignum illi censeri: cum contrà sibi felices beatique haberentur, qui iustis honestisque actionibus tranquille incumberent, diuinæque alia contemplatione participarent. Neque id congruere mihi, quod ex Aristotele vulgatum est, existimauerim, scilicet quod pauperes diuitias, diuites sapientiam quarant. Etenim quamvis de numine, somniis atque impulsu exulari possem: ostensurum tamen spero, etiamsi proponatur bonorum finis ipsa voluptas iuxta Epicurum, optimum vitæ genus me mihi elegisse. Atque id tam apertè facere posse confido, ut nemo aded sit huic causæ infensus, quem non in meâ sententiâ traham. Primum igitur ab his quæro, apud quos constat Christum esse Dei filium, cur pauper potius quam diues esse maluerit, atque aded pauper, ut ipse de semetipso testatus sit, nec tantum superesse ut recumbere posset (quandoquidem absque agro, absque domicilio, & absque suppellectile vagaretur) si non optima pauperum cōditio esset: cum ex his quæ mala sunt, nihil assumpserit, non deformitatem, vel morbos, aut cæcitatem, balbutiemve, aut horum quicquam simile: frustra ergo laborarem, si apud viros, quibus diuino exemplo persuasum est diuitiis longè præstantiorem esse paupertatem, illam opinionem tueri conarer. Sed mittamus exempla. Deique autoritatem, vel apud atheos saltem sapientissimi viri, solisque rationibus ac euidètibz sensibus innitamur: neque enim hoc modo minus spero quam exemplo ostensurum, optimum mihi vitæ genus discendo potius quam exercendo, scribendo quam diuitias comparando elegisse. Id verò commodius facturus sum, si utilitates scribentium aliquod dignum inuentu mortalibus edocuerro. Itaque primum ab exemplis clarissimorum virorum iudicium sumendum reor, qui cum tot laboribus ac difficultatibus huic muneri adducti



addicti sunt. Quis enim Platone sapientior? Aristotele prudentior? Theophrasto doctior? Hippocrate grauior? Galeno acutior? Cicero-  
ne facundior? Cæsare dictatore potēior? Hieronymo sanctior? Antisthene pauperior? Zenone melior? Cleanthe ærumnosior? Plinio impeditior? Sylla deterior, aut imperitior? & tamen omnes conati sunt imaginem suæ mētis posteris scribendo relinquere. Quinimo alij sumptibus suis & industria aliena, nomen apud posteros quæsiuerunt: velut Iustinianus Imperator, Alphonsus Castellæ Rex, & Constantinus Cæsar: ille leges, hic agriculturæ præcepta, horum medius tabulas Astronomicas reliquit. Ingenui magis hominis erat, rem vt gesta erat fateri. Memorabile quoque factum Sostrati Gnidiij fuit, qui cum turrim in Pharo regis nomine exædificasset, exterius quidem obducta calce nomen Regis inscripsit? marmori autem, Sostratus Dexiphanes Gnidius diis nauigantibus salutiferis. Quod etiā Mausoli Architecti fecisse ferūt. An ergo omnes hi desipuere, qui non solum sapientissimi, sed etiam felicissimi fuerunt? At dices: Diuites hi erant, & potentes? Nequaquam: nā Zeno pauper: Antistheni nihil fuit: Cleanthes verò noctu aquæ hauriendæ operam dabat pro hortis irrigandis: assidue verò studiis incubebat, scribebatque de die, adeo vt 60. libros reliquisse feratur. Zenonis verò libri sūt innumerabiles. Sed iam ad rationem accedamus, primum quidem, nihil esse delectabilius ipsa sapientia, haud dubium esse debet. Vt tamen euidentius hoc demonstramus, scire oportet, omnem iucunditatem esse in voluptate, omnem tristitiam in dolore. Animalia igitur quod sensu prædita sint, delectationem habent: plantæ autem non habent: aut si habent, exiguum, ac quasi insensibilem. Sed cum animalia rationis expertia non cognoscant se affici voluptate, licet afficiantur, eorum longè minor est delectatio: hominibus autem maior: quoniam magis cognoscunt. Quia verò se cognoscere percipiunt, maxima adeo vt harum felicitatum intervallum pluries belluinā felicitatem contineat. Maximum igitur delectationis fundamentum est, cognoscere propriam felicitatem. Qui ergo adeo amētes sunt, vt non cognoscant infelicitatē, nec valdè felices aut infelices esse possunt. Non est tamen felicitas humana absoluta, quod sit cum metu doloris, quod non sit diuturna: quod eodem momento non intelligamus, & cognoscamus nos intelligere, sed pauld antè vel pōst: quod discrimen temporis, quamquam exiguum sit admodum, vetat tamen nos omnino esse felices: adeo refert, vt conueniant hæc duo tempora in vnum: ob id igitur homines perfecta felicitate non fruuntur, nec cognitio etiam humana est de omnibus neque omni modo, nec perfecta. Vltimò, non efficit ipsa res. Primæ substantiæ autem absque metu malorum, & semper cognoscunt: & dum cognoscunt se cognoscere, simul atque eodem actu intelligunt: hisque tribus modis ab omnibus differunt: inter se autem: quoniam plura aut pauciora, perfectius aut minus absolute cognoscunt: hoc enim Dei proprium est: sunt & alia forsan discrimina, quæ intellectus meus non assequitur. Est & aliud maximum indicium,

quod humana felicitas in operatione consistat, quæ sit secundum cognitionem: nam vespere diem sequentem auidè expectamus, etsi senes vna die fiamus seniores. Annos etiam persæpe cupimus exactos, vt quod cum ipsorum cursu perfici debere speramus, habeamus absolutum. At mane diei finem non desideramus: quoniam exacta die nihil superest quod agamus. Constat igitur, animæ cognoscentis opus summum bonum in se continere: & vt Claudianus inquit: ipsa sibi virtus pretium est. Cum igitur perfectio hominis summa sit, cognoscere se intelligere: qui scribunt legenda, hac voluptate fruuntur: estque hæc vera mentis æternitas, cum eadem sententia perpetuo tempore maneat, & nostri pars melior. Ob id igitur sapientes conati sunt hanc meliorem sui partem scriptis ad nos traducere: atque id est commodum primum scriptionis. Secundum est, memoriæ ipsius confirmatio. Tertium est, exercitatio honesta, per quam etiam multa scitu digna nobis occurrunt, quæ alioqui incautos præterirent. Galenus verò, cum principalem causam conscribendorum operū prætermisisset, honestiorem quidem, sed longè minus efficacem subiunxit: scilicet preces amicorum, quæ tamen nec nobis defuit: nam prædictiones ab Anglis, mathematica à Germanis, medica ab Italis postulabantur: naturalia verò ab omnibus. Gallis moralia placuere, quæ forsan vsui multis fuerunt. Si epistolas omnes clarorum virorum, qui vt ederem nostros labores suadebant, in vnum congelesssem, integra arca contineri non possent. Sed pertæsus multitudinis, maximam partem earū ignibus tradidi. Verum ad institutum redeo: maxima voluptas est hominibus cum seipsos velut in speculo contemplantur: nam speculū cum corporis tantum effigiem referat, magna tamen voluptate nos afficit: tametsi corpus pars nulla sit nostri, sed tanquam vehiculum solum. Etenim homo totus verè anima est. Scripta igitur nostra cum legimus, nos ipsos intuemur velut in speculo ipso. Adde quod effigies corporis ipso absente decedit: imago autem animæ manet in libris, etiamsi homo ipse non adsit: quare forsan melius libros picturis & statuīs comparaueris: quæ tamē præter id quod (vt dixi) non nos, sed nostrum operculum representant, nullus etiam Zeufis aut Apelles vel Polycletus tam ad viuum referet imaginem nostri corporis, vt scripta animæ. Distant præterea scripta à picturis & statuīs, quod in omnium conspectu sint: & vt immortale à mortali: nam scripta renouantur, augentque auctoritatem translata: imagines amittunt. Atque id etiam scitu dignum, speculum hoc mentis cum contemplantur, tam nos quàm speculum meliores reddit: corporeum autem speculum & imago non ita. Quamobrem Ouidium non aliud occultasse sub tam pulchra fabella Narcissi seipsum in fonte intuentis reor, quàm vt depingeret sapientem scripta sua perlegentem: hic enim verè, ille puer formosissimus est, animus noster, sui imagine captus: sic enim inquit:

*Cunctaque miratur, quibus est mirabilis ipse:*

*Se cupit imprudens: & qui probat, ipse probatur:*

*Dumque*



*Dumque petit, petitur: pariterque accendit  
& ardet.*

Quam putas esse voluptatem eruditi, cuius scripta iam leguntur & placent, cum cogitat, quod in Regum ac Principum cubicula penetrat, in manibus sapientum ac potentium versatur, diligitur à formosis (nam & mulieres legunt, alij auto vestiunt) commendaturque perennibus Bibliothecis, laudatur in publicis locis, suspiciturque à tot sui seculi viris? Quod si contingat Genium adesse, & bona esse que scribuntur, ac rectè elaborata, subit spes tot futurorum seculorum; quibus perpetuo reuivescit, familiamque cum posteris, ac primam illustrabit. Quas opes cum hac vita conferes: cum tot Reges, ne dicam Principes & opulentos, temporis diuturnitas obruerit, ut ex decem millibus vix vnus memoria supersit: Cleanthes autem, qui dum viueret, terram fodiebat, adhuc fama viuat, innumerisq; in libris refloreat? Quid dicam de his quorum libri ad nos peruenerunt, qualis Plato, Aristoteles, Plutarchus, & absque numero alij? Sed age, si quid melius habeshis, opes erunt: verum non tam facile est parare opes, quam nomē, si quis à natura ad hoc sit institutus. Subiacēt hæc fortunæ, & labores inexhaustos aut dolos, sceleratæque facta requirunt, maximè his temporibus. Itaque & si meliores forent, non tamen tam tuta earum acquisitio esset. Præterea et si benè succedat alea, gravis tamen & abique voluptate est acquisitio, nec licet simul acquirere ac uti. Verum voluptas hæc ad posteros transfertur. Sed forsitan filiis etiam parum proderunt, cum tot insidiæ ob eas illis immincant, hinc agnati ex hæreditate aucupiū facient, dispensatores ac domestici subfurantur, tot lenones, lycophantæ, inde magistratus & cauidici atque aulici, & quandoque principes. Ipsi filij opibus inertes facti, nec se tueri qui spoliuntur, possunt: nec spoliati quid agant, habent, ocio assueti. Deinde ut de me loquar, si opes parandæ erant, medica arte, non aliter parare potuissē: ac ea, si qua alia (gloria que illam comitatur excepta) tota seruilis est, plenæque laboribus, & (ut verè fatear) ingenuo viro indigna, ut non mirer olim seruatorum fuisse hoc exercitum. Illud potiùs malè habet, quod nimis etiam me ille dederim: namque ad hanc usque diem supra decem millia ægrorum curauī. Neque enim hæc vitæ meæ ratio lucro obfuit: quippè quod solitudinis detaxi, auctoritati adieci. Atque utinam opibus comparandis non plus obfuisse prodigalitas ipsa, atque incuria iam partorū, calis quidam aduersi qui filij culpa euenerūt, quàm studia literarum, & conscribendorum operum voluntas. Si enim quantum auri ex arte accepi, referre vellem, vereor ne maior laude sit turpituolo, quod tantum profuderim. Neque tamen adeo piget me huius profusionis & incuriæ, contemptusque pecuniarum, cum recordor Bionem Borysthenitem adolescentem hæredem factum ab hero opulentæ hæreditatis, tabulas testamenti lacerasse: Crætem verò Thebanum super cc. talenta patrimonij diuississe ciuibz quod exemplam sequutus est, ut ferunt, Apollonius Thyaneus, & Peregrinus Philosophus. Sed dices: Hi Philosophi fuerunt, nos de ciuili homine sermo-

nem habemus. Constat enim Socratem & plerisque alios, maximè qui ex eius schola fuerunt, contempsisse diuitias. Sed quid dices de Aristotele, qui ob veritatis studium in Euboeâ concessit exul, & magna bonorum parte multatus? Quid de Philoxeno Poëta, qui cum nec Philosophus esset, nec satis bonis moribus institutus, ut qui gruis collum optaret, quique obscenè nimis vixit: cum tamen sortitus in Sicilia domum esset, & agros feraces, reliquit ea, dicens: *μὴ τὸν θεόν, ἐπεὶ μέγα τοῖ ἀγαθὰ ἔσθ' ἀνδρεί, ἀλλ' ἰσὺν μέγα.*

Sed adhuc pugnant aliqui: Opes meliores sunt. Eruditio & scripta vna hora parari nequeunt, neque vnus anni spatium: opes, principis gratia, hæreditas, thesaurus detectus, inuentio, quæpiam noua, vna hora præstare possunt: opes possum sperare semper, etsi non habeam: delectet autem me illarum possessio, spes usque ad extremum lactare potest. At si opes habeam, quomodo sperabo iam senex euadere doctior, & conscripturum opera, ni prorsus insaniam? Quamobrem meo iudicio, etsi numina non suassent, optimum tamen vitæ genus delegisse, & summum humanæ felicitatis apicem appetisse mihi viderer, ut in iudicio saltem non aberrauerim, postquam maior felicitas mortalibus contingere nequit, quàm ut scriptis illustribz celeriter, atque in omnium ore simus: ut contra nihil odiosius memoria scelerū & dedecorum. Quod verò ad Aristotelis sententiā pertinet, satisfecisse me puto: nam ille dandam Philosophiæ operam suadet, cum seipsum & ancillam alere possit. At ego & filios, & equos anagnostas plures semper alui. At dices, artis auxilio: nihil refert, quandoquidem hæc studia ad auctoritatē, reliquæque commoda quæ ex arte parantur, contulerunt. Quod nisi temerarium filij factū obstitisset, iam haberē quo sine labore viuere possem. Verum etiā illud cōsiderandum, quod si vir fortis mortem spontē subire debeat ob voluptatem, solum momento temporis ante mortem spe gloriæ consequendam: cur ego hos labores iucundos, hancque pecuniolæ iacturam, si qua sit, subire dubito, propter voluptatem multò ampliorem, qua iam multis annis fruor, & in posterum fruiturus sum, nō iactura vitæ, sed potiùs augmento: imò ne rei quidem familiaris iam in futurum, & forsitan, incremento? Constat etenim, hac opinione studiorum maximas & raras occasiones, splendidæque bona oblata: quorum quædam recipi, quædam contempsisse.

Quin etiam alias Regum & Principum locupletissimas conditiones renui, non ut plerique solent, iam quæsitæ, sed vltro exhibitæ: existimans longè melius esse liberum viuere, atque in patria mediocribz opibus, quàm extra patriam & in seruitute opulentum & diuitem: Stultum enim est in tam breui vitæ curriculo mori ut viuas, diuque infelicem esse ut sis aliquando felix. Multi dum seruiuerunt, mortui sunt: plures eum habitum corporis sibi comparauere, ut in posterum miserimè semper conflati sint. Plus etiam est non recipere cum possis, quam voluisse & accepisse: in hoc omnis ratio dignitatis manet illæsa, atque ideo honestius & honorabilius: illud forsitan vtilius. Quærere etiam Principum gratiam



tiam his turbulentis temporibus, adeo inutile & importunum existimaui, ut etiam odio sum esse putem. Quid enim inter tot bellacatum, inter tot vectigalia & tributataquam rei pecuniariae necessitas sperari facile, aut etiam si offeratur, honeste recipi posset? aut inter tot adulatores, qualis virtuti locus, aut qualis gratia studiosis inter imperitos? Mihi sane satis felix esse videor, quod metiar vires meas: neque Alexandri gloriam aut Augusti optem: nam prudentia est, recognoscere vires proprias, suamque conditionem: quamquam multo minus illi fuerint felices quam existimetur, nihil felicius, nihil beatius studiis sapientiae: cum illa nec violenti domini (hi sunt aestuantes cupiditates, & animi perturbationes) nec necessariorum defectus impederint. Haec cum mihi studia pepererint, longe plus acquisivisse videor quam si Lucullianas opes mihi parassent. Quam dulce est atque iucundum, scire quae ante nos, & quae supra nos sint, quaeque futura sint cum animus hinc discesserit: neque molesta vita, nec quae post mortem formidolosa, ipse solus transitus naturae lege gravis est. Caetera omnia, si sobolem excipias, tam parum mouere debent hominem diuina amplectentem, atque in supremo illo mundo tam pulchro omnes curas, omnes metis actus collocantem, ut facile in Pyrrhonis sententiam deueniam, qui omnia haec indifferentiam appellabat: adeo parum refert, quomodo alea mortalium horum bonorum, gloriae, diuitiarum, amicorum, voluptatumque omnium cadat. Gratias tamen Deo ago, qui me penè 46. perpetuis annis sospitem seruauit, ut commodius sapientiae studiis indulgere possem: quam occasionem iuui, ut nulla ferme hora perierit à reditu in patriam, qui iam annis vigintiseptem fuit. Horatianum illud aptè imitatus:

*Ibam fortè via sacra, sicut meus est mos,  
Nescio quid meditans iugarum, totus in illis.*

Vt multiplici commodo sic frui contigerit: nam & meditata conscribere potui, & delectatione contemplationis firmam sanitatem in inualido corpore sum consecutus: & duplicem vitam egitaleram, qua anima cum corpore viuit, & sensibus reliquam, qua mens supercoelestia contemplatur. Itaque mihi sane satis felix esse visus sum, tametsi paupertate tanta premerer quandoque, ut emptis libris nec obolus superesset, multique maledicerent, plures etiam contemnerent. Quapropter miror Galenum dixisse, se fuisse gloriae contemptorem: utque crederem, persuaderi possem, si praesentis tantummodò meminisset. Verum postquam adiecit, & eius quae ex conscriptis libris paratur, nescio quorsum tetenderint tam immensi conatus atque labores, si gloriae cupidus non erat? Illud certè contenderim, eos qui opum & honorum praesentium adeo sunt studiosi, non solum insanos & malos, sed etiam infelices esse: nam & Deum, fidem, pietatem & honestatem, vitaeque quietem, imò vitam ipsam, & omnem voluptatis sensum negligere coguntur. Et cum caetera vitia morbi que animi finem omnia habeant, sola ambitio & auaricia infinita sunt, atque perpetua. Auarus semper malus: improbi alij quandoque etiam boni sunt. Multum ergo his studiis debere me

sentio, quae à tantis calamitatibus liberarunt. Ergo detractis à luxu & pompa pecuniis, commodis ac necessitati vitae inseruiui, anagnostasque duos semper alui. Sic in hac tam splendida paupertate quietus uiuo.

Quamobrem malè agunt, qui me tam imprudenter interpellant, absque vtilitate: ut Germani plerique ac Itali: nam de Hispanis ac Gallis, Anglis, Scotis, ciuibisque meis hac in re conqueri non possum, nec quisquam horum à negociis absque munere me auertit. At illi, Dij boni, ab incognito tamquam familiarissimo, gratuitam operam tanquam debitam, sine vlla verecundia exigunt. Quasi ego vnus illorum cupiditatibus explendis natus sim, cum tempus ipsum ager meus sit, & totum praemiis & gloriae, tum animi relationi mancipatum. Itaque definat in posterum, rogo, mihi negocium faceßere. Omnis enim horula mihi praestinata est. Sed ut ad rem redeam, conatus sum non solum tranquillitati vitae meae, sed etiam aliorum, quantum licuit in hac ingenij mei mediocritate, consulere: ob idque cum vita nostra beata bonis animi, corporis ac fortunae, tum voluptatè constet: bonaeque animi duplicia sint, alia quidem virtute & peritia rerum naturalium supernaturaliumque, alia humanarum meditationum scientia: in omni genere, ut vidistis, scripsimus, diuisimusque in classes. Praecipua tamen omnium sunt quae ad sapientiam pertinent. Nam sicut canis mediocri conditionis elegantissima pluma beatorum est, & homo mediocri fortunae cane nobilissimo, & daemon mediocri status homine beatissimo: ita sapiens mediocri fortuna, felicior est fortunatissimo, cum mediocri mente. Si quis enim beatus est, Rex est: at non velles potius esse te ceruum aut canem, quam Regem apum? ita longe praestantior est daemon vulgaris conditionis, opulèntissimo quocumque Rege. Daemon est autem, quicumque sapiens est cum corpore. Et ut breuiter dicam, ac clarè eloquar, non solum quod ego sentio, sed quod verissimum est, & mihi planè perspectum: haec humana felicitas, etiam cum sapientia iuncta, somnium est: sine autem ea, fabula mera. Sed decipiuntur homines, cum non attingant limites sapientiae. Donec enim haerent sensibus, sunt auari, ambitiosi que inde ob id rapaces, perfidique: atque beatos se existimant, non secus ac qui scabie graui tenentur, cum se affatim scalpserit: ob id ergo non iudicant homines de his quae nesciunt. Optima igitur est conditio humana, animam habere praestantem, fecundam, ornatam disciplinis, rebus reconditis instructam. Credendum est autem in hoc his, qui vtramque conditionem experti sunt. Nos enim per Deum fortunam nostram exiguam, atque in aetate senili, cum ditissimo iuvene, sed imperito, non commutaremus. Multo minus Aristotelem aut Ciceronem, qui hoc aperte negauit se facturum, existimandum est: minime autem omnium Platonem aut Socratem, imò nec Epicurum ipsam voluptatis laudatorem. Ut ergo neque quo neque puero credendum esset, praesentibus conditionem suam tanquam felicissimam, quod aliam meliorem non norint: ita neque diuiti, qui sapientiam non norit, sapientibus felicitate se praeserenti, quod talem se existimet,



met ab aliis que imperitis existimetur. Nam & pueri à pueris, & equi ab equis ea ratione beatiores iudicantur: & si aliter esset, quid prohibet ne nos diis beatiores arbitremur, cum quanta sit & qualis beatitas illa, experimento non assequamur? Voco autem sapientiam eam, quæ in libris de Arcanis æternitatis, de Fato, & in Theognosto, de Subtilitate, deque Rerum varietate tradita est. Sed iam ad ultimam causam deueniamus.

Dictum fuit, mihi aliter facere haud licuisse. Atque id verissimum esse intelliges, si naturam meam, moresque meos quales sint, deprehenderis. Videtur enim natura me inter homines finxisse, velut homines ipsos inter animalia: nec quicquam similis, non ouum ovo. Animalia enim singula armavit dentibus, aut ungulis, aut cornibus, aut pedum celeritate: homines nullis prorsus armis, sed nec corio quidem, aut squamma, ad defensionem: nec pilis aut plumis, ut à frigoris iniuria se tueri possent: nudum corpus & exarmatum, nudasque manus præbuit, sed quibus, temporis & industriæ auxilio, & tela omnibus ungibus, dentibus & cornibus meliora faceret, & loricas galeamque corio spinis ac squammis tutiora, & vestes tunicasque pelliceas omnibus pilis ac etiam plumis molliores & calidiores: ita & domos latibulis & nidis præstantiores: cum cætera animalia temporis successu nec ungulis nec dentibus aut cornibus discant melius pugnare, nec proficiant in melius: sed qualia à prima iuuentute natura finxit, talia etiam perpetuo maneant. Ita omnes homines natura, ingenta quadam scientia & promptitudine ad artes exercendas, ad mores, ad loquendum, ad scribendum, ad tractandum instruit: me vnum solum ad omnia naturaliter imperitum, rudem & ineptum fecit, adeo ut in quibus methodum nullam mihi scripserim, paulo melior pica vel graculo possim existimari: quod certe in omnibus mihi obfuit & ad opinionem hominum, & ad actiones obeundas. Vbi verò methodum, quam (ut dixi) non tam gloriæ vel studij quam necessitatis causa facio, mihi finxerim: adeo elaborata ratione atque industria singulari eam fingo, ut naturæ beneficium non desiderem. Sic etiam experiri memoriam omnis cum essem, memoriam artificiosam illam mirabilem mihi confeci, de qua in libro de Secretis egi aperte, obscure in libris de Subtilitate: qua omnes memores memoriam superare videor: nec illa, ut naturalis, subiecta est casibus, ut senio, timori, tristitieque, quæ solent naturalem memoriam excutere, iuxta illud Comici:

*Tum pater sapientiam mihi omnem ex animo expecorabat.*

Ergo vel hanc mihi causam fuisse constat, ut conscriberem: vel etiam à Deo iniunctam, ut in singulis argumentis normam & methodum conscribere cogerer. Itaque & hac ratione ne admirentur mortales, mihi perisse filium: quoniam ubi methodum non mihi comparaue-ram, quolibet alio homine sum longè inferior:

Nec est quod quisquam admiretur nos non fuisse felices, cum non semper ars beatum hominem faciat. Pater eloquentiæ Cicero fuit, & maximi nominis apud suos: exagiratus tamen tribuniciis concionibus victus est. Dum

Tom. I.

verò damnaretur ad exilium, facundia illi nihil profuit. Deuenit ad mouendam commiserationem, artis Rhetoricæ non leue telum: nec mouit tantus artifex commiserationem, sed risum. Quid damnas Ciceronem? Non damno: sed eo me tueor, quod damnari illum non posse præsuppono. Etenim quid aliud est hoc, quam certamen fortunæ cum virtute, cum arte, cum splendore humanarum inuentionum? Gaudet illa esse victrix, & culmen conatus moralium præscindere, aut decutere, vel superare. Non semel irrisit Ciceronem in Milone, quamvis conantem summis viribus: & in Deiotaro Rege amicissimo: quomodo frustrata est in Planco & Octauio, quos victor contra se armavit suis orationibus? Quam contempti conatus contra Antonium, in tot Philippicis? Demum qua fortuna bis usus: primum in exilium actus: deinde etiam occisus cum tota domo, vnico excepto filio, qui ad Brutum euaserat: spoliatusque fortunis omnibus ipse frater, fratrisque filius cum eisdem sit proscriptus & interfectus: adeo ut præstiterit suis, illum non fuisse. Quid de Demosthene dicam? qui neque felicior Cicerone fuit, quamvis facundissimus: actus in exilium sæpè, inde etiam ad voluntariam necem compulsus. Et Æschines Rhodi exul, in Samo paulo post vitam finiuit. Quid ergo mirum? si nec belli duces egregij, se tueri possunt aduersus insidias armatorum, nec oratores eloquentissimi contra iudiciorum improbitatem (quorum duorum hominum generum maxima debet esse potestas ac vis inter mortales, quorumque finis nullus alius est quam plurimum posse, in tuto viuere, aliis imperare:) nos Philosophiæ & Apollinæ artis studiosos solum, non potentia, autoritatis, diuitiarum, honoris, amicitia cupidos, à coniuratione improborum, à iudiciis corruptis, à potentiorum iniuria oppressos esse? Præsertim quod hi quibus fidebamus, iuræque fidendum erat, nos reliquerunt. Forsan illud Poëtæ dicere conueniet:

*-----vimum vobis Cardana propago*

*Visa potes superi propria hac si dona fuissent.*

Ludit fortuna, luditque semper leonino more cum inclytis viris, ingenti pila. Gaudet egregijs spectaculis: modò virtutem Scipionis, modò Catonis innocentiam, modò Socratis sapientiam subiicit in theatro. Non potuit filius meus euadere securim, vltor impudicæ vxoris, nec certus occisor, sed qui occidere voluerit tantum: euadunt tamen legibus ipsis tot latrones Regia clementia, quantumvis conuicti. Quot dolo legibus vindicibus subtracti? prætermitto quot præter leges. Tanta fuit deorum ira, non aduersus miserum adolescentem, quem immortalis fama consecrabit posteritati, innocentia supra cælos euehet, virtus ornabit æternis laudibus. Quod ad vitam attinet, non solum hac ætate quæ multa habet difficillima, imò patitur: verum etiam semper vitam potius pro onere fuit etiam improbis, quam voluptati: Quid dicam de bonis?

*Dat veniam corvis, vexat censura Columbas.*

Si Deus voluisset mortalibus bene esse, vel bonam mentem omnibus immisisset, vel suppliciis malos illic subiecisset. Quam mihi semper arrisere Plautini illi versus, non adolescente, sed Solone aut Socrate digni:

M

Sicut



*Sicut mercipretium statuit pro virtute ut  
veniat,*

*Qua improba est pro mercis vitio, dum pre-  
cio pauperet:*

*Itidem diuos dispersisse vitam humanam  
equum fuit.*

*Qui lepidè ingenuatus esset, vitam longin-  
quam darent:*

*Qui improbi essent & scelesti, iis adimerent  
animam citò.*

*Si hoc parauisset, homines minus multi mali,  
Et minus audacter scelesti facerent facta.*

Verum videtur mihi, quicumque regit, con-  
tempnissse hanc nostram vitam totam: ac pro  
scena mundum hunc, pro theatro autem vni-  
uersum cœlum constituisse. Dānent aut deplo-  
rent hos casus, vel qui Deū hęc ipsa nec intel-  
ligere, nec moderari putant: & qui vitā hanc,  
hoc æuū aliquid esse credūt: & qui à sapientia  
sunt alieni: at mihi hunc ordinē spectanti, me-  
morantīq; quonam pacto à Diis regatur: tum  
paruitatem terræ, quæ tota instar puncti est:  
breuitatē vitæ, ac cursum rapidum tēporis, ac  
velut ruinosa domus semper in futurū incum-  
bentis, & quā fallaces sint omnes spes, vo-  
luptates verò breues & parvæ atq; interruptæ  
mille incōmodis: non solum solor memetipsū,  
sed alios etiam possum consolari: nec quicquā  
in tam mirabili casu, in quo sœuitio imago &  
rei indignitas longè maiora sunt mala, humi-  
lem & viro indignam vocem exaudiuit à me:  
quāquam qui me audiebāt, non tam quæ di-  
cerē, quā quæ ipsi me dicere putabant, aut  
æquū fore ut quereretur, animo deiectum inter-  
pretarentur. Dum enim ille miser viueret, qui  
modò beatus est (aliter enim beatus esse non  
posset, nisi dum viueret miser fuisset) ipsa mei  
facies, illius virtus, dignitas, causa, pro nobis  
supplicabant: nō voces flebiles, humiles, deie-  
ctæ atq; effœminatæ. Stat Deus pro nobis, stat  
virtus, stat nobilitas gentis, causa ipsa plus-  
quā honesta, bonorū & eruditorū omnium  
consensus aduersus acerbicatem seu iudicium,  
seu (quod malim esse) inimicorum & accusa-  
torum. Imitemur fortè illum Demetrium, si  
quid Senecæ credendū est, imò potius Socra-  
tē, iniusteq; damnatos tot Prætores ab Athe-  
nienſi populo: non fœminas, non vilē plebem,  
non stultum vulgus, aut sœuos quosdā è iudi-  
cibus tyrannicosq; spiritus. Maxima pars fœ-  
licitatis nostræ est, non promeruisse aduersa  
neque sensisse. An verò existimas, si nos antea  
periissemus quā filius, si Priamus ante exci-  
dium Troiæ obiisset, eadem autem subsequuta  
fuissent, & Priamum & me dici potuisse fœli-  
ces? O insaniam, & muliebres querelas! vel  
enim semper dolendum, ut solebat Heraclitus  
ille cum iugi fletu: aut nunquā, ut Democri-  
tus cum perpetuo risu. Nuper Iulianus Chi-  
rurgus filium habebat nomine Prosperum,  
egregium sanè adolescentē. Hunc ego iam diu,  
cum laureā in medicina suscepisset, ea tamen  
parte tantum in qua pater erat exercitatus,  
diiudicavi aliquando in insaniam venturum,  
ex Physiognomia, tum aliis argumentis: citius  
etiam deuenit quā sperarā, & primū quidē  
iacuit inter insanos vinctus: deinde cum se ex-  
plicauisset, Præsidis prouinciæ fratrem nulla  
causa adortus est, dicēs velle cū eo pugnare, ut  
ex equo descenderet: vulnere autem à stipato-

ribus accepto, cum illi insanum esse nescirent,  
& rursus vinctus, ac malè curatus, obiit. An tu  
illum patrem me ipso feliciore esse credis? Sed  
est alius, cui ob hæreditatem (quod sæpe fieri  
solet) vnicus eripitur filius: non-ne hic etiam  
miserior erit? Deniq; omnes miseri sumus, si  
nil aliud superest à nobis: aut beati solum bo-  
ni, quocūq; casu vixerint aut moriantur: infel-  
lices tātū mali, si Deo aliqua nostri cura est.  
Sed iā de hoc toties diximus, ut lectorem non  
delectare, sed fastidire verear: hęc tamē pauca  
huc congeſsi, ut etiam miseris, non solum stu-  
diosis, aut amicis, vel his qui rationem legen-  
dorum librorum, eligendorūque tum etiam  
conscribendorum quærunt, satisfacere.

Ergo cum multa conscripſissemus, longè  
plura animo versaremur, visum est ut aliqua  
in lucē ederem: iudiciūq; de me mortalium  
in paucis potius quā in omni ac toto (que-  
madmodum etiam faciunt, qui nouas artes ex-  
perimentaq; inuenire sperant) facerē: melius  
enim longè est partem existimationis amitte-  
re, quā totam. Occurrit igitur primò, ut dixi,  
libellus de Malo medendi vsu, & quod nullum  
simplex medicamentū noxa caret: hos cum edi-  
dissemus, incredibilis omnium applausu excep-  
ti sunt. Et quod ego non probaui, multi ob  
nouitatē fortè argumenti probarunt. Difficul-  
limū est omnibus placere, imò prorsus *admirum*.  
Verum hoc satis est, incitasse me hoc tantillū  
ad spem editionis, cum non (ut alij solent) ab  
ultimo conatu, sed à nullo prorsus initium du-  
xissem. Contigit igitur mihi ut probarer in  
principio, cū Galenus de hoc queratur. Siqui-  
dem in libro de Ordine priorum librorum  
hęc habet: Mihi propositum non fuit, ut libri  
mei quasi per manus ad posteros peruenirēt,  
quando nec hos, quos emisērā, placere multis  
viderē. Et paulò post: Persuasū mihi est, si vel  
Musæ ipsæ aliquid conscriberēt, non id multo  
gratius futurum vel indoctissimi viri scriptis.  
Et certè ille querebatur iniuste, qui scriberet  
exiguo labore quicquid videbatur: nostra ætas  
& auctoritatem antiquiorum in scriptis requi-  
rit, & euidentiores rerum demonstrationes.  
Obtinuit tamen genius suus, & calamitas tē-  
porum succedentium, omnibus aliis studiis  
quā bonarum literarū intenta, ut pro Deo,  
nec Satyrus aut Faunus coleretur, qui plura  
corripit longè, & meliora quam inuenerit.  
Ergo velut in morbis homines melius post-  
modū se habēt, & multi priuati publica cala-  
mitatē ditiores euadūt: ita librorū funesta cla-  
des, & bonorum autorū interitus, auxilio fuit  
Galenī nomini & auctoritati. Perire siquidē  
ea clade Hippocratis penè diuini plura ope-  
ra, & maximè de Morbis quibuscunq; singu-  
latim, & de Medicamentis. Erasistrati prone-  
potis Asclepiadis, Archigenisq; monumen-  
ta, & in anatomia Marini: tum verò Herophili  
& Agatini, atq; Praxagoræ: paulò post Gale-  
nū Oribasij inclyti libri quinquagintaquinq;,  
immortalitate digni: seruati autem sunt Gale-  
ni, non satis pij Philosophi, maximiq; nuga-  
toris. Præstitit tamen hos seruari, quā nul-  
los: imò fermè quā omnes alios, præter Hip-  
pocratē, si ad vtilitatem humani generis spe-  
ctemus: propter diuinos illos quatuordecim de  
Medendi arte libros, & sex de Locis affectis,  
decemseptem de Vsu partium (si illi non sunt  
furto



furto ab aliquo potius subrepti) decem de Compositione medicamentorum secundum locos, septemque secundum genera. In omnibus his planè magnus vir est, & etiam admirabilis: in reliquis, caruisse forsitan melius fuisset. Id verò generale præceptum sit, ad eò prolixitati assuetum ac deditum fuisse Galenum, ut quidquid breuiter scripserit, malè scripserit. Vnde in Arte medendi, & Curatiua ad Glauconem, aut omnino infinitos errores admittit, aut infinitis modis peccandi in arte ausum præbuit. Ita volui monere homines, ut non omnia in homine probent, seducti auctoritate: sed ipsum potius hominè ex scriptis laudare par est. Fuit vir magni ingenij, in arte exercitatus, atque optimi iudicij: ut gloriosior fuerit in vita quam in scriptis: plurima enim pars sui cum ipso absumpta est. Neque etiam nos postulamus ut omnia nostra probet, quandoquidem multa nobis displiceant. Rectè scribere sine arte non licet omnino, cum illa difficillimum est: vacare culpa, omnium maxime arduum opus est: rapimur ab affectibus priuatis, studio præsentis gloriæ, opum, cupiditate, studiis contentionum: placemus nobis ipsis, placet operis incrementum & magnitudo, ducimur stylo & facundia, si qua est: quod in Galeno tantum detrimento attulit, quantum laude dignum videri potuit: idè difficile est, debito loco metam figere: nec excurrere antè, nec in latera inclinare: ita solemus humilia, sordida, vulgata immiscere scriptis, inania quoque & aliena ab argumento, defensiones, reprehensiones, & (ut Galenus nò semel fecit) etiam iurgia diei libris interferere: quod etià & nos alias minus prudentes fecimus. Ita nostra ætate lapsi sunt, clarissimi alioqui viri in hoc genere, Budæus aduersus Erasimū, Fuchsius aduersus Cornariū, Siluius aduersus Vesaliū, Nizolius aduersus Maioragium: non tam credo iustis contentionum causis, quam vanitate quadam & spe augendæ opinionis in hominibus, velut Erasmus id puto secum dicebat: Si contra Budæum scripsere, meo nomini additi etiam maiorem futurum me existimabunt: qui colunt Budæum, me etiam aliquem esse credent, qui illum audeam arguere, præsertim cum non absurda fuerit accusatio: Hæ hominum artes, hæc studia. Sed qui forsitan præsentis ætati ad augendum gloriam aliquid conferunt, succedentibus seculis euanescent. Sic etiam tota Ciceronis vita in accusando & defendendo posita fuit: nec enim solum hostes accusabat, sed qui hostibus fauerant, quique amicis fuissent infensi, ut res in infinitum protraheretur. Sic L. Pisonem accusauit, a quo pulsus fuerat: Clodium, qui causam præbuerat: Gabinium, qui consenserat: Sextum, qui restituerat, defendit: Vatinius, qui contra Sextum testimonium dixerat, accusauit: Milonem, qui Clodium occiderat, tue-ri conatus est. Quæ intemperies, quæ insania, in tam breui vita nunquā viuere velle? Sed in Cicerone immoderata illa facundia, & temporum conditio, ut etiam antea dixi, laudem meruerunt: in aliis nec veniam, nedum laudem promereri possunt huiusmodi libri. Sæpe enim accidit, ut etiam in vitioso genere atque argumento singularis quædam præstantia non mediocrem afferat & vtilitatem & voluptatē:

*Tom. I.*

At dices: Quid si scripta ipsa pereant, aut obruantur, non-ne operam & oleū perdidideris, etià si optimè scripta sint, & elegatissimè? Nequaquā, o Vir egregie: hæc ipsa nostra natura, nostra monumēta, sex sunt vniuersi: & tamen in ea fece adhuc vestigia sapientiæ seruātur, in aliis omnibus ordinibus superioribus abundè hæc suppeditant: itaque ut non debemus vereri defuturas aquas stante Oceano, & nubibus calorem stante Sole: ita quoties hæc studia, hi cultus literarum in his inferioribus abrumperentur, seruabuntur abundè, nunquam deficiente immenso fonte in Dæmonibus, animabus, vitis, mentibus, numinibus atque Deo. Quod ergo hoc aliud est studium, quàm imitatio diuinæ exercitationis, tranquillitatis atque sapientiæ?

Sed iam ad institutum reuertamur, de quæ ipso vitæ humanæ genere aliquid dicamus. Neque enim quod aliquid esse ducam hoc nostrum viuere (quid enim absurdus?) sed ut illis satisfaciam qui hoc viuere aliquid esse existimant: nulla enim ratio efficacior inueniri potest, quàm quæ ex vtrisque contrariis idem concludit. Quod enim ad me attinet, neque mortem esse in malis duco, neque vitam in bonis: ex horum enim alterutro alterum sequi videtur: nam si vita bona non est, mors nò est mala: & si mors mala non est, vita bona esse non potest: & rursus si vita bona est, necessariò mors mala est: & si mors mala est, sequitur confestim vitam esse bonam. Ob id sapientissimè filius meus respondit è carcere, cuidā sciscitanti: Quo-nam pacto falsus esset tam facile, se voluisse vxorem interficere? respondit: Paternam redolens animi constantiam: Quis scit an bono an malo meo id factum sit? forsitan bono id factum est meo. Et certè exiit vitam hanc ærumnosam, impedimentis & periculis plenam & lachrymabilem, vanam, breuiem, similem, inconstantem: hisque temporibus, ubi plurima dolo, omnia potentiæ, operibus & gratiæ dantur. Quibus eò ventum est, ut omnia sint violentorum: & eorum qui tyrannico spiritu rapiunt: solum adhuc pudoris vestigium quoddā superest: quod ubi euanes-rit (euanesce autem necessarium est, cum bene cedat vis, & noui homines etià ditari ditari volent) ad arma, seditiones & tumultus res redibit. Qui ergo cupiat sic veuere? in quo si nullum esset aliud malum, id certè maximum non deesse potest, scilicet mortis necessitas & expectatio certa. Quamobrem mortem inter indifferentia collocare soleo: neque enim illius causæ ad eò faueo, ut bonā appellem. Sed ut opes, formā, amicos, potentiam, gloriā, honores: ita mortem neque bonā, neque malam esse duco: ut enim opes bene vtenti bonæ sunt, veneficii autem atque homicidiis intento malæ: ita & mors infelicibus adueniens, improbis, stultis bona est, liberās eos ab innumeris periculis, à grauissimis doloribus, à curis exitiabilibus atque turpi dedecore: sed & sic res ritè se habens, ut certum est, non solum indifferens & bona, sed etiam optima iudicanda est. Bonum fuit & optimum sic periisse filium (Deus enim id voluit) non illi dicam, non mihi, non stirpi: cui ergo nam Deus iustè, sapienter & liberè cuncta agit: futuræ ergo melioris vitæ certè causa. Ob id nos in exem-

*M 2*

*plum*



plum constituit, ut intelligant homines, non posse bonum & probum virum infelicem esse. Sum pauper, æger, senex, iam orbatus filio optimo, optima spei, adolescente mei amantissimo, per iniuriam: alter, cum modica atque exigua admodum spe bonæ fortunæ, propagandæ stirpis, filia, iam nono anno nupta, sterilis. Ego aliàs omnibus modis florens, amicitia, filiis, lucris, bona valetudine: iuuenis in magnam spem erectus, assuetus non solum commodis, sed etiam deliciis: nunc verò totus ærumnosus, despectus, multis cum inimicis, non solum infelicem esse existimo, sed quàm vnquam aliàs antè feliciorē longè. Neque infans, neque gloriator, actiones id ostendunt: constantissimo animo profiteor, ac ob id etiā frequentissimum est auditorium: omnia administro melius quàm antea: scripta quæ nuper confeci, si quis prioribus conferat, intelliget pleniorē, viuidiore, puriorēque mihi mentem inesse. At tu, quicumque es, ob vnum infortunium, etiam leuissimum, muliebriter eiulas: nos tot & tanta ferimus: hoc vnum lucrati, ut nec pigeat vitæ ob virtutem & scientiam: nec timeamus mortem, finem tot periculorum atque incommodorum, remque ad eò necessariam: alius ex calamitate, quæ etiam calamitas non est, longè magis discruciat: & quod per incuriam famuli equus claudicat, exclamat, noctes insomnes ducit, tot ansæ felicitatis nullū solamen illi adducunt, tanquā totus sit in sui equi pede: miser est alius quia contemnitur, alius quoniam filius illi nepos, alius quia de vxoris pudicitia timet, alius quia excedit à Magistratu, tentat laqueo vitam finire. Ergo sensus hominum & gustus delicatiores, tum ignorantia rerum & conditionis nostræ, ac desperatio de futura vita, homines reddunt miseros, etiam minimis ex causis: ad eò ut huiusmodi homines non possint vlla ratione esse felices, nec in aduersis possint consolari. Vide qualis sit vita nostra. Duo sunt homines, quorum vterque perpetuis sex mensibus (ut de moribus Alpinis referunt) dormit: horū vnus somniat carceres, vincula cruces, laqueos, tormenta, cædes filiorum, metus, excidia, fugas, tempestates, morbos, inopiam, famem: modò solus vectatur in vadabundo mari, spe salutis posita: modò per deserta, omnium inops, fugit equites tyranni: modò vincitur, & in tetrum barathrum conicitur: aliàs ducitur ad supplicium: modò à turba ut insanus exhibatur. Contrà alter somniat regna, honores, epulas, ludos, societates, viridaria, arces, itinera iucunda, scorta, vxorem pulchram, filios, atque ex vna voluptate in alteram transit. Quin etiam non contentus his humanis deliciis, fertur ad cælum, videt pulcherrima, gloriosa, & supra fidem: modò rapitur ad spectacula, ad Musicorum egregiorum certamē, ad vireta, venationesque aucupia, piscationes. Inde ambo simul expergiscuntur: quis tā stultus est, ut hunc felicem, illum alium infelicem esse dicat? At hoc (respondebis) somnium est breue, minus afficit, nihil ex illo aliis relinquitur: vita verò sit longior cum vero rerum sensu, maiorēque voluptate atque dolore, ex qua dum eximus, remanent illa aliis: filij, offines, opes, non omnino ut in insomnio euanescent. Nugaris: tempus hoc sex mensium

felicitatis perpetuæ, primum si quis rectè cōsideret, in quantacunque vita longa, nemo æquat. De sensu, curis, voluptate, omnia in somnis maiora & sunt & videntur quàm in vigiliis: idque etiam ratio suadet, cum à sensibus tamen non distrahamur. At quod ad veram vitam spectat, hoc est quod contēdimus: verum intervallum inter futuram vitam & hanc longè maius est, quàm inter vigiliam & somnum. Quæ verò relinquuntur, si ad stultam spem referantur, aliquid sunt: atque ob id magis dolendum quod relinquere cogamur: si ad veram opinionem, si ad successus rerum respicimus, falsa imagine decipimur. Ita cui libet fingere licet immortalem vitam, regnum immensum atque pacatum: sed quæ nugæ res moueri non possunt: ita statuere oportet de vita nostra, ut verè sit somnium. At, ut dixi, si maius aliquid fuisset, eò rem meam euexeram, ut ex infelicissimo felicissimus dici possem: & ex pauperrimo, mea & filij opera ad duo milia coronatorum aureorum in singulos annos lucraremur: nullius ordinis homines, nulli Principes nostris in manibus non essent. Viceram inuidiam, superaueram æmulationem, contuderam conspirationes, in intima penetrarem: aperueram vias, struxeram mihi aditum ad omnia & mihi & filio. Quin etiam Principum occasio extenorum non magis quàm alij cuiquam defuit. Primum quidem apud Dacorum Regem, inde Gallorum, mox etiam ad Scotos vocatus fui. Narrabo autem historiam, quæ contigit anno M.D.LI.

Ægrotabat Ioannes Amulthon, è Regiâ Scotorum stirpe, apud illos Pont. primarius, vir insignis fidei, eruditionis ac pietatis, liberalissimusque difficultate spirandi ad eò graui, ut qui illum in ipso morbo vidissent, nec vitæ diem superesse existimarent: ille tamen toto decennio iam tantum morbum perferebat, quamvis in dies res laboraretur in deterius: nec vllius insignis Medici operam non tentauit: verum cum & Regios & Cæsareos Physicos expertus esset, tum Professores etiam artis illustriores, fortè fortuna amicus quidam illius, tum Gulielmus Casanatus illius medicus, in nostros libros de Subtilitate & de Sapientia inciderant: quos cum reuoluerent, inuenerunt me iactantem, quod phthisicos aliquos sanassem. Et certè paucissimos ex huiusmodi morbo curaueram, multos tamen simili affectu laborantes sanaueram: ita minimè mendaci viro non parum profuit ea iactantia, prædicatioque falsæ laudis meæ, namque his atque aliis argumentis incensi, suaserunt illi, ut postquam nullibi pateret spes salutis, ad extremam anchoram refugeret. Placuit conditio, misitque ad nos primum literas, aduocans Lugdunū aut Lutetiam. Et quanquam priore in huius libri editione ipsius Epistolæ exemplum inscripserim, melius tamen existimaui omitti superfluis, ne lectorē morarē, quod ad rem faciebat hic inferere: sed ita tamen, ut neque sensus neque verba ipsa immutarentur: fuit ergo medici sui epistola hæc.

Illustrissimus Pontifex vrbis sancti Andræ, & totius regni Antistes ac Proregis frater, Mecœnasque meus, cui à medicina iam quatuor annis sum, destillatione per circuitus, quamvis absque febre, difficillima annis adhuc de-



cem fermè detinetur: adèd vt non solum cele-  
rem & frequentem faciat illi ad summum res-  
pirationem, verùm cum stercore graui & hor-  
rendo. Contracta fuit hæc dispositio ex lusu  
pilæ in sole, æstatis tempore: cùmque omnia  
tentarit, & res in dies labatur in deterius: mo-  
nitus à me de tua singulari virtute, eruditio-  
ne, atque in arte medica peritia, ad te tanquã  
ad Apollinem quendam confugit, vt non so-  
lùm tuo consilio, sed etiam præsentia frui  
optet. Itaque quantum temporis viâ peragen-  
dæ volēs, quem comitatum, quos sumptus, ab  
eo qui has perfert accipies: quamobrem pro  
tua humanitate, proque totius huius regni sa-  
lute, cuius ille summus semper extitit defen-  
sor, vt ad nos te conferre non dedigneris oro,  
ipsum non solum qui optimus est atque libe-  
ralissimus, nosque omnes tibi deuincturus, sed  
vniuersum regnum quod ex illius salute pen-  
det, simul quoque & gloriæ & rei tuæ non le-  
ue incrementum facturum: si quidem non quã-  
tum perieris, sed quantum volēs accipies. De-  
lectabit interim te transitus ipse per Galliam,  
cognitiōque tot eruditorum virorum Lute-  
tiæ: qui antea scripta tua tam religiosè colue-  
runt, nunc te ipsum amplexabuntur atque ad-  
mirabuntur. Quamobrem ne patiare nos ad-  
uentu tuo frustrari, vehementer rogamus, at-  
que etiam rogamus. Cætera, qui literas per-  
fert, te docebit atque præstabit. Vale, Edem-  
burgi, IX. calendas Octobr. M.D.LI. Sed nos  
solum initio sequentis anni literas accipi-  
mus, propter impedimenta viarum ex sanissi-  
mis bellis inter Cæsarem regemque Gallo-  
rum orta.

Iui itaque Lugdunum: sed ibi non aderat  
Princeps ille: de cuius interim me conferre  
Lutetiam, cùm inter ea superuenit medicus  
suus, qui literas scripserat, Casanatus, vir sanè  
doctus: ibi alia numerata pecunia, excusatio-  
nēque adiecta. cùm neque Lugdunum neque  
Lutetiam ipse princeps se contulisset, ab eo  
literas scriptas reddidit, omisiss non necessa-  
riis, in hunc modum:

Reddita sunt nudiustertius medico nostro  
literæ tuæ, quibus opinionem nostram de tua  
virtute & recondita eruditione æquasti: si-  
mùlque nos, ob id quod de aduentu tuo Lu-  
tetiam certiores feceris, Ipe adipiscendæ salu-  
tis per te velut Æsculapium quendam, imple-  
uisti: verùm cùm antea velut ille scripserat  
meo nomine, venturum pollicitus essem me  
Lugdunum, aut Lutetiam saltem, difficillimis  
causis victus venire non potui: rogo itaque  
perpetua singulari humanitate, postquam scrip-  
ta tua condicione venisse te existimo Lutetiã  
vique Scotiam etiam quacunque velis condi-  
tione attingere non pigeat: fidem publicam,  
viaticum, comitatum præstabit ipse medicus  
noster tui studiosissimus: quodd si quid inter te  
& ipsum pactum fuerit, fideiussorem dabit P.  
Franciscum Restum, aut alium quem volēs  
trapezitam. Hoc denique vnum tibi Cardane  
optime atque eruditissimè pollicebor recto  
pectore, nullam te temporis vel laborum ia-  
cturam facturum, non mediocrem autem facul-  
tatem incrementum, maximum verò gloriæ  
nominis atque existimationis consequaturũ.  
Persuadeas tibi sanè velim, me longè plura  
velle & posse præstare, quàm polliceri: quod

Tom. I.

haud dubiè, si nostra causa tantum laboris  
susceperis, esse verum, ipsa experientia depre-  
hendes. Vale doctissime Cardane, larèsque no-  
stros non vsque adèd fortasse vt putas Scy-  
thicos inuise. Edemburgi, Pridie Nonas Fe-  
bruarij, M.D.LII.

Persuasit, iuique cum medico, alia accepta  
pecunia: sponsonem tum feci nullam, nec ac-  
cepi: sed Lutetiæ: quam ille longè liberaliùs ex-  
pleuit, quod fuerat pollicitus medicus suus:  
verũ & Chirographũ ego antea laceraui, in-  
dignũ non solum putans, sed etiam stultum, cũ  
principibus præsertim externis, pacisci, quos  
solus pudor & probitas ad standum pactis co-  
gere possint: Porro de toto itinere ac reditu  
aliàs satis dictum est: nũc sufficiat memoras-  
se, quodd conueni Lutetiæ Syluium & Phar-  
nelium regios medicos, & magni nominis,  
qui ambo iam mortui sunt: mansi apud Sco-  
ticum Pontificem dieb. 75. redij per Belgas,  
metu Britannicorum latronum. Sed vt post-  
modum certior factus sum à Lutetiano præsi-  
de Senatus Emaro Ranconeto, & nepote meo  
ex patruele Gaspare Cardano, qui illac me  
imperante transierat circiter 40. viros nobiles  
adfuisse Lutetiæ, qui vndeque ex tota Gal-  
liã illuc conuenerant, quorum magna pars è  
numero principum erat, operiētes aduentum  
meum, vt à morbis inuictis eò vsque persana-  
rentur: quibus vt manerem, vnus solus mille  
coronatos numeraturus erat) tanto nostri de-  
siderio, tanta fide gens illa in nos flagrabat.  
Ceterum vt reuersus sum Mediolanum, literas  
accepi ab Archiepiscopo eodem seu Pontifice  
primariò Scotici regni, huiusmodi.

Gratias tibi ago Cardane amicissime, pro  
sanitate mihi tua opera magna ex parte re-  
stituta, viribùsque ipsis etiam auctis, imò vi-  
ta quodammodo recuperata. Omnia enim hæc  
cũ corpusculo ipso tibi accepta refero, cum à  
tẽpore tuorũ medicamentorum tãta arte atq;  
dexteritate præscriptorum, morbus ille adeò  
mihi infestus, & rarius & leuius multo me ve-  
xarit. Vt accessiones ipsæ vix in duob. mensib.  
tamen aliquando semel in mense, sed multo  
mitiores inuadant, cum antea singulis octo  
dieb. solerem acerbissimas experiri, ingrati-  
tudinis vitio me insimulari ingenuè fateor, si  
tantum beneficium non, vt par est, recognos-  
cerem. Sed epistolam ad te viuam mitto, Mi-  
chaelem (vt scis) mihi è familiarib. præcipuũ,  
vt qui tecum agat, quacunque illi mandauit,  
vt intelligas te ipso chariorem mihi esse ne-  
minẽ. Cæterum Casanatus ipse abiit, vir om-  
ni laude dignus. Vale, ex nostra Metropolitana  
sede sancti Andreæ, Calen. Octobr. 1554. Ac-  
cepi autem ab homine liberaliss. propè duo  
millia coronatorũ, præter munera pro eo iti-  
nere: longè plura accepturas, si diutius (quodd  
ille enixè rogabat) apud ipsum manere voluis-  
sem: erat enim stipendium, præter omnes im-  
pensas, decem aureorum coronatorum in sin-  
gulos dies. Hoc autẽ per vltimas literas age-  
bat tacitè, & per nuncium, si in spe pecuniæ  
ad illum allicere potuisset. Ergo nõ defuit for-  
tuna, sed ego mihi ipsi potiùs. Splèdidæ obla-  
te sunt occasiones, sed occasiōib. defui: nec  
nõ intellexi aut præuidi, sed intellectus occur-  
rere nesciui: plus fuit ponderis, quàm ferre possẽ.  
Viuo tamẽ. At egregij illi, Syluius, Farnelius

M 3

Braua



Braſauolusque, & Emarus Ranconetus, omnes inter biennij ferme ſpaciū piore. Omnibus ſunt aliqua aduerſa, & ſua parata infortunia, cladēque: tantōque maior lapſus, quāto altiore ex loco ruina eſt. Erat Pharneliuſ vir proceræ ſtaturæ, macilentus, ætatem paulō maiorem 55. annis præferebat: itaque tū paulō me ſenior. Syluius autem vir iucūdus ac facetus, ſeneculus paruus, totus canus, propè (vt mihi videbatur) 70. annū. Braſauolum, vt qui Ferrarienſis eſſet, & Ferrariæ moraretur, nunquam vidi: vt neque Veſalium, quamquā intimum mihi amicum. Cum illo adhuc ſpirabat inimicitias Syluius, neſciō qua cauſa ortas: ſanè præferebat Galeni iniurias: poſtulabātque iniquiſſimā rem, vt & ego illi eſſem inimicus. Budæum, Eraſmum, Linacrum, Thomam Morum, Cornarium, tametſi floruerint me iā inter meos cognito, neque cognoui, neque ab illis ſum cognitus. Fuchſium non vidi: ab eo agnitus ſum, vt antea dixi. Andream Matthiolum pro amico habeo, tametſi non eſt facie mihi agnitus. Iam verò ſi quis ſpectet quā miferæ eſt hæc noſtra vita, & qualis finis tot laborum & inclytorum virorum, cum Theophrasto queri meritō omnes ſtudioſi de mortalium conditione poſſe videātur. Miſera ſanè eſſet ipſa per ſe hominum natura, etiamſi nullis exterioribus incommodis vrgeretur: nunc autem, vt video, nihil tam moleſtum eſt homini, quā homo. Et cum olim ciuitates conderentur communis vtilitatis cauſa, nunc ciuitas nulla dici poſteſt. Vrbes multas in Italia video: ciuitates aut nullas, aut quā pauciſſimas: quando ciuiſ ciui potius inſidietur quā auxilietur: coganturque viri boni & virtute præſtantes pro adulatoribus, pro ignavis, imperitis ac ſceleratis laborare, atque vitam terere. Dico bonos, ruſticos, & artiſices peritos, aut quicumque doctrina & eruditione præſtant. Ergo non mihi occaſio defuit primarij ſemper loci & ſcribendo & profiten- do, & apud Principes ipſos, & priuata vita artem exercendi. Addideram alia in editione exempla, quinquaginta ægrorum à me præter omnium ſpem ſeruatorum, & (vt dici ſolet) ex orci faucibus ereptorum: tum prædictio- num admirandarum: nunc video illis exemplis locum hīc non eſſe: & vt qui aliis normā ſcribendi definierim, ipſe longè latēque à ſcopo aberrem: plurimum enim differt ſanatio ægrorum, à deſcriptione librorum à me com- poſitorum, & ordinis eorum atque vtilitatis, tum tractationis. Cum ergo omnis ſtudioſi vita ac gloria quatuor his definiatur, exerci- tatione ipſa in ea arte quam proſiteris, gratia Principum, profeſſione publica alios voce do- cendo, aut ipſis ſcriptis: tria ex his & habui quantum mortali licet, & poſſedi: quartum, ſcilicet principis aulam, ſæpius in manibus habui, ſæpius elabi ſciui, quod neque mores, neque virtus, neque inſtitutum meum hæc paterentur: corrupti enim mores aularum, ad adulationes & alia peiora: & labor immenſus ſine fructu virtutis, licet opibus vtilis, & dol- lis agere contra eos quorum ſaluti præſecti ſumus, quique quod verè illis conducat non norunt, adeo me alienum ab eo cultu effecerunt, vt non tam voluiſſe ſuſcipere prouin- ciam viſus ſum, quā ei negotio minime

aptus. Sed credas, vt vis, & cum Poëta dicat:

*Non omnia poſſumus omnes:*

Palàm tamen eſt, cum in his quæ ſuſceperim, nulli (aliorum iudicio, & communis conſenſus autoritate, & ipſa rerum experientia declarante) ſecundus euāſerim: etiam in hac cauſa, ſi voluiſſem, ſi placere potuiſſet, primas partes obtenturum. Sed dicet: Cur non opes & amicos paraſti, ſi tanta poteras, omiſſa nunc aula? Reſpondebo breuiter: Opes benè paraſe & iuſtè minime licuiſſe, ob pauperiem ſum- mam, in qua reliquit me pater, & liberalita- tē, vitæque ſplendorem: tum etiam ſtudia ipſa quibus ab his curis diſtrahebar ac diſtinebar: malè autē & iniuſtè, nō volui: malōque petiſſe filium inopia rei pecuniariæ, quem ſatis conſtat ob id petiſſe decreto iudicium (ſed, ſi oporteat, & meipſum, Socratis exemplo, eadē cauſa) quā iniuſtè locupletatum euadere, me aut illum ſeruatum fuiſſe. Moriendum eſt ſemel, qualiſcunque mors obtigerit: mala ſolum eſt, quæ ſcelerata vitæ finem imponit: bona, quæ eripit hominem cum honeſtate ab iniuriis improborum. Intelligent autem homines paucos poſt annos, quid hæc mors at- tulerit incommodi patriæ, & quantum mali præſagierit. Vt enim, cum in prædicendo in arte medica me exercerem, legebam obiter Epidemiorum ſine nomine, & neque uſque ad finem: conſiderabāque, an poſſem diuinare exitum: atque ſi diuināſſem, intelligebam me aliquid in diuinando profeciſſe: ſi non, adhuc me vagari in incerto, inopemque eſſe eorum quæ ad artem pertinent: atque eò uſque non ceſſaui (quod & ſtudioſis artiſ aliis pro exem- plo propono, & vt facere non negligant, conſulo) donec omnium finem (vt contigit) præſagire poſſent: tūcque me exiſtimaui etiam de his quos tractabam, idem efficere poſſe: ita dum orationem pro P. Seſtio legerem: intelli- gebam, etiamſi hiftoriam nullam de Roma- norum amiſſa libertate legiſſem, fieri non poſſe vt diu Romana libertas conſiſteret. Sed de his poſtea.

Nunc verò quod propoſuimus, proſequa- mur. Hic finis eſt huius libri, vt doceamus li- brorum noſtrorum argumenta, rationem cō- poſitionis, ordinem ac vtilitatem: atque hæc principaliter, quæ quatuor ſunt: præterea ex conſequentia tempus, locum, cauſamque ſcri- bendi: tum verò, quæ ratio ſit conſcribendi li- bros, qui fructus conſcribenti, quot modis er- rare contingat, quā accepti fuerint libri, quæ paſſi impedimenta: quæ præcelluerint in hoc munere: quot genera argumentorum, tra- ctationum, & ſtylus quā multiplex. Quæ vi- tioſa ſint & ferantur, vt Ciceronis & Galeni: quæ vitio careant, nec tamen placeant niſi paucis, vt Auicenna inter medicos, Archime- des inter Geometras: plurimorum quoque monumenta clarorum virorum, quæ neglecta exciderunt. Iam ergo vt de noſtris laboribus agam, certum eſt & ad Indos penetraſſe, & Conſtantinopoli legi, vt per orbem iam vni- uerſum qui totus nunc patet, vulgati ſunt: quamquam ſint minima pars meliorum, vt intelligere potuiſti: quamobrem, vt dixi, non defuit genius. Sed Ciceronianum il- lud dicam: Quoniam id Fatum temporum etiam noſtrorum eſt, vt illa ex veprutelis

extracta



extracta nitedula nostra quoque monumēta conaretur arrodere. Verū vt quod aliquando cœpi absoluam, difficile est bene scribere, vt dixi, etiam scribendi rationem tenenti, propter dissidia & varia studia: vt non possis placere, neque speres omnino omnibus placere posse, cū multi non intelligant: iis verò qui non intelliguntur, placere minimè possunt. Ob id his occurrere clarissimè scribendo. Verū his quos vitia delectant, velut barbaries, obscuritas, inæqualitas (hæc enim tria maximè vitia multis grata sunt: velut & auctoritatum multitudo, & Græca miscere Latinis quomodo satisfacies, nisi nitorem omnem ex oratione sustuleris? Ambitiosi ergo Græca & auctoritates libenter mistas vident etiam non satis aptè, narrationi. Inæqualitas placet multo ob id, quod videatur stylus magis se attollere. Quid mirum? nōne multos etiam percolles ire magis delectat, quàm per plana: tametsi etiam fatigentur in illis, non autem in planitie? Barbaries placet ex consuetudine: adeò vt suam miseriam, causam esse velint damnandi aliorum felicitatem: hæc tamen magno cum labore iam mitescunt. Vt verò auellantur, multis Syluiis indigemus, aut tribus saltem: nam ille Mesuem ex barbaro Latinum fecit. Quod si qui Aueroerem, B. Thomam & Scotum (quorum sensa profectò, necessaria videntur studiis Philosophiæ atque Theologiæ) ad Latinam linguam deduxerit (horum enim causa viget controuersia, cū illi arido & infelici sæculo floruerint) subitò omnia pacata videbuntur: id autem cum consensu Pontificis, atque consideratè fieri debet.

In exponendis autem aliorum monumentis alia ratio seruanda est, quàm in nouis scribendis libris: scopus enim non parum euariat. Namque in conscribendo libros scopus est, rei veritas: in explicandis autem libris aliorum, auctoris sententia. Eam igitur sic venabimur, quod pauci facere norunt. Oportet autè egregium aliquem auctorem exponendum suscipere: non vulgarem, cum quo simul expositio ipsa pessundet: atque eo sumpto, conare vt stylum, voces sensusque vocum tibi reddas quàm familiarissimas: inde verò meditare argumentum rei, atque principium vnum ex quo omnia deducuntur. Quod si inueneris, ordinem ex illo quære, ac ex ordine diuisionem. Sed si vni illi non omnia conueniant, scias te nondum mentem auctoris assecutum. Reuertaris igitur tanquam diligens explorator, ad nodum illum quærendum, ex quo omnia pendunt: quo inuento, vt dixi, quæres ordinem atque diuisionem totius operis, ac demum demonstrationes quibus ille innititur: ita auctoris sententiam pulchrè explicabis, & ad normam si quando paululum declinabit, reduces, ipsumque à calumniatoribus tueri poteris. Quatuor igitur sunt munia boni expositoris: auctoris mentem declarare, demonstrare quòd ita sit quod dicitur, amplificare illius doctrinam, & tueri ipsum à calumniatoribus. Hæc sunt, inuentis principio ordine & diuisione: hæc inueniuntur, interpretatione vocum illi auctori familiarium, sub eo sensu quo ille accipere solet, natura ac genere orationis & stilitertid: ex comparatione partium totius operis inuicem, tum ad alia ab eo conscripta: de-

mum ab ipsa rei natura, ac partium serie atque dispositione. Vt verò omnia hæc inuenieris, conare vt ad amissim totum opus in partes sensibus diuisis congruentes distinguatur.

Quod si quis in eodem genere iam tibi amicus scripserit, seu argumento nouo, seu exponendo aliena opera: vt nuper mihi contigit in Adriano Alemanno, Lutetiano Medico, qui commentaria quatuor in librum de Aëre & aquis Hippocratis scripsit: & quamvis non è facie vel vlla alia causa notus mihi sit, cū tamen multa adducat ex nostris Commentariis in secundum de Iudiciis Astroorum librum Ptolemæi, non sine magnâ nostri laude (hoc enim maximum est quod cuiquam tribui possit, vt integræ pagellæ vel periodi ad verbum transcribantur, illius non suppresso nomine) nos verò cū antea multò quàm liber in manus nostras peruenerit, decreuissimus commentaria in totum Hippocratis volumen conficere: non par est cupidis naturæ & probis obtrudere maiore conatu illorum volumen: multò minus illum librum ob id inexpectatum relinquere, aut à tam vtili Prouincia exponendi totum Hippocratem, ob id solum quod ille partem vnam exposuerit, desistere. Quid ergo in huiusmodi casibus agendum? Seneca docet in Epistola ad Lucilium, hortator illius: vt cū Naso & Maro ambo de Ethnæ miraculis scripsissent, ipse nihilominus præsens ipsi rei scriberet: esse certamen hoc ad gloriam, non ad impedimentum eorum qui antea bene scripserint: non defutura (inquit) argumenta scribentibus, nec in eodem argumento rationes variandi: vt cū tu placeas, Maro vel Naso displiceat. Atque ob id dixi, multa esse scripta ad hanc diem, paucissimos libros: multas vrbes, paucas ciuitates homines, paucissimos ciues: ita timere nemo debet, vt scribendi ansa desit: placent libelli, quia magis elaborati & absoluti: placent libri, quoniam plura in his continentur, nec lector tantum in his fatigatur. Ergo ille scripsit pulchrè: nos aliam exponendi viam stylum rationemque tenebimus, nihil ab illo inuito subripiemus. Si quippiam erit, accipiemus ab illo, non subtrahemus, atque in alium vsum disponemus: ita nostra post illius scripta delectabunt legentes: & post nostra, vt sua videant, desiderabunt: id verò facere, & eruditi cum primis & prudentis viri est, nec interea nimis seipsum amantis.

Vitia verò effugere, etiamsi multis placeant, oportet. Nec immodicè te efferas: sed tamen loci, temporis, ac regni ratio habenda est. Quatuor esse genera sapientiæ, totidemque esse regna, in libris de Sapientia docuimus. Sed relicto illo quod ad improbitatem puram ac vanitatem pertinet, in quo versantur latrones, lusores, chymistæ, deceptores, necromantici, diuinatores per sortes, præstigitores, fures, atque huiusmodi, qui stultitiæ turbam, non regnum vllum conficiunt: tria reliqua ita hîc disposita sunt, vt vnum aliis parère dedignetur: quanquam qui sapiunt, & naturalia & humana diuinis parère velint, rursumque naturalibus ipsis humana. Sed non de eo quod esse debet, sed quod in vso est, nunc sermonem instituimus. Est igitur regnum humanum potestate & sapientia constitutum: nec Deas veneratur aut curat, sed illis permit-



Lib. de Arte  
& lib. de de-  
centi ornatu,  
pag. 2.

tentibus sine ullo impedimento non secus de-  
cernit de his inferioribus, ac Deus ipse de cœ-  
lo suisque vitis: & natura de maribus, monti-  
bus, imbris, animaliumque generatione:  
adèd ut hæc regna prorsus impermixta vide-  
rentur, aut saltem illis visa sunt: neque enim  
visus est homo, qui supplicationibus exorans  
Deum, ab vxore abstinens, filium ex ea susce-  
perit: aut regnum obtinuerit contra armatum  
hostem, ipse inermis & sine milite sedens. At  
contra videmus, quotidie Deus execrantes,  
cum fecundis vxoribus concumbendo filios  
& robustos & egregios suscipere: alios omni-  
no impios, impiis cum militibus, sed bene ar-  
matis, per vim, cades, dolos, scuitiamque exe-  
crabilem obtinere regna: quæ et si postmodum  
corruant, non à Dei ira, sed nimia impotentia  
cadunt: atque hæc ita se habere, persuasum est  
hominibus illis qui res publicas tractant. Nec  
solum his, sed & Hippocrates salutis spem to-  
tam in medico, non in Deo collocat, illum  
etiam Deo æqualem faciens: an verò ita sit,  
non est (ut dixi) præsentis instituti hîc dispu-  
tare. Quod si religioni inhærere videantur, ea  
pietatis specie ad securitatem, non pietate vti  
sunt. Huius verò exemplum (ut procul petito  
argumento, nunc propius accedam) Romani  
præbuerunt: qui non solum omnem vim, om-  
nem potestatem, omnèque robur & auctori-  
tatem imperandi, & victorias, & administra-  
tionem, atque ex eis felicitatem in armis &  
Rom. Pop. consensu posuerunt: sed supra  
modum inflati ac tumidi immodicâ hæc per-  
suasione, ea verba proferebant, quæ Turcas, &  
ipso multarum Prouinciarum Dominos, &  
Scythicam planè dicentes originem pudet  
proferre: adèd ut quandoque mecum reputem  
mores hominum, & falsas opiniones de illis,  
Romani, qui alios barbaros vocare solebant,  
legum conseruatores, ciuiliū morum aucto-  
res, Philosophiæ & humaniorum ab ipsis lite-  
rarum ob id dicti studiosi, adèd insolenter se  
gerunt, voce inflationem spiritus, spectaculis  
immanitatem summam testantes: Turcæ bar-  
bari: à studiis alieni, moribus sordidi, legum  
haud professores, verum quali contemptores,  
crudelitatis exemplis inferiores, insolentia verò  
verborum minime Romanis comparandi. En  
videas summi oratoris, toto spectante populo  
Romano verba, mores illorum tanquam in  
pictura quadam explicanda: plena tumoris,  
plena insolentiae? Hinc illud de Pompeio lo-  
quens, & Tigranæ Armeniorum Rege: insigne  
Regium quod ille de suo capite abiecerat, re-  
posuit: & imperatis certis rebus regnare iussit.  
Et rursus Antiochum illum magnum, maio-  
res nostri magna belli contentione terra ma-  
rique superatum, intra montem Taurum re-  
gnare iusserunt. Et rursus: Ille Cyprius miser,  
qui semper socius, semper amicus fuit, de quo  
nulla vnquam suspicio durior aut ad Senatum  
aut ad Imperatores nostros allata est, viuis  
(ut aiunt) est & videns cum victu ac vestitu  
suo publicatus. Hæc de regibus, ut de seruis  
loquebantur: Iussit, iusserunt, imperauit: mi-  
nus superbè nos seruos & mendicos alloqui-  
mur, quàm illi facerent Reges. Dij boni, quo  
fastu, quâ verborum insolentia, quàm inflati,  
turgidi ac ventosi homines erant. Idem verò  
Cicero quàm prostitutus adulator in Pom-

peio: Nō est passus ille vir, qui sceleratissimos  
ciues, qui acerrimos hostes, qui maximas na-  
tiones, qui Reges, qui gentes feras atque in-  
auditas, qui omnibus bellis terra marique  
compressis imperium Populi Romani, orbis  
terrarum terminis definisset.

Quàm illud superbè de magistratibus: In  
consulum magistratus tutela Reges atque ex-  
teræ nationes semper fuerunt. At de seipso  
intoleranda, fastidienda, ridicula, de exilio so-  
lū loquens: Cū meum illum casum tam  
horribilem, tam grauem, tam repentinum non  
solum homines, sed recta vrbis ac templa lu-  
gerent, nemo vestrorum forum, nemo curiam,  
nemo lucem aspicere vellet. Quid, si sol ipse,  
quid si Deus etiam pareat, maius aut dici po-  
test, aut excogitari: cū filius carbonarij, so-  
la facundia immoderata præceps, hæc sibi tri-  
buit? Sed ad homines conuersus, audite quid  
dicat Arpinates ciuis: Quem enim vnquam  
Senatus ciuem, nisi me, nationibus commen-  
dauit? cuius vnquam propter salutem, nisi  
meam, Senatus publicè socii populi R. gra-  
tias egit: de me vno patres conscripti decreue-  
runt, ut qui prouincias cum imperio obtine-  
rent, qui Quæstores Legatique essent, salutem  
& vitam meam custodirent. In mea vna cau-  
sa post Romam conditam factum est, ut lite-  
ris consularibus ex S. C. cuncta ex Italia, om-  
nes qui Rempublicâ saluam vellent, conuo-  
carentur: quod nunquam Senatus in vniuer-  
sæ Reipublicæ periculo decreuit, id in vnius  
mea salute conseruanda decernendum puta-  
uit. Quem curia magis requisit? quem fo-  
rum luxit? quem æquè ipsa tribunalia deside-  
rauerunt: omnia discessu meo deserta, horrida,  
muta, plena luctus & meroris fuerunt. Quis  
est Italiæ locus, in quo non fixum sit in publi-  
cis monumentis studium salutis meæ, testi-  
monium dignitatis? Nam quid ego de me di-  
uina illa Senatū consulta commemorem? vel  
quod in Templo Iouis Optimi Maximi fa-  
ctum est, cū vir is qui tripartitis orbis ter-  
rarum oras atque regiones tribus triumphis  
adiunctas huic Imperio notauit, de scripto  
sententia dicta, mihi vni testimonium patriæ  
conseruatæ dedit. Quis hanc ferat insolentiam,  
aut stultitiam, aut potius insaniam? Quæ  
neq; summis Imperatoribus quæ vix diis con-  
ueniunt, homini impuro, & solis fallendi arti-  
bus instructo tribuemus? At ergo dices, Inse-  
ctaris Ciceronem? clamabunt hîc Gramma-  
tici, Rhetores, Iurisperiti, & omnes qui po-  
litiōibus literis operam dant. At non vident  
hæc dici posse insectandi causa Ciceronem  
ipsum, quod absitis enim viribus suis vsus est  
ad tuendam dignitatem in humano regno: &  
ob vitium temporis, aut exemplum. At vitium  
id fuisse temporis, non negauerim: hominem  
sola dicendi vi præditum, rapinis ac vitæ fla-  
gijs non omnino immunem ad sidera extu-  
lisse quid aliud fuit, quàm ætatis illius luxu-  
ram, inertiam, improbitatem, summam li-  
centiam, auaritiam, metumque declarare? Ita-  
que hac oratione quis merito interpretari  
posset, me vitia illorum temporum ac Roma-  
norum insectari velle: sed quorsum? quid hoc  
ad propositum nostrum? Reliquum est igitur,  
ut hæc adiecerimus instituti huius causa, sci-  
licet licere Rhetorico quæ non licent Philo-  
sopho:



sopho: & tantum condonandum consuetudini, loco & tempori, ut quæ etiam ab alio ferri non possent pro Cicerone, stomachumque mouerent, quæ insani essent defensoris, insolentis, amentis, quæque exhiberentur, tempora, locus, consuetudo tulit ut in gloriam Ciceronis cederent. Veruntamen huiusmodi exemplis non est innitendum in libris conscribendis, cum iudicium generale ac verum, non præsentis solum temporis ac loci sit præponendum. Sed & tum illa admodum immoderata insolentia, & Græcis potius quam Romanis digna, nec illi decora fuit, nec utilis: sed argumentum leuitatis hominis, ac summæ ambitionis, causaque ruinæ Reipublicæ atque ipsius, nam vitia contemptum pariunt, contemptus odium suscitatur, & animum ad opprimendum auget.

Verum illud obiter mihi occurrit dubitandum, cur admodum excellentes viri magnis flagrent vitiis, & cur qui magnis flagrant vitiis, persæpe virtute vel eruditione sint incomparabiles? Sufficiat solum accepisse sex exempla in hoc: C. Marij & L. Syllæ, Pompeij & Cæsaris, Demosthenis & Ciceronis: quorum virtus tanta fuit, ut à nemine nisi altero posset superari. Marius non nisi à Sylla, contra cæteros inuictus: Pompeius non nisi à Cæsare: Demosthenes nullis succubuit inimicis, sed Macedonum armis: Cicero Antoni, alioqui Romanorum Rex dicebatur. Verum ille idem rapax, contumeliosus, seditiosus, ambitiosissimus: Demosthenes, ut vno verbo dicam, patriæ proditor: Pompeius & Cæsar, libertatis eueriores: Pompeius occultè, sed nulla vi adactus: Cæsar, euilior, atque ob id mitior, sed apertè patriam oppressit. Marius & Sylla, ut vno verbo dicam, tyranni, atque crudelissimi tyranni. Itaque reor hoc fortunâ contingere, & naturâ ipsâ, vel vi Siderum, ut minimè existimemus hoc regnum humanum alijs legibus subiici: sed more Romanorum, quod Pop. Rom. & S. sanxisset, id pro rato habendum, tanquam à Deo ipso sancitum: nullam esse deorum in huiusmodi curam. Hæc igitur volui dixisse, ut homines intelligerent, me (quod huius non sum opinionis, sed sciam horum curam esse Diis) maluisse carere amplis opibus atque amicis, quam iniuste viuendo, & impie de prouidentia Dei sentiendo, distari: quod tamen admodum mihi facile interdum fuisset.

Diximus de summa pietate humana, quam Romanorum Reipublicas expressit: nunc autem de Sapientia dicendum erit: quæ, ut dixi, etiam eo tendit, ut arcana administrationum publicarum regniue intelligat: scilicet priuata consilia, literas notis supposititiis conscriptas, denique modum quo ad prodicionem præfecti tribuni militumque sollicitantur & inducuntur, impellunturque: tum maximè, quod rarissimè (mirumque id) qui talia agunt, deprehenduntur, verum potius qui prodere destinarunt & sollicitati sunt. Ergo hoc regnum est humanum, fraudibus, vi, rapinis dolisque, ac omni scelere præter leges tectum, aut supra leges, aut secundum leges plenum: cuius fructus sunt diuitiæ, honores, potentia, existimatio, magistratus, principum amicitia, tum aliorum potentiorum multo frequentior, vltionis

commodum, ambitio, diuitiarum usus, ædes, famuli, equi, fundi, pecuniæ, gemmæ, vestes, cibi delicates, cœnæ sumptuosæ, contiuia, Musici, carmina in laudem, applausus populi, adulatorum blanditiæ, horti, piscatio, aucupium, venatio, picturæ, statuar, antiqui operis numismata, & quicquid deliciarum est usque ad pueros & formosas mulieres: præterea quod maius est, licentia tam in libidinibus quam in iniuriis, legumque contemptus, ac penè secunda vita. Per hæc ergo si transire voluissim, non periisset filius, non essem inops. Atque hæc via minus ardua est, quam quæ ad virtutem aliâque regna deducit sapientiæ. Qui verò in eo humano regno plurimum possunt, & ab aliis coluntur, aliosque in officio retinent, hos Optimates vocant. Quanquam Optimatem aliter definiat Cicero: scilicet virum qui nec nocens sit, nec natura improbus, nec furiosus, nec malis domesticis impeditus. Sed hunc virum vbi inueniemus? Dicit Cicero, longè latèque patere hunc numerum hominum: enumeratque consilij publici principes, & qui cum eis sentiunt, aut coniuncti sunt, & municipiorum incolæ & rustici, & artifices ac libertini. Hic non quæ sensit, sed quæ vera essent, explicuit: sed satis ab usu alieno nomine: non enim Optimatem solemus appellare hominem, nisi virum opulentum, blandum, quietum, & erga plebeios quoque humanum verbis: sed qui tamen cum alijs tyrannidem exerceat, horrea concludat, iudicia ad gratiam accommodum distorqueat, trahat atque exerceat: cuius indicium est, quod raro hoc nomine in singulari numero utimur: sed Optimates dicimus, quasi vnus esse non possit: & verè. Nam Optimates esse non possunt, nisi in paucorum commodum conspirauerint inter se: sed si conspirauerint, plures fuisse necesse est. Ergo arguis Cicero: nem rursus de interpretatione nominis? Absit: non errauit, sed fallebat populum volens ac sciens: hoc enim arcanum tegi voluit, ut plebs ipsa non norit: & quibus artibus possunt, occultant, dolo, minis, dissimulatione, pietatis, religionisque prætextu, virtutis imagine, simulatis dissensionibus: quando aliter fieri non potest, ut vnus commoda tenuiorum suscipiat aduersus alios defendenda. At nunc non tam apertè: quia opus non est, defenduntur: sed secreta sufficiunt conspirationes, admodum ut neque librum sit principibus bonis liberum vocem emittere, aut se eis opponere, admodum vndique obsidentur.

Mihi verò persuasum est, primum rem non ita se habere, quod videam humanum regnum naturali saltem indigere: bellica virtute, nauigandi peritia, Medicina, Agricultura, aliisque artibus, quarum peritia & exercitatio ad naturale regnum pertinet. Vnde verisimile est, nec hoc debere esse contentum, qui vniuersa inuicem colligauit: sed ut humanum naturali eget, ita vtrumque diuino opus habere, & ab illo regi. Deinde quod viderem, huiusmodi hæc omnia non afferre solidam vel stabilem felicitatem, sed tumultuosam, mobilem, vanam & breuem. Demum, non mihi persuasum est, Deum admodum hæc inferiora despicere, ut malis tot bona esse velit, bonis tot mala. Hæc atque huiusmodi cogi-



tans, malui proferre omnia, quàm improbus esse: Et si mors (quæ acerbissima res est omnium) toleranda est æquo animo, quam tot viri fortès spontè petierunt, felices venientem moderatè tulerunt, molles homines tum fœminæ ac pueri aded leniter ferrent, vt nec queri, nec commoueri, nec dolere, nec metuere vlllo modo videretur: cur est vt tot acceptis ego supra conditionē humanam à Genio, Deo imperante, beneficiis, desertor solus euadam? Quod si clientes & beneficiis affectos & domesticos & affines & amicos decet tyrānis esse fidos, eosque in calamitatibus non deserrere: cur ego modicæ gloriolæ cupiditate, breuistemporis vitæ vsura, instabilium & paruarum opum præmio, inconstantium & vanarum blanditiarum deliciis, curiosa ambitione principalis amicitia, semper grauis, sæpedamnosa, nonnunquam & non parum periculosa, perfuga esse debui ab optimo illo benefactore Deo Optimo Maximoque? Dices: Omnia concedam, si ostenderis hunc à Genio fauorem peculiarem, hanc prærogatiuam, hanc singularem electionem. Fingis hæc, vt quod stoliditate, desidia, casu, vanam spem dum sequeris, tibi contigerunt. Verùm hoc peculiare donum non ob id quod sæpè seruatus sim imaginor: casu enim fieri potest: & multis etiam maiora contigerunt, cum essent improbissimi: non ex somnis, quos forsitan cupiditas immortalitatis nominis, aut diurnæ cogitationes, aut ab ortu siderum constitutio reuoluentibus annis excitat: non eruditio, quæ studiis & diligentia & laboribus & naturæ & iudicio ob exercitationem & vitæ diuturnitati (si qua illa est) tribui posset: sed ostentis visisque, quæ modum naturæ (ni fallor) humanæ excedunt, tribuo. De his ergo aliàs abundè, atque nimis sæpè dictum est, ad id vt non parua esset turpitudinis hoc in proposito argumenti tam breuis denuò ac quasi extra propositum inferere.

Itaque neque mihi ob has causas multum timendum vereor: quanquam ea sim in patria, in qua semper timere coactus sim, iustis aded causis, sine præfagio imminentis calamitatis, vt à Præsede Senatus (quod aliàs etiam dixi) petierim biennio antequam crudelem illam tulerit sententiam, vt mitteret me in exilium: satis causæ esse dicens, hanc causam, quod sine causa aded sub illis esse timerein atque vererer. Nunc verò exonerata in filium tanta clade, & toties Fati monitu tectus atque defensus, præterea iam anno abhinc (ni fallor) decimoseptimo, claro somnio certior factus, per eundem esse mihi in itinere Romam versus, ibique à sociis, qui iampridem obierant expectari: & quòd, vt modò res cedat, tam parum mali in morte esse cernam, quàm felicitatis in hac vita, mortem non horreo, neque timeo: & multò minus in posterum cauendum ab aliis calamitatibus censeo: sed hunc laborem, hanc curam atque sollicitudinem his relinquamus, qui erga nos tam saui, tamque inexorabiles fuere. Expleuerunt votum, satiati sunt, animo satisfecerunt, affligerunt (quod in illis fuit) patrem innocentem in misero filio, filium optimum & piissimum in parente, rarum exemplum aduersus clementiam Regiam inuexerunt,

gentis Hispanicæ ingratum factum declararunt. Ergo in posterum quiescere proposui, paucis contentus, & maximè familiaribus: nam horum turba grauis est, præsertim pauperi, & inutilis: eorumque discessu ac mutatione domus conturbatur, & animus angitur: aded vt defectus in omnibus plenus est, incommodis, ita copia & abundantia perturbationibus & curis: ad tranquillitatem enim vitæ & felicitatem nil melius est, quàm assuescere paucis, contentum esse amicis domesticis: sed, vt dixi, maximè familiaribus: in his autem felicitatem constituere, quæ tibi eripi non possunt, & securè possidentur: hoc enim est fundamentum diuinæ felicitatis vitarum & mentium, meliorumque substantiarum, securè frui his, quæ illis à Deo tribuuntur.

Cæterum vt interim quæ proposuimus, ad finem deducamus: postquam librorum singulorum in suo genere vtilitatem atque vsum explicauimus, reliquum est vt ipsarum disciplinarum atque scientiarum laudes & vtilitatem proponamus, vt norint morales quantum illorum commodis atque vtilitati profuerimus. Scripsimus autem in multiplici genere (vt vidistis) Dialectica, Geometria, Arithmetica, Musica, Astrologia, atque ea duplici, scilicet diuinatione, & quæ de moribus tractat: tum Optica, Metoposcopia, Agricultura, Architectonica, Geographia, Medicina, Philosophia naturali, aperta illa ab Aristotele tradita & recondita, & atcana quam Magiam nominant, Somniorum prædicendi arte, ratione gubernandæ Reipublicæ atque suprema omnium Theologia ac morum institutione. Decem & octo sunt hæc præterea de Ludis ac Fabulis: vt sint omnes modi atque argumenta in quibus scripsimus, cum his, viginti. De omnibus igitur, præterquam de Geometria, dicendum erit: nam illius encomium iampridem factum, huic Operi attexuimus. Ergo omnium harum disciplinarum seu artium, quomodo malueris appellare duplex est commodum: vnum quidem, sciendi atque intelligendi, quo mens ipsa delectatur: alterum, qui quasi fructus est exercitationis: Vt autem in difficillimo genere id explicem, à Theologia, cuius solus vsus in intellectu esse videtur, exordiar.

Theologiæ itaque contemplatio nimis ex se perpulchra est: quid enim pulchrius aut excellentius, quàm diuina, quàm immortalia, quàm beatissima scire atque intelligere? quod si tam scire atque intelligere liceret quàm hoc pulchrum esset, nullum studium huic comparari posset. Ipse verò vsus est duplex: gratias reddere ei cui maximè debemus, & animum beatum efficere. Quamobrem summum bonum in vtroque constitutum esse debet, & felicitas maxima illis quibus vti licet. Habet autem Theologia duodecim partes, quarum prima de Deo ipso, summo bono, essentiæque æterna & perfectissima, agit: atque hæc pars tam difficilis est, & ardua & obscura, quàm videtur plerisque facilis: omnes enim quid sit Deus intelligere se putant, cum nihil minus. Secunda pars est de potestate, sapientia, amore, personisque ac defluxu earum, tam certa Philosophis quàm



quàm perspicua Theologis: neque idem est in illis amor & sapientia ipsi bono, neque aliquid diuersum. Tertia est de mentibus, ordines vocant Theologi separatarum substantiarum: hæc mediæ sunt inter finitum & infinitum. Porro vnaquæque harum partium duplicem habet usum, ut dixi, in generali consideratione & scientiæ & usus: veluti scientia boni & principalis & pietatis & sapientiæ & amoris delectat & instruit animum: præterea reddit nos illi gratos, cuius beneficio sumus & viuimus. Quarta est de vitis quæ cælo adhaerent, suntque similes animabus nostris. Quinta de his quæ sunt extra mundum: quoniam omnes mentes & vitæ & dii extra mundum sunt, ea ratione quod sint in seipsis, non in loco vllò neque intus neque extra. Sed tamen quibusdam mundus aut mundi partes eis insunt, quibusdam non Sexta est de mundi cælorumque ortu atque productione, & regimine ab illis inferiorum corporum. Septima de futurorum ordine, & successu causarum: hunc Fatum appellare solent. Octaua, de statu animarum nostrarum ab obitu: Nona, de his quæ naturæ sunt melioris, aut sublimioris. Decima, de his quæ ad animæ perfectionem & operationes in hac vita pertinent. Undecima est de cultu Deorum, & ceremoniis quæ non licent, licentive, appellaturque religio. Duodecima verò est de generalibus ut ente, re, vno, vero, bono, atque huiusmodi. Singulæ harum multas habent partes, capita, amplius tractationem: de quibus non est præsentis instituti agere. Verùm de prima principaliter, tum de omnibus quæ Deo propria sunt, scripsimus in Hymno. At de sequentibus quinque à prima, egimus in libris de Æternitatis arcanis: de septima, in libris de Fato: de octaua & nona, in Theonolito: de decima, in libro de Animi immortalitate. Undecima non est præsentis considerationis: duodecimam relinquimus Aristoteli.

Dialecticæ contemplatio est utilis ad scientiam rectè inueniendi & demonstrandi: usus autem ad omnes disciplinas, & in omnibus disciplinis. Partes eius sunt decem: notitia nominum, vis orationis, ac comparatio, Syllogismus, Syllogismus demonstrativus & probabilis, declinatio deceptionis, seu cogitatio elenctici, syllogismus seu ratio imperfecta, suppositio, inuentio mediæ. Et modus tradendæ ordinandæque doctrinæ, cognoscendique bene ac male tradita. De septem primis partibus egit felicissimè Aristoteles, de octaua Paulus Venetus: de duabus ultimis, quæ maxime sunt, tum septimæ nobiliore parte, nos in nostra Dialectica.

Arithmeticæ contemplatio subtilissima est, & per se felicissima, tum quia docemur cuncta esse miro quodam ordine & arcano conueta. Neque enim credendum est illam connexionem esse fortuitam, sed umbram quandam vinculi diuini, quo cuncta inuicem colligantur certo ordine, mensura, tempore: ob id non tam temerè Pythagorici & Academici numeros constituerunt rerum principia: quos si non per calumniam Aristoteles voluisset interpretari, quis dubitat non aliud per hoc Ænigma illos significasse, quàm nume-

ros umbras esse eius ordinis quo Deus cuncta constituit, fecit & ordinauit? sed ordo ille in Deo quasi inuolutus est, & vnum quoddam, extrà autem multiplex: qui cum sit infinitus vndequæque, quis non videt infinitam primi boni esse naturam? Nam neque numerus per se est, est enim accidens: neque sui auctor: Deus enim non est: nec *αὐτὸν αὐτὸς*, neque animæ nostræ figmentum, sic enim falsus esset: natura igitur quædam per se infinita est, nec aliud quam umbra aut vestigium ordinis infiniti. Ecce quam paruo deprehendimus infinitam esse naturam. In illam igitur intuens animus noster, diuinitatem quasi è rimulâ inspicit. Usus verò duplex: acuerè mirum in modum ingenium, & solertem efficere: alius est, ad rationes & mercaturam exercendam. Partes eius sunt quatuor: numerus, pars, latus, & incognitum. Præter has sunt proportionales progressus, laterum extractions, transmutationes, incrementa seu vsuræ, inuentiones & iudicia. In principalioribus quatuor partibus solent exerceri quinque opiniones, numerando, iungendo, detrahendo, multiplicando, & diuidendo. Partibus autem vna peculiaris operatio inseruit, quam vocamus inscriptionem. Primam partem mirum in modum auximus & illustrauimus, tum secundam: reliquas nouem fermè totas inuenimus.

Musicæ contemplatio quid peculiare est, habetque quasi medelam, usus scilicet moderationem, ac participationem: de hac tam bene Ptolemæus egit, ut non audeam me illi commiscere, nec de ea tractare. Usus est, demulcere affectus, delectare animos, & lætitiâ gignere. Partes eius sunt duæ: vocalis & instrumentalis: tria illius genera, Diatonicum, Chromaticum, & Enarmonicum: ut in totum sint sex genera: quorum singulum longè latèque patet. Est etiam constructionis methodus, ut sint septem. Difficillimum est Enarmonicum. Instrumenta autem alia fistulosa, alia hydraulica: alia fidibus constant, alia tympano: ut sint quindecim potius quàm sex genera. Præter has etiam est Musica antiqua, & carminum cantus & modulatio, tum saltatio & choreæ: ut sint in vniuersum partes decem & octo. Maxima est hæc disciplina, & ingeniosissima, à paucis rudibusque viris (si qua alia) tractata. Egimus nos de vniuersis, ut etiam superius visum est.

Optica, digna studiis, & Geometriæ similis, exacuit ingenium: usus est, mirabilium effectum intellectus, & scientia efficiendi spectra. Partes illius sunt septem: lux simplex, lux mutata, radius transiens, radius collectus, radius reflexus à plano, conuexo atque concauo. Nos peculiarem de ea, ut de reliquis, tractationem non fecimus: verùm in libris de Subtilitate & Rerum varietate præstantiora docuimus.

Astronomia, quæ de motibus agit imaginandi, super omnia exercet. Eadem nos in summi Opificis contemplationem erigit, præsertim eos qui diuinæ maiestatis magnitudinem non animaduertunt: vnusque is usus: alter, scire ortus siderum, loca, magnitudines, conjunctiones, eclipses. Partes illius sunt quatuor: scire motus & proportionales ac consonantiam illorum, scire per tabulas quod volumus



lunus inuenire, scire construere simulachrum orbium cum motibus, corporeum solidumque, & in plano per foliata. De hac, ut quæ ex observationibus pendeat, parum tractauimus in libro, cuius titulus est, Supplementum Ephemeridum.

Astrologiæ consideratio per se pulchra est, vinculum intelligere horum inferiorum cum superioribus. Vltus autem, scire futura, & præcauere posse. Eius sunt partes nouem, videre Generales constitutiones Mundi, quæ ex reuolutionibus inerrantium statis pendunt temporibus: Propria Prouinciis magnisque regionibus, in quibus nihil ex terra obseruatur: Observationes ex initiis urbium ac regnorum, quamuis fallaces: Visionum in sublimi interpretatio, Constitutiones temporum, Ortus & occasus siderum cum veterum circuitu, Geneses, Processus & Redditus annui. Porro de his omnibus egimus.

Geometriæ partes sunt nouem: De corporibus regularibus, Conis, Cylindris, Ovalibus, Sphære mensura, Conoidalibus corporibus, Elicis lineis, Proportionibus, & bifariam motis. Octauam partem ego auxi non parum, Quartam & vltimam ego inueni & tradidi.

Naturalis coniecturæ tres sunt partes: Metoposcopia ex fronte, Chiromantia ex manibus, ex toto autem Physiognomia. Metoposcopiæ partes sunt tres: Figura frontis, lineæ, & totius faciei navi atque vestigia: de quibus omnibus nos egimus: ipsa contemplatio maximè rationalis, iudicium postulans, & participationis: dialecticarumque regularum Ptolemæi vsum exercens. Omnium diuinationum præstantissima est Physiognomia, adeo ut prudentum consiliis proximè accedat. Proxima illi Metoposcopia: inde quæ ex Astris: post Chiromantia, post prodigiorum, sexta somniorum si ritè obseruentur. De tota arte Metoposcopiæ scripsimus. Architecturæ scientia iudicio & solertiæ commoda est, hominemque ad inueniendum & excogitandum comparationemque faciendam inducit, cogitque sagacem esse: rationes perpulchras docet. Vltus perspicuus, cum sit ars mechanica. Eius partes sunt quatuor: Aedificatio, Munificio, Aquarum deductio, & machinarum fabricatio: de quibus omnibus, licet non specialiter, in libris de Subtilitate, & de Varietate rerum, tum etiam de Secretis abundè egimus.

Agriculturæ cognitio superior pars est naturalis Philosophiæ, inferior mechanica prorsus est: ob id & contemplatio & vltus perspicuus est, & omnibus notus. De ipsa egimus in triginta octo illis libris iam enarratis, in quibus de naturali Philosophia egimus. Vltimæ partes illius sunt decem & octo, singulaque illarum longè latèque patent. Harum prima est satio: quo tempore, qua terra, quidque serendum sit, electio seminum, quomodoque serantur, semine an furculo, an alio modo. Insitioque ad hoc pertinet. Huic succedit cura, ut proueniant, ut grandescant, ut sint tuta à temporum iniuria, & animalium. Tertia est obseruatio temporum atque locorum, imbrium, & exortus siderum, quid sub vnoquoque facere conueniat & expe-

diat. Quarta est collectio fructuum, seminum, quid agendum, quæ paranda antè, quomodo dignoscatur maturitas. Quinta est, vltus fructuum aut seminum: in quo genere sunt vinum, sapa, omphacium, oleum, fraces, & huiusmodi, ut etiam aqua rosacea. Sexta est conseruatio tum horum, tum fructuum & seminum: ut pomorum, frumentum, ac talium. Septima est, cura agri, hyeme collectio lignorum, & eorum quæ ad vltum præbet ager, præter fructus & semina: ut sarmentorum, atque fungorum, tuberym. Octaua est, cura instrumentorum necessarium, falcium, securium, curruum, plostrorum, torcularis, cadorum, lacus vinarij, bidentis, rastri, sarculi, rutri, occæ, maræ, aliorumque sine numero. Nona est, de cura villici, & educatione, institutisque ac cautionem ne decipiat. Decima est, de educatione & cura boium, anserum, gallinarum, suum, & huiusmodi. Vndecima est, de cura bombycum & apum, atque talium quorum lucrum non mediocre est, & ars educandi non vulgaris. Duodecima est piscinarum, cancrorum, ranarum, testudinum, cochlearum impinguandarum. Tertiadecima est animalium syluestrium, ceruorum, damarum, cuniculorum, quorum magna est copia & prouentus certis in locis, parum alioqui vtilibus atque in hoc etiam continetur cura pastorum, pecudes, capras, asinos, vaccasque alentium, alibi & camelos, ut in calidis regionibus, & rangiferos in frigidis. Quartadecima est aucupij, venationis, fallendi lupos, piscationis, rei lucrosæ & iucundæ. Quintadecima est hortorum peculiaris cultura, ducere riuos, areas diuidere. Hanc sequitur singularium plantarum studium ac cura: deinde nemorum & sylvarum, res non minus vtilis cæteris, & minoris impensæ, laboris atque periculi: sub qua & continetur rizum, quod in paludibus solum feliciter prouenit: res tantò lucrosior, quantò locis inutilibus & abiectis nascitur. Vltima pars pertinet ad prata, atque in ea continentur deliciæ & miracula agriculturæ, & remedia calamitatum.

Succedit Geographia, cuius contemplatio vtilis est ad historiam & scientiam rerum naturalium: vltus verò ad cognitionem itinerum, bellorum, morum, gentium, potentiarum, regum. Habet autem partes principales nouem: scientiam magnitudinis, & situs locorum, ac formam cum qualitate: dispositionem ad fortunatas insulas, & ad meridiem seu æquinoctij circulum: mores gentium, instituta, Reges, vires, res præcipuas quæ ibi nascuntur: specialem loci descriptionem, vrbes, pagos, riuos, fontes, colles, atque huiusmodi minutiora, historiam insignium bellorum, & originis gentis: descriptionem orbis in plano, descriptionem eiusdem in sphaera, modum nauigandi. Hanc solum disciplinam ex omnibus reliquimus intactam, ob inconstantiam eorum quæ in illa traduntur: obiter tamen de eiusmodi, & maximè de generali ratione descriptionis attigimus variis in locis, & maximè in libris de Rerum varietate.

Medicinæ partes decem sunt: primam, quæ antecedit totam artem, corporum humanorum



manorum dissecandorum notitia: inde artis Principia, elementa, qualitates, humores, membra, operationes, facultates: tertia est, partium singularum usus & utilitas: quarta, morbi: inde causæ & signa, post cura: inde notitia simplicium medicamentorum, & virium eorum: post, componendiratio: demum, eorum quæ proprietate naturæ agunt scientia. Ipsa per se scientia pars est naturalis Philosophiæ, cuius contemplatio pulchra, opera & ordinem naturæ spectanti. Medicus non ut Philosophus ad eam considerat formam, finemve naturæ, sed ut cæteri artifices, cum formam & finem quasi præ oculis habeant, in efficiens & materiam magis oculos dirigit. Usus autem, ut dixi, duplex est in huiusmodi: vnus quidem in anima, alius in opere atque extra animam. In anima quidem scientia est, & cognitio modi operandi, extrâ autem, finis est sanitas. Est autem fructus in anima, alios scire dirigere quam rectè operentur. De prima, quarta & quinta, & sexta atque vltima, nos scripsimus: liber enim Experimentorum ad vltimam partem totus pertinet. De cæteris Hippocrates & Galenus, qui etiam de omnibus scripsit partibus præterquam de vltima: aut si scripsit, ad nos non peruenit. De septima speciatim non scripsit. Nos præterea de omnibus scribimus, dum commentaria in totum Hippocratem conficimus. Contradições quoque ad Scholia & Castigationes quasi pertinent, Philosophiæ studium ipsum per se pulchrum est, & ad primævitæ notitiam nos perducit. Fructus autem est scientia rerum naturalium, vnde artes exoriuntur, impulsus per ignem & aquam, & Machinarum se exonerantium trahentiumque, tum notitia proprietatum rerum & causarum: vnde quæ miracula aliis videntur, nobis & cur & quomodo se habeant, nota sunt. Habet septem partes principales: Prima est de principiis naturæ, materia, forma, loco, tempore, appetitu: quod non sit locus sine corpore, nec cum duplici corpore. Secunda de simplicibus corporibus cælo, terra, aëre & aqua. Tertia de mixtione & mistis. Quarta, de anima. Quinta, de plantis. Sexta, de animalibus. Septima, de homine. Porro secundam libenter ego diuiderem in duas, scilicet de cælo & elementis: non solum quod natura vnus horum multum ab alterius natura differat, sed quod cæli non minus, imò multo magis inter se differant quam elementa inter se: ut declaratum est in Theognosto: vitæ enim illorū & animæ cum differunt specie, differunt & cæli: at nihil est in elementis quod in aliud transmutari non queat. Et præter id eadem participant materia & qualitibus, fuit enim tam aqua quam aër, & verumque humidum est. Sexta rursus in quinque partes diuidi solet: in quadrupedia, aues, pisces, serpentes & animalia quæ parentibus carent. Præterea quædam pars communis est omnibus animam habentibus ab anima separata: ut vita, ad quam consequuntur multa: ut in quibusdam respiratio, iuuentus & senectus: in omnibus generatio, somnus, vigilia atque motus. Sensus enim animæ coniunctior esse videtur: erunt igitur in vniuersū tredecim partes.

Tom. I.

Magiæ verò seu reconditæ Philosophiæ partes erunt decem. Prima quidem, quæ ex rerum proprietatibus pendet, lapidum, animalium, plantarum: præeliguntur lapides, quod in illis vires sint efficaciores, nec tam citò senescant, nec moriantur, aut suffocentur, aut putrescant commodiusque gestentur. Secunda verò ortum habet à siderum influxu in initiis rerum, ut imaginibus vel fationibus. Tertia est ex consensu operationum visionis & soni, & odorum occultorum, & saporum, & inunctionum: sicut ex tactu serpentis horremus ad eam, etiā si illum esse serpentem nesciamus. Quarta est ex proprietate inter homines & res, propter ortus. Quidam semper erit infelix in vna vrbe, domo, cum vno equo: hoc autem magis cum hominibus propter repugnantiam naturæ ab ipso ortu contractam: ut cum vxore, familiari, amicove. Quidam felicius agunt cum quibusdam æmulis & inimicis, quam domesticis & amicis: quanto magis si iidem fuerint & amici, & genius cum genio illius consenserit? Ego verè fateor, aspectu huius Præsidis Senatus, tametsi antea neque vnquam mihi iratum expertus essem, nec nisi beneficia ab illo accepissem, magis semper exhorruui, quam duorum præcedentium qui mihi sæpius irati fuere: atque id tantum in me potuit, ut solum illius causa aliud commigrare destinarem: sed occasio defuit: quæ vtinam non defuisset: non enim periisset filius meus. Hoc est quod petiui, ut me in exilium mitteret. Sentiebam, seu ex Genio mihi præfecto, seu quod natura mea in extremitate humanæ substantiæ, conditionisque, & confinio immortalium posita esset, magnum mihi ab illo malum imminere, ad eam ut aspectum illius formidarem, nomenque horrerem: sed tamen genus mali non intelligebam: refugiebamque ipsum quantum possem, nec ab illo alio primæ metuere: quamvis non ignorem aliquos mihi magis infensos, sed hi sine isto hoc non poterant. Refugere igitur expedit huiusmodi homines. Quinta est, quæ pertinet ad auguria, prodigia, miracula, eorumque significata. Ut enim subtexuntur communibus causis, alios effectus indicant. Vnde quinque præfagiunt, quinque non: tamque errant qui omnia contemnant, quam qui observant, aut nimium fiunt. Sexta est, ex animæ operatione, cum à corpore quasi separata, & supra seipsam eleuata, ostendit varias rerum effigies, & persæpè diuinat: animas quoque inferiores cogit. Septima est ex homine toto, cum afficitur aut perturbatur certis cibis, terræque habitu, aquarumque potu: incerta vi, certo effectū. Octaua est ex effectū genij, seu etiam melioris vitæ in nos, aut alterius cuiuspiam: idque præfenti, quod maximum est: aut per somnium, quod leuissimum, non tamen contemnendum: aut per Ecstasim, quod medium est. Nota est euentuum qui Fato adueniunt, cuius sublata ratione ad magiam naturalem solum recursus relinquitur. Ad hoc genus vltimò reducuntur, quæcunque obscuras habent causas in nobis, seu ex Medicina, seu ex naturali

N



naturalibus effectibus : vt Engastrimythi , & qui quasi Dæmonem habere in corpore videntur , vt Pater meus referebat , & Lucius Philaltheus Philosophus. Sentiunt enim huiusmodi homines modò ventrem , modò digitum pedis dextri magnum , nullaque interposita temporis mora minimum sinistra manus dolere , inflammari , titillare , inflari , prurire , atque alia huiusmodi sæpe absque causa manifesta : quæ omnia ad decimum genus magiæ referri possunt. Sic quidam haud insulsus , cum se reuolueret : magnam vitri contracti quantitatem resonare in visceribus sentiebat : audiebant & alij. Est autè status genus ad libellam temperati : propterea non perpetuò sentiunt. De his igitur omnibus , in Naturalibus non solum sed etiam Diuinis libris , & de Secretis locuti sumus : adeò vt quod ad historiam attinet ( ne Plinij , aut Alberti , aut Cornelij Agrippæ , aut Agyrtarum fabulas commemorem ) vnus ego penè totam hanc artem inuenerim , non quidem speciatim singula experimenta commemorando , sed meo more generalia præcepta pro tota arte ac disciplina constituendo. Porro alterius partis tractationem satis pulchrè absoluit Aristoteles : nos plura addidimus : & quæ deficere videbantur , vt veritas notior esset , supplementum aliqua , in quibus nimis cupidè antiquos sectatus est , in melius commutantes. Vtilitas autem quæ ex magia habetur , quanta nulla alia : est enim artium ars suprema , disciplinarum moralium præstantissima : sed cui non sint falsa vlla experimenta immiscenda : ipsius verò scientiæ sola cognitio ad diuina nos rapit , fructu non exiguo : sicut fabulosa ad impietatem , contemptum , deceptionem , paupertatemque : velut & Chymica : scientia verò per se sola nos exercet in profundissimis contemplationibus , causarumque abditarum inuentionibus , iudicio plusquam humano.

Somniorum prædicendi ars quatuor habet partes : generalem interpretandi rationem , modum in singulis , & significata propria , distinctionemque specierum. Hoc enim somnium vni significabit opes , alij inimicos , alij interitum , alij liberationem. Generalis interpretandi ratio causam docet somniorum cur hæc significant. De omnibus his nos tractauimus in libris de Somniis. Vtilitas est euidentis , sed non adeò certa. Exercitatio mentis , in coniecturali genere.

Ratio gubernandæ Reipublicæ in libris de Arcanis æternitatis explicata est. Vsus priuato nullus , sed vt intelligat quæ aliter intelligere non posset : & quamvis pauper sit , non videatur plebeius homo : hinc ad altiores gradus pateat ascensus , vitæque pericula , non in simplicitate confusus , aut virtute. Quod si fortuna eum altius extulerit , & gratiam principum fuerit consecutus , aut in Republica locum , intelliget quibus modis retinere possit dignitatem , aut rectè consulere Reipublicæ. Plerisque enim potentiorum & procerum persuasum est , non posse regi Rempublicam rectè : nisi dolo , ambitione , crudelitate , iniustitia , impietateque regatur. Id non tam rei ipsius natura contingit , quàm ministrorum & dominantium igno-

rantia , desidia , auaritiæque. Dicitur autem de his post.

Nunc verò ad diuisionem accedamus politicæ disciplinæ , cuius sunt partes quatuor : administratio popularis , optimatum , regia , & belli gerendi ratio. Adeò autem patent singulæ harum , vt sint penè infinitæ. Egimus , sed non vt oportuit , in tertio libro de Sapientia etiam. Cæterum omnis hæc consideratio debet comparari ad seipsos , vt in vnum coeant ad naturalem necessitatem , vt agri colantur ; aer sit salubris : & ad externos , vt tuti sint ab hostibus , Aristoteles octo libros Politicorum in hoc argumento scripsit : sed minus tamen sufficienter quàm oportuit. Multo minus Plato : non enim visum fuit tenere veram rationem gubernandæ Reipublicæ , sed non mirum : nihil enim difficilius est , quàm concordiam retinere : quòd , si homines sint militares , nolunt superioribus parère : si enerves , exanimas Rempublicam , si infelicitè cedant bella , periculum est ab externis : si feliciter , quis insolentes comprimet ? Si æqualitas est , parère nolunt : si inæqualitas , oderunt quibus inuident. Paupertas despicitur , & ad bella gerenda impedita est : diuitiæ efficiunt luxum : contigit hoc , vt reor : quoniam humanum regnum in præcipiti circulo perpetuo reuoluitur , nec stare potest.

Morum institutio , quod ad contemplationem attinet , puerum à diuinitate sumit exemplum : quod ad vsum , nulla potest dari certa ratio , nisi in bene instituto regno aut Republica. Dixi enim quales sint qui imperant aliis : nihilominus quatuor præbet semper commoda , incommodis malæ institutæ Reipublicæ potiora : assimilari diuinis , conscientia bona apud se , honestas apud alios , & occasiones damnorum euitare. Partes habet tres : comparisonem ad seipsum , oriturque Ethica : ad domum , domesticosve , fitque æconomica : & ac amicos *philosophia* : neque hæc ad politicum pertinet , neque intima magis est domus gubernatione : sed & de his scripsimus non solum in libris de Sapientia & Consolatione , sed longè locupletius in libris de Vtilitate capienda ex aduersis.

Superfunt fabulæ ac ludi , quarum inuentio delectat , cognitio ingenium exercet. Et quamuis ludorum essent multa genera , de illo solum egimus quod malum exemplum non præbet. Sunt autem plura quàm quis reputet , de quibus in libris de Vtilitate capienda ex aduersis locuti sumus.

Fabularum autem quadruplex genus : simplex , & mystica , & parabola , & historica. Simplex est , cum per ea quæ esse non possunt , aut absurda sunt , aliquid significamus : vt si statua loquatur , aut homo statuam alloquatur. Historica differt à parabola : non adornatur , & tota in significatum conuersa est : historica verò , fabulam historiæ similem efficere nititur. Mystica autem , arcana continet , aut præsentia , aut etiam futura. Sed & de omnibus his egimus peculiari libro.

Iam ergo licet , à nobis expleta esse omnia argumenta disciplinarum , vt quæ defecerint , restituerim : atque ea ratione condidisse libros omnes , quibus quod deficeret in omnibus artibus ,



artibus, supplerem: nec abundasse nimium non necessaria scribendo, nec defecisse necessaria omittendo. Verum dices, quid ergo superest aliis? Eò tendebat oratio nostra, ut tria hæc doceremus: primum quidem, nos maximum emolumentum attulisse rei literariæ, omnium principia inueniendo, quæ nondum inuenta essent, atque docendo: Secundum, superesse tamen infinitam adscribendum aliis materiam: Tertium, scripta ab aliis non obfutura nostræ gloriæ, sed profutura: nec nostra vicissim illis futura impedimento, sed auxilio, & adscribendum facilius & ornatus, maioræque cum arte: tum etiam ut scripta magis legantur, maioræque cum auctoritate. Ut ergo hæc ita se habere constet, vnde cum esse genera scribendi oportet scire: Traditionem seu Artem, Expositionem, Historiam, Poësim, Laudationem seu vituperationem, Paraphrasim, Castigationem, Scholia, Dialogos, Epistolas, Fabulas. De tribus primis generibus iam superius diximus: de quarto, Horatius in Poëtica: de quinto, Cicero qui de his tam ludente regunt, ut non ausim, ne vel verbum quidem addere licuerit Quintiliano. Nunc de aliis, quia necessarium esse existimo, agamus. In paraphrasi, breuiter quæ dicta sunt, clare explicari solent. Castigantur errata vel auctoris, vel librarij: vel quæ bona mente scripta sunt, sed non rectè significata, aut verbis minus conuenientibus. Dialogos omnes scribunt, putantque licere, ut etiam Epistolas medicamque artem hoc vitioso scribendi genere replerint. Quoties res obscura est, difficilis, nec vno continuo dicendi genere potest narrari, sed est implicata, reflexa in se, & quasi circumuoluta, postulat dialogo explicari. Tum personarum, loci, temporisque habenda est ratio: nec gloriæ cuiusquam adeò addictum esse oportet, ut argumento rei noceas. Nec ibi, quod multi stulti faciunt, te sub alterius persona laudes, arbitratus ab alio laudari: puerile admodum commentum. Scribunt dialogos: quia facilius est scribere: at non animaduertunt, non tam querendum ut facile, quam ut bene & rectè ornateque scribas. Solum ergo dialogi in his quæ ad mores pertinent, & ad Theologiam, inuentionemque principiorum, sermonemque familiaritatem spectant, decorem suum retinent: in docendo artes, minimè conueniunt. Neque etiam in istis semper: sed oportet non ociosum esse, non verbosum, non iniustæ causæ fauentem, ut vincas, cum vinci te oporteat. Sed omnes pro viribus adnitantur. Plato & Cicero præcellunt in hoc dicendi genere: ad quod, non ut alia fugerent, se contulerunt, sed quia hoc præ cæteris præstare existimant.

Lucianus verò hoc ipsum amplexus est: quoniam in nullo alio pollebat: quomobrem nec in hoc ipso præstitit quod debuit. Dialogorum duæ sunt species: vna in qua personæ nomen præponitur semper: ut apud Poëtas, Comædos, Tragædosque, Sophoclem, Euripidem, Aristophanem, Plautum, Terentium, Senecam: tum etiam apud Platonem & Lucianum. Aliud tanto elegantius, quanto difficilius, vbi per sermonem continuantur: ut apud Ciceronem in plerisque Phi-

losophiæ libris, quanquam in Tusculanis hunc rigorem non tenuerit.

Epistolarum etiam laxius genus, quod turpiter à culina (ut dici solet) in sacrum transfertur. Epistolis enim narrari debent domestica facta, fortuiti casus opiniones, vota & studia hominum non scientiæ explicari. At scientias artesque Epistolis recondere velle, est gemmam luto intrudere. Sed nec sic norunt decus scribendarum Epistolarum, adeò ut Erasmus, qui leges huic negotio præscripsit, turpissimas ipse reliquerit. Ergo cum parua sit res Epistola, & minimi artificij, eo cultior & siue munda omnino esse debet. Non sit ex argumento ficto, neque toto, neque in parte, sed vèro. Vix licebit rectè Epistolam texere, nisi res ipsa animum moueat. Nec velis ex argumento paruo longam condere Epistolam: ex longo licet magis contrahere. Sit clara, quantum cui scribitur necesse est: paulò enim obscurior, laudabilior est omnino eneruata. Breuitatem Symmachi effugas: non decet nisi eos qui imperant, cum ad subditos scribunt. Cum ad principes scribimus, sit breuissima, quantum potest esse ut sit clarissima: & clarissima, quantum potest esse ut sit breuissima. Longis nullus est locus, nisi in defensione causæ suæ: aut narratione facti quod ad eum spectat ad quem scribitur: vel cum iocosa est omnino, & qualiscunque delectare potest: cumque ad suos, qui procul absunt, scribitur: vel instruitur filius, ut Laurentij Medices ad Ioannem qui postmodum summus Pontifex creatus est. Vtrumque extremum, vbi suspicio cadere possit & prolixitatis & breuitatis, contemptum demonstrant. Disponatur series rei gestæ antequam Epistola scribatur, ut velut in pictura partes narrationis gestæ rei in omnibus & ordine, respondeant. Sic enim obscuritatem effugies, & repetitionem. Eligas argumentum nobile, non de quacunque re cuique scribendum: & verba splendida & culta: disponasque sic, ut in sensu ob verba nihil redundet, neque deficiat. Vbi periculum sit ne non intelligaris, non piget addidisse verbum, ut ambiguitatem tollas: melius est orationis gratiam vitare, quam sensum. Omnino caueas, ne non perplexum amicum reddas: nisi timeas, ne non in manus inimicorum incidat. Vbi breue sit nimis argumentum rei, & tamen scribere cogaris, ne videaris breuitate amicum contemnere, non aliorum more addas verba illa communia ut chartam impleas: sed diuiso argumento in partes, illas exornando sine vitio mediocritatem imitaberis. In seriis, & maxime quæ ad illum pertinent, huius decoris ne sis sollicitus. In vniuersum habenda est ratio argumenti, rei, personæ, & quam illi sis familiaris & amicus, loci, temporis, opportunitatisque. Similiter & fabularum inuentio, narratioque, quamuis leuissima res videatur, non quinque decet: sed de his in proœmio diximus.

Cum ergo præter fabulas decem sint modi scribendi, argumenta verò præstantiorum rerum ac notabiliorum generalia centum sexaginta duo, fient libri mille sexcenti atque viginti. Fac ergo ut nos cum antiquis ducen-



tos scripserimus, quot adhuc argumenta illibata manent? at quot historiae sub vno argumento continentur? quot membra propria in singulis generalibus. Dicam autem exemplum, in Castigationibus Francisci Massarij in nonum Plinij librum, quas eruditus quisque libentissime legat: at in quot libros tum Plinij tum aliorum veterum huiusmodi labores iuste desiderari possunt? Scholia similiter, de quibus non diximus, quibus obscura brevissime declarantur, suppleant quae deficiunt, corrigunt errata librorum, quis non libenter legat? qualia Gabrielis Humelbergi in Apitium. Quis ergo paraphrasim breuem in Galeni prolixitate refutet? quis in Hippocratis breuitatem commentaria? quis in vtrisque aut Castigationes, aut Scholia? quin potius vnum propter aliud legat, commentaria vt Hippocratem intelligat, Hippocratem propter commentaria: quia intelligere posse sperat? nonne altervter gloriae alterius fauebit? eo igitur consilio tot & tanta scripsi, & vt alij scribant adhortor, docuique scribendi modum qualis esse debeat.

Cæterum, vt dixi, nostra non obfutura esse aliorum laboribus sed magis profutura: ita maxime quoddam genus hominum auersari debemus, qui nos Aristotele & Galeno iubent esse contentos: totamque machinam hanc, totque arcana sapientiae duorum hominum, qui nec se totos studiis disciplinarum tradiderunt, arbitrio committunt. Rem sane intolerandam, & mortalium generi perniciosissimam. Finge primum, neutrum illorum errasse in principiis: quandoquidem hoc tamen necesse sit eo argumento quod alter alteri contradicat, quam parum longe ab ipsis principiis processerunt? perinde est igitur, ac si quis in Geometria iubeat nos consistere in trianguli æquilateri constructione, omnia alia tum Problemata tum Theoremata negligat: quæ insania, quæ furiae sunt hæc? Aristoteles tradidit Philosophiae principia, & rectè: modò admittatur, in ipsis consistam; non curabo an alia sint, quot & quanta ex his deduci queant? Galenus scripsit Elementa Medicinæ: ego non plus procedam, omitto quod stultè acquiescam? Sapientiam Dei infinitam, duorum ambitiosorum virorum ineptiis definiam? Ineptias non appello ad meam aut tuam doctrinam comparata, sed ad Dei, sed ad naturæ arcana: homines velim admirari: tradiderunt illi aliquot fundamenta: sit ita, non vlla alia quaeram? neque de his, si satis firma sint? demum ex omnibus qualem fructum possim colligere? Quid, quod turpius est, in eiusdem rei determinatione non pudet simul contrarias sequi sententias, easque pro principiis habere? tanquam idem possit esse & non esse, quod duo clari viri diuersa sentiant. O plusquam improbam hominum vecordiam atque pertinaciam! Quid hoc est? Quoniam magis diligunt existimationem & pecuniosas, quam veritatem: magis timent superari, aut mutare sententiam, quam falsa credere & docere, & pessumdare sapientiam & mortalium commoda. Videas quam parum doctrinae hæc duæ, adeò cultæ, adeò splendidae,

cum tot præmiis professoribus additis, creuerint: ne dicam imminutas esse, vt illorum ætate ad hanc vsque, quum Geometria & Astronomia, longè commodis humanis minus aptæ, nullis præmiis aut fauoribus principum adiutæ, fermè ad culmen humani ingenij auctæ sint. Quæ horum causa? nisi peruiacacia, pertinacia, impudentiæque professorum & expositorum qui cum duos homines, duos faciant Deos, & vera & falsa tuentur: & quæ ne somniant quidem, mordicus tenent illos dixisse: & in quibus errasse conuincuntur, ipsa potius negare experimenta, quam illorum fateri ignorantiam. Sic factum est, vt etiam in eisdem hæreamus, in quibus etiam illorum ætate homines hærebant: nec tot annorum cursum quicquam profuisse putemus ad detegenda naturæ arcana: sic vix retinemus impressionis & bellicarum machinarum & artis nauigandi vsum: atque id meritò, quod in homines Philosophiæ ignaros incidunt. Nam existimo, si cura etiam horum cupiam Philosopho demandata esset, perdenda potius fuisse, quam perdendum iniquum dogma. At ista ob euidentem vtilitatem, & maximam, ab idiotis seruata sunt: quanta verò perierunt ab his infidis Peripateticis? alia etiā Galenicis Medicis commissa, quod non adeò vtilia vñbus hominum viderentur, nec commissa idiotarum custodiæ. Adhuc disceptant, an necesse sit semen foeminæ ad generationem concurrere: ita sit, vt necesse sit semen foeminæ in generatione foetus concurrere, & non sit necesse. O pulchrum dogma, & dignum talibus auctoribus, ac tanta sapientia! at, Nescimus, dicetis: neque ergo pudeat dicere, Nescimus: non ego Aristotelem & Galenum despicio, sed suspicio: nolim tamen in eorum inuentis, tanquam in Dei sapientia, in absoluta rerum cognitione quiescere: nolim vos plus credere illorum auctoritati, quam experimentis: nolim magis fidere eorum dictis, quam his quæ demonstrationibus contraria eorum sententiæ conuincuntur. Dabo exemplum vnum fermè vtrique commune ex 2. lib. nostro de Sanitate tuenda. Aristoteles oleum, succum, vinum, aquamque cognouit: Galenus, præter id etiam succi alterius speciem, quæ lacti similis videtur, tum mucosum. Multa nugantur, nullus illorum rationem explicat, qua in re inter se differant, ita vt primum quid vnicuique ex his conueniat, & cur quæque inuicem esse possint aut non possint: velut oleum & vinum simul esse non possunt, vinum & aqua possunt: inde inuentis principiis, qualia hæc sint quæ proprietates tum in ipsis tum in comparatione ad nos exurgant: cur vinum vuarum seruari possit, mororum non possit: an verò hæc toto genere differant, an iuxta perfectionem & imperfectionem: velut vinum & omphacium, oleum & mucosus succus? Hæc atque huiusmodi scire, scire verè est. Quanam scientia est, dicere horæos fructus corrumpi, quod humida sint substantia aut febres generare? cur aqua, cum sit humidior, febrem non generat quadruplo sub pondere epota: succus pomorum facile generat? cur cerasa celerius corrumpuntur ficibus, cum sint longè tamen duriora? Itaque operam dare oportet, vt alia principia multo



multo profundius recondita inueniamus, & inuenta ab his ad trutinam reuocemus: aliquot enim falsa sunt, plura malè intellecta ea omnia excolamus, vltraque procedentes amplificemus disciplinas ipsas, atque augeamus, quemadmodum & Archimedes & Appollonius suam Geometriam: neque enim parum est quod adiici potest, sed ad millectuplum & vltra procedere poterit: adeò exigua est portio qui inuenta sunt ab his quæ non artes ipsas inuenerunt, sed propriæ ambitioni consulentes, modum quærentibus & inuenientibus imposuere. Nam & Philosophia ante Aristotelem magnum & assiduum suscipiebat incrementum, & Medicina ante Galenum: post hos homines cessarunt mortales vterius querere: nec tantum profuere quæ illi addiderunt præter antiquos in his disciplinis, quantum nocuerunt plura bene inuenta corrumpendo, quòd suis illis principiis parum (vt puto) congruerent, & posteros ab inuentione deterrendo. Cum enim has artes ad normam quandam, quam methodum vocant, reuocassent: plerique mortalium, quos facilitas & breuitas magis mouent quam locuples & profunda scientia, his contenti, alios deteruere ab vltiori inquisitione atque inuentione: existimantes inuentionem primò dubiam: deinde etiam si bene cederet, mortales eorum lectionem, si traderentur, ob laboris tedium & iudicium anceps aspernaturus: nos verò speramus ipsos pulchritudine rei motos, ac utilitatis spe euidenti propolita, multo plura singulis disciplinis adiecturos, quamquam à nobis inuenta repererint. Hoc enim habet veritas, vt detecta tandem temporis auxilio emergat, falsis obrutis. Ob id conati sunt hi viri multa suppressere, ne in infinitum humana scientia augeretur: plus ambitioni propriæ consulentes, quam posterorum vtilitati. Causam huius erroris humanæ præbueret disciplinæ, cum multi eo exemplo ducantur: nam in eis finis quidam videatur impositus, velut in Rhetorica. Sed res secus se habet. Etenim si Rhetoricam in infinitum coheris extendere, non solum non augebis, sed corumpes quæ iam bene inuenta sunt: & adeò difficilem reddes, vt nemo eam possit assequi, & illius vsum etiam inutilem reddes: nam nemo tantam subtilitatem deprehendere poterit. Hoc autem continget: quoniam eius artis limites angusto spacio concluduntur. At in Philosophia & Medicina secus est: limites enim nullos penè habent, & spaciis rebusque infinitis parent. Quamobrè dolosi sunt atque improbi viri, qui breuia sectantur, simulantque ac persuadere conantur se paucis artem docere posse: necesse est plura didicisse, non pauca, qui plura scire vult: & plura scire necesse est rursus in arte, qui vult vt decet opitulari languentibus. Quot amissa sunt circa artem curandi, quæ nota erant tempore Hippocratis: hæc fuit præclara illa doctrina Galeni, quæ non solum bene inuentis quicquam non addidit, sed multa ac maximè necessaria inuenta ab Hippocrate prætermisit, quemadmodum dissectionem in empyemate, exustionem in tabificis, vitionem in iecoris tumoribus, perfo-

Tom. I.

rationem cranei in aqua cerebri, extractionem lapidis renum per sectionem, extractionem aquæ intercutis (quam licet exerceant hodie, non tamen ea est quæ Hippocratis tempore habebatur, cum omnes pereant, olim multi seruarentur) sectionem supra oculum in suffusione: multaque alia pulcherrima, & maximè necessaria. At nostri temporis viri ex eodem in idem se reuoluentes, gloriantur de prudentia & sapientia, qua miseros ægros qui se suæ fidei committunt, perimunt: atque adeò turpiter, vt vix è pluribus vnus aut alter, excarnificatus etiam euadat. Itaque parum iam hæc gloriosa methodus ab illa antiqua, quam Galenus meritò infectatur, abest: adeò vt fermè præstiterit non esse, vt quæ imperfecta sit, & ansam his improbis præbeat fugiendorum laborum, spernendi sapientiam, contradicendi nouis vtilibus inuentis, atque (vt vno verbo explicem) artes & disciplinas destruendi. Et cum Galenum adeò & Aristotelem præferant, nihil est in illis non maximè ab illorum vita, studiis atque præceptis alienum. Falsi, imperiti, rudes, osiores veritatis, ambitiosi, auari, iniusti, crudeles, perfidi: vt quoties occorro his viris (quotidie autem occorro) vel huiusmodi virorum fucatam lego aliquot paginis doctrinam hinc inde furto subreptam ac confarcinatam, suppresso etiam nomine eorum à quibus subriperint, libeat exclamare: O genus hominum pessimum, cur non te iustius forsitan terra absorbeat quàm Datham & Abiron? quoniam audes in publicum prodire, & tui meliores spernare ac irridere? conscij vobis ipsis vestræ imperitiæ & scelerum? Sed redeo vnde digressus sum. Spero equidem, cum tot aduersis etiam detectis nostra opera, tot rerum principiis arcanisque speciosis & humano generi vtilibus eiectis qui ad pulcherrima inuenta viam obsepiunt, atque aditum, venturos homines veri amantes, qui etiam naturalem scientiam amplificent, colant, orment, in immensumque augeant: cogantque vel rerum necessitate, vel edictis principum, magis pluribus, magisque arduis & artificiosis methodis humanis commodis consulere: & vt non fraudare illos debita laude, quòd ad bonas artes nos adhortati sunt, decet: ita nec omnia præter iustum tribuere, qui plus sibi quàm nobis consuluerunt.

Quod si cui inanes hi labores videri possint, quòd scripta multis subiiciantur casibus: non tamen metuendum est vt libri pereant. Tria enim sunt quæ vecordia mortalium, perire sinentium bonas artes ac scripta, obstant: Rerum ipsarum inuentio, velut Medicinæ, quam necesse est constare scriptis, quòd ars sit necessaria: ideò culta, & longa, ob id vt sensim augeatur, postulat Religio, quæ caeremonias scriptis mandari vult, vt conseruentur: Et principum studia, qui famam, gesta, vitam historiis consecrari cupiunt: his tribus tanquam principiis, res literaria constat.

Reliquum est tandem vt doceamus, curam esse Deo horum mortalium, & cur & quomodo, quod ab initio polliciti sumus. Nam si Xenophon seruatis est à superstitione



sis diis, quanto magis & nos? Quod si regnum humanum sibi relinqueretur, deficeret mortalium genus. Sed cum ad extremum peruentum fuerit, dissoluta tyrannide, ut etiam Moses insinuat in inundatione orbis, redigitur humanum genus ad paucissimos: hi recuperata libertate, edocti prioribus malis, iuste viuunt. At non decuit Deum violare regnum naturæ atque humanum, vim causis inferendo: quando tam facile mutata opinione nostra, potest nos eripere, ab hostibus vel inuitis, aut hæsitantibus obicere. Postquam igitur hypomochium (ut dici solet) manu retinet, id est animum, si illum circumagendo parum non vult nos eripere à malis, cur vis ut confusis omnium rerum ordinibus eripiat? Memini me, quod aliàs etiam narraui, cum in via essem, quæ ad Orientalem portam ducebat, nullo consilio, nulla causa ad aliam partem transisse viæ, dicens mecum: Hoc volo agere, cur id agam

nescio. Cecidit interim à parte qua discesseram antè, quantum lata erat via, tantum cementi, ut octo boues occidere potuisset, ab altissima fenestra, quæ prope tectum erat. Itaque si Deus hoc paruo consilio me seruare potuit, cur erat ut me sineret procedere, & tanti ponderis postmodum ictum irritum faceret? Nihil vulgare agit Deus: sed tam paruo negotio nos & in foueam & regna deducit, & casura abducit. Principium enim omnium in nobis mens. Id ego non fortuna accidisse puto, quodd. cum à pueritia' ferme quotidie ad hunc diem vsque sanitatem, sapientiam, & vitæ diuturnitatem petierim à Deo: sanitatem certò præter spem consecutus sum, de vitæ diuturnitate in magna spe sum, de Sapientia alij iudicabunt. Regna igitur omnia, sed non ut remur, diuino subiciuntur, ut sine metu cuncta quæ possunt, agant: ipse verò Deus, quem velit, illis nescientibus eripiat.

*Finis librorum de Libris propriis.*







# DE SOCRATIS STVDIO.

**S**I vnquam vlla in causa contradici mihi atque accusari mortalisque vniuersos ne in me concitare metuere debui, nun sane metuendum esse intelligo. Vt qui hominem infontem, infelicem, miserum, iam penè duobus ab hinc annorum milibus extinctum, singulà virtute præditum, Philosophiæ auctorem, tot sapientum magistrum, omnium scriptorum iudicio celebratū, collaudatum à Deo, atque ab eodem vindicatum publica peste, ab infamibus viris accusatum, à iudicibus iratis ac peierantibus iniuste damnatum, iterum occidere tentauerim. Factum stultum contra vmbas luctari, crudele & inhumanum toties scuire in miserum, impium denique pro tot meritis talem illi gratiā reddere. Quod si in irritum res cædat, cui bono hic labor cum maxima infamia coniunctus? Sin hæc legent multi, & approbant, quis nam iam locus bonis? quod genus vitæ, quæ virtus tanta esse poterit? cum Socratem tamquam pessimum virum habituri sint mortales? Neronem verò vt optimum Principem collaudaturi? Hæc enim sunt artium immoderate quædam ostentationes ad delusiones, præstigiæque potius quam orationes quibus fidem adhibere conueniat. Illud etiam admiratione dignum est omnino. Quod vnum hominem atque eum si non optimum saltem bonū tot sæculis iam mortuum persequi totis viribus studeam, in eum omnem dicendum, omnia tela intendam, quorsum ista? At non tam abiecta est hæc vt credunt plerique, aut inutilis accusatio? nam non tantum Socrates in hoc iudicio concidet, sed cum eo omnes fucati viri, omnes imperiti doctores, omnes vanæ sapientiæ professores, omnes simulatores cum hoc vno euerterentur. Et qui quod optimum est omnibus bonis viris aut eruditis adueriantur. An non hoc egregium lucrū est mundum cūuersum à tot erroribus liberare bonos enechere, & sapientes, prauos, & imperire, studiosos disciplinarum accendere, & alacres reddere ipsas artes atque scientias in vsum reducere? splendorem vitæ mortalibus, famam, beatitudinem, atque diniorum consuetudinem adicere? Quamobrem valeat Socrates quem mortuum non occidimus, sed homines à falsa de illo opinione merito liberare cupimus. An propter Græculum vnum, ambitiosum atque mendacem decet, nos in perpetuis erroribus viuere? summam fœlicitatem huius non solum sed futuræ vitæ amittere? Homo fuit, errare potuit, hoc satis est. Homo fuit, fallere consuevit, hoc etiam satis est. Homo fuit, Græcus leuis, inconstans, ambitiosus,

mendax, & hoc satis esse debet. Si meritò accuso, cur est quod reprehendar? si immeritò, nullam pœnam neque Talionis neque maiorem recuso. Non ego Socratem in iudicium voco, non famæ detraho, nam si probus fuit hæc irrita accusatio illius famam augebit, si improbus, non est illius vlla gloria, sed inanis gloria, nec queri quisquam debet alieno spoliari. Probatum fuit Dei iudicio, de hoc videbimus. Nemo ante me illum damnauit: imò nemo sapiens, nemo probus illum approbavit: Aristoteles eum irrisorem, & ambitiosum vocat. At is verè sapiens fuit, Athenæus grauius damnat, Theophrastus, Plotinus, Ptolemæus cæterique verè sapientes illum non laudauere, aut quicumque laudauere sententias potius quam hominem laudarunt. Itaque iam omnia ex causa merito pendent, si bonus fuit. Socrates, si sancta Philosophiæ suæ præcepta. Ego damnari debeo, & criminis reus sum, si malus, si mortalium generi inutilis, nō video cur mihi mortales gratias atque etiam magnas habere non debeant. Sed iam causas necessitatis aperiam, inde accusationis capita. Dehortatur Socrates mortales ab omnium disciplinarum studio, auertitque nos ab optimo opere: ille idem suadet, vt morali disciplinæ incumbamus, hoc inane, nam voluntate potius quam scientia optimus quisque euadit. Necesse est igitur aut nos deserere disciplinas, aut Socratem, quod nam iustius sit omnium iudicio qui vel homines se esse norint relinquere. Capita autem accusationis hæc sunt: Socratem mortalium generi plurimum his documentis, atque exemplis obfuisse. Socratem callidè non simpliciter homines à studiis liberalium artium dehortatum fuisse. Socratis vitam non pro exemplo habendam, sed plenam inani gloria, vanis concertationibus, actionibus inutilibus. Socratem omnibus eruditis bellum internecinum indixisse. Socratis imitatores, & discipulos qui in Republica versati sunt, pessimos euasisse. Nec si omnino iuste damnandus est Socrates, ob id iuste accusatum dico, neque etiam iuste damnatum. Potuit enim alius esse animus postquam & demon seu Deus inquit illi, fauisse visus est. Vt verò iustissime dānatus fuerit, neq; tamen iustam ob causam cum neque filios corrumpere alienos, dicēs sibi magis quam patribus auscultandum, neque quod deos alios introduceret. Hoc enim etsi fecisset, iuste fecisset, tum tamen non fecerit, neque impium est, si quis medico pro salute magis quam patri, & exercitus duci pro bello gerendo erectat. Quod etsi damnatio iusta fuisset, & iustas habuisset causas, non tamen ob id iuste ab illis accusa-



batur, quos constabat scelestos fuisse, & eum quanto melior extitisset tanto acrius fuisse infectaturos. Imò ob id illum accusarunt quodd optimum esse existimarent, sic ille commento suo periit.

Primum igitur id demonstrandum arbitror non esse mendacium vtile hominibus neque decorum. Cum enim tres sint Mundi: infimus animalium & stirpium, expertium doli atque mendacii: viuunt enim lege naturæ, & supremus beatarum substantiarum quæ in ipsa veritate collucet, solus hic medius vanitatis ac falsitatis sedes est. A quo si mendaciū auferre liceret magnam cum supremo mundo similitudinem haberet, nam & sapientia, & intelligentia, & ordo, & Deorum cultus, & amor immortalitatis, multaque alia ad similitudinem vtriusque mundi immortalis, scilicet corporei, atque incorporei in hoc splendent. Verum à mendacio, & falsitate coinquinatur, & foedatur. Quid enim primum est iniustitia quam mendacii ramus? Peierant iudices, & quod vni debetur alteri adiudicatur. Deceptiones omnes, insidiæ, ingratitude, immerita, & præcepta præmia omnia partes sunt falsitatis atque mendacii. Ille cum sit imperitus, periti opinione occupat munera apud vulgus, quæ perito debentur. Ille proficitur mille coronatis cum nec ceterum promereatur: at è diuerso alius cum mille dignus sit, vix quingentos consequi potest. Vnde hæc? nonne omnia mendacii facta sunt. Medicus ille ex leuibus morbis magnos efficit, ex mediocribus omnes perire finit, & lucratur, & à principibus in precio habetur. At ille alius cum plures curet, rectè prædicat eruditior longè sit, vix habet qui se fidei suæ credere velit. Vnde hoc? à mendacio. Pharmacopola, seplasiarius, qui omnes decipit prædiues sit: ille alius cum neminem decipere velit, esurit. Vnde hoc? mendacii fructus hic est, denique ne cogar per omnia pertransire, mendacium omnium malorum auctor est, & origo, & causa infelicitatis totius humanæ. Quid aulas, & cum ipsis Reges ac tyrannos perdit nisi mendaciū? laudatur inutilis, deprimatur strenuus, insidiator pro fido, fidus pro insidiatore habetur, non hæc exemplis indigent cum segete in vere hoc sit frequentius, adeoque vulgatum, vt etiam qui emerita virtute aliquid consequuntur cogantur tamen mendaciis quod consequuntur debere. Quid oratores impij decipientes populos, consiliarij reges? omnia in perditionem ac exitium ob minimū emolumentum, & quanquam nullum sed ambitionis solius causa, Christus cum Cacodæmonem qualis esset descripsit, non auarum, impium, crudelem ambitiosum, inuidum, ingratumve appellauit, sed mendacii patrem: quasi quod hoc vno omnia flagitia continerentur. Cogita si mendacium omne abesset qualis esset vita mortalium, certè diuorum puritati simillima. At mendacio prorsus omnia eueruntur, boni, strenui, sapientes opprimuntur: mali, inertes, imperiti, atque imprudentes euehuntur, erroris causa est mendacium, veritas. Sapientiæ mendacio omnia confunduntur, conturbantur, & infirma redduntur. Nihil tam inhumanum quam mendacium, cum tamen homini proprium sit, Reges feruntur esse ve-

ridici quod sine hac virtute regno indigni esse videantur. Dij si quid aliud veridici maxime sunt. Mendacium aut exitium quoddam est, aut ab exitiali quodam monstro proficitur. Quamobrem ciuitates quæ Rethoribus studuerunt, ab ipsis omnes in perniciem actæ sunt. Demosthenes Athenas perdidit, Aratus Acheos, Cicero Romanos. Si nil aliud vos hortatur aut suadere potest, hoc vnum considerate quid boni afferre possit mendacium atque deceptio: etiam qui ex deceptione viuunt, si ipsi mutuo se decipiant breui ars cum artificibus perit. Est autem mendacii duplex genus, quod verbo & quod gestu exprimitur. Nihil interest vtrouis fallas. Sed licet imperitos quémque gestu fallere: Cæteros nullo modo. Si igitur mendacium omnium malorum in humanis causa est omnis erroris, flagitij, sceleris, eos qui docent homines mentiri, quique fallere conantur, seu verbo, seu specie, seu moribus, nonne palam est pessimos esse: atque eo deteriores quanto plures vel doctrina, vel exemplo tales esse docuerint. Quid ergo si Socratem mendacium introduxisse, laudasse, docuisse verbo, exemplo, imitatione, ostendero, an non dicemus illum pessimum fuisse virum, ac de humano toto genere pessimè meritum. Vt qui latente veneno omnia illius bona perdidit. Primum ergo quæro an sapiens esset annon? si non cur laudatus pro sapientissimo ab Apolline? cur cum omnibus sapientibus disputabat? cur omnes irridebat? Si sapiens fuit, cur hoc toties in ore iactabat, se hoc vnum scire quod nihil sciret. At ô præclaram sapientiam, quæ cum omnibus pueris communis est. Sed quia dictum est à Socrate aureum dictum, aurea sententia est. Sed & omnes ironiæ usum affirmant, at hæc mendacii pars est non obscura: in re dico, non in verbo. Quid si aliquis peritus Latinarum literarum, tanquam omnino ignarus earum quempiam ad-eat, illumque exploret, loqui iubeat, colligat errores eius, solercismos, barbarismos, incomptè, parum latinè, ruditer inconcinnèque prolata, an non hic pessimus explorator erit, & improbus sycophanta, dignusque vt non verbis sed verberibus ac plagis mulsetur.

Quorsum hæc ironiæ? hæc dissimulationes, si bonus liberè loqueretur, si non liberè loqui voluit, malitiosus, & improbus fuit. Nonne Christi præceptū est: sit responsio vestra, sic & nō. Hæc vera, hæc sancta Philosophia, quorsū tot ambages? qualis disciplina exemplaris ad erudiendum populos? quem cum viderent, ob id sapientem existimari, quodd ambagibus, ironia irrisionèque vteretur, omnes cupiebant ea ratione videri esse sapientes. Sed quæ sapientia quam coriarij opificesque conscriptis libris mandabant literis: Simon Glauco Phedoque sordidis cum manibus. Si sapientia fuit quare prophanauit eam? ac quasi virginem populis conculcandam, & irridendam tradidit? si nulla erat sapientia, cur sapientis nomen disputando aucupabatur? Sed quales iudices? populus scilicet altercationum arbiter. Vnde Horatius sic illum repudiavit dicens.

*Odi prophanum vulgus & arceo.*

O Socratis calliditatem & haud ingenuam vitam ac mores tantoque viro dignos. Præcepta sapientiæ docere populos non solum licet,



licet, sed etiam expedit, quandoquidem sine ipsis vivere autem saltem commodè viuere, non possunt, at sapientiam docere tentare aut insipientis est si sperat, aut improbi si non sperat, sed simulat, quod sperare nō audeat. Verum hæc minora sunt, illud non potest defendi, sapientiam inter populos disseminatam seditionum, & tumultuum, rebellionum, denique exitij causam certam esse. Neque enim vniquam sapientiam inter populos quisquam disseminare tentauit, absque pessimis successibus numerorumque perniciem. Quid si quis iura ac leges illos docere velit, quot contentiones suscitabit? Idem de religione ac similibus. Qui medicinam communicarunt populis morte digni sunt, nec simplici, eorum enim facto periti Medici acceperunt iudicem populum, ut errare cum illis cogantur, aut si rectè agendo perdurare velint, atque persistere, casus infelices illis tribuantur. Horum igitur omnium hic sanctus vir causa erat. Adde quod negabat disciplinas disci oportere, recitat hoc Xenophon in opere de Dictis ac factis Socratis, quasi hoc præcepto magnam mereretur laudem. O hominem scelestum, & prorsus vita indignum si hæc dixit! Sed omnes id fateri videntur. Vnde etiam illud quod in ore mulierum est, quæ supra nos, nihil ad nos. Sed alius paulò repetenda est res hæc.

Natura nostra, ut dictum est, triplex est: coniuncta stirpibus atque animalibus sensu fruatur, & appetita nutritur, augetur. Membraque cum cæteris animantibus cuncta cōmunia habentur, ut nres, renes, oculos, aures, pedes, pilos, ungues; atque hac parte simplex est, & fraudis expers, quandam tamen solentiam ad sui salutem natura illis indulsit. Altera propria est homini, ratione uti atque reminisci. Vnde etiam peculiaria quedam habet, temperamentum maximè permixtum, & omnibus animalibus simile tum etiam stirpibus. Erectam vero corporis staturam solus habet, & manus, nam cætera animantia quæ erecta sunt, & quæ manum habere videntur, non habent, sed quippiam simile. Gallus enim colli non habet, sed regione crurum, nec ceruicæ, aut simis erecti diu ambulare possunt. Mulcens vero manus in his non sunt, velut in homine. Neque pollex in simis, & similibus è regione aliorum positus est. Hac parte Homo animal est prudentissimum, & ab omni arte apertissimum. Sed iuncta priuatione mendacio, scilicet ex artifice & civili transiit in latronem, & tyrannum. Nec habet quæ se ab improbitate tueatur aut respiciat, namque ab infirmitate anima ad voluptates, iram, libidinem inconstantiamque trahitur. Ratio ostendit necessarias esse his omnibus opes, ideoque suadet: ut quouis modo illas sibi comparat. At nihil apertius fraude, dolo, atque huiusmodi, nō ergo respicere homo potest beneficio propriæ naturæ, neque inferiori. Tertia pars est toto diuina, qua diuinis iungitur mens, cuius naturalem appetitum voluntatem appellant. Atque cum ea lumen quoddam quo cuncta scire potest, ipsa verò scit, ac quasi recipit sapientiam. In ea sunt scientiæ, Dei cognitio, cognitio principiorum, & æternorum. Hæc sincerus est animus neque fallacia capax aut mediator, sed totus purus, & in

puro alienus ab omni mendacio. Et quo magis hæc pars superior extiterit, rationem ad bene agendum dirigit. Nec credas huiusmodi sapientum vllum improbum, fuisse. Dico illos qui sapientia vera claruere Aristoxenū, Eudoxum, Timocharim, Trismegistum, Ptolemeum, Apollonium Pergeum, Archytam, Archimedeum, Euclidem, Aristotelem, Theophrastum, Hippocratem, Marinum, Plotinum, Eratosthenem, Thebitum, Hipparium, Galenum, Oribasium, Hasen, Thomam Secutum, Albertum Theonem, Alexandrinum Entocium. Illud tamen cogitando nil prohibere quin idem sapiens sit, & malus, sed tum sapiens non erit cum malus erit, aut non malus cum sapiens euaserit. Neque enim ego in iuuenta mihi ipsi similis eram vitæ innocentia, ut nec sapientia in senili ætate. Iam ergo sapientia homines optimi per se euadunt, sapientum vero exemplo cæteri. Quinque enim causis homines boni sunt: natura, lege, institutione, iudicio, & exemplo. Natura quidem mulieres, & pueros, & lege bonos habemus. Et si à viris non corrumpere rentur, ferè huiusmodi omnes boni essent. Atque ita potior pars humani generis quod ad multitudinem attinet, sed tamen nisi viri boni sint, etiam ab his corrumpuntur, & eorum bonitas parum prodest, quoniam in eorum potestate nihil repositum est. Lex autem duplex, humana quæ vi, & diuina, quæ metu homines cogit esse bonos: At legem humanam multa prohibent bonos efficere homines. Primum quod non circa mores sed actiones, neque omnes sed principales versetur. Deinde quod leges plerumque malæ sint, ut non ex malis bonos, sed bonis malos potius efficere queant, tyrannicæ primum, rudes, Barbaræ, omnes ferè ad malos homines efficiendos videntur ordinatæ. Mediolani lex lata fuit, ut si nobilis plebeium occidisset pœna septem librarum tertiorum, id est, besse auri puniretur: In hoc genere sunt, leges Salicæ, & Longobardorum, quibus cædes insontium exigua pecunia redimuntur. Tum multa alia grauius flagitia. Sed & leges non possunt, nisi manifesta crimina punire: at maxima pars eorum indices subterfugit ac latet. Pauci ergo legibus humanis boni euadunt, verum ne laedere possint continentur. Atque id ubi non in gratiosos & potentes dirigantur. Hi enim eas contemnunt. Diuinæ autem metu non continent homines, idè inefficaces fiunt primum vita multorum qui leges ipsas suadent, aliena satis ab instituto: deinde quod admiranda profiteantur. Et quod in agendarum rerum feruore frigeant, habentque multos contradicentes: adeo ut res ad mulieres, pueros, & infirmiores plebis partem relegetur, qui omnes, ut dixi, nisi ab improbis hominibus euertantur, vitam satis honestam ducerent. Institutio plurimum posse videtur, dicente Aristotele: Multum potest educatio, imò plurimum, imò ferè totum. Sed quibus constat educatio atque institutio: præceptis duntaxat non, sed præceptis, consuetudine ac societate: cum ergo Socrates sola præcepta adhiberet, non potuit quenquam efficere bonum, quod etiam suo loco experientia comprobabitur. Minima pars sunt præcepta institutionis, ve-



rum consuetudo, & societas longè plus singula seorsum possunt, quam præcepta. Reliquū est igitur ut statuamus, homines iudicio, & exemplo bonos reddi. Si Rex bonus fiat statim omnes ferme vel etiam sine legibus, aut præmio vllō imitatione boni fiant. Quamobrem saueritas legum parum prodest ad continendos populos in officio, & pietate. Quinimò si tyrannicam agant vitam principes, & magistratus, legibus autem asperis utantur, omnes fient latrones. Et miseram vitam populi agent, in omnem occasionem ad rebellionem propensi. Ut enim pessimum hoc est, ita optimum principem, & magistratus rectè vivere, leges autem mitissimas esse. Si Rex ipse bonus sit, ut Alexander Seuerus, bonos euehet, & magistratibus præponet, quorum exemplo, admiratione, spe statim omnes boni fient. Sed & si Principes, magistratus, potentes, sapientes euadant boni fient, & cum his omnes alij ciues. Optimum igitur modum bonæ institutionis, partem præcipuam felicitatis humanæ diuinum quicquid in nobis erat vnicam spem bonos reddendi ciues Socrates sustulit malitiosèque sustulit.

Sustulisse quidem haud dubium est, nec quisquā inficiatur, sed id malitiosè fecisse forsitan dubitari posset. Id autem ostēdam ex multis: primum quod Socrates omnium disciplinarum esset, prorsus ignarus. Quin etiam refert quod in carcere esset, mansit autem triginta diebus, fabulasque quasdam Æsopi in carmen redigere tentaret, infelicitè & ineptè satis negotium ei successit. Nec quisquam est qui Socratem vllam artem calluisse dicat. Plato enim illi aded addictus de rebus naturalibus dum differeret Timæum Pythagoricum introduxit docentem Mundi generationem, primordia atque constructionem. Ille idem ad Pythagoricos gratia discendi naturalia nauigauit, liberosque quosdam magno precio emit; nauigauit & in Heliopolim Ægypti ut à Chaldaïs naturalia atque diuina condisceret. Xenophon qui illum laudat maxime, nullam tamen ei disciplinarum cognitionem tribuit. Nec discere voluit aut potuit, sed ab aliis inuentam excindere conatus est. Claruere enim viri sapientes ante suam ætatem, & cum eo Thales Milesius, Hippocrates Cous, & ei cœquales Medici clarissimi tres vel quatuor: Anaxagoras, Empedocles, atque Democritus, Archytas Tarentinus, Eudoxus, Parmenides & Melissus, & Alcmeon. Sed Hippocrates, & Alcmeon omnium præstantissimi, quorum nomina Aristoteles etiam veneratur. Non ergo Athenienses odere Philosophos sed prauos Philosophos. Etenim nullum horum damnauerunt, sed Eudoxo etiam statuam æneam cū aurea lingua in porticu dedicarunt. Meminit etiam Aristoteles Calippi, itaque videtur Socrates dehortatus, à Philosophiæ studiis homines quod cum ipse rudis esset, studio talis potius, quam negligentia vel ingenij, defectu esse videri vellet. Vnde illi etiam à Metoposcopo prædictum quod rudis esset. Si enim disciplinas adeptus demonstrasset, illas posset videri ex animo fecisse, at cum nec degustarit, quis dubitare potest, non inuidia id fecisse, ut damnares incognita. At sapientissimus appellatus est ab oraculo: Ita est, & optime, neque

inficior. Sed quo sapientiæ genere, non dixit: constat enim neque in Geometria, neque Musica, nec Astrologia, nec Philosophia naturali nec diuina, nec alia quavis disciplina. In qua ergo arte excelluit: dices morali: Hæc sapientia, ut antea docui, non constat sed voluntate: Benefacere bonis benemerentibus, tum etiam malis, qui aliis nō sunt molesti iustitiam pietatemque seruare, atque huiusmodi, quæ sapientia hæc est, ut Endoxo vel Hippocrati, comparari debeat aut etiam præferri, vis, ut ostendam: sane nec puto inficiaberis, vir lapidarij, & obstetricis filius, humillima ex plebe natus, pauperimus, nullam callens disciplinā, sine literis, qui Reipub. nec consilio nec facto vllō egregio utilis fuit, illis suis nugis, & ficta sanctitate vitæ dum per compita, & fora vagatur mendico similis, nudis pedibus, obsoleto pallico (ameati similis) totam urbē Athenarum nouo miraculo traxit in hanc opinionem, ut spretis qui vere philosophabantur relictis ducibus, qui totis diebus laborabant, pro salute Reipublicæ, vnum Socratem laudarent ut sapientem, admirarentur ut sanctū virum, colerent ut Reipub. vnice vtilem. Inde non solum Athenas his præstigijs impleuit, sed & totam Græciam: inde etiam permanauit hæc opinio in alias regiones, & totum orbem impleuit, nec solum suā ætate sed adhuc apud omnes viget, aded ut insanire quempiā putent qui neget Socratem fuisse optimum virum, aut sapientissimum. Plurèsque (aded corrupta sunt, hominum iudicia) æquo animo audituri sint maledicentem de Christo quam de Socrate, nam de Socrate nemo fert, de Christo Mahumetani, Iudæi, Philosophi, plurèsque, è proceribus nostris. An ergo mentitus est aut in quoquam aberrauit, Apollo cū eum sapientissimum, id est, vaferrimum appellauit: cuius pene solius certè maximè ex cœqualibus fama inclaruit, per tot secula, cum nihil haberet eorum propter quæ homines ceteri inclarescere solent. Sed tamen eius fallacia vitæque fucata, & simulata sapiētia ab Athenæo perstringitur. Et Aristophanes non perperam admiratus stultitiam vulgi, quod hominem eum optimum esse duceret, atque sapientissimum, ob id solum quod disputando circumueniret homines, & doceret causam deteriolem meliorem facere. Vnde illa immodica Demosthenis, & Æschinis eloquentia, altera fax altera falx exitialis patriæ. Sic enim in Nubibus:

*Esse apud ipsos dicunt ambos sermones:  
Potentiorum quicunque est, & inferiorum  
Horum altero scilicet inferiore,  
Vincere docent causa cum iniustissima.  
Si igitur docueris me iniustum hunc sermonem,*

*Qua nunc debeo, per te his debitoribus:  
Non reddam, neque obolum vlli.*

Versatile ingenium Socratis, & pensi nil habentem præter inanem gloriam docet: Dissimulationem quoque vitæ, & fictam innocentiam atque mansuetudinem:

*Heu prauis scio, superbos,  
Pallentes nudos pedibus, dicis  
Quorum infelix Socrates & Chærephon.*

At naturalium rerum diuinarumque imperitiam non solum, sed & contemptum, perpul



perpulchre notauit his verbis :

*Putabis Deum nullum præter quem nos:*

*Chaos hoc, & nebulas, & linguam, tria hæc.*

Per chaos ignorantiam rerum naturalium insinuauit, quali fortuito omnia facta sint :

Et cum impio Diagora senserit, qui Deorum sustulit prouidentiam. Per nebulas autem nouam superstitionem ac mores & ut liceret, pro arbitrio pietatis speciem præferre, linguam autem quod causas non ex merito, sed ex facundia, & acumine disserendi superiores faceret. Tum & rursus illud: ut omnes damnaret artifices.

*Non enim per Iouem sciebas quod plurimos hæc nutriunt sophistas,*

*Vates, Medicos, Philosophos.*

Suam imperitiam ( indicans ) dum vellet Socrates velare, male dixisse de omnibus disciplinis, quod & si illi obiciatur ab æmulo, confessione tamen etiam Platonis verissimum fuisse constat. Sed & illud: Cognitus eris aliquando Atheniensibus:

*Qualia doces rudes*

*Hæc insania tua ciuitatisque,*

*Quæ te nutrit!*

*Corruptentem adolescentulos.*

*Hæc ex persona iusti viri: inde subiicit ex Socratis*

*Verbis nonis, ipsum*

*Et sententiis sagittabo.* Et rursus:

*Considera enim O adolescentule immodesta esse omnia*

*Quæ insunt, voluptatibus tot futuris si priueris?*

*Puerorum, mulierum, ludorum, obsoniorum, conuiuiorum, caecinorum.*

*Quale hoc ipsum eris viuere, his si priuatus fueris?*

Docetque lege, non re esse mala, quæ modo non esse mala tuearis oratione, te ipsum liberabis ab infamia quando peccatum nullum sit. Inde inducit creditorem pecuniam repentem, quem sic instructus Strepsiades eludit vel iure communi vel ex condicto tibi illa debetur: non communi quandoquidem non par est, pecuniam augeri, sed eandem manere, ut mare, & montes, & cælum, nihil enim augeat seipsum: non ex condicto quia abiuro debitum, quod tunc abiurare licet, quia videtur quod dii hæc perituria negligunt. Similiter inducit filium verberantem patrem: dicēs ego cum puer essem verberabar à te ô pater, & liber eram ut tu, igitur par est, te à me verberari. Et si ego puer eram tu cum sis senex his puer es & dignior ut fleas. Præterea galli iuuenes verberant parentes, igitur verberare parentes est, ex naturæ lege, quid hoc tandem est, non reuocandas res ad facundiam vel argutias, omnia enim bona atque commercia hominum ac leges euerterentur. Nam quod corrumpere adolescentem falso obiectum puto: Et puto Aristophanem fuisse pessimum virum, & ut ille de Æschylo dicebat:

*Strepitum plenum, instabilem, multiloquum, præruptum.*

Sed tamen nec id inficiari potest quicquam, quod hæc disputationes de moribus recte viuendi normam non corrumpant: postquam quæ lata sunt, lege diuina humanæque, tum naturali, constant ratione, & à Philoso-

phis sunt comprobata, in dubium reuocantur. Sic ibi inducit ostendentem Socratem cogresum masculi cum masculo defendentem, quod galli cum masculi sint, à gallis, & armenta subiguatur. Quasi dicat quid tam turpe esse potest, aut nefarium quod si ad has disputationes redigatur honestum, & iustum videri non possit? liquet igitur dolo se egisse Socratem dum auerterit homines à studiis bonarum artium. Cuius rei etiam est, aliud argumentum, scilicet quod omnes peritos artium irrideret, negaretque scire se quicquam, ut cum haberetur sapiens opinionem omnem scientiæ in aliis extingueret. Deinde quod male diceret de Anaxagora qui ob sapientiæ naturalis estimationem quam habebant, ciues de illo, paulo ante damnatus fuisset: ut vir non solum inuidus sed etiam improbus videri possit. Senecam præterea qui maximè Socratem æmulatus sit, de moribus assidue disputando, & vitæ ficta innocentia, quanquam diuitias maxime concupierit, constat haud dubie maligne infectatum literarum studia. Cum idem videatur fuisse viuendi institutum, disciplina, robur, & senectus valida, ac mors violenta publica: Quamobrem nil peius excogitari posse reor dissimulata hac viuendi ratione, quod etiam ex priuata vita discere licet.

Primum quidem ociosam elegisse illum non obscurum est, non studiis, non arti, non militiæ addictus: quanquam vi coactus feratur aliquando pugnasse cum Alcibiade. Vnde tot nugæ de victoria, cum victi fuerint. Atheneus contendit nec affuisse in ea pugna ambos, sed omnia ficta. Omittam modo suspensiones de puerorum, & præcipuè Alcibiadis amoribus, tum quia tunc videbantur licita, aut saltem admissa, tum quia hoc esset hominem non institutum infectari. Homines enim magis procliues ad alia atque alia nascuntur, hoc damno non quod quis facit, sed quod etsi non facit faciendum putat aut suadet, aut ut faciat studet, cum haud iustum sit, aut decorum. Sic neque quod filios malè instituerit, ipsi vero flagitiosissimi ac nequissimi fuerint. Communis enim calamitas, ut dixi, virorum clarissimorum non peccatum parentum: Vnde etiam Aristophanes in nebulis.

*Hippocratis filiis similis eris, ut te vocent famum.*

Constat ex Atheneo illum fuisse infelicem, sed, & quod morte præuentus, duo enim tum erant paruuli maior nam adolescentulus, non potuit erudire neque instituire. Sed nec quod duas simul duxerit vxores. Laudi enim magis quam vituperationi hoc tribui debet quod Reipub. consuluerit, & magistratibus ac legibus paruerit. Sed illud primū obiectio quod nihil ageret: cum Paulus texeret sportulas quamvis tantus, apud omnes concionator, nec victus minus quam Socrati suppedicaret, ut qui ex his quæ dono accipiebat partes vrbium aleret. Rogo quo exemplo docuit iuuentutem nihil agere, cum iuuenibus nihil sit utilius. Hæc enim mutuo se consequuntur, frugisse ac bonum & exerceri laboribus, laboribusque exerceri iuuenem, & probum esse ac frugi, quod etsi non statim appareat tamen semper enenit. Deinde quo iure aspernatus est præmia, ab his quos docebat, & ab amicis dona,



dona, ut postmodum gravis esset aliis, & virtutem deturparetur? Siquidem non accepit præmia, quod nihil doceret recte fecit, sed tamen docere se fatebatur. Si non accepit à diuitibus, & volentibus pessime egit, nam primum fœdabat, & vilem docentis artem reddebat: & alios qui præmia acciperent iniuste grauabat. Vnde Aristippocum obiiceretur quod præmiū, à discipulis acciperet, Socrates non accepisset, respondit: sibi non esse nisi proprios redditus, Socrati opes optimatū Atheniensium fuisse pœnu. Quis & de hoc dubitare potest Socratem inuidiam in omnes qui tum docerent, non excitasse? Rursus vnde illi patientia tanta vxoris, cum pessimo esset exemplo, & ut fœmineum genus licenter viueret: contra leges & mores cuiusvis bene institutæ Reipublicæ. Quid verò illud, adesse omnibus conuiuiis, ut suam illam sapientiam ostentaret? Videbimus modestissimos quosque tum maxime senes ab eis abstinere; quæ enim non fugit sapiens probat. Vnde etiam sermones hi de puerorum amoribus tam frequentes? O casti sunt dices, certe poterant hæc vel quouis alio iudice, quam Platone ac Xenophonte longe purius, & meliore exemplo proferri. Hoc enim est, ac si quis ignem sulphuri appropinquet. Si qua nupta amantem deosculetur, inde dicat sincero amore id fecisse, nō ob adulterium. Possunt dici sed non credi, homines ad huiusmodi conuiuent, sed non persuadent? Nuditas verò illa pedum quid aliud est, quam ostentatio mera patientiæ imō stultitiæ: & ambitiosa insania: cui bono? at ut iuuenes ad patientiam, & tolerantiam, ac militiam exerceret: nihil minus cum iam ipse militiæ ætatem excessisset, & parum, ut dixi, militasset. Filium non erudisse vlla in arte, & tamen nec illi censum quem relinqueret parasse, quorsum hoc? Quis non videt ambitionis cuiusdam immensa opera fuisse? Ut qui illum non agnoscerent, ex tam absurdis actionibus, habitu, vitæ genere sermonēque admirarentur quod & obtinuit, potius leuitate ciuium, quam calliditate propria, neque enim tanta esse potuit, ut alibi quam Athenis tam celebre nomen consequi posset. Dico non solum Romæ nec in Italia sed neque apud Lacedæmonios, aut Thebanos, aut alios Græcos præter solos Athenienses. Sed dices Oraculum dixit, Socratem non solum esse sapientem, sed etiam optimum virum, non ergo (studio se saltem) homines decepit. Respondeo tamen si Xenophon hoc adiiciat, reliqui tamen omnes dicunt, solum pronunciasse, ipsum esse sapientissimum. Sic enim referunt locutum Oraculum.

*Αὐτὸν ἀπὸ πάντων συνέχευε σοφία τε καὶ εὐδαιμονία.*

Sed fac ut adiecerit etiam optimum, illud idem dico quod de sapientia, ea enim agebat, & faciebat quæ optimus quisque faceret, licet non eo animo, at ex fine vnum quodque appellari debet. Apollini tamen ut suo more, & congruentia, & accipitis sensus verba proferret, atque sententiam, bonum (si modo id dixit) seu optimum appellare placuit. Verum rursus dixeris, Demonem habebat familiarem, qui fieri potest, ut non etiam sapientissimus fuerit? Falleris, seu enim Demō ille quidam sit affectus excellens, velut gloriæ: amoris seu pa-

tientiæ, seu sit astrorum constitutio huiusmodi: seu causa quædam incorporea generalis seu propria, & adumbrata quæ nos doceat: seu facti series proprii tanquam ex toto auulsa, non nisi in vno genere aut paucis quibuldam nos admonet, atque dirigit in aliis, ut ad finem institutum deducat, nos transuersos agit, velut equū per cœnum, & abrupta. Nonne Anytum frustra prouocauit, opificum defensorem, & Melitū Poëtarum? Nam de Lycone forsitan nō est accusandus, cum rhetores, & oratores Reipublicam perderent. At Poëtæ, & si quid grauius committant non tum persequi eos debuit. Multa enim toleranda sunt in domo, quanto magis in Repub. ut maiores errores corrigere possit. Sed agebatur Dæmone, ut ille dicebat, ad mala potius quam vtilia impellente. Si modo Demonem habere non res vulgaris est, multum addebat, ad authoritatem eorum quæ dicebat, atque docebat. Ut duplici emolumento esset, illi hæc de eo opinio apud vulgus, triplici autem si verè habuit. Sed ut res fuerit, Demō fuit nō Deus ille. Deus enim bonorum, & tranquillitatis causa est, at vita Socratis plena fuit turbationibus, calamitatibus & planè misera. Quid etiam attinuit ad illum tantum sequi formosos pueros, ac laudare formam, ut de Xenophonte maxime dicitur. Careant ista quantumvis crimine, non carent reprehensione, & si reprehensione, non tamen suspitione. Sed fac ut suspitione etiam caruerit, exemplum laudari nullo modo potest. Et si vitam illius quis inspiciat, videtur certè Demonē sapere, namque qui cum illo versantur rudes sunt, & mali, nam sapientia quidem Demonis sunt, peccata hominis. Et parum ab Epicuro differre, qui & ipse sustulit Deorum prouidentiam edoctus à Diagora, & in voluptate posuit felicitatem, Eudoxi opinionem securus. Ut demirer Ciceronē hæc tribuisse Epicuro, qui non fuit nisi purus recitator. Neque enim de hac inuentione etiam si aliquid esset gloriari poterat: cum partem dogmatis à Diagora scilicet impietatem, partem ab Eudoxo scilicet belluinam vitam, & institutionem, sumpserit. Sed & cum Aristippus inter præcipuos Socratis auditores parum ab Epicuro differat, palam est Socratis vitam ab Epicuri opinione, atque instituto parum abfuisse. Quæ enim de Diis adiicit Plato nō ex Socratis disciplina sed potius Pythagoreorum, & Chaldeorum commentus est, nec, ut dixi, hæc Socrati tribuit. Ergo discipulos Socratis quales illius doctrina fuit, fuisse nil mirum est. Aristippus primum dissolutus omnique voluptatis ac flagitij genere affluēs. Non illud obiiciam quod coram Dionysio saltarit, quod pluribus puellis simul operam dederit: hoc enim humanum etiam paulo intemperantius, illud prudentiæ, postquam seruieris tyrannis, quibus nihil est mediū, sed vel placere vel perire eligere quod optimum esset. Vnde vides etiam quantum in iudicio falluntur homines vbi nullum crimen, flagitium, probrum est, omnia hæc fingant, vbi est non animaduertunt, sed quod vir Philosophus pecuniæ solius studio sustineat, tanto sui dedecore, tanta tyranni laude, & fauore ad Dionysium accedere. Neque enim ob aliud Philosophorum aptarunt familiaritatem



tatem quam ut vitam suam honestarent, scelera velarent, flagitia obtegerent. Indicio est epistola propria illius scilicet Dionysij ad Platonem, & Phalaridis ad Orsilochem in qua hæc habet: Si propterea quod Pythagoras plus sapenumero à me accersitus huc venire noluerit, quemadmodum eum qui meam fugeret consuetudinem laudasti, mihi calumniam attulit. Quod nunc ad me venerit, & quantum iam mentem vna mecum in voluptatibus sit, mihi profectò laudi est. Apud me ne breui quidem momento permanisset nisi mores nostri cum eo cõuenissent. Sic Pisistratus Solonem domum reuocare conatus est: cui contra ille, Athenas redire mihi vtile non esse cognosco, ne quis me iustè reprehendat, qui Atheniensibus dudum Rempub. administrandam tradideram, præsensque oblatam mihi tyrannidem sponte declinaveram, modo rediens factum tuum subita poenitentia probare videar. Sic Periander Sapientibus: Sicut igitur anno præterito Sardis in Lydiam venistis, ita nunc oro ne pigeat ad me vos proficisci Corinthi tyrannum. Videbunt enim vos non sine gratulatione Corinthij Perian dri domum adeuntes. At cõtraria ratione Pittacus cum Cræsum regem non improbare, ne iudicio suo illum damnare videretur respondit: Auro ipsi non indigemus contenti modico vitæ stipendio quantum est mihi satis, & amicis. Veniam tamen ut tibi perhumanum, & hospitali viro familiaris efficiat. Sed & Zeno Citricus, ab Aurigono vocatus quavis non iuerit misit tamen Persæum atque Philonidam ne contempsisse regem, aut non probasse, eius mores videretur. Ut enim adire regem, aut tyrannum est illius probare vitæ, actis sublebere, ita non adire vel est ingentis fastus indicium, imò potis stultitiæ cuiusdam, aut non probare illius acta, liquet ergo Aristippum Dionysij facta pro aduentu suo probasse. Et quomodo potuit vir ille Philosophus spectare manus illas tot credibus nefandas? Hæc igitur Socratica sanctitas. Venio ad Platonem qui & si non saltauerit, in eodem tamen crimine est, nam & ipse ad Dionysium pecuniarum spe venit. Et eo deterior fuit Aristippo quanto diuiniore habebatur? quasi non solum à Philosophis coleretur ac vita eius probaretur, sed etiam à Diis ipsis. Addidit & scelus sceleri cū Dionē hortatus est, ad expellendū Dionysium illi sanguine cõiunctum, & nil tale meritum ab eo, si inimicus: cur adis, cur pecunias accipis? si amicus cur illi insidias paras. Vellem inuenire oratorem, qui ista defendere. Omitto vitam quā duxit infamem perpetuò pueris vsus aded, ut nec mulieris intemulam viderit vnquam. Subsequitur tertius Xenophon vir blandus, & ornatus eloquio, verum omnium bonarum artium expertus, perpetuus miles, rapax, & qui ex militia cum nullo in prælio victor fuerit tamen grande peculium corrasit. Patriæ etiam pene proditor. Vnde in exilium actus est. Cum enim Lacedemonij acerbissimas inimicitias cū Atheniensibus gererent, Lacedemoniis adhæsit, illos laudauit, Atheniensibus posthabitis aut postpõsitis. De puerorum autem amore nefando quid dicam? vnde illa vox: vellem ad omnia alia cæcus esse modo Cliniam, vide-

rem. O dignam sententiam Philosopho! Sed video quid sis dicturus. Anthistenes Socratis auditor fuit, & tamen optimus vir. Certè id verum est, fuit enim probus admodum, scēminas amauit, ad tyrannos non accessit, pecuniam, & opes spreuit. At ô egregie qui docet an eruditus habendus quod vnus euadat eruditus discipulus, ceteri omnes imperiti? aut sub quo vnus, aut duo imperiti, ceteri omnes eruditi? Quis ignorat quosdam esse aded constantis, & puræ vitæ, ut etiam inter greges Cibeles verlati non tamen coinquinentur? talis fuit Antisthenes, is enim militauit sed pro patria. Et prius fuit doctor quàm Socratis discipulus, nec ab illo quicquam accepit præter tolerantiam & tranquillitatem. Ut vir omnino innocens fiterit. Nec cum illo commorabatur, sed Athenis Socrates, ipse verò in Pireo quod quadraginta stadiis ab Athenis distabat, Socratem audiebat, ob probitatē etiam Orphicis mysteriis est initiatus. Platonē etiā tulit malè de eo dicentem. Et cum ille coram esset, factum & inanem illius ambitionem modestè taxauit. Ille solus ex omnibus discipulis vltiores quæsiuit, & populum Atheniensem in necis Socratis auctores incitauit. Ille solus inter Socraticos, à Theopompo laudatur. Ille Crati fuit continentia, & Zenoni tolerantia, & Diogeni tranquillitatis auctor. Ille idem consuluit ducendas vxores filiorum suscipiendorum causa. Et certe non solum ipse sed qui eum secuti sunt, præcipuè quos nuper nominauimus optimi viri extiterunt: aded ut Zenoni statuum posuerint Athenienses, & apud illum clauēs vr̄bis reponerent. Cum tamen esset Antigono regi valdè amicus, ut pateat Athenienses non Philosophiæ, sed prauis Philosophis fuisse infestos, nam nec Zenonem nec Antisthenem, nec Cratem vexarunt: Sed Socrati aduersati sunt, quod verè Rempub. dum simularet erigere, euerteret. Et Aristoteli ob Antipatri familiaritatem, licet impietatis prætextu illum accusauerunt ne cū Antipatro inimicitias augerent.

Sed iam id quod propositum est, videamus, scilicet an Socrates vr̄bem Atheniensem euerterit discipulis, ac disciplina: & primo de Alcine loquamur, is enim illius fuit auditor. Quam turbulentus fuerit, in Republica omnibus qui eius vitam legerunt, seu apud Plutarchum seu alios quanquam noxias dum illam is, & Demosth. velut Boreas, & Auster exagitant, & in legationibus prodiderint nō est, qui ignoret. Ut tādē in exilium metu se proripiens, aut etiam damnatus finem sceleratæ vitæ imposuerit. Quid dicas de Alcibiade qui toties pro patria contra patriam pugnauit dux exul, nemini, fidus, nulla in re constans: non continentior in exilio quam domi fuerat. Vxorē regis Lacedemoniorum qui cū hospitio susceperat, beneficij loco adulterauit ex qua etiam filium suscepisse creditur, certè obiectum est ei quod Alcibiadis esset filius: atque ob id crimen Lacedemoniis odiosus. Seditiosus domi, foris perfidus, & rapax, in exilio hospitem proditor, nam Athenienses monebat de his quæ Lacedemonij agerēt. Vir ut vno verbo dicam nec prudens, nec bonus, nec Reipub. utilis. Euclides Megarensis, non is qui Geometrica scripsit, in vr̄be sua inuexit



contentionis rabiem. Verum hæc forsan toleranda, at quæ post succedere in exemplum transierunt: velut illud.

*Inter Socraticos notissima fama cinædos.*

Putant simpliciter dictum quod magna arte proponitur: nam sub Socratico habitu, & moribus pessima latent flagitia. Et nunc (Dij boni) quonam prorepsit malum, siue quis furem seu sceneratorem aut siccarium, aut deceptorem, aut virum iniustissimum, quali habitu incedit, qualem simulat grauitatem, & innocentiam? Hinc simulata religio, ficta pietas, proluxa barba, incompti crines, reprehensio minorum vitiorum & eorum quæ sperant latere posse, insontes vt fontes arguunt. Hunc quod parum pius, illum quod amator puerorum, alium quod hæresim sapiat, cum ipsi sint ætios, crudeles, scelesti, iniusti, sceneratores, rapaces, adulteri pædicones, & incestuarij, furesque publici. Hoc igitur vitæ genus à quo maximè defluxit? Nempe à Socrate, scripsimus nos verè recundè satis de hoc in *περί σοκράτους*, nec volumus publicari ob hoc: ille verò fallendi artem publice docuit. Credo potius ob Deorum inuidiā Socratem missum quam ob hominum salutem, namque cum Dij amant populos, reges mittunt bonos non priuatos homines, & ex plebe infima qui seditionem excitent. Sic Romanis post longas clades, Traianum, & Alexandrum: Seuerum Dauidem & Salomonem: Hebræis Agatoclem Lacedemoniis concessit, aliosque alibi qui collapsas Respublicas rescicerent. Numa vir sanctus habitus est, is Romanam instaurauit seculo rudi. At dices, auctor tamen Philosophiæ extitit. Nequaquàm, quin inuentores ipsos damnabat. Verum aded felici sydere atque ingenio natus est, vt aliorum labores ad se traheret. Non tamen Aristoteles, aut Theophrastus quicquàm Socrati in naturalibus tribuunt, in mortalibus verò etiam damnant Anaxagoram, Empedoclem, Parmenidem, atque Melissum, passim citatos inuenies, tum Alcmeonem atque Platonem, Socratem nullibi. Laudant aliqui sobrietatem, alij pertinaciam cum referant tota die in vno habitu stetisse immobilem. At non an maduertunt illum dum hæc referunt, vehementer vituperari. Quorsum enim hæc pri-

um ostentatio: deinde quæ gloria de corporis naturali munere? An si quis non possit hoc facere, ided malus habendus est? aut si potest, & non vult contemni atque irrideri, aliis mouere inuidiam, stultus erit? Quinimo laudabimus eum qui cum multa huiusmodi possit ab his abstinere, nec signum vanitatis prodit. Puerorum enim nec satis magnorum, apud nos sunt hæc experimenta. Denique, vt alibi diximus, moralis Philosophia maximè ex parte noxia est, discentibus eam, alios enim tutiores ad fallendum reddit. Vnde qui illum sectati sunt, vixere miseri ac oppressi, sibi inutiles, aliis non vtiles. Velut Diogenes, Menippus, Menedemus, Cleanthes, Telephus, alique plures, qui pro morionibus sua ætate habiti sunt. Quid dicam de Phauorino illo Philosopho sanctissimo qui apud Gellium leges duodecim tabularum irridebat, tam nulla ratione, quàm euidenter? At verò plus officiet vir vnus optimi sub opinione atque exemplo malo, quam millies mille ex professo improbi. Quapropter Socratis vita atque institutum pernitiola fuere mortalibus, vt aliud quicquàm quod pessimi fuerit exempli. Vixit enim sibi vni prorsus, non Reipublicæ, non suis neque etiam filiis. Hi enim qui laboribus suis artes augent, Reipublicæ & posteris sibi que viuunt laudabili labore, qui verò opes congregant, filiis aut suis: at hic omnia ad sui ipsius commodum instituit, vt gloriam sine labore, vt eruditus absque studiis, vt potens absque periculo, vt laute viueret sine tædio parandarum custodiendarumque opum. Contempsisse omnes, & suos etiam & filios, & omnia, quis non videt? quem pessimum virum fuisse constat. At nunc si videas duos homines alterum artificem, alterum cauillationibus artem irridentem, quis tam excors est, aut veritatis hostis qui priorem non frugi hominem dicat, alium autem nebulonem? Huiusmodi autem disciplina hodie etiam omnes præclari viri opprimuntur: vt non vno mortis genere dignus fuerit, tanti sceleris auctor. At cur illi tantum seu genius seu dij fauerint non hic est locus differendi. Et est certè magna, & ardua quæstio, quasi Dij rebus humanis inuideant, aut illæ nulla prouidentia regantur.





ORATIO AD ILLVSTRISSIMVM

## I. ALCIATVM

## CARDINALEM.

SIVE TRICIPITIS GERYONIS  
aut Cerberi Canis.

V A M. multa sunt quæ homines partim ob-imperitiam, partim à calumniatoribus persuasi, cum antiquissima sint, noua esse putant: quale illud primum longis temporum interuallis vix vnum haberi Medicum: Rursus illos quos vocant Medicos, longè plures occidere quàm seruare: Præstare sine Medicis esse quàm cum illis: Medicorum genus pestiferum esse: Medicinam tamen veram artem: omnesque posse ægros sanare, qui vitio naturæ solum laborent: Tum verò medicinam vnam è tribus quas Deus humano generi ostendit, & non docuit: ob id etiam effecisse quosdam viros qui eam possiderent, sed quasi inuisos ab eodem vel malè acceptos, vel prohibitos docere, vel etiam temerariæ doctrinæ poenas luisse. Carnes quoque, vinum, oua, nullis in morbis non acutis modo, sed dum morbo ipso laborant huiusmodi conuenire. Demum etiam sectionem venæ quam ferè omnibus adhibent putrida febricitantibus nulli vtilem esse, aut adeò rarò vt è centum vnum vix inuenias, cui prosit. Ob id tricipitis Geryonis aut Hecates seu Cerberi canis, quoniam tria habet capita, nomen oratio hæc sortita est. Et primum quidem illud aggrediar, quod etiam primo proposui, scilicet longis temporum interuallis vix vnum haberi Medicum. Deberem in hoc sola experientia esse contentus, quandoquidem neque vllum inuenio qui visis opem adhibere recuset, nec victos à morbo restituat; quæ duo sunt Medici periti munera, libro de Arte. Quinimo & morituris manum admouent, & sanandos nesciunt certè an sanari possint, neque semper sanant. Indicio est huic quòd dixi nunc (nam de primo ipsi qui verecundiores sunt fatentur, qui impudentiores quotidie in mendacio deprehenduntur) quòd non norint morbum, aut propriam morbi sedem, aut quantitatem, aut tempus quæ omnia noscere oportet si curare debent, vt ille idem affirmat. Et quomodo morbum norunt cum superuocatus Medicus alium esse putat: & in genere etiam de loco ipso dissideant. Velut in tertiana quam notissimam esse constat; di-

cant materiam in musculis sparsam putrescere: ita ait Galenus, alius dicet in venis potius esse, effundi autem in musculos rigoris tempore, quomodo ergo hoc notum fuit vel saltem in genere? Oportuit autem non solum in genere, sed speciatim quod curandum est in ægris ipsis, non aliter quàm in genere, curandum est notum fore: Velut cum tertianæ curam docemus: sufficet enim frigida calidis, humida siccis opposuisse: lenisse aluum, protulisse vrinas, sudores, potiones refrigeratorias exhibuisse, concoxisse materiam, concoctam adduxisse, abstinuisse à cibo die accessione, à curis, à laboribus, vino, iniunxisse frictiones, confirmasse ventriculum: at in hoc laborante eadem omnia ad metam illius, vires, temperaturam, ætatem, speciem morbi, vt potè si notha sit, aut syncera, magnitudinem, locum, tempus illius, tempus anni traduxisse, quin etiam ad ea quæ habere potest: multis auxilia multa defunt, vel quia preciosa, vel quia homo est procul ab vrbe. Ergo cum Medicus, teste Hippocrate, omnia hæc scire debeat qui sanari possint, aut quorum morbi magnitudo saltem retundi, atque his manum admouere, & qui non atque ab illis abstinere, vt etiam Galenus docet, nec vllus hac ætate id præstet, luce clarius manifestum est, & vt conuicti fateamini necesse est, hac ætate nullum legitimum esse Medicum, sed solo nomine. Verum iam audite quid dicat ille, quem vos adeò suspicere simulatis, me quòd damnem falsò insimuletis: Non minus autem hunc admirabuntur homines, quàm Hippocratem si operibus magnum se in arte præstabit, melius quàm reliqui faciant, luxatam emendans, & quæ luxationi parata sunt, in validiorem statum permutans, vulnera & fracturas & vlcera & quæ alij curare non poterant ipse facile sanans, nec minus quæ ægro euentura sunt ante euentum præfatus, & quæ iam euenerint adiunt vè ita euenisse vel adesse sine percussatione, aut relatione coram astantibus explicet. His enim officiis Hippocrates omnium posteriorum indicio Esculapij gloriam adeptus est. Sed iam ad testimonia transeamus, constat enim ante Hippocratem nullum fuisse Medicum nomine dignum, qui interiorum morborum curam tractaret.

Secundo in  
1. de Morbis  
vulg. Com.  
2. de lib. de  
lum. cap. 7.

De Arte  
pagina 1.

De subf.  
Empir. cap.  
13.

Pag. 4.

Pag. 6.



Nam Æsculapius ipse egregius chirurgus fuit, velut & filij Troiano tempore Podalirius & Machaon.

*Iliad. 13.*

*Quos duo ducebat fratres, Phœbique nepotes  
Pater Coronida præstantes arte medendi*

*Iliados 8.*

*Belligeriq; ambo Podalirius atq; Machaon.*

*Et post qualē operā præstaret Machaon docet.*

*Eduxit.*

*Vade ait hic propero siste Machaona cursu*

*Phœbigena genitū medico qui vulgus Atrida*

*Inspectum fratris curret. Et paulò post.*

*Ipsè Deo similis mox & de vulnere telum*

*Inde manu quanto telum descenderit ictu*

*In latus explorat: pressoque è vulnere demum.*

*Applicat.*

*Sanguine sedādo, medicamina blāda dolori.*

Non est vt Ouidij vel Papinij, aut aliorum Poëtarum confirmem id quod omnibus est notissimum. Sed & de Podalirio referunt, seruatum in Caria à Pastore Syrnio, inde curasse Syrniam filiam Regis Damathi lapsam è tecto, misso ex utroque brachio sanguine, cuius postmodum matrimonium promeruerit à patre, cum Cheronensi parte in qua duas vrbes, vnam nomine Pastoris, alteram filie Regis seu vxoris, Syrnium & Syrniam condidit. Meminit Cœlius Rhodiginus. At verò post illos nullus memoratur fuisse insignis in curandis internis morbis, cumque tempore Hippocratis tres essent sectæ Medicorum, paulo ante quatuor, Choij, Gnidi, Itali & Rhodij, ante illum, damnet autem omnes Hippocrates, constat vnum tantum ea ætate fuisse bonum medicum. Quod etiam coniectura assequi licet. Nam Antaxerxes tantus Rex in vnum illum incubuit: & Pœones reges & Athenæ ad quas filium transmisit, non ergo præter vnum Medicum tulit tota ætas Hippocratem, qui floruit annis cccxv. à condita vrbe. Ab hoc rursus constat neminem fuisse Medicum, si Galeno credimus: nam Asclepiadem, Archigenem, Erasistratum, reliquosque qui inter Hippocratem & ipsum floruerunt damnat, reiectis etiam prima fronte omnibus, qui vel Methodici vel Empirici fuere, à Galeno rursus ad Oribasium, si illum tali nomine dignum censi velimus, nullus fuit alius Medicus. Ab hoc qui Iuliani temporibus vixit ad Aëtium ac Paulum non multum fluxit temporis, sed is Empiricus fuit, quanquam nec is Medici nomine dignus admittatur, tamen si placet eorum exemplo, qui taciturnitatis argumento doctrinæ opinionem assequuntur. Ita proponatur multo post inter Arabes Hasenijam habes expletum numerum, Medicorum sex, totidem millium annorum spatio atque amplius, nam si me addidero constabit æqualitas vt singulis mille annis vnus Medicus etiam prorsus absolutus habeatur. Ridebis quod me adnumerem illis: res digna propè risu, & præcipuè prima fronte. Etenim non prorsus falsum dixisse me conuincam, sed dimidia parte verum, reliqua anceps & dubium, quod enim vnus sit tantum Medicus singulis ætatibus si modo sit hoc verissimum quisque existimare potest, & nos iam id ostēdimus, ostensurūque sumus luce clarius: at quod ego ille sim, aut me esse existimem meritò tā vos videre potestis quā ego credere, neque enim vllus est qui non se talem existimauerit Themison etiam si sit, aut Thessalus, aut alius quispiam adhuc imperitior ac deterior.

*Iec. Antiq.  
lib. 14. cap.*

*13.  
Art. cur. ca-  
pise 1.*

Cur ergo de me mihi id persuadere non licebit? Sed iam ad rationem transeamus: proponit Galenus lib. de Constituit. Artis Medicæ, septem conditiones necessarias ad hoc, vt bonus Medicus esse debeat: & cum necessariae sint, vt bonus Medicus habeatur, non tamen confestim recipiatur, vt qui has habuerit bonus sit Medicus, nam iudicium exigi & experientiam & multa alia palam est, quorum ibi non meminit, quilibet ergo secum reputet, an illa habeat omnia quæ sint necessariae. Vnde primum contemptus omnium, & solius veritatis ardentissimus amor. Vel etiam vbi mathematicus exquisitus, dialecticus optimus, vtque audierit optimos sui temporis Professores? Quis est qui omnes qui sanari possint sanet, & in quibus morbus solum minui potest illum retundit, in reliquis docet artem nihil posse, & ab illis curandis abstinetur, nullus se exhibet, nemo obuiam venit: nullus inquam est Medicus perfectus, nec talis qualem vult Hippocrates, non ergo nouum est hoc, nullus est bonus Medicus, atque id ipsum iam coguntur fateri omnes, reliquum rides orationis cum adiecisses (præter me) tanquam nouum: sed non est: priuilegium est medicorum omnium, laudare semetipsos. Hippocrates ipse testatur veram inuenisse medicinam: Medicum qui non omnia præstat indignum esse eo nomine, solamque in illo opinionem non artem esse: oportere vt vagetur inter gentes: quæ omnia cum ipse se fecisse præstitisseque testetur palam est se omnibus anteposuisse. Quid de Galeno dicam? qui omnes alios medicos asinos & lapides, & lapides molares, & stultos appellat. At Menecrates se Iouem, & eo habitu utebatur, duodecimque ægros ab eo sanatos secum deducebat habitū duodecim nobiliorum Deorum, Apollinis, Mercurij, Mineruæ, Æsculapij, ac reliquorum. Quid de Asclepiade, Thessalo, Erasistrato, Themisone, Archigene, num aliquis horum voluit quempiam sua ætate vocari Medicum præter se? non Andromachus, non Antonius Musa, nō Scribonius Largus. Quin etiā Arabs ille, dū inquit de suo libro loquēs. Quod verò super ipsum addatur incomprehensibile est. Si igitur hi viri tū alij plures hoc de seipsis existimarunt, insinuarunt, cur mihi turpe sit, hoc apertè dixisse: nisi quod sim magis ingenuus. Et quanquā ratione, & experimentis illis omnibus me præferre possem, vt qui Mathematicas lōgè magis calluerim, Dialecticā illam insignē, & à nullo alio mortaliū prorsus cognitā ediderim, & diutius artis operib. insudauerim, scilicet supra quadraginta annos, morbo semel dūtaxat impeditus, cūq; diligentissimus hac in parte fuerim, vt quem nulla negocia distraxerint: & veritatis amore supra mortales omnes flagrauerim, contemnēs opes, amicos, præsentemq; gloriā: in prædicendo etiā tum iudicio, tum exercitatione, tum variis artibus instructus, aded veridicus fuerim, vt Dæmonem multi me habere dicerent: in curando autem felicissimus, vt qui fermè mortuos non tantum deploratos suscitauerim, Asclepiadi fortuna par, magnitudine librorum Galeno superior: cur non mihi liceat cum tot præclaris viris insanire. Verū id non dico dixisse, sed lusi tecum, & vt comprimerem petulantiam

*Princeps in  
principio  
sui operis*



viam illorum, hæc adieci, docens ignaros & ignavos, indignos esse Medici nomine: si qui sint paulo ceteris præstantiores, eos aded esse ambitiosos, vt amentes meritò dici possint. Hoc parit licentia illa horum nebulonum, nullis aliis, nec scio cur concessa. Iurisperiti legibus ipsis tenentur, & Cæsar ipse, quas condiderunt: Theologi ac Pontifices ipsi qui diuina tractant & supra leges sunt, legibus tamen viuunt: Milites militumque duces quorum institutum est sine legibus viuere, & legibus ipsis aduersari, tamen & ipsi legibus coercentur, hoc solum genus hominum nescio, qua ratione omni lege solutum viuunt. Sed ad rem redeamus, ostendamusque, non solum quenquam non inueniri Medicum verum, sed yix Medici nomine dignum. Omitto modo quod nullus eorum septem illas conditiones habeat quas necesse sit habere Medicum, qui saltem præstans haberi velit: quis est ex tanto numero qui norit tempora morbi, & circa illa obseruet quæ obseruanda sint: cum tamen nemo sine his quenquam curare possit: qui non curat obest, qui non iuuat nocet: qui nocet neque Medicus est, neque Medici nomine dignus haberi potest, cum etiam multi plures pereant in manibus horum quam si prorsus non curarentur, non natura fermè indita nobis sunt quies, lenitio alui, cum clysteribus lauacra, abstinentia à cibo, vt contenti sint sola simplici sorbitione: caueantque à vini potu, vt pote quod iucundum sit. Hæc ergo, quæ se sponte offerunt, si obseruauerint homines, dubio procul multo plures sanabuntur quam cum Medicis, non igitur Medici isti sunt, sed lanistæ. Quam sententiam confirmat mos tot nationum quæ à Medicis perpetuò abstinerunt, atque inter reliquas Romani ac Turcæ, hi quidem perpetuò, illi annis à condita vrbe propè sexcentis. Forsan quis ed refugiat quod multi in manibus clarorum Medicorum & eruditorum pereant, vt contra alij, sique plures in imperitorum manibus seruentur: aded vt artem nullam Medicinæ esse credant, sed potius causam hanc mortis ac vitæ ad fatum ipsum referunt: alij vt magis videantur esse pii, vitam hominum in manu Dei esse aiunt. Esse rem hanc magnam & solum in Dei arbitrio positam, non ita reliquas actiones. Hæc partim visa sunt ab Hippocrate, partim talia sunt, vt ne in mentem quidem illius aut alterius sapientis venire poterint. Et sanè si quis pro medio illo singulari artem ipsam medicinæ subiiciat, iam explicatam superiorum responsionem apud ipsum Hippocratem habebit, vt iam non me sed illum disputantem de hac re audietur sis. Dico in manibus periti Medici neminem esse periturum, quanto minus artis, nisi primum æger, vel aliqui ex assistentibus, aut casus obstiterit, quod enim ægris venenum pro medicamento miscetur, aut inuidia, aut ab inimicis, aut expectatione hereditatis: hos nec Esculapius quidem seruasset. Obseruant autem potissime hæc tempora improbi, cum vomitus, dolores, animi defectiones & ventris proluuiis, alioquin insueta sanis, communia sunt tam ægrotantibus, quàm his qui venenum sumperunt. Propterea nihil est quod magis me angat hac cura, cum ministros

Tom. I.

Pharmacopolas, & ipsorum Pharmacopolarum seruos, cauere nimis arduum sit. Iam verò quibus virtus ipsa deficiens, dissolutaue compages elementorum morbus est, his nullam artem suffragari posse certum est: quemadmodum nec decrepita ætate viris, & in aspera seruitute degentibus, qualis est triremium, & vt militiæ serui ac barbarorum. Et quamvis vnum esse videatur genus, tot tamen sunt languentium genera, quot membra in homine vitæ necessaria: alius cerebrum habet corruptum, alius eius membranas siccitas atque distentitas, alius vlcus aut scirrhus habet in pulmone vel iecore, alius ventriculum attenuatum ac putridum, alius prægrandem in renibus lapidem, aut multo maiorem in vesica: Quidam cor habent oppressum intemperie aut humore virulento, & talibus quidem quis opitulabitur, iam diuturnitate morbi euicta natura? In quibusdam ipsa natura aberrauit, vt falsa compositione longius vita trahi non possit. Sunt quorum morbi non dignoscuntur antequam insanabileseuaserint, sed hæc est ignauia illorum, aut error Medicorum non artis peccatū. Aliis violentia externa obstitit: vel si multa simul iunguntur in vnum, præcipue quæ inuicem repugnent. His tot modis contingit falsò criminari Medicos: cum non tempestiue aduocantur. At verò quod in manibus Themisonum ac Thessalorum plurimi seruatur, nunc audi vnde fiat. Nunquam sanè, male mederi ægro, vtile erit: aliquot tamen seruari etiam in manibus imperitorum non solum verisimile est, sed etiam necessarium, sed audi quales & quomodo: in morbis enim qui circuitu nullo aguntur nec redeunt sponte: in his fieri non potest, vt quisquam sanus fiat à malo medico: velut in vlcerebus prauis, in tumoribus duris atque intemperiebus confirmatis, alij sunt morbi qui naturæ violenter infliguntur, ipsa autem natura se ad solita trahente homines sponte sanantur, etiam absque medicina: velut in parum distortis, frigore afflictis, vel quibus ob assiduum laborem, aut fructuum esum, membra vitio laborant, in his enim, relicta consuetudine praua, restituntur quæ ægra facta fuerant, membra, & absque ope Medici. Contingit tamen vel scientia rei quæ offendit sanari ægrum, vel etiam casu solo: sunt quidam alij morbi, qui sponte quidem sanantur, sed tamen leuem opem & vulgarem curam quandam exigunt: velut vulnera recentia & suppurata, in quibus modo saniem siccis, in corporibus bene habitis, sanitas redit. Sed quoniam siccare illa non sine dolore licet, si exactè id facere velis, propterea Medicus aduocatur, putantque artis esse magnæ quod ab artifice quadam simulata diligentia præstatur. Demum sunt morbi ipsi qui circuitibus suis finem accipiunt, vt febres omnes putridæ tum etiam diarræ & inflammationes ad suppurationem vsque. Hos igitur ipsos seruat natura, tum etiam quotcunque ex his in quibus ipsa non solum morbum superat, sed etiam Medici errores, at hi plurimi sunt. Finge ergo aliquem ægrotare continua febre, Medicum esse, quales plerique sunt, imperitum, stultum, indiligentem, qui venam frustra secatur, purget ab initio, frigidam quoque det tum carnes atq; oua,



ac etiam vinum & alia intempestiue exhibeat: septima die natura, ætate adiutus, & maxime ætate media, licet multis exhausta viis debilitate modis oppressa erratis, insurgit velut vir robustus & acer. Sed aliquot tamen cum vulneribus inter imbelles Ægyptios aut pueros protruditque materiam multis tutoribus, sanitati hic restituetur, dicetque nequam ille medicus seruasse quem Deus seruauit ipse, quantum in se fuit peremit: atque huiusmodi casus tam multi singulis annis accidunt, vt velamen aliquod imperitis medicis afferant: cum tamen neminem ipsi seruent, cumque medicorum, vt in cæteris etiam artibus, alter altero sit imperitior, stultior, ac pertinacior, quos etiam falsa appellatione solemus infelices vocare, non sibi sed illis miseris quibus munus admouent, palam est etiam plures effugere mortem in manibus vnus eorum quam alterius, non vt ille melior sit, sed quod cæteri sint deteriores, & qui Deum nil cuiat nec sperant aliquid nobis mortuis superesse præter cineres. In omnibus tamen his, si quis diligenter obseruet, tria hæc euenire necesse est: primum, vt manifesto se periculo mortis exponat qui ab eis curatur, siue enim morbus sit magnus, seu è pestilentium genere, seu in visceribus lateat, vel minima inflammatio, seu, vt dixi, laborans sit confectus ætate longa, aut antea conflictatus diuturno morbo: aut perpetuum habeat quendam sensum doloris, velut qui vesica laborant aut vigilia vel si exhaustus laboribus aut nimia venere aut largo sanguinis profluvio, omnino non euadet: sed vt omnino nil horum adsit in periculum, aliud incidit ne in morbum aliquem insanabilem deducatur, hi autem propemodum sunt infiniti, sed sufficiat quosdam notissimos, & qui frequentius superueniant ex mala cura commemorasse, talem morbum regium, cachexiam, dolores renum, flatum ventriculi imbecillitatem, melancholiam, alui astrictiorem, veneris impotentiam, vigilias, tum dolores pedum & læsionem visus aut auditus aut memoriæ debilitatem, à quibus nunquam tota vita se explicent. Sed fac, vt si fieri potest, hæc omnia effugerint, nunquam demum effugient quin corpus ita parauerint, vt si vel sponte vel vi vel casu aliquo morbus alius intra biennium maxime superueniat, vt effugere possint, tuncque queruntur de sorte, aut ægrum ipsum frustra calumniantur, tanquam qui voluerit nimium voluptatibus indulgere, præteritis mandatis medicorum cum mortis causa in promptu sit, præsentis morbi atque præteriti mala curatio. At dices omnes ergo medicos improbos & imperitos, & humano generi perniciosos appellas? caue quid dicas: Primum quidem hoc nimis acerbum est, dein de etiam periculosum, & quibusnam tot & tanta illa scripsisti, si nemo dignus est qui ea legat: Demum si aliquid perfectum est in natura, necesse est multa esse in eodem genere bona, cum vnum altero magis illi perfecto appropinquet. Si ergo, gratia exempli, Hippocrates medicus ille perfectus est (nam video te de hoc solo sentire licet alios admisceas) nonne plures quos etiam Galenus ipse recepit illi similes, bonos medicos esse fateberis. Cuiusmodi Philistiō, Pausanias, Diocles, Po-

lybus, Praxagoras, Philotinus, Euriphon, multique alij: Insanum enim hoc & inhumanum videtur, negare quenquam esse bonum medicum, quia non sint nisi rarissimi perfecti, idque & nos fateamur: illud tamen vt neminem bonum esse fateamur nunquam admissuri sumus, quod & in gemmis & in lignis & in artificijs cæterisque apertè videamus, multa videri bona, pauca præclara fateor esse, sed neminem ex istis quos vulgus suspicit, aut qui tota vrbe discurrent, qui se iactant, plures habere ægros, qui ex arte ditati sunt, omnes enim hos prauos fuisse necesse est, quod ars ipsa difficilis sit, ipsi verò cum plures suscipiant curandos, necesse est & vt sine ratione, sed vsu quodam illos curent, & vt in pluribus aberrant, vnum ex scriptis probo. Iachinum, si moda vita & exercitatio scriptis respondet. Sic & in Gallia, Germania, Hispaniis ac tota Italia boni medici erunt, non tamen medici nomine digni. Et vt vno verbo complectar, plures boni esse possunt, nulli esse volunt, nec forsan ego ipse. Nam cuiuscunque qui perit sub conditione & ignoratione eorum quæ inter summam eruditionem, & hanc in qua nunc versantur cognitionem, nonne necis rei sunt? Quid ergo illis prodest quod Cæsaris aut Pōtificis aut Regis medici sint, cum ob ambitionem & contentionem homo petit qui seruari posset legibus obnoxij? Quid prodest eruditio & ornata oratio cum in altero nullus sit, in reliquo quod ignoratis ægri pereant, & vos periclitamini? Iam verò quis fuit ætate nostra insignis medicus, qui principem suum constanti valetudine frui docuerit, aut demum non occiderit? Causantur eorum contumaciam: sed quid illos detinet apud eos qui parere nolunt præceptis artis, præsertim tanto cū periculo infamiæ atque dedecoris? Auaritia inexplibilis & ambitio improba. Possemus credere culpa propria principes periisse, si non tam frequens esset hoc exemplum, vt si in aliorum cura feliciores essetis quàm dominorum. Omnia aalia norunt nostræ ætatis medici præter id quod cōduceret, eloquentiam, Græcas literas, Architecturam, plantas, alius aulicus perfectus est: sed nil melius quàm dolos maledicentium & aliorum contemptum. At dicent, nonnulli pauperes sumus, victum quærere cogimur: concedo vobis vt exerceatis artis artem eadem, sed ita vt semper studiis animum intendatis: curetis ne quicquam vtilium ad illam lateat, quotidie proficiatis in melius, mementote vos esse homines, vos esse Philosophos, vos esse Christianos, quantum debeatis arti, quantum fidei vestræ, quantum humanitati. Relinquatis voluptates inanes, studium ambitionis, iniquæ opum virulentarum, facundiæ superflue: sint vobis studia Philosophiæ charissima medicinæ debita Mathematicarum pro delitijs ad capevandam veritatem. Neque enim me latebat per hos quos bonos merito appellare possumus (nam & quidam nunc etiam viuunt non indigni eo nomine) medicinam adhuc licet iaceat nō omnino explodendam esse. Sed redeamus ad propositum, dicitis fatum, dicitis Deum esse causam pereuntium: cur ergo in arcis fabrum bonum quæritis, in domo Architectum, aduocatum vt causam vincatis? at nonne sufficiebat fatum



fatum aut Deus? at si relicta ratione his nugis operam dederis, neque vnquam causa eritis superiores: neque ædificium vllum pulchrum erit: neque arca bellè fabricata. Ociosorum sunt hæc deliramenta, nimis Dei patientia abutentium: curat ille vitas humanas, curat & reliqua. Sed nōne ab æterno ita singula potuit disponere, vt quæ consequerentur proportionē responderent suis causis? Cur hæc in Chirurgis non somnias? an Deus ipse Medicus est Phyliscus, non vulnerarius? Quid oportuit condere Medicinam si ipse eam tantum exercere voluit? & qua ratione ergo vos pecunias exigitis, inambulatis distenti si nulla est Medicina quam profiteremini, & Deus ipse ægros sanat? si Deus solus nulla ope vestra omnes sanat? O infamia & amentia plusquàm asinina? ob hæc ergo Medicos dixi plerumque malos, idēdē etiam ferre omnes pestiferos esse humano generi fateri oportet; nos tamen decuit illa tot scribere, vt si resipiscant vsui illis esse possint, idēdē fecit Galenus, eodēdē modo conquestus est dicens: Itaque & vos præterea me quanquam à principio recusantem, orando tamen impulistis vt omne hoc opus tractandum susceperem, quod, Deos precor, aliis quoque hominibus, alicui sit vsui. Certè minimam spem habeo propter eum qui nunc regnat, bonarum artium contemptum, diuitiarum verò, existimationis & ciuilis potentia admirationem. Ad quæ quisquis se conuertit is nulla in re veritatem inuenire poterit. Verum hæc prout Deo placebit ita finiuntur. Cum ergo hoc totum in voluntate consistat, quod scit aliquando an terri aliqua Dei manifesta vindicta, vel consensu aliquot bonorum, aut lege quæ prohibeat quenquam accipere premium nisi pro sanatis ægris, vel Imperio optimi alicuius Principis, aut alio casu seu necessitate, vel quia omnia commutentur, discant etiam Medici velle esse meliores. Interim decet nos non esse ignauos, & subministrare non solum stimulos ad tam præclaram Prouinciam, sed etiam segetem studiorum & exercitiorum. Et quanquam vnus ego sum ac minimus & senex & imbellis, contra autem tot potentes & vulgus tumultuosum, & Imperati Principes, cum tamen ad diuina respicio, ad illas substantias æternas, ad incorruptum illum mundum atque resurgentem, ad spatium immensum circumcirca nos ambiens, seu ærem seu Æthera, minorem sane omnem humanum conatum esse video, illorum comparatione quàm mecum cum aduersariis: præsertim quod aduersari ipsi, quanquam numero longè plures sint, imperiti tamen sunt, & congressum hoc ipso vel nomine refugient ne imperiti habeantur. Eam ergo tradere artem, quæ omnium sit diuinissima, atque adiuuare, cum aliis multis præsertim Hippocrate, in quo naturæ, & in quo antiquorum inuenta relucet, operæ pretium esse duxeram.

Porro quod tres disciplinas Deus ipse mortalibus degustandas solum, non habendas aut possidendas reliquerit, quodque ex his vna sit Medicina, nunc dicere temperatum est. Dico autem has esse Astrolo-

giam, Iurisprudentiam ac Medicinam; nam cum tria sint quæ hominem beatum efficere possint, seu ad hoc vt beatus sit, sint necessaria diuturna & incolumis vita, hoc obscurum non est præstare Medicinam: per se viuere commodè hoc præstat Astrologia: neque enim si futuris perspiceremus calamitas vlla nos posset opprimere, non paupertas, ex vsu enim temporum, ex nauigationibus, ex aëris salubritate omnia incommoda licet effugere; omitto modo insidias, furta, filios malos. Vnde antiquo tempore exposuisse Laium fingunt filium ab oraculo monitum & de Agathocle ferre eadem feruntur. Viuere etiam cum aliis rectè: nam homo cum animal sit gregale per se sufficere sibi non potest: hoc præstant leges. Hæc omnia igitur voluit Deus degustasse mortales, nō tamen illis frui. Et de Astrologia quidem cum videant magnitudinem illorum corporum & actiones Solis & Lunæ adeò manifestas, dubium non est, quin mortalibus corporibus præsit: sed quanto certior est ipsa ars, tanto minus nota nobis, & qui eam profitentur cæteris etiam ad rem minus idonei prudentesque habentur. Ita Medicinam scimus esse veram, & illius manifesta eduntur experimenta, sed, vt dixi, vix vnus aut alter Medicus, pluribus habentibus seculis, inuenitur. Referuntque fabulæ, occisum ab Ioue Æsculapium, quod Hyppolitum à morte suscitauerit: quem equi contumaces & pauidi è curru ob diras preces patris excusserant; sed quàm pulchra inuentio, Auus nepotem ex filio occidit indicta causa? Eundem Deum effecit? ille mortuum suscitauit? sed verisimile est casu fulmine percussum, argumentum fabulæ prætulisse. Quid dicam de legibus? Minos crudeles, Carthagenenses scelestas, Lacedæmonij sæuas, Athenenses improbas, Romani tyrannicas, Thebani duras, Persæ atroces, tota Græcia fœdas; in hoc enim solo cōuenere. Plures impias, alij sordidas, stultas, lasciuia plenas: ita optima re pessimè quisque abusi sunt. Haud decuit ergo homines esse felices qui Diis (dicebat Democritus) sint inensi: quapropter nullo istorum beneficiorum frui nos voluit. Ob id ergo neque Medicos bonos esse, & si essent internosci, inter tot monstra scelerum expedire non putat: vt neque leges quas & si Iustinianus in vnum cōegit. Vide tamen quam ei viro fidem habituri sumus, qui in earum initio bellicos sudores præferat cum nunquam in castris fuerit. Et vix retentus à muliere ne imperio renunciauerit ob ciuilis seditionis timorem. Quid de Iustitia dicam? Sergium iniustissimum & nequissimum hominem tam pertinaciter in Africa præfectum Prouinciæ, Quamuis admonitus de illius atrocibus sceleribus inexplicabilique auaritia retinuit, vt penè eam amiserit, & tota desolata habitatoribus sit, nec nisi ab aliis per prodicionem etiam recuperata: ob id solum quod Sergius Salomonis ex fratre Baccho nepos esset, Salomoni autem ei gratus, sed fac vt bonæ essent? Sunt enim sanè plura bona quàm mala, ita tamen sunt exposita vt nulla ansa maior iniquis iudicibus concedi potuerit, vna quoque eo trahente sensum legis quo improbus animus deflectit; nunc adeò excreuit numerus interpre-



tum ut par sit nullas leges esse, & tot interpretes, ut nec vita nostra si decuplo longior esset legi possent. Itaque vides nos in quibusvis optimis ac necessariis delusos esse. Quid, queror de Deo absit: sed improbitas nostra in causa est. Inopes malis Iurisconsultis premuntur, potentes imperitis Medicis poenas dant quasi exæquata lance. Vtrique futurorum ignorantia plectuntur: nec finit diuina vulgo profanari, ergo non casu hæc contingere videtur. Sed dices quid proderunt ergo libri si præstat ad puniendos prauos nesciri quod docere polliceris? equidem nemini Deus quicquam aufert, neque enim inuidus est, velut calumniantur Simonides: neque causa malorum, sed omnibus ut iustus dispensator ex æquo omnia diuidit. Velut etiam Sol omnibus radiorum suorum beneficium impertitur: nostrum autem est illi potiri aut repudiare, non mutata illius benignitate aut voluntate. Igitur si homines aliquando futuri sint boni præstat etiam Medicos bonos esse & Medicinam. Etenim ea scripsimus aliis ut naturæ potius quam ciuilis consuetudinis morem sequeremur; nam quot lapides etiam gignit ipsa natura in terræ viscibus quot pisces in medio mari, quot plantas in desertis quæ nunquam hominum visibus profuturæ sunt.

Nunc iam secundum caput totius rei tangamus. Diximus enim non legitimè artem tractari, neque oua neque carnes, nec vinum in febribus (etiam non acutis modo febris maneat) conuenire. Non hunc attigimus tanquam vnum errorem, aut è duobus vnum, sed ex infinitis propemodum ut euidentissimum & maioris noxæ. Namque & de ignorantia temporum morbi, & prædictionum imperitia, & medicamentis quæ perperam ab initio exhibentur, de conuersa ratione victus, multa referre possem aliisque innumeris quæ dicere superfedeo: hoc vnum atque aliud duntaxat caput, de quo ab initio dixi attingere propositum est, quod in his duobus fermè tota ratio vitæ & necis reposita est. Non expectetis ut hæc ostendam rationibus, non est hic locus iugulare mortuos, causam toties coniunctam in dubium vel disputationem reuocare nolo. Satis potum est si scitis, si sapitis: si nescitis, si dissimulatis, si eodem imperitia vos obruit, non est ut retraham violenter eos qui mergi volunt, qui peccare consulto studet, non est hic locus disputandi in arte Medica, satis quisque nouit quod in Ephemeris non tuto licet, imo omnino dare prohibemur oua carnesque, quamvis mitissima sint omnium febrium. Qui maximè nos oppugnat, qui de hoc aliquot conscripsit libros sua confessione vos damnat: sua venia declarat Hippocratis Galenique mentem Brudus Lusitanus, dum ob consuetudinem petitis suis Anglis concedi iura pingua, & multis herbis refrigerata & munita, ut sibi videtur aduersus putredinem, aduersus inflammationem: nil aliud petit pro tanto labore, nil aliud quarit quam ut illud sibi concedatur: nec scio an persuaserit rectè, quāquam dum ius petit, iuri omni quod in carnes vinumque habet renunciat. Cogitate qualis causa sit vestra in quo qui illam defensus est aduocatus ex principali & possessorio decedit sine contentione: solum exorat sibi veniam dari cuiusdam partis, quæ etiam extra

causam est. Dicitis in tertiana simplici cœcedi carnes colliquatas. Primo ad Glauconem, huic *Cap. 9.* argumento aded stupidi inhæretis non videntes quod eo ipso conficimini; nam primū consulit ut si quis rectè curare velit, sola pituita usque ad statum morbi, Hippocratis more, contentus sit. Deinde quod cibum præsupponit dari solum in die quietis, edoctus in prima Aphorismorum illis verbis: In accessionibus abstinere oportet, nam cibum dare noxium est. Et quibus per circuitum fiunt accessiones, in ipsa accessione abstinere oportet. Idem ipse ad vnguem declarauit in vndecimo Methodi iuxta *Cap. 11.* finem, ex illius propriæque sententia, an putatis illum fuisse aded immemorem præceptorum suorum aut generalia artis neglexisse? Sed Glauconi non ignaro Medicinæ hæc præscribit præsupponens illum generalia mandata tenere. Quinimo Thessalici etiam isti nostri Medici hoc vnum vel ipsi obseruant ex præceptis, ut in die accessionis abstineant à cibo, licet conuiueant in tot aliis: an ergo Galenum concessisse quod prorsus ægris inimicissimum est, & imperiti etiam non audent prætermittere cum in minoribus se exhibuerit adeo diligentem censorem? Si igitur urgente febre nil prorsus dare velit ea die, eo tempore, quamvis intermittens, quid in continuis censendum est? in quibus periculum longe maius est, & iactura aded euident, quod etiā patet in exemplo iuuenis quæ coactus est ob symptoma perniciosum cibare, & quasi ostetationis causa, quamvis sola tertiana laboraret, non tamen ausus est præter pituitæ cremorem cumque ex duobus cyatis, id est vnciis tribus & offam panis ex vino exhibere: antea autem aliis in accessionibus, quoniam syncopis illum nondum occupauerat, sed præoccupasset ipse cibare, dedit aliquam ex aqua pura sine alia conditura cum granis mali punici. Vbi tam extremo casu oua carnesque? Sed iam causam suam in morbis acutis prorsus desperatam vident, cum in illis Auenzoar, non solum per totum febris decursum & inclinationem ipsam adhuc extincta febre, prohibeat vinum, carnes & oua. Sed biduo tantum post luteum oui concedat, rationem reddens verisimilem imo euidentem: scilicet quod membra calefacta corrumpunt & accedunt cibum illum pinguem, & redit febris persæpe. Sed neque quicquam melius in ipso morbo laterali habent, ubi minus facultas naturalis impedita est (qui scopus primus est ut cibum exhiberi possit) & vitalis atque animalis magis deficiunt, quæ ambæ sunt valde necessariae ad expuitionem vna, ad respirationem altera; cum Hippocrates iubeat post iudicationem quiescere duobus diebus antequam ad frumentacea venias. Sic enim exponit Galenus ibi; non ergo de ouis aut carne intelligit vnquam. Quinetiā in ea febre quæ syncopam ex humoribus crudis adducit, tantum abest ut vinum, oua carnesve exhibeat, ut nihil prorsus, sed ad quartum diem usque sola mulla cruda, si vires validiores fuerint, cocta si imbecilliores, contentus eris; sed dices, post dat vinum cum pane: fateor, ubi enim syncopis periculum imminet solum transit ad offam panis cum vino, nunquam ad carnes neque oua: nec ad hoc ipsum nisi in periculo præsentis. In vniuersum hæc tria sunt explosa, vinum, caro, oua à victu febricitant

8. Meth.  
cap. 2.

Lib. de Viis.  
in acut.

1. de Viis in  
acutis Tex.  
25. 12. Art.  
cur. cap. 3.



febricitantium, quandiu febricitauerint, seu intermittentes, seu continuæ, seu acutæ, seu diuturnæ, seu ardentes aut continentes, aut alterius generis. Verum dices, in syncopali febre quæ ex humeribus tenuibus fit, Galenus dat, quovis etiam febris tempore, panem cum alica & ouorum vitello, & testes gallinaceos, & suillum cerebrum, vinum quoque album tenuëque. Sed si omnia ex voto successerint, carnei etiam aliquid, potissimum post tres dies, & cum humores concoqui cœperint, velut feci, inquit, in iuvene illo qui ab initio accessionis animolinquebatur. At vero huiusmodi casus raro in vita accidunt homini, unde regulam sumere velis ad mactandos ægros? contat enim nulli febricitanti febris ratione, sed naturæ humoris temporis proprietate huiusmodi curam conuenire; quod si Medicus fortuito fiat princeps, an ob id statuendum erit de principibus quoddam de Medicis vniuersis? Et si Agathocles ex figulo & Lycastus ex pastore, & S. Tullius ex seruili conditione facti sint reges: & nostra ætate alij principes qui rustici erant, an ob id præferre debemus figulos, pastores, rusticos & seruos Iurisperitis, Philosophis, Senatoribus atque Patritiis? Ex exceptione valde tenui generalem regulam efficere, quid stultius dici potest aut excogitari insolentius? Veniamus ad Principem quandoquidem apud Græcos optimos illis nullum est refugium. Dicent hi Principem Arabum concessisse carnes & oua atque huiusmodi: tum in curatione propria expressæ, velut cum dixit in cura quotidianæ intermittētis, quoddam iuuat dare pullos in patella coctos. Sed ibi manifestè loquitur de febre iuncta cum fluxu ventris, idè symptomata vocat ad securam non febris exigit cibum? Verum antea concedit pullos & Althebugi & Alchibugi: sed hoc est post declinationem, & est, vt dixi intermittens. Et maior difficultas est in his quæ dixit in sermonibus generalibus cum inter cibos febricitantium numerauit gallinas pullosque earum & coturnices Cyprias, quas Veneti vocant coturnos rubro rostro pedibusque perdicibus magnitudinis similes: & ipsas perdicibus etiam. Verum videtur totum hoc sumpsisse à Galeno primo de Victu in acutis, cum dixit: Quod neque alteri cuiquam inest eorum quæ Medici languentibus dare consueuerunt, ouis, gallorum testiculis, alis, piscibus, columbis iuuenibus. Vnde totalis oratio quasi hoc dicat de febricitantibus: aut si de illis tanquam de continuis? & si de illis quasi eorum consuetudinē approbauerit? Verum quoddam ad Principem attinet, satis constat illum in tribus maximè esse deceptum, quæ omnia licet perpendenti ea quæ de cibatione febricitantium in generali dixit, clarè conspiciuntur. Primum quod existimauerit coctionem materiæ fieri à facultate eadem quæ cibum exigit, scilicet vitali, primo de Victu in acutis, fiat coctio materiæ peccantis à naturali quæ cibum non adeò exigit, vt quarto de Præfatio ex pulsibus. Hac igitur ratione non est exhibendus cibum, vt facultas naturalis concoquere possit materiā: hoc enim sine cibo posset fieri per multos dies, scilicet ad quatuordecim vsque saltem. Tertio de Fracturis, nam sunt qui legant quadraginta pro quatuordecim, quod vix verisimile videtur. Secundum est,

quoniam confundit calorem naturalem cum facultate seu viribus, idè eò deductus est vt cogeretur cibum in omnibus exhibere; nam magnitudo caloris certè cibum vberiore exigit, aliter calor depascitur sanguinem, inflammans ipsum, extinguens vires cum spiritu, & obnoxia putredini putrefacit, aut omnino exurit solida & tabefacit: idem si exiguus est cum eundè esse putet cum viribus, & vires exiguae cibum requirant rursus oportebit cibum exhibere: at sic nusquam locus relinquetur inedia, saltem illi exactissimæ quæ ad victum tenuem pertinet; nam non est dicendum medio calori posse deberi: medium enim non potest esse immune ab eò quod cōuenit extremis eodem modo. Sed, vt dixi, hic est secundus error, scilicet quoddam facultas & calor idem sint, cum sint diuersa, potest enim esse calor exiguus (licet nō in extremo velut in decrepitis, sed velut in cruda senectute, seu potius viridi) & robustæ vires: quia membra densa, & bene temperata, & sanguis itidem, ac quantum satis est, & tunc duplici ratione parum cōuenient cibi & ratione caloris & ratione viriū. Tertium est, quoniam non animaduertit Hippocratem non loqui de quantitatē ciborum propriè, cum in illa consuetudinem seruandā esse censeat, sed de qualitatē, vt vitemus pinguiā & vinum; & quamvis omnes hi errores obstarent, & dubiè loquutus sit in hac causā, & perplexè, vt quasi contraria dicere visus sit, & nos neque quantitatem proximam consuetæ in sanis, nec numerum nisi obstat accessio prohibeamus, sed qualitatem tantum, scilicet oua, carnes, vinum, & etiam panem, nihilominus (quoddam sanè mirabile est) ipse Princeps vituit victu magis attenuante in febribus quā Hippocrates aut Galenus. Cum enim Galenus in cura tertianæ puræ concedat carnem colliquatam, & oua, vt supra docuimus, Princeps dat betam & lactucam tantum coctans, non aliud & ptisanam, quam vocat Risch hordei. Et cum in notha Galenus velit, vt aliquanto plenius quā in exquisita alatur: Princeps dicit: Oportet vt cibetur vno die; alio non. In quartana cum Galenus ægros tantum à porcinis carnibus & crassis velut bouum & vacarum prohibeat, dicit Princeps. Et rectius est vt abstineant à carne & alumer, id est iure pingui, quod nos propriè consumptum dicimus; imò antea non concedit in ea febre nisi olera humida & pepones, & huiusmodi. Et subiungit de quartana continua loquens, Et in hac febre cauere magis etiam oportet à carnibus quā in intermittente. Et dum curat febrem continentem, palam est, quoddam exhibet lentes, olera, fructus, & similia, vt nec audeat super ptisanam nedum super alicam, cum Galenus non solum ptisanam & alicam, sed etiā panem concedat. Et loco carneorum & carnis quæ concedit Galenus in syncopali febre ex humoribus tenuibus, Princeps solum concedit iura pinguiā, seu consumpta, & præparata cum aceto, omphacio, oleribus frigidis, & præcipuè coriandro, vt nihil sit quoddam obicere possint de hoc homine, sed exquisitissima victus ratione, si quis alius vtatur in febribus, non solum acutis sed etiam longis.

Hactenus videri poteram explicuisse quod proposueram, hic si longè latius pateret propositum

1. Art. cur. cap. 6.

Prima 4. Tract. 2. c. 58. ante finem.

Cap. 8.

Com. 66.

Com. 44.

Cap. 12.

De 49.

Cap. 38. i. ad Glanc. cap. 10. Cap. 39.

i. ad Glanc. cap. 11. Cap. 65.

Cap. 63. Cap. 66. Cap. 45.

Cap. 13. p. ad Glanc.



13. Eger. 2.  
ord.

Lang. 1. ibid.

Pag. 7.  
Pag. 3.

positum nostrum, quod etiam apud plerosque difficultatem maximam habet: ad eò ut cum qui litteras nouerunt, licet factis id non præstent, erubescant, tamen mihi de hoc contradicere in acutis, tam in diuturnis, neque assentiri velint, nec disputare de hoc illos pudeat; tametsi velut Hebræi olim contra Romanos plus animo quam viribus pugnent, inermes contra armatos. Igitur Hippocrates censet tertio Epidemiorum, Apollonium periisse in xxxiv. die quod lac ouillum & caprillum bibisset crudum ac multum. Oportet igitur à cibis etiam multo ante temperare siquidem id ille egerat circa quartam diem, propterea subiunxit, & victu malo usus est, & omnium errorum læsiones magnæ subsecutæ sunt. At de Lario rursus qui obiit die centesima vigesima non solum tempore febris, sed etiam cum interim in quadagesima alleuatus fuisset, & esset absque febre, inquit, cibis multis ac vitiosis utebatur. Iam ergo dubium non est cum præscripisset normam in ægris, ptisanam hordeaceā, malos cibos vocare & carnes & oua, quæ nec dignatur inter cibos sanorum numerare: cum dicat secundo de Diætâ: Oua volucrum robustum quid habent, alunt & inflant. Quid in libro de Veteri Medicina? nonne declarat mentem suam, dicens: si agro sani cibum des multo magis lædes ipsum quam si sano victu ferarum exhibeas. Sunt enim pauci valde quibus minimum dare licet cibi sanorum, sed omnibus fermè expedit sorbitiones loco ciborum dare & paucas, multis etiam ex his, neque illas, sed solum potus, dare oportet: quoniam natura ægrorum quæcunque fortia edulia aspernantur, non quia mala per se, quinimo & à mazza dicit, læduntur grauius decuplo ægri quàm à sorbitionibus. Vult ergo sorbitionibus tantum vtendum, atq; his ex pane: cum antiquo tempore usus carniū cõtusarum esset ignotus, quinimo cum nosceret triticum, elegit tamen hordeum pro ptisana, quodd sit minus robustum alimentum, intelligit robustum quod cum difficultate subigitur, & cum hoc etiam plurimum nutrit, quæ duo mala sunt in carnibus contusis: tum multa alia etiam vtpote quodd facillimè putrescant, facile accedantur, & ob lentorem obstruant: eadem in ouis, sed non sunt difficilis coctionis: ergo nihil horum conuenit febrientibus. Iterum forsan confugies ad id quodd multi febricitantes cum sumant contusa, & oua, tamen sanantur. Idem responsum: eadem confutatio: multi moriuntur, non seruantur nisi quibus vires sunt robustiores morbo simul atque errore: & non seruantur perfectè: & si modo tandem perfectè non nisi longo post tempore: & remanent imbecilles, exhausti & cum malo habitu. Propterea vide quid dicat Hippocrates de huiusmodi curatione in eodem libro. Quare plerique Medici, eadem quæ mali gubernatores, in se admittere mihi videntur: etenim illi cum tranquillitate gubernantes delinquant non fiunt manifesti: quum vero deprehenderit ipsos ventus magnus & tempestas, palàm iam conspicui sunt omnibus hominibus, quodd ignorantia & culpa erroris sui nauem perdiderunt; sic sanè etiam mali & plurimi Medici; quum curant homines nihil graue patientes, in quos etiam si quis maximè

delinquat, nihil graue faciat, sunt autem multi tales morbi, & multo sapius quàm graues hominibus accidunt. In talibus sanè delinquentes nõ fiunt manifesti idiotis hominibus. Vbi verò obtigerit magnus & fortis & periculosus morbus, tunc ipsorum delicta & ars omnibus in conspicuo sunt. Neque enim longè absunt singulorū pœnæ ac cruces, sed breui adsunt. Itaque mira est impudentia istorum, maior socordia eorum ad quos hæc pertinerent: sed

*Nimium vobis Romana propago  
Visa potens superi propria hac si dona fuisset.  
Nimis fuissent mortales ipsi felices,  
Si Medici boni essent & leges.*

Ad aliud caput procedamus, sanguinè mittunt in febribus putridis ex vena: & tam illud benè ac rectè facere videntur, vt si contradicam, non parum superiori causæ, quam vel ex ipsis iudiciis superiorem esse intelligunt, detrahā. Quid magis mirum dicent hi: insanit, senex est, omnia euertere conatur, gloriam inanem quærit: putat nos nullos esse, seu confidat in sua illa Dialectica, seu in dæmone aliquo, quem per sepe habere illum diximus, sed credere nolunt homines. Si sectio venæ tollatur è medio, omnes ægri perituri sunt. O miram rem: certè id nos diximus, finem tandem huius altæ sapientiæ amentiam esse & insaniam: eosque qui dæmonibus aures præbent, finem sortiri miserum & infelicem. Hæ sunt exclamationes istorum præclarorum oncephalorum, Cosconiorum Calidianorumque siue malis eos Philonides appellare, qui de ceruicibus vestris disputant nõ ex lege, aut legis interpretatione, sed arbitrio, mala consuetudine, furore, nulla certa ratione. Affirmant Hippocratem hoc voluisse, noluisse Galenum: neminem esse qui non mittat in putridis febribus sanguinem. Est illud præclarum Elogium ex vndecimo Artis curandi, *Saluberri- Cap. 11.*  
*um est in febribus venam incidere non contentibus modo, verum etiam aliis omnibus quas putrescens humor concitat.* Sed si ostendero neque Hippocratem huius fuisse sententiæ, neque conducere homini febre putrida laboranti sanguinem mittere, nec antiquos huius fuisse sententiæ, perniciosamque esse venæ sectionem, nec Galenum omnino tam coluisse vt credunt, sed & ipsum declinasse quantum potuerit, ad eò vt etiam ex illius sententia, vix vni aut alteri, ex quadraginta ægris mittere conueniat sanguinem, quid postmodum de antiquo hoc veterno dicturi sunt: aut quicquam remissuri de hac cõsuetudine ad eò exitiali: separabo hic inquam Phlegmonum causam, in quibus tam in secando venam aberrant fermè semper quam in febribus, quodd omnino secant, ubicunque secuerint. Iam tot annis litigant de venæ sectione in Phlegmonibus, & concordiam habent ante oculos, nec eam vident, quoddque nos vna charta comprehendimus clarè, dilucidè & ex omnium consensu, ipsi plûsq; mille chartis consumptis, indiscussum & magis dubium relinquere quàm antea, sed de hoc in secundo de Dentibus. Sectionem venæ in Phlegmonibus interis conuenire plerumque fateor, sed errare omnes Medicos de loco contendo. Si rectè illam administrarint reliquis fortuna & casu contingit,



tingit, vt pleraque alia. Sed de febre contētio nunc est, nec omni, sed putrida tantum, nam vt neque in hectica, neq; in Ephemera secare venā quisquam eorū velit, ita nec nos si quis febre ex sanguine antequam putruerit laborauerit, omittendam omnino censemus. Dubitatio est de ardentibus & continentibus cum putredine, acutis, hæmitritæis, sudorificis, frigoricis, squalidis, lentis, tertianis, quartanis, quotidianis, syncopalibus, pestilentibus, erraticis, lipyriis, nisi ex inflammatione interna sint epialis diurnis nocturnisque, quarum nulli venæ sectionem vtilem esse dico, neque cam esse ex mēte Hippocratis, nec fuisse olim in consuetudine antiquorum. Parum etiam probari à Galeno hanc actionem quamvis adeo adductus illi esse videatur dum Erasistratum persequitur. Hoc enim in hoc viro, quod sapius dixi, mali est, vt dum conuellere nimis antiquorum opinionem cupit, in quædam absurda & periculosa incidat; sed mittamus hæc, rem aggrediamur: si sanguinem mittimus, ex vena materiam totam quæ in venis putruit, loco dimouemus, vnde non parua mala contingunt: spargitur enim primum & sanguis ipse semine corruptionis concipit, & mota ex loco non concoquitur, & in interiores partes truditur, & super membra principalia transit, & angusta obstruitque ea. Secundum est quod vires semper plus debilitantur quàm materia peccans minuatur. Tertia est quod sunt exceptiones quæ prohibent venæ sectionem, vt etiam si id postulet febris, non tamen conueniat, etiam ex Galeni ipsius sententia; capita solum adduxi: sufficiat, locos aibi enarratos omittam: neque ergo summis ardoribus, neq; summis frigoribus, nec in ætate puerili ad quartumdecimum annum vsque, neque valde senili, nec vbi materia turgens fuerit, purgari enim debet, non venæ sectione euacuari, nec vbi morbus processerit, nec si inedia magna præcesserit aut purgatio naturalis diarrhœæ, dysentericæ, hæmorrhoidarum vel natura motum alium inchoauerit, nam si fastiditus aut nauseabundus, nec cruditatibus repletus ventriculus, aut cum vomitu, neque si pestilens fuerit febris aut aer perniciosus, nam tutela nulla relinquitur, vel si ex veneno assumpto febris inuaserit. Non si bilis aeris vincat, aut humores crudi, frigidi, pituitave multa aut melancholia. Et si virtus valde sit imbecillis, si corpus admodum siccum, præsertim ex vigilia. Sed nec vbi iam sanguis computruerit, aut in syncopali, aut si venus multa præcesserit, nec si morbus sit leuis aut febris intermittens quatenus huiusmodi est. Nec si lēta fuerit, aut eidem iuncta hectica, aut patiens habeat lapidem in vesica: & sunt qui id genus auxilij naturaliter nimis agrè ferunt. Omitto lusciosos, neruorum debilitate, tremore præsertim, laborantes, obliuiosos, corde facile & sæpè palpitantes: omnesque imbecilli iecore. Quid verò cum hos omnes exceperis quos excipere oportet reliquum tibi erit in quos hanc sectionem exerceas? Quarta ratio, vel vires sunt robustiores his quæ sunt contra naturā, aut inferiores, si inferiores non sunt infamāda auxilia in morituis, quæ in sanandis possent esse auxilio: non igitur mittendus sanguis: si vires detracto sanguine erunt superiores, igitur natura ipsa

emitter sanguinem, si emitte expediat, opportunius, moderatius, & tutius quam venæ sectione; neque enim defunt loca, hæmorrhoides, nasus & præter id in mulieribus menses. Sed fac vt natura negligat, vel tu vis mittere sanguinē ratione qualitatis hoc non conuenit febri: febris siccatur, vires debilitatur, opus est inedia, vbi fame laborandum non est: nullo modo conuenit: vel etiam ratione sui, est thesaurus naturæ, non potest esse vtile vel ratione quantitatis quot modis in hoc aberrabis? si minus educaſ monebis sanguinem, & hoc est semper malum, & non educaſ neque iuuabis: aut minus iuuabis quàm nocebis: aut plus educaſ, & ita debilitabis vires; adde quot incommoda, quot pericula: Tonsor vnus vulnerat hominem, & sanguinem non educit: alius fecat vnā venā pro alia, vt heri quidam, cui iusseram, vt mitteret sanguinem ex pede sinistro, cum bis frustra sauciaſset ægrum, misit ex brachio dextro magno ægri periculo, licet euaserit, iactura tamen certa, alius pungit neruum & conuellitur æger & moritur, vt trapezita Io. Marini: aliis sanguis ex vulnere fluit, per somnum, vt Patritio cuidam ex familia Tortorum Ticinensium; obiitque hac causa sola ex leui morbo hoc, & quàm multa alia intercidere possunt. At quod non fuerit sententia nēque mos Hippocratis aut æqualium eius est considerandum: quoniam Erasistratus id negat fieri debere. Hippocrates floruit anno cōditæ Vr̄bis cccxv. cum adhuc regnaret Artaxerxes Longimanus, qui bellum Græciæ inruit. Aristoteles anno vr̄bis ccccxxv. centum & decem annis post ex descenditibus. Erasistratus autem ex Pythiade nepos Aristotelis coniunxit Theophrasto, quomodo igitur Erasistratus in tritauum suum Hippocratem adeo etiam celebrem apud omnes tam fœdè inuectus esset, cuius verba per vr̄bes decantare solitus erat? Equidem addere aliquid in aliorum sententiis citra vituperationem licet: seu declarandi causa seu quod ille breuius dixerit, seu quod nondum ars ea fuerit planè inuenta; at abolere quæ mandarit, negare quæ prius ille dixerit, citra contumeliam id fieri non potest. Quod si etiam voluisset, cur non Galenus ex Hippocratis verbis illum confutat: at cum nullibi id faciat quanquam duobus peculiari- bus libris ad hoc dicatis qui supersunt integri, in Phlegmone autem & doloribus & sputo sanguinis id agat, palām est Hippocratem nūquam præcepisse sectionem venæ in febribus. Hæc igitur ostendunt planè sectionem venæ parum esse opportunam febrientibus, iam febre putrida, non solum ex sententia Erasistrati & Hippocratis, sed etiam ratione. Verū in sanguineis febribus nondum corrupto sanguine, in Phlegmonibus, aut iam factis, aut initium facientibus, in corporibus iam aliquin repletis, non ob febrem, sed ob repletionis periculum, vrgente febre, in vasis ruptis, in doloribus vehementibus, in omnibus his quibus extrema opus esset inedia, nec famem tamen perferre possunt, eam non solum admitterim, sed suaserim etiam. Cæterum aliud est ratione febris, cui nullo modo conuenit, neq; enim hectica debilitat nec siccatur corpora: nec nisi raro materiæ febris ratione, quæ cruda est inobediens & furens, aut sicca: sed ratione

An sang. in  
Oratio con-  
tineatur.  
Cap. 7.

.coniunctarum



coniunctarum occasionum sectio venæ conuenire potest. Quod verò plerisque Medicos fallit, est, quod cum antequam incipiant esse putrida, si administretur persæpe iuuat: tum illi putant putridæ febri ob id conuenire.

Hæc igitur dicta sint de his tribus capitibus quæ proposuimus, non quod in his solum peccent Medici aut maximè, sed quod facillime. Ostendam autem exemplo quod nuper mihi contigit quantum aberrant illi, dum in huiusmodi curationis genere versantur, & quod maximè mirum est, quomodo sub optima medendi specie ægri periclitentur. Laborat Vincentius Balzanus Vir haud plebeia sortis erysipelate in crure dextro cum dolore & febre, à diuturno morbo conualescens, curatus morè isto vulgari, quem appellant honestiore nomine practicum, veriore Empericem: iubeo è talo sinistro sanguinem mitti, tonsor aliis Medicis assuetus, qui non curant qua ex parte, nedum qua ex vena sanguis mittatur, postquàm bis pertusa vena pedis sanguinem educere non potuit, iecorariam dextri brachij secuit. Adueniens ego vesperi, leuiter damnaui factum, ne terrerem ægrum adhuc febre non leui laborantem, sed ad L. Nonium Fauentinum iuuenem Medicum conuersus dixi, vno errore multa damna attulisse: non eduxit peccantis materia quicquam, non aduertit à iecore, sed ad illud attraxit: & bonum fudit atque inculpatum sanguinem. Curaui ergo vt non leuiter crus sinistrum totum deorsum trahendo fricaretur: emplastrum acopum & frigefaciens tepidum parti patienti adhibui: carnes, vinum, ouaque inhibui, exactis duobus diebus, cum res satis ex voto cederent (nam inæqualitas pulsus quæ secunda à sectione venæ die apparuerat cessauit) dolor est imminutus, crus ipsum cum sura intumuit satis, sed molle & rubrum absque vehementi calore: dixi hic vides Noni, & quam perniciose peccent Medici, & quam facile sit perdere hominem per ignorantiam: & quomodo nil tam probetur à populo in arte quàm quod pessimè fit: tum ille arrexit aures dixit: que quomodo? Quoniam (dixi ego) si quis medicamentum validum nunc exhibeat, videatur sanasse ægrum & tamen perimet, aut in maximum saltem discrimen adducet: namque eo exhibitio strenuum aliquid facere videbitur, & maximè cum purgauerit egregiè, & materiam reuocabit à loco vnde dolor & rubor cessabit: materia enim in venis dum fuerit dolorem non excitat, cum venæ sensus sint expertes, cessante dolore, totum quicquid est Ephimeræ cessabit, febrisque ob id alleviata, adeò videbitur vt vix quisque febre illam percipiat. An non ego sibi ipsi & astantibus longe melius se habere ex hoc Pharmaco videbitur: tum Nonius imò planè Sanatus multis qui non intelligunt; sed vnde discrimen illud vitæ tam magnum? cui ego, imò non discrimen sed iactura certa: namque materia quæ erysipelas facit, cum non amplius crus patiatur, si non edacta est Pharmaco in corpore adhuc erit: secus fieri non potest, inquit ille: at eductam esse vel minimam guttam eius ostendam planè esse impossibile: primum tam multa vt pluribus indigeret euacuationibus, & tam procul vt quasi totum corpus permeare cogeretur, & maximè in tam breui tempore: post

adeò cruda & minimè naturæ ægrotantis subiecta: demum fac vt nil horum adsit, quomodo ex gibba iecoris tam crassa cum sit permeabit in cauam, vbi venæ tam angustæ sint, vt dubium sit an penetrent & inuicem conueniant: adeò vt cum hæc omnia in hoc ægro adsint, dubium non sit ne guttam quidem euacuari. Sed vnde tanta tamen, inquit ille, materia in purgationibus eiusmodi prodit, & vnde alleviatio illa adeò manifesta? dixit Nonius. Euacuantur materiae crudæ, quæ in mesaræo vndique sunt, & colliquantur sana, vt inquit Hippocrates. At alleviatio illa erysipelatis in crure sit, tota materia, per consequentiam attractionis, reuocata ex venis magnis ad paruas, ita vt relicto membro iam læso, & nondum traducta ad iecur, quod tempus quatuor vix dies implere potest, vbi adsit febris: vbi latuerit per multos. Per totum igitur id tempus quasi quiescit morbus, & æger melius se habere videtur. Relinquantur tamen vrinae crudæ, sitis, vigilia, & appetitus, non integer, quædā molestia, & pulsus, si quis cum rectè tangere norit, inæqualis. Deinde superueniente febre, Medici causantur ægrum edisse pomum, aut iratum esse, aut surrexisse nimis tempestiuè. Video, inquit Nonius statum ægri, sed quomodo tanto sit in discrimine non intelligo, cui ego ostendam: reuocata ea materia ad iecur, ibi excipitur multa cruda facta maligna exitu illo ad cutim ne potens permeare venulas illas capillares iecoris, & retenta, ibi totum corrumpit sanguinem, coctionem & nutritionem impedit, inflammat iecur, febrem accendit, persæpe etiam Phlegmonem in ipso iecore excitat: aut resoluta parte tenuiore scirrhum in eo facit, aut etiam putrefacit illius substantiam. Hi sunt fines illius gloriosæ alleviationis, ex quibus plerique intereunt: aliqui quorum materia tenuior & paucior, venæ latiores, ætas florida, plurimum conflictati, tandem euadunt, exhausti omnibus bonis, animæ, corporis & fortunæ. Atque hic modus est non mortis vnius, sed infinitorum, cum omnes qui Phlegmone in aliqua parte viscerum laborant, qui totidem ferme sunt, quot qui febrem habent continuam, acutam, aut si diuturna sit cum tumore duro, aut molli eidem periculo atque aliis subiiciantur.

Ergo receptui canamus, & nobis quid agendum sit consulamus, ne vel cum illis sentiamus, neque despecti inter homines, aut medici vitam trahere cogamur. Cæterum quinam in errore maiore sint, an beati isti iuvenes, potentes, opulenti, quorum vita eiusmodi est, vt nil boni sperare ab obitu possint: aut quibus nil sperare summum sit bonum, qui hoc ipsum in quo omnia exposita sunt, tam oscitanter curent, & in eo tam aperte fallantur, an ego qui iam lxxj. prætergredior annum laudis in posterum aliquantulum spei ab obitu plus longè adeptus, & in eo, quod maximum illi putant, rectè sentiens, in aliis minoribus etiam si deciperer tibi diiudicandum relinquo; mihi sanè videtur, si illi, quanto maiores fuerint, cum magis delinquant, sapientes existimantur, me hac in parte stultum haud iure dici posse. Verùm de his tu ipse videris

4 de Vitis. in  
Acutis Tex.  
22.





# IN THESSALICVM

## MEDICVM ACTIO SECVNDA.

**L** A V D O prudens consilium tuum, ô Vir egregie, quod nactus tam præclaram ditescendi occasionem, summisque honores atque existimationem, tum amicos parandi sine labore, sine vigiliis, aut sumptu vlllo: neglectis vanis mortuorum expectationibus, & inferorum fabulosis terriculis, inanibusque Philosophorum argutiolis, postquam in ea arte versaris in qua tutissime peccare licet, atque absque vlllo legum metu, quæ sola etiam fortes viros terrere possunt: tu omni stulta formidine posthabita, eam tam bene sis amplexatus, tam strenueque administraveris, ut nemo tibi iure præponi, imò ne comparari quidem possit. Qui veluti novus quidam artis inceptor, per tot blanditias, per tot dolos, per tot negotiationes, per innumeras funera, sine arte, sine doctrina, sine iudicio ita oculos populi atque principum præstigiator summe perstringere potuisti, ut ad culmen autoritatis & existimationis ascenderis, diuitiisque non contemnendis tibi paraveris. Eia age strenue, & perdura in opere egregio: gloriam tibi sempiternam, familiaque tuæ nomen maximum paraturus. Sed si aliqua est Adrastia Nemesis, si aliquis sensus Superis, si tibi tot male facta mentis aliquid reliquerunt, doce me quoniam pacto cum recordatione huius vitæ somnum capere possis. Nonne tot per inscitiam & pertinaciam ambitionemque introductorum hominum agmina te exagitant: nonne conscientia tanti sceleris mentem excruciat? Sed exillimo in initio hæc omnia tibi contigisse: ubi occulisti, velut iam vetulus cum tor, aut latro, non magis de hominum, quam hædorum aut pullorum sollicitus es. Quinimò etiam iam securus ob vsum patrimonii per te: longè plura verò per tuos illos sceleris socios quotidie in plebem adversus omnes bonos euulgas. Præsertim autem vnam me impetis, seu ob artis successum, seu quod studiis meis aut famæ (quæ quamvis mediocri sit, te tamè torquet) inuideas: seu potius, quod natura ita comparatum sit, ut maxime dissimiles motibus atque institutis, maximo etiam odio prosequamur. Nam neque omnino à me læsus es vnquam: quis enim à me læsum se vel verbo vel factis dicere potest? neque aded imperitus tum: cui enim talis visus sum aliquando? nec tam infelix in artis operibus propter quæ nobis inuides: & tamen tua illecebri impostura sic urbem impleuisti, ut plures damnent quem non cognoscunt, horreantque eum à quo nil nisi vile consequi possunt. Adeone exteris tuis istis dolis, tua ista nefanda versutia, qua plurimum vales (neque enim te tuâ laude spolia-

Tom. I.

re volo, quemadmodum tu meâ me niteris) imponere te posse speras? Quid iam adhuc superest, quàm ut eruditos, ut veritatem, ut Deum ipsum fallere hac tua mendaci, furtoque ac malis artibus conquesta gloria posse confidas? An non tibi iam conscius es imperitiæ tuæ? an nescis quoniam ciues felici illa tua indulgentia ad orcum miseris? an dissimulare potes, quâ ambitione, quibusne technis potentiam tibi ac tyrannicam vim paraveris, amicitiaque principum te insinuare conatus sis? Tu doctor eorum qui illegitimè artē tractant, tu exemplum legum non seruadarum, tu ambitione ac minis bonos opprimere non cessas: tu blandiri mulierculis in ægrorum perniciem excogitasti, ut quod imperitia & stultitia non poteras nomen retinere, his versutiis etiam augeres. Nescio quoniam encomio te magis dignum esse censeam, quàm eo quo qui fonte sacro infantulos aspergunt, cacodæmonē execrantur. Quid tibi prodesse regis opes & stipendia, etiam si ampliora multo essent? quid Imperatoriæ dignitates, aut principum familiaritas, omnia per falsas adulationes, per obsequia nefaria, denique per supposititios laudatores acquisita? Non ego tuorum sordidam parentum conditionem, neque aliud quicquā insectabor (hæc enim odiosa sunt, ætatis aut fortunæ vitia accusare) verū tu solus mihi (ita pessimè in arte versatus es) sufficis, ut longior possim conficere orationem, dum fraudes vitiaque ac malefacta quæ in sanctissimâ disciplinâ, quæ in patriam & ciues, quæque in reliquos artis professores, & maxime in meipsum exercuisti, recenseo: quæ sint Verrinæ illæ Ciceronianæ, aut Demosthenis Philippicæ. Iræne forsâ debacchatus securus es, ut crederes defuturum hominē qui tua flagitia agnosceret, aut in publicum edere auderet? Publicè peccasti, & in perniciem ciuitatis nostræ solū natus esse videris, pestisque vna ciuiū ac patriæ tuæ (si modò tam flagitiosus, tã patriæ ingratus, cuius dici meritò potest.) Ob id publicam tantum etiam ob iacturam, non ob priuatas aliquas inimicitias, tametsi tot tantaque in me patrueris, tua facta detego, teque ut meritis es accuso. Fecisti mortalium pessime, ex erroribus tuis dogmata, & notam medendi rationē ac perniciosam aduersus omnium antiquorum præcepta in hanc urbem inuexisti. Quid iam nunc profunt Academix, gymnasiisque tantis stipendiis sustentata, tot libri, si imperitus vnus medicus partim ignoratia, partim scelere omnia euertit & destruit? docetque quemadmodum egregius ille Paradoxorū scriptor, melius esse nescire literas quam scire. Atque ita videt esse, & experitur, postquam in sola amentia sua confidit, & felicitatem non in virtute, non in artis operibus sed in operibus & potentia

P

dolo



dolo partis conſtituit. Et vos videtis & fertis: quoniam huius diſciplinæ eſtis ignari. Et dum puniendo errare timetis, non puniendo longè grauius peccatis. Quæritis forſan, cur ego ſolus inter tot præſtantioreſ deſcenderim ad accuſandum? Cuiusque hic impoſtor omnes alios in me accenderit? Hoc primum dicam (cum neutrum obſcûrum ſit: ) Non ſperabant me ſtante obtinere poſſe quod concupierat, imperitus apud non imperitum, ignarus exercitationis apud exercitatiffimum, infelix in opere apud feliciffimum: denique ſolis dolis ac verſutia præditus, cæterum omnium bonorum inſcius, aduerſus eum qui totam vitam in ſtudiis & experientia rerum conſumpſerat: & quamquam calliditatis eius omnem virtutem ſuperare poſſet, ipſe tamen ſibi conſcius, haud confidebat ſe quicquam agere poſſe, niſi me oppreſſo. Id etiam forſan cogitauit, vt inimicitias mecum ſuſceptis fieret celebrior. Audierat aliquândo incognitos homines ob egregiorum virorum inſectationem claros euafiſſe. Sic Hippocrati Lycus & Iulianus, Platoni Moto, Ariſtoteſi Eubulides, nominis conquirèdi cauſa aduerſati ſunt. Sed vt Romanus ille aiebat: Abſit vt hunc hominem tanquam amicum recipiam, aut inimicum reſpiciam, cum eum ſciam ſe ampliorè futurum ſperare, ſi ſe mihi inimicum dictauerit. Itaque ſi hunc homunculum nunc nominarem, nec caſtigarem, maiore illum honore quam contumeliâ afficerem. Nâque is cum beatum ſe eſſe alioqui prætet ob diuitias, etiam inimicitias exercendo, poſtquam aliter non licet, gloriam quærit. Sed quomodo te beatum opes efficere poſſunt, aut glorioſum, cû tantò magis egeas, quantò plus habes? Etenim niſi indigeres, non quæreretis: cumque plura quæras, pluribus, te indigere perſpicuû eſt. Nec interim illis gaudes, nec fruieris, nec retinere ſine magna cuſtodia poteſ, nec amittere ſine dolore. Nec tanta poteſt eſſe voluptas in paranda, quanta eſt antea actæ vitæ poenitentia. At parabis filiis ac nepotibus? vtrum illi ſuperfuturi ſint, Deus nouit. Si vxor nunc pudica, ſit nurus, qua arte tandem efficies ne quandoque in adulteri filium omnia deuoluantur? Certum eſt enim (quod tu tamen verum eſſe non arbitraris) ſtatim temporum circuitibus opes neceſſariò ex vna ſtirpe in aliam tranſire, vt qui dices fuère, fiant mendici: & rursus, pauperum proles in diuitum opes ſuccedat. Quòd cum multis modis eueniat, ſemper tamen euenit, in quibusdam ante nepotum obitum: adeò ſæuit quandoque Diuina vltio, quòd & Iuriſcòſulti affirmant. Cui etiam principi peccatum videri poterit, poſteros tam ſclerati viri ſpoliare fortunis, opesque tam iniuſtè partas ſibi vindicare? Sed eueniat hoc quomodo & quando libet: conſcientia facti nunc tua eſt, laborque vſus ac voluptas in poſterum aliorum. Ergo ſolus ob id te accuſo palàm, vt ſcias reliquos omnes qui præſentes adſunt, vultu, geſtu, quâquam ſileant, hanc tuam impudentiam temeritatèque damnare. Hoc ipſe Deus, hoc patria, hoc boni omnes vna ſententia te condemnant: tu tamen tibi places: quoniam neque tantum ſenſus, tantum verecundiæ retines, vt dolere poſſis. Noli lætari vocibus tuorum atque aliorum ſimplicium, qui te florere dicunt: non

enim flores, ſed inualeſcis ac ſeuiſ, quibus verbis clamitatum etiam reliquarum incrementa designare ſolemus. Inquies forſan: Quid egi? quid ſcis? conſcius enim mihi ſum, me clanculum peccaſſe. Quid ais? Tu hæc malefacta Deû ante ipſum latere poſſe arbitraris? Cæterum, quòd non reris, & vrbi & toti orbi notiſſima per me ſient. Sed vndenam in tanta rerum tractandarum magnitudine ac multitudine incipiam, non ſat mihi occurrit. Debeone ab ignorantia exemplis, ac vitiis peccatiſque tuis, ac artis euerſione: an à dolis conſpirationibûſque cum pharmacopolis, cum tonſoribus, cû chirurgis, cum mulieribus: an ab aperta vi, qua ſimul cum coniuratis aduerſus nos vteris: an potiùs à maledicentia illa, qua omnem probum virum inſectatus es, initium ducere?

Sed ab imperitia tamen incipere decet, in qua illud ſanè mirabile eſt, quod qua parte maximè es imperitus, ea alios docere vis. Nōne tu primum, ſapientiſſime vir, omnem prædictionem ab arte ſuſtulisti? Nōne tu es ille qui doces, eos qui prædicunt, vatum & aſtologorum, ac etiam circulatorum loco habendos? Eia vir egregie, vnde primum hoc didiciſti, vt tot libros Hippocratis, Galeni, Aui-cennæ, aliorumque optimorum autorum dānareſ? Deinde ſi prædictio nulla eſt, quomodo inſtituemus victus rationem ad ſtatum vſque? Nam ſi ab initio tenuem, vt tu facere ſoles, in diuturnioribus febribus victus rationem præcipiamus, homines enecabimus duplici ratione: & quod minùs imbecilles euadent ægri, & quòd cogemur in ſtatu, maximè cû à cibo abſtinendum eſt, dare cibum. Sin autem ab initio craſſiorem: quomodo non omnes quibus ſtatus proximè eſt, jugulaſi? Quanam igitur ratione medicina ſtare poteſt, abſque hac præcognitione. Quin tu etiam occidas quotquot in manus tuas veniunt, & peſſimo exemplo alios idem facere doceas? An hæc quæ dico falſa ſunt? & à mente authorû, & à ratione atque experientia aliena? An falſum eſt, te omnem ſuſtuliffe prædictionem? cû non ſolùm abſtineas ab illa, ſed eò vſque tuum illum patrium virus latè ſerperit, vt ne vnus quidem aut alter nunc prædicere audeat. Ita vir innocens, ne procederetur ignorantia tua, totam urbem euertiſti: & non ſolùm nunc, ſed, niſi Deus aliquis prouideat, etiam in poſterum. Hæc eſt gratia, quam patriæ tuæ reddidiſti. Quid enim illa dicere poſſet? ego te genui, alui, educaui, tutata ſum: tu, vt ditior aliquanto efficereris, peſſimè non ſolùm perdis, prodiſque amicos, ſed vnumquemque bonum inſectaris? exemploque doces, occidere meos alumnos? Vndenam (nunc ego te interrogo) fama increbuit quòd inſanire? Verùm in hoc tibi ignoſco: nam cum duorum alterum neceſſarium eſſet, vel vt homines inſanire me crederent, vel te omni ſupplicio dignum exiſtimarent, ferendus eſt: eſt hanc infamiâ, hoc periculum, quacunque ratione à te conatus ſis propulſare. Verùm vbi id non ſucceſſit, viſumque eſt nimis arduum hoc perſuadere hominibus pro Aſtologo habendum prædicaſti, adeò vt hic rumor vſque ad Cæſarem peruenerit. Ego quidem fateor me ſcripſiſſe aliqua in Aſtologia: vbi etiam ſycophantarû perfidia artè euerſam eſſe cognoui.

Sed



Sed vide Elenchum librorum meorum, & quam minima sit eorum portio, id quod à me in Astrologia conscriptum est. Verum ô præclare, vbi docebis me vix ter aut quater illam artem exercuisse, etiam maximis præmiis propositis? Artem verò medicam perpetuò iam annis triginta & amplius exerceo.

At dicis: aliis in disciplinis scripsisti, & inauditam rem: quod aliis omnibus laudatibatur, tu pessime ut mihi probro sit obtinere vis? Et solum in me dignum vituperatione inuenisti, quod in te mererò in omnibus laudari solet. Quanta Galenus, quanta Auicenna, quanta Aëtius, extra artem scripserit, ac longè plura quàm in arte, & quàm ego: num ergo & illos repudias? & ut medicos imperitos aut minus exercitatos arguis? Sed hæc est labes seculi? non perionem, sed patriæ nostræ: nec patriæ, nisi tu dira & stygia pestis in perniciem non solum honorum, sed etiam disciplinarum naturæ esset.

Verum hæc mittamus, rem ipsam profequamur. Quoniam pacto, si statum morbi ignoras, audes tot nobilium corpora tractare? ni forsan diuino iudicio carnifex mererò euasisti. Nunquid purgare, secare venam rectè sciebat, ignoto morbi statu? Quid si sub statu horum alterum facias, vel vtrumque nonne hominem occidisti? Suspenduntur latrones, lacerantur, excarnificantur, alibi etiam palis rotique inferuntur, quod homines ignotos pecuniis spoliunt: tu amicos, tuar fidei creditos fortunis, & vita priuas, præmiâque necis ac sceleris accipis. O feliciem scelerati fortunam.

At dicis: Nolens occido? Qui nolens, cum scias te rectè facere posse, nec facias: aliosque facere volentes prohibes? Nonne illa medicamentorum intempestiua exhibitio in gratiam pharmacopolarum excogitata est? scilicet ut lucro allekti, te ad alios infirmos aduocent, & ut simul aliquid facere videaris, morbumque in longum producas? Quis cum tot commodis tuis errare te nolentem suspicetur? & maximè reclamantibus autoribus, tanquam infelici miserorum ægrotantium successu? Quid ergo est quod tantum Astrologiam insectaris, quæ morbi euentum prænotare docet? Non doleo quod illi operam dederim: sed quod à tuis malefactis impetratus, id nondum esse qui potuerim quod voluimus: scilicet ut statum morbi ex astris prænotare possem. Ita ut duplici coniectura quasi duplici cruri innixus, maximam humanæ salutis ansam possem deprehendere. Id solum generaliter allectus, quod tam Sol quàm Luna in signis vernalibus salubres & breues, in æstiuis breues & periculosos, in autumnalibus lethales, in hyemalibus longos efficere solent. Quodque qui à Sole reguntur morbi diuturni, à Luna breues sunt. Et quodcum luminare morbo dominans grauioribus planetis commiscetur, ac tardis, morbus natura & euentu longus erit. Sin autem grauius planetis natura, v. locibus autem motu, ut cum Saturnus aut Iupiter prope Solem sunt, morbus quidem natura diuturnus breuior efficitur: sicut contra, si Mars, Venus aut Mercurius tardi fuerint, morbi natura bre-

ues protrahentur: sin veloces, velociter finiuntur morbi, natura etiam per se breues.

Quodque benefica mites, malefica prauos suggerunt morbos: & orientales manifestos, occidentales occultos, sub Solis radiis latentes prorsus & incognitos. Quamquam planeta, ibi constitutus si præsit, solum signent virtutis languorem, & humorum exultionem.

Verum dicis, hæc extra artem sunt: omitto iam. Quid si contendam, te & complices tuos vrinarum cognitionem nullam tenere: sed omnia circa morbos qui ex materia pendunt, febres præcipuè, ex æquo tibi incognita esse: Dico sanè & morbum, morbi tempora.

An hoc extra artem etiam? quod tamen tibi experientia ostendere paratus sum. Sed ad cætera transco. Ex hoc errore in alium non minorem, imò deteriorem incidisti, cum nescires vbi & quando status morbi sit collocandus, ad septimum in omnibus illum constituisi, aliosque ita facere doces. Vnde si quibusdam antea status euenerit (quod rariùs accidit) illos superflua inedia maceras: deinde me arguis, quod exquisitiore victu in morbis vtar. Cum ego pluribus cibum vberiozem concedam, quibus tu pernegares, pernegastique aliquando, si quando tantum periculum euadentes ad me laborantes transferunt. At quod maius est, ac generalius, vbi status ultra septimum diem extenditur, tunc illos certò enecas, si sæuus sit morbus: si mitissimus, etià in difficillimam conditionem vitæ deducis, triplici errore: & quod primùm illum nimis ab initio, quando maximè nutrire oportuit, fame enecasti: & quod nunc quando minimè cibum dare oportet, natura circa coctiones, præparationes, separationes, expulsionem, grauiâque symptomata occupata, das copiosorem: & quod repenti ex summâ inedia ad pleniorum victum transeas, quod etiam in sanis, Auicenna teste, perniciosissimum est, nedum in extremo vitæ periculo constitutis.

Mitto hîc autoritates, rationesque: neque enim adeò te imperitum existimo, ut hæc non noris: nec tam impudentem, ut quæ confessa sunt ab omnibus medicis, absque vlla controuersia negare audeas. Sed existimas, ut dicis, quemadmodum in moribus, ita in medendo, consuetudinem legem efficere. Proh Dij immortales, iugulare homines consuetudo efficere potest ut sit impunitum? Ita præciso capite efficiet consuetudo, ut homines non moriantur? Hoc est transire à stultis hominum decretis, ad æternas & inconcussas naturæ leges. Ita fiet, ut aconito in vsum hominum reuocato, vnoquoque pereunte tandem vsum obtineat, ut fiat salubre medicamentum. O inauditam temeritatem & impudentiam: quæ etiam inuenit ex artis studiosis & ciuibus, qui se prudentes existimant, & tamen his nugis aures præbent. Sed ad id in quo semper peccat transeamus, carnes & oua dando in putridis continuis febribus, in quo putat se ob id rectè agere, quod (ut inquit) à nullo antiquorum prohibeatur. Cum tamen audiat Hippocratem dicentem: Non pura corpora quanto magis nutries, tanto magis lædes. Et rursus, in acutis nunquam pusillam excedit, sed læpius



ac ſermē ſemper infra ſubſtitit. Et Galenus Petrone victus, qui agros vino & carnibus nutriebat? At dicis: Non in acutis faciendum cenſeo, ſed tantum in diuturnis morbis. Eia vir egregie: non ne ſcis nunc ſermonem eſſe de febribus continuis, quæ diem centeſimum vigefimum non excedunt, ex Hippocratis ſententia, ſicut acutæ quartum decimum? Vbi ergo inuenies apud Hippocratem in tot exemplis ægrorum, qui vltra quadragefimum etiam febre conflictati ſunt, quod vel vnus carnibus vel vino aut ouis vſus ſit? Quinimo ſorbitiones tantum ex ptifana, melicratumque: Galenus verò alicam, panemque lotum etiam indulſit: quanquam ne huius quidem exempla habeam. Dicis vir acutus, tanquam nouam docturus medicinam noſtro æuo, experimentum oſtendere febres continuas vltra centeſimum vigefimum diem extendi, atque hæc tua præcepta in debilibus debere intelligi. O egregiam ſapientiam! nonne ſcis hanc longitudinem non pendere ex morbi natura, ſed eſſe teſtem errorum tuorum? Continua enim febris non vltra eum terminum extendi poteſt, ſeu lethalis ſit, ſeu ſanabilis, ac rectè curetur. Quod verò de imbecillitate virium obiciis: quis debilior his languentibus, qui iam propter febrē ſyncope laborant, ſeu ex humorum abundantia, ſeu offenſo ore ventriculi, in quorum vno ne cibum quidem dat vllum, ſed muſca contentus eſt: in altero autem ptifanam ſolum? non nunquam in alterutro panem vino inſuſum. Vbi carnes aut oua dantem inueniſti etiam in ſummo diſcrimine? quin etiam in ipſo periculo, id ipſa ſyncope & lapſu virium, per quamcumque reſolutionem facta, etiamſi ex inedia vel hæmorroſagia contigerit, nunquam tamen carnes aut oua dat: ex principalibus enim & primis proprietatibus cibi, quas debet habere qui exhibetur febricitantibus (quæ ſunt, vt facile concoquantur, & diſciculter corrumpan- tur) carni quidem vtraque deſt: nam facile corrum- pitur, & diſciculter concoquitur: oua facillime corrumpan- tur, ſed facile concoquuntur: vt panis diſciculter concoquitur, ſed diſciculter etiam corrum- pitur. Ex aliis rurfus proprietatibus non adeo neceſſariis, ſcilicet vt ſit frigidus, humidus, & pauci nutrimenti, nulla adhuc carni conuenit niſi colliquata. Quod ſit humida reliqua, ne arte quidem licet permutare: at oua etſi plurimum nutriunt, non tamen adeo calida ſunt, ſed temperamento proxima: vt panis, qui neque adeo calidus eſt, & in aqua refrigeratus (lotum hunc vocant) temperatior eſt, & minus nutrit carne. Caro igitur peſſima eſt febricitantibus: inde oua, panis lotus, vel in vino inſuſus, & vinum ipſum in ſyncopis periculo ob id admittuntur. Sed concedamus, vt omnia hæc etiam dari poſſint quibuſdam: poſtquam non dare tutiſſimum eſt: nec vllum inuenias autorem, qui quenquam periclitari horum abſtinentia, aut ſanari ex vſu affirmet. Cur maius in morbis continuis & ex humore pendentibus (nam de his nunc ſermo eſt) periculoſam, quam omnino tutam medendi rationem amplecti? neque enim apud aliquem autorem inuenies, quod quif-

quam perierit ob id, quod vel carnibus, vel ouis, vel vino (etiamſi per integrum annum) abſtinuerit, modò ptifanæ aut panis loti, & cum iure parati quantum oportuit, ſumpſerit. At eorum qui vel ob vinum, aut oua, aut carnes & olim perierint, & nunc etiam quotidie pereant, exempla non deſunt.

Sed iam admittamus, carnes & oua conuenire: cur eum horum alterutro panem cotum aut ptifanam iungis? an non ſatis oneraſſe eorum altero ægrum videris? aut minus putas ex adiectione poſſe nutriri? aut hanc miſtionem imparium ciborum ſine magno detrimento laborantis eſſe poſſe? Verum deterius etiam his omnibus, quod iam excogitauit, inuenit, in vſumque tam frequentem adduxit, vt ſceminæ putent me inſanire, ſi contradico: vel oſcitanter medici officio deſungi, ſi præteream. En illud medicamentum, ille neſtarius potus, parum abeſt quin nomen inuentoriſtam præclaræ potionis adiecerim. Et demiror ſanè quod hanc occaſionem glorioſam prætermiſerit, ſcilicet vt nomine ſuo medicamentum antiquorum more non nuncupauerit. Sed vt video, hac in parte fuit præter ſolitum (nec cauſam noui) pudentiuſculus. Conſtat hoc non exoticis, nec longius petitis medicamentis, quemadmodum talia pleraque (vt Theriaca, aut Athanaſia) ſed mira arte ex facile parabilibus quæque vbique in promptu ſunt, compoſitum eſt: ſiquidem vitellis ouorum, vino & ſaccharo. O præclarum magiſtrum! Vinum, cum ſtatim nutriat, lutea ouorum ſecum rapit incocta: ita iecinoris meatus obſtruuntur, ſpiritus inflammatur, ſaccharum in bilem vertitur. Vt ſi hoc non apud medicos didiceris, ſaltem dum puer eſſes, à poetis intelligere potuiſti. Ita præclarum hoc medicamentum, parum à veneno, & maxime in acutis morbis aut bilioſis corporibus abeſt: ſed quia plerumque ſerius hoc malum ſe prodit, ideo illius noxam non intelligit; ſemper tamen aut ſtatim aut aliquanto poſt nocet.

Verum mittamus dira hæc, quæ in perniciem humani generis inuexit: nam vt nulla regula nulloque ordine conſtant, ita prope- modum ſunt infinita. Quin potiùs etiam audi, impudentius ex victu tenuique, ortam febrē, aut auctam inquit. Si te non mouet autoritas, experientia ſaltem doceat. Quid hoc eſt aliud, quam ſi dicas: Ademptis lignis ignis auctus eſt, additis imminutus? O egregiâ ſapientiam, & nouam medendi rationem.

Audiſtis errorem: inde ex eo, quaſi conſulto ad humani generis perniciem tenderet, alium non minorem inuexit. Cum enim inueniſſet Auicennæ ſententiam: Et cum virtus debilis fuerit, ſparge cibum: eam ſic interpretatur: Hora puta decima iubet dari contuſas, hora ſextadecima vitellos duos ouorum hora vigefima contuſum aut ſerculum, hora ſecunda aut tertia noctis rurfus oua. O egregium virum medicum prouidum: modò alternet cibos, de cæteris nihil curat.

Dicetis, non fieri poſſe? Viſa refero, & ſapiùs: imò & mos hic pernicioſus iam in multos, & forè omnes dimanauit. Non feret ſanus octo diebus hanc copiam ciborum, quin vehementer ægrotet, etiamſi bene dormiat

nunc



nunc æger infomnis, febre vel doloribus vehementissimis oppressus, cum virtute imbecilli hæc feret? ita ingulati, imò strangulati pereunt omnes. Quòd ergo ille de diuisione suavit, hic de repetitione interpretatus est. Hic cum à me de tam manifestis homicidiis coarqueretur, dixit, vñ hoc obtinuisse: ita, vt dixi, putat hic nouus Thessalicus asinus, fieri posse vt velut apud homines, ita apud naturam, vitia imperitorum in leges vertantur. Memini, cum quosdam Medicos è tua secta inuenissem, misero cuidam ægro carnes colliquatas exhibentes, seu contusas, inde post horas vix quinque lutea duo ouorum, rursus post totidem fermè ferculum cum contusis carnibus, ac rursus post horas sex ouorum lutea: parum absuit quin exclamarem: Domine ignosce illis, quia nesciunt quid faciunt. Verum mecum reputans quòd fundos, redditus, torques, aurea & argentea vasa, gemmas, ac reliqua omnia quæ possident, gloriam quoque ac amicitias, his tam sibi felicibus: aliis autem adèd funestis erroribus debent, consilio, non imperitiâ eos errare animaduerti. Velut & cum ingrauescente morbo saluatellam (ita manus vocant venam) incidunt, & medicamenta exhibent. Quæ si expediunt, ab initio cur non facis? constat enim auxilia valida omnia ab initio esse adhibenda, tutiusque adhiberi: si non expediunt, cur facis? Sic & cum nouandi studio auxilia quæ iuuant mutas, alia inexperta subrogas: quo quid malignius fieri possit non video.

Verum diuino quid dicturus sit id scilicet, quòd tamen plures vel sic seruantur: deinde, quòd plures & nobiles, imò principes, ad te confluant. Sed audi vir egregie: quòd plures sanentur, id in causa est, quòd morbi maxima ex parte (Galeno teste) periculo vacant. His igitur qui sic laborant, omnes fermè ad extremum periculum deducis hac tua noua medendi ratione: & si moriantur aliqui, habes quod excuses, scilicet morbi magnitudinem, sed non spontaneam, verum quam tu fecisti: imò & nouus etiam Philosophus iam apud plebem fatum inuexisti. Adèd ne es impudens, vt qui pereunt, fato perisse audeas dicere: cum eos qui sanantur, tuâ operâ seruatos glorieris? At non fato, perire, sed medicorum tui similitum culpâ, ostenderunt tum inter ceteros, hi languentes; à me nuper sanati ex abscessibus, occultis tuis sectatoribus. Quamuis enim ad Orcum fermè deducti essent, præter spem tamen adhibitis per me debitis auxiliis seruati sunt, cum sub illis perpetuò in deterius ruerent. Verum in his qui seu morbis derinentur, mirum te præbes artificem: iubes enim, prohibes, arguis, increpas, vt si remanent à morbo quem tu magnum, non casus effecerat, triplici tibi sint emolumento: & quòd plures exprimas pecunias: & quòd plus tibi debere se existimant, velut seruati ab extremo exitio: & quòd fama illa diuagatur, te egregium esse Medicum.

Ita difficile est Deo ac veritati atque iustitiæ seruire, ac simul propriæ utilitati consulere: cui cum summa perniciæ humani generis optime prospexisti. Ita fit, vt ægri tui,

Tom. I.

tuorumque sociorum, omnes ex magnis morbis euasisse videantur. Cum tamen hac medendi noua methodo, ex magnis morbis omnes, ex mediocribus plerique, ex minimis etiam aliquot pereant. Et cum sic mederi, mederi non sit, sed latrocinari: hæc tamen tua est gloria. At contraria ratione, ex nostris nulli fermè ad magnum morbum perueniunt: qui tamen perueniunt, vix seruantur: nam non errore, sed natura morbi ac propria vi ad eam perueniunt magnitudinem. Morbi enim qui sub eruditis medicis inualuerunt, vix spes est vt seruari possint. At de his qui sub imperitiis, longè maiorem spem concipere possumus, vt Galenus ait.

Hactenus scio vos damnare tacitis votis huius imperitiâ, illiusque errores execrari, adèd nostris ciuibus perniciosos: sed tamen aliqua vos spes alit. Aliqui sunt, qui eum rueri vellent: multi etiam, qui non omnia eius facta improbent, quòd (vt dixi) non omnes eius ægri intereant. Sed audite maius his. Hoc vos terreat, hoc à vobis calculos omnes aduersus illum exprimat, hoc vocem damnationis extorqueat. Nemo fermè qui eius manus euaserit, duobus aut tribus annis superest. Memoria repetatis, quomodo: licet è grauibz illis morbis euaserint, tamen breui quasi omnes perierint. Quid scalpitis caput? ita est: ciuium nostrorum qui sub isto ægrotauerint & euaserint, nomina recenseatis. Quid dubitatis? cum nemo sit prorsus qui hac obliqua medendi ratione mortem subterfugerit, nemo prorsus dico est qui vitam suam multis annis non decurtauerit. Etenim morbi longitudine & medicamentorum multitudine necesse est homines valde citius senescere. Hoc ratio docet, experientia confirmat. Labant enim crura, corpora extenuantur, ventriculus non concoquit, vitalis calor absumitur, facies pallet, spiritus fit difficilis, pilæ canescunt: an non hæc omnia accelerantis senij indicia sunt? An non hoc dicit Auicenna: Medicina purgans, purgando efficit vt homo senescat? At hanc necessitatem medicamentorum parit copia cibi exhibiti, & consuetudo praua, cuius tu autor es.

Quòd verò plures ac nobiles & principes cures, duas afferam rationes: & aliam quæ tametsi medica non sit, multum tamen huic proposito congruit. Primum quidem seruiture & assiduitate, deinde collusione cum phatmacopolis, chirurgis, tonsoribus, obstetricibus, parasitis cubiculariis adulatoribus, cauponibus, omnique hominum colluæie, hanc gloriam tibi inanem conciliasti. Id etiam plurimum tibi fauet, nobis obest, quòd vulgus diuersam à medicorum sententia & veritate ipsa opinionem habet, scilicet quòd melius sit multis auxiliis tui quàm vti quàm paucis: quodque maius periculum sit necessaria ommittere, quàm perperam non necessariis vti. Quorum tu non ignarus, nihil prætermittis nisi quod conducere potest. Ob id igitur quis te imperitus artis non laudat? Quis te artis peritus non omnino ridet? Quanta flagitia, quot dolos, reputa tecum miser, perpetrasti, vt per tot calumnias, mendacia, sceleraque eò peruenires? Adèd verò tua

P 3 hæc



hæc colluſio cum pharmacopoliſ ac chirurgiſ mihi iure ſuſpecta eſt, vt de morte (quod videtiſ) ſecurè pronunciem, quòd mors nulliſ dolis interuerti poſſit: de vita ſecurè nunquam. Tantum enim timere ne detegariſ, tantum alienæ gloriæ laudare te intelligo, vt nihil non auſurum putem, ne ex voto mihi reſ ſuccedant. Adde quòd perſæpe reſ, quàm ſit votum tuum, in deterius cedit: & dum de me ludos facere cupieſ, morbi magnitudine iam per ſe in diſcrimen vitæ vocante ægrum, eum interficieſ. Quam etiam ob cauſam ne ſperetiſ me ſero vocatum (quod quidam nimio plus quàm decet de me polliciti expectant) ægroſ poſſe reuocare ad vitam: non ſolum quòd hic meritò morbus ſuiſ ſuſpectum multorum ſocietatem mihi reddiderit, ſed multò magis ob id, quod (vt dixi) auxilia ſtrenua nec turò nec vtiliter niſi in februm principiis, ex autorum omnium ſententia, adiuuari poſſunt. Cuius tamen contrarium plerique veſtrùm exiſtimanteſ, miracula, non curas à me flagitatiſ: quæ ſi non perfecero, alij irrident: modeſtiores me in ordinem conantur redigere: quod perinde eſt, ac ſi quiſ architectum negligat, quòd fundamentiſ male iactiſ & ichnographia peius abſoluta, neque pulchrum, neque firmum poſſit conſtituere ædificium.

Exiſtimant præterea in medicina principes ſtrenuique viri, vt in militari diſciplina, plurimùm poſſe autoritatem: quod vt in militari fateor verum eſſe: quoniam obedientia conſtat, quæ nec miniſ, nec præmiis, nec crudelitate tam bene quàm ſola autoritate habetur: ita in medicina parum hæc autoritas, aut nihil omnino prodeſt, rem cum natura & legibus vniuerſi nobiſ præhendentiſ. Hoc itaque errore illi omnia confundunt, exiſtimanteſ ſe tantum valere iudicio, quantum fortuna præſtant: vt vi pollent, ita de artibus atque artiſicibus homineſ debere illorum ſententiæ acquieſcere.

Illud etiam homo ſolers, atque ex generalibus cauſiſ proprias venari ſolituſ prouidè inueniſti, per quod tibi optimè conſulereſ: ſcilicet naturam ciuium noſtrorum, & præcipuè diuitum ac mulierum, quæ mollior eſt quàm vt exquiſito victu vti velit. Vnde ex hoc inuento plus tibi emolumentu accēſſit, quàm ex vniuerſa Galeni artiſ Medicæ de temperamentis peritiæ. Vbi enim ciueſ noſtri, & eò magiſ Principes, Medicum inuenierint ſuiſ cupiditatibuſ obſequentem, hunc laudant, extollunt, omnibuſ aliis præferunt: ille ſoluſ ſapit, vt dici ſolet, ac viget: præcipuè ſi quodaſ illorum qui peritiſſimè auaritiæ dediti ſunt, gratis, aut exiguiſ munuſculiſ contentuſ, curare non aſpernetur: hic certè apud hoſ ſummis extollitur laudibuſ, in cæteroſ variuſ calumnias effingunt. Sed ad priorem ſermonem redeo. Memini cum aliquando cuiſpiam ex hiſ vinum, quod ex uſu illi erat, conceſſiſſem, amplex. le manum, me miriſ laudibuſ extollebat: tum ego ridenſ mecum dicebam: Quod ſi vinum hoc te ad Orcum ducturum eſſet? nihil minus me laudare, vt laudaſ nondum expertuſ rem. Hanc occaſionem non prætermiſit generoſuſ vir Themifoſ, pluſ lucri illi feren-

tem quàm Hippocratiſ præcepta. Ita noſtri ciueſ Medicum ſibi congruentem & ex opinione inueniunt, & (vt dici ſolet) ſua labra lactucaſ. Quid igitur mirum eſt ſi hunc colant, laudent, amplexentur, malintque cum eo mori, præſertim quod nec conſuetudiniſ iam dictæ quorundaſ ignaruſ, paruo vendit operam, quæ illi paruo conſtat, minuſque emptoribuſ ipſiſ vtilem, quàm cum artiſ peritiſ viuere? Diuina enim ſententia eſt: Qui facit peccatum, ſeruſ eſt peccati. Si tamen reuiuſcere mortuiſ liceret, non tam gloria-reſ: quere-rentur enim apud vulgum, ſe occiſoſ. Nunc neſcio, an tu plu-reſ ac firmioreſ amicos occidendo, quàm ego ſeruando, concilieſ (etenim & hoc inter noſtrorum neſcio an dicam temporum an ciuium, egregiaſ virtuteſ eſt) nam neque agnati & fratreſ hæredes nunc ſolum gaudent tuiſ erroribuſ, & mariti vxorum (hoc etenim etiam peritum eſt) ſed pro-h Deum fidem, eò proceſſit morum improbitaſ, vt filij parentum morte lætentur, dum hæreditatibuſ locupletibuſ in-hiant. Scio nuper quendaſ adſcitum pro familiari medico, à filiis, ob id ſolum quod parentem eorum occidiſſet: quem ego totiſ viribuſ ſeruatum cupiebam. Nec nunc periculum medicis eſt, dum ægroſ ingulant, vt odio ſint nulliſ niſi parentibuſ pro filiis, in quibuſ naturæ lex reluctatur ne interfectorem amare poſſint. At bene ſciſ quot domuſ hac cauſa amiſeriſ. Aded vt ſi omneſ diligere-rent ſuoſ neceſſarioſ, vt patreſ filioſ diligere ſolent, ne vnus tibi ægro-tuſ relictuſ eſſet. Verum aduerſuſ hæc incommoda vir ſtrenuus alteram atque ſecundam inuenit tuer-di ſe rationem, ſcilicet potentiam, aſſineſ, amicos: aded vt non tam eruditione, exerci-tatione, ſollicitateque ac ſucceſſibuſ artiſ pugnetur, ſed vi, dolis, rapina. Diceretiſ eſſe bellicum certamen pulcherrimè inſtructum. Sunt veliteſ, iuuenes, ſunt in inſidiis auxilia-reſ copię amici, eſt ſtataruſ mileſ ac veteranuſ multiſ cædiſ fortis, ſunt duceſ autoritate potenteſ, ſunt machinæ, opes & nummi bellorum nerui. Quid ad expugnandum Ducem tam inſtructæ aciei, ego ſoluſ inermiſ valere poſſum? ne igitur admiremini, ſi Themifoſ hic vnumquemque in ſuo genere peſſimum ſibi adiungens, non ſolum ſe tue-tur, ſed etiam nobiſ minitatur. Neque tamen glorieſ de hac ſycophantia, tanquam tu-pte ingenio tibi bene cadat: labes eſt potiùſ urbiſ noſtræ, quæ nimis facilis eſt ad credendum, vt pauci pluribuſ imponant, laudentque quæ non viderint, vituperent quæ non ſint experti. Vnde ſapienter vir grauiſ Ambroſiuſ, huiuſ urbiſ Pontifex cau-it, ne Hebræuſ quiſquam pluſ triduo in ea com-memoretur: ſatiſ intelligens talia eſſe ciuium ingenia, vt à quouiſ homine vaſto facile ſeduci & euer-ti poſſint. Itaque ne ſperes, neque glorieſ, quod hic obtineſ, vlliſi gen-tium aliâſ poſſe impetrare. Tertia cauſa for-ſan, eſſi abſurdior videri poſſit, non tamen minus eſt efficax. Nunc munduſ ſcœnatori-buſ, latronibuſ iniuſtiſque viriſ repletuſ eſt, ſi vnquam aliâſ: hi quomodo iuſtiſ plecti poterant, quàm ſi vita ante tempuſ priuen-uentur? ſi pignorum chariſſimo-rum funera videant?



videant? si denique ipsi dimidium ætatis suæ inter fomenta, clysteria, venæ sectiones, & aquæ potum, in formidinem mortis consumant? quodque reliquum est vitæ, etiam mancipia medicorum vivant, dum ne digito quidem à iussis horum impostorum discedere audent? Nam & hanc artem hic nouus Æsculapius docuit, ut illos loco perterrefaciat qui sibi fidunt, ut ægri pro prædio, sani pro seruis eius sint. Tunc enim illis etiam aliis in causis audacter & absque verecundia imperant: at miser parent, existimantes eas minas cuiusdam raræ benevolentie fructus esse, ita illi alioqui in aliis rebus nimium versuti, seu proprio scelere, seu vitæ immodica cupiditate, pluiquam pueri hac in causa desipiunt. Non igitur hæc tuæ felicitatis causa tibi eueniant, sed vltionis illorum: nam & in te aut posteris tuis pari vltione Deus utetur: ut qui optimum munus, sanctissimam artem, tui commodi tuæque ambitionis & inexplebilis auitiæ causa vitaueris. Cur nam existimas ô inclyte vir, poetæ de Æsculapio confixisse, quod cum Hippolytum & Androgeona ad vitam reuocasset, Iupiter fulmine illum extinxerit: nisi ut intelligamus, hominum potentium genus Ioui esse odiosum: nec velle quenquam plus iusto prodesse sceleratis? Satis illis esse debere, si per scelus nefandis, non autem diuinis (quales sunt quæ arte medica parantur) voluptatibus frui liceat. Vnde & illud est de quo Plinius conqueritur, sed causam non intelligebat: Romanorum enim scelera tanta erant, ut non aliter possent puniri, nec melius. Non hæc propter culpam euenire, mihi obicere potes: scilicet ut negligentie, cuius me accusas, & studiorum supervacaneorum, ac acerbitatis naturæ, difficultumque morum, ac factiosæ opinionis poenas laui: vel quod aduersentur astra, cum plus semper negotij habeam quam velim.

Verum vices patriæ doleo, quodque ferè me illud Helix dicere possim. Sed ad rem redeo. Quoniam pacto artem hanc exercere audeas, cum nullius morbi cognitionem teneas, in incerto vagaris, in tenebris erras? Si quis te interroget, quæ febris est hæc? si pauper sit nomen quodcunque, quod in mentem venerit prodixi, seu sit, seu non sit: quoniam à nemine coargui times. Si dives & potens, plurima verba in incertum effutis: demum nomine generali vteris, velut quod sit ex genere biliosarum, aut quod sit febris continua, quæ omnia vel mulieres & imperiti artis dicere solent: ita eludis audientes, & medicos etiam. Vbi enim speciem morbi enarrauerint, dicis: Et ego inquam dixeram febrem esse biliosam. Quasi idem sit, esse biliosam & heremiticam primæ vel secundæ vel quartæ aut sextæ speciei, aut tertianam notham, vel extensam, aut simplicem, aut ardentem, aut pestilentem. Omnes enim hæc febres tuo more sub hoc genere continentur.

Quid si sit lipyria, aut epiala, aut hemitritæus alius ex residuis duobus, aut alia febris? num omnes sub vno genere febris tuæ biliosæ comprehenduntur? O insanum caput, & intolerabile malum.

Sed omitto iam imperitiam, qua solum

tuis clientibus obesse potes: deteriora sunt: maledicentia illa, qua omnem bonum proficidisti: ambitio, qua docere tuam artem vanam & inanem aggressus es, ut omnes coinquinares hoc tuo virulento dogmate: conpirationes illæ, quibus per vim & nefas obtinens, quod neque peritia artis, nec ratione consequi potes: doli, quibus plebem, mulieres, imperitosque omnes seducis, medicos verò longè te meliores superare videris, & irridere. Vnde tibi, dic, & cur necessaria illa iracundia, ille vultus toruus? verba fari-bunda, minæque? an medicamenta & morbi his obsequuntur? ut rhabarbarum abs te perterritum, nigram bilem pro flava, cnicum verò pro pituita bilem detrahet? Quod hoc ipso clarius ostendit tyrannidem tuam, dum quæ neque ratione neque autoritate vel legibus ullis obrinere aut persuadere posse speras, vi extorques? Si doctrina, si ratio vlla tibi suppeteret, si honestum esset quod peteres, quod velles, quid opus esset his minis? præcipue apud nos, qui micissimi sumus, & minime contentiosi. Sed cum adeò illa quæ præcipis, quæ vis, quæ dicis, absurda sint, ut risu digna omnino apud artis, peritos censeantur: ad vim te conuertis. Quid rogo doli opus est in arte? an naturam decipere te posse confidis? Si ergo ad naturam hi prorsus sint inutiles, qua causa vteris erga homines, nisi ut illi decepti aberrant, illisque imponas? itaque pro eruditione, ratione & experientia (quæ tria in arte maximè sunt necessaria) certamen de ambitione, doli ac violentia inter nos inuexisti, cum totius ciuitatis perniciæ: deinde irrides Medicos Hispanos, Gallos, Germanos, tanquam imperitos. Ego certè imperitos tuarum artium, quemadmodum & ego sum, magna ex parte illos fateor: nec quemquam tibi posse comparari: brauium obtinisti: cedo, dignus es eo, omnes superasti: sed tamen si de doctrina, artis experientia, intelligentiæque verba habeantur, nentio eorum quos tu barbaros vocas, non te melior est. Quinimo apud hos, ut Fuchsum, Cornarium, & Vesalium, ac Farnelium, Syluiumque præteream, totque alios qui medicinam illustrarunt, Copum, Linacrum, Andernacum: innumeros vi præstantissimos viros tum eruditione, tum artis exercitatione. Etsi vera fateri velim, longè plures apud vnamque nationem, sed præcipue Gallicam, quod ibi floreat studia, & ea gens mihi magis cognita sit quam apud Italos. Ita enim hoc virus malarum artium in Italia sæuit, ut desertis studiis, ad has sycophantias ferè omnes conuolent: plûsque obsit praua consuetudo, quam natura prodesse possit. Hæc cum ita sint, meque in his scias haud mentiri, omniæque quæ proposui esse tanquam axiomata communisque sententias ab omnibus medicinæ autoribus receptas: eò artem te dedaxisse vides, ut hominibus præstet, sola victus ratione ex pane loto, cocto, aquaque è semine arantij sibi indicta, frictionibusque ac clysteribus (si è re sint) vti, quam tot periculis errorum, quos tu passim disseminasti, se subiacere: nam & dimidio pauciores peribunt: & qui sanabuntur longè citius sanabuntur. Cum enim rectè



medicinam tractanti è febribus vix vnus aut alter pereat ( quòd mihi vſu euenit, cùm ſolus tempeſtiuè aduocor : vt ex fide magiſtratus publicæ ſanitatìs apertè deprehendi poſſet ) qui ſit, vt è tuis tuorumque participum pars fermè tertia decedat, niſi illos veſtris nouis inſtitutis perimatis, aut fingatis ( quod ſolum reliquum eſt ) morituros ad uos, ſanandos ad me, bona quadam fortuna conuolare?

Verùm tu, ô egregie, ſimile quippiam effeciſti his qui orbem terrarum peſſimè deſcribunt : paruo enim circulo delineato, figuram quamcunque modò in partes tres diuiſa ſit, vt Aſiam, Africam & Europam referat, inſcribunt : voluntque haberi Coſmographi, cùm neque magnitudinem, neque figuram, neque prouinciartum diſtinctionem vllam habeat hæc deſcriptio. Quòd ſi hos pro Coſmographis non recipitis, quòd illorum pictura nulli ſit vſui, non ad intelligentiam ſitus orbis, non formæ illius, non ad cognitionem maris, montium, fluminum, ciuitatum, non nauigare nos doceat, non iter agere, non prouinciam aggredi ex ea liceat, ſed ſit exemplum paruum & inconditum, nulliusque vſus : cum eum qui Medicinam eodem modo corripit, pro Medico habebitis?

Itaque videtis Principes, Patrèſque conſcripti, quorſum prorepat hoc tam malum exemplum, & quibus ſuppliciiſ dignus ſit qui hæc in perniciem hominum docuit. Sed non poſſum Principibus, imò ne vobis quidem ſpero iſta poſſe perſuadere : ſcilicet quòd homo ſimplex in arte medica longè melior ſit homine verſuto, quòd videatis vos in his quæ tractatis regnis, atque militia ac iuſtitia adminiſtranda, verſutum virum & malum, & qui multa etiam furetur & interuertat, minus inutilem eſſe plerumque Reipub. quàm ſimplicem, tametſi optimus vir ſit atque iuſtiſſimus. Idque ita ſe habet.

Sed decipimini, ignoſcite mihi ô viri præſtantiffimi : quoniam vobis negotium perpetuò cum hominibus eſt, quibus cum opus homine alio callido atque prudenti : quamquam neque in hoc vtilis eſſe poſſit, ſi non ſit probitas cum prudentia & calliditate coniuncta. Verùm cùm noſtrum negotium cum natura & diuinis legibus ſit, cum quibus nullis dolis, nulla opus eſt verſutia & calliditate, vir quò ſimplicior, eò melior atque in artis operibus felicior eſt. Poſſem iſta multis ſacræ Scripturæ Philoſophorumque ac Medicorum testimoniis confirmare : ſed quorſum Soli lucem addere ? res adèd per ſe manifeſta eſt, vt etiam tu ipſe improbitatis autor, & cæterorum tui ſimilium facile Princeps, hæc non negare auſurus ſis : ſed ſi quis interroget, negabis proſus te callidum eſſe, aut verſutum, imò hæc à me conſingi liuoris & odij cauſa dices : re tamen te verſutum oſtendis : & talem etiam haberi ab omnibus cupis : ſed cùm de negotio agitur, alia ſentis, alia dicis, quod in omnibus actionibus tuis ſemper facis. Dices forſan : Verſutus ſum & callidus, nec tibi hac in parte inuideo, decet hominem talem eſſe : ſed quid prohibet, hoc ne etiam eruditus ſim ac peritus quantum eſtu, vel etiam longè plus ? Sed ô vir egregie, quid prodeſt hæc tua peritia & eruditio,

etiamſi illam haberes, cùm non vtaris ? At mentiris : nam ne minimum tibi eius relictum eſt. Scriptum eſt enim : In malitioſum animum non intrat ſapientia, nec habitat in corpore peccatis obnoxio.

Verùm forſan hæc omnia tolerari, ac etiam ferri poſſent, cùm nec latro vnus vrbeſ vnā ſolus euertere queat : hocque factum in tui commodum, quantumcunque malum excuſare velis : ſed quod alios idem facere docueris, hoc nōne omnino eſt patriam prodere ? nōne crimen læſæ maiestatis eſt, ſiccarios congregare in perniciem publicam ?

Tum, Rex tūque Senatus, ſi quis vel viginti viros armet aduerſum vos, ſi quis veneno vt proderet totidem ex intimis veſtris familiaribus tentaret, quibus illum cruciatiſ afficeretis ? modò deteriora facientem atque molientem, non ſolū permittitis impunitum, ſed etiam amplexamini : vt quod viribus ſuis ac per ſe ne tentare quidem auderet, veſtra amicitia veſtræque familiaritate fretus efficere poſſit ? Dicitis, Neſciſmus, nec credimus. Non eſt hæc digna excuſatio. Si quærat, facile eſt fontes deprehendere vel ex ipſorum confeſſione. Scio tamē quā difficile ſit, tam inueteratum errorem ex animis veſtris excutere : quāque arduum vos hortari, vt Medicos amicos, longa conſuetudinē vobis charos, è domo propellere velitis : nedum vt in illos animaduertere ſuſtineatis. Quanquam non minor ſit hæc proſtitio, & longè maius malum, maiorque pernicies primæ, maiuſque vobis periculum immineat, quam à militibus ac ſeditione : nam multo plures horum ſcelere perierunt, Reges ac Senatores, quorum omnium tu doctor es ac Princeps, quā vel veneno vel ferro : nec quiſquam medicis magis intimus aut familiaris eſſe poſſet, quorum operam effugere non licet. Quis nunc omittenda non facit ? facienda non omittit ? frictiones adèd neceſſarias, adèd vtilis non ſolū morbo depellendo, ſed etiam conſirmandis viribus, quotuſque facit ? at fomenta, inunctiones milleque alias nugas facere iubet ac docet, eo conſilio, vt ſi faciant alij, & ipſi peccent, & tu princeps Medicorum videaris.

Sed quomodo diuinabimus nos, quod proſus extra artis præcepta eſt ? Si omittant tanquam neceſſaria permittentes & quæ tu iam in vſum reuocaueris, pro imperitis habeantur. Simili modo & illud, puerperis ſtatim vinum, oua, carnes dare, tuum inuentum eſt : quo errore quarta pars earum perit : non minor in perpetuos & inſanabiles morbos, licet mitiores, decedit : quæ ſi recta victus ratione vterentur, vix ex centum duæ perirent, cum ſit partus res naturalis, & ex quo vix aliud animal intereat. Quis etiam docuit perperam vbique chirurgum aduocare, non vtilitatis ægri cauſa, ſed vt lucri participes tuos errores celet, tuæque crimina defendat, aduocetque viciffim ad alios ægros ?

Verùm dices, Quid hoc obest ægro ? Multum ſanè : nam & chirurgi, vt aliquid facere videantur, de membri ſalute diſputant. Dumque illi, vt in criſibus perſæpè euenire ſolet, parti proſpiciunt, totum hominem perdunt :



perdant : atque ita duos nobiles viros , atque inter ciuitatis primarios , hoc errore periisse vidi . Nonne & illud in vsum reuocasti , vt interrogantibus de faciendis circa ægros , statim medici respondeant ? ita vt cum me hæsitare videant , vel obliuiosum , vel alia cogitantem , vel stupidum esse existiment ? cum tamen hoc errore , hac prompta respondendi consuetudine , in tota arte nihil possit esse perniciosius . Impossibile enim est , in tam ardua re , & inter tot difficultates , promptè benèque consulere .

At error hic hominis vita persæpè pensatur . Quin etiam quasi contrariis dogmatibus homo callidè in vsum mulieribus blandiens deduxisti , vt patienter earum nugas & aliquot infirmorum mollium deliramenta audiremus : vnde homini occupato necessarium esset , vel cum inimicitia eos reprehendere , vel ad rem non pertinentia audiendo necessaria omittere , quoniam admodum & tu facis : nam neque quid dederis , nec quando coepit morbus , nec quid iniunxeris , memoria tenes . Sed etiam accessionis immemor , cibum in illius initio exhiberi mandas : & ei qui intervallo est metuens , frustra accessionis initium in diem imperas : & venæ sectionem post sectionem , medicamenta post medicamenta , vt omnia fortuito & facias & eueniant . Illud quoque reprehensione non leui in te dignum est , quod moram apud ægros non iuxta morborum magnitudinem ducis , & languentis necessitatem , sed iuxta potentiam hominum , pecuniæque largitionem : quasi , qui temere re æ fortuna sunt , non sint homines . Ita omnia proprio commodo metiris , nulla æqui iustique ratione habita : nec plus fides apud te valet , quàm apud Pœnos , cum fallere summa laus sit , & de fraudibus gloriaris . Quid verò dicam de interrogatunculis illis tuis , in quibus tempus illud quo apud ægros manes , terrere solitus es : quàm inanes , ineptæ , ridiculæ , & solum auribus mulierum atque artis inexpertium accommodatæ ? Quid edistis ? quid bibistis ? vitellum ne vnum oui , an duos sumpstistis ? allatos , an elixos ? arantine succum addidistis ? ante vel post ferculum ? Inde illud præclarum : Quàm suavis vobis cibus ? quam iucundus potus visus est ? in caluistis ne ? O perditam hominum amentiam , & miseram ægrorum conditionem ?

Dicis : Quid ergo interrogare debeo ? An tantus natu adhuc ignoras ? Verum ex puerilibus his interrogationibus ; si non omnino vecordes essent ciues nostri , non ne tuam sapientiam introspicerent ? è quibus inter cætera omnia illud pulcherrimum est , quod antequam vnius responsum audias , ad aliam trāsitis interrogationem : quasi memoriæ præceptiones has puerorum & picearum more mandaueris , & interrogasse absq; responsione sufficiat . Cum tamen contrario modo res se habeat , scilicet vt responsione solum , non interrogatione opus habeamus , quæ quidem ad proliciendam responsionem solum vtimur . Verum cum hæc ita se habeant : quæritis forsitan , quomodo in inuidiam omnium medicorum , imò ferè totius ciuitatis , hic me traxerit ? Audite admirabilem solertiam , indu-

striamque non vulgarem , & quomodo scelere suo omnibus me reddiderit odiosum . Corrupta enim medendi consuetudine , cum ferè vbique aliquid contra præcepta artis admitteretur , conatus sum eos ad veram methodum reuocare : id illis sinistrè interpretantibus facillè persuasit me alios contemnere , omnia solum agere , meque etiam vnum credere sapientem . Quis non meritò , si ita sit , talem non odio habeat ? Itaque cum eas ipse consuetudines induxisset , quæ à nullo artis perito possent nisi omnibus diuinis humanisque legibus contemptis admitti : quod cum suis participibus non sentiremus , in inuidiam nos vocat . O ingenium verbis Christi dignum ! Filij , inquit , huius mundi prudentiores sunt filiis lucis . Dicis , Cur alij non queruntur ? Quod me grauius premit hoc malum , quàm forsitan reliquos : neque enim nisi sciens peccare possum , ac te ipsum imitari : plerisque aliis non tam certè scire se derelinquere : leuiorem efficit culpam . Quod etsi recta medendi via innumeros seruem , qui sub te essent perituri : illud tamen incommodi sequitur , vt qui pereunt , quamuis fatali necessitate , & non sine prædictione mea , tamen inscitia periisse vulgus arbitretur , quod consuetam tuam normam , quam illi nunc pro lege habent , non seruauerim . Ita fit , vt vnius mors necessaria , tot aliorum salutis impedimento sit . Quin etiam audite aliud technæ genus : Si ad deploratum aliquem vocor , omnia finit me facere , dum sperat moriturum : ne consanguinei eum inuidisse salutem infirmi querantur . Si fortè contingat reuiuiscere , vnus omnia agit , qui nihil antea agebat : totque & tanta præcipit , vt nihil mihi restet : plura etiam perperam , quibus æger denud persæpe relabitur ita infamæ expertis , gloriæ ne locium quidem habere dignatur . Eaque arte & tanquam me omnia agentem calumniatur , & sui erroris culpam in me reiiicit . Quinetiam cum duo simus rara quadam sorte Medici eiusdem nominis atque prænominis , neque hanc tam pulchram hic impostor prætermittit occasionem : quicquid illi sinistri contingit , suppressa differentia narrat , vt plures credant ( & maximè quod his qui me norunt , talia refert ) mihi contigisse . Ita fit , vt etiam alterius casibus sim obnoxius , propriæ felicitatis vix particeps . Auger præterea hæc , ornat , queritur de communi medicorum conditione : dolet quod paucorum error ad multorum ignominiam transferatur . Ita nihil prætermittit : quod ad fallendum conducatur , falsoque calumniandum : idque etiam sequaces suos facere docuit . Hi quoque aded euulnerunt , vt sæpe famam sparserint me abesse ab vrbe , cum essem præsens : ægrotareque , cum maximè valerem , vt infirmos hac fallacia suffurarentur . Cuius rei tot sunt testes , vt pudeat numerum referre . Sic in dies grassatur hoc malum vestra culpa , nostræque iactura , ô ciues . Nam quod ad me attinet , semper hoc exemplum viguit aduersum artis medicæ principes , ( non quod me talem existimem alia causa : sed cum video contra me imperitos omnes conspirasse , adducor vt credam certè , etsi talis non sim , illos



illos me talem exiſtimare ( vt nulli eorum defuerit ſuus Zoilus : Hippocrati , Gnidij medici : Galeno , Theſſalus quidam & Eraſiſtrati ) : ita vt ſemper optimus quiſque in arte malè audierit. Verùm quod ad te attinget , monſtrum horrendum , age quantumuis dolis miniſque : ſunt mihi ſpicula Hiſpanicis gladiis acutiora , & Gallicis machinis vehementiora : oratio ſcilicet , vibrantesque ſententiæ , quibus te perfodiam , nec vlla vis , non diuitiæ , nec fauor principum , non violentia illa tua te mihi eripiet , quin vt vrsa nuper catulos enixa te

totum confodiam atque dilacerem. Quòd ſi conſilium non mutabis , perſeuerabisque in hac tua tam impudenti pertinacia , prodam & nomen : & tam acri ſtudio te , tuamque vitam ac facta inſectabor , vt imbuta Archilochi tela pures rabie. Nam niſi obſtaret vecordia tua , contemptusque honoris , conſiderem te ad laqueum ſpontaneum poſſe adigi , cum tua facta Lycambeis multo ſint deteriora & turpiora : neque mihi , ſuppeditantibus Muſis , aduerſus tam atrocem latronem dicendi facultatem , quanta fuit eius genero , vereor deſuturam.

D I X I.



NERONIS





# NERONIS ENCOMIUM.

**S**æpenumero accidit in iudicio ferendo, habendâque existimatione de hominibus ac maximè principibus quod etiam in rebus ipsis, velut corporibus erga animam, sensuum illecebris erga rationem scilicet, ut deterior pars meliorem vincat. Etenim orta à populi, ab imperitorum, ac improborum vocibus vulgari opinione, quod Nero improbus esset, ac crudelis, adeò permanuit in omnium mentes, adeò pervenit etiam sapientum sententiam, ut iam talis ab omnibus habeatur: & si quis contradicere vel illum laudare tentet, paradoxa dicere videatur. Quòd si illud Antisthenis dictum aureum secum pensitarent, idem esse laudari ab improbis, & vituperari à probis, vel vituperari ab improbis, à probis laudari, non minimum laudis hæc vituperatio asserre posset: quandoquidem constat, eius ætatis viros, maximè Romanos, adeò improbos fuisse, ut nihil supra excogitari possit: seu eò imperitos, seu ipsos scriptores inspicias, in existimatione haud possis aberrare. Namque Tacitus sacerdos fuit idolorum, & vir summa ambitione atque improbitate, si vitam ex verbis etiam eius coniicere velis. At quanto etiam deteriori fuisse credendum est, quàm sponte se prodiderit: In vniuersum, ut breuiter agam, impius cultor Deorum, existimationem omnem flagitij constituebat in offensa potentiorum: ut non à probitate, nec à causa poenas & supplicia, sed ab opibus, potentia & nobilitate aestimaret: Cetera quæ pro maximis sceleribus nunc habentur, nec in numero habenda censuerit. Dico rapinas, stupra, cuiuscunque generis furta, dolos, fraudem, oppressionem miserorum, iudicia profanata, atque huiusmodi. Alter Suetonius, eius cui erat à secretis, uxoris Antonini scilicet, corruptor: cetera ex hoc vno æstimato. His ergo iudiciis, & testibus damnatus est Nero. Quamquam nec sic ab illis damnari potuit, ut etiam eorum testimonio optimus princeps haberi non debeat. Quòd si ad Senatus ac potentiorum iudicium rem ipsam deferamus, placet mihi illud Ciceronis: Vel ego, vel illi desipiunt. Cum enim à plerisque damnaretur, & pro stulto haberetur, quòd posthabita sui suorumque securitate, tutatus esset rempublicam, constanti animo ausus est se solum pronuciare sapientem aduersus tot stultos: cum alterum duorum esse necessarium foret, vel ut omnes illi desiperent, solus ipse sciret: vel omnibus illis rectè sentientibus ipse solus desiperet. Ita dico, vel Neronem necesse est fuisse improbum: illos autem omnes innocentes & probos: vel

solum Neronem probum. Senatum omnem cum optimatibus illis pessimos, & omnis flagitij autores. De Senatu, de optimatibus, notissimum est quales fuerint, quibus ludibrio totum humanum genus fuit præter Romanos: homines in theatro pro pecudibus subiiciebantur, vis pro iure & æquitate fuit, Romanus populus & Senatus pro Diis erat. Quid est quod singula commemorem, ubi nihil esset quod homine dignum esset? Si ergo homines hos punire nefarium est, omnis Rex, omnis Senatus nefarius est. Si homines interficere viri est nequam, cum nullus Senatus quoniam latronum collegio pauciores homines occidat, necesse est omnem Senatum collegio latronum esse scelestiorem. Si ergo causa, locus, tempus, persona, necessitas, excusare non solum possunt hominum necem, sed etiam eos qui illam iusserint, laude dignos reddere: non est quod damnemus Neronem scititiæ, quòd multos occiderit: sed, si iniuste & sine causa occidit. Nulla calumnia certior est, quàm cum res ipsa accusatur, modus non adicitur. Interfecerit patrem, matrem, filios, fratres, uxorem licet, nihil dicis modò, quod sine causa non ostenderis occidisse. Potuit occidisse nolens, coactus iustam ob causam, deceptus: nihil horum condemnat eum: aliqua etiam gloriosa sunt. Timoleon fratrem patriæ insidiantem occidit: laudatur ab omnibus, defensio à Diis, post id factum victoriis multis clarus. Brutus & Torquatus filios occiderunt, & laudantur. Virginii filiam virginem, ne in seruitutem raperetur: factumque illius ab omnibus probatur. Ottomanorum principes, quos Deus tueri videtur, patres, fratres, filios, nepotes ex fratribus ac filiis occidunt: nec ob id nefarii habentur. Causa enim est in omnibus, non solum regnare tutò, sed etiam sine seditione & iactura subditorum. Quid ergo est, ut factum in crimen sine causa in Nerone vocetis? Si Nero bonus fuit, non meretur vituperari: si malus, sub malis principibus boni solent esse rectores magistratus, & reliqui homines, metu saltem: ut nonnunquam melius sit (ut dicebat Fronto Consul) sub his esse, sub quibus nihil licet (Domitianum innuens) quàm sub quibus omnia: ipsum designans Neruam, virum sanè optimum, sed ætate inualidum. Confer ergo Domitiani sæuos spiritus cum clementi Neruæ natura, & Domitianum cum Nerone, & tempora temporibus Domitiani iam fracta potentia, militum denique, Senatus & potentiorum, tot intestinis à civilibus bellis, tot proscriptionibus contra Neronis adhuc spirantis victorias, triumphos, minas, cædes, libertatis memoriam dulcem,



nona seruitutis impatientes animos : intelliges Neronem meliorem fuisse suis temporibus, quàm Neruam suis. Quod si commutata fuisset ratio, aut commutari potuisset, Neronem Neruæ temporibus vt Deum visum iri, Neruam Neronis æuo inutilem : compara, si rectè libet iudicare, homines, tempora temporibus, non simpliciter hominum facta, locus, tempus, leges, consuetudo, ætas multa variant: ob quæ mali persæpe meliores videntur, boni deteriores. Si fontes Nero puniuit, bonus fuit: si Nero infantes opprimi permisit, malus. Ergo si vtrumque contigit, Nero Nerua melior est: at Neronem non solum fontes oppressisse constat, sed infantibus omnibus ac miseris mitem, liberalem atque vtilem fuisse haud dubium est. Quot igitur gradibus, vt ita dicam, Neronem Neruæ præferemus? Quid enim si Nero non optimus fuit Imperator, nec ad hoc coëgit vt laudes illius describerem: an forsan tot post annos mihi manes illius conciliaturus, vel placaturus sum? an in gratiam agnatorum illius, vel consuetudinis eius studiosorum, iam mille & quingentis annis elapsis? aut forsan periculum faciendi meæ facturum, qui sim propè elinguis, aut ira, amore, odio, spe alicuius? aut ocij causa? cum tempus nec ad necessaria conscribenda satis superesse animaduertam: aut nece filij irritatus, sperabo me aliquid editurum audentius, sub hoc titulo: Aduersus necis authores? cum constet, hoc Encomium nunquam non à me excogitatum, iamdiu meditatam & coëptum, aliquot antè obitum filij annos conscriptum, & inter libros meos numeratum. Ergo sola rei indignitas me mouit: cum, vt pleraque alia optimum principem peruerso ordine inter pessimos numerarent. Cæterum rei gesta series ita se habet.

C. Iulio Cæsare, viro tyrannico spiritu, Romanam rempublicam dolo, seditione, vi occupante, eoque parum feliciter occiso, Antonius, Octavius & Lepidus defectione, prodicione, conspiratione, atque vi tandem imperium obtinuerunt. Erat autem Octavius Acciæ filius, ac Octauij: Accia autem Iuliæ, C. Cæsaris sororis, & Balbi filia: ita Octavius nepos fuit sororis Cæsaris, & ab eo in filium adoptatus. Is percussis ambobus collegis, M. Antonium ad voluntariam mortem adegit, eius filium natu maiorem iussit interfici: sic potitus rerum, cum nefanda crudelitate CCC. Senatorij, II. equestris XXX. è populo occidisset, & bonis etiam spoliasset, quorundam etiam vxoribus ac filiis sublati tanquam nouus Aristides suscepit Reip. Romanæ gubernaculum, in quo neque ipse neque maiores sui quicquam incrementi contulerant: vt cuius pater ad stipulatore, auus fuerit argentarius: atque sic Cicero. Antonius verò & Cassius etiam numularium fuisse auum, & pistrinum exercuisse aiunt. Constat vtrumque & patrem & auum, precariū fecisse quæstum. Ex Scribonia vxore, quæ iam duobus antea maritis nupserat, Iuliam suscepit filiam: statimque pertæsus coniugij, quod morosam esse diceret, Liuiam duxit, Tiberij vxorem quæ iam marito Tiberium pepererat, & tum in vtero Drusum semestrem gerebat. Ita Octavius filiam vnā & duos pri-

uignos habuit. Ex Liuiā nullum potuit suscipere filium, sed abortu pueri sterilis euasit in posterum. Iuliam ergo filiam ob hæc Agrippæ genero Octaviæ sororis nuptui dat: vbique coniugium à dinortio auspicatus. Felix tamen & in hoc, ex Agrippa susceptis nepotibus, altero Agrippa, Caio & Lucio, qui tamen sine filiis & in iuuenta obiēre: neptibus autem, altera Iulia & Agrippina, Iuliam neptem locauit Lucio Paulo Censoris filio. Mortuo Agrippa, Iuliam filiam Tiberio locauit: coacto prius vxorem quam vnice diligebat, & ex qua Drusum susceperat, filium abdicare. Atque antea omnia, si non probè & iustè, saltem cautè egerat. Hoc autem neque prudenter, neque cautè. Quin etiam pertæsus Tiberius huius coniugij, quamuis principalis, maluit secedere Rhodum, quàm impudicæ vxoris, quam nec necare ob patrem, nec pati ob turpitudinem poterat, tædium sustinere. Per hæc tempora Liuiæ, vt puto vxoris astu cognouit, vtrāque Iuliam, filiam & neptem, parum pudicè viuere: ob quæ vtrāque relegauit. Filium etiam neptis post damnationem natum ali vetuit, sed iussit exponi: seu ira Deorum ad id cogente, seu quod sæuissimus esset, aded vt in bello Perusino trecentos ex dediticijs vtriusque ordinis ad aram Iulij more ouium mactauerit: sicque alijs qui capti erant veniam deprecantibus, etiam sæuam illam & ferinam vocem addidit: Moriendum esse. Iam ergo tota illius progenie spem vnius Agrippinæ redacta, eam Germanico Drusi priuigni filio collocauit: add felici successu, vt ex ea pronepotes sex, qui ei superstitēs fuerunt, susciperet: masculos tres, Drusum, Neronem, & Caligulam: totidem fœminas, Drusillam, Liuillam, & alteram Agrippinam. Omitto modò cæteros ex eisdem parentibus liberos genitos, qui ante Augusti mortem obiēre. Susceperat Drusus ex Antonia, M. Antonij triumviri ex filia nepte, duos alios filios, præter Germanicum: scilicet Claudium neque Tiberium quicquam ad Augusti progeniem pertinere: sed Claudium priuigni filium, & ex nepte inimicissimi hostis: Tiberium verò tantum priuignum fuisse. Hucusque, si non cautè, saltem non stultè, & quæ quoquomodo excusari possent, peracta sunt ab Augusto omnia. Quæ tamen post hæc, nullo consilio, nullo iudicio ab eo peracta sunt, vt mente omnino excidisse videretur. Viuente igitur nepte Agrippina, & coniuge eius Germanico, Tiberium, ad se nihil pertinentem, imperij hæredem reliquit. Præterit Agrippam iuuenē & nepotem, & in filium cum Tiberio adoptatum, qui adhuc superstitēs erat: satis sit. Exulem dices: sed Germanicum alterius priuigni filiū, & tot suorum pronepotum parentē, quo iure? Itaque vbi Octavius excessit è vita, Tiberius Agrippam statim in insula occidit iussit. Nec verò sine suspitione doli Liuiæ mortuus erat Caius, Octauij (vt dixi) nepos, ex Armenia veniens, licet vulnere debilis. Perierat & iam pridem Drusus, alter priuignus: vnde summa rerū in Germanico Tiberij ex fratre nepote incubebat, exercituum domino. Sed seu patris reuerentia, seu testamētum Augusti deterruerit, seu non confusus viribus proprijs, aut etiam quadam



quadam ignavia distineretur, nihil aduersus Tiberium moliri ausus est: at contra ille, ut par erat, non legitimum imperium obtinens, tot adhuc saluis legitimis hæredibus, primum per Pisonem Germanicum dolo aggreditur: quem seu maleficis artibus, seu dolore atque angore animi interfecit. Inde duos natu maiores filios illius, Senatus autoritate morte damnauit, Drusum & Neronem. Adiecit & sceleri matrem. Et nisi fortuna quædam Caligulam seruasset, omnem stirpem Germanici extincturus proculdubio erat. Verum dum ipse luxui simul & sceleribus operam dat, & ut honestius viderentur damnari nepotes, per adoptionem Seranum quendam subiicit, omnium horum ministrum, ille ubi videt Germanici propè domum extinctam, senem hunc diis & hominibus ob immania flagitia inuisum: mox cupidus inuadendi imperium, solus Drusum iuuenem Tiberij filium, in quem spes omnis imperij inenimbebat, veneno necat: quæ res detecta, ut exitio Seiano, ita Caligulae saluti fuit, cum iam nullus hæres imperio relinqueretur præter Caligulam. Qui non eò seruatus est, quod pronepos esset Augusti: sed quod Drusi fratris Tiberij nepos fuerit. Ex quo apparet, quàm stultè Augustus imperium reliquerit Tiberio: cui tamen esset filius Drusus, quomodo poterat sperare imperium relicturum filio salua prole Augusti: ut cogeretur, etiamsi impetrare neglexisset, aut filio imperium relinquere: aut si ipse & filius salui esse vellent, totam Augusti stirpem excindere. Accessit huic Fatorum ordini quoddam non leue suffragium, ut Tiberius Tiberiolum ex proprio filio Druso natum, filium illius esse non existimauerit: alter enim res ruitus acta erat. Et vel sic tamen illum cum Caligula instituit heredem. Sed Caligula ut sibi prospiceret, & tot cedes suorum videretur, statim ubi imperium inuasit, Tiberiolum occidi iussit. Occiso Caligula ob immania scelera, Claudius (ut dixi) Drusi filius, & Antonij pronepos, nulla sanguinis affinitate contingens Augustum, ad imperium rapitur, nullo iure, sed sola amentia militum, & Senatus ambitione. Hic rursus exclusis descendens ex filiabus Germanici, ac pronepotibus Augusti, extra illius stirpem iniquissimo iure si ius vllum tyranno regnandi esse potest) aut nullo, si nullum concessa. Hic iterum fortuna, quæ in illorum familiam iurauerat, admirabile commementum inuenit. Erat Claudio vxor nomine Messalina, Barbari Messalæ consobrina filia, & ex descendens Messalæ vnus è tribus Augusti principalibus amicis (suerunt autem hi, Maccenas, Messala, & Agrippa) quæ omni genere probi contaminata, eò amentia venit, ut viuente Claudio filio nuberet: vnde Claudij iussu occisa. Claudius impatiens cecubatus, contra omnia iura Romana, Agrippinam Domitij Aenebarbaliæ vxorem, & ex quo Neronem sustulerat, Germanici fratris filiam, in vxorem ducit: illa callido consilio primum Octauiz, filiz Claudij, Neronem iam adolecentem connubio iungit. Deinde quamuis Claudio filius esset Britannicus satis adules, suadet ut Neronem in filium adoptet: quibus rationibus non sat scio: sed nec ad suadendum Claudio vlla poterant esse insufficientes, &

Tom. I.

alteri nullæ sufficere potuissent. Persuasit deum & Claudius priuignum natu maiorem ex stirpe Augusti, cum ipse nullo (ut dixi) eam iure contingeret: & matris præsidio armatum adoptat in filium. Inde priuignum fictis criminibus ad Claudium delatis, quibuscunque fides custodibus exarmat. Facile fuisset, etiam prudentem decepisse, opitulantes omnibus qui in necem Messalinæ consenserant: è quorum re erat, ne Germanicus succederet, futurus vltro siccariorum & inimicorum matris. Cum verò Agrippina, quæ eò vsque prudenter se gesserat, & petulantia & lasciuia thorum Claudij incestare aggressa esset, respiciente Claudio, & fœdas nuptias, adoptionem stultam, periculosam Agrippinæ & morosam consuetudinem animaduertens, consilio mutato, omnia dissoluere tentabat. Sed prius dixit, quàm statuerit: adeò amens erat, & inops prudentiæ. Quam obrem illa metuens, ne pluribus annis dolo partam imperij spem, vna hora per vim amitteret: Claudium quidem boletis veneno infectis, per Halotum spadonem ministrum & Locustam veneficij magistrum necat. Atque sic imperium filio parauit, nomine quidem, re autem sibi. Adiunctis enim Neroni, Seneca, tanquam literarum institutore, & Burro imperij ministro, conabatur imperij ius ad se trahere: & ut filium maiore in metu ac magis in officio contineret, simulauit, amplecti Britannicum, & spem etiam imperij facere: Burrum & Senecam sperabat terri posse minis, ob beneficium contineri in officio (namque præter cætera constat, Senecam ab exilio iam trunca manu reuocatum, etiam bona sua, & multò ampliora recepisse) his adolescentem coerceri. Eò autem venerat infantiæ & petulantia, ut Armeniorum legatis apud Neronem causam orantibus, ascendere suggestum Imperatoris, & præsidere simul pararet: ni cæteris pauore delixis Seneca Neronem admonuisset, ut venienti matri occurreret: ita specie pietatis obuiam itum dedecori. Post hæc etiam cum nil proficere videretur, filium ad stuprum sollicitauit, existimans hac via posse filium decipi. His causis motus, fratrem veneno, ne illum mater præponeret audacia, gratia potens, sanguinis Claudiorum adolescentulum, filiumque Imperatoris: non tam imperio quàm etiam vitæ timens: deinde matrè cum videret nihilo secius omnia moliri, ut nò tam ipse quàm illa regnaret, maiusque esse ius vxoris quàm matris, diu cunctatus, consiliis tandem eorum, quos illa ei præfecerat, qui nec ipsi mulieris impotentiam perferre possent, occidit. Eadè ratione occidit & vxorem: nam dimissa cum essent ex Imperatoria stirpe tam mater quàm vxor, si alteri nupissent, exitium Neroni peperissent: cum & inimicos proprios, & amicorum partem, & omnes amicos illarum ac noui sponsi aduersum se pugnatuos animaduertent. Interim in omnes mitis ac blandus, iustique ac recti defensor: sed paulò post irritatus duplici cõspiracione, Pisoniana primum maiore, inde etiam Vinicianæ Beneuenti plurimos occidit confcios illarum: inter quos Senecā, & Lucanum illius nepotem: in quibus etiam se mitem pro facti ratione exhibuit, cum neminem nisi

Q

simplici



simplici mortis genere damnauerit; pluribus etiam inusitato clementiæ genere pepercit. Accidit autem, ut inter hæc vrbs Romana sex totis diebus arserit: ibi quàm iniuste sit culpatus, quodd incendij auctor extitisset, apparet, cum constet immenso auri pondere populum ad ædificandum adiuuissè: adeò ut qui eum accusant, nec sibi constant. Subiectos post hæc falsæ criminationi incendij Christianos, immeritas luisse pœnas scio. Sed vbi difficultas est, nemo lapidem mouet. Quorsum enim subiecisset, qui non esset sibi facinoris conscius? Demum amitam & Burrum veneno sublatos calumniantur, tam leuibus suspicionibus, ut pudeat huiusmodi in medium asferre. Quod verò maximè accusant, est, quodd aurigauerit, cecinerit, saltauerit: quæ omnia humanioris, ac si acerbius prosequi factum velis, mollioris animi argumenta sunt, non sceleris aut flagitij. Sublato metu & obrepentibus adulatoribus, paululùm ad libidinem, adolescentiæ peculiarem affectum, inclinauit: in qua miris eum modis lacerant: quodd si quid habuissent potius quod damnassent, in tam futilem accusationem non iam se totos recepissent. Crimina sunt adolescentiæ, irritamenta potentiæ, sensuum illecebræ, consilia & auxilia adulatorum: quorum nihil defuit Neroni. At non culpabunt clementiam, libertatem, iustitiam, amorem sapientum, proborum ac tenuiorum, publicæ rei dilectionem & curam, mansuetudinem, contemptum ambitionis, splendorem operum, acumen ingenij, facundiam, memoriam, gratiam in bene meritis, Deorum cultum, religionem: hæc si possent culpare, in ipso potuissent, ne certè ad laudem eius hæc abolendam aut minuendam pertinerent. Sed cum in his omnibus admirabilem se præstiterit, cum omnes maiores suos probitate superauerit, vanum esse puto, ex puerilibus aut adolescentiæ vitiis illum criminari. Cum verò seditiosi duces ac perfidi administratores, avaritia & ambitione pelli, tot beneficiorum immemores legiones sollicitassent communi omnium periurio, ad armæque aduersus iustum & æquum principem capeffenda incitassent, quod nollet illos finibus excedere, deprædari finitimos & insontes, miseramque plebem, quo nil magis optabant milites: criminij eius datur alienum scelus. Indicio autem est sub Nerone tam amplis finibus Romani Imperij nullum fuisse bellum, nisi pro Armenia cum Parthis: quodd etiam & victoriis insignis, & liberalitate admirabilis placuit, mediũque tenuit, ut nec audus quicquam ex hostilibus adiecerit imperio fraude vel vi, nec ob mollitiem aut socordiam amiserit. Quæ duo vitia, etiam in his qui optimi habitus sunt Imperatoribus, Traiano atque Adriano, damnantur. Horum alteri nil satis esse videbatur, alter etiam patri factis per summam segnitiam inuidebat. Desertus ergo ab improbis militibus ac facinorosis, mortem se suæque virtute dignam appetiit: manumque fortiter sibi inferens, ostendit nihil formidare potuisse, nec mortem honestam refugerit. Quinetiam qualem animum retinuerit, in ipso quoque mortis in-

stantis sensu declarauit, cum militi cuidam ad eum pro auxilio venisse simulanti respondit, Serò: scilicet, si ad auxilium. Inde subiecit: Et hæc est fides: ne non intelligere fraudem videretur. Cogita modò tu, quali ingenij præstantia, quali prudentia ac fortitudine fuerit. Vnde illa verba: ἡ οὐκ ἔστι Νέρωνι, ἡ οὐκ ἔστι. ἡ οὐκ ἔστι τοῖς τοῖς τοῖς. ἡ οὐκ ἔστι τοῖς τοῖς. Id est: Non decet Neronem, non decet: supple, hæc pati, & tam sordido loco esse. Euigilare oportet in huiusmodi. Age, suscita teipsum. Ipse sibi sepulchrum exornauit: & cum equorum aduentum sensisset, dixit:

Ἰππων μὲ ὁμιλῶν ἀμφὶ πύλιν· ἡ αὖτε βῆξ. id est: Equorum citatorum strepitus circumsonat aures.

Vt intelligeremus, in ipso mortis aditu (neque enim distulit ictum, quo se gladio confodit) mente haud consternatum esse: aliena enim lingua metu excussi quomodo loquuntur, cum multi nec loqui prorsus queant? Iam ergo honestissimam mortem subiit, adeò ut cum damnatus esset à scelestissimo Senatu, metu populi miserantis tam indignam damnationem, defectionem, prodicionem, viri fortem casum, non ausi sint eum contumelia aliqua afficere: ut contigit Galbæ, qui eum prodidit: ac Vitellio aliisque: imò concrematus est funere quinquies mille aureorum coronatorum, stragulis albis auro intextis, quibus vsus fuerat Calendis Ianuariis.

Cæterum ut ad reliqua vitæ ornamenta transeam, pauca de multis subiiciam, & breuiter: ut illius fortunam potius miserabilem, quàm lætam, licet splendidam, fuisse ostendam. Adolescens nobili genere, sed parum felici ortus fidere, inter odia populi Romani atque Senatus, ob maiorum sauitiam ac iniurias, inter ætatis illius & vrbs infanda vitia, inter abusus & iniustas leges, quas tollere sine periculo & relinquere sine maxima iniuria vniuersi orbis non poterat, fraudulenta matre, infirmo principatu, improbis consultoribus, nequissimis amicis, pugnare cum omnibus coactus est. Existimo, si sui iuris fuisset, nunquam cum tot periculis, & curis etiam oblatum fuisse recepturum imperium: recepit imperium hortatu & iussis matris: dimittere amplius tutum non erat. Parum prosperum & auspdatum fuit initium, non alius successus neque finis sperandus erat. Deceptus à matre quæ illum à studiis Philosophiæ prohibuit, & à Seneca magistro, mortalium improbissimo, qui matri id persuasit non conuenire principi Philosophiam, quo ipse videretur Neroni admirabilior. Educatus à prima pueritia, ne vlla in parte fortuna illius virtuti aduersaretur apud Lepidam amitam, duobus sub pædagogis, saltatore atque tonsore: quas rogo disciplinas, aut quales bonos mores aut egregia exempla, aut regendi atque imperandi præcepta, sub talibus magistris discere potuit? Et tamen vbi primum Senecam nactus est præceptorem, quamprimum (quod optimus esset natura) ad illius perfectam imitationem se totum tradidit. Itaque quicquid boni in eo fuit, proprium illius naturæ, iudicij, consilijque fuit; si quid omnino errauit: aut si aliqua in parte defecit, certè id ei alieno vitio contigit, atque eorum sanè quos turpius fuisset à se abigere, quàm



quàm parère. Sed quoniam, ut cognoscamus qualis sit optimus Princeps, necessarium est, scire primum, quænam sint officia optimi Principis, quæ à nullo (quod sciam) aut verè aut scitè explicata sunt: sed Peripatetico more omnia miscantium, confundentium atque perdentium inuoluta, causam præbuerè ut optimi habeantur tyranni: improbi verò qui optimè regunt, idèò vnquam necesse est de officio optimi principis dicere. Cùmque omnibus in rebus quædam sint necessaria, quædam magis necessaria, quædam maximè necessaria: hoc idem institutis optimi Principis distinguere oportet: nihil enim deterius in multiplici rerum usu atque doctrina, quàm aut decipi in rebus ipsis, velut bona pro malis, & mala pro bonis habere: aut in ordine, cùm quæ optima sunt, bonis anteponimus, aut etiam pessima simpliciter malis, aut vehementer malis. Optimi igitur Principis maximè necessariæ conditiones sunt, foris pacem aut necessarium tantum bellum habere: domi autem iustitiam & æquitatem colere. Magis autem necessaria, sed non quantum priores, sunt, commodis omnium prospicere, maximè tamen bonorum & egenitium. Necessariæ autem non adèò sunt, provinciam totam ornare moribus atque pulchritudine. Ita in vrbibus templa, ædes magnificæ; spectacula: in agris cultus, in viis æqualitas, & pontes iuxta flumina, rescicare paludes, transferre noxios torrentes, saxa eximere, montes peruios facere, custodias contra latrones adhibere, feras tollere, diuersoria locis necessariis conlittere, rusticorum alacritati fauere, omnia tuta & visu iucunda reddere. Hæc ut fiant à principe, necesse est ut prudentia & bonitate possit. Parum in illo fortitudo desideratur, si hæc adsint, quod multorum auxilio se tueri possit. Bonitas duplicem exigit usum: & quod velit bona malis proponere, & quod nulli incommodo vel labori ut publicæ utilitati consulat, parcere velit. Hæc igitur, & non plura, optimi principis officia esse, nemo non videt, tamen nullus Glauco vel Polemarchus nostra dicta tanquam aliena probet. Sed modo videamus, an hæc omnia ita sint, & non pluribus indigeamus, & quomodo sint intelligenda: tum demum Neronem hæc ipsa obseruasse demonstrabimus. Principiò igitur pacem bello præponendam non puto necessarium esse ut doceamus, sed tamen ob peruiaces docere abs re non erit. Pax incrementum & quietem affert humano generi, bellum perturbationem & interitum. Pace artes bonæ coluntur, bello destruantur. Pax bonis omnibus amica est, & miseros solatur: bellum bonos opprimit, miseros fundit enecat. Pax leges exercet, & improbos punit: bellum efficit improbos, & leges silere cogit. Pax denique agros fertiles reddit, domos erigit: bellum agros deuastat, adificia diruit. Denique bellum propter pacem est, non pax propter bellum. Ferris nationibus bellum familiare est: humanis, cultis, bonis, sapientibusque viris pax cordi est: bellum fit furentibus hominibus, atque insanientibus: pax verò pacatis, felicitibus atque prudentibus. Itaque Neronem

Tom. I.

quis hac in laude æquare poterit? Audi dicat Suetonius: Augendi propagandique imperij neque voluntate vlla, neque spe motus vnquam & ex Britannia ducere exercitum cogitauit: nec nisi verecundia, ne obrectare parentis gloriæ videretur, destitit. Ponti modo regnum concedente Polemone, item Alpium defuncto Coctio in Prouinciæ formam redegit. Hæc ille scripsit: in quibus si tantum laudis contineri sensisset, nescio an scripturus fuisset: nam certè nihil maius, aut absolutius hac in causa excogitari potuit: non enim vi augere imperium voluit, ut Traianus: nec dolo turpi, ut Tiberius, quem præstabat vel sic imperium minuisse quàm auxisse. Vnde de Tiberio Tacitus: Archelaum Cappadociæ Regem quinquaginta annis regno positum specie indulgentiæ per matris litteras accersit: inde vbi venit, accusatum in Senatu de tadio & angore animi, senioque ad mortem seu voluntariam, seu ex morbo adiecit, regnumque in Prouinciæ redegit. Sic Marabodum Germanum & Thrasypolim Thracem decepit: ac contra Armeniam à Parthis, Mæsiam à Dacis ac Sarmatis, Gallia à Germanis vastari neglexit. Itaque Alexander Seuerus non ausus est pomerium vrbis Romanæ ampliare, dicens: Licuisse hoc solum tribus Cæsaribus, Augusto, Neroni, & Traiano: quod hi limites Imperij ampliarunt, & partum seruauerunt. Itaque quod ad imperij moderationem cupiditate, & pacis tuendæ rationem, nulli impar optimo principi fuit, plerisque etiam superior. Veniamus ad bella. Quinque causis licet bellum suscipere. Prima, si iniuste quis inferat: stultum est enim iacere desiderium, ingruente hoste cum exercitu. Secunda, si qui aliquid eripuerint vltro: nam veterem ferendo iniuriam, irritas nouam. Tertia, si periculum est ab hoste, ita ut cogaris fidei suæ salutem tuam committere. Ut enim optimus sit princeps, malus ei succedere potest: idèò cùm non nisi iustis legibus rectè viuere & beatè liceat, curandum est ne vicinis armis impediamur. Quarta, cum his qui nobiscum fœdere iuncti sunt, bellum aut iniuria infertur: decet enim & ob fidem seruandam, & ut par pari, si occasio eueniat, referatur, amicos tueri. Quinta, ut militem in disciplina contineamus: dum enim expertes belli, vel disciplinam amittunt, vel pro militibus latrones euadunt, prouincialiumque bona & finitimorum cum quibus pax est, diripiunt. Quocirca notum in pace sinere oportet: sed translatis exercitibus ita agendum, ut vnum bellum exercendis omnibus militibus satisfaciatur. Ergo Neroni nulla causa cùm esset bellandi, præterquam contra Parthos, qui Armeniam simul possidebant, & infestabant: inde omnes causæ iusti belli eum compulerunt ad illud suscipiendum, & omnia etiam quæ diximus peregit. Cùm enim Corbulonem, acrem virum, in ducem elegisset, hæc Tacitus subiungit: Sed Corbuloni plus molis aduersus ignauiam militum, quàm contra perfidiam hostium erat. Quippe Syria transmotæ legiones pace longa legnes, munia Romanorum egerimè tolerabant.

Q 2

Satis



„ Satis constitit fuisse in eo exercitu veteranos,  
 „ qui non itationem, non vigiliam inissent, val-  
 „ lum fossamque quasi noua & mira viderent :  
 „ sine galeis, sine loriceis, nitidi & quæstuosi,  
 „ militia per oppida expleta. Igitur dimissis qui-  
 „ bus senectæ aut valetudo aduersa erat, supple-  
 „ mentum pitiuit. Et habitis per Galatiam &  
 „ Cappadociam delectus, adiectaque ex Ger-  
 „ mania legio, cum equitibus alariis, & pedi-  
 „ ratu cohortium. Liquet igitur ex Taciti testi-  
 „ monio, Neronem artem reparasse militarem,  
 quæ sub continuis tribus proximis Principi-  
 bus, Claudio, Caligula, & Tiberio (aliter enim  
 veterani munia illa ignorasse non potuerunt)  
 neglecta fuerat. Bellum suscepisse iustissi-  
 mum, maximè necessarium & vtile Romanæ  
 Reipublicæ: illudque obseruasse, vt hoc vno  
 bello nullæ legiones quiescerent, sed plures  
 in officio & exercitatione, omnes in metu  
 continerentur. Nam non solum hanc, sed plu-  
 res alias legiones loco mouit, ex Ponto, Mœ-  
 sia atque Pannonia. Sed nec minus felix exi-  
 tus, & longè vtilior quàm M. Crassi, qui exer-  
 citum amisit: & Augusti, qui solum specie  
 honoris contentus, satis habuit illos suis in se-  
 dibus quiescere: & quàm (vt dixi) Tiberij &  
 succedentium, sub quibus Parthi Armeniam  
 occupant: & quàm etiam Traiani, qui cum  
 speciosis victoriis plus afflixit Romanam Rē.  
 publicam quàm auxerit: vnde infecta re coa-  
 ctus est regredi. Victi etiam Parthi fuerant ab  
 Antonio, Ventidio duce: sed & ea victoria nil  
 plus attulit quàm honorem illum, quem post-  
 modum Augusto detulerunt. At Nero perti-  
 naci & bene instituto bello, castella illorum  
 expugnauit, exercitus profligauit, Artaxatam  
 Armeniæ quasi caput occupauit: tandem  
 Parthos ad deditionem, ad fatendum victo-  
 rem, ad supplicandum Romanorum vexillis  
 coëgit: idque nec mutato Duce in tam diutur-  
 no bello, nec clade insigni vlla accepta, cum  
 Augustus Lolianam & Varianam magna cum  
 ignominia accepisset, tam validis cum exerci-  
 citibus, & tum maximè vigente militari di-  
 sciplina, ac Romana Republica. Sed & sub  
 sine Imperij quàm sapienter Nero prospexit  
 defectioni Iudæorum, quos & subegit & dele-  
 uit per Vespasianum ducem; licet ob proditio-  
 nem Vindicis & Galbæ, Nero eam victoriam  
 videre non potuerit. Apparet igitur, Nero-  
 nem tam belli quàm pacis artibus, omnibus  
 Cæsaribus qui vel antè vel post fuere, præ-  
 stantiorum fuisse.

Veniamus ad Reipublicæ gubernandæ mu-  
 nia, in quibus an melior, an prudentior, an fe-  
 licior fuerit, non sat facillè dictu. Id verò primò  
 videndum, quis sit iustus aut æquus iudex, aut  
 dominus. Iustum solèt definire, qui legem ob-  
 seruat. At videamus quid Reipublicæ & hu-  
 mano generi vtile sit: certè, vt quisquis quan-  
 tum fieri possit, bene habeat. Id verò duobus  
 modis fit commodis vniuscuiusque prospicia-  
 tur, & vt omnes boni euadant: cum enim mala  
 duplici modo nobis contingant, alia quidem  
 natura & fortuna, alia verò ab hominibus  
 aliis: rectè consultum fuerit, si his quæ natura  
 & casu veniunt, beneficiis & liberalitate Prin-  
 cept succurrerit: his autem quæ ab hominibus  
 eueniunt, illos efficiendo bonos: nam sic non  
 solum nemini oberunt, sed etiam multis pro-

derunt. Iustitia verò probos efficit homines: &  
 præter id etiam, quod cuiusque est, ei reddit: ob  
 id iustitiam & primam & solam: id est, om-  
 nem complectentem virtutem rectè appellat:  
 atque hæc sine controuersia sunt. De quibus  
 autem controuersamur, sunt tria. Primùm, an  
 fauendum sit miseris, an potentibus? Secundū,  
 an iustitia sit, seruare leges ex præscripto? Ter-  
 tium, an idem sit in fauendo vtile & honestū?  
 De primo enim nō magna est difficultas, quin  
 leges afflictis & miseris fauere debeant, si ad  
 Deum, ad iustū & æquum respicere velimus:  
 nam cum, vt dixi, finis optimi principis sit, vt  
 omnes optimè habeant: palàm est, leges debe-  
 re subleuare languentes, fouere miseros: non  
 autem potentes, qui hoc ipso non indigent.  
 Quid ergo proprium est iusti aut æqui domini  
 aut iudicis? est, erigere miseros, protegere, alle-  
 uare afflictos. Ob id non iustus est qui leges ex  
 præscripto seruat, sed sæuus illi tamen Seueri  
 nomen sibi vindicant. Et rectè: secus, à vero.  
 Sed in tam graui re mittamus iocos. Ille iustus  
 est; legem ad mentem conditoris refert, non  
 qui ad scriptum. Mens conditoris considerat  
 non factum solum, sed causam facti, qualitatē  
 errantis, vt eorum qui cum illo iuncti sunt.  
 Seruauit Pop. Rom. & bene, Horatium illum  
 qui sororem occiderat: quoniam patriam ser-  
 uauerat. Occidam ne ego hominem, qui iratus  
 ciuem occiderit, cum seruauerit plurimos? ille  
 iustus est iudex, qui ad mitiorem partem sem-  
 per inclinatur, non sui, sed delinquentis causa. Sui  
 causa, si in mitiorem partem declinet, iniustus  
 est. Sui causa inclinabit, cum delinquentis po-  
 tentiam, aut gratiam spectabit aut ab illius  
 pecunia corrumpetur. Delinquentis causa in-  
 clinari dicitur, cum illius iniurias, quas passus  
 est, ac molestiam ab illo quem occidit, diutur-  
 nam vexationem, periculum vitæ, inuentu-  
 tem, leuitatem, consilia aliorum, poenitentiam  
 facti, virtutem, eruditionem, pietatem, vtilita-  
 tem qua exhibet Reipublicæ, facta egregia,  
 filios impuberes, patrem aut matrem senem,  
 aut cui nulli alij sint filij, aut si vnus alius su-  
 per sit, sed inutilis prorsus, aut si parentes alat,  
 vel si vnus super sit è memorabili aliqua stirpe  
 (nec magis in alio probem Augusti factum,  
 quàm cum damnatum reuocauit nulla causa,  
 nisi quod vnus esset ex Brasidæ Lacedæmonij  
 descendantibus) vel quoniam incorruptus sit  
 ei ad pecuniam animus, considerat. Æquitatis  
 verò est, si veniam consecutus est ab his quos  
 læsit: si alij ex eodem crimine dimissi sunt, si  
 alat filios eius quem interfecit, si se religioni  
 addixerit, si sui miseri sint, si non existimauit  
 occisurum, si desperatione & multitudine ca-  
 lamitatum ad id compulsus est. Non ergo iu-  
 stum est ex lege iudicare, nisi in ciuilibus cau-  
 sis, propter confusionem, & rei de qua agitur  
 humilitatem. Errare enim in pecunia, mul-  
 to minus est quam in criminibus capitalibus  
 vbi infamia morti adiungitur, & vbi ex præ-  
 scripto legis agitur: vt apud Areopagitas. Et  
 tamen duas liberarunt, quas lex damnabat: vt  
 apud Valerium Maximum legitur. Adeo lau-  
 dabilis est clementia & misericordia, vbi non  
 pro pecunia adipiscenda crimen admittitur:  
 in cæteris enim ad mitiorem semper partem  
 inclinandum est. Cogita Vir inique, qui  
 alium damnas, quanta tu admiseris, quali tu  
 potna



pœna dignus sis, ni te calliditas regat, potentia nimia tueatur. Qui in pauperes & impotentes seuit, excusari nequit, quod se norit esse nocentem. Qui legibus homines damnat, raro in id quod rectum est, collimat. Puniantur homines tribus ex causis, vel ob id ut improbus tollatur à Republica, vel ob exemplum, vel ob solatium eorum qui offensam passi sunt. Si ut improbus à Repub. tollatur, nulli sunt puniendi nisi qui vel ipso vitio oblectantur, vel qui ob pecuniam id agunt. Verisimile enim est, huiusmodi hominibus facultatem peccandi nunquam defuturam. Reliquos, & maxime iuvenes, sinere oportet: saltem enim prole iuuare Rempublicam poterunt: maxime si artem aliquam calleant. Ob exemplum atrocibus facinoribus, & in his ad quæ hominum genus proclive est: in cæteris nonnunquam pœna plus exemplo nocet, quàm absolutio. Considerandum est autem præcipue in his, quis iniuriam primus intulerit, etiam si leuior sit. Iniquissimum est, sinere inultos prouocantes: prouocatos autem, etiam si maius admittant peccatum, punire. Ad solatium autem eius qui offensam passus est, punire quenquam, ferinum est, imò vipereum. Vsurparunt hoc veteres pessimo exemplo, solum in bellis: vnde illud:

*Vinxerat & post terga manus, quos mitteret  
umbris*

*Inferias, caso sparsuros sanguine flammæ:*

*Antea verò dixerat: Salmone creatos*

*Quatuor hic inueneres, totidem quos educat  
Vfens*

*Viuentes rapit, inferias quos immolet umbris,*

*Capitūque regi profundat sanguine flammæ.*

Sumptum etiam ab Homero, in Patrocli funere. Post edi mundus gladiatorum perbutuarios cepit, ut atrociam facti leniretur. Quid ergo est, ut in pacato iudicio detur hæc atrocibus & sauciis ira, ultionis desiderio, ambitione animis? Nulli ergo hoc dandum, nisi altera ex prioribus causis adsit. Tertium, quod in contentione erat, duo habet capita: vnum, an simul iungantur utilitas publica, & pium iustumque præceptum, decretumque: deinde, si non iungantur, cui patendum sit, & quid præponendum. In hoc omnes & reges & aulici & magistratus decipiuntur, hoc conantur tueri, & duo esse diuersa, & Reipublicæ potius quàm pietatis habendam rationem. Hic pugna, tametsi occulta, hic dissidia oriuntur. Dicunt, melius esse Rempublicam fauere, opulentis fauere, potentibus magnisque viris. Hoc suadent improbi fures regibus, hoc agunt re, tametsi dissimulant. Et primum quidem ratione id defendunt, quod a miseris & humilibus nullum imminet periculum: ingens autem à potentibus strenuus & opulentis: & contra opulenti multis in causis amici prodesse possunt, inopes nequaquam. Non aliud Philosophi & Poetæ dicunt, quàm euersa regna ob nobiliorum offensas: tenuiorum nullum, aut vnum alterūve exemplum. Pauciores etiam in officio continere, multitudine facilius est. Ergo si tenuioribus faueas, non propter id continebis multitudinem, sed cogēs plurimis fauere: nec tamē ob multitudinem tibi amicam habebis. Potentes etiam sunt magis natura grati & memores, ut qui sint meliorum morum, & magis

Tom. I.

agnoscāt beneficium. Vident etiam & ostendunt regna nunc Turcarum, Gallorum, ac omnia (ut ita dicam) adeo ut etiam Respublicæ quæ diuturna sunt & antiquis firmiora, quæ fauent potentioribus. Ita hæc persuadent regibus iniquissimi viri: cum non solum honestius sit ac magis pium, ut dixi, fauere tenuioribus: sed securius Principi, & diuturnitati Reipublicæ ac cuiuscunque dominationis utilius. Itaque in utroque errare faciunt, ipsi non errant: nam sic venditantes iustitiam, quam tenuioribus venditare ob paupertatem non possent, prætorias domos & alta Palatia construunt: & fundos possident adeo latos, ut persæpe fines eorum ignorent: Sed maledictis non his opus est, quæ plus illi non curant quàm Dij preces sumiarum. Pugnandum est ratione, nec adducam quicquam ex Deorum ira atque vindicta: cui si crederent, ut Philippus Argemonus optimè dicit, opus non esset mea admonitione. Deinde etiam si crederent, scio nihil grauius posse eorum auribus contingere, quàm quotidie offundere has minas: dicentes (quod verum esse fateor) ne non esse Dei *oues pascitur*: irde reuocatis consiliis, vel statim veniam parere per exomologesin: quod ego non nego, modo præstes quod ex iure illius est. Alij dicunt, sermones institui oportere de præsentibus: nam futura incerta sunt. Omittamus ergo, quandoquidem paucos secus habituri sumus auditores, sermones pios: nam in his nullum est dubium, nec apud ipsos: & de principum utilitate disseramus. Si potentibus faueant iudices, si illos plus iusto euehant, principes tria maxima sequuntur incommoda, quæ ad euerisionem dominationis faciunt. Primum, quod pecuniæ in paucos & potentes cogentur, vnde necessitatis tempore tributa exigere non licebit: hæcque ex causa victi cessare tandem semper Galli: à plebe enim facile est pecunias habere tum quia facilius parent, tum quia auctis vestigalibus crescunt redditus principum absque periculo. Secundum, quod si per iniusta procedatur, & ad potentiores semper procedat fauor, necesse est ut breui res in tyrannidem euadat, & regnum vel Respublica ruat: quod & Romæ, & in Parthorum ac Britannorum aliisque plurimis regibus euenit, qui ab his quos iniuste euererant, euerfi sunt. Tertium est, quod crescentem potentia vel vnus ad fastigium, vel plurium satraparum, valde necesse ut regnū maximo cum rege in periculo sit, seu illi inter se conueniāt, seu dissideant. Porro quæ inualida sint huiusmodi regna quæ potentioribus fauent, ostenderunt in Italia nostra ætate Neapolitanum, Insubrum, Taurinum & Salassiorum: quæ omnia nostra ætate dominos cōmutarunt. Sic & Florentia ac Sena. Solæ Venetiæ, Ferraria ac Mantua diu steterunt: omnes munimento situs potius quàm gubernationis, præter Venetias: sed hæc ius æquum custodiunt melius. Turcarum potentia stat ob reuolutionem: serui enim sunt omnes: nec potentia vel opes ad descendentes perueniūt: ob id fauere potentioribus aut tenuioribus, pro eodē habentur. At non sic Pannoniæ regnum, quod & nostra ætate concidit, semper instabile antea, licet nunquam aliàs euersum. Incredibile est quàm facile concedant hæc regna, in quibus iudices potentioribus fauent:

Q. 3

nam



nam regnum Neapolitanum & Mediolanense, vix toto trimestri spacio conciderunt prorsus. Taurinum, vel mense toto: Salassiorum, vix octo diebus. Speciosa est pompa horum Procerū, sed vt vitrea organa magni sumptus, inutilis. Si petis, non dant: si imperas, non obediunt: vndique discordiæ, seditiones, contentionesque fluctuant. Regis magnitudini aut inuident, si nihil det: aut damnosī, si dat: quandoque vtroque modo noxij. Nihil est nocentius regibus procerum potentia. Si quicquam peccet princeps in illos, facile conspirant in vnum, ob paucitatem: facilius irascuntur ob ambitionem. Vidistis infelicem casum Pharnesij Ducis: hoc metuere à tenuis fortunæ viris non poterat. Quinetiam multi ex his aded amentes sunt, vt pluris se existiment rege: cum enim plures sint potentes, quid mirum est si vnus aut alter eò dementiæ veniat? Hoc insanix genus, si secus mente valeant, incredibile dictu quanta & qualia mala ipsi regi pariat. Quis princeps apud nos regnauit è Vicecomitum aut Sfortiadum familia, quem non aliquis ciuis noster, etiam sine causa, sed sola ambitione, ferro aggressus sit? pauci certè. Forſan pluribus sufficere possit exemplum illud Tarquinij ad legatos filij, cum loco responsi capita papauerum quæ supereminebant virga decuteret: insinuans, tutò Gabiis non imperaturum, nisi eos qui potentia præcellerent, tolleret.

Ergo si diuino humanoque iure tenemur fauere tenuioris fortunæ viris, nec non miseris, iustèque id ac secundum leges: Nero verò id maximè præstitit: hæud dubium est, Neronem non fuisse optimum virum: atque etiam perspicuum, quare pro improbo habitus sit. Turba enim illa omnis, primùm aulica, inde potentiorum ac Senatus, deinde gratiosorum (scitis quos dicam) nec non sceneratorum, quorum & nunc maxima est potentia, historicorum, ducum, militum, aduersus Neronem conspirauit: non in initio principatus: nam tum Burrus ac Seneca suis sceneratoribus ac potentioribus fauebant: quod si quem oppressissent, illis, non Principi imputabatur: ita aliquandiu Nero iacuit & seipso deterior, & laudatus: cum his placeret ciuibz, qui plurimum possent. Verùm vbi patrociniū iustitiæ, æquitatis, tenuiorum ac miserorum, tum plebis suscepit: inde repentè crudelis parricida, impius, infamis, omnium mortalium pessimus dictus est. Hæc igitur vt ostendamus, beneficia illius in omnes bonos, in omnes dico, in plebem & miseros atque abiectæ sortis homines, in memoriam reuocemus: id prius prædicentes, Neronem bono magis animo, & meliore quàm felici successu rerum suarum fecisse. Vt enim non sinunt potentiores, plurimum posse atque superare leges: ita vbi iam occupauerint illi, non valde tutum est deicere eos è loco. Itaque legibus potiùs proterendis sunt tunc proceres, quàm imperantis voce ac iussu. Leges per plures administrantur, imperium per vnum, imò ipsum principē. Quocirca Nero non tantum potuit hac in parte habere consilij, quantum erat necesse. Verùm ætatis feruor confidentia plus sibi tribuit quàm posset. Vnde etiam illa vox emanauit: Nullus ex principibus, qui me præcesserunt,

sciuit quid sibi liceret: quam in deteriore partem, vt reliqua etiam alia, interpretati sunt: quasi non de cohibendo potentiorum iniurias in tenuiores loquerentur, sed inferendo. Adiecit & aliud incommodum, quoddè se theatro, cantui citharæ, histrionica; aurigationique dedit: quæ tametsi crimina nō essent, auctoritatem tamen tanto periculo, quam necesse erat maximam esse, imminuerunt. Quatuor enim necessaria sunt ad procerum iam confirmatam potentiam enertendam: Sapientia summa in constituendo leges & indices, & vt eò non tendere videantur: summa auctoritas, vt etiam vita religiosa sit: vitæ diuturnitas: & bona fortuna quædam, sine qua nil arduum inter mortalia perficere, multa excogitare licet: atque in hoc genere sunt filij, affines, cognatique ac amici, potentia, fide consilioque præstantes. Sed iam ad leges & benefacta Neronis veniamus, quæ plura sunt quàm quæ à me colligi facile possint. Primùm ergo de annonæ abundantia testis ille iniquus Cornelius Tacitus, cum de Neronis discessu ageret, inquit: Præcipua cura rei frumentariæ, angustias, si abesset, populo metuenti. Quid hoc? nisi quod per absentiam illius horrea concluderentur, præsentia pateret: ita nequissimi illi optimates pessimorum plebem encabant. Et rursus: Cum vrbs, vt dixi, flagrasset, pretij frumenti minutum ad ternos nummos, vt pauperibus consuleretur. Aliàs stratagemate vsus, effuso frumento veteri in Tyberim, non permisit, tametsi in magna penuria, pretium augeri. Nec vnquam sub illius imperio fame laboratum, nisi extremo tempore, cum non potuit auxiliari. Sed ad decreta veniamus. Initio principatus, professus (quod etiam, vt Tacitus refert, præstitit) se non omnium negotiorum iudicem futurum, vt clausis intra domum vnā accusatoribus & reis paucorum potentia grassaretur, teneret antiqua munia Senatus, consulum tribunaliū Italia & publicæ provinciæ assisterent, illi patrum aditum præberent: se mandatis exercitibus consulturū. Inde constitutum, ne quis ad orandam causam mercede aut donis emeretur, ne designatis quæstoribus edendi gladiatores necessitas esset. Statuas aureas à Senatu oblatas, & initium anni vt ad Decembrem mensem (quo natus erat) transferretur: & Antistij collegæ in consulatu iuramentum in manus suas prohibuit, nec passus est accusante proprio seruo Carinam Celerem, nec Iulium Densum ob inuidiam inter reos duci. Quinetiam raro exemplo accusatos Burrum præfectum, Pallantem atque Corneliū Sullam affectati imperij, nō solum plenè absoluit, exustis etiam tabulis, sed & accusatorem in exilium damnauit. Detraxit & in spectaculis theatri militem, vt plebs liberior esset. Sed hoc diu manere non potuit, nimia plebis licentia: quæ in partes diuisa, dum diuersis studiis immodicè fauet, penè seditione excitauit. Cumque liberos ad seruitutem redigere rursus quidam conarentur, ob non satis graues causas inhiuit, additis etiam his verbis: Dispiceret quisque, dum liberaret seruum, illius merita: tardèque concederet, quoddatum non adimeretur. Inducti etiam tribuni non aded soluta licentia, sed tum qui plebis commodis



commodis consulere: statutumque, quantum Aediles pignoris capere possent. Et tribunus Eluidius Priscus contra Obultronium Sabini contentiones exercuit, quod quaestor ararij contra ipopes ius hastae inclementer exerceret. Elegit & ad quaesturam illam praetura perfunctos, & experientia probatos. Antium coloniam deduxit, additis veteranis e praetorio, ditissimisque primipilarium, portuque sumptuosissimi operis extructo. Capuam Nuceriam firmavit additis militibus: plebei; congiarium quadrigeni nummi viritum dati: Et sestertium quadringenties arario illatum, ad retinendam populi fidem. Vestigal quoque quinta & vigesima venalium mancipiorum remissum. Et quod optimum fuit, edixit ne quis magistratus aut procurator qui provinciam obtineret, spectaculum gladiatorum aut ferarum aut ludicrum aliud quodvis ederet. Nam antea non minus largitione quam corripiendis pecuniis subiectos affligebant: dum quae libidine deliquerant, ambitu propugnaret: parum vero absuit ne cuncta vestigalia tam in ceteris provinciis quam in urbe & Italia pulcherrimo dono mortalium generi aboleret. Sustulit tamen quadagesimam & quinquagesimam, & quaecunque illicitis exactio- nibus exercebantur. Cossutianus vero Capito & Vibius Secundus, pluresque alij sub Nerone repetundarum damnati sunt. Contra Valerium Messalam collegam in consulatu, sed pauperem, & duos senatores ad inopiam redactos, pecunia in singulos annos constituta subleuauit: nec eos tantum, sed (ut Suetonius inquit) quaecunque nobilissimi generis, etiam ad quingena saluio anno constituto. P. Suilius ut damnauit, quamquam Senatorem, ob scelera, ita ne videretur inuidia quorundam in patrem subscribere, filium illius Nerulinum absoluit: tametsi Seneca, qui tum plurimum poterat ob Neronis aetatem, & patri illius erat inimicissimus, reluctaretur. Pomponiam Graecinam, externae superstitionis ream, pulcherrimo exemplo coniugi Plancio concessit: qui eam adhibitis propinquis in fontem pronunciauit. Leges publicanorum ad id tempus in fraudem exactio- num occultatas publicari iussit: & ne quis eorum ultra annum posset reuocare debitum: Et cum sibi iudices antea haberent, voluit, ut Romae praetor in provinciis qui pro praetore essent, ius aduersus illos diceret: & ut militibus immunitas seruaretur, nisi quod illi venderent. Temperata etiam apud triminaeas provincias frumenti subuectio: & nauibus negociatorum naues ascriberentur, nec pro illis tributum penderent, cautum est. Et ne legem militem desidia corrumpere, exercitum in Germania, postquam pax cum finitimis esset, coegit aggerem quo Rhenus coliberebatur, sub Druso coepum ante sexaginta annos, aboluere. Exules impotentia matris pullos patria, ubi illa perit, suis sedibus restituit: non quidem (ut dicunt) in matris iniuriam (neque enim vlla illius alia decreta reiecit) sed quod nec dum viueret pulchrum putabat illi aduersari, nec male acta quanquam in matre probaret, exitio praecipue alieno. Ipse vero post epulas sapientiae doctores operam dabat, & pangendis carminibus, quae certatim aetate aequales supplebant: doctus etiam

caelare, pingere, canere, pulsare, equos cursu exercere & agitare. Pedius quidem Blesus a Senatu motus est accusantibus Cyrenensibus, violatum ab eo Aesculapij thesaurum. Quam illud penè diuinum? Appio rex, agros quosdam cum regno populo Romano reliquit: hos inuasere quidam ciues Cyrenensium, atque occupauere. Orta inter Claudij Imperatoris procuratores & Cyreneses contentione de huiusmodi agris, mittitur iudex Atilius Strabo, qui eos populo Romano adiudicauit. Tum Cyrenenses de iudicis iniquitate apud Senatum conquesti, remissi sunt ad Neronem, ea ratione (puto) quod res fisci ageretur: ille pronunciauit, Atilium recte iudicasse: agros tamen Cyrenensibus reliquit. Dicam miranda, tamè vera, de miti illius ingenio atque prudentia. Fulserat Cometes. Populus ingratus, & nouarum rerum cupidus, destinarat sua existimatione Neronem morti: quod huiusmodi sidera mortem principum praenunciare videantur: iam illi quaerit successorem, eumque Rubellium Plautum, ex Iulia familia per matrem originem ducentem, iuuenem clarum opibus, augurio etiam ad spem confirmatum: namque paucis antea diebus, dum Nero apud Simbruina stagna in finibus Tiburtum cenaret, icta illi sunt fulgure dapes: cum Plautus paternam originem ex Tiburto duceret. Hunc ergo tam suspectum, satis habuit monere, prae diffamantibus se subtraheret: habere in Asia auitos agros, ubi tuta & inturbida iuuenta frueretur. Cum aliquando comitia Praetorum, arbitrio Senatus haberi solita, nimium ob contentionem exarsissent: Nero optime composuit contentionem, eos qui supra numerum petebant (erant autem tres) legioni praeficiendo. Eundemque deinceps morem seruauit, ut Suetonius refert, in candidatis omnibus qui supra numerum essent, ut in solatium morae & dilationis legionibus praeficerentur. Idem auxit Patrum honorem, statuendo, ut qui a priuatis iudicibus ad Senatum prouocassent, eiusdem pecuniae periculum facerent: cuius, & qui ad Imperatorem appellauissent: quasi Senatus auctoritatem, quanti principis, faceret. Factum est & Senatusconsultum, ne res ad praetorem deferrentur, poenas a praefecto urbis euasuri: nam praefectus urbis ampliore habebat fontes puniendi auctoritatem. Et cum damnati essent serui Pedanij Secundi crudeliter, vellentque etiam libertos damnare, vetuit, dicens: Si morem antiquum misericordia non minuit, nec par est sauitia accendere. Idem in dedicatione Gymnasij, oleum praebuit Senatui, equitibusque Graeco more. Antistium, qui probrosa carmina in se fecerat, satis habuit publicatis bonis in insulam deportare: quanquam quasi per Neronis iniuriam, a morte absolutus esset a Senatu: cum Nero illum nulla in parte antea laisset, quinimò tum praetor esset illius beneficio: Simili lenitate, sed maiore etiam, in Veientone usus est: cui satis fuit ut libri exuerentur, (nec tamen conqueri omnes potuerunt, sed passim habiti legique etiam post damnationem coepere) & ipse Italia pellertur: eo autem mitior haec fuit sententia, quod Antistium Senatus, Veientonem Nero condemnauit. Sanxit quoque ne simulata adoptio



vlla in parte orbos iuaret, ac ne vsurpandis quidem hæreditatibus, cum antea multi per has adoptiones priuilegia verorum parentum occuparent: atque hæc Senatus autoritate. Illud sine ea, vt qui è prouinciis discederent, nõ in prouincia illorum collegiis, quod in fauorem paucorum cedebat, sed Romæ propratoribus aut proconsulibus gratias apud Senatũ agerent. Idem distinxit in spectando equites à plebe cum antea solum lege Roscia de Quatuordecim ordinibus cautum esset. Id autem iustissimè: nam vt in opibus fauere oportet miseris ac inopibus, ita in honoribus his qui eos promerentur. Sic enim æquatis (vt ita dicam) æquitatis etiam fauoribus, & hi commodius; & illi honestius viuere poterunt: Sexcentes quoq; sestertiũ annuũ: id est, quindecies centena millia coronatorum largitus est Reipub. quã munificentia quid potest esse præclarius? quodve maius argumentum amoris in plebem? Et tamen cum ad fanda infandaque cæterorum principum gratias publicè agerent, supplicarent, ac vota facerent Diis, hanc vt leuissimam rem silentio fermè obliterarunt. Et Tacitus ipse, qui illam refert: quia nil maius referri potest, duobus verbis eam transigit, quasi de re non admodum certa ageret: cum tamen, quamdiu Nero vixit, locum habuerit, & omnium in oculis esset. Cur hoc? Dices, nescio: At ego bene scio: quoniam hac pecunia dissoluebatur scæus plebis, redimebantur agri potentioribus oppignorati, emebatur annona ex publico: quæ omnia cum in iacturam cederent sceneratorum, Senatus, qui talia mercabatur, & potentiorum, quibus non sufficit esse ditissimos nisi omnino & domos & agellos & vxores & filias filiosque miserrum occupent: idè pro tam ingenti beneficio nullas reddiderunt gratias. Iustè igitur factum est, vt quas illi gratias tam ingrati agere noluerunt, quas Diis preces fundere pro eius salute meritis neglexerunt, cogerentur ira numinum pro cædibus coniunctissimorum agere ac fundere: pueros contumaces imitati, qui cum non pro beneficiis gratias reddunt, reddunt pro flagris. Qui admirantur me Neronem elegisse inter tot principes, quem laudarem: desinant iam admirari, nisi ostenderint alium exemplum Imperatorem aut Regem etiam antea vel pòst simile quid, aut pro ratione redditum donasse perpetuò suæ Reipublicæ. Iam tum & illud bene actum, quòd nationes Alpium maritarum in ius Latij trãstulit. Senatũ etiam edicto increpuit, quòd hortorum potiùs amœnitati inservirent, Reipub. munia defererent: eorumque exemplo equites ad segnitiam verti. Cladem Lugdunensem quadragies sestertio solatus est, vt amissa vrbi reponerent. Non inter laudes vocem illam reposuerim, quam cum damnati cuiusdam supplicio subscribere de more cogeretur, edidit, scilicet: Quam vellem nescire literas: si etiam enim aut puerilem esse contendit. Similiter nec illud recensèbo, cuius tamen meminerunt quidam, vt magnifici respòsi. Cum enim accusaretur apud illum Thraseas, iam ob contumaciam innisus, quod esset iniustus: respondit Nero: Vtinã tam me Thraseas diligat quam iustus est iudex. Quæ enim admiranda sunt in aliis, ad laudem Neroni, ob

eam opinionem quòd compositus ad simulationem existimaretur, prodesse nolumus. Sed ad facta redeamus. Recitat Seneca fuisse Demetrium quendam Cynicæ sectæ virum sanè probum, sed (vt mos est hominum illorum) iacentem inter stipulas nudum: huic tamè ducenta sestertia: id est, aureos coronatos penè quinquies mille transmisit, quos ille, solita ei genti stultitia renuit. Ille idem, eodemque auctore teste, duos misit centuriones in Æthiopiam, qui quàm diligenter de Nili origine scrutarentur, eidemque referrent. Siliũ Italicum, notissimum Poëtam, & virum eruditũ atq; probum, supremo anno Consulem fecit. Amasse literatos & eruditos, ac nemini non potenti viro infensum non fuisse, imò perhumanum, declarant verba illa Suetonij: Sed neque autores requisivit, & quosdam per indicem delatos ad Senatũ affici grauiore pœna prohibuit. Transeuntem eum Isidorus Cynicus in publico clara voce corripuerat, quod Nauplij mala bene concitaret, sua bona malè disponderet. Et Datus Atellanarum histrio in cantico quodam *ὁ γὰρ πᾶσι δὲ καὶ τοῖς πᾶσι*, ita demonstraerat, vt bibentem natantemque faceret: exitum C. Claudij Agrippinæque significans: & in nouissima clausula:

*Hercus ducit vobis pedes,*

Senatũ gestu notaret, histriõnem & philosophum: Nero nihil amplius quàm vrbe Italiaque submouit, vel contemptu omnis infamiæ, vel ne fatendo dolorem irritaret ingenia. Quis est vel nostrorum regum, qui tot cū titulis pietatis talia ferat? qui non magis in deprehensos sciat? idem Suetonius refert, Domitianum propter quasdam in historia figuras Hermogenem Tarsensem occidisse; libris etiam qui eam descriperant crucifixis. Quare velim eos qui tam anxie in Neronis famam grassantur, cogitare homines omnes esse: neque Neronem Diis, sed hominibus comparandum. Quod si hoc animo censuram actorum Neronis agere velint, minimè tanquam Neronis aduocatus recuso. Verum in aliis causis hoc requiro, in hac sanè non: cum Diis enim patientia conferri possè contendendo. Iuuenis securus omnium, sine causa laceratus, tot beneficiis in Remp. in omnes bonos frustra collatis, loco gratiarum perpetuas calumnias & probra sibi perpetuò obiici sentiens, atque ob id non mediocriter iratus, plus tamen tribuit hominum virtuti quàm causæ iusti doloris. Quis audiuit vnquam sub Nerone, præter Senecam, maximorum malorum auctorem, quenquam studiosum aut eruditum vel philosophum damnatum, vexatum, malè habitum: Tiberius cum inter Græculos quotidie versaretur, cum publicè profitentes audiret, Gymnasia frequentaret, Zenonem exilio, Seleucum (ambos grammaticos) sine causa morte damnauit. C. Caligula meditatus est Vergilij & Liuij scripta abolere. Sub Claudio exusti libri Labieni, qui Rabies cognominabatur, cum quorum cineribus viuum se voluit sepulchro inferri. Quantus in oratoria arte, quantus in vtraque lingua fuerit, ex hoc perspici potest, quòd apud Claudium tunc nõ solum Imperatorem, sed etiam Consulem, & gratias egit pro adoptione & pro Bononiensibus Latinè, & pro Rhodiis & Iliensibus

Græcè



Græcæ perorauit. Notissima est oratio illa eius ad Senecam, huiusmodi: Et quod meditate orationi tuæ statim occurram, id primum tui muneris habeo, quam me non tantum præuifa, sed subita expedire docuisti. Auus meus Augustus Agrippæ & Mæcenati usurpare cœcium post labores concessit: sed in ea ipsa ætate, cuius autoritas tueretur quicquid & qualecunque tribuisset. Attamen neutrum datus à se præmiis exiit. Bello & periculis meruerant. In his iuuenta Augusti versata est. Nec militæ tela manus tuæ defuissent, in armis agenti. Sed quod præsens conditio poscebat, ratione consilio, præceptis, pueritiam, deinde iuuentam meam fouisti. Et tuæ quidem erga me munera, dum vita suppetet, æterna erunt. Quæ à me habes, horti, & fœnus, & villæ, carissibus obnoxia sunt: ac licet multa videantur, plerique haudquaquam artibus tuis pares, plura tenuerunt. Pudet referre libertinos, qui ditiores spectantur. Vnde etiam rubori mihi est, quod præcipuus charitate, nondum omnes fortuna antecellis. Verum & tibi valida ætas, rebusque & fructui rerum sufficiens: & nos prima imperij spacia ingredimur: nisi fortè aut te Vitellio ter Consuli, aut me Claudio præponis. Sed quantum Volusio longa parsimonia quesuit, tantum in te mea liberalitas exple non potest. Quin si qua in parte lubricum adolescentiæ nostræ declinat, reuocas, inornatumque robur subsidio impensus regis. Non tua moderatio, si reddideris pecuniam: nec quies, si reliqueris principem: sed mea auaricia, meæ crudelitatis metus, in cœte omnium versabitur. Quod si maxime continentia tua laudetur, non tamen sapienti viro decorum fuerit, unde amico insaniam parat, inde gloriam sibi recipere. Et rursus de illius ingenio atque pericia, maxime in Poësi, Suetonius: Liberales disciplinas ferè omnes puer attigit: sed a Philosophia eum mater auertit, dicens imperaturo contrariam esse à cognitione veterum oratorum Seneca præceptor, ut diutius eum in admiratione sui detineret. Itaque ad Poëticam pronus, carmina libenter ac sine labore composuit: nec (ut quidam putant) aliena pro suis edidit. Venere in manus meas pugillares, libellique cum quibusdam notissimis versibus, ipsius chirographo scriptis, ut facile appareat non translatos, nec aliquo dictante exceptos, sed planè quasi à cogitante atque generante exaratos: ita multa & deleta, induta & superscripta inerant. Sed veniamus ad edicta, in quibus (ut dixi) præcipuam habuit Reipub. curam: hæc enim solum addidi, non ut prodesse, sed ne obessent. Et patri & matri præcipuos detulit honores, non solum quandiu vixit Claudius, sed etiam semper post obitum: quamvis etiam Seneca ad contrarium adhortante, ut etiam ex impurissimis illius in Claudium versibus, qui adhuc extant, apparet. Sed & matri, quantum quisque alius princeps detulit: & sæpe cum illa in publicum se produci voluit. Et auspicianti signum Tribunus, optimæ matris signum dederit, eò usque procedens, donec illa non satis habuit quibuscunque modis ornari ut matrem Impetatoris, sed concupiuit imperare: atque inde signa dedit etiam, nec si quieturam: verum vel cogi Neronem illius esse coniugem, contra

omnia naturæ ac gentium decreta: vel illam alteri nupturam, cui deferret imperium. Professus etiam est, ex præscripto Augusti imperaturum, nec liberalitatis (inquit Suetonius) nec clementiæ, nec comitatis quidem exhibendi occasionem ullam omisit. Grauiora vetustigalia aut aboleuit, aut minuit: præmia delatorum ex Papia lege ad quartas redegit, diuisis populo viritim quadringentis nummis. Adhibitis sumptibus, modus publicæ cœnæ ad sportulas redactæ: interdictum, ne quid in popinis cocti præter legumina aut olera veniret: usum Tyrii Amethystique coloris non nisi certis personis inlulit. Omnes ordines subinde & memoriter salutauit. Agenti Senatui gratias respondit: Cū meruero. Recusauit & Patris patriæ nomen, ut minimè ætati eius congruens. Recitauit & carmina non modo domi, sed in theatro, tanta vniuersorum lætitia, ut ob recitationem supplicatio decretæ sit, & pars carminum aureis literis Capitolino Ioui dicata. Veruit & quadrigarum lusus, quibus inueterata licentia passim vagantibus fallere ac furari per iocum ius erat. Pantomitorum factiones cum ipsis simul relegatæ. Auersus falsarios: tum primum repertum, ne tabulæ nisi pertusæ, ac ter lino per foramina traiecto obsignarentur. Cautum, ut in testamenti primæ duæ ceræ, testatorum modo nomine inscripto, vacuæ signaturis ostenderentur: ac ne quis alieni testamenti scriptor legatum sibi ascriberet. Statuit & ut litigatores pro patrociniis certam iustamque mercedem, pro subselliis nullam omnino darent, præbente ærario gratuita: utque rerum actui ab ærario causæ ad forum ac recuperatores transferrentur, & ut omnes appellationes à iudicibus ad Senatum fierent. Parauit autem expeditionem ad Caspias portas, ex Ecbarana in Parthiam tendentibus, ex tyronibus senum patrum Italiciis conscripta legione, ut barbaris terrori esset pariter, & admirationi. Primus quoque rastro in Achaia humum effodit, Prætorianos ad Isthmum fodiendum cohortatus. Primus quoque corbulo congestum humeris extulit, exemplo cauens, ne quenquam laboris pigeret. Culpatur à Luciano id factum, & à vulgo, non ob aliud quàm exitum. Ferunt enim Cæsarem dictatorem, Caligulam etiam antea, sed infelici (ut apparuit) successu, rem eandem tentasse. Sed Philostratus docet, Neronem destituisse non difficultate rei, nec timore ne perficere non posset, sed ne Ægina submergeretur: vel etiam, ne Romanis hoc pro infausto omine esset: nam mutationem imperij hoc facto portendi affirmabant. Nec magis felicem fuisse Seleneum Nicanorem qui Isthmum qui dirimit Euxinum à Caspio mari, quàm etiam Cæsarem, qui tentauit Corinthiacum dirimere. Sed in Cnidios voluisse propriam Isthmum effodere, prohibitosque ab oraculo. Hæc volui adduxisse, ut ostenderem Neroni nec defuisse animum ad maximas res conficiendas, nec consilium, ut quæ agenda non essent, spe gloriæ facere concupierit. De liberalitate autem eius, quid dicam, cum diuitiarum & pecuniæ fructum nullum alium arbitraretur quàm profusionem? In cunctis liberalis fuit, in plerosque verò etiam magnificè splendidus. Prætorianis suis frumentum



mentum distribuebat, menstruumque gratuitum: quo fit ut demerit, quomodo in eum tam ingrati esse potuerint. In Tyridatem, quem ex Armenia aduocauit D. CCC. nummum in singulos dies: id est, aureorum millia penè viginti dedit: abeunti quinquies ac vicies centena millia: hanc liberalitatem ut in externum, imò inimicum, multi vituperant: at ipse pulchrum putauit, non solum Regem in finibus imperij & procul Roma continere beneficio atque metu potentia, cum ibi Parthi & Persæ, Romanis inuictæ utræque gentes, incumbere: apparuitque hoc consilium fuisse salutaris quam Traiani, & multo magis quam Iuliani ac Valeriani. Cæterum quod ad summam pecuniarum attinet, magna est, seorsum id æstimantibus: sed cum ad bellum eadem comparatur, nihil est. Hoc verò est quod solus forsan Nero, aut saltem cum paucis, intellexit: minimum bellum plus exhaurire pecuniarum, quam quotannis prodigientia. Sed & illud considerare dignum est, Neronem multa didicisse à Tygrane circa magiam, multa vidisse quæ illi chariora regno ipso fuisse: nam de manibus firmè, quod essent, certior factus est. Græciam quoque vniuersam liberam pronunciauit. Inde satis frigide in libro de Sera numinis vindicta fingitur, cum damnatus esset Nero ob parricidium, quispiam illum à pœna exemit dicens: Et Neroni à Deo aliquid debetur, quod maximè charum illi Græcorum genus, à seruitute & oppressione liberasset. Non ausus est Plutarchus, quamvis Græcus, testimonium integrum de Neronis virtute referre: quod sciret quam ille popularis fuerit, & optimatum potentia inuisus: quodque idem esset laudare Neronem, ac illius probare gesta: quod perinde esset atque animare principes ad iustitiam tuendam, premendosque insolentes optimates, e quorum numero non solum ipse, sed eius amici, ob Traiani consuetudinem, erant. Quinetiam inter admirandas illius fuit virtutes, alea non luisse: cui Augustus primum, inde Caligula & Claudius totos dies infumebant, adeo ut etiam effedo vesti non cessarent. Studia aleæ ob auaritiam & publicis damnata legibus, id maximè efficiunt, ut principem à studio administrationis Reipub. auocent. Itaque maximo malo ac flagitio caruisse Neronem constat. At hoc parum putant: puniunturque multo minora scelera ludo, scœnori atque rapinis nullus impositus modus. Quid deterius est, rogo, aut esse alea potest? & tamen eam isti acres censores, plebi soli minitantes, multam relinquunt. Est-ne quid, aut esse potest, aut etiam excogitari, deterius alea? cur ergo relinquunt, ne prodant vitium suum? Reges enim atque potentes ea delectantur. Hæc armat filios in patres, hæc furari cogit, eripit tempus ad execrationes aduersus Deos impellit: vanas alit spes, illicita lucra præstat, spoliat familias, vrget mulieres & adolescentulos (si quid aliud) ad impudicitiam, perferendam: gula, profusionis, meretricum debaccharionis: ministris ibi lenones, fures, impij, sacrilegi, parentum contemptores, inertes, improbi, proditores vna congregantur, inficiuntque vniuersam urbem.

Laudatur Augustus & Claudius, qui aleæ

operam dederunt: vituperatur Nero, quod citraram pulsauerit, innoxio & facto & exemplo: adeo peruersa sunt hominum iudicia. Cur adulteria & puerorum concubitus, & furta & latrocinia, & impietatem & execrationes, & perfidiam tabulasque falsas punitis, modum ganæ imponitis: radicem omnium malorum integram relinquitis? an ideo, ut etiam in cæteris malis, ut repululet? nec est ministrorum votum excindere vitium, sed habere quo ditentur. Si vos nullus Dei metus mouet, moueat saltem pudor Mahumetanorum, apud quos alea perhibetur ut certè malorum maximum. Atque hæc circa mores virtutemque illius, leges atque instituta dicta sint. Cæterum in adornanda vrbe nullus ei comparari, nedum æquari potuit. Vbi enim ex quatuordecim, ut dictum est, regionibus tres penitus conflagrassent, septem deturpata omnino incendio exustis tectis essent, reliquæque tantum quatuor fuissent intactæ, totam scilicet urbem restituit. Non enim ut post Gallica incendia, domus nulla distinctione, nec passim erectæ: sed dimensis vicorum ordinibus, & latis viarum spatiis, cohibita ædificiorum altitudine, ac patefactis areis, aditisque porticibus quæ frontem insularum protegerent, eas porticus Nero sua pecunia extructurum, purgatasque areas dominis traditurum, pollicitus est. Addidit præmia pro cuiusque ordine, & rei familiaris copiis, finiuitque tempus intra quod effectis domibus aut insulis adipiscerentur. Ruderum accipiendo Hostienses paludes destinabat, utque naues quæ frumentum Tyberi subuectassent onusta rudere decurrerent: ædificiaque ipsa certa sui parte, sine trabibus, saxo Gabino Albanoque solidarentur, quod is lapis igni imperuius est. Iam aqua priuatorum licentia intercepta, quo largior & pluribus locis in publicum flueret, custodes & subsidia reprimendis ignibus in propatulo quisque haberet: nec communione parietum, sed propriis quæque muris ambirentur. Ea ex utilitate accepta, decorem quoque nouæ vrbi attulere. Erant tamen qui crederent, veterem illam formam salubritati magis conduxisse: quoniam angustia itinerum & altitudo tectorum non perinde solis vapore perumprentur: at nunc patulam latitudinem, & nulla umbra defensam grauiore æstu ardescere. Ob hæc tanta tamque inclyta in Rempublicam beneficia, non demiror Traianum optasse quinquennium primum Neronis. Quenam latus Imperatori maior, quam ab Imperatore? bono viro, quam ab optimo? sapienti, quam à prudentissimo? forti, quam à fortissimo, continere potuit? Ob quæ etiam nec mirum illud, multis adeo post annis nunquam defuisse, qui tumultum eius verbis atque æstiuis floribus ornarent: ac modò illius imagines prætextatas in rostris proferrent, modò edicta quasi viuentis, & magno inimicorum malo reuersuri. Et Vologesem Parthorum regem missis ad Senatum legatis de instauranda societate, hoc etiam magnopere orasse, ut Neronis memoria coleretur. Denique cum post viginti annos extitisset quidam conditionis incertæ, qui se Neronem esse iactaret, tam fauorabile



rabile apud Parthos illius nomen extitisse, ut vehementer adiutus sit, ac penè restitutus. An verò pietatem, & erga Deos venerationem, quanquam id conentur historici euertere, multis modis ostendit: primùm, cum sacris Eleusinis interesse non est ausus: deinde, quòd cum in æde Vestæ esset, vniuersis membris tremore correptus est, adeò ut ab incœpto venerandi illam destiterit. Apparet autem non superstitione detentum neglexisse Deos, sed superstitionem: cum enim omen quoddam sibi (ut videbatur) faustum occurrisset, veneratus est cœlum: tanquam sciret non Iunonem aut Palladem & reliqua deliramenta Deos esse, sed vitas cœlestes, atque omnium conditorem summum Deum. Eius etiam causa promeruit, ut Diuino auxilio adiutus videretur: & Neapoli cum theatrum cecidit, omnibus iam è theatro spectatoribus egressis: & cum in Artaxatæ oppugnatione intus tenebræ defensoribus essent impedimento, exterius clara lux faceret oppugnationibus. Ergo si Nero diu suum potuisset imperium retinere, aut statim ei succedere ei similis, quàm bonus fuisset, omnes intellexissent. Quid enim profuit Augusto, ut bonus videri potuerit, triumphatus exitialis, quo omnes potentes & ambiciosi ac improbi ceciderunt? ut tum licuerit regere populos miti virga. Pòst superuenit Tibrius, qui repullulasse animaduertens: improbos & contumaces viros, non solum se trucem aduersus eos ostendit, sed & ex ipsis vnum. Idem quoque accidit in Caligula. Sub Claudio rursus per illius segnitiam collectis adhuc spiritibus redundarunt optimates hi: id est, tyranni potius: quos dum excindere Nero coactus est, & regimen temperare erga bonos & miseros, pius & clemens ab aliquibus damnabatur. Eius tamen iustitia factum est, ut Vespasianus laudaretur: & Domitiani rursus seueritate, quæ tamen non, ut Neronis, clementiæ & iusticiæ ac bonis artibus iuncta erat, omnes qui successerunt principes iusti & probi, excisis tot improbis, dici potuerunt. Traianus verò omnium callidissimus, vnicum præsidium inuenit, ut quoscunque pacis virtutibus non probaret, in militiam duxerit: hac enim solertia sine odio cuiusquam quolibet sceleratos aut sustulit, aut militiæ laboribus & acerbitate fregit: quod consilium prudens, & Adrianus & Antoninus Philosophus secuti sunt magna cum laude. Sic verò facile fuit, etiam eos qui domi manebant reddere bonos, dum facultatem poenæ nimis pronam in Principe metuant. Sed cum hæc iam in Nerone probauerimus, metuo ne quis sinistrè interpretando, postquam adeò facilis est lapsus in mala, existimet me probare principem, qui potentes sint, premat, aut ex medio tollat: quod nec vitium in Nerone fuit. Verba Taciti referam: Eo anno mortem obiit Memmius Regulus autoritate, constantia, fama (in quantum præsumbrante Imperatoris fastigio datur) clarus adeò, ut Nero æger valetudine, & adulantibus circum, qui finem imperio adesse dicebant, si quid fato pateret, responderit, habere subsidium Rempublicam. Rogantibus

dehinc in quo potissimùm responderit: in Memmio Regulo. Vixit autem post hæc Regulus quiete defensus: & quia noua generis claritudine, neque inuidiosus opibus erat. Hæc ille, adeò potentiorum facti addictus.

Verùm cum tres sint dominandi formæ: vna, quæ potentioribus fauet, ut olim Parthica, nunc (ne exemplo desit inuidia) cum nullibi fermè non adsit: altera, quæ nouis fauet hominibus, ut Turcica & Britannica: tertia, quæ potentiorum insolentiam vlciscitur, illorum honoribus fauet, hæc sola & diuturna & iusta est: nam secunda, etsi iniusta sit, plena est tumultibus: caretque iustitia, quòd per iniuriam potentiorum fiat. Vnde inter Turcas & Britannos tot cædes. Sed Britannica adhuc inconstantior est: quoniam plures familiæ inter se ausæ sunt de regno decertare: vnâque consuetudine tantum stat illud regnum, quod per quantamcunque seditionem, coniurationem, prodicionem, clademque nunquam neque in domos, nec agros, nec imbellem turbam scuitur: qui mos si non esset, iam vicies regnum illud more Africanorum funditus euersum esset. At in Ottomanis, nondum bellum ab aliquo qui ex aliena familia esset oriundus, exarsit: itaque & diu illa manet, & formam iustitiæ retinet. Dum enim fauet potentibus, potentes autem variantur iuxta singulos principes, ut ex miseris fiant optimates: ita fit, ut lanx quasi æquetur, appellatique potius possit fortuna quàm iniuria. At prima forma iniqua est, & minimè diuturna, dum qui iacet, iacere semper cogitur: qui vrget, acrius instat, securus conditionis suæ ac fortis. In tertia est hoc impedimentum, quòd si nimis confirmata fuerit optimatum potentia, nec diu manere potest sine regni exitio, nec eueri securè potest. Vnde quidam, qui per blandimèta illam euexere, caducum postmodum posteris suis regnum reliquerunt. At qui conati sunt iuste retinere regnum, cum persæpe cogerentur potentiam procerum frangere, in ipso regnandi medio, vel etiam circa initia conciderunt: ut Caligula, Nero, & multi alij, quos optimos fuisse nemo negat: ut Pertinax Seuerus, Alexander, Probus, Aurelianus, Claudius, Caius. Qui verò perdurarunt, non solum posteris tutum regnum reliquerunt, & firmum: sed etiam ipsi tutò & quiete regnarunt: velut Augustus, & Pertinax Seuerus: sed hic discordiarum semina reliquit, dum diuidere imperium inter duos fratres moribus etiam non solum studiis & odio dissidentes, voluit. Quibus ergo huiusmodi regna obtigerint, opus est magna prudentia, fortitudine atque virtute: inde etiam bona fortuna, quæ diu vitam principis protrahat, nec ab externis hostibus impediatur. Cum ergo Nero hoc genus imperandi aggressus fuerit, iam coalita tyrannorum potentia per Claudij segnitiam, periculosum sibi, bonis miseris & Reipub. vtile iter ingressus est: in cuius medio, & multo antè, ne in principio dicam, concidit. Decepit eum Senatus autoritas, quam frangere oportuit, non vexare: alios legere, & ordinem alium ei præficere: nam libertatis tempore magis à tribu-



nitia potestate frangebantur, quam sub Nerone ab Imperatore: quod apparuit in damnandis Sorano atque Thrasea: ubi necesse fuit Senatum globis militum terrere, quo nil deterius, cum autoritas relinqueretur, vis autoritati intenderetur, & confessio metus patefieret: hæc autem stultè à Tigillino excogitata fuere, qui amicitia principis cum suo genero Cossutiano Capitone illudens, ne potentia eius infringeretur, maluit Tribunis plebis suam non restituere: quæ vnum erat aduersus Senatum auxilium: nec poterat Nero, in tanta suorum solitudine, in tanta potentia tyrannorum, Senatus conspiratione, seculi licentia, urbis ambitione, ciuium flagitiis, odio aduersus Cæsarem nomen, adhuc recenti libertatis memoria & exemplo vetusto post tam diuturnam regum seruitutem excussi iugi. Itaque quanquam expediebat has leges, hos mores, hæc edicta in voluminibus Iustiniani includi, odio tamen Neroniani nominis & factionis Senatus ac potentiorum, qui illius memoriam funditus eruere in exemplum cæterorum qui regnaturi essent ne talia aduersus illos audent, satagebant, aspirante fortuna quod nemo prorsus ex sanguine Augusti superesset, ornamenta hæc Reipublicæ miserorum solatia, plebis & tenuiorum munimenta, exempla virtutis, bonorum arma, & in eruditos etiam peccantes clementiæ singularis documenta extinxerunt. Et ne videar forsitan oratorio boatu hæc adiicere, enarrabo historiam vix credibilem. Coniurauerant in necem eius C. Piso, innumerique alij, cupidine occupandæ dominationis: & detecta coniuratione, animaduersum est in plerisque illorum. Virginium tamen Rufum eloquentiæ præceptorem, & Mofonium sapientiæ doctorem, non suspitione criminis carente, sed inter res Mofonium saltem nominatum constat, cum subiiciat Tacitus: At Cadicia vxor Secuini, & Celenius Maximus Italia pelluntur, reos fuisse sese tantum poena experti, satis habuit ob eruditionis nomen, in maris Ægei insulas relegare. Quinetiam Aciliæ Lucani matri, quam Lucanus inter conscias nominauit, pepercit. Hæc sunt crudelitatis exempla: vt non immeritò ei Seneca de Clementia libros dedicauerit. Rectè igitur fecissent, si functiones quascunque Neronis vt maximè populares, iustas, clementes, atque probis & miseris eruditisque fauorabiles, Corpori (vt vocant) vrīs, ne vna quidem omīssa, inseruissent. Verum iam ad obiecta veniamus, neque enim pauca, neque leuia obici solent. Maxima vixit cum inuidia, obrectatoribus ideo non caruit. Genera primū eorum de quibus dicturus sum, narrabimus: inde quæ in singulis generibus propria obiciuntur. Ergo parricidia & cædes coniunctorum, aut eorum quibus non minus debemus vt apud Hebræos, quam parentibus (imò magis eos colunt, scilicet magistros) inde improbitas qua (vt aiunt illi) sanctos viros sustulit: post scruitia, incendium urbis, crudelitas in Christianos, etiam his qui Christianos ipsos oderunt inuisa, rapinæ, luxuria, sumptus immensi & inutiles, & publica infamia. De

parricidio, mors patris, matris, vxorum, fratris, sororis, amitæ, educatorum Burri & Senecæ, pritiigai proponitur. De patre, nullus illum autorem prodit: quam maximè illi infensi sunt, dicunt eo conscio Agrippinam venenum Claudio dedisse: parricidium igitur patrauit Agrippina, non Nero. Si Nerone inscio, nullum prorsus est crimen: si conscio, adhuc puer cum esset, excusandus videretur, adhortante impia matre: constat enim necdum 17. annum tum Neronem expleuisse. Sed fac expleuerit, sciuerit, patrarit: patrem non occidit, sed fratrem aui materni patruum magnum. Scelus est, si nil addas: sed tyrannum occidit. Nulla, vt dixi, ratione ad Claudium, omnino ab Augusti sanguine alienum, nec testamento Tiberij nec Caligulæ imperium peruenire potuit: vi militum ad illud raptus est, metu adactus, Senatus confirmauit. Si Augustus testamento imperium relinquere potuit, maius etiam est ius hæreditarium descendentiū, qui absque testamento ad hæreditatem veniunt. Filij si testamento exhæredentur sine causa legitima, ad hæreditatem tamen veniunt. Ad Neronem ergo si ab intestato imperium perueniebat, Claudius nullo consanguinitatis vinculo Augusto annexus erat. Claudius tyrannus fuit, Nero successor legitimus, & abnepos (vt audiuitis) Augusti: vis, electio, illa nihil profuit: nam si in Repub. fuisset arbitrium, non Claudium quidem amentem & stupidum quæsisset Imperatorem, sed nec quenquam alium quidem, verum libertatem. Si vim militum, tyrannus fuit, & omni supplicio dignus. Sin autem Augusti voluntate: omnino explosus est ab eius coniunctione, nec etiam testamento hæres vlla in parte relictus, nec inter secundos hæredes aut vltimos numeratus. Si igitur voluntas Augusti irrita esse debuit, libertas præualebat: si firma, non potuit esse hæres nec ab intestato, nec ex testamento: tyrannus ergo omnino fuit: nam nec à Tiberio, nec Caligula nominatus est. At parum ducis ereptam tyrannidem, adeptum fuisse imperium hæreditarium siue dolo siue vi, aut fortuna aut virtute? tanquam deessent potentes, opulenti, acres viri, qui omni conatu, industria, studio, diligentia, maximisque periculis illud quærerent. Itaque vel hoc ipso maxima laude dignum Neronem censuerim, quod imperium occupauerit, si ad ius respicias, in quo plurimum posset: si ad vires, in quo nihil. Quoddam etsi nullo iure occupasset, adhuc iuxta Atanij dictum laudari poterat:

*Nam si violandum est ius imperij gratia  
Violandum est: aliis rebus pietatem colas.*

Sed hæc omnia frustra: neque enim huius rei conscius fuit, quam non celasset adolescens, & natura liber: nec verisimile est matrem, quæ nullo eius auxilio hac in re indigebat, frustra tantum crimen ei communicasse: tum magis, ne eam illi pro impia abhorreret: quod & postquam rescituit, statim euenit. Nullum enim factum tam in utilitatem cuiusquam cedere potest, quod si supra humanam improbitatem efferatur, ei in cuius utilitatem cedit, non odiosum euadat: seu quoddam consensu exprobetur, seu quoddam exemplo metuere



metuere cogat. Quinimo tamen si laruato illo Philosopho Seneca aliquando imprudens adhortante, cauillis eum persecutus sit, publicos tamen quotcumque potuit honores tribuit, & acta illius manere voluit, nec gestis illius inuidit. Eadem ratione & fratris & sororis crimen diluimus: nam ut nec pater fuit Claudius, ita nec frater Britannicus, nec soror Antonia. Dices, lege facti sunt frater & soror, ut etiam Clandius pater. Stultum est lege agere contra eos, qui legibus non sunt obstricti. In huiusmodi requiritur ius sanguinis: quod si seruatur sanè nimis, legem nullam in talibus requiras. Sed ne si centum patres, lege adoptionis patres factos, quis occidat, tantum facinus patrauerit, quàm si quis verum patrem, à quo etiam sit emancipatus. Vigebat periculum amittendi Imperij, & cum imperio vitam. Agrippina omnium malorum causa erat, quæ ut terreret Neronem, Britannicum amplexabatur intempestuè, quem veram stirpem Claudij, & imperio dignam dictitabat. Inde illa verba furoris plena: Id solum Diis & sibi prouisum, quod viueret priuignus: ituram cum illo in castra: audiretur hinc Germanici filia. Accessit huic metui, error Britannici, frustra querentis quodam carmine euolutum se de patria summisque rebus: & cum minimum sapere præstitisset, tum nimio studio, Fatis ita volentibus, motam commiserationem erga se, etga Neronem inuidiam, quasi alienum occuparet imperium. Vnde idem Tacitus subiicit: Nero intellecta inuidia, odium intendit. Vrgentibusque Agrippinæ minis: quia nullum crimen neque iubere eadem fratris palam audebat, occulta molitur. Sit crimen occidisse huiusmodi fratrem securitatis causa (quod etiam excusatur à Tacito his verbis: Plerique etiam hominum Neroni ignoscere, antiquas fratrum discordias & infociabile regnum exillimantes. Quidnam dicemus de Augusto, qui prius hoc exemplum edidit in Caesariem Cleopatras filium, quem & per adoptionem fratrem, & per sanguinem in eodem gradu cum ipso fuisse constat, quem etiam sine ulla suspitione regni occidit? Et Augustum pro Deo colitis: Neronem autem exetramini: quæ hæc est ira, iniqua & de rebus & de factis æstimatio? Existimatur Antoninus Philosophus Verum fratrem sustulisse, nec hoc etiam in his qui hoc credunt, inter crimina numeratur. Sed plures factum negant: sit ita: satis est paruam creditum crimen, ut salua sit. Resp. fratres occidere. Melius sanè, quam pernicioso exemplo prouinciam deuastare, vrbes excidere, tot innoxios occidere. Quanta mala, quantam iacturam attulit Carolus, frater Ludouici vndecimi Gallorum Regis, Gallico regno, quod penè euerit? Ludouicus Sfortia, dum sibi principatum asciscere conatur nostra ætate, quantas elades regioni attulit? inde etiam è familia excidit, & ad barbaros peruenit, maximis Italiae bellis. Quàm præstitisset illum non fuisse? Non ergo laudari parricidium. Hercules Ferraria sapientissimus dux oculos fratris effodit, & in carcere perpetuò, quoad vixit ipse filiusque, habuit: liberatus est à fratris nepote, & nunc etiam robustus superuiuit.

Tom. I.

cum quinquaginta perpetuos annos in carcere exegerit. Quod si computentur anni, erunt supra octuaginta. Vigesimalum quintum annum agebat, cum coniectus est in vincula: tertius annus agit, postquam liberatus est Iulius Estensis. Omitto modò, quod Ottomanis Orientis principibus tam familiare est sustulisse fratres, ut nemo ex illis vnquam dum regnaret, passus sit fratrem superuiuere: nam & exules & profugos ita persequuntur, ut canis odoris feram. Non laudo factum, sed potius consuetudinem regis Æthiopum: verum nullus hoc obiicit Ottomanis: quod sanè minus triste est, quàm ut nostri principes, qui ab adulatoribus, à mulieribus, à perfidis consultoribus persuasi, dum plures volunt posteros Principes relinquere, principatus extra familiam & posteros eliditur, & ab alienis occupatur. Plura sunt, è quibus hoc vnum est, quæ sub pietatis specie sunt, apud Deum maximè impia. An melius est, ut bene sit improbe vni helluoni, tot perdere homines infantes, mulieres, infantes, pueros, prægnantes, diripi ciuitates, spoliari templa, incendi vrbes, vastari agros? quoniam oratore hæc apud Deum tuebimur? non regna propter reges, sed reges propter regna facta sunt. Tyrannici spiritus hæc introduxerunt: adulatorum & precio corruptorum, & nimis propriis commodis prospicientium turba, tum eorum qui liuore, odio, spe, metuque ducuntur, defenditur. Quàm pulchrius spectaculum est, videre plures filios principes: tam miserabilius, finem illorum aut nepotum spectantium. Multitudo, inquit Aristoteles, Principum mala: vnus ergo Princeps. Si in tam amplo ose multitudo deorum ex æquo dominantium, quanquam hi nihil exigant ab illo, mala est, tamen ipsi Dij per se boni sint: quanto deterior in angusto terræ ambitu hæc multitudo dominorum, qui omnia à subditis exigunt, plura etiam non necessaria occupant, nec ut Dij iusti aut sapientes aut potentes? Sed omitamus modò quid præstet: satis fuerit defendisse Neronis factum, necessarium sibi, & Reipub. admodum utile. Quid sperari potuit, si populus Romanus duplici aula, duplicatis ministris, adulatoribus, magistratibus, vectigalibus, luxu, pompa, ludis, spectaculis pressus fuisset, aut distractus, quando ne vni quidem sufficiebat? Non fuere Neroni montes Negu, non consilium eruendi oculos fratri (postquam fratrem vultis appellari filium patrum magni, etiam damnata adulterij & occisa matre) quid ergo supererat, fremente matre parricida tutum, fidumve auxilium illi, præter id: maximè quod Britannico perperam persuasum erat, iniuste sibi ereptum impium, quod iniustissime prius pater illius ereptum Neroni, aut occupatum ex Reipub. possedisset, ut non obscurum esset, moriendum fuisse Neroni, nisi clementiam in Britannico paternam, utilem esse potuisse credat, cum Claudio neque nocentiorum neque seuiorem hominem natura ediderit. Stultitia meticulosus, metu exitiosus. Veniamus ad sororem Antoniam, in qua eadem omnia mala erant, quæ in Britannico: nam neque soror verè, nec periculum ingens ab

R

ca



ea deerat : imò plura & maiora quàm in illo : nam & ætas , & causæ irarum , occiso fratre & sorore , quæ & vxor illius erat , Octauia , manifestiores : & destinati Pisoni , qui Neronem occidere & occupare imperium aggressus est . Sic enim Tacitus : interim Piso apud ædem Cereris operiretur , vnde cùm præfectus Tenuis & cæteri accitum ferrent in castra , comitante Antonia Claudij Cæsaris filia , ad eliciendum vulgi fauorem : quod C. Plinius memorat . Nobis quoque modò traditum non occultare in animo fuit , quamvis absurdum videretur & inane , aut ipsi Antoniam nomen & periculum commodauisse , aut Pisonem notum amore vxoris alij matrimonio se obstrinxisse , nisi si cupido dominandi cunctis affectibus flagrantior est : & tamen vel sic in illâ , credo , misericordia domus Claudij non animaduertit . Quis ergo tam Neroni infensus est , qui non admiretur clementiam eius in illam , quam omnia iura ream mortis damnabant ? Superuixit tamen eò vsque , donec Poppæa post aliquot annos extincta , dum nuptias eius reposcentis aspernata , & odij pertinaciam & periculum quàm in gratia esset , patefecit . Siquidem clàm nubens alicui , percusso Nerone , optimatum & Senatus odio inuadere imperium facile potuisset . Tum ergo tanquam immemorem beneficij , & implacabile odium testantem , & ob imminens exilij periculum & priora quasi facta exprobrantem interfici iussit : non solum necessariò , sed etiam iustissimis ex causis . Sequitur vxoris Octauiae mors , magis necessaria quàm ceterâ , non tamen adeò iusta : iusta tamen . Memor illa fratris , Agrippinæ etiam , noua pietate , quæ & sceleribus & blanditiis æquè perniciofa Claudij domui , nec retineri sine periculo aut veneni aut nocturnarum insidiarum , neque dimitti absque maiore etiam poterat ( quippe expertus semel vulgi in illam fauorem , dissectis Poppææ statuis & acclamationibus ) nò tam scelere Neronis , quàm Claudij patris ac maiorum execrandis flagitiis extincta est . Decuit enim Antonij , sceleratissimi viri , prius quàm Augusti , vel etiam non minus vniuersam progeniem extinguere : atque ferro , ne non fortuita ultio diuina aut neglecta esse videretur . Et quanto sæuiora in puella spectacula representabantur : eò recordantibus cædes , tot bonorum , tot infontium , ab illius maioribus factas , vt minora præteream , diuinæ iustitiæ locuples testimonium elucebat . Hoc tamen consilium vxoris necis , non tam spontè iniit , quàm impulsus fraude Ottonis & Poppææ , qui & ipsi malè periire . Nec quicquam est quantumvis magnis causis hoc effecerit , quod Neronem fecisse nollem , quàm eadem coniugis Octauiae : puella pudica coniugio iuncta sine crimine , non potuit ad mortem iustè damnari , tamen ille se à periculo iustè liberare poterat : sufficiebat religasse , quam postmodum custodia diligenti seruata denuò ducere in domum poterat . Sed præter alias causas quibus ei infensus erat , sterilitas fuit : nam Octauia nupsit Neroni , A. Vitellio & L. Vipsano Consulibus : periit P. Mario & Scilio Consulibus : postquam verba illa Nero ad Senecam habuit . Agebat tum Nero annum vigesimum sextum , Octauia vi-

gesimum excefferat , nec tamen vnquam concepit . Ego tamen inuisum autorem necis , et si non necesse , superis fuisse crediderim : namque Claudiorum gens ambitione summa , avaritia & crudelitate fuit : vt etiam Claudius ille Decem . vir damnatus sit iudicio publico : & Claudia sceminâ , quæ elisa ob multitudinem optabat fratrem reuiuiscere , præcipuam iacturam classis Romanæ , vt rursus victus frequentiam populi minueret atque & illa ob id damnata . Infensa hæc semper plebi & miseris , qualem putas fuisse erga alias nationes : qualem erga seruos ? nihil minus quàm quòd in immeritam hæc fierent , nec eo consilio ob id puto Diis inuisam fuisse : nam propè mortem visus est ab Octauia trahi in interiores tenebras : & ipse eadem die ferrum intulit quo Octauiam occiderat : vt videatur non fortuito id contigisse : sed seu ordine astrorum , seu vltione diuina , cui propius accedo , factum reor . Neque enim omnia quæ necessariò fiunt , iusta sunt : quoniam vbi causa non est , potius quàm innoxius occidere maximè morte præuisa , præstat quodvis periculū subire , & mortem ipsam . Nec idem est optimum fuisse vel esse Principem , & nihil admittere quod culpari queat . Quis tam sanctus fuit , vt non deteriore animo regnarit ? Possem , si vellem artis neruos intendere , hanc necem vt iustam laudibus magnis efferre : sed non est id mihi consilium , vt calamo ea probem , quæ animo probare non possim . Temperetur ars ad beneficium publicum : vt quæ scribuntur , ad exemplum trahi possint : satis sit ostendisse , necessitate & stultitia & alieno scelere quæsitam hanc necem , Diis quidem iustissimam , non itidem autori . Meminerim me esse Philosophum , non rhetorem . Et si conarer , aut nò effecturum quod velim : aut si efficiam , non placere hæc superis : & mihi minus fidei habendum , qui ambitione ductus , & ostentandi causa , falsa simul & vera laudem . Quo minus , ni mors matris tã iusta fuisset , abistere decreueram . Sed in ea nescio an maiori laude dignus sit Nero , quòd occiderit , an quòd tam diu pertulerit : neque quicquam maius excogitare possum , quàm cùm illius ætus , quos tam diu tulit , imaginor . Hinc materna species , memoria educationis , dulcedo coniunctionis , partum illius seu industria seu scelere imperium : at ex diuerso omnia , obsecra parricidium in patrem perpetratum , cædes multæ nobilium , tentatus concubitus nefarius filij , cupiditas eripiendæ dominationis , perpetua sollicitatio fratris , vxoris , exercituum , tribunorum , optimatum ad illum euertendum : ira , minæ , suspecta fides & consuetudo , non ipsi tantum , sed omnibus eius amicis & educatoribus , etiam iisdem quos illa ei adiunxerat . Si matrem occidere omnino non licet , fateor iniuste cæsam : sed si vnquam licuit ( licuit autem Orestis , etiam consultore Apolline ) maximè licuisse Neroni ostendemus . Sed prius historiam enarrabimus . Fuit Agrippina , filia Germanici , vt diximus , & Agrippinæ , neptis Augusti , fecundæ matronæ : itaque eò nobilitate potens , sed non minus sceleribus notissima , & incestu etiam fratris infamis : quam tamen vel sic sororem & pellicem ferre non potuit , sed in exilium egit , ob impotentiam : adeò verò ferox & improba ,



ut cum Nero nuper natus esset, gratulantibus amicis, pater Domitius negavit potuisse ex se quicquam nasci & Agrippinæ, nisi exitiale populo Romano: adeo uxoris mores aspernabatur: quæ vox adeo inconsulta, multum dedecoris & invidiæ Neroni attulit: tanquam necessarium sit, aut esset, filium assimilari parentibus. Namque ego ex duobus parentibus natus sum maxime iracundis, cum tamen sim mitissimus: filij tamen mei parentibus meis, non mihi similes nati sunt. Deinde fac ut quis natura talis nascatur: quid faciet aut proderit educatio, si necessario talis futurus est natus quales fuere parentes? insulsa sanè vox fuit, & quæ quotidiano experimento atque usu refellitur. Quinimò plerumque accidit, ubi parentes seu virtute seu vitiis extremis inter se similes fuerint, ut filius nascatur contrariis moribus & natura: ex duobus maxime sanis mitissimus, ex sapientibus stupidus aut stultus, ex iracundis (ut dixi) quietus: seu quod ut ignis ignem retundit, seu quod extrema necesse sit in contrarium statum declinare: seu quod vitia parentum dum filius aspernatur, aut virtutem æquare posse non sperat, in contrarium habitum transeant. Vbi ergo successu impudiciæ primum cum fratre, inde Pallante Claudij liberto, sed potentissimo & locupletissimo, ornatoque multis dignitatibus deinde cum patre Imperatore facta ferocior, cepit (ut mos est eorum qui per scelera & flagitia ascendunt) nihil sibi existimare non licere, atque ex eo moliri ut filius in imperium succederet: posita voto, per omne flagitium, seu quod maius sit, uxorem esse Imperatoris quam matrem: seu quod Claudius ob inertiam plus illi tribueret quam Nero adolefcentis, & ferminus natura, ipsique matri similis: seu quod plura vellet quam haberet, seu quod mallet omnia imperare, non obscure concupivit. Et primum quidem experta indulgentiam filij: sed ea tanta esse non poterat infinita cupienti ut satisfaceret: inde conuersa ad vim occultam, & impudentiam: post aperte tentavit: ubi vidit non licere foemine impetare, possitque plus publicum ius priuato vinculo materno reuerentiæ, ad stultum consilium diuertit occupandi Neronis adolescentiam nefario incestu. Vbi verò neque id processit, ad querelas, iurgia, sollicitationes, minasque animum intendit: nullum lapidem non mouit, donec tot tantisque malis, maioribusque periculis, tum etiam assiduitate importunæ mulieris percussus Nero, coactus est exuere filium, induere iustitiam, abicere respectum, sumere potestatis licentiam, contemnere famam vanam, consulere securitati. Iam ergo singula ita esse ostendamus, ex vno eodemque autore. Ecce initium libri, ubi de Nerone agitur. Prima nouo principatu mors Iunij Sillani, Proconsulis Asiæ, ignaro Nerone per dolum Agrippinæ paratur, non quia ingenij volentia exitum irritauerit, segnis & dominationibus aliis fastiditus, adeo ut C. Cæsar pæcudem auream eum appellare solitus sit: verum Agrippina fratri eius L. Sillano necem molita, ultorem metuebat: crebra vulgi fama, anteponendū esse vixdum pueritiam egresso Neroni, & imperium per scelus adepti, virum

Tom. I.

ætate composita, infontem, nobilē, & qui tunc spectaretur à Cæsarum posteris. Quippe & Sillanus D. Augusti abnepos erat. Hæc causa necis. Ecce quibus auspiciis. Inde subiicit: Nec minus properatò Narcissus Claudij libertus, de cuius iurgiis aduersus Agrippinam retuli aspera custodia, & necessitate extrema, ad mortem agitur, inuito principe. Ibatque in cædes, nisi Afranius Burrus & Anneus Seneca obuiam iissent.

Habetis iam ingenium foeminae, atque acta. Incestum autem negare quis possit quaesitum? Tum Agrippina versis artibus, per blandimenta iuuenem aggredi, suum potius cubiculum ac sinum offerre contegendis quæ prima ætas & summa fortuna expeterent. Quin & fatebatur intempestiuam seueritatem, & suorum opum, quæ haud procul Imperatoriis aberant copias: & ut nimia coercendo nuper filio, ita rursus intemperanter demissa. Quæ motatio neque Neronem fefellit, & proximi amicorum metuebant, orabantque cauere insidias mulieris semper atrocis, tum & falsæ. Forè illis diebus Cæsar inspecto ornatu, quo Principum coniuges ac parentes effullerant, delegit vestem & gemmas, misitque donum matri nulla parsimonia, cum præcipua & cupita aliis prior deferret. Sed Agrippina non hinc instrui cultus suos, sed cæteris arceri proclamat: & diuidere filium, quæ cuncta ex ipsa haberet. Nec desuere qui in deterius referrent. Et Nero insensus his quibus superbia mulieris innitebatur, demouet Pallantem à cura rerum, quis à Claudio impositus, velut arbitrum regni agebat: ferebaturque, digrediente eo magna prosequentium multitudine, non absurdè dixisse, Ire Pallantem ut eiuraret. Sanè pepigerat Pallas, ne cuius facti in præteritum interrogaretur, parèscque cum Republica rationes haberet. Præceps posthæc Agrippina, ruere ad terrorem ac minas, neque Principis auribus abstinere. Et rursus hæc subdit: Tradit Cluius, ardore retinendæ Agrippinam potentia eo usque proiectam, ut medio diei, cum id temporis Nero per vinum & epulas incalesceret, offerret se sapius temulento comptam, & incesto paratam. Iamque lasciuia oscula, prænuncias flagitij blanditias annotantibus proximis, Senecam contra muliebres illecebras subsidium à foemina petuisse: immisamque Aëten libertam, quæ simul suo periculo & infamia Neronis anxia deferret, peruulgatum esse incestum, gloriantem matre: nec toleraturos milites profani principis imperium. Fabius Rusticus non Agrippinæ, sed Neroni cupitum id memorat: eiusdemque libertæ astu disiectum. Sed quæ Cluius, eadem quoque cæteri auctores prodiderunt. Et fama huc inclinat, seu conceperit animo tantum immanitatis Agrippina, seu credibilior nouæ libidinis meditatio in ea visa est, quæ puellaribus annis stuprum cum Lepido spe dominationis admiserat, pari cupidine usque ad libita Pallantis prouoluta, & exercita ad omne flagitium patrui nuptiis. Igitur Nero vitare secretos eius congressus, abscedentem in hortos, aut Tusculanum, vel Antiatem agrum laudare, quod ocium laceffisset. Hæc ostendunt, Neronem

R 2

non



non id, sed Agrippinam quæsisse. Si igitur Nini filius matrem Semiramidem od id solum occidit, quod illius concubitum quæsisset: quam inuremus infamiam Neroni, quod eandem ob causam matrem occiderit? cum etiam vim illam, minasque adderet, mulier venefica, impotens, sæua, multis flagitiis nota, superba, rapax, impudens, falsa: præterea potens, diues, & (vt dixi) ex Augusti stirpe. Sed age cum quietura non esset nisi stupro impetrato (quanquam quid abominabilius, etiam dempto scelere: ) an uxorem & concubinas, pellicesque quarum forma propter ætatem præcellebat, omnes tollere voluit, vllam præponi sibi Agrippina sperare potuit? Quod si præponeretur, adhuc nihil erat actum, nisi perpetratum flagitium: dissensio, iurgia eadem manebant. Quid ergo? duceret in uxorem matrem, vt ferunt moris esse Persarum gentis? tulisset ne hoc populus Romanus tantum scelus, ac tam publicum? Neceffe igitur fuit, extinguere hoc tantum incendium, morte ipsa. Admirantur forsan quidam, multitudinem rerum: & quod in vno tolerandum videtur, auersantur in pluribus. Non ignari sunt, Ptolemæos quosdam fratres, alios parentes, alios filios, alios uxores, plures etiam amicos occidisse. Sed mirantur Neronem simul hæc omnia egisse: vt videatur ipse potius consilio suo huiusmodi peregrisse, quam fortuna, aut casu. Neque illis id persuaderi potest, verisimile quidem fuisse vt in tot occasiones solus incideret, sed eas potius quæsisse: atque hæc maxima suspicio est contra illum. Cui respondemus: Quosdam homines esse velut agaricum, centauream, & verbasicum, quibus plurimæ sunt vires, atque numero incredibiles: alios vt arbutum, cui nullæ: ita certè contingit, vt quibusdam plurima & maxima eueniant infortunia, aut occasiones difficiles, quibus etiam cogantur aut succumbere, aut actiores quam communis vsus sit videri: è quorum numero Nero fuit, si quis alius. Sed tamen si occupata tyrannide omnes Claudij descendentes excidisset, vt multi quoque alij fecere Principes, quamvis id iniuste egisset, melior tamen videri poterat. Eius enim clementiam segnitiam interpretantes, ea ausi sunt, per quæ, nisi sibi prospexisset, euertebatur. Id  
 „ maximè contingit, cum ex familia in fami-  
 „ liam regnum transfertur: atque latis tempo-  
 „ ribus, & in magna viuendi licentia. Sed iam  
 „ ad Agrippinæ violentiam redeamus, cum  
 „ præter superius adducta inquit: Simul inten-  
 „ dere manus, aggerere probra, consecratum  
 „ Claudium, infernos Sillanorum manes inuo-  
 „ care: & tot irrita facinora. Et rursus: Certa-  
 „ men Senecæ & Burro vnum erat, contra fe-  
 „ rociam Agrippinæ: quæ cunctis malis, domi-  
 „ nationis cupiditatibus flagrans, habebat in  
 „ partibus Pallantem, quo autore Claudius  
 „ nuptiis incestis & adoptione exitiosa semet  
 „ peruerterat. Sed facile est videre, Neronem  
 „ non quæsisse occasionem perdendæ matris,  
 „ cum habitam vt honestam non receperit, ve-  
 „ rum omni studio seruare concupierunt. Nar-  
 „ rabo historiam breuiter. Erat Rubellius Plau-  
 „ tus, pari cum Augusto, vt Nero, in gradu:  
 „ de hoc ita Tacitus: Iturius & Caluissius, non

iam vetera & sæpius audita referentes, quod Britannici mortem Agrippina lugeret, aut Octauiae iniurias euulgarèt, sed destinauissè eam Rubellium Plautum ad res nouas extollere, coniugioque eius etiam imperio Rempub. rursus inuadere: hæc Atimeto Domitiæ Neronis amittæ liberto aperiunt (quippe inter Agrippinam & Domitiam infensa æmulatio exercebatur) ille Domitiæ ea, Paridem histrionem libertum solitum lusui principis intendere, ad illum iam prouecta nocte mittit: adeoque exterret Nerone m, vt iam non solum de Plauti & matris nece cogitaret, sed etiam amouendo præfectura Burro tanquam Agrippinæ gratia prouectum. Quid plura? hîc vides Neronis moderationem in tanta suspicione, in odio matris tam manifesto: Burrum præfectum prætorij, in cuius manu vita erat & imperium, loco non mouit, nec Senecam: quamvis vterque ab Agrippina ei datus esset. Sed neque illorum quenquam priuauit vel punita matre, verum Burrum morte amisit. Seneca sponte, Nerone nolente, se abdicauit. Sed vide finem huius accusationis: neque enim satis habuit matrem & Plautum innoxios pronunciare, sed & accusatores & Atimetum, qui extra culpam erat, supplicio affecit: ratus ob Domitium, delatorem vltro accessisse. Quis ergo tam insensus Neroni esse potest, vt audeat dicere, quæsisse causam occidendæ matris? verum vt Tacitus & Suetonius refert, victus illius acerbitate destinauit occidere:

Vnde Tacitus: Postremò vbicumque ha-  
 „ beretur, prægrauem ratus, interficere con-  
 „ stituit: hætenus consultans veneno an fer-  
 „ ro, vel qua alia vi. Et Suetonius: Verum mi-  
 „ nis eius ac violentia territus, perdere statuit.  
 „ Quæras forsan, quomodo potuit Princeps  
 „ orbis terreri minis fœminæ? Dicam primùm  
 „ quidem ab insidiis, ne non veneno per com-  
 „ munes ministros illum conficeret: vnde Ta-  
 „ citus: Et ministro Agrippinæ tentare de ve-  
 „ neno arduum videbatur, mulieris vsu scele-  
 „ rum aduersus insidias intentæ. Et alibi: At  
 „ matris ira nulla munificentia leniri, sed am-  
 „ plecti Octauiam, crebra cum amicis secreta  
 „ habere: super ingenitam auariciam vndique  
 „ pecunias quasi in subsidium corriprens, tri-  
 „ bunos, & centuriones comiter excipere: no-  
 „ mina & virtutes nobilium, qui etiam tum  
 „ supererant, in honore habere, quasi quæreret  
 „ ducem & partes. Cognitum id Neroni, ex-  
 „ cubiasque militares, quæ, vt coniugi Impe-  
 „ ratoris solitum, & vt matri, seruabantur, &  
 „ Germanos custodes super eundem honorem  
 „ additos digredi iubet: ac ne cœtu salutan-  
 „ tium frequentaretur, separat domum, ma-  
 „ tremque transfert in eam quæ Antoniae fue-  
 „ rat. Quoties ipse illuc ventitaret, septus tur-  
 „ ba Centurionum, & post breue osculum di-  
 „ grediens. Imminebat, vt dixi, maius & longè  
 „ periculum, ne alicui potentium nuberet: ne-  
 „ que enim non manifestissimo in discrimine  
 „ imperij & vitæ versabatur. Quid dicam de in-  
 „ famia, qua illum aspergebat, tanquam par-  
 „ ricidam fratris, desertorem coniugij, susce-  
 „ ptum de Claudij morte: illegitimum succes-  
 „ sorem imperij, matri ingratum, flagrantem  
 „ amore



amore libertæ, tum nocturna flagitia, & quæcunque tenebræ abscondunt etiam in sanctissimo viro deformia, nedum in adolescente principe euulgando, omniaque in maius augendo, præiens exitium cum contemptu illi parabat. Quod & si nullum exitij periculum fuisset, vitam illi acerbam reddere potuit. Neque fides telli, matri scilicet, deesse poterat. Quid deinde intra domesticos penates, dum uxorem illi parum beneuolam etiam contumacem & iratam reddit, eamque suspicionibus malignis replet? Cunctosque illi Claudij se Britannici seu Octauiae amicos, tanquam non ipsa Claudium occiderit fratrem & uxorem euerterit, amicos interfecerit, oppresserit, eiecerit, sed Nero. Nam forsitan credas, quod Britannicum amplexaretur, in odium filij amasse illum? Absit. Quæ enim nouerca, quantumvis bona, & sine imperij etiam æmulatione, potuit priuignum non odisse? Et amabat Agrippina Britannicum, cuius patrem necarat, à quo transtulerat imperium, imò eripuerat, filioque proprio dederat. Quid plura, audi rursus Tacitum: Com-  
 „ motus Agrippinæ querelis, quasi crimini-  
 „ bus, Claudius, optimum quemque educato-  
 „ rem filij morte aut exilio afficit, datosque à  
 „ nouerca custodiæ eius imponit. Lusciumque  
 „ Getam & Rufum Crispinum, Messalinæ me-  
 „ mores, & filiis eius deuinctos, specie quod  
 „ cohortes duorum ambitu distraherentur,  
 „ amouit: tradiditque Burro Afranio, gnaro  
 „ cuius sponte perficeretur. Et rursus post, dum  
 „ de Britannici nece agit: Nam ut proximus  
 „ quisque Britannico: ne fas neque fidem pen-  
 „ si haberet, olim prouisum erat. Primum ita-  
 „ que venenum assumpsit ab ipsis educatori-  
 „ bus. Deinde descebat, quem ipsa morti de-  
 „ stinarat.

Tot sceleribus infandam mulierem, & fœminei totius sexus dedecus, ac naturæ horribile monstrum, decem annis. fermè pertulit Nero inter maxima pericula, maioresque metus, & maximam molestiam. Quali autem animo aut timore eam occiderit, audi: At Neroni nuncios patrati facinoris opperientij, affertur, Agrippinam euasisse, leui ictu sauciam: & hæcenus adito discrimine, ne autor dubitaretur. Tum pauore exanimis, & iam tanque affore obestans vindictæ properam, huc seruitia armaret, vel militem accenderet, hinc ad Senatum & populum peruaderet, naufragium & vulnus & interfectos amicos obiciendo: quod contra subsidium sibi? nisi quod Burrus & Seneca expergiscerentur, quos statim accinerat: incertum, an antè ignaros. Igitur longum yriusque silentium, ne irriti dissuaderent: & eò descensum credebant, ut nisi praueneretur Agrippina, pereundum Neroni esset. Post Seneca hæcenus promptior, respicere Burrum, ac siscitaretur, an militi imperanda cades esset? Ille, Prætorianos toti Cæsarium domui obstrictos, & memores Germanici, nihil aduersus progeniem eius atrox ausuros respondit: perpetraret Anicetus promissa. Qui nihil cunctatus, poscit summam sceleris. Ad illam vocem Nero, illo sibi die dari imperium, autoremque tanti munis libertum proficitur.

Iam dubio procul esse video, & Neronem

Tom. I.

metu id egisse, ac in summa desperatione rerum: & nisi detectus fuisset dolus nauis ruinosa, non prorupturum ad publicam cadem. Et sanctum Senecam cum optimo Burro non solum conscios huius parricidij (si modò parricidium sit, tam scelestam fœminam occidisse, exemisse se manifesto vitæ periculo) sed & consultores & autores.

Sed & inuitam cadem confestim subsequuta est poenitentia: unde & se exagitari materna specie testatus est: & maris eius ac littorum aspectus, quo coeptum est facinus, turbabat eum. Et ut Suetonius ait, manes illius, facto per magos sacrificio, euocare & exorare tentauit. Vnde demiror Tacitum in ea verba prorupisse, ut Neronem voluerit occidisse matrem, ut Octauiam abdicaret, Poppæam duceret. Quo mendacio nihil turpius: aut si ita ex coniecturis credidit, opinione nihil absurdius esse aut dici potest, aut excogitari.

Omitto, quod causæ necis matris tot tantæque, ut dixi, fuere, ut quemvis patientissimum mouere potuissent: nonne animaduertit, vel etiam ipso teste, inter mortem Agrippinæ & Octauiae annos plusquam tres intercessisse? Mortua enim est Agrippina, C. Vipsano Fonteioque cons. quibus successerunt Nero quartò & Cornelius Cossus, his autem Cæsonius Pætus & Petronius Turpilianus, post P. Marius & L. Aferius: sub quibus Octauia occisa, Poppæa ducta in matrimonium. Si ergo ardebat tum Poppææ amore, cur tantum distulit: nimis enim longa amanti hæc mora, etiam moderato, & priuatæ conditionis.

Quod si verò nondum eò ardor processerat, sed mediocriter ferebat, cur tantum scelus aggressus est, quod etiam non sufficeret? Quid vetuit, ne Octauiam tolleretur minore crimine, Agrippinam relinqueretur? Sanè fateor, multum accelerasse Octauiae necem consiliis improbis, quibus aduersus coniugem eam accenderat: iniustamque illam filio reddidisse, dum per vim, quam ardentem deperiret, quasi matrem, metueret, retineri, videri vult. Ita mulier hæc seu volens, seu iniusta, exitio fatali miseræ domus Claudiorum nata videbatur.

Forsan obiicies, quod solum obiici posse sentio, præstitisse Neroni perisse, imperium amisisse, quàm tanta cum infamia matrem occidisse. Sed quis adolescens tam sanctus, tam Philosophus est, qui malit alieno scelere perire, quàm supplicio seruari? Iam omnia quæ proposuimus, ostendimus: veniamus ad ius ipsum.

Si Sillanorum affines atque amici, si Antonia Claudij filia, si Narcissi coniuncti, totque aliorum (quos illa perdidit) virorum (nam sub his optimatibus haud dubium est magnam turbam mediocri conditionis virorum interemptorum, silentio præteritam latere: nam & Calistus ab ea occisus est, vnus & tribus potentioribus libertis) ius aduersum Agrippinam à Nerone petissent: an non cogebatur illam punire? Tum verò iustissimus habitus esset.

At modò cum tot aliis sceleribus iniustus & parricida vocatur. Quid hoc? Fecit, sed in suum commodum. Si finem spectes, postquàm factum

R 3

est



est sine crimine, causa facti eum excusat etiam qui cum crimine fecisset, postque timore iusto id egit: nec vivere illa salua, nedum imperare poterat: igitur cum factum iustum sit, causa non sit turpis, quam etiam Philosophus egregius & ceterorum doctor comprobavit: & vir optimus Burrus, ut Tacitus testatur: non parricidium admisit Nero turpiter, sed magna cum laude vindicavit. Fac ut Traiano, fac ut duobus Antoninis ea fors, mater adeo scelerata contingerit: vis reliquerint incolumem: iniusti plane erunt: non enim alienae iniuriae domini sunt Caesares. Fac ut vindicauerint: cur quod in Traiano & Antoninis laude dignum habetur, in Nerone etiam longe maioribus cum causis vituperatione dignum esse debet? Nunc veniamus ad amitam, in qua ut nullum crimen, ita nec in Nerone suspicio necis: nec de ea quicquam apud Tacitum. Si dicas, deesse partem xvi. libri: certum est non esse magnam: peruenit enim ad finem consulatus C. Suetonij & L. Telepini, ut Nero postmodum parum superuixerit. Quomodo ergo positurum lanuginem dixit, qui iam prope triginta annos natus esset? Quid minus verisimile, quam coegisse Medicos, tantum scelus admittere: imo nec coegisse, sed quasi de pecudis vita ageretur, vno verbo hortatu, ut amitam Imperatoris occiderent: defuisse illi venenum, quod perfidos sibi daret agra? Demum quae fuisse iam tot facinorum infamia laborantem, si Deos, si aequum iustumque sperneret, quo publice & sine excusatione maiore dedecore flagraret apud populum & milites, quos metuebat? Quo teste ista prodita? qua securitate illi prodere potuerunt? Et si securos eos princeps reddidit, cui bono? ut scilicet non solum fama, sed lucrum illis periret? Demum, quot purgationibus opus erat ut periret? An medicamento medicamentum addere oportuit? Quis non videt haec confecta ab inimicis, tam absurde etiam, ut fidem non sint habitura? Amabat amitam, suosque nisi illos qui ingrati erga eum fuerunt. Nonne constat, in extremo vitae superfuisse duas nutrices suas, Sporam, Epaphroditum, Phaontem, totque alios? atque utinam illi fidi fuissent, quam plures superfuere amici, atque magnis affecti beneficiis. Siquidem refert Tacitus, XXII. HS. id est, aureorum coronatorum quinquagies quinquies millies mille, in ditandis amicis impendisse, a quibus defereretur. Atque inter ceteros autor ille inuidiae Ophonius Tigillinus, ab eo & ipse defecit. Ceterum in Domitia, nam Liuilla & Drusilla non amitae, sed materterae fuerunt. Nec existimandum est odisse defensores potentiae suae. Sed eo Fato natus videbatur, ut non solum beneficia quaecunque pro maleficiis haberentur, sed & quaecunque egisset, in malam partem traherentur. Simili iniuria illum afficiunt, dum reum mortis Burri esse volunt, & priuigni. Burro misit medicamentum, quo fauces illiniret: misit venenum: an non poterat experiri in seruo, in damnato, qui esset praefectus praetorii? Sed Tacitus verisimiliora dicit, medicos mandato Neronis id egisse, non venenum a Nerone missum. Simili vanitate mentiuntur Ruffi-

num Crispinum priuignum ex Poppaea natum, impuberem, iussisse mergi mari, quod luderet ducatus & imperia. Quid enim absurdus, cum Poppaeam vnicuique dilexerit, & ab ea usque ad mortem dilectus fuerit? quod etiam illi causa mortis fuit. Cum enim ob zelotypiam reuertentem, acius irata eum obiurgaret, percussa ab illo calce periit, quod excusso foetu abortierit. Quomodo vero occiso illi filio sine causa, impubere praesertim, eum amare adeo ardentem potuerit, non video. Quod si fingas id factum post Poppaeae mortem, quid hoc habet verisimile: cum iam puero nulla essent praesidia quibus metueretur? nec Tacitus tantae rei meminit. Quod enim iratus nolensque uxorem occiderit, fortunam & hic, non animum accusare oportet. Quotus quisque enim mortalis adeo patiens est, qui cum uxore quatuor annis, etiam minime morosa, quadrienni, aut Nero cum Poppaea, omnium foeminarum morosissima, perpeuo sine iurgio viuat? Satisfecimus parricidiis, si de Senecae morte agamus. Occidit Senecam Philosophum, educatorem, institutorem tenerae suae aetatis, adiutorem potentiae & dominationis, rhetorem eruditum, disertum oratorem, virum facundum, memorem, ut qui (quod alius diximus) duo millia nominum propriorum memoriae mandare solitus esset: hominem grauem, optimi exempli, sine causa, & intonem (quae duo maxima sunt) & si quid ad rem facit, amicum B. Pauli Apostoli. O maximum & inexpressibile facinus! Verte sententiam, & ad veritatem te retrahere. Occidit pseudo Philosophum, proditorem tenerae aetatis, atque ob id euerforem Imperij, adiutorem & institutorem scelerum, rhetorem malignum & insulsum, oratorem improbum, frigidis cum argutiis beneficio naturae pessime abutentem: hominem varium, dolosum, pessimi exempli, atque huiusmodi (quod Christus maxime damnauit) subdolum, dissimulatorem, pessimum adulatorum, participem & doctorem omnium quaecunque in Nerone maxime reprehensa sunt causa cum maxima, inhiantem etiam imperio: inimicum non solum B. Pauli, sed omnium Christianorum atque bonorum. Itaque existimo necem Senecae, si quid modo per imprudentiam in aliis deliquit Nero, maximam criminum partem eluere. Eo enim quisque deterior est, haberi que debet, quo principaliori loco, & sub specie probitatis, & titulo integritatis, ac sapiens mala admittit: horum enim exemplo ita peruertuntur principes, ut quicquid malorum orbi euenit, ob hos pessimos adultores hypocritasque contingat. Euerfores bonorum, seditionum causa, proditores principum, laruae malorum Daemonum, oppressores miserorum, exemplum malignitatis, hirudines humani generis, corruptores aulae, eruditionis & virtutis perniciosissimi hostes, faces tyrannorum, regnorum blattae & caries perniciose semper. Hic professor Stoicae disciplinae, quem admodum & ille improbus P. Egnatius (qui pecunia corruptus prodidit Barea Soranum, amicum principum) nihil non alienum a Stoa sapiebat. Sed nihil actum est, nisi talem Senecam fuisse ostenderimus. Primum quidem non est cur tot nominibus insecter Senecam,

virum



virum iam ferme mille quingentis annis mortuum, quem odisse possum. Mores fuere vrbis & sæculi, ac propria illius ambitio, non leui coniuncta stultitia, atque immensa avaritia. Sed vis dignoscere probum virum ab improbo? duobus tibi verbis absque Physionomia aut Astrologia te docebo: non est quod errare timeas, si hæc duo observes. Si avarus non est, si immortalitatem animi credit, bonus est: qui contrà, malus. At de animi immortalitate, quid hoc simulant plerique, ob legis metum? Christi præceptum habes, quo etiam avari & insontes deprehenduntur: inquit enim: A fructibus eorum cognoscetis eos. At hæc ambo iam in Seneca sine difficultate produntur: nam & animos esse mortales, sæpe falsus est: & summam in eo avaritiam, quantum in quovis mortalium fuisse, nemo dubitare debet. Inquit enim Tacitus, obiciente, quem accusabat Seneca, Suillio: Qua sapientia, quibus Philosophorum præceptis, intra quadriennium Regiæ amicitia, ter millies sestertium parauisset? Romæ testamenta & orbis velut indagine eius capi, Italiam & Provincias immenso scenore hauriri. An grauius existimandum, sponte litigatoris præmium honestæ operæ assequi, quam corumpere cubicula principum sceminarum? Hæc sufficere deberent, ad ostendendum improbitatem fucati Philosophi, qui his moribus fuerit, ut infatigabili animo ad quæstum esset: nec solum sibi, sed etiam fratribus maximas diuitias comparauit, aut comparare docuit. Vnde Tacitus: Mella, quibus Gallio & Seneca parentibus natus, petitione honorum abstinuerat per ambitionem præposteram, ut eque Romanus censularibus potentia æquaretur. Simul acquirenda pecuniæ brevis iter credebat, per procuratores administrandis principis negotiis. Et inde subdit: Neronem opibus illius inhiasse. Quales fuerint cogita, quibus Imperator orbis inhiauerit. Nec fuisse expertem Senecam, nec omnino conscium Pisonianæ coniurationis, ex eo conicitur, quod paucis ante diebus de maxima familiaritate cum Pisone accusatus fuit à Romano: & licet discusserit crimen crimine pari, existimandum tamen est Senecam horratum fuisse Pisonem sic, ut mens potius quam verba deprehenderetur. Vnde Tacitus: In Natali mîllo: à Pisone respondisse Senecam: Sermones mutuos est crebra colloquia neuiri conducere, cæterum salutem suam incolumitate Pisonis inniti. Iam consuetudo intima, & conscientia facinorum Neronis, quæ ut illi necessaria ob imperium & vitam tuendam, ita Senecæ ob avaritiâ & ambitionem, scelera erant. Fatis, matris, vxoris, aliorumque more imperata, quam possunt mereri excusationem in Seneca? Sed nosce ingenium hominis in controuersis illis scdis, flagitiosis, fauis, cùm ut ostentaret eloquentiam, nec veritati, nec æquitati, nec misericordiæ locum vllum reliquit. Sed quò rapax & inculta facundia rapiebat, eò etorquebat ius atque æquum. Deterius est longè docere mala, quam facere: qui facit, impetu & dolore, aut ita vel perturbatione alia animi fertur, semel tantum peccat, & peccando seipsum criminis damnat, dum celat, fingit, pauet, excusat, habetque quædam decoris & hone-

statis in causa facti rudimenta: qui docet, impudenter docet, & multos: nec vlllo affectu nisi improbitatis ducitur, nec habet vllam facti causam. Vis vitæ impuritatem videre? historiam lege hostis illius, primo Naturalium quæstionum, adeò turpem, ut plures (inter quos Andreas Alciatus, Vir eruditionis singularis) eam pudore oblitterauerint: maluerintque codicem deformare, quam animum. Præstat enim in quibusdam atrocibus malis viam præscindere, ut etsi velis, facere vel scire non possis. Porro quòd mortalem censuerit animum: omitto: quòd Epicureus, & cui Epicurus placet, sit, & carmina vulgata illius, quæ forsàn quis sua esse negare possit, in Epistolis sæpius se prodit: in quibus etiam, vel ipso teste, quàm frigide bonus fuerit, dignoscitur. Hunc virum adeò abhorrentem ab omnibus Christianis præceptis, qui ne vno in loco Christi aut Christiani cuiuspiam mentionem fecerit, nec moriendo, quis audeat ob fictas Epistolas Christianum dicere? Ergo si Senecam alter punisset à Nerone, iustissimus dici poterat: nunc quia Nero fuit, cuius omnia facta probrosa, iniusta facta, scelerataque esse volunt, iniustissima nex, Senecaque sanctus appellatur. O iudicia hominum! ô stultitiam! Sed hæc omnia quare contigerint, suo loco demonstrabimus. Nunc illud aggrediamur, quo demonstremus peruersam mortalium sententiam: Augustus (inquit) ex nepte Iulia post damnationem natum infantem agnosci vetuit. Hic rogo animaduertas. Augustus pro diuo colebatur, qui infantem pronepotem sustulerat. Nero, qui matrem sceleratam, & cum periculo imperij & vitæ eius omnia turbantem sustulit, pro impio damnatur, & reicitur. Nuper Solimanus filiam, & nepotem ex eo adhuc impuberem, ob suspicionem affectatæ tyrannidis laqueo strangulari iussit: eius pater Selim patrem suum Baiazetem pulsum regno, decrepita ætate, necari curauit per Hebræum Medicum: nec Solimanus ob filium & nepotem, nec Selim ob patrem impij habentur. Pius enim videtur, qui crimen agnoscit, & propter publicum beneficium punit. Quærat igitur iuste aliquis, an deterius sit occidere pronepotem, an filium? & an filium, aut matrem, vel patrem? Egyptiorum reges alij quidem parentes, alij filios occidere consueuerunt, atque inter reliquos Physton, filium impuberem ex sorore, eaque vxore genitum, sororis odio interfecit. Philopater autem, patrem & matrem: Mithridates filios. Verùm crudelius est matrem occidere: magis impium, patrem: quòd leges patriam potestatem constituerint, non maternam: & quòd pater principale sit agens ut semen, mater autem ut terra: planta autem semini plus debet quàm terræ: & quod pater alat filium, educet, instruat, magis quàm mater: filium autem occidere magis contra naturam est: & amentis, ut quem genueris occidas, semque tibi perpetuitatis succedere cupias aduersum temetipsum. At pronepotes magis in spe habentur quàm filij. Ideo nemo excusauerit Augustum, quòd cùm non posset dubitare de matre, pronepotem insontem sustulerit: ut si de impietate agendum sit, qui patriam oppresserit,



fratrem & pronepotem occiderit, magis non sit Nerone execrandus: & tamen Augustum Deum & effecerunt, & coluerunt: adeo peruersa hominum studia, ut si quis secum reputet, simillima sint amentia.

Sed iam ad aliud crimen, scilicet sauitiae, descendam: in quo adeo damnatur Nero, ut iam in adagium versum sit: tametsi Erasmus eidem non Neronem iniuste, sed Phalaridem iustius subiecerit. Primumque obiicitur sauitia, qua in Christianos usus est: cum etiam Petrum & Paulum Romae occiderit: ut proxima sit haec crudelitas etiam impietati. Ingrata res, quae cum plerosque optimos principes tetigerit etiam, ut Traianum, Decium, Diocletianum, Neroni pro crimine obiiciatur. Quod si Nero probos & sanctos Christianos & utiles Reipublicae necandos putauit, non recuso quin Neronis factum cum aliis maxime detester. Sed si probrosi, seditiosi & impij habeantur, Nero non est in crimine. Est enim prudentis principis, tueri praesentem & vetustam religionem. Sic Antonini atque alij optimi principes ac viri. Paulus primum persecutus est Christianos: postea idem effectus est vas electionis. Si error est proscelere, certe Nerone hac in causa non minus sceleratus fuit. Sed neque Suetonius, neque Tacitus Neronem ob hoc arguunt: sed quod tanquam incendij reos subiecerit innocentes. At quis non videt quaesitam fabulae causam, ut etiam Christianis: quorum non paruum tunc erat numerus, & omnibus aliis exosus esset? Christianis, quod eos falsa ex causa crudeliter damnasset: populo autem, & praesertim sacerdotibus idolorum, quod antea semper damnari vetuisset eo nomine. Itaque inuidia ardentibus cum plerosque incitassent, qui Christianos incendij auctores dicerent: Nero permisit ut punirentur: in quo facto causam illi maledicendi inuenerunt, quasi punierit & ob falsum, & ob minus delictum: minus enim existimabant incendi urbem, quam cultum Deorum suorum negligi. Indicio est sic esse, quod antea non legatur in Christianos desauisse ullos, quod suffecerit etiam prioribus Imperatoribus urbe illos depulisse. Vnde idem Suetonius in Claudio: Iudaeos impulsore Christo assidue tumultuantes Roma expulit. Inusitatum fuit ad eam usque diem, qua permisit Nero Christianos ob incendij suspicionem accusatos plecti, quenquam ob alienam superstitionem supplicio extremo affici: in quo errauit Nero. Sed Suetonius id inter illius benefacta narrat, vocatque Christianos superstitionis nouae ac maleficae. Sed si modò improbandus est Nero Christianorum supplicia, ut certe est: magis Traianus, Decius & Antonini erunt inculpandi, qui absque causa vlla, nec causae suspicionem & per edictum damnauerunt illos, cum alioqui mites & perhumani haberentur; ita non solum facto, sed & auctoritate degrauarunt Christianorum sectam, tanto acrius, quanto hi Nerone meliores habebantur. Nero non edicto Christianos omnes, sed causa incendij eos damnauit. Et cum saeuus haberetur, auctoritate non perculit. Vide quam inique homines de rebus statuunt: nemo Christianorum causae minus hostis fuit: & tamen ab omnibus damnatur:

fortuna & casu euenit, ut coactus sit Christianis esse infensus: crimini datur: ceteri qui ex proposito illos odere, à Christianis ut boni viri laudantur. Videte Traiani, diuini hominis, de Christianis ad Plinium Secundum rescriptum: Actum quem debuisti, mi Se- cunde, in excutiendis causis eorum qui Christiani ad te delati fuerunt, secutus es. Neque enim vniuersum aliquid quod quasi certam formam habeat, constitui potest. Conquiri non sunt: si deferantur & arguantur, puniendi sunt: ita tamen, ut qui negauerit se Christianum esse, idque re ipsa manifestum fecerit: id est, supplicando Diis nostris, quamuis suspectus in praeteritum fuerit, veniam ex poenitentia impetret: sine auctore verò propositi libelli, nulla crimina locum habere debent: nam & pessimi exempli, nec nostri saeculi est. In hac Epistola, quae ut res rara celebratur, tot penè sunt errores, quot sententiae. Nam ceteros praetermitto: quod verò ad Plinium ille scribit, plenum est turpis & foedae adulationis in priuatum hominem: quoniam scilicet illius Panegyricum scripserat, aut etiam dixerat. Hic primum incognita causa, inaudita defensione, damnat omnes Christianos. Defendas, publici boni causa non fuisse improbum, & quanquam ed spectet, semper de summa causa cognoscere impium esse \* apud nos fuisse ne quomodo negare potes, ac longe deteriorem Nerone, qui hoc generali edicto non cauit? Dices, hoc ostende? Ostendo, quod Paulus cum prima vice in vinculis Romam adductus est, ut referunt omnes auctores, liberatus est: de quo non ambigitur, quod Christianus esset: imò constaret, multos ad nomen Christi conuertere, & accusabatur à potentissimis Iudeorum, atque ditissimis illorum: ut si edictum fuisset promulgatum in Christianos, nullus veniae locus futurus esset. Inde dicit: Delatos & conuictos punies, non delatos non conquires. Quid absurdius? Siquidem crimine non est, cur non vis conquiri? praesertim cum de publico bono agatur. Tertio vult, ut qui probauerit se non esse Christianum, veniam consequatur. Quae venia debetur ei qui non peccauit? an sola suspicio reum quenquam facere debet, aut potest? Sed addit vltimis in verbis, Diis nostris: quasi alios esse duceret. Quod si existimauit, cur eos non iussit coli? quicunque enim Deos esse nouit, nec coli iubet. si princeps sit, aut suadet si priuatus, etiam si cum periculo vitae id fieri necesse sit, impius est. Si enim prodere principem omni supplicio dignum est, prodere Deos ipsos multo magis. Et tamen Vir hic inuenit (ut referunt) sanctum virum, qui illius animam ab inferis reuocarit: Nero non inuenit, qui tametsi aberrauit timore infamiae populi, non tamen odio Christi nomen persecutus est. Sed nec mireris damnatos Christianos ut incendiarios: nam multi Christiani (ut Eusebius refert in Ecclesiastica historia) eo nomine Christiani facti sunt, ut sceleribus ac flagitiis licentius operam darent.

Sed iam ad alia sauitiae experimenta transeamus. Hic verò altius repetendum est exordium, multa quoque longius petenda, quae non nobis adeo praesentia occurrunt. Di-

uinæ



uinæ enim primum bonitatis est atque iustitiæ, ut omnia flagitia puniantur, si non in ipsis qui admittunt, saltem in posteris: & ut æquata lance mortalium genus simul afficiatur ac releuetur, atque cum hoc commodis illius generaliter consulatur. Sic enim ab initio, cum vicus, vicum, domus, domum, regio, regionem vexaret, ut nihil tutum cuiquam esset, arreptis armis, & occupata tyrannide, Ninus imperium constituit Assyriorum: sub quo commodius vivebatur: quanquam una tota gens Assyriorum tyrannidem, non solum unus homo exercebat, quam sub vilo principe, tyrannis autem omnibus: cuius rei etiam testis est Plutarchus in Thesei vita, qui ob hoc ut Deus habitus est, quod Atticæ formam hanc viuendi non armis, ut Ninus, nec sub vno, sed sub Republicam Atheniensem redegit. Ita necesse est in omni regno esse quod regatur ut corpus, & quod regat ut caput: semperque caput hoc corpori graue quodammodo est. Sed cum vitis gentis Assyriæ & regum, nouissimè Sardanapali subditi paulo melius viueret quam ab initio nullis sub principibus per Arbacum translatus est regnum ex Assyriis in Medos. Qua mutatione simul Diuina sapientia duobus maximè commodis prospexit: & ut quæ in Assyriis leges & consuetudines erant præter ius atque æquum velut solutis nimis moribus antiquarentur: & ut eorum iniuriis in alias gentes illatis, per Medos versa vice satisfaceret: quanquam enim pluribus unus homo vel gens iniurias inferat, satisficit omnibus pulcherrimo Dei consilio, si unus homo seu gens, licet non omnes qui iniuriam acceperint, vindicent in iniustam gentem vel hominem illatas iniurias. Ergo pari ratione, cum Medi Assyrios satis pressissent, alios verò iniuriis afficerent: visum est diuinæ sapientiæ, ut ex Medis sub Astyage per Cyrum in Persas imperium deferretur. Et ne non fortuito id accidisse contingat, ut caueret per somnum monitus est ipse Astyages: exponique iussit Cyrum nepotem: vnde postmodum tragedia illa in Harpagum: cuius cum non meminerit Xenophon, illi ætati proximior, fabulam esse suspicor, à mendacissimo Herodoto natam. Sed ut ut fuerit, eiusmodi translationes regnorum, maximè violentas, manifesta signa consequi solent, quibus moneamur, non hominum errore aut vi (ut plerique mortalium credunt) sed diuino consilio ista peragi: namque cum Persæ diu regnassent, & ut Medi crudelitate, ita ipsi ambitione subiectas nationes pressissent, exusto Ephesi templo Dianæ (quod ob magnitudinem, artificium, opulentiam & celebritatem inter miracula orbis numerabatur) à Græco quodam Herostrato, vates protulerunt natum puerum, qui Asiam totam pressurus esset: ita natum constat eadem die Alexandrum Magnum, qui imperium transtulit ex Persis ad Græcos: ut quas passi essent Græci à Barbaris iniurias non solum, sed etiam aliæ gentes à Persis ipsis, vindicatas in eisdem viderent. Quanta verò prodigia præcessere Romanorum imperium, quod, ut Græci alios atque Macedones presserant, ita Macedones ipsos ac Græcos pressit: ut penè nulla gens peius & crudelius afflicta sit, initio ab ipsorum regum semine facto:

nam & Persa Rex extinctus est in carcere, & filius vnicus qui superfuit fabrilem exercuit artem. Itaque consulto à diuina prouidentia facta sunt hæc omnia: & ne quis inficiari possit, hæc etiam in minimis animaduersa sunt.

Quippe temporibus nostris, dum Rex Gallorum excussus est dominatione Mediolanensium ab Eluetiis, nonne ventis ac tempestate excidit totus apparatus ligneus triumphi Gallici Regis? Et cum sauiore casu pulsi sunt ab Hispanis rutius, est rursus excussa terræ motu ac fulmine penè tota Arx Mediolanensis, nullis viribus humanis expugnabilis? Quid ergo, tam sauum Reipublicæ Romanæ imperium, tam crudele iugum in omnes gentes, nonne, nondum vllis iniuriis, quas Græci, & qui eorum nomine imperauerunt, Ptolemæi, Antigoni, Mithridates, Carthaginienses, Macedones, Corinthij, Athenienses, Lacedæmonij orbi intulerant, ut non expediret solui, puniri non debuit? Qua ergo via immanis hæc gens quæ in theatris fontes & infontes dimicare inter se cogebat ad necem crudelem, quæ viros, fœminas, pueros, non miserta sexus vel ætatis, feris dilaniandos in spectaculis exhibebat, quæ seruos etiam per ludibrium extruciabat: vnde rotæ suspensi pedibus viri, & ad necem vsque verberati: piscinæ, in quibus per ludibrium, seu quibusuis minimis ex causis, non sexus, non ætatis habita ratione, piscibus deuorandi viui mergebantur: tot cruces, pistrini, compedes, tormentorum inaudita genera in miseros: quæ in reliquis seu domitis seu sociis seu fœderatis gentibus tantum exercebat, quantum libebat: nemo à nece, quantumvis insens, nemo à verberibus tutus, non puer, non nupta à libidine, Romani non solum magistratus, sed nec ministri vllius, nec etiam serui vel liberti: non signum, statua, fundus, domus, aut quicquam aliud avaritiæ illorum imperium. Nonne Cicero recitat, cum in Asiam proconsul iuisset, eò redactos per tributa, extorsiones, rapinas, publica, & priuata furta præcedentium administratorum, ut nisi venditis capitibus suis & filiorum, non essent soluendo vectigalia? Est tamen hic sanctus Arpinas, qui cum tam innocentem se iactauerit, vel toto vertente anno nomine Reipublicæ Romanæ collegis ex Prouincia HS. (I): id est, aureorum vicies quinquies centena millia: satis nimis vel toti Asiæ expilata, vel Prouinciæ quam regebat Sicilia, adiectis tribus diocesisbus Lycaonia, Pamphilia & Isauria, & Cipro insula. Ex his paucis tantum corrasit pecuniarum, tanta infamia publica, quanta priuata gloria, si modò tam sanctus in administratione fuit, fuit quantum se prædicat: nam de Q. Cicerone illius fratre vel ex ipso Marco dignoscitur, quàm crudeliter & auarè petulanterque se gesserit.

Sed redeo ad Siciliam & Cappadociam, cuius regem Ariobarzanem pupillum in tutela habuit aded pauperem, ut cum tutelam alij reliquerint, ipse concupierit: atque inter reliqua vni Pompeio, sancto illi atque innocenti, numerati sunt CCHS, aurei centum & viginti mille, pro scœnore: nam ex sorte nihil decidebat. Erat scœnus hoc xxxij. talenta Attica



in singulos menses. Cogita reliqua, vt ne Regem in ea Prouincia esse expediret, nec priuatum. Audi aliud: Salaminij ciues (ea vrbs in Cypro est) menstruo fœnore in quaternas centesimas pacti fuerant, etiam cum annuis anatocismis. Cicero ex Senatusconsulto in centesimam cum anatocismis redigere tentauerat. Scaptius, Vir nequissimus, & M. Bruti administrator, redigere tentauerat: non potuit rem reliquit affini Bruti iudicandam, qui Ciceroni successurus erat: cum antea Scaptius impetratis equitibus, ita miseros ciues vexasset, vt Senatu eorum in arcem recepto, aliquot Senatores fame perierint. Est autem fœnus quatuor centesimarum cum anatocismis annuis adeo magnum, vt mille coronati in decem annis quinquaginta millia euadant: tantam ergo iniuriam humani generis, talem contempnum, vt mortem duorum hominum & insignium, quodd Græci essent, Cicero irrideat, vltra pati non potuit: immisitque C. Cæsarem primò, qui Rempublicam occupauit, sed minimè crudeliter: cui successerunt Augustus, Tiberius, Caligula, Claudius, Nero, Galba, Otho, Vitellius, Domitianus: inter quos Neronem mitissimum omnium si fuisse probarem, sufficere mihi deberet: sed hoc non solum demonstrare contendo, verum mitiorem inter optimos etiam quosunque principes adnumerato etiam Vespasiano, Tito, Traianoque: eaque exempla clementiæ in omnibus edidisse, vt non immerito videatur eos illi libros de Clementia (vt antea dixi) Seneca inscripsisse. Nec prodesse volo nunc mihi, quæ proposui de diuina vltione, de commodo humani generis vniuersali, cum abundè hoc sufficere posset. Neque enim Deus, postquam horum principum ortus, dominatio, vita, fortuna, interitus, manifestis prodigijs propter plebem, & Diuinæ providentiæ ratione propter sapientes à Deo institutus videtur, quicquam impotenter aut inuidiosè facere potest, aut negligere vel ignorare. Sint tamen hæc malorum principum, non Neronis defensionis argumenta: nos Neronem nihil peccasse, sed iustissimum fuisse ac mitissimum ostendemus. Non officiat modò nobis publica fama, ex ignorantia & alieno scelere orta. Sed præstat primùm scire Romanorum eo tempore leges: nam de moribus satis dictum est. Et, vt vno verbo expediam, scias ad improbitatem nihil addi potuisse. Lex erat Romæ, cuius etiam meminit Cicero, ne vllus ciuis Romanus morte afficeretur adeo vt è foro crux sublata sit prorsus: sic Milo quam cædis reus primarij viri P. Clodij, & Pompeio ac Cæsare parum amicis, Massiliam relegatus est: hanc legem neglectam, vt par erat, à Nerone atque Domitiano, ob idque tyrannis appellatis, Nerua atque Traianus restituerunt, hi homines sanctissimi: sed vide exitum vimque legis, ac fructum. Marius Priscus Proconsul Africæ, conuictus quodd acceptis à Vitellio Honorato trecentis millibus: id est, aureis septem millibus ac quingentis inimicum illius equitem Romanum exilio, septem eius amicos vltimo supplit affecisset iniuste: à Flauio autem Martiano septingentis millibus: id est, aureis coronatis decem septem millibus ac quingentis (sed tamen in vtraque

summa propter auri incrementum demere sextam partem licet) alterius equitis Romam virgas, damnationem ad metallum, strangulationem in carcere mercatus esset: (quot in inferioris fortis homines flagitia admiserit huiusmodi, alterius verò generis, coniectari facile possumus) accusantibus Lepticanis, perorante causam Plinio Secundo in quinque horas, & Cor. Tacito coram ipso Principe Martiano (nam Vitellius, dum causa apparatur, interiit) Italia & Africa interdixerunt: Marius Priscus condemnatur, vt septingentà illia fisco inferrentur, ipsi vrbe & Italia interdiceretur. Hostilium Firmitium Senatorem, qui omnia hæc Prisci scelera adornauerat tractauerat, compegerat, cum vellent amouere Senatu, Nerua sanctissimus prohibuit: satis esse ducens, ne in sortitione Prouinciæ ratio eius haberetur: hancque sententiam adulator nequissimus ille tam laudat, quam Cornutum Tertullum Cōsulem designatum fortitudinis: ô tempora, ô mores! Hisce certè videri potuit miser Nero crudelis: homines dignos crucibus, palis, ferra, & quicquid est tormentorum, satis habuerunt pellere Italia, nec bonis sublati, nec etiam trecentis millibus restituti: cum etiam illum alium in Senatu reliquerint: atque ad hoc etiam impetrandum eloquentia tanta opus fuit, vt non criminis hæc pœna fuerit, sed præmium ambitione oratorum. I modò, vel hoc exemplo vno, sub quo quanta contineantur & qualia intelligis, causam accusationis & calumniæ Neronis discas. Aliquanto grauiora erant, & seueriora iudicia, sub Republica Ciceronis tempore, quæ tamen corruptissima fuere. Sed audi aliud. Classicus Proconsul cum vxore, filia, amicis, ministris, totam Prouinciā diripuerat: veniunt hi (Beti enim erant) prouinciales omnes accusant: est Plinius Secundus, & L. Albius: quid plura? vix aliqui ad exilium damnati quinquennij, alij biennij, plures absoluti, prodente eausam (vt puto) ipso Plinio, quo etiam gloriatur: hæc erat iustitia temporum illorum, & miseria mortalium sub his beatissimis atque sanctissimis Imperatoribus, cum etiam ipse Imperator Hispanus esset, atque ideo ex prouincia spoliata. Tales cogita fuisse quosunque laudauerunt, Vespasianum, Titum, Adrianum, Augustum, Antoninos, atque huiusmodi Deos inferorum, non cælestes. Sed audi tertium, ne non credas in quoquam variasse. Iulius Bassus sub Vespasiano reus, sub Tito inuisus: à Domitiano, cui amicus ferebatur, relegatus: à Nerua ob ambitionem non solum restitutus, sed Bithyniis præpositus, inter flagitia & rapinas senex factus, iam ab ipsis prouincialibus accusabatur. Defensorem huius Plinium Secundum de criminibus, quæ & ipse fatebatur, constabat. Bæbius Macer repetundarum lege teneri volebat. Cepio. Hipsò salua dignitate censuit dandos iudices è Senatu. Quid plura? obtinuit vtrunque, & vtrunque euasit: nam & in Senatu remansit, & quod rapuerat, obtinuit: atque de hoc gloriatur ipse Plinius: vt iam non recti ac æqui vlla esset cura, sed ostentationis eloquentiæ.

Sed hoc parum Theophranes è Bithyniis Vir disertus, parum abfuit: nam Senatus ea erat



erat sententia, ut quia reum acius vrgeret, pro eo ipso subiceretur. Verum tantam infamiam ab ipso Senatu, non dicam scelus (id enim contemnebant) Consules auerterunt.

Sed adhuc hoc minus est causa ipsa, quae liberatus est. Fecerat (inquit) eum fauorabilem renouata discriminum vetus fama, notumque periculis nomen: & in procero corpore moesta & squalida senectus. O secundum impudentem: nonne turpior est causa, quam absolutio? Fauorabilem fecit renouata scelum vetus fama: toties repetita iudicia non obtenta, ob gratiam, ob potentiam ob corruptos pecunia indices, contra miseros provinciales: notumque periculis damnationum nomen: quasi ei vni qui primo peccauerit, non facilius ignoscatur? Et in procero corpore: id est, segni atque inerti sue, moesta (ob quid?) & squalida senectus: quod damnari tandem timeret. Dicis: Damnabatur, quod munera ab amicis (nec accepisse is negabat) quae lege prohibebantur, licet sine flagitio accepisset.

O virum impudentem! quae refers in laudem tuam, quanto melius fuerat silentio oblitterasse? Venissent Bithynij, viri pauperes, ex tam longinqua regione, tanta cum impensa, ut virum potentissimum accusarent, quod munuscula quaedam (ut ipse appellat) accepisset, quae quis dare cogerat primum? Deinde, quae conuictus repetundarum solum restituere cogeretur cum aduersis Diis atque iratis nihil damnato deterius contingere posset.

Sed audi iam: Quibus sententia Cepionis placuit, sententiam Macri ut duram rigidamque reprehendant. Verum Praena vide: adfui Beticis contra Babium Bassum. Quaesitum est, an danda esset inquisitio: data est. Adfui rursus iisdem, querentibus de Caeilio Classico. Quaesitum est, an provinciales ut socios ministrosque Proconsulis plecti oportet: poenas luerunt. Accusavi Marium Priscum, qui lege repetundarum damnatus, utebatur clementia legis, cuius seueritatem immanitate criminum excefferat: relegatus est. Tuius sum Iulium Bassum, ut incustoditum nimis atque incautum, ita minimè malum iudicibus acceptis, in Senatu remansit. Dixi proximè pro Vareno, postulante ut sibi inuicem euocare testes liceret (hoc autem lege prohibebatur) impetratum est. Quid amplius, si huius testimonio, cuius intererat vel saltem verbis defendere iuris speciem, omnia ad gratiam rei & pro facundia agebantur? miseris infontibus, criminibus, nullus locus erat: quo loco fuisse putas reliqua, quae silentio tangebantur: quae defendere non ausi sunt? quae pro criminibus habebantur? quaeque ab his agebantur oratoribus, quos improbos esse dicebant? illud mirum, solum quod in tantis saeculi probris non inultum adulterium esse voluerunt. Galitta enim damnata est Iulia lege, & moechus Centurio exautoratus, atque relegatus. Ut deterius sit aliquanto seculum hoc nostrum flagitiosissimo quovis antiquorum, in quo saltem pudoris ratio habebatur reliqua tam profanata erant, ut nec crudelitati, nec rapinis aut ambitioni, aut auaritia aut stupris, aut aliis vllis vitiis modus vllus esset, sed liceret quicquid libitum esset. Glo-

riatur ipse his verbis: Quod Senatum inuidia liberallem, qua apud alios ordines flagrabat: quod seuerus in ceteros, Senatoribus solis dissimulatione quasi manica parceret. Sed quid tandem actum tanto conatu ab isto facundissimo oratore? ut Publicius Certus, qui Heluidium Priscum Thrasæ generum ad mortem adegerat, non fieret Consul: nimis, si iuste damnatus fuerat Heluidius: ridicula poena, si iniuste. Has leges contra naturae gentiumque decreta cum antiquare vellet Nero, & crudelibus iudiciis mortis poenam irrogare, & iniusta iudicia punire, magistratuumque scelerata flagitia supplicio summo & bonorum priuatione vindicare (hinc dolor, hinc lachryma) factus est repente omnium mortalium scelestissimus. Damnauit & Thrasæam Petum, ac Baream Soranum, (inquit Tacitus) cum quibus ipsam virtutem excindere concupiuit: praeterea Seruiliam Sorani filiam, C. Cassium, Ostorem, Syllanum, omnes Senatorij ordinis, infontemque Vestinum consulem. Hic non tam de crudelitate quam de iniustitia agitur: nam si iuste perempti sunt, quandoquidem omnibus permissum est liberum mortis genus, crudeliter extincti dici non possunt.

Sed videamus qualis hic fuerit Senatus, in quo hae iudicia exercebantur. Incidit fortè, ut Pedanium Secundum seruus eius siue amore exoleti, seu quod libertatem pollicitus non daret, occiderit. Erant Pedanio seni, adnumeratis mulieribus ac pueris, plus quam quadringenti: omnes capti lege improbiissima Romanorum, ad mortem damnabantur. Plebs tot infontes (neque enim praeter illum qui dominum ac semetipsum occiderat, quisquam facti conscius erat) protegebat, miserebaturque tot foeminarum, puerorum, infantium: acta res in Senatu, multis ob multitudinem legem moderari cupientibus. C. Cassius è Senatoribus vnus obtinuit, ut omnes occiderentur: totque infontes ad supplicium ducti sunt. Aderat Thrasæas, aderat Soranus: quid est quod amentiam viri non prohibuerunt? tunc nullus Nero obstabat.

*Sed crimine ab vno Disce omnes.*

Si tam impudenter, tam crudeliter, tam sceleratè quadringentos infontes, nulla sexus aut ætatis habita ratione, nullo quaestu, nulla gratia, nullo metu damnare vltimo supplicio potuerunt: quales eos putas fuisse in iudicandis causis, in quibus quaestus gratia metusve vrgebant, nec cum tam publica infamia crudelitatis obstare, nec iudicij iniusti tam apertum scelus? Quas putat fuisse meditationes, conspirationes, vitia, iras, factiones eorum qui se ad eam omnis humanitatis expertes ostenderint? Si ergo Nero hunc omnem Senatum sustulisset, crudelem vocare velles? Si crudelis fuit, iustus esse non poterat: at iustus fuisset, quomodo ergo crudelis esse potuit? Quam faciem vis Neroni obuersatam fuisse, in damnatione Thrasæ, Soranique, atque aliorum Senatorum, cum recordabatur quod quadringentos infontes ad mortem (inter quos, ut dixi, & mulieres & pueri puellaeque numerabantur) vna sententia ob ambitionem damnassent: ut viderentur scilicet legem scriptam seruasse. Vis mitem experiri dominum? & tu erga alios prior mitis esto.



Lex (dici) erat huiusmodi. Lex iniusta, lex non est: nec fas est Principi legem constituere, nec Reipublicæ ut vnquam insons morte afficiatur, aut cruciati: insons autem sunt omnes pueri, puellæque. Sed an in bello non conuictos dammare morte liceat, aut filios proditorum, non est præsentis instituti. Et mihi quidem videtur quod non: verum temperata ratione utendum. Quicumque igitur huiusmodi ferunt, non leges, sed imperia appellanda: nec ab aliquo viro bono defendenda, etiam si cum capitis periculo certandum sit. At existimas quenquam fuisse Senatorem, postquam tam impudenter hos morte damnauit, fontes absoluebat, aliarum cædium non consciunt? Misit Deus Neronem, qui de tam impio, tam scelerato ordine poenas sumeret. Misit & Domitianum & Commodum aliosque plures.

Durabat & tam sæua lex contra seruos Plinij secundi tempore, sub Nerua atque Traiano. Afranius Dexter Consul periit: & post quæstionem de suis habitam, incertum à quo, an à seipso, an ab aliquo ipsorum. Et tum seruos morte damnarunt. De libertis dubitatum est: quidam morte afficiendos, quidam relegandos: alij, qui & plures, absoluendos esse censuerunt. Crudelius quam ex Neronis sententia: ille enim de Pedanij libertis ita pronuntiavit: Postquam morem antiquæ legis misericordia non leniuit, nec par est fauitia accendere. Quid ergo tu, qui Neruam, qui Traianum bonum esse dicis, quomodo tueris esse bonos, qui has leges, hæc potius (ut dixi) sæua imperia non abrogauerint? Quid ergo, cum Soranus ille sanctus deslebat Seruiliam filiam, si ego præsens affuissem, interrogassem, Tu quidem desles teipsum, filiamque quasi inharrentem, an recordaris, cum pueros illos puellasque, post tam longam seruitutem, quos nec ipse dominus si reuixisset, damnaisset, sine vlla culpa ad necem damna- bas, scdamque ac sub carnifice? at filia tua quoquomodo rea est? & si forsan non omnino, illi ne vmbra quidem criminis aspersi, tantummodò tyrannica vestra lege concidebant. Imaginare impie iudex, crudelis & omni fera atrocior, illos miserorum iustos gemitus, illas lacrymas, quæ populum etiam truculentissimum, rudemque, & solis cædibus ac spectaculis laniandorum hominum assuetum, ad misericordiam mouere potuerunt: te autem non potuerunt. At illi serui erant! An illis ô nefarie Vir vnum oculum, tibi duos, illis vnum pedem, tibi duos, non aciem videndi, non auditum, non crura ad cursum, & formam te ipso etiam liberaliorem atque venustiore illis tribuit: cur ergo in tuam imaginem sine causa sæuis? quid mererè illi: quid tibi fecerè? An nescis, aliquando tibi atque illis communes fuisse parentes? Morere igitur æquo animo, & patere etiam filiam mori: quæ etsi in nullo deliquisset, in hoc deliquit, quod sceleratissimi viri filia sit. Omitto modo illius deuotiones in Cæsarem, ipsius de amicitia cum Plauto exule, & sollicitata Asia ad nouas res suscitandas: quæ si non omnino vera fuerunt, non tamen prorsus conficta. Accusabat Iouius Sabinus eques Romanus: constabat aluisse ciuitatum seditiones

Vir potens, diues, ambitiosus, factiosus, titulo eментitæ probitatis: quæ qualis fuerit, satis intelligis. Hæc quiuis sæuus iudex expectet in nepotibus & pronepotibus, si non vidit filius: expectet in familia, si stirps propria desit, si non putat diuinam ultionem sopitam esse: viue securus ô crudelis & inique, non distulit Deus ob te vindictam: sed ne illius qui per te affligitur, præpropere ultione sua minuatur poena, ac leniatur: ultio enim iniuriæ patris minuit dolorem. Similibus causis alij damnati, inter quos C. Cassius ille author damnationis seruorum, multorum criminum reus, in Sardiniam relegatus est, celeriter nouissima meritis: ut intelligas, Neronem fuisse mitissimum, illos pessimos viros. Sed hæc de iustitia: in qua causa sufficere poterat illud dixisse: Quoscumque occidit Nero, præter illos qui ad coniurationem pertinebant, ut Vestinum consulem, Senatus iudicio occidit. Quod si dicas, Senatum timore illos occidisse, non sponte: quid coëgit illos timere, in quorum manibus erant iudicia? nec visus est Nero petere, ut Soranum, aut Thrasæam, aut Ostorium, aut Syllanum occiderent: sed accusatoribus & iudicibus illos permisit. Deinde quorsum scdm illæ adulationes? nonne sufficiebat damna- sine principis adulatione pessima? Et quod peius pessimo est, quoniam processere, ut cum cui tam scdm adulati paulò antè erant, tam crudeliter damna- nonne illi mortis arbitrium relinquere præstabat, ut ipse illis, nec addere ut puniretur more maiorum? Quis non videt in hoc timiditatem plusquam feminilem, iram plusquam ferinam, crudelitatem & ingratitudinem turpitudinem turpem, cum multi eorum ab illo locupletati essent? Itaque nemo Neronem, sed temporum mores & improbitatem Senatus illius ac optimatum arguat. Deinde fac ut Nero eos timore adegerit ad facinora, terrore continuerit atque potentia, quid illos detinuit, ne subsequenter temporibus accusatores ipsos & scelorum adiutores, velut Trigillinum, Eprium, Marcellum ac Cossutianum Capitonem, Thrasææ accusatores, Torium Sabinum, Marcum Regulum, totque alios quorum nullus à Senatu ad mortem damnatus est post Neronis obitum: vix vnus Tigillinus ab Othone, ceteri omnes iudicium non solum mortis effugerunt, sed sub subsequenter principibus plerique regnarunt, pauci è multis, ut Marius Priscus & Publicius Certus, leniter vel etià leuissimè tacti, tanquam aliquem irati ad leue exilium adegissent, aut parvam pecuniæ summam soluere iniuste coëgissent. Quid ergo querimini iniuste de Principe, si auctores malorum esse finitis? si damnati fuissent qui sub Tiberio sæuierant, non fuissent inuenti qui sub Caligula: vel si sub Caligula, qui sub Claudio aut Nerone alios detulissent, aut damnaissent. Plures inueniri malos necesse est, quando innocentia damno est: improbitas tuta etiam præmiis afficitur. Nihil ergo ad Neronem hoc malum: sed diuinæ ultio fuit, & scelus ordinum, qui iudiciis præerant tum optimatum: dum alius alium spectante principe, ambitione, inuidia, auaritia, odioque trudit falsis iudiciis ad necem.

Apparet etiam pluribus obfuisse diuitias: quas ira Deum parvas esse constat, ac pluribus longè



longè sceleribus quàm esset opum multitudo. Cumulos earum & scelerum compara, inuenies plura non solum fuisse scelera, sed & maiora, maiores cumulos.

Sed iam videamus, an reliqui qui inter Deos etiam relati sunt, mitiores fuerint Nerone, ut etiam de sauitia accusare saltem liceat: & si non de iniustitia, vel de scelere. Crudelis est, quisquis non solum immeritis poenas ingerit, sed grauiore aut exquisitas, vel gaudet adesse suppliciis. Horum nihil potes obicere Neroni: omnibus permisit liberum moriendi genus: & cum gauderet spectaculis usque ad infamiam, nusquam interfuisse legitur vel damnatorum suppliciis, neque etiam gladiatorum, nec ferarum quæ cum hominibus dimicarent, cum constet omnes Imperatores interfuisse spectaculis huiusmodi: quinimo & Claudium Tiburium a mane ad vesperam perseuerasse, ut carnificem ex urbe accitum expectaret, deligatis ad palum noxiis, quos more antiquo puniri iusserant magistratus: Poenas parricidarum & tormenta etiam questionum coram se exigebat & representabat: quocumque munere gladiatorio prolapsos iugulari iubebat, maximè reitarios, ut expirantium faciem videret. Cum par quoddam gladiatorum mutuis ictibus cecidisset, cultellos sibi paruos ex utroque ferro fieri in usum sine mora iussit. Bestiariis meridianisque adeò delectabatur, ut etiam prima luce ad spectaculum descenderet, & meridie dimisso ad prandium populo præsidere: præterque destinatos, etiam leui subitaque de causa quosdam committeret, de fabrorum quoque, ac ministrorum atque id genus numero, si aut *autorum* vel pegma vel tale aliquid parum cecidisset: induxit vnam ex nomenclatoribus suis, sicut erat rogatus. Quid tale in Nerone quis vidit, audiuit aut legit vnquam? & tamen hic Claudius, Diuus appellatur, & in Diuorum numerum relatus est. Forsan quia mitior fuit in iudiciis, quanquam sauior spectaculis. Audi quid dicat Suetonius: Apium Syllanum consocium suum, Liniæque, alteram Drusi, alteram Germanici filiam, crimine incerto, nec defensione vlla data, occidit. Item, Cn. Pompeium, maioris filia virum, & L. Syllanum minoris sponsum. Ex quibus, Pompeius in concubitu dilecti adolescentuli confossus est: Syllanus abdicare se prætura ante quartum Kal. Ianuarias, morique initio anni coactus. Die ipso Claudij Agrippinae nuptiarum, in quinque & triginta Senatores, trecentosque amplius equites animaduertit. Demiror amentiam hominum, furorẽque ac fortunam Neronis, qui sine cæde crudelis, sine suppliciis exquisitis sauius appellatus est: ceteri cum pessima quæque perpetrarent, inter Diuos relati sunt. Dices forsitan, Claudium fuisse crudeliorem beneficio Agrippinae inter deos relatum, ut inuidiam parricidij hoc commento leniret. Sed Nero consensit, Nero in cultu perseuerauit: Neroni ergo laus iam piois debetur. Sed id sapienter factum, non pie. Ego, si sapiens Nero, etiam bonus: si bonus sapiens. Nemo bonus, nisi sapiens: nullus sapiens, qui bonus non sit. Defuit ergo Neroni bonus successor, non ipse malus fuit. Quis

Tom. I.

Galbas, Othones, Vitelliosque Neroni comparare velit, ausiue, non video quorum breuissimo principatu plus scelerum & flagitiorum admissum est, plus sanguinis ciuium effusum est, quàm quatuordecim totis annis Neronis: adeò ut hoc bene inter tot mala Otho præstiterit, ut satietas eum tenuerit, ciuilem effundendi sanguinem: ceteris nunquam defutura voluntas, modò licuisset. Pergamus ergo ad illas humani generis delicias. Titum, Neronique comparemus, qui vno spectaculo aliquot millia Iudæorum, in quibus pueri & mulieres, feris dilaniandas exposuit: autor, illius amicus Iosephus: ne quicquam ex fide decedere credas. Erant Iudæi, erant rebelles, erant contumaces: sed

*Quid meruere boves, animal sine fraude, dolisue*

Quid cum pueris & mulieribus? Decet stirpem impiorum excindere, infantes occidere non licet. Licuit in bello, inter iram, vindictam & arma: non in pace, pacatis animis. Licuit occidere, non crudeliter occidere: licuit per homines occidere, non feris exponere: nihil tale fecit Nero. At fecisset, incertum est. Si fecisset, non deterior futurus erat Titus: at nunc meliorem fuisse necesse est. Regnavit parum Titus, & multa tamen feritatis indicia reliquit. Aulum Cæcinnam pene inter sacra mensæ Imperatoris occidi iussit: nihil adhuc tale fecisse Neronem obiciunt. Arguitur de Vestino, non quòd inuitauerit ad mensam, nec quòd confo-di iusserit (hæc latronum sunt imperia) sed mortis liberum genus permisit: & tamen nihil deterius fecisse Neronem dico: quamuis in indignatione summa id egerit, cum pro tot beneficiis in Rempublicam in singulos, illum occidere decreuissent. Nero circum repleuit aurigis, cantoribus, citharistis, histrionibus: Titus gladiatoribus, feris dilaniantibus nudos captiuos, qui pro deo patrio, pro penetibus, pro sacris, pro suorum si non libertate, saltem ne tot iniurias paterentur, depugnarunt: mitissimum spectaculum sub Tito fuit, armatos iustis armis aduersus feras depugnare. Dic quæso vter fuerit sauior, aut crudelior? Quot Titus, submissis accusatoribus, tanquam fontes, solo rumore occidi iussit: adeò ut referat Suetonius, neminẽ magis iniquis omnibus ob sauitia de illo opinionem ad principatũ transisse, sed vide illius beneuolentiam. Populum in primis vniuersum (inquit Suetonius) tanta per omnes occasiones comitate tractauit, ut proposito gladiatorio munere non ad suũ, sed ad spectantium arbitrium editurum se professus sit. Ita laudabo carnificẽ humanitatis, qui non ut rogat qui supplicio afficitur, sed qui spectatoribus morẽ gerit. Ita & anthropophagos eos beneuolentes, qui carnes viuientis assent in veru, quòd futurae sint lapidiores. O monstratõ iudicia hominum dira. Hæc pro iuuenalibus Circensibus scenicisque ludis, & in quibus togatam Afranij edidit, vbi par sit missilia omnis generis, aues cuiusque generis, tesseras frumentarias, vestes, aurum, argentum, gemmas, margaritas, tabulas pictas, mancipia, iumenta, feras mansuefactas: nouissime etiam naues, domos, agros, apparatusque omnem scenæ diripiendum plebi dedit. Hic verè popularis fuit: munus gladiatorium semel tantum dedisse legitur, & sub imperij initio, cum

S

adhuc



adhuc arbitrio Agrippinae regeretur. Ceterum in posterum non solum auertit mutatione facta in alios ludos mites, sed etiam edicto cohibuit. Hunc igitur sincere popularem dicimus, non Titum: qui ut popularis videretur, dum lauaretur in thermis suis, plebem admisit, & cum populo cauillabatur. Quae quis non videt esse cauti, non mitis: auari, non beneuolentis principis signa? Plebs non gaudet hac comitate vel bonis verbis, sed frumenti vili precio, pecunia, iustitia contra potentiores. Nemo omnia dat, nec in omnibus largus esse potest: qui dat verba, non dat res.

„ Sed videamus alia illius acta. Duos ( inquit „ Suetonius) patricij generis, conuictos de affectatione imperij, nihil amplius quam ut desisterent, monuit, dicens: Principatum facto dari: si quid praeterea desiderarent, promittens se tributurum. Et confestim ad alterius matrem, quae procul aberat, cursores suos misit, qui anxie de filio, eum saluum esse nunciarent. Ceterum ipsos non solum familiari coenae adhibuit, sed & in sequenti die gladiatorum spectaculo circa se ex industria collocatis, oblata sibi ornamenta pugnantium porrexit. Hic non temere progrediendum, multa hic laude digna continentur: idque solum non laude dignum est, propter quod ille haec scripsit, scilicet quod ignouerit: neque enim solum iniustitiae pars est, cum causa ignoscere delinquentibus: sed etiam non ignoscere his qui sine causa delinquant. Quod ignouerit, malum fuit, malique exempli res: reliqua omnia mira laude digna: atque in primis, quod nullum timorem, nullam suspicionem metus praese tulit, ut non solum illis, sed omnibus spem insidiarum sustulerit. Contra alij, dum timorem suum dissimulare non possunt, dum crudelitate tutos se fore sperant, periculum bifariam adaugent: & numerum insidiarum, ob offensas & audaciam, ob metum suum. At Titus patris artibus instructus, Fato dixit imperia deberi: genesi scire quid immineret. Ita nemo audet contra Deos, Fata, Astra. Porro & illud adiecit, ut humanitatem fictam coram populo ostentaret. Illud non fictum, & sapienter & pie nimis factum, de matre, ut non plebs & imperiti, sed sapientes animaduernerent quam prudens, quam humanus esset, qui maiorem in parentibus dolorem, & immerito ex filiorum periculo, quam in ipsis filiis esse non ignorarent: nec tam pepercisse illis dignis supplicio, quam non voluisse immeritam matrem affligere. Plusque potuisse innocentiam matris ad seruandum nocentem filium, quam scelus filij ad perdendum infontem matrem: cuius laudis, ut dixi, nec expers fuit Nero, in Montano. At non sic ille Diuus Augustus: qui patrem & filium pro vita supplicantes iussit aut fortiri, vter superesse deberet: aut dimicare ac spectasse vtrumque morientem: cum patre occiso, qui se vltro obtulerat, filius quoque voluntaria occubisset nece. Quid huic simile ex vniuersa Neronis vita conferes? Sed vide aliud. Gallus Praetor in salutationis officio duplices tabellas sub veste tenebat: suspicatus Augustus gladium oculere: nec quaerens quid esset, ne aliud inueniretur: paulo post per centuriones raptum e tribunali ser-

uilem in modum torfit: ac fatentem nihil, iussit occidi, prius oculis sua manu effossis. Quid rursus habes, quod huic seu temeritati seu crudelitati obiicias ex Nerone? Omitto nunc proscriptionem illam nefariam, & Perusinam crudelitatem, totque imperatas priuatim caedes, & consulum necem, de qua arguitur, Pansa & Hirtij. Sufficiat vnum ex Seneca apposuisse exemplum. Volesus sub Augusto, inquit, Asiae proconsul, trecentos prouinciales vna die securi percussit: inambulansque per cadauera medius, Graece exclamauit, o rem regiam? Quis rex hoc fecisset? Vide rursus, quid huic solo facto ex Nerone conferes, etsi quotquot occidit tota vita simul adnumeret? Tantum deinde sanguinis ciuilis, tantum Italici, tantum prouincialium sociorumque, in suos atque inimicos ex aequo saeuus, minax ac truculentus. Tot inde ciuitates, tot prouinciae direptae, fameque & necessitate, tum iniuriis militum quicquid imbellis sexus aut aetatis ad mortem adactum crudelitate comparabis Neroni? qui in prouinciales infons, in socios & Italicos innoxius: pauculos Senatores & optimates flagitiosissimos, & omni supplicio dignos, iudicio etiam ipsius Senatus, cuius nunquam poenam auxit, persaepe minuit, nonnunquam ex toto sustulit, morte aut exilio damnauerit: plebi, miseris, probis, eruditis semper utilis. Reliquum damnationis totum ad ambitionem, ad suorum optimatum potentiam contorsit, ut mitis ac iustus eo modo quo de Nerua & Traiano diximus, haberetur. Caligulam & Domitianum non commemorabo: nemo enim est tam impudens, qui eos non sauiore Nerone fateatur: vnde etiam illud Domitiani vulgatum:

*Sed perit, postquam cordonibus esse timendus*

*Caeperat: hoc nocuit laniarum cade madenti.*

Cum enim calceus eum laederet, intellexit corium ab his qui calceos conficiunt, dentibus trahi: vnde omnibus calceorum artificibus dentes anteriores detrahi iussit. Caligula vero filios occidebat, inde patres ad epulas inuitabat, cogebatque iocis & hilaritati operam dare. Arcam habuit veneni, quo infecta sunt maria: ille suis manibus discruciabatur, quos vellet, fidiculis per noctem, & occluso etiam ore, ne forte aliquid audiret quod fortiter dolor exprimeret: cogebat animam exire per vulnera. Ille idem quandoque misericors factus, occisis filiis eadem nocte (ne luctu conficerentur puto) infontes patres per milites domi inuentos occidi iubebat. Sed redeamus ad sanctissimos, C. Caesarem, Vespasianum, Antoninos: libet tamen de Tiberio pauca dicere, non quod comparandus sit vlla ex parte Neroni, sed ut quanto sauior fuerit intelligatur. Fuit immane monstrum, atque horridum: non crudele, sed crudelitas ipsa. Omitto iniurias in matrem, & odium ingratiissimum & necem nepotum nurus, ac duriciem in filios, non sine suspitione, beneficij Germani, quibus in parricidiis mortales omnes superauit. Videamus in reliquos omnes qualem se exhibuerit.

Nota est fabula de piscatore, qui mulam ei grandem inopinanter secreto agenti obtule-



rat inde in poena immerita gratulanti, quod non locustam itidem grandem attulisset. Cōsistente Prætorē; an iudicia maiestatis cogi iuberet: respondit: Exercendas esse leges: & atrocissime etiam exercuit. Statuē quidam Augusti caput dempserat, ut alterius postea imponeret: acta res in Senatu: & quia ambigebatur, per tormenta quæ sita est, Dam nato reo, confestim hoc genus calūniæ eō processit, ut hæc quoque capitalia essent, circa Augusti simulachrum seruum cæcidisse, vestem mutasse, nūmo vel annulo effigiem impressam latrinæ vel lupanari intulisse: dictū vllum, factum ve eius existimatione aliqua lætasse. Perit denique & is, qui honores in colonia sua eodem die sibi decerni passus est, quo decreti & Augusto olim fuerant. Scurram quoq; qui prætereunte funere, mortuo mandauerat, ut nūciaret Augusto, nondum reddi legata quæ plebi reliquisset: attractum ad se, recipere debitum, ducique ad supplicium impetravit, & patri suo verum referri. Alia multa, imò penè infinita in hoc genere perpetravit, per quæ omnem cogitationem excessit. Omitto Grammaticos conuictos: quos minimis etiam causis perdidit: ex viginti quos à Repub. adiutores administrationis sibi depoposcerat, vix duos aut tres incolumes reliquit. Sæuim illius ingenium etiam à pueritia deprehensum est à Theodoro Gadareo, Rhetoricæ præceptore, qui illum lutum sanguine maceratū appellabat. Infinitū esset, si huius monstri crudelia facta recitare velim. Sed sufficiat ex immenso numero hæc pauca subiicisse. Inquit enim Suetonius: Mox in omne genus crudelitatis erupit, nunquam deficiente materia: cū primo matris, deinde nepotum & nurus, postremò Seiani familiares, atque etiam notos persequeretur: post cuius interitum vel saeuissimū extitit: quo maxime apparuit, non tam ipsum à Seiano concitari, solitum, quàm Seianum quærenti occasiones subministrasse. Et si cōmentario quem de vita sua summam breuitérq; composuit, ausus est scribere, Seianum se pūnisse; quod comperisset funere aduersus Germanici liberos, filij suorum ipse alterum suspecto iam, alterū oppresso demū Seiano interemit. Singulatim crudeliter facta eius exequi longū est: genere velut exēplaria saeuitiæ enumerare sat erit. Nullus à poena hominum cessauit dies: ne religioſus quidem ac sacer. Animaduersum in quosdam in eunte anno nouo: accusati damnatique multi cum liberis, atque etiam vxoribus suis. Interdictum, ne capite damnatos propinquī lugerent: decreta accusatoribus præcipuā premia, nonnunquam & testibus. Nemini delatorum fides abrogata. Omne crimen pro capitali receptum, etiam paucorum simpliciumque verborum: obiectum est poëtæ, quod in tragedia Agamemnonem probis laceſſisset: obiectum & historico, quod Brutum Cassiūq; vltimos Romanorum dixisset: animaduersum statim in autores, scriptæque abolita, quamuis probarentur aliquot ante annos, etiā Augusto audiente recitata. Quibusdam custodiæ traditis, non modò studendi solatium adēptum, sed etiam sermonis & colloquij vsus. Citati ad causam dicendam, partim se domi vulnerauerunt, certi damnationis, sed ad vexationem ignominiamque vitandam: partim in media curia venenum hauserunt: & tamē col-

ligatis vulneribus ac semianimes, palpitantesque in carcerem rapti. Nemo punitorum non & in Gemonias abiectus, vnoq; tractus. Viginti vno die abiecti, tractique inter eos pueri & feminae, immaturæ puellæ: quia more tradito nefas esset virgines strangulari, vitiatæ prius à carnifice, dein strangulatæ. Mori volentibus vis adhibita viuendi: nam mortem adēd leue supplicium putabat, ut cum audisset vnum ex reis Carnulium nomine anticipasse eam, exclamauerit: Carnulius me euasit. Et in recognoscendis custodiis, precanti cuidā poenæ maturitatem, respondit: Nondum tecū in gratiam redij. Annalibus suis vir consularis inseruit: frequenti quodam conuiuio, cui & ipse affuerit, interrogatum eum subito & clare à quodam nano astante mensæ inter Capreas: Cur Paconius maiestatis reus, tam diu viueret? statim quidem petulantiam linguæ obiurgasse: cæterum post paucos dies scripsisse Senatui, ut de poena Paconij quamprimum statueret. Auxit intenditq; seuitiam, exacerbatus iudicio de morte filij sui Drusi: quem cum morbo & intemperatiā periisse existimaret, ut tandem veneno interemptum fraude Liuiæ vxoris atq; Seiani cognouit, neque tormentis neque supplicio cuiusquam pepercit: soli huic cognitioni adēd per totos dies deditus & intectus, ut Rhodiensem hospitem, quem familiaribus literis Romam euocarat, aduenisse sibi nuntiatum, torqueri sine mora iussit, quasi aliquis ex necessariis quæſtioni adesset: deinde errore detecto, & occidi, ne vulgaret iniuriā. Carnificinæ eius ostenditur locus Capreis, unde damnatos post longa & exquisita tormenta, præcipitari coram se in mare iubebat: excipiente classiariorū manu, & contis atque remis elidente cadauera, ne cui residui spiritus quicquam inesset. Excogitauerat autem inter genera cruciatus etiam, ut larga meri potione per fallaciam oneratos, repente veretris deligatis, ficularum simul vrinæque tormento distenderet. Quod etiam, nisi eum mors præuenisset, & Thrasylus consulto (ut aiunt) differre quadam spe longioris vitæ cōpulisset, plures aliquanto necaturus, ac ne reliquis quidē nepotibus parsurus creditur: cū & Caium suspectum haberet, & Tiberium ut ex adulterio conceptum aspernaretur. Nec abhorret à vero: namq; identidem felicem Priamum vocabat, quod superstes omnium suorum extitisset. Quam verò inter hæc non modò inuisus ac detestabilis, sed prætrepidus quoque atq; etiam contumeliis obnoxius vixerit, multa iudicia sunt: A ruspices secretò ac sine testibus consuli vetuit: vicina verò urbi oracula etiam disſicere conatus est. Sed in maiestate Prænestinarum sortium ferritus destitit: cū obſignatās, deuictasque Romam non reperisset in arcem nisi relatas rursus ad templum. Vnum & alterum consulares, oblatis prouinciis, non ausus à se dimittere: vsque adēd detinuit donec successores post aliquot annos præsentibus daret: cū interim manenteo officij titulo, etiam delegaret plurima, assidueque illi per legatos & adiutores suos exequenda curarent. Nurus ac nepotes nunquam aliter post damnationem quàm catenatos, obsuræque lectica loco mouit: prohibitis per militem obuiis ac viatoribus respicere vsquam, vel consistere. Seianum res nouas molientem, quamvis iam



iam & natalem eius publicè celebrari, & imagines aureas edi passim videret: vix tandem & astu magis, ac dolo, quàm principali auctoritate subuertit. Nam primò ut à se per speciem honoris dimitteret, collegam sibi assumpsit in quinto consulatu, quem longo intervallo absens ob id ipsum susceperat. Deinde spe affinitatis ac Tribuniar potestatis deceptum, inopinantem criminatus est pudenda miserandaque oratione: cum inter alia P. C. precaretur, mitterent alterum è Consulibus, qui senem se & solum in conspectum eorum cum aliquo militari praesidio perduceret. Sic quoque diffidens, tumultumque metuens, Drusum nepotem, quem vinculis adhuc Romae continebat, solui, si res posceret, ducemque constitui praeceperat. Aptatis etiam manibus ad quasque legiones, meditabatur fugam, speculabundus ex altissima rupe identidem: signaque, ne nuntij morarentur, tolli procul, ut quidque foret factum, mandauerat. Verum & oppressa coniuratione Seiani, nihilo securior, aut constantior, per nouem proximos menses non egressus est villa, quae vocatur Iouis. Vrebant insuper anxiam mentem varia undique conuicia, nullo non damnatorum omne probri genus coram, vel per libellos, in orchestra positos ingerente. Quibus quidem diuersissime afficiebatur: modò ut pra pudore ignota & celata cuncta cuperet: nonnunquam eadem contemneret, & proferret vltro, atque vulgaret. Quin & Arthabani Parthorum regis lacertatus est literis, parricidia & caedes & ignauiam & luxuriam obicientis, monentisque ut voluntaria morte, maximo iustissimoque ciuium odio quamprimum satisfaceret. Postremò semetipso peractus, talis Epistolae principio tantum non summam malorum suorum professus est. Quid scribam vobis P. C. aut quomodo scribam? aut quid omnino non scribam, hoc tempore? Dij me Deoque peius perdant, quem quotidie perire sentio, si scio: ob haec his carminibus in publicum euulgatis notatus est: *Asper & inimitis, breuiter vis omnia dicam?*

*Dispercam, si te mater amare potest.*

*Non es eques: quare? non sunt tibi millia centum:*

*Omnia si queras, & Rhodos exilium est.*

*Aurea mutasti Saturni secula, Caesar:*

*Incolumi: nam te ferrea semper erunt.*

*Fastidium vinum, quia iam fuit iste cruorem:*

*Tam bibit huc auidè, quàm bibit ante merum,*

*Aspice felicem sibi, non tibi, Romule, Syllam:*

*Et Marium, si vis, aspice, sed reducem.*

*Nec non Antoni ciuilia bella mouentis,*

*Nec semel infestas aspice cade manus.*

*Et dic, Roma perit: regnabit sanguine multo,*

*Ad regnum quisquis venit ab exilio.*

Itaque reor hoc Adagium, Nerone crudelior, proculdubio non de Domitio, Nerone, de quo principalis sermo institutus est: sed de Tiberio hoc, qui crudelitate omnes mortales superauit: vel si omnino hoc nolis, factum commune tribus Neronibus, Tiberio, Claudio, & Domitio: namque Claudius, licet Tiberius Claudius Drusus vocatus sit, pater tamen eius Nero Drusus vocabatur: ut intelligeremus, Tiberij descendentes, dico Tiberij, patris Tiberij ac Drusi, qui Tiberius Nero vocabatur (qui fuere, Tiberius, Claudius ac Domitius) omnes fuisse sauos. Sed alia ratione singulos, Tiberium ob improbitatem & iniu-

stitiam, Claudium ob stultitiam, Domitium ob seueritatem. Sed iam his omisiss, quae nos non fatigant, conferamus illum melioribus, ac diuis ipsis: C. scilicet Iulio primùm, qui etsi non aliud parricidium exercuisset, illud maximum fuit, Rempublicam prodidisse, & in seruitutem redegit. Quod ad crudelitatem attinet, trecenta millia Germanorum praeter ius & fas cum in foedere essent, occidit. Vnde Catonis sententia erat, ad expiandum tantum scelus, liberandamque Rempublicam à flagitio & dedecore, dedendum illum esse affinibus eorum per iniuriam cecidisset. Quae sententia ut non obtinuit, quod esset suspecta ob inimicitias Caesaris cum Catone, & ob Pompeij ac Crassi conspiracy, tum etiam Romanorum auaritiam: ita, si obtinuisset, salutaris fuisset Reipub. admodum. An trecenta millia Germanorum in fontium occidisse sine summa crudelitate licuit: ciuitates quae sponte ei se dedebant, recipere noluit, ut posset diripere. An cura sola Deo erat de Romanis? & ille, ut Romani, in nullo numero gentes ceteras habuit? At constat cum Drusus solita feritate & ambitione Germanos perqueretur, astitisse mulierem humana forma augustiorem, quae illum Latine monuit ne vltra pergeret: atque sic cessauit. Paulò etiam post mortuus est.

Quid de bellis ciuilibus, quantum hic latro Romani sanguinis effudit? quantum sociorum, Italicorum? Refert Plinius, in praeliis C. Caesaris, exceptis etiam ciuilibus bellis, vndecies centena & nonaginta duo millia hominum occidisse. Adde quod in bellis ciuilibus quòd extra bella (quod maius est) effudit: infinitum propemodum erit. Hunc virum conferto Neroni, quo nemo forsan plus sparsit humani sanguinis: atque ob solam ambitionem, auaritiā, & crudelitatem: ut deterior sit causa immanitate sceleris. Hunc virum cum Sylla potius & cum Mario conferes, non cum Nerone: quos tamen crudelitate superauit: atque is est, qui clementissimi nomen adeptus est. Vides iudicia? vides errores hominum, atque stultitiam? At dicunt: In pace pepercit inimicis? Sed vide primùm, quibus inimicis? inimicos appellauit, qui in ciuitate libera restiterunt, illi ne seruirent. Pepercit, cum ob potentiam nihil ab eis metuere posset. Pepercit, ut comodius eos in seruitutem redigeret: ut deterior fuerit haec clementia & venia, crudelitate & bellis ipsis: namque cum illi non magna esset coniunctio cum optimatibus (fuit enim in comparatione temporum & conditionis tum ciuium Romanorum, humilis sortis) si in pace persequi ciues perseuerasset necesse erat ut ab illis opprimeretur, aut perpetuo esset in castris: itaque hac fraudulenta clementia sperauit eos in voluntariam seruitutem adigere: quos vi continebat: apertum enim erat, quandiu ciues armis opprimeret, vi esse dominum: ideoque tantum ab hostibus, sic à subditis metendum. Itaque constat, Neronem principem fuisse, non tyrannum clementemque: contra, C. Caesarem tyrannum saeuissimum, non principem: cum tamen eò amentiae homines processissent, ut ubi nullum esse crimen, crimen struerent: ubi esset tam ingens ut etiam à Plinio improbetur, dissimularent: id autem totum contigit metu & acerbitate succedentium



dentium Iulio principum, qui eorum qui vera retulissent, non satis habebant scripta dānare atque exurere, ut proximo exemplo docui: sed ipsos autores ultimo supplicio afficiebant, bonis etiam ab hæredibus sublati: capitalēque erat, & læsæ maiestatis crimen, si vel ioco quis D. Iulij & D. Augustini quicquam non sine summa adulatione ac diuini præfatione attigisset. Neroni autem cum externi principes successerint, & extra familiam omnino Iuliorum, quicquid odij, malevolentia, opinionis prauæ conceptum in totam dominationem Iuliorum fuerat, ingrātē & iniuste falsūque in illum, quod præsens fuisset, illūque solum vidissent, reiectum est. Et nisi immania fuissent omnino & supra fidem facta maiorum, in perpetuum latuissent, sæuitia sæuitiam tegente. Nunc tandem veritas, temporis filia, me duce, ut etiam in plerisque aliis, post tot sæcula in lucem prodiit, Neronem tuens, alios pro meritis principes damnans. Sed ad D. Vespasianum veniamus, de quo videtur consensus omnium, quod optimus fuerit princeps & mitis: nec eum falsa posteritas ignorantia tuetur, cum breue in illius familia imperium extiterit, scilicet annorum tantum viginti & octo, cum Iuliorum familia regnasset annis centum quatuordecim: ut omnis memoria maiorum extincta esset sub Vespasiano: scripta verò (ut dixi) sæuissimis edictis & crudelitate imperantium abolita. Fuit enim Iulia gens, fax ingens, ab inferis suscitata iussu diuinæ iustitiæ, cum non aliter tot mala impij populi Romani puniri possent: huius facis extremum fuit Nero Cæsar: ut in omnibus quæ ad finem perueniunt, non solum remissum, sed languidum ac mite: ut qui iam expleta diuina ultione, ad iustitiam & clementiam vteretur. Sed quia militaria scelera ac flagitia imperio per successionem delato inulta manebant, quatuor continuos principes diuersos Deus sustituit, quorum ira ac ambitione exercitus ipsi mutuis vulneribus conciderent, eisdemque armis, & quod ad Persas, Parthos, Indos atque Germanos (quæ quatuor gentes magnæ adhuc inexpertæ Romanum iugum supererant) subigendos satis superque fuisset, intestina seditione ac bellis plus quam (ut ille aiebat) ciuilibus absumptum est. Ergo ut ad Vespasianum redeam, qui non optimus fuit, sed prudentissimus, cuius facinora malignè Suetonius, nescio qua causa multum illi fauens, suppressit: constat tamen, bellis ciuilibus, dum imperium per vim & ad ipsum minime pertinens occupat, & multum effudisse sanguinis ciuilis, & crudeliter multa, sed pet suos potius quam seipsum, imò etiam filium: sed per Antonium & Mutianum longè plura. At diuinus princeps (ita enim credi se voluit) quid admittere impium poterat: legati violati tamen à militibus Petilij Certalis: occisus A. Vitellius, frater Imperatoris: & Calpurnius, C. Pisonis filius. Sed vide quid Plutarchus dicat: Interfecit verò Epponimam Vespasianus, cædisque eius iniquissimæ poenas non multo post dedit omni genere extincto. Cum autem multa atrocia facinora tunc facta sint, nihil tam triste tulit principatus ille: versimileque est, nullum magis facinus

deos immortales aduersatos esse, quamuis cū supplicium de eo sumeretur, spectantium ex animo omnem sustulerit misericordiam fortitudo ipsius ac libertas: quo magis etiam incendit Cæsarem. Postquam enim veniam desperauit, rogauit, ut citò infra terram mitteret: vixisse enim se iucundius sub terra ac tenebricosis locis, quam regnante illo in luce ac siderum aspectu. Itaque constat sæuim & sanguinarium fuisse principem, sed cultum & celatum. Quod verò maius testimoniū petis hoc ipso: cum regnare cœpisset, in spem erectus est senatus, vlscendi mortem atque iniurias acceptas sub prioribus principibus vocabanturque in discrimen inter cæteros Eprius Marcellus & Vibius Crispus, non vnam meriti necem, sed mille supplicia: hi falsi accusatores periuri testes, iniusti iudices, nullo flagitij genere cæbebant. Hos prohibuit Vespasianus: non melior Nerone sed deterior: nam Nero offensus damnari permiserat accusatos, & à falsis forsitan testibus opprimi: Vespasianus de testibus & accusatoribus quæri vetuit: Vter deterior? Sic etiam Pisonem interfici curauit, Africæ proconsulem: ministros etiam habuit pessimos, inter quos Bebijum Massam. Occidit & Germanicum, Vitellij filium, infontem: & Heluidium Priscum, solum ob verba quædam: virum aded sanctum, ut Nero ob sanctitatem, quamuis Thraseæ generum & suspectum maiestatis læsæ, eum demiserit.

Verum quid opus est in re clara disputationibus: nonne extant epistolæ duæ Apollonij Thianæi, Philosophi sanctissimi, in quibus Neronem ei præfert, cum etiam ad illum ipsū scriberet: inquit enim: Existimas te Xerxē opulentiorē, quod Græcos, quos Nero ludendo liberos effecit, ut serid in seruitutem redegeris: cum tamen illē ditior voluntario esset obsequio, quam tu violenta seruitute.

Sed veniamus ad Antoninos, de quibus vulgatum est illud: Sis Antonino sanctior, Traiano melior, felicior Augustus: in quibus error ille cōmunis fuit, quod Senatoribus & optimatibus fauebant, tanquam inopes & cæteri qui miseri essent, homines non essent: cum tamen celebres viri magis ex hoc quam ex illo ordine fuerint, seu eruditione clari euaserint. Cauti vterque, ne Senator vllus occideretur: aded ut etiam Cassio deseciscenti, & aduersus Marcū bella mouenti, ignoscere vellet. Quò tamen factum est, ut Marcōmani & Germani in prouinciam non redigerentur: quæ causa fuit tandem euerfionis imperij Romani. Alter Pius, parricidam Senatorem occidere noluit: quo exemplo, qua stultitia in tanto facinore, deportasse in insulam scilicet, ut diripere occideretque impunè liceret. Quinetiam repetundarum damnatis, bona restituebant filiis eorum, modò prouincialibus satisfacerent. Quid hoc erat, quam eos securos reddere rapinarum quandoquidem non conuictis relinquebatur, conuictis transibant ad filios: nec quid deterius cōtingere poterat, quam reddere. At quanta subterfugere necesse erat, aut ob verecundiam non repetentibus: vel quia sponte data viderentur, vel quia non magna: vel quia deesset testis, aut quia perisset testis, vel etiam qui dedisset: vel quoniam in confessione, muneris confessio etiam criminis esset?



Quæ ergo hæc clementia, improbos tueri ut insontes spoliarent? At fortassis crudele non est, spoliare pauperes pecunia? Quasi nulla sit mors sæua, nisi securi quenquam occidere. Deterius est longè enecare fame, frigore, laboribus: quandoquidem cruciatus maior, & diuturnior exitus, idem clades generalior. Quocirca hi sunt qui clementes vocant principes, quod facinorosis: quoniam potentes sunt, ignoscunt: tributis & vectigalibus ita exhauriunt populos, ut ipsi ac filij fame, frigore, laboribus ac desperatione conficiantur. In quo vos Antonini meliores estis mendico quouis? an plura vobis membra sunt, aut animus vester solum immortalis in vobis ac Senatu, plebis animi & prouincialium caduci, & (ut Turcæ nugantur de formineo sexu) belluini? Vis videre fictam fuisse hanc humanitatem? nonne Pius sumptum statuit gladiatorio muneri, tanquam non homines (quorum plerique inuiti, & bello capti, dum libertatem suam tueri volunt: alij seruorum filij empti ad hoc munus: nec simpliciter cadere licuit his, sed à lasta docebantur: cogebantur etiam ferrum vltro cedere, quod iam receperant in intima, pro hominum fidem! ut placerent spectatoribus) sed pecudes aut feræ iugularentur: & Neroni, qui horum loco scenicos ludos exhibebat, audent exprobrare crudelitatem? Marcus verò de Sepulcris asperimas leges tulit, maiorem mortuorum quam viuorum curam gerens. Patrem autem verum Antoninum tulit, hominem crudelem, & callidæ crudelitatis, qui in commensationibus gladiatoria munera edebat: quasi non idem esset, id facere, ac permittere. Et cum legiones cæsæ essent in Syria & legatus occisus, in Apulia ipse Verus venabatur. Quod si nihil mali omnino egisset, Commodum cum genuerit, monstrum illud horrendum, & cuius mores cum iam agnosceret, reliquerit imperij hæredem, satis execrandus esset hoc solo facto. Itaque palam est, Antoninos prudentes quidem fuisse, & egregios dissimulatores: ceterum Nerone ipso longè crudeliores: si crudelitas est, pauperes premere, miseros in manibus potentiorum cruciandos & vexandos dimittere, facinorosos magistratus impunitos relinquere. Quisque rem cogitet æqua lance, animo haud addicto factioni: statim intelliget, quæ à me proferuntur, vera esse. Quanto melior sanè Alexander Seuerus (hic siquidem solus Deorum cultor verè bonus fuit, inter omnes Imperatores qui à Iulio Cæsare vsque ad nostra tempora regnarunt: nec huic Neronem præponere ausim) qui fures omnes odio inter necino prosequatur: magistratus autem, qui quippiam iniustum patrarent, seu Senatores seu alios, acerrimè, ut decuit, puniebat. Ad eò verò rapaces iudices horrebat, ut ad nominis eorum mentionem aliquando bilem euomeret. In probos mitis, clemens, liberalis: ut non hominem, sed Deum quempiam, humanam carnem suscepisse diceret: quemadmodum & Homerus & Plato quandoque contingere aiunt. Nec tam infector sæuitiam, ut Neronem tuear, quam quod in illo non fuerit. Neque enim me latet sæuitia Aureliani Imperatoris factum, ut cum antea innumeri ty-

ranni occuparent Remp. & Galieni tempore triginta simul: hic effecit, ut non esset qui recipere vellet imperium, mansitque Romana Respub. sine imperatore per sex menses. Itaque ut crudelitas præpostera execrabilis est, ita opportuna nulla melior ad continendum regna. Ea autem est opportuna, in qua scelerati puniuntur. Scelerati verò proprie sunt auari, & ambitiosi: horum enim insatiabilis est cupiditas, qua omnia euertunt. Crudeles enim, iracundi, segnes, libidini dediti, aut gulæ, aut inconstantes, scelerati verè dici haud merentur.

Iniquam sæuitiam appellabo Septimij Seueri, quem tamen inter Diuos retulerunt: qui sexaginta Senatores non ob illorum flagitia, sed ob priuatum odium occidit indicta causa, & iudicio nullo: quod Nero non nisi in Vestino detecta coniuratione, & iam priuatis odiis effecit, flagranti periculo: Septimius sedato. Sed de Septimio nemo dubitat, quod crudelissimus mortalium non fuerit. Nunc ostendamus, quantum à crudelitate abfuerit Nero. Epicharis libertina fuit illius ætate, quæ conscia Pisonianæ coniurationis, Volusio Proculo nauarcho Neronis fidissimo rem detegit, sperans eum in sententiam adduci posse, quod in illum pro meritis Nero ingratus fuisse videretur: nihilo secius, ut prudens, neque autores, neque conscios, neque tempus aut modum detegit. Volusius rem detulit Neroni: mittit ad eam, venit: interrogatur: negat: componitur cum indice: constanter pernegat, quicquam tale dixisse. Hic primum considera, quis tam mitis princeps sit, & vix regulus, qui ab amico monitus, ubi de vitæ periculo agitur, satis habeat mittere ad illam, non iubere comprehendi? Quis postmodum pernegantem non adhibuisset tormentis? At Neroni satis fuit, nulla amplius quæstione habita, illam detinere sine noxa in carcere.

At timuit: quam? mulierem. At veritus est nobilitatem: cuius? libertinæ. Sed vide reliqua, ne forsan omnino quod iudicium contempserit, factum putes. Detegitur coniuratio: quid obiciunt? quod coniurati triplicibus cathenis causam dixere: hoc timoris fuit, non crudelitatis: ceterum conuictos & falsos nec tormentis cruciauit, nec opprobriis foedauit, sed simplici morte damnauit: cum Lucano & aliis conscis liberum mortis genus permisisset. Et tamen nonnulli ex his coram (non satis habentes voluisse occidere, alium creare Imperatorem: quod indicium est, non culpa eius initam coniurationem, sed ambitione dominationis: quorsum enim, si ob malefacta Neronis in eum conspirauerant querere antequam occideretur illi successorem?) coniuuiis eum affecerunt: inter quos Subrius Flavius tribunus militum eum appellauit parricidam matris & vxoris, aurigam, histrionem & incendiarium: Sulpitius autem Asper centurio dixit, non aliter potuisse succurri tot illius flagitiis. His tamen omnibus satis habuit, eos poena capitis multare. Sed audi maiora. Cum quotidie multi & multi proderentur (fuere enim innumeri in ea coniuratione) nec posset sciri an aliqui superessent (inauditam rem profero) neminem sustinuit tormentis



tormentis ad generationem adhibere, præter libertam illam, quam odio, ut par erat, prosequeretur non leui, quod tam diu voluisset parricidium cælare. Sed hæc cum neminem prodiderit, fascia qua alligata erat spiritum elisit. Ita Neroni nil magis profuit indignatione. Cum enim conspirati exigere poenās ab aliis, ipsi verò nondum essent proditi ab his, quos urgebant acriter, ut innoxij viderentur, ob iram detegebantur.

Audi etiam longè maiora. Pluribus conuictis & confessis omnino ignouit: inter quos Antonio Natali, Cernatio Proculo, Granio Syluano, Statio Proximo, tum multis aliis etiam: inter quos Acilia fuit, ut dixi, Lucani mater, & Marcellus Cornelius, & Vultinius Tullinus, dirarum & deuotionum in principem rei. Quin etiam Tenio Ruso coniurationis principi, & Præfecto prætorij, viro omnium erga Neronem mortalium ingratisimo, conuicto, & confesso, indulgit ius Testamenti, nec ademuit bona.

Hic iam liceat exclamare: ô Christiani principes ac magistratus, si Nero cum his crudelis meretur appellari, quales vos eritis? certè nullum nomen nec Latine nec Græcè vobis iam congruere poterit. *Ὁ καλὸς, φιλανθρωπὸς* vos vocabo, aut si quid aliud deterius est? At non estis: neque enim in cælum os ponere volo. Sat sit ergo, indignè admodum crudelem appellari Neronem: qui non nisi maximis ex causis ac iustis homines occidit, non nisi iudicio Senatus: nam huius coniurationis indicia in libros collata, & confessiones damnatorum & Senatui ostendit, & populo per edictum: qui neminem exquisito mortis genere condemnauit, qui maluit multa in obscuro, quæ ad illam pertinebat, & dubia relinquere, quàm tormentis veritatem emere: qui tot conuictis de insidiis præsentibus, & etiam sine iniuria accepta paratis ignouit: qui neminem in Gemonias proici passus est: qui nullum coram se interfici curauit, nec quenquam inaudictum condemnauit, nisi Vestinum consulem (ut diximus) quem si odisset, creari passus non esset consulem.

Cogitate ultionem principum huius ætatis in proditores, quos non satis habuerunt in carcere tormentis exquisitissimis discruciare; extra candenti igne adurere, pedibus suspendere, in frustra lacerare, vrere, spargere cineres: quid ultra iam? an sperabant etiam Hylen delere, atque animum immortalem tollere, ne fuisset? ne dicam, memoriam illius extinguere? Sapientius meo iudicio Cæsar, non solum mitius, cum morte ipsa omnia claudi intelligeret. Cætera sunt magis spectacula efferae naturæ, aut impatientis iræ, quàm supplicio homini debita. Sed obiicies forsan illud Suetonij: Damnatorum liberi vrbe pulsi, si enectique veneno aut fame. Constat quoddam cum pædagogis & capsariis vno prandio pariter necatos: alios diurnum victum prohibitos querere. Nullus post hac adhibitus delectus aut modus interimendi quoscunque libuisset, quacunque de causa.

Cui videntur consentire verba Taciti, sub persona Curtij Montani: An Neronem extremum dominorum putatis? Idem crediderant, qui Tiberio, qui Cato superstites fue-

runt: cum interim intestabilior & sauior exortus est. Quem testimoniis damnare non potuerunt, in eum aculeos eloquentiæ exercuere. Sed conficiuntur suis verbis: ac ipsis testibus deprehenditur, plus voluisse satis dicere, quàm dicere potuerint. Quis prohibuisset, si crudelis fuisset Nero, ne filios damnatorum occidisset, aut saltem damnasset in vinculis (quod lege facere adhuc licet) cum eorum parentes in personam principis coniurassent?

Infantem è cunis illiserunt muro hæredes Galeazij Sfortiæ, filium Ioannis Andrea Læpugnani quod Galeazium occidisset pater. Idem curarunt, uti insons frater medicus, Venetiis tamen degens, occideretur. Pulsus est pater Olgiati ex eadem causa: frater aufugit, mortem subiturus, quanquam extra omnem suspicionem, si captus fuisset. Nero patrum nulli, aut fratri infestus fuit, filios satis habuit vrbe pellere: quid mitius? At veneno necati sunt, ac fame: in tanto odio principis multi expleuere odia sua, priuata hæc fuit iniuria, non publica: nam & maior pars euasit. Ille iudex minus sauiit in filios damnatorum, cum esset idololatra: quàm magistratus nostri qui CHRISTVM, ore profitentur, in patres aut fratres nulla lege fult fecerunt, facerentve. Itaque quod ad Neronis calumniam quæsitum est, solum rubor est nostræ ætatis. Taciti verò oratio, seu Montani, plena irarum, plena ambitionis senatoriæ, ut dixi, cum esset diuersarum partium, & contra illum, qui ius & æquum fastui & potentiæ prætulit, quam fidem facere nobis debet?

Sed iam ad alia crimina transeamus: nam Neronem mitem fuisse constat: si mitem esse, est rueri iustitiam, eleuare miseros: at si partiri ius pro potentia & opibus hominum, id mitis viri est: non negauerim Neronem crudelem dici debere, imò crudelissimum, ut cuius institutum semper ab huiusmodi procerum voto abhorruerit. Quamobrem eadem ratione etiam iustum fuisse liquet: cum iustitiæ optima pars sit, ut poenæ criminibus non magis vllis aliis debeantur.

Agamus ergo primum de sumptibus, quos illi ut inutiles obiciunt Neroni: quos in aliis pro laude Imperatoribus celebrant. Quod vrbe restaurauerit, quis crimini ei det? Quod thermas ædificauerit, quæ adhuc Diocletiani temporibus nomen Neronianarum retinebant, quis vitio det? Excelsæ, magnificæ, utiles populo, vir ad omnia pauperum commoda natus.

Quod domum præclarissimam, & inter miracula orbis numerandam erexerit, qui illum vituperet? Si Traiano, si Adriano, qui duo maximè in ædificando profusi & magnificentissimi fuere inter Romanos Imperatores, hoc in maximum decus cessit, cur non Neronis?

Cogita deinceps, quot viros pauperes hac specie aluerit. Alij cædebant ligna, vehebant alij: alij dolabant, alij operi applicabant, trahabant sursum, quidam clauos affigebant. Quid de lapidibus, lateribus, arena, sabulo, calce, marmore, cements, ferreis vinculis, picturis, statuis, cellis subterraneis fodiendis, forni cibus construendis, lacu, piscibus tam peregrinis quàm etiam Italicis, ductu deinde



aquarum in quibus admirabilem se patientia & liberalitate ostendit? Delusus enim à Se-  
uero & Celere architectis, quibus non satis  
erat lucrum ex operibus ingens captare, nisi  
etiam ex irritis profusionibus: nec illos occi-  
dit, qui avaritia contemptum effecissent: nec  
coëgit restituere, quæ eorum dolis amiserat.

Verba Taciti ea in re ascribere lubet hîc:  
„ Magistris & machinatoribus Seuero & Cele-  
„ re, quibus ingenium & audacia erat etiam  
„ quæ natura denegauisset per artem tentare,  
„ & viribus principis illudere. Namque ab la-  
„ cu Auerno nauigabilem fossam vsque ad ostia  
„ Tiberina depressuros promiserant squalenti  
„ littore, aut per montes aduersos: neque enim  
„ aliud humidum gignendis aquis occurrit,  
„ quàm Pomptinæ paludes: cætera abrupta, aut  
„ arentia: ac si abrupti possent, intolerandus  
„ labor: nec satis causæ. Nero tamen, vt erat  
„ incredibilium cupitor, effodere proxima Auer-  
„ no iuga connixus est: manentque vestigia ir-  
„ ritæ spei.

Hic si sæuus fuisset, quàm pulchram ha-  
buit experiendi materiam? quando etiam iure  
eos punire debuit. Turcarum Rex, cum Ve-  
netus quidam architectus pollicitus esset fos-  
sam à mari rubro ducere in Nilum (magno  
sanè commodo, si successisset) quicquid pe-  
tiit obtulit, præfecitque operi, sed architecto  
custodes adhibuit: fallente voto, hominem  
occidit, & meritò: neque enim lucra causa  
debemus ludos facere principibus: & præter  
iacuriam sumptuum, eos exponere inuidio-  
rum maledicentiæ. Simili patientia & man-  
suetudine Cefelio Basso Pœno, (qui ei illuse-  
rat somnio inani de thesauris reconditis Di-  
donis, aded turpiter, vt Oratores iam Cæsari  
de hoc gratularentur, tanquam inuentis iam  
quæ ille leuitate pollicitus fuerat) nihil mali  
fecit: quanquam ipse, seu pudore seu metu,  
sibi manus intulerit. Quartum opus Collo-  
sus fuit, cui caput suum imposuit, mansitque  
vsque ad tempora Commodi per decem Im-  
peratores, & annis plusquam centum vigin-  
ti: solus Commodus caput Neronis detraxit,  
vt suum imponeret, cuculo fædo haud ab-  
similis. Excelluit ergo vel omnium consen-  
su, etiam obtrectatorum, magnificentia  
operum.

Sed dices, vt illi obiiciunt: Grauis fuit his  
„ impensis Reipub. & rapinas ob id exercuit.  
„ De rapinis suo loco dicam: de vexatione, ne-  
„ mo minus grauis: nam dum vituperare stu-  
„ dent, laudant. Audi Suetonium: Quorum  
„ operum perficiendorum gratia, quod vbique  
„ esset custodiæ, in Italiam deportari: etiam  
„ scelere conuictos, non nisi ad opus damna-  
„ ri præceperat. Quid hîc obiicis? quod mor-  
„ ti addictos seruauerit? quod neminem huius  
„ causa vexauerit? aut quid aliud magis? an  
„ melius fuerat damnare insontes ad opus? aut  
„ totum ærarium publicum exhaurire? Sed mit-  
„ tamus hæc: ad accusationem rapinarum de-  
„ ueniamus. Rapuit Nero, rapuit Vespasianus:  
„ Nero improbus appellatur, Vespasianus di-  
„ uinus: quæ causa est? an quia Nero iam dete-  
„rior est Vespasiano? sed hoc non est: & si  
„ esset, aggrauare benefacta illius id non de-  
„ bet. An quia rapuerit, & non dederit? ne-  
„ que hoc vel ipsi obtrectatores obiiciunt:

quandoquidem constat omnium testimonio,  
neminem fuisse liberaliorem. At Vespasia-  
nus etiam in dando avarus fuit. An quia plus  
Nero rapuit? certè non. Audi Suetonium,  
quàm sordida, violenta & intoleranda fuerit  
Vespasiani avaritia: Sola est, in qua meritò  
Vespasianus culpetur, avaritia: non enim  
contentus, omnia sub Galba vectigalia re-  
uocasse, noua & graua addidisse, & auxisse  
tributa prouinciis nonnullis, & duplicasse:  
negotiationes quoque, vel priuato puden-  
das, propalam exercuit, coëmendo quæ-  
dam, tantum vt pluris postea distraheret.  
Nec candidatis quidem honores, reis-ve tam  
innoxiiis quàm nocentibus absolutiones ven-  
ditare cunctatus est. Creditur etiam procu-  
ratorum rapacissimum quenque ad ampliora  
officia ex industria solitus promouere, quo lo-  
cupletiores mox condemnaret: quibus qui-  
dem vulgo pro spongiis dicebatur vt, quod  
quasi & siccos madefaceret, & exprimeret  
humentes.

At dices: Forfan hic solus auarior fuit. Ne  
detraxeris rogo Cæsarem, dictatorem pri-  
mum: non Tiberium, non Caligulam, non  
Galbam, Vitellium, Othonem, Domitia-  
num. Fateris de omnibus, excepto Dicta-  
tore. Audi Suetonium, de illo etiam: Absti-  
nentiam neque in imperiis neque in magi-  
stratibus præstitit: vt enim quidam monu-  
mentis suis testati sunt, in Hispania à Pro-  
consule & à fociis pecunias accepit, emendi-  
catas in auxilium æris alieni: & Lusitano-  
rum quædam oppida, quanquam nec impe-  
rata detrectarent, & aduenienti portas pate-  
facerent, diripuit hostiliter: in Gallia fanæ  
templaque Deorum donis referta expilauit,  
vrbes diruit, sæpius ob prædam quàm ob de-  
lictum: vnde factum, vt auro abundaret,  
ternisque millibus nummum in libras pro-  
mercale per Italiam prouinciisque diuende-  
ret. In primo consulatu tria millia pondo au-  
ri furatus è Capitolio, tantundem inaurati  
æris reposuit. Societates ac regna precio de-  
dit, vt qui vni Ptolemæo propè sex millia ta-  
lentorum suo Pompeiique nomine abstule-  
rit. Postea verò euidentissimis rapinis ac sa-  
crilegiis, & onera bellorum ciuiliū, &  
triumphorum ac munerum sustinuit impen-  
dia. Ex impensarum etiam magnitudine ra-  
pinæ dignosci possunt: erant enim supra fi-  
dem, vnde illud: Donec attonitis iam om-  
nibus, & quorsum illa tenderent reputanti-  
bus, M. Claudius Marcellus Cos. edicto præ-  
fatus de summa se Reipub. acturum, retulit  
ad Senatum, vt ei succederetur ante tempus.  
Itaque exigua sunt quæ Nero accepit, si ad  
huiusmodi belluones conferantur. Neque  
Claudium excipiam: verum cum esset amens  
fuit præmium libertorum, non Cæsaris.  
Quem ergo præferes Neroni? Augustum,  
qui Imperium rapuit? aut Titum, qui qualis  
esset, ob breuitatem vitæ dignosci potuit?  
Verum forsan id in causa est, quod Nero à  
diuitibus, ceteri à plebe per tributa extor-  
serunt. Iniquum esse dicunt, vt onera inæ-  
qualiter imponantur, voluntque vt per ca-  
pita diuidantur. Sic mihi aliquando conti-  
git: nec erubescabant, tandem sponte di-  
tiores aliquid plus impenderunt. Fateor Ne-  
ronem



ronem rapacem dici debere si iustius est diu-  
di tributa per capita quàm per patrimonialia.  
Non erubescis impie, cum sis diues, excutere  
pondus duorum aureorum, vt imponas miseræ  
illi viduæ aut gerulo, qui solis oneribus aut  
pendula tela vitam quatuor aut quinque filio-  
rum sustinent? O Christiani, satis ac multo  
crudeliores Nerone. Rapuit, dicitis? at beati  
illi Antonini, ab optimatibus tam laudati, quot  
miseros credis oppresserint vectigibus? Dicitis:  
Mutum est pecus plebs: nemo vlscitur,  
nemo contra huiusmodi tyrannos scribit: sed  
si optimates premit, illis metuendum est: ar-  
mantur, coeunt, vltionem quærunt: si non pos-  
sint, scriptores vrgent. Qui rapit à diuite, si rapit,  
male agit, sed tamen solas aufert opes:  
quas etiam iustius, si moderatè auferat, eripit:  
at qui à paupere, eripit quod non habet: ideò  
que iniustus, si moderatè auferat, eripiat qui  
à paupere, eripit quod non habet ideòque in-  
iustus, & cum pecunia vitam illius aut filio-  
rum. Non ergo rapax fuit Nero, si tueri vul-  
tis vestros Traianos, Vespasianos, Antoni-  
nos. Venio ad reliqua crimina, atque in pri-  
mis illud, quod quoniam crimen non est, no-  
men non habet: scilicet quòd aurigauerit, ce-  
cinerit, publicè pulsauerit, histrionicam exer-  
cuerit, adeò vt personatus in publicum pro-  
dierit. Hæc crimina, cum crimina dici de-  
beant, nec legi nec vidi, nec scio. Placuit his  
autoribus crimina hæc appellare, qui erudi-  
tionem, qui Philosophiam, qui pingendi mu-  
nus in Adriano probant, citharam in Ale-  
xandro: in Nerone nihil, vt video, probatur.  
At dicunt: intra domum debuit hæc exercere,  
aut per alios, non publicè & per seipsum: in-  
decorum turpèq; est, moderatorum orbis infamiam  
vitorum, præsertim publicè, exercere  
ministeria. Si peccauit Nero, postquam cri-  
men non fuit, aut stultitia aut opinione, aut  
nimio æstu animi peccauit. Stultitia quidem  
non peccasse, suo loco demonstrabitur: si æstu  
animi, non crimen fuit, sed intemperies: at de  
hoc non accusatur, quòd ediderit, quòd spe-  
ctauerit: sed quòd se illis immiscuerit. Verùm  
id Neronis votum fuit, vt populus Romanus  
à tam sauis spectaculis gladiatorum, & ho-  
minum à feris laniandorum cum pueris &  
mulieribus, aut depugnantium cum belluis, ad  
hæc mitiora declinaret. Exhorruit & Cicero,  
sed non quantum & qualiter debuit, huius-  
modi ludos, cum in quadam Epistola dicat:  
Sed quæ potest esse homini politico delecta-  
tio, cum homo imbecillus à valentissima be-  
stia laniatur, aut præclara bestia venabulo  
transuerberatur? Excusant se hi prodigiosi vi-  
ri, quòd Nero hoc agendo populum enerua-  
ret. Atque ob hanc causam etiam pullos Phi-  
losophos Roma, quòd iuuentutem corrup-  
perent, ait Seneca: O sapientes Respublicas:  
sic Athenienses Socratem peremerunt, quòd  
iuuentutem & ipsum corrumpere dicerent.  
Socrates corrupti iuuentutem? Philosophi  
corrumpunt iuuentutem? quid ergo est quòd  
illam æquè ornat? an Oratorum peruersa fa-  
cundia? an lenonum consuetudo? an efferata  
rabies abominandorum spectaculorum? At  
dices: His efferantur ad pugnam: tanquam  
non acrius pugnarent Athenienses, Lacedæ-  
monij, Macedones & Numatini, qui paucis-

simi numero, adeò ingentes Romanorum co-  
pias fuderunt. At cur non ergo hi obtine-  
runt orbis imperium, vt Romani? Non hoc  
ex fortitudine pendebat, sed quoniam tribus  
rebus Romani consuluerunt: quas dum ne-  
glexere hi, tandem dolo magis ac pertinacia  
quàm præliis victi succubuere: ea tria fuerunt:  
multitudo ciuium, vnde sumeretur miles: ro-  
bur corporis ex victu, lardo enim & caseo  
placensque absque fermento & posca vesce-  
bantur perpetuò in castris: vnde tertium, vt  
ferrent tot arma, vt æquas vix ferre queat.

Audi hac in causa Ciceronem in Tuscula-  
nis: Inde qui labor, quantus agminis? ferre  
plus dimidiati mensis cibaria? ferre si quid ad  
vsum velint? ferre vallum? nam scutum, gla-  
dium, galeam, in onere nostri milites non  
plus numerant, quàm humeros & lacertos,  
manus: arma enim militis membra esse dicunt:  
quæ quidem ita geruntur aptè, vt si vsus fo-  
ret, adiectis oneribus, expeditis armis pugna-  
re possint. Quid exercitatio legionum? quid  
ille cursus, clamor quanti laboris est? Ex hoc  
ille animus in præliis paratus ad vulnera. Ad-  
duc pari animo in exercitum militem: mu-  
lier videbitur: cur? tantum interest inter no-  
uum & veterem exercitum, quantum exper-  
ti sumus: ætas tyronum plerumque melior:  
sed ferre laborem, contemnere vulnus, con-  
suetudo docet. Quin etiam videmus ex acie  
& in exercitum, quamvis leui ictu, plora-  
tus turpissimos edere: at verò ille exercitatus  
& vetus, ob eamque rem fortior, medicum  
modò requirere, à quo vulnus obligaretur.  
Itaque non spectacula, sed exercitatio & ro-  
bur quod ex ratione victus proficiscitur, &  
experientia armorum, fortem & robustum  
reddunt militem: & multitudo hominum, qua  
præter fidem tot bellis perpetuis sufficiebant,  
victicem reddidit rempublicam. Nam de  
fortitudine sola si agas, tria millia Græcorum,  
Lacedæmoniorum aut Bœotiorum, aut Achæo-  
rum, vel Acarnanorum, aut Ætolorum, pugnare  
poterant cum sex millibus Romanorum, ta-  
meti Romani Græcis essent longè robustio-  
res. Ostendit hoc Philopœmen Arginus dux,  
& Corinthiorum Timolcon, qui eosdem ho-  
stes, quos Romani multis annis vix supera-  
uerunt, ipsi breui tempore subegerunt. Sed  
non constabat fides. Quid si bella cum Xerxe  
& Artaxerxe consideres? adeò paucis copiis  
innumeros barbaros fuderunt, vt fabula vi-  
deatur. Vnus commemoratur Lucullus, qui  
decem millibus hominum maximas copias  
fudit barbarorum: sed non tamen victicia  
arma, sed victa depulit: nec Persas, sed imbel-  
les Cappadoces & Medos & Armenos, aliàs-  
que gentes Persis subditas: neque eodem nu-  
mero, at vix quinta parte: nec armis eisdem  
instructos, non falcatis curribus, neque ele-  
phantis. Sed quid plura? visum est quantis  
laboribus Ctesiphontem Romani Imperato-  
res, non legiones tantum, sed totum penè or-  
bem trahentes secum, superare potuerunt:  
paucique ex illis, adeo vt fatale flumen Ro-  
manis dicerent: at quam breui vnus Alexan-  
der totam Persidem, tum florentem imperio  
totius Asiæ, obtinuit? Sed non solus Alexan-  
der hoc potuit, verùm & Agesilaus Lacedæ-  
moniorum



moniorum Rex, iam obtinere cœperat, ni Græcorum invidia à patria reuocatus fuisset.

Sed reuertamur ad institutum. Non spectacula illa fortes efficere poterant, sed crudeles. Quinimò pauor mulierum, puerorum imbellium, præsens tam acerbum exitium, quot fletus, gemitus, lamentabiles voces, quot eiulatus, exanimationes repræsentare solebat? vt vix vnum fortitudinis exemplum inter innumerabilia timoris & pauoris, sæuitiæ & efferationis omnia certè videres. Quare non est vt excuses Romanam feritatem his magis nugis, & longè plus Philosophia ad fortitudinem facit, quàm sœua illa spectacula. Quantum emolumentum affert ad fortiter occurrendum morti, opinio de Animi immortalitate? non crudelia theatra: quæ cum toties Cicero & Cato spectassent, alter cum mori destinasset, non illa mente reuoluebat, sed Platonis Phædonem: alter sibi commentus est sermones Tusculanarum quæstionum, de Animi immortalitate. Prodest Philosophia, docens nos, mortem, etsi à bonis paucis nos abstrahat, à longè tamen pluribus malis nos securos reddere: atque inter cætera, à metu, morbo & iniuria, quæ sunt summa mala mortalium, & quæ nulla animi virtute effugere licet. Docet etiam, nos non debere mortem horrere, quam necessario & breui quisque subiturus est, etiam si annos Nestoreos viuat. Ergo non spectaculis, sed Philosophia opus est ad fortitudinem. Spectacula ad alliciendum cruentum populum, & magnificentiam ostendendam excogitata sunt. Iratus atque Nero his causis populo, atque illis qui aduersum vtilitatem communem voces spargebant in publicum, leges illas sœuas spectaculorum promulgauit, in quibus nec excedere è theatro fas erat: obseruarique iussit singulorum vultum, quomodo ferrent spectaculum: & si agrè, punirent: non alia causa quàm indignatione, quod cædes hominum & ludibria humani generis libenter spectarent, vera spectacula & liberalium artium experimenta odissent. Nec tamen adeò probem illius optimum votum ac prudens consilium emendandi vitia populi, quàm damnauerim violentam iram, qua id consequi cupiuit. Etenim nonnunquam contingit, vt dum nimis quod iustum est volumus, acerbius instando deteriorem causam apud maleuolos & obrectatores facere videamur. Superest modò, vt de illo tam vulgato vicio differam, libidine scilicet & luxuria, in qua solum enim defendi non posse obrectatores credunt: tum ob immanitatem sceleris; tū quòd publicè hæc flagitia admitteret: & primùm quod inconstans fuerit in vxoribus retinendis. Sed si ad hoc respicimus, nullus ex familia Augusti pauciores habuit. C. Cæsar Dictator tres, Corneliæ Cinnae, Pompeiæ, Calpurniæ Pisonis: sed & Cleopatram ipenè loco vxoris habuit. Augustus ipse quatuor, P. Seruiliæ, F. Claudiam, priuignam Antoniæ ex Fuluiæ, Scriboniæ, & Liuiæ Drusillæ. Tiberius duas tantum duxit, Agrippinam & Iuliam: se d non tam continentia, quàm odio fœminei sexus. Caligula Liuiam Horestillam, & Lolliam Paulinam, & Claudius sex. Sed de Nerone agamus: tres duxit, Octauiam, Poppæam, & Statiliam Messalinam, Tauri bis

consulis abneptem, cum priores morte amisset. At alij superinduxerunt, repudiarunt, tam turpiter, vt visas repente in conuiuio, aut ex sola commemoratione pulchritudinis, statim abduxerint.

Sed veniamus ad vxorum iniurias, quas Cæsar dictator Augustus & Caligula illis intulerunt. Augusto Liuiæ cogeatur puellas conquirere, cum quibus concumberet: præter vxores ciuium, quas constuprabat. Vnde illud amarulentum iurgium Antoniæ, ex Suetonio: Tu solam Drusillam inis? ita valeas, vt tamen hanc Epistolam cum leges, non inieris Tertullam, aut Terentillam, aut Rufillam, aut Saluiam Citisceniam, aut omnes. Caius verò vxoribus sorores superinducebat in conuiuio. Itaque de re vxoria nihil est quòd Neroni possit obiici, vt qui constanter his hæserit, nec se miscuerit propinquis, vt Caligula, qui cum omnibus vxoribus (erant autem tres) stuprum commisit. Veniamus iam sensim ad singula: obiicitur Neroni, quòd fratrem Britannicum constuprarit. Quæro, quo teste? Nero non dixit, qui omnia fatebatur, & cui id obiiciunt maximè quòd nihil cælare sciret. Britannicus non dixit: puer enim erat, quem puduisset talia fateri: tertius testis non affuit. Nec Suetonius illius hostis acerrimus, huius meminit: nec ipse Tacitus satis constanter, cum dixit, Ferunt: vt ex odio potius sit hoc aggestum, quàm ex historia & facti veritate. Deinde si factum est, Britannicus consensit tum maximè, quòd Tacitus dicat crebris diebus Neronem illuisse Britannici pueritiæ: nec tam igitur damnent Neronem, quàm Britannicum: tum maximè, quòd turpius existimetur pati nefanda, quàm agere: hoc enim virile est, licet prauum multisque claris ac generosis commune vitium: illud effœminati viri, & omnino indigni, alienumque à generositate. Quòd si ætas excusare potuit Britannicum, scilicet quòd puer esset: quanto magis Neronem, adolescentia ad omnem libidinem prona? At dictatorem Cæsarem cum Octauio nepote sororis concumbentem, quis defendere poterit? vir senex, cum nepote certo concubit: tanquam desint pueri domino orbis terrarum, nisi in proprium sanguinem tantum dedecus reiciat. O rem indignam C. Cæsare, & homine tot victoriis inelyto, ac Augusto! Huius tamen rei testis locuples est Cicero, qui vt rem tamen omnibus notum scribit. Compara modò senem adolescenti, patrum ei qui quòd ad sanguinem attinet (licet lege frater appellaretur) vix in numero esset consanguineorum. Sed veniamus ad reliqua. Obiicitur, quòd Doryphoro liberto nupserit. Tacitus habet, Pythagoræ: nam hoc verisimilius est (ne effugiam, quòd facile effugere liceret, cum de persona non constet) quòd Isis sacra celebraret, vbi constuprari & constuprare ita licebat, vt in sacris Vestæ castimoniam agere. Itaque noctu constat hæc peracta esse, nec continuata, sed per adulescentes persuasum Neroni pro sacrificio flagitium. At Cæsar dictator, qui pudicitiam Nicomedi prostrauit, vnde illa carmina celebrata à militibus in triumpho,

*Gallias Cæsar subegit, Nicomedes Cæsarem.*

*Ecoe*



*Ecce Cæsar nunc triumphat, qui subegit  
Gallias :*

*Nicomedes non triumphat, qui subegit Ca-  
sarem.*

Et rursus, ne adolescentiæ lapsus iniuriosè  
(quanquam tum Nero esset adoleseens) perse-  
qui videatur, quid illud est, aut quibus sacris  
peracta sunt quæ à Catullo narrantur ?

*Pulchrè canuenit improbis cinediis,  
Mamurra, Pothicoque, Cæsarique.  
Nec mirum, macula pares veriſque.*

Inde subiungit :

*Morbosi pariter, gemelli utriusque :  
Uno in lectulo erudituli ambo.*

Et alibi :

*Quis hoc potest videre? quis potest pati,  
Nisi impudicus & vorax, & aleo?  
Mamurram habere, quo comata Gallia  
Habeat, & cuncta ultima Britannia.  
Cinade Romule hoc videbis, & feres?  
Es impudicus, & vorax, & aleo.*

Inde subiungit :

*Eone nomine Imperator unice  
Fuiſti in ultima Occidentis insula,  
Vt ista vestra diffutata mentula  
Ducenties comesset, aut trecenties?  
Quid est, an hac sinistra liberalitas  
Parum expatruuit?*

Et alibi rursus :

*Nil nimium studeo Cæsar tibi velle placere,  
Nec scire virum sis albus an ater homo.  
Mentula mœchatur, mœchatur mœtula certe:  
Hoc est quod dicunt, ipsa olera olla legit.*

Fuit hic Mamurra præfectus fabrùm Cæ-  
sar in Gallia, cuius etiam meminit Cicero in  
Epistolis ad Atticum, his verbis : Et Labie-  
ni dimitte, & Mamurrae placent, & Balbi  
horti, & Tusculanum : ditauit enim eum Cæ-  
sar mirum in modum : hic fuit, qui primus  
voluit incrustari parietes marmore : autor  
Plinius est. Et Suetonius : Valerium Catul-  
lum, à quo sibi versiculis de Mamurra per-  
petua stigmata imposita non dissimulauerat,  
satisfacientem eadem die adhibuit cœnæ. Ita-  
que non video cur non magis damnandus sit  
Cæsar, qui in scelere perseuerauit, qui nullis  
sacris hoc egit, qui tantum ex hac causa do-  
nauit etiam priuatus vt infamis redderetur,  
quàm Nero. Et Octauium, qui se patruo sup-  
posuit. Nota est fabula de Caligula & Piso-  
ne : sed omitto illum qui Deus non fuit. Ne-  
ro his diuis Iſidis comparetur : videbis minus  
peccasse. Odio tamen potestiorum hinc dam-  
natur, quod sine successore mortuus est : illi  
metu relati in Deos, Iulius ab Octauio, Octa-  
uius à Tiberio, Claudius à Nerone. Succedit  
Sporus, efformatus in puellæ modum : vnus  
fuit Sporus Neroni, & damnatur : at quot pue-  
ti fuere Traiano, quot fuere Adriano? inter  
quos duo : Antinous, templis sacris astro di-  
catus inter Deos, quem profana ob sacra fer-  
tur occidisse : alter, cui imperium relinquere  
destinauerat, Cæsaremque iam creauerat, sed  
præueniens morte non successit in imperio.  
Sunt etiam qui credant, Adrianum ea causa,  
quamuis coniunctum Traiano, adeptum im-  
perium : eo factum est, vt vterque horum  
odiosus ob hæc crimina esset vxori : quod Ne-  
roni nunquam euenit. Sed redeamus ad Di-  
uos alios, priores omitiendo. Domitiani Ea-

rinum nomine C. Cæsar dictator trium legio-  
num, quas Alexandriae relinquebat, curam  
& imperium Ruscioni liberti sui filio exole-  
to demandauit? Quid tale Nero in Sporo ef-  
fecit? Porro adulteria & supra reginarum &  
matronarum Romanorum ac prouincialium  
Cæsaris si quis numerare velit, non histo-  
riam, sed fabulam recitare videbitur. Adeo  
verò insaniuit in amore Cleopatrar, vt con-  
uiuia in primam lucem sæpe traxerit : & ea-  
dem naue Thalamego Ægyptum penetran-  
do, Æthiopia tenus vectus fuisset, nisi recu-  
sasset exercitus. Huic etiam Ægypti regnum  
quod Romani in prouinciam reducere nole-  
bant, quod ipsis formidabile solum ob po-  
tentiam videretur, dono dedit. Vxorem Bu-  
godis Mauritanie regis sic adamauit, vt con-  
iugi illius plurima & immanſa dona tribue-  
rit. Seruiliam M. Catonis sororem, M. Bru-  
ti matrem corrupit, donoque dedit margari-  
tam sexagies sestertio emptam. Tertiam quo-  
que illius filiam adulterauit, cui ex auctio-  
ne amplissima prædia minimo addixit præ-  
cio : vnde vulgati illi versus in triumpho :

*Urbani seruare uxores, mœchum Caluam  
adducimus :*

*Auro in Gallia stuprum emisti, hic sumpsi-  
sti mutuum.*

Quid dicam de Augusto, qui Apollinem  
cœnabat inter sex catamitos, totidemque  
puellas. Vulgata sunt ob id carmina illa :

*Cum primum istorum conduxit mensa cho-  
ragum,*

*Sexque deos vidit, Mallia sexque deas :*

*Impia dum Phœbi Cæsar mendacia ludit,*

*Dum noua diuorum cœnat adulteria :*

*Omnia se à terris tunc numina declinarunt,*

*Fugit & auratos Iuppiter ipse thronos.*

Omittam nunc Tiberium, inuſitatæ & hor-  
rendæ libidinis autorem : cui Nero non so-  
lùm, sed mortalium nullus potest comparari.  
Sellariam, Elephantidis libros, Spintrias pue-  
rulos natantes, Parrhasij tabulam in qua Ata-  
lanta ore Meleagro morigeratur, Fratres ti-  
bicines, irumatas fœminas : & morti addi-  
ctam Malloniam, quod non posset hoc diu-  
tius ferre : antra & cauas rupes Paniscorum  
habitu, ac nympharum pubem & impubem  
gregem : & triplici vinculo colligata corpora  
teneræ ætatis : illud potius quæram, cur cla-  
rissimorum virorum plerique adeo turpibus  
flagitiis conflagrarunt? Quin etiam sanctissi-  
mi & moderati alioqui, hac in parte omnes  
infamia aspersi sunt. Socrates, si negemus  
peccasse, ipse tamen fatetur quàm pronus  
fuerit ad libi- inem, in cæteris continentissi-  
mus, vini, ciborum, iræ, laborum patiens,  
abstinens, & ab auaritia omni alienus. Plato  
cum sua sanctitate, Aristotelesque adeo fœdè  
vixerunt, vt homines fuisse neges. Sequun-  
tur Semiramis, Philippus Alexandri pater, &  
ipse Alexander, Agesilaus, Traianus, Adria-  
nus, Cicero etiam de crimine filie notatus :  
nam de Tyrone haud puduit fateri. Quid er-  
go causæ est, vt Neroni pro crimine ascriba-  
mus, quod nulli alij crimini datum est : aut  
si crimen est, quod verè crimen est : non mi-  
nus venia dignus est adoleſcens Imperator,  
quàm senes hi in priuata vita. An forſan ei  
obiicies Tiberij ebrietatem, cœuiuia triduanas,  
exquisitas



exquisitas cupedias, aut aleam Caij & Clau-  
dij? Quod obiicis, ita commune est omnibus  
bonis, ut vitium possit dici virtutis refulgen-  
tis, non flagitium. At dicis: fellator fuit, &  
inguina fugebat virorum deligatorum ad stir-  
pem? Non laudabo, non defendam hac in  
parte Neronem, non tuebor quod Tiberius  
deteriora fecerit: fuere impatientis libidinis:  
hæc irritamenta fuere priuati yri, & ætatis  
lassiuientis delicta: in quibus non malus prin-  
ceps dignoscitur, sed salax natura, & corpo-  
ris vitium velut scabies. Quæ delinquit prin-  
ceps in sæuitia, in rapinis, in iudiciis, non  
tuendo fines imperij, populum premendo  
fame, hæc principis sunt vitia: at si immo-  
dicè se vino dedat, aut crapulæ, aut libidini,  
aut aleæ, aut delicatiori vitæ: hæc non ma-  
lum principem efficiunt. Cato & Traianus  
optimi censentur, vterque vinosus fuit. Ale-  
xander Seuerus, quo nemo melior, vorax &  
ambiciosus: Aleæ Augustus, vitæ delicatio-  
ris fuere Gordiani, qui optimi principes ha-  
biti sunt. Vitia corporis repellere, arduum est:  
atque aliud est illa non posse euincere, aliud  
animum habere, malum. Inconsulta iuuenta  
maiora habet mala quàm fellare: adolescen-  
tes nihil putes omittere flagitij, dum æstuant  
insana libidine: in aues, in canes sæuiunt, in  
murorum foramina. Quid enim, quod ma-  
nibus toties peccant? sed nemo tam stolidus  
est, ut hæc sciri velit nedum ut referat, ea.  
Quò sit, ut malignè hæc scripta sint, & etiam  
in historiam traducta, quæ debuerant per-  
petuò silentio obliterari. An hoc multum re-  
ferre putem, quod Plato, cum adolescentu-  
lus esset, se mastrubaret: quæ insania est hu-  
iusmodi, quære? & maior quàm Tiberij per-  
cunctatio, Quæ mater Hecubæ? quod Achil-  
li nomen inter virgines? Quò sit, ut sæpe exi-  
stimauerim longè melius esse, non scribi hi-  
storias: earumque lectionem plus afferre ma-  
li, quàm vtilitatis mortalium generi. Quid  
enim ad bonos mores refert, seu legas leuita-  
tem Atheniensium, perfidiam Carthaginen-  
sium, crudelitatem tyrannorum? Quid boni  
ex Agathoclis vita ac gestis, aut Phalaridis  
vel Dionysiorum? Sed neque Marij, Syllæ,  
C. Cæsaris gesta vtile aliquod exemplum con-  
tinent: nil nisi doli, rapinæ, insidiæ, fracta  
fides, sæuitia, mortes egregiorum virorum,  
bonorum oppressiones, depopulationes agro-  
rum, excidia urbium, cædes promiscuæ, mi-  
serorum graues seruitutes, calumniæ in in-  
fontes, omniaque infinita cum infelici exitu:  
ut neque voluptatem capias, nec vtilitatem  
ex eiusmodi lectione consequaris. Itaque & Ta-  
citi & Metonij & Diodori Siculi, & Appia-  
ni Alexandrini & Thucydidis historiæ, tum  
Macchiauelli, Philosophiæ sacræ studiis ad-  
uersantur. Sed longè deteriores his sunt He-  
rodoti, & nostrorum temporum, quæ præter  
vitia communia plenæ sunt mendaciis & adu-  
lationibus, falsisque criminationibus. Quis  
nescit, quanta fuerit virtus Antonij Leuæ  
Hispani ducis, ut solus dici, aut cum paucis  
Imperator appellari nostri temporis possit:  
& tamen nequissimus historicus, seu potius  
fabulator, quod pecunias non dedisset, ma-  
luit totam corrumpere historiam tresque li-  
bros qui illi debebantur intermittere, ne (ut  
aiebat) ingratum infereret historiæ. Cogita

in cæteris qualem se exhibuerit. Cum ali-  
quando Cæsar noster legeret victoriam quam  
de Gallis habuerat, dixit: profectò non  
meam, sed Gallorum regis victoriam hic  
scripsit: indicans, ex pecuniis acceptis à re-  
ge, quanta mendacia inseruisset historiæ. Sed  
& plerumque vita eorum congruit senten-  
tiis: Thucydides enim exul ob furta publi-  
ca, Herodotus infamis, Sallustius Numidiæ  
præfectus totam diripuit prouinciam, adul-  
ter, & omni scelere coinquinatus. Diodo-  
rus, dum fœda, turpia, flagitiosaque enar-  
rat, ita omnia attingit, ut videatur volupta-  
te potius quàm necessitate adductus ea con-  
scribere. Hic noster historicus, admirandus  
profectò magis aliis, qui tamen senex pa-  
rum absuit quin pepererit. Sed & id dete-  
stabilius, quod cum esset etiam Antistes, gau-  
debat numerari procos adolescentulos. Vah,  
quis credat ab huiusmodi vita conducibile  
aliquid mortalium moribus aut vitæ emana-  
re posse? Omitto quod, ut aliàs dixi, hæ  
historiæ omnes anima carent. Non vitupe-  
rabo Xenophontis de Cyro confictam hi-  
storiam: sed hæc non historia est, verum phi-  
losophica institutio. Et Philippi quidem re-  
gis & Alexandri gesta narrantem libenter  
audio: sed nulla pulchrior quàm Elij Lam-  
pridij de Alexandro Seuero, digna certè  
quæ ab omnibus legatur, maxime principi-  
bus. Sed lubet scire ea omnia: & quomodo-  
cunque aucta, qualiter aut parta sint imperia?  
Non nego, non veto: narratio vera tota esse  
debet. Optimè consultum esset rebus huma-  
nis, si principes & magistratus & historici  
omnes Philosophiæ operam dedissent. Non  
cuiusvis est historiam scribere. Tria sunt vi-  
tiorum genera: quædam quæ omnino inuti-  
lia sunt, etiam si nullus Deus nobis præsit, ani-  
mique mortales sint: velut stultitia, ira, segni-  
ties: in his vagari non decet historicum: sed  
vbi attigerit damna quæ subsecuta sunt, at-  
tingere cætera exempla: quæ non profunt,  
relinquere: in eo genere etiam iniuria, cum  
nulli vñ est. Quæ verò non nisi Deum veren-  
tibus obsunt, ut dolus & auaritia, quæ vtilia  
vitia dicuntur: & appetitus gloriæ, & hono-  
rum ambitio, sic debent narrari, ut emolu-  
menta non solum doceas, sed diligentiam &  
solertiam omnem adhibitam adicias. Atque  
hac in parte præter tres illos aliàs à nobis  
descriptos, Xenophontem, Sallustium &  
Philippum Argentonem, Diodorum, & Plu-  
tarchum de vita virorum illustrium adnu-  
merabis. In tertio autem vitiorum genere,  
velut vltione, sæuitia & inuidia, quod quan-  
doque vtile est, quandoque non licet verbum  
attingere solum, & breuiter pertransire: nisi  
ingens aliquod malum aut bonum subsecu-  
tum fuerit: tunc enim, ut in secundo, omnia  
minutim ac diligentissimè describenda sunt:  
maximè autem docenda sunt, ut aliàs dixi, ar-  
cana colloquiorum, Epistolarum & actionum  
ut non sit æqua partium descriptio, sed ut  
Pœta ait:

*Semper ad euertum festinat, & in medias res*

*Non secus ac notas auditorem rapit: & qua*

*Desperat tractat nescire posse, relinquit.*

Sic etiam in picturis quædam obscurè solum  
significantur, ac breuiter: quæ pulchra sunt, &  
notatu digna, longa serie ac multis imaginibus  
referuntur.



referuntur. Volutari autem in foedorum vitiorum enarratione, & maxime cum vitia priuata sunt, qui admittit princeps cum res nullius sit exempli, aut ad morum institutionem utilis, eius est qui vel animi mores, aut odium vel amorem in principem prodere velit, Comicique aut Tragædi hoc est, non grauis historici. Nam Tacitum virum fuisse ambiciosissimum, & optimatum factioni addictum, nemo est qui addubitet. Sed ad accusationem Neronis reuertor. Obiiciunt id, cur palam hæc fecit? ignoscimus ætati, ignoscimus temporum moribus, naturæ irritamentis, licentiæ regiæ, tot adulatoribus, occasionibus, exemplis perditorum: quid coëgit vt palam faceret, quæ in priuato foeda, quæ occulta vix defendi possunt? Hoc est, in quo excusari non posse illum putant. Sic & illud culpant: Scis quid mihi opus sit ad magistratus: quasi illos ad rapinas non solum hortaretur, sed impelleret. Verum, vt idem Suetonius auctor est, impudicitiam professis cætera delicta ignouit: non existimauit crimen esse, quod non cælabatur. Fuit simplicitatis amator, dimulatorum hostis. Si reprehendis in Nerone, cur tueris in Epicureis? unde illud Ciceronis: *de uirtute* turpissimæ inde temperantiæ Epicureorum testem timui. Hi enim publicè profitebantur, se id morbi genus formidare. At communis tamen labes, vt Iuuenalis:

*Inter Socraticos notissima fama cinedos.*

Nero autem hos horruit, qui cum mali essent, boni videri volebant: vt idem Poëta rursus ait:

*Qui Curios simulant, & bacchanalia viuunt.*

Veram integritatem non aspernatus, vt Cynici Demetrii, cuius supra meminimus: quamquam & illum Plinius Secundus, in defensione eius Philosophi qui Soranum pecunia inductus accusauit, iure damnet. Ex quo tamen apparet, Sorani damnationem iustam fuisse: neque enim emptus fuisset Philosophus ad accusationem falsam, cum alij multi falsi testes inuenti essent: nec damnatur Philosophus vt falsus testis (facile enim potuisset redargui) sed quod vnica actione & Philosophiæ auctoritatem, & amicitia iura violauerit. Existimauit ergo Nero scelera esse eò deteriora, quò magis occulta. Ludos tamen ille putauit, nec eo modo in publicum processura: nocte enim & in lucis, vt refert Tacitus, hæc acta sunt. Et forsitan fama & inuidia plus addidit. Quod verò magistratibus imperauerit rapinas, stultè dicunt, cum ex verbis suis conuincantur: nam quæ rapiebant, non in Neronis, sed proprium illorum commodum perueniebant. Ergo hoc ipso dicto iussit, ne quæ ad fiscum pertinerent, in suos vsus conuerterent simulatione compositionis atque remissionis. Quod malum adeò sæuit nostris temporibus, vt dum fontium bona in magistratum commoda transeunt, ditatis paucis cogantur principes grauioribus vectigalibus depauperare infontes: quorum vtrum melius sit, cogitandum tibi relinquo.

Extremum illud quod obiicitur, est stultitiæ & imprudentiæ vitium: cui euentus

*Tom. I.*

subscripsisse videtur, amisso dum viueret Imperio: quod seu stultitia, seu iniuriis crebris in subditos: seu segnitia acciderit, par videtur esse infamia ac peccatum. At mihi reliqui Cæsares stultiores fuisse Nerone videntur. Omitto modò Claudium, qui non stultus iam, sed ipsa mera fuit stultitia: satque vnum fuerit retulisse exemplum. Omittendo, quod criminante vxore fidos custodes ademerit à pupillo filio; quod priuignum adoptauerit, infinitaque alia cum duo litigarent, vnus ex his monuit Claudium, se vidisse quendam, descripsitque illius habitum, formam, qui secum litigabat, qui manum inferret Claudio. Paulò post superueniente altero litigatore, & libellum offerente; cum forma & vestes congruerent, raptum statim & damnatum, nec auditum, duci iussit. Simili amentia perdidit Appium Syllanum confocerum suum, cum Messalina & Narcissus somniasse se ex composito affirmassent, quod à Syllano trucidaretur: illumque interim adesse tanquam à Claudio vocaretur iussissent: cuius aduentu existimans somnio fidem factam, iussit statim eum interfici. Nec erubuit causam reddere necis in Senatu, & gratias liberto reddere. Sed comparemus Neronem ei Imperatori, qui sapientissimus ab omnibus iudicatus est: scilicet Augusto: comparemus & Ciceroni: dico Neronem vtroque sapientiores fuisse. Primumque id supponamus quod verissimum est, scilicet sapientiam maximè consistere in electione eorum quæ in nostra sunt potestate: nam in cæteris felicem esse fortunæ est, non prudentiæ: vulgatum enim est apud nos prouerbium: Stultos sæpe collimare. Ergo si ita est, quis dementior fuit Augusto, qui per innumeros labores, infinita pericula, inaudita flagitia, maximos æstus animi, grauissimam infamiam, sæuitiam ferinam, summam *agitationem*, infelicitatem patriæ, ac ruinam, suorum mortes, ad tyrannidem peruenit, vt suis postmodum testamento priuatis, eos relinqueret hæredes, quorum maiores vt hostes maximos ad mortem compulit necessariam, filios fratresque occidit. Non deerant ex proprio sanguine elegantissimi iuuenes: maluit senem ex alieno hæredem relinquere, non sine manifesta perniciæ omnium suorum. Nec reliquit successorem orbem: erat ei filius iuuenis & incolumis, & ex filio nepos. Quid stultius excogitari potuit: nonne hoc quod sapius dixi, tanquam testimonium ingentium scelerum illius fuit: vt Deos ostenderet sapientibus, quàm facile sit ei vlcisci pessimos homines. Non hoc Agathocles aut Dionysius aut Hiero, vel alius quispiam tyrannus effecit: vt constet Augusto dementiorem fuisse neminem, qui immortalitatis spem, vt qui se ipsos excidunt sponte, præcidit. Poterat Drusus esse filius: de Tiberio nemo dubitat. Quorsum ergo tanta infania, quorsum tot atrocita facta, mandare vt infans pronepos exponeretur? natura nepos, lege filius, in insulam deportaretur, inde occideretur? Herodes Iudæorum tyrannus multos filios occidit, sed vt filios relinqueret hæredes: nemo adeò desipuit, vt filios & nepotes occideret, vt alienis regnū relinqueret. Miramur de illo qui filios præterit

T

vt



ut fratrem regem efficeret : & Augustus , ut ferum Tiberium , qui suam deleteret stirpem : quod etsi non omnino contigit , & parum tamen admodum abfuit : & causam dedit hic error ut tandem sub Commodio prorsus tam foeminea quam masculina , quæ in abnepotibus desierat , extingueretur. Sed multo antea peritura erat , iam occiso à Tiberio per centurionem Agrippa , Germanico veneno sublato , effoso oculo Agrippinæ per centurionem , verberata relegata in Pandacariam insulam , ut mori præoptauerit : Druso fame absumpto , Neronē per carnificem ad voluntariam mortem adacto : nisi Seianum veneno sustulisse Drusi Tiberij nepotem compertum fuisset : hoc saluti fuit reliquis , qui superfuerunt. At si omnia latere potuerunt Augustum , an illud nescire quod dici solet :

*Regum non capit duos ?*

Nec tyrannum stirpi regiæ parcere ? Omitto reliqua. Nihil tale meditatus est porro : amissit imperium , proditus à suis : quot aliis hoc optimis Imperatoribus accidit : Pertinaci , Alexandro Seuero , Aureliano : qui adeo terribilis fuerat. At hos non vniuersi deseruere. Sed neque Neronem : nam & legiones Orientis & Germanicæ non desciuere ab illo : & Prætorianos fatetur Tacitus potius deceptos , quam quod voluntate disciuerint. Errauit , si modò errauit , Nero in his quæ fortunæ casibus subiacebant : Augustus in his quæ prudentiæ ac sapientiæ. Dic vter stultior ? ob id Suetonius Augustum conatur excusare : sed foedior est excusatio accusatione. Quod scilicet Liviæ uxoris precibus id egerit , seu ut successoris improbitate melior videretur : quorum vtrunque stultissimum est , perdere suam prolem , pro qua belluæ etiā pugnant , & in qua viget spes immortalitatis , ut alienam serues : aut inani gloriolæ , quæ paucis annis finitur , satisfacias. Sed veniamus ad aliud sapientiæ exemplum , Ciceronem ipsum : qui cum mortuo C. Cæsare , cuius cædi non interfuisse dolet , Octavianum lege filium , sanguine sororis nepotem , testamento hæredem ex dodrante (quæ pars à toto parum abest) euexit , extulit , armauit contra Rempublicam dum eam tueri nititur , quanquam toties monitus à Bruto , vnde ille grauiter & iuste apud Atticum & apud Ciceronem conqueritur. Sed mittamus sicarios , quibus non adeo dignum credi fas est : videamus quomodo ab Attico ipso monitus sit :

„ Quanquam enim posset in præsentia bellè iste puer pertundere Antonium , tamen exitum expectare debemus. Et ipsemet Cicero hoc vidit , & tamen errauit : in Epistola enim ad Atticum quadam inquit : Missa est mihi concio Octauiani : at quæ concio ? Iurat , ita sibi parentis honores consequi liceat , & simul dextram intendit ad statuam ; *μὴ δὲ σὺν ὁμῇ , ἐμπύρην τοιοῦτον* : id est , Ne saluus quidem , si quid tale vniquam : Et antea : Si multum possit Octavianus , multo firmitus acta tyranni comprobata tum iri , quam in Telluris , idque contra Brutum fore.

„ Quapropter postmodum suam stultitiam aperte deslet in Epistola ad eundem Octavianum : O me nunquam sapientem & aliquid , quando id quod non erat frustra existimatum. Quantum te Popule Romane de me fe-

fellit opinio ? O meam calamitosam & præcipitem senectutem ! ô turpem exacta demeritque ætate caniciem ! Ego Patres conscriptos ad parricidium induxi : ego Rempublicam fefelli : Ego ipse Senatui sibi manus afferre coëgi : cum te Iunonium puerum , & matris tuæ partum aureum esse dixi. At te fata patriæ Paridem futurum prædicabant. Nec hoc errore contentus quod euexisset , quod ambitione Consulatus ut Consul fieret , fauisset garrula illa lingua , qua tot fontes in perniciem Reipublicæ defenderat , ut scommate sapiens videretur , ornandum tollendumque puerum ( ita enim appellabat eum à quo ut puer habitus est ) iactabat : Quod etiam non parum obfuit Ciceroni , cum Octavianus non solum decipi ( hoc enim iam pridem intelligens dissimulabat ) sed irrideri se ob beneficium optimatibus & Senatui præstitum cognosceret : iam enim Mutinæ vicerat Antonium.

At errauit in hoc vno ? certe is maximus fuit. Romanum enim populum evertit , & in eo diutius perstitit : scilicet toto biennio , ac etiam amplius.

Sed mitte hunc errorem , vide alium non minorem. Claudius accusatur de incestu cum Pompeia Cæsaris vxore : negat Cæsar scire quicquam. Cicero cum nullam à Clodio iniuriam passus esset , testimonium dicit in Clodium : nec sufficit testem se exhibuisse , vrget iudicium apud Senatui : quo facto , non solum Clodium , sed Cæsarem , cuius Pompeia vxor erat , & Pompeium puellæ patrem offendit : vnde absoluto Clodio à iudicibus , ex consensu Cæsaris & Pompeij eiectus est in exilium , publicatis bonis : & non solum euersus Cicero hoc facto , sed suscitata seditio illa , quæ ruina fuit ciuitatis Romanæ. Hæc stultitia adhuc maior est priore : quoniam omnis sine causa fuit : & non fluctuante iam Republica , sed quieta prorsus contigit. Postmodum , si omnia illius dicta factaque consideres , nec aliud quæras testimonium quam eius Epistolas , præsertim ad Atticum , plenè stultum fateberis hominem : non semel , centiesve , sed in omnibus penè Epistolis , orationibus , factum illud suum prædicat , quasi in angulo acta res esset. Deinde vult omnes ciues nil aliud cogitare , quam de seipso , etiam cum rueret Respublica armis Cæsaris & Pompeij. Quam deslet pueriliter exilium illud suum : quam impudenter petit triumphum , cum in acie non fuisset cumque omnia sibi licere putaret , iuste etiam à supplicatione repulsus est. Quo demiror Romanos tam amantes fuisse , ut huic seniam deliranti tantum detulerint , vt recto Antonio , cum quo Rempublicam stare necesse erat , ob æmulationem Octauij qui hæres erat tyrannidis , Octavianum ipsum cui nihil repugnabat , ad tyrannidem occupandam extulerit. Denique quod , cum omnia flagrarent armis Antonij & Octauij , iam succumbente Republica , ipse cogitaret de sacello filia erigendo , tanquam Deæ : quam etiam ferunt ( vt dixi ) incestatam ab ipso patre : vt merito ira Deorum , qualescunque etiam essent , factum sit , ut viderit fratrem fratrisque filium occisum ob suam amentiam : filium in exilio , nec satis tuto :



turó : ipse sicarios spectaret , postulantes vt caput extra lecticam exporrigeret, amissis omnibus bonis: vt cogeretur obliuisci nefariorum sacrificiorum.

Forſan excuſabis hominem ex Romanorum moribus, aut quodd Deorum cultum irrideret. Sed antea nulli Romano diuinitas collata eſt. Inuentum fuit Antoni & Octauij, vt homo nefarius & omni ſcelere coinquinatus, inter Deos numeraretur. Ciceroni autem hæc non licuerunt, qui licet ſuos merito potuit contemnere Deos: aliter tamen contemnere iure non potuit, niſi quia Deum verum omnium auctorem cognouerit. At ſi ita eſt, quomodo mulieri, quod Deo debebatur, tantum honorem tribuere auſus eſt? Sed iam in tam abſurdo propoſito illius verba ſubſcribamus  
 „ pro teſte: proſectò illam conſecrabo omni ge-  
 „ nere monumentorum, ab omnium ingenijs  
 „ ſcriptorum, & Græcorum & Latinorum. Hoc  
 „ tolerabile: illud ruſus: Cogito interdum trans  
 „ Tyberim hortos aliquos parare, & quidem  
 „ ob hanc cauſam maximè, nihil enim video  
 „ quod tam celebre eſſe poſſit: ſed quos, coram  
 „ videbimus: ita tamen, vt hac ætate fanum ab-  
 „ ſolutum ſit.

Et iterum: Expectabam autem maximè de fano. Quæſiuit enixè hortos emere Silij trans Tyberim, aut Drufi. Ideo ruſus? Quo plus in monumentum inſumptum eſſet, quàm neſcio quid, quod lege conceditur, tantundem poſulo dandum eſſe: quod non magnopere moueret, niſi neſcio quo modo (ἀόριστος fortallè) nollem illud nullo nomine niſi fani appellari: quod ſi volumus, vereor ne aſſequi non poſſimus, niſi mutato loco.

Atque item: Fanum fieri volo, neque hoc mihi erui poteſt. Sepulchri ſimilitudinem eſſe fugere non tam propter pœnam legis ſtudio, quàm vt maximè aſſequar ἀποθιαſτον: quod poteram, ſi in ipſa villa facerem: ſed, vt ſæpe locuti ſumus, commutationes dominorum reſormido. In agro vbicunque fecero, mihi videtur aſſequi poſſe vt poſteritas habeat religionem: hæc me tibi ineptiæ (fatebor enim) ſentenda ſunt. Et paulò poſt: Quod me à neceſſitatibus auocet, multum perſciens, ſi locum fano dedeciſſem: multa mihi ἀπὸ ἀποθιαſτον in mentem veniunt: ſed loco valde opus eſt.

Et alibi: Sed tamen auidè ſum affectus de fano: quod niſi non dico effectum fuerit, ſed fieri videro.

Ac iterum, ne quid deſit: De hortis ex tuis literis cognoni, & Chryſippo: in villa cuius inſulſitate bene noram, video nihil aut pauca mutata: balnearia tamen laudat: maiora de minoribus ait hyberna eſſe poſſe: teſta igitur ambulatoria addenda eſt: quàm vt tantam faciamus, quantam in Tuſculano fecimus, propè dimidio minoris conſtabit in iſto loco: ad id autem quod volumus ἀφελθῆναι nihil aptius videtur quàm lucus, quem ego noram: ſed celebritatem nullam tum habebat, nunc vt audio maximam, nihil eſt quod ego malim in hoc τὸν τόπον μὴ πρὸς θεῶν τροπονόμῳ  
 „ fieri.

At ſaltem exemplo C. Caſaris ductus eſſet: ſed adhuc viuēbat Caſar, dum Cicero inſaniret, licet tyrannidem occuparet: quod ex Epiſtola illa libri tertij decimi maniſeſtiſſimo-

Tom. I.

rum eſt, cuius initium eſt: Hortos quoniam hodie.

Egregius igitur hic orator inuexit ἀποθιαſτον: id eſt, Deificationem ſeu conſecrationem. Quid mirum eſt ergo, Imperatores ipſos edeueniſſe dementia: poſtquam priuatus Vir, ſenex, augur, Philoſophus, hoc inchoare auſus eſt. Quò ſit, vt me non parua ſubeat admirationo, quid ſit quòd hi qui ſapientiam proſtentur, adeò ad impietatem proni ſint, alij etiam ſultiſſima admittant: nam Cicero præter id quod non aſſequebatur, ſed eimentiretur conſecrationem filia, quæ ad Pontifices ſpectabat, nec fanum, ſed ridiculoſè ſinxerit, nonne intelligebat, ſi nihil à morte ſuper eſt, talia omnia inania, vana & puerilia eſſe? cum nil ad eam pertinerent: ſi autem ſuper eſſet, diſtorqueri, ſi quis illi relictus eſſet ſenſus & ob amentiam patris, & quod illum ſummum auctorem læderet ad quem ſpectaret benefacere ipſi Tulliolæ, aut malefacere. Itaque non alia cauſa eſt tot errorum, niſi quod hi quos exiſtimamus ſapientes, non ſunt verè ſapientes, ſed ſulti.

Quo magis demiror de Ariſtotelis grauitate, qui hoc idem in concubina ſua facere auſus eſt, & ſacra Cæceris irridere impio exemplo: vnde merito Athenienſibus pœnas exilij dedit: maiores daturus, ſi fuga ſe non ſubtraxiſſet. Ergo cauſa omnium horum eſt, exiſtimare ſapientes eos qui non ſunt.

Quid ergo miramur Neronem non fuiſſe ſapientem: quem tamen conſtat Auguſto ac Cicerone longè fuiſſe ſapientiorē, tamenſi illi valde ſenes & rerum experientia edocti, pro ſapientiſſimis habiti ſint? Neque enim quicquam harum nugarum tentauit, aut aggreſſus eſt, nec errores adeò magnos admixit. Dices: Fateor, nulla in cauſa Neronem conuictum eſſe: ſed tamen ſi omnia ſimul conſeras, impietatem, ſæuitiam, luxū, libidines, ſcenicōs ludos, profanatam maiestatem, rapinas, prodigentiā, ſtultitiā, ingrata facta, turpia, ſæda, abominanda, euerſionem Senatus, vexationem nobilium, popinas, monſtroſos concubitus, nocturna verbera, quibus graſſabatur etiam vulneribus adiectis turbam illam ſcenicorum, perpetuam inter flagitioſos conſuetudinem, veneno tot peremptos familiares, libertos: amicos, neglectam quoque admiſtrationem ob hæc Reipublicæ & bellicæ rei, donatam Armeniam fruſtra Tyridati cum ſumptibus illis immenſis, vrbis incendium (expilationes ſuorum in ciues, in prouincias, educatam & ditatam Locuſtam, datosque ad ſcelus diſcipulos, ſocietatem Tigillini peſſimi omnium mortalium viri cum ſuo Coſſutiano, tantum datam ſuſpicionibus ac falſis delatoribus, crudelitatem in ætatem imbellem, in ſexum innoxium: ſanè facile ex tam multis etiam minimis, magnum aceruum ſclerum & flagitiorum conſtabis. Verum ſi Catoni Cenſorino obeſſe non potuit, quòd quadragies quater in Senatu ſit accuſatus, nec ob id deterior villa in parte habitus eſt: cur obeſſe debet Neroni, quòd de multis accuſetur criminibus, quorum partim inſcius ſit, partim crimina non ſint: aut ſi ſint natura huiusmodi, ratio ipſa docet neceſſariò admiſſa, & iuſtè?

T 2

iam



Iam tandem ostendimus Neronis virtutes, atque præstantiam, præclaraque facta, & sapienter dicta, in quibus omni laude dignus habendus est: quod is solus verè bonus, ac verè sanctus, cum Severo Alexandro iustitiam sine discrimine personarum coluerunt: tanto potentioribus inuisi magis, quo inusitatum administrationis genus soli sequuti videntur. Et certè Nero turbulentioribus temporibus, minore Philosophiæ studio (cuius causa in Seneca fuit) & lascivia aliqua permixta ob ætatis fluxæ vitium, & matris Agrippinæ persuasionem. Cæterum quoniam bene dicta sinistrè aliquando interpretari solent, quasi optimatum factionem prosecutus hoc argumento sim: nec defuturos scio, qui etiam cum hoc (quod exitus amborum illorum principum infelix fuerit) regni ruinam me docuisse, dicere audebunt, quandoquidem non nisi optimatū factioni fauendo regna sustineri queāt: exēplo omnium illorum, præsertim Parthorum, Galliarum, Hispaniarum atque Germaniarum, de quibus satis dictum est. Quibus nos breuiter respondemus, primum nos nihil contra optimatum, qui verè optimates sunt: id est, qui tam virtute ceteros quam potentia & opibus præcellunt, factionem dixisse. Sed neque contra alios, nisi ut æquo iure censeantur, & à causa, non persona, iuris formula definiatur. Quod si id docui, existimo etiam rectè fecisse, atque vtiliter consuluisse principibus. Primum quod rectè iudicando Deo placeant, à quo compensationem sint habituri, cui æqualem regni diuturni commoda quantumvis magna præstare non possint. Deinde quod regna nulla æterna esse possint, imò nec valde diuturna: quod experimento perpetuoprehenditur: & quantumvis sit discriminis in diuturnitate, etiam si mille annorum sit, parum admodum referat: cum mille anni ad Mundi perpetuitatem & ventura sæcula sint velut punctum in amplissimo circulo, aut prælonga linea. Sed & hæc administrationis ratio, etiam si ad præsentem securitatem, diuturnitatem atque magnitudinem imperij referatur, melior est: quoniam illud idem contigit in ea quod de iuuenibus & senibus dici solet: Iuvenes citò mori posse: sed senes diu vivere non posse: ita cum aliis generibus administrationum, cum factione optimatum diuturnum regnum esse non potest: cum populari ac iusta administratione (tamen si breue esse possit potest etiam esse diuturnum, ac quantum humanæ patiuntur res perpetuū. Ergo in huiusmodi administratione, quando ea sola, & Tureta, perpetua esse possit: sed illam sæuitia plenam esse necesse est, ut quæ ab immitibus barbaris originem duxerit) quatuor obseruanda sunt. Primum, ut ius æquum omnibus feruetur: sed in honoribus faueamus potentioribus, in re pecuniaria ac commodis,

aliis pauperibus. Secundum, ut cum plebs ipsa facile seducatur ac deferat defensores suos, tribunos creare oportet è corpore eius annuos, viros acres & bonos: sic enim in officio continebuntur, & facile congregabuntur: eorumque vtilitati consulere, & maximè annonæ abundantia. Tertium, tollere substitutiones omnes. Quartum, vocata feuda, quæ si tollere durum est, non reficere oportet: tempore enim dissipantur: ut enim non conuenit euertere familias quæ bonis moribus perpetuitatem quandam sibi pepererunt: ita nec cogere iudiciis, ut persæpe malè partis familia in perpetuum gaudeat. Hæc si quis non agat, optimatum conspirationi non par à plebe auxilium habere poterit: si agat, securius viuet, & minore labore quam qui optimatibus addicti sunt. Non defuturos etiam esse puto qui me accusent, quod in bonos omnes hac laudationis specie sim debacchatus: præsertim in Augustum, Ciceronem & Senecam. Sed pro Augusto veniam non deprecabor: de Seneca quid dicam, non habeo, qui nihil rectè dicere nouit, aut facere. Barbariè intulit in scribendo: notus declamator, ac nouus Rhetor, Philosophus perditissimus. Vide leuitatem & turpitudinem eius in Poëmæ illo in Claudium, indignam Grammatico etiam impuro: vide præcepta inter se pugnantia, vitam turpem & foedam, in naturalibus rebus imperitiā: Vir nequissimus, qui sustinuit ut infons vxor secum periret, quod ad se attinet, non ob aliud quàm ut Neronem grauaret inuidia. Constat illam misericordia hostis seruata, quæ peribat coniugis crudelitate: nam si mori destinasset, non defuisset per tot annos quibus superuixit, via ad mortem: ut nec Portiæ Bruti vxori, cuius exemplum sequi poterat. De Cicerone autem causa est non in me insectationis, sed in falsa hominum opinione admirationis de me. Cum enim populus existimet, eos qui compti sunt in sermone, corporis ornatu ac moribus, quosque plures laudant atque sequuntur esse sapientes, ac etiam probos: ideo cum Cicero maximè hoc in genere excelluerit, si quis maledicat de illo, eum aut stultum aut improbum esse, putant. At huiusmodi viros minus ceteris sapientes esse constat, tum ex actionibus, & fine eorum, tum ex coniunctione cum his quorum æstimatione sapientes & stulti æstimari debent, & à quibus omnis nostra sapientia huc deriuatur & spirat, qui nobis superiores ac meliores sunt. Quod si obicias, principes hoc nostrum consiliū administrandi non seruare, nil mirum: namque difficilis est via ad virtutem: præponuntque homines iucunda securis, & facilia diuturnis. Denique mortalium commune vitium est, nullis rebus tam inimicos esse quàm bonis propriis. Quod si quis per singula id consideret, inueniet sic esse.

D I X I.

PODAGRÆ





# PODAGRÆ ENCOMIUM.

**I**NGRATI hominis officium ne-  
lum immemoris esse existima-  
rem si vel eorum quorum bene-  
ficio profecerim obliuiscerer, aut  
si beneficij memor quibusvis  
modis possem gratias non referrem. Nec quæ-  
rendum puto in gratia compensanda quis au-  
ctor fuerit beneficij nec quo animo id contu-  
lerit in te, sed quantum per id profeceris: Et  
quam libenter fuerit impertitus. Nam de ani-  
mo quid quæras cum vultum promptitudinē  
hilaritatemque dantis conspexeris? animum  
quidem solis Diis notum esse tam Philosophi  
quam Theologi constanter affirmant. Quod si  
coniecturis agendum sit, non nisi bono animo  
proficisci beneficia credendum est: atque eo  
magis cum qui dat in plures alios fuerit mun-  
ificus: si rogatus ægrè dederit, si nemini non  
roganti dare voluerit, existimandum est pa-  
rum liberali animo dare voluisse. Quod ad  
personam attinet, nemo ut dici solet bonus est  
omnibus nisi Deus. Cæteri quibusdam sunt  
boni, pluribus plerumque mali, at contra Podag-  
ra plerisque bona, paucis mala est & grauis,  
tum verò liberalis atque munifica sponteque  
accedit ad homines, quo fit ut cum nemo sim-  
plicitè dici possit bonus aut malus, sed in col-  
latione muneris talis sit habendus, Podagra  
omni ratione bona dici debeat. Et cum malos  
eos credere soleamus qui prima fronte iucun-  
da offerunt, tegunt quæ nocent, & hoc no-  
mine rursus laudanda illa venit quæ sub ma-  
li specie nos aggreditur, quicquid tegit quic-  
quid latitat sub veste bonum est atque com-  
modum. Non eo laudare velim Podagram quo  
cætera solent laudari mala mortalium, tan-  
quam his ipsis iustæ ab illis exigantur pœnæ.  
Sic enim & mors & morbi & tyranni laudari  
solent, sed non est hæc illorum laus, verum po-  
tius accusatio mortalis generis. Sint homines  
suo arbitrio ingrati, scelesti, impij, sæui, aua-  
ri, iniusti & omnino improbi, nil ad laudem  
Podagræ tam turpis & abominanda causa  
prodesse potest. Non probabo pœnam quam  
odero, & quam si ego etiam immerito subire  
ex eorum tamen genere sum qui eam subie-  
runt. Non est hoc augmentum paradoxum,  
non ostentatio facundiæ aut ingenij, quorum  
vnu in me minus est quam mediocre, alteri  
consciis sum nunquam operam nauasse. Male  
laudantur ea quæ iustè laudari non queunt,  
velut stultitia, Caluitium, Quartana, in qui-  
bus tanto plus elucet Rhetoris eloquentia eo  
in argumento leuitas maior deprehenditur:  
Oratio inanis & vndique fides ac veritas hi-  
storiarum desideratur. Est Podagra quæ se ab ini-

Tom. I.

tio ostendit ac probat, adeo ut sine verecun-  
diâ prætermitti laus eius non possit, dubium-  
que facit an honestius ac præstantius sit de il-  
la verba facere, an turpius & iniquius illau-  
datam cum tot meritis tantaque gloria finire.  
Quod si nihil esset mali quod dignum laude  
foret, certe Podagram laudare non auderem;  
nunc video tot esse mala laude digna ut lau-  
dare Podagram illis omnibus multo mitiorem  
turpe videri non possit. Etenim menses qui  
fluunt mulieribus foedi & à quibus illæ adeo  
conficiuntur, partus, dentium ortus, vene-  
randa canities omnia mala sunt & tamen quod plures ab illis bene se  
habent laudem merentur. Obiicies quod hi ex  
ordine naturæ sunt, Podagra morbus qui casu  
aduenit. At nec familiaria adeo exanthema-  
ta ea illa rubra, rotunda, parua, varis simi-  
lia olim fuisse credo quæ à solis Arabibus sint  
descripta. Quæ nunc Variolas à Varis vul-  
gus appellat ac morbillos nescio qua ratione  
& tamen his purgari sanguinem & meliorem  
fieri corporis habitum constat. Sunt timo-  
res, sunt dolores qui nos commonefaciunt  
vitæ melius traducendæ. Desolata virgo do-  
let, hoc casu accidit, & tamen laude dignum  
habetur. Si nulla est imbecillitas, si nullus  
est dolor bonus laudandusque, non inficior  
Podagram non esse laudandam sed postquam  
tota vita nostra voluptatem habet in dolo-  
re repositam, edendi in fame, bibendi in  
siti, venereorum in pruritu, iam hoc credo  
me obtinuisse non esse toto genere Podag-  
ram illaudabilem, admittique iure posse ut  
partes etiam illa suas tueatur. Non inue-  
nit ad hanc usque diem qui illam laudau-  
erit? an ob id laudari non meretur etiam si à  
nemine laudata sit? Quot res, quot viri illu-  
stres præcone caruerunt? Quot morbi mala  
insaniæ in contemptum bonorum laudata  
sunt? Nulla pestis & tamen suo caruit. An ideo  
augenda esset iniuriâ quia facta sit? Quan-  
quam nec defuerit egregius laudator, & qui  
etiam Deos Deasque laudare consueverit,  
Lucianus ille Samosathensis Viracer magnæ-  
que eruditionis, cuius exemplo moueor non  
æmulatione ducor. Etenim velut in omni-  
bus rebus egregiis nullus orator tam oculatus  
esse potest tam præclara arte instructus ut  
rei dignitatem facundiâ æquare possit, ita  
in laudando Podagram semper aliquid de-  
esse necesse est, tum verò id magis contigit  
quod raro oratores aut sperant in arduis,  
aut studium in humilibus rebus adhibent.  
Neque enim vel nos hanc prouinciâ aggre-  
dimur quod pares laudes pro dignitate eius  
dicere

T 3



dicere posse speremus, sed quod nostris laboribus facundiores ad hoc munus incitari debere credamus. Vnumquenque enim in certamen voco non victoriæ spe sed ut victus sæpe gloriari possim tanti certaminis, tam laudabilis operæ auctor fuisse. Vtinam reuiuiscerent illi Cicerones, Hortensij, Cottæ, Coruini, negotium pro dignitate suscepturi & splendide illustraturi. Etenim plurimum refert in rebus etiam pulcherrimis quomodo quidque dicatur, ornatur, amplificetur, aut excidat & propriis laudibus fraudetur? Nihil est tam præstans quod vitio orationis contemptum non euadat, imo odiosum, optabat Alexander magnus Homerum laudatorem, maiorque etiam nunc gloria est Vlyssis atque Achilles qui paruis in oppidis imperarunt, qui cum tota Græcia vix decem in annis vixit vna potiti sunt quam ipsius Alexandri qui in totidem annis solus orbem totum occupauit. Ergo si non pro magnitudine aut dignitate laudem Podagræ tractauero, merito illa doleat quæ tam siccum & frigidum laudatorem omnisque facundiæ expertem malo Fato suo nacta sit illi non imputetur, cuius voces quotidie ad astra vsque feruntur. Verum ne amplius ipsam rem differam, eius historiam narrare simpliciter decreui: Nam

*Ornari res ipsa negat contenta doceri.*

Omnes fatentur illam inter suâs contribules principatum tenere, dico chiragram, arthritim, ischiam, mentagram. Ut quod ad nobilitatem attinet omnium illa sit præstantissima. Quid dicam illius affines Nephritim, colum, regiumque morbum & socios febrem, abscessus, omnium hæc dux est atque ad illam omnes referuntur. Nemo Podagricum arthritide aut chiragra aut coxendice teneri dicet, at si quis horum vno laborauerit, Podagra laborare illum dicunt. Quinimo quotquot morbi leues artus occupauerint ut nobilitentur, nomen Podagræ sibi assumunt, tamen si ab illa plurimum degenerent. Aded nobile est atque vulgatum hoc nomen ut & ægri patiando & Medici curando eo se nobilitari putent. Neque verò ambizioso illa nomine delectata est. Non se cephalicam aut cardialgiam vel ophthalmiam nuncupauit, nec turpi etiam nomine coinquinata est quemadmodum mariscæ, fici, hæmorrhoides, tenesmi, à pedum nomine suum traxit humillima corporis parte, sed non sordida neque turpi aut fœda. De antiquitate nulli non nota Medico, & multo ante Hippocratem, atque vsque à Troianis temporibus nomine nobilitata suo quod adhuc è Græcia ipsa retinet non quod Latini pudeat sed quia antiquo magis gaudeat argumentum constantiæ suæ, libertatem & ingenuitatem semper professæ aperte inuadit vi quæ vult obtinet, nulli insidias molitur. Et cum maximis doloribus homines premat, neminem tamen occidit aut conuellit. Quin etiam in ipsis doloribus risum mouet. Ea sola spernit Medicinam ut Poëta:

*Soluere nodosam nescit Medicina podagram.*

Quinimo bellum indixit Medicis, multos etiam eorum conflictauit grauiter. Vnguenta spernit, medicamenta negligit emplastris irritauit, fomentis sæuior fit nullum Medici-

næ argumentum timet: recedit atque accedit cum vult melius arbitrio subiecta. Non amuletis aut præcantationibus vllis pellitur, imo ne diuorum quidem pene supplicationibus. Solus Deus eam depellere potest. Generosi animi res quæ imbellem non fatigat ætatem, nec pueros nec senes vltimos nec mulieres aut spadones, quicquid florêt, quicquid robustum est aggreditur ac euertit; ossa ipsa loco mouet, debilitat robustissimos, nervos & vincula quatit, iuuenes solos prostermit, non minis terretur, non Machinis pellitur, non blanditiis delinitur. Quos inuadere proposuit inuadit, quibus infensa non est ab his perpetuo abstinet. Simili gloria cum Regibus, Cæsaribus, Pontificibus, potentibusque iuris ac sapientibus, ut vulgus existimat, pugnam init, pauperes rusticosque relinquit. Ingredditur aulas principum: Et eos qui proprias vxores filiosque fastidiunt illa rabida aggreditur, diesque ac noctes illis quantumcunque inuitis cum eis versatur. Depulsiisque charissimis pignoribus veteribusque famulis,

*Dormit & in pluma purpureaque thoro.*

Vnguenta sentit, cantus ac citharas audit, mollia strata, puluini sericei, inter aurum gemmas & pictas tabellas superba decumbit: Audit fabellas, degustat vina generosa delicatesque cibos, afferuntur interim flores gratiosi, vestes variegatæ & quicquid ambitiosum à ciuibus vel ipsis regibus multorum spatio annorum congestum est. Quod si vera omnino sunt quæ de Telchinibus Lasciis Dæmonibus Platonici fabulantur, quos ferunt, in hominum corpora transferri, solos eos beatos esse crediderim qui cum Podagra ipsa domicilia corporum humanorum ingrediuntur. Namque cum Venere & Baccho & delicatioribus dapibus perpetuum fœdus contraxit adeoque beata est ut qui ea detinentur, præter dolorem ipsum beatam vitam ducere cogantur, neque enim illa steriles efficit sed ad Venerem aciores reddit. Verum ad Philosophos venio, Arcefilaus ex eius fuit domesticis, tum Lycon Tharsensis alique, ut non credas Podagram etiam non philosophari. Nostra ætate Vir magnæ eruditionis Erasmus è cubili Podagræ quicquid legimetur exprompsit. Sanior longè in morbo quam in bona valetudine. Quot pulcherrima monumenta eruditorum viro- rum Podagræ debemus? Sani operam damus negotiis, & si quid exit temere effutitur, ægri studiis ac contemplationi. Et quicquid emissum tunc fuerit lucernam sapit & modestum est atque castum. Sed hæc mittamus: de potentia agamus quæ in illa maxima est, sola enim Podagra totum inuadit hominem. Primum quidem pedes aggreditur, inde manus, genua, cubitos, suras, humores, dorsum, collum, mandibulas, denique etiam dentes. Sed neque lingua parcit. Et sunt quibus nasum inuasit atque distorsit, adeo in omnes corporis partes dominatur. Quid ergo huic simile? Febris vniuersum corpus apprehendit elephantiasisque tum hydrops atque icterus morbus, sed vniuersum dominantur? sola Podagra in singula membra imperium habet. Quid quod exollat homines, eneruat, excarnificat, contorquet crura, manusque mirum in modum medullas



medullas depascitur, gibbos, alios repandos efficit. Ut verè sola nostri regina corporis dici possit. Sed mirum quiddam audi de illa. Intellexerat Medicos quosdam haud gregarios scripsisse posse eam hermodactylis atque Corallio depelli. Irata statim nescio qua arte seu casu ac bona ei fortuna contigit hos inimicos hostesque suos ita eliminavit ex orbe ut sola nomina eorum nobis reliquerit. Et coronopum quidem seu corallium audiunt omnes & hermodactylum, sed quid sint nemo docere potest. Neque illum laudari qui cum multis cucurbitulis lægentes in balneo benevolentium herbarum positos excantificabat: cum plus esset in medicina incommodi quam in morbo ipso. Quid profuit Agrippæ aceti feruidi balneum quo simul levatus est dolore ac pedum usu? Quid Cæsari nostro medicamentum illud ficulneum ac quasi superstitiosum è nigra capra sero cum ficius lacte? Nonne præter id quod nihil contulit velut & reliqua omnia quæ illam arcere solent auxilia vitam effecit breviorē, atque tenuiores omnino illius vires? Quid fontes quos seu casu seu voluntate concluderis breui mortē afferunt? Quid ligni sancti decoctio, qui sarze Panliæ, quique Thermarum aquis gloriantur annos numerent, quibus vel curati vitam sanam degant aut superfluere incolumes, non est depellere morbum mitem ut lethalem excipias. Quid modo de me factura sit nescio quod eam depellere me posse iactauerim, forsitan enim aut contemneret aut non curabit, postquam id præsidium adeo, in paucis expectior, ut propter me ipsum solum illud inuenisse videat. Et si modo aduersum me seuiat non iure id egerit quandoquidem eam solum relegare quæsierim, non exturbare perpetuò è domo nec alios docuerim. Irata sanè meritò fuit Gualermo Budeo qui cum eam publicè conatus sit docere eliminare, ipsum auctorem ita concussit ut nil integrum ei reliquerit. Sed aliud est meri partes suas suæque commodæ procurare, aliud iactantiæ causa aut spe lucri alios id ut facere possint docere. Aliud est infestum hospitem aliquandiu detinere, ne adeo frequenter nos molestia afficiat, rarius vexet; aliud omnino è domo pellere & prorsus hospitio interdiceret. At fortes viros forsitan aggredi non ausa est. Nil minus, vidimus ætate nostra Antonium Lenæ Alphorismq; Ananul duo belli fulmina singularia prudentia fortitudineque tot claris gestis sic ab illa obsessos ut homines intelligerent eā nihil inaccessum relinquere. Et fulminum Iouis exemplo ardua quæque petere, concutere, quassareque. Quid aliud fuisse credendum est quod Herculem domuit, licet Poëtæ vlcera fuisse didicerint; neque enim voces illas adeo iratas protulisset, si malum in carnibus non venis atque artubus fuisset. Sed omittamus dubia quandoquidem propriis ac certis laudibus podagra contenta sit. Etenim sufficiat vnum pro multis exemplum in Seuero Imperatore, qui cum fortissimus omnium fuerit orbemque occupauerit, ita ab ea victus est, ut perpetuò decumberet, & cui totus parebat orbis, is ipse podagræ seruiebat, nec illa se vinci passa, nec is victus destitit esse terribilis. Hoc tamen ob id solum dixerim quod sciam nullū

eculeum nullasque fediculas tantis doloribus hominem afficere posse laminantur, trahuntur, distorquentur, punguntur, lacerantur, franguntur, eroduntur artus eorum qui podagra correpti sunt: nullum maius supplicium quod tam diuturnum ac graue sit Deos aut inferos tyrannos inferre posse crediderim, quam sint Podagræ dolores. Cessant ut grauius afficiant, intermittunt ut maiori impetu inuadant: mitigatur ut carnes quasi sanæ vberius excipiant malum, restaurantur ægri ut diutius ad pœnam sufficiant. Nec tamē quenquam perimit, ne ministra alterius scilicet mortis videatur, exiguus coli aut stomachi dolor interficit, quia hi mortis ministri sunt, ut Podagra sui iuris est sola, nec ulli paret, sed potius alij morbi obediunt ei. Etenim ubi illa fuerit omnes alios depellit morbos nec patitur corpus sibi addictum, suæ ditioni subiectum alteri parere aut quenquam admittere. Quot aliis sæuissimis morbis ad vitæ desperationem laborantes illius aduentu sanati sunt? Quid de illius pudicitia atque iustitia quæ cum vniuersum ut dixi inuadat corpus singulaq; membra, nunquam tamē adeo irata est & sui oblita pudoris ut pudenda virorum aut foeminarum aut anum aggrediretur? Abstinet & à temperatis cum à nullo alio hominum genere seu sapientibus seu fortibus, seu opulentis ne nomen temulentiae subeat aut procacis. Simili constantia à pauperibus abstinet, ne crudelis videatur quæ victum miseris eriperet. Ergo iusta, mitis, fortis, sapiens, pudica generosa est podagra, seu contemptu eorum quos non inuadit seu dignitate illorum quos subigit. Visa etiam est mihi aliquando è genere Flaminum Dialium quibus cum ad mortuos ingredi veteri instituto non liceret, huic nec ad mortuos nec morituros. Quod si cuique infensa, perdere illum statuat, abscedit traditque febrī aut orthopneæ aut attonito morbo iugulandos. Similique ratione irata quibusdam qui eam depellere tentarunt abscedens febrī doloribusque ventriculi mandauit occidendos. Non illa turpis aut abominanda quemadmodum lepræ, scabies, Indicusque morbus, non contagiosa ut phthisis, pestis, ophtalmia, sed ad eam securè ut vadant amici permittit; nunquam illa nos ut cæteri morbi clanculum adoritur aut nobis nescientibus. Ea nihil etiam foedum aut molestum secum ducit, non saniem aut vlcera aut tussim vel vomitus aut alui profluvia, tota munda est & seipsa contenta. Quin etiam vnumquemque pro mensura debita premit. Validos vehementer ac diu, imbecilles, parum ac breui tempore affligit. Forsan obiicies, vilem esse podagram quod etiam canibus, iumentis, capris auiisque plerisque in otio detentis, aut vltra modum saginatis adueniat. Vnde etiam qui eas aues edunt proniores sunt ad Podagræ morbum subeundum. Sed non est hæc podagra quæ dolores certè nullos aut perexiguos excitet cuius inditio est quod nec queruntur nec clamant. Sed simile quippiam, nam omnibus rebus egregiis natura simile quid excogitauit, homini simiam, equo hyppocampum, sunt & vna in vitibus & in mari ut etiam in Epigrammate Bousueti.



*Vna marina semel vino permixta bibenti.*

*Fertur magnum odium inducere posse meri.*

Iam verò quantum affert commodi Podagra atque primum nobilitatis opinionem, nantque & si constet eum qui illam patitur esse rustici filium id coniectura omnes assequuntur falso creditum illius esse filium sed nobilis ac præpotentis viri spurioque genitum concubitu. Tum vero magis quod morbus is sit hæreditarius. Cupiatque podagra suos descendentes agnoscere. Cum verò podagrosus in aulam venit, suspicitur ab omnibus etiam si sit nebulo. Habet enim nescio quid regium podagra, sedet cum alij stant, & equitat cum alij pedibus ambulant. Vidi Maximianum Stampam in mula ambulanti cui à pedibus erat Alfonsus Princeps, quia tum is valebat, illum podagra detinebat quod sedent huius beneficio apud principes alioquin eo prorsus indigni honore? Videas amicos qui accedunt quanta cum modestia se gerant? dicas assidere illos Cæsari aut Pontifici, quanta cum reuerentia tractent, tangant ægrotantes, & interrogentur. Quid de domesticis? non adeo leniter tonfor nouaculam ducit. Si quis tibi rusticus & agrestis inconstrusque familiaris adsit podagroso adiciatur ut seruiat, habebis per quam frugi comptisque moribus omnia tractantem belle ac leuiusculè, dicas ælurum super plumam. Cogita quæ domicilia sibi elegerit, quomodo inhabitet? non nisi alta palatia prætoriasque domos læta viuit inter amicos, & voluptates. Si quis ab amicis negligitur aut eum tanquam asperiores refugiant, ubi podagra inuaserit, iam omnes accurrunt. Si qui morbi eis iungantur febris, vigilia, dolores alij, ea omnium sibi vendicat locum. Quid habet interrogantibus? respondent, podagra laborat, adeo podagræ nomen notum omnibus est celebre atque illustre. Sed qualem hominem facit podagra? Pium, castum, continentem, prudentem, vigilem, & si quando dormit, non ut reliqui morbi turbulenta facit insomnia. Nemo tam deorū est memor quam qui à podagræ doloribus detinetur, qui podagram patitur, obliuisci non potest, quod cæteris omnibus fere contigit, se esse mortalem à vino, carnibus, reliquisque eduliis, à crapula à Venere tantum abstinere quantum putat se posse esse securum: Auertit à principe nostri particula cerebro scilicet ac sensibus & mente omnes prauas cogitationes, vanas spes, superfluos timores, incerta studia, non permittit in vanum opes profundere, cogitque vel inuitos commode, laute & splendide etiam viuere.

Quanta verò comoda ex huiusmodi moderatione? quin etiam cum desperent ad alios accedere posse ut hi ad ipsos accedant, sunt mitiores, comes, blandi, mansueti, discuntque tractationem cum hominibus; nec ulli alij prudentiores podagrosis habentur. Quinimo eis committi solent Reipublicæ habentæ, habenturque consilia illorum matura, prudentia, atque tuta. Ut quorum mens nullis fluctibus agitetur, corpus à motibus quiescat, & anima perfluis cibis aut potibus minimè sit impedita. Iam verò & illius peculiaria explicemus (tria autem sunt præcipua) lapidem in ea generari prohibet, & pulmonem vlcere

affici, præterea eum efficit vini gustum ut nemo melius vinorum percipiat suauitatem quam podagrosus. Mortem præterea leuissimam & somno simillimam parit, si cui à podagra succedent morbo mori contingat. Quid cum remittit se quales somni, quam dulces, qualis indolentia & pruritus circa locum, parum à venerea distans voluptate. Hæc sola nos admonet studiis incumbendum quandoquidem ea sola dulcedo dolorum interuentu abrumpi nequeat. Sed præter ipsam sociorum iucunditatem quæ in omni morbo exigi solet, peculiari natura mouet & amicos & ægros ut iocis ac salibus plus delectentur ac valeant, ut venereis claudi, dolis gibbi, fraude strabi proptitudine & consilij celeritate calui, ut ridicula sit horum conuersatio. Addamne & illud quod podagrici motus Lunæ melius Astrologis norint, temporumque mutationes certius nautis. Hæc atque alia plura ac præstantiora de podagræ laudibus verè dici possunt. Sed video quid contra possis obicere, quod morbus tamen sit: atque quod melius omnino sit, ut etià de cæteris, non habere quam habere. Atque hoc est quod plerique iactant, pauculisque incomptis verbis tantam gloriam inturbare atque confundere posse sperant. Sed si modo ex hoc ipso maxime ostendero illius præstantiam ac laudem haud dubito conuictos fore illos qui quouis nomine non dignam fore existimabunt. Principio damnaeam quod morbus sit, quasi non tota vita nostra morbus sit aliquanto deterior quam podagra, nam si morbum vocas solum dolorem, certè podagra morbus erit, reliquum vitæ non ita morbo laborare dici potest at si morbum dixeris animi corporisque languorem secus longè, nam nunquam minus morbo laboramus quam cum podagra nos affligit, morbus est stultitia, voluptas, obliuio conditionis nostræ, iracundia, odium, dolor, quibus nos ipsos nostrosque leui vel nulla causa euertimus. At non morbus est melancholia? & tamen hac ipsa laborasse pluresque sapientes viros atque præstantes auctor est Aristoteles? quid Poætæ, Vates, Sibyllæ? non ne omnes morbo laborarunt? & quamdiu in prætiō fuerunt eo magis confictati sunt, quapropter & paucis ex his longa vita perfrui contigit, melancholicus fuit Virgilius, insanus Lucretius, stultus Naso, ebrius Horatius: quid tot commemorem? cum omnes insanierint breuique vitæ fuerint. Si quid est in nobis diuinum iam maxime detegitur in morbis: tunc enim futura præuidemus, prudenter negotia disponimus, atque à perturbationibus animi liberi sumus. Podagra si temperantiæ iuncta sit, sensus reddit vegetes, firmam memoriam, succulentum corpus, valitudinem synceram, vitam longam, gustum purum, somnum tranquillum, animam suauem, lætas cogitationes, promptam ad studia sapientiæ mentem: nam cum alij morbi solent illam inturbare sola podagra adauget & exacuit.

Hoc verò illa habet præcipuum & incomparabile donum quod sola animum contendat iam assuetum obniti ad versus corporis acerbissimos dolores, unde viget illius maxima fortitudo atque constantia ac robur, quo corpus aduersus cætera incommoda omnia regat ac



ac gubernet. Nam, de illo solum quereris postquam de animi languore plus satis dictum est, at querebatur Plato, nimis se frui bona valetudine, nisi enim ægro iā corpore animo valere non potest, sed sit, ut dixi, contemptus animi, quarantur solum corporis bona, quantum tibi adimit podagra temporis? quantum te impedit à negotiis? certe si temperanter vivere velis parum aut nihil exigit labores inanes & curas graues, ut si seruendum sit tumultuosa Reipub. si graui principi & moroso, si imprudenti amico, vnde nam melius sumitur excusatio quam à podagra? habet podagrosus maximam temporis partem in sua potestate, nulla honestior excusatio laboris quam à podagra, & si res tua agitur deseruit te dolor dicis. Sed hæc mittamus & de morbo agamus: quis est qui si in podagram non incidat deteriore morbo non laboret? si oculo, qualis molestia? quale periculum? quantum impedit? si aures, periclitabis de vita, de auditu: si dente, nec dormire nec edere potes: si tussi, periclitaris de sputo sanguinis: si scabiez scædus es omnes consuetudinem tuam fugiunt: si febre certas de vita: si coli vel ventriculi dolore, præter id quod molestissima sunt, magno in discrimine versaris, nephritis acerbissimos habet dolores, & periculum vitæ affert, regius morbus hydropem, hydrops mortem parit. Cordis palpitatio similis est poenæ infernorum, coxendicis dolor podagræ doloribus non minor est claudusque reddit: comitialis ad singula momenta horrendus & non sine vitæ discrimine: hernia nunquam sanatur, nunquam fideliter intermittit. Quid est ergo quod optare possis magis quam podagram, si non speres te perpetuo futurum incolumem: quæ spes quam fallax sit intelliges facile si singulorum vitam inquiras, qui vel quadragesimum annum excesserint; quotus quisque enim sine labe deterima est? sed latent talia præter Medicos, ob id plurimi iamunes à morbi labe populi iudicio sunt, vere autem quam paucissimi. Itaque cum ea conditione nati sumus ut aliquid pati necesse sit, nec morborum vllus mundior, mitior, securior, facilior; animæ vires adeo augeat, mores exornet, nullis commodis afficiat vitam aut dignitatem aut opes; propterea merito encomium illi diximus, debitaque ei laudes tribuimus. Quod si quis maleuolus calumniator obiciat quorsum hæc? laudare rem scædam, abominandam, morbumque diuturnum atque

insanabilem? idque non nisi ostendendæ facundia vel ingenij factum putet: quandoquidem non res vna sit podagra, nõ Dea, non naturale quidquam, sed è genere læsionum, dolorum, molestiarum, defectuū, is sanè decipitur: quandoquidem licet accidens sit ac priuatio quædam, nihilominus res est, non simplex defectio, quæ cum homini aduenerit scire præstat bono potius fato quam malo aduentasse, optimumque esse in humanis hisque nocere solent commodè uti scire, sicut pessimum his quæ bona sunt abuti. Est signum, est causa bonorum multorum, atque si ab effectu & exitu res pensandæ sunt, talis ut comparem in humanis non habeat. Nam præter reliqua quæ iam dicta sunt quot casibus illa nos violentis eximit? Nuper apparuit in Andrea Dauria Genuensis Cæsareæ classis præfecto, quem cum per prodicionem Io. Aloisius Illicus conuiuio exceptum occidere decreuisset, podagræ doloribus scruientibus ad conuiuium non accessit, inde imminentem cædem euasit. Quotquot annis superuixit, fuere autem circiter tredecim, beneficio podagræ debentur, tum gesta eo toto tempore. At quam multis aliis mortalibus salus fuit podagra, ut se ab insidiis atque imminentibus periculis tuerentur. Quot venena, cædes, & si nullum esset aliud malum, crapula, vitantur dum ad conuiuium non accedunt homines. Quin quot à malis nos illa auertit cædibus, iniuriis, insidiis, adulteriis, non solum quo ea detenti impediamur: sed quod ab huiusmodi cum sciamus perpetuo vigilandum & contentionibus incumbendum non audemus nos periculo committere, sed quiescimus, paremusque solum necessitati ac rationi, non perturbationibus à quibus fallimur; cumque sic nos auertat ac quasi mala disfluadeat non prohibeat, si necessitas incumbat, nec admodum resistit, nec si vis ei inferatur periculum affert, multi in incendiis distendi acerbissimus doloribus podagræ fuga tanquam sani essent se proripuerunt, nec Dauria prope octogenario nocte sub initio Ianuarij obfuit & equo fugam & colore arripuisse; nec scio quenquam qui ob podagram ab hostibus oppressus, aut qui quod se è manibus eorum proripuerit incommodum passum. Itaque cum tam insignibus dotibus, atque exemplis, præsertim huius marini regis encomio podagræ finem faciamus. Neque curemus quod substantia non sit, nam substantia è diuinorum genere sunt, ut in Hyperchen ostendimus.

D I X I.

M N E M O



၆၀၁-၆၀၂-၆၀၃-၆၀၄/၆၀၅-၆၀၆-၆၀၇-၆၀၈-၆၀၉-၆၁၀-၆၁၁-၆၁၂

*De Ordine.*

poris compendium quo nil melius, custodes rerum domesticarum & dispensatores domus. Indicio est quod fures domestici solent ab initio ordinem in suppellectile confundere. Adiuvant usum eius meditatio consuetudo, exemplum aliorum tabula ficulnea. Vnde & saepius ante rescribere & tabulam tabulae & per partes seu paulatim. Quantum vero possit ordo considera vel ex ceruicalibus duro & molli: intellige quatuor differentias non duas id est durum supra molle infra, vel utrumque durum & reliqua.

Sed nihil mirabilius amplificatione aut  
utilius: assumptis quotvis terminis totidem  
ab vno sumes numeros in continua propor-  
tione dupla vt si sint octo 128. si nouem 256.  
vt vltimum terminum: duplicabis & adempto  
vno relinquetur numerus cōparationū, vt in  
octo fiāt 255. in nouem 511.

|   |   |          |
|---|---|----------|
| Pro numero autem coniugationum. i. compositarum     | 1 | 1        |
| comparationum adime simplices terminos vt à 255.    | 2 | 2        |
| adime 8. & à 511. 9. habebis coniugationes scilicet | 3 | 4        |
| octo terminorum 247. & nouem 502. Quid si velis     | 4 | 8        |
| correspondentes simplicibus,                        | 5 | 16       |
|   | 6 | 32       |
|   | 7 | 64       |
|   | 8 | 128. 255 |
|   | 9 | 256. 511 |

adime totidem velut rursus  
octo & nouē & habebis 239.  
& 493. Rursus si velis secun-

|                               |                      |
|-------------------------------|----------------------|
| dam coniugationem com-        | n. p. n. col. n. Ag. |
| positarum vt in octo vel no-  | 1 1 1                |
| uem binarij & senarij vel     | 2 3 4                |
| septenarij & ita ternarij &   | 3 6 10               |
| quinarij vel senarij vel qua- | 4 10 20              |
| ternarij & quaternarij aut    | 5 15 35              |
| quinarij. Primum discas pro-  | 6 21 56              |
| gressum terminorum ducē-      | 7 22 84              |
| do numerum propositum in      | 8 36 120             |

dimidium eiusdem vno ad-  
dito ita numerus maximus. 36

|                                 |     |
|---------------------------------|-----|
| 7. erit 28. 8. 36. addendo      |     |
| enim 1. ad 7. fit 8. duc 4. di- | 238 |
| midium 8. in 7. numerum pro-    | 119 |

|                               |    |
|-------------------------------|----|
| positum fit 28. Et tantus est | 28 |
| numerus collectus ab vno      | 56 |
| ad septem vt vides , & ita    | 35 |
| 36. est numerus collectus     |    |

8. vt in secunda tabella. In  
 tertia autem est numerus

aggregatorum ex collectis. Cum ergo vis  
 binarios in octo vel novem terminis iam ha-  
 bueras aggregata 255. & 511. & numeros sub-  
 trahendos pro simplicibus terminis vel ag-  
 gregatis suis vno minus & sunt duplum ter-  
 minorum id est 16. detrahendum à 255. &  
 18. à 511. & relinquentur ut dixi 239. & 493.  
 à quibus detrahe vnum pro aggregato con-  
 iunctis



iunctis scilicet omnibus fient 238. numerus coniugationum 8. & 492. numerus 9. Pro binario ergo in 8. terminis cape proximo minorem, detracto enim vno ab octo relinquuntur septem; hic autem est 28. & tot erunt coniugationes binariae & totidem senariae in octo terminis. Ternariae aut & quinariae habebuntur accepto 21 pro maximo numero & congregatis omnibus inferioribus collectis habebis enim 56. & pro quaternariis accipies proximo minorem in numeris collectis & est 15. cui iunge numeros inferiores habebis 35. iunge simul 28. & 56. & 35. habes 119. cuius duplum est numerus quassitus. In nouem autem terminis constituiamus numerum ut dixi 492. cuius dimidium est 246. (Neque dedignabor ob tres causas hac in parte esse longior tum quia est fundamentum maximae rei 1. amplificationis, & est res admirabilis, tum quia difficillima ob tot implexus. Tum quia est initium doctrinae; in quo debemus tanquam metro uti exquisita declaratione) capiemus pro binario

492  
246

36 21

84 15

126 10

6

246 3

1

56

35

20

10

4

1

36. numerum collectum vno minus numero terminorum pro binariis & septenariis totidem. Et ita in numeris collectis pro ternariis à 28. proximè minore habebimus 84. & totidem pro senariis. Itidem pro quaternariis qui etiam seruiet quinariis capiemus à 21. infra & fient 56. numeri collecti & à 15. infra & habebimus 35. & ita à 10. infra 20. à 6. infra 10. à 3. infra 4. & 1. & colligemus numerum quaternarij 26. Et hoc volumus docere. Ergo in xxi. terminis fient iuxta hoc coniugationes ii. xvi. cli. Indicant autem sic esse mathematicae & praecipue Geometria & Arithmetica, cum tam paucis, principiis atque suppositis tam multa & procul à primis intuitibus demonstrant. Proximè his etiam Naturalis Philosophia & Diuina & reliquae Mathematicarum & Moralis tum ex artibus Medicina, Agricultura & Nautica, nec non & Logica ipsa non minus.

Ex his cognitis generibus si volumus comparare ad species seu differentias, propriavè aut accidentia, consurget multitudo incredibilis unde oritur secunda regula comparatiuorum quam more nostro simul cum exemplo explicabimus; sint igitur genera AB. quorum species CD. & EFG. accidentia HI. Et primum species ad proprium genus comparabuntur per id quod inest. Et si CD. inest A. A. autem non inest B. neque CD. inest B. quare nec EFG. similiter iuxta Galeni sententiam quaeremus de eo quod est semper, ut multum & rard, & haec magis augent numerum non tamen multum nisi aded iam magnus per se esset. Et similiter cum ad contraria comparatur aut similia omnia haec augent numerum sed tamen parum: velut ignis non potest esse frigidus nec non calidissimus: sed si sit refractus mutat calidissimum licet non frigidum: & similiter si sit mistus, sunt ergo plures pro-

positiones per additionem assumptorum: nec solum in generibus atque substantiis sed accidentibus: Velut lepus in frigida regione est rubicundior in frigidissima cadidus: Equi in frigidis regionibus sunt robustiores, in frigidissimis exigui, & imbecilles; senes melius concoquant hyeme, quàm mediis temporibus, decrepiti contra. Tertia cum assumpserimus res contrarias primum accipiemus numerum coniugationum ut simplicem velut in quatuor erunt xv. ex prima regula. At quia quaelibet coniugatio bifida redditur ad singulos terminos: Et rursus coniugationes per se excrescunt per binarium oportebit inuenire genera comparisonum: utpote simplices quae sunt quatuor duplicabuntur; duplices quae sunt sex quadruplicabuntur & fient xxiv. At triplices cum sint quatuor & ipse & debeant duci per numerum ordinis fient, qui est 8. fient xxxij. quadruplex vna quae cum duci debeat per numerum ordinis, fient xvj. omnes igitur lxxx.

Quarta regula cum fuerint mistae primum inueniemus coniugationes proprias per regulam primam, inde in singulis quot sunt termini qui sint alternantes & quot coniugationes, & si in vna coniugatione sit vnus terminus qui habeat contrarium numerum coniugationum duplicabimus; si duo termini multiplicabimus per quatuor: si tres per octo per tertiam regulam: & ita habebimus numerum quassitum. Exemplum sint quinque termini & in his duo geminati ut homo, sanitas aut morbus; Aethiops, calidum vel frigidum, senex: Erunt ergo per primam regulam omnium vna coniugatio singula quinque quaternariae, quinque binariae & ternariae decem ac decem: Declaratum enim est ibi quoddam inuicem respondent & sunt aequales. Quia ergo in ea quae omnes complectitur sunt sanitas aut morbus, calidum vel frigidum, ducemus per tertiam regulam, duo in duo fient quatuor, & iterum quatuor in vnam coniugationem fient quatuor coniugationes. In quinque simplicibus sunt duo duplices termini, erunt ergo duae & duae coniugationes scilicet sanum aut aegrum, calidum vel frigidum quae cum tribus residuis simplicibus efficient septem. Et in correspondente quae quatuor amplectitur terminos tres sunt geminatae his & duae semel: ducemus ergo tria in quatuor & fient xij. & duo in duo & sunt quatuor, fient ergo simul iunctae xvj. At in binaria sunt solum tres termini non geminati, sex geminati, & vna coniugatio quae ambos terminos geminatos complectitur. Ided ducemus eam per quatuor: sex per duo & ita habebimus quatuor duodecim & tria quae iuncta efficiunt xix. In ternaria vna tantum potest esse simplex: & tres binos geminatos comprehendentes, velut sint a. b. sanum vel aegrum calidum aut frigidum, erunt tantum tres coniugationes ternariae abc. abd. abc. quas ducemus in quatuor fient xij. & sex residuae in quibus erit vnus solum duplicatus & ita ducemus sex in duo, fient rursus vij. iunge xx. & xij. & vnum simplicium iam commemoratum & fient xxv. iunge simul, habebis coniugationes lxxj. Et si omnes fuissent congeminati, fuissent cccxij. & si simplices omnes 31. Obseruare autem decet in his omnibus, quae manifesta sunt & ostendi possunt & quomodo



& quæ minus: & quæ parum habent efficaciæ.

4

|                         |         |    |     |
|-------------------------|---------|----|-----|
| Quoniam verò non        | Om. 1   | 32 | 32  |
| de vii sed ratione or-  | Sing. 5 | 2  | 10  |
| dinis instituta tracta- | Quat. 5 | 16 | 80  |
| tio est: ratio autem    | Bin. 10 | 4  | 40  |
| duplex, vnavt primum    | Ter. 10 | 8  | 80  |
| per genera singula rem  | 31      | 71 | 242 |

attingamus inde ad genera quæ sub illis posita sūt, & post ad species ac differentias propria & accidentia singula deveniamus. Alia vt genere vno assumpto transeamus ad species: inde ad ultimas & differentias & propria, ac ex hoc ad aliud genus similiter singula quæ sub illo continentur prosequentes, idè merito quæritur, quænam harum sit proponenda. Et certè hæc magis vulgata est & dilucidior, & ad memoriæ commendandum utilior. At illa altior atque sublimior quam Theodorus Gaza in sua Græmatica quatuor libris expressit: ad Aristotelis imitationem. Et Galenus tenim in sua medica arte. Habet etiam naturæ imaginem totum experimentis quod partibus & ordine & nobilitate præstat, nisi si qua sit cuius gratia totum conditum videatur vt mens. Deinde quod repetitionem omnem effugiat quæ in alia tractatione nimis frequens est. Tertio quòd in cuiusque arbitrio est totam apprehendere disciplinam, & paucissimis & non multis & multis, & perfectè. Enimverò mihi distinguendum videtur: nam primum si qui ingenio præstant, & in contemplatiuis & in totius artis tractatione utilior ac memoriæ aptior est primus modus, in contrariis secundus. Vnde Galenus has omnes ob causas præterque in libro Artis Medicæ; hoc ipso vsum est. In quo maximè observandum, vt nec in omnibus, nec nullis omnia de omnibus explicare velit, sed vt assumpto vno aut altero ex difficilioribus & magis accommodatis, exprimat Veneris Phidiæ imaginem vt non solum nihil desit, sed neque desiderari possit. Sic ampliter doctrinæ, & breuiter labori legentium consulat, & illorū memoriā exercebit: ac ad imitandum eos faciliore via adhortabitur. Ibi erit diuisio demonstratio singulorum, explicatæ formæ argumentandi inuersio, à contrario, vsum docere, quæ obiici posse sentit diluere; in ordinem redigere. Et in imitatione si vnum tantum sequaris videbunt: si plures confundes: si nullum contemnent. Propterea duos aut tres & præcipuos nec vno modo.

5 Porro tribus præcipuè est opus, vnum vt præferatur quod breue est & dilucidum, facile enim intelligitur, facilius memoriæ commendatur quod amplificationi maximè pateant iucunda grata, quòd absoluta, quòd difficilia & ad exercitationem placent & quia rara: Et ob artificium admiranda. Et si supersint commentariorum reliqua habebuntur: si exciderit nomen manente sententia mens tua superest. Quid refert non mutato te, tibi prænomen aliud impositum esse? secundum vt discendi inueniendique modus, tum tractandi ac docendi habeas. Quorum vnus est Dilemma cum ex contrariis contraria inferis quæ sub vno genere tibi aduersante continentur. Vt si faues filio meo iniustam causam habenti mihi parum amicus es, si iustam asteris, impietatis me arguis & illum contra me irritas idè

multò minus amicè facis. Cum autem pertritis vteris aut disputando aut agendo, sed in minima quasi diuidens aliquid maius præstare videris quam alij vt qui profitearis quantitatem affectus aut incumbendum scire: & hæc vocamus doctrinam crassam. Tertius est *modus*, similis doctrinæ crassæ. Verum explicat & animaduertit genera operandi, in quo etiam ab illa differt quæ etiam in contemplatione versatur: vt loco contemplationis assumat genera non aded animaduersa & occasiones doceat. Hic etiam nihil omittit necessariorum vel vtilium ad intentum, vt crassa doctrina plus complectitur quàm sit, vel necessarium vel vtile. Et doctrina crassa duplex est vera & fucata, veraque etiam imperitorum aut impeditorum, *modus* autem excellentium virorum. Quartus est amplificatio quæ propriè transit ad connexa: Genus ex eo rursus ad species differentias propria accidentia inseparabilia & causas. Vt si dicamus gonorrhæa est defluxio inuoluntaria utilis humidi amplificatio est. Et euidentior si dicamus idè illi conueniunt auxilia ad fluxum mensium & sanguinis narium & epaticum. Quòd si distinguamus reliqua similia à fluxu seminis præcipuè si diligenter erunt splendores. Hi enim incrementum præbent ex externis, velut simili ortu effectu sine concausa loco à contrario sympathia, antipathia, ratiocinatione, diuisione, compositione. Velut vinum offendit ventriculum natura & cogendo cibum sitim excitando: Iuuat spiritus ad locum trahendo ac ad illorum generationem discutiendo illuuiem pristini cibi, somnum quoque prouocando & flatibus soluendo: tempora occasiones consequentia electio etiam quantitas principium, superuenientia vt dolores *arima*, imbecillitas, tristitia, extenuatio. Tertius est tractationis modus: explicare sensum, verba in examen deducere & expendere, demonstrare, limare, amplificare à quo accepit, & qui rursus ab eo exponere: diuidere, componere ad opus deducere utilitatem adiicere, obiecta diluere, disponere, in ordinem redigere, digredi quandoque epilogum conficere.

6 Exemplum quidam rogatus dum accedit matrem familias (cum ipsi negotium non leue esset) iubetur expectare: excipit ille libenter, venientem læto vultu affatur, gratulatur mulier: rectè consulit filio (nam medicus erat) hoc etiam gratus illi: at ipse cura non angitur: consuescit hæc mediocria non tam ferre quam iucundè traducere: multos ob id ad se trahit clientes: fama humanitatis spargitur, lucrum crescit: inde commodis vita longè producit, filij erudiuntur: vides vt ex vno nouem alia ad felicitatem sequuntur. Aliud naturale: exercetur senex insuetus & incalescit: feruetque sanguis, accenditur ephemera: ex qua corpus habitu repletur: qui cum exire non possit præ multitudine humores putrefacit: ex quo defluxiones fiunt liquato sanguine: inflammatio: ex hinc tertium febris genus: redundant fumi ad caput sitque dolor, & ex ambobus vigiliæ: & cadit appetitus cibi & sitis instat, vnde vires fiunt imbecilliores cum calor copiam tum exigeret cibi: itaque humores cordis corrumpuntur & moritur: ex vno duodecim.

Ergo

In libris  
præcipuè de  
animalibus.

Reliquos  
modos & *arima*  
celxxxvi  
vide in ta-  
bula libr.  
Topior.



Ergo cum omnia ad nos referantur, & quæ non, perinde habeantur ac si non sint: eatenus tractatio arctanda est, ut nostri causa fines quærantur & modi: Necessarium, irreparabile, promptum, facile, utile, iucundum, & necessarium triplex coactum, ut à Principe: Per se ut subiectum, velut vita: Et sine quo fieri non potest. Utile etiam multiplex magnitudine multitudine diuturnitate. Inveniuntur diuisione demonstratione, definitione finis securitas & magnitudo: in aliis per se ut necessitas, alij comparatiui habere aut repellere. Simpliciter etiam ut vita filij, mentis & corporis sanitas, honor & opes: vel cum vnum ad aliud comparatur. Simpliciter quidem vita ob id quod cætera facilius reparantur & filij ob perpetuitatem: si tamen vita honori comparetur, persæpè præferimus honorem: & maxime iuxta Poëticum illud,

— *Pulchrumque mori succurrit in armis.*

Habes capita horum septem cuius causa quæ inueniendi præsidia quid præferendum? comparatiue in se, & ut comparantur. Hac autem assequi paucorum est & expertorum ac diligentium insuper cuiusdam bonæ fortunæ.

8 Vltius autem duarum tabularum utilis est. Conscripita alia tabula ex commento simplicium adiectorum Dioscoridi nominibus constans ut simul rem & locum haberemus. Sit (ex more) ut inuenire velim, Cerefolium & an sit Gingidium Dioscoridis. In illius tabula est ibi ibidem ante inuenio Salicam 139. Piper 170. quæ in secunda tabula ordine secundo (nam in primo sunt nomina nouorum) & inter illa præfero quæ sunt in capite paginæ vltimo vel propè finem inuenio Cerefolium & à leua Gingidium. Non me latet quod non multo labore poterat exarar tabula nouorum nominum ordine literarum respondentibus numeris ad capitulam proposita Dioscoridis.

9 In numerorum ordinibus vtpotè si sint quatuor constitutiones, & in singulis quatuor partes. Principia autem xvi. accipiemus quatuor res ut pote ABCD & loca totidem & non sint plures res nec plura loca & ponemus casu B, & B, incidisse in I, C in G, & A in E. idè semper assumeamus A, pro prima constitutione, B, pro secunda, C Tertia, D quarta, comparabimur ergo dominum constitutionis & ordinem sequentem ad sua loca, sicut ergo xvj. coniugationes vtpotè A, in E, & B, in I, constituent primam constitutionem & primum principium. & pari ratione B, in I, & C in G. Primum principium secundæ constitutionis. Tertia autem constitutio est C, in G, & D, in I. Ergo postponit ex te qui est locus D, in I, tertium locum ut sit principium in Tertio loco primæ coniugationis. Quarta constitutio D, in I, & A, in E, ut in tabula secunda. Igitur principium locus primus tertiæ coniugationis, & ita nouus in ordine omnium. Veterum tamen est per somnium exemplo duorum qui obuisse videbantur, ut de nulla re magni momenti quererem quæ esset ultra meam memorumque incolumitatem.

Tom. I.

### Communis.

1. Quæ de ente & vniuerso.

10

### Mathematica.

2. Geometria.
3. Arithmetica.

### Naturales.

4. De Corpore.
5. De Simplicibus.
6. De Mistione.
7. De Mistis.
8. De Animatis.

### Mista ex Mathematicis, & Naturalibus.

9. Ponderum.
10. Hydrologia.
11. Geographia.
- 12.
13. Optica.
14. Pyrotechna.
15. Astronomia.
16. Musica.

### Morales.

17. Ethica.
18. Oeconomica.
19. Politica.

### Mista ex naturalibus & arte.

20. Medicina.
21. Agricultura.
22. Nautica.
23. Architectura.
24. Magia artificiosa.
25. Magia naturalis.

### In Probabili Genere.

26. Astrologia.
27. Phylionomia.

### Diuina.

28. De Incorporis.

### De Ente secundo.

29. Dialectica.
30. Rhetorica.
31. Grammatica.

Modi ergo procedendi sunt quoniam genera, species, differentia, propria inesse vel non. Accidentium cum substantiis aliqua sic, aliqua imò pleraque non inter se autem eodem modo. Quæstiones difficiles & dubias ad propria relegare. Velut an vllum accidens perpetuum? nam quantitas in cælo eiusmodi est. In causis autem Sympathia, Antipathia neutrum, comparatio eiusdem ad substantiam & qualitatem: ouis & candor cubitalis. Proprietates occultæ & instrumenta ut calidum. Generalia Circuitus rerum, occasiones: præcipue in agendis, & Artibus, intelliguntur & incorporea. Sunt præter hæc noua argumentandi genera, nouaque principia, velut apud Archimedes & Pergeum: & in probabili & contentioso genere: Velut an si-

V lix



lix floreat? Et valde vtile in artibus filix, aperit obstructions & est è genere filiculæ quæ euacuat melancholiam, ideo à melancholia factas. Item transmutatio reciproca ex speciebus ad genera inde ad reditus: ad contraria ad simplicia: & quod deficit in arte, addas in meditatione.

Exemplum locuplex Diuinitio an utilis? ad prouidentiam conducit hoc scire: Ad Normam, nam ab ea inchoandum. Ad cautiones, ne vel decipiaris, aut salutare auxilium negligas. Rursus diuiditur per genera & modos. Necessarium simpliciter vt mori oportere: ex suppositione, vt ex morbo lethali laborando, Numerales, vt in mille ictibus mille alearum, Probabile, verisimile, fortuitum: Hæc omnia ad vnum etiam vtrum vera? Atque in his ordo vt dixi cui debebatur? eiusmodi argumenti composita alia velut in graui lite cum iudice iracundo parum amico & qui te contra amicum coram Principe adulescentes impellere volunt, laudando enim te in re contraria ei quam amicus tuus peragat adulatori assentiris, illum damnas, si contradicas damnas tuum adulatorem? talia sub quo collocanda sunt genere? In primo exemplo sunt Qualitates, scilicet iracundus, parum amicus: subiecta res, lis potens ad personam? lis ad introductionem, in negociis, ad normam & cautiones pertinet. Persona licet potens non tamen præpotens vt Princeps. Qualitates moderantur iudicis conuersationem aut mutandam docent quia duæ sunt vt prior nisi qui venale ius habet inueniri non queat. Et in lite ergo quoniam persona non obtinet, cautio ad tractationem, norma ad genus rei: introductio pertinet ad adhaerentia in quibus est persona, transferemus ad introductionem animaduertentes quod plus potens vt Princeps quod multis modis conuenit vt introductio quod ad substantiam: in quo versatur articulus (vt dicunt) velut in extremo vel contra vim aut in iudice venali cautio, vel quod sæpius repetitur. Hæc autem in querendo vnde auxilium sumendum sit: in dispositione autem omittitur repetitio & in quo versatur articulus, non enim de his capita nisi per exceptionem sunt instituta. Et in secunda eliges sermonem adulatorium, nam adulatio genus est: Species contra amicum Principe coram, vt te capiet. Genus enim eligere debemus quod plures contineat species, cum verò de genere ad species, genus quod sub se pauciores continet species & ita in disponendo obseruauimus.

Aliud, quidam ad te venit, velut mihi sæpè contigit ignotus sed fama nominis tui se ferens accensum & sermone familiari quasi interloquendum de casu tuo te interroget, & specie miserationis damnat hæc tempora. Queritur meritò quid agendum? & vt hoc scias, sub quo capite sit collocandus? patet enim interrogationem pertinere ad caput de ignotis, de ignotis quandoquidem ignotus ille sit, & ad caput de sermone quoniam talis esse videtur. Ad regulas generales. An ergo in omnibus? vt non solum huic memoriali sed etiam in libro incongrua, & repeti-

tio inanis. An in nullis? Quid ergo proderit? hæc obseruabimus. Quod maius periculum affert, id est ne quid contra superiores loquantur, quanto minus vbi læsa est existimatio nostra. At quid agendum ergo? rustico more ablegandus? non sed tu interroga qui sit, cur venerit, quo tendat? an quicquam de eo negotio ad illum pertineat? Igitur hoc primum erit. Secundum ab eo deducitur quod generale est (illa enim præcepta sunt obseruanda) de tuis rebus cum nemine miscendi sermones, quando minus cum incognitis, & de rebus periculosis. Tertium ab alia generali, quod neminem rusticè ablegare debemus, sed vel excusatione præposita, aut illius explorare consilium, profuit hoc pluribus: Cogitandum est etiam de duplici vsu præceptorum, vt ad te ad illum. Vnum enim licet cogitare aliud dicere. Tertium est, sub quo titulo habendus est, qui tam multipliciter peccat. Ergo sub magis periculoso & est de Principibus & magis proprio, & est ignotus idque generalius. Tertio de maiore errore & est tractare de tua existimatione propter propositum. In sermone ergo quotidiano non collocabitur, cui tot sunt propria. Ea verò ante vt vnum alteri succedat loco, non vt includatur ne frustra fiat repetitio. Hæc igitur memorialis constituentur ratio.

Est igitur ordo loci, seu præferendorum de quo hic non est sermo, collocandorum ad intelligentiam, ad memoriam ad agenda, & ad custodiam, velut in suppellectile. In his ad tria respicere oportet, necessitatem, securitatem, decorem, vtilitas partes compendium temporis, facilitas assequendi finem & perfectio, ideo non conturbari hac in causa optimum est, ad hoc facit docilitas ministrorum & præmeditari bene agenda, vt rectius collocentur. Aliquando etiam conuenit pluribus actionibus & longiori tempore breuiorem reddere principalem, vt legendo bis tervè literas male scriptas ac alij legendas si licet promittere, aut domino aut amico rursus perlegas.

Nulla clavis furto exposita vna clavis, & artificiosa vtpotè obliqua & cruciata dominum efficit seruum & nihil habet tutum cum alteri dederit & cōuenire paruis arcis non potest ac simul tuta esse pro ostiis. Permutare ordinem stultum, nam obliuiscimur & maiora affert incommoda, neque enim est vt putas quod tam facile sit aliis subripere quam tibi inuenire. Relinquitur vt præciosa sub duabus clauibus contineantur, vna artificiosa & valida, alia tenuiore. Quia verò rerum domesticarum minus præciosarum aliarum quotidiani vsus vt panis: aliarum ad breue tempus vt mappa, aliarum quibus rarior est vsus veluti infundibulum. Ergo præciosior omnia sub vna clauē continentur vt dictum est, quam nobiscum deferre, nec dare nisi fido ministro debemus, quæ mediocris præcij vna itidem clauē concludi quàm arcis pluribus satisfaciatur illa arcu. la cōcludi sed duplicata ne pereat, vicissim sede permutata vt in arca AB. clavis in BA. Quarum vsus est quotidianus seu sit cereale seu vinum sub iisdem A B clauibus: si itidem sint ministri aliter diuisæ pro illorum numero.



ro. Appelle diuifos ministros qui addicti sunt propriè vni negotio : velut penu vinaria, aut arsipanaria vt in domibus diuitum mos est & scias quod clauis mascula tenacula foris plerunque aperiri possunt.

14 Fit etiam mistio & coitio in vnum duorum seu trium aut plurium in vnum alterius generis maxime per dictionem & hoc etiam multifariam vel propter obscuritatem vel artificium mirabile seu ad prouidentiam vel ad vim, & est finis vt habitatio, cautio in dicendo. Aut quòd ex æquo ad duo pertineat : vt si intimus potenti tuam interuenerit pecuniam & dominum alloquaris habenda est ratio quia potens & recuperandi pecuniam : Erunt ergo duo modi simplices : & ambo bimumbres vt misti sint quatuor : Exemplum primi Corii. idest, concordia, opes, Religio, virtus Patriam bonam & securam reddunt, hæc igitur ne corrumpantur cauendum est. Secundi cum dixerit Dominus pro suo, dedit, numerauit, deposuit, non potuit. i. Iure non debuit. Dices scio omnia vel nimis scio, nec ulterius procedes. Idest scio quòd stultè fecit, vel quomodo : vel te mentiri, vterque modus amphibologicus obscurus & ad plura capita pertinet. Noli obscuritati adeò studere quandoquidem tempus plura per se obliteret, nisi in re periculosa, & quæ eo modo, vt sub regula generali contineatur.

15 Quæ adimere ( cum ars constet in duobus vt locus verborum claritatem augeat & significata expleat ) præstet. Sunt primum aliena à subiecto imò omnium quæ à demonstratis non pendent, & quæ pendent, hæc vt superflua illa vt incerta & ad locum non pertinentia dubia in demonstratio genere, falsa in probabili. At dices nihil addendum ergo in Apodixi? Imò multa vt cum addimus Ciuetatam de qua dubium est an sit, & an hiæna. Aut quod non est statim conspicuum ex demonstratis : vt quæ à decimo libro supra in Euclide. Aut si alia Principia supponere oportet. Vt in vniuersum ad tria sint reducenda genera. Principia subiecta & quæ non ex verbis ipsis deprehenduntur. Incredibile enim est quantum ex his adiciatur. Quartum est ex situ vt dixi & lima verborum. Totidem ergo auferenda, nam vt antea diximus quæ obliua augent significatum & orationis splendorem. Exemplum proprium habes in quarto Commentario in librum de acutis morbis.

16 Erucendorum ratio est, vt cum quæritur an inest stina vim habeant, attrahendi aut retinendi? in qua Galenum in contradictionem adducunt. Perspicuum enim est eas habere quæ sunt temperamenti, & ad propria non illas quæ sunt iuxta formationem & villos: & sunt instrumenta & comparatione contentorum in cavitare.

17 Exemplum appositum ex ordine augendi pecunias exiguo periculo, & absque flagitio: Deposita summa apud securum trapezitam cui in præsidia ampla, ipse parcus, exige syngropham huiusmodi sub priore qua debi- tam fatetur: Ego Præn. & N. contentus sum, commutare prædictos. N. aureos coronatos

Tom. I.

per nundinas, Bisantinas nomine ipsius (scilicet creditoris) Præn. & N. sub nomine nostro: separatim Præn. N. vtili & damno supradicti Præn. & creditoris. Insuper volumus esse obligati pro debitoribus quibus credituri sumus pecunias cum pensione consueta (quæ solet esse ab  $\frac{1}{3}$  ad  $\frac{2}{3}$  pro centum) & dare ei (bonum computum) id est reddere rationem vt ei libuerit: & restituere ei pecunias vt supra dictum est. Opus est probō viro, & vt tu ab aliis monearis.

Sæpe ego visus sum perfecisse hunc librum, cum adhuc procul essem à fine, causa fuit quoniam vsus præcedit scientiam, nam vsus effectus rationem habet, scientia causæ, effectus autem est notior nobis quàm causa, præcipuè in ciuilibus & artibus de quibus est hic liber, & vsus docent sensus si quid deest in scientia intellectus, in vsu etiam non con- quiescit animus donec peruenierit ad finem, in scientia sunt multa diuerticula, in quibus anima digreditur & conquiescit, vsus etiam est multorum qui vrgent, scientia paucorum, vnde celerius properat ad finem, quàm scientia: vsus etiam demonstratione non indiget. In vniuersum plus vsui occasio est, & modis quàm res ipsæ.

Propositis duobus punctis ad rectum sub- stitues à dextra post duos primos à sinistra in dextram vsque ad nouem inde extremis sex aliis ad quindecim, vsque & duobus inferioribus sex aliis vt sint triginta & vnus, Positis autem transuersis à sinistra in dextram octoginta, centum sexaginta, trecenti viginti, quingenti quadraginta: Demum à dextra in sinistram mille ducenti, bis mille quadringenti, quater mille octoginti, x m. cum tribus duntaxat punctis. Quòd si velis maiores numeros representare, puncto exoterico omnia traduces ad millena, si aliud addideris ad millies mille millia. Vt sint x m.

## CAPVT II.

### Principia, Axiomata, Regulae generales, supposita.

IN omni humano negotio, maximè autem artium aut consilij, quanquam multum possint meditatio, ratio, consilium multo plus tamen valet exercitatio ipsa: vt quanto magis sapientia augetur tanto subtilior reddita, eo magis experientiam firmiorem ac circumspectantem instrumentaque ad opera apta & agilia exposcat. Vfus autem multa docet: aditque facilitatem, promptitudinem, decorem, incunditatem.

Plurimumque prodest in plerisque opificiis & artibus tum rationibus quæ id admittunt, obseruare musicam proportionem: tum quòd in ea aliquid esse videtur humano generi accommodatum, quod ex aurium indotatum etiam voluptate percipitur: tum quia vniuersi ordo eius particeps esse videtur & extrema illa coniungat: nam licet vnius additione

V 2 tione



tionem perpetua ex septem, procedamus ad tredecim. Quid tamen tredecim, cum septem familiare aut simile, at si capiamus sex, quatuor, tres, aut sex, tres, duo, & eis superiungamus duodecim, & octodecim, constabit ratio multiplicis atque iucunditatis quamvis diuersa proportionem, & ordine permutato. Ita si ad sex, quatuor, & tres, adiunxero, nouem, & duodecim, sed hoc etiam ad memoriam factorum, faciendorumque stabilem quandam normam conducit. Quocirca ego postque hoc animaduerti, quantum potui medicamenta omnia composita ad illam traduxi: visumque est utiliora effecisse: certe ad facilitatem & ordinem atque elegantiam non parum contulit, licet enim (& obstruo) ordine iam primo constituto sex, quatuor, tres, subiicere duos, & vnum, vel vnum, & vnum, ut redeant ad duodecim, octo, sex, quatuor, tres, vel duodecim, octo, sex, tres, duos. Et ita in alia sex, tres, duos, excurrendo in primo &  $\frac{1}{2}$  vel  $\frac{1}{3}$  &  $\frac{1}{4}$  sient enim viginti quatuor, duodecim, octo, quatuor, tres, vel octodecim, nouem, sex, quatuor, duo. Forſan obiciēs hęc aliena eſſe à Peripatetica grauitate: Sed prima authoritas inuentis acceſſit ex qualicunq; rudī etiā ratione fateor meliorem eſſe ex ſubtili ſi modo & tu primas partes experientiæ tribuas. At dictorum quædam ſolidæ ſunt diſciplinæ, multaplusquam probabilia.

Verum eſt aliud quoddam minus celebre, minorisq; longè ſubtilitatis, ſed vtilius multo quod malè intellectum ab aliis nobis magno vſui fuit & eſt. Scilicet vt cum homines vt dixi præſentia ſolum non tantum magnifaciant ſed curent, in illis effuſi prodigi atq; inconſulti ſunt in aliis improvidi ac negligentes; quo nos obſeruato duplici emolumento afficimur, vt contra, illi maximis detrimentis atq; etiā occaſionibus deſtituti: ſcilicet vt paululum præſentium profuſionem differamus, & futurorum maximè propinquorum expectationi, quam conſtat certam futuram modo periculum nullum aliud ſit, quam in tempore conſulamur, ita quaſi neglecta paruo obtinere licebit illa alia etiā minori precio conſequemur. Non negarim tamen plus aliquanto præſentibus tribuendum, ſed non tantum. Inde conſtat vnde gloriæ & futurorum ac virtutis contemptus; nullum enim horum præſens, nam virtutis quod eſt præſens, illi non percipiunt, honos autem quam qui ex opibus poſterior eſt.

Ira peſſimum vitium adimit conſilium & ſanationi ſuæ obſtat. Deterior etiā Auaritia, Superbia, Ignauia, Gula atq; libidine, quod malè facere ſtudeat. Duplex etiā cum ſit, quæ in affectu eſt ſaluti propriæ & animo (tum enim magnos admittunt errores diſcruciantur) & corpori languorem & ſæpe mortem vt in ſenibus affert. Si ergo eadem & melius abſque ea facere poteſt cur pateris? In effectū vltio vocatur qui ſæpe maxima attulit pericula,

licet non ſemper exitium. Tres libros contra illam Seneca ſcripſit, nec tantum perſuaſit, quantum hoc vno argumento conuincitur: Deus permittit impios viuere grauius peccantes, quos vlciſci facilius honeſtius, & tuto poſſet cur ergo tantopere feſtinus tu vindicare niſi illo te ſapientioſiorem exiſtimas? At Deo ab illis nullum imminet periculum: ego volo ſecurus viuere? Neque hoc ad iram, ſolum caue ne periculum augeas.

Materia repugnat quantum poteſt primæ cauſæ & æternitati nulla contenta forma ideo non patitur quicquam immortalē nec aliquid quod ad æternitatem tendat inimica virtuti, & gloriæ gignit ſol fauens cauſæ diuinæ tot infecta (quaſi in opprobrium illius: quia inſidiatur rebus egregiis, brevis vitæ, ſæda turpia imperfecta. Vi autem magna & auxilio ſeminis præſtantia vt hominem, atq; elephantem, & aurum ac gemmas. Cur autem Deus voluerit hanc imperfectionem cum poſſit omnia: eſt valde obſcurum, ipſa tamen perpetuò inſidiatur nobis, & cuique præclara res, & corpora, hæc ſublunaria media inter Lunam & accidentia: Luna verò inter cætera cæleſtia, & mortalia corpora autem cæleſtia inter incorporea, & Lunam. Incorporea verò inter Deum benedictum & corpora cæleſtia, vt ſint ſeptem ordines ſaltem. Habet autem priuationem per quam redditur inſatiabilis. Et ideo vbi prædominatur, ſunt inſatiabiles & tristes viuunt. Et ex his etiā cognoscuntur. Prompta eſt ad generationem, & corruptionem, & in hoc ſemper laborat. Ideo nulla eiſmodi eſt in cælo.

Præponenda ſunt in agendis ipſum non agere: minor, & rarior error, obſeruanda occaſio: tempus interim conſilium præbet: & ſæpe caſus occaſionem oſtendit. Perſonæ ratio habenda eſt, nec obliuiſcendum res humanas non ſit ad viuum reſecandas, vt vtilia omnia colligere velis inutilium, nihil retinere. Primum quod nihil purum in humanis: ſecundum quod natura aut vtitur vt in ſœtu excrementis vtiliter: aut creat, etiā vt in arboribus folia: Tertium quod noſtra ſapientia, vbi ad culmen peruenerit, umbratilis redditur vt cum exceſſerint mediocriobus in opere aut gloriæ. An quod artium certus ſit finis ſapientiæ nullus? Vel quod artium tractatio ſub ſenſibus, poſita ſit, ſcientiarum in intellectu: vel quod cognitio artium totius ſit hominis, diſciplinæ mentis ſolius? Vel quod diſciplinæ longiores, & ideo antequam homo eas adipiſcatur ſeneſcit: euanefcentibus autem viribus etiā qui ab illis adminiſtrantur decidunt. An quod de intellectis ſapientes, iudicant, qui valde pauci ſunt: de artibus populus? vel quod omnia in nobis ad æqualitatem certa ratione hominum conditionem retrahant? vel quoniam à Diuinis natura noſtra percellatur? Vbi ob multitudinem, rerum, ac magnitudinem retardemur: tum quia alterius ſint



sint generis? vel quòd sapientes dum magis cognoscunt, etiam timeant: & ad obeunda munia reddantur cunctatiores. Aut quòd proprium sit humana imbecillitatis signum repleti paucis & fieri inutiles? Demum quòd crescat amor discendi crescente scientia: vt qui iam diu deberent alios docere cupiant potius doceri? vtrumque sit talis videtur excessus sapientum maximè in decrepitis: qui tamen cum coniungitur incorporeorum ordini euadit solidus & stabilior prior sed exilior. Res vtrumque mortales exiguo distant intervallo, fallit motus & opinio vulgi ac obliuio temporum non præsensium. Doceat te ordo rerum villa oppidum, vrbs Metropolis, rex Monarcha: modo virtus, & robur, & fortuna adsint vt Tamberlano parum ante aetatem nostram. Sed vide modo quid supersit ex tanto regno tam magnis exercitibus & supra fidem factis?

7 Fac vt adeptio desiderium superet: Res desiderium: fuge ignauiam: in bona spe sed non definita viue, cum stultis & coniunctis negotiari grauius est. Illis nil placet, his plus quam conueniat: Dispone quæ habes bene, quæ non habes non recordaberis. In potentibus mala inspice, in egenis bona. Tria sunt bonorum emolumenta vmbra filij, somnium Monumenta; somnium vmbra gloria nominis. Contemptores tui vel inimicos aut prorsus ignauos improbos & importunos nequaquam admitteris vel ad sermonem, neque enim quicquam prodesse poterunt, etiam si viderentur quod rarissimè contingit, aliqua in re viles futuri.

8 Res de quibus agit hic liber sunt deliberationi principaliter subiectæ, eadem igitur erunt consultationi opportunæ ideoque in nostra potestate & alicuius momenti & viles aut quoquomodo necessariæ. Status autem hominum alij liberi alij non, liberi dicuntur qui nec agro sunt corpore, nec extra ordinem parere alicui tenentur, nec in carcere, & sufficientem victum habent. Agro non esse corpore dicimus eos solum, qui per munia consueta & aliquanto etiam grauiora aut proxima genere illis prorsus non cogitant nec cogitare coguntur. Consueta bifariam munera dico quæ ab hominibus generaliter aut quotidie aut per intervalla sæpe exercentur, aut illis velut vitreorum vasorum opifices. Vnde senex nullus liber ferme est: decrepitis certè, nec magistratui aut muneris stipendiario nisi alterum sufficere liceat, neque etiam is nisi quouis tempore: nam dum valere etiam videtur custodia illi opus est. Sunt & medij quidam status in male constituta Vrbe, vel familia si degas. Vel lite de magna re detentus. Nemo enim liber non esse dicitur qui de re sollicitus est, qua amissa beatitudine consueta non priuatur.

9 Vita ergo humana symbolica. Qui non intelligit non est homo, consuetudine, fama & appetitu cuncta reguntur: sed metus tyrannus est. Ex his qui Pragmaticam nouerunt solus Theramenes periit, contraria autem in benefactores gratus: in disceptan-

Tom. I.

do rationalis, in agendis ordinatus. Aggredere quæ possis obtinere, retinere fruique. Quantum differs à boue qui ad macellum ducitur? aliquanto serius: sed ille solo sensu tum infelix, homo innumerabilibus. Quot modi errandi? conditio sola sufficit: sexus totus: Aetatum duo trientes: a fortuna reliquorum dextans forsitan deunx: morbofi timidi omnes imperiti plerique serui etiam. Diuites auari non vtuntur, liberales sunt ministri ægregium decus, felicitatis mundities. Quid demum inter tot forsitan, & vtinam? Quicquid melius est pretium laboris abstinentiæ & patientiæ. Vtilius autem scire mala quàm bona: sunt enim plura potentioraque. Et errores quoniam in his viuimus, sensibus sermone aliorum iudicio: magis quàm ratione re nostra. Solus viuere non potes, si das: non habes si spe alis: torqueris si relinquis: hosti, si laboras seruus es. Si ociosus odiosus. Qui non dat nec auferat hominum tenta scire res. Eligere mentem hominum & persuadere. Vel multa scire, plurimum posse, minimum cupere. De tyrannis sermo habendus non est: De Principibus caueas. Pragmatica iustum definitur legibus rectè: Sed quæ leges? Qui possunt. At non sed optimi, sub hoc omnia continentur, & de eo solo lis est, & internecina.

Cum petunt præcario operam tuam domini, te indigente, dicas & mirari quod præstiteris: solum Deum tibi auxiliari. Sordere opus esse lauacro etiam si subleuauerint. Deum verisimile est ex voluntate constanti iudicare quæ sic nouit. Tu verò bonos & descendentes & benefactores & addictos & coniunctos Dei seruos esse velis: vt accessos qui mali esse volunt. Discerne inter necessarium valde commodum, commodum vtile: Quid opinatio, quantum opinio addat? coherencia & multa auersaberis, plura contemnes, plurima negliges. Inspice personas, formam, occasionem, tempus, spes, & metus, mores. Olim non poteram edere. An non aliquando desitura? Deus nouit quid futurum? Quid manet præter purum nomen? Aut si mens & incorrupta nil perit? an tu non idem es mutata veste? si corrupta tua non est: quid sollicitus es de tam paucis dubiis amissurus cerò omnia? An non illis, non, tuo bono? Qui cuncta curat, cuncta negligit. Minimam partem retine: ex ea pauculos typos declara & exorna. Tota vita singulis in hoc ducenda est, sermo ergo medius sit inter ea quæ sunt ac videntur ad tuos.

Qui alienis non sufficit, dum tua texere cupit laborat, inuidetur. Quod iuuare non potest omittas, labes magna? nulla, subiecta homo, res, aut coniectura, si non nota occasio, comparatio, in his quantitatem diuisionem, collectionem, tempus, instans, proferre: reparabile irreparabile, necessarium ad comoda decusue, qualitatem personarum negotiorum durum, molle, deliberatum, humanum. Singula autem potius diurna cogitatione indigent quamque regulis cum innumeræ futuræ sint comparatio longè difficilior. Dolores & mutationes ad alios pertinentes eadem regula tractantur, aut tam validi vt statim transeant, aut adedò sensim vt non sentiant



tiantur. Si qua tamen expetas auxilia : Non sentire : Mutare ( hoc difficilius ) ratione & consuetudine pugnare ob tot pericula, difficultates & assiduam curam, Stoici omnia ad virtutis cultum deduxere, consilio aut vero, aut saltem omnibus generaliter utiliore. Quod si ea fuerit præclara, ac locus bonus sufficit : in aliis bono iudicio, & mediocri fortuna, aut bona fortuna & mediocri iudicio opus est. Quæ sunt à consuetudine aliena non tange, aut ad ultimum principium perueni, aliter te & alios confundes.

12 Memineris quod in omnibus humanis negotiationibus, ni admodum sint dolosæ, aut atroces, sermo & actiones (sed longè minus) esse debent, & ferè sunt mixtæ ex pura rerum veritate, & eo quod consuetum est hominibus. Philosophicus sermo quandoque totum excludit, estque difficilis & pro stulto habetur. Hominum autem & præcipuè imperitorum non rarè ex sola consuetudine constat, nec irridetur.

13 Quicumque autem sunt quos mala delectent (eo usque enim progreditur humana cupiditas) si sint velut sal modicè degustata voluptatem adaugent aut exornant secus non admittenda, extra turpia periculosa temeraria, demùm impia & stulta prorsus.

14 Hoc age, ne agas. Quanto pauciora tanto plura, hoc sapius dictum connexum est. Aliud enim perfectum aliud imperfectum quod ob breuitatem plures habet sensus, & ob id, & ob imperfectos. Amphibologium etiam est. Melius est etiam duas res bonas omittere, quàm vnā malam facere compendium magnum vitæ. Furor fit læsa sapius patientia, iactandum suis, reminiscendum in aliis. Gaude quia lata vndique patet via lætitiæ & exultationis. Si non aliud esset in D. vt audeam dicere nil miserum esse sine stultitia modo aliquam cognitionem gratiæ. Quid ergo putant, aut non aliud esse? aut non coniunctum? aut non regi? aut sine compensatione aut æterna lege, quod optimum est. Ita ob falsum apertè bonum, aut periclitantur in verisimili. Sic proponunt multitudinem vt vnum: vnum vt nihil, atque ita opinantur non solum & viuunt, sed gloriosum sibi esse ducunt.

15 Inter principia vt etiam aliàs diximus & Cap. 18. sect. 1. prima debet numerari patria in qua contineri debent duo semper: optimarum legum & consuetudinum cultus. Quædam enim consuetæ aded gratia & molesta sunt etiam in iustissima Republica vitam ducere pigeat, alterum aer salubris. Secundum ager fecundus, neque enim & si miserum hominem non facit in apice montium habitare, suaserim si mitiore loco esse possis propter fortunæ casus degere, vbi semper timeas, non rarè ultra metam laborare cogaris. Sed tamen haud consulo vt peritus panificij triticum pro secala, aut castaneis, vel vinum pro Zetho: vel poma pro rapis: aut atria pro tuguriis & villarum culminibus requiras.

16 Compago, dissolutio, confusio: in concordia discordia, in discordia concordia. Pellere, cedere, generare, genita destruere. Vita & mors cohærentia: sensus, ratio, perturbatio, spes, metus, tristitia, lætitia: Regnat puer

præsens, senex præteritum, & diuinum futurum negligitur: Et tamen in vtroque horum mille præsentia continentur ob multas causas, aded vt nec vita longa sit præcipua. Malefacere & peius dicere: nil periculosius bonis verbis: vt cum speres, tum maximè timendum: atque omnia perpetuè & in perpetuum: angere aut vexare: nil stabile: nil syncerum. Et cum decipias velut senex, decipi vt infans. Regnant leges, pacta, consuetudines, mores, admiratio, dolus. Armæ postmodum omnia subuertunt & opprimunt. Species recti & opiniones: Temulentia, furor, amor, insania, desiderium infinitum. Vires languidissimæ, vita breuissima. Subrepat Philosophia contentiosa quam solam affirmant certissimam: vide quid de aliis sperandum sit. Rhetorica malefica, Venefici Medici, Poësis stulta. Fœmineus ululatus, puerorum ploratus Barbarici strepitus inconditi. Hic est humanis orbis.

Diuidere in partes in tempora, loca, sensus, colligere, Medium inuenire. Semper tamen meminisse conditionis tuæ. Quid debeas: & Principalis. Transfer ex simili, ostende similiū differentia modo hoc, modo illud attinge. Ne quid nimis, noli malo exēplo esse. Per generalia si ordinatim verferis, si nō a principio magna pollicearis, tutius relinques & honestius vagaberis. Et hæc tractatio negotiorum communis, aut ei similis. Ignoscendum est autem erroribus receptis velut illi præcipuè quod homines existimant se scire: Et multò plus credi quod sciant. Non tamen prætereundum, multò minus assentiendum, sed neque docendi aut reprehendendi. Propter hæc iuxta consuetudinem eorum ingenium, amorem, veritatis mores, felicitatem, amicitiam, & præcipuè quantum proficere posse speres ea scripsi. Et vt multa cum hoc toto existimes relicta proprie dum in singulis experiris, quæ sciri nec a te credas. Vt in eiusmodi hoc sit ultimum scire, te solum quæ sint cum oblata fuerint.

Quatuor sunt magna. Rectum & est vir importunus: nam hic solus tollit auxilia omnium malorum: obliquum & est quo omnia sperari queunt, cum inter coniuncta etiam permeet & ante iuuisse persuadeat quàm læsum te sentias: & Palumbus qui alit cuculum in perniciem suæ prolis. Ita potentes evertunt præstantes viros, & volunt à perditis euehi in aduersis. Quartum vt tribus tyrannis cuncta subiiciantur auaritiæ, ambitioni, incontinentiæ: Quos iracundia tuetur.

Qui laborat inuidia aut grauibz inimicitiis, occulte aut sub contrarij specie cuncta peragat. Maximè cum imbecillis fuerit ob ætatem inquilinus, aut ob inopiam aut pressus publica authoritate. Qui parum fortunati artis excellenti excellentia certent, aut saltem de puro iure.

Breuitatis sermonis utilitas temporis compendium: Rerum comprehensarum multitudo: quod enim additur in verbis sensum coarctat facilitas ad intelligendum obscura & sensata confusio: & suspicio captandi hominem: nec in primis membris propositorum sed in aliis, grauitas: Et locus excusandi. Voluptas audiendi, & occasio interrogandi. In scribendo

Vide cap. 3. sect. 4.

17 Vide sup. c. l. sect. 1. & infra cap. 13. sect. 8.

Id est in inuicio huius diuideri.

18

19 Ex Clivis Pythag.

20



bendo autem maior copia & quanto procul magis fueris.

21 *Vide in 1. & 15. sec. sup. huius.* Ut obtineas opus est tribus scientia rei, diligentia, facultate: sub scientia comprehenduntur cognitiones & operationes: sub diligentia, industria, meditatio, patientia. Sub facultate quod si ex eorum genere quæ sperari possint: quod ministri boni, & iudex iustus aut tu potens: & tempus sufficiat. Quod si fortuna fauerit plurimum conducit. Verum casus non sunt aded in potestate nostra ut illa, dictum est autem de his etiam antea. Ergo non solum ad obtinendum hæc sunt utilia, sed quod sæpius occurreret ad consultandum & deliberandum. Debes etiam in hoc considerare non solum quid speres, sed quid horum loco pereat: & ut possis quamdiu retinere: Et velut si senioribus utaris ne frusteris: ita ne pro quisquiliis maiore opera utaris: plurifariam enim obest. Exemplum (quod generale nostris actionibus est) à scribendo sumi debet: si stylus obrusior, si calamus crassior, charta remittat: si error inciderit, vel ut eradenda sit: vna tamen manus leuitas atque dexteritas penè satisfaciunt: hæc autem scribi non possunt. Vbi ergo continere te hæc sciens & exequi consuetus liber & iuuenis quam multa difficultum sperare potes. Plurimum tamen prodest etiam in faciendis, scire quando inuertere folium oporteat, cumque in opere etiam si spes non (aded sperata) affulgeat: Ut in exemplo quid mora præstet, vbi eraseris vnguis modo charta vel ut ad eandem affricetur aut trahatur inde. Ergo si non nimis multa deficient & magnus sit error incumbere debemus, nec forsitan vtile minus quando abstinendum: præsertim aduersante fortuna. Ut cum Mare Cæsar superare vellet aduersante tempestate non profuit: in Pharo profuit. Sed & plerumque inuat nullum suscipere negotium ante reliqua expedita: præsertim solis: Et tamen quandoque cogimur, cum temporis angustia urget.

22 Cum res humane pleræque sint inanes cauendum est, ne nimis studiosè præcipuè negotiationes puerorum more castella ex chartis constructuentium prosequaris: quæ vix vbi facta sunt spontè corruunt; constant floribus & bullis ut dixi quamplures: Et earum fines vani atque vmbrales: Quia tamen initia admonui obseruanda, id agendum ut in transactionibus leuibus ne labores, in finibus torqueris.

23 Est inter principia constituenda, Cæli magnitudo etiam si non esset infinitum, & si Dei nullam vellemus habere rationem iuxta illud Poëticum:

*Sunt qui in fortuna casibus omnia ponant  
Et nullo credant Mundum rectore moueri  
Natura vertente vices & lucis & anni.*

Quis tamen non suspiciat tantam magnitudinem & pulchritudinem, suspiceturque meritis non inanem esse eum de velocitate admirari cogatur. Est semidiameter (etiam si nihil ultra octauum Orbem supponatur illiusque stellas in sui orbis supremo omnes esse sitas) xlij. M. P. ita fiet integra lxxxiv. quare ambitus cclxiv. seu 264000000. Pulsus autem carpi in hora iv. Igitur cum in hora transeat xj. M. P. in ictu pulsus transibit ij.

cccci. M. P. Ecce velocitatem incredibilem. Quod ad magnitudinem attinet spatij totius proportio est solidi xxj. dc. Orbi terræ & aquæ, Caniculaque maior eidem xdc. xlvij. minor dimidium I. cccxxxj. Quanquam ut dixi de vno dubium non sit an sit? de altero verisimile quod sit.

Donum est amicitiae fomes, atque fidei pignus: Et potentiae incrementum: dum alios euehis: conuiuium verò est donum leuius & incunditatis exemplum. Dono rapacitas aduersatur.

25 Id tecum meditare, homo quantuncumque eximius & potens, ut homo multo minus est comparatione ad Deum quam pediculus ad hominem, talia tamen non sunt dicenda, ut nec quicquam aliud quod possit trahi in sensum sinistram, aut quod insuetum sit auribus nostris & mordeat eas. Et quod vitia nullum habent opus, nec quicquam efficiunt: Ideò furtum latrocinium cedes verberare si quis rectè consideret non sunt effectus, sed solum destructiones. Quæ si quis consideret multò lentius etiam in perturbationibus ad actiones perueniet.

26 Si cui sit necesse vel in bono malè se exercere, vel in malo facultas rectè agendi non desit. Quantitatem generi & modo comparare debet. Siquidem in simplici genere difficilius est quam in duobus vbi similia sint in quantitate & genere discrimina facilius quam si dissimilia, & in duobus generis & quantitatis differentia; nam veritum legibus Diuinis vitari omnino debet, præsertim quod etiam naturalibus plerumque repugnat. Humanis autem legibus veritum opulentis aut manifestum magis vitandum; quam damnosum aut turpe, idemque de damno turpi comparato in eisdem casibus. Cæterum legibus humanis veritum & omnino occultum in grandi inopia magna iactura vel dedecori pensato testium numero & prudentia fortunaque tua amplectendum suadeo. Sed & sic extrema fugere oportet: Et si alterum duorum desit, exitusque alius pateat omnino postponendum.

27 Benefactoribus tuis benefacies nisi cuncta malo animo fecerint. 1. ut te vel tuos vita aut opibus aut honore spoliarent; in his etiā seruandus est ordo: ut vxor inde filia post soror habeatur cui nubere non possit, inde puer. Cæterum & in his modus seruandus est: ut in amatoris nonni si cum facto notum vindicetur. Et in facto etiam fraus aut publicatio fama ab illo interuenit: nam de opibus ex illis vita pendet. Ut horum pena sit proditorum & pessimorum. Et hæc vbi ab initio ita sit.

28 Quam parum pro sint humana consilia ad beatè viuendum ostendit exitus miser duorum sapientissimorum mortalis generis filiorum Aristotelis generis, Aristotelis & Ciceronis, qui ambos ad filios libros de moribus scripserunt & illorum vnus adolescens obiit alterum obiisse præstitisset; cum etiam stirps in illo patris extincta sit. Causa horum est quod hominum actiones tribus determinantur, magnitudine rerum speratarum, securitate, & difficultate: Aliqui quorum vita plerumque quietior est præferunt tuta & si humilia, plerique maiora, in quibus illusio



& errores : omnes laborem grauiter ferunt : Qui si scelera pro laboribus subiciant semper cum astu viuunt, verum plurimis lapsus maximi accidunt. Accidunt enim præter cætera singulis hominibus velut tignis nodi quidam quibus robur totius infistit, & discerptis illis tignum frangitur, & dissipatur, ita in hominis vita quædam occasiones, & tempora quæ in posterum totam vitam dirigunt. Adeo vt pares conditione, fortuna ac etiam persæpe virtute viri exitus fortiuntur, post vitam exitui conformem valde diuersos & vnus spectetur nudus publicè in manibus carnificis, alter sedet gloriosus in sugesto filiis lætantibus & amicis gratulantibus : oportet igitur hos nodos alios apprehendere aliis si obuient obniti & minimum permittere, sed vt auulsis, quod reliquum est prudenter vitæ administrare licet laboriosè non valde miserè.

29 Materia est causa potentiæ : oportet enim in aliquo illam esse, & non quod iam sit : aliter non esset generatio : & potentiam sequitur naturalis appetitus vt in sensibus nostris videmus : Incorporea autem materia carent, & corporea forsan quædam, nam non est appetitus ad motum qui perpetuo illis inest : incorporea igitur nihil appetunt, sed aliquid melius habent. Etenim & nos aliquando maiore delectatione fruimur quàm appetamus. Et tamen maximè actu superueniente.

30 Humanæ actiones aliæ absolute definiuntur negando, aut affirmando velut colere Deum ; conuertunturque vt semper cultus Dei reminisci oportet : vel nunquam obliuisci. Vel exceptione vnus aut duorum duntaxat : vt non debet parens consentire in filij, etiam nocentissimi necem : alij damnent, nisi aliorum seruandorum causa vt in Pastore, apud Caligulam. In his nulla opus est mensura. Aut cum multis exceptionibus, veluti, dicemus infra. Et tunc summum in exceptione subintelligere oportet : vt non indignari licet, neque summe iracundis de te bene merentibus, potentibus, familiaribus vel in summo animi dolore. Et si licet tacitè prorsus : si plus admodum leuiter : si plus non grauiter : si modo etiam magis melius est renunciare consuetudini. Vt in his nulla sit adamantina lex quæ iubeat non irasci, aut quæ permittat quoniam non ( vt in prioribus rarissime & in summo ) quicquam in humanis determinari potest. Propterea cogitatione opus est ; Iudicio, & vt remissioni ac non agendo potius inhæreas.

31 Simples sternunt puluina impia vtque peruersis.

32 Homines plebei qui non sunt in censu sordidi & mali : Ex his opifices ea in parte meliores quo & ars nobilior & ipsi in ea meliores. Post ciuiles qui honoris cupiunt, iique humani præterquam in pecuniæ quod ambitione cogunt esse. Ex his eliguntur Magistratus digniores ad diuinum quoddam sunt Principes omni labe abstinere non timidi sunt ab illiue conditione ; ultra hos sunt duo contrarij Philosophi atque Philosophi : è re-

gione contrarij primi nesciunt & volunt videri : opinionibus insistant & pugnant, posteriores sciunt nec scire videri cupiunt : natura duce vtuntur, & huic verba authorum accommodant : Quo fit vt multorum & egregiorum experimentorum gnari sint. Atque hi tamen principes & nonnulli ex magistratibus si loco suo relinquatur felices sunt. E primo & sexto ordine nulli, è secundo & tertio perpauca.

Nil extremum : nil impertinens : pertinentia quæ ad causam & communia : verba non aspera, minæ minores rebus : facta maiora verbis : consulto ; *Cane à mancis horum secundum rationem quibus ossa capitis in ætate molli extracta sunt.* Agendo potius abstinere, suscipiendo potius accipere : tum quia multi offerunt quod dare nollent : tum quia feruntur ad id variis perturbationibus acti, spe, timore, tum quia relinquere facilius potes. Durissimum ergo quod magnum est, & moram non dat : Et factum infectum reddi non potest. Ineptum non constituere caput rei, Et hoc est commune omnibus : pueris ; & est laborare & pati ; & iuuenibus, & senibus : ob quem errorem aded multi periclitantur. Et cum omnia sint geminata & pleraque plurifariam ided comparare nunquam obliuiscaris, quod & splendoris est. Et in hoc nil melius, immò necessaria propria. Maxima res coniunctio, maxima ergo & dissolutio & violentior, sed non aded diuturna. Vnde *Yeditio Dei* ira dici potest, vt dignior sit minarum nomine, nec aded odiosa aut periculosa vt quæ ab hostibus vel Deorum metu.

Haftenus de communibus, aut admonendo, sed supersunt duo maximè necessaria in ciuili vita opes & amicitia, verum de opibus longa tractatio & inanis ferme labor alibique dictum sæpius, at amicitia multo nobilitare præstat & ab Aristotele certis rationibus definita & opibus utilior, quam opes veris amicis, nec ad singula fiat comparatio velut ad existimationem in arte cum conuenerint, verum ex illorum coniectura, nisi sit necessaria. Quod videmus Aristotelem obseruasse etiam in diuisionibus primis ; contentus enim fuit in ea secundum virtutem docuisse quod per se stabilis sit manentibus suppositis : In aliis dissimilibus aut inæqualibus beneficia iuxta proportionem rependendo ; vnde maxime necessitas vsus nummi emicuit. Quoniam enim pacto fructibus amicitia secundum voluptatem utilitate aliter satisfaciemus ? Nobis verò de vtraque harum tantum sermo erit vt aliis impartiamur bonum cum non sit amicitia nostra felicitis, sed ad felicitatem, nec vt amemus cum planè in nostra sit potestate sed vt amemur. Sunt autem affines amicitia præcipue tres affectus Benevolentia, Concordia & Beneficentia. Et illi proximior parum Benevolentia, Est enim quasi initium ; Amicitia cum aliquem amamus ob illius bonum aliquod velut etiam si erga te sponte beneficus fuerit. Sed beneuolus etiam inuisum & solus amare potest nec ad iuuantum aded promptus est, nec de illius infortunio angitur & si doleat. Concordia verò est stabilis de eodem consensus circa in agenda.

33

34  
Et sec. lib. 8.  
cap. 9.lib. 9. cap. 1.  
cap. 2.9. Et hic  
cap. 5. 6. 7.



da. Beneficentia est exuperans bene faciendi modus sine spe compensationis & ultra merita illius perseverans. Id potest accidere multas ob causas æstimationem beneficii accepti, liberalitatem, opinionem bonam potentiam. Differt ab amicitia pauperis cum opulento quia in amicitia licet effectus sint dispares affectus tamen sunt pares. Hi quatuor etsi habitus sint non tamen in improbis coalescunt, neque etiam nisi rarissime diu durant, solum visus est Dinocrates in gratia Agathoclis Regis perseverasse: seu amicitia valde perfecta, seu alio ex his tribus leuiter inchoato; perfectum enim perfectione manet, & imperfectum dum negligitur non est inuisum; aut ex iteratis occasionibus quasi catena contextitur; sed etsi esse posset communitate flagitiorum cum ambo eisdem delectantur, & ad opus idonei sunt, non tamen de his sermo hic habendus cum non nisi de honestis.

\*\*\*

### CAPVT III.

#### De Propriis.

**M**emento eius quam in opere de optimo vitæ genere protulimus æqualitatis quam excedere minimè licet. Sunt autem tria in nobis Anima, Corpus, Homo, Propria animæ bona sapientia & virtus corporis, robur & pulchritudo Hominis, Ciuilis tractatio & quæ ad ipsum pertinent Opes, Amici vxor filij domestici. Nos dolore non debemus si sortem sapientissimorum virorum quasi huiusmodi viris debitam sumus consecuti. Ambo in exilio & capite damnati suxere: Aristoteli mansit res libros defodere coactus est Hippocratis libri liberi euaserunt facultatibus omnibus priuatus est. At illi extra periculum: Ego quia abest mansi volens. Illi damnati & in tuto vixere: Ego in periculo sed non damnatus, libri illorum diuersam sortem subire vnus liberi alterius vetiti nostri vetiti sed eorum consensu leguntur, in vita singulis magna contingere & pene incredibilia. Quid ergo est quod graue videri debeat, aut cuius pigere, quod tam præclari viri non molestè tulerunt: aut sine hic esse non potuerunt. Ego diutius vixi quam Aristoteles: Hippocratem referunt ipso me vt nunc sum excessisse è vita, Aristoteli vnica hæres filia vt opibus defuerint successores: Hippocratis descendantibus: opes imò alimenta. Dices titulo consolationis vis te pacem exhibere duobus oculis humani generis? Quid quodd tertius Pheludensis, imò animus aut ratio felix è vita excessit? De hoc nihil comperti habeo, sed si hi tulerunt quibus plus debuit humanum genus, cur non æquiore animo ego? non certo de paritate. At eorum gloria illis remedio fuit ad calamitates. Si de ea qua post mortem certi nihil nemo omnes sibi blandiuntur: si mundus æternus est vt illi existimabant infiniti sapientiores illis duobus extiterunt quorum tamen gloria & nomen excidit: paria autem sunt modo intereat aliquando vnus diei &

CM. annorum: si aliquando periturus: & cum eo finem gloria illa habebit. Sin autem de ea quæ nunc in prætio est, haberi debeat vtum ne gloriosius existimandum quodd rudis sæculo quæ non intelligerent vt intelligere viderentur suos probare simulasse atque placere: an tam illustri quale nostrum est quia intelligerent, nec oppugnare ob id auderent quasi non intelligerent reliquisse illos; certum est neque Mediolani neque Papiæ nec Bononiæ neque Romæ, vbi præcipuam meæ vitæ partem assumpsi, nec in Germania Galliæ aut apud Britannos per quas Prouincias transij neminem de his quæ ad Medicinam aut Philosophiam vel Mathematicam pertinerent contendere tentasse: quod quoties Galeno contigerit nullum præter ipsum requirimus testem: vt contra iam me præsentem nomen nostrum in clarorum virorum libris plusquam septuaginta celebratum publicè esse. Nec quicquam magis obfuit mihi fortuitis erroribus adiectum quam hoc ipsum ad accusationem vt Hippocrati nimiam (si dici potest) miserabilis patriæ pietatem calamitati iunctam: vt Aristoteli indecentem mulieris amorem, & celebrata Deæ mysteria in concubinæ funere (si modo credi fas est) sed si hæc non admittas ad Palingenesim te reuocō.

Natus sum solus nunc supersunt tres descendentes mecum. Opes exiguæ sed quintuplo tamen patrimonio (si quid huiusmodi fidum esse potest, aut ad felicitatem conducere) omnium vt cæteri ignarus: multa noui: absque amicis etiam paternis computatis: at nunc honesto numero ac potentissimi: Ignotus omnibus nunc etiam Indis notus: Nullis scriptis à me libris; ac multò minus editis, nunc editis centumtrigintaduobus, edendis centum quatuordecim, non secretorum cognitio vlla, nec spes, non vitæ humanæ cursus, nunc ad V. nota & valde præclara. Et singularem administrationum particeps: non vllæ peractæ peregrinationes, at vidi Italiam, Germaniam, Galliam, & diuisos orbe Britannos. Et quodd maximum est nullum cognoueram Diuinæ Maiestatis fauorem præcipuum: Et adeò diuturnum & multiplex, vt vel hoc solo nunquam dolore de mea fortuna debeam. Vno quasi momento adeptus absque studio Latinam totam linguam. Recreatus in morte filij per annum cum dimidio contentione smaragdi quem collo suspensum gestabam in ore, ac si nunquam mihi natus fuisset: Tot admirandis prodigiis antequam detinerer, vt nihil minus scirem quam quid passurus, nihil magis quam quodd essem. Demum capto ostentum duorum ictuum, & concussionis ferreæ eratis, quæ fenestræ opponebatur: Et quibus aderat testis notæ fidei qui viuuit. Adeò hæc euidentia vt vnum fidem facere posset. Adeò multa vt prodigia si fuissent; attamen non dubiè probare possent me cuidam singulari curæ Diuorum mandatum esse. Omitto modo tot alia per totam vitam ostenta, vt frequentia fidem aut admirationem minuere posse videatur.



videatur. Quid ergo finge tibi vitam hodie inchoare si sine his eoque euadere potui, cur est cum his ut vel magis timeam in posterum aut doleam de præterita? Dices iam senex es, Iuuenis nunc esses crederem? At o amice hoc solum meum est septuagesim tertij anni quibus vixi, Quis mihi eripiet illos, cum cætera in manibus volubilis illius & inconstantis mulieris sint? At rursus obicies non nunc spes agendorum superest adeo inclinante ætate? At tam multa parata, nomen, honores, amici, rerum arcanarum scientia quorum quadrante tutus esse poteram, dimidio contentus nunc integro numero aut timeam, aut querar? At aduersa & calamitates quæ interciderunt interim, difficultates, lites, inopia, labores, sed duo illa maxime, filij optimi mors adeo sæua & carcer cum pœna tam inexpectata? O amice quoddam ad hæc duo attinet, quicquam ex his antequam nascerer fuit, aut meum ortum est: omnia fuere dona Dei, quid est si ex agro in quo pomarium, consitum erat pomorum corbem, aut dolium prædulcis vini Dominus repetat? Nam quod ad reliqua attinet malis superatis & à quibus euasi gaudere debeo: bonis quibus frui contigit memoria lætari? Hæc quidem tecum: ad alios usum sequi communem, & ut in ferculis; longior fui hac in parte quoddam animum consolando corpus confirmetur. At dices aliis non tot præsidia adsunt? At paucioribus etiam tot aduenire incommoda. Ergo ut omnibus consulam, tertium hoc auxilium commune subiiciam.

Sum senex æger inops in carcere per iniuriam detentus? Algam patior. Quid opes quas tristiore animo relicturus esset. Si per fœminas hæres queritur nomen familiæ perit: si per masculos deuenient in hostis maximi filium; cætera præter iniuriam mortem leuiorem reddunt. De iniuria præter aliàs dicta illud memineris ad sortem potius quam ad studium referri debere: si à malo nil mirum: si à bono oportet eum errare & neque iniuria esse potest. Si ab impotenti contemnenda, si à potentiore, *cæcum*, ut dixi, *mala fortuna opus est*. Sit ergo mos diuidere & liberaberis à tristitia; Cogita quia finem nescis, nec qualis sit animus illius, nec cui bono? cum possis consilia & spem ad te conuertendo multos habere fautores, cur ob nimium timorem aut stultitiam te ipsum deseris, & illa ponis in numero hostium? *In Dei qualicunque cognitione, Beatus es*, cum Deum, si ne Deo cognoscere non queas. Filium amisisti? si non tam diu vixisses omnino hac molestia caruisses; si non est, nihil amisisti: nec quicquam amittere potuisti, quod non amissurus eras. Si aliquid, Papæ! A pluribus vexor sine fructu? paucis incumbere debueras. Crede mihi melius est scire, quam ut doceas. Interim ergo lætarespera, tranquillus esto, confide: Et si modo mortalitas te pungit, gaude quod illi mille modis tuo bono torqueantur. Tum quia quis vetat, ne te non solum, Regem sed Pambasilium constituas. Dixi aliàs quan-

tum ad somnum & quietem ac tranquillitatem, Orochilia profuerit, & magis Hyperboreis, quamvis hi mille annis vitam producerent, & habeant assertores non contemnendos: Iosephum Racenditam apud Actuarium. Et quamvis *iniuria maior sit omnibus calamitas quam si ulcisci*, prope sæpe excidij nostri causa est: multa tubefacit & prostituit, vnicum præsidium & in hoc inuento positum est atque minus absurdum, quam qui statum domi fabricatam, vltionis desiderio verberabat atque vulnerabat. Interim mors luctus dedecus iactura illi obrepunt ut dignus censeat hodie commiseratione, cui tu adeo irascebaris heri. In vniuersum etiam præstat obseruare euentus, bonum ex malo ut carpenti motus celer finxionis hæmorrhoidarum.

Sed ut rem etiam blando ac nouo celebrique exemplo, historiam dico non fabulam moueant, te nouæ Franciæ populi qui nudi & in frigissima regione habitantes solisque penè piscibus, aut sole, aut igne, vel frigore duratis: fermè perpetuò cantant vnisonum inter se aut ad Diapason, & vocem saltant, & ex quavis lætitiæ minima clamores edunt; non illis domus sed sub inuerfis cymbis dormiunt: non armæ quibus se tueantur, præter arcus & sagittas, non stratum vllum, sed in nuda humo solis ferarum pellibus hyeme integuntur. Aliquid panis sed loba conficiunt, nec ligna, saxosa enim regio atque arenosa, & ipsi admodum non solum segnes sed rudes; cum in aliquam arborem magnam exciderint extirpant & perpetuò ignis attritu excavant cymbas. Vnde non ante certam magnitudinem illas demoliuntur. Tum ramis arboris ignem accendunt: alioquin neque ignem habent nisi pusillum leuem & inefficacem, quo carnes penè crudas ferarum raro auium aliquanto frequentius, Piscium per sæpè edunt sine sale quem nec norunt. Excusabis usum æqualitatem atque iustitiam: Quilibet ferre animum æquiore animo tot inuentorum potest. Inuidia planè stultitia est modo valeam, si bonus sim gaudere alieno bono debeo quod commodum aliquod afferre potest, quam malo quod incommodum; sed pernicax natura & usus improbus hoc efficit. At dices etiam oderunt te? Quin quoddam fateor & voluisse nocere tam certum penè est, quam ut dixi iuuisse; ob id odio digni essent si potius calamitate misericordia: Quid ergo? neutro. Sed postquam ut dixi bonum nostrum nobis bonum est, illis multipliciter malum est; nos ne ingrati videamur gratias Deo Optimo Maximoque, non vulgares agere debemus. Nam quoddam illi miserum esse putant quot nobis meliores etiam sine tam vbere fructu quæserunt, & non solum in eo beatam vitam sed etiam gloriosam se ducere existimarunt. Et lumine diuino & naturali duce.

Auxilia verò à corporeis sumpta Amicus ciuilis, & qui præsentium tractationum gnarus sit: lepidus Poëta: Historia Salustiana: Admiranda nouaque inuenta: Futurorum quædam digna coniectura: Diuerforum amœnum: Alea etiam consueta studiosa non grauis: Musica excellens, præsertim lyræ aut



ant chelis cum cantu; hæc tristitia solaria: at quæ prohibent, & factam iam tollunt vini potentis dulcis aqua, diluti quantitas ad amentiam usque. Et incandè viuere ac lætari, lætitiæ habitum generat, qui non facile aboletur. Mihi in vsu fuit panis madefactus in succo boraginis, & redolentium pomorum: & vsus seminis ac foliorum odorati, & parui folij ozimi: Croci flos à Medicis, Helenij radices succus ab Homero laudatur Ægyptij cratena: flore puniceæ coloris, folio pistolochiæ accedenti. Præterea ruta & pulegium: Referunt de auro hyacintho, & margaritis: coitus quandoque præsentis auxilio: Mandragora & Meconium, quo Turcæ vtuntur. Verùm à periculosis cauendum: Balnea dulcis aqua assidua, & peregrinatio. Sed & assuetis potus equini sanguinis quo Scythæ vtuntur. Tartaros nunc vocant: Et forsitan gallorum feruens. Cura meditationum duobus primis dextræ manus digitis apprehende cutem tenuem quæ brachio sinistro superstat post manus cum brachio coniunctionem & eam constringe, magnum enim dolorem affert.

Post animi bona sequuntur corporea, pro sapientia vita: Pro virtute sanitas, pro constantia robur, pro hilaritate alacritas. Indicium alacritatis à somno velle surgere, gestire. Diuiditur autem custodia trifariam: In securitatem ac supplementum deficientium auxiliorum: Incommoda & præcepta; commoda velut ex aqua colluendo renes, os, manus, sed de hoc libellum edidimus. Chætam cœrulei coloris interponere oculis ad ignem stanti, ad visum conseruandum: Genuum concussio ad feces exprimendas: & dum mingis ne quid in vesica seruetur. Incommoda multi potus & ferculorum humidiorum sensibus noxia tam, quam necessaria potus pauci vini, bene diluti vt non excrescat, à collutione oris frequenti, pomorum bis coctorum seu incrustatorum esus, tollunt; vt pedes calefacias spiritum continere, corpus extende, & crura præcipuè, in calcaneis subiste, concute alternatim genua terro; hæc camino vt expedite stans plantas pedum calefacias. Iuniperi fructus maioris in hortu habeto: & herbas regias crocum, rutam, melissam, pulegium, absinthium Romanum: Medias, Sonchum Ozimum, alias Acynon truncupatum, licet Plinio inuisam Radiculam, lapathum medium ac minus: Exoticamque Imperatoriam & Angelicæ radices sed non minoris: in penu autem passum Prætrinum, & quæ ex eo genere. Oleum Amygdalinum dulce admodum recens quod etiam creditur iecur ac cerebrum augere. Oleum quod frigendo in sartagine accensum piscibus aut carne aut linteo extingue ne aqua, ad tigna perducatur. Intinctus ozymel acrum oleum lapa Testudines nemoreæ ob oua & iecur: Eritius terrestres suillus totus. Columbos quoque turritos: sed his meliores etiam sunt quos vocant Alfnachat. Si iacturam passus es pecuniæ solaberis in minima diuidendo vt tempus faciat eam: si sensim amisisti contra aggredere lucti magni occasionem. Contusum sanorum caro in veru cocta, inde gla-

diis subacta aut trita & in patina iurulenta cocta. Multum quoque iuuat solum edere. Ad sonum radicem bonorum: Orochilia Hyperborei, Insula spectrorum, Vellicatio brachij cruda lecti circuitus lactuca cocta: cuius etiam vsus hebetat impetus animi: gemmæ selectæ: flores herbæ & fructus. Cogitatio fixa & memoria.

Pro securitate cum conduxissem domum altam in qua fenestræ humiles. Et ferme antiquo more patulæ ac quasi consulto ad præcipitium paratæ videremur Imperatorum temporibus podiis vti cœperunt ac vela opponere antea imbres, solem, ventos, fures noctu quomodo arcerent non habebant. Ergo nostra podia vix genua superabant. Si repagula apponerem, aut valuas ne clauderentur prohibere cogebar vel ex charta obices ne aperirentur. Itaque lignarij fabri puer excauatis lateraniis intus lapidibus repagulisque insertis. Et, luci viam relinquit & securitati incumbensium prouidit & valuas supra podia constitutas claudi permisit. A cibo exercitatio, aut ab exercitatione grati aut imbecilli hominè aut senio insueto vel cacochymo cibus multus vel vini potus aut aqua lethalis. Auxilia antea vestis ignis & quies in lecto. Similiter imbecillum habens ventriculum valde senexve aut sanguiflua vena diuturna cessante si vigil præter consuetudinem euaserit, vel etiam diu vigila-uerit aut plurimo cibo vtatur aut niadidus, aut frigori diu expositus maxime dum dormit moritur aut grauiter infirmatur. Canis niger, aut varius, ad te veniens, nec tibi notus, nec blandiens, & magis strabit aut arguet deuotandus est. Homines comedunt propter sex causas nec vlla bona præter primam: neque illa semper: ob famem naturalem, ob ciborum delectum, ob imbecillitatem, ob societatem: Et appetitum mendosum sub quo plura genera continentur. Regula autem communis si valido patum, si multo imbecilli. Catapotia nostra omnibus non planè calidis utilia, Agarici Tridentini optimi & purgati vncia j. styaris calamitte 3. j. semis, Belzoi de Menia 3. iv. croci dragma semis, cum vino Præmio. Quantitas à scrupulo j. ad 3 ss. Commoda verò & præcepta Puluinar ex anseris annui pluma & quandoque oleum mastichinum inunctum. Maxima verò utilitas: Imò necessitas est vt alius deiciat saltem semel in die: & molliâ figurata tamen & sine nixu: Et ideo Auenzoar: Et concordati sunt sapientes, quod in habendo ventrem mollem conseruatur sanitas metu Dei. Hoc enim præsidio destituuntur senes ob iecoris & intestinorum siccitatem ac frigiditatem: tum quia si exercentur magis siccantur: si non feces non descendunt. Et tamen maxime indigent lenitate alui tum quia à siccitate etiam retinentur cætera excrementa: Et ob flatuum copiam sunt subiecti doloribus. Et si laborent hernia intestinali præcipuè periculo mortis. Si enim per quinque dies retineantur pereunt, vt vrina per nouem. Auxilia ergo antiquorum fuerunt terebentina, cum ficibus pinguibus; nam aloës nimis exsiccatur senes, etiam rosæ compositum; mel rosaceum, aut simi-



lia ventriculum debilitant. Passulæ sive passæ ad vj. uncias costæ profunt minutæ albæ dulces terebentina, nocet ventriculo in cæteris valde commoda nam & expurgat rhenes. Pruna, etiam magis labefactant ventriculum, vt etiam casia quam vocamus fistulam. Et est magna seruitus. Ergo post terebentinam, probamus Oleum amygdalinum dulce, cum beta, aut malua, aut herba violarum. Radix quoque Polypodij viridis cum acetario sumpta admistis passis, aut gingibere, condito cum Iulebo violato. Coriandrum etiam magnum cum saccharo, scilicet suppositum aliquibus vtile est, tamen fallax. Aquiescendum est igitur in illis tribus, sed præcipue in medio ex beta & oleo; nitrosa etiam pleraque mouent aluum, sed leniter vt ius caulium, chamarum, & carnis Marsuini salitæ; Optima quæ pinguis & suavis quam Romæ Tarantelam vocant; Cibi boni genere caro, panis, pisces, oua, far, vinum. Partes in quadrupedibus, leues Glanduli vt etiam mammæ, pulmo, pedes, cerebrum, cutis capitis. Validæ lumbi vitulorum, & porcorum: assati. Ex auibus iecur testes etiam, & sanguis totus piscium magnorum venter: paruorum dorsa: oculi & quæ circa linguam. Præparatio iurulenta, & his meliora assata, & frixa: Sed hæc merfa pluri adipe, aut oleo prius bulliente: illa persufa, & magnas prope flammās versata. Ius album commune cum aqua porrum, anethi semen, oleum salis modicum. Quatuor ob hominem facta: Triticum Gallina, Cyprinus equus. Antequam prodeas expurga meatus omnes à sordibus. Augusti mensē atque Septembris deuota, sed præcipue Romæ ob plures causas. Omnia natura alba quo candidiora eo meliora, etsi costæ melius costæ. Qui recte se circa victus rationem instituit similis est Architecto, qui solida fundamenta iecit. Fercula ex pane, vel farre, aut Oriza. Exire è domo vectum, pedibus redire. Somnum procurare esu pomorum, incrustatorum, redolentium vino dulci lactucis coctis modicè. Sistere spiritum animale cum somnus sit illius quies. Relaxatio curarum læticia murmur salientis aquæ, flores nuper aperti, fontes, fabularum narratio: vnguento populeon, recenti inungere pedum dorsa & manus carpos: si non interiora cobitoem, & arterias è regione pubis magnas: si nec hoc etiam subnasum, & locum iecoris, & cordis ac tempora. Horæ iuuenum vij. consistentium ætate, ix. senum, x. decrepitorum xij. aut saltem quiescunt. Ostendit exemplum Aloysii Cornarij, qui xcviij. annis vixit ex iuuenta valetudinaria deplora & Leonicem qui & ipse resolutum ætatis anno xxij. inter studia literarum ad civ. alij cxj. dicunt. Marsilius Ficinus & ipse xcviij. annis vixit, matrem sustinuit ad cxv. vsque. Dömipicus Saulus nobis cognitus xciv. Auenzoar cxxxv. atque hi omnes sola viuendi ratione. At verò ne credas quamque ita sit quemquam quicquam polliceri posse de vita sua. Duobus ante mensibus dum Palumbi viscera deuorarem sensi; quippiam pipere quadruplo acrius, dubitavi de veneno postquam voraueram: sed exitus ostendit non

fuisse quamquam neque sapor nec odor defuerit. Sed ad quid tot & tanta, facilius est longè necare hominem veneno quam pullum gallinaceum. Paucis enim post diebus apparuit ex crasculo aperto, vocant semicotulam, seu Pocillum, fructum viti magnitudine vnguis pollicis quod decies poterat me perdere si deuorassem; cum ter aut quater incautus præbuissem. Post apparitum in scutella ex qua ferentur sumebam in sex aut septem diebus ossicula acutissima diuersæ longitudinis fortuito ex macello delata quorum vnum si deuorassem, actum erat cum esset hoc facillimum; erant autem acie acubus paria sed in medio solida vt rumpi non possent. Ita vt dixi *omnia in nobis sub fortuna arbitrio posita sunt.* Puto Deum noluisse latere me hoc, vt mortales discant qua conditione viuamus.

Somnus septem horarum quouis modo & vsque ad xij. aut saltem quies post vij. si nec quies minus exerceri edere bibere coctio considerata, pedibus iter agere quantum licet: ne obstat cibus, cruditas, lassitudo, calor, mador: si mador siccetur, latere pedes ante cœnam: memento tamen cruditatis vigiliæ & imbecillitatis ventriculi, vitare crepuscula & nocturnum aërem: si non linteis tepidis excutere vapores: mandere: à cibo scribere malum: sed non maius quam exceri: statum aniso vel berberis discutere: inungere mastichino, oleo, pulsus tetrapharmaco. Cibus si perperam sumpseris ructu vel vomitu quod superest eiice. Medicatio vel alimentum. Medicatio absinthium Romanum caseus mollis pinguis modicè salitus ructa vinum & parum. Cibi: Quantitas, numerus, qualitas, natura, præparatio: omnium mater consuetudo. Præparatio cruda oua piscium botargas vocant, meliores è capitonibus quàm spigolis: Haleculæ humida, menæ albæ sicca, quidam ferunt coxas porcellorum salitas in furno siccatas. Dura incidi tenuissimis gladiis debent, alia teri, quorundam succus solus excipi. Solidæ carnes velut pauonum, & ceruorum & talium torrentus in patina sicca etiam ad menses incidatur gladiis tenuissimis: succus, elegantissimus, nil melius. Crudorum loco & Mellisophyllon & bibinella & petroselinum. Ius astacorum chamarum, limaciarum pinguium ex lauri frondibus: columbi pulli & eiusmodi, vitellus oui lactes, vna passa magna saccharum rosaceum oleum vel mel cum aceto: sal dulcibus non benè iungitur: oriza. Ex auibus mollia vbicunque parum carnis rubræ est, vt sanguinea & qua facile digitis cedunt, non plus tribus cibis vnquam aut vno plurimum nutriente: sed vno pauciores in prandio & pro dimidio vel minus, totus cibus ad xv. Uncias potus tantundem in xxiv. horis nutrit multum & panis elixus manifestum est & ex his quod non mistus nec arte coquorum coinquinatus. In cœna pulegium crocus admisceri potest cichorij radices in acetario radix Polypodij & folia calamenthi sunt medicamenta non cibi. Piper longum propius ob vsum. Si medium addas duplex malum, velut orizam cum carne & cichorio mane sufficit colluere os vino potenti. Vide in libro de Affectionibus natura nota satis. In vniuersum



sum si gratia exempli mane quis deuorauerit orizam, pisces, uvas. Quantitatem & numerum oboniorum & coctorum valde aqua acida sumat, aut euomat, vel eructet, præcordia foueat, dormiat, tardet cenam cum macropipere si calor non adsit: omnino sine pinguibas paucisque plus poterit: ambæ commelationes duabus ex usu sunt minores. Romæ caue omnino à frigida. Ventriculi ut latrina medicatio cum purgantibus. Alia eructatione somno, nauigatione, deambulatione, solita per colles, sed non multa tamen. Allia & potus chalybenti: abige proditores; quorum species multæ infidi, contumaces, iracundi, mali animi, prauis, ignaui valde ebrii, ingrati, impij, contemptores & eos qui cum tuis amulis conuersationem habent, memento æqualitatis & ordinis. Et hæc summa totius. Ignoscere possumus jecoribus limaciam candidis & perspicuis ut etiam testidinum nemorearum, velut & ouis & iuri, habent enim proprietatem & eiusmodi.

9 Habenda igitur est prima ratio & principalis horologii exquisitissimi, ut scias quando debes surgere: hora x. perfecta non ante (si urget necessitas) à lecti ingressu. Qua hora discedis à domo? Quando congregiendum his & illis? prandendum hyeme hora diei inæquali tertia (sic enim nouem supererunt), æstate quarta, intelligo finem temporis & actionis. Quando studendum siue cura à prandio leui hora quarta communi sexta sed æqualibus. Quando à prandio à domo discedendum carpento sexta æquali pedibus, septima mula post tertiam. Ad lectum se conferat hora xiv. æquali ab hora qua surrexit seu xv. à solis ortu. Quantum in vno quoque negotio temporis debeas ex constituto impartiri; quantumque insumpseris. Quantum dies & nox? Ut socios dolosos domesticos non frangi possis coarguere. Et unicuique rei agenda inuenire tempus ac ex minus necessariis sumipere, & ad magis vtilia conferre, ut cussum totius diei imb & ad plures diuidere. Excusare etiam te ab his qui importunè conantur insimulare. Mille euenire occasiones possunt, quibus horologii opera esset necessaria aut valde vtilis, quas inuenire ratio vix potest, casus offert, modo xiv. hanc ex ordine ahæceris cum noctu expergisceris ut scias qua hora à cena ab ingressu lecti, ut coniectari causam liceat an non sit negligenda?

10 Primum rursus principum vitæ est calor naturalis, & eius longitudinis confirmatio eius; & illius producendæ ratio; hæc autem triplex per causam propriam, & hanc dico esse exercitationem. Per causam sine qua non. Et hæc est ratio victus; & per causam, quæ remouet impedimentum. i. excrementa. De hac agit in quarto de tuenda sanitate; de secunda in toto illo opere generaliter & in libris de Alimentis & consimilibus ut de cibis boni & mali succi, de attenuante victus ratione de medela perturbationum animi. Et hæc sunt palam nota. Verum de primo & proprio quod dico esse exercitationem solam & maximam & propriam ut dixi. Nanque cum in secundo libro scilicet de tuenda sanitate inquirat media augendi caloris naturalis diligentissime nec aliud proponat. Et hoc ipsum

Tom. I.

adeo extollat. Neque in tot annorum circuitu inuentum sit aliud præsidium præter hoc & aëris mutationem ad loca quæ talia esse experimento inueniuntur, ut Hyperboreos & Indos intra Gangem & aureæ Chersonesii. Verba Galeni igitur breuiter expressa sunt hæc. Ex exercitatione membrorum duritia, ex attritu mutuo caloris genuini incrementum & Spiritus citatiorem motum. At ad duritiam membrorum (quæ est densitas non siccitas) robur operationum & non lædi à laboribus. Ex calore nutrimenti validam attractionem mutationem atque nutritionem ut singulæ corporis partes humore gentiano perfundatur, ex qua perfusione solida mollescere & humida tenuari & exiguos meatus laxari contingit, atque inde excrementa tum ex ea, tum impetu spiritus melius expelli. Itaque non aliunde expectari debere ad hoc auxilium verisimile est, nisi ex sublimatis seu destillatis aquis, quas Quintas essentias vocant, nam hæc aëri palam proximæ: aër autem potest.

Sed postquam difficile est mortali non errare, videndum est quomodo errantem deprehendas an in periculo sit: si igitur à credulitate & vigilia pedes doceant valde bonum; aut si ructus vel vomitus & id valde bonum; & si grauedo & destillatio valde bona. Similiter vrina multa valde bona; & eodem modo venter valde tumidus & mollis valde bonum; & lingua prorsus secundum naturam prorsus bona. Bona autem sunt non febricitare calorem æqualem in toto corpore obtinere, spueri multum: deicere aluum, erumpere hæmorrhoidas, moderate emittere flatum superius aut inferius redeundo ad somnum quietum, restaurare vigiliam præteritam. Præua oscitatio, cordis palpitatio, pulsus inæqualis aut inordinatus, causarum magnitudo velut vini plurimi potus, aluus diu astricta multa caro vel panis prædurus, caliditas cui frigus successerit lassitudo. Pessima omphium excrementa alba, vel vrinæ imminutio.


Curatio vomitus ructus multus cum cibo inædia longa postquam somnus, lotio pedum ex calida inunctiones nostræ iuxta ea quæ dicta sunt. Causarum ablatio velut maxime & generaliter obstructionis. Podagræ moderatæ aduentus facit ad vitam producendam, sed longè magis curatio periculosa & mala est, auertit enim materias contumaces à minime periculosis locis ad nobiliora & vitæ necessaria, tollit suffragium ad alios morbos quibus superueniens salutaris est. Mutat temperiem in ætate in qua hoc facere maxime periculosum est: quæ ex causa non paucos periisse vidi nobilem ex Cataniis, & Marcum Antonium de Leuco à libellis Fisci. Quin etiam plerumque ut ex Galeni sententia colligitur in temperiem intemperiei superaddit contrariam priore non sublata. Demum minus temperamentum & minus diligentem circa corporis custodiam reddit, ut sæpè consisterentur morbis aliis, & plerumque non diu post obeant certe ad eam senectutem, vñquam illos peruenire vidi ad quam quilibet antea sperabat. Post sunt vrinæ multitudo & nares atque os natura humida. Erysipelas in cruribus.

Quæ posita est (villa) ad exortus æquinoctiales

X



Atiales aprissima (est) quod æstate habet vmbra Hyemè solem. Modus loquendi est posita ad orientem Æquinoctialem. i. Quæ recipit radios à sole rectos, & tota illustratur dum oritur sub æquinoctiali vt sit Orizon F B R



Æquinoctialis B C fenestra per quam transit eam illuminans totam secundum longitudinem cubiculi, & OEci villæ A. Et pendebit radius C A minus inclinatus à B quam sit I B, per demonstrata in libro de Proportionibus. Igitur cum sol accedit ad meridiem, remouebitur ab illuminatione semper magis A, per axioma per se notum, quia in meridie facit vmbra semper magis Borealem: Et in A non ingreditur Sol: erit enim à tergo: ergo ab oriente illuminabit magis quam reliqua tota die, & in meridie erit tutum à sole. Et est primum. Et in æstate non sentiet solem quia si Oriente sole non respicit æstium Orientem, quod maximè boream respicit, ergo multo minus, cum erit iuxta meridiem: cum tunc magis inclinatus sit sol ab A. Et in occidente erit à tergo: igitur ex regula data quæ est: in vniformibus cum vtrūque extremum est extra aspectum nullo modo in medio aspiciet. Et hoc est secundum. In hyeme autem cum sol fuerit in E dico quod magis aspiciet A, ac diutius illuminabit ipsum quam cum est in C circulus enim verticis erit C A B per demonstrata ibidem: Radij ergo ex E cum sint magis boreales quam ex G. meridei E G H erunt ex K Maior igitur obliquitas ab L scilicet M quam a C scilicet D Et a C. scilicet D quæ ab E siquidem K. Aliter & redit ad idem cum erit in E sol vix ingreditur A etiam si E ponatur in K. Est enim A. nimis ad austrum positum: sed sole tendente ab E in H per G semper sol sit australius ergo multis horis illuminabit (serius tamen) A quam in C ceu D. ergo cum transcendendo G efficiat radios ad A qui decussatim cadunt comparatione cubiculi & fenestræ A, E vel K illuminabunt A vsq; prope meridiem ab ortu solis incipiendo. Et hoc ostendit res ipsa. Et est tertium. Et est quod cubiculum seu fenestra posita seu villa ad Æquinoctiales exortus hyeme præbebit solem & Orientalem, magis quam alio loco seu ad aliū aspectum posita, vsque ad magnam diei partem ante meridiem: in Meridiem & paulo antea ante iuxta (inclinationem) & vsque ad vesperam erit tuta à sole occidentali. Et ita erit saluberrima commodissima & temperatissima: quod est Tertium & Quartum.

14 Ex hinc restat solum dicere de consolatione quæ trifariam diuiditur in res de quibus dicere esset superfluum & præter institutum, nimis enim magnum esset negotium & miraculum velle per verba mutare res & ex infelici facere beatum: Neque de auxiliis per me-

dicamenta vel Orichilium, hæc enim superius explicauimus: verum vt in his collocetur felicitas quæ maximè sunt in tua potestate. Et recta ratione constant. Primum ergo in Dei contemplatione: Secundum in cognitione rerum & disciplinis. Tertium in beneficiis à Deo acceptis: Quartum in Honoribus, & ornamentis quæ non pereunt velut laurea opera edita tempus tranfactum. Quintum in filiis & coniunctis qui non tam facile pereunt, aut abalienantur. Sextum in opibus quas possides & redditibus & lucris firmis. Septimum in vsu earum velut carpento mula suppellectile & in his vestibus annulis stylis scriptoriis. Octauum in vsu extra ordinem: velut inuisendo villas & itineribus iuxta aquas mutatione regionum sufficitque in pluribus eorum cogitare quod potes facere atque ita imaginari. Ad hoc etiam inuant lectiones Poëtarum fabulorum quorum copia magna est in Italica lingua. Nonum conferre se ad solitudinem inde repente ad noua internoscenda. Et scias quod inuentio problematum cum fixo studio multum, auertit à tristitia & melancholia. Et interim non irasci sed abire si potēiores & alieni: *Vel vlcisci si tui*. In tristitia autem præter rationem, inædia & labor leuis ac diuturnus qui delasset, non excale faciat. Vel etiam loca læta. In summa dictum est vt felicitatem constituas in possessione paucissimorum securorum solidorumque bonorum. Manifestum est autem quod opes ferme ex fortunæ domus obtinent principatum: atque in his quæ iam parte sunt non in lucro: Et quæ in fundis, & in patria bene instituta. Filij autem inter corporis bona. Sunt enim, partes nostri, idque confert ad dissoluendas multiplices dubitationes quæ ex illis oriuntur. Post hæc in non viuētibz velut monumentis quam viuētibz, & viuētibz quam sentientibus, minima in hominibus fiducia ponenda est, præcipue in alienis: minor adhuc in subditis perturbationibus, nulla prorsus in inconstantibus improbis & immodicis. Etiam si maneant A, p, vertunt, neque tui studio aliquid agunt aut manent, sed proprio aut quod peius est etiam alieno.

Porro tamen quod ad adiones attinet ingenium & mores paulò obtusiores ad parandas opes & potentiam quæ amicis & sodalibus constat multis ex causis sunt opportuniores: sicut ad opera maximè nobilia & decora manuum & Instrumentorum subtilitas diuisio & temporis interpositio.

Porro vt ad naturam nostram declarandam imo viuētiū fermè omnium attinet, Musica proportio, vt supra dictum est necessaria fuit quoniam immortalium Geometrica est ob velox incrementum inanimatorum. Arithmetica, quod à magnis excessibus corrumpantur: viuētiū Musica animatis propria, quæ neque breui multum excrescere possunt, nec augeri molem aequaliter corrupta omnium figura. At omnis continua proportio per demonstrata in quinto Elementorum Musica est vt xij. vi. iij. & ix. vi. iij. Item xij. viij. vi. At in tam breui intervallo alia proportionē totidem constare non possunt, aut G, inæqualitatem æqualitati coniunctam habeant, imò innumeras si vel pa-

Cap. II.  
Sec. II.



rim ab integris discedere velut xij. iv. i.  $\frac{1}{2}$  & 12.  $\frac{3}{4}$  verum quæ in integris habetur & quæ similem retinet proportionem extremorum proportioni differentiarum ea melior est. Erit prima igitur simplex in multiplicibus velut dupla tripla, & quanto propior æqualitati. Itaque sex qui altera ob hoc tripla mollior est nisi media interponatur: Et interposita media in quadrupla melior quàm diapason diapente seu tripla. Secunda est similium proportionum, quæ quanto proximiores multiplici & æqualitati eo suauiores. Et propriè in extremis. Ita colliges viij. differentias, simplices autem duæ: quarum omnes erunt decem.

17 Omnium præstantissimum est; Qui vult felicem incolumem longam traducere vitam cum honoribus & tranquillitate conditionem receptæ congruentem & similem illi quam alij ducunt & consuetudine traducat. Vnde tres difficultates emergunt, vt possis eligere & inuenire eiusmodi: vt eam assequi, & vt scias ac velis traducere. Vnde vix tolli contingit vt fas sit talem adipisci, variis rationibus, etiam quod in adipiscendo *fortuna voris foueat*. Rarissima enim, sunt vitæ genera in quibus hæc omnia congruant: & vbi adsint non inuicem repugnent: & quod homo perferre possit: vnde calamitates omnibus accidunt quantuncunque etiam in vitæ luculento genere rectè se gerant.

18 Qui natura ad negotia cum impetu feruntur, aut nimis addicti sunt; aut variis mentem intendunt: aut fama iam sparsa est tales esse vbi negotium aliquod maximè apud ignoto: aut cum improbis sociis suscipis, primum remorare imperum, totum te illi dede: singula prius dispone quam proferas: & plura interroga, non vt scias, sed vt tempus habeas. Qui enim, interrogat tempus habet otiosum & liberum. Vnde duo interrogandi genera.

19 D. Op. M. sup. Dei summi vita: Ecce quam bonum & quàm: Domine doce me I, V, Z, Q, D, M, E, I: D, H, M. Est enim 14. ex 11. & 3. Confec. Et 63. produc. ex 7. & 9. Ad v. Def. Ad luc D: Ad G D. vt Dirig. M, & operibus.

20 Vires augentur vibo & vino tenui, odoribus (somno) quiete gaudio Societate amicum, Balneis mollibus & spe de illis, si non memoria: si nec hoc falsa de huiusmodi imagine: si neque hoc, contrariis eorum, quæ contristant quorum euentus diu abesse non potest, Moriuntur, luctu cotrentur abeunt. Morbis & litibus implicantur.

#### CAPVT IV.

##### De suis.

1 Nostros curamus vel propter illos vel filios, vel nos: vt famulos, vel vtrosque vt alumnos. Commune omnibus nulli reddere rationem, cum obsequentes reddere, vis non dociles. Quædam sunt nostri gratia quæ pro dogmate proferimus velut illud (si vis amari ama) Homo solus nullus: vt pro sis tibi pro sis alteri. Si vis nominari tibi

Tom. I.

impera. Docendo huiusmodi repete, inculca, vrge, increpa.

2 Cum tuorum quispiam quasi stupidus esse videtur impera diuersa, & si perseueret male cogitat, amanda, res enim dira est, & mali hominis. Si contumax te inscio ad sua discedat: redeuntem domestici longius remittant vbi te expectet. Quiuis è domo imperatis responsum statim reddat quod accipit. Leuia peccata grauiter castiga nam si maioribus occures; eos poena, diuturna expectatione discrucias. Maxima præceptorum pars est reciproca, ob hoc. Collocaturus alumnus in domo alterius. Quære vt sit temperatus in victu gnarus fidus Dominus & contubernalis vitio careant cui non possint imperare. Et artem: cuius causa colloces docere abunde queat. Sumpturus in domo famulum, si ornatus: aut furem aut dominum: Si pannosus aut deses, aut flagitiosus. Mediocres, igitur interroga vnde discessit, si vestigium retinet fallaciæ; Non plus vltra. Inde ab illis percontare quo vitio laboret, si negant se scire, iam scis. Potes adiciere cur ergo abiit? Similiter quærere an ille abierit vltro an illi dimiserint: si dicere recusant percontare ab illo, si vestigium retinet mendacij, ne recipias: si fatetur quod rarum est non recipies, aut commodiore vtis. Expetes autem fidem, equorum curam, & vt pareat. Et cum discessurus triduo antea moneat. Paciscaris non de magno labore: sed vt occupatus sit. Pro vxore autem ducenda exige iuramentum aut promittat. Caue ne vt dici solet (namque ad D. Hieronymum refertur) ne mus in pera, serpens in sinu, ignis in gremio, sic enim malè remunerant hospites suos.

3 Si furem in domo habeas, habeas cui ar- cana stultè credideris: si testibus præsentibus absque teste dicas, peccasti (in spem & blandè alliciens) magis si quæsiuit, maximè si impulit, at coram illis si sine tum absque querela, at proditorum est, vt Poëta.

*Scire volunt secreta domus atque inde timeri.*

Ergo amandare qui difficile corriguntur, aut grauiter peccant: temerarios imprudentes perfidos, ignauos, ebriosos, stultos, iracundos, ingratos, contumaces, impuros, fordidos. Sin autem filius eiusmodi sit, prompto famulatio & obsequenti opus est, post quam ratio exempla socij boni minæ educatio extra domum non sufficiunt si plures sint castiga *Vide c. 17. Sec. p.* exactè, ne aliis exitio sit, & securus de orbitate. Vt Princeps in Repub. ita pater familias in domo abige homines ludos voluptatem incognitos, & qui lingua versatili ditari volunt admitte parentibus obediens arti suæ addictos: ludum permittite diebus festis, sed plus laboris quam voluptatis continentem pilæ æquorum, agitationem armorum, infiliendi in ligneum asinum, cursus, per funem ascendendi: venationis aucupij, piscandi, alceres & discum: his adde gloriam munuscula, doce plantas & earum vires ac mores. An desunt honesto voluptates remissioribus studiis Musicam canendi atque citharizandi, natandi latrunculorum: Et quod ad mensam parandam cibos coquendos verere



tere pavimentum, mundare vasa, lectos aptare; vnum est quod omnia ornat, certo tempore è seruitute exire, seu arti initiatus seu militiæ mancipatus seu ducta vxore. Sic educatorum vis vnus è mille extra semitam aberrabit, quem reuocabunt natu maiores coniuncti in suis exhibentes exemplum. Adde matrem metu suspicionis adulteri ignominiosum est, cum exempla non maneant suo loco. Quinque sunt valida præsidia ad mutandos mores timor in sapientibus, in adia & labor: consuetudo & spes in stupidis, timidi præterea & ignaui ad omnia sunt, & se inuicem comitantur. Iuramentum ad multa commodum est, & sæpè mutauit: nam & timidos milites impellit ad mortem. Vtaris vbi emittere nec mutare licet vitiis ad comoda ignauos si non stupidi sunt custodiam. Procaces & audaces ad custodiam corporis, iracundos, & duros præfice familiæ: stultos contumaces addice agriculturæ secandis lapidibus, fabuli arti. In docilibus. Sola tamen ignauia inter vitia insanabilis est. Quin quod Poëta inquit, quæritur Ægistus cur sit factus adulter? In promptu est causa desidiosus eram.

In domo habere oportet virum prudentem, bonum, gnaum, tui amantem, cui tota administratio concredita sit: hunc aut germanum aut sanguine coniunctum aut experientia cognitum: non eruditum nec literarum ignarum, non vinosum, & si fieri potest vt vxore ac filiis careat; stipendio honesto: Cumque aliquem in domo recipis maximè puerum imitare illos qui Philomenas adultas captiuas habent, non enim contenti sunt cauea includere, sed in obscuro per xv. dies retinent, exiguo cum lumine cibum præbent ac paulatim post admittunt lucem, causam huius alibi docui: Idem faciunt qui collegiis pueros mancipant non enim sensim ad vitam continentem traducunt, sed simul in cubiculum vnum cum sene continent vix lucem admittentes, & vt ferociore alios post vi. menses, mitiores post xl. dies in laxiorem normam deducunt. Sic Turca suos quos vocant Giannizeros instruunt, nec est modus alius melior. Quod si non patiuntur, nec tu admittito.

Tria sunt compendia in huiusmodi maximè etiam in his quos emittere non decet. Plus petere vt honestum recipere possis, quandoque minus & sensim procedere iuxta naturam illorum rei, & tempus. Hinc & inde percellere ad animi affectus intelligendos, atque mutandos. Vnde vsque ad mortis minas procedendum. Demum si Dei amicus es, curam illius geris imperata facies, & mihi & virtuti amicus eris, si non neque egote gratificatio, age vt lubet contumacem.

Vnum præceptum commendat domesticos domino, & vtilis reddit, & dicitur fuisse Salamonis Ama. Explica tribus: cura res tuas (nam illum aut facile est aut intelligit) Explica pluribus nihil primum eripies, nihil effundes, nec permittes alium & curabis illius lucra: nec parces labori omnemque industriam adhibebis vt meliorem rem suam facias septem, si abscedant com-

pendium malum nullum nisi tua causa vnde decimo sexto, Cal. Februarias M. D. lxxiv. Duo simul & maximè grati pueri musici discesserunt. Dixi mecum si oderunt te lucrificasti sumptum, & cares duobus perfidis & ingratis: si amant & meliorem conditionem nacti sunt illorum bono gaudere debes. Si deteriore, aut reuertentur, & firmiter adhæsurus, aut non, idè stulti, hoc igitur vtile. Ego opinione decipimur eoque peius cum bona pro malis accipimus, quam cum mala pro bonis; si etiam recipiuntur ad aliis, vel non, nam hoc in tui commodum cedit. Idem nam vel meliore conditione, & ita iniquus es, vel non meliore, & si non manet ipse bifariam stultus: aut manet ideoque prauus.

Exemplo maiorum & alienorum tuos & paruulos iuvat commonefacere, & vicissim poena in tuos iusta amplam viam & mitem ingrederis. Quid ergo vt purges domum tuam vitiis radicem excinde, vt Deo placeas in tuos mitis sis, tibi utilis. Non lauius, modo occupatus sed pullulantem vel tentantem imò vmbram eradica: hic sine labore, absque periculo mendacium: Dubia responsa, ancipites voces, silentium, hæsitatio, mutationes, amphibologicos sermones, imperfectas sententias, omnes pro fraudulentis & venenatis colubris, vt etiam gestus & nutus habeto. Plana ergo via est, si velis, si non habes non vis. Doctrina crassa opus tantum est simplici, secuta res nulla impensa cuique facilis, modo non desit constantia est. Hoc viderunt Persæ olim & nunc (ô felices Scytharum Reges) subditi omnes erga illos (ad alios semper mendaces) perpetuo obseruant.

Iube filios vt petant consilium ab hominibus tibi agnitis quid facere debeant cum veste indigeant, & tu potenti superbè denegaueris. Et cognito consilio singulorum iubebis vt abstineat à quibus decet; ita illum tibi obsequentem reddes: ipse, illis, tibi rectè providebis. Id animaduerte pueros omnes non natura læsos ad bonam frugem reduci posse prædagogis probis ad pubertatem adhibitis. Est enim, dominus habitus consuetudo exercitatio opus: ex aduerso exemplum æmulatio persuasio pertinacia durities assiduitas fames labor frigus: Criminum verò sæuitia sine exemplo, & repentina. Et hæc præcipue in pueris.

Quædam facere non dicere vt in perdit: quorum ope indigemus Dnf. in Germin. vitiis I, & D. ad timidos & prauos N, I, H, d. in Rel. Calend. Si deciperis debes vlcisci illos grauius: ab aliis cauere interim dicas rependere multo locupletius ob id in domesticis licet quandoque differre vt furtum in sumptum mutes. Cum aliquis aberrat, nec possunt verbera, specie morbi mittendus sanguis vsque ad animi defectionem, dandus elleborus, nutriendus ouis & cerebris gallinarum redeundumque sæpè ad id, mutatur enim temperies maximè in pueris. Meliusque est habere suum corpore debilem, quam mente peruersa.

Quod



10 Quod si plures coniurati ut fieri solet in domo sint, si retinueris vnum corrumperet alios nec tutus eris si simul omnes emiseris incommodum certum, & periculum forsan non leue. Igitur vide ut emittas deteriores alios castiga grauitur; ut vbi inter duxeris novos etiam reliquos emitte vel in aliam Ciuitatem, vel ex alia elige. Discedere licet necessitate: ob vtilitatem ferendum: plus tibi vncia boni, quam mali mei libra: amoris enim proportio maior non tamen omnes eligunt ob odium inde terminatum: ob iram stultum ut male sit alteri odiosum & infestum.

11 Vbi iustitia viget aut potens sit, vel fultus tuorum societate, melius est regere tuos in virga ferrea, nam calcitrare aut vleisci non possunt nisi extrema consilia ineant, at hoc summis suppliciis obnoxium & minima suspitio exquisitis tormentis, ideo tentare non audent, nisi vel impetu iræ, vel stultitia vel iniuria ideo cauendum. Eadem ratio & in exteris sed traducenda proportionem non similitudine, hæc igitur quoniam homo animal valde malum, & dolosum atque ingratum. Domesticorum furtis arcendis. Dissimulatio expositio coniectura à personis moribus successibus: socium submittere qui furtum fateatur quod te nolente admiserit: nam si non accusat, amandandus omnino est: si accusat cum emphasi non absoluitur, si leniter bonum. Inde tentabis artes si non perficit: si super illius pectus iures palpitabit cor. In carcere detentus hæsitat in responsis titubat taciturnus est: sed caue in, his ne timidum pro fonte accipias. Acres demum & repentinæ animaduersiones de minimis propriè validum sunt præsidium ad continendos furaces animos. Ita deceptorem, & furem domesticum deprehendere non est admodum necesse cum oporteat non solum esse fides sed tui amantes hoc autem facillimum ex natura, educatione & conuersatione curaque tuarum rerum aliisque indiciis. Attamen vbi studium sit cognoscendi fides à perfidis tam facile est in magnis & assiduis furtis (ut in Antigorgia dictum est) quam damnosum & adhuc magis

periculosum. Igitur via compendiosa est mittere ad venditorem & queri de iniusto pretio, ille vel metu vel verecundia aut ne illum deserat illum inspiciet statim si conuenient: adferet aliam causam si decept: si aberrauit offeret satisfactionem, quicquid sit ea dicet per quam manifeste deprehendes de tuo œconomo qualis sit. Hoc cum facere pro arbitrio possis, in tua erit potestate seire qualis sit fides tui ministri: In pueris autem facile est: sufficitque sola elatio fidei ac prædicatio: aut enim desistent, aut statim deprehendent.

12 Neque œconomum neque illo invito neque vbi non adest mulctabis delinquentem in re tua, efficies enim furem, sed abiges, aut verbera. Compendium rei familiaris & pecuniæ & domesticorum institutio: ut omnia emanant pacto retrodandi. Quod si quidam non recipiant scis (maius emolumentum) à quibus cauendum.

13 Hic succurrit exemplum de his qui male regendo suos, corruunt: præcipuum fuit in tam potenti Rege Alfonso Aragonum & Neapolitanorum qui cum lauare vellet manus annulos dederit cubiculario: qui simulata obliuione in proprios vsus eos verterit. Post aliquantum temporis cum Rex ipse denuò lauare manus vellet illeque se obtulisset rursus accepturus quos tum haberet annulos. Rex ad illum inquit satis est de illis. Cum de hoc mecum cogitarem desij admiriari cur filij nepotisque funditus deleta Stirpe regno euerfi sint: etiam maiora promeriti, qui tum singulari stupore eum quem palo suffigera parum fuisset dimisit, nec restituta re, nec proditore diulgato: nec tam longam iniuriæ meditationem horruit. O Regis stupidi aut improbissimi caput dignum, quem fures spoliarent proditores perderent: facinorosi ad perniciem suam suorumque occasiones obseruarent, generosi ut ingratum fugerent: boni tanquam sceleratorum ducem, strenui contemnerent: Ergo quod Tiberij sauitia, Augusti scelerata & prodigiosa crudelitas & paricidium immensum, totque sequentium Imperatorum incredibilia flagitia non potuerunt hic vno actu promeruit, indicauit, traxit.

FINIS.





# LIBER DE ORTHOGRAPHIA P R O O E M I V M.



V M turpe magis sit nescire Latinè scribere quam pulchrum scire, ob id breuiter de recta scribendi ratione agere decreui, nihil omittens necessarium, sed non necessarium mihi adiciere decreui enim. Dicitur solet vitam esse breuem, artes autem longas. Esse autem Grammaticæ partem haud dubium est, cum catulum & catullum catulūque non aliter intelligere quid significent possimus quam ex recta scribendi ratione, dicemus

Q. Catulum & Poëtam Catulum, & catulum leonis. At cum hæc pueris & adolescentibus principaliter scribamus, modum qui maximè ei ætati conuenit sequi oportet, non oblitum tamen & fidei ac testimonij rerum traditarum, & ordinis quò clarè exponantur, & vt perpauca plura intelligantur.

- |   |  |
|---|--|
| <p>REGULA I. de numero &amp; forma &amp; magnitudine litterarum &amp; propriis ieterismis.</p> <p>II. De Prima &amp; secunda diuisione Elementorum &amp; Alphabeto Græcorum eiusque diuisione.</p> <p>III. De Diphthongis in vtraque lingua &amp; aspiratione in Græcis literis.</p> <p>IV. De L, &amp; K quòd non sint littera &amp; de transitu litterarum à Græca in Latinam linguam.</p> <p>V. De Tertia &amp; Quarta diuisione litterarum consonantium.</p> <p>VI. De duabus aliis literis vocalibus consonantibus &amp; digammate.</p> <p>VII. De duabus præcipuis causis erroris in scribendo.</p> <p>VIII. De triplici affinitate litterarum inter se, &amp; de 24. littera.</p> <p>IX. De literis maioribus in initio ponendis, &amp; diuisione syllabarum.</p> <p>X. De duplici difficultate circa vsum.</p> <p>XI. De compositione dignoscenda.</p> <p>XII. De Diphthongorum ratione.</p> <p>XIII. De ancipitibus literis.</p> <p>XIV. De literis quæ colliquantur</p> <p>XV. De derinatione</p> | <p>XVI. De litteris quæ numquam in fine dictionum inueniuntur.</p> <p>XVII. De literis quæ se non consequuntur.</p> <p>XVIII. De geminatione litterarum.</p> <p>XIX. De iudicio adhibendo,</p> <p>XX. De compositione dignoscenda.</p> <p>XXI. De mutationibus vocalium in compositione.</p> <p>XXII. De consonantium mutatione,</p> <p>XXIII. De Consonantium ad vocales comparatione.</p> <p>XXIV. Quòd modus scribendi variat significatum.</p> <p>XXV. De his quæ ex conuersione aliarum linguarum.</p> <p>XXVI. De multitudine consonantium.</p> <p>XXVII. De Pronominum compositione acque varietate.</p> <p>XXVIII. De aspiratione.</p> <p>XXIX. De pugnantibus scribendi causis</p> <p>XXX. De syllabis primis, secundis &amp; tertiis ab usu &amp; authoritate veterum.</p> <p>XXXI. De accentibus ex Aldo Manutio.</p> <p>XXXII. De diuisione Orationis.</p> |
|---|--|

**O** Orthographia est recta ratio scribendi, id enim nomen eius ostendit non vt ita proferamus quemadmodum scribimus nam scribimus Caium & Cneum & proferimus Gaium & Cneum per g. eius autem duæ sunt partes, Scriptura quæ prolationem consequitur seu sonum litterarum. & puncta quibus distinctè proferimus, ergo de prima parte prius dicendum erit.

Scribendi



Scribendi & proferendi quique cum sint rationes quæ vocem variant non omnes ad Orthographiam pertinent nam solum variamus propter litterarum varietatem velut *replus* & *templum* *Davit* *Dauid*, *Dauidus* hæc non ad Orthographiam sed ad latinitatem pertinent: secunda est in qua multum Græci laborant, at Latinis parum in usu est accentuum observatio. nam cum tres sint accentus, grauis quo utimur in fine dictionis, cuius vertex tendit ad sinistram, acutus quo in fine utimur sequente enclitica, & circumflexus quo Latini solum in medio ad distinguendum significatum utuntur, ut lepore pro animali & lepore qui est venustas dicendi, de quibus tres regulas subiiciemus, quoniam & hæc pars est rectè scribendi. Propria autem Orthographia consistit in his quæ cum similem habeant sonum idest parum differentem, bifariam scribi possunt, hoc autem tribus modis contingit: vel ob litterarum vel litterarum similitudinem velut dictum est *Cneus* & *Gneus*, parum enim, sono differunt & *fulla*, *Silla*, *Sylla*, nam si multum differant ut *templum* & *replus*, vitium est latinitatis, errasse. Vel ut scribatur simplici elemento aut duplici ut *religio* & *relligio* vel ut littera quæ addit sonum nullum habeat ut *Hanibal* & *Annibal* *inchoo*, *inchoo* vel quia colique scat ut *silla* & *scilla*, *scit*, *sit* quorum significata quantum differant satis apertum est.

Neque verò expectare oportet ut in Geometricis demonstrationes licet noster Scaliger conatus sit eorum reddere rationem, nihilominus omnes ab usu deriuantur, nam ab eo omnia originem sumpserunt, non enim est cur magis scribamus *omo* & *homen* quam contraria ratione *omen* & *homo* siquidem nihil hæc ad significatum modo usus admitteret sed quoniam res plures sunt dictiones venustæ pauca coacti sunt magistri Grammaticæ, imo consensus hominum ad hoc necessario deuenit ut ex quavis minima differentia proferendi inde scribendi variarent significatum atque id non parum scilicet ne ob affinitatem vocum & sensuum frequens error accideret nisi, enim plurimum differrent *amo* quo animi significatum declaramus ut *hamo* quo ferrum retortum ad capiendos pisces intelligimus, facile in errorem lectores perducerentur.

Ergo hinc habet originem Orthographia iuxta quam tres sunt partes eius, ratio, usus & lingua, lingua quidem velut cum dicimus *Cyrus* quia scribitur Græce *Κυρος* non *κίρος* & *biancus* non *albus*, proprium viri nomen *bianco* dicimus Italica lingua unde notandum est quòd in transitu à lingua ad linguam in propriis plerumque & magis seruetur etymon quam in aliis causis. Vnde Græci aberrarunt scribendo *Aniças*, pro *Aniças*, idest Annibalem sine aspiratione quasi ad concionandum ineptum cum Latini cum aspiratione proferant.

Verum à ratione dicimus quando generali regula comprehenduntur, quòd si ab eadem deuiare contingat usum excusabimus, erunt ergo quatuor partes in vniuersum generalissimæ à ratione generales à linguæ origine, specialis ab usu & ab accentu, de ratione ergo primum dicendum est.

Ratio ergo rectè proferendi ex tribus generaliter sumitur tanquam finibus distinctionem euphonia & carmine, ab ipsa verò rationis substantia differentia ducuntur natura litterarum, declinatio, deriuatio, compositio & res ipsa significata; ergo primum de litterarum natura dicendum est.

#### REGULA PRIMA.

*De numero & forma & magnitudine litterarum & propriis ictis.*

**L**itteræ apud Latinos sunt viginti vna, a b c d e f g i l m n o p q r s t u x y z. Et hæ sunt minores: Maiores autem totidem, & eadem scilicet A B C D E F G I L M N O P Q R S T V X Y Z; Sunt & maximè similes magnis, sed grandiores multo & elaboratæ duplici maximè linea, & vacuo inter eas contento: quarum usus est solum in initiis librorum aut capitulorum, sicut magnæ in principio solum dictionum ponuntur, nunquam in medio, multo minus in fine. Sed in his locis utimur tantum paruis, verum s, mi-

nore utimur tantum in fine dictionum, in medio namque & initio earum ubi magna non opus est, habemus quartum genus s, quod medium vocamus quæ similis est parvæ quòd collocatur in principio solum cum magnam collocare non licet & quòd in medio collocatur: magnæ quòd non collocatur vnquam in fine nisi ante encliticam ut eo usque, Porro magnum s & maximum non mediæ sed minori assimilantur, magna tamen formarum plurimum differt à paruis nisi in C O P S X Y Z. Sed F L & Q non admodum differunt forma à paruis literis, I quoque cum magnum est sine puncto scribitur atque in hoc paruum à magno solum differt: nam in paruo adiicitur supra punctum: quia aliter duplex ij, transiret in y aut n vel u & i simplex cum u vel n transiret in m & cum m in duplex, n, idèd puncto distinguatur



distinguitur inuenta & est s, media vt non adeo deformem efficeret dictionem in medio: nam seiuncta est grandior & maius occupat spaciū: coniuncta quasi efficit q, formam autem d, vel b, cum l, aut p, quod vitium est etiam inter o, sequente l, vel i, vt non nunquam ambigas, sæpè etiam c, & e, ob similitudinē inter se confunduntur cum per se scribuntur vt in Geometricis demonstrationibus: propterea ego consulerem vt scriberetur e, parum retro acta linea, quod etiam facit ad gratiam. Porro literæ omnes ex quadrata forma deriuantur minores quidem, vt b, nam tertia pars est in imo, dimidium erectum est supra, sextante pendit antrorsum, anguli tolluntur merito quia vt dixi continetur quadrata figura non tamen elementum ipsum quadratum est. Magnæ maximæque duplici ratione solum constant vt P, Q, aliæ quadratæ simpliciter vt A B C M, velut & ex paruis a c e, sed, i. longitudine caret. At de his si plura voles consulas Lucam Pacciolum, atque Vernerium. Nulla præterea consonans sonat a nec o, Q sonat u, x, sonat i, reliquæ tredecim sonante in initio vel fine.

## REGVLA II.

*De prima & secunda diuisione Elementorum & Alphabeto Græcorum eiusque diuisione.*

**H**Arum igitur duæ ultimæ scilicet y & z Græcæ sunt non Latinæ, & quanquam omnes literæ a Græcis fluxisse credantur & ad illos ex Phænicibus iuxta Poëtam illum.

*Phænices Græcos Græci docuere Latinos.*

Vt feratur Euander seu illius vxor eas in Italiam detulisse, alias tamen non appellamus Græcas, quod ab ipsa origine Italicarum rerum iam ingressæ essent, atque ita, vt formam commutauerint: at hæ duæ recentes sunt & formam eandem quam habent apud Græcos ferme retinent, nam maius Y Latinum à Græco differre non videtur præterea proprietatem suam retinuit scilicet in initiis aspirationem. Sunt autem Græcorum literæ plures nostris scilicet viginti quatuor α β γ δ ε ζ η θ ι κ λ μ ν ξ ο π ρ σ τ υ φ χ ψ ω. Quarum sunt septem vocales α ε ι ο υ ω. At apud Latinos tantum sunt sex vocales a e i o u y, ratio est quod o nostrum æquipollet o, & ω Græcorum & e, nostrum e & η Græcorum adeo vt cum his sex vocalibus lingua latina sit locupletior Græca ipsa vocali u. Dicuntur autem vocales quia vocem per se habent vnde etiam consonantes quod in sono suo vocalem necessario contineant. Erunt ergo consonantes Græcorum decem & septem scilicet, β γ δ ζ ε λ μ ν ξ π ρ σ τ φ χ ψ. Latinæ quindecim hæ b c d f g l m n p q r s t x z.

## REGVLA III.

*De Diphthongis in vtraque lingua & aspiratione in Græcis literis.*

**G**Ræca lingua habet sex diphthongos αι, αι, ου, ει, ου, οι, ου, hic verò sonat u, Latini quo diximuseffe distitutos Græcos, La-

tini autem habent tantum quatuor α, & α, qui scribuntur, sed non proferuntur, efficiunt tamen syllabam longam. Et omnis genitiuus & datiuus numeri singularis, & omnis nominatiuus numeri pluralis primæ declinationis nominum diphthongum recipit a e, sed a a, & eu: reliqui diphthongi scribuntur & proferuntur, & sunt etiam ipsi longi: & in prolatione diuidi non debent, cum verò duæ literæ ex his quæ solent componere diphthongum non componunt iunctæ diphthongum; diuidi solent per duo puncta superposita, vt Poëta. Sed diphthongi Græci omnes non sunt apud Græcos longi sicut apud nos, verū habent literas semper longas loco diphthongorum, qui possunt esse breues: nam α & ω semper sunt longæ, ε & ο, semper breues, habent & Græci Diphthongos improprios vt αι, ηι, φι, οι, qui sunt extra arcam: verū habent duo genera aspirationis plenum & tenue: plenum significant circulo ad dextram conuerso, tenue ad sinistram vt αἰ, φῑ, & idè in initio distinctionis cuiuscunque a vocali incipientis, aut φ apponunt notam spiritus etiam si tenuis sit; ex his ο inter vocales ab initio semper aspiratur. Quatuor quoque consonantes etiam semper aspirantur φ, χ, & ψ si solum sit, si duo secundum reliquarum consonantium nulla aspiratur, neque denso neque tenui spiritu: vocales autem sex, reliquæ in initio non alibi modo aspirantur, modo sunt tenues.

## REGVLA IV.

*De L, & K quod non sint litteræ & de transitu literarum à Græca in Latinam linguam.*

**H**Oc igitur videntes Latini non aspirationem supra, sed h, loco densæ aspirationis in distinctionibus interposuerunt, aut anteposuerunt, existimantes vbi non adfit debere intelligi, vt aspiratione tenui proferatur cum ergo nulla consonans apud Latinos, aspiretur denso spiritu quancumque inuenimus ch, ph, rh, th, in dictione aliqua aut y, aut z, intelligimus statim eam dictionem non esse Latinam, sed Græcam, vt lycia lycisca Orthographia, verum tenuius proferunt Græci tenues quæ sunt α π τ, quam Latini c p t, Sed neque in medio h, post vocales nisi raro inuenitur in principio frequenter, vt hædus, hallucinor. Aliquando ex litera fit veluti hariolus ex fariolus, sed hoc antiquum, meum autem non est obsoleta sequi quando vsuatis satisfacere nequeam n, illic isti, illuc istuc, illac istac transeunt hic huc hæc, literæ autem Græcæ sic ad Latinos transeunt α β γ δ, a b c d e breue ζ η, z, t, vel i, longum, θ ι κ λ μ ν ξ ο, χ ψ, th, i, o, l, m, n, x, o, breue, π ρ σ τ, φ, ω, p, r, h, s, t, y, ph, pf, o longum. Præterea αι, in æ, ει, in ei, in gf, vel au, in ef, vel eu, οι, in i, ου, in u, α, in a, longum, ι, in y quod tamen raro accidit. At R, apud Latinos litera non est, sed tamen in Kalendis, vsi sunt veteres, nec alias admittitur.

## REGVLA V.



## REGULA V.

*De Tertia, & Quarta, & Quinta diuisione litterarum consonantium.*

**C**onsonantium ergo quindecim aliae sunt mutae, & sunt quae vocalem in fine sonant, & sunt b c d g p q r z, aliae quae vocalem ante sonant seu in initio prolationis, semiuocales & sunt f l m n r s x, sed quoniam tres sunt litterae duplices q, quae, sonat qu, semper x c s, z verò l s, sed tenue ex semiuocalibus, sunt etiam aliae durae f & x, aliae prorsus liquidae l & r, aliae liquidae non tamen prorsus m & n, vna media quae est s, liquidae prorsus sunt quae coniunguntur optime postpositae aliis vt pratum, gnatus, plenus, Imolus nec scio cur m, posuerint liquidam nisi quia liquecat in fine dictionis in carmine velut apud Catullum:

*Persequamur eam & reslagitemus.*

Duplices nunquam duplicatae apud Latinos nec Graecos inueniuntur, vt duplex x, aut q, aut z, neque vt vna alteram quomodo vis sequatur: cum de z, materna lingua frequentissimum sit exemplum, vt *richezze*. Sed neque q, aut z, vlla alia consonans sequitur x, tamen saepe in compositis à propositione ex, vt expeto, extendo; aliter negant posse dici textum à texo, mistio sane scribi debet, non mixtio, sed z, aliquando in peregrinis postponitur consonanti vt Ariobarzanes: Eadem sunt litterae non antiquae vnde veteres scribebant, locuntur pro loquuntur.

## REGULA VI.

*De duabus aliis literis vocalibus consonantibus, & digammate.*

**I**ustus & cornus litteras altera i, altera u, habent alias à vocalibus, quae scilicet sonum retinent consonantium, ita iacet vt iouis, sed ij facit duas syllabas semper, je autem in ieiuno ientaculo, & iecore, & quae ab his non alijs, nam iens facit euntis, vado, veni, viuus volo vultum, sic seruus, ceruus, fuluus, Darius vnam; duae autem similes litterae in eadem syllaba esse non possunt: ideo excogitant Grammatici inter quos fuit Claudius Caesar, vt loco primi u, f, pronunciaretur: serfus, confus, surfus, Datus, F, versa, atque ita in vnicam syllabam, haec coibant. At de equus quid asserre poterat: Verum haec nihil ad rhombum, vt dici solet, quandoquidem mutato sono mutetur & littera: ob id desit haec curiositas inanis, & inuentorem digna sit; nemo enim nunc hoc genus scribendi sequitur. Germani tamē etiam non in digammate saepius pro u, f pronuntiant: vt finum vini loco, vitio potius linguae quam arte, vlla. Quandoque i, vocalis remanet vocali sequente, vnde fiunt duae syllabae, vt hyarbas, pictas, & in u, suauis, Suetonius, Liuius.

## REGULA VII.

*De duabus praecipuis causis erroris in scribendo.*

**R**epetentes igitur omnia, ab initio docere instituiamus vnde; nam contingat quoddam cognita, recta ratione proferendi, nihilominus, peccemus in scribendo, nam rectam rationem pronuntiationis tenere quemvis qui velit recte, scribere iam supponimus, neque enim sine illa quisquam proficere poterit; nam pronuntiationem esse ante scripturam, & origine priorem docuit, Philosophus in libro de Enuntiatione, dicens res primo esse, inde animo concipi post proferri demum scribi. Inducant & tot gentes, quae seculo scribere didicerunt: velut Germaniae populi quidam non ante multos annos, & Indi etiam Occidentis admirantur, hanc ipsam scribendi industriam; vicissim tamen ex male scriptis libris, etiam pronuntiatio vitatur. Ergo cur vitietur causam quae sit, operae premium est. Et inuenisse ferme necessarium non solum quoniam pulchrum sit scire ipsum, sed quoniam medela omnis circa causae ablationem non tantum in corporeis morbis, sed etiam in vitijs quibuscumque consistit. Ergo vt dixi constituta pronuntiationis, recte scientia bifariam planē, in scribendo errare contingit: vel quia non quemadmodum scribimus, ita pronunciamus, quoddam Quintilianus docet dum dicit t, in d, & c, in g, molliri. Et quoniam non vt in Graecis, tam frequenter, vt cum y, ante aliud y, & a, sonat v, vt *ἄγγελος* Angelus non *aggelus* *ἀγκυλία*, ancylia & *ἀντι* pro contra, andi non astiti; attamen & c, pro g, scribitur vt diximus in Cneo & Caio. Et d, pronunciamus pro t, vt quadringenti quadringenti, sed hic non solum pronuntiatio, sed scriptura mutatur: velut etiam in septingenti loco septincenti, sed forsitan hoc dixit ob Graecos: vel quia non adeo perspecta est pronuntiandi ratio; vtrumque autem multifaria: & primum ergo cum aliter vt dixi scribimus quam pronunciamus, vt Gneum & Gaium pronunciamus, Gneum & Gaium curculationem scribimus: non ita accipiendum est vt Gneum, perfecte Gaium aut gurgulionem pronunciamus; quid enim vetaret quin vt pronunciamus scriberemus? Sed alterum duorum est, vel vt ab initio scriptum esset Cneius quia ita pronuntiatū inde deflexa vitio pronuntiatione in Gneum reuenta sit scriptura prior: vel vt ab initio Gneus pronunciaretur sed paulatim deflexo verbo in Gneū, tum quid medium inter c & g, illa scriptura significatum est, vtrumque sit illud non est credendum vt simpliciter g, pronunciatur sed medium inter vtrumque, alter modus huius membri est, vt littera colliquecat in pronuntiatione quod maxime contingit in c, littera, pronunciamus enim in scio scio ferme, & in scedaso sedasus, non perfecte, vt dixi sed c, littera quasi colliquecente. Tertius modus est cum mutatur in compositione velut: Eli-go ex ex & lêgo, & accorro ex ad & curro, vel quoniam mutatur ratione declinationis vt mendax mendacis non mendaxis: vel quoniam ex succedente, littera mutat sonum vt iustitia pronuntiat iusticia. Secundi



cundi modi ratio est, ex non perfecta ratione pronunciandi quæ contingit vel quoniam quod additur litera non est, vt traho trao: neque enim litera differunt sed, sola aspiratione: vel quia est litera sed non profertur, vt in primis diphthongis, vt sæpe, vel sepe: vel quoniam similis est, quæ addenda est vt littera pro litera: nam vicissim addendo vel detrahendo vbi non oportet errare contingit, vel cum pronunciatio pendet ex accentu, vt lego & lêgo: Et rursus cum pronunciatio nõ est perfectè, nota vt inter m & n, quæ natura sunt similes, vt tyrannus & tyrannus: demum cum mutatio fit ex sequente litera vt tanquam quia q, sequitur pro tanquam; vt sint in vniuersum vndecim modi. Propterea diligenter prouidendum est, vt ritè assuescamus pronunciare, cum ex pronunciatione scriptura, vt dixi maxima ex parte oriatur.

## REGULA VIII.

*De triplici affinitate literarum inter se,  
& de xxiv. litera.*

**P**ORRò literæ in literas commutantur, vel ratione permutationis vel soni, vel permissionis. Permutationis maximè duabus ex causis declinationis, & compositionis. Cum enim declinatio facta sit, ob variationem oporteatque variari, plures literas, necesse est vt commutentur: maximè vltimæ sicut in compositione variantur primæ, videtur autem c, elementum triplici commutationis genere ob maximam affinitatem, quam habet cum pluribus præstare. Habet autem primi generis affinitatem cum x, & g, secundi cum g, & t, tertij cum s, cum x, quidem ac omnia nomina quæ in x, terminantur præcedente a, vel u, genitiuo commutent in c, & meritò, nam dixi x, quasi esse c, cum s, nil mirum igitur si primam partem in declinatione retineat labrax ergo labracis, edax edacis, bibax bibacis, procax procacis, lanx lancis, Demonax Demonacis, fax facis, fallax fallacis, lux lucis, crux crucis, dux ducis, trux trucus, nux nucis, efficax efficacis, nox noctis, sed assumit t, iure autem x, transit in c, sæpe, iudex iudicis, nex necis, aurifex aurificis, podex podicis, ramex ramicis, codex codicis: nonnunquam in g, lex legis, rex regis in i, transit in u, quandoque nix vt niuis, sandix tamen & appendix faciunt sandicem appendicem; cum q, quis cuius cui. Quum aduerbium, & coniunctio transit in cum & tunc non solum aduerbium, & coniunctio, sed etiam præpositio esse potest. Causa huius est quodd neque Hetrusci, neque veteres Romani q, litteram habuerunt, idè Cirinum pro Quirino pronuntiabant. Soni autem vt dixi cum g & t, sed cum t, duntaxat cum ante i, ponitur vt semper pro t, scribendum sit nisi deriuatio obstat vt facius a, facio Iudicium à iudico, dicemus ergo iusticiam, & scribemus iustitiam à iusto. Et laurentius à laurento, & litium à lis litis, & vitium à vito vitas quid vitare ipsum oporteat. Sed in permissione cum s, sequente tantum e, vel i, vel ae, diphthongo vt in seda-

fo, Scauola, Scipione, scio, scena, scelus, scythæ, scytalæ, innumerisque aliis id genus, in quibus colliquescere c, videtur sed verius permiscetur sitque, quodd scribi nullo modo potest sonus s, c, plenioris, barbaris in vsu frequenti. & est vigesimaquarta litera Latinorum. Quæ autem non commutant sunt velut g, & f, & r, de quibus sursum agemus cum specialiter sermo de his erit.

## REGULA IX.

*De literis maioribus in initio ponendis,  
& de diuisione syllabarum.*

**L**ITERIS maioribus plurifariam in initio dictionum vtimur: nam in titulis vulgare est: Primum cum dictio est initium orationis, quæ ex anteriore non pendet licet sit idem subiectum. Scilicet vt aliud diuisionis membrum, vel materiæ, vel rationis amplectitur; vt cum multa argumenta principalia adducimus ad rem demonstrandam. Secundo cum testimonium aut verba alicuius inducimus, prima dictio notanda est litera maiore; quin etiam quidam totas dictiones, ita scribunt, quodd superfluum existimo nisi admodum pauca sint dictiones, vt verba tabularum in libris de legibus, & Senatus consulta in orationibus, aut quoniam exponenda sint, vt Epistola M. Antonij, ad Octauium, in Philippica secunda; & verba authorum quæ cum commento seu explanatione imprimi solent, similiter & initia carminum. Sed in continua oratione quæcunque tractationis cuiusdam subiectum, quoddam esse videntur primam dictionis illius litteram magnam habere debent; huiusmodi sunt aduerbia numeralia vel nomina suo loco posita scilicet quæ orationem distinguunt; velut primum sciendum ac sic deinceps. Et cum velut aliena etiam nostra referimus, vt primum diximus si ab hoc inchoet oratio; sed & nomina propria, prænomina, cognomina, agnomina tamen locorum omnium velut vrbium, villarum, artium, oppidorum, prouinciarum, montium & gentium: sed non ab illis deriuata adiectiua velut Græcæ doctrinæ. Dignitatum tamen semper vbi vno elemento, significant S P Q R. Sed & breuiter, & perfectè scripta Respublica, Consules. Rex Dij: Senatus tamen & quodd maius est, imò maximum neque Cælum, neque solem dignantur, hoc nomine in quo nil possit esse non singulare, vnde etiam sol dictus est quia solus, sed nec hominem aut leonem, hoc honore dignantur, quo irum locupletarunt. Breuiter multitudinem non putarunt hoc munere decorandam, sed id tantum quod vnum refert. At Tartara & orgia sacri genus cum omnibus eiusmodi maiore litera scribimus; lapithas Phlegiasque, Romanos Dardanios, Græcosque, hæc vltima deriuatio quæ soleat maiore nota scribi; Sed & acres c, magno scribunt. Nec male fecerit qui Mastichinum aut Rosaceum, dixerit vnguentum non mastichinum aut rosaceum. Et quæcunque digna sunt nota ob quam hominis mentem ad se trahant; nam cælum aut solem nullius facti originem fore existimarunt, nec in quæ agere



agere liceret at Iouem, Martem, Apollinem, Deum Italos posse esse authores alicuius egregij facti credidere Italiam verò aut Romam quæ pati tale quid posset. Hæc ratio videtur melior originis huius consilij quanquā non ad vnquem seruata. At cum non possimus in perpetuum trahere scripturam, sed regredi cogamur nec difinita ratione dictionum finem imponere, diuidenda est dictio vbi syllaba finem accipit vt distingo non distringo.

## REGULA X.

*De duplici difficultate circa vsum.*

**N**iximus superius vsu constare rectè scribendi rationem vt etiam reliqua quæ ad verba pertinent vt in libro de conscribendis libris. Hoc testimonium ergo à vetustis scripturis accipere conuenit: ergo à codicibus antiquis, & marmorum inscriptionibus, atque hæc est consuetudo. Sed in his duplex, & grauis est difficultas, prima quoniam & ex librariis illis manifestè quidam imperiti erant, imo necesse fuit omnes aliquando aberrasse seu ob celeritatem, seu fatigatos, seu imperitia ipsa, neque enim verissimile est quempiam & maximè seruorum (quorum proprie fuit hoc munus) tenuisse linguam totam tantum seu Græcam seu Latinā, quandoquidem nunc vix cum tot Lexicis, Calcepinis, Cornucopiæ thesauris possimus omnia comprehendere. Multo minus in lapidibus qui opera imperitorum fabricorum inculpebantur, ob id testimonium hoc valde infirmum est, cuius inditio est tam multiplex scriptura de plerisque verbis vt illud de his (quamquam alia ratione dictum sit) intelligi possit: Grammatici certant, & ad huc sub iudice lis est.

Altera difficultas est quoniam dato quod antiqua lectio hoc vnum velit, in quo à vulgata dissentiat, num debeamus illam sequi? tum quia iam exuleuerit vsu, tum quod necesse esset tot libros mutare, sub qua ambiguitate calligationes illæ eruditæ Petri Victorij super Ciceronem, & Pierij super Virgiliū comprehenduntur. Propterea in his duobus (meo iudicio) opus est auxiliis: vno vt videamus quid magis cum regula ipsa consentiat an antiqua lectio librorum, an vsus ipse præsentium. Atque in his etiam comprehendendo libros Pandectarum qui sunt de Iuriconsultorum, & Imperatorum responsis quæ tamen sub persona Iuriconsultorum reddita sunt: quandoquidem verissimile vix sit, inter tot curas, & grauius negotia imò vt verius dicam, sub tanto luxu operam illos dedisse iuri; multo minus sermonis elegantie aut candori linguæ tam in structura quam verborum sinceritate, tum verò iam obsoluerat lingua Iustiniani ætate, cum multo antea desierit esse pura, vnde querela illa Quintiliani quæ multo ante fuit Iustinianitæpore. Imo ne Seneca quidem purè locutus est qui sub Claudio, & Nerone Imperatoribus floruit. Et vt verè dicā angustissimos terminos sinceritatis nacta est lingua Latina quæ sub Cicerone incoeperit, quandoquidem, & de hoc ipse gloriatur, & Sallustio quod obsoleta in suis scri-

ptis inferuerit vitio vertatur: desieritque cum eodem Cicerone ciuilibus primis bellis ne dicam etiam secundis Cæsare, ob gratiam Gallos in Senatum admittente: Vnde illud vulgatum de illo Bonum factum, si quis Senatori nouo curiam monstrare velit, corrupta enim cum primum est lingua Romana, sed longè magis succedentibus trium. viratus temporibus in quibus extincta tam magna parte populi Romani ferme tota ciuitas cōstitit peregrino habitatore, vt tempus illud florentis linguæ vix vigintiquinque aut triginta annos impleuerit, sed neque illud vos mouere debet quod in pandectis antiquorum Iuriconsultorum verba contineantur, cum ad id respicere non debeamus cuius temporis, fuerint verba, sed quo tēpore potius trāslata atq; transcripta fuerint, nam illud magis refert quo Librarius tempore, quam quo tempore floruerit Author, nam & imperiti florēte lingua malè, & periti iam senescente bene scribere possunt. Quin etiam cum Iustinianus Græcus esset, & in Græcia habitaret qui verò conuenerunt corrigendarum legum causa seu colligendarum non minus fuerint Barbari vt etiam nunc quam Latini vel Græci, constat hoc in argumento libro illi Pandectarum paruam fidem adhibendam esse. Alterum ergo auxilium ex Carminis lege deducitur, quæ arcta ratione ac quasi constricta vinculis cōguntur dictiones in ordinem quanquam haud me lateat, ipsa censura corrumpi verba, vnde multi litteras pro literas carminum causa perperam scribunt, atque ita de multis alijs sed tamen hoc tantum de geminatis consonantibus.

## REGULA XI.

*De compositione dignoscenda.*

**C**ompositio duplex est, alia originis vt frater i. fere alter & est occulta & nondum factæ dictionis, alia duarum dictionum velut addo ex ad & do, admotheo. In hoc secundo genere litera plerumque geminatur, alias similis alias dissimilis, Oedipum à syllaba quod non ex ipso quasi equo sed ex *oides* *ris* *no* *des*. i. à pedum tumore. Inspice ergo abiecta prima syllaba an dictio sit à deinde cōsidera quæ præpositio anteponatur, velut amētis nominatiuus est amētis cuius postrema pars est mens detracta a, a autem præpositio est idèò dignoscimus simul & quod componitur, & quomodo scribendum, tamen sit simpliciter, sed in quibusdam est difficultas non pauca, vel ex natura dictionis vel ex magna mutatione in compositione vt in eligo, quod componitur ex, & lego abiecto x, & mutato e in i, ex natura autem dictionis quandoque etiam accidit vt dixi licet rarè; vt in præter quod non componitur licet præ & ter significant, & aliquando secus vt ignosco à gnosco cōponitur, sic nec prehendo nec præter, & generaliter omnia quæ composita Latine videntur à Latina compositione sed verbo Græco eoq; simplici deriuantur? Inducias etiā ab in & duco quisque componi præsumpserit, ad id non sed nomen est per se, & nimis curiosa



curiosa est compositio Gellij inde ut iam, sed ut dixi huiusmodi rara sunt quæ fugiât deprehensam; componuntur autem nomina non solum & verba cum præpositionibus quod frequentissimum sed & cum adverbis ut benefacio, & adverbia inter se nonne nonnihil & propositiones ut præterquam, & duæ conjunctiones ut quanquam. Nolo compositum esse ex non & volo declinatio ostendit: siquidem non vis non vult, malo etiam mauius manult ut constat ex volo, & magis abiecta tota syllaba, sed & nomina inter se etiam licet raro, & longè rarius verba, ergo declinatio sæpe detegit naturam verbi, seu nominis.

## REGULA XII.

## De Diphthongorum ratione.

**C**um duo sint diphthongorum genera ut dictum est au & eu quoniam proferuntur propterea paucas habent exceptiones, si enim vocalis sequatur aueo auitus auarus audus tueho, euinco, euoco, diphthongi non sunt quoniam u, consonans est, at si consonans sequatur pauca sunt in quibus diphthongus non sit ut audio, aufugio quamvis fiat mutata bi in u, unde notabile est, sed si diphthongi sint æ vel œ, præstat scire quomodo scribendi sint quando quidem non proferantur, tamen misto sono proferri debent ut ab etymo fiunt, autem maxime in sex casibus vel ex prima declinatione nominum velut dictum est supra vel ratione præ præpositionis quæ sola cum suis compositis diphthongo constat, inter omnes præpositiones & conjunctiones dicam, & interiectiones si Papæ excipias nihilominus tot tantæque verba amplectitur, ut sola omnibus aliis æqualeat unde tot composita ex adverbis ædepol sæpe, tertius casus est ab origine ut cælum æqualis, & quæ ab his deriuatur ita sæculum secundum aliquos sæps præp sæuio atque ab his, quartus est à Græca lingua nam α, in æ, transit ordine quodam sed & οi, in œ, ut αἰδώς, œdipus, quintus est ex relatiuo quæ, & eadem in secunda litera aliisque similibus, sextus, ex propriis nominibus ut Æneas, cæoli, tum ergo e, natura breuis producit diphthongo signanda est æ, quidem in parte inferiore œ, in medio sed au, & eu, non nisi propter carmen considerantur, at Poëtarum licentia est ut collectas diuidant & diuisas colligant unde parum refert seu Poëta, non sint seu sint, & abutantur hoc nomine illud solum considerandum s, interpositam impedire coniunctionem seu diphthongum non minus quam duo puncta velut ahenum, & ohe, sed & est insula ter repetito diphthongo insignis æææ, nomine, in qua Circe habitabat de qua Homerus agit vna ex insulis Pharmaculis nam sunt duæ in sinu Megarico prope Salaminem quarum maior olim vocabatur æææ. Alij iuxta Italiæ partem quæ Campania dicitur vbi circum promontoriū ut sit Pontia insula dicta seu Pādataria. Alia questio est, de felice nam magna est contentio, Despauterius cum diphthongo scribit, Aldus iunior, ex Aldi credo senioris monumentis infinita adducit testimonia quibus ostendit si-

ne illo scribi. Robertus Stephanus à scenore mutata n, in h, deduci putat. Est autem longa deductio, sed Aldus senior, & Laurētius Vala sine diphthongo scribunt. Quin quod maius est lo: Pierius cum singula quæque animaduertat, & corrigat in Virgilium toties felicem cum diphthongo scriptū sine diphthongo ipse scribens nihil affert. Idem ut dixi in tanta hominum eruditorum controuersia utroque modo scribi posse puto, sed ut ad rem redeam æ, vbique inuenitur in primis mediis & vltimis syllabis, œ autem in omnibus præterquam in vltimis: omnes autem diphthongi coniuncti scribi debent, aut per notam solum additam cum non plenè proferuntur: ut æ, vel e, aut œ, vel æ.

## REGULA XIII.

## De ancipitibus literis.

**V**oco ancipites in quibus vtramvis scribas non refert, ut syllā vel fulla, corylus vel corulus, quod Romani refugerent Græcam literam ita quum & cum illud antiquius, non tamen antiquissimum, nam tum q, carebant. Secundum genus est in declinatione nominum, in sexto casu in i, vel e, ut contumaci vel contumace, hospite, sospite, hospiti, sospiti pauperi, vngui vel vngue, & paupere, ignis quoque igne, & igni, & in quarta declinatione nominum u, vel i, ut Senatus, Senatu vel Senatui: manus manu vel manui: quanquā hoc frequentius, ita cursu quia non maior esse debet genitiuo: sed & cursui, & in genitiuo plurali per concisionem Saturnaliorum Saturnalium, Graiugenum, & Graiugenarum. Tertium est verborum in plurali numero in tertiis personis temporis perfecti: velut amauerunt vel amauere, euphania in hoc iudicem habeto. Quartus in coniunctione alioqui vel alioquin in propositione aduersus vel aduersum a, & ab, idem possunt ab ante vocales & consonantes vbi non malè sonet a, solum ante consonantes. Quæ ratio ad vnguem seruari debet in ex & e, præpositionibus, ut ex vrbe, & ex foro, sed è foro solum. Quintus modus est cum variè legitur, quia ratio vtrinque fauet, ut in ocio otio, auctor & auctor. Sextus cum antiqua lectio repugnat vsui, vtraque licet impune uti. Vltimo cum dictio Græca Latine Græcæque variatur, ut symptoma in ablatiuo plurali symptomatibus velut a, Pagma seu pegma seu pecma, & est machina lignea, cui statua affigebantur pegmatibus, sed qui dicunt symptomatis duplici ratione innituntur aut faciundo ipsum secundæ declinationis ut symptomatum, problematum, poëmatum pro symptoma, problema, poëma, ita quintam declinationem Græcam quæ assimilatur tertie Latinorum quæ in genitiuo crescit ad secundam perperam traducunt. Alij ad datiuum pluralem ex contractis quintæ Græcorum in οἷς ἀπτόοις ἀπτόοις: nam Græci sextum casum in omnibus numeris ignorant cuius loco datiuo vtuntur, a quoque & o, propositiones sunt & interiectiones, idem accentu distinguendæ.

REGULA



## REGULA XIV.

*De literis quæ colliquantur.*

**C**olliquantur literæ ut dictum est, c, post s, ut in scio, scana, & aliis dictis: sed & u, non solum post q, semper, ut qui, quædam, quantum, quum, sed etiam post g, ut in languor, à languore: adeo ut aliqui ausi sint scribere langor, & n, ante u, aliud u consonantem, ut exuuiæ illuities: prima etiam diphthongi æ, vel æ, colliquescit sed de hoc infra. Procedimus autem à generalibus ad specialia, c, ante q, acquiesco acquiro proferuntur acquiesco, aquiro, x, ante s, exsequor proferimus exequor: ij duplicatum unde etiam contrahimus in carmine præcipue Diis, Dis, & sine contractione abiicio, & b, ante s, sequente muta, ut abstergo & abstergo: b, enim vix sentiretur in prolatione. Et cum geminatur litera magna ex parte colliquescit, ut in addisco: adeo ut plurimi decipiatur adisco scribentes, & agredior pro aggredior, & in Agrippina cum eo dicta sit quod ægrè paria sit Plinius author Lib. 7. cap. 8. est, ἀγρίων enim vocabant Lacones sylvestrem oleam: unde adagium Agrippa sterilior, ad hunc sensum traductam Plinij etymologiam puto, quasi quod ægrè pariat quod sterile est, quia non concipit, non à difficili partu quasi iam conceperit, neque enim ab hoc habet derivationem, sed & liquidæ colliquescunt, sed non perfecte ut pratum, ignavus.

## REGULA XV.

*De derivatione.*

**D**erivatio triplex est, Originis ut à terra, & tamen ut vides variat additione consonantis, & ita de patronymicis Æacus Æacides. Similiter à patria Carthaginensis à Carthagine, ab arato aratrum, ab inuoluo inuolucrum. In hoc genere sunt participia, gerundia atque supina: nomina quoque verba, comparatiua, superlatiua, diminutiua, frequentatiua, desideratiua, ut esurio ab edo. Alia quoque multa, sed est à declinatione cuiusmodi casus in nominibus, & numeri: In verbis autem non solum numeri, & personæ sed & modi, & tempora. Quædam tamen commutant ut volo, nolo, malo, vnico l, in infinitiui, & subiunctiui præteritis imperfectis, in omnibus personis ac numeris, præterea in optatiui præterito non solum imperfecto sed etiam perfecto geminant eam literam. Ita pronomina plerunque e, variant à recto per genitiuum, & datiuum. Quis, cuius, hic, huius, sed in accusatiuo, & ablatiui casu redeunt, ut hūc, hoc, & quem & à quo. Sed tertia derivatio à compositione habetur, quæ fit ut dictum est multis modis. Transeunt autem plerumque ubi mutant in proximas literas de quibus dictum est, velut q, in c, loquor locutus, sequor secutus. Oportet igitur volentem orthographiæ operam dare, rectè noscere declinationes nominum atque verborum, & ut vno verbo dicam, callere Grammaticam ut à callo

Tom. I.

sicut caleo à calore: Solicitor à sollicitudine. Sed ut sæpe dixi, quoties prima brevis est duabus sequentibus breuibus, & ipsis in carmine hexametro geminatur prima consonantium.

## REGULA XVI.

*De literis quæ nunquam in fine dictionum inveniuntur.*

**N**ulla dictio Latina finitur in f g p q, multo minus nempe duplici ratione in y, vel z, quamvis Græcarum multæ in y, ut gry, mysy, psory, neque in un, vnquam: neque b, post e vel i, neque post vllam vocalem in partibus quæ variantur, quæ sunt quatuor: nomen, pronomen, verbum, & participium. Nam in indeclinabilibus habemus sub, ab, ob. Et d, quidem habemus in pronomibus maxime relationalis ut quid, quod, illud, istud. Rectus etiam nullius nominis finitur in i. neque eis. In propriis nominibus seruatur ratio proprietatis, non solum hominum sed gentium, & ciuitatum, ut Bogud apud Ciceronem, & in Græcis Amphion, Anacreon, in ἀνακτονομός, sed mutatur solum o, in u, sæpe in his scribit lingua propria ut ἀγροφός, & ἀγρολόγος ad Atticum, Agamedes, Aiarathes, Ariobarzani Regis frater, ἀμφιράφια, i. anceps ansa. Sed neque bs, nec ps, post u, excipere ut dixi debemus barbarica, quæ non solum scribuntur ut fert ratio sermonis cum literis quibus Latini non vtuntur, & locis prohibitis, sed aliter quam proferantur, ut apud Sarmatas proferunt th, sub sono ps, & c, ante z, maiore sono quam duplici z, czumas, & lugra scribunt, proferunt lura. Atque hic dubitatio emergit an in finibus conueniat mutare finem dictionis ut Dauid Daudus, Ioseph, Iosephus. In horum secundo mutat Sebastianus Castellioneus in primo nequaquam. In dubium ergo merito vertitur an in barbaris dictionibus inde in Græcis, tum verò in communibus at propriis desinentia dictionum mutari debeat. Nam Terentius Latine profert communes, eo versus *Oneratas veste atque auro: sarrapes si fiet.*

10. lib. Epist.  
101. famil.

In propriis autem non laborabit ut dixi, neque enim Bogud Latina dictio esse potest, cui nomen nullum simile sit. Commutat etiam in Græcis non vltimam consonantem sed vocalem tantum: idque in communibus, quod ea ratione in propriis facere prohibemur ut non illum appellemus. In initiis z, non ponitur nisi in Græcis: neque y, sint s, etiam in illis. Reliqua omnia elementa Latinam dictionem inchoare possunt, & h, etiam si litera non sit.

## REGULA XVII.

*De literis quæ se non consequuntur.*

**M**N, nullibi se consequuntur: m, quoque ante p, & ps, poni debet sed per n, proferitur ubi antea enim fuit, & n, ante q, ferme semper scribi solent: q, non sequitur p, neq; p sequitur semiuocalium raro ante liquidam vllam inuenies

Y



uenies vt s l m x , ante l , vel r , nisi similes sint vt error , vel in compositione perlibenter durè satis permaneo molliter nā postponitur sæpe vt ars arx Arfacides vltimus ex Parthis Persarum Rex , c , cum t , conuenit non cum p , neque cum d , in principio vel in fine , est enim aprophoron . Post m quoque scribitur b , Ambrosia , & ambubaia sed post n , reliquæ omnes c d f g s t x , vt Anchises incedo Andreas infelix ingressus institutum ante anxius ; z , vt dixi rarò præter r , admittit ante se consonantem . Præterea hæc ferme generalia sunt vt ante b , nec g , ponatur b , nisi in abgreco neque ante f , nisi in deriuatis ab absum vt abfui rarò ante p , vt abmitto abpatruus non ante t , nec x , l , non ante b f g n f x d , etiam non ante q , nisi rarò vt adquo nec ante x f , non ante b c d g , nec m n p q , neque s t x g , raro ante b , vt agbatana nec c , aut d , nisi paucis agdistis nec , ante f p q s t l , quoque non ante d f g r x , nisi raro vt calx , r , non ante f , pariter nisi vt in arferia s , non ante b c d f g m g , at f , non ante d , nisi vt Aldrubal nec f , vel g , nec g , at , t , non ante b c d f g m p , sed x , non ante b e f g m n p q r s t , nisi raro vt in his quæ à texo . Et generaliter vt semi vocales rarò liquidas antecedunt quia eas continere non possunt , ita mutæ rarò sequuntur mutas quoniam ab eis apprehendi non bene queunt .

## REGULA XVIII.

*De geminatione litterarum.*

**V**ocales verò geminantur vt Aaron , eadem iidem , coo exiguus at consonantes frequenter omnes præterquam , vt dixi duplices g x z , duplicantur igitur vel origine , vel declinatione , vel compositione quod est frequentissimum ; atque hæc duplex dissimilium vt accumulo , ex ad & cumulo & similia , vt addo aut ob carminis necessitatem , vt sæpè dictum est cum fuerint tres breues sequentes , vt litera littera religio relligio , vel propter anomaliam velut tera à tero , inde fit terra origo igitur triplicem habet rationem , vel à lingua Græca , vt syllogismus συλλογισμός , & Philippus φιλίππος : vel à natura ipsa vocabuli velut ferra lucullus : vel distinctionis causa vt ferre propter fere : Declinatione autem vt mel mellis , fel fellis , bes beffis : & vt dixi , de volo , nolo , malo , item fero in optatiuis , & subiunctiuis , & infinitiuis modis in imperfectis præteritis . Sed compositionis ratio plerumque geminat , nisi in cacophonia vt expello , malè sonaret enim epello & extimeo : peius enim audiretur ettimeo ; in exsiccò aliqui abiciunt s , sed nullus tamen adeò insanit vt scribat essiccò ; insanio non duplicat consonantem quia periret sensus : vbi enim significat raro mutat consonantem ; præterea rarissimè n mutatur in f , propter magnam soni differentiam , sæpe etiam vtroque modo scribere possimus vt adfero , & adlatro pro affero & allatro : quoniam durior non redditur & sensus est integer . Quoties verò mutatur consonans , & aliud significat geminare est : vt opperor deponens , idest , in-

uenio , vt differret ab operior passiuo quod est contegor : Superlatiua quoque geminant r , vel s , vel m , vel l , vt humillimus deterrimus sapientissimus . Heteroclitica non semper vt maximus , nam summus vt differat à secunda persona sum es est in plurali numero indicatiui modi geminat m ; nulla litera geminatur neque in principio neque in fine : sed in medio cum fuerint tres consonantes , non geminantur nisi vltima sit l , vel z , vt attraho efflagito , c post e , nunquam geminatur , quia lex , facit legis , ideo non potest aquiri duplex tt , tuela ergo à tueor repperi & repuli etiam inueniuntur .

## REGULA XIX.

*De iudicio adhibendo.*

**N**on oportet sequi malum vsum tam et si vsum dominus loquendi , scribendique sit velut qui scribunt A magnum in initio verborum communium , appello malam consuetudinem , quæ est contra regulas nec est alicuius authoris antiqui , nam hoc in casu horum authoritas , cum constans fuerit regulam frangit ; dixi cum constans , quoniam , vt supra visum est , & libri & marmora viciantur . Ergo normam sequi debemus quoties , authoritas antiqui scriptoris non obstat . Antiquos definitio ad tempora vsque Traiani vno Seneca duntaxat exceptò : nam sub hoc numero Plinius secundus , & Tacitus , & Gellius comprehenduntur : Indicium verò adiuvat etiam in quibusdam quæ scripta non habentur ; velut de sollicitudine quæ vno solo l , scribitur si deducatur a solo , solliciti enim sumus cum soli sumus . Alij sollicitum quod solo , citer interpretatur , sed obstat syllaba brevis : nam solus longam habet primam , sollicitudo breuem . Ita etiam declinationes quasdam , vt Iupiter Iupitris , quia iu brevis est duplicat p , in carmine : & suscipit à Iouis , genitiuum Iouis : à supinis , adiiciendo , tum fiunt nomina in bilis , & bile , & bundus , vt notum amatum , scitum sititum , nobilis amabilis , scibilis vel scibile , & sitibundus . Et vt sepultum simulatum , inuolutrum , sepulchrum , simulacrum , inuolucrum ; solum sepulchrum à pulchro , deriuatum s , retinet & orchum dixere veteres . Ita eadem consonantes , cum ad easdem comparantur vocales , si nulla consonans præcedat plerumque geminantur quia præpositione constant , si præcedat sola est quoniam præpositio ab , & ad , & ex , & in , non habent consonantem ante . Deficio , ergo reficio dicam & officio scribam : Et afficio , ita illigo & diligo , & quæ à præ eadem ratione non duplicabunt , cum consonans nulla in præpositione post vocalem contineatur . Eligo tamen & si ab ex lego , fiat simul elidit , vt hoc ipsum verbum x , mutatque e , in i . Elido tamen ab e , præpositione deducunt aliqui , & lædo mutata diphthongo in i . In vniuersum compositio cum fiat plerumque , ex præpositione vel simili quæ præcedit & , declinabili quæ variatur , nam nunquam contraria ratione fit : prima pars aut vocalis tantum est , aut in vocalem finitur , præcedente consonante aut post



post vocalem, adest consonans, aut consonans præit, & subsequitur: sequens vero dictio vel à consonante, vel à vocali incipit; si à vocali incipit, nunquam geminat consonantem in compositione: sed vel vocales, se sequuntur vt deamo, deauro, vel vna tantum consonans, vt peramo perennis; si autem quæ præponitur in vocalem finitur, vt a pro ab, e pro ex, præ & sunt pauciores, nunquam geminatur consonans in compositis; sed vbi consonans vocalem sequitur, quod plerumque contingit in his quæ à vocali incipiunt vt ab, ex, ob, ad, in, & similibus si alterius initium sit à consonante fermè semper geminant: sicut etiam in his quæ consonantem habent, non solum post sed etiam ante, vt sub syn, con, cum & talibus: hæ enim sequente dictione à consonante incipiente, aut geminant vt altero aut manent vt in admitto b, adeo dura est vt omittatur aliquando i, obmittatur.

## REGULA XX.

*De compositione dignoscenda.*

**T**ribus modis cognoscitur compositio euidencia partibus & sensu. Euidencia peramo & innato: partibus vt quæ à mitto, à lego, ac similibus vbi pars vna, saltem manet aut illi proxima, cum ex mutilis componitur vt frater, fere, alter: à sensu difficilis elatum est, quod significatum habet compositum ex dis, & facilis; cognita compositione partes dignoscere expedit quæ in primo modo facile habentur, inde in tertio difficilime in secundo. Circa tertium autem animaduertere decet, quod non omnis sensus, derivatio compositionem parit, nam sic casus numeri, tempora modi derivatiua, & figura, & participia compositione fierent. Nam compositione sunt omnia vt Æcacides, ab Æaco, & Atlantis mutato s, in ntis: Et amans mutato s, secunda persona in ns: Sed solum cum mutatio sit significati vt differo ex dis, fero i, in longum fero di. Ideo diuersum sentio quasi quod vna sedere non possum.

## REGULA XXI.

*De mutationibus vocalium in compositione.*

**A**n e, sæpe vertitur vt sequentibus o m n p r, damno condemno, aptus, ineptus, ars, iners, annus, biennis, paciscor depeciscor; sed & in i, cano, occino, & iacio, proicio. Quandoque abiicitur, vt in claudo, concludo. Et in i, mutatur emo, redimo, lego, colligo. Etiam in o, & citra compositionem toga, tego, & in u, tego, tigurium. Et o, in u, à gero, gerundus, vnde gerundium, i, in e, mutat vt heri here, vesperi, vespere scribere vnde ob hanc cognationem scribitur Virgilius & Vergilius, i in u, libet lubet. Quandoque abiicitur vt Dis pro Diis. Mutatur etiam e, in i, in compositione vt à pœna bipennis, æ, præterea in u, pœna punio, a u, in o longum, plaudo, complodo, & reliqua, a u, in o cau-

Tom. I.

dex codex: aurichalchum orichalchum, faux suffreo, aliquando etiam interponitur consonans vt ab aula adolor. A deriuatione ergo dicemus abij bijcio, à iaceo quasi iicio mutata a, in i.

## REGULA XXII.

*De consonantium mutatione.*

**Q**uæ deriuantur plerunque seruant naturam, vt iudicium à iudico: Et à misceo mistio, non mixtio: tum maxime quod plura degenerant ex x, in alias literas, raro ex aliis in eam: sic à procax procatium. Permutatio autem fit eisdem causis, vel facilitatis, vel ex natura declinationis, vel distinctionis, vel euphoniæ, vel vsus. Et facilitatis dupliciter aut quoniam litera, similis semper facilius profertur vt persæpe lateat adcliuis accliuis; adcumbo accumbo, & penè infinita alia, vel ex natura literarum vt acquiesco, pro aquiesco. Dixi enim familiares esse, c, literæ g q x s, sed diuersa ratione. Quæ in compositione commutant, sunt maxime ad, in, ob, & sub præpositiones; cōmutant autem in cæteras consonantes omnes demptæ x, & z, quoniam duplices sunt & z, etiam Græca; velut adgredior aggredior. Agnatus ab adnascor. Quandoque ergo d, mutatur in f, vt assumo pro adsumo. Adsum tamen dicitur ob assum, ad vitandam homonymiam; ob & sub mutant b, in c f g m p, si sequantur: nam gratiam parit & euphoniæ, quandoq; tamè manent vt obcæco obmutesco r, mutatur in l, vt intelligo legitur, & vtroque modo pellucet perlucet f, in f, difficilis à dis & facilis, sæpe enim cum consonans prior mutatur in posteriorem similem, vocalis posterior in vocalem mutatur priorem c, mutatur in g, in numeralibus quingenti, septingenti, contra pro vigesimus, trigesimus, vicesimus, tricesimus, ch, in f, chloris, flora, in d, istuc istud, d in f, duplicatum à sedendo sella, molito nomine n, in m l r, similitudinis causa vt in, in & con vt collido n, ante q, in c, vt ecquid. Ad ferme semper mutat in sequentem e f g l m n p r s t, sed ante q, sæpe vertitur in c velut an quiro acquiro quicquid. Aliquando retinet: vt adplico, aliquando perit vt coeo pro coneo. Putant aliqui filium à fidius dici ob fidem. Agnosco ab ad nosco d, in g, ob liquidam sequentem, vel ab a, & gnosco venustatis causa addito q, amittitur ob nimiam plenitudinem vt ab ad & gnatus agnatus seu mutato d, in g, ex ad & natus. Ignobilis ab in & nobilis mutatione conuersa, f in b, vt fibilo à sifilo olim vetusto verbo h, in f, herpyllum serpyllum h, in u, hesperus vespertus m, licet ante c d f g t, transeat in n, excipiuntur tamen iamdiu iamdudum, & quamquam. Am sequente vocali interponit b, vt ambio ambest amburo. Prolepsis melius quam preleusis, r, in f, vt arbos pro arbor nonnunquam in l, simili sequente vt pellege pro perlege elegantia causa non ratione f, in m, rursus prorsus rursus prorsum n s, perit aliquando vt trans duco traduco in tralatum, sed & translatum, ex elidit f, vt exsudio exsurgo exudo exurgo expes execo exhibilo expiro exscribo tamen

Y 2 dicitur



dicatur, & exsiccō & quandoque exsiccō cum non iungitur x, ante b, d, g, l, n, r, i, consonum eliditur ebibo educo egero z, nonnunquā transit in duplex ff: vt Patrizo patrisso, quod ad mores pertinet b, in f, mutatur asporto, abporto & in u, sequente f, abfero abfugio aufero & aufugio.

## REGULA XXIII.

*De consonantium ad vocales  
comparatione,*

**C**um scribimus o, vt plurimum sequitur n, vt condo cum u, m, vt cum, h, cum preponitur vocali diuidit syllabam Hieronymus. Cum componitur dictio ex fine vocali & initio interponitur consonas vt si, & vbi sicubi re, & eo redeo, re, & amo redamo, di, & emo dirimo, quandoq; etiam post consonantē, sed mollem velut idem, idem identidem, l, cum diligit i, facit oblæquo obliquum. Et o, trahit f, ante se, ex ob & oleo obsoleo, sed sub alio significato componitur ab ob, & soleo vt verbum obsoletum. I vocalis in initiis non recipit f, neque q, neci, vt principalem nam iidem inuenitur neque u, ante f, g, q, licet Poëtis fingere propria, vt vñs apud Virgilium, vnde postmodum vñtina Tribus, ti, perfertur ei, nisi f, vel x, præcedat. Quæstio inde nata est cum ambo per ei proferantur quæ per e, & quæ per t, scribi debeant? & primum à vocatiuis in nominibus Laurenti à secundis personis in verbis vt potiris, & à deriuatione quia t, plerumque crescit nisi sit x, vt clemens clemētis clemētia. Iudex iudicis iudicium, vt supra visum est; commercium ergo à merx mercis, sed vbi non hæc pueritia quasi puritas auaritia pro auaritas, pudicitia pro pudicitas, & ita æquiualent. Officium à facio ergo per c, scribendum erit, Anhelō ac traho in medio habent aspirationem. Anhelō ex am & halo. Habent, enim Latini aspiratum a, & non aspiratum vt ab eo quod est discedo quamuis compositum & in nominibus hamus, & hebes & hæres. Frequentius in pronomine hic, hæc, hoc, hac huc. In medio autem aut ad roborandas voces aut hiatum vitandum, vt ahenum inchoo ab in chao prehendo veho cohortor vnde cohors: nam se inuicem mutuo hortantur vaha aha ohe quæ per apocopen vha, ah, oh, pleraque tamen composita vt exhubero, & in fine proh, veh.

## REGULA XXIV.

*Quod modus scribendi variat  
significatum*

**M**odus scribendi variat significatum Quod relatiuum est: quod cum accentum i, quia quæ cum diphthongo relatiuum est: sine & soletque scribi, cum z, valet, & certè verè quia habet nomina similia vt certa certæ vera veræ accentum habent in fine idèd graue, m vt videbitur, seu sicut seu sine cū præpositio. Quum aduerbium vel coniunctio,

cædo verbero cedo sine diphthongo locū do. Quatenus aduerbium temporis vel loci seu ad quem finem; quatinus quia pro tenus porro tenus longè protinus temporis. Quæstus lucrum queri lamentari, quædam enim non solum duplici modo scribuntur, sed scribi possunt. Nixus conatum corporis declarat, nifus animi. Calx pedis, cals materia toties quoties non alioqui etiam sapius sine n', Caper ait. Drachma octaua vnciæ pars: dragma manipulus vel rapina. Ex antiqua prolatione multa ex u, in o, vertuntur voltis, & voster. Arbos fructifera est arbor quod lignum habet, obfcenus ex ob & cano, obfcænus ex ob & scæna.

## REGULA XXV.

*De his, quæ ex conuersione aliarum  
linguarum.*

**Q**uæ ab aliis linguis sumuntur debent scribi vt ratio illius linguæ postulat, vt Cyrus quia κίρως, & transit ad Latinam rationem: idèd non patitur o, m, in fine. Si non transit retinet: vt capparis, καππαρίς, δαρξον, autem mutat in Theatrum propter linguæ proprietatem. Latina enim vox m, pro n, habet post o, vel u, post e, sæpe lumen numen semen. Sic Hæbreæ habet Adam cum Latina difficillimè admittat m, post a, minus enim Persica habet satrapem ita ad Latinam venit linguam, ex Italica similiter biancum dicemus nomine proprio non candidum qui vocatur bianco, lachrymæ δάκρυον, verso u, in y & abiecta aspiratione nam veteres lachrumæ scribebant. Diphthongi autem Græci transeunt ad Latinos ferme vt iacent nisi quod i, transit in e, αἰνίας, Æneas αἰσός, æstrum seu æstrus ita, eu in ai, ei, in eu, ou, in u, longum vocales in similes Δεινομένης, Dinomenes, i, & o, in e, & o, breues ω, in o, longum: u, in e, vel i, sed semper longa, α, i, v, in a, i, & y sub ratione qua Græcè pronunciantur, α, in i, α, in i, etiam sapius quam æ, Empericus ab, επιεία, θ, ε, φ, χ, in th, rh, ph, ch, transeunt Thalamus Rhodus Phebus Charites, v τ, in nt, ad Latinos venit, sed profertur nd, vt ἀντ' sed profertur andi γ, ante γ, \* , χ, transit in n, ἄγγελος ἄγγελος Μάρτιος ἄγγιλος, Angelus Ancus Martius Anchialus. Annibalem absque aspiratione Græci scribunt quasi ἀν-ίβας, vicus enim fertur esse in Thessalonica Macedonia ciuitate vbi galli muti sunt, quasi ad concionandum omninò ineptus fuerit. Quod si verum, est eo mirabilior quod tot annis tot gentes & feras, & barbaras, & insolentes in obsequio, & perpetuò sine seditione habuerit. Sic & Ἀδριανός, sine aspiratione Romani Hadrianum habent, vt etiam in monumentis apparet.



## REGULA XXVI.

*De multitudine Consonantium.*

**M** Vtæ & f, & x, non finiunt syllabam, sed incipere solent cum solæ fuerint, ductamen si fuerint nec similes eam incipiunt vt Ctesiphon & abdomen nam sic diuiditur abdomen tres consonantes sine liquida raro admittuntur vnde aspiro aspergo, non adpiro adpergo sed sunt in conspicio quatuor cum vltima fuerit liquida vt constringo.

## REGULA XXVII.

*De Pronominum compositione atque varietate.*

**F** X hic & illo isto eligis vltima, & prima sunt illic, & istic quasi illo hic & isto hic sic & ab huc hac hinc illuc illac illinc & istuc istac istinc, vnde etiam significatum istic enim cum ad te loquor Bononiæ, tu vero Romæ fueris in isto hic idest Bononiæ nam tu hic intelligere Bononiæ cum sis Roma non potes.

## REGULA XXVIII.

*De Aspiratione.*

**O** Mnes vocales antecedere potest aspiratio apud Latinos vt habeo, hebes hirundo homo humus, aliquando post vt in pro raro pro, & vch etiam frequentius quam ne. In mediis autem Syllabis interponitur vel vitandi hiatus causa & firmandas voces vt ahenum vehemens traho veho prehendo cohortor, nam simplex esse volunt, & exinde cohors, inchoo, sed plerique inchoo, vel ob compositionem vt anhelō dehinc exhubero prohibeo. Sed in consonantibus apud Latinos nulla excipit post se h, præter c, vt charus, quamquam, & hoc hoc à *χῆρος*, deduci possit quod est gratia. Inspicere igitur oportet primum an à Græco deriuetur dictio & tunc an scribatur aspiratis consonantibus supradictis *φ* *θ* *χ* : vel si vocalis sit & aspiretur aut scribatur per alias consonantes, aut vocales non aspiratas, aut si Latina sit post consonantem non recipit aspirationem: sed si vocalis an dictio composita sit, aut si simplex an ob firmandam vocem debeat interponi, quo in casu vsum & deriuationem considerare oportet.

## REGULA XXIX.

*De pugnantis scribendi causis.*

**E** T causæ quidem scribendi vt diximus sunt ab vfu tres scilicet antiquissimo quem volunt negligi debere ne cogamur omnia in contradictionem reuocare atque confundere cum iam boni authores quibus non erant adeo antiqua illa reiecerint ab vfu. *Tom. I.*

cundus est recentiorum quem non debemus probare cum alienus sit, & à ratione, & à veterum consuetudine. Tertius est ab vfu antiquorum atque hic facit fidem, & est prima ratio, secunda est ab autoritate veterum vt cum Seruius vel Caper vel Teretianus vel Priscianus aut alius similis sic scribi debere contendat, tertia est ab etymo, quarta est à deriuatione, quinta ab authorum autoritate, in his omnibus spectare oportet numerum rationum ex vtraque parte sequendo efficaciores & plures si autem ferme pares fuerint vtroque modo scribi posse videntur.

## REGULA XXX.

*De syllabis primis, secundis & tertiis ab vfu & autoritate Veterum.*

**C** Vm hætenus de generalibus regulis rectè scribendi egerimus, nunc proprias prosequemur distinguendo singulas literas trifariam ex loco scilicet cum fuerint in principio, medio aut fine. Tres additas autem relinquemus suo loco ne numerum augeamus, sed longior erit ob id in eis enarratio. Ductores autem habebimus in hoc præcipue Petrum Victorium in Cicéronis Epistolas familiares, Ioann. Pierium in Virgilium, Carolum Stephanum, diligentia præcellentem Aldum Manutium eruditum virum, & iudicij singularis, Despauterium quoque ob copiam. Omittam nunc antiquos qui ab istis abunde sunt obseruati. Exemplum ab authore ducemus nam ab *ἀνδρῶν* idest propriè deriuari volunt at si ab augendo auctus inde auctor dicatur. Qui hoc contendunt Charistium, & Festum ex antiquis, ex nostræ ætatis eruditis Pierium, pro teste adducant, ad hæc marmora & libros locupletes testes, adeo vt vel auctorem dicas vel auctorem etiam si vtrumque idem non improbabo, solum non feram, vt vel autorem scribas vel auctorem cum sic neminem sequaris. Aliud de otio exemplum seu ocio vnde negotium, placetque Donati sententia, qui inducias ab ocio deriuauit. At qui sequuntur & Papirium Grammaticum coguntur per t, scribere quod ille dicat: In his syllabis sonus literæ Z immixtus inueniri tantum potest qua constant t, & i, & eas sequitur vocalis quælibet vt Tattius Etius iustitia, & similia, respondentque ea ratione scribi posse inducias ob otium qua ocium ab induciis; at mihi vt dixi quod placeat magis ita persuasum est vtrumque etiam in similibus scribi posse. Verum Despauterius secutus Seruium scribit neutro modo, sed ocium ab *ὀκῆς ὀκῆτος* id est citus vnde comparatiuum *ὀκῆος* seu, *ὀκῆτερος*, citius seu celerius & superlatiuum *ὀκῆτος*, seu *ὀκῆτατος*, citissime, sed hoc, vt patet sub alio sensu, aliud enim ocium est quod negotium significat. Tertium sit in deliro nam non per y, Robertus Stephanus putat scribi debere sed quasi à lira quæ est recta deductio terræ ab aratro facta. Despauterius autem vtroque modo quasi quod à lyra & concentu omni aberraret, tutius ergo per i, Nam vbi vnus medius est alter partem vnā reiecit securius est in acceptam



ptam ab utroque incumbere. Aduertendum autem circa hoc antiquos & tempore Ciceronis composita scripsisse pene omnia ut iacebant distincta illustrabit adflicta, adficio, adfixum, conlaudare, expectatio conlega, adprobo, conlegi, adgrego, adflictus, conlocutio, idèò utrumque modum admittunt.

### REGULA XXXI.

#### *De Accentibus ex Aldo.*

**D**icitur accentus, quasi ad cantus, ab accino accinui accentum, ad imitationem Græcorum quibus *προσάδα*, dicitur, à *προ*, præpositione, quod est ad, & *ᾠδή*, cantus, hi autem sunt qui dictionem moderantur, nec potest aliqua esse dictio, quæ vno ex ipsis careat, nam sicut nulla vox esse potest sine vocali, ita nec sine accentu, quod sit quasi anima vocis. De ipsis igitur dictionem moderantibus sic perbreuiter dicemus, omnis dictio, aut vnius est syllabæ, aut duarum, aut plurium duabus. Quæ vnius est syllabæ, si breuem vocalem habet, aut positione longam, acuitur, ut mel, mons, pix, si verò natura longam, circumflectitur, ut mos. Quæ autem duarum est syllabarum semper accentum habet supra primam syllabam: exceptis quibusdam, quæ supra vltimam, accentum habent differentie causa, ut mox dicemus, si prima igitur natura longa est, & vltima brevis, circumflectitur, ut mater, munus, donum, in cæteris omnibus acuitur, ut pater, homo, leges, fortis. Quæ vero plurimum est duabus syllabis, si penultima est longa, semper ibi est tonus circumflexus, si natura longa, & vltima brevis, ut Romanus, acutus, si aliter, ut Romani, potentes, libertas, Catullus, Veronensis. Si verò brevis, in antepenultima, ut Dominus, Pontifex, sanctissimus, tenebræ, lugubris, muliebris, hiacynthinus. Excipiuntur à facio composita, quæ in secunda, & tertia persona singulari præsentis indicatiui modi accentum habent in penultima, licet sit brevis, ut benefacis, benefacit, calefacit, & huiusmodi beneficit etiam, & satisficit, & calefit, & calefis, & alia composita à sis, & fit, acuiunt vltimam, ut sua simplicia. Exerceantur igitur discipuli à Præceptoribus pronunciare dictiones, quæ penultimam vel corripiunt, vel producunt, discant etiam variare accentum ab antepenultima ad vltimam, verbi causa, pronuncient Dominus cum accentu in antepenultima sic, Dominus, deinde cum accentu in penultima sic, Dominus: postremo cum accentu in vltima sic, Dominus, licet neque in vltima, neque in penultima esse possit. Sed fiat, ut assuecant variare vocem, quod tamen melius fiat in Græcis dictionibus, in quibus si accentus est in antepenultima, transit ad penultimam, si vltima flectendo fiat longa, ut *ἄνθρωπος, ἄνθρωπον, ἄνθρωπον, ἄνθρωποι, ἄνθρωποι, ἄνθρωποις, ἄνθρωποις*, nam si vltima sit longa, accentus non potest esse in antepenultima, nisi desinat in *αι*, vel in *ει*, puras diphthongos, ut *ἄνθρωποι, τέλειται*: nam si sequatur consonans, mutatur accentus in penultima *ἄνθρωποις, τέλειταις*. Cum autem assue-

uerint sic variare vocem accentibus, facilius nostra pronuntiabunt. Præterea ut rectè penultima, & antepenultima proferatur, illo etiam signo admoneri poterunt, ut cum supra penultimam viderint longum accentum, in ea immorentur, ut in Iustinianus, Theodorus: cum verò breuem, intendant ante penultimam, nec vllam in penultima moram faciant, sed celeriter pertranseant, ut in adamo, perlego, mulierem.

Præterea plurimum iuuabit, si singulas penultimas dictionum supra duas syllabas, quæ ambiguitatem parere possunt, aut longo accentu, aut breui signauerimus, longo, si longa fuerit: ut Arietinus, Parietinus, clandestinus, mediastinus, adulor, trituro, occido pro interficio, ex ob & cado, legere à legi præterito, videris secunda præsentis indicatiui, legeris vel legere à legar futuro indicatiui, annona. Breui autem si brevis, ut centimanus, muliebris, videris, à viderim, vel videro, adamantinus, ornotinus, crastinus, aliquibus, inito bello, obrutus, absceidit, occido, ex ob & cado, Porcinnus, pessundatus, circundatus, & alia huiusmodi Latina, nam in Græcis, non est perpetuum, propter accentum, qui in aliquibus intendit penultimam etiam breuem, ut Symoeis, Pyrois, Corydon, Amaryllida, Arcades, Thesea. In aliquibus autem intendit penultimam, licet penultima producat, cyclophas, heroas, arethusa, creusa, corinthos, & alia id genus multa.

Non seruetur autem accentus modis septem, differentia, ambiguitate, necessitate, transpositione, contextu, Idiomate, Apocope.

Differentia, ut in quando, quod interrogatiuum acuitur, cum autem significat *ἔν*, grauatur, quando sic vnà, penè, ferè, ponè, planè, coram, palam, falsò, eo, aliquo, illo, illa, circum, aliàs, & huiusmodi, cum sunt aduerbia. Sic ergò aduerbium circumflectitur, ut illius ergò venimus, id est causa illius, quod Græci dicunt *ἐκείνου ἐνεκα*. Coniunctio autem grauatur, ut ergone supremis potuit vox improba verbis iam dirè mandare nefas?

Ambiguitate, ad euitandam amphibologiam, ut interea loci, aliquando, siquando, nequando, deinde, exinde, perinde, proinde, subinde, duntaxat, quæ antepenultimam acuiunt, ne duæ partes esse putentur. In affatim etiam, quia fa brevis est, humo, tono est prima, ut in præmodum, admodum, affabre, apprime autem, in penultima habet accentum, quia longa est, nec obstat ambiguitas.

Necessitate non seruetur accentus, cum post vocabulum aliquod, inclinatiua sequitur cōiunctio, quæ Græcè *ἡκλιτικὴ* dicitur, ut quæ, ve, ne de quibus supra suo loco diximus. Transpositione, cum de suo loco dictio transmutatur, ut sunt præpositiones, quæ præpositæ grauantur, ut de quo genere mortis difficile dictum est. Postpositæ autem, quia mutant locum, mutant etiam accentum, & acuiuntur, ut, quo de genere mortis difficile dictum est. Sic Græci *περὶ ἀρετῆς, ἀρετῆς περὶ*, circum autem ad differentiam nominis, nunquam mutat accentum, ut ter circum Iliacos raptauerat Hectora mutat, & maria omnia circum.

Contextu,



Contextu, cum dictiones, quæ per se positæ acipiuntur, in contextu grauantur, vt protinus *Aeneas* celeri certare sagitta.

Idiomate, cum Græcum vocabulum, nulla nec temporis, nec literarum facta mutatione, ad nos venit, tum enim seruat accentum Græcum, vt *Tegea*, *Nîmea*, *Creusa*, *Aretusa*, *Amaryllis*, *Amarylli*, *Amaryllida*, *Corydon*, *Simoeis*, *Arcadis*, *Cyclopolis*, *Penelope*, *Pentecoste*, *Aristoteles*, *Demosthenes*, & id genus quàmplurima. Quod si dixeris in quibusdam è supradictis mutari in e, longum, respondeo antiquos Græcos sic pronunciaſſe *ηρα*, vt nos e longum in *Penelope*, *Grāmātica*, *Aristoteles*, sed de hoc multa in fragmentis nostris. In *Aristotelis* autem, *Aristoteli*, *Aristotelem*, *Aristotele* accentus est in antepenultima, quia Latine declinantur. *Comēdia* autem, *tragēdia*, *sophia*, *symphonia*, & similia, mutant accentum, cum corripitur vltima, Græcè enim *κωμῳδία*, *τραγῳδία*, *σοφία*, *συμφωνία* dicitur, nos *comēdia*, *tragēdia*, *sophia*, *symponia*, vltima correpta.

*Apocope*, aut *syncope*, cum dictiones per apocopen, aut syncopen proferuntur. Tunc enim accentum retinent integræ dictionis, & vocatiui in i, à nominatiui in ius vt *Mercurius*, *Virgilius*, *Domitius*, *Ouidius*, ô *Mercuri*, *Virgili*, *Domiti*, *Ouidi*, seruato accentu supra eam syllabam, in qua erat in nominatiuo, & si est brevis, vt *Mercuri* facunde nepos *Atlantis*, & nulli flebilior, quā tibi *Virgili*, sic nomina, & pronomina in as, vt *Arpinas*, *Rauennas*, cuias, nostras circumflectunt vltimam, quia sunt per syncopen ab his vetustis hic & hæc *Arpinatis*, *Rauennatis*, cuiatis, nostratis, quæ in penultima circumflexū habent, remota igitur ti, idem accentus remanet: longus accentus, ponitur supra syllabam, cum longam esse illam ostendere volumus, vt *salumber*. Brevis autem cum breuem, vt *funebri*. *Hyphen* virgula est subincurua, quæ supponitur fini vnius dictionis, & principio alterius, cum coniungere eas volumus, vt ante *malorum*, *anteuolans*. *Hypodiasiole* vero, est dextera pars circuli, quæ supposita dictionibus, notamus eas male coherere, ac distinguendas, vt *cor*, *vinum* latificat, ne *coruinum* proprium dicere videaris, distingo post *cor* ad imam literam dicto accentu, sic illud apud Græcos, quod & *Fabius* refert, vbi de ambiguo scribit & *αὐλῆς*, *τῆς* *ἰππεύου*, ne videaris dicere *tibicina* cecidit pro eo quod, *aula* ter ceciderit, interponatur *hypodiasiole* inter *αὐλῆς*, & *τῆς*, & vitabitur amphibologia, & viridique in littore conspicitur, sus, ne videaris dicere conspicit vrsus, inter conspicitur, & suis interponitur *hypodiasiole* ad imas literas. Eodem etiam accentu vtimur, cum volumus distinguere sensum, vt in illo, ereptæ virginis, ira, ne videatur significare iram virginis ereptæ, sed ita propter ereptam virginem, post virginem, post virginis supponitur *diasiole*. *Apotrophus* item est pars quædam dextera circuli, sed ad summam literam apposita, qua nota significamus vltimam ibi vocalem elisam, vt tanton' me crimine dignum duxisti? pro tantone, & *Hæctoris* *Andromache* *Pyrrhini* connubia seruas? pro *Pyrrhine*. *Dasia* & *Phile* licet non vtamur, quia vt dixi, loco ipso

rum vtimur aspiratione nostra, aut ante, aut post aspirandas literas in contextu literarum, tamen si aliquando aut negligentia, aut quia nescierimus, literam aliquam aspirandam attenuarimus, *Dasia* supraposita id significare poterimus, vt si scripseris *omo*, *ymus*, *ymnus* sine aspiratione, vel *Tyrſis*, *Teſeus* t, *tenuſ*, vel *cremes* item *tenuſ* e, sic emenda *omo* *ymus* *ymus* *Tyrſis* *Teſeus* *cremes*, & nota quas Græci *πρῶτον* dicunt, nos autem accentus, eas veteres tum notas vocum, tum moderamenta, tum terrores, tum fastigia, quod capitibus literarum apponerentur, tum accentuunculas, tum vocationes appellasse.

## REGVLA XXXII.

## De diuisione Orationis.

**L**icet negotium diuisionis in libros & capita ad librum potius de conscribendis libris pertineret quam ad rationem rectè scribendi, nihilominus etiam hic conuenit ob similitudinem, idè Opera diuiduntur in libros vel ob subiectam materiam vt *Plinij* naturalis historia: aut ob modum tractandi velut libri de difficultate spirandi: aut misto modo velut libri de anima *Aristotelis* & de natura. In huiusmodi diuisione communia sunt initium, litera maxima, titulus, quæ omnia communia sunt diuisioni etiam in capita: sed in initio libri denuo repetitur nomen authoris, quod non fit in capitibus. Capitum autem diuisio fit quoties materiæ assumpta pars in specie variatur, velut si de cotoneo aut aureo malo agendum sit aut omnino de eodem agitur sed species modi tractandi alia est, aut misto quodam modo quemadmodum etiam de librorum diuisione diximus. At antiquis parum fuit curæ hæc diuisio vt neque apud *Aristotelem* aut *Hippocratem* aut *Galenum* etiā vel alium quempiam celebrem authorem huiusmodi diuisionis genus inuenire queas: sed contenti erant diuisione per capita. *Plinius* tamen videtur suum opus ita distinxisse, de *Celso* dubiū est an diuisio illa in capita ab eo excogitata fuerit, sanè diuisio in libros manifesta est in omnibus antiquorum libris. Et post hanc in sectiones in quibus partes à partibus distant & punctum firmum interponitur literaque maior, cuiusmodi in Græcis codicibus antiquorum tam Græcorum quam Latinorum cernere facile vbique est. Sed nec initium diuisio à sinistro latere nisi fortuito accipit: nec litera maxima preponitur, neque titulus rei tractandæ superscribitur. Idè antiquorum modus simplicior est, nostra via utilior ad promptè inueniendum, nec debemus aspernari neglecta ab antiquis cum posteriores in melius commutauerint, nam nulla est maior iactura quam temporis. Princeps autem etiam inter libros, & capita multa alia diuisionum genera interposuit, sectiones doctrinas summas atque tractatus. Et quidem de hoc rursus dicam quid sentiam: certe cum res plures habet differentias insignes, & ordinatas velut in tertio illius libro viginti duæ enim sunt, utilis plus est quam confusa huiusmodi distinctio in aliis seu pauca fuerint seu



non insignes aut non ordinatæ, melius forsitan fuerit ordinem docere quam scribere, quem morem, & ab Aristotele, & à Theophrasto seruatum reliquisque antiquis vt puriorem videmus.

Initium autem ducimus nec tamen per capita diuidimus cum membrum principale tractatur cuius speciem totam aut liber, aut caput amplectitur aded vt persæpe plus contineat huius diuisionis pars quã caput velut si caput generaliter de fructibus agat tractandũ autem sit de horæis, aut nucibus aut astringentibus vniuersim hanc diuisionem interponemus quasi significantes per illam minus exactam differentiam non maiorem tractationem contra in capite minus amplam, sed magis exactam, vt pote in capite generali tractabimus de fructibus, in diuisionis membro de nucibus, in capitibus de Pontica auellana pistaciis pineis cocco amygdalis, hæc enim singula caput suum exigunt.

Maiore autem littera, & puncto & spatio etiam si initium non faciamus vt licet antiquorum more cum omnino aliquid nouum aggredimur, sed tamen superioribus coniunctum, & quod quasi, vt membrum membro apponitur velut illud in Poëtica, his absolutis deinceps dicendum qualem omnino deceat esse rerum contextum. At si separatio nulla aut exigua sit tunc debetur ei orationi quæ noua est nec tamen est de re noua, scilicet vel ratio noua, vel modus, continuata lest tamen, sed cum nihil noui secunda affert sententia, & omnes orationes in vnum finem tendunt velut in syllogismo contingere solet nam vnaquæque oratio sensum retinet perfectum, & præter id in vnam coeunt sententiam tunc puncto distinguemus eas non tamen in initio maiorem litteram adiiciemus, conuenit autem in huiusmodi vt prioris sententiæ memineris non ab initio, sed velut si

*Pro I. Annio  
Milone.*

vna esset alterius pars, velut apud Ciceronem Negant intueri lucem fas esse ei, qui à se hominem occisum esse fateatur. In qua andem vrbes homines stultissimi hoc disputant, vides in hac sententia priorem contineri. Sic illud comprehensus est in templo Castoris Seruius P. Clodij quem ille ad Cneum Pompeium interficiendum collocarat. Extorta est consentiti secunda de manibus, caruit foro postea Pompeius. At quæ cum maioris literæ initio coniuncta est differentia pauciora habet exempla. Vnum tamen referam in

*Propè finem.*

L. Pisonem: cognoscis ex particula parua scelerum, & crudelitatis tuæ genus vniuersum. Quid auaritiæ quæ scriminibus infinitis, conueniunt autem plerumque his principiis etiam Gerundia. Sed sæpe etiam vtimur medio puncto i. dimidio cum subsequatur maior littera: id fit cum sequentis sententiæ tãquam exempli prior meminerit nec tamen pars illius fuerit, vt præsertim in testimoniis veterum: velut illud: De Domitio dixit verbum Græcum eadem sententia qua etiam nos habemus Latinum: Pereant amici dum vna inimici intercitant: quod ille si esset tibi inimicissimus, nunquam tamen dixisset, verum non solum post punctum medium, sed & semicirculum inuersum dum alienacitas licet

*Pro Deiora-  
ro.*

maiore littera in initio vt velut illud, Regum autem sunt hæc imperia; animaduerte & dicto pare: & præter rogatum si querare & illæ minæ si te secundo lumine hic offendero moriere. Cum verò sententia seorsum habet integrum sensum, sed tamen ad sequentem collata imperfecta est, vt potius verbo quam re ipsa indigere videatur quia careat verbo vt aiunt principali, tunc vna ab altera puncto dimidio seu duplici dirimitur, vt in oratione pro P. Sextio vbi sunt illa verba: Et pro communi libertate: nam nisi dubitatiue prolata essent integrum clauderent sensum, & concludi deberent puncto. Sed vt dixi cum dubitatiue proferantur duobus punctis dirimitur à sequenti parte. Punctum autem cum semicirculo auerso interponitur cum rei partes distinctionem exigunt, vel quia perfectum quendam ex contrariis sensum efficiunt: vt publica priuata, sacra profana, vel cum suspenditur sensus, vt si semicirculus apponatur parum sit, nec tamen quicquam perfecti retineat. Sed non solum verba verum res ipsæ ad sequentia referantur, & illa trahant ad se. Demum cum verba ipsa aliquid per se significant vt apposita dici possint semicirculum interponere oportet, hoc autem cum quasi sub vno continentur genere, & in contrarias species diuiso, sed in coniunctis idque maximè in verbis, & nominibus animi affectus significantibus velut hortari, orare, mouere in nominibus vt Ira, dolore, tristitia, iræ animus marcescit, vires corporis languescant quasi sensus sit in verbis talis vt quodcumque auferas integra maneat oratio, sed in nominibus vt ex quouis coram animus marcescat vires corporis languescant, at quantum differt ab eo sensu in quo omnia illa, vt horum vnum, aut vtrumque eueniat comprehendantur necesse sit, propterea apte in eorum vltima enclitica ponitur.

Præter hæc sunt duo genera diuisionis alia quæ non leuis sunt momenti scilicet parenthesis, & interrogatio. Cum enim oratio eiusmodi fuerit (quod sæpe contigit) vt auulsa parte aliqua integra nihilominus remaneat sententia quod auelli potest parenthesis includi solet. Nihilominus non semper claudi debet parenthesis etiam si seorsum quod relinquitur stare possit, sed solum cum brevis est oratio quæ interponitur. At si longior sit (vt dixi) vel omittenda est vel repetendus est finis pro principio quemadmodum apud Ciceronem: Alterius tribuni Pl. diuini hominis (dicam enim quod sentio, & quod mecum sentiunt omnes) diuini insigni quadam inaudita, noua magnitudine animi. Et ne fortuito hoc accidisse, aut quod deterius esset per errorem putes vide quid subiungant in Vatiniana. Denique cogitaris (est enim res eiusmodi, vt si tibi modo in mentem venit, nemo sit qui te villo cruciatu esse dignum putet) cogitaris ne in illo tuo intollerabili non regno. Interrogationis signum apponimus non semper cum interrogamus, sed in fine orationis, vt sensum efficiat perfectum nec nimis longa est suspensio velut an tutu non templa spoliasti, non ciues crudeliter occidisti? An non patriam perdidisti?

*Pro C. Rabirio posthu.*

*In Principio.*

*Pro P. Sextio.*



disti semicirculo solum utar. Aut si dicās an  
tu putas esse bonos viros qui amicitias utili-  
tate sua colunt, nihil ad humanitatem nihil  
ad honestum referunt; nec libenter ea cu-  
rant quæ ego nisi curarem præter cætera me  
propterea tua benevolentia, in qua magnam  
felicitatis meæ partem soleo ponere indi-  
gnum putarem. Quandoque in initio ora-  
tionis, sed post narrationem, ut pro Q. Liga-

rio. Quid? cum ista res nihil commouisset  
eius animum ad quem veneratis; languidiore  
credo studio in causa fuistis. Multæ quoque  
partes sunt, quæ vim interrogandi habent,  
quæ tamen sine nota interrogationis finem  
sortiuntur velut in initio orationis pro Ce-  
lio & C. Rabirio Posthumo. Ergo vim ipsam  
sermonis hæc distinctio quæ est efficacissima  
respicit, ut animam quasi scripturæ addat.

FINIS.







# LIBER DE LVDO ALEÆ.

\*\*\*

## CAPVT PRIMVM.

### *De Ludorum generibus.*



**L**VDI constant, aut agilitate corporis, velut Pila; aut robore, vt Discus, & Lucta, aut industriâ, vt Latrunculum, aut fortunâ, vt Aleæ propriè, & Talorum; aut vtroque, vt Fritilli. Industria autem duplex, aut ludendi, aut certandi, velut in Primaria, nam & Chartarum ludus nomen subit Aleæ, quod antiquo tempore Chartæ ignotæ essent: imò, & materia, qua conficiuntur. Indicio est, quod scriberent in pergamenis coriis, scilicet hædorum, & papyro Ægyptiæ; & tabulis, & cæra & Philira. Dicitur autem Primaria, quod primum obtineat locum inter ludos Aleæ, seu pulchritudine, seu, quod ex quatuor constet, quasi coniugationibus primis, & ad numerum elementorum, ex quibus componimur, non autem mundi. Continet autem varietates miras.

\*\*\*

## CAPVT II.

### *De Ludorum conditionibus.*

**S**Vnt autem spectanda conditio Ludentis, collusoris, Ludi ipsius, pecuniæ, quibus certatur locus, & occasio; tantum autem potest hæc, vt licuerit in epulis mortuorum ludere. Vnde titulus est apud Iurisconsultos de sumptibus funerum, & ludo Aleæ: aliàs damnatus legibus, Titia, & Cornelia. Itaque videtur in grauioribus curis, ac mœroribus non tam licere, quàm expedire. Permittiturque vinctis, & supplicio vltimo afficiendis, & ægris, & idèd & Lex in luctu permittebat. Quod si qua est occasio, nulla certè tam digna est excusatione. Et mihi cum putarem ex longa tabe instare mortem, non parum contulit assiduè ludere Aleâ. Impositus est tamen modus, circa pecuniæ quantitatem, aliàs certè nunquam ludere licet: quod quam sumunt excusationem de leniendo tædio temporis, vtilius id fiet lectionibus lepidis, aut rationibus fabularum, vel historiarum, artificijs quibusdam pulchris, nec laborijs inter quæ etiam lyra, vel cheli pulsatio, aut canere, carminaque componere, vti-

lius fuerit, atque id ob tres causas; Prima, quod huiusmodi intermissio seriarum actionum laudabilior est, quàm Ludi, vt quæ vel faciat aliquid, vt Pictura, vel sit secundum naturam, vt Musica, vel homo aliquid discat, vt legendo audiendove fabulas, historiasve. Secunda, quod non sit sine labore, & idèd non inuitis nobis, plus temporis nobis eripiat, quàm par sit: Tempus autem, (vt Seneca aiebat) & rectè dum de longitudine, & breuitatè vitæ loquitur, res est charissima. Tertia, quod honestius sit otium illud, & non mali exempli, quemadmodum est ludus, & maxime apud filios, & domesticos. His accedit, quod Ludus iram mouet, turbat mentem, & quandoque homo erumpit ad certamen pecuniæ, quod turpissimum est, periculosum, & Legibus prohibitum. Denique soli non possumus ludere; at huiusmodi oblectamentis etiam soli delectari possumus.

\*\*\*

## CAPVT III.

### *Quibus, & quando magis conueniat ludere.*

**I**Taque si persona sit prudens, senex, in Magistratu posita, & togata, aut Sacerdotio insignis, minus decet ludere, vt contra pueros non adèd dedecet, & adolescentes, & milites. Quanto autem maior est pecunia, èd turpius, *Vituperabatur quidam summo Sacerdotio fungens, (Cardinalem vocant)* quod quina millia coronatorum cum Mediolanensi Regulo lusisset post cœnam; quod vitium nunc detestabile est Principibus; nec defenditur nisi ab aulicis ipsis, & Adulatoribus, seu ob timorem, seu quia munera accipiunt, si felix cadat Alea: Interim spoliantur subditi, & pauperes auxilijs illis delegatis, & debitis fraudantur; si vincant prodiguntur pecuniæ Ludo parte si vincatur, aut ad pauperiem redigitur, si impotens sit, & alioquin probus, aut ad rapinam, si potens improbique, aut ad laqueum, si pauper, & improbus; collusor quoque infamis, vel humilis conditionis, & Ludo assuetus turpior, & etiam damnosior; nam si cum huiusmodi viris luseris attentius, lusor euades; sin minùs vsu, dolo, calliditatèque spoliaberis. Collusoris conditio, raritas ludendi, & breuitas, & locus, & paucitas pecuniarum, & occasio, vt in diebus festis in conuiujs. Persona vt Rex,



Rex, aut Sacerdos nobilis virtute, coniunctus, sponsus. At foedissimum est cum lusoribus ludere, & (vt dixi) periculosum, locus honestior est domus propria, aut apud amicum, vbi publicum non sit flagitium. Dispari conditione ludunt Iurisperiti, ac Medici, similesque; tum quia otium suppetere videatur, tum quia si vincunt; aleatores videntur; si vincuntur non minus sapere arte, quàm hac in parte. Idem iudicium est si huiusmodi viri Mulicam velint exercere.

## CAPVT IV.

*Utilitas ludi, & damna.*

**L**vi autem bene administrati, vtilitates sunt relaxatio curarum, & voluptas ex quibus ad seria prompti & alacriores surgimus; cognitio morum Ciuum: est enim *Eculeus* ludus, ira, auaritia, probitasque apparent in ludo, seu improbitas. Magnum indicium, & tortor est ludus si de pecunia non parua certes: Conciliatio amicitiae, adeo vt multi emerferint ob Principum amicitiam ludo contractam: Quod etiam Cicero significauit in Philippica collusorem tuum de Alea condemnatum. Damna vero iactura existimationis, & quanto quis grauioris est auctoritatis; amissio temporis, verba inania, conuicia aliquando in Deos, neglectus proprii officij, periculum transitus in consuetudinem, cogitatio post ludum, vt vincas, vt male luseris recordatio, iurgia, & sepe provocatio ad iram, quàm nihil deterius: Inde enim ad certandum de multitudine pecuniarum homo irritatur, vel ad inimicitias, & mentem non habet; adeo, vt pecunias proiciat, & abiiciat potius, quàm ludat. Experimentum praecipuum patientiae hominis, aut impatientiae est ludus. Optima autem Aleæ commodum est non ludere. Maximum autem commodum est experimentum continentiae, ab ira à probis denique ab ipso lusu cum victus fueris.

## CAPVT V.

*Cur tractauerim de ludo.*

**D**vpli anteā autem causā de Alea tractare opportunum duxi. Prima ob vtilitates illius, cum enim utilis sit quandoque id bonum colligere quantumcumque fuerit, & expolire non erit inutile. Quod etsi, tota Alea mala esset cum tamen ob ludentium multitudinem, quasi naturalis sit; ob id etiam velut de insanabilibus morbis à Medico tractandum fuit; namque in omni malo est minimum malum, in omni dedecore minimum dedecus, in omni flagitio minimum flagitium, in iactura similiter temporis, & rei, mos fuit Philosophorum etiam de vitiis agere, vt ex illis commoda capiantur, velut de ira, itaque non absurde fecerim si de Alea tractaui, non vt laudem illam, (scio enim quosdam in hoc, & frustra, & malo exemplo laborasse, legique libellos de huiusmodi argumento) sed vt commoda docerem, quæ

in ea habentur, & vt quàm minime esse possit, ac damnosa doceam.

## CAPVT VI.

*Principale fundamentum in Alea.*

**E**st autem, omnium in Alea principalissimum, æqualitas, vt pote collusoris, astantium, pecuniarum, loci, fritilli, Aleæ ipsius. Et quantumcumque declinaueris ab ea æqualitate aduersum te, stultus es, & pro te iniustus. Ratione igitur collusoris si potentior sit te, aut improbus, aut is, à quo violentiam timere possis, aut talis, qui moram trahendo omnino vincere velit; querulus, litigiosus, clamorosus, dolosus, vt quoquomodo animum tuum, vel timore, vel ira perturbare possit, pessimus est; & perdere est hoc pecunias non ludere. Maius est in astantibus periculum, si collusori tuo addicti sint; ideo in multitudine hominum, si ludas, vix fieri potest quin sis stultus, aut iniustus, stultus si contra te sint, iniustus si pro te. Possunt autem nocere multis modis; aperte monendo, ac docendo; quod duplex est malum, tam quod rem suam meliorem faciunt, tum quod te ad iram prouocant, atque perturbant; iratus autem dum est iratus, est planè amens; aliqui perturbant animum, etsi non doceant verbis inconditis; aliqui consultò de seriis negotiis te interrogant: Quidam adeo impudentes sunt, vt iurgiis te ad iram prouocent; alij irident, vt irascaris; alij modestiores pede, vel manu docent, quod agere decreuit, non esse agendum; alij nutu, quia procul sunt, vel etiam, vt magis illi faueant, dum animum tuum suspicione implent; alij falsò aleam renuntiant; alij denuò indicio te opprimunt; ob hæc tanta, fautores quidem ad iniuste luterandum, vt plurimum profunt: Ita secus coram multis luterè est, prodigere pecunias, non certare: tametsi etiam nihil horum contingat, sola suspicio euertit hominè, & errare cogit, quapropter suspiciosus ne luserit. Idem periculum est, cum collusor adeo celeriter aleam corripit, aut tabulas ducit, vt cernere non possis, quæ agat, aut quid Alea ostenderit. Et similiter si pecunias luserit adulterinas, aut detonsas, aut aqua comminutas; etsi locus vbi timeas, aut infami; etsi Alea adulterina sit, aut Fritillus pendeat.

## CAPVT VII.

*De Fritillo pendente, & Alea adulterina.*

**T**abulas repone in medio rotundas, si in aduersam partem labantur, pendet in oppositum; idque contra te est: similiter si ad tuam inclinetur, & dilabatur pro te: si non mouentur toto Fritillo, res æqualis est, similiter si Fritillus altera parte lucem respiciat, deterius est, quoniam perturbat mentem. Contrà melius, si ad obscurum vergat; dicunt etiam prodesse; si contrà Lunam maximè ascendentem constitutus sis. De Alea bifariam



bifariam periculum est, vel si permittetur, omnis enim Alea, seu forma, seu alia causa, seu casu punctum habet familiarem; & ideo si commutetur magnus numerus in paruum, aut contrà, quantum referat, intelligis. Alius modus est, cum Alea adulterina est, seu forma rotundiore, seu angustiore, idque perspicuum est visu, seu quod apprehensis angulis contraposis in partem vnam dilatatur. Constat autem tripliciter id debere tentari, cum sint tres coniugationes oppositorum angulorum; vnde superficies superior emergit. Hæc igitur diligenter sunt consideranda. Maiora etiam sunt damna chartarum; quæ exterius notantur. In omnibus oculatum esse oportet, & cognoscere disparem illarum conditionem.

~~~~~

### CAPVT VIII.

#### *De conditionibus lusoris.*

**S**Tultum est ludere pecuniam paucam quidem, vt vincaris, non animaduertens; aut vt totum Aleæ te dedas, vt vincas; necesse enim est, vt minus sciat, qui rarius ludit. An ergo omittenda sunt studia Artium, vt Alea vincas, & parum? aut vt vincaris, & indigneris, atque irridearis? At si de multa euerteris victus; nec par est victori emolumentum, qualis est iactura victo; nam ex consuetudine multa donari solent. Homo prodigit, & tempus perit: vbi postmodum semel Alea ceciderit, infelicitate plus iacturæ sit, quam fuerit lucrum in pluribus vicibus. Propterea, aut peritior illo, & exercitior esse debes, aut ita ludere, vt nil referat, quomodocumque cadat Alea, id fiet, si de paruo certes, & cum charissimis in domo tua à prandio paululum. Quod si modo certare de magna pecunia velis, assidue ludas, nec cum peritiori te, nec fortunatiori, nec iniqua conditione. Plurimum enim valet etiam fortuna in his.

~~~~~

### CAPVT IX.

#### *De vnius Aleæ iactu.*

**T**Alus habet quatuor facies, ideoque etiam puncta quatuor. Alea vero sex; in sex reuolutionibus singula puncta euenire deberent; sed quia repetuntur quædam alia, vt non eueniant, necesse est; sic representatur in plano, vt est ab omni latere dorso incumbens, videri potest, inde depingi; sic in visu non est, sed verticilli in modum pueri ludunt, nec Aleæ formam habet; tum dimidium semper numeri est æqualitas, vt in tribus iactibus punctum eueniat; nam in sex completur reuolutio, aut tria puncta vno iactu, exemplum, tam possum proicere vnum tria quinque, quam duo quatuor sex. Iuxta ergo hanc æqualitatem pacta constant, si Alea sit iusta; & tanto plus, aut minus, quanto à vera æqualitate longius distiterit. Verum (vt dixi) hæc ad intelligentiam plurimum, ad vsum penè nihil conferunt.

### CAPVT X.

#### *Quod Alea damnata sit ab Aristotele.*

**C**eterum cum ad ludum descendimus, & ad veram Aleam, de qua infra dicemus, in qua præter eos, qui ob magnum animi dolorem, pecunia certant, excusatum neminem habeo, & infamis est Alea, quod homo ab amico, sed inuito, lucratur. Lucrum enim à volentibus, atque scientibus optimum est; proximum, quod à scientibus, & nolentibus. In primo quidem genere sunt Iurisperiti, atque Medici, in secundo mercatores. Tertium genus est, quod à scientibus, sed nolentibus, & amicis, vt ludus Aleæ. Quartò quod à nolentibus, ac scientibus, vt dolo partum.

Quintò, quod ab inuitis, & scientibus, non amicis, vt latrocinium. Aliam causam exponit alibi dicens: Aleatores tamen, ac fures, atque latrones, illiberales sunt; turpi enim versantur in lucro: omnia autem quæstus causa agunt, & sustinent probra. Atque fures quidem capiendi gratia, maxima pericula subeunt: Aleatores autem ab amicis, quibus dare oportet, lucrantur. Vtrique igitur lucrari volentes, vnde non oportet, turpi in lucro versantur; & omnes tales accipiendi actus, illiberales sunt; quin quod lusor est perjurus, & conuicia iacit in Deos, prodigus simul, & avarus, & si natura talis non sit, fit tamen iracundus, spes vanas nutrit deses, & corruptor iuuentutis. Et ferunt Christiani tantam; quam antiqui damnarunt, iuræque non admittunt: Inde leuiora peccata prosequuntur. Quod à Principibus ortum habeat hoc malum, illi verò omnia sibi licere volunt: quamobrem (vt dixi) ludus Aleæ pessima res est in Republica, in graui tamen metu, & tristitia, & cum maximi animi æstibus detinentur, plus longè leuat curas ludo latrunculorum; quoniam fortunæ expectationem habet; nec indiget toto homine, vt illi. Corporei autem ludi eo tempore insalubres, & periculosi sunt.

4. Ethicorum  
cap. I. in fin.

~~~~~

### CAPVT XI.

#### *De duarum Alearum iactu.*

**I**N duarum Alearum iactu bina similia puncta sunt sex, dissimilia quindecim, & gemina triginta, ergo omnia triginta sex, dimidium autem cuiuslibet puncti est decem, & octo. Et paria sunt in decem octo circuitus ad æqualitatem dissimilium, ergo nouem iacere, ergo geminum punctum est in ratione decem, & octo iactuum potest, & non potest euenire; & ita bina duo, vel terna. At vnum, & duo bifariam prouenire potest, in nouem igitur iactibus est æqualitas; si frequentius, aut rarius fortunæ est. Vnius puncti casus vndecies est in circuitu, in æqualitate ergo abesse minor, & in duobus iactibus æqualitatem plusquam sextante, minus quadrante, in tribus vicibus à circuitu toto deficit, & ita vt bis eueniat ab æqualitate ferme duodecima parte. Ratio est, quoniam successio illa ex ordine



ding est, quod autem fallat præter ordinem. Successio autem geminata, ut bonorum bis punctorum accedit ex circuitibus, inuicem ductis, videlicet tribus millibus sexcentis ictibus, cuius æqualitas est dimidium, ictus scilicet mille octingenti. In totidem enim potest contingere, & non contingere. Et non fallit totus circuitus, nisi quia in vno potest geminati, & bis, & ter. Hac igitur cognitio est secundum coniecturam, & proximior; & non est ratio recta in his: Attamen contingit, quod in multis circuitibus res succedit proxima coniectura.

\*\*\*

## CAPVT XII.

*De trium Alearum iactu.*

**T**erna puncta similia sunt, nisi vno modo, ut in precedenti; ideoque sunt sex. Puncta vero bina similia, & tertium dispar sunt triginta; & vnumquodque contingit tribus modis, erunt nonaginta. Puncta vero ex tribus dissimilibus sunt viginti, & variantur sex modis, erunt igitur cum iactu viginti, & circuitus ex omnibus ducenti sexdecim, & æqualitas in centum octo, & ponam simplices, & varios terminatos pro exemplo. Simpliciter, ergo sex geminati cuius puncti quinque modis. Cum ergo sint puncta sex, erunt modi triginta, seu ictuum varietates. Proponitur, & variatio, triplex, ut sint nonaginta. Sed viginti, qui sunt omnes dissimiles, cum variantur modis sex, erunt centum, & viginti. Puncta ergo similia sunt pars centesima octava æqualitatis, geminata autem cum tria sint, erunt trigesima sexta eiusdem; & ut in duabus Aleis ad vnguem, est decima octaua. Ita hic iactus cum in decem octo numeris sit, ad centum octo sexta pars est, quare comparatus ad illum, triplo frequentius contingit.

Eaque est geminorum lex, dicemus, aut de ratione pignoris iuxta hoc. Duo vero puncta inæqualia, ut vnum, ac duo, sic distinguimus, quoniam si copulabitur vnum fiet tribus modis, si duo, totidem erunt, ergo iam sex. Quatuor autem modis aliis contingit: At hi sex variantur singuli differentiis, erunt igitur viginti quatuor, ut cum reliquis sex triginta. At triginta quinque ad triginta sex obviat proportionem ad centum, & octo æqualitatis comparata, ad duodecim ergo sextanti, ferme, sed non plenè. Numeri autem inæquales triplices, ut vnū, duo, quatuor, ad nam. cum æqualitatis proportionem habent, quam in duabus Aleis similia puncta ad vnguem. Singuli autem numeri per se in vna Alea proportionem habent subtriplam, cum ergo tres sint Aleæ obtinebunt proportionem æqualitatis, ut ex ducentis sexdecim coniectionibus, singula puncta in centum, & octo inueniantur, & in totidem non inueniantur, ut sit ratio hæc ad vnguem, ut vnus puncti in duabus Aleis ad totum circuitum in tribus ictibus, vel in dimidio ad æqualitatem.

*Tem. I.*

## CAPVT XIII.

*De Numeris compositis, tam vsque ad sex, quam ultra, & tam in duabus Aleis, quam in tribus.*

**I**N duabus Aleis duodecim, & vndecim constant eadem ratione, qua bis, sex, atque sex, & quinque. Decem autem ex bis quinque, & sex, & quatuor, hoc autem variatur dupliciter, erit igitur totum duodecima pars circuitus, & sexta æqualitatis. Rursus ex nouem, & quinque, & quatuor, & sex, ac tribus, ut sit nona pars circuitus æqualitatis duplum nonæ partis. Octo autem puncta sunt ex bis quatuor, tribus, & quinque, ac sex, & duobus. Totum quinque septima ferme circuitus pars, & duæ septimæ æqualitatis. Septem autem, ex sex, & vno quinque, ac duobus quatuor, ac tribus. Omnia igitur puncta sunt sex, tertia pars æqualitatis, & sexta circuitus. At sex ut octo, & quinque, ut nouem, quatuor, ut decem, tria ut vndecim, & duo, ut duodecim.

Sed in Ludo fritilli vndecim puncta, addere decet, quia vna Alea potest ostendi erunt igitur duorum punctorum iactus duodecim, & ita bes æqualitatis, & triens circuitus. Tria autem tredecim, quatuor autem quatuordecim, quinque quindecim, sextans æqualitatis, & à toto circuitu quincunx. Sex autem sexdecim, & valde propè æqualitatem.

Consensus fortis in duabus Aleis.

|   |    |   |   |    |   |   |    |     |          |
|---|----|---|---|----|---|---|----|-----|----------|
| 2 | 12 | 1 | 3 | 11 | 2 | 4 | 10 | 3   | Æqual.   |
| 5 | 9  | 4 | 6 | 8  | 5 | 7 | 8  | 18. | Ad Frit. |

Consensus fortis in tribus Aleis tum Frit.

| Sortis | Fritilli. |    |
|--------|-----------|----|
| 3      | 18        | 1  |
| 4      | 17        | 3  |
| 5      | 16        | 6  |
| 6      | 15        | 10 |
| 7      | 14        | 15 |
| 8      | 13        | 21 |
| 9      | 12        | 25 |
| 10     | 11        | 27 |
|        | 12        | 26 |

Circuitus 216.  
Æqualitas 108.

Ultra hunc numerum totidem quod in forte ut

13. 21.

14. 15

Vnum punctum præterea habet 108.

Duo puncta habent.

111.

In tribus autem Aleis tria puncta. Septem superant æqualitatem in Fritillo, in forte pro tribus vnis, idest centesima octaua parte habentur. Quatuor in Fritillo habet centum viginti; in forte trigessimam sextam partem æqualitatis circuitus septuagesimam secundam. Quinque sit ex bis geminato vno, vel duobus; igitur erunt & decima octaua, in forte, ad æqualitatem. At in Fritillo centum, & vicingi sex, idest sexta parte æqualitatis plus. Sex autem in forte decem terna, duo scilicet, & bis singula cum quatuor, & tria duo, & vnum. In Fritillo igitur hæc eadem, & in super, quæ binis conficiunt bis tria,

Z

vnum;



vnum, & quinque, quatuor, & duo, hæc igitur quindecim, & cum decem reliquis, fiunt viginti quinque, vt sint centum triginta tres. Septem autem in sorte quindecim. In Fritillo iam definit dimidium, seu æqualitas habebit. Ergo solum hæc eadem, & qui per geminas Aleas, producuntur, & sunt vnum, & sex, duo, & quinque, quatuor, & tria; igitur decem, & octo. Summa triginta tres minus tertia parte æqualitatis, octo autem in sorte habet viginti vnum, punctum in fritillo est tertia pars æqualitatis, scilicet triginta sex. Nouem in sorte habet viginti quinque, in Fritillo vltra duodecim. Itaque habebit triginta septem, decem in sorte habet viginti septem. In fritillo habere nouem plus, idest triginta sex, reliqui numeri sibi inuicem in sorte respondent, vt vides à latere. In fritillo autem vndecim habet solum triginta tria, & duodecim viginti sex. Reliqui numeri supra duodecim æquantur his, qui sunt in sorte.

## CAPVT XIV.

## De punctis geminatis.

Neunda autem est ratio huiusmodi in duabus Aleis, quod punctum habet vndecim ictus, & duo puncta pariter, & tria, & sic de singulis, vnum tamen punctum, & duo puncta non habent ictus viginti duo, sed viginti. Vnum enim habet vndecim, & duo nouem. Ita si addantur tria, non erunt viginti nouem, neque triginta vnum, sed viginti septem, & hoc accidit; quoniam se habent ictuum numeri hoc modo quemadmodum à latere vides; vt fiant ictus omnes collecti triginta sex; nam cum hic sit circuitus perfectus, necesse est, vt in omni ictu contineatur aliquod punctum, quia complent numerum circuitus. Si ergo quis dicat, vellem vnum; aut duo; aut tria puncta, tu scis, quod sunt hæc viginti septem, & cum circuitus sit triginta sex, erunt reliqui ictus, in quibus hæc puncta non euenient, nouem erit igitur proportio tripla. In quatuor igitur ictibus ter eueniet æquata fortuna, punctum vnum, duo; aut tria, & non nisi semel sine vllo illorum; si igitur poneret ille, qui expectat punctum vnum è tribus, tres asses, alter vnum vinceret prior ter, & lucraretur tres asses: alter semel, & vinceret tres asses, igitur in circuitu quatuor ictuum semper æquantur. Igitur hæc est ratio certandi æquali conditione, si ergo alter eorum plus ponat, certabit iniqua conditione, & cum iactura, si minus cum lucro, si ergo accipiat quatuor puncta, fient triginta duo, & reliqui ictus erunt quatuor tantum. Ergo ponet pignus octuplo maius, quam alter, quia proportio triginta duo ad quatuor octupla est, & ita de alijs, nec exigitur comparatio medij, ob id ergo dicemus idem in reliquis velut punctum, & duo puncta duos habent ictus, reliqui sunt triginta quatuor, quare proportio est decupla septupla, & ita in dispositione

vnus puncti geminati, erit, vt triginta quinque ad vnum, & ad hoc debent redigi regulæ omnes superiores; quod ex pignorum æqualitate dignoscitur. Ergo vt punctum eueniat cum sint ictus eius vndecim, erit proportio, vt viginti quinque ad vndecim aliquanto maior dupla. Eadem ratio obseruanda est in tribus Aleis, tam in simplicibus punctis, quam compositis, & proponamus ex superioribus ictus vnus puncti centum, & octo, oportebit igitur inuenire sex terminos, quorum maximus sit centum, & octo, & reliqui æqualiter distent inter se, & ab eodem, & vt compleant ducenta sexdecim, vt à latere vides. Nam neque punctum obtinet medietatem totius circuitus, sed est proportio, vt nonaginta vnus ad centum viginti quinque, proxime conuerfa viginti quinque,

|    |     |
|----|-----|
| 91 | 30  |
| 61 | 24  |
| 37 | 18  |
| 19 | 12  |
| 7  | 6   |
| 1  |     |
| 2  | 1 6 |

ad decem octo, maior ergo sesquiertia. Qui ergo posuerit, quod non eueniet, tantum lucrabitur, vt in septem vicibus iactum habeat integrum, & si ponat quatuor, illa tria adhuc vincet. Pari modo in reliquis inire oportet rationem. Manifestum est autem, quod in duabus Aleis æqualia sunt incrementa. In tribus autem æqualem habent excessum, vt in figura patet. Reliqua ergo subtiliter consideranda; cum etiam in Mathematicis deceptio contingat, sed alia ratione. Volui hoc non latere, quia multi non intelligentes Aristotelem, decipiuntur, & cum iactura. Vna est ergo ratio generalis, vt consideremus totum circuitum, & ictus illos, quot modis contingere possunt, eorumque numerum, & ad residuum circuitus, eum numerum comparantur, & iuxta proportionem erit commutatio pignorum, vt æquali conditione certent. Verum si fuerint duo ictus necessarij, multiplicabimus illos inuicem, & residua numerorum illorum inuicem & si fuerint tria, vel quatuor idem faciemus, & iuxta proportionem numerorum prouenientium, erit facienda comparatio. Velut alicui necessarium est, vt iaciat vnum bis: tunc tu scis numero eius esse nonaginta vnum, & residuum centum, & viginti quinque; ducemus ergo singulos in se, & fient viij. cclxxi. & xv. d.cxxv. & est proportio ferme dupla. Si ergo duplum posuerit, iniqua conditione certabit, quamuis ex quadam opinione videatur conditio melior certantis duplo pignore. In tribus ictibus continujs ergo, si necessarium sit vnum punctum erit proportio numerorum dclxij. dxxi. & m. d.cccclij. cxxv. & horum proportio proxima est ei, quæ est quinque ad duo, imò aliquanto maior.

## CAPVT XV.

## De eo, qui contingit circa hoc, errore.

Videtur autem hæc ratio falsa, etiam iuxta æqualitatem, velut tria ad tria in vno ictu æqualia sunt, essent autem iuxta hanc rationem etiam in duobus continujs, atque ideo

tribus,



tribus, & quatuor, quod absurdissimum est. Neque enim si quis in duabus Aleis parem, & imparē numerum æqualiter mittere potest, ob id tribus ictibus perpetuis, equali forte id facere potest. Sed cum primum impar, secundum, & tertium semel octo aliis modis falli potest ratione. Ducemus igitur in paribus comparationibus, velut paris cum imparē numerum iactuum in se, & à producto auferemus vnum, & residui ad vnum erit proportio pignoris pro ratione deponendi. Velut in duobus ictibus perpetuis ducemus duo in se, fiet quatuor, detrahemus vnum, relinquentur tria, deponet ergo quis iuste tria contra vnum; nam si pro impari certet, & mittat parē seu postmodum parē, seu imparē mittat, vincitur, atque ita si post imparē parē. Ergo ter vincitur, semel vincit, & pro tribus iactibus continuis ducemus tria in se fient nouem, abice vnum relinquentur octo. Proportio octo vel vnum est in tribus iactibus continuis, & in quatuor quindecim ad vnum, & in quinque viginti quatuor ad vnum. Et ita in centum viginti quinque ictibus solum erunt quinque suo loco, id est continuati per eundem numerum, vt vel incipiant à primo, vel sexto, vel vndecimo imparē. Nam continuati aliter erunt plures vno ordine. Hæc autem ratio, tota demonstrari potest ex numero lottorum in vnoquoque dictorum circuituum, quamquam in multiplicatis falsa videatur. Vnde si quis capiat viginti fient octo millia, vno minus ad vnum. At vix credi potest, quod in octo millibus vno minus homo vices possit mittere perpetuo parē numerum. Sed nos hoc demonstrauimus: Quia et si in octo millibus tantum semel sumptis ratio fallere possit in infinito tamen numero iactuum id contingere proximè necesse est, magnitudo enim circuitus, est temporis longitudo quæ omnes formas ostendit.

In imparibus autem comparationibus, velut dictum est trium punctorum in duobus Aleis, quarum proportio est tripla, sumemus comparationem ab vna Alea, vt facilius fiat inuenire. Summus ergo talem habentem quatuor facies, & in vna parē numerum, & in tribus imparē, & petet quod pignus erit triplum. Imponamus nomina imparibus, a, b, c. pari autem, d, & fient quatuor ordines, vt vides in figura in comparatione sequentium. Vt primus habeat initium ab A, secundus à B, & ita copuletur secundus ictus, vt fiant sexdecim copulationes, quarum nouem erunt imparium, amborum, reliquæ septem parium, & ita si sint tantum tres, fient etiam tantum quatuor coniugationes imparium, Reliquæ quinque parium, & si sint quinque, & quatuor sint impares, fient ex viginti quinque ictibus sexdecim coniugationes impares, reliquæ nouem pares. In omnibus his ducitur numerus totus in se, & similiter numerus similitum in se, & comparatur ad residuum, & similiter si sint tria puncta tantum: aut duo pro nobis, ducemus numerum totum in se, & inde numerum illum in se, & hæc erit pars comparata ad residuum, vt in Alea sint pro nobis vnum, & duo, du-

Tom. I.

cemus sex numerum facierum in se, & sit triginta sex, & duo in se fiet quatuor, erit ergo proportio, vt quatuor ad triginta duo; conuerfa octupla et si necessarij sint tres ictus, ducemus ter, vt sex in se; inde productum in se rursus, & fient ccxvj. & duo in se, & rursus in duo octo, detrahe octo, ex ducentis sexdecim, fient ducenti octo proportio ad sex, & viginti sex ad vnum, & si quatuor ictus sint necessarij, fient eadem ratione, vt à latere vides, & detracto vnum ab altero, relinquetur proportio, vt lxxx. ad vnum, & hoc in vna tantum Alea, eadem ergo ratione in duabus, & tribus Aleis, proponamus autem exemplum, satisfaciant vnum, aut duo, aut tria puncta, sed ter repetita, & (vt dixi) numerus circuitus est xxxvj. trium punctorum xxvij. ducemus, (vt à latere vides) ter xxxvj. in se, fiunt xlvj. d. clvj. Duc xxvij. in se ter, fiet xix. d. clxxxij. detrahe minorem à maiore, relinquetur xxvj. dcccclxxij. proportio ad xix. d. clxxxij. ratio maior sesquitercia, minor sesquialtera; scilicet residui ad minorem, & similiter dictum est, quod in tribus Aleis vnus punctus, quivis sit per se sumptus habet rationem xij, ad ccxvj. totum circuitum, si ergo ter necessarius sit ille punctus, ducemus totum circuitum, (vt à latere vides) & residuum est ix. cccxxiv. cxxv. diuisum per minorem, scilicet d. cciv. d. lxxix. proportio pignoris deponendi ferme; quæ est paulo maior duodecupla, ex quo patet, quod ratio alia non satisfacit, sed hæc generaliter vera est.

\*\*\*

## CAPYT XVI.

## De Ludo Cartharum.

SI de omnibus dicere voluero, infinitum erit, sunt autem duo genera, Prima cum actione, & sine actione. Differt ab Alea quod illa aperta sit, Ludi Cartharum sunt ex insidiis, nam occultæ sunt. Primera est omnium nobilior. Cõstat ex quatuor chartis, iuxta diuersitatem naturæ, chartæ enim apud Gallos, Hispanos, Germanos, atque Italos sunt quatuor differentiarum; & sunt tredecim, omnes igitur quinquaginta duæ. Sunt autem ab vno ad decem, iuxta numerorum seriem. Inde Rex cum pedite, Galli Reginam, Itali equitem habent. Igitur in primera eximuntur numeri octo, nouem, decem; Rex pedes, & Regina, vel eques, decem valent singuli. A binario ad quinque adduntur decem, vt valeant duodecim, tredecim, quatuordecim, quindecim, sex, & septē triplicantur, vt sex valeat decem octo, septem viginti vnum, vnum autem valet sexdecim. Ita maximus numerus constat ex septem, sex, & vno, & sunt xxj. xvij. omnes lv. sed si compleatur numerus omnium, addito quinario, omnes eiusdem generis chartæ lxx. numerum perficiunt.

Est autem duplex Primera, quæ maiore numero potior est, qui diuersus est pro natura modorum: Et quæ minore, & parum est in vfu; quæ in chartis diuersorum generum, minimum numerum habet xx. in Primera xl. & in fluxu xlij. Modi autem iidem sunt, qui in Priore, & eundem inter se ordinem seruant.

Z 2 Sunt



Sunt igitur modi in utroque genere quinque; Numerus, Primera, supremus, fluxus, & chorus. Numerus est, cum duæ aut tres chartæ sunt eiusdem generis, & minimus est xx. & fit ex duabus chartis minoribus, quas figuras vocant, quia depictam habent formam humanam, (ut dictum est) Regis, vel Reginae, seu Equitis, & Peditis, Maximus est liv. constat tribus chartis, septenario, senario, & quinario. Secundus est Primera, cum chartæ omnes fuerint diuersorum generum, & qualicumque sit omnem numerum vincit. Minimus numerus est (ut dixi) xl. maximus lxxxj.

Hanc superat quantacumque sit supremus idest lv. cum tres chartæ eiusdem generis fuerat septem, sex, & vnus, qui implent lv. Quarto loco est fluxus, qui constat ex quatuor chartis eiusdem generis, vincitque primam, supremumque numerum. Et minimus numerus (ut dixi) est xlij. Maximus autem lxx. Quintus modus est ex genere primera, sed omnes chartas habet similes. Quatuor senarij aut septenarij, aut quatuor Reges. Neque enim tres Reges, & vna Regina chorum faciunt, licet omnes denario numero æstimentur. Hic modus vincit omnes alios præcedentes. In eo autem vincit maior numerus. Maximus numerus est lxxxiv. si sint figuræ pares, ut quatuor Reges, quatuor pedites, non Reges vincunt, quia numero non sunt superiores, sed qui propior est chartas exhibenti à latere dextro. Quod generale est in omnibus paribus numeris in paribus modis. Chartæ binæ, & binæ simul non singula exhibentur. In diuersis modis non licet addere summi pignoris, sed summus punctus pro primera haberi potest, vbi alius primam nominauerit. Chorus etiam pro primera semper, & pro fluxu celari potest, vbi alius retexerit. Placet damnare malam consuetudinem: Nam quidam chorum ostendunt, inde chartam abiciunt certo loco, aliasque commutationes recipiunt, voluntque manere cum choro, sed nimis contentiosa res est hæc, & fraudi multis modis locum præbet. Propterea qua fortuna venit, ea gaudendum est, nam si in commutatione chartarum fauisset, non antea se exhibuisset in casum. Non enim amittendus est hic vsus.

Quia ergo tribus modis consuevit vna charta expectari, vel in minori puncto, ut si collusor habeat xlv. tu verò xxxvj. qualicumque charta, ex duabus victor euadis. Vel si collusor habeat xl. tu verò tres chartas diuersi generis, primera solum vincere potes. Vel si ille primera habeat, vel supremum punctum, vel etiam maiorem solum, sed ita ut tu tribus chartis minus habeas, necesseque sit fluxum perficere, ut vincas. Solent partem depositi auferre singuli, ut potè dimidium, vel propè reliquum forti dimittitur, ut sit victoris. Ea autem ratione in primo casu auferri debent, (nisi ex reiectis, cognitum sit plures superesse, vel pauciores distribuendas, quàm pro ratione generali; nam si superessent chartæ decem distribuendæ, & in illis adhuc quinque, aut vna tantum, aliud esset dicendum) ex æquali: in primera ex dimidio alter ex duplo: in fluxu ex tertia parte, alter ex triplo. Dicam au-

tem quid fieri debeat, non quòd sit, eum diuersæ sint gentium consuetudines, tantum est ergo auferendum, ut ea conditione non ini-que certetur. In primo igitur casu, tanto præstat hæc æqualitas, quanto iam binas habenti offertur; nam in reliquis, duæ duo genera occupant: quatuor autem, sunt ita in hæc, quam illa incidere possunt. At si subtilior sit aliqua ratio, eam nunc prætermittere decet, cum in huiusmodi spectanda sit sola vtilitas. In secundo autem casu, iam manent apud vnum duo, apud alium vnum è quatuor vicibus cum tribus succumbat, vna tantum vincat vno in circuitu omnia amittet in qua igitur est conditio. Mouentur autem hac ratione quòd si duæ chartæ expectarentur, diuitio conueniret æqualis: ergo ex dimidio duorum, dimidium pignoris. Sed rationem sic inire oportet: si quatuor habeat aures tres, amittet in vno circuitu, lucrabitur vnum, igitur amittet dimidium eius, quòd habeat: oportet ergo depositi medium amittere, tantum verò lucrari collusorem: Igitur recipiet solum quartam partem illius medietatis, & collusor dodrantem. In fluxu autem, quia præter id tres chartæ deficiunt ex eo genere, in his, quæ distribuuntur, detrahenda oportet quintam partem, quæ est duarum, quibus, qui tres habet, superat vnā; nam vna charta potior est primera conditione tertiæ partis, iam dictæ: Igitur accipiet solum duo, & socius nouem. Quare concludo, quod æquata lance, ut faueamus etiam his, qui fortuna iniquiore ludunt. In primera, qui illam expectat, accipiet duo, alter quinque. In fluxu autem vnum, alter quatuor, & hoc est proximius veræ rationi. Cauendum tamen est, ut non id ex arbitrio agatur, sed semper, aut nunquam; aliter iniquissima conditione ludes; nam chartam exterius poterit collusor agnoscere; itaque si tibi conueniat, aut illi non paciscetur: At si tibi, nō illi verò conueniat, nequaquam. At si modo conditionem recipere oportet, fiat ante exactam chartam, quare inferius extrahendæ sunt, non autem supra.

## CAPVT XVII.

### De dolis in huiusmodi Ludis.

Commune habent cum Aleis, ut quod desideratur, dolo occupetur, estque hoc genus doli exosum, & gladio solet vindicari, secundus dolus, circa cognitionem versatur, ut in hoc genere est acerbissimum chartis adulterinis uti: ita in alio leuissimum, ut ordine suo loco collocentur, sed ordinis illius memorem esse oportet. Consueuerunt igitur, vbi cognouerint suppressum inferunt illam, aliàs, quæ sorte non debetur distribuendo, donec suppressam sibi arripuerint: Alij verò ex superiore parte periculosissima fraude, & mortem merita, ut & alia, sed latentior est. Qui verò solum aptando sciunt, quid sint expectaturi, non deceptores appellari solent, sed inter cautos recensentur. At qui adulterinis chartis vtuntur, alij subus, alij superius, alij à lateribus signant. Subus quidem satis proximis



ximis, asperis leuibus, durisve: qui supra colore, & notis tenuibus ex cultro: à lateribus autem figura, asperitate, sertis nodis, ac tuberculibus, aut lima cauatis rimulis. Sunt qui speculis in annulis positis cōtemplantur formam chartæ: ommitto modo, quæ per astantes sunt technas, atque organum, ac consensum. Certè in exigua voluptate, atque adeò inconstanti faueat votis, tot incommoda, totque impedimenta sunt, vt nihil melius, quàm non ludere, sunt etiam qui inungant chartas sapone, vnde illæ fluunt facili, & ab illis aliæ defluunt: quo doli genere vsus est ille Thomas Lezus Venetus patritius mecū dum alias ludo iuuenis addictus essem. In vniuersum ludus non est nisi dolus, & numerus, & fortuna. Contra dolum valet, vt caueas vafro, ingenio homines; vt enim boni non sunt deceptores, ita deceptores, boni esse non possunt. Vbi de dolo suspicaris de parua pecunia certa, adhibe speculatores, chartas intermisce non superpone, & si aliter superponat, nō misceat, dolo agit. Chartas habeto tu, si mittunt emptum, è tuis emat. Inspice intus, extra, à lateribus in angulis tange, si asperæ nimis leues duræ inæquales, noli ludere; antequam enim cognoscas forsan te spoliabunt. Denique locotuto nemo inspiciat chartas. Solent in primaria, quam primeram vocant à posteriori, & à superiore parte detegere, vel minimum chartas, vt super astantes non possint deprehendere, atque in hoc magna pars artis consistere videtur, & de hoc gloriantur.

Subit dubitatio non leuis in hoc cum præstigiatores adeo admiranda faciant, cur tamen plerique eorum in ludendo sint infortunati; par enim videretur, vt quemadmodum in sphaerulis, & viceolis, & numis fallere solent, ita etiam possint in chartis, atque ita victores semper euadere: sed damnato Hispano præceptum fuit, imo interdictum, (vt aiunt) sub pœna capitis, ne luderet; quippe qui quatuor chartas chorū efficientes ad libitum ostenderet, seu oculis furum faciendo, seu illas manuum agilitate commutando; nam in alterum horum referre prodigiosam præstigiarum artem, necesse est: At Franciscus Sorna Neapolitanus, (de quo alias loquuti sumus) ita commutabat, vt nihil posset mirabilius excogitari.

In prim. lib.  
18. de subri-  
tione.

## CAPVT XVIII.

*Pacta communia in Primaria.*

**I**N Primaria pacta quædam habentur communia: Non licet quicquam è ludo subtrahere, sed pro fraude habetur. Paulatim ergo adiicitur è priore cumulo. Si punctus simplex sit, vel etiam superior, mutant semel chartas. Si adsit Primaria vel fluxus, vbi propalauerit sortis, sit Dominus. Qui admittunt quatuor res, seu chorū, non admittunt supremum punctum, vt possit augeri sors, & qui admittunt supremum punctum, non admittunt chorū, vt liceat pignus augere. Qui primariam, aut fluxum non propalando, auxerit depositum, nisi mutandi chartas consilio, perdit depositum: Si verò non auxerit, cogitur volen-

Tom. I.

tibus aliis chartas mutare; si vnus habeat parum, alij plus, quilibet seorsum certant vltra id, quod est minimum. Et licet tertius ille vincat, inter eos tamen certatur de reliquo, ac si soli inter se luderent. Cum quis ponit pignus ab initio, si vnus recipit, alij absoluuntur. Si nullus vltimus ab eo, qui ponit, certare cogitur. Si plus vult ponere, quam sit prima meta, quilibet potest recipere conditionem, & abnuere, sed pro prima meta, (vt dixi) vltimus tenetur. Si nullus ponit, mutare coguntur chartas ambas, aut alteram pro arbitrio eorum. Sunt qui certent de paribus in duabus chartis, & est ludus mixtus ex Gallico Geleo, scilicet, habeo ego, & primaria. Si quis vincat ex puncto maiore, chartam aliam ostendere tenetur. Si id non agat amittit depositum, quia fluxum habere posset. Si primariam se habere profiteatur, & socius recuset augere depositum, tenetur ille primariam ostendere. Potuisset enim fallere illum sine primaria inuitando ad certamen maioris depositi. Et similiter si inuitet ex puncto, tenetur ostendere duas chartas diuersas, & vnā consimilem alteri earum, ne fluxum, aut primariam habere, quis possit suspicari.

\*\*\*

## CAPVT XIX.

*De punctorum, seu numerorum diuersitate in Primaria.*

**S**Vmus punctus simplex post primum eundemque supremum est liv. minimus viginti, mediocris igitur xxxvij. sed propter supremum xxxvij. medius reputatur, at ille non potest duabus chartis fieri, igitur xxxix. medius habetur, etsi à dextra sis potior, vocabiturque potior mediocris. At in Primaria, cum nec possit vinci à supremo, nec ab alio, nisi choro lxxvij. est maximus. Simpliciter autem lxxxiv. sed minimus xl. Igitur medius simpliciter est lix. sed potior lxij. si à dextra. Nam & lxxvij. à laua simili succumbere potest; sed lxxix. vinci nullo modo potest, nisi à choro. Chorus enim vbique vincit, & supremus primariam; sed alteri eorum libertas augendi depositum aufertur: Rursus in fluxu minimus numerus est xlij. maximus lxx. medius ergo lxj. Vt ergo sumamus recta cum ratione, quandoquidem ab initio numerus mediocris sit xxxvij. maximus xxxix. minimus xxxiv. conficiantur enim ex supremis trifariam coniugatis, & supremum punctum vnus chartæ expectatione conficere possunt. Relinquantur ergo puncta cij. in octo chartis, igitur mediocris punctus est l. in tribus chartis. Et rursus in Primaria xxxvij. est punctus mediocris duarum chartarum, reliquarum bis xij. fiet ergo punctus mediocris lxij. Et rursus in fluxu idem continget, quod in Primaria; contingunt autem multæ varietates, iuxta hæc velut si prodierint maiores, aut minores, aut iuxta ea, quæ dicam.



## CAPVT XX.

*De fortuna in Ludo*

**V**idetur autem plurimum posse fortunam in huiusmodi, ut quidam etiam inexpectatis fruantur, alij iuxta expectatis destituantur. Vnde mediocritatis illius, ratio locum non habet. Ea etiam mediocritas ex extremis conficitur, ut non sit velut in litibus, & æstimationibus, aliisque similibus. Constat sanè hunc hominem, illo, eundem ad seipsum comparatum, alia ætate, tum in ludis, tum in negotiis, & cum hoc magis, quàm cum illo, & die vna magis, quàm altera esse fortunatiorem.

Etsi quis sortem quamcumque iaciat impares plures hac in parte magis, in alia minus, & pauciores esse oportet, aut æquales semper, si æquales, ratio erit; & principium, non fors; si diuersitas contingit in omni acervo, aliquid est inuenire magis, minusque dissimile; sed ex hoc nulla ratio fortunæ inueniri potest; esse tamē fortunam necessarium est. Astrologi autem, eam sibi vendicant, non tamen vidi Astrologum quemquam alea ludentem fortunatum, nec qui eorum consilio usus sit. Et causa est, quod etsi contingat velut in omnibus fortuitis aliquando diuinare, nihilominus si diuinauerint (nam ubi non diuinauerint, iacturam fieri necesse est) cum postmodum fallunt perperam, audentes maius damnum ex vno errore subeunt, quàm utilitatis ex diuinatione, quater prospere succedente. Semper enim in malum pronior est lapsus, & iactura maior lucro. Vidi autem, qui collimarent Geomantia, sed eadem instabilis vanitas, & periculum, nisi quod moderatius hi vtuntur fallace præsidio. Vnde autem, quod frequenter quidam diuinent, non aliam ob causam, quàm quod alij frequentius errant. Cum ergo necessaria sit inæqualitas, necesse est alicui maiorem partem contingere, alicui minorem. Atque hæc dici possunt verisimilia rationi. Quæ tamen mihi contigerunt anno M. D. xxvj. cum Thoma Lezio patritio Veneto, nunc subicere decreui iudicium, cuique suum relinquens. Exueram dignitatem regendi Scholares in Gymnasio Patavino de more iij. Augusti, iam ibamque cum Hieronymo Riola, Scholare Bergomense nocte quadam eiusdem mensis Venetias, lusimus Ludo (Basetta vocato) vici omnes, quas habebat pecunias. Inde rogauit, ut super fidem luderem ad aureis, usque, ni fallor, binos, aut ternos, & vici rursus, tum demum volebat rem in immensum producere, negaui; pollicitus est, quod debebat se intra tres dies redditurum, non venit, forte fortuna obuius fit paulo post, pollicetur die sabbati, ea erat dies Natiuitatis Virginis, se venturum redditurus pecunias: deducturum ad pulchram meretricem, agebam tamen annum, ac anni finem vigesimiquinti sed frigidus eram. Recipio tamen conditionem, de Ludo ne verbum quidem. Venit constituta die; erat autem eo anno Beatæ Virginis festum die sabbati. Deducit me ad do-

rum Thomæ Lesij; ibi nulla Phais, sed vir barbatus cum famulo adolescente. Nullæ numerantur pecuniæ, sed ludimus chartis adulterinis. Vincor ille, pecunias quas debebat, tamquam dedisset in peculio meo adnumerat, spoliis omnibus, amisi aureos circiter vigintiquinque, vel etiam plus paucas quidem, quas habebam, reliqua pro pignore datis vestibus, atque annulis. Redeo domum (ut par est) mœstus, tum maxime quod nulla esset spes recuperandi pecunias ex domo, cum Mediolani bella, & seditiones, maxime sæuissent. Itaque (vera nunc dico, nec est, quod mentiar) quondam mihi fingo artem, nescio nunc, recordor, qualis fuerit, elapsis iam annis triginta octo, sed puto ex Geomantia ortam, in qua usque ad viginti quatuor ictus, numeros tenebam omnes, quibus vinciturus eram, & quibus succubiturus; forte fortuna longè etiam plures erant, quibus superior eram futurus, quàm quibus inferior, adeò, (ut ni fallor) ad septimum usque vnus, nescio nunc, quo ordine solus aduersabatur. Cum autem viderem me non tuto posse plures numeros memoria tenere, monui famulum adolescentulum, prænomine Iacobum, ut cum videret me recuperasse vestes, & pecunias, ut me vocaret. Comminatus, si id non faceret, me illum verberaturum grauius. Pollicetur: imus. Quid plura ludit: ictibus omnibus, quos præuideram, vici, & victus sum, ubi post tertium ictum cognoui, non fraudari, non fallere, largè ponebant pecunias, & deponentem amplectebat, ille autem gaudebat prioris diei exemplo, & ob chartas (ut dixi) adulterinas, existimabatque iuuenili impetu inflammatum, sed res aliter cessit, nam cum ictibus, quibus superiorem futurum, tanquam viderem id ipsum, non iam amplius præuiderem nullam magnitudinem respuerem pecuniarum, largeque, & ipse deponerem, reliquis, quibus sciebam illum superaturum, resutarem, si poneret, & ipse parçè deponerem, factum est, ut intra viginti ictus recuperauerim vestes, annulos, pecunias meas, & quas etiam superaddiderat, vestes autem, & annulos, & torquem per puerum, domum singillatim remissi. Supererant è numero quatuor ictus, reponit iterum pecunias, ludo, vinco, paucis etiam ictibus, qui non in numero continebantur, victor euasi; illo iam perturbato, & pleno admirationis, dum cerneret omnibus ictibus, quibus de magna pecunia certabamus, me superiorem euadere: his quibus vicit me paulum deposuisse, & multam deponere volentem recusasse. Ita (ut dixerit) credo Demonem aliquem te monere, aut præcantatione aliqua præscire, quid futurum sit. Quomodo reliqua successerint, aliàs dixisse me memini. Sed nunc iam ad rem redeo; si quis dicat Genium tum me monuisse, quamquam nondum videatur se detexisse non contendam: sed tamen, & Genium aliqua arte præscire id oportuit. De hoc (ut dixi) aliis relinquo iudicium. Nunc id consideratione dignum arbitror, quod fortuna hæc videtur aliquid magis esse, quàm, quod casu constat, cum in ea videamus initium, incrementum, statum quemdam adeò ut mirabilia quædam videantur,



tum ut gemina puncta bis, cum secus vinci non contingat, atque talia huiusmodi: videamus tum etiam declinationem, inde persæpe mutationem, tum verò, & omnia quædam magnæ calamitatis, aut felicitatis, quemadmodum & cæterorum, tum verò id statuendum censuerim esse aliquid, licet causam nesciamus, quò partes cohæreant. Velut, quoddam ditari debeas, aut spoliari: tum maxime cum ex his, aliquid maius sequitur; ut ille, qui è ludo discedens, amissa omni pecunia, pugione imaginem beatæ Virginis vulneravit. Vnde deprehensus à Iudicibus, damnatus est poena suspendij. Quomodo autem causa illa felicitatis, seu astrorum concursus sit, seu factum, & ordo aliquis Vniuersi possit mouere chartas, quæ ex arbitrio hominum bonæ, aut malæ censentur, cum per se nihil significant, dubitatione dignum aded est, ut facilius sit huius facti causam inuenire sine hoc fine, quàm cum illo, nam absque eo ad casum belle reduci potest, ut in constitutione nubium, & spargendo fabas, atque huiusmodi.

## CAPVT XXI.

*De timore in iactu.*

Huius causa dubitare contingit, cur qui cum timore iaciunt aleas, vincuntur? An mens ipsa præfaga mali; sed oportet nos liberare homines ab erroribus, hoc enim quanquam possit credi verum esse, non tamen eo indigemus, cum causam habeamus manifestiorem. Nam ubi quis succumbere cœperit, aduersante fortuna, timide persæpe aleas proicere solet; quod si fortuna aduersa perseuerauerit, necesse est male cadere iactum, cum ergo timide proiciat, creditur malè ob id cadere Aleam, cum tamen non ita sit; sed quia fortuna aduersatur cadit male Alea, & quia cadit Alea malè, vincitur; & quia vincitur timide Aleam iacit. Propterea cum timide Aleam iacere sit quartum in ordine, male cadere autem Aleam secundum quartum, non potest esse causa secundi, nec propria, nec communis, sed potius contrà. Non ergo timidus iactus si Alea sit æqualis, & non ex sententia collusoris arripiat Aleas causa esse potest infelicijs numeri; secus autem accidere potest,

## CAPVT XXII.

*De diuisione Ludorum gemina.*

Ludorum alij consistunt in Alea, id est, leuentu rei aperte, alij in chartis, id est, euentu rei occultæ. Vtrumque genus diuiditur, quoniam alij fortuna tantum constant, ut sancius in Alea, & primaria, ac fluxus in chartis. Alij fortunæ artem ludendi adiungunt, ut in Alea fritilli ludi in chartis, taro vlcus, triumphus, & similis. Cum ergo necesse sit ludos constare fortuna tantum, vel fortuna, & arte, & vtrumque genus ex apertis, aut occultis, manifestum est, quoddam

dorum, qui fortuna constant, & non robore, vel agilitate corporis quatuor sunt prima genera.

## CAPVT XXIII.

*De ludis Chartarum, in quibus industria locus est.*

Cum ergo in huiusmodi exerceamus industriam in re incognita, necesse est, ut memoria earum, quas deposuimus, aut teximus, aut reliquimus, aliquid possit, in quibusdam autem plurimum, ut in trapola, Veneto ludo. Hoc eximuntur tria, quatuor, quinque, & sex puncta. In quatuor generibus sunt sexdecim, relinquuntur triginta sex. Dantur quinque post quatuor; in duobus lusoribus sunt decem octo chartæ totidem in cumulo relinquuntur; si primo placent, retinet, et si secundo displicent, mutat, & nouem primas recipit superiores in cumulo; si placent, & ipse suas retinet; si non commutat cum secundis cumulis; vides igitur quantum possit memoria, iudicio, scientia cauendi dolos, & securitate debita. Plures ergo dum satis bene memorantur, non satis vitant caute dolos collusoris, aut non prudenter ludunt, aut timide nimis, vel quasi iracunde. Propterea cum in Saccenſe oppidum, me contulisset hoc ludo mirum in modum delectabar; ex quo omnis boni initium habui. Namque industria effeci, ut omnium chartarum, quas deposuissem, memor semper essem. Ars verò in ludendo plurimum valet. Namque vltimam chartam, qui obtinet, sex habet puncta, si eadem binarius sit, valet xxvj. sex quoniam in vltimo: Decem quia cum sit minima, nisi sit sola, non potest non vinci: in vltimo verò duplicatur, ideo valet viginti, cui addito sex, valet viginti sex; si bis hoc contingat, scilicet, ut penultima sit binarius, & vltima, valent liij, scilicet singulæ xxvj. si autem tres binarij valent lxxviij. ter scilicet multiplicato xxvj. ut sint vltima penultima, ante penultima omnes binarij sunt, qui velint valere centum, & quatuor duplicato liij. sed non est rectum, sic enim oporteret, ut vltima valeret xxvj. penultima cum vltima lxxviij. & antepenultima cum reliquis duabus ccxxxiv. quod nemo admittit, istiusmodi tamen constant consuetudine, aut pactis, quemadmodum, & quoddam binarius, si sit prima, ut etiam in reliquis, nec vincatur, quoniam eo genere chartarum careat collusor decem valet, apud aliquos tamen valet xij. Pedes valet puncta tria. Regina, vel Equus, quatuor, Rex quinque, punctum vnum vocant lunetam æque supremum in suo genere, vicitque Regem, & omnes alias chartas, valet sex, tres lunetæ ante ludum valent xij. tres binarij x. tres Reges, aut Equi, vel Regina, vel Pedites sex, nec oportet, nisi in lunetis dicere, quales sint; sed cum binario omnes nomine figurarum appellantur. Oportet autem tres esse similes, & vnius generis, ut tres binarij, vel tres Reges, nec est necesse, ut lunetas, vel figuras ab initio ludi appellemus, sed solum, antequam vllam ex illis tribus



delegamus, aut ludamus, vel ludendo, dum non collegerimus illarum ullam; si quis omnes chartas obtineat, cucum vocant duplicaturq; totus numerus. Hanc igitur chartarum memoriam, cum ad verbi vnius scientiam traduxissem ex illo didici etiam multas res, hoc modo vnius verbi continere. Inde excolendo inuentum totam vnam lectionem, & quæ in ea continerentur. Post etiam illa inueniri & ex autoribus deriuare. Vnde modus ille ex temporanee profitendi. Sed reuertor ad chartarum lusum, nam hoc genus ludi est artificiosissimum, cum in certa re, & vi naturæ confisteret, omisi exercitationem illius diuinationis multis ex causis. Primum enim me statim contuli Patauium, inde in Saccenſe oppidum, atque ita occasio sublata illius ludi; nam eâ sors non habet locum, vbi ludo industria commiscetur. Deinde quod timebam, ne nimis fidendo me euerteret. Præterea dicebam si ex Demone est fallax, est & contra legem, si fortuita stultum est illi fideri. Abhorrebam etiam à ludi genere damnato legibus. Præterea stultum existimaui, cum possem locupletiore conditione, securiore scilicet, & ex naturali ratione pendente certare velle tam absurde inniti.

## CAPVT XXIV.

*De differentia ludi Chartarum à ludo Aleæ.*

**D**ifferunt ludi Chartarum à ludis Aleæ, in quibus industria locū habet, quod Alea de futuro iudicium fert, & magis licet de alieno successu, tamen etiam de proprio. Chartarum autem ludi de præsentibus, & alienis solum iudicium requirunt. At de præsentibus coniectari, prudentis est magis viri, & humana sapientis; de futuris autem quamquam sit alia ratio coniecturæ, non quod futura sint, sed cui potius iure innitendum sit, est tamen diuini potius hominis, aut insani, nam melancholici diuinare solent. Etenim in Alea nil habes certum signum, sed omnia planè in pura fortuna reposita sunt, si alea æqualis sit. Quicquid autem est in ea præter leuem coniecturam, & rationes superius dictas ad temeritatem referri debet. At in chartis, quas posuit vultus chartarum à tergo agnitio, milleque aliæ agnitiones naturales, & dignæ, prudenti viro habentur. Vnde inter omnes ludos subtilitate præcedit, is, qui latrunculus sit. Sed fortunæ arbitrio parum, aut nihil subiacet, vtilitate armorum, salubritate pilæ: lepore: trapolæ: pulchritudine inuenti, & modorum primaria, pecuniarum magnitudine sanctius, concertatione assiduæ, quæ parum fatigat fritillus, extractione temporis tarochi: Dignitate Cricones, prudentia, & vitæ humanæ imitatione triumphis. Decet igitur sapientem chartis ludere, quàm alea, & triumphis potius, quàm aliis ludis, constat ergo, (sed in vsu non est) quod medius quidam est modus ludendi chartis apertis, proximior ferme latrunculorū ludo. Et finem habet, cū nil amplius expectet, sed quilibet ludus sibi finem facit. Atque is, est qui sit nouem cum char-

tis, (nam hic est numerus satis idoneus) ac mediocris inter magnum, & paruum ad ludendum, detectis, inde certare, vt solent cum occultis. Demiror autem cum hic sit ingeniosissimus, solum neglectum à tot gentibus esse.

## CAPVT XXV.

*De ludis Chartarum.*

**L**Vdi igitur Chartarum, nō in expectatione futurorum sunt nisi cum commutantur. Suntque earum plura genera, sed numerare non licet: Nam quod dixit Horatius de verbis, idem de ludis dicere conuenit: satis erit eos distinguere generibus suis, ac speciebus, tum simplicibus, tum compositis. Prima igitur genera sunt lusus arbitrio solius fortunæ, & cum industria. Fortunæ solius sunt primaria fluxus, qui fit cum tribus chartis: Gallicus est pulcherrimus, nam vnum cum figura, vel cum binario efficit xxi. qui summus est punctus apud reliquas, plerasquæ gentes. Sed apud Gallos, si adsit aliud vnum sunt viginti vnum cum dimidio. Sed tria puncta superant etiam fluxum, & est supremum, & pro fluxu, & puncto haberi potest. Viginti etiam cum vno puncto, alia in charta efficit viginti cum dimidio, & ita habent viginti, viginti cum dimidio, viginti vnum, & viginti vnum cum dimidio, & viginti duo, qui (vt dixi) superior est fluxui. Post est fluxada: silerium, id est, ego habeo, quadriginta, & triginta vnum, Baseta ludus desperatorum, Cricones, fortunæ, & industria, triumphis, triumphis, sequentiæ, sequentium tarochi, centum, trapola, Romfa, scaltara, tum alij multi. Alia diuisio est penè differentias proprias, quoniam ludi quidam tetinent æstimationem chartarum, alij non retinent, sed mutant. Alij numero chartarum, alij estimatione, alij consequentibus, alij certa ratione loci, seu ordinis, aut proprietate conficiunt numerum, quod superiores, aut inferiores euadunt:

## CAPVT XXVI.

*An iidem doceant, & sciant.*

**F**orsan merito quis rogare posset, an iidem, qui has rationes norunt, bene ludant, an non? Videtur enim alia res scire, atque exequi, pluresque, qui optimè ludunt, esse maxime infortunati. Sed & in aliis tractationibus, eadem quæstio manet. Vtrum-ne Medicus idem sciens, & expertus? At in his, quibus tempus consilio datur, idem est sciens, atque bene fortunatus, vt in Mathematicis, Iuris prudentia, & Medicina. Rarissime enim æger non dat moras. At in his, in quibus tempus non datur, & dolus praualet, aliud est scire, aliud feliciter exercere; vt in ludo, in bello, in monomachia, in mercatura. Dolus enim, et si arte cōstet, & exercitatione, plus tamen potest exercitatio, & experientia, quàm scientia. Corporea etiam quædam cognitio plus valet in his, in quibus, ea opus est scientia ipsa. Velut in gemmarum æstimatione, pictura, cognitione



gnitione monetæ adulterinæ, vel sinceræ. Tria ergo sunt in causa, quod non idem possint, & sciant corporea natura, dolus, & angustia temporis. Propterea iure merito iridebat Annibal. Philolophum, qui numquam acies viderat, de bello differentem. Ergo Ludi omnes, qui in arbitrio sunt fortunæ, seu solius, seu cum industria coniunctæ cum, & tempus non debet ad bene cogitandum, sed urgeant. Cum corporei, ideoque subiecti agilitati manuum, acumini oculorum, cum dolis obnoxij, nihil mirum si aliud sit scire, aliud exercere, recteque exercere. In quibusdam autem, ut in militia exercitationi iuncta scientia multum iuuat, non scientiæ exercitatio, nam quod est principale in vnoquoque præcedere debet, & maius esse.

## CAPVT XXVII.

*An sit aliquid ad artem extra artem.*

Cæterum postquam opus est præter exercitationem, quæ nobis præbet cognitionem doli, agilitatem, celeritatem, sensuumque notitiam, scientiam quoque, & methodum habere, dubitatione dignum relinquitur, an sit aliquid præter hæc omnia, quod ad victoriam in ludis conferat? dico autem ubi cuncta longo etiam consilio prævideris: Nam illud est præcipuum, iudiciumque, quod ex illo confurgit. Vide sanè, qui ridiculè nodum eius, qui laqueo fuerat suspensus, detulerunt alios alia habentes: lapides esse, qui angeant gestari prudentiam, & smaragdum esse scio: similiter & alios lapides, qui audaciam, ut vocatos Nicolos, & de his sane non est questio, sicut neque de alijs huiusmodi. At de fortuna (ut diximus) oportet aliquam constituere. Velut ergo personarum, ætatum, annorum, mensium, dierum, & horarum mutatio, fortunam variat; ita etiam in omni eo, quod mutat, aliquid est necesse, cum constiterit esse tamquam mutatum sit, velut si crastina vincendus sum perendie victoriam consecuturus, oportet aliquid esse eiusmodi, veluti cras, & perendie, forsitan aliquis præter tempus negabit aliquid esse, quod mutet, aut mutare possit fortunam, neque enim absurda ratio est cum temporis varietas à fato pendeat, reliqua non ita. Si igitur futurum est, aut non quomodo per amuleta mutari poterit? Quæ eadem ratio ostenderet, neque medicum, neque tonsorem, neque ducem belli, aut melius mederi, aut tondere debere, aut rem bellicam administrare, quam si sine his sint. Quod etsi verum esset cum iam id tam absurdum sit, & contra humanam opinionem, ac rationem, nescio cur sit admittendum.

Videamus ergo quid sit hæc fortuna, & è quo principio pendeat; mihi sanè videtur apta, vel aduersa dispositio rerum voluntati, & cogitationi hominis; ut vel quomodocumque egeris, res bene, vel malè cedat, aut quæ congruit humanis consilijs, aut non congruit. Duplex ergo est felicitas, velut, & in rebus humanis, vis, & dolus violenta, & congruens consilio nostro, aut deceptrix. Si enim mansero domi, aut non mansero, vel malè esse potest; sin autem utroque modo, ut à Principe vis immineat est, ita, & in ludis; ergo congruentium, & non congruen-

tium duo sunt modi, vnus quidem absolutus, alter ad consilium, & iudicium relatus. Verum hæc in libris de fato tractata sunt. Quod autem ad rem hanc attinet, hic sufficiat dixisse, fortunam mutari aliqua ratione, quoniam consilium mutatur, in aliquibus quidem euidenter, ut si iuero ad bellum, alia fortuna utar, quam si hic peregrinationem, aut domi mansero, occultè autem velut in Alea, nam si plus agitauero, vel minus, si alio impetu alius punctus eueniat. Ergo bifariam fortuna occultè, aut consilium mutando, ex quo actio provenit, aut fortuito casu ad comparisonem eius, quod iam est. Velut inimicum habeo, hoc iam consilij mei est, quod verò ei potentia accrescat ex filix connubio, hoc ad fortunam absque consilio pertinet. Primi autem etsi non perspicua ratio sit, atamen haud dubia est. Existimandum est autem vtriusque esse modum aliquem, & beari quidem posse, aut infortunatum reddi, velut qui ebrij ludunt, qui irati, qui cum timore, vel suspicione, quæ omnia nota sunt cuique. Alterius autem modi, etiam rationem aliquam occultam esse. Ad hæc igitur amuleta & fascino, & huiusmodi, & velut in singulis runicuique (ut dici solet) gladio sua conuenit vagina, & pedi calceus, & hora, & dies, & Annus, & locus conueniunt; ita & beatum hoc faciet in eo genere, quod miserum alium reddet. Videtur autem summum, quod longum præbet consilium, & iudicium, & prouidentiam. Nam alia ad communem tractationem pertinent, scilicet, quæ euidentia sunt, & ad vnum ictum, aut etiam duos extenduntur.

## CAPVT XXVIII.

*De longo consilio, & iudicio, procedentiaque.*

Maximum autem in ludo Alex præcipue est prouidentia, & iudicium ad multos iactus, ut in aluere tabulæ sic disponantur, ut cum duplex sit via ad finem, vna, ut celerius progrediamur, altera, ut collusorem retardemus: celerius progredimur occupando meliora loca, ac citius, ut contra retardamus; vel ut deteriora loca habeat, & pauciora, vel ut lentius ingreditur vltimam fidem. Cum ergo dictæ viæ sint vtraque quantum licet progredimur. Sed cogitandum est, illi magis, non illi soli insistere debeamus, hoc enim vix fieri potest; at ut celerius agas, cauendum est, ut tutus sis ab incursionibus collusoris; & ut illum impediās. Duæ rursus intentiones insurgunt, an debeas, vel ut agas, si deliberaueris, altera, ut sis in insidijs. Quatuor igitur iam habes scopos, ut facile progrediaris in optima loca, & ut obnoxius non sis impedimento, & ut impediās illum, & sis in insidijs certis, si occasio detur illum impediendi. Ut verò impediās, duplex est via, vel ut locum, & transiitum præcludas, vel ut eiicias tabulas illius, ut cogantur ad primam sedem reuerti.

Scis enim quatuor esse sedes in Aluere, quarum singulæ sex domos continent. Sed & impedimentum illud possemus præstolari ante, ut sint sex intentiones. Impedimentum quoque vel in pluribus, vel in præcipuis loci



eis esse debet. Præcipua loca sunt è regione, & vbi aliter transponere cogitur, quam ei utile sit. Hæc autè præuidere, & multo antea, cuiusdam est sapientiæ, quam nulla ars ferè docere potest. Imò planè docere potest, sed nemo tanti iudicii esse queat, vt assequatur.

Primum ergo vno exemplo id docebo, vt ad omnia facilius sit aditus. Finge te desperare victoriam, quòd inferior sis, gratia exempli quarta parte iactum; semper enim ad id, quòd residuum est referre rem oportet. Et licet proportio eadem sit; quanto tamen propior est fini ludus, tanto plus refert. Considerandum est ergo si deficiat parum, & ex mutatione fortunæ reparari possit, non est euertendus Ludus. Rursus si propior sis fini, quanquam possis, & debeas euertere, non euertes. Et iterum si sis remotior à fine, sed tabulæ iam processerint comparatione suarum, non debes tantam agitare rem. Vbi ergo inferior longè sis spe illo, & ludus non multum processerit, nec tabulæ tuæ eo loco non peruenerint, vnde nulla arte retrahi possint: neque etiam anteriores sint suis, tunc deliberare de retrocessu, & occupatione viæ oportet. Facta deliberatione, modum inuenire conuenit, vt totus ei negotio insistas, nitariisque reducere tabulas, quæ processerint, retrò. Id autem aliquando, & violenter, quod & fallax est, & periculosum, aliquando verò quasi furtim certè sensim; quòd vt maioris artis est opus, ita tutius, & certius. Initis rationibus generalibus ad speciales descendere oportet, & videre vsque quòd oporteat perseverare. Idè oculatum in huiusmodi esse oportet, & maximè in deliberatione, an agendum, an non, etsi sit, an apertè: Hoc iudicium, consiliumque, hæc providentia, tum in singulis, tum in generali, altioris est consilij, quam sit humana natura. Et est vt prospectus cæli, & rei infinitæ. Generaliter tamen numerosiores puncti solent intercipi utilitate maiore, ne procedant, sed mediocres, vt quas vocant domos, dissoluantur.

### CAPVT XXIX.

#### De moribus ludentium.

Sunt etiam in malis rebus suæ leges; velut, & latronum, & piratarum. Sunt quidam, qui multis verbis, & alios, & se deturbant è proprio sensu. Omitto de his dicere, qui conuicia in Deos iaciant, tanquam infanientibus. Quidam sunt contentiosi, qui homines ad iram prouocant, vt omnium obliuiscantur: Demum sunt, qui scommata iaciunt in collusores, alij sunt taciti, quod optimum esset, si ipsi non idem à suis collusoribus exigerent. Est modus in rebus; sic ludat, vt non obliuiscatur ludi primum, & eorum, quæ ad victoriam faciunt; non irascatur, non prouocet ad iram, non timeat, non loquatur verba inania, non vexet socium, maximè succumbentem. Meminerit personæ suæ, collusoris, astantium, loci. Si collusor non sit huiusmodi, præstat non ludere. Vt enim felis exiguum in multo melle, & res putrida pauca multa iucundè mixta longè plus potest ad vomitum commouendum, quam totum illud ad gratiam. Ita vitiosus collusor omnem voluptatem ludi, quasi vibrata funda, &

suauitatem illam, quæ ex eo percipitur longius excutit. Ita taciturnitas ille silentio propior, nimis dura est, & seuera, quandoquidem maior sit voluptas loqui, & non ludere, quam ludere, & non loqui.

### CAPVT XXX.

#### De Ludo Aleæ Antiquorum.

Antiqui Ludum habebant Aleæ, quem Tesserarum appellabant. Cum Alea commune nomen euaserit omnium ludorum, quibus fortuna dominatur. Inuentor (vt dicunt) Palamedes, dum Troianum bellum vigeret. Confederunt enim omnium testimonio circa eam urbem annis decem, vt ad leuandum tædium excogitatus fuerit. Tesserae propriæ dictæ sunt, quas cubos etiam alij dicunt sex faciebus, totidèmq; punctorum ordinibus. Vetus fuit Romanorum ætate nisi Saturnalibus, diebus vnde Martialis.

*Nec timei adile modo spectase Fritillo Quum videat gelidos iam propè verna lueus* Lib. 5. in Proc.

Videtur tamen aliquo modo differre cubus à Tessera dicente Vitruuio. Cubus est corpus ex sex lateribus æquali latitudine planicierum per quadratum. Is cum est iactus, quam in partem incubuit, dum est intactus, solidam habet stationem: vt sunt etiam tesserae, quas in Alueo ludentes iaciunt. Lapsus seu iactus appellantur apud Græcos, vt auctor est Eustatius, ex Cælio Calcagnino, ex quo hoc caput cum sequenti excepiimus. Constat autem eos esse sex iuxta Planorum numerum, quibus tessera constat. Idem Eustatius docuit oportere, vt in tessera singula puncta opposita conficiant eundem numerum, scilicet septenarium, velut vni, sex, & duobus, quinque opponuntur, & tribus quatuor. Hoc autem earatione factum est, vt facilius deprehendatur fucus, si quis adulterinam confecerit Tesseram, puncto vno geminato, alio autem deficiente. Quod maximum esset flagitium, maximè si inter ludendum tessera ipsæ manuum agilitate, vel collusore aliud agente commutarentur. Itaque nostrum fuit addere hoc caput recensendi, non tam antiqui moris gratia, quam illius causa reddendi, qua intellecta aliquid vtilius ad rem ipsam inueniretur. Nam vt hoc ad tollendam fraudem maximam excogitatum est, ita ad aliam minorem additum præbet. Nam qui manuum agilitate puncta, quæ volunt iaciunt, trifariam id agunt, aut vt Alea Aleam super-equitet, aut vna duas si tres sint, atque is modus optimus est, vocaturque equitare vulgari sermone, & generali Aleam mutare. Secundus fallacior est, vt Alea vni hæreat à latere, vel duobus, vocaturque vulgari nomine, spuntorum; tertius est parum tutus, imò fallacissimus cum Alea mittitur eo numero punctorum supra exposito, recta via, tali impetu, vt verisimile sit punctum, quem volumus superiorem euadere. In omnibus his plurimum iuuat, vt sciat deceptor certo loco iacere punctum. Neque enim solum iuuat scire, quòd vni sex opponantur, reliqua puncta sint in circuitu. Sed etiam qua parte, velut quòd bini, & quini sunt in capitibus, seni, & vnus à lateribus, idque necesse est. Ita contra has omnes fallaciam orcam excogitarunt ab eius piscis



piscis similitudine. Videtur enim deuorare tesserarum, ut orca alios pisces minores. Persius :

*Angusta collo non fallier orca.*

Pomponius Poëta Bononiensis.

*Dum contempler orcam talos perdidit.*

Sed in orcam pueri nuces iactando intrudebant, ut sit alia aleatoria, quam ille nominat, licet et similis. Pyrgum appellat hanc pyxidem; Græco nomine, Horatius dicens.

*Mitteret in Pyrgum talos.*

Neque enim solum tesserarum, sed, & talos illic mittebant, Bononiæ perpetuo in usu est, Mediolani non: Martialis, turriculam vocat. Vnde in Apophoretis in turricula.

*Quærit compositas manus improba mittere talos, Si per me mitti; nil nisi vota facit.*

Accommodatus est hic ludus tesserarum cum fritillo, (neque enim hic pyrgus est, sed Alueus lusorius;) etsi sit non contendo de verbis: dicas cum alueo (si placet) persimilis vitæ humanæ, & quasi exemplum illius accommodatum, ut illud dicas Terentij in Adelphis.

*Ita vita est hominū, quasi cum ludas tesseris, Si illud, quod est maximè opus iactū nō cadit, Illud, quod cecidit fortè, id arte, ut corrigas.*

Ludebant autem duabus, & tribus tesseris, de duabus est illud Martialis in Apophoretis.

*Hic mihi bis seno numerantur tessera puncta.*

De tribus autem illud prouerbium Græcum indicat, vel tres senarij, vel tres vnijs; sed etiam nostra ætate celebriores ludi Aluei sunt tribus Aleis; sperainum, speraia, & speraionum, Vnde Alueum ipsum sperainum etiam vocant; vulgari tamen lingua Sbarainum appellant Sbaraiam & Sbaraioum, sic & Alueolum Sbarainum. Calcagninus tamen sperainum à sperando deduci putat; sed lingua nostra Sbaraiare id est, quod spargere. Et Sbarainum, quod spargat. Vtrumque sit omnes hi ludi tribus tesseris exercentur; sed diuerso modo utimur in Sbaraino tesseris duabus, tertiam supponimus cum senario semper. At Sbaraiam cum tribus tesseris Sbaraioum, & ipsum cum tribus tesseris, sed quilibet congeminat ictus. Est autem Principum ludus, & sine cura: ingeniosa Sbaraiam: Sbarainum medium locum obtinet: Estque magis in usu, quod Sbaraiam sit longior, Sbaraioum autem maximè consistat in fortuna. Celebriores alij tres sunt cum duabus tesseris tocadigium, quod duplex est, paruum, quod in fortuna consistit, & magnū iudicij longioris. Est & canis Martius, & totæ tabulæ industria mediocris; nam canis Martius præstanti ingenio indiget.

|        |   |   |   |   |   |   |   |   |   |   |   |
|--------|---|---|---|---|---|---|---|---|---|---|---|
| 1      | 2 | 3 | 4 | 5 | 6 | 1 | 2 | 3 | 4 | 5 | 6 |
| Alueus |   |   |   |   |   |   |   |   |   |   |   |
| 1      | 2 | 3 | 4 | 5 | 6 | 1 | 2 | 3 | 4 | 5 | 6 |

In totis tabulis quinque tabulæ ponuntur in vltima sede collusoris à dextra tua, & duæ in prima à sinistra tua; tres in secunda tua à

dextra, & quinque in sexta tua à sinistra, collusor itidem totidem in locis, è regione oppositis collocat. Præcipua ratio est impediendi transitum, & excutiendi tabulas aduersarij. Est & alius ludus, quem Minoretum vocant, atque hic duplex, ut tocadigium. Maior, & Minor, in hoc cum tabula excussa non potest ingredi, ludus amittitur, sicut in tocadiglio cum excutitur. Sed in maiore tocadiglio, ubi vicerit, arbitrij tamen sui est perferuare in illo. Cum ergo tesserarum ludus numerum trium non excederet, talorum autem quatuor, ut infra videbitur. Idem Martialis inquit in Apophoretis.

*Non sum talorum numero par tessera, dum sit, Maior quam talis Alea sape mihi.*

Ouidius autem docuit ebore tesserarum constare, cum nostra ætate ex quouis osse fiant.

*Sen ludet, numeroque manu istabit eburnos.*

Nostra ætate vidi è crytallo factas cum aureis punctis; tesserarum, nostri Datos appellant, quod antiquo tempore datatim ludere dicere solerent. Vnde Plautus in Curculione; tum isti qui ludunt serui scurrarum datatim in via. Et Pomponius; cum datatim in lecto tecum lusi; & videtur Quintilianus quoque, ut idem Calcagninus recitat dixisse: quo dato errasset recordatus rediit ad eum qui cum luserat; sed cum loquatur de lusu duodecim scruporum videtur Datum ad ludum transtulisse quidem, non tamen ad Aleam. Cubum quoque (ut dixi Monadem vocabant, & eandem aliquando Asinum. Midas autem iactus felix, vnde in Prouerbio.

*Midas, qui in tesseris consultor optimus.*

Non nisi in vno ludi genere, valde frequenti, & vsitato, ut in iacina apud nos tres senarij; omnibus enim numeris hic potior est, quia tribus ex similibus, maximisque constat. ex ludis autem pulchris, qui non sunt in usu, 2. de arte est sperainum, seu sbarainum cum duabus aleis solum sine senario.

~~~~~

## CAPVT XXXI.

### De Ludo talorum.

T Ali quoque ex ebore fiebant; Martialis in Apophoretis.

*Senio nec nostrum, cum Cane quassat ebur.*

Hoc volui dixisse, quoniam etsi talus pars sit cruris, posterioris animalis; cornigeri maximè, non tamen qui in usu erant, tali naturales erant, sed ex ebore autem etiam alio esse ad illorum similitudinem, & minores efficebantur, ut & ipsi quemadmodum & tesserae Pyrgo includerentur, atque eicerentur, ut non compositi caderent ad votum; talos, & Astragalos, Græcè idem esse constat; Lysander dicere solebat, pueros Astragalos viros iureiurando falli oportere. Verbum Lacedæmonio, id est pessimo homine dignum, nihil enim impurius ea Republica, quam etiam auersatus est Aristoteles, qui eam pertulit, scilicet Atheniensem, in qua innumera erant incommoda; intenuitur talis in iunctura cornigerorum, qua tibia pedi iungitur sex superficiibus, ut reliqua omnia corpora, quæ non sunt rotunda ob triplicem distantiam, cum in vnaquaque sint duo termini; sed duæ illarum aded angustæ, ut quatuor tantum habere videatur gibbam vnam, cum incurtus sit, & ex opposito



sito cauam à lateribus vtrinque singulas quasi quadratas, sed in angustum desinentes, in his monas, & senarius ex aduerso, tum ternarius, & quaternarius, quatuor quæ talis ludebatur. Monadem Chium senionem Coum vocabant, & cum Monas ad senionem comparabatur, infelix illa hic auspicatus habebatur. At cum ad Venerem, vtrique infelices. Vnde Suetonius ex Augusti Epistola; talis enim iactatis, vt quisque canem, aut senionem miserat in singulos talos, singulos denarios in medium conferebat, quos tollebat vniuersos, qui Venerem iecerat. Canem igitur constat Monadem fuisse, tum quod senioni eam opposuit, tum propter illa verba in singulos talos. Nunc ergo de compositis agamus. Cum quatuor sint similes, velut quaternæ Monades, aut ternarij, totidem duodecim, item ternis punctis similibus, velut tres Monades, & ternarius, vel quaternarius, vel senio. Et ita tres seniones cum Monade ternario quaternariove. Decem octo autem binarij constet omnes iactus talorum esse trigintaquinque. Inter hos nobilissimus est Venus, qui constat ex talis naturalium sedem numerorum, referentibus vno, scilicet, tribus, quatuor, ac sex, quod vnus sit in talis. Verum si ad circuitum comparatur viginti quatuor modis, fieri potest, vt similes non possunt esse, nisi quatuor frequentius. Igitur sexcuplo hic solus, quem Venerem vocamus, adueniet quam vnus ex his similibus; ternarij autem habent quadraginta octo; ex sex autem binariis geminatis, cum sex modis variari possint, fiunt triginta sex iactus. Reliqui duodecim modis variantur: sient ergo iactus centum quadraginta quatuor, omnes ducenti quinquaginta sex, cuius numeri similitudo numerus, id est quatuor sexagesima quarta pars est. Venus autem id est viginti quatuor ferme vndecima pars, id est aliquid plus sæpe igitur Venerē iacere contingebat. Posthunc stichorius erat in pretio octonum numerum comprehendens, quod ex duplici Monade, & duplici ternario constaret. Constabat autem sex circuitibus tantum, seu modis, quare inter rarissimos habebatur. Erat & Euripideus, quasi absolutus quadruplici quaternario licet falso quadraginta continere, quidam dixerint, quod ad eam summum peruenire non possit; ergo Venerium iactum talem fuisse constat potissimè ex Martiali.

*Cum steterit nullus vultu tibi talus eodem.*

*Munera me dicis, magna dedisse tibi.*

Hoc solum in ludo pecuniarum, sed etiā pro sorte talis utebatur, & Venus fausta habebatur. Hæc autem admodum aduersi vnde Propertius, *quoque per tales Venerē quærente secundos.* Sæpe damnosum subsilire Canes. & in eligendo Rege in conuiujs iuxta Horatianum.

*regna vini sortiere talis.* Tum illud, *Venus arbitrum dicis bibendi.*

Erat & alius modus puerilis ludendi talis, non præfinito numero, quemadmodum nunc orbiculis plumbeis, vt non de pecunia certarent, sed è talis ipsis. Velut fingunt de cupedine, qui talos omnes vicit Ganymedi, notæ sunt fabulæ, sed Græcè leuitatis; sunt & alia nomina iactuum, vt Voltorius, & Basilicus, Plautus in Curculione.

---Inuocat Planesium,

---Iacit voltorios quatuor.

Talos arripio: inuoco aliam meam nutricem Herem. Iacto Basilicum.

Hic optimum proponit, vno excepto. Voltorij quatuor, id est quaternarios: sunt enim longi, & tenues, nigrique, interstincti albo, hic optimus erat punctus; sed Parasitus basilicum iecit, qui potest idem esse cum venere: sed ea tum ratione, puto quatuor fuisse seniones, nam de summo puncto certabant, non de venere, & canibus; vel si vis, vt basilicus si venus, Voltorij erunt seniones. Dices nonne tres senarij superiores erant quatuor Voltorij? Respondeo non, quoniam similes non erant, vt etiā in ludis tesserarum de iacina dixi. Plurimas hic referre quàm in tesseris liceret, cum circuitus sit cclvj. trium tesserarum ccxvj. licet varietas in tesseris sit maior scilicet lvj. in talis autem (vt dictum est) solū xxxvj.

## CAPVT XXXII.

### Conclusio Operis.

Generaliter autem obseruandum est tam in tesseris, quàm talis, quod sicut ex his vnus vnave in totidem iactibus, quot sunt plana, vt tessera in sex, talus in quatuor, circuitum perficit, ita in eisdem iactibus, quot quot fuerint tesserae, seu tali, etiam si centum essent, circuitum totum perficiunt. Vnde diuiso numero contento per numerorum facierum, seu planorum, exit numerus mediocris.

Velut in sex aleis, quarum vna habet solum vnum punctum in vna superficie, & alia duo, atque sic deinceps, vsque ad sex, collectus numerus est xxj. qui diuisus per sex numerum facierum erit tres cum dimidio numerus vni iactui. Non tamen generalis est imò in pluribus minor euadet etiam tribus propter excessus maiorum numerorum, qui computari debent; in talis verò, vt scias numerum mediocre iunge minimum cum maximo, id est quatuor cum viginti quatuor, sient viginti octo, dimidium est quatuordecim numerus mediocris. Vbi ergo plus vna Monade fuerit, dicitur iactus ille Canum, quia qualescunque fuerint alij tali non possunt excedere numerum mediocre, à tali ergo potestate impediendi dicuntur iactus omnes, vbi sunt plus quam vna monas Canis. Eadem verò ratio de mediocri numero, inueniendo etiam in tesseris; maximus enim cum sit decem octo, minimus tria, collecti, fiunt viginti, vnus dimidium, cuius est decem cum dimidio numerus mediocris. His oblectamentis licet vel in æstibus animi, vel dum leuiter laboramus, vel à magna contentione animi, vel impedimento temporis ludis relaxare animum. Cuius testis locuples est Cicero dicens, Homines labori assiduo, & quotidiano assueti, cum tepetatis causa opera prohibetur, ad pilā se, aut talos, aut ad tesseras cōferunt aut etiam nouum sibi ipsi aliquem excogitant in otio ludum.





# LIBER DE VNO.



**N** V M, bonum est: plura verò, malum. Si enim bonum perfectum est, nihil extra se relinquit: cum verò plura sunt, vñ est non in alio, ideoque illius nō est bonitas absoluta: quoniam enim & ipsum vnum est, bonum est. Indicio est, quòd omnia, dum ad vnitatem rediguntur, perficiuntur: & quæcunque sunt, ad vnum tendūt. Multitudo hæc hominum innumera, per seipsam mortalis est in singulis: cum ad hominem quasi vnum redigitur, æterna fit. Quæcunque immortalia beata sunt, vnum sunt: species rerum, quatenus succedunt singula singulis, beata esse non possunt: vt verò perpetuò manent, vnum sunt. Amici præterea, amasæ & amantes, & quæcunque generant, eo beata fiunt, quòd in vnum animo aut corpore aut vtriusq; coeunt: vt vita viri cum vxore honesta. Quid est amor, nisi desiderium coniunctionis in vnum? Quid discordia & odium, nisi immensa cupido diuisionis, & ad vnitatem omnimoda repugnantia?

Vnum præterea multorum causa est: multa autem vnius nunquam: nam Sol & Luna, animalium causæ sunt: animalia Cœli, aut Solis, aut Lunæ nunquam. Est autem vnum, quod diminutione sit quasi mutilata multitudo: velut vnus homo, cum plures obierint: sic serpentes pauciores sunt, multis in generibus, hominibus & leonibus: nec tamen sunt perfectiores: sunt enim plures natura, quòd plures generent hominibus, & breuiori tempore, & celerius adolecant. Vtrum fiunt pauciores ob id, quòd imperfecta licet sint, pluribus tamen indigent ad conseruationem? Quæ verò paucis indigent, vt muscæ & formicæ, quæ sub quocunque cœlo viuunt, & pamphagæ sunt, & parum edunt, multitudine sua produnt imperfectionem suam: sunt tamen perfectiores his quæ casu pauca sunt, licet naturâ plura sint. Deus itaque cum non solum bonus sit, sed etiam optimus, vnus necessariò est. Et mentes & vitæ & substantiæ primæ, cum non vt homines ex pluribus partibus maximè dissimilibus consent, perfectiores sunt hominibus ipsis, qui anima & corpore constantur. Generatio quoque, cum sit coitio multorum in vnum, bona est: corruptio verò: quia dissolutio vnius in plura, mala. Vnus homo, & vna musca, bona sunt: multitudo autem non bona: plures autem homines & plures muscæ, plura sunt bona, non tamen melius aliquid quàm homo vnus: sunt enim bona, vt singula, non quia multa, nisi ad vnum referantur,

Tom. I.

Omnibus igitur hominibus homo melior est inde plures homines, plura bona, inde singuli: quamobrem & gens & ciuitates & collegia meliora sunt non solum vno homine, sed etiã hominum multitudine: quia ad vnum referuntur: & quicunque ad huiusmodi continendas societates aut congregandas apti, meliores. Vnde etiam melior est rex & regnum, aristocratia: & aristocratia, republica: magis enim illa ad vnum tendunt. Contra democratia pessima est, inde oligarchia, minus autem tyrannis: nisi in tyrannide vigeat oligarchia, aut popularis status: cum non solum vnus est qui iniuste regit, sed etiam per se minitris licet quicquid libet, tunc enim & dissolutio est in tyrannide illa, & iniusticia. Immortalia rursus bona sunt: quoniam vnum sunt: quæ autem mortalia, cum desinant omnino esse, aut saltem vnum, abrupta in medio quasi bona non sunt: omnia tamen bona sunt eatenus, quatenus vnum sunt. Quapropter & quæ diuidi nō possunt, vt cœlū, meliora sunt his quæ diuidi non possunt, vt cœlū, meliora sunt his quæ diuidi possunt, vt terræ: & quæ nec imaginari possunt diuisa, vt mentes, meliora sunt quàm quæ diuisa possumus imaginari, vt cœlum & illius astra. Et quæ diuisa iam sunt, vt glebæ, his quæ diuidi possunt, non tamen diuisa sunt adhuc, vt terra. Et quæ diuidi possunt in infinitum, minus bona sunt, adeò vt ad potentiam solam redeant. Actus enim bonus est, potentia autem duplex: vna, quæ secludit actum, vt materia prima, atque hæc extremè mala est: alia est pendenda ad hunc actum, & quatenus ad actum tendit, bona est aliquantulum: infinitum igitur numero cum maximè vnitati repugnet, malum est, & infociabile: ordo autem & fatum quia sunt vnum, & sunt ad vnum, ideo bona sunt: inordinata autem & fortuna, mala: non enim ad vnum tendunt.

Rursus illud idem videmus in sensilibus. Quæ consonant, bona sunt, & auditui grata: quia in vnum coeunt: vt diapason, quæ omnino dissident, absona, & auditui ingrata: quæ autem aliquo modo coeunt, non perfectè grata, non tamen adeò suauia: vt diapente: quæ autem dissident, nec in vnum coeunt nisi parum, parum etiam suauia, vt diatriton & diaecton.

Similiter in his quæ videntur, columnæ paribus spatiis distinctæ: quia intervallum vnum est, iucundum efficiunt spectaculum: & quæ ita collocata sunt vt vnum efficere videantur, vt ad imitationem collium, vel vepre



preti vel fontis, omnia iucunda sunt: quoniam ad vnum referuntur. Quinetiam vnius elaborata manu artificis, quanquam minus egregij, pulchriora videntur quam quæ plurium inuicem collata, tametsi egregiorum. Apparet igitur, & actum & pulchrum ad vnum pertinere: vt turpe atque potentiam actui contrariam, ad multa: vnum enim quatenus per se consideratur, bonum est: vt sensui comparatum, pulchrum: nam & odores & sapores & consonantiæ pulchræ dici possunt, cum sensum delectant. Quod si nomen non placet, iucundum appelletur. Similiter vnum cum ad se refertur, actus est. Erunt igitur vnum, bonum, pulchrum, atque actus, quasi idem: item, que contra, plura, mala, turpia, & quæ potentia solum sunt. Potentiæ autem maximè huiusmodi sunt præterita. Ideò præteritis bona, malum est: exuerunt enim actum suum, quo vnum & bonum singula dicuntur.

Atque hætenus de vno generaliter dictum sit: nunc autem propriè magis eius natura est inquirenda. Cõstat enim hominis partes, pedes ac manus, plures esse: ipsum autem hominem vnum, nõ solum ex tot diuersis partibus compositum, scilicet primo corporeis, deinde anima & corpore, rursum ex substantiâ & accidentibus, tum verò facultatibus & functionibus: & tamen totus vnus. Dicunt, est vnus numero: id autem nihil est: etiã mille, vnum mille sunt: acruus vnus frumenti & hordei. Vnum numero dico, quod dimidiũ est duorum: cumque numerus res sit quàm mens fingit, atque illius principium vnum, erit etiã vnũ numero res ab anima ficta. Ego autẽ quæro rationem, quã vnum, vnũ & dicitur, & est. Valeat igitur vnũ hoc quod est numeri principium: quædam verò vnum sunt vt aqua, in quo tamen partes diuersas fingere possumus. Et ideò natura hæc vnus obscura valde est, & à nemine declarata. Quæramus ergo, quot modis vnum dicitur. Est autem omne vnum indiuiduum, aut indiuiduum, quatenus vnum: continuum enim indiuiduum est, quatenus vnum: quatenus continuum, nõ est indiuiduum. Quæramus ergo quot sunt genera vnus ex rebus ipsis: notior est enim ratio in re, quàm in se. Et proponamus, quod Deus vnus est, ex nullis partibus constat: & orbis totus vnus, sicut & homo, & paries alio modo vnus: & albitudo in eo, & animal & homo vt species est, & cumulus etiam. Quæcunque igitur eandem formam habent, vnum dicuntur genere aut specie aut accidente: velut animal, homo, albitudo. Differt autem alitudinis vnitas ab hominis vnitate: quoniam albitudo quantitatem habet diuiduam: homo autem non habet. Cumulus autem contiguas habet partes: paries autem etiam continuas, vterque dissimiles: sed lac vnum est, & partes similes habet: homo autem & orbis, præter continuitatem, aliud habent: quoniam anima non est continua, nec pars aut terminus continui. Constat autem experimento, hominem non minus esse vnum, quàm parietem cumulum: imò etiam nam lactis pars si afficiatur, totum nunc ob id afficietur: at hominis pars si afficitur, plerumque totum affici necesse est. At magis esse vnum homine, credendum quatenus enim homo est, est & equus: at

quatenus equus vnum est, orbis magis vnus est: est enim primum Dei artificium, magis igitur orbis vnus est quàm homo: inde sympathia, antipathia, aliaque huiusmodi. Octo igitur modi sunt vnus, adnumerato Deo: hic enim vnus est nobiliore modo, quàm hæc omnia: neque enim constat diuersis partibus vt cumulus, paries, lac: nec in diuersa distribuitur, vt genus, speciesve: nec natura sola vnum alteri adhærens, vt albitudo: nec comparatione ad vnum, vt homo, cum diuersa non contineat: igitur simpliciter vnum dici debet. Dubitabis autem forsan, quoniã & lac & albitudo vnum eodem modo dici poterunt: quia continua sunt hæc, & etiam natura vna: sed non est ita: albitudo enim vna cum sit, quasi infinitas sub se continet alitudines: lac autem non ita: albitudo etiam cogi potest, cum color extrahitur è lignis, substantia autem non. Denique id factum est, vt substantiæ & accidentis discrimen indicaretur.

Quoniam ergo vnum est alicuius rei, & hoc ipsum erunt vnum & aliquid, & res idem: iam verò & bonum, & pulchrum, & actus: actus autem existit: existit autem ens, ideò omnia hæc fermè eadem sunt. Vnitatem verò dilexisse naturam, exemplum alarum papilionum atque piscium & auium docet: plerumque enim depicta pariter in vtraque parte conspiciuntur, quod eorum omnium sit principium.

Tentandum igitur dicere de homine & orbe, quomodo vnum sint: sic enim & Ordo & Fatum dignoscuntur: quanquam alia sit ratio Fati, alia hominis, alia etiam ordinis: cum ordo tempus non exigat, Fatum exigat: ita vt iam decem genera vnitatis habeantur. Hominis igitur vnitas, vnitas est principij: nam homo idem vnus ac indiuiduus est, qui intelligit, sentit, concoquit, ambulat, vt verè vnum sit: quocirca videtur ipsius corporis structura: cum difficile sit immortalem animum tot in se complecti, & maximè viliora naturæ munera, vt excrementa: & retinere, vt commodas: & propellere, vt grauitate sua molesta.

Verum altera ex parte cum in indiuiduam substantiam hæc omnia referantur, videtur immortale principium eadem vi, qua etiam vitur corpore, illud idem fabricasse. Imperat enim primò anima solidis, diffuso ex corde calore: inde spiritibus, per quos membra mouet: vi autem membrorum propria humores ducit, atque excrementa, dum nondum coiere: cum verò coierunt, per membra ipsa, non vim eorum: velut cum vesica vrinam exprimit: videtur autem absurdũ, nec esse posse, vt totum corpus omnia in vnũ cõferat, nisi ex vno receperit: vnũ igitur illud principium est: & velut limax nõ solum est animal quod cõtinetur in cortice, sed & cortex, quamvis agatur & non agat: ita vnũ est homo ex anima & corpore, nõ sola anima, quamvis corpus ab ea agatur. Vnum igitur est continuitate, contiguitate, ordine & principio: nam principium vnum est, quod omnia percipit. At cur nutriri nos non percipimus, aut concoquere, cum principium sit vnum? An forsan principium hoc, qua parte coniunctum est, non percipit: qua parte autẽ separatur, percipit? At si indiuiduum est principium, quomodo partes habent? videtur



detur autem sentire, ac intelligere, & imaginari; atque hæc omnia indiuidua licet sint, plura tamen sunt, verum ut partibus corporis diuersis diuerso modo annectitur, diuersa est ratio actionum: ut Solis radiorum in speculis cauis, planis, aqua, luto, cera. Sic ergo anima nutritibus partibus innexa sensa caret, quod illæ partes sensus instrumento ut decent non sunt connexæ: nam nec nerui cum nutriuntur, sentiunt. Est autem animæ & mentis natura, ut vna sit, nec vllibi sit. Eadem ratio in orbe est. Nos verò & muscæ, ut ascarides, in humanis corporibus. Palam ergo, quod omnia vnius gratia: alia verò alterius gratia: velut ventriculus ob iecur, iecur ob cor, gula ob ventriculum, os ob gulam, dentes ob os, labia ob dentes. Iam ergo rectè vides septem ordines, omnia autem propter hominem: quanto plura igitur, & quanto plures ordines in mundo ipso, omnia tamen vnius gratia: inter se autem non omnia ordinata. Vnde miramur muscas non propter nos factas esse, nec miramur manus factas non esse propter pedes, nec anum propter vesicam. Cum igitur non omnia propter omnia, sed omnia propter vnum facta sint: videndum est quomodo vnum esse possit, in quod plures ordines finiuntur, ipsi inter se diuersi? Facilius autem est, ut dixi, hoc in homine quàm in vniuerso contemplari. Pedes propter ambulationem facti sunt, manus propter tractationem: manus autem non propter pedes, neque pedes ob manus: indicant hæc non esse animam diffusam per corpus, nam pedibus sentientibus si anima per corpus diffusa esset, manus sentirent: etenim anima tota sentiret sentimus autem manibus pedibusve, non tamen pedes sentiunt manibus sentientibus. Quare anima principium est vnum, non continuum, non contiguum, sed per se, nec in loco, nec tempore. Si enim non est in manu, nec in pede, neque in corde erit: absurdum enim est existimare, etiamsi cor sit primum quod vitam recipit, animam esse in corde, quæ nullibi est. Vita autem diffunditur, per quam operamur omnia quæ agimus, aut quæ patiendone nos perficiunt. Principium autem non est vita: vita enim est in corporis parte vnaquaque, anima autem non est. Si igitur multa in vno tenderent, fortuitum esset, & aliquando aberrarent, non ergo tendunt in vnum, sed ab vno procedunt: sic enim non possunt aberrare: ab anima igitur sunt omnia: sed anima si esset extensa, haberet aut partem in parte, & sic non totus homo sentiret aut videret aut partem in toto, quare vna parte sentiente altera sentiret. Necessè est igitur aut animam nullibi esse, ut indiuiduam: aut cor esse animæ sedem, ipsamque exiguum in eo esse: si anima est in corde, dum homo ad mortem febricitat aut ienescit, omnes operationes habebit ex æquo ferè imbecilles: at non habet: non est igitur anima in corde. Præterea est anima in nobis ut in mundo: at anima in mundo nullibi est, sed perpetua est & immortalis: talis igitur in nobis. Ergo consensus est omnium partium qualis in nobis, & sympathia & antipathia, ut dictum est: cumque in nobis vna anima sit, facultates autem plures, & functiones: neque enim alia est anima in corde, alia in hepate, vna in manu, alia in pede: quare nec in mundo. Quo-

Tom. I.

modo ergo aer ascendit, terram descendit? Interrogabo & ego te vnum: quomodo iecur pellit vrinas, renes trahunt? iecur trahit à ventriculo, & transmittit ad cor: num ob id plures sunt animæ? Anima vna est, facultates autem trahendi, impellendi: utque graue deorsum, sursum moueatur quod leue est in his verò quæ ordine constant, ut speciebus animalium, cum non sit necessè ut vnum propter aliud sit semper: quoniam ad ordinem solum referuntur, non ad vnum principium, non est necessè ut ex his vnum fiat: quæcunque verò ad vnum tendunt, vnum etiam ad illud comparatè efficiuntur. Cum ergo mentes & vitæ ad vnum referantur, scilicet Deum: quoniam ordo perfectus est, ideoque ad vnum efficiunt ordine. Itaque fieri potest ut equus & canis propter hominem sint. Et quæcunque sunt veluti alimentum aliis. Ordo igitur vnus est verè, cum ad vnum tendit, aliter non. Quæcunque igitur in mundo sunt, vnius mundi causa sunt, & operationum illius: quemadmodum & in homine, præterea quæ corrupta sunt: sunt enim veluti ascarides in hominibus: at in mundo cum omnia contineat, nihil est alterius causa ut in homine. Nescimus autem hoc in mundo: quia operationes illius vniuersas non cognoscimus, & quemadmodum in vnum ordinatur, velut in homine, qui ergo principales mundi operationes & ordinem earum intelligeret, & vniuersas partes quorum causa factæ essent: palam enim est, quod in homine omnes intelligantur, & propter quid. Quæ verò Fato ordinata sunt, ut ad successionem tendunt, etiam vnum sunt. At quoniam de hoc diffusè dictum est in libris de Fato, propterea de his satis. Reliquum est, ut rursus altius rem ab initio repetentes, videamus dubitationes quæ aduersus ea quæ dicta sunt, faciunt: primumque, quoniam diximus vnum bonum esse, plura verò mala: nam si plura bona sint, erunt non plura mala, sed bona: plures enim principes mali ob id sunt: quoniam inter se non conueniunt. At de Diis primum non est id periculi: cōueniēt enim inter se, eruntque meliores vno. Quin etiam lex nostra & Philosophia plures eos faciunt: licet lex non plures esse deos velit: quoniam in vna cōueniunt essentia, cum tamen priorem facit potestatem sapientia, & vtræque amore, non obscurè distinguit personas: at nos, ut diximus, in votis conuenire volumus: Philosophi verò, qui non tam procul sensibus peruenerunt, tres deos cōstituunt: non igitur multitudo mala. Idem etiam in Repub. bene instituta, & Aristocratia: quoniam melius sub illa populi reguntur: quia æqualem referunt Regi iusticiam, & pauciores errores admittunt: multoque pauciora subterfugiunt acta quæ non corrigantur, quàm in regno, vbi vnus tot negotiis prospicere non potest, fallique magis necesse est, periculumque est ne etiamsi rectè se gerat, ministri mali multa euertant. Quod tam sæpe contingit sub bonis principibus, ut nolim ita esse.

Quod si dicas te cupere bonos etiam esse ministros: igitur bonum id non ex vno proficitur, sed pluribus, ac iuuatur multitudine. Præterea sidera stellati cœli, quæ splendidiora sunt multo errantibus, saltem Marte & Saturno, & maiora & candidiora, ac supremo or-

A a 2

nam



namento propiora, meliora sunt quibusdam errantibus, ut dixi, & per se, & ad nos comparatione habitas: & tamen plura sunt, & è pluribus. Ornamentum etiam, & pulchritudo, & decor, & iucunditas, non ex vno sunt, sed ex pluribus inuicem comparatis: vel si in vno sunt, multarum partium ratione illi conueniunt: velut faciei ob oculos, frontem, nasum, os: & in harmonia, ob plures voces: ut vnum omnino nihil horum efficere possit. Præterea si vnum per se adeo bonum est, quorsum tot facta sunt? quod si necessariò facta sunt, necessitas illa à bono proficiscitur tanquam autore, & in bonum tendit velut finem: multitudo ergo bona. Hyle etiam quæ vna est, tamè mala est, si quid in naturalibus malū dici meretur.

Multitudo etiam hæc quid erit, si malum? bonū enim cū ente idem est: erit igitur multitudo nihil: Asini etiā & elephantes pauciores sunt hominibus, & pauciores etiam generant: rariùs enim duos, & nunquam tres elephantes natos, aut asinos vidimus, aut audiuius, legimus: at homines sæpe geminos pariunt, tres nonnunquam: & ego tres vidi viros simul vno partu natos, legiturque de Horatiis ac Curiatis qui inuicem pugnaverunt. In Ægypto etiam referunt nonnunquam nasci simul quinque vitales: non tamen asini aut elephantes hominibus sunt perfectiores: ut si nihil aliud desit illis, ratio saltem ipsa deest. Quædam etiam genera serpentum, ut reguli, rara sunt: & vnus vix multis seculis generatur: quoniam multa adeo ad illius generationem sunt necessaria, ut non possint multi generari: vel igitur homine deteriora sunt. Quorsum ergo genita, ut homines se meliores occidant: atque etiam vnum multis melius non erit? Si autem meliora: erit rationis expers habente mentem melius: namque & quo ad orbem, & simpliciter, melius nunc intelligi volumus. Plures etiam habere filios, agros, fœcundos, pecuniasque, melius est quàm filium, agrum, nummum vnum. Hæc igitur atque huiusmodi sunt, de quibus dicere nunc oportet: namque & sine his decepti videbimur, nō persuasi: & cum his securiùs quæ tradita sunt, credemus, & melius intelligemus. Quapropter initium facientes à primo, quod etiam difficillimum est inter reliqua, demonstrabimus primum cur non potuerint esse plura principia, neque plura bona esse possint. Veræ autem demonstrationis proprium est, ut omnes dubitationes de re demonstrant, ex ea dissoluatur: ut rectè inquit Auerroës. Igitur si plura potuissent esse bona, collata in vnum perfectum aliquid effecissent: at præstat vnum perfectum esse bonum, quàm plura imperfecta: plura igitur bona prima esse non poterat. Quod si plura ac vnum idem posse singas, erunt illa bona frustra: cum idem possint: frustra enim fit per plura, quod per pauciora fieri potest. Rursus si vnum tantum fuisset bonum, defuisset decor, pulchritudo, & boni species: est enim pulchritudo boni imago: fuissetque bonum illud avarum, aut inuidum: multa igitur bona esse necesse fuit, imò quotquot esse possent quæ sibi inuicem non repugnarent. Plura ergo bona prima, aut non prima: sed inordinata esse non potuerunt plura, & ordinata: & quotquot esse potuerunt, esse necesse fuit. Quibus cognitis, Dij hi seu personæ etiam

plures sunt, cum alter ex altero pendeat, in vnum coeunt, & ordinati sunt: summæ autem artis primi opificis fuit, estque bona hæc procreare, & nihil imminui: nam si imminueretur non esset nec infinitum, nec perfectum primum bonum. Nullum autem simile hîc exemplum exactè habemus, innumera autem non exacta: nam & ignis qui propior exemplo ignem generat, & homo hominem, & artifex calceum facit, & nihil imminuitur, sed ex materia tamen permutando ea efficiunt: ut non tam effecisse dici possint quàm eduxisse, aut inuenisse, vel perfecisse. At nostrum hoc summum bonum omitto, quod in corporeis dici possit habuisse propositam sibi materiam in sapientia, in amore, in mentibus ac vitis generandis, quid habuisse ex quo facere potuerit dici potest? Et tamè non plus in illis quàm in corporeis gignendo ei deperit. Est igitur hoc boni primi singulare priuilegium. Quomodo autem id fiat, non est præsentis argumenti docere.

Igitur ut ad propositum reuertar, plures non possunt esse, nisi ab vno per ordinem deriuentur. In Aristocratia licet plures plura videant quàm vnus Rex: ille tamè plures habebit bonos: quia ipse bonus est: nec erunt plures, quoniam in vnum tendunt, & ab vno pendunt: erunt ergo eadem bona in regno, quæ in Aristocratia: & præterea id plus quod in vnū conuenient, nec adeo facile corrūpi poterunt.

Regis tamen optimi exemplum Deo simillimum est, cum sui boni efficiuntur illius imitatione & amore, nec quicquam tamen ex illo deperit. Differt in hoc, quod ministri regis iam sunt, antequam boni efficiantur: sed efficere quicquam, potestatem non est imminuere, verum exercere. Ergo multitudo ordinata bona est: quia in vnum tendit, & ab vno proficiscitur. Stellæ autem quæ in orbe stellato sunt, ordinem habent ad vniuersum, scilicet vitas, ut membra in homine ad facultates & functiones inter se habere non est necessariū: non autem multitudo illa similis est hominū multitudini, quæ ob necessitatē est. Sunt ergo velut mēbra in animali. Idē totum perfectius est erraticæ quouis cœlo, quamvis de Sole sit dubitatio: nam astrorū omnium cursus ad ipsam rationem habet. Eodem modo nil prohibet plures esse stellas erraticis nobiliores: quoniam, ut dixi, ordinatæ sunt: & non ordinatæ, quia multæ, sed mutæ, quia ordinatæ. Multitudo non est decoris, ornamentis, nec pulchritudinis causa: sed ordo qui est vnum in pluribus, sicut vnum est, tale simpliciter.

At ordo non potest esse nisi inter plura: decor igitur & pulchritudo in pluribus contingit: quoniam in ordine consistit. Sic de harmonia: indicio est, ordinem esse causam, quod vox vna dulcis & suavis melior est pluribus in vnisono: in Diapason autem & Diapente, non ita. Quin etiam interpositæ Diatessaron & Diatriton & Diaecton bene consonant: ordo igitur harmoniæ causa est, non multitudo.

Plura autem esse necesse, cur dictum est prius? erat enim multitudo ordinata effigies diuinæ pietatis, bonitatis ac sapientiæ. Nonne præclarius ager architectus, qui speciosum aliquod construat ædificium, quàm si nullum? Hyle bonum est, sed bonorum vltimum: quia



quia non vna est, cum potentia sit: non enim substantiam habet, nec actum, quibus bona sunt: immista autem aliis bonitatem minuit, non quia mala, sed quia minus bona: ut tepida aqua feruenti atque calidioribus mista.

Dices: Cur ergo facta, si non bona? aut si per se fuit, non est causa omnium Deus? Oportebat diuinum bonum, quo ad poterat, impartiri: sed iam singula perfecta erant.

Oportuit igitur etiam imperfecta fieri: at non poterant sine multitudine, conseruari: multitudine igitur opus fuit: ut ut multitudo esset, materia facta fuit. Sed nec multitudo ipsa est ens, sed ab intellectu fingitur: ipsa autem multa bona sunt singula: signum tamen imbecillitatis ac defectus & mali. Itaque & de elephantis & asinis, si natura multitudinem producit, ob periculum ne deficiat species: non enim voluit vnum hominem tantum gignere perfectum, scilicet sapientissimum, robustissimum, atque longæuæ vitæ, velut de Adam primo parente scriptura refert. Eorum animalium maiorem numerum procreauit, de quorum interitu maximum fuit periculum: quod bifariam magnum est in his quæ imbecillia sunt, & quæ maximè mundo sunt necessaria: homo igitur tametsi imbecillis non esset, erat tamen mundo maximè necessarius: non itidem elephas & asinus, qui cum robustum habeant vitæ principium, idèd plures homines generat natura quàm elephantos, asinos-ve. In serpentibus autem cum principium esset imbecille, non tamen periculum ne definerent, magnum erat: tum maximè, quòd eorum multitudo cæterorum meliorum animantium securitati obstabat: ob id pauci facti sunt serpentes. Et licet muscarum & cimicum, culicum, pulicum, pediculorum, formicarum, crabronum, scarabeorum multitudo non videatur mundo tam necessaria, quorundam tamen aliorum causa necessaria est, aut saltem periculosa non est ut serpentum: cumque imbecillis sit vita horum omnium, natura de multitudine prouidit. Quæ ergo perpetua esse non poterant, frustra in vnum omnem perfectionem illorum natura congefisset: multa ergo procreare necesse fuit. Si ergo necessaria maximè ad perfectionem vniuersi futura erant, & imbecillia, nec valdè noxia, ut muscæ & papilionæ, horum maximam multitudinem procreauit. Sin autem necessaria, sed noxia, licet imbecillia, pauca: ut exitialium serpentum, quorum etiam generationem in deserta relegauit: quæ utilia & firmo robore, non tamen adèd necessaria, & mediocriter, ut elephantorum, asinorum ac apum. Quædam etiam humanæ curæ reliquisse videtur, ut bombices: quanquam generatio illorum fecunda sit, ut ex vno plusquàm centum generentur. De formicarum multitudine cum viuaces esse ferantur, magna est quæstio. Porro de filiis, agris, pecuniis, multitudo certè ab indigentia oritur. Nam vnus ager omnia necessaria ferre nequit: vnus filius, si pereat, stirps interit: vno nummo cuncta emere non licet. Quòd si vno eadem fieri possent quæ pluribus, pluribus opus non esset, sed his omnibus illud vnum esset melius. Indicium est, quòd Deo vnicus est filius: quoniam illum amittere non me-

Tom. I.

tuit, nec ut discedat: at nostri filij cum calamitatibus innumeris subiiciantur, si multi sint, securiores degimus. Non ergo multitudo mala, sed mali argumentum est, atque indicium certum, si ordinata non sit: sæpe etiam mala est, quatenus multitudo: sed quatenus non vnum imperfectum, bona, ut in nummis & filiis. Est enim hoc vnum numero, de quo (ut dixi) præsens non est, institutus sermo.

His sic constitutis, in omnibus ad illud quod bonum est, per se properandum est: est autem, ut dixi, ordo. Conandum est igitur, ut omnia ad ordinem ipsum redigantur, atque ad vnum principium: velut membra in homine, & partes ad ipsum hominem. Cumque morimur, ad vnum redigimur: ideo bene dixit Plotinus: Ad vnum id quod est in me redigere conor. Sic & operationes omnes in suos fines, pluresque fines in vnum, qui est felicitas. Similiter, & quæ scimus, in vnum omnia: sic enim omnia facile memoria continebimus. Idque accedet commodi, ut cuncta verè sciamus, cum in vnam causam redigere illa nouerimus. Sic in Republica & domo non ritè agere licebit, nisi ut omnia suis ordinibus contineantur: neque bonum est ut omnes vni sine intermedio pareant: sed sint coniunctissimi, ut vxor, filij fratres beneuolentissimi: sic enim domus, sic ciuitas optimè regetur. Vni quoque omnè gratiam referre decet, auctori omnium. Ita verò omnia tractanda, ut etiam supellectilem ad ordinem redigamus.

Porro ordo, si vnus sit, facilis est: cum verò plures sunt, maximè si dispares non sint, difficile est persæpe eligere magis utilem. Oportet ergo ordines ipsos in vnum ordinem transferre: ut verò ordo simplex sit, curare, atque in numerum redigere. Sunt autem effectus trium generum: alij quidem arte, ut lectus: alij natura, ut animalis generatio: alij casu, ut ictus lapidis, & quæcunque ab animalium cupiditate oriuntur. Ortus autem hominis, & cuniculi, partim natura, partim casu contingit: quoniam principium casu est. Artium igitur initium est finis, & ordo à fine ipso: quoniam ille mouet varias causas, non vnus generis, quæ aliter ordinari nequeunt. Etenim non tanta est perfectio in artibus, ut quæ efficiunt aut materiæ per se ordinem constituent: neque enim dolabra in fabro per se est causa efficiens, sed instrumentum: nec clauus, lignum & cementum in vnum ordinem redigi possunt.

Naturalium autem causæ duplices sunt, generales & propriæ. Generales sunt ab astris: astrorum autem principia alia quidem ratione finis, & efficientis, & materiæ per se ordinata, ac tradita à Ptolemæo: alia autem ad nos referuntur, quæ propriam quandam exigent tractationem, imò duas, vnam, enarratam in libris de Astrorum iudiciis: aliam verò, in libris de Fato.

Causæ autem naturales, propriæ, efficientes ac materiæ, notiores sunt nobis fine: quoniam finis est notior opifici: opifex autem naturæ dominus: hæc propter finem omnia fiunt: finis semper opifici notior, aliis autem efficiens & materia. Redigere autem oportet omnia in primas causas: cum verò reducuntur, videntur plures causæ esse vnus effectus: non igitur reducuntur ad vnum, nec in primam causam, ut de fine, sed in plures: verum primum principium est vnum in efficientibus, ut


A 2 3 homo



homo hominis, cuniculus cuniculi: nō igitur anima aliquid est extra hominem. Propterea Auerroës dixit vnam esse animam in omnibus hominibus. Caterū ille non intellexit quid vnum esset: aliud enim vnum est, aliud est conditiones vnius habere: quales sunt, materia, quantitas, figura, locus, qualitates primæ & secundæ, tempus: incorporea enim singula vnum per se sunt omnibus, tamen vnius corporei conditionibus carent. Quocirca anima & mens singulis vna est, quod in nobisprehendimus: & quæcunque patiuntur: nam foris multa ab vno illustrari nihil prohibet. Si igitur singulis vna est anima, non omnium hominum vna esse potest. Similiter & vniuersale nullum est singulis commune: dico neque hominem, neque equum, neque animal: sed vnum, velut & Socratem: verū carent omnia loco, motu, tempore, magnitudine, numero, diuisione: substantiæ quidem primæ, mentes ac incorporea: quia ante hæc omnia sunt: species autem & genera: quia nil aliud sunt quam indiuidua ipsa subiecta, & singulis eadem, sed iisdem conditionibus à mente nostra, spoliata. Quam igitur absurde vniuersalia vocata sint ab his nostris Philosophis, quæ nihil habent nisi maximè indiuiduum & vnum, & à multitudine remotum facile est intelligere. Est & alius cognitionis modus, velut cum mistum ex elementis generatur. Sed non contingit: neque enim vermis aut musca ex elementis conflatur: sed ex verme, aut musca, aut misto huiusmodi quod potestate tale est: quæ verò sunt ex pluribus, ut coenitum, & ex coeno herba, adhuc ad pauca rediguntur: quoniam hæc est naturalis mistorum generatio. Multa autem mista, elementa autem duo: terra & aqua, aut ad summum tria, aëre addito. Elementa verò, ut sidera, ad vnum rediguntur: perfectione enim non specie differunt: neque enim sunt calida & frigida, ut nugantur: essent enim plurima principia non ordinata. Demonstrauimus autem esse non posse, sed velut in numeris omnia ordinata vnius respectu: quapropter & vno in ordine contenta, qui ad primum principium terminatur, sic autem non essent. Quæ autem casu constant, ad fatum redigi debent: dictum autem est de eo aliàs. Quæ autem ad memoriam pertinent, ut libri, cum & ratione argumenti, & nominis, & prænominis disponi possint, effugere decet ordinis varietatem: melius est igitur vnum in alio includere: velut diuidere per argumenta, & argumenta per prænominia: ea enim similitudinem magis pariunt prænominibus. Assuescendum est autem contra consuetudinem, ut seruemus hoc. Præponenda autem argumenta, iuxta doctrinæ ordinem, aut alphabeti. Misti generis autem in vno ordine sunt collocandi, ut etiam alienæ linguæ: & iuxta nomina illa: hi autem iuxta argumenta sunt distribuendi.

Sympathia ergo & Antipathia ex his etiam originem ducunt. Quæcunque enim eiusdem sunt naturæ, & ut imperfectum ad perfectum comparantur, & ad idem magis propriè, sympathiam primum habent: ut homo ad equum, ad hominem, ad puerum, ad patruem & filium. Et quæcunque hostilia sunt, antipathiam, ut lupo & canis. Et quæ in

eadem specie corrupta ad integra, ut homo cum cadauere. Et quæcunque ad primum statum referuntur, ut Hercules lapis ad situm naturalem, cuius vis est ad orientem, à borea distans quinque partibus, cum alij dicant novem. Cum enim quasi mascula terra sit, motum habet ad situm immobilem, id est terræ centrum & axem inter polos, ut sic planè quiescat. Cum verò vni corpori duo motus conueniunt, alterum imperfectum esse necesse est, positus ergo in æquilibrio ad terræ centrum descendere nititur, & ad axem conuerti, ut cœli motum desit: at non assequitur hūc perfectum ab oriente ad meridiei circulum, idè subsistit ab eadem parte aliqua circuli totius portione. Fabulosum autem est dicere, quod ad montes illos qui nullibi sub polo modò sunt, conuertatur. Sed demonstratione idem ostendatur. Proponatur meridiei linea a b c, sicut punctus a in terra sit in vna linea cum centro eiusdem & polo cœli, & sit d mōs ille lapidis herculei, & ponatur herculeus lapis in linea a d e, ut in e, erit ergo linea circuli meridiei & herculei lapidis vna at in b demonstrant: ergo in tota linea b e variabitur angulus a



b d, quod repugnat experimento: manet enim idem vbique, saltem citra æquinoctialem. Dictum autem est satis de echeneide seu remora: at etiam de causis cur pulli miluum exhorream: habitus enim est in descendantibus, contractus à parentibus atque maioribus: quemadmodum & de tonitru: pauorem enim gignunt absque formæ, & cum non in eadem specie, sed in eodem genere: nimia enim propinquitas & distantia antipathiam tollunt. Quo enim propinquiora sunt, maiore sui parte sentiuntur, ideoque magis mouent: quamquam & vocibus matris admoneantur. Sic inter brassicam & rutam in antipathia est, & inter cucumim & oleum: quod contraria natura sint. Est autem sensus ille potestatis licet non proprius, conuenientis & noxi. Quid ergo mirum? nam extenuari possunt propinquitate, etiam si non sentiant. At cucumim inflecti in contrariam partem affirmat Matthiolus Senensis: nec magis mirum, quam si salix aut populus radices ad aquam exporrigat: ubi enim conuenientis sensus, ibi & contrarij. Pari ratione terre mur tonitru & tenebris: quoniam sensus & vis qua imaginatur, habet quod delectet & horreat, amplectatur & timeat.

In sonis magis mirum, nec vnisonis tantum, sed etiam (ut refert Aristoteles) nete, quæ acutissima est, pulsata, hypate sola resonat, quæ est grauissima. Sonus quidem actionis propriæ principium esse non potest, sed tantum imaginis & speciei, velut in sensibus (hoc autem modò querere debuerant, & non ex cōmunibus quibusdam) quid ergo est quod sonum efficit, & mouet fides? non sonus, sed aër. Cur ergo conuenientem magis quam propinquam




pinquam seu loco seu vi: videtur autem distinctio par, aut illi proportionem respondens. Quare motus aer ab una quasi Echo, reddit in consimilibus: est enim in Echo absque dubio reflexio aeris secundum eandem figuram: aliter tam alienas quam primam vocem reddere posset. At motus secundum eandem formam etiam agit, ut primam ictam fidem: quamvis enim alia propiores sint, alia molliores: plus tamen facit contortus aer in prioris fidei consonantis figuram, quam vis approbante experimento non solum aeris, sed etiam manuum. Unde Fracastoreus recitat, fuisse imaginem ceream in ambitu templi, quae sonitu nolae sola est multis tremere. Quae vero attrahuntur ab adamante & succino, causam manifestam habent, & longe diuersam ab Herculeo lapide: illa enim trahunt leuia, hoc graue: & certum genus & trahit & trahitur, atque etiam propellit: quorum nullum est in adamante vel electro: ea enim trahunt rarefacto aere intermedio velociter: sicut cum aqua per canalem tracto embolo masculino ascendit, distento nimium aere, ut pars partem sequatur ob materiae continuitatem. Diuerso autem modo trahunt adamas & electrum: electrum enim per se calefacit & attenuat, sed magis si confricetur, proximum aërem: adamas autem nisi confricetur, non calefacit: at herculeus lapis masculi vicem gerit, ferrum autem foeminae: seruaturque herculeus lapis in ferri scrobe. Quare fiet quatuor modi attrahendi, & quatuor propellendi: ex his primus trahentium est proprius: masculus enim & validior trahit foeminam imbecillior. Post secundus: cum enim masculus non potest trahere foeminam ad se, ut etiam in animalibus, accedit ad illam. Sed tertius etiam contingit, quod nos vidimus, validiore imbecillior trahente. Quartus autem non: quoniam uterque foemina est. Ex secundo autem ordine sunt qui negant, magnetem propellere ferrum: sed propellit ferrum magnete tactum, tanquam masculum, ut syncera ferrum trahat. Eadem ratione ferrum ferrum propellet, ut trahat ferrum magnete delibutum, ex secundo modo primi ordinis fiet quartus secundi ordinis. Magnes quoque propellet ferrum: quoniam magnes ille cum ferreus sit, magis appetit ferrum magnete delibutum, quam synceram, ut in tertio modo primi ordinis. Relinquentur igitur duo modi inutiles, quartus primi ordinis, & secundus secundi. Quare ut alias dictum est, herculei lapidis pars una est velut caput & purus magnes: altera ex aduerso, ut ferrum magneti mistum: utraque pars ferrum delibutum à se trahit: sed si delibutum ex diuersa parte purum trahit ferrum libentius, delibutum ex aduersa parte repellit. Hoc idem nos de Austro & Borea diximus. Generalis autem causa omnium horum similitudo est, cum actus iam potentiae iungitur. Nam herculeus lapis ut masculus, rapit ad se ferrum ut foeminam. Contra vicissim si ferrum magnum sit, exiguum frustum lapidis, trahetur lapis à ferro: quod si ferrum sit imbutum altera parte, cum adsit si-

mililitudo, & potentia, trahetur ab eadem parte lapidis: ab aduersa autem repellitur, ut pars ferri syncera trahatur. Quod vero affinant ferrum ferrum trahere, falsum est, nisi imbutum herculeo lapide. Pars tamen herculei lapidis quae ferri multum habet, magnetem trahit, ferrum non ita: & syncera ferrum vehementer, obscure magnetem: ex aequo mista utrumque: plurimum enim demonstrant quae actu ac potentia, & quae iuxta perfectum imperfectumque: haec enim mutuo se appetunt: at ut potentia simile: quoniam iam potentia ipsa demonstrant: velut magnes trahit ferrum, quod potentia est delibutum magnete tali, quali ipse est: specie autem contrarium: quia quia actus deesset, & potentia. Magnes ergo ferrum, & ferrum magnetem, & magnes perfectus ferrum, & ferrum sub magnetis specie magnetem trahit. Sed in delibutis simili à simili trahitur: quoniam ferrum loco potentiae est. Sed magnes etiam argentum trahit, cum argento mistum fuerit ferrum, aut magnes argento: quare etiam ferrum argentum trahit: eiusdem autem ordinis sunt haec omnia. Quoniam vero eadem ad eadem antipathiam ostendunt, & sympathiam: ut pulvis aquam non trahit, quia siccus: calx autem & pannus, quamvis sicca trahunt: id ad naturales causas est referendum, non sympathiam aut antipathiam: quae enim calci cum aqua sympathia? Sed quae calida sunt, trahunt aquam: quae autem non, respuunt: ut pulvis, adiantum, & pluma indicio est sic esse: nam cinis admittit. Calx enim calidior est quam siccior: quia crassarum partium: contra pulvis. De leone & gallo primum expediret scire, in his an ita sit. Sed si sit, cum nullum animal cristatum sit praeter gallum, nisi ex serpentum genere: leo autem deserta incolat, nouitate ac similitudine terri verisimile est. De his vero quae percipiuntur sensibus, iam diximus, in cognitione esse pulchritudinem: cognitio autem est commendaturorum. Et quae grata sunt, efficiunt etiam ut membra dilatentur & turgeant voluptate.

Sed haec, ut dixi, ad praesens argumentum non spectant. Sicut nec illud, cur vinum oleo magis aqua misceatur: ipsum autem aquae adhuc longè magis? Constat naturale esse quassitum: quoniam oleum densum est, aqua crassa, vinum subtilius: ideo oleum penetrat, & aquam multo magis.

Porro ut ad rem redeam, videntur cuncta ad vnum spectare, scilicet conseruationem: ea autem triplex est: nobilioris partis, & totius, & sui ipsius. Indicium habemus in pullis: eo enim metu abdunt se sub latibulis, fugiuntque periculum: & remota torporem inducit, ut illa capiantur, ipsa velsatur. Quae vero ex consensu naturae sunt, alia quidem similia, alia dissimilia: similia, ut mictio, oscitatio: dissimilia, ut stupor dentium, dum alius acerbos fructus comedit: ex ferra secante horror dorsi, & risus & misericordia. Fit autem risus ex admiratione & laetitia: misericordia ex admiratione & tristitia: horum omnium causa est, quod vnum sumus substantiae similitudine, & ad vnum. Cur vero mali, non carinae nauium, à fulmine tanguntur, scriptum est in libro de Fulguribus Io. Baptistae filij mei. Haec igitur de Vno satis dicta sint.





# HYPERCHEN.



**S**SE nos vel hoc ipsum declarat quod vel esse, vel non esse existimamus. Quod si sumus sunt, & alia omnia, & cum sumus necessario sumus: ita aeterna cum semper sint.

Velut potentia necessario semper sunt, atque ideo neque futurum in his est neque praeteritum. Velut enim illi qui extra rotam est, tota est praesens, qui intra pars absconditur, pars noua exoritur, ita & aeternis vnum est, idem semper esse necessarium. Aut ergo nil esse aut ipsum esse necesse fuit, nam si non fuisset, per quid potuisset restitui? Quid ergo in causa fuit ut necessario esset, non autem non esset? nam videtur hoc axioma habere causam quodcumque est saltem coniunctam. Causa est igitur quoniam non esse non est, sed solum id imaginatur mens: est enim esse vbique: & omnia iam sunt. At si non est non esse, palam est vbique esse & semper: & hoc infinitum tum quod est corporeum quam quod incorporeum. Nec est ut mente nostra regamur, cogitantibus an moueatur in instanti, quoniam infinitum circuit in tempore: vnde definierunt frustra magnitudinem. Nihil enim omnino non est. Sed supponatur, non esse aliquid, veluti later qui nunc non est, pridie autem fuit, & Socrates. Videtur igitur non esse aliquid. At non ita est, sed omnis quidem substantia manet & ad idem redit ac reuoluitur, & accidentia etiam. Quod ergo est non esse, est quod esse non habet continuum habet tamen sempiternum. Quaedam enim esse perfectum habent, & sempiternum immobile, velut Dij: quaedam sempiternum, sed non immobile, velut coelum: quaedam sempiternum inaequale, velut homo: quaedam non continuum, velut albitudo. Quid ergo est non esse quod non inuenitur? sed hoc est minus est certe in vno quam in alio.

2 Sed cur non omnia vnum & idem habent esse, ut sufficiat vnus Deus? Verum videtur vnum in alio esse, velut in ouo candidum luteumque, & in vtroque elementa, & in illis materia; forma, & rursus in his candor, quantitas; calor, proprietatesque, & multa forsitan alia quae nos latent. Ut non sit hoc ipsum sine illo, nec pars eius sed productum. Si enim extenderetur quod est incorporeum fierent, multa infinita, quae esse nequeunt. At extensionem esse necessarium erat, quamobrem alia à Deo proficisci necessarium fuit, donec ad infima veniretur.

3 At si ab infinito ad infima descendendum erat cur tam paucis gradibus, circumscribitur hic descensus? An quoniam ubi ad corporeum ventum est iam est in ultimo esse, propterea minimum illud in multas partes

diuidi non potuit. Quærendum est quot gradibus recedat vltimum à primo, nam si infinitis infinita erunt, & quod proximum erit Deo & illi atque illi semper infinitum, sin autem numerus quidam est, omnino nihil erit proximus? Existimandum est ergo non per spatia diuidi, sed quemadmodum singuli cœli aeterni sunt, non tamen incorporei, ita pluribus infinitis ac perfectis constat ordo. Velut terra aeterna est, sed per partes corrumpitur, cœlum rursus totum cum suis partibus aeternum est, sed non incorporeum. Rursus incorporea multa aeterna sunt, sed non praesentia, verum explicata habent ut cœlum aeternitatem atque eo magis si vicissitudines quaedam habent ut homines: quaedam non ut demones, & rursus quaedam intelligunt, quaedam aliquid melius: Et quaedam per se aliae autem ex aliis. Honorabile autem est ac gloriosum, hæc intelligere magis quam prouinciis praesse atque iuuenem esse.

4 Dubitabit autem quispiam, si Deus infinitus est quomodo potest aliquid esse imperfectum? tum maxime quod non esse nullum illi contrarium est. Determinant autem quidam mortem, & non esse ipsum, & minimum esse tanquam sensim delabendo potentiam, & quam vocant Hylem seu materiam primam. Sed cur hæc materia prima? quis eam fecit? & cur non expleri potest perfectione quandoquidem ipsa per se vniformis sit nec perfectionem recuset, ut in humana forma? Dulce quidem sapere nec admirari, aut dolere debemus etiam si quaedam non omnino cognoscerentur, sufficiat enim in huiusmodi verisimilia dixisse. Verum, ut dixi, in quantitate omnia sunt, infinita voco quantitatem substantiam quæ tota vna est, seu incorporea seu corporea, tota infinita, & in tempore: nihil enim corrumpitur, sed omnia sunt immortalia, in ordine autem est, infinitum quod omnem habet perfectionem, nihil enim ei deficit. At quæ ipsum consequuntur omnia infinita sunt, sed non omnia perfecta. Velut humana anima perpetua est, sed vicissitudine non caret, bouis autem etiam experta scientiæ, plantæ autem sensus, cœlum quoque corporeum; solus Deus exactè perfectus est. Ideoque stultè dubitat, qui an infinitas sit quærit? quandoquidem omnia sint infinita. Dico terram, & non solum terram, sed hanc terram quæ eadem reuertetur? & later & statua, sed non ut artificio constantur. Hyle ergo & ipsa infinita est, sed cum sub ordine continetur, cōtingit ut esset extrema entium. Diximus enim melius esse ut essent plura quam vnum, & extenderetur, bonitas Dei: at plura infinita iuxta eandem rationem scilicet perfecta esse non poterant, igitur ordo necessarius



rius erat: atque vltimum autem Hyle: Hylem ergo Deus fecit, & complet iuxta naturam infiniti, non autem in ordine, quoniam non esset ordo si omnia æqualiter perfecta essent.

5 His igitur sic se habentibus velut astra perpetuò exoriuntur, & occidunt, nec vlla vnquam esse desinunt, ita etiam animantia, & homines omnes ad vnum idemque reuertuntur. Modo hac in parte emicant, modo in illa deflecentes ad aliam cœli regionem, vt semper maneant, non vt semper videantur. Cum enim non esse nullum sit, non potest fieri vt desinant. Philosophi non multo minus mira dicunt quam leges, vt qui nouam fieri animam in singulos dies credant: illa mundum ex nulla materia præcedente. Sed non minus est fieri mentem quam corpus quantumvis magnum: præmitto modo quod non vnam animam, sed innumeras oriri affirmant. Quòd si non è nihilo sed ex materia priore fieri, affirmant, velut ex elementis lapidis aut planæ formam, liquet si inanimata & velut lateris quadrata, aut rubra hoc nihil esse cum maximè prope non esse sit. Si autem substantia sit iam hoc est, quod dicimus manere, scilicet animam illam nec mutari, vt æternorum aliorum nullum. Nam neque lux Solis mutatur, & si non luceat mihi, eadem enim est, prorsus & omnino immutabilis. At quanto nobilior est, humana anima Solis luce: propterea diuinum quiddam est homo etiã præter cætera corporea, nullum tamen vt dixi interit. Ipsa verò contemplatio atque scientia horum, diuinum quippiam ac illustre quod nobis, in hac vita contingit maius regno ac victoriis. Verum sensibus, & inertia demum desperatione.

6 Neque illi fit iniuria, nam quod futurum non est (quandoquidem vt dixi corporea omnia quodammodo infinita sunt magnitudine, quodammodo circumscripta mensura) non est aliquid. Non est autem non esse, non igitur iniuria fit illi: Hoc enim quod non est arbitramur autem tanquam esse possit, vt filius Platonis, solam figmentum est nostrum. Vt igitur huic nulla inferatur iniuria, ita si quod sunt non esse possent, aut si aliqua denuo fierent, quandoquidem transitus esset ex eo quod non est ad id quod est, eisque non fierent iniuriam inferret, & rursus quomodo ex eo quæ non est, quandoquidem nullum est non esse, transitus fiet ad id quod est? Est enim ac si quis diceret, è Thebis venio. Quod si hoc absurdum est quoniam Thebæ nullæ sunt quantumvis fuerint, & ipse iam sit, quanto absurdus est dicere quenquam fieri, aut aliquid omnino fieri? Ob hoc non male dixit Diogenes Apolloniates antiquissimus Philosophus, nihil ex eo quod non sit fieri aut resolui in id. & propterea infinitos esse existimauit Mundos quam sententiam confirmauit, trecentis viginti ferme post annis Seucippus Abdenter dicens, omnia esse infinita, & in seipsa commutari. Sed & Anaximander multo ante Seucippum tamen Diogene posterior mundos astruxit infinitos. At quanto clarius Melissus cum Parmenide, ille dicebat vniuersum hoc vnum atque infinitum esse, & ob id immutabile totum atque immobile. Quocunque enim tempore sumpto cum infinitum sit etiam si

mutari incipiat, nunquam totum permutabitur, sed minima portio mutata erit, quare melius est, totum immutabile dicere: tum præsertim quod constet cœlos maximam orbis partem non mutari prorsus. Sunt igitur omnia nec vllum est, non esse verum. Nam non esse Grammaticum aut asinum, aut asinum nõ intelligere, non est non esse, ad comparisonem enim dicuntur. Et omnia præter Deum aliquo destituuntur, & non sunt, sed neque quod non sunt esse possunt, habent enim esse quod habere possunt nec non esse dicuntur. Nec est id non esse cum in alio sit. Homo enim non esse non dicitur quia vita non sit, sed quod habet totum, est esse enim ad essentiam, refertur. Ob id pulchrum est esse, gaudentque merito Christiani cum oritur filius, etiam si non superuiuat, est enim iam, idè amplius non esse non potest. Quod autem moriatur parum refert, nam resurrecturus est, satis est quod compositum hoc est. Itaque hoc ipsum prope accedit ad supernaturale lumen quod ex naturali cognitum est. Latamur ergo in his tanquam è multis muneribus propositis distribuendis digni facti simus, vt vnum accipiamus, tam etsi danti reddere illico cogamur, dignos tamen hoc munere censuit, nam vel omnino aliàs restituere oportet.

7 Quod idem de motu dico, neque enim moueri potest, infinitum cum nunquam ad finem sit peruenturum, natura autem finem non querit quem assequi non possit. Parmenides verò & ipse, vt habetur primo Physicorum, dicebat: si Mundus est: vnum est, at quod vnum est plura non est, Mundus igitur plura non est. At vbi plura non sunt, ibi neque motus neque mutatio est, Mundus autem vnus est: non igitur mutatur, neque mouetur. Vitiosam hanc rationem esse Aristoteles dicit: at non ita est, imò eam vitiosè redarguit in alium sensum trahens: Qualis est hic: sub vno plura continentur, utpote sub homine Socrates, & Plato: plura quoque in eo continentur, vt altitudo corpus magnitudo, igitur multa sunt. Sed quæ Parmenides dicit, sub vno quidem perfecto, plura contineri non posse: Mundus autem perfectus, vt qui idem æterno tempore maneat, quare fieri non potest: vt sub vno multa contineantur. Sed neque in illo, partes enim potestate sunt, quod autem potestate est, actum non habet necessarium, partes igitur Mundi non sunt. Videamus hoc in homine aliquo qui vnus dici possit, an non vnus est, quia pedes habeat, & manus ac viscera, insuper animâ, & corpus, & affectus, & accidentia: omnia tamen in vnum conspirant. Et sicut idem homo manet, partes autem mutantur, illæ enim actû non habent perfectum neque esse, homo autem comparatione habet, ita Mundus esse habet corporeum perfectum, estque vnus immutabilis: cætera potestate sunt, mutanturque & mouentur, vt perfectionem acquirant & esse.

8 Porro dubitatum est superius, cur si Deus infinitus est non complet, in materia perfectionem summam, velut humanam vel aliam, si qua est melior? At ratio est quoniam vasculum etiam si à mari recipiat non potest plus capere, & palea etiam si à fulgure moueatur, non potest maiorem ictum facere, sed



sed potius dissoluitur: ita materia non potest recipere, nisi iuxta præparationes, ut forma formæ accedat, contractis elementis. At diceres cur non hæc omnia subito, ab agente infinito? Quoniam instrumentum non potest agere: est enim materialium, & ideo vis determinata, velut dixi in vasculo. Plura intelligo possunt replicari sed omnibus responsio ex iisdem parata, tum maxime ob ea quæ mox dicemus, nec hæc ad finem hunc.

9 Cur rursus si potestas est infinita, non subito mouent, vitæ voluntariæ quidem mouent, ideo non in instanti cum etiam id repugnet; esset enim motum & non motum atque in utroque loco simul. At æqualitas motus potestatem declarat infinitam. Quo circa nullum horum inferiorum æqualiter diu moueri potest. Estque signum immensi roboris æqualiter moueri, quando hoc solo non velocitate ipsa quanquam magnitudinem significet assimiletur, vitæ infinitam potestatem habentibus. Non ergo ultimam exercent vim dum mouent vitæ, fatigarentur enim. Sed ob id sic mouent quia primo motori hac ratione placent. Est autem primus motor, non Deus, quippe Deum necesse est, ab omni comparatione ad corpus absolutum esse.

10 Quid ergo est quod hoc perfectum aliud imperfectum. Quærantur asini & oues, & mures, & plantæ, non iure: nam habent esse in ordine suo, & secum coniunctam necessitatem, quia idem est, esse & quod est: est igitur ac si quis diceret, cur nunc sum? quia necessarium hoc ipsum nunc esse, atque quæ in illo cuncta. Et aqua si queratur in vasculo cur maior non sit. Cum in illo sit contingit hic error quoniam nos putamus, nosmetipsos esse priores conditione nostra, at sumus quia conditio nostra est.

11 Quærantur ergo infelices & miseri; alij dicunt, quænam igitur bonis expectatio melior? cum enim potestate sint: habeantque in rerum ordine imperfectum esse, alia quidem consequuntur necessitatem constitutionis, pro quibus inane est, quem alia subsequuntur perturbationes, & errores nostros de quibus etiam conqueri non licet: alia fortuitos euentus qui, & rari sunt, & ob id non magna indigent cura. Sed si modo necessaria est, in restitutione habetur. Bonis enim bonus animus, atque ideo à perturbatione alienus, & expectatio vnde quaque melior, cuius extrema pars est, non esse ut illis optima, & interim vita perturbatione plena, & postmodum etiam ab obitu anxia, finge æqualem conditionem in utroque, an non duplo beatior est, vita probi? Quandoquidem æqualis est, etiam si probo omnia aduersa, improbo ex voto succedant. Sed manet & recompensatur: Non est autem opportunum, ut demonstratiuis sermonibus dubios admisceamus. An dubitas Syllam, & Marium cuncta ad ambitionem, & avaritiam trahentes, non fuisse infeliciores, quieto plebeio nil cogitante, & oues lupis? illæ semel pereunt, raro timent: illi sæpius & cruciantur, & obeunt.

12 Quomodo autem facta sit multitudo dubitatum est, à plerisque dicentibus, quo-

niam ex vno non nisi vnum fieri potest. Et si ita, nonne videmus genito circulo bifariam statim in contrarias partes verti posse. Si ergo sphaera seu orbis gignatur, & iuxta circulum vnum moueatur, bifariam moueri poterit: atque in utroque mota duo puncta quiescent, per quæ deducto rursus circulo fient duo alij motus, igitur ex circulo duo, ex sphaera quatuor motus fient. Si ergo corpora recta iuxta singulos motus disponantur, fient quatuor comparationes, ergo pluralitas oritur. Velut si ex A, fiat B, ex B, au-

tem C, ex AB, D, ex C, autem A B  
E, ex BC, F, ex AC, G, ex ABC, B C  
H. Et rursus ex D, I. Et ex CD, K, AB D  
ex BD, E, atque ita statim in ter- C E  
tia productione fient duodecim. BC F  
13 Reuertamur ergo de nouo ad AC G  
primum institutum scilicet, quo ABC H  
niam nihil omnino interit, quod D I  
etiam arbitratu Hippocrates, sed CD K  
composita dissoluantur, atque BD L  
alia quidem in ea quæ mutari AD M  
possunt (neque enim nos cum ABD N  
illo aliena dicimus, à sensu sed ACD O  
omnes illi qui veritatem non BCD P  
intellexerunt) alia quæ mutari ABCD Q  
non possunt, nam corpora mutantur, incorporea mutari non possunt. An igitur patet, & melius dicere animam esse ex corpore, an corpus per animam regi. Etenim pariter in cælo dicemus illud regi, à vita non vitam è cælo proficisci: In materia enim nihil, ut dictum est, nobile aut perfectum, aut quod sit esse potest. Quicquid habet enim formam habet. Est autem forma materia licet æterna, semper in materia, ut anima vegetatrix. Duplicem autem habet actum perfectum, ut in ceruo imperfectum, ut in cerui semine. Sed forma eorum quæ non semper sunt, si modo talia inueniuntur, interim necesse est, esse tanquam in semine aliquo, aliter autem esse non potest, forma verò partium in toto, velut carnis, & ossis similiter. Quod si quis obiciat illam generari in semine negamus: sed aduenit animæ aut formæ, ut materia noua adiciatur, quod ut dicemus, si continuata essent nihil mirum: at est fallente sensu. Mens autem in materia non est quæ parte simplex est, sed iuncta tamen illi. Vnde idem homo omnia agit, & patitur. Non reminiscitur ergo post mortem instrumento illo corrupto, sed alia nouit. Non corrumpi autem formam liquet, quoniam subiectum totum vnum est, ideoque vna tota, & simplex, quæ si interiret non maneret species. Videtur ergo forma aut ex infinito, prodire ordine quodam, non retrocedere ex materia quæ perfectionis est experta: quanto igitur magis anima.

14 Anima igitur in materiam inducitur palam, sed dubium videtur an reflectatur ex prioribus, ut dicunt, formis, an recta inducatur, quasi ex primo agente & materia, ut in pariete Iris ex Sole, & vrceo aqua plano. Atque hæc est summa dubitationum. Etenim si anima quidem compositum, ex immortalibus, & incorporeis, dissoluitur profecto atque ex vna plures animæ fient, sin autem simplex, manebit ipsa. Porro simplicem esse naturam,



naturam, haud dubium est, & videmus in nobis: quandoquidem nec dissolvitur, dum corpus eadem vivit, nec sufficit ad plura simul munia, velut corpus: & nos experiamur, dum illam exercemus, in vnumquodque eorum quasi commutari. Sed enim si reflectatur, compositaque sit ex multis facultatibus, corporeis inuicem collis, formamque vnam concipientibus: veluti caro ex elementis (quod vnum tantum dici potest) fieri necesse est, ut aliqua vires ex his corporeae sint, atque ita etiam intelligere: nec erit vis illa diuina, sed peruertetur ordo vniuersi. Sed si corporea sit veluti forma & adeo, omnes enim ut dixi infinitae sunt, & ab eo proficiuntur: quid est quod nouit. Nam in hoc differunt corporeae formae ab incorporeis quod non cognoscunt, quid agant sed ab alio quod cognoscit diriguntur.

15 Porro singula quaeque ob missionem facta sunt: sufficebat enim mundo si mista non fuissent, cum Coelis Terra, Aqua, & Aer. At ut essent instrumenta animarum, & media inter incorporea, & corpus oportuit mista esse. At mista non poterant manere perpetuo, generationem ideo & multitudinem introducere necessarium fuit. Generatio igitur ob interitum.

16 Summa ergo dubitationis est, quid interim à nobis? an commigrandum an manendum, postquam perpetua est vita? Et nos quidem his sordibus quibus lex nostra non satisfaciatur, eos enim reducere, oportet qui inutiles sunt, non retrahere bonos, ut qui nec fide nec pietate persuadent, scire cogantur, animos nostros esse aeternos. Quae ergo aeterna sunt alia vicissitudinem patiuntur, velut anima, alia non, velut Di. Vita vero Coelorum non ex Coelis, sed Coelis praeficiuntur: nihil enim nobilius, ab ignobiliore. An vero in eadem? certe non, sed velut astra semper in diuerso loco exoriuntur, & occidunt.

17 Interim vero cum elementa sint, plantis alimentum, animalibus plantae, hominibus animalia, erunt & homines aliis. Non autem Diis, nimis enim remota est, eorum natura à nostra, quapropter daemonibus. Quod si corporei sunt, vel cum corpore etiam secundum corpus, alimentum praebent; qui sermo communis est, in his qui daemone correpti sunt. Idque etiam Platonici affirmant: quare in sanguine erunt, & ex eo nutriuntur, foedum, ut nobis videtur, alimentum. Sed & nos cruenta vulnera animalium comeditus, quod Porphyrius reprehendit, & abominatur, tabes enim quaedam est. Et quae aliis abominanda viderentur, usus obtinuit ut cuperemus. At si incorporei omnino sint? Spiritus est eis alimentum. Versantur autem nobiscum, ut nos cum canibus, plus nos docentes quam nos illos. Verumtamen qui sunt, quamdiu versati cum eis non agnoscimus, sed aliquid esse intelligimus. Similitudinem autem habent, non ad alimentum, sed ad necessitatem, alimentum enim corporibus conuenit, quadamtenus ergo ut puer sapienti, & dormienti dum somniat, & prauidet vigilans. At mortuis viuentia non alimentum sunt, nec aliquid huiusmodi, non igitur Genij mortuorum ani-

mae. Vnde Antonius Genios ab anima distinxit.

18 Ergo si incorporei sunt Daemones nec quantitatem habent, nec numerum nisi iuxta nostram cogitationem. Si corporei, numerosi erunt. Videntur autem hoc magis cum vitis caelestibus sint, inferiores. Videntur autem esse non vnius modi, sed si vitae plurimum inter se differunt, homines multum, & tamen longe minus, plus longe Genij inter se differunt. Cum vero natura eorum nobilis sit, & ambitiosa, pauci dignantur hominum consuetudinem. Inter homines vero rursus pauci natura familiares, ut canis hominibus, ipsis Geniis: multi auersantur eorum consuetudinem, quidam prorsus abhorrent, non secus ac serpentes, & pisces ipsos homines, his de causis pauci homines geniis sunt familiares. Neque ipsi ad nos accedunt nisi, velut pueri morituris belluis, scilicet ex his ignobiliores, ad interitum urgentes, oportet autem non carere, eos vitio quandoquidem mortales sunt (si non caelestes sunt) & corporei. At perturbationes illorum, vehementes sed exiles, & quae proximae sint, virtutibus quales diuitum, felicitum cum aestu animi laborant, & languent. Carent ratione, & sermone cum sint alterius generis ab homine, atque ab illo plus distent, quam quivis homo ab ignobilissimo verme, attamen quidam ex his à quibusdam hominibus superantur: Velut hominum quidam vermibus propiores, aut apris quam humanitati. Sed velut omnis homo ratione tamen praecellit, cuncta animalia atque ea in parte excellentior, etiam si sit stultus, & obesi ingenij, ita Genius omnis *πελάγινος*, cuncta solet atque ideo intima rerum, ut quisque eorum toti humano generi praefatur. Eadem ratione, & iuxta naturam propriam vnus alius illuminat. Ergo & rebus quas norunt (facta siquidem praeter caetera) & rerum originem essentiamque tum proprietates) & modo cognoscendi mirum in modum, nos antecellunt. Discere tamen contingit quod caelestes non sunt. Atque haec est opinio, Stoicorum demonstratis propior quam caetera Philosophorum aliorum.

19 Natura vero nostra dum à corpore anima aliquanto abscedit, seu per somnum matutinum, seu per ecstasim, seu dum morti appropinquat tum vero, & per abstinentiam, & vanitatem perturbationum, & etiam per vigiliam commotis imaginibus, sensilibus spectra videt, & futura cognoscit, & admiranda contemplatur, & à daemonibus adiuvantur, qui per figuras, & Aenigmata docent, quoniam non est, ut dixi, sermo idem nec reliqua per quae scimus. Indicio est quod plura, & mirabilia circa haec contingunt, & his qui fama maxime noti sunt, nam aliis utique contingerent, si ex naturalibus causis ortum haberent, natura enim aequa est, puerosque videmus mendicantium nulla ex parte regum filiis dissimiles.

20 Prudentia vero quippiam est in nobis ex mente, & sensili parte, interiore conflata, nec belluis quae mente carent, nec Diis qui sensibus, communis: vocaturque. Intellectus Practicus. Itaque qui eo valent opinionem habent, non autem scientiam. Et opinionis alia



alia est vera, alia falsa, ergo in scientiis turpe est, inniti opinioni, ut ait Hippocrates. Quamobrem nemo ob sensus, & materiam immunis est à peccato, & errore: tum maxime tam longè à diuinis recedentibus. Etenim liquet hominem primum esse in ordine intelligentium.

21 Quæ autem extra cælum? si nil: nil est, & non esse: at hoc demonstratum est, esse non posse. Si incorporea, quid illa, nam vacuum esse videtur, nec par est, secundum continuitatem incorporea corporibus iungi, quæ nihil addunt: adiectio autem auget si corpora mobilia, cælum infinitum erit, & infinita mouebitur velocitate. Sin autem immobilia, frustra erunt, corpora enim frustra sunt, quæ quiescunt. Hæc autem difficillima quæstionum. At quodcumque ponatur hoc quod est, penè nihil erit, si reliquum est infinitum, nisi numerum augeamus, ut mundos infinitos existimemus, quemadmodum Apolloniatas, Diogenes primus, post Epicurus, & medius (Alexandri ætate ob quem ingemuit, quod nec vnus esset Dominus.) Anaxarchus, ex autoritate Democriti præceptoris sui. (Nam quod Origenes per successionem constituerit, infinitos in *αἰὲς ἀπὸ τοῦ*, tam absurdum quam non necessarium ideoque falsum) ut eundem in magna rerum claritate, scilicet eius quod est, semperque fuerit, velut oculis bubonum, & nocturnarum hallucinemur. Itaque infinitum est, in quo est, non autem spatium vllum, siquidem, ut dixi, nullum est quod sit, non esse, vel inane, vel huiusmodi, quoniam hæc non sunt. Atque ea est causa, ut potius tota Orbis machina dissoluatur quàm ut inane sit, aut admittatur: non ob rationes Aristotelis, sed hanc ob ipsam, quod admitterentur infinita absurda, quæ omnia supra explicata sunt. Non ergo est, in spatio mundus, sed in mundo spatium, factum autem esse mundum, & si æternum, palam est. Et si enim aliquando factus esset, æternum est, in quouis instanti: idè semper sit, ut vestigium pedis in arena à pede qui sit in illa.

22 Æquauit autem sic omnia: in mortalibus, ut quantum cognoscerent, dolerent ac lætarentur: limarum parum lætatur parum etiam dolet homo contra. Parque ratio etiam singulorum, in eadem specie. Et longa ut consuetudo minus afficiunt in utroque. Immortalia ut quantum essent, beata tantum communicarent inferioribus. Quæ Lex ab ipso Deo proficiscitur. Mortalia immortalibus, ut in nobis ex vicissitudine voluptas geminaretur. Vnde immortalibus nulla nouitas, & perpetua securitas, ut omnis doloris est expertus, ita hoc ipso minus iucunda quod reditum, ex dolore non sentit. Sed hoc tamen ad imperfectionem pertinet: nam hæc voluptas ut maxima est, ita sordida. Sic felicissimi viri æquata iucunditas paruo tempore cum æterna ultimæ vitæ. Aliarum autem nulla est comparatio, sed sunt sublimes.

23 Quæritur à quibusdam, cur Deo contigerit ut esset primus, perfectus, & hoc demonstrato cur Deum esse contigerit. Sed frustra, nam ipsi necessitati conuenit, ut sola esset perfecta, & absoluta, & esse ipsum, & infinitum, & primum, & optimum. Nam

si oportuit talem esse, non si per necessitatem, ipsa ergo necessitas prima omnium, & absoluta, quapropter hæc est ipse Deus. Non ergo Deus est infinitus, aut necessitas, aut primum, & principale, sed necessitas principalis, & prima, & absoluta, ac reliqua est, quam Deum appellamus. At dicis cur huic conuenit, ut esset necessitas Deum ostendendo? si modo ostendi potest? Dico hoc est, quærere cur hæc necessitas, quæ necessitas ipsa est, (oportet enim esse ex ipsa rerum constitutione quæ ipsa necessitas) sit necessitas? hoc autem cum in aliis sit perabsurdum, ut cur veritas, aut albedo sint veritas, aut albedo, quanto magis de necessitate ipsa, quæ est esse ipsum, & omnia complectitur. Hæc enim quæstio est, quoniam falsa mentis ratione imaginamur aliquid aliud esse, præter necessitatem, at non est, sed ipsa necessitas omnia complectitur.

24 Ea verò, ut habet potestatem, & sapientiam, & amorem, legem indixit, in omnibus quæ ab ipsa producuntur, ipse verò est, ipsa lex ut simile sibi generent. Pater quidem in hoc subministrat potestatem, filius scientiam similitudinis, amor autem delectationem, & hæc est operatio, idè operatio omnis propter formam, non autem forma (miror de Aristotele) propter operationem.

25 Apparet igitur quomodo rectè dictum est, à Philosophis, & Theologis, Deum cuncta esse. Et rursus, duos esse fines producendi formas. (Quod cum latuerit Aristotelem causa fuit maximorum errorum) vnum, ut causa seu forma prior opus ipsum absolueret, in quo, ut dixi, est summa delectatio. Non enim in eo quod producitur, quia non cognoscit, sed in eo producit, cum quo est cognitio, voluptas est. Atque finem alterum formæ scilicet operationem esse, ut ipsa delectetur. Sic ut comparatio ad priorem formam sit, ut delectet, ut ad posteriorem, ut delectetur; idè parentes necessariò diligunt filios, filij non nisi ex lege proposita parentes. Patet etiam quod maxime naturale est cunctis generare sibi simile. Adèd ut nitrum etiam generet nitrum, & plumbum plumbum. Omnibus præterea rebus inesse delectationem, quanquam in terra obscurissimam.

26 Vltima ergo operationum quæ in imperfectissimis etiam est, est sibi simile generare, ob id quoniam actu non possunt, ab initio, potestate generant, ut semen quod & in plantam, aut hominem euadit, quædam non perficiuntur ut muscarum forsan vermis, nam hos pariunt; hoc autem non aliud est, quàm extremæ imperfectionis argumentum. Quidam tamen perficiuntur. Sed quid tunc mirum est, cum plus semen ab homine differat, quàm à musca vermis. Eadem autem ratione delectatio maxima in venere, omnis enim operatio huiusmodi, & propter opus, & propter operantis voluptatem. Tria ergo cum sint in homine, corporea forma, & voluptas est, sibi simile generare, sensus sentire, intellectus intelligere. Hæ autem operationes sunt, ob formas, velut videre, ut oculis delectetur: oculus autem propter animal.

27 Formæ quoque aliæ incorporeæ, veluti



luti Deus, alia ad corpora aeterna, velut vita, alia ad mortalia, velut anima, alia corpore, velut carnis mortui animalis forma omnium, ut dixi, communis est propagatio. Incorporea generant, perfectissimum ideoque similitudinem actui: vitae vero coelos potestate similes; actu autem idem efficientes longe melius, atque exquisitius quam anima cum corpore, siquidem ambo immortalia, & simplicia, at hic unum immortale, & simplex, alterum compositum mixtumque ac mortale. Animae autem à vitis, forma vero materiae generat primum potestate simile, inde actum perficiunt. Commune est autem omnibus quae sunt in materia, ut animalibus, & formis corporeis, quoniam exui materia timent, ut querant propagationem in illa bifariam, & tuendo eam quam possident, & aliam occupando. Atque hic mos est ingenuus cunctis secundum naturam, equis & vermis tuentur se, & alios generare appetunt, & generando delectantur quia forma utraque incorporea corporeaque extendi maxime appetunt, quod in se constrictae sint.

28 Esse autem in singulis utrasque clarum est, nam vel una est tantum, vel duae pluresve, & si duae aut ambae, incorporea vel ambae corporea, vel una corporea altera incorporea. Duas incorporeas nullam corpoream dicere absurdum sensu repugnante, duabus corporeis ratio: nam videmus cum una forma inducitur, aliam interire, eodem modo, & quantitate qua illa inducitur. At non esse ynam formam carnis, & animae qua vivit ostendit experimentum, quod arbore mortua lignum perinde manet, ut diu dubitemus an etiam vivat. Una igitur est forma corporea altera incorporea.

29 Quo circa dubitandum, cum sensus animae in homine atque intellectus adsint simul, an una eademque sint? Aristoteles variè locutus est, ut qui demonstrationem huius non haberet. Videtur autem una esse cum illo, non autem antecedere, nam cum illo deteguntur facultates non adveniunt: id ei contigit, ut Platoni adversaretur. Optime enim ille censuit corpora esse propter animas, non ex illis. Experimur enim nostram simplicitatem, nec aliud esse multiplex, in nobis praeter corpus. Hoc autem quod intelligit, ut dixi, unum est, & omnia.

30 Cuius ergo causa homines non magis cognitionis Deorum, quam rustici cognitionis regum: at multo plus Dei praestant hominibus, quam reges rusticis. Neque ut haec inferiora regant: cum destruant, omnia potius quam servent, pauca è multis, ut boues, sues & gallinas educant, sed quam miserabili illorum animalium sorte, ut melius esset agrestia omnia esse. Finis ergo est perfectio agentis, ut dictum est. Hominis autem animae, ut in materia explicetur, & plura regat, & pluribus imperet. Eius autem causa tres illi operationes, totidemque voluptatum genera concessa, sibi simile generare, percipere, intelligere. Ut etiam ad principium regrederetur.

31 Sed an animalia hominis gratia? idem est querere, an anates aquilarum? & iis enim illae vescuntur. Non, sed id accidit, ut quemadmodum vitae, vitis subiiciuntur, ita corpo-

ra harum animalium illis animalibus. Neque enim ullum animal certo genere solum vescitur. Ex genere enim alimenti, viliorum animalium corpora, sunt nobiliorum, propter quae illa persequuntur: non ergo anima equi propter hominem, sed corpus, & illius opera.

32 Ut igitur esse possent ac diu manere, unaquaque anima sibi fabricavit corpus, instrumenta, & functiones instrumentis, & corpori necessarias, & materiam ex qua aleretur praesupposuit, cum ut dixi omnem numerum perfectionis, in illa absolvisset, numeris certis quasi species distinguendo. Verè autem continua serie à summo ad infimum ob latitudinem temperamentum atque perfectionis.

33 Quorsum ergo materiae haec? ut animae explicarentur, & delectarentur, propriis operationibus quas praeter corpora non habent, quoniam operatio maior est, quam facultas, & obiectum etiam circa corpora versatur: velut videre, quatenus est cognoscere corporeae formae, convenire non potuit, quatenus ad accidens, & superficialia non poterit, esse solius animae. Vinculum autem animae cum corpore vita est mortalium. Et vitae quidem diversae sunt, ob materiae primae diversitatem ad quam fit animae comparatio quam adjuvant? varietas formarum corporearum, & accidentium, & temporis, & parentum atque similitum.

34 Formae autem materiariae extenduntur, iuxta materiam, ideo diuiduae. Animae vero omnes indiuiduae, sed alia ratione. Vegetatrix, inquam, quoniam in salice, & surculo qui satus est, plantae magnae satisfacit extensa: Diuidi tamen potest, & seorsum vitam diu producere. In testudine autem anguilla, & verme quadraginta quatuor pedum alia ratione, & cum illa, & inter se diuidua est, superuiunt enim diuisa, sed non generare possunt. Sic & lacertae, caudaeque praecisa sentit, si pungatur. Extenduntur ergo, sed sine quantitate esse dicunt, quia nullam sibi definiunt. Humana vero tum quia in solo corde est quoniam semper mouetur, ut cecum, quapropter & hominum sensus alterius sunt generis quam cuiusvis animalis. Indiuidua ergo est mens, ut & vita. At vitae in toto orbe sunt, nec quantitatis expertes, nec numeri, nam mouent, igitur vi sola, aut essentia? si sola vi? unum non est, quod mouetur, si in una parte esset, ut in humano corpore pars mouens, & mora. Recedit autem à corde cum mouere non potest: mouit autem calore, calor autem à spiritu, quo deficiente seipsam colligit. An vero vehiculum ei coniunctum sit, inquirere forsitan non est necessarium. Sed reuertor ad formam. Et dico quod forma ligni acquiritur secundum magnitudinem, pars ante partem, non tamen incerta parte sit augmentum, sed forma illa extenditur, maiorem occupans materiam. Non sic cum paries dealbatur, aut ferrum ignitur: nam pars ab uno latere prius dealbatur, aut ignitur. Verumtamen quia in corruptione etiam viventis plantae, aut animalis pars ante partem corrumpitur, non est dicendum, quemadmodum de anima, quod sit



indiuia ad illum sensum. Sed dices, si pars plantæ uiuentis desinat, per ignem accensa esse animata, quamuis tota planta reliqua sit animata, nonne anima illa corrumpetur pro parte? Quia si incisione, non contrahitur, ad reliquam partem, igitur non habet hanc vim, quare nec in aliis, utpote exustione, corrumpetur igitur anima? Hic igitur duo sunt, obstatuanda ne in errorem incidamus: Primum quod posset euanescere, & non corrumpi, ut etiam elementa, sed illa postmodum corrumpuntur, quia ea natura sunt: non ita anima vegetatrix quæ est, vehiculum cœleste. Aliud quod posset aliquis dicere: illam animam esse extra plantam, sed vitam solam cum facultatibus, & functionibus ibi esse, quod cum de animalibus defendi possit, quantomagis de anima plantarum? Ut anima sit sicut Sol, & quod est in plantis, ut eius lumen. At non sic de homine cum cognoscat, se esse qui cognoscat, ideo principium illud est in ipso. Et si opponatur, quod etiam in illo potest corrumpi brachij sensus, & vita, & substantia, dico, ut supra, quod illius anima est in corde: idem nulla pars eius potest, nec corrumpi quia immortalis: nec abigi, aut separari quia toto discedit, & ita erit indiuia.

35 Quid igitur tandem homini post mortem an vnus an multi? cum ut dixi, anima partim indiuia sit, partim diuia, atque alia ratione, ut in plantis, nunc autem de humana sola quæstio est, cum sit natura media, & extensa partim vna est, partim numero diuisa, refertur enim ad vnum principium, sed est propria cuiusque etiam natura. Verum ut forma est, apparet coniungi corpori, ut exempla aliarum facultatem quam intellectus opera. Ibi enim intelligit, & perfectius sed non tot quot hic, nam sensilia per sensum cognita etiam intelligit, velut rationes colorum, & musicæ rationem. Ibi verò alterius longè excellentioris.

36 Concludo igitur quod nil interit. Nam non cœlestia quæ etiam mutatione carent, nec mortalia cum materiâ, & formâ manent. Tamen enim caro cerui corrumpi videatur: post illius mortem, dupliciter nos fallit sensus: Nam existimamus eam separatam esse, à carne aliorum ceruorum, cum vna sit, sed locus partes diuidit. Quod si in ceruo vno caro cruris pereat, non dicimus formam carnis in ceruo periisse, nam de tota perspicuum est: de parte autem quod verisimilius videtur, neque id, quoniam ab initio tota in vno quasi puncto concreta fuerat, & tamen tum nil periisse poteramus suspicari. Extensa ergo non aucta, & nunc contracta non corrupta illa. Sic etiam fallimur cum carnem mortui nuper cerui carnem esse putamus. Quamuis enim sensu parum differat: à priore, intelligimus tamen magnum esse discrimen, quod non sentit nec nutritur, ut illa. Non corrumpitur ergo forma, sed manet: cum materiâ nobilior sit quæ manet, & æterna est, sed in potentia, forma verò in actu etiam. Solum eo priuatur actu quem habet, ad materiam hanc. Hæcque est compositi corruptio quoniam perfectum esse non habet. Sed nec illud corrumpitur, sed desinit in potentiam quæ similis est actui quem compositum ha-

bebat. Cum enim ego interiero, remanebo actu in forma humana potestate in hac materia. quæ cum iterum iungentur, idem ero. Neque enim infiniti possunt esse homines, sed infiniti eorum circuitus. Perabsurdum enim est, in materia finem habente, velle substantiam temporis beneficio, in infinitum augere, atque extendere. Verum eadem manet & circuitu, quemadmodum cœlum dies noctesque, est enim accidens repetitum infinito. Sed seu vita sit in nobis, & corrumpatur, animus autem extra, ut lux, seu intra, & velut lumen solis, omnino nihil quod est corrumpitur, sed ipsa in quibus sunt. Caro autem mortua non est aliquid præter elementa, non enim vllas habet vires actiuas præterquam elementorum, passiuas autem plures, vnde medicina. Itaque corrumpitur quia esse nullum habet, sed solam missionem.

37 At intelligo quæ mihi obiici possint. Primum quod videamus sensum generari multa, ut puerum in vtero, aut ergo generatur ex semine, aut semen iam genitum. Nam in sterilibus, non generatur, igitur generatio est. Præterea aut moriendo corrumpitur forma: & sic habetur intentum, aut manetur. Si igitur manet nec est materia, est separata & materiâ, quod esse non potest. Si prorsus materialia nihil ex nobis superest à morte, & redimus ad Auerrois opinionem. Rursus operationes sensum desinunt numero, & robore antequam corrumpantur, igitur animæ substantia paulatim absumitur, & corrumpitur tota denique. Est etiam mutatio in qualitate, quantitate ac loco, igitur etiam in substantia, igitur corruptio. Quæ etiam relinquuntur proprietates ab animæ separatione, ut rhabarbaro, & Pæonia non sunt, ex sola missione, cum multa alia calidiora, sicciora, renuiora neque appensa comitalem morbum prohibeant, neque epota bilem expurgent. Demum potentia est, in materia ad omnes formas, sed superueniente agente vniuersali scilicet, calore solis, non est necessaria tertia causa, quia essent duæ in eodem ordine, igitur anima nulla præest. Ad hæc dico quod semen generatur, non aliquid ex semine. Vel dic, quod tam semen quam animal habet animam extra, & vitam in se, & est substantia alia à misto ex elementis per animam illi coniunctam medio vitæ. Ad aliud dico quod forma in animalibus est, in materia omnium, & ideo non intelligunt quid agant, quoniam obruitur ab illa: in homine autem est separata etiam dum viuit, & multo magis post mortem. Et est eius operatio sicut de semetipso considerantis dum viuit. Ad id de operationibus desinunt sensum ratione instrumenti, non substantiæ animæ, quod patet in his qui à morbis resurgunt, in quibus tota operatio, quasi statim restituitur, & memoriæ præcipue, potius quasi subducto velamine quam restituta. De mutatione est in illis quia in accidentibus, quia ut dixi, non habent esse perfectum. De proprietatibus sunt, mistorum sub eadem non solum elementorum, & quantitatum mensura sed etiam fractura. Et hæc est causa quod multa alia temperamento eidem proxima sunt, expertia harum



harum virium. Et hoc demonstraui in libro de venenis. Habent enim antipathiam, vt per calorem naturalem ad actum deducuntur. Hæc enim duo ab animæ separatione superant, & ad illam introducendam seu vitam potius sunt necessaria, tum calor, sed ille semper cum vita perit. Et quanquam perit etiam mensura tum elementorum tum fracturæ, hoc tamen non est, necessarium. Ad id de potentia dico non sufficere quia oportet primo, vt ad sit agens proprium: non enim mulier, & sol generant hominem, sed necessarium est agens etiam proprium. Proponamus ergo mentem Peripateticorum quæ est, quod vis solis præparet materiam, & inducat animam quia omnes illæ formæ sunt, in anima solis. Et generetur mus ex putredine quia in talibus est magis manifestum. Et postquam non est aliquod agens proprium, oportet vt accidens scilicet calor solis sit causa substantiæ scilicet animæ illius. Et anima solis illa vilescit continens formam muris, & scarabei. Et etiam quomodo erit vna in specie si mus, & scarabeus sunt diuersæ species? Præterea intendet primum quæ sunt ad finem ante finem ipsum, scilicet membra opportuna operationibus animæ quæ nondum genita est. At quanto remotior est ab omni absurditate nostra, & facilis demonstratio: quia animæ illæ omnes sunt, per ordinem constitutæ in mundo incorporeo cum suis operationibus, & licet careant semine, sunt tamen in actu, & cum occurrit materia idonea vni illarum, format auxilio caloris solis qui materiam disponit, vt recipiat formam animæ, velut figulus per ignem componit materiam myrrhini vasis ex pluribus materiis componendo, attenuando, miscendo qualitates, frangendo, vt possit recipere formam vasis: ita illa fabricat membra sibi idonea ad operationes, quia est in actu perfecto in aliis partibus materiæ, & semper eas exercet: hic vero est iam actu imperfecto ad vltimas, sed tamen per vitam coniuncta operationes. Et Aristoteles non reliquit istam opinionem nisi, vt contradiceret Platoni, sperans vulgum sibi assensum, quoniam est magis secundum sensum. Sed vt dixi, sensus decipitur in huiusmodi.

38 At opus suum quod, vt dixi, omnibus commune est, scilicet generare sibi simile corpori iuncta facit. Et vt amicus amicum, aliam ad corpus animam trahit. Separatu vero contristatur, vt terra extra locum proprium. Ita naturæ hæc mediæ, & ad corpus pronæ nec vt separatæ, simile perfectione producere possunt: nec vt vitæ alterius generis animas ad materiam ponas: nec vt cum sunt materiæ coniunctæ totam quiddam simile: sed velut eunuchi inani desiderio interim torquentur, cum vero redeunt, eundem producant hominem verè ac magis si eidem materiæ iunguntur. Quod si similibus cum reliquis etiam omnino per similem. Hæc igitur quæ de anima post mortem dicta sunt, minimum sunt eorum quæ dici possunt. Videntur autem genij id efficere, vt vltius multa esse credamus. De quibus haud dubito, sed de his abunde in Theonosto.

39 Demiror satis hominum pertinaciam  
Tom. I.

atque stultitiam qui partim falsæ Philosophiæ principiis imbuti nihil de rerum origine cogitant, partim religionem simulantes Epicuream vitam viuunt, existimantque id summum esse humanæ vitæ commodum perpetuis delitiis frui. Quanquam nec in hoc quem profitentur, sequantur, miserrima enim est vita velle omnes haurire pompas, ludos, iocos, denique tam priuatis quam publicis impleri voluptatibus, cum primum idem tempus non possit seruire duobus: deinde corpus eneruetur, tempus ita disfluat vt non sentiat mors quæ ortui est coniuncta. Et quæ, nam voluptas esse potest vbi nullus est fructus operæ? nec adest desiderium, & indigentia, sed quasi nausea affluentium voluptatum. At contra si quis secundum virtutem viuat, studiis sapientiæ incumbat, & cogitet quali sit deductus origine, incolumi cum vita longius beatèque viuet: nec fortunæ inconstantis casibus subiicietur, & immensam sentiet voluptatem, quippe incorporea, & diuina non quemadmodum mortales illecebræ obtundunt sensus, & implent vasculum animæ. Ergo mortales respiscite, & breuitatem huius vitæ cogitantes originem vestram querite. Deum, virtutem, sapientiam colite atque amate, mementote æternæ vestræ originis perpetuæque vitæ. Nam nec moriendo desinimus nec viuendo sumus præstantiores, sed ex plenior vita in nitidiorem quasi reuiuiscimus. Et rursus ex quietiore in turbulentam exercitationem commigantes lætum bonis nuncium, improbis autem suspitione plenum referunt.

40 Cæterum finis ille alius est, vt tot sensuum cognitio pulchra in quibus dignoscendis incorpoream mentium vilesceret operatio non interiret, velut calidi, frigidi, sicci, humidi, duri, mollis, grauis, leuis, asperi, lenis. Saporum quoque atque odorum, tum harmoniæ ad similitudinem cœlestis tripudij constitutæ, tum verò calorum, atque lucis pulchritudinisque cœli, variarumque formarum, nemorum, sylvarum, pratorum, totque plantarum, & animalium quadrupedum, auium, piscium, serpentium, artificiorumque præcipue, domuum, vrbium, humanorum ornamentorum, simulque voluptatum quæ ex his percipiuntur, quas tanti referunt mortales, nec non cogitationum, rationumque nostrarum, atque eorum quæ imaginamur quæque intelligimus aut fingimus: velut numerorum, & passionum, magnitudinum, vt de his ad mentes referetur cognoscerenturque simul actiones nostræ per cognitionem eorum à quibus procedunt. Nec necesse fuit vt numero seorsum destingerentur animæ nostræ, sicut neque digiti neque cœli partes, nam infinitæ essent, quia maius atque minus accipere licet ac diuidere: quam vna non sit alia, & quodam modo suum esse habeant, sed in vnum omnes conueniunt.

Nec mirari oportet si de his absolutam omnino cognitionem habere non possimus, quandoquidem non solum in his sed etiam in corporeis immortalibus multa sint nobis dubia, aut non perfecte cognita: cometarum visio, Lunæ tum macularum ymbra,



unde deliquum, debuerant enim quæ necessarium habent esse ab ipsa necessitate quæ, ut dixi, infinita est non relinqui aliqua ex parte. Similiter & superficies indiuiduæ quæ vnā efficiunt superficiem, quomodo in diuersa moueri possunt? Et si vnum actū sunt, potentia verò plures quomodo diuersis motibus actū agi possunt? Et substantia ipsa cœlorum quæ multo tenuior aëre esse videtur adeo concrecere, ut sydus solarem lucem, velut speculum eam integrè reflectat, denique in quo renouitur extrema illa vltimi orbis superficies? Hæc atque talia huiusmodi. Sed quid mirum de his, cum etiā in mortalibus quædam non sint abunde perspicua, velut illud: cūr herculeus lapis ad orientem deflectat à boreali polo, ferrum quod eo intingitur nouem partibus, idest quadragesima parte totius orbis. Sed hoc forsan immortalibus proximum. At verò de anima dubitatio maior erat, ne non corporea censeatur, cum

eo nobilior sit quo magis vna, nobilissima humana, & elephantis, inde auium quarum colla aliquamdiu abscisa viuunt, & anguilla, & Polypus terrestris cuius partes in diuersa mouentur, & salicis, nam cum nobiliores maiore in vnum consensu sint, corporeæ esse videntur, & ex corporum facultatibus conflata: quæ quanto magis in vnum consenserint præstantiores euadant, iuxta quinque ordines dictos. Forsan velut lux quamquā immortalis, ut densior eo validior. Aut quod verisimilius est hoc ex recipientis natura accidit, ut in corporibus his spargatur, in illis colligatur: velut in cauis speculis. At hoc ipsum argumentum est, immortalitatis eius, quamquam appareat quod extra sit, adeo rem parua esse immortalitatem, & exigua illius speciem concessam his quæ cognoscuntur, velut cœlum, lux, atque animæ, omnium enim vna ratio.

FINIS.



DIALEC





# DIALECTICA.



**Q**UONIAM omnium eorum quæ sunt, quæque imaginamur, vnum videmus esse principium, velut Deum & vnitatem, ita & eorum quæ his quæ sunt respondent, quæque scire dicimur, esse conuenit. Hoc autem in Dialectica est, scire an quod dicitur, ex his quæ dicta sunt sequatur, aut repugnet, aut non. Eiusdem enim artis est cognoscere quæ non sunt ex arte, cuius est scire quæ sunt. Quæcunque autem quæ accipiuntur, aut sunt principia, aut cognita ex sensu, aut ex aliis deriuata, aut ficta in vnaquaque disciplina: quare horum veritatem ex propriis scire necesse est: generaliter autem ex Dialectica. Veluti quoddam homo sit animal, quoniam sentit, Philosophiæ proprium est; quod sit illius genus, Dialecticæ. Cum verò natura nostra actu quidem finita sit, potestate autem infinita, conueniet animæ nostræ potestate, non autem actu. Oportet autem si infinitum in paucis contineri debet, artem potestate esse, non actu: Propterea qui ad singula explicanda deuenire conati sunt, præter id quod in immensum opus ipsum auxerunt, dum infinita necessariò omiserunt, & minimè perfectam tradidere doctrinam, & difficiliorem reddidere. Cum non facile esset percipere, cur hæc magis quam alia amplexi fuerint, & umbram erroris inuexere, dum quædam deriuantes, plura prætermittentes, quæ prætermiserunt, illis non conuenire falsò creditum est: Sunt igitur huius muneris primæ partes, cognoscere quid ex quibus sequatur, repugnet aut non: & in quæsitis inuentio multiplex medijs. Post exercitatio iā falsis suppositionibus: propria quædam particula. Ex his tractatio disciplinarum, & cognitio eorum quæ tractata sunt: inde inuentio necessariorum in partibus subiecti: Post hæc interpretatio ab alijs inuentorum. Demum amplificatio, vnde profitendi extemporaneè modus. Hæc autem ex his accipere conuenit auctoribus, quos maximè in huiusmodi præstitisse animaduertimus, quorum primus est Aristoteles, secundus Hippocrates, tertius Galenus, quartus Euclides, quintus Ptolemæus: Aristotelis quidem formula non aded ad inuentionem utilis, sed generalissima & omnibus alijs maximè necessaria. Sunt autem inuentionis quinque genera: perfectum, & fit syllogismus; inuentio, & fit ex his quæ à sensu accipiuntur; euidens, quod ratione propositæ orationis dum dissecat transmutatve, ortum habet: rationale, quod multis modis fit, contorquendo, reflectendo, diuidendo subiecti partes, colligendo: & imperfectum, cum non absoluitur syllogismus. Verum cum om-

Tom. I.

nia hæc ex orationibus; orationes autem ex dictionibus constent, de dictionibus ipsis primò dicemus.

Sunt autem orationis duæ partes propriæ; nomen, ac verbum: nam præpositiones atque aduerbia modum, non rem significant. Est autem duplex oratio, perfecta & imperfecta: perfecta, quæ tribus constat partibus, ea de qua dicitur, & verbo, & eo quod dicitur: vt homo est animal, homo est de quo dicitur animal quod dicitur verbum est: duplex autem verbum substantiuum quod vnum est, scilicet sum, es, est, & quæ ab eo: & adiectiuum, vt doceo, quod resoluitur in verbum substantiuum, vt homo habet albedinem, id est, homo est albus. Imperfecta autem oratio est, cum deest quod dicitur, vt homo est, & æquiualeat ei, homo est ens.

Nomina autem quædam sunt modi dicendi, alia generalia, alia communia, alia dicuntur iuxta significandi rationem. Iuxta significandi rationem; Homonyma, cum res quæ nullo modo inter se conueniunt, vna voce significantur, vt canis: Synonyma, cum quæ significantur, vna ratione significantur, vt homo: Paronyma, cum quæ significantur, non eiusdem sunt rationis seu ordinis, vt salubre, de medicamento enim & concoctione dicitur, vt causa & vt signo. Sunt autem in his quæ sunt occulta, vt ens quod de substantia principaliter dicitur, sed non vt salubre, in quo aperta est ratio ordinis, cum in nullo conueniant corpus, & vrina, & balneum. Infinita, vt cum negandi aduerbium præponitur dictioni, vt non homo, id est, aliquid quod aliud est ab homine. Communia autem sunt sex, & omnia Paronyma: Ens, Vnum, Bonum, Verum, Aliquid, Res. Generalissima autem sub his continentur, & sunt decem: Substantiua, Quantitas, Qualitas, Relatiua, Locus, Tempus, Accubatio, Actio, Patiendi, & Habendi actus. Modi verò dicendi sex: Genus, Species, Differentia, Proprium, Accidens, & vnum seu quodvis, vel vniuersique seu proprium.

Ex his orationes iuxta tria differentiarum genera, aut modi significandi, aut comparisonis ad res significatas, aut rerum significatarum. Modi significandi sunt duæ species: Vna earum quæ affirmat vel negat, vbi proponitur nota negandi: Alia diuiditur in proprias & insuetas. Propriarum sunt quatuor species: Vniuersalis, omnis homo est animal. Specialis, aliquis homo est animal. Simplex, homo est animal. Propria, vt Socrates est animal. Insuetarum duæ sunt species, cum aliquid vnum dicitur de alio, vt animal est Socrates: vel cum nota vniuersalis ei quod dicitur adiungitur, vt homo est animal; fit enim incongrua oratio.

B b 3

Compara



Comparatione ad res significatas duæ constituntur differentia, vera & falsa, simplex & evidens: vera dicitur quæ significat ut est, falsa quæ secus quàm sit. Evidens cuius veritas aut falsitas perspecta est. Simplex cum non cognita est aut non omnino certa, velut, an Phoenix sit.

Rationes rerum significatarum sunt fortuitæ, & necessariae, ut Deus est. Necessarium autem quadrifariam dicitur, simpliciter, & est quicquid ad Deum refertur, ut Deus est, vel Deus est bonus, & naturâ, ut cælum movetur: necesse enim est utrumque, & cælum esse, & moveri: coniunctione, ut triangulus habet tres angulos duobus rectis æquales, non enim est necesse esse, triangulus sed si sit, necesse est ita esse. Ut etiam si huius trianguli duo latera sint æqualia, necesse est angulos supra basim æquales esse, ex suppositione. Omne quod præteritum est, aut iam præsens, tum est necessarium, ut ego natus sum. Quomodocumque autem necessarie non sunt, fortuitæ sunt.

Miscentur igitur veræ & falsæ necessariae, & quæ veræ sunt retinuerunt nomen suum, vocanturque necessariae; quæ verò falsa est, & de necessariis est, vocatur *adverum*, seu impossibilis, ut sint quatuor genera, vera necessaria, vera fortuita, falsa necessaria seu impossibilis, & falsa tantum: & unaquæque istarum erit simpliciter talis, aut evidens, fient igitur octo modi. Rursus singulæ vel affirmant, vel negant, erunt igitur sexdecim. Et harum quælibet erit uniuersalis; specialis, simplex aut de quouis seu aliquo, erunt igitur quatuor in sexdecim ductis, orationum species sexaginta quatuor: Exceptis incongruis, & differentiis, quæ ex necessariorum modis sumuntur. Harum partes possunt esse Synonyma, Paronyma; & Infinita vocata: Nam Homonymorum in disciplinis nullus est usus.

Negantium autem orationum, quæcunque negandi adverbium aut nomen ante id de quo dicitur, præpositum habent, generales efficiuntur, ut non homo est lapis, seu, nullus homo est lapis: at hic modus solum est consuetus. Sed si ante verbum præponatur, sit oratio simplex aut specialis, ut homo non est grammaticus: aliquis homo non est grammaticus. Si autem ante id quod dicitur, sit infinita, ut homo est non grammaticus. Præstat autem, quantum licet, clara oratione uti, postquàm tanta ex rebus est difficultas.

Quoties communia de aliis dicuntur, sunt orationes veræ & necessariae coniunctione, ut musca est bonum. Palam verò est quòd si hæc necessaria est, quòd quæ id negat, erit impossibilis seu absurda. Cum verò generalissima dicuntur in eodem genere de inferioribus, aut differentiæ, aut quod propriæ in est illis, vel omnino quod ipsius causa est, sit oratio necessaria & per se. Velut homo est animal. Primus modus: homo est rationalis. Secundus modus, Homo ridere aptus est, aut coruus niger. Tertius modus, Iugulatus mortuus est. Quartus modus, quia enim iugulatus est, mortuus est, & quicumque iugulatus est mortuus est: ob id iugulatum esse mortuum necessarium est, & per se est, & ge-

nerale. Accidens autem si aliquid non separari potest, per se omnino est, ut proprium: si autem, non. Quæcunque tamen huiusmodi orationes habentur, ad scientiam humanam utiles sunt, ut coruus est niger: nam rara est scientia humana, quæ exacta sit, & maximè de rebus, ut Philosophia utraque: & ad disciplinas utilis, ut medicinam & architecturam: quarum præstantia ex consecutione finis habetur. Quæ verò in diuersis generibus dicuntur, aut sub eodem, sed contrariis differentiis, impossibiles. Ut homo est asinus, aut albedo, aut sensus. Quæ enim per verbum est dicuntur, si falsa sint, sunt etiam absurda; si vera, necessaria. At quæ dicuntur per adiectiua verba de diuersis generalissimis, omnia fortuita, Græci evidentiùs *ἐvidέτωρα* voant, ut homo est albus, homo sedet, id est, homo habet albedinem, homo est sedens, id est, habet eum accubandi modum. At si dicat albedo est sedens, aut homo habet substantiam, pariter utraque adiectiuo verbo conflata, absurda est, & etiam insueta. At cum inferius de superiore dicitur, ut animal est homo, vera est, media autem inter necessariam & non necessariam, quoniam incongrua est. Evidens autem est vel sensu vel ratione ipsa. Simplex cum neutro, & velut falsum necessarium, *ἀδύνατον* est, ita falsum euidenter *παράδοξον*, seu incredibile. Verum evidens siue sit, siue non, ad scientiam multum haud refert. In rebus autem ipsis sunt, verum necessarium, & fortuitum; mens fingit falsum & absurdum, nihil enim tale est in uniuerso. Evidens & obscurum, seu simplex, mens rursus facit, sed originem ducit à rebus. Orationum autem duo sunt genera, simplex & compositum. Composita est vel per coniunctionem, ut homo est animal, & homo est corpus: Per disiunctionem ut homo est animal, vel, aut homo est corpus, per coniunctionem si: ut si est homo, est animal. Coniuncta verò dicit utramque partem veram esse: Disiuncta alteram: quæ conditione constat neutram, sed ut ex priore posterior sequatur. Ut si asinus volat, habet alas, vera est: & hæc falsa, si homo est animal, homo rationalis est. Quædam veræ quæ falsæ esse creduntur: ut si trigonus habet tres angulos duobus rectis æquales, exterior est æqualis duobus interioribus sibi oppositis.

Axiomata autem quædam sunt generalia, quædam propria. Generalia sunt de quolibet dici, esse vel non esse, de nullo hæc ambo dici: si aliquid alicui idem sit, id cui idem est, eidem quod idem ei fuit, idem erit: ut si a sit b, erit b, idem a. Propria, velut totum esse maius parte in quantitativis, numerum in infinitum procedere: quæ originem habent in naturalibus, ab aliqua causa vel causis ortum habere. Sunt & in hoc genere quasi diffinitiones constructionis natura, ut in Parabole.


Verum igitur ex vero considerari haud dubium est: cur autem non ex vero falsum ex falso verum nonnunquam sequi necesse sit, nunc ostendere oportet. Si falsum ex vero considerari posset, cum verum sit, & falsum esse necesse esset. At diximus falsum non esse, quoniam



quoniam est solius mentis opus. Et si esset non esset falsum, sed verum. At ex falso sequitur falsum, velut, si homo est asinus ratione caret. At ex hac, ut visum est, sequitur disiuncta, homo ratione caret, vel non caret; at ex his sequitur commune, scilicet animal, gratia exempli: si enim aliquid est rationale animal, vel non rationale animal, est necessarium animal: quia animal comprehendit utrumque: at si est animal, hoc verum est: quia sequitur ex hac, homo est rationale, quae vera est: igitur ex primo, homo est asinus, potest sequi homo est animal: quod verum est.

Quae autem considerantur, vno e tribus modis considerari necesse est. Aut enim ex coniunctis, ut natura orationum, inuentione, collocatione, conuersione: Aut ex alienis, Syllogismo siquidem: aut ex contrariis: suis scilicet, aut illis quae sequuntur.

Collocantur igitur in figura orationes quadrifariam. Speciales sub generalibus suis ordinatae, aliis vero repugnantes. Generales inter se aduersae. Speciales inter se aduersis contrariae.



Sequela igitur euidentis tria sunt genera: primum ex collocatione: nam in repugnantes si vna vera est, alia est falsa: si vna falsa, alia vera est. In ordinatis, si vniuersalis vera est, specialis est vera: & si specialis est falsa, generalis falsa est: non tamen si generalis falsa est, specialem falsam esse necesse est: nec si specialis vera est, generalis vera erit necessarium. In aduersis autem si vna vera est, reliqua est falsa: non tamen si vna falsa est, reliquam veram esse necesse est. In contrariis autem aduersis, contrarius modo etiam se habent, nam si vna est falsa reliquam veram esse necesse est: non tamen si vna est vera, reliqua necessarium est falsa. Secundum genus ex conuersione pendet, ut quae specialis est conuertatur in specialem, & simplex in simplicem. Sit aliquod a idem cum b, erit aliquod b, a, idem quod a, nam si quod a, est b, sit igitur hoc a huic b idem: quare ex tertio axioma generali erit hoc b, idem huic a, igitur aliquod b, idem alicui a. Et si nullum a, sit b, nullum b, erit a, aliter ex repugnantes sit aliquod b, idem quod a, igitur per praecedentem erit aliquod a, idem quod b, igitur ex repugnantes falsa fuit, nullum a, est b. Quod si omne a, est b, erit aliquod b, idem quod a: nam ex ordinatis si omne a, est b, aliquod a, est b, igitur ex derivato primo modo aliquod b, erit a. Et in naturalibus ac Mathematicis in tertio modo dicendi per se valet speciali ad generalem in qua dicit de superlatiuo. Ut pituita acida est frigidissima, igitur omnis pituita frigidissima est acida.

Et hoc quia ex oratione per se tertij modi sequitur superlatiuo. Cumque superlatiuo sit de proprio & indiuiduo & maxime in naturalibus, & Mathematicis, haec autem ex simili in similem, patet propositum. Tertium genus est ex natura orationum, quae vel aequivalent vel à toto ad partem, vel à parte ad totum, vel ipsa propria qualitate. Aequivalent subiecta & generalis: Si homo est, animal est, igitur omnis homo est animal. Et si omnis homo est animal, si homo est, animal est. Hoc quidem cum sunt, non in causis intelligitur: ut si astra sunt, cœlum est, ergo astra sunt cœlum, verum non est. Et specialis aequiualeat simplici, & simplex speciali. Et quae de aliquo est speciali, Socrates est sapiens, ergo aliquis homo est sapiens. Et generalis, quae tam in his de quibus dicitur, quam in verbo sunt oppositae. Ut omnis homo sentit, nullus homo non sentit: & in his quae dicuntur nullus homo est non animal, omnis homo est animal. Ex propria qualitate subiuncta si verum sit quod supponitur verum est quod sequitur: si homo est, animal est: sed homo est ergo animal est. Ex parte ad totum in disiuncta: à toto ad partem in coniuncta. Item à perfecta ad imperfectam; homo est animal, igitur homo est. Et à simplici & speciali vel de proprio seu aliquo nominatum ad generalem in necessariis valet argumentum. Ut haec stella, lucet, igitur omnis stella; sed talium rarus usus in scientiis. Inuentionis autem quatuor sunt genera: ad vniuersale, ad proprium, ad causam, & ad effectum. Ad vniuersale quidem ex singulis sub illo contentis. Verum singula assumere non licet, infinita enim sunt; adiecta ergo generali ratione transit in generalem. Hoc autem lumine quodam naturali, & axioma certo constat, velut hoc trigonum habet tres angulos duobus rectis aequales quia angulus exterior duobus oppositis interioribus est aequalis: igitur cum ratio ipsa generalis sit in omnibus, omne trigonum tres angulos habebit duobus rectis aequales. Vnde natura nostra infinita dignoscitur quae ex vno infinita potestate comprehendit. Alius facilius modus desiderandi: sumpta speciali quae repugnat generali & ea falsa demonstrata sequitur generalem propositam esse veram. Velut dico omne triangulum esse huiusmodi: si non repugnans, ergo erit vera aliquod triangulum non est huiusmodi. Sit igitur illud a, confestim adduco demonstrationem quae ostendit hoc esse huiusmodi, falsa igitur fuit repugnans tua & vera quae proposita est. Et ita vides quomodo artificiosè ex hac speciali hoc triangulum habet tres angulos aequales duobus rectis, transeo ad id de omni triangulo. In his autem quae sensu percipiuntur velut quod homo sit rationalis trifariam consistit vis vniuersalis, & quoniam nullus alius inuenitur: sed id non adeo firmum, & observationibus aliorum ac testimonij veterum indiget. Vnde bene dixit Aristoteles quod ex multis experimentis experientia sit, & ex experientiis pluribus ars. Sed & ratio qua homo talis est: animam enim habere diuinam & mentem, vel ex vno homine dignoscitur. Ex his



tribus concludimus omnem hominem esse rationabilem. At non velut in Mathematicis causa perfecta est, ideo naturales omnes orationes dubitationis aliquid continent, nec securam generant scientiam, sed qualis apud mortales haberi potest. Habetur autem ut in pluribus, atque diuturnitate temporis confirmatur, quod in Mathematicis non contingit. In mediis autem velut Astrologia aliquo modo: sicut quoniam huiusmodi est processus, mensura autem non, ob id temporum successu errores corriguntur. Linea enim æqualis motus Solis media est inter Lineam æqualis motus Lunæ & eius apogei, atque id exquisitè, ipse autem motus horum haud exquisitus. Verum & horum & naturalium generum scientiam habent: an verò dæmones, alibi dicitur. Id satis nunc animam nostram ut ad hanc artem comparatur immortalē videri, quoniam infinita & ad Mathematica etiam, sed minus: minimè autem ad ea quæ natura constant: materia enim materiæ comprehensionem impedit.

Ad proprium autem ex vniuersali cum vniuersales omnes differentias constituerimus easque nec plures sub illo comprehendere desiderauerimus vnaque ratione tunc licebit trifariam considerare, vel de singulis vel de vno cum reliqua membra exceperimus, vel de ipso vniuersali. Velut in vigesima quarta primi elementorum Euclidis, seu linea quæ subducitur æquicruriis cum æquali angulo superiore cadat supra basim prioris trianguli, seu infra, seu in eandem, idem sequitur. At de vno, ut cum membrum principale consideramus esse cor, quoniam reliqua non sunt, non enim confestim his sublatis moritur animal. Videtur autem vtilissimus in his quæ non adeò firma consideratione constant. De ipso autem vniuersali ex his quæ sub eo continentur, velut in xxxv. tertij elementorum, dum per singulas species diuisionis duarum linearum intra circulum se intersecantium generalis oratio demonstratur. Generaliter autem specialis & simplex oratio parum utiles sunt ad demonstrationes: seu vniuersalem propositum sit demonstrare, seu propriam siue de aliquo nominatim.

Ab effectu supra causam, velut Eclipsis est, igitur terra interponitur inter Solem & Lunam. Huiusmodi autem est frequens in naturalibus. Vnde illud, ob admirationem cœperunt philosophari.

A causa supra effectum, inuenta causa Eclipsis, quæ est interpositio terræ inter Solem & Lunam, dum cognoscimus terram interponi, cognoscimus etiam Lunam Eclipsim pati. Perfectus autem demonstrandi modus ex duabus orationibus constat quæ tres continent dictiones quas terminos vocamus. Cum verò maior fides non possit esse in conclusione quam in duabus assumptis orationibus si altera assumptarum falsa fuerit, veram esse conclusionem non est necessarium. Si altera probabilis fiet conclusio probabilis syllogismusque *πῶρος* vocatur, si vtraque necessaria *ἀποδείξις*, seu demonstratio de qua præcipue est consideratio. Est autem ex primis ac notioribus ac definitione quæ optima est definitio aut ex genere & ex equali diffe-

rentia. Si materia orationum negligatur erit solum *συλλογισμὸς*, sic enim vocatur constructio illa trium orationum ordinata. Quod si non ex assumptis conclusio dicitur Elencticus, Hypoteticus: ut si tu es homo tu es animal, sed tu es homo, igitur tu es animal, qui ut dixi pars est primi modi ex eidentibus. Cornutus autem seu Chrysippeus est cum ex vtraque repugnantium idem deducitur, ut in septima primi Elementorum Euclidis, seu enim se secant lineæ seu non secant, ex vtroque sequitur partem esse maiorem toto. Verum & hic demonstratiuus esse potest, ut Hypotheticus, & qui ad absurdum deducit. Erunt ergo genera syllogismorum octo & quatuor differentiæ. Prima à substantia bonus & corruptus elencticus. Bonus autem diuiditur ex assumptis in simplicem Hypotheticum & Cornutum. Ex forma directus & reflexus qui ad absurdum primo tendit à materia vel nulla & tunc vocatur Syllogismus, vel probabilis vel necessaria vel falsa, cuius usus est ad exercitationem falsarum suppositionum. De bono igitur & simplici primo agendum est. Ratio ergo quæ ex duabus conflatur orationibus eo fit quoniam in prima terminus vnus qui & maior, iungitur medio: In secunda autem idem medium alteri termino qui & dicitur minor iungitur, quo fit ut eo medio quasi vinculo iuncti termini in conclusione maior terminus de minore dicatur. At verò ut hoc rectè cedat quatuor sunt necessaria, Primum ut altera orationum assumptarum saltem generalis sit: Secundum ut earundem etiam altera affirmet, tametsi non sit necesse ut eadem quæ generalis sit affirmet: Tertium ut verbo substantiuo consent: Quartum ut quod dicitur & de quo dicitur, ambo in recto sint nominandi casu. Palam autem est quod tametsi hæc sufficiant ad concludendum, quia tamen verum non nisi ex vero necessario, & generaliter deducitur, quod oportet ambas orationes quæ præmittuntur veras esse, si veram esse conclusionem considerare voluerimus. Sed hic non de materia agitur, sed de forma tantum. Quintum ergo commune est quod conclusio semper imbecillorem orationem ex præmissis sequitur: est autem specialis imbecillior generali & quæ negat ea quæ affirmat. Quocirca si inter præcedentes duas orationes vna fuerit negans & vna specialis erit conclusio ipsa specialis negans: Sextum quod maior fides non potest esse in conclusione quam in præmissis. Oportet igitur si conclusio verisimilis debeat esse ut vtraque præmissarum verisimilis sit aut verisimili melior, id est, vera: & si conclusio vera esse debet ut orationes ambæ quæ præmittuntur veræ sint aut veris meliores, id est, eidentes & necessariae. Et si debeat esse eidentis ut sint ambæ orationes quæ præmittuntur eidentes vel meliores, id est, necessariae. Et si necessaria ambæ necessariae. Atque id assumptarum solum ratione, nam aliis ex causis nil prohibet conclusionem esse eidentiore assumptis. Oportet autem terminos non solum non esse Homonymos, sed neque Paronymos. Et orationes non esse disiunctas.

Figuræ igitur quatuor sunt necessario (quoniam



(quoniam in omnibus commune est ut maior terminus de minore dicatur in conclusione) in prima maior terminus & medius de minore in præmissis: in secunda autem minor terminus de medio & medius de maiore. Unde Aristoteles cum constituat maiorem terminum qui de medio dicitur coactis solum tres figuras ponere, secundam omittendo illiusque modos ad primam figuram transfert sed conuersos, quoniam à præmissis maiorem terminum definit. Galenus autem maiorem terminum generali magis ratione accipit & stabili qui conclusione dicitur minorem de quo dicitur (ut hoc discrimen inter illos solo nomine constet) manifestum est constitutis ex conclusione maiore semper termino qui dicitur & minore de quo dicitur statim subsilire quatuor figuras: Primam in qua medium subiicitur maiori termino & dicitur de minore: Secundam in qua medius terminus subiicitur minori & dicitur de maiore: Tertiam in qua medius terminus de maiore & minore dicitur: Quartam in qua medius terminus maiori & minori subiicitur. Maior oratio dicitur iam qua maior terminus: minor oratio in qua minor terminus mediocè pulantur quomodouis. Ex quo patet quod nihil refert quænam anteponatur ex præmissis: non enim maior est oratio quæ anteponitur; sed in qua quod in conclusione dicitur medio termino copulatur. Et scias quod medius terminus nunquam potest, remoueri ab utroque extremo: idè qui est remotus ab utroque extremo in syllogismo ex veris non potest esse medius.

Primæ igitur figuræ propria sunt, maiorem ut dixi terminum dici de medio, medium de minore. Maiorem orationem non posse esse specialem. Tertium minorem non posse esse negantem. Quartum generalem affirmatiuam posse in ea concludi. Primæ & secundæ figuræ commune est nec maiorem nec minorem posse esse specialem negantem. Primæ & tertiæ posse concludi generalem negantem. Secundæ autem, ut dixi, in præmissis minorem terminum de medio, medium dici de maiore. Secundum quod in ea concluduntur tria genera orationum, quod nulli alij contingit quia in prima omne genus, in tertia duo genera negantium, in quarta duo genera specialium: ergo secunda est quasi composita ex tertia & quarta. Tertiæ figuræ proprium est medium terminum dici tam de maiore quam de minore, conclusionem semper esse negantem: tertium maiorem semper esse generalem. Quartæ medium terminum subiici maiori & minori, non concludi nisi specialem, minorem semper affirmare.

Quod si quis dicat, quoniam maior & minor terminus non dignoscuntur ex eo quod dicuntur neque ante conclusionem quomodo ex præmissis cognoscant conclusionem & figuram? Respondeo quod in quarta figura cognoscant: quia quæ affirmat erit minor, si ergo alia neget cum semper maior terminus dicatur de minore terminus in ea quàm affirmat qui de medio dicitur is erit de quo dicitur in conclusione is qui de medio in negante. Sed si secunda affirmat licebit quam velis

constituere pro maiore, & ita poterunt concludi duæ orationes speciales quæ affirmabunt. In tertia figura generalis semper est maior: si ergo alia sit specialis de eo de quo dicitur medius terminus in secunda oratione, dicitur terminus in prima qui subiicitur. Si autem secunda oratio sit & ipsa generalis, licentur utrovis modo termini qui subiiciuntur & poterunt concludi duæ orationes generales quæ negabunt. In secunda autem & prima figura quia conuertuntur si ambæ orationes affirmant generaliter, si velis concludere quod dicitur, de eo de quo dicitur, poteris generaliter concludere & fiet prima figura: si de quo dicitur de eo quod dicitur: fiet conclusio specialis, & in secunda figura. Si vna fuerit generalis negans, alia generalis quæ affirmet, tunc in negante si medius terminus subiicitur poterit fieri syllogismus in prima figura per conclusionem generalem negantem in qua terminus qui dicitur de medio in negante, dicitur de minore in ea quæ affirmat, vel in secunda figura contrario modo. Sed si in negante medius terminus dicatur de reliquo non fiet syllogismus nisi in secunda figura & concludetur specialis negans. Idem dico si secunda oratio quæ affirmat esset specialis, concluditur solum in secunda figura quia in prima non potest minor esse negans nec maior specialis. Ideo syllogismus quem vocant Frisefomorum dupliciter repugnat primæ figuræ & ratione maioris specialis, & minoris negantis. Quod si ambæ orationes affirmant & vna sit generalis & alia specialis simili modo si in generali medius terminus subiiciatur, poterit fieri syllogismus tam in prima quam in secunda figura, sed conclusiones erunt conuersæ. Sunt ergo in prima figura quatuor modi, quinque in secunda, quatuor rursus in tertia, sex in quarta. Et comprehenduntur his quatuor carminibus.

1. *Barbara Celarent Darij Ferio*
2. *Baralipon Celantes Dabitis Fapesmo Frisefomorum.*
3. *Cesare Cumestres Festino Baroxo*
4. *Darapti Felapton Disamis Datissi Broxardo Ferison.*

In his quatuor carminibus sunt tres ordines literarum primus est, A. E. I. O. Secundus, B. C. D. F. Tertius est, S. P. M. X. Primi ordinis A Generalem quæ affirmat: E Generalem quæ negat: I Specialem quæ affirmat: O Specialem quæ negat. Sunt ergo tres vocales in vnaquaque dictione, præterquam in Frisefomorum ubi orum abundat, & tunc in Baralipon: in cæteris primæ duæ secundum ordinem vocales ostendunt duas præmissas: tertia conclusionem secundi ordinis significat quod debet reduci ad modum primæ figuræ eiusdem literæ ut Fapesmo ad Ferio & Baroxo & Broxardo ad Barbara. Nam licet omnes syllogismi concludant, non tamen sunt euidenter nisi qui sunt primæ figuræ. Et idè oportet reducere alios quindecim ad illos deductione necessaria. Sequitur ergo quod si deducuntur necessario, & hi ad quos deducuntur concludunt, quod etiam illi qui sunt deducti. Tertius verò declarat modum deducendi. In his ergo S. Significat conuersio



conuersionem simplicem, id est, generalis negantis in generalem negantem & specialis quæ affirmat in sui consimilem. P. ostendit conuersionem generalis in contrariam specialem: vt deriuatum est supra in ordinatis. Et similiter generalis negans, simpliciter conuertitur & ex generali negante sequitur specialis, igitur generalis negans conuertitur in specialem quæ negat. M significat transponendas orationes loco, vt ex conclusione fiat maior aut ex maiore minor oratio. X autem declarat, quod debemus accipere repugnantem conclusioni, & cum reliqua oratione, concludemus repugnantem suppositæ alteri orationi.

Exemplum in Baralipon si assumantur eadem orationes, concluditur in Barbara quod omnis homo est corpus: sed ex hac omnis homo est corpus sequitur, vt dictum est, aliquis homo est corpus: & ex hac rursus aliquod corpus est homo: igitur Baralipon ex Barbara consideratur per P.

Baralipon Barbara.

*Omne animal est corpus*

*Omnis homo est animal*

*Ergo aliquod corpus est homo.*


*Omne animal est corpus*

*Omnis animal est animal*

*Ergo omnis homo est corpus.*

In Fapesmo post maiorem est P. igitur accipiemus loco omne animal est corpus, aliquod corpus est animal, conuertitur & loco huius, nulla planta est animal, propter S. accipiemus conuersam simpliciter, nullum animal est planta & propter M. faciemus ex minore maiorem & confestim sequitur in Ferio eadem conclusio, scilicet aliquod corpus non est planta. Ergo ex assumptis in Fapesmo sequuntur orationes ex quibus in Ferio sequitur intenta conclusio.

*Aliquod corpus non est planta.*



Aliquod corpus est animal, Nullum animal est planta, omne animal est corpus. Nulla planta est animal, vt facilius esset intellectus huius reductionis, & exposita res patet ante oculos iconem huiusmodi exposui. Ex præmissis enim præmissæ sequuntur, ex illis conclusio.

In Baroxo ob x. accipiemus repugnantem conclusioni, scilicet omne corpus est homo, & sequitur cum maiore repugnans minori orationi. Si igitur conclusio vera non fuit oportuit repugnantem esse veram quæ cum maiore concludit repugnantem minori: minor igitur falsa fuit & non vera vt dictum erat. Similiter & in Broxardo accipiemus repugnantem conclusioni & cum minore in Barbara ostendimus repugnantem maiori, igitur assumpta non fuit vera.

Baroxo Barbara.

*Omnis homo est animal*

*Aliquod corpus non est animal*

*Ergo aliquod corpus non est homo.*

*Omnis homo est animal*

*Omne corpus est homo*

*Ergo omne corpus est animal.*

Broxardo Barbara.

*Aliquod animal non est asinus.*

*Omne animal est corpus*

*Ergo aliquod corpus non est asinus.*

*Omne animal est corpus*

*Omne corpus est asinus.*

*Ergo omne animal est asinus.*

Pro his deductionibus leguntur hæc duo carminalia.

*Simpliniter verti vult S.P. vero per acci.*

*M. vult transponi, X. per impossibile duci.*

Harum figurarum prima nobilissima est, maxime enim facit scire, vt inquit Aristoteles, & in ea præcipue primus modus.

Contingunt tamen captiones pluribus modis si quis non sit oculatus. In Hypotheticis quidem omnis homo vel asinus est asinus, Socrates est homo vel asinus igitur Socrates est asinus. Vtraque assumptarum vera est: quoniam vtraque disiuncta cuius vna pars est vera. Sed sunt disiunctæ, nec constituunt syllogismum. Rursus ex simplicibus orationibus in celarent: Nulla glacies est calidior lapide, omnis ignis est calidior glacie, igitur nullus ignis est calidior lapide. Deest quarta conditio: & in eodem nullus rudens differt ab asino, omnis homo differt à rudente, igitur nullus homo differt ab asino. Deest tertia conditio. Infinitus autem terminus non viciat syllogismum. Omnis homo est animal, non asinus est homo, igitur non asinus est animal. Sed locum obtinet eius orationis quæ affirmat: & similiter cum oratio vna sensum habet simplicem alia iuxta esse. Vt omne immortale viuens: quod est hic intelligitur, nullus intellectus est immortale viuens quod est hic: Igitur in Fapesmo aliquid quod intelligit non est intellectus, vera enim est si sub duobus sensibus accipiat: id est. Aliquid quod potest intelligere non est intellectus quia non est. Tertius demonstrandi modus cum deducimus eum qui nobis contradicit ad absurdum. Contingit autem hoc quadrupliciter: vel ad contraria principii, vel demonstrantis iam, vel suppositis, aut his quæ ex eis sequuntur. At absurdum vel falsum simpliciter demonstrari non posse superius docuimus, cum falsum etiam ex veris sequi necessario possit, idque etiam in primo modo primæ figuræ. Verum tripliciter hoc contingit vel quia verum demonstratur ei autem repugnans falsum est: demonstramus igitur falsum falsum esse. Sed hoc proposito non conducit: qui volumus per id falsum quod falsum esse constat veram docere esse repugnantem. Secundus modus vt si maior ex toto falsa sit minor autem vera, semper in duobus primis modis falsa conclusio sequetur. Nam si falsa sit omnino a, est b, ve a, erit nullum a, est b, ei aduersa: si igitur subiicitur vera omne c, est a, erit vera omne c, non est b: falsa igitur omne c, est b, igitur falsum concluditur. Et si falsa est omnino nullum a, est b, vera erit aduersa omne a, est b, si igitur subiiciatur



est, omne c, est a, sequetur nullum c, est b, vera, falsa igitur erit nullum c, est b: quæ sequebatur ex maiore falsa & minore vera. Sed si maior non sit ex toto falsa in neutro sequetur: ut si dicamus omne animal est asinus, supposita minore vera non sequetur necessario conclusio falsa. Ut nec si maior sit vera & minor falsa quamvis ex toto nihil sequetur necessario nec esse verum nec falsum. Sed cum oratio in qua generale dicitur de aliquo æquiualeat vniuersali, ut Socrates est homo vel hic est homo, æquiualeant eis, omnis Socrates est homo, & omnis hic est homo; igitur proposita maiore ex toto falsa, & minore vera, & ambabus vniuersalibus, vel de aliquo, seu de hoc vno, seu altera vno modo, reliqua alio modo: ex his sequitur conclusio falsa. Exemplum autem cum maior non est ex tota falsa sed in parte, est: velut nullum intelligens est immortale, anima omnis humana est intelligens, igitur nulla anima humana est immortalis: hæc igitur falsa est, quoniam maior est de toto & falsa. Sed eandem patitur difficultatem: cum non sit maior de toto. Tertius modus est cum maior est vera, atque ita ut vel conuertatur generaliter in Barbara, vel Darij, vbi vtraque est generalis quæ affirmat: vel in quibuscunque variatur, de quo dicitur variatur, & quod dicitur, tunc minor si sit falsa, in eo genere in quo accidit, illa varietas, conclusio erit falsa necessario. Velut sit de quo dicitur in maiore a, b, c: & repugnantes partibus d, e, f: & dicatur de a, b, c, g, h, singillatim, quibus repugnent K, l, & ex quibuslibet duobus a, b, c, cum repugnante tertio sequantur K, l, & assumatur vt minor terminus, de quo a, b, c, falso dicatur secundum vnum illorum tantum: dico quod conclusio erit falsa. Dicatur ergo a, b, c, de m, falso, quia c, non dicitur de m, igitur dicatur a, b, f, de m: sed de a, b, f, omni, dicuntur; K, l, igitur K, l, vere dicuntur de m: at g, h, repugnant K, l, igitur per secundum axioma g, h, falso dicuntur de m, sed g, h, dicuntur de m; supposito quod a, b, c, dicantur de m, igitur supposita minore falsa, erit conclusio falsa. Atque hic est modus quo Geometra vtuntur demonstratione ad absurdum. Velut in quarta primi Elementorum, trigoni, qui habent vnum angulum vni angulo æqualem, & duo latera æquales angulos continentia æqualia, habent singulos angulos supra basim, & bases & ipsi adinuicem æquales. Etsi, vel angulus inter duo latera æqualia, vel latus vnum continens angulum æqualem, cum latera æquali fuerit inæquale, erunt trianguli bases, & anguli supra illas inæquales: igitur proposito triangulo habente duo e, tribus æqualia, & tertium inæquale, si illud supponatur æquale sequetur triangula bases, & angulos supra eas inter se æqualia falso esse. Sed si plura assumantur inæqualia, non sequitur falsum, quia reliqua non est necesse esse inæqualia. Ex duabus autem falsis non est necessarium sequi nec verum nec falsum: ut huic: nullum animal est planta, si subiiciatur omnis quercus est animal, & omnis lapis est animal, sequetur verum & falsum.

Si igitur volumus falsum ostendere, ne-

cesse est vnam tantum veram alteram falsam assumere, nam ex veris falsum non potest deduci: ex duabus falsis falsum necessario, vt nuper ostendi, deduci non potest, & tunc si maiorem constituerimus falsam, oportebit vt syllogismus sit in Barbara vel Celarent, & sit illa in toto falsa, scilicet vt aduersa sit vera. Si verò maiorem veram constituerimus, oportebit vt sit in Barbara vel Darij, quia in Celarent accepta aduersa, vel repugnante minori quæ falsa supponitur, fierent ambæ præmissæ negantes, idè nihil concluderet syllogismus: & ita quod minor ea in parte falsa sit in qua necesse esset vt maior esset huiusmodi, si vera esse deberet. Vt si dicam, omnis homo est animal, aliqua planta est homo: nam hæc est falsa in eo quod planta est insensibilis, homo autem est animal, si sensibile auferatur ab homine, falsa est.

Causa autem cur euidentior sit falsitas in conclusione quam in præmissis, & repugnantia, manifesta est: quod cum conclusio non possit præmissis esse euidentior vt dictum est, necesse est vt si conuertantur iuxta data præcepta vt ex hoc axioma quod nunc proponetur, detegatur absurditas.


Est autem axioma, si plura de pluribus, singula de singulis dicantur, & totum quod ea continet de toto, atque versa vice: aut idem sit dicentur & illa conuerso modo. Velut rationale de homine omni dicitur, & irrationale de non homine omni, & ambo sub animali continentur, rationale & irrationale, & homo & non homo, animal igitur homo dicitur de omni rationali, & non homo de omni irrationali. Et similiter apud Enclidem in primo Elementorum: si quod triangulum habet latera æqualia habet & angulos, & si maius latus, angulus oppositus maior erit, & si minus minor. Et omnis trianguli laterum vnum est æquale alteri maius aut minus, & angulus similiter æqualis maior aut minor, igitur omnis trianguli æqualia latera opponuntur æqualibus angulis: & maius latus maiori angulo, & minus minori. Et quanquam sit cum negatione: velut in sexta primi Elementorum Euclidis. Ducitur enim linea à puncto lateris resecti ad angulum oppositum lateri, fietque angulus ille pars prioris, igitur minor eo quare & reliquo supra basim qui fuit toti æqualis ex quarta autem proportionem probatur quod oportet eos esse æquales, igitur detegitur repugnantia ex priore negotiatione. Hoc ergo non est mirum aliunde sumpto principio detegi absurditatem. Reliquum est, vt ostendamus quare facilius demonstremus absurditatem oppositi axiomatis propositi quam illius necessitatem.

Est autem aliud axioma per se clarum, quæcunque sunt eodem etiam dicuntur, verè vnum de altero, de omni si in omni, & de parte, si in parte. Et quæcunque dicuntur verè eodem modo etiam sunt, aliter non verè dicerentur. Si igitur rationale dicitur de omni homine & irrationale de omni animali non homine, & ponatur quod homo non dicatur de omni rationali, & sit illud de quo non dicitur chimera, ergo chimera non est homo, cum ergo sit animal erit non homo: non homo igitur aliquod est chimera, ergo non homo

Propositio  
18. & 19.



homo aliquod est rationale, quia chimera erat ratione: igitur non homo aliquod non est irrationale, ex secundo principio, igitur irrationale non dicitur de omni eo animali quod est non homo, quod est contrasuppositum, iam vides rationem repugnantiae, sed nondum liquet cur facilius hoc sic desideratur quàm rectè, liquebit ergo si demonstrauerimus rectè sic, omnis homo est rationalis & omne non homo est irrationale: igitur ex secundo principio, nullus homo est irrationalis, & nullum non homo est rationale: igitur conuertendo nullum irrationale est homo & nullum rationale est non homo. Si igitur nullum rationale est non homo ex primo principio, omne rationale est homo, quia ut dictum est, continentur pariter omnia sub animali: & pariter, si nullum irrationale est homo, omne irrationale est non homo, ex eodem primo principio. Ergo quæ demonstrari possunt, deducendo ad absurdum sine negotiatione quibusdam suppositis axiomatibus etiā simpliciter demonstrari possunt, sed longiore circuitu. Sit ergo demonstratum in triangulo  $a, b, c$ , quod si latus  $a, b$ , sit æquale lateri  $a, c$ , quod angulus  $c$ , est æqualis angulo  $b$ , & si maius maior, & si minus minor, dico quod si angulus  $c$ , erit æqualis angulo  $b$ , quod latus  $a, b$ , erit æquale lateri  $a, c$ , etsi maius maior & si minor minus. Proponam æquale & inæquale primo quia ergo si  $a, b$  est æquale  $a, c$ , est æqualis  $b$ , igitur si  $a, b$ , est æquale  $a, c$ , non est inæqualis  $b$ , & idè cum  $b$ , est inæqualis  $c$ ,  $a, b$ , non est æquale  $a, c$ , igitur sunt inæqualia. Inde proposito  $b$ , maiore  $c$ , dicemus si  $a, c$ , est maius  $a, b$ ,  $b$ , est maior  $c$ , ergo neque æqualis neque minor. Cum igitur  $b$ , non est æqualis neque minor  $c$ , non est  $a, c$ , minor nec æquale  $a, b$ , igitur erit maius. Si igitur  $b$ , est maius  $c$ ,  $a, c$ , est maius  $a, b$ , quod erat demonstrandum. Sed si negotiatio sit necessaria & sint  $b, c$ , æquales, ut in sexta primi elementorum Euclidis non licebit abesse inæquale  $a, c$ , nam ex quocunque puncto ducatur  $b, d$ , fiet angulus  $d, b, c$ , minor  $a, b, c$ , quare  $a, c, b$ , cum ergo si duo anguli  $b$ , &  $c$ , sint æquales &  $b, c$ , communis si  $b, a$ , posset esse æquale  $c, d$ , anguli  $d, c, b$ , &  $d, b, c$ , essent æquales, at non possunt esse æquales, igitur  $a, c$ , non potest esse maius nec minus  $a, b$ , igitur est illi æqualis. Hoc autem constat ex negante consequens ad negantem antecedens, quod paulò post demonstrabimus deducere ad syllogismum perfectum.



Sed si vellemus deducere syllogismum ad impossibile ad syllogismum simplicem seu rectum, accipiemus oppositum conclusionis & præmissam veram, & formabimus syllogismum, ex quo sequetur opposita præmissæ falsæ. Iam verò diximus quomodo demonstratur Barbara, & Celarent cum maiore falsa & minore vera, sed Barbara, & Darii cum maiore vera & minore falsa, igitur in primis modis accipiemus minorem. Veluti omne  $b$ , est  $c$ , omne  $a$ , est  $b$ , igitur omne  $a$ , est  $c$ . Su-

memus aliquod  $a$ , non est  $c$ , omne  $a$ , est  $b$ , igitur in Bocardo aliquod  $b$ , non est  $c$ , repugnans maiori. Et similiter si falsa sit aliquod  $a$  est  $b$ , sumemus oppositum conclusionis scilicet nullum  $a$ , est  $c$ , quod erit verum & ei adiciemus omne  $b$ , est  $c$ , maiorem scilicet, & concludemus in camestres nullum  $a$ , est  $b$ .

At ex ambobus repugnantibus præmissis eius syllogismi qui concludit, nunquam fit syllogismus necessario. Ex vna tantum non fit nec in prima nec in tertia figura. In prima quidem fiet specialis si repugnet maiori, & negans si minori, at isto nihil concluditur in eadem figura: sed in secunda nil prohibet ut in Frisefomorum. In tertia verò nec in ea nec alibi, quoniam vel fient ambæ negantes, quæ nullibi efficiunt syllogismum, vel ambæ affirmabunt, quæ in ea figura non efficiunt syllogismum, in alia autem non sunt ordinatæ; in aliis potest. Imperfecta verò demonstrandi ratio fit vocato Enthymemate, cum altera præmissarum subicitur. Dignoscitur ex conclusione & præmissa quæ adducta est: an suppressa sit Maior, Minor, Generalis, Specialis, quæ affirmet aut neget; & in qua figura ac modo: Terminus enim in præmissa qui in conclusione non inuenitur medius est, quem iunges alteri qui in conclusione est, non in præmissa, habebisque alteram præmissam. Quartus modus fit cum negando consequens eius quæ est sub conditione, quæ affirmat, sequitur negans de antecedente. Velut si esset sapiens esset bonus, sed non est bonus, ergo non est sapiens. Et similiter, si non est bonus, non est sapiens, sed est sapiens, ergo etiam bonus. Demonstremus autem hoc. Nullus bonus est homo, nam nullus homo est bonus: omnis sapiens est bonus: æquiualeat enim igitur nullus sapiens est homo, igitur nullus homo est sapiens. Quod autem dixi de omni homine, palam docuimus de orationibus intelligi debere, in quibus id de quo dicitur, est vnum aliquid.


Captiones autem secundum Aristotelem tredecim sunt, septem in re, sex in verbis. In re, per accidens ut si differo à te, tu medicus es, differo à medico. Simpliciter & non simpliciter: mali norunt decipere, igitur mali sunt sapientes. Ignorantia Elenchi est autem Elenchus compræhensio, sed accipitur pro repræhensione. Velut Galenus fuit bonus expositor Epidemiorum, & malus Aphorismorum, igitur fuit bonus, & malus expositor. Consequentis fallacia: quod factum est habet principium, mundus non est factus, igitur mundus non habet principium. Petitio principij: quod seipsum mouet est immortale, anima seipsum mouet: igitur anima est immortalis. Causa quæ causa non est erroris, cum admittimus falsam orationem & veram negamus. Et cum plures sunt simul interrogationes: ut intellectus, an expertes materiæ? quidam enim sic quidam non. In verbo, Homonymia, accentu, compositione, diuisione, ambiguitate, significatio totius orationis, ac specie significandi, velut ius carnis decoctum & quod iuste debetur. Apponam autem aliqua exempla præcipua, vita per animam consistit, vita in mortem transire non potest, nec igitur anima

Platonis



Platonis est. Aliud eiusdem, mors est contraria ortui & vitæ, igitur ortus & vita vnum sunt, animus non est vita, ergo animus non oritur. Illud etiam Hentisberi famosum: Falsum dico; sic dissoluitur, æquiualeat huic: falsum dico, eum falsum dicere me dico. At primum falsum est, quia nihil antea dixerat, inde totum verum: quoniam tota oratio sic vera est, cuius prima pars falsa erat.

Sit vt quadrilatera a, b, c, d, & a, e, f, g, sint coniuncta & circa eandem diametrum erunt similia: & si ducta æquidistante alteri diametro constituentur quadrilatera, erunt etiam similia. ex quibus colligemus quadrilatera similia, bifariam esse similia: quod tamen ex huiusmodi duobus assumptis, licet videatur sequi, non tamen sequitur. Est igitur captio hæc quod ductæ f, c, & f, g, æquidistantes, sunt quadrilatera dicta similia, sed non constat ex his e, g, æquidistare b, d. Et si



diametri b, d, & e, g, æquidistant, & ducantur e, f, & g, f, æquidistantes, non constat quod concurrant in linea a, c, & si f, g, æquidistat c, d, & ducatur f, e, non constat eam æquidistare b, c. Sunt igitur tria: similitudo quadrangulorum æquidistantes diametri, esse circa eandem diametrum quorum duo posse iungi facile

demonstrari, omnia simul, difficile & ex aliis suppositionibus, igitur etiam in Geometricis accidunt captiones. Aristoteles autem negat, quoniam sunt non secundum demonstrationem.

Medij autem inuentio sic per ea quæ per se dicuntur de subiecto, & quæ ei inhaerent, aut semper, aut plerunque, aut soli.

His visis de positionibus atque implicanti-  
bus repugnantiam, quæ necessaria sunt, adiciamus, veluti admodum his, qui ex vinculis detenti interrogantur, vtilibus. Proponemus igitur, me occidisse hominem nocte quadam: oppositum mihi opponit iudex, scilicet ea nocte me nec adfuisse, nec occidisse hominem, conatur autem ad repugnantia me deducere: nam eo facto in suspicionem incido. Proponit ergo an ea nocte domi cœnauerim, si negem, oportebit postmodum ostendere quomodo domum redierim. Si fatear, quærit, quomodo rescuerim, illum fuisse occisum. Id ego negare debeo; quandoquidem proponuntur tanquam admissa ac manifesta, quæ positioni meæ, quam tueri me oportet, incipiunt repugnare. Tum ille cur ergo, si nesciebas, in ianua domus armatus stetisti? id forsan ex testibus compertum illi fuerit: Solitus sum sic facere: nonne illum oderas? tametsi par forsan odisse depræhensa causa, ego tamen non odi: alicuius communis amici recitato nomine. Sed quo te à ianua contulisti? paululum excessi viam meam, non sum egressus: nil enim longius progredienti vtile contingere posse existinaui. Attamen refugientem viderunt, aliqui? Audito strepitu, nil, nisi timere, poteram; ob id in ipso statim initio strepitus, domum me contuli. In vniuersum quanto latius potes te explica, modò limites suspicionis, aut

Tom. I.

eorum quæ obici certo tibi posse sentis, non attingas. Eadem in tormentis persta, ac vide vt magis aduersum vnum testem, quàm plures perstes: tametsi quod vnus obicit lenius sit, quàm quod à duobus probari potest, modo mortis periculum non incurras. Melius est partem delicti sponte fateri cum securitatis vitæ spe, quàm omnia negando in periculum incidere. Melius tamen est etiam in his ignorantia aut obliuionis simulatione eludere, iudicis interrogationes, quàm apertè vel fatendo, vel negando, mortis aut diuturniorum tormentorum, subire periculum. Quocirca medius semper inter ea quæ probari possunt, & quæ vitæ discrimen afferunt, incedes. Vt positio tua non sit, quod tutum omnino est, nec id, cuius repugnans, per testes, probari nequit: sed quod medium est inter hæc aut vigentes testes aut periculosam confessionem: etiam si necessarium sit sub hoc medio, quod ab vno quouis teste tantum reprobari potest, comprehendere: non vt in positionibus, totum effugiendo, nec quicquam concedendo, quod in suspicionem sit. Melius est aduersus vnum testem tormenta sustinere; quàm vitæ causam dubiam facere.

Nam in positione si quis dicat, pono te non esse? admitto: respondebo. Tum ille, admisisti? nequaquam. Ergo non admisisti? nec illud. Quid ergo respondes? non respondeo. Rursus positionem admittis? non: igitur non admittis: nec illud: non tu respondes? qui respondeam; qui non sim; hoc ergo fateris te non esse? minimè: nec fateor, nec nego. Cur ergo tanta & quàm differentiam, inter has responsiones facis? nullas responsiones audio? vis vt te à positione liberem? non te neor vlla positione, vt qui non sim. Sed quæ hæc varietates? & vnde? mentis tuæ; reuoluentis tecum, quid responsurus essem, si esset nihil quod pro me responderet, sed tu illius, qui non esset, loco responderes. Soluo te ab obligatione: recipio & liber sum. In omnibus his, maximè, vbi serio agitur, quàm maximè potes, breuiloquus, homonyma verba, & multiplices sensus, effugies obscura: tamen & ancipites orationes sequeris, vt cogitando, in quem velis conuenientem magis tibi sensum vertere, possis & vanas iudicis spes fallere. Quæ eadem in litigiosis disputationibus diurnis obseruabis, vbi non de rerum veritate concertatio est.

In concertationibus autem memoria, per syllabas, & literas, & ad vnum principium, vteris. Mediis verò generis differentias accidentium inseparabilium, causam effectuum diuisione. Proponemus validiora argumenta, sed secundum validissimum ne deficere videamur. Primis tribus habeas plurima parata media, inter medium terminum & maiorem, & inter medium & minorem syllogismi forma exacta sit: aut si coarguere velis potestate solum. Per contrarium vt in Topicis ait Aristoteles, dissolutio omnium difficultatum sit per interemptionem, aut diuisionem, id est, distinguendo.

Hactenus Aristotelica & vulgata: Nunc celebriorum authorum, propriaque disciplinarum, & circa inuentionem medij, pri-

C c

mumque



munque Hippocratis, & circa medicinam. Innititur autem quatuor regulis: Prima à singulari effectu ad causam procedit, inde generalem constitui doctrinam; velut: qui bono sunt habitu, repentinas non sustinent mutationes: periculosa. Secunda à causa supra effectum demonstrando simpliciter, inde à b, effectum ad causam, quod sit. Velut si muci in coxa superueniant, coxa excidit, & claudicant: ergo si coxa exciderit, muci superuenere, & claudicabit nisi vratur. Tertia cum inuenta causa plures effectus ex ea deducit, vt si mammae rursus durecant, non abortit, sed dolores in eis, vel oculis, aut coxis, aut genibus fiunt. Quarta cum ad id, de quo dicitur, sequitur quod dicitur, & ad oppositum oppositum, & ea de quibus dicuntur, repugnant, repugnabunt & ea quæ dicuntur. Sequantur ex a, b, & ex c, d, & sint a, & c, repugnantia: dico b, & d, repugnare. Si enim b, non est a, non est ex regula imperfectorum: igitur c, est ex Primo axioma, quare d, ex supposito. Igitur si b, non est d: est & iam b, & d, fuere opposita, vt suppone: igitur b, & d, repugnant. Porro inuentio mediij ab Hippocrate triplex est constituta, cognitionis & operationis, & cognitionis in comparisonem, id est, si liceat operari, vel non: circa enim statim morituros, nihil debemus operari, & quosdam morbos solum mitigare conuenit. De operatione tanquam simpliciore dicamus. Morbi fiunt ex mutatione naturæ, in contrarium affectum. Igitur primum, curatio cum sit reditus ad naturalem statum, fiet contrario motu, & qualitate, quæ tamen viget. Et quia factus est morbus ab aliqua causa, & illa plerunque fit à simili, quia simile à simili generatur, igitur causa illa est naturæ contrariæ, cum sit similis morbo. Et cum fiat curatio per ablationem causæ: igitur fiet per contrarium causæ: per se. Et quoniam causa aliqua fit à contrario sui, vt calor ex refrigeratione, dum corpus non respirat, & curatio est contraria generationi causæ: igitur cum causa fuerit facta à contrario per accidens, soluetur à simili per accidens, vt calor à balneo. Rursus quia curatio fit à natura, & natura iunatur à similibus, igitur curatio fiet per similia naturæ. Habemus igitur, quod curatio semper fit per contraria generali modo ipsi morbo, id est, auferendo morbum, vt si fit frigiditas calefaciendo, & per contraria per se causæ, & per similia causæ, per accidens, & per similia naturæ per se. Secunda regula sumitur ex similitudine, similibus morbis, vt simili sunt, conueniunt eadem auxilia, & eidem morbo rursus similia auxilia, & similibus similia. Tertia contrariis morbis, contraria auxilia. Quarta regula: mediis morbis, media auxilia conuenient. Quinta complicatis morbis, diuersa auxilia, vel simul vel alternando. Circa comparisonem cognitionis, ad operationem oriuntur signa prognostica, quæ omnia in similitudine, & dissimilitudine fundata sunt. Quanto magis remota sunt à naturali statu, eo morbum & causam deteriore significat. Aduersa naturæ sunt morbus, qui est principalior quo ad periculum, inde causa, quæ principalior est, quod ad sanationem pertinet & symptomata. Et quartum est naturalis habitus.

Quo igitur ea quæ sunt præter naturalem maiora fuerint, & differentia à naturali habitu, eo periculosior, & difficilior affectus; maiora autem quadrifariam dicuntur: vel quia in necessariis vitæ, vel quia essentia maiora, vel diuturnitate vel qualitate affectus, vt vlcus, intemperie. Dignotionis autem ab effectibus, vt languor morbi: à causis, vt fuit in Sole, igitur dolor est à calore: à signis, vt stridor dentium, conclusionis. Signa autem à concausis, à congenitis, à contrariis, à similibus, ab ordine, à transpositione, à toto, à parte, à ratiocinatione, ab experientia cognititis, & à συνδρομή. Exponam autem vnum exemplum à simili & contrario. Infantia plenas & exiguas habet venas, adolescentia secernit & excernit; pueritia plenas habet venas, quia contermina infantia; non paruas, quia contermina adolescentia; secernit, quia contermina adolescentia; non excernit, quia contermina infantia: igitur illi conuenient morbi plenitudinis summæ cum secretionem, quæ fit agitatis humoribus, & supercalefactis ob motum, nihil exercente natura. Inde qui morbi oriri possint ex hac causarum complicatione considerauit, & eos quos experimentum confirmauit proposuit.

Galenus autem versatus est circa inuentionem artium, cetera quæ de demonstratione iactat ridicula sunt: nam nec Hippocratis Dialecticam assecutus est, nedum vt ei aliquid adiecerit. In artibus igitur & disciplinis inuentio fit à notione finis, inde ingrediendo sensim ad ea, quæ sunt ad finem, multiplicantur membra subiecti, vt apparet pulcherrimo exemplo ex diffinitione Medicinæ. Sic apud Euclidem proponitur finis, constructio quinque corporum, quæ regularia vocantur: inde considerantur necessaria propinqua, & illa sunt plura, & his rursus necessaria, quæ etiam sunt multo plura: atque adhuc necessaria his, quæ etiam sunt plura illis, donec deueniamus ad prima. Sic nil deerit necessariorum ad artem constituendam, nec quicquam abundabit ad finem inutile. Secundum est vt demonstremus, omnes has partes esse necessarias huic fini, vel si sint contenti, sub subiecto contineri, nec plures esse posse. Tertium vt ostendamus, quæ de illis partibus possint demonstrari, & quod neque plura neque pauciora, quæ ad artem pertineant. Quartum vt id agatur in omnibus scilicet, vt affectiones de singulis partibus subiecti quam breuissimè demonstrantur: vocatur autem prima resolutio, secunda collectio, tertia inquisitio, quarta demonstratio. Demonstrationum autem genera sunt septem, primum & nobilissimum, per causam, cum rem simul esse ostendimus. Velut cum cras defecturam Lunam ostenderimus, ob terræ inter Solem & eam, interpositionem. Illam verò adeò celebrem Aristotelis, ex primis, veris, principiis, tot cum conditionibus nescio quorsum, Aristoteles adduxerit, cuius nullum apud homines exemplum potest inueniri. Sed & multo minus apud Deos vel dæmones, qui demonstrationibus non vtuntur, sed Dij quidem omnia simplici intuitu cognoscunt, dæmones



dæmones dum περιλάμπουσιν. Secundum est ab effectu supra causam. Tertium à causa super effectum, sic ut causam illam esse ostendimus. Quartum ut dixi quod ex his componitur, nobilitatis ordine secundum. Quintum quod ad absurdum deducit. Sextum quod non est per proprias causas, sed alienas & æternas. Exemplum huius habetur apud Archimedem dum de Parabole demonstrat per æquiponderantia. Comprehendit autem hoc inuentionem causarum varij generis velut perfectæ ut ignea caliditas ruboris sanguinis, est enim causa ruboris instrumenti, & operationis. Velut si quis lyram fabricet & pulset, erit causa perfecta soni. Et plenæ velut cor est causa caloris sanguinis, id est, feruoris prima & tepidi per iecur in quo conseruat: ut ingenitam quam influxit. Et cum non possunt esse nisi duæ causæ & vnum dicitur: generaliter, aliud non quod generale est per se est causa. Ut omnis humor niger est cum timore, non omnis humor frigidus & siccus est cum timore: igitur nigrities non temperies est causa timoris. Et si quæ sunt maxima singillatim possunt esse sine illo, coniuncta non sunt causa per se ut bilis siccissima, & pituita frigidissima possunt esse sine timore, ergo frigiditas, & siccitas, non sunt causa timoris per se. Septimum quod ex confutatione, opinionum aliorum oritur. Estque tum demonstratio solum aduersus illos. Atque hæc omnia re ac vi, inter se differunt. Quæ vero demonstrationes non ex principiis deducuntur, sed ex demonstratis, modo nil aliud obstat, perfectæ & ipsæ sunt demonstrationes. Continuo enim contextu cum illis coniunctæ sunt. Imò sic necesse est procedere vsque ad remotissima sensibus nostris.

Tradi autem ars quinque partibus debet velut Medicinæ præceptis quæ solus Galenus in Methodo absoluit: consiliatio est auctorum: & distinctione rerum quam partem soli nos perfecimus: doctrinis ut publicè profitando eam ego cum pluribus aggressus sum, expositione primorum authorum quam & Galenus & nos expleuimus. Vitruuius non indignus Tractatione: estque modus exequendi præcepta specialis quem nec Galenus nec nos attingimus vocant practicam sed alij multi scripsere.

Sic verò ut ex resolutione à fine ad prima principia deuenire debemus: ita in conuincendo aduersarium ex primis principiis ordiemur, conuerso ordine quasi aliud agentes donec incautum & nil tale meditantem oppresserimus. Velut si velim probare quod virtute carere est summa infelicitas: Nam resoluitur sic optimum animi bonum est virtus: quoniam est per proprium ut voluptas corporis: & propria animi bona sunt præstantiora, quam corporis quia animus corpori præstat: quia agit illud, ut auriga quadrigam & equos. Ille autem palam nobilior est. Igitur hoc probatis ut primo per tres alias rationes conuerso ordine ostendemus quod virtute carere est summa ea felicitas, vocatur autem insidia.

Sic igitur construendorum librorum ratio habetur. Tum verò & dignoscendorum

Tom. I.

quinam perfecti sint qui deficient, & imperfectorum (qui plerique sunt) qui minus sint imperfecti. Nam eorum qui sunt in disciplinis quatuor sunt illæ rationes recta resolutio, collectio, inquisitio & demonstratio. Aliorum tres primæ. Multum autem interest quæ partes deficient, velut in historia tractationes causæ, secreta hæc enim sunt præcipua, vnde solum quatuor historiae apud nos sunt. Xenophontis Ascensus Cyri, Catilinarium & Iugurtinum bellum Salustij, Philippi Argentoni de gestis Ludouici vndecimi Gallorum Regis omnium præstantissima. Nam Commentaria Cæsaris cum iussu illius scripta sint, & nil tyrannidem redoleant, non habent acta secreta. Omnia enim illa nil nisi vim & fraudes & rapinas ac corruptiones per munera ac pecunias continebant. Itaque dum vetat illa inferi historiae eam inanem & vacuam reddidit. Sic exanimis sunt omnes aliæ: & quæ maximè celebrantur Thucididis ac Titi Liuij sunt sordidissima. Vbi loco horum quæ sunt tanquam historiae, animæ videas orationes ducum fictas ad ostentationem ingenij, & facundiæ auctoris non ad rei veritatem intelligendam vtilis. Simile est de Epistolis nullas habemus præter Ciceronis ad Atticū & eas satis obscuras & plenas Græcis adagijs, sed pleniores etiam glorioso milite ad fastidium vsque: deinde etiam mutilatas cum plus biennio desideretur: & tamen vel sic dignas solas quæ legantur. Et maximè cum Scholiis Pauli Manutij.

Inde ex his etiam intellectus difficillimorum auctorum, velut Hippocratis, Aristotelis, Plotini, Archimedis, & Apollonij. Primum quidem statuemus quid docere debuerit, antequam quid doceat, si ordinatus fuerit. In omnibus autem diuidemus eorum dicta in periodos certos ubi perpetuò de iisdem sermonem habeat. Considerabimus etiam an sit simplex tota narratio an connexa, ut demonstratio, & ad demonstrationem partes transpositis hinc inde quæ necessaria videbuntur. Vltimo rationem habemus propriorum modorum demonstrandi. Iuuat & vidisse expositorum aliorum si qui præfuerint mentem, & eiusdem etiam authoris dicta inuicem contulisse. Videtur autem & alius tradendi modus, quo vsus est Aristoteles & manifestè Theodorus Gaza in sua Græca Grammatica, cum ab vniuersalibus ad specialia procedimus. Velut enim sensu corpus prius quàm animal & hoc quàm hominem procul depræhendimus: ita & confusa quædam cognitio est omnium prius deinde & propria & specialium ac partium subiecti. Vnde & illud demonstrandi genus quod ab vniuersalibus ad specialia procedit. Principaliter autem præsupponere oportet neque contradicere neque repetere nec leue quicquam aut absurdum dicere nisi ratione euidenti compulsus: neque obiter nec dissidens ab alijs nisi rursus causa addita, neque ut incertum reddat.

Hinc orta est ratio profitendi ex temporanea etiam si oporteat. Exemplum autem sumemus in Hippocrate qui præcipuè ob claritatem & profunditatem sensuum dignus est legi primum. Ergo sensum illius simpli-

C c 2 cem,



cem, & vniuersalem exponemus. Deinde distinguemus singulas dictiones tum maxime obscuriores properantes ad eum sensum in quo ab auctore propositæ sunt, ne nugas agere videamur. Post quæremus rationem, dicti quam facile inueniemus cum ille nihil sine ea protulerit neque non consentiens experimento: ea etiam promptè se offeret ex modis quibus utitur auctor, eruta vt in Hippocrate seu vna quatuor demonstrandi norma seu ex vndecim medijs inueniendi. Qua inuenta, diuidere, componere, amplificare, sæpe excipere, raro dubitare, per causarum quatuor genera rem examinare, applicare quæ ad id pertinent vel quæ ex illo deduci possunt: contraria contrariis comparare, aut eadem, vt cum dicimus, rara corpora, lassitudinibus non corripi, carniū esum ferre, & si sint imbecillia signa. Aliorum exponens tum etiam opiniones quæ sententiæ illi aduersantur confutare licebit. Demum traducere etiam ad opus. Ac vltimo per viam epilogi colligere.

Hoc munus sæpè nos non solum recte sed non parua cum admiratione præstitimus. Poteris & ex hoc transire ad ornatas disceptationes non tam autoritate magni viri fultus, quam etiam multiplici & profunda ratione instructus. Quorum omnium consuetudine etiam ad opus ipsum non parum proficiemus, quandoquidem eorundem sit recte sapere & bene opus tractare.

Geometrarum autem consideratio inter quos præcellunt Euclides & Archimedes in demonstrandi inuentione, Apollonius autem in ipsis demonstrationibus circa quatuordecim versatur: quantitates ipsas generaliter, Lineas, Angulos, Superficies, Sphæram, Corpora quinque vniiformia, lineas, in superficie sphæaræ, superficiem sphæaræ, cum partibus eius, Cylindrum, Conum, Coni sectiones quatuor, Conoydalia corpora, atque oualia. Lineas Elicas & quæ sunt huiusmodi generis. De his omnibus demonstrantur quatuor non singula tamen de omnibus Æqualitas, Maius vel minus, Proportio & Commensum, vel Asymetrum. Proportionis præcipua, Continuitas, Æqualitas, Productio, Compositio, & Reflexa. Principalissimum omnium & in omnibus est æqualitas quæ & quantitibus, & proportionibus inuenitur. Maius autem & minus propter æqualitatem. Nobilior autem proportio æqualis aut continua Commenso, Commensum, Asymetro. Sed & Asymetrum per se consideratur: opponitur tamen commenso ob id non duo genera statuere oportet. Reflexa autem. Species est vna æqualis proportionis. Productio & compositio, & ipsæ ad æqualitatem referuntur, Æquale omnibus notius ratione, sensu autem maius aut minus. Cum autem necesse sit in omnibus, vt dictum est, præmissas conclusionem esse notiores, necesse est in omnibus demonstrationibus perfectis assumi æquale vel commensum. Nam proportio potius ad partes subiecti pertinet quàm quod sit affectio. Perfectam dico demonstrationem in qua sistitur. Quædam enim propter se solum demonstrantur, vt quæ de Sphæra & corporibus vniiformibus: quædam propter se & alia, vt quod

latus recto oppositum, tantum possit quantum reliqua pariter accepta. Et quod maius latus maiori angulo opponitur. Quædam propter alia tantum vt in vigesimoquinto Theoremate quinti Elementorum. Et generaliter, vbi nihil supponitur, æquale nec commensum, non fit demonstratio quæsitæ propter se. Porro septem modis demonstrationes primi ordinis fiunt, aut ex æqualibus inæqualia vt in xvj. primi Elementorum. Vel ex inæqualibus inæqualia: vt in xvij. vel ex æqualibus æqualia, demonstratione ad absurdum ducente, vt in xxvj. vel ex æqualibus æqualia demonstratione absoluta, vt in xxxij. eiusdem, vel ex inæqualibus æqualia, vt cum demonstramus circuli superficiem fieri, ex dimidio dimetientis in dimidium periferiæ: vel cum ex inæqualibus actu æqualia potestate vt in xlvij. primi Elementorum: vel cum ex æqualibus actu, æqualia potestate vt in sexto Elementorum cum demonstramus similes superficies, super bases æquales, esse æquales. Sunt & alij modi, in his tribus differentiis absolutæ demonstrationis absurdæ, æqualis inæqualis, actus & potestate: sed hi quos diximus principales. Videntur ergo fines demonstrationum perfecti consistere in probando æqualitatem quantitatum aut proportionum aut cognitionum proportionum ipsarum, quæ sunt genera quædam æqualitatum, & commensum. Nam ex eo habentur, genera quantitatum qualia sint. Omnes commensæ vt Euclides demonstrat in eodem sunt genere. Ex commensis autem nobilissimum æquale, inde multiplex inde quod continet partem certam & ex his quam notissimam, vt sesquialteram & duplam magis quam tripplam & sesquitertiam. Et idem in pluribus partibus.

Propriorum autem quæ in Geometricis præcipuè quærantur ad inuentionem vtilium tria sunt genera, Axioma, Modus & Medium. Inueniuntur autem in singulis quæ opportuna sunt resolutiua methodo deducto versus principia problemate. Cuiusmodi exempla non pauca habet apud Theonem in Commentariis super Euclidem.

Primum igitur est Axiomatum quæ principaliter sunt septem: superpositio, & est à sensu coniunctio ex æqualibus: æqualis differentia ab æqualibus aut vtrunque: comparatio ad idem mutua proportio, licet hæc demonstretur, habet tamen rationem principij quod generale sit. Et mutus excessus; atque hæc omnia cum suis conuersis. Et vnumquodque habet rationem medijs vt in xli. & xlij. primi Elementorum Euclidis.

Modi autem argumentandi nobiliores & præter axiomata sunt quatuor, commutatio proportionū in quatuor quantitibus, & habet octo Species: Conuersam, Permutatam, Coniunctam, disiunctam, Æquam, Euerfam, & assumptionem æquæ multiplicium primæ, & tertiæ atque secundæ & quartæ. Et assumptio duorum, ac duorum multiplicium ad primum & secundum, si necessario, sunt maiora, aut minora, aut æqualia, multiplicia vnius & alterius, illæ quantitates erunt æquales. Commutatio proportionum in sex quantitibus, cum vna proportio ex duabus



duabus reliquis componitur cum conuersa. Reductio earundem proportionum in duas æquales, & ex sex quantitibus in quatuor cum conuersa, cum duæ quædam ex his æquales fuerint: Et comparatio fit in mutuis excessibus. Eius autem apponam sex exempla: primum cum fuerit, excessus primi ad secundum, vt tertij ad quartum, erunt primum & quartum æqualia secundo & tertio. Et rursus cum fuerint tres quantitates, aggregatum quarumlibet duarum æquale est, aggregato ex reliqua, & quavis earum differentia eiusdem non assumptæ in primo aggregato ab ea quæ non est assumpta, in secundo aggregato. Et etiam differentia singularum ab aggregato reliquarum iunctæ faciunt aggregatum ex omnibus. Quælibet etiam illarum cum differentia reliquarum iuncta est æqualis differentia minoris illarum duarum ab aggregato reliquarum. Et si fuerint quatuor quantitates aggregatum, ex differentia primæ & secundæ, item tertiæ & quartæ, æquale est aggregato, primæ & tertiæ, & secundæ & quartæ. Et in eiusdem aggregato, differentiarum primæ & secundæ; item tertiæ & quartæ æquale est differentia aggregatorum primæ & secundæ, ab aggregato tertiæ & quartæ.

Media autem legitima, æqualitatis tredecima pponam, & vnum inæqualitatis aliudque coniecturale. Primumque sumitur ex natura quantitatum generalis; quod commune est toti secundo libro Elementorum Euclidis, licet ipse eo non vtatur, sed demonstrat per figuras descriptas.

Secundum est ex natura propria: vt reliqua tria quæ sequuntur ab ambitu: vt in octaua primi elementorum Euclidis. Nam ex æqualitate omnium laterum in triangulo demonstrat æqualitatem superficierum & angulorum.

Tertium ex figura, velut cum ex angulorum æqualitate laterum proportio demonstratur, vt in quarta, sexti Elementorum.

Quartum cum ex ambitus & figuræ parte demonstramus, & proponam quinque exempla. Primum cum duo latera, duobus lateribus, & anguli contenti sunt æqualia: vt in quarta, primi Elementorum. Secundum cum duo anguli, duobus angulis æquales sunt, & latus vnum vni lateri, vt in vigesima sexta eiusdem. Tertium cum angulus angulo fuerit æqualis, & latera continentia mutua, vt in quintadecima sexti Elementorum. Quartum cum anguli fuerint æquales, & latera continentia, in eadem proportionem. Tunc trianguli erunt, similes vt in sexta eiusdem. Quintum cum fuerit proportio aggregati laterum, ad aggregatum laterum mutua proportioni, producti trium differentiarum vniuscuiusque scilicet lateris à dimidio aggregati, eorundem inuicem ad simile productum, vt si vnius latera sint xij. xij. v. alterius vnum latus sit: vj. reliqua singula quadratum latus, cix. Et hæc demonstrantur à nobis in Elementis Geometricis.

Quintum est cum altitudines, & bases fuerint in mutua proportionem. Hoc autem à nobis ibidem demonstratur, manifestum est autem quod in eo includitur, etiam si sint æquales.

Tom. I.

Sextum cum ex origine ipsius figuræ, vt Archimedes in Elicis.

Septimum est à diuisione seu in similia, seu in dissimilia, vt in xlvij. primi elementorum Euclidis.

Octauum cum à compositione, deinde deductione argumentamur: vt in quinta eiusdem.

Nonum cum ab vtroque vt in secunda parte demonstrationis trigessimæ, quintæ eius.



Decimum ex negotiatione. Velut cum ego demonstravi, proportionem reflexam.

Vndecimum est Myrielecticum, habetque tres modos, primus cum diuisa quantitate, in infinitum sub certa ratione aliqua illarum ad omnium aggregatum certam seruat comparisonem, demonstrata tali diuisione sequitur quod proposuimus de comparatione. Et hoc est præcipuum quo Archimedes demonstrat quantitatem Paraboles & Sphæræ; secundus modus est cum assumuntur, quotlibet quantitates in duobus ordinibus sub certa proportionem, & comparantur inuicem. Et tertius similiter sub certo excessu inde demonstrata proportionem vel excessu, sequitur vt sit ratio comparationis proposita. Et his etiam vtitur Archimedes.

Duodecimum est cum æquale æquali superponitur, sed non tota figura toti figuræ, vt in primo nostro. De Elementis super xxxvij. primi Euclidis, cum latus lateri æquali superponimus, non triangulum triangulo. In quo genere sunt nouæ circulorum descriptiones, rectorumque æquidistantium ad perpendicularum: tum maximè cum extrema illarum coniunguntur.

Tertiumdecimum est cum figuræ similes aut dissimiles miscantur, vt si duo circuli in Sphæra quomodolibet se secuerint, & ex communi sectione argumentamur, ex xxxv. tertij Euclidis. Velut in inuentione duarum mediarum tradita à nobis ex Archita Tarentino, nobilissimum.

Medium autem pro inæqualitate demonstranda est, velut cum quantitates in aliquo genere perueniunt ad maximum quoddam aut minimum, licet diuersum tanquam finem, licebit inuenire quantitatem æqualem propositæ minori, & ita demonstrabitur inæqualitas. Et ex hac rursus & extrema alia media, & ita demonstrabitur ordo à posteriori. Exemplum sit circulus a b c d,



& sint a c, & a d, æquales aut proximiores æqualitati b c, & b d, & sit portio a c d, minor semicirculo dico quod quadrata b c, & b d, sunt maiora quadratis a c, & a d, quia enim angulus a, est maior recto, erit quadratum c d, maius quadratis a c, & a d. Sit igitur vt in superficie e, & sit linea f, quadratum æquale quadratis a c, a d, igitur f, minor est, d c, inducta, igitur in portione ex puncto d, & ducta, f c, erunt quadrata f c, & f d, maiora quadratis b c, & b d, & ita statuetur ordo inæqualitatis. Fietque axioma quasi pul-

Ce 2 chrump



chrum : & demonstratio similis Chrysippeo syllogismo.


Medium autem coniecturale est cum exempla omnia videntur appropinquare certæ rationi : Et licet non concludat eam rationem obseruandam , cum tamen sit signum necessitatis erit via ad demonstrationem.

Hæc igitur sunt exempla & modi , cum plures sint & præcipue qui ex generalibus regulis habentur. Velut ex cornuto syllogismo cum demonstramus , lineas rectas in punctum coeuntes ex portione periferiæ circuli maiores esse illa portione. Vt in elementis nostris. Et modi inueniendi non demonstrandi cum casu multa sic euenire comperimus. Atque hoc medio & præcedenti maximè artem magnam inueni inde etiam demonstrationes inuestigauimus : nihil enim vtilius ad inuentionem quam scire posse inueniri. Nihil ad demonstrationem quam iam rem ipsam inuentam esse. Extenduntur autem multi horum modorum , etiam ad Arithmeticas considerationes. Sed & ad alias artes , tū maximè cum etiam , vt dixi demonstrationes ex non propriis principiis artis cōstruere voluerimus.

Sciendum est autem quod licet Aristoteles aded extulerit demonstrationes , Mathematicas , fermè tamen tota Geometria ex demonstratione ad absurdum ducente originem ducit atque in his habet fundamentum : nam quod anguli trigoni æquales sint duobus rectis , quam semper habet in ore , demonstratur ex eo quod in æquidistantibus lineis coalterni anguli sint æquales. Sed hoc cum demonstraretur in xxix. primi elementorum quæ ex xxvij. demonstratur. At hæc procedit per confutationem , quare & xxxij. Ostensum est enim non posse maiorem esse fidem atque auctoritatem in conclusione quàm in præmissis , quod & ipse Aristoteles fatetur. Constat ergo eam propositionem per confutationem demonstrari , quod manifestè apparebit si demonstrationem ipsius trigonæ secundæ vsque ad primæ principia deducere volueris atque resolvere. Incides enim in hoc quod angulus exterior opposito interiori sit æqualis , quod xvj. primi Elementorum repugnat per eadem & xlvij. primi Elementorum. Pythagoræ vt referunt iuentum ad xlj. Deueniet ex hac in xxxiv. ex qua in xxvj. quæ per confutationem demonstratur , resoluetur , itaque & illa. Voco autem per confutationem eam quæ ad absurdum deducit quoniam ex fine illo ad principium admissum confutando redimus.

Quædam verò sunt demonstrationes quæ mediæ sunt inter absolutas , & confutationem , velut si quis loco xxvij. primi Elementorum demonstraret primum quod si linea recta super duas parallelas ceciderit erunt duo anguli ex vna parte , duobus rectis æquales : nam si sint minores concurrerent , ex eadem parte : si maiores ex altera per xij. primi Elementorum : igitur necessario ex vtraque parte æquales sunt duobus rectis. Sed Euclides inuoluit ad absurdum deducere ne præsupponeret , parallelas esse quas nondum deducere docuerat.

Ex his etiam ad interrogationes deuenimus in quibus proponitur an aliquid sit verum : etsi verum an demonstrari possit , & quomodo. Videntur autem iidem modi atque ratio eadem , quæ in inueniendis atque tradendis artibus. Verum exemplo quodam quod mihi propositum fuit : à Francisco Sambo Rauenate , id declarare decreui , nam illud admiratione dignum adiectum est , quod cum duobus annis frustra in eo laborassem , conscripta Dialectica in quarta horæ parte quod hic subiicitur , id totum expressi. Quæsitum fuit huiusmodi. Descripsi circulum  $a b c d$  , & extra circulum duxi rectam ,  $e f g$  , quomodolibet ,  $a b e$  ,  $a c f$  ,  $a d g$  , secantes circuli periferiam , & inueni quod id quod fit ex  $ea$  in  $a b$  , cum eo quod fit ex  $ga$  , in  $a d$  , duplum ei quod fit ex  $fa$  , in  $a c$ . Dicam ergo postquam non se astringit quo transeat ac figitur erunt duo illa rectangula dupla semper ei quod fit ex  $fa$  , in  $a c$  : quocunque loco ponatur  $f$  , igitur omnia rectangula ex  $fa$  , in  $a c$  , erunt inuicem æqualia , igitur ex  $fa$  , in  $a c$  , quantum ex  $ea$  in  $a b$  ; quare quod  $ea$  in  $a b$  , æquale :




ei quod ex  $ga$  , in  $a d$ . Ergo pari ratione ducta  $h l$  , erit quod ex  $ha$  , in  $a b$  , æquale ei quod ex  $la$  , in  $a d$  , hoc autem maius quam quod ex  $ga$  , in  $a d$  , igitur ex  $ha$  , in  $a b$  , maius quàm quod ex  $ga$  , in  $a d$  , ideoque etiam quàm id quod ex  $ea$  in  $a b$  , igitur  $ha$  , maior  $ea$  , quod est absurdum. Rursus si præsupponat ,  $a f$  , transire per centrum  $a e$  , autem &  $a g$  , altrinsecus esse positas , tunc non sequitur confestim quod ex  $ea$  , in  $a b$  , sit æquale esse ei quod ex  $ga$  , in  $a d$  . Sed bene quod ex eadem parte lineæ æqualia facient rectangula. Vt pote ex parte si quod fit ex  $ga$  , in  $a d$  , cum eo quod fit ex  $ea$  , in  $a b$  , vel  $fa$  , in  $a c$  , duplum est rectangulo ex tota transeunte per centrum in dimetientem , igitur quod fit ex  $fa$  , in  $a c$  , æquale est ei quod fit ex  $ea$  , in  $a b$  , hoc autem falsum in inclinata  $h l$  , quoniam vbi minima est , quæ intercepta à recta & circumferentia ea etiam minor est interiore parte quavis interiore intercepta inter ipsam & eam quæ transit per centrum.

Relinquitur tandem vt intelligendum sit cum dimetiens cadit supra rectam exteriorem ad perpendicularum : vt in secunda figura. Quia ergo quod fit ex  $ea$  , in  $a b$  , cum eo quod fit ex  $ga$  , in  $a d$  , vel  $la$  , in  $a k$  . Duplum est ei sit ex  $fa$  , in  $ac$  , erit quod fit ex  $la$  , in  $a k$  , æquale ei quod fit ex  $ga$  , in  $a d$  . Igitur cum  $la$  , quæ pro traxi



traxi sit æqualis e a erit quod sit ex e a in a b,  
vel g a, in a d, æquale ei quod sit ex f a,  
in a c.



Ergo veritas huius cum problemate assignato conuertitur. Hoc autem esse verum liquet protracta c d, recta; nam ex xxxi. Elementorum erit d, rectus quare ex iv. Sexti eiusdem ratio f a, ad a d, qualis g a, ad a c, ergo per xvi. Eiusdem patet propositum. Vides igitur quam certa arte venati simus veritatem huius quæsi in qua plures in vanum vel multos annos consumpsissent, quoniam quæsitum erat generaliter propositum, & dicebat se mensura verum inuenisse, cum tantum hoc in casu, vt demonstrauerimus, verum sit. Manifestum est autem quod generale euadit problema ex hoc quod l k, in a k. semper est dimidium, e a in a b, & g a, in a d.

Ptolemei vero Dialectica quatuor constat regulis. Prima vt ex duabus quæ affirmant orationibus syllogismum in tertia figura construat. Hanc Auerroës, non intelligens damnat ipse committens fallaciam non causæ, vt causæ. Nam Ptolemeus demonstrat generalem exempli, motum Solis sit seruari supposito orbe eccentrico. Cum hac ratione demonstrat quod nulla alia ratione is motus potest seruari ad vnguem neque cum aliis eccentricis neque paruis circulis neque homocentricis quovis sumptis. Ista enim à me declarata sunt in Libris de Rerum Varietate, & operis perfecti, & facile cuius hono Mathematico perspicua sunt. Quare melius fuisset Auerroei: vt dixisset, tu non ad vnguem seruas hos motus, & maxime quia Ptolemæus ipse dicit posse loco eccentrici cum paruo circulo seruari motum Solis. Quod vt dixi verum non est, nisi de maximis differentiis, non de toto decursu in singulis partibus ad vnguem. Ergo Ptolemæi regula stat, & est demonstratiua in ea figura, ex duabus quæ affirmant modo congruat, vniuersa ratio partium motus. Secunda regula est, quod omnes motus congruant, cū motibus Solis coniuncta ratione, vt in nouo magnæ compositionis in illis verbis. Si ergo in singulis stellis restitutionum tempus in dies resoluimus, & multitudinem inæqualitatum in gradus per singulos circulos trecentos, & sexaginta multiplicauerimus, habebimus motum inæqualitatis. Nam in omnibus stellis, quibus Sol velocior est, tot semper circulos ipse Sol in tempore restitutionis stellæ pertransiuit, quot sunt reuolutiones stellæ secundum longitudinem, & restitutiones inæquali-

tatis simul compositæ. Manifestum est, quod hæc æqualitates sunt inæquales, & ideo perpetuò permutantur, quia paruus circulus est, in loco eccentrici, quia eccentricus non perfecit integram reuolutionem. His duabus regulis magnam perfecit compositionem, licet hæc secunda alio modo sumatur in Luna, & aliis inferioribus. Tertia regula vocatur participationis, cuius vi, construxit pulcherrimos libros Musicæ, & Geographiam: capit enim medium inter extrema ex principiis, & ipsum coaptat extremis per proportionē notam, & simplicem: in Musica per quidem sexquialteram de qua in Arithmeticis diffusè à nobis tractatum est: in Geographia autem Sphæricum accommodat, plano extendens centrum partibus triginta quatuor, ultra terminos habitabilis, id est, viginti quinque ultra polum, vt in prima figura, vel partibus septuaginta quinque cum dimidia, & tertia ultra polum, sed eadem ratione deducit ad septuaginta quatuor, vt distet à Thyle partibus centum & vna. Vt in secunda figura, constituto enim medio, inter duos terminos quicquid adimitur vni alteri adiicitur, vt deus sit ad vtrumque interuallum. Quarta regula vocatur successionis qua vtitur, in libris de Iudiciis. Cum enim videret totum cælum concurrere in omnibus, quæ producantur primas partes, secundas & tertijs atque ita deinceps assignauit, donec ad eas perueniret quæ effectum non variarent. Vfus alternatione, vt primum in die constitueret, secundum in nocte, & contraria: inde vbi primo generalem tribuisset vim haberetque rationem horoscopi, secundò dedit specialem, vt significaret de vita ac cæteris, postmodum tertium locum assignauit, dominis dictorum principalium qui naturam rei significarent, velut si de filiis agebatur an futuri essent boni, vel mali, stulti vel prudentes, amici inter se vel inimici. Quartum locum dedit iis qui supra dominos illos eleuarentur, qui fortunam, & exitum talium significatorum, & qualitatum declarent, in omnibus vbi primus impeditus sit, velut sub Sole regimen ad secundum transfert, verum non sunt eo in casu tam perfecta, & exacta decretatijs ergo quatuor regulis quatuor illa pulcherrima opera fabricauit nullis aliis indigens præsijs nisi communibus.

In cæteris quoque artibus idem præstat auxilium, dico Mechanicis, Architectura, & Pictura, atque aliis. Cum aliquando cuperem videre naturaliter quæ præter naturam erant, dixi mecum: num quæ videntur, & audiuntur per somnum verè sentiuntur, & non solum ea imaginamur? quando inter imaginari plurimum interfit, & eum sensum qui solum in hoc differt, ab eo qui sit præsentibus rebus quod verus non sit. Cæterum quod ad efficaciam sentiendi nulla ex parte minor est, cum imaginemur absque metu maxima mala, non autem per somnium, sed plurimum afficitur anima nostra.

Quid igitur prohibet ne huiusmodi etiam vigilantes videamus? Sublata igitur, per vigiliam causa huius discriminis, sic effeci vt videam magna, & miranda ac supra fidem non secus, ac contingat dormientibus. Videamque verè & per longum spatium temporis, non



tamen quæ volo, sed casu oblata, & maxime in quibus versor magna cum animi intentione. Sed audire quicquam hoc modo hucusque mihi non contigit Ita & in aliis artibus multa inueni, præclara secreta, unde etiam librum Secretorum conscripsi. Plura inuenturus longè, nisi id obstaret quod cui inueniam nescio, nunc enim iam sexagenarius sum. Et quàmvis lucrosa multa sint, nec inuentis uti gratum est, nedum ut alia Tantalea poma quaram, quæ inuenta mihi nulli vñi aut saltem voluptati futura sint, nec cui relinquam iucundè, habeam. Solum quod facile fuit, Hippocratis libros, & aliorum grauiorum authorum intellegere curavi, tum maxime ob commentaria quæ in Hippocratem totum scribere institueram tum alia.

Liquet igitur ab hoc libro neque pauciora neque minus insignia responsa petere licere, quam à præstanti, ut ferunt, aliquo demone. At dices non propria, ut Demon hæc affert responsa, imò penè eadem. Nam homines ex sensibus speciebus cognoscunt Dæmones ex concursu generalium effectuum, ut quod hoc tempore, loco, conditione, qualitate, ætate, temperatura, moribus, horum infectione, hæc contingent, quæ nulli alij enenire poterunt, unde fecunda eorum cognito. Sic & ex hac arte ad speciales substantias, & indiuiduas vocatas, tum affectus, & euentus descendere licebit. Porro Geniorum scientia est de his per concursum causarum, ut dæmonum effectuum. Dei autem non est aliena spectantis, ut horum cuiuslibet, sed totum facientis.

In probabilibus autem rationibus eundem ordinem seruabimus, ut quo ad formam ac naturam simillima sunt, demonstratiuis. Peculiare autem est multitudo argumentorum atque coniecturarum. Et ut ex concessis procedamus aut verisimillimis, audientibus aut omnibus, aut sapientibus. Vnde etiam autoritate eorum utemur. Refellemus autem rationes oppositas, vel quoniam obiectæ sint, vel quia plenè eleuare earum fidem posse confidimus. Aliter prætermisisse satius fuerit, idèd perpetua oratione absque contradictione, in his debemus uti in quibus omnibus omnino per-

suadere propositum est. Vel si quæ obici possunt nondum nota sint aut illi minus eruditi, vel si tempus non plene suppetat aut rationes non adeò firmæ, apud illos futuræ videbuntur fidem puriorem & simplici oratione, & argumentis demonstratiuis quàm contradicendo faciemus. Memineris autem trecentorum, & sex locorum Aristotelis in hoc genere.

Coniectum verò dicemus respondentem, cum vel obmutescit vel ad propositum nihil, vel ad confutata redit, aut fatetur incredibilia, vel repugnantia iis quæ prius ante dixerat. Verum in huiusmodi causa, ut antea diximus, parum utilitatis est, cum ad scientiam non dirigatur, in hoc enim solum studium est adhibendum, ut confutetur respondens cum quæ dixerit maxime inter ea quæ vere dicuntur, sunt verisimilia. Exemplum autem confutationis, & in quo apparet demonstratio utilis documenti. Sit propositum demonstrare quod omnis diuisio bona in duo tantum subiecta procedere debeat. Id tñ neges, & sit ut A diuidi possit primum in BCDE, & sit ratio B, propria F, omne igitur B, est F, & omne F, est B, igitur omne CDE, est A, & nullum continetur, sub F, non F, igitur contenta sub A, est ratio communis CDE, ea igitur vocetur G: igitur G, dicetur de omni CDE, & omne CDE, de G, igitur F, & G, dicuntur de totis BCDE, & illa de F, & G, at A, dicitur de BCDE, & BCDE, de toto A, igitur FG, & A, conuertuntur, per quartam regulam Dialecticæ, Hippocratis superius demonstratam. Quare A, primum diuidetur, in F, & G, rationes oppositas. Et ita non solum apparet confutatio, sed rei ipsius demonstratio, & modus etiam inuentionis. Miseret autem me adolescentum quos quidam tanquam aliquid magnum docturi admovent, utranque partem posse sustineri, ex quo etiam tam absurdo dicto gloriantur: cum quicquid temporis ei negotiationi impenderint prorsus perierit. Nam nullo labore (si sic scire, scire dici potest) omnia te scire momento doceam: omne enim quod est, huiusmodi est aut non est. Tam paruo intervallo mera ignorantia à nostra scientia intersepta est.

FINIS.

CONTRADIC





# CONTRADICTIONES LOGICÆ.

## CONTRADICTIO PRIMA.

*Conclusio potest esse dissimilis  
Præmissis.*

T. 29. 1. prio-  
rum.  
Cap. 3.

**N**ECESSE est semper aliquam Præmissarum similem esse conclusioni, non solum in affirmatione & negatione, sed in modo: Idem supra T. 17. oppositum T. 19. & 20. & alibi pluries quantum ad primam partem ubi habetur in 19. quod ex duabus negatiuis de contingeti, concluditur affirmatiua, quantum ad secundam in T. 20. & alibi pluries, ubi habetur quod ex contingenti minore & maiore de inesse sit conclusio necessaria & similiter minori contingenti & maiori necessaria sit conclusio de inesse. Soluitur quod loquitur de perfectis Syllogismis, contra ergo de Syllogismis tantum primæ figuræ quoniam cæteri sunt imperfecti 1. priorum T. 9. & 11. Respondetur quod dupliciter dicitur Syllogismus perfectus, vel quia immediate regulatur per dici de omni, & sic solum Syllogismi primæ figuræ sunt perfecti, aut quia aliquomodo possint regulari, & si non immediate, & sic Syllogismi secundæ & tertiæ Figuræ sunt perfecti, & illi mixti imperfecti, quia solum probari possunt per impossibile, & hoc dicit Auerroës c. 20. supra allegato, contra ergo quartus secundæ figuræ & quintus tertiæ sunt omnimodo imperfecti, contra patet 1. priorum 24. cum solum per impossibile reducuntur. Respondetur quod illi non sunt imperfecti solum ex reductione, sed quia non concludunt in omnibus materiis, contra quia tales dimittit Syllogismos non concludentes in omnibus materiis cap. 20. in principio. Respondeo non terminatos omnino dimittit non eos qui possunt regulari.

## CONTRADICTIO II.

*Probanda conclusionis terminum unum  
necesse est esse totum, alium partem.*

Cap. 4.

**I**N eodem T. Conclusionis probanda necesse est unum terminum esse tanquam totum, alium tanquam partem, oppositum supra T. 15. negatur ista propositio & adducitur ibi ratio contra Albumazarem. Respondeo quod loquitur hic de parte communiter sumpta propterea se extendit ad partem in nega-

tiuis & affirmatiuis, in illo Comento loquitur solum de toto & parte in affirmatiuis.

## CONTRADICTIO III.

*Fapesmo & Frisesomorum communes  
sunt omnibus figuris.*

**I**N eodem per viam trium figurarum probantur solum Syllogismi, oppositum supra T. 12. Vbi dicitur quod Fapesmo & Frisesom communes sunt omnibus figuris. Respondetur quod illi Syllogismi non sunt naturales, etsi sint necessarij, unde inveniuntur tria in Syllogismo, perfectio, naturalitas & necessitas, quæ conueniunt solum primæ figuræ, prima non conuenit secundæ, neque tertiæ secunda, conditio non conuenit Syllogismis artificialibus, secunda & tertia non conueniunt Syllogismis mixtis, concludentibus tantum in quadam materia.

## CONTRADICTIO IV.

*Demonstratio est in Conuertibilibus.*

**I**N eodem T. dicitur quod non est Syllogizandum in conuertibilibus; oppositum 1. posteriorum T. 11. Soluitur dupliciter 1. quod hic loquatur non accipiendo Propositiones de Prædicato vniuersali, sed hec non consonat bene; iterum aliter dico quod non negat posse fieri, sed difficilius esse.

## CONTRADICTIO V.

*Ex negatiuis nihil concluditur.*

**I**N eodem T. dicitur quod ex negatiuis nil concluditur; oppositum supra T. 19. soluitur ut prima.

## CONTRADICTIO VI.

*Manifestum est per se quod Mundus  
non est antiquus.*

**I**N Comento dicit Exemplificans quod manifestum est per se quod non est antiquus Mundus; oppositum habetur 1. Cœli 22. & 8. Physicorum. Soluitur quod exemplorum non requiritur verificatio, sed manifestatio



festatio est de anima 67. Sed hoc non sufficit, quia dicit quod est manifestum, non enim ponendum est exemplum falsum pro manifesto, ideo dico quod melius est dicere quod ponit ipsum cum dictione conditionalis, & forte est error in Traductione.

cus, vt dixit ibi alia in quantum valet de forma, vt dixit ibidem cum posuit maiorem de inesse falsam ad primam reducitur, per impossibile ad secundam, accipit Syllogisticas penes primam considerationes Syllogismi.

### CONTRADICTION VII.

*Friseffom non ponitur communis nisi duabus figuris.*

IN T. 12 dicitur quod Fapesimo & Friseffo ponuntur vniuersales tribus figuris, oppositum in Commento quoniam ponitur Friseffom solum conueniens primae & secundae. Respondetur quod in veritate aliquid deficit in commento, vel quod virtualiter continetur in illo secundum regulam, si de quo minus.

### CONTRADICTION VIII.

*Syllogismus in prima non valet, minori existente negatiua.*

Cap. 2.

IN T. 3. dicitur quod si medium praedicetur, terminus & ab alio abnegetur quod est prima figura & iterum si aliquid abnegetur & aliud praedicetur est tertia figura; ergo vult per hoc, praedicetur ipsum, quod medium subiiciatur, ergo Syllogismus in prima figura erit minori existente negatiua; oppositum supra in T. 7. Respondeo quod verba sunt corrupta & sensus est, ipsum quidem praedicetur & aliud ab illo abnegetur.

### CONTRADICTION IX.

*Enthymema est verè Syllogismus.*

Cap. 2.

IN eodem T. dicitur quod Enthymema non est Syllogismus; oppositum 1. Posteriorum, Enthymema est verè Syllogismus. Soluitur quod est verè Syllogismus, quoad necessitatem non quoad formam, colligitur solutio in T. praesenti.

### CONTRADICTION X.

*Omnes Syllogismi possunt in vniuersales prima figura reduci.*

IN eodem dicitur quod iste Syllogismus est bonus omnem Aristomenem intelligibilem semper esse, Aristomenem intelligibilem, ergo Aristomenem semper esse, ergo Syllogismus constat ex singularibus; oppositum patet quia in cap. 13. supra posuit omnes Syllogismos posse reduci ad vniuersales: tales nequeunt 2. quia supra cap. 7. connumerans Propositiones Syllogisticas non enumerat singularem, 3. quia commento 2. dicit contingens in paucioribus non est pars Syllogismi, quoniam de eo non est scientia, igitur nec propositio singularis. Soluitur dupliciter est consideratio de Syllogismo in quantum scientifi-

### CONTRADICTION XI.

*Nomina transposita idem significant.*

IN T. 31. dicit quod haec est falsa nulli homini contingit sanitatem inesse, & haec vera contingit nulli homini sanitas; oppositum 2. Priorum c. 1. Nomina transposita idem significant. Soluitur ex exemplo, verum est in nominibus tantum & caregorematicis, vnde inuenitur negatio de dicto Tantum, & de modo & de dicto colligitur distinctio haec supra commento 21. & 4. & 18. & alibi solutio 7. & cap. 43. huius.

### CONTRADICTION XII.

*Particularis negatiua de inesse, non conuertitur in terminis.*

IN commento 16. Conuertitur particularis negatiua de inesse, oppositum supra T. 2. Soluitur, aliquando est particularis per naturam & tunc aequiualeat contingentem, quare conuertitur 1. Priorum 4. Solutio est in commento 16. distinctio habetur commento 7.

### CONTRADICTION XIII.

*Exemplificat in literis ne putetur Syllogismus valere propter materiam.*

IN Commento 2. dicit quod exemplificat in literis ne putetur quod Syllogismus valeat propter materiam, idem 1. Posteriorum commento 98. oppositum facit considerando materias in 20. & 21. & alibi. Soluitur, materiam vniuersalem considerat, non particularem.

### CONTRADICTION XIV.

*Exemplificatio in literis est propter facilitatem.*

IN Commento 40. dicit quod exemplificatio in literis est propter facilitatem; oppositum Commento 2. Soluitur, quod vtrumque complectitur, sed est quasi Commentatorem reprehendere, ideo melius dico facilius propter sublatam materiarum ambiguitatem, ideo haec pars continetur in illa.

### CONTRADICTION XV.

*Syllogismi ad impossibile reducuntur ad tres Figuras.*

IN T. 41. dicit quod Syllogismi ad impossibile non reducuntur; oppositum supra T. 28. &



29 & auersus in hoc Commento soluitur, reducuntur ad figuras non soluitur, & est intellectus auersus in vltima parte Commenti, non soluitur Syllogismus conditionalis nisi soluat prædicatiuus ex quo componitur, & originem accipit, & intendit per prædicatiuum categoricum, nam omnis hypotheticus est priuatiuus, Commento & T. 29. supra.

## CONTRADICTIONE XVI.

*Syllogismi tertia figura omnes reducuntur in primam.*

**I**N 42. dicit quod non omnes Syllogismi tertiæ reducuntur in primam, oppositum in 28. T. Soluitur, differentia est per reductionem & resolutionem: per primam intendit & ostensiuæ & per impossibile; per secundam solum ostensiuæ vt hic.

## CONTRADICTIONE XVII.

*Solus quintus tertia figura non reducitur ad primam.*

**I**N eodem T. dicitur quod solus quintus tertiæ non reducitur ad primam; oppositum conor in commento dicens. sed negatiua particularis conclusa in secunda & tertia, non reddit aliquid ex ea ad figuram primam, solutio clara est consideranti sequentia verba, quoniam excipit illos qui concludunt non per positionem, id est qui non habent aliquam præmissarum permutabilem non resoluuntur.

## CONTRADICTIONE XVIII.

*Intentio Arist. est solum loqui de Syllogismis per naturam.*

**I**N Commento 12. & T. ponit modos non per naturam; oppositum commento 6. Intentio Arist. est solum loqui de Syllogismis per naturam. Soluitur, tractat de his vt sunt reducibiles ad omnes figuras, ne cogatur promere quartam figuram, & ita verbum Commenti 6. intelligitur quoad loqui scientificè, in eo verò loquitur solum quoad quod est nominis & quod est inuentionis.

## CONTRADICTIONE XIX.

*Non esse inuentum, est genus contingentis.*

**I**N Commento, & T. 19. dicitur quod contingens de quo determinatū est quod est, & potest non esse: aut nō est, & potest esse, simile in 22. Oppositum Commento 18. contra Albumazarem, non esse inuentum, est genus contingentis; & ideo excluditur contingens quod est, soluitur non ponendo contingens altum Alberti; quod hoc contingens 18. cap.

est contingens propriissime dictum; aliud verò de quo in 19. & 22. est contingens duplex; ita quod contingere sumitur tribus modis de quibus T. cap. 4. dicit contingens; ergo definitum est contingens. Tertio modo pro hoc est T. 14. Sed contingens commune ad necessarium, & quod solum impossibile excludit, est de quo in T. & c. 20. & appellat ipsum Auerroës contingens commune: contingens verò de quo fit Syllogismus, est quod commune est ad esse, & non esse cum possibilitate oppositi; contingens quod conuertitur est eiusmodi. Illud verò quod est contingens secundi modi, & tale æquiualeat absoluto, & ideo melior est expositio commentatoris in hoc si bene intelligatur; est enim idem cum 22. & de se proprium contingens non est, & quando significatur non esse, est. Et ideo quando diuiditur ens 2. de generatione 51. intelligitur contingens propriè secundum considerationem quam cum cogitatur esse, habet quandam necessitatem iuxta illud 1. priorum c. 6. quod est, quando est necesse est esse, & quod non est necesse est non esse. Illa ergo entia comparantur ad possibilitatem simpliciter. Eodem modo, secundo priorum 48. intellexit contingentis naturam non mutari in necessariam; hoc est ergo contingens quod possibili æquiualeat, & vt declarauimus in secundo Periermenias.

## CONTRADICTIONE XX.

*Iste æquiualeat, Socrates est non albus, & Socrates non est albus.*

**I**N commento 43. hæ propositiones non æquiualeant, Socrates est non albus, & socrates non est albus; oppositum secundo Periermenias cap. 1. ad medium soluitur; hic loquitur ratione forme quia considerat eas prout possunt esse conclusiones, aut præmissæ syllogisticæ; & hoc modo non æquiualeant: ibi verò loquitur ex appropriatione propositionis singularis.

## CONTRADICTIONE XXI.

*Vni contingentia dua contradictoria assignantur.*

**I**N eiusdem textu assignat vnum contrarium tantum vni similiter & 1. perier. & 10. mechanica 14. vnum vni est contrarium; oppositum superius T. & cap. 22. Propositioni contingentia assignat duas contradictorias, soluitur collectiuè non diuisiuè, & est sensus commento 22. contradictoria huius contingentit nullum hominem canescere; hoc totum necesse est, aliquem hominem canescere, vel non canescere.

CONTRA



## CONTRADICTION XXII.

*Demonstratio est ex necessariis tantum.*

**I**N commento 5. dicitur quod Syllogismus qui non est demonstratio, est quando figura concludit, & propositiones non sunt veræ, oppositum est 1. poster. 7. Demonstratio est ex necessariis tantum; soluitur quod hic est translatio mala, tamen possumus dicere verè; id est, semper verè.

## CONTRADICTION XXIII.

*In definitione Syllogismi non ponitur semper.*

**I**N commento 6. dicitur quod semper & ex necessitate accepta sunt in definitione syllogismi, oppositum supra T. 1. vbi non ponitur semper. Soluitur in necessariis includitur semper primo: poster. 7. & 6. Ethic. 4.

## CONTRADICTION XXIV.

*Necessario & semper sunt conditiones Syllogismi demonstratiui.*

**I**N eodem commento 7. primi poster. dicitur quod semper & necessario sunt conditiones syllogismi demonstratiui; hic dicitur quod syllogismi simpliciter, soluitur quod non tantum syllogismi demonstratiui conuertuntur, quia per hoc probat (hoc quia necesse est conclusionem esse necessariam; ideo dico quod in syllogismo est duplex necessitas sequelæ, & hæc est syllogismi simpliciter est propositionum, & hæc conuenit demonstrationi tantum & ideo necessitas syllogismi est ex positione.

## CONTRADICTION XXV.

*Particularis negatiua de necessario non contingit in terminis.*

**I**N commento 21. facit hanc consequentiam, impossibile est quod b, sit in quodam g, ergo impossibile est quod g, sit in quodam b, ergo particularis negatiua de necessario conuertitur; oppositum supra T. c. 3. forte dicitur quod est vniuersalis negatiua, sed hoc est falsum quia probata est ex particulari affirmatiua, & vniuersali negatiua, in 2. figura, in qua nil plus per hæc concluditur quam particularis negatiua æquivalentia propositionum, sumitur supra commento 18. & primo Periermenias, c. primo. Error est in commento.

## CONTRADICTION XXVI.

*Affirmatiua necessaria contradicit negatiua de inesse.*

**I**N eodem commento cum necessaria affirmatiua fuerit falsa, sua contradictoria, quæ est negatiua, inuenta erit vera; oppositum dixit superius vbi dixit quod oportet, vt sit contradictoria, quod sit opposita in modo. Soluitur, nisi sit error in scriptura, quod coniunctum ex negatiua de contingenti, & de inesse contradicit pro qualibet parte affirmatiuæ & ideo valet necessario a, est b, ergo non contingit, a esse b, vel non est a non b: & sic contingit a non esse b, aut a non est b, ergo non necessariò a est b.

## CONTRADICTION XXVII.

*Diuiditur propositio in tres partes demonstratiuas.*

**I**N primo T. diuidit propositionem in tres; oppositum in primo Periermenias c. 9. Soluitur in 43.

## CONTRADICTION XXVIII.

*Propositio duplex quoad materiam, necessaria & probabilis.*

**I**N primo commento dicit quod propositio duplex; demonstratiua & dialectica; oppositum in T. primo i. topicorum, tria genera ponit propositionum. Soluitur, considerat hic propositiones in ordine ad syllogismum.

## CONTRADICTION XXIX.

*Propositio est in actu sine verbo.*

**I**N eodem dicitur quod propositio est propositio in actu absque verbo; idem primo Periermenias c. 4. oppositum c. de verbo vbi dicit; & eorum quæ de altero prædicantur semper nota (hoc) non referri potest ad verbum; quia semper verbum esset in propositione, ergo si semper refertur ad \*. & sic necessarius est in propositione. Et T. 4. eiusdem necesse est omnem enunciativam esse ex verbo vel casu verbi, & commentator in commento subiungit & hoc autem in actu. Soluitur clarè dicit ibi in commento 4. quod in aliis linguis ab Arabica requiritur in actu; in Arabica verò lingua solum requiritur in potentia; & ideo in hoc commento, & si aliter videatur, loquitur secundum consuetudinem Arabicæ linguæ, & ideo tollitur alia difficultas, quod in binariis solum subintellecto verbo sufficit quod omnino negaret Aristoteles.



CONTRADICTION XXX.

*Propositio negativa est in qua predicatum remouetur à subiecto.*

IN fine commenti vltimi dicit quod subiectum negatiue est idem predicato affirmatiue, & quod predicatum negatiue predicatur affirmatiue de subiecto; quod est contra diffinitionem propositionis datam primo Periermenias c. 4. Soluitur; litera est corrupta; sensus est, quoniam negatio non est pars predicati, ideo subiectum & predicatum affirmatiue sunt idem subiecto & predicato negatiue.

CONTRADICTION XXXI.

*Tantum sunt duo modi syllogismi hypothetici coniuncti.*

IN Commento 29. dicit quod solum sunt duo modi syllogismi hypothetici coniuncti, & enumerando dimittit à negatione antecedentis ad negationem consequentis; Oppositum primo de Anima 13. Soluitur, in conuertibilibus & possibilibus 5. Physicor. 22.

CONTRADICTION XXXII.

*Exemplificatio in litteris est manifestior.*

IN commento 4. dicit quod exempla in litteris sunt faciliora, idem 6. Physic. c. 16. Oppositum 4. Physicor. 71. T. vbi dicitur quod Exemplificatio per materias est manifestior. Respondeo, manifestatio exempli est facilior in materiis; sed manifestatio certitudinis est in litteris; illa auctoritas præsupponit exemplificationem in litteris.

CONTRADICTION XXXIII.

*In secunda figura non valet syllogismus ex puris affirmatiuis.*

IN commento 9. dicit quod in 2. figura non est syllogismus bonus ex affirmatiuis tantum; Oppositum 4. Physicor. 33. & 42. & 2. eiusdem 23. & 2. Cœli 23. Soluitur à Commentatore, vbi terminus medius cum maiori extremitate conuertatur, in locis allegatis, & 2. prior. 1. & 2. poster. 92. & 122.

CONTRADICTION XXXIV.

*Dictum de omni, est quando omne dispositum per subiectum conuertitur sub predicato.*

IN commento primo dicit quod in dicto de omni, omne quod disponitur per subiectum continetur sub predicato; & in hoc differt a propositione vniuersali; Oppositum 1. priorum 20. & 15. Vbi vult quod solum de actualiter existentibus sub subiecto verificetur predicatum. Respondeo, dictum de omni prioristicum est, vt prædicetur predicatum de omni quod habet contineri sub subiecto, siue sint actu siue potentia; quando tamen illa potentia reducitur actum, vt cum dico nix est alba, & hoc appellat disponi per subiectum. Vniuersalis verò propositio diuiditur in veram, & falsam; & cum dicit quod prædicatur solum de actu existentibus, non notat modum prædicandi, sed contenta sub predicato ad differentiam necessariam; & ideo tale dictum de omni est verum.

CONTRADICTION XXXV.

*Dictum de omni est verum.*

ALia contradictio in hoc quod dictum de omni sit verum, nam secundo prior. c. 2. probat syllogismos ex falsis per dictum de omni. Ergo tale dictum inuenitur in propositionibus falsis. Primus in magnis commentariis: reprehendit Auerroës Alpharabium de hoc. Respondeo, ad primam vititur dicto de omni Aristoteles, improprie ibi est propositio vniuersalis. Ad secundam, illud quod facit formam syllogisticam bonam non est dictum de omni prioristicum, quod putabat Alpharabius.

CONTRADICTION XXXVI.

*In conuersione seruantur qualitates.*

IN commento 2. dicit quod in conuersione seruetur qualitas; Oppositum de conuersione per contrapositionem 4. Physic. 119. & T. 9. eiusdem 2. & 1. prior. 30. & 2. de anima 128. & vltimo in Epitomate de locis oppositorum. Soluitur, tantum conuersio posita in hoc casu cum syllogismo ad impossibile satisfacit reductioni omnium syllogismorum, 2. prior. c. 13. & 28. Sed iam non considerat has conuersiones nisi propter reductionem, vt patet in toto processu. Ergo de conuersione per contrapositionem non habuit prætractare. Ex hoc apparet error Terministarum reducendum aliter syllogismos quam per conuersiones hinc positas.

D d CONTRA



## CONTRADICTION XXXVII.

*Homo est prior animali, sicut præmissæ conclusioni.*

1. Prior.

IN commento 4.2. priorum dicit, quod homo est prior animali, sicut præmissæ conclusioni; Oppositum in prædicamenti cap. de priore, ubi dicit quod vnum est prius duobus, quia inuenitur vnum siue dualitate, non è conuerso; sic animal sine homine, non homo sine animali. Idem 5. Metaphysic. 16. Soluitur, quod homo est prior animali tertio modo prioritatis. Solutio est ibidem Commentatoris.

tiua. Oppositum secundo Periermenias c.5. tales vocantur sub contrariis; Respondeo, hic largè sumitur contrarium, quia non est intentio apud Græcos significans subcontrarium; quare talem oppositionem Aristoteles dimisit innominatam; Commentator verò in commento suppleuit.

## CONTRADICTION XLII.

*Syllogismi propositionum non conuersibilibus non recipiunt ostensionem per viam contrarij.*

## CONTRADICTION XXXVIII.

*Circulo non contingit demonstrare.*

2. Poster.

IN commento 5. dicit quod circulo contingit idemonstrare: Oppositum 1. posterior. 6. Soluitur quod in conuersibilibus contingit syllogizare, non vt sit demonstratio à notiori, quia hoc est impossibile, sed ratio syllogismi est concludens. Solutio colligitur in 1. T.

IN commento 11. dicit quod omnes syllogismi propositionum conuersibilibus recipiunt ostensionem conclusionis per viam contrarij; Ex hoc innuere videtur quod ceteri non recipiunt; Oppositum dicitur 1. huius c. 14. ubi dimittit illos syllogismos, quia non possunt reduci per impossibile, quia nondum demonstratum est de mixtione necessarij & contingentis. Respondeo, syllogismi qui adducunt oppositum præmissarum ex opposito conclusionis, quidam dicuntur syllogismi conuersiui, quidam contrarij; conuersiui requirunt possibilitatem conuersionis in præmissis, contrarij non, sed sunt ex assumptis; propter hoc dixit hîc commentator quod syllogismus contrarij est generalior conuersiui; Ideo dico quod in 14. loquitur non de conuersiui, sed de contrario, quia generalior: ideo illi duo modi ostensiuè probantur, quia non possunt per syllogismum contrarij probari, ibi, licet alibi nullo tamen modo per conuersiuium; quod vero hîc dicit, est, quod tales omnes syllogismi conuersiui recipiunt reductionem per viam contrarij, non quod tantum sit in illis.

2. Prior.

## CONTRADICTION XXXIX.

*Quædam est in conuersione veritas propositionis.*

IN commento sexto, facit istam conuersionem, omne in quo est a, non est in eo b, ergo omne in quo non est b, est in ipso a, Oppositum habetur primo priorum 2. ubi dicitur quod seruanda est veritas propositionis; nam in commento nono dicit quod est bona, ubi ex prima sequitur; ergo omne quod non est a, est b.

## CONTRADICTION XLIII.

*Quodcumque per syllogismum rectum demonstratur, per syllogismum etiam potest contrarij demonstrari.*

## CONTRADICTION XL.

*Ex negatiuis sequitur affirmatiua.*

2. Prior.

IN commento eodem dicitur in principio, quod ex negatiuis non sequitur affirmatiua. Oppositum in commento 5. Respondetur in illo casu superius dicto tantum.

IN eodem dicitur, quod, quicquid per syllogismum prædicatiuum demonstratur, id est, rectum, probatur per syllogismum contrarij; Oppositum dicit inferius in eodem commento, quod vniuersalis affirmatiua in prima figura non probatur in aliis figuris; non enim dicit quod in eadem figura; & ratio horum est quod in prima figura oportet cum contradictorio conclusionis inferre contradictorium maioris; sed contradictorium vniuersalis affirmatiue est particularis negatiua, quæ non potest esse præmissa; in 2. figura. igitur per ipsam nihil potest concludi. Est ergo diuersitas inter rectum & contrarij & conuersiui. Rectus enim est solum vnus categoricus syllogismus: conuersiui accipit primam intentam conclusionem, & oppositum eius cum vna propositione

2. Prior.

## CONTRADICTION XLI.

*Particularis affirmatiua particulari negatiua est contraria.*

T. 3.

2. Prior.

IN T. 8. & commento 9. dicit particularem negatiuam particulari contrariam affirmatiua.



propositione syllogismi, & inducitur oppositum contradicens maiori vel minori illius syllogismi recti sed syllogismus contrarij accipit contradictorium intentę ostensionis cum propositione vera, & concluditur propositio manifestę impossibilitatis; & ideo omnis syllogismus conuersius potest esse syllogismus contrarij.

CONTRADICTIONE XLIV.

*Syllogismus contrarij in plus se habet quàm syllogismus conuersionis.*

2. Prior.

IN eodem dicit quòd syllogismus contrarij in plus se habet quàm syllogismus conuersionis; Oppositum dicit in commento 14. in fine 3. capitis cum dicit, reditus syllogismi recti ad contrarium est idem syllogismo qui vocatur conuersius; & iam dixerat quod omnes recti sunt contrariis reducibiles, sequitur ergo quod sunt æquales. Respondeo, Contrarij sunt plures quàm recti; tamen potentiã æquales, quia vniuersalis affirmatiua est demonstrabilis tantum vno modo, 2. huius c. 7. 29. Sed in 14. declaratur; qualitas potest demonstrari 5. modis. Tamen non sunt irreducibiles ad primam figuram & rectum syllogismum, ergo reductio talis cum sit secundum numerum syllogismi recti, quia ipsum supponit esse. Conuersius enim differt à contrario, ergo conuersius in minus se habebit quàm syllogismus contrarij in actu, sed potentiã omnes erunt æquales.

CONTRADICTIONE XLV.

*Omnis syllogismus est per tres terminos.*

T. 14.  
1. Prior.

Dicit quod omnis syllogismus est per tres terminos: oppositum 2. Prior. 15. At syllogismo ex oppositis. Soluitur; Auctoritas præsens intelligitur actu vel potentiã, vt fiant duæ propositiones.

CONTRADICTIONE XLVI.

*Neque propter quod contingit falsum syllogizare.*

T. 1.  
2. Prior.

IN commento dicitur quod ex falsis non concluditur verum in prima figura, tantum maiori existente ex toto vera, & minori ex toto falsa; Oppositum in T. vbi dicitur quod neque propter quod contingit ex falsis verum syllogizare. Respondeo, in tribus casibus non contingit ex falsis sequi verum in demonstratione simplicitate; primo est in maiori tota falsa & minori tota vera in prima figura; secundo & tertio in syllogismo com-

Tom. I.

positio ex oppositis; prima exceptio in T. 2. Secunda vero in T. & cap. eodem. Tertia in commento 16. 2. Prior. Ad dictum Commentatoris, loquitur exceptando solum modos syllogismorum non penes materias.

CONTRADICTIONE XLVII.

*Sunt modi non concludentis syllogismi.*

A Signat quatuor modos non concludentis syllogismi, & ponit primum quod penitus non concludat, secundum quod ex ignotioribus tertium: quòd ex æqualiter ignotis: quartum quod per posteriora. Oppositum Commentator in præsentī commento, vbi conuenerans quatuor modos dimittit. Concludat syllogismus aliud ab eo quod intenditur: Oppositum etiam 8. topicorum parte 2. cap. 4. Vbi assignantur quinque modi. Respondeo, quod Commentator hic subdiuisit primum, & prætermisit tertium, non quia non necessarius, sed quia per se manifestus. Et quod hoc verum sit patet, quia probare ex minus notis appellat secundum modum: quod si potuisset probare aliud in miraculo fuisset tertius modus. Ad aliam contradictionem dico, quod Aristoteles in 8. Topicorum considerat defectum in tantum ex parte syllogismi, sed facientis etiam syllogismum, vnde plures quàm quatuor sunt increpationes.

T. 17.  
1. Prior.

CONTRADICTIONE XLVIII.

*Syllogismus concludens extremum de extremo per medium quod est conclusio, non probat.*

IN comment 18. dicit quod syllogismus concludens extremum de extremo per medium quod est conclusio, non probat: Oppositum, habetur 4. 8. & 11. Respondeo, vult impossibilitatem esse in alio à prima conclusione.

2. Prior.

CONTRADICTIONE XLIX.

*Scire tripliciter dicitur.*

Dicit quod scire dicitur tripliciter: Commentator aliter dicit in commento 4. Soluitur, tertium membrum diuidit Commentator in actu scire, vel potentiã.

T. 20.  
2. Prior.



## CONTRADICTIONE L.

*Possumus scire quòd hic trigonus habet  
tres angulos æquales duobus  
rectis, ignoratio si est.*

T. cap. 5.  
1. Posterior.

**D**icitur quod possumus scire quod hic trigonus simpliciter habet tres æquales duobus rectis, ignoratio si est; Oppositum in 2. ubi dicitur, quod de quocunque demonstrabili oportet de subiecto præcognoscere quia est. Soluitur, cognoscitur quia est subiecti in demonstratione non scire demonstrationem.

## CONTRADICTIONE LI.

*Oportet addiscentem præcognoscere  
quod est.*

T. 5. 1. Post.

**D**icitur quod non est necessarium quemlibet addiscentem scire diffinitionem; Oppositum in T. 2. Soluitur, quod necesse est hoc non ex parte qua definitio est, sed quatenus huius diffinitio.

## CONTRADICTIONE LII.

*Diffinitio non significat esse vel  
non esse.*

T. eodem.  
1. Posterior.

**D**icitur quod propositio aut affirmatiua est aut negatiua; hanc diuidit in positionem, & dignitatem; & positionem in diffinitionem, quæ non significat esse vel non esse; Ergo cum ipsa sit propositio, significat esse vel non esse, & ita diffinitio significat esse vel non esse & non significat, pro ut diffinitio est. Soluitur diuersimodè, sed à Commentatore dicitur, quod diffinitio pro ut est diffinitio, non significat esse, vel non esse, sed ut aliter consideratur, videlicet pro ut est diffiniti diffinitio. Sic dicit esse & est propositio, ut verò est verè diffinitio non est pars subiectiua propositionis.

## CONTRADICTIONE LIII.

*Propositio significat esse vel non esse,  
& dicitur positio.*

T. eodem.  
1. Posterior.

**D**icitur quod positio significans esse vel non esse est propositio: à Commentatore oppositum in T. ubi dicit quod est suppositio. Respondeo, pro propositione intelligit propositionem strictè sumptam: Vnde sciendum quod 2. dicitur esse vel non esse aut significari, & hoc conuenit diffinitioni aut af-

firmare actu esse vel non esse determinatè, & hoc non conuenit diffinitioni nec omni propositioni, sed soli suppositioni.

## CONTRADICTIONE LIV.

*Inductio non facit scire, sed  
probat.*

**D**icitur in commento quod inductio facit T. 6. 1. Post.

non scire, sed probat. In 2. Physicor. 82. Dicitur quod inductio demonstratiua probat & non accipit omnia singularia, non probat nisi cognita fuerit essentialis prædicatio. 8. verò Topicor. c. 5. loco 89. Dicitur quod inductio petit principium; Et loco 26. at in 2. priorum 23. Dicitur quod si assumuntur omnia particularia, requiritur vniuersalis necessario: Si verò non, non sequitur. Propter hoc dixit cap. 25. quod vniuersale quod habet infinita singularia, non potest probari inductiue, & reprehèditur ibi Geometra antiquus: & hoc repugnat dictis in 2. Physicor. & dictum 21. Physicor. contradicit dicto poster. & dictum 81. Physicor. & 8. Topicorum repugnat dicto 2. Physicor. & primo posteriorum, & 2. priorum. Soluitur: Inductio quædam est in qua est essentialis prædicatio, & quædam in qua accidentalis. Prima probat, & demonstrat demonstrationem signi. Pater quia procedit à minus vniuersalibus ad vniuersalia magis, est quia probat ratione prædicationis, non assumptorum singularium; ideo non est necesse ut omnia singularia assumantur; Et quando dicitur quod ideo probat quia non assumpsit omnia singularia 2. Physicor. Intellige non quod illud sit causa quod probet, sed causa cognoscendi, quod prædicatio est essentialis, ex quo inferitur quod probat, & de hoc intellexit Commentator in præfati commento & in 2. & 8. Physic. & inductio in qua non est essentialis prædicatio quæ dicitur topica, est triplex. Aut in ea assumuntur omnia singularia verè, aut secundum famositatem, aut tantum quædam: Si primum probat ratione formæ syllogisticæ, & de hac loquitur Aristoteles 8. Topicorum, & secundo priorum, quando dicit, quod potest reduci ad formam syllogisticam, non tamen est demonstratiua ratione non essentialitatis, & in tali propriè concluditur maior extremitas de medio termino, & differt à syllogismo esse in modo concludendi, & differt ab eo quia præcedit ipsum, & illa in qua assumuntur omnia secundum famositatem quæ verò non accipit omnia singularia, aliquo modo non est essentialis prædicatio; committit fallaciam consequentis, & est propria arti sophisticiæ, & de hac propriè loquitur

2. priorum, commento

25. in fine.

\* \*



CONTRADICTIONE LV.

*Demonstratio circularis quatuor eget conditionibus.*

**I**N eodem dicitur, quod non contingit circulariter demonstrare, & quod solum in prima figura. Et Commentator in commento dicit quod indiget quatuor conditionibus, & solum tres enumerat: & sunt quod unaquaque propositionum sit conuersibilis, & quod conclusio sit affirmatiua; alia particula est in T. etiam quod sit in prima figura. Oppositum primi dicti est in 2. priorum c. 5. ubi dicit quod contingit demonstrare seruatis duabus conditionibus. Oppositum etiam quia aliter tolleretur regressus, de quo 6. Physic. & alibi. Oppositum secundi 2. priorum 6. & 7. Oppositum quarti dicti 2. eiusdem 5. 6. & 7. & Oppositum tertij dicti c. 5. eiusdem ubi agit de lex propositionibus.

CONTRADICTIONE LVI.

*Conclusio necessaria ex premissis tantum sequitur necessariis.*

**I**N commento 7. dicit Commentator assignans rationem quare necessarium sit premissas esse necessarias, quod est quia conclusio necessaria non sequitur nisi ex necessariis premissis; Oppositum 1. priorum 2. ex maiori de inesse & minori de contingenti, forma syllogistica sequitur aliquando conclusio necessaria. Soluitur in 2. priorum c. 2. per similitudinem sic, propter quod non potest ex contingenti sequitur necessarium, sed quia ad 5. contra: Respondet Themistius quod intelligitur quod non est necesse ut perspiciatur à discipulo, ita quod sufficit quod habeat ipsam à magistro, non sic de dignitate: tamen necesse est, positio perspiciatur ante demonstrationem.

CONTRADICTIONE LVII.

*A negatiua finita ad affirmatiuam infinitam non valet consequentia.*

**I**N commento 3. primo priorum facit hanc consequentiam, per destructionem non substantiæ, non destruitur substantia; Ergo quod destruitur destructione substantiæ est substantia, Ergo à negatiua infinita ad affirmatiuam finitam valet consequentia. Oppositum 2. Periermenias 1. Vnde si consideretur vis illius argumenti, nil plus probat quàm in prima figura hanc conclusionem, partes substantiæ non sunt substantia, ergo partes substantiæ esse substantias, non sequitur ex illis.

*Tom. I.*

Respondeo, valet 2. Periermenias supposito quod sint, sed cum dico partes substantiæ suppono esse: aliter dico quod valet ex prima, Ergo si substantia destruitur, destruitur destructione substantiæ, ergo quod est substantia destruitur destructione substantiæ tantum: ergo esse quod destructo substantia destruitur est substantia; & est intricatio magna.

CONTRADICTIONE LVIII.

*Nullus auctor exposuit ad litteram ante ipsum.*

**I**N commento magno in proemio dicit, quod nullus auctor exposuit ad litteram ante eum hunc librum. Oppositum apparet de Themistio & aliis expositoribus Græcis: primo magnorum commentariorum primo. Soluitur, id est, bene secundum sensum Aristotelis.

CONTRADICTIONE LIX.

*In diffinitione non sunt partes ut materia & ut forma.*

**I**N eodem dicit quod in diffinitione non sunt partes ut materia, & forma. Oppositum 7. mechanicæ 43. Soluitur, partes in diffinitione se habent solum ut materia & forma respectu extrinseco, non autem in quantum est diffinitio.

CONTRADICTIONE LX.

*Quando clausura additur predicato, enunciatio est falsa vel superflua.*

**D**icitur quod omnes causæ sunt omnes p. Poster. 2. quæstiones, ubi clausura additur subiecto & predicato. Oppositum in 10. Periermenias. 5. Soluitur quod dictum 1. Periermenias intelligitur si non collectivè teneatur.

CONTRADICTIONE LXI.

*Intentio est tractare de materia demonstrationis.*

**I**N eodem proemio magno, in intentione dicit, quod est tractare de materia syllogismorum; sed oppositum subdit in narratione 2. causæ ordinis, quod tractet de vniuersali dispositione respectu subiecti non vniuersalis: Ergo tractat de forma syllogistica. Respondeo, primum intelligitur de subiecto contracto, secundum verò de passione probabili de ipso.

*Dd 2 CONTRA*



## CONTRADICTIONE LXII.

*Proportio est tanquam finis aliarum partium.*

IN eodem dicit, quod propositio est tanquam finis respectu aliarum partium Logicæ; & quod alia partes sunt ante finem. Oppositum dixit superius, quod proponitur topicæ. Respondeo dictum de antecedente refertur ad librum priorum; quod verò aliter partes subministrant ei, intelligitur per complementum non per processionem; quod verò hic liber sit tanquam finis, refertur quoad perfectionem.

## CONTRADICTIONE LXIII.

*Propositio significat esse, vel non esse, & dicitur positio.*

IN hoc præmio dicit quod proponenda sunt more interpretum intentio, partes, ordo, & iuvamen: post dicit de proportionem, & nomine. At in præmio plura connumeravit physicorum. Respondeo, loco divisionis ponit partes; locum vero nominis, libri, & auctoris dixit esse, in præmio libri priorum de via doctrinæ dimisit, quoniam nondum declaratae sunt partes ipsius quæ sunt tria genera demonstrationem ad id quod supra additur. Loquitur exemplificatiue tantum.

## CONTRADICTIONE LXIV.

*Translatio non facit scire, sed probat.*

2. Posterior. IN commento primo magno dicit, quod mutus & surdus possunt addiscere artes, & similiter animantia sine præexistenti cognitione. Oppositum, dixit 9. Metaphysicæ 14. Respondeo, loquitur ibi de arte propriæ, non de effectu factibili ab artifice, unde à consuetudine possumus operari illud quod fit est ab arte: & talis consuetudo potest addisci sine præcedente cognitione, ideo magis reprehendit id quod sonant verba Themistij quam sensum.

## CONTRADICTIONE LXV.

*Per se est idem quod primo.*

2. Posterior. IN commento 11. dicit, quod per se est idem quod primo. Oppositum, commento 36. magno, ubi dicit, quod omne primum est per se, non è conuerso. Soluitur, quia dupliciter accipitur; per se videlicet communiter: & sic est superius ad primum;

& pro primo modo in quo non est remotum, & sic est differentia vel diffinitio, & sic conuertitur, solutio Auerroës in commento magno.

## CONTRADICTIONE LXVI.

*Qui scit esse, scit quid nomen significet.*

IN commento secundo dicit, quod qui scit 1. Posterior. scire, scit quid significet nomen. Oppositum, dicit in commento secundo magno; quod possumus scire, esse rei, absque eo quod sciamus diffinitionem nominis? Respondeo, quod in paraphrasi vult quod scientia sit de quæsto, & non conuertitur; sed in commento magno vult quod sit de præmissa demonstrationis.

## CONTRADICTIONE LXVII.

*Primo vniuersalium commento diffinitio constat ex genere & differentia.*

IN principio primo vniuersalium, & alibi pluries, diffinitio ex genere & differentia constat. Oppositum 4. topicorum cap. 2. ubi dicit, primum dicendum est de genere & proprio, sunt autem hæc diffinitionum elementa. Soluitur, per proprium, intellige differentiam de qua in fine 2. cap. unde Auerroës in paraphrasi ponit eodem libro ob paucitatem locorum differentia: per hoc soluitur quæstio cur non fecit librum de differentia; sed contra, quia si hæc ratio esset bona, sequeretur quod nec de proprio debuit esse quantus liber, cum Auerroës dicat ibi quod loca proprii sunt pauca. Soluitur, loca differentia, proprii, & diffinitionis sunt pauca respectu locorum generis, tamen loca differentia dicuntur etiam pauca respectu locorum proprii; & hoc est cum pars diffinitionis sit differentia, oportuit ipsam propriè sumi, non proprium, cum multis modis accipiat in paraphrasi 5. topicorum.

## CONTRADICTIONE LXVIII.

*Vniuersale in prædicando est notius apud naturam.*

IN commento 6. dicit vniuersale in prædicando esse notius apud naturam; sed in commento 12. magno dicit quod tale vniuersale est solum notius apud nos. Et ideo Aristoteles intendit per vniuersale quod est tale in essendo. Soluitur, quod loquitur ibi de notitia simplici quod ad naturam; quod per talem primam notitiam ipsum est notius, in comparatione verò est notius quo ad nos; Et



Et ita distingue de cognitione distincta, & confusa. Vel sic, & melius, & est Auerroës in commento magno allegato. vniuersale est plus apud nos cognitum, quam apud naturam, magis tamen cognitum apud naturam, quam singulare & minus quam vniuersale in essendo.

CONTRADICTIONE LXXIX.

*A priuatione ad habitum non est regressus.*

IN post prædicamenti differentia septima oppositorum, à priuatione ad habitum non est regressus. Oppositum 1. Physicor. 70. & 74. & 5. Physicor. 7. & alibi. Soluitur dupliciter, priuatio quædam quæ est negatiua tantum, & illa est principium rerum naturalium: vnde 2. Physicor. 43. omne quod fit, fit ex non tali, sed quando priuatio dicitur de opposito formæ innatæ inesse tali subiecto, inde non est transmutatio, quia omnia completè sunt eiusdem principia: talis distinctio est Commentatoris.

CONTRADICTIONE LXX.

*Non est necessarium cum vnum contrariorum inuenitur in natura, inueniri reliquum.*

*Ibidem.*

IN eodem loco differentia 10. non est necessarium cum vnum contrariorum est in natura, vt inueniatur reliquum. Oppositum 2. Cœli 10. & 4. Cœli 26. & 3. Cœli & alibi. Soluitur, quidam dicentes quod possibilitate Logica potest vnum esse contrarium siue reliquo non naturali; contra, ergo formabuntur propositiones in Logica impossibiles pro veris, & tunc cessabit utilitas tertia Logica de qua 1. Physicor. 34. Primus Aristoteles primo priorum à 15. ad 27. docet sumere propositiones necessarias penes materias, & contingentes, quod non esset verum si daretur ista duplex possibilitas; Et est mirum quod Aristoti 2. Perihermenias nullam de hac possibilitate mentionem fecerit; ideo dico quod contraria in quantum contraria non necessariò sunt in natura, sed in quantum talia contraria quæ sunt cum motu, vnde non est necesse quod albo existente in natura sit nigrum sed bene calido aut frigido, vt res naturales conseruentur. Vnde nunquam vniuersaliter inuenietur propositio dicens, si vnum contrariorum est in natura, & est reliquum.

\* \*

CONTRADICTIONE LXXI.

*Commune est omni substantiæ non suscipere contrarium, neque magis aut minus.*

IN 12. particula prædicamenti Substantiæ dicit commune esse omni substantiæ non suscipere sibi contrarium, in 13. neque magis, neque minus; Oppositum, 2. patet de Elementis 1. de generatione 22. Oppositum 1. 2. eiusdem & T. 24. Soluitur, declarauit Aristoteles merito priorum qualitatuum ista Elementis contingere, quoniam in quibus latent differentia, penuntur actiones loci illarum; 1. Cœli 26. ideo talis substantia suscipiet magis & minus, in quantum copulata primis qualitatibus: & contrarium, non in quantum substantia. Et ideo dixit bene commentator c. de ad aliquid differentia 6. quod Aristoteles loquitur ibi, secundum famositatem.

CONTRADICTIONE LXXII.

*Aliquod genus relationis non suscipit magis neque minus.*

IN prædicamento ad aliquid, tertiâ differentia, dicit aliquod genus relationis non suscipere magis, nec minus; quare etiam esse indiuisibile. Idem in cap. de qualitate, differentia 9. Oppositum, 1. Physicor. 11. Soluitur, quod solum animalia generabilia & corruptibilia sunt in prædicamento; cap. de specie. Commentator supra Porphyrium & 2. Cœli 49. Si igitur tales habitus considerantur merito phantasmatum, sunt diuisibiles, quanquam sine eis esse non possunt, Tertio de anima 30. & 39. si verò in se sunt indiuisibiles. Colligitur distinctio 3. de anima 4. in solutione propriæ quæstionis, sed ista solutio non est Auerroës, nam in prædicamento Qualitatis dicit in differentia superius dicta, quod res est in se indiuisibilis, secundum illud Auicennæ 6. principiorum forte est indiuisibili essentiâ consistens, sed vt denominat subiectum, suscipit magis & minus, & est diuisibilis; Ergo habitus tales sunt in prædicamento cum suscipiant magis, & minus; quare etiam diuisibilitate per accidens non per se: ipse verò negabat tales habitus esse in prædicamento.

In commento & T. 29. 1. priorum solum assignat duos modos syllogismi hypothetici compositi. Oppositum colligitur prima disputatione, dubio 10. & 5. Physicor. 22. & 7. Physicor. 16. & primo de anima 13. dictum est superius in 31. contradictione, non tamen diffusè. Solutio constat in exceptione, quod quando est in conuersibilibus, tunc valet à negatione antecedentis supra consequentis negationem, 70. Physicor. 16. primum

*Vide in Epitomate contradictionis*

D d 4 quando



quando syllogismus est de contingenti ut in prædicato de inesse vero in subiecto. Tunc valet primo de anima ex relatione Commentator à Themistio, ut si Dion nauigat possibile est ipsum bene nauigare: sed non nauigat, ergo impossibile est ipsum bene nauigare. Sed cum multa sunt; primum est de exemplo animalis, & hominis, quia hæc non est contingens, animal est homo, quia eius conuersa esset contingens; primum ista consequentia non valet, Dion si nauigat, potest bene nauigare, sed non nauigat, ergo impossibile est ipsum bene nauigare. Primum ista consequentia non valet, si est hoc, possibile est quod sit albus, sed non est homo, ergo impossibile est quod sit albus. Item Socrates procreandus si est animal, possibile est quod sit homo, sed non est animal, igitur impossibile est quod sit homo. Item dubitat circa exemplum commentatoris, quia sic videtur contingens, animal est homo, ergo est eius conuersa, homo est animal. Vltimò dubitatur circa annexum Themistij, in quo dicit quod in talibus non valet à destructione consequentis ad destructionem antecedentis: nam sic ista starent simul, non contingit Dionem bene nauigare, & Dion nauigat, quare & contingit ipsum bene nauigare; propter hoc intelligantur verba Themistij, & non egebunt glosa; & sunt quod oportet consequens esse partem antecedentis: propter hoc igitur verificatur argumentum tertium non valere. Secundo oportet intelligere ex verbis Themistij, quod illa contingentiæ est in illatione, ut sensus sit, non contingit Dionem bene nauigare. 1. quando non nauigat, in eo quod non nauigat, neque bene neque malè potest nauigare. Propter hoc soluitur secundum, neque 4. & 5. neque primum procedunt ex hoc ad primum; tamen & 5. dico quod hoc animal est homo, est necessaria; non tamen hoc animal est homo, neque huius conuersa. Ad vltimum dico ex secunda conditione, si intelligitur quod non contingit de facto, Dionem bene nauigare, quod potest cum hoc stare, contingere Dionem bene nauigare. Sed circa hoc contingit dubitatio cur posuit in contingentibus principales regulas, non autem in syllogismis secundæ figuræ, quomodo enim dixit quod maiori de inesse & minori contingenti sequitur conclusio aliquando contingens, aliquando necessaria cap. 20. & 21. Primo priorum dixit, quod maiori necessaria existente est conclusio contingens aut de vero; Si de vero cum in hac materia posuit speciales regulas quæ non sunt ad scientiam si de non vero non verificatur. Respondeo contingens verum esse dupliciter; quoddam in maiori parte, & quoddam infinitum, aut in minori 1. priorum 18. & id quod est in maiori parte est vtile ad scientiam, non id quod est infinitum; propterea eiusdem 19. Commento. reprehenditur Themistius, qui posuit quod non esset vtile; & sic aliquod vnum totum genus contingentis est vtile, & de eo debent tradi regulæ tanquam de vniuersali, non est autem sic de concludentibus in secunda figura, in quibus non est vna regula generalis, ex parte autem sumpta, sed

Vnde 2. posteriorum. T. & commento 180. de contingentibus, Totum ad litteram dicitur, vide 104. contradictione pro homine.

ex parte modi; sed non videtur contingens in pluribus posse sciri; nam 6. Ethicorum 4. & primo posteriorum 5. scientia est impossibile aliter se habere; Sic & 21. eiusdem. Respondeo, tale comparatum suis causis est necessarium, igitur est de omni contingenti est scientia pari ratione. Respondeo contingens natum vel in pluribus causas habet limitatas sui esse, quarum respectu potest sciri, sed respectu aliarum causarum est de eo opinio. Contingens vero infinitum non habet causas limitatas, ideo non scitur: Et ob hanc rationem in libro priorum tractatur de contingenti nato, non de aliis.

### CONTRADICTIONE LXXIII.

*De proprietate subiecti est, ut sit appositum, non suppositum; prædicatum, non subiectum.*

Primo Perihermeneias, dicitur in capite de Verbo, quod de proprietate eius est ut sit appositum, non suppositum, prædicatum non subiectum. Ex quo videtur, quod sit pars prædicati. Oppositum in primo priorum primo, in expositione illius particulæ. Terminus est in quem resoluitur propositio; soluitur à Commentatore in quaesito de diffinitione termini; copula intelligitur quando est compositio, & sic in ipsum non resoluitur propositio: quia non potest per se stare: sed prout intelligitur per se stare, sic se tenet ex parte prædicati; ideo ab Aristotele dicitur ad prædicari; nec habet rationem copulæ, & est prædicatum, & in ipsum resoluitur propositio; subiectum verò & prædicatum per se possunt esse sine alio formaliter. Ergo est pars prædicati, formaliter verò non, sed est vnio quædam; Ergo dicitur quod resoluitur propositio in illa, ex quibus proponitur; Limitatur ab Auerroë in quaesito, hoc modo, ex quibus per se componitur; ex his verò per se componitur quæ per se possunt esse: Ideo subiectum omnino est relatiuum.

In commento 104. magno.

### CONTRADICTIONE LXXIV.

*In media figura non fit categoricus syllogismus.*

In media figura non fit categoricus syllogismus, Oppositum habetur 2. priorum 29. Categoricus in tres figuras distinguitur. Solutio; Accipit Aristoteles categoricum non pro ut Nominales dicunt; disunctum ab hypothetico, sed affirmatiuum significans. Per hæc, innumera Aristotelis loca intelliges sic; categoricus syllogismus accipitur aliquando per se, quando per se.

1. Poster. 12. Et in magno committitur quæstio 1. de notatione Caeli.

Dividitur syllogismus in categoricum & hypotheticum.



quando prout distinguitur ab Auerroë quasi impossibile, vt 1. Posterior. 175. & sic ter dicitur.

primitate adæquationis & participationis; vel distingue de tertio subiecto.

## CONTRADICTIONE LXXV.

*Ens solo nomine est commune.*

Cap. 3. Vniuersaliū.

**P**orphyrus in capite de speciebus, & Commentator in commento, ens solo nomine est commune decem prædicamentis; imò omnia si quis appellet, æquiucè nuncupabit; Oppositum 4. Metaphysicæ 7. Metaphysic. 15. & alibi pluries. Soluitur, apud Auerroë inueniuntur vniuocatio, analogia, & æquiuocatio. Et analogia est triplex, 1. Ethicorum 7. Ens est analogum proportionem; Ita quod omnia sunt entia propter substantiam; sicut sana omnia dicuntur ad sanitatem in corpore; quando ergo dicitur quod est conuenientia solo nomine, intelligitur ratione naturæ participatæ, non ratione termini prædicabilis.

2. Posterior. 3. impossibile est quod demonstratio ostendat diffinitionem.

## CONTRADICTIONE LXXVI.

*Diffinitio non potest demonstrari.*

**I**n primo Posterior. 5. cap. 2. Dicitur diffinitionem non posse demonstrari. Oppositum duplex; diffinitio formalis quæ non potest demonstrari, & materialis quæ demonstratur; vide pro hoc Auerroë 1. Posteriorum in commento primo magno; & 71. ait, quæ sita duplicia quædam accidentia, quædam diffinitiones aut earum partes, quæ demonstrantur de subiectis. Idem commento 45.

## CONTRADICTIONE LXXVII.

*Ars communis est, quæ speculatur Ens in quantum Ens.*

**A**uerroës in 59. commento magno dicit, quod ars communis est quæ speculatur ens in quantum ens, Ergo vult Metaphysicum esse de ente tanquam ens. Oppositum primo Physicorum ultimo, & secundo Physico. 22. & alibi, ponitur substantia abstracta subiectum. Respondeo per Auerroë, ibidem duplex Metaphysica, communis, & Theologia; prima est de qua hîc; secunda de qua in Philosophicis 9. quia neque talis Metaphysica speculatur ens in quantum ens, 4. Metaphysic. 2. Respondeo, duplex est illius subiectum; primum

## CONTRADICTIONE LXXVIII.

*Æquiuoca sunt quorum solum nomen est commune, & ratio subiecti est diuersa.*

**C**ap. 2. in antepredicamentis. Æqui-uoca sunt quorum nomen commune, ratio substantiæ est diuersa, in Antepredicamentis cap. 1. Oppositum 7. Physicorum 26. Vbi dicit æqui-uoca vera distingui ratione, & nomine. Soluitur, ibi ponitur æqui-uocatum corporabile duplex, quoddam ambiguum, & est quod habet diffinitionem æqui-uocam & nomen æqui-uocum, vt duplum, & dimidium quoddam quod est verè æqui-uocum, quod penitus habet diffinitionem eo conueniat in nomine; Ergo in utroque est conuenientia ex parte nominis, & diuersitas ex parte rationis; Sed in verò est manifesta diuersitas in ambiguo: non diuiditur verò verum æqui-uocum in à consilio, & casu: pro hoc vide 7. Physicorum 31. & 28. & 6. topicorum cap. 4. & in commento magno, libro 6. topicorum, & sermone de locis diffinitionum communibus 10. prædicamentis loco 7. in prædicamentis cap. de substantia, circa medium.

## CONTRADICTIONE LXXIX.

*Album solam qualitatem significat.*

**I**n prædicamento de Substantia. Et fortius 15. posteriorum 136. idem est dicere. Album solam qualitatem significat, ex quo sumitur quod denominatiua sola significet qualitatem. Oppositum 2. de anima 8. vbi in artificialibus vult primo importari materias, & primo priorum cap. 31. & 8. Metaphysic. 7. & 5. Metaphysic. 14. & 7. Metaphysic. 18. Soluitur, quod denominatiua quædam sunt significantia artificialia, quædam naturalia: illa quæ artificia prius materiam, quia per ea ea sunt in actu significant 8. Metaphysic. 7. Et eorum quæ naturalia important, quædam sunt denominatiua, & illa habent duplex significatum; aut solum accidente, & primus modus est ei proprius syllogismus. Solutio, Auerroës in comentario magno in Epistola de primitate prædicatorum in demonstrationibus in fine; cum vero intelligitur primum significatum sic debet accipi, solum accidens significat; in comparatione tamen ad subiectum Aristoteles in prædicamentis accepit hoc modo, in pri-

Homo est albus, & homo est homo albus.



mo priorum secundo modo. Sed de his quæ non sunt denominatiua, significantia tamen res naturales, verificatur dictum 2. de anima, quod semper prius formas quàm materias significant, quia per eas sunt in actu, 2. de anima 2. & 7. Metaphysic. 7.

### CONTRADICTIONE LXXX.

#### *Suppositio non est demonstrabilis.*

In 1. Posterior. 5. 2.

**I**N primo posteriorum 5. cap. 2. Suppositio non est demonstrabilis. Oppositum T. 25. Vbi dicit, quæcunque ergo demonstrabilia, ipse non demonstrando accipit, hæc siquidem veluti addiscenti visa sumat supponitur. Soluitur ex verbis sequentibus immediate, & est non simplex quidem, sed ad illum suppositio, id est duplex suppositio, & est indemonstrabilis, & ad hominem, & est demonstrabilis licet illi non demonstretur.

### CONTRADICTIONE LXXXI.

#### *Species prædicatorum de pluribus differentibus numero solum.*

Cap. 3. vniuersaliū.

**P**ORPHYRIUS cap. 3. Species prædicatorum de pluribus differentibus solum numero, cum ergo diffinitio competat in primo modo dicendi per se primo posteriorum 9. ergo erit ut species per se de indiuiduis prædicetur. Oppositum habetur tertio Metaphysicor. 47. & primo posteriorum 21. & colligitur etiam esse ex nouo T. quia indiuiduorum non est prædicatio per se primo, quia non haberent diffinitionem. Soluitur, de indiuiduis per se, non de vno assignato.

### CONTRADICTIONE LXXXII.

#### *Tantum sunt duo modi syllogismi hypothetici conditionalis compositi.*

1. Prior.

**T**antum sunt duo modi syllogismi hypothetici compositi. Oppositum, In quæsto de conditionali, an per ipsum ostendatur quæsitum primum ignotum. In commento magno vbi ponuntur 5. Species huiusmodi syllogismi. Solutio, syllogismus hypotheticus duplex est, quidam habet duos terminos tantum, quidam tres. Primus est per naturam, & de illo dixit Auerroës in præsentī commento, quod sunt duæ species compositi, & quatuor diuisi: ille verò qui non communicat in terminis est verè hypo-

theticus: ut, si sol est ortus, dies est. At syllogismi compositi communicantes in terminis & trium terminorum, sunt in quarta differentia: aut subiectum antecedentis est subiectum consequentis: aut prædicatum consequentis aut prædicatum antecedentis est subiectum vel prædicatum consequentis. Et primus modus est duplex à positione antecedentis ad positionem consequentis, & à negatione consequentis ad negationem antecedentis. Primus habet vim syllogismi categorici primæ figuræ; secundus verò vim argumenti ducentis ad impossibile, & vocatur syllogismus conuersiuus, secundo priorum 8. & ad impossibile secundo eiusdem. 11. & potest etiam habere rationem syllogismi categorici in prima figura: ut dicas, si est homo est animal, sed non est animal, ergo non est homo. Primò omnis homo animal est, & hoc non est animal, ergo non est homo. Illi vero quarti modi sunt aut conditionales, quia solum habent duos terminos; ut si homo est, animal est, æquiualeat omnis homo animal est: si verò prædicatum sit aliud à copula, vis huius est vis exempli. Species vero tertia habet vim figuræ tertiæ, ideo per ipsum sola particularis concluditur; species vero secunda habet vim secundæ figuræ, & ideo vel negatiua concluditur, vel vna propositionum est conuersibilis. Et in his tribus vltimis speciebus est aliquando verus syllogismus hypotheticus, quando termini sunt tantum duo in potentia, licet plures in actu. Diuisiuus vero omnis est naturalis; Ideo per compositum terminorum communicantium ostendi potest quæsitum primum.

### CONTRADICTIONE LXXXIII.

#### *De omni comprehendit tres conditiones.*

1. Magno-ri comment.

**I**N T. octauo dicit, quod de omni comprehendit duas conditiones, & in 11. Dicitur quod vniuersale est de omni. Oppositum primo posteriorum in commento magno 71. Supra Titulum 24. Vbi dicit quod dictum de omni comprehendit tria: vniuersale per se & primum ultra veritatem; Soluitur, de omni quod est forma quasi demonstrationis comprehendit ista tria ut potissima sicut de omni diffinitum in octauo est quasi forma demonstrationis communis, & de omni diffinitum primo priorum forma syllogismi.

\* \*



CONTRADICTIONE LXXXIV.

*Vtitur Aristoteles nomine  
æquiuoco.*

**D**icit vocabulum *æquiuocum*, quod est æquiuocum, Domine; & propriè, ergo in demonstrationibus vtitur terminis æquiuocis non conuenientibus in omnibus intentionibus, cuius oppositum videtur tertio de anima secundo. Respondeo, vtitur etiam in alio casu, quando contrahuntur ex significato manifesto; vt si dicatur canis latrat; clarum est quod intelligitur de terrestri, & hoc est vsitatum primo Physicorum commento primo, quando dixit Auerroës quod Aristoteles modicam sollicitudinem habet de æquiuocis; & per hoc sic tollitur, quod non est fallacia æquiuocationis, neque deceptio.

CONTRADICTIONE LXXXV.

*Datur demonstratio  
negatiua.*

**P**rimo posteriorum vigesimosexto. In commento 73. dicitur demonstrationem esse quod passio insit subiecto, aut non insit alicui res contentæ specie aliqua talium subiectorum. Idem in paraphrasi commento vigesimosexto, datur demonstratio negatiua: idem octuagesimoquinto primo posteriorum secundo, cap. tertio in fine, & primo posteriorum commento 91. non est differentia inter demonstrationem contingentem, & destruentem. Oppositum in commento magno, demonstratio negatiua non est demonstratio. Soluitur ex eius principiis commento 159. datur gradus in demonstrationibus, quia demonstratio dicitur de illis analogicè.

CONTRADICTIONE LXXXVI.

*Vnius rei tantum est una  
demonstratio.*

**S**exto magnorum commentariorum 44. Vnius rei tantum est una demonstratio, quia & una tantum diffinitio. Oppositum secundo posteriorum octauo quod ad secundam partem & decimo oppositum primo, secundo eiusdem T. cap. vndecimo. Respondeo, demonstratio potissima est una tantum, quam virtualiter omnia genera categoriarum ingrediuntur; & eiusdem est diffinitio una; de qua quarto Physicorum 31.

dicitur, quod debet comprehendere omne genus causæ; sed sicut dantur diffinitiones per vnum tantum genus causæ, ita & demonstrationes.

CONTRADICTIONE LXXXVII.

*Demonstratio ex causis remotis  
non est demonstratio, nisi æquiuocè.*

**I**n commento nonagesimoquinto contra Auicennam vult demonstrationem signi-<sup>1. Magnor. comm. 10.</sup> esse veram demonstrationem, sed in commento decimo magno vult quod demonstratio per causas remotas non sit demonstratio nisi æquiuocè. Solutio, vel comparantur istæ demonstrationes ad communem demonstrationem & sic analogicè continentur sub illa: vel ex parte finis ad demonstrationem simpliciter, & sic æquiuocè, æquiuocatione non excludente analogiam. In commento vigesimo quarto dicitur quod de dignitatibus non præcognoscitur quod est nominis. Oppositum in commento magno septuagesimoquarto, super titulum vigesimumquintum, primi posteriorum. Soluta est superior. Sed tamen etiam ibi colligitur quod quædam sunt manifestæ, de quibus non opus hoc præcognoscere, quædam vero non, & vide ibi.

CONTRADICTIONE LXXXVIII.

*Distinguitur positio in suppositionem & definitionem.*

**P**rimo posteriorum quinto, in commento quinto, distinguitur positio in suppositionem & definitionem. Oppositum, In commento magno primi posteriorum 78. vbi dicit suppositionem distingui in subiectionem, petitionem, & diffinitionem; dicitur quod per suppositiones ibi intelligit positionem, vt per subiectionem ac petitionem ipsam suppositionem; ita quod suppositio hic descripta diuiditur in petitionem & subiectionem: vnde in 79. dicit quod differentia inter diffinitionem & petitionem, & subiectionem, est quod diffinitio non ponit veritatem neque falsitatem, sed ceteræ ponuntur, & appellantur à Commentatore in commento 25. dignitas. Propositio, nota per naturam, Petitio. Prologus de quo secundo priorum 17. subiectio, radix posita: solum conueniunt in diffinitione nominis. Sed ibi in 79. vult dicere se positurum differentiam inter dignitates & diffinitiones, quod facit in sequentibus. Considera, In 26. dictum est quod cõtingit per omnia genera causarum demonstrare. Oppositum in



in primo posteriorum commento 35. magno, ubi per hoc probat quartum modum dicendi per se non ingredi demonstrationem, soluta est in 86.

Pro dicto per se, vide secundo de anima 67. Pro diffinitione secundo de anima 12. & quæ ibi.

#### CONTRADICTIONE LXXXIX.

##### *Demonstratio à causa remota ad effectum est demon- stratio quia.*

**P**rimo posteriorum 30. in commento 35. primo de Cælo dicitur quod demonstratio à causa ignota ad effectum est demonstratio propter quod, & ab effectu ad causam est, quia in commento 95. primo posteriorum dicitur quod à causa remota ad effectum est demonstratio essendi. Omnis autem demonstratio propter quod est causa propinqua. Idem in commento 3. in Paraphrasi, & Aristoteles in T. Alia contradictio, qua ibi dicit quod in demonstratione causæ procedimus à nobis ignoto ad notum, in primo Physicorum secundo, & secundo de anima 12. & 23. & ubi citatur, dicitur quod in demonstrationibus imus de notioribus nobis semper ad ignotiora. In primo posteriorum 96. vult hoc expresse, quod causa sit notior effectu in demonstratione, propter quod. Soluitur, Auerroës secundo Cæli 35. loquitur communiter de demonstratione dante esse, non distinguendo eam in suas species, & attendit ibi solum medij ad extrema comparationem, non certitudinem; Ad secundam in 97. & 97. vult causam esse notam esse, & similiter effectum: sed ignotum fore causam talem illius effectus effectus esse causam ante demonstrationem.

#### CONTRADICTIONE XC.

##### *Necesse est de subiecto præcognosci quia est.*

**I**N primo posteriorum secundo. Necesse est de subiecto præcognosci quia est. Oppositum in commento 101. primo posteriorum, ubi dicit quod Mathematicus non considerat formas in materia, neque ipsas esse; Et ante ibidem, Mathematicus non considerat an hæ sint res quæ sint. Soluitur, quod supponit ipsas esse quo ad essentiam, non quo ad esse existentiam; & licet esse essentia ex parte rei non differat ab esse existentia, tamen differt ex parte considerationis. Tale igitur quia est, est esse

essentia. Sed contrà, quia probatur dari quadratum 45. propositione primi Euclidis, & iterum hexagonum 15. quarto Respondendo secundo de Anima Commento 27. artifex non potest probare subiectum, neque species sui subiecti esse idem, primo Physicorum ultimo & duodecimo. Metaphysicorum tertio, & sexto Metaphysicorum. primo & secundo Physicorum 26. Ampliatur propositio, neque à priori, neque à posteriori, & de principiis dicitur primo posteriorum 23. idem. Sed oppono. quarto Cæli communiter dicitur 32. & de subiecto libri Elenchorum. Soluitur à quibusdam hoc modo; scientia quædam tanquam notissima despiciunt sua subiecta, ut videretur primo posteriorum T. cap. 25. & quædam sunt parum ignota, ut egeant syllogismo hypothetico: auctoritate Auerroës quarto, Cæli 22. & Themistij secundo posteriorum 11. Confirmatur aliqua subiecta inductione indigere, de partibus verò subiectiuis conceditur demonstrationem, *Quia*, posse demonstrari, ut de sensu communi secundo de anima 146. & de intellectu agente & possibili tertio de anima 4. & 5. & 17. & 18. Vnde secundo de anima 29. artifex ponit subiecta manifesta per se, & dimittit alia quæ non sunt manifesta, & ideo dixit Commentator secundo Physicorum de subiecti principiis, asserens ea à posteriori declarari posse, si subiecti causæ latuerint. Quod dicitur de libro Elenchorum, negatur probari demonstratiuè, sed iam principia non posse probari in scientia à priori, clare demonstrauit Auerroës; quod vero à posteriori, si intelligitur de principiis demonstrationis, falsum est; cum ea indemonstrabilia sint, & notissima; si verò de causis subiecti conceditur. De libro Elenchorum dicimus, quod non probat; imo Auerroës in primo capite paraphrasis Elenchorum vult quod sit per se notum paralogsimum dari; conditiones verò subiecti communis non prioristico accipit, sed specificas passiones ipse declarat; quod vero dicitur de partibus subiectiuis, dicimus quod probari potest quod subiectum tali subiecto continetur; non tamen possunt probari esse: quod autem dicitur de intellectu agente negamus, sed solum probatur, quod intellectus est agens, & possibilis, & quod virtus sensitua est communis; sic dictum Auerroës 4. Cæli, quod illud sit rarè est de probatione partium subiectiuarum, quod contineantur sub subiecto, & haberet rationem passionum; Vnde exemplum de trigono primo posteriorum secundo & 9. Soluatur pro passione de quadrato & hexagono: probat passionem, licet doceat inuentionem, & ideo multæ species sub genere rationem habent passionis, prout probantur, sicut etiam passio de subiecto.

\* \*



CONTRADICTIONE XCI.

*Assignantur modi concludentes ex  
negatiua vniuersali, & affir-  
matiua particulari.*

**T. 1. Prior.** **A** Ssignantur modi concludentes ex negatiua vniuersali & affirmatiua particulari. Oppositum 1. posterior. 103. non concluditur in prima figura, nisi altera praemissarum sit vniuersalis affirmatiua, & propter hoc probat syllogismos omnes secundae figurae, indigere prima si sint mediati. Respondeo, intelligitur dictum mediate velim mediate, quia si vniuersalis negatiua fuit conclusa, ergo quia vniuersalis est, ista fuit conclusa in prima, vel in secunda figuras; si primum, habetur intentum; si secundum, ergo necesse fuit, alteram praemissarum esse affirmatiuam vniuersalem, quae non concluditur, nisi in prima figura, 1. prior. 29. cap. 5. Contra ex hoc non habetur vniuersaliter omnem conclusionem secundae figurae mediatam indigere prima. Respondeo quod sic, saltem mediate, stante supposito quod nil concluditur in secunda figura ex immediatis: Contra, ergo petit principium. Respondeo non, quia intendit probare, quod assumptio est in prima, necessaria, non quod tantum sit necessaria.

CONTRADICTIONE XCII.

*Diffinitio neque vniuersalis neque  
particularis.*

**P**rimo posteriorum 25. In commento 31. paraphrasis, & 103. magnor. primo posteriorum, conclusiones & diffinitiones sunt vniuersales. Oppositum superius in T. 25. diffinitio neque vniuersalis, neque particularis. Soluitur in commento, & commento 81. sunt vniuersales diffinitiones in potentia non actu, id est, vniuersaliter de definito verificabiles; aliarum non esset medium in demonstratione: in actu vero non vniuersales, licet per vniuersalem intelligat Commentator in commento 81. idem quod non singulare sicut 1. Pheriermenias c. 5. ideo bene causa assignatur in commento 79. quare non dicitur actu, neque vere affirmatiue, neque negatiue, neque vniuersales, aut particulares, neque vniuersaliter propositiones, quia sunt quasi simplices dictiones, habentes tantum completionem conditionis, & connexionis, non enuntiationis: ideo non sunt neque verae, neque falsa; & haec potest esse solutio ad dubitationem primo Posteriorum T. cap. 5. de diffinitione factam.

CONTRADICTIONE XCIII.

*Principia sunt in vnoquoque genere, quae quod sint non  
contingit demonstrare.*

**P**rimo posterior. T. 24. Dicit principia in vnoquoque genere esse, quae quod sint non contingit demonstrare. Oppositum inferius in eodem T. principiorum quaedam demonstrabilia, quaedam non. Soluitur, contingit demonstrare quod sint 1. posterior. 92. & 122. vbi vide quod non est legendus liber posteriorum, nisi ab eo qui legerit librum priorum: & commento 36. & 151. in demonstratione simplici medium est causa maioris extremi.

CONTRADICTIONE XCIV.

*Maiores negatiua non habet contradictionem totius &  
partis.*

**I**n primo priorum 15. Negatur conditio totius, & partis in maiore propositione, eo quod negatiua esse potest. Oppositum in commento magno, quae sita primo, de illatione mixtorum, vbi ponitur maiorem continere minorem & ut totum partem. Soluitur, ex verbis eius loquitur de extremitatibus, ibi vero de propositionibus.

CONTRADICTIONE XCV.

*Maiores de inesse existente, & minori de possibili, non tenet  
syllogismus per dictum  
de omni.*

**P**rimo posteriorum 20. In commento 20. eiusdem dicitur, quod maiori existente de inesse ex minori possibili non concludit syllogismus per dictum de omni, & sic in vigesimoprimo maiori existente necessaria. Oppositum; In quaesito sexto de illatione mixtorum ex tribus modis, vbi dicitur quod tenent ex dicto de omni. Soluitur: Ibi loquitur de dicto de omni communiter sumpto, prout intelligitur actu, aut virtute; hic de omni, prout actu probat syllogismus: de hoc in 72.



## CONTRADICTIONE XCVI.

*Album per accidens prædicatur.*

**I**N primo posteriorum 34. album per accidens prædicatur de homine. Oppositum in T. 9. Soluitur in T. 34. Intelligit per accidens. 1. Indirectè: quod patet ex sequentibus verbis; unde commento 150. 3. dicitur prædicatio non essentialis prima, quæ est accidentis immediati de suo subiecto, quod ponitur in diffinitione illius, & hæc non renuitur in hoc libro. Secundò, si prædicatum de subiecto dicitur, sit propter aliquod accidens. Tertio, si prædicatur innatum subiecti, hæc renuitur; & vocatur vltima perfectionalis.

In commento 136. pertractatur quæ prædicatio sit naturalis, quæ contra: nam quod liber Magnorum Contrariorum non sit Auerrois pluribus suadetnr mediis. Primò quia textus eius est diuersus à textu paraphrasis; ergo dimisit verum, & exposuit alium. Secundo, quia multoties quod ponitur in Textu cõmenti magni vt, in 15. T. magno, respectu paraphrasis T. 5. apparet, & T. 54. eiusdem 1. posteriorum respectu cõmenti 19. paraphrasis. Tertio; quia T. est nimis diffusus, & cõmentum nimis explicans verba; quod non videmus in aliis operibus Philosophiæ vbi & est cõmentatio magna. Quarto, quia nimis laudat Deum, contra suum morem, & ipsum asserit particularia intelligere; cuius oppositum sentit 12. Metaphysicæ commento 51. Quinto, quia ad sunt multæ contradictiones inferius adducendæ inter hæc, & alibi dicta. Sextò, quia nimis ordinatè progreditur, vt in commento 133. apparet de sensibus, & in quæsito de inesse & necessario, & in quæsito de conditionali, & in infinitis locis; & non dimittit aliquod verbum vnquam inexpressum. Septimo, quia repetit dicta in aliis locis, quod sui moris non est. Pro 6. vide commento 150. priorum, vide etiam commento 78. & contradictione 101. Respondeo supponendo cõmentum & 2. eiusdem 35. & 34. & 37. & 2. de anima 24. & in libello de somno & vigilia, & 5. Colliget in fine, & 10. Oeconomicorum, & in libro de bona fortuna; & tamen hos libros non negamus veros esse: sed in libro Cœli videtur maior conformitas esse: quia factus fuit in iuuentute, vt colligitur 10. Metaphysicæ 45. ad quintum apparet hoc in aliis operibus; idem edidit in primum Cœli, non in alia opera: ad Primum negatur antecedens, nam inueniuntur in Physicis repetitiones. Magnum plus fuisse paraphrasi: ad primum non habebat titulum paraphrasis, nec nos habemus: ideo paraphrasis non fuit ita dubia. Ad secundum, in paraphrasi posuit quod putauit esse in titulo; & fortè fuit in titulo paraphrasis. Ad tertium fecit in iuuentute; ad quartum est additio translatoris aut nondum viderat rationes Physicas; & hoc apparet in consimili 1. Cœli 2. unde Metaphysicæ commento 4. dicitur, & intendit

per Logicam hic considerationem, quæ sit ex propositionibus non conuenientibus.

## CONTRADICTIONE XCVII.

*Logica duobus modis vfitatur.*

**I**N commento 151. Magnorum cõment. Logica duobus modis vfitatur, vno modo vt instrumentũ, alio modo, vt est vna scientiarum, & suæ cõclusiones sunt principia in aliis scientiis. Idem 1. Physic. 39. Sed superadditur quod non est ille modus proprius alicui arti nisi primæ Philosophiæ: Et 8. Physic. cõment. 70. intendit per dialecticam sermones veros qui ex accidentibus vniuersalibus componuntur; Ad 4. Physicorum cõment. 87. dicit quod sermones logici sunt extranei in Philosophia: in cõmento verò 70. primi Cœli, idem est quod: In 8. Physicorum. & 7. Metaphys. 2. idem dicitur, sed additur quod est entis simpliciter, secus diffinitiones & descriptiones. Idem secundo eiusdem cõmento 14. & primo Ethicorum c. 3. Sed sic sunt plures contradictiones, quia primo posterior. 16. tales sermones sunt falsi, 2. quia appropriantur vnicuique scientiæ, sic sunt extranei. Tertio Logica est duplex; vtens, vt instrumentum: & docens, quæ docet per propositiones dialecticas: unde primo Topicorum 2. dicitur habere instrumentum ad omnium methodorum principia & vimas & primo Physicorum. 8. declaratur quomodo ad ipsam vt ad primam Philosophiam spectat cunctis particularibus scientiis probare principia: unde 4. Metaphysicæ 5. circa idem versantur Philosophus Dialecticus & Sophista. Eandem de dialectico scientiam scribit, tertio Metaphys. 2. & primo posteriorum 27. Dialectica est de omnibus communibus, sed differt à prima Philosophia in certitudine, & in assumendo propositiones, & ideo iuuamen Logicæ vtentis est, quodd assumantur propositiones vniuersales eius ante sermones demonstratiuos: unde tertio Metaphys. primo intendit in hoc tractatu inducere sermones disputatiuos, qui affirmant & demonstrant idem in omnibus quæstionibus huius scientiæ: Et ista est consuetudo Aristotelis in omnibus scientiis, scilicet in quæstionibus difficilibus: & idem 4. Physic. 3. & 51. Propter hoc dixit Auerroës primo Topicorum c. 1. causam huius; in primo iuuamine artis Topicæ ad scientias theoricæ, & est quum secernitur per quæstiones oppositas, illud quod est per se ab eo quod est per accidens; quia illud quod est per se, non habet prædicatum oppositum; sed illud quod est per accidens. Propter hoc soluitur contradictio primo Cœli 2. & primo de anima 65. Bene ex dictis primo Cœli 85. dupliciter vfitantur tales sermones Topici ad exercitandum, & dubitandum, & tunc debent præcedere: aut ad confirmandum, & tunc debent sequi; & malè intelligunt illud verbum exercitandum, quia non vult dicere quodd sit exercitium disputandi vt fiat syllogismus



logismus Topicus aut Elenchus, sed ut fecerantur prædicata per se, ut dictum est superius à prædicatis per accidens. Secundum iuuamen ibidem est, ut utatur docens Logica positiua, quæ solum vsitatur ad cognitionem propositionum & dictionum. Tertius est, ut docens iuuetur prædicatis, præmissis & syllogismis. Quartus, ut docens primo instruat addiscentem de conclusione deducta ad faciliorem rationem, puta probabilem. Quintus, ut repellantur Sophistæ negantes principia scientiarum. Sextus est, ad confirmandum illud quod negatur demonstratum per assumptiones famolarum propositionum. Ex his colligitur diuisio Dialecticæ in considerationem propriam, & est scientia, ut bene Scotus prima quæstione vniuersalium determinauit; Si verò ut vtens, hoc duobus modis, aut ut proprium instrumentum, aut ut commune: Si primum, dupliciter; aut per primam, vel secundam aut per tertiam operationem intellectus; & sic iuuamur per librum Prædicamentorum, Prædicabilium & Periermenias. Si secundum, aut determinatè aut imperfectè. Primum est iuuamentum libri 1. priorum; secundum libri posteriorum. Si verò sit iuuamentum commune, tunc vel fit ad præexercitamentum, aut ad confirmandum, aut ad docendum, aut ad repellendum falsam opinionem; & hoc vltimum est opus Sophistico & Topico commune: Quod verò fit ad præexercitamentum, assumit utramque partem contradictionis, quod ad docendum vel confirmandum vulgo concessas assumit propositiones. Ad primam ergo contradictionem loquitur de ea quæ fit ad docendum, quæ sæpe est ex falsis; & ea quæ ad præexercitamentum, non tamen ex toto, sed in parte. Ad secundam repulsiui & alij sunt extranei, non quando est proprium instrumentum. Ad tertiam loquitur solum de vtente; vnde Auerroës non dicit, Logica est duplex; sed dupliciter vsitatur; aut sermones Logici vsitantur dupliciter. Propter hæc bona in procæmio posteriorum Auerroës negat consequentiam illam Avicennæ: Vsitatio communis præcedit Topicæ vitationem propriam demonstratiuè; Ergo regulæ Topicæ, regulas demonstratiuas, duabus de causis, tum quia assumpta est vera solum in præexercitamento, aut docendo, non in confirmando; secundò quia ponitur talis ordo regulæ demonstratiuæ & regulæ probabilis, vsus regularum probabilium, & vsus proprius demonstrationis: & ideo non valet, Proprius vsus demonstratiuæ doctrinæ est posterior communi regularum Topicarum, Ergo & regula demonstratiua regulæ Topicæ; nam inter proprium vsum Topicæ & regulam Topicam mediat vsus communis Topicæ, præcedens vsum proprium Topicæ.

\* \*

CONTRADICTIO XCVIII.

*Quicquid prædicatur per se de prædicato, prædicatur per se de subiecto.*

IN Antepredicamentis, c. 3. Quicquid prædicatur per se de prædicato, prædicatur per se de subiecto. Oppositum primò posteriorum 162. quando vnum prædicatum, prædicatur de aliquo vniuersali, prædicatur & de illis quæ sub illo sunt: Illud inest vniuersali per se, & eius suppositis per accidens: Soluitur, Regula illa intelligitur à commentatore, ibidem commento 3. de prædicatione substantiali, non de per se. Primus hic loquitur de singularium prædicatione, vnde 159. intendit per particularem ipsam singularem, non signatam clausura particulari. Tertio dico quod vniuersalia non de singularibus per se prædicantur; regula verò tunc habet intelligit in per se prædicatis.

CONTRADICTIO XCIX.

*Enthymema est syllogismus, & Exemplum Inductio.*

PRIMO posteriorum. Enthymema est Syllogismus, & Exemplum est Inductio. Oppositum, apparet primo Rhetoricorum secundo, vbi ponuntur quatuor instrumenta diuersa; & secundo priorum 23. & 24. & 25. & primo eiusdem 29. & clarum est ratione; quia syllogismus constat ex duabus præmissis; enthymema tantum vnâ. Sanctus Doctor dicit quod enthymema est syllogismus detruncatus; sicut exemplum est inductio: & hoc est, quia nequeunt propter materiæ probabilitatem assumi propositiones vniuersales; primò contra, quia non est verum quod in materia probabili non sit assumere propositiones vniuersales, quia sic Topicus nunquam syllogizaret: Secundo quia Rhetorica non est circa singulares actus hominum singularium, quia tales sunt infiniti & nullius considerationis, pari ratione etenim de Medico dicendum esset, quod non posset assumere propositiones vniuersales; Tertio quia syllogismus detruncatus suo modo amplius non habet formam syllogismi, Ergo amittit nomen & definitionem 42. de anima 9. Antecedens primo priorum 6. est euidentis 4. Alia est proportio secundo priorum 24. ex 1. ad inductionem quàm enthymematis ad syllogismum. Quinto sic omne enthymema esset syllogismus, & omnis inductio exemplum. Linconiensis aliter dicit, referendo exemplum, & inductionem, & enthymema, ad syllogismum; & dicit hæc in veritate esse essentialia syllogismi: quia sic verè prædicaretur de syllogismo; nullus ponit ex littera exemplum esse syllogismum, sed inductionem. Aliter exponit Philoponus, quod hoc est, quia tantum vni ha-

E e 2 bet



bet enthymema in Rhetoricis quantum syllogismus in demonstrativis; sic & de exemplo; sed in Epitomate ponitur Rhetorica demonstrativa; non igitur est verum dictum Philoponi vniuersaliter. Secundo impossibile est quod quis naturaliter captum credat demonstrationi quantum exemplo, aut inductioni. Primum non redditur causa sufficiens; non enim valet, sunt æqualia in potentia, igitur vnum est aliud. Themistius per Rhetores exprimit Sophistas, & per enthymema commentationes; & eandem vult cum Philopo exponere causam identitatis. Commentator in commento magno, deficiente particula ista in textu Arabico exposuit affirmatiuè, primo exemplo, aut inductione, sic enthymemate vel syllogismo in paraphrasi videtur ponere identitatem inter syllogismum, & enthymema, non autem inter inductionem, & exemplum: quia dixit in commento primo; quia omnis verificatio per sermonem erit per syllogismum, aut inductionem, & exemplum. Dico igitur aliter secundum Commentatorem primo Rhetoricorum c. 2. in fine, quod Aristoteles non dicit syllogismum esse enthymema, aut exemplum inductionem; sed dixit, Exemplum in Rhetoricis est inductio, & syllogismus enthymema; hoc verò non dicit per æquiualentia, vt putant Philoponus, & Themistius, nec absolute vt Græci, sed sic dixit in Rhetoricis, cum finis sit persuadere oportet hypotheses esse probabiles, sed propositiones vniuersales in materia probabili, non sunt laudabiles, igitur in syllogismo Rhetorico, semper maior debet taceri, & subintelligi vt non propaleatur, & sic est verus syllogismus, subintellecta maiori. hæc eadem causa militat in inductione, quod debet accipi exemplum loco eius: & est alia causa, quia sic fieret repetitio & petitio principij; patet. secundo priorum 17. igitur oportet vt id quod est vera inductio apud Rhetorem, apud Indicem sit exemplum; & id quod est syllogismus sit enthymema. Ideo bene dixit Auerroës ibidem, quod Rhetor vtitur tantum exemplo, & enthymemate: & ideo adhuc quod litera esset vt antiqua, cum si verè adhuc posset, stare. Et est sensus, quod enthymema est apud auditorem, vel exemplum est syllogismus verus apud proferentem, aut inductio. Tertia causa est breuitas, quæ in Rhetore esse debet, quæ non sit in syllogismo aut inductione. Ad Auerroëm in paraphrasi dico, quod ex prædictis patet quod non est tanta identitas inter inductionem & exemplum, quanta inter syllogismum, & enthymema.

#### CONTRADICTIO C.

*Omnis demonstratio est ex principiis.*

PRIMO posteriorum magnor. comment. 10. T. 24. Demonstratio duplex, composita, quæ ex præmissis demonstrabilibus; quædam

simples, quæ ex demonstrabilibus, primo posteriorum 172. & oppositum superius commento 10. magno, & in T. 24. Omnis demonstratio ex principiis est, principia autem dico, quæ quod sint non contingit demonstrare. & Linconiensis videtur soluere, quod omnis demonstratio subalternantis est de principiis propriis, id est, non communibus. Sed hoc est contra Aristotelem, qui vult quod sit vniuersalis omnis demonstratio. Simpliciter dico igitur, vt superius, quod duplex æquiuocatio, analogica, quæ est in demonstratione ex tantum simplicibus, & demonstrabilibus; & sic saluatur Commentator in utroque loco. Ad Aristotelem dico, quod vult in omni demonstratione quædam esse prima, non tamen omnia ita quod omnis cadit supra demonstrationem. Vide in 87. contradictione.

#### CONTRADICTIO CH

*Petitio est propositio dubia, vel contrariè credita.*

PRIMO posteriorum T. 25. Dicitur quod propositio apparens addiscenti vel probabilis, est suppositio illa quæ est dubia, vel quæ videtur falsa, est petitio. Oppositum in eodem commento, vbi dicit quod dubia est suppositio, sed ea quæ videtur falsa est petitio, & ita contradicit Aristoteles omitendo probabilem, & ponendo dubiam pro suppositione quæ ab Aristotele ponitur petitio. Auerroës in commento magno ponit sicut hic T. 5. & exponit, quod suppositio quam ibi appellat subiectionem, & in paraphrasi radicem positam, quod sit illa quæ recipitur apud discipulum, non secundum se, id est, quod sit apud addiscentem opinio quædam. Textus verò Arabicus facit pro Commentatore in paraphrasi, & sic textus vnus concordat cum commento alterius, & commentum 78. cum textu 24. paraphrasis. Textus autem verus clariùs sonat contradictionem, dicit enim postulationem esse, quod est contrarium opinioni discantis, aut quod est demonstrabile, & ipso vtitur docens non tanquam demonstrato; suppositio verò si ita discanti videatur. Sanctus Thomas ponit tria esse propter corruptionem sui. T. dicit enim, si appareat probabilis, est suppositio; si dubia, petitio; si contraria, quæstio. Sed istud à vero textu dissonat, vt etiam Ferrariensis exponit, & omnes ceteri. Linconiensis vult idem quod Diuus Thomas, sed addit quod petitio dupliciter accipi potest, & sic tollitur contradictio, & hoc apparet expresse in textu Arabico; strictè est idem quod propositio omnino dubia, sed largè est communis ad omnem propositionem demonstrabilem quæ non demonstratur, vel sit probabilis, vel dubia, vel videatur falsa, sed in primo dicto errauit, vt dictum est; dicemus igitur quod dupliciter sumitur petitio, largè vt dictum est, & strictè; & est quæ falsa videtur



videtur addiscenti; aut omnino ignota. Si verò sit dubia, sic est suppositio, vel cum hoc sit probabilis, ita quod Commentator exponatur dubia, id est, aliquo modo cognita est: suppositio, id est propositio non per se nota; demonstrabilis quæ aliquo modo intelligitur; & suppositio quæ nullo modo intelligitur; aut modo contrario, est petitio, sed omnis talis est petitio largè sumpta, sed hoc nobis dat intelligere duo; primum quod Textus quem habemus paraphrasis non commentatoris, secundum quod commentum magnum aut non est commentatoris, aut posterius est paraphrasi.

CONTRADICTIO CII.

*Diffinitio est semper vniuersalis.*

PRIMO posteriorum commento 25. Contradictio prima inter Textum 25. vbi probat diffinitionem non esse petitionem, aut suppositionem, quia diffinitio neque vniuersalis est, neque particularis, & Commentatorem in commento eodem, dicentem, quod diffinitio semper est vniuersalis, suppositio verò vel petitio non semper. In 92. soluimus hanc dubitationem: sed aliter dicere possumus, quod diffinitio dupliciter habet considerari; vel penes id quod diffinitur, & sic non est nisi naturæ communis ut hic, & primo priorum 32. aut penes id pro quo diffinitur, & sic est semper vniuersalis, & huic sententiæ concordare pro vna parte videtur Sanctus Thomas.

CONTRADICTIO CIII.

*Demonstratio est supra naturam vniuersalem infusam multis rebus.*

PRIMO posteriorum commento 25. In eodem commento dicit quod demonstratio est supra naturam vniuersalem infusam multis. Ad quod T. videtur sonare, in fine dicens, vnum, & idem in pluribus non æquiuocet. Non dixit de pluribus. Pro hoc facit T. 81. Arabicus, vbi dicit expressè demonstrationem egere natura communi ambiente multitudinem; pro hoc expressè facit commentum 81. vbi dicitur: sed indiget demonstratio natura vna ambiente ipsa singularia; & parum inferius, Et quo non ponamus ipsam naturam separatam, sed existentem in ipsis sensatis, hoc est quod sit indiuisibilis per se & vna, & si partietur per accidens. Ex hoc apparet Commen-

Tom. I.

tatorem ponere naturam communem de qua Scotus tantum disceptauit. Oppositum tamen primo de anima vult aut nihil esse, aut posterius esse. Et ibidem Aristoteles non opinatur quod diffinitiones generum, & specierum sint vniuersalium existentium extra animam, sed sint diffinitiones rerum particularium, sed intellectus est qui in iis facit vniuersalitatem & 14. Metaphysicæ 27. vniuersalia non habent esse extra animam; & ideo commento 4. eiusdem, & in commento 11. & in commento 14. eiusdem, dicit, formæ enim omnes in quibus vniuersalia inueniuntur sunt in potentia; Et in commento 28. solum particulare est ens in rei veritate. Idem 2. de generatione 59. & idem 10. Metaphysicæ 6. & posteriorum commento 26. nam specialis nullum habet esse nisi secundum quod est in intellectu. Et commento 27. vniuersale non habet esse nisi secundum quod est scientia, id est, secundum quod est in anima. Et declaratur idem in eodem commento 6. & 3. Metaphysicæ 20. substantia non est vniuersale sed singulare: & secundo de anima 60. Idem fecit per insinuationem, cuius modum vide tertio de anima 18. & 70. Metaphysicæ 57. nullum commune aut vniuersale est substantia. Tamen oppositum videtur 7. eiusdem 46. vbi dicitur, diffinitiones vniuersalium habebunt aliquam dispositionem substantiarum existentium extra animam, & qualitatem accidentem eis; & tertio eiusdem secundo vniuersalia sunt communia quia in pluribus. Respondetur, quod in pluribus significare habent plura, suum tamen esse est in intellectu. Contra est ratio Auerrois primo magnorum commentariorum, nam exiens à singularibus impossibile est quod notificet eorum essentiam: demonstratio est ex notificantibus particularium essentiam per diffinitiones, Ergo impossibile est quod diffinitiones sint de natura communi extra singularia; & ratio tantum contradicit ponentibus vniuersalia in intellectu, quantum ponentibus ideas. Si verò dicas quod sufficit quod representet, respondebo tibi quod ideas licet sint extra sensibilia tamen ea representant: dico igitur quod vniuersalia representantur duplici modo, aut penes opus collatiuum, aut penes opus simplex: primo modo sunt secundæ intentiones obiectiuæ & subiectiuæ in intellectu. Secundo modo considerantur prout sunt actu vel potentia: si potentia, sic sunt in singularibus, vnde Auerroës naturam communem actualem negauit, non potentialem. Si verò prout sunt actu, considerari possunt subiectiuè & terminatiuè: si primum, sic sunt in intellectu; aliter vel ponenda essent ideas Platonis; vel vnus homo essent plures homines: si terminatiuè, sic sunt in esse & penes tale esse sumitur prædicatio; ideo non de intellectu sed de ipsis singularibus vniuersale prædicatur. Ideo Auerroës non concludit de esse potenciali, & terminatiuo ipsius vniuersalis, non de actuali subiectiuo. Ideo quando dicitur secundo Cæli, forma est vniuersalis, intelligas poten-

Ee 3 112



tiâ non actu, vel in esse cognito, non in esse reali.

gnitione incomplexorum terminorum; sed de intellectiua doctrina, vt sexto Ethicorum exponitur, non reprehendit eam.

#### CONTRADICTIONE CIV.

*Demonstratio omnis est ex necessariis.*

**P**rimo posteriorum 16. Primo magnorum commentariorum T. & commento 180. & in paraphrasi T. commento 43. cap. primo, scientia duplex, quædam necessariorum, quædam contingentium in pluribus, sic & demonstratio tanquam ex his, & de his. Oppositum primo posteriorum 5. & 7. & 16. & 17. & 21. & 6. & in quarto scientia est de necessariis & ex necessariis sempiternis, & impossibilibus aliter se habere. Linconiensis supra hoc dicit, scientiam propriam esse incorruptibilem; sed communiter dictam eorum quæ sunt frequenter; sed contra, quia in expositione T. 4. dicit scientiam propriè dictam esse eorum quæ semper aut frequentius sunt: communiter autem dicitur erraticorum, hoc est contingentis infiniti. Respondeo secundum superius dicta à Linconienſe, aliter accipitur, communiter & propriè, in vno loco & in alio: nam primo modo distinguitur scientia in communem & propriam, & communis in propriam & communiter dictam; sed propria in propriam magis, & propriissimè dictam. Nec obstat quod omnis in propriam diuidatur, quandoquidem aliter nomen proprii & communis hîc & inde sumatur. Per propriam ergo intelligit propriissimam in commento 111. & per communem, scientiam propriè dictam; dimittit autem communiter communem & propriam magis propriè dictam.

#### CONTRADICTIONE CV.

*Præcognitio dicitur non esse terminorum quod significant.*

**I**N commento primo Magnorum Commentariorum reprehendit Auerroës The-mistium, dicentem, præcognitionem præ-existentiam esse terminorum, exemplo adificationis; sed hæc expositio usurpatur à Commentatore 6. Ethicorum cap. 4. vbi allegans dictum hoc exponit doctrinam, & disciplinam fieri ex præexistenti cognitione, hoc est nominum incomplexorum interpretatione. Soluitur, Non reprehendit The-mistium in hoc tantum, sed quoniam voluit ampliari propositionem & doctrinam, pro vt extenditur ad artificium, & hoc modo malè dixit eam fieri necessariò ex co-

#### CONTRADICTIONE CVI.

*Duo contradictoria simul aguntur supra falsitatem.*

**P**rimo posteriorum 26. In commento 26. paraphrasis, dicitur quoniam duo contradictoria simul aguntur supra falsitatem, igitur duo contradictoria possunt esse simul falsa. Oppositum. In postprædicamentis cap. de Oppositis differentia octaua, & primo cap. 5. & 4. Metaphysicæ 9. Respondeo in hoc commento deficit negatio, vt sic legatur, quoniam duo contradictoria non simul aguntur supra falsitatem.

#### CONTRADICTIONE CVII.

*Non omnis syllogismus est ex necessariis aut veris pro maiori parte.*

**P**rimo posteriorum 29. In commento 180. omnis syllogismus est ex propositionibus necessariis, aut præmissis quæ pro maiori parte procedunt. Oppositum primo priorum 17. & primo Elenchorum. Respondeo intelligit per syllogismum demonstrationem non potissimam, sed communem ad illam: sic in paraphrasi T. c. 21. & 17. primi posteriorum primum oppositum intelligitur, syllogismus loco demonstrationis aliquando, vt in T. 13. eiusdem.

#### CONTRADICTIONE CVIII.

*Augentur demonstrationes in infinitum in post assumendo.*

**I**N T. 29. paraphrasis, augentur demonstrationes in postassumendo in infinitum. Oppositum sexto & 34. & 35. eiusdem. Soluitur, per infinitum intelligit indeterminatum.

\*\*\*



CONTRADICTION CIX.

*Debet omitti figura tertia, quia  
in ea tantum conclu-  
ditur particu-  
laris.*

**P**rimo posteriorum 32. Contradicit sibi Aristoteles, & Auerroës T. 39. & 32. nam dicit debere in demonstratiua & affirmatiua omitti figura tertia, quia concluditur particularis, non tamen in 34. omititur, in quo concludi non posse negatiuam in tertia figura ostendit. Ibidem committitur petitio principij, nam in probatione secundæ figuræ supponit de tertia figura vniuersaliter esse conclusum superius: Et ita in probatione tertiæ supponit de tertia vniuersaliter esse probatum.

CONTRADICTION CX.

*A simplicibus ad composita ponitur resolutio.*

**S**exto Metaphysicæ 23. à compositis ad simplicia est resolutio, & ad vniuersalia. Oppositum 2. Metaphysicæ 11. ab vniuersalibus ad particularia est resolutio. Soluitur ex contextu; intelligit ibi per resolutionem diuisionem, medianie quâ venamur definitionem.

CONTRADICTION CXI.

*Liber Posteriorum ordine doctrinæ  
præcedit librum Topicorum.*

**I**N proœmio Magnorum Commentariorum dicitur librum posteriorum ordine doctrinæ præcedere librum Topicorum. Oppositum in Epitomate in cap. cuius titulus est, sermo de regulis quibus fiunt argumenta quæ loca vocantur. Soluitur ex dictis ibidem parum inferius, loca illa sunt regulæ generales, tam Topicæ quàm demonstratiuæ, & de illis non loquitur Auerroës in proœmio, & traduntur secundo priorum: vide in Epitomate.

CONTRADICTION CXII.

*Primo ponuntur sex partes  
Logicæ.*

**P**rimo Magnorum Commentariorum. Primo capite Epitomatis, & primo Rethor. ponuntur 5. artes vel partes Logicæ. Oppositum in proœmio de proportionibus libri posteriorum ad alios dicit ad alias quinque artes Logicæ, aut ad partes: idem in Epitomate, in sermone de regulis quibus fiunt argumenta, quæ loca vocantur. Igitur sunt sex. Soluitur, quod ponit librum posteriorum esse partem partis, & ita sunt tantum 5. partes.

CONTRADICTION CXIII.

*Vniuersale est nobilius parti-  
culari, quia perpetuum.*

**P**rimo posteriorum 39. In solutione secundæ argumenti, quod vniuersale nobilius est ens, quia perpetuum, particulari. Oppositum primo Ethicorum septimo, albedo longi temporis non est perfectior albedine pauci temporis. Solutio colligitur in textu allegato primo posteriorum, non perfectius quantum ad esse, sed quantum ad cognosci.

CONTRADICTION CXIV.

*Demonstrationes augentur in  
latus.*

**S**ecundo posteriorum T. 29. Dicitur quod demonstrationes augentur in latus. Oppositum T. 38. vbi dicitur, In demonstratiuis quidem igitur syllogismis, eius quod est nil cadit extra. Soluitur, In 38. loquitur solum de autione in comparatione ad extrema: vbi clarum est demonstrationem augeri non posse per ea quæ sunt extra extrema; potest tamen augeri in latus, per medium existens extra medium; ita quod auctio in latus datur respectu medij, non extremorum. Ita Aristoteles primo posteriorum T. 43. c. primo.



## CONTRADICTIONE CXV.

*Triangulus habet tres aqua-  
les duobus rectis, quia  
figura rectili-  
nea.*

PRimo posteriorum 39. primo priorum 31. c. 2. triangulus non in quantum aliud sed secundum se habet duos rectos. Oppositum, primo posteriorum 39. triangulus habet duos rectos, quia figura rectilinea. Soluitur, prima est immediatè quoad syllogismum ex esse, sed secunda est immediata omni immediatione, videlicet quoad Esse & intelligi. Solutio habetur à Commentatore in primo posterior. 53. Commento Magno.

## CONTRADICTIONE CXVI.

*Propositio affirmatiua præcedit  
negatiuam.*

PRimo Periermenias 4. & primo posteriorum quarto, affirmatiua propositio præcedit negatiuam tempore aut naturà oppositum. \*\*\*

## CONTRADICTIONE CXVII.

*Vniuersale est finitum, particulare  
infinitum.*

PRimo posteriorum 30. Vniuersale habet naturam finiti, particulare infiniti. In Epitomate libro primo Oppositum: Soluitur, in posterior. dicitur comparando ad esse vniuersalia sunt finita, particularia infinita propter mundi perpetuitatem; hinc verò loquitur comparando ad virtutes sensus, non autem intellectus: & est ac si diceret, si intellectus cognosceret proprietates cognoscibiles, à sensu, comprehendendo vniuersale comprehenderet singularia infinita.

## CONTRADICTIONE CXVIII.

*Quod est per accidens non est  
necessarium.*

PRimo posterior. 18. Omne necessarium est per se; vel, Nullum per accidens est necessarium, primo Metaphysicæ 8. quod accidentaliter inuenitur, raro inuenitur: &

primo posterior. 18. & 2. Physicor. 48. & 8. eiusdem 36. & 46. Oppositum primo Physicor. 66. & 4. eiusdem 20. Vbi accidens in necessarium diuidit, & non necessarium. Solutio: Accidens duplex, quod habet causam propriam in subiecto, aliud quod non habet: Primum est necessarium; secundum, non hæc sunt in questione de sensu agente; quum nec primum, nec secundum, diuiditur, igitur est: nam quod habet causam in subiecto, non est contingens; primum, istud esset dicere idem per idem; ideo dico secundum Auerroem in Epitomate in principio, vbi de communi & speciali, secundum duo significata accidens dicitur, vt distinguitur contra substantiam, & sic diuiditur in necessarium & non necessarium: sed aliud significatur; quod per se opponitur non est necessarium posterius sed necessarium quod dicitur inseparabile, pro indiuiduis subiecto speciei competens. Aristoteles consuevit semper præponere maiorem minori, præterquam primo priorum 4. & alibi; sed Auerroes oppositum facit; propterquam primo Physicor. 35. & 3. de partibus animalium c. de corde, bis, & alibi etiam.

## CONTRADICTIONE CXIX.

*Solutio illa fuit ad primam du-  
bitationem.*

PRimo posterior. 4. Dicitur quod solutio illorum erat ad primam dubitationem; sed in commento quinto magno eiusdem dicit, quod sint ad Platonis dubium. Soluitur, quod, vt Themistius tenet, solutio illorum ad vnumquodque fuit dubium.

## CONTRADICTIONE CXX.

*Illam dubitationem fuit Pla-  
tonis.*

PRimo posterior. 4. Ponitur illa dubitatio Platonis 9. Metaphysicæ 14. Memnonis Philosophi. Soluitur, Dubitatio fuit Memnonis Philosophi, diuulgata à Platone.

## CONTRADICTIONE CXXI.

*Opinio Platonis tantum de-  
struit discere de  
nouo.*

IN eodem dicit, quod discere tantum destruit; sed nouo Metaphysicæ primo & in commento



commento 5. i. magnorum dicit, contra Themistium, quod destruit scire, atque discere. Soluitur, si per scire certitudo quædam intelligatur: nulli dubium est, quod scire non destruebat Plato; si verò cognitionem conclusionis ex præmissis in illo ordine destruebat. primo modo loquutus est Auerroës in paraphrasi cum Themistio, secundo modo in commento magno, & Metaphysicæ: distinctio est Linconiensis primo posteriorum 7. & Scoti 3.

CONTRADICTIONE CXXII.

*Vniuersalia præcedunt singularia.*

PRIMO posterior. 5. Vniuersalia præcedunt singularia; Oppositum primo de anima 8. vniuersale aut nihil est aut posterius. Soluitur, vniuersale magis si comparatur vniuersali minus, prius est secundum actum in intellectu, atque secundum potentiam, id est, secundum naturam iuentam in singularibus abstrahibilem; Si verò singulari comparatur vnicam obtinet prioritatem, præcedens ipsum vt in actu, non vt in potentia. Hæc dicta sunt obiter, alias melius dicemus.

Nota quod in Epitomate de locis oppositorum scribitur, Omnia loca secundi Topicorum sunt probabilia, non demonstratiua, propter locum ab excessu.

CONTRADICTIONE CXXIII.

*In demonstratione absoluta necessario medium est causa maioris extremi.*

PRIMO posteriorum 19. Clarissimè secundo posteriorum 25. in fine commenti primo Magnorum Commentariorum 96. & 151. in demonstratione simpliciter necesse est medium esse causam maioris extremi. Oppositum in Epitomate, vbi dicitur quod aliquando necesse in demonstratione simpliciter medium esse causam maioris, aliquando minoris, aliquando vtriusque, Et vterius in prima specie in modo secundo dicit, quod hæc est simpliciter demonstratio, omnis homo est animal, omne animal est corpus nutritibile: & ex hoc sequitur, igitur omnis homo est corpus nutritibile: vbi dicitur, & est verum, quod medium est solum causa minoris extremitatis: sic etiam in tertio modo

idem in tota tertia specie, vbi dicitur, ex hac parte possibile est quod in hac specie concludatur vna species demonstrationis simpliciter, quæ est in qua medius terminus est causa minoris solum, idem in tota quarta specie, idem in quinta. Tota solutio vera meo iudicio est valde difficilis, maxime propter verba secundi posteriorum: verba autem primi possent faciliter glossari, hoc tamen intelligas, quod secundum opinionem Auerroës, aliquando diffinitio subiecti, aliquando passionis, aliquando vtriusque, est medium in demonstratione; & propter hoc soluitur difficultas.

CONTRADICTIONE CXXIV.

*In demonstratione absoluta notior est causa quam effectus.*

PRIMO posteriorum 5. Demonstratio est ex notioribus causis: vnde secundo Cœli 34. cum notior fuerit causa quam esse rei, erit demonstratio simpliciter: Si verò latentior, erit demonstratio propter quid: Si verò notius, esse rei erit demonstratio quia. Oppositum in Epitomate de demonstratione, vbi dicitur si latentior fuerit causa quam esse, erit demonstratio quia. In demonstratione verò simpliciter, simul causa & esse sunt ignota; nec potest dici quod difformiter loquatur cum de demonstratione, quia vniuniformiter loquatur hic & ibi; Ergo vult hic & secundo Cœli, quod ante demonstrationem causa sit notior; sed in Epitomate vtrumque simul æqualiter ignotum. Pro hoc adducitur ratio hic & ibi: hic quidem demonstratio est semper ex notioribus, sed demonstratio simpliciter est ex causa supra effectum, per Aristotelem in textu: igitur causa est notior effectui. In Epitomate adducitur talis: demonstratio ratio simpliciter largitur nobis causam & esse, sed nil largitur quod prius haberetur: igitur sicut esse erat ignotum ante demonstrationem, ergo & causa, cum æqualiter vtrumque largiatur.

Dicitur quod causa est notior quoad esse, non quod sit causa quoad ipsum esse effectus. Pro quo intelligendum est, tria esse in demonstratione, Esse causæ, Esse causam, & Esse effectus; Esse autem effectum causæ non demonstratur ab Esse causam effectus, nisi ratione; tunc dico quod demonstratio quia largitur tantum esse causæ, non effectus, vt multi putant, cum iam illud sit notum ante demonstrationem, & sic post talem demonstrationem habeo Esse effectus & Esse causæ, non tamen eum esse causam, quia non fit per adæquatas propositiones, quia per Esse causam, intelligo Esse causam propriam immediatam, & adæquatam. Demonstratio



monstratio propter quid ex Esse causæ & Esse effectus, largitur Esse causam, & est ignobilior demonstratione simpliciter. Tamen quia dat solum nobis vnum, & demonstratio simpliciter duo: Secundo quia præsupponit duo Esse: ergo demonstratio simpliciter tantum vnum, demonstratio simpliciter largitur ex Esse causæ duo. Vnum Esse causam & Esse effectus. In Epitomate ergo bene dixit Auerroës, quod & esse causam, & esse effectus oportebat simul ignota esse ante demonstrationem, quia acquirebant ex ipsa. Bene etiam dixit, & sibi concorditer, hic & secundo Cœli, quod ante demonstrationem notius est Esse causæ quàm Effectus, quia omnis demonstratio fit ex præcognitis; sed Esse effectus, aut Esse causæ non sunt præcognita, quia illa acquiruntur ex demonstratione. Ergo oportuit Esse causæ prius fuisse cognitum. Secundum Commentatorem, Esse causæ duabus demonstrationibus habetur, absoluta, & propter quod: sed Esse causæ tantum vna, & est demonstratio; quia Esse effectus tantum demonstratione simpliciter. Et hæc est resolutio omnium difficultatum contingentium ferè in hac materia.

#### CONTRADICTIONE CXXV.

##### *Ponuntur tres species syllogismorum.*

**P**rimo Topicorum, 1. Ponuntur tres species syllogismorum, & primo Magnorum commentariorum, primo, tantum duæ: verum in proœmio, & primo Elenchorum secundo ponuntur quatuor, & ibidem ante in paraphrasi. Nisi esset, quod ibi loquitur tantum de modis respectu arguentis in orationibus; & 10. Topicorum ex parte meræ syllogisticæ; & sic diuiditur in tria syllogismus: sed Topicus est ex propositionibus famosis, quæ si solum considerentur vt concessæ à respondente, dicitur tentatiuus. Sic dico de Sophistico. Sed contra; quia Auerroës primo Elenchorum, secundo exponit pro tentatiuo syllogismum rhetoricum. Respondeo igitur, quod tentatiuus aliter accipitur hic, & primo Topicorum: nam ibi accipitur, vt dixi: sed hic accipitur penès distinctionem in materia: nam facit diuisionem non syllogismorum, sed orationum; quæ de re fit vt tentatiuus sit medius inter Sophisticum & probabilem; est enim ex propositionibus quæ primo affatu verè apparent, vt dixit ibidem Commentator in proœmio Magnorum Commentariorum: diuidit syllogismum non quidem in commune, sed perfectum: quia quidem est commune tantum demonstratio & probabili.

#### CONTRADICTIONE CXXVI.

##### *Demonstratio est ex propriis.*

**P**rimo posteriorum 50. Demonstratio est ex propriis, vbi omnes exponunt conuertibilibus. Oppositum ab Auerroës in Epitomate de demonstratione, vbi ponit quandoque medium in demonstratione, esse genus subiecti, quod non est conuertibile. Respondeo quod in Epitomate enumerat demonstrationes omnes à priori, non tamen potissimas de quibus infra in commento 11. Magnorum Commentariorum.

#### CONTRADICTIONE CXXVII.

##### *Demonstrationes ex mediatis æquiuoce dicuntur demonstrationes.*

**P**rimo Magnorum Commentariorum demonstrationes ex mediatis æquiuocè dicuntur demonstratio. Oppositum. In eodem commento 99. & expressè in epitomate de demonstratione. Solutio est, Auerroës in commento 10. & interpretes. Duplex demonstratio est, simplex, quæ solum est ex mediatis; & composita, quæ plures continet demonstrationes, & ratione primæ dicitur demonstratio verè, & est ex mediatis. Dicitur Auerroës in præfati parte est intelligendum de secunda demonstratione, quam posuit sine prima, quæ tantum est ex mediatis.

#### CONTRADICTIONE CXXVIII.

##### *Premissæ præcognoscuntur non solum Quoad quid est, sed Quoad si est.*

**P**rimo posteriorum 5. Præmissæ præcognoscuntur non solum Quoad quid est, sed Quoad si est. Oppositum in textu 2. Non posuit ibi nisi vnicam præcognitionem. Respondet Philosophus quod in 2. T. apparebat necessitas primæ ex secunda, ideo prætermisit. Sed hæc solutio non satisfacit, nam pari ratione dicam de Textu 5. quod oportuit solum eam quæ si est cognoscere: Ideo dico quod loquitur in textu secundo de præcognitionibus simplicibus tantum, non de compositis: hic verò è conuerso. Cur verò in secundo non posuit dignitatis præcognitionem, quod sic visum contradictione 87.



CONTRADICTION CXXIX.

*Enunciatio diffinitur ab Aristotele.*

IN principio commenti 13. Magni 1. posteriorum, dicit Auerroës, quod Aristoteles, in textu diffinit Enuntiationem: In fine dicit quod Aristoteles neque diffinit, neque describit Enuntiationem. Soluitur; quando dixit Aristoteles Enunciatio est contradictionis utraque pars, non est diffinitio, nec descriptio, quia est sermo incompletus. Hoc modo dixit ipse, quod non diffinitur: sed si consideretur cum diffinitione propositionis simul sic diffinitur Enuntiatio, & est sensus illius diffinitionis, Enuntiatio comprehendit utramque partem contradictionis, quemadmodum propositio vnam determinat; & sic est diffinitio completa; & hoc modo loquutus est in principio commenti: &c.

CONTRADICTION CXXX.

*Dialectica accipit utramque partem contradictionis.*

PRIMO posterior. 5. Dialectica propositio est utriusque partis contradictionis: Idem 1. priorum 1. Sed oppositum 2. Periermenias 3. Dialectica Interrogatio est alterius partis contradictionis; Solutio, utriusque partis in potentia, non in actu; nam respondenti licet partem non interrogatam accipere: exemplum, Estne omnis mater filios diligens? Ita est, & ita dicunt, &c.

CONTRADICTION CXXXI.

*Differentia est, quæ prædicatur de pluribus specie differentibus.*

IN prædicabilibus Porphyrij, Differentia est quæ de pluribus differentibus specie, prædicatur, in eo quod quale, quod Porphyrius c. de Differentia. Oppositum 6. Topico. c. 7. loco 32. Respondetur differentia quæ pluribus specie differentibus conuenit; Respondeo, non est specificè diffinitio; contra Porphyrius exemplificat de rationali textu hominis. Respondeo, loquitur secundum Platonicos, qui ponebant Angelos animalia rationalia.

CONTRADICTION CXXXII.

*Vni affirmatiue contingentis vniuersali due opponuntur.*

IN primo priorum 22. Ponit duo contradictoria proponi vniuersali contingentis affirmatiue; sed in 21. in principio, in probatione illius syllogismi primi ex inductione & contingentis assignat tantum vnum; & si dicas quod non assignauit, utrumque, sequitur quod non valet probatio illa, & peccat per fallaciam consequentis. Solutio est, quod ex Auerroës 1. priorum, contradictio perfecta est in qua est diuersitas in modo & quantitate, & qualitate. Ideo hoc modo, tali contingentis solum contradicit particularis negatiua necessaria, alia verò solum contradicit & per accidens in quantum tale contingens conuertitur in oppositam qualitatem, in 22. textu; igitur Philosophus dicit de contradictoriis, quibus lex contradictionis competit, & sumuntur large: sed in 21. proprie loquitur de contradictoriis quorum conditiones assignauit Auerroës.

CONTRADICTION CXXXIII.

*Vniuersalis negatiua nos conuertitur in terminis.*

NEGatiua de contingentis vniuersalis non conuertitur in terminis. Oppositum in eodem textu 23. Ibi (similiter autem & 51. ad c. ... ponatur priuatiua) & fuit mota ab Alexandro. Soluitur ab eodem, conclusionem non esse veri contingentis; dixit sed contingentis dimidij. Auerroës tamen in commento cum ponat eam esse de contingentis æquiuoca, maiorem habet difficultatem: de quibus alias dicemus Deo dante.

CONTRADICTION CXXXIV.

*Proposit se probaturum, in omni syllogismo affirmatiuam esse propositionem.*

PRIMO prior. 28. proponit, se probaturum, omnem syllogismum constare altera vniuersali, & altera affirmatiua. Oppositum facit, non enim probat quod ex affirmatiua constet quicunque syllogismus. Soluitur, ex primo sequitur secundum, nam licet dicatur vniuersale extra syllogismum negatiuum absque affirmatiua, non tamen dicitur vniuersale in syllogismo sine affirmatiua; nam dicit vniuersale præsupponere de omni, ut probatur in 1. magnorum commentariorum, & in paraphrasi Posterior. 11.

CONTRA



## CONTRADICTIONE CXXXV.

*In coniugationibus syllogismorum communissima accipi debent.*

**P**rimo priorum vigesimonono, capit. septimo. Vult quod in coniugationibus syllogismorum accipiantur ea quæ sequuntur consequentia: sed superius dixit in eodem Textu cap. sexto, ibi (syllogismus enim est vnus, cuiusque conclusio) quod quæ sunt omnibus communia, non eligenda sunt. Ad hoc ponuntur tres solutiones, sed illas Leui Gersonis videtur melior, videlicet quod Philosophus intendit declarare in præsentī parte, qualiter vniuersalia sunt eligenda inter alia prædicata: sed superius loquitur de electione mediij. Vt tamen clarior sit sententia, Dico ego, quod in sexto capite declarat qualiter sumendam sit medium inter extremitates: Et tunc dicit quod non est sumendum vniuersalius vtroque extremo, quia tum non posset fieri nisi secunda figura: Et cum prædicetur tale medium de extremis, erunt ambæ affirmatiuæ; & sic nihil potest concludi, cum in secunda figura nihil concludatur ex puris affirmatiuis; hîc vero probat qualiter vno supposito extremo tantum debeamus eligere medium, & tunc quidem quanto vniuersalissimum, tanto conuenientius est.

## CONTRADICTIONE CXXXVI.

*Omne quod per impossibile deducitur, ostensiuè probari potest.*

**P**rimo priorum vigesimonono, capit. nono. Omne quod per impossibile deducitur ostensiuè probari potest per eosdem terminos vt ait ibi, in verbis (quare conuersa hac propositione) Oppositum superius in textu decimoquarto probat primo de Baroco, & Brocardo. Soluitur à Philopono & Alexandro, quod intelligitur dictum in vigesimonono, de simplici deductione problemati: dictum verò in decimoquarto de reductione syllogistica: hîc enim fit comparatio syllogismi recti ad syllogismum Impossibilis: ibi verò syllogismi conuersiui contrarij ad syllogismum conuersiuum ostensiuum.

## CONTRADICTIONE CXXXVII.

*Dicere album, & non album, simile est dicere potest ambulare, & potest non ambulare.*

**P**rimo priorum T. 43. (dicere album, & non album, est simile dicere, potest ambulare, & potest non ambulare; quæ cum sint simul veræ innuit has simul veras posse esse, Esse album, & Esse non album. Oppositum in eodem cap. ibi (quoniam autem non possunt) probans, quod non possunt simul esse veræ. Relictis aliorum solutionibus ex Hugolino respondeo; non vult in principio notare nisi similitudinem in affirmatione; quasi dicat, omnes sunt affirmatiuæ sicut illæ, non quod sumat similitudinem in veritate res falsitate.

## CONTRADICTIONE CXXXVIII.

*Disputauit non esse vtendum syllogismo per impossibile.*

**I**n octauo Topicor. parte prima, cap. septimo, loco 55. Disputauit non esse vtendum syllogismo Impossibilis. Oppositum in eodem, parte secunda, cap. primo, loco 48. Arguentis officium est respondentem ad improbabiliissima ducere: Hoc non fit nisi syllogismo Contrarij. Et Auerrœs in octauo Topicorum paraphrasi, parte Respondentis, dicit quod officium est ipsius arguentis cogere respondentem negare concessa & diuulgata. Solutio clara est: primo, Aristoteles in cap. septimo non loquitur vniuersaliter, sed in casu in quo ostensiuè illud probari possit, quia ostensiuæ firmitas est; Ideo licet arguenti syllogismo ad impossibile vti ibi ostensiuus non suppetat. Secundo dico quod etiam syllogismo ostensiuo ad probabilia ducere possumus; sed iam fit syllogismus impossibilis: quare teneas primam solutionem.

## CONTRADICTIONE CXXXIX.

*Quod per impossibile deducitur, ostensiuè probari potest.*

**P**rimo priorum, vigesimonono, cap. 9. Dicitur quod per impossibile deducitur, ostensiuè



ostensue probari potest; Idem secunda priorum T. 1. cap. secundo cum conuersa. Oppositum ab Auerroë in commento magno primo posteriori. 175. in fine, vbi dicitur, Nulla sunt Mathematicorum demonstrationes Impossibilis, quas impossibile est demonstrare in categoricis syllogismis, id est, ostensiuis. Respondeo, quod differentia est inter monstrare, & demonstrare. Nam verum est, quod quocunque monstratur per impossibile, potest ostensue monstrari; non tamen quicquid demonstratur per impossibile, potest & ostensue demonstrari. Huius ratio; quoniam in demonstratione requiritur ordo prius, & magis cogniti, non autem in syllogismo vt syllogismus est. Sicut etiam concedimus dari syllogismum circularem, non autem demonstrationem, in libro ergo Priorum dixit monstrare, id est, syllogizare, in libro verò Posteriorum dixit demonstrare. Sed contra Auerroës ibidem subiungit. ( Et quod natura syllogismi, in quantum syllogismus est, sit hoc largiri ) Ergo non vult quod hoc conueniat demonstrationi vt demonstratio est. Respondeo litera ibi est corrupta cum eo quod sequitur, & debet sic legi (& quod naturæ syllogismi, in quantum syllogismus est, sit hoc largiri. Hoc itaque est quod forsitan magis inferius perferatbor. ) Et ita illa particula dubitativa est.

CONTRADICTIONE CXL.

*In deductione ad impossibile non præsupponitur contrarium.*

1. Prior. 11. **I**N deductione ad impossibile non præsupponitur contrarium, sed contradictorium ibi manifestum: ergo quum non contrarium, in fine. Oppositum primo posteriorum 41. syllogismus contrarij sit vel per acceptionem contrarij, vel contradictori. Soluitur 2. primo, quum contrarium in necessariis æquualet contradictorio, vt dicitur primo Magnorum commentariorum commento 13. Idem demonstratio ad impossibile: sic contrario assumpto, non autem syllogismus. 2. Respondeo, quod per syllogismum contrarij primo Posteriorum intelligit syllogismum Auerroës communem contrario & conuersiuo.

CONTRADICTIONE CXLI.

*In fine dicitur, primam dignitatem esse probabilem.*

2. Prior. 11. **I**N fine 11. T. 21. priorum dicit Aristoteles primam dignitatem esse probabilem, in 4. Metaphisicæ 9. T. dixit eam esse necessariam. Respondeo, Boëtius in primo de Tom. I.

Differentiis topicis vult duplex probabile, necessarium & contingens natum. Dicuntur autem probabilia ex apparentia, non ex existentia. Et ita hinc probabile communiter capitur.

CONTRADICTIONE CXLII.

*Instantiam particularem contingit esse.*

**I**N principio instantiam contingit particularem esse. Oppositum in Posteriorum libro, necesse est instantiam esse vel in pluribus vel in omnibus. Solutio, Dictum in libro Posteriorum est speciale substantiæ demonstratiuæ; Illud verò secundo Priorum est commune omni instantiæ, & verificatur in probabilibus.

CONTRADICTIONE CXLIII.

*Syllogismus ad impossibile non præsupponit Categoricum.*

**I**N secundo priorum 11. In principio syllogismus ad impossibile differt à conuersiuo, quia non præsupponit syllogismum categoricum, sed sit nullo ipsius assumpto syllogismo. Oppositum, In compendio Auerroës super librum priorum in cap. de syllogismo ad impossibile, vbi dicitur ( proprium autem verius syllogismi condicionalis, est non posse ostendere conclusionem absque syllogismo prædicatiuo ) Soluitur ex libris sequentibus, ( verba sunt hæc, corpus est enim si ex ipsis conclusio prouenire debeat, vt reducantur ad syllogismum prædicatum ) non ergo intendit quod præsupponant sicut conuersiuo alium syllogismum; sed quod eorum virtus constat in reductione eorum ad syllogismum conuersiuum. Et hoc concordat dicto secundo, priorum 14. cap. secundo quod omnes syllogismi ad impossibile, possunt reduci ad conuersiuos in eisdem terminis. Memineris autem, propter alias auctoritates, aliquando nomen syllogismi contrarij latius, prout conuenit conuersiuo syllogismo; aliquando pressius, vt quando ab ipso distinguitur capite, &c.



## CONTRADICTION CXLIV.

*Æquivoca non comparantur.*

**P**Riorum 10. Metaphysicæ 14. Comparatio non est eorum quæ genere & formâ diuersantur, 10. Metaphysicæ 14. Opposi-

tum in commento 27. secundum id in quo sunt æquivoca, non autem in eo quod vniuoca. Contra in eodem commento 31. Omnino æquivocorum species quædam sunt, quæ similia sunt genere, vel comparatione. Intellige de his quæ non sunt analogæ. Contra de veris æquivocis, 26. 71. Physicorum: Respondeo, sunt æquivoca ambigua; & illorum comparatio non est vna secundum partes.

FINIS.



NORMA





# NORMA VITÆ

## CONSARCINATA

### SACRA VOCATA.

### PRIMA PARS.

1. **A**D eos qui te iniuste premunt, verbis odiosis commemorantes aduersa, & deprimentes, defines ire; aut si non adeo tutum, frequentissime itabis: nam dissoluitur latio usu, aut non laderis. In utroque tamen contra subest periculum à subdolo, eundo ne capiet, non eundo ne putet se contemni.
2. Cum aliquid significaturus es per litteras quæ intercipi possint, velut abduxit te quia amabat, & rectè elegit: Mea tamen interest vt solus relictus, quo consilia aliorum forsan spectarunt, cautius nimirum, hic vides, quot ablata & subintellecta.
3. Quidam eò spectat vt te perdat, titulo benefaciendi amico. Id primum bifariam potest interpretari, vel vt simul te & illum perdere velit, vel vt solum te; sed auaritia urgente illius iacturæ & offensæ obliuiscitur. Primum quærere debes in quo sensu accipienda sint illius verba: nam si vt vtrumque, admonere debes.
4. Nisi adeò coniuncti sint vt tuus illius operâ indigeat, vel per Principis auctoritatem illi iungatur, tunc alia via ferenda est inter illos inimicitia: explica te negotio, & pecuniâ occasionem obserua. Hoc existimare debes si antea alias te intrudere voluit? Si desertus à suis, si suorum quenquam in fine perdidit? si tu instantum inhiat? Occasio vt dixi expectanda.
5. Si quis hoc agit, cum omnia agere sui causa videatur, vt iactas timet, non amat nec tui miseret. Primum memineris sensum porcum pro ossa (vt dici solet) auferat; omnia enim in vita contingunt. Hoc ergo ad te. Quod si etiam quasi improvidus hoc agit, non sincerus tamen est, aut sapiens: ergo desere illum: sed ita vt non magis ab eo in posterum tibi timendum sit.
6. Cum maior te inuadit, noli iacere. Diuersis modis occurrendum est: præcipue autem due causæ, iniuria & animi mor-

*Ton. I.*

bus ex corpore: aut miser, quod difficillimum est, non tamen defensio deserenda est. Vino abstineas, aut dulci plurimo vti; sed hoc periculosum. Vltio: ira aperta si tuta est, mutatio regionis, somnum pronocantia, delitiæ, Venus, ratio, flagella, alia: Crocus, Helenium, melissa, ozimum odoratum, succus boraginis, hyacinthus. Sanguis equi, galli, canis, columbi, calidus haustus. Margaritæ, Chrysolitus gestatus, acetum scilliticum. Ad timores adamas, testitudinis marinæ oua: vituli marini cerebrum, Theodoricum maius, & Muscatum, zelemite magnum Auic. Triseræ, & præcipue Persica: Radix autem ellebori nigri & vitis albæ, sensus & intellectum exacuunt, lapis lazuli & Alchermes lætitiâ afferunt, Rhinocerotis cornu, lætificans antidotum Almanforis; Nostrum, sapphiri, smaragdi, hyacinthi, berillorum, sardonij, margaritarum, granatorum orientalium & pellucidorum, lapidis lazuli, chrysoliti, corallorum rubrorum valde, succini callaidis, foliorum auri & argenti, opij recentis electi, Croci orientalis, succi apij, melissæ, ozimi odorati valde, & microfolij, styfacis optimæ, thuris, serici ex purpura si licet tincti & siccari, ana pars, id est, omnia præter sericum & lapides ac margaritas macerentur, & excepto succino ac opio in succis pomorum redolentium, boraginis, & bibinellæ per xxiv. horas bulliendo in duplici vase, & si potest addi addatur folium Indum inde, ambre, Moschi orientalis, ana pars, fiat puluis & sequetur in auro, laudatur etiam in hoc sena, Diasena, esse maximum Philosophorum, & sotira. Est enim prima ratio custodiendæ vitæ, mentis ac incolumitatis. Referunt Androdamantem multum prodesse animi affectibus.

Nuper MDLXXVj. April. M. in Xenodochio sancti Spiritus Romæ erant duo, Troilus & Dominicus, hic ab altero vexabatur & premebatur: incidit in febrem ex qua tandem euasit. Cum autem surrexisset

F f 2 set

*Aliud Habi-  
aliud Me-  
sue.*

7.



set siti fatigatus incidit in hydropem, ex qua intra mensem peruenit ad mortem: vij. hora cum laboraret in extremis inquit (duobus astantibus Hispanis) audite qui adessis, Frater Troilus adeo vexauit me & oppressit, vt male affectus ex hoc peream. Ideo coram vobis illum ad Tribunal Dei moriens cito, vt eorum quæ contra me iniuste egit rationem reddat; non multo post expirauit. Die sequenti aduenit nuncius à Troilo, qui in Corneto degebat (id est Roma, procul paucis Mil.) quod ægrotaret: interrogatur à Medicis quæ hora? respondent vij. decubuit pauculis diebus: non fausto Æsculapio, non tamen prorsus deploratus. Inde quadam nocte paulo post, & rursus hora vij. cecidit culmen conopæi, & hora simili qua prior expirauerat, obiit.

8. Magnum auxilium est sumere vtilitatem ex aduersis, quia sunt longè plura secundis, & tum magis indigemus: vt in condendo testamento dum omnes reliquerunt. Occasionibus enim multas nancisceris recte collimandi.

9. Velut & cum negocia difficilia tractas vbi ratio non præst, per partes etiam minimas mutando procedes, vt discas tractare minore periculo.

10. Cum tractandum est aliquid cum aliquo qui in domo sit minus amici tui, sed tanto potentioris, differ autem & deuita negocium, ne tuum amicum eueras: occasio autem potest offerri.

11. Caue ne cum minutim aliquid multis collegeris, omnia simul vno verbo parum considerato effutito omnia perdas: quod pluribus accidit iniuria oppressis, & natura impatientibus.

12. Connexio in negociis plurimum potest (sed & in artibus, verum longè facilior) deducitur enim res facilius ad finem, sed & natura illius melius percipitur.

13. Simplicia cum faciliora essent, etiam miraculo declarata, velut Q. Claudiae summa castitas: at quod vsui maxime foret & nos à magnis difficultatibus liberasset; cum declaratus esset Nasica Scipio vir optimus à Senatu, in Deam Vestam lotam Almonis flumini aqua contubernio excipere meruerit, donec illi templum erigeretur, cum tam multa complecteretur. Quare nemo ausus est dicere inter tot testes rei ac facti. Num ad totum humanum genus, an ad bonos tantum, an ad Romanos & patriam, vt alij non homines sed bellæ potius censerentur: an ad miseros & calamitosos, an ad iustitiam, an beneficia vel misericordiam tantum referendum foret. Nam ad fortes neque sapientes non puto: obstat enim personæ conditio. Idem etiam ciuem & nobilem Gracchum occidit. Operæ precium ergo fecissunt.

14. Proculdubio quod nos tam grauiter ferimus plebs vniuersa socordes, imperiti, sexus totus foemineus, ætas vsque ad adolescentiam exactam non solum obliuione obliterat, sed omnino nihili facit, & animosa eodem modo in publicum prodit, nec ab aliis notatur aut deuatur. Nihil ergo restat vltra, nisi animi mali odium. At quot

modis compensatur primum casibus & occasionibus tam multis? gaudio in eorum erratis, atque aduersis? Odio proprio & his quæ sequuntur: in sermonibus commiserationes, recta ratione malorum omnium, quæ calamitates non tam efficiunt, quam sunt. Si ad Deum Optimum Maximumque referas & ad acta tua & aliis iniuste illata, inuenies debere adhuc plurimum, non promereri. Quæ ergo insania te vrget frustra; nisi scientiam horum omnium & modum euadendi ac compensandi quæ accepisti inter mala & damnatam stulte reponas.

O, dices, non propter præterita doleo, sed ob futura impedimenta & pericula afficior ac timeo. Primum plus nocet vmbra mali, quam quod non adeo moleste ferres si eueniret ipsum malum. Futura omnino incerta sunt: cogita quot aliis maioribus & tu & alij subiiciuntur, vt morti inter cætera: & tamen vis quotidie morere quod moriturus sis. Plus prodest prouidentia (atque id experimentum frequens docet) quam incautis ac non læsis opinio falsa securitatis. Et ob dici solet & verum est, maximam exitij expectandi ansam fore perpetuæ felicitatis incrementa. Adde quod calamitas calamitati viam persæpe præcidit, vt Boccatus in fabula. Læto igitur esto animo, quoniam miserrimum est solum supplicii dignum sibi esse videri: post iniuste solum pati: inde optimum nec dignum videri. Idque bifariam (fateor vera) meliorem esse conditionem eius qui nec admisit nec passus est: Tertio ergo loco es si condigna admisissis pateris.

Vt leuigat maculas illitus redundans à *moderata* contactu, ita sumptus aufert quantum vitæ adest.

Quid ergo agendum post? retentis quæ habes, illud Pauli. Maxime autem à lateribus ipsis conuellendum: abeundum, commutandum, factio suscitanda est, vt illi negocium præbeas, licita enim omnia vt iustum finem assequaris, omnia in omnes quod Deus permisit, armauit, docuit, secundum leges constituit: exitu etiam confirmauit. Dubium solum de medijs. An licet qui vel se insinuarunt vel fouent vel tumentur aut probant? non his qui vi & ipsi seruiunt.

Cuidam Principi aulicus erat, Pâschus nomine; cui à graui podagra occupato, ob officia & misericordiam mensuram pensionem statuit. Eo vigente dū adhuc se tueri posset, gauisus est liberalitate regis: sed rege mortuo, & morbo deficiente, æmuli solutionem impediabant; donec coactus est dimittere famulum, remansitque cum sola ancilla anu: & victus ei deerat, oppignorata suppellectile. Interim nouo rege sciscitante quid ageret Pâschus, quidam respondit, iacet in lecto, morbo maximo laborans. Ergo, inquit rex, qui tum prandeat, à prandio eamus visuri ipsum, daturi hoc seruitutis misericordiam, & officiorum suorum memoriam; assensere omnes: à prandio ituri, erat autem hora tarda, accedunt primum, sentiunt ciuilem ac flentem ingressi solam vident; (ancilla enim abierat, mutuo quæstura quo se &



se & dominum aleret.) Annitentem vestes induere; Hic Princeps, Quid agis? cum tam graui morbo surgere nolens, & tot modis impeditus? cui Paschus; surgere malo, quam fame certò perire; solus? cum famulus abierit, quod non haberem quo illi satisfacerem. Tum Rex pauca de morbo sciscitatus; iterum rogat cur conetur surgere? hic Paschus, iam dixi, vt prandium quæram; & induere vestes proposui ob frigus; & ne prorsus insanire videar. Hic Princeps hortatus ad meliora, & spem habere suadens, ne de pensione quidem verbum, nec pro illo quisquam meminit: cogitantes, vt reor, si dare non decreuit offendimus Principem: si decreuit, nos ipsos. Paschus ego sum: Podagra, accusatio cum sententia. Aulici, Præfecti Consilij: Regis prioris mors, cum captus sum, spoliatus, nemo restituit statum: nemo reuocat acta: nullus honorarium, neque munus profitendi reddit. Licet Regibus & magistratibus condere leges nouas, ampliare potestatem, publici boni causa cui inuigilant: sed non licet obui-cere quenquã his legibus nouis iniuriæ priuatorum hominum: quinimò tum atrocius quadruplo puniendi qui horum quenquam læserint, dicendo, cur illum iniuria affecisti? nos damnauimus vt publico commodo & securitati consuleremus: non tuæ petulantia aut iræ in illum. Neque licet quod ante legem promulgatum est eisdem nouis legibus punire: si enim lex reum facit, quomodo quod ante legem factum est, debet esse obnoxium legi? Nec publicè quenquam pœna inemendabili afficere, nisi facti probationes fuerint ipsa luce (vt dici solet) clariores.

17. Nuper excessit è vitâ, vt audio, Archiepiscopus Toletanus, maximo humanarum rerum exemplo. Ab initio in priuata vita sacerdos: post ab exomologesi Caroli Quinti Cæsaris, ex eo Archiepiscopus Toletanus. Quid est cur non cœlum digito (vt dici solet) tangeret? Quam breui Carolus excedit è vitâ, Archiepiscopus conicitur in vincula; ex cclxx. aureis reddituum relinquuntur xvij. manet in custodia xvij. annis, tandem iudicatur: res reddit ad xij. pro sumptibus: poterant nimis satis videri, si non autem fuissent longè maiores. Damnatur ad custodiam paucis annis (secus enim pauci supererant quod nimis diu vixisset) intra xx. dies ex suppressione vrinæ moritur orta ob libertatis illius speciem, dum conceditur vt septem Ecclesias in Romæ ambitu positas inuifat. Ecce quis non videt malū ex bonum ortum? in carcere erat: sententia magis displicuit: licuit circumagere: ecce mors successit. in morte quid pessimum, non nisi quod optimum putauerat, & pro quibus tam pertinaciter pugnauerat: scilicet, vt emeretur, vt ditissimus esset, vt suspiceretur: hæc omnia & ante mortem laboriosa & tædiolâ in morte relinquenti grauiâ & dolorosa: post mortem non nisi malum ex administratione & cogitationibus afferre poterant. Namque dum moriebatur puro indoluissè, quod carcerem, custodias, labores, vigilias, malamque famam (tamen si vt querebatur falso constatam) ieiunia, habitum illum humilem, quod relinqueret.

18. Res parui magni commodo cedit. Quidam fatigabat perperam epistolis patrem: respon-

To m. I.

dit illi, persolue literas tuas, ego meas: statim filius ab importunitate cessauit; Et in aliis moderatius se gessit. Quandoque eogeris deuorare primam: sapiens ab illa incipit esse.

Tria sunt difficilia inter cætera, in iniusta damnatione exorare iniquos iudices: si queraris irascuntur, insurgunt contra: si patienter feras, si prætereas, onerant maioribus ponderib. exigunt tibi omnino pernitiola: diffamant defensū iuribus tuis. Exorare, vt Deos fatigare precibus, beneficia in se vel alios connumerare, si non sit priuatum odium neque emolumentum agere iuribus, rationibus, misericordia, per amicos intimos, donis, promissionib.

Aliud quod multitudinem pro vno, vt principes hunc vnum pro nullo, quamuis refragante Homero:

ἄνθρωπος ὃς ἀντὶ πολλῶν ἀνθρώπων ἀνδρῶν.

Hoc vno errore duo mala faciunt: dum enim singulos spernunt, vniuersos contemnunt: & præditos virtute negligunt, & sapientiam ac bonas disciplinas: admittunt adulescentes, & omnia pessum eunt.

Tertium quod verba præponunt factis: & ex hoc magis decipiuntur, nam quanto magis effutiant in colloquiis istis domesticis, inaniore euadunt; vnde locupletiores vulgus illos existimat. Velle nunc has consuetudines tot firmatas potentibus & vulgi vocibus amen-tis, prorsus est resistere furiosis: pati, damnosum & turpe. aut ergo Ducem qui virtute enectus sit sequi oportet: aut se subducere. Quod si ætas aut alia obstant, quasi contem-neret, tacere, adhærere factioni.

21. Si multitudo calamitatum, miseriarum, de-decorum, iniuriarum, te premat, vt nobis accidit; An vt Aristoteli, imò & Theophrasto, sufficiet in exilium voluntarium se contulisse? vt & Q. Metello Numidico: certè non: nam illi ante iniuriam & detrimentum. Ergone latebræ quærendæ? nam & secus obnoxius, & occidere stultum? An ratio, vbi illa sufficiat, semper præponenda est, cum iniuriam omnem *ἀντιλογία* tollat, differ tempus. Ergo detrimenti sola ratio habenda est? hoc duplex, accepti; & periculi, ne aliud ingeratur. Ergo in omnibus quod sponte obicitur (adèd vt quanquã etiam, sed raro, tamen si via in posterum accipiendis præcludi videatur) non sit reluctandum aut reiiciendum vel etiam differendum. Minus enim restat, & facilius ad reliqua paratur aditus: & honorificum est, & odia hebetescunt. Quod secundo loco ponitur, vt enim in crustis tollendis ad vnguem, vel repente, vel omnino sensum indolentiam seu *ἀναισθησίαν* affert, medium sauius est: ita & in his resarciendis; similis etiam est finis repentini actus periculum lacerationis, sensum omnino si agas ne patientia te destituat. Porro tria sunt curanda, soboles, honos, res. Auxilia coniuncti, potentia, Princeps bonus, exilium longinquum, factio, prudentia, religio; mortis contemptus, modi, opes, amici, similibus inniti. Quod honores, attinet fugacium ratio nulla habenda est; librorum plus quam necesse sit superest: nec gloria consistit in eorum multitudine: sapius in libro memoratur Flaccus acuto: Et Virgilius Persiusque, quam Naso in tot voluminibus. Et de sobole læsa non est, cum libris multum accesserit. Est iniuria, metus, damnum; plus facit cautio quam

F f 3

profi-



prosit securitas. Sed & multa alia tum essent consideranda. De opibus nil certi, ut si confundas aut distinguas, nihil aut omnino parum interfit. Et tātum abfuit à periculo qui iaculum vngue vitauit, quantum qui milliarum. Leuem rem solum consuetudo exacuit: apud Malabares si cui olla figulina in ianua confringatur, ea ignominia nullo auxilio in perpetuum tolli potest.

23. Cum in vna congregatione quartus aliquid vtile proposuerit, à quo alij non dissideant, quintus cui non consentiant sed aduersentur: sextus ad quem concludere pertinet alijs contradicat, communem opinionem faciunt quæcumque etiam à quarto solo proposita, cui non contradicendum est: quinti opinionem rationibus quibus concidit adiectis suppresso nomine recitabis ut solitariam, nec etiam eo non presente nominabis illum, pariter de sexto, addens non fuisse communem, sed tamen posse tentari si succedat. Alios mone ut apertius quid sentiant proferant. His quorum cura est salus ægri dices, te exposuisse singula pro viribus: qui supersunt, ceteros, qui quanto iuniores tātō sunt perspicaciores, explicaturos atque expedituros. Contra importunos aut prauos interrogare licet quo auctore impresso: si non, nolle expirari in Principe, aut amico, vel tanto periculo; sed & quo exemplo, adducat virū quem sic sanauerit ex tali morbo.

24. Quoniam vesperi duplum assumere cibi consueui, & ieiunij tempore in cœna oua, & non nisi duo ob ætatem, & loco eorum quatuor vitellos, melius enim nutriunt, & non indurantur, sed solum concresecunt, ut inquit Aristoteles: solum ergo cum plus quatuor sumere licet paucitati non est definitio, nemini autem è familia plus numero: non enim par est, sed quantitate, ut iuuenibus & laborantibus. Constitue igitur eorum maximum numerum ducto numero personarum Mj. in quatuor maiore numerum, constabit maior numerus ouorum: qui si adsit, sufficit dare Domino quatuor vitellos, & detrahare duo, ex illo numero eodem, residuum diuidere per numerum personarum Mj. exhibit numerus ouorum conuiuarum. Exemplum, sunt septem conuiuæ, ducō sex in quatuor fiunt xxiv. detraho ij. relinquuntur xxij. oua pro famulis: diuido xxij. per vj. exeunt iij. & & si essent duo domini, detraherem bis duo pro illis, superessent xx. oua, diuidenda per v. & prodirent quatuor. Possumus etiam ducere v. numerum famulorum per iv. fit xx. detrahe à xx. bis duo remanebunt xvj. diuide per quinque, exeunt tria, & tot habebunt oua singuli familiares. Sed si non explicatur numerus ouorum maximus, & institutio super eis faciendā sit, triplex constituitur regula: Prima quæ est similis priori, ut si sint personæ vij. cum vno domino aut duobus, & oua xvij. detrahe à numero ouorum duo si sit vnus dominus, vel bis duo si duo domini, relinquuntur xv. aut xij. diuide xv. per vj. aut xij. per v. exeunt iij. ferme in vtroque, & hic erit numerus ouorum minor. Tertia regula est media: iunge minores numeros, puta in duobus dominis xx. & xij. fiunt xxxij. diuide per x. duplum famulorum, exeunt iij. & numerus ouorum. Alia quæ vocatur regula minor sim-

pliciter. Sint oua sex, personæ quatuor, vnus dominus: vj. per numerum qui possit diuidi per iv. numerum personarum (& tunc fit dominus vnus familiaribus.) exit iij. diuide 1 = & hic est numerus ouorum singulorum, diuide 1 = per ij. exit = lutri, & tantum vssum & dominis: & = albuminis: quod diuides per numerum personarum exibat = addendum ouis familiarum, habebunt singuli oua 1 = & quartus = ut omnes habeant vj. Ergo si sint personæ iv. & oua vj. igitur singuli ouum numerum = & ideo dominus  $\frac{v}{vii}$  oui integri seu  $\frac{v}{iv}$  lusi vnus, diuide  $\frac{v}{vii}$  per iij. exit  $\frac{v}{xxiv}$  adde ad 1 = habebunt ouum 1 =  $\frac{xi}{xxiv}$  & ita famuli eres habetur oua iv  $\frac{ix}{xxiv}$  & dominus  $\frac{v}{vii}$  seu  $\frac{xv}{xxiv}$ .

Vbi in controuersia fueris cum alijs medicis sufficit seorsum dicere quod seruias, absque causâ aut prædictionis adiectione, solum tum, cum hic fuerit dominus tuus, & amicus, & plurimum in te confidat. Quod si visus fueris antea assentiri, modo mutare sententiam, aut magnæ authoritatis virum tibi opponant: ne oppugnes dictum, sed queraris illi falso adscribi. Quod si etiam dixisset, liberum esse dissentiri, & maxime pro domini salute: Admitte etiam, quia nescis respondere his quæ obiciuntur: ita calamitatem malignam à te depelles, adde aliqua quæ pro te sint, ab illo, vel obiter prolata, vel in alienum sensum. Vel tu mutaueris: testatus amici salutem pluris tibi esse quam regnum. Postremum si durus, protestare de salute ægri disputandum: non ferendas discordias & seditiones. Neque officia ciuitatis, traducenda in malum vssum, aut & contemptum, vel probro danda.

Ne dixeris quicquid in aliū quod contorqueri in audientem possit, nec cui quod sciri nolis.

Noli esse malus nisi in extremo: idem ut tutò fateri possis, nam hoc quandoque iuuat. Bifariam autem in extremo malus, magnitudinem, vel semper.

Regnum duabus viis diu contineri potest, Armis primò, pòst iustitia, ac legibus sanctis & illibatis. Populare autem neque tam diu nec tranquilliter retineri potest: sed ex pluribus vnum conflatur sanis exemplis, horridum.

Olim Bello, nunc torculari præstant, vi tunc nunc arte.

Cum in disceptationibus non idem sentiunt omnes, nec in morbo conueniunt: æger malè obsequens, aut inconstans: qui decernit alternet: aut distinguat sub conditione: statuatur scopum simplicem, aut ei subiungat vnum tantum: De quantitate & numero apertè declararet, non hæsitante, sed tamen deliberet quid agendum tempore, quousque: numero quoties: Quantitate seu mensura, tum cum oportet dicat: Et si sociorum fidei non fides, seorsum notet, ægro & astantibus nihil. Vbi notandum admoneat nil esse mutatum. Intentiones curandi claras & dubias exponat: communia proponat: callidè modo liceat, & vtiliter quasi prætermissa amplectatur; probata reuocet in dubium: hoc est vnicuique suam partem tribuere, suam retinere: sed si non recipit aliquis, fuge tyrannum.

In dominationibus æquo feras animo.

Leuiter,



*Leniter, & merito quicquid patiare ferendū est.*

Si quid in ea iniustum est, aut adiectum, aut ex mala administratione accidit, modo superstes sis tot modis occurrere, atque acta emendare, tollere, mutalicer, ut etiam persape rem in meliore statu colloques; mors, occasio, dissidia, pecunia, coniunctiones, defensores, omnia iuncta pro te sunt: illi oblivione, casibus, studiis refrigerensibus, priorum odio aut invidia torpent; tu, tuique rem propriam agitis, ut nihil non sperandum. Ferme omnes historiæ huic exemplo fauent. Hoc dimidium penè continet rerum humanarum, quæ sponte sic fluunt, ut quæ placere magis, aut displicere, in contrarium mutantur: alioquin etiam per se casura & obliteranda. Quid etiam si in tuis acres relinquantur defensores, vix est ut dicam aliud, aut saltem maximū putato, impatientia, humano generi multiplex atque lethale venenum. Experiris in scribendo. Interpone tēpus: occasionem agnosce: illi sedulus incumbas.

32. Quid quereris, aut cur, quod quis tibi fratrem occiderit? filium veneno sustulerit: oderis? persequeris? Deum adoras, à quo vel nullo alio conscio omnia mala pateris? Aut igitur in hoc erras, vel in illo falleris: præsertim quod homo peccat ira, ignorantia, stultitia, metu; quorum nulli, est obnoxius Deus. Ergo ut animaduerti in meipso, plurima nobis mala eueniunt nostrā quadam infelicitate, quam inferentium malitia: indicio est quod simul à multis satis differentibus: ideoque nostra culpa pleraque: alia ordine causarum, ut nato à phthisicis, aut parentibus pauperibus.

33. Fuge nimis sapientes, aut stultos: nam si ego sapiens, tantundem stultus: ergo sapiens irridebit, & volet dominari: stultus non conuenit: nam erimus duo. Contumaces, perfidos, inconstantes ac ægros: Alienos à natura humana: velut sordidos & eos qui superabundanti vitio laborant.

34. Interroganti cur aded infelix in filiis? & inter sapientiæ amatores calamitosus? Respondi primo, quia ego non adeo sapiens ut illi stulti. Secundo, duos fuisse mercatores, qui ad nundinas ibant, singuli pyxidem gerabant gemmis ingentis pretij plenam: Iuuenis in diuerforiis vbique monilia sua ostentabat: hunc obseruantes latrones quidam occulti, interfecerunt ac spoliarunt. Alter cum sciret non posse celari pyxidem, dicebat se gerere plenam falsis gemmis, & erat pannosus. cum ad forum venisset Mercatoribus ostendebat: è quibus quidam minoris pretij gemmas emerunt: aliorum nonnulli adiuuabant senem ad vendendum, diuites adhortantes: donec omnes, pauculis nimis pretiosis exceptis, quas Principi dono dedit: remuneratur ab eo, distributis & his qui illum iuuerant donis ornatis, ipse cum maiore comitatu reuersus est senex in patriam suam. Cunctus ego gemmas falsas ostentare, vitæ periculum iuuenis mercatoris, nunc perueni ad nundinas: in eos qui nostræ negotiationi fauebunt gratus: si quis officio compensationem superabit nostram, is à Bonorum Principe, & nundinarum domino gratiam & munera recipiet.

35. Si rectè procederent, nec vllus ederet vel vita, vel doctrina suspectus: libri catalogo confirmaretur, nec addere liceret. Si quis ede-

ret inconsultò, aut retractaret, aut exureretur publicè. Ita labor & confusio tolleretur. Par ratione silentio multa ac multa obliterantur. Qui plus verbis agit, similis est ei qui muro integro portas addit, tanquam ex pluribus locis conspecturus insidiatores: cum tutissimum sit vnum ostium in sublimibus muris.

• Credis te peruenisse ad Rum. 1. percurrisse totum alphabetum, & nondum peruenisti ad B. 1. ut scias Bonum quid sit, vel bellum. 1. pulchrum: quasi dicas, sed hæres in ipso A, id est non solum prima nota, sed in ipso A Admirantis, exclamantis, atque docentis.

37. Distantia terræ à syderibus facta est, & illorum magnitudo, ut videatur, sitque tanta in comparatione humanorum corporum ut cœlum non pro paruitate turpe & res ridicula videatur, nec nostra corpora ab superuentu illorum tercantur aut dissoluantur.

38. Pueris, pisces, caseus, vinum,  $\frac{1}{2}$  pars aquæ, & aqua parce: Caro, vitelli ouorum, Pramnium passum, (zibebum vocant) crocus pro c. Mediocriter Coriandri ex saccharo, multo, Mastix: Oleum plurimum, sal dumtaxat ut exciter: sunt enim elementa mistorum. Absconditum vis ignis in ferro, aqua per se. Emolumenta paucorum sobrietas, facilitas concoquendi mandere diligentius, corporis alimentum, & ipsa substantia æqualis, delectus, Præparatio commoda: cibi veri: nulla peregrina impressio, natura non mancipata auxilio: atque ideo per se sollicita: cautio maior ac diligentior in omnibus: Ambra.


39. Ut scribas super deletas literas, nec opus habeas iuniperi lachryma, aut postquam scripseris arena, dele leuiter lato gladio, frica charta crassa, molli premendo: acie pennæ scribe atramento denso, nigro, paucò admodum tenuissimo, repete sapius. Caue ergo ne radendo frangas neruum, ne latitudinem habeat: melius ut pennam scribendo exhaurias. Experitum. Charta autem tenuis & dura Reali longè melior est: vocant Gallicam.

40. Ex ouo duro exime vitellum, album imple chalcantho in pollinem redactò, comprime, ob calorem aqua exibat: expone soli, parum scribe in interuallis alia vitæ palea & vino (alij salicis carbonibus, quæ sponte decident: ut chiographa aboleantur) vino si affricentur paleatis desinet, chalcantea videbitur.

41. In his falluntur homines, quod ex experimentis rationes deducunt, & statuunt regulas falsis dogmatibus & experimentis: at contra qui ratione inveniunt inde succedente experimento minime, non enim idem sunt, lata, enim via est ab effectu ad causas: at illæ plures sunt, per rationes autem quesita experimenta coeundo contrahuntur. Velut si ex A, procedamus in b, c, d, e, f, non possibile est errare: at ex illis ad postmodum non cõcludit. Sed qui quatit ratione assumptis simul omnibus aut pluribus vbi conue-

nerint, statuit principium: at non possunt pluraquam duæ contineri nisi in a, igitur A, est inuentum, & principium, & experimentum.

F f 4 Deus





42. Deus non punit peccata voto hominum: quoniam non indiget auxilio ex materia ipsa, nec occasione, sed ut expedit voluntati dominantis. Tunc enim opportunè idè homines existimant non puniri: quare omnia casu & fortuna regi. Et idè sustulerunt prouidentiam, ad quod iuuat magnitudo pœnæ, cum fontes non se putant, & puniantur: & non perturbatur ordo vniuersi.

43. Primus honos debetur Mathematicis: quod plus de illis sciamus, & certius, & meliores sint Reipub. Secundus Theologis, ob subiecti nobilitatē. Tertius Magis, quod Naturæ arcana nouerint, & futura, & experimenta. Quartus Morali Philosophiæ, quoniam exornas ciuitatem & singulos, & est Reipub. utilis ac necessaria. Quintus Dialecticæ, ob vsum in cunctis disciplinis adipiscendis, & exercendis: Sextus debetur Iurisperitentiæ, ut Ducibus militū: Septimus militibus, ut Iurisconsultis. Octauus Medicis, ob commoda & partem Philosophiæ quā amplectitur, & opera præclara. Poësis autē & Rhetorica & Grammatica nō sunt ex hoc numero, sed ornamenta. Anatomia, & simplicium cognitio, sunt Philosophiæ pars. Architectura, pictura, plastica, sculptura, habent similitudinem. Agricultura quoque. Hydragoga, & ponderum ars, hæc quidem Mathematicæ pars illa & eius & Magiæ.

44. Cum modi conscribendorum librorum rectè sint tres, Primus (de quo alias) ut farrago paulatim sed prope perfecta, ad ordinem per libros & fila traducatur, ad ordinē generum & speciorum: item effectuum & causarum, tum continuitatis partium, postmodum adornetur & cōnectatur. Secundus est ut paulatim per partes scribatur, perficiatur, adornetur, relictis spatiis magnis, amplisque ac numerosis, ut qui imperfectus maxime videtur ei nihil desit, præterquā ut rescribendo densetur. Oportet tamen in hoc quendam ordinem constituere, quem sequamur: sed ut perfectio in hoc leuior est, ita tantum ab vltima perfectione distabit, nec de eo dici poterit.

*Victurus genium debet habere liber.*

Satisfacies tamen plebi in quibusdam non adeo arduis: ut in historia rudi, & acephalis, & Artibus, Pictura, & Architectura. Tertius modus est, ut scribatur farrago, & instituat in modo priore, nisi quod tota series habeat iconem similem, & communem toti ac singulis partib. Quod si interim errores accidunt delendo, addendo, demum cōstringendo partes suis principiis atque partib. adiiciantur ac in vnum coeant. Quod si spes est reficiendi illud, in tabula prius experiemur, deinde in autographo: sin minus, aut iam lituræ ubudent, ac litura lituræ superponenda vel admiscenda sit, experimentū docuit (Quod sic pensitandum est, ut in plurib. ac longis licere non semper, neque verum sit quandoque, sed ut farrago farraginis cōparetur & massæ) esse totum exterius scribendum iuxta ordinem ab initio constitutum atque propositū, obstructis his ut superflua deleantur in libro, alia addantur in exemplari. Deinde ubi hoc exegerimus singula capita autographi requiramus in exemplari. Hic modus licet implexus videatur, leuior est, & ab errore tutior indiget repetitione.

45. Dissidentium (contraria concordantibus) primū si affert scriptum, ut absque pecunia legas:

si intente periclitaris ne tantum laboris frustra suscipias: læditur existimatio, doles ob iniuriam, ut nullo modo pati debeas, est vel ob sumptum vel ob pudorem persolaturum: recipies periculo exponere. Ergo non leges.

Si aquam coxeris, pauca non sufficit, multa impedit coctionem, ergo ias aliquod ut omnes sumant: nam si paratam, periclitaris de dolo, ergo modicum vini, nec valde potentis, cum iure modice dilutum erit pro vigesima.

Si in transcribendo aut scribendo aberraueris, deterrimum cum cogeris ex folio 6. aliquid depromere ut corruptum quod ad octauū vsq; pertingat: tunc sextū fac ut solum non vitiata cōprehendat; sufficiet ergo septimū & octauum permutandis erratis: & vnius additione folij tantum indiges. Cum ergo deficit aqua, exempli causa, assuescent paulatim acceptum ire, & ita detinebis occupatos & in labore, ergo sensim ad hoc traduces. Itaque sensim & blandis impera ut dominus, liberalitate vteris ut bonis.

In controuersis silentio transige: A nam B, causam existimabis silentij B C D quam probat ipse C, idem & D, omnes igitur pro ipsis dixisse existimabunt, ac tacuisse: quare si boni sunt & amicum & prudentem existimabunt: si mali, licet silentij causam malè in A interpretentur, tamen neque damnare, neque accusare poterunt. Quod si quis vrget pro quod dicturus es, & poteris, scias hoc esse vltimum malorum.

Si ergo improbitatis causa id agit, omnia potius patienda existima: si ambitionis, stulto stultitiam adde, ne pericliteris, communia in immensum attollens.

Non est amici officium (imò inimici) ea petere quæ si ab inimico requirantur pericliteris, cum non constiterit illum tibi amicum esse, velut si te occupato velit inuifere domum.

Tertia declarant finē, velut in formis capita, humeri, femora, pedes, numero pari aut impari: item singulæ eodem modo collectæ, & ex his iudiciū habetur. Quare ordine mutato facilius formæ ipse singillatim expensæ numerus parib. aut imparib. inde transuersim inde coniunctæ iudicium pariunt, velut in forma generali P, M, S, Q, habent sic N, & L, ex quibus splendor seu Z.

Ex signis non negligedis pro salute propria, est ut homo manè hæc expendat (maximè decrepitis aut morbosus) os & saluam & halitū quendam: halitus à ventriculo, salina à glandulis, siccitas quædam palati à cerebro, communis totius oris quadam dispositio à faucibus: quæ cōmunicant cerebro, pulmōni, ventriculo. Quod si lingua cum hoc inficiatur, & iecur est considerandum. Et an consuetum, quod pessimum est; an insuetum, quod malum: an medio modo, quod minus malum est.

Humanæ res exiguis constant: indicio est sic & non; repetitione crescunt in immensum: nam additio æqualis fit Arithmetice, & incrementum Geometricè. Ad tollendam aspritudinem duo auxilia, Musica proportio pro Geometrica, & consuetudo; hoc totum est fundamentum humanarum actionum; modus, translatio per verba seu prolata seu scripta. Auxilium & impedimen-



um, tempus, & occasio; vita ergo nostra, ut alias, recte.

51. Cum in maxime aduersis circa tamen cor-  
ris iacturam, cogamur aliquando, uti huma-  
no consilio, medico, iucundo & Diuino: vel  
ut à Diuino incipiamus eundem ordinem  
sequentes meliorem primum obscuravi cum  
populus & post puer inde delitiæ tam rur-  
lus puer adueneris, licet enim neque in arte  
nec diuino præsidio spem & auxilium, col-  
locandum declararet, illud tamen non defu-  
turum ostendit, Prudens in fine. Quasi di-  
cat non timere procedendum, ut à diuino  
inchoemus, sed ut merito patientes omni-  
bus viis consulere sperantes in Deo & illius  
misericordia, non defuturum siquidem ex  
bona pro septem tantum. Et ideo in arduis  
difficultatibus ubi aliqua subsit spes omnia  
tentanda docet, eo ordine non tanquam per-  
se meliore sed peccanti magis conuenienti;  
& humiliter supplicanti ac ratione & consi-  
lio se tuenci: ut doctus simul sint modum &  
exemplo atque exitum negocij huius & or-  
dinem generaliter ac specialiter. Oportet  
autem assumere totidem libros proprios  
huic proposito, in quo illud obseruavi ut ho-  
nestâ voluptatem sequeretur: assumpsique pro  
illa Gentilem, cum Iacobo de Partibus, &  
pro arte Dioscoridem: literarum secundum  
pro humana sapientia: Clementem Ale-  
xandrinum pro diuina. Et hoc est quod iam  
diu quasiui obtulitque casus: aut ut reor  
aliquid longè melius.

52. Cuicumque igitur meminisse præstat: sed  
in aduersis longè magis. Et tum pila vento  
plena ludere: sistereque motus maxime no-  
uos, aut extrema vi niti: Retinere viro mi-  
nus malos socios ac domesticos, tum ob ne-  
cessitatem, & ut relictis inuidiam moueas:  
Et opportuno tempore gratiam quam me-  
rentur & illis & aliis reddas, timore si vici-  
sceris, inuidia si benefeceris, iniuria in con-  
temptis & improbis si casus se offerat. In-  
uidia enim morte minor; non est timor, si  
perseueret deterior est. Præterea in litibus  
exige à Procuratore, ut ostendat in scriptis  
quid egerit: Opportuna capies consilia: ille  
non audebit tibi dare verba, & integra cau-  
sa licebit permutare Aduocatum.

53. Tuarum verum ne causam reddas nisi in  
commutationibus. Et rerum quæ precium  
exigunt non contemnendum rationem in  
scriptis habeto, ut scias antequam lædaris  
grauiter.

54. De quæstis ergo si velimus quæ ad vitam,  
& salubritatem corporis attinent, à medicis  
inchoabimus, ut Dioscoride, & in Elemen-  
tis vltima, & extra acta copulabimus, Ta,  
Vb, Xc, ZD, inane tanquam, non ut relin-  
quentes: & in secundo similiter: ad tertium  
verò voluptatis gratia, & id honestè, ut ex  
simili: secus ad Plotinum, ad Historicum,  
ad Poëtam, atque ita congruentem quæsi-  
to generi, & iocunditati parem: etiam si ad  
fabulas pertineat, sed has minus: ne fabu-  
losam quicquam admisceatur; demum ad  
diuinum, ex Clement. Alexand. viro graui,  
honesto, forti: quem verisimile est fuisse  
Deo non ingratum. Et quod potes ratione  
assequi, noli sub sorte collocare: velut primo

loco vinum leuiusculum, merû, mediocriter:  
secundo potens, sed parum, & purum. Ter-  
tio quod quasi ad voluptatem pertinet, po-  
tens, dilutum plurimum: aut variare pro  
opportunitate, si geminata occurrat: aut h,  
cum vocali remittendo ab, a, ad u. Quarto  
loco aquam coctam cum odoratis, at potius  
pinguibus. Atque in hoc similiter distin-  
guere expedit, ut pro geminata tam varietas  
quam pingue intelligatur in tertio aut quar-  
to: ubi duplex dubitatio proponitur. Atque  
in his potiora præponuntur, primum secun-  
do, & ita vsque ad quartum, nisi quod pri-  
mum ita comparabitur quarto, ut simplici-  
ter melius sit: occulta autem ratione & diui-  
na quasi ut in fine quartum primo. De aliis  
mediis palam est, quod extremis seruire de-  
bent; verisimiliter & quæ succedunt respi-  
cere oportet; at ad quod Iudicium ex con-  
iectura inclinet; nam ad quartum vsque  
nihil pertinet: ut sint duo consideranda in  
huiusmodi locis, & ut ad potiorem pertinet  
ordine vi & probitate & consequentia: in  
quarto vero occulta quædam etiam vis: &  
quanto superat ac superari videtur expen-  
dere ac sequi simul, & quomodo conducatur  
magis rebus tuis. In cæteris vix impedimen-  
tum inuenias: sublati his quæ de more &  
alias difficultatem afferebant. Sed & in aliis  
eodem modo. Quatuor quæstorum princi-  
pium & ex ordine suo superius explicato-  
rum, ut de vino nunc docuimus. Memor  
ut in his quæ bono animo fiunt, sperandum  
esse cuncta cooperari ad bonum. Est etiam id  
præter ordinem hunc ex naturali dispositio-  
ne ad negocia tractanda utile: simul docens  
quali ordine, & in quibus & quæ quæren-  
da: & quid sperandum, ac etiam quid agen-  
dum, magnisque viris ac prodentibus, & in  
amplissimis negociis vsui fuerunt & auxi-  
lio: seu rei inuentæ causa, seu diuino auxi-  
lio, seu excitata mente subtilius & effica-  
cius: nam in singula ex his referri potest:  
aut etiam in plura, nec ut dixi mirandum  
his qui humanarum rerum statum imbecil-  
lem, inanem, & varium quam sit intelligunt.  
In cunctis tamen ut diximus, memento,  
consuetorum modorum tractandi res ipsas,  
ut sit apodixis, aut sarcinarius, non pars.

Vide quanti nostra & verbum. Secan-  
dus erat lapis ferreus ac valde durus, cras-  
situdine duobus digitis iunctis, minore X.  
Paulis, seu aliquanto aureo: minori precio;  
sed ego si cariosus inueniretur nolebam te-  
neri: ipse non contentus lapide tam exigui  
precij. Ego obtuli conditionem, ut si ca-  
riosus euasisset teneretur complanare: an-  
nuit: neque enim precium perire illi pote-  
rat, & labor contigisset ultra debitum, si  
modo, perexiguus: mihi verò seruabatur  
votum, & vsus: & ipse adhibiturus summam  
diligentiam ne laborem conduplicaret: si-  
militer requirenti operam meam, bis pro  
dimidio coronati potius in quatuor diebus  
recipito, quam in duobus in vno; nego:  
nam in quatuor sit iactura lucri in eadè die,  
salutis & probitatis, & cum his commodi-  
tria. Syderites smiride tenuissimo secatur;  
in partes nitidas arenoso frangitur: ideo  
alia eadem ratione molieris.

Ne



57. Ne timeas quod tibi recte sentienti ali-  
quid pereat aut subducatur : primum enim  
est , & tuum est quod vere sciisti ; illis au-  
tem , & si falso adscripserint , longitudine  
temporis omnia peribunt. Præterea illud re-  
cte dictum est de omnibus quæ vera sunt,  
omnia sunt scripta in Libro Vitæ. Demum  
Sciam manet in mundo incorporeo , imo  
tota nostra cognitio estne tantillum , & scin-  
tilla incorporeorum. Tuum ergo hoc totum  
fuit dum hic festinares : si ergo non manet,  
& immortalis manes , ne tuis dono acce-  
ptis frauderis ; quin potius alia accepturus  
multo plura , & potiora his?

58. Si cum curaueris quempiam ille meliora  
optat , persuasus offer medicamina : quæ-  
rens ad bona interrogata quem morbum  
velit curare : si alium , ex professo non con-  
uenire respondeas : si eundem , dicas neque  
id. Sit A , morbus verè , vt C exi-  
stimat , existimet autem D , esse A B  
B , contrarium igitur B , E , & A , C D  
F : non ergo E , potest conuenire E F  
cum F , aliter B , conueniret cum H H  
A : sit ergo A , contrarium F , &  
H. At non sunt , & vnum igitur nec F , &  
A. Hoc autem constat ex interrogationi-  
bus ; exiguum enim discrimen in A , tan-  
quam centrum efficit vt F , & H , non con-  
ueniant , sed multum distent , vt in Periphe-  
ria : Quod si pergat experiri ; Dicas tenta-  
re potestis , si petat de alio. Quidam proce-  
res , vt audiui ego , respondebant , scit ali-  
quid , mihi satisfacit , & est honestius sci-  
tur. Vocatus ab initio multa ordina : in se-  
quentibus diebus sufficit ordinata moderari :  
numquam deficiet nouitas ad decem annos  
vsque ; grata agro , medico decora , au-  
dientibus admiranda , plena spei , & dexte-

ritatis. Postulantibus redde causam , non  
requiruntibus ne addas. Quærentibus de in-  
certis , per generalia responde , quæ com-  
municent , diffideant , conueniant , dispa-  
rata sint : velut laboranti asthma cum fe-  
bre , incertus inflammationis : Duo morbi  
magni , febris , & spirandi difficultas ; nul-  
lus enim occupat reliquum , frigidis actum ,  
& calidis indigenti : vterque lenitate pe-  
ctoris , & humectantibus indiget : sectione  
venæ indiget vnus , & inedia : alter neutro ,  
cum animalem facultatem seruare neces-  
se sit , explicasti multiplices difficultates ,  
si instant : vterit primi morbi exitus.

59. Vt præda atrea non expers honoris po-  
tioris , Doce tria esse necessaria , scientiam ,  
diligentiam , felicem exitum. In primo &  
parem , & superiores te non negare inueni-  
turos : in secundo experiantur , neque enim  
te credere habituros potiorum : in tertio ,  
esse in Dei arbitrio , nihil defuturum , vt  
qui animum & laborem norit. Ergo hæc in  
vniuersum est priuata vitæ humanæ felici-  
tas , quam vt poterò duobus exemplis ex-  
ponam ; ordinis , ac vitæ ; nam vt dixi ne-  
gocium non alia via est peragendum ;  
quam cum fuerint supra vires , quomodolibet ;  
seu ob ætatem , locum , inopiam , so-  
litudinem , errata , consuetudines , rei ma-  
gnitudinem , æmulos , inuidos , inimicos ;  
occasiones , vt illa diuidas ; atque in ordi-  
nem redigere studeas ; tunc enim fient vnum  
numero , & tractatione : vt diuisione par-  
ua exemplum mihi contingit , cum tabu-  
lam alphabeticam cclxxxvij. succidaneo-  
rum super cclxxxiv. prioris , & fortuitæ  
exarasset : intelligeremque secundam tri-  
bus prima esse maiorem , post multa mu-  
tata digessi hoc ordine in xxviii. loca vt ,

|   |    |     |      |     |    |     |      |       |    |
|---|----|-----|------|-----|----|-----|------|-------|----|
| I | XI | XXI | XXXI | XLI | LI | LXI | LXXI | LXXXI | CI |
| X | XX | XXX | XLI  | LI  | LX | LXX | LXXX | XC    | CX |

Et ita de succedentibus , & vnicuique loco  
reposui suos numeros seriatim , facileque  
deprehendi errorem , aliter ex tabula prima  
obiter facta iuxta seriem numerorū alpha-  
beticam conflabis , numeris primæ adiectis ,  
inde numeros primæ solos eodem ordine  
scribes in decem , aut viginti tabellas di-  
uisos pro tertia. Amanuentis nomina secun-  
dæ tabulæ cum suis numeris leges , tu vide-  
bis an tua prima respondeat , & si sic pun-  
ctum numeros tertiæ tabulæ perfice si oc-  
currat vt duobus nominibus idem numerus  
ex secunda tabula eueniat ex prima legiti-  
mum puncto signabis : alterius nominis nu-  
mero : nil id detrahes si nullus sit adiectus  
numerus nomini secundæ tabulæ aut non  
congruens ex prima ; loca illa omnia relin-  
quens : Quæ quia non multa esse possunt , si  
rectè satis secundam ex prima tabula excer-  
psisti , loca eadem in prima inuenies , atque  
ideo & nomina. Cum ergo per ordinem alpha-  
beti nomina in secunda tabula inueneris &  
eorum numerum ex prima patet inuentum.

At circa vitam contentus fui dua-  
bus arculis , vna in qua quæ nulla nul-  
lo artificio indigebant continebantur. Pi-  
nez , vbi ventriculus crudis eneruaretur.

Vitæ passæ pingues , vbi ieiunus laborare  
cogeret : coriandri cum saccharo multo , vbi  
vtraque suspitione pressus essem , cappa-  
rens ex sale : nam hi mitiores quam ex ace-  
to , præcipue senibus , vbi præcordia gra-  
uarentur , totidemque pyxides , & ita ma-  
gnitudine congruentes ne mora corrumpen-  
rentur ; aut diuturnitate deficerent. Alia  
arca maior in qua panis , pulegium , caro ex  
patina sicca : oia recentia semicocta , pa-  
rata haberentur : & duo lebetes cuprei , mi-  
nor , quo carnem emerem cum iure si neces-  
sitas ingrueret , & maior pro iure albo , aut  
aqua decocta paranda , scutellæ , croci ali-  
quid , oua piscium , vocant botargas , panis ,  
vini aliquid suauioris , vnguenta , & suffi-  
tus , origanum ; hæc omnia cum suis pyxi-  
dus , & gladiis , Mappæ , mantilia , nec non  
deterforia , ex hippuri , patria lingua spre-  
lam appellant , loco nobiliore vasa quædam  
pulcra , & commoda , pretiosioraque , lapi-  
des à Græcis vocati : item imagines , libri-  
que : & si liber , depicti ad laxandum ani-  
mum : & theca scriptoria , & quæcunque  
dulces sompos conciliare possunt. Inter re-  
liqua vnguentaria duo vascula ex Chalce-  
donio aut Porcellana , quam myrrhinam  
antiqorum



antiquorum putabant : vnum ex adipe vir-  
fino puro, aliud populeonis vnguento flo-  
rentis, ac suauiter spirante, quorum alter-  
utro liceat inungere xvij. illa loca aliàs dicta.  
Sed hæc omnia parum aut nihil prosunt, si  
ad id comparentur quod vocant indifferens:  
vt neque discrucieris bonis alienis, nec pro-  
priis malis: sed si modo aliquid possit in nos  
fortuna, potius malorum quam bonorum  
habenda est ratio. Aliud maius, quod cum  
dissolueris inmensum illud bonum æternum

potentissimum, sapientissimum percipies:  
cum securitate perfecta, spacio infinito,  
claritate diuina, iucunditate ea, cuius  
imaginem exprimunt fides, lyræ ac che-  
lis cum demulcent nimio amore resolu-  
to. Nam quid præstare potest memoria  
præteritorum bonorum? aut lætitia le-  
uium præsentium, aut incerta futurorum  
spes? Quare ad Principum vanas expe-  
ctationes, & falsam ludibrijs fortunæ vi-  
tam transeamus.







## SECUNDA PARS.

**M**ERITO & admirantur, & torquent Grammaticos verba Tiberij, in Epistola ad Senatum.

Quid scribam vobis, Patres Conscripti, aut quomodo scribam, aut quid omnino non scribam hoc tempore? Dij me Deæque pœnis perdant, quin quotidie perire sentio, si scio. Sensus est obscurus etiamsi ut antea legatur. Id est, non habeo quod scribam, neque quomodo: nec par est non vobis scribere: cur autem non habeam, nec modum, est, quoniam tot opprimor miseriis: ob id quia nescio quid ex his potius eligam. Cum addit iuramentum: si scio Dij me perduint: quoniam omnino id agunt. Sensus duplicatus ad gravitatem in eisdem verbis, & in his supponit quod planum est, debet princeps curam gerere populi: Ergo paucorum, & potentissimorum, ut Senatus, Ducum exercitus, & aliorum Principum: aliter non potest regere multitudinem: At Reges me contemnunt, & odio habent: Duces exercitus suspecti, & vos, ut innuit, parum amici. Igitur exitium mihi imminet, & vita penè odiosa. Principes ergo curam habent Principum, factionumque, quia factio res perpetua est. Senatus, collegia, & magistratus: & quoniam Deus eodè modo conseruat mūdum. Sunt igitur duo, princeps, & factionum duces, unus ergo in pluribus, & plures in vnum: sic humana species regitur. Anguntur autem Principes ob hoc, his omnibus quibus priuati, quæ nuper dixi: præterea à factionibus & aliis Principibus. At à propriis minus longè timere coguntur, scilicet ab inopia, & iniuria. Communia sunt morbi: & casus, ut visum est in Francisco Gallorum Rege primo eius nominis: In obitu autem magis timent, & dolent, relicturi tot commoda. Si igitur prudentes sint, & gnaui, & fidos habeant ministros, paria sunt commoda incommodis: tanto enim magis infidiis, & in bellis magnitudine negotiorum opprimuntur, Priuatis, quanto priuati minoribus etiam causis subiiciuntur. Clemens tamen VII. cum multis suorum Consiliariorum erroribus iactatus sit, Nepotem Principem Hetruriam, neptim Galliarum reginam reliquit, quorum adhuc progenies imperat. Præter ergo titulos, leues res, & introductionem, historiam, simulationem, ac dolos: Dissimulationem, acumen, adhortationes, minas, odia, inuidiam, iram, & superbiam, licentiam, atque auaritiam, xiv. hæc; reliqua exigui fructus sunt, scommata, figuræ, conuersiones, & talia omnia, ut sint ad dirigendos affectus pro notis blanditiis, aut metu, dolis, ac ratione. Affectus mouentur, vel ut generentur aut deleantur, au-

geantur aut minuantur, vel mutantur iuxta illos, aut in ea quæ sunt ad hæc, & aperta occulte, ut sint lxxx. præter titulos, introductionem, historiam, consilium seu deliberationem. Ergo modi vniuersi clxij. consilio enim dubio duplicantur. In his ergo pulchrum est videre affectus, casus, actiones, successus, & maxime in Principalibus viris, ac mulieribus, & dependentibus, spes, metus inanes: inde Gnathones. Hi nil efficiunt, reges imperant: ministri agunt. Ut autem ad regulam numeri deducantur, sint ordines

|   |   |   |   |    |
|---|---|---|---|----|
| A | E | K | Q | 8  |
| B | F | L | R | 9  |
| C | G | M | S | RS |
| D | H | N | T | 3  |
| 4 | I | O | V |    |
| 5 | P | X |   |    |
| 6 | Y |   |   |    |
| 7 | Z |   |   |    |

ut vides, & quidam sint specierum separatarum, velut animalium, aliæ inhærentium e, f, g, h, i, singula singulis ut color in pariete quo nullus potest carere omni, nec plures habere. Tertius sit con-

trariorum, calidi frigidi sicci humidi, molli duri lenis asperi, leuis, grauis, k, l, m, n, o, p, alius non competentium, ut pote q, r, s, competentium ut, t, v, x, alius contrariorum, y, & z, alius quibus diuersimode ut quasi propria hæc singillatim examinabimus: & sint x: gratia exempli iungemus cum a, b, c, d, fient septem t, v, x, cum secundo ordine, & fient octo: & y, z, cum tertio ordine fient octo, & hos conduplicabimus, fiet xvj. ducemus inuicem, fient dccxcvj. quibus addemus decem seruatos, habebimus dcccxvj. Si qui autem videbuntur incompositi, seu singillatim, seu per plagas, eximentur ante multiplicationem, ut ad numerum utilem redigantur. Ergo hic primus ordo totius desideratur. Modò de aliis videamus. Sunt ergo ex ordine primo substantiarum loco affectus vj. in secundo sex, qui duplicati efficiunt xij. ducti in vj. efficiunt lxxij.

### Ordo primus.

Tollere,  
Augere,  
Minuere,

### Ordo secundus.

Clarè, obscurè.  
Verè, simulatè.  
Deliberare, consilium petere.  
Apertè, occultè.  
Blanditiis, metu.  
Dolis ratione.

Præter hos quæ ad illa, & quæ extra, ut ioci, historiæ, introductio tituli. Hos igitur contra addiscere oportet. Sed

suat



*Fol. p. 4. a. T. 3. 4.* sunt pauca, literæ non erubescunt & congressibus sunt meliores cum potentibus & vel iracundis: contra in iudicio in causis litigiosis & de re periculosiores. Tituli generales excellentia & quæ ab eo: Potentia etiam & magnitudo ut Baiazetes ad Pontificem Patrem etiam appellat. Regibus serenissimus Princeps (hoc enim diuini & puri) Don quasi Dominus: Rex ac serenitas. Ut Carolus V. Imperator Regi Anglorum, Cardinalibus in frontispicio Reuerendissimis: Episcopis quam vocant Signoria in subscriptione Reuerendissimis, & Illustrissimis: Legato autem in utroque loco Reuerendissimum & Illustrissimum. Principibus minoribus Rege in frontispicio Illustriss. Quandoque etiam admittitur: in fine Excellentia contenti sunt. Inter scribendum sunt etiam hoc nomine vestrae excellentiæ, quod etiam proregibus conuenit.

Res humanæ per se ut dictum est sunt difficiles, natura, loco, tempore, auaritia, erroribus, & quia qui in re pecuniaria multum possunt humanitatem exuerunt. In principibus autem & aliis post sub ratione spes, & metus, extra Inuidia, & ira, in tractatione imperitia, & stultitia: In actione auaritia, & segnitie. Parcitate aduersa euenerunt consilio prospera consecutus, nam dum æquas portiones permutat cum duobus regibus illi in eodem statu mansere ipse duplicauit potentiam. Hoc solum interfuit, quod paniam pro dote filia Cæsaris subiecit, non tam ut suis acquireret, quam ut à maiore malo liberarentur, & ne in mutatione profus perirent: quod ei successit. At dum in fœdera trahere nititur Anglorum regem, pecunias, & dono, & mutuo petit: quibus & impotentiam detegit, & Regi iniuriam facit. Quo in errore etiam cum Gallorum rege versatus est. Neque negocia ipsa exitum habebant. Quod in Italica lingua exprimitur (in effectu) Potentes ut incitentur periculi magnitudine, aut maiorum exemplo mouentur, ac mouent (ut Heluerij domitores principum, conseruatores fidei, religionis defensores) ut non deflorare famam, tot laboribus partam, sequetia opinio virtutis dignitas ab amicorum præceptis, licere putat quod exitum bonum habet: aut excusari potest, aut negari, aut ab exemplo, & ubi periculum sit altrinfecus tutiorem viam amplectuntur, & si in alios culpam reicere possint, atque ob id melius cum non potes eorum arbitrio liberè se committere quam leuibus aliorum promissis inniti.

Fœdorum coniunctio fit cum promissis & sumptuum tabula longè liberaliore quam sint pacta secreta: ceteri metu spe, aliisque causis accedunt, conditione mercatorum qui societati aliorum se adiungunt minori utilitate periculo pari, alias contra exiguum est quod pollicentur, ut Clemens in eo fœdere quod cum Gallorum rege ac Venetis pepigit: duas tantum triremes & mille pedites pollicitus ubi occasio emerisset, quasi liberalitate inuitati multo plus cogeabantur, & incautum opprimere tentabant, nam fœdera ad tutelam non inferendum bellum videbatur. Quintum genus doli est quod urgent nouos, ipsi subsistunt, nec planum faciunt de portionibus.

Tom. I.

Atque hæc est præcipua causa quod diffideant, illum autem accusant rupti fœderis quod non tulerit iniuriam damnum & periculum. Sextum genus est cum spoliare nituntur complices aduersarij hinc sumpta occasione belli apertè seu defenderis, seu non in periculo es. Estque in arbitrio ut abstineant Rex armorum qui victi Principis vrbes depoposcit.

In mittendis litteris per media celerius ordinata, & geminatis: & non aliis ex causis: si deprehendantur symbolicae vel etiam studiose emittes alias ut in illorum manus decendant atque sic illos incautè oppresseris, illi tuas literas, nunquam neque etiam firmata pace, multo minus dum tractatur exarmabis tua: sed cautius duplici compendio. Detecta coniuratione in Duce, solet responderi non possumus prohibere ut quisquam non iactet, non illis esse amicos. Si tuus ob errorem, aut bono animo, vel tua mutata voluntate damnetur, dicas te deceptum tarditate literarum. Vt patitur inter parum amicos Principes cl. vij. & cv. Gaudeo (id supponendo) cor simile literis vestris, & animum scripturae. Tactæ obiectioni non occurreres cum admones facti: & cum non longè superior est excusatio accusationi.

Sunt literæ postmodum fidelitatis, ut intercipi nequeant, & ad præsentem occasionem satisfacere possint. Quæ promissa, facta ratificatione ut vocant, rata sunt. Aliæ duplices cum nomine Principis amicis aut potentibus minari aut eos iniuriis vexare cogimur. Quæ plerumque etiam iocis mistæ sunt. Aliæ exemplares, cum vnum exemplum paucis mutatis mutandis pluribus ministris satisfacit. Pro pecuniis redimendis à principibus opus est procuratore assiduo ut mos est. Populi tumultus si non promptè adiuuentur hebetescunt: adeo ut ipsi dent poenas, aut transeant ad hostes, modus sedandi seditionem ortam pulcher, & exitu felici, verbis adulatoriis sed modeste ut licet cum acceperis beneficium unde non sperares. Minæ potentioris ne recipiat inferior pecunias ab hoste. Subditi regum promptius conspirant pro Rege, quam subditi Reipub. aut fœderati pro complicibus: utitur & Principes scommatibus sed cui vsui? Reg. enim Anglorum appellarunt iudicem appellationum: & qui vellet tympanum pullare, non esse in chorda, forsan inter complices licet.

Conuenit etiam pro ministris in castris summittere exploratores de distributione pecuniarum: hora mutata destituis negotium tacite. Purpurati interim petunt à confœderatis commoda non stultè si rem humanam contemplamur, sed ex more probato quidam minantur se deserturos fœdera ob negligentiam sociorum occasione captata. Res turpes minuantur lenocinio, verborum hinc inde dimittis lateribus. Rex Gallorum ablegauit exules Mediolanensium per castrametatores sublatiis hospitiiis, ne haberetur ratio eorum. Virget præsentia Turni. Cura annonæ in bello est principalis, sed non digna principalibus, scomma non defuit lingua, sed aures aliud: Pontifex prius bibit syrupum, post videbimus de medicamento pro Cæsare. Inducæ solum profunt impiguis. Hostes evertunt primum quos facilius est. Melius est pugnare associa-

G g tos,

*Fol. 13. D. scilicet. epistolarum Principum. Fol. 136. Fol. 163. Fol. 155.*



ros, quam desertos ruere, & tum coniuncto-  
rum est operam præstare. Melius in rem age-  
re cum hostibus quam malis amicis. In bello  
publicæ personæ charæ, multitudini, non sine  
periculo ab officio remouentur. In pensioni-  
bus extraordinem prima solet ante tempus  
numerari. Miserorum querelæ malis plerun-  
que maiores: miserum tamen est eas audire.  
Cum fœderati exercitum augerent Gallorum  
Rex dixit non aliud agere quam vt maiore  
pecunia dedecus emerent. Auxiliū S. Her-  
mi: vbi periculo finito succurritur. Dixit Rex  
Gallorum amicis Cæsaris ne arctius conare-  
tur cōstringere, quā leges Salicæ permitte-  
rent, neque enim seruaturum. Galli habent  
innatam in negociis tarditatem etiam si de  
Regis vita periclitentur: & rem cogitatam vt  
factam. Et plus eos mouet persona suadentis,  
quā rationes. Defensio pauperum iurgia pa-  
ti facit à dominis. Quo loco debemus si in  
amicitiā referatur extorquere obligatio-  
nem. In castrensibus flagitiis Duces explora-  
tores submittant qui moneant: si etiam obli-  
ti sint honoris suis dominos non laturos. Militū  
numerus & qualitas ad timorem potius quam  
terrorem parata. Fictum animum cognoscimus  
cum pertinaciter contradicunt, tristi  
oculo audiunt, si ægrè aut per alios exequan-  
tur. In continuo enim decursu minutim per-  
serutando deprehendimus. Aldimarum vt ex-  
ploratorem subiecit Vitellium Ducem exer-  
citus monet vt nec sibi fidat. Id vt fidos vbi-  
que habeat in exercitu exploratores ad mo-  
menta, & ad momenta illos examinare. Iro-  
nicæ epistolæ exemplum, alterius Ponti-  
ficis ad Caponem Reipub. amatorem cuius  
sensum quem vides vt distorqueat, & sumit  
fundamentum à ratione, voluntate, & exi-  
tu, summa rei quod Respub. casura essent in  
seruitutem: cauisse vt non rueret & excinde-  
retur.

Fol. 102.

Deinde quot dissimulationibus etiam læsa  
authoritate legati Triulij processit ad coniū-  
ctionem cum Cæsare, sed mirum: quod Giber-  
tum à consiliis intimum delegarit ad Cæsa-  
rem quo nil optabilius illi contingere pote-  
rat. Simile illud captis duobus centurionibus,  
hostium in bello voluit abuti his ad habenda  
arcana illorum non habita ratione militiæ  
cum multa obstarent: In hoc postmodum de-  
plora conditionem miserorum nunciorum:  
qui si non pareant occiduntur, aut mutilantur:  
si pareant deprehensi suspenduntur, si fallant  
filij & coniuncti dant pœnas scelere nullo,  
præmio exiguo, ô mortales! Cum datus esset  
quidam pro obside Germanis rogabat ob illo-  
rum atrocitatem, vt Hispanis: non aded con-  
sentiant mores & probitas quæ à pluribus  
persæpe posthabetur.

Portau præfectus imo Dux classis Turcicæ  
præuidit exitum illius & prædixit, sed & ibi  
pulchra verba præposita fuere securitati exer-  
citus & Principis vtilitati. Tantum possunt  
ista mentis officia: & vide ex quo tam ingens  
victoria contigerit: Quidam captiuus aufugit  
à Turcis Illyricus, & forte fortuna, viderat  
Hali vluchi discedentem ex classe cum lxxx.  
triemibus, nunciauitque Christianis, qui cum  
existimarent illum adhuc abesse cum redisset  
sequenti nocte, audacter congressi sunt, & re-

ceperunt pugnae conditionem, & ita victores  
ex errore euasere: iuxta Curzolarias nunc  
Betalias appellatas à Pyrata eius nominis, olim  
Echinadas & prope Acheloum fluiuium qui  
diuidit Arcananiā ab Ætolia: vbi nota or-  
dinem classium, vt etiam exercituum in terra,  
sinuantur enim in arcum cum cornibus &  
media acie quam vocant (batagliam Itali-  
cè) vt inuadendo pugnando fugiendo serue-  
tur idem ordo: & omnia aperte conspici  
possint.



## TERTIA PARS.



OSTQVAM ergo nec in vita priuato-  
rum nec Principum est vllum vesti-  
gium felicitatis. Querere quam possu-  
mus vt habeamus diligentius oportet, & pri-  
mum vt diximus ad hoc vt aliquis, & cum  
suis feliciter viuere possit, vt quod alias dixi-  
mus sciat metas conditionis humanæ tum  
propriæ, hoc autem antea exposuimus, qui-  
bus cognitis, ac inuicem comparatis omnem  
custodiat diligentiam, atque laborem in hoc  
ponat, & artem quam ratione exemplis ac ex-  
perimentis didicit in hoc absumat. Quid enim  
faciet ronsor cum nouacula acutissima acie &  
vafis, & cote, ac linteis foculo iam, ministro-  
que, sed non expertus, aut qui nullam diligen-  
tiam adhibeat, sed raptim tondeat: an non me-  
lius à minis perito, & qui non tot habeat  
nouaculas nec instrumenta, sed assiduus sit in  
opere, & diligentia summa opus exerceat  
tondeberis: ergo primum de patria, & loco di-  
cendum est.

## De Patria, &amp; loco eligendo.

SI iuuenis es patriam elige in qua iustitia Cap. 59.  
perpetua consuetudine obseruetur: tum In 1. parte  
mores penè iidem, & vbi homines diu viuāt, in lib. de op.  
& iumenta: pecudes carnes & viscera ru- rimo vita  
bra habeant, adipemque candidissimum. generis, & in  
des non minores familia, nec maiores his quæ memoriæ  
ex vsu sunt. Respiciant orientalem boream:  
cubiculum pro æstate maiusculum ab ortu so-  
lis: dum tu abes ad iv. diei horam pateat fene-  
stris orientalibus, ac borealibus irrigetur: ver-  
ratur odoribus è floribus suauibus Hilare  
sit: Hyeme in eodem tabulatum è larice con-  
clusum, mundum, lecti pensiles, aut omnino  
tuti à cimicibus culicibus pulcibus muscis  
vermibus pediculis, alternis diebus pateat &  
expurgetur. Eadem ratio ineunda si filij boni  
adsint. Caue autem ne mutationem in senecta  
aggrediaris cuius fructum diu percipere non  
possis, tunc ergo accommodato te, nisi iniusti-  
tia dominetur, ne Deum aut temetipsum of-  
fendere cogaris.

## De his quæ ab are, &amp; de custodia vita.

Summa diligentia est præstanda ad multa,  
primum aëri, post potui, inde cibis, post  
somno, item exercitationi, & euacuationi, sed  
præter reliqua vt mēte valeas: corpus nostrum  
absque anima quid oblatum in facultatibus?  
deterius ergo: ab his primo incipiendum est.  
Quædam sunt continentie vicaria fructus  
grauedo



grauedo, pruritus, & externa, vt balnea sphymotica, item vomitus mensiuus aliquibus confert. Fontes sunt magis præter naturam: multitudo vrinæ pro pluribus ex his constat, sed non est arbitrij nostri, & prouocare in senibus vitam breuiat: sufficit ergo refrigerare renes, aqua nuper è fonte sumpta, vestes madidæ malæ, item ponderosæ ac multiplices: & mutatio caloris, & frigoris semper periculosa, & plerunque mala præcipuè refrigeratio, per ætates autem Primo senio incipiente à prauis cibis à multitudine & varietate abstinere oportet. Sub fine à crudis ab exuberante potu. In secundo adimere panis dimidium & obsonio dimidium addere: a lxxv. anno dimidium rursus panis detrahare & sextantem obsonij addere: ita si par sit obsonium pani semper in omnibus ætatibus quantitas eadem erit utrorumque, vt si panis & obsonij sint xij. partes Decrepitus sumet panis partes tres, obsonij xxj. Animaduertendum est etiam quod robustiores & dentes firmos habentes sumere poterunt in initio primi senij olera cruda mollia tenuia: Idque in cæteris ætatibus iuxta rationem: nam hæc facilius concoquantur & suauiora atque robustiora Panis ergo summa hæc est, Hyeme diei eiusdem, in æstate non ultra xij. horam in bracteas tenuissimas diuisus optimus & optimè præparatus.

#### *De Vitiis animi & his que ab illis.*

**O**portet eum qui vult suas res habere accommodatas Prudentem esse, diligentem, peritum negotij, gnauum, & non destitui à suis. Quod ad prudentiam attinet, vitia facultatum rectricum vitiant prudentiam, illæ autem sunt tres, memoria, ratio, & phantasia, simplices ergo læsiones in vna facultate fiunt, & sunt tres: totidem in duabus simul, & vna in omnibus. Vitia verò sunt diminutio, & corruptio: his ergo erunt xiv. læsiones simplices iuxta subiecta, & genus læsionis, velut si diminuta sit ratio vel memoria, aut phantasia, aut duæ, aut tres simul, vt sint septem à diminutione, & totidem à corruptione ergo xiv. quæ non sunt geminatæ: & Geminatæ in quibus est utroque læsio, velut si vna, vel duæ facultates, aut omnes, lædantur corruptæ simul, ac diminutæ. Quod si utroque modo læsæ sint cū sint septem modi diminutionis, & quilibet illorum necessario possit subici corruptioni, idque variari septem modis: ergo geminatarum læsionum erunt xlix modi: ductis vij. in vij. quilibet enim cuilibet copulari potest, postquam simul esse possunt, læsiones inquam lxxij. scilicet xiv. non geminatæ xlix. geminatæ. Non geminatæ vi. simplices, sex compositæ, duæ decompositæ. Geminatarum autem. lxxij.

Abolitarum autem sunt tres modi simplices, neque enim in eodem subiecto abolita potest esse cum diminuta aut cum corrupta, sed cum aliis corruptis aut diminutis, fingamus ergo abolitæ esse vnam, aut duas, aut tres fient vij. modi iterum, è quibus omnium non potest esse nisi per se, & simplex, sin autē duarum poterit copulari cum tertia corrupta vel diminuta, cum ergo sint tres compositæ fient sex ob geminatas, & rursus si sit abolita vna

*Tom. I.*

tantum poterit esse simplex, & erunt iij. aut copulata, & tunc geminate septem modis simplicibus, vt de aliis, & item Geminatæ nõ possunt copulari nisi vni diminutæ aut corruptæ, & ita erunt vj. & vna abolita quæ poterit comparari vni, aut duobus x. modis, & ita erunt xxx. iunge xxxvij. vj. & lxxij. habebis omnes modos corruptionum cvj.

Speciales autem, & proprii sunt, timere, odisse, sperare, diligere solitudinem, & societatem, taciturnitas verborum multitudo, vigilia, sōnus, fletus, risus, secum loqui (aliquisque ab arabibus) clamare, mitè esse, verberare, & est ferinum mutasse mores, & retinere, & quæ cū motu sunt à caliditate, & tacita quæta à frigiditate, & sunt qui nolunt comedere, & qui vocant, & est, vel à temperatura in cerebro, vel cum materia ibi genita, aut delata per vapores: & sit à cogitatione, & soluitur ab ea maxime cum somno, & sit à corde ob metum verum fixum.

Ergo curatio fit cum euacuatione materiæ, & cum diuersione, & cum temperamento. Et sic non est locus. Quod autem quærit homo in hoc est vt tollat symptomata, vt stultitiam, timorem, tristitiā, hebetudinem, amorem, furorē, spem inanem, & symptomata symptomatum, vt vigilias & negotiorum cōtemptum.

Ergo venenis familiare nostrum, R. Zedoariæ rutæ anethi ana, m. croci odorati ðij. olei rosacei, & violacei ana lib. ij. coquantur in balneo Mariæ, inde sub ortum canis ponatur xl. diebus in sole, si vis addere pulegium licet. Sed hortor vt medullam ceruinam saltem 3. x. adicias sphymoticum: quidam addunt Angelicam aut scorzoneram vel vince-toxicum.

Pro potu vt iuues iecur & ventriculum, primum est Agallochum: secundum spica celtica, Tertium iuncus odoratus, quartum lac humanum, & facit ad producendam vitam, tutius quam ad sanationem. Ideo vtendū, proximum illi est vaccinum. Quintum rhaponticum, sextum palma elate, & est proportionē respondens primis ficibus, quamvis palma elate minor sit dactylis, ficus maior. Sed vt res aduenit solum exterius, ad hoc laudetur, septimum caro limaciarum, & ius earum. Regiis ergo membris, cordi muscum, cerebro ambra: iecori, & ventriculo Agallochum: pulmōni crocus.

Purg. atrum H. Eleb. Al. Niger Palma chr. Absynthium, vitis Al. rad ocimum odor lap: Armenus vel cœrul.

Parum purg: Smaragdus Flos cotulæ F. Sena Pulegium Cuscuta.

Quæ lætificant proprie vinum dul. pot. crocus verberna Melilot. Cyclamen Heclenium odor Margaritæ Dorag. Mandragoræ rad: at Po: Pipinella styrax solanum maniarum. Hyosciamus.

Lætificant & somnos Pro: Adamas chyso-litus brachio sinistro alligata inter Amul.

Quæ vt cibis vtrum 5. temperant Testudo marina, vituli marini cerebrum, & aqua carnis, item Iecur pulmo lien siccata & sumpta cum vino aut super aspersa cibis.

Quæ cor roborant & fœtum ossa cordium cerui, elephantis, lupi: Monocerotis cornu, ebur: Mali medici sem.

Gg 2

Contra



Contra phantasmata, Annulus ex vngue dextri pedis anterioris asini, Oleum de semine ocimi ad sphymoticum.

Quæ cerebrum prorsus turbant, opium, Radix sicutæ, Ad gaudium, Seta cruda, coccus.

Contra hebetudinem, Harmel, Gallia muscata, Apium, Piperis radix, sanguis viuis agni aut columbi vel gallorum.

Ad confirmandum vires & sensus & letitiam simplicia.

Conditum ex xyloaloe, conditum ex radice iridis, conditum ex mirabolanis nigris. Item chebulis, item carnem citoniorum, & quod melius est aliis Rhaponticum viride.

Composita ad eadem, Telemirem magnum Hiera secunda Hippocratis P. Theodoricum mulcatum P.

Memento quod in omnibus talibus atque aliis iuuat paucitas: & tutior & melius distribuitur.

Ideo paratam habebimus orizam pro vespere, semel in septimana borago cum beta, reliquis diebus ius carnis.

Pro tutela catulus & ælurus tibi assideant, & degustent de cibariis tuis.

In cura exercenda, maxime nobilium, vide genesis, & si sit brevis vitæ maxime in die morbi concordia cum genesis, & tempore quo ingrauescit, vt in Gaspare Crescētio nato die xix. Iulij M. D. lxxv. & ægrotauit die xij. Februarij M. D. lxxvj. circa horam vespertinam, & in genesis fuerunt loca planetarum vt vides: & die qua cecidit virtus subito xxv. Iulij cum adhuc videretur satis commode se habere, & non erat auxilium, nisi si quis ab initio curationis traduxisset ad lactationem: poterat enim superesse per aliquot dies, vt vnum mensem, aut duos: ortus enim tempore sol fuit in eadem parte cum saturno infelici: Et hoc est corrupte Primum Aphetam: & Mercurius dominus ascendens combustus, & Iuppiter dominus octauæ loci prope illum, & Luna sub terra, & Genesis à coniunctione & locus eius in xij. die qua ægrotauit, nam initium fuit ab illo, fuit Luna iuncta Ioui, vt dixi D. octauæ loci, & hora casus virium Iuppiter redierat prope locum suum, & similiter facta est coniunctio luminarium in loco exitiali, & ab ortu, & reliquis. Hæc igitur supputatio naturalis est, & potest demonstrari: & habetur ex sententia Aristotelis.

Secundo de Generatione, & quarto de Generatione animalium, vita & mors animantium constat circuitibus astrorum & partibus eorum: & ita obseruabis, & pronunciabis sicut in Agricultura, & nauigandi arte.

| Nat. MDLXIV.      | Init. mor. | Casus vir. |
|-------------------|------------|------------|
| Iul. XXI. hor.    | MDLXXVI.   | MDLXXVI.   |
| 4. ante meridiem. | Feb. XIII. | Iul. XXV.  |
| ☾ 27              | ♄ 4        | ♂ 21       |
| ♈ 3               | ♂ 29       | ♈ 5        |
| ☉ 5 48            | ♄ 337      | ♈ 11 49    |
| ♈ 9 24            | ♂ 21 44    | ♈ 70       |
| ♄ 6 39            | ♂ 12       | ♄ 25 18    |
| ♈ 16 9            | ♂ 443      | ♈ 20 56    |
| ♈ 1.1             | ♄ 11 40    | ♂ 16 36    |
| ♈ 20 31           | ♂ 18 41    | ♄ 24 18    |
| ♈ 13 21           | ♄ 25 53    | ♈ 31 31    |
| ♄ 26 33           | ♄ 12 51    | ♄ 4 11     |
| ♄ 7 20            |            |            |

In reliquis autem omnibus quæ ad consilium aut casum spectant, abstineto: nam magnis erroribus inuolueris, & erubescas, si non aliud mali contigerit, nam res constant quodam ordine, & successibus non vi syderum, etiam si nil aliud obfaret. Iecora cerebra pulmones columbrorum, & piscibus magnis iecora lactes oua.

Pisces lucij fluuiorum & petrosi & genere passerum atque similibus, cyprini viscera.

— O terque quaterque beati,

Queis ante ora patrum Troia sub mœnibus aliis Contigit oppetere.

Et Horatius clarius.

— Hos vinam inter Heroas natum tellus me prima tulisset.

Nunquid ergo aliquid interest vixisse his vel illis temporibus? vt cum sub pace & florentibus Philosophiæ studiis homines tranquillam vitam ducebant: & certè non videtur dubium aliquid tum discriminis. At erat, & nunc fuit, dicere licet (omitto alia) si nunc nihil interest nec potest quomodo definit: namque res nō est: Remanent in memoria, in fama, in opinione hominum: sed quid aliud, quam vt vincere latrunculis? Reliquum nihil est nisi prorsus reducamus ad stirpis propagationem. Sed iuuat memoria tamen felicitium temporum, maxime cum virtute, & sapientia hominibusque Philosophis.

Dicendum quod illud quod est vndeque bonum, nec potest deficere nisi ratione subiecti, nec potest commutari, neque melius esse: ita vt, quacunque occasione, & in vniuerso quod est perpetuum remanet bonum, tale est per se bonum, vt lumen solis, quare optabile.

Quam multa neglecta mansura, diligentia, assiduoque labore bene cessura cadūt. Sed Deus humanum genus turdorum instar ac fabrorū, qui sibi compedes struunt, fabricauit. Ipsi nos reges & principes elegimus, à quibus aut suppliciiis aut illorum metu miseriores vitam ducimus quā capreoli in syluis. At nunc volo narrare breuiter morbum qui incœpit anno M. D. XLIV. Papiam profitendi causa cum me cōtulisset ibi mutatione aëris omissione exercitationis medendi consueta, ac studiis torquebar, eo vsque enim credere me tentatum venenotemporaneo tandem spōte excreui crudi humoris mucilaginosi ad onī quantitatem, & ita repente sanus euasi: rediit alias morbus, non curauī illum, sed post cum Bononiam nauī ē Papiā conductus essem, deueni in perfectam <sup>etiam</sup>, & pro mortuo me habui: post v. dies cœpi chamarū ius degustare, illas nequaquam suspicatus adiui venenum: sed simili excretionē cum liberatus essem, anno M. D. XLV. post Romę anno M. D. XLV. eodem morbo tentatus sum, neque tamen causam considerare poteram, additum enim erat symptoma, vt panem omnem terram esse arbitrarer, & abominarer. Tum liberatus quod alios cibos non odissem vescebar, & ita euasi adhuc causam ignorans. Hoc anno mense Iulij toto cum manus super modum incalescerent, & nil concoquerem, nec alius quicquam demitteret nec sitirem, denuo in ciborum odium deueni: vnde tum intellexi & præsentī, & præteritorum vnā esse causam, Destillationem inquam

Vide l. 1. cap. 3. Cum re-  
perimus.



inquam mucilaginosi, ac frigidi humoris in ventriculum, nec prodeuntem lentoris multitudinē, ob ventriculi imbecillitatem, & pylori naturalem paruitatem. Curationem per detergentia, & incidentia mane ex rapulis cum sale, & modico vino potēti: exerceri ante pandium: vesperi cenare auiculas, & radiculum vino diluto, & oxymelite, quiescere, diutius dormire: ita ex pluribus morbis ignotis vnus factus est: & notus post xxxij. Annos iv. N. Augusti.

*Pendacius, Cardanus, Dialogus.*

**Q**uid est Cardane quoddā à paucis diebus citra minus hilarem te video? an nunquam tempestas illa defecit, an calamitas aliqua adhuc emerfit? Car. ō Pendasi neque adest, neque si adesset me torqueret. Pend: Mira hæc, à calamitate non torqueri, sine illa tristiores fore. Sed quomodo sine lucro, & artis exercitatione? Intellego enim paucos tibi esse ægros, sed pauci omnino sunt in vrbe. Card. Omittamus hæc, & de aliis agamus. Pend: De quibus? an bello, non credo te militem esse: De Principibus quorsum? Car. At mihi molestum est, & nauseor cum de illis cogito, ne dum audio. Pend: At virum fortem talia verba non decent. Card: Agatur tibi mos: modo scias Rhodum à Turcis toties liberatam tamen aliquando illorū pertinaciæ succubuisse Pend. Quid hoc ad Cardanum? Card. Plurimum, vt intelligas me miseris omnibus circūuentum tot impedimentis vndique detineri, vt exitum neque inueniam neque sperare ausim. Nihil in patrimonio, Pecuniæ in manibus Pontificij trapedite, filius improbus, ac stultus: Domestici contumaces: vix vnus puer Calaber omnibus negociis peragendis subsidio futurus relictus est. Libros quanto sumptu sed maiore labore expleri: sed vide cui vsui? cogitatur ter, ac quater ostendere ministris, qui & si sint probi, & similes Iudicibus, non potes tamen esse securus quin exempta medulla corticem tibi relinquāt. lxxv. annum expleui, dentes amisi, totus vlceribus scateo: vocor ad ægros conclamatos, & non nisi statim morituros, & etiam in vltimo præsidio administrationem sibi arrogant, vt si fortuna euaderet non à me seruatus dici possit. Si moritur tanquam me duce ad sepulturam trahatur. Ego simplicitate ductus quanquam non sperarem arcana referēbā aliis profutura quibus tum illi omis- sis ad alios casus utebantur, tanquam propriis. Precium autem tot laborum consultationis erat aureo octaua parte minus. O secula Creteis peiora! Quis ergo tot laqueis circumdato modus ad liberam vitam? audi exemplum, nudius tertius venit ad me nobilis, vt ferebat, sed qualis, vt operulam ei impertiar: ea erat, legerem fasciculum xx. pene chartarum à diuersis consultationum conscriptarum. Instat quasi exigeret: de pecunia nihil: imo, cum ego dixissem me implicitum rem laboriosam intus quasi deberem, abiit: talia penē singulis mensibus se offerunt lucra perdit: Pendas: sed quid vis à me? Cardan: consiliū auxilium si potes? Pendas. In eadē naui quod ad filios, & persecutiones attinet nauigauimus emerfi, sed vt dicti solet præcisa cauda. Quod ad consolatio-

Tom. I.

nis officium illud ego potius à te postulare. De contemptu eruditorum, non est vt dicam, res notissima. Quod ad pecunias attinet breui si voles collocabis. Nepotem ablega honesto titulo: domesticos statim è domo exige, ne permittas confirmari spem veniæ: ne alios corrumpant iratus emitte: parta serua, alia adice pro senectute & morbis. Medice cura te ipsum. Oportet autem quedam præter hæc obseruare, primum vt congressum illorum qui te contemnere videntur deuites, premia pro laboribus honesta petas non post initos immodici illius studij erga librorum compositionem particularem curam omitte, vnum moneo ne te tam acré, ac vt ita dicam rusticum, in cōuersatione exhibeas. Catoniana enim illa seueritas atque integritas ad gloriam laudem admirationem utilis est, & pulchra: ad ciuilem autem potentiam inutilis & parens odij æmulationis atque inuidiæ. In reliquis modus vnus, sermo vnus, cōstans, efficax, modestus, vnum auelle ramulum ex fasciculo: Inde pugna acriter de morbo causis symptomatibus, auxilia si proponuntur adde tu modum, nunquam de illo feceris mentionem: scommata, & supercilium in causas errorum commissorum refer, finge obliuionem propositorum, vt tacite damnes, quæ non probas. Si moriturus est æger optima auxilia acrius damna, non illa magis exequi volet. Videtur res difficilis, præsertim probō viro cupienti seruare mandata diuina, imo illi tanto facilius quanto veritatem quærenti errores. *Quis simulat verbis, nec corde est fidus amicus? Tu quoque fac simile, sic ars deluditur arte.*

Reliquum est ob vltimam additionem (nam absque illa omnia æqualia) vt definienda sit electio si constantis status iam comminantur ab obitu direpturos vide, simul & exuūt alios sensum longa difficilis prouincia vno sustentata hypomochlio. Vnde ad G. nam preciū fort impensam. Sed odiosa infamis omni fide rupta præsertim ob prodigium acre leuior peregrinatio ad loca sancta, & tutior. Sed quorsum iactus in incertum? Declaratoriæ inniti decet, nam quinque aut sex exemplaribus quod fiet precio minore xx. coronatis & aliis etiam simul, res est in tuto.

Secunda circa victus rationem mane acris rapunculi tenuissimas partes cum sale lapideo & etiam acriore, vt destillatione, vel ex fece collecto oleo inde superhibere modicum vini Græci: vesperi oua & ius ex piscibus, vel pisces cum oxalide omphacio prunis pane indito, bibere vinum leue paruum album aqua dilutum, cotoneorum carnem conditam saccharo sumere. Ratio & symptomata sic constant, multa pituita mucilaginosa è capite in ventriculum defluit, ideò non sitio: est autem tenax & pylorus paruus, tollit appetitum, vitiatur coctionem, non potest chylus concoqui in bonum sanguinem, ideò transit in sanguinem qui conseruatur in caua iecoris, ipso incalente valde donec non potens ferre per hæmorrhoidas se exonerat, propter caliditatem constringuntur feces. Ergo vbi expectatus summa cura adhibenda, expurganda vndeque cerebrum: inde alui flatus explodendus, deambulandum, à cibo quiescendum. Cum ergo nec à fluore alui nec hæmorrhoidarum, nec

G g 3 fluxu



fluxu succedente non sequitur appetitus, sed nausea incitatur iam tumore, convenit ultimo præsidio: quia circa stomachum, noxa est, quod si non appetit deterius est si perseverat: nam statim, mirum non est, neque enim reuertitur appetitus in his casibus vel ob nimiam agitationem humorum corruptorum, vel quoniam iam coaluit intemperies in ore ventriculi, vel quia adhuc manet agitatio in humoribus latens nos, non naturam, vel quod remansit crudus humor putridus in stomacho, vel quoniam facta est defluxio noua, cui occurrere longo studio oportet: vel quoniam ob multam sanguinis euacuationem plus dominantur humores prauis, & hoc est frequentius vel ob malum regimen sub quo continetur venenum, & scias quod in potu olei Amygdalini dulcis est spes, & plerumque ut mihi nunc contigit, ut non soluatur morbus nisi cum vomitu: ideo detergendus ventriculus sepius cum aqua lactis, & saccharo, & aperienda sibi appetentia nimis abstinendo quam querendo. Quod si homo bene se habere videtur, & assumpto cibo vel potu sentit malum saporem, aut odorem, aut nauseam, ventriculus non est mundus, ille morbus proprie est insanabilis, cui vomitus non confert etiam si atra excernat, morbus quidem malus sed, & plura si diligenter occurratur utilis, & nota quod quandoque in extrema senectute conuertitur in vomitum sanguinis concreti, & atricum symptomatibus lethaliis, & durat etiam aliquot annis post, de felicitate autem humana constat vno verbo, ut plures labearis familia, potentia, emolumentis, hoc autem declaratur ab Horatio lepidissime duobus exemplis non sunt duæ, nec est quod addam.

Satyræ 6.  
libri 1.

65

In causa propria ætatis, & fluxionis, & tot contraindicantium vrsus imitabimur cum canibus pugnantem, totam radicem extirpare conabimur, nec metu, nec blandientis naturæ stimulis, nec rerum aspectu, nec appetitu etiam acri incitati vsque dum tutus non fueris, & quia res agitur intermediis, quando vires fuerint debiles & appetitus excitatus, tantum solum assumes cibi, ut assumptum placeat, cupiasque plus dari non sitim, non saporem, nec odorem malum gignat abstineto tamē. Quod si siccitas in ore à somno relinquatur salua tamē bona, nō sitis non sapor malus, aut odor recrea pulmonē, & cerebrum frigido absque potu: & cura omnis huiusmodi debet etiam cum moribus & consuetis, ad confirmandum plurimum valet vinum, quale oportet, & caseus antiquus solitus pinguis in vita ducenda cum transacta est res difficilis nil melius inuentum est quam super tophum loco ossis imitando naturam regenerare car-


nem, & incumbere illi ut solido fundamento, nulla prorsus de eo mentione addita, hoc indifferens quod ante non tutum, quod ante illud innocentia, ut duobus terminis potentibus consuetudine, & iustitia tuearis. Aduersus fascinameta sphymotica vterque helleborus, Ruta, Mandragora, Leontopodium, phtherema Antirrhinum vtraque catanance: menses muliebres cotyledon scilla ciclamen Narcissus taphia drioteris.

Quod ad propria attinet sine fine sunt repugnantia inuicem, ut omnino videantur facta velut Gordij nodus solius perplexitatis, & erroris causa ad irridendum alios, & nihil questum videatur quam confusio, quævis enim stirps breui casura est, optimum est igitur insertas esse Gracilem truncum crasso proprium cōmuni per se subsistenti mutuo, separatis studiis collegiorum, & personarum, ut liceat in tranquillitate viuere, & inter mortales in summa veneratione religiosos, ut par est haberi. Quod propria vero scis non plures esse amicos, qua olim par in ccc. Annis. Ideo nil sperandum, nec ut reducas non magis quam ex nigro album, cum aliis multitudine, & potentia multa sperare mediocria potes, maxime cum æmulatione de beneficiendo, certam, & veros amicos laudaberis, & cum illis versaberis nihil plus, nisi quantum dubitas in nassam posse incidere, vel pudor sit prorsus deficere. De tuis autem cum securus es de perfecta arte nil inutile admitte, summam existimationem retine, noli contendere de pecunia, nam si bene merenti gratiam reddis, si non, & putunt reiice, si offerunt nugas puta, dic tibi esse negotium, cum verba serunt, emitte, triplex malum exigere sine precio eripere tempus, & irridere, Rursus si offerant medio amici, aut primi sint ostende eis quanta difficultas si petunt, an possint sanari, hoc est punctum, sed adice non esse, nisi duas, aut tres vias: si querunt quæ? dic longum esset docere, insinuare non nisi facto potest: si volunt miscere socios, perlibenter dic, sed periculum sit apud illos, si petant cur? responde vltra fidem, etiam peritiam, quas illi non deesse credo, multa requiruntur, diligentia, & solertia. Tu vero cauebis ab illo quod multum mihi nocuit, ne in tuis responsis quicquam euaries, neque leue neque inconditum proferas, & si clam obscure dictum, & breuiter, ne videaris diuersis negotiis intentus, sed illi soli, & genere, & specie. Hæc est summa rerum humanarum, omnibus his tamen sic se habentibus plurimi Dei causa se abstinere, multi legunt metu, nobiles plerique designantur ad hæc descendere, multi quoque alij abhorrent hæc agere, adeo ab omni humanitate remota.

FINIS.

PROXEN





# PROXENETA,

## SEV DE PRVDENTIA

### CIVILI,

### LIBER.

•••••

#### CAPVT PRIMVM.

*Causa scribendi hoc opus, & nominis  
tum generalia praecepta.*



QVVM homo animal sit natura gregarium, (appellamus id in illo ciuile) non solum aliorum obsequio potentiam suam auget, verum opus habet. Solus enim vel ab ipso ortu (vt Aristoteles inquit) alieno auxilio indiget, quia sibi non sufficit. Cum alia animalia gregaria societate iuuentur, atque gaudeant; ipse homo ægrè solus, etiam viribus & ætate florens, vitam ducit: vt societate opus habeat. Cum ergo solus, propemodum nullus sit, tantum valet & potest, quantum aliorum auxilio fretus atque munitus est. Ea autem potestas multis modis paratur: hereditario iure, lege, vi quadam, coniuratione, societate, consanguineis, amicis, sociis, opibus, atque potentia, opinione hominum vulgari vel probitatis vel sapientiæ vel religionis, tum clientibus, & patrociniis, multisque aliis causis, quas enumerare longum esset. Atque in his plurimum posse dicimus, eos qui plurimos habent fautores, atque potentes; & qui diligunt eum valde: ipse vero sapiens, ac prudens, & vtique efficax, nec adeo vehemens hostis. Persæpe enim, cum omnia alia adsint, hostis potens cuncta euertit. Porro omnia hæc aut nobis adsunt, aut comparantur. Et quibus adsunt, indigent solum vt vt eis norit; aliis necesse est, vt parent, & vt vt didicerint. Duplex labor. Ea igitur actione & parantur & exercentur. Cum vero corporis perfectio forma sit, formæ autem operatio; harum duarum partium vis tota in operatione, atque ea erga homines, consistet. Oporet ergo diuidere totam hanc rationem; in ea quæ supponuntur, vt sunt regnum, potentia, consanguinei, fonticus morbus; & quæ parantur, vt amici, opes, autooritas: quæ etsi habeantur persæpe, plurimum tamen sunt in arbitrio casus, & omnium horum vsura. Iam vero, vt omnia facilius intelligantur, finem ipsum proponere oportet. Hic finis est bene bea-

tèque viuere. Quod si illum adipisci sine opibus, amicis, potentia atque huiusmodi liceret, vtique non solum melius esset, quam cum his, sed prope diuinum; namque hoc ipso cælestes præferuntur longe nobis, quod nullis indigeat ad bene beatèque viuendum. At conditio nostra etsi huiusmodi sit, vt in adipiscendo hæc, & in eorum vsu, multa incommoda patiarur; multo tamen minus malum est, finem cum his consequi, quam sine illo, inermem & sordidam vitam ducere. At Philosophi, maxime Stoici, conati sunt quod Diis conueniebat, hominibus tribuere. Qua in parte dum admirabiles videri se putant; & falsi, quod ipsi alio more viuant, quam doceant; & inanes, quod facta verbis non respondeant; & impij, quod ea quæ Deorum sunt, mortalibus adscribant, deprehenduntur. Propositum igitur est, bene beatèque viuere secundum conditionem & actionem, vt his quæ habemus, recte utamur; & eorum quæ non habemus, & tamen haberi possunt, partem illam, si ea opus esse duxerimus, adipiscamur. Iam ergo finis vnus est, genere, specie; at valde differens: quippe regis, pauperis, iuuenis, valde senis, sani & morbos. Multa vero circa hæc contingunt dubia: vcluti primum, an præstet parare, aut non parare? secundum, an necessaria sit affectuum immunitio, postquam felicitas, etiam iuxta Epicurum, est reposita in indolentia. Hanc ergo libenter in indolentia non solum præsentium reposuerim, sed etiam præteritorum, & futurorum. Vt feliciter viuere, sit, nullis indigere, nec memoria præteritorum torqueri, & secure viuere. An ergo valde utilis sit quædam durities animi, aduersus calamitates? Videtur autem necessarium id omnibus miseris, vt postquam non possunt quod velint, velint quod possint. Tertium, an oblæsis, veluti senibus, felicitas contingere possit? Quartum vero erit circa rerum diuisionem: Quintum circa ordinem. Est & vnum Caput valoris necessarium in hac tractatione, scire quid sit omittendum aut cognoscendum. Multitudo enim conclusionem parit; paucitas impedit, ne omnia apprehendamus. Porro de huiusmodi partibus, scilicet de animo confirmando, de parandis opibus, de miserorum conditione, alibi tractarum est: vt abunde sit, ACTIONES HOMINVM hic docuisse, VT AD CIVILEM PERTINENT CONVERSATIONEM:



scilicet vt potentiam, gloriam, laudem, amicos, securitatemque comparemus; & vt fruamur his, quæ nobis fortuna dederit. Cæterum vt in his quæ diximus, recte versemur, adhibenda est ratio ex parte conditionis nostræ, & illorum cum quibus negotium est; tum temporis, loci, quantitatis, modi, & reliquorum omnium quorum mensura est decus & honestum. Etenim meta necessariorum est, ad vitam honeste ducendam. Hæc autem omnia constituta sunt in solidis bonis: sapientia, incolumitas, filii, ætate, opibus, honoribus, amicis, potentia, securitate, vt contra, inania, importuna vltio, alea, scorta, luxus, & talia; quæ numerum certum non habent, quum bona sint definita. Est autem exuberans felicitas, quum quis abunde bonis fruitur; & imperfecta, quum quantum satis est; & pro conditione, velut senis, cæci, serui, procul à patria, inter barbaros degentis. Harum omnium vna ratio est. Duarum reliquarum (sunt enim omnes quinque) altera sub eisdem regulis prope modum continetur, sed absurda & detestabilis est; velut aleatorum, lenonum, parasitorum; detestabilior, siccariorum: altera etiam ab his præceptis est aliena, qualis Philosophorum. Rursus quum vsus ipse omnium in duobus consistat, scilicet; scientia & executione; **SCIENTIA** omnis ad duo capita reducit: **EST, NON EST.** Vnde diuinare in singulis non arduum esset, nisi obstarat multitudo quæstorum ad finem necessariorum. Velut, an obsidenda vrbs? Primum, an suscipienda: inimicitia: & si suscipienda, an simul bellum gerendum? & si bellum gerendum, an per incursionem, an toto cum exercitu? & si toto cum exercitu, an expectandus hostis, an regionem ingredi melius sit: atque mille huiusmodi. Peccatur ergo, vel quia non omnia assumimus ad diuisionem, vel non colligimus omnia post diuisionem, aut in deliberando in aliquo erramus: & maxime circa tempus, locum, modum, atque mensuram. Contra ille optimè egerit, qui rem ad pauca redegerit, simulque cuncta collegerit, & circa singula rectè deliberauerit. At verò, alterum caput est **EXECUTIO**: quæ iuxta conditionem eorum cum quibus agendum est, variatur. Principum nempe, nobilium, sacerdotum, populi, senum, iuuenum, legum, consuetudinum, & (quod maximum est) inimicorum, & eorum qui non persuadentur, aut opinione, aut feritate, aut odio; vt nescias vnde rationem inuenire debeas, aut inchoare sermonem. Omnino vero absurdum fuerit, credere artem esse conferuandæ sanitatis, & depellendi morbi, & nauigandi, (quæ certum non habent exitum, & quasi sunt in Fortunæ arbitrio, aut Naturæ;) & vbi consilio res agitur, faciendæ vestis ad amissum corpori conuenientis; non esse vero artem bene viuendi & ciuilitatis, cum ipsa ciuitas tota ratione atque consilio gubernetur; Eam itaque rationem & artem quum alterius auxilio melius exercere & adiuuare liceat; eumque qui id possit *consilium* appellare soleant, merito huic libro nomen **PROXENETÆ** imposuimus. Nam etsi huiusmodi hominem variis nominibus vocari in vsu sit, in via itineris ducem, vbi nihil agat, sed solum doceat: consultorem in magnis rebus; qui sine pretio nos iuuat, ami-

cum; in turpibus causis, lenonem; Proxenetam tamen dicimus, quod eum, qui id proprie agit, & pluribus in causis hoc officio fungitur, sic vocemus. Quantum vero profuit hoc studium, ex eo conicere licet, quod in omnibus negotiis pari viri fortuna conditioneque, alij felicissimi & gloriosi euadunt; alij obscurissimi, sordidi atque infelicissimi. Constat igitur, in horum cogitationibus atque viagendi repositam fuisse vtramque sortem, & bonam & malam, (seu vtrumque statum, altum & imum) altiore, & mediocrem. Plurimum tamen potest in huiusmodi, natura, etiam si ad artem comparetur. Sed velut in Musica & Medicina plus potest absoluta ars cum mediocri natura; quam excellens natura cum mediocri arte. Est enim natura potentia similis, ars vero actui. Quapropter quantavis breuitas, studio & promptitudine adiuta, propter occasiones, vtilior est ad actiones absoluta tractatione. Quam tamen vt legas, & in ea exercearis, laudo. Porro, vt dixi, principium tractationis atque cognitionis est ordo. Ordo autem ex separatione oritur. Separatio igitur principium est operationis, cognitionis atque scientiæ morum vniuscuiusque. Qui querit confusionem, omnino malus est, aut stultus. Qui querit distinctionem, veritatis amator est. Non est autem prorsus probitatis signum, veritatis amor; (nam & latrones cupiunt scire, an capti pecunias habeant) sed simplicior veritatis amor. Recte inuexit Anaxagoras (nescio an ad hunc finem) mentem illam quæ perpetuo segregat ac separat. Hoc ipso probos ab improbis dignoscere licet. Peruerse occiditur, quisquis multis de causis non vna occiditur. Sed multæ causæ animi malum ostendere possunt: factum non debet ita distorqueri. Propterea sapiens hoc ipso signo peruersitatem hominum deprehendet: item in disputationibus & in libris, confusio argumentum semper est improbitatis, maxime vbi de vtili tractatur; aut imperitia, vbi indiffens est argumentum. Porro confusionis multi sunt modi: permutatio, obscuritas, insinuatio, exclamatio, iracundia, simutatio, prætextus Reipublicæ periculi: non conuenientium; non verorum commutatio, loquacitas: impedire respondentem, detertere defensores, aduersus religionem inanis suspicio: plurimorum testium vel improborum vel non ad rem facientium exhibitio, instantiæ iudicij: sed nihil manifestius, quam cum ex pluribus calumniis diuersorum generum conaptur vnum efficere crimen exitiale. Confusio denique ad quinque capita redigitur, tractationem aut verba maiora re ipsa; defensionis perturbationem, qualiscunque sit; corrupta testimonia, & simulationem suspiriis, gemitu, lugubri amictu, occlamationibus. Memineris quoque conditionis nostræ, quæ vndique angustis conclusa est spatiis. Si felicitatem requiris, cohæret miseræ; si spatia vitæ, mors, non solum senectæ, infantia iungitur; si statum, humilior es & infirmior cæteris animalibus, imo plantis. Propterea velis quæ possis; & moderare cupiditatem, & aduersa fer. Nullus mortalium senectutem sine magnis incommodis tulit. Valeat Cato Senior: nonne & is filium amisit iuuenem,



vt infantem superstitem solum reliquerit? Ita esse, non esse, velle, nolle, inuicem iunguntur. Quid assequi posse speras, aut qua ratione, quum nescis quid tractes? Etsi nil aliud esset incommodi, exiguo bono quam magna mala permutas, imo accerfis! Singula ætas tot experimenta adfert, vt non opus sit exemplo. Vt ergo non confundaris, etiam absque dolo confusio irrepit, ignorantia, celeritate, negotiorum multitudine: vbi ordo non nisi industria habetur. Omnia itaque non solum apud ministros, sed etiam apud te ipsum ad consuetudinem sunt redigenda; velut vestes, clauces, supellex, certis semper locis collocanda. Negotia horis (hoc vulgatum est) imo statis diebus perpetuo exequenda: Si quid omittatur ex consuetudine, literis mandandum, ne vel obliuiscaris, vel impeditum detineas animum: quem perpetuo purum, ad maiora & non expectata, maxime ob sycophantas, habere oportet. Scire etiam quid maxime deuitare oporteat: eiusmodi est mors, non solum præsens, sed quæcunque vitam breuiorem efficiunt. Quid enim interest seu vitam præscindas cum parum iam superest, seu multo ante: nisi quod in hoc latet te iactura; quæ quanto magis ignota est, eo grauius & inconsideratius peccare soles. Atque hoc in iuvene: in sene autem descendantium vita & salus potior est vtrunque; quo magis posteritati consulere possis. Proxima huic iactura temporis est: quandoquidem id solum viuimus, quo operamur: Nam perpetuo dormienti quid interest seu post diem, seu post mille annos pereas? Tertio loco habenda est libertas, cum vita & virtus in opere ipso constet. Duorum vero quæ sequuntur, incolumitatis scilicet atque virtutis, non vna est certa ratio: sed illud præponendum, quod, si pereat, longius affert detrimentum: velut Virtuti surditatem, claudicationem, imperitiam magis fugiendam dico. Post sunt opes & gloria; de quibus suo loco dicendum erit; est enim longa dissertatio. Vltimo loco sunt amici criticis viris etiam propriæ salutis præpositi. Sed nos trita sequimur, non imaginata solum. Conandum est autem, vt non solum, quemadmodum diximus, omnia ad duo cogitatione deducas; sed vt ita expedias, vt ad contrariorum seu oppositorum necessitatem perducas, & verbo noueris explicare. Solet enim breuitas sermonis multa commoda afferre; & maxime quum negotium est cum prudentibus aut peritis negotij vel vsu: nam ad seruos, & ancillas, & stupidos, forsan cõcisa breuitas in utilis erit: ad eos autem qui intelligere possunt, multis sensibus, paucis verbis coactis, maiore impetu animum percellit, lucem affert, nec obliuione prima euanescere paritur, & fastidium non parit, auctoritatemque dicentis dum auget, auget & in audiente voluntatem gratificandi: vnde in Laconibus tantum in honore habita. Quantum vero possit hæc vna ars, apparet vel in pila lusoria, quæ leuiter icta non offendit; eadem à viro robustissimo impulsæ nocet non parum; multum abest tamen à mortis periculo: eadem impulsu bellici tormenti transuerberat hominem totum, vt illico intereat. Ergo si homo eandem vim habeat, cur non idem faciat? Non ergo in rebus ipsis defe-

ctus aut vis, sed in agentibus. Anima ergo quum immortalis ac infinita sit, & mens: neque in ipsa, neque in rebus, sed in scientia atque vsu defectus erit, vt non solum ad incredibilia, sed ad omnia etiam insperata peruenire possit. Gnauiter ergo amplecti conuenit hæc præcepta, atque exequi non dubia spe aut mente. Namque res hominum, & actiones, & vitæ, metam habent; vt persæpe quæ omnino assequi non confidis, facile obtineas. Singulum autem malæ negotiationis est, vt inquit Aristoteles, quod falsa bona in temporis processu in vera vertuntur mala. Ideo etiam fictas voluptates refugere oportet, & veris insistere. Neque enim illæ beatum faciunt, nec simul cum his esse possunt: Vt alea, meretrices, ocium, societas adolescentium & nepotum, crapula, Poësis vulgata, assiduum Musicae studium, pernoctationes, piscatio, & venatio, spatari, imitari mimos, ludis & spectaculis adesse, Chymicæ operam dare, adfabulari, cum suis vitam velle ducere. Maximum enim axioma statuere oportet; Improbum, stultum esse, vnde id, Sapientem, bonum esse. Nam seu iudex furatur, rapiat, cruciet, congreget multa; seu imperitus in arte, in vsu sit, celebretur, tu autem penitus contemnaris, manet propositum. Feliciter ei cedant omnia. Primum est periculum legum, inde conscientia sceleris, & metus ab his quæ feruntur post mortem: Procliuius lapsus, vt necessario impingas, velut impunita sit improbitas, dilapsis opibus seu vitiis propriis, seu aliena vi, fraude, aut casu, vt nihil tibi supersit præter infamiã, consceleratum pectus, vel infortunium, vt partis postmodum vti non possis. Nil horum. Sed sit. Quid si filius non adsit? parasti inimicis. Et si aliquando desinat stirps, inanis opera omnis fuerit tibi; non nisi peccata relinpuuntur. Supersit, vt sit æterna, & opibus abundans; nihil plus tibi, vel illis, quam insidiæ. Quæris uxorem castam? plus habet custodia opulentus, quam pauper. Sed vide quid ex aduerso? adulteros potentiores & cautiore, custodum perfidia; vt in eis malum sit: Lasciuiam maior in opulenta femina; maiorque peccandi securitas; Occasio ex te maior, meretrix, cinædus; vt nulla magis ex re irriteretur mulier. An non hæc quinque possunt plus vno? Delicatus viuatur: nihil est quod melius obsonet fame. Sed scis vbi error latet? Quod arbitraris, eos qui boni dicuntur, esse sapientes; vel stultos esse malos. Id quum arbitraris, certe magna omnium confusio oritur. Vt vero intelligas quantum ameris à tuis, vel his qui possunt; hi amant, qui tibi etiam metuunt; ode-runt, qui metuenda fingunt non credere, vel non credunt; hoc minus est: vel etiam rident, quod natura medium est. Illius præterea meminere Cæsarei.

*Nam si violandum est ius, Imperij gratia*

*Violandum est: aliis rebus pietatem colas.*

Quod si nec hoc verum est, aut iustum, aut honestum, vel etiam vtile: quāto minus in friuolis rebus, in quibus non repositum est quod optimum est; vtilitatis vero & securitatis maxima pars deest, nec ab vlllo defendi, nedum probari vel excusari potest? In vniuersum, quum sint tria genera actionū: vtile, honestū, quod circa sapientiam, virtutem cultumque

Dei



Dei versatur; & iucundum, quod circa volu-  
prates; nec potis sit mortalium quisquam om-  
nia assequi, præcipue senex, & qui domum  
non bene constitutam ex suis habeat, quum  
primum ad vitam sit necessarium; secundum,  
gloriosum, & finis ipsius hominis, sine quo  
nec hominem esset præstet: oportet, qui volet  
beate viuere, id est, sine molestia, voluptatem  
sponte abdicare, & eam in præcedentium pos-  
sessione constituere.

\*\*\*

## CAPVT II.

### *Ordo libri, de Ordine multa.*

**O**Rdine autem exquisitissimo vti, etiam  
in singulis, haud arduum est: at in pluri-  
bus ordinibus, quique etiam se complicant,  
non facile. Exquisitissimus ordo est, qui ad vnū  
omnia deducit: & in quo nec repetere, nec  
omittere quicquam cogimur. Vnde illa conse-  
quuntur quæ optimo ordini sunt propria: sum-  
ma breuitas, claritas, vt memoria facillime  
omnia contineri possint, & quæ sita se statim  
offerant. Quod vero difficillimum esse in hoc  
videtur, (vt dixi) est complexio generum inui-  
cem: velut Aulicus ad Principem & æmulos  
refertur: & rursus æmulorum infectio apud  
Principem & Populum: Porro quem in ordi-  
nibus à prioribus semper incipere conueniat:  
priora autem alia natura, vt Substantia Acci-  
dentibus; alia ordine, vt causæ effectibus, &  
simplicia compositis; & cognitione: Ea autem  
duplex; sensus, quæ ad tradendam doctrinam  
opportuna non est; & mentis, in qua generalis-  
sima præcedere necesse est: tum quia simpli-  
cia, (hæc autem compositis ordine priora);  
tum quia idem sæpius repetemus: velut si di-  
camus. Quid est Homo; &, Quid est Equus; di-  
cimus in vtroque. Quod est Animal: at si Ani-  
mal in Hominem & Equum diuiserimus, non  
ita. In simplicibus quoque & causis; quam-  
quam in naturalibus non eadem priora sunt;  
in his autem non mutatur ratio, vt tam à cau-  
sis & simplicibus, quam generalissimis sit in-  
choandum. Ergo à substantiis primum, inde  
generalissimis ac simplicibus inchoandum  
erit. Quæcunque autem in pauciora deducun-  
tur, generaliora manent: vt Animal in perfe-  
ctum & imperfectum; quod in bipes, quadru-  
pes, apes, & multipes. Iuxta hoc ergo primum  
dicemus de iis quæ in extra comparantur. Dein-  
de diuidemus ea quæ extra se comparantur, in  
actiones, verba, gestus & res: Tertio res ipsas in  
domus apparatus, substantiam; amicos, ini-  
micos, dominos, & consuetudinem. Vt vero  
habeamus, finis duplex: possidendi, & vten-  
di tantum. Hæc autem vel ex nobis, vel alterius  
ope atque consilio. Cæterum quum duo sint  
habendi modi, emtio & transmutatio, de tran-  
smutatione hic proprie agendum est. Hæc au-  
tem triplex: rei, verborum, & actionis, tum  
quæ ex his componuntur. Rei in actionem; vt  
qui aduocatum conducit: Verborum cum re-  
bus; vt qui puellam abducit à matre pollici-  
tationibus. Præparamur autem ad huiusmodi  
transmutationes cognitione rei, & morum, &  
potentiæ illius cum quo agimus, & occasione,  
& prouidentia, & simulatione dissimulatione-  
que. Executionis autem pars vna est generalis

ipsum scilicet exequi: species autem, persuasio,  
dolus, & vis: causæ vero duæ fortuitæ quasi,  
scilicet natura ac tempus. Sunt enim hi modi  
habendi, sed non in nobis.

In tractando autem viam ab Hippocrate  
traditam, quam obiter in libris De dentibus  
seruauimus, imitabimur. Constituto enim vno  
tamquam exemplo tam in omnibus, quam in  
specie, absolutissimam illius faciemus tracta-  
tionem, reliquosque ad eam normam reduce-  
mus. Et quum de illius æmulis loquamur apud  
Principem, eadem de æmulis apud Populum,  
tum etiam de existimatione apud vtrumque:  
& quæ de æmulis, eadem de his qui frigide  
nos iuuat, addita (dicenda) & intelligenda erunt:  
in quibusdam euidentioribus discriminibus  
plura dicturi. Erit autem, vt reor, Medici  
exemplum satis accommodatum: quod ars ip-  
sa inter operarios sit nobilissima; artifex ve-  
ro inter plebeiorem humilitatem, & patri-  
tiorum spiritus quasi medius: disciplina, maxi-  
ma solertia indiget: Medicus cum pluribus  
versatur, verba rebus commutare solitus.  
Vtriusque Fortunæ casus, & doli parem dif-  
ficultatem faciant, & mihi bellè ex æquo no-  
ta, opera atque operarius. Iuxta hæc igitur  
septem seruabimus ordines: quorum primus  
erit institutionis totius operis, in octo partes  
principales diuisi, ad Aristotelis imitationem:  
quod pulchre Theodorus Gaza in sua Gram-  
matica expressit. Dicemusque in eo ordine pri-  
mum de necessitate, vtilitateque ac ordine hu-  
ius libri; tum his, quibus non conuenit huius-  
modi lectio; & quæ præter hæc plurimum  
possunt, velut Fortuna; & quæ ad intelligen-  
tiam præmittere oportet. In secunda autem  
de his, quibus parum vtilis est lectio huius li-  
bri. In tertia vero de generalibus præceptis  
seruandis, vt qui ex hoc opere fructum habere  
velint, præponant. In quarta de singulorum  
tractatione generali. In quinta de vniuersa-  
lium tractatione. In sexta de singulorum spe-  
ciali consideratione, atque executione: estque  
pars ob id merito longissima. In septima de du-  
biis. In octaua de his quæ sunt supra institu-  
tum. Hicque ordo primus libri totius.

Quod ad tractationem autem ipsam attinet,  
secundus ordo est ipsorum ordinum, vt priores  
sequentibus antependantur. Tertius, vt gene-  
ralia specialibus; donec ad vltimam perma per-  
uenerim. Quartus, vt quæ dicenda sunt de sin-  
gulis, dicantur. Quintus, vt & in his quæ de  
singulis dicuntur, ratio ordinis eiusdem ha-  
beat. Sextus, vt omnia hæc & quod ad spe-  
ciem attinet, & quoad ea quæ de illis dicun-  
tur, ad illud exemplum referantur, & limitatio-  
ne & conditionibus adiectis, in quibus diffe-  
runt. Septimus ordo est, vt quantum & septi-  
mum ordinem eximamus, quoniam in species  
non deducuntur. Sed de quarto sufficit scire,  
quod alia quærentur possidendi causa, alia  
usus solum. De septimo, quod etiam dixi-  
mus, transmutationes esse de tribus, re, ver-  
bis, & actionibus: & quod alia sunt simplices,  
alia compositæ. Rursus in hoc eodem ordine  
est, quod generalia primorum trium ordinum  
duplicem habent tractationem; & propriam,  
vt diducuntur in sua membra, describuntur-  
que in suis locis; & generalem, vt in quacun-  
que alia tractatione subintelligi solent. Est ter-  
tia



tia pars etiam huius ordinis, quod quæ solum habent vsum, suam habent tractationem, vbi de executione agitur; aliorum vsum cum ipsa re parâda explicatur. Quo etiam fit, vt membra hæc diuersimode deducantur in Capita, non solum ob magnitudinem ipsorum, sed capitum quæ sub his continentur, multitudinem; ex quo orta est compositio Tabulæ, vt tractationem ordinatam facilius construeremus; & in illa, tamquam in speculo, reluceret tota Operis series; & si quid opus esset inuenire, facilius quærenti occurreret. Tanta fuit diligentioris ordinis necessitas in hoc opere, quoniam natura ipsa nullus erat ordo, à quo solent iuari qui de Naturalibus aut Mathematicis scribunt. Quamobrem & hic omnibus generaliter utilis erit. Sed præter ordinem quædam adiciere, & ante necessarium fuit: quamquam & in primo ordine ex his septem, de horum vno dixerimus: scilicet non vtilem esse hunc librum omnibus; & quinam sint illi; hoc enim extra ordinem est. Deinde quod quædam videantur sub multis ordinibus etiam reposita: vt domus apparatus, sub tertio, & quarto, & sexto ordine; ita & amici & substantia: quod & verum est. Attamen, vt dixi, huiusmodi sub tertio ordine collocabuntur, quod res illa quærat, non vsum tantum. Et vt domus apparatus, hereditate nobis relictus, triplicem habet vsum; & vt eo alia paremus, ad tertiumque ordinem pertinet; & vt paretur, si non habeatur, sicque ad sextum; & vt in ordinem redigatur, & vt fruamur: quoniam hæc omnia disiungi non poterant, & vsum cum re coniungebatur, necessarium esse censui, vt ea pars ibi tractaretur, vbi primum de illius necessitate agendum esset. Simili ratione etiam, parare domum, & ad tertium, & ad sextum, & septimum & nonum ordinem referri poterant. Sed nos, vt diximus, quæcunque pro mediis essent necessaria, ad tertium retulimus ordinem; quæ vero nobiliora, ad sextum & octauum. Vsum autem & executionem (quod ea esset pars nobilissima) ad vltimum; ne in vnum plura, quæ par esset, congereremus. Iam vero in re adeo difficili, exemplo vtamur. Calumnia & casus & ab inimicis & æmulis spargitur, & apud Principem, aut Populum, vel Socios: queritur merito ob id, ad quem referri debeat? Ad rem causamve, aut apud quem? Videntur res pauciora habere capita, & facilius distinguere; velut Calumnia ab inimicis, æmulis; casus ad Principem, Populum, Socios: At inimicorum tractatio plura habet capita, quam res atque hominum ordines. E diuerso, accidentia substantiis distinguuntur; non substantiæ accidentibus. Calorem diuidimus, igne, sole, motu: quoniam quod diuiditur, rectius diuiditur accedens per substantiam; & quod vnius est rationis, per causas suas. Hoc est, quod difficultatē facit. Melius igitur est, vt, quod proprium est tamquam diuidentes, ad quod maioris est energię transferamus. Ita singulis tractatio sua reddetur, & tractationes æquabuntur. Nam vbi plura erunt capita, ibi erit breuior tractatio; velut de Calumnia generaliter suo loco agemus: post vero de Calumnia ab inimicis, vbi de inimicis tractabitur; id tantum superaddentes quod ad inimicos attinet: deum vbi de Principibus agitur, & de Calum-

nia apud illos & ab inimicis conficta specialiter agetur. Recurrere in huiusmodi semper ad generales rerum tractationes conuenit; vt in illis ad speciales similes.

## CAPVT III.

*Opus hoc propter quos factum.*

**E**Go fallendi artem, & non sancte viam obtinendi, non ea ratione defendam, quod Rhetores doceant; quamquam & perniciosiorem, vt quæ iniuste sæpe agere doceat: verum cum Aristotele dicam potius:

*Αἰσχρὸν σιωπῆν, Εὐνοχοῦν δὲ ἔχει λόγῳ.*

*(Turpe est tacere, Xenocrati autē sinere loqui.)*

Quanto turpius, indoctam plebem improbam, sapientibus ac bonis illudere? Equidem fallere bonos haud decet, recordantibus nobis, quam odiosa sit etiam sine metu scelerum memoria; & quam brevis vita nostra, & hæc elementaris regio, Cæli comparatione, parua: cuius quod incolunt homines nullam habet prorsus quantitatem, sed instar superficiæ est; cuius etiam priuatæ conditionis est, qui partem notatu dignam possidet; sed vel tantillum. Casus quoque mortalium, & instabilem Fortunam, & factorum obliuionem animaduertere decet; quam minimi momenti sint hæc omnia nostra; quæ tamen, quæ circa nos sunt velut spectatores (beatam ipsi agentes vitam) videant; vt & pudere & vereri malefecta debeamus. Verū, quia multi improbi sunt, & licet *ἀλῶμεν ἑαυτοὺς ἐπὶ τῶν ἀλῶμεν*, (*vulpinari cum alia vulpe*) vt apud Virgilium:

*Olli; sensit enim simulata mente locutam;*

*Sic contra est ingressa Venus: Quis talia demens Abnuat?*

Non expectandum est, vt fallaris, aut ladaris; sed huiusmodi viros præuenire oportet; quos fallere non tam vtile est, quam est gloriosum: at si eodem expectes, vt par solum pari referas, sapius succumbas.

## CAPVT IV.

*Dubitationes quadam: & an Diuinitas utilis?*

**M**erito igitur dubitatum est, an liceat male agere? Consulto nequaquam. Sed tamen natura male agimus: inquit enim David: *Quia iustus nemo in conspectu tuo esse potest; si à nobis exiges rationem actionū nostrarum.* Adeo prona est mortalium natura ad malum, oppugnantibus nos sensibus, tum mundi illecebris, necessitatibus, incommodis, atque occasionibus. Vitanda præsertim odiosa Deo *ἀγνοῖα* (*ingrati- tudo*), sæuitia in innoxios ac miseros, rapinaque in pauperes, impietas, & ambitio nimia. Quod si in aliis errare oporteat, erremus minus quam possumus. Ad Deum legesque attendere debemus, & minimo periculo nostro rem peragere; atque ita ne frustremur; vt sit etiam in malo quædam recti species; & in vicio, virtutis imago. Similiter & à vi potius, quam dolo, abstinendum; veluti à dolo potius, quam persuasionem. Est enim persuasio, dolus amicus. Vis enim eripit ab inuito; sed iniuriam addit. Dolus difficiliter euitatur;



eritatur, sed vltioni locum relinquit. Et generaliter, quam ad eosdem referuntur, vis deterior est dolo. Dolus tamen erga amicos, vis in inimicos deterior habetur. Numquid autem veniat dolus quandoque excusandus, quum in vtilitatem vtriusque cedit, aut vnus voluptatem, alterius vtilitatem, velut in comœdiis, dubitatione dignum est. Et certe si finis bonus est, ne periculum sit, vt parentes ob dolorem prius periclitentur, seu quod stupidioris ingenij, seu quod multos habeant filios, aut quia intelligant esse in maleficio beneficij partem, vel quod iam mortui sint, excusari potest & dolus & vis. Quocirca etiam aliqui tentarunt iniuriam pecunia in huiusmodi sarcire. Verum satisfacere quouis modo omnino melius est, quam non satisfacere: nec damnatur quod bonum est, modo coniunctum non sit cum confidentia prioris sceleris, aut futuri. Persuasio etiam quum violenta fuerit, dolum apertum sapit; & tamen admittitur. Verum si non meliore illè conditione vsus erat, dolus non dici potest. Eme quanti poteris: vendere cuique licet minore pretio quam iusto. Multum refert cum quo liciteris. Fraus enim in imperitos, miseros, simplices, viduas, pueros, rusticos, numquam admittenda: sed nec cum filiis familias, & qui corio suo erroris poenas dominis luere coguntur, neque vltra dimidium iusti precij: nam infra & in cæteris. Quamquam persuasio doli pars sit, permiserunt leges, ne tot contractus irriti fierent; leuius malum ferendo, non probando. Quæ vero sit ratio bene agendi in flagitio: vt mitius, honestius, occultius admittatur, quam fieri potest: in ipso reluceant virtutis partes magnæ; & virtutibus admistum sit, vt oliua sali. Rarius committatur: nec loquaris de illo; damnare enim stulti; glorari pene impij, sane insolentis. Ornetur liberalitate, magnifico apparatu, disciplinarum liberalium exercitatione, prudentia, fortitudine, exemploque virtutis, gloriæ imagine, pietate, gratia: Medicos egregios imitatus, qui multa præclara pharmaca, paucis miscentes venenis, generosam efficiunt Antidotum, velut Theriacam: & qui aromatibus ac melle condiunt Aranciorum cortices, diu maceratos & coctos. Verum hæc tota ratio tribus absoluitur: vt adipiscaris, secure, atque gloriose. Quanto igitur magis legibus talia sunt obnoxia, eo occultius tractanda, ac rarius; quo turpiora, gratiosius; quo difficiliora, diligentius. Constat igitur, & male agendi quandam esse rectam rationem, quemadmodum dictum est. Dubitari etiam solet an præter hanc, ad prouidentiam, & rectam agibilibus rationem, sit aliud solertiæ genus; velut ex Astrologia, omnibus aut fortibus sumptum? Equidem diuina ego prætulerim semper; hoc enim demonstratum: deinde quod nostra sapientia & tenuis admodum sit; & ex illa pendeat; nec finis ipse humanæ negotiationis certus sit, sed, iuxta Satyricum,

*Euertere domos totas, optantibus ipsis,  
Dij superi.*

Scio quod optem, non quid vtile mihi sit: & si etiam vtile esset, nescio an consequi possim. Eadem ratione somniorum monita nostræ huic solertiæ, quum contigerint, præfe-

renda duco, quod iis nonnullis maxima contigere. Cæsar orbem occupauit; Galenus clarissimus medicorum factus est: Nos immortalitatem ex scriptis consecuti. Quæ humana prouidentia maiora sunt. Dicam autem quid mihi contigerit nuper; vt intelligas quam minimis Deus seruet aut perdat quem velit: (omnia enim sic se habere existimandum est; licet Deus non det, nisi ad exemplum, quibus vult, vt hæc intelligant.) Exciderat tertio ante die quam ex Mediolano discedere Bononiam versus decreuissem, altera cuspis seu clauus ligulæ laneæ thoracis: ea tamen, quod anterior esset, vsus sum, licet incommode, per totam eam ac sequentem diem: tertia, quum discedendū esset, quasi fatigatus hœtædio, socordiam meam reprehendens, & quod ligulas seruarem in arca, ex earum genere, quas Bononiam deferri putarem; quasi auaritia tam exiguae rei motus, ad arcam accedo; quæ non facile aperiebatur: eaque aperta, statim occurrunt septem libri Commentariorum in Hippocratis Aphorismos; duodecim Contradictentium medicorum; sex Theognosti: & in vniuersum præclara tota illa mentis supellex, propter quam Bononiam ire decreueram. Et si omissem tunc, quum nulla relinquerentur Papiam vsque memoriæ semina: nec post recuperandi, nisi ferme toto emenso itinere, facultas; palam est, perditum iri. Videtur ergo in his, quorum est aliqua certa diuinandi ratio, (etsi non plane diuina existimetur,) modo miraculi speciem præbeat, non ex artis imbecillitate error proficisci, sed potius ob imperitiam nostram. Quandoquidem quum actio ipsa, velut in sementibus, sole, & terræ auxilio, ac cultu ipso prodeat, obseruationem (putarim) nec impedire cursum rei, nec esse eiusdem rei: nec sine illa persæpe absolui posse quod quærimus; seu naturalis sit, seu ex medioximis auxiliantibus proficiscatur. At fidere fortibus & vanis coniecturis, leuibusque omnibus, tam stultum esse reor, quam iuari ab huiusmodi (scio enim qui Virgilianis fortibus assidue addicti, ad summos euenti sunt honores) eorum esse, qui quasi ludentem Fortunam in gremio habent. Atque de diuinis fortibus alibi dictum est: de Somniis etiam integro vno volumine: quid vero mihi euenerit ex obseruatione euidentis miraculi, in Paralipomenis, (lib. 7.) Laudo etiam, vt diuinam supplicationem efficacem ac perbreuem, ad numerum compositam, quæ te dirigat, feras. Nam vel fide continentiam & animi lucem augebit.

## CAPVT V.

*Fortunam in humanis rebus plurimum posse.*

**V**Num hoc fat est, Fortunam plurimum posse, seu aliquid diuinus. Sed poterat forsitan hoc totum prætermitti: Verum veritatem studemus, & illud commodi accedit, vt integre rem assequamur. Constat enim, etsi gnauius rem geramus, nulla industria effici posse, vt feliciter res cedant: imo vt existimationem retineamus. Sed sufficit tunc exitium



exitium fugere, ac vitare extremas calamitates: in quas exarmati virtute, impelluntur; fortes & prudentes tandem peruincunt (etsi ægre) & elabuntur: soli beati, euadunt: qui cum Fortunæ beneficio, & fauentis Genij successu, virtute atque industria exornant quicquid quasi rude Dij obtulerint, aut fabricauerint. Equidem quum in Fortuna maior sit vis, non tamen adeo prestat in suis blandimentis; neque potest quæ præstiterit exornare. Illud verò cauendum in aduersa Fortuna: *Tu nece- de malis: sed contra audentior ivo.* Ne rem perperam interpreteris: nam bifariam peccari solet: vel in virtutis certamine; vt in bello, aut scientia, aut integritate cedendo: aut in ciuilibus contentionibus, vel contra Principum odia certando. Sed imitare optimos naucleros, qui in magnis procellis, anchoras mittunt; aut etiam contra quam ferebantur, ferri se patiuntur, temporique cedunt. Illud aduertendum, quod quasi diuinitus accidit animis torpor quidam, ac quasi desperatio omnium, exitio proxima, vel signo, vel causæ: Et si non occurras, certe si occurras etiam, magno periculo. Est autem cacodæmonis quasi indicium, virgentis, quum ante calamitatem alacer est homo, & quasi incautum opprimere volentis, post calamitatem decidente animo, ne se recolligat. Quandoque tamen, (quum his omnibus præfinitum tempus est,) vnicum præsidium est in Deo confidere, & virtute pugnare, nec se deferere; non solum ob spem quod finem habitura sint hæc mala; sed quod nemo nolentem infelicem facere potest; nec quisquam felicem. Idem vtraque animi dispositio, velut & Fortunæ, debet esse suspecta.

\*\*\*

## CAPVT VI.

*Hominis natura, ac mores: & de causis  
nostrarum ciuiliū calamitatum.*

**C**ognoscere autem antea oportet humanæ naturæ conditionem: atque id præcipuè. Sufficit autem Dei Prouidentia atque benignitas, vt intelligamus, vel singulis hominibus, vel vniuersis vtilius nihil esse. Nam secus, numquam potui intelligere, cur melius fuerit nobis nasci, quum cæteris animalibus hominum genus graue sit, & sibi ipsi maiorum calamitatum etiam causa. Sed non est hic locus ea potius consideranda, quæ ad institutionem nostram pertinent: quale id primum, quod cuiuscunque hominis corpus, quantumcumque formosum sit, & per ætatem vel sexum commendatum, totum odiosum est. Sub cute enim fœdum & inuisum & quilibet sarcinam magnam stercoris atque vermium secum defert. Vt si quis recte consideret, ne mulierem quidem vllam corpori suo propinquam habere sustineat, nedum vt amare possit. Quum vero ad animos respicimus, cogita tanto magis paruum esse vnumquemque, quanto magis sapit; vt bonum sperare non possis, nisi qui vitio naturæ; vel ætatis, aut sexus, aut alia quauis causa stupidior sit. Quum verò dicunt, hos homines illis esse meliores, ne credideris. Ex æquo enim omnes sunt pessimi: verum alij alio modo. Etenim

Tom. I

differunt homines inter se, præcipuè ætate, atque id maximum discrimen est; inde educatione; post gentium natura; demum familiaris, ac sexus. Vicia vero maxima sunt, seuitia, auaritia, atque ambitio. Atque in his erga alienos, pares ferme sunt: nisi quod qui culti magis sunt, nec nomen Barbarorum habent, hæc omnia modestius agunt, blandioribusque verbis vtuntur; minoribusque causis ab incepto desistunt; non quia meliores sunt, sed quoniam magis timent, & arctioribus legibus continentur, & verecundiæ capaciores sunt. In suos autem discrimen non leue est: nec id negauerim. quandoquidem Afri, fratres & filios vendant; Anthropophagi vero & comedant. Ergo beneficium ac fides, quæ duo sunt bona in humano genere, his fundamentis innituntur, amor, gloriæ, cupiditati, vtilitati, simplicitati, metui, & sapientiæ. Amori quidem, vt in cognatis, & his cum quibus voluptatem Veneris, aut conuiuiorum, aut alex, vel venationis capimus. Gloriæ vero cupiditate, Reges boni videntur: atque eo magis, quod illa minima eis videntur, quæ nobis magna apparent. Simplicitate, pueri, mulieres, vulgique maior pars. Metu vero fidem seruamus: potentioribus, vel ob leges. Vtilitati quæ fides est inter mercatores. Nisi enim hoc vinculum custodiretur communi quodam consensu, omnium res periret, Demiror autem, quod, quum amicitia tam vtile esset bonum mortalibus, & multo melius, quam mercatorum consuetudo, & res nullius sumptus, tam pauci tamen eam excoluerint: vt à Menedemi & Asclepiadis ætate, tot iam sæculis interceptis, innumerarumque gentium multitudine, nullum exemplum inueniatur integræ amicitiae. Sed nec illud Menedemi & Asclepiadis, suspitione assidui stupri caruit: quod si adfuit, nolim eiusmodi amicitia gaudere. Nam quæ de quibusdam refert Valerius Maximus Romanis amicis, non tam amicitiae, quam cuiusdam iracundiæ exempla docet, quum alter alteri, vnico illo actu superesse nollet: quod etiam mulieribus multis commune est. At verò aliud est, cum alio perpetuo multis annis sine querela viuere; sic, vt quod vnus velit nolitve, alter item velit nolitque; perpetuaque fides vigeat inter illos. Multi enim ex his, qui eo impetu morti se dederunt, querelas, morositatem, fastidiæque longæ conuersationis ferre nequirent. At forsan dices, Nōne frater, aut filius, amici officio fungitur, atque id frequens est? Fateor: atque id aliud est, si cui beate contigerit. Sed nec tantam auctoritatem habet, nec adeo solida est amicitia; vt quæ ex dissimilibus firmiter non coaluerit. Sed si alter in alterius morte mori velit, desperatione æternitatis, aut impotentia amoris accidit. At tantum abest, vt hæc impatientia amicitiae indicium sit; vt qui impatienter amant, amici esse non possint. For- san amicitiae exemplo propiores fuere Diocletianus & Maximianus: de quibus, quum Principes fuerint, non habeo quod dicam. Vnum mihi videtur, vix fieri posse, vt amicitia sit inter alios, quam inter sapientes, quos Philosophos dicimus. Hi enim, cognita mortalium rerum vtilitate, tum vero omnium

H h

instabilitate



instabilitate, ac breuitate æui; intelligentesque quam Deo proprium sit, bene agere omniumque diuinorum in vnum consensum; facile amicitiam integre colere possunt. At sunt qui Cratem ac Polemonem Athenienses, velut par alterum, subiungere audeant. Et hæc de generali hominum statu. Specialiter autem homo, qui Ciuilibus negotiis operam dare vult, consideret humanæ vitæ breuitatem, instabilitatem hominum: Quantaque interponat Fortuna inter initia atque fines negotiorum: Quemque sui boni causa facere: Non omnium mentes adeo esse perspicaces, ut quæ tu vides, videant; contra, plures videre, quæ tu non videas: Illorum consilia, & eorum quibus credunt: Perturbationes quoque, & impetus, & quæ placent mane tibi, non placitura forsitan vesperi, aut minus: Quodque, dum viuere cupis vel melius, vel gloriosius, ipsum iam quod viuis, amittas: Infidiis plena, quæ offeruntur, bona; quæ quaruntur, impedimentis, difficultatibus, & laboribus: Similitudinem vitæ carere incunditate: noua esse incerta, & periculosa: Magna difficulter haberi; parua non satisfacere: Vtrum mala sint discessura, incertum nobis esse, donec opprimant nos: Sine malorum experientia, nihi esse dulce homini: Gloriam tempus eripere; seruos nos reddere: abiectum viuere, & in contemptu, nec tutum, nec suaue: Hominum blanditias esse suspectas: Iram timoris plenam: Ab incognitis nihil esse commodi: Amicitias potentiorum graues esse, pauperum damnosas: Fidem cuiusque fragilem, aut suspectam: quam si tu serues, in periculo verferis, ne decipiaris; si frangas, infamiae & legibus obnoxius es; si testes requiras, ne irascantur, periculum subis: Denique, quod maximum est, plures esse, quorum votum ac voluptas non alia sint, quam etiam precario lædendi & malefaciendi; in quos incidere, maximum certe est infortunium: Ut tandem intelligas, nihil haberi posse, nisi mera vi. Est enim vis, quum dolo, aut potentia, aut spe illi proposita, aut nimio affectu, aut nimia eius verecundia, aliquid extorques. Omnia tamquam in tabula depicta, quouis momento præsentia habere te oportet, si velis huius libri fructum vberem capere. Existimo autem hoc factum: ut esset vita beata, solius sapientiæ præmium; & ut sic ad cultum sapientiæ homines incitarentur: ex quo ad Dei cognitionem & venerationem peruenirent: ut tota perfectio humana tandem in vnum & idem redigeretur. Causa autem cur homines adeo blandiri sint assueti, non est quod sic prudentes decipere posse sperent; (nota enim est techna:) sed quoniam adolescentes, pueri, mulieres non principales, homines rudes, ut rustici, atque operarij, & qui natura simplices sunt, tum qui beneficijs eos affecerint, hoc dolo decipiuntur: inde ex consuetudine etiam viros prudentes aggrediuntur; quos tibi & suspectos, ob id, & inimicos faciunt. Haud enim obscurum est, huiusmodi pessimum genus hominum esse, quod miseros quoque affligit; ubi suam exercens nequitiam, ubi misericordia & benignitare opus esset. Quapropter & in hoc postmo-

dum falluntur, quum eisdem blanditijs vtuntur erga prudentes; vnde non aliud quam odium promerentur. Difficile autem est, mutare pro occasione mores. Mercatores autem, & opifices, præcipue qui ad diuitias & existimationem cursu quodam continuo blandientis Fortunæ perueniunt, tum etiam plerique nobiles, temporarij seruiunt. Quocirca & hanc esse viam ad ea perueniendi, existimandum est. Et huiusmodi homines omnes absque affectu erga te vllò esse credas; Itaque & tu erga illos talis eris. Quos tamen si læseris, quam grauius iniuriam exceperint, intelliges: Sunt enim inexorabiles, nisi commodi proprij causa: atqui secus violenti sunt. Ex his pauci ad felicem statum perueniunt. Sunt autem omnes ad opprimendum alios, quam ad euehendum (ut recte inquit Dion) paratiores: nisi quam mutuam sibi præstent operam. Nam secus, ira, odio, æmulatione ad perdendum mouentur: qui affectus magis vrgent, quam amicitia, quæ solemus promouere. Sed & facilius est euertere, quam euehere: eoque potius inclinamur. Ducimur & ad hoc consuetudine; & quod nobis atque alijs omnibus ferme profuimus, quum quempiam euertimus; aut ne euehatur, obstat. Quod nisi obstitaret infamia, & metus eadem patiendi, vix cuiquam pateret via ad honores: ob id etiam occultè in his aduersari consueuerunt: neque periclitantibus iam; cui bono enim? Ob hæc etiam, iuxta perturbationes plus vel minus controuersantur: Nobiles de honoribus, ob ambitionem & iram; pauperes ob rem: sunt enim magis auari; leues, perfidi, latrones, & milites sæui: Libido omnibus communis est. Verum potentiores; qui de Deo bene senserint, longe meliores sunt plebeijs, ob naturæ substantiam. Sed tamen plerique, maxime qui administrationibus præsumunt, mentem opinantur esse superstructionem principis atque animæ per ea intelligenti; ut, quæ sequuntur, quasi in alimentum transeant: Et ut homo per calorem concoquit, ita animo per insita principia vnum sit cum ipsis intellectis; quæ (ut dixi) nutrimentum sunt animæ substantiæ: adeo parum differunt ab anima humana, quæ tenuissima est. Generaliter autem ciuiles homines metam iusti & honesti, leges statuunt: ut quicquid per eam licet, honestum esse contendunt, etiam si sit horribile, & infandum: Velut filium coram parente utroque innocente, sed iudicio damnatum, occidere: Seruum crudeliter mori sinere: Permittere iniuriam inferri ei, quem occulte oderis: atque huiusmodi. Sed & circa leges peccant: dum quæ secrete peragunt contra illos (quia probari nequeunt) testibus secundum leges peracta volunt. Ut illud, secundum leges fieri, interpretentur, quod iudicio legum damnari non potest; non quod contra legem non sit. Ita executionem legis pro lege ducunt. Contra, aliquid melius aliqui peragunt, ut honoris causam tueantur: hique præstantiores habentur: & rursus qui ex fide cum suis factionis agunt; quamquam id etiam latronibus commune sit. Hæc sunt illa duo, in quibus supra legem homines habentur meliores: illud vnum, quod frequentius euenit utroque



utroque horum, & in quo magis peccant, quam ex aliis duobus laudem mereantur, in quo sunt deteriores. Atque hæc communis opinio est eorum qui boni habentur: & nunc apud omnes gentes, & olim, usque à tempore Socratis (qui eius autor fuit) in hanc diem propagata. Cogita modo, quales sint & esse debeant hi, quos malos solemus appellare! Vnde ad hæc intentus, & oculos semper habens, cum hominibus versaberis, negociaque exercebis. Causæ autem omnium malorum nostrorum, atque difficultatum, sunt tres præcipue: sinistra opinio de animæ immortalitate: leges prauæ, atque consuetudines: & præsentium securitas, tamquam neque mors, neque aliud quicquam malum futurum sit. Vnde homines pro præsentibus commodis ita pugnant, ac si perpetuo victuri essent: Ob idque bonis & egregiis viris & moderatis successit negotium, summis viribus decertantes. Qui si cogitarent quam prope sit mors, plurimi (si non omnes) mitius agerent: cæteris vero commodior conditio viuendi relinqueretur. Et leges quidem emendare liceret: Obliuio autem conditionis nostræ, cum affectu vehementi præsentium, non nisi aurea ætate cessare aut desinere potest: Expectatio quoque eorum quæ post mortem consequuntur, solum ab his intelligitur, quibus Deus id apertum esse vult: qui optimi vel eo indicio censeari possunt. Maximum autem, & quod cunctis bonis opponitur (dico pietati, religioni, iustitiæ, amicitie, decori, studiis, sapientum præceptis, virtutique omni, atque humanitati, & propter quod tot præcepta huius libri frustra conscripta videntur, licet falso) est hemistichion illud Satyrici.

*Quid enim saluis infamia nummis?*

Ob id, quum aliquando periclitemur in eligendo, spectare oportet præcipue generis nobilitatem, ordinem & actiones illius: quæ si non conueniant, melius est tuto agere, quam verecunde.

## CAPVT VII.

*Qui finem querunt quem habere non possunt.*

V Erum nec præsentis libri instituta omnibus vtilia erunt: oportet enim ob difficultatem iudicio præditos esse: aliis non. Nā his qui adeo stupidi sunt, ut querant quod prorsus illis denegatum est, quid conferent? & quamuis excusent se quæsisse negotiationem, non rem, excitationis solum causa, nil dicis. Neque enim quæsisisti quod habere non posses, sed quod facile. Huiusmodi conuenit, quum per se negotiatio ipsa iucunda est, aut gloriosa, vel vtilis, qualis est litigantium, & Romæ olim qui accusabant & defendebant: aut si per illam ad maiora promoueris. Hæc omnia certe licent: modo in negotiatione ipsa non turpe sit excidisse. Sed tunc non quæsisisti quod habere non possis, ut dixi; sed quod facile adeptus es.

Tom. I.

## CAPVT VIII.

*Qui finem querunt, quem habere nolunt.*

S Ed neque his qui frui nolent, nescio qua ratione ducti, querunt: credo hoc argumento decepti, quoniam eo quod obtinent fruituri sint, si non habeant quod velint. Hos sic refelles: Si enim obtinueris, habes quod habere nolis: tum maxime, quum quod obtinere vis, cum eo quod iam habes, esse non potest, ut si profitearis Papiæ, & Bononiam eas: Si non obtinueris, victum te credent homines, nec non voluisse, quod tam aperte sequi visus es. Equidem hoc malum consilium est, in quorum altero turpitudine, in altero miseria est. Solum his licet, quibus nec magnum est dedecus vinci, etsi gloriosa res sit, nec magna calamitas, ubi obtinueris: sed rerum euentum Fortunæ libenter permittant, quoniam incerti sint præsentis status, tum vero futurorum commodorum: aut si hæc agendo ab incommodis præsentibus non paucis se liberent tum etiam, quum diuersa ratione (atque hæc præcipua causa) aliis atque aliis consulitur: velut si in patria manendo, tranquillitati & studiis vacas, extra patriam migrando, opibus, honoribus, & filiis; tum vero & quadam commoda expectas; quæ quanta sint, nisi expertus, scire posse non speras: præcipue autem, quum ad priorem conditionem tuto reuerti licet: demum, si in ipsa mutatione sit iucunditas.

## CAPVT IX.

*Qui rem noxiam, aut omnino turpem, querunt.*

S Imiliter si noxiam rem, & turpem, & cum periculo quæras, velut alienam uxorem. Victoria enim hæc atque industria nulli vsum esse dici potest. Quinimo si iam processisti, iam magna es in spe, abrumpe quæ egeris: Melius est partem periclitari, quam totum. Infausta est illa sapientia, quæ te ad exitium ducit. Quomodo vtilia tibi dicere potes esse præcepta, per quæ periclitaris? Imaginare mala, quæ sequantur, non ut nunc, quum optas, sed quum potitus fueris, ac inutili voto satiatus; & iam execraberis, quod nunc adeo probas. Tales sunt uxores inconsulto ductæ; atque omnes prouinciæ negotiaque supra vires nostras susceptæ; & quanto diuturniores. In quod genere etiam sunt amoris immodici rerum vetitarum, inconstantium, vilium, turpium; damnosi, atque labore pleni, iacturaque. Noli cogitare, quantum ames, sed quantum ameris. Vbi tua te deseruerint; irideberis, odiumque declarabunt. Ob id meliore es in conditione quod malum tuum non intelligis. Quod etsi amaueris, vide quid ames. Sarcina stercoris est puella formosa, puerque: abducito cuticulam, plane sepulchrum est, & foedius etiam olet, & horribilius est. Cogita quot foedis viris ac sordidis se submiserit; quæ & qualia passa sit, osculando, & illuuiem corruptam recipiendo. Si te solum amat, quod

Hh 2

vix



vix fieri potest, si præcipue te, quod raro euenit. Sit puer, si castus, non plus aliis omnibus pateris, si non possideas: si prostitutus, quis sanæ mentis ad hoc facinus impelli poterit, quantumuis ille sit Musicus, iucundus, scitulus; At quot millia hominum non potiuntur! nemone beatus ob hoc non est? Quam brevis, quam caduca, quam fragilis conditio eius formæ, atque gratiæ! quæ tamen tota fucata est, & inconstanti ingenio, ob ætatem, sita. Tu illum amas perditæ: at ille quiduis aliud potius cogitat. Vnde & apud Virgilium:

*Te Corsdon, ô Alcei?*

Dixerat enim ante de studiis puerilibus, venatione, capreolis, aubus, quibus denique omnes cupiditates expleantur. In vniuersum plus quam oportuit, dictum est, si mens medelam aliquam recipere potest. Nam manifestum est, breui omnes tales euadere, vt, quod agere cupis, si quis agere te cogat, pro supplicio sit. Tum vero utilis hic liber erit, quum non exitiale malum est in vitio, vel clauus clauum pellit, &c. vt deferere[amicum] est perniciosissimum. At si res odiosa, non mala; amplecti occasionem decet, non querere: vt si latroni cor viuenti (prætoris iussu) eximatur, rogabimus ante, vt eo exempto significet, an cognoscat: nam si rite operatio ea perficiatur, aliquamdiu superuiuet, etiam vocis compos: similiter an capite præciso aliquid videat (vel sentiat.) Hæ enim Indorum sunt contemplationes admirandæ; in quibus occasione vtemur, ad definiendum quæstionem, de membrorum principatu, & animi immortalitate: non tamen curabimus odiosum factum. Et in vniuersum terminus rei, tum modus, est honestum & tutum. Quidam enim adeo desipiunt, vt sapientes seipsum existiment, quod (pietate & pudore posthabito) fallant suos, & benemerentes, aut etiam interposita fide: adeo vt, tamquam de pulchro facto, etiam glorientur: quos aspernari decet, nam si sic, finis nullus huic disciplinæ impositus esset, sed eo ventum foret, vt quisque hoc sapientior haberetur, quo deterior & impudentior. At humana res non his constat; sed vt probari posset, & utilis esse: utilis aut honesta esse non potest, quum limites conuersationis excesserit.

#### CAPVT X.

*Qui aliena à professione quarunt.*

**Q**uibuscumque etiam aliena à professione sua quærentibus, quum ea nobilis fuerit, non est vsui hic liber: quippe qui & gloriam artis evertant, & tempus (rerum omnium pretiosissimum) suffurentur, & minus fiant ad artis opera diligentes.

#### CAPVT XI.

*Qui ea quarunt quæ retinere non possunt.*

**Q**ui vero ea quærent quæ retinere non possunt, his non iuuantur præceptis. Stultum enim est tot præceptis querere, vt & in quærendo perdas operam, tempus, pecunias

& postquam fueris adeptus, cogaris relinquere, cum maxime, quod id raro accedit, vt sine dolore, iactura, dedecoreque finire possit. At quam multi in huiusmodi decipiuntur? quoniam paucissimi recte (quod sapiens ille præcipiebat) finem negotiorum inspiciant. Quædam enim sunt in mortalibus, quæ facilius comparantur, quam retineantur: ea sunt, quæ natura nobilia sunt, & cum pluribus coniuncta, vt amicitia, tum Principum maxime, & consuetudo cum exteris. At contra, quædam, etsi difficulter parentur, semper nostra sunt: quibus primum est Virtus ipsa, deinde Opes. Vnde sapientes his maxime duobus incubere. Quædam varie se habent, vt filij.

#### CAPVT XII.

*De ineptis hominibus, & actionibus.*

**I**nepti impatientes, inefficaces, pertinaces. Impatientes fiunt, vel quia calidi nimis natura sunt, vel quia ferre moram nequeunt, aut quoniam iudicio carent. Inepta actio est, non posse carere his quæ nescis. Aspice quid detrimenti afferat, non canere, quum ineptè id agas, si omnino abstineas, quam liber sis: non possis risus, contemptus, odium, tædium aliorum, iacturam pecuniæ. Inefficaces, minus periculosi. Infeliciores, tum deteriores sunt, qui verbosi sunt. Similiter ex impatientibus pertinacium mala conditio, qui nolunt doceri: & quum vita humana tota plena sit diueticulis, & obliquis callibus, dum in eodem proposito perseuerantes progrediuntur, necesse est vt impingant & collidantur. Nam de stultis quid est, vt dicam, quod inepti sint, quandoquidem nulli rei apti sint? In vniuersum, præceptis his non iuuantur vel generi inepti, stupidi, stulti, segnes, rudes rerum, & inexperti; vel vitiis immodicis laborantes, aleatores, scortatores, auari, tardi, gulones, ebrij, persuasibiles, pueriles: vel etiam laudabilibus nimis incumbentes; vt studiosi, iusti, fideles, misericordes, honesti, pij, contemplantes. Velut ergo, quamuis deprehendissem subtili via domesticum furem, dum per amorem & misericordiam differo missionem, ducentos coronatos ille clauibus adulterinis eisdem mihi sustulit, & aufugit. Sic impediuntur nimis timidi. Et iracundis etiam in irritum res cedit: Loquacibus occasio subtrahitur. Vt præstent impigri & experti, sine tot præceptis, & etiam secus, multis vitiis laborantes, si solertes sint.

#### CAPVT XIII.

*Necessarium esse, vt sciamus finem, quem volumus.*

**M**anifestum igitur, quod ei qui optime viuere velit, & minore cum incommodo, primum scire sit necessarium quid velit: atque id tam generaliter in toto cursu vitæ, quam specialiter pro singulis occasionibus. Et, si id promptum esset deliberare, plurimum prodesset. Attamen, ex his quæ dicta sunt de multiplici fine malo, & ex coniectura eorum



eorum quæ sequuntur, tum longo usu atque experientia, (vnde sapientes solent existimari senes, etiam in ceterorum animalium generibus) persæpe collimamus.

## CAPVT XIV.

*De duplici fine in hac vita.*

**H**Atenus de his quæ in nobis, dictum sit: quæ quamquam etiam exterius diffundantur; ea tamen non nisi generaliter attingimus. Alia est comitas, alique mores; quos habere decet vnumquemque, alij quibus uti oportet. Sed quorsum? nisi hunc ipsum (finem,) quod est in humanis atque extra nos summum bonum, cognouerimus. Nempe finem duplicem in nobis constituere oportet alterum (de quo in Theonosto,) qui est secundum virtutem; quique vere optimus est, & totus in potestate nostra: eo magis recordantibus nobis (quod & in Paralipomenis, lib. 6. sect. 2. dictum,) vitæ nostræ cursum feruenti in lebeæ aquæ assimilari: quæ quantumuis intumescat, ubi magis processerit, semper minor fit, & siccatur. Quamobrem optima vita esset, sibi ipsi viuere, conscientiæ, virtuti, ac sapientiæ, beate ac feliciter. Atque id est ad summum sapientiæ ac bonitatis peruenire, ut Genios imitemur, nullis indigendo; & quibus delectamur, abundare. Vulgari autem ratione magis dictum sit: Finis noster quadruplex est: Dei cultus, prolis procreatio, (aut fraternæ educatio,) atque inuenire aliquid, quod mandatum literis humano generi utile sit: vltimum est, aliquem alumnū relinquere, qui excellentis alicuius peritiæ sit. Qui nihil horum fecerit, siquidem virtute caruerit, tamquam cespes dici natus est: sin autem insigni virtute præditus, sicut flos, qui manet oritur, vesperti euanesceat. Porro cultor Dei eximius, ut suæ pietatis exempla relinquat, necesse est. Illud sane grauissimum in hac vita est, ut vel perturbationibus animi torquearis à te ipso; vel si cares eis, ab aliis: nam quietos, inquieti maxime agrediuntur.

## CAPVT XV.

*De summo bono in ciuili vita.*

**A**Lterum est multitudini iucundius, ciuili vita viuere, & beatum esse: cuius (ut dixi) finis est multitudo potentium amicorum, & cum illis arcta coniunctio. Quod &, si ad hæc accedat veneratio quædam in illum, & ut arbitrentur sine eo non bene esse posse, tunc ad fastigium felicitatis & fastus humani is homo peruenit. Magna vero pars huius in sanguinis cognatione, & maxime in affinitatibus, reposita est. Est enim regnum humanum hoc animalium dominatione pulchrius, diuino simile quodamtenus, verum longe vilius & infirmius. At optimum bonum in regno, regnare. Regnare igitur apud homines summum etiam bonum erit. At regnare hoc ipsum, est omnibus aliis posse im-

Tem. I.

perare, atque ab illis colitid fieri non potest, nisi cum illis vinculo quodam coniuncti simus, nosque reuereantur. Ut vero hoc fiat, necesse est ut vel vnius causa vel plurium id agant. Metu quidem vnius tot contineri non possunt, tum maxime quod sui sunt reges gentibus; nec nos reges instituimus; non enim illi hoc libro indigent; plurimæque Ciuitates sine regibus sunt, nec si omnes quorundam metu id agant, poterunt & illi vnius metu agere. Reliquum est igitur, ut summum bonum constet in amicitia (ut diximus) multorum, atque potentiorum, arctæque, & cum veneratione coniuncta. Huiusmodi enim regnum in amicitia, & metu, ac honoris exhibitione constabit. Quocirca necesse est, ut, ubi non vnus est rex, ibi plurimos esse reges; imo (ut ingenuè fateamur) tyrannos. Quanto quisque ergo ab hoc summo bono humano remotior est, eo infelicior atque abiectior, & contemtior. Quicunque vero sine his, atque excellenti virtute, tum sumptu vilo, hoc bonum adepti sunt; hos admirari decet, tamquam homines, qui hac in parte multum profecerunt. Videntur ergo ad hanc felicitatis viam quatuor modi procedendi esse: opes, virtus digna, sanguinis coniunctiones, & ipsa ars; quæ omnibus præstat; quum reliqua, huius præsidio destituta, iacent. At vero non in hoc summum in humanis bonum, sed ad illud (ut dixi) via, hoc enim ipso etiam in inuitos potentia comparatur; & opes, atque earum usus, & quæcunque in arbitrio hominum relicta sunt. Studere igitur huic oportet. Verum de opibus, virtute, sanguinis coniunctione, quoniam non leue negotium est, parare, & parta habere oportet, atque de ea virtute, qua hominum animi conciliantur, multiplex & longa erit disputatio; quoniam, quum nullo auxilio indigeat, ad hanc pertinet tractationem; reliquum est, ut de arte differamus. Præsumunt homines hominibus hereditatio iure, ut Principes, legibus tam diuinis quam humanis, religione, vi, seu bellica arte, & necessitate, ut medici. Quum igitur regnum in nostra potestate non sit, imperium medici non sit in integros viros, sed languentes solum: in vna è tibus præstare oportet, militari, religione, vel iuris prudentia. Sed militaris sola, reges è priuatis facit. Videntur autem plures satis commode (ut sæpius apud Afros) bellicam artem religioni coniunxisse. Nam bellica ars sola actu imperium tenet: quare sine illa nemo dominari potest. At iuris prudentia non commouet populos, neque redditus subministrat, neque ea parte, quæ communis est illi cum religione, autoritate par ei est, sed longe inferior: quare necessario Fortuna in horum duorum coniunctione reposita est: cuius facti infinita sunt exempla, etiam apud nostros. Porro quidam vtuntur, quidam abutuntur, seditione introducta: quorum omnium finis plerumque malus est, seu Deo inuisa origine, seu causis ad hoc non obscuris. At militaris fortitudo ut mundior est, & præclarior, ita etiam honestiores plerumque exitus habet, & finem stabiliorem; maxime si à tyrannica sæuitia non fœdetur. Nostra tamen tempestate, propter tormenta, & machinas igneas, quanto

Hh 3

plus



plus in Fortuna, tanto minus in virtute repositum est. Tamen si autem hæc sit summa felicitatis humanæ memineris tamen sine prima nihil esse: ea enim etsi non perfecta sit; sine illa tamen nec perfecta, nec esse omnino potest. In vniuersum porro, summum bonum in hac vita ex tribus præcipuis originem ducit, inuentis nouis, secretis, atque cautionum præceptis. Noua enim inuenta, contemplationis fructus sunt præcipue; secreta, operantium, cautiones, agentium. Vniuersa autem vita hominum in hæc tria distribuitur, ut plerique omnibus, sed diuerso tempore, participant. Quumque in nobis omnia ex animo in corpus & fortunam proficiscantur, manifestum est quod ex his perfecta felicitas nobis aduenit. Aut igitur nullum in humanis bonum, (quod multi existimant, ob tantasturbationes, vitæ breuitatem, inanitem ipsorum bonorum, ac constantiam, ut securitas omnis explodatur) aut ab his tribus pendet. Et quamquam in plerisque aliis aliud sit hoc esse ab hoc esse, ab his tamen est felicitas, atque in his felicitatis est perfectio. Est vero & aliud potentia ciuilis genus quasi nothum, quod nullis penitus innititur bonis, sed conuiuuiis, alea, blanditiis, pompis, denique omni luxuria atque libidine refertum est; [ideoque indignum] bono viro; atque etiam periculosum, & solitudine ac anxietate plenum. Fundamentum habere solet à magistratu; namque cum eo facilius est potentiam comparare: sed & sine illo visi sunt aliqui obtinuisse rempublicam. Constat maxime tribus præceptis: annonæ abundantia, & ludis, propter plebem, luxu & alea, ob potentiores, sed iuuenes, calliditate, consilioque, tum audacia, ob eos qui rempublicam administrant. Adeo vero hoc serpit malum, ut in quibusdam Italia ciuitatibus etiam per adulteria vxorum, coniugum (præsertim seniorum) vota adipiscantur: quum potius in contrarium res cedere deberet; & sola suspicio iniuriæ irritate animos illorum. Id accidit; quod lasciuæ vxores magis demulcent virorum animos, ut in nullius magis sint, quam adulteri potestate. Propterea amicitiam mulierum obtinere, est in plerisque ciuitatibus, dimidium earum possidere. Dicemus autem plura de huiusmodi præceptis suo loco. (sectione 47.)

## CAPVT XVI.

*Animum esse virtute instruendum.*

**A** Nimum igitur primum instruemus virtute summa, & ex virtutibus quam maxime necessariis: patientia, consilio, quod est prudentia patiens, & efficacia. Nulli infeliciores sunt in humanis, impatientibus, quod passim, velut indumentis sentes, quæ animum vellicent, sese offerant: quæ si persequi studeas, non aliter quam laquei sturnos, ad exitum te perducant: multi, alioqui inclyti, dum nimis studiosi sunt horum, perdidere seipsos. Ob id tam laudata moderatio: quæ patientiæ species est, à iudicio profecta. Aliqui tamen (eodum corrupti sunt hominum mores) etiam impatientes, fortunati sunt, quod plus præsidij in efficacia & solertia, quam iacturæ in

impatientia esset. Videtur enim naturâ quomodo efficacia patientiæ esse contraria. Tales, dum iuuenes sunt, superatis periculis, felices sunt; in senectute, quum vitium maneat, languescat virtus, non ita. At si solertia aberrauerit, in grandes decidunt calamitates. Verum nec hi omnino patientia caruere: sed quod vni plus concedunt domino, ab aliorum conuersatione eripiunt. Tyrannicos habent plerumque spiritus huiusmodi viri: nam quod carius vendiderunt, ab aliis precario exigunt. Quamobrem fugere illorum conuersationem maxime oportet. Humanitas quoque & ciuilitas necessaria sunt valde: altera, ut conditionis nostræ meminerimus, reliqua, ut pro dignitate viuamus. Virtutes (hæ) sunt, quamuis animum indignum illorum intelligas: nam boni per se (&c. virtutis) causa exercentur. Neceffe etiam est, fortem esse: nam timidus multis occasionibus (nullo suo commodo) priuatur: Tum vero etiam audaciam in his quæ digna sunt, præferre decet: Si quid occurrat, prudenter obuiam ito: Si obsistere non potes, nihil (mali) cogitato: his duobus fretus; quod optimum est cuique quod Dei voluntate euenit; (omnia autem sic eueniunt;) & quod breui etiam omnia in idem redeunt. In reliquis, si licet, virtute viuendum est, velut liberaliter, magnifice: fin minus, ostentare: quod si nec hoc, saltem cauere, ne laborare deprehendaris in his vitiis, quæ conuersationem grauem efficiunt. Non parum etiam facit ad mores non solum ratio ipsa, & consuetudo, ac sodales, sed etiam libri quos legeris, quid enim familiarius, qui diu noctuque tecum sint? Ob id impia quæque ablegabis, etiam fabulosa, ut Apollonij vitam; & improba, ut Machiaueli meditationes, & infusa quæque, velut pleraque scripta nunc Italica lingua. Omnes enim ineptias suas in publicum magno malo produnt; eo sibi sapientiores se existimantes, quo sunt imperitiores.

## CAPVT XVII.

*De Temporis compendio.*

**Q** Uum verò omnium actionum vita causa sit; vita autem tempore constet: maximum ad præclara negotia peragenda adiumentum, tempus est. Iuuat igitur temporis habere rationem: quæ constat vitæ longitudine; & ut quod superest, utilibus tantum præclarisque negociis, aut necessariis impendatur. Porro de vitæ longitudine suis locis actum est; munusque præterea Dei videtur. At tempus colligere, magis nostrum est: non tamen ita, ut prorsus nostrum dici possit: nam esse neque id, neque aliud quicquam vel cuiquam alij potest. Colligitur ergo tempus triplici ratione (atque in hoc demiror Senecam, quum pulcre de hoc argumento luculenterque scripserit, in tanta copia ieiunium fuisse:) ut primum nihil temporis à studiis vel cogitatione vacuum transigatur: secundum, ut quicquid per alios fieri possit quauis pecunia etiam id facias: tertium, ut in singulis industria, inuentisque, tum auxiliis, quod facere institui, id possis quam celerrime absolueres.

Ergo



Ergo & edendo, & aluum exonerando, & antequam dormias, & quum expergisceris, & dum lauaris, dum fricaris, dum spaciaris, dum iocaris, dum alea ludis, meditare aliquid generosum, aut legendo, si potes, aut audiendo anagnostam: qui mos fuit antiquis, & nunc Phratrij obseruant in mensa: aut si decor aut commodum non ferat, cogitatione solum id ages. Relinquitur vnicus locus dubitationi, quum iter agitur, aut per ciuitatem itur: Idque tantum temporis liberum operi, ob periculum, relinquere vellem; aliud nullum. Si consilium petat nobilis, mendicus, aut ab utili amico transmissus, da: In reliquis exige historiam scriptam, aut lotium: Si causatur, aut producit, amanda. Si iam habet in historia, se prodest: in lotio, ad breue tempus consule; nam statim detegitur. Vnicum est, obseruare affectum. Et scias quod, vt temporis compendium, plurimum facit ad res præstantes, & virtutem assequendam: ita ad reliqua, velut opes, ornamenta domus, filios etiam, & amicos, iactura (vt ita dicam) illius est necessaria. Vt qui voluerit sequi Senecæ præcepta (quæ ille tradidit vere, sed non ipse seruauit) necesse sit aut carere multis commodis; aut illa habere, sed imperfecta, manca & incompta. Ob hoc ministri, qui ob voluptates, & vt desidia tempus habeant, præpropre mandata peragunt: prorsus sunt inutiles. Male enim cuncta absoluunt; & compendium temporis in eis nihilominus perit.

\*\*\*

### CAPVT XVIII.

*Locum tutum ad habitandum,  
eligendum esse.*

**A** Nimo instructo, elige habitationem, vbi tutus sis à vitæ periculo: nam vbi timueris, etiam si timor ille sit inanís, necesse est tamen ob id plures perire bonas occasiones; totamque vitæ rationem confundi, & cum dedecore viuere, aut saltem sine debitis honoribus. Quum vero quinq̃ue sint maximè homini expetenda; maximumque horum, quamquam non magnum, (quid enim hominis magnum?) procreatio filiorum, & vt illis insit amor generandæ sobolis: nam ex his duobus (si succedat) & Regna & Imperia necessario in stirpem suam concedent: quod & Moses vidit, & natura ipsa docet: Vnde libera vt sit procreandæ soboli via, oportet, quodque ad dulcissimam vitam pertinet, si temperate agatur, Christum vero intus gerere; quod & melius longe est, quam extra, vt nostris temporibus, quum summe miseri sumus. Tertium, vt opes parentur. Quartum, vt vitæ ac robori consulatur. Extremum, vt bene instituantur: quod quale sit infra docebimus. Hominibus autem singulis non eadem; sed diuersa homini erudito, aut in arte præstanti, aut qui in vitæ discrimine non leui versetur, tutior est locus, vbi Princeps, & magnus, habitat, præsertim sapiens & bonus: nam tales ibi plures esse necesse est: post sub paucorum potentia, aut prope Principem: inde Republica multorum aut misto genere. Magni Principes fauent quibuscunque præstantissimis, norunt enim,

ab his solis bona sperari posse, & gloriam: neque etiam ibi adeo valent consuetudines prauæ; cum quibus viuere, qui recte sentit, non potest; nec euertere: Nam vnum vincere, etiam potentiolem, artificij est: consuetudinem euertere velle, est populum vincere, præsertim si aduena sis: periculosum autem, si senex. Impotens enim, etsi voto potiatur, fructu frui nequit. Consuetudines autem quæ à Principibus ortum non ducunt, omnes malæ sunt, quoniam ab imperitis & improbis nascuntur: qui simplicibus dolis & assidua opera imponentes: omnes vel vi in suam trahunt sententiam quos plebeij admirantes, ob opes & existimationem imitantur, & in Republica (ob factiones) habent defensores; sed apud principes veritatis conscios plectuntur.

\*\*\*

### CAPVT XIX.

*Ferenda esse multa in hac vita.*

**I**llud etiam tibi proponas, vbicunque, & quomodocunque vixeris, ferenda esse multa in mortalium genere. Propterea multi in graues incidunt errores, dum insolita sibi pati videntur. Etenim homines, dum infanda se pati putant, quandoque ex leuibus incommodis in periculosas calamitates se ipso protrudunt. Vt summum certe bonum sit in sapientia, non solum quod per illam quæ ad felicitatem conueniunt, parentur, & lenimenta dolorum offerantur, sed multo magis, quod per eam intelligamus, & esse ita, & necesse esse vt statuamus finem nostrum in his quæ sunt extra Fortunæ arbitrium: quod etsi noluerimus facere, cogimur, ob breuissimum tempus, in quo res mortalium singulas consistere cernimus: adeo vt ferme omnia sint momentanea. Optimum autem est, non solum ex aduersis, sed & ex erratis fructum colligere: atque eum triplicem maxime: Vt ex malo bonum elicias, quemadmodum in libris huic argumento dicatis docui: Vt in posterum constanter abstineas, edoctus, ipsa non solum ab eo genere erroris aut occasionis, sed etiam cuiuscunque similis (orta esse:) Vt noxæ, quam passus es, ita occurras, vt eam multiplici numero sarcias. Veluti si hospitem importune susceperis, per quem & res perierit, & non bene dormieris, non sufficiat rem reparasse, & somnum, sed duplum eorum quæ amisisti, reliquis inutilibus non solum tunc speciatim contemptis, sed in posterum generaliter. Qui sic studuerit, magna ex parte ab aduersis alleuabitur. Quæ sarciri non possunt, nec etiam in posterum vitari, æquo animo ferenda sunt, vt dixi.

\*\*\*


### CAPVT XX.

*Actionum & Verborum diuizio.*

**C**onsidera postmodum, quod quum actionum nostrarum quædam sint honestæ, aliæ turpes, turpium vero aliæ aduersus leges, quædam neglectæ, quæ aduersus leges, aliæ poena graui mulctantur, aliæ leui, aliæ



nulla : liber hic non de his est quæ graui pœna à legibus puniuntur , sed aliis omnibus. Quocirca etiam nec omnibus communis esse debet : quibusdam enim pro fida , aliis pro veneno esset : verum bonis bonis bona sunt omnia , quum animus æquus est. Eique ram diligenter intendendum est studio & opere , quanta cum industria conscriptus est. Actionum quoque atque verborum alia bona , alia mala : & utræque ad rem spectant , aut ad honorem , aut ad gratiam , vel ad fidem. Vnaquæque rursus trium vltimarum est vel temere vel composito : nam quæ ad rem pertinet , etiam diuiditur : & in ea spectare oportet non solum animum , sed & magnitudinem. Non autem ad iniuriam extenditur , quum proprii census causa fiat ; non ad iniuriam aut contemptum : nisi velut in vastatione. Aliorum pessima est , quæ cum mala fide est , & consulto ; at post illam , quæ cum contemptu : & deterior , quæ in exemplum transire potest. Eadem distinctio in verbis adhibenda est. Est & alia diuisio horum : de qua posterius dicemus : [ 12. Axiom. ]



## CAPVT XXI.

*De Virtutibus extra nos.*

**V**irtutes autem in nobis omnes sunt : operationes non ita. Sed alia quidem quasi extra feruntur. Atque earum alia sunt prorsus in nobis ; velut patientia in aduersis ; ex qua nullus alius , præter te , iuuatur , nisi exemplo ; item fortitudo , pietas erga Deum. Quædam prorsus erga alios : liberalitas præcipue , & iustitia , & misericordia : Et liberalitas in amicos ; misericordia in pauperes ; iustitia in omnes , gratia in benefactores. Quædam ex æquo nobis profunt & aliis , vt tranquillitas. Sed aliquæ tamen quum extra feruntur , nobis profunt præcipue ; veluti prudentia , solertia , & artium peritia ; quæ ad voluptatem sunt , vt sculptura , & pictura , & musica : ad alios enim referuntur , vtiles tamen sunt nobis , non aliis. Et quamquam virtutes omnes vtiliores sint possessoribus , quam aliis , ( est enim virtus , quæ habentem perficit , & opus bonum reddit ) nihilominus non nunc de ea vtilitate nobis sermo est , quæ nobis ipsis intus conuenit ; sed quæ etiam si nostra esset , ad alios tamen refertur. Veluti tranquillitatis quum sint duæ partes : vna quidem extra nos : quæ utilis quum sit his qui cum nobis versantur , at eo ipso etiam nobis amicos conciliat benefaciendo : altera est in bonis , qua quieti viuimus : non ab hoc tamen his digna est considerationes , verum quatenus cæteris sumus admirationi : Vt ex hoc non exiguum fructum capiamus & estimatione , & lucro , atque potentia. Hanc tamen quum vocamus virtutem extra nos , quæ in nobis sit , [ hoc facimus ] ad alterius partis differentiam ; tum & aliarum virtutum , quæ & fine & consequentibus ad ipsum exterius diffunduntur.

## CAPVT XXII.

*De Solertia.*

**V**irtutum igitur , quæ extra nos sunt , ornamentum maximum est. Summopere vero ob id in illis exercere se oportet. Inter quas est prudentiæ genus illud ; virtuti perquam simile , atque huic negotio accommodatum , ( ob importunam actionum nostrarum celeritatem ; in qua nec agendi tempus suppetit necessarium ; ) quod Solertiam vocamus. Nec tota sub prudentia continetur , quum etiam ad malum finem tendat : & est extemporaneum consilium recte agendi. Et quamquam etiam solertia longa meditatione quandoque opus habeat , ob rei difficultatem , promptus tamen semper est solers. Quot periere , quamuis prudentes , quod solertes non essent ! alij , ob occasionem quæ auxilium inuenire non sinebat : alij , quod minus essent exercitati : alij , quod quæ agere oporteret , minus essent honesta. Atque his tribus à prudenti solers differt. Differt & solers ab eodem , quod tutiorem viam eligit ; ille honestiorem : & quod solers quædam habet circa modos ; prudens autem finem solum , & quæ sunt ad finem , spectat , non vltra rimatur. Salutij Princeps secretum quoddam propalauerat. Præfecto , & familiari suo , dum simul adessent : Audiuit paullo post recitatum id esse in mensa à Mediolanensium Regulo. Questus est cum familiari illo ( quod Præfectus extra omnem suspicionem esset ) detectum esse arcanum suum : rogabatque eum , quidnam prodidisset : quasi illum malæ fidei insimularet ; quandoquidem constaret , nullum esse reliquum , in quem conferri culpa posset. Cui familiaris. Tu ipse , inquit. Obstupuit Princeps : rogauitque , Quomodo ? tum ille. Tu ipse , non alius , hoc propalauit , nam si non dixisses , nemo sciret. Ita se liberauit à suspicionem : nec Præfectum vel tacite insimulauit , sed Dominum potius stultitiæ. Neque enim obscurum erat , perinde fuisse , ac si dixisset : Vt nobis perperam aperuisti hoc ; ita & aliis. Nos quum illos , qui sint nesciamus , & roges ; te ipsum prodimus , quem solum agnoscimus autorem. Ergo prudentia in hoc non satisfacisset. Si enim hoc solum dixisset , Nescio ; ad tormenta adactus esset ; si criminibus Præfectum insimulasset , nec innocentia suæ fidem fecisset , & exitium sibi ab illo comparasset. Quendam de inimico meo maledicentem , taceri iussi ; admonens Collegium medicorum abblaudiri ei , & Senatui fauere. Ita nec visus sum nugis his operam dare ; & vnum dedecoris , alterum etiam grauius insimulaui. Duæ autem sunt virtutes præcipuæ homini ad felicitatem : prudentia apud potentes in pretio : & fortitudo , apud plebem & imperitos ; est enim potentibus metui , & apud sapientes eo minus admirationi , quod proxima sit stultitiæ. Porro solertia quum ad malum vertitur , versutum hominem reddit. Vnde Polybius de Agathocle : Neque aulica industria , nec versutia singulari. Quamuis non admittant hoc verbum vt latinum. Deinde ex versutis , quum



quum ad extremum deuenerint, vafri appellantur.

~~~~~

## CAPVT XXIII.

## De moribus.

**P**orro quum alia de rebus ipsis scribantur; atque in his diffuse & clare scribere iucundum sit; alia de cogitationibus ipsis, cuiusmodi quæ de moribus, & ex his quæ sciuntur, quasi superflua videantur, (iisque) qui nesciunt, onerosa: ob id ordinate breuiterque scribere oportet; & vt vsui tantarum rerum brevis oratio satisfaciatur, etiam præcise. Videntur autem mores, animæ virtutum, ac virtutum imagines. Sed exterius feruntur aliter, quam intra sint: & quædam tam virtuti proxima, vt inter virtutes adnumerentur; velut comitas & existimatio. Plurimum autem interest in his, qualis natura sit, ceu in lignis statuarum: venosa enim difficile celari possunt. Vfus tamen cuncta domat. Quapropter qui mediocres natura sunt, nec nimis concitati, aut remissi, hi ad morum institutionem apti sunt. At si qui nimium in alterutro peccent, difficillime superantur: & quamuis bene instituantur, multos tamen admittunt errores. Decet igitur primum animum instruere, velut equum freno, vt quaquaersum pro oportunitate facile circum agatur. Præferat pietatem, & veritatis studium, nam & cultus ipse nos Deo gratos reddit, & hominibus venerabiles, iam vero plurimum absunt à legum metu, & criminum suspitione: ob idque, etiam si peccent, raro deprehenduntur. Quibusdam etiam suæ fortis oblitis, ad fallendum via, &c. Nam vt pietas optima est, & illius simulatio his qui non tam sunt quam se putant sapientes, ad homines fallendos ansa grauis; ita inhumanum, & prorsus infelix, contemptus Dei. At veritatis cultus facit, vt melius mentiri scias, & mentienti magis credatur: velut è diuerso mendaci veritas fidem non habet. Etenim nemo tam belle & apposite mentiri sciet, quam qui mendacium veritati assimilare nouerit. Vnde illud in Attici vita: *Mendacium neque dicebat, neque pari poterat.* Magis etiam circa gestus peccatur; quia homo facilius in eis labitur, & facilius deprehenditur, vt qui visui sint expositi. Quamobrem diligenter cauendum, ne incompti sint, aut præter regionis consuetudinem: aut enim rudem nimis, aut durum, aut stultum te existimabunt. Itaque ab omni extremo remoti vt sint, facias oportet. Cum regibus etiam ab intimis eos condiscas. Præter reliqua, nec multum distorquere corpus oportet, nec inclinare, nec mimorum more celeriter mouere, aut traducere: modice flectere, decens est; & significationem, &c. habet, & in potentiorum regum aulis familiare. Reliqua quoque à venustate non absint, motusque continui, & tardi, vt etiam si à consuetudine alieni sint, laudem tamen mereantur. Sermones quoque non precipites (sint, sed) accommodati loco & tempori, vt in quibus potius aliquid desideres, quam sit quod abundet. Difficile est scribere semper quod satis est, tum maximè in hu-

iusmodi argumento. Alij enim culpant ordinem, alij rem, alij modum, alij elocutionem, alij iudicium, quidam intempestiuam festinationem. Hic vero nemo non conqueritur: vel quoniam superflua non indigentibus, vel his qui indigent, & sapiunt, numquam satis. Subtilis admodum est hæc ratio: nec quicquam tantum illi credat inesse subtilitatis: imò etiam structuram exigit absolutissimam, difficillimamque: quoniam de his est, quæ non sunt. Media autem est ratio historiarum, atque huiusmodi quæ non sunt, fuerunt tamen. Has delectat legere, prout de rebus magicis aut artificiosis fuere: minus tamen ab hominibus requiruntur: minusque delectant; quam, quæ de his quæ sunt, scilicet artibus, tractant. Ob hoc (quod ad subiectam attinet materiam) tractatio de moribus humilis est atque despecta; quod ad finem, non ita. Videndum est igitur, vt mores sint graues; benigni, æquales, compti, iucundi, mansueti. Tantum enim possunt, vt illud iam in prouerbium cesserit; *Sui cuique mores fortunam fingunt*: quod in Attico apparuit. Ad benignitatem in vniuersum declinare oportet: improbitas enim, non, quod multi putant, ob bonum est habentium, sed ob aliorum supplicium. *Dij enim* (vt Hippocrates inquit) *maxime humanum genus odere*, &c. Verum quum nil tam salutare homini sit, quam recta animi institutio, & patientia quædam, & virtutis ac veritatis, & pietatis sincerus quidam amor, quibus Deo & vitis, &c. (aut viris sanctis) conciliamur; quieti mente viuimus, aduersa æquo animo toleramus, non commouemur inepte neque intempestiue, neque supra modum: multa que ridemus, quæ seculi acerbe essemus vendicaturi: famam nobis bonam comparamus, & ad agenda liberi atque muniti accedimus; quum etiam multos ex hoc nobis amicos paremus; & multi sint, qui nobis fidem tribuant, & sponte se subiiciant; tam lenibus etiam verbis ac moribus demulceantur; tractarique se permittant. Id maxime consequemur lectione eorum librorum in quibus talia exempla continentur; velut præcipue in literis sacerdotum B. Pauli ex India transmissis nos magis mouent, quod nostri temporis sint: & ex antiquis Martyrum vitæ, & patientia: & Patrum in Eremito conuersatio:

~~~~~

## CAPVT XXIV.

## De Comitatu.

**E**orum autem quæ extra sunt, optimum est comitatem in omnibus (existimatione illa) præferre. Est autem comitas, mansuetudo quædam compta, atque iucunda, exhibita iuxta rationem personarum, loci, temporis, legum, consuetudinis, atque cæterorum necessariorum, ad quæ respicere oportet. Tantum vero potest vna ipsa comitas, vt ea sola (modo in aliis non pecces) plures amicos tibi sis comparaturus; quam si, ea ipsa carens (etiam si non delinquas circa illam) optimis alioquin moribus sis institutus. At bonos amicos non ita paraueris, sed opinione, quod

potens



potens sis, & officiosus, His ego tribus, modo vitio careas) constat tota hæc ratio humani fastigij adipiscendi, sed illa extra propositum, nunc de comitate tantum agentibus. Constat igitur comitas in agendo, negando, excipiendo. Infimum ergo leuiter salutabis; nobilibus presentibus: nil tamen vetat, ne eum seductum, comiter excipias: alium monebis, vt tum discedat, si quid habet negotij, redeat, constituens diem horamque. Præter omnia caue, ne postquam expectauerit, excuses: est enim maleuolentis animi. Quosdam recipies, sub conditione, si breue sit negotium, aliter, vt redeant, horam non constitues: plus enim iusto tribues ei, quam cæteris, nisi sit amicus, aut illi debeas. Similiter & in petitionibus aut da, aut facultatem ostende statim: nam negare promte, nisi amicis aut prudentibus non debet: animum enim tuum malum esse putabunt, qui tam prompte negaueris. Sed & quod das libenter, non tamen statim dabis: minuit enim rei hoc existimationem: Et quod negas, ita negabis vt inuitum te id agere credat. Constat præterea comitas vultu, verbis, gestu, conuiuii domestico, exiguis donis: non solum si des, sed, si recipias, denique salutatione illius, atque suorum. Aequales, velut digniores, excipies: honore illos afficies. Est & Principibus comitas; quæ in quadam iucunditate, & officiorum promittitudine consistit: & si te minime indignabundum deprehenderit.

## CAPVT XXV.

*De existimatione retinenda.*

**P**orro existimationem retinebis, si tuæ conditionis in conuersatione memineris; & seueritatis, in comitate; & in grauitate, facilitatis. Vnde illud de Attico, qui ea ætate fuit exemplar ciuiliis prudentiæ: *Vt difficile esset intellectu, virum cum amici magis viderentur, an amarent.* Fac etiam, vt postquam per comitatem cogeris plus aliis tribuere, quàm debeatur, tum in consuetudine, tum in affabilitate & honoribus, vt homines intelligant, magnam tibi cum illo intercedere amicitiam: nam hoc & illi fauet, & iucundum erit, & lenitatem tuam excusat. Cæterum non nisi tamen cum æqualibus, aut potentioribus versaberis: aut, si non potes te explicare, è tuis quempiam illi adiunge. Tum vero equis, famulis, vestibus, ornatu cuiusvis generis, moderatione, grauitate talem te exhibe, vt plus ab his, si tales essent apud alios, quales apud te sunt, distare videantur, quam vere distent: vt dici rursus de te queat, quod ille de Attico suo: *Hic sic se gerebat, vt communis infimis, par Principibus videretur.* Atque inter reliqua actionum rationem habebis, vt sint generosæ, & à conditione tua non alienæ: nam quum omnia ad ornatum faciant existimationis illius, tamen nobilitas & magnitudo tota ex operatione pendet. Dictum enim Philosophi est, quod operatio est causa cognitionis formæ. Ad existimationem autem pertinet non parum, ne dicas aut scribas quod optime exercere non noueris, velut in musica

& arte militari. Vnde etiam illud scite ab Hannibale dictum celebratur aduersus Philosophum de bello agendo differentem. Similiter vt ne (quod multi faciunt, existimantes, fidei, autoritatis atque amoris opinionem augere) proponas lucra, aut honores incertos. Delusus enim plus vanitatis in te, quàm si successerit, gratiæ, consequeris. Tamen si enim amoris tui erga illum magnitudinem testari videaris, plus tamen consequeris grauitatis opinione, etsi mediocriter amari se putet, quàm si eximie, cum leuitatis aut fuci, quorum alterum in te esse necesse est, existimatione. Nec solum autoritatem, sed & cauti atque periti opinionem retinere decet: vt dissimulare tantum conueniat cum his, quorum fidei summam rerum committere oportebat, vt minore iactura maximum periculum redimas, vel si in minimis occulte facias experimentum de his quos amouere licet. In cæteris, etiam principalibus, non solum priuatis, retinere existimationem, non modo expedit, sed etiam exemplo Scipionis & Sertorij, augere. Quoniam decipi vel contemni, damna affert, quæ corrigi non possunt: quæ etsi vlciscaris, non tamen adeo deterret vltionis exemplum, quantum audaciæ præbet aliorum temeritas: neque eorum damna iacturam tuam relascire possunt. Itaque vt incauti est, non dissimulare prudentiam; ita in his quæ summam quandam referunt calliditatem, & in quibus à communi consuetudine deuiandum est, qualiscunque excessus ad vitium pertinet, noxiusque est.

## CAPVT XXVI.

*Quæ vitanda.*

**P**orro nihil tam huic causæ necessarium est, quam vt nulla in re delinquas. Primum igitur, vbi principatum quasi adeptus fueri, aliqua in re, eam non in dubium reuocabis, sed in alieno negotio contendes: velut si professor sis, & medicus, omnes autem in profitendo tibi cesserint, certabis in medendo. Nam quicquid in contentionem proponitur, non nisi incrementum rebus tuis afferre potest. Caue tamen, ne tam dispari conditione pugnes, vt stulti opinionem subeas. Vt enim prudentis opinioni omnia peruia sunt; ita stultis omnia excidunt: nec quicquam est tam firmum in humanis, quod à stultitiæ opinione sit tutum. Quamobrem etiam & illi maximè errant, qui excellentem aliquem virum in communibus causis oppugnant; quum id per quod excellunt, intactum relinquunt: neque enim vnquam plus excellere quacunque in re aliquem posse puta, quam quum mediocriter excellueris, & te illi non contuleris. Omnis enim comparatio discrimen minuit inter eos, quorum vel vnus mediocriter excelsit, vel alter iam opinionem clarissimi viri in aliâ parte eiusdem artis adeptus est. Atque hic primus error. Secundus est illorum qui libros intempestiuus edunt: ipsi enim te exarant, & ansam maledicendi æmulis præbent. Sed etsi retineas, maiora æstimabuntur. Quodcunque enim incompertum est, maius semper fingitur; quoniam in infinitum tendit animus, & voluntas, & spes etiam: At vires humanæ paululum



paululum progrediuntur. Vt tamen non solum intelligere, sed & sperare hominibus liceat, aliquid edendum est, quod absolutissimum sit vndeque; dico argumento, multitudine sententiarum, grauitate, acumine, ordine, breuitate sermonis; denique non solum elegantia, sed & splendore. Verum his omnibus nihil habes, si iudicium desideretur. De tertio errore, qui sit circa epistolas nuncupatorias, dicemus suo loco [101.] Nunc autem intentum prosequamur. Quartus error in omnium ordine, est circa laudationem praesentium: nam multa subis pericula: alij enim adulatorem: alij se irrideri, aut eos qui audiunt ita credere, existimabunt: &, si mali sint, malum est malos laudare: Deterior est malo, qui malum laudat; quod malus solus peccat, & perturbationis causa: laudator autem, nulla perturbatione, in exemplum omnium. Inde si peccet quis à te laudatus, non potes amplius, circa vanitatis suspicionem, illum accusare: & ille licentior erga te, securitate fretus, euadit; tu inimicum pro Mecenate comparas. Societatem quoque infamium deuitare oportet, tum ingratorum leuium, atque petacium. Vbi Fortuna te eue-xerit, magis cauendum est, quam antea: nam si concideris, ægrius releuaberis. Propterea quum offertur quid, quod suspectum habes, antequam refutes id, considera an toto genere melius carere sit? forsan enim minima pars totum trahet: vt mihi contingit, quum curam Episcopi Bononiensis reieci. Affectus præterea nimios, maxime turpium aut leuium rerum, inconsulta verba atque actiones, nescio quid magis damnum, aut in quo maius crediderim esse periculum aut dedecus. Ne cuiusquam vitij, quod consuetudini noceat, velut auaritiæ, inuidiæ, perfidiæ, maledicentiæ, stultitiæ suspicionem subeas. Vultum habes in omnem fortunæ euentum ita compositum, ne affectus animi prodant. Semper illud in mente versato, Cui bono? Adictæ abstineto: quæ plurimum obesse solent, iuuare parum possunt. Quædam tamen grauitatis & salis plena, sunt quasi necessaria: quorum vno tamquam familiari vti potes, exemplo veterum, eoque perbreui, nec nisi ad calumniam refellendam. Quare de hoc, loco suo dicitur. Quum res peracta est, melius est silere. Quid enim prodesse possunt conatus? Imitare bonos medicos: qui lethali-bus morbis manum non admouent; intelligentes, eos citius morituros; eamque tractationem dedecori futuram auctori. Caue etiam ne dum nimium times, inimicis aperias nocendi modum; aut in quo maxime vel animos illi addas. Destinato igitur primum in singulis, an quod quæris, è re tua sit? inde, an consequi possis? post, an retinere? demum quomodo consequi & retinere possis; ac qualiter vti debeas? Summa autem omnium ad adipiscendum est, vt placeat, etiamsi per fascinationem liceret. In hoc summum praesidium, ac firmum. Quum vero actionum alia sensim fiant, vt artium lucra; alia per præparationem, ac potentiam, vt qui magistratum quærunt, quique arcana scrutantur, qui literis operam dant, qui sacerdotium Principis gratia aucupantur; Atque in eadem

actione diuersitas hæc: vt qui præmium accipiunt ab omnibus, & qui non accipiunt, sed expectant, maius, minus: & qui nec illud accipiunt, sed amicitia eorum ad magna negotia vtuntur: Quidam non patiuntur moram, natura vel consuetudine, vt artifices sedentarij. Neque pigebit quemquam tam multiplicitatis studij in huiusmodi negotiatione, quum meminerit structuræ admirabilis corporum nostrorum, quam Deus ob multiplices vsus nobis tribuit. Itaque non minus de salute nostra debemus esse solliciti, tanto exemplo. Præterea cauendum est (in quo omnes erant) vt quum omnia minima sint ab initio, ne perturbatione aliqua maiora fiant. Quinimo melius est aliquando cedere, aut dissimulare, aut diluere. Itaque hoc solo præcepto maxima pars infortuniorum & contentionum exitium dirimitur: vt contemptu omnia, &c. repleta sint litibus, inimicitiis, ac inde calamitatibus variis. Pro mensura autem statuendum, tam actionum quam sermonis, illud in quo maxime falluntur adolescentes & stulti, risus scilicet astantium. Nam hi, quo magis se placere putant, &c. pergunt, non animaduertentes, non bene canendo, aut pulsando aut pugnando, aut tacendo, aut recte differendo excitari risum, sed male; aut importune, aut non pro dignitate. Quod si æmulii sint, aut inimici, etiam parum profeceris, quamuis rideant non causa tua. Solum id cogimur, quum interruptentes munus publicum, mituntur risu nos à cœpto dererere, tamquam fatuos. Id ergo etiam plane argumentum est, risum esse contemnendum, non laudantium, aut probantium. Conueniet mulieribus, quas amamus, stulta enim res ad stulte agendum oportuna est. Ob id cum scortis maxime huiusmodi conueniunt: cum vllis aliis nequaquam, nisi sit narratio historiæ, in qua præluet in narrante sapientia, in argumento insana hominum facta. Generaliter autem in omnibus, qui studet vtilitati, caueat diligenter, ne quicquam non vtile dicat, aut faciat. Nam & quæ nunc vtilia non sunt, aliquando prodesse poterunt. Maximum autem malorum est, ea agere non cautiissime, quibus detectis fias inuisus omnibus & inutilis, adeo vt viuere pigeat. Talia sunt scelera metum significantia, vt, venenum propinare. Melius est ergo, omnino abstinere.

\*\*\*

## CAPVT XXVII.

*Mala occultanda.*

V Erum vt ad singula deueniam, quæ cauere oportet, illud primum est, ne mala tua detegas. Vtpote vitia animi (quis adeo stultus?) aduersus leges, existimationem [anne] vt te refugiant homines? Corporis? cui bono? Maius enim malum est in contemptu, quam spes in misericordia. Semper mala animum addunt inimicis, & æmulis. At ostentare vitia, etiam flagitiosis odiosum est. Amant plerique flagitiorum præmia, flagitia damnant: Præcipue quod huiusmodi exemplo offenditur respublica, vt videaris eam contemnere, aut tibi similem esse putare. Et qui publice peccat, bis peccare videtur, & iudicio potius, quam



quam natura: vt etiam bifariam minus venia dignus habeatur. Quinimo ostentare bonas actiones, non laudare, bonum est, & ad publicum pertinet exemplum; iuxta illud: *Et facite vt opera vestra luceant coram hominibus*. Conuenit etiam dissimulare dolores in casibus aduersis, & vultum præferre lætum atque serenum: magisque etiam iudices hoc flectit ad misericordiam; & amicos ad ferendum auxilium hortatur; quam si demissum & flentem videant. Plus enim potest recordatio dignitatis, & virtutis opinio, ad misericordiam, quam calamitatis magnitudo. Tu interim existimationi consulis: & si in extremis non sis, abiicisse spem non putabunt. Certum est gloriam lucri facere; secus abiicere spe exigua & inani. Mala solum ea detegenda sunt alteri, si occurrat, quum pristinum statum restitui possis; tunc amici metu magis quam voluntate auxilium ferunt: tum his qui sint coniunctissimi, quam iuuare possunt. Plerumque iudices pro coniunctissimis representatione doloris ad misericordiam flexisse iuuat; & pro temetipso: vt re potius ac habitu calamitatem tuam, quam voce vlla reteris. Quamobrem Græci (quorum in his summum studium fuit) squalidi, proluxa barba, depexis capillis, obsoleta veste, lugubres & taciti stabant. Horum quidam flentes, quidam siccis oculis, hoc virile; illud potius muliebre. Sed & in his multum refert, apud quos homines sis, & vbi mala occultare licet, faciendum est: exigua enim merces detegenti proposita; plurima pericula atque damna. Quod si omnino detegi præstet, commodius per alios est id agere. Vbi vero publica est calamitas, & nemini ignota, stultum est conari eam tegere: nam maiorem illam esse etiam, quam sit, existimabunt. Multo stultius est, illam narrare: nam scientibus quorsum vt de ea gloriæris: ignorantibus si dixeris, nil tam certum esse scias cuiquam de tuis rebus, quam quod tu dixeris. At si cogaris, excusationis causa, semper melius est proferre speciem, quam rem; & genus, quam speciem. Velut si herniosus sis, dicas, impedimentum pati in ambulando: vel etiam, si dicas, male valere, longe melius; & si potes, parum adde. Sed neque bona ostentare decet: (est enim inuidiam sibi frustra comparate, dum ostendis magis antecellere te velle videri, quam antecellere) verum consuetis iniri ac mediocribus tutis potius, quam speciosis.

## CAPVT XXVIII.

*Mala verbis mollienda.*

Quod si de malis loqui aut scribere cogeris, ita sententiæ ac verba mollienda sunt, vt nec auctori decori, nec ei qui intelligit, malo sint exemplo, imo recte viuere volenti locus quo proficiat relinquatur. Res est parua: sed quam præstare magnum sit. Ita enim rem è re exoriri; sententiam sententiæ inferi oportet, vt nouum recipiat sensum; mitescatque, velut in olera transplantato, acerbitas facti aut dicti; & ex posteriore oratione ratio prioris habeatur; ex prioris vero

lumen sententiæ posterioris. Quæcunque etiam vitiosa sunt, breuiter pertransibis; ac sic, vt in eis quippiam desiderari videatur. Quum maiori consulere cogeris, vt patri, patruo, matri, fratri maiori, (nam amicis non nisi rogatus) consilium ab eo pete; vt ea vicissitudine existimet se potius præbere consilium, quam accipere. Dubias res exaggera, claras illi diiudicandas relinque.

## CAPVT XXIX.

*Sermonem breuem esse debere.*

Quum vero propositum actionis huius sit, hominum mouere affectus; vt, quæ in eorum sunt potestate, obtineas; atque idcirco omnia humana in hoc præcepto contineri videntur (namque & Musici modi, & præces, & oratorum fulmina, & affectus id ostendunt;) maximam in hac parte diligentiam adhibere conuenit. Principale autem præceptum esse debet, breuitas. Plurima enim loquendo subis pericula: negotiosum impedis; cogitantem obturbas; aliqua contra causam tuam, contra teipsum facile excident: importunus videberis, nonnullis grauis, quod quæ nouerunt, docere velle videaris; superfluous, leuis, anxius: verbo deficiente (vt solet casu) sinistre sententiam interpretabuntur; tum maxime, si ignari sint facti: inimici quoque deprehendent causæ tuæ debilitatem; aut præsidia, quibus te tueris. Ob id breuitas in cunctis præstantior est, & quod vltima primis magis coheret. Vnde etiam orta ratio carminum, quorum (versus) qui perfecti sunt, longissimi sunt hexametri. Nam, vt Demetrius Phaleræus docet, partium (quas *ῥῆμα* Græci nuncupant) non maior debet esse longitudo. Periodus autem, quum minimum, duo; tum, quum maximum, quatuor continere partes debet. Igitur quatuor hexametris concludi plena sententia ad summum debet; aliter vltima primis aut non cohererunt, aut ægre. Quapropter idem etiam in oratione soluta obseruari conuenit. Quocirca, quum tria sint genera hominum: æqualium, ac quibus imperamus, & superiorum; tum vero causarum totidem, Demonstratiuum, Deliberatiuum, & Iudiciale; breuitas ferme in omnibus præstat, præterquam in demonstratio apud populum; (de qua re latius cap. 54. de Persuasionem, agetur.) Non iurabis; multo minus Diuos execraberis: Non testium nomina nisi rogatus, adducas: Non argumentaberis; in quo tam multi peccant: Non narrabis quæ tibi acciderunt. Quanto minus arcana tua deteges: nisi coactus: Nam etsi non effutiant, domini tamen tui efficiuntur: & qui amicus est, potest fieri inimicus, & domesticus è domo exire: Tempus omnia mutat. Caueas etiam, ne vitia naturæ, aut casus, aut fortunæ mala imprudens commemoras. Vt apud Philippum, si quis Cyclopi aut oculi mentionem fecisset, irascebatur, quod (altero) oculo careret, quamuis pugnando sagitta ictus illum amiserit: Et apud Hermiam, quod esset Eunuchus, si quis gladij aut excisionis meminisset. Quum vero quispian te verborum

multitudine



multitudine prouocat, vanus est, aut deceptor. Si quis conditionem tibi offerat, quantumvis præclara videatur, diem ad respondendum interpone; illudque tecum dicito: Hic forsan multis iam antea annis, certe diebus, præmeditatus venit ad me: ego insanus extemporaneè illi respondebo? Et quanto magis instat & vrget, tu eo lentius procede: doli enim suspicionem auget. Nam si bono animo offert, & è re tua putat esse quod proponit, libenter moram hanc patietur: si decipere vult, habes cauendi ansam. Multi huiusmodi importunis flagitationibus prehensi fidem frugerunt; alij ad rixas deuenire; alij obruti, deceptoribus succubere: quidam grauioribus damnis atque inconiudis affecti, vix tandem seruati sunt ex iactura: qua? verbi tandem temerè prolati: cui bono? & vbi merces tantæ iacturæ? periculi, laborum, atque curarum? Ob id, quum tales homines nec digni sint, nec lex illis poenam vllam proposuerit; reliquum est, vt ne alloquaris, neque admittas vllò modo venientes, nec cum tuis patiari versari. Nihil enim damnosius, aut periculosius iis, qui sine spe vlla commodi, tanta detrimenta afferant. Fabulas quoque longas, quin etiam historias, narrare cuiquam caueas. Annum enim mos est hic, aut nauigantium. Nec quicquam denique dicas, quod vel interpellent, vel non libenter audiant: nec narres quid somnolentis: Sed fac vt rogent, vrgeant, audéque quæ dicis hauriant. Propterea nec nisi amicis & postulantibus narrabis quicquam. Sed quum tua negligi animaduertis, quid aliud iam superest, quam vt etiam te? Ergo vel erras, vel odio illi es, vel contemptui. Quodcumque horum sit, cur præstat cum illis esse? Discedas ergo statim; neque enim tua res agitur. Propterea, ne malè hoc tibi cedat, si non vt dicas, sed vt tentes, huiusmodi sermones adoriaris. Stultum est etiam, attente audire nugas æmulatorum, quæ sapienti fastidio sint. Noli irasci: noli nimium impatienter audire. Figuratè præterea in multis communibus sermonibus loqui necesse est: quod velut pictura quædam sic exprimuntur, melius quam vllò verborum quamvis latissimo ambitu: nam figuratio oratione quavis propior est mentis imagini: quod si in malam partem accipiantur, non adeo subiacent reprehensioni, nec tam constanter possunt conuinci. Propterea & figuratè, & mutilatis; & inuolutis sermonibus, vti oportet. Cum quibusdam tamen omnia clarè expedire conuenit: Amicis, primum illis qui nihil sibi putant proprium: quales fuere Pomponio Attico Q. Tullius Canius, & Ciceroni Atticus, & Menedemus cum Asclepiade. Et coram iudice, vbi causam tuam defendis; tum maxime quum pro amico [loqueris.] Cum domesticis præterea, vbi quid mandas, melius fuerit, decem verba perperam adiecisse, quam vnum necessarium prætermisisse. Cum his etiam qui discessuri sunt, (& vbi Epistolas mittere non tam tutum est,) vberiori oratione vteris. Semper autem vbi quæpiam de negotio instruis (modo fidus sit) abundanti sermone vteris. Sunt etiam communes sermones, de quibus suo loco dicetur: Sicut & de verbis quæ habentur cum

potentibus viris, qui tua scire desiderant, & amici sunt: Et quum ad fallendum composita sunt, coram æmulis, exploratoribus, & inimicis qui se amicorum loco haberi putant. In cæteris memineris linguam te vnam habere, atque illam reconditam; duas vero aures, atque patulas. Obscænis autem nullus est locus; nisi forsan cum scortis, & nemine præsentem. Cauendum est præterea, ne tantum diligentia in minimis ponas, vt magnorum & generalium præceptorum obliuiscaris, aut negotiorum: quod ferme necessarium est accidere his, qui non recta ratione huiusmodi lenitatem affectant, imo persæpe nugaces efficiuntur. Namque & in conuiuiis, quum vino inebriati, aut colloquiis aliorum irritati, aut quia petant, interrogent, casu vel dolose, aut quoniam talis natura sis: velut scriptoribus, professoribus, concionatoribus, atque his, qui multum de se pollicentur; primum quidem huiusmodi viris eas occasiones effugere præstat, congressum scilicet potentium, inimicorum, æmulatorum, incognitorum, maledicorum, irrisorum, insidiarum suspicionem, conuiuia, & commercia cum balatronibus. Deinde si incidas in huiusmodi linguam, vbi loqui ceperis, absolute primo colo, linguam inter dentes comprime: digitosque sub pallio contorque, sic vt doleant; vt impetum illum dieendi, ac feruorem comprimas; nec in sermone incalescas, aut verbum imprudenter tibi excidat, aut nostri (quod sæpe contingit) siamus immemores. Sed & nihil de tuis rebus dicas; nec te laudes: verum ad communes sermones (de quibus suo loco dicemus) te conuertere. Vna denique est ratio, nihil incipere, sed ad interrogata respondere. In propositis (si libet) perstare, atque continuare licet; tum vero quam breuiter & grauiter: vt memineris non tui, sed personarum, ad quas sermo dirigitur. Propterea, si ex arte non sunt, planis sermonibus, vulgatis etiam [vtere;] si non omnino veris, tamen verisimilibus; à contentioni- bus ac profitendo, &c. abstinens. Pulcherri- mum enim est, scire modum imponere sermo- ni, ac illius impetum sistere, velut & currentis equi: nec secus, eligere de quibus dicas, & ta- ceas: demum quæ dicas, aut non dicas. Hæc assequeris, si tui memineris, non obliuiscaris: quod affine est ei præcepto. Nosce teipsum. Multi enim (maxime in conuiuiis) grauissi- me periclitati sunt his rationibus, vt à Pari- satide, &c. Nec quotidie desunt damnatorum exempla.

Epistolarum autem ratio, etsi non multum, ab hac diuersa tamen est. Quod enim scribitur ad absentes (vnde prouocatio non est, saltem præsens) tanto limitatius est: nec pericu- lum adeo est, ne inconsulte verbum excidat, sed & pluribus indiget vt intelligatur, & lon- gius esse debet. Qua ratione quæ scribuntur vt supersint, absolutissima esse debent, & mani- festissima, quum restitutioni locus nullus relinquatur. Ac etiam tanto diligentius lima- ri debent, quanto defensionis locus [minor, aut] nullus patet; & quanto diffusius scripta. At rursus Epistola sermone breuior esse de- bet; quod, si aberres, excusationem non ha- beas, & quod errata facilius deprehendan-



tur; tum vero, quod occasio non desit industria, ut plura per pauca significantur: nec est qui te prouocet in illa, ut in sermone. Quare prae paratum esse decet apud eos qui amici non sunt; longiorem, quam in sermone, ad domesticos, familiares, & amicos. Sed de his suo loco. [101.]

In turpibus praeterea causis silentio maxime opus esset. Vix fieri potest ut aliquem commemorando non offendas: tum vero in controuersis amicorum communium. Quod si omnino cogeris aliquid dicere, imitare pictores: pulchra & iucunda explicant late in pictura; turpia & abominanda inuoluunt. In rebus odiosis quanto plus, tanto dexterius inuolue, quae tacere non potes. Abstine à iudicio. Porro damna verborum non meditatorum praecipua sunt, secreta pandere, viam inimicis nocendi aperire, amicis obesse, & odium sine utilitate quaerere.

\*\*\*\*\*

### CAPVT XXX.

#### *De Iuramento.*

**N**on exiguum partem vitae nostrae obtinet iuramentum. Est autem duplex: ad [se, & alios. Ad] alios, quum grauis res agitur. Per hoc conspirationes, & coniurationes, & pleraque iniqua & aequa confirmari solent. Propterea videre oportet & in qua causa sit, & quod fuerit consilium tuum. Saepè enim fallendi ratione sit: quod in aliis eo magis considerare debes: praecipue autem, an honestum, an tutum quod agis. Multis solemnibus celebrari solet: in templo, coram Sacramento: sed quod sit epoto vicissim sanguine, quod & Catilina fecit, incorruptum mansit. Quod vero ad se est, in causa sit minus honesta, sed necessaria. Sic milites Romani sacramento obligabantur, quum militiae actiones omnes contra honestum niterentur: occidere homines, diripere vrbes, intendere villas. Sic Salomonem legimus iurasse, quod occisurus esset Adoniam fratrem suum natu maiorem, sine vlla causa, quum etiam Arcam Domini retulisset, omnibusque communis parentis laboribus & periculis interfuisset, iuramento obligatus, ut quasi sibi liceret, effecit. Ita ergo pro vtilibus aduersus honesta admittitur; non tamen pro turpibus; ideo Salomon non excusatur. Iurabimus ergo; non datum mutuo, non officium praestitutum ante numeratam pecuniam, non crediturum cuiquam; non beneficium collaturum ei cui nihil debeas prius. Atque haec tecum solus, ad roborandum animum. Vbi oportuerit, hoc ei expones; ne priuatum officium neganti irascatur. Non tamen publice hoc iactabis, ne inhumanitatis primum te arguant; deinde ne impotem te, nec tui dominum esse, existiment; praeterea leuem, qui de eo quod contra bonos mores est, & damnosum, te iactes; demum quod par pari sis accepturus.

### CAPVT XXXI.

#### *Silentij laus.*

**S**ed quum haec omnia multiplicibus sint turbata involucris, plerumque silentium non solum sufficit, sed etiam praestantius est: praecipue in re controuersa, vel vbi timemus ne talis fiat, aut quispiam aliquid petat. Tum vero non solum res & verba celare oportet, sed etiam animum. Vbi enim te habere dixeris, si roget ut des; aut scire fatearis, ut detegas, requirat, magnam molestiam afferet. Primum infinita est ratio argumentorum: & impudentiae non deest audacia. Si dicas, Sine hoc viuere non possum; dicit, Maiora dabo. Si respondeas, Non pecuniam, sed rem quaero; obiicit, Et tu sine ea viuere potes vel tantillum: non vis amico nobili, egenti; tam cupide flagitanti, rogantique morem gerere? mutuo da, statim recepturus. Minus turpe est huiusmodi viris, aliena, & sine ratione, postulare; quam honesto viro videatur negare quae non sine dedecore possunt concedi; vbi dederis, nulla compensatio, longe minus restitutio. Itaque hoc solum silentium, infinitum pelagus disputationum (in quo semper aliquid importuno relinquitur, quod aequi speciem praeseferat) ita exhaurit, ut nec vestigium vllum superfit, cui vnicum possit annectere, ut te perturbet. Similiter si cum aliquo, de quo male suspiceris, negotium sit, ne (quod multi faciunt) dixeris, Hoc ago, quamquam male alij de te dicant. Si enim innocentem credis, quid stultius, aut acerbius dici potest? quum ille se sentiat falso [incusari,] & frustra suam laedi coram estimationem, ab eo quem sperabat acrem defensorem habere; tepida enim amici negatio, criminis quasi confessio est. At si nocentem ipsum credis, palam ad flagitium admittendum hortaris, quum retines sciens flagitiosum. Neque enim turpe aut magnum id existimare videris, cuius, quum tam facile possis, nolis vitare suspicionem. Quanto ergo satius, silentio praetermittere, quod vitare non decreuisti? ut melius etiam fuerit, dixisse, Hoc fidei tuae committo; quam semper erga me integram sum expertus. Quod si ei te committere nolis, cui bono, quaeso, ingrato facto addere verborum iniuriam; ut pernegasse non sufficiat? In quo genere improbitatis etiam illud est, quum beneficii tui causa aliquid à te petitur, non solum negare, sed etiam addere contumeliam. Velut in his, qui ob turpis amoris suspicionem, vel eo praetextu, criminantur qui ipsis bonas condiciones offerunt. Huic autem proximum est, causam silentio praeterire, si rem non potes; nec vniquam digniorem in medium attuleris, quam sit id quod petitur: hoc enim multi faciunt, nimia cupiditate concitati, exemplo, ut dicunt, Esau. Fatigat enim id amicum; & te iudicio carere, & probatione victum, ostendit. In vniuersum, scire tacere, ut Philosophus ille regi inuinit, non minus est, quam scire loqui. Illud tecum saepius reuolve: Si quae sciunt, dixerò, frustra loquar: si quae nesciunt, facta mea detegam. Quum vero quod latet, ut infinitum existimetur,



metur, causas prætermittere melius est; nisi habeas efficacem, quam huic obicere potes. Sunt præterea alia, & maiora, vel si cum sapientiore viro sermo sit; non minora, aut plurima, quæ nunc omitto. Sed & id obseruare decet, ne exemplo minorum citharistarum, quæ discunt, tu quæ non bene floris proferas; verum ea tantum, in quibus iam diu exercitatus: sed nec illa tota; vt aliquid, quod desiderant, relinquant. In vniuersum illius meminere, solum silentium integra omnia tibi relinquere. Quamobrem qui accuratius sciscitantur, aut deliberationem, aut voluntatem tuam, aut iudicium de aliqua re, præsertim ad eos non pertinente, pro pessimis hostibus habendi sunt: eo enim minus relinquunt tibi tuarum rerum arbitrium, quo plura intellexerunt. Neque enim solius pecuniæ aut opum furtum est; nec minus evertitur, nec serius homo inopia rerum & substantiæ, quam consilij. Peiora etiam sunt hæc in potentioribus, vel quum negotium est cum illis. Quod si præter id importunius petant, iam res ad euerfionem tuam pertinet, nisi interrogatio facti sit. Sua enim quisque scire cupit, & iuuat. Quum ergo impudentius aut tua facta quærunt, aut iudicium, vel etiam de alienis, modo quicquam tuum sit, dissoluto sermone; abi, si licet; si non, dicas, non cogitasse de hoc; atque occasionem deuota. Sed neque vitio magno caret interrogatio exquisita & accurata de tuis rebus, vel de pretio rei tuæ quum nullum pretium illa dignum obtulerit.

## CAPVT XXII.

*Lentum in deliberando esse oportere.*

**I**N rebus autem peragendis lentus sis in deliberando; promptus in eo, quod deliberaueris, exequendo. Pondus singulorum æstimes: quid quæras? quomodo? quanti quæfisse constet, si non obtinueris? ubi obtinueris, quale tibi emolumentum? qualia damna, aut pericula? Prompte dicitur [quis] exequi [id,] quod prius in portum reducit, quam ab æmulis aut inimicis sciri possit. Nil celeriter confectum dici potest, quod qui impedire cupiebant, ante rescuerunt, quam factum sit. Neque vero malum est in negotiis, singula quæque vesperi in tabellam ex ordine digessisse, quæ sequenti die facere oporteat. In dubiis autem rebus callida negotiatione, & sermone ancipiti, vtendum est. Descendamus in victorum amicitiam, non ruamus. Si Cicero cogitasset, posse mutari fortunam, non tantum famæ Philippicis illis sibi comparasset; sed neque exitium domui suæ vniuersæ. Adde, quanto periculo te illis adiciis, quali infamia hos deseris. Quamobrem vtrique vt faueas priuatis officiis, si potentes sint, consulo. Inclina ad causam necessariam & honestam, potius quam superiorem. Sed, si liberum est, in omnibus eam adhibe moderationem, ne victoriæ primas partes tibi adscribas, nec acriter animos incendisse videaris, & ante victoriam vt vinci posse credideris. Quæ noctu deliberaſti, ne exequare; maiora enim videntur, velut som-

*Tom. I.*

nia: sed quæ interdum, post etiam placent. Tutissima autem, quæ & pacato animo probantur. Specialiter autem in vnoquoque negotio cogitabis finem, consequentia, difficultates. Oportet autem semper tria præ oculis habere: Quam recte? cui bono? Quid dicent homines? Inde reuolue negotium totum, sæpius cogitans, Si successerit? Si non? Quid absoluto? Quid interim? Offensionem perpetuo animis inherere; gratiam breui euanescere: tempus, rem, qualitatem, ætatem hominum, fortunam tuam, æmulos, filios. Orbis enim [id est, qui improles sunt, aut celibes] multis causis omnia tutiora.

## CAPVT XXXIII.

*Hominum mores scire conuenit.*

**V**T vero quantum & quomodo expediat, scire possis; hominum mores eius loci noscere oportet: vt generaliter antea docuimus. Homerum igitur imitabimur: qui quum magnam orbis partem lustrasset, nec solum mores, sed instituta, leges, consuetudines, viuendique ritum cognouisset, tum naturam, robur, & quid possent, ex omnibus vnum quippiam, quod etiam omnibus conueniret, conflauit; velut Medici Theriacen solent, quæ omnibus morbis est accommodata. Sic Deus mixtis elementa singula imposuit, vt singulorum etiam vires referrent, atque in omnibus aliquamdiu viuere posse; nam homines in aquis, & extra aquas viuunt; nec protinus, vt ignis, extinguuntur. Simili ratione quæ singulis in regionibus proueniant, quæque aliud, & vnde, vehantur, quanti, quomodo, quo anni tempore. Sed & naturam rerum; veluti Bononiæ vix seruantur ad æquinoctium vsque vernale, & vltia; non ita Mediolani: Artificiorum vtilitatem. Quid expediat, perfectum, vt domum, emisse; an desolatum, & rude, velut agrum, vt apud Xenophontem. Quædam plurimum mutantur, vt pueri, equi, chelys notua, & quædam in melius. Vt vero singulorum mores dignoscas, tum ex vestitu & gestu, sub quo etiam gressus comprehenditur; sed maxime ex sermone. Ob hoc solertes viri sæpius mutant sermonem. Ignauissimi sunt, qui epulis libenter ferunt colloquium: post, qui de venereis, ornatu, & de rixis; auari de lucro; improbi de insidiis: probi de honore; dissimulatores de Diuis: at optimi, qui de virtute. Similiter & temporis & regionis & consuetudinis & Principum naturam noscere oportet: Tyranni ferro, Respublicæ, & qui arma tractare non solent, iudiciis [vtuntur:] quidam Principes veneno; alij prorsus, licet mali, venenum oderunt; vt Henricus Anglorum Rex; Paulus Quartus Pontifex, Pius Quartus, & Quintus, à vi abstinerunt: Quartus oderat iudicia iniusta; Quintus etiam grauiter vlscitur. Sub hoc tamen magis audent, ob morbum.



## CAPVT XXXIV.

*Potentium de rebus opinionem, scitu esse necessariam.*

**E**T quæ qui possunt, de rebus statuunt, dico Principes, Satrapæ, Magistratus, optimates, militum duces, sapientes, (inquire;) in horum enim manibus pleraque sunt. Neque enim existimabis (quod iure existimandum esset) credere, magnum esse aliquid iniustitiam, legum contemptum, hominis necem. Sed huiusmodi vtinam apud eos aliquanto essent maiora muscarum interitu! timent tamen tum famam, exemplum, atque odium propinquorum. Famam quidem, ne dum emanat in populos, audaciam seditiosis præbeat. Exemplum quoque dum verentur, cauent ne (etiamsi possint) inimicos veneno occidant. Sciunt enim, sic à pluribus timendum esse, quam qui timeant. Verum tu tecum dices, Decipiuntur; ne illorum errore captus pericliteris. Itaque & religione & legibus abutuntur; nec solum culpa sua, sed importunorum aulicorum: quibus obsequi, perniciosissimum; non obsequi, periculosissimum est. Explorato etiam, qui vere sit tyrannus: raro enim eius est tyrannis, qui prodicium insignibus; sed (talis est) tyranni simia. Atque idem in oligarchia: non enim pauci illi omnes regunt, sed ex his paucissimi, duo aut tres, ad summum quatuor: quibus nihil pensi est, nisi vt potentiam retineant: cæterum lucrum, & odia, ac simulacres pro Diis colunt: vt optimi sint, qui amoribus ac familiaritatibus seducuntur. Hos igitur scire oportet; & qui cum illis plurimum possunt. Aliter bifariam aberrabis; & plures esse credendo, quam sint; (vt roges etiam quorum causa pereas, ob illorum intestinas simultates;) & quod credas illos legibus viuere, & honestatis curam habere. At postquam cuique Deus est sua dira cupido; qui nos nihil esse putant, cupidinem & vitia, quibus capti sunt, scire oportet; hoc autem tam facile, quantumvis diligentius tegant, explicare superfluum sit.

## CAPVT XXXV.

*Cognoscere quæ in vrbe aguntur.*

**I**N tua præterea vrbe quicquid est, quicquid agitur, dicitur ve in digitis habeto. Dico familias, homines, coniunctiones, prædia, domos, mores, actiones, vitam, rem, studia eorum omnium qui in aliquo numero sint. Et ad hoc paratos habeas atque conductos clientes, qui nil aliud ferme curent: nam lucrum superabit expensas. Potuit hoc Cicero, distentus tot curis orandi, Reipublicæ tractandæ, studiorum Philosophiæ, scribendi; quique tot aliorum etiam curam ageret: Tu vero, ab omnibus his ferme liber, hoc excusabis. Hæc autem maxime in commodis atque potentia, tum societate, sunt reposita. At potentia amicis & re; comoda vero domo bene constituta constant.

## CAPVT XXXVI.

*De præparatione. Vbi de modis parandi opes.*

**E**ST primum etiam quippiam quod habere oportet, semetipsum scilicet. De animo quidem satis diximus: sed non sufficit, nisi etiam corpus firmum pro ætate habuerimus. Et vbi defecerit [corpus,] seu per ætatem, seu aliter, alium ipsum nos habere oportet, velut filium, fratrem, amicum, familiarem: quod si habere non possimus, res nostræ perpetuo fluctuabunt, tametsi diligens fueris. Habere autem, non solum prouidentia est, sed etiam fortuna: & maxime qui nostra curare velit vt suamet: inde qui sciat, inde quod maximum est in hoc proposito præstet [ & perstet. ] Beneficium naturale hoc filiorum est, vbi non degenerauerint. Ergo & animus natura fortis necessarius est: aliter nec opes, nec consilia, nec occasiones vsui erunt. At hunc fingere prudentia potest, atque supplere; præterquam vbi mors instat. At corporis incommoda non tam pronum est sarcire, tum opum vel amicorum defectum. Vt tamen bene valeas, abstinencia, somno, & exercitatione, postque medicorum consilio obtinebis. Exigenda est merces ante, præterquam à generosissimis. Præterita enim languescunt; præsentia diffuunt nimis celeriter; futurorum expectatio longa, anxiosa, fallax. Amici & familiares, clientesque fidi, tantumdem valent (imo plus sæpe) quam tu ipse. Præterea id maxime observa, vt quæ ad finem adipiscendum non solum, sed retinendum, sunt necessaria, tempestiue præoccupes: nam neglecta huiusmodi cogimur maximis difficultatibus recuperare; atque tum præsertim, quum æmulus insidiosus aduersatur. Velut si medicinam profitearis, vt discipulos circumducere possis ad curandum: hoc autem exposcitur, vt in medendo existimationem retineas. Sed & hic cauendum, ne erres: vt si pecunias multas postules, ne tempus pereat, & paucos habeas infirmos. Itaque vt omnia prius parata habeas, architectos imitatus, temetipsum scilicet exornatum moribus, & qui vti possis robore; deinde [caue] nequid obsit: (multa enim ob ritus impedimento sunt;) ne quis tibi fastidium, damnum, aut periculum afferat, subtrahere te oportet, non [autem quemquam] contemnere. Et ne tu quicquam delinquas: hæc enim superius sunt declarata. Demum nequa occasio in collocandis tum officiis tum beneficiis pereat. Secus si agas, temporis facies iacturam, & non adeo bene rem absolues; imo quandoque absolvere non poteris. Licet tamen præoccupare, ac inchoare, in temporis angustia, quum securus fueris de necessariis. Ergo quum in amicorum potentia, & multitudine, principalia præsidia sint constituta, vt superius docuimus; ita agendum est in collocandis officiis ac beneficiis, nequid percat. Quoniam captantur homines; si ea inaniter effuderis, non habebis quod exhibeas, vbi oportet. Itaque vel utilis vel honesti gratia, aut vtriusque, impendere oportet. Vtriusque, si [impendas] in eos à quibus iam beneficium habueris:

utilis



utilis, in filios, aut eos quos educationis filiorum plurimum profuturos existimabis, & in eos qui iquare te possint, ac velint; deinceps ubi gloriosum est: Honesti autem, in eos qui tuis latentur donis; quive pauperes, aut probi, aut coniuncti.

Præterea non vltimo loco sunt opes: quoniam in locis qui procul à regibus sunt, & à Satrapis reguntur, & nunc & semper omnia potuerunt; quapropter primum comparanda. Ideoque parum decet esse; nec considerare quantum lucreris, sed quantum super lucreris. Modi tamen breui parandarum opum sunt hi: Principum amicitia, maxime Sacerdotum; & qualiumcumque etiam pingue sacerdotium possidentium, quum liberalitate tua permutari possunt: Velut & viduarum diuitum matrimonia: Et orborum opulentorum consuetudo intima: quamquam cautos difficile sit capere; simplices, ne præuertantur maiore metu, spe, auctoritate, sollicitatione, periculum est: Industria noua; quæ multiplex esse potest. Artis notæ, sed lucrosæ, nouus etiam cultus utilis, aut speciosus. Alluionum intelligentia: nam lucrum in emptione & acquisitione. Altior enim (ubi) ripa alueus est, humiliorem inundat: terræ durities, & vndæ impetus, &c. Fluminis, ubi sæpe sinuatur, &c. recta ex recto ad rectum: Occurritur aggeribus & alnis. Compertum est pluribus sæculis irritum esse impetum aquarum in radicibus rupum. Alueus ergo quum natura in medio esse debeat, aut exiliet tractu temporis, vt humiliorem locum occupet, aut altiore subruet: at hoc facilius est, quam vt ascendat. Elatior est in ripa aluei; quia ob id in aduersum incubuit, ob altitudinem, & soli duritiem. Explorabis ergo perpendiculo, in quam partem pendeat aqua nam sæpe quod relinquit, inundari videtur: sed si humilior est, non relinquit. (Alius modus est) & executio creditorum, quæ loco mercedis sunt militiæ, à fisco, & regibus; maxime in fine bellorum. Diximus autem de hoc distinctè in libris De utilitate capienda ex aduersis: (vide & infra; Sectione 103.)

In singulorum autem executione maximum compendium habetur, in tota ratione gerendorum singula describere per ordinem; iubereque vt tui idem mandatum custodiant. Nam non solum quicquā obliuione non excidet; sed singula facilius & oportunius efficere licebit; ac nullo pæne cum labore, atque melius. Qui verò non parent, è genere malo sunt: proximi que malis sunt. Mali enim sunt & improbi, qui quod malum est, præponunt bono, scientes esse malum, quoniam malo adeo delectantur. Sicut boni sunt, qui præceptum hoc præcipuum & alia obseruantes; (nihilominus) tamen delinquant. Sed optimi sunt, qui non aberrant.

~~~~~

## CAPVT XXXVII.

### De Familia.

**Q**uod verò difficillimum est, est domus institutio: adeo vt vix cuiquam succedere possit. Sæuiant procellæ inimicorum, æmularum persecutiones, inopia, iudicia iniqua, tum

Tom. I.

reliqua omnia; non tantum tamen incommodi afferent, quantum domus male instituta. Etenim assiduum est hoc malum, & maximum; in quo de vita, honore & fortunis periclitatur: nec est in nobis, vt facile mederi possimus, velut in animi morbis; vel intermittant, aut partem quandam bonorum nostrorum in discrimen vocent, sed omnia: adeo, vt nisi vxor adsit, aut filius natu grandior, aut frater, aut soror, vix te queas explicare. Sed neque filij aut fratres sufficiunt, quoniam non semper domi manent. Oportet autem eos qui domum bene institutam habere volunt, assiduum habere custodem. Sed & in hoc periclitamur. Nam vxor & soror, & filia, si iuuenes sint, in amatores facile incurrunt; deinde famulorum vsus cum mulieribus suspectus est: iuuenes enim appetunt; à senibus appetuntur. At vero sine his (degere,) ferme impossibile est. Domus enim ex rebus ac famulis, tum necessariis, constituta est. Necessariorum si quisquam peruersus sit, prorsus fieri non potest, vt bene res constituatur. Eadem autem est ratio patris familias in domo, & regis in ciuitate. Porro, quod maximum est in hoc negotio, est bonos habere domesticos, & frugi. Senes putridi, imbelles; & si quid habeant vitij, corrigi nequeunt: si boni sunt, detinentur ab iisdem apud quos consenuerunt; si mali, aut inutiles, cui vsui esse possunt? Pueri rursus imbelles, & imperiti, lusibusque dediti: Adolescentes importuni, procaces, petulantès, libidini dediti: qui quum se ipsos regere non possint, quomodo te, remque tuam, mulieres, & pueros gubernabunt? Viri eadem patiuntur quæ senes: & licet imbelles non sint, in mulierum tamen causa senibus sunt deteriores. Mutatio præterea omnis mala est: & tamen quicquid diu feres, in maius vitium transibit. Hæc tamen minora sunt mala, quam (si seruis vtaris: nam) seuitus inhumana est, & nihilo commodior aut securior. Vides enim in Comædiis quam turpiter serui os oblinunt senibus dominis. Ergo prima ratio est, vt optimos (domesticos) eligas: deinde vt diligenter instituas: demum vt singulis incommodis, quæ ab illis proficiscuntur, occurrere discas. Quod si occasio vel mors domini, aut discessus, aut exilium, aliquem commodum (famulum) ferat, pro bona fortuna habendum est. Eligendi ergo sunt parentibus probis, & si adulti sint, etiam vita sapientes, solertes, ab omni infamia alieni, summa fide, & vt te ament, venerentur & colant. Sic enim duplici munimine tutus eris. Ab huiusmodi etiam viris queritur testimonium: & qui tibi insidiantur, ab eisdem initium sumunt; & merito; quum nulla sit via ad perdendos homines hac ipsa paratior. Plures enim aduersus inimicorum impetum, & potentiorum vim, magistratuumque licentiam satis muniti, ab huiusmodi machinis obruti sunt. Eligere autem præstat eos qui diu cum domino eodem, gnaro, prudente, moroso, præsertimque sene: manserint: & inter illos, qui forma sint præstanti. Nam qui paruo sunt capite, improbi plerunque sunt, aut stulti, aut grauioribus vitiis impliciti. Strabi etiam valde mali sunt, & gibbi; hi quoque sædi: & claudi, inepti. Præterea cayeto, vt sint incolumes, & in



visu modesti, ac temperati. Considerare etiam oportet principaliter illorum mores: an luses sint, fures, ebrii, inertes, vehementer ægri, aut imbecilles, & (tales) qui cum domino contendunt, & qui de malefactis gloriantur. In vniuersum bonos famulos à malis sic distingues. Fac ut aliquis domesticorum aliquod eius male factum obseruet, clanculumque deferat ad te. Tu vero vocabis illum; & reprehendes, iuxta facti magnitudinem. Si fatetur, & inde minatur ei qui illum accusauit, prauus est: enim amanda, quantumcunque virtute præditus sit: est enim furiosus; & domesticos omnes corrumpet. Quod si querit delatorem, aut consulit ut taceant nec domino reuelanda quæ fiunt, docet, nequissimus est. Si vero fatetur, & excusat factum, nec aliud querit, optimus est. Sed si negat, & querit quis dixerit, pessimus est hic, sed timidus: emitte statim. Si vero negat, nec ultra querit, malus est, & timidus: retineri potest. Rarò enim bonum inuenies. Quod ad fidem attinet, multi Germanis vtuntur familiaribus: apud hos enim adhuc manet integra fides. Præstat & neminem absque certa fideiussione in domum admittere, nec quicquam tantum committere ut furtum furto defendere possit. Est indicium sane magnum cogitantis furtum, si co-phinum non afferat in domum: sed deterius, si apud vicinum, & maxime pauperem, eum habeat. Porro electio œconomorum, puerorum esse non debet: quoniam œconomi, præter fidem, oportet etiam ut sint sapientes, & solertes, optimisque moribus, tum graues, ut qui auctoritate sua aberrantes coercere possint; at pueri omnibus his carent. Similiter & adolescentes rei (domesticæ) præficere haud tutum est, non solum ob paruum rerum experientiam, & quod domestici dedignantur minori parere; sed quod immensis ferantur affectibus. Si tamen ob fidem, coniunctionem, prudentiam, virtutem, quodque lætus sit, ac comis, aut inopiam hominum cogaris, multiplicem subibis curam atque laborem, ut instruas illum, ut sit obsequens, & ut errata corrigas, ut contineas. Præterea (quod in usu est apud mercatores & Principes) plures præficere rationibus opportunum: neque enim fallere possunt, quum ordinare disponuntur, nisi concordēs omnes sint. At in hoc vel domini supina ignauia abutuntur, aut magno periculo se exponunt, quum ad discordiam peruenerint. Alter enim alterum accusat. Quocirca tutissimum est, plures præficere rationibus, alios qui recipiant, alios qui dent, qui assistant, qui in libros referant, qui computent, qui exemplar transcribant. Verum in Principibus, ob stipendiorum magnitudinem, & socordiam illorum, impenſa superat lucrum. Itaque in paruis negotiis forsitan! præstiterit, non facere. Semper vero tenuem mercedem his constituere præstat; ex aduentitiis autem partem, in qua omnes sustentent. Præterea si quis tres alere non possit œconomos, duos aut vnum alat. Pauperibus vxor est pro œconomo: periculosum est tamen, quia castigare haud commodum. Quod si nec huiusmodi adsint, pueri sunt tutiores: verum illos arcere duris clauibus oportet, atque grauius

arcis: & ut nesciant vbi cariora sint recondita. Semper etiam decet tabulam habere, in qua negotia peragenda describas, quæ emissi, quæ mutuo dedisti, quæ facturus es, quæ cogitasti, quæ peregisti, aut puer pro te. Et scias quod puerorum seruitus est melior, quoniam facilius minis & verberibus continebit eos nummatus, & inimicorum occultorum suspicione; & sunt magis assidui, & maxime in assistendo, & scribendo. Vnde olim Romani tales eligeabant, & hos anagnostas, & seruos ob hoc pueros, tametsi viri essent, solebant antiqui appellare. Sunt etiam tutiores habentibus vxores, aut concubinas: & minus timendum est ab illis de furto. Contra vero ad graues labores, & ad tutelam corporis, & ad manifesta (pericula,) tum vero ad negotia domestica inutiles: contemnunturque non solum ipsi; sed domini. At ab improbis hoc studiose fit, quoniam præclusam viam futuris vident. Senes meliores sunt in omnibus ob id, nisi ad arcendam vim. Adolescentes, nisi optimi sint, peiores omnibus, & periculosiores. Quum famulum in domum recipere vis, fac ut aliquis tuorum, vel œconomus, te laudet, tamquam probum, & qui quod pollicetur absque dilatione persoluat: sed subiiciat, vitam exigere admodum parcam, ut vix viuere possint. Si frugi est, respondebit statim, aut non curare; aut, Si viuunt alij, & ego viuam: si lurco simplex sit, venire recusabit; si improbus, cogitabit; inde recipiet conditionem. At tu, si sapiſ, interposito scrupo, illum ne admittas. Dolum enim meditatur aduersum continentiam tuam; ex quo domum vniuersam subuertet: deterior priore; quod ille solum incontinens sit, hic autem etiam improbus. Filios communi utilitate quum à patribus recipis, id præcipuum est, ut patres idem, quod tu suspiciant, atque despiciant. In vniuersum memineris illud: famulos omnes esse ignauos, & nequam. Neque enim ob aliud seruiunt: nam boni à dominis retinentur; mali nulli vsui sunt. Est etiam persæpe vtilissimum in suis ac iuuenibus exemplum imitari Augusti in Cinna; & patris ignoti in filium, semel ignoscendo omnia errata: (sed semel duntaxat:) nam hi pro insidiatoribus acerbissimis, in posterum vsi sunt fidei ac commodis amicis. (De qua re Seneca de Clementia libro primo; & Valerius Maximus libro quinto.)

Porro de vxore ducenda, quod, ut dixi, totius domus fundamentum est, imò etiam, quod maius est, naturæ & ingenij filiorum, (dici enim solet. Quales vis filios, talem ducito vxorem,) tum vero educationis eorum, in opere De utilitate capienda ex aduersis diximus: nunc totum negotium sub vno verbo, seu (verſu) comprehendere licet:


*Vxor sana detur, prudens, fecunda, pudica,  
Ferma non cupida.*

Seruum improbum ex ignis tentatione dignoscis: ineptus in accendendo, stupidus, tardus, lentus, & ignauus in negotiis. Si desert ignem post, (non autem ante se,) nulli operi aptus est. Si dominis absentibus, aut non inuentibus, atque tum neque alias multa ligna imponit, ipsum statim abdica: deterior enim ebrioso est.

Vt



Vt suspectos furti deprehendas, alio translatis carioribus, aut reconditis in supposititia tabula aut crypta, vel ~~id est~~ oblitus quasi clauium, aut quæ, vt dicam, retinentur, aut nodo imposito seræ, aut cera consimili tabulæ coniuncta operculo arca, (sed in his duobus contingit falli casu) vel quod, vt primum, (sed illud tritius) optimum est, vt aperta claudi nequeat. Id ea ratione constat; vt sit *ab* seræ culmen, *cd* repagulum conclusum, & annulo intrusum. Ducatur vi clauis *e f* versus dextram, premente *g h*, vt fiat *kl*: non poterit claudi, obstante *gb*. Trahatur ergo infra per *m k*: vel intus prematur (sed hoc difficilior:) inde circumducatur per eadem.



Aliud: Foramina parua facies in operculo, & aræ limbo, & lino vincies, quum enim aperitur, franguntur. In vno fallax forsan esse potest; in pluribus non potest. Infinita est seges horum: sed hæc sufficiunt. In omnibus auxilium: in omnibus difficultas. Velut duarum clauium prima facilis, sed occulta omnino: secunda durior, in qua nonnumquam auxiliatorem querere oportet. Hic modus sane tutissimus. Sed confunduntur persæpe duæ claues. Denique tutissima fere omnia; modo magis rem ames, quam domesticos.

Vbi furtum in notis personis deprehenderis, statim mitte ad vrbs portas binos ac bonos: qui interrogent an exierint eiusmodi ætatis, sexus, vultus, staturæ, vestium omnium. Alios mitte ad cauponas & obsonatores, interrogatum si equos his locarint. Hi poterunt redire, monitis hospitibus, si superueniant. A portis vnus redibit, alter obseruabit. Si exisse deprehendantur, equitatum cum literis Principis, pecunia data, pollicitis maioribus mitto, & è tuis vnum qui etiam singulos in itinere viatores consulat, tum cauponas, & diuerticulâ. Nam lente progrediente, & prope celeri gradu, assequeris: si multum absint, & celeri gradu fugiant, lente. Sufficit enim, vt sub vna aurora locum ingrediantur, non vna ex porta, sed ex singulis; aliquot relictis ad portas custodibus. Et si alienæ ditionis sint, primum à magistratu obtinebis satellites, cum præcepto. Quæ autem de terrestri itinere dixi, eadem in portu & flumine, hæcque via certior est, & multo plures deprehenduntur; adeo vt fere omnes. Si vero adhuc in vrbe sint, prope portas custodes adhibebit præfectus satellitum, multis promissis, & etiâ pecunia deposita oneratus. (vide 106.) Explores, etiam illi mittent ad obsonatores & ad cauponas, & ad meretrices. Corrumpe etiam aliquem illis familiarem, qui in cas-

ses (prodens amicitia specie) eos deducat. Ita omnino in manibus habebis; licet non mediocri sumtu. Quapropter rem expendere oportet. Nam dupliciter circa hoc peccari solet: aliis ob segnitiam & avaritiam nihil agentibus, quod in non magnis damnis melius est: aliis multa in incertum profudentibus.

## CAPVT XXXIII.

*Res domestica: & eius conseruatio.*

Res domestica autem diuiditur in ornamenta, famulos, & necessarios. Ornamenta: triclinia, lecti, mensæ, equi, omniaque utensilia, munda, recteque disposita; tum etiam honesta, ne aut propriam avaritiam, & vecordiam, aut tuorum segnitiam ostendant. Vnde Cornelius Nepos de Attici cultu domus: Elegans, non magnificus; splendidus, non sumptuosus. Porro Galenus duplicem vestium & reliquorum (libro de dign. cur animi mor. cap. 9.) numerum censet: nam simplex non satisfacit, ob casus qui eueniunt: tum quia fœdari & atteri necesse est. Omnis enim vita in mutatione posita est: plura custodia egent, & aliorum vsui sunt [destinata]; quum mutuum dare necesse sit. Verum quum domus res omnis trifariam distinguatur; alia enim absumitur in dies, alia atteritur, alia manet: his quæ manent, custodia solum debetur: his quæ atteruntur; custodia & conseruatio: his quæ absumuntur, triplici opus est diligentia, atque in singulis maiore custodia, conseruatione, distributione: atque id magis in his, quæ maiorem afferunt voluptatem. Velut vino, & lignis, & pani, caseo, ac reliquis modis solet adhiberi: vt famulis panis & vini vnciæ quinque pro ientaculo aut pro ante cena exhibeantur; pueris panis duntaxat, & his qui liberaliter educantur. Cæterum duas habere oportet cellas vinarias, suis clauibus conclusas: alteram vini meraci potentis; alteram loræ, aut vappæ. Hauriatur cirneis parvis, si insolentiores sint famuli atque ancillæ: aliter res peribit; & quod deterius est, multa admittent errata; quod vero pessimum est, etiâ dominum contemnent, tamquam negligentem, rudem, & stolidum. Vt vero seruentur, aut emantur, suis temporibus, duplici œconomo indigent, si res familiaris magna sit; & tertio, qui distribuât. Res infinita est, & singula referre velim. Ad eos autem qui mutuo petunt, potentiam pro actu obiciēs: vt in cadis vinariis, quia impeditos dicere non potes (multa enim ex hoc sequuntur incommoda) dices expectare novos. Singulas etiam res numero & ordine descriptas parti in familiares oportet: velut carpentum, cum his omnibus quæ ad ipsum pertinent, aurigæ: cætera omnia sub clauibus ordine suo, & geminatis, obsignata habere conuenit: vt etiam si quoquo modo primas fallant claues, extra spem sint habendi. Hæc duriora videntur præcipiendo: nam vsu facillima euadunt. In vilioribus, & utensilibus, interulis, mappis, linteis, lecti, quæ improbi dum lauant, commutant, (est



(estque hoc malum pæne immedicabile) nullum inueni præstantius auxilium, quam acupingere prægrande signum, & dimensa quantitate, velut vt ob difficultatem non audeant [ delere; ] duobus autem paruis, ac quasi neglectis, deprehendantur: quæ dico adesse oportere, ne alterum casu pereat: graue est enim hominem furti falso insimulari. Memineris præterea in igne tractando vt summam omnes adhibeant custodiam, & semper ante deferatur, & vt hostis atrocissimus tractetur. Quippe nulla res, vbi non opus est, celerius augetur; & in immensum: vbi illius opera vti necessarium est frequentius extinguitur. In cæteris autem, à vino atque lignis, omnia sub clauibus, & quanto paucioribus ac firmiter (quæ eximi nequeant, si quis vel paululum aberrer, nisi certa, & occulta ratione) concludantur. Sicut ex *A* cubiculum *B* aperitur, ex *B* *C* penus: *D* solum intus. Claues quæ bis aut ter circumuerti possunt, produnt dolos.

A | B | C | D

In domesticis quoque rebus habendis seruandus est modus: scilicet ne Lucillum velimus imitari, qui quinque millia vestium mutuo dedit Pompeio roganti. Sufficiant pro ætate duæ vestes; totidem in hieme; totidem pro mediis temporibus: Eademque ratio seruetur in caligis & thoracibus, & capitis integumentis; præterquam in lineis, quæ debent esse multo plures. Nam plures his vestes, exeduntur à tineis, & à puluere; furto obnoxie sunt; à plicis finduntur; perit sumptus: pauciores non sufficiunt. Hancque puto fuisse sententiam Galeni. Ne fideiubeto pro aliquo. Gemmæ emendo & vendendo plurimum decedunt è pretio; præter quatuor: margaritas, smaragdos, adamantes, & carbunculos. Causa horum est, quoniam nulla istarum ad magnitudinem conspicuam crescit: quumque pulchræ sint, ob id necessario pretiosæ, ea de causa, quum exiguæ sint, facile à mulieribus gestari possunt in digitis, tum etiam à Principibus, quamobrem, quum vsus frequens sit, venales redduntur; & quum venales sint, pretium retinent. Erano puta, & sapphirus, & chrysolithus, & eiusmodi, quamquam raro pulchræ sint, quia tamen in magnitudinem conspicuam excrescunt, paruæ non possunt esse pretiosæ, magnæ commodè gestari nequeunt, maxime in digitis: ob id venales non sunt; & quum venales non sint, pretium retinere nequeunt. Quamobrem caro emuntur, vili venduntur. Sapphirus tamen, & balasius, quoniam non adeo excrescunt, pro monilibus in vsu sunt: ideo pretiosæ; sed tamen plus mediocritate decedunt è summa: quum reliquæ quatuor paulo plus auro amittant, scilicet quinta parte. Verumtamen omnium minime iacturam fert margarita & carbunculus: margarita quidem, quoniam plures in vsu sunt simul in collaribus pro mulieribus; & ornando capite, & vestibus; tum vero singulis in monilibus & inauribus vtuntur, & in vestibus reges; & aulici, reges imitantes: carbunculus ob pulchritudinem & duritiem: quum smaragdo durities desit; adamanti pulchritudo, si ad

carbunculum comparatur. Adamas etiam sæpè ad magnitudinem nucis excrescit. Carbunculus verus, quod sciam, numquam visus est, quamquam de Fadis, &c. [Indis] multa fabulentur, ob id pretium manet carbunculo & margaritæ pæne immotum; proxime smaragdo, & adamanti. Fragilium autem vasorum & statuarum vsus Principibus relinquamus.

De reliquorum autem omnium conseruatione non ita agendum est, quasi rem rusticam tractemus; sed vt per capita & methodo non vulgari eam ostendamus ita breuiter, nihil possit dici absolutius. Res ergo quæ seruantur, sunt sex generum: Cibi, potus, vestes, ornamenta, plantæ & animalia. Quæ corrumpuntur, sunt tria elementa, & qualitates (calidum & humidum præcipue; frigidum etiam immodicum: quoniam gelu omnia corrumpit, & his omnibus quæ non sua natura corrumpuntur, noxium est; oleo maxime, & aceto, & melli: hæc enim calido gaudent, quia putrescere non possunt;) & vasa, & motus: atque talia. Sed animalia generantur partim à qualitatibus, velut calido & humido. Commune omnibus est mundities à puluere, ab illuue, à sordibus, & ab vdo. Vnde iam excluduntur per hæc puluis & aqua. Animalia igitur, præter munditiem summam (quam dixi omnibus quæ conseruari postulant, esse communem) gaudent cibo, potuque bono, & moderato, aëre libero, sole, & exercitatione. Frigus moderatum etiam confert: velut & siccitas. Dixi, calidum paucis, humidum nullis conuenire. Propterea & testudines & paguri & limaces, & ranæ fistilibus & farina impinguari solent, & cancri & tanæ puris aquis; cibo autem eodem. Equi tamen, & boues calido præsepi gaudent: quoniam quod exerceri debet multum, aut impinguari, calido loco indiget, non frigido. At plantæ à frigido immodico arceri debent, aliæ condi; aliæ paleæ, & feno, manipulis alligatis, ab imo autem stercore circumdari. Omnium [plantarum] ferme vita constat aqua & fimo; nocte tamen rore; die, sole; omni tempore aura gaudent: sed fimo vnicuique proprius. Mundities in illis est, refecare quod putret, verno tempore, quum germinare volunt. Ob id loca aprica, & ad meridiem ac orientem posita amant; vtque imbre foueantur, naturale enim est earum alimentum: quo etiam pisces gaudent, & homines etiam, quum nullus salubrior sit portus. Ornamenta vero, vt picturæ, maxime à sole atque vdo læduntur. Gaudent libero aëre: sed velantur, ob puluerem, quo nihil est nocentius; vt etiam tapetis, ac vestibus: vnde excuti [debet puluis] virgis tenuibus à vestibus ac pellibus: [quæ] inde condi arcis conclusis debent, cum absinthio siccato in furno; sed in arcula posito, aut pyxide; nam in puluerem si transeat, & ipse autor est corrumpendi illas: loco autem frigidissimo siccissimoque, vt tutæ sint omnino ab iniuria terebinthi, quæ maxima est. At picturæ si illitæ sint atramento, tenui atque optimo, ab omni iniuria aëris tutæ sunt, sed etiam pulueris, modo cura adhibeatur, hodie id vdi genus vernicem appellant. Sed ciborum potuumque multiplex corruptionis autor motus (omitto nunc communia, vdu, & puluerem, & solem,



lem, & si fructus sint, contactum, quia humido alieno corrumpuntur, torpore exeduntur, consortio incalescunt: reliquorum vas & aer causa putredinis est. Ob id vas quidem corrumpit quæ continentur, illa vero ab aere corrupta, vicissim vas corrumpunt: alia autem aërem vitiant, & aer etiam vas corrumpit. Aer igitur ex toto arcetur, aut immobilis redditur, aut per flatus erigitur. Exemplum capiam ab immutato. Bononiæ quum aer deterior sit, quam in pluribus aliis urbibus, seruant, tamen vnas quasi violenta diligentia ficas & sanas; & nondum perfecte maturas appendunt filo in cubiculo frigido siccoque, huic operi dedicato, vndique concluso, vt ne rimula fatiscat. Eam singulis quatuor diebus cum candela accensa inuisunt; singulaque grana explorant; & quæ minimum marcoris contraxerint (alia non tangentes) forficula leniter præcidunt, seruant illam immaculatam & optimam; ferme ad æstatem vsque frequens est, magna cum admiratione omnium aduenarum. Aliud: In Umbria proximisque regionibus condunt triticum in cameris sub terra, loco siccissimo, obstruentes ita, vt ne nouus aer penetrare possit. Vincitur ille à vapore tritici: vnde etiam tum eo imbutus, tum propria immobilitate corruptus, enecat homines, si eis apertis statim ingrediantur. Ob id illi, apertis [cameris] tribus aut quatuor diebus sinunt perflari locum, donec lumen inductum non extinguitur. At sub terra etiam vinum & aqua optime seruatur, licet humido loco: quoniam ipsa humescere nequeunt, & ob id nec corrumpi; sed solum à calore vel minimo; à frigore autem, vt dixi, non nisi maximo. Dolia itaque seruantur bifariam: vel purgata ab omni sorditie, & siccata, & conclusa superius; aperto autem ostio, vt omnino, tamquam noua, nihil pati possunt, neque ab humore, quum munda sint; neque ab aere, quum liber sit: ostiū enim quam maxime patet. Alia tutior est, ne quid residui, & melior, quum non siccantur vasa, quum odorem corrupti ligni ob id induant. Sed optimum (aërem) conseruant ex optimo vino intus seruato, aut aceto, concluso vase & immoto: à quo enim corrumpere? nam aer insicitur à vino; vinum natura incorruptū seruat aërem; & vas seruatur ab vtroque; & rursus vinum à vase & aere, tum, etiam aer ab ipso vase. At motus, quum non est continuus, corrumpit vinum, quia aërem nouum inducit, qui ipsum debilitat. Ob id nec vinum transmutare conuenit, nisi quum ex musto transit in vinum defecandi illud causa. Aliter aut plena vasa esse oportet, & immota, & conclusa; aut paucum & exiguum, atque conclusum & immotum; aut quotidie hauriendum. Acetum autem, vt dixi, seruat etiam magis vasa; sed sapore suo & odore illa imbuunt. Aqua autem in cisterna seruatur, & in vasis, quæ fluuiorum pleræque, & pluuiæ. Sed cocta tutius seruatur, & melior est: vt contra, gelu semel concreta, in posterum, nisi & ipsa coquatur, mala est. Horreis vero valde altis, & ad septentrionem expositis, aut ad aquilonem, qui medius est inter orientem & septentrionem, seruantur segetes & legumina, & fructus. Carnes autem salitiæ humidiores loco potius, quam tam excelsæ, contineri debent:

quia cum sale humidi multum habent, quosuaues sunt: id si siccetur, vel cariem contrahunt, vel insuaues (sublata parte pingui) euadunt. Debent enim catenus siccari carnes, vt aqueum totum humidum, & quicquid ex sanguine superest, & incocta pars omnis absumatur: aliter aut vermes gignit, aut rancida euadit; totum autem id quod pingue est, & integrum atque incolume, seruatur. Sed vt ad horreum redeam, non ad boream spectet, quamvis frigidis sit; is enim ventus orientaliore est, quam decet: multo minus ad alias cæli regiones, aut ventos, nisi quæ inter septentrionem & aquilonem positæ sunt. Parietes amurca mixta luto illinendi sunt, & oliuæ aut oleastri sarmentis vltis: nam curculiones hæc prohibent: neque si infestent frumentum, mouere [illud] debemus: nam immoto intra palmum subsistunt, ait Columella. Creditum est, sulphur, & origanum & conyzon omnibus his fœdis animalculis inimica esse. Poma omnia palea substrata seruantur. Dico quæ mala vocantur, & cotonea, pyra, sorba, mespila, tricocca: sed Punica peculiarem quandam diligentiam, non solum quia facilius corrumpantur, sed ob nobilitatem, exposcunt. Itaque in frumento sepeliri solent; seu quod illo omnis iniuria aeris arceatur; seu quod sic melius refrigerentur; aut quoniam frumentum, attracto humore ad se, illa siccet. Fructus passii, vt vuz passæ, Creticæ, Illyricæ, & quæ sine acinis, tum ficus compressæ & astrictæ, loco frigido mediocriter humido in vasis vix senescant.


Ex principalibus autem præceptis etiam Aristotelis est, vt vbi fidi ministri sunt, & prudentes, distributioque recta, vt quæcunque seruari possunt, annuatim & tempore quæque suo coemantur: at vero vbi aliquid illorum desit, nimis malum est, minutim omnia emere. Vt emere discas, quod alias dixi, pro norma tibi propone illos qui magno incommodo id tamen bene agunt. Velut Iudeos, qui inuisi omnibus, & à magistratuum tutela alieni, coguntur emere vinum, frumentum, ligna; quæ nil permittatur habere ex redditibus. Pecunias exiges solus extra domum, ne tui resciscant: quia minutim colligendo soli domestici possunt noscere opes tuas, & ab his etiam in alios fama vulgatur. At si magna sit summa pecuniarum, melius est vt secreta ad te in domum deferantur, & in cubiculo recipias: nec condas antequam discesserint: sed eis abemitibus, finge aliquem ad alium quempiam mittere, cui pecuniam numeres: post statim condas; atque hoc maxime, si inquilinus sis, aut sine secura familia. Fœnum & paleas ac talia constringe valde, vt sint tuta ab ignibus.

In curatione etiam sumptuum quotidiano oportet præficere aliquem, qui mensæ reliquiis colligendis intentus sit: quod etiam in vsu est apud Principum œconomos: sed (ad sordidi domini infamiam euitandam) ita, vt fures solum & helluones, ac euerfores mensæ deprehendas. Quod si quis eam curam refutet, non frugi familiarem esse scito. Summa præterea diligentia adhibenda est in seruandis clauibus, & scripturis. Claues & plures sint, & conformes vsu: at quæ non nobis sæpius sunt necessariae, vel etiam sub quibus pretiosiora continentur, sub aliis [clauibus] debent



debent seruari. In scriptis omnia seruanda, etiam inutilia; modo periculo careant: vnde bifariam peccatur: solum ex inutilibus, epistola incognitorum virorum, quæ nihil continent, etiam si petant impudenter, vsui esse possunt. Ad vitandam autem confusionem, quatuor arcis opus est, præsentium, præteritorum, salutationum, & inutilium.

Tutela in cognitione, vt dixi, aut difficultate. Hæc in ignorantia, ordine, duritiæ, tempore. Est quod ambo amplectatur, antequam detegatur, nam tempus omnia reuelat: & circa aliam arcam negociaris: quæ magnis laboribus vbi patuerit, rursus claudi non possit, quod hac ratione constat. Tabula *ab* habet inserta ferrea additamenta *g* & *b*, præter capita *ab* adhiscencia & mucronata; vt compressa ab vno latere



[*cd*] altero [*ef*] obcuruitatem prodeant.

Hæc remitti ob ferrum, quod magis extenditur, nequeunt. Aperta igitur relicta, prodit furem. Tempus vero longius, periculum affert; ne deprehendatur: ordinis necessitas errorem affert: duritiæ, moram & timorem. Sine fine nemo opus aggredi audet.

Pro emtione prædiorum statue maximum pretium, & iuxta illud, vigesima in redditibus. Velut Bononiæ supposito pretio domus communi aureorum cccc, pretium maximum libræ cc in singulas tornaduras, &c. tor. lxxx, pretium xvi: detraho mdc. pro domo, relinquitur xiiii cccc. Si ergo desit cannabis, &c. detrahe tertiâ; relinquitur ixd c. vites cum arboribus, pro tertia, cuius vites duas portiones habent, arbores vnam; si desint, vt in incurfionibus, detrahe dimidium; si non fert, totum, vt relinquantur vii. cc. aut iiii. dccc. Hoc debetur tritico, & satis: cuius sexta pars debetur mori arboribus: qui si desint, erit pretium iiii. librarum. Eadem ratione considerabis partes, vt in tritico sexcuplum, quincuplum erit pro lucro, quantum accrescat aut minuat, &c. Et ita de arboribus atque vitibus. Vix enim fieri potest, vt omnino nudum sit. Iuxta proportionem igitur vnumquodque computa; inde adde domus pretium, & totum diuide per lxxx. Redditus autem ex vigesima ad vigesimam quintam retrahere oportet, ob grandinem, pruinâs, fures, bella, pestem, impensas, casus, attritus. Pactionum autem modi exemplo declarantur. Quidam vendit prædium æstimationis aureorum mdc, pro mmm: & vt persuaderet, conducit per nouem annos præcio clxxx: numerat emtor mcc: residui soluit vigesimam in singulos annos xc: qui detracti à clxxx, relinquantur xc: quos numerare tenetur emtori: sed ille computat in debito mdc cc. residui: Quæritur quanti plus vendiderit. In his omnibus, quæ inter duos tractantur, duo obseruabis: primum, quod lucrum vnius, est alterius iactura semper æquale: secundum, quod debemus ad vnum reducere, quod manet. Vt hic, si venditor prædium retinisset nouem annis, haberet mdc, & pro redditibus dlxxvi, & pro anatocismis vigesima reddituum cxiii. ferme: qui collecti, sunt aurei mmccxc. Facta permutatione,

in fine primi anni emptor debebit aureos mdcc: secundi mdcxv: tertij mdxvi: quarti mcccxi: quinti mccciii: sexti mclxxxviii: Relinquentur ergo persoluendi in fine noni [anni] aurei dcccviii. Recepit ab initio mcc. anatocismi vigesima dxi: & horum rursus cviii. Collige omnes, habebit venditor mmdclvi: habuisset autem tantum mmccxc. habet igitur cclxvi. plus, sed quia hoc in nouem annis, in quibus ex replicatis anatocismis c, sunt cliiii: dices igitur: Si cliiii. redeunt ad c, aureos; ad quantum redibunt cclvi: & habebis ccv, cum tertia. Et tanti est iactura emtoris: & tanti plus venditor distraxit. Et est mirabile, quod mccc. aurei, quibus ab initio plurius venditum est prædium, redierint (ob discrimen centesimæ in singulos annos, quæ est xxx. aurei, & in nouem annis cclxx.) ad ccv. cum tertia: & colligentur aurei mcxciiii. cum bessè.

In emendo etiam res magni momenti, oportet alios submittere: præcipue si locus abprocul: & scire prius differentias materiæ, compositionis, locorum vnde adueniunt, formam magnitudinem: omniaque non solum diligenter scribere, sed in chiographis pactionum addere; ne vel decipiaris, vel litem ex re tua facere cogaris: ideoque (vt alias dixi) temporis iacturam pati necesse est ei, qui talia curat.

\*\*\*

## CAPVT XXXIX.

### Oeconomica distributio & præcepta.

**V**T vero retineas pueros vel adolescentes, hos tibi commodos efficere oportet. Id est, vt vel ad sapientiam inflammentur (quod optimum est,) aut ad musicam; aut coniuncti causa aut ludî, aut venationis, aut pecuniæ, aut puellæ; talibus enim dominaris: Viros [detinebis] stipendiis. Omnes spes alit. Pueros (nam viri non nisi petita venia, reliquique, discedere solent) quoniam præter verbera, vel si grauius vexentur, aut seducti (vt etiam mulieres) aufugiunt, continebis, discessum præuidendo. Sunt enim antea cogitabundi; & sua condunt, & verba aliqua cum magis familiaribus effutire consueuerunt. Vbi de hoc suspicaris, interpone proxenetam ex his quibus magis fides, (nam fugam nunquam vtilem esse duxeris) qui odisse te simulando, eum hortetur ad fugam, ac se comitem addat. Deprehensum clamosa poena, sed non graui, castiga. Aut enim in posterum non discedet, aut citra infamiam tuam. Sed si veniam antea petit, missionem facito. Si retinere cupis, dilationem iniunge, atque interim per proxenetam quæres, quæ causa illum à prima opinione abduxit. Eam muta, & vestibis, [aliisque] voluptatibus promissis, placatum retine. Si nulla re placatur, inconstantia animi in causa est; quam verberibus cohibebis. Quibusdam enim illorum, cerebrum repletur humore; nec aliud norunt, nisi dominos & suos benefactores odisse. At si conscius sit turpis rei tuæ; vt si pro te lenoniam exercuerit; non parum est, vt per ignauiam, leui facto tuo, tuam



tuam lædat exiftimationem : præfertim ſi iam pollicitus eſt, apud te ſe manſurum ; ſi multa accepit, nec iniuria illum affeciſti. Ergo hunc minis grauiffimis, ſine vlllo blandimento, coërcere : ſtatuens illi præſinitum, ſed non longum, tempus diſcedendi. Sunt artes quibuſdam : alij ſimulant iter. Sed inſaniæ eſt argumentum, leuem rem magnis detrimentis mutare velle, aut corrigere. Iucundi pueris ſunt colluſores, & qui gulæ eorum inſeruiunt, & qui blandiuntur ; quique cum illis multos miſcent ſermones. Scorta vt inſtituas, non laborabo, ad quid enim, aſinum eligere pro curſore ? Malorum ſunt morum : cur ergo præficere rebus debes ? aut quicquam illis fidere ? tum maxime, quod ( ſi errent ) tuto caſtigare non poſſis : Famulorum vaſtrum nuper fallendi inuentum eſt, edaces ſe ſingunt, & bibaces : panes duos petunt pro ientaculo, & vini mediam menſuram, vtpote libram ; carnes vel caſeum, tantundem pro ante-cena ; pro prandio autem & cena, quinque aut ſex panes ; vini binas menſuras ; carnem & caſeum affatim inde duos poſt dies, aut tres, non ſolum non deuorant, ſed parce edunt ; vt quicquid ſuper eſt, vendant, aut ad meretrices, vel ſuos, transferant. Nec tantum furantur eo dolo, ſed putant id ſe iure facere poſſe, quod conſeſſis vtantur ; & ſi neges daturum ea, auaritiæ in famiam per compita & fora tibi inurunt, tamquam nolis alere famulos, qui etſi quod porrigitur abſumerent, non eſſent ferendi ; quanto minus tam doſoſum hominum genus, vt diripiat ? Secunda ergo cena appones ſpeculatores, tamquam aliud agentes, quos ſi helluones deprehenderint, vel ſi omnino petant, amanda : nam præter id, quod helluant, iners eſt hoc hominum genus ; vel fures ſunt. Finge veniſſe quem expectabas ; inuitum emittere, ob id non ſtatim. Vel ſimplicius, vbi contenti non ſunt recta inſtitutione, amanda pauculos poſt dies, ne præſentiſcant. Eſt autem recta inſtitutio tricliniorum ſeruiliū diurna, libræ duæ panis, vappæ quatuor : pro obſonio quadrantes xvii.

In inſtitutione autem omnium, tum vero præcipue puerorum, inſiſtere oportet, quod cura domeſticorum eadem pæne ſit veſtium curæ : has enim ſcopis mundare, detergere, ſiccare perpetuo decet : domeſticos exercere, monere, inſtruere, caſtigare. Maxime vero puerorum inſtitutio neceſſaria eſt, quod magis ea indigeant, & melius inſtituantur ; eoſque formare licet minore cum difficultate : tum maxime etiam ob id, quod pueri ſunt vt vaſcula inania, quæ niſi bonis ſuccis impleantur, hauriunt prauos. Sunt etiam in omnibus ( præterquam grauibus ) miniſteriis, viris meliores, quia magis aſſidui, prompti, diligentes, obediētes, mundi, minoris ſumtus, & verberari poſſunt. Diximus autem de hoc alibi : ( in Exhortatoria ad bonas artes. ) Igitur laboribus ſenſim, & ad patientiam ſtatim, ac continentiam, ſunt aſſueſciendi pueri. Miſericors ſis, ac mitis, manſuetuſque in omnes, tum præcipue in illos ; hilariſ, blanduſ quoque in verbis. Præterea ſummum errorem eſſe ducas, velle plures duobus, tum pueris, tum adoleſcentibus in domo habere, abſque æconomo prudenti, & ſidō atque acri viro ; quo-

niam petulantes euadunt ; & ſi eos verberaueris, odio te habebunt : quare, ſi ab æconomo caſtigentur, illum, vt miniſtrum, te, vt qui non verberaueris, non odio habebunt ; vtrumque autem timebunt. Oportet enim hæc munia, vbi eis opus ſit, diuidere : quemadmodum & natura & ars facere ſolet : vt ſit quod, & quo agat. Ergo quum plures fuerint, ſine pœna contineri nequeunt, quod ſinguli aliorum vitia contrahant, vt non ſolum intractabiles ſiant, ſed confuſio ſuboriatur. Oportet ergo huiuſmodi hominem ad eſſe, & plurimos etiam alios viros. Imperfectum enim a perfecto ſuperari oportet, & vt illi ſubiiciatur. Si enim perfectum non dominetur, actio non ſit ; vt etiam in naturalibus.

Domeſticorum reliquorum ratio, cura, inſtitutio, obſeruatio, ſit pro vniuſcuſque generaliter natura. Sunt plura eorum genera : maiores, æquales, minores, coniuncti, æconomi, & humiles familiares. Maiores dico, parentes, fratresque natu maiores, aut dignitate, aut qui vſui præſtantiori ſunt, vel ob diligentiam, aut laborem. Æquales ſunt ; fratres & ſorores, patruſque, & huiuſmodi, vt etiam collactanei : velut & ſenes, qui nobis vtiles fuerunt, vt nutrices, quamquam conditione humiliiores, pro maioribus colendi ſunt. Laudatur præclarum Attici factum : qui tanta fuit morum ſuanitate atque prudentia, vt quum matrem nonagenariam, cum qua ipſe ſexaginta ſeptem annis vixerat, extuliſſet, neque cum illa, neque cum ſore ( quæ Attico æqualis ferme ætate erat ) vniquam in gratiam redierit. Id quibuſdam incredibile, aliis arduū nimis videbitur : ſed bene rem conſiderantibus, neutri recte cēſent. Nam officia illorum, ac beneficia ( quæ tibi in tenera ætate tua tribuerunt ) recordans, animumque erga te benenolum, eorum breuem vitam, quæ eis ſuper eſt, mortalium inſtabilem & mollem ſtructuram, emolumentum iracundiæ atque diſſidij : ( quod nullum eſt proſus ) miſeraberis illorum potius ſtatim ; erraticque libenter veniam dabis, eorum iracundiæ cedens, vt cum tuis in pace degas, omnia facile feres. In cæteris autem ita age, vt vniuſcuſque familiarium omnibus aliis apud te præferri ſe putet. Id conſequeris, ſi ſingulis ſeorſum miniſteria diſtinguas, ſecretumque aliquod communicaueris : vtpote, Quæ præferenda ſint, de pecuni, vxoris pudicitia, & inimicis. Pueros autem ſi omnino mens ſit, optime inſtitutos habere, & firmos, ac virtute præditos, oportet illos ſeuero & ſcūo magiſtro tradere inſtruēdos : qui verberibus, fame, laboribus, continentia ſumma, aſperis que imperiis illos inſtruat extra domum tuam. Impenſa non leuis : ſed nil melius eſt in hoc negotio, ſic enim optimos & firmos habebis. Nec ſumtus peribit : nam paucioribus ales, & viliori indues : & tamen, ob nitorem, ornati videbuntur. Rogare oportet maiores, parentes, dominos : æquales perſuadere : & minores, qui non mali ſunt, ſed errore ducti, aut perturbatione peccant : at minores non æquales, qui improbitate peccant, ſi perſuadere coneris, peiores efficies, & vilipendent te. Ob id nil melius dilemmate. Si vis vt vir vinere, vt cum viro tecum agam : vel ( ſi puer ) vt homo, vt cum homine agam : Si vt beſtia,



bestia, vt cum bestia. At dices, Periclitabuntur. Sed hic etiam periclitabuntur, & te contemnent. Magna securitas ad prohibendum omnia mala domesticorum est, vt dum sint in domo, non possint claudere ostia. Ideo habeant solum seras, quæ exterius claudantur. Et hic est vsus Cardinalium, & plurium cauponum: sed hi quandoque vertunt rem in perniciem hospitum, atque etiam auxilium hoc est durius, propter noctem, & morbum, qui superuenire posset.

Maximum autem in institutione præceptum, sed quod vix exequi possis in aliis quam pueris, ad cohibendum eorum insolentiam, moresque malos & effrenes retundendos, est continentia in victu maxima, præcipue vini, & eduliorum pinguium, & fructuum. Quod facile est videre in nobilium pueris, adeo bene institutis, ob solam victus parcitatem: neque enim ob verbera se continent. Potus enim & cibi copia, præter id quod illos incontinentes & cupiditatibus indulgentes facit, efficit, vt fiant velut equi, qui arrepto freno, quum adulescunt, rapiunt sessorem. Vnde euenit vt tales in iuuenta, quum primum metu soluti sunt, & florere deberent, rapti immodicis desideriis, exitium sibi parent. Neque enim vnquam iuuenem continentem in victu, perire, nisi casu quopiam, vidi. Quinimo tales, si ab initio in ceteris bene instituti sint, ad longam senectutem cum gloria peruenire solent. Maximam ergo curam in hoc adhibere conuenit: vt, si dicto non sint audientes, quamquam etiam alioqui magna virtute præditi sint, non concipias de illis spem.

Porro vt flagitia, & maxime furta, explores, (vide & supra cap. 37.) primum tentabis iuramento terribili exhibito, vt intra annum qui peierauerit, pereat. Tum super pectus signo posito, dum statim alleuas, cordis palpitationem cognosces in conscio. Ergo si proponas poenitentiae diei spatium, facile fiet, vt clam ob metum reponant. Alias in libris De sapientia modum prodidi, quo autores semetipsos detegunt. Sed nulla tutior via, quam dissimulata re, paulo post omnia quasi aceruatim in cubiculo colloques, sic vt tumultuarie posita videantur, tum etiam, quasi oblitus, marsupium (curiosius tamen reconditum, occultatumque) relinques. Inde singulos, diuersis ex causis, atque vnum post alium sic mittes in cubiculum, vt semper explores, an qui iuit sustulerit aliquid, aut loco mouerit. Plurimum tamen negotiosus (vt mihi) semper profuerit clauis ad vitanda detrimenta magna, tum maxime duorum generum: hæ scilicet quæ eximi nequeunt & mutari, &c. de quibus supra diximus. Quum vero frustra quærimus furem, tantis agendum est tamque grauibz animaduersionibus, vt fures poeniteat facti, nec eo incitentur, sed poena potius deterreantur. Quum domestici laternam heri sustulissent, peierassentque magno periculo, omnes qui in suspicionem cadere potuerunt, stipendio, vestitu, verberibusque sic multaui, vt receperim, detecto etiam furti autore. In dolis autem (vt alias dixi) repetita distributione aut narratione deteguntur. Quum verò furtum vile est, nec detegitur, dissimulare oportet, nam & facilius dissimulando inuenies autorem, & de-

tegendo audaciam aliis adderes ad furandum, etiam si fures natura non sint. Secus, si detexeris, tam acriter instandum, vt dixi, vt potius acerbitate metus & poenæ deterreantur, quam quod lateat, incitetur. Propterea quod optimum est in huiusmodi casibus, sed incomparabilis industria, est vt quæras, & experiaris, & non detegas. Indicium autem conscientiae est hæsitantia in repentina interrogatione. Vt vero illos explores, (maxime pueros, mulieres, adolescentes,) sortem mitte suo tempore, ne huius, [furti causa factum videatur] vt incendant tristitia læta. Nam contumaces & duros videbis irridentes, melancholicos irasci, timere, gaudere tamquam de re præsentis, prudentes, tacere, simplices multa interrogare, voluptatibus deditos, parum curare, fures & dolosos, suspensos paulisper se continere, inde ridere. Aliter hoc experimentum facere nec admittere non decet: nam improbi fiunt audaciores, aut cauciores, timidi ferme fiunt insani, ob metus inanes, & nimias spes. Pecunias ne tracta occupatus, neque quum tempus vrget ad aliud negotium: sed exime eodem sub numero, vt deprehendas furtum. Variando enim bifariam contingit decipi, & vt credas frustra te deceptum: & vt decipiaris, nec deprehendas. Sed si vicinus fur sit, & domesticos tuos sollicitet, mala merx est. Corruptet enim perpetuo domesticos tuos. Neque enim quispiam sponte à flagitio lucroso discedit. Ob id iure agere expedit, aut tuos domesticos cum illius domesticis, & cum ipsis, committere: adeo vt semper odiis execrabilibus disuncti sint. Si pauperes ad tuos veniunt non certa necessitate, furtum, & domesticos tuos fures esse, declarant. Nam quum vel precario, vel dandi, vel accipiendi causa necessario veniant, pauperes autem nec precario, nec dandi causa veniant, reliquum est, vt accipiendi. A quibus autem sine consensu tuo accepturi, (oportet enim esse qui dent) eos necessarium est fures esse: maxime tum opus est diligentia, quum lex est, & domesticus fur, cuius fidei credita res est, (stulta sane & stultior ratio, &c.) capitali poenæ obnoxius non sit. Indignantes ob iram tuam, maxime pacibus simulata amissione rei, tamquam furto subrepta, inde inuenta, & multa circa hoc loquere: nam gaudent simul exemptam suspicionem, & merito quasi irato, veniam vltro dant. Memineris autem, quum solus es, seu nummatus sis, seu alienigenarum familiam habens, semper vna clauis aperta, alias concludere, imitatus carceris custodes. Ita etiam solus thesauros tuos tractabis, & occulte, nedum neminem præsentem: Vt bonum sit habere geminata ostia, ne exaudiri strepitus [nummorum &c.] possit. Nec confidas, quod pauca habeas. Nam multi existimabunt multa esse: & quibusdam pauca satis esse videntur. Vnde plures videas spoliari mulierculas, & pæne mendicos iacere iugulatos in via, quam diuites.

Vt vero incommodos domesticos corrigas, aut ableges, huiusmodi ratione vteris: Primum, cauendo ne quemquam alas inutilem: Dico contumaces, infidos, inertes, nugaces, seditiosos, stultos, vel qui te oderint, aut bonis tuis inuideant. Statim, quandocunque talem esse deprehenderis, summa occasione, per æconomum



num, paucis donatum amanda : nisi grauitur deliquatur. Tunc enim acerbe per illum increpitum, minis etiam additis, protrudes e domo. Secus, plenum spe dimitte. Maximè iuuat, si pro mulione cocum; pro cubiculario musicum quærere te fingas : nam non frugi homines nihil moratus, e domo ablegabis, antequam te grauius offendant; & consuetudine ablentiam molestiorem ducas : aut intima cognoscant : ob quæ, qui solertes sunt, improbitatem diutius tegunt. Quod si quis talium, studio suo, aut ignorantia tua [ socordiae, ] arcanorum tuorum factus sit particeps; etenim

*Scire volunt secreta domus, atque inde timeri :*

Tunc illum extra regionem, aut saltem extra urbem ablegabis amicè quantum potes, & monitum vt sileat. Neque laudabis eum plurimum, ne testimonio tuo facias vt quis de te merito queratur : nec maledices prorsus; ne poenam reddat talionis, & vberem. Quod si nulla læsus iniuria, arcana tua non desinat effutire, per potentem virum illum quibus potes modis exagita; tum magis, si in vrbe sit, contumeliis, minis, iniuriis, litibus fictis, insidiis, ac terroribus, inimicos illi conciliabis, vt sui tantum meminerit. Quod si nec sic quieverit, sumito personas, quæ illum aliam in regionem, numerata pecunia, & maiori spe euehant. Et, si nec id efficere queas, submitte exploratores, qui odorentur cuius sit, quibus parentibus ortus; quæ in vita egerit, quæ illi acciderint, quibus sit notatus suspicionibus. Vix enim fieri potest, vt in tam improbo viro multa non occurrant, per quæ illum possis euertere. Nam quæres etiam qui fuerint illi inimici, aut æmuli; quæ conditio : crimina quoque, etiam coniunctorum, aut maiorum. Vix quisquam in tanta segete immunis esse potest : quanto minus improbus, & in quo suspensiones etiam leues pro criminibus habentur? Quibus paratis, molibus omnibus eum aggredere; vt exemplo sit aliis, perfidiam erga te nulli vtilem aut tutam esse posse. Ita illius contumaciam & improbitatem, eo etiam everso, comprimere & franges. At si pueri sint qui peccent, animoque malo, grauitur & raro; inertes, sæpè & acriter verberandi. Non castigare illos, est sibi dominos comparare; sæpè grauiturque, crudelis est viri, & improbi. Viros stultum est contumeliis, stultissimum verberibus afficere, seruos esse oporteret : ergo admonere; si non parent, vt dixi, amanda. Quæ ratio in mulieribus etiam seruanda est. Oportet autem iniustitiæ quandam speciem præferre; vt in magnis nonnunquam connueas, & exigua castiges; maximè in pueris, mulieribus, & veteribus domesticis. Nam si magna delicta solum punias, magnam mediocritatem & paruorum segetem congregabunt : si solum parua, res iniusta, & mali exempli; & si magna & parua, crudelis videberis. Ne quid ergo securum habeant, magna pleraque castigare oportet, exigua nonnulla. Ita quum parua plurima sint, magna valde pauca; si in magnis aliquibus connueas, magis parua quam magna punire videberis : atque ob id iniustum te existimabunt. Similiter & in Principatu. Sed animum & causam in vtrisque spectare oportet.

*Tom. I.*

Consilia famulorum & ancillarum ne recipito, nec quod commemorant facito. Fies enim illis subditus, & non exiguo te expones periculo, ne sic te decipiant. Iube tamen vt de singulis te admoneant : vt non tum, sed pro occasione consulas rebus tuis. Omnes autem, quum plures fuerint, sub œconomo in operibus retine, Desides non labora vt emendes. Hoc enim solum vitium inuictum est, & cum quauis ætate crescit; quod in defectu & priuatione consistat. Quod maximum est similibus, est vt dicas : Ego vnum tantum famulum alere possum; sic duobus opus esset. Si minus sit obsequens, postquam semel monueris, etiam id adiicere potes : Videris mihi causam discedendi quærere. Acerbitate verborum ne vtaris, nisi quum peccauerint : tunc enim viros vultu minabundo terrere, pueros placide flagris cedere, duriores fame, laboribus, vinculis, frigore (sed absque periculo) domare oportet. In recipiendis autem novis [ famulis, ] cauendum est maximè his qui optimos domesticos habent. Trifariam enim periculum incurritur : ne vitiis suis & exemplo illos corrumpant, & nedum æquare aut superare eos gratia conantur, (tum ob naturalem instinctum, tum ob improbitatem,) summa ope nitantur, vt quos virtute propria præcedere desperant, eos iam deteriores factos superent, aut ne eos calumniis detrudant, vel te persuaso, vel illis iniuria irritatis. Atque hoc periculum longè minus est, quum tui non optimi fuerint.

In castigandis autem adolescentium erroribus non ad parentes aut fratres confugiendum : auctoritatem enim [ tuam ] minuis, & odiosum te ipsis reddis, quod in his qui simul viuere debent, valde absurdum est, maximè ob insidias. Ergo quasi ira victo excandescere licet coram domesticis. Breuis autem sit oratio, quæ plus contineat minarum, aut auctoritatem retineat. Seorsum autem monere oportet, non quod errauerit, sed quid agendum, ratione non addita, ne vilescat imperium : illum verò factis castigare; minuendo libertatem, inhibendo etiam quæ iucunda sunt, vultum triste præferendo. Licet & paucis admonere de fine : velut, An eligat seruum esse an imperare? inopem, an diuitem? contemptum, an honoratum? atque hanc esse viam : Patri hæc aut coniunctis significaturum, dimissurumque, &c. atque id si persistet. Tum verò vt vitia prorsus e domo elimines, exemplum regis Iehu imitare (2. Regum) qui quum vellet idololatriam ex Iudæorum gente penitus extirpare, quæ sæpius extincta repullulauerat, finxit se idolorum cultui addictum : tum emertere qui latebant, quos vt cognouit, extinxit, liberauitque populum. Aliud : Quum ad laborem aut periculum horramur, strenui est, & sapientis, etiam ducis; vel patrisfamilias, inchoare rem. Vt qui primam sportam in effodiendo Isthmo detulit. Qui vero non sponte sequuntur, eos vt omnino inutiles vlcisci oportet. Magnum enim hoc est incitamentum. Ita & in domo præstantiores habeat, qui eius domi initiis præsent. Quum vero dimiserit aliquem œconomus, curet vt cuncta prius referat, nec numeret mercedis residuum, nisi ipso momento,

*K k quo*



quo discessurus est; vt tutus sis, ne aliquid subducat. Nec spem rursus recipiendi exime prius.

Pueros ne magna conditione accipias, vbi enim creuerint, maiora cogitabunt; negotiumque apertè vel occultè tibi facessent, & suam conditionem virili maiorem (quum inutilis sit) mirabuntur; ac si quis turdum emeret mille coronatis: seu dolum suspicentur, omnia audebunt, iniuriisque ac dolis te petent: vt, etiamsi dissimulent, cogaris eorum arbitrio viuere. Non ergo vltra victum dabis multo plus aureo in singulis menses: nec deerunt commoda sic: & [manebis] absque suspicionem atque iactura. Licet & addere pollicitis: & erunt illis gratiora, & minoris sumptus.

Vt vero suspectum explores, præter alia, magnetem cernicali suppone: iuuat autem, si viderit ducentem remum quo velis: id si per alium nouerit, auferet. Neque enim verisimile est, tantum posse vt efficiat imagines [magnes]; & si viderit, vt loquatur: & si etiam narraret, vt &c. ea quæ quæris.

Memento, quum plura supra docuerim (c. 37. & 38.) ad tutelam nil melius esse, quam cognitionem. Ideo & primo modo & tertio vteris: sed ita, vt extra domum, quicquid perire nolis, traducas. Cognitum omnino eiice: nam et si tutissimè cuncta clauderis, septem semper supersunt: vis, & securis, venenum, diurna furta, stupra, corruptio familiæ, accusatio in iudicio, quum nullum innocentiae præmium propositum sit. Non inutilis tamen est tutela etiam sola his qui multas opes habent, velut trapezytis: & ob proprios malos; quos non tam facile eiicere licet; vxorem præcipue; inde parentem, filium etiam, fratrem, coniunctum quoque, & cum quo diu conuixeris: deinde etiam generaliter propter omnes; donec in coniecturam vnus è septem modis reliquis perueneris.

~~~~~

#### C A P V T X L.

*Societas & conuersatio: & de officio, & pietate.*

**P**ost hæc de societate, tanquam omnia complectente, dicamus. Verum neque quomodo pareretur, aut seruetur, aut ea vtamur, locus est dicendi, sed vbi de amicis sermonem habebimus: hic autem solum quales [socios] eligere oporteat, docebimus. Oportet ergo similes eligere, quantum fieri potest: non solum quod, vt dici solet, dissimilium non diuturna societas: vel quod vel illos, vel te ipsum aberrare in iudicio, si dissimiles sitis, necessarium sit: Sed hoc semper fieri non potest. Nam senex si senibus tantum vtatur, quantum consilio pollebit, tantum opere & actionibus, & in aggrediendo deficiet. Verum in huiusmodi casibus, per media iugere debemus dissita valdè. Equidem si senex opulentus & eruditus, iuuenibus stolidis ac pauperibus vtatur; si clientibus, irridebitur ab illis; si familiaribus, in perpetua erit molestia. Neque enim parebunt illi; atque multis etiam afficient incommodis. Porro in similitudine primas partes ætas sibi vindicat: post mores: inde studia: demum opes. Senes bene

pueris ob id sociantur: imbelles enim propter ætatem vtrique: sed ambo continentur. Meliores sunt, minus senes; vbi autoritate domini ab aliis venerentur. Vt vero dissimilium, periculosa est & grauis societas; tum maximè, si repentina sit, nec benè cognita. Diuitum enim & adolescentum & insolentium (quos nec metus nec pudor aliquis coercet) molestissima & intoleranda. Cæteris autem sæpe explorator pro socio colitur: quod quam malum sit, præsertim afflictis, vel laborantibus inimicitia, vel iis qui extra patriam sunt, non est vt dicam: ad perniciem enim res tendit. Porro vt cum sociis gratiam ineamus, non solum beneficij collatio, sed etiam acceptio confert. Natura enim comparatum est, vt quemadmodum & exigimus compensationem, & cui debemus, plura debere volumus, ita etiam, a quo deberi volumus, etiam plura deberi cupiamus: sic tamen, vt beneficium sit spontaneum, non coactum; nec iniuria, nec ingrato animo sociatum. Tunc enim molestum est, si quicquam patieris. Cæterum quomodo id fiat, quidve in his agendum, suo loco, vbi de amicis agetur, tractabimus. Quum verò in longa conuersatione sæpius occurrant viri incogniti, coram quibus quicquam serij sermonis serere stultum fuerit; rogare qui sint, non tam inurbanum, quam videatur intempestiuum. Si verò ille te agnoscat, sciatque tibi esse ignotum, seriat tamen cum hoc serios sermones, malus est irrisor. Sed caue ne credas illum perperam scire, se tibi ignotum. In vniuersum id ages, si interpellat, vt te subducas, testatus statim rediturum: atque tum per vnum è tuis curabis, vt scias quis sit. Malum enim non solum est, sed etiam turpe existimatur, apud hos qui omnibus notos esse se putant, atque [tales] creduntur, te solum eos non noscere: aut enim ambitionem maximam, aut stuporem quemdam, aut summam negligentiam ostendit: quorum primum, vt odiosum te reddit, & (nisi aliqua in parte excellas) etiam stultitiæ opinionem affert; ita reliqua contemptum, & vt eiusmodi hominem te existiment, qui nulli vsui aut negotio idoneus sis. In sociis autem parandis, eos quærere non oportet: sed ex his quos Fortuna offert, assidua conuersatione probatos eligere. Maxima vero difficultas est cum impudentibus, qui petaces sint: nã reliquos apertè ablegabis: hi enim, & dum petunt damnos, & seu cum illis verferis, seu fugias, ex æquo periculosi. Quapropter omnino illorum conuersationem vitare statim oportet. Quod si se insinuent, tu apud amicum lateas aliquamdiu. Maxima autem vis est in his: de qua re pluribus in locis sermonem habebimus. Nunc adieciisse sufficiat, cauendum esse, ne potentibus associeris, cum quibus olim similtas intercesserit: Nec stultis; aut admodum auariss: hi semper damnos, aut iracundi: (cum his enim periculosissimum est versari:) vel dolosis, ac simulatoribus: inutiles enim semper sunt. Neque cum his, quorum mores aut opiniones è regione [cum tuis] pugnant: Neque cum illis, qui quod præcipuum est in te, spernunt, omnino enim ibi nihil utilitatis aut gloriæ, aut denique boni sperare potes. Quod si præter id, de te maledicant, deteriores longè sunt inimicis; nam eis magis creditur.

Cum



Cum ipimicis, pace reconciliata, omnia in integrum restituantur: at famam malam de te vulgatam, nec biennio toto redimes. Hos etiam vile; illud generosum est, exercere inimicitias. Maiora autem hæc mala sunt, quo illi fuerint potentiores. Si vero stultorum aut simplicium patrocinium à potentibus tibi iniungatur, quos tu quum etiam iniueris & laudaueris, damnum tamen sint allaturi; quamvis multis modis occurri huic incommodo soleat; nil tamen melius existimo excusatione Erasmi mercatoris solertis atque felicitis viri. Is enim rogantibus respondere solet, se non esse idoneum: & si centies ille repetat, aut per alia verba hortetur, aut causam quærat, non alio vitur responso, sed in eodem perstat. Præcipua vero quæ in sociis quærantur, sunt probitas, prudentia, excellentia alicuius artis, & efficacia. Omnis societas est velut corpus, quod per se graue est. Propterea ut duo ex his adsint, conuenit. Eruditi literarum raro adeo mali sunt, aut imperiti, aut graues. Itaque si duo ex horum contrariis adsint, præcipue literarum imperitia, & improbitas, aut vita scelestæ, omnino eos deuicare oportet.

Sunt etiam quidam homines quasi omnino, qui arroganter, ob illorum mansuetudinem, in amicitiam & negotia potentium se insinuant. Idem si tecum facere tentent, & cedas; quid turpius aut periculosius, quam improborum, nec amicorum, nec sociorum arbitrio viuere? Si relictis, cum communi amico, & forsan valde utili, te committunt. Itaque in his perpeti necesse est quædam; & verba pro verbis dare. Est autem infelicitas.

Porro sunt præter hæc duo genera societatum: tutelare, & onerosum. Primum quidem facit ad humiliores, ne à potentioribus opprimantur: utile sane inquilinis, & tenuioris fortunæ viris. Est autem triplex: ab arte; ut fabricorum, aurificum, tonsorum, mercatorum: populare, ut Romæ tribus: & cæsus honesti gratia, quas vocant Scholas, aliæ quidem Academicorum, aliæ religiosæ, in quibus etiam cura pauperum habetur. Vitia sunt in his, & abusus, ut in cæteris bonis: & Academicorum & c. pernicies bonarum literarum, quoniam imperitis abundant, & qui à Principibus aut Senatu spernerentur, nomen sibi vendicantes, dum falsam doctrinam spargunt, inficiuntque rempublicam hæresibus, & malis consuetudinibus replent; & contemptum bonarum artium & eruditorum pariunt. Et est adulationibus res plena. Atque nunc tota Italia referta est huiusmodi lue. Quæ vero specie religionis coit, sed mentitur eam, dolos armat; aliis tempus adimit. Onerosam [autem societatem] quandoque recusare non licet: [hanc igitur] alacriter amplectaris. Minus periculi affert amplecti, & deferere paulatim; quam recusare.

In societate quoque cum amicitia, quam stabilem esse cupis, non id age quod plerique faciunt, ut in Chimæricis fundamentum iacias; sed velut boni chirurgi, & architecti: hi quidem ad solidam terram perueniunt; illi ad carnem viam; antequam faciant superstructionem. Ita postquam aliquem [honestis officiis &] lenociniis [non] fucatis inuitaueris,

Tom. I.

& continueris, ubi utilem tibi fore existimaues, ac ad amicitiam aptum, utpote prudentem virum, legete illi causam, spem, modum, finem, labores tuos, ac mores: ut si conuenire possis, ansam non relinquant discedendi: si non, recedas quanto citius: sed adeo parce, ne si delusum se existimet, tuis te verbis possit conficere.

Præterea turbam omnem vitare decet omnes quouis modo imbecilles, (præcipue conclusam loco arcto,) & eos qui grauibus laborant inimiciis, & eos qui inuidia, & eos qui præsidium secum validum non habent; & togatos omnes, nisi ordine in pompa cum sui similibus procedant: [Vitanda ite eis sunt loca,] ubi ludi fiunt cum armis, aut ignes iaciuntur; vel si seditione laborent ciues.

Quæ vero ad officia spectant, à Cicerone & Seneca abundè tractata sunt: ut repetere concise, quæ sufficienter tractata sunt ab aliis, stultum sit. Solum ea repetam quæ ad Christianam pertinent: hæc enim sola vera philosophia est, religio nostra. Cuius (tum propter futuri seculi expectationem, quod quidem infinitum quum sit, hoc autem momentaneum) insani prorsus esset, non habere diligentissimam obseruationem. Differt autem hoc ipso solo à communi officio boni viri, quod ubi prodesse possimus, auxilium neque negare, neque dissimulare, nec etiam ultro non offerre non licet; etiam si sit vir pessimus, ingratus, & inimicus. Ad hoc ipsum rediguntur omnes difficultates quæ propriæ sunt sanctitati. Nec rationi naturali hac in parte est acquiescendum: sed opus est ut sequamur auctoritatē sacræ paginæ. Excipere igitur primū oportet alienā iacturam: ut nō simus in hoc nimium misericordes. Benefacere enim iniuste vni, ut malefaciamus iniuste alteri; nil aliud est, quam facta compensatione bis iniuste facere. Sed & ut non sis [iniquus] iudex: nam scriptum est, Diligite iustitiam. Tertium est, ut oderis improbitatē, & impietatem; non inimicum. Quartum est, ut [si] liceat discedere ab impio: non ei malefeceris, nisi ut te serues. Exempla habemus in Psalmis plura de hoc. Quintum, ut tamdiu sinamus illorum corpora periclitari, ut numquam animæ obliuiscamur, ut docet Paulus ad 1. Corinth. cap. 5. Sextum, ut sciamus fidē exigi ad Deum: & ut confidamus illum gratia diuina posse præstare; ut in Euangelio Marci, c. 6. Sic Sancti illi non omnes sanabant qui offerebantur (fuisse enim infinitum), sed in quibus fides & merita constabant. His ipsis si ergo quempiā amicum (gratia exempli) possis sanare, aut monere, aut iuuare, non sine periculo tuo, ut ille te non detegat, & res communicetur cum successu, quæ tibi nota soli emolumento erat; si non succedat, ut irridearis; & quum alij eo singulari abutantur, si ipse plenam in te fidem non habet, non teneris. Fides enim si exigebatur in Sanctis, quamuis opus naturale sit, aut ciuile, non te magis potest prægrauare, quam Sanctos, quum solum ex pietate & religione tenearis; licet sine fide possit operari: Si autem plene de te confidit, teneris: sed tamen quum perfectam possit erga te obseruare fidem, nullum subis periculum: nam secretum non promulgabit aut deteget.

In sociorum conuersatione quædam sunt,

K k 2

quæ



quæ solum ad te pertinent; in quibus sufficit vt recte te geras & modeste; alia sunt communia cum aliis, in quibus necesse est præter id vt aliis molestiam non parias. Exemplum habes eius qui cithara pulsat solus, & qui cum aliis cætat, quique solus edit coram aliis, & qui cum aliis sedet in conuiuio. Porro quod maximum est in officio, est vt scias cui reddere debeas; & cui tenearis, etsi non possis, reddere. Tria autem sunt, quæ te obligant: Voluntas, labores, aut incommoda, vel impenſa, etiam si non sponte id suscepit; & bona fortuna, quæ ex actione illius subsecuta sit. Secus, si velis videri obligatus, adulatoris est, aut stulti, aut plane deceptoris. Itaque gratiam præter hæc agere non licet, ne irridere videaris. Licet tamen secus officium præstare, non tamquam persoluas acceptum, sed quia probus ille sit, aut dignus cui impertiaris. Vbi dubites an reddas, melius est reddere immerito, quam non reddere merito. In verbo, contrario modo.

Deiutæ in vniuersum oportet duo genera hominum: qui celeriter loquuntur, ne quicquam eorum fidei committas: quum enim sic loquuntur, cogitare diu quod volunt, nequeunt: quare vt consilio careant, necesse est. Ergo à bestiis parum differunt; & quanto illas cognitione superant, tanto sunt ob humana vitia nequiores: dico auaritiam, irâ, luxuriam, crudelitatem: inconstantia vero pares. Valde etiam magnos [euita,] ne in illos beneficia conferas: sunt enim natura ingrati. Atque huius rei experimentum magis cognitum, quam ratio euidens. Et scias, quod omnis loquax est deceptor, si ex sententia loquitur, aut stultus si incautè profert. Et ista sunt signa certissima; quæ diuisione demonstrari possunt.

## CAPVT XLI.

### Amici.

**I**N amicorum autem conuersatione primum caueas; ne dum laudare illos cupis, quicquid, quod in malam partem trahi possit, dicas. Velut quidam, quum laudare amicum vellet, dixit: Magnificatis hunc, nam etsi eum sui contemnant, vir tamen egregius est. Nam primam partem testatam habuit, quod ab amici ore proficisceretur; secundam quomodo probabit? Multum interest, utrum dicas, Hic facere nouit, etsi non tam bene dicere: & si dicas, Bene dicere nouit, & melius etiam facere, hoc ad laudem faciet: illo inimicum efficies. Quod si magnanimus sit, tum (vt in aliis omnibus) plurimum iuuat beneficia commemorare accepta, offensarum non meminisse. Vt vero illorum animos seu aliorum explores, epistola historiam gestorum tuorum explicabis; ynde tibi commodum magnum, aut incommodum euenerit: ex responso autem deprehendes qualis sit. Coram multa pericula incurris. Quare & in epistola, in qua librum dedices illi, & in alia quâni publica, ne nimis, vel ne ieiunè, vel non oportunè, vel ea in re, in qua nollet, laudes, aut irrideri, aut vituperari, aut turpe laudari à te putet. Laudare præ-

terea vt vituperaturum, aliquanto mollius esse constat, quam Biantis, *Ama tamquam osurus.* Caue etiam, ne omnino te ostentes, seu verbis, seu diligentia specie, in amicis adiuuandis, nam, vt plus niteris, forsan minus præstabis. Et, si non successerit res, palam hoc adulatorem aut impotentem te declabit. Horum altero contemneris, altero eris odiosus. Quod si obtinuerit, videberis aliis (quibus ille se debere etiam plurimum putat) beneficiis meritum & amici gratiam erga illos eripere velle. At Cicero, inquis, ita faciebat: vt in epistola ad Lentulum. Multum possunt vitia temporum & ciuitatum: & tum ille omnia posse eloquentia videbatur. Ideo licet his, qui causæ domini sunt: Imo curare debet, vt ille intelligat, hoc fecisse. Magis enim delinqueret, si id non ageret, quam qui quum non possit, nimiam tamè præferre vult diligentiam. Si coram aut publicè laudes, memeto illius Poëtæ.

*Tydidæ, neq; me valde laudes, neq; vituperes.* & Ciceronis:

*Nolo esse laudator, ne videar adulator.*

& Euripidis in Hippolyto:

*Hoc est quod mortaliū bene ciuitates cōditas,  
Et domus perdit, nimis elaborata orationes.  
Neque enim auribus iucunda cōuenit dicere:  
Sed ex quo aliquis gloriosus sit.*

Hoc vltimum est illud quod nos inuat, & illum. Abest enim ab adulationis suspitione, quum tamen valde placeat. Velut in epistola Archimedis, & Apollonij Peygæi.

De qualitate considerandum est: & præcipue quinam sint apti maxime ad amicitiam. Memoratur seruus ille Antij Rectionis, dignior vt ipse nominaretur, non dominus: quum ab illo vinculis constrictus, & stigmatibus in fronte notatus [fuiſſet, tamen] dominum proscriptum, quem perdere lucrum erat, magno suo periculo seruauit. Quod & in mulieribus visum est: Velut in Antonia; quæ tam diu luctum retinuit. Multa apud Tacitum [eiuscemodi] adducuntur exempla. Deinde quomodo tam arctam [amicitiam] constare possis; inter Epicurum & Metrodorum. Et natura quidem eligendi sunt constantes, & melancholici, & qui non facile ab affectibus distraherentur. Hos videbis à pueris vno aut duobus sociis contentos: atque cum eis assidue conuersari. Arte quærimus officiosos, patientes; & iam amoris igniculos erga nos ostendunt, similes moribus, beneuolos, misericordes. Plerumque autem molliores animos amor occupare solet; vt in mulieribus, & adolescentibus, & lenibus moribus. Plurimum etiam potest assidua consuetudo, & longitudo temporis, vt experientia docet. Auari vero neminem amant: cum his tamen quandoque firmam licet contrahere societatem, vtilitatis causa, quanto vero minus auari sunt, eo magis cum eis amicitiam contrahere aliquam licet. Auaro amico nil inutilius semper: sæpe etiam damnosus est [talis amicus.] ideo omnino fuge.

## CAPVT XLII.

### Occasio.

**P**Ræterea occasionem in omnibus actionibus ac sermone obseruare decet. Nihil enim in humanis maius est, seu propere agendum



dum sit, vbi celeritare opus est; seu differendum, vbi cunctatio est necessaria. Et plerumque in actionibus maius est periculum in mora; in verbis autem, si intempestiue. Quum enim anticipaueris, aut obliuiscuntur, aut vim amittunt verba & preces: quod si repetas, gratiam haud habent, & iam auxilia aduersum illa compararunt. Quin, quod maximum est, non percellunt animum; in quo spes est omnis seu acroamatis seu fabulae, seu exempli aut orationis vehementioris, vel artificiosae. Sed iam ad singulorum generalium praeceptorum tractationem deueniamus.

~~~~~

## CAPVT XLIII.

*Quomodo animi & corporis firmitas seruetur.*

ET primum doceamus quonam pacto valetudo firma seruari possit tam animi quam corporis. Videntur tria necessaria nobis: Vita, vsus, & vt non impediatur excrementa. Vsus vitae est maxime in externis sensibus atque internis. Ob hæc igitur tria custodire oportet: oculos, aures, cerebrum. Impedimenta excretionis maxime circa vesicam sunt propter vrinas. Vnde lapis, scabies & similia, per quæ flagrat mictus, aut impeditur, aut supprimitur, quod est mors. Vitæ instrumenta tria rursus. Dentes, ventriculus, iecur. Omnia igitur septem. Seruantur quinque rationibus: Somno prolixo, in strato non calido, sed velut è ferico, vel fronde: Euacuatione excrementorum: Exercitatione tum generali, tum vnicuique horum membrorum propria: Victu: & Aëre. Aër si paruus sit, cubiculum ac tricliniū emendantur igne, & his quæ odorem reddunt maximum & iucundum, inter quæ Belzoi, seu dulcis assa, & styrax, & quid aliud [tale.] Huiusmodi ergo in pluribus vasis apertis cubiculo incluso habere oportet. Etenim & hoc accedit ex Philosophiæ naturalis scientia, vt intelligamus, quum odor & per vapores & speciem multiplicetur, & contenta in aëre, & substantiam emendari. Sed & flantibus validis & frigidis ventis aperire sæpe, imo etiam singulodie, semel saltem, cubiculi fenestras: & exercere se in libero aëre. Demonstratū enim est in libro De venenis, aërem etiam pestilentem (modo non flet ventus) in dimidio horæ, vel hora, aut duabus nullam impressionem facere eius qualitatis qua inficitur: adeo exigua est, & insensibilis. Victus verò parcus, simplex; è rebus bonis, bene mandendo, & si duri sint cibi, diu coctis: (multum enim refert diuturna coctio, si cibus sit durus, aut malus, aut homo debilis, aut vorax:) & ab exercitatione: Et exercitatio purgatis iam excrementis; itaque vt vndique sentiat se vacuum, & cibi appetentem. Deprehensum est autem subtilissima ratione, & experimentis certis, in ediam exactam, esse verum aurum potabile, quo vita omnino sana, vsque ad centesimum ferme annum, deducitur. Vt apparet in Aloysio Cornario: qui nonagesimum octauum agit annum, integra sanitate; & aliis. His verò qui eam normam obseruare non possunt, expedit, vt quam pauca vino vtantur, ac leni;

Tom. I.

aqua autem plurima, si bona sit, nam aqua vtilissima capiti est: iecori quoque & ventriculo melior, quam vinum; & mentem seruat. Utatur vna passa, amygdalis; & (si fert) auelanis: si senex; pistaciis, oui vitello, ruta, petroselino, absinthio, pane optimo, paucis carnisbus assatis; non caseo, nec elixis, nec farina. Utatur melle, & saccharo. Cibus sit simplex; pisces squamosi, leues, assati; modicus.

De insidiis vero inimicorum suo loco dicitur. Tertium genus periculi est à propriis. Propterea præterquam filio, & fratri hæredi, non cohabitabis. Mulierem autem hæredem habere, longe periculosius. Multi enim talibus occasionebus inhiant. A casibus vt tutus sis, optimum elige locum in his quæ consue-ta sunt: vt in via, sub fornice; in carpento, angulum extremum; vt etiam excussus, decidere non possis. Huiusmodi haud leuia sunt.

~~~~~

## CAPVT XLIV.

*Quot modis homines in officio contineantur: & de beneficiis collocandis.*  
*Veneratio quid?*

SVbit post hæc cura continendi homines in officio: quæ maxima (vt dixi) esse debet; vt etiam illorum voluntatem augeas. Præstant homines officia: Vi, aut Metu, sed de vi hic loqui propositum non est: Metu in pueris solum vtimur: quamquam & in his amorem miscere, per opportunum dixerim. Sponte autem tribus modis: vt omnes sint quinque: Natura, consuetudine, misericordia; spe etiam: Est autem spes voluntatis inconstantis stimulus. Quique spe seruiunt, varie officium præstare solent. Medio modo, qui ratione, aut memoria beneficij, aut verecundia, aut precibus mouentur. Preces enim nonnunquam fatigare [solent] homines: præsertim eos qui non tam norunt negare, quam non præstare. Et composito [modo;] qui optimus est, Veneratioque vocatur. Constat enim [Veneratio] amore, timore, pudore. Hunc filij parentibus; & regibus bonis subditi; tum vero Deo ac Sacerdotibus præstare solent. Continere autem singulos oportet, augendo in illis affectus causam: vt pote beneficiis, pro opportunitate, & frequenter, sed leuibus; maxime humiles personas. Tribus igitur modis extra ordinem, totidem ordinariis, duobus violentis.

Circa beneficia ergo collocanda, tum etiam officia, copiose Seneca libris septem, Cicero tribus scripsere. Sed nobis duo hæc præcepta sufficiant: Eum qui multum potest, in multos conferre debere; qui minus, multos in spe retinere; & imprudentes maxime; nam qui in stulto, conuenit ei illud:

*Quid facis Oenone? quid madas semina arena?*

Verum quidam impudentes petunt: à quibus, & ob impotentiam, & ob improbitatem, non est quod speres quicquid; & si denegaueris, tãquam debeas, maledicendo obsunt. Genus hominum quod in lingua quæstum posuit; voluntque timeri. Si fallas, eum infestum habes: idcirco infelicis hominis est, occurrere huiusmodi. Quos deuitabis, si artem arte deludas;

Kk 3 &



& non attingas, vel si commode vti didiceris, aut perterrefeceris. Et tum magnum malum est; quum sit instrumentum quo præclari viri evertuntur, & asilus delphinorum. Sed si possis efficere, vt pœna vnus alios deterreat, optimum est.

Specialiter autem, quum maximum sit in humana vita, bene collocasse beneficia, ideo ingratos cauere oportet, ne in illos conferantur. Quomodo autem eos cauere licebit, si non eos cognouerimus? Sunt ergo ingrati quidam ob ambitionem; præcipue reges; vt Artaxerxes in Metrodorum, Alexander in Clytum: parui sensus, vt dictum est, velut pueri, mulieres rustici: inuidi, in eos quibus inuidet: auari, vbi de pecunia agitur: perfidi, inconstantes, & consuetudine vitiati: denique duri, qui beneficia non sentiunt.

\*\*\*

## C A P V T X L V.

### *Scientia animi.*

**H**uius rei duo sunt capita: dignoscendi amicum, inimicum, adulatoremque animum, sermonem habentis tecum. Amicorum igitur propria nota est, formido. Vnde illud,

*Res est solliciti plena timoris, amor.*

Ideo periculi tui opinionem iniicies: videbis quam alacer veniat in auxilium. Vel, si rem tenere se dicat, alienatus animo est: aut enim non vult intelligere, aut tibi fidem non habet: Aut si non credere se simulat; vel si cogitabundus manet, nullo effectû deinceps succedente: Et quum verbis eorum quippiam subest, quo nec firma, nec sincera pollicitatio reddatur: At si rem conatur, quæ adhuc in spe est, reuellere ex amico: Vel si non curat quid actum sit, diligentius intelligere. Et hæc quidem alienati animi, aut non alienati, indicia sunt. Sed quantum alienatus sit, aut amet, ex commotione illius obseruabis; præcipue in periculo. Nam commiserationem in amico quis ignorat esse iucundissimam? Magna res est, ac pæne diuina, animum hominis internoscere: sed & vtilissima, & ad quam omnibus aliis plures sint machinæ. Casum miserabilem defleas apud illum: si amat; (idque non composita quasi intentione facias;) fieri non potest vt vultus [eius] non mutetur. Verba si ne animi molestia mutari possunt; vultus non potest. Si pecuniæ inopiam ostendas; qui amat, vltro pollicetur; aut habere alium pro te, dicit: si odit, oculos intendit: si amicum simulauit, anticipat, vt non credas illi adesse quo indiges; modo casum aduersum, modo graues impensas, aut redditus imminutos, refert. Omnia enim eo tendunt ab inimico, vt magis ornatum se velit, quam tibi prodest. Quam molis erit, & callidus, qui & fallat in calamitatum tuarum relatione, vt non gestu, vultu, actione, si non verbis, se prodât? In discessu, quum gratie malum tuum est, læta frons, etiâ si spem magnam iniiciat, non boni animi indicium est. Verus enim amicus non solum in calamitate tua, sed in periculo tuo lætam frontem retinere non potest. Cæterum qui mente firma præditi sunt, amare possunt, & ridere; quum id pæsepe agant, etiâ in propriis ma-

lis: Sed nunc sermo de sapientibus est. In omnibus denique prudentia opus est: adeo vt aliquibus: velut iracundis, aut nimium cupidis, pæsepe nesciuisse præstitisset, præsertim quum ambitiosus amicus, aut frigidus, panem (vt Seneca inquit) lapideum, id est, beneficium quasi inuitus, & sero tibi præstat. Statuendum est ergo quod proponas vtilitatem, & tunc nescire præstat; aut honorem, & tunc scire. Si in electione suffragiorum certus numerus sit necessarius, abesse idem est, quod suffragium in contrarium ponere: secus, si sententiis pugnatur: nam absumus aliquando, ne metu potentioris aduersari cogamur: vt Cicero quum abesset à Senatu, ne ob Cæsaris potentiam Pompeianis & optimatum, sum Reip. causæ nocere cogeretur. At, vt dixi, quum vocis solum ac suffragiis res decernuntur, summum malorum est in eo, quod causam evertit. Duobus autem gradibus inferius est, non adire, quam suffragium aduersum ponere primum, quod non probet causam erroris: secundum, quod exemplo alios non mouet: quod etsi dum non venit, vt fidem amico contra te faciat, eiusdem factionis socios cogat pro te suffragium mittere in urnam, amici officio fungitur. Quod autem multum facit ad animum dignoscendum non amici, est: vt si proponas quæ esse non possunt: exagitant enim huiusmodi illum tum admiratione, tum contentu: adeo vt laxatis quasi claustris animi, diffluant secreta. Velut si quis dicat cuipiam, cui mortuus sit frater, optimum habens sacerdotium: Volo tibi tuum suscitare fratrem, atque illi reddere sacerdotium; improviso adortu, cogitantque, quæ verba; facile dicturus est: Etiam si resurgeret, sacerdotium non recuperamus. Ex quo mens illius erga fratrem, & mores. Rursus, & illud maxime pro familiaribus, historiam consimilem de alio narra, differasque finem, & exitum. Si intentus est, aut iudicem se facere vult, crimini obnoxius est: si non curat, sed abit, aut sermonem abrumpit, nequaquâ. Nuper auriga, quem in domum receperam, studiose audiebat me narrantem furtum ancillæ, & quod capta esset: iudicium etiam de illa, tamquam suspecta, quam iam ream esse constabat, ferens; vt non possem ambigere, quin fur esset. Hactenus de maioribus rebus, & manifestioribus: nunc de minoribus, & magis obscuris (neque enim semper de vita, de fortunis vniuersis, aut de existimatione agitur) dicendum est. Velut de quotidianis negotiis; tum maxime quum cupias ante periculum hominem experiri. Tum ergo rem auge, & lucem: ita enim ex exposita melius videtur. Quid est, augere lucem? id est, vt commoueas illius animum spe mulra, aut iucunditate. Quid est rem augere? vt tuum casum augeas: ab omnibus derelictum [te] ostendas. In exigua re occupatum conuenias: videbis quanti te faciat. Illum ad sermonem longum prouoca: fieri non potest, quin labatur. Denique si nihil potes hoc modo habere, per amicum tibi, illi insidiatorem habebis; aut in pocula. Quod si non ex illo; ex filiis, fratribus, parentibus, vxore, amicis, inimicis, seruis, concubinis. Iratum obserua, & adi: optimum commetum est. Alij maius etiam habent: ad iram consulto prouocant: sed hoc in magnis viris peri-



periculosum est; in necessariis inutile. Ergo diligentissime ac minutatim omnia tecum conferes; verba, gestus, vultum, actiones: inuenies, si odit, si insidiatur, si contemnit, si fastidit, si grauis sis ei, si suspectum habeat, aut contra si amat, si magni facit, si gratus es illi; si cupit tibi benefacere. Et paulatim denique ad vnguem expendendo singula minutatim, animum illius, quasi tu intus in illo esses, introspecies. Non tam difficilis res est, animi secreta seruari, quum versari eum homine potueris: sed aditum, & (vt ita dicam) ostium inuenire, difficile est. Magis autem cum Epistolis animum illius intelliges, quam [coram] verbis, quoniam illæ manent, hæc disfluunt. Adeo vero res est illa certa, vt quanto magis occultare se nitatur, eo magis eum agnoscas. Vides quod [nil] difficilius sit notis illis falsis & subditiis: & tamen aliqui homines inueniuntur, qui eas facillime & ad vnguem dignoscant ac legant. Ergo vt hac in re locupletibus exemplis utar, vides quid scribat Cicero ad Atticum (Epistolarum lib. 12.) *Hic autem se etiam tribuere multum mihi putat, quod scripserit, optimum consulem. Quis enim ieiunius dixit inimicum? Ad cetera vero tibi quemadmodum rescripsi? Tantum rogat de S. C. vt corrigas. Hoc quidem fecisset etiam Ramio, si admodum esset.* En vides, quod, qui oderunt, ieiune non plene, sed aut vitiose, aut dubie, aut admisso aliquo quod laudem eleuet, vt vbi excitare possit inuidiam, aut importune, aut in te quæ beato fini aeuersetur, laudent te. Vnum præterea habes exemplum ibi: *Rescripsi, patrono illi nihil opus esse, quoniam Caesaris, propinqui eius, omnis potestas esset, viri optimi, & hominis liberalissimi: me tamen ei fauturum.* Habes insuper duas Epistolas perpulchras Antonij ad Ciceronem, & Ciceronis Antonium, plenas verbis humanioribus [in 14. libro.] Sed in priore verba illa odij animaduerte: *Quam ob causam vereor ne absentia mea lenior sit apud te.* Et rursus: *Quod si duriores te eius misera & afflicta fortuna præbet, non contendam ego aduersus te: quamquam videor tueri debere commentarium Caesaris.* Hæc ad minas; priora ad diffidentiam: vt superbiam in humanis, odium in blandis verbis subesse intelligeres. Quæ vero in fine, onerosa sunt hæc: *Nihil enim non tua causa feci.* In responsione non minus liuoris latet; ab initio ipso quasi exprobrat Antonio malum animum, qui conspectum eius subterfugerit: vt in hoc labore, declarando Antonium sibi esse inimicum: ex quo lege Naturæ intelligitur, etiam se Antonio vicissim. Deinde in causa odiosa laus propria expressa his verbis: *Tum do etiam humanitati & naturæ meæ.* Et illud: *Interpellantibus enim his inimiciis, animus tuus mihi magis patuit, quam domus.* Aliquando abstrusum expiscamur sensum. Habes & alteram Antonij, adhuc integris rebus, alteram Caesaris [lib. 10.] In quibus mirum in modum licet se exercere, affectus dignoscendo. Ambitiosior Antonij; sed cum timore in primis verbis, parum tamen amicum se illi declarantis, quoniã sensus habet militares: Caesar non nisi famam veretur: parum curat illius alioquin discessum. Alia ibi est, Cælij: is significat se amicum. Ita quum tres prope se consequantur,

(vna solum Ciceronis ad Atticum interposita,) prima declarat hostilem animum; secunda neque amicum, neque inimicum, sed suam solum existimationem tuentem; tertia amicissimum. Ita post habes vnam Ciceronis ad Dolabellam, [lib. 14.] in qua summam Ciceronis ambitionem, & animum non syncerum, sed temporis opportunitatque rerum inferuentem, non satis ad propositum, nec prudenti consilio: Aliam Hirtij, parum Bruti & Cassij rebus fauentem, timoremque callide ostentantis [lib. 15.] Vt vero exemplum habeas summæ beneuolentiæ, tum efficacis Epistolæ pro alio scriptæ, eam lege, quæ ad Plancum à Cicerone pro Attico scripta est. Quædam etiam animum circa cautionem [fluctuantem & incertum] declarant: velut illa Ciceronis: *Longumque illud tempus quum non ero, magis me mouet, quam hoc exiguum: quod mihi tamen nimium longum videtur.* Id est, magis moueor quod post mortem illius gloriæ satisfacere non potero, quam hoc dum vivo, quod mihi adeo acerbum est, vt mea causa nullum esse vellem. Ita viuere vellem, ac nollem: propter illam, vellem; propter me, ob dolorem, nollem. Sed quia magis amo illam, quam me, malletm viuere in perpetuo dolore, quo mortem optarem, quam non esse. Estque rarum id exemplum, & accurate scriptum. Aliud in Epistola familiari prima, in initio; sed Rhetoricum est: *Vitam mihi acerbam esse putem.* Est enim dicendi modus, non intentionis animi expressio: Sed illud: *Magno animi dolore discrucior.* Itaque ad personas & mores hæc referenda sunt. Multa in hoc exempla notissimorum virorum, & quorum successus non ignoraueris, legere oportet: vt non solum scientiam rei habeas, sed eam teneas intelligentiâ subtilem, quam alij ex vsu longo & experientia didicerunt. In negotiationibus autem ipsis, pessimum signum est, tergiuersatio, aut procrastinatio: & quum quis quod negare non potest, promittit, sed non definit tempus, aut longum omnino postulat; aut (si iustes) breue, sed ludificat te. Neque pessimum est signum alieni animi, quod solum pessimum est, sed quum minus præstare non potest in eo statu causæ; modo non propria illius pecunia agamus: (nam tunc ad impotentiam referri potest:) at demum quum quod præstare debet ex officio, non alacriter exhibet, hinc colligere potes in aliis quid de suo auxilij sit adiecturus. Sunt autem similes adulator, & fictus amicus: quamquam adulator species sit ficti amici; fictum tamen dicimus amicum, qui non blanditur; nec nisi ad occasionem se ostentat: cuius duo sunt genera: inimicis sub amici specie; & qui solum amicus non est. Adulatorium quoque est, etiam in pueris, offerre quæ non petas; non præstare quæ velis. Fallacis enim animi indicia sunt. Ita præstare parua & manifesta, & quum reddere possis; non præstare magna, neque quæ nescias, neque quæ recipere non speret. Adulator quoque vino, ira, tempore, alacritate, necessitate incumbente internoscitur.

Affectus quoque animi repentinos, qui maxime ad te pertinent, [obseruabis:] scilicet iræ, vt caueas; timoris, vt secure aggrediaris, & firmiter insistas; doloris, pœnitentiam si-



gnificantis; & lœtitiæ. Ita dignoscet amicum non alio magis quam oculi iucundo aspectu, vt quum pueruli poma intuentur; & simplicitate sermonis. Vt contra, oculus tristis, vel toruum intuens, facies rubra, inæqualis in respondendo mora, sermo concitatus, aut nimis continuus, aut abruptus, aut vehemens, aut breuissimus, aut qui minas redoleat, aut ironiam, iræ sunt signa. Deloris ac pœnitentiæ, mutatio coloris faciei, suspirium; vox non libere erumpens, sed quasi ex suffocato pectore: & si quid antea proposueris, nescit continuare sermonem. Quandoque vox ac sermo intercipitur: quod etiam magis in timore accidit, & trepidat, & genua [ tremunt, ] vt cor quod salit, & temporum venæ, & facies mutatur. Inuidiæ & occulti odij, quum in calamitatibus oculo ridenti est, & gloriabundus se ostentat; quum non licet, simulat dolorem. Adulatoris, si euentus ille delectet, gratulatur mirum in modum: pœsæpe etiam gloriatur; narrat quæ acta sunt, & reminiscitur, etiam si sciās. Plurimum autem confert ad animi perturbationes dignoscendas, respicere oculos, faciem, gestus: mores ac sermones cōmutare: nam vix constat, & in molestiis non quiescit, citoque discedit: & si in primo congressu torue aut hilare aspiceris.

Pro intelligendis autem his quæ scire necesse putas, nec ille dicturus est, vel quia non tam amicus est, vel quia non tanti te facit, aut quoniam periculosum sit referre, vel quia personam publicam gerit, aut durus est natura: interroga de modo, si scire vis, an sit; aut de causa: si modum, tamquam aliudiam abunde tibi notum sit. Velut si dicas: Siculorum accusatio hæc an noua est, an illa prior qua premitur: vix tam cautus esse potest, vt non erumpat, Hæceadem; aut, Alia. Quod si non accusatus sit Verres, dicet. Non audiui quod Verrem Siculi accusauerint. Tum maxime, si occupatum negotiis aggressus fueris; nec ab initio id proponas; sed continuo (quippe meditato) sermone, in illum incautum deduxeris.

In eruenda autem veritate ab illis quos in potestate habes, cogantur ob incertam interrogationem omnia flagitia quæ perpetrarint, detegere. Quod si primum in iam notum crimen inciderit, paululum insistas, tamquā aliud quærens: Si negando perstet, vexare illura defines. Sed vbi quæ scis, tegere conatur, alia fatetur, iam cognoscis dolosam esse confessionem. Ideo etsi post duo aut tria crimina fateatur quod noris, in perquirendo, tamquam alia quædam scias, & quæras, diu perseuerare vrgendo potes. Itaque optimum est omnia detegere, nisi quod capitale est: nam nihil potest esse deterius, quam ea confiteri, per quæ [ ipsum ] perdas.

In captiuis qui non consentunt, suppose tortorem, qui eum [ tamquam liberatum ] conuiuio excipiat: Dicat, vbi bene compotauerit, à complice, qui in suspensionem venit, accepisse pecunias (numerumque verisimilem addat) vt mitius ageret. Egisse equidem; multaque (quæ iudices de more minantur, nec faciunt tamen) pratermississe commemoret: coactum tamen etiam fecisse plus quam vellet. Inde dicat ab amico præceptum aliquid extra caus-

sam; causæ tamen adhærens, vt obseruaret. Vtpote ne proderet eum à quo accepit, vel qui simul aderat: &c. Opus est autem in hoc iudicio præstanti, acerrimoque ingenio. Quo si vsus fueris aduersus alios, quam infidiatores vitæ tuæ tuorumve, impius sis, pœnasque des.

Tertium vero ab ira & vino violentum indicem, scortum esse scito. Memineris per Fulviam pretio corruptam, Ciceronem Catilinam oppressisse.

Sunt autem ingenia quædam adeo instabilia, & inconstantia, qualia, &c. amicorum, vt longo tempore vix dignoscantur. Accidit enim eis, quod rebus quæ velociter mouentur, vt non nisi longo tempore dignosci possint; nec id satis certo, nisi proposito præmio in ea causa, quæ tibi cordi esse videatur: inde absque illo si roges, videbis ad amissum, quanti te faciant.

~~~~~

## CAPVT XLVI.

*Homines singuli quibus capi soleant.*

**O**portet autem singulorum hominum, & iuxta sexum, ætates, regiones, leges, & propria studia, naturam considerare. Feminae capiuntur blanditiis, lusu, amari cupiunt; & spatiari volupe eis est: grauias, seria, literas odio habent. Pueri eisdem ferme gaudent: sed sunt magis cupidi alex, gemmarum, &c. ludorum, atque pecuniarum: Senes diuitiarum [ amatores sunt, ] honorum, nugarum secreta noscendi: Iuuenes gloriæ, actionum. Hæc ætas, & Adolescentium, maxime ad amores proma est. Potentes [ delectantur ] laudibus, delitiis, pecunia, vltione: Diuites & nobiles, quæstum tamquam Deum colunt. Milites rapinis, vt Mercatores lucro, gaudent: atque votum vtrisque vnum, male agendi; hi dolum versando, illi vim & insolentiam; quod est improborum munus; vt proborum, iustitiam tueri. Durissimi, nautæ & caupones, quoniam eorum arbitrio viuunt; ipsi vero humilis fortis. Caue tamen, ne ob consuetudinem talium omnes eisdem moribus præditos necessario esse, existimes.

~~~~~

## CAPVT XLVII.

*Homines singuli quomodo ad amicitiam alliciantur.*

**I**taque singulos sic ad amicitiam illicies, si sua vt tibi cordi esse existiment, efficere possis; tum etiam quæ sint illis, sic cures, quasi tu te in ipsos transformes: hoc est vincire, allicere. Sic adolescens senem deliniet, si illi lucrum, somnum, quietemque procuret: Senex adolescentem deuinciet, si quod profundat, largiatur: amoribus ipsius faueat; ne voluptatibus eius repugnet: quin potius incontinentiam defendat. Diues pauperi aliquid semper donet, & lucri occasionem præbeat: pauper diuiti, vt quæ cupit, commode explere possit, & quam celerrime. Nec generaliter tantum, sed vnicuique etiam iuxta votum [ adiuuen-



to esse debes: ] Auaro, guloso, libidinoso, doloso, studioso, gloriæ cupido, venatori, ganeoni, aleatori. Multa quoque in huiusmodi dissimulare necesse est. Coniunctionem, quam separare nolis, quorsum debilitare, aut separare, ne dum sauciare? Quædam vero per singula [ considerabis, ] iuxta naturam vitiorum. Vnde naturas etiam secundum munia distinguere oportet. Velut pædagogi auarissimi sunt, ambitiosi, imperiosi; stulti denique & improbi non ita. Vitiis vero occurratur bifariam; vel explenda, velut auaros pollicitationibus implere; & studiosos se sui lucri ostendere: aliis contra vitiis ratione [ obuiabis; ] vt ambitiosis summa humanitate [ vel humilitate. ] Stultos fallere necesse est: sic implebis, & cedes.

## CAPVT XLVIII.

*Tentandi homines ante necessitatem.*

**P**orro vt scias quantum profeceris, nec improuisus opprimaris, singulorum animos tentabis, antequam opera illorum tibi necessaria sit. Nam si non præstant leuiora, dum liber es, aut ægre, aut cunctanter, aut non acriter, etiam melius est illos mutare, si potes; aut, si non licet, ita agas vti opera illorum quam minime sit necessaria. Versa vice improbi tentant in paruis, quam æquo animo feras iniuriam, aut damnum, aut dedecus. Quapropter vbi hoc animaduertes, præter improbitatem, calliditatem, atque timidum animum adesse intelliges.

## CAPVT XLIX.

*Quæ in eo quod queritur sint consideranda.*

**Q**uæ vero in eo quod queritur consideranda, sunt hæc: quale, quantam, quanti, quando, cuius sit ætatis? si ex eis sit quæ veterascunt, vt domus, moletrina, vasa, instrumenta, iumenta: quot illius species, aut principales partes? qua ratione; an habeas rem, an solum vsum? & quomodo paretur? Quod si rem omnino maiorem, quam pro meritis aut amicitia patere, &c. velis, Scottos (vt dici solet) imitare: qui [ primo, ] vt liceat in vestibulo depopere hastam, rogant: inde eo deueniunt, vt dominum domus, quam totam occuparunt, depellant; Ita primum quæ negare non possunt, obtinebis: inde adeo sensim singula inuades, vt commissuras [ & artificium ] deprehendi non possit, Qui modus & in ineundis amicitias, & in obtinendo auctoritatem, locumque in collegiis non legitimum, cæterisque arduis rebus, & utilis est, & necessarius. Manifestum est autem, quod summa patientia opus est in huiusmodi, non solum in expectatione temporis oportuna & diuturna, sed etiam in iurgiis & maledictis ferendis; tum industria, summo studio, humanitate, sollicitudine; iudicio denique; & ( si necesse etiam fuerit ) liberalitate.

Minima quoque negligere decet: tum quia homo non sufficit tot rebus; tum quia humi-

litem animi declarant: hoc autem plurimum obest existimationi: Tum etiam quod plurimos offendere cogitur, & plebeios, quibus parua pro magnis sunt: Demum quoniam grauis dominus esse videatur. Oportet tamen interdum minima obseruare, vel ob iudicium, vt in futuro; vel ob initium, vt in dissidio; vel ob exemplum; vt in contemptu.

Plurimum autem confert in bene consulendo dilemma repetitum: Velut, quispiam graui iniuria me affecit: Vocor à Principe; ob eum aut alium; quam Princeps permiserit affici iniuria: Hic, inquam, expetendum, & c. ibo: & sanabitur, morietur ve: & similiter, si non ibo. Duo optima, duo pessima: optimum, & non pessimum: & non optimum, & pessimum: & neque optimum neque pessimum: maxime dubium. Inde quid ad animum seu tutius seu honestius, quid melius, comparata ætate, personæ, tempori. Vnde innumerabiles considerationes oriuntur.

## CAPVT L.

*Cum quo negotium sit, aduertendum.*

**S**cire etiam expedit specialiter, cum quo negotium sit; perito, an imperito, potenti, aut misero; auaro, vel magnifico (hunc enim vtilem habebis amicum, & grauem inimicum: contra autem auarum etiam si plurimum possit: ) efficaci, vel segni; sagaci, aut stupido; leui, an graui; iracundo, vel miti; tardo, aut celeri. Et si certandum sit, & par sis, eadem ratione certe; si impar, alia; præcipue contraria. Propera cum tardo, celerem remorare. Quidam prorsus mali, cum quibus nulla ratione tractare potes: sed deuita; si non licet, quantum potes repugna; interim tempus forsitan spem aliquam ostendet. Aliqui prorsus boni; vt Atticus: vnde Ciceroni nihil obfuit: imo neque errata, quæ multa erga illum & grauiâ fuere. De cæteris, qui maxima pars sunt hominum, caue illos qui contemnunt & qui te iure contemnere possunt, vel potentes nimis, feroces, miseros, coniunctos, qui procul absunt; & ne tu causam præbeas, qua te contemnant, vel nimia patientia; vel rursus recipiendo quem emiseras, vel socordia tua, vel ignorantia, vel timiditate; vel si pignus dederis, velut infantulum filium nutriendum. Nam huiusmodi viris nihil ex tuis fortunis committes, vt nec genero, maxime viuente filia.

## CAPVT LI.

*Metienda esse propria vires ante omne negotium & quomodo.*

**S**ed neque solum in singulis actionibus, verum in vniuerso viuendi cursu, vires suas expendere oportet; animi nempe, corporis opum, amicorum, conditionis, & vitæ. Multi ea inchoant, quorum finem expectare non possunt. Senes aggrediuntur mutationem vitæ: Cato Græcas literas: alius vxorem ducit. Sed forsitan hoc vt inutile, ciui, altius rem expendenti,



pendenti, necessariū & vtrumque, &c. sit. Illud Poëtæ laudauerim.

*Vita summa brevis spem nos vetat inchoare longam.*

Animi vires expende; quantum ingenio, memoria, vsu valeas; quantum exercitatione. Quam ridiculi sunt, qui senes se aulicæ vitæ applicant: hoc laboriosum, & incommodum: turpius quidam honores quærunt in ea ætate, in qua quiescere deberent. Corporis quoque robur, sanitatem ac opes, amicos, vt dixi, & quem gradum teneas, considera. Vulgare est hoc in pugna obseruare, vt etiam litibus, ac disputatione: sed in aliis hoc idem non faciunt vitæ humanæ actionibus; quum tamen tota vita humana, pugna vna sit, nihil potes habere, quod ab alio vel non eripias, vel ab alterius spe ac voluntate. Et non solent nisi bona, quæ dixi, considerare: mala in nullo numero ponunt; quum tamen pluribus inimicitia, æmulatio, morbi, casusque fortuiti obfuerint. Nec solum vt obtineas, considerandum est; sed vt retineas; deinde vt retentum tibi vtile sit, nec maiora impediat bona. Ego quoties fugi aulam, honores, potentiam, diuitias, vt studiis vacarem! Pingue sacerdotium alius adipiscitur lætus, quum non animaduertat in hoc ipso se, cum tota stirpe, periclitari. Atque hæc generaliter. Specialiter autem spectare vires proprias ex similibus casibus oportet, bona bonis conferendo; velut ætatem, robur, amicos, peritiam rerum, opes, personam: & mala malis aduersariorum, illorumque potentiam, morbosam vitam, casus, æmulationem: indeque successum expendere, & quanto superaueris interuallo: inde causam causæ conferre; iustam iniustæ, aut iniustam iustæ. Victum denique etiam in priori [si te videant, hoc] plurimum addit animorum aduersariis: vicisse nihil iuuat (si non noceat: ) nam æmulos auget, & industriam illorum, ac conatus, qui tecum pugnant. In vna militari disciplina, victoria prior, viam aperit ad posteriorem; in cæteris non ita. Sed quod ad casus attinet, à fine considerandum est. Quidam enim adeo sunt felices, vt quum iaceant, fors tamen illos adiuuet: quidam quum se in apice rerum esse existimant, ac prope victoriam, tum maxime insperato vincuntur: veluti accidit Comiti Pitiliano, Venetorum Duci, aduersus Prosperum Columnam; & olim Carthaginiensibus à Gelone; Atheniensibus à Syracusis. Principaliter autem in reliquis considerantur fides, potentia, efficacia, & peritia; in te ipso efficacia & potentia; in ministris peritia, efficacia, & fides; in amicis omnia. Est etiam virium æstimandarum pars, non quod plerisque cognitum est, ad adipiscendum & obtinendum, sed etiam gudendum; [nempe,] vt diu, quete, & cum voluptate vti queas.

## CAPVT LII.

### De Simulatione.

**D**Oli autē præcipua pars, & qua maxime proficimus, ac delectamur, est simulatio. Sed hic est error, quod non cum simulantibus

simulatione vtimur, sed cum innoxiiis, [ & ] cum his qui nobis ob simplicitatem fidunt. At præceptum erat Poëtæ:

*Qui simulat verbis, nec corde est fidus amicus;*

*Tu quoque fac simile: sic ars deluditur arte.*

Duplex est: in factis, & in verbis, Quæ in factis est, quum amare quæ odimus, sperare quæ timemus, velle quæ nolumus, aut contrario modo fingimus. In verbis; quum scire quæ nescimus, aut nescire quæ scimus, fingimus. Necessaria est valde simulatio; præcipue cum potentioribus: ideo in aula maxime in vsu est; atque cum Satrapis & Principibus. Quum vero sit hæc ferme caput huius instituti (est enim id in hominum tractatione proprium, & præcipuum: nam vis est belluarum, sapientia vero Deorum) diligentius de illa agere decreui. Est autem rursum duplex: alia quidem mendacio admixta, turpis & infamis, nec digna viro omnino, nedum viro bono: alia sine mendacio. Differt autem à mendacio: quod simulatio gestu & actionibus, & verbis quæ perfectam scientiam non continent, absoluitur: mendacium solis verbis, & plane sententiam falsam continentibus constat. Hominum peruersa natura censet, simulatione cum omnibus, præterquam amicis, vti licere; mendacio autem cum his, qui nos iniuste læserunt. At improbi etiam quomodo vis cum inimicis vti mendacio licere putant: nam cum amicis dolo vti, non nisi improbi viri est. Nos autem simulatione cum his qui iniuste nos læserunt [vti] permittimus libenter; mendacio cum nullis, etiamsi perfidi sint. Quinimo illud dubitatione dignum est, an ei qui alieno arbitrio viuit, liceat mendacio, mandante domino, etiam iusta in causa, vti? Multa sane permittuntur, quæ non solum laude digna non sunt, sed neque licent: cuiusmodi est hæc. Considerandum est igitur cum quibus simulatione vti liceat, & in quibus rebus, & quomodo id obtineamus? Quamobrem vt persuadeas, id à persona & re ipsa verbis tuis, & aliorum factis, & eius [personæ] moribus sumendum est. A persona quidem, vt verax habearis, grauis atque prudens; tum vero vt è re tua non esse putet, persuasum esse. Velut si amicus illi sis; non amicus inimicis eius: nec res eiusmodi illius commodo cedat. At contra, si mendax habearis, id dici poterit, tuum esse lucrum, vt nec veritas tibi credatur. Quod si in actione res sit constituta, præclare credent, ob prudentiam tuam, te posse id agere; ob fidem, velle; ob grauitatem, vtrumque. A te autem quæ tibi conueniat: vt si pauper vendere velit, diues emere; splendidus domum ædificare; pius parcere; atque huiusmodi. A verbis autem tuis: nihil æque, &c. infinitus hoc negotio, aut profundius: vt hoc solum mihi dignum videatur, quod luculento exemplo explicandum sit. Ergo & ab aliis vt adiuueris, curandum est vt tu modeste cuncta agas: nam persæpe exiguus error, aut iactantia, aut impetus, aut properatio, aut aliquid huiusmodi totam detegit fabulam, & longam constructionem; ac industriam euertit inuentionem. Ergo simulatio maxime ad hominis mores dirigenda est, & à tuis domesticis, intimis atque amicis adiuuanda, Qua in causa



causa id dubium emergit, quod si te illis deteges, fieri non potest ut negotium perficiatur: nam illi vel affectu nimio, vel leuitate, vel alia occasione, verbis aut gestu rem significabunt: Sin autem celabis eos, forsan tibi irascantur. Hæc est maxima in huiusmodi rebus difficultas. Quamobrem cauendum est, si fieri potest, ut aliis in simulatione non indigeas: quod si indigeris, tum solum gestu & actionibus significabis. Quod si omnino etiam verbis indiges, fides tantum rem committes: ceteri autem non detegi sibi patientur, si amici sunt, aut si non patiuntur, eos relinques, qui nec silentium tuum æquo animo ferunt, nec quæ arcana sibi committantur, retinere possunt. Initium huius negotij ex hoc sumes, ut credant te nescire, quæ scias, & scire quæ nescias. Sic in iis quæ scis aut cupis, vultum, vocem, gestus, affectusque miscebis, ut in contrarium omnia accipiantur. Quum enim quæ nescire videris (quum veracem te existiment) cur non vis ut scire te arbitrentur? Verum aliud est, scire videri, aliud id aperte fateri, aut, quod maius est, testari: hoc enim à mendacij labe non abest. Significanda præterea per amicum, aut fictum amicum, his qui tibi insidiantur, aliter quam se habeant capita rerum. Sed ficto amico rem peruerse declarabis: amicum non monebis, & ut occultare sic simulet, ut insidiator deprehendat. Quamobrem in magnis periculosisque rebus simulatione tantum vteris, cum quia indigna sit ingenuo viro, tum quia, si ea vtaris in minis, exiguum afferet vtilitatem: occasione necessaria aditum plerumque præcludet. Propterea etiam numquam quæ scis, nescire: quæ nescis, scire, aperte fateberis, ne fucus prodatur. Quod si anxie quærant, aut iuramenta exigant, ambiguis responsis illos eludes: quum & illi parum sint amici, & tibi nequaquam opus sit hoc præsidio. Raro tamen contigit, ut iuramentum exigant de ea re, quam nondum quis clara voce effatus sit. Dices forsan, Magna arte opus est in huiusmodi. At parua res fuerit, tam paucis seruasse vitam, existimationem, potentiorum familiaritatem, amicitiam, atque amicos persæpe ipsos, probitatis famam, securitatem, totam denique humanitatem, dispendio & crimine nullo. Est etiam simulationis genus non contemnendum, offerre quæ scis non recepturum: & persuadere, sed modeste: ne aut recipere cogas: vel cur offeras, intelligat. Est simulatio acris, fingere te amicum inimico amici tui: adhortari contra illum, & adiuuare eum, tum repente deserere, tamquam victum, metuentem: dehortarique, ut turpia, detestanda, periculosaque aggressum. Similiter, ex opposito, duo hæc magna sunt, quum patientissimus videaris, vindicare, ad existimationem: & nihil agere, quum mineris, ad contemptum, ut incautos opprimas: ex nullo etiam duos efficies amicos, velut criminum iudices: vnius fingendo amicitiam, æmulatione alterius, comparabis: ex qua rursus prioris veram adipisceris. Et, ut rem totam prodam, & quod in usu est, omnia tacite agere, aut sermone sicco uti, ad negotia vtile est: tertioque generi simulationis, imo vulgatissimo, ascribi potest.

## CAPVT LIII.

*De Dissimulatione.*

**D**issimulatio autem, cuius autor egregius fuit Socrates, à simulatione maxime differt, quod in his consistat quæ sunt, & nihil agat: simulatio in his quæ non sunt, & agat: ideo mendacio propior, illa venustior: quamquam idem finis, scilicet fallere; vsusque propemodum idem scilicet cum domesticis insidiatoribus, & Principibus. Verum cum Principibus simulatio longe periculosior: hanc enim; tamquam caput malorum, & doli, sibi tantum licere volunt, Dissimulamus præcipue quæ scimus: quæ vero pateris maligne facta, vel per ignorantiam, quasi nescias, aut in fortunam tuam aduersam referes: nil acre falsumve, sed nec iocosum, admisceas: sed sit quodcumque dixeris, graue, modestum purumque, quod magis usu ipso discas, quam oratione doceri possit. Est dissimulationis genus, quod ab aliquo acceperis, tamquam auctoris oblitus sis, eidem enarrare, ac coarguere: quum vero dissimulas ex eo acceptum, hoc ipsum doces, & te per calumniam accusatum, eumque frustra persuasum. Iniuriam quoque, quam vlcisci speras, dissimulare melius est; etsi parua sit; alias non licet. Est etiam dissimulationis genus, quod iam facturus sis, a lia causa roganti amico polliceri: ac rursus significare, te rogatum, ut vtriusque gratiam in eas. Est & occultatio, species dissimulationis, imo quasi finis ipsius. Atque ea duplex: alia communis; quæ fit tacendo, silendo, quietem habendo prorsus: alia, qua vtuntur, qui quiescere & tacere nequeunt, ut Bellotus Florentinus, egoque: quæ alia agendo dicendoque fit. Illa facilior, & decora magis; sed si quis subodoretur, facile deregitur: hæc tutior, sed turbulenta. Est etiam dissimulationis species in Epistolis non contemnenda: quæ ego aliquando vsus sum, quum rei propriæ consilium petitur, quæ indignior videtur illi tamquam de alio interrogante respondere: nam præter reliqua, hoc ipso honeste admones amicum, quod consilium id tibi non è dignitate sua videtur.

## CAPVT LIV.

*De Persuasione, vbi Dilemmata.*

**P**ersuasio vero tertium est fallendi genus aliud, ad principale: de quo tot libri editi sunt. Propterea & Aristotelis, & Ciceronis, tum Quintiliani, ac aliorum præcepta condiscere opportunum duco: neque enim ea ars libello claudi postulat. Solum, quæ ad capita prima pertinent, referam. Constat persuasio persona, & rationibus. Amicus, prudens, probus, potensque, magis quam humilis fortunæ vir, (ad hanc rem requiritur.) Rationes autem, ab honesto, iucundo, utili, necessario & facili. Necessitas omnes mouet; sed & vtilitas; attamen præcipue pauperes, & viles, auarosque: iucundum etiam omnes, & præcipue incontinentes, mulieres, pueros,



pueros, adolescentes: Honestum bonos, & reipublicæ amatores: Facilitas pariter omnes; præcipue tamen timidos & inertes. Persuasio recta, & ad sapientes & fortes viros directa, dato consulendi tempore, efficacior redditur: nam quia honesta habetur, doli suspicionem explodit. At quum opprimere hominem cupis, aut etiam, si is timidus sit; repente aggredi, atque continuo virgere oportet. Vt ergo probitatis speciem induas, & sermonibus & factis quasi clanculum pium te ostendes. Nec mala est via, cuius finis est optimus. Secus, memento te non hominem fallere, sed quasi Deum, conari. At amici [persuadentur] blandiendo, salutando, offerendo, iuuando, laudando. Manifestum est etiam, quod & personam cui quid persuadere vis inspicere oportet. Senes [mouentur argumentis sumtis] à facilitate, securitate, atque utilitate, magis quam ab honesto, glorioso, & iucundo. Deficit enim in his sensus voluptatis: nec tam sequuntur iucunda, quam incommoda fugiant; nec tam diligunt honesta, quam tuta. Adducere in persuadendo exempla, non parum prodest; maximè apud imperitos, & timidos. Nec copia sententiarum desit. Multi enim ad validas rationes immoti, à parum firmis persuadentur. Non etiam rationes adduces, quæ supra ingenij vires sint, illius cui persuadere conaris. Dissuasio enim est quodcunque odiosum est, aut non integre percipitur, quoniam metuunt decipi, & suspicaces redduntur. Nec maiora in medium adducas, ut minora obtineas; præsertim apud prudentes; (de his non solum agitur: ) reliqua pro ratione eis sunt accommodanda. Nam de singulis dicere, metamque dicendorum pro personarum & casuum varietate præfinire, quum infinitum sit opus, stultum est. Anxiam enim curam ostendunt: ut minus persuadeamus, & non iudicio carere [appareat]: quod contemptos efficit. Docuimus enim antea, maxime nos fidere prudentibus: atque ab eisdem facile ac vehementer persuaderi, quibus confidimus. Summum est, vnumquemque his aggredi artibus, quibus ille alios: velut humiliter dissimulatorem, aut si ad contrarios modos te vertas, extrema amplector, ut callidum detineas, flectas violentum, ita opprimes eum qui te fallit; ut intelligat, aliis moribus opus illi esse ad amicitiam retinendam. Exemplorum autem tum ratio, tum exercitatio, adiuuanda [ope] præclarissimorum in arte virorum: Ciceronis, cuius orationes facundæ, eloquentes, suaves, plenæque sunt: tum Demosthenis, quæ nervosæ magis, & spicula acrius infigunt. Inter quas præstantissima est, quæ inscribitur in Mediam: in qua illud admirabile maxime, ac supra mortale ingenium, quod quæcunque ad illius defensionem facerent, in eum ut aduersa contorqueret: & crimen ex eo auget, & seuerius puniri debere ostendit.

Probationis autem modi legitimi quatuor: à iusto, seu æquo: à seueritate, scilicet à legibus: in quibus & includitur iuramentum iudicum: cui opponitur misericordia: & ab honesto. Illegitimi, quibus prauis vtuntur oratores, boni non nisi ad confirmationem; sex: utile, tutum, facile, ab effectu, & quum

suademus inuido, inimico, irato, & ab exemplo, & à fabula. Atque hæc in omni genere causarum, demonstratiuo, deliberatiuo, & iudiciali etiam priuatim.

Per species autem ita se habet: Reges & potentes breui oratione, & quæ sensus habeat validos, persuadebis. Omnes enim hi sapientes sunt, ob magnarum rerum assiduum usum. Repetitionem in his maxime fugere decet. Præcipue iuuat, ut intelligant, sed ut non dicas, gratum hoc fore atque utile his quos amant. Verum caue ne oscitanter rem pertractes: plus enim oberit verbum incon-sulte prolatum, quam decem iuuent opportune dicta. Memineris semper illius dicti: Quæ pro te sunt, teste indigent; quæ aduersus te, iam probata sunt. Ob id laudo illud quod non illepide fertur dictum ab eo qui à Principe, &c. ientaculum quærebat, vno verbo ἀνεπαρμέν. Apud iudices etiam hoc diligentius obseruandum; quoniam huic negotio magis intenti sunt. Quod etsi obtineant aliqui, hac ratione id contingit, obtundendo scilicet iudicum aures. Accidit enim, velut in Medicina, ut quos dolores recta ratione curare nesciunt ignari medici, stupore inuesto mitigent: Ita victi nonnumquam importunitate, aut misericordia flexi iudices, aliqua leuia indulgent. Quod etiam plerumque illis exitio cedit. Nam in grauib; & seriis ac magnis, dum huiusmodi abscono persuadendi generi confidunt, magnam iacturam & hi lubeunt: præsertim vero quum iudices tibi fuerint subinfecti, & acuti ac suspicaces: leues enim rationes, ac dubias, aduersum te torquere solent. Ex his etiam qui sunt rapaces, rationes & eloquentiam odere, quod vel à flagitio eos impediunt, vel quod precario extorqueant, quod vendere destinauerant. Porro affectus in ciuilibus causis remittere oportet; rationes & facundiam exacuere: At ubi de pœna agitur, affectus, & gestus apud multitudinem semper plurimum, apud iudices etiam (præsertim patris, filiorum, fratrum) persæpe profunt. Discipulos autem alliciemus communibus orationibus (semper enim id proponere oportet: ) tum etiam, si viderint nos in disputando acres, & promptos, in operando diligentes; atque in utroque genere efficaces; in profitendo claros, facundos, copiosos, pressos, moderatos, ordinatos, subtiles, & grauius utiliaque sectantes: In moribus autem modestos, sedatos, maiestatem habentes. Allicere oportet maxime nobiles, eruditos, & qui multos habent sequaces. Si imperitus te obtundat (est enim quandoque vehementer molestum) sub-mitte qui occupet: aut per amicum tibi, illi autem familiarem, (postquam ferre non potes, quum non semel tantum obgannierit) mone eum his ferme verbis: Nouit professor hic ingenij acumen tui, tuamque eruditionem; tibi que congaudet: verum ut à munere cessauit, iam lassus cuperet à disputationibus aliquantisper interquiescere. Interim vero ne alium quemquam per aliquot dies admitte. Quum vero aliquem qui perturbatione agitur, iratum, amantem, aut alium huiusmodi, persuadendo [in sententiam tuam perducere] vis, propositi finis ne mentionem



mentionem feceris, plus enim commemoratio eius quod tam anxie cupit, eum mouere poterit, quam rationes illæ, quas omnino iam perturbato animo non intelligit, in contrarium vertere poterunt. At summum studium etiam adhibere oportet, quum contro- uersa res est, ut fautores tuos inflames, & quanto potentiores fuerint, ut causam iam non tuam, sed suam peragant: idque eo melius, quo periculosius: Nam id obtinebis, si ostendas, non iam te contemni, sed illorum auctoritatem: quantoque id damno illis, atque dedecori: Aut iam non te neque causam tuam illis odio esse, sed ipsos Principes. Id facile obtinebis, si causas aliorum in quibus se difficiles reddiderint, amicorum, aut faciles, inimicorum, aut alia si ratione obtinuerint, quam auctoritate sua, docueris. Quo in casu non solum testimoniis, sed coniecturis, criminationibus, coloribusque abunde licebit uti. Nonnumquam fabulæ multum iuuant. Melchiori medico egregio, quum is me solitus esset vocare ad tenuis fortunæ ægros, adeo ut tæderet, nec locupletaretur; dicenti; Nonne ad multos te voco ægros? respondi, Sane; sed ut Dantes ad pisciculos: narrauique illi roganti fabulam ex secundo libro Fabularum nostrarum, (fab. 85.) Itaque in posterum vocauit me ad diuites: (profuitque ad lucrum mille Philippeorum aureorum, & plus:) qui rationibus, ut hoc ageret, antea numquam potuerat persuaderi. Illud etiam optimum est auxilium, quum non potes persuadere, esse utile illis, ut ad religionem confugas, ubi de vita hominum agitur, ut in fabula 86. Quum vero proponere aliquem epud multitudinem inter plures vis, Moguntini Pontificis exemplum sequere. Is enim Gallorum Regem Carolum, Hispanorum, (&c. ut est fab. 86.) & Germanos Principes proposuit: singulisque damnatis, debiliorem fecit accusationem Caroli: inde non tamquam utilem, sed ut necessarium collaudauit, atque obtinuit. Nam si nec addictus nimis videberis, nec locum contradicentibus relinques. Argumentorum autem tractandorum alia humilia, alia magnifica: atque in utroque accommodatæ debent esse sententiæ, verbaque, atque dicendi ratio, seu constructio. Sed hæc parum variat. Intentum est autem, grauiter & ornate dicere: & utrumque eorum eo spectat, ut res utiles persuasioni augeas, contrarias diminuas. Quæ circa in demonstratiuo genere solum auctione indiges, in reliquis utroque. Utrumque arte fit. Sed in extenuando etiam errores adiuuant, ut inartificiosum videatur, quod exquisitissima arte inuentum est. Dicemus ego primum de auctione in sententia. In hoc primum genere collocabimus etiam, præter verba, gemitus, suspiria, lacrymas, vultum, habitum, gestus, exanimari si liceat, proprie in persona deprecantis, ad ultionem autem nimis sæuam. Memento enim Ciceronis: qui ferme numquam accusauit, sæpe defendit. Quod enim odiosum est, nisi omnino in proditores, moderate eum facere, è re est. Ergo tota ratio in tria diuiditur: modum, causam, & personam. Modi duo sunt, quos accusare licet, vis, & dolus:

Tom. I.

laudare autem virtutem, prudentiam. Causa, magna, vel nulla, exiguaque. Persona, nobilis, innocens. Ad personam pertinet, ut sit è Republica, utile, atque honestum: Die, in foro, ad vim, noctu, loco, deserto, ad domum: atque ita huiusmodi. Augemus ergo à contrario: Exiguum scelus puniuit: per hoc magnorum initia tolluntur in Republica: quid in maiore facturus esset? Victoriæ par- uam consequutus est communibus, & id difficili- oribus strenue pugnavit, sapienter ordinauit, & exiguum exercitum bene partiti- us est, hoc enim difficilius est, quam ma- gnum. Sic ab actu ad potentiam transeundo, rem augere facile quamcunque licet: & si futura, tamquam præterita nuper, aut præ- sentia, narremus. Velut; Quid tum agam quum hoc acciderit, cogitate. Et si series facti narretur, Mouetur, ducitur, terribile spe- ctaculum offertur, denique securi percuti- tur. Et quum coniungimus plura sine con- iunctione: Contra leges, contra Rempubli- cam, contra te ipsum denique facis. Aut: Si ex ordine, ut scripsi, monui, adij. Et quum extrema sit comparatio, ut Aristoteles pro se- sene exule deprecaturus Antipatrum: Si eum, inquit, sic fugere compellas, ut nullibi con- sistere possit, in quo mortui illi inuidere po- terunt, quum nihil plus habeant, quam quod agere te posse negas: cuius pulcherri- mum habes exemplum apud Ciceronem in Epistola ad Q. Valerium (lib. 13.) qua vult commendari L. Iulium, rogante P. Cuspio: mirificum sane, quod vix vlli intelligunt, id enim agit, quod agere posse se negat. Cuius verba sunt: *P. Cuspius singulari studio contendit à me, ut tibi quam diligentissime L. Iulium commendarem. Eius ego studio vix videor mihi satisfacere posse, si utar verbis his, quibus quum diligentissime quid agimus, uti solemus. Noua quedam postulat: & putat me eius generis artificium quoddam tenere. Ei ego pollicitus sum, me ex intima nostra arte deprom- turum mirificum genus cōmendationis. Id quan- do assequi non possum, tu re velim efficias, ut ille genere mearum literarum incredibili quodam perfectum arbitretur. Id facies, si omne genus liberalitatis, quod & ab humanitate & potesta- te tua proficisci poterit, non modo re, sed etiam verbis, vultu denique expresseris: qua quantum in prouincia valeant, vellem expertus esses.* Et si conditio addita, augeat crimen: ut, Manus continere debet iudex, quum palam sit nemi- nem debere furari. Et quum duos, qua- si colludentes, proditiōis insimulamus: ut, Te legationem agente, tyrannus urbem oc- cupauit. Et quum inducimur responden- tem quæ volumus, inde confutamus. Quod si longior sit disputatio, Socraticus est fu- cus, &c. olim magna in moderatione, &c. velut: Soc. Diuitias reliquit tibi pater, ô puer? P. Sane. Soc. Sapientiam non reli- quit? P. Non. Soc. Quinam diuitiarum usus erit? Ita facile obtinebimus quamcumque causam, eo respondente, quæ volumus. Tum vero quum in vnam partem criminis incum- bimus, in eaque expugnanda commora- mur. Quo stratagemate inuictos antea La- cedæmonios vicit Epaminondas in Leuctris. Toto enim robore exercitus in cornu sinistro colloca-

Ll



collocatio, iussit eos impressionem facere; ceteros omnes cadendo pugnare. Et si meliori comparamus, ut quicquid deest ad gloriam alterius aequandam, ei pro flagitio imputetur. Velut si Adrianum Traiano comparantes laudamus, sine benefactis, quod non iratus fuerit, non sauiuerit, non rapuerit, non potitus fuerit occasione praebita. Et generaliter, periodus *ex nro xaro* priore clarissimo, posteriore grauissimo, significatioreque, quod ex priore aperte pendeat. Verbis quoque (sed id in seriis per sepe ridiculum est) res augemus. Praesertim monosyllabis miserentis, admirantis, vocantis, dolentis, ut apud Graecos *αἰ*, *αἰ*, materna lingua *Ah! Dio! Sed*, aduersatiua propositio, augeat:

*Ipsa sed in somnis inhumati venit imago.*

In eodem quoque genere apud Graecos encliticae sunt, & grauitatem addunt, &c. Similiter per figuram: quum concionem procellam appellamus. Et quum duo vitia simul una voce complectimur, quum *parricidam* vocamus, & patriae & patris proditorem. Et ut proprietates seruetur, ut *vecordem*, qui flagitia aperte admittit: *dolosum*, qui occulte: & maius est dicere *dolose*, quam *dolosus*; ut contra *improbus* plus quam *improbe*. Et si tegere velle videaris, pudorem tuum testaris, & in illo flagitij opinionem auges. Et per hyperbolem: Exitium ille in caput adduxit, pro periculoso bello. Initium vero sumit Aristoteles a pæone primo, cuius tres breues primam longam sequuntur: Finem autem a secundo, cuius longa syllaba, tres sequitur breues. Sed Cicero narrat: *Exceptum magnis clamoribus a populo patris dictum sapiens temeritas comprobauit.* Quod si dixisset, *comprobauit filij temeritas*, decidisset, ut fit. Initia finisque dicendi & ornata & valida esse debent, & elegantia: quoniam in principio anima nuda est omni cogitatione, ac maxime attenta his quæ dicuntur: fines autem nihil habent quod eos perturbet: media tecta obliterari magna ex parte solent. Tota autem oratio debet esse vsitatis ex verbis, & maxime clara; & ut non solum cola, sed & dictiones & syllabæ subiectæ rei accommodentur. Mollem enim & dulcem efficiunt (orationem verba) quæ vocalibus constant; ut *heu*: & si *s*, & *c*, addantur, mollis, dulcis, suavis [erit.] Aspera & reboans *r*: longe vero frigida *m*: ut, *magnarum laudum tuarum*. Tacendo etiam significandoque crimina augemus, quoniam minus inimici videmur, ut Plato, quum odisset Aristippum & Cleombrotum, eos dixit fuisse in Ægina, quum Socrates esset in carcere. Constabat autem, Æginam solum xxv. M. P. distare ab Athenis. Adeo vero Gorgiam in Dialogo omni auctoritate ac dignitate artis dicendi (in qua princeps habebatur) spoliatur; ut ille quum Dialogum legisset, dixerit: Pulchre nouit Plato male dicere. Est & prosopeia: cuius pulcherrimum exemplum apud Ciceronem in Epistola ad Octavianum, ibi: *Itaque siquid illa maiorum nostrorum sepulta reliqua*. Et repetitio, quasi minantis, ut *O ciues, ciues!* Aut quum diuersis epithetis [utimur], absque coniunctione: ut: *Ambulat buccis effans, elato supercilio, toruo gultu*. Et quum nihil dicimus, volumus ta-

men videri dicere, obscure innuendo, insimulando, grauitatem effingendo, estque vitiosum, verum aggrauat aliquando. Illud vero ad rem pertinet, quum dicit quæ præterire simulat, ut illud: *Olynthum, & Methonem, & Apolloniam, & triginta duo oppida capta omisso*: tamquam longe maius aliquid dicturus. Sic vitii utimur in oratione, ut Medici venenis: aride, ut: *Phalaris Agrigentinis molestus*: frigide, ut: *Quæ curiose scripsit Aristoteles*: inuerso modo; ut: *Quæ Plato fabulatur de Diis*. Multa etiam fert casus. Cui dam dicenti, *Fers inerte puerum*, quasi obiceret impudicitiam eius, respondit: *& diu patrem tuum tuli. Bonos enim semper, malos quædum mihi sunt vsui, retineo*. Ita depulit calumniam in illius patrem, qui tutor furax erat. Atque hæc in leuibus etiam nunc: olim omnibus in causis plurimi æstimabantur. At in magnis ætate nostra persuadebis, corruptis pecunia iudicibus; aut si è re sua id esse ostendas, aut iure agas. Prodest in nobilibus aliquando etiam affectus vehementia, si non omnino perdit sunt iudices. Illa vero magni facere, pædagogi, quæ supra diximus, solent, & grauibis vitis stomachum mouere.

Ex his vero quæ vehementer persuadent, est commemoratio gratiæ illius apud Deum: ubi constat eum esse bonum, aut iniuste oppressum. Perfectio rursus animæ ex operatione: gloria apud homines, fides in eo: & quod reponit beneficium, tamquam thesaurum, magno scœnore, idque multis explicare. Quod si & exempla maiorum illius adsint, non parum momenti habent.

His omnibus etiam construitur accommodata, brevis & prompta ratio [ac oratio.] Velut illud: Quidam exercitus dux, quum iussisset suspendi puerum, duodecimum agentem annum, non pietatem (cuius ille experts erat,) non iniustitiam (quæ fuisset irritatus potius, quam flexus) commemorauit: sed inquit: Quum omnia facias gloriæ causa, cur eam maculare vis turpi facto? Optimum autem dilemma est, quod ex contrariis textitur: velut si inimicus exul, in vrbe sit; dicasque: Si te deceptum? Si nolente; quam turpe te domino, vagari per urbem exules, non solum tuto, sed cum ciuium periculo? Si nescis, cur satellites non dant pœnas? Oportet autem in huiusmodi (quod non modo ad accusandum, sed ad defensionem potissimum est), non solum se exercere, sed etiam, ubi opus est, scribere, cogitare, mutare: ut scilicet efficacissimum & (apud Principes præcipue) quam grauissimum. Veluti si dicamus: Malus non potest esse felix. Nam aut cogitur existimare, nil ab obitu superesse, aut animam Vtroque modo incumbere intelligit sibi perpetuum malum. Hoc est dilemma.

Partes ostendere oportet, si requirat. Sunt autem septem. Felicitas est cogitatio vera perpetui boni, cū re: Infelicitas maxima, perpetui mali sola cogitatione consistit: Si mori malum est non esse malum. Si non est malum, numquam esse perpetuum malum. Si non cogitat vnumquam, (quamuis & hoc difficillimum sit) non potest esse felix; quum felicitas consistat in cogitatione perpetui boni: Si perpetuum bonū vita ipsa desiniamus, quum terminum



terminum intelligere cogatur, & cum eo malum perpetuum, est infelix: nam de pœnis perpetuis non opus est probare, quod malæ sint. Aut igitur expectare certum malum, aut maius timere cogitur.

Epistolarum autem communis ratio est: vt sit efficax, seu neruosa, ordinata, pura, clara, emendata & ornata. Quinque primæ partes immutabiles sunt, nisi quod in historia necessaria prima non est, quum enim epistola sit discendi causa; (& id quod docere volumus, vel actum est, vt historia, vel narratio, vel de agendis, seu in genere demonstratiuo, seu deliberatiuo, seu iudiciali) palam est suasoriam esse oportere: & huic conuenit esse neruosam rationibus. Ordinem assequimur rescribendo sapius; vt etiam libros. Puras sit, erit etiã perquam breuis. Claritas legenti lumen affert; & non fatigat illum. Oritur ex recta dispositione sensus integraque notitia illiusdem; tum congrua dispositione, absque ancipiti interpretatione, tum verbis vñtatis. Emendata vero secundum regulas Grammaticæ, & vñsum illius temporis; qualiscunque lingua sit. At in ornatu, multiplex varietas: tituli, epithetorum, figurarum, troporum blandiendi, atque adulandi. In huiusmodi duos scopos constituere oportet: naturam, consuetudinemque, violentam reginam. Vnde Ciceronis tempore immodica adulatio, & blandimenta turpia: ætate nostra tituli, sine figuris aut tropis; epithetis vtimur, non blandimur: Sed naturam sequimur; dum velut pulchram mulierem membrorum proportionem quærimus; exornamusque illam; non fūco tingimus; sed nitorem addimus aqua florum maluæ, ne sit ascititijs. Ita licent placentque tropi, figuræque latentes, & quasi expolientes orationem, & ex re nati; non eminentes, aut oppositi. Quædam sunt quæ non admittit [ epistola; ] velut eximiam magnitudinem, excrefcit enim in librum. Vnde Aristoteles: Non scribo de hoc; quia epistolæ accommodatum non est. In tropis ergo & figuris, constructionem, sententiam verborum considera, vt ne apponas, quæ non congruunt. Velut si eum qui abiit hortari velis vt redeat, dices: Me certe præstantiorem amicum (suppresso amantioris nomine) inuenire non poteris: Ego vero etsi te meliorem nō q̃ueam inuenire, certe cui carior sim, vt qui me nulla, dicam, causa deserueris? Grandia sunt, quæ paucis verbis multa & magna comprehendunt. Nam huiusmodi inuentioni veteres maxime studuerunt. Quale illud.

*Iusque datum sceleri.*

Sed nos, quod non continuato sermone huiusmodi tradiderint, non percipimus, imo neque animaduertimus. Quo fit, vt vix corticem autorum assequamur, quum illi maximo studio atque arte pleraque conscripserint, vt profundissime multa laterent, quæ eruere operæ pretium esset, atque admirabilem hominem efficeret. Sed & his vtendum postmodum non ita obscure, sed solum Laconica breuitate. Iudat autem in hoc genere, & ad orationis robur, argutamque concinnitatem, reflexio à contrariis sumta. In quo Valerius Maximus adeo eminet, vt nullam caput, imo ne narrationem quidem, huiusmodi sen-

Tom. I.

tentiis acutis decorisque non eludat. Sic & Senecæ Controuersia ac Declamationes imitatione dignæ, quum in vita ciuili mortalium fuerit sapientissimus. Vnumquemque igitur in proprio genere actionum atque significationum eligere sciemus, ac imitari: vt is non solum oratione laudetur, sed quod etiam vitæ genere inter alios emicuerit. Ergo in huiusmodi exemplo cogita quod nec possit, nec significantius quicquam dici potuit. In scelere nefandissimo inuenta est ratio iusti iniustique: disceptationes, orationes, leges, iudicia sunt constituta, tamquam in Republica: disputatumque, in quo maius esset ius, (tamquam de dubia causa) an in scelere, an in virtute. Quot tamen in huiusmodi prætereunt cespitem, non sublato pede: Quum non solum libri sapientum, sed & epistolæ, & sermones ipsi quotidiani, (modo de rebus seriis sint) scateant huiusmodi ornamentis atque speciosis notis. Porro epistola differt à sermone ipso coram, quod perfectior esse debet, quia sublatum est ius statim interrogandi: & contentior, quod in iudicium adferri potest, nec secreto habita vñquam dici, sed quorumcumque oculis subiecta est. Vt sermone vñum possis, epistola necesse sit (si velis) omnes qui eam lecturi sunt, fallere.

In oratione autem publica, primum quidem carminum, quod ad periodorum attinet longitudinem, rationem imitare: quorum longissimi hexametri. Ita in partibus initia sinibusnectere debes, vt auditor non fatigetur, quemadmodum inquit Demetrius Phalæxus (in principio.) Quumque tria sint hominum genera (nam & hæc præcepta communia etiam esse debent familiari sermone:) æquale, nobilius, & seruire, causarumque totidem, demonstratiuum, deliberatiuum, iudiciale, breuitas in omnibus (præterquam apud populum) præstat: nam quum ad plures dirigatur, ex pluribus breuibus composita, longa efficitur: & in commiseratione (seu deprecatio sit, seu lamentatio) quoniam frangere animos propositum est, non solum soluta oratione ac prolixa, ipsi nos languidi (vide & cap. 29.) audientium animos itidem languidos efficere, ac ipsos confringere conabimur, sed etiam gestu vultuque. Propterea nec nec breuiter quisquam, nec numerofo pede, si sapiat, mouebit iudices ad misericordiam. In cæteris, brevis periodus, (& in periodis cola,) longe plus virium habet, non solum quod (vt Phalæxus dicit) animi fortitudinem ostendat, vnde hic modus Laconibus proprius fuit, sitque robustior compressis sententiis, velut & ordinata acies, quam dissolutis, velut dispersa, sed quod etiam omnia complecti videatur, à quibus paucitate verborum non circumscribitur, tum vero prudentiam atque constantiam hominis ostendat, præterea auctoritatem, & animi concitationem. Vnde erga eos quibus imperamus, non alia semper vtimur, vtique debemus [ quam breui oratione: ] sed cum æqualibus, quia imperiosa est, & iram præ se fert, humanitatem in verbis ac gestu annectere debemus: vt duobus sublatiis vitiis, quatuor illi præcipue laudes relinquuntur, constantia, prudentia, capacitatis

Ll 2

lensum



sententiarum multorum, tum roboris, ex sententiarum densitate. Sic ergo adiiciemus (vt breui utar exemplo : ) Rogo. At in deliberatiuo genere ea non indigemus, nisi quum sermo ad superiores dirigatur; vbi non solum breuitas venustatem affert, sed persæpe est necessaria. Habet & id, vt intellecta ad se trahat auditorem, tamquam inuento tuo factus sit acutior: sed & vultu & gestu, & verbis humanissimis, quibus rem significare volumus, ambo illa vitia (vt dictum est) sunt eradicanda, vt non solum roges, sed exores, atque supplices. Itaque ad infimos eo genere simplici vteris; ad æquales autem, exempta suspitione ita atque imperij, eo verbo, Rogo, adiecto; ad Principes & magistratus ita, vt tota oratio sit lenis & quam demissa. Deprecatio igitur, quum longa esse debeat, vt animos frangat, & [vteumque] brevis, quia ad potentiores: & constans, vt moueat: & languida, vt fleat, ardua res est: ideo nec tam brevis omnino esse debet, vt in aliis causis: & neruos habere potest in languido genere: velat & ferrum durum [aut ductile:] & fides ac bouum lacertos, & coria, tametsi languida videantur, prædura habemus. Itaque & oratione pressa vtere; quale illud: *si quid vnquam inter tot pia facta tua (recenseri possit,) visceera mea ne dispergi patiaris, vt tam fidi serui tui filium unicum eripias patri.* Multum autem refert natura Principis, & qualis apud illum tu habearis, & quos habeas oppugnatores: Nam differt multum, an dicas, *Eripias patri filium,* in molli ingenio; an, *Patiaris eripi,* in ambizioso. Quum vero collusiones aliquando doceant à contrario, à simili; in verbis atque rebus, in luctuosos ac vehementibus eneruant orationem, & ridiculam faciunt: magis autem quæ est in verbis. In omnibus autem argumentis quum præstet (si possumus) selectos quosdam habere libellos grauium virorum, quum antiquo tempore non deessent Theophrasti atque Crantoris, tum aliorum; nostra ætate, quod sciam, præter communes, De officiis, Ciceronis, & pauculos Plutarchi (neque enim illius omnes: multo minus ex omnibus admittere licet, quorum præcepta dum sequeris, aberres grauius: ) velut, Quomodo quis sine inuidia se ipsum laudare possit. Quos tamen in breue compendium redigere queat, si vim argumenti intelligat. Exemplum huiusmodi: si apud ignotos; si modeste, si ab alio dictum contrahat, si rem non hominem, vituperet, si in Deum, si in Fortunam referat, quæ sunt virtutis, si socios participes nominet, se prætereat, si ea quæ antecedunt, inuidiaque carent, velut pro gloria labores suos commemoret, si aliud narrare videatur, quemadmodum calamitatem; si vitia sua intermisceat, quibus virtutis fructu caruerit. Est autem peculiaris quædam inuentio omnibus huiusmodi, à fine sumpta, à diuisione: de qua in Dialectica actum est. Præstant tamen hoc libelli, vt exemplis discas, rem, tamquam sub manibus habeas, cum formis, figuris, vmbisque ad amissum tractare. Verum laus propria non id præstat quod quæris, scilicet vt tibi credant; sed inuidiam, odium, infamiam, opinionem parui iudicij.

In diluendis autem his quæ obijci possunt

iudicio maximo opus est. Nam obiectis respondere cogimur, commemorando testamur, magnificamus, in mentem reuocamus, vt non obliuiscatur, & melius dicat. Magna igitur & dubia omittemus, vicissim notis occurreremus, maioribus fidem, constantibus crimen detrahendo. Si plura & magna diluere necesse sit, imitare belli peritos duces, singillatim & breuiter recita, & multis ac grauibz sententiis responde, aut si leuia, paucis, quasi per contemptum. Noli malos rhetores imitari, qui iungunt & exaggerant, quasi aliquid maius dicturi. Nam etsi habeant quod cuique obiecto respondere possint, ex tot tamen tantisque, etiamsi falsa sint, quid indebile gignitur.

Vbi adolescentes ad virtutem sunt excitandi, ( suo quidem semper beneficio, tuo nonnumquam commodo ) quum diuina non credant, philosophorum rationes frigida sint, (vt hoc ipso intelligere possint qui sapiunt, quum dubium haud sit, secundum virtutem viuere melius esse, Deos esse, ac Manes & æternam illorum gloriam ac voluptatem) fallere eos & arte & verborum lenocinio licet: vt quum in vno vis argumentorum, in altero finis laus desideretur, quasi ex vtrisque conficiatur vna ratio. Quale est, apud Alexandrum (lib. 4. Quæst. 24. & 25. ) si exornetur, exemplum pulchrum. Inquit enim: Felicitas hominis (in qua omnia bona continentur,) in optima illius parte, id est, rationalis animæ animæ operatione & perfecta acquisitione reponenda est. Quod autem optime adipisci finem, optimum sit, dubium non est: Scribentis, bene scribere, canis venatici perfectio, bene venari. Sed & quod virtus in rationali anima sit, & optimum, palam est: tum quia, si aliud melius esset, non esset virtus optimum per se: & ideo, quum optimum, virtutem appellauerimus, non esset virtus, virtus, aut optimum, optimum. Et etiam, quoniam vitia infinita sunt, & ob id periculosa semper, nec consistere possunt: felicitatem autem fixam & stabilem esse oportet: neque conueniunt hominum conuersationi nec societati vitia. Si ergo finis hominis est, viuere cum aliis, (aliter esset infelicitissimus) id maxime expetendum, quo sic viuere possit. Vt si finis hominis esset domus, maxime expetenda esset ars ædificatoria. At quod virtus maxime virtute comparari possit, & hi qui eam non magni faciunt, sponte farètur, quum videant labore & patientia & industria [vnumquemque] virtutem adipisci: Et ratione perspicuum; si quidem similia similibus facilius habentur, quam aliis. Quod si quis obijciat, [virtutem] non esse quandoque expetendum, quoniam aliud non secundum virtutem, melius sit, vt lucrum, medendo, quam studium: Responderemus, quod non: quoniam id quod est per se, optimum est. Sed fallit nos vsus, aut consuetudo, aut exemplum aliorum; vt in plerisque etiam aliis malis. Verum si hæc tollantur, apparebit manifestum discrimen. Quod si dicas: Quid si hoc efficiat, vt desit, aut postmodum recuperare non possis? Non erit primum virtus, deferere semetipsum: at de secundo, plus multo facit ad vtilitatem ex hominibus capiendam, modo viuas apud homines, non alios, ( quanta sufficit ad vitam vsque poenitentia



pœnitentia in fine traducendam) virtus, quam quod ultra acquiritur ex conuersatione, virtute omiffa, quum ad finem vitæ peruenieris, cuius æstimatione omnia sunt metienda, & homo sibi felix aut infelix videri solet.

## CAPVT LV.

## De vi.

**V**is autem odiosa per se legibus est, propterea dolo miscenda. Sed minæ locum habent virium in timidos, nec legibus adeo subiiciuntur. Et scias quod iracundis semper minæ auferendæ sunt. Minarum autem loco habetur negans: veluti si dicas, Ni feceris hoc, vel hoc, sed dicas: Oportet, vt adipiscamur, id agere facile enim erit. Vis quandoque vsui est in eos qui volunt, quum in aliena fuerint potestate. Minis locus est, nemine præsentē. Pueros & puellas vi abducunt multi. Sed in puellis præsens periculum: quia flagitium præsupponitur. Auferimus etiam vi, quæ nostra sunt: & sacerdotiorum possessionem occupamus, in riuus aquarum ducendis, in finibus agrorum, &c. sacerdotibus: quæ numero dierum ius acquiruntur: velut domorum locationibus, quum publici ministri non sufficiunt, seu ad tuendum, seu ad protrudendum, quum ex possessione ius accrescit, aut pecuniâ pro defensione. Semper autem vi tueri propria, quam inuadere aliena, magis permissum est à legibus, & laudabilius. Inspecere autem oportet, an tutum sit quod queritur, & qualem aggrediaris rem: inde disponere, instruere, exercere. Dei veneratio, & pudor, semper ante oculos proponatur. Tametsi enim impudentia & impietate homines sibi videantur esse liberiores: si tamen cogitent voluptatis præcipitem transitum, quum infamia hominem comitetur ad mortem, tum sceleris conscientia, raro ad huiusmodi flagitia patranda deueniet. Etenim postquam patrauerit, pecunia commutare non licebit: neque homo, nisi errore & animi impetu seductus peccat. At insidiæ tutiores sunt aperta vi, ac minus detestandæ: tum eo ipso, ne bellum in vrbe gerere velle videaris. Debent autem & ipsæ & vis liberalitati iungi. Etenim nihil est, quod vitiorum turpitudinem magis tegat, & à legum periculo hominem vindicet, ipsa liberalitate. Insidiæ ergo inter minas quasi & apertam vim sunt constitutæ: Sed si non procedant minæ, plurimum obsunt, quoniam inimicum monent: vt etiam vis. Propterea insidiæ omnium sunt tutissimæ. Minis vtuntur, qui potentia vel iure præcellunt: ne scire velle videantur: honestæque minæ vocantur hæ: quamquam finis iustus aut iniustus eas distinguat: aduersus tamen miseros, ni palam improbi sint, (minis) yti turpe est. Ob iustam igitur causam esse debent, & breues, & de magnis rebus: vt quum pro vita & honore certatur cum his quibus minamur. Talis est, vt honore læso stare non possit: velut qui publicis negotiis præfecti sunt. Semper autem vbi aperta vi vsus fueris, decet te in aliam conferre regionem, ne publicam auctoritatem contemnere

Tom. I.

videaris. Nunquam tentabis vt non perficias: ergo neque nisi coactus, quum non securus es de fine. Vis quoque simulatione & insidiarum, improbi bonos euertunt. Etsi enim ei nihil noceamus, iniecta tamen suspitione, vitam (ob pauorem) reddimus inutilem: vt primum relinquat occasiones bene gerendarum rerum, & consternatus animo vt nihil capiat consilij. Quare quum huiusmodi ingruerint, audendum est, magis necessitate quam spe. Satiùs est enim fortiter se dubiæ opponere morti, quam per segnitiam semper mori ac torqueri. Oportet autem eum qui vim conatur inferre, promptum esse, vigilem, & admodum cautum: præterea considerare finem, & quæ ad illum necessaria sunt. Melius autem ad voluptatem propriam vis dirigitur, quam ad incommodum alienum: & si commodum incommodo addatur, laudabilius erit; tum quia in vtroque eminet species potentia.

Principaliter autem, quum quatuor sint modi in actionibus, maxime vlciscendo: velut agere, & videri; id in filiorum & fratrum iusta vindicta conuenit: vel nec agere, nec videri, quum res non magna est, & dolo caret: videri autem, & non agere, in viliores personas, quum res non contemnenda fuerit, abest tamen flagitium: agere vero, & non videri; quum res non extrema est, dolo tamen atque insidiosis peracta. Semper autem, quum de honore & dignitate agitur, & contempta auctoritate, tum vitæ periculo, videri agere oportet, & quum res ad vulgus refertur.

## CAPVT LVI.

## De natura.

**N**atura commutationes parantur: quum tu (gratia exempli) puerum quæris, ego mulicum, ego equum, tu equis onem. Nostra nobis magis etsi placeant, ratio tamen minus cara persæpe sunt. Consuetudo retinet, copia abigit: nam & generaliter libentius commutamus quæ nos satiant: Et ea sunt, quæcunque causam habent ob quam placuerunt infirmam, aut senescentem: Aut si cupiditate habendi, impensæ obliuiscimur; inde quum consideramus, illa nos grauat: Sic quum alia alia aliis placeant, natura rerum ipsarum, commutare facit. Atque id maxime contingit inter eos qui sunt diuersorum, velut apud Poëtarum.

*Agnum pro puero Calliodorus habet.*

Vt igitur rem illi iucundam in potestate habeas, oportet vel pluris emas, quod pecuniæ omnia potestate contineant. Sed hic modus nunc à nobis non consideratur. Naturam inquam ergo dicimus rerum & hominum, sub qua vota illorum continentur.

## CAPVT LVII.

## De tempore.

**T**empore quoque constant hæ commutationes: & quæ ab initio dare petentibus nolumus, vltro rogamus vt accipiant. Nihil est quod (quis) sibi non queat de tempore polliceri. Diu si vixeris, & prudens sis,

Ll 3 omnia



omnia habebis. Sed hoc est quod nos turbat: (vtrisque scilicet eorum quæ desiderantur occasionem persæpe præterire, etiam si [diu] vixerimus:) interim quoque vsus perit. Tempus omnibus rebus aut gratiam addit, vt illi recipiant, quod recusabant, aut adimit, vt dent, quod dare nolebant. Quid non promittit, imo quid non præstat tempus? Inimicum occidis; scelerate plerumque, iactura magna, maiore periculo, vt perpetuo sollicitus & anxius viuas: & si (vinctus in pauculis annis (persæpe etiam mensibus) differas; ille, nullo tuo crimine, cum tota stirpe corruet. O infamam hominum mentem, quæ ea tam care emit, quæ tuto & absque dispendio habentur, ob modici temporis impatientiam! Sed quum, vt dixi, interim pereat vsus, & in periculo verferis, & iacturam patiaris, distinguendum est diligenter, quando locus sit expectationi, & quando non. Videtur autem semper expectandum, quum tua ætas longe in annos minus processerit: Vt contra ridiculum est, senem expectare occasionem ex aliorum morte qui longe sunt iuniores.

## CAPVT LVIII.

*Scientia rerum, morum ac potentia.*

**N**il autem præstantius est (præsertim in controuersis rebus) scientia ipsa rerum de quibus agitur, tum morum, ingenij, ac potentia eorum cum quibus pugnas. Constat hæc pluribus modis; quum tamen præcipui quatuor sint. Multorum primum hominum consuetudo, nam multi multa norunt: Corruptio intimorum, quæ in vsu frequenti est apud Principes: atque adeo vt (si velint) nihil priuatorum eos lateat, imo etiam aliorum Principum pauca: Et indicium quod ab operationibus illius sumitur. Et quamquam à paucis facile falli possis, decusum tamen totum si obseruaueris illius actionum, non erit difficile, tametsi cautissimus sit, illius animum, fidentiam, potentiamque deprehendere. Vltimum est, epistolarum diligens consideratio. Secundo modo in species diuiso, primum dabimus locum amicis his qui rem tractant, & (si fieri potest) ordinariis: veluti his qui à secretis sunt: quamquam hoc arduum sit: non enim ignotis facile obsequuntur sine præmio, quorum? cum præmio, periculofum. Ob id aduocatis utemur: qui & ipsi ordinarij sunt, sed non primi: quibus etiam pecunias, si ita res exigat, & ipsi nobis amici (sint,) ad corrumuendum dabimus. Quarto loco, si neque amici illius, neque qui à secretis sunt, nec aduocati id possunt, per sanguine coniunctos his, qui primum aut secundum locum obtinent, id tentabimus. Quintus locus est per potentes viros, tibi amicos. Omnia enim potentium sunt, & arcana etiam, modo prudentes sint. Vltimo loco sunt amici tui sagaces. Sed in rebus magnis, parum his confidendum. Sed & negotium quo in statu sit, scire oportet, & quantum processerit, quantumque qui aduersatur, polleat consilio, amicis, pecunia, potentia, consanguineis, efficacia (quæ maximum est.)

Tum vero cum peritis consilium, inibis: de) imprudentibus, etsi alioqui fidis, ne nimium speres.

## CAPVT LIX.

*De decore.*

**A**T vero in omnibus decoris tui memineris: victor, gloriosus, victus sine turpitudine cades. Nec te deicias in aduersis, nec efferes in secundis. Oppones, vt peritus gladiator, vbique cuspidem. Senes, quorum vis effæta est & facile contemnuntur, prudentia opibus, ac seueritati inniti debent. Sene stulto & paupere nihil est miserius: sed etsi diues sit, & sapiens, sed remissus, contemnetur ab omnibus. Præterire antiqui mores, & consuetudines honestæ. Non male igitur Aloysius Gallorum rex, eius nominis vndecimus, quum senex & æger esset, seuerior adeo factus est, vt quasi sæuus appellari potuerit. Dices, Nonne me amabunt & obseruabunt, si pecunias meas diligant? O stulte, nihil minus; sed irridebunt. Quamobrem & eos non vitupero, qui senij indicia tegunt, capillorum & barbæ caniciem plumbeo pectine (tollunt,) & aqua separationis, in qua argentum est dissolutum. Verum non denigrat admodum, sed rugas tollit, radix anguini cucumeris in aqua lactis dissoluta; vel si irridis succo, aut spatula fœtida, rugæ liniantur, & vlcera cutis inde vnguento ex cerusa curetur. Rursus cerusæ præparatæ drachmæ quinque; margaritarum, vitri, crysalli, chrysocolle, singulorum drachmam vnam: caphuræ, myrrhæ pellucidæ, sarcocollæ, singulorum drachmam mediam; confice pastillos ex laeuigatis in marmoreo lapide, cum aqua rosacea: & sicca. Quum opus est, dilue cum oleo de tartaro; & illine faciem vesperi: mane laua cum fontis aqua. Facit & ad hoc ceruina medulla, asini adeps, oleum ouorum, & frumenti. Dignoscuntur etiam senes à dentibus, de quibus suo loco actum est. Sit ergo senex mundus, comtus, hilarius, blandus, grauis, seuerus in domesticis infimis castigandis: habeat autem à quo veneretur. At virilis ætas robore ac viribus, tum agilitate, constantia, atque fiducia se tuetur: nec vlla melior. Itaque senes providere debent, vt filios ex se habeant, aut ex fratribus, sororibusve, obsequentes, atque prudentes. His enim ætas illa secure innititur. Quod si & his omnibus careat, deligat puerum, virtutis sapientiaque amore flagrantem: itaque illum instruat, vt (præter sanguinis coniunctionem) filio persimilis sit, & bono. Quidam pro filiis nutriunt: sed syncerius est, animi veros filios educare, quam corporis ementitos. Ne sit verbosus senex, caueat: quando in nullum aliud vitium facilius ac turpius decidant ipsi (senes;) seu quum facta iuuenilis ætatis laudant, seu quum audita commemorant. Pueri autem blandi, venusti, comti, honesti, scituli, mundi prompti esse debent: verbaque illos decent magis, quam vllam aliam ætatem: pudici quoque. Etenim commoda impudicitia etiam si maiora essent iactura atque infamia, adhuc longe minora



minora redduntur, quoniam incerta sunt. Propterea, quum vitia & virtutes legibus consentent, minore dedecore, maiore flagitio adacti, &c. feliciores sunt. Itaque & clam admissa, nec in exemplum adeo feruntur, quod vindicare non possint. Quamobrem ita instituendi sunt, vt omnia liberalia munera morint exercere; legere, scribere, fingere, pingere, canere, pulsare, natare, equitare, & huiusmodi. Mulieres vero, castæ, pudicæ, munda, sollicitæ, acu (non penicillo) pingere assuetæ, &c. In omni actione memento quanti res sit: ne (vt stulti faciunt) pro obolo amicum, aut existimationem, aut rem magnam perdas. Qui scis cum quo certes? eorum qui adsunt, dignitates, ac virtutes? &c. Et quum beneficium acceperis, si non (amplius,) gratiam non interuertas. Ingrati enim animi est: meminisse, quod non dederit; (non) meminisse, quid dederit: tamquam qui nihil debuerat, omnia deberet. Nec etiam tam refert quid agas, quam quo modo. Honesta enim si turpiter tractentur, turpibus cedunt modeste tractatis. Verba generalia affectu atque gestu efficaciora facta, magis decent, quam expressa & propria; in quibus periclitatur existimatio, si secus euenerit. Neque enim repetitio affectus, gestus, vultus contentio, ita obici possunt, vt expressa sententia: & si euenerit &c. in memoriam reuocata, maiorem habent vim; tum propter id quod mos id probat, tamquam prudentium, &c. Possunt ad plura alia contorqueri.

\*\*\*

## CAPVT LX.

*De executione.*

**O**Mnium autem quæ ingeniosè & solerter inuenimus, finis atque perfectio est ipsa executio: vt tanto celerius omnia peragamus, quanto cunctantius deliberauimus. Gnauiterque agendum; vt breui absolua- tur: Fortiter quoque & continenter; orando, rogando, hortando, virgendo; impellendo etiam tuos omnes auxiliares: vt simul, exemplo eorum qui pondus aliquod aut vehunt aut attollunt, (qui se clamoribus, vt vna moueant, adhortantur) in negotium incumbant, ac (vt ita dicam) quasi ruant. Vt numquam cesses: sed imiteris ventos (qui leui flatu immensas naues assiduitate impellunt) donec aliquid firmum constitueris. Multa enim negotia pluribus constant ex actionibus: quas vt dum peragis, intermittere maximum malum est; ita indecorum, laboriosum, & persæpe damnosum, actionem actioni ita continuare, vt te tuosque amicos fatiges. In periculis etiam grauibz sæpe melius locum dare iræ furorique inimicorum, quoniam repugnando coeunt consiliis, vt hyemis tempore spiritus noster: cedendo dissoluuntur, velut flamma radiis subiecta Solis. Fratres à fratribz dissident: si vexes, statim in vnum conspirant. Ita narratur fabula de lupo & canibus inuicem pugnantibus. Optime exequi dicimur, quum prompte, perfecte, polite, modico sumptu, aut labore, ac turbatione; clam denique, & quasi inexpectato. Neque enim celeriter

exequi, est cito exequi; sed antequam possis impediri. Quod malum est in his qui à Principibus inuuantur, inuitis autem ministris. Nam quum impedire nequeant, durius negotium reddunt, patefactis his, qui controuersantur, consiliis tuis. Occasionem etiam (captare) quum in omnibus (vti antea diximus) vtile sit, admodum verò in exequendo præstantissimum; vt non solum in singula etiam momenta eam obserues diligentissime, sed arreptam prosequaris; ita vt nihil in ea prætermittas aut hæsites, vel cuncteris, delinquas- ve, donec negotium totum scilicet absolvas. Solent quæ per occasionem offeruntur, meliora esse, & perfectiora, quam quæ quis industria sibi parauit; vtpote quasi diuinitus oblata, & in finem illum ordinata. In his vero actionibus, quas semper facere licet, infectas numquam reddere, vbi par est periculum, melius est, quamdiu licet facere, non fecisse, quam fecisse: vt in dubia curatione, vbi sanguinem vsque ad quartam diem mittere licet, ad quartam vsque non misisse, quam misisse, præstat. Exequutor, præterita prima occasione, aut si quid noui emerferit, aut detectum sit à mandato, (si tempus habet) consulere debet principalem. Quo præcepto prætermisso, magni errores sequuti sunt. Si tempus desit, exequi præstat, aut generaliter in determinatis actionibus quam lente procedere: scilicet vbi certus boni finis exitus non est propositus: & in determinatis etiam, antequam media ad obtinendum nondum collegerit, vt concursus fiat. Vbi autem ambo illa adsint, celerrime properandum.

\*\*\*

## CAPVT LXI.

*Verbis pluribus quando vti liceat.*

**A**Tque illud primum aggrediamur, de sermonis multitudine; quam necessariam quandoque esse constat: & primum inter veros amicos, quauis de causa, seu relaxandi animi, seu voluptatis, seu facti enarrandi, seu consultationis: & inter fratres, maritum & uxorem, patrem & filium, amantesque; & quum fallere imperitos, sermonis multitudine studemus; aut vendere pro rebus verba, aut nugas pro pecuniis dare: & quum præoccupamus sapientiores nobis, locum dicendi ac tempus eripientes: & quum verba pretio venduntur, vt apud causidicos, & procuratores: & proxenetis nugari semper consuetum fuit: & parasiti & lenones apud comædos vt garruli introducuntur. Nimium quoque in oratione fuisse Ciceronem constat. Et certe in quibusdam multitudo verborum vim quibusdam affert: præsertim si ordinata, concinna, cum affectu, & de re non magna fuerit; tum vero apud leues auditores: talis autem populi turba. Generaliter autem in partibus suis, quum opportuna est, diserte & subtiliter loqui, non est extra rationem. Maxime autem nugacis nomen verendum est, quum de communibus multa loquimur.



## CAPVT LXII.

*De dolo dignoscendo.*

**A**T in agendo non decorem, sed potius utilitatem inspicere decet (loquor autem de tractationibus.) Id fiet, si ne decipiaris, caueas. Primum igitur scire oportet, cum quo sit negotium; an animo sit doloso: dignoscitur autem ex intentione, de qua superius (cap. 45) tractatum est, & ex natura hominis, & quemadmodum erga te se habeat; demum ex propriis signis. Ex natura quidam sunt impudentes, improbi, audaces, leues, perfidi, nugaces. Senes quoque callidissimi (sæpe sunt,) & decepores apti, verum ad eludendum maxime accommodati. Indicio est, quod senes, quum sint effectis viribus, & ignaui, rarissime tamen, nisi vi aperta, opprimantur. Vt palam sit, etiam in humanis prudentiam, robori atque potentia præstare. Galli etiam & Hispani ad fallendum promptiores Germanis: sed nulla magis gens, quam Afri atque Græci. Circulatores quoque & mimi, & lenones, periuri sunt & fallaces; & pauperes diuitibus magis. Inspicere igitur oportet regionem, sexum, ætatem, educationem, mores, & (si quid ad rem facit) formam. Pueri enim, & mulieres, & rustici, simplices; mercatores & artifices mala fide sunt. Neque tamen omnes similiter ad singulos se habent, Gabriel Fundulus, quum esset proditorum fons, vnum tamen obseruabat atque solum Facium Canem. Itaque ne credas omnes homines tam callidos esse: vt tu es; neque animo adeo improbo ad decipiendum. Quidam bona fide agunt, etiam si à natura improbi sint, quod natura non patiatur homini violentiam perpetuam inferre. Plures casu pleraque faciunt. Quæ autem ad decipiendum inuitant, potissime tria sunt: audacia (sub qua contemptus continetur,) spes, & necessitas. Qui enim putat etiam si deprehendatur, inultam sibi fore fallaciam, audet omnia: & qui necessitate cogitur, & vbi spes est, occultam rem fore. Sed plus potest consuetudo omnibus: adeo vt cogites quæstuosos numquam quiescere, (ita ad decipiendum sunt consueti; maxime mercenarii, & qui minutim vendunt, velut lanij, caupones, vestiarij,) nisi deceperint vel numero, vel quantitate, vel genere rei; vel pecuniæ computatione: Finisque recti sui, est corrasisse. Tum vero videntur: [ sibi ] ex æquo rem peregisse. Alterum igitur est, vt tunc ex æquo rem peregisse existimes, quum irascuntur, & mæstos reliqueris: hoc enim iniustum est: putantque se deceptos, si nihil præter ius omnino corradere potuerint, nec in vllò decipere. Circa quod etiam animaduertendum diligenter, hoc illos scire, alios siquidem id scire: atque ob id etiam quantumcumque dederis, & quantumcumque in parte deceperint, querentur. At si oculos inspicias, facile deprehendes: horum enim ridentibus similes; illorum iratis, rubentes & flammei. Verba quoque cum impetu gemituque prolata. Si ergo quippiam emprutus sis; dimittantque, inde reuocent, & sub eodem pretio, quod recusa-

runt, merces offerant; suspicandum est de dolo. Quamobrem intente inspicere oportet: iuuabitque digito clam, dum discedebas, signum impressisse. Etenim pessimus dolus est, quum, mutata re, ac simulata poenitentia, emptorem reuocauerint. Speciatim autem signum deceptoris est, quum diuersis ambagibus te circumuenit. Edificatores in tabella exponunt plus quam exigatur rerum, & maiore pretio: vel deprehenderis, cur est vt in illo amplius confidas? itaque ex vngue leonem: Stultum est, vbi semel conuiceris, in aliis existimare meliorem. Ausda quoque conductio (aut condictio,) & sollicitatio negotij, doli signum est. Quinimo, si diligenter inspicias faciem, vix fieri potest, vt vel non oculum deprimat, aut conuiueat, aut rideat, quamuis in suam malam rem. Adeo natura humana fallax est, vt etiam de spe concepta, lætari soleat. At in prædijs vendendis duplo locant, tutumque reddunt conductorem.

## CAPVT LXIII.

*Captos quomodo eludendi.*

**D**Vm vero captare aliquem propositum est; aut ob lucrum captare oportet, aut vt obtineas quod aliter obtinere non potes. Captare enim solum vt irrideas, non tam maligni est, quam etiam stulti. Captant te præcipue, dum contrahis, & dum à contractu discedere cupis. Vt vero contrahendo fallas, non est propositum docere, sed vt eos qui fallunt deuites. Cauebis ergo mercatorum, artificum, operariorumque dolos, hac ratione. Est in rebus materia, labor, quantitas, numerus, pulchritudo, ac pretium. Perdiscere ergo primum omnia hæc à peritis in arte, decet: nec festinatione opus est in huiusmodi negotiis, si non errare velis. Circa materiam quidem ipsam (considera) genus speciem, locum, tempus. Aurum enim argento nobilius, & purum misto; & Orientales margaritæ Scoticis, & nouæ vetustis maiore in pretio sunt, & rotundæ informibus, & illustres hebetibus, & leues asperis: multaque huiusmodi similia, quæ in artificio desiderari solent, quum res ab artifice elaborata est: at hic artifex est Natura. Finge igitur, aut pulchrius, aut minore pretio potuisse ab aliis habere: ipsimet se detegent, obiectantes viliori pretio merces etiam ignobiliores, melioribus pretium maius. Ita facile cuncta deprehendes. Quod si curam hanc suscipere velis, edoctus ab illis, poteris aliunde emere elegantiores, & viliori pretio. Caue etiam ne redeundo, merces quas ostenderunt, commutent, & viliores sub eodem pretio exhibeant. Quum prope pretium accesseris, maxime si non res admodum venalis est, dices, Hoc offero: quare alium qui plus dare velit: condictio hæc non tibi deesse potest, modo non prouisum sit mihi. Hæc enim verba maximam inducunt suspicionem poenitentia, & opportunioris conditionis. Cum artificibus autem conuenies de materia (cuius particulam tecum auferes,) quantitate, qualitate artificij, partibus singulis, tum numero: præstituas quoque tempus.



tempus. Arrha enim accepta improbi litigare solent : eam [ita quam tenuiorem potes dato : si fallat, eam potius ei relinque, quam vt dolo fefellisse te gloriari[queat.] Inde post diem, aut paulo post, submitte (venale enim prostabat quod non recipisti) qui emat : nam viliori pretio redimes, quam si quadruplum arrhæ admisses[vel adiecisses.] Ita illum propria techna conficies. Cum architectis autem conuenies, vt singula quæque scribas, genus, quantitatem, numerum, formam, ac reliqua, tum operas, atque impensam, inde petes, quantillæ, vt te intrudat paullatim negotio, multo minus (vt solent omnes) profert; tum vero illi offeres locandum opus : atque sic suo & ille dolo deprehendetur. Quod si antea plus postulet, negabis te suffecturum impensæ: quæsiturum qui minoris te facere doceat. Perfecto opere, quantum potes pecuniarum retine; donec si quid deficiat, aut male concinnatum est, aut doli subest, aut non apte fabricatum, & iuxta personam tuam, deprehenderis. Idem cum omnibus artificibus : quos vbi constiterit dolo aliquid subripuisse, ne excaueris, (plus enim oderint, & minus timebunt) sed coge vt ad quadrantem vsque restituant : quos, seu furentur, seu dolum intendunt, vitare decet in posterum. Sed etsi nil tentarint, non magis illis fidem habeto; sed cum Græcis ac lupis rem esse scito; prioremque probitatis speciem, escam esse in hamo, ad securius grauiusque fallendum. Sed neque confidas his, quos beneficiis affecisti. Propterea ne beneficium alterutra electione amittas, seu eorum opera vtaris, seu non; finge summam in eis fidem : proxenetam vero submitte, qui alia via idem tentet : simulque fidem amici explorabis, & tutus eris a iactura. Vbi enim deceperit, dices ab altero te iam accepisse. Duo denique quum sint modi negotiandi: vnus tacite; alter vt aliud fingas : similiter quatuor emendi : vt intelligant te velle emere, & statim, isque pessimus est: secundus vt videaris, & tunc nolis, tamen non concurrent multi venditores certatim: tertius, vt videaris etiam, sed pretio valde vili oblato, omnino è spe decident : quartus vt aliud potius velle videaris : Horum secundus maxime est in vsu: optimus tamen est vltimus : tertius vero in his quæ vendere coguntur. Vbi artifex aut vilis persona plus petit, non sufficit iustum pretium obtulisse, sed longe minus; inde quod contemserit, obiurgat. Si in numero, aut pondere, mensurave falli te existimas, honeste consueuerunt repetere numerationem aut mensuram, quasi minus dederint, aut plus acceperint, vt videant an plus dederint, minusve acceperint. Si actio cum inconstanti viro sit, tardare oportet eo vsque, vt actio cum promissione coniungatur. Optimum est in his, eos aggredi imparatos, & opus simul cum oratione coniungere. Quod si nequeas, cautionem exige, pignore accepto, aut arrha : vel partem negotij prius absolue, aut fide publica interposita, magistratusve autoritate, aut iuramento, vel testibus: vbi mutauerit, minus agendum est. Neque verò minus gloriosum est, se tueri à dolo, aut vtile; quam dolo fallere. Primum quidem, quod maiore damno & dolore affi-

ciatur deceptus, quam voluptate atque vtilitate deceptor. Captando etiam multis modis peccatur : fide euerfa, quod non licet euidenter, quod non decet : in leuibus, animi potius nequitiam detegis, quam fias ditior; si non assequaris, periculosum, præsertim cum potenti viro, aut vindice [vel iudice.] Obstant leges, infamia premeris, si viduam, si pupillum, miserum, amicum benemeritum euerteris : quid foedius, aut detestabilius impietatis, non solum flagitij, hæc plena sunt : non secus ac si contempseris sacerdotem, aut facras virgines, aut templum spoliaueris. At in deludendo captantem, quæ dulcedo, quæ securitas : Est etiam illud consideratione dignum, nemiinem recte fallere scire posse, qui nesciat quomodo recte captantes vitare liceat. Vtrumque enim simul necessarium est, & captare, vt non capteris; & captantes eludere, vt captare possis. Noli igitur nimium confidere; nec rursus metuere. Cæterum, vt ad rem redeam, summamque detegam, omnis emptionis, venditionis, ac permutationis, tum solutionis, præstitæque operæ; in duobus constitutam esse noris.

Vbi litigandum esse intelligis, fac vt ex ætore reus fias. Hoc multum refert. Nam impensa minuitur, minus temporis absumentur, & æquiores habebis iudices. Id ergo continget, vbi rem possederis. Itaque vbi improbitatem animaduertis, omnia pollicearis : sed ostenta potius simplicitatem, quam vt blanditiis vtariis. Vtere potius blanditiis, quam pollicearis. Hoc caue quantum potes. Sed, si necesse est, verbis fallacibus, & nemine teste, aut saltem eorum altero. Vltimum est syngrapha, sed, compositis certa structura verbis, ne possis conuinci. Ita arduum non erit, vt rem mobilem, non fundum, ad te transferas.

In emendis equis, quum vitia sint occulta, sed exigua, vt pauidus, cibi parcus, sed manifesta, vt cæcitas, tumor pedum, vel occulta & magna: primis parum læderis: secundi generis vitiorum admonebit te equis peritus: tertio subuenit lex municipalis, in qua communiter excipiuntur asthma, grauedo (quæ in equis valde lethalis est morbus,) Græci felicius *σπασμωδία* vocant, vt laborantes dolore per circuitus, seu dolorem rediquium *σπασμωδία*. Itaque recte consultum fuerit huic rei, modo equisonis petiti opera fideli vsus fueris, & restitutioni pecuniarum locus datur, vt scilicet à ciue emeris, & eo qui soluendo sit, nec sit litigiosus, aut potens, aut qui nolit legibus parere.

Est etiam aliud genus, quod excogitarunt, vi quadam decipiendi emptores. Dicunt enim tanti emissee. Quod quum falsum esse coniectaris, dimitte illos. Si secus facere potes, non violentus dolus est. Aut enim cogeris dare quod volunt; aut debere illis pro suis nugis: quo nihil est turpius. Id autem agunt, quum sciunt neminem etiam alium eius mercis venditorem : perindeque ac si dicerent, Cogeris accipere, si vis. Sed hoc turpius putant, quum fallantur : nam ea excusatio vera est : verum autem semper honestius est mendacio, quod si repente eos destituas, compensabis dolum. In prædiis vero, vbi pluri locauerint, ante locationem fructus scire oportet; & quis is fit



fit cum quo colludere potuerit. Vide etiam vicinos agros & dominos, atque colonos: fucus enim sobolet his. Demum tentabis, an velit paulo minore pretio, perpetuo conducere: vt sit hypothecæ dominus.

Quum librum conscribere velis; timeasque ne exemplar aliud conficiant, multa in margine annotabis, aut caractere obscuro [maculabis] autographum: Scribes autem omnino aliqua non in eo contenta, sed in foliis aliis scripta ostendes, quæ interseri cupias post medium libri, aut etiam passim; testatus, oportere illum hæc apud te scribere, desperationem iniicies suffurandi. Sed si cupias exemplum libri, qui his vitiis omnino careat, transcribi sine suspitione, multa passim cerusa & tenui graphio obscurata, vt non possint legi, iubebis apud te transcribi; primum permittendo vt absens in multis, sed leuiter, aberret. Ita opera alicuius ex tuis, tamquam monitore te aut custode, rem absque periculo & suspitione absolues.

## CAPVT LXIV.

*Quando à conuentis discedendum.*

Quum vero iam captus es, & à conuentis cogeris discedere, seu captare consilium est, seu captantem eludere; ostende primum, te maxime cupere, quod ille pollicitus est: gloriare de lucro, optimæ conditione: finge timorem, ne à conuentis ille discedat; etiam submisso proxeneta, qui se meliorem conditionem pro illo effecturum polliceatur: urge pete importune, quasi verearis, ne à pactis discedat, vt tandem præstet: facile enim fiet, vt aliquid plus ille postulet: quod etsi non satis videbitur: præsta; ac rursus per eadem conare illi persuadere, pinguem esse tuam conditionem, atque optimam; illius tenuem atque exilem: donec illo augente postulata, liceat honeste tibi à conuentis discedere. Quod si hæc via non procedit, submittes novos negotiatores, qui meliorem tibi conditionem offerant, aut quem tecum iniit contractum vituperent: donec ille tandem pœnitentia ductus, aliquid dicat, faciatve, quo pactum abrumpatur. Sed si nec in hos casus incidat, tum ad turpia descendere cogimur; ad iurgia, iræ prouocationem: donec fatigatus & tædio affectus, dissoluat pacta, etiamsi publica fide tabellionis coaluerint. Velut apud Diodorum de Dionysio maiore, tyranno: qui cum à Reginis, ob eorum culpam, discedere vellet, frumentum ad alendum exercitum postulauit, vt si non darent, eorum amicitia renunciat, si darent, fame eos subigeret: quorum vtrumque obtinuit. Dederunt enim, inde cessarunt: sicque obsidibus remissis urbem eorum cepit. Ita à priuato, quod non numerata pecunia det, postulabis. Talibus vti licet aduersus inimicos, insidiatores, æmulos, quique gratuito te persequuntur, quibusque controuersari, &c. aut oportere suspicaris. In omnibus autem, tam externis, quam domesticis, honeste excusatio sumitur coram eis, si ex eorum facto videaris læsus, vel in corpore, vel in re: vt si horam præstitueris, alia ille

veniat, tum impeditus impingas ex celeritate; vel illi intentus, in ianuam, aut vas pulchrum, licet exigui pretij, frangas.

## CAPVT LXV.

*Proxeneta.*

Quæ vero per alios agenda sunt, auxilio proxeneta indigent. Eligatur ergo vir impiger, callidus, versutus, comis; nugax, (nam in emptionibus, venditionibus, famulis conducendis, verba loco pretij habentur) efficax in rationibus & argumentis; promptus, & occasionum maximus captor (soler enim in prouerbio Genuensibus esse, Debueras, quum calidus essem, recipere, nunc cogitavi,) exercitatus in omnibus huiusmodi negotiis, quod summum est denique. Hunc ergo tibi amicum, tamquam te ipsum efficies: si fuerit ille in amicos suos gratus & fidus, & nunc non abhorreat ab amicitia tua, & qui honoris ac existimationis maiorem quam opum curam habeat, tenaxque sit amicitia: [ & qui] non nulla in re excellat, sed in omnibus mediocri sit: nam qui plurimum excellent, & adeo in singulis minutis attentis sunt, maximos solent admittere errores. Hunc sic ad amicitiam tuam allicies.

## CAPVT LXVI.

*Proxeneta quomodo in amicitiam alliciatur.*

Simula te oblectari omnibus, quibus ille delectatur. Curabis vt tua consuetudo ei non sit inutilis, seu lucri occasiones offerendo, seu donis sapius exiguis (maxime eduliorum) alliciendo. Si ambitiosus est, extolle, si laude simplici contentus sit. Coram teste ne vnumquam cum illo contenderis; nedum vt queraris, aut reprobendas, vel accuses: solus quum sis, licet modeste atque amanter admonere, hac forma. Emit (gratia exempli) pluris aliquid; dicas, Bonum est, ac commodum, licet aliquanto carius, aut, Melius forsan fuisset conditionem priorem recepisse; aut, Si occasio tulisset, præstabat aliquantulum expectare. Suos (vt pote filios (ipsius), & vxorem) iuua, quum potes, & se merentur, laudaliter, ne eorum feceris mentionem. Eum sapius ad communem mensam inuita. Nihil enim hoc lenocinio ad conciliandam beneuolentiam accommodari. In domum nereceperis. Nimis enim familiaris & assidua consuetudo, odij aut contemptus semina parit: tum maxime propter suos, tuosque: etiam coniux quos diligit, vxor odit: nec tantum apud alios fidei habebit in tuis negotiis, vt qui seruam operam habere credant. Iuuat tamen vxorem vxori, filiosque tuos suis conciliasse, si probi sint. Blandus erga illum sis, ac comis: in eoque genere sermonis sapius versare, quo maxime ex obliquo, & à latere quasi, commemora quæ ille prudenter tractarit, & vtiliter tibi. Nihil magni feceris clam, quod resciscere possit, cuius illum prius non admoneas: aliter



aliter occulte prorsus id age. Si tandem sciturum id conieceris, nec è re tua sit, vt sciat, tui prius age; deinde accusa temeritatem. Equidem mala mere est, si non pati velit quicquam te sine illo posse; quum & tu, præter tuam negotiationem, omnia illi libera relinquas. Quam potes cum illo familiariter versare; atque sic, vt nulla ex parte amicitia illi tua gemitus sit. Secreta, quæ tuto potes, illi communica: & quantum illi gratum est, non tibi, vt re consuetudine eius. Neque illum, neque suos vnumquam contemnes, aut iridebis. Non iurabis: & si tibi non credat, ridere satis est. Neque enim amicitia patitur, vt iuramento indigeas. Secreta narrantem tibi, audies; non exiges, nisi necessitas cogat. Sine illo esse nolis in rebus iucundis: deducitoque tecum ad venationem, piscationem, atque aucupium. Nil triste quod euenerit, commemora; nec si in aliquo errauerit. Ludo latrunculorum, aut fritilli, aleæve, cum illo, sed nulla pecunia (aut perquam exigua) proposita, certa. Leuis enim illa certatio amorem fouet. Quum quid recte tibi ipsius causa cesserit, fac vt omnino illius portionem habeat; ne vnumquam de officio, aut lucro, quod ingratus erga eum fueris, suspicari possit. Inimicos illius fac (quam maxime id tibi tutum fuerit) vt odio te habere intelligat. In eius casibus aduersis doleas. Mutuum quum dederis, eo animo da, vt dones: sed, si maior pecunia sit, publica fide interposita, causatus mortalium casus.

\*\*\*

## CAPVT LXVII.

*Proxenetæ vsus.*

**V**T ergo Proxenetæ opera vtaris, exemplo docebo. Fac vt vicinum agrum emere in animo tibi sit. Proxenetæ per alium sibi notum tentabit, an venalis sit? & si venalis sit, quanti alij licitauerint: quam vero pinguis sit; quanti locauerit; liber ne sit, an alicui pensione addictus: tum vero, an commutaret, si alius ager ipsi proponatur: sic vt, quod animo est, semper sit, quod resciscat. Inde illius procuratores ac amicos promissis corrumpe, & agrimensores, si opus sit pecunia data, & generaliter, qui vel mensura vel æstimatione fallere possunt. Solent autem in emptionibus, eius quod infra iustum pretium est, in venditionibus supra, certam portionem illis polliceri. Memineris aurei illius dicti: Auro nihil esse imperuium. In huiusmodi tractationibus sæpe occasiones occurrunt, vt alios eligas proxenetæ. Ex proxenetis enim amicos, ex amicis proxenetæ facere oportet. Nec mireris, huiusmodi negotiationem totum requirere hominem, quum in illa existimatio, opes, salus, amici, denique tota humana felicitas consistat. Expedit autem scrinium habere cum loculis: cuiusmodi nunc magna est copia: in quo separatæ sint rationes agendorum: quas vesperi aut matutino considerare oportet, atque initia ratione negotiari. Semper autem memineris, nihil in humanis melius esse obseruatione occasionis, seu oporteat differre, seu properare. Atque

illud cogita, quotquot felicitates tibi euenerint, vel si paulo plus distulisses, quantumuis magnæ essent, in nihilum redactæ fuissent. Vixque vlla est tam constans occasio quæ [commode] per annum proferatur, paucissimæ, per menses, non multæ etiam, per dies plures etiam sunt, quæ momento euanescent. Quamobrem oportet hominem, qui velit bene esse fortunatus, intentum in singula momenta esse: & proxenetam similiter hæc obseruare. Sed vt celeritas est maxime necessaria; ita nec oportet tantum (illi) assuescere, vt differre non possis. Præpropera enim festinatio, multorum errorum præter id quod causa sit, etiam facit, vt qui tecum negotiantur carius vendant, tamquam cupido & moræ impatienti. Itaque modum in omnibus seruari oportet, & non (solum) medium tenere, sed potius versipellem esse.

Porro proxenetæ vsus & probatio quincuplex est, vt apud Demosthenem de falsa legatione (postquam legati & ipsi veri proxenetæ sunt, etiam si priuatorum fuerint:) renuntiatio verorum: consilium vtilium: executio mandatorum recta: temporis occasio non dilata: & innocentia à largitione.

\*\*\*

## CAPVT LXVIII.

*Quomodo cum tanta improbitate hominum conuersatio stare possit.*

**Q**Uum vero mortalium genus adeo prauum sit, animisque alij viperinis, alij vulpinis, certe qui paucissimi (vt dixi) qui humanitatis aliquid retineant, sed prorsus omnes ferini sint, licet alio atque alio modo feritatem illam suam explorare nitantur, & pro lucro tam anxie & crudeliter, tum pro ambitione vel odio minimo irritari soleant, quasi de vita decertent omnibus viribus, atque consilio: nihil pensi, non Deum, non iura, non fidem, aut aliud quiduis boni habentes, sed omnia illa decora, risus, blandimenta, gestus sint, velut eorum qui feras occidere, aut boves in macellum ducere volunt, plena insidiis, & summa crudelitate: idcirco dubitare quis merito posset, quomodo societas humana, congregationesque ac commercia tam diu manere potuerint? quæ licet inter diuersarum urbium & regionum accolæ grauis sit, & valde inhumana, ac etiam antiquo tempore deterior, imo sane durissima atque miserrima; nihilominus qualiscunque tot seculis durat: & quod maius est, rarissime ad illud extremum improbitatis atque sæuitiæ deuenit. Videturque hoc malum simile fluctibus maris: qui vbi se attollunt, anetquam ad summum deueniant, sponte concidunt: vt videatur, quemadmodum in illis, quod à natura retrahantur, contra naturam emergant, habere in se aliquid, quo subsidat & deprimatur: seu quod hominibus meta constituta sit consulto: quàm quum quis excedere nititur, corruit feruor ille animi, & feritas hebetatur atque retunditur: seu quod ipsa rerum series hoc postulat; mortalis homo imbecillis, & supra vires solum audax, legibus, religione coercitus, opum societate obtusus, labore assidu



assiduo fatigatus, inconstans, ferociam tantam retinere nequeat. Quibusdam laudis cura profuit. Aduenæ etiam ipsi habent, quod tueatur illos: conueniunt cum principibus ciuitatis, communicato lucro. Velut hodie Iudæi. Expedit enim tales esse. Nam præstare possunt, quæ non possunt, quæ non possunt ciues, & volunt id, ad quod cogi possent: ciues autem contumaciores sunt. Plurimum etiam posse credo ad tutelam miserorum, eorum defensionem, qualiscumque sit: qui etsi non possunt ferire, multis tamen ictibus, defatigant victores, hebetant gladios, ut eos postmodum tædeat longi laboris, segniorumque ad alios aggrediendos reddantur, quamquam inerimes. Vt cumque sit, experientia ipsa docet, non esse infinitam nostram hanc nequitiam, sed retundi ætate, casibus, pugna ipsa. Quo fit, ut numquam supinos nos offerre præstet, misericordiam implorantes, sed pertinacia effugientes calamitates, & potentiorum oppressiones, nihil habere tutius, ad quod refugiamus: resistentes enim viriliter, exemplo edocti, discedere illos, & ad molles, segnes, & qui in misericordia & fide spem reponunt, opprimendos se conferre: tum ob id præcipue, quod, ut in Fabula Sibyllæ apud Meschinum, deuient ne sub propriis formis, bufonum & viperarum videantur, & ut illæ visæ maxime indignentur. Solum contigit ad extremum improbitatis deuenisse, in populos Noui Orbis quod Reges latrocinari permiserint: illi vero vndique rudes & imbelles, & exemplo suo damnati Anthropophagi: siquidem & spes pecuniæ maxima. Verum præcipuam causam, & quæ inuicta est, consuetudinis & amoris hominum (quamquam labefactata tot modis) esse reor, naturam communem: velut in beluis ipsis conspiciere licet. Quum enim omnia beluarum ornamenta in homine sint præcipua, consentaneum etiam est, & hanc maxime necessariam & decoram, iucundamque in hominum natura eminere. Indicio cuius est coniunctio sanguinis, quæ potentissima est apud omnes gentes, etiam admodum barbaras: atque ea sola firmissima: quamquam Philosophi nescio quid de amicitia nugentur. At quum (ut dixi) tot modis debilitetur, & abrumptur ea quæ in Principibus maxime atque aliis beneuolentia conspicua videtur, neque falsa plerumque, neque omnino beneuolentia est, quum illorum morte finem accipiant illecebræ illæ: neque vna, sed quoniam minus metuunt, & indigent, vera est. Composita autem ex natura, dignitate animi, consuetudine, iucunditate, atque honoris observatione, tum aliis minutis quidem causis, illis autem (ut sibi videtur) maioribus, propterea ab affectibus ipsis superantur. Itaque duo sunt tantum genera integri amoris: à coniunctione sanguinis (sub quo etiam Venus continetur) & hic corporeus est, & à nobilitate, qui animi est: totidem imperfecti, ob utilitatem, qui tam diu [durat quam] utilitas ipsa, & à sapientia profectus: qui rarissimus est, ut etiam sapientes, alioquin integri.

Ergo quum ex decem humanæ congregationis causis, quæ sunt: coniunctio sanguinis, simplicitas animi (quæ adhuc viget in te-

nera ætate,) leges, & religio, tum virtus (Philosophis plus decantata, quam exercita,) gloriæ studium, consuetudo, voluptas, utilitas, & consensus ad euertendum meliores, (sed potentia magis territat, quam irritet; sola virtus subiicitur pro scopo;) omnes nostris temporibus, præter duas vltimas, perierint, reliquiasque quasdam legum; mirum est quomodo [societas humana] consistere possit. Et certe mala hæc tempora sunt. An forsitan non vbiq; omnia perierunt, sed velut ex Græcis ad Romanos res transferentur? Sed etsi ex duobus vnum fiat, velut cognatione atque honore, momentaneum id est, & ad seditionem potius spectat. Auxilia ergo, emptio, legum dictæ reliquæ, pugna pertinax & assidua, & pollicitationes magnæ, pro cuiusque personæ ratione [solummodo superfluit;] sed (ut dixi) misera, & ad interitum spectantia.

\*\*\*

## CAPVT LXIX.

*De his quæ definiri non possunt, nec habent caput proprium.*

Quoniam vero malitia ad summum peruenit, solaque pecunia colitur, & ambitio, vel ut radix, vel ut fructus, & tamen in his sunt gradus. Chirurghi enim non solum sanant, si soluendo sit, sed oderunt, si quis illos vel virgeat ut meminerint curationis, post medici alij, & pharmacopolæ, hi sunt in primo genere. Post curatores, & iurisperiti, milites, malique Sacerdotes. Tertio loco sunt mercatores: Quarto artifices cuius generis. Quinto nobiles, Principes, & magistratus: hi quidem ex quinto & secundo ordine, sed Principes nobilium & militum medium obtinent, magistratus, nobilium & iurisperitorum, nisi si quis humili loco natus sit, hi enim pessimi sunt. Oderunt autem ob hoc & patruos, & etiam parentes & fratres plurimi. Ut solus amor in prolem relictus sit: nam & nepotes ex fratribus, ob successionem multi perdiderunt: plerique inhiant. Quum vero amare quosdam sit necesse, veluti filios (neque eo dum peruenimus, ad Catilinæ exemplum,) quidam etiam nepotes, quum fuerint omnino extra filiorum spem, quidam fratres, ob commodum, quod eos curis ac laboribus leuent, sed & scorta ob voluptatem amant. Quare etiam omnino aliquos ob eandem & familiaritatem & consuetudinem, velut Agathocles adeo impius Dinocratem, & Dionysius Helorim, & Megaclem socerum, & Nero Epaphroditum, & Phaontem, & Sporum, & Caligula Germanos custodes, & Phalaris Lacritum, Critodemum, Aglaum, Cleomenidem, Polycletum medicum, Erithyiam uxorem, tum alios plures, necesse est, duobus contrariis iuxta positis, velut amare, & odisse, aut non amare, communem quemdam terminum statuisse, eorum qui amantur, & qui non amantur. Quum autem hoc definire non possimus, & viuere cum aliquibus sit necessarium, imo cum pluribus versari, cum quibus nollemus, coniectari oportet ex magnitudine avaritiæ & rapacitatis, ex leuitate hominis, ex exemplis,

spe



spe premij, & oppositis causis. Atque in his consuetudinem necessitudini, & iucunditatem beneficiis præferre oportet. Oportet igitur in dubia re (quum iuxta omnia fictitia hic esse existimaneris) abdicare se, & blandis omnino verbis atque gestibus, & cum honore [hominem versutum] excipere. Ita enim decentius ages, & minus te lædet, ob pudorem; & incautum opprimes: & te pluris æstimabit, sentiens se propriis artibus peti.

\*\*\*

## CAPVT LXX.

*Historiam rerum præteritarum multum prodesse & ad ferendum, & ad deliberandum, & ad exequendum.*

**P**ropterea multum refert historias legere: non solum vt prudentior fias, & velut dicebat ille:

*Qui mores hominum multorum vidit, & vrbes:*

Sed vt cognoscendo quanta mala maneant mortales, & quam deteriora alij passi sint, alij intulerint, discas tuam sortem patientius ferre: quod non solum ad animum confert, sed ne prorumpas. Ideo plurimum refert qualis sit: præsertim quod multi affectus suos pro causis aut cogitatis hominum referunt. Neque placent orationes, sed Laconica imminentium expressio: neque iudicium, nisi sobrium. Verum considerare oportet gentes, conditionem, mores; an barbari sint, præcipientes, & sæui. Reges parua contemnunt: Tyranni iniuriarum solum memores. Lysander perfidus, & crudelis. Sylla iracundus, & ob id ferox. Cæsar intentus in solam tyrannidem. Respublicæ iras numquam remittunt, & ad avaritiam omnia dirigunt. Nihil ergo vtilius in historia, quam vera & diligens narratio, etiam minimorum. Quod ad scriptorem attinet, velut in lectore, singulorum disquisitio est, & comparatio. Quamobrem historiam ne prætuleris longum tempus & plurima regna complectentem: nam quanto plus amplectitur, eo minus accurate scriptam esse, necesse est. Velut si quis parietem totum depingat, alius tabellam; non eandem singulis partibus, qui parietem depingit, poterit adhibere diligentiam. Ex antiquis, Catilina Salustij omnium præstantissima; vt Trogi & Diodori nulla; media Liuij. Ex recentioribus plurimum Sabellicus delectat, sed vtilitatem in hoc negotio nullam affert; Præstantissima, & pæne sola Argenti, vt & alias dixi. Thucydidi omnia desunt: antiqua, moribus à nostris longe aliena, Reipublicæ scripsit, & popularis fuit, deum, qui ostentationi seruiuit, non historiæ neruis. Dicillimum enim est Historiam scribere, & ob id rara. Primum, ob petitiā, & stylum, atque exercitationem: secundum, ob diligentiam & laborem in minimis persequendis: tertium, ob iudicium. Nam si parua quæque describat, ridiculum opus faciet, & legentes afficiet tædio: si magna solum, vel etiam mediocris, tradat; optimam partem ad cultum vitæ & ad instruendum lectorem prætermittat, necesse

Tom. I.

est: ita vt legendo nihil ex eo discas. Siquidem magna omnia & mediocria ex minimis ortum habent: sed causæ illæ occultæ, proditiones, sollicitationes, colloquia secreta, corruptio ministrorum, intimorum, consiliariorum, ducum, veteres inimicitiae, odia, æmulationes, obrectationes, spes inanes, à quibus omnia pendent, vix sciri possunt: & qui norunt, historiæ scribendæ animū non adhibent, & si etiam vellent tum primum patefacere hæc, non bene forsan consultum esset, multo post, pleraque in obliuionem transeunt. Propterea bene scriptæ historiæ argumentum non leue est, si minima illa solum describat, quæ ad rei essentiam pertinent, reliqua sub generali ratione. Talia sunt quæ de Vitellio ille, quod accepta clade sumptuosum conuiuium celebrarit: & de Nerone, quod quum rebellassent Galliæ, instrumenta Musicæ noui generis (tractarit: ) vt in vno perditum crapula animum; in altero consilij inopiam, & desperationem intelligeres. Nam huiusmodi considerationum vna ad iudicium tractationis, altera ad modum pertinet. In hac vero inopia tanta bonarum historiarum, seligemus paucas nostri temporis, de paruis regnis accurate scriptas: atque ex illis omnibus, velut bonus ille pictor ex mulieribus pluribus Venerem vnā; ita nobis ipsis exemplum traducendæ vitæ, & vitandorum periculorum, ac proditorum fabricabimus: in aliquibus audentes; sed nunquam (nisi) vbi tuto agere licet: in aliquibus timidi facti. Cæterum quum duo sint genera vtilitatis historiæ, vitæ instructio, de qua dictum est, & ad perferendum aduersa æquo animo; iuuat in hoc legere historiam Ioan. Leonis, de Africa: Thucydidem de bello Peloponnesiaco; triumviratum, apud Dionem; Volesi & Pisonis atrox factum, apud Senecam de Ira; tum Aristotimi Eliensium tyranni gesta; & paulo ante nos, etiam Italicas seditiones, apud Corium.

\*\*\*

## CAPVT LXXI.

*Res magna quomodo per proxenetam tractanda: & de nobiliare quodam alio genere.*

**E**Rgo in rebus magnis non aliam sequemur viam; [quam] scilicet vt per proxenetas qui plurimum possunt, muneribus corrumpantur; in leuioribus autem, ex mutua collusione, velut cum pharmacopolis, tonsoribus, chirurgis, obstetricibus. Hoc enim pactione & pecunia honestius esse ducunt: nam & ad existimationem facit, & amicos comparandos. Vbi ergo magistratum, aut profitendi munus obtinere velis, diligenter considerandum, quis possit præstare. In congregationibus enim solent munera esse distributa; singulis in aliorum fraude conuenientibus. In collegiis similiter, in quibus publica res, aut piis locis addicta tractatur, vendunturque aut locantur prædia, singulis solent addici sua; cum quibus si paciscaris, rem actam puta. Qui hoc non intelligunt, frustra quærunt talia. Quod si modo, quando titulo hæstæ, & procla-

M m mante



mante tubicine, vendi & locari solent, ad illos perueniant, carius emunt multo, non modo quam illi, sed etiam quam res ipsa valeat. Vt ergo in collatores recidat, hac arte vtuntur. His qui emere aut conducere se velle fatentur, submittunt qui variis modis rem infament; & conditiones etiam intolerandas proponunt: at illi, non aliis: quas etsi qui cum eo conuiuet, inuitus recipias: ipsi tamen hortantur, pollicentes (quod & præstant) conditionem dissoluturos iidem; etiam qui submittuntur, longe minore pretio facturos vt habeat promittunt, alios non plus obtulisse: interim res alteri datur. In obtinendis etiam (dixi) muneribus publicis, cum vno qui possit paciscaris oportet: alios ne alloquere quidem, nisi iubente illo. Nam vbi commodum vnius agitur, quoniam singuli qui possunt (quidam enim sunt qui nihil possunt, aut omnino nolunt) in eadem nauisunt, omnia silent dico, amicitia ius, preces, intercessionem, & coniunctiones necessariae, & potentium etiam minae. Metallo enim pecunia constat: & ob id mentes hominum pecunia lapidescunt. Hæc enim Medusa est quibusdam ex his: quod ferme totum negotium in his situm est; & ipsi constantis fidei cogimur antea numerare. Nil violentius, nil certius horum negotiatione, quum omnino rem conficere velint: nam nec retinere, irritum successu pecuniam volunt, & reddere tam pudet, quam piget: Si tamen contingat vt præstare non possint, aut reddunt, aut omnino in aliam occasionem reiciunt compensationem. Solent sub cervicali qui dant condere; pudet enim manibus accipere. Longe hoc tutius & honestius existimatur, quam promissis agere; quæ nec vrgent, nec secura esse putat, nec vlla via, vbi obtinueris, si non dederis, exigi possunt. Est autem hæc incognitis via paratior: quod persæpe ab amicis recipere pudeat; & sine pecunia tamen, quod illis venale est, præstare nollent. Dices forsitan, Quæ pessima conditio rerum, & maxime egregiorum virtute virorum, postquam non nisi emtis honoribus licet ascendere! Sed habent tempora quæque sua peccata. Atque hæc minora sunt, quam quæ olim, quum omnia vi ac scelere agerentur: nec honoribus tantum fraudabantur, sed vita eripiebatur innocentibus, virtuteque præstantibus: nunc sunt ad auaritiam versa. Sed mitius est longe hoc malum, quandoquidem, vt dixi, necessarium sit, quamlibet ætatem suis vitiis laborare: maxime quod virtute præditis hæc eadem via patet, & eisdem longe facilius est. Quod si amici potentis opera vti velis, nec tamen in illius arbitrio res est, in sinuatione opus est: velut si dicas: *Scio quanto studio rem tractaueris, & quod Principis causa, tum mea, id per te facturus eras, nihilo secius id efficere non debet, vt beneficii accepti obliuiscar.* Tum vero sic te geras, vt omnes actiones tuæ liberalitatem & magnificentiam redoleant. Quum Bononiam venturus essem, potentes quidam nuncium Senatus corruperunt, vt nefanda de me retulerit; vt vix, & turpi conditione, receperint. Et quum omnes actiones in me inculpatae essent, in illo fœda, fortuna quoque secunda mihi, & Prin-

cipum fauor, ipsi omnia aduersa, vix tamen tum æqua conditione retentus sum, nullam aliam ob causam, nisi quod error alienus, qui ex æmulum dolo originem traxerat, eosdem magis infensos redderet, quod mea integritate conuicti essent. Itaque tantum ille solo dolo affectus est, quantum ego cum tot non pœnitendis dotibus, Principum fauore, & bona Fortuna. Quid futurum erat, si aliquid defuisset?

Est etiam genus intermedij nobilius in huiusmodi causis, quod nihil non posse videtur religionis fultum auctoritate. Nam & blanditiis deliniunt, & rationibus suadent, & quod maius est, deterrent, vt si non cedas, impius videaris: tibi que non solum metus suppliciorum à Deo, sed à legibus Principum incutitur. Sunt autem Cœnobitæ in hoc genere, mendicantes, non omnes, sed pauci quidam præcipui, & ob opinionem vulgi formidabiles, ob legis auctoritatem obseruandi, & ob iura sacra terribiles. Incredibile est, quam leui ex initio grauibz te periculis obiectum videas. Itaque his domestici ad bonam frugem; Principes ad concordiam reuocantur. (Vide in Itinerario Indiæ, Fratrum Iesu modum, & vt ipse didici ab eis. Vide & Sect. 106.)

\*\*\*

## CAPVT LXXII.

### *Res periculosa quomodo tractanda.*

**I**N grauibz rebus & periculosis difficile est proxenetam inuenire, ac impellere: tum maxime, quod leuibz fidere haud tutum est, prudentes refugiunt. Oportet igitur eligere istos illi [cui male vis,] & quia inuident, auaros: Nam & prudentes his causis desipiunt, & constantes euadunt leues. Quod si solus hoc non potest, suscitata factione, opus aggredere. Verum te ipsum haud detege: sed per alium id age: & sic, vt vnus vni congregiatur. Versabiturque amicus ille tuus cum potentibus palam coniunctissime: vt qui cum illo tractant, nullum maius imminere [malum] sibi intelligant, quam si per eos detegatur. In tentando autem id efficiat proxeneta, vt ille prior se prodatur. Tum vero quasi per gradus illum sequere, arrabonem ex pollicitis arripiens: Onerabisque eum promissis, tantaque spe implebis, vt nihil ad cumulum possit accedere: quinimo, si à pollicitis deficiat, ab alio nil huiusmodi se consequi sperare queat. Res autem ipsæ per necessarios tractentur; raro enim sic deteguntur. Duo enim sunt maxima in humano genere vincula, coniunctio sanguinis, & consuetudo. Iuuant etiam affectus acres, verba generosa, causæ, honestæ obseruationes. Et vt in deterrendo prima ratio à fine ducitur, ita in exhortando [multum valent] exempla, dolor iniuriarum, & spes.

Vbi vero persona negotio idonea desit, compelleris autem improborum conspirationibus & periculi metui; aut de honore periclitaris, velut de dedenda arce: vt maius sit dedecus in auctoritate; imitare piscatores, dum trahunt pisces in retia, circumscribere difficultates, vt semel detrudas in cassum. Si subterfugit,

vel



vel imperitia, vel quia te oderit, substitue personam ad quam confugiat. Si ad te redit, lenibus difficultatibus obiectis quasi inuitus eum recipe. Si recusat personam, abiiciendus est: si ardentem in eam fertur, consilio probato, difficultatibus grauissimis ex persona obiectis, illum vi detruas in vota tua. Hæc via securissima est, atque honestissima.

\*\*\*

## CAPVT LXXIII.

*Domesticorum sollicitatio: & cautio.*

**P**orro domesticorum sollicitatio, maximum scelus est, & ad prodicionem refertur; nec usurpanda, nisi ad tutelam suam suorumque, & ubi grauissimum vulnus iniuriæ sine causa acceperis: neque scio an liceat. Eadem vero ratio est sollicitandi domesticos, & amicos, sed non idem modus: multiplex autem finis: venenum, vis, furtum, dolus, & secretorum cognitio. Quum omnia versaueris animo, cogita etiam illud: quod homo es, quod breuissimo tempore hic mansurus, ac simul de æterno, ubi rationem sis redditurus. Si nihil profecisti, quid superest? periculum, infamia: conscientia quoque teipsum multo effecisti deteriorem: Deum offendis. Optimum Maximumque. Denique pro quo? pro felicitate? nulla in humanis est; pro iniuria? proditorem te facis, ut minorem labem eluas. Si occulte; quomodo? Si apertam vis esse vltionem, cur cogeris [aut conaris] occulte sumere? Si pro vtilitate? plurimi periclitantur: & latronis opus est, insidiari opum causa. Si securitatis, cur vis maiori periculo te implicare? Denique quot vidisti ex hoc felices? Oderunt auctores scelerum, ministros, ministri, auctores Vnus fuit hac in re singularis artifex nostra ætate, Brisacus Prorex Hentici Gallorum Regis: qui in illius odio periit, quum omnia non solum scite, quod sui muneris fuit, sed etiam feliciter administrasset. Reges tamen cauent, quasi communi quodam consensu, hoc nostro tempore, à veneficio; quoniam hoc malum commune est, & eos redit subiectos cuicumque vltissimo caloni: tum vero quod aduersus tot præsidia niti nolunt. Ministri vero horum non solum Deo ac dæmonibus, sed etiam ipsis auctoribus sceleris, & magis quam aliis inuisi sunt. Nam per Dei fauorem protrahere etiam diu vitam licet; per scelerum auctores non licet. Seditionis occasiones oblatis recipiunt ipsi, non quaerunt: eadem causa scilicet, ne obnoxij sint poenæ talionis. At in bello arces sollicitant, & vrbes ad seditionem: omnia, præter veneficium & Principis cædem, licere sibi existimantes.

Porro cura hæc multiplex est: aduersus ministros, & illorum corruptionem, & opus. Vtpote aduersus opus, ne occidant, ne venenum exhibeant, ne furentur, aut spolient, ne corrumpantur literis, colloquiis, muneribus, & si corrumpantur, ut præsentias: aduersus ministros; ut sint boni & tibi amici atque sapientes. Initia prodicionum à sceleratis, vel ira, vel metu, vel inopia sunt. Canes, et si iracundi, à prodicione maxime sunt alieni,

Tom. I.

quod ira eorum brevis sit: contra pertinaces timere oportet. Proditorum tria genera sunt: subiecti, oblatis, & quaesiti, seu corrupti. Subiecti multi in bello inueniuntur, præcipue apud nos, qui mercenario milite utimur. At apud Romanos quamquam nullius flagitij, quantumvis maximi, exemplum defuerit, neque apud Turcas vmquam inuenies, qui arcem vel urbem alienigeno hosti prodiderit. Sed hic non est scopus, nisi intelligamus, securiores nos esse inter nostros, quam inter mercenarios. Illud inquisitione dignum, & ad rem nostram necessarium, cur in bello hoc sæpius accadat, quam in priuatis domibus; quum tamen periculosius sit, id agere in bello, ubi duces vitæ & necis amplissimum ius habent, quum quantacunque suspicione homines illis occidere liceat? Hoc volui dixisse, ut intelligeres, maius esse præsidium in non habendo graues hostes, quam in potestate: Maiorque est in paucitate ministrorum securitas, quam in multitudine exploratorum. Nam nunc de suppositis proditoribus agimus, quorum copia primum minor est priuatis, quam Principibus, præmia exiliora & incertiora in illis etiam, quam in his, pauciores custodes, sed diligentiores, ac magis oculati. Dum plures sunt, singuli in alios hanc curam reiiciunt. Quod paruum est in Principe, maximum est in priuato: in quo etiam vsus (hic autem plurimum potest) deest. Itaque oportet nec Principes nec potentes viros sibi inimicos facere, nec vindices, [aut vindictæ cupidos,] aut violentos, tenacisque iræ: Cauere etiam ab iniuria, maxime graui, ut nece fratrum, aut filiorum, aut publica, ut stupris vxorum, sororum, filiarum; tum vero sine causa. In reliquis longiores, & difficilior, & non parui sumptus, tametsi ab initio secus videatur, supponere proditorem domesticum. Quum bonos [corrumpere] non liceat, mali eadem spe, & securiore, prodere possint insidiatorem. Quid si ille, ubi dixeris, recuset? an non perpetuo, donec vixeris, in illius potestate es, es ut te detegat? Quid si recipiat: nec agat, quid egisti? sumptus, periculum, anxia cura, nullo commodo. At amicus est, qui scis? At beneficia in illum contuli; ob id solent maleficio remunerare. Quinetiam miramur tot fuisse ingratos? & damnamus frustra sæpe: multi quum beneficium conferant his de causis; quod ubi illi rescuerint, merito ingrati sunt, ut in quibus beneficium perierit & iniuriam acceperint. Propterea non tam facile facta, quorum causas ignoras, damnabis: sed potius vitam illorum inspice. Sed erit coniunctus: tu ab illo (si sapias) cauebis, quem tu oderis. Neque enim oclusis oculis recipere debet domesticos in domo, qui sibimet parari insidias seu facto tuo scit, seu ob inuidiam, seu ob spem aliquam successionis. His enim tribus causis homines huiusmodi periculis sunt obnoxij. Sed cui ille periculo se exponit, qui hoc tentare audeat? Et quum successerit, minus facile illi erit quidquam efficere, in quem oculi omnium sint intenti, & suspensiones pro factis habentur. Deinde quid facturus est hic tuus coniunctus? an huiusmodi aliquid alias fecit? & quomodo rescuisti? Si detexit, quo tu versaris periculo?

M m 2



periculo? Si non fecit, quanto te periculo exponis, dum errabit, dum titubabit! Fac ut succedat: habes qui te perpetuo emungat; quemque timeas, & cui. Hæc autem omnia in Principe cessant. Propterea à Principibus & in Principibus magis timendum: hoc quam minime & rarissime à priuatis, & etiam in priuatis. Ob id Cardinales, quorum vita multis de causis præcipue huius periculo obnoxia est, domesticos habent domi educatos, & beneuolos, ac nobiles: à reliquis qui noui adueniunt, cauent.


Succedit casu. Hac in causa cauere oportet, ne improbos & scelestos in domo alas, lufores, fures, adulteros, Dei contemptores, iracundos, & qui iram conceptam diu retinent. Tu vero ne quemquam contempseris: multo minus iniuria afficias, aut mineris. Sed si boni sint & frugi, leniter illos admone: sin mali suspectiue, statim amanda. Ab his qui nihil didicerunt metuendum est; nam nihil scire, maximæ ignauia, aut improbitatis, aut ingenij peruersi, aut stupidi indicium est. Quodcunque horum fuerit, timendum est. Nam ignaui omnes, qui mente non carent, spem in scelere reponunt: Improbis scelera etiam sine præmio grata sunt. Peruersum ingenium, seu furiosum sit, seu impatiens, seu leue seu malignum, facile ad omne flagitium impellitur, nec minus stupidum, ex ignorantia. Peruersa ingenia, & stupida, & lenia, & fallacia, solum quod præsens est considerant, aut quæ imminet, alia non vident, aut videre nolunt, dicentes, in arbitrio esse Dei, alij Fortunæ, Horum omnium conuersatio non solum suspecta, sed plena periculi est. Raro inuenies hominem, qui ex quavis industria laboriosa aut studio viuere solitus sit, qui ad huiusmodi facinora impelli possit. Propterea sceleratis hominibus talia contingere solent, quod horum consuetudine & familiaritate delectentur. Itaque si hos excluderis, etiam à periculo liber eris. Præstat autem huiusmodi ablegare: non solum ob hoc, sed etiam ob infamiam & exemplum cæterorum, atque societatem, ne alij polluantur, multaque alia incommoda, quæ ad hos sequuntur. Est etiam experimento deprehensum; Musicos militibus longe ad huiusmodi patranda prouiores esse. Quare qui ab his timet, eorum, & quorundam sacerdotum pauperum, consuetudinem fugiat. Qui enim iam Deum spernere didicerunt, quoquomodo quicquam magnum esse, poterunt existimare? Sunt etiam instituto à laboribus alieni. Hoc autem docuimus esse initium omnium malorum, ut prodigiosa nostris temporibus acciderint. Multique ex his (vix alius ullus) ad me venerunt, rogantes enixe, ut venenum edocerem. Inter quos Mediolani vnus quotidie ferme hac causa me vexabat, nescio quas fabulas in medium adducens. Et [erat] certe adeo in ceteris suaui ac lepida consuetudine, ut ego (qui plus angue hos homines odisse soleo) tum non ausus sum cum tanto scelere illum prorsus domo exurbare.

Sequitur tertium genus illorum qui corumpuntur ab inimicis, quorum maior longe copia est & facilitas. Vix enim pro centum huius generis, priorum vnus inuentus est.

Nam ut illa rara, quæ ad casum, & ex constituto referuntur, ita hoc frequens; quia (ut dixi) facilius, & commune est principibus atque priuatis: tum vero venenum magis timendum est, quum persona & causa vilior est, tu autem nobilior, & ab armorum usu alienus, & vis ipsa seuerioribus legibus vindicari solet. Omnium tutissima custodia est vxorum bonarum: sed si malæ sint, ipsæ sunt ministra sceleris. Ob id sorores & filia, optimæ sunt, inde matertera, atque eiusmodi, velut fratres, filiique. Nullumque tamen maius, quam ex hoc scelere, periculum quum tam multa mors sit totius familiæ, quam etiam domini. Et non defuere qui prægustarent, seu inuiti antea præsidio, seu securi, ob pacitatem. Quis enim deprehendat aut coarguat huiusmodi hominem tamquam facinoris auctorem? Nec tamen censuerim utendum in hoc periculo, Senecæ consilio, qui toties periit, vir fortis, ne semel periret. Sed iuuat præmunitum esse antidotis: incertum illis esse, quod edas: mandere sensim: prægustare potum: odorari obsonia: communem habere patinam, eamque postmodum diuidere, si libet: hoc autem in carnibus ac piscibus, licet non in ferculis, apud Principes consuetum est. Verum summum auxilium est in electione ministrorum, & eorum diligentia. Tum vero in conuersatione cura est adhibenda. Tristes, cogitabundi, aut iusto lætiores, suspitione pleni sunt, vbi causa non apparet: [tales] quasi deprehensos habeas, non veneficij, sed sceleris saltem, quapropter statim amanda. Fieri enim non potest, ut qui ingens scelus patrare vult, animo & vultu, & verbis integre constet. Similiter vbi iactet se discedere velle, quum causam non habet, nihil boni cogitat. Aut enim extorquere pecunias à te vult, aut scelus meditatur. Ob id enim prædicat multo ante se abire velle, ut patrato facinore liceat sine suspitione discedere. Præterea, si retineas, inuitas ad facinus meditatum, & quod tum perficere non audeat, addis causam exequendi. Si simulat, malus est, quid à malo boni sperare potes? Nulla te teneat misericordia, vbi volentes se præcipitant. Nullus amor, quum ipsi se odio habere, sua confessione testentur. Sed & qualiscunque inconstantia prodicionis mater est. Securiore sunt pueri in hoc negotio viris, sed minus ad deprehendendum alios cauti. Vnus inuentus est, qui per puerum socerum suum tollere conatus est: sed non successit. Submittere qui tentent suspectos, res utilis, modo rite peragatur: nam insontes in querelas erumpunt sine minis, aut aperte, qui dolum meditantur, aut silent, aut gestu ac capite minantur, aut pauca obscura & ambigua verba proferunt. Iuuat & te præsentem inimicum nominari ab alio: vix enim se continebit, ne vultu aut gestu quicquam prodatur conscius sceleris. Et prodest etiam sapius secreto cum apparitoribus colloqui. Nam qui conscius est tanti criminis, vix animo & lingua constare potest: nec tamen iniuriam illi faci, aut timere ostendis, quum plures adsint, & causam ignorat, qui insons est. Sapius accidit, ut aduenientibus lictoribus, tanquam detectus esset, in fugam solus proditor se dederit. Fac etiam



est mulier quæuis, vt nulla sit custodia melior. Viros enim quoscunque diligentia hac in re præcellunt.



## CAPVT LXXIV.

*Quomodo homines ad magna pericula inducantur.*

**I**N grauissimis autem & periculi plenis actionibus nunquam consilij tempus vilius personis relinquere oportet. Nam primum titubant, deinde æstuant, ac sudant: demum aut se detegunt, aut ea agunt, per quæ ipsi ac complices deteguntur. Andreas Lampugnans, quum occisurus esset Tyrannum, pridies solum detexit famulo suo, vlturum se iniuriam acceptam à primario quodam sacerdote, pollicitus par caligarum, vtilitate muneris tegens magnitudinem meditati facinoris. Post, quum occisurus esset Principem, nulla ad consilium data mora, inquit: Quum eodem in periculo versemur, seu occidamus Antistitem seu Principem, tutius est Principem occidere. Annuit ille, & rem peregit. Laurentius Medices paulo ante dixerat, se occisurum inimicum: quum tyrannum Alex. Mecem esset occisurus, aperuit consilium; tum additis etiam minis, si recusasset: quem palam est, si tempus habuisset, detecturum fuisse seriem cogitati facinoris. Sæpe etiam tempus profuit, & multus risus, ad periculi magnitudinem occultandam. Vbi verò sensim proposueris aliquos in huiusmodi nassam includere, minimam periculi partem solum illis detege, eamque nec admodum certam, imo etiã falsam & inanem: inde illos abigas, vt pudore ac repulsæ dolore vltro se offerant. Rursus receptis adaugebis periculi magnitudinem, atque itidem reiciēs, dolore, ira, pudore, vt illos (modo dehortando, tanquam minus aptos; modo terrendo falsis & inanibus periculis) inflames ad quodvis discrimen subeundum. Sic Leonidas Spartanorum rex, socios non dubiæ necis expectatione continuit. Hoc genus actionis præstantissimum est omnium eorum quæ in hoc libro continentur, tum exemplo, (qui enim hoc potest, alia omnia posse videtur:) tum admiratione: &, si necessitas ingruat, vtilitate: modo tam noueris te à periculo, illos ab exitio eximere, quam in facinus incautos impellere. Tuæ enim existimationis est, nec minus ad propriam pertinet vtilitatem, quam ad decorem, eos quos per imprudentiam ipsorum accendisti, tua sapientia ab impendenti etiam ruina eruere. Impelluntur facile simplices, inexperti, prodigi, alicui & luxui dediti, feruidi ingenio, & qui vix quiescere possunt vno in situ, adolescentes maxime, improbi, auari; atque ideo maxima pars hominum: modo dux peritus non desit; tum specialiter hostis tui gloriæ inuidentes, inimici æmulique. Summa autem artis in tribus constat, (maxime apud Principes) quam exacte tenent Turcæ, vt præmiis, metu, & vt non intelligant periculi magnitudinem. Metu quidem, vt maior minorem depellat, proposito pali supplicio tergiuersantibus: Præmiis præsentibus, honoribus, atque pecu-

nia; tum expectatione melioris vitæ post mortem: quam totam ad luxuriam instituunt, vt inter conuiuia, & puellas, puerosque ministros, & saltationes ac flumina lactis, vini, aquæque consistant, tum somnos, viridaria, libidinemque: scite quidem, postquam mentiendum est, saltem votis illorum satisfaciunt, vt nil desit. Vt autem periculi non intelligant magnitudinem, & persuasionem, dicunt, omnes vitæ suæ exitum in fronte descriptum ferre: vt nil profit [vel interfit] seu deuities, seu fato vltro occurras: ideo deuorant opium perpetuo, vt obtupefcant, nam etiam si periculum non immineat, dimidium drachmæ quotidie ferme assumunt: quum imminet, drachmam integram. Est autem apud illos syncerum; nostrum opium vix pro triente. Hoc lætos efficit, & alacres, & nil cogitantes. Atque his præfidiis soli gentium [Turcæ] aduersus præsentem mortem ruunt, quum reliqui pugnent. Cæsar præmiis, adhortationibus, decimando, tergiuersantes, hostium numerum & vires ante augendo, impellebat.

Res secretæ hoc modo tentantur. Per fidum nuncium transmittitur epistola absque nomine scribentis, cum frusto nummi aurei, si libet: ille dat nuncio communi, & modico precio, vt suspicionem auferat: nomen non subscribit; sed vbi rem esse veram compenderit, aut conditionem receperit, ex exemplari epistolæ, vel frusto nummi aurei cognoscere poterit. Quandoque etiam datur multis inuoluta vinculis, nunciusque statim rediturum se pollicetur, sed non redit. Si igitur ille tuo beneficio euaserit, aut aliquid adeptus sit, ad occasionem symbolum paratum habes. Sin de conditione recipienda agitur, tunc tribus opus habes, vt persuadeas; vt præmium accipiat; vt respondere possit. Vt ergo persuadeas, ab iniuria, à tyrannide, & contra, ab honesto, ac liberalitate, & promissis, & à facilitate, atque securitate, vt respondere possit, transmittat fidum cum symbolo ad forum. Tunc tu per nuncium cuncta declarabis: qui vbi è suis sit, iam es in tuto; si alienus, nil fidas. Partibus concordibus facile est cuncta tractare. Ne tamen sit in vtramque partem proditor, obfides accipies sub euentu, filios, aut fratrem: si facturus est, sua nihil intererit; si grauatur ancipiti est fide. Magnitudo tamen præmij, & dolor offensæ, & vanitas hominis quandoque sufficere possunt, aut necessitas facti cogit. Si verò præsentaturus sis Principem, quem auaritia laborare intelligas, per intimum id ages: sed non vt illum, verum hunc ipsum. Solent hæc fieri per eos quibus tuto arcana committere possumus: neque id importune, aut palam, sed sub iustitiæ prætextu primum; inde illo quasi condolente ad pollicitationem deuenitur: tum si certus es de fide, dabis teste non teste arcanorum custode. Si dubitat expositum, dabis chirographum sub quo velit trapezita. Summa autem rei est, vt iustum sit quod petis. Nam iniustam rem pretio emere, turpe est, & duplex scelus. Plus autem est in actione, quam in præceptis.



## CAPVT LXXV.

*Verborum vis.*

**I**uxta id dubitare expedit, tum etiam, quia Idocuius tam diligenter habendam esse rationem eorum quæ dicuntur; an omnia verba plurimum noceant, aut iuuent, certum enim est, plura in irritum excidere: alia tamen multum iuant: sed plura longe sunt, quæ plurimum obsunt. Scire igitur præstat quæ sint, & cur hæc plurimum iuuent, aut noceant, alia in irritum cadant, seu bona seu mala. Quæ igitur apud amicos, aut non inimicos, nec æmulos, nec superiores, nec ab illis suppositos ad explorandum proferuntur, pleraque (nisi omnino improba sint, aut affectus plena) in irritum excidunt. Vnde rursus error eorum, qui huiusmodi personis sua narrant à quibus neque auxilium neque iacturam consequi possunt. Ad inimicos & æmulos directa, tum vero ad amicos & potentes, si extra rem sint, iuuare nil possint, & pleraque in irritum & ipsa excidunt. Possunt tamen obesse apud inimicos & insidiatores; tum prodesse aliquando, si simulata amicitia contrario sub sensu proferantur. Quæ autem plurimum possunt [aut profunt,] sunt quum ex composito res tractatur apud potentes, aut à potentibus submissos, aut apud eos cum quibus negotium peragitur; aut si cum exploratoribus sermo est, aut inimicis, tunc verba ad normam componenda, & plurimam habent efficaciam. Quæ tamen iuuare deberent, sub iniquo auditore, & quæ obesse possunt apud illum qui amicus est, effluunt sæpe inaniter. Ob id plurimis visum est, verborum observationem non tantam esse debere. Verum falluntur. Etenim si quis vnâ tantum gemmam magni pretij, inter multas consimiles falsas obruptas cinere haberet; aut plantam aconiti in horto; cogeretur & cinerem totum cribrare, & herbas singulas horti explorare, ne vel gemma periret, vel venenum inter cibos per incuriam misceretur. Ita quamquam non semper necessaria esset hæc observatio; ob periculi tamen magnitudinem, ne aliquando inter tot occasiones verbum vnum excidat incompositum, quod ruinam afferat, aut omisum, quum dici oportuerit, perdat nos, summa diligentia opus est, ad verborum & sententiarum collocationem, tum præcipue in locis publicis. Deinde quum sermo est cum Dominis potentibus, aut magistratibus; tum quum de negotio agitur, seu ex composito, seu fortuito. Nam sæpe accidit, vt quod fortuitum videtur tibi, ab illis ex composito agatur. Oportet autem animaduertere, quod qui captant, saltem duo sunt, seu simul veniant, seu (quod artificiosum magis est) vnus post aliû; aut si se in abdito collocent, aut si cum inimicis vel insidiatoribus, aut æmulis aut his qui ab illis submissi sunt, & maxime sub forma salutandi te, negotium sit. Porro in colloquiis maxime ordo facit ad mouendum, tam ad laudem, quam vituperationem. Velut si quis dicat, Amo te, quod me alas, vestias, & erudias, Meditari autem oportet hoc, à fine

originem ducendo, conuersa ratione verborum. Maxime autem fidendum est huiusmodi verbis, quum beneficium quærimus, & quum res est cum magnis viris, quæ verecundiam illis mouere possunt. Eam enim solum vereri videntur. Quamobrem ad illam componenda est animi ratio; atque illi insistendum. Exemplum autem verborum compositorum ad efficaciam, quum sententia eadem fuerit, tale est; vt si cui persuadere cupias, non oppugnandum amicum tuum, dicas, Displices amicis tuis, atque illius; quasi dicas, omnibus, hoc est dehortari. At quasi hortaberis, si dicas, Displices amicis tuis, atque inimicis. Quis enim inimicis displicere non cupit? Illius tamen amici (scilicet, qui oppugnatur) inimici sunt eius, qui oppugnat.

## CAPVT LXXVII.

*Homines quomodo captandi, iuxta conditionem vniuscuiusque.*

**P**ro singulorum igitur administratione, quinque hæc obseruare decet. Primum, vt propriam atque hic descriptam tractationem attingamus; inde ad generalem deueniamus, in qua præcepta continentur; post ad singulorum tractationem generalem; deinde ad similia, vt pro amicis, de sociis, pro his qui extra patriam sunt, ad exilium; demum, quod omnibus maius est (quandoquidem singula complecti infinitum fuisset) ad methodum, qua tractatio illa inuenta est, omnia redigere; & ex vnaquaque minutissima scrutari, atque inuenire. Proponamus autem quomodo quemque captare liceat. Id sumendum est à præmio ampliore, iuxta conditiones hominum, mores, sexum, atque ætates. Captantur ergo trifariam: aut quia proponimus quod præstare possumus, sed non præstamus; aut quia pollicemur, supra quam præstare possumus, aut præstamus; aut quoniam præstamus pollicita, sed illa non sunt ei quantum persuasimus vtilia. Ergo simplicibus plus pollicemur, quam præstare possumus; credulis, quod præstare nolumus; imprudentibus, velut præstare nolumus: imprudentibus, velut pueris adolescentibus, mulieribus, quod vtile eis non est. Auari simplices persæpe redduntur desiderio magnitudinis præmij obcæcati. Potentes facile captantur: sed captati periculum afferunt graue, quapropter captare eos conuenit in his quæ illi non magni faciunt: aut vbi captaueris, alio eundem. Ob id ab his qui sedem firmam non habent, omnes cauent. Pauci enim quum possint euadere ne capentur, summum præsidium est in vltione: quam quomodo sumes de eo qui circumuagatur; præsertim incognitus, & mutato nomine, atque prænomine: (quod facere solent circulatores, & sycophantæ) demum vbi captatus non potest rescire, se captatum; aut quo captatus fuerit? Propterea magna industria vtuntur deceptores, vt plures id agant: quemadmodum & fures etiam; præcipue domestici. Scio vnum esse è tribus: sed quis sit è tribus, nescio. Captantur facile singuli in his, quibus delectantur:



etiam vt quilibet è ministris se fide præferri putet, & vt negotio præfectus, alios obseruet: sic tamen, vt vnum tantum suspectum habere te fingas. Cum coquo queraris saepe, crudos esse, aut nimis coctos, falsos, insipidos, amaros, vt gustare cogatur, modo huic, modo illi gustandum (quid) offerens: quod facile efficies: gladio succis salubribus, sed prauis saporis, imbuto. Verum nulli acquiescent, multos non semel degustare coges. Maxima vero diligentia vteris, dum agrotas. Nam huiusmodi tempora proditores, vt oportuna præcipue obseruant. Quo etiam errore sublatus est patruus meus Paulus Cardanus Antistes, & vir eruditus. At si non venenum, sed ferrum times, aut arcis deditio- nem necesse est sciuisse. Igitur, præter communes custodias, illud obseruabis, vt persona nulla incognita quemquam è tuis alloquatur: & si plus quam semel ad tuos veniat, etiam si puer sit, res suspitione plena est. Solent capulis ensium aut pugionum literæ con- di. Dux peditum Sufucchus, dum Parmam circumdedisset Cæsaris Exercitus, ipse sedens Florenzolæ, per puerum capulo pugionis in- fertis literis, plusquam per duos menses continauit sollicitationem proditiōis cum mi- lite in vrbe; quamquam non successerit. Ve- rum modus quo tantam rem aggrediuntur, is est. Primum quidem obseruant ex his qui possunt, (velut à secretis, is enim optimus est, aut Præfecti, si tentare Præfectum in ani- mo sit, aut valde familiarem vnus eorum qui aliis præsit: optimi autem ad hoc sunt le- nones, & collusores) an illum iratum vi- deant, aut pecuniæ indignum, ipsumque per eum quem submiserunt tentant verbis am- biguis, querentes, quod Præfectus vel Do- minus ipse auarus sit, aut ingratus. Quod si ille prorumpat, iam inimicum laudare inci- piunt; tum procedente conspiratione scri- bunt, aut nuncium mittunt ad hostem. Sed si proxeneta est frater aut vicarius Præfecti, aut qui à secretis illi est, rem tentare solet cum Præfecto. Si mollem inueniat, si auscul- tet, iam res perfecta est: proponuntur causæ irarum, spes, liberalitas hostis. Atque hic vnus modus est: cui obuiam ire oportet per oculatos fidosque ministros, qui perpetuo de Domino querantur: quibus propositæ sint spes ingentes. Filij etiam Præfecti pro obsidi- bus retineri solent. Atque in vniuersum ne- minem sinere oportet in loco munito cum po- testate, cuius vel non longa experientia fides probata sit, vel qui non sit tibi coniunctus sanguine, vel cuius filios in manibus non ha- beas, aut quem multis muneribus non de- merueris, & certa spe maiorum impleueris, aut illi idem vno ex his vinculis ei cui sum- mam credidisti rerum deuinctus sit. Quod si horum nihil facere notes, ministros omnes qui sub illo sunt, & secundam habent po- testatem, è tuis constitue. Alter modus est, quum hostis apud se habet amicum eius, cuius fidem labefactare studet: Nam si is in ar- ce est, tuto transmittit nuncium ad illum: si apud se ab eo nuncius transmittitur ad ami- cum quem tentare proposuit. Eo fit, vt pau- ci ex iis internunciis propter has causas dis- crimine vitæ subeant. Atque huic modo diffi-

Tom. I.

cilius occurritur, veruntamen eisdem ratio- nibus. Singulare tamen est in huiusmodi hoc obseruare, ne quisquam admittatur in locum munitum, nisi omnibus excussis, capitaleque sit, quemquam priuatim alloqui, aut audi- re. Vt vero tota Caroli quinti Imperatoris vi- ta plena fuit insidiis, quas illi Henricus Gal- liae rex, maxime per Brisacchum Proregem (vt diximus) Italiae, intentauit, tot oppidis, vrbibus ereptis, cædibus patratiss, ita defuit locuples eius historiae scriptor. Verum inter tot exempla vnus meminero, quod tamen infeliciter cessit. Regebatur titulo Reipubli- cæ Genua, sed vero auspiciis Cæsaris, quum Ioannes Aloysius, è Principibus Fliscis, cum Henrico rege, & Aloysio Farnesio regulo Pla- centiæ, paciscitur, vt Genuam occuparet. Far- nesius quatuor millia peditum habebat, quos illi pollicitus est quum urbem obtineret. Mas- siliæ habebat rex Gallorum classem non par- uam, & ipse opem laturus. Omnes in hoc con- ueniebant, vt Genuam à Cæsaris manibus eri- perent: cui cessura esset, & quo animo inter se fidem seruaturi, incertum est. Paulus Far- nesius, Pont. Max. Aloysij Farnesij pater, tri- remem Flisco concesserat, tamquam Turcicas res deprædaturo. Hanc igitur dum armare se fingit, domum implet tercentis militibus, subditis suis: Inde conuocatis triginta Nobi- libus, atque in cœnaculo conclusis, literas fi- ctas ab Aloysio Farnesio ostendit: quasi ab il- lo moneatur decreuisse Iannetinum Dauriam per Centurionem Lercarum eum occidere: Ea de causâ velle præuenire insidias hostis: An- dram Dauriam in extremis laborare: occiso hoste urbem in libertatem redigere velle. Quumque ad hæc verba illi & nouitate rei & magnitudine periculi obtorpuissent, eductum pugionem tradidit illis, rogans, vt potius eum occiderent, quam paterentur à tam indigno hoste interfici. Qui aderant, timore potius, quam spe adducti, eum sequuti sunt. Itaque in ciuitatem excurrit, Giannettinum interficit, custodumque partem: sed dum classe soluere satagit, maris profundo mergitur. Illud miræ sæuitiæ indicium fuit, quod pridie Andream Dauriam alacri vultu quum salutasset, filios Giannettini, quos occidere destinauerat, chare amplexus est. Sed audi dolum dolo relatum. Mittit Aloysius Farnesius gratulatum ad An- dream Dauriam, quod euaserit, legatum Au- gustinum Landum, Placentinum optimatem. Andreas Dauria publice quidem eum læto vul- tu excipit: interim clam promissa eius filio filia Giannettini, cum dote ampla, paciscitur cum eo, vt Farnesium occidat: quod & effecit. Ap- pareret igitur, Fliscum nulla iniuria, sed inuidia solum motum, tantum patrasse facinus. Nam quamvis ab initio iniuria magis ardeat, sem- per remitti solet: at inuidia contra perpetuo crescit. Iniuria beneficiis & officiis extin- gui solet, illa tam beneficiis, quam etiam offensis augetur. Ita vt inuidiæ nihil tutius sit absentia: præsentia enim, & laudibus ciuium, mirum in modum augetur: Iniuria præterea metam in vlciscedo sibi proponit iacturam aut damnum illius; inuidia sine mi- sericordia est. Cæterum illud mirum, quod tot Principes nullis ferme priuatis iniuriis, nec inimicitia Regum pressi, cum tot stipato-

Mm 3

ribus,



ribus, interfecti sunt; Andreas Dauria, Regi Gallorum antea inimicissimus, modo Pontificis, occiso filio, vir decrepitæ ætatis, per urbem cum puero ambularit, vltimaque senecta, atque multo post, in lectulo suo obierit. Cuius rei causam, quum sæpius mecum expendissem, eam fere credidi; quod inimici proprias vlciscuntur iniurias, feruenti ira; Regum ministri, alienas, nec irati: vnde ancipiti animo & timido opus aggrediuntur; vt nisi aperto loco, vel minus custodita vrbe, vel sub ipso Principe, aut complice, non audeant talia. Principes etiam ipsi non adeo irritantur (multitudine negotiorum) ab iniuriis, nec irritati adeo sæuiunt, ob honorem, & quoniam verentur his vindicare modis, quibus ipsi sunt obnoxij: verum potius ad ea recurrunt, à quibus non timent: ea sunt falsa iudicia, quibus etsi raro infontes occidunt, fontes tamen dimittendo, spem audaciæ faciunt: atque sic perimunt reos; odij ignaros. Qua de causa pauci Tyranni nostra ætate occidunt: olim plures, quod sine iudicio interficerent ciues. Ita qui etiam nostra ætate, ob iram, antiquorum vestigia sequi voluerunt, à subditis occisi sunt. Ergo eos qui manus illorum effugiunt, exilio damnant, inde proscribunt: ita per sicarios ex lege sine lege damnant. Hoc autem vlciscendi genus, quum adeo lentum est, paucioribus damnum affert. Quod si etiam pergant sine iudicio vlcisci iniurias, carnifices hi sunt noti, & viri temeritatis improbæ: vnde ab amicis admonentur: obseruatur ex aula discessus, apparatus, ignota causa aduentus in urbem; vt plerunque inanis conatus reddatur. Verum qui sic suspicione laborat, denitet frequentiam immodicam hominum, loca quæcunque obscura, consuetudinem cuiusvis loci, solitudinem, noctem, homines ignotos, porticus, subgrundia, ollas pensiles, reditum per easdem vias, pompas, & vbi missilia iaculantur, vbi machinæ exonerantur, equis hastisque certatur. Vbi quis appropinquat, mentem adhibeto; maxime dum præterit. Plurimi præteriendo occisi sunt. Quemcumque qui te sequitur, vel etiam procul, etiam pueros, iube obseruare. Solent enim hos (vt minus suspectos) pro exploratoribus mittere, qui tua obseruent vestigia. Denique si res magna agitur, præmitte qui videant, an tutum sit iter; ac constituto signo indicent, antequam in laqueos incidas. Qui sic cauent, omnes euadunt. Neque enim quemquam oppressum vidi, nisi qui non præuiderit, aut qui contemserit seu non curauit, seu recte non curarit.

In litibus autem multo sæpius exploratores submitunt: idque minus execrabile videtur; quoniam non alienum malum, sed proprium commodum quæri videtur. Neque adeo periculosa res: imo nec prorsus legibus interdicta: & ob id multo plures exploratores inueniuntur, quam in tanto scelere. Ergo illi qui minus mali sunt, aduersario renunciant quæ aguntur: alij male consulunt pessimi sunt, qui etiam impediunt. Hos etiam facilius est deprehendere, quam alios, quod in minore periculo minus caute agant: & tu non adeo timore præpediaris. Cæterum & ab huiusmodi insidiis cauere oportet, & longe facilius,

quoniam alienos ad tutelam alere non necesse. At de ministris qui extra domum sunt, alia ratio est.

Hæc itaque sic se habent. Verum me non leuis subit admiratio, quod homo, nisi omnino ab alio proditus, in tantum scelus prorumpat, vt prorsus soluto vinculo humanæ societatis, & Dei voluntate posthabita, & naturæ neglecta lege, imo corrupta, domesticos & viscera nostra cogat nobis insidiari. Sic enim & Christus hoc genere iniuriæ pessimo ob inuidiam à suis proditus est: vt nihil nequius sit, nec constet, quis sit infelicior; an qui tam misere perit; an qui tam scelerate superest, & aura fruitur. Mihi sane, si alterum subire oporteat, præstaret sic occidi, quàm occidere quemquam. In vno enim finis est saltem omnium malorum; in altero initium exilij, omnis boni: nec tam graue videri potest, iniuste periisse, quam inuisum Deo, legibus, humano generi, superesse. Vnde multi etiam ex his sibi manus intulerunt: certè vix vllus euadit ab exilio [aut exitio] execrabili. At in proditoribus hoc non tam damnum est, quum in inuento suo perierint: facile ad huiusmodi homines perdendo, alij qui se subiiciant, inueniuntur. Propterea plerique horum eodem mortis genere pereunt. Quocirca nescio quam laudabile inuentum sit quarundam Italiæ ciuitatum, qui exules à domesticis per fraudem interfectos, non solum iure interfectos iudicant, sed proditoribus præmia addunt: quum non animaduertant, tametsi pauciores faciant latrones, eos tamen qui supersunt, facere deteriores; & exemplo alios ad prodendum socios, & dominos, & mensæ sacra [violanda,] incitare, vt postmodum non lege contineantur. Quinetiam, filiis eorum, ac nepotibus succedentibus, rempublicam replent scelestissimis viris. Adeo execrabili exemplo hoc agitur, vt quum Triumvirorum lege de proscriptis (qua nihil iniustius, nihil furiosius) illi tentarent potentiam factionis aduersæ minuere, multorum tamen seruos, qui dominos prodiderunt, damnauerint: hoc facto alios quod seruassent, aut seruare conati essent, laudauerint, quosdam eorum etiam præmiis affecerint. In vniuersum igitur, vbi virtutis aut gloriæ incrementa adfunt non adulta, hic lior non adeo infestat, curam adhibere oportet, vt inter tuos solum viuas, aut amicos & domesticos sapientes, bonos, & graues, filiosque bonorum, & bene educatos. Et genera quædam sunt hominum, ac familiæ, quæ omnino immobiles sunt, & quavis causa à prodicione alienæ: ex gentibus Germani, maxime Heluetij, & ex familiis Cardani, aliæque in oppidis quæ durius educant filios suos, atque simplicius; & nobiles magis, quam viles: & ex ætatibus pueri, inde senes, post ætate constantes, minime adolescentes, & iuuenes: hi tamen etiam deteriores, & omnium pessimi: & ex sexu, feminæ longe periculosiores quum impudicæ fuerint. Nam per earum amatores, cuique ad facinora indubia patet via. Quare tales protinus ablegare oportet. Vnde si vxores sint in hoc discrimine, adeo infelicitè agitur, vt nullus euadat, nisi cui necis suæ quæsitior defuerit: cõtra securissime, quum casta & pudica est



delectantur : mulieres in ornamentis, senes in lucris, iuuenes in amasiis, vnde Comædiarum origo. Ob id magnitudo lucri, præsertim ab ignoto vel aduena proposita, plena est suspicionis apud cautos. Vtuntur autem captatores multitudine verborum : non solum ob rationes quas adducunt, sed vt obtundant audientem, ne possit cogitare. Quamobrem est præcipuum signum captatoris, præter conditionem, &c. Captare solent nos improbi ex improviso adorti, tum magis quam illos tu conuereris alia causa : nam maxime, ni caueris, inconsultum adoriuntur, de tuo negotio cogitantem : in quo forsan illum sperabas meliore conditione aggredi. Ideo supremæ calliditatis indicium est, quum a proposito te diuertunt, tum quærent quæ concedi non possunt. Vbi tunc negaueris, statim subiiciunt, vt saltem hoc negare nolis. Id autem est quod concupierant : Duplicisque generis esse solet : aut minus tibi graue, quam primum; aut etiã, si omnino simplicem te existimauerint, grauius etiam, solumque (quod alteri subiectum sit, & dictione illa, saltem, & fūco aliquo verborum, & importuna petitione, atque imprudenti, tum improvisa nimis, & nullo temporis spatio ad cogitandum dato, in tanta inuersione rerum) leuius visum. Ob id expectare solent, vt tu, tamquam imparatos, prius illos aggrediaris.

In remunerandis beneficiis aut officiis, te ipsum exhibe datorem, vbi quantum oportet dare velis. Nam si per alios dederis, iam illi excogitabunt te [ non ] id saltem dedisse, plus forsan etiam dedisse, retentum à ministro. Vnde cogitatione maius officium vel beneficium [ concipiunt. ] Vbi rescuerint non plus datum, statim minus quam conueniat datum, existimabunt, contemnent te; aut saltem ægre ferent, satisfactum non credentes.

\*\*\*

## CAPVT LXXVII.

### *Amicorum vsus, & familiaritas.*

**C**Auendum insuper est, ne nouas amicitias importune petendo auxilia & pecunias, aut mutuum, vexes. Vt enim furculi teneri, si onerentur, aut trahantur, franguntur; ita amicitia, necdum longa consuetudine & officiis confirmata. Obseruandum est etiam, ne in adeundis amicis, vel aliis, intempestiue quid agas; & ne tam diu maneas apud eos, vt cogantur vale tibi dicere. Quin potius, quum vices illum aliena curantem, aut tacentem, aut oscitantem, aut cuiuspiam rei necessaria incumbere volentem, antea discedendi veniam petas. Cogita id tecum : negotioso viro eripi quicquid petierit [ aut perierit ] temporis : Aut enim lucro aut tibi deputatum esse : quod si lucrum non adfers, importune aduenis; nisi sua causa. Nam periclitanti succurrere, pro lucro poni debet, apud ciuilem virum. Si autem discessuro te, & veniam petente, nouos aggreditur sermones, intelliges quam cupiat te manere. At qui diuites sunt, hoc non cogitant, sed patientiæ impeditorum absque fructu abu-

tuntur. Hos eludes, dicens, nuncium epistolam præstolari. Sed si notæ sit petulentiæ vir, per nuncium hac excusatione illum ablega, antequam ad te veniat. Potes, si libet, præfatus per internuntium temporis angustiam, & negotij necessitatem, admittere; & dum dimittis, tum gratias agere : nam etsi hoc inuitari videatur, fatigatus tamen intelliget, non redeundum. Amicos autem veros, & ad amicitiam veram aptos, diligenter retinere coneris. Res enim maxima est, vt dixi, in humanis vera amicitia. Cur autem tam pauci sint, quum res sit adeo utilis, non aliunde quam ex eius compagis imperfectione accidere potest, & natura fluxa. Adeo vt summum Opificem nos potius admirari ex hoc deceat, qui ex tam fordidâ colluue elegantissimum fecerit animal; quam quæ defunt & rara sunt, quærere; aut queri de his. Ciuis autem inquilino ne nimium se insinuet; quoniam suspecta est horum amicitia. Quod vero ad actiones attinet, illud primum perspicere debes, summum bonum esse in amicitia; quo maius in humanis non inuenere sapientes. Quodque præstantissimum in humanis operis, est benefacere, nam hoc ipso gaudet Deus, à nemine recipiens. Quicumque enim beneficium petiit, se illi subiicit, & testatur suam humilitatem. Hoc igitur persuadebis amico maxime potenti, vt eum beneuolum habeas. Quum vero in beneuolum conferre beneficium vis, si totum tui muneris sit, nec occasio yrgeat, serius præstato ( nisi rependas, ) vt maius videatur, & maiorem præstitisse diligentiam; ita tamen, ne panis lapideus fiat: sin alterius, quam celerius potes, ne in periculum adducas, aut adduxisse videaris. Si cognitus, qui nihil præstet, impudenter officia exigere perseueret, quem tu partim spe, partim metu gratiæ, quam promeruisse credis, amittendæ abigere dubitas, aperte commemoratis in illum officiis ( modo obesse noo possit : tunc enim subducere tacite se præstat ) ingratitudinem illius exprobrato. Nam hoc pars est gratiæ: quam rependere tenetur. Nec dissimulabis te nescire, qua natura sit : intelligetque, te non metu, nec ignorantia præstitisse officia, sed propria liberalitate. Tum vero memineris, quibus verbis ad hoc opus sit; & quam personam referas, sacerdotis, togati, nobilis, & eius qui mansueti nomen sibi vendicat.

\*\*\*

## CAPVT LXXVIII.

### *De negotiatione cum amicis, magistratibus, & absolutione impetranda.*

**I**N impetrandis autem beneficiis maximus est illorum vsus, quum res quæ quæritur, à nullo alio quæritur, & munus id exposcit in quo excellis, vt profiteri iam claro in proficundo viro: Secundo, quum etiam aduersus competitores: Tertio, quum quod quæritur, proprium non est tibi, nec in eo excellis, sed tamen præmio & honori, labor, industria, atque cura coniuncta sunt, vt in magistratibus: Vltimum est, quum est merum donum, vt in sacerdotio, & pensione, ac bonis exulum. Maximum



ximum est enim pro alio quærere: quod est, ac pro se ipso impetraret. Nam & gratia exhauritur nihilominus, & locus non relinquitur ulteriori petitioni. Fallit, quum specie bene meriti consulitur, amicusque illos id è reipublicæ utilitate esse docet. Est etiam hoc in Principe minus honestum, nec sine suspitione venditæ gratiæ, sed facilius: Quum vero à populo petitur, honestius, sed difficilius. Vnde conandum est, vt aliqua in re si singulari excellas, aut Principem, aut Multitudinem officio aliquo præcipuo demerearis. In precibus ad amicum pro amico, vnā sufficiet causam amicitiae adducere, sed omnia completentem, velut in excusationibus vnā & euidentem, vt quum amicus ad coenam Principalem me inuitasset, dixi: Non par esse tuisentem cum Principibus edere. Si amicus aberret, coram astantibus dissimula: si testimonium tuum poscit, ride, quasi animaduertis illum ioco dicere: interim, si sapiat, commutabit sermonem: nunquam tamen responsum dabis, sed magis ridebis.

Si autem à Senatu vel collegio aliquo quid impetrare cupias, considera an factionibus laborent, & si duæ sint, aut plures. Si [pluribus] factionibus laborent, potentiorē ex illis vere amicum habere melius est quam septem ex dimidio, tum quod in multis, dum vnus alterius officium expectat, nullus præstat: tum quod singuli languide seruiunt, res autem efficacia indiget. Vnus autem, qui potest, dum efficaciter agit, non obsistentibus aliis, (quum factione non perturbentur) sine impedimento obtinet. Quod si duæ sint [factiones.] Principes tibi conciliabis; certiusque negotium obtinebis, quam si sine factione essent. At si sine capite, & multi fidis laborant dissidiis, melius mediocriter omnibus placere, quā admodum paucis vehementer; quod tum hostis vnus plus impediat, quam duo amici adiuuent. At si non de obtinendo magistratu, vel alia re vtili, sed liberatione ab accusatione agitur, semper melior est vnus acris defensor, quam periclitaris in duobus inimicis exitiabilibus. Summum ergo est auxilium, habere potentem, acrem defensorem; sed, si potes, nullum talem hostem. Quum vero res vel sic pro deplorata habetur, vtile fuerit, non solum in ciuilibus altercationibus, sed etiam in bello, aliquos habere amicos, qui hostis officio fungantur, qui ex inopinato tibi adhæreant, tumque statim decernere seu manu, seu suffragiis, detectis consiliis hostibus attonitis nouitate facti: etiam quod exemplo moueantur, & quod causam potentem reputent: & quod tempus consilij ereptum sit. Sed de his etiam alibi diximus: (Sect. 15. & 91.) Est autem quoddam præcipuum, quum omnia ferme aduersantur, vt pugnes quasi à latere. Cuiusmodi ego in Senatu Bononiensi, à principali utilitate; Plus est seruasse vnum è vobis, vel vxorem, vel filium, aut fratrem, decem millibus aureorum coronatorum; quæ summa maior est quouis stipendio vniuerso meo, etiam si victurus essem annos Nestoris. Hoc autem falsum existimare quum obicere licuerit; in tot annis præcedentibus quis obiit in manibus meis è vobis, aut necessariis vestris? Vocaturque, à comparatione emolumen-

torum: [aut commemoratione.]

Quum vero suspicaris persuasum Principem aut magistratum, aut amicum potentem ab æmulis, de falsa accusatione; illum autem ad tuas partes trahere speras: ne deneges factum, quod non obiicitur; & quod defendere, non præsentē accusatore, vanum est: forsan enim in suspitionem nouam venies: & si pauca dicas, non sufficient: si plura, videris abuti amici existimatione; vt inimicum tum tibi compares, quando amico maxime opus erat. Sed sufficiat (quod etiam in vsu est apud quoscumque graues & prudentes viros) dixisse: Non me latet, quæ dicant quidam: sed ego paratus sum ostendere, quæ feci, aut coactum egisse, aut optimam rationem iniisse.

## CAPVT LXXIX.

### *De amicorum vitiis.*

**Q**uod si ab his, quibus amicum te esse contingit, quosve colis, opes (vt solet à pauperibus) mutuo, à potentibus officia exigantur, hæres in vado. Nulli si concedas, amicos perdes: vni, non alteri, si des, pro vno amico plures efficies inimicos: omnibus fides, illos non ob id seruabis; temetipsum abque dubio pessum dabis. Ergo ne des rem, caueto; officia præstabis; sed huiusmodi, ne te euerant, nec graua sint. Ab amicitia igitur pauperum petacium, auarorum, & impudentium cauebis, & eorum qui tua prodigunt immodice, maxime autem obstrictorum are alieno. Excusabis, non habere, mutuo dedisse. Si petat pecuniam, offeres pignus; [quod] fateberis te habere, sed corruptum, vitiosum. Demum, si dare cogeris, alacri animo, non vt inuitus, dabis. Vbi tardauerit restitutionem, occasione simulata repetes. Multa dabis parua; eo animo, vt dones, non vt mutuo des, & non audeat maiora petere. Sic ego duos aureos coronatos amico dedi, vt non auderet quicquam maius petere: & bene cessit, quum etiam multis officiis mutuum abunde pensauerit. In magnis, cautionem aut pignus si offerat, accipies, causatus incertos vitæ euentus: si non offerat, te excusabis. Melius est, parui precij amicum amittere, quam magni precij rem. In officiis nihil cuiquam denegabis; sed promte, alacriter, ac etiam non rogatus, modo monitus, præstabis. Quidam hac techna in absentes vtuntur: Post duos menses scribunt; & sub præsentī die, quo ille requirit, vt literæ videantur fuisse interceptæ, & in mora. Tum videntur satisfecisse bona voluntate ille tamen, tamquam præterita occasione, petere [ea,] aut adire non audet. Solertissimi quoque hominis consilium est, quum amicus crimen admisit, aut frater quod attere non potest, tu vero potens fueris, damnare illum, expellere, de iure cum illo agere, sed demum sic vt sententiis iudicium ahfoliatur. Ita tuo honori, & illius securitati, prospicies. Sed si inter duos amicos contentio sauat, tu vero arbiter sis, hoc age, vt inuicem persuadeant alter alteri: nam si hoc nun potes, alterutrum facies inimicum, vt has inquit.

Quare



Quare iudicio renuncia : Si non potes , sic diuide iudicium , vt quisque habeat , quod maxime placet . Aliter si feceris , periculum est , ne dum vtrumque retinere conaris , vtrumque amittas . Quod si amicus , tum maxime potens , à te requirat , vt amico tuo , qui eius sit inimicus , inimicus sis , multa habes huius argumenti præclara exempla . Velut illud Attici cum Sulla : *Noli oro te , aduersum illos me ducere , cum quibus , ne contra arma ferrem , Italianam reliqui .* Quid prudentius , aut elegantius ? Sed & illud eiusdem , quum Antonium & Ciceronem amicos simul retinuit , inter quos odium fuit , mortali omni maius : rursus inter Antonium , & Octavianum ; inter quos de Principatu orbis contentio erat : & inter Octavianum & Brutum ; quorum vnus pro libertate , alter de Imperio orbis certabat ; paricidium exercentes simul , atque obiiicientes . Vt credas eius fuisse exactam Dialecticam in ciuili tractatione : quã condiscere potes ex his quæ recitauit . Itaque vim illorum verborum scrutare , donec exacte assequaris , ad infinitos vsus accommodatam . Si pro amicis suis non amicus te fatiget ; vbi bis aut ter illi concesseris , excusato libere , docens , non sufficere . Vbi hoc egeris , illi tum satisfacies , nec inimicum feceris . Multi de his , quibus conuersantur , eorum facilitate abusi , dum omnia sibi de amico pollicentur , repulsam passi , pudore eius fiunt inimici . Ob id extremo illo actu vt amicum retineas , si potes , non spe sua eum fraudabis .

Porro res amicorum , & error illorum , maxima sunt , & quæ integram exigerent tractationem . Sunt quidam qui secreta tua exquirant : quibus si ea dicas , præter periculum ne reuelent , illorum postmodum arbitrio viuere cogeris : adde quod nescias quantum amici sint : quod etsi scire te docui , non tamen primum est id agere : Sed si communicare nolis , recedunt ab amicitia ; alij , occulte te oderunt , quidam etiam aperte . Nonnulli acriter vrgent , ac si debeas . Sed hos reicere debemus : & leue malum est : aut enim ipsi stulti sunt , aut stultum te arbitrantur . Ergo in huiusmodi difficultatibus fallere illos conuenit , non sermone , sed re ; atque ita , vt si proferant [ quod ipsis reuelasti , ] nihil omnino noceant , aut etiam iuuent . Inde attentissime ita subodorare negotium cum tuis amicis , vt cognoscas quam fidus sit . Si tegit , amicum esse , sine periculo expertus es . Verumtamen optimum est , non detegere , quod sciri nolis ; aut saltem iam cognitis amicis , & nihil tale requirentibus . Alij vero sunt , qui ita amici sunt ( & satis boni , ) vt nullum patiantur esse tibi alium amicum : qui non tam tibi , quam sibi , sunt amici : alij qui patiuntur hoc , sed nemini in amicitia concedere volunt ; qui etsi vehementer ament , nec tamen importuni sint , non tamen amici perfecti sunt . Si enim amicus est , qui te tam diligit , vt seipsum ; cur si ipse alium optaret sibi , eum amiciorem tibi esse non vult ? Similiter & illi qui in æmulationem aluntur ; exemplo cuculi inter aues , & hederæ inter arbores ; quæ suos educatores enecant : sed & Aranci : [ aut aranei . ] Sic Marius Sullam in perniciem suam euexit . Hos dignosces , quoniam nimis peccatis sunt obnoxij , aua-

ritiæ , aut ambitionis : ( Duo bona , duo peccata : ) vel sceleratæ vitæ sint : talis Cæsar in Pompeij perniciem , vt Sulla à Mario , educatur . Frequens hoc exemplum etiam in omnibus . Sed , vt dixi , si non cæcutias , vel ex flagitiosa vita , vel ex immoderato affectu alterutrum deprehendes . Habendus tamen ætatis respectus ; ne deterior sis Tiberio : qui quum audisset Galbam aliquando regnaturum , dixit , Regnet , quum nihil ad nos pertineat : at tamen ad stirpem pertinebat ; quum regnare non posset , nisi Tiberij extincta stirpe . Sed & genus artis considerare oportet , vt etiam dignitatis . Bellica , & Principatus , ad exitium spectant : Medicina ad iacturam : reliquæ non ita : Iuris prudentia quum in certamine constet ; tum Philosophia ad gloriam potius . Si amicus , aut filius , vxorve , exigant vltra metas , aut secreta scire ; nec , vt velis , negare liceat , quod Homerus de Ioue ad Iunonem , dicas : Sufficit vt non prius alteri ; sed si modo indulgeam , tum prima eris .

Quum amicitiam dissoluere nolis , sed consuetudinem , ( contingit hoc maxime in professoribus , cum discipulis morosis ) illos vberioribus beneficiis afficies , sed non magni momenti : inde aliquem vere tibi amicum ab eodem munere explode . Ita quieti cessabunt . Exemplum : Quum Bononiæ essem , discipuli nullo respectu carpentum ascendebant ; vt non sufficeret docere , nisi etiam aueheres . Hoc graue admodum erat , molestum , & indecorum ; vt nec liceret pedere . Oportuit ergo blandius excipere , docere , polliceri ; & extrudere carissimum è familiaribus ( sed volentem ) vt mihi grauem & molestum ; cuius querela erubescerent [ alij . ] Interim abrumpe occasionem ; vt equo ferri , non carpento vehi [ malis . ] Male fecit Plutarchus , qui librum condidit De amico ab adulatore dignoscendo . Debit enim sic inscribere : De dubiis amicis dignoscendis . Quidam enim adulatores non sunt , sed plane proditores . Ergo hos , quum aliquid proposuerint damnosum periculosumve , quum inuocati accedunt , dubium offerentes auxilium suspectos habeto . Qui si rationibus conuicti persistant , malintque te eligere speciosa cum periculo , quam tuta ; vbi periculum ingens sit , huiusmodi amicis , tamquam inutilibus ( si non perfidi sint ) carere melius est . Istis ergo viris committes res sermone ancipiti ; velut , Committo fidei tuæ hoc , Resonat enim in auribus amicis spem in illo maximam ; in perfido , dubitationem . Si duo communes amici , accepta iniuria inuicem , in inimicitias deuenerint ; vt mihi nuper vnus violata alterius filia , in carcerem ductus ; deferere miserum , impietatis est , & amicitiam fictam exercentis ; obuiam ire legibus , & non finire iustum vlcisci dolorem , nefarium : impetrare ab altero , quum de iure agat , videberis nec ius colere , nec eum vt illum amare : persuadere irato , dedecus passo , arduum , ac plane inane : offensas præterea ( vt in generalibus dixi ) sempiternas , officiorum memoriam fluxam . Itaque decet , Atticum imitando , ne verbo [ quidem , ] ad eum , qui iniuriam passus est , facto , auxiliari ; ita vt alterius æstimationem minime lædas , aut minuas : quin etiam , apud iudices illo plurimum laudato ,



& conquestus de eius fortuna, opem alteri quantam potes afferas. Quod si is rescuerit, dicas, Te tantundem facturum sua causa: aliam etiam conditionem eius, aliam meam, aliam iudicis: me neque accepisse iniuriam: neque iudicem esse, sed solum amicum: leuasse poenam; nihil damni illi afferre: ut nec ex actu quicquam utilitatis [percepisse:] leges captiuus & reis defensores publice constituisse; quanto magis me [amicis prodesse] teneri: Inde omnibus factis ac dictis ita excipies eum qui laesus est, ut non odio sui, aut leuitate, vel ambitione defensum illum [a te] credat [qui laesus,] sed amici officio, ac necessitate, qua omnes excusantur. Huiusmodi frequens est exemplum apud Ciceronem in orationibus: velut pro Marco Caelio, contra Atratinum: & pro Lucio Muræna, contra Catonem ac Seruium Sulpitium: & pro P. Sylla, contra L. Torquatium: ubi defensio publica non improbat. Sauiissimi enim hostis est, reum non solum vita & iudicium misericordia priuare velle, sed curare ut omnium necessariorum ope destituatur.

Quum amicus in te peccauerit, solent quidam cum communi amico expostulare. Id si recte fiat, à me non improbat: Primum ut amicus illi non voluntate peccauerit, id est, improbitate, inuidia, vel contemptu: sed potius ira, ignorantia, aut cupiditate: & ut is, cum quo quereris, autoritate sua regere possit eum, de quo quereris, & tibi amicior sit. Secus, tua facta deteges: odium illius augebis, & contemptiorem te reddes: forsitan etiam vel voluntate vel errore commutabis dicta tua. Quorsum enim, per minorem expostulare, impetrare per incertum amicum, quærere quid ab inimico, quo sine esse possis?

#### C A P V T LXXX.

*Vbi amicus tuo periculo erret.*

**E**odem ferme in genere est, atque ratio exempli vna, quum persuasus amicus grauius, malo tuo aberret; quem corrigere, periculosum; nec licet, si non corrigas, à graui iactura te vindicare. Accidit enim hisce diebus quum liber essem à suspitione erroris, ut quidam ex his qui negotio præerant (vir sane, ut audio, eruditus) mandatam sibi hanc ab amicis præcipue curam mihi scripserit: sed ita scripsit, ut à me quæ [literis illis] continebantur cum Dialectica mea vix intelligi possint; ab alio autem certe nemine: sed & apud me quædam non erant adeo perspicua, ut respondere possem. Quumque reposceret [respondum,] in nonnullis necesse videbatur vel respondendo testari illius negligentiam; aut, non respondendo, contumaciæ vel socordiae opinionem subire: quorum vtrumque mihi ingens periculum excitasset; tum maxime illi obiciendo socordiam, qui nomini meo studere se testabatur. Itaque sic respondi: *Officiis tuis, ac beneficiis, qua in me plurima sunt, nec mediocria, multum me debere intelligo: & eo magis, quod nullo beneficio antea à me affectus quidem esses. Libros, quemadmodum rogas, curabo ut habeas. Scio, te, ut scribis, & ut feci-*

*sti iam quantum poteris, causam nostram defensurum: ob id etiam cupio singula ab aliquo ex his qui tibi sunt à libellis, diligentius mihi significari. Opto autem potius, ut per alium quempiam id agas, quam per te ipsum; ne hoc tadinum mei causa subeas. Facile enim è tuis aliquis, qui prudens sit, & scribendi peritus, hunc laborem, te iubente, suscipiet; & id mihi gratum erit: Vale.* Vides quanta industria illius errorem texerim, atque imminuerim; causæ meæ tamen non oblitus. Ita corrigere potentiorum amicorum errata honeste conuenit, quum ea dissimulare nequiueris.

Si amicus, vel notus, pro aliquo qui tibi iniuriam intulerit, supplicet; si sit tibi utilis, aut potens, dicas, Cogitaram te in auxilium vocare pro hac tanta infamia, iniuria, & iactura. Sin neque potens, neque utilis, potest velle idem uti, vel dilemmate: Si mihi amicus es, debes me ad vltionem non solum accendere, sed iuuare: Si non es amicus, dimittas me iuri meo. Si sit minax, improbus, petulans, dicas, Iure agendum est mihi, ne plus noceat. Quod tua gratia facere possum, est, ut se subducat ex vrbe per aliquot menses, ne præsentia augeat iniuriam. Si neque hoc facere vult, pugandum est cautæ, & armare sese necesse est. Idem in leui iniuria, utili personâ intercedente.

#### C A P V T LXXXI.

*De conuersatione cum Principibus.*

**C**um Principibus sobrie agendum, paucisque admodum. Secreta illorum ne quæras. Innotescant tamen intimis, hoc modo: In sermone familiari, dum quærunt ab his qui à secretis sunt, illi mussando significant: si enim collimaueris, non respondent, aut verbum quo te recte existimare intelliges, aliter dicunt, Non prorsus, &c. Hæc est notitia quæ de arcanis Principum habetur, & in secundis personis extinguitur. Verum quum illorum conuersatio adeo periculosa sit, ob calumniæ, & inuidiam; quanto magis consuetudo, & tractatio, & quod maius est gratiam atque auctoritatem summam apud illos quærere? Præsertim quod in hac re magis (tum generaliter in omnibus) plurimi inueniuntur, qui nulli labori neque periculo parcituri sunt ut primas partes obtineant apud Principes ipsos: tum vero nec graue scelus committere, nec (si occasio detur) etiam vitam exponere verentur: ut quasi cum desperatis certamen suscipere sit necessarium. Non tamen prudens vir spem deponere debet, cum tot difficultatibus intentum obtinendi, quot res humanæ dilabantur, consilia disiciantur, studia refrigescant, coitiones dissipentur; ut prudenti & recte viuenti mora & tempus semper aliquid commodi afferant. Nullis magis fauet tempus, quam sapientibus. Ergo ut gratiam Principis consequaris; & apud illum auctoritatem, communem præceptum illum seruabis:

*Virtus est vitium fugere; & sapientia prima, Sultitia caruisse.*

Multa melius est prætermittere decora; quam turpe aliquid committere. Vtilius est, recte quæ possis agere, ut omittas; quam ut erres in



in aliquo. Diligentia & assiduitas, & honesta administratio, & verborum paucitas, semper grata sunt Principibus: reliqua, etsi bona sint, varie accipi solent. Contentionem fuge, & disputationibus (vbi necesse sit) acerrime pugna. Nec credas æmulatorum verbis, sed illos assuesce vt sine contentione pereant. Intimis quibuscunque Principis faue, & gratiam illorum capta. Grauitatem incessu, moribus, verbis, vestitu, conuersatione diligentissime custodi: & caue, ne, aliis dum faues, ipse cadas. Non eripias aliorum negotia: nec quemquam irrites, confusus in Principis fauore, vel beneficio. Cum communibus ministris quantum potes conuenias. Denique versare studiose in dignoscendis aliorum moribus, ac tuis occultandis. Nam cum iracundis & indignabundis ne tantillum contenderis, in periculo enim versaris, ne contumeliose te tractent: aut, si id effugias, odia æterna concipiunt. Multa vero in hoc genere tradita sunt ab Aristotele, atque Cicerone. Super omnia cauendum est, ne cum affectu quicquam loquaris, præsertim in offensa. Nam affectus leuitatem ostendit. Grauibis autem circa causam sententiis age. Pessimum igitur, magno actu, argumento nullo, vti. Pro periclitante filio, parte, fraterque, affectus ad commiserationem decet. At is optimus, vt etiam ad illos proprius. His duobus modis (quod ratio accidere solet) contigit eos mutasse sententiam. Vbi autem dilemmate opus, partem iniquam extra suspicionem voluntatis eius pone. Principem iam tibi amicum, qui aliquid maius expectet, & de se polliceatur, facile tibi oratione deuinciens: maxime per epistolam arte egregia constructam, verbis splendidis, sententiis grauibis, acutis, pressis, quasi aliud agas, spe implendo: quod bonum est, vbi iam voluntate rapitur, nec in periculum adhortatio impellat: vitioque careat epistola. Siquidem (vt alias demonstratum est) nihil est in humanis, solidum, præter virtutem, sed spe omnia constant: vt vndeque eam paraueris, nihil referat. Quod optime norunt oratores, & cæteri etiam vsu.

Sed & illud scire decet, quod, quum Principi, qui in ætate non sit aut captiuo, seruies, & illius ac Senatus præfectorumque mandato cogeris arcem aut urbem munitam alij Principi tradere, hoc vtuntur stratagemate prudentes: Quum periculosum sit vtrumque, & parere, & non parere, vnire suis eorundem mandato restituant arcem: inde ille, vt certus nuncius, Principi illi tradit. Plures enim tradendo periclitati sunt. Confimili in casu, si de restitutione agatur, res ad totum regnum referenda est, non ad ordinem illum, in quo tu sententiam dicere consueuisti. Si ille te reprehendat, à calumniatoribus persuasus, vt negando, illum quasi stultitiz videaris coarguere, non negando, reum te facias, mediam quasi viam tenebis. Vt quum ego à quodam potenti viro persuaderet, vt quæ perperam scripserim; colligerem aut retractarem, (quum nihil indignius [sit, quam] crimina multa fateri, vbi nullum esset crimen) adduceretque B. Augustini exemplum, quod minime mihi conueniebat, quum & Augustinus aliquando infecta hæreticorum fuisset,

Tom. I.

& in Theologia scripserim: & si retractassem, forsan in hæresim incidissem: si non acquiescerem consilio, periculum erat, ne ex amico inimicum frustra fecissem; quod & ob potentiam, & amicitiam, & merita in me, ac urgentem tum occasionem, minime mihi conducebat; respondi: *Capere & velle omnino, quæ perperam scripta essent in me, subiici religionis censoribus, atque in hoc auxilium etiam me suum implorare: nihilque umquam cogitasse, quod dissidium pariturum esset: quod si casu in duobus vel tribus aberrassem, aboleri illa oportere: non me de huiusmodi ne in suspicionem quidem umquam apud Pontifices incidisse.* Ita modeste satisfactum est honori meo, & nihil fuit, in quo offenderem illius voluntatem, sed aperta est ei via, qua intelligeret, se à calumniatoribus deceptum. Quandoque voluntatem eius lædere cogimur. Tum vero mirifica industria opus est: nec tamen odium occultum effugies. Quale illud Ciceronis, quum librum de Catonis laude, Caesaris inimici, scripserim; legissetque Caesar; inquit Cicero: *Ille enim non scripta potius desiderat: quam scripta non probet.* Quod si sapius sic eum offendas, in immortale odium incurres. Quum aliquid petieris, & annuit, habeas è familiaribus vnum, qui illi instante occasione suggerat tui memoriam. Multis enim distinentur [Principes] & grauibis negotiis; nec libenter curam hanc reminiscendi suscipiunt: odereque maxime eos tamquam sui contemptores, aut plane stupidos, qui quæ per alios fieri possunt, nec è dignitate sua sunt, illis relinquunt. Tum vero, vel si obliuisci, aut minus accurate rem tractare vellent, non habet quos excuset: vt etiam inuitus persape beneficium præstet. Præterea caue ne pro alio, qui non satis pro te firmus sit, roges, seu præmio, quod raro, seu molestis quorundam precibus, quod frequenter enenit, impulsus. Leuem enim aut importunum te existimabit [Princeps]: tum vero magis, si quod rogas, non plene sui iuris est. Aut enim repulsam passus, animum labefactabis tuum; aut consequutus, quicquid habebas gratiæ, consumes. Gratia enim infirma admodum res est: quæ difficulter paratur; ægre retinetur; amissa numquam recuperatur.

Si quis tibi solus prodicionem reuelauerit [aut soli,] vtroque modo periclitaris, seu captus ante confiteatur, seu quum perfecto opere detegi complices necesse est: adhuc si non perficiatur [opus,] & capiantur [complices,] quomodo euades? Si dixeris, certum est, negaturum: hinc tormentorum representatio, proditor amici [eris,] suspicionem falso accusaueris. Quid si dampneris, vt falsus testis, poena talionis: Quomodo tutus esse potes, si euaserit? Quid si Tyrannus ille sit præcipitis consilij, iræve, quanta mala [te] manent? Quid fiet filiis tuis, fratribusque? Ergo si amicus ille sit, & rem explicatam habeas, subducito te, dicens, aut ostendens, si times, non posse [te] celare. Ita omnibus satisfacies, sed statim. Si princeps est alius, subducito [te], nec reuelato. Neque enim cogi potest, vt te detegat. Sed si amicus intimus non sit; verum vel leuitate, vel vt inter coniuratos te trahat, illico reuela: sed causam adde, quod non habeas

N n

sufficien



sufficientem probationem : propterea (si placeat) verba habeturum, vt complicem obsconditis testibus post tabulatum iustar muri [conuincant.] Interim eo prætextu armatus cum fide sociis incedes. Sic per alios detecta coniuratione, in tuto eris.

Si opus quoddam Principi dedicare propositum est, fac vt postulet: & Epistolæ argumentum quasi è re occasionem habeat: velut Aristoteles ad Alexandrum: Eaque modestiam maximam præferat, vt Plutarchi ad Traianum. Vel si solum ad optimates scribas, laudes maiorum [commemora: talis Epistola] Ciceronis ad Lucillum. At si plures pro te operam nauarint, ita ad vnum referes. Principem, vt ille honorem, hi gratiam eius consequantur. Quod si ab his, inter quos æmulationis studia vigent, seu libertatis munus tuum consequutus sis, non tam facile est omnibus satisfacere: ita tamen ages, vt inferior (dissimulata æmulatione) & alterius gratia fecisse, & pro se potuisse videatur: quum aliquid etiam præcipuum addiderit. Innumera habes huius rei exempla apud Ciceronem, quum à Populo & à Senatu aliquid consequutus est, velut reditum: Et nos in Epistola nuncupatoria super Aphorismos Commentariorum, ad Pium quartum Pontificem. Namque beneficium illud erat Procerum; Senatus suum videri voluit; Pontificis ego videri cupiebam. Ita omnibus satisfeci: vt omnes quum legerent, se præpositos existimarent in officio, singulorum aucta verbis magnificis, sensibus aliis, dignitate. Et (quod maius est) etiam hi qui à Pontifice dissidebant, non solum æquo animo tulerunt, sed illius laudes typis, quum aliorum probata vulgarent, ipsi publicarunt. Præterea in magnis rebus exemplo graui, sed breuius quam potes, te excusabis: quemadmodum ego cum Bononiensi Pontifice. Volebat is, vt medicos suos docerem, quid agere deberem. Exemplum attuli, quo illum docui, (me) in Scotia, dum aliquid agerent medici; quum ego docerem, existimationem & vitam pene amisisse.

Principum autem [malorum] mores scire oportet. Quod ad donationem attinet, neque iustitia, neque legibus, aut fides, vel sacramenti religione, vel sanguinis coniunctione, imo nec infamia, nisi quatenus timent nocituram, mouentur: sed sola vtilitate, mista cum perturbationibus iræ, odij, inuidiæ, atque ambitionis, nefariorumque amorum. Ob id maxime cauendum est, ne iniuria irrites, quos perdere nequeas: nec vbi ocepisti, desistas: nec spes reconciliationem; sed enitaris vt perdas: alioquin potentiorum habiturus [es] inimicum, & deteriorem. Nam solet animus cum Fortuna frangi. Pessime his consultum est, qui beneficio vel fœdere sperant [se] reconciliatos esse.

Filij præterea Principum, qui sibi regnum multa cæde parauerunt, omnes sunt crudelissimi, ac poene furiosissimi. A Philosophis (itaque) ducentur, & abstineant à vino; vel vt Cambyfes Cyri, & filij Herodis omnes. Alexandri virtus, Aristotelis fructus fuit: vitiorum, vinum: causa est furor patrius dominandi, cum aula plena vitiis, adulationibus, ac timore, nondum constituto regno: &c. vt in hoc num-

quam commigrandum sit. Nec mortes ac cruciatus meliores [subditos] faciunt: sed amicos efficiunt hostes, bonos de medio tollunt, adulationem augent; & dum plebunt incautos & simplices, insidiatores cautiore efficiunt; & aperta viâ, ac loco quasi inani relicto, eis animum augent: velut Antipatro & Laco- ni: ea etiam ratione, quod cum furiosis rem habere se intelligunt. Quamobrem si sublati opibus, vinculis, triremibus, relegationibus puniantur fontes, magis timebunt improbi, vt quibus nihil per imprudentiam sperandum sit, & quod cum sapientibus negotium esse intelligant, temporeque consilia & machinationes detegi, adhuc superstitionibus dam- natis, videantur.

Si principem tibi ignotum (sed à quo tibi aliquando timendum fore, maxime ob inimicos, verearis) salutare necessarium putes, imitare illos, qui Reges Barbaros adituri sunt: [saluta, sed] non sine munere. Itaque argumento aliquo notabili opus est. Id fiet, si merita alicuius è maioribus suis in te, vel tuos; aut illius in tui similes commemorabis; sed sed sine iactantia: ne, dum te illis æquas, te ipsum euehas. Habes superius exemplum, quo sine adulatione placeas. Quod si nimium distuleris, non sine amico inuises, vt commodius te illi insinues, & excusationibus occasionem aripias: aut ita agito, vt hæc expectatio necessaria, aut honesta, aut vtilis videatur: velut si morbum [prætexas,] quamuis multo post, si rem nondum absolutam, quæ ei debetur, si impeditum dicas offendisse: demum cunctationem tuam ex verecundia (vt crimen crimine, sed excusabili, veles) in medium adduces. Id vero apposite cedat, non difficulter: quum verecundia laudum suarum occasionem præbeat.

Quum Princeps te attrectat, moreque quasi insolito blanditur, contemnit te, aut beneficij accepti hoc præmium esse vult, aut timet, aut molitur tibi interitum, aut te euidenti periculo exponere vult: vt sint omnin mala, Bonum est solum, quum te tueri à calumnia, & multitudinis violentia cupit. Ergo considerandum est diligenter, quis sis: an metuentus illi, tantundem te metuere decet; an odiosus, magnum tibi imminet periculum, contemptus & grauis, & is te despiciet: si beneficium attulisti, mercedem recipis: si impotens & amicus, in calamitate hoc optimum tibi est. Si opera tua indiget, vel tibi non sine magno discrimine onus incumbit, aut omnino chara est illi sedulitas tua. Propter hæc, quum illa plerique nesciant, multi periclitantur.

Quum amici illius (Principis) à te (quipiam) petunt, id graue est. Nam si das, perit beneficium, nec Princeps sit, si non das, Principem à te alienat. Hoc autem nil frequentius, quum vel auaritia, vel paupertate plerique aulici laborent. Vnum inter multa auxilium videtur, si operam poscant, maximam esset refer, vt vel ipsos precario requirere pudeat, vel tu honestius recusare possis, si rem tuam esse neges. Velut in opera, si consilium medici quærant, dicas longum nimis futurum: oportere à te curari. Si id agat, nec spes sit solutionis, subiice pharmacopolam, qui petat:



petat : tum cum eo collude. Non est flagitium, tueri se ab improbis & impudentibus. Exemplum rei : pecunia mutuo requisita, & tu trapezita es : dicas vt faciat, quod Princeps id iubeat : conuenisse enim cum illo sic. Vel ergo dabis Principi, vel si in illo fidem non habes, non est vt cum eo retineas amicitiam. Si dicat aulicus, nolle (se) id rescire Principem, tum tu, si instet, Principem mone. Ita te liberabis à damno, & insimulationis periculo : ostendesque te esse virum, vt cæteri deterreantur.

Verum hac in parte cane, quod ego aliquando expertus sum, ne lenonem Principis offendas. Habent enim plerique suum, quem amant, ob voluptatem, plerumque oderunt, etiam sæpe timent. Semper ob infamiam & periculum ab his magna emuntur paruo pretio, indignantibus qui & in illos beneficia non leuia contulere, & quibus cum amicitiam & ipsi petunt, arcanum humanæ nequitiae. Huiusmodi Aretas seu Basileutheros vbi inimicos habueris, & illi omnino præfractæ auaritiæ sint, atque impudentiæ (quod humili loco nati sint) nec tamen tibi aditus preclusus erit magis quam aliis, pecunia & lenociniis opus est, vt nil aliud in spe ponas; non ius, aut misericordiam, aut officia præstita, nec amicorum preces. Sed si præuentus sis ab insidiatore, rem ad iudicem ordinarium reuoca, multis bene cessit. Iudicem pari arte confirma. Sic enim differes, si vincere non liceat. Interim tempus labitur, multiplici spe. Et quanto plures fuerint personæ, seu vna obeat, seu inter eos oriatur lis aut discordia, & quum te prudenter & fortiter resistentem viderint, languescet eo magis furor eorum. Multum refert vitasse initia. Inuant sæpe in absurdis Fortunæ ictibus absurdiora commenta, Chymicæ Astrologiæ, ducendi aquas. His enim promissis deceptores decipiuntur, & captores captantur.

Principum comminationes & intelligere non parum (vtile) fuerit, & imitari (euitare) prudentis. Ad graues enim viros conuersi, qui eos facto prouocarunt, dicere solent : Noluisti nobis amicis gratificari : Sufficit. Quidam modestius addunt : Et nos paria reddemus. Hæ minæ sunt atrocissimæ. Quandoque tamen vtuntur his ad terrendum, quum iniustum aliquid petunt, iniquo terrore. Timendum est enim, cum ab iniustis, absque minis, nil tutum sit, à iustis (etiam) ob signum grauis indignationis. Ita ergo quum quis iuste tibi non gratificatur, hæc dixisse sufficit.

\*\*\*

## CAPVT LXXXII.

### *De calumnia apud Principes abolenda.*

**I**N referenda autem calumnia apud Principem, etiam si testes adsint, vt alias dixi, nil melius est repetitione. Fiat paulo post, vt per sex dies, aut septem. Nemo enim tam tenacis memoriæ esse potest, vt eodem modo referat, si vera non sint. Atque sic conuincuntur testes falsi, refelliturque calumnia apud plebem : tum plus valet testimonium potentis viri, quam vel ratio, vel oculi ipsi. Ab his

Tom. I.

ergo petendum auxilium : aliter vindicanda (iniuria, vel calumnia) ferro, vel legibus. Testibus agere apud hos, vel rationibus, est augere suspicionem, & amplificare rem. Verum si nihil horum conueniat facere, contemptu & opere aboletur opinio, & oppositis experimentis. Quandoque etiam iuuat apud iudices, & malos tui æstimatores, aliquid è Sacra pagina commemorare. Quale illud : Pilatum non excusauit, quod dixerit, Tui te mihi traderunt. Nam veritatem debuit inquirere, & integri iudicis officio fungi.

Quum vero paucis cogaris cum illo (Principe) agere, (hoc semper prodest, si tibi æquus est,) dicas, non dubitaturum, si factum teneat, quam iusta sit tua causa. Nam intelligere cupiet : tibi vero ansa data est exponendi paucis ac dilucide.

Vbi vero incertus sis de calumnia, scribe aut alloquere familiarem Principis, amicum autem tibi, vt moneat : quod si agit, certus es; si non respondet, silentium pro ira habendum est, si paulo post responsurum dicat, nec post respondet, leuior est ira, si sero, compositisque verbis, valde grauius, ac sæua, sed testata. Eadem vero ratio est præstandi officij apud Principem, vbi ab amico exigatur. Nam si iratus non est, tutum est responsum dare, si odit, silentium illud pro ira haberi debet, si tegit, paulo post significaturum, respondeas. Sed & si fortuito talia contigerint, eandem habent significationem. Porro ante calumniæ confirmationem, & vt gratiam adipiscaris, si non potes illius carulis ob humilitatem ab blandiri, laudabis eos egregie; sed non vt amicos, ne falli videaris, neque vt fidos, ne eis credat, sed ita, vt pudeat maledixisse, nec tamen maiore apud Principem sit in existimatione. Quod si æmulus apud Principem te accusat, cauendum est diligentissime, ne oppositis verbis illi respondeas. Hoc enim ipso facile vel in illius odium, vel contemptum incidet. Sis, gratia exempli, medicus, qui Principi librum dicaueris elegantem, sed in quo videaris quandoque ab aliis autoribus dissidere, ecce æmulus calumniatur te, quod Galenum aut Rasem accusas. Ita ergo per insinuationem respondebis : Quam inique comparatum est, quod plus modo dicendi, quam sensibus, tribuatur. Etenim si ego ipsum stultum appellarem, periculum non leue apud te subirem; & tamen prouocatus, minore iniuria illum afficerem, quam ille me. Siquidem dum classicos hos viros, me calumniari contendit, vt stultum tractat, quum ipse forsitan ab imperitia minus, quam ego à stultitia, absit. Tu tamen, humanissime Princeps, non indignaris illi tam iniuste acerbique me accusanti, quod paulo obscurioribus verbis nefas tegit, mihi repugnanti irasceris pro leuiore iniuria, quia non tam callide prolata est. Quum vero refutatio longa indiget probatione, nec licet apud huiusmodi homines, neque apud magistratus multis agere, ab his quæ proxima sunt fini, probationem deducere oportet, tamquam euidentibus, ac quam paucissimis. Quod si addubitet, addes rationem : licet & flores, quicumque sunt speciosissimi & grauitate, & lepore, & exemplo, breuibus inferere. Iam alius modus (est) vt perfecte doceas

N n 2



ceas per capita, conclusio autem breuissima ad alteram partem contradictionis deducat. Hoc autem ut optimum (est, ita) & generale.

Illud præterea noris, in quo ferme omnes falluntur: Principes & Magistratus scire veritatem, maximo studio in plerisque niti, ne quisquam prodat eam; quod vitæ suæ aduersari sciant. Vnde aliqui suppressunt, nolentes de ea verbum fieri, quod in alterutrum decidere necesse sit: meliores dissimulant, ut excusationi iniustitiæ locus sit. Cæterum, quod alias diximus, homines illis ut pecora.

~~~~~

### C A P V T LXXXIII.

#### *De Principum seruitute.*

**S**I Princeps te asciscat, periculosum est incerta sub conditione amittere libertatem, & periculo se exponere, ut etiam iacturam rei facias. Propterea (quod plerique faciunt optimum est, per amicos id efficere, ut videaris iam pinguem in manibus habere conditionem. Nam nihil certius ad promouendam illius liberalitatem (aut prouocandam) & nil facilius, quam amici nil de suo tibi largiantur. Res tamen longe difficilior factu est. Ascitum si Princeps te roget, ut inimico tuo, aut parum in sua arte confidenti auxiliieris, vel etiam illius respectu id facere cogaris, in arte socium tibi asciscas, in quo maxime ille confidat, & ad eum te referas. Quod si non adsit, si res periculo caret, ita age, ut opinionem de te ipso in illa augeas: sed si non vacat periculo res, omnino adiunge aliquem aliam, dissimulata omnino similitate. Sed si simulatas palam sit, reculare licet.

In seruitute vero eorum, illud Argentoni [Cominæ], quod Regis fuit dictum, attendere oportet; Principes magis amare eos, in quos beneficia contulerint, quam à quibus acceperint: Magnitudinemque collati beneficii periculosam, & non sine causa, quod fiant audaciores.

Præterea in omni seruitute aut officio, tria spectare oportet, ubi utilis censeatur seruitus: periculum, & frustratio in seruitute continentur, quod honesta sit, laboratque patientia. Propterea si lègationi addictus sis, cura ut singula quæ ad rem pertinent, scias. Id vero solertiæ summæ est (tum ut eos, quibus Princeps ille fidit, aut eorum intimos, amicos habeas) & bonæ cuiusdam Fortunæ: tum vero maxime, quod frequenter accidit, ut per eodem decipiaris, per quos decipere Principem aut Rempublicam speras. Improbus enim facile decipit, probus non detegit arcana Domini sui. Propterea arduum, imo periculosum, inuenire, aut fidere huiusmodi hominibus. Secundum est, ut non inania scribas (ut ille qui de Principis veste literas ad Dominos suos scripsit: ) hocque prudentiæ. Demum ut ea quæ utilia sunt, sic rescribas, ut plane posita, & tui Principis oculis (perinde ac sibi ibi esset) representata dici possint. Solent autem per ænigmata seu notas tuto scribi: nam si [arcana] detegantur, magno periculo eorum agitur, qui tibi ea significarunt. Porro huiusmodi [hauries] ex inimicis Principis,

conuiuiis ac pecunia corruptis, & [ut dixi] intimorum amicis, vel etiam intimo: quod ut optimum est, ita difficillime cognoscere licet. Id vero præcipuum est, ut sciat [Princeps] non quod credunt ferme omnes, Principum felicitatem esse in conuiuiis, ludis, venatoribus, potentia, pecuniis, gemmis, libidine, habitationibus pulchris, equis generosis, atque huiusmodi, sed in hac scientia tum præsentium tum præteritorum aliorum Principum, præcipueque maiorum suorum: quæ sola illi cognitio est pulcherrima; & præter utilitatem, molestiæ sola, inter iucunda expers.

Si cum Domino sis, à quo discedere velis, & periculosa sit venia, ut est plerumque cum tyrannis, queri oportet grauiter, & veniam petere, non ut tum discessurus, sed multo post. Id ille non adeo moleste feret. Interim alij in spem loci tui subingressi, curabunt ut abire possis; & Dominus iratus erit: tum tu multa perperam age; donec & ob veniam [petitam,] & male acta omnino te oderit. Vbi de hoc certus fueris, simula mutasse sententiam, & roga inaniter & leuiter, ut te retineat: suspira, gеме; suppone personas, sed illi inuitas, quæ pro te rogent. Ita ille satis poenarum te daturum existimabit, discessu inuito: Tu vero voto tuo absque iactura & periculo poteris. Sed caue ne statim glorieris de techna: nam rursus magnum tibi malum aut periculum accerferes; sed persta, ac [si] doleas de infortunio tuo. At dices, Hoc turpe mihi erit. Fateor. Sed in memoria tene; cum Tyrannis quibus seruias, numquam habendam esse rationem honoris, tum illum numquam pluri facias, quam vitam. Præcipue illud caueas, ne nimis erga Dominum [asperis] aut contumeliosis verbis utaris. Nam quum nemini conueniat esse proteruum; quanto minus [si qui cum] Domino, ac Principe [versatur?] Vultum quoque & animum successibus illius accommodato. Quæ non potuisti conficere, aut cur non potuisti, sponte doceas; aut rogatus, dicas solum, Non potui. Nec mireris si non placeas, quum bonus sis. Boni enim indignabundi sunt: Indignabundi autem sunt odiosi Principibus. Ut recte viuas cum Principibus, imitare antiquos liberos: quorum fuit mira dexteritas. Quum enim essent fidissimi Dominis suis, non tamen offensam inimicissimorum suis Dominis incurrebant. Quis maior hostis Ciceroni, quam Antonius? non tamen Lauream aut Tironem persequutus est, quamvis Ciceroni fuissent obsequentissimi. Epaphroditus superuixit Galbæ, nec nocuit ipsi, vltum [eum fuisse] iniurias Domini. Atque alij plures, quum etiam de Imperio ageretur, viuere potuerunt.

Ut gratiam Dominorum consequaris, compendiosa res est; quam aliqui obtusa ignorantia omittere, imo ne vnumquam quidam consequi solent: Fac imperata; sed prompte, accurate, libenter; aut quæ sunt ex officio: velut tueri personam illius à sicario. In reliquis abstine. Nam si cuncta facere velis, cutiosus videberis, & aliena etiam præripere velle. Si illa relinquant quæ imperat, aut male tractes, aut agas quæ non imperet, non solum odiosus eris, sed à te irideri ac contemni se existimabit. Hoc errore decepti innumerum, de



de Dominis iniuste conqueruntur, quod longa seruitute nihil acceperint. Tantum enim refert hoc præceptum, vt si quis scire & diligenter illud obseruet Dominus sui famuli seruis euadat: quoniam illi longe difficilius erit, famulum similem inuenire, quam famulo parem dominum.

## CAPVT LXXXIV.

*Vbi te à Principis seruitute subduxeris.*

**I**llud etiam cauendum diligenter, ne quod faciunt plurimi, id tu agas, scilicet, vt pulsus, de Domino male dicas. Testaris enim acceptam ignominiam, vt nullo teste indigeant inimici tui, defensionem autem non credent: & odium Domini immortale, tum amicorum & familiarium, adulatorumque eius comparabis, vt vix ab illis, maledictisque eorum te tueri possis. Vt enim fortuna præcellunt [Principes,] sic in omnibus causis superiores esse cupiunt. Hic error ex similitudine coloris cuiusdam Rhetorici ortum habet. Nam leuis vituperatio fidem adauget laudationi: sed debet esse leuis genere & magnitudine, & apud notum & sapientem. Notitia enim sapientiæ locum obtinet. Melius autem est, vt sit confessio potius extenuans obiecta, quam docens. Qui enim obiter hæc faceret, tamquam notum omnibus testatur. Illud tamen præ oculis habere debent tam Principes, quam qui illis seruiunt, neminem vitio carere; quum plerique speciem fateantur, non genus. Loquacem qui fateatur, neminem inuenias; qui lapsus sit verbo, infinitos.

## CAPVT LXXXV.

*Vbi manendum sit in patria cum periculo.*

**A**T si manendum tandem sit in patria, vbi inimicis æmulisque oppressus succumbas, quum ab aliis etiam (quod facile est) minores ac viles suscitati in te insurgant, adeo vt vita [tibi] acerba sit, vnica via relinquatur, factionem suscitare, atque illi adhærere. Ita enim ab iniuria & inimicis æmulisque tutus eris. Sed & hoc multas difficultates habet: ideo magna diligentia, ad vitandas offensiones, vteris, beneficiis plures amicos comparando, & blandis verbis conciliando plebem. Dura res est, bene viuere, in tam misera conditione: sed postquam (hoc) Prexaspi & Harpago bene cessit, totque aliis sub Caligula, non est desperandum. Interim sectari aliena studia à dignitate tua licet. Nam callidi te prudentem existimabunt, plebs miserebitur doloris & calamitatis tuæ: Ita ergo simulabis etiam flagitia, & quædam semina vitiorum ostendes: [sed] ab omni vitio atque flagitio (re ipsa) abstinebis. Flagitia vilem reddunt hominem, & ob id contemptum, & tutum; vitam vero efficiunt hilariorem. Hoc vnum, si non altius petere auxilium potes (nec tibi adest medioximus, & diuinus quidam afflatus) cogita illud plebeiis etiam notum, quod breue tempus omnia æquat, &

Tom. 4.

quod nostra felicitas nil aliud est quam viuere. Nam reliqua illam adaugent, aut minuunt. Et hoc, si sobolis spe non sis coniunctus æternitati. Hilaris sis vitæ cum amicis, cum aliis, tristior. In persuadendis amicis, cum aliis, vt amicis tibi efficias, eos imitare qui plurimum in hac causa potuerunt. Iisdem modis quibus antea diximus, blanda est suadela, modo ratione pugnando, modo misericordia flectendo, increpando, cauillatione, obiurgatione, dissimulantiam vertit Cicero, quæ constat nouis, comitis, dubiis sententiis. Postquam nec hoc conceditur, omnia experiare. Sed factio dissidiis & maledicentia potius quam bonis artibus suscitatur. Inuides liuore, auaros rapinarum spe, ambiciosos honorum æmulatione, improbos quauis via accendes. Interim amicos prudentes & efficaces tibi comparabis. Obseruabis præterea circuitus quosdam consuetos, in quibus resurgunt prostrati, & cadunt in excello collocati: præsertim decimioni ante peracti anni: nam ad similia reuerti semper videntur. Ego legi anno MDXLI. anno MDLXII. ex Papia è patria Bononiâ ad legendum me contuli: MDXIII. in gymnasium me contuli, &c. Ita videntur quibusdâ annui natales dies fausti & infauti.

Oportet autem eum qui cum suspicione alicubi commoratur, vicina omnia loca atque itinera explorata habere, & pertrita, & vt fugam capere tuto (si expedierit) possit. Quod præceptum si Conuentualis obseruasset, vitam & rem seruare poterat, forsân & aliquanto post etiam arces recuperaturus.

Iuuat etiam vbique locorum collegiis se inferere. Sunt autem multiplicia, præsertim in Italia, Artium professorum, Academiæ diuini cultus, quæ vocant Scholas; & Religionis, quæ Monasteria appellantur. Non autem præstantissima semper eligere decet, sed in quibus facile eminere possis. Neque id arduum in his vbi honori præmium nullum sed solus labor accedit. Multi enim solent in his vltro cedere, quum alij non possint, etiam si velint; nonnulli turpe sibi ducant, aut damnosum. Ex hac tamen fabula multi emergunt ad insignes status. Quid mirum? quum mundus ipse nil nisi fabula sit, & præcipua quæ illius sunt? Vnde nemine industrio viro denegatum est, (præsertim, vt dixi, nostris temporibus, & in Italia, modo intentus in rem esse velit,) etiam sine peritia literarum, sine virtute vlla, ad maximas dignitates, potentiam, & opes ascendere. Quæ tamen cultu religionis fiunt, non sine virtute esse possunt; quum Dei cultus sit in pietate constitutus, atque hominibus tamquam finis quidam propositus.

## CAPVT LXXXVI.

*De Itinere.*

**I**N itinere incredibile est quantam dux itineris peritus vtilitatem afferat; præsertim quum ignotum fuerit, periculosumve aut difficile. Ille docet vias compendiosas, tutas hospitia, loca periculosa; quid agendum sit, consulit, iuvat euntem. Quum irem Bononi-

N a 3

niam,



niam, perieram, nisi monitus carpentum in nauia imposuissim. Quum mutare domum vis, à prandio discedendum, non mane, vt omnia recte colligas. Vltimis autem diebus vtenda quæ necessaria sunt ab amico mutuo suscipere oportet, aut apud illum diuersari interim. Bonum est, Commentariolum rerum, quas tecum defers, habere: omniaque sub clauē reposita. Præterea vites duas ferreas firmas grandes, cum annulis, vt cateæ aut loro iungi possint, ad ostia munienda in cauponis; quæ solent per sæpe sine clauē & pessulo ac vestibus esse. Pannosus [licet] sis, si equum bonum, non cum magnifico apparatu habeas. Pecunias cingulo insutas deferas, quod ex collo pendeat, & è regione vmbilici sit: nam non facile conspici poterit: aut finge te herniosum, & circa pudenda defer. Tu, aut alius è tuis familiaribus fidus, deferet etiam panem, & vasculum triforme ex albo plumbo, plenum oleo, sale, & aceto: sic vt miscendo, olei adhibeas partes sex, salis tres, aceti, si accerrimum sit, duas, aliter quatuor, in vtrisque enim seruatut Musica proportio. His obsonabis pulchre edulia quæcunque fortuito obiciuntur, alia, capas, porros, bulbum, radículas, carduos, lactucas, intubum, cichorium, fœniculum, tum generaliter radices, & germina quæque, quæ dentibus facile conficiuntur, nec foetidi sunt odoris, nec valde amara, nec insalubria. Deferes etiam panem è caupona, quum bonus est. Vt vero ventris beneficium habeas (quo sæpe peregrinantes destituuntur) flexis valde genibus, illa pugnis vehementer ac sæpius concute; aut balanum suppone, aut ede mercu- riale, aut illius radicem, vel blitum, cum oleo & sane. Per inuia ne solus eas, neque noctu: Ne cuiquam fidas ignoto, memor esto, comiti, [Comici.]

Alea non certes cum cauponibus aut nativis, nec contendas parua ex, quoniam in illorum potestate es. Continens sis in cibo, & à Venere abstineas. Vix enim quum hæc obseruabis, tutus esse potes, nedum si aberres. Non aliena suscipias custodienda, quum tuis egre sufficias. Senem ducem in rebus periculosis habere oportet, vt in nauigatione, aut morbo, in difficilibus, iuuenem. Ignotis ne associeris: neque quum fueris in aliena patria. Nimis periculosum est nescire cum quo sis; vbi si cum malis sis, de vita periclitaris, aut fortunis omnibus. Noueris fures & latrones iter agere ferme perpetuum: sic enim decipiendi, & furandi, & occidendi occasiones numquam desunt illis, & tutiores sunt à publicis ministris. Sunt autem personati. Apud hospitem ne diuerseris; (nam apud cauponem liberius ages: ) etenim forsitan grauis illi eris, aut in suspicionem venies; maxime si quid aduersi contigerit: aut ea specie insidias parabit. At neque manendi aut discedendi idem respectus in caupona. Præterea plus debebis [hospiti] multo quam acceperis. Nam & pro officiis etiam letibus debebis, & familiarum toti cogeris dare munera: in quo facto aut exhaucieris, aut maledictis te laceissent, forsitan & vtrumque contingeret. Quinetiam, si occasio eueniat, beneficium multo scenore reddidurus, licet ad potentiores diuertas. At mihi,

cui liberum instituere [te statuere] propositum est, [hoc] non placet.

## CAPVT LXXXVII.

*De habitatione extra patriam.*

**E**Rgo, si potes, plurimum confert non solum ad tranquillitatem & securitatem, in patria degere, sed etiam ad opum, & honorum ac potentiae incrementa. Sed si non potes, eum elige locum, quem postmodum mutare non cogaris. Vbicunque enim fueris, omnia inchoanda erunt: Noui amici, noua familiaritas, existimatio, domestici, domus apparatus, omnia ex integro ferme restituenda erunt. Vnde vix vquam huiusmodi hominibus ditari contingit. Sed si omnino [domicilium mutare] cogeris, memento eorum quæ in patria profuerint, vt tecum adducas (dico animi dotes: ) quæ obfuerunt, relinquo: & quantum tibi emolumenti afferrat patriæ absentia, scilicet, vt quæ vel vitio vel casu dedecus attulerunt, lateant, vt liberius viuere possis: Sicque discedas ex illa, vt fructum ferme eundem colligas, impedimenta relinquo. Quapropter sapienti & infelici, commodior est mutatio, quam beato & stupido. Ille iniuriarum maculas, calumnias, odia, æmulationes, infamiamque fugit, modo causas eorum non secum ferat. At quibus Magistratus & honores in patria contigerunt, dura est conditio inquilini. Iuuat plurimum vt honesta sit migratio: velut quum ad munus aliquod dignum te contuleris. Adhæc quando periculum manenti maius est, & causa turpitudine vacat, eo laudabilior est discessus; honestissimus, qui ob factum fortitudini (non sceleri) coniunctum, est. Sit, si fieri potest, fuga leonina, non leporina. Beneficium affert patria relicta, quum inuidia, non flagitio, eiectus videris; & quum facultatibus tuis gaudere potes; quumque amici te obseruauerint. Quamobrem tuæ prudentiæ est, eos (dum in illa es) parare amicos, qui in omni fortuna, & loci mutatione fidem eandem retineant. Verum si vel longius à patria te contuleris, vt nihil reliqui auxilij tibi ab ea sit expectandum, tamquam nuper in lucem hanc veneris (imo cautius) agendum est. Infantibus enim etsi nouum sit cælum, & nulli amici, aut clientes, aut rerum experientia; paternæ tamen omnia atque maternæ præsidia supersunt: ei vero, qui sic absens est à patria ne ea quidem. Quamobrem se nouum hominem prorsus esse intelligat, & qualem se sinxerit, prorsus talem futurum esse. Sæpe autem his qui inuidia [procul patria] pulsati sunt, vtile fuit auxilium, velut Themistocli, Annibali, Sertorio, non ita his, qui prope se contulerunt, vt inuidorum odia eorumque pertingant, velut Alcibiadi, & Coriolano. Nam illis par ferme nocendi potestas, & calumniandi liberior via; nec absenti, vt in patria, tanta præsidia. Ergo longius abeunti tutius exilium, & si recte vtaris occasione, non leue commodum [est], egere, quæ sciri nolis, patefacere, quæ velis. Ex præcipuis autem fortunæ



aut prudentiæ tuæ accessionibus illud est, vt mores tuos verbis aut moribus Domini [ aut incolarum regionis in qua exulas, ] congruant, hoc enim beatum felixque est, aliter, si illorum mores tuis assimilare nitaris: hoc enim stultum. Tria autem principaliter tibi proponere debes, quando nouus es inquilinus: personæ, quam sustines, rationem, vitæ prioris famam, ciuitatis illius mores atque instituta. Ergo de priore vita verba non facias: nam si errores commemoras, stultus [ habebis, ] si calamitates, contemnent te, & in deteriores partem accipient, si laudabiliter gesta, non credent, & præter id, te inopem amicitia, atque consilij impotem existimabunt, quum per amicos, non per te ipsum, isthæc vulgari deceat. Vitam vero duces honestam, grauem, splendidam, pro conditione tua. Familiam quoque honestam, sobriamque ac obedientem habeto: sed & firmam, ob varios casus. Quocirca ne ex pueris, multo minus ex mulieribus, [ constet familia tua. Scio enim legatos quosdam, alioqui prudentissimos, dedecoris dolore periisse. Fidei autem conuenarum se committere aduenam (quem contemnunt, si humilis sis conditionis, aut inuidet, si splendida, semper autem fastidiunt, ) haud tutum est. Quapropter fidum amicum secum habere, adeo vtile est, vt nihil magis. Per initia autem liberalitatem & humanitatem præferre oportet: succedente tempore moderationem & benignitatem: abscondere autem non necessariam supellectilem. Quum vero vbique, vbi factiones vigent, expediat clam beneficia accepta compensare, tum maxime extra patriam, ne tu simultatum, quibus illi laborant, pœnas des. O quot ignorantia huius præcepti, dum & sibi consilire, & nomen grati adipisci sperant, periclitati sunt! Deterius etiam egeris, si cum quopiam queraris. Oportet denique illud considerare, quod in vrbibus, maxime vbi annona cara est, & luxus abundat, multi sunt corui, qui domos obseruant quæ parte expilari possint, vel vi, si parum munitæ vel furto, si male custoditæ, vel dolo, per ancillas & seruos infidos, puerosve, vel per mulieres impudicas, aliqui etiam lege præter legem: sæpe enim, si filius perditus, aut soror, aut filia inupta, nuptiis aut clandestinis, aut violentis ( fuerit, ) omnia euertere consueverunt.

Tribus autem in casibus patriam deferere licet: Primo, vbi honestius alibi viuere possis: vel ob honorem apud alios, vel ob iniuriam (aut inuidiam) apud tuos. Secundo, quum iniustitia in patria dominatur, seu ob tyrannidem Principis & Magistratum, seu ob securitatem peregrinæ gentis, (insolentiamve,) seu ob bella ciuilia, in quibus maxime est miserabile, quod latrones factionis se semper simulant, quum superiores viribus fuerint, itidemque quum inferiores. Neque nos solum nostra debet commouere calamitas, sed & exempla aliorum, quibus opitulari non possumus. Tertio quum ipsa necessitas, velut exilij, timor potentioris, pestis grassans, bellum, annonæ penuria (nos migrare cogunt. ) Reliqua ad huiusmodi (tria) reducuntur: velut studia literarum, ad honestatem.

In regione autem, quam frequens inuadit pestilentia, vel vbi homines morbofi sunt, non habitabis. Nam & ab initio, ob aëris mutationem, male afficeris, & vbi assueueris, nihilo meliore conditione viues. At vbi aër & homines boni sunt, sapienti, & non omnino inopi, incommoda videri non debet habitatio. Nam etsi reliqua omnia mala sint, meminisse oportet, quædam non mutari vsquam, nec permittere vt alia mutantur, vt est ignis: alia non mutantur prorsus, vt auium carnes, & vitelli ouorum gallinarum, & quæcunque adducuntur longe, & sal, oleum, & acetum: alia parum, vt sunt mel, fructus duri, olera, & radices, his ergo inniti oportet: alia mediocriter, vt pisces: quæ vero plurimum mutantur, sunt aqua & aër, & vinum, & carnes quadrupedum, cancri, & similia, hominum mores, ædificia, & panis, propter præparationem. Vbi autem omnia mala sunt, noctis aërem, & crepusculorum, & extrema diei, & medium in calidis regionibus vitabis. Somno & igne plurimo, deambulatione diuturna, vel leui alio exercitio non aëre, vt oportet; (item) abstinentia à cibis, præsertim malis: & frequenti vt vomitu, nihil enim salubrius: Alexipharmaca, maxime Smaragdum, & dulcem Assam, & acetum Scilliticum habeto: Crocum autem & Rosam, Garyophyllos in cubiculo. Non dabis mutuo: neque quemquam admittes, vbi quæ cara sunt sub clauibus non concludantur. Multi enim non tam ad furtum parati sunt, quam ad latrocinium. Neminem admittes exploratorem. Scies qui sint, si domestici prudentes, fidi, atque admoniti fuerint. Quod si ob æmulationem virtutis, inuidia labores, quum careas, defensoribus, duplex modus est. Aut enim periculum te premit solum, aut iactura. A periculo te vindicabis, multitudine stipatus, & tuorum diligentia, Principis familiaritate, humanitate, beneficiis in violentiores & insidiatores, remissione alterna gloriæ & nominis, tum spe discessus breui futuri vulgata. At si iactura sequitur conspirationem (quod in omnibus vtile fuerit) postquam beneficiis ac virtuti ac bonis moribus locus non est, suscitare oportet, factionem, atque diuisionem, & discordiæ semina moliri. Quod si periculum cum iactura coniungatur, sane stultum est, ibi esse velle, vbi nō possis esse alibi deterius. Vbi vero auctoritatem in arte parare in patria aliena velis, nihil melius, quam nobilem aliquem tibi amicum parare, qui faueat amicis, & cum pluribus versetur: & si non sufficit, alium accerere. Eos autem omnibus officiis ac beneficiis demerearis, idque gratis. Præcipua autem duo sunt in hoc genere vitæ: noscere mores ciuium, & artem (si artem calleas) absque offensa posse exercere. Primum quidem, velut Bononiæ quum essem, multa audiebam de moribus illorum (Bononiensium,) & quod fallaces: sed id verum non est, at id potius, quod ambiciosi sunt, & molles, vt facillime irritentur: vbi cœperint contendere, non æquitate aut moderatione ducuntur, sed superiores esse volunt, contra ius. Vbi enim offenderis illos, non cogitant, an ipsi causam dederint, sed immortale odium concipiunt, vt bifariam difficile sit cum eis versari. Alioqui magnifici, benefici, ac admodum ciuiles sunt, &



ornati. Summa igitur rei est, melli fluis uti verbis, pertinaciter iuri tuo inharendo, nec immerito causa labi. Nam quum in re ius nullum habeant, volunt verba quæ exciderint, iuris loco uti. Res sane admodum dura, præsertim infuetis. Quamobrem scriptis, quæ verbis, & sub iudice, quam inter se, alterari melius est. Sed hæc præcepta generalia ferme esse debent inquilinis quibuscumque, cum cunctis decertantibus. Optimum est etiam, socium habere ciuem: quidam enim ob beneficia accepta, quidam honestatis causa, alij ob auctoritatem amicorum mouentur: maxime qui extra patriam diu fuere. In vniuersum à iurgiis & minis abstinere admodum oportet. Id enim agunt, ut ex iniqua causa æquam faciant. Sed si operam exerceas mercenariam, difficilius longe negotium erit, magnamque conflabis inuidiam, aut iacebis. Quæ causa multi periere, esto igitur primo cautus, vitando nocturnas horas, conuiuia, ignotos: domesticis dona. Nec maledicas, sed maledicta refellas honeste, velut si dicas, Non potest, aut, Non puto quemquam à nobis dissentire, qui bonus sit, aut artem probe calleat. Pecunias accipies, non exiges: gratitate, ornatu, & promptitudine quæstum augebis. Periculosa blande aut tuto tractabis. Maledicta æmulorum contemnere te simulabis. Ostendas [te] non spe, sed gratia, amicitia & benefactis duci.

Quum in urbem aliquam habitandi causa te contuleris, priuata intra percurrere & condiscere, & similiter à præclaro aliquo causarum procuratore consuetudines, quæ ad te pertinere possunt. Et quum nullibi iusto plene consultum sit, sed pugnantia & ancipata pleraque sint, ob amplificandam arbitrij licentiam: velut Bononiæ si filius diripiat hortum patris, à villico abripiat triticum; vinum, impune est: Pater in vincula potest ducere filium: vtrumque iniustum. Est tibi filius malus, utere lege scripta. Raro enim contingit, paucisque in locis, ut non ex contrariis æquum habeatur. Sed hoc tecum statue, omni ætate, ac ferme vbique locorum, cuncta fuisse esseque confusa, ut iacentibus [tacentibusve] nil relinquatur, multis in locis nec repugnantibus, aliquibus etiam nec acriter repugnantibus. Hoc solum tyrannicum appellant. Confusio ergo omnia.

## CAPVT LXXXVIII.

## De procuratore in patria relinquendo.

Quo niam vero qui absunt procul, indigent in rebus quas domi relinquunt, Procuratore, aut res omnes transferre coguntur, eum eligere debemus, qui nec pauper sit, nec deses, aut improbus, aut qui coniunctus sit sanguine, aut cui plurimum debeas, aut qui in domo sua infantem filium tuum alat: Nam hi si non præstiterint [quod oportet], non potes tuto, aut honeste, aut omnino non potes [eos] cogere, ut neque potentiores, neque filios familias. Itaque quos non debeas eligere, perspicuum est, & à quibus cauendum, neminem autem debeas (eligere,) haud facile,

Optimum autem est, ut portionem eorum quæ exigunt, accipiant. Nam si annuam pensionem statuas, legnes efficiuntur, si nihil, etiam inertes: cui enim bono labor illis cedit? Cicero non parum deceptus est in Erote: *Eroti dixeram, ut sepositum haberet non modo, sed iniquissimo fœnore: vcrsuram facere Amelium coactus est.* Hic, pro quo viginti millia ciuium vestem mutauerunt, & cuius hoc erat proprium munus administrare, de iure agere, ministros quærere, vnum non potuit fidum Procuratorem inuenire. Quocirca neque tolerabilem repudiabis, si sapias, neque si bonus videatur, tu tamen vel indiligens esse debes, & non semper, non leuiter queri, sed ita, ut si ostendat recte egisse, negare non possit, questum te esse. Si recipiant, nil melius publicis personis, sed prius amicos habuisse expedit, non tamen omnes: sed optimi numularij, seu trapezitæ, magistrique cursorum, & in leuibz cursores ipsi, vel pro quibus si sponsonem fecerint.

## CAPVT LXXXIX.

## De Hospitalitate.

Non tollo hospitalitatis officium ex humano genere: rem antiquissimam, necessariam, plenamque voluptatis: sed hominem instituere propositum est prorsus commodis suis viuentem, qui neminem excipere debeat hospitio, quem non optaret perpetuo secum cohabitare gratis. Hi sunt coniunctissimi, simulque amicissimi; tum vero sapientes, & omnino probi amicitque: Iam tertium genus est miserabilium personarum, quæ tamen tibi intimæ sunt, ut à quibus nil incommodi expectare possis: Effet & quartum genus, ut par pari referres. Sed iam antea te docui, ut hoc caueres. Reliquum est igitur ut ostendam cur non recipere debeas: deinde quomodo impudentes tu prudenter repellere possis: demum, si modo cogaris excipere, quot & quanta tibi sint necessaria, ut honeste, & sine molestia id facere possis. Primum ergo ubi quemquam exceperis etiam tum oportune, hospitem perpetuum tibi facis, ut aliquando cogaris importune, & magno tuo incommodo excipere: iuxta illud:

--- An non mihi iure optimo

*Inuisus hospes, qui in tempestate aduenerit?*  
Deinde quot sycophantæ orbem circumeunt! Difficile est hominis mentem & consilia internoscere. Qui scis, quo animo ad te venerit? Et, si nihil tibi officiat, ne tuis quicquam afferat mali, quomodo cauebis? Alicum habes in domo: si, ut Enclio, aulam obserues, illum reddis pro beneficio [benefico] inimicum, iniuriam infers, si non obserues, omnia tua relinquis in alieni potestate, quum vix tuta sint in manibus tuorum. Memineris Plautini illius.

*Lupus est homo homini, non homo, quum qualis sit, non nouit.*

At Pol. qui sciens, qualis sit? quis animum intropiciat, præter Deum? Sed fac ut optimus sit. Nonne tamen interim res perit, commoda impediuntur; obseruat ille secreta domus tuæ:



tua: sumptus efficit domesticos minus continentes: nescis quomodo placeas: quæ tu maxime probas, ille vitio vertit, ut nimia luxuria, liberalitatem, aut sordida avaritiæ, parci-  
tatem, vel etiam frugalitatem. Quid dices: alius elephanticus est, alteri desunt dentes: hic omnia edulia fœde tractat, ille edendo, dum loquitur, exspuit cibi reliquias: alius ad ignem sedens, dum spuit, coinquinat cibos. Hic quid facias, rogo? Expelles ne hospitem, quem præstaret non recepisse? aut feres tam abominanda? Quid, inquam, dices de homine, qui vel ultro ad te venit ob sumptum fugiendum, vel [quem] retines inuitum, nulla gratia? Denique omnes qui (se) inuitant, & qui cupide accedunt, ferme malo id consilio faciunt, ut aliqua ratione hominem expilent. Quot exempla querelarum in hoc genere! Demophoon duplici scelere fœdauit Phyllidis domum, Iason Medæ. Sed mittamus fabulosa. Vide Ciceronem de Verre, in Dexium Tindaridarum. Philippus Macedonum rex Thessalos hospites suos sub hasta vendidit, etiam adiecto ioco. Sed quid nuper egere Hispani quidam, imo Proreges qui Reges Indos iure hospitij, fortunis, regno, vitæque crudeliter spoliarunt. Præstitisset pugnasse, quam aluisse; postquam nil deterius expectare potuissent. Quot in Italia, etsi minus sæue, turpius tamen, & ob religionis eundem cultum, & patriam, suos hospites prodiderunt! Tot quoque alia sunt in hoc officio incommoda: & si non aliud esset, id, (satis) esset, quod vno admisso, ianuam multis aperis. Prudentis (itaque) viri est, ne tentare quidem recipere quemquam alium: sed quoniam, ut dici solet.

*Turpius eiicitur, quam non admittitur, hospes.* Nomine hoc inani inhospitalis non reformidato, nihil melius est, quam obfirmare animum, maxime contra impudentes. Nam qui in viis publicis habitant, multas habent occasiones recipiendi hospites. Ut ego Bononiæ, quum sit in itinere Romam ex patria proficiscenti, simulque redeunti. Qui vero extra viam tritam (habitant,) iis deest causa se excusandi, maxime apud impudentes, quorum hospitium etiam grauius est. Ergo primum non inuitabis illos: in quo multi turpiter peccant, alij etiam sua arte deluduntur. Ergo è tuis vnus, si se inuitet quis (nam excusare & illud inane est, & humilioris animi, ut simul videaris velle verbis largiri, quod re ipsa neges: atque ita etiam id sine iniuria fieri non potest, ut silentium, velut dixi, melius omnia contegat) excuset te minus bene valere, aut magnum tibi negotium esse, aut multiplici causa impeditam domum, aut aduersi quicquam incidisse. Solent quidem apposite aliqui vulgari nomine dicere hominem magna esse in traualia: quod Latine (non ita efficaciter) turbationem seu curam, seu tumultum, seu vexationem, aut confusionem dixeris: sed ut omnia (ista) simul verbum illud [traualia, aut trauaglio,] ita vnum quodque minus expresse significat. Melius ergo est in his, qui amicorum sub numero sunt, anticipare, rein significando, non id adiciere cur non inuites: aut enim cogitur non semetipsum inuitare, aut tam impudenter inuitando locum relin-

quere honestiori excusationi, quam fuerit sua inuitato. Multa vero sunt huiusmodi specialiter, (quibus honeste excusare te possunt tui:) velut morbus Domini, aut domestici, lis, rixa, coniuncti mors, ædificatio, iactura aliqua insignis, detentio amici, defectus suppellectilis, nuptiæ.

Verum si cogaris omnino, ut turpe fuerit detrectare officium, sint primo, omnia domus ornamenta, & supellex abundans, vina, panis, & quæ in secunda mensa solent apponi. Præterea absint pueri, & femina iuuenes: adsint custodes fidi, senes prudentes, & iuuenes validi. Non adsint ægri; neque sis negotiosus, oportet, sed omnino liber, & de libertate securus: domus composita: diuitiæ, & ut quum absis, alij relinquantur necessarij. Præterea bonus coquus: lecti apparati, & commodi: ædes sumptuosæ: omnia ordinata. Horum si quicquam desit, turpius recipies hospitem, quam excusabis. Ob id ergo modus est quidam ciuilis, in quo morem hospiti geras, minore sumptu, & magis commode, nec tuas res turbes, scilicet ut permittas illum apud cauponem quamdiu liber (diuertere,) ut liberum illi sit manere, atque discere: admonito eo (caupone,) ne pecunias vllas sumptus causa ab hospite recipiat. Ea liberalitate vsus est Præsul Lexouienfis, vir valde prudens, vitans omnem turbationem domus, & molestiam meam meorumque. Siquidem longe liberius in caupona familiares mei verban-  
bantur, quam fecissent apud hospitem; præsertim non mihi alias cognitum, & præpotentem.

\*\*\*

## CAPVT XC.

*De Existimatione ciuili.*

**V**T vero apud multitudinem nomen tibi & auctoritatem compares; in arte quidem, quum multæ ex his opera sua oculis supponant, ac hominum iudiciis, artificis in his fauet [aut artificij] excellentia. At vero & in chirurgia plurimum potest artis illius præstantia: non sic in reliqua parte medicina: nec item in militari disciplina, atque alijs, in quibus ab euentu sumimus iudicium; euentus vero non pro artificis præstantia semper subsequitur, sed sæpe in arbitrio Fortunæ repositus est: quæ & plurimum deterioribus, fauet. Quapropter caute agere oportet. Quumque etiam in alijs prudentia multum conferat, in huiusmodi & prudentia & peritiæ artis opinio plurimum possunt. Porro opinio prudentiæ ex tribus generaliter sumitur, ut ait Salomon, incessu, ornatu, & verbis: quam sententiam etiam exornauit Hippocrates in Institutionibus medicorum, (seu libro De decenti ornatu.) Atq; in his tribus duo sunt generaliter obseruanda, scilicet ut morem sequaris aliorum, & ut mediocris sis, ac (ut ita dicam) modicus. Ne ergo vestibus vtaris à consuetudine alienis, nec immodici sumptus, aut pannosis aut alienis ab existimatione tua, vel arte quam prosteris, vel ætate, atque huiusmodi. Nec te iactes, aut omnino deprimas. Leuitatis enim alterum, alterum.



alterum stultitiæ argumentum existimatur. Sed habeas fautores, qui te laudent, euehant, antepoſant, egregiæ autoritatis, ac minime ſuſpectos, tum vero ad artem pertinentes: velut medico profunt pharmacopœ, chirurgi, obſterrices, tonſores, quoniam hi ſanguinem mittunt ægris ac cucurbitulas & hiru- dines applicare ſolent, atque alia huiusmodi. Adeo vero his fauere oportet, vt cauendum ſit ne vñquam illorum munera (aut munia) occupes; quod in Riario mihi ſollicitudinem attulit. Imo ſi quauis vmbra huiusmodi homines vocari iuſſeris, magnum afferunt emolumentum ad excuſationem, vbi res non pro voto ceſſerit, & vt bene cedat, auxilium. In vniuerſum, nil profunt literæ, ni tympanum pulſet aliquis. Infelix autem conditio (tua eſt) quum ipſe cogeris pulſare. Licet autem interdum ob neceſſitatem ſeipſum laudare, vel aliorum facta vituperando, vel quum aliquis indignus coram te laudatur: vel quum teſtimonium quæritur à te ipſo rei glorioſe peractæ. Porro temetipſum præponere alteri, niſi quorundam importunitate immerito irritatus (ſis,) haud licet. Præcipue autem caueas, ne ea quæ in arbitrio Fortunæ eſſe apud vulgus exiſtimantur, tui iuris facias: hoc enim ad ſtultitiam pertinere docuit Hippocrates (2. de Prædict.) Quod ſi non prædixeris rogatus, ignorantia ſuſpicionem, maxime altero ſocio prædicente, ſubibis. Quamobrem parcum eſſe oportet in prædicendo, atque ita prædicere, vt oraculorum reſponſa imiteris. Quid enim melius in vnoquoque genere, quam Deos imitari? Altera in parte, ſcilicet prædicendi, alium oportet fugere errorem, vt ne velis docere aſtantes artis rationem, ac diſtinctiones, ſed ſimpliciter ſtatutere quæ oportuna eſſe puras. At vbi hoc neceſſarium fuerit, vt cibationis hiftoriam quum conſtituere oportet, iuxta coniecturam indicabis, ſigno poſtmodum adiecto: velut tertia hora noctis, ſi ita è re eſſe exiſtimabis, vel etiam poſt, dices. Quum pectus tepeſcere cœperit, & pedes & manus eo fuerint calidiores, vt ipſe æger quieuerit: hoc eſt per nota aſtanti- bus, tempus inclinationis indicare. Si te aliqui plene laudent; tamquam aliud agens, diſſimula audire. Ad plenam enim laudationem nihil potes interponere. Adde tamen, quod quum in præſentem congerantur laudes, periculum eſt, ne irridearis, ſaltem aduſentur. Nec recites miracula, aut auguria, nec artis alterius ſcientiam profitearis, quam eius quæ te honeſte alit & ornat: Nam apud eos qui opera tua vtuntur, minus valere in propria videberis, apud alios autem contemneris, vt vanus. Et quum quis verbis bonis vtitur, opera metiaris, non verba, quæ illum neque liberaliorem, neque mitiorem, nec meliorem reddunt. Sed merita tua, virtutem, & conſuetudinem cum opere expende. Neque enim, niſi Dominus ſit, aliter obrinere ſperat.

Porro quum admirabile ſit, Iuris conſultos, quorum diſciplina eſt in opinione, tam exercendo, quam profitendo, iuxta eruditionem exiſtimari, quod etiam accidit Theologis: (Sic illos libenter audiunt diſcipuli, & ciuitatis cuiusvis Senatus eorum ſcriptis fidem habet.) Alius, vt Medicis, & Mathematicis,

quamquam in genere demonſtratio verſentur, autoritatis non tantum eſſe peritiis, neque in exercendo apud ciues, neque in profitendo apud diſcipulos, cauſam (huius rei) quærere decet. Ea eſt, quod regna titulo iuſtitia, ob contentiones, & religionis, ob populum, ſuſtinentur. Nam in vnum conuenire neceſſe eſt, quod vni parere debet: Si nulla iuſtitia imago ſuperſit, (ſit) ne vnus alteri hominum parere velit, vt ſolus tyrannus relinquantur. Vnde recte Cicero (lib. 2. De Officiis) etiam latronum collegia quadam iuſtitia ſpecie contineri dixit. Id igitur Iuris conſulti & Sacerdotes intelligentes, enixe operam (dant,) vt Leges & Sacram Paginam (quarum titulo ſummam potentiam adepti ſunt) in maxima æſtimatione teneant. Vna itaque conſpirant, communis commodi cauſa, & iuxta optimas interpretationes plerumque decernunt. Quo ſit, vt neceſſario tam imperiti negligantur, quam eruditi in pretio ſint. Quod cernentes homines, & omnia in horum arbitrio conſtituta, nec ſolum opes, ſed vitam, filios, magiſtratus, vxores, actiones, honores, quauis Principes ſint, his duabus diſciplinis non dedignantur filios eruditos tradere. Nam & præferri ob hoc humilimæ ſortis homines ſibi vident, & [non] numquam etiam imperare. Itaque illi ſtudent totis viribus, vt euadant eruditi, quum tales cæteris non ſolum, ſed ſummæ rerum præfici videant. Quamobrem nullis perſuaſionibus ab optimorum Doctorem quorumcumque (opinionibus) auelli poſſunt. Contra quum hæc potentia & honos aliis diſciplinis deſit, (non propoſitis eruditioni præmiis certis, nec ipſi diſciplinæ,) neque profeſſores vna conſpirant; nec ciues & diſcipuli ad eruditos confluunt. Id ſempiternum.

Qui munere publico funguntur, non vno modo peccant, ſi exiſtimationem non retineant. Velut qui quum profiteretur publice, voluit præſens aſſiſtere, vt diſcipulus, ægro. Quot autem modis peccauit? Primum prætermiſit mandatum Hippocratis, vnde non viſus eſt illius præcepta intelligere: deinde iudicio carere: ipſe etiam ſibi conſcius erroris, & ad quos pertinet læſa (exiſtimatio) erepro eis ſibi proprio munere, & lucro, (ipſi) maledicunt. Paſſus eſt etiam incommoda, & periculo ſe expoſuit. Inde ſi pecunias recepiſſet, pecuniarum cauſa feciſſe videbatur, ſi non recepiſſet, cui bono? Deinde ſi eo animo erit, vt ſemper ageret, ſeruituti ſe mancipauit, ſine fructu, quum alij ignobilioreſ medici victum & ſtipendium habeant: ſi vt (id aliis) denegaret, inimicitiam ſubiturus loco amicitia: præterque id, maximum ſubiit onus. Homines enim conſueti, iam ſua eſſe, ſibi promittunt. Deinde quod aliis ſi idem præſtare voluiſſet, & ſine pecunia, amentia ſimile hoc erat, imo amentia maxima, ſi pro pecunia, equus conductitiuſ præſtabat. Si denegaſſet, tot habiturus inimicos, quot fuiſſent illi, quibus denegaſſet, dum illius (vnius) tantum amicitiam quærit. Demum id ipſum, quod quærebat, ſuo facto minuebat. Nam fungens ignobili officio, minuebat beneficij exiſtimationem: quo imminuto, ille minus ei debebat, tanto, quantum ex opera & labore & aſſiduitate adiciere ſe putabat.



Et ideo hæc non licita sunt, nisi quum necessitas eleuat facti turpitudinem, & adiicit etiam bonam opinionem. Vt in magnis Principibus, rogatus, & vbi denegas, quasi coactus, honestius operam impendes ei, propter quem locum eum obtines:

In vniuersum vero apud omnes nihil magis facit ad existimationem, quam quod homo sit compositus: ad contemptum, quam vanitas, & dissolutio, seu quædam anomalia. Itaque quum accedis ad magistratum, seu potentiorum, mitte qui scisciterur, an liceat (introyre,) antequam eo vadas: forsan enim familiaris aliquis coram aliis te male excipiet: & si non id agat, ad neminem te conferre sine nuncio debes, à quo ostia non pateant. Nam si patuerint, tantundem augebitur existimatio.

\*\*\*

## CAPVT XCI.

### *De captanda apud Populum auctoritate, vel existimatione.*

**I**N adipiscenda quoque apud Populum auctoritate, illud tecum reputa: hominum laudem, gratiam nomen, amicos non secus atque ignem propagari. Principio enim sensim & spiritus & ligna subministranda sunt: vbi accensus fuerit paululum, foliis, & materia indiget: nihil enim tam breui propagatur aut extinguitur. Et quum iam in immensum crescat, vbi creuerit excoli debet: aliter aut inuadit vtilia, aut dissipatur. In ipsis initiis, antequam inuidia crescat, facile ac plurimum propagatur atque amplificatur. Non est curandum diligenter [vt] innotescas, sed vt pluribus. Fama enim & flamma semetipsas adaugent: vnusque & idem autor plurium loco, dum plures idem narrant, habetur. Sed non est committendum vt tota techna sit in tuis gnationibus: (facile enim detegatur, & conficta videbitur:) sed in re, atque in te. Propterea meliores sunt viri simplices qui hanc disseminant laudem tuam, quam callidi atque astuti. Nihil enim tam simile vero exacte fingi potest, quam quod ita esse creditur, ac verum esse existimatur ab eo qui narrat. Ergo aliquos simplices viros curabis, si medicus sis, iam persuasos, quod insanabilibus morbis laborent: Aut, si sculptor (sis,) donabis alicui effigiem suam, summa diligentia celatam. Eum vero eliges, qui verbis malit te recompenfare, quam pecunia. Huiusmodi homines enim peritiles sunt huic negotio. Si sis tonsor, musicus, vestiarius, faber, omnia apud Populum debent eadem ratione tractari: scilicet, vt noua aliqua inuentio ab imperitis extollatur, ita vt vera se dicere putent. Accensam hanc laudem propagari, atque augeri per proxenetas, adulatores, sycophantas, gnathones, parasitosque ac colluuiem omnis generis, curabis. Neque tempus intermittes, illud tecum reputans quod quum omnis fama, tum magis fauor vulgi, breui concidat, tum nihil celerius quam quæ falsa est, atque commentitia. Iuuat autem in omni huiusmodi negotio vestis selecta; & pluribus comitatum incedere: quod faciunt caussidici: tum

vero quod ad opinionem liberalitatis plurimum facit. Hæc autem opinio maxime Populum conciliat, terretque, ac suspensos detinet inimicos, posse ac velle multa dare; in paruis te liberalissimum ostendere, tum vero in gratia & officiis rependendis; aliquando etiam in magnis. Per tuos magna omnia & mediocria tractentur subtiliter, vt vitium in illis esse putent, aut, si mauis, parsimoniam. Denique illud Aristotelicum tecum considerato, duobus modis magnos euadere homines in republica: aut aliquo strenuo facto (velut Aratus apud Sicyonios, Nicoclem tyrannum occidendo; Alcibiades Mantineos in Atheniensium societatem trahendo; Scipio Africanus maior, prohibendo discessum Romanorum ex urbe: in quo obseruare oportet, ne gloria iam claros aut virtute, eueritas :) aut potentibus adhærendo. Quumque his non facta, sed verba & mores doceamus, hæc imitabimur, vt credant id nos posse ac velle facere, aliquandoque facturos, specie virtutis, & fortitudinis, gratia, studiis, verbis.

At vbi contingat munere publico fungi, id obserues, vt quam familiarissime eo vtî possis: veluti si orationem sis recitaturus, ne palleas,

*Vt Lugdunensem rhetor dicturus ad aram.*

Id fiet, si tam pertritam habeas materiam, eoque ordine dispositam, vt vndequeque tibi incipiendum fuerit, nil referre putes: tum enim secute recitare poteris: quod ego Bononiæ obseruaui. Neque plus diecula hoc exigit negotium. Sed versare in iam pridem cognitis. Sitque Latina lingua adeo in vsu, vt nec bene scias quicquam aliter proferre: & si te tentarint ea in parte qua minus vales, utpote quum medicinam profitearis, vt in Græcis literis, vt tacendo, vel respondendo æqualiter pericliteris, tum quidem ausculta, & respondeas, codicem te inuisurum, an sic se habeat, forsan errorem adesse. Et scriptis quidem pauca, & recte, & subtiliter differas, verbo autem abstine, ne vel pronuntiatione, qua non vales, te deprehendat, sed & minus studij præferes in paribus, veluti familiariter loquendo, quasi etiam Latinam ignores linguam, Italica vulgari respondebis: ornate autem vel in scriptis, vel profitendo, pariter in vtrisque. Ita magis videberis contemnere, quam nescire. Sed & illud caueto, ne ambitione ductus aliquid tanquam arduum proponas, quod æmulus vel per speciem dissolvere possit. Præstat etiam quæ aliena sunt, tam docendo quam scribendo, demonstrata dicere. De quo monitus sum per somnium xiv. Kalendas Decembris, anni MDLIII. exemplo apposito, de quæsito. Cur recta validiora sint: quod eadem die retuli in Paralipomena (lib. 19. sect. 1.) In explicandis etiam libris memineris quam personam subeas. Velut Grammatici auctoritatibus certare debent, qui scientiam Medicinæ profitentur, argumentis validis, ac strictim plura docebunt; qui exercitationem, longa verborum serie minutissime cuncta docebunt, & ordinatim. Nam tribus aut quatuor curationibus perfecte explicatis, modus insinuat pro vniuersis. Ideo etiam facillimo sermone (vteris) tum singula examinando nomina, rem, species, causas,



causas, victum, simplicia medicamenta, compositionem, modum compositionis, tempus, locum, quæ circumstant; quæ gratiam addunt.

Quum verò, vt dixi, in disciplinis non sit nec profitendo, nec exercendo debitus honos; quem occupant imperiti, quod inique oblatum est, iusta ratione sarcire laboriosum nimis, ac pœne impossibile fuerit, Quare fucus fucò oblinendus erit. Id ergo constat præceptis, vt cum æmulis summam adeo & ambiciosam existimationem retineas; cum ciuibus & discipulis non ambiciosam, sed summam solum. Præterea vt his quæ grata sunt, licet non vtilia, illos in admiratione & beneuolentia contineas: scilicet eloquentia in suggesto, & blandiloquentia in sermone familiari. Tum vero & vestitus, & gestus, & mores, omnia ad speciem. Vtile est etiam docere quædam minima, tamquam ad auctoritatem; vtilia tamen sint, licet parum: in vtilioribus autem, ea ita extollere; tamquam omnia reliqua sint nullius vsus. Considerare etiam oportet singulorum mores, vt ad communia præcepta confugas (cap. 47.)

Summum præterea prudentiæ argumentum est, in quo negotio versaris, ei totum te dedere: si prandes, in prandio; si moderis [agro,] in illius curatione (totus sis:) ita vt ad quamcumque rem te conuerteris, totum te conuertere posse videaris. Hoc enim ipso plane tu dominus esse, nec nimis hæreere alicuius negocii; & sui etiam diligentem curam habere, te existimabunt: primum ad prudentiam, secundum ad id, Ne quid nimis, tertium, vt tui muneris (memorem te) esse putent. Et id est quod maxime optant ægri.) Multum præterea iuuat, vt ex vno plura efficias: velut si ægros postquam inuiseris, vt ad te veniant cum matula domestici, iusseris; alia etiam additurus. Sic enim domum plurimi frequentabunt. Tum quoque ad eos qui consilium solum petunt, accedas. Humanæ enim res quum sint vmbrales, existimatione potius quam essentia constant.

In publica autem concione diuinum quiddam inest, quum vnusquisque sermonem intelligit, tamquam sibi proprie ad persuadendum accommodatum; vt etiam verba non eadem sint vni atque aliis, aut (quod bona Fortuna contingit) vt quisque in meliorem partem trahat (quæ audit:) quod etiam artis cuiusdam egregiæ opus est, contrariis causis, affectibus, studiis simul vt fauere videatur, aut quum audientium animi quod optimum est, ad se solum trahunt, vt hirudines: velut è diuerso, quum ob inuidiam & odium, solum vitia & maledicta animaduertunt. In omni autem huiusmodi [concione] vt quæ ad Populum, vel ad discipulos, memento quantum eminentia iuuat, tantum recessum illum à communi vsu, vt quasi diuinum quippiam spiret, etiam obesse. Ob id & qui non eminent, libenter audiuntur, dum fingunt sapientiam, & qui habent, dum dissimulant, remittuntque se, vt apud Poëtam: *Sermo gravior est viri imperiti plebi, quam sapientis; atque docti.* Vbi vero iam finem ac gloriam consecutus fueris, duo quidem maxime cauere oportet; tertium quoque haud negligere: Primum,

ne nouam existimationem, aut dignitatem aut gratiam aliquo insigni errore concutias, velut ira, auaritia, flagitio, contemptu potentioris, ingratitude, magna morum in deterius mutatione: Secundum, ne quasi pacatis rebus languescas, & eos qui tibi fauerunt, spe sua defraudes: Sed neque in eodem tenore permanendum, quo antea, quum rem agitares. Dici enim solet iniustitia parari (rem,) iustitia retineri. Ita (non) per eandem retinenda est auctoritas, per quæ parta est; sed mitiore modo, atque honestiore, quum necessitati locus excusationis non relinquatur, vt venustate, officiis, gratia, liberalitate splendoreque cuncta exornes. Porro quum videant plerique, potentes religioni deditos; id simulando & ipsi nomen parare arbitrantur, ficta religione, non tam impie, quam etiam stulte. Itaque desertis occasionibus, ab iisdem & vt simplices, & vt mali habentur. Quamobrem illorum more tum solum fingere oportet, quum nihil ex his quæ conducunt vitas, tum maxime eorum quæ in rem suam sunt. Hos namque contemnunt (potentes,) sed tacite, bonos appellantes viros, vbi illi se pro callidis volunt haberi.

Illud quoque animaduertendum, vt Præfectos & personas omnes publicas liberalitate tibi deuincias admodum: (velut ianitores, lictores, illorumque duces, tum histiones, ac sacerdotes,) & vt in contentionibus superior sis: conferunt autem etiam ad id (vt perspicuum est) magistratus, licitorumque duces. Itaque magistratus officiis semper (& vbi præstat, pecunia) amicos sibi facere expedit. Consuetudo etiam plurimum facit, & similia studia: tum vero & virginum sacrarum, quæ ea in veneratione sint, quales apud Romanos Vestales, auctoritate, sanctitateque. Præcipue autem hæc aduenis & humilioris fortunæ viris, licet diuitibus, sunt necessaria. Quæ autem mala sunt omnia, vilia, aut odiosa, per ministros, non per te ipsum, agas. Ob id domesticum habere oportet fidum, omnino fortem ac sapientem, qui vultu auctoritatem, & toga, & armis, præferat, comitatum à suis, vt decet. At ob id talem vt habeas virum; summo studio (si res non desit) incumbes. Namque [tales] non (vbique) præsto sunt; nec vbi opportunum est, illico parare licet. Et hi multa propulsant ante pericula: (eisque) auctoritas & existimatio seruatur. Cuius vtriusque rei commodum impensæ omni satisfacere potest. Denique nil aliud nobis superest, quam ipsum viuere, & bene atque honeste viuere: diligenter autem si studueris, illius (vitæ) commodis frui etiam licebit. Parum autem ad hæc munia, vt etiam ad reliqua, apti sunt Musici.

In quotidianis etiam tractationibus, quæ cum vtilitate sunt, nec tempus admittunt, ne tentaveris opinionem aliorum permutare, sed obsequaris; quod optimum factus esse reris, subiciens. Media enim illa ratio in actionibus fortuitis nec diuturnis optima est: nam velut instrumenta si tumultuarie corrigere properes, franges; ita & hominum errata. Velut si quis consilium in medicina requirat, vt petit dato, sed commune facito, melius fore, si lotium afferat. Etenim si prudens est, &

c onsilio



consilio tuo vtetur, & tu gratiam nobis: si perstat in stulta cogitatione, nil offenderis. At beneficando quandoque, dum consulis, rem sine fructu amittis. Demum, si studium sit quomodocumque posse in Republica, imitare Catilinam, vt sub virtutis aliqua specie omnia peragas quibus adolescentiæ ætas capitur, alea, stupris, conuiujs, factione, pugna, latrocinjs, iniurijs, laruis: post adulationibus, blanditijs, iocis, irrisione æmulatorum, scommatibus, donis, præterea summa comitate, & vultus hilaritate. Caue etiam ne irrites quemquam. Multi enim (maxime Bononiæ) etsi mansueti sint, reprehensi adeo irascuntur, vt inimici fiant manifesti: quare melius est, cauere, nec committere, vt tuo damno errent. In vniuersum, antequam plurimum in republica possis, iactatio etsi periculosa sit, est tamen vtilior quiete, persæpe necessaria. Quum adeptus sis potestatem, modum vnum & viam tenere oportet. Vbi obtinere cupis, iam auctoritate potens aliquid, antiquos imitare, qui dicebant omnia ignis aquæque concordia constare. Ita si potes Principes aduersarum factionum habere, omnia obtinebis, sed si etiam conciliare, & in amicitiam redigere, maxima quoque. Sic Cæsar Pompeium & Crassum, Lepidus Antonium & Octauium.

\*\*\*

## CAPVT XCII.

### *Artificum præcepta specialia.*

**S**ed & dum diligentius rem hanc prosequor, non nulla occurrunt præcepta, maxime artificibus, atque inter artifices medicis necessaria. Primum idest, vt quum ad aliquem accedimus, sedeamus. Multi enim stantes præcipiunt, inquirunt, lotia inspiciunt: quod & parum decorum est & ægrum offendit, dum fugam tuam meditatur, & anxium animum tuum cognoscit. At si sedeas, nec tamen diu moreris, animus ægri quiescit, & pacatius cuncta ages. Nec manibus gesticulaberis, nec multum contorquebis te; nec vestes extendes, aut contrahes, nec pedes eleuabis: nec celeri sermone vteris, nec iocaberis. Lætus (sis,) sed absque risu, constans in sermone, & facie ad ægrum conuersa. Pari ratione in alijs negotijs te geres. Alia etiam est habenda ratio iuuenum, senum, sacerdotum, virginum Vestalium, ac huiusmodi: vt etiam in detegendis corporibus. Porro nec execrari nec iurare decens est: sed sis in omnibus continentissimus. Alea non ludes: Crapulæ operam non dabis. A pollicitationibus abstinebis. Audies patienter quæ dicat [æger:] si ambitiosus sit, etiam admiraberis. Et vt semper necessarius videaris, mutabis singulo die aliquid, quod pro occasione in melius mutari possit. Si aliquis ad te veniat, qui ab alijs curari nequeuerit; & si ne vlli quidem illorum perfoluerit, aut tenuiter, non suscipe illius curam. Nam vel transmissus est ab alijs, tentandi gratia; vel non curatus est, quia negligebat: ob id etiam à te curari non poterit. Sed iube adducere medicos priores: ab illis enim condices, cur non sit curatus. Et si negat se id posse facere, dicas non curatum, quia noluit.

Tom. I.

nec aliud addes, etiam si roget. Ne quemquam ita effuse laudes, maxime vulgari virtute, vt vel irrideri se putet, aut existimationem tuam minuas. Nec factum turpe, vt si obdormiscas in concione, verbis excusa, sed te. Præter reliqua semper memineris, vt nihil in negotijs relinquant imperfectum: hoc enim turpis obliuionis est indicium. Velut cum collegis si consultaueris, memineris, antequam referas consensum communem ex æquo & ex qui negotio præest, & domino, post ægrum, si illi dominus sit, responsum dares: sed aliud atque aliud, pro personarum qualitate: atque ita tamen, ne discrepent. Non rem, quæ finem consequi non possit, amplectaris, & neque perdifficilem, maxime apud potentiores, nisi paratis auxilijs, vtpote chirurgo, pharmacopola, assistantibusque. Quod si res in contentione posita, & in principalibus domibus, si licet, omnino abstine: [in eo enim] plus longe periculi, quam vtilitatis. Si contingat in arte aberrare, morsque procul adsit, læto vultu in bonum verte; auxiliareque rebus pertritis, vt ex hoc erroris paruitatem coniectet. Si immineat [mors,] ægrotate te fingas, aut alio vocatum. Denique submittas qui affirmant, plurimos eo medicamento sanatos, huic nimis sero exhibitum. Quod ad propria attinet, vnaquæque ars suos sibi fingit mores: ælurinos medicina; leoninos militia; pinguentariorum paroninos, fœneratorum vulpinos; Magistratuum asininos; Regum aquilinos; vilium artium, & necessarium, vt cauponum, carceris custodum, lupinos; tonsorum caninos; lenonum coruinis; eorum qui à secretis Principum sunt, viperinos; seruorum agninos.

Duo præterea maxima in hoc munere, tum etiam in publice profitendo, quæ præterire non decet. Vnum ad maiestatem, & interpretationem; alterum ad inuentionem ac affectus mouendos. Et ad maiestatem quidem: quoniam Mathematica gaudent incrementis, (quod) minus decorum est, expolire, ac noua inuenire, & supperaddere oportet. Naturalia vero, Medica, & Logicas contemplationes expolire oportet, diuidendo singula, demonstrando, & exornando. Maximum autem opus est in diuisione, vt perfecta sit, & ad minima ordinata. Inde excultæ illæ orationes, minimo ambitu cõclusæ. Velut Petri Victorij in Poëtica, quæ numquam cancellos exit. Admirabile tamen in his est, augere partes, vt quasi intumescant, & amplificentur: quod Ciceroni primum, inde Demostheni conuenit; vt videatur peculiare facundiæ munus. Affectus vero (mouere,) misericordiam, & metum præcipue, vt in Tragædijs: at misericordiam facile est etiam in fabula: metum autem non adeo, quod non sit de præsentibus, vt in actione; nec de veris, saltem vt in historia; in hac enim magis metuimus; magis autem de nobis. Oportet igitur & narrationem, & apparatus supplere in metum, tamquam de nobis, de præsentibus sit. Vt in Oedipo Tyranno Sophoclis.

Quum ad horam constitutam non veneris (si quidem propiores prius inuisere præstat) excusationem à necessitate honesta sumes: velut si ad nobilem maximo in discrimine laborantem vocatus fueris. Et rursus, si, quum egeris

○ ○ cuncta,



cuncta, res male cedat, quod non ab initio magnitudinem morbi intellexeris, iube medicamentum exhiberi quod conueniat, quod in promptu non sit, nec exoticum tamen videatur; vt in ascite, oleum è sparti semine. Postmodum, testatus Fortunæ iniuriam, & medicamenti securam spem, substitues aliud longe inferius.

Summa ergo diligentia maxime in prima visitatione, vteris, inspiciendo, interrogando, & maxime de morbi causâ; & patienter audiendo ægrum narrantem, si validus sit: aliter admonebis, vt per astantem, qui illum curauerit, assidue hæc referantur: tum vero quæ acta sint, quæres ab aliis: videbis pharmacorum descriptionem: nomen astantis, qui illum diligentius curat, condisces; ad illum conuersus, omnia ordinabis. Quum redieris, non alia ab initio (quasi oblitus interrogare) requires; sed (si oblitus) aliunde per tuorum aliquem scire carabis. De his ergo diligenter interrogabis, quæ intermedio tempore accidere potuerunt. Denuo etiam explorabis quæ mutari potuerunt, licet non noua sint, vt linguam ac ventrem. Diligentissimus etiam sis in præcipiendo atque seligendo cibos, ac medicamenta. Namque diligentia circa sex versatur genera: rerum cognitionem, quantitatis & qualitatis illarum scientiam; numerum præcipiendorum, electionem illorum, & modum administrandi. In sermone sis blandus; tum etiam in auxiliis; vt quæ placeant maxime exhibeas delicatis; præcipue tamen iracundis, ac melancholicis. Eadem ratio in aliis, sed non adeo necessaria, vt in medicina. Et vbi amaris vti cogeris, ea dilutis odoratis condies. Pauca sint, percolata, feruida: nam fastidium non mouent, nec sentiuntur; celeriusque agunt, ac melius. In Medicina ergo quatuor quum sint excellentiæ modi: peritia artis, grauitas morum, diligentia, & sollicitudo; in vno horum saltem reliquos omnes socios excellere oportet; si potes, in pluribus. In potentibus vnum è iunioribus medicis prudentem præpone astantem ægro. Hoc enim est vtile ægro, & tibi gloriosum, & iuxta Hippocratis præcepta: Verum in tenuioris fortunæ ægris, sufficiet vt ille sapius eum inuisat. Siquis quod nescis commemoret, nec ad dignitatem tuam percunctari pertinet, &c. tamquam nescias, neque ad ægri salutem, aut pietatem: immunita enim autoritate apud ægrum & astantes, plus nocebis quam [vtile] sit quod commemoratur; incertum est; itaque cupidi potius est hoc, quam pij hominis. Quum proponunt aliqui auxilium non vtile, (nec) probum; si amici sint, non oportum esse dices; si æmuli, non totum; in vtrisque periculum ex morbo prætendens: vbi perseverauerint, melius iam habente ægro, non necessarium. Ita eludes petulantiam, ægro consulens. In suspitione autem veneni, ne dixeris venenum esse: multis enim hoc obfuit; sed caue: verum dic morbum pestilentem, aut materiam venenosam, cum ventriculi imbecillitate. Ea ratione adhibebis alexipharmaca: iubebisque hoc velamine vt soror diligenter degustet cibos, ac potus; vnumquodque vitium testatus in huiusmodi magnâ afferre noxâ. Ita non audebunt ministri (venenum propina: :) tum magis,

si eo prætextu & ipsi degustare cogantur.

In conficiendis autem libris, vt gloriam in exercitatione compares, illud animaduerte, quod qui perfecte in vna materia scripserunt, ab his quibus id argumentum conuenit, præferuntur. Velut Crantoris liber De consolatione in luctu; tametsi multa deessent; & Dicæarchi De Animorum interitu; quamvis opinio illa parum grata foret his, qui præstanti essent ingenio, & immortalitatis cupidi: imo quasi naturali affectui aduersabatur, contraria legibus, inimica bonis moribus, odiosa exemplo. Et quamquam pauciores legant, ob argumenti tenuitatem, plus tamen obtinent autoritatis, quod quidquid dici in ea causâ potuit, dictum putent. Eligere ergo materiam decet quasi familiarem, & leuem, quæ tamen in omnium vfu sit, non admirandam, aut raram, sed velut si quis de Ptisana scribat, vel de Capitis dolore, aut Lienis tumore, aut Febribus pestilentibus, aut Hydrope, nihil aliud loquatur, nihil aliud sonet, sed in eodem perseueret, donec vnicus ea in causâ habeatur. Vbi eo peruenit, cuncta ad id genus deducat. Sed non sit ridiculum argumentum: velut qui morbos omnes ad fascinationem retrahebat, iubebatque cribrari omnium ægrorum lectos. Sed quid poterat aliud miser, vt qui omnino literarum esset imperitus? Quantum ergo apud vulgum addebat in opinione, tantum sibi de vera gloria apud omnes præstantes viros, non solum artis peritos, detrahebat. Sed (vt solet contingere) multi prudentes viri compelluntur stultorum iudiciis acquiescere, permittereque sycphantam in suis etiam & de suo debacchari. Adeo violenta res est opinio imperitorum: quæ falsa quum sit firmior est prudentium vera. Itaque numquam intermittere oportet, vbi cœperis, tympanum pulsare: & ex vno in aliud transferendo, fac vt noni semper aliquid afferre videaris, turba, moue, concute. Tametsi pleraque falsa sint, cogita quod falsis omnia debentur humana, & regna, dico, & potetia omnis. Hic liber *PROXIMATE* est, non de recta viuendi ratione, atque diuina parte, ac summo bono. Denique si verearis, alij id facient, tu vero illorum scelere iacebis. Nonne ergo licet dolum dolo, technam technæ, flagitium flagitio opponere, vt tesernes meliorem, non vt alios perdas? Expergiscere ergo, vt tibi non desis: sed primum (quod illi non habent) bonis artibus instructus sis. Sapiens ille ac tam laudatus Socrates eo tendebat, multis fultus prædidiis, innocentia, fortitudine eximia, temperantia singulari, tolerantia admirabili, prudentia maxima, officiis in amicos gratuitis. Itaque sine arte, sine opibus, ac sine nobilitate, nullo facto egregio, ac sine magistratu tantum profecit, vt priuatâ quandam tyrannidem exerceret. Licuisset, vt dixi, si ad priuatam vtilitatem isthæc tetendissent: at postquam ob gloriæ inane studium, maluit fructu carere, atque alios docere, tamquam medicinam, aut architecturam tractaret, non fraude, nescio qua laude dignus dici possit. Est etiam finis in huiusmodi quidam constituendus, ne semper colligas, collectis numquam vtaris, idque merito obici possit:

*Semper auarus eget: certum voto pete finem.*

In prædicendo paucis agendum est medico.

Sunt



Sunt autem sex modi; quorum extremos vitare decet, nisi omnino tuta sit prædictio: in pæne profligatis. Modica spes; ne dixerim, prorsus conclamatum: in mitiori. Non magna spes; non tamen conclamatus: si secus, Difficillimus est morbus, etsi non sine spe: in meliori, prædicas iuxta Galenum: quædam autem parua delicta excusare, quum res secus inclinauerit, tum conqueri, & antequam apud præsentis spes decadat, plus quam cauti est. Quod si etiam te prædicente mortuo egro, querantur, quum non primum vocatus sis, dices, Si primum vocatus essem, & seruatus fuisset, vos errastis: sin secus, magnæ est Fortunæ bonæ meæ, quod non vocer. In militari autem disciplina, in nauigatione, in lite, quoniam magis consilio peritorum euentus subiicitur, dicere oportet, quid contingere soleat, verum non esse. Nota quæ alij habeant, aut quibus innitantur: Multum quoque posse Fortunam, aut gratiam.

Galenica ergo prædictio (De constit. Art. Med. c. 18.) duplicem habet finem. Vnus est, quum in cura fueris, sperauerisque ægrum posse seruari, vt tum dicas, Galeni nomine præterito, Etsi non tutus sit noster æger, spes tamen magna est, eum seruari posse, si in nullo fiat error, & nil notum superuenerit, nec casus aliquis, & æger in manibus meis fuerit. Alter est, quum superuocatus cupis retinere curam; tunc dices, Sperare salutem: sed Galenū hoc imperare, ne medicus prædicat quemquam seruari debere, nisi his conditionibus, vt in nullo delinquatur, nec casus aliquis superueniat; & æger in manibus prædicentis manserit. Propterea nec nil posse firmi prædicere. Neque enim præstat moriturum seruandum dicere, quum is in manibus inimici sit. Nam dum alium damnare studes, te ipsum deteriore facis, & omnino deceptus videris: quandoquidem prædictio non ad solum morbum; sed etiam ad reliqua referri debet; & illius gloria est finis, scilicet veritas. Cætera magis possunt excusari, quam quod laude digna sint: imo nec vt eam parere queant.

Quod vero plurimum in huiusmodi prodest, ita difficillimum ( præcipue claris viris ) est, vt coniunctarum artium potentissimos sibi adiungant. Namque vt senes [ adultioresve ] plantæ inferi alteram alteri non patiuntur, sed senior, iuniori, aut si vtraque iuuenis extiterit; ita non facile cohæret famosus procurator [ iuuenis ] seni iudici; aut medico [ iuueni ] senex pharmacopola. Plurima enim obstat, quoniam plurima desiderantur, quod potens sit: tum vero existimat, debere te illi, non illum tibi, obsequi. Eorum etiam consuetudine omnes illorum æmulos atque inimicos in fensos tibi reddis; amicos non itidem [ illius tibi concilias, &c. ] Deinde vt amicos efficias, & hoc arduum: existimantibus illis, cogi, si te receperint, relinquere quorum consuetudine potentia sua coaluit; amicos senes, notos, cum quibus tot fanda nefandaque perpetrarunt; tum etiam [ tot ] candidos dies cum voluptate exegere, huiusmodi homines [ inquam, ] ignoti viri causa ( sis quantumcunque artis operibus & nominis gloria excellens ) exigere è domo, durum videtur. Sed etsi te vt amicū exceperint, durius est, vt gloriæ, vt operi-

Tom. I.

bus, & existimationi tuæ faueant, reclamantibus tot amicis eorum. Quod si non efficiant, tantum abest, vt utilis sit horum amicitia, vt etiam plurimum sit obfutura; cunctis, te eorum ( in arte qua excellere putas ) damnari iudicio, atque destitui, qui & sapientissimi sint, ob ætatem; & quorum iudicio acquiescendum sit, ob potentiam; quique nulla alia causa, quam tuamet te deserant; quum iam tu ex professo in amicitiam eos exceperis: denique quod, quum gloria & sapientia, & nominis celebritate velis videri alios superare, non solum præcedere, auxilia ab inferioribus quæras. Quas ob causas multi hoc genus reliquerunt. Nobis autem quibus artem perfectam tradere in animo est, non ita licet. Sed & ad hoc ipsum, seu necessitatis causa, seu commoditatis, deueniendum putamus. Necessitatis quidem, corruptis illis grandi pecunia per amicos: omnia enim iura illi cedunt. Nec donare bonum, nec tutum aut honestum; sed vtendam tradere. Idque factum est à pluribus & sapientibus; beneque cessit. Commoditatis autem, quum in potentis diuitis communem amicitiam, verum valde vtilem, incideritis.

Vbi denique cum pluribus fueris, ne clam etiam alios damnes, nisi iam finem ex voto consequutus. Primum quidem, quod plus iuuerit ad famam & beneuolentiam comparandam, te strenuum ostendere defensorem incolunitatis eius, quam sociorum accusatorem: Deinde quod existimabunt iactantiam in te, vel improbitatem, aut vanitatem, aut inuidiam [ nullam esse: ] Tum vero, quod si per te adiuetur æger, minus iniquo animo feret, etsi intelligant à te accusari ( se, ) experimento illos damnante. At si pereat, aut causa vincantur illi te oderint maxime, & nullibi sociū admittent, tamquam inimicum ( optimum enim est in his amicos habere; ) domestici vero non laudabunt, aut minimum, non solum quod non habebunt quo te laudent, & quod cito gratia senescat: sed quod in omnib. odium plus possit amicitia, & iniuria viuacior sit beneficio. Ob id studiose exitum rei venare in vnoquoque: In Medicina ex quatuor precipue; Natura, Morbis, Vrinis, Generalibus; velut pestilentia, mutatione à consuetis, & motu, quum is etiam doceat nos respirationem, quum recessus à naturali exiguus fuerit.

Præterea, si mercedem minuunt, non laborem, auaritiam, aut paupertatem significat: si laborem ( minuunt, ) non mercedem, magnificentiam cum contemptu. Abdica igitur te: nam ( hoc melius est, quam relinqui. Si laborem augent, non stipem, existimationem bonam indicat, cum auaritia, vel inopia: Si præmium ( augeant; hoc ) optimum est ad existimationem: si tum augeas laborem, non rogatus, existimationem minuis, tamquam indignus sis auctione illa; vel quod auaritia ductus, non præstiteris quantum potueris. Mutata igitur forma, summam adhibeto diligentiam. Si augeant pecuniam & laborem, suspiciunt, & auarum te existimant. Si minuunt vtrumque ( dicam autem de hoc suo loco, ) hoc ex auaritia contemptum ostendit.

Siquis persoluat pro facultatum multitudine, operam & diligentiam illi præstabis summam; sed diuiti ornatum etiam, unde

O o 2

plus



plus temporis : si minus , quam pro ratione debet , moneto tacite ; si perstiteris , optimus es ; si non teneris ; relinquere inhumanum & inutile. Fucum pro tempore adhibe.

Vbi in pæne perduto [ ægro , medico ] alium quærunt , tum auxilium durum , diuturnum , optimum propones ; & spem meliorem , si obseruet. Si ambo in cura manebitis , & non mutet , probauit ; si sanatur , laus tua est ; si pereat , nullum dedecus : Si mutet , quum sanari non possit , [ dic ] semper id prædictum à te ; & mutatione , spem quæ ambigua erat , amissam : Eadem , & euidentiora , si à curatione excidas. Licebit enim dicere , vel errasse in curatione , si tecum bene præsensit ; in spe aut in iudicio , qui moriturum proposita spe salutis ab alio , curandum suscepit.

Quod si potens aliquis vir à te petat auxilium difficilis morbi , id agito quod Perusinus chirurgus , Cardinali potenti , vt illum liberaret à fistula , cuius os erat angustum , & prope anum ; respondit , Curare possem ; sed præstat linteis vino madidi , ad renes ac lumbos applicitis sinere : Hoc dic , Nil profunt [ auxilia . ] Persuasit se non ignorare modum sanandi : spem iniecit , quasi hoc ipso sanare posset , quod aliquid melius doceret ac præstantius sanatione ; & se à tadio difficillimi negotij liberauit.

Et quamvis multi , sine tot præceptis ad summos honores euecti sint sola garrulitate , tum incredibili sollicitudine , & multitudine auxiliorum etiam periculossimorum ; tum audacia fœda , qua meliores multo se obtundunt ; contemti nihilominus , præter impietatis summum crimen , tribus maximis etiam incommodis afficiuntur : primum , quod maximis periculis se exponunt , quum etiam aliqui eorum pœnas dederint stulti propositi , & scelerata audaciæ : secundum , quod non sufficere possunt , semet propriis consiliis impediunt ; tertium , quod immensis laboribus seipsum interimunt , vt plerique eorum ante perfectam ætatem pereant : omitto quod male audiant ; semperque exiguis præmiis remunerentur ; & quod sæpius contingat , illos in eos animi affectus incidere , vt pigeat non solum arti initiatos esse , sed in hanc lucem vniquam venisse.

Res mortalium ex minimis principiis maximos effectus fortiuntur : ideo parua contemnere non decet. Veluti in principibus singulorum dierum acta & euentus scribere , horasque in cæteris , morbi naturam , symptomataque ; vt si te pro quouis reuocauerit [ quis eorum , ] visa tabella , possis dicere , quæ tum illi contigerint. Vnde maximam fidem apud illum inde ex illo apud eius amicos consequeris. Adde etiam præcipua , ex quibus sanatus est.

Vbicunque fueris , sed præsertim in aliena vrbe , considera semper finem , & personam , & statum eius ( diuinorum tamen præceptorum prius memor . ) Nam potentes tuto & blande tractari volunt pauperes cito , & paucis impensis sanari. Si ergo morbus non vrget in potentibus , etiam si spes sanationis ab blandiretur diuturni morbi , non solum periculosa [ medicamenta ] vitabis , & suspecta , tum infamia , sed etiam non vulgata ; neque multitudinem augebis , sed numerum. Hoc enim est extra aleam infamiæ & calumniæ , & tutum. Quod si spes sit omnino ; & illi petant , rogent-

que , protestaberis ; prius expertus in exigua quantitate , Si volunt , recipito. Si morbus vrget , non sine sociis expones te casui. Si his nõ seruatis , affligitur æger ex medicamento , dolore , vomitu , animi deliquio , anxietate , fluxu ventris ; aut si ex importuna venæ sectione periclitatur , deficit , dum laborat , præfidiis solum vteris , verbum nullum proferes : quodcunque enim protuleris , obesse poterit. ( Memento quod dixi , propriam vocem contra te , non pro te , testem esse . ) Vbi euaserit , prædica vtilitatem , in risum conuerte ægri timorem ; negligentiam , socordiam , errorem ministrorum ; aut pharmacopolam , quasi aliud egerit , quasi per admirationem commemora. Quandoque iuuat dicere , se præuidisse , sed noluisse dicere , ne vel terror augeret vel [ à pharmaco , &c . ] abstineret. Multi vero curant aduocari in alias vrbes , vt maiore cum gloria redeant in propriam. Estque ars singularis tum industriæ tum vtilitatis.

Si aliqui se fecisse aut facere posse iactent , quod tu non feceris , dicas miscere illos ; quod in Italica lingua melius exprimitur : ( emplastrare enim vocant , non curare . ) Præterea eos qui multa agunt , mimos exprimere , qui magnis gestibus significant se multa agere : quum tamen loco non moueantur , nec quicquam agant ,

Vt vero aliquos serues , & medicos minus offendas , ostensa ratione tuta , votoque tuo clare declarato : si persistent in epicrastica , dicas , maxime quum amici sunt , Si igitur confiditis , posse illum euadere , pergamus , tumque tale studium diligentiamque adhibeto , vt ex opere optent se secutos iudicium tuum. Relinques illis iudicium , an possint aliquid indulgere. Sed hoc non potest facere nisi sapiens. Vbi ad ægrum consulturus accedis cum improbis sociis , vide an mansurus in cura. Si sic , omnia ostende , per quæ res inclinata videatur : sed prius ostenso morbo , causisq; eius. Sic enim audientibus videberis prope , & melius sociis , rem tenere , & si antea vocatus esses , plus potuisse proficere ; & , si obeat , non solum à culpa casus , sed aduentus tui ( cui improbi solent malos successus imputare ) te liberabis. Sin solum ea vice consulturus sis , bonam spem iniice , alacriter illos laudans : seorsum autem dicas , si sanari potest , bene processura , si recte egerint ; nam vera dicis : si non existimas posse sanari , responde , ab initio , morbum eiusmodi te credere fuisse ; nunc per tot [ dies ] lapsum ægrum , nescire quid pronuncies. Sed si fideles viri sint , quamvis imperitissimi , ab omni furo caue. Neque enim boni viri est officium , nedum optimi ( quanto minus Christiani ? ) in salute periclitantis versute agere.

Cauendum est etiam , ne hominum siccorum consuetudinem in eas , etiam si enixe rogent , nedum vt te insinues , vel insinuari patiaris : nam si feliciter cedat res , adhuc illis debere videberis ; si infeliciter , te funditus euertent. Magna pro felicitate ducas , huiusmodi hominibus non congregari : si cogaris , blandis verbis vtaris ; extorqueas quantum potes , nil plus gratiæ consecuturus ; & estimationem quantum potes , retine. Hi sunt ambitiosi simul , & auari , & plurimum ac scite persuadentes. Est & aliud siccorum genus deterius ,



terius, qui multis verbis agunt. Committunt medicos inuicem, lucro ducentes, si illi maledicant vicissim; hocque deterius est priore. Verum his respondebis, te qui dent pecunias multas, & verba multa non inuenisse; qui pecunias multas, & pauca verba, optimos esse; qui autem verba multa, pecunias paucas, hos contra pessimos: & eos statim relinque; aut, si non licet, in posterum tecum statue, ne amplius accedas.

Refugies agrorum curam, qui breui fanari volunt: [ & ] qui dare pollicentur, quum euaserint, ominosa enim res est, & cum stultis negotium. Stultos improbis, & ossa canibus relinque. Similiter & ambitiosorum, sed pauperum, & siccorum, & violentorum [ genus est: ] in quibus bonæ Fortunæ munus perit; malæ euentus, perpetuæ querelæ obnoxius est. Quamobrem hos deuita, & summa cum grauitate eis congregiaris: fac etiam ut intelligant, quam sis occupatus in artis operibus. Socios quoque imperitos & improbos, sed præcipue contentiosos, fuge. Solum enim tuo infortunio patēs se tibi videri posse sperant. Numquam litigabis: sed statim abi; præsertim si moriturum [ ægrum ] intelligas; hoc solo dicto, Galenum recte de hoc censuisse: si locum postulant, dic tertidecimo Methodi, capite decimoquinto. Quum vocaris ad consulendum, hominum conditionem, & ægri morbum, & quid à te postulent, intellige. Si enim ad consulendum solum; explica modum & causas diligentissime: propone auxilia & communia diligenter: reliqua succincte: nihil celando: verum neque laudando, neque vituperando acta: nec tua extollendo, neque eligendo: quum incertus sis, quid præstantius: atque ita nec illos docere cogeris. Abstine à prædicatione, causam si requirant, Galenum dic prohibere. Ex Promptuario loca habes. Publice fac ut omnes sciant, experimenta deberi consiliis in scriptis, aut curationi. Si tamen pro conditione persoluant, doce: sed coarctata ratione. Sic enim conqueri non poterunt conjuncti ægri, nec medicis esse vsui. Sin autem ad curam vocaris cum aliis non prorsus malis, fac ut scias per quem vocatus sis, ut tua beneficia prædicentur, quæ illi significabis: & si iniquius agant, errores eorum detegantur. Ne deferas ægrum, nisi omnino recta pergat ad salutem: nam vbi reciderit, si mali sint, numquam curabunt ut reuoceris. Ne vnumquam verbum illud proferas, Seruassē, si in manibus meis fuisset: præterquam enim quod inuidiosum est, est etiam vanæ iactantiæ indicium. Multa possem hic adicere, præsertim rationes eorum quæ dicta sunt: sed summa grauitate medicus plura asquitur, quam tot præceptis, quæ partim obliuioni ( & maxime sub occasione tam præcipiti ) traduntur; aut mutuo se impediunt, ut iudicium de his ferre haud liceat; & omnino, si grauitas desit, illa etiam non sint suffectura. Consistit autem grauitas non solum in verbis, & ornatu, & gestu, & incessu, sed etiā in contemptu rei: quæ autem adscripti, & de præceptis, & de præceptorum rationibus, pro exemplis indagandi ea quibus opus est, adiecta sunt: nam ( ut alias docui ) plus est in nudo [ sine, vel modo ] per collationem, & di-

uisionem, & resolutionem ( à sine siquidem infinitum, aut infinito simile ) quam in innumerabilibus præceptis, aut præceptorum causis assignandis. In profitendo autem partes has septem, aut ad summum octo, imitaberis: continuationem verborum, declarationem, sententiam, demonstrationem, amplificationem, limitationem, & dubiorum dissolutionem. Epilogum sunt qui addant: ego non vtor. Forte autem à lectione garrulus te aliquis discipulus exagitabit, turbas ciens, ut scire videatur. Studium enim discipulorum hac ætate magis est contentiosæ doctrinæ, quam solidæ; tum quia facilius eam adipiscuntur; ipsi autem molles admodum: ideo contentiosis operam dant, quoniam ad certamina conducunt, quorum ipsi sunt cupidi: procedunt enim captiosis quibusdam ac futilibus distinctionibus: & ob id etiam maxime amant doctores qui illis prompte satisfaciunt, quasi eruditiores, & magis obsequiosos; quum tamen huiusmodi viri ad opera ipsa sint inepti: nam opera Artis, Naturæ operibus quam simillima esse debent: at hoc præstare est difficillimum, ut in pictura plastica & scultura: ideoque indigent studio longo, & cogitatione, & iudicio: quæ omnia è regione pugnant cum horum doctorum ingeniis. Huiusmodi itaque garrulo ita respondebis. Non intelligo contra quæ inueharis, contra quos dixeris, quem oppugnare velis. Pudebit enim forsitan; aut pigebit in posterum. Tum vero, si male recitet, respondisse sufficiat: Non hoc dixisse me, meminim: modeste [ autem ] illius redargues imperitiam: Si recte [ recitet, ] te multo labore leuabis; facilius occures, & quam paucis importune garrientem proprio suo inuento fatigabis.

Generaliter autem sic habe: In quacunque vrbe fueris, vbi nondum familiaritatem contraxeris, quinimo sis medicis odiosus, quum de aliquo ægro, ad quem vocatus sis, bene speras, dicito illis, An fiditis in me perfecte? Si affirmant, dicas, Quid opus est illis? nam hi sine me egerant; par est ut ego sine illis: certum est, si adsint, curaturos ut non sanetur, nec non magis se ipsas, quam me, diligunt: si concedant, ac ut sanetur, in præiudicium eorum est. Dubio procul res ita se habet. Sed [ hoc ] non agendum, nisi in his, qui vel ob pauperiem excusare possunt se de multitudine medicorum, vel quia ob virtutem cum potentia coniunctam, ab insidiis omnino tuti sint. In aliis oportet, ut qui omnia potest, id agat: ut ex præscripto tuo singula faciat: in reliquis, si petant, in quibusdam impedimentum; in aliis ægri voluntatem; in aliis, obliuionem; in quibusdam casum excusent, donec sanetur: multorum & ipsimet obliuiscuntur. Si quis astantium neget peracta esse [ quæ mandata sunt, ] ablegetur, inuenta occasione; aut, si potest, emittatur. Præcipiatur ante, ut nemo respondeat, nisi ille, aut quem delegauerit ipse. Ob id astantes si quis est emittatur. Ob id Bononiæ hoc munus difficillimum exequi est. Excusabit autem mortem ægri, ex prædicatione superuenientis medici: quod etiam faciet ad suam securitatem. Sed si illi te aduocauerint, omnino non procurantibus medicis, si recte, recte; si, ut te euerant ( quum neque solus possis curare, neque



cum illis seruare) inofficiosum tentare vt expellas; sapienter cum illis ages: si exequantur, sanabis; si non exequantur, facta protectione discedes; sanandum, si illi non defuerint, admonens. Si dicant, Cur ergo discedis? quia ex præscripto non agitis: res autem est in præcipiti, vt quemcunque errorem (dicit Galenus decimo Artis curandi, iuxta finem) feceritis, æger sit periturus: ideoque alienum factum, seu sua mala fors, mihi imputetur. At declinent te, non solum aduocare, sed admittere. Hoc est minimum malorum, quæ tibi possint contingere in hoc casu, nam aliter agentem nec alij, nedum ipsi, te vocabunt. Sic vero saltem fama salua erit; & ideo ab alijs vocaberis. Sed pugnandum erit. Vita nostra militia est: Melius est, vt etiam in bello, pugnantem cum illorum inuidia cadere; quam insidijs, eorum autoritate aucta. Quum vero pictoribus atque statuariis, tum fabris atque vestiariis ex operibus quæ sensus ipse diiudicat, sicut & architectis (sed his cum rationibus manifestis) ex arte gloria solida accedat, geometris autem & arithmeticis, propositis in interrogationibus, tum problematibus, tum theorematibus; musicis quoque ex cantilenis, & dum canendo reuocant aberrantes: iuris consultis ex iudicio iudicum, & victoria causarum, quibus patrocinati sunt, constanter faueatur: soli medici, & maxime professores, omni auxilio destituuntur: quum ægrorum exitus mille modis turbari possit; nec sint morbi, naturæ hominum, atque ætates inuicem similes; discipuli vero, qui audiunt, animi fluxi, ob ætatem, & imperiti, & qui mille modis alliciantur, aut artibus auertantur. Ob id nulla est disciplina, quæ maiores patiatur errores in æstimatione peritorum: nulla minus patrocinatur suis studiosis, nec fauet eruditjs. Vnicum præsidium est in gravitate morum repositum: sed fallax, quod à quouis etiam imperitissimo usurpari soleat. Si res ad disputationem redigatur, vincet clamosior: sublatum est è scholis gymnasium. Vnum est in tempore auxilium, quo maiora emergunt; aliud in autoritate sapientum Principum: alterum mihi inutile futurum: alterum in eorum manibus constitutum, à quibus si deserar, hoc solum relinquetur, conscientia recti: quæ consolari debet eum, qui Deo (non sibi ac voluptatibus) viuit. Nam de Principibus ipsis, quod fallantur in præferendo & ipsi, liquet. Quum enim septem sint conditiones, quibus medicus præferri debet: vt sit bonus Philosophus, Dialecticus bonus: exercitatus in artis operibus, atque studiosus librorum, bonus Mathematicus, calleat dissectionem corporum humanorum, eorundemque partium vsum teneat: quod si etiam cum his simplicium medicamentorum peritiam habuerit, & literas Græcas, melius erit: Principes eos elegerunt, qui has duas vltimas duntaxat callerent, cæteris neglectis. Sic Linacrum rex Anglorum, Cōpum & Ruellium reges Gallorum: Ferrarensium reguli Leoniceum, Manardum, Brasauolum: (hic solum adiecit Dialecticam:) Germania Principes Cornarium, Euchsum, atque Matthiolum, herbarios potius, quam medicos. Constat enim antiquo tempore etiam alios fuisse herbarios, alios me-

dicos. Meminitque Hippocrates Crateuæ. Sed quod laudi fuit ab initio, elegisse peritos linguæ Græcæ, velut Leoniceum, quum medicæ disciplina adhuc latitaret apud Græcos: nunc stultitiæ tribui debet, pædagogos eligere, medicorum loco. Ideo non nisi prius sublato tam pernicioso & turpi errore, ars ipsa & artifices præclari, pristino candori atque dignitati restitui poterunt. Nunc autem, quum sint medendi tres modi: Empiricus, qui pessimus, & ex quo, sine cognitione causæ aut differentiarum morbi, transeunt ad dissimilia, putantes ad similia transire: & Rationalis, qui optimus est; hunc nemo aggreditur: sed ad Tentandum se conferunt; existimantes hunc esse certissimum modum, securissimum, & optimum; quum tempus terant, protrahant morbum in immensum, & (quod maius omnibus est) non possint mensuram rei exquisitam adhibere: quod in Rationali cura est optimum: nam & celeriter & facile sic, ac cum ægrorum commodo & voluptate, sanitatem adipiscuntur. Eo ergo res medica traducta est, vt veluti per cæcos exploretur iter. Atque hi etiam sunt, qui optimi habentur. Vide quid de alijs censendum sit.

\*\*\*

### CAPVT XCIII.

*Vbi Fortuna votis aduersetur, quid agendum.*

**A**T vbi res non magna est, sed existimatio vulgaris ex opere quæritur; quum vero cuncta peregeris, sed maligna Fortuna reddit eos ingratos; tunc ex aduersa captare oportet vtilitatem. Excusata enim temporis angustia, & munere tuo perfecte peracto, vni ex tuis familiaribus ex arte illum committe. Sic enim dignitati tuæ consulēs; amicum euehes, & illius [ægri] salutē prospicies; ille vero, in quem res traducetur, curabit vt autoritas tua augeatur, & beneficium beneficio penset. At si recusare non licet, & temporis angustia premeris, legitima excusatione facta polliceris diuturniorem moram in posterum apud illum: illum quoque alicui ex amicis commenda interim, qui sint artis participes, pharmacopola, tonsorive. Summam vero ostende diligentiam, vbi negligentia periculosa est, vel ob morbi magnitudinem, vel nobilitatem, vel si pater adsit. Eos vero qui sunt artifices, velle scire aliquid, nec posse, decet quandoque: nam ad gloriam hoc pertinet; vt si medicus male canat, iuriconsultus male oret. Vt contra, laudem mereri in alieno negotio, turpe est. Vituperatur Nero, quod citharam pulsaret bene, & caneret: & Alexander ab Apelle reprehensus est, quum de pictura differeret. Itaque velle profiteri quicquam extra artem, nec scire, ad gloriam pertinet, modo ne tu de hoc multum glorieris. In communibus autem ignorantia vituperatur. Sunt autem communia, ornatus, incessus, sermo custodia rei familiaris, & opum, scientia rerum publicarum. Si ad conditionem parum te dignam inuitauerint, vt recusantem contumaciæ, aut avaritiæ arguant; recipientem indigniori postponent; gratijs actis, multo plus quam conueniat, pete.

CAPVT



## CAPVT XCIV.

*Vbi cum impari colluctari necesse sit.*

**C**um impari colluctari periculosum est, etiam si iure æquo pugnes, & apud iudicem æquum: at si iniquus sit iudex, longe deterius. Quadruplex autem est pugnae genus: iudiciale, militare, ciuile, & popolare. Iudiciales vt de hereditate, militare, quum per factiones ad arma ventum; ciuile, vt quum per suffragia quaeritur magistratus, & vxor diues per amicos: popolare, quod consistit in fama quadam generali. Contra iustum & æquum si non pugnandum est, etiam aduersus inferiores cui bono, & aduersus potentiores collucteris? Tria sunt maxima mala: qui pugnat contra ius, Deo aduersari velle videtur, infamiae subiicitur: si vincitur, perit res, & existimatio, si vincit, semper torquetur conscientia facti: vtrius modo res cedat, odium ingens conflatur. Si iure pugnas, aut non aduersus ius, vtpote promunere obtinendo, velut profitendi, aut magistratu, æquare oportet lancem: primum, vt collucteris in eo genere, quo ille superior minime est; (stulte agunt, qui ob vanam ambitionem volunt videri superiores ea parte qua sunt inferiores): deinde vt eum adoriaris quando magis est implicitus, & apud eos iudices, qui non solum eum non vereantur, nec gratiam eius quaerant, sed apud quos etiam inuidia labore, velid contemnant, quo ille te ancillit: deinde, vt, si potes, factionem suscites pro te: demum vt industria, sollicitudine, pollicitationibus, & dolis illum vincas. Quod si res pro te est, cura vt quam celerius possit, absoluatur: si contra te inclinatur, procrastinabis eam. Sæpe mora victorem effecit eum qui superatus est. Mors, morbus, lis grauis, aduersa fortuna, iniuria, auaritia, negotium pæne absolutum euertunt. Cum potentiore si dimices, aut te parem illi ostende, aut antequam contendas, ea supplica (amico solum tuo teste), eas offerens condiciones, quæ honestatis plurimum habeant, & tibi magnam iacturam non afferant. Non te iactes, sed potius queraris, etiam quum victor extiteris. Potentes offenduntur dedecore, quod succubuerint, & iactura. Aduersarij dedecus quid ad te attinet, & maxime quum à te ipso refertur? Signum inopiae amicorum, & animi infensu, aut leuis, aut ambitiosi. Plus profuere paucae pecuniae (non) nihil liberaliter eis vten- ti, quam contra (nummorum magna vis) potentibus & auaris. Vna res potentibus fauet, quum in aliis sint inferiores: nam tu tuam causam tueris; suam non ipsi, sed alij, gratia Iudicum, & Principum. His oppone religionem, ius, infamiae metum. Et si à Principibus times, iuuant pellices, & similia. Sed si contra Principem pugnare necesse est, aut violentum virum, & vim, & iniuriam, & insidias, & tibi, & tuis cauere oportet, timorem quantum potes dissimulando, ne timor tuus illi animos addat ad offensionem, & tuis ad defensionem animos adimat, vt ea re succumbas: Præterea ne illum videaris inuidia onerare velle: sed & in eo periculo versaris; ne ille carere te iudicio sibi persua-deat; quo fiat audacior ad contenti- onem. Propterea munimenta aduersus hostes

sunt, innocentia vitæ, (virtus, &c.) & super omnia multitudo sociorum fidelium: vt neque noctu, neque solus, nec nisi explorata via, progrediaris.

## CAPVT XCV.

*Similibus praeceptis vti in diuersis casibus oportere: unde ex aliis Capitibus petenda esse auxilia.*

**P**orro, quod etiam antea præfati sumus, si omnia necessaria vbique scribere voluerimus, opus maius efficietur, quam deceat, & repetitione etiam frequenti deturpabitur. Ex omnibus igitur locis petenda erunt auxilia. Vti si de pugna cum potentiore agatur, consulendum est Caput vbi de contentione & iniuria tractatum est, de insidiis, de iudicio, de æmulis, de inimicis exitiis, vbi è Principis seruitute exieris, taliaque eiusmodi multa. Nam ipsa inter se connexa sunt. Antea (Cap. 2.) quid vno quoque loco reponendum sit, docuimus: hoc, vbi quaerendum, aut vbi non quaerendum, nisi vbi repositum est? Diximus reponi debere singula primum vbi res ipsa tractatur: velut caput consulemus, & potentiorum, non inimicorum; sed inimici, qui iudex sit. Iudex enim Principis loco habetur. Primum igitur quaerendum est Caput proprium quaesiti. Neque enim ex simplicibus vllum prætermisum esse puto. Secundum de his quæ ad quaesitum sunt. In hoc varia est ratio: nam in aliquibus totum inuenitur, velut de calumnia apud Principem abolenda distincte tractatum est, Cap. 28. De Principe inimico, non est Caput speciale. Hic ergo duobus præfidiis opus est: vnum, quod est vt ex pluribus vnum componas, velut de Principe, & inimico: aliud à simili, velut in præcedenti, vbi colluctandum sit cum potentiore: nam Principes sunt nobis potentiores. Sed in his melius est procul abesse: & composito quidem consideranti diligenter melior est; simpliciter autem vtenti ea, non est adeo utilis, vt ratio à simili sumpta; hæc enim est obuia omnibus. Si ergo iniuriam pateris à Principe, (atque id est secundum principale tituli propositum) de iniuria quidem Caput consules; & quod in priuatis iniuriis remedium effertur, notabis: inde etiam Caput aliud, de conuersatione cum Principibus, & de calumnia apud Principem abolenda considerabis. Demum ex omnibus his præfidia tibi parabis. Infinita enim quum sint, quæ euenire possunt, iudicio magno opus est, vt seligas primum ea in quibus sibi inuicem aduersantur. At hoc facilius est. Verum opus est præter id, vt aduersas indicationes, utilitatis, & damni, aut periculi coniectes: & si forsan temporis cursu tu tuis repugnare possis, & si aliquid sit, quo sublato omnia concidant. Multi enim de fideicommissis litigant contra certos heredes acriter, & plus quam oporteat forsan, vitæ vero propriae non satis caute prospiciunt. Consideranda propterea vitæ propria, mores Principis, & quid maxime illum continere possit, æquitas leges eius, verecundia, pietas vera, seu ficta.



## CAPVT XCVI.

*Erroris quomodo corrigendi.*

**E**T si in tanta negotiorum multitudine errare contingat, quoniam id natura comparatum est, leuissima prætermittere cōuenit. Vtunque enim corrigantur, plus est mali in confessione erroris, quam vtilitatis aut laudis in emendatione. Quare nec reliqua restituendo corrigemus, (quod plerique faciunt;) tum maxime quod omissa solum sic possunt emendari. Itaque si quis omisum quicquam obiciat, negabimus ad rem pertinere; neque enim confessio obliuionis, ægri iacturam facit, sed curam addit, & tibi dedecus parit. Id vero quod deliquisti, illustriore quodam modo restituere oportet: vt qui conscij sunt rei, omisum, aut factum studiose putent. Veluti si responsum quod dare oportuit, non dederis, conueniens illum, te non potuisse dare, ostendes. Si in sermone aberres, vt ob magnitudinem erroris cogaris excusare, noli defendere, nec reiicere in rem quæ ad laudem pestineat, nec in meditatum aliud iam diu reiicere: vitiosa enim hæc sunt: Sed quemadmodum ille apud Pyrrhum. Si plus vini fuisset, etiam maiora audisses. Sic [prætexes] morbum, negotiorum multitudinem, atque huiusmodi. Quod si Epistolam arcana continentem, aut librum rationum, vel aliud quippiam, quod legi nolis, insolens [quispiam] arripuerit, statim alium obice librum, aut Epistolam, tamquam absolutam in eodem argumento. Ita vtriusque graui errori medeberis. Quod si frustratus voto sis in Principali domo (quod contingit nobis maxime, quum ardua ob necessitatem cogimur amplecti, & ob contentionem insidiosè fraudamur sine) cauendum est, ne concutiendo infamiam & dedecus augeamus, aut, dum nos tueri volumus, in alios culpam reiicientes, totidem consciscamus inimicos, aut queramur de potentibus: sed inuolutis verbis contentiones, dolos, iniuriamque significemus, blanditiis singulos fallendo, alios alliciendo, atque (ita) rem pluribus narrando, vt plures habeas defensores, quam calumniatores. Sin vero rem tuam coniuncto, aut amico, cui debeas plurimum, comiseris, & ille mala fide agat, de iniuria numquam queraris, (eum) quod est tuum rapere. Pertinacia hoc in casu opus est: Noli diuulgare factum, neque adiudices, si potes, concurrere, sed per communes amicos, & qui plurimum possunt, rem age: (idque eo) mitius, & tanto honestius, quanto turpius existimas, te posse dici illi inimicum. In vniuersum error omnis duplicem habet difficultatem; propriam facti, & eam quam error iniecit, quæ aliquando adeo magna est, vt corrigi non possit. Omnis erroris vna emendatio est, vt via mutetur, & quod admissum est, tollatur: nam duplex est incommodum: At mutandi viam, vna est ratio, in propriam redire. Verum & hoc aliquando integrum non est: quamobrem & quam ingressus es, nonnunquam iuuat ad modum melioris instituere. Considerare etiam oportet, an vbi plurimum debeas, vel coniunctio sanguinis arcta sit, præster omittere contentionem, quia minor sit res infamia: in

quo multi grauius peccant. At quod iam admissum est, deletur vna communi ratione. Præterea optimum est, vt errores antea caueas, & cognoscas quinam sint præcipui, & è re (vel ex re) nati. Hi enim soli euertunt hominem: quoniam nec emendari possunt, & sunt exitiales. Velut si tuo exemplo pereas, (vt Lud. Sfortia, qui nemini fidem seruandam quum docuisset, idque vt gloriosum duceret, belli administratione iisdem proposita, ab omnibus proditus merito est:) Et vbi cogaris vel time-re ab amicis, vel confidere perfidis, generose ille dixisse credi poterat, si non ab omnibus iam esset destitutus; & si non ab effeminato vox illa proficisceretur, Satiùs esse perire alieno crimine, quam proprio: quamquam in bellis prompta, sed rara, sauitia, feliciorem exitum habeat. Simili ratione si circa propria quis peccet, vnde tota existimatio pendet.

Si quando autem ex importuna calumnia transgressus sis (quod quandoque necesse est) metam in respondendo: vt quum pro grauitate mordacem querelam protuleris, aut pro mordaci iniuriosam, velut si quis de medicamēto dato dixerit, quod offenderit, tu vero responderis, illum mentiri (hoc autem leuitatis, præter iniuriam, argumentum est) aut quod stultus sit, aut asinus, aut ignorans (si quidem septem quum sint capita difficile est præsertim in ira, diuinare,) emendabis post, non statim, excusando, sed prius accusatione instructa) iram: nam contemnere, nec excusare, nisi gerere velis apertas inimicitias, non expedit. Ostendes autem detrimenta ægro [euenisse] ob illorum improbitatem potius, quam [tuam] ignorantiam. Sic enim minus odiosus eris, & videberis æquioris animi. Aliud tamen fac, vt facto intelligant. Sed si aberraueris in negotio, non conaberis omnia in contrarium vertere, (aut ne supinum te proicias, vt alias dixi,) neque etiam statim omnia emendare. Tripliciter enim peccari solet in his. Sed primum diuide quæ ex peccato orta sunt, & radices illius, tum ordina, ac sensim immutabis radices erroris: corriges & quæ sequuntur: in his obseruando, vt non omnia (ne poenitentia ductus videaris) tollas: & truncum ipsum vltimum dimitte, vt ramis spoliatus sponte demum excidat. Et omnia (hæc age) sine iniuria, imo perturbatione quavis animi, quum erroris causam tu dederis: idque vt ipse (qui te accusauit,) in causa (etiam semetipso iudice) fuisse videatur, diligenter curando: ad quod iuuat plurimum liberalitas quasi inexpectata, & temporis longitudo, vt dissuta potius, quam lacerata amicitia iudicetur. Maxime autem insistes in petitione leuium, quæ scis ipsum non præstiturum, ob morositatem aut leuitatem.

## CAPVT XCVII.

*De consilio, & officio non numerata pecunia.*

**Q**Uum quis consilium auxiliumve petit à magistratu, iuriconsulto, medicove, proponitque soluturum, nec tamen numerat (quod



(quod certe captatoris est officium,) negare se facturum, rusticum, quum nimium videtur, polliceri, nec præstare, donec numerauerint, (quod exemplo frequenti didici, licet plures id agant,) fallacis non solum est, sed & inutile, quoniam occasio & feruor habendi persæpe præterit: at neque pacisci, (istud enim minus ciuile est,) nec facere, quum iam ille captator videatur, (huiusmodi autem hominibus nihil potius est lucro:) verum conscribes, aut facies, omisso præcipuo auxilio, præcipuisse, quæ addes, si persoluat: si non, & queratur se non adiutum, dices rem esse familiaris tui, quum tempus tibi ob negotia tum non suppeteret. Quod si iam consilium dederis, iam homini satisfeceris, iam aliquid acceperit ille, neque ex conuentione, tecum illud considerare debes. Quod & ipse, si sapit, cogitabit, Si plus quam debet, rependat, ei obligatus ero, si minus, ille mihi (dedit,) quantum oportet, uterque absolutus erit. Propterea liberales esse solemus in omnes eos, quos magnificimus, seu ob potentiam, seu ob amorem. Iusti quod par est, omnibus retribunt: ceteri in eos quod contemnunt, parum sunt liberales: ob id etiam in multis insigni virtute præditos ingrati sunt. Contemnuntur enim pauperes, senes, inglorij, atque infames, etiam, si per calumniam accusati iaceant, tum qui procul sunt, quique sedes firmas non habent, & qui nullo in numero sunt apud Principes. Si quis ab initio pro mercede munera dat, hunc scito pecuniam non numeraturum. Si igitur auarus est, accepto munere abstine ab officio: si munificus, donis egregiis remunerabit te. Non arduum est, diligenter initia & mutationes animaduerti, tum verba, tum gestus, intelligere, quid possit expectare.

Quum potenti amico, vel qui in magistratu sit, officium præstiteris, ita ut alij eo intermedio munus quodcumque dent, in vsu est ut alacriter recipias: nam si (munus illud) sit quale mereris, gratiæ & existimationis testimonium (est,) si minus, ac leue, testatur se velle tibi debere. Atque ideo, qui volunt ut accipias munus, mittunt, aut dant: inurbanum est autem non recipere: & legem in huiusmodi, quod huiusmodi, quod humana res sit, vsus facit, ac finit. Si vero pecuniam proponunt, quia officij magnitudinem æquare student, illud vero incertum. Accipere ab huiusmodi, rusticum habetur: quo fit, ut retinere cupiant mercedem, seu à se seu ab alijs debitam (quando) illorum medijs ipsi dant: quod perinde est (nisi pauperi dent, & omnino egenti, aut emptionis loco) ac si nil darent, offerrentve. Dare enim sic, ut ob morem accipere non possis, deterius est, quam non dare, hac in causa, quod ubi renuas amplius sperare non potes. Hac in parte melius est, quod indigenti licet accipere. Ob id etiam qui accipere cupiunt, non ipsi accedunt, quum numerandum sibi præuident, sed neque per suos suos, nisi se coram, dant, si res magna sit, quoniam multipliciter & illis gratia, & tibi utilitas perire potest. Ergo vel illi tuis dant, idque minus ciuile tibi, non illis, aut quod optimum factum est, per suos tibi mittunt. At vero hoc, ut est maxime vrbani ac decens, ita periculosius

est, quam si illi tuis dent. Quod ergo honestius est, ideo minus tutum, quod tutius minus ciuile. Nam quum pecunias, (quas) ad te detulerint, occulta quasi manu tradant, ubi recognoueris, rusticum (etiam si minima sit) est eam reddere postquam acceperis, si retinueris, & auaritiam sine fructu, & contemptum tui fateberis. Ob hoc qui cupiunt utrique satisfacere, quoniam libenter dant, iubent ministros, ut pronuncient quantum sis accepturus: nam & recipere liberalibus verbis licet; & renuere, salua prorsus existimatione. Melius igitur, quia tutius, tuos ad illum mittere, specie officij: nam retinere potes, sine pudore, & remittere pro arbitrio (et si pauca sit) absque læsione existimationis, modo statim, tamquam nec accepturus quantacunque fuerit. Quod autem præstantius, ut nuncius tuus, si viderit minorem iusto esse pecuniam, dicat: Ego libertatem accipiendi pecunias vllas à te non habeo ab hero meo, nihilominus, postquam iubes, ad eum illas referam: nescio an recepturus sit. Tu vero, tamquam te inuito receperit, increpitum remittes. Quod si postmodum mittant, non autem tunc dent, nec quanta sit, prius dicant, insidiosum est. Tunc igitur vide an coniectari possis de paucitate, vel quantitatis ratione, vel quia cognoscas argentum esse quod offertur: si non dicas, te donare illi, tum nuncius instabit, ut accipias: quia, si paucum est, velit te accipere, ut irrideat, si multum, ut splendidus & magnificus videatur. Tu ergo accipies, his verbis: Mihi animus erat non accipere: sed postquam me cogis, accipiam, ea conditione, ut & ipse nostra non reiciat. Tunc, si dignum est te munus, multis verbis, ubi occurreris, cum ipso age, illius humanitatem liberalitatemque testatus: si indignum, tantundem aut aliquanto plus in munus expenso, illud ei mitte. Perurbanum est hoc, graue, & amarulentum. Nam quidam, quibus talia licent, pecunias eiusmodi contemptim & palam inutiliter consumptas spargunt. Sed hæc ignominia non carent.

Quum negare vis aliquid, (quod omnes norunt) blandis verbis vtaris. Si licet, ostende non posse, si non, omnia pollicearis, præter illud. Spem propone, aliquando facturum. Quidam etiam petunt tempus, tamquam aliud expectent, & statim mittunt. Nuncius postmodum facit excusationem, referens, illos non potuisse. Atque ita denegatio beneficii in alium transfertur. Nostra ætate consueuerunt polliceri: postmodum languescunt sensum: quod turpe est, & odiosum.

\*\*\*

## CAPVT. XCVIII.

### De negotiatione cum minimis.

Nec te inferiores prosequaris verbis, accusando, quum (præter officium mali viri) dedecus tibi, gloriam illi, pariturus sis. Videberis enim inuidere eis, aut forsan aliquid esse existimare: te vero maledicum ostendes. Proximus rei est, ut magis ciuile, ac sinceri speciem referens, malefactum narrare, quam honestis verbis suggillare. Vbi ergo noueris, gloriæ tuæ quemquam insidiari, atque tibi ex

professo



professo aduersari, si minore fuerit conditio-  
ne, atque existimatione, sufficiat, occasione  
adueniente, vno verbo illum euertisse: Velut,  
Quod equo sit similis, aut stultus, aut littera-  
rum & artis imperitus. Ita vno verbo omnia  
comprehenduntur. At si æqualis est, aut ma-  
ior, nimis petulans est huiusmodi accusatio:  
sed sufficiat ex latere illum petere: vt, Quod  
misere in eius manibus aliquis obiit, aut, Quod  
inuidia numquam perit, aut, Prodeat [vel pro-  
dat,] si quid habet tam egregium: Non artem  
callere: Extra artis limites eum agredi. Lon-  
gior sermo de alio, vt quivis de te ipso, re-  
prehensione non caret. Verum grauitas sum-  
ma, cum peritia artis, & diligentia singulari  
coniuncta, his argutiis non indiget: sed suffi-  
ciat subrississe. Si iudicium de æmulo non vul-  
gari auctoritatis exigant amici suspecti, me-  
dium laudabis, quod sit animosus, & factum  
dictumve carpes, quod defendi non possit.

\*\*\*

### CAPVT XCIX.

*De negotiatione cum incognitis.*

**C**um incognitis non est tractandum, &  
maxime de rebus magnis, nisi interce-  
dente persona cognita. Quoniam tamen, dum  
in nouam regionem venis, multi quandoque  
veniunt salutatum, maxime si personam pu-  
blicam agas, non solum vitia, sed suspicionem  
vitiatorum, nec solum opes, sed opum opinio-  
nem abscondere oportet. Si malum nouum  
[aut nuncium] potenti afferre cogeris, ne im-  
prudenter aut inopinato illud afferas: (nam  
pluribus hoc exitio fuit:) sed vultu ad rem  
composito, meditare, expectans vt te inter-  
roget. Vbi id egeris, velut Parisatidi Artaxer-  
xis matri apud Phaleræum, aliquid propone  
secundum virtutem. Vt enim acria amaritu-  
dinem obtundunt, ita luctus, generosorum  
facinorum commemoratio. Etenim ille ad  
eam, Vicit Cyrus. Cui Parisatis, Quid de Re-  
ge? fugit. Cyrus vbi nunc est? tum ille, Quo  
loco fortes viros esse decet. Si quis ami-  
cus non est, & præsentia sua te grauat, velut  
apud Horatium, in Satyra illa, *Ibam forte via  
Sacra, sicut meus est mos*, eum ablegabis si-  
lentio primum; aut modeste, vbi dixeris scire  
illi esse negotium: quod si non assentiatur,  
finge cum domesticis secreta colloquia. De-  
mum, quum etiam hæret, simulata neces-  
sitate discedas, tamquam rediturus: inde paul-  
lo post per puerum mone, superuenisse nego-  
tium longius: itaque tunc discedere posse, alias  
meliore occasione rediturum. Quod si amicus  
adfit cum importuno, vtroque emissio, ami-  
cum per nuncium monebis, vt statim redeat.  
Sed si incognitus, aut parum tibi familiaris,  
munera sæpius tibi mittat, scito primo cuius  
sint, & qualis ille sit, inde an inuidia graui,  
aut inimicitia laboret. Quod si sine beneficio,  
vir minime malus, munera mittere consuevit,  
aliquid à te petiturum scito, aut amicitiam  
communi bono inire cupere; at si auarus est,  
ne cuiquam horum fidem præstes: nam inter  
duo mala versaris, vel vt delusus, damno si-  
mul & dedecore afficiaris, vel vt seruata fide,  
debeas ex eo ipso, quo tibi debere cogeatur.

Referunt tamen Saladinum Ægypti Regem  
aliquid tale erga captiuum Imperatorem Ger-  
manum fecisse, dum pignore sacro illum di-  
misit. Sed non à Principibus (in quibus po-  
tentia eminet, & gloriæ amor non solum in-  
ualet, sed etiam illis magnum cedit in com-  
modum) priuatorum viuendi institutionem  
sumere debemus; in quibus inopia sæpe etiam  
premit. Si ignotus, nomine viri potentis,  
amici, & cui debeas etiam, præcipue iracun-  
di, & quasi periclitetur, te rogauerit (nam  
& hanc causam sycophantæ non prætermi-  
tere solent,) vt, si neges gratiam ne amit-  
tas amici, periculum sit; si facias, officium  
delusus incassum præstes; idcirco in huius-  
modi syngrapham, aut symbolum illius re-  
quire. Vel enim desistet, vel si afferat adulte-  
rinam, irritus voti, periculo se exponet.  
Ostendes enim illam amico, qui eam norit.  
Sed si tibi notus sit, & illi familiaris, & res  
non leuis, alacriter suscipies facturum: inter-  
rim mittes qui moram excuset, non interro-  
get, an miserit.

\*\*\*

### CAPVT C.

*De communi sermone, laudeque propria,  
& suorum, & scommatibus.*

**A**t quum necesse sit miscere sermones,  
communibus vtendum est. Ita nec de te  
tuisque, aut rebus negotiisve [tuis] quic-  
quam dicito, nec de publicis factis; periculo.  
sum enim est Deos tangere: nec de ciuium  
moribus: quos si vituperes, in periculo es; si  
falso laudes, adulatoris aut imprudentis opi-  
nionem præbes. Communes igitur sermones  
sunt de temporibus, de itinere, de situ vrbs,  
de amico aliquo communi, de externis bellis,  
de morbis qui vagantur, de morte Principum,  
aut nuptiis, de rerum pretiis, de Magistrati-  
bus, qui sint, quam habeant potestatem, an  
sint perpetui, de domibus, & si paulo fami-  
liarior sit, an habeat filios, de studiis. Caueas,  
in loquendo, ne faciem inflectas (quod mul-  
ti faciunt,) sed directe inspicias: nec nimis  
elata nec submissa voce loquaris: tum etiam  
ne rideas: tamquam insanus, aut irrisor. Ne-  
mini appropinques ore: neve os forteat. Pro-  
æmio commemorationis rei generosæ, aut  
nullo, vtaris.

Accidit & in communi sermone, vt nostra-  
que laudare, aut alios laudantes audire contin-  
gat: quæ quidem tam multipliciter diuisionem  
recipiunt, vt difficile sit recte explicare, quid  
conueniat: adeo vt Plutarchus, qui accurate  
& ornate (vt solet) de laudando se absque in-  
uidia scripsit, multa omiserit, quæ ad rem per-  
tinent; nec in eo quod amplexus est, omnia  
recensuerit, ac ne maiorem quidem forsan  
partem: in quo tamen non solum venia di-  
gnus est, sed laudem promeretur, quod de his  
quæ tractauit grauitate disseruit, quæ omisit,  
ob multiplicem nimis diuisionem eorum, illa  
eum subterfugerunt. Oportet autem non sim-  
pliciter de vnoquoque agere, (nam sic repe-  
tere multa cogeremur,) sed communiter pri-  
mum quæ possumus quam maxime amplecti;  
inde ea quæ sub his non comprehenduntur,  
singillatim.



singillatim. Quod si quædam sub communi diuisione comprehensa, etiam singulari regula indigeant, aut sub pluribus communibus contineantur, in primis quidem adiecisse quod deerat sufficere, in his simpliciter & communiter de vnoquoque dicendum erit: neque enim erit repetitio, quum non eadem, licet de eisdem, dixerimus. Igitur primum duo illa supponere oportet, quod non de Natura aut Diis hic agitur, de quibus certa habetur tractandi ratio; sed omnia ad ciuilem normam sunt referenda: quod etiam bene à Plutarcho animaduersum est. Secundum, quod qui audiunt, delectantur, vel quum ea quæ ad ipsos pertinent bona, aut quum mala de aliis referuntur, aut condiscunt aliquid: hoc enim inter vtilia; illa inter iucunda numerantur. Quæ igitur ad laudem tui tuorumque pertinent, cæteris audientibus odiosa per se sunt, nisi quatenus tibi coniuncti sunt sanguine, aut amicitia, tanto difficilius, si ab his proferantur quos existimemus iudicio falli: hi sunt qui suas proferunt, laudesque suorum: nam eos *parua* facile decipi verisimile est. Suorum triplex est genus: inanimatorum, seu animatorum, rationeque carentium, ut equi, tabulæ, viridarium: aut ratione præditorum, ut famuli, pueri: aut intimorum, inter quos præcellunt filij, vxor, parentes, & fratres, hos honestius, quam te ipsum, laudaueris: adeo ut si communem tui tuorumque laudandi formam serues, in his peccare non possis, in te ipso autem possis.

Indicium autem magnum inepti sermonis, qui est de se suisque, præbet ipsa confessio in tormentis, quæ per vim exigit facta nostra nostrorumque. Verum quum in aliquibus casibus sit potius necessaria, quam honesta, communis regula est, primum ut loco & tempori seruias, & personis, utpote quum neque sine causa, neque eorum æmulis aut inimicis, aut qui te irrident, nec apud Principes (apud quos nec os aperire fas est, nisi interrogeris) nec apud viles personas, aut stultos, aut in sermone de seriis rebus, aut in luctu, in magnifice gaudiis, aut ut abruptas inchoatum sermonem, & præter reliqua ut quasi vocatus ad hoc venias: inde modeste ac moderatè, tum grauius atque paucissimis verbis, ac quasi imminuendo proferas. Velut si quis dicat, Audiuius quod filium egregium habeas; responderisque, Certe pro temporum horum conditione non malus est: aut si dicas, Animum saltem bonum habet, vel satis probus est. Huiusmodi laudatio, quæ magis in innocentia posita est, quam gloria aut virtute, vitio caret, & libenter ab omnibus excipitur. Ergo primum habendus est delectus personarum, inde loci & temporis, inde occasionis, post eorum quæ dicuntur; demum quomodo dicantur. In audiendo autem quæ alij de te dicunt, aut tuis, tutior est occasio, nisi multiplex metus obstaret, adulationis, irrisionis, aut inuidiæ. Atque hæc generaliter de his dicta sunt.

Porro de singulis in communi hæc accipe: ignota omnibus, vel etiam apud ignotos, vel ut æternitati commendentur, vel ad exemplum eorum quos instituere conuenit, vel in magnis periculis, vel ob Reipublicæ beneficium, vel ad leuandam calamitatem, præfer-

tim communem, prædicare licet. Quumque septem sint casus, in vno duntaxat, scilicet apud ignotos, magna necessitas id agendi existitur, in aliis conditio ipsa pro necessitate habetur. Nec tamen ita intelligendum est, ut vbique & apud quoscunque id liceat, absque discrimine vllò, sed semper seruatis his conditionibus quas dixi, nec ita ut omnes sint necessaria, & si non adsint, id non sit peragendum: sed sic statuamus, ut quum necessario peragendum commodiores personas, loca, tempora, occasionesque eligamus ad id agendum. Principio igitur dictum est, quod quæ nobis nota sunt, (etsi ad laudem pertineant,) quum per nullum alium detegi possint, propalanda sunt, si ad laudem pertineant: nam aliter sciri non possunt. Si igitur vitia sunt occultanda, quæ ad virtutem aut diuinum fauorem (qui maior virtute est) pertinent, erunt detegenda. Sic suum Dæmonem Socrates (in eiusmodi & sapientissimus & continentissimus) reuelauit. In Reipublicæ etiam emolumento, & æternitatis commendatione, magnitudo rei tollit vitium, si quod sit. Utuntur tamen occulta quidam insinuatione, ut scilicet significant domesticis: alij consentuntur interrogati, non dicunt: quidam scriptum reliquunt, tanquam memoriæ causa, atque sic laudant se tacite: neque enim parua laus est, talia ab eo consequi. Verum, ut video, vbi vere id referamus, nil honestius simplici & spontanea confessione. Nam non solum id Socrates, sed & Synesius, & Dion, & Iosephus, & quotquot habuerunt tale donum Genij, sponte testati sunt, neque venire forsitan dignabitur ad illum is quem puduerit testari illius beneficium, aut per ambages, qui simplicissimum donum sit consequutus, aut obscure, qui clarissimum. Itaque de diuinis alia quam de humanis si statuat, non erit reprehensione dignus. In reliquis etiam omnibus est modus insinuationis, quum quasi irati, & iusta indignatione coacti id agimus: aut si per aliquem inchoetur laus, &c. iniiciat autem desiderium sciendi audientibus. Velut si dicat quis, te non audiente, quam egregiam rem, aut claram, aut quam vastre dolum excogitauit, vtriusque nomen referens: Princeps autem, aut alius, à præsentate te quærat, quomodo acta ea res sit? Verum in institutione, & ad exemplum tuorum nō huiusmodi indigebis, neque moderatione, aut modestia, aut loco, aut tempore, aut breuitate: sed, ut B. Paulus dicebat, Vrge, increpa, adeo ut aliqui existiment mendacium sibi licere. In cæteris casibus importuna laudatio impudentiam arguit, quum etiam solemus verecundari, si ab aliis nobis præsentibus laudemur, iniquitatem, quum aliorum officium præripiamus, & inuidiam, si alios præsentibus non etiam laudemus: aut si laudemus, adulationem. Ostendi, præterea deesse tibi amicum, si non habes alium qui te laudet, aut iudicium, si quum possis laudari ab alio, vis à te ipso potius; vel falsam esse eam laudem. Secus ergo importuna laus non solum sui, sed etiam suarum rerum tedium non solum, sed etiam fastidium affert, iuxta illud Flacci in Nasidienum:

*Suauiores, si non causas narraret eorum, &  
Naturas dominumque nos sic fugimus vlti,*  
Vt



*Vt nihil omnino gustaremus; velut illis  
Canidia afflasset, peior serpentibus Afris.*

Specialiter autem, quum è te oritur laudis occasio, vt quum factum damnant, vel si falsi infimuleris, rectæ administrationis testimonio in hoc genere mentionem [laudis tuæ] facere licet; tum maxime quod [hoc] ad innocentiam pertineat: si ignorantia, ex finis laude: si de iactura, recensere quæ bene gesseris, atque extollere. Secunda ratio est, quum in aduersis quasi cum Fortuna dimicare cogeris. Tertia, quum vel patrocinium à Deo, aut societatem cum audientibus sumimus. Velut illud Ciceronianum: *Vestri enim palcherrimi facti furiosus illame Principem facit.* Quarta, quum si rem ita deprimas, aut obscures, aut eleues, maxime errorem confitendo, vt minime inuidiosa fiat: Vel si labores & vigilias & iacturam addas, aut casus aduersos. Laudatur illud Vespasiani triumphantis dictum: *Merito plector, qui triumphum, quasi aut maioribus meis debitum, aut tanquam mihi speratum, inepte concupiuerim.* Sexta, quum ad retundendam falsam aliorum laudem, aut immodice auctam, ad id cogimur. Demum quum ad comprimendam licentiam, velut illud Aristotelis Alexandro: *Non solum qui multis imperant, esse decet esse elato animo; sed etiam qui vera de Diis sentium.* Et illud Agesilai, de Persarum Rege: *Quid me ille maior, nisi etiam iustior?* Et si re humanitatem testeris, & quam de te humiliter sentias: vt Agathocles cum suis figulinis vasis, quod figuli filius fuisset.

Est laudandi genus aliud, per insinuationem, à comparatione similis; quem laudas in re, qua tu præstas, vt etiam, si concursorem, vel si alium ex re deprimis. Nam laudem ex alterius infamia quærere, non solum mali viri est: sed etiam inciuilis.

Quærat quis forsitan, quid commodi in propria laudatione, præter aliorum [molestiam] nullum in ipsa laudatione; in materia autem, ex qua laus sumi potest, scilicet actis, rebus ipsi, vitæ cursu. Primum, quod rem integre solus ferme narrare potes, Secundum, quod quæ coniuncta sunt causæ, & in rem tuam non faciunt, tu solus etiam commodè prætermittere scies. Tertium, quod tibi narranti maior fides habebitur, si ita te comparaueris vitæ, sermone, ac moribus, vt illam promoueris. Ob quæ contingit, vt & Oratorum, & Romanorum Ducum non aliæ existent laudatoriarum orationes, quam ipsorummet: velut Demosthenis, Epaminondæ, Ciceronis, Catonis, Scipionis, Annibalis & aliorum.

Vt vero in reliquis casibus omnibus importunæ laudis occasiones deuites, cum bene cultis hominibus, & minime nugacibus ac petulantibus versare. Non inuideas, non ambias, non irascaris, non adeas potentes: Contemplant alios, qui se laudant, quam inuisi & ridiculi etiam sint apud domesticos. Memento illud Demosthenis: *Qui seipsos laudant, auditores molestia afficiunt: & vt ipsi ab aliis tales existimentur quales volunt, non efficiunt.* Verum vt apud sapientes & prudentes viros hæc non solum vitiosa sunt, sed de existimatione minuunt, ita apud plebem sæpe expediunt, & vtilia sunt: adeo vt viri plures virtute & glo-

ria insignes, dum sapienter apud stultos agere volunt, contempti vixerint, & aliis longe inferioribus cesserint.

Quod vero magis refert, (quoniam non in tua est potestate, & sæpius accidit) est vt lauderis ab aliis, quum tu ipse præsens sis. Tum vero animaduerte quis sit qui te laudat: aut enim inimicus est (nam & æmulus, qui id agit, inimicus iam est) aut adulator, aut amicus simplex. Si inimicus est, dicas, Hanc laudem non quæro, neque ea indigeo: quæ si falsa est, ad me non pertinet, si vera, iam me antea scire oportuit, vt audire eam ab alio non expediat. Si adulator [sit, qui te laudat,] capite concusso dicas. Si non adesset an tu ista diceret? Si dicat, Sic; dic tu, Cur ergo non expectasti? Sin amicus te laudet, dicito; Ita me laudato; vt ea laude existiment te mihi amicum talem esse, qualis tu es. Ita audire laudes suas non decet, vt vix à mox discessuro, aut apud discessurum. aut non ex composito, sed obiter ab indignante, quum periclitatis, [tolerandæ sint.] Verum & horum omnium ratio eadem in Epistolis conscriptis conscribendisve habenda. Nec illud tibi faneat, quod Epistola non erubescit.

In conscribendis autem libris duplici genere laudationis vsi sunt. Quidam manifeste minusque honesto, sed non adeo inuidioso, vt seipsos laudarent, velut Cicero: alij honestiore, sed inuidioso, scriptores ceteros damnando, velut Aristoteles, Galenus vero vtrumque, (ne erraret in lectione) complexus est: nam & semetipsum laudat, & alios dampnat.

Rursus in familiari inter duos, secretoque sermone alia consideranda sunt. Primum, si ad actiones dirigantur, (quod de duobus dico, de omnibus dico,) quum consilium initur, licet laudare seipsos & prudentiæ & fortitudinis: secus, res ipsas narrabis vere, iudicium alteri relinque, si te laudat, considera personam, & vt erga te affecta sit, & finem. Maiores enim laudando hortantur: Et laudari ab inferiore, quum potens sis, & ille amicus, ad idem pertinet. Reliqua pro ratione. Sed hæc magis ad institutionem. Publica [laus,] & inter multos, magis turpis, si ex te prodeat: aut odiosa, si ab alio.

Illud etiam inter loquendum obserues, vt neminem docere velis, nisi eos quos instituendos suscepisti, aut amicum singularem: aut ea in causâ, in qua necesse est id facere: imo nec cur dixeris, nec cur facias, reddas rationem. Aut enim videberis velle illis esse præceptor, tamquam pueris, aut ab auctoritate tua recedes. Aut postulantibus, quibus è res tua est, & sapientibus rationem reddere conuenit, ne errare, vel fallere illos te, credant. Quod si aliquid dixeris noto vel amico circa suos mores, vt sinistre interpretari possit, velut quum iniuste premitur, quod violentus sit, nulla cura melior, quam qua vsus Annibal Laurea Bono niensis mecum: Hoc dixi, inquit, quia etiam ego talis sum.

Epistolas autem conscribere decet materna potius lingua, quam Latina, tum ob affectus linguæ semper congruentes, mores, titulos, consuetudines, ac res; vt difficillimum sit, ista recte Latine scribere. Melius est autem multo,

recte



recte & ornate ac facilliter scribere in propria lingua, quam contrariis rationibus in aliena. Excipiuntur ab hoc munere professores linguae Latinae: tum, quum de interpretatione antiquorum librorum, seu Graecorum, seu Latinorum agitur, Graecorum quidem, ob maiorem affinitatem, Latinorum autem, quia eisdem cum cogitationibus atque imaginibus explicari debent aut referri, cum quibus conscripti sunt: tum quum antiqua narramus, gesta, quorum artificij Latina lingua nomina exquisitiora habet. Liquet igitur quam multipliciter peccent scriptores nostri temporis, maxime circa secundum, quum ex Graecis Italica faciunt.

Consilium ne dederis nisi petentibus amicis, aut his qui sub tua custodia sunt, vel quum particeps fueris negotij, ita ut error etiam redundet in te.

Et in familiari sermone sconimatum usus (odiosus est,) qui etiam in Cicerone vitio vertebatur: adeo ut numquam nisi lacessitis conueniat. Eorum utilitas [tamen] est, obscure, quae parum honeste dici possent, & breuiter, quae longo sermone indigerent, ut minus ciuile esset, significare: & quum ex responso captamus negandi occasionem, velut Valco canans in caupona, superuenientem Hispanum interrogauit, quomodo ille vocaretur: Quumque ille respondisset, Alopantius Ausimarchis Hibertus [Loper] Alorchides, inquit Pyrenaeicolus, Profecto quinque [vel tam multis] equitibus hic anaticulus minime sufficere potest. Rursus in eos, quorum nequitiam comprimere e re est. Demum, quum simul excusare & accusare & indignationem ostendere propositum est; quum sit Laconismus cum affectu, & eo solum differat apothegmate. Velut quum Mediolanenses adolescentes, iuri operam dantes, impulsore magistro Apulo, alienati animi essent à me; & inter ipsos orta seditione quidam essent vulnerati, interrogantibus quibusdam, an illos curarem, respondi: Absit, ut quum omnia illi contraria ratione agant, imperitissimum me putarem, si aduocassent. Ob id occasio obseruanda. Consequuntur ad haec delectatio & voluptas; & ex ea conciliatur amor, & ut fiat fauorabilis causa. Vnde non nisi apud Principes aut Magistratus, aut saltem potentes eis uti debemus, & maxime in causa inclinata, nec admodum graui & odiosa. Ostendit autem acumen ingenij, & inopinatio (ob breuitatem, in qua nimis multa continentur) percellit garrulitatem hominis, & confusum illum relinquit. Propterea [scomma] tale esse debet, & parua cum mora.

Quomodo autem ex verbis mores deprehendantur, supra dictum est. Memento etiam verba ad homines comparanda: esseque ut cerusam in derafa charta: quae si digito leuiter affricto saepius adhibeatur, lacrymam superat iuniperi: nam flos tantum adharet: quod si digitem compresseris: vel in tangendo cerusam, vel chartam, diluitur attamentum. Ita si excusationem amico prudenti proposueris facti atque errati, illum tibi amicum seruabis, si simplici vel stulto, tua venia reddes insolentem: ut si aliquid rescripserit, & male, sufficiat dixisse, Multos admisisti errores. Persaepe etiam contingit, ut de alijs tibi similibus querant:

Tom. I.

ut, si Iuriconsultus sis, Quis optimus in vrbe sit Iuriconsultus? Huic interrogationi non vna conuenit responsio, non est enim vna interrogatio. Sed si qui quaerit, iam tua opera usus est, fauorabilis est, ac perinde si requirat, Cui sub tua fide credere non debeo? Propone ergo tibi amicissimum ex optimis. Sin autem non est usus opera tua, multa ex hoc dicto condiscas: Primum, te apud illum nullius pretij esse: Secundum, summam in eo arrogantiam, aut quod stultum (re) putat, qui velit vel cogere, vel ob simplicitatem tibi imponere tentet, ut laudare alios velis in arte in qua tu cupis esse primus: Tertium est, quod hic vir aggressus est: neque enim quantumvis superbus, tantam tibi inferre iniuriam tentabit, nisi omnino etiam rusticus fuerit. Nisi ergo Princeps fuerit (qui te interrogat,) pessimum & contemptissimum in ea arte praeferes; eumque summis laudibus ornabis. Sit autem contemptus, ut praelato eo nullus ex alijs, qui digni sunt, sibi praelatum nisi peiorem existimare possit. Si autem qui rogat Princeps est, lauda tibi amicissimum, & quam rarius potes, ad illum accede.

Pessimi quoque animi indicium est, & fraudis non vulgaris, si quis apud discipulos professorem, ut bonum medicum; apud imperitos, ut professorem, aut disputatorem laudet: ut si calceos manibus aptet, pedibus chirothecas; namque quanto magis effuse laudat, eo plus detrahit, quum, si posset alia in re laudare, facturus omnino videatur. Amici est, tantum laudare id quo illum possis apud eos iuuare: est enim illud bonum, & valet in omnibus: reliqua ad odium aut impudentiam pertinent. Ita quandoque vituperamus, ut fides laudi habeatur. Ut vero omnibus placeas, non tibi seruiendum, sed audientium auribus. Id vero praecipue in potentibus obseruandum. Sunt autem potentes quatuor generum: vel amicitia Regum, vel sacerdotio, vel bellica administratione, vel opibus hereditarijs, aut scenore paratis. Omnibus grati sermones in genere sunt, de opibus, potentia, & voluptate. Sed de voluptate eduliorum, quum alia alijs sapiant, perpetuus, sermo esse non potest: Venereorum foeda altera commemoratio, altera non sine iniuria earum quas pro amicis habemus. Ita res ad vinum & aleam, tum ludos seu pompas deducitur. Alea etiam non omnibus placet, & pompa iuuenibus gratior est. Specialiter ergo haec consideranda sunt, ratione personae. Distinximus autem in quatuor, & cuius sit ille, aut illi, & aetas, inde proprii mores. Nam milites violentis & apertis magis gaudet, sacerdotes de occultis, & his quae damnari non possunt, etsi reprehensione non careant, Principum amici de rapinis: (nam luxus & prodigalitas omnibus communes sunt: ) opulenti laudant ut opes extollantur, & omnia his posthabeantur, oderunt laudem omnium aliarum rerum: Barbari de vitio, (vino) pugna, libidinibus, rapinis. Vnaquaque ciuitas (& aetas) suos mores habet. Cum senibus, de sapientia & prudentia, cum iuuenibus, de robore ac libidine; cum adolescentulis, de humilibus rebus, & iucundis, de prodigalitate

P p

[sermo]



(sermo sit:) vt & apud senes de lucro congregandis opibus. Singulorum autem moribus se accommodare facile est, intelligere illos, difficilius: præscribere nulla ratione licet.

Quum vero familiares adolescentes, qui ratione non persuadentur, admonere velis, vt simul auctoritatem retineas, & animos illorum percellas, scommatibus viuendum est: velut si dicas, Papiliones pro auribus aucupamini, id est, nullius pretij voluptates pro veris. Similiter quum simul tedarguere & excusare se, propositum est: velut obicienti quod errassem in prædictione, dum essem cum alio medico, respondi, Mirari si quicquam cum illo recte agi potuisset.

Maxima autem pars sermonis communis dirigitur ad tentandum animos, ad dignoscendos mores, ad animum erga te, ad facta tua, quanti te faciat. Ergo & dato simul, & non accipito. Id autem maxime contingit in nugis, in incredibilibus, in repetitione, in importunis quæstionibus, in laudatione tui ipsius. Intelliges autem dolum, quum ad hominis mores & consuetudinem talia contuleris: & si potentior est. Sin autem contra, periculosum, licet callidum, consilium. Quum vero verba & actiones omnes ad vtilitatem aliquam sint, & alicuius finis gratia; vbi non sit spes, si non omnino (loqui) necesse sit, silentio vti melius est; quanto magis, si offenderis audientes, aut existimationem tuam. Propterea maxime dignoscas, an (loqui) expediat, ex duobus, vt mores illorum & personas dignoscas, tentauerisq; alias, quæ maxime oderint, aut negligant, aut quibus delectentur. Alterum est, in ipso statim ingressu, ex attentione: contra, si dormitauerint, si inter se loquantur, si inturbent, quod foedissimum est omnium. Ob id diligenter animaduertere opus est, quam grauiter ferant sermones tuos, aut auide excipiant. Quod si diuisi sint, tunc in contentioso certamine (versari) necesse est, in aliis, excusatione præmissa, silere melius.

## CAPVT CI.

### *De Epistolis conscribendis.*

**P**roxima sermoni familiari Epistola est, de qua tamen superius (cap. 94. 80. & 81.) sed breuiter, & id De conscribendis libris (verum ad alium finem) sermonem habuerimus, hic tamen locus est vt tractemus: quum nil aliud sit Epistola, quam sermo manens, & ob id diligentiore cura indiget: & ex dictis, quum iam sit sermo scriptus, & ad absentem, perfectior sit oportet, quoniam satisfacere debet tacitis etiam interrogationibus: & ob id breuior sit, quum etiam prolixitas in sermone (in quo nullus est labor, sed solum auditui danda est opera, in Epistola vero legere oportet & intelligere) foedum afferat. Quapropter & pulchra scriptura esse debet, ne laborem labori addat. Est enim impudentis animi, aut nimium insolentis, scribere dubiis notis. Tam vero quæ non obicit, ita sicco pede transire decet, ne frustra adiecisse verba videaris, aut instruas illum contra te. Foran, si dubium est, præmittere omnino melius est, & ad dilemma re-

ducenda sunt, quæ scribuntur, nisi existimes aliquando tibi opus esse alteratione ante iudicem. Vnde tum quum proficere non posse speras, stultum est admonere, in quo ne tempus [quidem] habeat cogitandæ responsionis. Et certe, vbi prætermittendo & obiciendo, par periculum videatur, tutius est prætermisisse. Atque ideo multi prudentes litigatores, robustissimas rationes improviso obiciunt, & quum iudex sententiam ferre vult, vt vtrumque incautum opprimant. Sit ergo lenis Epistola, & gravis, iuxta mores temporum, & vsum. Nihil tradas literis, quod etiam si cadat in manus inimicorum, probari non possit. Sit conexa, ne negligenter scripta videatur. In vniuersum enim nihil facilius est, quam scribere Epistolam, quod illa sit varij argumenti, brevis, & diuisa ab aliis: vt ob argumentum numquam possit deesse materia, ob breuitatem, quilibet stylus, quælibet sapientia, quodvis tempus sufficiat, siue interrupta sit, siue continuata. Possumus de emptione, agris, magistratu, & morbo differere: at quid magistratui cum agri emptione, vel morbo? Ita non solum facile est, conscribere Epistolam & Epistolas, sed consarcinare librum. Quanto magis, qui argumenta conficiunt, non sequuti sunt, sed fingunt, vt sapius Cælium Plinium fecisse crediderim, &c. At contra difficillimum est, conscribere bene Epistolam, vt vix ipse post tempus tu approbes. Primum quod ea soleant, homines prodere arcana mentis suæ: hoc autem quantum vtile vniquam esse possit, non dico. Deinde quod ille, cuius mentem primum nescias, etsi scire possis, mutari potest, ac postea, si non recte sentias, damnet[ur] & irideat, ita vt alterum duorum incurras, scilicet vel insulsi vel improbi hominis opinionem, & etiam si recte sentias, non ille tamen probet. Neque enim quod iustum est, vel optimum, probant, sed velut in vinis, aliud dulce, aliud potens, aliud austerum; & quidam capas præferunt carnibus & ouis, ita de iudicio. At qui librum omnibus conscribit, modo recte sentiat, necesse est vt quod bene scripserit, multitudini tandem probetur, & qui aduersantur, inuiti trahantur in sententiam. Est & temporum mutatio, qua quæ [olim] probabantur, damniari solent. Scribis amico, qui nuper de carcere exiit, Epistolam omni arte, in qua vniuersos neruos rhetoricæ exprimis. Quamdiu species illa deformis carceris, oculis obseruatur, dum illuuiet, dum tristitia, maxime probatur, laudatur, placet gratulatio: Vbi tristitia illa euauerit, [si] incidat in manus Epistola, tum secum ait: Cui bono iste hæc scripsit? Si non ob crimen carceri intrusus est, inquit, Quid attinet vt odio se criminis memoriam, & quod vellem ego & ipse (si mihi talis amicus est, qualem se præfert) extinctum, foueat & suscitet? cui bono? quid hoc ad alium attinet? Qui vero sibi iniuriam factam putat, secum reputat refricari iniuriam, cui ipse causam nullam dederit, & indignatur meminisse iam acceptæ. Sed & illud difficillimum est in Epistola, scilicet dicendis & metæ præfigere clauum. Sæpe enim quæ dicimus, aut contra propositum sunt, aut alia ratione in contrarium & aduersus nos facere possunt, aut inimicos efficere: vt si [quem-

piam]



piani] velis laudare, quod seruauerit hominem, omnes illius amicos primum vituperas, & inimicos reddis: fieri etiam potest vt ingratus videaris, quum ex illis te vocauerint aliqui [ad cœnam, vel ad ægrum, &c.] aliqui laudauerint: certe omnes reddes ex amicis inimicos, ex inimicis inimicissimos. Ita difficile est sua narranti modum seruare; vt (velut ille aiebat,)

*Dicenda tacendaque norit.*

Demum illud accidit pessimum in Epistola, quod pollicendo, damnando, laudando, auersando [vel aduersando,] in posterum negotiis tuis & occasionibus magnum impedimentum affers, aut vanus omnino deprehenderis: quæ in sermonibus non sunt adeo periculosa; quum verba, vt Homerus dicebat, (alata sint, &) euolent. Quamobrem in Epistola scribenda non solum exigam vt quis valde considerate agat, sed etiam vt circa generalia versetur, & sermones bene conditos solum inserat. Quod si cura aliqua laudis tuæ significandæ te pungat, [tamen eam prædicare] vetearis: si ea enim fuerit [digna relatu,] honestius multo, & maiore cum auctoritate ab aliis spargetur. Nec te moueat exemplum Ciceronis, quod fecerit hoc: sed vide quantum ob id improbetur; & quanta illi damna hoc attulerit. Demum memento quod mori potest [ad quem scribis,] & omnia in inimicorum transire potestatem; etiamsi ille, qui mille modis delinquere potest, in nullo delinquat.

Quum ad Principes Epistolam dirigere velis, oportet vt ex initio illum ad legendum inuites; velut si dicas: *Etsi inter amplissima negotia, & arduas, ac pene infinitas occupationes tuas, (ô Clementissime, &c.) locus nullus tam longa Epistola legenda (qua etiam priuatis [viris] fastidio esse possit) relinquatur, humanitas tamen illa tua singularis, præsertim in eos qui non solum iniuste, verum miserabiliter, & ad extremam usque calamitatem opprimuntur, spem addunt, vt Epistolam hanc (que longior videri possit) sub libelli parui forma oblatam, legas. Non autem requiro vt simul totam legas, sed ipsum libellum, etiam in partes minutiores diuisum, per intervalla. Si enim neque legendo, tadio afficeris, neque abiiciendo, addictum tibi hominem, & qui non nisi in iustitia & humanitate (tua) spem habet, tamquam feram canibus dilaniandam relinques, vt non solum me miserum, imbellemque meam stirpem euertant, sed (inuidioso exemplo) bonos omnes & impotentes perterreant, & auctoritatem tuam ac sanctitatem ludibrio habeant. Scimus etiam quoscunque bonos Principes, & quanto maiores fuerint, tanto humanius supplicum subditorum porrectos libellos legisse: vt sic agendo non solum miseris succurreretur, sed etiam labor ipse minueretur. Nam quum intellexerint subditi, Principem velle videre, quomodo res subditorum agantur, curabunt indices, ne sua causa patiantur (huiusmodi) libellis optimi Principis laboriosam vitam onerari. Atque ita tranquillior reddetur administratio. Sic (fecit) Augustus olim, sic Traianus, Adrianus, vterque Antoninus, Alexanderque Seuerus, quoique quotque alij Imperatores: qui ob tam insignem humanitatem pro Diis habiti sunt, quod hoc ipso præcipue Deo assimilarentur, quem Theologi omnes referunt in tam ampla omnium administra-*

Tom. I.

*tione non ignorare hominum facta, velleque intelligere, quid homines agant. Adeoque res ipsa probatur ab omnibus Principibus, vt etiam hi qui à fide nostra alieni sunt, & nomine Tyrannorum horrendi, hanc patientia consuetudinem inuolabiliter obseruent. Quorum regnum forsitan non ob aliud (nam secus grauissima est dominatio) tam diu felix bello paceque perseuerat. Igitur res ita se habet. (&c.) Curabis autem vt quam ornata sit, & lingua in qua maxime præstas, conscripta, notaque elegantissime contemptum pro humanitate subiecisse videaris.*

## CAPVT CII.

### *De dolo, ac seductione.*

**D**olis præterea fictis vincere nituntur, ac seducere viros, pueros, puellas; aliaque ratione. Nam finis non omnibus vnus. Observant iter quotidianum, mentitoque nomine obuiam facti, tamquam ex vrbe longinqua illo aduenerint, salutant. Inde quasi specie simillima aberrauerint, iam amplexati, ac dissuatiati, ferunt sermones, explorant animos, ingenium, mores: eoque omnia tendunt, vt attentissime audiant, statum illius intelligant, atque prudentiam; tum quibus capiatur rebus, & vt illum maxime laudent. Inde socium immiscent: conueniunt de sequenti die. Si grauior sit paulo sensus, abducunt ad cauponas, vt pecuniis spolient; aut in domos solitarias deducunt, altero patrono, aut socio, altero qui incallidum, seu credulum, & æquiuocum se exhibet, vt dum illum decipere studet, succumbat. Interim cibi deliciares, vina, & ientaculum, lusus, blanditiæ, veneratio, admiratio, honesta omnia palam; atque suspicatur, laudatur, dum spoliatur. At puellæ per lenas eodem modo sollicitantur: quæ si abduci possunt, iam puta rem peractam; sin domi manent, occupare hæsitantes solent, & adhuc dubias, vt non desint ostentationi, munusculis, pollicitationibus. Namque:

*Pollicitis diutis quilibet esse potest.*

Verum puellæ misericordia & lacrymis, pueri iactabunda spe, & incauta tractatione, viri primordiis lucri magis acquiescunt. Cætera eodem modo, vt dixi, se habent. Quare videndum est, quibus sociis vtantur; ne sint soli, filij: Nec cum incognitis solum versari, præcipue numatum (minorem natu) oportet. Rationem dixi. Et nihil tam tutum, quam pater, aut frater natu maior, puero adolescentive: & vt aleam non norit, neque Musicam; vel summa custodia habendus. Puellæ mater aut soror (adsit,) sed melior etiam frater. Patruique quoque omnium vices explent. Vt summa omnino necessaria sit in molli ætate, tum sexu, societas, diligentia. Est, vt ad rem redeam, modus seducendi, procul inchoando. Velut sacerdos improbus ludique literarij magister, titulo exomologesis, rogarat puerum (aut puellam,) an quisquam eum (vel eam) requisisset; ea spe, vt si non pernegasset quod non erat magnum, inde vterius procederet. Interrogatur rursus, si concessisset; inde quoties, & quando, & vbi, & cum quibus: vt demum ad

P p 2

ultimum



ultimum scelus perueniret. Vnde optime forsitan consultum esset, ne quisquam posset exomologesi exercere, nisi in ignotos, aut sexagenario natu maior. Vix enim cum familiaribus recte explicari potest.

Est & aliud doli genus in negotiatione: velut eandem rem bis vendere: accipere depositum, & cum rebellionem pacisci, vt per alium, qui illius notam (aut nomen) imitetur, fides actionis publicæ (quam instrumentum vocant) subscribatur. Ita hoc fiet periculo nullo. Vt si puer subscripserit, hortante aliquo ex his qui sunt intimi eius, apud quem pecunia deposita est, vel si instrumentum, ex atramento carbonario fiat, aut, si antequam pecunias accipiat, fateatur per publicum monumentum, ingentem summam ab amico accepisse: die sequenti amico reddiderit: nam sic creditoribus, à quibus in posterum sumpsit, ostendere poterit, se non habere: Nec vitio verti poterit alterutri: quoniam à Procuratoribus, quibus nec deferri potest iuramentum, defenderetur.

### CAPVT CIII.

#### *De eripiendo ab inuitis.*

**Q**UUM possidere quid, quod emere non decet, ad vsum, in animo est, nec (posse) ille (id) vlla ratione concedere vult, pulcherrimum ac incundissimum vltionis (aut seductionis) genus est, rem eam coram illo summis laudibus extollere: aut, si venalis sit, submittere emptores; qui cetratim premium augeant; aut etiam si non venalis sit, proposita conditione quavis petant, nemine tamen certum quid statuente: atque sic delusum & hiantem relinquere, vt cogatur apud se retinere, memor priorum oblationum, quum nullam conditionem ei æqualem esse videat. In quacunque genus rei sit, curabis vt elegantius in eo genere possideas; dicesque multo minore pretio obtinuisse, sed ita ornabaris ac tractabis, vt si vxor fuerit, &c. citharista ille, &c. qui negauit, & quam non duxisti, dolore conficiatur, & pereat. Quod si quis interroget, an volueris eam ducere? siquidem pater adsit, illam ad cælum vsque laudabis & euehes, quasi pigeat non duxisse: suspirabis, dolebis, gemes, submittes fidos amicos, qui quasi id agant, tamquam denuo sis ducturus. Perpetuo etiam, si aliud sit, quod liceat habere, submittes qui conditione meliore proposita fingat te id querere. Eas autem (conditiones,) vbi prope finem fuerint, abruptes, minima ex causa, sed quæ tamen illi plurimum cordi sit, aut negata, si placeat; aut requisita, si displiceat: atque diu tortum dimitte. Nihil autem est quod maiorem dolorem afferat inuidia, & memoria amissæ pinguis occasionis: adeo vt quidam præuidentia ducti in eas eosque qui locum occuparunt, insidias moliti sint, alij etiam desperatione se suspenderint. Acrem autem & exitialem inuidiam mouent bona, præcipue ornatus, dona, honor, voluptas, libertas, virtus: his enim sex rebus circa personam assumptam excitatur rivalibus inui-

dia: in eo vero qui quæsiuit, potentia augeat desiderium, liberalitas & gloria. Sed si absente patre eiusmodi fiat interrogatio, dicas, optime tecum actum esse à Fortuna, quod quum tantum errorem admittere cogitasses, illa tuo ingenti commodum factum id interruperit, teque liberauerit.

Similiter & à Principibus vt corradas præmium, arte opus est. Si quidem in nuncupatione librorum per Proxenetam, ex intimis, aut Aretas exige primum pro anagnostis firmitum stipendium: deinde pro impressione: sic tibi libri suppererunt, vnde etiam licebit sperare aliquid doni: tunc erit triplex lucrum. Si non, fac saltem vt primum, aut secundum cum tertio non desit.

### CAPVT CIV.

#### *De amulis.*

**A**T si (quod frequentissimum est) conspirationibus æmulatorum opprimeris, ita vt illudant tibi; tu contra bonos & prudentes ad te trahe: in illorum inimicis cateruam amicorum tibi facito: acriter repugna. Sed caue, ne aliqua ex parte inconstans, quicquam condonando, spe, metuue delusus videaris: sed persta, donec vincas: quod facilius quam speraueris, eueniet. Constantia, tolerantia, fortitudo, atque prudentia opus est in euincendis aduersis. Porro quum artium quædam vtilis sint valde, vt militaris, iurisprudentia, medicina; aliæ ad voluptatem, vt Musica & pigmentaria, & pictura quædam; ad vtrumque, vt vestiaria, & architectura; quædam ad horum nihil, vt numerandi & metiendi: in vno è tribus generibus excellere oportet eum qui existimationem habere velit apud homines: maxime autem in primo, ac tertio genere. Omne enim lucrum ab existimatione in artibus proficiscitur; existimatio à nobilitate; nobilitas à substantia artis, seu fine, aut raritate, raritas ab excellentia artificis, vel exercendi modo. Erunt igitur tria: nobilitas artis (atque de ea, in quibus constat, satis dictum est;) præstantia artificis, & exercendi. Verum præstantia artificis qualis esse debeat, vnicuique manifestum est; & quomodo habeatur, scilicet studiis, meditatione, multa exercitatione, atque raris experimentis; & quod non omnibus datum est adire Corinthum: at, quod maxime conspicuum est omnibus, diligentia artificis; adeo vt etiam frustrata fine, existimationem retineat. Hæc vero duplex, vt etiam duo sunt genera artificum peritorum. At peritorum vtilis est, & honesta ac pia; imperitorum vero inutilis, fucata, & detestanda. Quum obrem & priorem exercere oportet, & hanc maledictis prosequi, non quidem aperte, ne socios insectari videaris, quamquam omni reprehensione digni sint. Id ergo facies quasi commiserando: velut si dicas, Vellem vt recordatus esset inspectionis linguæ, aut ventris; horterisque illos, vt eum moneant, vt hæc animaduertat. Quod si dixerint, dorsum inspexisse, gratia exempli, quod tu neglexeris, statim respondebis subridens. Quorsum id? Hæc autem responsio



responsio statim facta, cum maxima auctoritate tua est, eleuatque illius existimationem: ita si non statim fiat, contrahatque vultum, multi pro malignitate interpretabuntur animi tui erga illum. Subiicies vero, vbi illa dixeris, denuo vt meminerit hæc inspicere, atque considerare.

Observare etiam debes, vt quicquid ab aliis constitutum fuerit, addendo, minuendo, locum, tempus, quantitatem, determinando limites. Denique si contra te vnū multi consensiant, admonebis ex adstantibus vnū atque præcipuum, vt saluti ægri consulat quod expediat; te contrarium propositurum: illos, vt tuam existimationem frangant, bene consulturos. Tum vero si id fecerint, dicet te prudentem & eruditum, qui quod oportet facere eos coegeris. Si quod proponis, (fecerint,) imperitos rursus ostendes, & non audentes tibi repugnare. Ergo si existimationem tuam per coniunctos ægri, tum suos parasitos, eleuarint, quadruplici, via occurreres. Alii enim fautoribus opus habes, & contemnendo verba prioris, & detestando operi totus incumbes, imperabique coram illis, cogesque assentiri: tum vero & infirmum & astantes terrebis, ne quid te inconsulto agant, commemorando (si non per alios id commode & honestius facere licet) eos qui in illorum, qui laudantur, manibus inopinato interierint. Præstat in his, qui iam famam adepti sunt, partes quasunque ægro parum vtilis condere, vt temeritatis (quam omnes formidant) opinionem de illo feras cui suspitioni argumentum numquam deesse potest, & quæ tibi locum præcipuum ad auctoritatem, moderationis scilicet in animis omnium existimationem relinquat. Id vero modestius significare decet, quam vt eum accuses, atque apud tuos, non suos fautores, (parum enim prodest serere in alieno agro;) & vt magis illius infelicitatem, quam facta, dampnes. Id vero scite vt peragas, prudentia opus est: exemploque superius (sectione 79.) te docui, quum singula scribere nimis operosum esset. Interim & animum eruditione plenum habere oportet, & omnia ad simplex imperium (quod maiestate quadam ex auctoritate, grauitate, operibus, sapientia, ornatu, & comitatu constat,) traducere, ne vel nimium circa hoc sollicitus & imperitus vel peritissimus quamvis [ sis ] & doctrina atque vsu præstes, plurimum tamen impeditus, ægri salutem prædas: & vt in Prouerbio est Glauci armorum permutatio, vt Deum offendas stultæ ambitionis, & prodigæ auaritiæ, & incerti lucri causa. Quamobrem etiam magis angue cauere oportet, ne (vt stulti quidam) ad verbosam contentionem deuenias. Vt nesciam turpius aut foedius, maledicere ne, an male audire: hoc enim impotentia; illud stultitiæ argumentum; vtrumque apud omnes æque execrabile. Quum vero sint genera malorum sociorum, ambitiosorum, qui doctrinæ [ aut eruditionis ] prætextu omnia sibi vendicant, & callidorum, qui visa damnant, & alia exequuntur, executionique mandari ab adstantibus iubent, aliter alterius cura est. Nam ambitiosos fallere oportet clam; fallaces palam actorum coarguere, non illorum mentionem faciendo: (ad con-

tentionem enim deuenires, & odium irritabile tibi comparares:) sed contraria lubendo, atque auctoritatibus & ratione, (res) exposcat, cogendo vt assentiantur. Turgidum autem illum medicum coargues, & veterum auctoritate, palam. Quod si perseveret (vt plerumque contingere solet: omnes enim hi contumacissimi sunt, atque etiam impij, ac crudeles) dicas non venisse te ad certandum: hanc esse veterum sententiam; & (si licet) alium tibi amicū aduoca, qui clam cum adstantibus cōueniat. Ita sine strepitu auctoritatem illius elides. Observare autem cum huiusmodi viris occasiones oportet, velut in venatione & bello. Namque qui hostem inconsulte, aut feras aggrediuntur, hi quidem vacui præda redeunt, illi vincuntur. Errores igitur manifestos, & successus infelices, tum in ægro, tum aliis, eiusdem obseruabis, ac deteges. Nimia enim patientiæ est (ne socordia dicam) falsa illum opinione laudari; & te longe illo præstantiorem, & humano generi salubriorem, posthaberi. Caue tamen, ne tu prior illum carpas, vel vlla ratione irrites; sed veteratorem deprehensum tua testata innocentia publica, &c. Quod si in æmulum ambitiosum & stultum incideris, difficile est recte facere. Magni enim infortunijs est, pugnare cum prodigis vitæ; & contendere cum his qui vt te euertant, se ipsos negligunt. Nam vrceus vrceo frangitur; nec vnus damnum affert quippiam alteri commodi. Id vero accidit immodice ambitiosis præcipue viris: atque eo magis procedit, si tu labores inuidia multorum, occupant in inscriptionibus, consiliis, sedilibus, pompis, adulationibus, familiaribus, loca indebita, & non tam illis decora, quam tibi turpia: quæ si negligas, præter dedecus, in illis augment audaciam, vt iam nihil tutum tibi sit, quod præripere non audeant. Quum enim omnia vitia nullis terminis coërceantur, ambitio tum & auaritia præcipue; sunt natura infinitæ. Quum hoc ergo sit arduum negotium, memineris illius dicti, Quum non potes facere quod optimum est, optimum esse puta facere quod minus est turpe, periculosum aut damnosum. In inscriptionibus, tum etiam aliis si ille primum occupet locum, tu extremum accipito; si supremum, tu infimum. Semper enim extrema eandem habent auctoritatem: aut si non, confundis ordinem: quo sublato, nullum tibi dedecus provenire potest; nec ille quicquam obtinuit. Deo tribui solet α & ω: quoniam principij ac finis eadem est ratio, & ambo præstantissima. Præterea nimium & parum ad arrogantiam pertinent; & Lacedæmoniorum vestis, (inquit Aristoteles 4. Polit. cap. 7.) &c. Vbi ergo primus esse non possis, vltimus sis. Sensim etiam per amicos & modeste resistendum est illi, vt discat nihil ei esse tutum ac sine controuersia, etiam in minimis, ne maiora audeat. Extremum enim malorum est, sinere vt gratis (aut impunit) insaniat: sed paulo minus, si contemnendo risum in scriptis, plus læditur existimatio quoniam scommatibus locus non est: per quæ sæpe (quum reliqua non tibi importune adsunt) illudes illius temeritatem. Quale illud, Vbi sedet Pontifex, caput mensæ est; at non, si in capite mensæ federis, Pontifex eris.



Quod si acrius illum mordere velis, dices. In mensæ capite sedent aut Principes, aut moriones. Semper autem in huiusmodi viris obseruare oportet, vt summam retineas grauitatem, vt factis generosis excellas, vt illum perpetuo per amicos inquietes, vt illius fugias consuetudinem, vt quum sermo de ipso habetur, contemptui eum habeas, negligas, risu tantum lenissimo testatus illius improbitatem, & quam paruæ apud omnes debeat esse existimationis, nec eius vllam rationem, habendam. Quod si, præter ambitionem, minime malus sit, cede, at subride. Sed rara avis est hæc. In vniuersum, cum æmulis aut grauitate tanta esse oportet, vt illos ad tui reuerentiam compellas: aut tanta morum suauitate, vt illorum acerbiter edalcores, ac ruborem eis iniicias; aut tanto splendore, tum artis præstantia, tum Fortunæ, vt eos obruas; aut tanta potentia, vt te timeant; aut tanta calliditate, vt illos eludas. Hoc solum vt facillimum est, ita omnibus aliis minus tutum est auxilium. Quoniam vero improbi debacchantur, nihili facientes necem hominum; luduntque in capita miserorum tam impie quam nefarie: vt (gratia exempli) quum multos tentando occidant, vt sanati sua industria videantur, tu quum iure quiescas, quoniam ea sola spes salutis relinquitur, in alterum duorum incidis, vel, vt, si moriatur æger, negligentia & imperitia tua mortuus videatur; si sanetur, casu sanatus credatur, quum nihil circa illum peregeris. Crimen hoc, vt patentem viam ad falsam existimationem, aperire debes, tum queri quam late pateat ad falsam gloriam ex tam scelerato facto via. Tutissimum hoc solum interquiescere: tum ea ages quæ nihil mouent, nec culpam possunt. Magnum tamen videtur restare periculum ex perperam facto. Interim attentus esto. Nam etsi [æger] liberetur, non sine terribilibus casibus id contingere poterit: quibus tum opportune occurreres; & prædictione casus facta, rursus comparatam funesto scelere gloriam, tamquam perituum seruaueris, è manibus illius eripies. Rursus si auxilium in morituro, antea astantibus proponant quod noxium sit; deinde instent, & assentiaris; hoc nihil peius excogitari potest: qui mos est Bononiæ multis imperitis. Nam si assentiaris, reus es pœnæ capitalis. Neque enim lex quicquam excusat qui causam mortis dederit, etiam animam agentis: Præterea, si sanetur, ab his sanatus creditur: si pereat, & dicas obfuisse, vt qui nullus sis, nec audeas, contradicere his qui perperam consulunt, contemneris: si probaueris, videberis imperiti arbitrio regi. Si dicas, obstitisse vim morbi, (quod rectius dici potest;) quærent, cur non prædixeris? at hoc ipso etiam mendax fies. At si resistas, quum iam sit moriturus; vbi mortuus fuerit, te ignorantia & studij contradicendi accusabunt, dicentes, non perituum [fuisse] si permisisses. Quod si illos damnes coram astantibus ægri malæ societatis, reddes tibi inimicos. Hoc tamen tutissimum est postquam iam pessimos esseprehendisti, palam corripere [eos] auctoritate [tua, quod] proposuerint malum auxilium, vt [ita] facias, [à calumnia] absis, si non facias, & moriatur, calumniam subeas. Nam si ægrum

deferas, odium coniuictorum subibis, & contemptum astantium: & si forte aliquando quum omnino certus non fueris de illius morte) reuiuiscat, vituperaberis. Rarissime quidem vidi ægros vtiliter quouis casu aut causa deferri: quamuis hoc iubeant clariores medici, nostri non tamen ferunt mores. Ergo illo reprehensio, & re improbata, relinque illi iudicium, faciat vt volet. Quod si liceat, paucis mutatis, tuto adhibere, testatus paruam spem, & postquam illi summe placet, admittes. Demum, si non adhibito præsidio, te retractante [vel detrectante], moriturus moriatur; illi vero te accusent, dicas illud omnino obfuturum; sed aliud esse quod illi non intelligebant, vt si pro vstione spinæ in distensione, vstionem in futura coronali [adhibuerint] pro attonito morbo, vel, quod grauius est, Vtinam me celerius aduocassetis, ante illud auxilium! alio ab eo facto commemorato. Sed si adeo profuturum confidebat, cur non & hoc adhibuisset postquam vidit obfuisse, hoc commentus est, vt velaret factum. In summa, in huiusmodi quambrenissime (agere) optimum est, & vt multi intelligant illorum errata, nihil distincte proferendo, sed in quo maxime errarunt, detegendo: velut si dicas, Optarem vt (me) ante sectionem venæ vocassent: (hoc) licet contra tales sycophantas. Nam pessimo nihil est peius. Quod si querantur, obicito impudentiam eis, & illos malæ societatis argue, Nam hos aut vi, aut nullo alio modo tibi æquos reddas. Cauere debemus in æmulis insectandis, ne nimia insectatione pro contemptis efficiamus gloriosos; vel ne nos carere iudicio deprehendamus: velut Valverda; qui dum singulis figuris adiicit, quomodo differat à Vesalij figura, prodit vanitatem propositi, vt non docere veritatem quæserit, sed nil aliud, quam vt Vesalium euerneret. Itaque tantum absuit, vt id consequutus sit, vt stultitiam suam prodendo, & perturbato omni ordine, pulcherrimum opus (si quidem in exprimendis figuris valde felix ære fuerat) inutile prorsus reddiderit: & quem nimis anxia cura deprimere concupierat, assidua insectatione, & stulto opere suo magis illustrauerit.

Aduersus autem æmulum ambitiosissimum, imperitum, peruiacem, malignum, ac nequitia omni plenum, potentem, fastuosum, non aliter quam aduersus incompressum & magnum exercitum, cum minore, sed è veterano milite, certare oportet; scilicet instructa acie, auctoritatibus, ratione vrgendo: impellendo, ad contradictionem reducendo. Vbi terga paululum verterit, admone, accusa, coram increpa; nec vnumquam definito, (antequam eum) profligaueris. Quod si ad maledicta & probra deuenerit; dic, non esse his locum, sed de salute ægri certari: ad illa omnia, se suamque domum respiciat: satis habere domestici mali, vt non necesse sit, quærere aliunde. Antea vero ægrum, eiusque domesticos monebis, quod salutis eius causa hoc solum facturus sis; aliter vitam illius in periculo versari: ob hoc expecta occasionem grauioris morbi. Illud præterea semper contra huiusmodi viros in ore habendum, etiam extra propositum, adesse ibi non contentionis causa, sed vt opitulemur ægro. Nihil autem tam vtile fuerit



fuert in his, quam si artem ad genus eorum reuocaueris, quæ opera sua ostendunt. Errata enim quum mors tegat, à sine auspicari oportet. Cadauer [ itaque ] dissicando, erroremque detegendo, ( eos ) prosternes.

Quum verò æmulum habes grauem, qui te premat, exploratorem omni arte, omni que ingenio subiice, qui omnium eorum quæ æmulus tuus agit, certio rem ( te ) reddat; quæque tibi expediunt, consulat: & cum eligas etiam, quo ( si oporteat ) illum opprimere possis. Porro quomodo id facias, inferius edocebo.

Tum vero & eos qui ægrum, te neglecto, curant, sic elides. Constat sane productum morbum vitam efficere breuiorem. Itaque ægros ipsos reprehendes, qui se illi commiserint: edocens, membra eiusmodi inualida reddi, & manere semper; vnde necesse sit, nunquam secuta illos frui valetudine, sed perpetuo obnoxios morbis ex hoc membro affecto: demum vitam efficere breuiorem. Tua autem interest, vt non solum ratione, sed autoritatibus id comprobes. Quod si certamen sit de lucro, & ille [ æmulus tuus ] pauper, aut avarus, aut familia oneratus, operam precario locabis; merces vili pretio vendes; donec eum discedere cogas.

Quum verò æmuli coniunguntur; velut chirurgus cum medico diætetico; tum fac vt chirurgus tuus cum diætetico conueniat; & chirurgus eius tecum: inde vbi disruperis societatem, vterque deferat suum socium. Illi enim iam in graues inimicitias peruenerunt; quum serio disuncti sint, nec tam facile poterunt coalescere; & illorum secreta rimatus es, vt qui sinxeris inimicitias, non gesseris.

Quumque semper concisa breuitate in loquendo opus sit, & lunato sermone, tum maxime erga æmulos; & præcipue à contrario sensu. Velut, Omnes amici me amant; nec ausi sunt vituperare inimici; nisi qui faciem hominis non sunt [ conspicari. ] Simile illud Antisthenis: Dubito ne mali quid egerim quoniam improbus me laudat. Sed accommodatis huic proposito id est, augendam estimationem à contrario, Non vituperabit, nisi cui displicet innocentia aut virtus; iuxta accusatoris & calumniæ naturam.

## CAPVT CV.

## De Delatoribus.

**V**erum & illud est delatorum [ genus, ] qui dum adulantur, aut insidiantur, aut, vt beneuolentiam caprent, amicos, aut etiam notos, qui tibi non nocuerunt, insimulant: vt, si credas, inimicos tibi compares, illis frustra iniuriam grauem inferas; si non credas, quomodo admoneri poteris de insidiis, quæ in te parantur? de periculis? de iactura? de infamia? denique si amicus sit delator, merito te oderit, in posterumque in tuam perniciem conuiebit. In conuentionibus autem produnt literas, vt perdant, aut alios ad conditionem compellant: quorum causa nuncius mitti solent cum epistola fidelitatis: sed

& nuncium fallere consueuerunt, absconditis æmulis post tabulatum, etiam ficta surditate, vt clariorem vocem edere cogatur. Quibus ambabus artibus proditus est Regulus Sancti Pauli à Rege Galliarum. Cauere igitur; & in suspitione abstinere oportet.

## CAPVT CVI.

## De insidiis vbi de Exploratore.

**Q**uum verò aliquid habueris occultum, insidiabuntur, vt clanculum id eripiant, mille insidiis; submissisque primum pauperibus, qui eo morbo laborent, nonnunquam pro aliquo qui extra urbem sit, petentes auxilia. Quod si non dederis, inimicos ascisces tibi: si dederis, tuo inuento, sine labore, sine gratia, sine commodo villo insigni, potentur; imo & irridebunt [ te: ] Si fefelleris, reus es apud Deum. Itaque pulsus inunges occultis oleis; ordinem ac mensuram miris modis ac difficillimis statues; ministros deterrens; si aberrant: præfatus etiam, ne numerum pertuerant: magno id periculo fieri; non addas, vitæ, ne ægrum terreas; non [ tamen ] magnam omittas adlicere, ne tentare audeant. Multos etiam ministros adhibebis; & singula singulis mandabis: sic enim magis confusa res reddetur. Atque ea ratione omnia, vt quæ maxime à medicorum traditionibus in illa causa deuiant. Similiter de cibis, & cubili. Quædam etiam magis perpetua sint, quam id in quo est vis tota. Nam si plura sint necessaria, perturbato ordine facile est occulere. Iuramentum quoque exiges pro eo quod artificiosissimum videtur; in quo tamen vis non est. Nonnunquam coactus sum, quum suscepissem curandum quem pro morituro dereliquerant, iubere ægro, vt tamdiu deterius se habere conquereretur, donec euasisset periculum; ne per pharmacopolas venenum subministrarent, aut mutarent profutura. Sunt & alia insidiarum genera, per domesticos, familiares, clientes, pueros, simplices, in te non solum, sed etiam in tuos. Quod si vt subscribas, aut rescribas, nomine potentis viri, atque amici tui, requirant; recipias te facturum: sed tempus exige, quantum sufficit, vt illum moneas, nisi res periculo vacet, aut nuncium & epistolam ex sigillo & caractere noueris. Si virgeant, dicas solitum illum esse propriis notis ad te scribere; nunc te nescire, cur omiserit. Rursus si amicum subiiciant, qui à te petat, vt sua causa magistratum aut Principem adeas; contendes, &c. vt si neges, eum tibi reddas inimicum; si assentiaris, Principem fatiges, si te ille amet, aut negligat, si non amet. Fac igitur vt amicus respondeat, inuenisse alium qui eo munere fungatur. Cui dicto si acquiescat, iam dolo res caret; si non, odium tui quærunt, non communis amici rem. Tunc ergo abstites, & amicum mone. Quod si non acquiescit, stultus est, aut non tibi amicus. Vt rouis modo expedit deferere consuetudinem damnosam. Sed etsi dolo res careat, turpi facto opera danda non est. Et si insidiis per fectos amicos interuertere te quærant, re intellecta



tellecta spem prabe, donec illos fatiges, & vt nihil aliud interim aduersum te moliantur, prohibebis. Hac occasione etiam deprehendes dubios amicos, iussu vt amicus ille fictus consilium à dubio petat, tamquam ancipiti animo tuo hac in re. Quod si conuenit, & is inimicus tibi est, & quod si tibi consulenti etiam id suadeat, proditor plane est: si vero etiam repugnantem in sententiam trahere nititur, proditor est, & te contemnit, vt stultum. Quare, ea occasione arrepta, grauiter, ) si potes) vt de exitiali, honeste ultionem sumere oportet.

Porro insidiæ quæ ad prodicionem spectant, & quæ contra potentes sunt, adeo vt grauissimo cum periculo exercentur, initium ducunt à qualitate personæ iratæ, vel leuis, vel ipsi valde amice, à causa scilicet, querela vera, vel ficta, à præmio ingenti, à modo, vt scilicet per eos res agatur, qui non inuidiosi sunt, aut suspecti, tegaturque finis rei, priusquam negotium attingamus: velut si cum sororio eius magnis pollicitis paciscamur, tentare dum à proditore literas impetremus. Illis enim tuta est nuntiis negotiatio: nec periculum est, nisi vt ante primas literas re domino detecta, proditio ficta agatur, quod persæpe contingit. Nam secus literæ illæ loco pignoris sunt. Reliqua deinceps prosequi haud arduum est.

Si quis inimici amicus ad te veniat, aut suspiceris de his qui causa aliqua tuæ familiaritati se insinuant, quidam oblati cibus aut potibus illorum animos explorare consueuerunt. Sed si res non ferat, aut illi sint audaciores (persæpe enim multis bonis & insciis proditor se adiungit) verbis illos blandis, tamquam prius non agnouisse pœniteat, [ablega, noli te] obicere importunæ consuetudini in futurum. Quod si omnino perseuerent, suspicandum est. Tum vero, ne ex occulto aut dubio, verum & apertum facias inimicum (quum manifeste impudentiam suam prodat, & animum ad hostiles insidias, violentiæ, aut veneficij aut delationis paratum) obicere oportet famulum aliquem petulantem; aut, si non licet ob potentiam, impedimentum mentiu ex negotio; aut vt referant te dormire; aut abesse, ipsi autem [famulis aut domesticis] otij nil superesse. Si vero quis interroget te (de) tributo Cæsaris, ille autem sit amicus, aut simplex, vt expisceris quis submiserit, dicas: Memoratu dignum affers: amicum tibi esse necesse est, & prudentem virum, qui huius te admonuit: dic sodes, quis est qui tam vtile tibi consilium dedit: Sed tempus interponere non oportet.

Si medicus (gratia exempli) socius alia seorsum præcipiat (quod multi facere consueuerunt) ab his, in quibus conuenerat iam, decet ex aliquo astantium scire. Nam iactus (in) incertum, parum vtilis esse solent. Secus, ad monebis hominem (tamquam in illo maxime fidas) officij: rationes autem addas periculi, si aliter fiat; eumque autorem facias inuenti vtilis. Ad astantes (vero conuersus dicas,) te non dubitare de illius summa fide; periculum augendo, tamquam de dolo aliunde suspiceris. Vbi suspectum habes aliquem, quem scire qui sit tua intersit, ad ami-

cum verba facere oportet, vt exploret: at si, non habes (verum, sed) simulatum amicum [nam horum numquam deest copia] verba habebis, vt velit explorare, qui sit: sed si non agit, vilisque conditionis sit (ac in tua potestate aliquo modo) dicas, Tua interest, vt quis sit ille, resciam; aliter tu ipse es. Nam infidos amicos, & ignobiles homines, ac fallaces, non nisi metu aduersus seipsos coges. Nonnumquam à principali blande sciscita-beris.

Insidiarum vero violentarum à latronibus (cuiusmodi in urbibus magnis frequentes esse solent) tempus & consuetudo quædam est. Tempus; quoniam ad nocturnum (oculi,) aut aliud signum id conficiunt; non ante. (Est enim & in his ordo quidam.) Consuetudo; quoniam (aliqui) malleo, alij gladio interficiunt. Cura enim est illis, vt vno ictu, & sine voce concidat. Ideo ne incognitos admittas solus; multo minus prope, ac retro: sed expeditum te serua. Aspice si adest apparatus. Tales enim vt lanij suum habere (cultrum) solent; maxime qui fues occidunt. Caueas scalarum summa, & fallaces structuras, & loca horrida, & sine pauimento; quoniam ibi facilius cadunt, & sanguis absorbetur, nec hominibus obuia sunt (& in iis) facile sepeliuntur (occisi. Nox periculosior est, quam dies: & loca solitaria. Risus fictus adest, & verba plurima, sed non satis condita. Summa rei est, quod vbi imminet tempus, abscedunt, sequuntur. Exemplum sume à laniis, quum boues sunt mactaturi. Sed de his omnibus infra.

Insidias vero, de quibus supra actum est, pietatis titulo, (sit) dignoscas. Personam noveris primum: deinde quod blandis (verbis) te aggreditur: hæc enim via ad obtinendum aut detegendum animum. Deinde eo te deducunt, si renitaris, vt confitearis: si nolis, hæresis te reum agunt; si velis, & non cedas, interrogant an sumturus sis corpus Christi? neges, contemptus præceptorum te insimulant; si sumturus dicas, non absolutus, hæresis manifesto es in crimine. Si absolutum te dicas, negat id fieri potuisse: petit vt adducas sacerdotem; ostensurum id non fieri potuisse. Ita ex minimis initiis te implicat metu infamiæ, periculo fortunarum omnium, existimationis, & vitæ; vt nescias quo te vertas. Tum se aggreditur leuibus: consulit quid agendum. Tunc caue: quodcumque exciderit seu acerbum, seu dissonum à prioribus, seu quid pollicearis, detineris. Propterea nega colloquium. Si vrgeat, dicaste illum cognoscere. Nam qui prudentiores, discedunt; nec ignari, quanto periculo se exponant. Quod si incautus in casses decideris, docuerisque veniam impetrasse; opponas roganti illud, vt is ad eum potius eat, qui sit eruditior.

Si ergo propinatum sit (ægro) aliquid prauum, vt gloriam tuam euertant: dicas, Ego rem quæ te inquit, antea exhibui, nunc immutatum est, nescio causam, nollem vt aliquid sinistri contingeret. Propterea ignoscas mihi: nolo amplius tecum habere negotium. Intelligas modo tu: sed si consilium petat, offeras curam ex scripto, quam aliubi exequatur.



Est præterea insidiarum genus illud exitiale, de quo mirabar diu, Bononiæ, quum essem. Maxime huic negotio dabant operam, vt qui accederent ad infirmum, animum illius confirmarent, dicentes, vt non formidaret, quod omnino in tuto esset, etiamsi in extremis laboraret. Id qua ratione agerent, non poteram intelligere. Tandem animaduerti, hæredum esse consilium vafum: qui seu procurarent illius necem, seu saltem quidem expectarent, id agebant, ne æger sibi timens cogitaret de mutando medico, aut de insidiatoribus abigendis, aut (quod magis referret) mutandis testamenti tabulis: vt nullum sit maleficarum insidiarum maius argumentum hac importuna procuracione confirmandi animi; quum auxiliis bonis, (vt ego obiciebam, nesciens quo tenderent,) non tam forti animo ægrotantis opus esset.

Explorator duplex: [alienus, &] coniunctus: is longe melior, quod non solum actiones, sed & consilia nouit. Sed potentium est, & Principum, inuenire qui velit personam & nomen proditoris (& plerumque non sine graui periculo) alterius causa subire. Et speculatoris aut puer [est,] aut vir: Puer, non quiuis, sed callidus valde, & multa experiendo edoctus: minus suspectus est, & plura ei licent, sed iudicio inferior. Vir, vnus aut, si fidi, longe meliores, minusq; suspecti; aut vt aliter ignoret: si vnus, aut omnino vilis sit, aut qui contemnatur, aut splendide ornatus: medi conditione, sunt magis suspecti. Communia omnibus, assidere procul, vbi præstolentur, nec videantur, nec tum surgere, post accelerare gradum, oculo, non facie, aspiciendo. Vbi via mutanda est, prope sit. Iuuat ad tarditatem, inspectio domorum, & figurarum, mixtus, colloquia cum obuiis: ad celeritatem, illos morantes vt prætergrediaris, inæqualitas incessus, maxime in puero, etiam cursus, lusus cum lapidibus, cantus, imo & saltus: in viro suspiria etiam quasi excusant, &c. Omnes hos non te, sed per amicum inuenire oportet. Quibus etiam optimum est (si tutum) per viam aliam eundo, necessario in eandem rursus redire: vt si sit in A, speculator in B, quum eum viderit, eat in D: ille in C: inde transibit ad H per [G,] & occurrere speculatori quasi fortuito: quod si dum speculator est in E, non videt A ipse, & in FG, &c. Oportet igitur diligenter metiri gressum illius, vt illi se accomodet speculator. Quidam etiam mulieribus vtuntur; nec male. Plurimum enim absunt à suspicione.

Est etiam insidiarum genus duplex, valde maleficum. Vnum, quum amicis tuis persuadent, non esse quod suadent, tibi noxium. Ita dupliciter obsunt: non solum te; sed amicos in tui iacturam inducunt; vt etiam tu merito illis irascaris. Aliud est, quum quod per ipsos factum est, tamquam vitio tuo contigerit, tibi imputant. Velut quum mihi Bononiæ paucitatem discipulorum obiicerent; cuius causa ipsi erant, quum etiam violenter abducerent, & locum legendi atque horam occuparent; aliosque lectores inducerent.

## CAPVT CVII.

*De inuidia abolenda.*

Inuidiam autem declinabis, si apud æmulos & eorum amicos de fortuna tua conueraris; & non iactes te, nec glorieris; verum illos humaniter amplectaris. Difficillimum sane est, existimationem. (retinere,) & inuidiam fugere. Neque bonum est, valde familiarem esse æmulis: nam incognitis inuidere non solemus. Sed & fortunæ potius (accepta) referre decet, quam industriæ, vel virtutis, quæ eueniunt bona. Vnde Sylla se Felicem voluit appellari. Inuidia constat, non existimatio, quiete. Ergo vt alterum serues, alterum declines, mutationes apud æmulos occultare oportet, vt lucrari, honorari, vocari à Principibus: sed antiqua solum ostentare.

## CAPVT CVIII.

*De contemptu, & irrisione.*

Quum vero aliquis (gratia exempli) domesticorum ægri te irridet, id magnum est: nam contemptum dominorum indicat: vnde haud malum fuerit missionem impetrare. Audiunt enim famuli aut domestici quæ dicuntur in domo; & continere non possunt. Id vero ex aliis signis animaduertes: solutione, quæ minuitur; risu, dum discedis: nam tristes te excipiunt, hæc enim proprie sunt contemptus signa. Quod si cedere, graue nimium sit, tu te ipsum contrahe, ac fortiter resiste his, qui te oppugnant. Irrisio iracundia aduersatur; tum alteratio in causa, præsentibus fautoribus tuis. Age vt Paulus dicebat: vrge, obsecra, &c. increpa: memineris agi de honore tuo: causam contemptus venare. Si medicus molitus est technam, non seruum aut ancillam reprehende, sed palam medicum, vrge, quasi inscium culpæ. Dissimulabis enim. Omnibus præterea participibus; pharmacopoli, tonsoribus, obstetricibus, lucri causam honeste præbebis, autoritate tua seruata. Nam quorsum tua imminuere, vt alterius nomen illustres? Perstare posses in proposito, & spernere, vel desperare restitutionem: sed res humanæ breui finiuntur, & non constant diu; vt expectatio periculosa sit plerumque, semper autem damnosa, desperatio autem absurda; quum nihil apud nos fixum sit, aut spe careat. Similia, dixi, similibus, si superior sis, sunt propulsanda; atque id tantum: dissimilibus, si inferior, id enim necessarium. Si vero irrideris, aut contemptum pateris, seu causa tua, seu causa non tua, vt restituaris, prorsus danda est opera. Sed exemplo vtamur: Si tu vocatus inter belli consultores, irridearis à Principe, aliis (vt fieri solet) in vnum conspirantibus: tu vide an inconsulte aliquid egeris, aut dixeris. Vt enim medicus numquam recte curabit morbum, nisi qui causam cognouerit bene, ita morborum, qui nobis in existimatione contingunt, summa curæ est, cognitio



cognitio causæ. Facigitur vt scias causam, an sit error tuus an conspiratio æmulatorum, an Principis iudicium, an plura ex his. Si autem causa est error tuus, ne excusaueris: sera enim excusatione nihil peius, quæ fatetur errorem, & non in tempore illum diluit, nisi te opportunitas iuuerit, vt quum refricatur: tunc enim vt recenti vulnere medendum est, diligentia, cura, & oratione, quæ aut crimen & errorem esse neget, aut doceat, nisi id fecisses, deterius negotium se habiturum. Ergo corriges teipsum, seu error fuerit in re, velut consuetudo, seu in modo, velut quum intempestiue, minus appposito consulueris, seu in aliis, quæ ad negotium non pertinent, sermonibus vanis, manibus, incessu, ornatu, atque similibus. Sic autem corriges, vt non solum te ab erroris opinione in posterum admittendi vindices, sed etiam prioris suspitione, dum in contrarium habitum versus es: Velut si de leuitate suspectus sis, continentissimus esto, atque grauis admodum, adeo vt liceat in contrarium transire vitium, modo leue sit, atque purum: velut ex loquace, nugace, vaniloquo, in taciturnum, & eum à quo verba sint vi extorquenda, ne refrices, aut iterum erres: tempus omnia abolet, imo eluit. Vt errores tuos cognoscas, amicum habeas, qui quæ agas accideas consideret, ac libere tibi renunciaret: dicat & quæ ab inimicis tuis obiici sentiet. Quod si Principis iudicium te premit, si parum prudens est, tu te contineas, fautores quare, atque homines qui tecum sentiant: licebit adhære illi cuius opinionem probat, tuam mutasse simulandam sententiam. At si prudens est, credas calumnia persuasum: itaque apud illos te tueberis. Si veri amans est, & vere prudens, excusantem libenter audiet; & defensionem amplectetur. Si nimium pernicax, aut te odit, aut ab aliis fuerit persuasus, discede, si potes. Periculosum enim, semper oblectari potentioribus; plerumque & damnosum.

Si tui te, extra patriam dum fueris (quod mihi contigit) contemnant, diffamentque; contemptum illorum perferre oportet. Dixi ego quarenti, & interroganti, cur hoc? non esse illos patritios, sed mercatores. In eos recidet contumelia, si (quemadmodum & [euenit] mihi) duæ res affulserint: autoritas ex virtute, & [fauor] à nobilissimis conciuibus eo in loco in quem te contulisti.

\*\*\*

## C A P V T C X I.

*De calumnia apud Populum eradicanda.*

**A**D abolendam vero calumniam, quum ea duplex sit, iudiciaria, & popularis; popularis multitudine & potentia amicorum te laudantium, tum vitæ synceritate, & oppositis rationibus viuendi dissoluitur. Velut si de pueris te accusant, mulieres habeto in domo; si de ignorantia, disputa, ede libros: sed & hoc iacta. Putant non posse conuinci falsum testem, nec negantem orationem posse demonstrari. Verum falluntur. Nam Daniel senes, falsos testes, conuicit, atque damnat. Vbi vero hæc non sufficiant, libello edito te

tueberis: sed ita, vt accusationis caput omittas; respondeas his quæ antecedunt, antequam ad illud descendas, & (vt dicitur)

*Excipias quam vulnus, te decet ante mederi.*

Velut si inconstantem, cogitabundum cerebrosumque te appellare vulgo soleant; tu ne huius memineris: sed ita exordieris: *Magnus abusus est, quod in tam periculosa re, qualis est hominum vita, medici tam inconsulto, vbi ad agros accesserint, statim nihil cogitantes distent medicamenta, præcipiant agenda, non cognito morbo, non intellecta causa; atque id impune non solum sit illis, sed vnde mors tot hominum, & miserorum languentium originem ducit, illis gloria cedat? O infandam audaciam, perfidiam, nequitiam, stultas hominum mentes, & in sua damnâ proclines! Adeo vt si quem suspensum stare virum probum, & sapientem, piunique, & in miserorum egrorum commoda intentum videant, tamquam ignarum (qui non statim doceat quæ agenda sint) aut alia cogitantem, & cerebrosum vocent. Tantum error potest Populi, improborum artificium malignitas. In iudiciaria autem [calumnia] exerce illud: (de hoc autem supra actum est:) scilicet, reperta interrogatione post aliquot dies; quod si iustus sit iudex, accusator, & testes poenas luent; si improbus, opprimeris. Sed talia iudicia ira Dei subsequi solet. Quum etiâ coarctata loco & tempore fuerit calumnia, facile refellitur, aliud probando, eodem loco & tempore [à te factum aut dictum fuisse:] at sic etiam negans oratio probari solet, scilicet per affirmantem oppositam. Dubitatur autem, an melius sit, accusari, & absolui in iudicio, an non esse accusatum? an per calumniam accusatum absolui, vt innocentem, an non accusari? an intentari iudicium, sed omissum desperatione, an non intentari? an nominari; an in suspicionem venisse, nec nominari; an venisse in suspicionem; an prorsus non cogitasse quæquam de hoc? Et sane in his quæ effectum notum habent, vt occidisse hominem, melius est per calumniam accusatum, & innocentem pronunciari: nam ad alia iudici multum confert absolui; at alia ratione deterius est, quam non accusari, quum gratia, pecunia, vi oratorum defensus videri possit. At in criminibus quæ effectum apertum non habent, vt hæresi, concubitu puerorum, nullum est auxilium ab innocentia: ideo melius est bona Fortuna vti, vt ne in suspicionem quidē cadas: adeo enim quædam maligna sunt & exitialia, vt etiam cogitatio propria labefactare, & polluere hominem videatur: velut si quis de Deo male cogitare posse sibi persuadeat. In populari autem opinione omnis etiam suspicio maculam affert: aut enim flagitiosus est, aut odiosus, & ob id huiusmodi feruntur. Quamobrem nec dolori indulgens, queraris [te] petitum veneno, vel ferro: existimationem enim minuit, & animos inimicis & æmulis addit: videris enim talis, in quem audere licuerit. (Persuasum est enim imperitis, egregios viros etiam à cogitatione tutos esse debere.) Sed sufficiat queri de grauib; persecutionibus. At in iudiciis, si æqui sint iudices, quæ non probant, vbi de noto effectu agitur, ad opinionem calumniæ iuuant. Absolutum autem de iure esse, vt indifferens est, ita ad innocentiam trahi potest.*

Si



Si trifariam distinguendum: Si tu, tamquam non cures rem, queraris publice, fabricatam in te pulcherrimam technam, de re de qua ne cogitaueris quidem; hoc autem breuiter narrabis, cum risu indignationis pleno: Alicuius vero etiam si ad non amicum: tamquam ad amicum singularem, narrabis commentitiam fabulam, capita argumentorum tangendo, solum non enarrando; dolebis Fortunam tuam, mores hominum; quereris nullam esse his rebus propositam legem, aut saltem non obseruari: omnia autem cum indignatione, ira, fremitu, verborum paucitate: nam hæc innocentiae sunt indicia. Adicere potes, quanto damno tibi sit; & criminis magnitudinem augere. Quanto enim maius à te fingitur, tanto quisque ab illo te [longius] velle crediderit. Noli tamen adferre probationes, nec proferre experimenta, quasi confusus in innocentia tua; sed expende amici opinionem, ante, vel ab alio potius sit persuasus: Frigide consolabitur ab alio persuasus, aut tacitus manebis à te, ad ultionem incitabit te, & operam suam pollicebitur. Si ab alio persuasus est, ab eius amicitia prorsus te subduces. Neque enim honesta vel utilis amicitia esse potest eius, qui de te male sentit: sed aut fraudulenta est, aut ob timorem solum te colit. Sic vero agendo, vtriusque improbitatem restaberis, & tuam tueberis existimationem. At si stultitiae te infimulent, iam hoc maius est æmulatione atque calumnia, &c. sed si hostilis insectatio: publiceque prouocandus in iudicium; vindicanda quoque modo iniuria. Nihil enim non licet contra tanti sceleris auctores: quin etiam proscribere, atque vulgare male dicta de illis, factionem suscitare; & beneficio uti iniusta calumnia si non potes, nihil melius, quam concessis à populo id ostendere. Est autem id:

*Nullus maiorum meorum stultus fuit: inde ridere.*

Vbi de religione agitur (quoniam hodie in ea summum est periculum) ne vniquam detegas te errasse: sed melius est omnino prætermittere; quum secus agendo; nec magis pietatem colas; velut festis diebus primis quum impeditus sero ad sacrificium iueris, plus iactura affert quod videaris contempsisse, quam auxilietur poenitentiae opinio. Et ideo ne accesseris: sed postridie, aut alio die, quasi duplicato scenore & re & exemplo vtrique satisfacies. Hocque titius apud plebem, honestius etiam apud nobiles: quorum ut non est simplicitas garrula, ita maximum decoris studium. Porro huic negotio maxime studere debent vere sapientes: nam nulli magis obnoxij populari calumnia; ut optimi pro pessimis, & præstantissimi pro imperitis habeantur: tot falsorum criminum seminatoribus: adeo ut nulli magis fiant obnoxij legibus, maxime tyrannorum; quibus innocentes opprimuntur, improbi elabuntur.

Quandoque iuuat in aliis causis petere præsidium coram multitudine, aut prorsus contemnere rem, atque negligere. Quandoque eni in ex compacto te oppugnabunt; ut si renitaris, turpiter cadas. Ostende itaque te veritatis tantum studiosum. Multum iuuat hæc tensio. [præteritio. Quinetiam contem-

ptum, ut dixi, ostendendo, magnitudinem præferes. Quum vero quicquam multitudini inuisum facere in animo est, ne antea queraris; sed potius laudibus euehas, optareque similes. Sic enim omittendo quæ laudasti; quæ quæ optare visus es; id necessario fecisse videberis; nec maledictis virulentarum linguarum subiiceris. Solent autem hæc occurrere calumniae, his qui cōiunctis sanguine destituti sunt, & in principiis sementis huius exitialis parum diligentes fuerunt, & virtuti, & persuasioni de se nimis confisi sunt. Quod si per potentes viros, & aperte, æmuli te calumniantur, potentiores opponere oportet; indicia, &c. nam & illa potentibus profunt, &c. turbas in populo suscitare: tum vero æmulum forsan (raro enim hoc genus insectationis à pluribus pendet) facilius fuerit enertare, quam resistere potenti. Vbi calumniae fundamentum verum sit, res tamen ipsa dolo agitur; ut si medico philosopho aut eloquenti (neque enim prorsus imperitis omnium esse potest) obiciatur quod nouit, ad existimationem in arte eleuandam; non negabis (quod stulti faciunt,) sed optare hanc gloriam simulabis: inde aliquo facto optare non esse, ostendes. Horum altero existimabunt se non nocere, ob idque desinent; altero totus videberis principali negotio intentus, & solum in eo perstare [aut præstare.] Nec versaris in periculo, ne non inuertant exemplum, opinionis in principale; quoniam in eo acrem propugnatorem te esse oportet. Quid enim magis nocet existimationi, ut nullus sis, quam profiteri, & non præstare; verum turpiter vinci, atque nullum te exhibere? Si ergo hoc ipsum simulaueris, nonne omnem opinionem de te vulgatarum eximes, atque eradicabis? Vbi vero in dictis, & de calumnia doctrinae, calumnia vulgetur maxime aduersus professores, iuuat, non è re dicto petere, neque sine occasione, sed transuersim, & quasi per anigma, perque occasionem, & breui sermone, nec sine autoritate, si potes, & tacite illos ad certamen inuitare. Quod (et si postmodum parum præstiturus) agebat recte Caenagus: *Veluti quum dicerent æmuli, me fucaram doctrinam, atque coloratam, sed neque veram neque ex veterum sententia, sed novam, spargere; dixit, tria genera animalium esse, quæ singula armant. Natura viribus hæc, illa fuga, alia dolo: in quo [postremo genere] sunt serpentes. Ob hoc Aristotelem dixisse, leonem esse ingenuis moribus, quod viribus suis confidat. Non occulte, si quid habent, insurgent in discipulorum aures: Facile intellecturos, qui cernos se credunt, salu esse asines. Legant quæ de huiusmodi viris scripsit Galenus (etiam prodacteo loco:) nam & idem certamen imperitorum & stupidorum aduersus illum fuisse. Prodeant, prodeant (vel prodeant,) si quid habent, dicebat Caenagus, geminato verbo. Certum est quicumque nunc profertur Papiæ, esse è nostris discipulis; nostraque scripta iam ubique legi: Tyrannicum esse, imo impudentium, maledicere, non adiecta ratione? Voces esse sparsas à quibusdam medicis, qui videant breui futurum, ut si discipuli audire pergant, non solum se futuros longè superiores, sed etiam illos verà doctrina in lucem prodeunte, apud Populum contemni habentes. Propterea sua interesse, ut quanto plius*

illi



*illi urgent, ac dissuadent, tanto acrius his studiis incumbant. Sed neque voto potientur. Nam si qui modo decepti verbis eorum, discedent; hi solum erunt qui imperiti sunt, & ob id desperabunt se posse eo peruenire ut illos superent. Nam qui praestant ingenio, non dubito quin sint persecuturi.* Talibus & ipsi autores machinae absterrentur. Quum vero numquam satis aduersus hoc malum, quo praecipue omnes virtute praediti (velut asilis delphini) urgentur, (muniti sumus) id maximum est calumniae argumentum, de pluribus generibus accusari. Nam si falsa sunt calumnia fere palam est; si vera, quorsum tot, quae aegre postmodum probari possunt, inculcare; quum in vno conuicisse sufficiat: tum praesertim (quum eum) in eodem genere multis exemplis peccasse, demonstrauerit. Atque haec excusatio plus habet efficaciae apud magistratus, & sapientes; & magis seria est illa apud populum; quae inanis ac leuis, (&) omnino fucata. Nihil autem efficacius in respondendo, quam si coram populo vel iudicibus, ad certamen prouocaueris. Quod mihi bis feliciter contigit: Primum quidem simpliciter Mediolani; post Bononiae; proposita conditione, quum de lectionibus conquerebantur, simulata accusatione, dixi. *Si omnes una ex his (calumniatoribus, tam) professores, quam discipuli, vel paginam (vnam qualem ego) scripseram, super eodem libro (profitebar autem secundum Hippocratis Epidemiarum librum) conficere potuissent, gratis me velle per annum profiteri: Sin non possent, stipendium trecentis auferent coronatis, & in posterum a calumnia desisterent.* Nemo nec in prima, nec in secunda obligatione ausus est conditionem recipere; sponteque victos se fassi sunt. Potest & contorqueri conditio ad solos aemulos: idque tanto honestius, quanto prior efficacior, & gloriosior.

Porro scommatibus in his locus datur, tum etiam fabulis, sed breuibus admodum. Velut quum quidam grauitatem maximam immerito praese ferret, dixi, Vt plures sibi sapiunt! ille probandus, est, qui pluribus sapit. Quum aliquando non pro dignitate libri Epidemiarum, quem explicaturus eram, orassem, dixi, Bonum pannum numquam pulchrum habere limbum. Alteri dixi, Conon [aut Codrus] Rex mortuus est ut seruaret exercitum, &c. quod non blandirer discipulis; nec equus, qui domini seruat vitam, sed canis inutilis. Quum existimarent rarum me habiturum auditorium, respondi, Plures venduntur Donati, quam Virgilij, quam Aristoteles. Obseruandum est in his, ut non solum rem ipsam honeste excuses, sed autores calumniae simul grauiter accuses; & ut facto ipsi simul medearis: & ut, si res aliter cedat; (velut quum postmodum pleno auditorio legi) ne eam partem inconsultius improbes. Verba humilia, vel res obscenae numquam conueniunt, nisi indignabundis, & in iniuria manifesta, quum ipsi alioquin graues habeantur. Nullum enim est tam exiguum discrimen in sermone apud multitudinem, quod euidentem non faciat varietatem.

At quum res in angusto fuerit, oppugnauerintque te, hinc urgendo; illinc per suppositos astantes; tunc opus est humana mansuetudine, patientia, sollicitudine, ac grauitate; dili-

genter omnia considerando, & librum habendo depromptum, omnia continentem: & nihil est mali, nisi iactura temporis: sed si potes, (vbi nec illos flectere vales, nec ciues intelligunt, sed sunt dementati) ne illorum vestigia sequaris, ac Deum offendas, melius est locum abominabilem relinquere. Verum si aliam sustines provinciam, velut profitendi, & ibi (maxime ob ambitionem discipulorum) viget hoc malum, ut nec retinere tuto possis, nec honeste relinquere munus, suscita sensim (si potes) iuuenes aliquos, eos ad rectam viam dirigendo: aut gregarium te medicum exhibe: hoc enim exoptant; & nil aliud primum cupiunt. Verum nec id sufficit. Nam facilius ex secundo loco ad vltimum te reiciunt; quam ex primo ad secundum. Neceesse est igitur fauere iunioribus, atque illos instruere; & vitare truculentorum carnificum consuetudinem, ne in aliquod magnum malum importunitate suate ingerant. Est enim difficillimum cum illis pugnare; nisi apud Principem aliquem optimum & prudentem sis: quum id accidat (in hoc negotio) quod dimicantibus cum illis qui vitam suam desponderunt: nam hi non vitam, sed animae suae curam abiecerunt.

Si iniuria publica sit, & per pueros aliorum, in te, aut tuos, (maxime autem in vultu sunt nomina insaniae, ebrietatis, paediconis, moechae mariti, aut deformitatis in corpore, tum ignaui,) nec poena proposita publice est, velut Bononiae, ac Romae (ut mirer contra criminis iniustam falsam notam solam actionem ciuilem relictam esse) Dominum, non illos, si vales, solus solum, de summa iniuria, quae nunc habetur in vxoris impudicitia, saltem dolore afficies, perterrefaciesque. Si cum praefracto negotium est, & tu per pueros idem ages, sine luce, per inanimata; inanimatis animata vlcisceris: post 1. c. l. noc. ap. si potentior sit, ita vlcisceris in suis, ut non solum te cogatur relinquere, sed etiam perpetuo in mare viuat. Digni enim eiusmodi homines sunt, quorum stirps prorsus extirpetur, ab omni humanitate atque virtute alieni. Illud diligenter caue, ne ex tribus praesidiis perperam vnum pro alio eligas. Quod si lege agere licet, nullo alio praesidio vti debes; non solum quia melius multo, sed quod Republicam bene constitutam esse id doceat; ac illam non violare decet, quae te tuetur. Et qui peccat, minori poena dignus est; quoniam haud ex licentia id agit.

Specialiter autem si te insanum esse diuulgauerint, quod (ut dixi) summum est omnium conuitium, dicas: Si opinionem illorum de me, Dei esse arbitrater, utique ex hoc sermone, &c. me suspenderem: Verum quum hanc opinionem contrariam esse mihi persuadeam illi, quam de me Deus habet (ut qui inimici Dei sint) gratulor mihi ipsi non parum: Et tamen cum hoc ipso etiam, si quando occasio detur, meritas illis gratias agam.



## CAPVT CX.

*De contentione.*

**I**N contentionibus anſam præbent improbi & æmuli, & qui te oderunt, iniuriam inferendi. Summa eſt, vt paucis verbis vtaris, nec irſcaris, & vt eo refugias, vt roges, an velit quicquam plus quam iure illi conſeſſum? Si negat, reſpondeas, Igitur vim inferre paraſ: audite qui adeſtis: neque tu ergo, te ipſo teſte iuſtus es vir. Si concedit, dicis, iam conuenimus: neque ego quicquam aliud volo. Hæc maternæ linguæ ſunt accommodata, non vt Latine proferantur. At ſi cum ſycophanta reſ ſit, verſa vice eiſdem ille te obligat verbis, vt te decipiat. Reſpondebis igitur, Te velle ſanè quod ius æquumque præcipit: ſed quale illud ſit, videre te cupere: nam hoc titulo illum ini- que agere atque iniuſte.

Quidam adeo ſunt impudentes, vt etiam ab incognitis quæ neganda eſſent amicis, petant, & ſi neges, minentur. Vbi tales videris, tempus petas ad deliberandum. Quod ſi velis in longum producere ſermonem, ne feceris. Ipſe enim paratus conſilio, (& forſan vi etiã,) venit. Vbi reſpondendum eſt, meditata oratione paucis, & coram Principe, vel magiſtratu, vel potentioribus amicis, ſermonem habeas: alium omnem recuſes. Propterea obniti decet quantiſcunq; viribus, ne vlla ex parte te de tuo deturbet ſtatu.

## CAPVT CXI.

*De iniuria accepta.*

**I**Niurias ergo minores hoc in caſu vlcifci debemus acriter & obſtinates: ſed ita, vt aliud quiduis potius, quam hoc, agere videamur. Blandum te inimico oſtendes; & leuibus etiam officiis quibuſdam ita eum proſequeris, vt facilius vlcifcendi occaſio detur. Sed nec vlcifci iniurias temere conaberis in leuibus. Primum, quod turpis eſt vindicta, quæ offenſæ non ex toto, neque maxima ex parte reſpondet. Dici enim ſolet, Inimico ad lumbos tenus demerſo, manum præbe, ad ſcapulas vero uſque, præcipitem age. Sed nec in quibuſvis tentabis. Submitter enim forſan amicos, etiam potentes, qui tuum animum explorent. Vnde primum illum cautum reddes, ne in poſterum amplius queas illi inſidiari, aut ægre, & forſan ille præoccupabit. Inde & illos qui ei amici ſunt, concitabis, & vt improbum & vindicem grauem exiſtiment. Neque eſt recta talium ſententia: ſed amici ſaluti potius conſulunt, quam quod iuſtum ſit, iudicent. Ob id ignotis hominibus numquam communicabis animum tuum, nec fides. Et quanto occaſio pulchrior eſſe videtur, fac vt auicula, &c. quæ ſuſpectam habent pinguorem eſcam, verba vero quæ infamiam, aut iacturam magnam tibi non pariunt, noli vindicare: eſt enim furioſi. Non eſt vindicta tentanda, niſi quum tanta & talis fuerit, vt illum ſaltem de ſtatu ſuo deicias. Quinimo ſi te rogant, noli

Tym. I.

(vt ſtulti ſolent) medium tenere, aut alacriter iuuat, aut omni ſtudio illum perdere delibera. Si quis filium aut filiam (tuam) iniuria affecerit (clam tamen, & illis non repugnantibus) non palam vlcifci oportet, quod abſconditum eſt, &c. nec inultum ſinere poſſit gloriari, &c. ſed vbi gloriatur, aut ingratus ſit, tunc clam, & ipſo in ſcelere erga tuos, aut alienos, tamquam iniuriũ & deſertorem vlcifci illum oportet: hoc autem facile eſt, implicitum flagitiis & amore ſeducum. Si quis improbum te dicat, trifariam ſolent ſatisfacere, vel negando, his verbis; Non veritatem dicis, hoc honeſtius: illud acrius, Mentiris: tamen æquivalent. Tertium eſt, Sum probus: hoc maius eſt, quam ſi dicas, Non, nam fieri poſſe, vt nec improbus ſis, nec probus. Et quamquam ita ſit, non tamen ſatisfacit: vt ſi dicas, Vera non dicis; licet plus dicas, quam ſi reſpondeas, Non, & neges: nam illud ſuperadditum, Probus ſum, non repugnat illi. Quia quum dicit, Improbus es, duo comprehendit, vel quod improbus ſis ciuilitate, id eſt, malus, vel *ἀνὴρ* apud Principes, vilis animi: hoc non negas, quum dicis, Probus ſum; ſed incumbit onus probandi tibi: ideo iniuria affectus es. At duorum priorum modorum altero, ille ideo iniuria affectus eſt, quod ſi adicias dicto, Probus ſum ſub omni ſenſu & ſignificato, honeſte vltus es iniuriam, quia incumbit munus ei probandi. At ſi cum periculo ſis, melius eſt tacere, aut dicere, Sum: nam diſſimulantia præſupponitur: incumbit tamen munus probandi tibi: nam iniuriam fateris. Melius eſt hoc, quam reſpondere, Probus ſum: irritas enim, & non ſatisfacis. Callidiſſime agitur, ſi audeas dicere, Probus ſum, addita generali nota, vt dixi (modo enim ſenſus maneat, nil referunt verba: ) nam ſi adicias, Mentiris, putabit iniuriam ſciſſe, quum acceperit. Neque enim poſt iniuriam relata licet amplius inferre, aut excutere verbis; ſed iudicio aut facti opus eſt. Minor autem, & in poteſtate aliena, iniuriam non dicitur accipere, maxime in periculo, vel digna ira, vel iuſta ſuſpicionem ex verbis contumeliſis, aut leui facto, ob exempli vtilitatem, & neceſſitatem rei. Quod ſi quis præoccupet, dicendo, Mentiris, nec ille iniuriam dixerat, ſufficit reſpondere. Quod ſit improbus; relataque eſt iniuria: nec iuuat eum, ſi denuo reperat. Mentiris; ſed iniuriam accepit, quia lex, & communis hominum conſenſus fauet referenti. Et multum etiam refert, an dicas, Verum non eſt; & Vera non dicis. Nam ex comuni conſuetudine fertur primum, nec dicit, illum ſcire, & fallere; ſed potius falli. Cum prudentibus plurimum refer, vbi te onerent verbis, illud deſſe tibi teſtari, quo maxime ſuperbiloquentiam exercent. Velut ſi opulento dicas, Tameſi pauper ſum; (perito literarum, imperius;) non tamen debeo à te contemni; aut efficacius, iniurioſe me compellere debes. Nam & per ironiam dicta ſuſpicantur, etſi ſerio pondus huiusmodi verba habeant, quaſi ei cauſæ & tuo iuri conſuſus hoc agas, & ſuperbe ſe gerat. Vnde conſeſſione illa, & tam an cipiti verbo, huc illucque animo diſtorquetur.

Q9

Iniurias



Iniurias Principum æquo animo feras; ne te præcipitem agas. Memento quam nihili singulos mo tales faciant, qui non pari sint potestate. Exemplum illud Proregis Neapolis nostris temporibus, te moneat; qui tres pueros (quorum natu maximus sextum decimum annum non excefferat) nulla causa, nec inimicitia priuata, quum non potuisset inuenire qui damnare iudicio vellet, iugulari iussit; & pedibus in campum qui ante arcem erat, trahi. Hæc quum cogitaueris, nullam tibi à Principe iniuriam fieri posse, puta.

In vniuersum, iniurias Principum & aliorum leues, spernendo prorsus obliterabis, quum te id alto animo facere intelligant: graues preme, vt opportune vindicare possis. Sic Astyagis Harpagus, Cambyxis Prexaspes: quum vnus [patri] vnicum filium epulandum dederit, alter nulla causa filium coram patre sagitta per cor directa occiderit.

Iniuriarum autem, quæ in verbis constant, maximæ sunt, impietas & infania. Prior periculosior; præcipue his temporibus; posterior semper damnosa in omnibus actionibus, atque apud omnes. In priori, si semel in calumniam incideris, negliges, si absque iudicio sit; si accusatus, fac vt iudicio libereris: deinde accusatorem ita tractabis, vt exemplum præbeat aliis. Neque enim inultum quicquam ex his sinere oportet. Interim vero sic viuas, vt nullam de te suspicionem præbeas; & vt contemnere [calumniatores] videaris.

## CAPYT CXII.

### De iudicio.

**I**n his vero qui iudicio publico ipsi, vel in suis, perculsi sunt, nec desinunt æmuli infamia illos aspergere, mutatio loci necessaria est: aliter Hydra fiet Lernæa, & si pati etiam velit.

*Veterem ferendo iniuriam, inuitat nouam.*

Si conetur vlisci, aut resistere, quid inter tantos? aut etiam si cedat, dicent, In minoribus feruidus & impatiens, maiora æquo animo tulit. Hoc est senum delirorum opprobrium. Aut igitur patienter omnia ferre, & Cynico more contemnere oportet (quod non est præsentis instituti) qualecunque sit, aut mutare locum necesse est, & in voluntarium concedere exilium, magnorum exemplo viro- rum; (Nasica, Metelli, Solonis, Lycurgi: qui tamen tolerabilia passi sunt;) ne te, velut ignobiles canes, vulgus, & despecti homines, gloriæ inimicorum tuorum minime participes, prosequantur: à quibus si vexeris, ad quos recurre, vt dedecus propulses? Licet (vt mihi seni, & æterna molienti, non vt recte agent, sed vt minus male) rebus suis consulenti differre aliquantulum. Semper enim, vbi de spe æternitatis agitur, omnia alia contemnere non solum licet, sed etiam expedit: tum eo magis, quod propositum huius libri est, hominem (quantum fieri potest) ab exterioribus damnis restituere [vel immunem reddere].

At generosioris spiritus fuerit, si calumnia

publica opprimaris (nam sine ea vt inimicus tractandus est) exemplum sequi Alcibiadis, Coriolani, Sertorij, vt [ad inimicos,] non ad amicos Reipublicæ tuæ refugias, apud quos inimici tui plurimum potuerunt, & si ibi cadas, tua culpa cecidisse videberis; iustamque priorem iniuriam dicent, velamenque sceleris obtendent; & vtrumque res cedat, vltionis spe carebis; quum necessarium esse constet, vt quietus viuas: Nam si aduersis posthæc premaris, duplici modo afficeris, & contemneris miser. Si felix (fueris,) quanto felicior (fueris,) eo magis luctus dolor augebitur: Vt in huiusmodi casibus nullum sit solamen, præter vindictam; in aliis omnibus (velut Cæsar de regno dicere solebat) pietatem cole. Ita ergo liberali animo remitte, & ignosce. Sed neque ad impotentes (quibus præter omnia hæc mala illud accedit, vt non habeant quod dent;) sed ad inimicos & potentes (confugiendum:) apud quos ne negligaris, aut opes, aut insignis facti gloriam tecum feres. Vix possis hoc facere, si inops abieris. Inde totus in vindictam publicæ calumniæ intentus, & in commoda Regis tui, ne quicquam anceps, aut timidum, aut vtile, aut ambitiosum, aut contradicendi studio cogitare videaris, sed grandia, vtilia, prudentia. Etenim vlisci prauos, liberare miseros aut seruitute aut morte, forsan Deo ingratum non erit, si te magno animo iustam vliscientem iniuriam foueat, & actum secundet: (nam sine eius numine quis dubitat hæc fieri non posse?) id tecum meditare. *Me euenit in apicem, illos excacauit, vt mihi iniuriam inferrent; & mihi animos addidit, & vt vlisci possim, effecit. Sequamur igitur ea, ad qua fauor Dei, & inimicorum iniuria nos inuitat. Solatur me Philosophi dictum: Pulcherrima mors est in bello: & Virgilius.*

*-----pulchramque petit per vulnera mortem.*

& rursus.

*-----Oulchrumque mori succurrit in armia.*

Quum accusatus in quæstionem veneris, obfirma animum recta ratione Philosophorum (Parum differt hoc ab illo:) Inde contra finem; aut fugias damnationem, in qua omnia continentur mala, supplicium, dedecus, irrisio, iactura rei, contemptus tuorum, verecundia, seruitus. (Damnatorum enim corpora pro mortuis habentur, nec sunt suorum sed publicata:) Demum aduersus interrogationem. Veluti quendam amicum, quum accusatus esset, quod puerum corrupisset, illo etiam vehementer læso, quia de facto constabat, testis deerat, interrogarunt quanto tempore non concubuisset cum femina (erat autem in inuentutis flore) & ille miser dixit: iam quadriennium intercessisse: quum hoc responso non solum criminis suspensionem augeret, sed videretur iam pæderastes. Multum autem interesse videtur apud leges, an quis scelus admiserit, an sceleratus sit. Constat enim (si res apud iustos iudices agatur) longe grauius hoc puniri. Nam punire scelus, est inimici, non iudicis prorsus corrupti auaritia vel gratia aliorum; vt sceleratum dimittere impunitum, iudicis nullius pretij, aut infamis. Ergo huiusmodi dicere debuit, Se mulieribus



mulieribus vsum. Sed si [plura] querant subiiciat. Hoc non esse arbitrij ipsorum, diuinam confessionem exprimere: (quum etiam in illa nomen non requirant:) cum pluribus etiam potius quam cum vna rem sapius habere te; melius fuisset dixisse. In principali autem admirationem præferre oportet. Velut illud, Non puto hoc vnumquam dixisse [quemquam,] nec dicturum esse. Vbi affirmant; vocetur coram, (Neganti nulla possunt absque comprobatione adhiberi tormenta.) Vbi adfuerit, tuæ solertiæ [erit,] vt omnes credant, te insontem esse. Hoc autem alias docuimus (in Dialectica) Per frequentes interrogationes etiam si factum constet, coniectura mendacij erit apud minus solertem, modo Iudex æquus sit.

In litibus, ab initio (si potes) conare excindere testes, corrumpendo, & iudicem aduersariumque leniendo, vel deterrendo. Si non potes, aut sufficere non existimas, acriter procuratoribus obsta; iudicem non fatiga. Aut enim maiore crimine obstrictum, aut maioris læcri rem esse putabit. Sed vt medicamentis concoctum morbum, non amicis leuibus, sed pecuniæ imperio eradicabis [aduersarium].

Oportet etiam qui aliquid velit impetrare, scire mores eorum à quibus obtinere debet. Sunt autem proprij, & communes. Vtrosque igitur scire decet, & propriorum media propria, & à quibus: potentium, & iudicum, (nam & hi potentium, quod ad tempus attinet, è numero sunt.) Potentium igitur & semper, & nunc, qui medijs sunt, & horum qui (vt dixi) proprij sunt. Ergo huius ætatis (melius enim est, proprius accedere) voluptas scopus est. Ad voluptatem autem via pecunia. Sed & gloriam sub voluptate collocarunt. Quicquid sub horum altero non est, extra aleam est. Porro sub gloria, potentiam collocant. Quumque ea se dignos existiment, non metuunt, neque infamiam, & sunt vocēs, neque facta aliorum; vnde minis non mouentur, sed irritantur. Propter voluptatem autem molles effecti, & nolentes de morte cogitare, illam, contemnunt, & quæ ad illam, & quæ propter illam. Quamobrem quum propriam vitam negligant, alienam nihil ducunt. Itaque misericordia non mouentur, neque iustitia, neque æquo; ideoque neque precibus, sed in fastidium vertuntur. Amicitia autem, quoniam ambitiosus non habet, &c. nisi quos vult esse pares; neque familiaritate, neque beneficij amicum definit. Non ergo mouentur aut iustitia, aut amicitia, neque metu, nec misericordia (sunt enim dari cordis,) neque precibus. Ergo quibus [mouebuntur?] his quæ secundum voluptatem, & his quæ ad illam, & ambitiosa actione (sub qua etiam & contentio æmuli, & vltio continetur;) & demum reliquiis iuris; ob id quod hoc est prædium iudicum & tabellionum: ob id etiam audaces & improbi (sed neque id semper) violare audent [ius,] propria autem vniuscuiusque ex communibus dicere licet.

Tom. I.

## CAPVT CXIII.

*De hostibus: vbi de Reconciliatione.*

**I**nimicos non prius inimicos esse; detegas, quam vlcisci illos possis: antea vero, non vt amici, sed nec vt inimici tractandi sunt. Præstiterit autem de illis vtilitatem captare, velut in libris de Vtilitate capienda ex aduersis, dictum est. Porro de illis numquam sermonem facere decet; sed eorum actiones obseruare. Caue autem in omni contentionis genere, ne ordinarios iudices relinquo; sed illis insiste; & quantum potes, beneuolos tibi redde. Plurimi enim dum ad supremos refugere, periclitati sunt. Sed si inimicus per exploratores tentet, numquam desistet; viamque nocendi inueniet tandem; nisi effecerit, vt suo se ipse malo conficiat. Quod effeceris, vel exploratore supposito, qui tuus sit; aut eo, quo vtitur, decepto. Præterea occultum inimicum ne apertum feceris. Qui enim occultum se putat, & mitius agit, dum detegit timet, & facilius opprimitur: cuius rei innumera sunt exempla. Itaque dissimulare inimicitiam, prudentissimorum hominum est. Et scias quod ab inimicis furibus, &c. parum de vita timendum est; maxime si te non imparatum inuenerint.

Quod si inimico reconciliari expediat (quum non exitialis est) ad tempus, seu pro occasione, quum improbi est animi; aut etiam perpetuo, quum generosi; id optime ages communi excitato in tuum inimicum hoste. Vnde qui inductus est, pœnam facile luit, quum per eos per quos inductus est plectatur. Velut Fr. Sfortia secundus, quum Rheto in Iacobum Medicem excitauit; inde iunctus Rhetis, ad deditionem illum coegit. Propterea per alios id faciunt, ne proditores dici possunt. Sfortia licuisse sibi dicebat, tamquam in rebellem. Ideo recte animaduertere oportet, pro quibus pugnare decreueris. Quum vero sint duo genera offensarum, publicum & priuatum, reconciliatio in vtroque per paria effici debet: nam priuata, in publico offensa, non satisfacit iniuriam passo; nec tuta est ei, qui fecit: Publica autem reconciliatio, in priuatis inimicijs, scenici quod habet. Tutissima vero in vnoquoque genere [reconciliatio sit] per amicos, potentes, generosos: primo per potentes & generosos, ideoque per magistratus; post per amicos generosos; inde per amicos potentes; post per generosos, si vere tales sunt; post per amicos; post absque intermedijs; pessime & inique per solos potentes, aut alios, qui neque generosi sint, neque amici.

## CAPVT CXIV.

*De inimico exitiali.*

**Q**uod si quempiam ex illis exitialem tibi imminere cognoueris, nec te supinum proicias; (nulla enim in misericordia spes; postquam neque à principibus, neque à ministris parcitur viduarum infantibus, frigore

Qq 4 vel



vel fame moriturus:) neque contemnas; quot tot. modis, & tam facile cuique paratum exitium est à quouis domestico per venenum: Sed enitere vt illum tam fortiter, quam etiam sapienter, superes his quibus potes modis. Tum primum, quod melius sit vliscendo mori, quam inultum. Suppone igitur amicissimi tui amicum, tamquam inimicum tuum, in illius familiaritatem receptum: quem adhortationibus potentioris, officiis, pollicitationibus onustum, imo etiam pecunia corruptum, impelle ad detegendum omnes illius machinas, consilia, vimque eius frangendam. De te numquam verbum habeat. Loco solitario condant epistolas, obscuris descriptas verbis, non tamen alienis notis, ne in suspicionem læsæ maiestatis incidant: vicissim & alias accepturus epistolas, atque pecuniam: obseruato, ne quis alius tollere possit: quum obuiam factus ei fueris, certo signo accepisse quisque alteri, aut non accepisse, significabit. Huiusmodi rationibus ampla multiplexque via patebit ad securitatem tuam, totque modis, quot sunt moriendi. Verum fac, vt & ipse timeat, & quam pluribus potes ac grauibz negotiis illum distine, & si clam id agere non potes, minus odiosis.

Quum pugnandum est cum impari conditione, &c. si ferro superior euades, vel mora, si plures conspirauerint; vel diuersitate armorum, vel imparatos aggrediendo, vel carptim, vel robustiores imbecillioribus opponendo, vel necessaria intercipiendo; vel per suasmet [artes, vel per suosmet] opprimendo vel deducendo ad iniquum locum Summum autem in periculis adiumentum est, impræmeditatos aggredi, & maxime admirandis consiliis. Porro totam hanc tractationem in quinto libro Fabularum docuimus, dum vastre facta, Stratagemata, callidasque technas enarraremus.

In reconciliatis autem inimicis delectus habendus: non in quibus non fidas, sed de quibus omnino non confidas, vt de veteri inimico, velut in prouerbio: de viro improbo, si causa manet odio: de ambitiosis, si tu humili sis conditione, (quod plerique non norunt,) si periculum ei à te imminet, vel subditus aliquando illi fueris.

## CAPVT CXV.

### De vltione.

**E**Xpedientius est autem eos qui proprii sunt, & semi corruptos, sæpius vrgendo corrumpere, vt siccissimorum humidissima, &c. & cœnam largiorem, &c. sectari. Natura enim pauperibus tot telas ad iustas vltiones subministrasse non perperam videtur: sed vt intelligeremus [eam,] modo fortes sint, ac prudentes, magis illis, quam potentibus, cum suis stipulatoribus, fuisse auxilio. Sed, si potes absque hoc in tam breui vita, & fragili conditione, plenaque periculis, melius est ciuilem viam sequi, modo non sis viribus valde inferior: per amicos: sub inimicitia specie suspectos, & fidos ministros, &c. reddes, & colloquis fictis. Contra insidiis captos, iratos aua-

ros, inconstantesque dignosces. Vltionem, [inquires,] libenter dimitto; securitatem mihi, meisque quæro. Nam amicum fingere, non inimicum se ostendere, decet, qui vlisci satagit. Aliud præterea est metuere, aliud est dolere. Necessaria est vltio, ob securitatem: Dignus est venia, qui iustum vliscitur dolorem. Lege Naturæ par pari referre licet. Vt non male declamator ille finxerit pauperem filios diuitis ad pœnam exposcentem. Propterea inanis gloria in vltione, quando iusta non est. Quum enim vltio sit ob securitatem, & iustum dolorem, quorsum quærere famam, vt securitatem amittas? Solum ea ratione conuenit, quum coniunctum vlisci volumus, non ignotam illi esse vindictam, vt eum grauiore dolore afficiamus. Et, si vltio publica sit, causa eius esse debet, in quem vltio dirigitur: non ergo gloriæ.

Quinque sunt genera exitialium inimicorum: Qui solum volunt, quos permittere suo dolori par est: Qui possunt, & sciunt, non tamen audent; tuum est, in his an experiri tuo periculo velis: Quique audent; quos cogeris vlisci: Qui etiam luctum intulere, vt non est, condonare nequeas; & (vt dixi) in quibus maxima pars vltionis est, vt eam intelligant: Demum quum etiam persequuntur, vt duplici ratione compellaris vlisci: nec tunc parcendum est propriæ vitæ.

Vltio autem generosa fit, contemptis legibus; nec obnoxia: velut si [quis] clam solus occidat inimicum: deinde purpura vestitus in publicum prodeat. Sic quidam quum adulteram vxorem veneno sustulisset, illam (tamen potens, & in magistratu) nullo funere dignatus, sed per vespillones solos extulit. I nunc; dic veneno sustulisse: vbi indicia? non vltum iniuriam; satis constat nece, & contemptu cadaveris. Generosior, contra leges, cum securitate, vt in alieno loco. Generosissima, vi hominum; & temporis occasione, securitate parta: cæterum aperta, & contra leges.

## CAPVT CXVI.

### Vbi in arbitrio sis negotiatoris.

**V**bi in arbitrio sis negotiatoris: veluti quum discessurus, statim aurum velles, aut à publica persona, aut à debitore; [quod] ille plaris longe vult existimare, quam valeat, si recipis, magna iactura afficeris, si non recipis, modus non est, vt perficere negotium possis: nec litem intendendi tempus. Tunc bonis verbis agendum est. Noli dissimulare, quod occultare nō potes. Sic ego in huiusmodi causa apud ministrum Regis testatus accipere, longe deteriore cōditione: sed scire, nobilem eum esse, facturum quæ nobilem deceant: me beneficij memorem futurum. Dices, Quid obstabat, ne quantum posset, arroderet? Pudor primum, & quod tantilla re non fiebat diues, & nomen suum ac existimationem profanabat: inde quod accepta pecunia possem queri apud præfectos; atque ita coactus esset reddere ad quadrante[m] vsque, vt nihil illi superfuturum fuisset, præter dedecus: denique



nique, quod si perstitisset in pretio intolerabili, poteram accepto argento inuenire aliquem, qui longe meliore conditione aurum in argentum illud commutasset. Dictum est autem superius de aliis huiusmodi: sed non par ratio, quum illi nil pensi habeant, honoremque iam prostituerint, & occasio magis sit momentanea. Negotiatorem superbum & iracundum caue, etiam procuratorem. Nihil enim aliud querit ira illa iniusta, quam tibi iuste non liceat irasci; imo nec queri. Hos igitur homines, vt pestilentissimos, deuira.

Nec credas pecunias trapezitis, quantumuis fama opulentis, qui sumptus supra conditionem faciunt. Aut enim velare cariem, qua exesi sunt, cupiunt, aut stulti sunt. Sed & pecunias creditas, vbi hæc videris, (dico canes, equos, aleam, conuiuia, regiam suppellectilem) repere.

## CAPVT CXVII.

*Vbi omnia tibi sint aduersa: & de morore.*

**Q**uam vero quasi irato Deo omnia tibi aduersa coningerint (velut mihi anno MDLXIII. filius æmuli domesticus) ne te supinum abieceris, nec tibi defueris, neque spem abiicias. Cogita Deum cuncta disponentem, cælum, astra, ærem communem, Fortunæ volubilitatem, & vt sæpe maximis calamitatibus, tum multiplicibus incommodis magna succedunt commoda. Vitæ contemplare breuitatem; & quod illo eo perueniuntur sunt quo tu, licet alia via. Nihil denique gratius his qui te oderunt, contingere potest, quam vt intelligant te succubuisse dolori, cessisse, & pedem è pugna retulisse. Dum fortuna admodum contra te sæuit, omnino quiesce, aut velocissime cuncta age. Immoti enim non tam facile læduntur, à procellis, nec quæ sua velocitate præuertunt ventorum impetum. Sed & incisiones omnino aut lentæ, aut celeres admodum, dolorem non afferunt.

Sed quoniam tristitia solet opprimere homines in huiusmodi casibus, vnde negotia abrumpuntur, vigiliæ succedunt, corporisque ac virium consumptio, & in senibus persæpe attonitus morbus, aut resolutio, tum cæcitas, aut surditas, vel obliuio, aut, stultitia, in iuuenibus vero infania, aut febres malignæ, ex quibus moriuntur: præterea [accidit] vt indignatione permoti erumpant in verba aliqua, vnde occasionem arripiunt inimici, sceleratique magistratus; aut Tyranni, perdendi illos: Ideo aduersus hæc omnia præmunitum esse oportet: corporis cruciatu: mordeas: brachia vnguibus discerpas, ad dolorem vehementem vsque: (Nihil melius est, quam per tormenta corporis, animi lenire anxietatem.) Præterea inedia, abstinentia vini, ratione potissimum ea admirabili quæ ante dissolutionem nulla videtur, vbi dissoluta est, demonstrat: Aut enim nihil à morte nobis superest, atque ita prope nihil sumus, in eo vero quod prope nihil est, nil

Tom. I.

magnum contingere potest: (Et quamquam quidem fingant magna, vt in vltionibus, pompis, atque huiusmodi, vbi tamen refrigerint, & ipsi idem sentient, etiam in prospera Fortuna, & quantumuis secundis rebus.) Sed si animus est superstes, multo minus aliquid hic esse fingi potest, per quod beati vel miseri in hac vita possimus existimari: sed omnia ad aliam vitam referenda erunt, cogitatione in Deum, quum vix dici vllus possit, qui deteriora patiatur his quæ fecerit, vel obfirmato animo fecisset, si potuisset: tum illius benignitatem considerare. Inuat & in hoc Martyrum vitam, & supplicia indigna, & patientiam legere, ac contemplari. Croci etiam potu expertus sum leuari curas. Sed & diurna [profunt] pedum balnea calentis aquæ, Princeps [Auicenna] recitat de Hyacintho [lapide pretioso:] non contigit mihi experiri, an adeo præstet. Et dicitur etiam de Inulæ succo, cum vino. Orientales maxime gaudent suo Opio: quo etiam fortes in bello, & ad Venerem prompti euapunt. Huiusmodi tamen, præter necessitatem, violenta sunt, & vitæ obsunt. Plurimum ex Philosophia commodi habebis, dum obliuisceris malorum omnium. Bona solum speres: in virtute felicitatem constituas, & vt ex malis bona decerpas. Difficillima tempora sunt, habitatores iniqui, non ius, non modus seruatur: vxor contumax, filius perditus die, Quam felicior cæteris viuam cum aliis? Aleam non laudo: nam primum sit iactura nimia temporis; & homo assuescit ei vitio, etiamsi sine tristitia cogatur ludere, & si certer de paruo pignore, non tollit curam, & si exponat multas pecunias, quum vix sufficiat, & liber amicus, &c. ad victoriam occupatus, disperdet omnino, & adiciet eas.

Sed redeo ad primum. Quum in desperatis casibus iussit tentare Fortunam absurda ratione, quæ quandoque vtilior est, quod inexpectata (velut in Agathocle,) ideoque hæsitatio & communicatio omnino inutilia & periculossima sint, & tota spes in audacia reposita sit: inutilis tamen, nec tentanda seruus, (nisi quum alij multi in eodem discrimine fuerint, vt Spartaco,) neque tuta admodum priuatis, Regibus solis persæpe necessaria, quibus non pugnare periculosius, quam pugnare. In vniuersum acrem esse oportet.

## CAPVT CXVIII.

*De his qui grauius vitiis obstricti sunt.*

**Q**uicumque scelerate aliquid agere cogitat, primum respicere debet, ne contra leges id agat, pœnasque det: deinde si tuto etiam id agere liceat, cogitet an eum reuocet à fine proprio humanæ vitæ, de quo dictum est. Infania enim mera est, maxima mala mininis deliciarum voluptatibus commutare. At ardeo, pereor, si illa non seruantur. Non est amare hoc, sed furere. Propterea furorem cura, non exple libidinem. Ferri possunt quæcunque ad finem bonum sunt, non meretrix sterilis, multo minus puer. Hic

Qq 3

magis



magis abominandus, illa damnosior. Sed prior consuetudine nihil deterius: fœditas, tot impedimenta, periculum, odium, & quod è directo pugnat cum principali felicitate. Ita in decipiendo spes saltem magna sit, ne fallas pro Caridionis, &c. Sic ergo flagitium semper cum fine atque virtute coniunctum: vt concubina, cum prolis spe. In aliis occasione seruiendum, non pertinaciter inhærendum, neque etiam tum sine aliqua virtutis & finis humani specie: Vt raritate dedecus, & infamiam, virtutis facto, conscientia morbum sopias. Neque enim illud Tragicum probauerim.

*Per scelera semper sceleribus tutum est iter.*

*Kanotomian* omnino fugias, in qua exitus infelix insitus est. Velut qui cum vxore diuite diuortium fecit, quod præpostere concumbere cum eo nollit: inde infamis; paulo post, etiam merore consumptus est. Minorum aliqua in domo, aliqua extra admittere, minus malum est. Nam concubinam melius est ad securitatem prolis habere in domo, & quæ excusari possunt, meretricem extra: veraque enim conditione catet. In domo si habeas, & custodem prudentem & fidum, qui illarum impetus effrenes coërceat: Nec quicquam magnum committas, sed sub specie honoris: In disciplina semper intenti, &c. sint, vt locus non detur malæ cogitationi. Philosopho cuidam noto, quum nihil horum seruaret, meretrix aufugit, expilata tota domo: inde etiam accusatus ab eo qui illam abduxerat, diu fuit in vinculis. Vt habeas, lenone scito, & pecunia opus est, aut possideas: nisi vis tibi placeat. Multæ enim cogi volunt; virgines præcipue. Fertur enim illud Nasonis.

*Aut nunquam tentes, aut perſice.*

*Tollitur index.*

*Quum semel in parem criminis illa venit.*

Caue etiam ne gremia pollicearis. Nam quod præstare debes, etiam maius existimabunt, Si dederis, exaurieris, & vt glorientur, diffamabunt: si non dederis, discedent, aut perpetua molestia te afficient. Caue [eas] cum quibus non solum negotium sit: Nam quæ habent fratres, aut amatores violentos, in magna te incommoda protrudent. Cautum etiam in conuersatione esse oportet, & magis leuiusculis donis persæpe, quam spe, vel pecunia, alligere præstat. Si rem iniquam tentaueris, queranturque, amanda, velut iratus, proxenetam. Melius est etiam amarulentiam continere, quam se exponere periculo leuitatis, aut auaritiæ illorum, aut alicuius æmuli tui insidiis. Verum ita tempera factum, securitati tuæ caueas, & licentia moderate vtaris. Memineris quodcunque malum, magnum esse, magna, dura: Dura mollia fiunt consuetudine intermediorum, &c. nimium docemus: sed si pudorem occupas, parcas dedecori. A scuitia abstineas: temperatus sis, nec ingratus. Tot modis etiam apud Deum forsan veniam sperare possis.

Porro quum tria sint bonorum genera: animi, & corporis, ac fortunæ, id malum inter vitia proprie dici meretur, quod omnia hæc simul euerrit, & etiam parens est aliorum omnium vitiorum: id vero est gula. Nam & fortunæ bona dissipat, & corpus languidum red-

dit, & infirmum, & animum vitiis replet. Nec quemquam ex his non summe turpem inuenies: Infinitisque id confirmatur exemplis.

## CAPVT CXIX.

### *De filiorum cura.*

**E**X his autem quæ extra nos sunt, nulla est maior cura, quam filiorum. Eorum enim amorem Deus nobis insinuauit, & opum: qui quamquam ob immoderantiam, malorum multorum causa sit: necessarium tamen est, illum esse, ac semper fuisse. Est etiam utilis: nam ob opes, artes coluntur, ob vitam, & lucrum ipsi erudiuntur. Porro filiorum causam omni pecuniæ anteponendam censeo. Quod si vnicus sit, quis ambigit? At si vnus inter plures, nonne etiam ex illo continuata stirpe, quum (vt alias declaratum est) orbis Dominum nasci necesse sit, plus habebunt quam quicquam quod amisisti, etiam si regnum sit. Qua etiam ratione, quum proportio infinita sit omnium, ad partem quamuis, & perpetui, ad id quod aliquando finem habet; palam est etiam in dubiis posthabendas omnes opes, (etiam si sint centum millia coronatorum Philippeorum,) filiorum periculis. Excipere debemus eos filios, qui extra spem sunt in posterum propagandæ stirpis: nam etiam si certo perituri sint, nihil hac causa curabis: Etsi opum amissio pluribus aliis, vel tantundem, id est, exitium pro exitio, aut periculum pro periculo afferat: pensanda denique diligenter, quum vnus certum exitium si tollatur hac iactura, quæ periculum vitæ afferat pluribus, aut si plurium periculum, vni opibus amissis, exitium afferat certum. Si qui vero ad vitia ardentes sint, & à patris obsequio alieni (quod etiam in fratribus & amicis vtile est, & ferme vnicum præsidium) illos accende aduersus inimicos suos veros, aut fictos. Commune enim, aut graue odium, & quanto maius fuerit, conciliat amicus. Narratur fabula de duobus canibus pugnantibus, & lupo adueniente. Secundum auxilium peti debet ex his qui moribus cum eis communicant, improbitatem autem & infamiam eandem non habent: Nam ab illis qui eis se credunt permutantur, quum alia perturbatio à contrario violentia sit. Habet autem hoc rationem alexipharmatici. Verum vbi aliquid boni inchoauerint, si damnes, spem & ardorem extinguas, si laudes, vanos efficies, & ridiculos. Vna est ergo via, studium, promptitudinem, finis electionem probabis, tum quædam in singulis tamquam absoluta eliges, quæ laudes egregie. Docabis autem pauca, & quam leuiter in singulis partibus, multa vt sint in omnibus, atque ea vna ratione comprehensa: Vt in pictura: primum totius schema, inde maiorum partium, & ad totum & per se, & inter se delineationem, post partium in quibus illæ perficiuntur, & per se, & ad partes maiores, & inter se proportionem. Tum ad minores deuenies: inde ad exiguas: post ad minimas: vltimo ad umbras, fines, & insecutiles notas. Triplicem illam rationem obseruant. Demum ab initio repetens, ad colo-



res totius deuenies partiumque maximarum, inde ad sequentes ac minores, exiguas, minimas, ac reliquas, quæ quasi termini sunt, & fines, & pathemata. Ita magna leuiter, & plurima paucis docendo, illum ad multa & magna errata corrigenda induces, quum in paucis ac leuibus se defecisse, & sibi solum, persuaferit. Vt vero tradas magistris, eos eligas, qui sciant docere, & qui hoc velint: Magnus enim labor, tediumque maius. Rem tamen & ab experimento in aliis diiudicabis. In ludis, laboriosos solum permittes, nam perseuerando robustiores fiunt, & facilius desistent, qui sunt molliores, Ita indulgentia, hæc illis aut utilis erit, aut parum noxia, certe laudabilis. Quod præceptum est, generale esse debet. A ludis sedentariis arce-re oportet, ne discant: ubi didicerint, occupatos adeo tenere, vt dediscant; fido socio etiam apposito: aliter tam diu habere in vinculis, & obscuro loco, vt visus iacturam faciant. Nihil enim atrocius ludo aleæ, qui mane diuitem, sero [vespere] possit efficere mendicum. Absint denique blanditiæ omnes, & maxime ab educatoribus. Eorum loco perpetua sint benefacta. Sed & omnes blandicos, & blandiloquentes summoueas: tum quia hæc nihil iquant, & sunt improbi animi indicia certa, tum quia assuefaciunt animum iuuenilem ad hæc benefacta. At si extra domum in spem collocare velimus: gratiosos, & efficaces, cum Principibus, solertes, & laboriosos, cum opulentis mercatoribus; ingeniosos, cum magnis artificibus, mansuetos & æquales, cum filiis ditiorum, vt simul erudiantur, cum obsoletis suorum; &c. senibus præcipue, atque avaris, obsequiosos, patientes, sagaces, sed expetitos. Secus stulte: nam non plura genera sunt, nisi propter coniunctionem sanguinis. Porro pro studiis liberalibus adhibenda (communi etiam regula in electione puerorum) initia Geometriæ, pro rerum memoria: nam vocant imaginationem, syllogismos, pro ratione, orationibus solutis experieris memoriam verborum. Ratio alterutri memoriæ bene copulatur, ipse inter se minime. Sine ratione neminem studiis, imo ne negotiis quidem, adhibebis. Memoriæ ergo verborum [inseruiunt] oratoriæ, grammatica, leges, historia; rerum, omnes ferme reliquæ disciplinæ liberales, tum artes mechanicæ. Communes quasi, geographia, & simplicium cognitio. In docendo, &c. quæ iucunda esse præstat, repetitione, addito semper decore; quæ iucunde & celeriter, intendendo exercitationem, admirabilem fructum paries. Quum vero duo sint modi pueros ad virtutem inducendi, per blanditias, & vim, blanditiæ constant verborum lenitate, æmulatione, adhortatione, rationibus, promissis, ac præmiis: vis, timore, verberibus, carcere, fame. Meliores sunt, in vniuersum, blanditiæ, vi; & in vi, fugere oportet verbera: nam etsi proficiant, ex his, ubi defecerit ætas, impleto cerebro lachrymali materia, stulti aut improbi euadunt: vt nisi militiam exercitaturis; ob doloris patientiam, non conueniat. Fames autem valde conuenit: nam non solum curat, mutatque temperaturam, & graua flagitia emen-

dat, omnemque contumaciam frangit, sed in consuetudinem versa, etiam adulta ætate plurimum auxilij ad moderationem morum affert. Metus autem medius est inter vim & blanditias. Carcer non nisi fame adiuncta, conuenit. Filias ne nuptui des, ante vigesimum annum. In puerorum quoque institutione literaria, grauem propone sententiam quæ diligenter pensanda est: quam eleganter vertant, recta ratione scribendi, character pulchro, & in syllogismum conuertant. Ita moribus, facundiæ, orthographiæ, scribendi exercitationi, & demum dialecticæ prospicimus. In his etiam cauenda sunt duo maxima vitia, de quibus magistri grammaticæ (veluti virtutibus) gloriantur: vnum est, vt pueri excipiant notis quæ illi doceant, nam scribere dediscunt: alterum est, vt sine mora interrogatis respondeant, quo fit, vt inconsulti euadant, & linguæ præcipitis.

Ei autem qui plures habuerit filios, & maxime iam adultos, & si laboret inuidia, aut locus sit factosus, aut tyrannica administratio, [utile est,] vt non solum diuidar binos ac binos extra domum, seu ditionem; ne vno veneno, ruina domus, seditione, rixa, accusatione, terræ motu, fulmine omnes pereat: vt Vgolino olim [euenit,] & nostra tempestate illi qui septem habuit filios, quos inimici exilio damnarunt, corrupto pecunia iudice; inde statim circumdata domo ignibus, acceptos sub fide omnes iugularunt. Nec audebunt in paucos; quum sciant ad vindictam superesse multos. Eruntque tamquam speculatores, & plura noscent: Nec, si vnus peccet, adeo animi illorum commouebuntur in omnes: nec cogen-tur [aut conabuntur,] etiam si possent, cunctos occidere, vel si non occidant, vt vindicare honeste nequeant, qui vitam acceptam habent. Sed si parui sint, etiam melius erit, maiores extra domum habere. Multis hoc profuit. Sed & si duo, & habeas cui alterum eorum committas.

## CAPVT CXX.

*Quum duæ conditiones simul repugnantes proponuntur.*

IN electionibus veto, quum duo proponuntur, aut plura, quæ simul haberi non possunt, aut, si vnum habeas, aliud melius loco eius consequi velis, multi modi sunt: in quibus plerique decipiuntur. Verum vnus tantum securus est, vt non abiicias vnum, antequam alio potiaris. Sed quia retinendo, versaris in periculo, ne non cogaris postmodum continuare in priore conditione, oportet aliquid, quantitate solum differens, interponere cui possis assentiri, aut renuere: velut petendo mille, illi offerant sexcentos, differ promissionem, donec cum secundo exegeris conclusionem, tum si obstrictus, &c. fueris, tacite conuenias, & eo vsque obdura, donec libereris à conuentione. Si autem non potueris conuenire,



illis cede, & conuentionem retine. In vniuersum, in huiusmodi etiam fidem frangere licet. Nam in his turpius est, decipi, & stultum esse, quam perfidum.

## CAPVT CXXI.

*De contrariis indicationibus.*

**Q**Uum vero contrariæ fuerunt indicationes, utpote à genere, diuersa ei quæ à specie, vel magnitudine, aut numero, aut modo, aut occasione, aut multitudine generum, medicis facile est se explicare ab hac difficultate, dicentibus, Esse obseruandam potentiorum. At non tam perspicuum est in hac causa. Vtar autem exemplo: Lucius Mutinensis, à secretis Principis Ferrariæ, vir moribus ornatissimus, res meas sine vectigalibus transmitti curauit: Ego quum postridie Ferrariam venissem, memor beneficij, quod tanto gratius mihi erat, quanto minus illi notus è facie eram, nec vlla cum eo intercesserat consuetudo, hæsitabam (quod togam non haberem) an illum inuiserem. Officium ad pecuniam pertinebat, sine toga esse, ad honorem. Vincebat species generi iuncta, genus solum: nam genere tenebat. Præcipuum enim genus est, gratiam reddere. Sed quia erat de pecunia, & pauca, etiam vincebat ratio existimationis. Quamobrem in huiusmodi maxime oportuna sunt excusationes, etiam si veræ non sint: velut morbi, celeritatis nimia, venisse, sed inuenisse, aut illatum impedimentum, quod ego dicere poteram verè. Nam quum gratiam solem anteferre omnibus, adieram hominem, sed non sum admissus à familiari, quod illum diceret ægrotare. Prima ergo ratio generis est, gratia, inde honoris, posthabenda est ratio cæterorum. Nec potest constitui generalis regula: quia ubi parua est differentia magnitudinis officij, genus numero & speciei præferri debet, tum etiam generum multitudini: species ubi genus imminuat, & occasio, velut prodire palliatum coram magistratu, plurimum potest: ob id officium in magnitudinem, personam illius, tuamque, occasionem præsentem, & quæ immineant, & quæ expectes, in recte iudicando considerare diligentissime oportet. Semper autem non agendo melius est peccare, quam perperam agendo, & in his quæ emendari possunt quæuis via, & quæ à periculo multum, ab honesto parum absunt, & ubi de vita tua, aut filiorum, aut omnibus opibus non pericliteris.

Contingit etiam aliquando casus multipliciter inuolutus: qualem exemplo nunc demonstrabo. Quum Bononiæ essem, ægrotabat frater eius, qui legatus fuerat apud Pontificem alias, quum ægre ac vix obtinui conditionem minus honestam, profitendi Bononiæ munus: tum vero nec ille adfuerat in secunda electione, quod, ut dixi, tamquam suffragium, &c. me posuerit, &c. haberi potest. Ego tamen memor prioris officij, & quod frater eius inter primarios haberetur, & comparandæ bonæ famæ causa, pecunias repudiaram: tum quia minime de exitu certus essem. Tum vero alius

medicus me inferior, omni ratione nitebatur locum occupare, & me antecedere. Quum ergo vocatus essem, missionem fecisse illius, æger simulauit: sed postmodum apparuit, illum ut simul mecum colloqueretur, vocasse: atque ille pecunias accipiebat. Is autem imperitus admodum erat; ut morbus huiusmodi nec ab illo, nec socio, qui cum eo colludebat, curari posset: sed neque ego certe sperabam, me illum sanare posse. Itaque, si negassem, quum tam paucis antea diebus, consensu miro senatus, muneri profitendi addictus essem, vererbar, ne ingratitude me insimularent: si accederem, multa obstabant: dedecus quasi, quum ego precario [aut gratis] operam meam, ille cum præmio collocare videremur: deinde existimatio multis modis imminuta: pugna; quum ego præponi inferiorem nollem, ille digniores antecedere vellet: præterea quod etiam arcana esset in intellectu mea [medicamenta,] nec quicquam agro profutura, contradicente illo: demum, quod maximum erat, existimationem recuperaturus (esset ille) societate mea, quam dissidio funditus euertetur: præterea si cum ipso colloqui volebam, nec propalare arcana, nec quo morbo laboraret, patefacere, impium erat: & etiam quod gloriari posset, me superuocatum nihil profecisse: inde ut euertetur iam partem de aliis bonam famam: & maxime, quod fratres, & dispensatorem domus in suam sententiam traxerat. Ergo in huiusmodi difficultatibus optimum est, aliquando inuisere ægrum, bona consilia dare: Ita locum retines eundo, existimationem, rato adeundo: Si quid boni euenerit, particeps es laudis; si quid sinistri, immunis es ab accusatione: quinimo ægrum coges illis [aliis] relictis, in manus tuas se committere. Memento autem præceptorum superiorum.

In hoc casu est dedicatio librorum Principibus: nam si veterem sequi morem velis, ut si te Summo Pontifici præponas, præter id quod rideberis, non ferent: si nouam consuetudinem sequi velis, exhibilabunt te Grammatici, ut barbarum; & inconditam facies orationem: si mediam sequi, ut plerique faciunt, rationem, nec vni nec alteri satisfacies. Huic tamen difficultati viam aperuit Plinius Cæcilius, & eam tulit Traianus, Princeps aliquin modestissimus, ut Dominus appellaretur, quin esset hoc nomen maxime Romanis inuisum. Quapropter illum sequamur, ut sit breuissima: eo enim nomine, in quo omnia continebantur, merito vterque contentus fuit, & ut hic de maiestate nihil minueret: & ut ille ambitiosus non videretur. Simili mediocritate in Epistola ad Principem vteris: ut negando id facere posse, quod Valsius ad Carolum quintum scribens, pulchre obseruat, nec exiguus, aut negligens, nec adulator videberis. Nam aliud est munus, Epistolam ad illum dirigentis, aliud historiam omnibus narrantis, aliud eius, qui vitam illius narrando, quibus eum potest modis post obitum laudare instituit, quum nec legere possit. Tum enim eo latior est ad laudationem via, quo minus ille potest intelligere se laudari.



## CAPVT XXII.

*Opes, an honor, præferenda.*

**Q**uari autem solet, an cedendum potius honori, an fortunis omnibus? Sit senex (vt ego iam nunc sum) falso accusatus, nec iudices vindicent: vt vel transmigrandum sit, si honori consulere velis, atque omnia euertere, aut stando contumeliam ferre, quid agendum? Excusat sane ætas: sed non in Philosopho, & sapiente; nec ob leuis exilij metum. Quid si fugiendo etiam, præter damnum, dedecus subeas, vt ferunt tempora? Deinde quomodo consulam nepoti? Ergo propter spem immortalitatis, quiescendum. Est enim, vt alias dixi, res infinita: Mutantur magistratus, & regna, & imperia; æternum manet in omnem spem. Propterea talibus quiescendum est. Si hæc spes non adsit transmigrandi statim, semper honestioribus consulendum. Honestiora autem sunt necessaria, & perpetua. In reliquis honos præferendus est: sed si fugiendo seruare possis stirpem, considera quid illi magis conducatur. Neque enim par est illos (liberos) deferere, aut, si neque errarunt, neque peccarunt, tuis infortuniis affici. Vita enim tua transibit; illorum manet. Omnia ista dedecora tempore obliterantur, & delentur; posterit tui in tua patientia aut gloriabuntur, aut saltem stabunt, ac viuent. Imitare animalia bruta, sed generosa; quæ pro catulis suis ac prole pugnant: quanto magis, si te & illos seruare possis? Sed si manendo idem periculum fuerit, ob contemptum, nec tunc tuis consulueris. Æqua igitur lance hæc perpendenda sunt. In vniuersum: Pro se ipso solo, honori, pro suis, vtilitati (quandoquidem dedecoris ex alterius facto nemo participes sit) consulendum est.

## CAPVT CXXIII.

*De gloria.*

**D**vbiū sane satis est, an melius illud *κατασκευαστος*, vt dicebat Epicurus ille, seu Epicurus fuerit. At qui gloriam præferunt, velut Plutarchus, scire debent, quid sit gloria: neque enim aliter eam adipisci poterunt, nisi noverint quid sit. Et quam ab Aristotele definiatur, obiter tamen quasi; à Cicerone autem (licet de ea duos conscripserit libros,) quum non esset sui muneris, non adeo definiri potuit: cuius indicio est, quod plures de gloria tradidit diffinitiones, & etiam multas illius species fecit; quod recte definienti, minime conueniebat. Est ergo gloria, admirandæ virtutis celebris fama. Itaque opam nulla est gloria, neque roboris, nec honorum, neque magistratum, sed fucata; quoniam non sunt virtutes huiusmodi; vnde etiam neque perennia. Virtus autem triplex: vulgaris, vt fortitudo militis legionarij; hæc gloriam non parit, ob multitudinem exemplorum: excellens,

velut L. Petrosidij aquiliferi; nam etsi obrutus multitudine hostium, fortiterque pugnans, aquilam intra vallum, ne ea hostes potirentur, proiecerit, non tamen fuit mors eius cum gloria, quia multa talia exempla indies accidunt: [ tertia, mirabilis; ] nam Coriolani, Curtij, Coclitis, duorum Scæuolarum admiranda sunt fortitudinis exempla: sed Crispini gloria nulla, qui pro factione pugnavit, nec virtutem exercuit. Rursus virtus duplex: in actu, velut fortium virorum, & in habitu, velut sapientum; & iustorum. Videtur autem gloria potius esse actus secundi, quam habitus solius: nam Aristides & Ptolemæus non celebrantur ob habitum, sed quoniam alter iustitia in externos patriam decorauit, alter monumenta sapientiæ suæ reliquit. Quum famam vero dico, apud multitudinem gloriam constare perspicuum est; quum vero celebrem vt constans sit, atque diuturna, & cum affectu ac lætitia, atque gratulatione, qualis in Deorum ceremoniis, sit necesse est. Quare nulla mors damnati, gloriam parere potest, (sit quantumvis exulta innocentia, fortitudine, atque sapientia;) quoniam cum exultatione esse non potest, neque iure celebrari, tametsi iniusta sit damnatio. Sed sufficit ei, qui sic vt decet moritur, ne gloriam iam partam violet: velut Socrates, alique multi, qui damnati publico iudicio perierunt. Atque id satis est. Neque id mirum: quum gloria duobus constet; facto ipso, quod in nostra est potestate, & multitudinis assensu qui in aliorum. Vnde gloriam parare, non est nostri arbitrij, sine dedecore mori, in nostra est potestate. Eas enim mores, quanto iniustiores sunt, quia inuoluntariæ [ aut iniustæ ] videntur, commiseratio [ tanto maior ] sequitur, quæ contraria est è regione gloriæ: illa enim, vt dixi, exultat. Ergo vt gloriam consequaris, necesse est fructum edere singularis virtutis, idque tempore, & loco, atque adeo plene, vt in hominum animis admirabilem illum affectum, & constantem pariat. Quo fit, vt etiam leuium non sit, oporteat: quamquam enim admirabilis sit, leuium, aut, si sine deliberatione fuerit, exolefcit ex animis hominum, & neque celebratur factum: quare gloria non est, sed gloriosum factum, quod per se dignum est gloria, non tamen gloria ex illo consequitur. Et certe huius expressam habemus imaginem in Deo; vnde Ecclesia optime decantat, Gloria in excelsis Deo. Est enim vel illius solius gloria, aut saltem multo præstantior: vt differat tamquam immortale à mortali, & vt Solis lux, ab igne. Ergo gloriam sequitur dilectio multitudinis, fides, vt honore dignum putet eum qui illam habet, vt Cicero ait (2. de Officiis.) Ideo fructus hic est insignis virtutis optimus; & summum quod homini consequi in hac vita concessum est.



## CAPVT CXXIV.

*Quæsitæ circa gloriam.*

**I**ure autem merito quis dubitabit; (omissis his quæ ex ipsa consequi solent commodis; velut potentia, amicorum copia: quæ etiam ampliora sine illa ex opibus & aliis esse possunt) quid boni in gloria esse possit. Nam quod de me eam habeant opinionem, quod ad illos attinet, nihil interest meæ felicitatis; quod ad voluptatem meam, etiam falso imaginari si velim, eadem sequetur voluptas: vt nulla subici solidæ felicitatis portio possit. An forsan quod velut in opibus, hoc differt vera opinio à ficta, quod hic habet imaginem vanam; ille tamquam lucem ex Sole firmam, & quæ substantiæ naturam quandam habeat: ita opinio percepta de gloria, quum subiectam habeat laudationem; amorem multitudinis, potentiam, ac memoriam, non ergo gloria neque in opinione nostra (quia etiam ea falsa esse posset;) neque in fundamento, celebratione (quoniam non nostrum est,) neque in fructu (tum quia illud est, tum quia ex aliis colligi potest:) sed in ipsa opinionis substantia, cuius fundamentum id ipsum est. Quod verò quis moriendo laudatur, an ad gloriam pertineat, quum non si iam ad locum hunc, &c. determinare non pertinet. Forsan illud magis conueniet; in quo tandem differt gloria ab honore? Est autem gloria supereminens honor; nec est viuientis semper; vt honos: & honoris latior est seges, velut opum, magistratus, gloria autem ob solam virtutem. Estque honoris proprium, beneficium, aut factum, aut quod speratur, aut pro exemplo habitum. Quapropter honor est vniuscuiusque, omnium autem ob id, gloria autem omnium, & ob id singulorum. Patet autem ex hoc, gloriam extinguere, & augere, ac minui factum, aut gloriosum perpetuo esse. Vnde multa quæ videntur inuicem aduersari, in nullo discrepant. An verò ad communem illam gloriam, quæ inextinguibilis videtur, faciat aliquid, si aduerso casu opprimaris, magnitudo & gloria aduersariorum, videtur sane hoc probasse Cicero in secundo de Gloria, versibus illis Homericis, sub Ajacis persona:

*Hic situs est, quæ iam pridem lumina linquens.*

*Qui quondam Hectoræo percussus concidit ense:*

*Fabatur hoc aliquis: mea semper gloria viuet.*

Sed quoniam in hoc genere multa tradita sunt alias (in libro de conscribendis libris,) hucusque dictum sit.

## CAPVT CXXV.

*Quantum decipiamur circa finem.*

**P**orro circa finem nostrum multa sunt, in quibus homines inuicem discrepant: &

(præter leges) id pessimum est, in quo multitudo conuenit. Lex enim Dei cultum, & prolis curam, & in parentes obsequium, ac iustitiam (quæ optima sunt) suadet. At in reliquis censet vulgus meliora esse bona Fortunæ & corporis, quam animi; iniuriam inferre, quam accipere, quum vtrumque pessimum sit. Sed si quis etiam inter pessima ordo est, peius etiam est inferre iniuriam, quam accipere. In hoc enim læditur corpus, & fortuna, in illo animus sauciatur, & Deo iniuriamus. Similiter putant plenitudinem vacuitate, & otium laboribus, & multitudinem amicorum, quam paucitatem, potiora esse, & voluptate frui, quam abstinere, & innumera eiusmodi: & decipiuntur, dico etiam seclusa omni spe succedentis vitæ. Itaque consuluerim quietem agendam, nec frustra niti, quibus Fortuna fauet, aut Genius, amplectendam occasionem. Sed [hoc] non ob ad magis dictum est, verum potius, vt homines in vnoquoque negotio sapientes eius rei consulerent: velut philosophos de optimo statu, qui est diu & incolumem viuere, medicum vero, quomodo hæc adipiscantur. Nunc in vtroque errant homines, & quoniam breuem voluptatem longo dolori præferunt, & putant sine arte posse diu viuere, & incolumes, nec existimant longævæ vitæ artem vllam peculiarem esse. Simili ratione consules Iurisconsultos pro litibus, aut emendis fundis, pluresque fabros, quum quid agendum est, quod ad illorum artem pertineat: vt sit etiam non solum vniuersalis finis necessaria dignotio, sed & modi adipiscendi, tum etiam vniuscuiusque actionis. Etenim est errare circa finem, non solum in eligendo, & in adipiscendo, sed in sciendo, scopum illum communem, qui propositus est pro adeptione omnium. Verum illud nescire (quod præcipuum est,) te nolo, quæ maxima homines arbitrantur, nec esse [quidem] mediocria: dico regna, & potentiam. Nam respice tot Regum finem, & temporis breuitatem, in quo perierunt: meliusque de rebus tuis statues, nec discruciareris.

## CAPVT CXXVI.

*De negado ζωοιοις: & fascino.*

**E**st etiam modus quidem quasi supra naturam, & admirandorum effector: quem Galenus sibi laudando tribuebat, *magdezo mōs*, se vocari dicens, qui legum latoribus proprius est, mirabilia facere, mirabilique modo, tum etiam mirabiliora dicere. His conuenit, præter persuasam multitudinem, quæ etiam si non succedat factum tueretur, &c. At ad ciuilem potentiam eatenus, quatenus, &c. Regibus enim Principibusque felicibus vanæ præstigiæ fauent plurimum, & decoræ sunt. Sycophantiæ etiam conducunt ad tempus, plerumque tamen ad perniciem deducunt, vt de Sertorio cerna, & Syllæ simulacro Apollinis [memorant.] Nam demētavit eum, & vt crudeliter victorias exerce-ret, & fructus earum sponte amitteret [Sylla.] Sic Pisistratus, sic Minos infelices in felicitate, ira Deorum facti sunt. Priuatis autem personis generaliter talis opinio abest. Nam si fallat



fallat experimentum, in ludibrium res vertitur, si succedat, obnoxius fit superstitionis apud sacerdotes. Artificibus quoque inuidiam parit; ut quibus lucrum his præstigiis perit: vellentque omnia ad artis præcepta reduci, semperque de dolo suspicantur. Omnibus præterea inuisum hoc genus est: quod si vera dicat, non ex hominum ordine est, sed velut alienum, si falsa, ambitiosum, & mendax. In humanis enim optimum est, humana solertia mediocris, & summa artis scientia, ut maximæ existimationis, scientia mediocris, summa solertia. Itaque bonum est habere, sed occultare: omnia enim diuina non solum maxima sunt, sed optima. Proferri enim talia, odiosum est, & maledictis obnoxium, atque periculosum. Ut contra, perfectio summa quædam peculiaris partis in arte, honestate & gloriosa, ut pulsuum in Galeno. Vmbra vero diuinitatis incertæ præferre iuuat eos qui infamia iniusta premuntur à populo, & qui plures habent inimicos. Vñus autem [eius] est, quum naturalem inuentionem occultare proposuisti, aut quum celerrime, apud turbam existimationem quærere, vel quum quid importunius petitur; aut si consulant quæ de re tua non sunt, nec tamen quum nolis, dicere velis: in huiusmodi casibus religionem opposuisse tutum est, atque honestum. Est etiam quippiam diuinitate minùs, natura admirabilius, quod ex industria non vulgari proficiscitur: quod nec dissimulari omnino debet, nec promulgari. Caue autem, ne fungorum quorundam instar, pediculum habeas tenuem, & capitulum amplum. Est enim indeceris, & non diuturnum, neque securum. Sic qui tenuibus initiis volunt mirabiliter euehi. Forsan vero nec inutile erit gemmas quasdam feliciores, aut prudentiam, aut gentes, si quæ sunt, secum deferre & cum bene fortunatis versari, & supplicationibus Vestalium virginum, quæ tunc sanctissimæ habentur, protegi. Videntur enim aliquid prodesse.

Fascinum autem horum est, quum in eo excellant, [aut eos antecellant,] qui maiora possunt: quum & sectarum autores, tum alij, tam bene alliciant hominum mentes, & maxime professores, ut illas omnino fascinare videantur, & ut ipsos (his relictis quos sciunt esse præstantiores) sequantur. Et hoc est de quo Galenus suis temporibus querebatur: quum id agunt, ut omnium aliorum dicta irrideant & calumnientur; perpetuo vero contineant illos in sui admiratione, atque exercitatione. Vnde etiam Maumethi cultores, & maxime in Aphrica, adeo in illius religione firmi sunt. Est autem fascinatio, res quædam inter mortalia supra naturam: quamquam hæc quæ sola calliditate hominum fit, non sit vera fascinatio: illi enim deprehenfi & diuitias & vitam & filios exponunt; quod hi facere nolunt. Est ergo vera fascinatio solum tum horum tum eorum qui natura diuina præditi sunt: de quibus paulo post dicemus. Est & tertium [genus] quorundam ad quosdam, ob naturæ similitudinem: quæ est quasi posita in medio opantium illorum, in amicitia, aut in quadam ratione in imperando. Vnde qui ad amicitiam hoc genus apti sunt, etiam

ipsi fascinantur; non ab omnibus, sed ab aliquibus, qui plus possunt apud illos, quam illi ipsi. Hocque genus fascini ad vnam gentem solam extenditur. Est autem duplex: amoris & odij vnaquæque. Et amoris quidem instrumentum præcipuum, sunt verba etiam arte carentia. Causæ autem utrorumque sunt, Cælum, & Natura inferior. Et non fascinantur nisi corpora per se, & animæ imbecilles, tum quia minus munitæ ratione, tum quia parent corporibus.

## CAPVT CXXVII.

## De Axiomatibus.

Constituenda autem sunt vnamquamque disciplinam tractanti quædam principia; quæ pro Axiomatibus sunt habenda. Axiomatum præcipuum est, ut sint generalia, clara, & certa: atque horum quædam spectant ad cognitionem, quædam ad operationem. Ea omnia potius casus ostendit, quam ratio. Ea propter hoc solum caput, & de Exemplis, imperfectum relinquetur, tamquam habiturum incrementum indies.

1 Primum igitur Axioma est: ut credas multa in dies mutari, non solum res ipsas, (hoc enim nimis assiduum,) sed etiam cogitationes hominum; & (quod maius est,) tuam de negotio ipso existimationem. Propterea ne præceps ruas, nisi occasio prætereat.

2 Secundum; auxilia paria debere esse malis: ut nec pro leui re, magnis exclamationibus, aut actionibus, aut defensionibus utaris; aut in magna re, leuibus.

3 Tertium considera locum, leges, dominos, usum, cum quibus negotium sit, qualesque fuerint; tñas vires, ætatem; inimicos, seu æmulos, fortunam in negotiis, demum causam.

4 Quartum: tibi præfige felicitatem in Deo, & in virtutis operibus, & moderatione, & minori spe, quam iure sperandum esset, & considera æternitatem, & longitudinem temporis, in qua euerfi sunt non solum Reges, sed etiam stirpes eorum: & vitæ præsentis breuitatem, ut non doleas.

5 Tuta consilia præpone maiori expectationi, & vtilia ambiosis. Primum enim, etiam si succedat, quid eo indiges? Paucis enim deest sumptus ad vitam, quod superest, tot modis evertitur, ut in malis plerumque reponi possit: Secundum autem, si præterita reuoluas, nil omnino esse comperies.

6 Difficillimum omnium est tenere medium; dico Geometricum, non æqualitatis: ob id necessitas aliquando utilis est, quæ vel monstrat quod utile est, vel excusat, si erres.

7 Sed in reliquis ita te ante præpares, ut non possis errare. Quod si neque hoc possis, maximum est, hominum mores agnoscere, aut, ex actis, aut studiis. Qui enim veritati student, plerumque boni sunt, qui simulant, pessimi. Quomodo enim fidem habebis eis qui simulationem quæstum esse putant, aut qui ex dolis viuunt? sic & his qui ex paupertate ad ingentes diuitias peruenere?



8 Artem tibi para occultam, ad vlciscendum iniurias graues, & omnino sine causa factas; non potum, ne fortis versarum facias, dum vitram recuperare studes; neque fulmen, ne te ipsum perimas; sed dicas [vel diras] ob-  
nunciatus, aut, si non audes, per querelam significatus: velut illud, Spero non defuturum diuinum ius, si humano mihi uti non licet. Inde omnibus argumentis animam illius vexas, donec poenas det, sed caue ne maximam rem ut ludum tractes. Ad eos enim conuertatur solum, qui prorsus te euertere, & non etiam magno suo emolumento, student. Nam horum est vindex Natura occultior.

9 Caue ne te in Labyrinthum iniicias: vel ubi exitus obscurus sit, vel nullus sit; vel ubi procedendo regrediaris: velut qui seruili officio funguntur, ut auctoritatem adipiscantur.

10 Res male coeptæ malum ferme semper finem fortiuntur: nam si male terminantur, cadunt illi; si etiam bene, stulta confidentia audentius progrediuntur, & ruunt. Quin etiam non solum hoc ipso sunt difficiles & periculosa, quod multa desint; sed quod necesse sit, vel necessitate agi, vel deficere iudicium.

11 Vndecimum: ne verseris cum æmulis tuis, aut inuidis: (Nam tempus tandem occasionem præb. bit, ut te evertant: si præoccupes, proditor videberis.) Neque cum his, qui natura seu moribus contrariis sunt, velut tardus cum prompto, bonus cum malo. Tractu enim temporis errabis sæpe, & propriam naturam exues, nec alienam indues, quæ illi (ut reliqua vitiosa cum nobis nata) utilis est, aut saltem non adeo datanosa. Etenim non minus errabit assuetus prompte agere, si differatur; quam meditare, si cogatur exemplo delib. erare. Sed tamen in hoc maius est incommodum. Et quouis modo eorum fugies conuersationem, eum quibus errores aut calamitates contingant: seu enim manifesta ratione id eueniat, seu quia genius tuus illius genium reformidat, male tibi cessura est.

12 Res præterea maxima in humanis est, quod dum modo potest, non experitur extrema, quia sperat; quum desperat, non amplius potest. Medium hoc inane captant improbi, lactantes te verbis, dum potes tetueri, aut vlcisci. Propterea, quum res sit violenta, nisi omnino securum te reddant, pugnando fortiter aut depelles iniuriam; aut conditionem tutam offerant, aut, si vincaris, non adeo pigebit te victum esse, neque ita turpe erit, tum tu ludificando illos vicisti, fidemque eis habere simulando, & verba dando, meliore conditione negotiaberis, quum saltem te credere sperabunt: cui tu rei operam quam diligenter poteris, dare debes; quum in hac parte nihil turpe sit.

13 Quum vero actionum alia sint propria animo, ut intelligere; alia corporis solius, ut ob grauitatem descendere; alia totius hominis, de his solis tractatio est; quod prima ad hanc referatur, de secunda autem omnino non consideret. Operarum igitur quæ hominis sunt, alia quidem ad animam & in se referuntur; de quibus etiam superius dictum est, velut amare; alia autem extra ten-

dunt, ut emere, decipere, & comprehenduntur ambo genera sub actionis nomine. Verum primum non proprie est de quo institutus est sermo, sed de secundo, tum factio, cuius duplex est ratio: Vna, quæ ex nobis magis pendet, velut ambulare, canere, literas tradere, alia ex re ipsa, velut instrumentorum subtilium tractatio, ut horologiorum, & lapidum motio. In omnibus ergo his tribus quicquid dure sit, si efficere coneris, vix à magno inconuenienti euades, ratione habita subiectæ rei; ideo conari non debes. Est enim regula generalissima, nec exceptionem patitur, nisi quum negotium fuerit cum auaro. Sed & tum non euades sine iactura, nisi vi agas. At & vi agere, periculosum est, ubi secundum leges viuatur.

14 In maximis rebus maxima auxilia profunt, ut dicebat Hippocrates. Propterea alterum extremorum in his amplecti oportet, præcipue quum negotium est cum Principibus.

15 Qui non dat, aufert.

16 Si vis amari, ama. Ad Solomonem enim refertur.

17 Omnis homo seruus (dico ciuili seruitute) est: nam omnes superioribus parere cogimur, præter Principes: inopes præterea his qui dant, diuites, ut seruent, operam præstare, quæ semper maior est, quo plus habent. Ob id Principum [seruitus] adeo magna, ut nisi consuetudo illam leniret, nemo laborem & tedium ferre posset. Adolescens ergo qui libertatem habere dicit cupere se, pessimus est, ac statim in compedes coniiciendus; fame, verberibus, ac labore annuo [aut assiduo] macerandus. Quid enim aliud est, dicere se optare libertatem; quam sine labore velle vitære alæ & furto deditum? qui quum honestam refugiat seruitutem, carnifici pareat. Licet commutare seruitutem, non optare libertatem nam seruitus optima est, honesta, amabilis, cum spe certa præmij.

18 Est compendium temporis (quoniam fugere non possumus ne seruiamus amicis profitentibus, &c. etiam in sermone familiaris) ut discamus aliquid, aut quid discendum: non fuerit. Ergo in omnibus est quod discas, seu agas, seu non agas.

19 In nullis inutilibus tantum progrediaris, ut regredi non possis.

20 Denique causa infelicitatis nostræ, quod ad homines pertinet, ad hæc duo redigitur, scilicet errores nostros, qui maxime proueniunt ex auaritia, ambitione, amore, odio, & inconstantia quadam naturali; atque in pluribus etiam ignauia, qua vel non agimus, vel per alios agimus; ut fides, autoritas, celebritas & cognitio desiderentur: his sit, ut postmodum danina sarcire cupientes, perfidia utamur. Vnde inuisi Deo & hominibus, necesse est ut ruamus.

21 Omnia demum ad hoc vnum rediguntur, ut quantitatem noris omnium. Nam aut bona duo, aut mala duo, in quibus electio cadit, aut, quod facere vis, bonum & malum continet. Ergo qui quantitatem nouerit, omnia, velut Apollo quidam, optime faciet: quia omnia ad duo rediguntur, aut ad vnum, in quo duo, inter quæ electio cadit; licet vita nostra multa habere videatur. Aberrant  
autem



autem trifariam: vel quia consultationem negligunt, ob animi perturbationē, præsertim voluptatis, iræ, vanæ spei, au timoris inanis: vel quia negligunt consultationem, ob inertiam, vel ob laborem: vel quia se scire multum putant: vel quoniam non tanti referre putant: aut quoniam non sciunt quæ necessaria scitu forent; idque frequentissime accidit.

\*\*\*

## CAPVT CXXVIII.

*De Geniis, Fato, Astrologia, & Fortuna.*

**H**æc igitur dicta sunt, quantum Prudentiæ lumine inueniri poterat. Cæterum id supererat considerandū, an esset aliqui vltterius? Et certe omne id ad quatuor capita reduci potest: Genium, Fatum, Astra, & Fortunam. Et de his diuerso modo inquirere decet: generaliter quidem de omnibus: an sint causæ nostrorum euentuū, specialiter autē, an omnium, puta aut maiorum, aut eorum tantum quæ ad nostras non pertinent actiones; an omnibus hominibus conueniant? Nam Astra & Fatū aut sunt omnium, aut nullius: Genius, & Fortuna forsan, solum quorundam. An omnino ineuitabilia sint? An plura, an omnia simul, an vnum tantum ex his? Hoc autem ex præcedentibus manifestum fiet. Demum quomodo, si sint? Neque hæc tractanda hic tamquam ex instituto; sed solum vt ad deliberandi negotium pertinent. Ergo Fatum omnes Sapientes admiserunt; sed non vt rerū causam: verum quia res ita futuræ sunt, ideo Fatū est: vt, quod ad nostrum negotium attinet, nihil afferat commodi, vel impedimenti. De Fortuna haud dubium est, esse bonam & malam; & non solum in diuersis hominibus, sed in eodem homine, ad regiones diuersas, & homines diuersos comparato: eosque quibuscum male conuenimus, refugere oportet. Quamobrem illud Aegyptij Magi: Tua, o Marce Antoni, Fortuna per se illustis est, & splendida: sed Genius tuus, vt video, in omnibus huius iuuenis (Octavianum designabat) Genium reformidat: quare discede ab illo. Sed & idem homo, ad eosdem comparatus, & in eisdem negotiis diuerso tempore bene maleque fortunatus reperitur. Adeo vt consilium hominibus vt fugiant has occasiones. Franciscus Galliarum Rex tempore nostro cum Carolo Casate diu pugnauit; omnia cesserunt infelicissime; adeo vt in posterum caute se gereret in negotiis. Obiit Franciscus: successit Henricus; inuenerit animo: qui quasi vlturus paternas iniurias bellum multis in locis simul accendit. Visus est primum fortunatus id agere. Dicebat mihi Prorex Gallus apud Scotos: Rex noster cognouit Fortunam esse feminam; baculo, debere domari: verberatam tādū venturam in partes nostras. Nolui contradicere. Visus est vera dicere; & Fortuna illi fauere: adeo vt quum per licita & illicita transisset, in apice felicitatis consistere existimaretur. Iterum non contentus hac aura, voluit denuo tentare Fortunam. Succubuit. Inde factus est amicus: affinitatem contraxit: digito (vtdici solet) cælum tangere videbatur. In nuptiarum festis occiditur. Galliarum regnum seditione totum deuastatur. Filius primus morbo perit. De his satis. Quorum vnum, vt dixi, nihil in hoc momento habet, sed solum præuidetur, quia futurum est; non futurum est, quia præui-

Tom. I.

deatur. Alterum vitare, aut sequi oportere docuimus: nullam certam rationē querentes, quia incognita sit; & si cognita foret, infinita esset. Venio ad Genium. Illum fuisse puto: quia est mihi; fuit Socrati & Plotino manifeste; existimant Dioni etiam, vt alias dixi, affuisse; & Synesio, tametsi Christiano, & Episcopo; tum vero Cæsari, & Augusto, & Syllæ, Marioque, & Marco Antonio: An omnibus sit, dubium est: sicut & illud, An magnis solum viris adueniat; an, vbi aduenit, eos eminere faciat sepe alios. Hunc docere, & stimulis occultis impellere, retrahere, animos addere, instruere, certum est. Quamobrem, postquam non magnum est negotium, consulere innocentiae vitæ, ciborum continentia [aut abstinentia], benefactis, summa in Deum dilectione, tum iustitia atque (studiis nullis precibus, nullis sacrificiis, absit enim hoc) experiri si quid in nobis sit; quale inueni ego, cui fortuito præsto adesse, &c. Valeant diuites cum suis opibus, & bene fortunati cum potentia tātā; iuuenesque cum suis voluptatibus: hoc ipsum maius (si contingat) regnis fore existimo. Nam ducem habere viæ, quum Deum sincera fide colueris, tutum, in tantis tenebris, res non mediocris est. Noli existimare, vt dixi, maxima, quæ nec sunt mediocria. Reliquum est, vt de Astrologia dicam; circa quam paullo plus est immorandum; quod celebre sit illius nomen, & experimentis aliquibus confirmata sit, nec naturali repugnet rationi. Igitur si causis non indigeret secundis, frustra essent actiones nostræ. Sin autem ad omnes causas referatur, idem erit quod Fati principium: &c. deliberatio nostra libera est igitur, non potest cogi. Videtur ergo Fatum ex duobus compositum: ex actione naturali, prout ab astris pendet; & voluntaria, prout à Deo. Quum ergo Cælum non possit nostris animis imperare, non poterit de futuris decernere quæ ex voluntate fiunt. Solum ergo Cælum ostendere poterit ea quæ ad causam pertinent naturalem: velut quod non potero transire centum annos. Ab ortu ergo, vsque ad centesimū annum, totum repositum est in potestate nostra; atque id clarum est. Exitus autem violentos decernunt, per causas importunas, veluti stultitiam, iram, impatientiam, ludos, lasciuiam, tum vero connexionem quandam quā habent cum aliorum genesi. Veluti Sol est mihi dominus, oppositus Marti. Qui sub Marte sunt nati (hi autem violenti sunt, atque sicarii, ac latrones) me naturali odio prosequuntur; audebuntque, &c. Quid aliud autem est periculum, quam naturale odium cum causa audendi: quo perseuerante multæ occasiones incidunt. Non sunt ergo Astra causæ euentuum, sed præparationem, &c. Euentus autem fiunt ex errore, aut prudentia tractantium. Atque hæc consentiunt experimentis, consentiunt his quæ sapientes dixerunt, consentiunt etiam his quæ nostra lex tradit. Propterea (exempli gratia) si hoc anno habuero Solem in Martis quadrato; in genesi vero in opposito; refricabuntur causæ periculorum, tam ex parte aliorum, quam mei: & iuxta multarum causarum concursus, ad mensem ac diem, & horam vsque significabitur occasio; velut etiā in naturalibus. An vero euentus futurus sit, eorum quæ sciuntur, talis exitus erit qualem nos esse volumus; quæ nesciuntur, erit, quoniam extra deliberationem sunt, & tamquam

R r

causæ



causæ naturales. Similiter & circa opes idem ferme contingit. Ea causæ quidem quædam sunt determinatæ ad præparationem, & euentus in consilio repositi. Itaque & Astrologia ad hæc utilis erit, ad prosequendum & fugiendum: & nihilominus nec inutilis opera nostra.

\*\*\*

## CAPVT CXXIX.

### *De diuina natura.*

**P**orro præter hæc omnia diuinum quoddam est in nobis; vni maius, alteri minus, non solum ex Theologorum sententia, & Academicorum, sed etiam Medicorum, scilicet Hippocratis, & Principis [Auicennæ:] quod quum liberatur à grauitate corporis huius, non exiguum affert commodum, & per somnia, & vaticinationem, & prudentiam, siue idem sit Genius, (quod non credo,) seu non sit; idem secum bonam Fortunam affert; aut si malam effugere non potest, prouidentia præstat. vtile est ad securitatem, ad tranquillitatem, ad vitæ longitudo. Cæterum cibaria praua, velut legumina, carnes salitæ, atque pisces similiter saliti, prauus panis, vinum corruptum, vigiliæ, inuita continentia, tantum abest, vt quod diuinum est in nobis liberent, vt etiam illud illud scædis imaginibus obturbent. Talis fuit vita multorum Eremitarum, atque Philosophorum. Itaque nihil negligere expedit. Preces autem ad Deum (etiâ si homo per hæc præcepta profecerit,) ad inueniendum medelam infortunij, mensuram docent, quæ nulla arte tradi potest, nec humano iudicio perpendi, in plerisque etiam de finis deliberatione, in imperitis etiam modum: velut de Oratione B. Augustini, quadraginta diebus, nudis genibus, nondum prægustato cibo recitata, plures testimonium ferunt. Omnia hæc ex lumine in nostram animam addito. Ideo cuncta ferme sunt in nobis, quæ nos tamen in rebus ipsis, aut casu esse putamus. Causa autem cur hæc in imperitis non adeo possint, vt hæc operatio partim ex lumine, partim ex acquisita animi sapientia pendere videatur, est, vt reor, quod non recte in sapientiæ contemptoribus lumen illud propagatur.

\*\*\*

## CAPVT CXXX.

### *Exempla.*

**I.** Ioannes Pont. Max. huius nominis xxii. Iplus reliquit thesauri non solum quæ quis alius Pontificum aut Regum, sed etiam supra fidem. Quippe in pecunia centum octagies centies millies in vasis & coronis septuagies cæties millie aureorum coronatorum (quum etiam esset exutus patrimonio,) satis superque ad debellandos hostes omnes Christianæ Religionis; si mens aut cor successori non defuisset. Neque enim in alium vsum congesta tanta pecunia fuit ab alio. Id autem sola parsimonia, & optione. Vbi enim vacaret pingue aliquod sacerdotium, optione permittebat: adeo vt trium aut quatuor sacerdotiorum annuos redditus pro vno exigeret. Exempli gratia, Pontificatum redditus quatuor mille coronatorum datur habenti Pontificatum, vnum millium: illum habenti duo millia quingenta: illum rursus habenti mil-

le septuaginta. Adeo vt quandoque ex vno sacerdotio quindecim millium coronatorum exigeret ex annuo redditu solito supra sexaginta millia, sex aut septem factis permutationibus.

**2.** Exemplum aliud: Bernabæ Barbouus Cremonensis, quum vellet emere prædium intra pomerium portæ Beatricis Mediolani, primū expectauit, vt illi vendere cuperent: deinde subiecit duos amicos qui se simularent emere velle. Vterque autem mediocre pretium, sed alter minus offerebat, ipse quoque, sed etiam minus. Ita factum est, vt omnes detererentur tum multitudine emtorum, tum pretij vilitate; ipse vero rescisceret quanto plus simularent oblatum: nam non dissimulabat se scire alterum, scilicet qui minus offerret. Vnde etiam ex illo coniecturam faciebat de aliis. Vnus vero eorum, tum ipse cum aliis emptoribus, dolose coludebat: donec hi quum viderent falso iactare se illos de pretio, fidem non habentes eis, infra subsistebant. Atque sic multo minore pecunia amicus alter, eius nomine emit.

**3.** Aliud præstans argumentum, quo vsus sum. Quidam volebat mihi vendere agrum c cxx. nummis: ego dare volebam ducentos, dicens non mihi futurum redditum quatuor pro centum. Aiebat ille, decem me habiturum. Tum ego, vt vel compos voti fierem, vel illius nequitiam coarguerem, dixi: Primum locabo emtum c c. in singulos annos (ad nouem vsque) pro octo: iam lucrifacis vltra id quod petis. Quum rursus negaret, proposui contraria ratione: Dabo cxx. & locabo nouem annis, ad octo pro centum. Ita, quum & hoc renuisset, agnitus est illius dolosus animus. Porro plurimum iuuat vt scias à quo emerint: nam tum vel à tabellione, quod tutissimum est, scire poteris, quanti emerint. Quo duce plurimum emolumentum habebis.

**4.** Quum domum Bononiæ emere vellem; nec venditor satis esset firma re, persuasit Iacobus Machellus, procurator litium, eruditus ac probus, mihi amicus, tribus illis quos vades proportionem obtulerat, vt quilibet in solidum constitueret: nam pro portione in solidum vnum pro tota summa, graue illi soli; dum vnumquemque, postquam ius relinquitur illi contra socios, tutius. Ita mihi consuluit, pro vno tres haberem vades; & illi non plus quam ex spontanea oblatione grauabantur. Hæc autem sunt peritiæ legum admista solertia.

**5.** Quum Iacobus Sancti Pauli captiuus esset Ludouici Gallorum Regis, eius nominis vndecimi, adeo scite illi respondit, vt & arces, & latifundia, & Equitum præfecturam meruerit, quamvis frater hostis ac proditoris Regis. Cur autem, vide apud Argentonum [Cominæ:] Ibidem videbis quomodo legatos Connestabilis deluserit. Eaque via (quod maximum fuit) captū Connestabile securi percussit: vt nec profuerit illi fratris gratia nec fratre ob id Rex reliquerit, nec Regi ob id ille venerit in suspicionem.

**6.** Quum Petrus Nicolaus, Narniensis Episcopus, Bononiæ Gubernator, negasset mihi petenti Phratriorum D. Dominici [Collegiū, &c.] velle mea in medendo vt opera; ego vero scire, eum antea pro alio rogasse: subrisi, quasi nihili ducere rem hanc; dixique, Nil referre: Id solum à me quæsitum (quod mea multum interesset,) eorum amicitia vti, ob librorum reditionem longam



longam inter nos familiaritatem, commodum publicum, vt discipulos docerem, re & verbis ostēderam: neq; dignum existimare Collegiū illud, propter nominis celebritatem, & multitudinem hominum: incidisse in manus eius, qui omni arte, industria, conatu curasset euertere autoritatem meam, & me loco excutere, quum ferrent etiam vitæ insidiatum: nunc illi datam esse occasionem, vt hoc facto, & conspiratione omnium medicorum praxin docerem, nec exercerem, eandemque esse rem, oppugnare nos, & tam sauo hosti subministrare auxilia, quibus id facere possit. Apposui autem ex industria sermonem, &c. quo cum Principibus vtendum est in querelis.

7. Quum adolescens è domo exisset, patri ostendi, è re sua esse, vt maneret; docuique causas. Eo deduxi rem ad extremum. Si diffidit de re, vadem me præsto; & statim ostensus sum, si, quod laboris pigeat, non redeat.

8. Bononienses pueri formosi sunt, elegantes, & plerique optimi musici, vt videantur omnibus Italiæ pueris præstare: nec tamen ea consequuntur bona, quæ multi alij longe inferiores, velut Mediolanenses & Florentini, consequi solent; scilicet vt fiant heredes domorum, aut saltem partis alicuius hereditatis participes, aut vt opima adipiscantur sacerdotia, vel vt præficiantur opulentis administrationibus aut mercaturis, vel vt ad insignem gradum virtutis aut dignitatem perueniant: quæ quatuor sunt magnæ felicitatis in hac vita fundamenta. Causa ergo est, primum auaritia parentum, & magistrorum: nam pueros illos locare solent, non secus ac domos. Vnde domini, tamquam soluto debito, nihil putant plus se debere; nec illos exigere aliud quicquam. Alia ratio est, voluptatis usus. Quum enim à parentibus didicerint viuere in delitiis, amare nequeunt dominos, à quibus putant sibi plus deberi libertatis, & voluptatum vitæ, quam à parentibus. Vnde domini, intelligentes, non se amari, sed omnia ad lucrum dirigij, amare eos non possunt: illa vero omnia ad amorem vehementem pertinent. Tertia causa est, quoniam iam efflorescent viribus, ob musicæ studia nihil præclarum ad virtutem perficere sustinent, aut possunt: vnde dominis in gratiam arctamque consuetudinem deuenire nequeunt.

9. Quum aliquando sanassem potentem virum: atque is in re iustissima me pæne ad desperationem compulisset, vbi obuiam factus mihi est qui à secretis eius erat, inquit, Cur non ad me potius scripseras? ego te hac cura statim liberaassem. Quid foedius? scripseram ad dominum decies: hunc palam est interrupisse negotium: gloriabaturque. O miseram illorum usque adeo felicitatem! Sed defendi potest, diuisa esse munia, vt ex condito priuata intimis relinquuntur. Ergo vides quomodo humanæ res agantur; & quæ rerum fortuna; & quid agendum. Ius iam eorum est, tum illis maiorum. Sed vt reliqua peccata (vt reor) non æqualia in omnibus, sed maiore in ambiosis, ignauis, & flagitiosis.

10. Quum Regis Gallorum Legatus primum locum occupasset in Concilio Tridentino, Legatus Philippi Hispaniarum atque Indiæ Regis, sedit ante scribam, nullo ordi-

ne, ex aduerso Legati Pontificis, ne alteri cederet. Quumque iudicium præcedētis Pontifex deuitaret, ne alterius Regis offensam subire cogeretur; (quorum vnus & amicus & potentior; alter iure prior, & alienato animo esse videbatur;) consuluit Hispaniarum Regi, vt semper Episcopum mitteret, si Gallorum Rex Episcopum non misisset, quod iure sacerdotij præcedat Episcopus: aut si ille Episcopum, ipse è Proceribus vnum, ei cessurum iure sacerdotij, non regni.

11. Quum legatus Epidauriensium apud Turcas captiuos quosdam vt fugerent iunisset, intercepto duce itineris periclitabatur. Dum recurrisset ad purpuratum è primis, petiit, Vbi rem cum illo tractasset? respondente eo, In cubiculo; iussit cuncta inuerti. Itaque iudicio ad purpuratos relegato, consuluit cæteris collegij ille, vt an verum esset indicium, ex conditionibus [cubuli, &c.] quæreretur. Quum nihil eorum quæ prædixerat, inuentum esset, palo infixus est; non solum vt delator falsas, sed vt qui pecunia corruptus, facinus perpetraverit. Equidem & illud considerandum, quamquam falso iudicio oppressum, maior tamen in culpa illum fuisse, quam legatum.

12. Quæ mihi maxima detrimenta attulere, sex fuerunt: Simulasse simplicitatem vsque ad vecordiam: Astrologiæ fidem adhibuisse: Ludus latrunculorum: Musica: Liberis procreandis minus operam dedisse: Caruisseque pædagogum.

13. Vincentius Tosceus Cæsenas, Medicus & Philosophus, quum consenuisset, opibus comparatis uxorem duxit: Vt vero ad Venerem accenderetur, cibos paucos sumebat, salaces, vt oua dura, auellanas ex saccharo, offasque ex aromatibus, vocant Mostacinos, vini que potentis parum; experiebaturque commodiora: bulbos, carduos, tortas, caseum, pineas ex saccharo: inde suppositis lectis iuxta ignem. Sæpius enim per hiemem hæc agebat. Atque ita susceptis duabus filiabus, vnoque masculino, vt se exhauriret, dum proli studet, finem huic conatui imposuit: nouamque curam educationi adhibuit. Custodia autem mirifica circa vxoris pudicitiam utebatur: quam & nactus fuerat probam, & elegerat fecundam. Ita singulari hac industria vitam felicem duxit; & tres liberos (qui etiam nunc viuunt) continuata prole reliquit heredes, & diuites: Vt diligentia nihil negatum sit.

14. Quum Carassa Cardinalis eligere nolle Angelum Medicen in Pont. Max. sponsonem accepit CL.M. aureorum, vt aiunt, CM. à Florentiæ Principes; quæ rei ei exitio fuit; quum iam magnorum criminum accusationibus vrgeretur. Præstabat vel liberaliter suffragia exhibere, vel non omnino exhibere: hoc ipso tutus; illo securus, ob verendum tanti accepti beneficii.

15. Quod autem nulla potentia erroribus par esse possit, & quod ex huiusmodi genere vitæ etiam Principes ruant, duorum Principum vita, inter cæteras, nos docet: vna Lud. Sfortiæ, Ducis Mediolani, qui in carcere mortuus est; altera Ludouici XII. Gallorum Regis. Ille dum fallere omnes vult, & à suis proditus, ab aliis deceptus, & oppugnatus;



hic dum foedere iunctus Venetis, ipso ambitiose contracta cum aliis Principibus societate, solus profligauit. Vnde illi & inuidia, & iactura; & parum constantis animi opinio obfuit: vt, pari exemplo, ab omnibus aliis, perfidiosè in vnum consentientibus Mediolanensi principatu priuatus sit, maxima iactura etiam in Regno accepta; vt Fr. Guicciardinus narrat in Historia legi digna.

\*\*\*

## CAPVT CXXXI.

### De senum vita, pro exemplo.

**Q**Voniam huius libri propositum est omnibus prodesse; longumque esset singula calamitosorum genera describere; hoc vnum, quod diu viuendo neque Principibus ipsis effugere [licet,] pro exemplo describemus. Nam seu Principi filij sint, seu nepotes, seu alij heredes, seu nulli iure, vt Antistibus, & his qui per electionem creati sunt; contingit vt vel ab illis, qui hereditati inhiant, aut qui rem totam in manu habent, vt solent Principes, velut dixi, vnum habere, qui non contentus eo quod nimis habet, & plus habere quam possit, humanam conditionem secutus, habere vult; aut omnino; si vir sit gnauius, qui cuncta per se efficere velit; ab omnibus irrideatur: quanto magis mediocris conditionis senex? Quod si senectuti orbitas & paupertas, aut morbus, aut vitium animi adiungatur, vel stultitia, nulla spes residua est, præterquam in morte. Nihil tamen prohibet senem, etiam pauperem, felicem esse, si filios bonos habeat, aut incolumis sit, ac sapiens. Ergo seni iniuria grauis est, tum quod ea nullo suo merito infertur, tum quod ad vliscendum minus paratus est; & vt videbat Laberius,

*Veterem ferendo iniuriam, inuitas nouam,*

quod grauissimum est in hac causa, atque inuitabile malum, etiamsi ferre quamcunque iniuriam paratus sis. Molestum est ergo ferre: siquidem ira tristis est, & magis dolor: spiritus autem tristis exsiccat ossa, vt Sapiens dixit. Tertium incommodum est ex contumelia, quod tui redduntur difficiles erga te; & pares te accusant vt segnem; & inferiores te contemnunt, fiuntque contumaces: vt ea ætate non possis viuere.

Auxilium igitur à prudentia, patientia, potentia atque loco sumendum est; vt velis viuere in bene instituta Republica. Ea est, vbi senibus honos habetur. Olim felix vita [erat senibus] apud Lacedæmonios, & Romanos; contra miserrima apud Athenienses, cum sua Philosophia. [Felix] ergo Respublica, vbi per senes cuncta administrant: Vbi autem petulantia viget, etiamsi magistratus iustissimi sint; quis cohibebit petulantiam horum; & quantumcumque legeres seueræ proponantur, nullo modo eas cludunt. Cogitatione vero patientiam indues: quum eiusmodi insolentes dignos misericordia potius, quam ultione, existimabis: nam cito in aliquam magnam calamitatem incident. [His] diebus adolescens lictor insultabat aurigæ meo (anno MDLXX. Iunij initio) & ad portam ter-

rebat equas, quæ carpentum quo vehabar, iludens equabus, quod paulo macilentiores essent; reprehendentibus publicanis. Irascebaturque mihi ex hoc auriga, quod causam præberem huic iniuriæ, quam receperam. Idem triduo post retulit, eundem lictorem interfecit. Cogita ergo felicitatem esse in sapientia; finis propinquitatem esse optimum, quum ad ingressum melioris vitæ spectet. Societatem in eas cum, Philosophis; non cum Grammaticis, aut Poëtis. Neque etiam verum est quod Cæcilius in Hephæstione dicit;

*Tum etiam in senectute hoc depato miserum,*

*Sentire ea ætate esse odiosum se alteri.*

Et illud Varronis initium detestabile: *Homo est bulla; eo magis & senex. Annus enim octogesimus admonet me, vt sarcinas colligam.* Quin potius Senecam audiamus, dicentem (Epistola 26.) *Viget animus in senectute. & audet. Hanc ait esse florem suum.* Et alibi: *Quomodo quod in mellis imo, dulcissimum est, ita vita extrema pars iucundissima: in qua extinctis perturbationibus, suauissime ea frui licet.* Et Plato inquit; *Senectus si in hominem modestum & facilem incidat, minime laboriosa est; si contra, & senectus & inuentus his [morosis & immodestis hominibus] difficilis est. Et quamquam pauperi senectus molestior sit, non tamen maius est presidium in diuitiis, quam quod perturbationibus carens, quietiorem vitam degat.* Et in nono de Legibus, (iuxta finem) *Senior non paruo intervallo anteposendus est, & apud Deos, & homines qui feliciter victuri sunt. Cedi ergo seniore a iuniore, & turpe est, & odio à Diis habetur. Quamlibet ergo seniore decet & re & verbo a iuniore coli, & si maior sit XX. annis, velut patrem.* Aristoteles quoque ait (30. Problem. 4.) *Seniores magis mente valent. Si ergo mens est quicquid boni homo habet, manifestum est, senem esse beatissimum; si ee bonos habeatur, nec ab aliis inquiratur: Et vero iure debetur (reuerentia) vt idem refertur 9. Ethicorum, cap. 11.*

Quare tota res in nobis est, [vt habitationem inueniamus, amicos quæramus similes. Multum enim profunt, imo necessarii sunt, vt [idem Aristoteles] ibidem docet (lib. 8. cap. 1.) Patria ergo, opes, amici studium in his quæ parte maxime valet, scilicet mente, non exercitatione corporis, aut musica; sociis Philosophis, aut Theologis, præcipue senibus. Neque enim senex senem irridebit ob ætatem. Domestici acres sint viri; partim ob tutelam, partim ob morum similitudinem. Neque sine horum custodia vquam prodibis in publicum. Abstinebis à vitis, & dissimilium conuersatione, tum conuiujs. Nam loca ipsa amœna numquam te irridebunt. Piscario, & etiam aucupium voluptates honestæ sunt. Latrunculis cum paribus certare [potes.] Ne tamen vmq̃ res eruditioni, eruditionem ætati, ætatē moribus anteponas. Vteris pueris, ad seruitutē. Promptiores enim ad munia, & à contētū tui remotiores. Cum cæteris autē caueas loquacitatē (quæ senes reddit despectos, & nimis familiares) cum quibus versaris; acris magis, quam leuis. Principum & magistratuum gratiam promerearis magis, quam aucuperis. Quodvis dictum petulantis adolescentis ita calide



palide & pertinaciter prosequaris, vt exemplo aliis sis. Exercearis aliquo in negotio, in quo præstes omnibus. Solum etiam te delectare poterunt plantæ, lapilli, ectypa, figuræ, atque eiusmodi, & propria stirps.

Vt vero ( quod summum est ) neque contemnaris, neque odiosus sis, illum per quem omnia tractas, caue ne læseris. Imperio, non consilio, vtitor. Spem cum re coniunge: vt donec viuas, plus habeat, quam te mortuo. Sed & inexpectatis beneficiis, illius rem augebis.

\*\*\*

## CAPVT CXXXII.

*Peroratio.*

**H**Æc igitur de his dicta sunt, quatenus scribi potuerunt: nam in opere ipso sunt coniunctiones, & comparationes, & occasiones; & moderatio, quæ ex generalibus regulis habetur; & amicorum monita, & exempla eorum qui plurimum possunt, & qui sunt prudentes, & vsus ipse in omnibus dux. Quod etsi damno afficiaris, noli existimare, te ob id non profecisse; aut hæc quæ scripta sunt, non recte se habere. Etenim quidam adeo sunt stulti, vt seipsos cum aliis perdant, ira, improbitate, ignorantia: quorum occurratorem, ac cum illis negotiationem prorsus fugere oportet. Sed tamen metuendum est tibi, quum qui damnum intulit, ex damno lucri quid fecerit. Signum enim est, te non recte egisse. Memento autem in omnibus, ne immortalem rem, vel impetu animi, vel lenocinio præsentium bonorum, aut quæ speras, cum mortali ac volatili vlla ratione commutes. Plurimum autem iuuant epistolæ Principum: in his enim plurima cognoscuntur quæ hic scripta non sunt: tum exercitatio horum præceptorum, atque vsus. Prodiit autem in publicum liber earum primus: in quo mediocritas sunt plura, quædam etiam bona valde, multa insulsa. Hæc sic dignosces: Quæcunque scribuntur à ministris magnarum rerum, & de rebus secretis optimæ sunt: Quæ de magnis rebus, etiam ab iisdem, licet manifestis, sunt etiam bonæ: Similiter & quæ à Principibus ad huiusmodi viros. Oportet autem, vt dixi, etiam delectum habere: vt in quibusdam exemplum actionis etiam sumamus; in nonnullis modi agendi; quibusdam etiam solum excusationis exemplum. Natura quoque ineptis, quum vel non totam artem didicerint, vel non sensim, vt in naturam transeat, vel non accurate eam quantum oportet tractarint; vel si omnino simplices fuerint, tantum abest vt profutura sint hæc præcepta, vt ridiculi futuri sint, & tum ob consensum, tum ob confidentiam maioribus damnis, atque turpiori dedecori obnoxij: Frustraque accusabunt hanc disciplinam: cuius tamen utilitatem, quanta sit, nos exemplo, quamdiu fuimus Bononiæ, ostendimus, tametsi omnibus oppressi incommodis, multisque infamiæ falsis notis, quum omnia in contrarium vertendo hostes longe lateque superauerimus intra quinque mensium spatium; re & celeritate miraculo similibus. Verum illud cogitare decet, quod hæc non vt traduntur exerceri pos-

Tom. I.

sunt, tum quia obstant mores, consuetudinesque, tum leges perperam editæ: & quod qui præsumunt, non rem ex tua sed sua sententia tractare volunt & cupiunt: & ob id sæpe continget, vt si loco, tempori, tum vero rationi tractandarum rerum ( quæ scribi nullo modo potest ) te ipsum præceptaque hæc accommodare noueris, frustratum te his, eademque inania esse existimes. Quum vero hæc boni causa scripta sunt; nec fieri possit, quin optima etiam in malos vsus trahi queant, velut felicissime venena in salutaria medimenta; quicumque ( sine necessitate summa ) male his præceptis vtetur, præter conscientiam sceleris, metum futurorum, & Adrastræ, sciat, laxatis rationis & pietatis frenis, sibi, & perturbationibus animi hostilibus indulgendo ( quum cupido sit infinita, mortales casus varij & incerti, natura fragilis & imbecilla ( male pereundum. Sunt præter hæc quædam quasi coniuncta, & ad argumentum rei facientia, velut qui præferuntur libri de Antonini vita, ad ostentationem scripti, quum illam maxime vituperent. Quorum enim se adeo laudare, atque hæc scribere, quorum plurima manifeste falsa deprehenduntur, si sua latere voluisset? Ideo cum maxima cura legendi sunt. Difficillimum est enim inter multa perperam dicta, paucula oportuna seligere. Sed & in priuatis affectibus Musica multum potest, & antiqua in mentem reuocat, eademque percellit, sicut in publicis rebus flamma illa cœli, & Cometæ, generalesque constitutiones, quæ mirum in modum hominum mores institutaque mutant: & quæ sequuntur ad illas, magna mole cogitantes incitantes, & vim inferentes. Memento etiam recessuum, & reflexionum, tum redituum atque remissionum nostrarum.

Quæ vero extra & supra artem sunt, tria sunt præcipue: in naturalibus iuuenescere, in priuatis negotiis, quod iam periit aut prope est, ostendere potuisse non perire; quod in medicina maximum esset: & in publicis rebus, fœdera sancire, vt tuta essent ab vtraque parte. Sed primum fucata ratione peragimus, vitam futuram pro præsentis subiicientes: eam quæ superest, diligenter custodientes, filiorum cura, tamquam imagine nostra, & gloria. Priuatorum negotiorum Galenus iactat se modum quendam inuenisse. ( 10. Artis curat. cap. 3. ) Probo exemplum illud: sed magna felicitate opus est, vt in huiusmodi occasiones incidat: & quaecunque fuerit, in tam ardua re laudo inuentum; quando nil melius excogitari possit. Sed adeo multa requiruntur, vt vix è pluribus vni vel contingere possit. In publico fœdere quæ sita sunt viri probis, communes amici; in quorum manibus arces pro pignore deponerentur; aut Respublicæ, quibus mercatores ( ibi negotia habentes ) pro magna summa auri ex vtraque parte pollicentur. Sed difficile est integrum virum inuenire: & si sit, etiã vt vterq; ei se credere velit. Demum potentioris metus, vis discrimen nõ leue afferunt. Respublicæ quantum delinquant nouimus Romanorum exemplo, qui agrum, cuius indices essent, sibi adiudicauerunt: ( Val. Max. l. 7. cap. 3. ) Sed & decernere longum, postquam per calumniam litigator negat prius à conuentis

R r 3

disces.



discessisse. Sed tamen melius est hoc, quam simplici iuramento fidere. Est etiam quartum, sed non absolute desperatum, verum difficillimum, quum indefessi hostes, & plures, ac potentes. Hercules labor Hydra Lernæa representatus: à quo vel vi, vel fatigatione, vel tadio, vel desperatione, vel casu vinci, etsi sæpe viceris, necesse est: vt Troia à Græcis, Numantia à Romanis, & nos hic Bononiæ pertinacia hostis victores vincemur. Auxilium etiam Hydræ; exurendum esset caput, non solum amputandum. At nobis non licet. Quamobrem huiusmodi viris eligenda est, vt dixi, ciuitas, in qua Princeps inhabitet. Aliis, qui primum non possunt, secundum non obseruauerunt, non alia est via, quam non vscisci, sed ex inimicis amicos, & factionem (vt dixi) suscitare. Sed primatum deponere oportet, & alteri cedere. Quorum duorum vnum mihi non licet, ob dignitatem; alterum non possum, ob ætatem & studia. In huiusmodi occasionem expectare melius est: interim remorari. Denique quamquam finis noster hic non sit, proximus tamen illi est, quem boni mali-que Principes, ac priuati expetiuerunt; & in quo omnia, præter naturæ dona, bona constituta esse videntur; & Veneratio: vt contra continere hominum studia in hoc difficillimum. Ob id idque illa etiam difficillima. Venerantur Deum & Principes, & familia bene constituta herum suum. Complectitur autem

quatuor illa coniuncta & indiuisa simul; amorem, timorem, affectum naturalem, & opinionem maximam probitatis, sapientiæ, atque potentia. Efficiunt autem venerationem maxime consuetudo, religio, & iuramentum, atque hæc vbi desit, parum boni adesse potest: minus tamen obest Principibus. Hoc ipsum deesse quid timent? Post metum est amor. Exemplum amoris absque veneratione, est parentum in filios. Verum ne illud forsan admiretis, quod multa esse dixerim, quibus vniuersum hoc negotium tribuatur, velut scientia animi, veneratio, persuasio, mouere affectus, potentia, & tranquillitas: Id accidit dupliciter. Primum vt finis ipse diuersa ratione accipitur: ideoque vt, moillum adeptus fueris, nihil referre (putes:) veluti tranquillitas alia est habere quod velis, alia vt his quæ habes contentus sis. Ita ergo duo erunt, quibus adipisceris finem, prorsus diuersa, & pene contraria. Secundum: vt causæ sint ordinatæ, atque perfectæ singulæ: velut ex animi scientia accidit vt affectus moueam; ex quo persuasionem veneratio, ex veneratione potentia; ex qua adeptio quorumcunque atque tranquillitas. Optimum igitur est, vnum ex huiusmodi assequi. In reliquis imitare optimos Musicos: qui tamdiu concinunt donec melodia stare vtcunque potest, quum non potest, desinunt; indignum putantes, vel alios corrigere, vel aliena culpa decus incurrere.

*FINIS.*



PRÆCEP





# PRÆCEPTORVM AD FILIOS LIBELLVS.

PROOE MI VM.

**V**M multi, ô filij, existimauerint, maximam partem felicitatis pendere à fortuna, scitote illos esse deceptos; aliquid enim potest Fortuna, & in aliquibus; verum maxima pars in nostra constitutione posita est.

## CAPVT PRIMVM.

*De Dei cultu.*

**E**o vt maximo singulis diebus gratias agite, sic meliores fietis.  
De Deo parçè, nec nisi cum reuerentia loquamini.

Iurare nolite secretum, ne ex liberis vos seruos reddatis.

Cum prudentiæ res non subiacet, à Deo auxilium implorate.

Vbi humanum suppetit auxilium, confugere ad diuinum temeritatis est.

Qui à Deo scientiam quærit, animum à vitiis, corpus à cibis mundum habeat.

Nolite laborare in sensibus sacræ paginæ, multiplices enim sunt, & cum periculo labor est.

Quæ nobis bona eueniunt, à Deo accepta scitote.

Nolite credere vos aut dæmones alloqui, aut mortuos videre, sed nec tentate, multa enim latent.

## CAPVT II.

*De Principum obseruantia.*

**P**roxima Deo cura habenda est de Principibus, ne illos offendatis: Placide igitur, aut tacite.

Nolite coram Principibus cum aliis loqui, nec clam, nec aperte.

Iracundis Principibus nolite omnino seruire, nec suspitione plenis, nec esse in illorum potestate: fulmen enim est vbi potestati iracundia, aut suspicio iungitur.

Principibus aut administratoribus nolite vos sponte infamare, suspecta enim res est. Cui plus placet quam par est, plus vult, quam licet.

Nolite Principibus, aut valde potentibus, aut multitudini resistere, etiam si ius æquum habeatis.

Nolite quod Principibus displiceat facere, nec si feceritis, placatos vnquam existimetis.

Vbi iustitia non colitur si habitaueritis, necesse erit vos merito multa pati.

Nolite ambiguis verbis, nec ad Principes, nec de Principibus loqui.

Tempus Principibus imperat, Principes hominibus: expectate ergo tempus.

Mementote quia Principes sunt sicut montes, ad quos accessus quamquam difficilis, longè tamen tutior est quam recessus.

## CAPVT III.

*De Vita.*

**P**ost hæc duo, vitæ ratio habenda est maxima, ipsa enim est principium omnium: Somnus laborem, labor cibum, cibus potum præcedit, & superet.

Cibo vnus generis singulis vicibus estote contenti, ne etiam edacitas vos perdat.

Aqua vobis vino sit potior; inter vina potius album.

Bella, pestem, famem fugite, pauci enim seruantur, plurimi pereunt.

Cibo, potu, venere, nec ante desiderium nec ad satietatem vtamini.

Fungos, anguillas, nec ranas edite, nec quod dentibus stridet, nec duo vina bibatis.

Bis in die tantum edite, semel verò tantum carnis quantum conuenit.

Bona ab ignotis oblata, nec quæ nescitis vnde veniant, nolite degustare.

Cum meretricibus, aut concubinis nolite comedere.

Nihil aut assum, aut fruxum, præter olera & legumina, nolite comedere.

In conuiujs vbi estis inuitati si cogamini accedere, fidos habete pincernas.

Super plumam non dormite.

Tempus cum in lecto decumbitis, ab omni cura liberum omnino sit.

Ferte Hyacinthum in digitis ad somnum conciliandum, & aduersus pestem & fulgura.

R r 4

Smaragdum



Smaragdum collo pueris suspendite ob Comitialem morbum; cerebrum enim confirmat.

Cauete ab aqua quæ sine igne feruet; terra quæ sine labore sudat; pluuia quæ sine nebulis est.

Res malè olentes aut corrupti saporis, ne comedatis prorsus.

Nolite sedere in fasciis, patentibus fenestris.

#### CAPVT IV.

##### *De Itineribus.*

**V**iam communem ne relinquatis, nisi necessitate coacti, aut turdè, aut vtiliter.

In caupona solitaria nolite diuersari, nec nocte equitare.

Soli nolite vnquam iter peragere, aut ire per urbem, multa enim obiter contingere possunt.

Nolite ob breuitatem vos latronum, aut aquarum periculis obicere.

Cùm in via estis, de solâ viâ cogitare.

Ne vnquam sub subgrundiis ambulate: hoc enim præcepto bis mortem lapsu tegularum euasi.

Aquam inexploratam equo, aut furem nauiculâ ne transeatis.

Equo præter necessitatem non curretis, nec natetis in profundâ aquâ.

Urbem, aut oppidum, aut domum ne ingrediamini nisi per portam.

Cùm iter ingressuri estis, omnia prius præmeditata scribatis.

Ne in viam quam nescitis, absque fido duce ingrediamini.

Ignotum hominem nunquam in viâ in societatem admiseritis.

Comes facundus in viâ pro vehiculo est.

Cauete ne occurratis homini incognito properanti, aut belluæ: Rabidi etiam canes rectâ semper incedunt.

Equum incognitum ne ascendatis, & super mansuetum non nisi habentis comprehensis.

Euntes per urbem supra & infra aspiciate, extra urbem humiles habete oculos.

#### CAPVT V.

##### *De Virtutibus, & I. de Fortitudine.*

**O**mnes virtutes honestæ sunt & pulchræ, sola fortitudo nos similes immortalibus Diis, beatos reddendo, facit.

Pericula magna non nisi periculis depelli solent.

Scitote quòd bonus animus in malâ re, dimidium fert mali.

Pro eâ infamiâ quæ vel falsa est, vel celari, vel sarciri potest, periculo mortis vos nolite committere.

Lætè viuite quandoliceat, curæ enim hominem atterunt, non liberant.

Rerum quæ mutari nequeunt, omnem profus curam abiicite.

Nolite in aduersis animo concidere, nec in secundis extolli.

Constantes vt sitis opto, contumaces nequaquam.

#### CAPVT VI.

##### *De Prudentia in generali.*

**N**ihil est post fortitudinem, quod adeò ad felicitatem conducat, quàm prudentia.

Dum sapientum prudentiæ res subiacent, vatem non consulite.

Ea, quæ ad vos non pertinent, nec pertinent, etsi scire liceat, non attingite.

Somniis ne confidite, nec ea contemnite, maximè cùm peculiaria sint genti nostræ.

Cognoscite vos ipsos, & alios cum quibus versamini, & occasionem.

Aliena non nisi superabundantè otio, curate.

Sine vtilitate nolite futura prædicere.

Quatuor bonæ matres totidem malas filias pepererunt, veritas odium, felicitas fastum, securitas periculum, familiaritas contemptum.

Ratio agendorum seu prudentia, sumenda est primò à Deo, inde à naturali inuentione, vltimo à vatibus.

Quæ nullum afferunt detrimentum, agite iuxta consuetudinem.

Prudentiæ laus non consistit in solâ contemplatione, sed in applicatione ad opus.

Prudentiæ maioris est pecunias vtiliter expendere, quàm conseruare, quia plura attendenda sunt circa vsum pecuniæ, qui assimilatur motui, quàm circa conseruationem, quæ assimilatur quieti.

In animi perturbationibus nunquam deliberate.

Mementote quod vnâ tantum habetis linguam, & duas aures.

Pauca loquamini, in multo enim sermone multa excidunt imprudenter.

Nolite credere, vbi credendo periculum subitis lenitatis, aut ignorantia.

Negotia omnia vt equos tractate, quos in viâ, etiam si mansueti sint, vinculo retinetis.

Nolite in alienis calamitatibus iocari, ne maximam prouocetis iram.

Neminem ante finem felicem existimate, maximè cùm non secundum virtutem vixerit.

Duo sunt tempora loquendi, vel cùm necessitas cogit, vel cùm exploratissima narratis, quæ enim dixeritis silere amplius non potestis, quæ silueritis plerumque dabitur dicendi occasio.

Ne loquamini coram gentibus res serias, aut coram nimis se efferentibus.

Senes veneramini: deteriore enim eritis conditione nisi id faciatis.

Nolite ad pugnantes accedere, nisi vestri sint necessarij.

Nolite ridere cachinno, risus enim abundat in ore stultorum.

Nolite vti verbis tristibus, nec leuibus, nec impudicis, nec dissimulatis, nec ironiâ.

Nolite flere ridentibus aliis, muliebri enim est.

Nolite luctum multum ostendere, brevis enim vitæ conditio ipsum non meretur.

Vtilior est magna prudentia cum parua scientiâ, quàm magna scientia cū parua prudentia.

Sceleris aut infamiæ, quam inferre non cogitatis, omnem deuitate suspicionem.

Eortunam reperire facilius est quàm accipere,



pere, accipere autem quàm retinere.

Necromantia nulla est, Alchymiam non esse credere præstat, ab infamibus igitur abstinete.

De vobis ipsis, filiis, & coniuge nullam penitus apud alios mentionem faciatis.

Res omnes, mediocris saltem momenti, scripturæ mandate, memoria enim fallax, & sic liberius aliis negotiis intendetis.

Mundo & ornato, sed exigui sumptus vestitu contenti eritis.

Cauete ne taciturnitas sit cum periculo, aut cum iacturâ procacitas.

Cauete scire ea, quæ æqualiter fermè habent periculum tacendo atque loquendo.

Nihil agite tanquam protinus morituri, nec certam spem vitæ vobis præfinite.

Sapientes ab operibus, non ex verbis, stultos autem ex utroque iudicate.

Beneficia & inclyta opera sunt propugnaculum iniuriarum.

Minima maximarum rerum sunt initia, ne igitur polliceamini facile.

Cum loquimini cum aliquo malo, aut improbo, semper manus, non vultum inspicite.

Nolite adhibere fidem literis sine nomine, vel à personis scripti dicentibus malum de domesticis, aut amicis, quia ab inuidiosis fingi solent.

Fortunam nolite inspicere, nec contemnere, nec virtuti amicam existimare, nisi & illi vsui necessaria est.

Mementote quoddam beneficium beneficio, aut insigni iniuriâ rependi solet.

## CAPVT VII.

### *De prudentia circa domesticos.*

**N**on metu, nec amore, sed reuerentiâ quæ ex utroque constat, familia continenda est.

Filios amate, fratres veneramini, parentes & domesticos omnes, vel diligite, vel excludite.

Pudorem in gestu & sermone seruate ubique, maximè autem inter domesticos.

Quæ non vultis sciri, nec coram pueris, nec seruis, nec mulieribus dicite.

Cauete ne filios ac domesticos nimiam acerbitate reddatis inutiles.

## CAPVT VIII.

### *De prudentia circa uxorem.*

**V**xoris cura diuitias antecedit; nam diuitum improbiæ vxor infelicem reddit, pauperem proba felicem.

Vxorem absque diuitiis mediocribus ne ducatis.

Mulier, aut odit, aut amat, nihil habet medium.

Vxorem nunquam irritamini, sed monete.

Vxorem litigiosam ne ducite, omnis enim est inobediens.

Vxorem à gente stultâ, aut rabificâ, aut comitiali morbo laborante ne ducatis, luctum enim inde perpetiemini.

Vxori aliquibus præsentibus nec blandimini, nec succenseatis.

Mulier cum sola cogitat, aut nimis blanditur, mala cogitat, semper cauete ergo.

## CAPVT IX.

### *De prudentia erga filios.*

**F**ilij matris naturam & constitutionem magnâ ex parte sequuntur.

Noueram filiis ne superinducatis, superinductæ fidem aduersus filios ne habeatis.

Filium spurium vt legitimum educate, sanguis enim vester est.

Filios pædagogis erudiendos, non alendos, tradite.

Filiis nomina pulchra, artem vtilem, mores bonos, Musicam, Arithmeticam, scriptionem tribuatis.

## CAPVT X.

### *De prudentia erga diuitias.*

**O**pes parantur hæreditate, Principum gratiâ, arte inclytâ, laboriosâ, mercaturâ.

Fortuna in omnibus auxiliatur per se, & præstat aliqua, vt thesauros.

In artè & mercaturâ quatuor sunt necessaria, scientia rei, astutia, parcitas, prudentia.

Qui opes parare vult, non nisi ob certam vtilitatem itinera suscipiat.

Nolite opes effundere, nec contemnere, sunt enim instrumenta omnium bonorum.

Domum vnam, campos & villas plures habeatis.

Artem vnam tantum profiteamini.

Procurate vt à quinquagesimo anno sufficiant redditus in vitâ, senectus enim indigens misera est.

Nolite ostentare pecunias aut gemmas.

Chirographos & tabulas diligenter custodite.

Mutamini cum pignore, aut talibus, ac tantum vt donasse non pigeat.

Scire vinci, & amittere, non malum est aliquando.

Aurum bis numerabitis, pondere & sono explorabitis.

Longa & diuturna institutio descendendum parat diuitias. Nam si quis prudens annis 400. viueret, ex priuato orbis imperium adipisceretur; hoc igitur idem esse continuâ serie prudentium contingeret.

Paruæ diuitiæ longo tempore parantur, &



& magno labore; magnæ breui, & paruo labore.

Nolite conqueri de patre qui filios pauperes reliquerit, modò victus illis & industria non defint.

Emere oportet ea, quæ vel vsu non senescunt, vel furripi non possunt.

Fortunam fauientem nolite formidare, nec aduersus ire, tempus cogit industriæ fauere.

Si igitur his vtamini, opes congregabitis; si contra itis relictas dissipabitis.

\*\*\*\*\*

### CAPVT XI.

#### *De prudentia circa honores.*

**H**onores immortales, mortales voluptates, gloria corpore senescit, factis refugit.

Honores & magistratus præbent Principum gratia, amici, diuitiæ, & bonum nomen.

Honorari parua res est, promereri autem honores non mediocri.

Nolite de rebus magnis nisi ex officio iudicare.

In conuiuio, & aliis locis publicis, sublimiorem locum ne quærite.

In certamen non-nisi moniti & præmeditati nolite descendere, nam sic omnino descendisse vos existimabunt.

Honorem delatum vltro, libenter accipite: non oblatum non desiderate.

\*\*\*\*\*

### CAPVT XII.

#### *De prudentia erga negotia.*

**F**estinate lentè seu tardè, deliberate, & promptè exequimini.

Mercatura optima; infelicis est, nihil agere.

Artem vnã antequàm assequamini perfectè, aliam ne aggrediamini.

Facta masculina, verba fœminina, Epistolæ neutrius generis.

Quæ facturus es, nemini dixeris; ne impediaris, vel inuidearis.

Duobus magnis negotiis in eodem genere ne operam dederitis.

In paruis rebus potiùs decipi expedit quàm decipere; in magnis secus.

In nouo negotio diem, in tractatu temporis modicum expectate.

\*\*\*\*\*

### CAPVT XIII.

#### *De prudentia erga parentes, fratres, & affines.*

**A**ffines pauperes ne despiciat, sanguine enim coniuncti sunt ac famâ.

Parentem æquum amate; non æquum, aut ferte, aut discedite.

Non solum nobis nati sumus, ortusque nostri partem patria vendicat, partem amici, & posterum.

Nec parentes, nec amici negligendi, etiam si ad amplissimam fortunam perueneritis.

Estote inter vos optimi amici, coram autem aliis diffidete.

\*\*\*\*\*

### CAPVT XIV.

#### *De prudentia erga amicos.*

**A**micos probate dissimulantes non solum calamitatibus, sed etiam felicitatibus: multi enim inuident.

Vicinos amicos & probos, quantum licet habeatis, plurimum enim ad famam & comoda vtile est.

In electione amicorum hoc vnum spectate, quod cum aliis grati fuerint.

Amicitiam vbi opus erit deserite, & dissuite, non lacerate.

Concordia si cum aliis pulchra & utilis, quanto magis inter vos esse debet?

Amicos solos monete, & de rebus magnis tantum.

Nolite inter duos amicos iudicare.

Amicos palam, non tantum præsentibus laudate.

Amicorum crimina non nisi coacti prodatis, aduersos vero casus nunquam.

Ne deseratis amicos vestros, ob affines, aut blandientes.

\*\*\*\*\*

### CAPVT XV.

#### *De prudentia erga inimicos.*

**A**dulatores inter inimicos deteriores reponite.

De veteri inimico nunquam confidite.

De inimicis vestris verba nulla vnquam habete.

Inimicis occultis blandiamini, etiam si vicisci propositum sit.

Quem oderitis, etsi secretò, ne in illo confidite, odium enim vix latere potest.

Inimicum nullum eò necessitatis compellatis, vt saluum se esse posse non putet nisi perniciem vestrâ.

Vt dulcibus venena mixta fallunt facilius, ita inimicos permixtis beneficiis.

Cum inimicis vestris sermonem non habeatis, sed internunciis agite.

\*\*\*\*\*

### CAPVT XVI.

#### *De prudentia circa Conuersationem.*

**V**itate scelestos, inuidos, stultos, loquaces, iracundos, superbos, irrisores, ingratos.

Nolite



Nolite esse queruli, nec molesti, nec morosi, nec multum curiosi.

Cum quis loquetur, cogitate quid ad eum pertineat de re, qualiterque sit erga vos; atque sic mentem, non verba observate.

Nolite contradicere in his quæ nec ad vos, nec ad vestros pertinent.

Longobardo rubeo, Germano Nigro, Hetrusco Iulio, Veneto claudio, Hispano longo & procero, mulieri barbata, viro crispo, Græco nulli confidere nolite.

Cauete à blâsis, varis, strabis, valgis, compernibus, meretricibus, & nimium blandis hominibus: sunt enim proditores, aut auari, aut irrisores.

Pueri petulantes & loquaces; adolescentes procaces & multa petentes; iuvenes falaces; senes timidi, auari, queruli, invidi; mulieres inanes consilio, & secreta minime seruantes.

Nihil magis vitetis quam homines verbis bonis, factis autem prorsus iniquis.

Pauperi nolite credere multas pecunias; necessitas enim violentior est natura.

De incertis, aut contra iracundos, aut contumaces, aut contumeliosos non litigate.

Sufurronem ne in societatem admittite, multo minus in ædes.

Cum felicibus & fortunatis versari pars est felicitatis; vitate igitur diligenter infeliciam consuetudinem.

Qui dicit lusorem, dicit vitiorum sententiam.

Molitores, fures; lani, mendaces; lusores, procrastinatores; milites rapaces.

Hominem incognitum cauete diligentius lupo & serpente.

Cauete nimis blandos; decipere enim tentant, aut deceperunt.

Nolite quempiam ob corporis deformitatem contemnere; totus enim homo animus est.

Superioribus statim parete, aut discite.

Procrastinatio, negandi instrumentum est.

Nolite formam decipi; sub virgineâ enim facie plurimque latent anguinei more.

Consilium ne dederitis nisi rogati.

Vnicuique suum crimen inesse scitote.

Cauete illum qui verbo suo, vel alieno subridet; deceptor enim est.

Nec ingrediamini ad comedentes, nec in lecto existentes.

In conuiuio, aut omnino tacete, aut parcissime si necessarium sit, loquamini.

Quod aqua non mollescit, igni cedit, quod igni non soluitur, aqua mollescit, quædam utroque: ita tractanda sunt hominum ingenia.

In alienis infortuniis, cum ea non præmoneritis, nolite videri sapientes.

## CAPVT XVII.

## De Sapientia.

Cognoscite delicias Sapientiæ, & eas non aspernamini.

Sapientia summæ probitati iuncta viros cunctis populis admirabiles efficit; sed & in verâ Sapientiâ probitas continetur.

Iacturam temporis maximam esse ducite.

Libris optimis in vnaquaque disciplina operam date.

## CAPVT XVIII.

## Qui libri ad legendum admittendi.

Auctores hi solum digni legantur cum vita hominis his sufficiat, quidquid verò aliis impenderis his detrahes, unde aurea æreis commutabis.

In Poësi Homerus, Virgilius, Horatius.

In Grammatica Priscianus.

In Rhetorica, Cicero, Quintilianus.

In Historia Xenophontis ascensus, Sallustij Catilianarius, Suetonius, Argentonius, Navigationes ad Indos, Plutarchi vitæ & Carionis compendium.

In Mathematicis Euclides, Apollonius, Archimedes, Vitruuius, Ptolomæus.

In Medicina Hippocrates, Galenus, Aui-cenna, Rhafis ob copiam, Dioscorides, Petrus Bellonius, Gesnerus, Vesalius.

In Physica Aristoteles, Theophastrus, Plotinus, Plutarchus.

Varij, Pausanias, Plinius, Athenæus; Petri Bellonij singularia, Pierij Hieroglyphica, Natalis Mythologia, Cælius Rhodiginus, Cælius Calcagninus, Fabula Boccatij, Polyphilus, Thesauri linguæ Latinæ.

Non ultra igitur progredi licebit, & sic fiet temporis compendium, doctrina longè vberior, lucrum ex libris non emptis maximum, nihilque deerit ad doctrinam, ad ornatum, ad voluptatem.

## CAPVT XIX.

## De Probitate &amp; virtute.

Curate ut meliores sitis & præstantiores quam videamini.

Virtutem & probitatem, nec tegite, nec ostentate.

Virtutem & probitatem inuidia comitatur ut umbra corpus, nolite ergo terreri.

Non maior est labor esse fortem quam timidum, vegetum quam inertem, comem quam agrestem.

Cum virtus sit clarior & vtilior vitio, nec difficilius, ideo eam eligite.

Doctrinam



Doctrinam magis quàm aurum æstimate.

## CAPVT XX.

*De Fide.*

**P**ollicita summâ fide præstare, fidei enim opinio apud homines quædam opes sunt. Fides ad eum quem reliquerit non reuertitur.

Summam ingratis præstare fidem, aut maleuolis, simplicis, non probi est.

Dominorum negotia summâ fide tractate, vt ex dominis seruos reddatis.

## CAPVT XXI.

*De Gratia & officio.*

**I**n ingratos nolite beneficia conferre; opera enim perditur, & animus alienatur, & malo estis exemplo.

Officium cum suscipitis, mementote vos oppignerare libertatem.

Promptiores estote ad conferenda officia amicis, quàm ad vlciscendos inimicos.

Beneficia per vos, aut vestros collata, nolite exprobrare nisi necessario.

Beneficiarios vestros in causâ iustâ cognitos, qui pro vobis non sunt, pro inimicis habete: nullo officio obstrictos, aut in iustâ causâ cognito, qui contra vos non sunt, numerate inter amicos.

## CAPVT XXII.

*De Seruis.*

**A**ncillas iuuenes non queratis; si habeatis, non ipsas in consortium lecti admittite, ne aut dominas, aut veneficas habeatis.

Vt corpus absque animâ nihil agit, ita seruus absque domino.

Affines, seruos, aut famulos nolite habere, ne coniurare inter se possint.

Omnis seruitus est misera; tum verò est intolerabile seruire impudico, impuro, effœminato viro.

## CAPVT XXIII.

*De Vitiis in genere.*

**V**itia non profunt nisi vt venena, quibus aduersus ipsamet vitia vtendum pro antidotis.

Vitia sunt vt sal, ignis, piper, modica con- diunt, copiosa corrumpunt.

Vitia animi, velut in vestibus maculas, si quæ sint saltem tegere oportet.

Vitia non tam à nobis expellenda sunt

quàm repellenda, quia vtique facilius est non suscipere, quàm semel suscepta deponere.

Vitiorum tria sunt cum voluptate, Auaritia, Gula, Luxuria: vnum cum dolore Inuidia: reliqua modò cum dolore, modò cum voluptate, Ira & Superbia.

Fures nec emendantur vnquam, nec restitunt.

## CAPVT XXIV.

*De Amore.*

**A**mor est iucundus cruciatus, ac infania vnius generis.

Amare iuueni fructus est, seni crimen. Est enim egregiæ stultitiæ signum, aut caput.

Amare & sapere solis concessum superis.

Amatum quis propter tria, videlicet affabilitatem, pulchritudinem, & mansuetudinem.

Infelix puerorum amor & insulsus. Mulierum autem periculis plenus.

## CAPVT XXV.

*De Voluptate*

**V**oluptates sunt corruptibiles; honores verò immortales.

Ludite ad animi relaxationem, non autem de pecuniis certate.

Voluptates corporis, morbi sunt.

Voluptatem coercete, sponte enim nimis augetur.

Ita Diis placitum, voluptatem vt moeror comes consequatur.

## CAPVT XXVI.

*De Iniuria.*

**P**aruas iniurias omnino negligite.

Læsus grauitè animus dubiam non habet sententiam.

Alienas tanquam vestras iniurias nec ope, nec pretio nolite vendicare.

Pro paruis rebus nolite contendere; plurimi enim minimis ex causis perièrè.

Furor fit læsa sæpius patientia.

Animo dolenti nolite credere.

Cum iniuriam alicui intuleritis, nolite confidere mansuetudini eius, vel ignorantia.

## CAPVT XXVII.

*De Odio.*

**O**deritis plerumque vt amaturi; semper amate vt osuri: hoc autem ad confidentiam etiam pertinet.



## CAPVT XXIX.

*De Luxuria.*

**L**uxuria plerumque aut hominem perdit,  
aut secum poenitentiam affert.

## CAPVT XXX.

*De Gula.*

**G**ulæ cupediæ pauperes faciunt, aut mor-  
bosos.

Qui plus comedunt quàm par sit, mentem  
sapius gerunt pinguedine obsitam, corpus  
verò excrementis onustum

## CAPVT XXXI.

*De Inuidia.*

**E**os, qui vos solum ob inuidiam oderunt,  
amicos futuros nunquam sperare.

Est etiam pars inuidiæ lætati de aliena in-  
felicitate.

Cùm inuidiâ laboraueritis, vtile & hone-  
stum negotium ei quod quæritis, prætendite.

## CAPVT XXXII.

*De Ira.*

**I**ra est furor omnium generalis, & stultitia  
ferox ac temeraria, propterea ad iratos ne  
accedite.

Mementote quodd nunquam vidi hominem  
iracundum qui rectè aliquid fecerit.

## CAPVT XXXIII.

*De Superbia.*

**S**uperbia multos precario parit hostes.  
Superbia prima origo inuidiæ.

In superbiam tantò quis facilius incidit,  
quanto ex humiliori gradu ad dignitates eue-  
hitur.

## CAPVT XXXIV.

*De Mendacio.*

**M**endax lucratur, vt veritas ei non cre-  
datur.

Nolite vnquam mentiri, sed circumue-  
nire.

Mendacem sciatis aut stultum esse, aut à  
fure & proditore abesse parum.

Cauete cùm veram causam tuemini, ne  
confictis mendaciis eam infirmetis.

Vt mendaciis locus non sit, assuescite veri-  
tati, de rebus magnis agite; atque ne argui  
possitis caute.

## CAPVT XXXV.

*De Aduersis.*

**C**onscientia rectæ voluntatis maxima  
consolatio rerum incommodarum.

Magnanimi est, neque secundis rebus in-  
folescere, neque deiici aduersis.

## CAPVT XXXVI.

*De Animalium educatione.*

**D**E Mulo nolite fidere.

Equum aut nullum, aut egregium  
alite; in via nunquam liberum relinquit.

Aues, nec feras, nolite habere in domo.

Qui ponit pecunias suas in animalibus, de  
fero ridet, de mane lacrymatur.

Equos aut mulos quos equitate vultis, blan-  
diter tractate, panem naribus præbete, neque  
enim cadentes vel liberi dimissi negotium fa-  
cessent.

In vltimo, Animalia non alatis vltra par-  
tem millesimam reddituum.

## CONCLUSIO.

Non est necesse hæc omnia ad felicitatem  
obseruare; sed tamen qui hæc omnia obser-  
uauerit felix erit.

Longe autem facilius est hæc scire quàm  
exequi.

FINIS





# DE OPTIMO VITÆ GENERE. PRIMA PARS.



**P** R I M V M vitæ genus quilibet scire optat. Verum calamitosus præsertim conducit: velut senibus, vinctis, seruis, non solum ut ipsum adipiscamur; sed ut si calamitas illa non sit ex his quæ vitam beatam prohibent quietius viuamus, & nedum quod malum non est, aut saltem non impedit pelleremur, aliud per quod impediamur accersamus. Scire igitur hoc ipsum præstat ne aberremus: & demonstrare quid sit, ut animus acquiescat. Ergo humana vita, si verè æstimanda est, nihil habet, sed ut ille dicebat:

*Post rogum distat nihil nudo*

*Cræsus ab Iro.*

- 2 Et ut Philosophi dicunt, ut punctum in circulo: ita ipsa ad æternitatem. Vere etiam quid refert nunc, si ad rem respicias, Xerxi, quod olim Rex Orientis fuerit, aut Cleombroto quod in equo Phalaridis extinctus sit? neque enim vnquam potui intelligere, quid præterita quæ nihil reliquant, possint in vitam nostram, nisi à temetipso discrucieris: multo minus in mortuo. Profectus est, ut puto, hic error ex similitudine earum voluptatum, ex quibus aliquid relinquitur iucundum, ut alea si feliciter cedat, Venere si filius progignatur: à somno salus: à conuiuio amicitia: à certamine laus. Sed hæc iuncta voluptati, non à voluptate: Verum actione recta. Cum igitur ita sit, quid refert quod hodie aut infra x. m. annos pereas? Omnino enim futurum est, & aliquando transibit hoc tempus & infinito spatio obruetur, nisi putas aliquid interesse nunc inter Cyrum qui iam plusquam ab hinc m. m. annis, & Ritium fabrum lignarium qui paucis ante diebus interijt: Abiecti nimis est animi dolere quod cras, aut perendie sis moriturus; solue annos in dies & idem erit: aut incidet in quæstionem pforiticam.
- 3
- 4

Sed si ad opinionem, aut vulgarem? & ita felicissima erit, & solum in caupona vbi libere licet pergræcari. Nam si velis vitam horum potentium æstimare; quod ad sensum attinet dum fruuntur miserrima: quoniam non vltima nisi cum transgreditur vires humanas; & tunc vel in ipso actu, vel paulo post discruciat & alias occasiones interuertit, & si vltima non sit, non explet libidinis pruritum. Crescit amor nummi, quantum ipsa pecunia crescit.

Ita & de concubitu, potentia, & aliis: at

quantus labor ut expleas, & præcipue quod expleri non potest? post autem flebilis. Quid ergo hoc cupere, lætari, discruciaris? Scabies.

Quare ad tertium felicitatis genus transeo quod ciuile dicitur, commune in usu, & à cunctis comprobatur, quod omnes appetunt, iuxtaque ipsum viuunt optimates, & principes, ac populi: iudiciumque de existimatione hominum, & vita beata, ac miserrima sumunt. Idque duplex est; nudum, & implume: cum quis fortitudine sola animi fretus se felicem existimat etiam inter miserrima, quod quibusdam natura contigit. Ut Asdrubalis seruo, qui in tormentis ridens obiit. Aliis disciplina, ut Anaxarcho, & Tenoni Eleati: pluribus autem usu, & educatione, ut olim Legionariis Romanorum, & nostra ætate cohortibus Germanorum, & Hispanorum, & militibus Turcicis, & equitatui Scytharum, nam hi læti viuunt, & alacres moriuntur: etiam aliorum existimatione qui solum huius vitæ rationem habent, ut constet in hoc genere felicitatis, quod forsitan aridum & sterile putabas, magnam partem humani generis contineri: nec solum gregarij milites, & optimates purpuratique, inter hos connumerantur, ut nunc experimento vides in hoc accerbissimo bello, sed etià Reges ipsi, ut Agesilaus, & Alexander, ac Iulius Cæsar.

Ad aliud ergo quod solum relinquitur felicitatis genus transeo, non tantum ciuile, sed decorum, & molle, quod tu optas: idque pariter dico sapientibus solis, & omnibus, maximeque conuenire. Verum antequam rem aggrediamur, ne locus dolori vacet, multum conducit scire axioma illud: Deum optime generaliter constituisse: Verisimile etiam esse, ut singulorum iustitiæ prospexerit: neque enim potestas, aut sapientia, aut voluntas defuisse potuit: omitto indignas authore excusationes, mortis & errorum, hoc enim plerumque ex stultitia: Vnde maxima providentia opus fuit: ut læsis succurratur, innoxii ne iusto plus læureret. Vides tot muscas, & cimices naturæ humanæ tam improba? quorsum hæc? ne non solum homines: sed nec equi feliciores essent lacertis. Vis scire? inuidia parata est: Bonus esse? contemptus: diues? labor, aut sollicitudo: potens? metus. Nullum penè discrimen inter animalia nedum homines, nisi quod quidam specie eminent, quoniam sua bona exponunt: velut gladiatores galeam: alij oculunt. Tota igitur hæc administratio ad æqualitatem pertinet. Quod si ad æqualitatem,

etiam



etiam ad iustitiam : hoc enim minus est ; quare potuit idem fecit. Quid ergo quereris , aut dubitas ? priuatim compara Alexandro Diogenem : hic incolumiori vita & quietiore productus ad decrepitam ætatem : carus etiam alienis : causas rerum nouit , & Diis gratus : contra illi omnia , & fortuna ingens eius non causa sua , sed ad supplicium oppressorum. Quid de gloria ? quæ si nil superest , nihil est : si aliquid , etiam minus quàm nihil. Omnia igitur mira æqualitate : quod si nitatis progredi , conditionem licet facere deteriorē , non meliorem : nisi quod opum ob commodorum multitudinem , & consuetudinem vtilior videtur : sed verè non est , imò peior : Vnde non minus stulti est , & anxij quam impudentis pro tam exiguo tempore , & cum hac lege sperare , quam petere quicquam. Alterum autem non tam remedium doloris , quam exacerbatio : si neque natura , neque casu , aut culpa aduenit. Itaque si non quæ dicuntur quæ plura sunt & valida , ob molliem prorsus satisfecerint , aut in nobilitate virtutis quemadmodum Aristoteles docuit cuius finis est honestum , & quod colunt , ac venerantur Reges ac ciuitates ( tum maxime quod ultra progredi minimè liceat ) reposita est non tantum compensatio omnis mali , sed etiam excellentis felicitatis status , aut in animorum perpetuitate , aut in gloria quæ est virtutis opinio constans de aliquo apud præstantissimos homines : aut in remuneratione abdita , velut illorum quos maximè diligit : ex quorum stirpe profluunt viri potentes , & præclari ac benè fortunati : Vel quoniam id verum non sit , quod viri boni ac sapientes plectantur , cum neque Hippocrati , aut Aristoteli , vel Oribasio plus perierit , quam sine quo possint esse felices , nulla vis vitæ adhibita est , non libertati : stirps , atque monumenta manserunt. Nam Socratem neque sapientem , neque simpliciter bonum appellare possumus , forsan temporum comparatione licet , vel quod huiusmodi hominibus Deus aut Genius se prodatur : vt etiam censuit Aristoteles , idque maximum esse constat eorum quæ homini in hac vita contingere possint. Sed vt ad rem veniam , quandoquidem dubium non sit , aliquo horum modorum , aut pluribus , aut aliis consultum esse indemnitati innocentium tamque facile sit ex maximis Deo erui , quemcunque miseris , & in summo mortalium fastigio collocare , quam alleuare ex paruīs : exemplo sanè flammæ quæ tam virere potest ex scintilla quam ex maximo igne , cum ex scintilla ad flammam illam maximam vix momentum interponatur. Sed vt ad rem veniam constat felicitas in possessione præstantissimorum bonorum , & vt his quæ habet optimè fruatur , vt commodo nullo destituatur , & vt inter pares emineat : sapiensque ac felix existimetur. Nam si ad felicitatem necesse sit vt quod optat omnino habeat , non nisi Deus felix erit : neque sufficere esse Regem nisi par sit Argantonio , quem ferunt regnasse octuaginta annis , vixisse centum ac triginta : quæ gerat : neque tonsor prætori , aut , sutor medico inuidet : sed sui generis duntaxat hominibus inuidia desiderij , & appetitus indicium

Term. I.

est : felicitatis autem in eorum quæ appetuntur maximè possessione consistit : & si senium ei obstare putes falleris , nam hoc ipso multis numeris senex iuniori antestat , primum scientia & vsu rerum : faxo inquam dices ? sed & quod molestiis sensuum à quibus iuuenes , velut delphini ab asilis miserè afficiuntur careat , inde etiam tum ob hoc , tum experientia magistra , purius voluptates , ac melius percipiunt , sunt etiam maiori in veneratione , & liberius loqui eis licet : & à nullo magistratu arcentur : quinimò quosdam solent habere ciuitates ad quos tantum senes admittunt , locupletiotè etiam memoria antea vitæ fruuntur : & minore in periculo ne miseri pereant : quādo minus periculi à casibus sæuis in paucis annis sit , quam in multis : & in effecta ætate quam florida : & mors eorum minori cum dolore est quam iuuenum , imò si credimus Aristoteli prorsus doloris experts. Denique si antea vitæ piget , propior es termino : si te delectat : longiore fruitus es. At dices rhetoricè mecum agis : licet malas merces obicere , pecuniæ adulterinæ , quod tu adducturus es falso contra nos pro felicitate sapientis oppugnanda : atque inter tot laudes senectutis sola infirmior visa est , statim sensisti. Ergo postquam senectutem non licet despiciere , iam nullus poterit hoc munere indignus videri : aut sperare ne non adipiscatur : quandoquidem nulla sit infirmior ætas , quam senis nec magis misera conditio ; quod reor accidere quoniam iuuenes temperaturam necessario bonam habent , cuius auxilio à quouis morbo , atque calamitate , vt restituantur , spes est. Hoc igitur genus felicitatis in re & opinione constat , nam de re apertum est , & fatentur omnes , neque aliquod potest esse magnum discrimen nisi in filiis , aut si desint necessaria , vel libertas aut corporis incolumitas ; si enim speres aliquid nostrum posse esse perpetuum , fatuus es , vbi enim tot antiquorum monumenta ante tria annorum millia ? at de filiis , cur non gaudes de successibus Principis Hetruriae ? dices ad me non attinet : & tamen illi propior es , quam his qui post x. m. annorum ex te succedent. Et multo etiam magis quam illi inter se erunt : iam verò dixi nihil interesse quod omnino futurum esset , si eueniat cras , vel post x. annorum millia quamquam magnus esset fortunæ fauor , vt inter tot tuam stirpem tam diu mansuram eligeret. Quod & si contingat , nomen tamen , & memoriam excidere , & aboleri necesse est. Quare melius erit vt de præsentibus ac certis , quā de incerta futurorū expectatione læteris.

Sed vt de felicitate ciuili agam , plus posse in ea opinionem re , perspicuum est , cum multos miserè perire videamus , quibus nihil deest , tū quia in his quæ ad illam faciunt præcipuis rebus , scilicet , filiis vt dictum est , ad continuandā progeniem : sanitate qua corporis libertate qua animi , opibus quibus reliquis bonis fruimur contingere necesse est , quædam aduersa præsertim durioribus temporibus : Velut olim Phalaridis , Apollodori , Dionysij , & paulo ante nos Brixiae , carnes humanæ in macello cū capitibus venales prostituerunt : & nūc Anthrophagi magni adhuc extant , vt nunquā ma-

Sed 2 gna

1. Ethic. cap. 6. 7. &amp; 10.

1. Rhet. c. 5.

10. Ethic. cap. 8. in fin. &amp; 1. de par. Animal. cap. 5.



gna si breuia, aut lenta si moderatiora supplicia defuerint. Humanitatis enim partes sūt gratia, māfuetudo, misericordia, iustitia, fides. Si igitur calamitatibus obuiam ratione non eamus, & in illis ordinē statuamus, nemo, (non te solū dico) felix esse poterit. In cunctis enim mortalibus ordinem quendam esse necesse est, vt in opibus primum prędia inde pecunias, post ornamenta, demum domus supellectilem habere oportet. Cum ergo in re quatuor hæc sint, filij, virtus, incolumitas, & commoditas: atque in modo totidem, possidere præstantissima, optimè frui bonis, & ad vsum nihil deesse, atq; eminere inter æquales: postquam nemini concessum est, cuncta & illibata, & ad culmē (vt dici solēt) expleta habere, videndum est quænam sint potiora: & quovisque detrimentum non impediāt felicitatem: & quod sapiens oblati frui debeat, & aduersis occurrere: nam si sensu solum diiudicare velis, mala duo sunt sanè, quæ vitare non possumus: mors simpliciter, & senectus: quæ si præoccupet, morte deterior habita est: si præoccupetur iuuentæ casus deploramus, velut Lucanus, & nostra ætate Petrus Crinitus. Igitur omnis felicitas cum consistat in bonis animi, corporis & fortunæ, dubium non est (quod si ordinem constituere necesse sit) quin in animi bonis primum constituta sit: tum quia animus corpore, atque fortunis multo nobilior est, tum quia non percipientibus nobis nulla est felicitas. Percipimus autē animo: tum quia pars illa similis Diis perpetua, & quæ à nobis auferri nequit. Collocabitur ergo, vt Epicætetus docet, in virtute atque sapientia: post in corporis bonis, scilicet sanitate, demum libertate: atq; aliis fortunæ beneficiis: hicque primus ordo; alius est vt in rebus ipsis vt dixi (atque eas nunc exposuimus) deinde in ratione: ea constat præsentibus, præteritis atque futuris, præterita si felicia sunt eorum memoria, vt dicit Epicurus nos delectabit: si aduersa comparabis ea præsentibus: dicēsque illud vt & Seneca.

*Eur san & hæc olim meminisse iuuabit.*

Præsentia torquere non debent quia statim disfluunt: futura multo minus, cum nihil sit in eis tam certum quam quod nihil certum esse possit. Moueat te exemplum Mæragenis, vt refert Polybius, qui lætæ maiestatis apud Agathoclem Regem sanctissimum accusatus, & captus ac nudatus vt tormētis admoueretur, nullo intercessore, iussu Regis repēte dimissus est.

Redeo ad præsentium considerationem, in quibus caue vt recta ratione vtaris. Dixi ad felicitatē pertinere vt emineas inter pares: cum iure præstes quot sunt auxilia propria: emines eruditione: quot legunt tua: omnia simul cōpone xlvij. annis es à medicina. Quis tam diu: quid si non aggressus? si intempestiuè subtractus: cur non regi inuides? cur non sceneratori, qui lōgè minore astu, & flagitio plura sibi parauit: aufer scelera: peius illis erit quam tibi: aut cōputa: & adhuc magis tibi quam illis. Num de falsa fama vis torqueri: de timore tutior esse debes, non solum quam antea sed quam illis: at non sum: tua stultitia premeris, securus saltem non sum: quis alius est: denique inspice huius mundi ordinē nihil videbis abominabilius, aut nihil melius: vt rouis modo non vt quæraris: si enim fato regitur cur doles: si prouidentia placā Deū: si casu gaude quod mēte præditus sis, aut te subtrahe.

At viuere cupere? cur? ob iucūda? puer, aut puella? perfectum æt. vel non flebile intelligere se quovis momento per vnam vocem, aut gestum stultum. Care Persa posse fieri miserio-rem? Quæ nam tali vitæ gratia habenda?

Iuuenis  
fallax.



Puer  
foedus.

Senex  
foetidus.

Restat vt videamus quomodo sapiens propria recte curare, aut tractare poterit, si omnia quæ agimus, quæ patimur, quæ eueniunt sunt indifferentia: sequimur bona, fugimus mala, si neq; bonum, neq; malum est, quorsum ea cura? vnde opinio apud vulgus inoleuit eos homines quos contumeliæ causa Philosophos appellāt minus valere in rebus agendis etiam si velint. Ergo dubiū est quorsum vita ciuilis sublato de medio bono, & malo? Et si nihil agendū cur Epicætetus qui sub Vespasiano, & Tito Romæ habitauerat, Domitiano regnante discessit? Vna est igitur ratio generalis sapienti in omnibus recte agendi, ipsū recte, agere quod virtutis est opus, absq; finis expectatione. At dices, quid est recte agere? si bonum nullum est: negamus sapientē non posse errare, aut infelicem esse, cum possit contingere vtrūque, sed prius oportet desinere esse sapientē, velut in ebrio, aut victo grauibus tormentis aut insano facto ex febre, aut medicamento: nam tales miseri esse possunt. Bonum igitur est quodcunque tuetur hominem magis à periculo, hoc igitur sequitur sapiens. Quicumque ergo sola animi virtute possunt resistere tormentis, & in illis felices esse possunt: qui verò deiecti à sensu & poenitentia ducti miserabiles frustra ediderunt voces, non fuerūt felices. Ergo deuitando huiusmodi occasiones, plura bona contingunt. Primum vt non se exponat periculo infelicitatis, secundum vt diutius durare possit in vita, atque ideò secundum virtutem operari: Tertiū vt exemplo alios excitet ad illam. Quartum vt facilius alleues & purges melius animum à molestiis quas opinio falsa de ementitis bonis reliquit. Ergo non solum tam bene, & diligenter curabit sapiens vitam ciuilem quam quivis alius, sed melius ac diligentius, vt cui animus sit firmior: non tamē de fine iurabit, sed velut procurator alienæ causæ tuebatur suum clientem quam poterit accuratius, non ob illum affectu mouebitur qualiscunque exitus sit. Neque Epicætetū discessus Hierapolim in patriam alienus fuit ab instituto, sed amētis potius, impendēs non deuitare periculū ideoq; is etiam acephala, & gurgites. Quoniam sapientia, & virtus non est neque in animo solo sita, nec exteriore actu. Hic enim impediri potest ille sine fructu est, sed in interiore vsu. Quare sapientia huiusmodi, non solum à prudentia communi aliena non est, sed etiam illi coniuncta. Exorandus tamen Deus est ne hæc contingant, aut alia via iucunda, vt tales occasiones deuitemus, quoniam natura humana ab huiusmodi extremis abhorret vixque sustinere potest. Eam ob causam Stoici (cum

animum



animum superstitem esse dicerent) non curant de animi immortalitate verba facere, satis esse putantes hæc principia ad hoc ut homo careat omni infelicitate & inter mortales felicissimum se intelligat: non tamen simpliciter felix dici meretur, nam mortalis conditio felicitatem non admittit, cum multa illa & magna seu corporis seu fortunæ corrumpant internam animi vim, ut imbecillior aut impurior reddatur, non felicitatem augent. Quid vero etiam si millies sestertium congreges nec sit coniunctus, num felix? non ut boui in macello: etiam senex, sed qui sine? fateris? fateor, at illi nihil ad te, solus peris; solus eo ibis; hæc coniunctio quot modis infringitur? nihil tibi omnes qui supersunt. Res igitur tota constat in animi dotibus insignibus, & ut non sit casibus his subiectus per quos animi vires infringantur, ut non breuior reddatur usus eius. Verum quoniam huiusmodi adiantis proprium est fama populari periclitari, ut Socrati; optimum ante se subtrahere iam attentato componere: afflicto similibus artibus se tueri minus enim irritantur; interdum iocos: demum pugnare: pessimum quasi virtute reniti. Quod si etiam eueniat ad felicitatem pertinet, quod tibi proprium est absque animi dolore ferre: commune autem sortem subiisse.

In aduentitiis autem quæ supersunt rem ita dispones. Primum locutio rara sit, pauca cogitata licet non solum dissimulare, sed simulare, & animum videri despondisse, ut amicos ad te tuendum magis excites; infra semper respicias, nec verearis quod æmulatio possit perpetuo augeri: nam cum ut ignis ad culmen breui peruenit celerrime etiam in se ipsum concidit, & suos opprimit. Poma semiputrida alia corrumpunt, cum autem computruerint non obsunt. Omnia non solum stulta, sed etiam prodigia, despiciet, multoque magis auspicia, nam somnia atque miracula, quanti faciet qui pro rebus ipsis nec lætetur nec doleat? cum opes & honores amiseris, dic quid antequam haberet? qualis hæres cui non mihi hæc pereunt? imo neque curabis, ut raperes, aliquid enim defuturum, & forsitan id maius erit, æqualia enim esse oportet, ita hæc ex accedentibus per se intellexissem periisse amicum pluraque speranda: an non multo maior dolor? vel contemptus? proprium autem in aduersis memoriæque mandandi: ut tui statim recorderis, atque superiorum, & aræ illius amplæ, splendida, beatæ ad rem quid refert, an paulatim an simul vestes exuas? nam sic maiori labore, & minus commode: Vides corpora pauperum validiora, & formosiora quam opulentorum. Reges ipsi operacalorum, & lixarum magis indigent quam illi regum, & intima penetrant; Summum cum imo adeo coniunctum est: mūdus fabula; & qui in eo sunt tam miseri quam potentes actores, ut etiam Augustus moriens dixit. At indigeo? quære bonam seruitutem; ea est sapientis, potentis, amantis, probi: sufficeret dixisse sapientis: hæc vita iucunda, suavis, perfecta: forsitan quereris inuidens his quibus plene concessum est muneribus à natura datis uti: omitto nunc quod quisque habeat quod torquet, ex re ipsa tantum argumentum desumo. Primum non tibi impedimento, nisi hæc regio quæ aliena est, sed si

Tom. I.

etiam ubique interdictum esset, nihil amisisti, ingratitude mera est hæc. At iniuste premor? hoc suum malum tantum est. Etenim vel non lædunt, vel non sciunt, sed iniuria priuatus sum his quibus indigni mei loco fruuntur, hoc torqueor: quamprimū pœnas dabunt: concidentque cum suis, ut dixi: singillatim vide præterita quam nihil nocet, ita erit & de futura, si aderit. At de presenti queror? si præterita non læ- <sup>supra 2.</sup> sit nec præsens, totum igitur consiliū eo verti debet, ne deteriore afficiaris, at huic minus aliis obnoxius es: sed postquam æqualitati studet Deus, satis tibi est, si aliquanto aliis sis felicior quod iam adeptus es: si plus speras insaniam tribuendum, si cupis infelicitati. Demum si aduertas hoc ipsum, te certiorē in quavis fortuna reddet, nihil amisisse cogitando mentis præstantiam: ea regit animum, & corpus è quibus homo constat, atque; ut illa corpus sic mens animum: ut sine labore illi imperet, & ipsa quocunque libet momneto vagatur, una est torviribus prædita cui communicant splendida, aliisque; simillima quibus etiā iungitur, & viribus suis collectis, ac densata velut sphaerula vitrea solida resilit tanto maiore impetu quanto in terram elisa fuerit, altiusque ascenderit. Sed dices etiam libris interdictum est? peribunt? ne time perfecte seruantur in archetypis: omnia plena numinibus. Verum nondum tibi vel literula: plus iam extra aleam quam cuiquam veterum relictum: plus illis perit, quam possit tibi: seu medicorum Hippocratis, Galeni, miseri Oribasij: seu Mathematicorum Apollonij, Archimedis, vel Euclidis: aut Philosophorum Aristotelis, infelicitis Theophrasti, atque Alexandri. Sed vereor ne alienis cedant labores mei? quisque semper huic periculo obnoxius fuit, multi in multis maximisque. Diuide in amicos quod times subripi ab inimicis, nam hoc lætū est, aut Principi largiaris, vitam tuā, si non alius scribe, Antonini exemplo refer quæ scripseris: sic lapsu temporum velut etiam Aristoteli, & Galeno omnia domino suo restituentur, nam phrasis acumen grauitasque manent. Sed quid tibi ab obitu, modo in vita voluptate fruaris? Virgilius mandauit aureū illud opus exuri; aut sepeliri: Quātum Aristoteli profuerit abscondisse sua c.c. annis? nec minor gloria pro illis quæ desiderantur, cui si exemplo solari cupis (non requiro ut Socrati, aut Hippocrati vel Oribasio quorū fortunam imo omnium celebriorum potius miseriam vulgus appellare possit) te cōpara, videbis quam in omnibus beator sis. Cæterum aliorum hæc cura fuerit, tu vero opta ut velis, quanto plus habueris bifariam eris sapientibus quantumvis oppressis inferior: tum viriū animi perfectione: tum temporis successu cum ex illo potius fiant infeliciores, adeo ut casus, nihil eis profint, hos verò liberent: ipsi pro aliis laborant tu pro te ipso, & fama perpetua, sunt quoque illis connexæ suæ Erymnēs, velut professoribus, altercationes, discipulorum inconstantia. Vnde animi fluctuatio, atque æstus. At,

*Vulturia gaudens vita latabere sæpe;*

*Rarius & lateri brachia pressa tuo,*

*J. perij: commune exemplo cadit.*

Quid ais tu? Nonne timor mortis, pœnaque minor erit? Quid? Quomodo? Qui in rota erat Franciscus Lugdunensis latro ora-

Sf 3

bat



bat ne strangularetur: nulla mors ex morbo non longè sæuior quam quæ exlaqueo. Ab obitu verò non melius his beatis si nihil sperent: si quicquam; quot modis sunt inferiores? propterea dicebat Philippus Argertonus, nihil eos sperare, sola obliuione transigere vitam, ô nimium felices? ô nimium fortes? ô nimium stulti? cum possint obliuisci, & necessarij & eius cuius tot exempla quotidie vident. Ergo beati hi vno atque altero bono priuati, reliquo miseres: vt nihil amiserint præter obliuionem. Sed iam diu miror qua arte hi imperiti potuerint assequi hoc? an expedit ad æqualitatem? at vix persuaderi possum: fingunt plerique atrocius bifariam malum; quid si credant nos miseros, eos beatos putare? hanc rem nec sperare possunt, illa exilis consolatio à porticibus ad nos non pertinet: stultus es, si de errore alieno doles, Socrates enim solebat appellare vulgi voces terriculamenta puerorum: id solum monet timores spebus præferendos: si iactent? captiuum occidere noli: feruilet, Neque credas cum totum bene valeat te esse infelicem, vt decumbente morbo pedis dolor solatium à corpore recipit, meliusque valet, tum quam antea: ita viro probo in calamitate ob id quod Deo iunctus est, sed sero hæc cognoui? omne diuinum tempestiuum. At occasiones præterierunt? non inquam? hæc enim bifarium retro respiciuntur. Et quod præuisa commutant in melius: Et iam facta traducunt. Demum id cogita generaliter aduersa præstare vt temporis discas distributionem, œconomiam, prouidentiam, amicorum cognitionem, morum notitiam: hæc potiora secundis. Si tamen efficax optas auxilium, animo dentes, & vngues: corpori laruæ.

Particulatim spem & metum in tenuissimis collocabis, si nondum sanus es, sed si liberari potes in maximis, vt maior prudentiæ laus sit, nam si sanus es, his non indiges: iniuria verò affectus dicas axioma illud: omnes homines optimè se agere putant, & esse cæteris sapientiores. Idèò misericordia magis, quam odio digni. In his quæ non obtines: Ouidium de remedio amoris in vsu reuoca: Plerumque etiam in optimis plus mali quam boni, plus doloris quam voluptatis esse comperies, sapientia omnis infinita est. Vt diuinæ colligatis quicquid effluit delectat enim & solatur. In naturalibus procede quantum potes, ob vtilitatem. Ex humana quod ex vno filo deducere licet. Noli te cum alio committere ne perpetuum cum mortali, sub aleæ discrimine ponas: at pugnandum? *εὐδὸς καὶ ἐὼς*; plutes sunt? *σοὸς ἐστὶ πλάνη*: hoc perage in quo vales interim spe consolaberis. Noli vitare virginem: sed arte medica tibi consulo; leuatus, nam te iuguabis, aduersarios vres, blandus vt pares, ac retineas. Noli pugnare cum Principibus, nec fortuna, nec tuis, *Æνεξ Clypeus*, cum potentibus misericordia, atque mansuetudo; aliis fulta præditiis: post cum agis age, si commodè potes. Tertium collige te tuaque, tum vrge, sic enim fabri ferrum formant, sed prius operias auram: præsertim cum potentibus; non errat ignorans nec sapiens errat.

Hor. ad  
Epistola 1.

re potest. Ergo *δεξιόσφορος*. Vbi omnes mali nec fugere licet spem iniice: sed tamen bonum est cauere ocium, hirundinem, & polypum, proponasque, tibi finem potentem: hi sunt amot, & odium, & quo pauciora eo facilius, celerius, melius, tutius, maioriq̃ cum vtilitate assequaris. In plerisque iuuat tacere non si placere non vis, aut speres submittere te, quid magnum putas, cum longè maiora nihil interesse docuerim? Verum plura, & magna me opprimunt, quibus non sufficio: vna ratio est, diuide in singuli pluribus simul innittere viis, & precibus vni, potentium authoritati, æmulos falles, & falsos amicos, si vbi minus spei est, magis vrgeri videaris, sic nihil in accessu, primoque comparabis quod omnibus fermè pro viatico est, stultitia, medela, improbitas: improbitatis quandoque stultitia: contumaciæ & stultitiæ plerumque, simulasse non nunquam sufficit. Sic animi doloris dens aut vnguis, operis laruæ.

Cum procella sæuit collige vela, dimitte anchoras. Quibusdam profuit seruatō temone totis velis sinere nauem ferri, Medium dimisso exiguo velo nauigare, id pluribus. In nonnullis non licet aperire nisi perfectè claudas. Prudentia fortitudo *ὑψυχία*, vt tamen interim sufficias non prohibeo quin amicorum congressu, peregrinatione, venatione, alea, alto somno (ad illum faciunt frondes somnia) *περίκομφοι*, vino medicamentisque te munias. Et quamquam omnia æquo animo ferenda sint, de vita tamen ne id agas ex quo liberatus aliquid vt agas relinquatur, propter quod hilare viuere non possis. Cum duo offeruntur ambo bona, sed quæ sibi inuicem aduersantur, celeriter te præpara, connecte, tardè elige: si indiges optimum; si non tutum. Fuge odium contemptu, & *ὀδύνη*. Seris borrago passæ columbi naturales. *Καννοέω* verò crocus, rosa, stirax: interdum agaricum: prædictione in periculis si necesse est blanda. Quamquam vbi oculus alio respexerit parum verba profura sint, satis ne noceant, cum omnino tacere nihil afferat auxilij, & ansam præbeat iniustis excusandi se. Porro conditionis nostræ exemplum accipe: desiderium potus vini, à cæna amor podicis: odium inuidi, quæ dum vrgerent asperrima, vsu praua, post rescipiscen-  
tibus pænitentiam afferunt aliis exitio. Ergo postquam omnibus datum est ea conditione nasci, vt temporibus, moribus, studiis locis paria semper subeant commodis incommoda: scire vnumquemque præstat, & ad cauendum, & eligendum, ac ferendum, noueritque, *ἡδίστος βδελύσσεται* fore vbi beatius viuere contendas, alterutrum ergo subeundum est: sed ridebunt me. At quam parua sorditudo, pro tam pretiosa medulla! Iam ergo nihil restat nisi vt non incidamus in illud, difficile est docere sapientem. Iubila in tempestate, ne scimus enim quid petamus; caue tamen & fer



\*\*\*\*\*

DE CONSVETVDINE,  
Et est secunda pars.

**R**egnum humanum in hoc est constitutum vt homo securus & cum existimatione viuat. Ad hoc ergo vt secundum decreta patrum, & consuetudinem, atque ideo pro negotiis nihil non impendat, pro vita parum: neque de morte sit sollicitus, non solum quod necessaria sit, sed quod sit omnium malorum finis, ideoque iuxta hoc neque prohibetur quin speret magna, & multo etiam maiora fingat, nam si euenerint felix erit: si non interint tamen vitam lætam ducet. Licebit ergo omnia suo more his seruatis agere. Quod si mors contingat, optandam putant occasionem fortiter moriendi, contra si quis refugiat, turpe; & illum damnant, tamquam bono publico sui commodi causa aduersum, nam ex hac lege condita coaluerunt imperia; & ad paucorum potentiam traducta est multitudo hominum: hæ tamen diuiduntur: nam quædam sunt in quibus fortitudo & crudelitas præualet: in aliis inertia & doli: ibi plus de virtute, hic minus de sæuitia: communis omnibus tanquam fructus voluptas. Quid verò curabunt mortem aliorum, vel etiam filiorum, qui propriam negligunt? sed in filiis adeò amentes facti sunt, vt etiam laudi ducant viri fortes. Solum superiorum curare videntur: non ex humanitate, sed vt existimationis partem: quorundam tamen serio, vt fundamentum potentia suæ. Huius etiam opinionis fuit ille Socrates: qui cum ei mortem fugere liceret: & Pompeius ac Sylla cum posset imperare hac nomophylacia, non solum principatum, sed fortunas omnes, vitam ac stirpem propriam funditus perdiderunt: propterea. Cæsar dicebat Syllam nescisse litteras. Ipse verò dum contemnit leges potitus est rerum. Vnde sæpe iactabat illud.

*Nam si violandum est ius, regnandi gratia Violandum est: Aliis rebus pietatem colas.*

Dicere voluit factionem, sed carmen non admisit. Quod verò miserrimum est factio in factione, nam esse plures semper solent. Hæc igitur est ratio vitæ communis. Quod si alio modo sentire videaris, loquentem interturbant: & si perseueres obstrepunt, non etiam sine irrisione, solos enim se sapientes putant. Quod si audientes (nam illos numquam poteris) persuadere tentaueris, tum oderunt: & captant in verbis: & apud suos accusant vt hostem, & si nil habent in his quod vellicent, aut ob iudicum sanctitatem ex aliis quarunt occasionem. Quæ etiam si desit, & tu ob id vrgeas, multitudine opprimunt: nec audire volunt: nec audiri permittunt: hoc satis esse putantes iudicio publico te damnari atque eam ob causam à priuata iniuria abstinere. Eadem etiam mulieribus quæ in viris comparatio, & mores, & turpior ob stultitiam, inebriantur quippe his: mitior tamen ob sexum: misericordia enim tanguntur mulieres. Quid ergo facias? non (vt quidam) loqueris vt illi: nam falso subscribes; irrideberis vt imperitus eo in genere: & inferiorem atque veluti assentatorem te constitues, neque prorsus tace-

bis: nam ex tuo iure de cedes. Propterea quidam, forsan non adeò iniuste modo scirent finem imponere, (postque hic locus bonis & peritis relictus est) quicquid, iniuria ablatum est in communi, restaurant in proprio de arte sermone; adeò vt etiam si deficiat materia repetant, & si interpolentur, ad rixas ac iurgia perueniunt, quæ quamquam præter existimationem ac decorem fieri videantur, collata ad causam & tempora meritò facta dici possunt.

## DE DIFFICVLTATIBVS.

**I**uxta hæc in singulis artibus accidunt difficultates. Et vt exempli gratia factione inita medici alium non admittant, admissum irident; vestes, gestus, verba. Si loquaris cum ægri propinquis, interpellant, obstrepunt, inturbant, sine illis contradicunt, iure vel absq; ratione nihil interest: omnia reiciunt, mutant. Cum timent admittere se simulant: ei qui assidet iubent vt aliud faciat, vt periculis utroque euentu seu in melius seu in peius commutetur æger, si queraris, dicunt non potuisse fieri. Sic de exitu qualicumque sit, tibi paratam habent iniuriam. Per has nefandas artes occupant collegia & nationes, ac familias nobilissimas: vt cum antea obseruare illos necesse esset, postea timeri velint, quod si his omnibus famæ, fortuna bona, doctrina, prudentia exemplis auxilio eruditorum umbra principali illorumq; intestinis odiis emergere vitaris, ad iurgia vim, minas, insidias: denique ad pugnam apertam priuatim, & publicè auctoritate, multitudinis clamoribus maximè freti deueniunt. Quid agat vir studiosus inter tantas turbas, & cum tot impedimentis metuque ac periculo: impar vel vni horum?

## REMEDIA EARVM.

**T**Ria sunt: cum socio non admodum prauo perseuera donec vt rogasti monearis. Nil seorsum ordina, fac, nisi coactus, vel prædicas. Ne te collaudes nec quicquid inuidiosum proferas, nec quemquam vituperes, nec illius inimicum lauda sperans syncerus videri, sed verba seras congruentia illius moribus. Conare præterea illi gratificari quouis modo, & etiam suis amicis, vt intelligat animum saltem te habere bonum, nec sint facta vnquam verbis inferiora. Plurimum ergo prodest parum loqui, & bene considerare.

Generaliter autem cum æmulis iunctus nil nisi ex arte loco tuo & ordinato: nec sufficit verbis non peccare, sed neque gestu, vestitu deambulatione, nec circa familiã. Habere autem vnum qui opportunè, & cum grauitate cum grauitate tuam peritiam artis, experimentam prudentiam, integritatem mansuetudinem diligentiam, arcana predicet, contra verò tot illas & tam multiplices artes ac violentas, Catonis Uticensis exemplo sermonem vt diximus produxisse iuuat. Nil habent contra hoc, quam vt exhibilët, velut verbosum; & nota illis dicentem. In his laxant suæ im-



proba tela, vires fatigant, ira cadit dum voluntati satisfaciunt, & dente sæuiunt. Interim multitudine verborum obruuntur mentem delaxant dum obseruant spicula, & quod petant, & licet te euertant, paulatim consuetudine coges pati. Et tamen colligis emolumentum ex impedimento vt sermonem ab initio inchoatum instaurare possis. Sit autem sermo ex aliquo authore antiquiore illis probato cuius verba singulari imari videaris, aliis etiam connumeratis duobus aut tribus. Ratio autem probabilis, & ab eis quasi concessa & dilatata decenter præcipuis quibusdam & famosis medicamentis, sed alio modo præparatis & quasi arcano eleganti.

Præuatim seorsum nihil preferas, neque de cura neque prædictione neque de morbo, sed iube vt consulant N. Stasiarchum seu Cathegemonem. Ordinem loci ac dicendi si neget, aut de iniuria queraris, aut prorsus negligere te ostendas. Si quod taceas admirentur, Tenonis responso satisfacito, si interrogent cur venis? Dicas venator sum, si emergat aliquid acturus, quicquid euenerit morbi naturæ tribue. Demum si ad immanitatem ventum sit, personam indue Marcelli Appuli qui lusum ocrearum adolescentibus persuasit. In vniuersum post recipere aliam cum suorum sociis non decet, nisi solus cum solo: velut iuret in filij caput dimidium tibi relictum, neque deferere iam susceptam, cum neque vtile sit, neque gratum futurum ægro vel amicis eius, imò æmulis & quod deterius obfuturum existimationi, non enim illum tantum sed cum nemine velle curare diffamabunt. Ergo retinere cum sit necesse, neque eorum decretis subscribes nec obuiam leuiter ibis, ex auctoritate enim minues. Et fur, & homicida & proditor euades. Nec trahere in partes socios: operosum enim ac non pro dignitate neque monere suos, suisque odiosum ac periculis plenum. Quod si rationibus validis atque auctoritatibus tentes ab initio forsan non absurdum: sed vbi iugum excutere cæperint, frustra est niti, & nil nisi odium querere, nam si salutem timeant nil illis atrocius, si iuuant hoc etiam deterius ne propinqui dicant cur non ab initio admisistis? idem summum noceat. Quod si obfuturum sperent, id scient à proximis obiici posse: cur ergo permisistis?

\*\*\*

### DE ADIECTIONE, Et est tertia pars.

**R**eliquum nunc est vt postquam de solida & inconstanti euentuum æstimatione, similiter & de vera ac vulgari mentionem fecimus, nunc demum quod obiici posse sentio de sensuum voluptate atque dolore loquamur, horum enim iudicio humana constant. Res enim quid attinent si non cognoscantur? ratio autem iuxta momento in nobis viget: totum igitur felicitatis & miseriæ fundamentum apud homines in sensibus est, neque momentaneum, sed sit a b c tempus & b palum est quod in momento quouis refert totum a b c. siquidem a b memoria præteriti constanti b c verò futuri spe firma veluti in Principibus & perpetuis magi-

stratibus, aut in timore velut in damnato perpetuo carcere, aut insanabili morbo laborante, cui subscribunt sapientes. Dicebat enim Aristoteles finem nostrum esse virtutis vsum inuita perfecta, & felicitatem sitam in bonis præcipuè animi, non tamen ad beatam vitam sufficere nisi à cæteris corporis & fortunæ adiuuetur. Sed postquam de solida atque vera felicitate ac miseria concordēs sumus quamvis difficile sit de sensu litigare indice sensu; tum res ad eundem evidens est vt facile quisquam intelligat non plus esse felicitatis atque miseriæ in hoc genere quam in cæteris. Primum tota ratio illa præteriti atque futuri, nihil cum sensu habet, sed pendet ex cogitatione quæ in nostra est potestate, id eundem eam licet trahere quo volumus, & etiam ad mistum genus pertinet, Præterea si de felicitate loquamur rara est diuturna in mortalibus, rarior pura: rarissima constans: securam nunquam. Et cum vitis obruta sit quibus in affluente bonorum copia carere difficillimum est, secum semper tortorem habet: vt sola specie, velut fucata mulier, aliis præferat, felicitatis imaginem, illi exitiale tormentum, quid ergo inuides ei qui se miserum putat esse? at de calamitate minus dubium: rara bonis, rarior sapientibus: rarissima virtute præditis, nullum extat exemplum diuturnæ miseriæ si fortis, si sapiens atque innocens fuerit. Quem virum insignem ostendes qui in carcere spiritum deposuerit? Qui prudens fuerit Principem eligere nouit. Princeps sapiens bonis viris amicus est. Denique omnibus vna patet communis via vitandi omnem miseriam seu sensu seu vita careas. Est ergo miseria nulli probo viro aut sapienti, aut forti metuenda quæ rarissime fortuna aduenit: exemplo non visa, & quæ nolenti herere nequeat. Quamobrem antiquis temporibus eo refugiebant omnes vt tuti essent. Quod si beatum est non affligi villo incommodo qui putat sibi satius viuere necesse est vt iam felicior sit omnibus illis qui nihil mali sentiunt. Aut si putat non expedire hanc *adieu*, nequid diuinius offendat, quanto etiam illo qui ferre mauult felicior est? Verum dices doleo de iniuria? atque persæpè error in nominibus in rebus etiam errandi causa est: non potest iniuria inferri nisi volenti. Quid vis? imò nolenti, nequaquam vis est, quæ vt alia fortuita ferre decet, fateor, melius aliquanto potiri voto, si non inter fortuita numeranda est. Et si ferre nolis conqueri licet, seu de magistratus iniustitia seu priuati insolentia nulla sanè iniuria est; & paruus dolor, vt etiam aliorum quæ fortuito eueniunt, ac ab ipsa solum iactura existimandus, cum tua culpa omnino absit. Quin etiam minor plerumque quam cæteris in casibus, quanto maior est spes recuperandi. At iniuria est cum blandis verbis deceptus, & propria mollitie delinitus, in tua damna consenseris, hinc dolor, hinc lachrymæ. At victus es? fortuna & vitæ abest culpa, abest iniuria, ad numeranda aliis casibus: ille in manus latronum, alius piratarum, alius ex prælio in seruitutem ductus est, alteri improbus iudex contigit, quem tamen non elegerat: alij domus corruit: alij tempestas sata sustulit, hæc omnia mala sunt, sed fortem virum non vrunt: itaque hoc tam graue malum,



malum, non nisi volenti contingere potest, cætera sunt leuia, quæ non sunt in nostra potestate; hæc dico non solâ ratione fretus sed multiplici experientia confirmatus, differt vis ab iniuria vt dicebat ille.

*Quantum lenta solent inter viburna cupressi.*

Interim his rationibus à sensu sumptis superflua illa & ementita titillatio imò vellicatio sensus, velut polypus se ipsum exedit, & delet. Modo memineris sapientes & virtute præditos maximè miseros euadere, quoniam vt ad æqualitatem reducantur necesse est maximis calamitatibus premi. Idèd cum hoc non opulenti accidat tum ob id, tum quia instabiles sint opes, nec mortuos comitentur, & venenum suum secum deferant opes ad felicitatem parum conferunt. Verùm vt hæc omnia omiseris, qualis locus & quam purus solidæ & immortalis beatitudini relinquitur?

~~~~~

## DE NEGOTIATIONE, Et est quarta pars.

**V**itæ humanæ (vt ad nostram proprie dirigitur) Duo sunt scopi seu partes, finis & medium, finis soboles (est enim mortale ob perpetuum) Medij felicitas. Ad vtrumque necessarium vita, & valde vtile opes ob plurima commoda. Medij rationem habere oportet vt aliquid naturæ tribuamus: & quoniam ad finem necessarium est, triplex vsus propter se & vocatur interim, propter succedentia: vt emptio agri ob fructum & ob sobolem quæ si desit nepotes & sapientiam atque virtutem atque ex his quæ paratur gloriam. Hæc enim similia fini, sed differunt vt mortale à perpetuo: Et vt commune cum Diis à communi cum belluis. Vita verò præponenda est

opibus, in eo qui parare potest, vel si sobole careat: Quod si adsit soboles & res, opes vitæ propriæ sunt præferendæ. Porro quæ ad finem distinguuntur singula in rem & opinionem. Opinione cuncta facies meliora. Et quæ non potes motum motui contrarium ciendo, tractatio vsus relictorum comparatio ad tempus antequam possideres. Est enim mentis priuilegium ad extrema transire intacto medio: mutatio regionis absque odiis ac timoris suspitione. Res aliæ sunt quæ deuitandæ, aliæ procurandæ, aliæ quæ originem præbent aliæ opinionem. Vitandæ, noxia nimia, odiosa quæ siccant, intempestiua, incongrua motus à cibo, frigus à calore: mador, præcidenda hæc ab initio & occasiones.

Procuranda quæ multiplicis commodi velut somnus, is enim parit prudentiâ & tranquillitatem, lætitiâ, & ex laboribus vtilitatem, idèd etiam ex opinione & si absurda vt per carmina illa Italica.

*Io son Aprile del dolce dormire,  
Coglier fioretti & belli vcelli vdirè.*

Opinio ex re vt non solum valetudinem & robur sed etiam lætum habitum compares, vt de Democrito Philosopho & Philemone Comico. Ad lucrum verò blandus, sollicitus, gratus, patiens, grauis, prudens, accommodatus. In actionibus continere se, tacere, non facere, non dare: Memento summum malum, à summo bono duobus digitis distare: inspicere singula, & ignis exemplo admoneris. Nihil nisi conductitium habere nos, quamquam perpetua soleamus appellare quæ vltra vitam durant vt agri & gemmæ. Sed nec horum possessio nisi rarissimè diuturna vt sit, hospitium hoc non domus, in sola prole est quædam perpetuitatis imago, cum illa nihil sit infirmius. Vtile à Turcis ad dimidium, frictione pro prandio, palea pro fœno, lecto inciso & siccato.

*F I N I S.*

HIERONY





HIERONYMVS  
CARDANVS  
MEDICVS  
FRANCISCO SFONDRATO

SENATORI DINARCHÆQVE BELLANI,  
Mandeli, ac ripæ Larij lacus, necnon oppidorum,  
quæ iuxta lacum Eupilum, S. P. D.



VM propter sapientiam, multa & præclara opera nobis reliquerit antiquitas, mirum sanè est, nulum de ipsa Sapientia, propter quam omnia illa nobis inuenire potuerunt, conscripsisse. Namque in Medicina Hippocrates & Galenus, in Philosophia Aristoteles & Plato, in Rhetorica Cicero & Quintilianus, in Geometria Euclides & Archimedes, in Astrologia Ptolemæus, in Architectura Vitruuius, de Machinis Athenæus, in Dialecticis Chrysippus, de Dijs ipsis ac diuinis, tum de plantis ac metallicis Theophrastus abunde scripserunt. Cum leges Solon, mores Crantor, Zeno, atque Antisthenes instituerint, omnes de gloria, de fortitudine, de morte opuscula confecere. At de Sapientia omnium horum magistra, morumque ac virtutum, tum etiam legum atque artium matre, nemo ad hanc vsque diem scripsit. Atque ideo id magis mirum est, Timotheum & Diogenem cum nondum liquido constaret, quid esset Sapientia, de ipsis sapientibus multa memoriæ mandasse. Neque enim vt puto in omnibus Sapientia eandem retinet rationem: cum alij diuitias, alij paupertatem, gloriam alij, alij ἀτιμίαν (.i. ignobilitatem) quidam virtutem, alij voluptatem, curam aliqui, nonnulli negligentiam præponerent. Qui enim fieri potest, vt in tanta vitæ, morum, ac sententiarum repugnantia, vna esset atque indiuidua sapientiæ ratio? verum cum aliqui de ipsa tractauerunt, illam quæ animi virtutum pars minima esset, non omnium reginam attigere. Operæ precium igitur facturus videor, si omni diligentia, tanquam de omnium bonorum parente, felicitatis authore, vitæque magistra rationem tradidero: eamque nomini tuo dedicauero: vt si qua in parte minus prebabitur, emendari queat: si placebit, authoritatem assequatur. Quamvis enim studiosè cuncta, hominem tamen me esse non ignoro. Quare si id contingat, vt operam tuam desideret: quis ob amicitiam diligentius, aut ob prudentiam melius, vel ob authoritatem utilius, operi ipsi pro dignitate consulere poterit? tibi enim priuata vita splendida, literaria culta, publica religiosissima, administratio innocens, omnia prudentia summa & moderatione conspicua: vt si etiam liber ipse non satisfaceret, te tamen titulus eius habere patronum mereatur, & quanquam multa sint, quæ à vitæ tuæ instituto ac omnium bonorum abhorreant: multa etiam aspera, auribusque tuis indigna



digna : quædam etiam crudelia, & à lenitate naturæ tuæ dissidentia : alia quæ simplicitati morum tuorum minime cōueniunt : non tamen effugere potui, quin in describendo hominum vitam omnia recenserem, præsertim cum eos in quibus hæc sunt, dignoscere & cauere sapienti necessarium foret. Nam nec vnguentarij, nardum, myrrham, ac cinnama tantum habent : sed & graecolentia sagapena, galbanaque : nec Medici ad depellendos morbos solis vtuntur smaragdis atque margaritis, sed viperis etiam & toxico. Itaque nec nobis vitio verti debet, si ea scripsimus quæ non probamus : ac docemus, quæ non laudamus. verum si quis illud nobis obiecerit Horatianum,

*Hæc mihi Stertinius Sapientum octauus.*

Vel Euripidis illud,

μισῶ σοφιστὴν ὅς τις σὺν αὐτῷ σοφός.

(i. Odi sapientem qui non sibiipso sapiens est.)

Quis ægre ferat ? aut admiretur ? nam illud prorsus sapius accidit, vt qui alios velint docere, eadem in causa magistro ipsi indigeant. Nam & Galenus, qui tam copiose medicinam posteris tradidit, in semetipso de morbi natura aberrauit. ergo liberum de nobis sit vnicuique iudicium : cum liceat omnibus prodesse. eritque vel hoc saltem sapientiæ testimonium, etiam si reliqua non assequeremur, optima voluisse. Vale.







# DE SAPIENTIA,

## LIBER PRIMVS.



**Q**UANTO VAM omnium bonorum Sapienciam diuinissimam esse constat: quippe quod Deus hac maxime Deuse esse cognoscitur: nulla enim quamvis immensa potentia, ei sufficeret ad gubernandum, custodiendumque vniuersum, si omnino sapientia careret: Nihilominus operaprecium fore existimo, si de eius nobilitate, ac vtilitate, quædam non demonstrando, verum tantum ad memoriam reuocando ostendam. Omnis enim demonstratio in manifestissimis rebus, præterquam quod superuacua est, dubias eas efficere solet. Quid enim non obscura res indiget illuminatione? vel certa probatione? aut testimonio, quæ omnium consensu confirmatur? Hæc vero Deorum & hominum non testimonia, sed Encomia meruit. Atque si nulla eius prorsus esset vtilitas, quod sola inter mortalia diuina sit, vt Galenus dicebat, omnibus viribus propter seipsam tamen amplectenda foret, omnique laudis genere decoranda. Nunc vero cum nulla alia res in vita utilior sit, ac magis necessaria, conandum erit totis viribus, non solum vt eam assequamur, sed etiam extollamus, quod non nobis solis nati, hoc vnum miseriarum solatium humano generi relictum esse docentes, magnam etiam vtilitatem ei afferamus. Ergo si etiam apud barbaros ferosque viros nudus periclitareris, sapientia ipsa tueri non solum, sed etiam ornare te, posset, atque tunc belle illud dicere tibi conuenit:

Ζεφὸν γὰρ ἐν βούλευμα, πολλὰς χεῖρας  
νικά. i.

*Nam vnum sapiens consilium multas  
manus vincit.*

Omitto quod vnus Vlysses apud Cyclopas pœnas à Polyphemo sumpsisse fingatur: mitius sapientie genus aggrediendum est. Namque si apud efferas nationes te sua lingua loquentem audirent, non putas fore vt admiratione ducti manus à te abstineant? deinde si etiam nominibus propriis vocantem exaudiant, stupore attonitos quieturos? Sic igitur totius iam periculi caput ignorantia, tota in sapientia salutis spes. Sed fac vt etiam diuina quadam arte præditus morbos curet, arcana reuelet, futura prædicat: nonne quod apud Lystram Paulo Barnabæque dicebant: Dij sub hominum forma ad nos descenderunt: at vero & ibi hominem sanauerat: nihil tamen est quod sapientia ipsa efficere

nequeat, nam vel sermonis coniunctione sola, quietius audiunt homines quæcunque illis proponuntur. Vnde de eodem Paulo rursus apud Iudæos concionante scriptum est: Audientes autem quod Hebraica lingua apud illos sermonem haberet, silentium maius præstiterunt. Nihil est, vt Cicero recte ait, quod eloquentia ipsa per se efficere non possit. Verum si miraculo rei adiungatur, homines in quamlibet sententiam trahere facile potest. Sed tamē hæc nunc relinquamus, quæ quandam miraculi speciem in se retinent: quæ tamen appositæ à nobis hic scripta sunt, neque enim rarius est tales inueniri, qui vel miraculo quodam, vel inclyta solertia, apud barbaros etiam insensissimos seruari possint: quàm sapientem in illorum manus incidere, vbi sapiens videri nequeat. Vna enim inuiolata sapientie ratio proculdubio est, cum illis versari; apud quos illius fructus minime pereat: ergo si raram sapientiam, rariori periculo opposuero, rem minime absurdam facere videbor, verum quicumque antea aduersus fortunæ ictus parati sunt, venientem calamitatem deuitare possunt, quod & si nequeant, illam tamen vix sentiunt. Cum igitur omnium bonorum sapientia mater sit, è contrario malorum omnium ignorantia etiam parens erit, quo fit vt non male illud dictum putem: Omnis malus ignorans, imò forsitan illud etiam melius, Omnis infelix ignorans. Probandumque sit quod Poëta dixit:

Nullum numen abest, si sit prudentia: sed te  
Nos facimus Fortuna deam, cæloque locamus.

Contra etiam felicissimos sapientie beneficio vsos fuisse credendum est: vel quod ipsimet per se saperent, vel quod illorum consilio vterentur, qui sapientes forent. Nam & sapientum consilio vti, aded pars magna est sapientie, vt eam præcipuam quoque existimem, probemque inuersionem illam *ζήταν*:

καὶ γὰρ μὲρ πανάρετος ὅς δ' εἰσὶν πῖ  
θῆται.

Εὐδὸς δ' αὖ καὶ καὶ ὅς αὐτὸς πάντας  
νοήσῃ.

*Ille Sapientissimus est, qui bene mome-  
ti obtemperat.*

*Rursum & ille præstans, cui quod opus  
est, ipsi in mentem venit.*

Habet enim duplicem sapientiam, & quod sciat, & quod nouerit cui credere debeat, qui aliis credendo sapit. Itaque reges felicissimos, aliena, & propria sapientia iuuat.

nam



pam Traiani fortunæ non mediocriter profuit Plutarchi illius Bœotici disciplina: quæ ex priuato orbis Imperator, ex tumultuosa republica quietam ac tranquillam reddidit. In præliis victor, in pace iustus, in utroque amabilis & timendus fuit. Imperium aded auxit, ut filius cum nihil relictum penè sibi videret, quo patris gloriam æmuleretur, prouinciarum numerum minuerit, nam æquam quasi gloriam esse putauit, Imperium bello augere, & pace minuere: hostes prælio, & amicos beneficiis superare. An non Alexandro Aristotelis Philosophia conduxit, ad orbem non solum milite superandum, verumetiam sapientia gubernandum? neque enim in hoc minor quàm in illo erat, namque subigere Asiam & Ægyptum, cum milite ac fortuna commune fuit: gubernare, obtinere, moribus, lingua, disciplinis tot barbaras nationes, tam breui temporis spacio instruxisse, sapientia suæ munus tantum est. Vnde minus mirum fuerit, Philippum illius patrem, hanc tantam fortunam filij, atque profecturum initium ex Aristotelis sapientia præuidisse, sic enim ad illum scribens, inquit:

Ἰδοὶ μοι γεγονότα ὅν. πολλὰ ἐν τοῖς θεοῖς ἔχον  
ἐξω. ἐκ ὧν ἐπὶ τῇ γενέσει τῆ παιδὸς, ὡς ἐπὶ τοῦ κα-  
τὰ τὸν ἡλικίαν αὐτὸν γεγονέναι, ἐλπίζω γὰρ αὐτὸν ὑπο-  
σε τεσσάρων καὶ παιδευθέντα ἀξιὸν εἶναι καὶ ἡμῶν καὶ  
τῶν περὶ μᾶλλον διαδοχῆς, i.

*Scito nihil filium natum, magnam igitur diis gratiam habeo, non tam de nato puero, quàm quòd tua ætate natus sit. Spero enim ipsum sub te educatum & institutum, & dignum & nobis & nostrarum rerum successioni fore.*

Quid igitur sapientia melius erit in humanis rebus? quæ homines ex priuata vita in imperium, ex paruo regno in maximum trahit: at vero Cæsar, neque enim ille ob factorum magnitudinem prætereundus erit, sapiens ipse fuit, atque ideo & ipse scælix, nam eloquentia vix Ciceroni cedebat: omnia quæ ad humanam prudentiam spectabant abunde tenebat: naturalis scientiæ peritissimus, artis militaris, publicæ rei quantum alius nemo gnarus, sed quod maius sapientiæ argumentum? imò à memoria sola reliqua discas, seu ab ingenio, nam septem epistolas simul illum dictasse refert Plinius.

Damnabat hic igitur Syllam, quòd Imperio se abdicasset, literas nescisse eum dicens, & merito, quorsum enim attinet, tot periculis, tot laboribus, tot sceclibris, tanto sanguine publico, Tyrannidem occupare, sponteque deinde relinquere? igitur & sapiens scælix, & scælix idem sapiens est, nec est si quid male agas, quòd fata accuses, sed imprudentiam, iisdem tamen fati quibus ad infortunia impellimur, quæ scire necessarium erat, scire prohibemur. Illudque est, quod à Mose scriptum est sapientissime: cum comedisset homo fructum scientiæ, eiectus est de Paradiso: ne comedens rursus de vitæ ligno similis Deo efficeretur. Namque cum Deus ab homine sapientia, & immortalitate sola differat: acquisita sapientia, si immortalitatem esset consecutus, prorsus Deo similis enadebat, namque in reliquis etsi non quantum Deus habeat, omnium tamen particeps videtur: scælicitatis, potestatisque: his duobus genere toto differt, quo-

Tom. I.

rum cum alterum esset consecutus, reliquum tantum deerat, quamobrem celeriter ab eo prohibitus est: neque enim decer hominem, inter sordes habitantem, amictumque corporea hac, & elementari substantia, ex toto diuinæ Maiestati similem fore. Quòd namque Deo similis sit homo, ad animam tantum, non ad corpus referri debet, hæc enim multa, imò ferè vniuersa, cum Deo similia habet. Sed cum hæc ad aliam pertineant tractationem, nunc de sapientia solum sermo habendus erit. Itaque hoc vnum mihi reputanti, eos qui maximam humanæ scælicitatis partem in opibus collocant, sapientiæ maximam etiam habendæ diligentiam impensuros: siquidem nihil aded celeriter, nihil tam magnas homini diuitias, ac potentiam acquirit, ut sapientia. namque & Moses, & Cyrus, & Romulus, & Theseus, non diuitias tantum, ac potentiam, sed regnum sibi, posterisque ac quibus voluerunt parauere. atque ex his tres expositi. Moses, Cyrus, ac Romulus. ex his etiam duo spurij, Romulus, Theseusque, ac ob id deorum filij appellati. ergo hi omnes tot fortunæ ictibus circumuenti, in priuatæque conditione nati, regnum sibi, ac posteris vendicauerunt. Moses Syriæ, Cyrus Orientis, Romulus Romæ vicinarumque paucarum urbium, Theseus Athenarum. quis ergo de his non prædicet illud poeticum: Vindex fortunæ sapientia? Sed regna nunc prætereamus: quorum ut fortuna maior, sic etiam rarior. In priuatorum vitam descendamus. Mille modi sunt, quibus ex pauperrimo diues, quis euadere sapientiæ beneficio potest, atque ut exemplo utar satis vulgari, cuius meminit Aristoteles. Cum Thaleti vni ex septem sapientibus obiiceretur, quòd quamuis sapiens, pauper tamen esset: vniuersas Atheniensis agri oliuas, eo anno quo paucissimæ solerent prouenire, vili precio præstinavit: cum vero annus ille præter spem omnium etiam vberrimos fertilitate oliuarum superasset, succedente illarum penuria sequente anno, non minus præter spem, quàm præcedenti vbertas, magnum inexpectato vtriusque anni euentu peculium congregauit, ostendens hoc exemplo quàm facile sapienti foret, ditari si vellet. Nostri temporibus Grammaticus quidam, cum vetultate abolitam quinquagemariam fabricationem, quarum apud Romanos vsus erat frequentissimus, instaurasset, à Venetorum republica præmium pro illius fortuna amplum est consecutus, atque etiam perpetuam præfecturam naualis officij. Alter aureos nummos rotundos exscindi cum docuisset, simul ac imprimi: stipendium annuum ob nouitatem meruit. Similis industriæ, sed minus scælicis successus fuit, inuentio torquendi fila: non singularia, verum plurima simul: & hic vitæ necessaria, quamuis occultata arte ob plebis inuidiam, acquisiuit. Duo non à republica, sed artis paràm notæ auxilio, patrimonium non mediocre sibi parauerunt, alter cum chrysocolam pro luti pondere extrahere didicisset, nam ex triente plures norunt, sed perit labor, impena lucrum superante. Alter cum camphoram repurgaret. Alius fraude alex noua, quamuis ob hoc exilio multatus,

T t

viginti



viginti talentis aureis locupletatus est. Sed quid noua profant? Columbi Liguris videamus exemplum, hic Aristotelis dicto motus, ultra Africam in Oceano terram esse, ad quam prohibiti fuissent Carthaginenses nauigare publico edicto, ne ob id à re bellica ad luxum distraherentur: regi Hispaniarum persuasit classem armare: quo foelici successu, filios, ac nepotes, in principatu noui orbis reliquit. Idemque in folio sedit, qui inter stragula feruorum dormiebat. Idemque aureis vasis, ac figulinis in mensa vsus est: ergo sapientia vt nihil ignotum est, sic etiam omnia sunt in eius potestate, atque aded è miseria ad summas opes facilis est transitus, vt etiam sine arte hoc efficere sapius liceat. Memini me cum puer essem vidisse hominem Gallum nomine Grangis, in publica via, ac coeno, ob morbum iacentem: demum à commiserantibus sociis in xenobium deductum, sanatumque paucis post annis habuisse oppida, agros, pecunias, domum prætoria, supellestem tamquam regiam, equos, seruosque complures, & nunc etiam domus in vrbe est, quæ illius retinet nomen. Vsus est eo rex vt interprete apud Sueuos, inde legato mortuo, vice legati functus rem regiam cum mira dexteritate tractasset, in illius gratiam venit: à quo pecunia, dignitatibus, ac gloria decoratus est. Atque vt ad ipsam tandem rem deueniam, videntur omnia in illius potestate esse: quod vero illius vice fungitur, si quid deliquerimus, Fortunæ & Casus nomen subit. Si igitur illius vicariis tantum permissum est, quid putas ipsi sapientia fore tributum: Quinimo si recte rem expendere voluerimus, omnia illi, nihil fortitudini, laboribus, aut robori concessum esse putandum est. Quamobrem Homerum suum Vlysem non audacem, nam Aiacem illi præponit: non fortem vel celerem, hæc enim Achilli tribuit: non opulentum, nam hoc Priamo: non potentem, quandoquidem Agamemnoni eum subiicit: verum prudentem vocat, aut multa tolerantem: quod talem esse necesse sit, qui sapiens futurus est, nam quod amicus illi foret ostendunt libri viginti quatuor, nomini illius inscripti: cum tamen in Iliade nullius acta magis celebrasset, quamquam enim Ajax Telamonius solus Hectorem sustineat, arma tamen Achillis, qui sanguine Aiæ coniunctus erat, Troianorum iudicio Vlyssi tribuit, & quamuis Diomedes pugnando etiam Martem ipsum belli deum faucauerit, nihilominus nec Troiæ captiuitatem illi tribuit, nec in certamen armorum cum Vlysse descendere ipsum fingit. Nulli adeo dii fauent vt Vlyssi: quem per tot errores Minerva tam diu comitatur, quem tot etiam periculis præter spem liberat. Ergo non male, quamquam cum Agamemnone exercitus principe, Achilles sapius contendat, iurgiaque misceat, ac minas, cum Vlysse non audere ab Euripide fingitur. & si offensus Achilles, ac non citra infamiam tutandæ Iphigeniæ relinquere possit: Inquit tamen,

Αχ. μνησθὲν γ' ἄξει δ' ὀδυρόμενος.

Κλυ. ἄρ' ὁ παύσας γοῶν;

Αχ. αὐτὸς ἔτ'.

Κλυ. ἰδίᾳ παύσας, ἢ σπᾶν ταχέως ὕπν;

Αχ. αἰρεθεὶς ἐκείν.

*Infiniti: ducet autem Vlysses.*

*Illa igitur Sisyphi propago?*

*Illa ipsa scilicet.*

*Suapte ingenio facit, an iussus ab exercitu?*

*Ipse sumpsit sibi volens.*

Atque sic eius, quam simulauerant coniugem sibi dandam, miserrimæ puellæ defensionem, quamuis ob iniuriam iratus deserit, ob Vlyssis solius timorem, nam Agamemnon ipse ductor exercitus, quod Iphigeniæ pater esset, illi fauebat, verterat & fratrem in sententiam suam rex: sed vide tamen, quod Vlysem nec precibus emollire, nec illius auctoritati, quamuis & pater, & rex, & imperator exercitus, & in tam miserabili casu, resistere sperat. Sic enim inquit ad fratrem iam persuasum:

Οὐκ ἔνδον γὰρ σὺντ' ἐν ἀργείοις μέσσοις,

Λέξεν ἃ καλῶς δέσφατ' ἐξηγήσατο

Κἀμ' ὅς τ' ἐσὶν ὄμμα, κατὰ δέδωκε

Ἀρτέμιδι δόσιν, ὅς τ' ἐπαρπάσας σφαγὴν

Σὲ καὶ μὲν ἀποκτείναντες ἀργίους κόβω,

Σφάζει καὶ καλῶς καὶ πρὸς ἄρσ' ἐκέρχεται,

Ελθόντες αὐτοῖς τέχνην κυκλωπῶν

Ἐπαρπάσουσι, καὶ κατὰ δέδωκε γὰρ. i.

*Hunc prouide iam nunc inter Arginos puta*

*Astare medios, atque ibi eloqui palam*

*Quacunque Calchas dixit adfatus Deo,*

*Ei vt Artemidi me victimam receptum*

*Gratam daturum, deinde promissum dea*

*Mendax negarim, ita concitatis copiis,*

*Vbi meque teque iam peremerint, dare*

*Tum virginem suadebit Artemidos neci:*

*Quod si scita Argos me recepero fuga*

*Aderunt, & ipsi me simul cum manibus*

*Cyclopiis euerterint, nec non vastauerint.*

At vero nihil minus vt puto est in controuersia, quam eum qui sapiens sit, verè beatum, potentemque ac foelicem esse: cum omnia in sapientia potestate constituta sint: opes amici, incolumitas, potentia, gloria, foelicitas denique omnis, vt bene dictum sit à poëta illo:

Χρὴ δ' ἔπειθ' ὅστις ἀρτίστων πέφυκ' ἀνὴρ.

Non egebit vnquam Sapiens: imò melius expressit Zenodorus dicens:

Ἔστι δ' ἅπαντα τοῖς σοφοῖσιν ἔχοντα.

Sunt enim omnia fecillima Sapiensibus, atque in promptu. Verum videor rem manifestissimam comprobare multorum exemplo velle: quæ prorsus sunt necessaria derelinquere, namque sapientiam omnia posse nemo negat. Sed quænam hæc est: vel vbi? aut licetne homini eam habere? Nunc equidem sapientiam intelligi nolo proprio in significato: sed omnem tantum notitiam, quæ ad finem quæsitum perducere potest: aut saltem eius aduancementum ostendere. Palam autem est hanc triplicem esse, In mente, In voce, In corporis instrumentis, præcipue manibus: generosior est autem quæ in mente, tum in voce, de quibus poëta dixit:

*Quid voneat dulci nutricula matris alumno,*

*Quàm sapere, & fari, quæ sentiat?*

Eam vero quæ in manibus est exercitandi rationem, tum quod à mente maxima ex parte proficiscatur, tum quod, per se sola inutilis sit, quamuis non contemnendam, reliquis tamen duobus generibus inferiorem longe existimo. Atque vt de omnibus sermo seorsum, ac distincte habeatur, tota sapientia per genera partienda



Tom. I.

Te tamen



tamen institutionem fingamus omnia, sed talis in vno genere inueniri potest iuxta Virgilianum illud:

*Vir bonus, & sapiens, qualem via reperit unum*

*Millibus è multis hominum, cōsultus Apollo.*

In omnibus forsan esse non potest. Dubitandum etiam erit, quod ab initio quasi pro confesso sumptum est, an scilicet brutis sapientia aliqua insit? an omnibus ætatibus eadem sapientia satisfaciatur? an homines magis ratione vel exemplo, an auctoritate moueantur. Quibus modis occurramus præteritis erroribus? namque errare ab initio, quasi necessarium est, id argumento esse potest, quod quilibet cū præterita tempora recogitat senex, felicem se si non errasset, prædicat, igitur in sapientia nostra felicitas est. Sed non oportune iunguntur in homine sapientia, & occasio: ut illud Gallicum adagium verissimum sit: Cum essem iuuenis insipiens eram: at nunc cum sapio iuuenis non sum. Illud etiam diligenter explorandum, quonam pacto aduersus calamitates temporum auxilium ac medelam inueniamus. Querendum etiam est illud diligentissime, ubi res ipsa sine auxilio videatur, an illud magis probandum sit poetæ.

*Καλὸς θανὼντες, ἢ κακὸς σωζόμενοι.*

Vel illud potius:

*Κακὸς ζῶν κρείσσον, ἢ θανεῖν καλὸς, ἢ.*

*Bene mortui quàm male seruati.*

*Male viuere potius quàm mori bene.*

Multum enim Sapienti necessaria est scientia horum, quidve in quoquoque loco, quandoque conueniat. Quamobrem librum hunc diuidere opportunum erit: nam in primo hoc de sapientia in genere dicendum erit: ac seorsum de diuina. In secundo de naturali, in tertio de humana, in quarto de demoniaca, in quinto de auxiliis aduersus errata. Eadem verò erunt aduersus errata, eadem aduersus calamitates, siquidem calamitates omnes hominibus ut ostendam, ex errore proueniant. Atque ex hoc sumemus initium. Esse omnium sapientiam aliquam, vel hoc solo constare nobis potest, quod consilio aliorum adiuuamur, magisque vnius, quam alterius. Quod si nulla prorsus esset sapientia, non magis plures, quàm vnus, nec vnus altero saperet, sed velut in his quorum nondum vlla sapientia est, fortunæ arbitrio gubernantur, nemo rationem aliquam asserere potest: sic esset in cunctis. At vero ea etiam quorum latet ratio, sub aliqua ratione colligi ac gubernari constat: non solum quod sint paucissima, verum quod id quod ex his colligitur ratione etiam constat. Horum autem omnium quæ de futuris habentur præstantissima est: cum præsentia, & præterita in illam ordinata sint: nec præterita amplius esse possint, præsentia ilico effluant, manifestum est igitur, quod furorum quàm præsentium: præsentium quàm præteritorum cognitio excellentior est. Sed cuius finis conducet hæc sapientia? namque humanæ conditionis finem inuenire prius decet: Est igitur finis humanæ totius felicitatis, diu, ac bene esse. Porro an melius sit diu, non bene, an bene quidem, sed non diu esse: hoc à multis dubitatum est. Diu autem sumus, vel vita, vel parte nostri, vel memoria hominum. Parte

nostri sumus diuturni, vel generis propagatione, vel animi immortalitate, de hac autem cum seorsum scripserimus, reliquum erit, ut de reliquis generibus solum dicamus. Bona autem constant animo, corpore, atque exterioribus. Sic enim omnes penè, qui rectè de rebus humanis senserunt philosophi, diffiniuere: ergo animi bona sunt virtutes, & sapientia: corporis incolumitas, ætas, robur, pulchritudo externa, diuitiæ, amicitia, auctoritas, gloria, potentia, honores, filij, quamuis & ad diuturnitatem pertineant, affines inclyti, delicia, successus: his omnibus fermè vniuersa humana felicitas terminatur ac diffinitur, quæ tamen omnia regnum aut imperium vnum ad eò abunde completitur, ut mirum non sit, quamobrem mortales omnes ad eò anxie regnare cupiant, contrariis verò infelicitas, non igitur malum est scire, quid cuique horum opponatur: ergo brevis vita diuturnæ: orbitas propagationi generis, in gloria vita ei quæ diu in hominum memoria manet. Sic & animi virtutibus, vitia: sapientiæ stultitia, vel ignorantia aduersantur: corporis bonis, mala valetudo, vel ægritudo: ætati prosperæ, senium: robori, debilitas: pulchritudini, deformitas, & mutilatio: quamuis etiam aduersetur incolumitati, at ex exterioribus malis, opibus, paupertas: amicitia, odium: auctoritati, contemptus: gloria, humilitas: potentia, impotentia: honoribus, vituperium: filiis ut dictum est, orbitas, nec spes habendi: Affinium dignitati, illis prorsus carere, vel uti non posse: deliciis, tristitia: successibus, infortunia. Sunt & aliqua communia corpori, atque animæ: velut artium delectabilem scientia, ut fingendi, pingendi, canendi, scribendi: alia corpori, & externis communia, ut libertas. Horum autem omnium quæ bona sunt, possessio etiam iucunda: præsertim si successibus adiungetur: nam humana natura ad eò nouitate gaudet, ut quæ habemus contemnamus, quæ non habemus desideremus: atque in illorum acquisitione vehementer delectemur, *πλησμονὴ καὶ ἀπάτη*. idest. *Satietas est omnium*, ut inquit Isocrates. Ad eò vero nouitas grata est, ut quanquam feramur ad mortem, futuros tamen dies occupare desideremus, tanta est nouitatis voluptas, & populi nouos querunt dominos, quamuis sapius experti calamitates: tum pugnas, ac bella gratis concupiscimus: quæ tamen pericula, & iacturam solum asserere possint. Igitur felix conditio nouis successibus tamen indiget. Sed si non omnia hæc simul habere possint, à quonam genere incipiendum erit: à necessariorū scientia primo. Tum illa etiam quasi erunt necessaria, sine quibus reliqua habere non possumus: atque illis solum præmittenda: In cæteris utilitas maior, & copiosior, præferenda est, tum ea quorum ætate ingrauescente non tam facilis est acquisitio: velut loquendi indimenta Græcè, Latinèque, ac Mathematica, Philosophiæ studiis, Medicinæque ac Legum præponendæ erunt. Necessaria dicuntur quæ ad tuendam vitam exiguntur. Ratio igitur sanitatis custodiendæ & parandi victus quotidiani omnibus præponi debent. Quamobrem plures, inter quos Plutarchus, hanc videntes necessitatem, conati sunt rationem viuendi scribere:



scribere : sed non satis apte, medici aptius, è quibus Hippocrates : sed rem ipsam Galenus absoluit, ea nunc usu constat, à matribusque docetur, quæ quamvis exacta non sit, melior tamen est quàm nulla. Quodd si pro tot nugis, proque tot concionibus inutilibus, hæc publice doceretur, magnam hominibus utilitatem afferret. Succedit parandorum necessariorum ratio, vel custodiendorum gubernandorumque, in his qui honestum à parentibus patrimonium sunt consecuti : igitur illi artem, hi œconomiam quandam discere in primis debent : ergo hæc erunt primitus non ignoranda. At verò ut de diuina sapientia sermonem ipsum aggrediamur : hæc tota circa optimum vitæ genus versatur. Hoc autem fore diximus, bene ac diu viuere, at quænam disciplina vel sapientia hæc ambo locupletius docet ? cum in diuturnitate terminum nullum statuat, nec in felicitàte modum, utque nihil prorsus ad rem deesset, etiam corpus particeps in nouissimo die efficit, ergo hæc sola sapientia circa finis perfectionem nulla ex parte erat, quamobrem si sic demonstrari posset, ut persuaderi : non nisi stultissimus aliis negotiis vacaret, cum quilibet ardentissime omnibus relictis, omnique compressa voluptate, omni commodo prætermisso, ut olim sub Constantino & Iuliano, eremum ingredi ac habitare deberet, at quantulacunque huius spes, multos tamen ad se trahit, omnesque mortales ferme continet. Ergo minus mirum si sub tanto auctore, Deo quidem ipso magis, hac in causa, quàm homine, tot oraculis, tot miris prodigiis, fide præmiorum confirmata, plurimi omnibus relictis bonis, ad Christum se contulerint : presserintque cupiditates, commoda neglexerint, minas paruifecerint, cruciatumque contempserint : Quandoquidem sola sapientiæ opinio, multis proffit. quot enim Consultores, sine consilio ? Medici, sine medicina ? Duces exercituum, sine militari disciplina ? Artifices, sine arte ? Scriptores, sine scientia ? Magistri sine doctrina ? qui tamen his causis non minus rem suam bene gerunt, sola sapientiæ falsa opinione, quàm si vere forent sapientes. O felix ergo, & bene auspiciatum sapientiæ nomen : quo solum felicitatis partem magnam conferre potest : namque quod hi tales sint, à successu rerum dignoscuntur. Duces exercitus, parua pugna, consultores reges, ægros medici, perdunt, tum scriptores inania proferunt, artifices non artificiosa, magistri rudes discipulos efficiunt, sed maxima Primorum labe, quorum error perniciosus, & plerumque emendatione caret. Ex his etiam publica cum sit consultorum & ducum iactura, ideoque deterior, nam non aliter hi sub boni specie Principes evertunt, quàm in Latrunculorum ludo fieri solet : parum longe enim prospicientes, præsens lucrum, iactura totius exercitus compensant. non igitur hi sapientes, sed sola sapientiæ opinione fulti, rem suam augent, custodiendam verò destruunt : eadem igitur & in diuinæ sapientiæ opinione ratio manet : namque cum vna sola sit religio Dei, omnes tamen beneficio suæ religionis gentes gaudent, quippe Romani dum deos suos ve-

Tom. I.

nerantur, pontifices & sacerdotes, & augures statuerunt, quibus in rebus parerent, consultoribusque in rebus arduis vterentur, dumque illis absque contemptu, ad bella, ad reconciliationemque, ad creationemve Magistratum sapienter, vti sunt : prospera Romanis omnia fuere. At cum Ciceronis tempore ne Catonem eligeret Pompeius prætorem de religione mentitur : Cæsar in Gallia Germanos præter sacramentum cædit : Crassus aduersus auspiciis, dirisque tribuni expetitus, contra religionem in Parthos parat expeditionem : ipse Cicero augur, auguria irridet suis commentariis de diuinatione, tum Deos ipsos, aduersa omnia reipublicæ euenerunt. Ut etiam non solum vera, sed falsa religio in precio habenda sit. Etenim & Ariouistus, ut Dion & Cæsar referunt, cum ante nouam Lunam, qua prohibebatur à mulieribus quæ Baccho sacra facientes diuinabant, pugnasset, ingenti prælio victus, nihil penè præter seipsum fuga seruauit. Nam filias duas & uxores, vel nece vel captiuitate amisit. Idem quoque accidit Appio Pulchro, dum in Sicilia sprete religione cum Carthaginensibus nauali prælio decertasset. Ergo esse aliquam sapientiam cuius cultu non solum Dei placantur, felices reipublicæ regesque successus iuberent : sed etiam illius auctorem, quicumque sit, quasi Deum haberi ostendit oraculum planè illud de Lycurgo habitum.

Ἡμεῖς δὲ λυκόμεναι ἐμὸν ποτὶ πῶλον ὑνόν.

Ζητῶν τίς ἐστι καὶ πᾶσαν ἀνάμνησιν ἀμαρτῶν ἔχοντα.

Δίξω ἢ σὲ δεῖν μαντεύσασθαι, ἢ ἀνθρώπων,

ἀλλ' ἔτι καὶ μάλλον, θεὸν ἐλπομαι δὲ λυκόμεναι.

*Veni o Lycurge ad meum religiosum templum, Ioui charus & omnibus qui cælum habitant. Incertum est, utrum te Deum predicam an hominem : Sed tamen etiam magis Deum spero o Lycurge.*

Verum his relictis, ne clauum clauo tradam ; denuo ad sapientiæ laudes ac narrationem me conferam. Tum in vniuersum membra eius, ac partes amplectendo, tum etiam diuinas qualitates prosequendo. Etenim omnis sapientia utilis est ac necessaria : omnium tamen præcipua quæ diuini generis est, atque in regno maximè. Utque ab initio quasi sumam exordium : Moses diuina sapientia fretus, populum contumacem, ac seditiosum, per deserta loca duxit, & annis plusquam quadraginta in obsequio retinuit. Simili genere sapientiæ, eius successor Iosue, ad bella & prælia imbellem multitudinem armavit, atque induxit : partemque eam Syriæ, quæ etiam nunc gentis nomine Iudæa vocatur, occupauit. Sed & David pastorem filius cum plurimum diuina sapientia floreret, populum à seruitute liberauit : ipse in regnum assumptus, diu ac magna cum tranquillitate retinuit. Post quem eodem sapientiæ genere filius per somnium illustratus, regnum cum summa pace diutissimèque gubernauit tanta cum auctoritate, ut non solum ab omnibus finitimis regionibus coleretur : verum reges ad ipsum locupletissima dona mitterent. Vnde templum illud toto orbe celeberrimum exædificatum : armamentarium instructum : vniuersa regio ditata : thesaurique reconditi : qui etiam ad Vespasiani tempora peruenierunt.

Tt 3

Nec







uicibus imminet. Quare non mirum tot Principes provinciis relictis ad Diuinum cultum, ad priuatam vitam, ad difficilem ac duram solitudinem se transfuisse. Inter quos Râmirus Aragonius, Veremundusque Hispaniarum Reges: tum Ludouicus Neapolissus, Guglielmus Pictonensis princeps, Carolomanus Caroli Martelli filius, tum Lotharius Lodouici, ambo Gallorum reges: tum Batildes regina etiam Galliarum, Amurathesque Turcarum princeps, regnis relictis ad solitariam pauperemque vitam in cœnobiiis ducendam se transfilere. Omitto eos qui vel nondum gustato imperio, vel casu aliquo, vel timore, vel fraude Religionem amplexati sint cum vitæ priuatæ instituto, velut Celestinum Pontificem, Maroneum regis Galliarum filium, & Chilpericum regno eodem pulsum: quandoquidem eorum qui nullo errore ducti, nullaque causa urgente, sed sola virtute id peregerint, numerus non satis nobis constet. Sed iam ad Aristotelis sententiam redeundum puto. Dixeramus iam sapientiam felicitatis parentem esse: eamque potissimum diuinam. Quod quàm ipsius Philosophi testimonio pateat, his verbis duodecimo primæ philosophiæ scriptis satis videri potest. διαγωγὴ δ' ἐστὶν οὐδ' αὖτε ἡ ἀρετὴ, μικρὸν χρόνον ἡμῶν. Inde paulò post, ἡ δὲ νόσις ἡ κατὰ αὐτὸν, τὴν κατὰ αὐτὸν ἀρετὴν, καὶ ἡ μάρισα, τὴν μάρισα. tandemque concludit: ὥστε ἐκείνο μάλλον τότ' ὅτε δὲ καὶ ὁ νῦν θεὸν ἔχον, καὶ ἡ θεωρία, τὸ ἡδίστον καὶ ἀειδόν. εἰ γὰρ ἔχον, ὡς ἡμεῖς ποτὲ, ὁ θεὸς αἰεὶ θαυμαστόν. εἰ δὲ μάλλον, ἐπὶ θαυμασιώτερον. Hæc autem sunt quasi dicat. Vita autem Deorum optima est, qualis nobis etiam breuissimo tempore contingit. Namque ipsa intellectio talis est, qualis res quæ intelligitur, optimorum optima. Optima autem & maxime propria eius, quod maxime etiam est. Vt igitur hoc magis illo intellectus est, atque diuina res, sic & contemplatio melior, atque delectabilior existit in nobis. Si igitur eadem Diis sempiterna qualis breuissimo tempore nobis: erit cognitio Deorum ac vita admirabilis: sin etiam melior admirabilior. Manifeste igitur summam hominis felicitatem ac diuinæ vitæ simillimam in Dei contemplatione, & sapientia illa suprema ponit. Quæ si vmbatilis existens apud Aristotelem, hoc tamen efficere potest: quid hæc nostra tanto præmio, tamque diuturno, tam firma spe fulta efficere poterit? Ergo nulli dubium esse debet, sapientiam diuinam summam hominis felicitatem comprehendere. Sed quinam sunt qui illam affecti fuerint? Prophetæ ut existimo omnes, verum inter hos præcipui Helias, atque Heliseus, & ex his vltimus Esaias, post hos David, & Salomon; Inde Hieremias, Daniel, Ezechiel, Ioannes etiam Baptista, duodecimque reliqui minores Prophetæ. sed ne ego vas sapientiæ inter extremos ponam? Hic igitur ut inter nouissimos primus, ita inter reliquos à nobis, ne altius sapere nunc velimus, adnumerabitur. Minor est Helia, maior autem quàm Amos: sic & Moyses si Helia minor fuit, & Abrahamus aliis certe non erit postponendus. Omnes igitur Prophetæ, Apostoli, Doctores, Prædicatores, Martyres, piique ac constantes in fide homines, diuina sapientia

florere. Sed quid hæc sapientia? aut qualis est? Initium eius certe, ut scriptum est, timor Domini: at verò medium ac finis in eodem posita sunt: iuxta prophetam dicentem: Beatus vir qui timet Dominum, & qui vult mandata eius. Quisnam beatus esse potest absque securitate? Quis securus absque fide? ubi fides absque spe, quæ de Deo & futuro seculo concipitur? ergo spes futuri seculi mandata Dei seruari, & timorem illius postulat. Omnis enim, ut dictum est, humana felicitas impura, & breuis, & instabilis est: igitur vera à Deo expetenda erit. Qui igitur beatus est, in timore Domini est constitutus. Est igitur vera sapientiæ diuinæ diffinitio, legis custodia, timorque excelsi. Et quamuis nemo semper lumine diuino, nemo affatim, nemo diu illustretur: omnes tamen ut existimo aliquando illius beneficium sentiunt. Vt enim omnibus hominibus, vel saltem in vita semel datum est flere, ac ridere, sed tamen neque diu, neque æqualiter, sic etiam viuere: omnes enim in hanc vitam veniunt mortales, sed non æqualiter manent: sic intelligere, & diuino lumine frui, omnibus quidem concessum est, sed non tamen æqualiter omnibus: imò velut ab ortiuis fœtibus, quibusdam quasi momento temporis, aliis quasi perpetuo, & ad mortem vsque. Verum quòd non semper, hoc indicat, quod in vilissimis rebus naturali & quandoque humana sapientia indigemus. Nimis enim contemnenda foret hæc sapientia, si ad cibum, potum, venereas, somnum, exercitationem, corporisque curationem illa vteremur. Sed nec perpetuo: quis enim ferat cum mortalis sit, lumen illud æternum quasi sibi congenitum? affatim verò, neque in omnibus quòd huius nostra natura capax minime sit: sic Moysen, sic Heliam, sic Helisæum, sic Ionam, sic Petrum, sic Paulum aliquando spiritus ille diuinus deseruit. Ergo quid mirum alios non semper eodem afflatu fuisse munitos, qui non parem his gratiam sint consecuti? Sed & Seruator ipse in morte conqueritur, deferri ab eo, qui tamen non alius esset ab ipso. Quomodo ergo nobiscum semper esse poterit? Atque idè, quamuis sapientia diuina aliis non indigeat generibus, qui tamen sapientes sunt indigent. Namque Augustinus dialectica, & philosophia, Paulus, & Hieronymus, linguarum scientia, Hebraica, Græcæque, tum etiam scripturæ sacræ. Vnde illud etiam confitètis Apostoli, eruditus apud pedes Gamalielis: non quòd sapietia diuina vilius horum sit indigna, sed quòd non semper homo tanquàm alienare uti possit. Neque etià vnius generis est illam aliis signa, aliis linguarum genera, aliis diuinatione, aliis interpretationem, non vni omnia largitur: ut ipse idè Apostolus docet. Et quamuis propter se sapiens, hoc modo nullius indigeat, plurimùm tamen laborare debet, ut aucta dicendi facultate, sapientiæ illius fructum aliis hominibus communicare possit. Etenim triticum per se nullius indiget, ut tamen propagari possit, agros, colonos, instrumentaque, ac curam rusticæ rei desiderat. Sunt igitur huius sapientiæ duo præcipua præcepta, quæ ad operationem pertinent: de quibus Seruator dixit: Deum tota mente dilige: proximum verò ut teipsum:



Nam in his omnia legis mandata continentur. Qui enim hæc habet, nec aduersus Deum, nec aduersus hominem peccabit. At verò omne animi vitium aduersus Deum, vel hominem est, namque impietas, *βλασφημία*, legisque, ac ceremoniarum contemptus, & praua de Deo opinio, aduersus Deum sunt: Libido, auaritia, crudelitas, ambitio, inuidia, luxuria, odium, ira, contemptus aliorum, mendacium, adulterium, furtum, mollities, omnia aduersus hominem. Qui igitur nec aduersus hominem, nec Deum peccat, is non peccare videtur. Peccat & qui deses est, & qui iniustus, aduersus hominem. Omnia igitur seruat illæsa, qui hæc duo tantum præcepta illibata seruauerit. Sed & alia tamen duo sunt præcepta ad vitæ institutionem: scilicet vt simplicitate columbas, prudentia serpentes imitemur. At verò de columbarum simplicitate, aded exemplum est manifestum, vt pro innoxiiis à poëta describantur: dum mores temporum carperet: dicente;

*Dat verasam Coruis, vexat censura Columbas*

Sed de serpentum prudentia, ratio altius recondita videtur. Ergo serpentes inter animantia prudentissima, rationis tamen expertia, tribus causis existimari debent. Prima quòd pugnaturi mortiferas edant herbas, vt hostem facilius ac certius conficiant. Cum latebras reuertuntur, non recto tramite, sed diuerso redeunt: ne via ex hudo corporis depræhendatur: cum senectam exuerint quasi infirmiores facti, perpetuo latent. Sic nos cautos esse decet, ne iniqua pugna decertemus, aut improvide succumbamus: ne inconsulti depræhendamur: ne imbecilles & incrimnes quisquam nos opprimat. Sileo quòd vulgatum sit, contra præcantationes aurium alteram terræ affigere, reliquam cauda obrudere, ne illas exaudire possint: mihi sat semper fuere historiarum absque fabulis exempla. Hæc igitur est summa ratio perfectæ sapientiæ: quæ quamuis nostro in arbitrio minimè sit, vt pleraque tamen alia, quærentibus magna ex parte se offert. Verum tamen non in hominum voluntate, non in exercitatione constat, sed in dono quodam cœlesti: vnde Iob dicit: Sperabam quòd ætas prolixior loqueretur, & annorum multitudo doceret sapientiam: Sed vt video spiritus est in hominibus, & afflatus omnipotentis est qui largitur intelligentiam. Plura nimis ad hanc confirmandam opinionem adducere possem testimonia, quæ cum circa rem apertissimam sint, superflua forent. Namque quid clarius est, quàm quod dona gratuita sint? diuina autem sapientia donum dei est: si igitur cum omnia fecerimus, merito dicere possumus, serui sumus inutiles, sapientia Dei spontaneum donum Dei erit, nulla arte, vel inuentione paratum. Quod enim sic paratur, non iam Dei donum est, sed aliud sapientiæ genus: naturale scilicet, vel dæmoniæ, aut humanum. Cum ergo Dei dona quæ ultra munus naturæ sunt, rarissima sint, tamen magis quæ nostræ repugnant mortalitati: vnde eam raritatem idem Propheta docet dicens: Nescit homo precium eius, nec inuenitur in terra suauiter viuendum. Quid mirum igitur, multo minus in

improbis, aut veri Dei non cultoribus, vix inueniri? verumtamen etiam inueniri potest, quamuis raro, & non diu vnquam: vt in Caipha semel, dum de Christo dixit, quòd oportet vnum hominem mori pro populo, ne tota gens periret. Semel & in Balaam, iuxta gentis excidium suæ. Paucis etiam vicibus, vt in Agabo: & Saul etiam prophetauit, quanquam Deo inuisus foret. Mulieres etiam quas Sibyllas vocabant olim: verumtamen obscurum est hoc, nec omnino certum, vnde proficiscatur: quandoquidem non omnis vera diuinitio, à diuina sapientia oriatur. Nam & Arioli, & Astrologi & Pythones, absque diuina sapientia futura prædicunt. Sic & somniorum interpretes, & Physiognomi, ac Medici: atque in vniuersum spontanea, & sine arte diuinitio, cum triplex sit, diuina, dæmoniaca, & quæ à rerum coniectura experientiaque proficiscitur, quam vocant prudentiam; Prudentia verò ad Deum diuinaque non pertingat, dæmoniaca verò de Deo non sit, nec in reliquis ex toto aded perfecta, rarissima verò in sceleratis, in priuatis autem hominibus si vita flagitiosa adiungatur, nunquam: Propterea enim subiunxerat Evangelista de Caipha, quòd illius anni esset Pontifex: satis facile dignosci poterit, quamnam diuinationis pars ad diuinam pertineat sapientiam. Nam non omnis, vt dictum est, diuinæ sapientiæ portio, futura prænoscere facit. Talis igitur ac tam rara existens omni etiam laude digna erit: vnde Hieronymus aduersus Iovinianum: Sapiens nusquam solus esse potest: habet enim secum omnes, qui sunt, quique fuere boni: & animum liberum, & quocumque vult illum transfert. Et quod corpore nequit, cogitatione complectitur: & vbi hominum inopia fuerit, cum Deo loquitur. Ergo sapientis vita ipsa iucundissima est, & nullius indiga: quòd maximum mortalibus pedarium est. Quid enim melius est, quàm ab his esse absolutum necessitatibus, quæ non sint in nostra potestate? eoque solo indigere, qui & nobis sit amicissimus? cuiusque consuetudo iucundissima, & gloriosissima sit? quique nec fallere possit, nec cæcutire? hunc igitur solum beatum esse dicam, ac inter mortales immortalis iam vita frui, eumque delicias futuræ sempiternæ vitæ sentire. Quare quantum ac huius vitæ felicitatem pertinet, quantum ad modum ac magnitudinem illius, quantum ad causam, ad securitatemve spectat, Hieronymi & Aristotelis sententiæ, de sapientia, ac sine nostro humanæ felicitatis, nihil penitus differunt. Ita vt Philosophum religiosissime, Theologum naturaliter maxime de eadem re, eadem etiam scripsisse dicamus. Sed iam paulatim verba grauissimi viri consideremus. Quatuor sunt bona eius qui diuina sapientia præditus est: atque ea omnia, vt vel singularia sint, nec ab vllò alio genere sapientiæ, vel humanæ felicitatis haberi queant: aut non tam magna. Siquidem esse cum Deo, & cum illo loqui, hoc proprium, hoc solius eius est, qui diuina sapientia præditus sit. Alterum etiam quod est, omnes secum habere bonos, aded videtur huius sapientiæ præcipuum donum, vt ferè nullius alterius videatur: nam reliquos



reliquos omnes bonos, ac sapientes, nusquam tam concordēs comperias vt in nullo diffideant. Animum autem liberum habere, ac omnia illo posse complecti, quamuis etiam sapientiae naturali communia sint: attamen non aequaliter in vtrisque sunt. Nam sapientiae diuinæ munus adeo amplum est, vt non solum omnia hæc humana optare non faciat, sed spernere cogat. Vnde Paulus etiam cupit dissolui, & cum Christo esse, nec solus ipse, sed plures non morti tantum; sed & tormentis sponte se obiciebant. Quod si vnus philosophus pro miraculo, quod tamen in dubio est, laudine an vituperationi dari debeat, omnia sua bona abieciisse memoratur, Quotnam videbis, qui amore Christi reges, principes, diuites? quod etiam nunc in dies qui relictis omnibus, tum etiam amicis, parentibus, liberis, affinisque, solitariae & mendicæ vitæ se mancipant? equidem cum hæc specto, haud dubie id pronunciare ausim, & animi libertatem ipsam aut solius esse diuinæ sapientiae premium, vel maximum saltem. At cognitio rerum eandem subit rationem: cum humana omnis obscura, turbida, anceps, imperfecta, laboriosa, curiosa, erroris etiam plerumque sit plena. At contra diuina illa clara, nitida, firma, perfecta, dulcis, defæcata, voluntariaque est. Quamobrem vnus qui olim sapiens Salomon, in Prouerbiis dicit, tamquam ad plebeios viros sermonem habens: Melior est sapientia cunctis operibus pretiosissimis. Nec vlla est tam gratâ hominibus res quæ illi possit coæquari: nam eius est consilium, æquitas, prudentia, fortitudo. Ea freti legum conditores iusta decreuerunt: reges tuto regnant. Hac ipsa diuitiæ, potentia, & gloria, comparantur. Nec fructus illius argento splendido, non auro, non gemmis coæquari potest. Quinam ergo merito magis eam laudabit quam is qui expertus est? aut cuiam magis credemus quam illi qui eam à Deo sit consecutus? Auctoritate rex maximus, experientia prudentissimus, magistro Deo, doctrina nulli comparandus, vita foelici, diuturna, populo saluberrima: nam nec ante Salomonem, neque post, Hebræorum populus vel tamdiu in pace, vel tam tute, vel tam opulentus, aut adeo multitudine auctus fuit. Ergo sapientiae diuinæ, quamuis etiam exiguae, tot munera suis seculis, & ad hanc vsque ætatem in Salomone splendent. Huius igitur vnum caput vt dictum est in quo omnes consentiunt Philosophi, Theologique, Dei cognitio erit. Vnde etiam Lactantius, Omnis sapientia hominis, in hoc vno est, vt Deum cognoscat & colat. Alibi etiam illud subiungitur in sacra pagina, neminem Deum diligere posse, nisi sapientem. Proprium igitur sapientis, quod omni, quod soli, atque semper conueniat, est Dei cognitio, cultusque ac amor. Propterea enim in hominibus perpetua non potest esse sapientia: sed vt Aristoteles dicit, *μικρὸν χρόνον ἡμῶν*, paruo nobis tempore, vtinam ergo diu. Itaque nil mirum quod à propheta scriptum est: Quoniam in maleuolam animam non intrabit sapientia: nec habitabit in corpore subdito peccatis, Quomodo enim qui Deum diligit, legem illius negligere potest? aut qui legem custodiet peccare? aut quomodo Deum

illum non diligemus? igitur si quis Deum diligit, vt sacrae literæ docent, mandata illius seruat: & ad illum Deus veniet, cum eoque manebit.

Nihil autem est vt Deus veniat ad sapientem, cum vbique sit, nisi vt illi se manifestum reddat. Ergo summa hominis foelicitas, summa securitas est diuina sapientia. At diuina sapientia erit Deum cognoscere, diligereque. Incognita enim diligere vere non possumus, vt recte dicebat Augustinus. Dei dilectionem sequitur legis etiam diuinæ custodia: quamobrem sapientiae diuinæ fructus, causa, & signum, ex his manifesta sunt. Siquidem causa est Dei cognitio, dilectioque, ac cum illo vt ita dicamus collocutio. Signum autem vt legis diuinæ mandata seruet, humanaque omnia spernat, quæ ad diuina cum comparantur, sordida sunt: opes, amici, filij, parentes, affines, potentia, gloria, cæteraque huiusmodi. Fructus est diuturna, secunda, ac summa foelicitas, quæ homini in hac vita possit contingere. Frustra ferè fore existimem, Platonem in hanc sententiam deducere, qui sit religiosissimus: sed tamen non tam ad huius rei confirmationem erit necessarius, quam turpe mihi cum in propria causa deferere: Inquit enim in Epinomide, *μείζον γὰρ ἀρετῆς, μὲν δὲ ἡμᾶς πότε πεῖθαι τῆς διουσίας εἶναι τὸ διυπὸς ἡμῶν*: maiorem quidem virtutem nemo mihi persuadebit humano inesse generi, erga Deum pietate. Ecce summam in hoc sapientiam collocatam, sed audi sapientem solum foelicem fore in Alcibiade. *σω. ἐκ ἀπὸ οἷόν τε, εἰ μὴ τις σωφρων καὶ ἀγαθὸς ἦ, διδασκόμενα εἶναι. Αλ. ἐκ οἷόν τε. σω. οἱ ἀγαθοὶ τῶν ἀνθρώπων ἀδελφοί. Αλ. σφόδρα γὰρ. σω. ἐκ ἀπὸ ἐδ' ὁπότε τῶν, ἀδελφότητι ἀπαλλάσσεται. ἀλλ' ὁ σωφρονήσας.* Quasi dicat non igitur nisi sapiens sit atque bonus beatus esse potest: atque idem mali etiam miseri. Quare non diuitiæ, sed sapientia, hominis in foelicitatem abigere poterunt. Tamdiu ne in hac causa verba aut laborem hunc protulero, quasi non manifestius Solis lumine sit, omnem beatam vitam in probitate, & Dei sapientia, omnem miseriam in ignorantia Dei, in flagitioque esse constitutam. Essetque res ipsa clarissima, si vel boni ipsi liberi essent, vel malis dominantur: verum cum plerumque accidat, vt mali bonis imperent, id non tam aperte vulgo patet: pluresque ex humano fastu foelicitatem æstimant, quam ex propria foelicitatis natura: ex sapientum auctoritate: vel etiam ex ipsa ratione. Nempe cum tria sint quibus omnia probentur, ratio, auctoritas, experientia; Sapientibus ratio magis satisfacit; Populo auctoritas, media inter utroque, atque inter vtraque experientia erit. Quæ tamen si recta sit, apud omnes omnibus potior est. Cum itaque experientia plures diuitias, ac cætera bona, quam sapientiam diuinam, quam probitatem, quam legum custodiam sequi videantur: idcirco fit, vt non in sapientia diuina; sed in opibus, ac potentia; sitam beatitudinem putent. Verum id licet, quandoquidem paucioribus diuina sapientia concedatur, quam reliqua omnia bona etiam pariter sumpta: at verò quantum populus auctoritati tribuat belle Virgilius docet dicens:



*Ac veluti magno in populo, cum saepe coor-  
ta est*

*Seditio, seu itque animis ignobilis vulgus:*

*Iamque faces, & saxa volant, furor arma  
ministrat:*

*Tum pietate grauem, ac meritis si forte vi-  
rum quem*

*Conspexere, silent, arrectisq; auribus astant.*

*Ille regit dictis animos, & pectora mulcet.*

Non ratio, non periculum coercere potest vulgi impetum, sed auctoritas. atque ut video par est, ut quem putant natura excellentiorem, se illi magis quam sibi concedant: Cum igitur reges, ac principes, potentesque his studere, non sapientiae videant: potiores sapientia ducunt diuitias, atque cetera mortalia bona: sed quid si etiam Solem, non palmo maiorem, ut etiam Epicurus, existimant? Ideone sit ut Sol ipse, non centies sexagies sexies ac parte etiam insuper, terram totam ac aquam contineat? Et si terra quae sub pedibus sit plana videatur, an ideo ad libellam aquae diducenda erit: quin ex centesima altitudo computetur, quod rotunda sit? Ergo in omnibus quae diligenter scite, ac diiudicare volumus, non aliunde magis, quam ex ratione ratio expetenda erit: & ex celebratis auctoribus, auctoritas: & ex sapientum periculo, omnis experientia. Porro si sic iudicaueris, iam existimo abunde liquere omnibus testimoniis, sapientiam diuinam non solum ceteris bonis mortalium praefendam, verum etiam incomparabilem beatitudinem in se comprehendere. Vnde sapiens ille in sacra pagina, non male encomiis eam extollit dicens: Sapientiae splendor Solis lumine maior, gratior stellarum pulchritudine, ipsamet luce iucundior: cum qua omnia bona homini aduenire solent: salute carior, atque ipsa forma formosior. Et quantum valuit clypeo Virgilius imitatus quem Vulcanus Aeneae sapientiae dono largitur, dum dixit:

*Septenosque orbibus orbes impediunt.*

Quasi omni sapientiae diuinæ numero absoluto, eandem imò maiorem in clypeo Achillis Homerus expressit. Nihil enim est quod magis nos tueatur sapientia diuina. In Palladis etiam scuto eandem sapientiae normam, sed exactissime observauit dicens:

*Agidaque horrida, turbata Palladis arma:*

*Certatim squammis serpentem, auroque po-  
libant.*

*Connexosque anguis, ipsamque in pecto-  
ra dina*

*Gorgona defecto vertentem lumina collo.*

Sed quorsum tot ambagibus Cumae consilia expetunt? cum Anchisae colloquia apud inferos? cum Aeneam Venus mater diuina mente, frequentibusque ac necessariis consiliis muniret? nisi ut illum ostenderet, quem summis laudibus esset celebraturus: quique maximas victorias esset consecuturus: qui Romano imperio initium, Caesaribus originem daturus esset: omni sapientiae diuinæ genere abundasse. Neque ut dictum est illius vnum tantum genus est, quae ut melius explicaret, poetico more fingit non ab vna causa sed à pluribus ortum habuisse. Sed hæc relinquantur, simul & illam quaestionem praeterire decet: cur bonis mali dominantur? In libris enim de Arcanis aeternitatis abunde ostensum est hoc:

non tamquam frequentissimum, sed aliquando etiam ut necessarium. Verumtamen hæc quamuis etiam ita forent: si tamen diuina sapientia arte aliqua, vel humana industria haberi posset, plures illam quam opes, aut potentiam sequeretur: sed vna raritatis causa est habendi difficultas, & rursus difficultatem desperatio parit. Vnum verò ac maximum huius sapientiae caput, est multa esse imò plura, quae nullo alio sapientiae genere haberi possint nisi diuino, atque ex his aliquo ex genere toto: quale hoc est. Lex admittit filium ad hereditatem ad vndecimum vsque mensem: Hippocrates negat ultra decimum mulierem ferre: nascitur ex vxore non omnino illibatae famae filius post decimum mensem quam illam eius vir attigisset: Quæritur an illum relinquere aliis debeat coherendum? simile huic: ex pudicissima vxore defectis arteriis illis quae post aures sunt ægritudinis causa viro: post biennium nascitur filius: Hippocrates negat eum cui sic incisae fuerint venae pulsatiles, generare posse. Merito igitur quaerat quis, an vxorem repudiare debeat? ergo propter id cur Ioseph non dimiserit virginem docet Euangelista: monitum dicens virum ab Angelo, quod qui in vtero gestaretur, ex Spiritu sancto est. Non enim ignorauit, quod res hæc sapientia diuina indigeret. Quale etiam illud Libanij, cum lex esset quae poenam indiceret ante trigessimum annum apud Lacedaemonios peroranti: Atheniensibus Misenem liberam, à Lacedaemoniis per legatos dimitti postulantibus: contradixit Archidamus, annos nondum natus triginta publice legatis. Persuasit populum de bello. Inde vinctibus Lacedaemoniis Archidamus violatae legis accusatur. Simile illud: Rex suspectos quosdam ciues habens, nec tamen cum indice certo, aduentante bello an in exilium iniuste illos mittet? an cum discrimine tot innoxiorum retinebit, si ipse optimus extiterit? Sic & illud quamuis & lege indicatum, & populi fauore absolutum: cum Horatius ille sororem merentem ob viri patriae hostis, in cuiusque salute reipublicae salus posita esset, occidit. Et cum pater adolescentulum filium iugulauit è muro, quod illius forma pelleretur tyrannus, cum concedere ciues illum ei nolissent, urbem obsideret: Inde morte adolescentuli soluta obsidione pater parricidi accusatur. In iudiciis lex plurima suffragia vincere iubebat, septem constitutis iudicibus, duo reum morte, duo honoris priuatione, tres exilio ad tempus condemnarunt: reus vult exilium. Talia cum innumerabilia sint, qualia etiam, sed crassiore Minerua Quindiliano ascribuntur, commemorare minime decet: in quibus sapientia diuina indigeremus. Ergo & in naturalibus, similia erunt sine. Quis enim nos docebit, quonam pacto caeli reuoluantur? Cur ad Boream Magnes lapis. ferrum superimpositum dirigit? cur Luna maculam semper ex eadem parte retineat? cur raro admodum vel nunquam laurum fulgur feriat? quis quadrato circulum dabit coaequalem? cur duo cubi numeri vnum cubum numerum efficere non possunt? cur tot animalia manca, si ipse prudentissimus omnium opifex est?



## DE SAPIENTIA

## LIBER II.



Rgo nimirum est o Sfondrate optime veram Aristotelis illam fuisse sententiam: Maximam partem eorum quæ scimus, minimam esse illorum quæ ignoramus: Si de cunctis rebus, atque manifestissimis, adeo pauca atque etiam imperfecta cognoscimus. Atque ideo si vel arte aliqua, vel studio, diuina sapientia nobis adueniret, superflua certe omnis alterius sapientie tractatio foret: Verum cum adeo pusilla, atque exigua, vt ne vestigium quidem humano geheri concessum esse videatur: illaque quantulacunque sit, nulla industria nullave sollicitudine nobis pateat: cogimur non solum de aliis abunde, verum de ipsa parce admodum scribere. Est enim prorsus audacis imò temerarij consilij, velle alios docere quæ nescias, & ea scribere quæ ignores. Quamobrem ob hanc causam non solum, verum etiam quia quæ scriberem cum difficillimum esset intelligere, longè tamen difficilior esset scribere quæ sentirem, diuinæ sapientie historia breuissima euasit. Namque quod ad subiectam rem pertinet, cum omnia quæ ab aliis tribus continentur latè ipsa amplexa sit: si vel eius portio aliqua digna nobis nota foret: vel tam exiguae partis adipiscendæ ratio aliqua pateret: sanè multò maiorem diligentiam in illa, multoque minorem in reliquis explicandis laborem impendissemus. Verum cum vel ob nostram inertiam, aut prauitatem, vel naturæ humanitatem neutrum horum concessum nobis sit, cogimur quanquam rem arduam ac multis modis implexam, totis viribus summaque industria pertractare. Atque vt altius parum repetam, cum omnium eorum quibus nulla medicina adhiberi potest malorum, vna sit ratio sapientie consolatio: de qua aliàs in tribus libris disseruimus, reliquum est vt hic vel de malis quæ tolli aliqua arte possunt, vel de bonis parandis aut retinendis sermo ipse instituatur. Etenim non solum in morbis, verum etiam in malis cunctis si prorsus abolendi nulla ratio sit, vltra id quod conando operam luseris, deteriore paries seu animi seu corporis seu fortunæ conditionem. Ergo in omnibus bonis habendis aut etiam retinendis, malisve arcendis, illud primum scire, expedit, an quod quæris vlla ratione possit impetrari: quod si non: ad consolandum te ipsum conuerteris, seu ratione seu transmutatione seu obliuione illud commodius euadat. Sed si impetrandi spes adsit, quoniam pacto id celerius id tutius id melius efficere possis: nam hæc tria in omnibus expendere oportet, considerandum. Quare vt ab initio quodam sumamus exordium, diximus sapientiam esse rationem quandam ad assequendum propositum conuenientem. Aristoteles non sub alio ferè sensu eam diffinit dicens: *ἡ δὲ σοφία ἐν ταῖς τέχναις καὶ ἀνέκδοταις τὰς τέχνας ἀποδιδομένη.* Quasi dicat: sapientiam in artibus esse quandam excellentem rationem illarum, vt si Phidiam statuarium, Apellem pictorem sapien-

tem appellemus: vtrique enim eorum in sua arte nihil defuit quo ab omnibus earum artium studiosis non probarentur. Aliud etiam est sapientie genus per se, quod nullam habet propriam subiectam contemplationem, velut Homerus cum de Margite loquitur dicens:

*τὸν δ' ἄτ' ἄρ' παρ' ἡμέα θεοὶ θέσαν, ἔτ' ἐροῖν ἡμεῖς, οὐτ' ἄλλος τι σφόν,*

*Hanc autem dij neque fossorem, neq; aratorē fecerunt, neque alius quicquam sapiens.*

Has ambas vno sapientie nomine hic comprehendere volumus: nam omnis præclara cognitio seu boni seu mali, seu vt diximus in mente seu oratione seu in operatione sit, sapientie apud nos vt etiam antiquo tempore nomen habet. Multa verò vt diximus cum sint quæ transmutari nequeant, vt senectus & corporis mutilatio, postquam acciderint, sapientis erit cognoscere primum in his quibus cura adhibenda esset, an adhibita ex toto malum auertere vel saltem lenire queat: quod qua ratione fiat infra dicemus. Nunc autem ipsa sapientie ratio imò vniuersa cognitio humana prius erit distinguenda. Nam animi virtutes vt Aristoteli placet, quinque facultatibus subferuiunt, arti, prudentie, scientie, intelligentie ac sapientie. Verum & his necessaria est memoria etiam præteritorum, ac cognitio præsentium, cum historie scientia: nam hæc omnia sub scientia exquisita harum comprehenduntur: necessaria est etiam experientia, coniectura, iudicium: quæ & si prudentie partes videantur, multum tamen ab illa differunt. Quin etiam nauitas his adiungenda erit: qua non solum sapientia sed & reliquæ virtutes ad opus ipsum deducuntur: vt merito, & si ficto vocabulo declarata res est, ornamentum sapientie dici posset: si tamen illius pars & præcipua non esset. Namque quis sapiens dici iure poterit, qui sapientia quamuis ingenti prædictus, illam contemnat & per socordiam negligat? Sunt & aliæ vocatæ vires animi ac virtutes, quæ non ad sapientiam pertinent, sic vt sub ea contineantur, velut Fortitudo, Liberalitas, Iustitia, pluresque aliæ eiusmodi. Verum ex his quæ sub sapientia continentur Prudentia est, semper utilis atque omnibus necessaria, atque extra ipsam fortitudinis pars illa quæ necessaria æquo animo ferre docet, non quæ ad voluntaria discrimina hominem impellit alacriter. Nam hæc non semper forsitan utilis & non ab omnibus ex æquo probatur. His igitur relictis superest vt de sapientie partibus dicamus. Tum maxime his quæ vel animum ornare, vel corpori prodesse, aut fortunam in melius mutare possunt. Erit autem vt diximus vna sapientie ratio, vt diu ac bene viuas. Igitur de diuturna vita primo dicendum erit: at equidem multiplicem esse hanc etiam antea ostensum est, animæ siquidem, corporis, ac totius quæ vera est vita. Tum etiam in imagine gloriæ vel reliquorum monumentorum. At de animæ vita, quæ in nostra non est facultate, sed aut nullius certe sapientie, aut solius diuinæ, iam sermonem habuimus, alias etiam non in hoc libro diſcuri: quamobrem de vera vita dicendum erit. Hæc tribus modis longior euadit, scilicet temporibus diuturnitate, libertate & vſu. Fit vita longior tempore producta, si om-



nia moderata sint, unde ex Hippocrate. Galenus hoc carmen citat :

Σιτία, ποτή, ύπνος, ἀρεσθία, πάντα μέτρια.  
idest.

*Cibi, potus, somni. Venus, omnia cum modo.*

Tu tamen cum his & exercitationis moderatam adnumerabis. Sed & circa somnum si paulo sit copiosior, vita etiam erit diuturnior ac salubrior. In studiosis tantum existimat Aristoteles longitudinem vitæ prouenire. In animantibus, vel ob magnitudinem, vel ob paucitatem superfluitatum, vel ob humoris natiui abundantiam. Ergo si cui bene viuere concessum est, ut diu uiuat solum sollicitus esse debet: ad id igitur confert, ut temperatas habiter regiones, atque iuxta mare: nam quod est humidi natiui, minus consumitur in humidioris cælo, nec facile ob falsedinem corrumpitur. Indicio autem est, humidiora animalia diutius viuere, quod viuacitate si Aristoteli credimus homo soli cedat elephantis, hic autem ob eximiam magnitudinem, præterquam quod plurimo abundat humido, viuacissimus omnium animalium est. At verò humidum resoluunt omnia immoderata: tum maxime quæ vel calefaciunt, ut exercitium, vel exiccant, ut vigiliæ, vel humidum educunt ut Venus: vel plura ex his faciunt, velut morbi. Superfluam excretionem prohibent quæcunque vel alimenta concoquere faciunt, vel quantitatem illorum pro natura metiuntur, tum illorum electio. Ob hoc igitur formica viuit diu, cum animal sit aded paruum atque siccum, quod excrementa ferme nulla emittat. Porro quæ plurimum vitam decurant, morbi sunt atque curæ, extremæque infortunia: Sed de morbis in quibus vitæ libertas inest seorsum dicendum puto. Fiunt autem hi omnibus his ferme causis quæ etiam vitæ aduersantur: at verò curæ etiam cum libertatem vitæ tollant, morbis adnumerari possunt, seu quod ipsa cura morbus sit, ut bene poëta inquit:

*Cum sic vnam animam alloquitur male sana sororem. tum ibi.*

*His medium dictis sermonem abrumpit, & auras*

*Ægra fugit.*

Sed & Euripides Orestem æstu mentis laborantem agrum appellat, ut ibi:

ὁ τὰν ἄνδρ' ὅμα κεραιδὴν νόστον, ἔμψαν δακρύων.

*Quando quidem corpus morbo leuatum fuerit, compos mentis illachrimatur.*

Sed hæc clariora sint quam ut probatione indigeant. Porro quod non solum morbi curæ sint, verum & morborum causæ, audi Galenū: ἐν αὐτῇ τῇ διαμικρῇ σφαίρᾳ γυμνασίᾳ. (i. In libro de parua sphaera exercitio) dicentem: ποσὺν γὰρ ἐν αὐτῇ δύναται ψυχὴν κινῆσαι, ὥστε πολλοὶ μὲν ἀπὸ πλεονασμοῦ νοσημαίνονται, ἡ δὲ ἡμετέρα μόνον, πολλοὶ δὲ ἐλάττωσιν ἀνισθάνονται. ἐκ ἐστὶ δ' ἕτερος λόγος ὅτι τῶν πλεονασμῶν καὶ ἐλάττωσιν, ὥς καὶ ἐν τῶν περὶ τῆς ψυχῆς. Quasi dicat. Hoc enim potest animæ motus, ut multi morbos ob lætitiā euaserint, multi etiam præ tristitia ægrotauerint. Neque enim vlla ex parte ad immutandam hominis valetudinem fortior est, quantumvis magna corporis agitatō animi affectu. Ergo si ira sit, multis nempe modis nos animi morbi afficiunt, illa quoque etiam vitæ tempus de-

curtabunt. Primo quod tempus illud quo his laboramus vitæ non adnumerandum est, ut enim poëta inquit:

*Non est viuere, sed valere vita.*

Tum verò quod exiccando corpus vitæ tempus minuunt, Tum etiam quod morbos pariunt, quibus & vita ipsa minuitur, & quantum illi sibi vendicant vitæ spacio perit. Verum non omnes animi æstus idem possunt. Sed omnium deterrimus mœror est, nam & amor irritus & timor tristitiæ partes sunt. Unde etiam illud sapientis, Spiritus tristis deficiat ossa, tum alibi multos fatetur tristitia necare, quamobrem & illud celebratur: ἐκ ἐστὶ λύπης χεῖρον ἀνθρώποις κακόν. (i. Non est peius malum hominibus tristitia) eius enim est potissimum parere morbos atque difficiles & insanabiles iuxta Menandrum:

λύπαι γὰρ ἀνθρώποισι πικτεσι νόσοι. i.

*Tristitia enim hominibus pariunt morbos.*

Quamobrem cum omnes immoderati affectus animi, diuturnitati vitæ obsint, tristitia tamen & quæ ad eam pertinent, nimio plus cæteris lædunt: nam ad tristitiam zelotypia, timor, suspitio, ac cætera huiusmodi pertinere videntur. Sed tristitiæ tamen nihil est vicinius timore: is enim omnem etiam excutit sapientiæ opinionem, ut nec bene viuere sinat, nec diu, nec permittat quenquam existimari sapientem. Quis iure Artemonem dicat stultum non fuisse? qui cum præ timore domi contineretur, etiam clypeum aneum à duobus seruis capiti super assistentem contineri iubebat, & si exire cogeretur, lectica contacta prodibat. Multa enim cum sint quæ prohibeant sapientem aliquem esse, nihil tamen metu magis si excesserit limites. Nam temerarium, & inuidum, & amantem, licet ad sanam quandoque mentem reuocare, timidum ne Dij ipsi quidem sanæ menti restituent. propterea oppositè fingitur à Plauto adolescens dicere:

-----*Neque viuos, neque mortuos*

*Sum, nec quid nunc faciam, neque ut hinc abeam, neque ut*

*Ad hanc adeam scio, timore torpeo.*

Nec minus prudenter Euripides fingit seruum in Oreste metu perturbatum, narrare choro quæ intus gesta sunt absque ordine, vocesque easdem bis repetentem. Nam ut recte Lactantius dixit, Vbi timor adest, sapientia adeste nequit. Igitur manifestum est aliquos naturæ sapientiæ non aptos esse, velut valde timidos ac rudes, tum etiam iracundos donec deferbuerint. Quamobrem id iam patere arbitror, quod superius quæsitum iure fuerat, scilicet, an ad sapientiam plus natura an disciplina vel exercitatio conferat: namque cum natura per se aliquid sine aliis valeat ad sapientiam, & cum altero illorum perfectum quasi sapientiæ cumulum conficere possit, reliqua nec simul iuncta sine naturæ auxilio, parum, per se autem nihil efficere possint. Naturam satis constat disciplinæ & exercitationi longe præstare: etenim videmus animalia ipsa circa vnam causam aded solertia, ut à prudentissimo viro vix vincantur: at quod animalium genus, in paucis vnumquodque à natura habet, hoc ferme in cunctis assequitur vir natura prudens. Quamobrem manifestum est, naturam in sapientia cæteris omnibus præpollere. At verò



vero disciplina ne an exercitatio melior? In pluribus disciplina praeſtat, quandoquidem plura per disciplinam breui tempore quàm per exercitationem agnoſci poſſunt: at verò in vna re ſola plus experientiae tribuendum eſt quàm disciplinae: nam tutius operantur audentiusque experti, quàm ab alio, quantumvis longo inſtructi tempore, & difficilius à propoſito in periculis aut verecundia deiiciuntur: habetque omnis experientia ſecum coniunctam aliquam disciplinae rationem, non omnis disciplina experientiam. Illud etiam ad rem pertinere nunc videtur, quòd ad timoris moleſtiam demonſtrandam, non hiſtoria ſed fictarum perſonarum moribus uſi ſumus: nam plus in confirmando hiſtoria habeat auctoritatis quàm perſona quae à poëta fingitur. Exiſtimo equidem eum qui fingit, non illorum de quibus fingitur cauſa ſed propria auctoritate cauſae fauere. Hiſtoria verò non ab auctore ſcribente, ſed à perſona de qua narratur pondus habet. Igitur ſi qui fingit poëta, nobilior eſt ac prudentior perſona illa, quae actione ſua apud hiſtoricum rem confirmauit, erit ſane maior fingenti quàm narrationi auctoritas. Tum maxime ſi & prudens vir ac nobilis à poëta introducatur. Sin autem prudentia par ſit, is de quo apud hiſtoricum mentio habita eſt poëtae, aut plures de eadem re teſtes adducantur, fieri non poteſt quin hiſtoria inuentioni comicae aut tragicæ vel heroicae non ſit praeponenda. Non ſolum quòd vera fictis firmiora ſint, ſed quòd is qui in praſenti periculo affectuque verſatur plura ſentiat. Quorum omnium poëta qui fingit tunc expers eſt. Neque igitur imago ipſa re maiorem fidem apud homines conſequi debet. Sed iam nimis ut video à propoſito diuerteramus, ſiquidem hoc nunc demonſtrandum erat, libera quae non eſſet, vitam non vitae adnumerandam. At vita non libera eſt, cum vel animus æſtu laborat, vel corpus morbo, vel totus ipſe homo velut in carcere & relegatione apud inſulas inhospitas impeditus detinetur. Porro de animi affectibus immoderatis potentioribusque iam dictum eſt: nam de reliquis cum non ſolum diurnam, ſed & foelicem impediunt, ſuo loco dicetur. At de morbis etiam finem faciemus, ſi prius id adiecerimus, multum conferre non ſolum ad vitae diurnitatem, ſed etiam ad coercentes morbos ac mentis integritatem, victus ſimplicitatem. Vnde Horatius vir in omni ſapientiae genere admirandus dicebat:

*Accipe nunc victus tenns, quae quantaque ſecum*

*Afferat: in primis valeas bene: nam varia res*

*Ut noceant homini credas, memor illius eſca*

*Qua ſimplex olim tibi ſederit: at ſimul affis:*

*Miſcueris elixa: ſimul conchilia turdis, Dulcia ſe in bilem vertent: ſtomachoque tumultum*

*Lenta feret pituita: vides ut pallidus omnis*

*Cæna deſurgat dubia? Quin corpus onuſtum*

Tom. I.

*Heſternis vitiis, animum quoque pregrauat vna:*

*Atque affigit humo diuina particulam auræ.*

*Alter ubi diſto citius curata ſopori*

*Membra dedit, vegetus præſcripta ad munia ſurgit.*

*Hic tamen ad melius poterit tranſcurrere quondam:*

*Sive diem feſtum rediens adduxerit annus:*

*Seu recreare volet tenuatum corpus ubique*

*Accedent anni: & tractari mollis ætas*

*Imbecilla volet. tibi quidnam accedet ad iſtam,*

*Quam puer & validus præſumis molli- ciem? ſeu*

*Dura valetudo inciderit, ſeu tarda ſe- neſtus.*

At verò non omnis uſus ſimplex probandus: ſed inculpabilium. tria verò ſunt, quae maxime ad vitae longitudinem, & ſeruandam valetudinem facere videntur: mel, lac, oleum. Exiſtimare dixit Auerroës, niſi omnes homines mortis legi deſtinati eſſent, poſſe eum qui oleo ſemper vtatur nunquam ſeneſcere, aut mori: quòd par videatur olei alimentum humido quod ex nobis in dies conſumitur. Galenus autem mel omnibus præponit: duosque qui ad longiſſimam vitam peruenerunt, enarrat melle ab incipiente ſeneſta perpetuo uſos. Quare mirum minus Pollionem Romulum Auguſto ſciſcitanti, quonam pacto validus adhuc ſecundum ſeculum ageret? reſpondiſſe: ſe quidem intus melle, extra oleo uſum fuiſſe. Lactis autem vtilitatem Heſiodi illa ſententia comprobatur:

*Ἄλλ' ἐκ τὸν μὲν πᾶς ἔτα παρὰ μὲν τέλει κεδνῇ  
Εὐρέετ' ἀτάλλων μέγα νήπιον, ὃ ἐν οἴκῳ.*

*Sed centum quidem annos puer apud ſedulam matrem educabatur, adoleſcens in ſua domo admodum inſans.*

Et quamvis in aliam hoc poſſet verti ſententiam, nihilominus illud ſatis conſtat, diurnam lactationem longæuæ vitae cauſam eſſe. Lactis verò uſum pluribus à quorum natura minime abhorreat, vitam producere, incolumemque præſtare valetudinem: indicio autem eſt paſtorum vita. Atque in vniuerſum, qui vitam producere, & valetudinem ſeruare cupit, cibum minorem ſomno, & potum cibo, & labores viribus faciat. Tum verò quædam ſunt viribus ignis depurata, quæ in vitae uſum plurimum conducunt. Et quamvis omnia hæc iuuenes parui faciamus, ſero tamen poenitentia ducti in vanum conquerimur. At quæ exterius prohibent libertatem, vel à ſtultitia, vel ab inuidia, vel à ſcelere aut fortuna proueniunt. Inuidia Ariſtides, ſcelere Tarquinius Superbus, fortuna Milo, ſtultitia Phocio. Ergo ſcelus ac ſtultitiam vitare licet ſapienti: Inuidiam etiam quonam pacto quis declinare debeat oſtendemus. Reliquum eſt igitur, ut de fortuna ipſa dicamus. Ergo in exilio minor iactura quàm in carcere, atque in exilio cum liber es,

V u

ſc



sic autem te geras ut imiteris peregrinationem. Nam qui sic se gesserit, peregrinari potius quam exulare videbitur. Nusquam terra non viret æstate: nusquam non candidi fulgēt soles: nusquam vel venari vel piscari non licet: ubique etiam aucupari & rimari naturæ secreta, quæ tam undique patent, ut omnibus & omni ætate & quacunque in regione nova inuenire liceat: atque ut in vniuersum dicam, si quicquam egeris insigne, etiam liberum te esse necesse est. Porro Philistus Syracusanus cum à Dionysio in exilium actus esset, maiorem historiæ partem absoluit, quæ Sicularum gestas comprehendit. Oribasius verò Medicus, qui LXXII. libris medicinam amplexus est: & ipse à Iuliani imperatoris morte in exilium actus partem librorum in eo confecisse creditur: parum Ætio Amidenò Sardinianus hic inferior, ut Thucydida Philistus. Ergo nulli exilium gnauo viro nocebit ad gerendas egregias res, nam omnes ferè & imperatores & artifices egregij magnum, imò maius extra, quam in patria nomen consecuti. Quid defuit Hieronymo in vrbibus, cum tamen deserta & auia Syriæ loca quærens, tot linguis operam dedit, tam locupleti scientia latine scripsit multa, tot interpretatus est: Et si nihil aliud se offerat, Menam Samnitum imiteris, qui in solitudine examen apum curans, non libertatem tantum, verum & regnum exercebat. Sed si deterior conditio carcerem tibi offerat, adhuc & in illo animi libertas manet. Neque enim cum corpore sepeliendus homo est: sed iam sapientiæ terminos prætergressi videmur. Quanquam enim multi etiam in carceribus noua excogitauerint: sapientiæque studio vacauerint: plures tamen consolatione potius quam studio indigent. Ergo sapienti cauendum est, ne carcerem ingrediat. Nam postquam in illorum dæmonum manus incideris, parum aut nihil proderit sapientia. Quod si modo quenquam iuuat: fortunæ magis debere se credat quam prudentiæ. Quare libertatem ac diuturnitatem vitæ his rationibus consequemur, vsum verò non minimam longitudinis vitæ partem esse dixerimus. Quippe si quis hodie nascatur centum annis dormiturus, velut de Endimione fabulatur antiquitas, ac demum excefferis è vita: nonne idem erit ac si crastino moriatur? Ergo vitæ summa lōgitudō est, quam plurima egisse magna, gloriosa, splendidaque facinora: & quæ æternis monumentis historiæ mandentur: quamobrem in hanc sententiam recte Pindarus dixit:

---Θανεῖν δ' οἷον ἀνάγκη,  
Τί νέπτε ἀνώνυμον γῆρας ἐν σκότῳ  
Καθήμενος ἐλπίματον, ἀπάντων  
Καλῶν ἄμμορος;

*Mori autem quibus necesse*

*Quid aliquis ignobilem senectutem, in obscuro sedens trahat,*

*Frustra, omnium bonorum expers?*

Et Virgilius clarius etiam cum dixit:

*Stas sua cuique dies, breue & irreparabile  
tempus*

*Omnibus est vita: sed famam extendere  
factis*

*Hoc virtutis opus.*

Propterea bene ille dixit, se satis vixisse si

ad gloriam respiceret. Ergo summa ope niti decet, ne vitam veluti pecora silentio transigamus, non solum ob nominis nostri post obitum gloriam: quippe & illud superest, & non cunctis in promptu, atque etiam dubitabile est. Sed ob solam ipsam virtutem virtutisque iucundissimum fructum, cui Aristoteles hunc hunc descripsit, omni æuo dignum: quem ex vita eius sumptum hic addidimus. Virtus laboriosa mortalium generi, pulcherrimum humanæ vitæ incitamentum: cuius pro forma, expetenda est etiam apud Græcos mortis conditio, & grauium assiduorumque laborum tolerantia. Talem nimirum inferis hominum animis fructum immortalem, auro præstantiorem, parentibusque ipsis, ac dulci somno suauiorem. Nam tui amore filij Ledæ, & Hercules Iouis, multa perpassi sunt: qui tamen quantum possent opere ostenderunt. Quin & tui desiderio Achilles, & Ajax, ad infernas domos descenderunt: tuæque formæ gratia Atarnæ ciuis iucundo Solis lumine se priuauit. Quem & si rebus gestis clarum atque inclytum satis, huius tamen causa immortalibus Musis meis, quæ decus hospitalis Iouis augere solent, auctoritatem reddam. Hæc ille cum adedè eleganter de virtute memoriæ mandauerit, cur nam est ut iam amplius te ad virtutem horter? si incitare non potest tantus Philosophus? aut quid de ipsa generosius in eius laudem excogitabo? Quamobrem quid agis perperam o homo brevis vitæ Dæmon? ut hanc quantulamcunque lucem hunc temporis thesaurum ludis, ocio, crapula, inutilibusque sermonibus ac ebrietate teras? quasi inutilem & iniucundam supellectilem. Cum nihil carius, nihil adedè breue, nullius tanta inopia, nullius iactura irreparabilior sit. Considera quæ præterierunt, & ex his præsentia, ac futura dispone. Neminem inuenies, tam vilem aut impurum vel sordidum siue defidem, qui anteactam vitam nolit potius virtutibus & inclytis factis consumpsisse, quam otio. Igitur quod doles non fecisse, cum frustra doles, fac ut non permittas amplius dolere, cum non frustra de futuris pœnitere liceat. Hæc sit summa ratio studij humani, ut egregiis factis vitam illustret: & viuere se intelligat. Illud etenim curandum, ut cum diuini numinis participes simus, diuinitate aliquid insigne dignumque efficiamus. Verum cum non semper laboribus liceat incumbere, otium verò inutile sit, media quædam vtriusque ratio est excogitanda. Qualis Musicæ, certaminumque ac colloquij, tum picturæ, fingendi, eorumque ludorum, qui sola mentis aut corporis virtute exercentur: velut latrunculorum & pilæ. Ergo nulla temporis iactura ineunda est. Sed ut Plinius dicebat nepoti, dum ambularent, poterat has horas non perdere, summa temporis cura habenda est. Propterea etiam aduersus vinolentos declamans dixit, interea ut optime cadat, Solem orientem non vident ac edè minus viuunt. Quamobrem tantam Scopeliano huius detrimenti sollicitudinem fuisse ferunt, ut totas noctes plerunque studiis intendens insomnes duceret, soleretque dicere: ὁ νύξ, σὺ δ' ἂν πλείστον μετέχῃς σοφίας μέγρος δειῶν. O nox tu quidē diuinæ sapientiæ plurimam partem nobis occupas



cupas. Atque in eandem sententiam grauiſſimos Philoſophos etiam fuiſſe video : nam & Zeno Citiens dicere ſolitus erat, nullam eſſe nobis rem tenuiorem, ac cuius minor ſit copia, quàm temporis, & Theophrastus ipſe in ore ſemper habuit, Nullum eſſe ſumptum temporis diſpendio precioſiorem. Sed neque hoc eruditorum ſolum erit: verum & artificum ac reliquorum, vnde etiam illud in prouerbum Apellis emanauit: Nulla dies ſine linea, quaſi diceret: non eſſe intermittendum vnquam ſtudio, ne vel per diem vnā in vniuerſa vita. At qui nullam profitentur artem, eadem lege in adminiſtrationibus vel hominum conuerſatione tenebuntur, nec tamen hic aut lucrum minus aut iactura maior: vnde Scipio qui poſtea magnitudine rerum geſtarum Africanus cognominatus eſt, diem eum ſe perdiſſe aiebat, in quo nullam pro amico operam in republica impendiſſet: ex quo factum eſt poſtmodum, vt tot ſultus amicis pronunciam debellandæ Carthaginiſ aduerſus Fabij ſententiam obtinuerit, cœperitque antea quàm eſſet, magnus haberi, quod cum ſemper diſſicillimum ſit: tum ea in republica & eo tempore quo mores vrbiſ nihil alienum à virtute continebant. Atque vt video qui magnos ſe mortalibus, ac penè diuinis, rebus geſtis exhibuerunt, nullius curam rei diligentiorē habuerunt quàm temporis: nam & Alexander tot tantaque geſſit annorum quatuordecim ſpacio, non ſolum armis: ſed legibus condendis, moribus inſtituendis, ædificandis vrbiſ, exemplis magnanimitatis. Sic enim nunc volo poſſe dicere ſapientiæ argumentis, rerum memorabilium ſtudio, eruditione, munificentia, liberalitate: vt ne hominem longa etiam vita vnquam dormiſſe exiſtimares. Sic C. Caſar cum ſtatuum illius vidiffet, fleuit tantum ſibi temporis ſine vllo memorabili facto præteriſſe, recordatus, cum iam minori ætate Alexander tot res geſſiſſet, eadem Alexandro Seuero, eadem Traiano cura fuit. Ergo precioſiſſima res tempus, in qua omnia habentur, omni ex parte colligenda ac custodienda ſapienti erit, ne pereat, vitæque longitudinem magis factis quàm diuturnitate metietur: non ſolum enim quodcunque ſomno impenderimus, perdimus: ſed etiam quod ſomniolentia: vnde bene dicebat Plato, καὶ οὐδὲν ὄντι δὲ καὶ οὐδὲν ἀγνοῖ, ὅτι μὴ μᾶλλον ἢ μὴ ζῶντι. i. *Dormiens enim nulla re dignius non magis quàm non viuens.* Itaque o mortalis quid vitæ tuæ adeſſe putas, niſi quod euigilas, factisque ac geſtis vitam trahis: Summa igitur vitæ ratio, quantum ad diuturnitatem pertinet, non tantum ad longitudinem quantum ad libertatem ac ſplendida opera ſpectare videtur, de qua quantum ſatis eſt dixiſſe me puto, ſi hoc vnum quod ad corporis languores euitandos obſeruare decet adiunxerimus. Eſt enim ſtudioſis familiaris, ventriculi imbecillitas & oculorū. Verum ventriculi affectum manus ſuperimpoſita ſomni tempore ſi quid aliud prompte iuuat, Piper etiam integrum deuoratum aded con ducit, vt aliud auxilium non deſideres. Memini tamen Galeum ex citoniis ac pipere haud inſuaue medicamentum excogitaſſe. At oculis ſpectula multum conferunt, & aquæ potus frigida, & ſomni prolixitas. Siquidem

Tom. I.

oculus alitur ſomno. In vniuerſum igitur hæc ratio eſt vitam custodiendi longauam, quantum ad interiores cauſas pertinet. Verum cum ad exteriora pericula mentem adhibemus, alia diligentia opus eſt. Verum vt in his video, vbi nulla timoris infamia, nullumque audaciæ præmium eſt, timidum in periculis ſemper fuiſſe iuuat: niſi timor periculum auxerit, velut in gladiatorio certamine, vbi audere neceſſarium eſt.

Namque illud iam in prouerbum ceſſit, Timidi mater non plorat. Cum tamen & hoc ex belli ſumptum cauſa fuerit. Omnino autem obſeruandum ne vnquam fruſtra te obiciās pernicioſis periculis, ſupraque modum ſolitudinem in eis caueas. At in neceſſariis vna ratio quaſi eſt omnium, vt pro periculo laborem & ſumptum ſupponas. Dicebat Ioannes Marlianus, quem olim Facius pater meus audiebat, ætatis ſuæ Philoſophus maximus, cum tamen qui tunc erant celeberrimi, noſtræ ætatis mediocribus vix poſſent comparari: quod nōdum Græcæ literæ cum illorum ſapientia ad nos perueniſſent, hominem decem millibus paſſuum in vita pro periculis omnibus peragratis annis decem vitam producere: atque id iure. Multa enim ſunt quæ nobis cottidie occurrunt leuia ac fermè extra omnem periculi ſuſpicionem, quæ ſi contemnantur cauſas breuioris vitæ parere tamen ſolent. Sic igitur iuuat in itinere, in caupona, in via, conuerſatione initia aut contentionum aut periculorum magna diligentia ſubterfugere. Quæ enim minima ſunt in principio, & nulla cum turpitudine declinari queunt, cum proceſſerint in aperta vitæ diſcrimina hominem ſenſim trahunt, vt poſtmodum nec citra maſſetam perniciem in eis perſeuerare, nec abſque magna infamia ſe retrahere liceat. At verò nunc illud quod ex initio propoſueramus, in mentem venit deſideratque ſolutionem, an ſcilicet melius ſit cum infamia pericula denitare, an morti ſe obicere. Etenim hoc cum apud multos rationem habeat in vtramque partem, diu incertum fuit. Verum cum nunc non reſpublicam inſtituere, ſed fingere ſapientem propoſitum: Ided non obſcura, omnino hæc quaſtio eſt. Nam ſi infamia alieni facti eſt, melius eſt viuere aliena culpa infamem, quàm morte dedecus effugere. Similiter ſi tua culpa egregio facto emendari poteſt: nam quæ alieno vitio accidit turpitudine, verum ſapientem perturbare non debet. Vnde Socrates cum Xantippem vxorem ſultam haberet, nec commotus eſt, nec repudiare tentauit: nec Auguſtus in filiarum contumelia ſe occidit: nec Antoninus cum reſciſſet vxoris adulterium. Etſi Paulus vitæ ſuæ parcere noluit quamvis alterius Cōſulis culpa eſſet: potius iacturam rei publicæ exhorruiffet viſus eſt, quàm propriam verrecundiam. Ergo nemo tam amens ſit, vt cum aduerſus vitæ ſuæ hoſtem pro ea depugnaturus ſit, alieno velit eam prodree flagitio. Nam nemo qui ſapiens alterius peccatū dicet cuiquam poſſe parere turpitudinē: ſed vt omnis umbra ſuū ſequitur corpus, ſic flagitium proprium infamia. Sed nec in leuibus non omnino reparabilibus iacturis vita fugienda erit. Nam ſtultum eſt cum poſſis ad meliorem vitam reuertī, quàm ante infortunium etiam ſi id tua

Vu A

accide



acciderit culpa velle ob id mori. Quare cum Demosthenes acerrimis orationibus in Philippum armasset Athenienses, inde primo pugnae euentu turpiter fugam arripuisset, iocantibus in eius factum respondit, etiam illi qui fugeret denuo posse pugnare. Sed ne Rherorem in belli iudicio adducam, fortissimus Annibal nobis exemplo sit, qui saepe victus, saepe fuga seruatus, magnas Romanis calamitates post fugam ipsam pepererat. Nonne & Pompeius cum in Pharsaliae campis succubisset, quantum in se fuit fuga salutem quaesuit. Alcibiades nonne bis & nauali praelio aduersus Lylandrum male gesto, & in acie apud Delum victus salutem fuga quaesuit? Sed & inclytae fortitudinis vir Socrates ac quasi exemplum eadem in pugna fugere visus est. Stultum igitur erit, vitae preferre verecundiam si aliquo pacto infamia virtute rependi possit. Nam si quis patriam prodiderit, aut parentes, aut ob scelus filios, vitam obscuriorem tunc morte ducet: ergo tunc mori longè melius quam tam turpiter seruari. Nullum enim crimen proditioe & magno scelere excepto sapientem ad voluntariam mortem impellere debet: & tamen omnium scelerum scelestissima proditio est, in cuius amplexibus ne quis moriatur, vltro ac sine consultatione sine mora morti homo se debet obicere. Et tamen cum ita sit, nunc omnium peccatorum minima facta est. Nam prodit non solum qui patriam aut principem fallit, verum qui commissum fidei suae pupillum spoliatur: Qui secretam rem reuelat, propter quam periclitetur amicus. Qui concreditam pecuniam sibi absque teste ac chirographo negat, qui adulterium committit. Expedit igitur in his omnibus longè magis homini, ut vitam quam fidem amittat. Etenim hoc quanquam nunc parvipendant Christiani, quamvis etiam nulla horum superis cura esset, illos tamen naturalibus causis ad internecionem solis deuenire necesse est. Hoc autem cum extra propositum sit, ac in libris de Arcanis ostensum, praetermittatur. Ergo perfidia summum vitium, summum scelus, summum flagitium est, nec etiam ob acerbissimam mortem fugiendam unquam subeundum. Hoc igitur solo quod nulla ei medella sit ne committas si dixeris, sapienti prompte moriendum, non reluctabor: quamvis forsitan & paucula alia quaedam essent, quibus mors proculdubio praeponeunda foret. Sed nunc de fide agimus, caetera suo loco prosequemur. Non mirum igitur Attilium Regulum ad Poenos reuersum sacramenti religione, ut crudeliter potius vitam finiret, quam turpiter duceret. Nam & Guido Morinorum princeps cum una cum filio à Philippo Gallorum rege detineretur, inita pactioe, ut si Morinos à bello, quod cum Britannorum rege conspirantes susceperat, retrahere nequiret, ad carcerem reuerteretur infecta, maluit redeundo carceris incommoda subire, regnumque proprium relinquere, quam violare fidem. Sic & Gallorum rex Ioannes Primus, cum ab Edoardi regis Britannorum filio apud Pictones captus esset, inde certa pactioe dimissus, cum quae promiserat, in magnum regni incommodum, cessura intelligeret, reuersus ad Edoardum: docuit fidem non tantum regno & securitati, sed etiam libertati praeponeendam. Similis cura Renatum Ves-

sonum Leucionumque principem: hi sunt Galliae Belgicae populi: cum à Philippi Lingonum & finitimarum regionum regis duce captus esset, retinuit ut mallet regnum Calabriae & magnae Graeciae amittere, quam fidem. Nonne & illud insignis fidei testimonium? cum Pompeius vir nobilis multis confossus vulneribus à Mithridate interrogaretur, an si curatus conualuisset, amicus illi futurus esset, respondit, si tu quidem populo Romano. Considera vulnorum dolores, mortem praesentem, maiestatem regiam, captiuitatem, humanitatem prouocantis. Simili fide Pontius Caesaris Ceterio mortem quaesuit, cum Scipio Pompeij socer illud dimittere vellet, si se militem suum efficere non recusaret. Exigua tamen rei fidem ne violandam potius intelligas, quam mortem appetendam: stultum enim est credere mortem obolo permurandam: Ergo in graui omnino re dictum intelligatur. Quamquam non deceat vel in minimis fallere: verum non tam graui recompensatione res indiget. Sed nunquid ob religionem, fidei enim haec etiam pars est, mors subeunda erit: equidem in optima institutione potius vita sapienti quam religio relinquenda, si in multorum exemplum transeat. Vnde bene Elhazar inducitur in libro Machabeorum, qui mortem potius velit pati, quam carnibus suillis vesci. In aliis fortitudinis potius est quam sapientiae argumentum, in opinione persistere. Ergo si mors decori praeponeunda est, certe decor maximus ac gloria vitae anteferenda sunt: utque melius est non viuere, quam cum maxima ignominia viuere: sic gloriose emori quam non mori melius est. Nam mori nobis mortalibus adeo certum est, ut nihil certius: at summam posse moriendo gloriam consequi, nec omnibus sed paucis, atque id vix semel in vita datum est. Duabus igitur causis vita sponte finiendi est ac decurtanda sapienti. Porro quanam sit gloria, quae vitae praeferrí debeat, inferius dicetur. Nunc illud videndum est, an sapienti omnino ludere conueniat? nam & hoc quasi cum negauerimus, error in hominum mentes posset inducere: Nam si ad exempla transeamus, alea Augustus, nucibus Laurentius Medices ludabant, quos ego sapientes viros existimo, alij prudentissimos. Delectauit & pictura Antoninum, & coturnicum pugna Seuerum Alexandrum. Igitur ludere conuenit sapienti tribus in causis, aut in magni periculi timore vel maxima tristitia, ut in quinto libro dicemus, aut societatis minime perditae causa, vel cum eo ad munia tanto promptiores exurgimus, ut non iacturam temporis, sed lucrum fecisse videamur, si ad magnitudinem aut multitudinem negotiorum mentem adhibuerimus. Manifestum est igitur, quod nec diu ex his, nec frequenter, nec cum cura ludus vel relaxatio animi exercenda sunt. Haec itaque vitae diuturnitatis ratio tota est, quae à corporis & animi coniunctione sumitur, cuius in vniuersum haec est mensura, multitudo ac magnitudo factorum. Nam non qui superest diutius viuit, nam & infantulus qui sub extrema senectae patris natus est, quamvis in pueritia post patris mortem extinctus esset, diutius patre vixisse diceretur: & nos omnes quod superstites sumus Terentiae, quae



annos tamen centum excessit, longioris vitæ dici possumus. Tum posteriores nobis atque illis alij, ut nulla tandem foret longitudinis vitæ ratio. Verum ad multitudinem magnitudinemque operum conducit temporis longitudo, libertas, ac vigilantia. At diuturnitas quæ ex solius corporis beneficio sumitur, ex filiorum propagatione constat: ut enim Auerroës summus Philosophus in libris de anima scribit, natura nostrum miserta, cum non posset singularem hominem aut animal perpetuo seruare, virtutem generandi largita est: ut sic perpetuo permanere in propagatis liceat. Vnde Philosophus hanc virtutem in Philosophia supernaturali diuinam appellauit: non solum tamen diuina dicenda est, quod in liquido humore tanta virtus adeoque parentibus similis seruetur: sed quod quantum est ex sui natura genus in æternam continuitatem producere nata sit. Inde amor tam immensus in filios natura parente oboritur: quod filius patris ac matris pars quædam sit. Vnde Virgilius sapienter Didonem inducit dicentem:

*Saltem si qua mihi de te suscepta fuisset  
Ante fugâ soboles, si quis mihi parvulus aula  
Luderet Aeneas, qui te tantum ore referret.*

Nam ut recte Cicero scribit, *σὺ γὰρ οὐ σπυρὴν εἶναι πρὸς τὰ τέκνα* (.i. *Affectum naturalem esse erga liberos.*) aduersus soaolem genuina est beneuolentia, quod parentum anima filius sit, ut Euripides inquit: nec male igitur apud eum Thetis solatur Peleum dicens:

*ὦ παῖδά τόνδε, τὸν δ' αὖ Αἰακοῦ μόνον  
Δελεημένον δὴ βασιλέα. καὶ τῷ δὲ χρῆσι  
Ἄλλον δὲ ἄλλου διαπερᾶν μοῖρα σίαν  
Εὐδαίμονον δ' ἔσται, ἢ γὰρ ἦ δ' ἀνδράσιον  
Τένθ' γένεσθαι δειτόσον, καὶ μὲν, γέρον.*

.i. *Et puerum hunc solum reliquum factum, regem, atque ex hoc oportet alium ad Molossiam descendere feliciter degentes. Non enim sic instabile ò senex tuū & meū genus oportet fieri.*

Et melius longè Virgilius expressit hanc curam mortalium atque generis diuturnitatem cum virtutis claritate, dicens:

*Nunc age, Dardaniam prolem qua deinde  
sequatur*

*Gloria, qui maneant Itala de gente nepotes,  
Illustres animas nostrumque in nomē ituras.*

Ergo hæc magna sollicitudo sapienti incumbit, ut genus suum non solum filij supersint, sed & foelices ac gloriosi uiuant. Nam primum cum beluis etiam commune habemus, Ideoque non male apud Homerum inducitur Hector his verbis virtutem Astianacti filio à Diis imprecatus:

*Ζεὺς ἄλλοι τε θεοὶ, δότε δὴ καὶ τὸν δὲ γένεσθαι  
παῖδ' ἐμὸν ὡς καὶ ἐγὼ περ, ἀριστερὰ τρᾶσι  
ὦ δὲ βίην τ' ἀγαθὸν, καὶ ἰλίῳ ἱερὸν ἀνδρῶσιν  
καὶ ποτὲ τις εἴπῃσι πατρός δ' ὄγε πολλὸν ἀμείνων,  
ἢ καὶ πολέμου ἀνίστα.*

(.i. *Iupiter & alij Di, date & iam hunc meum filium quemadmodum & ego, fortem virum Troianis & virtute bonum, & Ilij strenuum propugnatozem, ut quis olim dicat cum à bello redierit: Hoc patre est melior.*

Verum cum multi tamen hoc negligant, dubitatio non leuis emergit, atque ex hac alia, scilicet an præstet diu viuere, an genus relinquere. Sic & de gloria dubitabitur, an ea po-

tior sit generatione. Verum ut nobis videatur, sapientes in seruanda generis propagatione magnam difficultatem inuenerunt. Atque primo in filiis molestiam vxorum: nam ut recte dicebat Aristoteles: spurij filij non possunt ciuitatem facere, eademque ratione nec genus propagare. Subeunda igitur erat hæc molestia, quæ quanta sit suo loco dicetur. Demum si filius supponatur alienus ab vxore mæcha quid actum est? ridemus merito Lycurgum, quod instituerit, à sene viro posse vxorem iuueni quem maxime probaret substituere ad propagandum genus, ut qui nascatur pro mariti filio habeatur. At ibi licet & amicum & prudentem eligere iure iuuenem. Cum tamen Lycurgus hoc solo tantum aberet, ut insanire videatur. At adulteri filium quis alet domi maximi inimici, & plerunque imò semper viri scelerati ac impudici, tum etiam quem nesciat alienum esse, sed suum fore existimet? hoc timore plerunque sapientes, quibus cura esset de altioribus, ab vxore ducenda abstinuerunt. Sed fac ut filij nascantur, quæ postmodum securitas in nepotibus ac denuo in pronepotibus? ergo cum his vita esset carior quod certior huiusmodi continuatione generis, at vita longè carior ac tutior gloria: Ideò plurimi ac ferè omnes à filiorum procreatione abstinuerunt. Verumtamen ut difficultatem effugere cuique licet, sic melius est etiam experiri, cum non iacturam ex hoc vitæ aut gloriæ facias. Platonem igitur ac Solonem, quod non duxerint non damno: Socratem & Aristotelem ac Xenophontem quod duxerint procreantque filios, laudo, tanquam in hoc sapientiores. Nam tanta est huius generis propagandi dulcedo mortalibus, ut lex illis quibus ætas iam negat aut morbus, concedat alienum in suam familiam tanquam proprium adoptare. Qui mos adèd Romanis in consuetudine fuit, ut omnes eas familias corruperit. At Moses iussit, ut cum primus frater mortuus esset, proximus illi relictam vxorem duceret, procreatq; filij prioris fratris haberentur. Ergo his qui non sapientes, summum studium in diuturnitate generis esse debet: sed non omnibus hoc idem, nam cum ex fratre nepotes habes, quamvis filios non procrees, illi pro filiis merito habebuntur: tamen maxime si in adoptionem transeant. Vnde Adelphorum Comædia apud Terentium hanc satis prudentiam exprimit, tum maxime cum Mitionem qui adoptiuus pater est Æschini, æquiores in filium, quàm Deameam patrem naturalem in suum quem retinuerat Ctesiphontem fingit. Multis igitur modis leges orbitati succurrere tentarunt. Nā ut visum est, Moses fratre, Lycurgus amico, Romani adoptione: igitur inter Mosem & Lycurgum satis conuenit. Verum ut Mosi modestior modus, cum à funere præcipiat fratris: sic Lycurgi irreprehensibilior, quod sanguinem duorum fratrum in vna muliere non commisceat: quem morem satis Cornelius Tacitus genti exprobrat, inuisosque illos merito omnibus dicit, qui non secus ac canes & feræ non à cognatis cauēt, sed promiscue miscētur. Verū cum hæc iam abolita sint sanctitate religionis nostræ, & præter propositū etiā fuerint, prætermittenda erunt. Vnum in hoc animad-



uertentes tamen, duobus modis homines antiquitus & nunc diuisos fuisse, per genera ac familias. Græci enim ac Hebræi non per familias, verum per genera distinguebantur, vt Theseides à Theseo: Heraclidarum genus ab Hercule: & Tantalidarum à Tantalo: & qui à Brasida, quod & ad seruandum vitam, cum reliquis vnus solus superesset apud Augustum, atque ex contentione damnatus, profuit: Intelligens enim Cæsar eum ex Brasidæ progenie relictum, ne genus tolleretur pepercit. Eandem rationem sequuti sunt Hebræi, vnamquamque familiam ab homine illius auctore nuncupantes. Ergo ex hoc multiplex bonum, nam cum Græci à virtute, Hebræi à prolis numerositate initium statuerent, Græcis gloriæ, Hebræis propagandæ prolix stimulos adiunxerunt. Vnde etiam generis auctorem iam annis plusquam duobus millibus ac quingentis tot pulsati incommodis, toties ad ad internecionem cæsi Hebræi recognoscunt. At Romani cum per familias distribuerentur, pauci auctorem generis, atque falso, vt Bruti & Iulia gens excolere soleret, & victores & adoptione sustentati genus omne ac originem amiserunt. Itaque studium originis ad seruandam progeniem plurimum potest. Verum quod ab initio proposueramus, ex hoc satis est manifestum, scilicet sapienti gloriæ ac vitam potiore esse generis propagatione, tum quod gloria ipsa animi imago est, filius corporis: at corpus aut hominis pars nulla est, vt Socrates dicebat, aut longe vilior saltem quam animus: tum quod difficillime hæc continuatio generis seruari potest: nec nostrum est, aut in nobis, vt eam post mortem tueri possimus: tum quod plurimos sapientes à suscipienda prole abstinuisse videamus: vix verò vnum aut duos à gloriæ ac cupiditate vitæ: tum verò quod vicariam habet rationem. Propagatio vel in fratribus vel in propinquis vel in adoptione, vita nec gloria non habent. Accedunt tædia intolerabilia, & timor, luctus, qui nec in gloria accidere potest, nec in vita sentiri, cum à morte propria luctus non maneat. Est etiam illud considerandum, partem illam, ob quam maxime generi studendum esset, scilicet memoriam inter homines necessario interrumpi vel cuanescere: qua sublata quid reliquum iam est tui in filio, nedum in pronepotibus? velut enim ex pomo hoc vel illo genitus esset parum plus attinet: cum excrementum diuersum ex diuerso etiam cibo generetur, vt hic qualitatem quidem glandium, hic frumenti, alius vini retineat: vnde etiam tam dissimiles vterini fratres sunt, etiam si ex eodem patre geniti fuerint. Itaque hæc diuturnitas & non negligenda sapienti est, quamvis minima sit, & si non succedat, iactura aliorum generum minime pensanda. Quo minus mirum si reges quosdam & priuatos ob gloriæ filios occidisse: è quibus vnus Deiotarus inter plurimos, cum numerosam prolem haberet, omnes occidit præter vnum, quem excellentioris virtutis esse cognouerat, ne multitudine filiorum regnum diuisum infirmius redderetur. Verum cum hoc quasi contra humanitatem sit, illud prius videndum esset, an sic quasita gloria, gloria dici mereatur: nam si regnum sic stabilitum

gloriosum dici potest, sanè filiorum mors gloriæ quæ regno sublato extinguetur præferenda erit. Hæc itaque ratio diuturnitatis est, quæ ex corporis parte sumitur. Porro quæ à memoria nominis habetur, cum multiplex sit, prius merito distinguenda. Namque omnes qui gloriæ consecuti sunt, vel factis memorabilibus, vel scriptis, vel monumentis illam habuere. At verò quidam, veluti Cæsar, omnia genera adepti sunt. Nam victoriis gloriosus, commentariis celebris, emendatione anni memorabilis est. Alij duobus, velut Cicerone & Sylla, quorum alter præliis alter conseruatione ciuitatis, ambo scriptis memoriam apud posteros sui commendauerunt. At Pompeius victoriis & theatro, Ptolemæus libris & Meteoroscopijs inuentione clari sunt. Quidam vno in genere tantum, vt in scribendo Linius, in operibus Apelles, rebus gestis Furius Camillus excelluit. Alexander ex tribus generalibus, quod haud ei adscribendum tempus superesset, duo amplexatus est: nam Ægyptum & Asiam cum subegisset, ciuitates etiam condidit, Alexandriam in Ægypto, in India Bucephalam, à Cæsaribus Cæsareæ Augustæ, inde & nominibus propriis tot Anthiochiæ, & Ptolemæis à Ptolemæo, & Adrianopolis ab Adriano. Ergo iam vnumquodque horum trium generum distinguendum est. Quanquam quidam adeo gloriæ cupidi fuerint, vt incertum penè sit, quod eam modis quæsierint: atque ego inter mortales omnes cupidissimos Democritum & Empedoclem iudico. Nam Democritus volumina scripsit dissectionem animalium docens, quorum etiam quedam extant. Scripsit & magiam, vt nullus frequentius à Plinio citetur, non eo consilio quod magiam veram esse crederet, sed quod vel credentibus admirabilior futurus esset, vel contradicentibus famosior. Inde dum animalia dissecaret stultitiam simulauit, cuius Hippocrates meminit, atque etiam sic celebratus ab Hippocrate famosissimo eius ætatis viro, & à ciuibus suis in admiratione habitus. Philosophiam etiam attigit, at in ea vt in reliquis singularem excogitauit opinionem: Principia rerum statuens litem & amicitiam, vt qui sequerentur philosophi vel assentiri vel contradicere tam absurde opinioni quod admirabilis esset cogerentur. Habitauit & in sepulchris, vt Lucianus refert, vt opinionem fortitudinis de se maximam præberet, vel hominibus persuaderet, nihil à morte superesse, tanquam necessarium esset, si animæ supersint, eas cadaveribus suis cohabitare. Sed hæc etiam parua videbuntur, cum alter ad comparandam gloriam in Ætnæ flammis sponte se coniecerit: eo consilio, vt vel latens tanquam deus in oculum assumptus, velut de Helia ferunt, coleretur: vel etiam deprehensus, opinionem imò admirationem sui ob fortitudinem hominibus relinqueret. Quinetam ferunt, vt fabulantur poëtæ, Democritum voluntarie se excacasse: aded enim miris modis prodigiosam egit vitam gloriæ cupiditate, vt argumentum comminiscendi etiam alia fabulosa sed tamen prodigiosa poëtis tribuerit. Hunc ego virum tamen non vere sapientem, sed qui sapiens videri maximo studio concupierit dicam.



dicam. Cæterum summa gloriæ ratio triplex ut diximus est : alia enim factis atque operibus constat , alia scriptis , alia hominum memoria : hominum memoria constant omnia , quæ admirationem parere solent : hæc autem vel ex se magna sunt , vel hominum solum existimatione. Nam bella & scelera memoria hominum digna sunt , at naturalem sapientiam minime spectant. Quæcunque enim solum ad hominum opinionem excogitantur , ad humanam spectant sapientiam : quæ verò per se & magna sunt , & virtute digna , ad naturalem. Hæc enim in vniuersum ratio vtrunque genus distinguit ac separat , & idèd scelerum & bellorum industriam ac curam , ad sapientiæ naturalis considerationem non pertinentes , in posteriores libros reiciimus. Verum quantum ad naturalem sapientiam spectat , factorum memorabilium triplex est genus , vel necessariorum , vel vtilium , vel delectabilium. Est autem in his duplex ratio , vel inuentionis , vel perfectionis ; ergo necessaria in artibus connumerantur vtilia : tum in artibus tum in moribus : delectabilia scientiis & artibus quibusdam communia sunt. Celebramus Apellem & Zeuxim , quòd pictores fuerint celeberrimi : Philoclem Ægyptium Cleatémque ac Cleophantum Corinthios quòd inuenerint ; illi quidem absque coloribus , hic verò etiam coloribus additis. Sic & Dibadates Sycionius celebratur à plasticæ inuentione , à perfectione Gorgastus Damophilusque , Græci ambo. Inuenit & Murænarum viuaria C. Hirius. Quis neget nulla necessitate , sed ad voluptatem tantum & Apitium cum Lucullo , quamuis nihil inuenissent celebre. In luxuria eius tamen magnitudine celebrantur : verum pars ea quæ ad voluptatem tantum pertinet , naturalis sapientiæ portio non est , sed humanæ ; quam tamen ab hac diuellere propter nimiam similitudinem nequiuimus. At verò pictura quanquam ad delectationem sit , quia tamen genus hoc delectationis honestum est , ad naturalem spectat sapientiam. At in genere vtilium admiramur Socratem , quòd tam perfecte philosophatus fuerit : laudamusque Thaletem , quòd primus philosophandi initia dederit. Igitur sapiens quæret , an sufficere possit in horum trium aliquo inuenire quicquam vel perficere. Nam illud Horatij :

*Sumite materiam vestris qui scribitis aqua  
Viribus : & versate diu quid ferre recusent,  
Quid valeant humeri.*

Non solum de scribentibus , sed etiam de his qui aliquid magni perficere contendunt , omnibus dictum intelligatur. Nam non omnibus omnia conueniunt : nec ex æquo sapientia vniuersis conuenire potest : nanque cum aliquibus ex toto natura negata sit , necesse est etiam plures esse , quibus etiam magno labore exigua pars concedatur. Atque ut diuersa genera felicitatum , nec æqualis omnibus conuenit beatitudo : sed in omnibus etiam supercælestibus non exigua differentia & magnitudinis & generis felicità est , seu ad Philosophos respicias seu sacra credas paginæ. Sic & sapientiæ genera diuersa sunt : cumque pauci ad culmen eius peruenire possint : sic omnes diuersis gradibus sapientiæ exornantur , ut minor pars nobiliori naturæ

concessa ridiculum hominem faciat , maior infirmiori homini incommodum pariat. Quis non rideat senem pueriles ludos apprime callem , & regem histrionicam ? atque è diuerso , quis histrionem de regni administratione etiam recte sentientem diutius ferat , rusticumque conabitur docere , ut elegantur Latine loquatur ? Itaque ut singulorum diuersa natura hominum est , sic singulis sua debetur sapientiæ portio , atque ex accommodato genere sumpta. Quamobrem Philippus ille iure merito Magnus Alexandri pater , cum audisset filium tibia pulchre cecinisse , illum coarguit , indoluitque quòd artem minime regiam plus impendio calleret. Quantum obfuit quàm indecens Neroni citharistica , quæ in priuato homine laudibus fuisset prosequenda. At verò operum ratio penè similis , atque in ea studium regibus & priuatis inæquale : illis facile est operum magnitudine æternam memoriam sibi parare. Sic Artemisia Cariæ regina Mausoleum coniugi condidit , sepulchrum mira arte ac magnitudine , cum Lycios expilaret ob immensi operis impensam. Semiramis Babylonem ædificauit , non solum amplitudine ac crassitudine , tum etiam arte domorum ac hortis pensilibus ; & Minos labyrinthum in Creta , & in Italia non minorem sepulchri molem , ne vel in hoc Italia cæteris cederet Prouinciis , Hetruriæ Rex Porfena ; & Ægypti Reges extruxerunt Pyramides , opus quidem inordinatum , sed ea magnitudine ac firmitate , quæ fidem omnem superaret : quarum quæ minima est omnium , omnibus tamen admirabilior est , quòd à Rhodope meretricio quæstu , quæ etiam olim serua fuerat , exædificata est. Itaque cunni sordidum lucrum spectare licet cum amplissimorum regum potentia decertantis. At Xerxes Hellepontum ponte iunxit ; & Darius Bosporum cum aduersus Scythas proficisceretur. Isthmum fodere tentauerunt Demetrius Rex , Cæsar Dictator , C. Caligula , Neroque : omnes incassum infaustoque exitu. Sed & Isthmum quò Iberia & Albania Armeniæ iungitur , Seleucus Nicanor diuidere conatus ut Caspio mari Mediterraneum committeret , qui & ipse occisus est. Ergo hæc ad gloriam immortalem spectant , in quibus etiam voluisse solum memoria tamen dignum fuit. At verò priuatorum eadem potentia non est , studium non leuius. Namque cum Phidias Minervam opus sanè admirabile Atheniensibus fabricasset , clypeo suam ipsius imaginem tanta arte insculpsit , ut amota ea tota imago dissolueretur. Itaque in Parthenone posita eburnea statua , & duplicis miraculi argumentum erat : & auiditatis immensæ gloriæ assequenda ipsius auctoris. Simili argumento & Sostratus Gnidius cum turrim Ptolomæo in Alexandriæ portu nauigantibus exædificasset , marmoreo lapidi hæc inscripsit : Sostratus Dexiphanes Gnidius Diis Nauigantibus salutiferis : demum obducta inscriptione leuicalce , super imposuit regis nomen , ut cum breui tempore calx excideret , fabri non regis in æterno lapidem nomen reliqueretur. Balisarius crucem auream pondo centum gemmis vnde quaque preciosioribus ornata , ex manubijs bellicis literis Græcis Latinisque



victorias suas continentem in æde diuorum Petri ac Pauli Romæ sacrauit. Sed cum tam multiplex sit ratio custodiendi perpetui nominis, optima tamen est ciuitatum egregiarum ædificatio, ex his quæ ad operum constructionem pertinent, quod ciuitas propagatione hominum diutius seruetur: ab his autem mœnia & domus instaurari solent: nec excidit vnquam memoria conditoris. Nanque cum Romæ Nero Neronia: nam instaurata parte quæ incendio cõruerat, & Leo Pontifex Leoninam muri parte, quæ cis Tyberim ceciderat reædificata, vocari iussissent, non obtinuerunt. Et quamuis hæc sit ex omnibus operibus maxime stabilis gloria, infirmior tamen est duobus reliquis generibus, hominū scilicet memoria ac libris. Nanque Mithridates ob vigintiduorum linguarum peritiam, & Cyrus ob immensam memoriam, Seleuco à quo Seleucia condita sunt famosiōres. Etenim quod ad reliquam operum partem attinet nulla est comparatio; quandoquidem vt recte Satyricus dicebat:

---Data sunt ipsis quoque fata sepulchris.

Ergo opera, statux, picturæ, hominum memoriam seruant: ac diu. Verum nisi propagentur, nec illustribus factis, nec scriptis possunt comparari. Quamobrem cum Alexander gloriæ cupidissimus sepulchrum Achillis vidisset, fleuit Homeri memoria quod tam illustrem, suarum laudum præconem inuenerit: optabátque magis se in Homero Therfitem, quàm in Cherilo Poëta Hectorem vel Achillem esse. Quid rogo locupletius ad famam seu vitæ memoriam ac gestorum, vitarum descriptione quæ à Plutarcho narrantur? aut quàm parum interest cum Aristotele loqui ac Platone, vel eorum legere scripta. Sed habent principes famæ vnum auxilium plus aliis, quod & si nihil memoria dignum gerant, fuisse tamen regem memoria dignum est: recensentur, scribuntur in temporum enumeratione, memorantur ab historicis, legibus, actibus quibuscunque bene aut male gestis in controuersiam veniunt. Sic Cæsares, Pontifices, Gallorum Reges, tot sæculis, quamvis non omnes memoria digni, memorabiles tamen sunt. Verum nec adeo diuturna est horum gloria, qui præcipuum aliquem Historicum aut Poëtam non inuenerint. Est igitur maior facundia militari arte ac hominibus potior: & sapientiæ munus ipsa potentia diuturnius. Quamobrem quonam pacto libri ipsi conscribendi sint, vt perennes maneant nunc edocendum. Et quamvis non omnia assequaris, nec tamen ideo Ægyptus non beata est regio, quod capreis careat & turture pisce: nec foelix non Arabia, quod in ea nux vel castanea vel etiam vnedo non sit: neque enim natura humana diuinæ similis ac cõæqualis est, vt omnia ad vnguē sine reprehensione perficere queat. Sed vt iam dictum est, ille perfectior dicendus, qui minus aberrat à scopo: ille autem perfectissimus qui minimum; quod nihil aberrare atque in nullo, diuinæ potius est cuiusdam felicitatis quàm humanæ munus. Itaque cum scribendi ratio potior sit omni humana experientia, atque illa etiam vt visum est vita, videndum sanè est vt magna illam diligentia qui potis

sunt consequantur: & nunc quidem ratio omnis scribendi eadem videtur, quæ & factorum memorabilium. Atque vt illa triplex, scilicet, necessariorum, vel vtilium, vel eorum quæ ad voluptatem pertinent: & quædam duo ex his amplectuntur. Vnde non male dictum est:

*Aut prodesse volunt: aut delectare Poëta.*

Quæ verò omnia genera amplectantur difficile est inuenire, licet tamen sed multorum ac diuersi generis librorum rationem habent. Horum autem singulum vel ab inuentione vel à perfectione auctoritatem assequetur: si enim horum neutrum adierit, cito liber ille excidet. Velut de annalibus Volusij Catullus:

*Et Volusi annales Paduam morientur ad ipsam,*

*Et lassas scombris sape dabunt tunicas.*

Quod & factum est succedentibus temporibus: nam nunc nulla illius copia superest. Voluptuosi autem generis duæ sunt partes, delectationem scilicet parere vel admirationem, vtroque non paruam enim capimus voluptatem. Vnde Poëta quamuis fabulosa canant nec credenda, admirationem tamen parientes nullo serio auctore minus libenter leguntur. Quæ autem voluptuosi generis sunt, ob delectationem velut comœdiæ & quæ de amoribus agunt, nec verearis quod Martialis dixerit:

*Victurus genium debet habere liber.*

Nam genius adierit vtique si & ars. Et quanquam Gregorij duo, alter Romanus Pontifex Romanæ linguæ auctores plurimos quod lasciuiores viderentur concremauerit, velut Cæcilium, Affrianum, Næuium, Licinium, Ennium, Attilium, Victorem, Liuij dialogos: nec Plauto aut Martiali vel Terentio pepercerint, quos barbarica manus etiam seruauit incolumes: quamuis ob exemplarium multitudinem tolli nequiverint, mens tamen pia illis non defuit, vt etiam Tacitum parentem Romanæ historiæ, quod Romanæ historiæ, quod Christiano nomini infensus esset delere conarentur, qui saucius ac mutilatus ad nos peruenit. Alter Nazianzenus consimili studio Græcos, Menandrum, Diphilum, Apollodorum, Philemonem, Alexim, Sapphum, Alceum, Aristippum, veterumque Annalium etiam scriptores interceperit: nihilominus plures etiam reliquerunt, qui aut illorum voluntati non subiacebant. Etenim librorum vt hominum conditio est, quidam enim morbis sponte pereunt: quidam in communi calamitate. Sic & librorum alij ob incuriam quod inutiles sint & inculti negliguntur, velut Mæuij Romani, & Cherli Græci Poëmata. Alij quod quanquam elaborati essent, melioribus tamen in eo genere succedentibus, grati esse desierunt, velut apud Græcos Erasistrati volumina, propter Galenum, apud Latinos Trogi historia propter Iustinum. Alij in communi calamitate pereunt, vt Ciceronis libri de republica, de gloria, de consolatione: Liuij & Salustij maior pars historiarum, M. Varronis fermè tota illa congeries librorum, quanquam pars consulto quæ ad sacrorum vetustorum pertinebat religionem, ab eodem Pontifice quem & cæteros



teros perdidisse diximus delata sit. Ergo hæ communes calamitates librorum seu ex mutatione imperij orbis ac linguæ, seu religionis, seu ex incendio, vt in bibliotheca Alexandrina, in qua ferunt septingenta milia librorum intercidisse, & in conflagratione templi pacis Romæ: non tamen possunt libros geniales delere. Hos autem quales sint aut esse debeant nunc exponam.

Principio liber omnis non secus ac apud Vitruuium columna humano corpori comparari & assimilari debet. Nanque vt in homine longum latumque inuenitur, ac profundum, tum verò caput, pectus ac pedes omnia verò decenter composita atque ornata, itemque in eo partes omnino sicæ vt ossa, aliæ ex toto humidæ vt sanguis, aliæ calidæ vt cor, aliæ frigidæ vt cartilago, aliæ simplices vt caro, aliæ ex pluribus compositæ vt caput: sic in libro diuersa sunt genera dicendi, longum atque extensum, vt Liniij ac Herodoti & Platonis: breue & concisum, vt Lucij Flori & Aristotelis ac Thucydidis. Floridum & pingue, in quo genere Cicero apud Latinos in orationibus maxime, & apud Græcos Demosthenes probantur: siccum & sterile vt apud Latinos Pontanus, apud Græcos Ptolemæus. Purum & nitidum, vt C. Cæsaris Commentaria & Lysia orationes: mixtum & turbulentum, vt Pliniij auunculi & Galeni. Neque enim vna horum est aut dicendi copia aut nitor aut sinceritas: quamuis tamen inter se multum differant. Omnis autem liber qui vetustatem subire aliquando debet, materiæ de qua scribitur accommodatus sit stylo, verbis, sententiis: atque hæc eadem inter se similia ac conuenientia habeat: sit verò perfectus, rotundus ac perpolitus. At verò perfectio ipsa triplex esse potest, vel quod vniuersa quæ de illa re dici possint contineat, vt Alchindi libellus de proportionibus, quæ ex duabus aliis componitur: vel quod vniuersam artem de omnibus loquens, quamvis non omnia explicet, velut Aëtius in Medicina, & Galeni parua ars: vel quod capita rerum grauissimis sententiis contineat, vt Archimedes *ἡ περὶ τοῦ σφαίρας καὶ τοῦ κυλίνδρου*. Et Hippocratis aphorismi. Atque in vniuersū ratio omnis cōpositionis circa hæc versatur, authorum vnū vt vel nihil desit his quæ pertractantur, vel quæ pertractantur perfecte omnino explicantur: vel vt quæ explicantur perfecto dicendi genere scripta sint. Ergo quædam ex toto verba non conueniunt vlli dicendi generi, vt obscœna, sordida, barbara, inusitata, agrestiaque. Obscœna quidem vt quæ sine verecūdia efferri nō possunt: sordida verò quæ etsi impudica non sunt, in munda tamen oratione non secus ac cœnum in nitida corte scēdāt, qualia quæ excrementis humanis & pudibundis partibus nomina imposita sunt. Sed non omnia omnibus locis adeo inepta sunt. Nanque & sordidis qui rem rusticam & medicam tractant, non tam honeste quàm necessariò vtuntur, & obscœnis qui carminibus impudicis conficiendis operam dant, vt Tibullus & Martialis, satyrici etiam & comœdi. Cothurni autem grauitas obscœnitatem non admittit. Generaliter autem personarum ratio habenda est, & in omnibus is modus seruandus,

quem in Poëmatibus scribit Horatius dicens:

---*Tristia mœstum*

*Vultum verba dicent: iratum, plena minarum:*

*Ludentem, lasciuia: seuerum, seria dictu.*

At barbaris nullus est omnino vsus, nisi cum in linguam Latinam transferint: resque ipsa barbarum nomen tantum habeat. Manu-codiatam enim dicemus auem, quæ terram nunquam attingit, sed in sublimi tantum fertur: atque in propriis Adamum dicemus non Adam. Plerumque etiam præmissa necessitatis excusatione, velut apud Cæsarem, tertiam qui ipsorum lingua Celtæ, nostra Galli appellantur. Agrestia quis leuiter ferat, vt in nominibus dulcedinibus, ac grauius etiam alboribus: & in verbis amaminor & audirere: & quis libenter audiat dui pro bis, quam etiam ob causam multa nomina casibus, multa verba temporibus caruere, quæ omnia vocauerunt Anomala seu Heteroclitica: non quod his ipsa carere possint, sed quod ob duriciem adeo essent inusitata, vt explodi mererentur; vsus causam fingente regula. Illud verò obseruandum in inusitatis, vt si proferantur concinne locum recipiant, velut à Virgilio:

*Ignem est ollis vigor, & cœlestis origo.*

Et ibi,

*Tros Rutulūsq; fuit.*

Nam olli & fuit prisca vox atque inusitata penè erat. Vnde recte Horatius.

*Si forte necesse est*

*Indiciis monstrare recentibus abdita verum:*

*Fingere cinctus non exaudita Cethegis*

*Continget: dabiturque licentia sumpta pudenter.*

Verum in omni compositione cum necessarium sit eam emendatam fore, dilucidam atque ornatam, emendationem à verbis sumptam iam expressimus: cum tamen non omnia verba & obscœna sint & sordida æqualiter in diuersis orationibus. Nam tractare pudenda vel exercere obscœnum est, pudendis fauciatum esse honeste dici potest. Obscuritatem omnes refugiunt, & qui scribunt & qui legunt: verum ambiguitatem non ita: namque & Aristoteli multum hæc profuit & Martino Capellæ. Nam vbi sensus multiplex excipi potest, ibi admirationi locus est. Porro dictum est, quantum admiratio ad diuturnitatem operis conducat: Auctoritatem enim auget, hæc vero precium addit. Namque homines omnes facile quæcunque posse dicere existimant, ambiguis verbis ac sententiis vti posse non omnibus sed sapientibus solum concessum videtur. Nec parum Tyberio Cæsari hoc profuisse creditum est, quod non claram vnquam orationem apud Senatum haberet, sed dubiis illos sententiis ac quasi ænigmatibus torqueret. Atque hæc de ambiguitate vulgaris opinio est, cum tamen nihil difficilius sit vt recte Quintilianus dicebat, quàm sic dicere, vt omnes existimant se posse dicere, scilicet dilucide ac pure: igitur non in illo, sed in hoc elaborandum est. Excusatur tamen obscuritas, vel ob breuitatem, vt in Persio, vel in obscœnis, velut apud Quintilianum nimium est, quod intelligitur, cum de prauis loquitur præceptoribus. Quamquam hoc



hoc habent obsceni hi sermones, ut nunquam obscuri satis sint, quod mens sponte ad illorum interpretationem celeriter feratur. Obscure etiam licet loqui in rebus ambiguis, qua arte Aristoteles semper usus est ne deprehendi posset, & cum nihil diceret, de his tamen multa loqui videretur. Obscure in periculosa oratione, quanquam non Hermogeni Tharsensi hoc apud Domitianum profuerit, loqui licet: velut & illud, Quirites libertatem amisimus: obscurum enim est, quoniam in certum vel ambiguum sensum retinet: tum in familiaribus colloquiis, ut in Epistolis ad Attic. Cicero. Impudēs enim esset, priuata negotia omnib. prodere. Ergo obscuritatis ratio his continetur, periculo, verecundia, rebusque quæ tractantur minus certis: verecundia autem ex rebus priuatis sumitur, aut obscenis: in reliquis igitur verbis, omnia pro qualitate rerum sunt accommodanda. Cum enim quædam grania, alia lenia, sonantia & exilia, grandia paruæque, tum sublimia ac humilia, & aspera & lenia, tum propria quædam, alia per figuram assumpta, multaque genera verborum ab his disiuncta, quæ longum esset dinumerare: vnumquodque suo loco reddendum est, atque in his præcepta etiam orationi & figuræ locis suis congruere debent. Non satis ridebimus illum, qui de Rhetorica inornate, qui de ordine inordinate, qui de Latina lingua non emendate scribet: aut si de sapientia stulte, vel de continentia impudice: sic & figuris sermo accommodatus erit, quod belle Horatius obseruat, ut cum de eo loquitur, qui grandi hiatu librum inchoauerat, nec pondus aut magnitudinem initij sustinere potuit, sententiam enim exempli deformitate declarans inquit:

*Parturient montes, nascetur ridiculus mus.*

Quonam pacto illius imprudentia, & ineptia melius potuit explicari: sed & ordo ipse seruandus rerum, ut quæ prius facta sunt prius referantur, & faciliora difficilibus, & ut vniuersam diuisionis multitudinem ambiant. Etenim si vel vnum illius membrum exciderit, imperfecta & manca est compositio illa. Verum non singula adnumeranda, præsertim si plura sint, velut Iurisperiti ac Philosophi quidam nostrorum temporum faciunt: licet tamen his qui rem ex ordine natam tractant, velut Geometris Arithmeticisque, atque illis quibus mora iacturam affert, ut Medicis: verum & hoc si extra orationis contextum sit, non solum venustius, sed etiam vtilius erit. Porro ordo nulli magis quam historico conuenit, sermonis verò puritas his qui arduas ac difficiles tractant artes, velut Architecturam & Astrologiam, ceterasque vocatas Mathematicas. Nam in his copia & redundantia summam parit difficultatem. Multis etiam hoc dubitabile visum est, an Græca Latinis miscere liceat. Nanque etsi Quintilianus, qui vnus inter Latinos opus absoluit rotundum & expolitum, omnia de omnibus ornateque explicans permisceat, & Gellius non inelegans auctor, & Macrobius, & ipse Cicero in Epistolis quæ ad Atticum extant: nihilominus plures Ciceronis ea sententia deterret, quod minus id legitime se facere posse

existirent, cum in Tusculanis dicit: Scis enim me Græce loqui in Latino sermone non plus solere, quam in Græco Latine: verumtamen non plus vna auctoritas nos mouere debet, quam ipse tamen eodem primo libro labefactat, si quidem νεκία (.i. mortuorum festum, funus, carmen Homeri.) Homeri & ἀντάζονα (.i. Contra axem posita.) aliæque complura Græce scribit, velut χερσίδες (.i. Viles seu frugi homines) & alia fingit, ut ἀβλαβία, (.i. Innocentiam) quæ apud Græcos non est. Itaque primum illud scire expedit, posteriores linguas prioribus quidem non decenter inferi, ut materna Latinis, Latina Græcis, Græca Iudaicis: at contra licet, non tamen passim: quod ea quæ interscissent maiorem auctoritatem habere debent. Igitur Græca Latinis multipliciter admiscere non tantum solemus, at ferè cogimur, cum Græca Latinis comparamus: velut apud Macrobius in collatione Homeri Virgiliique. Nam si Homeri carmina vertas, quænam tunc erit comparatio? vel si volumus omnem Græci auctoris ἑμφασιν exprimere, non sententiam tantum, velut in Aristotelicis auctoritatibus excitandis frequenter accidit, vel si vocabuli proprietas nullo ferè malo latine explicari potest, velut ἀῆα & βιζύν & γέρυ, quæ explicari satis latine nequeunt. Vel quod longa periodo explicatur, ut apud Ciceronem ἀρετὴν ἡγεῖται, (.i. sine ducali virtute.) vel similia continet, ut δακτύλιος, qui vel ob virtutem vel vitia diuulgatus ac cunctis notus est, cum in vtranque partem accipiat: sic apud Ciceronem ἐπιπομπή. Vel breuitatis causa, ut illud apud eundem μὴ δὲ δίκην, pro toto carmine μὴ δὲ δίκην διδόντες πρὶν ἀμφοῖν μῦθον ἀκούσθαι. Ne causam iudicaueris antequam vtriusque partis rationes audias, vel quia Græco scribimus, ut ad Atticum pleraque, vel verecundia causa ut apud Ciceronem αἰσχρὸν παντάνα (id est, turpis visum.) Vel honestatis, ut apud eundem φιλόδοξος, honestius enim quam ambitiosus: vel obscuritatis, ut illud πολυδάμους μοι πρῶτος ἐλεγχέτω (id est, Polydamas mihi exprobrauerit.) vel quia alterius verba referimus, ut apud Suetonium in Neronis vita: δανεῖν μὲ ἀδῶγες οὐδ' ἡμῶν, μήτηρ, πατήρ. (.i. Mori me iubet uxor, mater, pater.) & illud in dictatore καὶ σὺ τέκνον! (tu fili.) decebat enim mentis constantiam reddere: licet & concinnitatis causa, vbi vocum collisio sit quæ ad Latinam transire nequeat, ut illud Diogenis cum in balneo furem spectaret dixit: ἐπ' ἀλειμμάπον, ἢ ἐπ' ἀλλ' ἱμμάπον; quod est, an ad vnguenta an ad aliorum vestem, gratiam tamen vocum ad Latinam linguam translata amittunt. Sic etiam in prouerbiis, cum Latina non obtineant prouerbij locum, necessaria est Græca vox, ut illud τευζέων λαλίστηρ. (.i. turtur loquacior) Nam apud Latinos vicem non obtinet adagij, ut nec illud, ἐκ αἵδε δασέος (.i. non sine Theseo.) quod nomen proprium viri sit, historiæque Græcam in se contineat. Dictiones etiam Græcæ si Græcè scribantur cum nondum Latinam variationem receperint, melius in contextum orationis veniunt, ἀποστροφήν quàm apostrophe; & διαστολήν quàm diastole: diligit & Quintilianus συλλογισμόν potius quàm syllogismum, etsi Latinam



Latinam receperit declinationem. In exponendis Græcis ac Latinis dictis sine discrimine necessaria est vox Græca, ut apud Cœlium Rhodoginum frequentissimè legere licet: titulus autem re congruit, Antiquarum lectionum, ipsi instituto. Sic & in Etymologiis nominum ac verborum deductione, ubi fides Græcæ vocis est imploranda: tum verò in his quæ iam vsus peruerterat, cumque non parui momenti sit restituere, Græcam requirimus lectionem: ut apud Alciatum videre licet, cum falsam Accursij de vsuris interpretationem contrahit. Liceat & propria quadam professione, ut Budæo in commentariis Græcæ linguæ, & Grammaticæ professoribus. Item si interpretatio dubia sit ex ancipiti verbo rectè Græcam dictionem apponimus, ut legenti integrum rei iudicium relinquatur: velut apud Galeni interpretes veracundiores spectare licet. Neque enim ambigua nolle decernere, est ineruditi, sed velle potius temerarij: ergo cum tot modis liceat, visum est aliquibus ineptè tamen, passim licere. Nam in historia ut minime decet, sic non videtur fermè necessaria, nec in translatione ubi nihil ambiguum sit quod nos cogat: nam quæ circumambiendo solum declarari possunt, artem vertentis desiderant non breuitatem. In his duobus generibus vix vox Græca Latine admiscebitur: exemplo sit T. Liuij & Salustij historia, tum Platonis libri satis fideliter à Ficino conuersi. Quorsum enim si secus fieri possit spectat Græca vertendo, Græca relinquere? nec igitur Græca verba semper admittenda nec fugienda, cum verò nulla est necessitas fugienda permittio plurium linguarum est, quæ minus elegantem reddere solet orationem, ut etiam Cicero rectè iubet. Quanquam illi in hoc, quòd linguam Latinam floridam efficere cuperet minus sit credendum; nam & Latinam prætulit Græcæ etiam in copia, quæ quamquam synceritate superior sit: quòd tamen abundantior etiam dici debeat, nulli alteri à Cicerone credam, nec ipsi, nisi oratione longa id mihi persuadeat. Verum cum illum diuersa in hoc sensisse videam, laudabo artem, testimonium non recipiam. Sed ad rem historiæ redeo, quæ non solum candida & pura & ordinata, sed sine vitio esse debet: absurdum autem fuerit si ex innumerabilibus patetica vitia recensere voluero, tum præsertim cum Lucianus de his etiam scripserit: nostrum enim est solum rerum capita summa attingere. Igitur historia perennis vel de illustri re esse debet, vel admodum ornata; verum si primum desit, vix vlla diligentia sufficiet, ut diu possit manere. Porro res illustres sunt vel magnitudine bellorum ut Romanæ, vel felicitatis ut Alexandri, vel fama & tumultu ut Arraxerxis vel Xerxis, aut quia summa rerum in his versatur, ut Bruti & Cassij aduersus Antonium & Octauium, vel Cæsaris ac Pompeij. Quanquam Bruti & Cassij gesta aduersus triumuiros etiam scelerum admiratione magna sint. Extremum est cum inter maximè celebratos populos magnis affectibus longo tempore miroque euentu bellum geritur, velut Peloponense quod à Thucydide describitur. Verum si omnia hæc

vniuersalis quædam historia complectatur, non iniucunda erit. Sed tamen in his breuitas multa nos prætermittere cogit. Prolixus sermo fastidium parit: summa moderatione in his opus est. Clari apud Latinos habentur Liuius, Salustius & Tacitus, apud Græcos Herodotus, Thucydides & Theopompus. Iustinus ab ambitu, cuius imitator Sabellicus, Q. Curtius ob Alexandrum in precio est. Ergo plus ratio scribendi, quam gestarum rerum magnitudo ad operis perpetuitatem facit, non quòd hæc legi digniora, sed quòd difficilius surripiuntur. Est autem hoc in omni scribendi genere verissimum, ornata magnis ac necessariis dum lingua manet præstare: at si lingua defuerit, tutiora sunt quæ artes ac res magnas continent, quam quæ facunda sunt. Ptolemæus in sua lingua penè barbarus ad Latinos totus transiit: Theopompus quamuis elegantissimus interiit. Illud verò quæri à pluribus solet, an Ciceri Liuium antecessisse historia scribenda: & quamuis magna quæstio videatur, si ad ornatum referatur: nulla tamen est, si patientiam in iudicium voces, maxima fortassis erit. Liuij tamen orationes militares magis sunt, Ciceronis locupletiores; quis in ardore gerendarum rerum sapienter fingat Ciceronis affluentiam? Cauendum est etiam in omni compositione, ne verbum pro historia subiicias, velut illud:

*Qui fuit Ansonidum, & tacitis regnavit Amyclis.*

Nam in oratione soluta frequens fuerit hæc historiæ congeries, qualis apud Pontanum, orationem obscurabit: nec tamen opinionem eruditionis ex hoc assequetur. Vitiosa est etiam in poëtis si aded sit frequens ut carmen obnubilet, tamen magis obscura & obsoleta, qualis apud Virgilium:

*Venerat antiquus Coriti de sinibus Acron  
Graius homo, infectos linguens profugus  
Hymeneos.*

Porro rarum exemplum decet, & ut inter stellas subobscuræ reliquas ostendunt splendidiore, sic rara quædam historia ac perbreuis quamuis sub obscura auctoritatem compositioni addit. In hoc igitur genere Papinius peccat. Verum dilucida & brevis eo in carmine, quo obscura longè ineptior, velut illud:

*Et genus inuisum, & rapti Ganymedis honores.*

Geminas enim historias vno recondit carmine, sed dilucidas: ut verò obscura breuitas ingrata, sic insulsa prolixitas, cuius rei tenue sit argumentum, velut illud cuiusdam: At Pontifex magnificentissima Vaticanarum ædium parte, ubi laquearia aurata, lecti ferici, aulaeque eximij operis visebantur, Demetrium suscipi, & togis sericis vestiri iussit. Cum tota eiusmodi sit compositio, quis æquo animo legat nisi illi similis? Quamobrem etiam si peccandum esset, breuitas irrisioni minus est obnoxia: ergo in omnibus habenda est ratio rei, loci, temporis, personæ, compositionis. Nam Tragicos & Lyricos obscura breuitas non tantum ostendit sicut comædos ac heroici carminis auctores. Reddenda



denda igitur unicuique est ratio omnium. Quis vibrantem telum non irrideat longam orationem si recitet, ubi moræ periculum vitæ iungitur? at vides quomodo Virgilius inducat:

*Ecquis erit mecum inuener, qui primus in hostem?*

*En, ait: & iaculum intorquens emittit in auras.*

Et Homerus,

*Λαοίων δ' ἀνένδε καὶ ἥπι δὲος ἀχλὺ δέ,  
Οὐδ' εἰα ἱέρειαι ὅτι ἐκτεῖ πικρὰ βέλεμνα  
Μήνις κῦδος ἀποιτο βέλων.*

Id est,

*Populis autē annuebat capite diuus Achilles:  
Non permisit in Hectorem mittere hostilia tela,*

*Ne quis iaculans gloriam auferret.*

Ergo cum curreret non poterat voce id significare, nec omnibus, quin cursum impediret. Cumque à muro sagittis expeteretur, atrocissimum etiam hostem potius sibi eripi quàm ab alio occidi malebat, quod gloriæ cupiditas iram etiam qua insaniebat vinceret. Nimirum igitur in tanta artē illud peruulgatum, tria ex æquo difficillima fore, fulmen è manu Iouis, & ab Hercule clauiam, & ab Homero carmen auferre: quod etiam si auferatur æque difficillimum esse, inuenire, cui carmen illud conuenire possit. Est ergo Poëtarum qui in genere delectandi sunt virtus summa bene fingere, apteque, describere: sed artificum & historicorum non bene ficta, sed nullo modo ficta esse debet. Porro Poëtarum Homerus Princeps carminis magnitudine, rebus gestis; nam Troianum bellum Græcorum & Barbarorum Europæ & Asiæ certamen fuit, figuratum lepore, inuentione, imitatione, sententiarum grauitate doctrina. Hunc imitatur apud Latinos Virgilius. Verum cum illius gloriam non se affecutum intelligeret, neque enim ob aliud moriens cremari mandauit opus, vt vel seruatum, vix enim verisimile fuit testamentum non irritum fore, laudem Augusti mereretur, vnde illud eiusdem:

*Ergo ut supremis potuit vox improba verbis  
Tam dirum mandare nefas? ergo ibit in ignes.*

*Magnaque doctiloqui morietur musa Maronis?*

Tum reliqua quæ in operis Virgiliani laudationem ab illo scribuntur. Non solum ergo pudice seruari meruit, sed maioris spei si superuixisset fidem accepit, auctoritatemque ab imperatore maximo consecutus est, cum qua ad nostra vsque tempora peruenit. Et quanquam hæc sapientiæ portio humanæ non naturalis pars sit, imitatione tamen quadam Timanthiis laudanda est. Nam cum Iphigeniam vt Plinius refert ad aram stantem pinxisset, ac Græcos summo dolore vultum tristem præferentes: tristissimum aded etiam Menelaum patrum, vt ne quicquam ad vultus mœrorem addi posse speraret: cum Agamemnon pater & ipse pingendus esset, quod arte non potuit consilio effecit: vultu enim velans tristitiam illius non oculis sed astantium menti æstimandam reliquit. Sic ille artifex non ignobilis maiora etiam in coniectura quàm quæ arte exprimere valeret reliquit: quod cum artis

pars sit, non multum à vera Virgilius sapientia recessisse visus est, cum tam honesta inuentione & se ab omni accusatione & opus à comparatione vindicauit. Est & Euripidi & Sophocli in tragico genere magna laus. Senecam nostri multum refugiunt, rem tamen raram, & grauissimis sententiis aggressus, superuixit. Exemit à temporum iniuria paruitas, & absolutum dicendi genus, Tibullum, Catullum, Terentium, Propertium: Aristophanem Satyrica dicendi mordacitas, tum lepor maximus ornamento iunctus, merito illum à temporum calamitate defenderunt. Interiore tamen quædam meliora deterioribus seruatis, sed in gloria etiam velut in cæteris fortuna partes suas sibi vindicat. Nulli tamen in vilo genere optimi illius violentiæ patent, nec vltimos diu seruare potest: Ergo in mediis ea libertas est, nam Martialem seruauit, quem tamen Plinius interitum breui putabat, & quod operi nocere credebatur, impuritas linguæ sermonisque Latini temporum calamitate ei profuit, cum bonis sublati auctoribus auctarium quoddam videretur. Maxima fuisset æui iniuria, quæ Horatii Poëmata & Plinii Panegyricum sustulisset. Cum enim breuia hæc essent, elaborata, rotunda, expolita, nitida, sententiosa, venusta, merito etiam illæsa ad hos peruenerunt. Ouidium seruauit auctoritas, tum maximè libri cuius titulus est Metamorphosis. Assurgit ibi plerunque oratori similis, vt in Vlyssis & Aiæ contentionem: Historiam eleganter describit multitudine insignis, fabellarum continuatione admirandus, ergo liceat illi irato & dolenti dicere:

*Iamque opus exegi, quod nec Iouis ira, nec ignes,*

*Nec poterit ferrū, nec edax abolere vetustas.  
Cum volet illa dies, qua nil nisi corporis huius*

*Ius habet, incerti spaciū mibi finiat æui.  
Parte tamen meliore mei, super alta perennis  
Astra ferar, nomēque erit indelebile nostrū.  
Quæque patet domitis Romana potentia terris,*

*Ore legar populi, pæque omnia secula fama,  
Si quid habent veri vatum præsentia viam.*

Ecce quàm sapienter gloriæ dignitatem explicat, peris diuturnitatem præuidet, animi immortalitatem testatur, imperium cum lingua, linguam cum operis vita necit, vitæ huius paruitatem ostendit. Sed nec Horatius in simili genere deceptus est, dum dixit:

*Non vsitata nec tenui ferar  
Penna bisformis per liquidum æthera  
Vates, neque in terris morabor  
Longius: inuidiæque maior.  
Urbeis relinquam, non ego pauperum  
Sanguis parentum, non ego, quem vocas  
Dilecte Mæcenæ obibo:*

*Nec Stygia cohibebor unda.*

Et alibi clarius repetit etiam dicens:

*Exegi monumentum ære perennius,  
Regalique pyramidum altius,  
Quod non imber edax, non Aquilo impotens  
Possit diruere, aut innumerabilis  
Annorum series, & fuga temporum.  
Non omnis moriar: multaque pars mei  
Vitabit Libitinam: vsque ego postera*

*Crescam*



*Crescam laude recens, dum Capirolum*

*Scandet cum tacita virgine Pontifex.*

Sed & Pindarus æternam suam famam prædicat illic:

Επιμυθε ὕμνων

Θησαυρὸς ἐν πολυχρυσῷ

Ἀπὸ πολλῶν τεύχεσσιν ἡ ἀπάνα.

Τὸν ἔτε χημεῖε θεοὶ ἐπακτὸς ἐλδῶν

Εὐεβρόμῳ νεφέλῃς στατὸς ἀμείλιχον

Οὐτ' ἀνέμῳ ἐς μυχὸς αἰθρῆς

Ἄλκι παμφέρον χροῶδι τυτθόμῳ.

Id est,

*Certus hymnorum thesaurus in aureo Apollinis campo munitus est. Quem non hybernus imber de composito illatus, ferus exercitus nubes vehementer crepantis, neque ventus in angulos maris violenta inundatione ducet verberans.*

En vides Horatium imitari Pindarum, vt ex verbo ferme: quanquam ferant illum potius Alcæum imitatum, quod Pindarus non sit imitabilis. Sed sit sublimis ac diuinus Pindarus quantumvis, non habet tamen tota Græcia nec cum Alexandri propagatione vnum Horatium. Non negarim illum & priorem fuisse ac religiosiorem. At nunc illis suis Pindarus relinquatur, nobis Horatius satis erit. Ad rem reuertamur, vides Poëtis non solum Lyricis, sed etiam Ouidio licuisse se ipsos laudare: quod vt Poëtis quibus omnia licent, furoréque vt Plato ait aguntur, non inconuenit, cæteris turpe quidem nisi præscriptis legibus in oratione erit: In quo genere Cicero aded peccauit, vt ad fastidium & nunc legentium & tunc audientium peruenit. Vnde de seipso vt scribere recte difficillimum, sic apposite laudabilissimum. In qua causa vt in reliquis etiam historiæ partibus, Cæsar reliquos omnes antecellit, suam scribens historiam, pure, ornate, candide, clare, nec diffuse nec breuiter: vt quantum armis imperatores cæteros, tantum in historia scriptores reliquos antecesserit. Forsitan quis quærat quæ ratio scribendi magis arrideat: sua quæque suo reddenda tempori, simplices magis delectat fabula, nascutos historia. ob id antiquo tempore omnia figmentis obuoluebantur: nullus historiæ locus: cœpitque amari scriptura ob fabulam, & Poësim: nunc contra fabula pueros solos delectat; atque ea causa est, cur antiqua omnia fabularum inuolucris plena sint: nec de illis quicquam certi habere fas sit. Sed vt ad Ouidium reuertat, fateor plurima periisse eiusdem auctoris, sed non eadem tamen cura. Perit etiam elaborata tragœdia, sed forsitan aded placuit paucis, vt ob difficultatem non placeret pluribus, vel quia solitaria, ided perit. Nam & paruitas immoderata contemptum, & ex hoc parit interuersionem. Magnitudo ad conseruationem optima, ad reparationem difficillima. Mediocritas igitur vt & in aliis causis præponatur. Verum qui & breuitatem reparationis causa, mediocritatem delectationis, magnitudinem auctoritatis contemplatione quæsierunt, libros in minutas diuisere partes: quod genus compositionis in Platone, Aristotele, Theophrasto spectare licet. Et quanquam multa seruata sint: multa tamen perierunt in duobus postremis, quod magnitudo excessisset. Moderatio igitur in Platone omnia illius

Tom. I.

opera integra ad ætatem nostram produxit. Nocet autem multitudo librorum, non solum ob magnitudinem in reparando, sed plerunque in deterioribus minuit auctoritatem. Et iure quis credat hominem & multa & optima scripsisse: ergo vt librorum multitudo auctoritatem auget scribenti, sic à scriptis illius minuit: præsertim cum non eodem stylo omnia exarantur. Artium igitur præclarissimi scriptores sunt Plato, Aristoteles, Euclides, Archimedes, Vitruuius, Ptolemæus, Hippocrates, Galenus Dioscorides, Cicero, Quintilianus, Theophrastus: quidam artium partes scripserunt, vt Hieron de spiritalibus instrumentis, Athenæus de machinis. Ergo illorum qui artes perfecērunt summa laus erit. Aristoteles de animalibus opus scripsit octingentis talentis ob inmensam ab Alexandro acceptis: ea est summa quadringentorum octoginta mille coronatorum: neque ergo ullus alius huic operi vel industria, vel pecunia, vel Philosophiæ rationibus, vel magnitudine imperij regis sufficere poterat: verum hi libri non omnes extant. Expleuit & omnem Dialecticæ partem, & Philosophiam ad apicem deduxit. Horum igitur trium palmam Aristoteli certam relinquamus. Theophrasto de plantis, Dioscoridi non nisi vt ad medicinam vsui sunt summa laus compositionis erit, Hippocrates medicinam inuenit, & magna ex parte perfecit: duo tamen illius maxima capita, dissectionem & pulsum cognitionem Galeno ferme intacta reliquit, quæ ille adeo perfectè tradidit, vt cum sit proprium succedentium in cunctis aliis prioribus aliquid addere, in his tamen nemo quæ ille inuenit perfectè potuerit assequi. Ptolemæus Astrologiam perfecit, & Geographiæ omnia rudimenta. Nam quod ad cognitionem locorum & nominum attinet, cum alterum temporis diuturnitate in perpetuo sit argumento, reliquum in variatione non potuit perficere. Inuenit & in musicis participationem ab artificibus vocatam, rem quasi penitus in instrumentis ac vocibus necessariam. Plato moralem tradidit disciplinam: Architecturam Vitruuius: Euclides Geometriam, quæ ad quinque corporum ac figuram rationalium constitutionem & mensuram attinet. Archimedes quæ ex variabili corporum aut arearum constat ratione: ille prior & vsui aprior ac ordinatior: hic sublimior & admirabilior: vterque tamen in suo genere optimus & certissimus artifex. Quintilianus & Cicero Rhetoricam. Hæ omnes scientiæ inuentæ sunt ad summum apicem perductæ, vel ad omnem saltem vsus commoditatem. Porro aliæ sunt nondum perfectæ, sed quibus multum desit, velut Arithmetica: quàm nos perficere volumus. Atque in his etiam votum laudabile est: an fecerimus aliorum est iudicare. Nostra enim nimio plus quàm debent placere solent. Proxima laus est eorum, qui primis innituntur: sunt autem horum genera tria, vel enim exponunt, vel reddunt, aut contradicunt: vnde Homeromastix vel Virgiliomastix; est enim in admiratione recte virum inclytum oppugnare: sed vt hoc pulcherrimum, sic è diuerso ineptissimum non assequi quod velis. Sic

XX

Scotus



Scotus Thomam oppugnat, Occhanus ambos; neque vlla in doctrina contradicendi studium apertius, quàm vbi contradicere minime decere putant. Attamen & Grammaticuli sibi inuicem contradicunt, & Medici aliquando, Auicenna Galeno, Diomedes Prisciano, Valla omnibus, alij huic. Verum post Theologos discipuli magistrum imitantur, Nempe Aristoteles Platoni, Themistius Alexandro, vtrisque Auerroes: sic collectorum liber auctoritatem ab enormitate sumpsit: igitur contradicere celebri auctori non secus quàm qui magnas res demoliuntur auctoritatem præbet. Sic Pausaniæ quod Philippum Macedoniæ Regem, Olgiato Hieronymo, quod Galeazium Sfortiam occiderit gloriæ tribuitur: alij tyrannides subuerrere. Sed hæc humana forsitan sunt, verum qualiacunque sint inferius quantum conatus possit docebimus, nunc hos solum attingere par est, qui recte maximis viris aduersantur. Difficillimum est autem benè scribenti contradicere, qui verò magni sunt, nihil sine ratione affirmare solent. Quamobrem pauci valde contradicendo si circa auctoris sententiam non versentur, gloriæ consecuti sunt: at exponendo non pauci: nam Ptolomæus & Euclides Theonem secum trahunt, Archimedes Eustocium, Aristoteles Themistium, Alexandrum, Ammonium, Ioannem cognomēto Grammaticum, Simplicium, Auerroem, pluresque alios. Virgilius suum Seruium, & Homerus Dydimum, nec Galenus ea gloriæ parte carere voluit, Hippocratis omnia quæ essent genuina opera exponens, oppugnavit & Erasistratum temporibus suis famosum, vt Ptolomæus in Geographia Marinum. Quidam etiam scientias ipsas amoliri tentabant, velut Ioannes Mirandula Astrologiam, & nebulo quidam vniuersas bonas artes. Tanta est hæc sitis, vt etiam fanda & inaccessa dicere & superare nitantur: quidam tutius aduersus deploratas res scribunt, velut Plinius qui contra magiam, Auerroes qui contra eccentricos & vocatos epicyclos, & Philistius qui contra diuinatorias artes omnes Græce inuectus est, nam Arabice scripsit Auerroes, Latine Plinius: ergo etiam aduersus Lamias scribere licuit. Sed tanto admirabilius inulise tamen qui de eis scripserunt, sed vicit admiratio stultitiam. Non igitur quæ scribas tantum refert, quantum quomodo: cum vera historia & utilitas, falsa & veris simillima imitatio quæ esse non possunt, admiratio tueatur & in precium ducat. Illud sanè admiratione non mediocri dignum, eos qui cum legibus exorti sunt maximam gloriæ etiam si mediocriter scripserint consecutos: contra qui cum lingua etiam genere excidisse, cum tamen consideranti hoc non obscuram habeat causam; nam lex ex summo quodam conatu oritur, dissipaturque tempore. Contra lingua exoritur sensim augeturque temporis incremento: illis igitur auctoritas maxima, minima verò his. Sed qui reddunt linguam lingua commutant, quales nunc habemus Argiropilum, Trapezuntium, Gazam, Leonicenum, Bessarionem, Morum, Amasæum, Cornarium, Andernacum, Linacrum, Copum, Aleiatum, belli-

sarium, Fichardum, Syllanum Rotam, Felicianum, Demetrium, Stephanum Nigrum, Montanum. Sed omnes Erasmus quadam felicitate vincit potius quàm arte: nec Licrano Alciatoque ac Politiano sua deest auctoritas. quid moror singulos? ne commemorabo, aut singulorum exponam labores, aut in odiosam illos comparisonem adducam satis explicasse pro exempli plures qui vertendo auctores, gloriæ sibi compararunt. Primus certe in hoc genere, vt & optimus, Cicero fuit, qui Demosthenis & Æschini orationes contrarias vertit, & Xenophontis de tuenda re familiari libros, quæ omnia ob paruitatem interierunt. Proximus illi Boëtius, qui vniuersa quæ tunc Aristotelis volumina extabant conuertit. Campanus etiam non è Græco sed ex Arabico Euclidem cum ad nos traduxisset, etiam expositionis laudem assequi voluit. Quatuor igitur cum sint capita librorum condendorum, necessitas, utilitas, delectatio, admiratio quæ delectationis pars est. Necessitas artibus & partibus artium debetur: & nunc artes quædam etiam ex toto fermè definiunt, velut Musica, cuius cum sint tria *Διατεταγμένων* genera, Diatonicum, Chromaticum, & Enarmonicum: Diatonicum tantum superest. Opam Bacchus quidam docuit, verum & illius non parua pars remansit intacta. Multæ etiam Philosophiæ partes defunt, velut de lapidibus, de metallicis, ac alia multa: Ergo non res ipsæ sed inuectores deficiunt. Utilitas verò expositioribus & his qui vertunt accommodatur. Delectatio fabulis, Poëtis, amatorijsque narrationibus inest. Admiratio comparisonibus & contraria sententibus. Historia utilitatem & voluptatem secum affert, quandoque etiam admirationem: vtque est hæc omnibus sublimior, sic si temperata non sit, fidem quæ historiæ neruus est ab illa aufert. Quamobrem Salustius & Cæsar quantum possunt prodigia vitant: ne tamen abstinent Cæsar, præfenti potius utilitati quàm historiæ sinceritati consulens. Cum enim iniustam fouisset causam, scilicet tyrannidem, finxit Deorum factum non suum, ostentis ac prodigijs victoriæ suæ additis. Verum T. Liuius quæcunque fidem historiæ labefactare possent, non solum aliorum relatione refert, verum etiam addita his sententia sua damnat. Porro utilitatis & necessitatis genere quidam multa simul conscripserunt, velut Plinius auunculus, Raphaël Volaterranus, Aulus Gellius, Cælius Rhodoginus, Alexander ab Alexandro, Alciatus, Erasmus qui vnam in multis rationem inuenit: sic Suidas, Athenæus, Iulius Pollux. Alij utilitati solum seruierunt interpretantes nomina, velut Ambrosius Calepinus, & Hesychius. Omnes autem qui multa de multis scripserunt, nec vnum in his ordinem, non vnum dicendi genus seruauere, sed quasi agglomerata coniunxerunt, velut Plinius & Erasmus multorum lectione adiuti sunt. Prodest enim quamplurimum hæc solertia his, qui non rotundum opus absoluere curant: at Aristotelem & Platonem & si de pluribus scribant, facile est intelligere sua non aliena scripsisse. In his quæcumque linguam retinent, & rotunda sunt ac expolita, perennia etiam erunt, breuis æui quæcumque



quacunque successorem reperire potuerunt. Horum autem velut & filiorum qui diuersa volumina condiderunt, non vnum genus eloquij, sed pro materia diuersum esse conuenit, quod maxime Ciceronem ipsum loquendi nobis auctorem obseruasse vidimus. Neque enim Epistolæ & Orationes ac Rhetorica ars eodem stylo scriptæ sunt, quin etiam & Oratorum & Epistolarum inter se diuersa admodum ratio dicendi est: Sed tamen in omnibus summa virtus est, vt liber vitio careat. Quamobrem Isocratis orationem de Helenæ laudibus nemo rite probauerit, vel iuste, non solum ob procemij longitudinem, sed quod fabulosa veris admiscet. In Encomio tum præsertim cum locuplex veræ laudis materia nunquam fuisset defutura. Atque vt in hoc genere vituperanda, sic summam artem amplectitur, cum vltra omnem laudationis cunilum, quo satisfacisse encomio potuit, longè plura in expectatione quàm dixerit relinquat. Ergo eadem res laude & vituperatione digna erit, & cum omnibus temporibus suum dicendi genus conueniat etiam in eadem materia: mediocritas tamen in cunctis seruanda est. Vt autem bene scribas, optimum quenque imiteris. Namque, vt refert Halicarnassæus Dionysius, Thucydem oëties Demosthenes rescripsit, ac totum penè memoria didicit: sunt qui ferant sapius, & ab auctore conscriptam eam historiam vt par esset in Thucydide laudis causa, quæ in Demosthene exempli ac testimonij. Fabularum palmam ac ludendi quanquam Æsopo quidam tribuant, Lucianus tamen humanos affectus tam lepide ludit, vt illum pueris non hominibus qui ætatem perfectam sint consecuti præpositum credam. Quis enim vel totum Æsopum vni Lapirharum conuiuium audeat comparare? cum etiam in dicendi ratione plurimum intersit. Nimirum igitur & Luciani dialogos tam diu seriatos, quem Apuleius longa fabella imitatus est. In seriis verò narrationibus auctoritas scriptoris si addenda in libro sit, caue ne nimium vsu viluerit, vt apud nos Cato, & tamen etiam si parce & cum quadam verecundia inducatur, non indecens est. Et si ex Græco Poëta sit, carmina ipsa vel Græce scribenda sunt vel Latine. Indecens enim est audire Poëtam non numerosa oratione loquentem. Historia verò fabulosa, præter id quod admiranda est, miram etiam præbet delectationem, velut Philostrati de Thianæi vita: & in hoc genere multi materna lingua scripserunt. Quidam historiam fabulosam condiderunt, veris ac falsis simul mixtis, vt Athenæus alique plures: ergo non tantum refert quid scribas, quantum quomodo. Vnde si orbis incogniti historiam, quæ per se iucundissima est, sed à multis satis inepte, quis in vnum ornate redigeret, æternam sibi famam comparare posset. Cum Strabo totiens mutilatus, ac adeò fabulosus non leuiter placeat. Sed hoc tamen regis auxilium desideraret. Utilitas rei si cum stylo coniuncta sit, librum tuetur. Quamobrem Varronis Columellæque ac Catonis de re rustica libri seruati sunt, & Celsi de Medicina vietus à Columella æquali suo in re rustica non mansit. Opti-

Tom. I.

mè dicere in numero pedè etiam non seruato candore linguæ seruauit Iuuenalem, breuitas Persium, magistrique eius Cornuti, qui in illum expositionem scripsit, auctoritas. Magistrum enim discipuli scripta exponere, nec plane intelligere, admiratione non parua dignum videtur. Quamobrem & illud ad laudem eius celebratur:

*Sapius in libro memoratur Persius vno;  
Quam leuis in tota Marsius Amazonide.*

In comparationibus cum nihil sit voluptuosius, maxima est diligentia adhibenda, vt loca simillima sibi inuicem respondeant. Quid si qui Ciceronem Demostheni, aut Aristoteli Platonem comparauerit? Lectoratur Trapezuntius cum puram redolet bilem non comparationem, & Bessarionis congeries habet sui studiosos. Quid si quis aptè illorum scripta Platonis scilicet & Aristotelis contulisset? ergo si non industria desit & labor, modus non deest ad perpetuam scriptis gloriam assequendam, sed tamen Horatiani illius præcepti memor eris, vt quodcumque si nouum prematur in annum, non solum quod tempore eruditiores euadimus, sed multa quæ ob animi impetum nobis placent, aliis non placitura, deferuescente animi furore cum non placeant in melius mutantur. Tamdiu igitur cum in sermone de construendis libris manserimus peccasse nobis videremur, multa paucis scribentes, nisi eodem consilio arteque docuissimus etiam, quinam libri lectione digni sint, quosque maximè eorum seligere, vt citò proficiamus deceat. Nam velut Cicero suum habuit semper Terentium secum: sic vnumquemque oportet qui citò velit proficere, non solum optimum in ea arte sibi præponere, verum & qui optimè etiam artem tradiderit, ornate scilicet & ordinate: Ergo multis sic multa scripsisse videmus. Neque verò hæc tantum placebunt, quæ ad diuturnitatem spectant, quàm quæ ad bene viuere, atque ideo etiam longiora quàm par sit existimabuntur. Quoniam bonum & malum sentimus, diu esse non sentimus, sed in ampla spe collocamus: ob hoc, cum non minus diu quàm bene esse optent homines, bene tamen viuere omni industria quærunt, diu viuere negligunt. Pari ratione & bonam animi institutionem parificamus, quod quilibet & virtute animi & prudentia abundare se putat. Corporis & fortunæ bonis non ita: nam nos ipsos putamus animum, cætera extra nos esse, quare fit vt nulli minus quàm mores & animum nostrum instruendi, quod ab ætate puerili initium habet, æquas aures exhibere soleamus: & si qua nobis vitia insunt, adeò obduruit in hoc humana mens, vt cætera quidem omnia, hæc sola tantum pro vitiis non ducamus. Itaque fit, vt vtiliorem institutionem, etiam illorum sententia, hoc errore decepti relinquamus tanquam inutilem, alias amplectamur. Verum nos non hominum falsam estimationem, sed viles omnes partes, quæ ad bene viuendum conducunt, postquam quomodo quis diu viuere queat plene docuimus, aggrediemur. Ergo naturalis sapientiæ institutum, quod ad beatam pertinet vitam, animi virtutes, bonam valetudinem, integritatem sensuum, conscientiam rectæ vitæ,

Xx 2

honestā



honestatem & amorem, quem amicitiam nuncupamus amplectitur. Quinque enim scopi esse videntur illius qui naturali sapientia præditus est, animum eruditione & virtute excolere, corporis vires seruare, vitæ comoda præstare, personæ decorem tueri, honestatem sic in cunctis operationibus præferre, vt nihil iure reprehendi queat. Iam igitur cum legem nobis præfixerimus, non dedignabor illud Catonicum in medium afferre, Legem quàm tu ipse tuleris seruato. Docuimus enim compositionem omnem ordinatam, completam, emendatam, dilucidam atque ordinatam esse debere. Quamobrem omnia si sint seruanda, ab initio animi virtutes ac post ipsas eruditio explicanda, demum reliqua suis locis. At verò ille veræ virtuti incumbit qui caret vitio. Namque vt Horatius dicit:

*Virtus est vitium fugere, & sapientia summa  
Sulitia caruisse.*

Hei quàm latè patet hoc præceptum, quod à plerisque contemnitur: etenim summa laus virtutis est vitio carere, vt omnem fermè virtutis laudem assequatur qui non peccat. Porro ex vitiis cum omnia fermè beatam vitam impediunt, crudelitas, ira, ambitio, & inexplicabiles vertigines inducant: tria tamen principaliter, ac per se beatæ vitæ obstant, timor, inuidia, & avaritia: nempe cum beata vita securitate, lætitia, & commodis rerum constat: timor securitatem: inuidia lætitiā: avaritia comoda aufert. Igitur hæc tria omnino directe cum beata vita perpetuum bellum gerunt. Namque timidus misero: inuidus infelici: avarus pauperi æquiparandus est. Paria enim sunt seu talis quis sit, aut talem se existimet: quid enim refert ad infelicitatem damnatusne sis, an quod damnatum te putes: non quidem ad futurum tempus, sed ad præsens tantum ratione habita: Ergo infelix non secus timidus quàm miser; & avarus quam pauper: & inuidus quàm ærumnosus. Vnumquodque igitur horum diligenter explicabitur, si prius docuero, hominem ad tria comparandum, ad seipsum, ad domum, & ad ciuitatem ac eius partes. Vnde tres moralis institutionis differentiæ, Ethica, Oeconomica, Politica: virtutes igitur ac eruditio ad hominem ipsum pertinent. Vnde ipsum etiam nihil magis lædit, quàm si vel inuidus sit vel timidus vel avarus. At verò exercitatio virtutum reliquas moralis Philosophiæ partes complet, & in his præcipua est prudentia; bona verò corporis ad ipsum etiam hominem tantum spectant, similiter & fortunæ. Verum quæ fortunæ, cum in his amici ac filij & affines & vxor contineantur: etiam cæteris moralis Philosophiæ partibus, Oeconomica scilicet, & Politica inferuiunt. Igitur vt à timore exordiar, qui magis naturalis est, quem etiam supra vitæ longitudini obesse docuimus, quòd id quod in timore ætatis ducitur, non pro vita, habendum sit, nihil magis homini nocet quàm timor: timidus enim ad omnia inutilis est. Vnde recte finxerunt antiqui quendam, qui Herculem formidabat, cum è specu in quo ob timorem se abdiderat, illum conspexisset, in lapidem conuersum, quòd lapis ad omnia opera vtpo-

te inanimatus sit inutilis: ostendit autem vehementiam affectus timor, quod si magnus sit repentinam mortem possit inducere. Cor salit in illo etiam si mediocris fuerit, tremunt membra, pallet corpus, nutat lingua, & si diu perseuerauerit exedit carnes, mentemque deiecit. Igitur non aliud tormenti genus quærendum est, si timore quispiam laboret; nec sapiens igitur aut felix esse potest homo in tanta animi perturbatione; quinimo carere animo timidi à veteribus crediti sunt, atque idè exanimari præ timore dixerunt, quasi timidus ipsis animus absit: quoniam pacto igitur si animum non habeant, consilium, aut prudentiam, aut voluntatem retinebunt? recte igitur apud Ennium dixit ille:

*Tam paucor sapientiam omnem mihi ex animo expectoratur.*

Vide qualis affectus sit timor, qui crepitare cogit dentes, quòd solum morbo letali conuulsis fermè accidit; atque vt pueros præteream, quibus symptoma hoc ob vermes familiare est, cæteris omnibus perniciosissimum signum semper est: & si tantum animam corpusque nostrum timor conturbat, quis timidus felix esse potest? verum timidus dicitur, qui non metuenda metuit. Non sunt autem metuenda necessaria, nec leuia, nec rara. Mortem igitur, vel exilium, vel fulmen non timebimus, reliquorum etiam quæ breuissima sunt nullus timor torquere nos debet: grauius itaque imminetia diuturnaque, ac quæ vitari possunt, declinari magis quàm timere; siquidem sapiens Deum imitari debet, ille enim nunquam cum irascatur aut misereatur, indulget tamen vt misertus, punit vt iratus. Sic sapiens cum timore non torqueatur, non minorem tamen prouidentiam in periculis ostendet, quàm timidus vbi res ipsa hoc expostulet. Similis etiam ratio est in spe: namque vt malorum expectatio timor, sic bonorum spes vtrumque torquet: quoniam sola securitas homini sapienti ad felicitatem congruit. Porro securitas cum vel non speramus, nec timeamus, vel solum ea speramus, in quibus falli etiam si contingat agnoscere errorem non licet: velut si quis à morte sibi proponat perpetuam vitam, aut gloriam, aut in vita ipsam diuturnitatem: quamobrem sapientissime instituta spes æterni præmij, quam nemo possit coarguere; nam cum perennis sit anima vt docuimus, ac omnino sempiterna, quid refert si in spem etiam optimam illam in vita alas; quamobrem recte Cicero inquit: non posse coargui qui animos dicunt immortales. Nam si moriantur, nemo est qui arguat, nec qui reprehendatur à morte: si supersint nec tamen loquantur, quod nos in libro de anima humana docuimus, ex omnium philosophorum ac legum consensu, nec quisquam recte dicentem coarguet: Ergo animum affirmare immortalem, non solum pium & prudens est, sed irreprehensibile: ac multorum bonorum causa. Sed iam de his satis, cum de inuidia dicendum sit, quæ vt minus timore beatitatem lædit, si latius vndeque parte, cum longe plures sint, qui inuideant alienis bonis quàm in metu viuunt: illud tamen in omnibus



omnibus semper vitiis aduertendum, eos qui inter vtrumque extremum viuunt omnium esse miserrimos, velut qui inter metum & spem, odium & amorem; nam inuidia odium quoddam est, auaritia & prodigalitate ac cetera eiusmodi: sed tamen timor qui cum spe est, non vlla re alia minus hominem conturbare solet, verum vt diximus hoc in omni animi perturbatione accidit cum contraria simul illum distrahant. Sic enim triplex vexatio ei sit duplex, à duplici vitio, tertia à contrarietate. Quamobrem cum viti-  
orum medium virtus sit, nullius extremorum hoc medium particeps est, sed cum vtrumque ad animi perturbationem pertineat, ipsa virtus ad indolentiam refertur: ergo liberalis nec prodigus, nec auarus vlla ex parte est, nec fortis timidus, aut temerarius, aut ex illis constat: quinimo si recte cernas hoc medium ab vtroque extremo plus differre videtur, quàm ab altero illorum reliquum. Sed vt ad inuidiam reuertar, omne peccatum excusationem secum habet, aut voluptatem, sola inuidia vtroque caret. Quid enim stultius excogitari potest, quàm vt homo sponte seipsum moerore ex alienis bonis conficiat? nonne illud planè tibi occurrit, diuersa te velle simul ac facere inuidendo? nam cum inuideas quem tibi inferiorem cupis, inuidia superiorem testaris, neque enim deterioribus inuidemus, atque ideo recte à sapiente dictum, paruulum occidit inuidia. Qua parte enim superiores sumus non inuidemus: Ergo gloriam adiungimus illi, quem perditum iam volumus. Cum verò præter id quod contabescit homo liuore ac discruciat, etiam in manifesta pericula deducatur, vel dum alienis bonis occurrere properat, vel alios in mala protrudere, necesse est inuidiam stultitiæ esse partem. Tum verò illud accedit, quod si ille rescuerit te inuidere, iam & iure quam voluptatem illi de tuo cruciatu afferes, vnde Poëta lepide:

*Rumpatur quisquis rumpitur inuidia.*

Quasi dicat, non ego maiorem delectationem habere possum, quàm vt inimicus meus tam sauo discrucietur modo. Quamobrem scite illud etiam:

*Inuidia Siculi non inuenere tyranni*

*Maius tormentum.*

Nam præter id, quod maxime discruciet, nullum finem velut reliqua vitia inuenit; ira enim deferuescit, gula satiatur, libido frangitur, vt etiam odisse quod amas, vel ob facilitatem, vel ob satietatem, vel ob ætatem, vel ob aliam curam incipias: satiatur crudelitas, odium, auaritia habet modum aliquem, inuidia nunquam quiescit, cum semper aliquem esse necesse sit, imò plures qui te ipso vel ætate vel diuitiis vel forma aut virtute sirt beatiore, cumque in tam multiplici bonorum genere, tum horum tum aliorum penè innumerabilium multi excellant, nisi vitium minueris cum senecta huic tabi non auxilietur, fomitem habes sempiterni cruciatus: ô quam belle Græcus ille expressit eius effectum dicens:

Ο εδιν & ἐστὶ κένισον, ἐχθρὸς δὲ πᾶσι καὶ ἐν αὐτῷ  
Τὴν δὲ εὐδαιμονίαν ὁρματὰ καὶ περδιλω.

Tom. I.

Id est,

*Inuidia est res pessima: verum hinc solum bonum habet in se;*

*Absumit enim inuidentium oculos & cor.*

Sed non minus eleganter noster Poëta, etsi Latine tamen eam scripsit:

*Pallor in ore sedet, macies in corpore toto,  
Nusquam recta acies, liuent rubigine dentes,  
Pectora felle virent, lingua est suffusa ve-*

*neno,*

*Risus abest, nisi quem visi fecere dolores,*

*Nec fruitur somno, vigilantibus excita cu-*

*ris,*

*Sed videt ingratos, intabescitque videndo*

*Successus hominum: Carpitque & carpitur*

*vna,*

*Suppliciumque suum est.*

Inde etiam paulo post illius ostendit atrocitatem:

*Quacunque ingreditur florentia protrudit*

*arua,*

*Exuritque herbas, & summa cacumina*

*carpit,*

*Afflatuque suo populos, vrbesque domesque*

*Palluit & tandem Tristida conspiciat arcem*

*Ingeniisque, opibusque, & festa pace nitentem,*

*Vixque tenet lachrymas, quia nil lachrimabile cernit.*

Ergo maximum sapientiæ beneficium atque summa laus est, hoc monstro carere. Quod quidem cum multis ex natalium detrimento pestis hæc infederit, quadruplici hoc auxilio, quo & timorem & auaritia cæterasque animi vitia depellere etiam potes, quamvis in tribus animæ dictis pestibus difficilius assequeris. Igitur si inuidiam depellere quæris, non eum cui inuides protrudere, sed magis teipsum eleuando superare potius nitaris. Nanque ex hoc & laboris difficultas, te illi ac aliis æquiorum faciet, & magnitudo status extinguit inuidiam, vel illum cui inuides si superare non licet, amicum tibi facias. Ab omni enim humanitate alienum prorsus est charissimis inuidere. At verò etiam vnum est aliud certius, tum in aliis omnibus optimum auxilium, si initiis resistas, atque vt dicit Poëta.

*Principiis obsta, sero medicina paratur,*

*Cum mala per longas conualuere moras.*

Namque cum cætera animi vitia vel ex corpore vel ex re ipsa suscipiant alimentum, velut iracundia, gula, libidōque, quæ ex corporeis affectibus atque temperamentis, auaritia ex rei occasione ac experimento frequentiori oritur. Inuidia ex sola mentis ægritudine cum ducat originem, si ab initio totis extingatur viribus ac conculcetur, non admodum natura prona ad incrementum facile debetur: inuat & quod Græci omnium maiorum velut ἀλεξισφαιμον, dicunt aduersus illam, ratio. Cum enim in alienis bonis tenuitatem, breuitatem, instabilitatem, necessitatemque diligenter interitus illorum expendis, non iam illum potius inuidia quàm commiseratione dignum fore credas. Sed iam de inuidia nimis, cum nemo sapiens eam libenter amplectatur, quod pœnam peccato iunctam semper habeat. Auaritia ipsa nobis negotium faceffit, quæ adeò latè patet: vt pau-



cos mortalium ab illa detineri non videas. Quamobrem Poëta noster recte dixisse videtur:

*Quid non mortalia pectora cogit*

*Auri sacra fames?*

Et equidem si non sine avaritia & illo infano habendi æstu diuitiis uti liceret, non ita ut dici sole in illam effuse debacchandam putarem, nam ut inquit Pindarus:

Ομὴν πᾶσι θεοῖσι δαίμων

Δεδαιδαλλεύει,

Φέρει τῶν τε, καὶ τῶν

Καὶρὸν, βαδίζειν ὑπὸ χροῶ

Μέμιναν ἀγροτέρων.

Quod etsi Latine velis dicere: Diuitiæ virtutibus exornatæ quamvis profundam atque arduam suppeditent sollicitudinem, multas tamen adferunt commoditates: Ergo cum avaritia virtutibus exornari non possit, ut non hic diuitias accusare propositum est, sic illas etiam in auaro damnamus, tum præsertim quod avaritia quæ rapiendo opes quarrit, omnium malorum fomes ac mater est. Quot enim iam avaritia regno spoliati sunt? quot miserabiliter periere? nam tyranni omnes ab illa initium sumpserunt scelerum suorum, crudelitatis, iniustitiæ, libidinis, & cum Pertinacem, Phalarim, Dionysium, aliosque innumeros perdiderit tyrannos: Alexandrum etiam Seuerum, quamvis omnia alia ex parte irreprehensibilem, hæc sola occidere potuit. Quid enim fures, latrones, piratas, sicarios, proditores, falsarios, in tam manifesta scelera ac perniciose pericula vocat, nisi avaritia? Quid pudorem impulit perdere, formam prostituere, lenoniam artem exercere, aut quæstum meretricium? avaritia. Non possum Aristophanis de hoc sententiam præterire, quod opportunè nimis nobis occurrat: sic enim sub personis serui Carmidis dominique Chremyli:

Κα. Εργάζοι δὲ μικρὸν ἀργυρίδιον

Δύλῳ γαλήνημαι, διὰ τὸ μὴ πλεῖν ἴσως.

Χρ. καὶ τὰς γ' ἐταίρας φασὶ τὰς κοινότητας,

Ὅταν μὲν αὐτὰς τὸ πένος πικρὸν πύρρον

οὐδὲ προσέχῃν ἔνῃ, ἐὰν δὲ πλεῖσθῃ

τὸν πικρὸν αὐτὰς διδύς ὡς τῶν τρέφῃν.

Κα. καὶ τὰς γε παῖδας φασὶ ταῦτ' ὅτε δρᾶν

οὐ τῶν ἐργῶν, ἀλλὰ τὰς γυμνασίας.

Licet obscæne loquentem Poëtam in obscenioris fuitij accusatione recitasse. Sed iam ad rem ipsam reuertor, nihil enim inuenio, quod vel iustius vel promptius queat damnari. Est enim illa quæ Deos contemnere docet, frangere fidem, gloriam negligere, pudorem prodere, leges corrumpere, amicos fallere, valitudinem infirmare, vitam minuere, odisse charissimos, deseruisse coniunctos. Unde etiam non male apud Euripidem inducitur Hecuba Polymnestori, cuius filios occiderat, quem etiam excæcauerat, respondere, cum ille alienas subtexeret causas, avaritiam omnis sceleris fuisse parentem his verbis:

Ὁ χρυσὸς, εἰ βέλαιο τάλανθον λέγῃ

Ἐκίχνη ἔμειν παῖδά, καὶ κέρδι τὰ σά.

Id est,

*Aurum, si vis vera dicere, interfecit filium meum, & lucra tua.*

Etenim ut fabulas relinquam, omnes adeo illam damnant, ut etiam qui eo vitio flagrauerint, vitium ipsum dissimulent, illam verò accusent. Nam & Salustius vir eloquentiæ plurimæ, maioris rapacitatis, de Iugurta loquens, refert illum dixisse dum Roma discederet, Romæ omnia esse venalia, atque etiam ipsam urbem cito perituram si sit reperimentura emptorem: considera verbi magnitudinem, orbis domina ciuitas in seruitutem sponte se traditura est, si qui emat inueniat. Porro emptorem inuenit breui C. Iulius Cæsarem, qui eam à populo primo, postmodum à Crasso Pompeioque, ultimo à Curione ac Antonio tribunis emit. ergo ne tantum gloriatur Cæsar de victoriis ciuilibus, cum Romam emerit potius quam subegerit. Utque factum Cæsaris non laudo aduersus patriam: sic detestabilius est scelus venditorum, qui cum patria, & seipsum, & filios, & libertatem ac fortunas etiam vendiderunt. Quid igitur dubitabimus etiam avaritiam omnium malorum parentem, omnium vitiorum principem, omnium magistrum scelerum vocare? Quamobrem & in Ecclesiastico recte dictum est, auaro nihil esse scelestius. Quid mirum cum animam etiam venalem atque fidem habeat? itaque cum avaritia scelera omnia in se contineat, nec ut reliqua singularis esse possit, quemadmodum perfidia, libido, crudelitas: habet hoc vnum etiam omnibus illis simul acceptis maius, quod monstrum hoc vitia in scelera, scelera in inaudita flagitia conuertat. Nam si quis ob iram vel alterius amorem hominem occidat, scelerius est: si ob pecuniam, latro: si prodat rem creditam ob amorem, leuis appellatur: si ob avaritiam proditor. Ergo cum in vnoquoque vitio illa etiam aliquid ipso vitio maius habeat, omnia verò illa in se contineat quæ maxime etiam sunt execranda, furta, rapinas, impietatem, crudelitatem, latrocinia, fraudes, pelagusque omne flagitium, quo alio nomine melius potuit appellari, quam quo à Seneca, pestis scilicet? Vnde bene etiam in illam iocatus est, cum dixit: Auarum nihil bene facere nisi cum moritur: siquidem eos dicit qui de illius morte lætantur. Omnis enim auarus inimicos suos ditare cogitur, etiam si velit profudere. Sed tamen quid hoc iuuat, ut alios relinquo diuites, teipsum verò ob alium excrucies? nam ut bene dixit Martialis Poëta:

*Rape, congere, aufer, posside, relinquendum est.*

O mentem insanam hominum tam acriter excruciar, ut tam breui possideas: eoque felicitatem collocare, vbi perpetuus fluxus ac refluxus est. Nam in diuitiis perpetua est vicissitudo, augmenti ac detrimenti: ut non sit in earum cupiditate felicitas à sapiente reponenda. Sed tamen avaritiæ hoc genus, quanquam pestem animo inferat, multaque incommoda, longè plura pericula, cum sapiente tamen aliquo modo esse potest, si omnino vitiis reliquis careat. Nam & Plato ditatus est, & Aristoteles, & nunc multi qui sapientiæ profitentur, nihil magis quam pecunias querunt. Qui quamvis hac in parte sapien-



tes veri non sint, non tamen ad hoc auaritia genus perueniunt, quod quanquam raro, potest tamen etiam cum sapientia esse. Illud auaritia genus ex toto repugnare sapienti dico, non quod ad rapinam tendit, sed quod in necessariis tanquam in extrema paupertate laborat, de quo maximè Horatius intelligit cum dixit:

*Crescentem sequitur cura pecuniam  
Maiorūque fames.*

Vt non melius quàm hydropicorum inextinguibili siti genus hoc auaritia ode illa comparari potuerit. Si enim miser sapiens esse nequit, quia sapiens miser esse diu non potest, quomodo qui diues est, & vitio tamen animi solo miser est, sapiens esse poterit: ergo vitium hoc animi maximum ac sapientia è directo aduersum. Quid enim aliud in satyra scribit Horatius, cum Vuidium taxat: dicens:

*Vuidius quidam non longa est fabula, diues  
Vt metiretur nummos: ita sordidus vt se  
Non vnquam seruo melius vestiret: ad  
vsque*

*Supremum tempus ne se penuria victus  
Opprimeret, metuebat: at hunc liberta  
securi*

*Diuisit medium fortissima Tyndaridarum.*

Nam hanc tantam stultitiam plerunque etiam euentus comitatur infelix. Verum nemo magis hanc insaniam exprimit aptè Apuleio in Milone hospite suo, qui vt inquit ille, ampliter nummatus, & longè opulentus, verum extremae auaritia, & fardis infima, infamis homo, fœnus denique copiosum auri & argenti crebro exercens, exiguo lare inclusus, & ærugini semper intentus, cum vxore etiam calamitatis suæ comite habitat. Neque præter vnicam pascit ancillulam, & habitu medicantis semper incedit. Nec minus pulchre apud Plautum suus Euclio taxatur, longa fabella, sicut nihil ad auarissimi diuitis tamen viri sordidam curam anxietatemque describendam addere possis. Itaque tribus his pestibus, timore, inuidia, auaritiaque, ex animo pulsus, etiam vitia reliqua explodenda erunt, quæ quidem sapientiam non admittunt: atque in primis iracundia. Est enim vt rectè Aristoteles inquit, iracundia exigui temporis furor. Vnde bene apud Horatium dicitur:

*Stultitia ne erret, nihilum distabit ab ira  
Ajax immeritos dum occidit.*

Et Comicus etiam rectè illum fingit dicentē:  
*Prae iracundia Menedeme non sum apud me.*

Optime igitur respondit Plato, interrogatus quonam pacto dignoscamus sapientem: Si cum vituperatur inquires, non irascatur, cum laudatur non extollatur. Habet autem iracundia vt tranquillitati relucet, in cuius sinu sapientia naturalis refidet, vnde in Pythiis Pindarus:

*Φιλόφρων ἡσυχία δίκαια  
ἰμεγιστόπολι  
Θυγάτερ, βελαν τε καὶ πολέμων  
Ἐχρίσα κλαίδ' ἀσπιδόπ' ἀτάς.*

Id est,

*O benigna tranquillitas ô soror iuris, amplificatrix rerū publ. consiliorum & bellorum habens clauas summas. Quamobrem & de illa*

Plutarchus seorsum librum composuit tanquam de veræ sapientia alumna. Neceffe est enim sapientem habere tranquillitatem animi, quæ si non adsit, proculdubio indicat abesse etiam sapientiam: Ergo iracundus quomodo sapiens dici potest: est igitur animi tranquillitas & signum & causa ipsius sapientia. Nam & si quis aut ira aut alio animi impetu teneatur, quamvis natura prudens, sapientem exercere non poterit. Itaque nec iracundus, aut nimium cupidus, aut temulentus, vel incitatus, aut alio animi æstu laborans, dum vel vitio ipso detinetur, vel si plurimum eo laborat, sapiens esse non potest: quanto minus inconsideratus vel imprudens: sed temulentia & iracundia non dubie vultum pro affectu ipso ostendunt, vt merito Plutarchus iubeat, homines quotiens irascuntur speculum consulere. Quis rogo non irrideat Xerxem Hellepontum iracundia verberantem? aut Artho monti cōinantem? vel Cambysem furem sepe-lientemque pueros viuos, alios passim occidentem, sanum dicat? Sed si tantum obsunt hæc sapientia quid porro dicemus de stultitia ipsa? est enim non leue stultitia genus quoddam, quod sapientiam quandam æmulator, velut cum vitia pro virtutibus exercent: rapiunt, vt mulctare videantur: crudeliter puniunt, vt iustos illos esse credamus: auari sunt, vt continentiores existimentur: disputant de rebus ignotis tanquam eruditi, multaque suæ insaniam testimonia dum altercantur produnt. Quamobrem nihil tam sapiens vitabit, quàm vel vt de re incerta vel ancipiti vel ignota loquatur: Studebit taciturnitati, laudabitque illud Xenocratis: loquutum fuisse pœnituit sapius, tacuisse nunquam. In vestitu, risu, & ambulatione decorem seruabit: Nam his præcipue tanquam indiciis sapiens à stulto dignoscitur, vt Salomon inquit: non quod hæc ad rem ipsam plurimum conducant, quæ extranea sunt: sed quod sine iudicio & animi trutinâ recta, quibus maxime sapientia ipsa constat, hæc non possint reprehensione carere. Sed forsitan quis non immerito dubitabit, si sapiens à grauib. animi affectibus liber esse debet, nunquid licebit sapienti amare? cum amor & ipse furor quidam sit, vt Plato inquit & poëta:

*Et nihil est, quod non insano captus amore  
Ausit.*

Vnde Plautus in Cistellaria amantium stultitiam planè describit:

*Qui omnes homines supero atque anteco  
Cruciatibus animi, iactor, crucior,  
agitor,  
Simulor, versor in amoris rota, miser exanimor,  
Fero, differo, distraho, diripio,  
Ita nullam mentem animi habeo.  
Vbi sum, ibi non sum: vbi non sum, ibi est  
animus.*

Quis sapientem in tanta perturbatione animi dicat: & tamen & illud verum est,

Neque falsum, neque suave esse potest quicquam, vbi amor non admiscetur.

Fel quod amarum est, id mel faciet: hominem ex tristi lepidum & lenem.

Ergo amor immensus vituperandus, mediocri laudandus:



Nam ex immenso stultitia ipsa exoritur, imò stultitia ipsa est. Verum qui mollior est, ex vilibus generosos efficere solet, ex timidis audaces, ex avaris splendidos, ex agrestibus ciuiles, ex crudelibus mansuetos, ex impiis religiosos, ex sordidis nitidos atque cultos, ex duris misericordes, eloquentes ex mutis, vnde etiam illud poëta:

*Facundum faciebat amor.*

Etenim ex Græca historia rectè Beroaldus finxit quendam Cimonem agrestem, stupidum, sordidumque virum, ac nulli vsui aptum humano, rudem & omnino inhospitalem, ex Iphigeniæ puella amore splendidum, elegantem, ciuilem, audacem, bellicosum, facundumque euasisse: Ergo amor ipse vt in rustico & duro homine non mediocri illum immutare posset, sic sapienti conueniet si moderatus sit, ac præter cætera longam facit iuuentutem, corque læticia mulcens, ad omnia opera hominem efficit promptiorem. Verum tamen regibus ac principibus nimis periculosus, vnde bene poëta:

*Non bene conueniunt, nec in una sede morantur*

*Maestas & amor.*

Et apud Plutarchum Agefilaus Lacedæmoniorum rex, dum adamatnm puerum agrum mouens exercitum relinquere cogeretur, orati respondit, quàm difficile est misereri & sapere: Ergo lex hæc in priuatis sit, quam penè omnes Philosophi sequuti sunt. Amavit Aristoteles Herpilidem, Stellam Plato, Alcibiadem Socrates, Cliniam Xenophon, sed & Stoici amauerunt & Cynici, velut Antisthenes, sed amore Biannico: solebat dicebat Bias, amandum ita, vt statuas etiam aliquando odio prosequi posse: tum etiam sic exercendas inimicitias, vt existimes iterum illum amicum futurum. De inimicitia non improbo: hoc verò quod ad amicitiam spectat plerosque perdidit, dum nimis sapientes videri volunt. Dānabam in Frācisco Gadio amico nostro, quod parietibus domus suæ hoc inscripisset, quod omnes merito boni damnant, quodque illum quamvis ingenio singulari à suis damnatum, non sine causa ostendere poterat. Ita si hoc dictum ad cupidinem vertas, sanctissimum erit, tum maxime cum amor ille suauis postquam abierit ætas, in odium frequentissime vertatur. Verisimile est enim id, cum quo illecebra illa creuerit, ea sublata consensescere: quomobrem nec quicquam turpiter, aut præter leges: cum enim omnis amor turpis vehemens sit, quod non secus ac in senibus acutæ febres validiores sint, quod à potentissima causa ob naturæ contrarietatem exoriantur: sic ille à forti causa necessario excitatur, vnde etiam flagrans erit. At nos sapientem ardentem amare debere negamus, non igitur amabit flagitiose: Ergo minus mirum, cur scorta magis quam vxores amemus, atque in his pueros magis quam meretrices, & vestales virgines magis quam pueros, vestalibus verò etiam magis perditæ mœchas, tum verò etiam his sorores, ac perditissime draucos: vt enim Venus scelerata magis, sic hominem è sensu recto longius secedere cogit. Immoderati igitur affectus depellant sapientiam, sed eò longius quo fuerint absurdiore. Quid igitur dubitamus,

verum sapientem, nam hunc talem licebit appellare, cum diuinam sapientiam raritas & humanam imperfectio ab hac laude depellat, dicere iustum ac pium, tum etiam fidelem esse debere? Namque iustitia si Ciceroni credimus, est omnium regina virtutum: at fides iustitiæ & pietatis fundamentum, de qua sanè quamvis in turpi causa pulchre tamen dixit Ouidius:

*Non boue mactato cælestia numina gaudent,*

*Sed que præstanda est, & sine teste fide.*

Pietatem in deos, obseruantiam tum in patriam ac parentes colet. Non enim Moses Deum & parentes coli mandauit, sed & Aristoteles καὶ δὲ θεῶν ἐν ταῖς ἀρεταῖς τὸν θεὸν τιμᾶν καὶ τοὺς γονεῖς ὡς τὸν ἀρχαῖον καὶ ἀνομήν, id est, *Quemadmodum in honoribus erga deos & parentes. Nullus enim unquam dignum reddiderit.* Quinimo Virgilius suum Æneam non alia virtute magis quam à pietate laudat, vnde in secundo:

*Hæc fatus, laetos humeros subiectaque colla  
Veste super, fuluque insternor pelle Leonis,  
Succedoque oneri: dextra se paruos Iulus  
Implicuit, sequiturque patrem non passibus  
æquis.*

Iam verò quotiens patriam tutatus est: quia in causa etiam Homerum testem habuit. Ergo illum pium semper vocat, nullo insigniori ὀνόματι potens illustrare: traxit exemplum à Sicularum historia Amphinomi & Anapiæ, quos dum Ætna ignibus agrum Cataneum vexaret, ferunt sustulisse parentes, alterum quidem patrem, inde per medias flammæ vitam pietati quasi concedente igne saluos euasisse. Vnde etiam poëta:

*Et Catane generasse pios celeberrima fratres.*

Merito enim putant cum sacra scriptura

*Ἰκαρὸς βρώσας γυνεὶ καὶ τῶν γονεῖς.*

Id est,

*Recte vixeris in senectute nutriens parentes.*

Ciconiarum exemplo, solent enim illæ cibum parentibus senescentibus exhibere. Sed non ob hanc spem sapiens in Deum, in patriam, atque parentes pius erit, sed sponte. Recte enim respondit Aristippus percontanti, quid ex Philosophia lucratus esset, Vt ea volens faciam quæ alij vel metu vel præmio legum facere solent. Tranquillam igitur hic exigens vitam ac honestam, omnibus se gratum exhibebit, gloria insignem, conuersatione iucundum, securitate beatum. tales fuisse olim Aristidem, Socratem, Traianum, Senerum, Alexandrum, Octavianum post bella ciuilia constat. Omnes enim hos Socrate excepto duo Antonini præcesserunt Pius ac Philoophus. Tales fuere apud Romanos Cato Iunior & Fauonius illius imitator. Sed quorsum hos attinet numerare? omnes enim inclyti artifices, omnes inuentores rerum, omnes conditores urbium, vt Theseus & Romulus: omnes legum latores, velut Lycurgus, Solon, Moses, Mahometus, Numa, Phœbas, Hippodamus, Phidou, Minos. verum omnium callidissimus Mahometus, sapientissimus Moses, vt qui diuinam semper maiestatem oculis intentis intueretur. At verò vt dicam cæteri ab hoc omnes humanam potius quàm diuinam sapientiam calluerunt. Sed hæc prætermittamus, quando



quandoquidem longiorem ea in re consum-  
plimus sermonem, qua minime quisque indi-  
gere se putat: cum nemo tam excors sit, qui  
non seipsum optimis putet institutum mori-  
bus. Adeo enim omnes sibi placent, ut aliena  
vitia videant, cum longè absint; scelera pro-  
pria, quæ tam propè sunt, non agnoscant. Ve-  
rum tamen operæ precium duximus de morum  
institutione vberius loqui, quod ea etiam vxo-  
rem, filios, seruósque instituere liceat. Nihil-  
que tam profit homini ad bene beatèque vi-  
uendum, quàm morum sanctitas & animi vir-  
tus: indicio est, quod plures in summa pauper-  
tate felices ac beatos vides, alios in regno  
miseros, ac tales, cui nec præsentem inuideas  
fortunam, nec futuram optes. Verum pruden-  
tiam ipsam quasi prætermisimus hoc consilio,  
quod ad homines solum intendatur, atque ob  
id sapientiæ humanæ pars sit, non tota, sed  
maior eius portio. Illud igitur videndum nunc  
est, quonam pacto eruditio conducatur, quomo-  
dòque facillimè quisque eam possit assequi.  
Illud enim sæpe dubitatum est, an ad felicitate-  
m eruditio profit, siquidem apud Sopho-  
clem Ajax inquit:

Ἐν τῷ φρονεῖν ἢ μὴ δὲν, ἡδίστος βίῃ.

Τὸ μὴ φρονεῖν ἢ, κατὰ ἀνθρώπων κακόν.

id est,

*Nihil sapere iucundissima vita,*

*Nihil sapere malum admodum sine dolore.*

Et sapiens ipse, Qui addit sapientiam addit &  
laborem. At verò Pindarus dixit.

Δαίτη δὲ σοφία

Μείζων ἀδελφὸς τελέδει.

Et rursus,

Κυρίτερον ἢ ἀπειράτων φρονεῖς.

Quasi dicat, doctorum virorum sapientia  
maior ac firmior esse solet. Inconstantes enim  
indoctorum animi sunt. Ergo ad sapientiam  
eruditio conuenit: ad felicitatem, cum labo-  
riosa sit, fructus eius quasi dulcissimus confert,  
radix obest. Namque ut Aristoteles dicebat,  
dulcissimum ac iucundissimum est scire: addi-  
cere tamen durum. Quid igitur mirum, Aia-  
cem virum imperitum quod nesciat tanquam  
ei arduum ac difficillimum prompte damna-  
re. Non igitur, an eruditio utilis sit, seu ad  
sapientiam seu ad beatitudinem, quærendum  
est, sed quomodo facillime eam habeamus:  
Nam mores ipsos natura ipsa, modo modera-  
tionem adhibuerimus, dat. Etenim nemo spò-  
te iniustus, perfidus, mendax, crudelisque esse  
potest, cum pueri non tales natura sint, sed  
praua educatione multi euadant. Quamobrem  
cum nobis virtus non vitia consentanea natu-  
ra sint, modo moderationem adhibueris, nec  
prauorum exemplo ducaris, bonus euades. Nā  
pueris iracundia intemperantiæque quasi ab  
ortu inest, quibus vitiis moderatione & consi-  
lio occurrimus: cætera omnia præter fortitu-  
dinem nobis insunt ab ortu. Illa verò exem-  
plo & exercitatione tum ratione & præme-  
ditatione acquiritur: quibus modis non hic  
sola virtus, sed cæteræ omnes habentur, vel  
iam habitæ confirmantur: eruditio igitur ipsa  
sola nobis negotium faceffit: ergo à linguis  
inchoandum est: nam difficillimum est discere  
sine doctore. At doctorem audire vel legere  
linguæ notitiā præsupponit: habet autem  
lingua quælibet in se rationem, non enim

obiter hæc vel illa vnumquodque significare  
potest, sed quemadmodum diuersa initia stru-  
cturarum in varia etiam ædificia necessario  
transeunt: sic linguarum principia nomina  
quæque certa suis rebus expostulant. Cum te-  
rere significasse vellent, teram quod maximè  
tereretur subiectum solum dixerunt. i literam  
triplici sono statuerunt, latiore qui ad e, te-  
nuiore qui ad u, medio qui illi proprius est:  
Ergo quid mirum diis ac deis, turrim ac tur-  
rem, here ac heri, optimum & optumum, mo-  
nimentum ac monumentum dici posse? Simi-  
liter & u cum sonum variet, aliud inuenere,  
in video, in voco, in suadeo in quali & in lin-  
gua resonabit. Sic cum l, r, & s, geminentur,  
facile est scire in superlatiuis, quonam pacto  
nuperrime vel densissimus vel difficillimus  
scribi debeant. Eadem diligentia & ratio in  
Græca lingua: nam Platon refert ἑῷτα constare  
quatuor literis, refert autem tussientis so-  
num, nec tamen significatum suum amisit: seu  
in compositione seu solitarie positum. Et τέν-  
ταλον quasi τάλαντατον, seu miserrimum, vnde  
etiam Astianactem Hectoris filium quasi  
ἄναξ, quod rex dicitur, ab ἑκταρ, qui & posses-  
sor profuat: sic & ζῶα ac δια vocant Iouem,  
quasi per quem viuimus, atque ὁρανία quasi  
ὁρῶσα τὰ ἄνω aspectus ad superiora inde cœ-  
lum. Sic à τρεῖς quod est currere: cum sola  
astra deos putarent esse, θεῖς dixerunt deos.  
Δαίμονας verò quasi Δαήμονας, quod essent sa-  
pientum virorum ut credebant animæ. Sic  
ἀντὶ τῆς ἐραστίας, qui amor est, ἡρώας dixerunt,  
quod hi ex amore deorum vel dearum cum  
hominibus geniti existimarentur. Sic & ἀν-  
θρώπου quasi ἀνθρώπων ὅπαια contemplans quæ  
vidit, solus enim homo quæ vidit considerat,  
cum cætera animalia solo sensu contenta sint.  
Sic & ψυχὴν quasi ἀναψυχὴν, quod respirando  
refrigeretur, ut etiam Aristot. recitat, & σῆμα  
cum sepulchrum diceretur, in σῶμα conuer-  
sum est, quod corpus quasi animi sepulchrum  
sit. Vnde à Δέμια differt, quod apud Homerum  
viuentis hominis est. Plutarchus σῶμα à σῆμα  
quasi signo dici putat. Sed num omnia profe-  
quar quæ vel à Platone in Cratylo vel aliis  
scripta sunt de verborum à rebus origine ac  
derivatione? Illud vnum constat, primas in-  
fantium voces quæ vel abba vel baba vel ta-  
ta proferuntur, aut parentes aut nutrimentum  
apud omnes ferè nationes significare, quæ  
originem ab initio linguarum traxerunt: nam  
pater à pa quod solet à multis infantulis pro-  
ferri venit. Originem igitur linguarum scire,  
etsi negotiosum sit, magnam tamen in se con-  
tinet vtilitatem, quod paucis multa memoriæ  
comprehendantur. Denique cum tria sint quæ  
discere quisque cupit, linguas, res & rerum  
accidentia. Memoria, intellectū & imagina-  
tione: memoriam linguasque frequens sermo  
confirmat: res & intellectū disputatio: accide-  
ntia & imaginationem assidua contemplatio.  
Quod si quid occurrat intellectu difficillimū,  
non ut plerique solent immoreris, sed ad alia  
transeundo tempus ne teras. Sic fiet ut multa  
lectione quod obscurum videbatur, clarum ex  
sequentibus euadat. Complura enim sunt quæ  
vel sequentibus innituntur: vel obscura arte  
ab auctoribus fiunt, ut librum totum perlege-  
re cogatis: seu quod interciderint. In quibus  
non



non licet omnia assequi, nisi toto peragrato libro. Enim vero difficiles quæstiones moradiuturna & anfractus orationum perquirere longa sedulitate hominem multum in studendo remoratur. Sed sufficiat hæc vngue signasse vel calamo: ut cum ad id perueneris quo facile patere possit locus, occasionem non prætereas. Nam non secus ac in humanis rebus, etiam in discendo scribendoque arripere occasionem multum confert. A quibus verò inchoandum, à Geometricis certè indeque Arithmeticis disciplinis, ut etiam Galenus consulit, non solum quòd certissima sint, sed etiam quòd careant contradictione, optimum puto, atque hic mos omnibus antiquis. Nam & Plato & Aristoteles, qui summi Philosophi euaserunt, Geometriam & Arithmeticam luculenter in primis didicere. Habent enim hæ scientiæ duo, quòd nec iudicio indigeant, memoriæque ac imaginationem confirment: quorum alterum in pueris utilissimum, altero illos carere necessarium est. Sic etiam Hippocrates & Galenus, omnesque qui ultra modum dicendi quid dicerent scire voluerunt. Nam neque his qui tantum Grammatici ac Rhetores aut Dialectici sunt, hæ scientiæ necessariae fuerunt, quòd qui has profitentur artes nihil de rebus ipsis sciunt. Quamvis enim Quintilianus has & ipse præponat, aliud tamen fuit quàm tantum Rhetor, ut qui in principio sui operis Encyclopædiæ rationem habeat. Astrologia utilis etiam est, & iucunda Musica, verum non illis comparanda. Oportet autem post has etiam modum aliquem venandæ veritatis habere, quod & Galenus ipse demonstrat. Siquidem ad veritatem habendam in vnoquoque quæsito hæc septem, ut ille ait, sunt necessaria: Mathematicæ, Dialecticæ, dialecticæ exercitatio, veritatis amor, acumen ingenij, studium assiduum, præceptor clarus. Hæc sunt quibus vnusquisque in scientia magnus euadere potest. At verò clari præceptores sunt, qui eruditi sunt & recte docent. Eruditus vir dicitur, qui Encyclopædiam absoluit, suæque in arte profundissimus, & eam commode docere potest. Commode ille docet, qui quæ ad propositum sunt tantum exprimit bene & ordinate: bene dicere posse sine linguarum notitia minime licet: ordinate propter audientium utilitatem: nam solum scimus quæ recordamur. Memoria verò solum vel maximè eorum est quæ ordine constant. Igitur hæ partes erunt recte interpretandæ. Commodissimum autem existimo in publica professione, ut primo explicetur auctoris sensus, qui primò ex verbis deprehenditur, atque cum eo verba singula quæ in se difficultatem aliquam continent explicentur: tum verò expositorum opiniones diuersæ quonam pacto vnusquisque eam partem sit interpretatus, ac demum ex quo ille loco hæc sumpserit, seu si quis alius hunc ipsum in vsum suum traduxit: atque eadem quæ de expositione dico, etià de continuatione ipsa præcedentium docenda erunt. Secundo verò loco ratio horum exploranda est, argumentandum respondendūque, ut non solum ratio dicti habeatur, sed ut veritas magis elucescat. Vltimo verò opiniones aliorum de re ipsa atque circa eandem sententiam, tum etiam dicta eiusdem auctoris,

quæ illi aduersari sententiæ videntur adducenda conciliandaque, tum quæ conciliari nequeunt, vel in melius emendanda, distinguenda vel omnino impugnanda, atque cum his Epilogus quasi nucleum verborum atque sententiæ auctoris continens lectionem concludet. Porro memoria ipsa duplex, verborum atque rerum, illa in pueris maior, hæc in iuuenibus: iuuatur prima perpetua recitatione facilitatēque dicendi, ut intelligas recte quæ profers. Nam facilius decem Virgilij carmina puer discet quàm Dauidica Hebræa duo, si eam linguam penitus ignoret. Quæ enim non intelligimus, difficillime mandamus memoriæ. Rerum memoriæ ordo plurimum adiuuat. hic à contemplatione proficiscitur: vtramque auget exercitatio, regimen temperatum, somnus prolixus, curarum dimissio, cerebri custodia: tum maxime à concussione & vocibus magnis. Vnde concionatoribus vel viciatur vel in morbum transit mentis. Vtilis etiam est artificialis memoria, non solum in rebus & verbis extemplo referendis, sed si diu asuescamus, semper nobis aderit in promptu, de qua copiose tractauit Romberchus: nec Cicero eam prætermisit. Futurorum cognitionem prudentia ipsa & præsentium docet, neque melior vlla. Adiuuatur tamen & diuinandi coniecturis, quæ etiam Galeno & Hippocrati & Aristoteli non displicuerunt. Diuinandi ratio naturalis quintuplex est, Astrorum, Physiognomiæ, Metoposcopiæ, Chiromatiæ, somniorum: sed vna omnibus his melior de qua abunde Theophrastus, quæ ex Notis morum habentur. Physiognomia & Metoposcopia liberaliores sunt: reliquæ impostoris artem aliquo modo redolent. Igitur omnes sapientes decet vel Notis aut Physiognomiæ aut Metoposcopiæ operam dare. Aristoteles Physiognomiam & Chiromantiam & somniorum interpretationem approbauit: Astronomiâ Ptolemæus & Galenus. Metoposcopiâ nos primo aggressi sumus: eius tamen exemplum antiquitus manet de Tito ac Germanico. Cum alterum Metoposcopus aliquando regnaturum diceret, cum Cæsaris filius haud esset, eum verò cui imperium successionem debebatur, negauerit regnaturum vnquam, quod & euenit adoptione Neronis & scelere eius. At verò physiognomiam quam fidem antiqui præstarent facile est intelligere ex libro Zachariæ Arabis, quem quod domini seruos empturi illorum mores vellent dignoscere composuit. quàm commoda igitur erit liberaliter viuenti hæc, si ad utilitatem propriam exerceatur. Et quamvis ut diximus Notarum utilitas maxima sit atque luculenter à Theophrasto tradita, earum tamen à solo congressu, cuius nullum apud ipsum argumentum est exemplum quoddam tradam. Si ad te quis ingrediens cuncta quasi inspecturus faciem circumagat, curiosus est, atque ob id, non bene sua negotia pertractat. Solent enim nimis curiosi, semper sua tractare negligentius. Si verò quispiam quasi nondum te salutato ad te veniens sedeat: hic anxius ac morosus in suis negotiis est, ac sui commodi rationem tantum habens. At verò si protinus libros aut penulam tractet, quisque fuerit, temerarius est, ac consilij nepos impòsque sui. Quod si à latere sedeat



se deat fraudulentus est : & si quasi à tergo subtristis & fallax. Talia negligentibus quamquam videantur exigua, non tamen leue commodum in tota vita subtrahitur. quòd vel duiores in conuersatione vel minus tuti euadunt. Versatus cum his, qui reos criminum capitalium interrogare solent, hi ex forma, ex aspectu, ex sermone non paruam morum & scelerum faciunt coniecturam, at errant. Quis nescit aliquando? quæ enim ars tam est exquisita apud homines quæ nunquam aberret? Celebramus Medicinam & militatem artem, quæ tamen coniecturales sunt. Quid igitur prohibet hanc esse veram artem, quod coniecturis innitatur? Demoniacos non ego solus, sed qui illos consueuerunt execrationibus vexare, ex solis oculis deprehendere soleo. Acie enim pupillæ vertentes quasi risum imitentur sursum, variam repente formam reddunt absque causa. Atque in vniuersum vehementer & velociter oculi illorum mouentur permutatque, acréque quiddam ac horrendum referunt; nonne & Virgilius cum Didonis animum extrema cogitantem describeret, his verbis utitur?

*Talibus Aeneas ardentem & torua tuentem  
Lenibat dictis animum.*

Vt non male dixerit ille, oculos cordis fenestras esse. Verum his relictis ad filiorum transeamus ac vxoris institutionem. Nam cum sapientis sit, neutro in optime instituta republica carere: sic infelicitissimi habere sceleratos: memoratur sanè exemplum de Fr. Bufalo Romano ciue, cuius cum essent sex filij, duos seditione securi percussos, duos mutuis vulneribus se petentes, vnum qui nouercam iugularit, filiam quæ coram marito venenum hauriret vidit. Sed forsitan quæris, cur sapientum filij degenerent? Nugas agis si filios degenerare dixeris qui filij non sint: adeò petulantia & mulierum licentia peruagata est. Sed cum in cæteris lateat supposititijs filius, in egregijs viris ob patris excellentiam discrimen filij adulterini cum patre victrico latere nequit: quamobrem ne hos in æternum ad patris eius mores effinxis. Solebat dicere Liuija Augusti filia, cum filios coniugi Agrippæ perfimiles omnes procrearet, alioquin impudicissima, causam huius interrogantibus, non nisi plena iam nauis vectorem tollere. Nam & in adagijs est, τὸ παῖδος ἐστὶ τὸ πατρίον, id est, *harris est filius*. Itaque si puer institutus est, ordine ac modo eget. Neque enim simul contrariis studiis operam dare debet, velut Geometriæ & Rhetoricæ, vel Medicinæ cum adultus fuerit & Arithmeticæ, & generaliter quæcunque duo studia quæ magnam sibi inuentionem requirunt, simul si amplextur puer, assequi neutrum illorum poterit: sensum igitur ac ex linguarum cognitione ac Mathematicis in Dialecticam ac cæteras disciplinas ascendat, si vel ad hoc commodum habeat vel diues sit. Nam Erasmus ætate nostra docuit eruditioni non ob stare Paupertatem, cum fuerit eruditissimus, & Ioannes Montegius, tum alij complures. Quòd sic nec opes nec ingenium addit; illud vulgatum consule:

*Cum tibi sint nati, nec opes, tunc arribus  
illos*

*Instrue, quo possint inopem defendere vitam.*

Sed ante hoc Arithmetica, & Musica, ac γαῖφω. quandoquidem latine hoc nisi duobus verbis exprimi nequeat, docendi sunt. Arithmetica, quòd in omnibus humanis negotiis necessarium sit computare, scire Musicam, ut diximus, delectandi gratia, quòd non semper in tetricis laboribus perstare queat. γαῖφω picturam, in qua mensura etiam continetur, & scribendi rationem habet. His igitur ex Aristotelis sententia imbutus puer iuxta annum quartumdecimum, quem nos in libro de Arcanis homini proprium ac faustum ostendimus, artifici tradi debet, nec obiter: quinimo Ægyptiorum morem in hoc laudo, qui pueros suos circumducentes, artem quæ illis maximè placeret exercere permittebant. Multi enim ad multa inepti, cum ad aliud maximè sint idonei, iuxta Homeri sententiam etiam.

*Αὐτὸ μὲν γὰρ ἔδωκε θεὸς πολέμῳ ἔργα,  
ἀλλὰ δ' ὄρχησιν. ἑτέρῳ κίθαριν καὶ ἀοιδίαν,  
ἀλλὰ δ' ἐν σήδῳ τιθίει νόον ἐνυπόστα ζεὺς  
Ἑλλάν.*

Id est,

*Alij quidem dedit Deus bellicam virtutem,  
alijs saltationem, alteri citharam & carmen,  
alijs vero in pectore posuit mentem bonam Iupiter.* Quid igitur, si vel timidum bellicæ arti, vel imprudentem ciuili exercitationi ac republicæ negotiis, vel rudem ac obtusæ mentis picturæ, vel debilem laniæ tradideris, num perdidideris illum? at contra si ingenij præstantis puerum sordidæ arti incumbere cogas, nū indignabitur? nec vnquam illam libenter nec sedulo peraget. Quid si immemorem cauponæ vel pharmacopolæ: aut mercaturæ simplicem ac desidem, nonne planè sumptum omnem perdidideris? Meminit Lucianus de se, cum sculpturæ traditus esset vapulasse ob fractam tabulam, inde somnio monitum ad literas se contulisse: cum auunculus tamen statuariam exerceret. Hoc enim quanquàm minimum videatur, si in illis obseruetur, & assiduos & elegantes præbebit artifices, quod quantum intersit inferius ostendemus. Est etiam formæ cura habenda, at non illius quidem in pueris quæ contumeliæ solum obnoxia est, sed illius quæ decentem in homine statum corporis præferre potest. Nam & in Aristotele balbutiem, & in Platone dorso gibbum adhuc ridet. Ergo cauendum ne vel violentis plagis vel periculis impulsus pueri turpes notas sibi infligant. Formam verò quæ ad voluptatem est, vix in foemineo sexu ausim commendare. Quamvis hæc sola bonorum sine inuidia sit, alliciatque spectatores, amatores multos, cum reliquæ virtutes hostes parere soleant: hæc vnà, scilicet pulchritudo, regibus imperare potest: attonitòsque in sui trahit admirationem homines. Hæc est illa, quæ & mortis & dedecoris & paupertatis, quæ sūma tria mala sunt obliuisci nos facit. Hæc Europam Asiæ commisit: hac poëtæ deos ipsos ad mortales diuertere sinxerūt: hæc amoris cui omnia subiiciuntur clauis & regna tenet. Quid enim nō vnus vultus causa homines non admittunt? aut cur hoc admiramur? cum in humana facie si ætas & delectus consentiant, diuina quædam pulchritudo resplendeat. Vnde non male dicebat Diogenes: τὰς ἐταίρας βασιλέων εἶναι βασιλίσσας, id est, *Scorta regum esse reginas*. Aristoteles verò



verò dixit, pulchritudine *πῶλος ἀνθρώπου οὐκ ἔστιν ἰσχυρότερος*, id est, *Omni epistolio cum maiore commendatione esse*, & tamen vel sic quòd multorum plerumque malorum fomes extet. In puellis etiam negligenda: amplexanda verò illa quæ species homine digna solet appellari, quemadmodum dicimus, speciem Priami imperio dignam. Nam & Virgilius suum Æneam hac laude extollit, dicens:

*Nec non & Phrygiæ comites, & latus Iulus  
Incedunt: ipse ante alios pulcherrimus  
omnes*

*Infert se socium Æneas, atque agmina  
iungit.*

Sed quia pulchritudine olim iam ante dixerat, ex verbis Didonis his:

*Quem sese ore ferens! quàm forti pectore  
& armis!*

*Credo equidem, nec vana fides, genus esse  
deorum.*

Tantum enim mulieres formæ tribuunt, ut diuinam rem pulchritudinem esse putent: quam etiam laudem Homerus iam tribuerat suo Achilli, dum dixit:

*χρῆεν δ' ἰσχυρὸν πρὸς πότον,*

*Id est,*

*Venustam faciem reueritus est.*

Utque breuibus agam, nullum est maius diuinitatis argumentum in mortalibus pulchritudine: quam obrem rectè finxerunt poëtæ, deas in certamine formæ victas sic exaruisse, ut nec deleta Troia odium finiretur: quòd ea in parte superari viderentur, quæ diuinitatis proprium donum esset. Hanc igitur ut assequamur, in infantibus studio & experientia, Galenus in sex libris de tuenda sanitate aded plene docet, ut etiam inæqualia membra ad decorem restituere ostendat. Verum carnes, colorem, oculos nihil magis mutat nutrice: eligenda est igitur formosissima. Quid mirum cum Macrobius doceat hædos ouibus ablatos, molliorem pilum ducere, & contra agnos capris asperiores lanam. Quin etiam mores ipsi à nutrice magna ex parte infantibus infunduntur: cum viderim canibus ablatos feles, non aded infidos nec agrestes euasisse, quòd & Virgilius ibi sensisse videtur:

*Hyræneque admorunt vbera tigres.*

Nutrice igitur forma, valetudine, & robore, & moribus præstante. Cum primum puer literas addiscere incipit, satis lente hoc studium peragendum est. Tam ea celeritas quam Quintiliani illa assiduitas semper noxia est, ut Galenus rectè docuit. Exemplumq; in auctorem retortum, cum duos amiserit, quos solos habebat, tanta diligentia præter ætatem grace latineque institutos, ut non immerito Quintilianus suam defleat orbitatem, adde & si viuant illud vulgatum Apuleij:

*Odi puerulos præcoci sapientia.*

*Sed enim malitia præcoci puerum.*

Veniant igitur cum viribus artes, nec cogatur puer sapere ante quàm esse: nec dicere antequam sciat. Sic enim instituti antiquo tempore viri mira de seipsis posteris monumenta reliquerunt. At verò linguarum cognitio à consimilibus proficiatur oportet. Nam velut librum communis nunc Italicæ linguæ appellat, Librum verò depromtis literis omnibus Latina, Græca βιβλίον, non sane

ex toto hæc consimilia sunt, sed diuersa. At penitus eadem, ago & ἀγω, contra quædam immutata litera, ut ἀγω, arabs, duabus πρῶτον & βυξ, de quibus in grammaticæ Græcæ institutione diximus. A similibus igitur non ab omnino diuersis introductio inchoanda est, difficilior enim quo dissimilior. Porro quòd à faciliore sit incipiendum docet Aristoteles, tum vero à notissimis. Habent autem lingue omnes affinitatem qua sensim ex vna in aliam omnes dilabuntur in sibi proximas. Nam ex Æolica Latina deriuata est: illa vero ex communis hæc ex Phœnicia: illa ex Hebræa: hæc iterum ex Chaldæa. Si vero ab extrema Latina in Chaldæam transire libeat, nullam inuenies penè vocum aut elementorum similitudinem. Est igitur ratio linguarum continua, ut quemadmodum apud diuersos homines diuersæ concipiendi rationes habentur, sic & lingue ipsæ diuersæ sunt. Nec licet omnia omnibus linguis transferre vel dicere, sed illis prima tantum. Ergo nimirum est, Dei nomen ineffabile esse: cum enim singulis linguis aliquid sit quòd per illas exprimi non potest, multa etiam quæ nullis esse necesse est. Talia diuina sunt & supercœlestia, quorum maximum est ipsum Dei nomen, de quo ut de aliis multis Hebræi mentientes meritas poenas dant. Continui sunt affectus, & regionum ac temporum qualitate mutatur: neque enim argutias Aristophanis laudamus nunc, nec stratagemata temporum Scipionis nostro congruunt æuo. Ergo sensim velut per callem spinosum aut collem arduum ac erectum traducendus est puer, nec cogendus ut vel citò vel multa discat. Nihil enim inanius quam multa scire, ut Hippon dicebat: non enim multa sed vtilia scire expedit. Docendi sunt igitur pueri non ut videantur, quemadmodum principes nunc curant plurima præferre in ostentatione, sed quæ utilissima sint exercitationi suæ. Quòd nemo tam sapiens est, qui non plura cogatur ignorare multo quàm sciat: Quòdcunque igitur inutile discitur, rei vtilis loco stat: ob id omnes, nec de principibus solis nunc loquor, circa proprias artes multum ac grauiter aberrare coguntur, ut prudentiores appareant. Multi aulicam disciplinam priuati, moresque imbuerunt: familias & prædia nobilium sciunt: verba didicere composita: artes suas negligunt. Ab his igitur non necessariis abstinere pueros decet, ut vtiliora prosequantur, ab omni vitio caueant, tum maxime ab iniuria, quæ omnibus qui vel per sexum vel ætatem vel morbum, animo laborant procliuus est. Vnde pueri, mulieres, tum viri qui his similes sunt ad eam inferendam natura parati sunt. Ea tamen cum tempore pernitiola est, ut Pindarus inquit:

*βία δὲ καὶ μεγαλαυχὸν ἑσθλαὴν χεῖρα.*

*Id est,*

*Vis & iactantia commutata sunt in tempore.*

Igitur cum homo duobus indigeat, corporis & animi conseruatione, illa quidem per medicinam, hæc per moralem habenda est. Haurienda igitur tertia medicinæ pars, conseruatrice quidem, de qua non solum medici sed & Philosophi, è quibus vnus Aristoteles, scripsere, moralis autem tota perdiscenda.

Quod



Quod & in usu est Catonis præceptis tanquam puerili ætati & ob breuitatem & clari-  
tatem & humilitatem styli : tum etiam ob  
numerofum pedem commodioribus honesta-  
tem & pudorem imbuant. alterum vt frenum,  
alterum vt omnium bonorum certam regulā.  
Quid enim laudabilius est honesto ? est enim  
adēd laudabile, vt cætera illo laudentur : dici-  
mus honestum genus, honestos parentes, ho-  
nestam faciem. Denique summa omnium ope-  
rationum nostrarum laudem Cicero ducit, vl-  
timumque finem humanæ probitatis virtutis,  
ac felicitatis, vt cum honestate coniungan-  
tur. Ergo cur in omnibus artibus ac rebus  
optimos quærimus magistros, præter quā in  
excolēdis moribus: num propter id, quod ho-  
mines lucro intenti, non ex moribus præsen-  
tem illius sentiant vtilitatem? aut quod quisq;  
vt diximus suos probat mores, cupitque filios  
sibi esse simillimos? at nec adēd morbosos vel  
imperitos aut pauperes, quod hæc mala illos  
latere nequeant, ob id magistris ad artes, me-  
dicis ad corporis curam, eruditis ad discipli-  
nas tradunt. Vltima de moribus fiet quæstio  
vt inquit poëta: & tamen vtcunq; nobilium  
pueri, *ὄφιδος ποῖς τρέπεις*, i. *serpentinis moribus*  
instituuntur. Sed populi sex, plebs ipsa nullius  
boni conscia, quid mirum si honestatem, iusti-  
tiam, amicitiam, fidemq; ignoret? Solum gulæ  
& voluptati intenta, omnis boni atque deco-  
ris ignata, filios etiam sibi consimiles alat. Vn-  
de tot tumultus scelerumque initium, & tur-  
pitudinis origo, vnde seditiones ac virtutum  
contemptus, & nobilitatis odium. Vt enim in  
vase quod subsedit est impurissimum, sic po-  
puli pars impurissima plebs est. quæ tamen  
fœditas ob malam puerorum curam circa  
mores aduenit. Ergo non solum bene insti-  
tuendi pueri, sed à praua institutorum consue-  
tutine arcendi. Est enim in adagio, *πρὸς κακῆς  
ναρξέως* i. *aduersus Carem Carizas*. tales finis  
quales sunt hi cum quibus versamur. Cauen-  
dum verò est, ne assuescant animi affectibus  
ac doloribus: id fit vindictæ cupiditate: tum  
maxime cum adoleuerint. Nam de amoris cō-  
solatione librum adolescentibus seorsum scrip-  
simus. At verò veteres, quibus studium fuit,  
rebus nomina accommodare, Eumenides di-  
xerunt, quas Latini inferni furias, mentis æ-  
stus, easque ex propriis effectibus cognomi-  
nabant: *εὐμενίδες* quasi mentis litem, *τισηφόνες* cē-  
dis vltionem *μέγισται* odium, *ἀλκίται* irrequie-  
tam quā vitam significantes: Ergo his verus  
infernus apud philosophos mentis æstus atq;  
tristitia. Sic igitur pueri assuescendi, vt omnis  
eius fomes ex animo eradicetur. Prohibendi  
etiam à prauis consuetudinibus. Sapiēter enim  
vt inquit Valerius Maximus, Cretēses inimi-  
cos suos illis tanquam pessimæ seruituti de-  
uonebant. Est verò radix totius œconomiae  
veneratio, atq; ea non solum vxores in obse-  
quio, sed etiam filios continet: quamobrem ibi  
difficillimæ vxores sunt, vbi persuasum est, æ-  
qualem marito vxorem esse. Est enim venera-  
tio inter amorem & metum media. Metus cō-  
tinet ciuitates, amor nec domesticos in fide re-  
tinere potest. Veneratio igitur media inter hec  
rei familiari constituendæ maxime idonea est:  
quā recte cū duos æquales deos fecisset Em-  
pedocles, hostes etiam inuicē constituit: amor

Tom. I.

enim perpetuus esse nequit, veneratio æterna  
esse potest: Ergo rectē Deo æqualem non de-  
derunt, qui illum venerari debere ab omnibus  
putant. Quam ergo meliorem œconomus po-  
test habere constitutionem, quā quæ diuinę  
simillima sit: ille inferiores amat, & ab his co-  
latur: vicissitudoque hæc remanet sempiterna.  
Sic paterfamilias diligere suos debet, & ab  
illis vicissim non amari sed venerari. Porro fi-  
lij vxorque qui non venerantur illum, sed  
æquales se exhibent: quamvis egregie ament,  
pro monstis tamen habēdi sunt. Etenim res-  
publicæ vbi æqualitas maxima fingitur, non  
durarent, nisi veneratio adesset magistratuum:  
qui cum breui tempore durent, & metum po-  
tentiae causa, & venerationem post peractam  
dignitatem, & amorem ob æqualitatem con-  
tinent. Rem ergo ipsam præpoltero tamen  
exemplo in suis Emblematis depictis ele-  
ganter vt solet Alciatus noster, docuit dicens,

*Cum furit in Venerē, pelagise in littore sistit*

*Vipera: & ab stomacho dira venena vomit,*

*Muranamque ciens, ingentia sibi collit.*

*At subito amplexus appetit illa viri.*

*Maxima debetur thalamo reuerentia, cōiunx*

*Alternum debet coniungi & obsequium.*

Vtinam hic Tiresias esset, vt ex fœmina in  
masculum transformare liceret: Nam hoc cer-  
tē non honestæ Veneris sed adulteræ exem-  
plum est. At verò in nefaria libidine agens  
semper patienti obsecundatur, contra verò  
in honesta ac coniugali. Par enim est in hac  
semper fœminam masculo parere, quod illi  
naturæ vinculo subiiciatur, lege verò gentium  
iungatur, vnde venerationis ratio ex his am-  
bobus æqualiter mixtis consurgit. Domo con-  
stituta etiam opes quærendæ sunt, non quæ  
ad luxum & intemperantiam, sed quæ ad ho-  
nestam & parcam vitam possint sufficere: tum  
verò cum his auctoritas & gloria quærenda  
est inter homines. Est enim gloriā vt inquit  
Cicero, illustris & peruagata multorum &  
magistorum vel in suos ciues, vel in patriam,  
vel in omne genus hominum fama merito-  
rum. At verò tunc summa est, cum multitudo  
diligat, & fidem habet, cumque cum admira-  
tione nos honore dignos putat. Et hæc qui-  
dem sapientiæ humanæ præmium est, & in  
morte finitur. Verum solida ac quæ ex natura-  
li sapientia exoritur gloria, est consentiēs laus  
bonorum, & incorrupta vox bene iudicantium  
de eccellente virtute. Hæc, cum ad summum  
aliquando peruenerit, hominem infœlicem  
esse nunquam patitur. Est enim ambrosia vir-  
tus, ac nectar gloria ipsa, quā cum quis gusta-  
uerit, vt antiqui finxerunt, Deus sit: hoc est  
mortalitatis & infœlicitatis expers. Ergo vt  
verum fatear, summa hominis fœlicitas, sum-  
mum bonum est, perfectam gloriam degustaf-  
se: hanc intellexit Virgilius cum dixit:

*Felix qui potuit rerum cognoscere causas,*

*Atque metus omneis, & inexorabile fatum*

*Subiecit pedibus, strepitumque Acherontis*  
*auari.*

Hæc est illa suauitas Nectaris, quam cum  
quis degustarit, adēd animum diuinitate qua-  
dam imbuit, vt ad externas infœlicitates ve-  
lut vt dici solet in igne Carbunculus, aut au-  
rum inuiolabile permanet. Conandum est igi-  
tur vnicuique aliquod virtutis exemplum

Y y

ædere,



ædere, cuius memoria sapiens per totam vitam in vniuersis malis, quorum multa homini necessario adueniunt, perpetuo recreetur: quale illud Themistoclis: cum enim ad Olympiam processisset, Græci omnes ludis derelictis in ipsum tota die oculos conuerterunt: quod & si non tam perseueranter accidisse etiam Platoni referunt. Quis, cum hanc dulcedinem aliquando degustarit violentos fortunæ stimulos vnquam sentire poterit? aut quis admiretur Phrynem proprio sumptu voluisse quas diruisset Alexander Thebas restituere? ut modo illo permittente licent inscribere, *Ἀλέξανδρος καὶ κατέσκαψεν, ἀνέσχετο δὲ φρυγίην*, id est, *Alexander euerit, restituit Phryne*. O rem plane immortalē: o solam verē diuinitatis imaginē? pro qua ut Plato dicebat: *κινδυνεύς τεκινδυνώδην ἐτοιμοί εἰσι πάντες μάλλον ἢ τῷ τῷ παίδων, καὶ χρημάτων ἀναλίσκειν, καὶ πόνους ποιεῖν ἢς τινὰς ἔν, καὶ τῷ ἀποδύσκειν*, id est, *Pericula omnes parati sunt sustinere magis quam pro liberis, & pecunias impendere & labores tolerare, quosdam etiā pro ea mori*. Sed quonam pacto querenda est? Respondit Agésilæus: si pulcherrima facias, optima verò dicas. Ergo non tam acutē, neque enim adēd solers sum, sed tamen non minus ad rem respondebo, si omnium aliorum oblitus rei excellenti intendens gloriam ipsam quæras. vulgatum enim est, vbi intenderis ingenium valet. atque ut video mea cum Platone sententia satis congruit. Omnium igitur maxima mortalium Christi in vita fuit, utpote quæ à Deo ipso esset: quamobrem nec tam turpi mortis genere extingui poterat: quanquam non aliud tanto supplicio Iudæi quærent, quod cum gloria etiam nomen ac legem illius resurrectione timuissent. Magnam etiam nomen ac legem illius resurrectione timuissent. Magnam etiam Cicero cum Antonianas recitaret, cum in Catilinam inueheretur, gloriam non paruam meruit: cum in altero patriæ libertatem, quæ orbis domina erat, consecutus sit: in altero ut à populo gentium domitore humeris domum referretur. Assurrexit & recitanti Virgilio Romanus populus, Augustus Cæsar comitem ac consiliorum participem habere dignatus est ad vocem illam:

*Hæu miserande puer, si qua fata aspera rumpas*

*Tu Marcellus eris. Manibus date lilia plenis,  
Purpureos spargam flores, animamque nepotis  
His saltem accumulem donis, & fungar inani Munere.*

Commota tam lugubri deploratione Livia collapsa est, animoque destituta. Sextum ab his Hippocratem, septimumque Galenum statuum, quorum auctoritas maximis aut regibus aut imperatoribus adēd magni extitit, ut parum à deorum veneratione recederet. Gorgiam Leontinum cum Delphis auream statuā collocarunt sapientiæ titulo, quod nulla eius tamen extent monumenta his longe inferiorē esse puto. Catonem Uticensē gloria ingens celebrat, quem etiam hostis laudauit, cui redeūti cū senatu consules ambo in occursum Roma egressi sunt, qui sanctissimē in corruptissima vrbe vixit. Vnde Aristide eō præstantior, quod Athenis Roma sceleratior: Homerū ætate sua minime gloriose vixisse qui vitam suam scripserunt testantur. Ut verò vnicuique

animali sua summa virtus ac facultas est, Homini inquam ratione vtendi, Aquilæ vtauibz imperet, Leoni vt etiam sola voce terrorem cæteris animantibus incutiat, ea autem est velut vasa vinaria deradentis lamentabile quiddam in fine ac tremendum habens. Sic vnicuique homini gloriæ quædam portio est, atque certi generis, quam si assequatur, neque quid maius optare debet, neque si occurrat ferre poterit. Igitur vnusquisque diligenter non solum gloriam quærat, qua perpetuo viuere possit felix: sed eam quam non solum sperare auit, sed etiam possit consequi. Ab ea verò auctoritas, ab hac rursus diuitiæ preficiuntur. Verum cum paucis necessaria deficiat, nec tamen multi gloriam assequantur, optimum puto docere, quonam pacto fiet vt sapiens honestis opibus non indigeat. Quinquē autem sunt modi, quibus breui honestas opes comparare licet: primus vt artem nouam inueniat. nam & si rara auis sit, adēd tamen prosperum habet euentum, vt etiam modica parte illius noniter reperta ditescere liceat. Velut qui vitrum candidis interlineationibus variavit, quod inuentum iam nostra ætate cogitatum est. Alter modus ab hoc, vt inclytæ arti operam des. Sunt autem quatuor, Medicina, Legalis, Pictura, Mercatura. Verum pictura ab ea quam habebat antiquitus auctoritate plurimum degenerauit. Mercatura honestas præsupponit opes: igitur duæ tantummodo hoc æuo artes honestæ relinquuntur. Est & alius modus comparandi substantiam, si qualemcunque artem nec adēd nobilem nec tantum vulgarem assidue exerceas, nquisque inuentis ornes: velut docere pueros, à secretis esse, vel ab epistolis, vel si quæstorias rationes suppetet, vel si gemmas sculpat, plasticen exerceat, aurūve trahat, vel sericum texat, vel si pigmenta misceat repurgētque aromata. In his tamen omnibus diligentia non parua opus est: quod si & nouum aliquid atque vtile super addideris, non profecto te operam luisse queraris. Quo in genere amicus noster Antonius Maioragius non vulgaris eruditionis iuuenis, cum intermissam declamandi consuetudinem Mediolani reuocasset, breuissimo tempore non solum in docendis pueris primas obtinuit partes, verum ad publice profutendum vtramque linguam à senatu omnium studiosorum maximo fautore euectus est. Vixque quinque annorum spatio nihil erat, maximus & opinione & re euasit. Nemo igitur artes si modo aliquid liberalis studij in se contineant culpet, non fortunam quæ virtuti comes assistit, sed propriam vel ignauiam vel inconstantiam vel stuporem vel vitia, quibus quatuor maximē ad gloriam prohibetur accuset. Ergo vt ad rem reuertat, si nullam artem profitearis, vel ea qualiscunque sit, admodum tenuis fuerit ac vulgaris, principi optimo adhæreas. Nam Iouem diuitiarum auctorem cum facit Homerus, reges intelligit, dicens:

*Ζεὺς αὐτὸς νέμει ὄλβον δόλῳ καὶ ἀνδράποισιν  
ἑδδοῖσι καὶ δὲ κακοῖσιν, ὅπως ἐθέλῃσιν ἐκαστῷ.*

Id est,

*Iupiter ipse distribuit felicitatem hominibus bonis, vt ipse vult cuique. hos igitur honestis obsequiis promereri oportet, & quāquam*  
vires



virum quoddam eorum qui sine virtute aulam colunt principes ipsos obsideant, ut ingenuè virtuti vix locus sit. Ambitionem enim antiquam retinent, liberalitatē & magnanimitatem amiserunt: vixque magnificentiae vestigia quaedam habent. Verum tamen si excelsam tuam animi virtutem esse cognouerint, non pessundabitur, cum & apud latrones virtus etiam in precio sit: quamobrem cum in piratas Bion Philosophus incidisset, sociis dicentibus, perimus si agnouerint, respondit Bion. at ego nisi agnouerint: sentiens veram virtutem etiam latronibus fore venerabilem. Quanto igitur magis apud illos, qui vel non mali sunt, vel aliorum potius culpa mali sunt. Sic igitur Demetrius Phalereus apud Ptolomaeum Philadelphum ditatus est, & apud Dionysium iuniorem Plato & Aristippus, apud Alexandrum Aristoteles. nimis longum fuerit si horum recensere exempla volueris, cum nemo tam infamis fuerit princeps, qui aliquos sapientes ac probos viros non ditauerit, honoribusque affecerit. Ne mirum sit Plinium Cæciliū à Traiano, & Aufonium à Gratiano ad consulatus dignitatem euectos, cum Phalaris hæc scribat de Pythagora loquens: τὸ παρρηγιανόν καὶ πέμ-  
πλον ἡδὲ μὴνὰ συνείναι μὲθ' ἡδονῆς, πάλ' ἔπει-  
νός ἐστιν ἐμὸς, id est, *Accessisse, & quintum iam mensem adesse, huius uniuersi laus mea est.* Verum illud admirabilius quod cum Stesichorū poetam hostem infensissimum cepisset, liberauit, additis etiam muneribus: quæ cum ille dum captiuus esset recipere nollet, iam liberato transmisit, hæc addens: τὸ ἀργύριον τὸ παρ' ἡμῶν, δὲ μὴ σὲ κομίζεν ἐβελήδην τότε παρὼν, εἰ μὴ λαβὼν ἐστὶν νῦν, μετὰ δόσιαν αὖ, ἴδι, μετὰ ἡμετέρας καλὰ φέρουσαι σὺν, id est, *Argentum quod à vobis est, quod tibi nunc præsens deferre volui, nisi nunc acceperis, id scito prodicionem contra te apud Himæos comminiscar.* Sed cur exemplis moror? & nunc principes multos egregios viros extollunt, nec sinunt torpescere. Maiorque est forsan copia benefactorum quam eorū qui ob virtutem extolli mereantur, adeo in fucos degenerauerunt apes: ut passim sine melle species apum cernatur. Quod si qui virtute præstantes egent, nil mirum. non enim ex illorum grege sunt. Ac principes atra & strepitu ducuntur, qui & si sapiant, parendum tamen illis putat, ne non sapere videatur: nam triticum ab inutilibus herbis obruitur. Itaque incertum mihi plane est, an cum Scipio Philosophos & poetas in expeditione ducere solet, faueret ne auræ populari, an potius virtutem diligeret. Illud planè certum est, seu ob hoc seu ob illud, homines præstantes præmiis ac donis honeste ab illo ditatos, è quorū numero fuere Næuius, Terentius, Cæcilius, Pacuuius poëta, tum Pannætius Stoicus. Sed iam quintum genus ut video paradorum necessarium aggressi sumus. Cum quis auctoritate tantum proficit, ut à populo vel ab inclytis ciuibz sustentetur. Quo in genere Horatius à Mœcenate egregie ditatus est, ut ipse testatur ibi, dum ad eum scribit:

*Importuna tamen pauperies abest.*

*Nec, si plura velim, tu dare denegas:*

Et ibi etiam ad eundem, dum scriberet:

*Hoc erat in votis: modus agri nō ita magnus,*

*Hortus ubi, & recto vicinus iugis aqua fons,*

*Et paulū sylvæ super his foret: auctius, atque*

Tom. I.

*Di melius fecere, bene est. Nihil amplius oro  
Maiā nate: nisi ut propria hac mihi munera  
faxis.*

Et beato Hieronymo Eustochium, ac Paula necessaria omnia, dico libros, tabellarios, victumque subministrarunt. Politianū & Marfilium Ficinū sic inuit Laurentij Medices liberalitas, ut quantum otij literis impendere vellent, habuerint. Mirum enim in modum ciuitas illa perpetuo quodam literarum amore flagrat, adeo ut cum Latina lingua ciues caruerint, nouum genus quoddam, ut scriberent, linguæ, fingere ausi sint. Sed tamen in propriis nostris principibus nō minor semper fuit, si à rebus ipsis exploranda animi ratio sit. Itaque ut ad rem reuertar, Cælius ille Rhodiginus fautores & studiosos sui habuit temporibus nostris, è quibus præcipuus Ioannes Grolierius Lugdunensis quæstor regius erat. Erasmus etiam multi adiuuerunt, quod minus illi fuerat necessarium, ut rei domesticæ, tot libellis frustra scriptis, consuleret, cum sine illis, honeste viuere, cum illis, minus satis superstes fama esse posset. Minuit enim à grauitate, à magnitudine, à diligentia, à rerum scientia, quicquid illis, temporis impendit. nā verborum copia vel sic plurimum abundabat. Sic igitur Socrates amicorum beneficio, quantum voluit Athenis splendide vixit. Vnde Aristippus dicebat, Atheniensem populum, cum ei de auaritia obiceretur, Socratis penū essetiam enim tantum sibi apud illos gloriæ comparauerat, ut Aristoteles, Socratem, breuis temporis tyrannidem esse diceret: nec tam violento mortis casu extingui potuit, quin in inimicos ultio recideret. Quod omnibus contingere solet, qui stabile gloriæ fundamentum in vita iecerint, tum maxime in libera republica: Quod si etiam apud externos sapiens fuerit, ne cogatur mendicare, Aristippum imitabitur apud Rhodienses dicentem:

*Τὸς δὲ πάντων οὐδ' ἴτεν καὶ ἡμέραν*


*Τὴν οὖν πάντων δέξεται δωρήματα;* id est;

*Quis vagum O Edipum presenti hoc die mon-  
dicis donis exceperit?*

Omnia enim cum honestate studeat sapiēs, ut non egeat necessariis, cum haud facile emergant, quorum virtutibus obstat res angusta domi: Si tamen contingat ditari, longe melius est iuxta Aristotelis sententiam, quam philosophari: nec te seducat Socratis in hoc consilium, quod Æschini dederat, ut à seipso scilicet, peteret: id erat à victu necessario subtrahere: pluribus enim malè cedit res; & nunc cum hæc scriberem, puer inopia adactus, pomis, caseo, pane & aqua cum traxisset annuum, in inflationem incidit, stuporemque sensuum, deinde attonito morbo, quod vix credi potest, annum agens ætatis decimum octauum, repente correptus expirauit. Id ego consilium, dum in summa paupertate degerem anteverti: volui enim carere vestibus, libris, suppellectile, agris, ne ad victum necessarium, studioso quicquam deesset: omnia existimans cum repararentur, vestigium haud relictura. Iacturā verò victus, etiā si repararetur, plerūq; ea relinquere incōmoda, quæ mortē aut perpetuā egritudine afferat. Mouerat me patris exemplum: cum Ticini in gymnasio esset, duobus sociis Andree Chio, & Petro Bono excellenti ingenij



viris contubernio iunctus est : omnes autem paupertatis incommodis laborabant : tū unus inquam, o socij, ait, si simul viuimus, vñā perimus : ineunda est ratio, vt seorsum quisque, manente amicitia, sibi consulat. Cum igitur diuisi essent, pater meus, quodd nullæ illi supererant pecuniæ, erudiendis pueris patricij Ioannis Restæ operam dedit, commodisque vitæ suppeditantibus, quamvis minus, vt tūc videbat, pro dignitate, finem tamen honestum & absque vlla iactura consecutus est. Petrus Bonus cum ad imposturam, cui maxime aptus erat, se contulisset, primo quidem vt videbatur foeliciter, post, multorum quos deluserat odio, urbem illam deferere coactus, ad Ioannem Bentiuolum, tunc Bononiæ principem diuertit ; cum quo, primo eadem arte, prosperè rem agebat, inde deprehensus in custodia publica veneno extinctus, ne pontificis auctoritate eum liberare cogeretur. Andreas Chius, cum minas auri tres haberet, ita diuisit, vt in tres annos illas sufficere speraret. Panem igitur & rapa, vel nuces edebat; bibebat aqua, qua ratione victus tam enormi, cum annum impleisset, quartanâ, quæ illum quatuor annis vexauit, correptus est, quamvis iuuenis ac robustissimus. Liberatus tandem ab ea, capite tremens ac quasi delirus euasit. Et quamvis annos octoginta superauerit, medicinam exercens, semper tamen & corpore debilis & ingenio stupido, præposterâque memoria ac penè ad omnia inutilis habitus est : vir qui alioquin ad maximas res gerendas, nullique prouinciæ non aptus futurus erat. Ergo cur auaris pædagogis in contubernium alendos traditis pueros, vel clausos in cœnobiiis ieiunare simul ac dare operam sapientiæ cogitis? nisi vt vel non sint sine stultitia eruditi, vel integrâ vitâ sapientes.



## DE SAPIENTIA LIBER III.

**M** MENSVM sed tranquillum sapientiæ naturalis mare superasse mihi videbar, iamque protinus in quietis portum peruenisse: cum per angustum humanæ peruenisse: cum per angustum humanæ sapientiæ pelagus nauem ducere cogor, atque inter Scyllam & Carybdim intempesta nocte ventorum instabilitati me committere, iamque facies illa vndantis maris, & fluctuosi turbinis, & obscuræ noctis, ac fragor ventorum & tornitrua apparent. Iamque coorta tempestate fauiunt imbres, micant fulgura, tenebræ adsunt: omnia metu, ignorantia, & turbine complentur: iamque fit fragor, & densi funduntur ab æthere nimbi. Quid igitur? lumine & ductore opus est, vt è vasto hoc tumultu euadere liceat: atque eo magis quodd mare hoc, quamvis angustum, plenum tamen est nauigantibus; at illud, quanquam longe maius, paucos habet mortales: etenim apparent rari nantes in gurgite vasto. Pyxide indigemus Herculeo que lapide: hæc definitionem, hic diuisionem amplectitur. Est enim humanæ sapientiæ ratio, ad homines tota contorta: vtque naturalis, est, esse sic humanæ, videri,

semper finis est. Et quamquam nihil prohibeat, eum qui videtur, etiam esse, plerunque tamen accidit, vt & qui sint, parum videantur, & qui videntur, nullo modo sapientes existant. Ergo quid primum in hoc? non illud Antisthenis vt tacere sciat. ridiculum enim est, cum loqui fuerit opportunum, in taciturnitate collocare sapientiam, ac velut discipulum Pythagoræ silentium lustricum exercere, sed is verè sapiens erit qui vt poëta inquit:

*Dicenda tacendaque norit.*

Atque is demens Horatianus Vulteius, qui vt ventum ad cœnam est,

*Dicenda, tacenda, locutus.*

Verum is tacere ac dicere probè nouerit, qui, quæ tacenda sint cognouerit, ac de quibus loqui expediat. Primum igitur de seipso loqui minime licet, ne laudando, leuitatis ac inanis crimen, vituperando, stultitiæ subeas: veruntamen apud ignotos, licet, vt apud Virgilium:

*Sum pius Aeneas victos qui ex hoste penates.*

Et Homerus de Vlysse,

Εἴμ' ὁδὸν αὖτις λαοφύλακτος δὲ πᾶσι δόλοισιν  
Ἀθρῶ ποισι μέλας ἤ μὲν κλέειν ἔργον ἴκεν.

& alibi de eodem,

Οἱ δὲ δῆμος φιλονητίας, ἀπεκαίνυτο τόξον

Δῆμος ἐνὶ τρώων, ὅτε τοῖς αἰχμῆς ἀχαιοῖ. id est,

*Sum Vlysses Laertiades, de quo omnes propter dolos norunt, & mea gloria cælum vsque peruenit. Et, Solus me Philoctetes vicit arcu ad Troiam, quando iaculamur Achini.* Licet & apud minores, exēpli causa: vt apud Virgiliū:

*Disce puer virtutem ex me, verūmq; laborē:  
Fortunam ex aliis. nunc te mea dextera bello  
Eripiet.*

Licet & propter vtilitatem, vt apud Salustium, Cotta: Quirites multa mihi pericula domi, militiæ, multa aduersa fuere; quorū alia tolerari, partim repuli deorum auxiliis & virtute mea: inque his omnibus neque animus negotio defuit, neque decretis labos. Et apud Liuium, Camillus: Quæ tristitia milites? quæ insolita cunctatio est? hostem, an me, an vos ignoratis? vos etenim me duce, vt Falerios Veniosque captos, & in capta patria, legiones Gallorum taceam, modo trigeminæ victoriæ, triplicem triumphum ex his ipsis Volscis & Aëquis, & ex ipsa Hetruria egistis. An me (quod non dictator vobis, sed tribunus signū dedi) non agnoscitis duces? neque ego in vos maxima imperia desidero, & vos in me, nihil præter me ipsum intueri decet: Neque enim dictatura mihi animos vnquam fecit: vt, ne exilium quidem, ademit. Viden totam orationem laudis propriæ plenam? possunt id innumeris confirmare exemplis, sed cum ratio ipsa dictauerit, his satis factum puto. Liceat igitur & cōtentionis causa, vt apud Ouidium, dum pro armis Achilles. Ajax & Vlysses, vterque sua facta coram iudicibus extollūt. Quod etiam in calamitate facere cogimur, cum beneficia nostra commemoramus: velut apud Liuium M. Manlius cum in vincula duceretur: Iupiter, inquit, optime, maxime, lunosque regina, ac Minerva, ceterique dii deæque, qui Capitoliū arcemq; incolitis, siccine vestrū militē ac præsidē finitis vexari ab inimicis: hæc dextera, qua Gallos fudi à delubris vestris, iam in vinculis ac catenis erit? Vnde subiungit,

Nullius



Nullius nec oculi nec aures indignitatem fe-  
rebant : magnamque plebis partem mutasse  
vestes, ex hoc etiam, tandem liberatum è car-  
cere Manlium. Sed vide quid in secunda ac-  
cusatione, homines prope sese produxisse  
fertur Manlius, quibus, sine scenore, expensas  
pecunias tulisset, quorum bona venire, quos  
duci, adductos prohibuisset : ad hæc, decora  
quoque belli, non commemorasse tantum, sed  
protulisse etiam conspicienda : spolia castrorum  
hostium ad xxx. dona Imperatorum ad xl.  
in quibus, insignes murales coronas duas, ci-  
uicas octo : ad hoc, seruatos ex hostibus ciues  
produxisse, inter quos, C. Seruilius, magi-  
strum equitum, absentem nominatum : &  
cum ea quoque quæ bello gesta essent, pro fa-  
stigio rerum, oratione etiam magnifica, di-  
ctis æquando memorasset, nudasse pectus, in-  
signe cicatricibus, bello acceptis, & identidem  
Capitolium spectans, Iouem deosque alios  
deuocasse ad auxilium fortunarum suarum,  
precatusque esse, vt quam mentem sibi, Ca-  
pitolinam arcem protegenti, ad salutem popu-  
li Romani, eam populo Romano in suo dis-  
crimine darent : orasseque singulos atque vni-  
uersos, vt Capitolium & arcem intuentes, ad  
Deos immortales versi, de se iudicarent. Pro-  
fuit hoc, in crimine regis affectatæ dignita-  
tis, edum, vt non nisi, eo loco ex quo Capi-  
tolium spectare non liceret, damnari potuerit.  
Ergo in hoc, Ciceronis oratione, antequam  
iret in exilium vt nobis necesse non est, si  
modo illius ea est oratio, tum præsertim cum  
homo ille, nullis legibus, omni in oratione,  
magnificè vsque ad audientium tedium, ser-  
uatam semper rempublicam prædicaret. Vi-  
tiosa enim argumentatio est, quæ tam aduer-  
sus præcepta nostra concludit, quàm pro il-  
lis. Verum illud forsitan tunc populare erat at-  
que Ciceroni amicum, quod ab æqualibus  
suis improbatur. Licet & interrogantibus,  
sæpius de seipso dicere, quem morem Virgi-  
lius ac Homerus seruant, Alcinoi & Dido-  
nem prouocantes fingunt. At demum ad com-  
miserationem sua mala referre, aut ad consi-  
lium capiendum, tantum fas est : quamuis tot  
modis laudare seipsum liceat, verum non hoc  
tantum spectare debemus, sed modum potius,  
quo quis etiam de se loquitur. Namque &  
Medicis impune, & cauidicis, artificibusque  
opera sua laudare licet. Verum si id non dire-  
cte, sed quasi ex transuerso atque sub inter-  
rogatione, honestius ac maiore cum auctori-  
tate fiet. Sunt autem modi quibus alia dici-  
mus, alia significamus, plures : è quibus ironia  
præcipua est, qua poetæ, oratores, philosophi-  
que vtuntur : vt apud Virgilium :

*En dextra fidesque !*

*Quem secum patrios aiunt portare penates !*

*Quem subiisse humeris confectum atate pa-  
rentem !*

Inde vide quid sequatur :

*Non potui abreptum diuellere corpus, & undis  
Spargere non socios ? non ipsum absumere ferro  
Ascanium ? patriisque epulandum apponere  
mensis ?*

Ergo ironia iam non obscura est, quæ prius  
ancipitem sensum habuit, frequentissima est  
apud Virgilium, vt pote qui Deorum & regum  
mores imitetur. Sic & apud Demosthenem,

*Tom. I.*

*οὐκ εἰς τὸν ἐγὼ, ἀλλ' ἐν τῇ μέν τ' ὑποχρέωσιν  
δορεῖτε φίλιππον, id est, Vos autem inquam  
ego, dantem & promittentem videtis Philip-  
pum. cum ad Messenios loquitur, subiicit enim  
protinus, ἐξ ηπαρκῆτα δ' ἦδη τὴν παρὰ κερσόμε-  
νον, ἀπὸ χρεώσε, ἀπ' αὐτοῦ ἰδὲν, id est, Eam qui  
iam vos decepit & in fraudem illexit, abomi-  
naremini, si sciretis, intueri. habet vtrunque  
exemplum amaritatem maximam, cum proti-  
nus declaratur : si tardius, minus lædit. Optima  
cui nunquam subiicitur expositio, velut id cum  
lætare Pædaretus, Spartæ non electum esse  
inter trecentos, quod dixit : διότι συλχαίρω τῇ  
πόλει τριακοσίς κρείττονας μὲν πολίτας ἔχοντα, i.  
Propterea gratulor ciuitati trecentos me præ-  
stantiores ciues habenti. adeo abscondita hæc  
est amaritas, vt in apophthegmata relata sit.  
Et tamen indoluit ille, quod moris est colle-  
giorum, non eligere ad magistratus, optimos,  
si Plebei sint, sed honestati ac persæpe vtili,  
præferre inuidiam. Est autem, quanquam tot  
illius genera sint, vt Quintilianus in nume-  
rum non audeat referre, triplex ironia : in vi-  
ta, in facto, in dicto. In vita quidem, velut So-  
cratis, qui cum se nihil scire diceret, alios ap-  
pellaret sapientes. inde argumentis illos con-  
uincens, ridiculos ostendebat, vnde sibi, cum  
gloria, inuidiæ & odij tantundem compara-  
uit. Facto verò nullum accommodatius exem-  
plum, quàm apud Xenophontem Clearchi : is  
cum exercitum pro Cyro aduersus Artaxer-  
xem regem ducere vellet, nec inuitum posset,  
cum etiam lapides in eum iacerent, simulauit  
relicturum Cyrum, ducturus exercitum quo  
ipsi vellent. Inde dissimulans etiam velle  
Cyro obtemperare, tum, imperare exercitui :  
negabat illos in tot difficultatibus existentes,  
posse, nolente Cyro, euadere. Inde proposita  
per alios conditione, & Cyro, & sibi obse-  
quentem exercitum reddidit : & in maximum  
discrimen, nec obscurum scelus compulit. ve-  
rum hoc ad aliud genus spectat, *ειρωνείαν* ag-  
grediamur, cuius vis in verbis est solum. Eius  
optima species ac frequentissima *ἀντιρρησις*, cū  
dicimus iam, quod dicere velle negamus, vt:  
mitto primam illam libidinis iniuriam : tum  
illud : Neque tu, si qua in pueritia peccasti exe-  
quar, ne parentem tuum videar accusare. Vel  
cum alios dicere hortatur ea, in quibus mini-  
me arguere quisquam nos potest, illos ab ea  
suspitione nemo liberare, vt apud Virgilium  
Turnus :*

*Mæque timoris*

*Argue tu Drance, quando tot cadis acernos  
Teucrorum tua dextra dedit.*

Et vt generaliter duobus verbis aperiam,  
ironia ambigua ad occultandam sententiam,  
est accommodata : quæ aperta siue ex se seu  
subsequente declaratione, irascentis animum  
tantum ostendit : nec nisi incitandum apta  
est. Plus enim est dicere, Scilicet, is superis la-  
bor est, ea cura quietos sollicitat : quàm si di-  
cas : Namq; Deos didici securum agere æuum,  
humanis neglectis rebus. Et maius hoc est, vs-  
que aded me mori miserum est ; quàm, mori  
miserum non est. Alter modus est, cum figuris  
vtimur aut tropis, quibus vnum dicimus,  
aliud intelligi volumus, hoc autem citra con-  
trariam fit sententiam. Vnde ab ironia dif-  
fert, velut illud Horatii :

*Y y 3*

*Horrida*



*Horrida tempestas cœlū contraxit & imbres,  
Ninesque deducunt Iouem : nunc mare , nunc  
sylvæ*

*Torcicio Aquilone sonant. Rapiamus amici  
Occasionem de die: dūmq; virent genua,  
Et decer: obducta soluaturs fronte senectus.  
Tu vina Torquato moue consule pressa meo:  
Cetera mitte loqui.*

Et ad Atticum Cicero libro septimo : Vt enim alia omittam decem annorum peccata quæ conditio huic fugæ non præstitit, obscurè satis in Pompeium inuehitur, qui iam octo antea annis Cæsarem auxerat in Gallia, cum antea Romæ annis fermè duobus, parte alia anni, quæ tunc finiebatur, multos in legionibus, in non suscipienda pace cum Cæsare admiserat errores : vltimò, cum saltem Romæ persistere debuisset, nec conditionem recepit, nec venientem sine milite, repulit. Hæc omnia obscure ibi ac plura continetur. Carptim, cum quæ simul iuncta, secure non proferuntur, diuisa, idem apud eruditos sonant, nec tamen deprehendi queunt. Velut cum Brutus de Cicerone: At qui eò tendit, id agit, ad eum exitum præperat vir optimus, vt sit illi Octavianus propitius: tum id, Et dum habeat à quibus impetret quid velit, & à quibus colatur ac lauderetur, seruitutem honorificam modo non aspernatur. deinde: Quid enim nostra refert victum esse Antonium, si victus est vt alij vacaret? demum iunge: Ego certe qui cum ipsa re bellum geram, hoc est cum regno & imperiis extraordinariis & dominatione & potentia quæ supra leges est. Collectis omnibus, satis intelligis, quod ex initio præfatus, sed tamen aperte negarat ambitione ductum Ciceronem patriam prodere: multa sunt eiusmodi in orationibus exempla. Hoc consilio, primo Lutherus Romanam Ecclesiam euertere aggressus est: cum sparsim primo multa doceret, ex quibus iuncta oratione enituit, quod in suspitione erat, non in crimine. Et si modo vllus, arte hac, fanda & infanda dicere tentauit, hic fuit, Aristoteles: nam & mundi ortum, & animæ præmia, & Deos ac Dæmones tam callidè sustulit, vt hæc omnia aperte quidem diceret: argui tamen non posset. Proxima huic ratio est, cum alia ratione firmamus, alia concludimus, velut apud Virgilium:

*Sed mihi vel tellus optem prius ima debiscat,  
Vel pater omnipotens adigat me fulmine ad  
vmbas :*

*Pallentes vmbas Erebi, noctemq; profundā,  
Ante pudor, quàm te violem, aut tua iura  
resoluam.*

*Ille meos primus, qui me sibi iunxit, amores  
Abstulit : ille habeat secum, seruetque se-  
pulchro.*

Ante tamen rationes in oppositam partem adduxerat, tum lachrymas quibus Anna soror satis mentem ab his verbis alienam deprehendit, vnde poëta dicit :

*Spemque dedit dubia menti, soluitque pu-  
dorem.*

Hac arte, nobis Erasmus collaudauit pœnitentiæ sacramentum : rationibus verò adegit homines, vt non amplectantur: cum infirmiores ex vna parte, ex altera firmiores collocauerit. Vtque eodem vento, velorum arte in contrarias partes naues simul aguntur, sic eo-

dem libro Carholicis ac Lutheranis satisfacit: Laudo artem, vitupero consilium : quod in his quæ ad fidei integritatem pertinent, etiam deterius est dubium, quàm prauum. Est & ratio alia occultandi quæ dixeris, cum imperfecte dixeris. Multa sunt apud Ciceronem in epistolis ad Atticum, ac plura quam velimus, quale illud, de Aufidio & Palicano non puto te expectare dum scribam. Vt ex prima epistola sumam facillimum exemplum, dubium tamen est, cuius causa non sint petitori. Est & ratio ambiguitatis, cum in vtranque partem sensus ipse detorqueri potest, quale illud : multa bona commoda hominibus lex Christiana attulit: Nam si de vita intelligitur pœnæ religiosa est hæc oratio: si de commodis humanis, profana. Sentit enim humanam hanc legem esse : dissoluitur autem sic ambiguitas, leges commoda ferunt hominibus: ad hoc enim instituta esse videntur, at lex nostra omnium est commodissima. & illud : Aio te Æacide Romanos vincere posse : & pleraque oraculorum, vatum, Astrologorum, & diuinationum responsa. Obscura est etiam omnis oratio in qua quod volumus intelligi apertum, silent conclusionem propter honestatem. Quale illud Machiauellii: omnes qui veritatem tueri sine armis voluerunt, male periere. Deinde alibi Christum asserit sine armis quod esset, ob inuidiam à Iudæis condemnatum Quis non videt ex his Christum humano consilio, non quod sponte oblatus sit, periisse illius sententiā, quam tamen explicare non ausus est. Similis arte aggreditur Mahometus Christum oppugnare, dicens : Omnis qui participem Deo dat vel coræqualem, illi contradicit. Assumit autem quasi pro confessis Iudæorum voces, Quia filium Dei se fecit: & quis es qui æqualem te Deo facis ? At Christus nec Deo æqualis est, nec particeps: sed ipse Deus. Vnde ad Philippum : Ergo & pater vnum sumus: & qui me videt, videt & patrem meum. Simili calliditate conatur probare in Alchorano, quod non passus sit, quia non deceret talem virum pœnas pro Iudæorum calumnia dedisse. Ergo occulti sermones sunt & ancipites, qui conclusionem carent. Hac arte Aristoteles ansam mille interpretibus diuersa sentiendi præbuit, quod imperfectis vtatur argumentis, nec semel sed vniuerso in libri contextu sunt, qui aliorum actorum auctoritate quasi non sua recitent, vt apud Ciceronem Cotta inducitur, Deorum negare prouidentiam, curamque omnium humanarum rerum, sique Cicero iudex eius quæstionis, cuius est auctor, sed hic fingitur. Aliter & subtilius oppugnat Gellius diuinationem ex Phaurorini Philosophi verbis. Et Erasmus in epistolis, quæ non vult dicere sic dicit, vt cui subscribit, ab alio tantum aduersæ factionis dictum existimemus. Ludimus & exemplis, quæ tamen non pure proferuntur, sed cum irrisione. Ergo multis modis cum & loqui & etiam scribere liceat de seipso, cautè artificibus semper concessum fuit, tum his maximè quibus qualiscunque laus, ob periculi magnitudinem, auctoritatem dat: quod ni fallor præcipuū est ac quasi solum, medicis, cum metus mortis etiam de seipso prædicanti, fidem faciat, de Deo, raro ac generosissime: est enim omnium ille absque

contro



controuersia, honorum largissimus auctor: Nec quisquam de summo bono maledicendo sperare laudem ullam potest. Itaque nullum genus sapientiae, Deum vituperare, aut calumniari, aut irridere, aut illudere ei, vel inter illegitima vel praua commemorare docet. De lege, quod quisque à patribus suis accepit, tuto proferet & honestè iuxta Euripidis sententiam.

ἔδ' ἐν σοφίᾳ μέγα τοῖσι δαίμοσιν,  
Πατρὸς παρὰ δόχας, ἃς ὁ δμῆλικας χρόνῳ  
Κεκτῆμεθ', ἔδ' εἰς αὐτὰ καὶ ἀβάλλει λόγῳ:  
Οὐδ' εἰδὲ ἄκρον τὸ σοφὸν εὐρητὰ φρένων.

Id est,

Nihil cum daemonebus sophisticemur, patris successionem, quasque equalium consuetudines temporì obinuimus nulla hac oratio abolet, Ne si accuratissime quidem ratio inita fuerit. Et tamen misera plebs paucorum ambitione plectitur nulla sui utilitate, seruantur auctores, in quos si vera dixerint, nihil habes, sed nec in ipsam plebem: si falsa, maiore poena digni sunt. At quot ex illis sycophantia bene cessit? Quamobrem crudeles ne dixerim principes, qui in hos animaduertunt, modo eos tollerent qui Pileum vel Episcopatum prurientes, tãtas inter populos ruinas serunt, tam ingentibus cladibus genus humanum afficiunt: tam pernicioso veneno religionem inquinant. Ergo malum hoc non humanum est, sed vel ex Deo vel à daemonio quodam. Nam praeceperit me quantum Isocrates in hoc praecepto peccauerit, dicens: ἡμεῖς τὸ δαιμόνιον αἰεὶ μὲν, μέγιστα δὲ μὲν τῆς πόλεως: nam subiungit quod ex arte non est, ἔγωγε δὲ εἰς αὐτὰ τε τοῖς θεοῖς θύειν, καὶ τοῖς νόμοις ἐμμελεῖν. Causam enim turpem pulchro praecepto subiecto subiecit. De regibus ac principibus honeste loquaris, nam maledicentia periculum afferre solet, laus, adulationis suspicionem. De parentibus ac affinibus, cum illos laudas, memineris partem tui laudare in illis: quamobrem vel non nisi prouocatus, vel sine affectu omnino id facies: cum verò laudi locus non est, pro vituperatione silentium subiicias. Sed iam quid non agere debeamus, sed quid agant videamus, qui sapientiam humanam profitentur. Principio igitur videndum, quid unicuique hominum generi conueniat. Sunt autem hominum genera tria: principes, & qui seruiunt, & qui in libera habitant ciuitate. Duo etiam modi maxime ad prouehendum idonei: dissimulatio, & eloquentia. Porro dissimulatio ex animo in linguam & gestus & actiones progreditur, iudiciumque hominum non quaerit, sed opperitur. Eloquentia iudicium aliorum requirit, & linguam ornata exigit: his duobus auctoritas apud homines augeatur. Principium autem omnis commodi ac felicitatis humanae est apud homines auctoritas, ab ea diuitiae, fides, amicitia, dignitates, magistratus, potentiaque profliunt. Ergo eloquentia ipsa iam quaerenda est, sed non ut Ciceronis, sed quae loco, tempori, ac personis congruat, illosque qui audiunt possit persuadere. Hanc & olim & nunc in precio omnes habent. Ille enim plurimum potest, qui plurimum persuadet: unde non male apud Tragicum Hecuba conqueritur dicēs:

Τὶ δ' ἦτα θνητοὶ τὰλλα μὲν μαθήματα  
Μοχλοῦμεν ὡς χεὶρ πάντα, καὶ ματεύομεν,

Πειθῶ δὲ πῶ τὸν ἄνθρωπον ἀνθρώποις μόνῳ,  
Οὐδὲν π μᾶλλον ἐς τέλος ἀνδρῶν,  
Μιᾶς δὲ δόντες μανθάνειν, ἢ ἡ ποτὲ  
Πείθειν αὖ τις βέλῳ, τυγχάνειν δ' αἶμα.

Id est,

Quid disciplinis, ut dignum est ceteris  
Sudamus atque singulas inquirimus?  
Ac non magis suadela, quae mortalibus  
Regina sola est, ex amussim exquiritur,  
Datoque precio discitur, quo quauelit  
Ea quisque persuadere possit & assequi.

Id est, cur mortales, ceteras quidem disciplinas omnes inquirimus & colimus ut par est: verum persuadendi artem, hominum reginam, non plus aliis studemus mercede data discere, ut liceat quae velimus cum oportuerit persuadere aliis simul ac impetrare? Est enim eloquentia quaedam tyrannis occulta: unde etiam Ciceronem Romae regnare aiebant illius inuidi, & Romulum Arpinatem appellabant, quod Romulus non solum regnasset sed Romam aedificasset, quam ille natam sub se praedicabat carmine satis ineleganti:

O fortunatam natam me consule Romam.

Igitur cum nihil sit praestantius inter homines, quam terrae dominari, & omnibus quae in ea sunt: par enim hoc si non sit, simile tamen Deo est: at ille terrae dominatur, qui hominibus in illa habitantibus imperat, quod cetera animalia omnia, quamuis celeriora & fortiora homini ob ingenium, artes, & concordiam, atque communionem, aut parent aut cedunt: tum etiam maria ipsa, & pisces, arbores, montes, in hominum arbitrio sunt: Itaque qui hominibus praest, terrae praest, atque mari, tum omnibus quae in ea consistunt. At hominibus praesumus, vel vi, vel consensu, vel mixta quadam via. Vi quidem armorum metu, consensu orationis persuasio, ne & eloquentia, mixta via ut legibus ac magistratibus, qui quidem hominum consensu constant, vi tamen exercentur. Ergo omnium nobilissima artium militaris post legum & eloquentiae, habet autem eloquentia ut persuadeat, accommodata ut dixi, loco, temporibus, personis. Nam & Lacones suam habebant facundiam, quae tamen orationibus breuib, abruptis, circuncisilisque constabat: & in vrbe nostra eloquentiae fundamentum est, ut quam breuissimis verbis ostendas negotium illud esse re sua esse. Porro orationem longam odio habent, non solum quod putent ostentationem in se habere, sed quod ab illa timeant, velut Romani à Graeca facundia circumueniri. Optimè igitur ex Homero dixit Galenus, eloquentiam hominem Deo quodammodo simillimum efficere, cum solus Deus corda hominum quo vult flectere possit, his verbis:

Ἀλλ' οὐδ' αὐτ' εἰδὲ μὲν ἀκιδνότερον πῶς αἰεὶ  
Ἀλλὰ θεὸς μορφῶν ἐπιστρέφει δὲ τ' ἐς αὐτὸν  
Τερπόμενοι λίσσονται, ὅδ' ἀσφαλέως ἀγρεύει  
Αἰδοῖ μελίχριν, καὶ δὲ ἀρέσκει ἀγρομέθοισιν.  
Ερχόμενον δ' αὐτὰ αὖτε θεὸν ὡς εἰσερόων.

Id est,

Alius vir est forma deterior, sed Deus formam ornai versibus. Alii verò in hunc cum delectatione intuentur, hic verò expedite concionatur cum dulci pudore decoroque se commendat apud concionem, incedentē verò per urbem suspiciunt. Hae tamen pars, ut clarum est, multo minus



principibus necessaria est, quoniam armorum vi, retinent potestatem. Nemo autem ea quæ habet, quærere re dubiâ vel certâ debet. Male ergo Seneca, Neronem eloquentiam docuit, cum potius Philosophiam docere debuisset. Nam eloquentes, boni principes vix vlli, & pauci felices. At Philosophi, omnes boni principes, & felices: quod in animo, robur principis esse debeat, non in lingua. Itaque cur admiramur Traianum ac Theodosium, cum vix scirent literas, optimos fuisse & felicissimos principes: contrâ, Neronem & Heliogabalum eloquentes, sed monstruosos ac infelicissimos? Quod si quis mihi obiiciat, militares conciones quasi necessarias, illi respondebo, non eum qui animo sit sapiens, hoc commissurum, ut ed labatur licentia militaris, ut oratione ad conferendum manus opus sit. Nam nec Alexander, inter tot discrimina opus oratione Liuiana habuit, ad Darij numerosum exercitum superandum, nec Marius Cimbros deuicit oratione, quanquam tamen accepisset à republica militem, sed arte bellica & auctoritate: persuasum enim erat militi, cum Mario vinci non posse. Verum, dissimulatio, ut magis eloquentiâ principi necessaria, sic, ut quisque minus habet auctoritatis, sic minus necessaria: & idem in plebe parum aut nihil prodest, si cæteris animi artibus non adiungatur. Et tamen, sic existens, omnibus vtilissima est. Atque ut id comprobem, historiam duorum exemplorum recitabo, in quibus vis humana, omnis furor, omnis impetus, dissimulationi succubuit: ut facile sit, intelligere, nullam artem aut apud reges aut populos huic posse conferri. Erat igitur apud Iudæos, ut Iosephus refert, Tyrannus nomine Alexander, qui omni crudelitatis & libidinis genere, populum vexauerat, hic moriturus, uxorem aduocat, docetque ut ipso mortuo, in ipsum inuehatur; censeat cadauer dilaniandum, proiciendumque, hortetur populum ut proprias vlciscatur iniurias; se filiosque, quod nocentes non sint, quod inuitis ipsis ac reclamantibus, iniusta quæque ac nefanda, nec viro, sed feris digna peregerit, quod paria etiam ab illis etiam ipsi metuissent, quod grauissimus etiam in domesticos omnes, non solum, sed etiam in coniunctissimos fuerit: liceat aliquando liberos esse, & absque periculo; cum non æquum esset, ut hi qui ab illo ob populi curam in maximo periculo essent constituti, ab his etiam qui meritò illi irati essent, timere deberent: tantum potuit hæc oratio apud populum, quam vxor ab illius morte publicè habuerat, ut non solum iniuriarum obliuiscerentur, nec dignum quicquam in tyranni filios legibus statuerent, sed inuisum cadauer, publico honore decorandum existimauerint, filiosque, quibus parerent; cum in matris dissimulatione, plus fiduciæ quàm in patris scelerum memoria collocassent. Ergo prudens dissimulatio, salutaris necessariis, populum decipit: Quàm maior vis existimanda est eius, quæ regem versutum senemque imò tyrannum fefellit, à consilioque auertit? Cum Herodes ille Ascalonita, Alexandrum filium, veneficij reum & cogitatæ paternæ cædis, in vinculis occidendum haberet, Archelaus, qui filiam suam Alexandro desponderat, è sinibus Capadociæ regni, Hierosolymam venit: ac primum

ab Herodis salutatione, illum sic aggreditur: Intellexi ærumnas tuas ô Herodes, filique tui inauditum scelus, quod si filia mea vel verbo particeps est tanti flagitij, pœnas rogo ab illa protinus sumas: quod si non est, affinitatem nunc disjungi postulo: Quin tu, aded mitis pater eousque supplicium distulisti? miror sanè, & expectabam, te iam ex filia mea ac filio pœnas sumpsisse: sed video viciū humanitas tua, affectusque paternus illorum improbitatem: sed veni ego ut non solum tardantem incitarem, verum & adiuaarem, ne crimini dari posset, quod in filium sceleris postquam & ego filiam ipsam sceleris participem punire decreui. Erant sanè hi innoxij, nec hoc ignorabat Archelaus, sed falsis accusationibus Antipatri, alterius filij Herodis premebantur. Ipse verò pater, præ ira, non satis veritatem poterat intelligere. Sed postquam Archelai verbis consentientis nec retrahentis, ira deferbuit, patuit innocentia nurus & filij: in affectum igitur paternum relabens, filium à vinculis liberat, utrosque etiam suasu Archelai in pristinam gratiam recepit. Huius generis, bellica omnia sunt stratagemata, atque inter illa nobile illud Zopyri cum Dario aduersus Babylonios; longa est historia, sed notissima. Verum longior, si velim omnia in hoc genere referre, cum tamen Homerus suum Vlysssem tam longa dissimulatione in procorum cædem armat; latitat ut mendicus, pugnat cum Iro, pro cœna iacet, nihil non facit, ut vxoris pudicitiam intelligat, domesticorum fidem, procorum scelera, ac vires denique, ut cædis inopinatæ arripiat occasionem: id imitatur Virgilius in suo Ænea dicentem inducens Didonè:

*Dissimulare etiam sperasti per fide tantum.*

Et rursus,

*Spem vultu simulat.*

Et cum reginam constantissimè mortem quæsisse docere vellet, dissimulantem hoc ipsum, quod animo conceperat inducit, dicens:

*Consilium vultu regit, ac spem fronte serenat.*

Quin etiam ipsam Iunonem Deam, dissimulasse aduersus Venerem eodem libro his verbis expressit:

*Olli, sensit enim simulata mente locutam,*

*Quo regnum Italia Lybicas auerteret oras.*

Dissimulationemque dissimulatione aggreditur Venus. Sed quid iam tot verbis agam? duo hi sunt nerui humanæ sapientiæ, Dissimulatio apud omnes, tamen præcipuè potentes: Eloquentia apud illos, quos vel decipere nihil prodest, vel qui tuo non parent imperio. Et si quis me roget, quis mortalium palmam sibi arripuerit in dissimulando? respondebo Philippum, quod & hoc pro laude ab inimicissimo Demosthene sibi obiiciatur: post illum, Themistocles, qui duplici dolo non solum Persarum regem decepit, patriam liberans; sed beneficium accepisse interpretatus, Rex, in exilio vrbibus tribus eum donauit. Est ergo ratio vna, in dissimulatione, optima, simplicitatem profiteri: Cum tamen in minimis causis non sit dissimulandum, sed apertè agendum, quod & Philippus agebat. Atque in omnibus, nisi de summa rerum agatur, aliquam iustitiæ speciem præferre iuuat. Conferre ad hoc non parum, homines liberæ linguæ amplecti: ac videri illos caros habere, ut dissimulationis



lationis oforem. Sapenumero enim, res, non magis sapientum sed plurium arbitrio reguntur, quibus, fama & externa simulatio, pro argumento semper fuit. At eloquentiæ virum Demosthenes Athenis, & Cicero Romæ exemplum dederunt: fuere enim hi eloquentissimi. Isocratem ne dicas eloquentem, qui ad lucernam declamitat: Æschinem si Demosthenes non fuisset, secundum statum Rhetorum, primum verò Athenis. Sed cum in regum memoriam inciderim, de illis pauca seorsum dicam. Rex qui in imperio suo tutus esse velit, postquam regnum sponte sua (vt tragicus ait) pondere suo ruit, magnam diligentiam & conatum in eo retinendo exhibere debet: nam si neglectum vt plurimi faciunt, regni negotia tractauerit, non diu regno potietur. Sunt autem pericula quibus regna amittuntur, vel ex Insidiis, aut Vi. Vis externa, vel à subditis, quæ seditio vocatur. Insidiarum, aliæ violentiam, aliæ dolum secum habent. Violenter enim Galeazius Sfortia & Ioannes Galeazius obierunt, insidiis priuatis, absque populi consensu: sic & Philippus Macedoniæ Rex: quæ autem dolo fiunt, aliæ quidem à domesticis & alieno impulsore, aliæ à coniunctis. Ergo aduersus externam vim, nihil melius est, quàm militem habere domesticum & exercitatum, tum concordem populum, & pecuniam repositam: Vnde Galliæ regnum non validum est aduersus externam potentiam, caret enim milite proprio, & quamuis equitem habeat conueniam, quia tamen exiguus est numerus, idè ad defendendum propria, si qua magna ingrueret potentia, debile est: ad aliena occupanda, inutile. Et quantò hac in parte debilius est, tantò tutior aduersus domesticas seditiones. Quamobrem hoc semper fuit difficillimum, vicinis esse terribilem, & tutum à domestica fraude. Qui tamen generoso animo fuerunt, malebant militem habere armatum, cum seditionis periculo, quàm inermem prouinciã, tot finitimorum incursionibus habere subiectam, atque in omni belli discrimine, subditos exhaurire, & alienæ fidei credere. Eadè ratio in educandis filiis, nam fortes, patri imminenti, debiles & enerues, ad regnum tuendum non sunt apti. Sed tamen, Philippus Alexandrum maluit bellicis artibus instructum habere, ad gloriam, cum suspitione; quàm effectum cum securitate: & nunc, pater ob filium celebratur. Ad comprimendas autem seditiones, non vt quidam stultè excogitarunt, seditione ipsa opus est: in quo errore Ludouicus Sfortia, cum sibi videretur sapientissimus, se suosque omnes perdidit. Nam consentiens populus, nūquam Regem, nisi omnino flagitiosum depellet à ceruicibus: quod difficillimum sit esse concordem, nec possit tanta multitudo vni esse infensa? At in seditionibus, cum parte vna, plerumque etiam princeps eiicitur: quod in Italiæ tyrannis frequentissime contigit. Ergo ad concordiam reducenda est multitudo; nec diffidendum tum maximè, quod populus concors, aduersus externas offensas est etiam tutissimus. Quod si nouum regnum, bellicâ virtute vel successione, antiquo adiungatur, quatuor modis absque seditione retinetur: vel coloniis in locum deductis, quod Romani facere solebant: vel habitatione principis, vt

cum Turcarum Princeps in Græciam, sedem suam trāstulit: vel mixtione populorum, quod Romani cum Sabinis & Hetruscis fecerunt: neque enim hoc aded seruire est vt habitatio, nec tam crudele vt coloniæ deductæ; in quibus quod optimum est ac tutissimum, antiquos habitatores delere: hoc autem inhumanū est. Extremum est, cum vi ac prædiis detinentur, obsidibus, munitionibus, armorum priuatione, virorum diminutione: quod & Turcarum princeps in Christianos exercet, quasi necessariò, ob cultum religionis diuersum. Optimum igitur ex his omnibus est, miscere novos populos antiquis, inde vrbes æquis iuribus regere: Summum autem præsidium regni est Iustitia, ob apertos tumultus: & Religio, ob occultos. In administratione iustitiæ, vnū seligat gnauum virum ac prudentem, tum legum optimè gnarum; hic socios sibi deligat non pauciores quàm decem, non plures tamen, quàm viginti, qui se nouerint ab illo electos, vt ei cum oportuerit obsequantur: omnes tamen municipalibus legibus instructos. Porro primus ille, singulis diebus cum paucis aliis, non ex eodem ordine, in secreto consilio cum ipso principe sit. Quicquid autem graue est, per illum ordinem administretur: sic odium princeps, ille vnus inuidiam, multitudo & ordo ipse periculum effugiet: & tamen vnus omnia exequetur. Habebit & ordo ille facultatem leges condendi, vt maiore cum auctoritate, & absque suspitione voluntariæ administrationis, omnia facere possit. Et maximè, vbi in quempiam principi inimicum pœna sit irroganda. Non in pluribus, sed in necessariis princeps se misceat: nec cogat ordinem à recto deuiare. Aliquando etiam aduersus iniustitiam deprecetur, ac in ordinem veniat, illis aperte contradicentibus, ac ius suum tuentibus, discernentibusque. Ius ipse numquam solus exerceat, erratum non retractet, sed resarciat. Sic enim Philippus Macedonum Rex, cum oscitanter causam audiens, damnaisset Machetam, illo prouocante, cum intellexisset Philippus, Machetam iniuste damnatum, non rescidit iudicium, sed multam pro eo soluit. Sed neque decet principem quicquam admittere humile, aut indecorum publicè: occultè agat, quæ apertè laudari non omni ex parte possunt. Sic crudelitatem, libidinem secretis locis & inter suos expleat, si affectibus animi nequit dominari. Super omnia autem ab iniuria caueat: hæc enim est insidiarum mater, & seditionum nutritrix: Nihil exerceat nimis: nec peritus esse velit in artibus, quæ nec ad bellum sunt necessaria, nec ad iudicia, nec ad corporis custodiam vtilis. Vnde recte cantor cum à Philippo reprehenderetur dixit: absit ô Rex vt hæc melius quàm ego teneas. At nunc quidam principes cupiunt vehementer videri in his eruditi: in quo duplicem risum mouet; & quod quæ decet nescire, scire velint, & quod putet se scire, quæ nesciant. O quam iuste igitur pictor ille egregius è regno pulsus est; & Dionysius Grammaticus. Literas, eloquentiam, Geographiam, Machinarum artem, & nauigandi, si mediocriter teneat laudo; non vtupero etiã si his careat. Nam & Cosmus Medices, literarum ignarus, prudentissimum se declarauit, tamen verò & Cæstricius insignis dux fuit: cuius



cuius memoria ad id me vocat, ut rectè credam confictam fabulam de illius admiranda in infantia expositione. Sed & illud, ab hostibus tamen retorqueri solet; ut cum Sabini bello certarent cum Romulo, obiciebant ei quod spurcius esset, infamis, humili patre; cum Deorum genus mentiretur. Beneficia ipse, non ordo conferat, nec expectet certamen: nam longè diuturnior ac maior est repulsæ dolor, quàm memoria beneficij: is verò qui ab ordine habuit, non à principe habuisse putat. Illius ordinis etiam princeps, quem, vnum ante alios diximus debere constitui, in rebus magnis sit inexorabilis: & iracundiæ non vitio, sed infamiâ laboret: sic enim multa perficere poterit, antequam cogatur princeps vel mutare decreta, vel crudelis aut pertinax dici. Capitali damnationi semper bonorum etiam accedat amissio: ne quandoque ab affinibus vel filiis, armis, spe indulgentiæ offendatur. Omnis animaduersio capitis, sit sine spe reconciliationis filiorum, vel proximorum: In quo genere satis Astyagem Medorum regem delirasse apertum est: Credidit enim exercitus summam, ei, cui filium proprium tradiderat epulandum. At si per iniuriam coactus, occideris, momento prouerbij:

*Νῆπις ὃς πατέρα κτείνει, ὕψι πολεῖται.*

Id est,

*Scelus qui patre caeso liceros facit reliquos.*

Crudele hoc sanè, sed illud periculosius. Plutarchus vir gravis, absurdum putat, secus fecisse: cum etiam Philippum Alexandri patrem hanc rationem secutum intelligamus. Tyrannicum certe est, filios ob patrem occidere, sed & prius fuerat, occidisse iam patrem. Damnatorum autem pueros ne occidat, sufficit enim spoliassè. Siquidem in extrema paupertate educatis, animi deficiunt. Iniuriam, crudelitati ingenti, addere adeò inuidiosum est, ut Philippus ultimus Macedonum Rex, hac causa regno pulsus esse credatur. At vero in proditores, lege agere semper licet. In regno, nulla sit suspitio à suis: Quamobrem nec fratribus parcendum, si sint audaces. Suadeo abstinendum omnino ab iniuria: sed si contingat illam fore necessariam, securitati consuletur. Ergo & propinqui potentes, eorum quos occideris deprimendi. Leuius etiam existimato hominem fortem è medio tollere, quàm iniuria afficere. Rara autem est iniuria, à qua violentia absit: igitur ne in adulterium prorumpat princeps vnquam, ne virginè inuitis proximis corrumpat, ne scortum, inuitum ad turpes vsus impellat. Hac enim causa Philippum occidit Paulanias: quod illum ab Attalo talia passum, non ab iniuria manifesta vindicasset. In vniuersum igitur, iustitia summa, summa securitas: post ipsam autem, summa tyrannis proxima illi est in securitate. Nam duo maximæ crudelitatis antiqua exempla, & summæ tyrannidis, tum diuturnæ felicitatis narrantur. Agathoclis, qui omnes ciues Syracusanos vna die nobiles sustulit: & Nabis qui Lacedæmoniorum octoginta potentiorum, tum Ilotarum multitudinem vna die interfecit. Nec solum à suis tutus, verum T. Quintio Romano qui Lacedæmonios oppugnabat restitit, ac diu terribilem se illi præbuit. Oliuerius etiam Firmij, omnes ciues vna die occidit: oc-

cidit: occupauitque urbem. Verum intra annum pœnas dedit, externa vi pulsus. Hanc vim in Turcarum principe videre quotidie licet, qui tutissimè res suas administrat. Sit autem subitum quodcunque paras: nam res quæ non sapius repetitur, quantumvis maxima, in obliuionem transit. Beneficia igitur, contraria ratione paulatim impertienda: nam cum cumulatè semel tantum dederis, tempore obliuiscuntur. Illud autem summa diligentia cauedum, ne inimicum relinquant potentem: sed si potes aut illum multis beneficiis deuincies, aut è medio tolles. Quæ ratio etiam in Regibus tenet ac Ducibus. Pontius enim Samnitum Dux, suos perdidit, cum exercitum Romanum nec cecidisset, nec libere dimisisset: laudatusque est magis consul victus, quàm Pontius victor, quod ille rempublicam suam turpi conuentione seruauerit, hic prodiderit. Eadem fermè stultitiâ Namantini etiam periere: Ergo in regnis media via periculosa, plerumque perniciofa: idèò nunquam amplectenda. Adulatores, sunt qui vituperent: sed principibus ad auctoritatem augendam, si modesti sunt, propter populum, valde sunt vtiles. Minime ergo audiendi sunt, qui illos explodendos putant. Sed tamen cognoscat illos princeps necesse est, nec vllò in negotio graui introducantur: non solum, ne consilio suo hominem perdant: sed quod tale hominum genus, leue, & persæpe minus secretum seruat, quod audierit, & quod facile inflatur, & præmio ad prodicionem impelli potest. Bonos ac malos amplectatur: vtrisque enim Rex indiget. Nam iustitiam à malis iuxta Comicum querere non licet, sic enim inquit:

*Iusta autem ab iniustis petere, insipientia est.*

Nec iniusta à bonis impetrare licet. Scelerum igitur & facinorum aliquando ministros habere necesse est. Imitemur Deum, qui prauos alit ad pœnam prauorum. Imitemur naturam, quæ humores non bonos, tam sapienter distribuit, ut non minus sanguine ipso videantur necessarij. Sed tamen & in hoc naturam imitemur; quæ non quamcunque bilem nutrit, sed solum quæ non sit pessima, nec sinit sanguinem ab aliis si potest humoribus superari. Sic proditores & infidos, quod tam aduersus se, quàm aduersus alios paratos videat, ne alat: nec patiatur plures esse in regno malos, quàm bonos; vix enim sic imperare illis poterit. Boni libenter ingum ferunt, ut boues: mali non ferunt, taurorum exemplo. Ipse autem exempla virtutum non pauca exhibeat, non omnium, sed imperatoriarum: fortitudinis scilicet, prudentiæ, & tolerantia. Fortitudinis rariora; frequentiora tolerantia, prudentiæ semper. Enormes adulationes fugiat, & puniat auctores, prudentiorum moderatas, mediocribus præmiis repenset. Et postquam certamen res viles in precium adducit, quæ certamine carent vilescunt: Vnde Mathematica utilis & verax iacet, inutilis & fabulosa Philosophia magnis stipendiis decoratur, quod homines in certamen deducat: diuitiis certamina auferat, honoribus & virtutibus præponat. Fortitudinem igitur, prudentiam, & reliquas aduersus hostes tantum virtutes muneribus decoret, coronarum, infularum, stemma



stemmatum, graduum, tum etiam magistratum: Vnde illæ apud Romanos ciuicæ, castrenses, muralisq; coronæ, quæ in precio habebantur, & sine iactura dabantur. Eadem Græcis sapientia in certaminibus, in quibus, coronis olivæ, myrti, lauri & similibus pro præmiis victores ornabantur: tamen præ gaudio filij victoris patrem fertur expirasse. At verò certamen opum aut virtutum inter ciues proponere, exitiale semper fuit. Primum quidem ad omnia facinora impellit, secundum ad seditiones. Longam nimis historiam texere videbor, cum ad libri finem studiose properemus, si vnicuique præcepto exemplum adiecerimus: tum maxime, cum liceat hoc videre singulis diebus, ob hæc minima, quæ existimantur errata, integræ regna deleta fuisse: similiter si rationem addere voluerimus, eadem prolixitas consequatur. Si quis nos tanquam crudeles in ius vocet, quod in seditionis consulamus, fratres ac filios tolli de medio, proximisque potentes, illud animaduertat, seditionis vnus inexplabilem ambitionem, ac auaritiā, in capita tot bonorum, tot innocentium, tot miserrumque impunè conuerti: An melius est igitur vnus aut paucorum fontium vitæ parcere? an omnium penè bonorum & innocentium iacturæ periculūque succurrere: tum maxime quod lege promulgatū, tunc vix vnus videbitur in longo æuo tanti criminis conscius: Quod enim facere homines non sine certo exitio posse sperant, facere desistunt: At difficillimum est absque alterius conscientia, imò penè esse non potest, vt quisquam tantam rem aggrediatur. Quamobrem & illud stultum est quod existimant, Regem tutius amari quàm timeri: aberrant enim tota via. Timeri expedit principi, amari autem si contingat, pro corollario habeatur. Imponenda igitur est pœna non solum nocentibus, sed his, qui cum iuuare possunt non iuant. Terribilem se præbeat in arduis, & inexorabilem in iniustis. Liberalitatem, virtutem esse non credat: qua multi iniuste spoliantur, pauci ditantur; atque hi, cum mutua inuidia: Cumque in honoribus præmia sint constituta, promiscuè diuites & pauperes, pro virtute ad magistratus eligat: nulla diuitibus sit prærogatiua: satis illis prærogatiuæ, sunt opes quas possident. Diuidatur populus per artes ac tribus, vt Atheniensis ac Romanus, ac tollendam seditionem, quæ ab affinium vel opum potentia ac fiducia confurgit. Religionem nouam non admittat: nam tunc seditio est in populo: Satis intelligit iam Germania, quid multiplex religionis cultus, ad infirmandum robur possit: Quod si permutanda sit, seu quia cogatur, seu quia expediat ob vtilitatem, celerrime fiat: Nam eo tutius, vt celerius: velut Angliæ Rex & Saxonum princeps, minore agunt periculo nunc, quàm si diuisum esset regnum: tutius tamen fuerat, non mutare: non enim ab initio grauissimi periculi expertes fuerunt: nec aliud eos iuuat quàm vicinorum impotentia. Ergo, pericula summā celeritate transiendā: ab initio autem, minimis motibus acriter resistendum; sylvam, puer eiusdem anni totam, vna die, virga enervare potest: post annos quinquaginta, exercitus, per men-

sem, securibus excindere non valet, & excisa etiam, denuo repullulat. Iudicia summa, duo ne esse permittat: Hebræi enim, & nunc Christiani ob id periclitantur: nam Regum Iudæorum potestas, summa Pontificis auctoritate infirmabatur, nec tamen ad se regiam administrationem Pontifex trahere poterat ob Davidis antiqui regis auctoritatem, qui eam Rempublicam mirum in modum auxerat. Optimum igitur est, si cum Religione Regia auctoritas coniungatur; sed cum Regna per successiones, Pontificia dignitas per electionem transferatur, coniungi hæc duæ res diu nequeunt. Eadem ratio in priuatis regnis: Veruntamen ius priuatum multiplex esse potest: imò esse debet: cum vix vnus magistratus tot cognoscere sufficiat. Alioque genere tractandi milites, alio sacerdotes, alio artifices, vel coloni si peccauerint. Quod & Romani, Athenienses olim, & nunc Veneti obseruant. Magistratus verò ipsi publicum accipiant stipendium: & fideles sint principi. Cognoscuntur fideles principi magistratus, qui omnia in principis, non in propriam vtilitatem faciunt, nec vlla ex parte ditescunt, nisi donis principis: In quos ita munificus esse debet, vt nullo modo, pro dignitate, cuiusquam indigeant. Munitiones & custodes corporis habeat; nunc ex Germanis eligunt, quod experientia comprobatum sit, eam gentem fide pollere. Contra domesticas insidias, suis vtatur affinibus, quos etiam diuites faciat, ne spe audeant, aut irā concitati, cogantur mali quicquam excogitare. Caueat autem homines parui capitis, iuuenes, scæminas, celeres in sermone, ac valde mutabilis consilij: tum eos qui liberales sunt in conuiujs, vel muneribus, aut ludo, aut ornatu. Modestis, & tardis, ac his qui iram non continent, vtatur, pignora etiam habeat, scilicet filios circa se: nec vni vnquam, tantum fidat, novos homines, nunquam in contubernium & secreta domus admittat. Qua cautione diu Turcarum Rex veneni non solum iactura, sed etiam suspitione caruit. Omnia igitur plurius oculis subiaceat, habeat ministros prægustantes vt moris est, raro populo, rarissimè alijs, tum maxime legatis se ostendat. Hominem enim posse, tum eius domesticos sæpe videre, & audaciam & commodum ad machinandum præbet. Suis non irascatur: si affecerit contumelia, illico explodat: plures enim, eā naturā sunt, vt iniuriam obliuisci nesciant. Aduersus importunitatem rogantium hac arte vtatur, vt nihil cuiquam det roganti, sed sponte atque inopinatò, tum etiam quasi præter omnium opinionem. Sic nec plura dare cogetur, nec repulsæ illi dolorem sentient, nec ipse ab eorum grauabitur petitione. Filijs magnam diligentiam impendere oportet, nihil enim grauius est illorum cura. Vnde plures principes illos occiderunt, vt Mithridates, & pater huius regis Turcarum, ab illorum potentia timentes. Alij, ob insidias, velut Herodes, qui Alexandrum, Archelaum, & Antipatrum sustulit filios, & Artaxerxes, cum Dario quinquaginta alios: Alij, vt regnum vni inuiolatum & absque metu traderent, vt Dejotarus: de quo supra diximus. Diuidere enim regnum, est destruere: velut Massinissa qui



qui cum diuississet inter nepotes Aderbalem, Hiempfalem, & Iugurtam, ipsos neci crudelissimæ tradidit : & regnum in Romanorum manus. Dux verò (vt dici solet) Sfortia Franciscus, quamvis vni soli tradiderit è pluribus regnum, plures tamen illi inuiderunt, illi vni, & dum casu Galeazius, qui rerum potiebatur, proditione ciuis occidisset, causam dedit vt Ludouicus frater prouinciam occuparet. Atque ita seditione exorta transit in Gallos; inde in Cæsarem, illorum stirpe deleta. Tam frequentia sunt huius rei exempla, velut etiam de Ptolemæi regno, quod propter Cleopatram & fratris insidias ac seditiones, in Romanos peruenit, vt iam exemplis non indigeamus. Quin & nunc Rex Gallorum, ne regnum diuidat, cum duos habeat filios, nouum minori regnum parare intendit; adeoque omnia miscet, vt Turcarum periculo rempublicam Christianam totam exposuerit. Solet autem vt diximus, media via esse in regnis perniciofa. Itaque cauendum est in filiis & affinibus illud. Primò, vt in regni causa, obliuiscatur se parentem esse, aut fratrem, aut coniugem: nam qui hanc consuetudinem tuebitur, regnare per multas successiones poterit. Si autem diuidet, nunquam fieri potest, vt diu eius proles Regum obtineat: Ergo in filiis procreandis, vna solum muliere vtatur; fideiiores enim & amantiores fratres inter se erunt: Deinde, maiori regnum totum decernatur, quem, omnibus bellicis virtutibus exerceat, ac inclytum reddat. Quòd si à regnandi dignitate multum absit, alium illo generosorem instruat: quos autem nolit regnare; non literis, non arte bellica instruat, sed in luxu omnino & otio alat; vnde Philippus, Alexandro, cum quereretur, à patre sibi qui instarent fratres progigni, respondit. Ideò efficies vt non solum ætate; sed & virtute te illis digniorem præstes, cui regnum relinquatur. Non diuidendum, (dixit,) Non quòd natu prior esset, illi deberi, sed præstantiori relinquendum: Quid regna Græciæ omnia in Turcarum manus tradidit, nisi fratrum & filiorum æmulatio? Quin Italiæ tot regna in manus tradidit Barbarorum? fratrum ac filiorum æmulatio. Quid regnum Turcarum & Galliæ seruauit incolume? nisi quòd non diuiditur, & foelix quidam successus aliquot regum, fratribus catentium. Habet autem hoc Turca præstantius, quòd vni & meliori decernit imperium: diutiusque (vt pote iam per tredecim successiones) in vno tantum mansit. Gallorum non tam inuiolata lex, nec meliori, sed primogenito tantum debetur. Ergo cum adhuc vigilantia, liceat Christianis, regibus imminenti resistere periculo; vel caueant, vel si secus cedat, non nisi de seipsis conquerantur. Frater ergo, fratres in priuata vita retineat: & pater, filios quos regnare nolit, nec ad alios transire principes permittat, capitaleque hoc esse decernat: in luxu & deliciis educet. Sic crudelitatem Barbarorum, & periculum Christianorum regum deuittabit. At vero circa religionis cultum, princeps sollicitus esse debet; non solum quòd ex hoc, populi in admiratione contineantur, sed quia Deus ipse, quoquo modo coli vult se: etsi adhuc hoc non desideraret, debetur hoc ta-

men illi. Quamobrem Senarum ciuitas, sapientia exemplum in hoc dedit, quod templum omni arte exædificauit, Pario marmore: in quo soli pars nulla non est elaborata. Quicquid artis, quicquid studij est, in illo repositum: Ætates septem historiasque habent in pavimento: Summus pluteus, capita habet pontificum: pictura in sacrario, vndique colores varij, & si quid rarum est, excogitarunt addere: ferunt etiam eam urbem in tutela beatæ Mariæ esse, cui templum dedicauerant, nec vnquam eà causâ vi externa captam; & ad antiquitatis fidem, vt cum Romanis certent, Remum cum Lupa habent. Simili ratione Florentia, ædem habet beatæ Virgini dedicatam sub annunciationis titulo: in qua statuæ & imagines pontificum maximorum, regum, militum innumeræ, qui votis & supplicationibus seruati sunt. Aliam habent hi ciues ædem, beatæ Reparata, marmore albo, rubeo, nigròque exterius distinctam: tum verò locum, in quo pueri lauari sacro fonte solent, cupreis valuis & vestibulis ornatum. Quid autem maius æde nostra sacra sumptuosiusve: vel elaboratius templo beati Marci Venetiis? sed & multa feruntur mira de fano Parisij beati Dionysij; sapienter hæc omnia, non solum piè. Cauendum tamen est, ne vel superfluum sit sumptus, vel sacerdotibus summa auctoritas tribuatur. Cum enim plures optimi sint, periculosum tamen est, salutem publicam illis committere, ob religionis apud populum auctoritatem, idque euentu satis manifestum est. Æthiopibus ambitione sacerdotum mos inualuerat, vt cum illi pronunciasent, expedire populo Regem è vita excedere, ob gentis salutem, cogerentur Reges vitam finire, quòd ni sponte fecissent, tanquam à Deo nunciatum, quod sacerdotes mentiebantur, populus turpiter eos occidebat: mosque hic perseverauit vsque ad Erganem Regem, qui illorum cognito dolo, omnes sacerdotes deleuit, vt ab hoc commento tutus esset. Nonne Danielis historia refert, Babyloniam regem à sacerdotibus turpiter esse delusum? quos omnes ille ob hoc interfecit; igitur præscribenda illis licentia. Circa amicos verò, eos eligant, qui non proprio commodo vnquam, sed principis consulunt; qui errata eius ferunt nec probant, sed tamen à maledictis aliorum tuentur; qui virtute & gloriæ amore sint insignes. Vna enim vt dixi omnium ratio bonorum est, gloriæ æstimatio ac certamen: quæ urbem ac principem seruare potest. Porro, vrbs maxima fiet, tribus: coniugiis, exercitatione armorum, concordia. De omnibus autem diximus nisi de coniugiis: igitur nulla maior cura quam coniugiorum, vt cœlibes omni honore careant: adulteria in vtroque delinquente acerbissimis suppliciis puniantur: exemplo legis Iudaicæ & Mahometi & idolorum: quod cum contempserint Christiani, deteriores omnibus his, effecti sunt; neque enim vel aduersus Deum vel aduersus Rempubl. aliquid potest adulterio scelestius excogitari; fures capitis poena puniunt, quid debetur mœchis? Imperator Opilius Macrinus iuris ciuilibus abunde peritus, adulteros vna iunctos, viuos semper cremari voluit. Mitiores omnes, (è quibus

Traianus



Traianus irreprehensibilis) ante illum, morte nunquam non mulctauere. Ius perpetuum in homines, vel etiam rusticos nulli tribuat: capitale etiam sit, hoc à principe petiisse: ostendunt Venetorum, Galliarum Regis, & Turcarum vires, quantum hoc possit: Vacat enim seditione regnum, cui nullus nisi vnus præest: Ad omnia etiam principis mandata promptiores euadunt, qui vni soli parendum sciunt: sic iuuat apud populum, vt carus Deo videatur. Constantinus ob hoc qui magnus dictus est, vt Ambrosius auctor est, clauum vnum freno equi, alterum quo Christus confixus est galeæ infixit: nescio an religiosius, an superstitiosius, an profanius: sed tamen ad opinionem hominum plurimum conduxit. Maledicta etiam de Diis, tum etiam de principibus acriter puniat: altero seditio tandem, altero contemptus Regis pronenit. Sed qualis sit contemptus, ex auctoritate dignoscitur: vnde Curtius de Alexandro, cum ægrotaret, dixit: Tunc exercitus intellexit, quomodo ex vnus spiritus, totius exercitus salus ac vita penderet: criminis ergo capitalis sit, aduersus Regem loqui; quod etiam sacra scriptura præcipit. Ea ergo ratione non male apud Barbaros, Alexander se Dei Iouis filium, curauit ab Animonis sacerdotibus pronunciari: & Sertorius, suam ceruam, tanquam Deum consulebat: commenta hominum, sed plusquam hominum. Si contingat alium principem prælio capere; si retentus, viam præbet occupandæ maioris partis regni, non dimittatur: sin regnum secus inuiolabile manet, promptè ac sine præmio villo dimittas: Homines enim qui nulli subiiciuntur, vi solum aut beneficio detinentur, subiecti, legibus, & pactis. Verùm cum hæc alias in libris de æternitatis arcanis, & vberius ac sublimius tractauerimus, Regum institutis finem facere decreui: postquam vnus Alexandri magni vitam paucis verbis pro exemplo pertransiero. Hic, occiso patre, eum vlus est, suspensio in cruce Pausania, (quamuis patrem non parum odio haberet) ne vel impietatis crimen subiret, & aliis ansam occidendi se, præberet: Antequam in expeditionem iret, omnes quos habuit suspectos regni, occidit; in quibus etiam Attalum, patris sororium: Thebas rebelles funditus subuertit; omnibus ciuibus qui supra xxx. M. erant, diuenditis, sex M. occisis: Omnibus aut gratum aut terribilem se ostendit: Omnia in celeritate & confidentia statuit: Militem Macedonicum à Patre Philippo veteranum acceperat, non mercenarium: Cum discederet omnia amicis donauit, nec spem vllam reliquit reuertendi: Cum Hellepontum transiit, nihil plus habuit pro stipendio, quam cibaria dierum triginta secum. Græcis, quod aduersus ipsum stipendio ac inuidia ducti, militabant, ita irascebatur, vt maximo etiam sui discrimine illos omnes occideret; cum Persis & aliis indulgeret. Pro tanta igitur sapientia debitum est præmium consecutus, quod enim populus Romanus tot victoriis, tot exemplis fortitudinis, plusquam decies centenis millibus hominum ex sua vrbe casis, post annos ferme sexcentos, vix sibi acquisiuit; vnus Alexander nec quadraginta millibus militum, annis octo para-

uit: cum etiam illorum limites excessisset; siquidem Indos & Scythas deuicit Alexander: Millia quinque etiam oppidorum ex India cepit: quæ omnia Romani intacta reliquerunt: sed & Arabiam ac Lybiam peruasit: ergo vnus Alexander, Romanis omnibus, ob sapientiæ beneficium, etiam gestis rebus præponatur. Et nunc in Italia est princeps vnus qui si Philippum agere sciret, posset relinquere Alexandrum, & nos aliquando à Turcarum imminentibus liberare periculis: nam Turcarum vis, nunquam expugnari poterit, nisi vnus consurgat Alexander. Sed quomodo ille consurget, cum totis vrbibus pigmentarij cernantur? militaris omnis ars, obseruantiaque perierit; mulierum arbitrio viri parantur? gloriæ nihil, diuitiis omnia tribuantur? pompa fœminea inutiliter census exhauriat? certamenque de illa sit nobis maius quam apud Græcos in Olympiade? Ipsi Itali principes, filij fortunæ magis, quam virtutis malint appellari? adulatoribus enormibus, & fucatis viris delectentur? satisque illis videatur, quod parta retineant? diuidant regna filiis, & pluribus velint bene esse? alius gymnasium erigit ad decorem, alius venationes instruit ad voluptatem; omnes lautis epulis gloriantur: Quinetiam hominem præmio afficiunt, qui illis exprobrat auaritiā, quod non in ganeones, in adultores, in mimos, in pompas omnia profundant: tanquam hoc illis turpe videatur, honestaque ille suadeat, at saltem illius circumspecterent vitam, si modo dubia est sententia: expilare populos iniuste, vt profundant in hos, qui solum illos doceant desipere. Carolum, ille damnauit auaritiæ, ego illum non damno: Non enim in cœlum os ponam, sed vtinam atque vtinam intelligeret, quàm deceat principem qui maximas velit gerere res, nihil omnino dare, nisi his qui pro illo in acie stant, vel qui consilio pollent, vt administratoribus ciuitatum, & Architectis. Illud etiam scire decet, in quo aberrant aliqui, Equitatum, peditatu præstantiorem esse, si par vtrinque numerus sit; nisi in augustiis montium: nam equorum impetus, in pugna utilis est, nec peditatui similis; in campis, etiam fatigat & prohibet commeatum: ostenderunt Parthi aduersus Crassum, & Turcarum rex aduersus Christianos. Quanquam etiam inter homines multum intersit: Inexercitati equites, peditibus veteranis; tum pauci, multis collati, superabuntur. Par autem sit numerus amborum; quod immodica differentia sit inutilis, at paritas, aut levis differentia, optima est. At verò, exercitatio, sit perpetuo bello: id semper leuissimum suscipiendum, nec querendum est illos superare, quibus deuictis, vicinus fias longè potentioris. Quo errore, Ferdinandus Turcarum vim perpetuo habebit infestam. Occupanda igitur semper sunt, non maxime opportuna, sed maxime tuta: donec potentia, auctoritas, experientia, te, vel illi æqualem reddant, aut paulo minorem. Errauit & longe plus, homo ille, cum munitiones damnauerit. Omnis vrbs, fortis mœnibus, etiam



oppidum fortissimum habeat; ut semper sint duæ, aut nullæ, murorum munitiones. Hoc errore Ecelinus Paduam amisit: ex quo facinoris crudelis secundus error manauit, atque inde, regni cum tota familia interitus. Dissimulanda sunt studia & decreta belli, tum locus, tempus, ac reliqua, quantum fieri potest, atque in hoc genere, stratagemata vocata, vtilissima. Si multis ex locis aditus pateat, debilissima oppugnanda, velut Turcarum vires facilius multo ex Ægypto franguntur, quam ex Græcia: sicut miles facilius vincitur, si locis petatur inermibus, quam si ubi armatus est. Subditorum si potentiam reformidat, leniter ac quasi ex transuerso minuat, non aliquorum, sed omnium, lege vniuersali. Quod consilium fuit Francisco Sfortiæ, cum legem tulit, ne quis inconsulto senatu hominem morte damnet. Iam enim tam leni edicto, plusquam dimidium potentia procerum fregerat. Nostra ætas vidit vnum principem Valentinum Borgiam, quamuis infelicem præpropera ac inexpectata morte pontificis Alexandri patris sui, & morbo letali proprio, simul circumuentum. Et his autem qui aliis parent, ducisque exercitus sunt, Dauali patruus & nepos, qui nunc regit prouinciam nostram Caroli auspiciis, illustres fuerunt: habet enim familia illa quatuor ea quæ in principe requiruntur à Cicerone commemorata, Virtutem, Auctoritatem, Fortunam, & Scientiam rei militaris: quæ si euentu obscurentur, non ob aliud euenit, quam si fortuna superioris inclinetur. Nam eorum qui nulli parere coguntur sapientia, semper fortunæ adiungitur, quales sunt reges ac principes. Illud sanè demiror, Agapetum & Isocratem, cum tanta de regno & ad reges scripserint, tam pauca vtilia præcepta illis commemorasse. Plura enim illorum quæ ad iustitiam pertinebant multis modis diuisa, sat erat vno præcepto comprehendisse. Et, si Iustinianus Agapeti præcepta seruasset, non clarus fuisset bellicis artibus imperator, nec gloriari potuisset illis verbis, quæ in procemio Institutionum ponuntur: Africam atque alias innumeras prouincias Romano addidisse imperio: cum seuerus vindex prætergressorum extiterit: nam Bellisarium exoculauit, per quem Italiam receperat: ingratus ergo dici potuit. In quo vitio Alexander etiam, cum duos Parmenionis filios vnâ cum parte occidisset, accusari planè potest. Sed hoc tutum: at, non tutum fuit uxori Iustiniani, Narseti Eunuchio illuisse, cum per eum iam pluribus rebus bene gestis, & denuo recuperatâ Italiâ, vnius verbi sola indignatione, multas amiserit prouincias. Ergo securius ut dictum est, occidisse quam læsisse, in regni administratione, cum maximi viri offenduntur. Historiæ legendæ assidue incumbat: sed non omni, ac sine delectu; plus enim nocebit quam iuuabit si has partes non habeat, Integritatem fidei, Annalium secretorum tractationem, Diligentiam in declarandis omnium causis, Similitudinem gubernationis cum præsentis tuæ, & Iudicii gravitatem. Pro instituendis autem regum pueris, non Sacerdotes aut Rhetores, sed Philosophi: non auari, vel gloriæ appetentissimi eligendi sunt: sic Plutarchus Traianum, inui-

ctum & totius orbis dominum reddit, quod etiam aliàs diximus; & satis ex verbis ad illum de reipublicæ gubernatione, in initio, intelligitur: sic Aristoteles, Alexandrum: nec oblitus est Rex illius beneficii, eius enim charitate omnes fouit Philosophos. Sic Alcibiades & Xenophon, Socratis institutione, incomparabiles exercituum duces extiterunt: alter, inuictus semper: alter, fortunâ maiore, quam patriâ. Sed iam de his qui in libera versantur republica dicamus.

Cum in reipubl. alicuius gubernatione, cuius ad illius administrationem non ineptus, accedit, oportet illius mores, cum temporibus consentire: nam si dissentiant, vix boni aliquid perficere poterit: cum videamus etiam Caracallam Seueri Afri filium, quoddam Getam fratrem occidisset ad imperii securitatem, malè periisse: Inuictus enim omnibus, populo scilicet, senatui, & exercitui, infirmum retinuit imperium, & oblatâ occasione, cum vita, breui amisit: quod persuasum esset omnibus, illum qui in fratrem sæuisset, etiam in alios futurum crudelem: cum tamen ratio ea minime valeat; non eodem in aliis, quod in fratre existente periculo, scilicet imperii: Ergo, res magnæ legibus primò sancientiæ sunt: sed hic error patris fuit, qui inter illos diuinit imperium: ceterum, quæ aduersus consuetudinem temporum, nisi admodum periculosa extiterint, conseruanda à principe cum sint, quanto magis à priuato ciue? atque is felicissimus erit, non solum ciuis, sed etiam princeps, cuius mores (velut de corporibus pro sanitate) æuo illi ac regioni consentient. Sapientia autem in eo genere, summa ac inuiolata. Quod si ad omnes respexeris, qui ad summum fastigium in sua republica peruenerint: tum ad Reges: videbis ita esse ut diximus. Quamobrem ut pro Rege, Alexandri gesta subiecimus, sic pro ciue in libera republica C. Iulius Cæsar, aut Cato est imitandus: quorum, ut studia diuersa, ac penitus contraria; sic vterque in suo genere admirabilis. Vnde Salustius pulcherrimè eorum naturam ac mores descripsit, dicens: Sed meâ memoriâ, ingenti virtute, diuersis moribus fuisse duo viri, M. Cato, & C. Cæsar, quos, quoniam res obtulerat, silentio præterire non fuit consilium; quin vtriusque naturam & mores, quantum ingenio possem, aperirem. Igitur his, genus, ætas, eloquentia prope equalia fuisse: magnitudo animi par: item gloria. Sed alia alij, Cæsar beneficiis ac munificentia magnus habebatur, integritate vitæ, Cato: ille mansuetudine, & misericordiâ clarus factus: huic seueritas, dignitatem addiderat. Cæsar dando, subleuando, ignoscendo: Cato, nihil ignoscendo gloriam adeptus est. In altero, miseris profugium erat: In altero malis perniciēs; illius facilitas, huius constantia laudabatur. Postremo, Cæsar in animum induxerat laborare, vigilare, negotiis amicorum intentus, sua negligere; nihil denegare, quod dono dignum esset: sibi magnum imperium, exercitum, nouum bellum exoptabat, ubi virtus eius enitescere posset. At Catoni, studium modestiæ, & decoris, sed maxime, seueritatis erat. Non diuitiis cura diuite, nec factione cum factioso, sed cum strenuo, virtute,



virtute, cum modesto pudore, cum innocentia, abstinentia certabat: esse, quam videri bonus malebat. Itaque, quod minus gloriam petebat, eò magis illam assequebatur. Eadem ferme Athenis differentia inter Phocionem & Demadem & Demosthenem, sed diuerso satis instituto: sic inter Niciam & Alcibiadem: Aristidem & Themistoclem. Duo igitur cum sint ascendendi in republ. modi, vt Cicero & Plutarchus recitant: Alter, vt in eodem genere, magno viro adhæreamus: medicus medico, dux duci, ciuis ciui: Alter, cum iam in ea existentem, de statu deiciamus. Velut in primo genere Theophrastus sub Aristotele creuit: Perseus sub Apelle: Pompeius sub Sylla: Antonius sub Cæsare: (Quamquam & Cæsar dictaturam exercuerit.) In secundo genere, Alcibiades oppugnato Nicia, apud Athenienses creuit: Scipio depulso Fabio, cum aduersus eius sententiam, Africæ expugnandæ provinciam impetrasset: Pompeius depulso Lucullo, iam claro viro, tum Metello: Cicero, superato Hortensio: Aristoteles, contradicendo Platoni: Parrhasius pictor, superato Zeuxi, Timanthes, superato Parrhasio. In vnoquoque horum generum, non parua est difficultas: nam oppugnationem, multa pericula consequuntur. Auxiliis indigemus, indigemus & virtute, sed longè magis plerunque fortuna ipsa. Adhærere, non omnibus feliciter succedit: nam vt in arboribus, quædam sunt, quæ hederam aut occidunt, vel non admittunt, aut exilem illam ac tabescentem nutriunt. Sic quidam ad eò liuidi vel timidi sunt, vt nemo eis succrescere possit. Verum, quæ hominem in contentione euehant quatuor sunt: Autoritas, Diuitiæ, Potentia, & Prudentia. Gloriabatur Philippus, & cum eo Alexander filius, plus profecisse consilio quam armis, non solum quod armorum laus, communis cum milite esset, sed quod plura longè patrasset, tutiusque ac minore iacturâ: Neque enim plus bello, quam corruptis seditonum ducibus, Philippus profecerat. Quando igitur magis necessaria in priuato ciue? At verò C. Cæsar, quomodo populum primo epulo publico, deinde largitionibus, inde ludis gladiatoris corruptit, tum verò belluas incognitas primus in spectaculo ostendit. Coniunxit Crassum & Pompeium non solum sibi, sed inter se, idem, tribunos plebis euerit: pecuniâ Ciceronem depresso; coniunxitque in omnibus, consilio audaciâ. Autoritas tribus constat, Virtute, Progenitoribus, & Societate. Nam & apud Ouidium Ajax sic loquitur:

*Atque ego si virtus in me dubitabilis esset,  
Nobilitate potens essem: Telamone creatus,  
Mænia qui forti Troiana sub Hercule caput,  
Littorâque intrauit Pegasus Colcha carina.  
Æacus huic pater est, qui iura silentibus  
vrgit,*

*Æacon agnouit summus, prolemque fa-  
tetur*

*Iupiter esse suam. Sic à Ioue tertius Ajax.*  
Sic etiam apud Euripidem Electra suum commemorat genus, & verba Salustij iam illud ostendunt. Sed tamen hæc, multò minus, factis præsentibus possunt ad autoritatem: unde apud eundem Ouidium sic Aiæci respondet Vlysses:

*Tem. I.*

*Nam genus & proanos, & quæ non fecimus  
ipsi,*

*Vix ea nostra voco.*

Et Cicero hoc autoritatis genus, quod à nobilitate proficiscitur, in causa propria multis modis eludit: quod multi humilitatem generis ei obicerent, vt aduersus Salustium in oratione videre licet. Quamobrem poëta ille bene dixit:

*Causam in se virtus, nobilitatis habet.*

Plura possem afferre huius rei testimonia, sed cum Censorini Catonis originem reuoluo, qui Scipionis Africani annulus & oppugnator fuit, minus hoc me fatigat, longè quam etiam velim. At in societate; Nobilitatis testimonium est, si cum grauissimis ac potentibus viris versetur assidue: non solum quod iudicent de illius prudentia bene homines: sed quod ab illis non recipiatur, si ea societate indignus esset. Vnde etiam dicitur apud Ciceronem, Catilinam quæsisse contubernia optimorum virorum, M. Lepidi, Q. Metelli, tum ipsius M. Ciceronis, & M. Marcelli: sed cum à nullo, nisi à M. Marcello eius sodali, receptus sit, auxit potius suspicionem quam autoritatem. Potentia verò, vt ab opibus ipsis se iungitur, constat Affinibus atque Amicis. Affines quamuis fors ipsa det: nihilominus augent quidam vxorum electione, vt ob id etiam Lucullus impetraverit triumphum, fauente Catone: qui Lucullo ob id ipsum coniunctus erat, quod ex eadem vxore Martiâ, liberos genuisset. Tum verò, paucis affinium multitudo deest, si omnes velint recognoscere. Verum, vt in reliquis, non omnes, sed vel Animo, vel Autoritate, vel Opibus præstantes, eligere conuenit. Amicos beneficiis, ac consuetudine retinere licet: at illos elige, in quos beneficia conferas, quos exemplo, in alios gratos fuisse cognoueris. Hoc consilio Lucilium Antonium, Damonem & Pythiam Dionysius Sicilia tyrannus, in amicitiam receperunt, quod propriis amicis, (quamuis ipsorum hostibus) fideles fuissent. Verum parandæ amicorum copiarum, nihil magis conducit, quam si te in illorum officiis potentem ac vigilantem viderint: Potentiam augent alij amici, autoritas, opes, industria. Autoritatem nihil magis præstat, seu apud Principem, seu apud Populum, siue in Republica, quam si omnia vel maxima, ductu illius & consilio fieri intelligant. At verò inter multos, quoniam pacto consilium, vim, & autoritatem retineat, his modis ferme intelliges: aut enim plures in vnum conspirant, antequam in consilium ipsum veniant: quo tamen vt nihil est perniciosius in Republica, sic nec validius, nec tutius, si res male cedat, iuxta poëtam. *Et vos defendit numerus.* Vtinam tantam vtilitatem, medici nostri cui negligere vellent. At aduersus conspirationem ipsam multis modis occurritur: Primum etenim, ratione autoritateque res confirmanda erit, vt non nisi cum pudore queat illorum repudiari: Sicque omnes apud Liuium tum etiâ apud Græcos historicos, nouæ sententiæ autoritate exemplis, rationibusque confirmantur. Sic quandoque coactus sum apud medicos, qui non omnino perfrixtæ frontis erant, quædam pro infirmi salute aduersus multitudinem defendere. Est & alius modus, vt omnia quæ dici pos-

*Z z 2 sunt,*



sunt, commemorantur, præterita conclusio-  
ne; nam in aliquod eorum quæ dicta sunt,  
illos incidere necesse est. Et ut modus hic ad  
autoritatem minus facit, sic, tutior est præ-  
cedenti. Nec mirum est, ob id, homines qui  
nostro tempore de rebus magnis consulunt,  
omnes fere, ambiguas & difficiles proferre  
sententias: ut quosdam etiam, non satis in-  
telligas, quid sibi velint: alij enim longa ora-  
tione nihil dicunt: alij vno verbo plurima,  
atque etiam dissidentia inter se: sunt & qui  
contrariam proferant sententiam ei, quam  
animo conceperint. Sed in his, eos ad quos  
spectat, monuisse necesse est, ut si amplectan-  
tur quam proferunt, semet proprio iudicio  
illi dedant: sin contrariam, illius ad quem  
spectat opinione. Sed & aduersus has cautio-  
nes, multitudo præpoller. Exemplo autem ti-  
bi satisfaciam. Neque enim & exemplo, &  
historia rei opus est, sed in exemplo rationem  
intellige; ex historia collige exemplum. Me-  
debatur Curtius vir magni nominis Vene-  
tiis, infensus tamen illius vrbs medicis, iuxta  
Hesiodi carmen,

ἢ κερμεὺς κερμεὶ κατέειν' ἢ τέκτωνι τέκτων.  
id est,

*Et figulus figulo succenset, & faber fabro.*

Itaque cum de more illi omnes, ut ambitio-  
fissimo, cederent, post constitutam omnium  
consensu medendi rationem, seorsum se inui-  
cem iungentes, omnia perturbabant, & pro  
calidis frigida miscebant, pro siccis humida,  
pro purgantibus astringentia. Inde si illorum  
fraude periisset æger, damnabant Curtium,  
qui solus contra illorum opinionem talibus  
viti auxiliis voluisset: quod si ægro fortuna  
fauisset, ostendebant, prorsus actum nihil, eo-  
rum quæ ille decreuisset: causantes, illum nec  
cælum vrbs cognoscere: ipsos, in tanto ho-  
minis stupore, maluisse etiam cum infamiae  
periculo, ægrum seruare, quam sine illa, pe-  
rire: quanquam agnoscerent in his auxiliis  
nec dubiam salutis spem subesse. Sic utroque  
ludificatus euentu Curtius, vnus à pluribus  
superabatur: admittebant autem me vnum  
in eorum consilio quasi iuuenem, imperitum,  
& excordem: cum verò alios videbam me-  
dicos ante horam, conturbantes vrinas, ut  
qui succederent, attoniti nihil sanum pro-  
nunciarent: quidam leuiore, longum mor-  
bum, pericula, mortesque prædicebant: tum  
succedente breui tempore, recuperata valetu-  
do ostendebat illos fuisse deliros. Omnes ar-  
tes fraudem admittunt, sola medicina sponte  
eam accersit. Namque cum Galenus, summus  
medicus etiam suo tempore esset, nec vlli  
comparandus, sine dolo tamen artem exerce-  
re non potuit, sed Galeni versutia, ad ægri  
perniciem non tendebat, nostrorum medico-  
rum, à salute semper abest. Itaque ut ad rem  
redeam, si quis auctoritatem requirit, stude-  
re debet, ut omnia ex eius consilio agantur.  
Quamobrem, & in Principe longè minus ma-  
lum est, amittere vrbes quam voluntariè  
concedere: Nam qui amittit, fortunæ vim,  
quæ tum non constat, accusare potest: qui  
alteri cedit, iudicio suo se victum fatetur. Re-  
liquum est igitur ut de opibus dicamus. Ve-  
rùm illud difficillimum est, pauperi, fieri di-  
uitem: diuiti autem prædiuitem ac opulen-

tum fieri, facillimum. Neque enim est eadem  
difficultas in fine quæ in principio. Verùm  
non oportet ad comparandas diuitias, homi-  
nem segni animo esse, aut superstitioso: quin-  
imo illud animaduerte, & sapius repete Per-  
sianum:

*Vare regustatum digito terebrare salinum,*

*Contentus perages, si viuere cum lône tendis.*

Tum verò illud Iuuenalis:

*Aude aliquid breuibz Giaris, & carcere  
dignum*

*Si vis esse aliquid: probitas laudatur &  
alget.*

Quin etiam, ad totum hoc sapientiæ genus,  
plurimum confert, nihil à morte credere su-  
perfuturum: Atque idèd, vitiis suæ ætatis suc-  
censens Satyrus, reprehendit homines qui  
inferos derident nec esse putant, & tamen ob  
leuem voluptatem, imò ne voluptatem qui-  
dem, sed pruritum, æternæ spei renunciant.  
Nihil hoc videtur, præsentis fortunæ aurâ  
gaudentibus, sed cum vel in mortalem mor-  
bum incideris, vel in irreparabile senium,  
pœnitet iam voluisse quæ feceris. Subdunt  
tamen, qui videntur sapientiores ex illis, va-  
nas quasdam ac frigidas satisfactiones aut  
preculas sine pietate, aut spem filiorum & lau-  
tas ædes, & præteritas iam delicias. Quicquid  
sit: qui animum magnitudini, & felicitati  
mortalium bonorum despondent, & præci-  
pue beatitatem, quæ ex opibus prouenit se-  
ctantur, illud secum obmurmurant:

*Esse aliquos manes, & subterranea regna.*

*Et contum, & stygioranas in gurgite nigras:*

*Atque vna transire vadum tot millia cymba,*

*Nec pueri credunt, nisi qui nondum ære la-  
uantur.*

Quibus sanè, egregia illa Aristotelis & Auer-  
rois Philosophia, bellè subscribit. Verùm,  
non hoc est nunc instituti nostri tractare,  
sed docere, quonam pacto ex paupere diues  
euadas. Nam diuitiæ auctoritatem augent, &  
ex illa vicissim nascuntur, nec mirum. Multa  
enim sunt, quæ sibi vicissim fauent etiam in  
naturæ opificio, velut pluuia & humidum,  
sanitas & temperantia: quin etiam quasdam  
sibi ipsis, ut pinguedo pinguedini, tabes ta-  
bi, opes opibus. Verum opes illico autori-  
tati fauent, ut Horatius rectè depinxit, di-  
cens:

*Scilicet uxorem cum dote, fidemq; & amicos,*

*Et genus, & formam, regina pecunia donat.*

*Ac bene nummatis decorat suadela, Venisq;*

Optimum est igitur, humanâ sapientiâ prædi-  
tos diuites esse, quod diues, & sapiens, & bo-  
nus & fortis & felix habeatur. Hic autem fi-  
nis humanæ sapientiæ, talem videri, nequa-  
quam autem esse. Vnde nec disciplinarum scien-  
tia utilis est illis, nedum necessaria. Quid enim  
opus est innata pulchritudine, vbi omnia fu-  
co tegenda sunt? aut, quid opus est tot arti-  
bus, technis, ac dolis ad ostendendum te scire  
quod scias? At verò non solū inutilis est disci-  
plinarum cognitio humanâ sapientiâ exercere  
volenti, sed omnino illi aduersatur. Quippe  
quod naturalis sapietia, ingenio profundo, te-  
naci memoria, multiplici studio, labore, tardi-  
tate, veritatique amore constet. Humana autè  
dissimulatione, versatili ac leui ingenio, prom-  
pta memoria multa exercitatione, absq; studio:

hæc



hæc quis non videt pugnare cum illis? Quamobrem, nemo in eodem genere, vtriusque vnamquam laudis gloriam assequetur. Sed precipuum hoc humanæ sapientiæ signum, imò argumentum etiam, artem illam ex toto, quam maximè profiteris, nescire. Ad quod non parum conferre illud videtur, quod Pindarus dicebat:

Εχέει δ' ἡ μείραν ἡ πῶς, οἱ δ' ἐν σοφείῃ  
Φαῖλοι, παρ' ὅχλῳ μυσικώτεροι λέγῃν.  
id est,

*Est autem hoc fato. Nam qui inter sapientes non probantur, apud multitudinem eloquentiores sunt.*

Et, si vsquam optimè, in nostra vrbe amplissimum locum apud plebem habet. Vnde rectè sancitum, Indæos in ea habitare non posse: Nulli enim leuius aurâ feruntur: auram popularem, nulli magis quàm indocti quarunt, tum maxime illam, quæ lucifica est. Existimant enim omnia opibus deberi, imò etiam fidem vt poëta inquit,

*Quantum quisque sua nummorum seruat in arca,*

*Tantum habet & fidei.*

Sed nullæ tamen magis dignitatem augent, quàm repentinæ, cum ad artem conferuntur: existimant enim homines, summæ sapientiæ signum esse, repente ac maximè ditari: quod opes maximum mortalibus bonum, atque in quo cætera omnia contineantur credant: quorum opinionem, Peripateticus, ille, opulentis gratissimus, fouet, dicens, nummum, potestate omnia continere: igitur in tam magna causa, Pindari verba subscribamus:

Εἰ γὰρ πρὶς εὐθὺς πῶς αὖται  
Μὴ εἴμι μακρῶ πόνῳ, πελοῖς σοφείῃ  
Δεκέει πρὶς ἀφρόνων  
Βίον κορυφαίῳ δρῶντες αἱοί ---  
Σὶ μαχῶνται, τὰ δ' ἐκ ἐπ' ἀνδραγαθίῃ κείται.  
id est,

*Si quis enim bona possidet, non cum magno labore, multis sapiens videtur inter stultos rem suam sapientibus consiliis augere. Verum hæc in omnibus non sunt sita. Nil mirum igitur, si de opibus non seorsum ab autoritate dixerimus, vicissim illorum iunctâ causâ. Sed non de omni tamen autoritate nunc dicendū erit, quippe quodd de summa illa quæ principem in republica facit, cuius est, omnia propriis auspiciis fieri, iam abunde dixerimus. Sed sunt alia duo autoritatis genera, præter hanc, quæ cum diuitiis causam coniunctam habet: alterum est, vt bonus apud omnes habearis: reliquum vt maximus in tua professione, cerdo inter cerdones, medicus inter medicos, senator inter senatores: quamquam huic vltimo exemplo, propter magistratus potentiam, primum ferme genus autoritatis coniungatur. Est tamen quandoque summæ autoritati, etiam cum opibus, sed summis, vicissitudo, velut apud Romanos, Crassus ille diues, Pompeio & Cæsari, in autoritate apud populum, comparabatur: sic & Nicias apud Athenienses Alcibiadi, & apud Agrigentinos Gillias: Neque enim ob magnam aut militaris artis peritiam, aut prudentiam, maximi habebantur, sed ob diuitias ingentes: cum tamen Nicias, omnino non esset virtutis expertus, & Gilliam commendaret liberalitas. Verum hæc, vt*

*Tom. I.*

vt raræ sunt, tam amplæ opes, sic iam, qui eas possident, si non omnino vecordes fuerint, ad consequendam summam autoritatem, nostris præceptis haud indigebunt. Nunc igitur, quonam pacto magnæ opes acquiri possint, quo etiam modo, reliqua duo autoritatis genera comparentur, dicendum est. Duo sunt in vniuersum hominum genera: vnum quod arte caret: aliud quod ea præditum est. Ei igitur qui nullam artem nouit, nihil melius quàm probitatem dissimulare, dolum exercere. At cum in mini, si dolum exerceatur, haud latere ob frequentiam potest, expectanda occasio est: sed interim fomes augendus: salutant blande, comiter affantur, urbani sunt, tum aded religiosi, vt etiam superstitioni videantur. nostræ artis professores, tum etiam aliarum, multum longè melius hæc norunt exercere, quam ego dicere possim, & est verisimile: Nam omnis ars, vsu & experientia constat plusquam ratione. Ideoque non solum artium inexperitis hoc conuenire puto, sed etiam his qui artem sine arte profitentur, Ergo, postquam sensim opinionem hominibus ingesserunt fidei: iustitiæ, pietatis, integritatis, tum, quasi numine quodam, paulatim ad congerendas diuitias se conferunt. Mercaturam igitur alienis exercent opibus, agunt ~~seu~~ <sup>seu</sup> conuictorum, tum negotiorum: miscunt se publicis rationibus, collegiis sacris, vrbis redditibus: consulunt, recipiunt depositas res, è quibus, trium vnum euenire necesse est, vel vt pereunte domino sine tabulis res illi qui eam recepit accedat: vel vt vsu, interim utilis sit possidenti, & quamquam non integra restituatur, nihil tamen illius culpæ imputari possit: vel vt illæsa restituta, maximis populi encomiis celebretur. Sic & licitatores, quacunque agant fraude, partem semper eam habent adiutricem, pro cuius commodo fraus ipsa excogitata est. Sed sunt multa tamen in quibus dolum deprehendi non potest: longe plura verò vbi argui nequeat: vix vnum in quo lege damnare licitorem possis. Sed hunc etiam, qui apud populum, Religionis & innocentie nomine, clarus habetur, quonam pacto tu solus quamuis superiore causâ euerteris? Hinc igitur ad Reipubl. administrationem proceditur & ad magistratus: hic occasio ditandi latior longe: sed tamen arte opus est, vt aliquo vel pietatis, vel iustitiæ vel Religionis nomine, rapinæ honestentur: Nec tamen id celeriter petendum, sed confirmatâ iam magistratus consuetudine, aut sæpius repetitâ. Vix enim hominibus persuaderi potest: cum qui iam diu iustus fuerit, repente mutato consilio, iniustum euasisse. Vnde tutius qui honestas causas defendunt, novos homines, aut omnino qui in magistratibus consenuerint, adeunt: nam antiquiores ob satietatem, plerunque noui ob sui experimentum, à scelere abstinere, mediis temporibus pecuniæ opera datur. Sed & in his modus est, atque vt in omnibus, fraude, moribus, perseuerantia, virtutēque fermè ipsa, ac voluptatibus: bene iuxta poëtam dicentem,

*Est modus in rebus, sunt certi denique fines,*

*Quos ultracitraq; nequit consistere rectum.*

*Cauendum est diligenter ne frequens fiat transgressio, nec aduersus potentiores, nec pa-*



iam aduersus leges, neque paruis in rebus: quadam enim horum periculosa, alia, occasione meliorem eripiunt: unde, qui non sunt morae patientes, (cum rara sit auis) vel celeritate frustrantur, vel temeritate precipitantur. Agnoui tres viros, qui dum Rempublicam administrarent, vnus ex his, commissam fidei suae, rationem, quod ad fiscum spectare videbatur, prodito pupillo in seipsum transtulit: nam fiscus facile cessit, cum intelligeret, sine illius industria nullam ex his bonis ei futuram utilitatem: Alius cum testamentum esset supposititium, bona pupillorum euertit, quod ad fiscum, non nisi huius inuentione solerti deferrentur: nec tamen leges violasse videtur. Tertius, venalem administrationem, per internuncium tamen habuit. Duo primi leges non offenderunt sed fidem: nem potentiores, sed miseros fraudant pupillos, qui nunc mendicant: omnes tamen amplissimos fundos possident, retinentque cum auctoritate magistratus, quantum per leges licet, facta etiam noua, aliarum ut moris est in Repub. adiectione dignitatum. Nonne vides, ab initio quam sanctus fuerit Cicero, donec ad magnam potentiam profectus est? Inde causam Siculorum prodidisse pecunia fertur. Sic Hortensius, qui à Verre sphingem accepisse dicitur: quamuis honestius inter iudices cum sorte ductus, omnia habuit venalia. Quid Cicero queritur de corruptis iudiciis dum Clodius absoluitur? dum Salustius liberatur: forsitan non tunc licet cum teste, apud leges: par habetur ut cum legibus, si sine teste res agatur. Accusas me, quod nefaria doceam: non equidem quae facienda sunt, sed quae in singulos dies fiunt, ut corrigas, non ut probem, sed tamen interim res illorum utilitati cedit. Quid enim hoc à furto differt? Aliquando potentem virum interrogabam: quod aduersus illos lege non licet intendere, aduersus fures licet. Ergo humana, ad homines cum referuntur, eatenus probanda, quatenus ab hominibus aliis laudantur, aut vituperantur. Lex enim est, quam homines sanxerunt: quam irritam esse volunt, non est lex, quamuis pro lege aliquando habita sit. Ergo qui ad hanc sapientiam accedit, nihil pensi habet, quod iure reprehendi non queat, Sed tamen melius est, usque ad extremum in eadem integritate perseverare. Nam nec Aristidi quicquam defuit: potuitque Phocion esse diues diuites etiam fuere Catones. Ergo ad hoc tantum insatiabilis libido te impellit: non vlla necessitas, imò neque commoditas. Praestat igitur his, circa mores esse diligentissimos, lenitatem ac mansuetudinem pra se ferre, cauere ab irrisione. Delectant scommata certe, sed parum iuuant, nihil hoc, ineptius ad auctoritatem vel opes parandas. Quod si aliquos, non leuis auctoritatis viros, scommatibus delectatos legas: hoc scias, fuisse illorum vitium. Non ergo à vitio, laudem aestimabis, sed laus ipsa virtutis, facit ut vitium toleretur. At verò ut lenis sis ac urbanus, avaros homines imitare: nulli enim naturam ad hoc paratiores videntur: cum verborum ea lenitas pro beneficio, pro arrabone habenda sit. Nec existimes hanc vulgarem esse ditandi viam, quandoquidem multos co-

gnouerim, qui ex mendicitate penè, intra paucos annos decies sestertium congregauerint: nulla enim fraus, vitae compendiosior. Proxima huic, est artificum auctoritas, in his qui nobilem aliquam artem profitentur, militaris, medicinae, plasticae, picturae, iuris Caesaris, diuinandi, paedagogij, architecturae, & generaliter, vbi fortuna aliquem locum sibi vindicat. Nam optimi successus, in artificem auctoritate praestantem, infelices omnes, in humiliorem reflectuntur. Horum igitur industria non est negligenda: quandoquidem humana sapientia hic arcem suam collocat. Primum itaque considerandum, ut quae leuis sunt auctoritatis, in certamen & hominum voces ducantur: augent enim haec, quod & praediximus, mirum in modum rerum aestimationem: Deinde, riuales beneficio fouebis Antoniano: Nam vbi ex toto hominem penè perdidideris, tunc leui excusatione ab exitio libera, ne si forsitan pereat, calumniam crudelitatis & periculum ab affinis subeas. Sciunt nostro tempore quot inelyti viri his dolis perierint, aut maximis in periculis fuerint constituti. At si vnus ab vno expugnari nequeat, plures illum oppugnabunt. Verum, si cui in ea facultate multi & potentes viri infensi sint, seu etiam in republica, nullum ferme videtur auxilium, nisi illorum mors, in qua felices hi videntur, quibus opportune ea contigerit: nam quae cum calumnia aduenit, dedecus, contentiones & pericula adducit: sera verò, alios euehit, ut nunquam magnitudini tuae locus relinquatur. Porro auxilij praeter ordinem legum, in republica uti, inuidiosum semper, vix vnquam foelix. Matthaeo igitur Cunctio, multum profuit ad dignitatem, quod duo illius acerbissimi hostes, Marcus Antonius Veronensis, & Tiberius, vno eodemque anno, quasi etiam eodem ut fertur tempore mortem obierint: At si reconciliari possint, aut arte superari, longe melius est quam mortem expectare, quae vel sero aduenit, vel si etiam festinanter veniat, inuidiam etiam innocenti conflare solet: Ergo inimici debent aut placari beneficio vel superari potentia. Pompeium Caesar beneficio traxit, deinde etiam affinitate iunxit: Ciceronem, vi è proprio statu, ministris Pompeio, Clodio, Gabinio, Pisoneque depulit: neque enim leue negotium erat, Arpinatem regem tanto praesidio fultum, decicere: At verò & in his delectus habendus est: Nam qui solum à lenocinio hominum pendent, nec familiarum ac potentum affinitatibus fulti sunt, vi depelli commode queunt: nam & si perse satis prompti sint, cum tamen deciderint non facile restituuntur: quod cum ipsis cuncta ruant, animus, auctoritas, opes, amici, habentque perpetuam inuidiam quae illis multos aliat hostes? At nobiles, & qui factis egregijs illustres sunt, amicos facere tentabis: in quibus verò, inuidia odij causa est, sola vis in his experienda est: nam nullis beneficiis aut verbis, inuidiae liuor minuitur, sed quanto magis placare niteris, eo crudelius infestabit. Res igitur Caesar demulsit Pompeium, protrahit Ciceronem: ille enim, nobilis factis egregijs, at tunc ab inuidia alienus; Cicero, humilis fortunae, lingua solum strenuus, inuidiam quantum



quantum ullus aliis premebatur. Vnde nec Catonem ipsum quamvis hostem implacabilem, quod nobilis esset, accusare ausus est. Tum verò in oppugnatione, brutorum industriam imiteris: Tauri cornua, Canes dentes, Tigres ungues, Leones utrumque in pugna præferunt: abscondunt illa, oppugnant tauri canes auribus inhaerentes, quod minus se rueri possint. Non igitur quenquam aggrediaris, ea parte qua tibi superior est: vnicuique aliquid deest, locum nudum tenta. In aliquibus literæ desiderantur, in aliquibus iudicium, aliis successus deest, multi sunt inornati, alij instantes vel parum solliciti; Quis sine vitio dici potest? Vbi magnum discrimen apertum fuerit, sensim comparatio ineunda: semper enim comparatio, cuiusdam æqualitatis, magnæque similitudinis, argumentum præbet. Et si, is, qui expugnandus est, talis fuerit, ut virtute excellat, tunc omnes machinæ in eum, omnes doli, omnes conspirationes intenduntur. Stultum enim est, credere eum, qui falsâ opinione hominum, clarus habetur, diu coram vera virtute suam posse pristinum gradum retinere. Eiectis igitur illis qui verè sunt sapientes, conandum est ut ceteros tui simillimos vincas. Ergo in hoc non parva opus est diligentia, atque primò, ut vitio omni careas, ac principaliter, varietatis ac inconstantiae studio. Namque illud vulgatum, verum esse credunt, quod scilicet

*Pluribus intentus, minor est ad singula sensus.*

Inde fides abrogatur, non solum ab æmulis, sed etiam à populo: nec minor iactura inconstantiae morum, ne te illum esse dicant Sardanum Tigellium, de quo Horatius:

*Nil aequale homini fuit illi: saepe velut qui  
Currebat fugiens hostem: per saepe velut qui  
Innonis sacra ferret. habebat saepe ducentos,  
Sape decem seruos: modo reges atque re-  
trarchas,*

*Omnia magna loquens, modo sit mihi mensa  
tripes, &*

*Cœcha salis puri, & toga qua defendere frigus  
Quamvis crassa queat. decies centena de-  
disses*

*Huic parco paucis contento, quinque diebus  
Nil erat in oculis. Noctes vigilabat ad  
ipsum*

*Mane, diem totum stertebat: nil fuit unquam  
Sic impar sibi.*

Alter notatur Priscus ab eodem, Sic iuvat repeterere.

*Sape notatus*

*Cum tribus anellis, modo laeva Priscus inani,  
Vixit inequalis: clauum ut mutaret in horas,  
Ædibus ex magnis subito se conderet: unde  
Mundior exiret vix libertinus honeste.  
Iam mæchus Roma: iam mallet doctus Athenis  
Vivere, Verrumnis, quotquot sunt, natus  
iniquis.*

Quid malum? quæ amentia? dicunt hic, nam sapiens esse potest. At verò in rivalibus cum superior iam euaseris; ut prius iuuabat contendere, sic tunc diligenter caue omnem contentionem: habes exemplum de Metello Numidico aduersus Cn. Manlium plebis tribunum, à quo apud populum in concione laceratus iactatusque fuerat verbis petulanti-

bis, itaque sic respondisse illi fertur: Nunc quod ad illum attinet Quirites, quoniam se ampliorem putat esse, si se mihi dictauerit inimicum, quem & ego mihi neque amicum recipio, neque inimicum respicio, in eum non sum ego plura dicturus: nam eum indignissimum arbitror, cui à viris bonis bene dicatur: tum ne idoneum quidem, cui à probis male dicatur. Nam si in eo tempore, huiusmodi homunculum nomines, in quo punire non possis, maiore honore quam contumelia afficias. Ergo aliud genus dicendi, quandoquidem in necessarios de æmulo sermones incideris, Phauorinus docuit, in quo nec hostilem ostendas animum, & absque maledictione, grauius tamen illum longe vituperes: quod genus quidem, in frigida laudatione consistit: nec hoc adeo simplex est, ut videatur: namque frigida laudatio, amicum ostendit, qui quod laudare possit, non inueniat: magnæque est argumentum improbitatis illius, cum vituperatio aperta, odium aut inuidiam prodat; & fidem ob id tollit. Subtilius quidam, eum de quo est sermo, in aliena causa extollunt, in ipsa principali re, tenuiter, nec nisi ex confessione laudant. Acrius instant alij, commiseratione moti, illius casus & malam fortunam deplorant. Quid igitur improbius aut callidius excogitari potest, quam fingere amicitiam? frangere existimationem? laudare in eo quod omnes vituperatione dignum putant? Misereri illius, qui gloria opus habet? Sed tamen apud ignaum vulgus quandoque lenis laus iuuat: ob id, grauius accusare apud plebem illos necesse est. Sed sunt qui suppresso nomine, conuitiis maximis æmulos aut inimicos agitant. Namque nominatim carpere quenquam, & iniuriis lacessere, solis concedatur Grammaticis: in cæteris enim non solum rusticum est, & contentione plenum, sed & periculosum. Illud vix vitari potest, quod adeo frequens est, quamvis multis modis exprimi soleat:

*Ὅτι πῶς δ' εἰπὼν αἰσῶ, τοῖον δ' ἐπαλέσας  
id est.*

*Quale dixeris verbum, tale audies.*

Velut apud Comicum, Contumeliam si dices, audies. Erasmus aduersus sycophantam nomen suppressit, reliqua omnia quæ ad maledictum pertinebant, est prosecutus. Quinetiam aperta contumelia, leges resistunt. Nominatim fertur vnus tantum Archilochus proscidisse Lycambem, ut ad voluntariam necem compulerit: Sed nos, consilia hominum non miracula narramus: Hic tamen poeta, quanto maiore industria focerum accusauit, eo imprudentius, omnia suæ vitæ probra posteritati mandauit, quæ nunc omnibus notissima sunt, cum petuerint esse, si per eum licuisset ignota. Neque enim decet, (quod & alias diximus) seipsum vituperare: imò nec incommoda sua aperire, nisi cum ea vituperatio seu malorum historia aliquid habet ad institutum & exemplum, velut apud Paulum ἐν κόποις περὶ εὐσεβείας, ἐν πηγάσι καὶ χαλκόντος, ἐν φυλάκῃς αἰσθητός, ἐν δυνάμει πολλάν. καὶ ἰσχυρὸν πεντακοστέρας, ἐν παρὰ μίαν ἔλαβον. τρίς ἐξ ἑαβ-  
διδου. ἀπαρξέλιδα δὲ, τρίς ἐνανάγνησα, i. In laboribus plurimis, in carceribus abundantius, in plagis supra modum, in mortibus frequentior, &



*Iudais quinquies quadrageſias una minus accepi, ter uirgis caſus, ſemel lapidatus ſum, ter naufragium feci. aut cum ad gloriam, quod prudentiâ eualeſcis: ut apud Homerum Ulyſſes, cum infortunia ſua Alcinoô narraui, vel vitandæ ſuſpicionis cauſa, ut apud Virgilium Æneâ ſe purgantem apud Didonem à proditionis crimine longa hiſtoria. Præter hæc, non pauca etiam ſunt neceſſaria huic ſapienti, ut ad apicem perueniat. Primum quidem, ut in omnibus ſentire cum vulgo videatur. Vnde etiam vaſer ille Ariſtoteles dixit, loquendum eſſe ut plures conſueuerunt, ſed credendum ut pauci, (philophos innuens.) Hac ratione Homerus paſſim animi immortalitatem umbrâſque decantat, ut ibi,*

*Ψυχὴ δ' ἐκ φθίοντων μάρτυρ, αἰδὼς δὲ βεβύκη.*

*Ὁν πότμον γούσα, λιπὼν ἀποτῆτα κ' ἦβλω.*  
id eſt,

*Anima autem ex membris auolans ad inferos ſcendit ſuum fatum lugens, ſuum florem & atatem miſerans. Vnde etiam mirum eſt, aliquos ſomniaſſe, primum fuiſſe Pherecidem, qui animos dixerit immortales, cum ab æuo condito ſemper hæc opinio, vel ſolâ hac ratione, quod populis placeret, ubique inuoluerit. Similiter, & conari, diuinationem quandam oſtendere, non à forte, ſed prudentiâ ipſâ, originem habentem pulchra, quo in genere, poſt factum, gloriatur Cicero præniditſſe bella ciuilia, quanquam Cæſarem & ipſe euexerit: ſed intelligebat vir acutus, hoc commentum, ut apud ſapientes, ridiculum, ſic apud populum, magnam ſapientiæ opinionem præbere. Illud Homeri diuiniuſ, & præſtigiis quaſi ſimile: cum perſonam inducat ante euentum prædicentem, & poſt ſe, quæ poteſt cautione extendat, ſi quid eſt quod & euenit, ſic deſcribit,*

*Νῦν δ' ὃν Αἰνείας, βῆν τρώεσσιν ἀνέειπε.*

*Καὶ πᾶσι τοῖς παῖδων τοῖς τε μέλοισιν ἔφρονται.*

*Et nunc Æneâ vis Troianis imperabit. Ei nati natorum & qui naſcentur ab illis. Eſt & aliud genus diſſimulationis, quaſi huic contrarium, cum quæ maximè ſcimus, neſcire nos præferimus, alia proſitemur. Inde, occaſione datâ, excellentiam eruditionis inexpectatè oſtendimus. Sic illos cogimus, de nobis ſentire maiora quàm volumus, ſtupore enim, qui technam non intelligunt, repentino ducuntur, & modeſtiam etiam noſtram laudant. Quid ne ergo explicare omnes modos conabor? aut huic nequitia tantum fomitem præbere? Sed tamen non poſſum rerum ipſarum capita negligere, & quantò res ipſa eſt inutilior, tantò magis præſtat oſtendere illorum amentiam, qui aded his fraudibus inſudant, ut non ſolùm alios (quod propoſitum erat ab initio,) ſed etiam ſeipſos, ſua impoſtura ſeducant, perſuadeantque ſe ſcire quod nunquam didicerint. O profanum hominum genus, atque omni ſtultitia plenum! Sed non vacat nunc, quod docere volumus, (& ſi vitium ſit) reprehendere, rem ipſam potiùs proſequamur. Cum ergo aduerſus plures contendere cogeris, diuide illos, ſere lites, cauſas quære in aliis, ſpem præbe, in ſuſpicionem ducito: quod etiam aduerſus Hannibalem, cum apud Antiochum eſſet profuit. Quomodo enim aduerſus plures foeliciter pugnabis, cum id vulgatum Catulli verum ſit:*

*---Noli pugnare duobus.*

Tum illud Græcum:

*μὴ δ' ἡρακλῆος ὁπὸς δύο.* id eſt,

*Ne Hercules quidem contra duos.*

At verò, quomodo ſingulos in ſententiam tuam trahas, videndum: neque enim facile eſt: cum plura ſint hominum ingenia; alia enim prudentiâ gubernantur, alia parent ambitioni, auaritiâ, cupiditati, timori, vereditiâ; alia, impotentia & debilia ſunt. Quæ igitur, prudentiâ gubernantur, rationibus conuincuntur: Ambitioſos, blanditiis ſeducet: auaros, pecunia corrumpit: cupidos ſpe impleas: meticuloſos terroribus impelle: veredendos exemplis incita: utque vnius viri exemplo utar, Iulius Cæſar in occupanda republica omnia hæc amplexus eſt: Nam exercitum oratione deuicit: multitudo enim, ut conſentiens eſt, non niſi rationi cedit, quod ratio pluribus propter ingeniorum diuerſitatem perſuadere poſſit: vnde illa Lucani inclita ad milites exhortatio: ſed tamen & tunc ad ſingulos confirmandos, pro morum qualitate, magnam adhibuit diligentiam: Antonium ſpe impleuit: Curionem pecuniâ corrupit, Caſſium impulit terrore, quo etiam Ciceronem continuerat, Pompeium blanditiis ſefellerat, Milites in acie, quotiens exemplo ſuo incitauit dubitantes, aut retinuit fugientes: Extremum eſt, cum viſ adhibenda eſt in implacabiles hoſtes; quod & in Catone exercuit, neque enim aut rogare, aut corrumpere, aut terrere, vel allicere vnquam, aut hominem perſuadere tentauit, ſed ſumma vi, in voluntariam illum necem adegit. Horum autem modorum, fortior omnibus eſt Viſ; inde, Terror; poſt, Pecunia; inde, Oratio. Nam blanditiâ, ſpes, & exemplum, rarò magnam vim habent. Ambitioſi enim incoſtantes omnes ſunt: Exemplum, non mouet niſi cum vel ira vel diſciplinæ coniungitur: Spes, metum à latere ſemper habet, ob id, quatuor illa ſunt præſtantiora: Vnde etiam ad proditionem ab aliis nemo niſi duobus modis impellitur, metu ſcilicet & pecunia: in tanto enim periculo, nullum trium prædictorum, ſufficere poteſt: at, nulla oratio, docere vnquam queat, prodendum dominum: viſ, aduerſus regnum non eſt rigitur, auaritia & terror, duæ tantum erunt cauſæ, ad proditionem ſuadendam. Etenim de auaritia non eſt ut exemplum adducam: verum terrore inducti, electum Commodum milites, Diadumenum aulici, Aurelianus, Imperatores occiderunt. Sed inter omnes, mira Aureliani caedes, qui cum crudelis eſſet, miniſq; Mneſtheu quendam à ſecretis tabellarium terruiſſet, ille omnes quos Aurelianus occidere deſtinauerat, atque cum his, plures longe alios, (omnes nobiliſſimos, ſed huius periculi inexper-tes) ac ſeipſum, in tabulam retulit, quam omnibus qui in ea ſcriptum nomen habebant, oſtendit: rati illi, non fruſtra Aurelianus quemquam morti deſtinare, quod & verum erat: timore compulſi, in vnum coniugarunt, & periculo periculum pellere tentantes imperatorem occiderunt. Sed iam ad rem vnde digreſſi ſumus reuertamur. Illi maxime polent in republica, qui alios conſilio impellant ad vota ſua: illi inter artifices, quorum auſpicio



picio decernitur de rerum summa. Atque hi omnes nouerunt alios in studia sua vertere, qui ex his persuadendi aut cogendi modis, opportuniore eligere sciunt: tales autem, temporum moribus maxime conueniunt. Ergo felicissimus quisque in Republica, non solum Princeps, cuius mores, ætatis moribus consentiunt: & nunc, quod & olim, non solum mores, sed & habitus & ornatus corporis, spectari solent, comptique tanquam prudentes in precio sunt. Et mira res, etiam in artificum electione, cultus desideratur: sed tamen C. Cæsar qui rerum potitus est, & male tangebatur, & togam trahebat, cumque caluus esset, male audiebat à militibus. Sed tamen apud Homerum (quod Græcorum mores cum nostris magis consentiant.) Nauficaa puella Vlysses admiratur vestibus ornatum, quem ante neglexerat dicens.

Πρόθεν μὲν γὰρ δῆμοι ἀνέλεον δούτ' εἶναι,  
Νῦν δὲ θεῶν ἔοικε, τοῖς ἐγὼν δῖον ἔχουσιν.

(i. Ante mihi hic vir tenuis visus est, Nunc autem diis similis est, qui latum cælum habitant.)

Est & in prouerbio, εἴματα ἀνὴρ, id est vestes vir. Sed & Quintilianus, gravis autor, dixit de rhetore loquens: Et cultus concessus atque magnificus, addit hominibus. Vitia autem, humanam sapientiam præditus, vix vnquam vitare potest. Quod verò in his optimum est, famam non negligere. Aded enim apud potentiores homines, prauitatis opinio inualuit; aded eruditi, vitiorum ac flagitiorum opinione apud magistratus laborant, vt nihil in his nisi pudor non requirant. Nam cum publice mala hæc perpetraverint, exemplo suo Rempub. non parum offendunt, ex quo potentioribus inuidia conflatur illorum leuitate. Sed tamen falluntur, & in his, Quod vitia sint sapientum: nam non horum sunt, sed eorum qui fingunt se sapientes. Etenim neque Aristoteles: nec Diogenes vel Crantor, non Antisthenes, non Cato, non Phocion, non Aristides, non Hippocrates, non Galenus, non Democritus, non Euclides, non Ptolemæus, & si qui alij vere fuerunt sapientes, vitiis ac sordibus con inquinati erant: Sed vnus Aristophanes, Naso, Catullus, Terentius, Chrysippus, Cæsar, Xenophon, & quicunque sapientia humana florere, iidem & labescerum dehonestabantur: quanquam occultè quantum possent illa perpetrarent. Est etiam illud considerandum, Quonam pacto & in quibus artibus, multitudo vnum possit opprimere. In his certè, vbi iudicium solum habent artifices, atque in his, vulgus, nullam habet auctoritatem, velut Architectura, Medicina, Militarisque disciplina. Nam de his cerdonibus & fabris ac rusticis nullum permittitur iudicium. Multi igitur cum in vnum conspirauerint: si cedit loco, deiectus est; si resistit, nec tamen vincit vnus, plures: cumque etiam vicerit, si res male cedat, euentus in illum retorquetur: Et quamuis doctissimus sit quicunque pluribus repugnat, vulgi iudicio insanire videtur. Sed si ars ipsa conspersionem non admittat, velut pictura, plastica musica, fabrilis, tum fullonum, indusiariorum, cinifonumque artes, in quibus vniciue extra artem iudicium relictum est: affi-

duitas, pro sapientia subiiciatur: Hæc aded ab ambitionem, grata potentibus est, vt in manifestissimo etiam eruditionis & excellentiæ artificum discrimine, deteriorem tamen præferant meliori. Ergo diligentia plurimum valet, non solum apud reges, sed ciues ipsos: & ea pro excellentia opificis habetur. Extremum tandem est, vt ostendam quonam modo sine scientia se scire, possint ostendere, idque duobus modis fieri solet: primum vt generalia quadam dicta memoria teneant, eaque vicissim ac alternando, vt maxime proposito conueniunt, recitent: altero, vt verbis ambiguis vtantur, velut in medicorum interrogatione, cum non sat teneant memoriæ, quid propinauerint ægro, quasi non succurrente rei nomine interrogant, an rem illam acceperit: illi existimantes recte interrogare, quamuis rem ipsam non exprimat, respondent accepisse quidem, sed non purgasse, aut amarum fuisse: tamen sic in memoriam reuocat medicinam propinasse: ecce quam leui solertia, magno suo stupori impudentique negligentia succurrit: & tamen hac sapientia hominum vitam tractant, requiruntque mores & cultum ægri ab eo, qui quod dederit nec mente retinet: Quonam pacto dies ac tempora & gens & causas & symptomata morbi ille nouerit, qui nec recordatur hesterni die quid iusserit dari: Cum verò an periturus sit æger interrogant astantes, respondet callidus, morbum quidem non vacare periculo, multaue adducit verisimilia: Si tamen succedenti die critico (sic enim vocant iudicii dies) aliquid effluerit, sanitatem polliceri; à cuius spe non multum abesse nisi nouum aliquod symptoma superueniat: Atque in dies producendo prædictionem, modo vnum modo alterum causando, eo perueniunt, vbi vel salus vel perniciēs aded manifesta est, vt puerulum nec latere possit: tunc commemorant, quæcunque in eam partem prædixerint, oblitteratis reliquis, eaque tam bella prædictione, tamquam cauti ac prudentes, nec leues plus sibi gloriæ vendicant, quasi vniuerso Galeno euoluto, quicquid clare protulerint. In vno enim inter plures, cum manifeste, aberrare, contigerit, cæterorum prædictio, vanitati hominis, euentus fortunæ ascribitur: ergo tam modica sapientiæ humanæ portio, tot vigiliis, tot laboribus, tot experimentis apud omnes præfertur. Et quamuis hic quasi ludendo hæc scribamus, experimento tamen intelliges, nos veriora dicere, his quæ apud Sagram contigerunt. Est & Socratica illa disputatio, cum, quæ non nouerunt, adducis in medium, constanter negant vera esse, ac disputant: dumque persuadere niteris: doces quæ nesciunt: nec tamen vlla tibi ex hoc ab illis gratia debetur cum contradicant: id mihi frequenter euenit cum amico quodam: rogabat quid sentirem de re, eam exposita, affirmabat id esse non posse, me acrius instante, ille vehementius resistebat: Ego à primo congressu intellecta amici urbanitate, reclamantem nec contentum deserebam, nec iniquo animo tuli eam rem; non solum quod amicus esset, sed quod quæ didicerat nunquam, tanquam sua venditare voluit. Quod vitium in pluribus est,



est, tum maxime in Ioanne Colla, his homo vulgaris, sed studio Mathematicarum egrègius, Italiam circuibat cum omnibus claris congregiens: multa passim quasi ea nosset proponebat: quibus solutis, utebatur; autoris suppresso nomine, tantumque profecit in nostra vrbe, vt optimus existimaretur: atque ego, cum quæ proponeret, illum scire existimarem, æmulationis studio multa inueni, quæ nunquam antea cognita fuerunt. Sicque vir hic, causam præbuit suâ hac sapientiâ, vt Geometriæ & Arithmeticæ opera inchoarem, quæ demum felici successu superauit, æterna manere poterunt: obsecrum enim non est, Arithmeticæ secundæ additioni, nihil pro rei magnitudine adici posse; sed sat fore homini, qui tot tantaque numerorum & quantitatum vires, quæ illic scriptæ sunt, vel ex his plane consequuntur, intelligere poterit. laudamus nostra, non magnorum solum exemplo virorum, sed veritate suffragante. Itaque his atque aliis etiam argumentis, humana sapientia constat; qua opes & autoritas, seu in Republica, seu inter artifices conflan- tur. Sed tamen reliqua quæ ad hoc genus pertinent iam nunc explicanda sunt: nihil enim quod ad rem pertineat prætere de creui, tum maxime, quod hic modus, optima quæque, hominum iudicio, amplectitur & vulgarissimus est. Propria igitur vox, vt etiam diximus, in necessariis artibus, si sapienter proferatur, multum iuuat, tum maxime, si quasi è latere adueniat. Nam & animalia ipsa, facilius impetu à latere facto, euertuntur. Gloriantur se detentis publicis negotiis quidam: alij conquerruntur inopportuno tempore emisse prædia vel ædificare cœpisse: vt ex hoc, homines lucrum intelligant: ac ex illo, rursus coniciant homines, existimationem: iactant alij magis apertè, potentum hominum congestus, ardua negotia. Sed tamen omnia pro audientium qualitate proponenda sunt: cum non desint qui in suis negotiis, totum vellent occupari hominem, nec putant ambitionem artificis, quicquid ad se pertinere: quiniimo, summa quæque imis etiam coarquant. Illud certe obseruandum (in quo plurimi peccant) Ne coneris quicquam: omnis enim conatus ab autore tantum detrahit fidei, quantum est, quod orationis vi, adicere se putat, cum firmitatem orationis, ipsi præsentis labefactent. Eadeni ratio. Circa ritus ac mores nihil damnare; suspensum esse, tum admirari, optimum est, si modò non extra aleam fuerit: namque ridiculus fiet, si de Deo, aut etiam de religione dubitare se ostendat: liceat ergo in his tantum suspensam habere mentem, quæ in controuersia hominum versantur. Simulare autem cultum Deorum iam diximus, profanum; quandoquidem etiam verè colenti nihil perit, sed tamen omnes sapientes, etiam si id non credant, vulgo plaudunt. Persuasum enim est, omnem legem, deos habere suos, qui coli velint. Vnde recte Euripides fingit, Venerem Hippolyto indignatam de illo conqueri ac dicere:

Εἶσι γὰρ δὴ καὶ θεῶν ἡμεῖς τόδε,  
τιμωμένοι χαλεπὸν ἀνδράπων ὄπλο.  
(i. Id etiam deorum generi inest, honorari ab hominibus (gaudent.)

Quod & Virgilius sic imitatur,

--- Et quisquam numen Iunonis adoret

Præterea? aut supplex aris imponat odorem.

Sic vt libet: nam & ædeæ inueniuntur. Sat est: Hominum genus cum Diis coniunctum esse, intellectu, ordinis similitudine, ac etiam, (vt meliores existimant) animorum immortalitate. Par est igitur, ne ingrati videantur illos colere, et si Epicurus Lucretius dicat;

Primus in orbe deos fecit timor.

Multa auribus audientium conceduntur, cum populus adeo Religione gaudeat, vt etiam faueat superstitioni. Quam rem cum iam Philippus Macedonia rex, optime intelligeret, milites omnes contra Phocenses pugnuros, lauro coronauit; quod illi videntes, cum Delphis oraculum spoliassent, immemores se post hoc latrocinium, tamen superasse Bœotios, superstitione moti, ante pugnam Regi terga dederunt, incruentamque, cæsi, victoriam illi tradidere: quæ omnium postmodum ei felicitatum causa fuit. Sapientum verò ac potentiorum alia ratio: plus enim habent in fronte quam in recessu: alij enim laborant Philosophiæ morbo, alij superstitionis, alij nec hoc nec illud credunt, iocundum tamen est ac risu dignum, cum summos fœneratores, Chrysostomo & Augustino (nec pudet, Hieronymo) operam dare cernis. Pauci vt video, sanæ mentis sunt, quamobrem ex hominibus polypi fiunt, vt videantur sapientes. Sed hæc fermè in te omnia sunt. Videndum est etiam, quonam pacto ex aliis gloriam aucuperis, namque si cognitores causarum & aduocatos cernas, magnam secum turbam clientum per urbem ducunt quotidie, & quauis illorum negotia perfecerint, suspensos tamen ac incertos, ne discedant, dissimulato fine rei, fame, siti, æstu, labore, curis, languidos per totam urbem, ac etiam miseros trahunt. Succedit huic arti, alia certior: cum multos tibi adiunxeris illorum qui arti eidem sed diuerso modo inseruiunt, velut rhetoribus iureconsultisque, aduocati, cognitores, tabelliones: Medicis, pigmentarij, chirurgi, tonfores: Architectis, fabri lignarij, ferrarij ædificatores: Ducibus, tribuni militum, centuriones, signiferi, antesignani: Antistitibus, sacerdotes gregarij, & qui cucullam gerunt, tum ex plebe, hi qui Religionem profitentur. Apud nos, ob multitudinem, non est inuenire nomina: Iudæis erant Esseni, Pharisei, Saducæi: Verum hoc genus hominum omnibus confert, quod ob pietatem commune sit. Quantum verò apud mortales, Religionis opinio valeat, ostendit Iacobus Bussularius, qui Ticinum annis quatuor in sua potestate retinuit: & Ioannes Vicentinus qui Bononiæ per annum præfuit: vterque, vi externa tantum pulsus. Sed & Hieronymo Sauonarolæ parum defuit, quin eadem ratione Florentiam occuparet. Igitur opinio Religionis, apud populum, Rex est: & Romani quam diuersa ratione, Sacrorum Regem habebant. Ergo in omnibus his, comem se, liberalem, mansuetumque exhibere, optimum: sed longè melius agunt concludentes cum eis, quod in tiremibus factitari non occultè solet, medico tonforem & pharmacopolam ducente: Et nobiles ipsi Veneti, (cum suffragiis



res decernatur) aliorum nobilium, sed pauperum, auxilio euehuntur. Latè patet hic ambitus huius negotij, neque enim omnia, singulis scribo; sed omnibus, arte opus est, ut ars intelligatur. Nulli, nisi generoso viro, unquam magnitudinem periculi ostende, ad quod te suafore impellitur. Quod sciri non vis, nulli dixeris. At si beneficij erga te collati magnitudinem ille intelligat, tu prius verbis illum doce, non ignorare te quantum ei debeas. Multa prætereo, ad rei apicem festinans, sed tamen reuerti post modum necesse est. Diximus enim, iactantiam plerumque inutilem fore, quibusque in causis probanda esset: At loquacitati modusne ullus imponetur? equidem ut video, aliquot in casibus, ea etiam utilis erit: tum primò, cum coram ineruditis cum doctissimo sermone inciderit: nam verborum multitudine, ut in cibo venenum, plerumque sic in eis veritas sepelitur: tum qui tecum contendit, obstupefcit, tantum nugarum audiens, adeoque ab ipsa re proposita dissitarum; nec in tam absurda oratione, facile succurrit, à quoniam exordium contradicendi ineat: quare sui oblitus & hærens, ab indoctis, (qui nugaciori palmam semper tribuunt) haud dubiè victus existimatur; Confert & loquacitas, sermonem habenti cum his, qui sensu non integro sunt: velut cum mulieribus puerisque, si non admodum ambitione laborant: hoc enim genus, & nugis, & ineptiis plurimum gaudet. Quod & Ouidius ibi sensit in amatorijs de Calypsonè loquens & Vlyssè, cum dicit:

*Hæc Troia casus iterumque, iterumque ro-  
gabatur,*

*Ille referre aliter sæpe solebat idem.*

Qua ratione, Virgilius eam longam Troiæ narrationem, Æneæ tribuit, cum Didonè loquenti, sed nos de amatorijs rebus sæpius ac copiose aliàs diximus: licet & ociosis, ad relaxandum animum, præcipueque in aula dum pernoctant cubicularij; atque inde exorta consuetudo scommatum ac cauillandi, tum lacerandi quemque optimum ac frugi virum falsis dieterijs: scommatibus igitur hic locus est, cum irridere volumus absentes; præsentibus, non nisi cum incessere; sed hoc, ut dixi, non solum inurbanum, sed & periculosum: apud principes tamen, fertur & iuuat, seu in securæ personam te ipsum effinxis, seu omnino, surgentem (quasi è casu) deprimere velis, seu principis naturâ, (quæ his gaudeat) ad hoc prouocaris: At in scriptis lepidissimus est insectandi modus, tum præcipue ludens & multum falis habens, quale illud Ioannis Bocatij: O benigna atque pia mulierum Bononiensium ingenia, & ad nullas amantium preces surda: quibus laudibus, quibus ego vos præconijs efferam? en vides quomodo fœminas omnes infensæ vrbs, Florentinus ille, absque conuitio mœchas appellet. Simili ratione alibi, dum quendam proditum ab amico refert, subiungit: Seruauitque illi Venetam fidem: quod qui fefellerat, ex ea patria esset. In quo genere, dicendi palmam Horatius inter omnes tulit, Vnde Persius:

*Omne vaser vitium ridenti Flaccus amico  
Tangit, & admissus circum præcordia ludit.  
Callidus excusso populum suspendere naso.*

Sed & apud Græcos, Aristophanes satis lepide perstringit inimicos, quod Græca comœdia satyricum quid redolet; quod & animaduertit Quintilianus. Itaque poetarum lectio, tum præcipue Comædorum & Satyricorum, humanæ sapientiæ aptissima, quod & Terentius ita expressit, ut in laudem eius multa carmica scripta sint. Ego Plautum, quamuis ab Horatio vituperetur, hac in parte Terentio præpono. Sed his, ut satyrici præstant, sic illis, historici: atque ex his omnibus, (quæ minus probantur,) Annalium scilicet secretæ narrationes. Sed nulla in parte ut plerumque accidit, quàm in hac, pauperior est historia; eò quod sit ytilissima, magna enim scribunt, quæ magis delectare solent: verum, minima in usum veniunt, & utiliora longe sunt. Petrus Bembus epistolas quasdam Leonis Pontificis scripsit latine, quæ vestigium aliquod continent. Sed quid epistolæ cum historia; Licet aliquid, ex Liuij locis aliquot, colligere. Sed verè, adhuc hoc scribendi genus intactum est: ex Siculo Diodoro, ex Demosthenis orationibus, aliqua surripere licet, confracta atque tenuia: nec tamen vlla te huius capiat admiratio: primùm, secreta colloquia, paucis admodum cognita sunt, & neque tunc, absque periculo in publicum ab ipsis auctoribus, nec post, absque errore ædi possunt: cum ex his etiam qui talium sunt participes, vix vnus inter multos, scribere illa aptus sit: Et quanquam Turcarum Princeps, maiorum suorum gesta, hac tam insigni diligentia conscripta, ut etiam pleraque alia, memoratu digna, eadem curâ inuenta habere; & legere etiam, maxima cum utilitate credatur: Hoc tamen genus quod est preciosissimum apud mortales, est etiam rarissimum, nec nos vlla maiore in difficultate versati sumus, quàm ut hæc pauca, quæ hoc continentur libro, ad hominum utilitatem colligeremus: enimvero, si quis recte animaduertat, ut difficillima est hæc ratio, sic utilissima ac iucundissima est: cum, quibus modis deludantur homines, quibusque modis has præstigias vitare possint, edocentur. Est modo dicendum à nobis, in leuioribus causis, quoniam pacto res exigua, in magnam veniat auctoritatem: & cum tamen illud magis ad librorum compositionem pertineat, seu quia prætermisum, seu quod ad conuersationem etiam confert, nunc est explicandum: Cum enim leuis res tractanda est, in speciem magnæ rei euadit, si singula eius capita diligentius, tamque principalia, seorsum excusseris, interpretando, contradicendo, soluendo ea quæ difficultatem facere in proposito videntur. At contrà magna res extenuari solet, cum indiuisa tractatur, tum verò exemplis, ac verbis ipsis mitioribus: ut enim acriora, res grauant, sic lenia, eleuare possunt: Eâ arte, quidam minimæ eruditionis, se ostentant: Alij, rara rerum nomina expiscantur & obsoleta iam: quod genus quanquàm in Salustio admittatur, solis tamen pædagogis consuetum est. Rerum multiplex scientia laudabilis semper fuit: augere, ad ostentationem humanæ sapientiæ, opus. Utque vnum ex his, qui tales fuerunt plane exponam, Thessalus ille Galenicus, mihi vnus videtur, qui artem medicinæ in sex mensibus docere



se posse iactabat, qui ad eam artem enectus, nescio an inuidia an indignatione, Galenum potius prouocauerit: sed tamen melius fuerat Galeno si eum oderat, nullam in scriptis rationem eius habere: nam & nunc quod aliquis fuerit & talis, cui maledicere, dignum Galenus existimauerit, pro confesso, illius laboribus habetur. Est etiam, cum in collegiis omnibus, in administratione Reipubl. inter etiam illos qui cucullam ferunt, & denique ubi plurium nomine res tractantur, & tamen paucorum arbitrio omnia fiunt. Etenim noui Respub. quasdam, quas Dij boni, quot ceremoniis gubernant, vix octo aut decem hominum voluntati subiacere, in his, quos in succisiuis temporum partibus, (quas vacationes appellare solent,) ne ordines negligi videantur, eligunt qui personam agant, non potentes, sed (si etiam prudenter) nunquam audaces. Hi pauci, donec inter se non discordes fuerint, nec nisi mortis causâ alios novos induxerint, manent. Sed cum inter se dissident, soluitur dominatus ille & oligarchia. Quam rem cum Franciscus Gadius non intelligeret, quamuis acutus, premeretque socios, ac yrgeret, odio & indignatione repulsus, ac in carcerem coniectus est: Nemo enim est tam patiens, qui non sibi malit bene esse quam alteri. Illud etiam animaduertendum, (in quo & ille peccauit,) Tyrannidem quæ contra leges est, sine armis non posse vquam esse diuturnam: Vel ergo cum pluribus ineunda est, vel lege fauente, vt Dominican qui vnum pariuntur dominum perpetuo: aut fulcienda est ipsa dominatio armis. Quod si his neglectis modis, alium tentaueris, absque dubio male peribis: Quinimo optima conditio in Repub. Si cum inuidia sit, & non habeat participes, pernitiola tandem necessario est: Quæ res vt Dionem fefellit, sic Timoleon in ea seruatus est: Nam Timoleon administratione, etiam citra inuidiam se abdicauit: Dion cum affinem Dionysium expulisset, in ea perseuerauit, donec ipse vnâ cum vxore prægnante neci traditus est; nec immerito, cum amicum & affinem, frigidis Platonis argumentis ingratus è regno depulerit: Nemo enim amicum è potentia deturbare debet, sed reddere meliorem; quod si ille tyrannidem exerceat, nec admonitionibus pareat: nec affinis, nec amici, nec benemerentis est hoc opus, sed ultionem, his in quos peruenit iniuria, derelinquat. Hanc rationem Sylla secutus est: intelligebat enim dominationem præter leges, non posse aut cum pluribus esse communem, aut perpetuam; at tyrannidem populo Romano inducere, impium existimauit; quamobrem C. Casare melior exitit: quinetiam illud consideratione dignum, nihil amplius Syllam voluisse quam libertatem populi Romani, quæ in paucorum gubernatione, tum maxime tenatus, diuturna tantum esse poterat. Adepto summo gradu, consistendum est in illo, summa ope; aut vt dicimus, sponte discedendum. Nam deiecto, difficillimus semper reditus fuit: cum etiam in cadentibus, plerumque exilia, proscriptiones bonorum, & mortes succedant: Illud sanè nemo effugit, quin cum infamia & ignominia decideret: Ergo

tria sunt præcipue obseruanda: Primum quidem, vt non statuat secum, præterita opera, ac iam exantlatos labores, sibi ad retinendam gloriam sufficere: pingi solet, & rectè Occasio, fœmina, alata, occipitio calua, sphærulæ insidens; quod nequeat apud aliquem diu manere, & si modo maneat, histrionum more secum ludit, sphæram rotans: Et idè moliri semper non aliquid oportet, & nunquam fidere præteritis: senescunt humana omnia, nec longo tempore, autoritas, potentia, memoria virtutis; & super omnia, gratia ipsa celerrimè: quamobrem cuncta perpetuis laboribus & assidua industria reparanda: Ergo in amicos continue beneficia, in populum noua, nec præteritis similia, virtutis exempla edes. Nouis legibus, nouis apparatibus, nouis artibus, quod iam partum fuit, erit etiam retinendum; seu id sit violenta tyrannis, qualis Dionysij & Phalaridis aut Caesaris: seu voluntaria, vt, Pisistrati & Periclis, & Cosmi senis ac Laurentij Medicæ: seu mixta & studio partium conflata, vt Syllæ & Pompeij; & Gemæ, Ducum Fulgorum Adorniorumque: seu quædam summa apud omnes bonitatis opinio, vt Aristidis & Catonis: siue inter artifices eminentia; nam qui veteribus gloriæ ornamentis institerunt, aut consili sunt, omnes ex illa deciderunt: Qui autem mortalium rerum naturam contemplati, aliis atque aliis inuentionibus reparauere gloriam, firmiter in illa vsque ad vitæ exitum manserunt. Etenim vt morbi tempora quatuor sunt, sic & gradus in nomine: Primus humanitatis, ad conciliandos hominum animos, amicitiamque ac benignitatis nomen comparandum. Secundus, liberalitatis splendorisque, ad occulte occupandam inter omnes cœquales, dignitatem ac auctoritatem. Tertius, audaciæ & crudelitatis, ad tyrannicam ineundum potestatem. Quartus, iustitiæ ac prudentiæ ad Regium nomen obtinendum. Cumque pauci admodum sint qui in vna parte clari extiterint; paucissimi, qui opportune pro tempore tantam morum varietatem subire nouerint: idè etiâ fit, vt pauci ad dignitates conscendere, paucissimi verò summum gradum occupare possint: si tamen aliqui id potuerunt, omnes hanc viam inierunt, cum quidam extremam mutationem, quæ omnium difficillima est, ferre non possent, in ipso tyrandis vestigio, non sine maxima etiam difficultate ac misere permanserunt, quorum numerum non est explicare: at qui vsque ad Regium nomen euasere, fuerunt Iulius Caesar & Octavius, ac Franciscus Sfortia: primi horum omnium, ac reliquorum, qui tam ingentem felicitatem consecuti sunt, si vitam vestigiaque insectare, videbis ex initio humanitatem; post, splendorem ac magnificentiam; inde, vim ac crudelitatem, dolos, impietatem; vltimò, iusticiam cum prudentia & summa maiestate exercuisse. Non est quod in artificibus ob obscuritatem, hoc exemplo utar: omnia enim in his, minora & minus clara: quia etiâ finis longe minor est, quanto inclutus Artifex à Rege distat. Verùm, illud (ne totiens repetam) memoriæ semper inhæreat, Benefactorum tempus diuturnum esse debere: Impietatis breue, Maiestatis perpetuum, Humanitatis



nitatis cum occasio dederit, ac Iustitia, Ma-  
iestatem cum populi beneficio retinet. Quam-  
obrem nulla virtus adeò Regna tuetur vt il-  
la. Alterum, quod qui summum iam apicem  
pro voto adeptus est, obseruare debet, Ne  
quengquam lædat, nisi necessariò: nam tunc,  
non solum raro, sed longè minorè cum odio  
id efficiet: Quod si lædendo vnum, alterum  
iuues, reliqua autem sint paria; omitte offi-  
cium, vt ab iniuria abstineas: nam iniuriæ me-  
moriam (vt iam diximus) longè viuacior ac diu-  
turnior est beneficij recordatione: causa huius  
est, quod Irà ac Iracundia, fortiores animi  
sint affectus Iustitiæ ac Gratiæ: omnes etiam  
his affectibus mortales ferme laborant, non  
omnes, virtutibus: itaque patet, vt plures  
ab iniuria prouocentur, quàm beneficio obli-  
gentur, tum etiam fortius: videtur etiam be-  
neficium magis à natura proficisci, iniuria  
contra naturæ inclinationem: fortius igitur  
iniuria mouet homines ad vindictam, quàm  
beneficium ad retributionem: Contraria fer-  
mè ratione, si in republica res agatur, diffi-  
cilius erigimus quàm prohibemus: nam qui  
erigit, vni tantum benefacit, paucisque eius  
amicis; qui autem prohibet, videtur omni-  
bus conferre, paucis tantum obesse, quod in  
rebus dubiis ac incertis, quilibet aliquid spei  
collocat: Ergo ad prohibendum, plures longe  
inuenies fautores, quàm si aliquem coneris  
euehere. Alios igitur euehere, inuidiosum  
magis, quàm oppugnare: sed tamen oppugna-  
re maius odium irritat, quàm erigere. Igitur,  
ad solidam potentiam euehere, ac dissimu-  
lanter conuenit: ad auram captandam popu-  
larem, oppugnare. Qui ergo propter se alios  
oppugnat, vbi victor euaserit, auctoritatem  
ac potentiam non solum acquirit magistra-  
tu auctus, sed alios oppugnando, etiam apud  
multos gratiam: Nec vlla in re C. Cæsar  
ideò pertinacior, nam C. Rabirium perduel-  
lionis, Q. Catulum, de refectione Capitoli  
accusauit, & Pontificatum aduersus duos po-  
tentissimos viros obtinuit. Tertium, quod  
quisque, vt fastigium dignitatis ascenderit,  
obseruare debet, Ex insidiis ducitur: nam cum  
vi amplius locus non est, cumque res ipsa du-  
bio non caret, omnis spes in insidiis colloca-  
ri solet: alios enim opprimere, vel sperare ab  
aliis oppressos, eum qui iam super omnes emi-  
neat, non licet: quamobrem ad insidias omnis  
ratio omneque consilium vertitur. Memine-  
ris autem eius, quod iam in Regum admini-  
stratione diximus, Vt beneficia per te, pœnæ  
per alios inferantur: Tum vt dissimulatione  
vtaris; namque amici, dissimulatione patienti-  
æ, promptius ineunt officia, iram timentes:  
inimici eotrà, dissimulatâ indignatione, si-  
ne negotio opprimuntur. Porro præter Ty-  
rannos qui rempublicam occuparunt insines  
fuere humanâ sapientiâ, Crassus, Alcibiades,  
Cicero, Mestalla, Demosthenes, Agrippa,  
Meccenas, aliique certe absque numero: &  
nunc, plures huius sapientiæ studiosos, facile  
inuenias, quàm sapientes. Calluit eam non pa-  
rum Erasmus, non solum in vita, sed etiam in  
gloria sibi paranda; vixit enim in magna mor-  
talium admiratione, & rem suam non leniter  
auxit. Nempe, & qui humanæ incumbunt  
sapientiæ, gloriæ magis sunt auidi quàm com-

potes, Regibus ipsis exceptis: nam hos, non  
vnus, historiæ suæ infert. Quamobrem multi  
nefanda ob hoc, & inaudita adorti sunt, vt  
tyrannos alij trucidarent, alij vt molirentur  
magnifica opera, alij vt violentos exi-  
tus haberent, auderentque supra vires inter  
ceteros. Cum Pausanias de iniuria ab Attalo  
accepta, esset sollicitus, Hermocrates sophi-  
sta dixit, non alia via facilius posse gloriam  
parari, quàm si gloriâ inclytus Rex, occide-  
rètur: eoque dicto, incitatum illum, patrem  
Alexandri occidisse. Quod etiam consilium  
Hieronymo Olgiato, Colam pædagogum de-  
disse ferunt: vnde ille Galeazium Sfortiam  
obtruncauerit, iam accepta vitiata sororis in-  
iuriâ. Sic Herostratus Dianæ Ephesiæ tem-  
plum combussit, vt posterioribus seculis tam  
nefando celebraretur scelere: Alij manus ob  
hoc solum sibi intulerunt, velut Porcia Cato-  
nis filia, Arria Pæti vxor, P. Carinus Philo-  
timus, Cleanthes, tum Chrysippus, & Cala-  
nus Indus, Cleomenesque Lacedæmoniorum  
Rex, Momya quoque Milesia Mithridatis  
vxor, aliæque cum illius sororibus. Sic O-  
thryades Spartanus, sic Anchurus Mydæ Re-  
gis filius, & qui se deuouerunt, Bruti; & pro  
finibus Phileni Carthaginienfes fratres: &  
T. Iubelius Campanus, & Meles Atheniensis  
puer. Non est multitudo horum recensenda:  
Alij, patientiâ, hanc aucupati sunt gloriam,  
vt Scæuola & Pompeius: alij, fortitudine, vt  
Atilius Romanus, & Atheniensis Cynegy-  
rus: alij sollicita nimis ac quasi stolta cura,  
vt Decius iuriconsultus, qui propriam vitam  
scripsit: alij vindicta, alij crudelitate, alij  
incredibilibus disciplinæ experimentis: Hinc  
alius iubet filium victorem securi percuti:  
alius oculo excæcari. Mira nimis sunt, pro-  
digiosa cupiditatis gloriæ, exempla, pau-  
peratis, potentia, iræ, gulæ, libidinis; om-  
nia sine discrimine proferuntur, modò spes  
propagandi nominis non desit. Sic Nero  
etiam, inclytis modis, æternum sibi nomen  
parare molitus est: occidit matrem, vxores  
duas, fratrem, magistrum, cremavit urbem,  
saltauit, cantauit, omnia cædibus polluit,  
transformauit puerum, iniit inguina deligato-  
rum, conficiebaturque Doryphoro, tâta est hæc  
fitis inanis gloriæ quam non dissimulauit:  
urbem enim, ac menses etiam, nomine suo  
tentauerat defœdare. Sed iam ad institutam  
rationem reuertamur, ab initio enim illud  
propositum erat, vt ostenderemus, Quibus-  
nam modis, humanâ sapientiâ potiremur:  
tum Quonam pacto, ex illa opes pararemus.  
Ergo, vt à virtute ab fide diuina, à discipli-  
na & studio, Naturalis, sic, ab exercitatione  
& Rhetoribus ac Poëtis, Humana sapientia  
habetur: palma autem horum Plutarcho dabi-  
tur, qui tot excellentium virorum acta in vnũ  
contulit, artem, consilium, fortunam, suc-  
cessusque edocet: Vt nihil ad Græcâ calli-  
ditatem, nihil ad Romanam audaciam desit,  
Plinium habes, etiam Cæciliam ad Dionem,  
tum Euripidem, Sophoclem; Satyricos iam  
diximus & Comicos; Hotatius vbique sin-  
gularis vir meo iudicio est, Homerum & Vir-  
gilium, altiora sapientes, non tam viles exi-  
stimo. Iuriconsulti omnes in hoc versan-  
tur genere, præcipue Plato: nec tamen Ari-



stotelem in hac causa negligo: nam Plato calidissimus omnium est, non tamen vtilissimus, nisi illi qui aliud sub cortice, aliud credat esse in superficie: Lucianus noster totus in hoc genere est: Plutarchi Moralia sanctiora sunt ac diuiniora, quàm vt in hoc genere reponantur: Ad summum, illud videtur sapientiæ humanæ, ab aliis generibus discrimen, quod nec cum periculo malè agit, nec cum virtute bene: sed mala quidem, sub pietatis & iustitiæ vmbra, bona vero, in auaritiâ & ambitionem semper agit ac dirigit. Etenim cum sicarij & manifesti fures legibus sint obnoxij; Iniusti iudices, facinorosi magistratus, perfidi causarum patroni, Medici infidi, tutores rapaces, mœchi, spoliatores, falsi seplasiarij, artificisque, in quo illis sunt meliores: nisi quod poenæ non subiaceret: nam tutò peccatur, cum lex nulla prohibet, vel quæ prohibet, iam est antiquata, vel deest testis. Sic iudices, cum à litigantibus pecuniam extorserint, securius, causa diu protractâ: alteri, temporis commodo, alteri tandem, exitu satisfaciunt; cumque vtrunque explicauerint, vterque tamen illis gratias habet, neque enim parum videtur his temporibus, aliquando potuisse iure vincere, Causidici cum aduersa parte paciscuntur, Morbos producant Medici, Pharmaca, (vt sic dicam,) qui miscent, pro preciosis adulterina, vitiata exesâque supponunt; quicquid non impenderint, pro lucro illis præsentit est: Tutores, pupillorum res spoliant, atque vt vno verbo dicam, admittitur sapienter apud hos, quicquid periculo & infamia vacat, (cum tamen sint, qui nec vereantur infamiam) quid mirum est igitur, præsentit exitio, Asclepiadem tamen voluisse penfiles lectos, vina, balneâque ægris impendere, cum non illorum salutem, sed propriæ ambitioni hæc nouanda excogitasset: Vbi enim summum artis apicem apud homines obtinueris, quàm facile sit ditari, nunc intelliges; Eupompus Apellis magister non nisi talento docebat discipulos; sed sunt qui verius legant, in annos singulos: aureos sexcentos continet talentum, cum absolute profertur; aut igitur aureos quinquaginta pro mercede annua intellige, vel pro singulis discipulis sexcentos; At Raphael Cumanus, refert audiuisset à Baldo, dum titulum legis, De vulgari & pupillari substitutione, auspicaretur, In hac sola materia pro consulendo, aureos quindecies mille habuisse, scilicet auri talenta viginti-quinque: Maius tamen est Thadæi Florentini Medici exemplum, qui non nisi quinquaginta aureis in singulos dies extra urbem ducebatur, cumque ab Honorio quarto Pontifice vocatus esset, non prius exiuit, quàm de mercede, duorum argenteorum talentorum, id est, aureorum centum in singulos dies pactus esset. Inde, Sanato Pontifice, aureos decies mille dono accepit. Ergo ad diuitias comparandas, nulla sapientia, humanæ comparari potest: quandoquidem Galenus cum sua subtili dissectione, cum tot pulsum differentiis, cum tanta librorum multitudine, nunquam ad tantam gloriam accessit, nunquam tot diuitias adeo breui comparauit, quantas barbarus vir, & cuius nunc non dignantur scripta vel videre, nedum legere, hac sapientia

meruit. Recte quidem dixi meruit, nam vt naturalis sapientiæ præmium est, corporis incolumitas & animi tranquillitas, sic humanæ, opes ac gloria. Nec tamen in vilissimo quocunque genere artis, ac exercitationis, summam laudem quæras, sed vel in nobilissima, vel saltem mediocri: Imò omnis ars, cum ad vltimam ascenderit perfectionis opinionem, hoc præstare potest: nam & tonsor ab Augusto, ob artis excellentiam, ditatus est; nec præmio vacauit, qui circino circulum exactè describebat, & nunc Principes nostri adeo delitijs gaudent, vt illos dignos magnis præmijs ducant, qui mappas in plicas elegantes sciant flere, aut corollas fabricare curiosius. Ergo nisi prorsus inutile sit, id in quo excellueris, præmium ingens te manet. Nam neque male mihi videtur: nec contra hanc rationem, quod ille, collineanti cicere, nec aberranti scopo, modium ciceris dono dedit. Quorsum enim tantum studij collocauerat, vbi nulla vtilitas, nulla delectatio esset?

Succedit humanæ sapientiæ, altera ditandi spes ex scœnore; sed scœnus impediunt leges, infamiæque subsequitur. Sed quid saluis infamia nummis? à legibus cauendum est, eludenda lex in primis; cambia sic vocant mortua, sicca, fictæque consurgunt, hypothecæ, venditiones vanæ, mutua, in his omnibus, quanti pluris adscribitur, vsuraque cum sorte computatur; miroque ac præstigioso modo, detrahatur ex sorte, antequam nata sit, aliâque ex alia, velut in muribus Persicis progignunt: nec vnquam scœnatorum aut potentia, aut auctoritas, minima vel mediocris fuit, sen apud Romanos, seu Græcos, seu nostros, velis: Sed nobis res ipsa manet, mutato nomine: alij enim Marcatores, Nummularij alij dicuntur: Præstabat forsân (vt multa alia) non mutasse in lege antiqua, permittereque potius, vt besse semissæque ac triente, pro casuum varietate mutaretur, quam tam enormibus vsuris, miserorum ciuium profligare patrimonia: hæc tamen ratio ditandi, adeo summa est, vt non vlla, Regno propinquior: nam plures Principes, auos aut patres habuerunt scœnatores: Diuitiæ enim, vt modum exceßerint, Poentiâ Regno simillimam efficiunt. Inanes autem sunt omnes artes, si ad scœnus pro comparandis diuitiis conferantur: nam talenta quadraginta, in annis quadraginta, sunt quadraginta millia talenta: nec vltra in anno, quintam partem sortis æquat, quæ nostro tempore, portio minima scœnatorum est: Quamobrem diuites vt opulentiores enadant, compendiosam hanc ineunt rationem.

Aliis, aucupium orbis arridebat, nunc rara quidem auis, nam horum loco pietatis prætextu sacerdotes subintrarunt: & tamen, nostris temporibus non desunt, qui alieno patrimonio turgant: aliis quidem, simplex voluntas arrisit: aliis, cum adoptione coniuncta. Sed antiquo tempore nihil frequentius: nam Seneca & Cæcilius, Plinius, & Cicero, etiam aduersus Salustium, non parum de hoc gloriatur: atque hic egregius Stoicus, si Budæo credendum est, hac nobili inuentione, decem ac septem villarum dominus factus est. Inde lusus ille frequens Luciani, sed

ridiculus,



ridiculus, in Plutone ac Therpsione, tum in Zenophante ac Callidemide; nec vlla res tam frequenter arguitur à Satyricis, vel irridetur à Comicis. Sed tamen vt pleraque alia, optime cedit, non res est vulgaris, aucupari, sed magnæ sapientiæ maiorisque studij, quam vnus mihi Horatius satis bene pinxisse videtur, dum dixit:

*Si cui praterea validus male filius in re  
Præclarâ sublatu, aletur: ne manifestum  
Cælibis obsequium nudes te: leniter in spem  
Arrepe officiosus, vt & scribare secundus  
Hæres, & si quis casus puerum egerit Horco,  
In vacuum venias, perraro hæc alea fallit.  
Qui testamentum tradet tibi, cumque legen-  
dum*

*Abnuere, & sabulas à te remouere memento.  
Sic tamen, vt limis rapias, quid prima se-  
cundo*

*Cera velit versu solus, multisve cohares  
Veloci percurre oculo, plerunque recoctus  
Scriba, ex quinque viro cornuum deludet  
hiantem.*

Sic mihi videtur, obsequium & citra suspitionem sufficere, dummodo recte pes ipse figatur, non sit violentum non captiosum, non fictum, non cum iactantia, non inane. Si careat affinis, tutius collocatur tantus labor, multum iuuat conuictus, si patiaris. Eadem est ratio, sed facilior captandorum amicorum. Verum quia de his qui alienis seruiunt, dicendum est, simul huic rei quæ illi affinis est, tum extremo ditandi modo satisfacimus.

Qui sub principum potestate degunt, mores illorum æmulari consuevere. Sunt autem mores occidentalium Principum delitiis affluentes: (Et si Carolus Philopœmenem exhibet:) sed aded sunt corrupta hominum ingenia, corruptæque leges regnandi, vt potius sua tueatur, quam quod aliena possit inuadere. Itaque qui sub Rege est, & cum Rege, & cum aulicis debet conuenire, facile est autem cum aulicis conuenire, ei, qui cum Principe, moribus non dissidet, cum omnes Regem æmulentur: est enim vita Regis, vt Isocrates dicebat, populo exemplaris, quod magis ergo aulicis; illud satis ab omnibus confessum est, non solum perspectum, ea studia vigere in ciuitate, quibus Princeps ipse delectatur: Verum illud apertè noris, nunquam palam Principi contradicendum; quod ad existimationem lædendam illius faciat: Nec apertè adulandum, volenti auctoritatem suam retinere: mimorum enim ac scurrarum est: verum quasi ex transuerso tela vibrare solent. Offensiones autem in Principe sic deuitabis, vt existimes nunquam inultas esse, si directè & consultò factæ sint. Igitur eum qui naturâ cum Principe non conuenit, antequam offensionem incurrat, optimum est ab illo prius disiungi, iræ enim Regum, maximæ sunt, & implacabiles. Minima autem offensio est, quæ proditiōe caret, nec commodi alterius, sed proprij causâ, atque ita obscura, vt penè lateat: sic Cosmus dux, Carolum non offendit, arce aliâ exædificatâ, cum arcem primam Cæsar haberet, quod propter populi timorem exstructa videretur: cumque congestisset in illa populi arma, populum exarmauit, & tamen aduersus externam vim

(si ingrueret,) parata videbatur: sic populus, duplici arce, & Principis, ac Hispanorum metu cõtinebatur. Principi populus præsidio erat aduersus externam hostilem potentiam, nec tamen aliquid contra Cæsarem molitus est, imò carior illi habitus, quod absque iniuria turum se reddidisset. Tolerandum igitur est à Principe, quicquid sine iniuria illius, in propriam vtilitatem conuertitur: hæc, Principum Principibus seruientium: at priuatis nihil tutum omnino, nisi quod cum manifesta Principis sit voluntate. Cumque viuendi formæ quatuor sint: alij enim bene dicunt, beneque faciunt: alij cum bene dicant malè faciunt: rursus alij cum malè dicant, bene faciunt: extremi & malè dicunt & malè agunt, quorum, odiosa, est, non solum aulicis ac Principibus, sed omnibus vita. Eorum autem, qui bene dicunt malè autem faciunt, vita communis est, & numerus infinitus; dissimulatores enim cum sint, populum & amicos sic decipiunt. Qui autem bene dicunt, beneque faciunt, simplices ac verò boni habentur: sed aded mores hominum corrupti sunt, vt nec his apud Principes, summa sit auctoritas: maxima ergo illorum, (nam hucusque suspensum te habui) qui alios vituperando, ipsi rectè & agunt & consulunt. Duo enim cū sint auctoritatis principia, malè dicere de alijs, & rectè agere, multis quidem primum concessum est, paucis hoc extremum. Arripiunt homines quodcumque possunt, tum maximè, quod eam æmulationem frequenter principes amorem illorum erga se interpretantur. Scommata etiâ & cauillationes, delectant curis distentos, & laboribus fastiditos: Ergo maledicendi studium moderatum, nec quasi voluntarium esse videatur, nec lepore careat: qui hæc tria seruauerit ex vituperatione aliorum, etiam si illi, Principi gratissimi sint, illius nunquam offensam incurret. Sed tamen ingrati suspitionem caueat; id fiet, si à proprijs benefactoribus abstinerit. Licet enim de illis tantum his dicere, qui scurras agunt. At verò, in mutua aulicorum consuetudine, sermo blaudus, ac ad personas accommodatus seri debet: cum mulieribus de ornatu & pulchritudine: cum diuitibus, de agris ac negotijs vrbanis: cum magistratibus, de administratione; cum tribunis militum, de fortitudines: res tamen amatoriar nostris temporibus vbique placent, ob Regum ipsorum delitias ac molliem: fortes enim plures sunt, aduersus pericula quàm luxuriam; ob id, imitandus est aulæ mos, qui pro principis moribus, semper æstimandus est: Et nunc, quantam diligentiam in verborum lenocinijs posuerunt, vt illorū Epistolas facile intelligas, plus habere fuci quàm pulchritudinis. Heu miseram conditionem temporum, in quibus expectamus, imò exposcimus verba compta, animum rudem: lenocinia sermonis, & sententias inanes; spem magnam, euentus infelices; grandia verba, & timidos homines; leporem in dicendo, atrocitatem in agendo. Sed iam extra vallum: redeundum quo digressi sumus. Auctoritas ipsa, in his qui ab alijs reguntur, arbitrio rectoris est; ideoque omni diligentia conandum, vt illius consequaris beneuolentiam; at si te ob artem alar, summum studium exhibendum, vt in ea præcipuus videaris, alios verò cõtēpnas, vnde, plurimi leniter



suos riuales saluant, quasi eos paruifacientes. hocque maioris vtilitatis est, quàm si vel ex toto contemnunt publicèque maledicant. Nullum enim inuenies ex his, qui aliis feruiunt potentem huminem, sed vt dici solet:

*Maxima quaque domus seruis est plena superbis.*

Sunt & qui ob hanc gloriam, opera sua venalia non habeant, sed donare malint: quòd Regibus ipsis, nullo precio dignè posse persolui, insinuent; velut Zeuxis, qui Pana Archelao Regi donauit: Alcmenam autem in tabula, Agrigentinis; & Cicero (vt mihi videtur) eà causà, nulli, vt refert Plutarchus, operam suam mercenariam locauit: verùm, hæc, vt apud Principes, gloriam sæpius arguunt artificis, sic apud plebem, plerunque inutilia, nisi in exercitationis initiis, ad aucupandam gratiam, vt medicorum plerique, & cognitionem aliqui, facere solent. At qui scietis intersunt consiliis, grauissimi, quicunque machinas ac dolos apud tyrannos docere norunt: vnde pulchrum certamen visum est inter Ofenium Tigillinum, & Fenium Rufum; hic enim minister voluptatum apud luxuriousimum Neronem: ille veneficiorum, apud eundem tyrannum: vicit autem gratià Tigillinus, perdiditque Fenium. Vnde nihil apud eos validius, quàm scelerum gratia, cum multos in voluptatibus ministros habere posse speret: ergo cadium, vectigalium, proscriptio- rum, veneni auctores fiunt; apud Reges verò, potentiæ & gloriæ opumque augendarum. Tribus enim causis tyranni, cædes & sacrilegia, (quæ Reges non admittunt,) coguntur exercere. Primò quoniam non fundatà dominatione, prius damnant quàm leges condiderint: quòd, & si post leges damnauerint, recenti adhuc promulgatione, in gràtiam facta tyrannidis videtur. Quis enim, si videat in Italia, ob inobedientiam palo hominem affigi, non dicat esse tyrannicum? apud Turcas non est, quia diu lex illa vim habet, quam & olim, vt Euripides in Iphigenia in Tauris scribit, Barbari circa Pontum & ipsi obseruabant: altera causa est, quòd tyrannus cum in Regno nouus sit, non habet obsequentem populum: vnde atrocibus edictis & pœnis, illum cogitur sub imperio retinere: Quamobrem eos qui primo Rempublicam occupant, sollicitos circa initia esse oportet, donec extinctis his, quibus libertatis memoria aded iucunda est, successores, in seruitute nutriti, nihil audeant nouum, nec quærant moliri: Vnde non parum ad Romanorum seruitutem contulit, tam longa Augusti vita, quod & Cornelius Tacitus animaduertit, cum nulli à morte Augusti superessent, qui, si vel à Deo aliquo, libertatem essent consecuti, amplecti sciuisent eam. Vnde, cum, mortuo Caligula, per Chæream forma quædam reipublicæ inducta foret, nec menssem potuit attingere. In parua autè reipublica nil prohibet, de nouo tanquam in parua mole instaurari, velut post Tarquinij exilium: sed in vasta, vbi nec vnus, vel duo populum regere possunt, omnino libertas, post primam generationem hominum, reuocari nequit: Tertia causa est, quod in Regno, auctoritas, non solum in Principe, sed in Magistratibus est: quoniam qui magistratus ge-

runt, iam diu ad eam dignitatem apti habentur, seu lege, seu administrationis dignitate, seu nobilitate illius qui eo fungitur. In tyrannide, omnia noua cum sint, cogitur omnia tyrannus aut facere, vel videri facere. Sunt tamen & in regno Tyrannici Reges, vt Ptolemæus Euergetes; & in tyrannide regij tyranni, vt Pisistratus & Pericles, ambo Athenienses. Quibus igitur sub tyrannis immanibus esse contingit, nihil magis profuit, simulatà stultitià, velut Bruto, qui cum videret affines omnes, à Tarquinio occisos, stultitiæ simulatione, non solum tyranni vim effugit, sed illum etiam à regno depulit. Ergo simulata stultitia, duplicata est sapientia; neque enim maius aliquid in humana sapientia est, stultitiæ recta simulatione. Vnde etiam Homerus suum Vlysem, cum sapientissimum ybique prædicasset, stultitiam coram procis, & Philostratus, dum boues ageret simulasse narrat: vnde ille in Palamede, *Ὀδυσσεὺς δ' ἐν ἰδὼν Μαιῶν Πάριοντο, καὶ πρὸς ἀπὸ τῶ ἐν βῆν' ἰππὸς ξυμπαλόν, παραμύθους τὲ αὐτὸν ἐλέγχετο πρὸς Πάριον, ὃ φησὶν ὕγια ἦναι,* id est, *Vlysses autem in Ithaca insaniam finge- bat, & ad aratrum bouem equo iungebat. Palamedesque ipsum conuincebat per Telemachum qui sanus esset: quod & apud Ouidium Ajax illi obicit dicens:*

*Ultima qui cepit, detrahitque furore*

*Militiam fido: donec solerrior esto,*

*Et sibi inutilior, timidi commenta retexit*

*Naupliades animi, vitatque; traxit ad arma.*

Sed quid opus est fictione? videamus quid egerit Solon vir sapientissimus, cum Athenienses amissa Salamine insula, decretum, ob malè gestas res cum Thebanis edidissent, Ne quis de renouando cum Thebanis bello verbum faceret, sub capitis pœna, Solon auertere tam stultam legem, stultitia aggressus est; Nam insanum se fingens in publicum prodit, carmina decantans, quibus illos ad insulam recuperandam, instaurandamque cum Thebanis bellum, accendebat: atque ita magno consensu populi, lex perniciofa sublata est, & insula recuperata. Simili quoque argumento, verum non tã foelici, Meson abstinuit à bello Siculo exitiali, cum iam antea, conatus esset illud ciuibus suis dissuadere; peritus enim astorum, ingruentem dicitur præuidisse calamitatem: & cum illos in sententia pertinaces, ducum ambitione, intellexisset, vt furori fidem faceret, face domum suam accendit; itaque à Principibus ciuitatis pro insano habitus, vacationem habuit. Nos dum hæc scriberemus, Constantium Maxeum, ciuem nostrum, accusatum, quòd liberius in potentiores debaccharetur, furore simulato pœnam omnem, tum periculum euasisse vidimus: Quis hunc sapientem esse hac in causa neget? Sed forsitan etiam, prudentius tantæ sapientiæ experimentum non quæsisset, cum intelligat, in non libera ciuitate, non minus periculum esse in verbis, quàm sceleribus: in libera etiam, eos iure damari, qui innocentes deferant: Nec vllibi tutum esse, res supra proprias vires aggredi. Eandem, vt video, rationem secutus est Nicias ille Egionensis: Is, cum vnus esset à ciuitatis principibus, frustra que consulisset suis Siculis, vt in fide cum Romanis peristare vellent: vbi illos ad Annibalem



Annibalem iam deficere prospexit, amentia dissimulata, effugit extra urbem, & cum suis quos monuerat, ad Romanorum castra; seruatus ab utroque periculo est, Carthaginensium, contra quos, ciues suaserat, & Romanorum, à quibus ciuitas erat abalienata. Maiora sunt, quam credi possint, simulatae stultitiae praemia, cum ipsas historias reuoluo: nam Eunus, Syrus seruus, simulato furore, inde sub Religionis quadam specie, seruile bellum peregit: in quo plusquam millia quadraginta seruorum, in Sicilia aduersus Romanos armauit, & quamvis à consulibus victus fuerit, gloriosius tamen est, sic victum fuisse, quam in foeda seruitute manentem, nihil ausum fuisse simili dolo, quod hic (vt mihi videtur) solus, sit inexpugnabilis. In eadem prouincia, Gallis auaritia, crudelitate, luxuriaque cuncta foedantibus, Ioannes Prochitus, stultitiam simulans, & per vrbes circumuagans, cannâ auribus appositâ, admonebat conscios, vt ad horam constitutam, suos hospites Gallos caderent: itaque vnâ horâ, octo millia Gallorum caesa sunt, atque prouincia tota liberata. Sed illud nunc mihi succurrit, (cùm nihil sine causa, vt refert Aristoteles) cur Galli nunquam diu prouinciam retinere potuerint, non Hispaniam, non Italiam, non Siciliam, non Asiam; & tamen has omnes inuaserunt: facile hoc est intelligere; fortissima genserat. Ad retinendum, potius sapientia, quam robore opus est, vt optime dicebat Sophocles:

Οὐδ' οἱ παλαιοὶ  
Οὐδ' ἀρχαῖοι πάντες ἀσφαλίσαντο,  
Ἀλλ' οἱ φρονέοντες ἐκαστοὶ πανταχῶς.  
Μέλας δ' ἀδελφεὸς βῆς καὶ συνεχεῖς ὁμῶς  
Μάχιμον, ὁρῶνς εἰς ὁδὸν πορεύεσθαι.

Id est,

*Non vasti neque viri latis humeris fortissimi, Sed bene sentientes ubique dominantur. Bos autem magnis lateribus paruo flagello, vt rectam viam ambulet impellitur.* At verò fortissimæ gentes, naturâ, non disciplinâ; ed sunt imprudentiores, quo fuerint audaciores. Quin etiam in hominibus ita esse censet Homerus, Aiacem Telamonium fortissimum facit, sic prudentem minus: & in eodem homine, cum saeuit ira. Cum crescit animi furor, consilium abest: Itaque Gallos impotentes, nullus populus ferre potest: quod verò in illis erat fortitudinis, contrariâ disciplinâ amiserunt, vt nunc sola ferocia remanserit, cum licuerit prioribus Regibus, (vt erant deliciis intenti) fortes reddere ac moderatos: Quare, non nisi deductis coloniis, (quod vi ibi solû opus sit,) ciuitates & regiones continere potuerint: At nunc nec illud bene cederet, nam cum coloniæ, maxima cum inuidia finitimorum deducantur, fortissimis viris indigent: Eâ etiam causâ (quamvis videar extra propositum digredi) nullæ Respublicæ, Regnum obtinere potuerunt inter illos, imò inter nullos barbaros; sed in sola Græcia atque Italia, quod prudentissimæ fuerint. Harum regionum Gentes, Respublicæque claruere, quâ nquam & Carthago olim regnauerit. Sed & hi procul à barbarie videbantur, cùm illorum solû, inter barbaros Aristoteles meminerit, deque eorum Republic. quinetiam commercio Græcorum, qui in

Sicilia habitabant, utebantur. Ergo cùm Persæ, Medi, Assyrij, Ægyptij, Afri, Galli, Reges habuerint, Respublicas quæ dominarentur non tulerint, longè faciliorem & minoris sapientiæ gubernationem Regiam, quàm Populi vel Paucorum esse necesse est, quod & Tacitus refert, dicens, communem fuisse, vigente imperio Romano, Populi vocem: oportere omnia deuolui ad vnum, quod in Republica, frequentissimè inconuenientia acciderent; ergo dominationem Augusti cum temporibus Syllæ, Pompeij, Cinnæ confert. At verò quæ propinquior Regiæ potestati, tranquillior est: ob id Venetorum Oligarchia faciliior ad tractandum fuit, quàm Romanorum Popularis status: quanquam, quod in Romanorum Republica firmum erat, id totum etiam ex Oligarchia dependebat, senatu summam obtinente auctoritatem: sed quod ad tranquillitatem deerat, in robore supplebatur, nam popularis status, Venetorum Oligarchiâ, fortior reddebat ciuitatem. Quamobrem Veneti, nec populo, (qui paucis seruit) nec belli duce, (quem in terrestri prælio ex suis non eligunt) ad res gerendâs vti possunt. Imbecillius ergo longè euasit regnum Venetorum, quàm Romanorum, eoque magis, quod Romani sua Religione ad belli commoda vti poterant; non sic Veneti, cum sanctissimam colant. Intrinsecus igitur, longe melior Veneta, foris splendidior Romana: sed tamen Romana longe tutior, quæ si sitim inexpugnabilem, qualis Venetis contigit, habuisset, profectò etiam nunc maneret: Veruntamen situs confidentia, plus Venetis obfuit quàm iuuerit: Atque eâ causa Lycurgus, muro Spartam carere in posterum perpetuò voluit; nam & Sparta à populo regebatur, eligebanturque trecenti, quorum sua esset potestas: Horum, erat supremus quidam magistratus, & qui illum administrabant, Ephori vocabantur; numerus illorum quinque: hi Regiæ potestati opponebantur; quod Lycurgus Reges creauerit; hi aliquando duo erant, quandoque vnus. Ferebantur autem illorum Reges ab Hercule genus ducere. Itaque vim Regiam Lacedæmoniorum Veneti in suo Duce, imitantur, cum Ducem, non Ducem, nec Principem habeant, sed subditum legibus, & qui non solû per se nihil decernere possit, sed neque cum paucis: atque inter multos, licet auctoritate superemineat, suffragio tamen illis par est: Estque aded humilis potentia Ducum istorum, vt vnum aliquando ex his, capite, ob regni affectati suspensionem, multauerint: quod & in suis Regibus Lacedæmonij prius aliquando fecere; nam & Agis publico Ephorum mandato strangulatus est in carcere. At verò multitudinis dominationem, & trecentorum electionem, imitabantur Athenienses: sed horum numerus, apud quos summa esset potestas, quingentorum erat: inde etiam, ab illis Socrates damnatus est: Aderat & Athenis Senatus ille inclutus Areopagitarum: sed non vt Ephoris, certus numerus: ergo hæc duæ ciuitates tanquam duo Græciæ oculi, totam regionem imò gentem omnem illustrabant: sic duæ in Italia, Romana, Venetaque. Sed Romana, Laconicæ proximior; Veneta Atheniensis: non solum bonarum literarum cultu,



& moribus mansuetioribus, sed & situ & peritia rei militaris: Nam vt Venetiæ inter aquas, sic Athenæ, iuxta litus maris, in colle humili sitæ erant: At Romanis & Lacinibus, mediterranea regio, mores agrestes; pugna genus, quale militibus conuenit, equestre pedestreque: vtræque autem, cum viribus summis se inuicem premerent, Sparta Athenas deuicit, & in seruitutem traduxit tempore triginta tyrannorum, etiam demolitis muris: Athenæ, Spartam nunquam occupauerunt; seu quod plus valeat exercitus, quàm classis, & milites quam epibata: seu quod robur & audacia, in bello, plus orationibus & prudentiâ possint: Illud etenim & in Romanis cum Carthaginensibus visum est: nam Romani, audacia & robore, cum milite pedestri equestrique abundauerunt; Carthaginenses astutia & dolis, tum classe præualebant: Imperium verò Atheniense minus patuit, sed non adeò validas vrbes continebat; nanque Lacedæmonij Thebis aliquando potiti sunt: Erant etiam studia ciuitatum harum, dissimilia; cum Athenienses dominari palàm se velle dicerent; Lacedæmonij, libertatem Græciæ, titulo præferrebant; re autem ipsa, regnabant: quamobrem, sub initiis, Lacedæmoniis semper magnus applausus; succedente tempore, maiore cum inuidia totius Græciæ, regnabant; tanquam dolo & fraude, amicos, non hostes opprimerent: Inde factum est, vt Platonis ætate, quodam miro Græciæ consensu, finito Peloponensi bello, & clade Sicula iam senescente, tum Tyrannis sublatis, Athenienses, Græciæ Principes, (cuius tamen non exiguum partem possiderent) ab omnibus haberentur, præterquam à Lacedæmoniis. Inde, si ad diuturnitatem spectes, prius Lacedæmon condita est quàm Athenæ, seriusque in seruitutem acta à Philopœmene, (cum iam annis mille quingentis triginta quatuor in perpetua libertate nec non longa dominatione stetit, ) celerius à Xerxe diruta Athenæ, cum tardius essent ædificata, (si quidem à Cecrope annis centum & sexaginta sex post conditâ Spartam à Phoronæi filio Sparto) semper autem reparata, cum indignum Romanis visum esset, Spartam non esse, tanquam æmulam Romæ, aut Athenas, nutricem tot florentissimorum ingeniorum. Erant enim Lacedæmoniorum mores, ac disciplina militaris, adolescentis reipublicæ Romanæ, similimi: Spartæ, nulli (vt diximus iam) muri; Romæ talcs, qui potius ad ornatum, quàm ad munimen, esse viderentur: neque enim vnquam, vel illis confisi, hostem repulerunt, vel si exercitu carerent externo, expectare voluere: Quinetiam, amnis Tyberis, vt Romam diuidebat; sic Eurotas Spartæ circumfunde batur. Sed tamen tam ingentium, tam nobilium vrbiū Græciæ; nulla nunc vestigia supersunt, Turcarum Rege in speciem desolati cuiusdam pagi illas vertente; vt nec nomen supersit: Sethine enim, arx est in Athenarum colle, & Mistratus vbi Sparta. Ergo Sapientes, qui futura prospexerunt, hoc est quod ait Sophocles:

αἰετοὶ αὖτ' ἀνθρώπων ἐστὶν  
κέρδιον καλὸν εὐμενέον, ἢ δὲ νῦν σφεῖς.

Id est,

*Non possunt homines, prouidentiâ & mente sapiente, melius lucrum capere.*

Poterant primò, dominari orbi, si concordesset; maluerunt parere Romanis: Poterant & in pace splendidam tueri libertatem; voluerunt potius in Turcarum seruitutem, intestinis odiis labi, & excelsas suas vrbes dirutas videre, amœna viridaria & syluas odoratas, in barbarorum manus tradere, filiosè suū parentum abstrahi sinere; nam non ea tantum occupat loca Ottomanus, sed sua virtute bellicâ, & nostrâ perfidiâ, obtinet Pannoniam vtramque, Sarmatiæque partem Australiorem, Macedoniam, Epirum, Achaïam, Peloponesum, Eubœam, Thraciam, Iazigum, Metanaste, Daciæ partem, Mysiam vtramque totam, Getas, Tauricam Chersonesum: hæc in Europa. At in Asia Pontum, Bithyniam, Asiamque minorem, Lyciam, Galatiam, Pamphylia, Cappadociam, Armeniam minorem, Syriam, Palestinam, Arabiâque petrosam, & Mesopotamiam, Assyriæ & Babylonæ partem optimam, quin etiam fœlix Arabia eius imperio obsequitur, aut tributum pendet: habet & Africæ meliorem partem, Ægyptum scilicet: minus Alexandri imperio hoc est, quod Parthiam non contineat, nec Indiæ illa millia quinquies oppidorum; sed, nec Alexander habuit Achaïam, Eubœam, Peloponesum, in qua Lacedæmonij habitabant, nec Iaziges, Metanastas, vel Pannoniam vtramque, vel ambas Mysias, aut Daciæ; quarum ego robur, longè Indis etiam totis ac Parthis prætulim, quos tamen omnes, non suo subegit Imperio: Habet certe Romanis minus nunc, Galliam, Hispanias, Italiam, Cretam, Cyprum, Britannos: quid aliud in Europa? at in Africâ Numidiam & Cyrenaicam, reliquaque, præter Ægyptum: sed tamen inter hæc, multos Reges amicos, multas ciuitates liberas; nec Mysiam tamen, nec totas Pannonias, nec Getas subigere potuerunt, quas ille tamen possidet. Amplissimum igitur Alexandri Regnum, Imperia validissima Romanorum & Ottomanorum. Sed iam, qui nostram non artem intelligit, tanquam longius digressos increpabit; ad institutum igitur sermonem denuò reuertamur; erat autem hic. Quod hominibus licet, ob ingens facinus, dissimulare prudentiam; quandoquidem, non paucis fuerit gloriosissimum & salutare, simulasse stultitiam: quod etiam in sui laudem satis rectè, aut finxisse, aut narrasse, video Ludouicum Romanum: Quandoquidem nec illum reprehendam, qui se stupidum simulet in negotiis, cum liceat, etiam se mortuum fingere; nam & Boëmundus ac Iacobus Picininus, per castra hostium delati, loco fictæ mortis veram vitam pro præmio receperunt. Non existimes exquisitâ opus esse stultitiâ, ad Tyranni metum eludendum: exquisitâ vtimur, vbi magnum facinus aggredi oportet. Sed iam ad alia, hominis sapientis, sed non liberi, instituta transeamus: in quo, illud diligenter obseruandum, ne mutuis assentionibus, etiam si veris, vicissim blandiamini: subolet enim fucus; & res minorem habet auctoritatem: In quem errorem, adeò impru-



imprudenter Budæus & Erasmus lapsi sunt, vt nauseam moueant. Priuatim quandoque, non tam licet, quàm necesse est: sed tamen & ibi, mutua esse non debet. Verùm illis licuit, quòd Grammatici, non Philosophi essent: quamobrem etiam, ex turpi adulatione, in iurgia & turpiorem venèrè contentionem. Est etiam illud cauendum, ne ad idem, sermone reuertaris; sed vt in cæteris, varietas delectat, sic assiduitas ac repetitio, fastidium non leue audientibus affert. Est & in hoc genere apud nos, vxorum consuetudo; quas cum multi instituire docuerint, nihil tamen egregium sunt consecuti. Maxima est hæc difficultas inter mortales; Sine coniugiis viuere vix possumus, at proferre genus nostrum difficillimū. Ducenda ergo est vxor, quæ si perpetuo vinculo alligatam se sciat, furit in incommodis, & audet in sceleribus. si pateat diuortium, filij negliguntur, superinducta nouerca: Tantam in hoc genere difficultatem Plato videns, quasi ludens, consuluit, vt communes essent vxores: atqui vir ille, vbi maximè irridetur, summam ostendit sapientiam: quasi dixisset, vtcunque egeris, tam multa sequuntur inconuenientia, vt errasse legislator iudicetur: Ergo ille rectè reipublicæ consulit, qui etiam coniugum securitati & tranquillitati, optimas leges statuet. Verùm, (cum nunc nobis ea facultas non sit) vt legem de hoc vniuersis statuamus, potiora præcepta deligemus: In primisque vxor sumenda, quæ honestos parentes habeat: non amoris nec formæ, aut consuetudinis, vel opum causa petenda est: solet autem dici, malos parentes, bonos non progignere filios, quod & Euripides pulchrè expressit dicens,

Φῶ, φῶ, παλαιὸς αὐτῷ ὅς καλὸς ἔχῃ.  
Οὐκ αὖ γήρσιτο χρεὶς ἐκ κακῆ πατρὸς.

Id est,

*Heu heu quam pulchrè habet vetus fabula,  
Non enim natus fuerit bonus ex malo patre.*

Atque alibi,

Εκφέρεσι γῶ  
Μητρὶ δὲ νείδῃ. τῷτο καὶ σκοπεῖτέ μοι  
Μητρὸς, ἐδλῆς θυγατέρ' ἐκ μητρὸς λαβεῖν.

Id est,

*Efferunt enim materna probra: hoc etiam  
considerate mihi proci, vt filiam accipiamus ex  
bona matre.*

Honesti sunt parentes, Qui pudorem in femineo sexu, & iustitiam in masculino colunt: At verò iam sumptam, moribus his decet instituire, vt quemadmodum anima corpori, summâ beneuolentia iuncta est, illudque eius voluntati paret: illa, in omnibus eius commodis consulit; nil ibi durum, nil violentum, coactumve; omnia composita, iucunda, gratæque sint. Solet autem Venus testudini insidians, pingi; quòd testudo, nec vagetur, nec vocem emittat: sic mulier, continens se domi, ac minimè loquax esse debet: vt autem illa, hæc faciat, exemplum & tu, taciturnitatis exhibe, & ea illi præstes, propter quæ, vagari minimè cupiat, ideòque omnia honestè, omnia moderatè, omnia cum virtute geras. Qui enim, vel vitiis abundabit, aut ipse profusus & luxui indulgens, parcam illa & moderatam: ei non erit absimilis, qui se hostibus dedat, iubeatque vxorem,

cum illis, ad mortē, pro libertate pugnare. Illud verò ad concordiam plurimū conducit, vt vterque mutuo, affinibus alterius vtatur: nam hoc est, magnæ concordie fundamentum: Imitabitur autem & in hoc, naturæ quendam affectum, quo pater, filiabus; mater autem, filiis, commutatâ sexus vicissitudine magis blandiuntur. Prohibeat malarum mulierum congressus, ne illud postmodum dicat,

κακῶν γυναικῶν εἰσβολὴ μ' ἀπέχουσαν.

Id est,

*Malarum mulierum introitus me sepelie-*  
*runt.*

Intelligat autem sic virtutem tuam, vt non solum amet, sed & colat ac veneretur. Quod si his, non etiam profeceris, quid aliud tibi dicam, quàm illud rursus eiusdem poetæ?

Χρὴ δ' ἐν δόμοισιν ἄνδρα τ' σόφον, τρέφειν  
Γυναικὲ χρεῖσιν καλὰν, ἢ μὴ τρέφειν.

Id est,

*Oportet in adibus virum sapientem alere  
vxorem probam & bonam, aut non alere. nam-  
que causam aliàs tam bene depinxit, vt nihil  
melius, cum dixit:*

Γάμοι δ' ἔσσις μὲν δ' καὶ δασαὶ βροτῶν.  
Μακάριος αἰὼν, οἷς τ' μὴ πίπῃσιν δ',  
τὰ τ' ἐνδὸν εἰσὶ τὰς δόξας δυσχεῖς.

Quasi dicat, nuptiæ si bene constitutæ sint, beatam efficiunt vitam: Si malè, & domi & foris reddunt infelices. quare postmodum Chorus subiungit, cui se periculo exponat homo dicens,

Αἰεὶ γυναῖκες ἐμποδὼν ταῖς συμφουῖς  
ἔφουσιν ἀνδρῶν πρὸς τὸ δυσχεῖτερον.

Id est,

*Semper vxores virorum calamitatibus incre-  
menta attulerunt ad maiorem calamitatem. Sed  
tamen, Mediolani hæc præcepta confusa sunt,  
cum & in reliqua Italia, mixta est infamia  
laudi, periculum lucro; inde, omniâ confusa.  
Verùm, quod in hoc genere optimum est, at-  
que maximum hoc tempore, est; vt vxor di-  
ues ducatur; vt eam, affinibus tuis mulieribus,  
cingere possis: nam γυνὴ γυναικὶ ἰδὲ, id est, *Mu-  
lier mulieri venenum.* quod si hoc illa grauati  
fert, aut eas infectatur, iam nullis aliis indiges  
argumentis, nullis propemodum testibus, vt  
illam pro impudica habeas, vt in hoc, quod  
tutius sit iam, expresserim. Quod melius autè,  
illud existima in vnoquoque loco, Quod plu-  
res ac sapientiores faciunt: nam hoc est iudi-  
cium & regula sapientiæ humanæ. Vt potius  
aliorum arbitrio viuas, quàm recta ratione.  
Sunt autem Sapientes; iidem qui & Potentes,  
in hoc sapientiæ genere; (quod iam superius  
diximus) eoque magis, si potentia, non ex he-  
reditariis opibus originem habeat, sed ab eo  
parta sit. Igitur in generalibus rebus, hoc etiā  
sit generale præceptum, Vt potentiores imi-  
teris: Sunt autem generalia, Sermo, Vestitus,  
Societas, Coniugium, Domus, Ars. at in qua-  
litatibus: horum, & fortunam tuam, metieris,  
& tui coequales æmulaberis. Socrates igitur,  
cum nudis ambularet pedibus perpetuò, sa-  
piens esse potuit: quòd mores, ab instituto nō  
vacarent, essetque Philosophus: Cato, cum  
Prætor id faceret, sapiens in hoc, dici non po-  
tuit: quod administratio Reipub. ad sapien-  
tiam humanam, non veram, spectet: perdidit*



ergo se suoque, & Rempubicam. atque in hoc, sapientior Cicero, quamvis ab affectibus animi vinceretur. Ergo magistratus, sapiens nunquam reiiciet: nam si malus sit, ditabitur; si bonus, Reipub. utilis erit: atque in hoc, merito laudabimus Catonem, quod Præturam, metu Pompeij & Cæsaris ambiret; inieritque tribunatum, ne Respub. à Metello, viro seditionis opprimeretur: Suasit & rectè L. Domitio fororio, ut consulatum peteret, ne Respub. ambos consules haberet Tyrannos, Pompeium & Crassum, qui duo concordēs, eum magistratum petebant. Vtinam igitur, tam sapiens fuisset in quærendo, ut fuerat in eligendo optandoque. Est etiam obseruandum, ut quæ magna sunt in te, aut gloriosa, in publicum ædas, manifestes: occultes autem exilia, atque infirma. In quo genere multi aberrant. nec perduelliones imitantur, qui armatam & robustam partem semper inimico ostendunt: Sunt autem inimici omnes, id humanæ sapientiæ genere, nisi qui verè timent: verè autem timent solum hi, qui vel tuæ potestati plene subiecti sunt, vel qui sperant proculdubio à te consequi beneficium: Cum verò summa sapientiæ humanæ ratio, quæ nec ad iustam Reipub. administrationem pertinet, in simulatione consistat, cauendum est omni diligentia, ne fucus ipse deprehendatur, tuamque proferas ignorantiam: aduenit enim illi duplex incommodum; primum ut inanis & imprudens existimetur; secundum ut (quemadmodum Aristoteles dicit) mendax, hoc lucrificat, ut ei etiam veritas ipsa non credatur.

Est & aliud humanæ sapientiæ genus, quod iam opulentis, conuenit, scilicet ut sciant voluptatibus uti, delitiisque amplexari. Est enim circulus quidam in rebus humanis: laborare, ut diues euadas: diuitis hæres, aut ad opulentiam tendit, vel ad luxum: ex luxu tandem fit paupertas; ex hoc rursus labor atque industria. Ergo in hoc genere, Lucullus, qui non expectauit successorem, & Apitius Hortensiusque, tum Octavianus celebrantur: Neque enim ita voluptatibus indulgendum, ut miseria tandem te corripiat. Quamobrem nec Helioabalum, nec Neronem, non Caligulam, quorum vita turbulenta anxietasque fuit, exitus funestus: sed nec Crassum illum qui parare quidem nouit opes, uti autem illis non nouit: nec verò Attedium Pollionem, qui quamvis funesto exitu caruerit, coniuncta tamen illa sapientia cum summa crudelitate erat, atque in dæmoniaco genere: ergo nec triumphator Antonius, sapiens erit in hoc genere: turbinis enim & molestiæ, vita plena fuit; mors, mœroris; voluptas, cum suspitione coniuncta. Itaque huiusce vitæ multa sunt capita: Ut Nobilis vitam exerceas, aut aulicæ, vel peregrinantis, vel genio omnino indulgentis, aut disciplinis incumbentis. Statuendum autem est pro cuiusque ingenio. cauendi tamen excessus semper, qui vel pericula, vel damna, vel infamiæ, parere possunt. Generaliter autem, omnibus varietas conducit vitæ, quandoquidem & delectatio ipsa, ut ostensum est, in varietate ac nouitate consistat: Excessus autem si fiant, cum splendore & magnificentia coniungantur: cuius rei, duo exempla apud Lucullum

habes; primum, cum Ciceronem ac Pompeium inuitauit ad cœnam hac lege, ut nil adderet conuiuio; promisit Lucullus; dum tamen sinant, locum in quo cœnaturi sint, seruis dicere, assentiuntur: vocat seruum, cui ea cura mandata est, dicens, scias nos hoc vespere in Apolline cœnatos: cœnauerunt ergo lautissime, ut apparatus omnem, tanquam ex composito constructum existimarent: intellecta postmodum est ab illo ratio, quod unicuique cœnaculo, ratio impensæ constituta erat: alterum exemplum fuit, cum mediocri apparatu cœnasset Lucullus, coquum & dispensatorem domus reprehendit: illis dicentibus, Quod solus cœnates, impensam remisimus; tunc Lucullus indignabundus dicebat, illos nescire, apud Lucullum cœnaturum: ut intelligerent, non gulæ causa, aut impensæ rationibus, sed magnificentiæ ac gloriæ, eam liberalitatem destinatam ac introductam fuisse. Huiusce generis igitur, sapientes fuerunt, Lucianus ille dialogorum scriptor, & Speusippus: sed omnium princeps, Epicurus, qui & in ea facultate, libros composuit, quos nostra Religio sustulit; sed habemus tamen illius placita, in Laërtio Diogene, legiturque Epicurum in Cicerone, qui apud populum, quamvis Stoicus esset maximus, in domo tamen, Epicureus fuit; nisi quoddam gloriæ studio, & felicitate ingenij, ac dicendi facilitate incitatus, multa scripsit: cum Epicurei, & illud ferme contemnunt: non in ea re, suum secuti autorem. Multorum autem sapientum, cur plerunque finis, aut turpis, aut infelix fuerit, ratio exploranda nunc est. Nam Cyrus, à Tomiri scdè occisus, etiam ludibrio addito; C. Cæsar, à coniuratis interfectus; Antonius, seipsum occidit; Cicero, vltimò proscriptus, capite & manu dextra mulctatus, spectaculum Romanis nefarium exhibuit; Demosthenes, eodè miseriarum peruenit, ut venenum cogeretur ebibere; Crassus, filium apud Parthos occisum vidit, & ipse miserè ab his confossus est: Quid de Themistocle; Alcibiade, Miltiade dicam? & ut paucis multa comprehendam, maior pars sapientum huius generis, miserabiliter periit. Ergo

--- Quid tam dextro pede concipis, ut te  
Conatus non pœniteat, votique peracti?  
Euertere domus totas optantibus ipsis  
Di faciles. Nocitura toga, nocitura pe-  
nitentur

Militia, & torrens dicendi copia.

Sed si modus (qualem diximus) rebus imponatur, non hæc succedent. qua enim parte infortunati fuere, ex ea etiam non sapientes: sed in his (ut plerunque fit) vicit metum, affectus voluptatis, avaritiæ, vel iræ. Cyrus vnus, casu potius, quam errore lapsus est, cum tamen infelix dici ex hoc nequeat: nam quod ad mortem attinet, nec probrosa, nec crudelis fuit: quinimo si Virgilio credimus dicenti,

Pulchrūque mori succurrit in armis.

Optanda erit: quæ verò post fata illi corpori acciderint, fœminæ potius insolentiæ ac stultitiæ, quam turpitudinis lethi argumenta fuerunt: At Caius Cæsar, remisit Hispanorum custodiam, cum vellet in ciuitate libera regnare: Antonius, ut Cleopatram sequeretur fugientem, legiones reliquit: mitto, quod forotem



fororem repudiauere Octauij, vt barbara muliere potiretur. Cicero, exitum, non pro virtute sua, sed pro iniuria in Antonium, quem priuato odio prosequeretur, habuit: Demosthenes, auaritiâ motus, non sibi solum, sed & patriæ exitum appropinquabat. nec mirum, cur sic mortuus Demosthenes, sed quod tam diu vixerit, Macedonum regum potentiam oppugnans, quorum viribus, virtuti ac felicitati, omni ex parte, Atheniensium ciuitas impar erat. Crassum quis non irideat, senem ac assuetum potius civilibus contentionibus, quam bello, aduersus fœdera, ob auaritiâ, contra potentissimum regem, ducentem exercitum: deinde se credentem Arimani hostis, consiliis, cuius fraude, vix etiam perire potuit; tanta fuit Romani exercitus virtus. Alcibiades adulterij aduersus Lacedæmoniorum Regem, seruatore ac hospitem, proculdubio pœnas dedit, aliâ securus futurus apud Persarum regem. Themistocli, ne quisquam mortem obijciat, quæ vel fuit naturalis, vel adeo cum virtute coniuncta, vt omni vita etiam honestior fuerit. Ergo illud firmum maneat, Sapientem, qua parte sapiens est, semper fore felicem: Accidit tamen (velut in omnibus mortalibus rebus) monstra, sed raritas illa, extimescenda non docet, & admiratio, rectæ rationi potius suffragetur quam derogat. Dionysius iunior, ad ludum literarum compulsus est; è regno depulsus, non accuset fortunam, sed errorem: Pater, Platonem vendidit, ipse aluit: Pater, Dionem impotentem reddidit, filius, extulit inimicos: Igitur tyrannidis gratiâ, alens potentes, atque Philosophiæ etiâ nomine, apud vulgus gratos, quid mirum si se suo consilio, suisque viribus perdidit? sed tanto ingrator Dion atque Plato: Verum Platoni, gloriæ cupido, solum id in oculis erat, vt aliquid ageret, cuius causâ, toti Græciæ foret admirandus, potiusque voto est stultitiâ Dionysij. Periit infelicitate Socrates, Naturali Sapientiâ præditus: Ego non dixerim, eum infelicitate mortuum, qui voluit mori: vel ergo mortis genus infelix non fuit, quod sponte suscepit, vel si infelix fuit, & sponte suscepit, non fuit sapiens in electione. Inconculsum igitur, quod ab initio dictum est, manet, scilicet Sapientem, in eo quod sapiens sit, semper fore felicem.

Est & tertium sapientiæ humanæ genus laudabile, atque adeo, naturali proximum, vt parum ab illo differre putem. Estque admirabile, cum verbis cauillatoriis illum deludimus hoc, Seruator ter vsus est: Cum enim Iudæi, calumniæ causa illum interrogarent, adductâ adulterâ, an eam deberent lapidare? intelligens dolum: (nam absoluenti, lex & malum exemplum obstabat, condemnanti, crudelitas obiecta fuisset) respondit, qui sine peccato est, illam vestrum primus adoriatur: atque ita, nec damnauit nec absoluit, cum non esset, qui in illam, ex hac sententia, primus inuaderet; quo sublato, cum omnes per successionem, locus ille occuparet, mulier nullo accusante, nec pœnam legis reposcente, dimissa est: Cum vero interrogaretur, an tributum Cæsari dare liceret, vndique angustis virginitibus, (quod neganti, crimen in Cæsarem intentatæ seditionis obijci poterat; concedente, lex omnis


Mosis ac diuina soluebatur) nummum videre voluit, sciscitatusque imaginem, cum dicerent, Cæsaris eam esse, respondit, quæ Cæsaris essent, Cæsari reddenda, quæ Dei, Deo. Rursus, cum interrogaretur, in qua potestate doceret, cognouit calumniam: nam diuina auctoritas periculum ei afferebat, quod odiosa esset illis: sacerdotio autem carens, humanam præferre non poterat. Respondit igitur interrogando & ipse, in qua potestate Ioannes baptizaret: cumque illi eodem in discrimine essent, siluerunt. Nam dicentibus inuentum hominis fuisse, periculum ex populo imminerebat: fatentibus à Deo habuisse originem, infamia præsens illis aderat, quod illi non credidisset: ita periculum periculo, infamiam infamiæ opposuit. His ergo tribus responsis, tantæ admirationi apud populum fuit; vt non magis, miraculis ipsis, celebraretur. Refert enim Apostolus, (quod in miraculis nunquam acciderat) tum maxime in secundo responso adeo illos obstupuisse, vt per totam diem nunquam vel interrogare, vel hircere aduersus eum ausi sint. In eodem etiam genere Sapientiæ est, quæ efficacibus rationibus ac veris, vtilia persuadet: quale illud, quod ex contrariis sumitur. Velut si ad celebrem virum, eruditus verba faciat, postulans se ab illo vti: vtatur autem hac sententia: Quoniam si clarus euasero, omnino eam dignitatem sum consecutus: at vide si consequutus fuero, an præstet me tibi amicum esse, vel non? an me tibi debere, an non? an ad tuam gloriam faciat, quod non solum, tu propria virtute clarus euaseris, sed etiam alios erexeris; vt & multiplex commodum literaria respublica sentiat, intelligantque homines, te non solum eruditione singulari esse, sed nec minore animi virtute: cum non solum, non inuideas alicui, sed etiam eruditos foueas eleuesque: At si contrâ, res cesserit, maiore beneficio ornatum, quam pro virtute merear, à te me sentiam, obligatumque perpetuo merito, ac ex tuis vestigiis pendente habebis, vt quod à tua virtute ac dignitate semper abest, & si longe melior essem, nunquam dubitare possis, etiam si vellem, aduersus te quicquam moliri: & quanquam gratissimum me semper experturus, ego tamen non pro ea spe, sed pro virtute tua, rogo atque confido, te mihi non secus ac coniunctissimo, quod eisdem studiis teneamur auxilio futurum. Hæc igitur de Humana Sapientia dicta sint, quæ nunquam cum Naturali ipsa coincidit, sed illarum alteram imperfectam esse necesse est, non solum, quod earum tum fines diuersi sint, siquidem alterius, quies, probitas, innocentia laus, finis est: Alterius, opes: potentia, gratia: Nec quod re ipsa pugnent, cum in altera natura pulchritudo, labor, veritasque subiiciatur: in reliqua, fucus, delicia, dolusque. Sed quod humana natura, tot rebus sufficere non potest. nam tria sunt genera humanæ sapientiæ quæ laudem mereantur, regia administratio, cuius in repub. innocentis, qualis apud Romanos Catonis: vnde Lucanus ipsum inducit dicentem,

*Crimen erit superis & me fecisse nocentem.*

Et tertium de quo iam nuper diximus, quod ad vitandam calumniam inuentum est. Sed ad persuadendum vtilia hæc iusta hominibus, non tamen



tamen vel hoc, vni homini, naturali sapientia abunde prædito, conuenire poterit. Sed in causis ac temporibus diuersis, maximaque cum difficultate, rari vtraque pollere visi sunt. Quid mirum, cum etiam rarissimi in vno genere absoluti fuerint? neque enim capax est mortalis natura, tantæ lucis vel tot nodorum: verum vt maxima est Naturalis, sic Humana, rarior: verum cum hæc, illius loco succedat, qui mentis compos veram pulchritudinem relinquat, vt adulterinam habeat? vel aurum dimittat, vt aurichaleum possideat? ergo sapientia humanæ genus, ad supplendum inopiam naturalis inuentum est, quod (si recte expendatur) totum, præter tria illa genera, (salubria humano generi, vrbibus, omnibusque bonis) exitiale est: atque ideo non quærendum esset, sed maxima vi euitandum. Verum imbecillitas humani consilij, & affectuum pertinacia, ignorantiaque finis ac naturæ nostræ, in hoc vitiorum ac scelerum mare incautos nos protrahit, delinquitque fucis, extremo supplicio pessundat.



## DE SAPIENTIA

## LIBER IV.

**E**VASERAT vastum iam pelagus, & turbulentam humanæ sapientiæ tempestatem, naus nostra, ingressique profundum caliginis vorticem, vbi nil nisi furta, incendia, veneficia, cædes, falsæ imagines, execranda sacrificia, delusiones, vmbrae, vanitatesque erant: & velut in somnis, cum turbata mente, modò atras nubes, modò obscuram caliginem, & spectra terrificæ, laruas ac præstigias, lucentes media nocte soles, & sanguineam lunam, monstruosaque horrida videre putamus: sic æterna hæc malorum omnium spelunca, vel vortex scelerum, aut potius vanitatis antrum, seu calamitatum infernus, nunc se offert. Esse verò huiusce rei aliquam sapientiam, hoc est argumentum; quòd, cum multi nefanda aggrediantur, pauci ea possunt perficere, alijque inclyti habentur diutius, alij inanes & stolidi existimantur: vides quot conati sint Principes occidere, nec potuerint: alij etiam, cum occiderint, euaserunt. E quibus tres nunc numerantur, Laurentius Medices, qui Alexandrum Florentiæ Principem occidit, qui etiam Cæsaris, quod maius est, gener erat: Bonifacius, qui Franciscum Sfortiam vulnerauit; quamvis enim mortuus non fuerit, defuit potius fortuna, quam industria vel audacia. Andreas Bagius, qui Ioannem Galeazium interfecit. Horum autem historiam narrare ad Principum custodiam optimum duco, vt intelligant illi, semper oculos intentos habendos in eos, qui vel sint audacissimi, vel qui quærant nimiam cum Principe familiaritatem, vt qui regna tractant; Nec valde iuuenibus, nec his quos aut læserint, aut quorum affines perdidierint, vnquam confidant. Igitur Laurentius Medices, cum diu (vt coniectura assequi licet) Alexandri (vt ferunt) iustissimi Principis mortem moliretur, essetque illi affinis, damnatum primo quandam ad

mortem, indulgentiâ Principis liberat: Inde, illum edocet, se cum aulico, inimicitias gere, habereque in animo, vt oblata occasione illum occidat: habebat hic, domum propinquam Principis domui, in eam seu affinitatis securitate, seu mulieris consuetudine, Ducem cum corporis custodibus per noctem deduxerat: consultò verò, frequenter miscebat ludos, pugnas, clamores, contentiones, iurgia: inde, accedentibus, risus oboriebatur. agebat autem hæc, ne si quando in scelere occurrisset strepitus, accurrerent corporis custodes: Inde, cum vrbis clausa in nocte haberetur; ad Episcopum, qui clauas retinebat, (deducto prius ad domum suam Principe) pergit; clauas postulat, equosque cursores, vt fratrem ægotantem, qui in villa erat inuideret, confectis etiam ad hoc, vt puto, literis (nam frater valebat.) Igitur rediens ad Principem in eius lecto cubantem, cum quasi obiter, ensem illius, (ne euaginari posset) inuoluisset, seruum tunc alloquitur, facinus detegit, ille facinus patrare se negat, affuturum tamen auxilio, si vel ille exurgat, vel impediatur ab aliquo: ianua domus occlusa erat, peragit facinus; cum ille clamaret, manum ori apponit, mordicus ille digitum proditoris apprehendit, sed vulnere atrocitate, linquitur animo, ac moritur: exit è domo, obligato digito; equos paratos inuenit, portam vrbis apertam cum seruo egreditur, ac seruat se: & nunc apud Turcas est. Bonifacij facinus audacius, sed non tantâ industriâ: Cum enim Franciscus Sfortia, illius affinis, eadem vltus non esset; dissimulato dolore, equam perniciosissimam emit, obseruat diem æstiuam, in qua dux iter facturus sit: ob pulueris molestiam, equites corporis custodes præmittuntur: dumque in viam, quæ crucis præferebat similitudine incidisset, adoritur scelus: Nihil autem principi magis auxilio fuit, quàm quòd ipse paruus, mulæ humili insideret, vnde ictus breuiori gladio, non profundum, etsi amplum vulnus accepit: cumque denuo instaret, prohibitus, fugâ sibi consuluit; cum equa illa, sexdecim millia passuum in horæ spacio superaret: euasit igitur, quamvis plurimi illum insequerentur: seruatusque, post aliquot annos, sponte morbo decessit. Andreas Bagius, facinoris multos conscios habuit, inde, occiso Duce vi prouinciam retinere conatus est, inde, per varia prælia fugatus, cum illis euasit, & in Turcarum regionem concessit: alij ex coniuratis ad Egypti Regem transfugerunt. Sed & in priuatis eadem apparuit scelerum industria: Quorum pauca exempla quæ nostra ætate contigerunt subiiciam. Ansalus Hispanus, à Canedio patritio Parmensi iniuriam passus; cum ille diligentissime inimicum caueret, nec viribus Canedio par esset: (habebat enim ille duos seruos, qui eum perpetuo comitabantur) arte hac Ansalus usus est: Vestes induit pannosas, similisque his quas qui onera ferunt gestare solent; obseruans verò diem qua Canedius negotiis vacuus, in porta sedebat, auram captans, Ansalus incuruis humeris fœni fascem gestans, proclui capite, sicâ verò breui inter manicas ad illum accedit, vulnerèque inter inguina letali impresso, simulque onere excusso, fugam arripuit, seruauitque se. Alius, cum nubilem sororem, cuidam destinatam à

patre,



patre, magna cum dote, intellexisset parum pudicè viuere, duos equos cursores emit, eosque per mensem, & currere simul & habitare assuefecit: inde, vni eorum molle frenum, & arctas stapedes addit, consilioque cum patre inito, (qui nil tale metuebat) sororem in villam ducit: huic equo eam imponens: dum iter agitur, certamen de equorum celeritate inter socios ferit; donec deposito pignore, cursum omnes ineunt: ad cursum socij, equus, cui soror insidenat, cursum & ipse arripit, frustra habenas illa retrahente, cum nullus clauiculus freno adesset: Itaque excutitur misera, nec pes è stapeda exit, trahitur equi cursu, capitèque lapidibus illiso, animam efflat: forte via illa, tota lapidea erat. Actum hoc, me in ea ciuitate moram ducente; res publica & omnibus nota fuit: tamen, & lege age, & si dignus esset frater supplicio. Alius, cum uxorem formosam sed moecham haberet, vocem spargit, illam animo per noctes linq̃i, conelamat ancillas seruosque, illa vt dormiebat, nihil sensisse omnino se aiebat, ille, detectam, (nam hiems erat) frigidam ostendebat domesticis. cum bis aut ter hoc fecisset, serio rem agit, strangulat, cumque infrigidari iam sensisset domesticos inelamat, adueniunt, de more frictions admoventur, non reuiuiscit: vocantur medici, attonito morbo detineri existimatur, omnes medicæ machinæ admoventur: tandem fabula peracta est, traditur vespillonibus. Ergo demoniacæ sapientiæ quatuor capita sunt, vel vt scelus perpetres, Vel vt vanis rebus incumbas, Vel vt rem non malam, malo tamen modo quæras, aut vt decipias. In primo genere sunt incendia, furta, latrocinia, venena, cædes, incestus, & penè quæcunque ad ius Areopagitarum Athenis pertinebant. In secundo verò, vaticinandi modi omnes, cum philtia ac veneficia quæ solis verbis sunt. In tertio, præcantationes, veneficia, philtia, idolorum sacrificia. In quarto Alchymistica, falsarij atque lusores, qui adulterinis etiam pecuniis operantur. Ergo primi generis omnia iam diximus: nam turpe esset ea docere, quæ omnino boni in se continent nihil: nimium est, quod docuimus, ad angendam Principum securitatem: de alijs autem nunc dicemus. Ergo cum omnia imperia omnesque leges aliquo diuinandi genere vterentur, vel, vt sanè, illi crederent; aut vt militum animos & ciuium, ad ea quæ vellent, flectere commodius possent. Harum prima diuinatarum Magia, & tanquam mater fuit: Conantur persuadere Magi, collo appensa vel sub lingua detenta, diuinationem facere, quandoquidem & mens, in pluribus per se possit diuinare, tum maxime in infortunijs iuxta poeticum illud, Mens præfaga malis; res ipsa, haud esse non potest; sed quibus hoc fiat, scire, hoc opus, hic labor est. Affirmant linguam vpupæ, collo suspensam, vel lapidem Hiênæ, vel cor ranæ viridis, vel smaragdum sub linguâ retentum, hoc præstare. autor tantæ vanitatis Zoroaster, Democritus vt alias diximus eam auxit: nunc etiam non defunt, qui orbem fabulis coinquinent. Anthropomantia huic proxima est, vsus est ea Heliogabalus: exta puerorum quos pro victimis iugulabat, inter impia consuluit sacri-

ficia. vanitatis artis, argumentum præbet exitus illius, cum crudeliter excarnificatus, occisus in latrina insepultus iacuerit, abrogatis ex toto, publicè omnibus illius actis. Necromantia affinis illi est: hæc antiqua & ab Homero celebrata. Libet autem illius artem paucis describere ex lib. λ.

Εὐθ' ἰερεῖα μὲν περὶ μέδουσ' ὑρλοχὸς τε  
Εἶχεν. ἐγὼ δ' ἄος ὄξυ ἐρυσσάμενος παρὰ μηρῶ  
Βόθρον ὄρυζα θάαντ' ἐπ' ἡρόσον ἐνθα καὶ ἐνθα  
Ἀμὲν αὐτῷ δὲ χάρις χάρις μὲν πᾶσι νεκρῶσι.  
Πρῶτα μελὶ κρήτη μετέπειτα δὲ ἡδὲ οἴῳ.  
Τὸ τρίτον αὖθ' ὕδατι. ὅπ' ἀλλοφίτα λευκὰ πάλιν.

Πολλὰ δὲ γυνήμιον νεκρῶν ἀμολύα κάρηνα,  
Ἐλθὼν ἐς ἰθάκην εἶρα βῆν ἥτις ἀρίστη  
Ρέξεν ἐν μεγάροισι πυρήντ' ἐπ' ἀπὸ σέθεν ἐδλῶν.  
Τειρεσίη δ' ἀπ' ἀνέθεν δὴν ἱερὸν σέθεν ἔδωκε  
Μαμμέλιν, ὅς μ' ἔλεος μετὰ φέρει ἢ μετέροισι  
Τοὺς δ' ἐπεὶ εὐχολήσῃ λιτῆσί τε εὐνοῖαν νεκρῶν  
Ἐλλωσάμεν, τὰ δὲ μῆλα λαβὼν ἀπεδείροτόμηνσα  
Εἰς βόθρον. ῥέε δ' αἷμα κελευεφές. αἰδ' ἀγέροντο  
Ψυχαίοντ' ἐξ ἐρέβους νεκρῶν καὶ τεθνηδόντων,  
Ἡύφαιτ' ἡδιστοῖτε πολὺ τληοῖτε γέροντες  
Παρθενίη τ' ἀπαλαὶ νεοπενθέα θυμὸν ἔχουσαι.

i. Ibi victimas Perimedes & Eurylochus tenebant. Ego autē ensē acutū trahens de femore, foueā fodi cubitalem in omnes partes, circa ipsā autem fundimus inferias omnibus mortuis. primum de mulso, deinde de vino, tertio de aqua, deinde albas farinas commiscui. Multum autem venerabar infirma mortuorum capita, si aliquando in sterilem Ithacam rediissem, me domi optima bonæ sacrum facturum esse, & rogum bonis impleturum. Tiresia autem præcipuo me nigram ouem sacrificaturum esse, quæ in nostris gregibus esset præstantissima, postquam autem claudis precibus mortuos precatus sum. Deinde pecudes excoriam, & in partes secui, in foueam fluebat niger sanguis. anima autem ex Erebo mortuorum defunctorum congregabantur, puella innuptæ, puelli, senes æramnosi, virgines teneræ, adhuc recentem luctum sustinentes. Vnde Homerus, verisimiliora Virgiliō confinxisse videtur: audaciores posteriores, inter quos Euripides, iam & ipse Herculem ab inferno reducit viuentem, vt ille Æneam. Circumferuntur in hoc genere sub Salomonis nomine, libri conficti, & Petri Apponenis celebrati hac arte, quos pater meus expertos se fuisse refert, inanēque & nullius vsus: nam ipse publice fatebatur dæmonem habere familiorem. Ego, nam illum arguam mendacij, iam verò multa, per triginta annos expressè de futuris dicebat. Habet autem hæc ars tria alia capita, Oraculorum scilicet, inter quæ clarissima Dodoneum Delphicum, ad quod Græci passim concurrebant: atque Ammonis, insigni mendacio Alexandri, celebre: Pythonum est aliud genus: vbique tamen idem modus; euocari creduntur seu mortui, seu spiritus immundi: Hos sacra scriptura commemorat, non solum apud Iudæos clarā historiam, Saulis Pythonissam consulētis, euocantisque Samuelis manes, sed & in Apostolorum historia, dum Paulus illam mundauit à spiritu. Engastrimythi olim, qui postea Euryclei ab autore vocati sunt, cum prius à ventre nomen haberent. Vnde Aristophanes in Vespis, μιμησάμενος τὸ εὐρυκλῆος παντίαν καὶ δίδουαν. imitatis (inquit) Euriclei



Euriclei vaticinium & mētem. Sed ab Engastrimythis Pythones differunt, quod Pythonibus, vox ex lingua prodit, Engastrimythis autem, ē ventre ipso immota lingua: quod Rhodiginæ Ioannæ accidisse per multos annos nostra ætate constat; cum id Cœlius, & ipse Rhodiginus, locuples testis, affirmeret. Cum verò hæc scriberemus, mulier quæ demonio laborabat, dum excantaretur, non aliud passa est, quam quod hæc quæ vuluæ strangulatione laborant, sed spumam non emittebat; collum ad mentum vsque perueniebat; linquebatur animo; oculi intendebatur, vt voluntariam diceret præfocationem; ex sulfure, suffitus aderat, aquam, nescio quam præbibebat. Certum est, hanc non admodum sui compotem fuisse: sed potuisse, tanquam limphaticam ac phanaticam diuinare. Aristoteles vniuersum hoc diuinandi genus, in vim terræ, aut animum refert collimantem: tertium genus, est illorum qui animas consulunt eorum, qui sponte hac causa se deuouerint. Et quamvis non certa historia, plurimi tamen putant, Antinonum puerum Adriani, spe immortalitatis ac gloriæ, voluntariam mortem hac causâ obisse: argumento fuerunt primò, quod illum inter sydera collocauerit: splendidissima enim stella ex sex iuxta aquilam existentium vocatur Antinous à Ptolemæo, & in Mantinea, ludos, gymnasia, sacra, delubraque constituit: ciuitatem etiam in Lybiæ Marmarica Antinonum appellauit: tum verò etiam oraculum illius nomine ibi constituit, nec non templum & sacra & sacerdotes, vt non tot honoribus, nisi prorsus insaniret, mortuum Catamitum censuerit decorandum. Parte altera quis vnquam vel sapientiùs elegit successores, vel futura adeò exacte præiudit: nam duos optimos, firmos, diuturnos, vnumque post alium reliquit Imperatores. Nec tamen primus, certum Imperij hæredem extimuit, nec secundum morem impatientiæ, stimulauit: tum verò codicillos scripserat, agenda continentes, vsque ad diem obitus. Erunt ne hæc argumenta Astro-nomi an potius dæmonis? quicquid sit, nā ego vnquam tantæ vanitati fauerim, cum duos amicos sciam, qui se iactabant animas habere deuotas, pessimè tamen rem domesticam tractasse. Lecanomantia, etiam huius generis esse videtur, in peluim aquam iniiciunt, obmurmuratisque quibusdam verbis, interrogāt, feruntque, vocem exilem, ac ad instar sibili, exaudiri. Refert Petrus Crinitus Hermolaum Barbarum, (quem ego potui videre) græcè latinèque eruditum, ac philosophum haud vulgarem, se hoc sæpius non frustra expertum: quod & Gualterius Corbetta vidisse refert, succedente etiam furti cognitione. Gastromantia, huic fermè similis, nisi quod oculis cernitur, quod in Lecanomantia exauditur: Vasis enim vitreis rotundis aqua plenis, circumponuntur carei accensi, tum obmurmurata euocatione, puer impollutus, vel mulier prægnans admittitur, quæ inspiciat, roget, imperet, feruntque imagines rerum quæ sitarum apparere: nec vulgo quicquam tritius hoc, vel magis creditum. Catoptromantia autem, eodem modo ex speculo fit, vt illa ex yrceò; sed in hac, oculi pueri vel prægnantis præligantur: sunt qui credant prægnantem, non,

ni nono mense, videre posse. Refertur Didium Iulianum Imperatorem, Mediolani oriundum, qui ante Septimium Seuerum regnavit, hoc diuinandi genere vsus, cunctaque quæ ei successerunt, ad vnguem vt dici solet, præuidisse. Ferunt, iuxta Patras, olim fuisse Mineruæ templum, cum fontē, in quem si speculum dimitteretur, effigies ægri apparet sub ea forma, qua futura esset, cum finem habiturus esset morbus, scilicet mortui aut sani. Onychomantia, fit oleo & fuligine, vngue pueri illito, qui maximus est: Spectra enim & imagines in illis videri putant, verbis quibusdam tacite prolatis: sunt qui in palma idem efficiant. Cū hæc scriberem, amicus noster Sigismundus Paulucius, conatus est mihi persuadere: ego cū nihil crederem, cupiebam technam intelligere, exhibui filium meum primogenitum, Ioannem Baptistam annos nouem natum, cuius cum palinam oleo & fulgine intinxisset, Soli exposuit, igitur ex radiorum refractione, imagines ac colores diuersi videbantur puero: tum formæ, ob linearum quæ in vola sunt, cauitatem, nihil tamen certi: cum interrogassem illum diligenter, se vidisse affirmabat: sed & puer, radiorum reflexione oculorum aciem perstringi cognouerat. Hydromantia verò, magis ad naturæ rationem accedit, eaque multiplex est. Impletur primo cyathus aqua, annulusque suspenditur filo, petitur res quæ sita verbis conceptis: manu filum tenemus, eā parte qua volumus, quasi ancipiti voluntate: annulus percutit cyathum constitutis ictibus, non sine quadam astantium admiratione. Cū quidam dixisset, vi verborum hæc fieri, dixi ego vt clauo appenderet: Et tamen inuenit aliquos hæc amentia, qui eam admirarentur. Alius modus, vt in aquam silentem tres lapides coniiciantur, obseruenturque orbes impliciti trifariam: nam ex his, non secus ac ex Geomantia veritas rei eruitur. Non sunt hæc omnino certa, sed tamen Galenus vir grauissimus, putat aliquam esse exitus rei cōiecturam, atque in his sufficere credit, vt artis præcepta seruemus etsi veritas ipsa, ex hoc non possit haberi: Satis enim est, (vt quis Sapiens dici possit) quod in prædicendo, omnes artis regulas ad vnguem teneat. Tertius modus: cū ex certis fontibus auspicabatur antiqui, qualis erat in Lacedæmone, vocatus Inon: in quem placentæ ex frumento proiectæ si submergebantur, propitium exitum significabant: dirum si reicerentur. Geomantia verò, nunc illa notior est, cum in vsu sit, virgā, in arena sex ac decem series punctorum, quasi rectā lineā, describuntur, inde abiectis binis semper, donec duo vel vnum tantum super sint; quatuor formant tetradas quas vocant matres, ē quorum capitibus, filia prima gignitur ex humeris, altera ex illis, tertia ex pedibus, quarta ex his octo figuris binis simul iunctis, quatuor procreant nepotes, à quibus duos testes, ex quibus iudex, à quo, & primā figurā, quidam maiorem iudicem faciunt. Si igitur iudex imparibus constet punctis, falsa est figura: si sit carcer, prima autem figura, via vel latitia, vel tristitia, vel caput, aut cauda, nihil prorsus significabit, eadēque ratione in aliis, quod iudici ē directo, qui supra iudicem est aduersatur. Genera autem figurarum,



ut & figuræ ipsæ, sunt sexdecim; è quibus, omnia quæ aucta sunt supremâ parte, id est quæ plura in ea habent puncta, foelicia sunt, præterquam tristitia; & è contra aucta, parte inferiori, infausta; excipitur lætitia: communes, quæ tot habent in superiore, quot in inferiore parte, quamvis carcer non sit communis.

Pyromantia verò, duplex est. alia quæ in Ætnæ ignibus ad sacrificij instar peragebatur. immisa enim victima si absolvebatur, foelix euentus prædicebatur, si reiicebatur malus: At nunc, in ignem ex tæda, pix trita spargitur, si coit flamma, foelix est auspicium, si diuiditur extrâ, quærenti sinistra, illius inimico ascribitur, tricuspis foelix: si quasi à fomite ad cœlum tendat, gloriosum, in agro, significat mortem multiplex, diuisum; pugnans, in diuersa tendens, crepitans; pallens, malum; pessimum si extinguatur. Habet plus aliquid cæteris virtutis, Ignis, cum solus inter mortalia, innatam edat lucem, ut ob hoc diuinitate participare credatur. Libanomantia, eiusdem ferme generis est: etenim apud veteres Apolloniatus, oblato thure, si ignis, illud auide consumpsisset foelix erat, si refugeret, abominandum. Porro de morte vel de nuptiis, Libanomantiâ sciscitari quicquam non licuit.

Cæromantia verò nostro tempore visa est: Detulit eam quidam ex Turcarum regione, ubi artes hæ plurimum in vñ sunt, non refragante lege: nam & Geomantia ibi celebris est, deferuntque vates arenam secum, ut nihil ad persuadendum desit: cum nostri, calamo & charta eam soleant exercere: ut non Geomantia, sed Chartomantia potius mereatur appellari: itaque ut ad rem redeam, Cæromantia fit quadrante cæræ ab igne soluto; inde in aquam proiecto, multæ consurgunt figuræ, ut par est: verum illarum tria cacumina, tribus paleis, singula singulis aptando, signant; deinde mensuras, distantias, qualitatēque inspicunt, & ex illis iudicant: Adeo verò exquisitè quidam diuinabat, ut fucus subesse à nasutis crederetur. Capnomantia hac inferior est: candentibus prunis semen papaueris aut sesami inspergitur; obseruant autem, ut in Pyromantia, varias figuras motusque: existimant quidam ab impollutis pueris, ac etiam mulieribus virginibus, aut prægnantibus, simulachra & formas videri. Sacrificia, plus habent operæ & autoritatis: apud veteres viscera & partes victimæ, ignibus imponebantur; si eas ignis apprehendisset, litare dicebantur; faustissimumque hoc erat: si refugisset dirum: unde non vnâ cædebant victimam, verum totidem quot litare potuissent: enarrat Suetonius, C. Cæsarem ea die qua occisus est, pluribus hostiis cæsis, litare nunquam potuisse: Aruspex, antequam igni imponerentur exta, inspiciebat, ex hisque diuinabat: præcipua autem erant iecur & cor: corde enim, principium semper declarabant, iecore exitium rei, victoriam, exercitum, læta prosperaque aut aduersa vel tristitia: cum Spurina sacrificaret, duabus victimis sibi succedentibus, cor defuisse vidit: Fuerat autem hoc Idibus Februarij, alij putant Kalend. Martij: propterea dixit, periculum hoc non vltra Idus Martias posse extendi: Erat autem periculum, Cæsaris cæ-

Tom. I.

des, quæ ea die consecuta est. Idem Ælio Per-  
tinaci ante eadem, quod Iulio Cæsari accidisse referunt. Ortum habuit hæc superstitio, quod in locandis castris tendendisque ciuitatibus olim viscera pecudum inspicerent. Nam si sana essent, locus salubris habebatur: si lapidosa vel macilenta, vel marcida, habitatio perniciofa credebatur: Cicero hæc irridet, nec putat esse diuinatorem; sed modò sit, melius tamen consilium illius, quamvis à Christi fide alieni, putandum est.

*Thure Deum placâ, vitulum sine crescat aratro.*

Auspicium verò à volatu auium. limo enim posito ut regiones diuiderent, certa auium genera obseruabant, ut si ex dextra, vel ad dextram, aut rursus à sinistra, vel ad sinistram; numerum etiam, & à qua cœli religione: Autoritatem sumpsit hæc superstitio, ex Romuli & Remi contentione, non solum de Urbis nomine, sed Regno, cum Romulo duodecim, Remo, sex vultures apparuissent, vicit Romulus, Romæque vocata est: Hethrusci ei dederunt initium, viguitque in Italia, cum in Græcia oraculis fidem haberent. Auguria non minoris vanitatis erant, sed tamen minoris autoritatis: Pullos ad id alebant in cauea, inde ablata escâ, si alacriter cibum sumpsissent, sparsissentque in patimento, solistimum tripudium vocabatur, omen admodum faustum: si verò vocem emitterent, oscines aues dicebantur, nec semper lætum: si reiecissent escam, adeo infaustum habebatur, ut L. Papyrius, aduersus Samnites, ob id, malè pugnasse crederetur: Erat & auspiciorum genus aliud ex toto diuersum, in quo fulgura, tonitrua, monstra, terra marique nata, signaque è cœlo considerabant: Omnia his etiam absurdiora, Nisi quoddam ad seruandam Rempub. ad debellandos hostes, omnia, laude digna videbantur: ergo, in his si quis occurrisset, aut inter loquendum incidisset, si quis etiam oscitasset, aut præter morem egisset, inter omnia censebatur: ut cum Paulus Æmylius, aduersus Persam, Macedonum Regem, ducturus esset exercitum, offendens filiam flentem, interrogaret quid fleret, illaque responderet, Persa occidit; pro auspicato omine habitum sit: Erat Persa catella Melitea, in delitiis à puella nutrita. Hoc tam graui ostento, maximus vir, cui periculosissimum bellum concreditum erat, tantam accepit fiduciam, ut T. Liuium & Valerium Maximum non puduerit referre inter res, æternâ memoriâ dignas, quoddam catula, pro Rege, foemina, pro masculo supposita sit in totius orbis penè iudicio: cum altera Gens, Imperium mundi paulo post occupauerit; alterius, nondum (ut dici solet) Monarchiæ, arma deferbuissent. Quinetiam in Imperatoris obitu significando, adnotatum est; ex singulis ferme ordinibus eo anno obuisse. Iter agentibus; auspicatum ducebant maximè, decidentem rorem: enatas arbores pro miraculo colebant, tum maximè palmam: existimo nucleum rectâ apicem habuisse, nam sic facillime pullulat. Cefaleonomantia sit, capite asini super prunas allato, nec solum diuinare fumo posse & igne, sed amatum iras sedare, alios impellere creditum est: Frequens in Germania sacrificium erat, ut

B B b

Marti



Martinus Lutherus in suis affirmat concioni-  
bus, atque idem accusat, quod flamma prunas  
extingueret; non absurdum forsan, credere exi-  
stimo, illud esse exantationis genus, de quo  
Propertius dixit,

*At vos deducite quibus est fallacia luna,*

*Et labor in magicis sacra piare focis.*

*En agendum domina mentem convertite nostra,*

*Et facite illa mea palleat ore magis.*

Aëromantia verò duplex est: Nam quidam  
ex aura conceptis verbis prædicunt: oriens  
foelicem, aduersam occidens, celerem meridies  
& manifestam, obscuram & tardam Boreas  
prædicat. Alij, plicatam mappam sincipiti im-  
ponunt, huic semperponunt cyathum aqua  
plenum: seu igitur arte aliqua, seu vi verbo-  
rum, seu ex leui capitis motu, aut quod natu-  
rale sit, aqua in ampullas, obmurmuratis  
verbis quasi ferueat resoluitur. Ergo non so-  
lùm dignoscere ex hoc, sed etiam morbos se  
posse sanare affirmant. Tephramantia, ex ci-  
nere ad auram exposito sit, prius, quærentis ac-  
quæsitæ rei nomine, iam inscripto. Nam ex li-  
teris relictis futura prælagiunt, sunt qui cre-  
dant, exitum rei, aliquando verba declarantia  
aperire. Botanomantia, saluæ foliis constat:  
inscribunt nomen quærentis, quæsitæque rei,  
& prodigiosas illas voces, sub diuòque expo-  
nunt: Affirmant nomen furis, in furto, in re  
dubia, exitus rei, ostendi: nimia certè deorum  
cura. Aliud genus quod Sycomantia posset di-  
ci inuenerunt: folia fici, nocte certa, sub diuò  
exponunt, nominantes illum de quo quæritur,  
si exaruerint, dirum: quanto viridiora reman-  
serint, eo auspicius: Nec in hac tanta va-  
nitate diuis parçitur: habent selectos sin-  
gulos vt meliores. Ichthyomantia succedit,  
in qua pisces consuluntur; qui cum nes-  
ciant, quæ præ oculis habent, deuitare retia:  
hominibus (adèd insaniunt) magnorum ope-  
rum ductores sunt: Fuit enim apud Lycios, in  
luce Apollini sacro, fossa arida, in quam (vt  
refert Athenæus) qui de futuris quærebat,  
singulis manibus frustra decem carnis veru in-  
fixa tenens, demittebat, precatus numen: im-  
plebatur autem aqua maris, quod non procul  
erat a fossâ illâ, occultâ causâ accedentibus  
piscibus; tum maximè orphis ac glaucis, tum  
incognitis aliis illorum generibus, nec deerat  
quandoque cete: porro, carnes affatas exhi-  
bebant, non crudas, fossa, Dina vocabatur. au-  
gurium, à piscium forma desumptum est:  
Aquam illam, sacerdotum arte, tum pisces, re-  
feratis claustris, emeruisse putandum est. At  
verò, in eodem Lyciæ tractu, iuxta Myram,  
lacus erat in quo pisces sumptâ escâ, foelicem  
successum pollicebantur, reiectâ, infaustum:  
Rursus inter Myram & Phellum, iuxta vi-  
cum qui Syrrhus dicitur, fons erat, in quo ex  
piscium natura, forma, motu, vita, ciboque  
diuinare solebant: Est & genus aliud diuinan-  
di dissectis piscibus, ex extis, in quo excelluisse  
Triresiam ferunt, & Polydamantem; vt aru-  
spicinam in piscium genere exercerent: hæc  
igitur naturale principium quoddam habere  
videntur; verum fortuita. Onomantia est: assu-  
munt nomen proprium & matris, & per nu-  
meros literarum resoluunt, vt latine solent  
scribi: Inde figuras, astronomicis signis, ac er-  
ronibus similes constituunt, iudicantque per

ea: Sunt, qui & lunæ diem addunt, seu in  
quo sit interrogatio, seu in quo natus est.  
Arithmomantia verò, ex numeris constat, reso-  
luto nomine quærentis in numeros ipsos, ad-  
ditoque lunæ, numero dierum; extat autem  
tabula de hoc, Pythagoræ attributa: sed crassa  
Minerva vt dicunt, satis constat, cuius adèd  
pudisset philosophum illum, vt manes eius,  
si sentiant tristes hac causa esse credam: Ni-  
hil enim impudentius hac arte, quæ sine ar-  
te omnino est: solùm enim iudicant, negan-  
tes aut affirmantes. quamobrem de morbo-  
rum exitu aptè quærent. Cleromantia autem  
multiplex est: famosissima sors Prænestina,  
& Antiatina, vt Suetonius recitat, eo an-  
no quo occisus est Domitianus; Prænestinam,  
sortem antea lætam polliceri solitam: tri-  
stem, nec sine sanguinis memoria dedisse, di-  
cebatur autem Prænestina à loco, Prænesti-  
enim oppido, columna erat, in qua tessera-  
læ, variis inscriptæ dictis erant, quæ kalen-  
dis Ianuariis, magna celebritate educebantur,  
sub rogantium nomine. quem morem, etiam  
nunc in Magorum festo, obseruare magna li-  
centia solemus. Antiatina, C. Caligulæ ca-  
de insignis, cum antea præmonuisset, vt à  
Cassio (à quo occisus est,) caueret: illud,  
perperam adiectum non esse putem: stultè  
fecisse, illos Imperatores, qui de se consule-  
re, his nugis permiserunt: Nam cum vanissi-  
ma hæc semper fuerit ars, audaciam tamen  
sceleratis plerumque ad immania facinora de-  
dit: existimantibus (quod verum certè est)  
quæ futura sunt, causam habitura aliquam.  
Ergo quietis rebus, non consulet sortes Prin-  
ceps, sed in periculis; electione proposita,  
non sorte: vt cum dux ille egregius, manu-  
aueris literis inscripseret, *aude, victoria tibi  
Deorum dona decreta est*, iecur victimæ; ma-  
nu adhuc humida apprehendens, tam diu  
continuit, vt literarum vestigia, in iecore ap-  
parerent, nec prorsus humida, sed iam siccata:  
itaque dum vltimò consulitur, iecur non du-  
biam habuit sententiam: Hoc tam simplici  
commento, exercitus animatus, spemque in-  
dubiam victoriæ concipiens, adèd fidenter pu-  
gnauit, vt ex confecto oraculo, verum euase-  
rit. Aliæ ex alea sumebantur sortes, vt in Apo-  
ni fonte, Geryonis (vt credebatur) oraculo:  
in quem, cum Tiberius, adhuc priuatam  
agens vitam, (tribus superstitis Octavia-  
ni nepotibus, Caio, Lucio & Agrippa) de se  
consuleret, iactis talis aureis, summum pun-  
ctum, qui tempore etiam Suetonij viscebat,  
ostenderunt. Simile oraculum, apud Buram  
Achaia oppidum ab Hercule reddi credebatur:  
sed illic, tali quatuor, ex victimarum ossi-  
bus proiciebantur. Ridicula planè sors erat,  
quæ in Pharo reddebatur: Erat enim ibi Mer-  
curij statua, ad quam fuis precibus thuræque  
suffito, oleum lucernarum accendebant, insu-  
furrantes ipsi statuæ quæ peterent, numoque  
dato, oclulis auribus, in forum properè ac-  
currentes, quàm, primùm vocem resera-  
tis auribus acceperant, pro omine inter-  
pretabantur. Tu verò tecum reputa, qui  
risus oboriretur, cum nasci, rem intelli-  
gentes, vocem, ex consulto, aut prauis aut  
foelicis ominis, proferrent. Est aliud sor-  
tis genus ex somnio, quod apud Calabros



in usu erat, cum iuxta sepulchrum Podalirij filij, dormirent, amicti agnini pellibus, & quicquid occurreret in somnio, pro omine certo habebatur. Virgiliana fors omnibus tamen prælata est; nec desunt vnquam, qui existiment, aliquid in illis esse veritatis. Porro, quantum antiquo tempore illi autoritatis tribuerint, vide quæ referant. Adriano, de Imperio consulenti, hæc euenit,

*Quis procul ille autem ramis insignis oliua  
Sacra ferens, nosco crines, incanaque menta  
Regis Romani, primam qui legibus urbem  
Fundauit curibus paruis, & paupere terra.*

Putant, his carminibus Imperatorem pacificum, & qui Urbem ornaturus esset, designari: quæ omnia tamen euenerunt sic, vt nihil aptius dici potuisse credatur: Verum Alexandro Seuro, dum illi Heliogabalus infidiaretur, hoc euenit,

*Si qua fata aspera rumpas,*

*Tu Marcellus eris.* Tum aliàs, dum puerulus consuleret,

*Te manet imperium cæli, terraque, marisque.*

Adedò verò accumulatè noster hic Virgilius illi fuit, vt cum animum ad bellicas artes ac exercitationem à liberalibus artibus traduceret, hanc acceperit sortem,

*Excudent atq; spirantia mollius ora,*

*Credo equidem viuos ducent de marmore vultus.*

*Orabunt causas melius, cœlique meatus*

*Describent radio: & surgentia sydera dicent.*

*Tu regere imperio populos, Romane memento.*

*Ha tibi erunt artes, pacique imponere morem,*

*Parcere subiectis, & debellare superbos.*

Tam bene cessit fors euentui. Sed audi quid Gordiano iuniori pro sorte euenerit: Carmina enim hæc, à patre frequentari dixerunt, in mortis non obscurum omen,

*Ostendent terris hunc tantum fata, neque ultra*

*Esse sinent: nimium vobis Romana propago*

*Visa potens, Superi, propria hæc si dona fuissent.*

Ergo his nugis, Antiquitas tantum detulit, quantum nos Religioni, in Reipub. administratione: habemusque & nunc, harum sortium librum, planetis animalibusque signiferis, tum regibus ac prophetis, variegatum atque distinctum. Sunt & minores à fabis sumptæ sortes: Vetulæ enim quinque fabas proiciunt; ergo, si vnâ permutatâ, crux fieri potest, amatorum est, si non, hostile: Firmior autem tantò amor, quantò crux ipsa exactior. Axinomantia, securi perficitur: Non admodum trita res fuit; trunco rotundo ligni, infligebant illam, deinde perpendiculo aptantes; sub cuius nomine, vel leui impulsu, circumageretur, illum, culpæ reum fore aiebant. Aliud eius fertur genus, cum igne: in quo, si Gagates lapis non exurit, lætissimum est. Concinomantia, forcipe & cribro fit, vrbibus ac villis notissima: nam pendente inter duos digitos forcipe, cui cribrum circumuertitur, (plures enim, ac omnes suspectos, nominant,) is creditur sceleris autor fuisse. Sunt & qui vi naturæ, diuinare creduntur, vt apud Iudæos Agabus, qui famem & captiuitatem Pauli prædixit, & apud Ægyptios Heraiscus, qui mulieres cor-

Tom. I.

ruptas cum proximæ illi essent, agnoscebat, auerfabaturque: Multa in hoc genere de Tyaneo Apollonio referuntur, quàm dicere hic expediat, vel etiam credere. Sustulit hæc omnia Lex nostra, quòd multorum malorū causæ essent: nanque cum veritatis nihil omnino subesset, quos vellent consultò, vel etiam innocentes, obiter accusabant: inde rixæ, iniuriæ, odia, & iniustæ accusationes: quamobrem & Ciuili Iure cautum est, ne quis Mathematicos (sic enim omnes hos vocant) adeat consultare. Sortes verò, quæ non ad diuinationem, sed ad electionem sunt, non omnino ab utilitate humanæ vitæ absunt, quòd comparationem tollant: Vnde, optimè in eligendis magistratibus, Venetiis, fors voluntati admixta est: etenim & apud Apostolos, olim Matthias, sorte, non iudicio prælatus est Barnabæ, quem constat fuisse optimum virum: sic apud Plautum, senex, vxorem pro villico suo sortitur. Sunt & qui diuinandi modis, ad prudentiam humanam vtuntur, commodaque vitæ, certius, quàm ex præscientia illa admirabili, velut cum de furto quæritur, Adornant supposititium varem, nempe gallum gallinaceum, sub æneo vase coquinario collocant; oleoque superiorem illinunt partem, quæ ab igne exusta, fuliginem trahit nigerrimam; inde, omnibus vocatis qui ea in causa suspecti creduntur, quibusdam precationibus gallum adiurant, vt cum tetigerit culpæ conscius lebetis summum fastigium, illum cantu prodat. Multi sunt, qui tam pulchræ inuentioni credant, tum maximè, cum vati, præmium ob hoc, non leue propositum fertur: Accedentes igitur qui expertes sunt criminis, tangunt securè: at qui se nouit conscium, simulat se tangere, nunquam canente gallo, expeditâque fabulâ, qui scelus patrauit, candidum habet digitum, cum reliqui omnes, oleo & fuligine tinctum habeant: tangentes enim, denigrantur in digiti summitate, atque ita callidè dum putat se à culpa eximere, maleficio reus prodit.

Reliquarum partium nunc exequamur industriam. nam & incestus nomine, nunc omnia libidinis nefariæ genera intelligimus: nihil aliud quæritur in omni scelere quàm peccati participatio: Hominem noui patritium, qui nunc etiam viuunt, si tamen patritius tanta cum impuritate, aut viuere cum tanto scelere dici potest: hic enim, totam domum vnam euertit, Ticini studens, erant autem in domo, ancilla, matrona, cum filiis duobus, duabusque filiabus: ancillam occupat primò, inde dominam, quamvis non secundum poetæ præcepta dicentis:

*Fac domina potiare prius, comes illa sequetur,*

*Non tibi ab ancilla est incipienda Venus.* Verum hoc, vt dabium tamen, antea reliquerat, dum dixit,

*Quæris an hanc ipsam profu violare ministram?*

*Talibus admissis alea grandis inest.*

Itaque huic optimo viro; bene cessit hoc initium: sollicita enim de pudore suo matrona, nefarium virum non audebat reiicere à filiabus. Erat autè altera annorū decem ac nouem, altera quindecim: in filiis, causatus est domilitudinem: & quamvis nefas illa intelligeret,

B B b 2 occur.



occurrerebat illud quod in his quæ ad pudorem pertinent vix fallit:

*Aut nunquam tentes, aut perfice: tollitur index,*

*Cum semel in partem criminis illa venit.*

Sed hæc nimis in tam scelerata re, plûsque intelligitur quàm volumus; sed non quod volumus: forsan hoc esset tutius, vt libri omnes tam perniciosi exempli, igni mandarentur, velut libri de arte amandi, & fabulæ Bocattij; hoc ad Reipub. bonum pertineret; quæ enim populos, ad seditionem impellunt, si igni tradantur; cur quæ corrumpunt, relinqui debent? Sed forsan quæret quis, quid inter venenum, veneficium, philtрумque intersit. Venenum est, cum mors quæritur, quale in boletis ab Agrippina Claudio subministratum fuit: Veneficium, cum amor, læsâ tamen mente, quale Caligulæ Cæsonia; Antonio, Cleopatra, dedisse creditur: Ferunt Lucretium pœtam, tam vehementi veneficio petitem, vt seipsum interfecerit. Philtra, amatoria sunt, sine offensa. Est etiam veneficij genus, quo dæmones putant euocari: Antiquo enim tempore, proferent deo Molochio sacrificabant, quod Moses sanctè prohibuit: Alij, humanas immolare victimas, è quibus olim fuere Athenienses, Lacedæmonij, Carthaginiensesque, Scythæque: Et Romani qui ab hac consuetudine Carthaginienses retraxerant, ipsi (superstitione suadente) bello secundo Punico, duos viros ac totidem fœminas infantes, viuos sepelierunt. Verum, quid mirum de antiquis, cum etiam nunc referant, Idolorum cultores Indici maris, hoc facere: Constat sanè Moab Regem, immolato primogenito filio suo, super muros, obsidione liberatum, cum ob id, Iudæi illam reliquerint. Est autem his proxima præcantatio, quæ & antiquissima est. Vnde Homerus,

Ὡτ' ἐπὶ κλυτὰ δ' ὀδοσὶν ἀμύμονος ἀντιθέοιο,  
Δῖσταν ὀπταμένης, ἐπ' αἰδοῖ δ' αἶμα κελύων  
ἔσχεδον.

Id est,

*Vultus autem Ulyssis magni ligarunt scire, propter carmen autem niger sanguis sistebatur. Multiplex hæc etiam, non ad sanguinem solum sistendum, sed ad dolores sedandos, præcipuè dentium; in qua causa, euentus artem quandoque comitatur; eiusmodi penè sunt Domorum expiationes, de quibus apud Homerum,*

Ὅστις δέσπον γυνὴ κακῶν ἀκῶν, δῖος δὲ μοι πῦρ,  
Ὁφρα δειώτω μέγαρον.

Id est,

*O anus fer sulphur, remedium malorum, atque adfer mihi ignem, vt suffumum in adibus faciam. Vnde sulphur & nunc, ad depellendos dæmonas creditur habere virtutē. Sunt & qui præcantationibus, in eculeo dormiunt, putant nihil has valere, si funis per muri fracti foramen reducta, repente illum ac nescium trahat, cum pertinaces ac mortis timidos, silentium tegit: Mira tunc ministrorum diligentia, tondent, radunt, purgant, denudant, ubique latere putantes præcantationem: sed valeant præcantationes; vnum mihi illarum admirabile exemplum legisse memini, seu ad sacrificia idolorum referas, non contendo: Hoc au-*

tem tale est; cum sub Aureliano Imperatore, Marcomanini Italiam vastarent, consultis Sibyllinis libris, intellexerunt quædam genera sacrificiorum peragenda esse, quibus perfectis, ita barbari obstupuerunt, vt nec retrocedere, nec procedere, nec vnâ manere scirent: sed hærentes & sparsi, Aureliani exercitui se obicerent, atque intra breue tempus ad vnum omnes caderentur. Sunt & quædam naturæ miracula præcantationi similia, vt cum ad eum quem occiderit, aut vulnerauerit, qui hoc peregit, intra horas septem, paulòve plus aliquando, accedat sanguis, è vulneribus etiam prorumpit. Rhodiginus noster credit, sanguinem in vltionem iam commotum, percussoris illius intuitu, inundare, defluereque à locis his, quibus pateat exitus. Multa sanè mira, quæ præcantationi tribuuntur, opera naturæ sunt: alia etiam hominum figmenta: Facile enim est intelligere Aureliani sacrificia, non fuisse in causa vt barbari caderentur, sed ab insensissimo Christianorum hoste, confictam fuisse fabulam, cum tantum eleuet Tyaneum illum, miraculæque de eo absurda narrēt, tum Christianis apertè detrahat: Ergo manifestū, quantum voluntate nimis anxia nocendi, sibi fidei detraxerit ab historia, & à conficto miraculo, Religionis suæ autoritatis: poterat præterito nomine Christianorum, Apolloniique, multum nostris sacris detrahare. Ergo quàm pauci nunc cum iudicio scribant, qui antiquos contemplantur, vsque adeo diligentes, facile est intelligere. Sed ad rem redeo: Extrema pars dæmoniæ sapientiæ est Dolus. Sunt autem eius genera multa, prodere, decipere, compilare concredita, alchymisticam exercere, syngrapha falsa conscribere, adulterinam monetam fabricare, doloque (quod leuissimum existimatur) rem subtrahere. Satis intelligis, cuius generis Sapientia sit, quæ vltimo est digna supplicio: euerit ciuitates, perniciosæque est Reipub. hæcque sola, indigna est vt sciatur. Nam cum non alio differat is qui nouit, ab eo qui ignorat, & tamen mala patrare vult, quàm quod ille qui sapiens est, mala ipsa exercet, assequiturque flagitij sui finem: Vterque autem, ex æquo reus est, tam culpæ, quàm pœnæ: nihil aliud igitur maius habet hic Sapiens, quàm facinoris detestabilis effectum. Præstat itaque (etsi cupias tentesque perficere) hoc nescire: quantò magis (cum multa agamus, quia scimus, speramusque finem intentum à nobis habitura) melius erit nescire quàm scire: ergo cum bonis, sceleris odium sit propter culpam, iuxta illud,

*Oderunt peccare boni virtutis amore.*

Malis vero ob pœnarum atrocitatem, etenim

*Oderunt peccare mali formidine pœnæ.*

Vtrique expedit hoc nescire; bonis scilicet vt culpam fugiant quam ex scientia ipsa subeunt, cum ad ea mala animus paululum ex commoditate flectitur: malis vt pœnam, quâ patrato scelere dant: Neque enim Ioannes Lignarius, qui nuper crematus est ob adulterinas tabellas, si nesciisset quomodo ille facile latere potuisset, tantum facinus ausus esset. Stupidos aut mortuos eligunt testes, quosque facile possint euertere sensu. Est tamen (vt in omni genere etiam pessimo)

summæ



summæ industriæ quædam laus. nam & Circe & Medea, tanquam veneficæ clarissime celebrantur: sic & Horatius nimium suam Canidiam, & Lucanus Erichonem, de qua in Pharsalicis:

*Hos scelorum ritus, hæc dira carmina gentis  
Effera damnarat nimia pietatis Ericho,  
Inque novos ritus pollutam duxerat artem.*

Credo inquam, nullum genus vanitatis vberiores nugas, poetis suppeditasse. atque ob id celebratam artem, omnibus in id certaminis genus descendantibus; Homero & Virgilio in Egloga Pharmaceutria, & Theocrito atque aliis. Verum Apuleius rem hanc seriò agit, non solum longâ illâ Asini fabulâ, & sparsis de hoc passim documentis: sed in Apologia seorsum, ubi nihil magis videtur velle, quam sua vitia prodere; forsan existimans quod veneficij ars, amorisque puerorum, & hereditatis ingens, calliditate parta, magnæ laudi tribui debeant: sed hæc, potius quæ sita quam impetrata, illa verò fabulosa: At, quod omne ingens opprobrium, apud sceleratum principem, gratiam consequi possit, declarant Locusta, Tigillinus, & Tirydates olim apud Neronem. Nam Locusta venenum composuit, quo Claudium patrem fratremque Germanicum & Burrum, Imperij sui autorem, sustulit: ob id ergo, meruit usque ad vitæ exitum illa chara esse, atque in precio. Tigillinus ob scelera, ob crudelitatem & luxum, in administratione perpetuo perseveravit. Quid Armenius Tyridates, qui ob excellentiam magre ac veneficiorum regnum accepit Armeniæ: & in discessu, millies sestertium, dumque maneret, in singulos dies nummum centies mille? Et apud Tyberium plures ob egregiâ libidinis, aut comessandi pertinaciam, honores ac præmia consecuti sunt: Ergo in omnibus malis, & fortuna & apex aliquid possunt. Veruntamen, ne qui valde admiretur, quod Medici hæc scelera non admittant: Sapientes enim plerumque cum sint, rarò hoc genus Sapientiæ, quod ad stultitiam magis attinet, amplectantur: carent igitur vitiis adeò manifestis, adeoque periculosis, qui aliquid sani in mente retinent. Ergo quales sint horum vitiatorum species iam dicamus: etenim quamvis longo intervallo distare videantur, omnia tamen scelera, ad Vim vel Dolum, præter amatoria reducuntur: unde & illa, nisi multiplicia sint, omnibus sunt leuiora: tum verò præcipue, quod reliqua, nullum à natura fomitem suscipiunt: At fallere vel cogere, non nobis à natura inditum, atque eâ causâ Cæsar fidem frangendam (si modo frangenda esset) solum regnandi causa existimabat, iuxta Euripidis sententiam.

*Εἴπερ γὰρ ἀδίκειν καὶ τυραννίδος πέρι  
καί τις οὐκ ἀδίκειν, τ' ἄλλα δ' ὀσεβεῖν χρεών.*

Id est,

*Siquidem iniuste agendum est, regnandi gratia, id pulcherrimum est, in aliis pietatem colere oportet.* Nunc equidem, siue iustitiam, siue fidem seu pietatem dicas, non admodum interesse puto: satis enim arbitror esse, ut homines intelligant, quàm stultè ob exiguam rem, omnia iura diuina humanaque, ac etiam naturæ confundant: tales igitur nimirum, est, breui scelerum dare poenas. Inter hæc tamen

Tom. I.

vitia minimâ sunt, in quibus dolus exposito struitur. Memini autem me vidisse non pauca. Semel enim cum in Saccensi oppido morarer, aduenit sycophanta, exploratum habens, apud senem quendam præparcum ac solitarium, esse circiter ducentos coronatos: in corte igitur illius, tabulam defodit æream, marcidam ac literis quasi obsoletis, continentem hanc ferme sententiam: Sub hac defodito The. (hoc erat sanè manifestum iudicium.) Occultauerunt igitur tabulam iuxta ædes, cū cortis murus, humilis esset: inde, palam Venetiis profitebatur, se omnia quæ sub terra laterent, facile inuenturum, fortè aliàs seni persuasum fuerat, latere in domo sua, ingentem auri atque argenti quantitatem, (seu quòd ad hoc, aliqua coniecturâ bonâ inductus esset, seu an alio, qui eundem dolum moliretur, hoc illi dictum foret) Aduenit sycophanta, prædicat de se mirabilia, rogatur à sene, pollicetur omnem operam: ut ad locum venit, docet quantitatem ac profunditatem: dicit etiam, subesse æream tabulam, literis quibusdam inscriptam. defodit clam senex, inuenit tabulam, ostenditque sycophantæ, rogat de thesauro recondito, dicit, opus esse ut Venetias reuertatur, quòd & aliis cogatur operam suam impendere, caueat, ne quicquam defodiat se absente, quod non solum frustrâ, sed etiam cum periculo id facturus sit: scribat, post tres dies venturum ad ipsum, sed opus esse in peragenda re, vasa stanneo; dat senex pecuniam ad emendum; ille duo emit vasa, ex toto similia atque æqualia; interim literæ à sene veniunt; cū primùm tres dies elapsi fuerant, aufert sycophanta imaginem sigilli integram, seruâtque seorsum, inde, socio vas vnum dat, reditque ad senem cum vnicò vase: Socius diuertit in cauponam; rogat senex ut absoluat negotium, pacisciturque de pecunia: sycophanta dicit opus esse sacrificiis, nec posse erui aurum sine auro, argentumve sine argento: nò plus defodi posse, quàm inditum esset, nec mentiebatur, nullum enim aliud aderat aurum vel argentum: solum opus esse, ut maneat ibi quod sepelitur, quândiu peragitur solenne sacramentum, quod Missam vocat vulgus. Tandem impletur vas auro argentoque à sene, ut nihil reliqui esset in domo: Sentit sycophanta pondus, sociumque iubet tantundem plumbi & adulterinorum nummorum in reliquum vas mittere; senex claudit suum, & sycophanta reliquum, imponitque imaginem quàm è literis eraserat, iubet senem sigillo vas suum claudere. quid tandem? duo paria vasa erant, formâ, pondere, atque eadem imagine munita: collocauerat & retro senem tabulam; iubet deposito iam vase illam imponere, vertit se senex: ille vasa permutat, inane reponit, atque reum surripit: iubet & aptius collocare, absceditque ille, aptat vas, videt imaginem, sentit pòdus; quis dubitasset: tandè terram imponit. Sycophanta ad sacrificium ire se simulat, monet etiâ, post sacrificium illi necesse esse, paululum abesse, quarundam aliarum domorum causa: attamen illico, ut se expedierit, ad prandium rediturum: abit, conuenit socium, diffugiunt ambo: Senex cum hora transiret, nec usquam illis appareret, cœpit dubitare; sed tamen de quo dubitaret non habebat; tandem

B B b 3 circuit



circuit villam, suspitione plenus, domum defatigatus reuertitur; nec dum audet defodere vas: Incusserat illi religionem, si se absente, defodisset: quasi sibi metuens ne à sene deciperetur. Tâdem ne per noctē illic maneret, effosso vase, primò lætatus est: existimabat enim, illum aliqua arte, oculis delusis, vas ita surripuisse, ut nullum illic esset: sed ut aperto vase videt plumbum, ferrique fragmenta, & nummulationum: dolore maximo & amentia correptus, breui migravit à vita. Similem euentum Papiæ accidisse ad vnguem referebat pater meus. Quid plura dicam, cum etiam audeant de his coram iudice contendere? Bernardus Gallus, vir mihi notissimus, ac scyphanta celeberrimus, cum Vincentio, nostro ciue, paciscitur trecentis aureis, se docturum conficere ex luto chrysocollam, sciebat enim ex quadrante excipere, sed utilitatem superabat sumptus. Vincentius existimabat, illum scire vertere ex pondere: qua industriâ Venetus quidam ditatus est. Dat ergo pecuniæ partem; Ut comperit, experimento rem non succedere, reperit datas pecunias; ille residuum postulat; res sub iudice acta est diu. Cum ille, tantum extracturum se pollicitum affirmaret, hic, facturum, quod ars damnosa non soleat trecentis aureis emi. Idem, Paulum Illyricum atque alium Gallum, spe factitandi coelestem illum colorem (alias cœruleum dicunt) qui proculdubio ex Armeno lapide trahitur, ac in precio maximo est, ut etiam aurum superet, omnibus facultatibus evertit. Erat autem Paulus Illyricus Pharmacopola, & amicus meus antiquus, quem ego monueram sapius, sed tamen homini persuadere non potui, & nunc, vix arte familiam sustinet. Factitant alij falsas gemmas, mercatoribus vendunt, plerunque habentes & veras, ut qui decipi adulterinis nequeunt, permutatione cum natiuis fallantur. Alchymia omnibus adeo nota est, ut nemo illi iam fidem habere debeat: & tamen non desunt indies, qui patrimonium integra in tam aperta deliramenta, seu fraude: seu amentia effundant: Credo, allesti spei dulcedine, quanquam eumentia: imitantes illos, quorum non parvus numerus est, qui magis fauent medicis, spem præter spem, de ægro pollicentibus donec moriatur: quamvis ignorantia non obscuræ infamia laborent, qui non morituro certis indicis prædicunt; quod in aperto etiam mendacio, quoddam dulce pruriat: cum quæ volumus audimus. Sic Franciscanus quidam, gloriæ cupidus etiam malè partibus sacerdotibus persuasit, se admodum peritum in transmutandis metallis: cumque magnam quantitatem pecuniarum huius rei gratia, contraxisset, ædem sacram diuæ Mariæ quæ extra oppidum Saccense est, nec non domum in qua habitarent Franciscani, non solum aptè, sed etiam pro loci qualitate sumptuosè exædificauit; interim vasa ostendebantur: peracto negotio, vir ille nusquam apparuit: Ædes manet, & ut dicunt Monasterium pudebat illos quicquam petere, non solum quod non esset, à quo exigent, deessentque testes numeratæ pecuniæ, sed etiam quæ ut diximus habeant hoc in se flagitia, ut cum quis manum dederit, non solum pœniteat facti, sed etiam pudeat. Vnde tutius est,

adegisse semper socios: nam dum abstinent, res in periculo apud autorem manet: cum illos in flagitij societatem traxit, pudoris vinculum eos continet: Quamobrem lex reuelantibus non solum veniam, sed & præmia largitur, quod verecundiæ vis, timori pœna opponatur: nec facile sit diuinare, quid superare, debeat: Erant & qui existimarent, Franciscanum non vituperandum, quod religionis causa, foeneratores supplantasset: adeo hominum iudicia peruersa sunt. Reuocat me Franciscanorum memoria ad cuiusdam facti recordationem. Contuenerant aliquando cum pictore satis bono, (sed ut est eiusmodi hominum genus irritabile ac leue,) cum in pactione, Franciscani de vino nullam fecissent mentionem, negabant se debere, ille iratus, deductis linteis, dum virginis funus pingeret, iuxta conuentionem pinxit: & Apostolos morionum habitu, cum affinis Mariæ saltantes, & beatum Martinum, infantem tibias. cumque illi sub operis fine, pecunias pactas dedissent, quod ille dissimulatâ irâ, eas ad vini emptionem necessarias sibi fore dixisset, perfecto opere delusos se videntes, accusare illum cœperunt: tum ille, quid mecum conuenistis, nonne ut funus Mariæ pingerem? nonne pinxistis nil præter pacta obseruandum, placuit sic reliqua pingere, cum nullum de hoc inter nos pactum intercederet: nam neque ego conquestus sum, quod vinum non dederitis: & si pingendi consuetudinem ac funetum opponitis lachrymas; hoc vobis prædesse non debet; cum & ego, pro consuetudine vinum peterem, & negaretis: Forsan confictum quis hoc putet: ego non negarim: cum tamen fide dignos testes habeam huius rei: sed cur mirum? nonne etiam nunc, in porticu beati Michaelis, ad nemus Bononiæ, quidam fabulas Iouis ac Mercurij, cum historia Christi ac virginis Mariæ permiscuit? cum non minus hoc, illo absurdum videatur: tum maxime, cum inter Diuinitatis acta, & illibata Religionis exempla, nefaria Deorum antiquorum commenta posuerit. Inter dolos etiam, lepidissimus ille Ciceronianus, (ne quid desit) referendus erit, isque verbis suis (si non speramus melius nos dicere posse quam Cicero, & quamvis deformis sit hæc futura auri, cum lino, licet tamen & lineis vestibus, limbum apponere aureum.) Verba igitur illius sunt hæc: Caius Cannius eques Romanus, homo nec infacetus & satis literatus, cum se Syracusas, ociandi causa, non negociandi (ut ipse dicebat) contulisset; dictabat se hortulos aliquos velle emere, quod inuitare amicos, & ubi se oblectare sine interpellatoribus posset: quod cum percrebuisse, Pythius ei quidam, qui argentariam faceret Syracusis, dixit venales se quidem hortos non habere, sed licere uti Cannio, si vellet, ut suis, & simul ad cœnam; hominem in hortos inuitauit in posterum diem. Cum ille promississet, tum Pythius (qui esset, ut argentarius, apud omnes ordines graciosus) piscatores ad se conuocauit, ab his petiuit, ut postera die ante suos hortulos piscarentur: dixitque quid eos facere vellet. Ad cœnam, tempore venit Caninius, erat opipare à Pythio apparatus conuiuium: cymbarum ante hortulos multitu-



do, pro se quisque, quod ceperat afferebat, ante pedes Pythij, pisces abiicebantur. Tum Tannius, quæso inquit, quid est hoc Pythi? tantum ne piscium? tantum ne cymbarum? Et ille, quid mirum inquit: hoc loco, est Syracusis, quicquid est piscium, hic aquatio: hac villa ipsi carere non possunt: incensus Cannius cupiditate, contendit à Pythio, ut videret: Ille primò gratiæ, quid multa; impetrat: emit homo cupidus, & locuples, ratti, quanti Pythius voluit: & emit instructos, nomina facit, negotiū conficit. Inuitat Canius postridie familiares suos, venit ipse mature: Scalmum nullum videt, quærit ex proximo vicino, num feriæ quædam piscatorum essent, quodd eos nullos videret: Nullæ quod sciam, inquit ille, sed hic piscari nulli solent: itaque heri mirabar quid accidisset. Stomachari Cannius, sed quid faceret: Breuiore sermone explicabo; quid Teneto cui-dam tabellario successerit; Is aureos quinque mille Romam deferendos suscipiens, in vini dolio collocat, plumboque sarcinas implens abit, dumque in luco, prædonibus infami esset, abscondit sarcinas, equum occidit, seipsum (pudet dicere, sed res nota est) paulominus viginti vulneribus foedat, seminiuius ad hospitium redit, conqueritur ereptam sibi pecuniam, ereptum equum, seminecem se, pro mortuo tamen derelictum. Quis secus existimasset? interim sanatur ac datâ etiam operâ, morbum diutius trahit: tandem redit, res verisimilis habetur, fideiussor, cogi lege nō potest: quoniam exceptio turum cum reddit. Cum tamen aliquot menses transissent, veritas rei enituit, condemnatusque est. Latrocinia, priuatis periculosa, gloriosa Regibus: quamobrem nec laudare illa possum, nec vituperare audeo: siquidem cum captum piratam, Alexander duci iussisset, exclamauit; O hominum conditionem! Alexander, cum maria maximâ classe occupet, cum Regna integra, vi occupet, Rex, & inclutus Rex vocatur; ego qui vna tantum naui, paucis sum infestus, & pirata vocor, & plector ab illo: Id cum intellexisset Alexander, iustam arbitratus hanc defensionem, (quæ nil in se falsi contineret) illū dimisit. Ergo dæmoniaca sapientia, pernitiōsa priuatis semper est; at Potentibus, ac Regibus, aliquādo conducit. Optare enim ea frequenter solēt,

*Quæ nisi seductis possint committere Diuis,  
At bona pars procerum tacita libabit acerra.*


Optimum tamen est Principibus, secundum leges viuere: Leges autem, fore bonas. Nam & si plures Principes, venefica, tãquam in communi periculo, abhorreant, non tamen illi probi sunt, qui nefas, solo metu odio habent: sed qui diuina quadam bonitate, refugium videntur enim omnes viri magni, diuino quodam spiritu agi, aut dæmonio: Nam Socrates malè periit, & ante mortem somnio de die mortis admonitus est. Dion quoque spectrum in domo vidit: Caio autem Cæsari, quidnam nocte quæ eadem antecessit, cubiculi fores aperuit: aut, quid est quod Bruto dixit dum solus esset, malus sum genius tutus, in Philippicis iterum me videbis? aut qualis fuit illa augustior forma, Cassio visa in castris, quæ simillima Cæsari erat? Quid, Syllam præmonuit per somnum de imminente fato? quidve est, quod audiuit sereno cœlo, tam iucundū; quid,

vocauit è Mausoleo Neronem ante obitum? Quid de nece per somnum admonuit Caligulam? cur Antonius, discessum Bacchi ex Alexandria audiuit, nocte quæ interitum illius antecesserat? Quid, Adriano soporiferam per somnum ante illius obitum miscuit potionē? dæmonium sanè quod in illis erat: Nanq; humana natura, cum efferatur, ad dæmonij vim accedit: omnes hi obitum præuiderunt, & canere illius violentiam tamen nequiere. Nec tamen hi soli, qui hac sapientiâ præditi sunt, violentos habent exitus: Quinimo, cum Paulus arcana Dei, Diuino adiutus spiritu, videre potuerit: & Stephanus Cœlos apertos, & Philippus per desertum, oculis etiam mortalium se subtrahens, ferretur; omnes tamen aliena manu mortui sunt. Verum illud potius inter hos spiritus discrimen est, quodd Diuinus, iustitiæ pietatiq; copulatur, cæterisque virtutibus, tranquillitatem autem ac requiem, perpetuos habet comites: Dæmoniacus, cædibus & rapinis ac dissimulatione excitetur; comes illi, perpetua suspicio; ac multiplex turbulentia. Quis sanè, nisi impeditis sensibus laborantē; animo, dæmoniācam amplecti mallet sapientiam? Sed & in hominibus, velut in ægris, infirmus gustus, dulciâ & pinguiā abhorret, magisque delectatur acribus & insipidis; sic vitio corrupta natura mortalium, horret optima, pessimisque adhæret; tum maximè hoc fit, similitudine horum duorum generum, quæ quanta sit ex hoc satis intelligi potest, quod Symon & Elimas magi, pro diuinis habebantur hominibus; & Christus, qui Deus erat, à multis dæmonium habere existimabatur.



## DE SAPIENTIA

## LIBER V.

 CRIPTVRVS sapientiæ præcepta omnibus, nã mihi satis fecisse videbor; si tantum illis prodesse possim, quos nondum vlla aut fortunæ violentia, aut stultitia læserit: verum, necessarium existimaui, velut & in medicinæ partibus, ac militaris disciplinæ, si quicquam iam laboraret, si error nocuisset, id totum, quod ex eo periit, restituere. Videntur autem maximè tria, ex quibus homines læduntur, ut etiam si sapientes ac prudentes sint mediocriter, fructum tamen illius sapientiæ percipere nū possint: Primum quidem, cum ab initio summa paupertas aut mala valetudo, hominem occupat, Secundum, cum ex imprudentia, in infamiam aut magnam calamitatem quis inciderit. Tertiū, cum iam senescēti, per multos casus, opportuna vitæ, fortuna eripuerit. Utque clarius hæc expediam, tria omnino sunt, quæ vsum sapientiæ intercipere videtur, Infamia ingens, Valetudo deplorata, & Mendicitas. Equidem mendicitas senectuti coniuncta, & valetudo mala ac irreuerabilis, Diuinæ sapientiæ munere magis indigent, iã quod alio sapientiæ genere possint leuari: quod si nec hoc satisfaciatur, vel etiam haberi non possit, ad illos scripsimus præcipuè, De consolatione libros: tum verò nec his auxiliantibus, librum De animi immortalitate, nostrum legant. Maiora enim & iucundiora, & si non



adeo certa, in grauibis miseris, plus consolationis afferre solent, mediocribus quanquam certissimis: Vnde non parum ad humanam leuandam calamitatem confert, firmam habere de Religionis veritate fidē: Verūm, cum hic, nihil minus, quā consolationem quāramus, sed auxilium, idē ad tractandum de his, nunc descendere oportet, in quibus aliqua spes est salutis: Manifestum est autem, quōd nec in senis medicitate, nec in irreparabili morbo, vlla fermē est salutis spes. Ergo de reliquis tantum duobus membris dicendum erit; atque primo, (vt moris est scribentium) generaliter, deinde per singula diuidente capita, vnuquodque impedimenti genus attingemus. Igitur, omnis infamiae ac decoris vna medela certissima, obliuio est. Obliuio autem quatuor modis inducitur, Tempore, Gloriā, Mutatione loci & morum, vel Substitutione. Horum omnium fortissimum Gloria est, non quōd Tempus non omnia vincat, sed quōd abducat à memoria, simul & vitam. Atque in hoc sensu, Pindarus tam benē mihi videtur hanc auxilij rationem descripsisse, vt verba illius subiungere velim, ea autem sunt hæc:

Τὸν δὲ περὰ τῶν

οὐδὲν τε καὶ παρὰ δίκην

ἀπώλητον, ἢ δ' αὖ

Χρόνον δὲ πάντων πατὴρ

Διότι δὲ μὲν ἔργων τέλει.

Λάβει δὲ πέτραν τὴν ἐν δαίμονι ἔχουσαν.

Εὐδὲν γὰρ ὑπὸ χαρμάτων

Πῶμα θάσσῃ παλίσκοτον δαμάσκειν. id est.

Horum verborum sententia hæc est: *Iustum aut iniustum operationum, nec tempus pater omnium, sine imponere queat, verū bona fortuna quæpiam, obliuionem earum largiri potest: cum malorum sensus, frequentium bonorum presentia oppressum euanescent.* Conandum est igitur illis, quasi nihil senserint, magnis conaribus Gloriā capeßere: Est enim adeo inuolabilis eius possessio ac præualida, vt non solū in posterum deleri non possit, sed ad instar matrimonij retroagitur, opinionemque hominum immutans, facta quasi infecta reddit. Ergo stultē agunt, qui præteritorum malorum memoriam retinere videntur: stultius, ac longē, qui repetunt; cum malum ipsum cum dedecore coniunctum fuerit: Quamobrem scitē ignominiam suam Augustus iustulit, non solū Gloriā rerum gestarum, sed & Mansuetudine ac Iustitia incredibili, cum antea Mollis, Cruclis, & Patriæ proditor haberetur. Sic & Fabius Gurges ex intemperantissimo iuvene, in Censorem morum senex euasit: Et Manlius Torquatus, qui ob segnitiam ac stuporem, relegatus à patre in villam erat, audaci ac quasi temerario facto, adeo opinionem segnitiei à se depulit, vt consul (sine exemplo) mereretur creati, & seueritate tantā in filium, quem securi percussit, omnem stuporis maculam, ingēti facto iustulit. Sp. quoque Posthumius, pertinaci assensu, quo se dedi cum collega, Samnitibus postulabat, ab infamia turpis deditiois, & Caudinæ seruitutis se liberauit. Vnde T. Liuij admiranda, verba subiicere placet, ea sunt: (vt clariorem inter Romanos deditio Posthumium, quam Pontij inuicta victoria inter Samnites faceret.) Paulus quoque, infamiā persequendi Christianos inuisus, immensa forti-

tudinis & tolerantiae exempla reddidit: Et Augustinus, hæresi infamis, pro lege Christiana, & ipse gloriōse adeo depugnauit, vt non magis illi, Manichæi nomen, quā Paulo persecutoris, obici possēt: Sed nec adhuc utilis solum est, Gloria virtutis ingens: verū, inuidiā superare potest: Namque præter mortem inimicorum; magna Gloria aut Ingens beneficium, illam tollere tantūm queunt: eadem, in nouis dominationibus, in vili etiam stirpe, auxilio maximo est: Optima in Principe, Gloria, quæ ex re militari habetur, non ex reliquis virtutibus: Nam, quō consilio Pericles tot bella gessit? an ad vtilitatem Atheniensis populi tantūm, quem prope perdidit? an potius ad firmandam dominationem suam? Equidem ex bello, nouo Tyranno, quatuor magna cōmoda adueniunt; quibus firmitus retinere potest Tyrannidem: primum est, magnitudo Gloriæ, quæ apud populum, ille maximē dignus videtur Imperio, qui etiam maximē illud tueri, administrare, augerēq; potest: secundum, quōd populos ac procures, ad parendum assuefacit, vt non tam leuiter postmodum, in illum arma cōuertere audeant. Neque enim Imperia Belli, & Pacis, similia sunt; nec inuicem comparanda: cum in bello, ex simplici edicto, vitam ad manifestum periculum exponant: vnde, assueti parere, non tam audaces ad tumultum redduntur: interim etiam occupati animi; nec tam facile, quæ patiūtur ex seruitute, animaduertunt, nec tam prompte, (vt qui ex ducibus iam pendeant, non ex ciuium consensu aut fortunis) in Principē possunt coniurare: quartum est, quōd pugnando; aut morientes odium in tyrannum deferunt, aur viuentes, illum habent chariorem, pro quo vitam exposuerunt, cuiusque vtilitati consulere: additur & his, aduersus proditores, præsidium, cum ex frequenti mutatione occasionem capere non liceat: Ergo Phalaris & Agathocles & Nabis perpetua fermē bella gessere: Eadem verō ratio, & in his, qui non ex stirpe Regia existentes, Regnum tamen arripuerunt: quamobrem Darius, qui tam facile victus est ab Alexandro, cum non hac viā, partum Imperium tenere tentasset, leuiter ab Alexandro pulsus est, inuenitq; sui proditores multos; alios, qui mandata Regis deseruerunt; alios etiam, qui non pro illo (& hi maxima pars suorum erant) depugnarent. Quod si Persarum Regnum, in Xerxis & Artaxerxis prole fuisset; non tam leue fuisset Alexandro, Asiam occupare: Quare & hoc ad Alexandri fortunam multum fecisse videtur; Dariū hostem, non ex antiquo Persarū Regum sanguine, extitisse. Verū si Regnum amplum sit, & vir qui illud occupat, valde humilis, vltra Bellicam virtutem, etiam Religionis auctoritatem adiungere sibi debet: Quod Dauid & Vespasianus fecerunt, cessitque optime res: Numæ verō, quamuis Regnum esset exiguum, quia tamen Virtus Bellica aberat, Religionis commentum, fuit necessarium. Ergo, quando facillimē occupabitur Regnum, & quomodo in noua administratione sit retinendum, facile est intelligere: cum verō Religio in populis multum possit, nec eius opinio nutriatur, nisi cum iustitiæ fama; Necessarium est, Tyrannum qui diuturnus esse velit, vel nouum omnino Principem, tueri iustitiā: Quod si nouo



si nouo Principi, antiquæ familiæ & proceres obtent: duabus legibus tantum, facile occurritur, atque etiam omnino sine iniuria: primam diximus: altera est; vt nullo magistratu nullæ dignitate fungi possint, ni creditoribus plenè iam satisfecerint: quæ lex, olim Romanis in vſu erat, vt ex Tranquillo in Dictatore apparet: qua fit etiam, vt in reliquos, tantum sordidos, audaciùs agere liceat. Sed iam vt video, extra propositam rem egressi sumus: Nam Temporis causa, à nobis exploranda est, quonam illius auxilio infamia possit extingui: Ergo in mediocribus ac leuibus causis, si nouum nihil aliud superueniat, Silentium & Incuria, omnem memoriâ factorum obliterare solent: Studeat igitur, ne reuocando in memoriâ, diutius eam producat: Quamobrem nec serat de illa re sermones vnquam: interim nec à causa illa in totum discedat; nec eam prosequatur: sic, multis post longum tempus, quotidie restituntur honores; longèq; facilius infamibus, quàm his, qui propter inuidiam dñati sunt. Non ignotum fuit Romæ, Cæsarem cum M. Crasso & P. Sylla & L. Antonio conspirasse: euauit tamen fama, succedente tempore: atq; in vniuersum, Non conuicta crimina, famam quanquam lædunt, homines tamen audaces, ad obtinendum magistratus non deterrent: multo ergo minus, in quibus non crimen, sed iniuria; aut casus, infamiæ causam præbent. Sunt &, qui falsò in eadem causa, accusari curent, vt falsum crimen, vero fidem abroget: In quo etiam genere, quidam conuicti scelerum, ea miscant, quæ nec verisimilia sunt, vt iudicium dissoluatur aut trahatur: Tertium genus auxilij, à Loci mutatione tum Morum habetur: nam cum permutatur locus, absentia obliterat infamiam in patria; & ignorantia, non finit extra patriam, illam ali. Et mehercules, (quemadmodum in recuperanda corporis valitudine) sic non vno modo, exitus è patria, multa persæpe commoda ad leuandam infamiam adducit: Desiderium primò absentis, Commiserationem fortunæ, Obliuionem sceleris aut iniuriæ aut saltem qualitatum eius: neque enim vlla est res, tam turpis aut fœda vel flagitiosa, quæ, si non circumscribatur, non admittat apud plures defensionem, vel excusationem: minuit etiam absentia, inimicorum odium, fomitem omnis diuoris omnisque maledicentiæ. Itaque Timoleon cum fratrem occidisset, secessit à patria per multos annos. Eadem fermè ratio illis conducit, qui Principis iram timent; semper enim in absentes, non solum maiore difficultate, sed etiam minore sæuiunt iracundia. Extremum auxilium in Substitutione est, velut cum latro Religionem ingreditur, vel omnino contraria vita, antea actæ subiicitur; vt cū luxui parsimonia, vel auaritiæ magnificentia eximia succedit. Sustulit & audax factum, retinendi Romanos ciues post Cannensem cladē, in patria, omnem priorē eneruis ac mollis vitæ, Cornelij Scipionis Africani opinio. Itaque studendum est, optimis ac præcipuis auxiliis: atque vbi vnum non succedat, plura, (velut in finibus) melius pondus infamiæ ferunt: sunt & in hoc genere, defensiones Apologiar, certamina singularia, quibus omnis, quantumvis grauis infamia deletur.

At verò Paupertatis incommoda leuius ex-

pelluntur, sed difficilius: ars tollendi illa, docetur, cum non generaliter, sed per capita tantum, ea possit explicari: Sed tamen, cum de Iniuria, prius aliquid dictum esset, sermonem de illa absoluiamus. Omnis iniuria, quantum ad ad eum ad quem pertinet, obliuione tradenda est: nam cum non recordaris, non secus est, quàm si non eam acceperis: Quamobrem optime mihi videtur Euripides dixisse:

ὁ πότνια λήθη τῶν κακῶν, ὡς εἴ ποτὶ,

ἢ τὴν δυστυχίαν δὲ ταῦτα δεῖς. id est;

O veneranda obliuio malorum, quàm es sapiens & calamitosi optanda Dea. Probat & hoc, Aristotelis in libello de virtutibus, sententia; volentis ad magnanimitatem pertinere contemptum vitæ, honorum, atque iniuriarum: Ad eum verò qui intulit iniuriam sic paratum esse expedit, vt cognoscat potuisse sed noluisse vlcisci. Aliter, illud tibi continget Laconicum, Veterem ferendo iniuriam, irritas nouam: Quonam pacto igitur intelliget defuisse solam voluntatem? si te amicis fultum ac potentem agnoscat: multis assuetum prodesse nocere nemini. Qui omnem minimam vlciscitur calumniam, nunquam in magna iniuria, videri poterit voluisse cōdonare. Stultè igitur existimant quidam, Socratem, Diogenem, Zenonem patientiâ solâ fuisse ab iniuriis tutos: non enim patientia ipsa tutos, sed admirabiles reddidit, potetia verò & auctoritas defendit illos. Quid est, quòd bis, tēve, aut quasi volentes iniuriâ tulerint? Quis hominum ac prope Regum dicam, qui nunquam in vita iniuriam passus sit? pudor ergo & timor, illorum hostes, sicut & reliquorum hominum, ab eorum offensione prohibuerunt. Veruntamen, nec omnis etiam iniuria ex æquo ducenda est, sed quæ, pertinetiâ & scelere caret: Nam quæ cum scelere coniungitur, prorsus est vindicanda: quòd cum iniuriâ, iactura etiam publica coniungatur. Næ igitur male constitutum à legibus credam, heredem, qui non vlciscitur defuncti iniustam necem, hæreditate indignum, ab illa excidere. Quanquam & hæc lex, cum multis boni exempli, antiquata sit. Sic & pertinax offendendi propositum, ad securitatem tuam spectare videtur in qua, nulla lex, nullum consilium dissuadet, quin magis, malè velis alteri esse, quàm tibi: Mihi tamen vindictam, & ego retribuam, dixit scripturæ sacræ auctor Spiritus: negabo ne? Sed eodem suo fore opes omniæque commoda relinque, (perfectionis enim & non humanæ sapientiæ hoc præmium est,) vt etiam viuens, beatus sis. Sed iam ad ea veniamus incommoda, quæ singularia sunt, (quandoquidē vt dictum est, etiam omnia quæ ad paupertatem pertinent depellendam, præcepta singularia sunt) illud tantum docentes, Principi nullo modo expedire, vt iniuriam à subditis patiat; cum nec eum ferre debeat, qui iniurius in suos magistratus, vel etiam contemptor legum sit: nec tamen sæuiendum, vt Tyranni facere solebant. Eccelinus Phalaris Italus, exitiū familiæ suæ, nimia crudelitate peperit, Ioan. Galeazius, sibi. Igitur ad reliquorum curam, duabus rationibus cōmunibus opus est, altera quam Græci verterunt in prouerbum γινώσκω σεαυτὸν, i. Nosce teipsum, altera, vt quod per te videre non potes, ab alio discas, amico fideli atque prudente, qui non plebis iudicium infide-



dele, iniquum, damnosum respiciat, sed ipsam rectam rationem, meliorumque consensum. Difficile est & hoc sanè, alteri se credere, cum non leue sit, sibi ipsi. Oportet & aliquam spem in calamitate collocare, dierumque euentum obseruare, tum occasionem: ac cum venerit, arripere ac retinere. Multi enim cum sapius, à fortuna, ad dignitates ac opus, restituti sint, stabilem ac tanquam cubum sibi eam fingunt: Itaque vtrumque extremum canendum est, & Desperatio in calamitate; & Securitas in felicitate: vt ex illa, contemptus ac noua spes recuperandi, incidat: etenim his qui humanas res tractant, non frangi animo, sed in diuersis bene sperare, iuxta poetæ sententiã dicētis, expedit:

*Multa dies, variusque labor mutabilis aui  
Rertulit in melius: multos alternare uisens  
Lusit, & in solido rursus fortuna locauit.*

At verò, animo constanti multa se inferunt occasiones, quæ hominem seruant: multa etiã, studio ac industria perficere licet: Illud te non ignorare volo, Omnium magnarum rerum, (quod etiam aliàs diximus) exiguos esse ortus & imbecilles; quapropter, etiam in minimis, non negligenda cura. Memini, cum Florentiã irem, ascendentibus nobis Apenninum, obseruasse, quod Geometra dicunt, longiorem lineam, minorem, ad parallelum, angulum facere: ob idque, tutius minoremque cum difficultate & equi lassitudine, iter agebam, admirantibus cunctis; vt omnes me vnum sequerentur, qui nunquam iter illud fueram ingressus, ipsis, viæ gnaris: quidam antea ex illis, etiam sub equo ceciderant: vel mirum, nostra minimis constare, cum & nos ipsi, minimi sumus: At verò, ne quicquam è diuerso, tanquam esse non possit, paruifaciendum: Plura enim sunt extra opinionis nostræ fidem, & intellectus magnitudinem. Plerumque illud enim accidit, quod Virgilius Æneæ, futurum, sub Sybillæ persona prædixit, dicens:

*Tu ne cede malis, sed contra audentior ito  
Quàm tua te fortuna sinet, via prima salutis,  
Quam minimè reris, Graia pãdetur ab vrbe.*

Quis inuenit in Musica curam venenit? curaque coxendicis doloris? ergo minus mirum, tã euidenter excitari mentes, cum etiam corporum affectus, illis subiaceant. Ferunt Agamemnonem, reliquisse domi musicum tam excellentis artis vt Ægistus potiri nõ potuerit Clytemnestra, nisi musico occiso. Longè igitur magis dolendum est, musicam illius amissam, quàm Doricum modum, quo Alexander profiliit à mensa. Neque tamen, contraria ratione, omnibus fidendum, sed delectus habendus: atque si petcandum: tutius, non credendo vera, quàm falsis, fidem adhibendo peccatur: meliusque longè est, carere fido consultore, quam habere infidum. Vnus narratur Ventidius, rectè vsus proditoris Pharnæi Cyrestensis societate: cum enim ille, missus à Parthis pro exploratore, Ventidio duci exercitus Romani se insinuasset, dolus dolo victus est: Omnia enim dux exercitus, illi patefacere simulat, ille rursus Parthis renunciat, quæ illis pessima ex vsu forent: quoniam amicum, Vidio se frustra crediderat: quamobrem illi, cum Crasso rem agere putantes, quam amplissimo ciui Romano victoriam extorserant, seruo concesserunt: sed nec Ventidius, quamuis illum deceperit, vsus

tamen est eius consilio, quanquam rari sint Ventidij: Enimuero perniciosum nimis est Principi, à prauis vel adulatoribus aut imperitis consuli, vel qui vitio iræ aut odio liuoris detineantur: Docent inutiles pecuniarum profusiones; inde noua excogitant vectigalia; auauros & ingratos, (sic enim appellant qui parciores erga hos lurcones sunt) multis ac magnis probis infectantur. Ergo inter tor conspirantes aulicos, rectè Princeps etsi et adu-  
mavt & esset, diiudicare poterit, vel suam retinere integritatem. Peccat autem, non solum populos spoliando, sed ditando parasitos illos, imò grauiore exemplo, sint pecuniæ principum, solius præmia virtutis: At vectigalia noua, vel graues exactiones, necessitatis tantum causa imponantur: Ergo, cum effuere intemperanter & exugere violenter assueuerint, paulatim in alia probra deueniunt, cædes, sacrilegia, stupra, adulteria: suntque antiquis Tyrannis longe deteriores: siquidem Dionysius senior, cum filium deprehendisset adulterasse, dixit, Num talia in se vnquam vidisset crimina? tū filius, At tu patrem non habebas Tyrannum; indicans, quasi cum cuperet, defuisse licentiam: tū Dionysius: Et tu si talia facere perges, filium non in tyrannide relinques: quod & euenit. Succedunt ex his, si non deteriora, sanè proculdubio turpiora; contemptus scilicet Superum, opinio impia quæ doceat confidendum esse viribus solum, ac potentia & diuitiis, Deum vel non nosse, vel non curare mortalia: in qua sententia fuit & auunculus Plinius, dum de Deo loquitur. Ergo ea solū fugienda, quæ vel infamiam Principi, vel exitium afferant. Hisque modis, tã perniciosi consilio, Principibus quàm sibi vtilis, per inertiam & luxum ac fraudes, ad summos euehantur honores. Ostendimus enim in libro de Arcanis, esse Dei etiam de singularibus prouidentiam: sed adeò moderatam, vt nos, nec metu deterreat, nec vi prohibeat ab agendis; vt sit omnino, quod in nobis est, voluntarium, etiam vnde quaque liberum. Nam nullo externo metu, (& si effectus persæpe) nunquam voluntas inhibetur: sola diuina animaduersio, etiam voluntatem immutat. Itaque stulta Prodigalitas, Tyrannidis in Principe mater est, nec vnquam inuenies auarum Principem, Tyrannum; nec à Tyrannide immunem, qui prodegerit: vides Helio-gabalum, Neronem, Caligulam, eò maiores Tyrānos, quo profusiores: Contra Antoninos duos, Alexandrum, Seuerum, Traianum, Vespasianum, tantum à Tyrannide abfuisse, quātum à largiore pecuniarum effusione. Tuta igitur in Principe parsimonia, execranda profusio. At in occupando quæ aliorum sunt, diuersa ratione vtendum est. Philippus alienos semper ditauit, suos habuit pauperes. Expedit autem Principi, subditos habere, nec potētes, nec medicos: illi, seditione debilitant illius potentiam: nec Principi auxiliari possunt, & cum fortunarum amissione, infirmantur & animi: vbi enim videbis in summa natum egestate, qui egregium fortitudinis exemplum vnquā ediderit? Cadit cum magna calamitate plerumque animi vis, quoniam pacto igitur nuttiri in ea poterit? ergo, ridiculus Agapetus? nequaquam, imò astutus, qui Iustiniano largitiones suadeat, vt nec illum puderet accipere, quod Impera



Imperatori, pulchrum esse dare persuasisset. Meminerint Reges, nullum esse Principem absque finitimis: ubi finitimi, ibi belli periculum: ubi belli periculum, pecuniarum adest necessitas. An ergo melius est habere, sine cuiusquam iniuria, sine odio, sine malo exemplo, sine seditionis periculo, an cum his omnibus? Stomachum mouet, insulsa liberalitas Io. Patriarchæ, qui integra patrimonium hominibus ignauis effundebat. Cui verò Barbari ex Africa Mahumetani superuenissent, exhaustum ærarium, huius ne dicam stultitiâ inuenere, atque idè impotentes accolæ ad repugnandum; Religionem, urbemque cum libertate amiserunt: Hæc sunt, illius egregiæ liberalitatis præmia, hi fructus. Hei quantum præstaret, ut qui docerent alios, ipsi per se scirent, viri; essent non fœminæ, studiosioresque Reipub. quam priuati commodi: & veræ virtutis quam auræ popularis: Neque enim vnquam res nostræ finem aliquè bonum habebunt, nisi cum, abiectâ omni simulatione, omniq; vitio, tum adulatione, Veritas ipsa amplectetur. Non est (crede mihi) Religio vlla, quæ bonum publicum euertere doceat: nec vlla ratio, regendæ Reipub. utilis, quæ à Religione disuncta sit. Sed non hic error Principibus solis accidit; priuati etiam ipsi, malo multorum consilio pessundantur. Quamobrem illud Horatij carmen:

*Nul ego præulerim iucundo sanus amico.*

Sic ego verterim vna dictione,

*Nul ego præulerim prudenti sanus amico.*

Nec enim in nobis ipsis, facile est errata corrigere, nec melius illo, quicquā extra nos esse potest: comparandus primo ante omnia. Hic est, qui si ultra amicitiam & prudentiam, etiā habeat auctoritatem, iam in vno omnia te consequutum intellige: si non, multis modis querendum est, quod ab vno, fauente fortuna impetrari poterat. Post verò, diligenter cauendum, ne aberres: miseris enim error imputatur, & plus nocet: beatos, (si sit mediocris) parum lædit, plerumq; etiam latet: Multis autem modis errare contingit: grauiusque ac facilius, ab his qui calamitosi sunt, ut etiam quandoque infantia, ob animi mœrorem vel affectum, quapropter, semper à curis animus subleuandus est. Sed si nimium opprimatur, liberant à stultitia curæ iucundæ, at nihil iucundius est Inuentione: igitur Inuentio obliuionem inducit eorum, quæ in vitâ, aduersa contigerint, atque eo modo à stultitiæ periculo liberat: sed tamen caue, ne nimia etiam animi intentione laborans, insanias, fiatque remedium venenū: fertur enim, Carpentratem Musicum, dum nimis ad artem, cuius studiosissimus erat Pontifex, elaboraret; è proprio sensu decidisse: nec tamen quicquam iucundius ædidit (imitatus olores) extremâ illa cantione. Iunat etiam, in his periculis, permutare curas; sed in eas, quæ prioribus opponuntur: velut ludus, paupertati, amor, luctui est medicina; sunt & qui patriam mutant. Et quidem, tria magnum momentū afferunt miseris, Mutatio vitæ, morum, loci. Stultitia verò contrariis affectibus gignitur, Mœrore scilicet, Odio, Studio, Amore, Timore confirmatis. Atq; idè magna res est, cum coeperit, ut cum veritate iuuetur, augeatur perseverantia: At contrâ, perseverantes, ac sui similes, prudentes iudicamus: varios verò, stul-

tos ac inconstantes. Idè difficillimum est mēderi stultitiæ, & sapientiam præ se ferre. Ergo Inuentio, optimum auxilium in stultitiæ timore; optima ac perpetua in Geometricis atque Arithmetice; Vindicat ergo à plena stultitia, harum artium studium, tum maximè ut dixi Inuentionis. At contrâ, artes ipsæ, à Sapientia procul absunt. Magnitudine enim studij, mouent atram bilem, & consuetudine demonstrationis, simplices efficiunt homines; ob quam causam, omnes qui Mathematicis operam dederunt, infelices à iuuentute fuere, nec regula vnquam exceptionem passa est. Alienantur enim à prudentia humana, & consuetudine aliorum, sapientioresque aliis se putant, quod ostendere nouerint, quæ alij nesciant: Itaque propemodum stulti, ac ab aliis contempti euadunt: quæ causa etiam perdidit poetas; ut filij, Sophoclem malæ tractationis rei familiaris, accusauerint, cum propter tragœdias, domus curam desereret: sed Areopagita illum absoluerunt. Succedente tamen tempore, aliqui non omnino sunt imprudentes existimati. Sunt & exercitia quæ sua natura stultitiam gignunt, velut Pædagogium; non solum affiduitate docendi, sed irascendi frequentia, tum verberandi consuetudine, iuxta Græcum distichon:

*Ὅδ' ἐς γεγραμμένων δύναται ποτὲ ἄπ' ἧς εἶναι,*

*Ὀργὴν καὶ μῆνιν, καὶ χόλον ὁδὸς ἔχον.* id est,

*Nullus Grammaticus firmus esse potest, iram, furorem, & indignationem statim obtinens.*

Ac etiam propter ipsam conuersationem, ut aliàs dictum est. Cum pueris enim ac mulieribus & stultis versari, Sapientiæ est inimicum, adeo ut, pueros consulam à mulierum familiaritate, cum primū decimum exegerint annū, abducendos. Educati enim cum fœminis, nihil honore vel virtute aut gloriâ dignum excogitant: sed superstitionibus & luxui ac ornatui tantum intenti, nihil magis oderunt quàm quod & fœminæ ipsæ, bonos scilicet mores: an mulier, puerum de fortitudine aut studio, aut de gloria vel temperantia instruet? quārū aut expers omnino est, aut (si præclara etiam sit) vix vnus aut duarum, labia degustauit: vnde fit, ut maxima pars eorum qui male pereunt, cum matre sola adoleuerint. Vitanda est etiā, ut diximus, ea victus asperitas, quæ multos, candido ingenio, firma memoria optimæque spei ac pudoris casti, eneruat at corrumpit. Nihil verò supra mediocritatem exerceas, sed quemadmodum & in itinere, cum nescis, alios sequare: adeo placet vulgo, nihil extrâ semitam moliri, ut qui medeantur vno tenore ac quasi ex prælo, pro optimis medicis habeantur; putant similitudinem quæ in moribus est, etiam in arte esse laudabilem. Verum ut dixi nec in artibus; ea æqualitas seruanda est, nec temere permutanda, sed magno nixu, ac sensim, innouandum aliquid: aut si non audes, persistendum in his, quæ quanquam bona non sint, vsus tamen ea defendit à vituperatione. Sic nec in humanis negotiis, omnibus credas, nec illa tamen, velut Geometrica tractes; sola enim illa, vere sciuntur; in cæteris, si firmam desideres demonstrationem, operam luseris: nam, non solum negotiationes, certæ non sunt, sed nec aliud quicquam. Scimus, sonum ex aëris vel loci concussione fieri: quomodo tamē fiat,



fiat, nescimus: nam si materia omni caret, cur non videmus ultra muros? si habet, quomodo audimus? videmus, radiis luminis (quod experimento constat) at quid est, quod radios toties infinitos multiplicat? Calefacit Sol: quomodo? si calidus non est? Eadem ratio in opinionibus tuendis: alij, negant Astrologiam diuinitati: alij, pro illa depugnare parati sunt: alij, lemures circumuagari volunt; alij, ut amentes irident, qui talia credunt: alij, Alchymisticam extollunt, alij, vanam esse putant. Tu verò ubi nec Reipublicæ nec Religionis iactura est, precariò faue opinionibus. Vidi multos qui ob inutilium rerum disceptationem, (nam quæ dixi pro exemplo sunt) in graues inciderunt contentiones; Pro quibus etiam, inimicitias suscipere: at contra, ne etiam effusus sis, coram, laudando aliquem, sed si maius, potius seorsum: multi adulatorium illud præ se ferunt, quod ut dicit Euripides:

*ἥ τις πὶ καὶ τοῦ δ' ἐστὶν ἀνείδαι λίαν.* id est.

*Nimie laudes cum onere sunt.*

Etiam in deterius exit; irrisio enim loco plerumque interpretatur, nec poenitentia locum relinquunt. Ergo illud Horatianum imitandum erit:

*Virtus est medium vitiorum, utrinque reductū.*

Illud etiam magnā diligentia deuota, ne quæquam laudes indicio, vel verbis, aut re, qui te tuæque non probet. Nam sic non solum teipsū damnare videris, sed vili assentatione in amicitiam velle insinuari, quod turpius sit an dānosius, non facile est intelligere: huius etiam causā, præstat ingratum videri. Quod si iam in infamiam singularis facti incideris, iuuat quādoque transmutare vulgi voces in minus noxium crimen; naturam imitantes, quæ & ipsa, morbos e ventre in crura transmittit: Alcibiades, vir vaser inter Græcos, cum infamia laboraret, quod Respublica ab eo euerteretur, canem pulcherrimū magno emit precio, inde auribus & caudā abscisis deformē, emisit nulla cum custodia: amicis admirantibus respondit; Non poteram aliter, plebem à maledicendo de me, in his quæ circa Rempublicam tractauī, auertere: nunc, huius infamiae admiratione detenti, obliuiscuntur maiorum negotiorum: In qua causā, diu populum illum ad sua flagitia conuenientem habuit; & nisi statuarum casus, mouisset indignationem, diutius deludere, bene dicendo & malè agēdo, illos poterat. At verò, si iam in opinionem Stultitiæ apud populum decideris, dissimulanda est opinio illorum, blandiendumque illis: quod si iustam causam habeant, infamiae opinionis, permutanda sunt ea, quibus in illam descendisti: si nullam, vlciscenda leniter, morum petulantia: semper tamen illud memineris, Apud populum, improbitatis opinionem, à stultitia abesse: at vltoris à probitate. Sunt & auxilia, quæ ad hoc diximus, Diuitiarum comparatio, & Magnæ gloriæ exemplum, & Loci mutatio. Ego tamen ut Horatius inquit, Odi profanum vulgus & arceo. Improbum enim est, & omnium malorum origo, quod nec sibi tēperat, nec bonos æquo animo fert: At si in turpitudinis opinionem perueneris; & nunc, non pauci illa laborant, ne coniecturis vnquam à te illam abigere tentes: plerumque enim frigida defensio, validiorem reddit accusationem: Ergo vel certis testibus

eradicanda, vel obliteranda silentio, nec tamē hæc (ut stultitiæ opinio vindicari debet) quod simul coeant potentia & flagitiosa vita: imò plerumque ut docuimus coniunguntur. In erroribus autem, qui accusationi non subiacent, magnos viros ostendere, eadem in causa aberrasse, pro plena excusatione plerumque habetur: velut Cicero cum pro M. Marcello & pro Q. Ligario peroraret, ut ibi, Non enim consiliis solum & studiis, sed armis etiam & castris diffidebamus: Tum ibi, Dolebam enim Patres C. ac vehementer angebar, cum viderem virum talem, qui in eam causa, in qua ego, fuisset, non in eadem esse fortuna; & rursus; lisdem in armis fui. Quid autem aliud egimus Tubero? nisi ut quod hic potest, nos possumus? in quo, duplici genere insinuationis vititur, & criminando aduersarium, & communitatem criminis docendo; verum hoc, illo facilius est. At si cum periculo, aliorum memoria inducitur, ostendisse sufficiat, non docuisse: hostes enim habebis, quos prodideris, non defensores: quamvis multi, in animi dolore nequeant sibi temperare: sed qui honori inter homines ac potentia student, (quod sæpius dictum est) non ira indulgere, nec iniuriæ rationem habere debent, sed cuncta pro commodo & vtilitate metiri: atque in his, gravitatem seruare expedit; non longos sermones frustra, ferendo, ut mulieres ac pueri solent: neque obiter ac sine ratione commemorando, quæ præter propositum sunt, ut scire videaris: nec non, oportuno tempore inducenda, quemadmodum Aegyptij, ossa olim mortuorum conuiujs inferebant, ut conditionis nostræ reminisceremur: res quidem, Sapientis, sed oportunitas deest: cum conuiuia ad relaxandum animos, & exhilarandum, tam horrendo spectaculo non indigeant: Etenim ut amarum, rectè omni satori miscatur, præterquam dulci; sic triste, omnibus horis potest conuenire, nisi inter gaudia: Atque eadem ratione, importuna est etiam iucunditas ac risus, in mœrore tristissimo, ut Tyranni, hoc genus voluptatis inter maiores reponerent cruciatus: nempe C. Caligula, sæuitiæ monstrum; patrem eius quē occidi iusserat, cenæ adhibuit, omnibusque modis ad hilaritatem & iocos prouocauit, eadē die, qua poenæ filij interfuerat: Cum Principibus verò, dictis, tum maxime falsis uti, nunquam profuit, quandoque etiam grauitè noceuit: nam cum Dionysius senior quæreretur ab Antiphone, quodnā genus æris esset pulcherrimum? respondit ille, quo Harmodij & Aristogitonis statua ab Atheniensibus sunt conflata: Harmodius enim & Aristogiton, filium Pisistrati Tyrannum occidentes, tanquā libertatis Athenis, statuas promeruerant: Intellexit Dionysius ad ipsum pertinere scōma, occiditque illum, & meritò. Quorsum hæc, in quibus nulla prorsus vtilitas, sed libertas tantum loquendi maxima? Simili conuitio Lysimachus irritatus à Pantaleone, quod in Arfione illius uxorem, vomere solitam, hoc carmē iactasset.

*κακὸν κατὰρχη, τὸ δ' ἐμῶν εἰσαγών.* id est.

*Malorum principium facis, hanc vomentem introducens.*

In cauea illum conclusit, aluitque vsque ad mortem: Mitior fuit aliquando in tempestiua dicacitate Ludouic. Sfortia Mediolani Princeps:



ceps : cum legato enim Veneto um deambulans , liberæ linguæ aulicum quem diligebat interrogavit ; quomodo valeret ? at ille ( seu ira seu stultitia , siue quod ita succurrisset , verbum non consideratum ) respondit : malè ; cum Princeps causam quæreret , dixit aulicus quod vulgatum est . Quando caput dolet , cætera menbra dolent : tum Ludouicus confestim , Excede è conspectu meo illicò mastigia , & vbi primum te videro , scias , siue luedam capitis pœnam . Propter cā , cautè cum omnibus cum sit agendum , cum Regibus , tam sapienter , vt intelligas quod iactabat Artaxerxes ; non solum quæcunque liberet , dicere , licere illis , sed etiam facere : vt perniciosum sit , vel aduersari illis , vel maledicere , sed etiam despondere vitam , verbis . Exitio enim apud multos hoc fuit , cum existiment Reges , adulationis hoc esse pessimum genus , ac similitudinis cuiusdam incredibilis beneuolentiæ : Nimirum igitur si captatores , captari soleant ab his Principibus , quibus omnis occasio grata , quæ etiam est ad explendam sœuitiæ libidinem commoda : Insani est , etiam ac amentis hominis , ea aliis exprobrare , quibus ipse laborat . O quoties dixi , O homo , carere debet omni culpa qui in alium dicere paratus est : Ne forte tibi illud Horatianum infusurret :

*Tu cū sis quod ego & fortassis nequior, vltro  
Insectere velui melior, verbisque decoris  
Obuoluas vitium.*

Multa forsitan hæc videbuntur , ac quasi extra propositum , cum labentem paupertate hominem confirmare propositum sit , non de moribus loqui : sed qui omnia diligenter considerabit , *Nullam esse rationem maiorem inuendæ felicitatis , quam morum disciplinam inueniet* : videbis etenim duos eadem arte , pares Nobilitate , æquales industria , quorum alter amicis & pecunia abundabit , alter in utroque miser erit : ergo componendi sunt mores prius , atque omnia vitia explodenda , antequam ad reparandam pecuniam veniamus , quod sine morum suauitate nequeant parari opes ; & partæ , etiam frequentius dilabuntur : tum verò , quod multa sunt , præter opes etiam , quibus homo indiget , & sine illis , contemptui , non minus quam pauper habetur . Nec tamen Iudæorum more , omnia denuò in medium reuocanda erunt , nec semper à tribus patribus exordium sumendum . Progrediamur quò nos rapit oratio , ostendamúsque quonam pacto ex minimis , omnia humana constant . Mentem adhibui quædamque Hispanis militibus , qui cum domum ingrediuntur , simulant se totam velle inspicere , vt optimum eligant habitaculum . Inde , lustrantes cum domino domus omnes ædes , quonam ille coniciat oculos , obseruant ; raròque falluntur , quin ibi , quo coniecit oculos , thesaurus etiam illius sit reconditus : Ergo ex duobus Euangelij dictis , quorum alterum est , Vbi thesaurus tuus , ibi cor tuum , & Oculi est lucerna corporis : melius diuinant , absconditas pecunias quam ex humano cereo : sic morande , tria tui talenta sustulerunt ; sic mira illa latebrarum inuentio , nec terebris , nec vasis æneis indigens . Nulli (prede mihi) fortuna deest , sed Sapiencia ac Industria , Qui è Roma veniunt , deuorant aureos ; in latrones igitur inciden-

tes , non solum pecunias sed seipsos seruant : Quis enim latro tam dirus aut tam secure agit , vt hominem occidat , requirátque in visceribus , an aureos habeat reconditos : verum si aureos inuenerit , ne latius diuulgetur , hominem etiam iugulat : ergo nihil non industriæ patet . Hominem agnoui , qui centum ac vincti coronatos deuorauit , cumque incidisset in latrones , seruatus est , cum multi , longè paucioribus amissis etiam vitam perdiderint . In villa quadam , iuxta nostram urbem , cum milites expectarent , omnia nefanda patratos : tres puellæ nobiles , singulæ gallinas laceratas inter mammas collocarunt ; cum verò milites vespere venissent , foetorem sentientes , interrogabant quid hoc esset ? responderunt puellæ , carcinomare laborare : ( sic enim inter eas quamvis diuersis habitantes domibus constitutum erat . ) Itaque illi & commiseratione & foetore deterriti , intactas reliquerunt , seruaueréque hac solertiâ pudorem puellæ . Plurimos me vidisse memini , qui sine scelere , sine fortuna , sine arte , honestas facultates sibi parauerunt : ita vt malim industriam quam artem : Sic è diuerso , stupor hominis , artificibus maxime noxijs , noménque ingrati , ei , qui in Republica versari vult : habent singula bona , suos morbos . Sed tamen ad rem institutam redeundum : Quatuor videntur maximè necessaria ac difficillima in hac tractatione , quæ tamen omnia ad vnum genus pertinere videntur : Primum , cum ex magistratu quis exciderit : secundum , cum ars inutilis efficitur : tertium , cum quis arte caret & pauper est : quartum , cum est in exilio . Ergo , ars inutilis sit , vel ob vilitatem , vt fodiendi terram : vel ob imperitiā artificis : vel ob annexam conditionem contrariam : velut si paedagogus , pueros corrumpere existimaretur , aut tabellio falsi damnatus esset , & generaliter , quæcunque è directo pugnant cum artis vtilitate : Negligentiæ etiam & quam Greci vocant ἀπορία , omnibus artibus contraria est : Item multiplex exercitatio & cura diuersa ; homo etiam incognitus , perfidus , vel inconstans , omnibus in causis fermè inutilis . Igitur singula singulis opponenda : negligentia diligentia , ἀπορία , assiduitas : inde , fides , constantia , perseverantia , virtutemque , in omnibus præ se ferat ; exhibeat se blandum , comem : rarò necessaria est permutatio : ars enim rara est , quæ hominem alere non possit : verum si modò permutanda est , in nobiliorem vel vtiliorem permutatio fiat : in affinem , sit transitus facilius , & minore admiratione : in valde dissidentem , periculosa est transmutatio . Porro affines sunt , velut ex tabellione , cognitor causarum : ex illo rursus , causidicus , ex Chirurgo vel Pharmacopola , medicus : ( nam & olim hæc tria , ac Græco more , ab vno eodemque viro exercebantur ) ex Grammatico Rhetor : ex tonfore Chirurgus : ex Mathematico diuinator ; ex pictore statuarius & architectus : ( nam & omnes hi ab initio picturam exercent ) sunt etiam ex pictoribus textores nobiles , & flammearij , tum limbolarij ac cerdones , ( est enim ars illa etiam fabris lignariis non parum utilis . ) Clari tamen , etiam facta magna permutatione quidam fuerunt , vt Philistus Miles,



sius, qui ex Musica, adortus est Rhetoricen: quam sub Hocrate professus est: quapropter & Isocrates *δυσωπρίβη*, vocabat eum, scripsitque in arte nonnulla; adeo excelluit: & Theffalus, cum lanariam exercuisset medicus factus est, ut Galenus recitat: floruit Neronis temporibus, & maximas sibi diuitias, posteriore arte comparauit. Sed ne tam multo ex vetustiore seculo reuocem; pater meus Facius Cardanus Medicus primò, inde Iurisconsultus factus est. Fata hæc sunt hominum, nam nunc & noster Maioragius, Rhetoricen deferens, iam ferme trigenarius aggreditur Ius. Quid mirum: nam & inter reliquas adhortationes, Bernardus Macius inducitur, qui cum coriariâ exercuisset, iam iuuenis factus, Grammaticæ operam dat, inde ex hac, ad legum scientiam accedit: quid multa? tandem publicè alios eas docuit: donec alio prædominante humore, fit Frater (nam sic nunc volo intelligi ex materno, nomine Latino deducto: ne tot cucullis aut circumscriptionibus uti cogar) Sed nã ego incassum hæc referam electionem: nequaquam. Optimum igitur consequutus gradum, nec sibi timens; artem aliam iure aggredi potest, aliqua ex parte similem: si modo posterioris studium, prioris obliuionem non inducat; sed hæc Voluntaria; nobis de necessariis sermo est institutus. Sed quid si ars ipsa non alat, nec ullus ad aliam ex ea detur transitus, nouum aliquod inuentum excogitandum est: semper nouitas rei gratiam parit, & solum esse in quacunque re, magnam affert vtilitatem: Cum in hac vrbe, inuidiâ laboraremus, nec lucrum suppeditaret impensis, multa ut noua inueniremus, tentauimus in arte: nã extra artem, nihil non cessit. Tandem Phthisis [quam Phthoen vocant] multis seculis curam deploratam excogitauit, sanauitque multos, qui nunc superuiunt: nec difficilior quàm Gallicum morbum: Rationem etiam curandæ aquæ quàm intercutem dicunt, multis iam sanatis inueni: Sed pro Inuentione, Ratio dux erit. Experimentum autem, magister: Aliorum opera, incitamentum: At pro experimento si periculosum sit, tentandum leuiter ac paulatim: sic & pueros ac homines fidos, reliquaque si non neglexeris explorare, facili agnosces suppositis, qui rem ipsam caute tractent: sic amicos, sic vicinos, sic magistratus: omnia humanæ subiacent industriæ, verum, ut video, magis peccamus negligentia, quàm ignorantia. At si quis, è magistratu exciderit violenter; si vitio, medicandus est morbus; si inimicitia, placanda vel superanda. Decet autem illum qui in Republica versatur, (velut prata) quotannis reflorescere: nulli rei parcendum, nec sumptibus, ut honor recuperetur illico: iuuat quandoque: si minus licet, interponendum spacium, donec oppugnatio deferuescat: Quidam adeo sunt infelices, ut cum omnibus artibus magistratum retinere quærant, non possint: velut Pontanus, alioquin non ineruditus, qui cum à secretis Regis Parthenopei esset, excidit, & tamen omnia fecit ut in officio permaneret: Nam per assentationes, miser ille Princeps, sic corruptus est, ut cum in inuenta strenuus, & rei militaris peritissimus, Regnum firmasset, pulsus hostibus, senex, dum tantum artibus, luxui, & liberalitati studet, à Carolo

Gallorum Rege, (qui omnibus rebus erat inferior, præterquam consilio & audacia) nondum illius inspecto exercitu, Regno pulsus sit: Hæc sunt Regibus præmia adulationum & prauorum consiliorum, audetque cum eo exitu, duplici modo turpissimo, postea ille se vocare Sapientem. Nullum minus idoneum consilio Regum genus, quàm poetarum, cum nec in Republica, Socrates illos apud Platonem recipiat. Hæc igitur auxilia illorum sunt, qui male artem tractant: sed si nulla sit ars, cum tres sint viuendi modi his qui facultatibus carent: industria, seruitus, & ars, hac sublata duo reliqua genera supersunt. Industria multiplex, licitatorum, causis vel litibus assidentium, tabellariorum, eorumque qui omnia vendere ac emere probe nouerunt, ac eligere meliora ac optima quæque. Multi longe celerius hac solertia ditati sunt, etiam absque dolo, quàm vlla arte ditari quenkum contingat. Sunt & patrocinia magnorum virorum & principum: promerendi ergo omni cura sunt: illi nihil in hoc melius, quàm illorum nouisse ingenia & obsequi. Nam, quis credat? Tiberius proconsulatum dedit Nouellio Tricongio Mediolanensi, quod absque omni fastidio vno spiritu tricongium vini hauriret. Alexander Seuerus illum notasset infamia; at contra occidit Grammaticum, quod præmeditatus ad disputationem accessisset. Ego laudi maximæ tribuo Alphonso Aualo, principi, non solum sapientissimo, sed etiam fortissimo, quod exigeret à nobis, ne ad illum inconsulti de re aliqua sermonem haberemus. Ergo nouisse mores hominum tantum confert, ut nihil magis. Verum si paupertati accedat exilium, eligendus est locus natura ac legibus & moribus patriæ similis. Quod & Cosmus Medices vir prudentissimus obseruauit, cum è Florentia Venetiis exularet. Ibi nec magnifica nec humillima vita ducenda est, locusque ipse pro patria habendus, amicos & necessaria sibi comparando, ut nec reditum quæras in patriam, nisi sponte casu aliquo tibi sese offerat. Nam vita hominis ut inquit Hippocrates breuis est, & quicquid curis impenderis tristibus illi perit. Adeo vero mores ibi colas, ut existiment te vel non exulare, vel cum inuidia potius ciniu tuorum quam scelere tuo. Cum verò nec affinis, nec multitudini amicorum possis illic confidere, cautior vita deducenda erit. Cum liberius etiam agere liceat in aliena terra, quàm in propria, seu ad contemptiorem vitam, seu gloriosiore tendere velis. Quamobrem & Bononienfes pulchrum putant etiã nobiles seruire in aliena vrbe, quod in sua turpe ducunt. Hæc sunt propemodum auxilia restituendæ lapsæ rei familiaris. De singulis verò ingeniis in tribus libris De varietate rerum scripsimus, quibus non paucis hominibus, non sperata accedet vtilitas. Oportet tamen non studendo tantum, sed exercendo hæc comparare. Nam qui cum propria faciem sapius in speculo intuiti, ut sublata fuerit illud, obliuiscuntur suæ ipsius imaginis. Requirit forsitan quisque huius rei causam, & docenda tamen est. Duabus igitur hoc causis euenit, prima quod non adeo fortiter imprimat reflexus radius imaginem ut primarius; altera quod lux ipsa speculi memoriam



memoriam perturbat, ut quidam cum aduersus Solem ex composito orantem statuisent, oblitus sit ille totius orationis.) Ergo exercenda hæc magis, quam etiam discenda. Sed nec in his, paruarum omnium rerum cura habenda est, ne Bononienses imitemur, qui fabæ pistillo publicè codones paruos addunt; & Necuriæ præfectos, qui, quot sunt equites extra urbem transeuntes, totidem ictus campanæ edunt: At nec è diuerso, cum parua magnum habeant momentum, negligenda erunt; in quo errore Galli dum Imperatas pecunias exigent, peccauerunt: nam cum non ad Rempublicam, exactionem deferrent, illos non solum lædebant, qui in ea plurimum poterant; sed inæqualem etiam distributionem faciebant, & violentiam præferrebant, cum non per ipsius ciuitatis capita, onus singulis imponeretur. At cum Hispani ac Veneti in subditis urbibus hoc seruent, scilicet ut ciuibz exigant pecunias, inualidam ad seditionem efficiunt ciuitatem, æquiusque diuidunt onus, nec videntur violenter auferre, quod ciues ipsi sponte offerunt. Facile ergo quisque intelliget magnitudinem erroris Gallo- rum, qui illorum turbulentis exactiones (quamvis locupletiore adhuc ciuitate) cum quietis istis comparauerit. Atque utinā, quod in mala causa (quamvis necessaria) exhibetur diligentia, in melioribus præstari consueuisset: Nam cum olim (ut apud Athenienses Demosthenes consuetum fuisse docet) iudices, non in nube, sed de singulis capitibus rerum, iurarent: sic & nunc. At non peccatur? fateor, melius tamen est, Legibus ac consuetudinibus bonis fidere, quam optimis viris: Est nunc Senatus integerrimus; cuius caput singulari quadam virtute præditum est: cum morientur, non facile erit, non dicam, omnino fieri non posse, ut restituantur æque boni: at fac ut fiat, nunquam capiti tam bene accommodabuntur membra: quoniam, non solum illi necessarij sunt sensus, sed quodd ex illo, (ut etiam in homine) cætera membra exoriantur, ut illi parere possint: Ergo tutius, confidendum est Legibus, quæ perpetuò manent: nam si his, optimi accedant postmodum viri, Diuina eius Reipublicæ administratio euadit. Similis est hæc ratio, iuri nunciali nostro, quo cauetur, ut maritus uxori sit hæres necessarius: pauca certè pro urbis magnitudine, sequuntur inconuenientia: attamen si ius illud non extaret, hac nostrorum ciuium bonitate, hac fide non indigeremus. Eadem ratio in custodienda domo, quæ in ciuitate, leges optimæ sint, nec tamen extrema seueritas adhibeatur: nam ut in optimis legibus, non facillè inuenias præuam iudicem ac execrabilem: ita in arctis admodum institutis, plura vel in ciuitate vel in domo flagitia quam in mediocribus admittuntur: asperiores parentes; filios adultos, ad furtum; teneros, ad impudicitiam auaritiâ impellunt; coguntur enim nefariè quandoque quærere ab alienis, quod seuerè nimis à parentibus denegatum est: Eadem cura illos perdit, cum à mulierum conuersatione arctius prohibentur: Ergo mediocris indulgentia, summa est custodia; laxa re frena aliquando prurienti ætati, hominumve diuturnæ consuetudini, non secus iuuat, quam si vi-

Tom. I.

no in vasis feruente, summum detrahas operculum, sinasque modicum atque non sincerum effundi: ne abrupto vase totum pereat. Solent enim quæcunque arcte vndique constringuntur, si paululum efferbuerint, disrumpi. Et si omni diligentia hæc tuearis, nec tamen bona fortuna succedat, imiteris medicos, dicentes, Omnia secundum rationem facienti, nec prosperè succedentibus rebus, non est transeundum tamen ad alia, eo stante quod à principio visum est. Multa sunt, quæ tempus desiderant, Ut quæ magna sunt & ardua: vel si humilis fortuna tua sit: vel ætas valde iuuenis: vel si quid ab initio peccatum sit (est enim, ut recte dixit Aristoteles, Minimus in principio error, maximus, in fine) vel si ars hoc non patitur: velle enim celeriter ascendere in ea parte, quæ non admittit, dementia potius est, quam cupiditatis. Ergo, cum in omnibus, tum maxime nouis rebus sectandis, opus est, ut tuas vires rectè metiaris, infraque metam etiam de te statuas: sic enim, in aduersa fortuna non adeo tristaberis, nec in secunda frustra eueheris: & in vtraque eris diligentior, cum nec desperandum, nec affectum quæ oportuerit, te fuisse, intelligas. Nec tamen vnquam tuarum virium imbecillitatem tenuitatemque alicui, nisi qui tibi patrocinari velit, prodere bonum est: Aristoteles cum esset gloriæ valde cupidus, in facilibus copiose disseruit: at in his, in quibus argui se non posse sperabat, dilucidè multa docuit: quæ, ut non licet redarguere, sic scimus, illum tamen non potuisse probare: Ad bonos verò mores pertinet, non solum detegere nolle suarum virium infirmitatem, sed etiam eludere eos, qui te dolosè aggrediuntur. Nec pudebit auctoritatem vulgati libri adducere ad confirmationem horum, dixit nanque ille:

*Qui simulat verbis, nec corde est fidus amicus:*

*Tu quoque fac similes, sic ars diluditur arte.*

Multa essent à nobis certe dicenda: sed necessariorum tantum meminisse volumus: Hæc sunt quæ ad optimum finem pertinent: quæ optima viuendi ratio: quid stultum; quidque cuique necessarium, quidque maximum sit in vnoquoque genere: Tum verò de nostra natura aliquid differendum; ne, cum omnes omnia docere velimus, nos ipsos ignorasse videamur: dissoluendæ etiam dubitationes quædam quæ ab initio propositæ erant. Deliacum igitur responsum est:

*ἡδίστον τὸ διχρότατον, λῦσον δ' ἀγαθόν,*  
*ἡδίστον δὲ πᾶσιν ἔστι ἐκαστὸν ἑαῖ.* id est.

*Honestissimum est quod est cum maxima iustitia, optimum autem valere, incundissimum autem id consequi quod quisque amat.*

Quod est: optimum bene valere est, honorari pulcherrimum: incundissimum verò, frui eo quod quisque maxime cupit; hæc Reges, sibi quantum possunt præstant: alij, quærunt. Veruntamen, quia maxima pars delectationis, in amore posita est: ille verò effrænis, & contumax: optimum est, modum desiderio ponere: tum maxime, ne cum amare te intelligit, sumptus pereat: aut enim, non potiri castis, in tormento ponitur, aut si scortis potiaris, & vehemens sit desiderium, res perit: Optima verò viuendi ratio est, quæ cū modératione, consilio, & gravitate perficitur. Magnitudinem,



*dinem, moderatio definit operationum: qualita-  
tem, consilium prestat: grauitas addit effica-  
ciam.* Ergo neque plures nec pauciores esse  
possunt bene viuendi rationes, vnaquæque ta-  
men harum pluribus constat. Grauitas verò  
nobilior omnibus his est, quæ Principes deco-  
rat, ornat Magistratus & Nobiles, Plebeios au-  
tem tuetur. Vnde illæ Regum tot ceremoniæ?  
vnde illæ Pontificis? proficiscentem antecedit  
*εὐχαριστία*, ipse in Palmæ solennitatibus, defer-  
tur à Cardinalibus: Vnde purpuræ amictus?  
tot arcana? tanta pompa? quoniam decet ad  
Religionis cultum, grauitatem seruare; stultæ-  
que putant qui simplici ornatu & absque po-  
tentia, credunt, Religionem (quæ vix sic in  
hominibus manet) posse retineri. Eadem nobis  
ratio ostendit, obscænos amatores omnes esse  
infelices; quæ grauitatem docet ad facilita-  
tem plurimum conducere: Nam qui amant  
flatiosè, vt aliàs ostendimus, vehementer  
amant: at vbi amor vehemens, ibi incontinen-  
tia & lenitas, atque iuxta Comicum, conti-  
nuò, pro imbre amor aduenit, is vsque in pe-  
ctus permanuit.

*Perma defecit cor meum: nunc simul res, fides,  
fama, decusque & virtus, deseruerunt.*

Consilij autem, maior longè necessitas,  
quamvis nobilitate, cedat Grauitati; sed non  
hoc, tam clarum, quàm quod Consilio; nihil  
melius apud homines: multa (fateor) eueniunt  
extra opinionem hominum, ac quasi Deorum  
voluntate, vt Euripides ait:

*πολλὰ δ' ἂν ἀέλιος κραίνοισι θεοί,  
ἢ τὰ δοκιδέον, ἐκ ἐτελέδην,  
τὸν δ' ἂν δοκιδέον, πόρον εὖρεν θεός.* id est.

*Multa ex insperato perficiunt Dii, quæ au-  
tem cum certa spe fuerunt, infecta manserunt:  
Non speratorum verò Deus viam inuenit.*

Horum tamen & maxima pars à nobis ori-  
ginem sumpsit, seu quia prohibemur à Numi-  
ne, seu quia fors ipsa hoc ferat; vt cunquē sit,  
Maxima hominum pars, consilio caret, qui ne-  
sciunt, nec vti possunt consultore: quid mirum  
est carere eos consilio? Qui sibi sapiunt, nimium  
sapiunt. Estque hoc illibatum amentię genus,  
Principes qui aliis se credunt: ab adulatoribus,  
si non alio dolo corrumpantur, consultores  
(nam & hoc frequens est) decipiuntur. Priuati,  
non inueniunt qui suo periculo consulant,  
negligenter ergo res peragitur; vni que fidere  
periculosum; dum multi consulunt; res, dubijs  
plerumque sententiis, in incerto iacet; sibi ipsi  
consulere (quod optimum est) tam paucis con-  
cessum, quam etiam, posse suum totum cor-  
pus inspicere: Ergo videas homines qui post  
actam rem videri volunt sapientes, quibus  
nulli sunt ridiculosiores, vt illud merito illis  
dicas, *ῥεχθὲν δέτε, ὑπὸ πύγῃ γυνώ.* i. *Factum etiam  
stultus agnouit.* Alij, omnibus se credunt: alij,  
nulli: magnis alijs diffidunt viribus, aliqui te-  
nuibus initiis ac vmbreis maxima moliantur;  
non illis propemodum absimiles, qui libellis  
Turcam adoriuntur, nec satis facietis: cum ille  
Religiones nostras, ferro, flamma, seruitutēq;  
destruat. Stomachum mouent eruditio, multi,  
qui vix prima elementa rerum percipientes,  
statim ad scribendum se accingunt; quorsum-  
ne vt charta pereat, tibi que fama, legentibus  
tempus? Dii boni? quæ impatientia illorum,  
qui grandem se putant ac strenuam operam

nauasse, quod prima alicuius disciplinæ rudi-  
menta, satis latinè, ne ornate dicam scripse-  
runt: in quo genere Germani Gallicque pec-  
cant, existimantes tantam aliis debere videri  
illorum in ædendo industriam, quanta illis  
fuit, ob natiui sermonis à Romano distan-  
tiam, in discendo difficultas. Non vitupero  
gloriæ stimulos, non deterreo ab ædendo, mo-  
do aliquid nouum inueniant, aut vel suis sal-  
tem, hac audacia, rebus consulant. Nam &  
hoc antiquum erat, cum Horatius & ipse de  
hoc queratur dicens:

*Scribimus endocti, doctique poemata passim.*

Nullus à me putet patriam sibi obici: in-  
uertant licet enim illud Anacharsidis: nos pa-  
triæ decori sumus, cum tibi sit patria. Verum  
illud displicet, quod res serias tanquam leues  
tractamus, argumentaque passim ex omnibus  
sumimus, vt qui nominis interpretatione mi-  
seros dixit *ἀδελήτας*, quod *ἀδελφ* miserum si-  
gnificat: æmulamur enim vitia non virtutes,  
& partem exiguam, foliæque, ac surculos, sti-  
pitum derelinquimus. Licuit ac decuit illum  
hoc, qui tanta arte caput aduersæ sententiæ  
oppugnauit: alium minimè decet, leuibus in-  
sistere argumentis: sed elaborandum tibi est,  
seu scribendo, seu legendo, vt ad intima pe-  
netres. Nam qui rerum profunda adeunt, sibi  
gloriam alijs utilitatem parant. Ea etiam cau-  
sa, grauitatis scilicet, per ætates distribuitur.  
Nam senum sapientia plurimum habere de-  
bet grauitatis, iuuenum moderationis, ado-  
lescentum & puerorum ingenij; atque in hoc  
velut & apud Gellium scribitur, acerbis sty-  
lus ac paulo durior ab initio, meliorem fru-  
ctum fert molli ac mansucto, sic etiam de in-  
genijs. Moderatio igitur vt melioris ætatis  
præmium, sic & optima est in cunctis. Tem-  
perat enim non solum affectus, sed etiam de-  
bita contraria quibusque vitis aut malis op-  
ponit, leuia leuibus, iucunda tristibus, remis-  
sa seueris. Adeoque hoc visum est utile, vt  
sapientissimi viri Augustus & Laurentius Me-  
dices duas personas habere viderentur: alte-  
ram humana quidem sublimiorem: alteram  
quasi puerilem. Nam qui sanè rem tenent, il-  
lud norunt, omnem immoderatum affectum  
stultitiam gignere: dico autem lætitiā, tri-  
stitiam, spem, metum, amorem. Galeazius  
Ruber inuenta quam diu quæsierat haurien-  
dæ aquæ cochlea præ gaudio infaniuit, atque  
in eo stultitiæ genere sibi foelix videbatur;  
semper enim ridebat. Verum stultorum vitam  
ego foelicem nequaquam dixerim, beatiorē  
tamen illorum qui vulgarem sequuntur mo-  
rem, literisque carent, quàm qui in illis gra-  
uiter laborant, si ad animi tranquillitatem  
spectes. Verum dulcis est fructus sapientiæ;  
multis autem contingit in radicibus semper  
hærere. Quamobrem sapientum naturalium  
optima post diuinos homines vita est, proxi-  
ma illis eorum qui ignari omnium ac sine fa-  
ctu priuatam agunt vitam, pessima illorū qui  
vel laborant vt sciant, vel nescientes ostentare  
se cupiunt. At si ad utilitatem spectes, quæ-  
cunque sapientia præter dæmoniacam utilis  
est. Ergo ad utilitatē eadem ratio totius sapi-  
entiæ est, at partis ad beatitudinem nequaquā. In  
parua enim parte desiderium & labor & æmula-  
tio ac pudor adsunt, quorū omnium expers est,  
qui



qui id sapientiæ genus non attigit. Et cum tamē non omnis sapientia utilis sit, omnis stultitia damnosa est: ignorantia verò non omnis. Nam cum unicuique sapientiæ generi, stultitiæ genus suum opponatur, manifestū est tamen, utili sapientia stultitiā esse inutilem, at verò & in dæmoniaco genere, deterius est stultum esse, quàm sapientem. Quamobrem nec omnis sapientia utilis, nec in utilis omnis ignorantia. Stultitia tamen omnis damnosa est; utilissima verò sapientia est, quæ maximè necessaria, ac gloriosa docet. Post Diuinam igitur, Naturalis: post quam, Humana, quæ Regnum aut Rempublicam gubernare docet, constituenda est. Sed si ad externa bona, mentem solam adhibueris, quis dubitat, hoc Humanæ Sapientiæ genus, esse præstantius? Sed cum tranquillitas, in quadam priuatione solū consistat, pauci veriorē felicitatē amplectantur: Verūm ut video plurimi alia aliis suadent, quæ ipsi nec sponte recipiant. An credis Platonem aut Aristotelem eadem docuisse quæ senserunt: aut iisdem moribus vixisse, quibus libri sui referti sunt? Multi etiam, meliores in consulendo, quàm in agendo sunt, atque hi ingenio præstant, sed voluptate vel timore vincuntur: alij, melius longè viuunt, quàm alios docere sciant, quod in his moderatio sit affectuum, at ingenium nequaquam excellens. Consuetudine igitur, quæ magna humanarum rerum pars constat, se tuentur. Non ergo iidem Sapientes, qui & Sapientiæ Doctores semper. Omnibus verò, cum sapientia conveniat, ac quædam eius etiam partes, non tamen omnia genera ex toto, omnibus, sed alia aliis pro vitæ instituto: atque Beatus ille qui eam partem Sapientiæ adeptus est, quæ cum instituto vitæ, & temporum moribus convenit; quibus hæc tria simul consentiunt, beatissima in suo genere vita contingit: at contrā, infelicitissima omnium, nisi stultorum: Est autem quasi stultitiæ pars, à seipso dissentire moribus ac consilio. Quare, si quis quærat, an plus Fortuna in rebus humanis dominetur an Sapientia; non dubiam habebimus respondendi rationem: nam ad omnia comparata, plus fortuna dominatur, in vno tantum sapientia prævalet: ostensum enim est, quicquid extra Sapientiæ limites unicuique accidit, pro Fortuna computari: hominem autem nullum ex toto Sapientem in vno genere esse posse, in pluribus autem, multò minus: plura ergo, Fortuna quàm Sapientia sibi vindicat. Sed si ad vnum genus tantum referantur euentus: ut gratia exempli, mihi in medicina plus Sapientiæ est quod subiaceret, quàm Fortunæ: ergo Sapientia ob ipsam electionem tantum, fortunā utilior. Neque verò, quamuis aliàs dubitauerimus, difficile est videre, neminem posse ad sapientiæ verticem ascendere. Nam quanquam quæ humani generis est, ad hominem pertineat, ipsa tamen, prorsus etiam est infinita, quando ille verticem obtinuisse dicitur, qui à nullo alio superatur. Moderatio igitur cum Gravitate iuncta, ac Consilium, hominem ad hunc verticem perducunt. In moderatione igitur, & operis & affectus, non solū quædam mediocritas requiritur, sed etiam otium; atque in ipsa operatione, interposita quandoque quies,

ornamentum actioni ipsi & facilitatem præstat, redolentque opera suavitatem actionis, adeò remanent vestigia quæque causarum in rebus ipsis. Est autem nobis mediocritas hæc, necessaria, ob corporis ac animæ vinculum: nam etsi anima sit supremarum substantiarum vltima, & corpus mortalium suprema, ambo tamen in vniuerso rerum genere in medio constare dicuntur. Atque eā causā, quod tam affines sint, hæ partes, maximo amore se inuicem diligunt, nec vlli animanti, tam grauis ob hoc est mors, quàm homini: Eo etiam sit, ut homo præterita simul nollet præterisse, & tamen futura concupiscat; animus enim ut immortalis, quanquam processu temporis ad mortem propius accedat homo, futuræ tamen libertatis desiderio flagrat: ac corpus quicquid præterit temporis, sibi ademptum esse putat. Diuersis igitur feruntur affectibus, ille quidem gloriā, eruditionem, virtutem, supernaque ac Deum amat: cum corpus voluptatem, socordiam, terrestriaque, ac sensibus subiecta diligit: tū verò, somnum, quod quasi arctius sit vinculum; animus, vigiliam operat, ea enim libertati illius proximior videtur, tria sunt ambobus tamen grata, Sanitas, Harmonia, & Pulchritudo: Verum sanitas utrique æqualiter iucunda est, reliqua, animam potius quàm corpus delectant, ob id nec belluis ipsis multum placent, quod virtute, ratione utente, careant: quanto ergo magis belluas omnis sapientiæ expertes esse necesse est, ut quamuis bene valere iucundum illis sit, non tamen id eos delectat, quod sentiant se bene valere: Est verò in nobis etiam imaginandi virtus singularis, ac belluis non eadem, quippe quæ termino nullo claudatur. Diuina etiam potestate, amplius quiddam habet, quod infinitum actu cōprehendat ac fingat, præteritaque, quasi non præterita præponat: ac quod maximū est, contraria simul efficiat: velut cum in somniantibus homo idem sibi videtur duplicatus, atque vnā æger atque etiam sanus. Hoc autem quis non videt, quod oculis etiā accidat, ad sensum potius pertinere? sed tamen hæc potestas quia à diuina parte auxilium sumit, admirabilius ipsa vi intellectus euadit; hoc ergo internum est. Extrinsecus autem pulchritudo tanta homini concessa est, ut omnia superet: nam homo si ætas, sexus, & natura in vnum consenserint, ad eam formæ excellentiam peruenit, ut nihil sub oculis cadat, quod illi sit comparandum. Vnus inter viros refertur Alcibiades, nescio an historici plus æquo illi fauerint, per omnes ætatis gradus summo cum decore transisse. Ergo & illud iure factum est; viuentia enim, nō viuentibus decuit pulchriora esse. Horum autem quæ sensum haberent, reliquis: atque inter hæc denuo ratione prædita formosiora, quam rationis expertia, inter hæc ubi sexus natura & ætas conuenerunt. Rursus totius hominis pulcherrima pars facies est, cuius oculi tanquam duo cœli luminaria illam illustrent, ut omnium quæ in orbe sunt rerum, si quispiam recte consideret, excellentissima ac formosissima sit facies humana. Hanc ergo tantam, seu animi, seu corporis, siue totius nobilitatem: si quis recte consideraret, vitæ id genus amplecteretur, quod tantis privilegiis dignum esset. Verum cum non in agendo solū, sed etiam in optando



grauiter aberremus, Thesei fabulam imitati, qui cum sine consilio, ab auo Neptuneo impetrasset, tria sibi quæ in votis essent perfici, quanquam duobus primis, descensu scilicet ad inferos, & Minotauri cæde, felix videretur: extremo tamen voto, Hippolyti scilicet nece, miserrimam senectutem, orbitate ac scelere fecerant; ut intelligamus quantamcunque potentiam (imò etiam vix vota Deorum) felicitatem parere non posse, si Sapiaientia non adsit. Et si bona quandoque sine Sapiaientia, (quamvis raro) contingant, mala tamen absque stultitia nunquam euenire possunt. Non ergo tam curandum est, ut Sapientes simus, quam ne stultitiâ laboremus: Quod si cui hoc euenierit infortunium, ut apud populum in stultitiâ opinione sit, (non secus ac in oris foetore) vel causâ sublatâ illam extinguat, vel insignis facti ac laudabilis permixtione, obumbret ac superet. Nam plerumque accidit, ut non iidem homines, sint, ac apud populum Sapientes existimentur. Cum enim Sapiens, moribus à populo dissidet, aliâque ex parte infelix est, in his quæ maximè apud populum sunt, in veneratione, pro stulto habetur. Ac non eadem in omnibus prouinciis atque ætatibus probantur, aut damnantur; antiquo tempore, non graue erat furtum, nunc capitis poenâ punitur; nunc adulterum esse nihil est, antiquo tempore & pro flagitio summo, & pro maxima infamia habebatur adulterum esse: vnde Suetonius alium corruptelis adulteris que famosum, nihil amplius quam monuit. Itaque stultum habetur, plerumque quod male cedit. Sed tamen stultum est etiam, etsi Sapienti (ut diximus) pleraque aduersa contingere possint: ergo loci & temporis ratio habenda est: illique sapientissimus creditur, qui medium in moribus, pro ætatis, temporum, regionis, consuetudinis, conditionis que propriæ obtinet, atque in eo manet, illius flatum & auram sequens. Hæ igitur Moderationis partes; Consilij verò, scire quidnam sit eligendum, tum verò illius optima pars, Ratio, quæ & Iudicium à quibusdam appellatur: necessaria igitur non ignoranda, tum etiam quæcunque valde decora, velut Geographia; nam si turpe quasi illis erat peregrinantibus, nescire quo irent, ut Lucanus aiebat dicens:

*Ignotum vobis Arabes venistis in orbem.*

Quanto absurdius, nescire, ubi scimus talia? Ergo attingenda sunt sic, cultus agrorum, rationes metiendi & ponderum, vsusque fori. Multa enim sunt, quæ quamuis exigua videantur, magnam tamen si ea ignoremus iacturam afferre soleant, ac æmulis, tum etiam

plebi, risum. Sunt etiam quædam communia, quæ prouerbiorum loco vsurpantur, vtilia vsu, & si crassâ Mineruâ dicta sint, quale illud, dicam ut potero (nam patrius sermo leporem addit) molendina molunt, casæ cadunt, hypothecæ finiuntur, terra tenet; ut intelligamus tutius pecunias in agrorum emptione collocari. Quædam alia non ad vsu spectant, sed ad iocum, velut quod de Liguribus dici solet, habere mare sine piscibus, montes sine lignis, exercere mercaturam absque pecuniis, latinèque scribere cum nunquam ad ludum literarum profecti fuerint. Horum non eadem quæ in priore sciendi cura esse debet: quandoquidem vita mortalium brevis est, & cum Sapiaentiæ genus necessarium, valde amplum sit, quicquid nugis impenditur, ab illius cognitione detrahitur, & quamuis multa nolentes etiam discamus, meminisse tamen oportet, nihil velocius esse tempore, cuius partem quæ nos fugit assequi nunquam possumus, quæ venit, multò minus effugere. Collocandum est ergo quicquid nobis ipsius concessum est, in luptate firma. *Est autem firma voluptas, quæ præsentium delectationem habet, futurorum indubiam spem, absque præteriti poenitentia.* Sed, cum non nisi his, qui ab initio Sapientes fuerunt, concessum sit, præteritorum non poenitere, sufficiet (quoniam id leuissimum sit in voluptate vel dolore) satisfacisse præsentibus tantum, atque futuris. Ea autem ratio est, ut hoc assequamur, ut quod in Diis optimum est imitemur; est autem in Diis optimum, Nullo indigere, Omnia scire, Diutissime viuere, ac Securitate frui; fortitudo animi & probitas securitas præstant; vnde illud Lucani recte dictum sub Catonis persona.

*Quo me fata trahunt, virtus securæ sequatur.*

Sed si Sapiaentiam Diuinam habueris, nec fortitudine opus erit; at verò reliqua, ut docuimus sunt ipsius Sapiaentiæ absque dubio præmia: Quamobrem omnia in Sapiaentia contineri Theognides recte scripsit, dicens:

*Ὁ βέλους ἐν πάντα συνάλαβ' ἔχει.* id est.

*Nam bene sentiens summam omnium obtinet.*

Est etiam ad illam compendiosus quidam aditus ut in reliquis omnibus mortalium bonis: ut enim intellectus, est aliquis intellectus; & rationis, ratio; sic Sapiaentiæ, sapientiæ, sapientia. De qua & Apponensis, Conciliator dictus meminit: cuius, quia in secundo Epistolarum libro diffuse historiam tractauimus, ne quorundam more eadem diuersis in locis repetamus, ad augendam librorum superuacaneam molem, hic demonstrationem præteribimus.

*Finis Librorum de Sapiaentia.*





# DE SVMMO BONO.

## LIBER.



**Q**UONIAM summum bonum unicuique illud est, quod nec vlla in parte deficitur, & in optima operatione consistit: hominis autem optima operatio est intelligere: propterea summum hominis bonum est in intelligentia, sine defectu alicuius rei. At ergo si bonum summum est id possidere, scireque possidere (nam si nesciamus, id iam defecit: quod ad columnam beatitudinis maximè pertinet) ideo quid sit summum bonum, & si multipliciter dicatur, & quomodo parari possit, scire necessarium est. Iam verò de summo bono, quanquam id optimum sit quod post mortem haberi speramus, sermo non est: quoniam id neque adeò apud plerosque certum est, nec nostri arbitrij est ipsum consequi: & id ubi fas sit consequi totam felicitatem animæ amplectitur. Verùm de eò tantum quod viuentes assequimur, nunc dicere propositum est.

Est igitur primum dubitatio, an omnium sit vnum summum bonum, an per paronymiam dicatur de omnibus, an unicuique suum sit summum bonum? Ergo unicuique suum esse summum bonum, & dici per homonymiam, per absurdum est. Vnum verò esse simpliciter, & secundum eandem rationem dici, Regib. & mendicis, sapientibus & idiotis, flagitiosis & secundum virtutem viuentibus, impossibile est: nam sic vel miseri summo bono frui poterunt, vel soli reges: at reges quidem pauci: summum autem bonum humanum maiori parti, aut saltem pluribus communicari debet. Sic etiam in cæteris animalibus: in viris autem proculdubio vniuersis. Quocirca si pluribus commune esse potest, paucissimi autem eo fruuntur, id aliter contingere non potest nisi quia ipsum adipisci non norunt. Quapropter scientia de summo bono maximè necessaria est. At quoniam diffusè in libris de utilitate capienda ex aduersis tractata est, reliquum est ut hîc compendiosè doceatur: non solum ut promptior paratu sit, sed ut antea actâ de Somniis doctrinam huic negotio pernecessariam esse doceamus. Dubitari igitur potest, an hoc summum bonum in re aut opinione solum consistat, aut in vtrisque. Deinde, an præterita aduersa hominem prohibeant à summo bono possidendo: nam de præsentibus & futurorum expectatione haud dubium esse debet. Rursus qualia sint quæ hominem à summo bono possidendo prohibere possunt: ac etiam quæ maximè ad hanc possessionem conferant: neque enim verisimile est in tanta diuersitate bonorum animi corporis &

fortunæ, in tot generibus actionum, omnia esse necessaria: utpote exercitationem in arte gloriosam, & ocium: & quæ sunt necessaria, omnia ex æquo esse necessaria: sed bona animi atque corporis præcedere: & in ipsis fortunæ bonis potiores amicis esse filios, & honoribus potentiam, atque huiusmodi. Vtrum etiâ summum bonum seni conuenire possit, & mulieri? nam de puero haud dubium est, non posse. Demum, quæ & quanta & quomodo necessaria ad summum bonum parandum, retinendumque. Vnde illa: Mortis expectationem non impedimento esse summo bono. An summum bonum excidere possit nobis? Et rursus, an reparari? An summum bonum in aliena potestate? An sint plura genera summi boni? Quinam fuerint potissimè beati? unde totius operis conclusio.

Duo igitur sunt capita adipiscendi summum bonum: ipsum dignoscere primum, deinde quo adipisci possit intelligere. At summum bonum est in operatione animæ perfecta, sine defectu. Vtrum verò sine defectu vilius rei? certè non: nam sic nemo summi boni compos esset, quandoquidem etiam maximis regibus plura deesse necesse sit: Ergo quinam defectus impediunt summum bonum? an necessariorum tantum? Non: nam si alia superueniant bona, habebit aliquis summo bono quippiam maius: hoc autem esse non potest, ut scilicet summo aliquid in eo genere maius sit: licet enim filios habens beator sit non habente, & probos improbis: unicuique tamen (velut vasi alicui, cum plenum est, tunc summum quod continere potest, adeptum est) suum summum bonum est, cuius est capax: quo fit, ut & seni suum sit summum bonum, cum quæ seni congruunt, adfuerint. Mulieri autem & puero non ita: quoniam non inest sapientia: quæ si adsit, nihilo minus summum bonum poterit adipisci ac consequi quam vir. Seni enim nihil obstat nisi vitæ breuitas: at omnis vita brevis est, ut in libro de Minimis edocuimus. Cætera paria sunt, aut etiam maiora in senè quam iuvene: ut mortis certa expectatio, imbecillitas, ac reliqua. Summum igitur bonum dici debet id, cuius quilibet est pro natura capax: ut enim vas, velut diximus, exactè plenum dicitur, non cum certam mensuram liquoris continuerit, sed cum nil ei deest ad oram: ita summum bonum dicitur, cum quis habet quod natura & per ætatem ei concessum est. Et ut plenum dicimus vas, etiam quum aliquid desit, sed minimum, ad oram vsque: ita etiam si aliquid desit ad summam perfectionem conditionis suæ, nihilo minus, modò exiguum sit quod deest, felix &



Summo bono potiri dici potest, ac etiam meretur. Quæ ergo erunt quæ deesse non oportet? non necessaria solum, non prorsus nihil: sed, ut diximus, ea erunt, quorum ille capax fuerit: non omnia hæc: nam capax ego sum regni, an ergo non beatus nisi Rex fuero: nemo prorsus sic beatus erit: atque eo magis, quod omnes maiorū quam sint capaces se existimant. Quæ igitur deesse non oportet, palam est necessaria esse, non simpliciter, sed ad commodum victum. Iam ergo scimus, in quo summum bonum consistat necessariorum ratione.

Quæ verò efficiunt summum bonum: quoniam in anima id consistit, est scientia possessionis eius: possessio autem aut est in virtute, aut in scientia. De scientia & experimentum docet, & exemplum: nam Dij qui summum bonum possident, sapientissimi sunt. Discendo quoque cum summam capiamus voluptatem, indicium est, in scientia summum bonum consistere. At de virtute maior est dubitatio: recteque fecisset Aristoteles, si paradoxum hoc evidentius demonstrasset, quod etiam & ipse & qui eum secuti sunt parum observauerunt. Namque virtutum operationes non solum felicitatem parere non videntur, sed omnes ferme nos contristant: continentia, patientia, fortitudo, mansuetudo, misericordia, liberalitas. Prudentiæ etiam habitus nos reddit sollicitos, licet opus ipsum commodum possit sit. At contra voluptates omnes in vitiis repositæ sunt: concubitus, lautæ comestiones, vindicta, rapina, dolus, inertia, atque flagitiosa denique vita tota, alea, ebrietas: & quanto nequiora, eò iucundiora.

Itaque summum bonum in sapientia collocaverim, & ut nil desit commodi: optarim autem, & secundum virtutem hominem vivere, saltem ob eam quæ post obitum felicitatem expectatur. Atque sic iam habemus alterum membrum ac principale summi boni, scilicet sapientiam.

Sed qualis sapientiæ rerum aut nobiliorum, aut certiorum, aut utilium. Nobiliorum quidem, Dei, Mundi, Vitæ, originis Animæ, Dæmonum, certiorum, hæc sunt Mathematicæ: utilium, naturalium, & ornatus dicendi, dialecticæ. Quamobrem magna stulticia laborant perlegendis his libris, qui nil horum continent: eripiuntque nobis charissimam omnium rem, tempus scilicet. Dum etiam illud iactant, nullum esse librum tam malum qui non aliquid boni contineat. At cur ergo nucem asse non emit? hoc tam stultum putat, perdere assem, cum quadrante decem nuces emere liceat: & tamen nux aliquid est boni: & non summam dementiam esse putas, perdere octo dies in lectione inutilis libri? At qui sint libri utiles, aut de rebus altissimis, aut certis, aliàs diligentissime docuimus.

Nunc verò illud consideremus, in quo felicitas optima consistat: an in rebus, an in opinione, an in utroque? Siquidem in rebus ipsis, homo summum bonum possidere poterit, nec scire se possidere: itaque non in solis rebus consistit. Si verò in sola opinione, stulti ac miseri summo bono frui poterunt: quod absurdissimum est: relinquitur igitur, summum bonum consistere in rerum optimarum possessione, & opinione recta.

Porro opinio hæc triplex esse potest: aut ut arbitremur habere, quod habemus, tanquam necessarium: aut non habere, nec esse necessarium, nec esse: aut esse utile: nam existimare se habere quod non habemus, aut non esse necessarium quod necessarium est, non est summi boni, sed amentię non mediocris pars. Ergo existimare necessarium esse quod est, & non necessarium quod non est, ad summum bonum facilius consequendum conducit. Quod verò utile est, bonum est existimare non esse necessarium, esse tamen utile: velut, qui vas plenum habet, non tamen usque ad marginem, si etiam curauerit æquare, recte fecerit, & si neglexerit: ita de utilibus, non autem necessariis dicendum erit.

Porro necessaria ut cognoscamus, non alia ratione fieri potest, quam si illorum genera constituamus, & magnitudinem: veluti genera sunt certè, sapientia, incolumitas, opes, ac libertas: reliqua omnia, præter filios, non nisi ad usum, & ob ipsum conducunt: honores dico, gloria, magistratus, amici. Nam huiusmodi non necessaria sunt: & si eis non indigeas, inutilia, & etiam graua. Quamobrem & Aristoteles, qui adeo amicitie fauit, paucorum admodum esse vult: nostra autem ætate præstiterit forsan nullius: quandoquidem hoc vnum illud omnes considerant, amorem amanti inutilem esse.

Sed neque familiares, neque coniunctos habere bonum est, nisi pro ratione opum. Quatuor igitur illa sufficiunt.

De filiis autem dubitatio magna est: nam seu animus sit immortalis, seu communis aliquando omnium hominum interitus, filios non habere aut melius erit, aut summum bonum non impediet: at si animi interirent, generatio verò animantium æterna esset, ei qui suscipere potest filiorum generatio inter necessaria numeranda erit: nam filij ob id suscipiuntur, ut quod mortale est, per propagationem reddatur immortale: sed si animus est immortalis, non indigemus, cum simus nos ipsi nobis superstites: sin autem generatio aliquando tota extinguitur, frustra quærimus quod haberi non potest. Itaque meo iudicio, ne nimis non premamur, inter utilia tantum reponi debet.

Quantitas verò sapientiæ definienda non est: sed quanto maior fuerit, eò capacius fiet vas illud summi boni: reliquis modus imponendus est. Verum libertas modo opus non habet: perfecta enim esse debet incolumitas tanta, ut neque aduersa valetudine vita breuior reddatur, nec incommodè ad negocia peragenda se habeat. In opibus solum quæritur hæc mediocritas. Aristoteles sic metitur, ut se & ancillam alere queat. Diximus autem de hoc suo loco, nempe in libris De utilitate capienda ex aduersis.

Reliquum est, ut agamus de impedimentis summi boni: quandoquidem summum bonum in scientia possessionis eius consistat. Sunt autem duo quæ maximè obstant, ne adipiscamur: non dicam, quæ adeptum euertant: neque enim hoc adeo tam facile est. Siquidem quæ prohibent adipisci, sunt, inconsulta ratio viuendi atque loquendi, & non satiari bonis: vno enim impedimur, ne parare possimus necessaria.



cessaria beatitudini: altero, ut etiam partis uti non liceat. Quocirca deterius hoc est primo, cum utriusque periculo, qui hoc vitio laborat, obiciatur. Ergo qui iam adepti sunt summum bonum, his ut iis carent: & si carent, non facile amittunt, nisi fortuna aut casu. Principio igitur summa diligentia uti decet, ut sub tyrannis non vivamus: nam nulla felicitas, nulla sapientia tanta esse potest, quæ summum bonum nobis præstet, ubi iusticia non colitur habitantibus.

Duæ enim virtutes maximè faciunt ad bene beatèque vivendum: priuata vna, prudentia scilicet: altera publica, siquidem iusticia. Ergo qui hanc curam neglexerit, is operam (ut dici solet) atque oleum perdet. Sunt autem multa genera tyrannidis & regni, de quibus loqui præsentis non est instituti.

Patria inuenta optima, obfirmabis animum ad fortuita, & ad moderationem, ne vel repentino aduentu frangaris, vel nunquam contentus viuas: itaque imponere modum omnibus decet. Et id cogites, quod si mortem aliquando perferre cogeris, multo facilius alia minora pati decet. Inde in victu parcus & diligens, & rei simul & valetudini consules. Cauebis verò ab ignotis, ab inimicis etiam reconciliatis, ab improbis, mendacibus, luforibus, vanis, inconstantibus, qui nulla arte viuunt, quæve mendici sunt. Et secundum loci mores viues. Id tecum etiam reputa, nemini esse curam recti aut æqui, vel fidei vel amoris: verba omnia simulata, ficta, & ad fraudem detorta: quanto blandiora, tanto magis metuendum: homines omnes in suo commodo felicitatem reposuisse: aliquot etiam in alieno incommodo: amicitiam constare utilitate communi: reliqua omnia esse inania, præter impudicitiam, quæ & ipsa locum inuenit: qua tamen exacta, gratia etiam perit.

Cum verò aduersa fortuna premeris, noli pugnare acriter: saepe enim nauigantes aduersis ventis, etsi eos superent, submerguntur. Multo minus iratus verbis contendes: hoc enim prorsus leuis hominis est, & magnorum malorum causa, boni nullius.

Coniecturis ages, & somnia expendes: eaque ratione quæ in priore libro dicta est, vteris. His in casibus nil nisi consultò agere meditare singula verba: cum his qui inimici non sunt, blandis vteris verbis: cum inimicis autem si loqui cogaris, puris, sed ambiguis, quæ tamen à minis omnino absint. Ventosi enim hominis est minari, nec lædere: stulti autem minari, cum velis lædere, si per minas ille se tueri possit: quanto stultius, cum etiam offendere? Pati oportet: & tum Epicteti illud maxime conducit: Patere & abstinere. Vide etiam cum quibus rem habeas, quæ tempora, quæ regio, quæ aliis eueniant. Absurdum est, procul exemplum petere, quod tibi propius est:

*Multos alterna reuifens*

*Lusit, & in solido rursus fortuna locavit.*

Iam verò videamus, an præterita infelicitates, quæ non manent, euertere possint summum bonum, aut prohibere: velut mors vnicui filij, amputata manus iudicio publico: quorum malorum vestigia extant: nam de his quæ nihil relinquunt, non est dubium: quinimo creditum est, etiam augere felicitatis opinionem.

Itaque de his sic statuendum est: quod quæ aliquid de necessariis minuunt, ut manus amputata, & totius patrimonij amissio, prohibent summum bonum: quæ verò de filiis dicuntur, si spes stirpis auferatur, tollunt summum bonum, si filij inter necessarias partes connumerentur: si non auferatur de summa plenitudine, & ad marginem usque aliquid auferunt, non tamen summum bonum prohibent retinere aut adipisci: præsertim in excellenti virtute. Ergo in bonis ipsis ordinem constituere decet: ut primum vitam præponamus, inde vnicui filium, inde corporis incolumitatem, post libertatem, inde patrimonium vniuersum, post filij salutem, vnius de pluribus: nam honores, gloria, gratia, omniaque huiusmodi, facilius reparantur.

Vitia verò, quæ obsunt post illa duæ: & virtutes, quæ profunt ad possidendum beatitudinem, hæc sunt: stulticia, vanitas, ira, garrulitas, prodigenteria, simplicitas, inertia summa, timor, & immensa cupiditates, ac voluptatum desideria: atque hæc tria præcipue summo bono, etiam si nil desit, frui prohibent. At quæ iuvant, sunt: continentia, prudentia, efficacia, parcitas, grauitas, fortitudo.

Quomodo verò quis ferat mortis expectationem, nec summum bonum amittat, nunc est considerandum. Videtur enim graue, mori necesse esse, & felicem vivere talia meditantem. Verum, ut dixi, summum hoc bonum, hominis summum est bonum, velut formica magna, non simpliciter bonum: nam si nihil superesset, nihil est bonum: si autem superest anima, in illius successu bonum omne ac malum repositum est. Bonum ergo hoc summum est, velut lusus puerilis, exiguus, brevis, inconstans, impurus atque imperfectus. Et tamen summum est bonorum humanorum. At dices: Huiusmodi bonum summum minus est alterius non summo bono. Verum est: sed quoniam capacitatem illius non explet, nec summum est, nec etiam felicem magis reddit illum: sed velut vitrea vasa, si arca contineantur, ita ut nil desit, nilque vacui relinquatur, tutò deferuntur: si non expleantur, franguntur: in minore etiam idem accidit: ita vnicuiusque summum suum bonum, felicem illum reddit, etiam si paruum sit.

Maxima ergo pars summi boni est, non torqueri aduersis. Et si quis iniuriam passus sit, & non discrucietur, summo bono potiri potest: at cum dedecus & infamiam cogitat, potest exire, libertatis partem amisit: ideo nec summo bono potitur.

Sapientiam discere ad summum bonum pertinet, libros scribere minimè: itaque quadam non faciunt ad summi boni possessionem: ut gloria, decus, honor, forsitan & filij: quæ tamen amissa impediunt. Scribere libros magnus est labor: non quicquam adiicit ad ea quæ summi boni sunt partes, nisi quis nouam inuenierit sapientiam. At legere ac scire, ad summum bonum conducunt: imò ipsum scire, ut dixi, præcipua pars est summi boni.

Viranda ergo sunt causæ dedecoris, ne libertatem amittamus. Quod si in illud incidimus, aut ferendum constanti animo, aut abundum in aliam regionem: quod multos fecisse vidi. Vitandi labores superflui: expensæ magnæ,



magnæ, & causæ inopiæ, & impedimenta sapientiæ.

Videretur autem absurdum, summum bonum excidere posse in nobis, si quicquam in nobis aliud perpetuum esset. Verum cum cuncta non solum caduca, sed etiam brevis temporis esse videamus, haud mirari debemus, & hoc ipsum quod natura sua perpetuum est, ac quasi perfectum, excidere: ob id errarunt plerique philosophi, maximè Stoici, non ad hominis, sed solum rei naturam respicientes: qui dixerunt, felicitatem esse constantem, & ob id eam in virtute sola collocarunt: ita ex vno falso supposito multa absurda euenerunt. Sed non est ita: nam nec summum bonum, ut dixi, in ipsa virtute: multo minus sola, collocatum est: & si esset, morte etiam abrupteretur: & nobis etiam uiuentibus, dum ex virtutibus, quod homini familiare est, ad vitia prolabimur.

Quo fit, ut si excidere possit, possit & reparari: ea enim est natura rerum, ut quæ excidere possint, & possint reparari, modò subiecta res maneat. Non facile, ut nec alia, in senibus huiusmodi reparantur: ut si obliuionem aut morbum quis euadat infelix: at si amisso patrimonio, vel libertate, quid prohibet? Sed neque exilium tollit summum bonum, sed solum illud absolutissimum, quodque ad marginis limbum peruenire deberet. Minusque quàm mors filij: siquidem minus graue est, & in integrum restitui potest. Cauenda est enim diligenter in his qui summum bonum (ut nos, & rectè) in sapientia, cui commodi nihil desit, constituunt, ne in aliquo irreparabile malum quod summo bono obstat, tamen si minus sit, incidant. Vnde melius est in exilium mitti, quàm digito manus priuari, aut debilitari oculo, aut claudum fieri. In exilio enim solum est læsio libertatis, ac diminutio, non ablatio: & restitui potest homo, & interim spe alitur, quæ omnes miseros sustentare solet. At si vincula & periculum mortis iungantur, ut etiam labor, velut triremis: tunc debilitari crure minus malum est, aut etiam oculo, quàm sic damnari, propter mortis periculum.

An verò mors sit summum malum, atque oppositum summo bono, considerandum est. Ergo mors ipsa cum sit vltimum terribilium, teste Aristotele, summum erit homini malorum. Mortuum autem esse summum aufert bonum, & prorsus: sed & omnia mala, ipsumque mori. Ergo mori summum est malorum, præsertim his qui (ut nos) de summo bono rectè sentiunt: mortuum autem esse, omnino indifferens, neque bonum neque malum. Itaque & mortis dilectissimorum recordatio dolore nos afficit, & meritò: at quòd iam obierint, discruciare non debet: quandoquidem à summo malo iam liberi, scilicet morte, atque illius formidine, quod tam magnum est ut agrè tueri possimus dari in hac vita summum bonum. Ob hæc, si summum bonum ad mortis tempus referatur, eiusque memoriam, in illis erit aliis in rebus quæ eam memoriam tollunt collocandum: quod & plerique faciunt mortales: sed hoc non est summo bono frui, sed malum malo, & forsan etià deteriore trudere.

Vnde difficillimæ quæstionis solutio emergit. Dicet enim quispiam: Purpurati & pro-

curæ, ducesque, qui plus habent quàm quod commodum sit, nonne beati sunt, & magis quàm in mediocri fortuna? vel ergo aliquid maius est summo bono, vel illi non sunt beatiores quàm in priuato statu. Cur ergo tanto impetu ad potentiam & opes & gloriam feruntur, ut vitam periculo non semel exponant, obliuiscanturque Deorum, recti, amicorum: ac quod maius pluribus videtur, his voluptatibus scilicet, & propria salute? Et vulgus etiam eos suspicit, & beatos esse affirmat.

Dicimus ergo, esse in summo bono idem quod & in cæteris rebus mortalium. Optimus cibus beneuolentibus, panis & caro: potus, haud dubiè vinum: ægris tamen nihil horum, sed aqua pro vino, pitana pro pane & carne danda est: ita his qui mortis aduentum timet, & qui cupiditatibus vexantur, nulla est via ad summum bonum possidendum, ut diximus. Quare ipsa mortalibus admirabilia, potentia, gloria, gloria, honores, opes, pro medicamento faucibus sunt: tametsi cum dolore, tristitia, metu, periculo, vitæque iactura sunt. Simili enim modo qui scabie graui laborant, solatiū scalpendo & cutem vnguibus laniando recipiunt, nulli tamen sano hoc iucundum est, nec simpliciter inter bona & voluptates hoc numeratur ab aliquo rationis compote, imò ne ab ipsis quidem ægris, sed necessitatem omnium dominam solum excusant. Ut verò his melius tamen est scalpi, & cutem proscindere, quàm prorsus disrumpi, quod in tam leui (ut videtur) affectu summum malum sit, adeò ut tyranni regesque Persarum, quos oderant maximè, omisso gladiis, rotis, palis, ignibus, melle oblitos & nudos in Sole muscis exponerent, ut sic grauius perirent: sic huiusmodi homines suis immoderatis in cupiditatibus exerceri permittere oportet, non quòd sic agendo summum bonum possideant, sed quòd à summo tantum malo, scilicet irritis cupiditatibus liberentur. Cæterum rectè consideranti, hi homines nequaquam sibi, sed aliorum votis viuunt: & quanto celebrior fuerint, & maioribus in dignitatibus constituti, præsidēs prouinciarum, Senatus, Quæstores, atque etià Reges ipsi. Quòd si modò quid blandum excogitari possit, est spes potentiae successorum: quæ quàm fallax sit, quàm parum (etià si bene cedat) compenset tot labores, molestias, curas, pericula, metus, atque iniurias in Deos, facile quisque intelligit: non est ergo huiusmodi hominibus beata vita in his, sed miserrima, si cessare cogantur.

An verò summum bonum in aliena sit potestate, præstandi quidem, vix vnquam tollendi, nemo dubitare debet: quandoquidem in illa mera virtute, ut Philosophi antiqui, illud non reposuerimus: nam nec res ita se habet, nec experimentum suffragatur: stultumque existimamus, in mortali re immortale aliquid comminisci velle: habeat hoc anima vinculis soluta corporeis: dum detinetur, mortale illi sufficiat bonum. Magnis casibus itaque concidere solet: at rarò: quod frequens est, ob immoderatos amores rerum caducarum: ob id, qui summo bono potiri cupit, studeat nil plus amare quàm præstare, sed minus potius quàm debere: id enim vtilius est.

Verum verò summi boni humani seu beate vitæ



vita sint plura genera, considerandum est. Videntur sane, ut dixi, vera summa bona in eisdem consistere, pro ratione personarum. Quæ autem non sunt verè summa bona, & quæ parum aut multum deficiunt, varia habent genera: ut adulterina in omnibus rebus. At sutorum, fabrorum, studioforum, nobilium, differunt beatæ vitæ, non quidem genere ipso, sed magnitudine, quandoquidem in illis quatuor aut quinque rebus, quas diximus, sint constitutæ.

Beati ergo fuere plerique philosophi, ac ferme omnes præter Diagoram, ob pietatem: ac Epicurum, ob eandem causam: Diogenemque ob nimiam paupertatem: Anaxarchum, pauculosque alios. Xenophilus musicus, & Aglaus Psophidius; Gorgias quoque Leontinus, Antonius, Castor, Euhippus Argiuorum rex: nec defunt singulis temporibus multi in ea conditione.

Sed ediuerso vnum sufficiat exemplum alienæ, sed quam pluris homines faciunt, infelicitatis. Franciscus Buffalus Romanus ciuis, duos filios vidit ob seditionem securi percussos: duos alios, qui se mutuis vulneribus conficiebant: alium, qui nouercam occidit: filiam, quæ præsentem marito venenum sumpsit: hæ sunt scenæ mortalium, & calamitates maximæ: quas tamen si quis eo iudicio secum reputet, dicens: Nudus in hunc mundum veni, quicquid habeo pro lucro est, precario id accepi, omnia sum relicturus: æquo animo cuncta feret ac tolerabit. Phratrios in hoc negotio libenter adnumerarem, si qui sponte adierint: his enim necessaria non defunt, studiis operam dant: libertatem habent, sed non absolutam: plurimi grauius premuntur.

Cæterum illud consideratione diligenti indiget, an exercitatio in arte, utpote medendi, vel causas tuendi, vel alia huiusmodi, ad summum bonum conferat, an illi repugnet. Vi-

dentur enim aliqui ex ocio torqueri, alij ob nimios labores: alij feliciores esse ob lucrum & gloriam. Verum omnia hæc ad summum bonum, in eo qui iam commoda consecutus est, nihil pertinent: atque ita est. Nisi enim filios habueris, aut fratrum vel sororum germanarum filios, nihil profunt hæc curæ, sed pro deliciis, & exercitatione diurna habendæ sunt: secus verò, graues & molestæ. At si filij adsint, alterum genus summi boni exsurgit, vel si filij fratrum scilicet, ut illi possint commodè viuere. Id autem quomodo, iam superius dictum est. In vniuersum ergo si felicitas, beata vita, summum bonum in habundo consistit, quod optimum est, & ut non desint commoda (omitto modò quæ de libertate & incolumitate dixi: optimum autem est scientia, eaque sola vix auelli à nobis possit: ut sit nobilissimum non solum, sed etiam securissimum eorum quæ optari possunt) manifestum est, omnium aliarum rerum curam & amorem deponere oportere, aut maxima ex parte imminuere, eum qui optimum bonum possidere velit. Itaque hoc summum bonum consistit in sapientia, & summo illius amore: tum libertate, incolumitate, & commodis: eademque in his qui ad perpetuitatem attinent, scilicet filiis, fratrumque vel sororum filiis: & ut nihil aliud ita ames, ut si pereat, tibi lugendum sit, aut dolendum. Quæ autem maximos æstus leuant, etiam luctus, sed præsertim amoris, sunt, concubitus vsque ad virium defectionem: sunt enim ex eodem fonte, & hauriunt, vnde ignes: & sanguinis similiter ad deliquium animi euacuationes, & dolores atque labores magni, & per vim tolerati: & longa rerum obliuia, velut per ea quæ omnem sensum obtundunt: & ludus, præsertim latrunculorum, quamvis alioqui malus: & cogitatio eius æqualitatis quæ est post mortem, maximum hac in causa auxilium affert.

FINIS.





# DE CONSOLATIONE LIBRI TRES.

## PROEMLIVM AD LECTOREM.



TATVERAM ab initio, hunc librum alicui amicorum dedicare: sed venit in mentem, quod argumento rei protinus eum ipsum, cui dedicassem, offensurus videbar: namque illud naturâ omnibus insitum mortalibus videtur, ut se miseres quàm sint, existiment, foeliciores verò videri cupiant: Quapropter diuites, opes suas; Reges, potentiam; milites, robur ostentant; eruditi, nugae suas, etiam audire nolentibus effutunt. tam magnum studium hominibus est, tales velle apud homines videri, quales minimè sint; inde è diuerso, vitia & turpitudinem suam, suorumque omni occulunt industria: tecto-que igne, tormentum maius ob inanem hanc gloriam tolerant. Quid igitur si cuiquam libros hos dedicassem? nonne, tanquam ad illius medendam egregiam aliquam calamitatem inscripti, aut potius destinati viderentur? Absit igitur ut tam compendiosâ operâ quenquam offendam: alios verò, si non hæc ratio moueat, omen ipsum tituli, & rei series perterrebit: tanquam ad eum missus hic liber videatur; qui quamvis foelix nunc sit infœlix euasurus. tantum, omnes, quod ridiculum est, sapiunt! At ego magis illis insanirem, si hanc illorum superstitionem, aut dissimulare viderer, aut corrigere tentarem. Sit igitur hic liber, nullius nomini addictus: sed ex libro, liber euadat. Fuerat autem ab initio eius nomen, Accusatoris, ut qui vanos hominum affectus, atque falsas argueret persuasiones: at post, mutato nomine, & in tres libellos diuiso, de Consolatione, eum inscripsimus, quod longè magis, Infœlices consolatione, quàm Fortunati reprehensione indigere viderentur. Verùm quovis modo titulum eius appellaueris, seu de Consolatione, seu Accusatorem, res ipsa pertractata, à nomine suo non abhorrebit. Vale.





# DE CONSOLATIONE

## LIBER PRIMVS.

**V**INAM ex tot tantisque veterum monumentis, quæ barbarorum bellis interierunt, saltem libri Tullij de consolatione in morte filiarum seruati essent. Cum enim, propè Diuinus ille homo in singulis causis perorandis esset; maius tamen aliquid in eo genere excogitasse putandum est, quod neque à vulgari, nec ficta, aut aliena re, sed à naturali affectu, ingentique animi perturbatione proficisceretur. Ea verò consolationis ratio est, ut quanquam nullis argumentis muniatur, nullaque facundia ornatur, ex se tamen, locupletissimam materiam suggerat: in quam cum tanti ingenij ac eloquentiæ vir, tantoque spiritu incidisset, præclarum ac super humanam omnem expectationem, opus elaborasse credendum est. Verum, quanquam huius præsidio destituti, res ipsa tamen aggredienda erit: non solum quod adeo sit laudabilis, ut malè laudari non possit; sed, quod etiam tam necessaria, (ut quemadmodum in cæteris, quibus carere non possumus) præstat qualemcumque habere, quam non omnino habere: etenim ædes, quoniam sint necessariae, qui lapideas habere non potest, luteas possidebit, at qui & his caret, tabulatas: quarum si nec copia vlla sit, iunceas, aut speculuncas inhabitabit: ita omnino in his, pessimam melius est habere, quam nullam. Hoc verò consolandi munus, tam est necessarium, ut neminem effugiat: quamuis enim satis compertum sit, nullum hominem vndequaque foelicem inuentum fuisse: si tamen à mortalibus omnes auferrentur calamitates, mortis nunquam molestia, ac metus cuiquam defuturus est: At vide quot & quanta nobis præter eam relicta sint mala; nisi repulsa erroris nebulâ, veritatem ipsam, ac cum ea doloris lenimentum amplectantur, habet enim hæc reliquis necessitatibus, maius aliquid: quod cum reliquæ, adhibitâ re quæ quærebatur, conquiescant, ut fames, cibo; sitis, potu, labor, quiete: sola malorum memoria adeo tenax, adeoque multiplex est, ut nisi rectâ ratione sederetur, hominem nunquam derelinquat, nunquamque destituat: sed ex vno in alium mentis æstus transiens, perpetuam quandam vicissitudinem, modò malorum, modò miseriarum pariat. Quod si non ex voto nostro cuiquam persuadere quantum debeat licuerit, ut deposita tam ingenti animi anxietate, ad tranquilliorē vitam se conuertat: nobis ipsis tamen non parum, (propter quos hanc instituiamus orationem præcipue) satisfaciemus: atque eâ causâ, [ut olim Asclepio-

Tom. I

dorus fertur non ineleganter absque coloribus pinxisse] sic nobis continget, ut nudam, & absque fūco veritatem ostendentibus, quantum quisque erret in Vita, in Consilio, in Existimatione, atque in Voluntate, intelligat, agnoscatque quædam, (etiāsi non elaborentur) tam foeliciter à natura ipsa instituta, ut se ipsa probent: Quod genus, tum in his quæ de nostra instabilitate, ac vita fragili, & vana gloria, tum in eis quæ de rerum natura scribuntur, locupletissimum semper fuit: etenim in his omnibus, quantum sermonis elegantia voluptatis affert, & iucunditatis, tantum sinceritati & fidei, persæpe detrahare solet: Marmoreas columnas, & peristilia porphyretica, & alabastrum vasa, pingere quis velit: cum nuda, vel simplici ornamento, dignitatem operi addant: crustacea & cementitios parietes, pingimus & ornamus: ut quod naturæ deerat, ars suppleret. Neque verò nobis tam magnum negotium, ut ab initio putabamus relictum est: cum enim molestiarum, & curarum genera, prorsus plura viderentur, quàm quæ breui compendio transigi possent, mente diligentius adhibita, cognouimus, plurima ex illis, medicinâ non indigere, quod ea sibi sponte homines accersant, qualia quidem, quæ ob animi præstantiam, primò à multis voluntariè perferuntur, ut M. Attilij Regulij, viri Romani apud Carthaginienses pœna: quis enim talem hominem, etiāsi viuat, consoletur? quem non filiorum pietas, precesque affinium, properantem à Roma ad cruciatum, retinere potuerunt. Tales fuere ingentes martyrum spiritus, Pauli, Georgij, Laurentij, Catharinæ, aliorumque penè innumerabilium. Alia etiam sunt laborum genera grata: quæ etiam, imbelles non fastidiunt, ob iunctam aut gratiam aut præmium. Sic Regibus quidam ultro seruiunt, alij amantibus, alij studiis, alij negotiationi, alij magistratum gerunt: tantum verò abest, ut in his ærumnis discrucientur, ut etiam inde amoti, plurimum doleant: Aliis, sola spes, volutarios edulcat labores: ut qui in eremo solitarij, in urbibus continenter, in claustris religiosè viuunt, summamque exercent non tantum in orando & abstinendo, sed & in paren-do, patientiam: quorum aliquib. si dicas, cuius gratia id agant: respōdebunt: propter inexplabilem post obitum foelicitatem. Sunt & qui grauiora mala, ob suauitatem, sibi (ut putant) admixtam, libentius ferant: velut rustici, qui sub æstu canis, ad tibiā saltant, quanquā & Sole, & sudoribus, & labore premantur: sic alij, frigentibus pedibus, aleā decertant, & licet frigus vrat, vincit tamen dolorem luxuria: DD d longè



longè etiam maiore versantur incommodo, qui furtiuam Venerem cum capitis periculo sollicitant, & tamen omnia patiuntur, ut omnia agant. Alia etiam sunt, quæ, quamuis mala videantur, vel ob necessitatem naturæ, ut senectus; vel ob comparationem, ut fuga è carceribus; æquiore animo feruntur: quæ enim tantum, antè quàm adessent, considerata erant, cum venerunt, ingrata esse non debent: Igitur si de his omnibus dicere voluero: ultra id, quod fructum nullum pariam, tedium etiam atque molestiam addam: melius itaque est, de eis solum dicere, quæ homines, tanquam mala, & fugiunt, & damnant: In eis tamen, quædam etiam ex prædictis, admiscere solent, quod non omnibus ex æquo, iucunda eadem sint, aut tristitia. Præcipua tamen inter hæc, senectus esse videtur, quæ quanquam calamitas non sit, & (qualiscunque), vocari possit munus, naturæ optatum; inuiti tamen plurimi eam ferunt: vnde etiam Ciceronem de ea scripsisse curiosius videmus: ut verò ipsa se habeat, & quamuis vere inter mala numerari non possit, à nobis tamen non prætermittetur.

Sunt itaque eorum quæ mala putamus, in vniuersum genera tria: Communium, & Propriorum Simplicium, ac Propriorum sed Multiplicium. Communia quidem appellare solemus mala, famem, pestem, euerfionem patriæ, atque eiusmodi conturbationes, quæ omnibus notis nobis, aut maxima ex parte, accidere solent. Propriorum autem Simpliciumque infortuniorum, duo sunt genera, alterum quidem Vituperabile, ut si latro doleat, quod iugulandi quempiam occasio prærepta sit; aut etiam Turpium, velut Viri fletus apud Papinium: reliquum Honestum, & minime vituperatione magna dignum; ut casus domus, filiorum mors. Propria verò atque Composita mala sunt; cum plura infortunia simul hominem exagitant, quemadmodum de Iob sacra scripta commemorat: cui filij mortui, greges armentorum direpti, domus euerfa, ipse vlcerè fœdo percussus: sunt enim qui contendant, hominem, quanquam ad vnum calamitatis genus sufficiat, tot tamen, tantæque mala, simul ferre non posse. De Propriis igitur atque Simplicibus generaliter primò dicendum erit, tum verò de his quæ ad luctum, mortemque pertinent, seu propriam, seu necessariorum, in secundo libro, vltimo verò de cruciatu, seruitute, carcere, exilio, iniuriis, senectute, paupertate, de malis pluribus æceruatis, deque communibus dicemus.

Hic igitur à propriis auspicemur, ostendentes, nihil omnino interesse ad bene, beatèque viuendum; quam quisque fortunam subeat: sed omnem felicitatis fructum, quemadmodum Plato ait, in virtute esse, & ut Poëta dicebat.

*Nol conficere sibi, nulla pallefcere culpa.*

Verum ex initio mihi cogitanti, plura occurrunt, quorum vel vnum si diligenter inspexeris, videbis quàm frustra quisque in aduersis torqueatur, atque (ut primò dicam) quàm inanis sit hæc vita, quàm brevis, quàm turbida, quàm fugilis; quæ si ob miseriam deslenda est, tota deslenda est, ac Heracli-

ti more perpetuo lugenda, etenim ut ait Palladas,

*Δακρυχέων ἡρόμην, καὶ δακρύσας ἀποδνήσκω.*

*Δάκρυσι δ' ἐν πολλοῖς τὸν βίον ἄσπονδον.*

*Ὁ ἦρως ἀνδρώπων πολυδάκρυτον, ἀδενέες οἴκα-  
τρεδν,*

*Συρόμενον μὲν γῆς καὶ δαλυρόμενον.* id est,

*Lachrymans natus sum, & lachrymans morior. Inueni autem vitam totam in multis lachrymis. O genus hominum lachrymabile, infirmum, miserabile tractum super terram & dissolutum. At si quandoque finis faciendus est, semper est faciendus: aut enim semper deploranda, aut numquam. Quid enim inter cetera miserius esse potest, quàm cum è lecto surgis, nescire an iterum possis recumbere? cum recumbis, an iterum surgere? dentum, tot laboribus, periculis, curisque esse expositum, tam imbelli corpore, tam enerui robore, tam incertâ vitâ, ut equidem non melius, ac pro rei qualitate, ab vllis gentibus homo nuncupetur, quàm ab Hispanis: hi eum, Vmbra sua lingua vocant: quod certè nihil aut tenuius, aut incertius vitâ hominum sit: nihilque vmbra ipsi similis: & ut sæpe mecum reputo (si admodum opinio hæc Christianæ legi non aduersaretur) dicere aude-rem, malorum dæmonum animas, in hominum corpora transeuntes, sceleris pœnas hic dare: ut non alius esset à morte cruciatus expectandus, tantus est miseriarum nostrarum cumulus, ut nonnisi improbis, vel ab improbo Deo, vitâ hæc decetnî possit. At cum verè rem ipsam intueor, vulgarèque ac falsam hanc opinionem relinquo; neque hac in vitâ bonum, aut malum vllum cernere possum, sapientèsque reor Scepticos illos Philosophos fuisse, qui omnia, sola opinione constare putabant. Enimverò qui Mos, quæ Lex, quæ Opinio, tam certa est, quæ careat aduersantibus? Non tantum sibi inuicem, mihi crede, contradicerent Philosophi: si res ipsa de quibus concertant, extra hominum opinionem essent; quis enim nisi amens, nigrum olorem, candidum dicat coruum? cum sensu res ipsa deprehendatur: at de bonorum finibus, ac malorum, Deus, quanta verba, quantæ contentiones, quot opiniones existunt? cæci, festucam quærunt: Quonam pacto rogo non dissentient inter se; cum res ipsa, à seipsâ, tum ab ipsis, aperte dissentiat; utpote quæ nusquam sit, atque ut mihi in mentem venit; apposite fabulam à poëta antiquissimo confictam fuisse arbitror; quæ vitam humanam pulchrè doceret; Fertur enim, cum Iupiter vniuersa quæ in orbe sunt fabricasset, cœlum, terras, maria, tum beluas, atque hominès, diligenter animaduertisse, futurum esse, ut nisi hominum vitam suppliciis & præmiis pensaret, fore non solum, ut homines ad omne genus flagitij impellerentur, verum & ut Deos contempnerent: ea de causâ, Vulcanum iussisse, ut duo vasa ærea fabricaret, in quorum altero bona, in reliquo mala conclusit: fecit verò ea pennata, ut ad mortales pro suis quisque meritistransmitti possent: at Pandora Diua, cum esset admodum cupida visendi dolia, reueratis operculis, cuncta mala, bonaque euolare permisit: bonaque per cœlos, mala autem vsque*



in Tartara descenderunt: sola autem Spes, in malorum; & Suspicio, in bonorum doliis velut illorum alimenta mansere: (nec enim viux erant, nedum vt alatae forent) quod cum rescisset Iupiter, (vt est Deorum maxime iracundus,) vasa ipsa inania in terras deiecit: accurrere autem mortales omnes, ob nouitatis studium; vacua vasa amplexantes, illi bonorum, alij verò malorum: at qui vasa susceperant vacua, nihil minus & bona & mala apprehendisse se crediderunt: verum neque bona, nec mala, vlli mortaliū accessere; sed illis quidem, bonorum opinio, cum suspicione; aliis, malorum, cum spe contigit. Ita factum est, vt quemadmodum in terris Arabum, qui nocte, serenum, aut aliam leuem ac frigidam rem preferint, exanimantur prae metu, quodd serpentem calasse suspicentur; quanquam re ipsa nihil subierint periculi, iacturae verò multo minus: sic mortaliū genus, boni & mali opinione sola distorquetur, cum solum apud superos bona, in tartaro mala sint: eaque de causa, Iupiter postmodum desit hominum acta curare. Verum, hanc quam fabula sit, non tamen minus rectam bonorum, malorumque originem docet: quam si ex ipsa Academia profecta foret. At verò contrà, vt hanc, vana & inania; ita alterius seculi, certa, tuta, perpetuaque omnia sunt: ad quae, nos aeternus amor, per hanc quae vocamus tum mala, tum ærumnas, vocat, atque iuxta propheticum illud: Quia acceptus eras Deo necesse fuit vt tentatio probaret te: Deus, non secus ac pater, quos maxime filios probat, ac amat, omni genere continentiae exercet, ab omni voluptate coercet, admittentes aut turpia, aut probrosa, castigat: at contrà, seruos, eosque quanto magis inutiles negligit: vt etiam scortari & inebriari sinat: tum verò, feliciorem illius serui vitam, quam filij, ac magis optandam dicimus? non in eas voluptates admittetur, nisi omnis sceleris expers omnis flagitij purus, ac, vt in fornace aurum, sic iusti vita in hoc mundo per aduersa probatur: Neque tamen, si ad eam spem, vniuersa hanc seu, bona seu mala conferantur, granum, in aceruo superabunt: quamobrem Paulus, rectè dicebat, non esse condignas huius seculi passiones, ad promerendam alterius seculi gloriam: Itaque si hanc, Fide quis amplectatur, nonne in aduersis gaudio exiliet? in secundis verò, tristabitur? illud, in calamitate cogitans, iam probari se, futurum paulò pòst, vt probatus eligatur, quod si in adipiscenda laurea, tantum gloriaris, cum iam tentaris, cumque vicisti, & est illud præmium leue, mortale, fragile, quid in perpetuo, maximo, ac tutissimo faciemus? tanta verò est huius solatij fecunditas, ac robur, vt si in Fide degeneres cum plurimi non essent, iam absolutum esset vniuersum munus consolationis: quis enim breuem hanc vitam, cum sempiterna, tristem cum iucunda, fragilem cum firma, infelicem cum felicissima, turbulentam cum clarissima commutare nolit? Sed est in incredulitate peccatum, atque rursus in peccato incredulitas, vt nostra conditio, amplissimo &

Tom. I.

Spei & Fidei beneficio priuetur, quid enim homini, aut vtilius post obitum, aut in hac vita gratius esse posset, futuri seculi expectatione? at quamuis hanc etiam nulla foret; nihil minus in aduersis contristari nemo deberet: quod pleraque hominum mala, in bona etiam conuertantur: neque vlla est tam firma mortalibus lex, quam quod nihil est firmum, neque solum mala, pluribus magno commodo extitere, sed etiam bona, incommodo. at nunc hoc non est praesentis negotij ostendere, quanquam etiam frequentius sit: de malis etenim sermo tantum institutus est.

Vix sufficiat liber hic, si velim narrare, quibus infortunia lucro fuere, neque aliud magis puto sacram paginam velle in beati Iob historia insinuare, quam eam fortunae varietatem, quam gentiles pluribus exemplis docuerunt, vnico exemplo voluisse comprehendere; siquidem Iob primò filiis, agro, gregibus, valetudine foelix: post omnibus spoliatus, amicos non auxiliares, sed reprehensores habuit: rursus meliore fortuna vsus, copiosius omnia recepit: Tanta sunt bonorum, malorumque occasiones, vt nihil his certius sit: Ventidio seruitus attulit consulatum, ingentiæque trophæa: quae sperari nullo modo poterant, nisi Romanorum fortuna decidisset: at per seruitutem, virtus hominis, & occasione, & felicitati coniuncta est: frequens nunc hoc apud barbaros exemplum, Turcas siquidem, & olim apud eos qui Mameluchi vocabantur. Quid morbo mortalibus intolerabilius? profuit tamen hic Octauiano Augusto plurimum, cum in Actiacis castris esset: monito enim Medico vt se e tentoriis subtraheret, causam salutis per somnium habuit: cui si citra malam paruisset valetudinem, turpissimam maculam ignominiae adiecta esset: manenti autem, aut mori aut fugere necessarium erat; Brutus enim ea parte prosperè in eius castra victor se intulit. Habebat Plotinus, Platonius Philosophus, Oruntium Marcellinum discipulum, qui morbi tædio ad eum se contulerat; podagricus enim erat, & articulorum doloribus graniter conflictabatur: audiebat autem attentissimus (mira etenim illis Philosopho orandi vanitas erat) inde ciborum penè oblitus, & Philosophiam studio, & valetudinem abstinentiam recepit: sic morbus eruditionem pariter & sanitatem dedit: Animi equidem virtutibus, aduersa corpori valetudo planè conducit, hos temperatos, illos mitiores, alios reddit religiosiores: Corpori verò etiam plerumque vtilis est, inde plures, inualido corpore, ad senectam perueniunt, quam robustissimi: Tanta verò est rerum vicissitudo, vt quemadmodum in cervi cauda, venenum latet praesentissimum, cum alioquin tota caro sit saluberrima; at contrà tirus serpens, cuius venenum, mortalibus est perniciosissimum, carnem habet omni alia medicina aduersus venena vtiliorem: Paulus, huius nominis Pontifex tertius Maximus, vir sanè eruditus, & ad summum Sacerdotium non ineptus, magnum tamen auxilium ad consequendam tantam potentiam, ex opinione

DDd 2

senectū



senectutis, & aduersa valetudinis consecutus est: Spartacum olim ad ludum gladiatorium condemnatum, gloriosum nunc, at dum viveret etiam Romanis formidabilem, maxima calamitas effecerat, & nunc, fama latronis illius viret, cum plurimorum Regum exciderit. Habet & præter reliqua, omnis infelicitas, ut suauiores vitam, cum abierit relinquat: Quisnam capit voluptatem in incolumitate? nisi qui æger fuit: quis in patria? nisi qui olim exul: quis felix in diuitiis; aut vel nouit eas? nisi qui expertus est paupertatem. Cur tantum, senes filios tunc primum natos, diligunt? nisi quod tam diu filiorum voluptate caruerint: Legimus ea ætate Agesilaum Lacedæmoniorum Regem, virum grauem, tum sapientissimum tum seuerissimum; usque ad ineptias amasse filios: Qualis salis asperitas in condimentis, talia vitæ mala; præsertim si non sint diuturna. Vnde & Virgilius optimè inducit Æneam sic solantem socios:

*O passi grauiora, dabit Deus his quoque finem.*

*Vos & Scyllæam rabiem, penitusque sonantes*

*Accestis scopulos, vos & Cyclopea saxa*

*Expertis: reuocate animos, maestumque timorem*

*Mittite, forsan & hac olim meminisse iunabit.*

Quid inter tot egregiè res gestas, Ciceroni, exilio plus profuit? in quo & publicata bona, & euersa domus, & interdictus commæatus: tunc solum sensit, quam gratus esset ciuibus, quam vrbi necessarius, quam amicis carus, & si defisset ineptire, nihil ei splendidius acciderat in vita: inde, in reditu potentissimus euasit. Est & aliud consolationis genus, in omni aduersa fortuna non leue, quod à necessitate profisciscitur: siue enim feras, seu non feras, ferendum est tamen: neque aliud tristitia efficit, quam quod grauiores molestias videri facit, mentemque è recto consilio deicit: inde spem leniendi doloris, nedum tollendi infortunij auferit. Quid porro boni, aut auxilij; luctus lamentatiõne, aut desperatio afferre potest? equidem illud cum in tua potestate positum sit, aut lenire dolorem, aut augere, non solum prudentis viri est, & melius rebus suis consulentis, leniorem efficere molestiam, lætoque animo aduersa ferre, illud frequenter memorando.

*Animus æquus, optimum est ærumna condimentum.*

Quid tibi prodest animi mœror, ac dolor: sæpe etiam fortibus viris, ipsa patientia auxilium attulit: miseremur certe illorum magis, qui fortiter quæcunque ferunt: ac infantes iudicamus qui tantam etiam in calamitate virtutem ostendunt: Agis Lacedæmoniorum rex, cum ab Ephoris (id magistratus nomen erat, etiam Regibus imperantis) ad mortem laqueo indicta causâ traheretur, ploranti euidam ministro è suis, dixit: Desine ô homo flere propter me, nam adeo iniuste, & iniquè moriens, melior his sum, qui me interficiunt, cumque hæc dixisset, sponte se strangulauit. At verò, etiam sæpe generosus animus misericordiam meruit: Scævola cum de-

creuisset Porcennam Regem occidere, voluntaria & audaci confessione, liberatus est: qui si negasset, veniamque orasset, ultra dedecus, etiam acerbam mortem subiturus erat. Lucillus, captus pro M. Bruto: Seruius Terentius pro D. quamquam in Antonij manus inciderint, & vitam, & amicitiam hostis, constantiâ magis, quam precibus meruerunt: Quid plura? & in hostibus, & in seruis tolerantia, & in pessima fortuna bonus animus, laudem semper, sapius etiam auxilium perperere: Denique illud concludendum est, quod cum sola animi conscientia; molestiaque infelicem hominem reddere possint, illum sibi pessimè consulere, qui animum infortunio subiicit, ex quo, liberum totum hominem esse licet: *totus enim homo, animus est*; is si doleat, homo malè se habet, etiamsi vniuersa rectè cedant: at si hominis animus iucundus sit, nihil est mali, etiam si vniuersa ruant. Memini quendam ditissimum insanisse, captantemque paleas, ac plorantem, quod fame esset interiturus: nihil enim tritici in inanibus stipulis esse: nonne miserimum illum sola animi tristitia faciebat? alius, se cum vitreum esse putaret, singulis momentis timebat abrumpi, nonne hic absque calamitate, in maxima calamitate erat? Sed sunt etiam quidam qui sibi malorum causam præbuerunt, non solum animi vitio, sed errore, quos etiam æquiore animo longè pati aduersa decet: ac velut pueri, si sibi manus mordeant, etiam graniter, silent; si alius vel leuiter læserit, plorant: ut verò non decet pueros imitari, turpe tamen est, illis nos esse imprudentiores, ac inconstantiores. Quid enim stultius potest cogitari, quam seipsum lædere, & deinde dolere? quin potius, ut poetæ dicit,

*Leniter ex merito quicquid patiare ferendum est,*

*Quæ venit indignè pœna, dolenda venit.*

Quid autem meritò magis, nobis contingere potest, quàm id cui nos seu per imprudentiam, seu per metum, aut temeritatem, aut etiam quod est detetius, per intemperantiam, causam dedimus? cur autem queraris, cum non aliunde malum suscitatum sit? aut aduersus quem, cum tu tibi fueris inimicus? aut quem vlisceris? nempe te ipsum. Est autem, (si rectè animaduuerteris) omnium malorum plerumque in nobis causa, hocque in libro De arcanis æternitatis quamquam aperte ostensum sit, nihil minus, quantum huic causæ necessarium videtur, denud demonstrandum erit: neque hac ipsa demonstratione indigeremus, si homines non nimis seipsos amarent: cum enim quique quatumuis rudes, plurimum sibi sapere persuadeant, euentus bonos, in propriam prudentiam, sinistros autem, in fortunam referunt: neque fortuna illis satis fuit, quæ accusaretur; malum genium, dæmonem obscurum etiam subiecerunt: in quo genere Principes, etiam priuatis longè stolidiores sunt, quod non tantum insita omnibus hominibus laborant amentia, sed singulis horis aures adulatoribus præbeant: qui dona Deorum, Sapientiam, in his adirentur, quorum maximum

studium



audire est, ut nihil profus sciant: neque enim Gnathones illos aliter alerent: Quam melius igitur mortales cuncti, felices euentus in Deum, aut si pudet, in fortunam referrent: aduersa in petulantiam, socordiam, ac imprudentiam propriam. Vis verò te primum agnoscere quàm sis imprudens, quòd prudentem te ipsum existimas: Socrates qui Apollinis oraculo, Sapientissimus est iudicatus, hoc tantum vnum scire se dicebat, quòd nihil sciret: tu cum nihil scias, sceminarum more, Masagetis, & Indos, & cœli penetralia loqueris: Ptolemæus ille inclutus Astronomus, dicere solitus erat, eum qui sibi placeret, Deo inuisum esse: Is sibi placet, qui prudentem ac sapientem se putat, omnia verò in proprium commodum vertit: tales sunt plerique mortalium: inde quisque sibi mala parit; & fortunam, & dæmones accusat. At iam, ex proprio paululum secesseramus instituto: nempe probandum est potius, quàm arguendum; nos nostrorum malorum causas esse: Et si ad vniuersa malorum genera inspiciamus, sic se habere res videtur: Quis tam immitis tyrannus, ut in humiles & innoxios sæuiat? quis tam pauper artifex, ut victum querere non possit? quis tam atrox, ut in mites ac prudentes irruat? est prudentis viri obseruare tempora, homines, potentiamque illorum, cum quibus versaris: Fuit Nero crudelis, Vespasianus tamen inoffensus non tantum mansit apud eum, sed & magistratus gessit: fuit & Tiberius in suos ferus, Thrasillum tamen Mathematicum perpetuo, ab exilio amicum habuit: & Grammaticos complures: Illud verò tutissimum est, cum in has truculentas bestias inciderimus, *ignotum esse*. Est autem firmissimum argumentum, absque propria culpa, raro infelices homines fore, quòd cum reliquæ virtutes, aut è mortalibus discesserint, aut contemptui habeantur, sola inter omnes prudentia, semper propriam retinuit dignitatem: nam iustitiam, fidem, liberalitatem, humanitatem, non aliter quàm peregrinas quasdam aues, admiramur, cum etiam plerumque male cedant: fortitudo frequentior, sed omnibus exposita periculis, iacturam magis quam fortunam tandem affert: Eruditio ipsa, ludibrio est, & nullis non laceffentium iniuriis exposita: at prudentia, quasi Diuinum quoddam munus, inter mortales cum veneratione cohabitat. Hanc Reges querunt, populi admirantur, plebs laudat, vndique & utilis & necessaria: Itaque si prudentia caruisti, non est quod queraris: Offenditur autem prudentia pluribus (ut etiam valetudo) causis; Ira, Voluptate, Ignauia, Stupore, Amore, Ambitione, Auaritia: denique omni vitio animi, prudentia læditur: stultissimum verò puto, velle eos solari, qui seipsum ex animi impotentia in calamitates trudent, ut in obscenis voluptatibus, in præcipitque vindicta. Sunt enim quidam qui non secus ac mugiles, cum in esca hamum latere agnoscant: gulæ tamen impatientia aut Veneris, aut alterius voluptatis, manifestis discrimini- bus se obiciunt. Callide enim fertur mugil (verumtamen stulte) cauda elidere ex hamo escam: & si minus liceat, summis labris

arrodit. Quorsum tanto periculo, parasiticam exercere, cum securè aliter viuere possis? sed his belluis insulsiores, nedum præ importunitate escam excutere sustinemus. Quid igitur habet hæc amaritudo doloris, quam tanta voluptatis dulcedo irritat? At velim & voluptatibus indulgere, & carere doloribus: si hæc te tangit molestia, insanis impossibilia omnino quærens: Etenim omni voluptati, sita amaritudo coniuncta est, gloriæ inuidia, sapientiæ labor, diuitiis curæ, soboli sollicitudo, intemperantiæ morbi, quieti paupertas, ambitioni odia, potentiæ metus, tranquillati contemptus: quisnam tandem mortalibus rebus, exitus patet? Est verò & illud in moderata tristitia suauissimum, quòd omnes homines aliquo laborant infortunio, & (ut dici solet) quisque suos patitur manes; alium nempe paupertas; alium orbitas; hunc morbi, illum timor; alium iniuriæ; hunc insidiæ; illum filij; alium vxor, alium inimici discruciant: quodque maius his omnibus est, ac admirabilius, tantò pronior est humana conditio ad calamitatem; ut hoc etiam calamitas sit, esse quàm felicissimum ac nulli omnino dolori obnoxium: quambrem ferunt Polycratem, felicitatis satietate, annulum in mare proiecis- se, ut haberet quòd doleret, erat enim ei charissimus: verum fortuna, ilicò expiscato pisce, annulum iterum ei reddidit. Sed ne omnino fabulari in hoc genere videar; quam voluptatem in prandiis capiunt Reges? quod ex consuetudine, palatum saporum delicias non sentiat: Referunt Medici, delicias esse, cum quis ex tristi sensu in propriam redit naturam: quoniam modo igitur; qui omni caruit molestia, felix esse potest: Vides quàm beati sint pauperes, cum ad diuitum cernas inuitantur: quoniam causa est, cum nihil pauperibus melius apponatur? nulla nempe, nisi nouitas rei: Non potest igitur homo beatus esse absque calamitate, nec iucundus absque molestia: In his igitur incommodis non vnum hominum socium habere, sed vniuersum humanum genus, nonne plurimum confert? ac ut vulgo dicitur, Misericordia est solatium, habere calamitatis locum.

At quantò præclarior erit tua consolatio, si intelligas non fortuito mala vndique, sed etiam pro bonorum magnitudine, vnicuique contingere? Atque (ut id primo à genere rei exordiar) Nihil tam pulchrum est, quàm Respub. rectè instituta; at nihil tam durum, quàm in ea esse: ab initio talis fuit Romana, & his ordinibus, Imperium vniuersi adepta est; sed quid asperius his institutis, in quibus ciues, ad laborem, prolem, & militiam tantum instruebantur? horum labor (præsertim rusticus & assiduus) solo ipso nomine grauius est: educatio filiorum, præcipue multorum, & inopi, omnem molestiam superat: nam ut gnari pauci, in deliciis habentur, sic multi, pauperibus tedium omni mortali curâ grauius efficiunt: militiâ quid atrocius? fossas fodere, vallum gestare, hyeme inter nives dormire, æstate sub Sole exerceri, noctes insomnes agere, maria, montes, atque omnia inuia superare; modò fame



virgeri; modò siti enecari; denique occidere, aut occidi; ipsâ miseriâ, hæc omnia miserialiora sunt: ut non mirandum sit, tam læto animo signum pugnae expectasse semper milites, ut vel victoriâ læti, soluerentur, vel morte, maiores ærumnas finirent: Sic Lacedæmonij tam tristem domi agebant vitâ, ut nunquam in castris esse tæderet: Apparet itaque in benè instituta Republica, homines esse infœciles: Beatos verò ciues, miseram Reipublicæ conditionem ferre. Reges verò (quos homines Diis simillimos stultâ cogitatione efficiunt) atrocioribus furiis agitantur, ut non ineleganter Tragici Poëtæ, in Regum tantum domibus, & furiis, & tragœdias finxerint: tum verò in priuatorum, comœdias patet enim aula Regum, ingentibus malis, neque eam vnquam, tartari monstra deferunt: inuidiæ, odia, simulates, venena, cruciatus; omnium verò quædam sedes, animus ipse Principis est, quem nec diurna quies, nec nocturnus somnus, tranquillum permittunt, hinc memoria scelerum, hinc suspicio familiarium, illinc populorum & Regem reliquorum timores, infidiæque in alios paratæ, noctes diésque perpetuò obseruantur: Sed sit iustus, sit sanctus, qui imperat; metus abesse non potest: ac ut de Ixione, & Lapithis Poëta fingit,

*Quos super atra silex, iam iam lapsura cadenti*

*Imminet assimilis, lucent genialibus altis,*

*Aurea fulcra totis, epulaeque ante ora parata,*

*Regifico luxu furiarum maxima iuxta*

*Accubat, & manibus prohibet contingere mensas,*

*Exurgitque facem attollens.*

Ea est conditio Principum, quam maximè nenerat Virgilius, in illa Augusti quamquam fœlicissimâ aulâ obuersatus. Sed paululum ab illis deflecte, in priuatorumque vitam descendere: quænam reperturus sis ab omni infortunio liberum, non video: cum maxima diligentia quosdam tanquam rhinocerotes. Plinius in historia venarctur in toto orbe, atque longissimo æuo, tandem nullum inuenisse fatetur: Si igitur mortales cunctos, iam intelligis aliquo infœlicitatis genere premi; quis tu es, qui solus euadere cupis ab ea lege, quæ neminem præterit? Cur non te & Immortalem factum, & Vniuersi orbis Regem, & Volucrem, & Inuiolabilem doleres? quandoquidem pro eximia aliqua causa magis dolendum est: quod si hæc, æquo fers animo; quod naturâ aliter fieri non potuit, idem in hac lege, quæ non minus vniuersalis est reliquis illis, faciendum puta, ac iuxta fabulam illam, tantò minora detrimenta tua existima, quanto aliorum sunt maiora. Ferunt enim aliquando lepores, desperatione quod ab omnibus animalibus persecutionem paterentur, destinasse se in flumen proximum præcipitare: gregatim autem cum ad rem exequendam progredierentur, sentientes ranæ, [quæ in ripa erant fluminis] timore percitæ, in aquam profiliere: quo audito strepitu, lepores rem intelligere studuerunt: cum verò cognouissent, ranas eorum metu aufugisse, consilio mito decretum mutauere;

ea ratione, quod ranæ quanquam ipsis essent inferiores, nihil minus, vitæ consulerent: & nunc vsque, seruantur lepores. Mihi hercle, aliorum mala, nunquam minus difficilis fortunæ casus fecere: verum necessitas malorum ipsa, quæ ex cæterorum omnium incommodis dignoscitur, maximum ærumnarum lenimentum extitit: cum enim cogitat quisque hæc non ab iniuria, sed à lege naturæ, damna mortalius proficisci, æquo cuncta feret animo, nisi omnino vecors sit, aut stolidus: Itaque cum iam diu antea, Sapiens, multorum malorum necessitatem prævidet: in omnibus autem, conditionis, ac fragilitatis humanæ meminit; bono animo ventura quæque mala expectat: Cum igitur imminet, parem ostendere fortitudinem decet, ne mutatus, ob præsentiam illius à tam honesto proposito, aut impræmeditatus accessisse videatur: Illum etiam considerare expedit, quod omni dolori, tempus, est medicina; ipsum, luctus extinguit, iniurias obscurat, detrimenta obsoleta facit, denique ad omne mali genus & obliuionem & incuriam affert: Quis enim tam impatiens amoris inuenitur, qui filium iam annis triginta, amissum, aut substantiam perditam, deploret aut legeat: Temporis hæc sunt vices, ut gaudia & mœrores extenuet primò, dein atterat, tandem, penitus deleat ex animo: Quod igitur, omnibus quantumvis rudibus, temporis auaritia eripit, tu id vtilitatis tibi met illic præsta: quodque mox aui beneficio facturus es, id constantiæ, eruditioni, ac moderationi, exemploque bono, ac laudabili condona: fingere tibi iam hoc tempus præterisse, melioresque spes tuas ante te colloca: reminiscere quot viri illustres, & immerito, & crudeliter à fortuna iactati, sæuos eius fluctus æquo animo tolerarunt: Nihil est magis Sapienti necessarium, quàm moderatè vitæque fortunam ferre: Qui enim secundam non potest, obliuiscitur se mortalem esse: qui aduersam, hominem. Nullum etiam prudentiæ argumentum maius, quàm ea extemplo facere, quæ rectè alij, temporis beneficio didicerunt. Itaque noli tibi grauis esse, atque cum in vmbra calamitatis incideris, te ipsum in veram infœlicitatem iniicere. Cogita in singulis malis, plures fœlices inuentos esse: Omnium verò consolationum, fidelissimam, ac firmissimam, tempus ipsum exhibet, non illam quam nuper explicauimus, sed eam quam Auerroes alijque Philosophi ostenderunt: Cum enim illud consilio exploras; quod vita hominis, si ad æternitatem ipsam comparetur, puncti vicem obtinet, atque quæ in humanâ vita omnia, & tam breui curriculo temporis, & tam certa lege finiuntur; ut prorsus nihil omnino intersit, qualisne fueris & an etiam fueris: & mihi cum de his cogito, illud succurrit, quod in libris vulgariibus, homines quidam finguntur opulenti, potentisque heroes, ac viri tam fortes, ut Herculem longè vineant intervallo: Quid verò inter hos fictos viros, & Cæsarem, ac Pompeium intersit, nunquam intelligere potui: nisi vel ad eruditionem nostram, historia à fabula distinguatur, vel animorum superstium ratio habeatur: cæterum cum amplius non



non fueris, qui fueris nihil penitus refert. Sola hominum stultitia & hanc commenta est inuentionem, ut non tantum in vita, sed etiam post mortem, aliorum indicio, & foelices & infelices efficiamur. Plurimum verò, video quosdam esse sollicitos, ut nomen, & diuitiæ relinquantur post mortem: & ea infana libidine Herostratus Dianæ Ephesiæ templum incendit, ut nomen eius etiam in scelere agnosceretur: sed quis modo est hic Herostratus? quo parte genitus? qua matre? qua patria? qua forma? qua vita? quid hoc aliud est sic scire, quam nihil aut scire, aut nomen hominemve fictum? Quid igitur infra trecentos annos, etiamsi gloriam obserues, refert an beatus, an omnino infelix fueris? at (si gloriam subducas) quid vel ad summum post annos quinquaginta, inter Regem & rusticum, inter Lucullum & Irum, inter Xenophontem & Cleonem, denique inter seruos & liberos, foelices & infelices distat? At verò tempus hoc, quam citò, quam necessariò præteribit: id ne forte dubitas; ne tempora hæc morentur, aut syderum cursus alligetur: quam recte ille sculpsit in gemma (quisquis argumenti inuentor fuit) trigeminam faciem simul, infantis, iuuenis, & senis. Nihil celerius ea mutatione, nihil his vicissitudinibus coniunctius, ac (ut poeta ille) recte fugitiuam ætatem vocauit: cogita quot ab initio rerum anni transierunt, qui iam ex ætate tua dilapsi, ut umbra; velocius tempore, nihil esse ostendunt: finge igitur (quod certè erit) dilapsa iam nunc tempora, omnia in nihilum redigi comperies. Illud enim non absimile his, qui in carceribus cum certa salutis spe detinentur, quanquam enim in malo, parum dolent: præcipuè si ingenio generoso sint: sic homines in hac vitâ ærumnosâ, cum certam æqualitatem expectent, vix puto fieri posse, ut foelicibus non magis contristentur. Equidem si nunc principis editum promulgetur, ut (quemadmodum Lycurgi Lacedæmonij ætate,) omnes opes, omnesque agri, ex æquo diuidantur, distribuanturque, an putas pauperes & mendicos, an diuites in tristitia futuros? hercle nulli in mentem incidere posse spero, ut diuites latentur, inopes iniquo ferant animo. Si igitur iam hæc æqualitatis lex lata est, & quæ nullo modo possit frustrari: non video cur omnes, quotquot in miseris viuunt, tam iusto legis beneficio gaudere non debeant. Quid rogo tibi erit, hic ad annos ducentos; an cum Iobole, an orbus, an senex an iuuenis, an diues an pauper, an seruus, an liber, an in lecto, an in patibulo, an in magistratu, an absque honore vel vixeris, vel mortuus fueris: sed addit has opiniones Stultitia, quia, solum miseri, & beati sumus: nempe illa obliuionem rationis inducit, gigantes pro pygmæis ostendit; modò mala nostra, modò bona tegit, augeat, multiplicat, obscurat, abscondit: prout libet de nobis statuit. Verum si quid omnino in hac vita bonum est, aut malum, discriminè vllum iucunditatis, ac tristitiæ: id totum in conscientia, & animi virtute collocandum est: Nempe, flagitiorum & scelerum memoria, omni supplicio maior est: Cor enim impiorum, ut Propheta dixit, tanquam mare

feruens fluctuat: illorum semper animus, & diris vexatur imaginibus: cum nullorum sit maior cruciatus, quam eorum, quorum conscientiam culpa coarguit &, ut ait Poeta:

*Quos diu conscia facti*

*Mens habet attonitos, & surdo verbere cedit,*

*Oculum quatiens animo tortore flagellum.*

*Pœna autem vehemens, ac multo sanior illis*

*Quas & Cedrius grauis inuenit, & Rhadæamibus,*

*Nocte, dièque suum gestare in pectore testem.*



## DE CONSOLATIONE

## LIBER II.



UM in præcedenti libro, de omnium calamitatum consolatione, copiose (quantum generaliter fieri potuit) disseruerimus, vix necessaria singulorum malorum consideratio videbatur, cum satis ex animo cuique Sapienti Recta ratio & Consilium prudens, tum oratio nostra, tristitiam omnem eripere potuerit. Verum cum id iam ab initio sit à nobis institutum, ut singula diligenter aduersa, quæ hominibus contingere possunt, absque affectu aliquo considerare possimus, rectoque iudicio pronunciaremus: id etiam magis necessariò facturi videbamur, quòd nemo existimet ea quæ prætermissa essent, consultò potius (quoniam probari nequeant) quàm quòd superflua forent, intacta relicta esse: Habet etiam hæc malorum historia, & ob varietatem, & ob exemplum, non leuem voluptatem, qua legentium eam, tristitiæ sordem, quæ à sensibili anima, tum à natura ipsa, in grauibz infortuniis relinqui solet, eluere possit: Sæpenumero enim, etsi ratio nos consoletur, doceatque neque luctum conuenire, nec causam esse luctus vllam: animus tamen per se mœstus, lætari non potest: quod, cum frequenter, etiam sine vlla aduersa re incidat, quàm verisimilius est, iam longo tædio tabescentibus, (etiamsi vulnus ipsum acceptum curetur) derelinqui. Itaque (ut ad propositum iam sermonem reuertamur) omnium quæ in humana vita contingunt, Luctus, atque Mores sunt acerbissima: priuari etenim perpetuò, atque sine spe charissimorum consuetudine, durissimum omnibus videri solet: Mors verò ipsa, ut Philosophus dicit, vltimum est terribilium: Eapropter si quid est quod fortem, quod sapientem perturbare virum possit, id haud dubio mors, & propria, & maximè necessarium, esse debet: Quamobrem egregios Poetas, luxisse, tum suos, tum verò seipsos, ac etiam alios finxisse lugentes necessarios, video: inter quos, Papinius patrem deflet dicens:

*Da vocem magno, Pater, ingeniumque dolori.*  
*Nam me ter relegens cælo, terque ora re-*  
*texens*

*Luna videt residem, nullaque Heliconide*  
*iristes*

*Solantem curas.*

Alius in eadem causa:

DD d 4

Quis



*Quis dabit in lachrymas fontem mihi? quis  
satis altos*

*Accendat gemitu, & acerbo verba doloris?  
Exhaurit pietas oculos, & hiantia frangit  
Pectora, nec plenos anidum sunt edere  
questum.*

*Magna adeò iactura premis.*

Vtinam verò querela hæc, non sit ea quæ vulgo dicitur; Fletus hæredis, sub persona ridentis est: nam, tam rara pietas erga parentes inueniri solet; ut nulla, non sit frequentior: sed talis modò sit, qualem carmina exprimunt; certè nulla in parte minus necessarius videbitur hic liber, quàm in consolatione doloris, qui ex parentum obitu contigerit; Nempe fratrum, qui se morti exposuerint propter fratres, tum parentum ob filios, coniugum ob vxores, aliqua sunt exempla: filiorum autem orga parentes pietas, nullo penè experimento confirmata est, quo fit ut querela Catulli, magis ex animo (ut dici consuevit) profecta videatur. Sic enim fratrem deplorat:

*Sed totum hoc studium, luctu fraterna mihi  
mors*

*Astulit: heu misero frater adempte mihi.*

*Tu mea, tu moriens fregisti commoda frater.*

*Tecum una tota est nostra sepulta domus.*

Imitatur acerbiorum lamentationem, non sine ira, & animi indignatione, in Mezentio deflente filium occisum, Virgilius dicens:

*Debueram patria pœnas odiisque meorum.*

*Omnis per mores, animam fortem ipse diffem.*

*Nunc vivo, neque adhuc homines, lucemque  
relinquo,*

*Sed linguam.*

Quantò tamen atrocior dolor, ab eodem Poëta in matre plorante Eurialum filium vnicum fingitur, quòd vidua cum esset & senex, illum crudeliter in hostium manibus occisum videret: tum verò & fœmineam animi molliciem amplectitur, his verbis:

*Figite me, si qua est pietas: in me omnia  
tela*

*Coniicite ô Rutuli, me primam absomite  
ferro.*

*Aut tu magne pater diuinum, miserere,  
tuoque*

*Inuisum hoc detrude caput sub tartara telo.*

Haud poterat cædes filij, à matre deplorata, (meo iudicio) à Poëta melius explicari. Inducit & Hom. grauitè Achillem, in Patrocli amici funere dolentem, cum dixit:

*τὸν δὲ ἄρχῃ τοῦ ἐκάλυψε μέλαινα  
ἀμφοτέρῃσι δὲ χερσὶν ἑλὼν κόριν ἀνδραλέων  
χεύετο κεκρομένης.* id est,

*Hunc autem tristitia nigra nubes texit. Cum  
autem ambabus manibus fuliginosum puluerem  
cepisset, fundebat per caput.*

*Et infra:*

*Σμερδαλέον δὲ ὤμαζεν.* id est,

*Horribiliter plorauit.*

Eò vsque autem inducitur dolor vehemens, ut familiares timeant, ne seipsum ingulet. Sed moderatius alius in morbo luget suam, atque de fati conqueritur, non ficto in aliis timore, sed proprio ac urgente dicens,

*Ergo sub annos prauirides mihi  
Soluetur atro sanguine spiritus?*

*Nil est relucendum superis, lubens*

*Quod fata annuerint, sequor.*

Sed dum aliorum inanes has ineptias describo, iam naniam quandam confecisse videor: soloque nomine tristem luctum, non tantum descripsisse, sed auxisse. Non poterat tamen res ipsa dilucidè explicari, nisi etiam poëtarum sententiam adiecissem, quòd ea sit vulgaris opinio, non solum quod poëta ea curent dicere quæ sunt popularia: sed etiam quod si secus velint dicere, haud possint, cum ab omni philosophiæ studio sint remoti: quam etiam ob causam, à Platonis Rep. excluduntur. Oportet autem in hoc, aut Platonem damnare, si iniurià remouet; aut poëtas, si iure merito: Melius igitur sanè censendum erit, non immerito explodi: namque cum populo sentientes, eadicunt, quæ in opinione rudium sunt: nemo enim negat, paucos esse Sapientes: Vulgus autem maximam hominum continet partem: opiniones igitur poëtarum, ac vulgi, in quibus à philosophis discrepant, omnes falsæ sunt, & inutiles; cum necesse sit, opinionem vulgi falsam esse, si Sapientum sententia vera esset: quis dubitat an Sapientum dicta vera sint? Sapientes enim aliter non essent: Sed si modò vlla in re exigua fides poëtis habenda est, nusquam minor, quàm in his quæ ad mores & virtutes pertinent est exhibenda. Nec mirum si Archilochus, poëta egregius, sed tantò deterior Philosophus, à Lacedæmoniis, eadem hora, quia in urbem venerat, solum vertere coactus est, quòd scripsisset hanc sententiam:

*At caruisse armis, quàm mortem occumbere  
præstat.*

Enimvero bonos mores persæpe corrumpunt colloquia mala: Itaque de luctu ac morte, volentibus dicere, primò necessarium videtur explorare, an in morte seu propria, seu necessariorum, aliquid mali sit: & si sit, an malum à bono, seu potius iactura ab utilitate vinci queat: id facile erit diiudicare, si primò hoc distinxerimus, atque diligenter intellexerimus, utrum aliquid post mortem nostram, ex nobis, præter corpus supersit: an omnino etiam cum corpore, reliquum totum extingatur: in qua causa, etsi plurima in libro de Arcanis æternitatis iam dixerimus; in libris autem de Morte dicturi sumus, non tamen hic, ex toto, silentio obliteranda videtur hæc quæstio: sed quemadmodum, maxime in hoc libro; veritati studemus, tum verò vbique breuitati, sic vnica ratio nobis, de rationali anima, ad eius qualitatem dignoscendam satisfaciens: Cum enim intellectus sit homo, multos habet cognoscendi habitus: Scientiam scilicet, velut Geometriam, Philosophiam, & Dialecticam: & Artes, velut nauigandi, arandi, & medendi: itemque Intellectum, qui est principiorum; velut quòd totum omne parte sua maius est, omnibus autem partibus, æquale. Habet & prudentiam, qua cuncta tuetur agenda, ac disponit: & cum his, Sapientiam, qua Deum agnoscit, Religionem colit. Alij autem horum vno, aut altero, aut pluribus, magis excellunt: quo fit, ut in artibus suis, quique intellectu, & ratione adeò utantur, ut quanquam rudes in aliis



aliis rebus videri possint, in hoc vno tamen etiam caros viros antecedant. Alij, cum doctrina, & artibus careant, prudentissimi tamen, ob exercitationem sunt: Vt non obscurum sit, humanum intellectum, omnibus natura similem, at exercitatione sola differre: id quod nos & in barbaris, & in rusticis animaduertimus. Vnde quorundam hominum, Sapientiam profitentium, ignauiam admittunt, qui literis præditos, solum rationales existimant, ceteros parum à brutis differre: Nec immerito igitur contingit, (quod & vulgus dicitur) vt totum oppositum eueniat: scilicet vt isti eruditi, extra illam suam eruditionem, omnino nihil sciant, & à quolibet imperito facili decipiantur: Si namque hoc secum reputarent: omnes homines (nisi qui morbo aliquo detineantur) intellectu, & ratione pollere, eoque magis in vno, quanto ab alio exercitationis genere, remoti sunt, non incauti ab illis superarentur: Quam multi, relictis vilibus officiis, clari euaserunt Philosophi: inter quos, ne longius digrediar, Simon Coriarius, cum ad eius tabernam Socrates frequentius ventitaret, cum discipulis, domesticos habens sermones, in clarum euasit Philosophum, monumentaque posteris non pauca reliquit. Qui igitur coriarius fuerat ante, sola exercitatione, fit Philosophus: Non contemnenda igitur eruditio artificum, & ceterorum literis carentium, tanquam ab intellectu aliena: sed vt dici solet, Quantum ab Athenis Megaræ, tantum à Megaris Athenæ: sic quantum eruditus, loquendo artificem vincit, tanto artifex, sua cogitatione præstat erudito, vtriusque igitur par ratio, par intellectus, eademque natura: verum solis finibus, & vsu differunt: At cum in ceteris animantibus, & superior homine memoria sit, velut in equis: & robur ac vita, vt in elephanto: & visus potentia, vt in lynce & aquila: & auditus, vt in apro: & tactus, vt in aranea: & velocitas, vt in lepore: horum autem omnium habituum, nullum animal omnino particeps sit, nedum, vt hominem vincere queat: indicat hoc manifestè, animum humanum ab omni materia corporea esse separatum: quippe cum homo in omnibus quæ ex corpore pendent, ab aliquo vincatur animali: in his verò animi virtutibus, nullum sit animal vel minimum particeps; impossibile est omnino vt intellectiva virtus non sit & separabilis, & immixta, ac perpetua: nec tantum ipsa nuda remanet, sed cum ea, quæcunque ex hic didicerit: non memoriâ, sed ratione cooperante. Etenim cum omnium animalium, canis, & cercopithecus, & elephas, absque contentione, ingenio maiore prædita sint: etiamsi totam vitam exhauseris, ne vel minimum præceptum aut artis vllius, aut prudentiæ docueris, præter id quod eis innatum à natura est: nempe (vt facillimum dicam) nexum soluere, si docere nitaris, memoriâ quidem comprehendunt, vt trahant, emolliantque, tum verò vt constitutum nexum soluant: at verò, si vel pauxillum mutaueris nodum, haud vnquam, (nisi fortuito) dissoluere sciunt: vt facile intelligas, rationis expertia ea omnino esse. Similiter & aues loqui discunt, & vt Poëta di-

cit, tam bene, vt apud eum pica gloriatur dicens,

*Si me non videas, esse negabis auem.*

Nunquam tamen quid dicat, complexumve vllum edocebis, vt rationis, vel vestigium assequi videatur: & quanto, sermone, homini propinquiore cernuntur; eò certius, quod nullius intellectus capaces sint, facile cognoscitur: Similiter & canes, nomina propria agnoscunt, & venari aues disciplinâ edocentur: at hæc omnia memoriâ solâ retinent: quippe nihil præter id quod edocti sunt, addere, vel mutare, pro opportunitate sciunt: neque plura eos nosse, quæ ob sermonis sublatam facultatem referre nequeant, est arbitrandum: cum aues maximè dociles (inter quas psittacus est,) quamuis loqui vt homines probe discant, nihil tamen magis, vlli vsui rationis sunt vtiliores. Ad vnam igitur tantum artem, naturâ; ad vniuersa, memoriâ solum valeat; rationis, vsque in æternum, nec per prolixam continuitatem erudiendæ, nec per longitudinem temporis, dec per industriam, capacia bruta sunt. Igitur & [quemadmodum docuit Aristoteles,] memoria, mentis pars non est: at verò, apud Platonem, Recordari idem est quod apud Aristotelem Intelligere: Nempe, hoc solo, hæc differunt, quod conceptæ rerum series, ab Aristotele (quoniam nouiter menti aduenire creduntur) intellectus nomen habent: Plato vero, innatas animo nostro putat, quare memoriâ eam vocat: Neutrius igitur, [cum mentis solum vires sint,] particeps brutum animal esse potest, sed eius tantum, quam Aristoteles Memoriam, Plato Opinionem appellat. Verum cum indiscretè nominibus passim vtatur Plato, reminisceniam, seu memoriâ sempiternam, mentisque partem, hominibus tribuit: opinionem verò & conceptam nuper ex sensibus memoriâ, ceteris animalibus. At verò, quod ars illa omnino à natura sit, non ab vlla solertia; indicat, quod etiam hirundinibus, & formicis, præstantissimæ sint, ac etiam reliquis vilibus animalibus, & ab omni sensu remotis: at, si discretionem fierent, eò essent [vt in hominibus] artes elegantiores, quod animalia etiam sensu, & memoriâ præstantiora forent: at secus euenit, cum canes, equique ac elephantes, & similia nihil tale nouerint, quale vel hirundo, vel formica, vel bombyces. Essent etiam in his, [quemadmodum & in hominibus] circa eandem artem, & imperfectiones, & diuersitates, tum vero transitus in consimilia opificia, velut & in hominibus: quo tum nullum cum sit, haud dubium esse potest, vniuersam hanc institutionem à natura esse: Atque vt generaliter dicam, si possent bruta aliqua, vel rationis habere vestigium, necessarium omnino esset, vt ex duabus particularibus propositionibus, ratiocinatio instituta concluderet, quod nullo modo esse potest, naturâ igitur tantum, non ratione reguntur. At vero cum ea ipsa, quæ animal docet [Naturæ] sempiterna haud dubie sit, [quanquam animal ipsum mortale] quanto igitur magis est necessarium. Intellectum humanum, qui vniuersas animantium artes, atque his longè plures, & præclariore nouit, tum vero & disciplinas, & principia, & Deum,



Deum, omnemque cœli & elementorum cultum præter eas, immortalem & impatibilem fore: namque ut Natura ipsa, animal non est, sed quod animal docet, idcirco eâ supersit, animal moritur. Sic è diuerso cum intellectus, homo sit totus, atque hoc duce ipsemet cognoscat: intellectu supersit, homo etiam totus, (quanquam corpus euanescat) incorruptibilis est: Quamobrem ritè admodum à Socrate reprehensum Critonem sentio, cum enim ab eo Crito ob beneuolentiam quæret, ubi sepeliri vellet (iam enim venenum Socrates in carcere biberat, illic moriturus) respondit, Hei mihi, quod operam perdidi; neque enim Critoni persuadere potui, me totum hinc auolaturum. Intellectus enim quam simplicissimus, omnem tamen virtutem in homine comprehendit, nec plurium virtutum capax est, quod diuersas habeat partes, sed pro natura, qualitatēque eorum quæ tractantur, & Intellectus, & Arbitrium, & Ingenium, & Deliberatio, & Voluntas, & Prudentia, & Sapientia, & Ars dicitur. Quare, etiam bruta his omnibus ex toto carere necesse est, neque enim vllum illorum, vel Arbitrio, vel Deliberatione, vel propriè dicta Voluntate utitur (ut nec Intellectu, nec Consilio) sed omnia animalia, æqualiter, & in vniuersum omnium horum sunt expertia, quemadmodum & è diuerso, homines omnes, horum sunt capaces: utpote quod Natura illorum, quæ Intellectus, seu Mens, seu Rationalis animâ; hæc omnia, potestate simul sit, ac contineat; atque propter id, in eorum singulum, prout vult transformatur. Quamobrem illorum vanitatem satis demoror, qui homines tantum temperatarum regionum, Rationales esse existimant: at in extremis terræ plagis, feris perfimiles, Soliniquæ monstrificas formas comminiscuntur: At equidem longè iudicio aberrant, paucis enim ante annis, Leonardus Pisanus dum in Indiam, & Æthiopiam penetrasset: ex India, Arithmeticam, qua nunc utimur; ex Æthiopia, Algebræ artem supputandi, [argumenta clarissimorum ingeniorum] detulit. Ægyptios omnium artium inuentores negat fermè nemo, at præcipuè Astronomiæ, nuper Ioannes Monteregius ex Germania, & Guliermus Zelandinus, excellentis vir ingenij, Erasmus Roterodamus Batavus, & nunc vniuersus Boreas, bonis literis scatet. Quam impudens est, eos à quibus artificia, summâ subtilitate, quæ nos Itali imitari nullo pacto possumus, ex Africa & Sarmatis deferri: illorum verò ingenia, beluinis velle comparare, nostra obtusiora præferre? Non habet temperata regio, neque meliora ingenia, neque acutiores mentes, verum solum suauiores mores, & affectus moderatiores: quibus (copiâ rerum, ob cœli clementiam adiuta) primas nititur sibi partes ascribere. Sed si Romanorum arma non fuissent, iaceret Italia, non paucis provinciis, ingeniorum claritate cedens: Sic & Græcia, studiis, non ingenio, barbaros superauit: At quid refert, prouiores, ad quosdam animi affectus, barbaros esse, ut propter hoc, mente minus valere dici possint? cum videamus plerumque, illustres viros, naturâ fuisse iracundos [humoris subtilitate, eas partes sen-

sus quæ animæ inseruiunt rationali, locupletius adiuuante] neque tamen ob hoc igitur, minus rationales, iracundi dici debent: nisi eo sensu, quod rationalem vim animæ, à corporis affectibus nimis superari patiantur; in quo intellectu, si extremorum climatum incolas, irrationales appellare libeat, non dissentio; quod vitiis facilius parere sint paratiores: non quod ad rationalem animæ vim, quicquam omnino desit, cum plerumque, nobis, & ingenio, & consilio, & artium subtilitate præstantiores sint. Quid enim rogus interest, si duo, diuites æqualiter sint, alter autem diuitiis utatur, alter autem nolit; nunquid ob hoc eum qui non utitur, pauperiorem altero dicemus esse? Itaque hoc, omnes inclyti Philosophi videntes, animum immortalem, & insensibilem statuere coacti, ad eius vnitatem [mentientes] confugerunt: dicentes equidem immarcescibilem esse intellectum nostrum, verum tamen in omnibus hominibus vnum. Id verò aliter atque aliter affirmant. Quidam enim, (ut Auerroes) & passiuum, & agentem, vnum faciunt: vtrunque etiam separabilem: verum alterum formam hominis, alterum aduentitium quiddam, & ab homine penitus separatum. Alij rationalius, [ex his sententiis], solum agentem extrinsecus aduenire affirmant: neque tamen sic homini copulari, ut forma eius omnino sit, atque hominis pars. Verum, quod de duplici intellectu Auerroes affirmat, apud Aristotelem nunquam inueni. Vnus enim est qui foris aduenit, ac inseparabilis non est: cætera omnia, ex materia, & seminis virtute educuntur: At duos Intellectus in homine efficere, ambosque perpetuos absurdissimum est. Sed iam hoc nostra nihil interest; ostendamus eum qui immixtus sit, atque forinsecus venit, omnino vnicum esse non posse: Namque si talis esset, atque hominis forma, quoniam pacto antequàm in nobis exerceretur, tabulæ rasa ac nudæ posset comparari, imbutus iam in aliis, omni disciplina. Omnes etiam homines æqualiter saperent, imò omnes [quod plus est] homines, vnus essent homo, quod eorum forma, vna numero foret, & vnum intelligens: At verò, si forma non est, quid absurdius quàm dicere hominem intelligere; cum Intellectus ipse, hominis pars non sit? Verum hæc quanquam ridicula sint, eis condonentur, atque ex initio, fundamentum ipsum repetatur. Aut enim hic Intellectus, vnicus, & perpetuus, tantum in hominibus est: aut etiam tanquam quidam Sol, naturâ separatus, sed luce, hominibus cunctis assistit: Siquidem in hominibus tantum est, quomodo est separatus? quomodo extrinsecus venit? quoniam pacto ex potestate seminis non fluit? quid verò excellentius cæteris animantibus homo habet? cum & ipsa, materiam perpetuam, & naturam à qua reguntur, immarcescibiles sortita sint. Hoc enim, sic permanere, non inest, nisi similitudine, non autem numero, idem permanere, eadem enim esset vis, in animali, Natura; & in homine, Intellectus: At verò ob hoc, animal ab alio regitur: quoniam Natura non potest animali eadem esse, quoniam id à quo regitur, permanet, extincto animali: Si igitur homo



homo à seipso regitur, & est immortale quod regit, vnum esse non potest in diuersis; separata enim est natura quæ regit, ab animalibus, vt vna pluribus inferuaret, copulata verò est vis in homine intellectiua: quapropter intellectiua vna facultas, pluribus hominibus non potest inferuire, sed vnicuique suus Intellectus attributus est, At nec, tanquam sol extra collucet nobis, primum quod nos ipsi met non aliter intelligere nosmet percipimus quam sentire: Est autem Sensus proprius nobis, & omne eius fundamentum, nostri pars, igitur & Intellectus: Tum etiam quòd si exterius colluceret; ab alio regeremur, velut & bruta, quæ non ob aliud, ab alio reguntur, quàm quod id à quo reguntur, extra ipsa est: Hoc verò maxime nobis hominibus proprium est, vt nobis ipsis imperemus: namque virtus quæ in nobis membra mouet, quoniam ab intelligentia proficiscitur, alienoque ac externo regitur imperio, semper eodem modo paret, nec nostra omnino est, nec nobis cognita, sed ea vtimur, quomodo vtamur nescientes, sic & eorum quæ aliunde proficiscuntur, non plenè domini sumus. Sic belluæ, quoniam & facultate mouente, & sensu exterius causam habente reguntur, eodem modo, omnis prorsus libertatis expertes sunt, & penitus imperio parent alieno, nihil differentes in suis affectibus, ab eo sensu atque obsequio, quod membra in homine, voluntati exhibere solent, nam & ea si lædantur, sponte, & absque voluntatis imperio, se retrahunt, quamuis propter quid, id faciant, minimè cognoscant: Atque, etiamsi extra nos intellectus esset, non magis ab animalibus differeremus brutis, quàm ea inter se: necessèque esset, & bruta, intellectus non esse expertia: quandoquidem eodem modo & natura brutorum, & hominum, eodem modo, & ab eisdem sempiternis causis illustratur. Ostensum verò est, nullo modo eius partis, quæ rationalis est, animalia bruta vsque in æternum, vel minimam vmbra assequi posse, sed per memoriam, aut naturam, aliquando præbuisse speciem conceptæ cuiusdam rationis. Quamobrem perspicuum est, mentem hominum cœlestem esse; & pro eorum numero distributam; nec marcescentem, nec senescentem vllò modo: Sed velut radij Solis si in opacum inciderint, aut in nebulam, non collucet: at si in vitrum, aut aquam, aut crySTALLUM: tanto splendidius, quanto materia magis est perspicua: nec hi radij tamen illis præstantiores, aut diuturniores, sed æquali perpetuitate funguntur: Sic animi, corruptis partibus, in quibus maxime resurgunt, seu senio, seu morbo, desinunt proprio splendore, propriisque vti facultatibus: vnde apud quosdam marcescere videntur, cum tamen nulla ex parte sint vitiati, aut languidiores redditi, sed inuolati ad mortem vsque permanentes, indeque emigrantes, verisimilem nobis opinionem præbent, (quis enim secus existimare possit?) bonorum beatos, ac felices semper esse, malorum infelices & miseros, hinc alij, reperi in corpora post seculi consummationem, & (vt dicunt) annum magnum, vt Platonici: alij, vsque ad perdurare, atque in mundi, per ignem conflagra-

uenturam expectant, interituras dicunt, vt gratione, quam post longa tandem secula Stoici. De quibus cum nihil nunc firmum, ac constitutum habeam, dicere non decreui: sat satis mihi esse putans, ostendisse singulorum animos hominum, post obitum seorsum manere, cum his facultatibus, quæ maxime illis propriæ sunt: velut voluntate, intellectu, sapientia, scientia, deliberatione, ratione, artium peritia, atque eiusmodi virtutibus. Nunc iam ad propositam ab initio orationem reuertamur: Propositum nempe fuerat, mortem neque malam esse, nec deplorandam: Neque minus disputatio de animæ immortalitate huic necessaria negotio videbatur, quàm, vt dici solet, lucernam adhibere in meridie: Nullis enim minus mors grauis fuit, quàm his qui nullum sensum à morte esse putauerunt: Attamen cum in hos sermones incidissemus, quod nobis verè scire contingerat, alios ratione docere volumus: nunc verò ostendendum, mortem neque malam esse, neque deplorandam: turpissimum verò ac omni excusatione vacans, proprium interitum aut lugere, aut timere: quem nulla pietas, nullaque misericordia potest excusare; sed timor, ac animi paruitas, tum viuendi nimium anxia cura, solum in causa esse possunt. Sed quæ tibi cura tanta, aut quæ tanta felicitas, chariorem hanc lucem efficit? aliquidne tu solus habes, quod nos non experti sumus, propter quod etiam vitam desideras longiorem? Nempe & nos sydera, cœlum, montes, maria, flumina, euripos, lacus, syluas, prata, hortos, vrbes, oppidaque vidimus, at verò iocos, luxus, citharam, cantus, conuiuia, venerea, amores, nocturna que bacchanalia; totam denique stulticiam attingimus: nec defuit exercitatio laudanda, disciplinarumque liberalium mediocris notitia; tum contentiosæ disputationes, publicæ perorationes; dignitates etiam pro qualitate adepti sumus: honestis etiam desideriis satisfacimus, filiorum, amicorum, affinium, ac gloriæ consuetudine gauisi: & pecunias, & vestes reliqua que commoda naturæ percepi-mus: plura longe ex his contemnentes, quàm quærentes: In his omnibus, nil aliud libet quàm illud Propheticum exclamare, Vanitas vanitatum, & omnia vanitas: Sed si modò cuiquam seu splendidior felicitas, seu compendiaria ad beatitudinem via quædam affluerit, aut nouum iucunditatis genus, edoceat: ego sanè in his omnibus, plus molestiæ inueni quàm voluptatis. At puto non aliter his accidere, qui tam anxie & diu viuere desiderant, quàm quærentibus metallorum transmutationem: quiduis enim potius, quàm quod optant inueniunt: atque ultra id, quòd nec aurum nec argentum faciliunt, paucum etiam illud, quod habebant amittunt: sic qui maximo nixu felicitatem consequuntur; cum eam non adipiscantur, etiam illà, quam habent animi securitate, & requie spoliuntur, fiuntque infelicitissimi. Quamobrem cum nihil iuuat hoc vitæ desiderium ingens, (etiam si vita bona esset) præstat cuique, sine anxietate, hoc pondus curarum libenter deponere; atque vt fidum virum his qui tibi depositum commodauerint, red-dere:



dere : at verò si frustrà distorquearis , quid aliud tibi paras , quàm quodd & illud exiguum vitæ , quod superest , in morte contumes : si quidem totum tempus quod mortis cogitationi impenditur , mors est ; At quanto melius Agathij consilio acquiescere , qui mortem non ineleganti præconio extulit : dicens , eam non solum dolores ac morbos , ceterasque molestias sedare : sed & solam inter omnia , tantum semel ad hominem accedere : cum incommoda omnia sapius vrgeant , sapiusque reuertantur : Neque vero ingens malum esse potest , quod tam leuissimis causis aduenit , atque vndique paratum est : solent enim quæ noxia sunt , etiam rara esse , & inuentu difficilia ; at morte nihil leuius occurrit , nil frequentius . Nempe mors ab aëre , à ventis , à fulmine , ab aquis , ab igne , à terræ motu , à feris , à piscibus , à casu , à pulnere , à fumo , à serpentibus , à potu , à strato , ab arboribus , à sermone , à mentis concussione , à gaudio , à risu , à societate hominum , ab ira , à discordia aliisque innumerabilibus causis occasionem arripit . Quid graue in ea esse potest , quàm acinus vitæ , & pilus accersuit ? Philomenes cum vidisset asinum comedentem caricam , rediit puer dixit , Postquam caricam asino reliquisti , da ei & merum , solutusque ex festiuitate in risum , dum non posset ab eo temperare , cachinno assiduo extinctus est . Cum Coma ( Diogenis insignis latronis frater ) à Rutilio consule captus , de conatibus fugitiuorum diligentius quæreretur , sumpto ad cogitandum tempore , atque inter genua reposito capite , compresso spiritu , inter ipsas custodum manus expirauit , tam faciliter vt nemo eorum cognouerit illum animam egisse . Quid igitur in tanta facilitate aliud existimare possumus , quàm mortem , somno quàm simillimam esse ? atque vt in somnum , è vigilia , quamuis attentiores facti , nihil minus sensim dilabentes , accessum ipsum sentire non possumus : sic etiam è vita in mortem migratur ; paulatim sensu dilabente , mors absque sensu vllò inuadit . An putas , cum Socrates ex veneno iam frigeret , amouissetque seruum pallium , tanquam protinus morituro : ille verò iocaretur Critoni dicens , gallum memineris Æsculapio sacrificare [ quod hic olim mos his esset , qui salutiferam portionem aliquam bibissent ] egregium aliquod malum sensisse ? certe non , neque enim in extremis doloribus ioci succurrunt , nec mens ipsa compos est sui . Illud tamen admiratione non parua dignum est , quod cum omnes tantum mortem & timere , & odisse videantur , nihil tamen facile adducunt subeunt , nec circa aliud minus , quàm circa vitandum eam solliciti videntur : amator , scortum vitæ præponit ; iracundus vindictam , parasitus gulam ; ambitiosus honores , auarus opes , miles rapinam ; mater filios ; negociator merces , studiosus eruditionem : vt nihil denique non sit , cuius causâ , mortis non obliuiscamur . Mortem igitur vt video odimus , & accersimus . Sed non immerito , namque nihil minus in se mali continet : laudandumque propositum eorum , qui eam contemnunt ; si ea , propter quæ vitam negligunt , aut non ita forent , aut necessaria : moderatiusque diligerent , quippe ob nimium aliarum rerum studium , mortem ne-

gligere , non est fortitudinis in contemnendo argumentum , sed potius desiderij ingentis , & impotentis animi : quamobrem non tam laudabilis contemptus , quàm vituperabilis intemperantia est . At verò mortem formidasse , quàm illud laudari non possit , hoc tamen turpius est & foedius , cum omnem incontinentiam , animi abiectio vincat , præsertim verò in re necessaria , & minimè mala . Equidem illud Epicharmi quidam probant , Emori nolo , me mortuum esse , nihil curo : quasi finis ipse qui post mortem succedit , aut iucundus sit , aut non tristis . Quid enim triste esse potest , carere fame , siti , doloribus , labore , tristitia , timore , ac ( vt vno explicem verbo ) malorum aceruo : quibus ( si anima non superesset ) carere perpetuo necessarium est : at cum ea etiam superfit , horum loco , plura splendida bona permutasse , nonne optimum existimari debet , ac iucundissimum ? Ea de causa Socrates ( etenim hic sæpe ad partes , vt dicunt , vocandus est ) dicere solebat , Mortem profundissimo somno quàm simillimam fore , aut diurnæ peregrinationi , aut interitui , quemadmodum animalium brutorum mors est . Si enim anima manet , & nihil post mortem intelligit : profundissimo somno mors assimilatur , nempe quod & in illo quiescamus , nihil aut sentientes , aut intelligentes ; post tempus , ad easdem exercitationes redituri . Certissimum quidem , eum dulcissimum esse , ac suauissimum , qui sit profundissimus : nempe nullum alium probamus somnum , nisi in quo , mortuis similes , nihil somniamus . Etenim inquietus , leuis , interruptus , molestissimus est : is etiam qui imagines , & insomnia ostendit , ægris corporibus aduenire solet : inde Horarius :

*Ægri somnia vana finguntur species.*

At lenis , ac profundissimus , qualis fessis superuenire consuevit , gratissimus mortalibus est : inde Homerus dulcissimum , ac morti assimilatum , profundissimum vocat , dicens :

*νήγεις , ἡδίστος , δαυδάτω ἀγχιστα κοιός.*

Et Virgilius .

*Dulcis & alta quies , placidaque simillima morti.*

Memineram patrem meum , Facium Cardanum , cum viueret , in ore semper habuisse , se mortem optare , quod nullum suauius tempus experiretur , quàm id in quo profundissimè dormiens , omnium quæ in hac vita fiunt , expers esset : id puto intelligens , quod vniuersa hæc delectatio , quæ sensibus percipitur , plus habeant amaritudinis , quàm dulcedinis , atque ea propter nihil melius sit , quàm ( intellectu seruato ) ea caruisse . At vero communis opinio , mortem somno potius , quàm peregrinationi , aut interitui comparauit : Inde Homerus , æreum somnum , Virgilius ferreum , mortem vocat , utriusque enim eorum , par est obliuio omnium remissio curarum , & laborum , sensuum torpor , & aduentus incognitus : hoc vno tantum mors , à somno differre viderur , quod tempus quietis , in morte longius est : inde , Diogenes cum ægrotaret , sciscitanti medico , quomodo se haberet : probe inquit , frater fratrem inuisit : nuper enim dormierat : tanta fuit animi securitas , vt sub ipso vitæ exitu , iocaretur . Sic & ante nostram ætatem sapiens vir Cosmus Medices ,



Medices, cum sub morte, oculos clausos contineret: interroganti vxori, cuius gratiâ id faceret: respondit, vt assuescant. nempe mortuis oculi neque patent, neque conuiuent, ex instituto quodam vulgi more. Id verò etiam spectasse Poëtam puto, cum dixit:

*Sicute, quid est somnus, gelida nisi mortis imago?*

*Longa quiescendi tempora fata dabunt.*

At verò si mortem diuturnæ peregrinationi assimilaueris, vtque soluta, corporis carcere, omnia intelligat, per loca omnia obambulet: quid ipsa felicior vel cogitatione inquam, complecti queat? quandoquidem animus dum corpori hæret, nec liber est; nec quicquam rectè intelligit: sed sollicitudinibus atque curis prægrauatus, quasdam videt rerum imagines: & nutante animo, quasi per septum, aut contextam telam, quasdam comprehendit, nec intelligit. at sic, liber, non tantum ab impedimento, sed ab onere, omnia dilucidè conspiciat. Quod si sic se habeant, quisnam mortem libenter iure meritò refugiat? quin potius vt Theombrotus Ambraciota, qui lecto Platonis libro de animi immortalitate, nullo alio vexatus incommodo, naturalem mortem expectare non sustinens, præcipitem se è mutuo sponte dedit: vt eam ingentem animorum beatitudinem vltro sibi adscisceret. Non immeritò igitur Socratem, cum à Critone antequam in vincula coniceretur, ad fugam (cum amicorum, tum filiorum, si sui causa nollet) persuaderetur, ferunt prudentissimè respondisse: ô Crito, filij quidem diis curæ erunt, qui eos nobis dederint: cæterum quod ad amicos pertinet; in eas sum regiones concessurus à morte, in quibus pares certè nobis, amicos, & forsitan meliores etiam inuenturus: at vobis ipsis, vestræque consuetudine, nec diu cariturus. breuem scilicet humanam vitam subindicans. Talia Socrates dicebat, quodd existimaret, ex his tribus rebus, quibus mortem assimilari necesse est, veram eam esse tantum, quæ peregrinationi longæ eam æquiparat. Quod etiam ex somniis colligere licet: nulla enim certiorum exitum vitæ præfagiunt, nec fidelius, aut clariùs indicant, quam ea in quibus, in longinquas & peregrinas regiones obequitare sibi videntur homines; aut alios coniunctos viderint, præfertim si & albus sit equus, & cursus celer, & regio innota, nec vllum reuertendi, postmodum simulachrum subsequatur. mente quod sibi futurum est naturaliter diuinante, ac iam concipiente, quid mox factura sit. At si interitui cuidam persimilis obitus esset (quantum hoc esse impossibile, iam dilucidè ostensum sit) nihil minus tamen etsi ita foret, mors mala esse non potest. Quid enim non est, malum quomodo esse potest? aliter verò & eos qui nunquam nati sunt, quique nunquam fuerunt, dolere arbitramur. quæ enim non sunt, nihil pati possunt. Sed si permutationis causâ doles, certe plura mala mors tollit, quam bona, & certiora. Etsi nihil aliud mors afferret commodi, mala existens, (nam & hoc ex Epicharmi dicto solum superest, quodd exitus ipse gravis sit) hoc vno ipso, metu sui ipsius te liberat, nam in cunctis malis euasisse, summum præsidium est: Si igitur

Tom. I.

mors mala est, mortuum esse, est, euasisse: si bona, non est quod torquearis: horum autem, alterum necessarium fore, quis dubitat? Memini tamen quodd olim mihi contigerit: (neque enim ab re referre id puto) Laborabam semitertiana annos natus septem & viginti: atque in ipso indicationis die, qui quartus fuerat, tum verò in iudicatorio, septimo scilicet, exolutus animo sum, ac quasi mortuus iacui. contigerat verò id non ob morbi vehementem malitiam, sed quodd ore ventriculi [quodd Græci stomachum vocant] læso, vtrūque principium, cerebrum scilicet, per nervos quinti paris, & cor, ob arteriam tum magnā, iuxta eundem locum obequitatem, tum etiam per eosdem nervos, qui eousque perueniunt, malè affectum fuerat: Igitur quamvis integris penè viribus, resolutus, nihil tamen amplius, aut doloris, aut molestiæ sensi, quam quandam in vniuerso corpore, qualis in venereis solet accidere, titillationem: reliquum, post initium [vt in somnum cadentibus] deprehendere non potui. Id igitur, vt dixi, cum bis incidisset, nihil aliud deterius sum expertus, nisi quodd eā titillatio, nec tantum voluptatis affert, quantum venerea: & habet aliquid, quo exoluit vires, sed tenui molestiā sentiamus: nec grauius quicquam passus sum, quam quandam timorem, quo putabam me prorsus mortem obire: & certè ad sensum ac robur, parum discriminis, ac penè nullum intererat: ad periculum verò, plurimum. Confirmatus autem postmodum in opinione sum, non paucos interrogans, quibus mortem protinus imminere cognoueram: an sæuū aliquod malum sentirent? quos cum negare id viderim, maioremque molestiam in grauitate capitis, aut omnium membrorum dolore leui, collocare: intellexi me non in iudicio, & quam de morte conceperam opinione, aberrasse. Illud etiam argumento non dubio deprehendi: quodd cum mulierculas, & pueros, ad omne auxilium medicamenti, aut secundæ venæ, aut cucurbitularum applicandarum, contumaces, adeoque morosos expertus fuero: sub mortis autem tempore, nec quererentur, nec lamentarentur, plurimum verò contristarentur, si horum quippiam auxiliorum afferre me velle intelligerent: quis potest dubitare, mortem ipsam, aut mali omnino nihil, aut admodum exiguum continere: quodd eam contemnant, qui speratas à nobis molestias, tantopere timent? Id etiam considerandum, eos non minus audacter mortem conscisse sibi, qui nihil omnino post mortem statuunt; quam qui animum sperant immortalē: Quemadmodum Cassius, qui Cæsarem occiderat, eodem pugione, neque expectato cladis nuncio, perperam se confodit, & Marcus Antonius, triumvir, & Sardanapalus Assyriorum Rex, dum victus esset, semet cum tota regia suppellestile, & concubinis, intrepidè rogo iniecit: At vero non existimasse hunc, quiddam à morte superesse, testantur notissimi illi versus:

*Ede, bibe, lude, &c*

*Cum mortalem te noris præsentibus exple  
Deliciis animum, post mortem nulla voluptas.*

Non igitur, etiamsi cum corpore animus intereat, mors mala esse potest, aut grauis, vel timenda.

E E e



timenda. Illudque securius habent, qui sic credunt: quod nullo iudicio subiaceant, solutamque ab omni suspitione mentem, vel poenarum, vel præmij subeundi (quæ plurimos in mortē anxios facere solet) retineant: Verum omnia potius crede, quam sic animum cum corpore mori. nanque, ut minime certum est, quonam pacto à morte se habeat, ita certissimum est quod supersit. Neque tamen [et si aliunde ratio ipsa non exspectatur, sed à sola vitæ, & mortis consideratione] iniquiore animo mors ferenda est: tum quod nihil hac vita, aut miserius aut difficilior sit, tum quod etiam Deorum monitu, certiores de hoc facti simus: tum quod Sapientes omnes, istud censuerint: tum etiam quod in re inevitabili, melius consilium sit eligendum. Itaque à prima ratione sumamus initium: Quid aliud est vita nostra, quam ærumna perpetua? singulis diebus tot necessitatibus, tot laboribus, tot suspitionibus, tot periculis obnoxia: Nihil est voluptatis in homine, quam poenitentiam non sequatur: virtus sum, cauere oportet: comedi ad satietatem, grauitas me offendit: parcius edi; non est expletum desiderium: venereas delicias sequor, hinc multiplex poenitentia; lassitudo, fastidium, morbi denique: ne cuncta persequar, semper medius inter hæc ambulas; Ut vel non expleas appetitum, desiderioque discrutieris: vel satiat, poenitentia & incommodum te torqueat. Cum nam omnes gentilium Dij, mortem vitæ hominibus præposuerunt, nisi quod humanā miseria (illis nulla ex parte cecutientibus) tota nota esset? Etenim refert Pindarus. Agamemem & Trophonium cum templum Apollinis, Delphis condidissent, petiisse à Deo illo mercedem: quam ille cum intra septem dies libenter redditurum esset pollicitus, consuluit, ut interim conuiuiis & genio indulgentes, iucundam vitam ducerent: at in fine eorum dierum, cum somnus eos altus excepiisset, vita functi sunt. Quo euentu Apollo, non obscure docuit, nullum esse mortalibus maius præmium, quam mortem. Post aliquod tempus, idem Deus, sententiam in ipso Pindaro confirmauit, cum enim per Boeotios legatos, Poëta ab oraculo sciscitatus esset; quid esset quod homini optimū possit contingere: respondit Pythius, non ignorare Pindarum, quod rogaret: si vera essent quæ de Agamede & Trophonio ipsemet literis mandasset: quod, si experiri vellet, paulo post ei succellurum. Intellexit poëta, id ad obitum suum spectare: nec deceptus est: patiens enim post diebus interiit. Refert Plutarchus in epistola consolatoria ad Apollonium: Aristotolem in libro cui titulus Eudemus est, seu de anima (qui quanquam à Sylla reiectus fuerit, ad nostra tamen tempora non peruenit) hanc historiam scribere. Cum Midas in venatione Silenum cepisset (est autem Silenus ex satyrorum genere, à Bacchi nutritio, qui & ipse Silenus vocabatur, & Satyrus erat cognominatus: unde plures ab vno defluerunt: dicente Plinio, *Pinxit & Lasciuia, in qua tres Sileni comessantur*) interrogauit eum rex: quid optimum homini foret, maximeque desiderandum? atque cum diu Silenus respondere nolisset, coactus tandem regis pertinaciā, in

hæc verba erupit: O Dæmonis laboriosi, & vnius diei semen, quid me ea dicere cogitis, quæ vobis ignorasse melius esset, cum priorum malorum ignorantia, ad vitæ iucunditatem conferat? sed postquam, vos mala vestra scire iuuat: *Optimum non nasci unquam vobis esset: quod verò huic proximum, factuque facile, natum subito interiire: neque enim conditio vestra optima natura particeps est.* hæc Silenus. Sed nec Philosophorum sententia ab hoc discrepat, unde Peripateticorum princeps Aristoteles; eos qui seipsos occiderint, molles & effeminatos appellat: fortis enim viri esse, mala perpeti, at verò imbellis, & ignaui, ad mortem propter miseras confugere: quod & poëta lepidè imitatur dicens,

*Rebus in angustiis, facile est contemnere vitam:  
Fortiter ille facit, qui miser esse potest.*

At Academicorum optimus, Plato, dicebat: morti non succensendum, quod nesciamus, an bona sit, an mala. indicans à suppliciis, aut præmiis, post mortem; bonam aut malam esse, ipsam verò, neque bonam, neque malam, quod simul, vtrunque illorum ex hac vita auferat. Quamobrem etiam à Sacra scriptura Mors non nisi Somnus; & Mori, Dormire, dicitur. Quid mirum igitur est, si etiam præter spem futuri sæculi, mors fugienda non est? Beatum Paulum optare, ut dissoluatur, & cum Christo sit? At verò, hoc non tantum, Sanctorum virorum desiderium esse debet, sed etiam Bonorum: Nempe cum tria nobis malorum genera euenire possint: Alia quidem in nobis, atque in animo nostro, quibus Temperantia aduersatur: alia, extra, quibus occurrere potest, in hisque Prudentia satisfacit. alia; quanquam extra animum nostrum sint, inevitabilia tamen sunt, quibus Fortitudo opus est: quid (rogo) esset Fortitudo, si post mortem aut timere bonum esset, aut necessarium? Cum igitur quemadmodum Temperantia, & Prudentia, utilis hominibus est, sic & Fortitudo: quam eius esset utilitas, si mortem necessario timeremus; aut si mortis metus, bonus esset, vel honestus? Cum verò homini necessarium foret mortem aliquando accedere, ex tribus, vnum, etiam sequi oportuit, Vel quod bestiarum more eam ignoremus superuenturam, quod homini fieri nequit ut contingat; Vel ut æquo animo ferat; Vel ut discrucietur: nonne longè melius est, quod naturaliter homini datum est, æqui bonique consulere: eoque magis, cum videamus loco Ignorantiæ in beluis, Fortitudinem, homini à Deo concessam; aduersus mortis necessitatem? Neque enim melius consultasse Deum brutis, quam hominibus credendum est: at illa omnino nullam mortis curam (eam ignorantes) suscipiunt: quamobrem & nos (ab eo timore immunes) ipsā animi constantiā esse decet. Quid verò patriæ utilitatis, quid nostris, quid virtutibus auxiliij afferre possumus, si mortem non contemnamus? Callicratidas Lacedæmonius dux, cum aruspice, victoriam patriæ, ipsi, mortem nunciantem audisset, respondit, Me mortuo, nihil Sparta diminuetur. Quam speciosa sunt, quam splendida facta virorum mortem non formidantium! quam foelix vita! quam honesti exitus



exitus ! quam gloriosa fama ! denique , Cur piget ad eam æqualitatem accedere ; in qua feruus æqualis est Regi ; turpis , formosissimo ; atrox humili ? Nec Xerxi numerosus exercitus ; nec Tiberio thesaurus ; nec Antonio truculentæ minæ ; quicquam proderunt : omnes erimus æquales , & innoxij : si veram virtutem excipias , nullum discrimen erit , in eam æqualitatem , in hunc ordinem ; vbi nec liuor , nec odium , nec inuidia est ; quisque absque naturæ , aut factorum iniuria vocatur ; quando nemo huius expers itineris esse potest : facit solum opinio quadam hominum falsa , lætā rem , difficilem , atque onerosam : Sic & itinera , & studia , & congressum Regum , ( quicunque harum rerum expertes sunt ) magnificiunt : at qui assueuerunt , nihil ea esse cognoscunt . Et verò complures , etiam cum non experti essent , timorem hunc neglexerunt , semetipsos ob leuissimas causas occidentes , inter quos Dioxippus athleta , furti insimulatus ( ob Macedonum inuidiam ) apud Alexandrum , cum falsa esset accusatio , gladio se transfodit , iniuriam prius testatus . Quendam patritium literis vacantem , ob non impetratam gratiam apud mulierem Patauinam , quam deperibat , veneno sumpto mori vidimus : Alias cuius noster , cum iacturam in frumenti precio fecisset , laqueo se suspendit : Alius [ & idem patritius ] cum æs alienum non tam commodè dissolvere posset , in puteum se precipitans , extinctus est : Mulierem vidi , quæ cum adulterium commisisset , tædio vitæ [ etiam spe veniæ proposita ] venenum sumpsit : Cleopatra ne in triumphum duceretur , & ipsa vitam , cum potestate retentura , si vixisset , serpentum tamen morsu mori voluit . Honestior fœmina , sed minore periculo , Portia , Catonis filia , & M. Bruti vxor , coniugis audita nece , cum ferrum subtrahit à domesticis foret , prunas hausit : & sic mortem inuenit . Iustiore causa puer Democles Atheniensis , quem Demetrius Rex deperibat [ erat enim formosissimus ] cum obseruato tempore in balneo existentē , nudūque Rex per vim aggredi destinasset , in feruentem aquam se iniecit , & extinctus est : Nota est Lucretiæ mors , quæ cum inuita , vim passa foret , volens se transfodit : Alexandro Magno voluntariæ necis exitus , non animus defuit : cum enim Clitum amicum ebrius occidisset , inedia se conficere voluit , vixque precibus , & vi amicorum omnium , post triduum reuocatus est : Idem cum Sudracarum Indiæ oppidum expugnaret , è muro in ciuitatē profiliens , non dubiæ mortis obiecit ; solus in hostium urbem , & precipitio delatus ; sed fortuna , euentum minime passa est : Non feret liber exempla eorum , qui ob metum , vel amorem , vel dolorem , aut iram , aliāve causas leuissimas , mortem adscuerunt sibi : cum vltro , ad certum exitum , etiam integræ legiones properauerint , quales etiam , qui cum Leonida , contra Persas , iuxta Thermopylas pugnauerunt . Quid igitur & volentes , & tam leuibus incitati causis ( si esset mors magnum malum ) sustinere decreuissent ? Quando non ætas , non sexus , non gradus ullus dignitatis , eos à proposito deterruit ? At video quid sis dicturus , Mortem non reformido , quæ cum mala non sit , est etiam necessaria : necessariam autē rem

Tom. I.

timere , & inane , & turpe , & etiam damnosum est : sed vellem & eam lenem nancisci , & in senio : qualem Augustus optauit , & consecutus est : non enim solum , ex senectute diuturniorem vitam ero affecutus , sed & leniorem mortem : censet enim Aristoteles : in libro de respiratione : admodum senes , nullo prorsus cum dolore , imò , ne cum sensu mortis quidem interire : quod calor qui exstinguitur , perexiguus sit : nobis verò aliud satisfaciens exemplum : nam velut in dente non commoto , si coneris euellere , ingens sequitur cruciatus : at contra si labat , nullo negotio , & sine dolore euellitur : sic & cruda iuuenta , acerbam admittit mortem : senectus mitem , ac vt Tragicus ait ,

*Animam senilem mollis exolvit sopor.*

Quid verò ambiguum esse potest , mortem duram iuuenibus esse : cum etiam somnus ipse , reluctantē natura , molestus sit . sæpenumero enim , ex quadam consuetudine somnum extra tempus quærentes , sicci , & famelici , nec lassi , tadium , voluptatis loco subrepiunt . Conquererebatur moriens Theophrastus ( & erat senex ) de Natura : quod tam longam vitam ceruis , & cornicibus , inutilibus prope animalibus largita esset , homini verò , sapientissimo , & proculdubio nobilissimo , tam angustos aut terminos præfinisset : quid igitur illis continget , qui in flore ætatis intereunt ? nonne iusta querelæ occasio erit ? Certe non . Sed modò causam audi : Primò cur hominē non longissimam inter alia animalia ætatem decreuerit ; postmodum intelliges , eum qui in iuuenta præripitur , eo qui senex , non grauius quicquam pati . Etenim primò illud dubium est apud multos , præcipue verò apud Aristotē ( an vllum animal elephante excepto , homine viuacius sit : nam ( nec phœnicis mentionem facit ) nec coruum , aut cornicem , vel ceruum , homine diutius viuere affirmat . Sed illud quod etiam Virgilio tribuitur , fateamur : quandoquidem nostra nihil interest , quod poëta dicat , de hominibus loquens :

*Hos nouies superat viuendo garrula cornix.*

Concedentibus iam ex Aristotele , elephantem plus viuere , quàm hominem , cur contendendum erit , sen homo ab vno , seu à pluribus vincatur animalibus : illud etiam consulo prætermittentes , quod Sacra pagina , longissimas vitæ periodos , quibus nulla brutorum vita sufficeret , hominibus ascripserit . Illud tantum nunc tractemus , quod præ manibus est ; scilicet causam , cur homo ab aliis animalibus , in vitæ diuturnitate vincatur . Causa igitur est , quod cum cetera animalia , vel ad hominis vsum , vel ad decorem facta sint ; prout libuit à natura formari potuerunt ; cum anima illorum , tam propter corpus facta esset , quàm propter animam , corpus itaque simpliciter facta , & paucioribus cum instrumentis , tanquam solidiora , diutius durant : at hominis corpus , cum propter animum tantum , factum esset , plura necessaria habuit instrumenta : vt Intellectus suo munere vti posset : Itaque , quanquam natura optimam conditionem humano corpori tribuerit , non tamen eam vitæ longitudinem assequi potuit ; ob nimias cōcauitates , ac membrorum tenuitatem : quæ si magna fuissent , [ vltro

E E c 2

id



id quod omnes fuisset gigantes] etiam inimicem sibiipfis fuissent impedimento: indicio huic est, quod nulli animali numerosiora sunt membra, seu membrorum partes: quas & tenues, & molles esse necesse fuit: ut etiam exatius formari possent, atque inde spiritus [animi instrumentum] subtilior & clarior euaderet. Nihil igitur in hoc natura neglexit, tantumque diligentiam, vitam hanc nostram adiuvit, ut terminos eius, non ulli homini penitendos, largita sit. Ostendunt id, noviter homines in Indici maris insulis inuenti, annos triginta supra centum superantes: quod in aëre bono, sine curis vivant: at nos, inter curas, & voluptates, intempestivosque labores; & aërem, propter lucrum eligentes; non ad vitam, [nec cuiusquam magis, quam diuturnitatis eius oblit] per assiduos morbos, & corporis incommoda, in præcoccam mortem irruentes, naturam ipsam, in breuitate, breuitatis æui, incusamus: At satius quanto esset, scire illius uti liberalitate, si modò tam cara, ac iucunda, hæc nobis lux est: Cur enim Philosophos plures, ac Eremitas, longissimo tempore vixisse legimus: quorum tamen valetudinem, horum, nimia abstinentia, illorum, assidua cōtemplatio attriuerat: nisi, quod absque curis, & temperatē viuerēt. Quanto hæc ratio, carnibus & melle, & cœnâ Galeni lautiorē, ad producendam vitam melior est? At nunc, anxij inter labores, & curas & semicrudam noctē peruigiles, Venere excarnificatis inter nebulas, non in aëre habitantes; vinoque decoctis; de vitæ breuitate conqueruntur: Sed modò quantumvis brevis vita sit; facit hoc æstimatio nostra. neque enim cum (prætermisiss Pygmæis, fabulosis nationibus) Garamantes annum non excedant quadragesimum, iure merito conquerimur, si quinquagesimum, aut sexagesimum annum attrigerimus: gratias enim Deo ageres, si in illorum regione habitans, ad eam ætatem peruenisses: nunc, proximus illi, aut etiam antiquior, de via conquereris. Est omnis vita longa, quæ ad mortem usque terminatur, cum ab initio cōstitutus sit terminus, ac ut poëta dicit,

*Nascentes morimur, finisq; ab origine pendet.*

Nonne in sacra Scriptura habetur, *Numerus dierum & mensium apud te est, statueris enim terminos qui præteriri non possunt*: omnis itaque hominum vita, senio clauditur, quoniam senium vltima vitæ pars est: *Est etiam senectus, mortis necessitas.* vbicunque igitur, mors est necessaria, senectus etiam ipsa, iam aduenit: hoc tanto felicius est, qui in iuuentutis tempore moritur; quod senex existens, senectutis incommoda non sentit. Visne videre, vitam diuturnam, & breuem, comparatione solâ dici: Nam animalia, (ephemera vocata) quæ matutino exoriuntur, iuxta occasum solis occidunt: si in meridie moriantur, brevis vitæ dicuntur, si vesperam attigerint longæ: cum tamen horas vix duodecim excefferint. Admiramur vitæ longitudinem in musca, quæ duas viderit ætates: in pulice qui tres menses attigerit: horum tamē vita, quæ pars humanæ est: canes decrepitos dicimus, qui annum duodecimum ingressi fuerint: homo his omnibus longior est, etiam si in iuuenta moritur: Sed non est hominis vita ab annorum multitudine brevis, aut longa dicenda. *omnia enim*

*mortalium vita brevis est, quod morte certissima claudatur.* Facit virtus, & gesta, vitam breuē, longam esse: signauit, omnē ætatem contrahit: Alexander, in triginta tribus annis, senex extinctus est, multitudine ac magnitudine rerū gestarum: Argantonius, cum centum & viginti vixerit annos, in iuuenta mortuus dici potest, quod nihil præter eam ætatis raritatem, in tota vita dignum memoria sit consecutus: Illud verò animaduersione dignum videri debet, quod plerique magni viri, in iuuenta extincti sunt: Heroum enim nullus ferme ad senectam peruenit, Hercules, Achilles, Castor, Pollux, Ajax, Iason; tum poëta, Lucanus, Catullus, Tibullus; nec Virgilio longæua vita fuit, nec Lucretio, nec Demostheni, nec Ciceroni. Quam verum est illud nimis, poëta,

*Immodicus brevis est ætas, & rara senectus.*

Iulius Cæsar, Seuerus Alexander, Probus, Aurelianus, Claudius eius nominis secundus, Carus, in iuuenta extincti sunt. Homines putō eò breuioris vitæ esse, quod probioris: quod tales Diis chariores, ab eis accersantur. Vnde illud etiam ex poëta sententia dictum recte, quæ ægida gestans Iupiter, atque Apollo diligunt, ad senectutem non peruenire. Est etiam illud considerandum. Optionem in his querendam, vbi voluntas auxilium affert: at tunc non est, aut vitam facere longiorem, aut breuiorem: quod si potes, facias, nulla quere læ causa superest: si non potes, nō maiore ratione breuitatem vitæ desles, quam mortalitatem: siquidem impossibile cura, solum stultorum est, & inutilis: At modò, fac ut iuris tui sit, vitam ad senium protrahere, nonne infelicius euadis? Tum primò, quod id munus quod solum, optimum à Deo Opt. Max. mortalibus ad mortem leniendam datum est, scilicet Temporis ignorantia, tollitur: iuuenes enim, bono animo vitā agimus, quod procul abesse mortem potest existimare, cum iam vitæ finem sit ingressus: Quam verum est, memorabile illud dictum Beati Augustini, Iuuenis citò mori potest, Senex, diu viuere non potest. neque est quod relucteris, quasi etiam iuueni certa mors incumbere possit: nam cum nulli tempus vltimum notum sit, iuueni omnino nunquam vitæ desperatio adesse debet, seu letali morbo animam agit, seu inter tormenta & vincula destinatus supplicio sit: ostendunt mortalium casus; & Naturæ, & hominum legem, Fortunæ subiectam esse; ut immeritò quidem, incerta pro certis lugeantur; Sed fac ut ipsam senectutem ingrediaris, quot mala accedunt? Labores, dolores, tristitiæ, sensuum mors, contemptus, atque quod omnibus his ferè peius est, ut Cæcilius eleganter descripsit, Quod vitari ab omnibus se videant, dicens,

*Tum etiā in senecta hoc deputato miserrimū,  
Sentire eā ætate, esse odiosum se alteri.*

Ingratus est senex, etiam filiis; ingratus amicis; contemptus à iuuenibus; odiosus familiaribus: non sensus corpori, non ratio sensibus, non genua toti inserviunt: noctes insomnes, cibi insuauēs: tædet sui ipsius, quomodo non tædebit alterius? Legimus Zenonem Citricum Philosophum, cum ob ætatem mori non posset, seipsum strangulasse. Quātum diligentia, quantum industria Cicero adiecit, quod conatu nixus est, ut persuaderet senectutem esse



esse tolerandam? quæ si bona fuisset, atque (velut opes & amici, ac filij, vel eruditio) saltem boni speciem præ se ferret; non erat quod tantum laboraret, ut æquo animo ferenda videretur: ridiculus enim erit, qui vel bonam valetudinem, vel magistratum, æquo animo tolerandum docere velit: at nos, tolerandam senectutem dicimus, optandam, minimè: quot autem hominibus, in iuuenta mortuos fuisse præstitisset? Priamus non pro miraculo, sed pro exemplo in historiis recitatur: Paucos ab hinc annos, Baccius Valor, filium indolis egregiæ iuuenem, ante oculos capite mulctari vidit, & ipse protinus moriturus: Anno præcedente, iam duos alios senes, consimili exitu perfunctos videram. Vnde Theramenis sapientiam admiror, qui cum è ruina domus, solus euasisset: gratulantibus amicis, dixit, *O fortuna, ad quam igitur me seruas occasionem?* nec errauit: inuidiâ enim cæterorum tyrannorum excruciat, & extinctus est, paucis post diebus, quàm ruinam euaserat. Itaque ea est conditio mortalium, ut si contingat, etiam postquam senex fueris, ad iuuentutem redire: ac, ut de Æsone poëta fabulatur dicens,

*Ante quater denos, nunc se reminiscitur annos:*

*Dissimilemque animum subit, ætate relicta.*

Quis tam es amens, aut vitæ cupidus; ut conditionem eam recipias? Modò, cum nihil supersit præter morbos, curas, contemptum, pericula, tædium, cruciatum, cur cupias vivere non video: Et, si in iuuenta, (cum omnia florent, vires, sensus, forma, ingenium, auctoritas) non rarò piget vitæ, quid facturus es eâ ætate, in qua id solum audis; marcidus senex, delirus senex? Iuuenis mors, minus est semper immatura, quum senis, tarda. At si te minor cruciatus exagitat: morbus senectutem fingit, quando & in eo, paulatim sensus extinguatur: sin quòd tu solus abeas? ne time: ibi plures inuenies, quàm relinquo. at verò qui relictæ sunt, quàm breui consequentur: enim,

*Longus ad manes properat ordo*

*Agminis mæsti.*

Nec sustinent diui, quenquam, ordinem suum deserere: Fata enim omnes vrgent, & immota manet lex: quin, sceliciores sunt, quantò citius ab hoc munere, absoluantur. Ac ut in damnatis, Lex eos prius occidit, qui minus noxij sunt, & minus peccauerunt: deteriores, & fortiores animo, spectatores alienæ mortis prius fiunt, quàm suam experiantur: sic, quos diui diligunt, non spectatores relinquunt, sed præcursores faciunt: vbi, non aliquis insignis vtilitatis causa, aut suis, aut mundo conceduntur. Denique cum nihil in malis, atrocius sit, diuturnâ atque certâ expectatione: senectus (vtrumque ferens) cum venerit, optare facit, ut quisque, iam se mortuum in iuuentute cupiat: quod igitur serò, & inutiliter tunc queritur, si eueniat, boni consulendum est: Matrem maem Claram Micheriam, iuuenem vidi, cum admodum puer essem: meminique tunc dicere solitam, Utinam si Deo placuisset, extincta forem in infantia: cum causam rogarem, iuuenis iam factus. (hoc enim semper in ore retinuerat) respondit: iam scire, se moritum, & maiore animi periculo; cæterum, ni-

*Tom. I.*

hil esse interim, quod si diligenter expendatur, non maiorem tristitiam afferat, quàm hilaritatem: Nam calamitates cum sunt, voluptatum, memoriâ (cum præterierint) offendunt, & iure merito. quid enim in hac vita est quod delectet? assiduum tædium, vestienti & nudandi singulo die, inde fames, sitis, somni, non maior copia & tranquillitas quàm mortuis: calor æstatis, frigus hyemis, turbines temporum, minæ bellorum, parentum imperia, tædia coniugis, filiorum anxia cura, seruorum contumacia, fori lites, ac quod his, omnibus etiam deterius est; Conditio scilicet temporum; in qua probitas, pro fatuitate contemnitur, dolus pro prudentia colitur; artifices nò à peritia artium, sed ab ornatu & vanis vulgi vocibus, habentur excellentes: ut fermè necessarium sit aut Deo displicere; aut ab hominibus contemptos, & vexatos, in miseria vivere. Mitto omnia mala, *Solum id quod cum mortuis commune habemus, non malum est: cetera omnia, quæ mala non appellamus, his, quæ defuncti patiuntur, deteriora sunt.* Reliquum est tandem, ut de mortis genere aliquid dicamus: consulè enim prætereundum antè fuerat; quoniam & multiplex est, & consideratione dignum, à pluribus existimatur: namque acerba mors; & ob iuuentutem, non facilè discedente animo; & ob cruciatum; & ob turpitudinem; & quia certa sit, dici solet: omnia tamen hæc, in publicis animaduersionibus coniunguntur: ibi, plerumque iuuenes, turpi, & crudeli, & certo leto traduntur: Verùm cum videamus plerosque è plebe, eam satis patienter ferre, non video, cur maiore cæteris, indigeat consolatione, præsertim, cum turpem mortem, non genus eius sed sceleris culpa efficiat; namque si ad genus solum respicias; plures eorum qui sic mortui sunt, & coluit antiquitas, & nostra ætas veneratur. In tyrannorum potestate, mortis tempus; atq; modus semper fuere; Innocentia verò, in eius qui moritur arbitrio: nec potest publica mors, esse cum dedecore, si vita, omni prorsus flagitio careat. nā mors publica, quæ sine scelere est, nò solum argumentum est virtutis, sed experimentum: primus, Christus trophæum tulit ex noua Lege, inde innumeri martyres, prophetarū etiam, ut quisque optimus, sic pessimo mortis genere, mulctatus est: Esaias enim, sub Manasse Rege, sestrâ sectus est; Hieremias à populo lapidatus; A mox veste per tēpora transfossus; Ioannes Baptista capite mulctatus; tum denique alij plures violenter trucidati: Nec melior gentilium optimorū virorū, apud Reges, vel ciuitates fortuna; verùm non effugisse, sed optasse eam videntur, nepe Zeno Eleates, cum liceret in domo sua quietè vivere; Nearchū tyrannum expugnare aggressus est, sed deprehensâ cōiuratione, in crucem agebatur, ibi populum verbis accendit, ut tyrannum lapidibus occiderint. Theodorus Cyrenæus, Lysimacho Regi minitanti crucem, respondit, Quid refert an cadauer meum in terra, an in sublimi putrescat: Socrati, cum liceret vel silentio mortem euadere (damnatus enim poena pecuniaria tantum fuerat) eos à quibus damnabatur, in necem suam accendit; & cum Xantippe vxor quereretur, eum iniuste occidi, respondit, an mallet iniuste



iniuste : sentiens , non esse malum , præter culpam. Non igitur turpitudine in morte , sed in mortis causa , si à vicio , & dedecore , ortum habuerit. At verò cruciatus , & iuuenilis ætas & Scientia , nihil addunt. namque scientia eius quod malum non est , mala esse non potest : sola verò mors post cruciatus , lenissima est. At verò tormenta vel magna esse non possunt , vel non diuturna. exemplum autem omnium Christus tulit , vt & in exemplum transfret : cæterum , innocenti rarissime mortem cum cruciatu contigisse : vixque semel , præterquam in Legum mutationibus , in quibus , innocentes , nocentes , contumaciæ fiunt , historiis mandatum est : Rarissimum etiam est omnino exemplum mortis violentæ , in innoxio , si absit pertinacia : vt qui sic probi viri occiderint , quasi voluisse videantur. At quàm levis res , mors sit , etiam & publica , vel cum ferro , exemplis apparet. Iulius Cæsar cum occideretur , postquam animaduertit cunctorum gladios in se districtos , nec defensionem irritam molitus est , nec vocem emisit lugubrem : cadens etiam , tunicam inter verenda deduxit , vt honestius caderet : decoris in morte , & inter vulnera non oblitus. hunc gener apud Lucanum imitatur , si qua poetis fides habenda est : namque Pompeij cadem describit his verbis ,

*Tunc lumina pressit ,  
Continuitque animam , ne quas effundere  
voces*

*Possit , & eternam fletu corrumpere famam :  
At postquam mucrone latus funestus Achilles  
Perfodit , nullo gemitu consensit ad idem :  
Despexitque nefas , seruatque immobile  
corpus.*

Cato Uticensis cum se destinasset morti , cuncta composuit prudentissime , aliorum salutis consulens , qui suam negligere proposuerat : inde , lecto Platonis libro de Immortalitate animorum , quieti se dedit , ac dormiuit , tam alto somno , vt exaudiretur : post expergefactus , se transfodit : cumque ob manus debilitatem , altius vulnus non insedisset , obligaturumque ab astantibus , salutis spem præbuerit ; dilaceratis mox omnibus , etiam intestina effudit : tanta fuerat moriendi sitis : Otho imperator , triginta septem natus annos , ac mollis , & effœminatus ab omnibus habitus : cum tribus victor præliis , vno , victus à Vitellianis foret. Senatu fauente , incredibilique militum amore , non sine maxima spe retinendi Imperium : ne tamen aut victus , aut victor , Reipublicæ iacturæ esset : tentatis duobus pugionibus in vespera , prudenterque compositis rebus ; diuisis etiam inter amicos pecuniis , somno profundissimo se tradidit : inde , solutus , cum libertum monuisset , vt militibus se ostenderet , ne ab eis occideretur , tanquam mortis suæ conscius ; se transfodit ; atque vno tantum gemitu , vitam cum morte commutauit : Canus Iulius , à Caio Imperatore damnatus : dies decem impetravit ad supplicium : quos omnes absque vlla sollicitudine , latrunculis ludens , dormiensque transegit : cum nuntiaret centurio horam instare , numeratis calculis , monuit collasorem ; ne post mortem vicisse se iactaret , cum ipse plures haberet calculos : testemque voluit centurionem. inde ductus ,

Philosopho comitanti , ac roganti , quid cogitaret , respondit : *Observare proposui , an extremo illo momento , animus meus discessum sentiat ; amicis postea renunciaturus.* Aratus , cum venenum tabificum à Philippo Macedonum Rege accepisse se cognouisset , vno tantum verbo apud familiarem emissio , reliquum tempus tam leniter transegit vsque ad mortem , vt non certus de morte , aut propinati veneni , sed ex Casu , languere , ac ex Natura videretur. Septem fratres fuere vnius matris filij , adolescentisque Machabei vocati , qui volentes , omnes , vno post alium diuersis affecti cruciatibus , vnà cum matre , Antigono rege iubente , occisi sunt. Testamenes ab Ephoris morti damnatus , abibat ridens : cum interrogaretur , an etiam Leges contemneret : respondit , *Non , sed multam soluere me oportet , quam nec peti , nec à quoquam mutuo accepi.* Id tamen exemplum etsi à Cicerone sub ignoti persona relatum , multum laudetur : graui tamen iudicio , vanitatem hominis , potius quàm fortitudinem refert : Neque enim naturaliter homo , mortem ( præsertim sceleris conuictus , ) amare potest : nec nostri etiam hoc instituti propositum fuit , vt ostenderemus mortem quærendam esse : Vtque infidi est , nolle depositum reddere , sic nec amici , nec grati retinere nolle : Vt igitur , mors nec fugienda est , nec lamentationibus deploranda ; sic nec occupanda , sed vt poeta ait ,

*Summum nec metuas diem , nec optes.*

Verum oratoribus talia referre conuenit : quæ & si ratione careant , plurimam tamen vim propter admirationem apud vulgus retinent : Honestius itaque Theramenis exemplum , ac cordatius dici potest : namque is cum iniuste à triginta tyrannis damnatus , letiferum poculum ebibisset , quod reliquum fuit , in terram elisit : dicens , Critæ pulchro propino : vetusto Atheniensium more , qui in conuiuiis , pocula è manibus , amicis tradebant : erat autem Critas , is tyrannorum deterrimus ac Therameni infensor. Clarioris etiam tranquillitatis , fuit Phocionis mors : ( namque vt minus , eò magis : ) compos enim sui , amico venenum haurire prius cupienti , cessit : demum cum deficeret , emittebat eam tantum vocem , *Quando nec mori Athenis nisi empta nece licet.* Sed cur diutius hominum exempla refero : cum liceat integras nationes in testimonium afferre , siquidem Galatæ , adeo mortem contemnunt , vt nudi pugnent : fuerunt & Romanorum exempla insignia , & Germanorum : vt pudeat hanc causam , in iudicium amplius vocare. Verum melius esse puto , breui oratione complecti rationem , Cur mortalis homo factus sit : ea triplex est. Prima , vt ærumharum aliquis finis inueniretur : grauis est hæc vita , & quanto ad senium producitur , eo molestior est ; vnde bene Gymnosophista fertur Alexandro respondisse interroganti , quidnam fortius esset , An mors , an vita : Vitam fortio-rem , quæ tot calamitosa ferret. Altera causa est , vt boni absque inuidia celebrentur , mali absque timore damnentur , opesque , ac potentia , quorum causâ mortales tot admittunt scelera , in nullo precio sint : rectè enim mortaliū res si æstimentur , anxia cura , & impia , eas damnat : at si mors non esset , homines ad rapinas ,



rapinas, & violentiam tantum, animum intenderent: quandoquidem etiam, tam breui eorum vitâ existente, nihil aliud cogitent. Tertiâ ratio, ad mercedem bonorum, & malorum poenas facit, cum post interitum, qui vitam religiosam coluerint; cum amicis, & fratribus, & maioribus suis, non tantum, verum etiam cum honestissimis, ac eruditis viris conuersentur, supràque stellas, & in locis amœnioribus, iucunditate fruuntur sempiterna: contra impij, in tenebris & solitudine vexentur. quare solis improbis, mors mala videri potest, (cum tamen non sit) grauioribus enim eos cruciatibus addicit; at bonos, Cygnorum exemplo (qui non aliâs quam cum sint morituri, suavis occinunt) lætari maxime conuenit. Sunt etiam nonnulli tam ambitiosi, vt sepulchri cura eos torqueat; qui non consolandi, sed accusandi tam stultæ ineptiæ erunt. Quid enim homini corpus est, cum anima secesserit? nec enim hominis amplius pars est, cadaver inutile, foetens, horridum: quod Seneca mandari sepulturæ, inuentum, iure aestimat, non mortuorum, sed viuientium causa: ne scilicet, iacens, & odore, & aspectu homines offendat: inde, tot nationes, tot modi condendi cadavera: Græcis enim mos fuit, terrâ obruere: Romanis, igne cremare: at Nabathej, etiam Reges suos, in sterquilinijs sepeliunt: Æthiopes piscibus denorandos in flumen eiciunt: Magi olim obiciebant feris: Hircani canibus: at Massagetæ (quod maius est) vorant: Ægyptij, vnguentis condiunt: Persæ, cera oblinunt; tam incerta est ratio, vbi nulla est ratio; stulte, nonne audis poëtam dicentem?

*Facilis iactura sepulchri.*

Quid iuuat an sis in marmore, an in humo inclusus, aut in ventre terræ? nunc te sollicitat quod operimento careas? nempe timendum non est; Cœlo regitur qui non habet vnam, dicebat poëta. Quid Regibus, generosa sepulchra, Pyramides, labyrinthi, colossi, mausolea? hanc sceleratam, ne obolo vno emerit qui sapiat, splendidæ structuræ hæ, nomen auctoribus certè dederunt: at propter putre cadaver condendum, si fiant, quid aliud argumentum est, quam insolentis animi, & eitis qui nec in morte, inanis ambitionis velit obliuisci, & desipere definire. At verò sollicitudo hæc, à Sylla cœpit, vt etiam de busto coraret, primusque contra morem Corneliæ gentis, sepeliri noluit, sed cremati; quod timeret erui, & ludibrio patere, cum id ipse in Marij busto curauisset: At quantò melius Diogenes ille Cynicus, cum morti proximus, & sub arbore iacens, rogaretur, vbi sepeliri vellet: respondit; Vt sic eum permitterent: dicentibus illis, feras eum laniaturas, petiit baculum: cumque amici dicerent, eum nulli vsui futurum, cum sensu esset cariturus; non ineptè, Diogenes eos arguit, dicens, In quo igitur mihi erunt damno, nihil sentienti? Accedit huic rationi, quod incertum est, quid abiecta cadavera faciant; sæpe enim opinionem quandam diuinitatis peperere: vt Cleoni Lacedæmoniorum Regi: cum enim excoxiatum cadaver, in crucem sublatum esset, apparuit serpens qui abigeret volucres carnivoras: inde orta Religio, quasi Deorum custo-

dia; corpus innocentis viri esset, cœpitque adorari, tam stultè, quam nefariè erat cruci impositum, & ludibrio affectum. Simile quoddam Clearchi cadaueri Cresias accidisse refert: natâ enim syluâ super ipso, pro Deo cœpisse adorari: At nunc etiam, superstitio manet, Eorum qui insepulti iacent, quod manes vagentur: (tantum potest memoria vetusti erroris, & metus solitariè vagantium.) Sed iam ista inutilia mittamus, & de luctu, (vt ab initio fuerat propositum) loquamur. Primoque parentum, quod eis, non solum amor sed & pietas, lachrymas ciere soleat, nec vltos honestius lugere videamus alios, quam eos à quibus progeniti sumus: debemus hoc amori, debemus charitati, debemus pietati: & si quid ad rem suam, luctus filiorum facere posset, certe lugendi essent: nunc, cum nihil prorsus conducatur, videndum, an saltem honestè, aut non absque ratione lugeri possint: In quo, primò vniuersalis quædam mihi ratio succurrit omnium eorum, quos per mortem amiserimus: Aut enim ipsorum gratia qui obierint, aut nostrum qui relictî sumus dolendum est: at verò si illorum causa doleamus, vel adhuc superesse animum credimus, aut vnâ omnia interiisse: quidem qui vnâ omnia interiisse putat, & illius causa dolet sic deplorat; Hei mihi quod iam amplius non eris sitibundus, famelicus, frigus, æstus, dolens, febriens, iniuriæ & calumniæ expositus, atque quod magis est, non amplius morieris, vt ego. at dices: ridiculus ero, si sic plorem, tu verò cogita, quanquam id non dicas, tamen omnia hæc, sic esse: moriendum est proculdubio; quis dubitat? mors (vt putas) mala est; corrigitur illum qui euasit de flere vis, & non te ipsum, qui malum hoc inenitabile, effugere non potes? At si tuam conditionem flere superuacuum est, quod lachrymæ nihil sint profuturæ in re necessaria, quanto minus illius lugebis obitum, qui etiam eò magis necessarius est, quod iam præterierit? At si superesse eum credis, sic instituendus merito luctus eris: Hei mihi, quoniam ex mortali, immortalis; ex laborioso, otiosus; ex misero, scilicet; ex tristi, iucundissimus; ex obscuro, factus es splendidissimus: Quis sic audiens plorantem, etiam si vnus sit ex parentibus, aut fratribus, risum possit continere? At vero nihil me vides mentiri: quamobrem si adicias (quod ferme ex animo exciderat) & eius causa lugeo, iam tunc nenia hæc nonne probe sic precio digna est? Itaque cum nullus ferè sit tam insipiens, vt audeat dicere, se illius causa plorare, qui vitâ functus sit, seu animus ipse etiam obierit, seu sit superstes: sic, omnes propriam solitudinem de flere dicunt: quæ, (si animum agnoueris esse superstitem) nulla omnino esse potest; namque & ille, tecum est, quantum vtrique expedit, & tu propediem cum illo futurus: At verò caue, vt audeas fateri, (etiam si tecum non sit) te tuam calamitatem de flere; impudens enim omnino es, ac inuidiæ plenus, qui tantum nolis illi esse beneficij, ob exiguam tuam vtilitatem: etenim si filios Regibus libenter tradimus, ob spem futuræ ab illis aliquando gratiæ, cum tamen Principum animus, inconstans sapius sit: aulicorum verò semper infida



societas : & omnium qui seruiunt generaliter neglecta salus : quanto libentius traditum ei acceptum referre debemus, in cuius aula, neque inuidia, nec odium, nec ambitio, nec negligentia : ipsius autem Regis animus, nec inconstans, aut cuiusquam rei ignarus esse potest ; conditio, vacat periculo ; societas, fraude ; præmium, ambiguitate ; tempus, sine ; & tu, eam illi ob commodum tuum inuidere vis ? absit. Reliquum igitur est, ut & tui commoda solum metiens, & illius interitum internecinum existimans, iure tibi merito dolere posse videari : qui quanquam forte (sic moratus) consolatione haud egregiâ dignus videri possis : si tamen rectè animaduertas, nihil omnino est quod doleas. Nec mireris, si tuo animo dignam rationem attulero : atque in primis, Cùm tui causa, hoc tantum iniquo feras animo ; alius certe illi par, aut officio, aut iucunditate, aut necessitate inueniri poterit : sed etiam, fac, non possit, aut in promptu non sit : memorare, quoties tibi negotium præbuerit, quoties sua causa in discrimen adductus sis ; quoties iacturam feceris ; quoties imposuerit immerito tibi : denique qualis fuerit erga te, vix scire potes ; qualis esset futurus, nunquâ diuinare licebit. Quoties à parentibus, à fratribus, à filiis, ab amicis oppugnati fuerunt, qui olim ab eisdem defendebantur ? Cassius & D. Brutus, Cæsarem aduersus patriam pugnantem adiuerunt, eum Imperatorem factum, occiderunt : Stultè admodum Antonius Octauio sua consilia prodidit, amicos patefacit, illius amicitia fideus, à quo etiam adiutus persæpe in dubia fortuna est : cuius tamen timore, postmodum, ad voluntariam necem compulsus est : Alexander, suis satellitibus (donec vixit) amicissimus est usus, qui eo mortuo, prolem suam, tum affines, alij alios perdiderunt : at ipse, in vnus eorum morte, luctui haud modum, aut finem vllum inuenerat. Parentum, fratrum, ac filiorum, ab initio semper instituta pietas, ac quasi innata : pluribus tamen, quantum exitio fuerit, paulo post dicam : At nunc rem ipsam prosequamur : Quid tam (rogo) inutile est, aut absque certo fine, inter mortales, quàm luctus ? qui nec alijs prodest, & ipsis lugentibus etiam nocet : Quamobrem non miror Thracum, & Cæsiarum nationes, in morte propinquorum gaudere, & epulari : quod eos absolutos hîc, omni molestiâ sciant : illic, foelicem vitam ducere opinentur : At contrâ, nascentes lugent ; quod ex iucundissima quiete, in tam lugubrem vitam inciderint : quorum morem, quidam ciuis noster (ut audiui) non inelegans, secutus, mandauit, ut cum saltatoriis tibicinibus efferretur funus : haud tamen scio, an testamento paruerint ; quanquam quo ad luctum attinet, probari non possit : quod vulgò, homines ea lugeant, quæ nec vitari possint, & eos ab omni incommodo securos tueantur, alienamque sortem bonam inspicientes, flectant, suæ autem miseriæ obliuiscantur. Quid tam frustra est quàm nihil lugere, si nihil à morte sensus superest ? aut si vident, tristitia afficere eos, qui amant ? aut ab his irrideri, si contemnant ? Equidem si eos damnamus qui amantes, & non amati, coram eis lugent, nihil profectu-

ri, sed tantum suam ostensuri stultitiam : quanto magis si nihil putas superesse ? an fabularum more ( & illæ tamen manes proponunt ) Eurydicem aliquam, nouus Orpheus ad vitam lachrymis reuocare speras ? hem putas, si in luctu, vel necessitas, vel utilitas aliqua fuisset, naturam quæ tot varias animantibus institutiones, tot varias artes, tum solertiam tam multiplicem, morésque diuersos dederit, ut pro catulis pugnent, parentes alant, obseruent in venere affines, coniungia, vindictam, luctus omnino fuisse oblitam ? nulum enim animal, post educationem, aliud animal mortuum deslet : quando tamè & formicæ formicas sepeliant ; ita in nullo, quod necessarium esset, munere, natura, in brutis, exemplo, defecit : at in educatione, necessarius luctus erat, ne prolis parentes obliuiscerentur, & speciem perderent : Similiter & prudentissimi etiam Legum latores, Diuina quadam mediocritate, & popularis stultitiæ, & utilitatis rationem habentes, terminos luctui admodum breues posuerunt : Namque Lycurgus ultra dies vndecim plorare necessarios vetuit, aut quicquam funebre facere : Solon verò omnia luctus solemnia sustulit : lamentationes, eiulatus, lacerationes. Quis verò dubitat, si Sapientibus & non vulgo, leges condidissent, eos omnem luctum ex toto fuisse prohibuituros ? quid prohibuituros ? imò, nec rationem vllam eius habituros : nempe quod existimassent, sapientem in hac causa, admonendum non esse : quod etiam per se alios plures fecisse video. Sed iam particulariter de eo dicamus ; Quando quis, parentum alterum deslet ; Velim ut mihi dicat, an cupiat potius illum superuixisse ; se autem mortuum, equidem ad hoc veniendum omnino est ; ut vel filij ante parentes, aut parentes ante filios, aut vnâ omnes, tanquam in excidio domus moriantur : At verò, vnâ omnes interiisse, pro summa calamitate, atque maximo infortunio habetur : Sin autem optas, te prius vita functum esse, non solum naturæ ordinem perueris, sed etiam in alterum horum incidis ; ut mors sit aut mala, ideoque minus offendant in parentibus, quàm in te ipso : aut bona, parentibusque ob pietatem præoptanda : namque malum à se abigere maxime unicuique conuenit : bona autem his optare ; quos charissimos habemus, & propter pietatem colimus. Quid verò in illis desles ? quod à senio sublato sunt : quod neque foelicitatibus attigisse præstat : aut in aliis deploras quod in te ipso fortiter ferendum iudicas ? an verò ut vetula illa orbitatem luges : sed rem referre libet : Venerat anus quædam ad ostium pauperculæ, panem petens, atque id subiiciens, se parentibus orbam esse ; id cum nos, primo quasi verbo attoniti, haud intelligeremus, vnus è socijs interrogauit, quantula ætate esset, cumque respondisset anus, septuagesimum excessisse annum : risimus intellecta re ; ( quamvis miseresceret non parum, ) mulier septuagenaria, orbam se parentibus conqueritur ; itaque vide ne tu dum luges, risum alijs commoueas ; quid verò facturus esses, si more quodam vetusto Iulensium ciuium, Coi insula incolarum, senes à sexagesimo anno, edito certamine, in pompa ex vrbs instituto iugularentur,



tur, quod inutiles ultra eam ætatem homines, è Republica sustulisse, magno commodo, & vilitati annonæ, cessurum videretur? Namque Lex hæc, (et si sæua esset) prospicit tamen omnis Lex vtilitati cuidam publicæ; quod etiam Caspios factitasse video: cum enim ea Regio, hominum ferax sit, frugum verò inops: parentes, post annum septuagesimum, inclusos fame necant: quod ut nimis ferum, ac barbarum, & à nullis beluis imitatum est: sic & mors, senibus parentibus superueniens, tam æquo animo toleranda erit: ut intelligamus eos omnem expleuisse infelicitatis cursum, nos in turbulento certamine curarum relictos esse: tuncque defuisse, cum ipsi, Reipublicæ graues, illis sua vita molesta foret. Curnam putas Babylonios senes illos, morti sponte solitos se tradere? nisi quodd & seni, mortem vita potiorum esse; & senem, ubi, mortuo inutiliorem agnoscerent. Iam verò non sit senex, (quod Melitide stultior sit, qui mortem in senectâ lugere velit) sed iuuenis parens, robustus, familiæ vtilis, consilio necessarius, in ipso gerendarum rerum ardore ereptus: non illud inquam dices prauum filij, tecum, Cur tantum distulit? velut quidam qui se ex familia nostra Cardanorum iactabat, qui moriente patre saltauit, omnibus videntibus: illud etiam adiiciens, quàm ferò! cum familiares, illum animam agere dicerent: At hic, impij animi, nedum reuoluto anno pœnas dedit, longâ tæbe extinctus: impleuitque illud Mosaicum, Honora patrem & matrem, si vis longæuus esse super terram: quod etiam gentiles cognouisse video; etenim Homerus in Iliade testatur, eos breuem ætatem agere, qui parentibus munus nutritionis non reddiderint. Tantus est veritatis consensus. Acciditque hoc, ut dæmonio agantur: nempe aliter tanti sceleris conscij esse non possunt; Inde infaustis cunctis huminibus, præcipientes corripiuntur à Numine, ne, quod spreuerint, possint attingere; est autem hominis natura Dæmonia; & quæ tam impia est, ut nefariè in parentes ruat; neque compos est sui, neque benignum in se quicquam continet: quo fit, ut necessariò breui consumatur. Sed ut improbi filij est, parentum odisse vitam: sic Sapientis est, illorum mortem & fortiter ferre, & in suum commodum vertere: optimorum exemplo medicorum, qui, si non desint medicamenta, haud venena pro illis subiiciunt: at verò, si venena in manibus sunt, longius verò quærenda sunt cætera auxilia; etiam venenis, ad depellendos morbos vtuntur, ita sapiens quæcunque mala, bene vtendo: eis prospera efficere solet. Inde primum subit administratio rei familiaris: exemplum prudentiæ, gloriæ certamen: quæ omnia patris præcipue reuerentia aut obscurat, aut tollit: habet enim patria potestas, maius aliquod, etiam ipsa seruitute, ad egregias res gerendas impedimentum, seu in re bellica, seu literaria, seu etiam reipublicæ administratione: cum omnia male gesta, in filium, bene, in patrem referantur: quem si colit, haud dissimulare potest, consilio eius cuncta facta esse, etiam si non fecerit: si negligit, vel ipso scelere execrandus est: At, qui sponte filiorum gloriæ cedere voluerint, tam rari sunt, ut Antiochi

Regis erga Demetrium filium lenitatis exemplum, pro miraculo sit: Auxit hanc causam, etiam euentus ipse: cum omnes qui illustres armis, aut literis, vel dignitate in Republica euaserunt, patrem ab adolescentia amiserint: ut Iulius Cæsar, Octavius Augustus, Alcibiades, Cicero, Galenus, Aristoteles: qualis fuisset Alexander, si Philippus vel quatuor adhuc annis superuixisset; cum enim bellum cum Dario inchoasset Philippus, victor gloriæ, victus facultatem bene gerendæ rei Alexandro relinquere non poterat. Ut igitur ignauis, ac perditis, semper paternæ mors impedimentum attulit: sic generosis viris, via est, ut quales sint, ostendere se possint. Illud etiam præ oculis perpetuò habendum est, Vitam, Mortemque, præcipuè esse Dei dona: quæ semper ex eius pendeant Providentiæ: idè qui mortem, aut vitam damnat, Diuinum iudicium tacitè subfannat, de eoque conqueritur, quod vtrique & opportunum, & vtile existit: atque tum maxime, quod ubi eos læseris, aut non dolendum est, amisisse quos oderis, aut illud potius dolendum, quod erga eos impius fueris: At verò nunc tutus es, ne vel impietatis flagitio coinquineris, si ab eorum offensione cauisti, & ne vel nolens, infortunio tuo efficias tristiores: quantum enim Hectori, ac Polyti, expedierat Priamum prius mortuum esse: qui illorum misero casu, adeo est contristatus, ut mortem suam contempserit. nonne scèlicior Hector est in morte, ob Astyanactem, quàm ob Priamum? namque illius miseriam, ne oculis videret, moriendo effugit: hunc miserum mortem sua reliquit. Sed hæc omnia optimorum parentum lenimenta sunt: At verò quot tales fuere, quos, quanquam odisse sit nefarium, non tamen amasse est necessarium: alij enim, communem reliquum parentem sustulerunt, velut Clytemnestra: quæ cum Agamemnonem occidisset, ab Oreste communi filio interfecta, proditur, sic & Alcæon, matrem Eryphilem, quod in Amphiarai patris necem consensisset, necauit: Vulgare hoc est exemplum, neque tales diligere parentes conuenit: quod etsi vitam dederint, inuiti tamen, eò id fecisse videantur, quod eos sustulerint, per quos in vitam veneris: vnde Lycophron, necis maternæ auctorem Periantrum patrem, nec fame enectus, aut salutare, aut alloqui sustinuit. At verò quam perniciosiores sunt, qui filiorum vitæ insidiantur: neque tanti facinoris tam rara sunt forsitan exempla, quàm putas: Sustulit Mithridates filios, etiam (si per eum licuisset) vsque ad orbitatem perueniturus. Theseus verò Hippolyto, immeritæ mortis causam attulit: Referuntque Medeam, filios proprios laniasse: quod certius fertur de Catilina, qui iam puberem filium, non aliâ causâ quam impetrandarum nouarum nuptiarum, veneno sustulit: Macheus Dux Carthaginensium, Carthalum filium in cruce suspendit, è victoria redeuntem: quod solum purpuratus, & cum victoriæ insignibus, patri exuli obuiam processisset. Huic igitur tam crudeli parenti, imò sæuæ belluæ, alius superstes filius in funere lachrymas funderet: quanto crudelius Laodices Ariararis Regis Capadociæ vxoris facinus; quæ cum ex coniuge filios sex suscepisset



pisset, quinque veneno sustulit, sextum etiam minimum natu, conata auferre ex vita, si affinium diligentiam substractus matri non fuisset, quamnam fera atrox tam nefanda matri potest conferri? equidem feles, & cuniculi, patres; filios nuper natos, obingentem libidinem (si licet) deuorant: matres, quæ in brutorum genere filios occidunt, neque legisse me meministi, & si scriptum esset, credere vix aude-rem. Simili feritate Evergetes Ptolemæus, duos filios, alterum iam puberem, alterum impubem, ex Cleopatra susceptos sorore, crudeliter occidit; etiam addito ludibrio. Horum Parentum, ac similiarum quam stulta mortis miseratio est. Vidi nobilem feminam, quam non obscurum est, ob adulterium; coniugem ferro, filium impubem veneno, intra dies quindecim, ad nouas impetrandas nuptias sustulisse: sponsaliaque inter funera coniugis, & vnici filij celebrasse. At video quid sis dicturus: Non talem desleo parentem, sed iustum, bonum, pium, mei amantissimum: qui scis, an in posterum talis futurus sit: nempe qui filios aut coniugem necauerunt, si ab initio tales statim fuissent, sublatis à cunabulis subito essent: at cum videas nullos illorum, eo tempore sæuisse, sed post multos annos: indicio est, eam improbitatem, vel tempore accessisse, aut tempore natam occasionem: Quamobrem nihil tam in vniuerso incertum est, quam ut gratia seu in filios, seu in fratres, seu in coniuges, aut in parentes, vel amicos, aut dominos extendatur: Multa tegit calliditas consilij; alia, fortunæ humilitas; alia, occasio; alia, prudentia: quæ omnia ætas superueniens, (velut in arbore) cicatrices etiam minimas, auget, ac detegit. Ac senectus adueniens, aliquando ob potentiam; sæpius tamen ob stultitiam, & improbitatem illorum, quorum operâ necessariâ, ob ætatis imbecillitatem, vtuntur: quorumque consilio reguntur, multa indignè in innoxios filios admittere cogit, quorum causa, miseram perpetuè vitam illi ducant, alij, exhæredantes, alij patrimonia suppilantes, alij nouas nuptias, nouercaliæque odia superinducentes. quorum iniuriam auget, inrita senectuti morositas, ac sæuitia: Vtque vnus exemplo tot stultorum, Sapientissimi viri, Catonis Censorini satisfaciam: hic, filium iam grandæuum habens, furtiuo concubitu prius, post etiam, infamibus nuptiis vilis feminæ, totam ante actæ vitæ prudentiam deturpauit: ac cohæredem, clientis nepotem; filio, iam prætorio viro, reliquit. Quid igitur mihi necessarium est, aut Lyandrum, aut Tiberium, cæteraque monstra, in senectute non solum flagitiosa, sed infausta commemorare: quando integritas, ac prudentia Romana, ætatis vitio, etiam lapsa sit? Quare cum pluribus, etiam fratrum multitudo paupertatem pariat, qui insignes futuri, angustâ re familiari, prohibentur egregium quicquam facere: confiteri debet quisque in parentum funere pietati plurimum, luctui omnino nihil deberi. Multo verò minus, fratrum mors anxium quenquam facere potest, si rectè res hominum ex ratione æstimare velit: idque primò, quoddam etiam cum filiorum interitu est præponendum, An vbi solus, & absque fratribus natus esses, non natos fratres etiam lugere vel-

les? equidem, cum nullum hoc facere viderim, vix puto vt quisquam luctu dignum ducat, quoddam absque fratribus natus sit: At verò, etiam si, dum infans extitisti, fratres plurimos amisisses, an & nunc illorum luctum renouare velles? & illud etiam scio negabis: quippe quoddam incognita non diligimus: luctus autem eorum est quos diligimus. Si igitur, nec non natos, nec natos, sed tibi ignotos, deslere dignum iudicas: multò minus iure merito qui nati sunt, & adoleuerint, deslendi erunt. Nam si fratres habere malum est, amisisse, lætan dum erit: si bonum, cum in cunctis bonis melius sit aliquid habuisse, quam ex toto caruisse, quis dubitat iam adultos minus esse lugendos, si moriantur, quam eos qui vel nunquam sint nati, vel nunquam cogniti: ea enim est ratio malorum, vt perpetua, semper sint molestissima: inque omnibus his, quies aliqua iucunda existat. Nonne in fame, duos panes habere melius est, quam nullos? inter assiduos labores, nonne requies etiam per breuis, gratio est, quam omnino nulla? nonne in carcere diecula libertatis, minus molestam efficit solitudinem? qui misere viuunt solantur, si saltem aliquot annis, iucundè se vixisse meminerint. melius igitur cum sit fratres habuisse, vnâque cohabitasse, coluisse, vixisse, quam horum omnium experientem fuisse (at ille qui omnibus his caruit, nec plorat, nec dolet, nec omnino meminit) quid igitur tu, illo longe fecilior, conflictaris? Sed facit hoc, falsa imaginatio, ac rerum opinio, qua & illum non solum, sed & te ipsum, quasi coæternum tibi finxeras: qua merito fraudatus spe, immerito postmodum fratrem luge, quid si ab initio statim; vel solitudo, vel frater vnicus, tecum quadraginta annis superuicturus proponatur? an velles potius solitudinis recipere conditionem, nempe non: nisi fratres habere, pro malo duxeris: At verò si iam recepisses solitudinis optionem, non doleres: nunc meliore conditione acceptâ doleres. quid hoc est? nisi quod nunc ad mortem fratris sustinendam, es imparatus: tunc verò præmeditatus accessisses. mors itaque hæc, non damno, sed opinione tantum intoleranda videtur, in qua commodi accepti doleres, non accepti (cum nulla sit necessitas) neque memineris: At verò hic tuus frater, optimus, atque tui amantissimus fingitur: non vulgaris, atque vt dici solet:

*Fratrum quoque gratia rara est.*

Equidem si ad quotidianam experientiam spectes, plerique sunt morosi, queruli, inuidi, nepotes, discordes, reprehensores, contemptores. ventos, poëtæ pulcherrimè fratres vocauerunt, quoddam dissides semper inter se fiat: non Amicos, non Socios: quasi quoddam nullis magis conueniat discordia, quam fratribus: hoc enim proprium illorum est. Primus Cain, ostendit erga Abel, qualis in posterum fraternus amor futurus esset: inde, Iacob decepit Esau: & vndecim eius filij, in Ioseph fratris seruitutem consenserunt: cum etiam aliqui, occidendum suaderent: non solum pietatis oblit, sed & communium parentum, & innoentis ætatis: post Absalon, occidit Amnon eius fratrem. Abimelech autem Gedconis filius, septuaginta peremit fratres, vno ex eis tantum



tum relicto: non Sacra Lex, non sancta Religio, non Diuinus cultus, à tam nefario scelere detertere cum potuit. Nec gentiliū mitiora exēpla: Atreus, Thyesti fratri filios tres ingulatos epulandos dedit: at ille, eum Regno spoliauerat, vxorem adulterio corruerat, excitentur Etheocles, & Polynices Oedipi, aut Simulus, & Rhæsus, maximi filij. Romulus, & Remus: Iugurtha, cui non sufficit Adherbalem & Hiempsalem fratres, nisi prius excarnificatos, occidere. Corbys, & Orsue Hispani, Cambyfes, qui vnicum Smerdim insontem, & priuatā vitæ hominem, ob somnium occidit: tam leuis causa, fratrem, in fratris necem accendere potest. Quid Caracalla Antoninus, erga Getam? quid Antipater Macedonum Rex? quid Phrahates, qui triginta fratres, atque cum his, patrem Herodem etiā, à quo Pacori iam mortui loco, Rex creatus erat, absque causa ingulauit: Regina Titæ filia Hiperionem fratrem in coniugem duxerat, ex quo filios duos, Solem masculum. & Lunam foeminam suscepit, communes fratres Hiperionem inuidiā, morti obtruncant: Solem in Eridanum fluuium submergunt: horum mœrore puella extincta est. Cleopatra (vt nec foemineum genus, à tam nefario scelere immune esset). Arlionem sororem, fratremque quintum decimum agentem annum, vt Ægypti regno tutius potiretur interfecit. Non sufficet hic liber, si impia exempla fratrum prosequi voluerō. Vnum cognoui, scelerati patricidij in fratres, bis consciū: alterum, anno præterito, ex patricia familia, publicè capite multatum, quem tres occidisse fratres dicebant, cum de duobus satis constaret, nulla Falerni sitis ardentior, quàm ea, qua scelerati viri, germanum cruorem exhaustire cupiunt: Inde tam scelerata vis, vt puto, quæ etiam ipsum nomen persæpe infecerit. Sed non sit hic tuus frater, ex pluribus; sit bonus, moratus, modestus, rarique exempli; Quid maius ab illo, quàm ab aliis potes expectare? nam si beneuolentiam requiris, amicus non cedit. si necessitudinem, filius præponitur. si pietatem, præcellunt parentes: si officium, sodales. si obsequium, vincunt serui. Horum autem omnium, cum mors ferenda sit, fratrum intolerabilior esse non debet. Idque, huius maxime signum certum haberi potest, quòd cum in filiorum obitu, parentum constantia, auctores (tanquam non vulgaris fortitudinis) meminerint: id neque in fratribus, nec in parentibus (tanquam nullius exempli) prosecuti sunt. Fratrem vnice amati, vnice dilexi, an ille te? sic Isaac Regi Germanorum, frater erat Alexius, quem in Regni administratione recipit: captum à Turcis, ingenti pecunia redemit: is rediens, Isaac Regno spoliatus, oculos effodit: in perpetuum carcerem trudit. Iurare per Deos potes, nec fallere; quòd amas, non quòd amaris. Domitianum obseruauit Titus, at, quot iniuriis Titum affecit Domitianus, vt etiam existimetur veneno eum necasse? Quid periculosius præsertim in re ampla; quàm filios fratrum curæ committere? vix & possibile, & fratres, & filios perfecte diligere. an ita velis fratres dilexisse, vt filiorum sis oblitus? quis

scit an forsan mala fortuna potius filiis tuis erepta sit, quàm tibi bonus frater? nam superstes, aut non sine periculo, curator filiis relinqui poterat, aut non sine iniuria præteriri. Memento Childeberti Gallorum Regis, qui duos pueros, Clodomiri fratris filios, per simulationem à Clotilde matre auocatos, (quòd non integrum Regum possessurus videbatur, si Regis legitimi hæredes superessent) interfecit: cum plurimi deteriora in nepotes admittant; vulgare tamen est, patrimonium illorum expilare: at, sublata est simul, & periculi, & iniuriæ occasio. Denique illud obseruandum est, naturam, vt in hæreditate, sic & in virtute, inter fratres, cuncta parti: Si vnus est optimus, alter est teterrimus; si vnus splendidus, alter sordidus; si vnus est vigilans, alter est ignauus: si fratrem oderis, cur putas te amari? si amas, amor iudicium eripit: verisimileque est, tam singulari probitati tuæ, non minorem improbitatem in fratre respondere. At non vides, occasio deest: fraterna hæreditas aut administratio obseruabatur quid obseruabatur? aucupabatur potius. At, quòd fieri non potest, fiat; vt scias, illum, tui esse amantissimum: tu sis orbus, filios reliquerit ille: eos amplexare, fratris loco erunt: in educandis, maior charitas, in conuersatione maior erit reuerentia. at nec illi, nec tibi sint filij: sit etiam vnicus frater qui mortuus est: si filios suscipias, quàm meliori loco fratrum erunt: argentum perdideras, aurum reparaisti. At verò, nec huius potestas vlla sit, citius quàm voles, imò nolens, fratrem comitabere. quòd reliquum est vitæ, in mœrore consumes: At ille si superfuisset, vix lachrymam emisisset: quòd si facturus erat, non te ipso prudentior ille fuit: Si ante illum, mori noluisti, cur desles, eum ante te mortuum esse? supererunt amici, affines, socij. Quot mortales, fratres ac parentes relinquunt, vt in claustris Deo seruiant: at frater tuus, ad Deum accessit, & doles, in liberam & beatam vitam migrasse: *Ferenda omnis luctus occasio est, quandoquidem & natura necessitas, & lex præteriti, & rerum humanarum varia conditio hoc suadet.* Neque, cum hominibus acerbior luctus, filiorum morte, superuenire possit, is (quanquam etiam relicta orbitate, sublataque omni prolis alterius spe, durior sit) non tamen aut mœrore, aut lachrymis, vel gemitu dignus est. Vtque paululum altius repetam, videndum arbitror: An orbi, an eius qui filios habet, beatior vita sit. Orbus, hoc vnum tantum habet, vt ex se progenitum, post se non relinquat: id si ad perpetuitatem, stultè speras: è tot millibus myriadum hominum, solem tuam inuiolatam permansuram, etiam si mundus ipse, finem nullum esset habiturus: At verò, quòd non solum Leges finem aliquem mundi posuere, sed Philosophorum, penè quicumque illustriores omnes, præter Aristotelem, haud obscurum est: Non continuatā autem vsque in perpetuum serie, quid ad te attinet, vbi finiatur? at etiam, si semper maneat hæc proles, beatus in eā causā esse potes? cum statuunt Peripatetici, patris semen nullam esse portionem corporis filij, sed totum ex sanguine matris generari: Galenus existimet venas, & nervos, & arterias



arterias solum ex patrio semine fieri: cætera quæ reparari possunt, ex sanguine materno? Vtrumvis fiat, Non est aui portio vlla, nepos, tam tenuis est hæc propagationis utilitas, vt nihil omnino, dici possit. post paucos annos omnis memoria atatorum aboletur. Quis inquam est qui abauum suum fermè cognoscat? At contrà tam parvæ voluptati, quàm ingens mœror opponitur: hinc pericula vitæ, illinc educationis dispendia, famæ metus, erudendi sollicitudo, adolescentum luxuria, temeritas iuuenum, contumacia, inobedientia, tandem etiam contemptus. hæc quæ in diuitibus hominibus, & foelicibus temporibus, tam vulgaria sunt; vt fermè pro necessariis habeantur incommodis. At nunc qualis spes in sobole, quæ oneri tantum ac timori esse potest? Populi opprimuntur, Reges pugnant: Turcarum Princeps omnia vastat; ferro, flamma: omnium malorum fœda seruitus, (mitissimum est) compegit nos in angulum, vrget vndique latera: mali non probantur, ciues boni affliguntur. At non putas satis, in tanta temporum calamitate, tibi ipsi soli timere, nisi & necessariorum tuorum miseriam superaddas? Quid enim tristius hac nostra ætate est: cum Cicero amissæ Tulliolæ filiæ (quæ illi charissima erat) doloris maximam consolationis partem, in dominatione Cæsaris collocauerit: in qua tamen, mitissimus Princeps; rerum domina Vrbs; ipse Cicero charus Cæsari, amicus potentissimis viris, amplissimas facultates cum dignitate retinebat. confer modo tum tempora temporibus; securitatem illam, cum præsentis periculo: opes, dignitatem, amicos Ciceronis, cum tuis: lenitatem Cæsaris, cum Principum nostrorum iracundia: illudque expende, an optandi sint filij; cū non doleat Cicero amississe. Est orbi vita, plena quietis, plena voluptatis, plena libertatis, plena securitatis: non habet de quorum aut iniuria, aut seruitute, aut ludibrio, aut cruciatu, aut periculo timeat: in pace liber est, in bello non anxius, crede mihi, nulla sollicitudo maior est quàm Parentum, in communi calamitate: seu pestis vrgeat, & non habes quod fugias: seu bellum ingruat, & abscedere non potes: aut si fame laboratur, deestque quo alas. has cogita infœlicitates, & vide, an hæc, cum orbitatis solitudine sint comparandæ. Sed iam ad principale oppositum reuertamur. Cur orbem factum te doles? cum nec propter ipsum filium dolendum sit, qui aut nihil patitur, aut etiam iucundus est: neque propter te, cuius optima conditio est filiis caruisse: ex periculo in securitatem, ex tædio in quietem, ex seruitute in libertatem euasisti, & conquereris. Nudius tertius quasdam mulierculas pauperes complorantes, filiorumque mortem optantes audiebam: an non longè melius esset illis caruisse, quàm eò miseriam peruenisse, vt filiorum mors optanda sit: vota pauperum expende; illorum negligentiam, circa salutem inspicere, intelliges me, non mentiri. At diues es, *Nemo, nisi in Republica diues esse potest*: & si Regem habeas, Tyrannus successor expectatur. vna nox hanc facit permutationem. Sed & in Repub. dum vnum non times, innumerales cauere oportet. Nulla voluptas esse potest in filiis, si opibus careas: Pauperes esse nos,

certò scire licet, diuitem, nequaquam. vbi non est securitas, quomodo foelix esse potes? Sed mortalium conditio, hæc vna est certissima, vt cum pluribus Principibus; bellorum incommodis subiaceas: sub vno; omnia patent illius arbitrio: memineris Heliogabalum Imperatorem, totâ Italiâ pueros conquisisse, patrimos, & matrimos decoros: quorum viuendum, extra inspiceret: Quid in Harpagum admiserit Astryages, quid etiam in Persas Cambyses, præcipue in Prexaspem. Ea est conditio hominum, vt malint plures esse Principes cum bellorum metu, quàm vnum, cuius libidini pateant omnia. Fuit vnus Octavius Augustus bonus, quoddam satis in bellis ciuilibus sanguinis Romani hausisset: at quot beluæ, continua serie successerunt? Tiberius, Caligula, Nero, Claudius. quid his monstris fuit portentus? At fac, vt etiam foelicibus temporibus viuas: non enim ex ipsis vllum capio argumentum, quoddam (quanquam hæc mihi ipsi propter casus difficiles conscripserim,) non solum propter vanam quorundam de mortalium successibus opinionem; verum ad inopinatos euentus facilius ferendos, qui, quanquâ præsentibus deteriores non erunt, nihilominus ex repentino aduentu, homines turbare solent. Ad posteros tamen etiam (me nolente) liber hic peruenire posset, atque idcirco culpari, quoddam vni temporis calamitati, aut nimis tribuerim, aut de permutatione desperauerim: quapropter temporum querelam suo loco relinquamus: atque vt decet, ratio consolandi, ex propria iterum contemplatione quærat. Mortuus est filius, quid facilius recuperari potest? nulla ætas nisi extrema, nullus morbus, nisi omnino lethifer, filiorum generationi obstat: quæ si ingruant, iam non de filiis magis, quàm de nobis conuenit esse sollicitos. namque ex ætatibus, Aristoteles finem procreationi, sexagesimum, aut septuagesimum annum decreuit: quamvis nobis non obscurum sit, etiam ultra octuagesimum, quosdam generasse: quanquam & formâ & viribus senium redolentibus: ex morbis autem, etiam tabes, & podagra, generationem admittunt: hi verò, tantum prohiberi creduntur, quibus aut genitalia defuerint, aut eorum virtus ex toto vitiata est; vel quibus post aures venæ ambæ sunt præcisæ: (tales enim Hippocrates steriles esse putat.) Quàm bene igitur natura prouidit, vt vbi hominum vota maxime vrgerent, illic reparandi facillima occasio esset. nihil enim facilius aut celerius, homini euenire potest, quam quoddam pater fiat: Diuitias namque, aut gloriam, vel amicitias paranti, longo tempore opus est: at filius momento gignitur. Qualis igitur iactura esse potest filij amissio, quæ (etsi maxima esset, quoddam tam celeriter, & ab omnibus instaurari queat) nihili faciendâ est: At diuitias reparare, pauperi iam facto arduum est, quoniam vt dici solet:

*Dantur opes nullis, nunc nisi diuitibus.*

At verò videbis hominem iam orbem, ac senem, quem cum resalutas, Danaum factum audis: si membrum præcidatur, non renascitur: si pater moritur, recuperari nequit, si frater: si fama perit, rara est restitutio: cum filiorum tam facilis, tam brevis, tam

absolu



absolutus sit iacturæ instaurandæ modus: vel hoc solatio vnico, digna luctu non est, Etiam si certus admodum sis eum filium tuum esse: sed quàm diu boni hoc nobis incompertum est, vt nihil incertius: fide agitur, fide opus est: sola vxorum pudicitia requirenda est, nil amplius sperari potest securitatis. At si contingat cuiquam alienum deffere (*etenim suppositi hi sunt, qui maxime pereunt, quod per nimias illecebras, animisque vehementer timore percussis concepti sint*) vide qualem risum his qui cantilenam probè nouerint excitabit; sed iam tibi patri (quod fieri tamen minime potest) non minus quàm matri certus sit, quidnam iam tuum est, an animus? nec quemquam tam impium inueni qui dicat: an corpus? quomodo, cum ex semine gignatur? est autem semen, tertix concoctionis alimentum superfluum, vt sterus, primæ, & vrina, secundæ: si igitur quæ ex superfluis nascuntur, nostra sunt; erunt etiam vermes, & pediculi nostri, atque amore digni. Cogita quantum seminis olim incassum effuderis, vel cum meretricibus concumbendo, vel etiam cum vxore iam prægnante: totum id periit, & non doles, quid amplius est in filio, quàm quod semel effuderis? tam vilem igitur & contemptam rem, tam grandi luctu dignam censes, cuius totiens omnino nullam rationem habueris. Si ad initia mentem reuoluas, videbis te non aliud lugere, quàm modicum infelix excrementum: quod si per somnum, vt quandoque solet, effusum esset, non omnino curasses: at modo quid interest, qualiter id pereat? quamobrem minus miror Aristippum philosophum, filium omnino sic contempsisse, vt eum à se abiiceret: alios verò etiam exposuisse, vt Laius Oepidum, Priamus Paridem. Nec verò putes, eum morem à Regibus solum obseruatum, cum passim à priuatis etiam exponeretur: quam Legè, Romulus, (infelicitis orrus memor,) felici successu, in Italia primus abrogauit, inde Xenobia esse coeperunt, quæ in vrbe, non feris amplius, expositos alerent. At illud video dictum es: Similis iam mihi factus est, plurimum laboris, plurimum pecuniæ impendi, consuetudine, atque educatione carus euaserat: hæ querelæ matribus iam magis conueniunt, quod si iacturam pecuniæ deffes, non de filio, sed de auaritia solandus es. At verò illud nō te fallat, morum similitudinem non à parentibus, sed à consuetudine contrahi, remoue filios à parentibus, nullius non magis mores quàm illorum imitabuntur, quo fit vt in omnibus, pauperum filij, parentibus assimilentur, magis quàm diuitum: quoniam pauperum, iidem sunt parentes, & magistri vitæ: diuitum, nequaquam. Quid igitur prohibet ne alienum instituas filium? is enim probè per similes est moribus, qui à te fingitur: vnde Quintilianus refert, Alexandrum Magnum Leonidæ pædagogi vitia quædam, aduultu etiam ætate retinuisse: (quâquam etiam in vitiis refugiamus imitationem, in virtutibus æmulari conemur) Quare si ob virtutem is, qui iam mortuus est diligebatur: propositum certe laudamus: sed hic, diu boni, quàm grata, quàm iucunda, quàm felix vita, in quàm suaue iter ei contingit: neq; enim fas puto, ea animorum gaudia, eos apparatus,

Tom. I.

quibus hoc relicto carcere, fruuntur, explicare: Nam cum eo pondere pressus etiam animus, mortalia quæque, pariter atque immortalia comprehendat; vix est facile dictu, quantum libet; virium, & dignitatis, illustrisq; gloriæ habeat, ad quam percipiendam; (non docendam dico) quamuis in hac vita altissimus habeatur (cum non ipse animus solus, sed homo totus sit, qui intelligat; quippe quod corpori, nimis arcto hîc, vinculo alligatus est, ne tam celebri expectatione, defugiat) insufficiens omnino est: Quamobrem tam lentè; tamque operose, ex hac catasta animum dissolui, quid mirum? sic enim matris ex utero, magno cum labore, magnisque difficultatibus, à tenebris in lucem hanc prodiit: his tamen, tantò mortis atrocitate minoribus; quantò interuallum gloriæ, qua nunc filius tuus gaudet, & vitæ prioris splendidioris, iuuenilis interuallum, & tenebræ illius, in aluo matris, fœtus moræ, antecellit. Naturâ enim illud comparatum est, vt ad omnia ingentia felicitatum incrementa, pariter arduis laboribus ascendamus: Eadè certè te ratio consolabitur, si infantulus tibi filius, ac etiam vnicus ereptus sit: (mitto enim quod qualis futurus esset nescias) metam attigit propter quam natus erat, quippe alia non est nascendi causa, quàm mors: vt corpus propter animam: & somnus ob vigiliam, sic vita propter mortē data est nobis. Quamobrem vt omnibus necessarius est somnus: his quidem exiguus, illis plurimus, sic & animis vita: Quod si gignendi aliam facultas negatur: alienum, aut ex affinibus quenquam instrue: eruditione enim, docti; disciplinâ, honesti; (non tales à parentibus pueri fiunt,) quemcunque sic institueris, Deo, (cuius omnes verè filij sumus) & Patriæ, (quæ omnium communis est mater) & Tibi, gratiam reddis: neque enim de obsequio, alienos, filiis cedere comperies. Non est præsentis instituti, vt doceam non optandam filiorum mortem, sed ferendam: Nec, Vt alienus, filio præponatur: sed; Vt filius sic institutur, vt alienis sit præponendus. Sed si successus respicimus: Generosi magistri, inclytos habere discipulos: Patres illustres, filios ignauos: vtque cæteros omnes taceam, Socrates sordescit in filiis, in Platone discipulo, fertur ad astra. nonne Aristotelem Theophrastus plusquam Nicomachus extollit: non solum digniores discipulos, sed & gratiores discipulos, sed & gratiores filiis, vetusta exempla ostendunt. Quis enim vnquam filius tantum patri fauit, vt & gloriam ipsam quemadmodum Socrati Plato concedere velit? Quis quod etiam viri spectatæ virtutis non tantum filiis caruerunt, sed suscipere neglexerunt, vt Thales, Zeno, Plato, Apelles, Diogenes, Galenus, Virgilius, Homerus: quibusdam verò, vt nolentibus, contigerunt, velut Alexandro, & Iulio Cæsari, nec mirum, illud enim spectabant: *ἀνδρῶν ἡρώων τέκνα παύματα*. *Herorum filij noxæ.* & certè magno consilio actū esse puto, vt à generosissimis quibusq; pærtibus, filij secordes procreentur: id quod tam bene & eleganter à Spartiano testatum video, vt verba eius subiungere statuerim; ea sunt: *Reputanti mihi, Diocletianæ Aug. uste, neminem propè magnorum virorum,*

F F F

optimum



*optimum & utilem filium reliquisse.* Satis claret denique, aut sine liberis viri interierunt, aut tales habuerunt plerique, ut melius fuerit, de rebus humanis sine posteritate discedere: ut ordiamur à Romulo, hic nihil liberorum reliquit; nihil Numa Pompilius, quod utile posset esse reipublicæ: quid Camillus? num sui similes liberos habuit; quid Scipio? quid Catones qui magni fuerunt? iam verò quid de Homero, Demosthene, Virgilio, Crispo, & Terentio, Plauto, cæterisque aliis loquar? quid de Cæsare? quid de Tullio, cui soli, melius erat liberos non habere? quid de Augusto, qui nec adoptivum bonum filium habuit, cum illi eligendi potestas fuisset ex omnibus? falsus etiam est Traianus, in suo municepe, ac nepote diligendo. Sed ut omitamus adoptivos (ne nobis Antonini, Pius, & Marcus, Numina Reipublicæ occurrant) veniamus ad genitos. quid Marco feclicius fuisset, si Commodum non reliquisset hæredem? quid Severo Septimio, si Bassianum non genuisset? quid aliud his docemur exemplis, quam filios à parentibus animum non contraxisse, sed à Deo? essent enim illis similes, neque nostros eos esse, sed communis parentis Dei: eosque ob virtutem; non virtutem ob illos amplectendam: id, si homines in rebus humanis consulerent, diuis similes efficerentur; & beatam vitam degerent. At verò Natura, admodum in eorum amore conata est nos fallere, scilicet ut unicuique; tantum curæ ingereret, ut nostri, ut Reipub. ut Dei (quodque plus etiam est his omnibus) illorum ipsorum obliuisceremur, tam stultè enim liberos diligimus, ut odisse potius videamur: illos, non ad virtutem, sed ad iniuriam: non ad eruditionem, sed ad luxum: non ad Dei cultum, sed ad facultatem explendæ libidinis: non ad vitæ diuturnitatem, sed ad lenocinia voluptatum educamus: Hanc tamen immodici amoris, stultæque solitudinis iniuriam natura non dedit: sed quemadmodum & famem & sitim, & somnum, homini ac brutis, quantum satis erat, largita est: animi tamen vitio, solus homo, absque fame edit, bibit absque siti, omnique genere voluptatis præter necessitatem utitur: sic & filios tam stultè amat, ut eos & ad vitia illabi permittat, & ipse, illorum causâ, nefaria multa perpetret: illósque, suum opus existimet: At non illius opus sunt, sed Dei: is animum, vitam, formam, robur, mores, ingenium, augmentumque largitur: nihil horum pater, Desine igitur, quod alienum est, tanquam tuum deplorare: qui fecit, ille ad se vocavit, illius imperio parere iustum, ac sanctum est. At verò si deprehendere cupis, an hic amor naturalis sit, an (ut pleræque aliæ libidines) animi vitium cætera animantia spectata, quorum nullum, ab educatione, filios proprios agnoscit: nedum ut amet: Si naturæ hoc munus foret, potius filiis erga parentes, quam parentibus erga filios, & ob pietatem: & ob necessitatem congruebat: Vnde, nec huius exempli oblita in brutis natura videtur: cum inter aues, ciconiæ, inter quadrupedes, glires, fessos parentes alât; at post primam educationem, parentum erga filios, nullum amoris vestigium extat, vincit igitur φιλοπρία quædã in hominibus, aut po-

tius φιλοπρία, *Laboris studium*, ipso hominis vitio, nimium sibi blandiente: At brutorum miserta est, cum idem sit finis educandi & amoris, in quo tempore *educationis* scilicet, parentes insomnes, laboriosi, macilenti, solliciti, miseri, omnibus apparent. Hanc curam non necessariam, & propagandæ speciei causâ, eumentitam, perpetuò sibi velut aculeos quosdam infigere, stultissimum est. Cum tamen nec rationale hoc sic desiderium, nec naturale, iure merito forsitan quis admirabitur, cur tam commune sit. Sed non dubia est responsio, si mihi prius ostendas, cur tot homines avari, cur tot iracundi, cur tot libidinosi euadunt: At hæc, cum non sint naturalia vitia, nec rationalia, etiam sunt inhonesta: solus amor filiorum post educationem (quantum nec à natura, nec à ratione proficiscatur) honestus tamen est. Sed nimis forsitan (tanquam ad Sapientes) Stoicis quidem & & veris rationibus, non tamen secus atque spinosis, in tam copiosa materia, & firma causa usus sum. Quamobrem ad pinguiorem orationem, & argumenta simpliciora veniamus: ne fortè tam ostendere, quam fallere velle videamur. Igitur si mortuus est filius, primò illud cogitandum est, an malè audiret, & improbus esset: nam & frequenter, bonus, parenti filius, malus videtur: cum domestica labe, magis nobis ignota sit, quam externa: tum etiam, quòd amor iudicium eripit. Inde fabula nata est, olim cuculum vocasse Philomelæ filios, cum suis, in canendi certamen: tum asinum iudicem, deierasse, se nescire quis suavius cecinerit: filios tamen cuculi, non tam obscure, nec tam inæqualiter: sic, non solum unicuique sui gnati, sed & mali, à malis probantur. In quo euentu, quod & plerique, etiam mediocris integritatis viri, faciunt, non tantum non lugere, sed lætari etiam conuenit. Maiora enim etiam his faciebat antiquitas: nam & Manlius Torquatus aduersus Decium Syllanum filium, repetundarum reum, tam crudelem sententiam dixit, ut laqueo se suspenderet: & M. Scaurus, filium inter multos fugientem ab hostibus, solius timoris reum, reuerti ad hostes ac mori compulit: sic Lacæna mulier, redeuntem filium è bello ob ignauiam occidit: cuius etiam est hoc insigne distichon:

*Hunc timidum mater Damatrimon ipsa peremit,*

*Nec dignum matre, nec Lacedæmonium.*

Tales inquam ac deteriores, erepti; nec amplius parentibus, nec affinis negotium facessunt: & seipso à maiore dedecore subtrahunt: quin etiam, quidam illorum, parentibus mortem moliti sunt, velut Blandenius Zeuxides, qui matrem interfecit, & Euander qui Nicostratæ matris suasu, patrem occidit, quæ causa ei fuit ut in Italia exularet. Tullij quoque Annalis filius, percussor, (ut patrimonium lucrifaceret) ad latitantem patrem in proscriptionibus triumvirosum perduxit. talia monstra, (ut rara sunt,) sic plerumque, multorum malorum superstites filij, causæ fiunt. Sic Priamo, Paris incolumis, domum & patriam euerit: hunc tamen morientem, defleuisset ille: tam stulta sunt hominum studia, ut optent quòd nesciant: & Deos consilio vincere sperent: arguantque, si

quid



quid eis nescientibus bonum procurauerint, Quodd si prudens, bonus, pius, ingentisque animi sit, nec desit spes propagandæ proles, & semini tui sustentandi per eum, quid Nepotibus relictis, in pietate deest: & si nulli sint, iam temerarium erat sperare, quod noluit, aut non potuit. Verum (ut libet) de ipso statue; maius est periculum, eorum, quæ morte deteriora sunt; quàm spes eorum, quæ his, quæ iam habet, sunt meliora: At morte deteriora sunt, miseria, turpitudine, flagitium, perpetuus cruciatus, contemptus: mors enim communis est: hæc paucos habent: & illos etiam mors non effugit: An verò melius est (etiam si hæc omnia euadat,) in infortuniorum sedem peruenisse, quodque tunc nolis, tam carè optare: namque necesse est, qui senectutem vult ingredi, multa tristitia experiri: nemo enim mortalium est fermè, qui diu uiuat, quem non aliquando contingat, ante mortem, ipsam odisse vitam, adde quod & poëta dixit:

*Adepol, senectus si nihil quicquam aliud  
vitiij*

*Apparet secum, cum aduenerit, unum id est  
sati,*

*Quod diu viuendo, multa, qua non vult  
videt,*

Equidem si te illius desiderium tenet, cum senex iam sis, proximum tempus est, ut illum comiteris: si iuuenis, larga est spes alios procreandi. Denique luctus fœminea res, non virilis est: unde Lycij recte eos qui lugere velent, fœmineam vestem induere cogebant: ut animo vestis ipsa congrueret, neque verò absque ratione, Siquidem inter omnes, ut viliores sunt, luctum improbiorem præ se ferunt; atque in primis mulieres, dein pueri: ex his etiam barbari, atque horum maxime effœminati: at contra, viri, eo quod generosiores, & luctum comprimunt, & dolorem à se repellunt. Est verò huic Inferno Luctui Deo, ut etiam aliis plerisque, mos, ut ad eos maxime accedat, qui eum colant: at si ab initio eum repuleris, neque animum permittas sauciari, quàm longe semper à te aberit. At verò vide quàm decorum, quàmve honestum, hominem grandævum, ac qui, ab aliis meritò consulitur, lugubri in veste plorare, queri, sordide eiulare, lamentari, O generosam indolem! Sed nec minus animo decet perturbari hæc enim prætermittere, intus autem dolore & tristitia se conficere, nec sapientis viri est, neque constantis, sed eius qui aliorum potius reprehensionem vereatur, quàm quod deceat, sequi nouerit. Melius igitur est illud secum sapius comminisci, *οὐκ ἔστιν ἄλλος ἀνθρώπων*, *Umbra somnium homo* quid melius dici potuit, adeo hominum vita futilis est, atque exilis: ut cum tenuissimum omnium sit umbra, fallacissimum & inconstans somnium; somnium umbræ quid erit: at hoc tamen Hominis non solum Vita, sed etiam Gloria est. Alius verò *ὅμοιος οὐρανὸν γεννᾷ, τοίνυν καὶ ἀνθρώπων*, *Qualis foliorum generatio, talis etiam hominum*, nam quid absimile? illa cadunt sole, imbris, vento, vredine: & si nihil inueniant, per se defluunt: sic hominum vita: crede mihi, iniuriam nullam accepisti, mors enim Deorum donum est. Dij neminem iniuria afficiunt, si ex ma-

Tom. I.

gistratu, suffragiis victus, decessisses, æquo animo etiam tolerandum duceres; quamuis repulsa, suspicione nec inuidiæ, nec contumeliæ, nec doli carere possit: At nunc, cum nihil horum metuas, Deorum suffragia dammare audebis? Illudne in mentem venit, quod Leontius Neapoleos Episcopus, in vita Ioannis patriarchæ Alexandrini accidisse narrat? Cum enim quidam obtulisset illi auri libras septem, ut Deum rogaret pro naui onusta, & filio, qui ei vnicus erat; intra mensem, cum prius filius excessisset è vita, naus etiam fluctibus obruta est, inde, patre eius ob utranque iacturam tristissima cogitante, Patriarchæ precibus, paucis post diebus impetratum est, ut nocte quadam pater, Patriarcham videre se existimaret dicentem, Orasti ut filius tuus saluus esset; ecce nunc saluus est: cum obierit: qui si vixisset sceleratus in vita, post mortem verò damnatus, seruari non poterat. Soli diui sciunt, quid nobis expediat, quando nos, qui sumus, ipsi ignoremus; ne dum, quid optandum sit, sciamus. Solari igitur non tantum, sed etiam lærari nos conuenit, in propinquorum omnium morte: quorum si memoriam obseruare cupimus (quanquam etiam, non illorum conuersationem frequenter, ne somnus ipse deneget) posteris & tibi nominis, & consuetudinis, referunt generosa sepulchra, imagines, statuæ, carmina, orationes, dedicationes, institutiones perpetuorum, tum sacrificiorum, tum gymnasiorum. His solatiis, nonne honestius, ac incundius, te ipsum confirmare; illius verò gloriam, mortalibus commendare potes, quàm planctu & eiulatibus, temet conficere? quod ut modò, his qui virtute præditi sunt, & animorum agnoscunt beatitudinem, superfluum est: ita infirmioribus moribus, tale solatiij genus, haud turpe est: Namque & Augustus imaginem nepotis pueralescentis, quem vnice diligebat, in cubiculo reposuit, quotienscunque ingrederetur eam exosculans: Alexander Ephestionis sacra constituit, & delubra; Fabius Quintilianus, non luctu, sed oratione, quæ filij laudes contineret, quasi honestatem eius laudis à dolore mutuaretur, obitum filij celebravit. Quid Ioannes Mesue, qui libri titulum, Patris nomine mentitus est: Sic Zoar, sic Aristoteles filio libros inscribens, sic Cicero, sic Plato in disputationem, fratres, & amicos vocantes omnes: non lugubri veste, & mœrore, sed æternis monumentis, charissimos quosque è suis, posteritati consecrauerunt. Iam verò rationibus satis ostensum puto, mortem filiorum neque lugendam, neque malam esse. Nunc verò, quam fortiter eam tulerint antiqui, exemplis prosequamur. Octavianus Augustus, cum duos nepotes Caium & Lucium, intra menses viginti amisisset, aded non commotus est, ut nec à Senatu abstineret: Demosthenes verò cum vna ei tantum filia esset, septimo à mortis eius die, procedens in publicum candida veste indutus, & coronatus, bouem immolauit: fortius etiam se gessit Dion; de Republica enim inter amicos consulens, intellecto quod filius qui ei vnicus erat, è recto se præcipitasset, mandans familiaribus sepulturam, negotium quod cœperat perfecit: Per simile

FFF 2

Antigo



Antigoni factum; cum enim in acie filius cecidisset, nullum aliud luctus signum dedit: sed dixit, O Alcioneu, ferius quam debuisti mortuus es; tam constanter in hostes irruens, nec monita mea, nec tui salutem, plurimi faciens: Periculis verò constantia nulli inferior esse potest, cum enim Paralum, & Xantippum, quos solos habebat filios, indolis egregiæ adolescentes, intra dies octo amisisset, candida veste coronatus, Atheniensibus concionabatur, consiliaque ac belli rationes, magna animi tranquillitate, à funesta domo profectus, explicabat. nec tamen absque imitatione, siquidem Anaxagoras eius præceptor, cum ei aliquando disputanti, mors filij renunciaretur: paululum substitit, dein testatus, se scire mortalem genuisse, in disputatione perseveravit: Paulus Æmylius, cum Perseum bellum suscepturus, Deos rogasset, ut si pro rebus gerendis calamitas vlla ciuitati Romanæ immineret, eam potius in domum suam conuerterent: id (seu voto, seu casu acciderit) quod rogauerat impetrauit: Cum enim ex quatuor liberis, duos per adoptionem, in Scipionum familiam transtulisset; reliquos quos apud se retinuerat, intra paucos dies amisit: nec minus leniter tulit casum hunc, quam fortiter optauerat: Tynnichus etiam Spartanus, clarissimi exempli monumentum reliquit posteris: cum enim Trasylbulus eius filius, in bello contra Argiuos occubisset, hoc epigrammate animi constantiam declarauit.

*Flere decet timidos, oculis te nate sepulchro*

*Condo meum sicis, ac Lacedæmonium.*

Hic namque ut mihi videtur Papinianum illud est imitatus,

*Vigor inde animis, & mortis honesta*

*Dulce sacrum: gaudent natorum in fata parentes.*

At verò, non tantum constantiam tenuisse, sed etiam illorum necem procurasse, magnam vtilitatem præstitit: Sic Brutus, filiis duobus, publico supplicio mulctatis, quem terrorem putas incussisse ciuibus? quam desperationem hostibus? quam admirationem vicinis vrbibus? ut non solum, tam fortis animi exemplum, magnam ad augendum Imperium, sed ad retinendum etiam Libertatem, quadringentorum annorum occasionem dederit: non tantum timore pœnæ, sed etiam æmulatione virtutis. Quid aliud per Abrahami in Isaac exemplum ostenditur, quam eos qui ita filios diligunt, ut sciant non in his spem suam collocandam, sed Deum ita colendum, ut liberorum obliuiscamur, magna mercede dignos esse, quare & multarum gentium, ex tam diligenti obsequio, pater factus est, nec vnquam semen eius delebitur: maius hoc est, quam Bruti, fortitudinis argumentum, ille, fontes occidendo, alios reliquit filios; hic, innoxium ingulando, sine sobole fiebat: ille, aliena manu hostes iubeat occidi: hic, manibus suis, obsequentem occisurus erat. Sed ad exempla Tolerantiæ reuertamur, in quibus (proh pudor!) tædet fœminas referre tam fortes, ut vinci non queant à viris, inter quas Tomyris Massagetarum regina, occiso, astu bellico, eius filio; mortem Cyri hostis, non luctu, inferias illi parentauit: vniuerso eius etiam casu

exercitu: Tum Cornelia Gracchorum mater ex numerosa prole, duos tantum egregios iuuenes C. & T. crudeliter per seditiones occisos, tam leniter tulit: ut illorum tantum & patris Africani facta commemorans, nullum doloris, ne luctus dicam signum ediderit: Argileon verò, Brasidæ Regis Lacedæmonij mater, cum filium in acie mortuum accepisset, non luctu & gemitu omnia compleuit, sed interrogauit, an honestè, & è dignitate viri occubisset: Girtyas autem Lacæna & ipsa mulier, cum nepos, tanquam mortuus, domum delatus à familiaribus defleretur: dixit, Non flet itis inquam: declarauit ex quo sit sanguine genitus: puer enim in puerorum pugna conciderat: cum tamen reuixisset, & iuuenis factus, in bello cecidisset, eadem, respondit, nuncianti, Nonne cum ad hostes ierit, occidere aut occidi debuit? at mihi gratius est eum audire mortuum, ex dignitate mea, maiorumque, & vrbis: quam si ignauus superuixisset. Alia etiam, casum filij (cum in acie periisset,) fortius tulit, dicens. Timidi lugeantur, ego verò te fili, sine lachrymis ac læta sepe lio. Alia itidem Lacæna mulier, cum quinque filios ad bellum emisisset, in suburbiis Spartæ stabat, euentum pugnæ expectans; cum verò quendam venientem interrogasset, quid ageretur: ille existimans de filiis interrogari, omnes obisse respondit, tunc indignata mulier, Non hoc inquit rogo, malum mancipium, sed quid agat patria? cum ille vicisse diceret, tunc mulier, libens igitur inquit filiorum mortem accipio. Tales fuere virorum, ac mulierum ingentes animi spiritus quondam; Gloriâ non minus quam Consilio clari. Sed iam, ut puto, de his nimis superque, atque quod ad mortem attinet, dilucidè explicatum est: ut non sit necessarium hic, neque amicos, aut affines, vel coniuges referre: illorum enim copia multa, instabilis conditio, necessitas parua: at uxorem, molestia, & contumacia, solæ feruè vindicant à fletu; neque tamen, si non essent morosæ, illi vxor deest, cum vna alteri succedat: At quantumcunque sint vxores optimæ, amici fideles, affines chari, indignum puto, Si frater, si filius, si pater, luctu non sunt prosequendi, hos in hac causa in iudicium vocare. Sed illud potius tecum statue, mortem, stultis malorum finem esse; sapientibus autem bonorum initium: utque Menander ait, *ὅν δ' ἀνέχεται, ποθὺν καὶ νόσος*, id est. *Quem enim amat Deus moritur iuuenis.*



## DE CONSOLATIONE

### LIBER III.



IVTIVS certè quàm destinaueram, atque copiosius, genus id consolationis quod ad luctum pertinet, ac mortem, sum profecutus. Non solum quòd tristitiæ causæ, quæ morte, seu propriâ, seu amicorum contrahitur, exilis est ac perexigua: sed etiam, quòd homines, hac ætate, opes, ac potentiam tantum diligunt: ut non, nisi cum imminet, mortis recordentur: longa quisque



quisque spacia vitæ sibi decernens; mortem, non huius mundi, sed cuiusdam alterius, quasi rem contemnunt. At verò diuitias, ac magistratus; præsentia, ac certa vixque vnquam desitura obseruant. neque hoc contenti, eos homines, qui non vt ipsi tam ingenti rabie horum vexantur: illorum inuidentes quieti, damnant, odunt, persequuntur. Namque id illorum studium est, vt Sapientissimi etiam, ac Beati iudicentur: quorum neutrum, iudicio illorum qui hæc quasi spreuerint, confirmari potest: cum autem & hoc, illi indignè ferre non videantur, odisse incipiunt, ac deum prosequi, vt si mediocritatem illam libenter ferant, pulsi tamen ab ea, & in necessitatem aliquam, seu calamitatem eiekti; dolere, ac conqueri apud homines incipiant: vt illorum institutum, qui tam ardentem opibus inhiant, horum confessione, tanquam prudentissimum laudetur. Verùm cum non eadem tempora, rerumque vices semper maneant: non de illa calamitate, quæ apud hos potentia cupidos grauissima habetur, sed illa quæ verè est, longiorem sermonem habuimus: Nam quòd & in mortis tempora, hanc suam beatitudinem producere nitantur, velut Poëta in viri felicitis sepulchro mortuum inducit dicentem:

*Spargemero cineres, & odor operluc nardo  
Hosper, & adde rosas balsama pumiceis.  
Perpetuum mihi ver, agit illachrymabilis  
urna:*

*Et commutauit sacula, non oai.*

*Nulla mihi veteris perierunt gaudia vitæ:*

*Felix seu memini, siue nihil memini.*

O lepidum caput, quàm belle nihil dixit, namque felicitatem hanc, etiam post obitum extendere audere; res est omnino ridicula, & ab ipsismet huius rei authoribus derelicta: Nempe quòd videamus post mortem, breuissimo tempore, hanc gloriam diuitiarum euanescente: multitudine non solum mortaliū, in eam laudem succrescente in dies, sed quòd etiam res ipsa, gloriā indigna sit, vixque è tot millibus millium hominum, qui sua ætate diuitiis inclauerunt, pauci admodum hi ad nostram memoriam peruenere; Gillias, Cræsus, Midas, Pythius, Meander, Erichthonius, Syssipphus, Tantalus: ex Romanorum libertis, Amphion, Menecrates, Heron, Demetrius, Pallas, Callistus, Narcissus: ex ingenuis, C. Cæcilius, Sylla, Lucullus, Liuius, Drusus, M. Crassus, cum verò Salomonis, & Ptolemæorum Regum ingentes celebrantur opes. Sed Gilliam liberalitas posteris commendauit: Cræsum & Crassum infortunia; Syllam & Lucillum victoria; Midam Silenus, libertos abusus, & Romana luxuria. Salomonem sapientia; Tantalum scelera; Meandrum & Pythium in Persarum reges munificentia; C. Cæcilium testamentum; Ptolemæos, Regia maiestas; Erichthonium ingens magnificentia: nullum penè, solæ diuitiæ præclarum reddiderunt, quanquam etiam tales fuerint, vt facilius omni virtutis genere, quàm tantis opibus gloria possit comparari: Cui uerò sint vsui ab interitu opes, nemo vel fingere potest: At etsi gloriam tibi, & vsum à morte, aliis præstarent, nihil ad te, illud potius cogitare expedit, in eas concedendum oras, in quas so-

Tom. I.

lam animi vitia, & virtutes perferre possis, tum verò, cum morieris, non diuitiarum, sed scelerum: non potentia, sed spei, memoriam succurrere. Inde quòd illo temporis momento (nam anteriores prætereo cruciatus) omnia sursum deorsumque vertuntur: tanquam tibi dissoluta orbis machina, in chaos antiquum redeat, ac velut in naui stantibus, ripæ procedere videntur; cum tamen illæ quiescant, tu autem mouearis: Sic in mortis hora subuerti vniuersus mundus videtur: inde, perpetuo hac luce cariturus excedis: nunquam has tuas diuitias aut affines, aut chariora hæc vsque in æternum inuisurus. Cur igitur, si sensum à morte vllum credis, non virtuti operam das? si nullum, saltem quieti, ac tranquillitati? cum non amplius aliam vitam experiri, nec in hanc, quam nunc habes, redire contingat. Sed suavis tamen est hic dolor, (vt qui scabiem scalpunt.) Iuuat distecere, eminare, laudari, alios premere: quando hic est vniuersus humanæ felicitatis terminus. O stultam cogitationem! sed facessat: maneat, modò ne alios meliora sentientes, velis arguere. Si tamen liceret, interrogarem: cur puerorum more, iuuat domum protinus ruituram ædificare? cur tot labores incassum perdere? cur non tantum corpus sed animum frustra vexare? Sed iam olio me rapit oratio, namque multa sunt, in quæ præter quasi intentum, diuertere cogor: Atque illud primò, ostendere debeo, quare liber hic præcedens longior euaserit: Simulque vnà omnium calamitatum (si quæ fortè intolerabiles videbuntur) medela docenda est. Itaque elaborandum diligenter fuit, vt istud ostenderemus, mortem in malis ponendam non esse: quo fit vt cum ad eam, cuiuslibet aditus pateat, nemo miser nisi volens dici possit: quamobrem cum aliquando Tiberius captiuorum custodias inuideret, cuidam roganti, vt quàm primum mori liceret, respondit: Nondum tecum redij in gratiam: vera vox, si ad rem aspicias, tyrannica, si ad mentem. Hæc igitur altera causa fuit, vt paulò prolixior in præcedenti libro fuerim. Omnium enim malorum tria sunt auxilia, Mors, Sapientia, & Fortuna: Morte quidem vtuntur hi, quibus his aliis duobus vti non licet: cum in eas molestias inciderint, quæ grauissimæ videantur. Quapropter mihi Damidas Spartanus, prudenter cuidam respondisse videtur dicenti, en Lacedæmonij periclitantur, O Damida, nisi in gratiam cum Philippo redeant: (hostes enim Regis Lacedæmonij fuerant, & tunc Rex Peloponnesum occupauerat:) cui Damidas, O semiuir inquit, quidnam graue pati possumus, mortem contemnentes? Sic puer Lacon, cū captus ab Antigono, ac venditus, in officiis ingenuis hero gratissime inferuiret: postquam animaduertit indigna opera iniungi, atque inter cætera, vt maculam deferret: negauit se facturum, assurgente domino, hæc comminante, puer tegulas conscendens dixit, Videbis quem emeris, & continuo se præcipitavit. Sic Crassus, cum captus vereretur ne ludibrio esset, virga qua equum regebat oculum barbari effodit: quo irâ percito, ab eo occisus est. Frequens erat exemplum antiquo tempore: morte, mortem, aut longam, aut ignominiosam effuge

FFF 3



effugere. Inde qui sub Tiberio, Caligula, Nerone, mortem sibi consciverint, si velim numerare, prorsus ascribens nomina, quam longissimam historiam conficiam: si numerum tantum, nemo credet. Nuper etiam dum hæc nos scriberemus, quidam pigmentarius Venetiis, damnatus sceleris, colloquio cum fratre impetrato, cum ille osculum dedisset, venenum in cortice auellana latens, ex ore accepit, indeque horis paucis extinctus, à cruciatu & dedecore se subtraxit. Legimus & quosdam morborum tædio, vitam voluntarie finisse: è quorum numero Pompeius ille Atticus vir clarissimus, ani doloribus nimium vexatus, cum quievisset, inedia tamen, ne amplius in eam poenam incideret mori perseveravit. Eodem mortis genere ob podagram Corellius Rufus obire voluit. At verò lex nostra quenquam sibi ipsi manus inferre prohibet; & merito. Nam nihil homini Christiano intolerabile esse debet, præsertim excluso vehementi cruciatu. quo in casu, Lex, quamquam haud probet, indulget tamen. Itaque non obscurum est iam. cur præcedentem librum tantum extenderimus: Nunc illud iam proponendum videtur, nihil esse miseriarum præter cruciatum (& nec ipsum iure excipio) quod hominem contristare merito possit: omnesque homines, si rectè sapiant, æqualiter ferre, & beatos, & infelices esse: ut illud cum Socrate sentiam, si omnes homines suas curas, ac mala in cumulum unum, æquis diuisuri portionibus conferrent: postquam eius magnitudinem, ac cæteros mortales, unumquemque sua onera portantem inspexissent, singulos potius denudè quod attulerint, libentius resumpturos, quam eam diuisionem probaturos: Quod enim unusquisque propria mala nouit, aliorum nesciat, id in causa est, ut se inter alios miserissimum putet: In qua peroranda parte, duo illa mihi obici posse sentio, alterum quod hic liber eruditis tantum proficere possit: atque iam, sine eo, qui literis operam dederunt, cum Tullij præcipuè libros De bonorum finibus, ac Tusculanas quæstiones, Paradoxa, de Senectute, ac Plutarchi opuscula, & Petrarchæ remedia, tum Boëtij, atque aliorum etiam reuoluerint, non minimam calamitatum medicinam inuenturos: at hi qui literarum cognitione carent, tota penè plebs, tum rustici, & ex patritiis, pars maxima: quoniam auxilio suarum ærumnarum damna pensabunt? Inde aliud periculi gentis, ne aut nimium audax, aut superfluus esse videar; in qua accusatione forsitan reprehendi timerem, aut defensionem molirer, nisi quod ab initio testatum est, cæteros quidem libros, aliis; hunc unum, mihi composuisse, docuissim. Qui quamquam nec Ciceronis eloquentiam, nec Plutarchi grauitatem, aut Petrarchæ acumen, vel Boëtij Philosophiam æquare possit: nihilo minus nobis pergratus est: ea ratione, quam ab initio in filiis memorauimus, suam unicuique operam charam esse. At erramus: quis nescit? ferendus error certè est, qui & innoxius aliis est, & à natura propria proficiscitur: Alterum, quod etiam mihi excusandum videtur, ut ne quis nobis illud dicat; Facile cum valemus ipsi, dolorem

tolerandum aliis suademus: idque, est verbis inanibus aliis persuadere, quod opera ipsa non præstes: atque oratione solà, virtutes velle mentiri. In quo genere, quamquam Cicero, atque Plutarchus, tum Petrarca, & Aristoteles me excusent: quod ex his, alij minimè, quam tantum extulerint Fortitudinem, in aduersis ostenderint, ut Cicero: neque enim in infortuniis homo ullus abiectior fuit: alij ex his, aduersam fortunam non sint experti, præter leue exilium: prædiuites enim, & Regibus grati, atque meritò fuerunt: tum quod non necesse sit, omnes bonos, etiam si ex animo sentiant, in re ipsa periculum sui facere, hoc enim Fortunæ est, illud Virtutis: neque etiam admodum necessarium, ut qui rectè dicunt, rectè etiam uiuant, veritas enim etiam ab improbis persepe defenditur. At ego, quamquam his omnibus dissimulare possem, ac subterfugere, tamen cum eius laboris causam diceremus esse, ut nobis satisfaceret: *Vix cuiquam persuaderi debet, hominem in summa falsitate existentem, ad consolationis rationes, animum intendere posse: quod si faciat, vix est verisimile: ut quicquam magnum assequatur.* Quod sit, ut etiam hic liber, si ad alios perueniat, ampliore fidem sit consecuturus; & quamquam cuiusque ut diximus, virtutem laudare liceat, non tamen proprium est ingenui viri, vitam à verbis ab similem habere, similem autem vitam, aut in fortitudine, aut in patientia, quoniam pacto habere possumus, aut cæteris ostendere mortalibus, si omnia secunda fuerint? Igitur quod diuino factum puto esse aliquo consilio, ut scilicet genitus, natus educatusque in maximis calamitatibus, non meliore fortunâ, ad hanc usque diem peruenirem; si silentio transigerem, magnam partem ac necessariam huius propositi prætermittere arbitrarer: namque ut qui res difficiles aliis persuadent, si ipsimet eas aggrediantur, & fidem & auctoritatem dictis adiciunt: sic enim Aristidem, Phocionem, Socratem, Platonem, Catonem, tum Prophetas, & Sanctos viros, atque omnium bonorum auctorem & conditorem, Christum Iesum, fecisse video: non tamen hæc subiungere hic volui, ut illos virtute, sed ut instituto vitæ imitari viderer: atque quantò ob humilitatem natalium, cæteris sum inferior, tantò facilius, modò velint, hanc nostram in aduersis patientiam superare sperent. Igitur ut ab initio exordiar, In pestilentia conceptus, matrem, nondum natus (ut puto) mearum calamitatum participem, profugam habui. Inde octauo calendas Octobris, anni primi supra millesimum ac quingentesimum, in hanc lucem semimortuus editus, cum spes, omnes reliquisset, vini balneo recreatus sum: tum iam trimestris, duos fratres & unam sororem perdidi: grassante in ciuitate nostra pestilentia: inde, cum etiam in Ticinio seui-  
ret, repente eo morbo nutritium amisi: tunc audaci, & pio factò Isidori Restæ; nobilis viri, & amici paterni, manibus eius inter funera exceptus, morbum paucis post diebus contraxi: inde hydropem, hepatisque fluxum: Deorum an irâ, an misericordiâ seruatus sim, non sat scio: nullum interim morborum



borum genus intentatum reliqui, annum usque ad octauum : inde, loco serui, patrem usque ad decimum nonum annum perpetuo comitabar: Dij boni, florem hunc vniuersum ætatis, & sine voluptate, & sine studiis transegi: Cum verò neque patrem cogere possem, nec fraudare, honestum ducerem, nec precibus impetrare valerem: Religioni tandem, amore studiorum tradere me volui: Inde metuentis matris orbitatem precibus exortus pater, in Gymnasium demisit: ibi, temporis amissi memoriam reuoluens, simulque vitæ hominum breuitatem considerans, studiis assiduus me tradidi: illud etiam timens, ne si pater malum de me nuncium accepisset, denud reuocaret. Ibi difficultate Latinæ linguæ, (vt qui nunquam vel semel scholas inuississem) non parum laborabam, inter tamen tot mala, pater iam antè concesserat, vt Geometriæ, & Dialecticæ operam darem, in quo (quantum præter paucas admonitiones, librosque ac licentiam, nullum aliud auxilium præbuerit) eas tamen ego (succisuius temporibus studens) interim feliciter sum affecurus. Inde (desiderium augente absentia) mortuus est, sæuiente peste: cum primum me diligere cœpisset: Tunc bella illa internecina in patria initium habuerunt; ipse inops, ac auxilio omni destitutus; diligentia, & solitudine matris incredibili sustentabar, cumque patrimonium (quod minimum erat) non sufficeret; spe, & a ieno consilio fraudatus, & studentium Rector creatus, nihil, prius cum haberem, totum tamen illud nihil consumpsi. Nec vllum mihi erat reliquum auxilium, nisi latrunculorum ludus. Tandem ex infortunio in infortunium euadens, in oppidum Succense me contuli. Quo in loco, totus Medicinæ intentus, familiam sustentabam industria, ægrè tamen, vt cui (præter id quod nihil esset) etiam alienum æs non paruum, prius, bello illo magistratu, cumulatam erat. Inde matris literis in patriam reuocatus, integri nihil inueni: nemo amicus: consanguinei aduersum me litigabant: Medicorum collegium, suspitione obortâ, quod (tam male à patre tractatus) spurius essem, repellebat. At nec (quod penè exciderat) medicorum Patauinorum consensus mitior erga me fuerat: cum lauream, (quæ mihi iure debebatur) bis iuste denegauerit; vixque (pertinaciâ Prætoris) vltimò concessit: Facinus certe detestandum, si non mea fortuna potius, quam illorum scelus, eos ad hanc iniuriam impulsisset. Desperans igitur, tabis quodam genere correptus sum, quod medici putant incurrabile: seu igitur voto celebri, seu quia ad maiora seruaret, nec vllò medicinæ tentato auxilio, post septem menses præter omnem spem euasi: Interim verò cogita, quæ tristitia animum meum vexare debuissent: Hinc paupertas maxima; illinc mater flens orbitatem, & suam miseram senectutem; tum memoria contumaciæ affinium; iniuriæ (vt rebar) medicorum; minæ potentis; desperatio salutis: nullus amicus: quiescens, indigebam necessariis; laborare non poteram; mendicare turpissimum erat: In tot difficultatibus constitutus, in quas & fortuna mea, & patris acerbitas, & affinium odium, &

temporum miseria me compegerant; consilio hoc, adiutus sum, Vt effugerem malorum saltem præsentiam; atque in oppidum reuersus sum: vbi amici complures me solabantur, & iuuabant: ibi Diuino auxilio, repente vnâ horâ, morbo in vniuersum liber euasi: tunc verò cœpi aduersus valetudinis detrimenta opponere abstinentiam; fortunæ patientiam; paupertati parsimoniam; litibus sollicitudinem; repulsis studium literarum: semper autem, & ab initio, & usque nunc, primus hic liber (qui quanquam tunc à me non esset editus, mente tamen conceptus) solabatur: inde in patriam denud reuersus, sopitem matrem inueni. Cumque multa mala, atque aliis intolerabilia, usque ad hanc diem passus sim: omnia contemnens, omnia perueni. Primum quidem auxilio Reuerendi Episcopi Philippi Archinti, virtutum & disciplinarum quantum quisque alius, pro viribus optimi patroni, defensus & adiutus non parum fui; demùm motu Illustrissimi Principis Alphonsi Auali, Istonij Marchionis, (cuius nomini librum De æternitatis arcanis dedicauimus, pro illius inclyta humanitate ac liberalitate) cum rē tractaret Franciscus Sfrondatus Senator illustris, non sine optimi cuiusque collegæ voluptate, in eum ordinem ascriptus sum: cum iam quadragesimum annum fermè attigissem: Ea fuit vitæ nostræ ratio: pluribus, & assiduus, ac ingentibus pulsata incommodis, cui quantum hoc profuerit studium, satis intelligis: maiora verò fortunæ ornamenta, eo animo spreui, quo iniurias illatas etiam tolerabam: Quamobrem & ad præsentem vitam, & ad animi tranquillitatem, nihil melius à Deo, patientiâ sum consecutus: nam & illa inter tot rerum angustias, mira mihi acciderunt, vt ab his iuuaret quos nullo beneficio affeceram: nam & Franciscus Bonafides medicus, vir tum optimus, tum simplicissimus; tam fortiter Patauinorū medicorum iniuriæ resistebat (quâuis & ipse ciuis) vt non à fratre frater diligentius defendi potuerit: & in Medioianensi causa, Franciscus Cruceius, Iureconsultus integerrimus, magno nobis fuit auxilium; tum etiam vt diligentem operam, aliquot in disciplinis impenderim, scribens, docens, atque inueniens. At verò, cum cetera sereno animo melius fiant; hoc vnum tamen, tranquillitatis animi præmium est, Inuentio: quæ qualis fuerit, his non obscurum est, qui librum Arithmeticæ, nondum editum, cuius titulus est (Opus perfectum) legere velint: aut Geometriam nostram, aut librum De medicorum discordia; in quorum primo, capitula Sexaginta Algebræ vniuersalia inuenimus: ætate omni quæ ante nos fuit, in Septem, explicatione consumpta, cum hæc solum, ob difficultatem, inueniri posse speraret: tum verò & Numerorum vires supra Quingentas adiecimus: in secundo, non pauciores propositum Euclide fabricauimus, fateremur in quam, nos ab illo, Vtilitate, longo antecedi interuallo; de inuentorum tamen Subtilitate, alij indicabunt. In tertio, Græcorum, Arabum, & Latinorum medicorum sententias contrarias, quotquot ad manus peruenire potuerunt, disputauimus,



distinximus, conciliauimus. Maximam verò congeriem librorum, ut vel legere pigeat, ad hanc usque ætatem scripsimus; omnium tamen emendationem absoluerè despero. Quotum etiam aliqui, quamvis minimi, & si in lucem minus castigati prodierint, vitium in nobis quidem fuit; aliorum verò culpa, qui per inuidiam, nos coegerunt, immaturos factus edere, namque nec cum his, satis commode, nec sine his, vilo modo viuere poteram, illorum igitur calumniæ, quicquid erratum est imputeretur. Itaque hac pertinaciâ, si vel publicè profiteri voluisssem (quod omnes nouerint admissum aliquando renuisse) vel opibus comparandis operam dare: poteram patientiâ, vel aliorum fortunam; aut naturæ munera æquasse. Sed iam de nobis nimis; non ad laudem, sed ad exemplum dicta sunt: Quæ enim laus esse potest? Natalium humilitas? pater, patria, affines infens; valetudo infirma, fortuna aduersa, paupertas mendicitati proxima: iam me stupidum prorsus crederet, qui putet hæc gloriantis causâ dicta; quæ ad summum dedecus penè attingunt: ubi (à nostro recedentes instituto) vulgarem sententiam aliorum prosequamur: Verùm hæc tria, vno exemplo docere volumus: primùm, Neminem miserum esse, absque sceleris conscientia; alterum, Fortitudinem animi, non solum ad eius tranquillitatem, verùm etiam ad fortunæ mutationem, plurimùm conducere: vltimum, Lætionem huius libri, non tantum miseris, ut æquo animo aduersa ferant, sed beatis opinionem suam, ad continentiam, vtilem fore. At verò (quod reliquum obici posse docuimus) si cui omnino librum hunc, aut persimilem legere non liceat; hicne in miseris suis, omni solatio erit destitutus? certè non: nobis enim, quod prope diuinum est, ascriberemus: neque enim aliud necessarium est, ut non sis miser, quàm, quòd miserum te non credas: hoc verò, vel vno verbo docere & discere, cuicumque fas est: ut verò rationem huius percipiat, (quæ soli Sapienti utilis ad persuadendum) si quis forsitan sit pertinax; liber hic, vel similis, necessarius est: Igitur neque rustici, neque plebs, (modo velint credere) his rationibus indigent (quandoquidem & idem omnino etiam Lex nostra suadet,) at qui alios docere voluerint, hoc ex libro, fructum aliquem percipere poterunt: Mihi tamen ipsi hæc scripseram, quòd nullum doctentem habere; assuetus autem demonstrationibus, Fidem quidem habebam eorum quæ post mortem fiunt: at verò, Quòd hic neque felicità vlla esset, neque miseria, ex solis antiquorum rationibus, confirmari perfecte non potui: operæ precium igitur esse duxi, ut non tantum illorum dicta in vnum, sed si quid ego addere possem, in ordinem digererem.

Itaque ut à paupertatis molestiis initium faciamus: quandoquidem grauissimum visum sit aliquibus eius onus, velut Menander ait, *ἡ δὲν πτωχία βαρύτερον ἐστὶν οὐκ ἐπὶ πτωχῶν*, id est, *Nullum paupertate grauius est onus*, at contrà diuitiæ in honore semper fuerunt: nec vnquam illud mutatum est Poëtæ:

*In præcio prædū nunc est: dat census honores,  
Census amicitias; pauper, ubique iacet.*

Visum est, ut non tumultuariè, (quòd res ipsa plurima contineret capita) sed ordine quàm possem diligenti, rem aggrederer. Itaque primùm videtur illud ostendendum, Pauperem non minus foelicem esse, quàm diuitem: secundum, Paupertatem gloriæ non obesse: tertium, Nihil grauius fore pauperi, quàm ut ditescere velit: quartum, Diuitias post mortem neque prodesse illi qui mortuus sit, neque posteris suis. Itaque ut ab initio rem hanc exordiar; In Repub. paupere, felicità maior est, quàm in opulenta: minora odia, minor ambitio, minores seditiones: Vnde & Liuius illud refert, quòd cum Romana Respublica, pluribus ab initio seditionibus laborauerit, nunquam tamen vltra verba, in tam feroci Populo ventum est; ut sine iudicio quisquam condemnaretur. Primus Tiberius Gracchus, iam opulentâ vrbe, absque legibus occisus est, anno vrbis sexcentesimo ac vigesimo primo, tum antè, Romanos à legatis Carthaginensium hostium, benignitatis inter se maximam laudem meruisse, Plinius testis est. At contrà, cum diuitiis polleant, nihil tutum, nihil tranquillum fuit: Populus absque concordia, Senatus absque auctoritate; cædes absque discrimine, Magistratus sine Lege, facinorosi absque timore, plebs sine reuerentiâ, iuuentus absque pudore, senes sine grauitate: Profana omnia, & colluue gentium, ac seruorum mixta: inde malorum omnium seges, ut non obscurum sit, Opum publicarum, pedissequas esse Infelicitates: Paupertatis, Tranquillitatem. Similiter & Lacedæmonij, cum essent penè mendici, vitam & gloriosam, & beatam ducebant: cuius illud maximum testimonium referre libet, cum Persarum Rex, legatos Lacedæmonem misisset, tumultu Populi ferocis, violati sunt atque occisi: erat autem Spartæ templum Talthyrij, præconis Agamemnonis, legatis tutelare; id, sacrificantibus cum exta læta non redderet, in Religionem versum: pertæfos Lacedæmonas impulit, ut pro legatis totidem, duo scilicet, se deuouerent: Ipse autem Sperthius Aneristi, Bulis Nicolai filij, se obtulerunt: inde Sparta discedentes, cum antequam ad Xerxem Darij filium qui legatos olim miserat, Susas peruenissent, Hydarnem præfectum Regis conueniunt, qui eos benigne fouens hospitio, postquam & causam itineris, & animi illorum magnitudinem cognouisset; hostatus, ut Regis amicitiam potius quàm mortem vellent eligere, Xerxem facturum ut Graciæ toti imperarent: se vnum ex eis Satrapis esse, conditionem eius inspicerent: hanc beneuolentiam, (si suo consilio acquiescerent) haud aspernatos, tunc illi. Næ tu scis, Hydarnes, quàm iucunda sit libertatis voluptas, ut qui eius, (semper Regi seruiens,) expertus fuëris: quam si licuisset degustare, vniuerso eam Persarum Regno, iure merito sis præpositurus. Itaque tantam felicitàtem, in Repub. hi vel paupertate vel certè cum paupertate habuerunt: & erat tamen vita Laconum, ut aliàs diximus, difficilis, ob institutionem artis bellicæ: paupertatis tamen beneficio (ut qui nullos omnino haberent nummos) tam grata conditio libertatis omnibus erat, ut etiam Regno præponeretur.



retur. Et si ex Republica discedere liceat, Priuatum statum inquiramus; in quo etiam maior est voluptas, maior quies, quam in Regno; neque enim Rex amicos certos habet, nec in venereis illecebris, dulcedinem aliquam capere potest, cum nesciat se amari: est autem eius voluptatis prima pars, atque maxima, Vt ames, & ameris: at quomodo amari te senties, si nolentes, metus potentiae; volentes, praemiorum spes in suspicionem adducit? quid si contingat plures erga Principes esse ingratos? nimirum namque eos amicos non dicimus, qui vel metu, aut spe, aut praemiis assiduis continentur. Ea enim in ratione Alexandrum pater Philippus coarguit, cum putaret largitionibus sibi beneuolentiam comparare: clara sit (illustris quantumvis) Principum vita, cum amore & amicitia careat, foelix nullo modo esse potest: pereuntibus his muneribus, quae beatitudini hominum sunt proximiora. At videamus si & in his pares essent pauperibus, quanam iucundior sit, Regum vitane, an pauperum? Hic quidem, diluculo surgens postquam se lauit, operi suo se accommodat: inde pridiana abstinentia, & labore matutino incitatus, mensae accumbit, atque ibi vxor secum filioque: vel si his careat, laboris socius; suaue obsonium, (simul fame blandiente) vna edit: quicquid apponitur laetum est, ac preciosum: miset pranium, gratos sermones, spesque iucundas commemorat; non tumultus, non fatietas, non indignatio, non suspicio vagatur: inde disceditur, paulumque moratus ad pristinum laborem redit: excipit famelicum, denuo coena: ibi ioci lenes, ac saes non iniucundi, pro accumbentium qualitate: hinc ad lectum itur: interim syderum lux suadet, vt oculos attollat, recorderet aliquando futurum, vt in eas sedes beatissimas concedat: si quid tetrum admiserit, piget: atque in posterum emendaturum, mente pollicetur, lassus diurno labore, vt primum lecto se dedit, profundissimum somnum capit. Inde, salubris status, vitaeque plerunque diuturna, nec praeteriti poenitentia, nec futuri temporis timor, hominem exagitat: excipiunt interim festi dies fessum: tum vagatur quod libet: si quid pulchrum est in ciuitate, spectat, suburbia, viridaria, prata cum sociis inuisit, ludit innocue, nihil omnino triste meditatur: nec vitae pertasus, ad mortemque paratus. Quod si & huic literarum cognitio accedat, aliquantulum etiam dici foelicius potest. At vero Principis vita huic ex toto aduersatur, surgit quamprimum a discussa crapula: ne dum tamen ore sincero: sed hinc spiritus, graue quiddam sibi ipsi olens, hinc sapor tristis obuersatur; interim atrium satellitibus, sicariis, rabulis, adulatoribus competitoribusque repletur: serui vndique discurrent, clamatur, iurgisque inter eos agitur, quod nihil integrum sit. Hinc ostiarii importunos arcent, alios quam breui admissuros pollicentur: At qui si Princeps illustris moribus sit, rationes suas secretò recognoscit, atque vbi tantarum rerum memoria subit, piget vitae: alia enim nec posse perficere sperat: in aliis, sollicitus admodum est: quorundam fidem, secum criminatur: quorundam ignauiam accusat: aliorum etiam queritur auaritiam. vbi quae necessaria sunt percurrit: solemnia sacra audit: de-

mum, rogantibus operam praestat: ibi, quanto melior, tanto atrocius discruciat: remittit tandem ad consilium. hucusque (vt vides) si nihil etiam triste sit, nihil tamen cum voluptate agitur: succedit prandium, ibi lances, scyphi, apparatus, fercula, vina, omnia Rege digna: At conuiuae aut nulli, aut seorsum positi, hilari quidem fronte, verum altissimis curis obruti, ac vt Poeta dicit:

*In quorum facie misera, magnaue sedebat,  
Pallor amicitiae,*

Sed ad Regem ipsum redemus, qui tam opulenti dapibus, & splendido apparatu, etiam hesternae ciborum varietate satiatus, nec gustum habet, nec praesentia, cum voluntate aspiciit: sed potius nauseabundus, praepudore quodam recumbit: inde huc, modo illuc aspiciens, tandem aliquid seligit quod minus displiceat: Sed fac, peropportuno desiderio ciborum teneatur, atque hic vnus est multis sit illi dies candidus: num tunc voluptatem saltem capit? certe non, imò numquam minus, namque dubia omnia habet, cibum, potum, scyphos, mappas, sedilia, ne veneno infecta sint: Qualis certe iucunditas haec timenti? an non praestat coenare figulinis, betam, & saperdam: quam auratis, & murrhinis, Claudii boletos, & statyras rhintaces? quid hac suspicionem tristius, in qua periculum vix abesse potest, timor nunquam? id illud Dionysius exemplo quam pulchro edocuit. Adulabatur ei Damocles, (vt tyrannis parasiti solent) eum solum beatum ac foelicem dictitans inter mortales: cum saepius negaret id Dionysius, tandem vt experimentum suae foelicitatis faceret persuasit, inde vestis aurata Damocli induitur, sedes Regia, mensa preciosa, omnia denique Syracusanam opulentiam, Tyrannicumque luxum redolentia exhibentur. Inter tam ingentes apparatus, gladius peracutus ac fulgens, super accumbentis caput, tenuissimo filo suspenditur: tum Damocles vt hoc percepit, non attollere oculos, non manus porrigere, non quicquam penitus degustare audebat, intentus in tanti discrimine periculi, anxie Tyrannum rogabat, vt eum a laetis illis epulis liberaret. Hac coena tam illustri, Damocles probe edoctus est, vt vitam Regum amplius non optaret. Tandem (vt ad ordinem Regiae vitae reuertar) è mensa tolluntur omnia: scurræque, mimi, ac musici prodeunt: hi huic vel illum, (vt quisque optimus est) facetiis asperis irident: in alios, probra, in alios maledicta iaciunt: his risus excitatur, illi, impuris motibus, obscenam exercent corporis formam, illi inter lancium & vasorum tumultus, tibia canunt: in his omnibus, vt quisque deterius agit, eo magis probatur: interim Regis animus, molestis plurimis agitur, vultu dissimulante: vt autem multa & maxima, ac etiam tristia ex literis Praefectorum, recognouit; in consilium pergit: curis pressus ibi multa recitantur, quae nec auditu iucunda, nec factu bona sunt: iniusta, mala, pleraque etiam periculosa: his, Principis animus dstringitur; ibi offensae graues, proditioes, ingratitudines, suspensiones, errores, sceleraque tum Ministrorum, tum aliorum Principum damnat: concutitur interim animus, accenditur, flagrat; hinc discedenti, venatio,



natio, aut obequitatio, aut spectaculum equorum placet: vbiq̃ autem tumultus est, illinc, redeunt cogitationes multæ, plurimæque colloquia ad cœnam vsque pertrahunt, eadem à cœnâ mala, quæ in prandio, tandem itur cubitum, tunc plurima ante somnium obuersantur, tot hominum cædes, etiã quâuis fermè necessariæ, non tamen iustæ; insidiæ, metus, odia, iniuriæ, bella, strages, direptiones & urbium incendia, memoria mortis; idque præcipuè, Aut non esse, aut tamdiu discrucuari oportere; Demùm, ab his in hæc reuertitur, nihil tutum, nihil sincerum inueniri: omnia vt videt sic confusa; somnum optat, sed hic, difficilis illis est pugnante cœna: adueniens autem, nec altus, nec quietus; formidolosæ imagines plerumque affert: dormitur in aureis stragulis, altâ plumâ; sed subtili atque interrupto somno. Quænam igitur hæc est vita, nisi ærumnis & mentis æstibus plena, atque vt Antigonus Demetrio filio, liberius quàm deceret, erga subditos se gerenti, dixit: ignoras ô fili, Regnum nil aliud, esse quàm Seruitutem Gloriosam? sic Timoleon (omnium Ducum Græcorum, quorū in historiis leguntur, foelicitissimus) aiebat, Principes, multorum ministros, ac seruos esse. Tyrannorum autem conditio, quantò his etiam est deterior: incestus, rapinæ, innoxiorum cædes, venena, minæ, violentia, cruciatus, sacrilegia, omnia animo reuoluuntur, vndique metus, & suspicio habitat: tot habent quos timeant, quot habent à quibus timeantur: quàm bene eis congruit Laberianus versus, in Cæsarem dictatorem iactatus:

*Neceffe est vt multos timeat, quem multi  
timent.*

Quis custodes ipsos custodiet? timetur vxor, filij, concubinæ, pocillator, tonsor. Miseria, nec inimicissimis nisi pessimis viris, optanda. Sed iam (vt video) de foelicitate plurima quidē, sed confusè diximus, denuò igitur vnūquodque genus diligentius est inquirendum, atque in primis; Vita hæc, in paupere longior, incolumior, ac robustior est, quàm in diuite: nec quenquam tam huic causæ infensum puto, qui hoc negare audeat. Ter mihi, homines centesimum annum prætergressos videre contigit; omnes penè mendicos; horum vnus, faber lignarius; alter pigmentarius; tertius rusticus erat: Quomodo longa vita, cum ocio, curis, luxu, ac crapula esse potest: horum vix vel vnum, opulenti effugiunt. At in corporis salubritate, quàm dispar etiam ratio, hic abstinens, exercensque se, at ille variis epulis, libidine inexplibilis; quies, aut præposterus labor; noctes peruigiles, somnus diurnus: inde calculi, hydropes, tabes, podagræ tam frequentes diuitibus: cui pauperi hæc contingunt? color etiam faciei id ostendit: plerumque splendidior pauperibus subit proles; nec in hac diuites fortunatiores, orbi plerique enim sunt, aut tenui cum sobole; pauperi, nunquam deest, imo ad onus vsque: nec huius etiam causa occulta est: constat proles semine: hoc & spiritum viuacem, & substantiam densam postulat: vtrumque labor præstat. In Principibus viris, si modica inter parentes ad generationem desit differentia, multa quidem soboles procreatur, sed inualida: si plurima in-

terfit, nulla: at in pauperibus, si conueniant, multa proles gignitur: si non, pauca: robusta tamen semper. Ob id, Lycurgi optimum institutum, vt Lacœnæ mulieres, etiam dum foetum gestarent, exercerentur. Succedit huic Libertas. Hui! quàm Principibus parua hæc est, vt nullis minor: primò multis rebus eos interesse non licet: pauperi, omnibus, illis autem quibus licet, quantis indiget apparatibus, vt diu omnia antè sint præmeditandas seruorum ignauia, contumacia, erroribusque seruire cogitur: æstate, inter custodias puluere completur; hyeme, eques, frigus nec fert, nec vitare potest; at ille, æstate per semitas vmbrosas exercetur, hyeme frigus labore pellit, At nec de Voluptate cedit. Diues aliquot viridaria magna tuetur sollicitudine, pauper omnia inspicit; eoque huic iucundior aspectus, vt rarior, & varietate elegantior. Nec putes me aliter sentire quàm dicam: hæc enim ratione persuasus, omnia potius optaui, quàm hortos in suburbiis; quod aliena, ad voluptatem satisfacerent longe melius; cum plura sint, & nouitate delectent: in his verò, utilitatis ratio non exigitur; cum nulla res, minore reddat scœnore. Est victus postmodum delectatio; hanc pauperi comparat labor, natura robusta, corpus mundum; diuiti, ars omnis popinaria, an verò tu velis Artem Naturæ præponere? iudicio tuo permitto: Accedit quoddam Naturam, in paupere etiam Ars aliqua (etsi non exquisita) iuuat: at Artibus coqui diuitis, Natura reluctatur. Illud etiam spectare licet, quoddam pauperibus vilia; preciosa etiam sunt apud diuites, vt lactucæ, cardui, asparagi, poma, fungi, caules, raponeoli, rafani: at contra perdices, lepores, pauones; vilia sunt diuitibus, pretiosa pauperibus: quid igitur interest inter hos & illos, cum permutatio sit in rebus, non differentia? Meminit Cicero (cum apud Lentulum cœnasset) betæ suauitate ita deceptum *διαψοῖα* eum corripuerit. Somni cum eibis pars ratio, Pauperi, qualis dici consuevit,

*Cesper Tyrio mollior ostro,*

*Solet impanidos ducere somnos.*

At diuitibus ex aduerso.

*Aurea rumpunt testa quietem:*

*Vigilesque trahit purpura noctes.*

Ex hoc in animi curas transitur: hic, solidum quærit Pauper arte sua, quo viuat: Diuitis anceps & multifida sollicitudo, seruare, tueri, distribuere, rationes cum dispensatoribus habere. pauper se tantum obseruat: diues etiam alienos alere cogitur, hinc præterea magnarum calamitatum sensus, vt non pauperes, sed diuites, semetipsos, & dolore confecisse, & occidisse legamus, pauperi neque ex amissa supellestile tantus dolor accedit vt enecet: nec tanta desperatio, vt hominem ad manus sibi inferendum impellat. Sunt pericula: Vnū in paupere, ne desit quo viuat: huic, quàm pluribus etiam occursum est auxiliis, amici, affines, viri probi, xenobia manum dant: nec cuiquam ferè, præter improbitatem, alimenta defuerunt, non quodcunque paratur arte, in dies, in dies etiam absumentum est: sed aliquid in futurum seruari oportet: id si fiat, nullo in periculo egestatis homines versantur. Atque id vtinam nostri ciues intelligerent,



rent, melius enim consultum rebus suis esset: sed Civitas (laboriosa quidem) gulæ non parcit; ob id fit, ut paupertatem, & annonæ caritatem nulla alia celerius sentiat; exhausta vitiosâ consuetudine: quodque habet in laboris patientiâ, cæteris vrbibus præstantius, amittit intemperantiâ: & quantò in contemnenda virtute, aliis cedit ciuitatibus, eò misericordiâ nobilior est. Itaque (ut ad institutam orationem reuertamur) est hoc periculum pauperis, pluribus emendatum auxiliis, inter quæ etiam plurimi, diuitibus in tempore famis seruiunt: At huius loco, plurima incumbunt diuitibus, & quæ nullo modo queant auxilio instaurari: hæc sunt, insidiæ à principibus, à seruis, ab hæredibus, ab hostibus, ab incognitis etiam: vnde Satyricus,

*Sed plures, nimiam congesta pecunia curâ  
Strangulat, & cuncta exuperans patrimonium  
censu:*

At verò quisquam hoc tanquam rem confictam non putet; cum iam diuersis modis centum viros propter opes suas periisse viderim & eos absque culpa: alios quidem à domesticis, veneno, alios ferro, alios strangulatos, complures à latronibus in via, alios ab exteris, ut Curtius in vrbe nostra, & Aluiscus Donatus in Saccensi oppido. at, qui fame perierint, vix quatuor in tota vita videre liceat, nec eos absque culpa: ut etiam historias referre superuacuum sit, in his quæ singulis diebus apparent, itaque cum ex tam paucis diuitibus, tot, malè ex eis propter diuitias pereant, ex tanta pauperum turbâ tam pauci, fame; nonne & in hac causa longè deterior est diuitum, quàm pauperum conditio? his, Vestes succedunt explorandæ, tum Supellex, quæ ut non necessaria est, est etiam onerosa; indiget curâ, indiget custodiâ, indiget reparatione; nec tamen auro, melius quàm vitro bibitur: nec argento mundius, quàm figulinis editur. nec tutius are quam lapide, aut terra coquunt. at Vestes, quantò simpliciores eò salubriores, & minus onerosæ. homo enim nudus nascitur. indiget vestimento non onere. Tam vili Romani ab initio Lacedæmonij semper vsi sunt in iumento, ut Regibus parerent admirationem. de reliquo ornatus genere, quid aliud dicam quàm quòd Socrates, dum esset in nundinis: Quàm multis non indigeo? aiebat autem, illos Diis esse simillimos, qui paucissimis indigerent, Dij enim nullis opus habent: ut verò in omnibus, superflua magno sunt impedimento, tum maxime in supellestile: puluis exedit, aqua corrumpit, fur subtrahit, familiares disperdunt, mures rodunt, vsus atterit, vicinus petit, raroque reddit quale acceperit: quid aliud est hic ornatus quam onerosa & damnosa luxuria? Si ad pulchritudinem referas, vincunt depictæ viles chartulæ: si ad ambitionem, iam & de hoc suo loco dicitur: Vocatur Amor in iudicium, hic semper pauperi fauet: illum aut timet, aut obseruat; hunc solum vere amat, quòd etiam si quisquam ametur diues, huius numquam certus esse potest: At ab Iniuriis saltem tutior est diues: nihil minus. vindex melior est pauper, cū nec quod amittat est, & nihil est quod amittere timeat. at diues, & de vita, & de opibus sollicitus, multas iniurias

patitur, non faciunt quenquam ab iniuria securum opes, sed animi fortitudo. At dices: Diues offendere potest tutius: quo nam modo tutius; cum pauperi, vertere solum noxium non sit; diuiti, in patria remanere, sit iactura. nam & si nihil aliud succedat aduersi, habet & conscios sceleris, à quibus detegi timeat: habet & ministros quibus pro præclara illa opera debeat: id verò & poetam haud dubie animaduertisse video, cum dixerit de Domitiano, quem Neronem à crudelitate appellat, loquens:

*Atque utinam bis potius nugis, tota illa dedisset*

*Tempora sauitia, claras quibus abstulit urbi  
Illustresque animas, impune & vindice nullo.*

*Sed perit, postquam cerdonibus esse rimēdus  
Cæperat, hoc nocuit lamiarum cade maderi.*

Quid igitur iam non habet melius pauper quàm diues? Vitam, Valetudinem, Prolem, Cibus, Somnum, Amicos, Libertatem, Securitatem, Voluptatem, Tranquillitatem, Vestimenta, Supellestilem, Amorem, Quietem, omnia iucundiora. quamobrem non mirum est Horatium dixisse:

*Bene est, cui Deus obtulit,*

*Parcâ quod satis est, manu.*

Optimum enim statum assecutus est, qui tantum habet, ut viuere possit: hunc dicit Aristoteles esse, ut tantum ei sit, quantum & se & ancillam alere queat, id etiam testatur Propheta, dicens: Ne dederis, domine paupertatem, neque diuitias: at si declinandum sit, periculosiores sunt diuitiæ paupertate: nam inopia, arte & industriâ redimitur; diuitiarum incommodis, nulla est medela: diuitiarum etiam lapsus, admodum immensus est, nec finis eius patet; paupertatis, ab eo qui se potest alere, discrimen exiguum est, In paupertate etiam, corpus periclitatur: in diuitiis, animus vnâ cū corpore: Denique si paupertas abscedat, omnia mala quæ cum ipsa aduenerunt effugiunt. at diuitiis dilabentibus, nec vitia animi, nec corporis imbecillitas discedit. Felicior igitur atque securior paupertas, opibus absque dubio est, sed & ad gloriam paratior, namque quis artes inueniat, nisi Paupertas, ut Theocritus inquit,

*Αμείβη δὴ δόξαντες μόνα τὰς τέχνας ἐχέμεν,  
Ἀντὰ τὸ μὲν ὅσοιο διδύχαλα. id est,  
Paupertas δὲ Diophantes sola artes exsuscitat  
Ipsa laboris magistra.*

Huius (ni fallor) nusquam laudis participes diuites esse possunt, at inuentis artibus, quinam eas excoluerunt? certè etiam pauperes, atque (ut in primis ab ea quæ cæterarum est ornamentum, philosophia exordiar) Principes eius pauperes fuere: Socrates, Plato, Aristoteles, Cleanthes: hic, nocte aquæ hauriendæ operam locabat; die Philosophabatur: sed hoc minus mirum; Stoicorum instituto, Socrates (ut Seneca autor est) cū in foro esset, pallium vidit; cumque discessisset, amicis dixit, pallium emissem libenter, si pecuniam habuissem. encomium etiam mortis, & qui eius gloriæ inuidebant, mendicum penè fuisse testantur. Plato ditatus est in Sicilia, cum secundam navigationem lucri causa fecisset. Aristoteles, & ipse ab initio tenuis, ab Alexandro, quasi senex, ditatus



ditatus est: non opus referre arbitror ceteros. At Poëtarum lumina, Homerus ac Virgilius, mendicus alter, alter pauper fuit. Grammaticorum & Oratorum turba sequitur insignium, Pompilius Andronicus, Orbilius, Valerius, Cato, Læneus, Iulius, Hyginus: Quintilianum angusta re familiari fuisse, docet epistola Plinij Cæcilij munifica: Staium poëtam mendicasse, Iuuenalis irridens docet, ea carmine:

*Esurit intactam Paridi, nisi vendat Agauë.*

Sed iam in literaria palæstra, concessuros lauream diuites sponte, non dubito. Lis est in armis: quanquam nec in his sceliciores sint, quàm in literis. concedant nobis Paulum Æmylium, qui mortuus, non reliquit unde dos redderetur vxori: Marium & Sertorium, infimæ sortis homines Romanos, in cuius alterius, salute spes Romanæ, in alterius periculum positum aliquando fuit, tum Camillum belli fulmè, Africanum Scipionum, cuius frater ob multam, quam persolvere non poterat [si Gracchus non obstitisset] carceri mactabatur. Arator, Cincinnatus, Calatinus, Fabritius Pyrrhi oppugnator, Valerius Publicola; Menenius Agrippa, Q. Æmilius; tum Aristides; Phocion, Miltiades Cimon; Spartacus; Viriatus; totq; Lacedæmonij Duces; inter quos Lysander clarissimus extat, ab inferis reuocentur, his, quos oppones: præcipitem Alexandrum, aut Cæsarem patriæ euerforem, aut Syllam cum suis proscriptionibus? Non est, quod temerè, in tam claro iudicio, diuites cum pauperibus congregiantur. At nunc, temporum vitio, Reges ab adulatoribus persuasi, Duces non eligunt, sed emunt: maximæque omnium fundamenta, Vitam ac Regnum; non Virtutibus, ac Peritiæ, sed Diuitiis & Geni commendant. inde magistratus & quæstores, archiatros, præfectos, non ex virtutum eminentia, sed ex conspiratione nobilium & potentum sumunt, & si nequicquam illis eueniat boni: id saltem lucrificans ut consuetudine & paucitate adiuti, omnes habeant dignitates: verum non falluntur purpurati, in iudicio; atque utinam non magis in Consilio Principes, illud enim animaduertere eos decet, Nobilitatem certe præponendam: at Nobilem esse, qui & virtute; digna nobilitate facit. hoc tamen ferendum est, illud, intolerabile: cum ab obsequio, non à genere aut potentia, electio sumitur: at tales, carere omni, non solum eruditione, sed probitate necesse est. Et nisi nos à proposito discessisse agnosceremus, longior oratio auocasset: sed festinandum ad huius libri finem est, atque denud, Gloriæ occasio quærenda est: quæ cum in militia, in literis, apud pauperes sit, atque in inuentione artium: num in artibus ipsis Gloria diuitibus concedetur? cum nec eas attingant. At vero sint diuitiæ paupertate præstantiores, quidnam miserius homini à Diis imprecari possumus, quàm cupiditatem diuendi? quæ eò maior semper sit, quò magis augentur opes; labor inexhaustus, & indefessus, saxo Sisypheo persimilis; quem poëta reuelantem arcana Deorum, fingunt in inferno gestare, ab ima montis radice, ad verticem, prægrauè; at cum appropinquauerit, dilapsum denud excipiendum humis. sic non est aliud, parare diuitias quàm corpori perpetuum laborem, menti curas innumerabiles iniicere. At verò alea lucri,

quotiens sinistrè cadit, quæ etiam si semper faueat, ac supra spem cedat, quid foelix in vitâ eâ esse potest, in qua, partis non magis, quam his quæ non habes, uti non licet? hoc enim vnum est quasi congregantium diuitias æquum. *Pronunciatum Horatianum,*

*Qui nummos aurumque recondit, nescius vni*

*Compositis, metuensq; velut contingere sacrum.*

Sed si liberaliter ac splendide uti velis, quis furor est, simul maximo labore quærere, ac simul effundere: non aliâ poenâ, Danaides mulieres damnatæ finguntur in inferno, ob ingens scelus parricidij; quàm ut citro exauriant aquam. Sed libeat congregare tibi aut posteris tuis, atque interim non otium, non quietem, non voluptatem capere; studiis interdiceret, vitam reddere breuiorem, ac valetudinem infirmare: cui verò vsui? Ut vel in morte sepulchrum marmoreum extruas, funus habeas amplum, parent alia magnifica, ac solennia, (ut quosdam fecisse video) relinquas, stultam hanc curam & superuacuum irrisit moriens Socrates, cum pallium preciosum offerret Apollodorus, equidem nulla est mortalium cura tam inanis, quàm pompa funebris: id scio fateberis; & ad hæredum commoda confugies: relinquatur diues filius, (qui gravior hæres quæri potest?) interim tamen labores, curæ, vigiliæ, infamia, iniuria, scelerumque conscientia, tua sunt, ut relinquas quod filius heluetur, scortetur, prodigat, consumat, perdat, ipsum vero vecordem, inertem, amertem, ac in summâ, deteriore faciat: sed heu! quot inimicis, labores hi parantur? plerumque deest filius, aut talis est, ut natum esse poeniteat; vel etiam odiosus, quod etiam filiis, locuples hæreditas exitio fuit: idque præcipue Regum liberis accidit, dum imbelles relinquuntur: ab ipsismet enim tutoribus spoliuntur Regno, ac vita; qualis Tryphon, qui tutelæ Antiochi relictus, cum fraude, eum Tryphon tollere veller, simulauit, puerum agrum, medicosque inducit, qui eum calculo vesicæ laborare dicerent: atque iccirco secandum puerum decreuerunt, quo vulnere cum vesicâ ipsam consultò incidissent, miser mortuus est, annos decem natus. Cicero in oratione pro Sexto Roscio, ostendit quantas procellas locuples patrimonium eius, illi inferret, ut etiâ de parricidio (quod maximum est scelerum) condemnari postularetur. Quid tandem in re tam vulgari est, cur (de summis nunc loquor opibus) quotidianum experimentum desideretur, cum patres filios; filij parentes; fratres fratres, vitâ exuerint, ut Regno spoliarent, est quidem illud poëta verissimum,

*Non intrat unquam Regium limen fides.*

At quorsum hæc posterorum potentia, etiam si non fraudetur? Quam voluptatem quis capit, ingentem habens seruorum numerum, tum familiarium, quos hostes, gratuito alat, quibusque seruire cogatur, atque illud egregium libertatis munus, pro ambitione commutet? Neque enim aliud est Homo Diues, quàm Deus Peripateticus, scilicet Legibus suis circumscriptus; seruus, ac inutilis seruus! O stolidam hominum cogitationem, quæ tot labores subit, tot curis angitur, tot sceleribus se mancipat, tot incurdos amittit dies; ut filium relinquat, multis procerum



procerum non absimilem ! hæ pingues & ornata, absque sensu, frenis & habenis cohibita, inertes etiam, muscarum iniuriis subiiciuntur, at pauperum filij, indole, virtutēque ac robore insignes, libertate gaudent; quod volunt pergunt, omni soluti cura: iam verò adulti, venantur, piscantur, aucupantur, ludunt vagantur. nonne libertas hæc vel Croesi diuitiis anteposenda est? Sed ex his, qui tam ingentes opes hereditate acceperunt, maxima pars etiam eas consumit: nec aliud pœnæ genus, illorum parentibus à morte traditum putem: quàm ut videant tanto tempore, ac guttatim collectas diuitias, ab impuro & prodigo filio effundi, scortis, alea, parasitis, foro, adulatoribus. Noui quendam, cui auus ac pater, annorum quinquaginta spacio, octuagies sefertium congregauerant, tribus annis cuncta prodegit. Filius Ruini, cum locupletem hereditatem à patre accepisset, in eam animi intemperiem peruenit, ut vitam etiam cum facultatibus amiserit. Quot rei sunt legibus; quot perduelliones; quot criminis læsæ maiestatis; qui si intra mediocrem stetissent fortunam, tanta mala euassissent? adde, quot hominibus, necessarius hæres deest: non frater, non filius, non fratris filius, non ullus talis, qui vel quadrante te redimat: his tamen, infania hominum laborat, non nocte, non die requiem habens. Quamobrem cum nec Fœlicitati, aut Gloriæ, aut Posteris, diuitiæ conferant: nihil verò deterius sit, quàm, aut optare non habentem: aut conari ut habeas: genus atræ bilis quoddam esse puto, paupertate discrucari. Verum, cum non Rhetorum more quicquam persuadere decreuerimus, sed Philosophorum instituto, bonâ fide utramque partem diligenter in examen ducere, videamus etiam, quæ aduersus hæc dici possint. Atque primò illud occurrere video, Quod pauperes omnes, diuitias quarunt: diuites nulli vnquam, paupertatem. Et quanquam hoc eludere multis possem modis, atque non falsò esset, forsitan; nihil tamen hoc in opere charius est simplicitate animi: cum non ex voluntate, iudicium; sed ex iudicio voluntatem oriri velim. Itaque ut ad rem reruertar, omnibus in rebus quæ aut animalibus essent viles, aut necessariae, desiderium earum, natura largita est: in quo bruta, (soli sensus arbitrio recta) legem necessitatis non prætereunt: at homo, liber, (cum in se rationem contineat) sensuum quibus alligatur, persuasionē, plus edit, bibit, dormit quam vel utilitas, aut necessitas præcipiat: sicque, ut edere, bibere, ac dormire, (cum naturalia sint) vsu superfluo, apud hominem, Naturæ contraria euadunt: itaque & in hoc genere opes sunt. tantum enim optare, quantum vitæ ducendæ sufficiat, Naturale est: at quod ultra expetitur, non solum bonum non est, sed etiam naturæ contrarium. quomodo enim quod Naturæ contrarium est, bonum esse potest? proficiscitur igitur hæc diuitiarum sitis, à vitio non à natura. ob id, omnes homines, opes optant velut & cibum, & potum: non quod excessus ille naturalis sit; sed quoniam aliquid est in eo genere, quod naturale existat, scilicet desiderium eius, quod ad vitam duc-

dam est necessarium: hoc verò vel industriâ habetur, ut qui artes callent, aut redditibus, ut nobiles; aut consensu, ut Franciscani; aut aliorum voluntate, ut aulici, & mendicantes, non igitur ut nec non edere, non dormire, ita opes optare possumus. contrarium enim naturæ est, Nihil habere, nec posse habere: ut tamen & satietas & ebrietas, non tantum sunt mala, sed etiam iniucunda, sic & diuitiæ ac potentia. Illud etiam obici merito quis dicat, quod ea bona quæ nos pauperi tribuimus, utpote laborem, exercitationem, industriam, patientiam, abstinentiam, nemo (si velit,) diuiti negare potest. sola itaque horum licentia, beatum diuitem efficere debet. cum enim ex voluntatis consensu, voluptate caremus, carere ea, non malum est, vel quod careamus, verè dici non potest: Sed falluntur qui existimant: Ab initio enim inter opes educatis, animus effluens delitiis, corpus molle & ad labores impatiens efficitur: nec multis cibis ac leuibus, assueta natura, dura alimenta & tenacia concoquere potest. vnde ex his, qui in vitam pauperum, iam delitiis assueti, transire voluerunt, in dolores, & tabem, & obstructionem incurrebant: qui verò in labores, seu coacti, seu ambitione ducti, inciderunt; extenuati fractique sunt primò, ac demùm correpti febribus, mortui sunt. At qui literarum studium, ex his, ingenti ardore prosecuti sunt, omnes in iuuenta obiere: velut Ioannes Picus Mirandula. impossibile est enim omnino, natum diuitem in doctrina præclarum euadere, nisi vel ab initio pauperum vitam imitetur, vel in iuuentutis flore, decidat in infaniam, aut mortem forsitan. Et illud contra paupertatis encomium dicent, Quod ferme Aristippo Dionysius, scilicet pauperes à diuitibus rogare, petere, eorum limina obsidere: at contra, diuites nihil cum horum agant, etiam pauperibus imperare: At verò si ad operæ necessitatem aspicias; pauperum, diuitibus longè magis necessaria est, quàm diuitum, pauperibus: rogat diues medicum, cognitorem, tonsorem, mulionem, colonum, coquum: à nullis pene rogatur: verum, cum id ambitiose, & cum fastu (utpote alienorum cura) exigit, Imperium in pauperes habere videtur. Emulatio etiam ipsa pauperum, ac contemptus huius inanis gloriæ, facit, ut magis diuitibus pauperes, quàm pauperibus diuites indigere videantur: at si pro necessitate res ageretur; diuites singulis horis ad pauperum domos discursare videres; pauperes, ad diuitum nunquam. neque istud dubium esse debet, pauperum industriam quotidie diuitibus necessariam: diuitum opes, pauperibus etiam si necessariae forent, vix vel in anno semel. At verò, ex re etiam diuitum esse videbitur, atque illorum causæ fauere, quod opulenti, honoribus, magistratibus, & gloria digni soli videntur: at non sic in Venetorum Republica, non sic etiam Romæ, donec prosperæ res fuerunt: non sic inter Lacedæmonios, inter quos Paupertas laudi maximæ erat: non sic Athenis, ubi Phocion, Aristides, Cimon, Miltiades, pauperrimi, maximos in Republica Magistratus tam diu gesserunt, ut dicere pudeat. Quod verò in malè institutis



ciuitatibus, (vbi Potentia pro Lege, Virtus in ludibrio; pro Iuribus, Opes, habentur,) diuites, non ingenui pudoris eligantur, neque è Republica est, quoniam necessario breui permutatur: neque desiderandus est vlli Pauperi, quantumvis optimo, Magistratus: nempe vt Socrates dicebat: nunquid est cuius te pœniteat? Sed si vellem magistratum incommoda referre, non dubito quin & hoc pauperum fœlicitati tanquam egregium quoddam munus adiiciendum esset: verum cum assumpta præpositio, in bene instituta Republica ex toto falsa sit; vtile non existimavi, tam absurdam suppositionem prætermittere. Huc vsque igitur veris; sed subtilibus rationibus, aduersus diuitiarum cupiditatem differuimus: verum, ex initio causam hanc mihi repetenti, non amplius spiculis & acutis disputationibus, sed plena oratione, liquidoque sensu agendum arbitror. Atque in primis monendos eos duco, Naturam humanam; tanquam ignem quendam, è terra prodeuntem, in excelsum ferri: hanc quidem magis, illam autem minus: caterùm, vt ad summum peruenit, euanescere: sic omnium hominum vt stirpes ad summum Gloriæ, vel Regiæ dignitatis peruenere: paululum in eo cacumine consistentes, extinctæ sunt. Ecquam enim Alexandri, Darij, Antiochi, Ptolemæi, Dauidis, Cæsarium, Antigoni, Mithridatis, ac cæterorum antiquorum Regum stirpem ostendes: itaque cum eò perueneris; ne gratulare; sed dic, ecce exitus rerum humanarum instat. tum verò, his consistentibus (Dij boni.) qui casus, qui dolores superueniunt? Carolum hunc Quintum Cæsarem virum à Iustiniano potentissimum, ac fœlicissimum, qui ab Indiæ extremis partibus ac Æthiopiæ, per Hispanias & Italiam vsque ad Dacos, & incognitas antiquis regiones, longè latèque dominatur; cuius auspiciis sæpius plura acta, quàm sperata sunt: qui consilio ingenti tantam Nationum Regumque discordiam mulcet: tam ancipitem fidem continet) inspicere, & ne beatum dixeris: cum cogitat quantis copiis Solimannus Rex, Imperij finibus immineat; quam sollicitè ab Africa turben- tur Balears insulæ, Hispaniæque, quàm inconstantes sint Italicorum Principum animi; quàm facile Sicilia ac Apulia Turcarum violentiæ subiaceat; quàm diffideant Germaniæ Principes: Sororius non admodum concors: Nuper, aduerso Neptuno dissecta classis; clades accepta in Pannonia; alia in Illyrico: hunc ne fœlicissimum dices? cuius tam ingentes curæ, tanta pericula, tam grauis dolor iacturæ sit: dispeream, (si ad fœlicitatem respicio) nisi velim me potius esse Carthusianum monachum, eumque gregarium: (quantum & illi parum differant ab his, qui in carceribus sunt) iam canos, vix quadragenarius, vndique misit. At verò quid in aliis statues, si hic talis, ac tantus, tam longè à fœlicitate abest? Nunquid Franciscus Gallorum Rex fœlix dici potest? num Solimannus? quis non metuit? quis aduersam fortunam non expertus est? qui, & si nihil triste ad hanc vsque diem tulissent, grauiora formidarent; cum meminerint aliorum, qui fortunæ casibus iactati sunt.

nihil enim Polycrates infœlix expertus in tota vita, à Persarum Rege, in crucem actus est. Darius Rex Regno spoliatus miserrimè occubuit, qui Imperium Diis æquale habere existimabatur: vide Syphacem, vide Perseum, Mithridatem, Pyrrhum, vide Cambysem; stultus sim, si Reges velim numerare, qui fortunæ ludibrio fuere. Nostra ætas quatuor regna extincta vidit: Pannonicum, Ægypti. Insulubrum (postquam Galliæ Cisalpinæ partem sic appellare libet) & Apuliæ, sublati prorsus Regibus illorum. Ea sunt tempora, vt vel infœlicem esse oporteat Regem, vel miserum: Miser, si Regnum vult retinere; Infœlix, si non possit. ô quam bene Lucretius dixit:

*O vita tuta facultas  
Pauperis, angustique lares, ô munera nondum  
Intellecta Deum!*

At tu modò, non interiora Principum inspicies, (sed velut in sepulchris, externas picturas, statuas, ornamentaque,) tantum beatos illos iudicas, qui sint omnium mortaliū infelicitissimi. At verò illud etiam spectandum est, cum de sola paupertate conquereris; quot aliis longè sis fœlcior; quot ægri, quot furdi, quot cæci: quot in carceribus, in exilio, in seruitute, obfessi, damnati, ad militiam coacti: quibus omnibus absque dubio fœlcior es: At, etiam si de sola paupertate contendas, nec equidem te (nisi vel Rex esse cupias) mœrere decet: aspice quot in ciuitate miseri, quot in suburbis mendici; quot in villis, imò penè omnes nihil habent, familia, onerati, tributæque singulis mensibus pendere ex laboribus suis coacti: sed hei Christianam gentem! In eos sermones incidi, quos nec vnquam cogitaueram: ita sit, vt cum dolorem aliorum leuare cupiam, ego fermè in eum inciderim: sed valeant quæ à me argui possunt, corrigi nequeunt. veruntamen neque id absque proposito occurrit: namque vis aperte intelligere, nullam in opibus fœlicitatem, nullam in paupertate esse miseriam? inspicere eos, qui in villis habitant, minimis opibus gloriari, & se beatos existimare, quòd nullos eius loci incolas tantum possidere cernant: quamvis nec ipsi tamen sint diuites: at iidem, si ad urbem se conferant, vt alios opulentiores viderint, statim dolent, & se pauperes putant. quid igitur, est ne hæc paupertas? equidem non, sed inuidia. quis est, qui decies sestertium possidens, pauper dici merito possit? & si ruri degat, Principem se non existimet? si tamen in aulam se contulerit, vbi nemo tricies sestertium non habeat, illicò pauperem se prædicat, & credit. An putas, si (quod ferunt dilunij tempore accidisse) homines commodis omnibus carerent, non pecunias, non armenta habentes, aut vestes, quenquam omnino iniuriam paupertatis ægrè ferre? haud credendum est: quid igitur? plura etiam nunc habes & conquereris: manifestè deprehendis, non paupertatem virgere, sed æmulationem. At quid? hoc etiam deterius: cur non Indicæ, & Sabæorum, & Regum diuitiæ te torquent, nisi quòd illi plurimum absunt à te? miser igitur, non tuo commodo, sed alienâ potiùs, atque eâ, quam & optare, & diligere deberes, fœlicitate vris.

At



At quantum Populis, paupertas libertatis custos fuit, ac imperandi magistra! Scythæ aliquando Asiæ dominabantur: inde Assyrij, Medi, Persæ, & hi omnes, ab initio pauperes: inde, Alexander, cui cum nihil, præter arma, & corpora esset, Asiam subegit; post Romani, inclytâ paupertate, superbos vincere Gallos: fortes Italos; dolosos Græcos; locupletem Asiam; fallaces Pœnos; contumaces Iudæos; omnia hæc superat paupertas. Parthos verò ac Persas, & Germanos, quoniam ipsi paupertatem tuerentur, totis imperij viribus subigere non potuerunt: inde (velut Sole glaciei adueniente) quam primum diuitiæ sub Sylla urbem ingressæ sunt; vires dissoluebantur, ac liquecebant: primo igitur seditiones, inde bella ciuilia, atque cum his, excidium familiarum, quibus imperium coaauerat: hinc seruitus; post, amissa dominatio, undique barbaris irrumpentibus; tandemque breui etiam ciuitas direpta ac euerfa. Nec quidem priuatis, vtiliores dinitiæ sunt; quæ, homines, rudes, ambitiosos, inertes, & anxios facere consueuerunt: hinc miserum Poëta lepidè Midam (cum impetrasset, à Baccho vt cuncta in aurum verterentur) descripsit dicens:

*Attonitus nouitate mali, diuesque misereque  
Effugere optat opes, & qua modo voverat  
odit:*

*Copia nulla famem releuat: sitis arida guttur  
Frit, & inuiso merito terquetur ab auro.*

Tanta est opulenti miseria; vt inter opes earum desiderio consumatur; Nihil legitimum est apud eum, qui opibus inhiat, quod ab avaritia sua dissentiat: inde fidem, amorem, pietatem, iustitiamque soluit. Quis iure credat vitam, aut opes, aut gloriam, diuitiarum studio? quæ cum inutiles sint, non diu etiam plerumque apud eosdem manent. etenim raro est, vt nepotem locupletis, vivere diuitem videamus: rarissimum verò vt moriatur. quid igitur mirum est, tot egregios viros, opes aut habere neglexisse, aut habentes spreuisse? atque in primis à Thebano Crate initium facientes (vt Christianos; quorum numerus notulis Indicis solum ostendi poterat, etiam nunc perseverantes relinquamus) hic vniuersis bonis venditis, vt liberius Philosophiæ operam daret, redemptam vniuersam pecuniam, præcipitavit in mare. Sapientius Apollonius Thyaneus, & Peregrinus Philosophus; cunctas opes (& erat sanè ingens patrimonium) ciuibus suis distribuerunt, nihil sibi seruantes: Zeno Citticus cum diues olim, ex naufragio, Philosophiæ operam in maxima paupertate daret; dicere solebat, *tunc secundis ventis nauigavi cum naufragium feci*. Sic Diogenes, vtrâque laude dignior est: nam paupertatem non solum benè tulit & constanter, gloriosèque vixit in ea: verum, cum ab Alexandro rogaretur, an quicquam vellet, negavit: cum liceret à splendidissimo Rege ditescere: quam obrem Alexander dicebat: si Alexander non essem, Diogenes esse vellem. agnouit Rex, animi illius ingentem felicitatem, qui diuitias sperneret. Simili libertate Phocion, sed etiam certiore; Alexandri primò talenta centum; post etiam, plura recipere noluit; qui tamen tam inops erat, aquam sibi lauandis

Tom. I.

pedibus hauriret, vxore pinescente, vt non ancilla, non seruus ei esset: Eodem animo Socrates & ipse, Alcibiadis dona accipere noluit; vt longè minus mirum sit, quodd cum Artaxerxes Hippocratem ad curandos morbos, & Epaminondam ad amicitiam vocaret, missis vtrique ingentibus donis, non impetrasse: verum illos maiore animo Regis munera aspernatos, quàm ille dedisset. Sic Fabritij constans fides, Pyrrhi auro corrumpi non potuit: mansitque grata illi paupertas, Regum opibus longè dulcior; vt nihil illis animis generosius possit existimari, aut esse felicius: quos etiam, quanquam indignos Christiana pietate memores, tamen sui candoris aliquo ingenti solatio frui, crediderint: itaque ne dole pauperem te esse, sed illud Platonicum sapius memora: *qui ditari vult, minuat desiderium opum, non opes augeat*, diues enim opum multitudine, aut sceleratus est, aut scelerati est hæres, vt beatus Hieronymus scriptum reliquit.

Proxima huic, Exilij querela est, in qua illud mirum cerni potest; Solam imaginationem, iucundam rem, acerbam efficere: inique si mentem aduertat, quamplurimi extra patriam plures annos consumpsere, velut Plato, & Berosus, & Galenus, & Dioscorides: alij vitam vniuersam, velut Zeno Citticus & Crantor Solensis, & tamen his iucunda fuit hæc peregrina habitatio: quoniam voluntaria fuerit. Simileque mihi videtur, hoc desiderium, cuiusdam senis, nostri concinis, historiarum: is namque cum annos natus sexaginta suburbia ciuitatis non excessisset, pro miraculo delatus ad Principem, cum præceptum sibi intellexit, ne vel in posterum exiret, cum ante non cogitasset, nixus est (vt dici solet) in veritum, rogabat itaque Principem, vt permitteret peregrinari iam senem, qui iuuenis tam diu neglexerat. cum Princeps negasset, ferunt dolore confectum mortem obisse. Quid tam stultum est, quàm vel bona negligere, vel mala optare? non est, autem malum peregrinatio, quam tot Reges, tot Imperatores, tot viri illustres excoluere. quid igitur dolendum est, si etiam coacta sit? equidem nullum bonum, quanquam inuitum, malum esse potest: At verò quot bona; peregrinatio præstat: prudentiam in agnoscendis moribus, in vitandis periculis; tum scientiam multarum rerum; spectacula inde vrbium, maris, montium, fluminum, sylvarum; cœli varietatem; animalium naturam: tot artes, tot ingenia, tot miracula, vt nil mirer, inclytos quosque viros, atque in primis Alexandrum, perpetua fuisse in peregrinatione: in quo magis, suum æmulum Traianus æquare nitebatur, quàm vt orbem totum videret, provincias omnes aut in fidem acciperet, aut subigeret? Antonino (vt erat mansuetus natura) spectasse, non vicisse gentes propositum fuit. Caterum vt ad priuatos homines me conferam, (ne Regius fastus mihi impedimento occurrat) omnes qui aliquid pene Diuinum excogitarunt; in secessibus mansere: amicum suum Vlysses, Homerus, qua maiore laude, quàm à peregrinatione prosequitur? Nonne in exilio clarissimi ferè omnes fuerunt viri, Demosthenes, Cicero,

G G g . 2

Aristides,



Aristides, Thucydides, Themistocles, Alcibiades, Codrus, Theseus, Eumolpus; Thrax, Græcorum origo; Aristoteles, Camillus, Coriolanus, Marius, Datamis, Thrasylbulus, Dion, Annibal, Demetrius Phalereus. at verò sponte etiam plures, velut Conon Atheniensis, in Cypro vitam ducens; Iphicrates in Thracia; Chares in Sigæo; Timotheus Lesbii; Xenophon in Scyllunte Helia. quid plura? Socraticum illud dic, *Sapientis patria est mundus*; exul est Sapiens, cum extra mundum est: hoc autem fieri nequit. Omnis ingentis spiritus proprium est, sibi parere mortem, aut carcerem, aut exilium: horum trium, quid minus molestum esse potest exilio? verum cum mors ipsa mala non sit, quid esse dicemus exilium? vnam urbem amittis, omnes aliæ patent. cum quidam Diogeni dixisset, Sinopenfes exilio te damnarunt; respondit Diogenes, Ego illos ut perpetuo in Ponto, ac extremis Euxini littoribus maneat damnato. Adde, quot viris cesserit feliciter exilium: unde Themistocles dicere solebat: perieramus nisi periissemus. Euagoræ exilium & Pelopidæ, patriæ libertatem: huic quidem, Thebarum, illi, Salaminis Cypri perere. quid Camillus, ex Atdeis; nonne occasionem accepit tam inclytæ victoriæ? At verò Sapientum libri, ubi magis quam in exilio conditi? pulcherrima operum Nasonis de Tristibus, de Ponto, in Ibin, triumphus Cæsar, & de illius laudibus; Fastorum, item ac de Piscibus; in exilio condita sunt: ut appareat, octo in annis, exilium plus præstitisse, quam quinquaginta quatuor cæteros priores, quibus Romanæ vixerat: namque & Transformationum libri, communes etiam exilio fuere: indicant id carmina superba, fini operis adiecta, ut absolutum ibi videatur. Quid Homeri operibus præstantius est, quæ ipse omnia, si non exul, vagus tamen à patria scripsit? Plato in Epistolis testatum reliquit, prius consensuisse quam in patriam rediret: existimandumque est, cum eius Lyfidem Socrates audierit, damnaueritque nimiam illius erga se pietatem, Platonem maximam librorum suorum partem extra patriam condidisse: nam vigesimum septimum annum agebat Plato, cum Socrates excessit à vita. Hercule, quid bonum affert patria, (si quid coneris) præter invidiam; & ed præsertim, si humiles natales sint? ubi deterius Christus acceptus est, quam Nazareth, ubi erat educatus? ubi vexatus, oppugnatus, demum occisus, nisi Hierosolymis, in patriâ sua? nonne eius illud dictum est: Non est Propheta, acceptus in patria sua? Exilium igitur, non solum malum non esse, sed etiam bonum, ac gloriosum, satis conuincimus: idque præcipue viro sapienti ac studioso, nemini verò infensum esse debet, cum plerisque magna ornamenta afferat, quid enim nocuit Leoni Decimo, ne ex eo in Pontificiam potestatem emergeret: atque utinam multi intelligerent: quantum omnibus præstaret diutius peregrinari: pluribus verò, à patria etiam semper abesse, si vel ibi, pro legibus colantur diuitiæ; ut pro iure, potentia sit, vel omnino tyrannidis genus aliquod dominetur. Quare exilium nec inter mala, nec

interea; quæ mali umbram referunt reponi debet.

Vehementius etiam aliquos Iniuria torquere solet, quam exilium: & Laconicum illud in medium afferunt, veterem ferendo iniuriam, irritas nouam: Sed quam planè à scopo aberrant, si putant, iniuriam ultione dignam. Nam sic agentibus, in conuenit, ut iniuriam nullus finis inueniatur; cum iniuria, sit iniuriâ vlciscenda: nonne & qui priorem intulit iniuriam, secundam vlcisci volet? alia igitur iniuria inferenda, ac denuò illa vlciscenda: quis tandem finis erit iniuriarum? pessimè igitur agit, qui primam infert iniuriam; post eum, qui vlciscitur; namque tertiam fieri oportet iniuriam: quoniam modo enim iniuriam patietur, qui ultro, non laceffitus iam intulerit? quid igitur melius, quam omnino à prima conuiescere? Illud etiam intelligere conuenit, quod ut Plato dicebat, tantum differt Sapiens à vulgari homine, quantum vulgaris homo à puero: solent autem pueri, omnem, (quantum licet) iniuriam vindicare, etiam non ultro illatam: velut etiam beluæ, quarum si pedes, vel caudam inuitus prefferis, illicò mordent: illud non quærentes, an volens intuleris iniuriam. at homines non sic, sed voluntarias tantum, & sponte illatas vlcisci consueverunt. Si igitur sapiens, solum casu illatas vindicare negligat, in quo erit hic præstantior vulgari homine, & ab omni Philosophia remoto? Quanto sanctius igitur erit illud seruasse Diuinum præceptum, Mihi vindictam, & ego retribuam? Sic autem egisse Sapientes quis dubitat? inter quos Socrates, cum quidam eum calce percussisset, hortantibus amicis, ut eum in iudicium vocaret, respondit: quid si me asinus calce percussisset, quam ridiculus ero, si eum in iudicium vocem? cum verò Xantippe vxor irata pallium detraxisset, hortantibus amicis ut manibus se vlcisceretur, respondit Socrates: ut vobis hoc spectaculum edam, atque ut dicatis, eia Xantippe, eia Socrates. Diogene autem, colapho accepto nil aliud dixit, quam Nesciebam quando mihi cum galea à domo sit prodeundum, quin etiam Crates pugno percussus à Nicodromo Citharædo, nomen petcussoris super plagam posuit; sicque per urbem ibat, illud ostendens, majus esse longe dedecus, immerito iniuriam inferentis quam eius qui recipit: ille enim paruum & sceleratum eo facinore planè se confitetur: illum, nullius omnino culpæ coarguit. At leges omnes, vltices inferentium iniurias, quanquam à potentibus constitutæ sunt; nullæ, plectentes eum qui iniuriam passus sit. Antistheni cum diceretur, Platonem ei maledicere, quam probatum succurrit responsum: hoc Regium est inquit, cum benefeceris malè audire: At Plato cuidam dicenti, Xenocratem eum verbis insectari, primo negauit id verum credere: cum ille instaret, iuraretque, respondit Plato, se non existimare illum hæc dicturum, nisi expediret: quid tranquillius, aut sapientius dici potest? Sit verò propositum, te nec Sapientem esse, nec Christianum, quandoquidem veritas consulat, ut percutienti dextram maxillam, sinistram etiam offeras: Paulus verò dicat, quod



quod si benefeceris malefacienti tibi, carbonem super illius caput congeris. neque enim maius est scelus ingratitude, nec crudelius facinus, quam innocentem opprimere: quorum utrumque facit, qui in benefactorem suum iniuriam intulerit. Legem naturæ nunc tantum imitemur, illudque videamus, quando vlciscenda est iniuria, an, cum non potes: equidem quid aliud hoc stultius excogitari queat, quam cum non tutò possis vlcisci, tunc velle? Sic enim Pausanias Philippum vltus est: sed poenas dedit in cruce: sic Andreas Lampugnans Galeazium Sfortiam vltus: sed sibi, & filio, & fratri, mortem peperit: patriæ etiam incommoda plurima. At verò quot fuerunt, quibus ante vltionem, pro iniuria mors, & cruciatus successerunt? velut, his qui Phalarim occidere destinauerant, Pisonique ac complicitibus coniurationis, in Neronem. exemplorum multitudo facit, ut non referam. Periculosam igitur vindictam quis etiam mentis inops, laudet? quæ vel patrata, tibi sit deterior, quam illi; & non patrata nihilominus te tuosque perdat, Reliquum est igitur, ut cum possim tutò, tunc vlciscaris: at vero id nullo modo tunc faciendum. quis dubitat? primò quod hinc est iucunditas vltionis; illinc magnitudo animi, generosumque facinus ostenditur: atque ut Iocasta dicit:

*Parcere subiectis, & debellare superbos.*

Ideo, Ariston mihi iure laudandus videtur, nam cum Cleomenes dixisset, amicis benefaciendum esse, inimicis autem male: suscepit Ariston verbum, dicens: amicis equidem benefaciendum: verum inimicos esse reconciliandos. maius est utique præmium gloriæ, cum ignoueris inimicis, quos perdere potueris: quam voluptas vindictæ: homo qui benefacit, his etiam qui eum persequuntur, similis est Deo: namque & ipse tot maledicentes, impios, sacrilegos alit, fouet, tuetur: ut non obscurum sit, nihil proximius Deo accedere (etiam præter Legis nostræ institutionem) quam obliuionem vindictæ. At verò quæ generosi animi sit, noluisse vlcisci, testantur antiqua exempla: inter quæ diuinam illam laudem C. Iulius Cæsar, tam sibi ascripsit, ut à nemine vinci patiatur: is enim cum Pompeium superasset, iussit parci omnibus cuiuslibet, qui extra aciem essent: M. Marcello hosti acerrimo indulgit: Petreum Duce aduersæ partis, atque Afranium, ac Varronem, in deditonem acceptos, tum Corfinium, L. Lentulum, L. Domitium, captos dimisit: filio Catonis, singularis inimici ignouit: Sextum Pompeium, filium Magni Pompeij, natu minorem persequi destitit: in morte patris illius, quæ tamen Regnum Cæsaris firmabat, illachrymanit. Q. Ligarium multorum criminum reum, & hostem, supplicantibus fratribus, absoluit: Ciceroni omnibusque aduersæ partis Principibus, qui in acie Pharsalica fuerant, liberaliter pepercit: statuas Pompeij erexit: denique tam egregia clementiæ monumenta prodidit, ut Cicero & ante Cæsaris victoriam, & post illius necem, non semel fassus sit, causam deteriore, Cæsarem humanitate sua, meliorem effecisse: iustusque damnatus est

*Tom. I.*

Pompeius patriæ defensor, ob crudelitatem in hostes, quam Cæsar euerfor ob clementiam.

Hunc nepos Octavius aliquando etiam imitatus est: cum enim Liuium Historicum plus æquo, Pompeianis fauisse partibus accepisset, satis duxit, pro ea iniuria Pompeianum eum appellare: cumque Asinium Pollionem libris editis commendasse Cassium, ac Brutum, tum Afranium ac Scipionem, intellexisset: quodque Timagenem historicum, qui Octauij, Liuiæ, ac etiam filia existimationem violauerat, domo recepisset, non aliter vltus est, quam his verbis: frueri mi Pollio, frueri.

At quam pulchrè Hadrianus Cæsar, iniuriæ & potentiæ moderationem expressit: cum enim Imperator factus, inimicum in priuata vita, obuium habuisset, dixit Euasisti: illud ostendens iam prius defuisse potestatem, atque idem metu eum noluisse liberare: cum primam potestatem vltionis adesset, non solum vindictam nolle, sed etiam eum à metu liberare; quod iam, reconciliatio timori imputari requireret.

Est etiam considerandum nihil magis ad augendam potentiam facere, quam vindictæ obliuionem: quamobrem Pelecrus Lacedæmonius, cum apud eum frater quereretur, quod non à ciuibz ut ipse colebatur, respondit hoc esse, quia iniurias pati nesciret.

Illud igitur maxime obseruandum est, quod quicumque viri magnam potentiam, aut auctoritatem desiderauerunt, vltionem semper contempsere: quod intelligerent iniuriarum vindictam Praxitelis fabulæ esse persimilem.

Ferunt enim eum speculum inuenisse: cum verò aliquando iratus in eum inspiceret, vidisse imaginem (ut par erat) etiam tristem: inde turbatus, minari coepit, at illa rursus minas reddebat, quid plura? speculum frangit; cadunt frustra illius: ex vnoquoque eorum, effigies vna minitans referebatur: sic Praxiteles dum vnam inconsulto hostilem imaginem euertere studet, plurimas suscitauit.

Idem in vltione, si vnum occidas: amicos illius, affinesque hostes, efficis: atque pro vno, plures, ac meliore causa: nomen etiam plerunque populare, inuidiosum facis, malum te hominem ostendis: denique asuescens vltioni, nil aliud cogitas; at ubi intenderis ingenium, valet: id verò sic esse, non solum ratio, sed experimenta, & exempla docent: atque in primis Alexander ille, in cuius cubiculo, fortuna quoad vixit latuit: cum Athenienses cæterosque Græciæ populos non ignoraret, quam hostili erga eum animo essent, (ut etiam triginta millia Græcorum cum Dario militarent,) vindicare tamen neglexit: qua animi magnitudine, deuictio Dario, quos hostes expertus erat, supplices habuit: at si contrà, vlcisci conatus, singulas vrbes Græciæ oppugnasset, totam illam egregiam inuentutem, in qua, etiam Indiam vltique penetrauit, depopulando Peloponneso consumpsisset: ut ex Magno Alexandro, ignotus Regulus euaderet: neque Thebas, ad iniuriæ vindictam, sed ad terrorem in-

GGg 3 con



constantium Græcorum euerit: at contra Pyrrhus, dum iniurias persequitur, (alioquin dux inclutus) negocia omnia infecta reliquit: miserabiliter moriens. Iulius Cæsar cum in priuata vita, à Caio Caluo famosus ac contumeliosis carminibus esset laceratus, tum etiam à Catullo, agentibus de reconciliatione amicis; Caluo prior scripsit; Catullum cenæ adhibuit. Quisnam maior rogo hostis, quàm vxoris mæchus, Clodius: quem tamen deprehensum damnari non curauit, etiam periurio illum tutatus. At contra Marius dum hostium sanguinem sitit, dum se totum vltioni tradit, infœlici sine consumptus est: seque ac suos omnes perdidit. Quid Fabij Maximi factio generosius, cum ei Minutius magister equitum, aduersus omnes Leges, à populo æquaretur in Imperio; multa contra Fabij fidem, ac prudentiam eo etiam iactante; vbi tamen temere Minutius Hannibali occurrisset; oblitus iniuriæ Fabius, illum cum exercitu liberauit, vnoque facto, fidem suam ac Peritiam testatus est; & quàm indigne, populus Minutium ei æquasset, Remque publicam defendit; Minutium supplicem ante genua habuit; & Imperium cum auctoritate recepit: Hæc sunt offensas obliuiscientium præmia. At contra Cicero, dum Clodium, verbis vxoris hostem factum, persequi pergit; ipse in exilium actus est: cum verò Antonium infensum è Republica eiicere studet, semet cum omnibus suis, tum omnes bonos, ac patriam suæ fidei commissam, funditus sic euerit, vt nunquam aliàs recuperari potuerit. Nonne & illud memoria dignum est: quòd brutorum iniurias spernimus; hominum vlciscimur? sic etiam temporum damna æquo animo toleramus, hominum ferre non possumus: at in vno deest ambitio, in altero facultas vindictæ: fateor inquam; sed etiam in hominis iniuria, illud considerandum est; quòd homo est; ac naturâ, (velis nolisque) tibi coniunctus, plerumque etiam à te (etsi non intelligas) irritatus. Denique quid te in iniuria vrget? offensa-ne an iactura? si iactura, illa vltione non redimitur: si offensa, iam te doles probum esse, ac videri: siquidem malorum proprium est, inferre damna: at bonorum, pedissequa iniuria est. Illud igitur, cum quis aut calumniatur, aut contemnit, aut percutit, aut vulnerat, te cogitare decet; primò, an volens fecerit; nam non voluntaria offensus, damnum afferre potest, iniuriam afferre non potest: laudaturque Cræsus quòd Adrastus pepercerit, cum filium eius occidisset. constabat enim, apum, non filium, Adrastum telo petiisse: sic Augustus cum à Diomede dispensatore, apro expositus esset, satis habuit timidum illum appellare: quòd satis constaret frandem abesse. At si volens offendit, illud cogita, an causam dederis. nam non iniuriam dices, sed emeritam poenam; At fac, insonti illatam iacturam; cogita, an tu, si licuisset, idem facturum esses. nam non iniuria hæc est, sed pugna. est autem omnis pugna finis, inter duos; cum alter succubuerit: quapropter puer Læcon cum ab altero vulneratus esset ad mortem; solantibus sociis spondentibusque, quamprimum illis occurreret is qui eum per-

cusserat, illum occisuros: at inquit ille, Nequaquam, non enim merito, cum id ego facturus fuisset illi, quod nunc ab eo patior, si mihi vincere licuisset. At, non sit mens mala; absit odium, absit omnis causa: Vide qualis sit vir, qualisque offensa: Nam vel adeò tenuis esse potest, vt per se sit negligenda; aut vir ille vilis, aut mentis non satis compos; vt, & turpe, & impium sit, in hos animaduertere. sed age, nullum horum occurrat, Nonne primum illud intelligis, bonorum hoc esse verum argumentum, quòd iniuriam æquo animo ferunt, non ob Timorem, sed ob Fortitudinem? sic Phocion cum damnatus esset ab Atheniensibus ad mortem; querentibus amicis, an quicquam vellet filio renunciari; respondit, Dicite vt huius iniuriæ haud velit reminisci. Aristides quoque, in exilio iniusto existens, rogabat Deos, vt Athenienses tam prospera fortuna vterentur, vt Aristidis memoria illis nulla esset. Post etiam, illud contemplare; quòd iniuriarum tria sunt remedia, Vltio, Obliuio, & Contemptus: horum, quis iure ambigere potest, præstantius esse contemptum atque securius? nam contemptus, neque vt obliuio, (propter animi secum coniunctam magnitudinem) turpis est; nec obnoxius reparandæ denuò iniuriæ: vltionem verò superat, quòd & securiorem habet exitum, & poenitentiam nunquam adducit; & quòd interim, hominem desiderium non torquet; sed quàm simillimus Diuis efficitur: sunt enim illi beatissimi ex hoc maximè, quòd mortalium contemnunt iniurias: tales eos decet esse, imò necesse est, qui fœlices esse velint: nam cum nullus homo iniuriâ carere possit: verum quantò potentior, tantò à pluribus, & maledictis, & improbis etiam factis impetitur; neque vlli mortalium, cunctos fas est vlcisci. Namque, quibus plures fuere calumniatores, quàm Regibus & Imperatoribus? quorum potentia erat maxima: non Naturæ, non Deo defuit. hic autem potens, non vindicat. Homo igitur, vrsi more, apes persequentis, ac insaniens; de iniuriis vltionem expetat? absit: nam etsi omnes sui temporis iniurias liceret vindicare, quid post mortem faciet? nunquid & de illis erit sollicitus? at par est ratio; siue post mortem, seu viuens, iniuriis, aut famosis laceretur libellis. Qui igitur contempsisse in vita has vilis est, eodem etiam auxilio post mortem securus est: at in vindicta, non licet: nihil itaque melius quàm ingenti animo, (velut si supra altissimam turrin consistens, lapidibus ab imo expetaris, omnis expers periculi) non solum spernere, sed irridere illorum conatus irritos. Vltionis autem voluptas, vt Sartyrius optimè ait, Fœminis propria est: vt Viris contemptus iniuriæ. Neque enim Fœminæ (vt fœminæ) ea animi magnitudo contingere potest, vt offensas spernat: sic & Viro (vt vir est) contingere potest, vt velit vlcisci. Vide ergo cuiusnam te magis similem esse velis. Verum dices, aliqui inquam egregij viri, iniurias vlti sunt: nam & Cæsar, Faustum Syllam, & Afranium iussit interfici: & Antonius Ciceronem; & Alexander Callisthenem etiam acerbius vltus est, circumducens eum exoculatum, atque in cauea cum cane

conclusum



conclusum. sed eia, homo bone, nulla harum ultio fuit: quanquam de Antonio dicatur, quod vir fuerit femina mollior, atque animi corrupti, in reliquis non debemus esse solliciti: nempe, & parem moribus finem est consecutus: at quantum ad hos pertinet, nihil minus quam vindictam in causa fuisse credendum est: sed securitatis potius studium, quo in casu, etiam à Lege nostra permittitur. Namque Afranius iam semel dimissus, neque fidem, neque quietem seruaturus videbatur: Legique obnoxius erat Faustus Sylla, populo Romano ob patris crudelitatem odiosus; & simul Pompeij necessarius; quieturus haud credi poterat, etiam si ei Cæsar pepercisset: nanque si patris odio necare voluit, maius hoc in Catone fuerat; quem constat, postquam Cæsar Germanos vicerat, suasisse Senatui, ut quoniam aduersus fœdera pugnasset, illum hostibus traderent: at Sylla, cum potuisset occidere, noluit. sic & Alexander, Calisthenem, eius Imperium inter barbaros infirmantem; non ob iniuriam, sed vtilitatem, damnauerat: parum enim abfuit, ne simul ob eius verba Persæ ab eo desciscerent; & Macedones in contemptum haberent. Antonius, sciebat Ciceronem, si euasisset, nunquam quieturum: quod iam, cum semel dimississet, odio tamen irreconciliabili eum persequeretur: etenim si mors Ciceronis ad vindictam procurata est, viuus capi potuit: aut crudeliter occidi. Iam verò & illud nobis occurrit, quod plerumque iniuriæ hominibus conduxerint, atque ut Onidius dicit,

*Vtilis interdum est, ipsis iniuria passis.*

Plerumque enim quem non amamus; eum tuemur, aut commiseratione, aut odio illius qui iniuriam infert; aut quoniam credimus potius atrocitate inimici, quam proprio scelere condemnari. atque eo modo, plures euasisse pericula compertum est: inter quos Valerius Maximus narrat; Gabinium ex contumelia Sisennæ: & Q. Flauium ex iniuria C. Valerij; Cottam verò sola iniuriæ suspitione fuisse liberatos: quibus, absque iniuriâ, absolutionis nulla amplius spes supererat. Accedit, quod tam frequens est hæc contumeliæ causa, ut totis diebus nil aliud meditari oporteat. vulgus carpit eruditos, at hi contrà paruifaciunt imperitos; & improbos damnant iusti; bonos irident scelerati: potentes, potentibus, ac Regibus sunt obnoxij; hos contrà laceant domestici, probri, maledictis, furtis, dilapidationibus, malâ fide. An verò decet perpetuò his discrucari homines, an potius animo forti negligere: laudatur L. Murenâ, quod ambitus à Catone paulò antè accusatus, Catonem ne occideretur in seditione, togâ protegerit, quanquam nec ipse existens absque periculo; & Publius Pulcher, quod damnatus à tribus Lentulis fratribus de incestu, vnum ex his ambitus postularum, patrocinio defenderrit: Marcellus à Siculis grauiter accusatus, ac absolutus, non tantum ignouit, sed & eos in clientelam accepit. sic Menedemus Alexinum fouit beneficiis, à quo multis erat iniuriis laceratus. Quam benè dixit Beatus Gregorius, *Qui malos non fert, ipse sibi per impatienciam restis est, quod bonus non est.* Rex Archelaus cum aliquando eum quispiam aqua resperxisset, suadentibus amicis ut vliscere-

tur, respondit: non me quidem respergere voluit, sed alium: sic, & illum à periculo, & se amicorum importunitate liberauit. Memoriam commendatum vidimus ingens exemplum ferendarum iniuriarum, in seruo Antij Restionis, qui per suspicionem à domino in carceribus vexatus, stigmatibus etiam inustus, cum in triumphali proscriptione dominum sequeretur, seruauit magno periculo, quem cum præmio vlisci poterat. Nec sola hæc priuatorum Sapientia excitat, sed ciuitatum: nam & Dionysius iunior, & Corinthi (dum ludum aperuisset) & antequam in exilium iret, à Syracusanis occidi potuit, cum illos crudeliter vexasset; neglexerunt tamen: & Romani, Syllam in priuata vita, cum Dictaturam spontè deposuisset, (quanquam nemo ante acerbius plebem offenderit) illasum esse voluerunt; Arbitrantes vindictam, dum potentia vitur, fortium esse virorum, tanquam rem arduam; in iam profligatos verò, aut illos qui vel sponte, vel legibus, à magistratu se abdicarunt, humanitate & clementiâ uti, opus Diuinum fore? Ideoque nullum est hominibus maius ad fœlicitatem argumentum, nulla ad gloriam via paratior, nihil ad vitæ tranquillitatem opportunius, quam iniuriarum contemptus: Vide canes; qui cum inutiles hominibus sint, maiore tamen charitate fouentur, quam vel boues, aut equi; quoniam à dominis iniurias omnes æquo animo patiuntur, percussi blandiuntur, eiectione reuertuntur, obiurgati arident. quid plura? feris omnibus deterior est, qui contumeliam non potest contemnere: nullum enim brutum animal, memor est offensæ: Quare homo, non est prudentiæ particeps, Deo non carus, non diu fœlix, qui vindex est. Paululum verò si te continueris, videbis iniuriam tuam, modo à natura ipsa, modo casu, aut ab aliis hominibus repolci, vindicarique: & quem ingenti negotio, maiorique periculo perditum cupiebas; absque labore, absque scelere tuo, miserum, aut extinctum miraberis. Malorum enim & iniuste bonos vexantium, perbreuis semper vita fuit; aut non diuturna fœlicitas. Si igitur sumptâ vindictâ nemo ab iniuria miser est; præstat autem omnibus, vel si potuerint, vel si non possint non vlisci; quam vlisci: manifestum est, nullum ex iniuria ante ultionem, miserum esse posse. Est etiâ genus offensæ nostris temporibus, existimatione maximum; Cum vxor est impudica: de quo (utin turpi causa) auribus bonorum parcendum est; illud tantum admonentes; Pompeium, Metiam; C. Cæsarem Pompeiam ob adulterium repudiasse: qui verò Romani, aut auctoritate, vel gestis, aut prudentiâ, æquari his poterunt: quorum tamen thorum, vel importunitas adulteri, vel muliebris lasciuia fœdauit: Septimius Seuerus, & Antoninus Philosophus, mœchas coniuges habuere; his tamen, neque fœliciores, neque præstantiores, nec Reipub. meliores facile inuenies. cum itaque hortarentur Antoninum amici, ut dimitteret eam, respondit, Licet equidem, modò reddamus & dotem: erat autem dos ipsa, Romanum Imperium: quod Faustina, Pij Antonini Imperatoris filia fuisset. Nec igitur Antonino, quod non repudiauerit sciens, nec Seuerus Septimio, quod nesciuerit, crimini aut



datum est, aut virtutiorum obstitit, vel felicitati. Nec solum tam claris viris alienum scelus maculam inurere nequinit, verum & priuati, eam ignominiam, ad se non pertinere putauerunt. Inde Spartanus vir, cum adulterum cum vxore admodum deformi deprehendisset, dixit, Infelix, quæ te necessitas ad hoc impulit? Nimis crudele est, si, quod nulla sapientia tueri potest, stultitiæ tribuatur, aut si alieno crimine, virtus immaculata, possit scèdari, sed tamen tribuunt; scèdatamque putant, temporum nostrorum homines. Non sic Salethus: is Crotone Princeps, legem tulit, etiam Iuliæ seueriorem: vt mœchi vini cremarentur: nihil maius hoc crimine existimans: verum cum fratris vxorem ipse polluisset; deprehensus, orationem tam luculentam habuit, vt ciues remittere pœnam vellent, ac exilio solum eum damnare: at ille, culpæ intelligens magnitudinem, in ignem sponte insiliit, crematusque sic est: perorauerat aptè, non vt absolueretur: (quid enim stultius, cum sponte perierit, iam absolutus?) sed vt doceret, nullam esse posse causam, qua quis absolutione dignus videri debeat. Itaque id non coniugis, sed ætatis nostræ vitium est: in qua, mulierosi existentes, flagitij in homines, perfidiæ in Deum pœnas meritò luunt: nec cessabit hæc pestis, donec velut Polypus, membra sua exeat: inde, Mahumetanis vires additæ, in immensum nobis opprobrio cessit. Sed de iniuria satis nunc, de reliquis dicamus calamitatibus, inter quas, Carcer primò nobis occurrit.

Hic, sordes, tenebras, solitudinem, catenas, miseriam denique omnem, secum ferrè videtur: cogit hic Boëtium exclamare,

*Ecce mihi lacera dicant scribenda carmina,*

*Et veris elegi, stetibus ora rigant.*

Sed ô generose, quid est hæc Vita, nisi Carcer Animi: deterior longè quàm corporis? atque vtinam, quies hæc grata mihi succederet, quam omnes viri inclyti optauere. inter quos Demosthenes ille orator eximius; dimidium barbæ sibi detondebat, vt cogeretur domo non exire. Vbi enim verior contemplatio quàm in solitudine? vbi studium solidius quàm in quiete? neque enim ille Boëtius quicquam elegantius scripsit, quam quod in vinculis excogitauit. Nonne & Æsopus diu latuit in sepulchro? & Democritus in arcis mortuorum sponte habitauit: scribentes interim, & tantò lucidiùs animo perspicientes, quantò obscuriùs oculis? Refert Plato Anaxagoram dum in custodia haberetur, librum de Circuli quadratura scripsisse. Quid acerbius, Socratis carcere? cuius finis, mors certa erat, tempus verò diuturnum, atque indefinitum? ille tamen suauiter dormiebat, philosophabatur, scripsitque carmina: vt longe maius lumen Socrates carceribus attulerit, quàm carcer Socrati tenebras. Paulus ille gentium doctor, magnam epistolarum partem ex vinculis misit: vt ad Ephesios, & ad Timotheum secundam, & ad Philemonem.

Simili ratione, Seruitus toleranda æquo animo est, in qua natura nihil dominis liberaliùs indulgit: neque enim ingenui, vernaculis aut fortiores sunt, aut formosiores, aut incolumiores, atque (vt vno verbo dicam) ni-

hil aut corpore, aut mente differt seruus à libero: at verò tranquillitate, plurimùm distat; cum seruus vnum habeat quod obseruet, Domini scilicet mandatum: præter id, alimenta, vestes, cæteraque necessaria, parata habet: at dominus, non solum de se ipso, sed de aliis etiam cogitur esse sollicitus: omnis iactura, domini periculo, non serui fiet: vt si homines se in seruitutem tradere hodie velint, (cum Lege nostra seruitus exoleuerit) plures inuenire possis, qui se tradant vltro in eam, quàm qui recipiant. Omnes si recte animaduertimus, (duriorebus dominis seruiamus, cum liberos nos esse credamus, Principi equidem Deo, totque naturæ necessitatibus, legibus, voluptatibus; communia hæc cum seruis sunt. & alimenta tamen, aut vestes, aut domum; minimè nobis, (vt seruis) domini tradunt. Quid igitur mirum est, multos seruos noluisse liberari: velut Melissus Spoletinus Grammaticus? pulchrum enim est aliena viuere quadra; atque vtinam tam honestum. Affeclas Principum, an aliud esse putas, quàm seruos, quos ambitio decepit? cæterum periculosiores, & infeliciores. Verum neque ad Gloriam, cuiquam fraudi seruitus fuit: nam & Plato & Xenocrates Chalcedonius & Diogenes, Phædrusque & Epictetus, Æsopusque fabularum conditor, seruitutem seruiuerunt, inclytique Grammatici complures: Scribonius Aphrodisæus, & Taberius Crotæ, ac Antonius Gniphos, tum Plotius in scæna clarus, & Manilius in Astronomia poëta insignis. Quid verò de opibus dicam: an ego illa denuo monstra Romanæ luxuriæ referam, Drusillanum Menecratem, atque alios, vt nec seruituti, Regia maiestas defuerit: celebratur inquam Seruius Tullius, ex Romanis Regibus vetustis, vnus: talis fuit & aliquando Oedipus: nostris temporibus Syriæ, & Palestinæ, Reges omnes, ex hoc genere creabantur. Sed facebant diuitiæ, potentiaque illa immensa: vulgata sequamur exëpla: quantum equidem plurimis conduxit seruitus; bonique heri patrôcinio, nihil fuit melius: Vt autem bonus sit, maxima pars in serui ingenio posita est: inde plurimis non solum libertas contigit, sed hæredes etiam dominorum fieri meruerunt: nec nunc frequentiora vestigia sepulchrorum antiquorum, quam quæ vel pietatem libertorum in dominos, aut dominorum testentur charitatem in libertos: vt hæc, vxorum, parentum, fratrum, ac filiorum, exemplis sint numerosiora.

Eadem ratione si Inglorius vixeris, consolaberis te ipsum: cum enim multò melior seruo sis, eam conditionem patienter ferre recusabis, in quam, vt Plato ait, Vlysses, vitæ præteritæ pertæsus, sponte se trāstulit: nulla enim felicitas homini maior contingere potest, quam vt Gloriam nec quærat, nec habeat: altero enim, in summa tranquillitate animi, altero in maxima securitate viuit: Quid enim est humana Gloria aliud, quam dulce venenū hominibus, & speciosus fumus, in quem cum ingrederis, occæcaris, & suffocaris: cætera quæ desiderantur, aliquid habent vtilitatis secum: hæc sola, plurimùm vanitatis, laboris, periculi, anxietatis: parique onere premimur retinendo, & acquirendo: Amici, Opes, Potentia, ornamenti plurimùm, inuidiæ parum tribuunt:



bunt : sola Gloria, inuidiam velut umbram splendor comitem indiuiduum habet, ea sola, momento perit, & vita : reliqua difficilior : Quàm multi, generosa facta in alios transtulerunt : quibus Socrates, cum victor esset in praelio, opera sua, laudem & dona, tribuit Alcibiadi. Sed quis in hoc Platonem poterit superare? qui vniuersa quæ nouerat, his à quibus didicerat tribuit : hinc Socrates & Timæus & Parmenides disputantes, docentesque introducuntur. nulla est hercle maior Gloria, quàm Gloria contemptus : Gloria cares, si ambitione cares, cur quereris, cum non habeas quod non optes? Si ambitiosus es, te ipsum accusas : Non esset ambitio viciū, si Gloria iuste desiderari mereretur. Non possum narrare exempla eorum, qui cum virtutem coluerint, laudem contempserunt : agnoscere enim noluerunt : verum tamen, eos *solum etiam hodie, bonos, ac beatos dicere liceat, qui secundum virtutem viuunt, laudent.* Quid enim aliud ambitiosus sibi parit, quàm vt omnia eius probra cunctis pateant? nemo enim est, cuius si vitam diligenter inspexeris, plura non inuenias, vituperatione quàm laude digna : huic periculo non aliter tutius occurritur, quàm si maximè latueris.

Offert se pari vtilitate Imperitia, quam tamen plurimi iniuste deplorant : qui enim scientiam addit, addit & laborem : (vt Prophetà dicit) mitto verò quod Paulus prædicat, hanc nostram scientiam, Deo esse inimicam. solum vtilitas vulgaris consideretur : anima periclitatur, corpus atteritur ; filij facultatesque negliguntur ; inuidia conflatur ; vita minuitur ; ob hanc insanam cupiditatem, non sciendi, sed scire nos simulandi. nam tu ne sapientior Socrate aut Platone, vel Aristotele? Socrates gloriatur quòd nihil sciat ; Plato dubitat de plerisque : Aristoteles tam obscure loquitur, vt non scire dicas, sed vt non ignorasse possis arguere : multis verò, quantà iacturà stetit opinio eruditionis? atque sanè mihi ea mediocritas ingenij, quàm magno detrimento fuit? toties ob id pulsatus, eiectus, iactatulusque : atque vtinam vel talis fuisset, qualem putauerunt ; aut qualis eram, talem me illi existimassent. Inde tot conspirationes, totque indignæ illorum voces, quas ego semper contempseratus, hoc solo, hominem homini præstare, quòd bonus sit. Quemadmodum & in cæteris omnibus rebus videmus : & Alexandro Achillino, Tiberio Bononiensi, Petro Leoni, Marco Antonio Veronensi, opinio hæc, non sine cõtumelia, & iactantia, magna mala peperit. Nam Achillinus veneno extinctus est : Petrus Leo in puteum præcipitatus : Marcus Antonius & Tiberius breuis vitæ occasionem sibi parauerunt : sic inanis hæc sapientia, multis pensanda est incommodis. Quantò melius his fuisset, vel artem, vel negotium exercuisse? Quem mihi doctum virum obiciēs, atque fortunatum, quem doctrina illa sua non pessum dedit? Socrates occisus ; Anaxagoras in vinculis habitus ; Plato venditus, & capitali periculo expositus ; Xenocrates similiter : Aristoteles pulsus, fagatus, in exilio mortem, aut voluntariam, aut non inuitus subiit : Demetrius Phalereus exul, & damnatus est : Demosthenes voluntarium bibit venenum : Alcibi-

nes exul, Solónque : Lycurgo erutus oculus, exilium, tot vitæ pericula. Ioannes Scotus à suis, stilis confossus : Cicero scædè occisus ; Varro proscriptus ; nullus non vexatus denique fuit, aut omnino contemptus. Queritur & iuste iniuriam Budeus vir nostræ ætatis insignis : Quot & quantas persecutiones Erasmus passus est? fuerunt ne Prophetæ, aut Sapientes Legis Mosaicæ foeliciores? absit. *Res est eruditio, quam qui non habet, non optet : qui habet, emptam gemmam credat, quæ magno pretio parata est, maiore sollicitudine & periculo sit seruanda.* Sed iam de his rebus nimis : namque pauci admodum, ac penè nulli de imperitia conqueruntur, cum se ipsos libenter fallant.

Cruciatus ipse est, qui quasi meritò intolerabilis videtur esse. est autem hic triplex, ex Morbo, à Iudicio, & Immeritus : Verum quisquis ille sit, aut magnus esse non potest, aut non diuturnus, raroque immeritus probis viris incidit. at si incidat, ferendus est ; persimilis est enim illi qui sponte ex morbo, aut casu contingit : In qua animi virtute, nonne pudet iure à foeminis superari? quæ cum in pariendis filiis vehementissimum dolorem ferant, totiens tamen hominibus congregiuntur ; nec abortire propter id cupiunt, cum iam conceperint : quinimò etiam steriles nihil aliud magis optant, quàm filios procreare. est autem maximus ille dolor, quem in partu fert mulier, & vitæ periculo propinquissimus ; cum non pauca illarum, ex eo moriantur. nam certè qui eculei, quæ rotæ, qui tortores, cruciatus coli, dentium, oris ventriculi, vesicæ, vteri, superare possunt? cum ex his doloribus frequentissimè conuellantur ; Parum mitiores sunt, chiragræ, podagræ, ischiæque. attamen quales hi sunt, quorum gratiâ, parientes, nec à deliciis, nec à venere volunt abstinere, etiam salutis certa spe proposita? *Nullus est dolor tam acris, quem animi constantia non superet.* Pópeius cum articulari morbo laborantē visitasset, aduersus importunos dolores dicebat ; Vrgeant quantum velint, non tamen dolorem malum esse fatebor : neque enim malum est, quod extra nos est, dolor autem corporis, si animum non vincat, noster esse non potest : Quàm pulchrè id expressit seruus, qui Asdrubalem occiderat, quòd is dominum suum interfecisset. neque enim vllis tormentis adigi potuit, vt vultu lætitiā quam animo ex vindicta heri conceperat, non exprimeret. Memini Antonium Cribellum publico iudicio lacerandum, dum nudaretur, alacri voce testatum, se nullis cruciatibus impelli potuisse ; vt conscios patefaceret ; vnâque voce facinoris complices, & habuisse, & oculuisse se ostendit. Quid igitur mirum, si tam constanter Pompeius coram Gentio Rege, digitum lucernæ admoit, vt intelligeret Rex, per vim à Legatis spem nullam esse, extorquendi secreta? Tā patienter & Scæuola ille ante Porcenam, manum combussit. Neque in hac gloria, Mulieres fraudandæ : Mater Hircani Iudæi, cum à Ptolemæo genero discrucietur, filium hortabatur, ne obsidionem dimitteret : sed potius patrem, quem ille occiderat, vlceretur. Epicharis liberta, generosior multis viris, nullo cruciatu ad confessionem sceleris, aut confessorum



sciorum potuit cogi. Quintilia etiam minima, cum conurationis in Caligulam argueretur, torquereturque, pertinaci proposito, meruit liberari, ac pro infante habita; præmia quoque, (tanquam innocens vexata,) accepit. Quid de Barbara, Agatha, Christina, cæterisque virginibus dicam? quarum numerus est omni fide maior; constantia verò admirabilis; ut non tam tulisse, quàm optasse tormenta viderentur? Sed hæc, nostræ Legis munera sunt; Ad Naturæ autem rationem iterum reuertamur. Nulla est quies tam grata, quàm quæ dolorem consequitur; Nulla est morstam lenis, quàm quæ fit à diris cruciatibus. *Omnium igitur tormentorum finis, seu ad salutem, seu ad mortem, placidus est.* Illud etiam considerare expedit, omnes qui ferunt graues pœnas, si animum existimant immortalem, hoc illo tam bene consolari debere, ut nil requirant amplius: his autem qui à morte nihil esse putant, mors ipsa, dolorum finis certus est. quod si cruciatus hic tibi meritis, merito (etiam si nulla esset solatij aliâ ratio) ferendus bono animo est: quod pœnam exsoluis, mentemque debito supplicio liberas: neque enim & corporis & animæ simul: & animæ rursus solius, pœna luenda est.

Eadem sed facilius in Morbis ratio militat, quæ in cruciatu. quid enim in morbo intolerabile est, si absit dolor? cum verò vix sentiat, quàm plurima bona parit. eo discimus nos esse mortales; admonemur fragilis nostræ conditionis; naturæ haud stabilis; quodque alienæ subiicimur potestati: inde nos subit cogitatio recta, docens mentem aliò collocandam: quod tibi displicet, alteri non esse faciendum. inde continentiores, temperatiusque euadimus. Pluribus etiam morbus vitam protulit; famam emendauit; virtutem auxit: si morbi non essent, homo sauior Tygride, truculentior Læna fieret: existimat Macrobius morbos his maxime accedere, non quos odit Deus, sed quos diligit. Seneca verò putat, eum vere esse infœlicem, cui nihil vnquam contingit aduersi: eoque solum existimandum miserum, quod nimium fœlix sit. Dicebat autem Paulus, Quem diligit Deus, castigat: effrenis est Humana natura, & nisi morbis (ut triticum) subigeretur, sæpius ad ferarum mores facile declinaret. Anima, cum à corpore incipit separari, nobilior tunc est, quod naturæ suæ relinquatur; utpote, quæ melius intelligit & videt à corporis vinculis absoluta: Quo, minus mirum sit, tales & imbecilli esse, & morbosâ naturâ, & vitâ breuiore. Non potes assequi omnia: Si fœlix ex ingenio, necessariò valetudine infirmior es: an velis robustius corpus, ac bellius simile ingenium; an verò potius Diuinam quandam naturam, cum debili corpore? Sed tamen & animalia quædam perpetuo infirma sunt, ut Leo & Capra. Vnde etiam qui capras vendunt, non quemadmodum reliqua animalia, incolumes pollicentur, sed, ut Varro inquit, Hodie recte esse, & bibere posse, haberé que recte licere. & hæc animalia, cum rationis expertia sint, lætantur tamen: quanquam nunquam sunt sine febre; Homini soli, consilium ad sui perniciem datum erit. Illud tamen non obliuiscendum, rarò Probos, externis cruciatibus; Temperatos, vexari internis.

Sed sunt qui grauiora morbis, Surditatem, aut Cæcitatem putent: quanquam nihil hoc ad fœlicitatem tollendam pertinere videatur. Homerus enim cæcus eum esset, omnes poetas Græcos & Latinos superauit: Timoleon, Siracusas cæcus gubernabat, Appius Claudius, turpem pacem cæcus diremit Romanorum cum Pyrrho, meliusque vidit, tot oculatis. Annibal quamvis captus vno oculo esset, Italiam tamen penè totam subegit, gloriâque omnes Pœnos Duces, Romanorumque, vno excepto Scipione, superauit. Ioannes quoque Rex Bohemiæ cæcus, vir fortissimus, & consilio prudentissimus, cum inclinatam aciem suorum sensisset, in confertissimos hostes se intulit, ne qui victor esse non potuerat, victus fuisset diceretur. Vir quidam parum ante nostra tempora fuit, cæcus; in Musica tam insignis, ut omnes sui sæculi homines superauerit: magnòque in precio apud Principes habitus, ditatusque est. Habet & cæcus suas voluptates, Venerem, Conuiuia, Musicam, Eruditionem, Disciplinas denique: Nisi à natiuitate talis fuerit, dimidio temporis solum cæcus est: namque & ipse; per somnum plura videt; Ut mirari contingat de Aristotele, quod virtutem illam videndi, in oculis, non in cerebro collocauerit; nempe si in oculo visio sit, exoculatus per somnium nihil videre poterit: ut nec is, qui omnino à natiuitate talis erat: Sed si ab initio cum natus est, cæcus fuit; non est quod doleat, cum non cognoscat: vulgare enim est; quæ ignoramus, nos neque dolore, neque afficere voluptate: multa verò cum videamus quæ delectant, non pauciora sunt quæ contristant. Vnus autem est verus oculus, Intellectus: qui eò lucidior est in cæcis, quo lux illa animi ab externa non distrahitur. vnde cæcos, & memoriâ, & ingenio magis pollere videmus, atque ut Poëta de Tiresia dicit:

*Obruit ora Deus, totâque in pectore lucem Detulit.*

Significans cæcum illum, mente fuisse occiditissimum. vnde ei prædicendi futura, antiquitas gloriam tribuit; quod esset prudentissimus: (tales enim futura prædicunt, non inanes isti Astrologi, aut etiam illis impudentiores Sortilegi) sed ad rem redeamus: Didymum philosophum cum Antonius ille Sacer solaretur, dixit, Te ipsum consolare, quod oculos angelis communes retinuiisti, muribus & lacertis similes perdidisti. Diodorus Stoicus Ciceroni familiaris: erat hic inquam, cæcus, & philosophus, & Musicus, & Geometra celebris fuit. Caius Drusus iuris ciuilis peritissimus, cæcus, videntibus patrociniû præstabat. Democritum ferunt ob ciuium odium, seipsum obcæcasse, vnde notissimi illi versus.

*Democritus Abderites, Physicus, Philosophus, clypeum constituit, contra exortum Hyperionis, oculos.*

*Effodere ut posset splendore æreo, ita radiis solis aciem effodit luminis, malis bene esse ne videret ciuib.*

Solebat Asclepiades Philosophus in cæcitate ludere, dicens, Nihil aliud esse, quàm quod puero vno faceret, ut plus indigeat: sed etiam illud magnum commodum præstat, præter reliqua Cæcitas: Ut mors ipsa etiam sit incun



iucunda, cum non ob aliud mortem magis timeamus, quam quod tenebras illas tetrâs nobis offundat: & omnem visum eripiat. at si cæcus sis, nullam in morte mutationem percipies, ut etiam, (quod alios maxime torquet) te mori non sentias.

Forſan Senectutem aliquis, tam illepidus erit ut accuſet; non memor neceſſarium fore, ut iuuenis iam fuerit, qui nunc ſenex eſt? ſed Cephalus ille Platonius, aut Plinianus Spurrinna aduocetur: ab hiſque quæramus an malum ſenectus. Quàm florida ea ſit ætas, ſi non vitietur. offendit Iacobi Philippi Sacchi robur ac virtus: quem olim Principem Senatus Franciſcus Sfortia Dux legit.

Itaque cum in his omnibus, quæ dicta ſunt, nihil mali ſit: videndum puto, an in Communibus illis Calamitatibus lugendum ſit: hæ autem ſunt, velut Peſtis, Fames, ac Patriæ excidium; quæ tamen, cum communia ſunt, leuius homines pati videntur; quàm ſi ſolis id contingat: at certè ſi mala hæc eſſent, grauius ferri deberent, cum difficilius poſſint emendari. eſt igitur potius hæc iactura, ex opinione hominum, quàm ex re ipſa: ac, cum vniuerſalis extiterit, auream ætatem imitatur. Fides enim incorruptior; Humanitas frequens; Conuerſatio vrbana; Viſtus fragilis; cœq; meliores hominum, & Mentis & Mores, quò fortuna deterior: tunc, cum pomis ſolis veſceris; ſi panem haberes, beatum te diceret; at eam panem, vinum, lectum, obſonia, habebas, & querebaris. Inuidia igitur eſt, quæ nunc nos torquet, non voluptas; luxus, non neceſſitas: namque ſi iuſto nunc deſiderio teneremur, omnia temporibus æqualiter optaremus, nec tam infœlici exitu indigeremus, ad cognoſcendum, quàm paucis vilibusque rebus natura contenta ſit. At verò tunc, ſi in ea miſeria viuere gratum eſt, miſera illa eſſe non poteſt; ſolum enim verè miſer eſt, qui vitam odiſſe cogitur. at in communibus calamitatibus, nemo vitam odit, ſed tunc maxime, patienter fert: neque enim turpe videri ſolet, quod commune eſt. videtur autem omne humanum malum, (præter mortem) in quadam turpitudine conſiſtere, & bonum, in gloria. id autem eſt, quoniam verè nullū (ut ab initio dictum fuit) bonum, aut malum in humanis eſſe poteſt. Sed ad rem reuertamur; Perit Patria, in eaque Amici, atque Affines, Exiſtimatio, & Opes: fateor, an putas eos ſolum tibi propinquos, qui in ea ciuitate erant? Omnes ex vna ſtirpe ſumus: cum ad auos & proauos recedis, longa affinitas eſt: amicitiam, mores, exiſtimationem, virtus pariet; qua ſi tu cares, non exiſtimatio, ſed ambitio, & dolus fuerat: in Paupertate autem, multos ſocios habes, ut pudere te propter errorem; ædere propter ſolitudinem non poſſit: verum (ut diximus) mendicis ſuccurrunt, ſportulæ, Xenodochia, proceres, religioſi, viri probi: in quo euentu, publica clades aufert dedecus: quod tamen multi, (obleuem, quem nos contemnimus, laborem fugiendum) ſubeunt: ſed ſi ſit animus indiſtriâ, mens armata virtute, rarò admodum ad id peruenimus. quanquam afflicta tota ciuitate: nempe Syracuſas, dum diriperet Marcellus, Archimedes, ſeruare voluit; & Megaræ, cum à Ptolemæo prius, poſt à Demetrio Antiochi

filio captæ & ſpoliatæ eſſent, Stilponem philoſophum non perdiderunt; à Regibus enim ſeruatus, & honorificè habitus, dona accepit: altero, eum ſecum deducere tentante; altero, eius etiam factò diſcipulo: cum verò Rhodus à Demetrio oppugnaretur, Protogenes à Rege pictor, in ſuburbiiis colebatur; cum ciues in vrbe vix tuti eſſent. Habet virtus ſectim comitem Nemefim, quæ mendicare non ſinat, à communibusque periculis eruat: Socrates illuſus Athenis manſit à peſte: Crates à Thebarum excidio. *Non debet vir ſingularis virtutis, populari periclitari calamitate: manent tales, ſua propria fata, inuidia improborum, obnoxia.*

Reliquum igitur eſt, ut de Malorum multitudine dicamus, ac ut Diogenes ait, Is ego ſum, in quem diræ iactatæ ſunt imprecationes: ſum enim (dicebat) ſine domo, ſine ciuitate, patriâ exul, vagus, mendicusque: his omnibus, Virtutem animi ſatis eſſe putauit. Si igitur ſenex æger, inops, exulque fueris, an hoc eſt mala augere, an diuidere? non ſunt calamitates numero, ſed magnitudine metiendæ. ſit autem ut velut in doloribus; calamitas pellat calamitatē; exilium auferat dedecus miſeriæ, cum apud ignotos fueris: eſt autem ea pars (ut dixi) in homine, quàm præter mortem, homines libentius fugiunt. an verò te velis potius Philotam eſſe, cum ab Alexandro diſcruciaretur, quamvis iuuenem decorum, robuſtum, ſummo genere natum, diuitem; quàm ſeruum, ægrum, etiam in piſtrino laborantem? Hercle eſt etiam humana conditio, ut veſtium: ingens enim macula eo magis deturpat, quo veſtis ipſa fuerit precioſior: minus autem, quo fuerit obſoletior, atque pluribus ſœdata vitiis. Verum & illud obſeruandum eſt diligenter, neminem poſſe perpetuo tempore eſſe infœlicem: nam & ſomnus, moleſtiam omnem adimit, iucundusque miſero, non minus quàm ſœlici: ſunt & ſenſuum delectationes, ex æquo omnibus fermè communes, guſtus, venus, oculorum ſpectacula, auditui ſymphonia, naribus iucundus odor: ut non poſſint omnia ex æquo prorsus grata cuiquam ſimul interire. quamobrem cunctos deſcet illud rogitare, quodd ſi mortales omnes dormirent, nullus tunc, alio eſſet ſœlicior. at nunc, non ſolum dormituri, ſed etiam morituri ſumus: & cum diu viuere non poſſimus, neſcis tamen quàm parum abſis à morte. Quamobrem omnia conſtanti animo aduerſa ferre, non ſolum Sapientis eſt, ſed etiam Vtile conſilium: cum nihil in hac vita, aduerſum nobis, verè dici poſſit. eaque cauſa Homerus, Aten Deam calamitatum, nudis pedibus eſſe fingit; nec aſperum ſolum calcare, ſed per mortalium capita, ſummo vertice leniter ambulare: ſignificans, Non niſi fractis viris, & conſilio perditis, deliciis ac luxui indulgentibus, calamitatem adeſſe poſſe: at fortes ac virtute præditos, nec innadere, nec omnino aggredi tentat. nihil enim ſolidum, nihil aſperum, ea Dea tangere, aut premere poteſt. Quin igitur mentem tuam, donumque diuinum, ad cœleſtia eleuas, vbi illa ſempiterna ac dulciſſima vita, tibi parata eſt: Homines enim in hoc mundo, ut fabæ ſunt. aliæ enim puſillæ, aliæ magnæ, aliæ florent, aliæ fructibus conſpicuæ, aliæ aridæ, aliæ luxuriantes, aliæ exiles, fruticolæ



fruticosa alia: omnes tamen vnus autumnus, quam breui in inanēs stipulas redigit. neque inter illas, vllum amplius est discrimen, non solum quæ sit, sed quæ fuerit; omnes vnà intereunt, non amplius nascituræ: sic hominum omnis fastus, ambitio, diuitiæ, potentia, filij, amici, gloria, quam breui consenescent, intereuntque. nec quicquam refert, an Irus fueris, an vilis; Galba, an Artaxerxes, aut generosus etiam Hercules. sola virtus, ac probitas beatum hominem, sola scelerum conscientia, infelicem efficere possunt. cum pessimum illud, quod vir bonus timere potest, optimum sit, quod improbus optare queat: scilicet animorum in morte interitus: verum vt nec huic sperandum, sic, neque illi timendum. misit enim Deus Pater in hunc mundum nos, tanquam filios, Regno præponendos, luctumque cum sensibus, cum mundo, cum diabolo, ex occulto spectat: qui fortiter aduersus hæc omnia pugnabit, sublatus è theatro, inter Principes numerabitur Regni illius: qui au-

tem prorsus iners; omnibus succumbet, tanquam seruus in vinculis, cum è theatro exierit, habebitur. Porro theatrum hoc, exornatum ad spectaculum esse, par fuit. ipsum vero Patrem ex abdito spectare, qui enim tam stulti filij, coram eo luxuriosè, & pigrè, tum etiam seditiosè viuerent, si aliquem spectatorem suorum operum, nedum Patrem illum magnum, esse putarent? Cum itaque extremum agonem anima superauerit, tanquam amans amanti copulata, ea dulcedine ac securitate fruatur, quam nec scribere, nec cogitare possumus: cum vix liceat amantium terrenorum ostendere voluptatem; inter quos tamen multa turbulenta, nihil tutum, nihil diuturnum: beatus est tamen hic amans, omniumque aliorum obliuiscitur, cum amata coniungitur: at ibi, in principatu securus, perpetuusque animus, cum amat, in eius conspectu semper est, qui omnia potest, atque in omnibus, vt verus pater, bono filio placere paratus est.

*FINIS.*



DIALO



## DIALOGVS

# HIERONYMI CARDANI, ET FACII CARDANI. IPSIVS PATRIS.



**E**t quam iniqua sum conditio-  
ne inter mortales ! erepto per  
iniuriam profitendi munere tam  
vtili quam honesto : ac simul  
edendi libros facultate : aded vt  
compulsus sim hac ætate qua alij interquies-  
cere solent Romam venire inter medicos hos,  
quorum maiores nec Galenus ipse sustinere  
potuit : nullis cum redditibus, à descenditibus  
meis destitutus, parum constanti valetudine  
ac fide domesticorum atque amicorum, vt  
dicere possim cum cæco illo.

*Quis errantem Oedipum*

*Paruis excipiet donis ?*

At ille multo minus miser, qui multam pro-  
blem reliquit : & filios reges : & miseras per-  
ferebat non per iniuriam illatas : nec cuiquam  
alteri, aut à casu, verum quas sibi intulisset  
acceptas. Quis ergo mortalium miserior ! aut  
quid agam ! Facius : Quid eiulas stulte ? H.  
Heu quoniam etiam à Demoniis agitor. Fac.  
Non ego Dæmon, sed amicus, & amicorum  
optimus. Pater tuus olim, & nunc sordido  
( vt scis ) iam diu corporis velo exutus, Fa-  
cius Cardanus. H. o pater bene tibi sit : Mi-  
serere filij tui vnici, & illum adiua si potes,  
aut consilio vales, tempore enim opportuno  
aduenis. Fac. Non es aded vt quereris miser :  
sed tu te potius miserum facis. H. Omit-  
tam quæ dum solum me esse putarem ( nam  
non magis quam olim, eo somnio te video )  
audisse reor id maximum, vt nec hic manere  
nec recedere possum : vel tuto vel honeste  
aut commode Fac. Opportune meministi eius  
somnia : nam si recte animaduertis nunc tem-  
pus est quo ad lunæ cælum peruenisti. Le-  
geras enim apud Beatum heri quam primum  
hæc de illo : Sicut & inter substantias pror-  
sus separatas vltimum gradum obtinuit lu-  
naris intellectus : qui propter maximum à  
primo recessum ( licet per semet ipsum se co-  
gnoscat ) imperfectius tamen atque obtusius  
se ipsum intelligit quam cæteri se aut alios.  
Noster autem quoniam etiam plus recedit  
à Primo quam lunaris non intelligit se ipsum  
per se met : sed per alia, dum illa cognoscit ;  
multo minus ergo & alios, siquidem nec per  
illos, nec per se met cum se ipsum intelli-  
gere sic non valeat. Alios quidem non per se,  
cum materiarius separatus à materia prorsus  
recipere non valeat. Solum ergo per analo-  
giam quandam seu proportionem, seu simi-  
litudinem interpreteris, illos intelligit : at-

*Tom. I.*

que de his autem communia tantum : velut  
quod entia, substantiæ actus ve sint : aut  
( vt dicunt ) negatiue : scilicet quod materia  
careant, nec sensu percipi possint. Ergo ta-  
lia cognoscit, velut exemplo deducto à sensi-  
libus separandi illa atque imaginando : sunt  
enim sensibus exactè cognita quæ adhærent  
maximè loco ( velut animali corpus & actio-  
nes ) at intellectibus diuinis quæ adhærent  
corpora neque magnitudine ( nec forsan mo-  
tu ) cognita vnquam fuere : nec in poste-  
rum vnquam cognoscentur. Quanto minus  
substantia orbium intelligi poterit ? Cum er-  
go nec per se, cum sint separati, nec per  
sua corpora, quæ nec magnitudine, sub-  
stantia minus, intellectui nostro cognita  
esse possint : nec ipsius nostri intellectus na-  
tura ; qui se ipsum nisi per alia ( nam vt  
lunaris ) intelligere potest, relinquitur, vt so-  
lum per similitudinem quandam, & per  
communia aut quibus careat necesse sit, eos  
intelligat : lunaris autem per se, semetipsum.  
& quoniam vt primo iungitur ided & alios,  
sed minus quam se ipsum ( quamvis quo  
primo propiores sunt eo magis intelligenter  
ad nos se habeant ) intelligit. Illud verò  
quod de illis intelligit, licet minus sit com-  
paratione eorum quæ intelliguntur, & ob-  
scurius ; & quod de se intelligit lunaris in-  
tellectus absolutius, clarius & perfectius  
comparatione sui : simpliciter tamen maius  
est, nobilius, clarius, & perfectius quod lu-  
naris intellectus, intelligit de aliis intellecti-  
bus, quam de semet ipso. Velut conuiuia in  
conuiuio plus comedit & melius, quam si  
omnia quæ domi habet ederet : non tamen  
totum potest edere quod in conuiuio est,  
totum autem quod domi habet comedere  
potest. Annon hæc omnia apud illum pla-  
nè præter exemplum legisti ? H. Sanè. hic ergo  
dies pridie Nonas Aprilis anni MDLXXIV.  
pro primo tibi ac quasi natali computan-  
dus est. Vides quomodo ex lunari orbe à  
singulis ad supremum ascenderit. Gaude  
ergo quod interpretationem nactus sis som-  
nij : & quod tempus aduenit. H. De quo  
gaudere debeo ? Fac. Quod intelligas quam  
speciali dono Deus te remunerauerit. Nam  
ita sit : Quid tam durum aut acerbum pa-  
ti potuisse, aut in posterum superuenire  
queat quod non solum sponte sed libenter  
non subeas, videns quantæ curæ illi fue-  
ris : cum & alia multa id etiam attestentur,  
HHh somnium



somnium illud quod tu fatale soles appellare licet tam dirum atque horrendum. Epistolarum in terram lapsus, quarum una erecta commigravit ad abaci pedes: alteri puluerium erat dum scriberetur subditum: cum nec naturaliter latere, vel etiam scribi posset. Tonitru illud tam longum domui imminens. Et in fine tertiæ diei qua detentus fuisti strepitus ingens in ostio primum carceris, & statim in fenestra quam sol tum illustrabat: Mox clatrata ferrea stridulus sonus quasi concussa: Quibus duobus ostentis vltimis interfuit Rodolfus Syluestrius medicus. H. vera sunt hæc omnia: sed quid boni: Imò hæc ipsa me sollicitum habent: & vt apud Poëtam:

---Non me tua feruida terrent

Dicta ferox: Dij me terrent & Iuppiter hostis.

Hoc enim est tertium quod me magis angit quam amissum proferendi munus & edendi libros potestas, quod die qua detentus sum (quod nunquam alias) his diuersis horis vno & eodem loco incidi in duas vacuas ad macellum de more, tot funibus, canibus, tantisque clamoribus agebant (vt quamvis nescius sortis meæ simul admirarer & timerem, & secundæ etiam ictus quibus concidit vel nolens audiui. Aliud fuit quod vltimo recitavi. His duobus ostentis adeo perturbatus sum vt semper timuerim ne his detinerer, & prima vice, vt nunc, quasi in macello exitium expectans vinctus iacerem: alia apertè poenas darem. Vnde timidior factus, non conscientia rei quæ nulla est, non potentia vlla humana, quamvis non ignorem supremam esse: non acerbitate inimicorum quamquam maxima, sed hoc ipso tantum detineor, vt me nullatenus explicare valeam. Idque doleo quod quæ mihi diuum metu contingunt, illi meæ ignauia aut suis vexationibus tribuant. Ergo vt ad rem redeam. Illud me male habet quod nunquam causam illorum prodigiorum verisimilem inuenire potuerim, nec alium audiui qui me eam doceret, consulto enim pluribus enarrabam, vt si modum quisquam excogitare posset tam anxiosa cura liberarer. Quamvis haud lateret hanc enarrationem mihi esse dedecori, vt qui vel iactantia causa ipsa confingerem: aut quod leuis & infusus vel superstitiosus haberer: at magnitudo periculi: & metus maiorum impendentium, nec non multitudo malorum quibus premor effecit vt omnia posthaberem salutem meorum meique, tum securitati propriæ: Itaque si quid habes Pater, in hoc tam magno dolore explica, nam seruaueris filium: Cæteris enim Deo dante tum & si multis ac magnis ego occurram. Sed vt facilius id agere possis scito non me latere eiusmodi ostenta bifariam nobis contingere: alia quidem vt præfagia futurorum: alia vt imminentium nos admonentia, doceant effugiendi viam: sub quo fine vt huiusque expertus sum potius puto interpretanda. Nam nisi ob hoc occultior redditus essem partim ob meam imperitiam partim aliorum temeraria aut maligna consilia, funditus forem euersus Fac. Dicam libenter: sed duorum te admonitum velim: primum quod non est

magnum ij existimant esse, qui nihil aliud maius fore putant, hi enim hæc postmodum quæ non esse putant inanes nugæ esse credunt. at tum tu sciās hæc ipsa vera esse, & idee maxima, omnia illa somnia & vmbra esse scis. Quod etiam præterita recolenti, luce ipsa clarius fit manifestum. Ergo quid discruciaris, tanquam si doleas videas puerum habere sacculum ossium cerasorum aut lapidum quibus ludere solent: tu autem illis careas? Quid enim in hæc vita habere potes stabile aut magnum vel diuturnum, etiam simpliciter, quanto minus si compares alteri? Ergo illorum cœtui infelici te infinuabis, vt erres, vt frustra doleas, vt habeas tantis laboribus & curis quæ inania sunt, & nulli vsui ad felicitatem? Quid est hic mundum, quid tutum? Quid diuturnum? Quid quod tempus non atterat? Quid quod quanto plus processeris eo melius fiat? opes per se crescunt, sed in senectute aliis voluptatem afferunt, tibi qui illis frui nequeas tristitiam. Quid ergo primum est in quo merito discrucioris? Alterum est vt antea totam historiam simul explicem: & finem ostendam vniuscuiusque, & rationem dignoscendorum animorum: sine quibus nec de modo procedendi, nec interpretatione futurorum, dicere quicquam saltem rectè atque perfectè: nec esse concordem possumus: sine quo omne auxilium irritum fiet.

Incipiamus ergo ab opibus: quot sine culpa olim, & nunc, ex bellis vniuersis spoliatur? Nostra ætate in Pannomia tot urbibus, & Cypro? audi illum Melibœum apud Virgiliū.

Post aliquot mea regna videns mirabor aristas

Impius hæc (tam culta noualia) miles habebis

Barbarus? has segetes? En quo discordia ciues.

Perduxit miseros.

Tu verò culpa aliqua nihil amisisti, illa omnia nulla. H. non queror ablatas, sed nō esse ad sumptum, & ereptam reparandi facultatem. Fac: Si filij boni erunt, satis erit: si inepti, nec multo plures quam tu per tempus id comparare potuisses sufficerent. H. Omitto hanc curam, sed honor me angit, & quod libros edere prohibear. Quid cum videam tot me ipso inferiores in suggestis? Fac: An scis te moriturum? An speras te mortuo defuturos vel rudes, vel doctos viros qui profiteantur. H. Minime. Fac: Cur ergo aut non malis pro lucro quod aura hac fueris, computare, Nam ea ad vnguem ætate detentus es quæ est vltima sapientum. Dicebat enim Solon vitam hominis esse septuaginta annorum, eo enim anno Socrates & Thales obierunt, solus Hippocrates dicitur superasse vel vt diutius miser viueret aut ad consolationem tot ærumnarum quas in senio passus est, nam & ipse priuatus omnibus bonis, & præterea in exilium actus & sententia capite damnatus obiit vt dicunt valde senex. Cæteri omnes antea periire, Aristoteles, Galenus, Hasen, seu Auicenna, Phercides, Pythagoras, Virgilius, Horatius.

Immodicus brevis est ætas, & rara senectus.

At tibi tu ipse non maiorem numerum annorum



annorum præscripseras ex astris. Manus delineatio non pollicebatur : non Physiognomia, non modus viuendi. Quod ad iniuriam attinet, si casu accidisset non doleres, quia à Deo factum existimares : nunc cum ab hominibus doles, quasi non tam illis Deus imperare possit quam morbi causæ quæ te aut sustulit aut inutilem reddidit : Dicbant Cyrenaici voluptatem & dolorem esse tam in anima quam in corpore ( quod & verum est, sed voluptatem in corpore maiorem esse, tristitiam in animo. Quoniam animus solitus sit in infinitum procedere & sua extendere. Et quæcunque obtulerit timor, seu præteritorum memoria illis superaddens & causans & modum in immensum tristitiam auget. suæ ipsius vitæ breuitatem deflet, aliorum non solum vitam sed facta atque decreta immortalia fingit. Proponit iniurias, male dicta, suspiciones, obliuiscitur gratiæ, beneficiorum, indiciorum amoris, ex musca facit ( vt aiunt ) elephantem. Itaque hoc non est nisi proprium malum. Magna res, si amisisses morte vel morbo hæc omnia non doleres : neque tamen velles te mortuum potius quam in hoc statu esse. Dicis ( nequid desit ) illa fuisset communis conditio ? Quare ergo non illam præponis ? quare conquereris quod viuas ? At ergo voluisses viuere, & non pati, nec velles qui mortui sunt, iuste posse conqueri, tu vis posse magis iniuste cum viuas ?

Reuoca ergo te ad Palingenesiam : & dic. Superfunt iam tres anni cum dimidio ab eo quod sperabam à communi vitæ termino. Quod præterit est in tuto, quod expectatur, in desperatione non est nec esse potest. Superfunt tres descendentes, multi amici atque potentes, nomen magnum, scientia multarum rerum ; libri cxxxj. editi : cxj edendi : tot arcana : Patrimonium plus quadruplo quam cum natus es maius. Quod stulti ponunt inter calamitosa, scilicet ætatem transactam lxxij. annorum, ego numero inter principalia dona, nam si passus es aduersa, iam euasisti : si bona iam possedisti in tuto sunt habuisse, ac memoria iucunda. Sed quod summum est, & in quo confidere debes manet : Adrastia, immotus ordo, oculus cuncta comprehendens : Facilius cadent regna quam vt Sapientia decipi possit, Amor non optima velit : desit ve modus iustis præcibus satisfaciendi. Superfunt tria ( nam ultio ad Deum pertinet : nimis est illis quod ipse norit ) Patrimonij incrementum, profitendi munus, librorum editio. At de patrimonio plus refert vt filij lucrari discant quam quod tu lucreis : ipsi conseruare velint, quam quod tu augeas. Profitendi munus vt ad gloriam pertinet pars est edendorum librorum : vt ad lucrum exercitationis : ergo minus cum sit utroque extremo si duo peragere vales eo non indiges : si vnum tantum vicariâ vicem multa alia gerent : & ambo illa impediunt quæ essent meliora. De librorum gloria dicemus illud Zenonis : Tunc secundis ventis nauigauit cum naufragium feci. Perituri omnes erant si pars non deuota fuisset, adeo imperfectè confusi quidam etiam vix inchoati pleni mendis & erroribus. Quid de filiis ? an non negligentia

Tom. I.

& licentia perdidisti illos ? nunc in tuto non sunt ? antea certum imminabat exitum. simile de vita adhuc cuperes, si ea non accidissent, melius quicquam tibi esse non poterat. H. Curæ conficiunt homines : fieri potest vt repente cadam ob illas susceptas. Fac. Quid habes deterius à detentione vsque nunc ? nunquam ægrotaſti : vides absque perspicillibus : non ventriculi aut cranij imbecillitate, vel vrigine meiendi, aut vigilia laboras, non in ventre tumor durities-ve. H. vereor ne comperendinatio hæc sit merces abstinentiæ : non in vitam pensio perpetua ? Fac : tres fuere reges maxime curis oppressi, Massinissa spoliatus regno : Mithridates sæpius pulsus : qui in prima iuuenta ante vidit pericula regum, quam expertus esset regnum : Deiotarus antea in suspicionem, post regno mutilatus, demum rex seruilis : Massinissa prope centesimum vixit : Mithridates nec veneno viam ad mortem aperire potuit : Deiotari annos non facile numerare licuit. Nec minora in fæminis exempla : Terentia repudium Ciceronis, mortem filia vnicæ, proscriptionem filij vidit. Ea tamen secundum seculum ingressa est. Pomponia Græcina cum in luctu quadraginta annis perseuerasset à morte Iulia Drusi filia ; vt nil nisi lugubre seu in vestitu seu sermone placeret, grauiter etiam accusata ad decrepitam tamen peruenit ætatem. In causa esse reor quod qui mærore se non conficit plus vtilitatis consequitur ex contemptu voluptatum quæ non sunt honestæ quam iacturæ ex tristitia : maxime cum in omnibus aut timor propriæ mortis auertat hominem sani consilij à quouis mærore : aut contemptus leuare possit : & securitas de aliena pro vindicta vade accipi possit.

Ergo his intellectis ad interpretationem venio. Prior planè pessimus est, sed fortuitus videri potuit. accesseras enim vt sigillum mutares : apotheca in via erat : quid homini cum vacca ? si taurus fuisset magis continebat. Nil commune, totum fortuitum & cum ratione ac frequens. Nec verearis quod tibi taurus sit in horoscopo. Neque enim primâ detensio vt secunda succederet, vaccæ tribui potest : non vincula, non iniuria, non tormenta, non mors intentata. Si modo mortem significare potuit ? non nisi vitiorum : vt tanquam illis victus cogereris in futurum exuere illa. sed verius hoc ad fabulas, & veterum supplicationes, est referendum. Aliud plus habet ponderis : ostij ictus Iudicium Bononiæ peragendum : fenestræ autem Romæ, quod præter consuetudinem agitatatum est, stridulus clatrata sonus non liberandum prorsus docuit : verum discessurum ex ea vrbe deserturumque nouam quam tibi elegeras patriam, gloriosam quæ futuram peregrinationem indicat. De secunda detentione periculum nullum, nam prodigium hoc non ab initio sed à liberatione, aut paulo ante conueniebat. Exitus etiam pro fenestra clatrata auium fugæ respondet. Ergo de operibus prodibunt, & castigata & multo meliora quam si hæc non accidissent ; alioquin ruitura. H. Igitur non quod nocuerint sed quod nocere voluerint, odio habendi sunt.

HH h 2

Fac



Fac : Sed his aded prauis quæ felicitas contingere potest ? cum nec viuere quiete, nec quicquam à morte melius sperare possint. Tibi vero multa voluptatis argumenta supersunt. At quo angeris est falsum suppositum quoddam homines aliqui boni fuerint : falleris, omnes eodem modo, Aristides Socrates, Plato, Nasica, Cato minor: sed stimulo quodam (inter multa quæ mente obuersabuntur, iræ, inuidiæ, ambitionis, auaritiæ, incendia ardentes) virtutis pungebantur : cæteri stultitia & imperitia boni : verè boni & iusti à sola diuina gratiâ, qui longe plus cæteris illi debent quam vt quicquam ipsis debeatur. At tibi cum iam omnia penè quæ ad

apicem pertinent fundamenta ieceris, cura adhibenda est in comparatione pecuniæ, altera in educatione descendendum. Ex quibus tertia sponte orietur. Summam verò lætitiæ occasiones multæ debunt : H. Gratiâs tibi ago Pater, qui me aduersus grauissimas molestias, tamen multa auxilia deprompta docuisti, memoriam mortis propriæ, Palingenesis simulachrum : Transitionem ad contrarium prorsus : seu spoliationem. & corporis cruciatum. Fac : Ergo viue & vale. H. Tam cito abis. Fac : Reuertar ad ad te aliquando. H. Id mihi iucundissimum erit. Sed vbi filius meus? Fac: Hic præsens est. Bene est, & tu vale.

*FINIS.*



ANTIGO





# ANTIGORGIAS DIALOGVS: SEV DE RECTA VIVENDI RATIONE.

INTERLOCVTORES SOCRATES, CHÆREPHON,  
*Gorgias, Polus, Callicles.*

**N**VNQVAM ô Gorgia mihi contigit quam heri, molestiorem diem experiri, neque hominem adeo petulantem. Gor. Dicit de Sophronisci filio; nihil mirum, nam humili loco nati, & nulli arti addicti, huiusmodi machinas commendantur, iisque adeo inhaerent, vt facilius clauam è manu (vt dici solet) Herculis eripias, quam vel vnguem latum illos à proposito amoueas. Cal. Sed sit ita sane, quando nullam aliam habent viuendi viam. At quid cogebat eum tam petulanter agere, cum modestiam aliis tantopere commendet? Gor.: Quid vanius? nos iubet breuissime respondere atque secum agere, ipse longas contexuit Iliadas. Et qui perpeti iniuriam quam inferre melius ducebat, & ostendere conabatur, nos omnes iniuria affecit, contumeliosisque verbis obiurgauit ac si vernæ sui essemus. Cal. Intempestiuum est, huiusmodi animalibus, vel & rabidis canibus semper occurrere. Sed ille (vt reor) ex composito ad nos venit. Gor. Existimo Cherephontem huius mali causam fuisse, nam neque nunc adest, sed cum illo in trinis, & in foro vagatur, quasi testis hesternæ disputationis. Cal. At qualis disputatione modo huc modo illuc vnuquemque circumagebat, semper canillationibus ad contraria dictis reducere conatur. Po.: Vere ais: at quales ludos de nobis fecit, ac de me quidem dolebam, sed de te Gorgia qui tantus natus, tam notus vbique tot artibus disciplinisque splendide instructus, vrbis tuæ legatione fungens & à populo Atheniensi adeo honorifice exceptus, vt etiam illius gratia auxilia tuæ vrbi decreuerint, filius lapidarij huc illucque conatus sit puerorum more verba contorquere. Gor. Non me latent omnia hæc, & quantum frustra conatus sit, ob idque respondere illi desij: sed hoc non me malè habet. Nam & alia non minus stulta egit, ob quæ, vt audio, iam grauis est, tori ciuitati. Et multi eum accusare decreuerunt. Cal. Hoc est puto quod de se quædam in fine locutus est, tanquam non solum accusationem, sed etiam damnationem præuidens. Gor. Quid agas? Huiusmodi cum sciant merito suo quanta inuidia laborent, diuini volunt videri, coniectantes quæ sibi breui incumbant, vt non solum sapientes, sed etiam fortes viri habeantur. Cupiuntque videri inuidia

laborare, vt ex hoc magni viri existimantur. Sed non est inuidia hæc aliorum sed eorum stultitia: nam ego non minore in precio sum apud meos ciues, neque ob munus tam priuatum quam publicum minores quam Socrates contentiones suscepi, & maiora etiam experimenta de me dedi quam ille, nec tamen peculiarem quemquam mihi inimicum comparauit: æmulos sanè quam plures, sed non idem est æmulos sibi atque hostes, & acerbos inimicos comparasse. Æmuli enim de virtute certant, de honoribus, magistratibus, opibus, & vt in litibus superiores euadant, cæterum alioquin amici plerunque sunt, sane, non inimici. Sed est nescio quid hoc Socratis: Cal. Prauitas. Gor. Non, sed potius nimia iactantia, cupiditasque inanis cuiusdam gloriæ, coniuncta cum ignorantia omnium bonarum artium. Cal. Vera dicis, sed quid opus esset, reor non fore malum, si illum ex composito aggrediamur, pudet enim præsertim propter te eum nobis os oblinisse. Gor. Ad quid iugulare mortuum? permittamus ipsam cum suis discipulis abunde insanire, & in foro ac trinis cum coriariis ac fabris disputare; nos nostram retineamus auctoritatem aque existimationem. Ille enim vt piscator est, qui nunquam magis gaudet quam cum in rete magnus quispiam ac notus piscis inciderit. ipse per se aliquin mœret & ociosus est. Cal. Vera dicis, sed tamen pulchrum est obtundere insolentiam hominis. Gor. At æquiore ferrem animo si vir hic vel vera diceret vel vrbi vtilia vel concinne ista probaret. Modo quam vera dicere potest, cuius vita tota scarabæi consuetudini similis est: & egregij illi sui discipuli, quales euaserunt? Alcibiades Rempub.: quam suus magister se constituere & meliorem efficere profitetur, iam penè funditus euertit: ipse exilio & capite damnatus. Plato inter pueros, Xenophon in peregrina militia aduersus patriæ decreta exul versatur: Qualis Euphratus, Calippus, Schæron, Timæus, Euragon Lampfacenus, Aristippus inter popinas & meretrices parastatur Dionysio, Sicilia tyranno. Ad quem etiam propediem iturum referunt Platonem constituendæ Reipublicæ nomine, re autem ipsa, vt exitus demonstrabit, pecunias habendi ( sanguinem miserorum ciuium)



ciuium) gratia. Atque hæc præcepta diuini Socr. hæc virtus. Cal. verissima hæc sunt, sed an ergo non aggredimur hominem? Ergo sanè non verebor omnia hæc atque similia illi obiicere. Serpentem confodere pietatis est non sceleris. His omnes circumuenit, recti specie disciplinas contemnens, melioribus illudit, nouos profitetur Deos, iuuenes corrumpit, vultque omnes non solum imperitos sed & improbos videri. Gor. Non tam celestiter de hoc decernamus, ne nobis contingat quod olim Hectori naues Græcorum exurere molienti, qui naves non exussit, sed ab Aiace lapide percussus grauiter, coactus est retrocedere. Cal. At quid potest? Gor. Non id dicas, exercitatus est mirum in modum in hoc disputandi genere, vt qui totam in eorum vitam consumpserit. Mirus artifex & captiosus, nihil aliud perinde nouit, gladiator vetus est. Sed si modo illum aggredi expedit, prius præmeditari totum negocium non secus ac orationem quam ad populum finis recitaturi expedit. Pol. At ô Gor. video partam victoriam, modo illum semper respondentem faciamus, vt ille nos heri ipsi vt ille, eum interrogemus. Gor. Multum facit hoc, sed non satis est. Oportet enim tria, vt video, nos animaduertere. primum vt vera tueantur non solum quod cum tam arguto sophista difficile sit ei imponere, sed etiam vt probi videamur & simus. Secundum vt ex dubiis disingamus, ne in latebras se condere possit. Demum vt rectà illum aggrediamur contrarium obseruantes eius quod ille facit, qui tricis ac termetis triis nos inuoluit. Hæc si obseruauerimus seu argumentetur seu respondeat obtinebimus, vt spero, victoriam. Pol. vera dicis sed quomodo illum conueniemus? In foro turpe nobis erit, imò neque licet publicæ personæ in foro more adolescentum disputare. Domi eum nemo conuenire solet: Est enim vt audio non domus sed tuguriolum. nec ipse nescio qua causa hoc patitur, sed summo mane ne quis peruenire possit e domo exit. Præterea opifices facere iudices iam dudum assentari illi assuetos non tutum est. Nec tam decorum est apud hos homines vicisse quam illi contendisse. Magnum tuum nomen est, sed ille solum Athenis & apud imperitos etiam ac plebem tantum notus. Operiri illius aduentum longum esset. Aduocare vt heri in Calliclis domum hodie non possumus. Cal. At ego vos hac cura liberabo, hora septima pergit ad Apollodorum cui ego sum familiarissimus, Nauficydes Cholargeus, quæ scitis quantum mihi amicus sit, hortum habet ibi contingentem Apollodori pratum. nos præoccupabimus ad Nauficydem euntes atque ibi in horto confabulabimur in umbra, interim & illi in pratum venient Apollodori, ita absque furo fortuitus videbitur hic occurfus. Gor. Placet consilium eamus. Pol. Vnum me torquet si quid bene dixit (quanquam pauca bene dixit scio) quid agendum est. Gor. Facile huic occurritur si rationes eas quibus id approbanit quod facile fiet euertemus, leues enim sunt omnes & neque Rhetore, multo minus Philosopho dignæ, alias autem subnectamus firmas. Sed iam ad ostium Nauficydis peruenimus: mone tu Callicles si

videtur hominem de aduentu nostro: Cal. In domo non est, sed iubet vxor vt ingrediemur, in hortumque pro arbitrio pergamus. Gor. Pulcher hortus & spaciosum pratum. media in vrbe. hic confideamus: Cal. Sed ecce Socratem, hui quam opportune descendit in pratum, & iam ad nos venit Nauficydes. vides quam recte nobis ex voluntate omnia succedunt, nam & Chærepho illum sequitur & cum Apollodoro Socrates ipse. Gor. Prudenrer occasione vtendum est, vestrum vterque fileat. Quid agis ô Socr. & tu Chærepho? Soc. Huc de more ad Apollodorum venimus, non quidem scientes te adesse; sed & hoc pro lucro ponere nec leui decet talibus viris occurrisse. Gor. At ego nil tam optassem quam te & Chærephonem videre: atque hos ipsos, quos quia tecum esse video, studiosos sapientiæ esse arbitror. Soc. Sic est, nam hic Apollidorus est mihi iam diu notus atque philosophiæ operam nauat: hic alter vero Nauficydes Cholargeus de quo heri si meministi mentionem feci & ipse à philosophiæ studiis non abhorrens, quanquam philosophos etiam magis diligat quam philosophiam. Gor. Sanè memini & quam strenuè nos omnes peruiceris. Soc. Bona verba: certani, disputanti, vt veritatem eruerem: De victoria iudicium audientibus relinquo, & maxime tibi, neque enim quisquam est qui melius quam tu. Chærephon. Hoc ipsum nobis in Porticu narrabat & quam difficile fuerit certamen maxime cum Callicle. Gor. At non & tu aderas? Cher. Certè & placuit admodum ea disputatio: verum hæc Apollodoro & Nauficydi dicebat compluribusque aliis qui illuc conuenerant audientibus, omnesque probabant Socratis opinionem, excepto Nauficyde isto, qui dicebat cupere se interfuisse, vt diiudicaret. Gor. At tu quid sentis? Cher. Plane cum Socrate: visa enim sunt mihi illa omnia aperte demonstrata. Cal. Sed tamen multo plures diuersa sentiunt. Socra. Nonne dixi opinionem esse multorum, veritatem paucorum. Sed pauci qui sapiant pluribus aberrantibus sunt præferendi. Haud enim dubium est quin ea quæ dixi vera sint. Et maxime illa de suppliciis apud inferos. Pol. Atque vtinam tam demonstrasses (id quod & ego verum esse reor) quam visus potius es fabulam narrasse, vt Callicles iste vix risum continere posset. Vera enim si arbitraberis, ô Socrates, in tam graui causa, cur non id potius ratione probabas, quam fabulam adeo absurdam nobis tanquam pueris (qui & si non simus philosophi, indigni tamen videmur vt tam aperte nos irideres) enarrare? Soc. Satis tum dictum est atque id apologi loco, soleo enim ego ista sic claudere. Verum non habeo quod certum sit, nec quenquam qui habuerit audiui in hoc negotio. Cal. At dicebas heri pro certo id te habere. non capio tuos hos sermones neque in his neque aliis quæ pro tua opinione adduxisti. Nam vt verum volebas credi & fabulam narrabas in re tam seria. videbaturque infanti cuidam ancillæ Apollodori huius præsentis similis, quam & tu nosti, quæ filium verberabat



verberabat & imperabat ut caneret. Certè nihil horum quæ dixisti ego credo exemplo tuo admonitus. tam inanes enim rationes adduxisti ut omnibus quemadmodum & de inferis non ex sententia dixisse existimen, sed tuo more delusisse nos, soles enim id crebro facere. Soc. Bona verba: Quid est in quo dubites ex his quæ heri disputauimus? Cal. Imo potius dicas quid est in quo non dubites? aut quod serio dictum putes? At non ego aliena nunc tueri volo sed ea quæ aduersum me nugabaris, puto continent me. Soc. At videris velle, quod dici solet, causam iam iugulatam in dubium reuocare. nec sufficit te & Gorgiam & Polum in tot absurda deduxisse, cessasse causæ toti, ut velis denuo disputare. Cal. Equidem si serie acturus es mecum, disputabo, sed non ut heri contemnens nos atque irridens. Soc. In quo irrisi vos aut contempsi? Cal. Me saltem dico: Soc. neque te, qua re dic fodes. Cal. Interrogas rursus quasi de re dubia, & rursus irrides dum quæris quomodo irriseris. Soc. Quid tandem? dicas vnum. Cal. vnum? omnia penè. Soc. Quæ? Cal. At etiam dicis quæ? tanquam nescias. Soc. Per canem nescio quid dicas, sed si habes tot, vnum saltem profer. Gor. Dico quæ habes, comædum videris agere. Cal. Quid est in quo non nos neque præcipuè irriseris & turpiter etiam. Primum incredibilia & falsa narrans, nec vllam adducens demonstrationem. Melius esse infelicem quam felicem, horum quæ videntur tantum habita ratione: Melius pati iniuriam quam inferre. bonum esse sonum Lacerati apud populum à carnifice, ac melius quam in regia imperare. deinde narrans fabulas de mortuis. Afferebas etiam noua præter propositum absurda, ut mihi prorsus delirare videreris: velut illud de æqualitate Geometrica. Vbi nunquam audiui tu tantus natu æqualitatem Geometricam. Rationem Geometricam seu proportionem & Arithmeticam & Musicam scimus esse, æqualitatem Geometricam quæ sit tanquam diuersum ab aliis æqualitatibus neque ego scio neque puto te scire. An non hoc erat nobis imperitis Mathematicarum velle imponere? tum falsa propositione. Etsi etiam vera fuisset, quid illi cum probitate & felicitate ac voluptate commune? An deerunt rationes in tam trito negotio, nisi tu nos ut pueros deludens talibus prestigiis circumuenisses: Socr. Videris mihi iratus. Cal. At non sum iratus, sed neque ego animo pati possum irrideri. de his agant singuli pro suo more. Non mirum cum adeo intente suaderes ut mallems iniuriam pati quam inferre. at hoc agebamus ut video tu verò non ita: sed è diuerso malebas inferre quam pati. Quid habes ad hæc quæ dixi? Cur hæres. At tum illud age quod à nobis adeo sæpe postulasti, ut breuiter responderemus, aut tu longas texebas iliadas. Tu nunc contra facito, & breuiter responde, ego verè quantum libet argumentabor. Socrat. Vis ergo ut video nos rursus disputare de hac causa? Mos geratur: Sed quod de breuitate petis haud par est. Cal. Cur hoc? Socr. Quoniam disputatio difficilis est, & breuiter respondendo captiones multas efficere posses. Calic. At cur ergo heri tibi

hæc licere volebas, nobis non ita: hodie tibi vis rursus licere quæ non nobis; & nobis non licere quæ tibi licebant heri? Socr. Alia ratio est, nam ego de Paradoxo disputabam, tu de re pertrita. At etiam soles ergo ita facere. Sed mittamus hæc, malo si lubet tecum congregi, ô Gorgia & tu Pole, quam cum ipso. Gor. Cur ita? Soc. Quia iratus est? Gor. At sic facilius illum rationibus superabis. Sed postquam id tantopere desideras mos tibi gerendus est, ea tamen lege quam & tu heri & Callicles hodie proposuistis. Soc. Omitte legem, simpliciter agemus. Gor. Sed de quibus? Soc. De iisdem si lubet de quibus heri. Gor. Placet conditio, sed lex rata sit: Soc. Minimè: Gor. Saltem ut quisque pro arbitrio loquatur? Soc. Assentior. Gor. Sed quomodo disputabimus? Soc. Ego te interrogabo, tu respondebis. Gor. Non: nam heri id egimus: Sed ego vicissim te interrogabo, tu autem respondebis. Soc. Non licet. Gor. Cur? Socr. Quoniam nimis difficile erit mihi tot interrogantibus respondere. Gor. Non, sed singuli interrogabimus. Soc. At vni Callicli irato difficile erit respondere: Gor. Iam dixi nihil esse iram. Sed age nobiscum sic cum illo postmodum cum certandum erit secum conuenies. Soc. Contentus sum, ô Gorgia, ne subterfugere disputationem videar: sed fas ut dum tu & ego loquemur ut omnino illi fileant. Gor. Ita fiet: Soc. Sed caue ô bone ne mireris si multa quæ vobis heri negari, hodie rursus disputando, concessero. Gor. Qui sic? Socr. Quia aliud est officium respondentis aliud redarguentis. Heri solum annitebar ut vos in contradictionem deducerem. Gor. Pulchrum sanè: Sed age ut libet, modo id obtimeam, Rhetoricam esse artem, & quam nobilem atque vtilem. prestareque potentiam & opes paupertati contemptuique: nam hæc tot reor summa fuit totius disputationis. Soc. At ego tuebor contraria omnibus his, quæ etiam vera esse credo. Gor. Igitur ut à Rhetorica initium faciam: An putas, ô Socrates, artem aliquam esse pugnandi? Soc. Militarem dicis? Gor. Non, sed quam vocant monomachiam, velut apud Homerum sæpe, Achilles & Ajax cum Hector, & rursus Hector cum Patroelo, & Diomedes cum Glaucio. Soc. Satis, non plura, item teneo. Gor. Nunquid putas aliquam esse artem pugnandi, ut victor euadas? Soc. Quid armis cum Rhetorica? Gor. At heri non nisi similitudinibus ac longius multo petitis agebas mecum, nunc non idem mihi licere vis? Soc. Multa licent Philosophis veritatis inquirendæ gratia quæ aliis non licent. Gor. An tu solus es Philosophus: & si sis: Philosophis solis curam esse veritatis putas? Socrates. Certè nisi alios nomines. Gor. Et iudiciis sane & Mathematicis & artificibus. Socr. Sed id non profitentur? Gorg. Nil refert: sed hæc mihi videntur cauillationes ex hoc solum ortæ quod nolis licere tecum exemplis agere. Socr. Quippini? Gorg. Quæro ergo ex te duobus pugnaturis inuicem an credas fortunam solam & vires profuturas? Soc. Sane vel hæc sola vel plurimum. Gorg. Industriam & agilitatem nihil? Socr. Agilitas pars est virium. Gorg. Sit sane, nunquid etiam industria non opus erit? Soc. Erit. Gor. Quæ?



an mimorum aut histrionum aut textorum?  
 Soc. Nequaquam. Gor. Qua ergo? Soc. Militari. Gor. Quali? Soc. Quæ doceat ictus vitæ & infligere, tum maxime violentos & lethales. Gor. Bene dicis: Sed hoc quod dicis quasi vulgare est, vellem aliquid magis proprium. Soc. Quale? Gor. Quomodo hoc ceteret? Soc. Non fui pugil. Gor. Sed aliud est scire exercere, aliud differere: Soc. Vera dicis: Quid tandem? Gor. Propius accedamus. Dixisti hoc munus esse gladiatoris inferre ictus ac deuitare: Et ictus quam vehementes atque lethales. Soc. Dixi: Gor. Vide quam propius sensim accedamus. Id fiet commode si arma armis dum ferit opposuerimus: locum, quæ vacuum ac maxime vitalem aggrediamur, vehementique conatu: ut etiam si in partem armis contestam inciderimus hominem prosternamus. Soc. Vera dicis: Sed modum docere oportet quo id facere possimus. Gor. Iam ergo obiiciemus hosti arma enses & quæ corpus tegunt, illum è diuerso qua parte nudus est feriemus incautum & validis ictibus. Soc. Iam hercle confecisti hominem. Gor. Semper ludis: Sed nunquid talia nulla arte indigent? Soc. Nescio quæ ars dici possit quæ hominem occidere doceat. Gor. Subterfugis egregie. Soc. Sed omittamus mirmillones & retiarios & hoplomachos omnes, de pugilibus & athleticis habes ne quod obiicias? Soc. In qua causa? Gor. Ne non sit illorum certandi vlla ars: Soc. Est aliqua sed non adeo evidens ut si vellem negare tu possis me convincere. Gor. ut sit fateris: non sum contentiosus, certiora sunt quæ à non inuitis conceduntur quam inuitis; non est certamen de victoria sed veritate. Itaque si aliqua est ars quæ hoc docere possit cur non & persuadendi? Soc. Peritia est non ars. Gor. Cur pugilaris & lucta ars est, persuadendi autem ars non est? An quia difficilius sit euadere athletam peritum in lucta quam perorantem facundum & rhetorem bonum? At mihi videtur secus esse: nam athletas multos video, paucissimos bonos rhetores, & post exercitationem multorum annorum. Soc. Circumuenis me ô Gorgia nec hesternæ disputatio fuit de hoc. Gorg. De quo ergo? Soc. Tecum dico. Gor. Nil refert de quo agamus, seu de his de quibus ego seu Polus egit aut Callicles, modo finis sit ut veræ & vtilia queramus. Soc. Sed tamen decens est vnumquenque contineri finibus suis. Gor. Hoc ipsum negotium totum mihi circa duo versatur, primum ut intelligamus an aliqua sit ars persuadendi: an omnino nil referat quomodo dicas aliquid: aut etiam an sit quædam ut tu vis naturalis peritia, & cuique accommodata homini, negotio, tempori. Alterum, an persuadere homines vtile sit Reipublicæ tamen his qui persuadentur, & aliis etiam qui audiunt. Videris enim velle defensionem malorum, scelorum, iniustarum causarum malum esse. Soc. Et certè. Nam si quis Archelai vitam moresque defendat, si quis illum felicem dicat, nonne plane abutetur arte oratoria, etiam si ars aliqua sit oratoria. Gor. Dubito sane mi Soc. de ista tua opinione, in qua duo admiranda mortalibus persuadere nitēris, vnum qui omnibus affluunt bonis eos infelices appelles, qui contra in summis versan-

tur calamitatibus atque miseriis eos dicas esse felices. Alterum multo est hoc admirabilius, ut eos qui per vim atque tyrannidem iam potiti sint potestate regia infelices esse velis, & tamen tu tuos amicos ad iniustam potentiam horteris. Velut Alcibiadem discipulum tuum qui facunda oratione patriam suam tuamque euertit. Nescio quo consilio, quam prægnantium quæ fructus maturos iam & suaves odore, acerbos & noxios collaudant atque diligunt. Soc. Inuiosus es ô Gorgia neque quicquam tale aduersum te ex me audisti, fungor ego vice magistri qui adolescentium animos ad egregia facta accendo, quod si hi in patriam aut aliquem peccent, non ego illis mali causa fui. Quanam sanè est ars qua quis non queat male uti & nocere hominibus? Gor. At ô beate Soc. quid est ergo quod mala & errores rhetoricæ imputes? Sed tu postquam de Archelao agis putas ne illum quam diu vixit ac valuit in potestate fuisse felicem? Sed dic serio, non paradoxa proferas. Soc. Minime, malus enim fuit. Gor. Minime malus bonus ne fuit? Soc. Ah vides ne ô Gorgia quod quæ mihi imputas tu ipse agis? Gor. Non sanè, sed si sic agatur quando disputatio finem habitura erit? Soc. Nunc age quiduis, paratus sum tibi ostendere infelicem fuisse Archelaium quoad vixit. Idque sic ostendo: omne malum est infelix, omne flagitium est malum, omne igitur flagitium calamitosum est. Gor. Nihil agis, non tot habet polypus pedes quot modis malum infelixque dicitur. Sed tui muneris nunc est respondere non argumentari. Itaque dic cui talis visus est? Soc. Quid dicis? Gor. Dico si infelix fuit cui visus est infelix? An ipsi sibi, an populo, an aulicis, an Diis? Soc. Iuro tibi per canem quoniam non idem mihi videris qui hesternæ die Gorgias, adeo callide argutaris. Sed age quæso, respondebo, neque tibi neque aulicis neque populo neque Diis: at forsan de hoc (dubito enim) sed sapientibus. Gor. Ha ha ha: pulchrum sanè responsum, postquam nostra felicitas, nec à nobis, nec ab aliis, nec à Diis etiam ipsis æstimanda est. An non magna felicitatis pars est seipsum existimare felicem, aut calamitatis, miserum? Quid dicis ad hoc ô Soc. Soc. Non verè, sed hæ sunt stultæ cogitationes. Gor. Quid tandem erit ergo hoc nostrum vivere? Soc. Sane miserum est se miserum existimare: quoniam si verè miser es, si falso: stultus: stultus autem miser. Gor. Habeo iam quod volo. Soc. Non, nam demptâ opinione ipsa non est miser qui se frustra & falso miserum putat. Gor. At iam miser est. Soc. Fateor. Gor. Igitur propria opinio multum facit. Soc. At non ad veram miseriam. Gor. An stultus non verè miser est? Soc. Est. Gor. Igitur qui se miserum putat verè etiam miser. Soc. Sed non ob id quo se miserum putat, ut pote pauperiem, carcerem, sed quia fallitur. Gor. ô egregiam subtilitatem, est & non est. Sed satis habeo verè miserum esse quia se miserum esse putat. an hoc etiam negat? Soc. Non. Gor. Iam ergo totum habeo. Soc. Non. Gor. Quomodo? Soc. Audi: est ille sanè miser quia dolet & angitur: & verè miser, quia stultus: Est miser quia miserum se putat, quia ob id ipsum fallitur: Non tamen miser est verè, ut si hoc



hoc quod sui esset arbitrij non existimaret, felix esse posset. Gor. Ecce maiorem adhuc subtilitatem. An verè miser est? Soc. Est. Gor. Est igitur verè miser & non est. Soc. Non arduum est mihi in huiusmodi exercitatione talia concedere atque fateri. Velut si dicam homo est felix ad canem comparatus & ad hominem infelicem, non est tamen simpliciter felix & infelix. Gor. At adde, verè felix & infelix. Soc. Et nulli comparatur. At addo etiam verè. Sed comparatio necessaria est, quia cum dico hominem hunc qui decipietur esse verè infelicem, aliud est ut dicam simpliciter & non est verè infelix, aut quatenus decipitur, estque infelix. Multa autem talia in vita humana contingunt. Sed perge, nam & si totum concedam in hoc & verè ac simpliciter fatear huiusmodi hominem esse infelicem, attamen non ob id improbum qui se beatum esse putet, concludes felicem esse. Gor. Intelligo ô Socrates; sed falleris, dicere enim vis eum qui se infelicem existimat non verè esse infelicem, ut ille qui pœnas luit sceleris, quod possit resipiscere: prior enim nullo eget nisi seipso ad hoc ut infelix non amplius sit: at qui in rota torquetur etiam alio quàm seipso indiget utpote carnifice vel iudice qui illum liberet, medico qui curet si curari possit, ut infelix non sit. Sed hoc non efficit ut infelix prior non vere sit: quanquam minus quam hic. Nam & in his quæ vere sunt alba, calida, sapientia, vnum altero albidius, calidius, sapientius est. Ita & in vere felicibus. Soc. Si prior ille admonitus fuerit non erit infelix. Sed fac ut infelix opinione sua fiat, non ob id felix felix opinione euadet. Neque enim Archelaus felix vilo modo esse potuit. Gor. Putavit ne se felicem? Soc. Minime. Gor. Cur? Soc. Quia nouerat se sceleratum. Gorg. Cur ergo scelera patrabat? Soc. Impetu quodam animi ductus. Gor. At quare post primum ac secundum & tertium scelus non desit aliquando scelestus esse si scelere se miseriorem opinione sua fieri animaduertebat. At caue Soc. ne ut in aliis noua quædam & inaudita fingantur, dogma tuum tuearis. Soc. Petge, nam & si se suo iudicio & aulicorû & populi quod negare nolim felicem existimauerit, plura tamen & potiora deerant ut esset felix. Gor. Quæ? Soc. Quod Deorum, quod sapientum iudicio, quod vere reipsa felix esset. Gor. Multa sane Socrates: Sed videris eorum more facere qui plures nominant testes, vix vnum adducunt in iudicium. Nam Deos ipsos si quis admittat, si animos immortales esse affirmes, non pugno, verum ut videris tu quidem, ut referunt vtraque sustulisti, saltem huic rationi minime insistis aut confidis. Soc. Vera dicis, possum enim vel sine illis mea ostendere & euidentius. Gor. Sed caue ne fallaris. Mihi certè hoc illud videtur argumentum efficax, & machina qua sceleratis, ne non beati dici possint, occurritur. Soc. Mihi sufficit timor & conscientia facti. Gor. Quid si illi timere nolint, nec tam tristentur sceleris conscientia quam latentur potentia, opibus, voluptatibusque adeptis: nonne omnia ista tua somnia de metu & poenitentia concidunt? & in fumum vertuntur reddunturque ridicula? Soc. Vix fieri potest ut in conscientia magni sceleris

homo non timeat, poeniteat, contristetur? Gor. At ergo ô Socrates hæc nego: quandoquidem videam etiam morituros non timere, quo in casu etiam omnes fortes timere deberent, adeo sceleratis flagitia animum occuparunt, nunc vix ut laruas quæ vix pueri timent reformident. Soc. Attamen multi post magna scelera semper torquentur: velut Orestes occisa matre, quanquam nec sine causa. Gor. Pulchrum inuentum ad Tragœdias conficiendas, ut & illud de Oedipo. Sed fac ut vera fuerint, dicam de his ingenue quod sentiam. Cur Hercules insaniit iustam ob vltionem Cætauri, nihil mali passus est occiso Laomedonte Troiæ rege, cum filiis vrbe direpta, virginibus raptis nulla causa? at hoc vos virtuti tribuitis, quod ob suspicionem in portu cum suis comitibus moram ducere prohibuerit. Soc. At barbari illi erant. Gor. Vide ne fallaris tu tuique studiosi, qui homines non homines esse existimetis, quod vel non eadem lingua nobiscum vtuntur, aut non eadem conditione viuunt, sed seruiant. & ob id iniuriam in huiusmodi viros iniuriam esse non putatis. Mihi homines omnes humanitatis officio digni esse videantur. Quod si discrimen aliquod facere oporteat, non à patria aut lingua aut opibus vel conditione facere oportere crediderim, sed à moribus & beneficio in humanum genus ac sapientia. his enim tribus meter dignos ab indignis, si modo æquum esset distinguere, disungerem. At tu cum ciues ab inquilinis, Græcos à barbaris, liberos à seruis distinguas, videris beneficia fortunæ sequi non sapientis, qualis videri vis, & iudicium vulgi, amplexari, miseriam miseris addendo, beneficia non indigentibus potius quam indigentibus præstare: nec Deorum quam æquas saltem portiones omnibus distribuendo. Ignosces autem si quid in te acrius dictum videatur veritatis studio. Soc. Non indignor, sed tamen & barbari & serui nequiores ingenuis Græcis videntur & ob id posthabendi. Gor. Pulchra excusatio: Sed pergamus ad Archelaum rursus, quamuis simus Athenis hunc dicis non fuisse beatum sapientum iudicio. Sed primum scire velim quid intelligas per sapientes. nam Periclem referunt fuisse sapientem, qui & ipse tyrannidem occupauit: Et ut non soluere pecunias quas ex Mineræ ædis constructione populo debebat vniuersam Græciam exitiali bello implicuit. hunc ne tu multo deteriorem Archelao dixeris? qui & si proximos occiderit, duos tamen vel tres & ipsos tyrannos & tyrannorum sanguine genitos, non ergo horum sapientum iudicio dixeris Archelaum infelicem. Sed neque eorum qui paucis ante annis nomine sapientiæ clari habiti sunt: cum ex his Periander tyrannus fuerit Corinthiorum. & sæuus satis, qui etiam occidit vxorem: nonne ergo felicem horum sapientum iudicio dixeris? Soc. Sane. Sed hi quanquam nomen habuerint, non fuere sapientes. Gor. Sed quidnam ergo? temetipsum forsitan eo nomine dignum solum iudicas? Sed & si sis, pauci tamen erunt huiusmodi sapientes. Soc. Pauci, sed horum iudicio standum est non populari, aut fallendo semetipsos, arbitrari quod non est. Gor. Sed quorum iudicio credam ut hi vel illi



illi pauci quos tu dicis aut arbitraris esse sapientes vere sint sapientes. Soc. Quæstionem Soriticam facis ex re manifestissima. Si sunt sapientes qui vera solum cognoscunt bona, omittis fucatis. Gor. Manifestissimum esse dicis quod apud me dubium maximè est, apud alios autem falsum. Quis enim nouit quæ sint hæc vera bona? tu dicis esse in rota bonum virum esse bonum, nemo tibi assentietur credo. at Archelaus, Periander Pisistratus, Pericles, Phalaris, & qui vrbes concientes exagitant, dicent bona vera esse opes, gloriam, potentiam, sanitatem, filios, diuturnitatem vitæ, voluptatem, regum amicitias, lucra qualiacunque, amicos, factionem, honores. virtutem autem & probitatem etiam integras & non vexatas fucata appellabunt. Omnesque vt video dicto audientes habebunt. habemus ergo rursus dubium quod pro constanti assumptum fuerat. At quod aliqui flagitiis torqueantur (hoc est quod dicere omiseram) ratio est, quoniam non ingenio atque prudentia valent ac fortitudine, sed solum immensa cupiditate agitantur. ideo ingressi vadum ex eo explicare neque possunt neque rem perficere, miserieque metu & difficultatibus discruciantur, in quibus præter temerariam voluntatem nihil fuit ad consequendum grandem fortunam paratu. Quibusdam verò etiam aliquid plus fuit ingenij vel solertiae, verum patrato facinore cum ex ira & cupiditate adesset solum audacia defore senibus illis ad foemineum timorem & persuasiones quorundam cantati animo poenitentiamque facti deuoluti sunt. Soc. Sed caue, aliud enim est quod in causa est scilicet breuitas ætatis, vt qualisque conditio (cum diffluat) in tam inconstanti animo perturbationem maximam efficit. vt beatiorum dicat esse probum non omnino egentem quam hos diros tyrannos. Gor. Nunc vera dicis & consentanea sensibus & rationi, ac omnibus qui sapientes verè sunt, id est, quietis animis. neque enim dubium est hos feliciores multo esse illis. at heri cum narrares eculeos, tormenta, miserrimam seruitutem, vellesque in illis hominem deliciarum velut si picta essent (nec sanè scio an etiam liceret) videbaris (vera tibi dico) insanire: nunc autem gaudeo te rediisse Diis volentibus ad sanum iudicium. Soc. Multa dicenda essent o Gorgia, nam res humanæ, & viuendi rationes & quæ de Diis feruntur, similia sunt precii pharmacopolarum è quibus tertia pars adimi in solutione consuevit. quod si pharmacopla solum petat quantum debetur res sua sanè perierit. Si quis quæ: de Deo sentit, de rebus humanis de virtute, de ordine huius mundi, solum vera proferat, adempta tertia parte illa nihil proficiet. quamobrem cogimur o Gorgia aliquid plus veris addere. Gor. Rectè sanè si ita ageres, sed videris contra adimere. Quæ de Deo, quæ de Animorum immortalitate, de cura rerum humanarum. Soc. O Gorgia, o Gorgia, oportet tum qui persuadere debet consuetudinem hominum sequi potius quam veritatem. Si enim de Deo, de animorum immortalitate verba faciam, cum persuasi sint longe aliter, dicent homines, male hæc causa tueri potest quæ non nisi fabulis defenditur. Ob hæc oportuit ad virtutem, ad honestum, ad subtiles quasdam

argutiunculas descendere, illisque tantum addere ex fictis rationibus quantum quorundam peruicacia ex veris amissimus. Gor. Sed nunquid aliquam habes o Socrates, omittis diuinis, efficacem persuadendi rationem quod præstet homines esse bonos? Soc. Non sanè meliorem quam hucusque audiueris: dixissem enim. Gor. Mihi videtur esse quippiam, sed dicere non audeo. Soc. Dic quæso. Gor. Non puto satisfacturam tibi. Soc. Imò dic vt pro sis omnibus. Omne enim meum studium est quo possim homines efficere bonos. Et si mea iam mihi satisfaciebat oratio, cur tua non satisfaciet, quam meliorem esse credo? Forsan illam addere posses de ordine vniuersi, quam ego olim magni faciebam, velut de Crasso qui luit pœnas prodicionis abauis sui, ni fallor. Sed vt video eandem habet hæc ratio difficultatem ad persuadendum, vt quæ ex vmbatilibus constet, & eo deterior est quod quotidie experiamur falsam esse. Gorg. Vera ais, neque huiusmodi vnquam defensionem probavi. Soc. Quid ergo dic sodes, aueo enim audire, quod nunquam cogitare potui. Gor. Nonne putas seu Deum, seu Deos, seu naturam ipsam hominibus atque cæteris animalibus ita consuluisse vt non vnus illorum sed totius generis vtilitatis potius, tum verò si non omnibus maiori tamen ac meliori parti prospexerit? Soc. Existimo equidem: Sed quid hoc? vt dici solet, ad rhombum? nam & Deos sic adducis in medium, & quod non quisque sibi bonum esse putet proponis, sed commune quoddam omnibus bonum: viderisque longius exordium petendo velle nos circumuenire. Gor. Nequaquam: neque enim his tanquam necessariis vti volo, sed ad declarationem rei ipsius duntaxat. Equidem hoc solum postulo mihi concedi, quod etiam Pericles & Pisistratus & Archelaus si viuant sint concessuri, scilicet aliud bonum publicum aliud priuatum Archelai vel etiam Phalaridis. Soc. Id negari non potest. Eos verò qui bono publico student dici vitare secundum virtutem, qui proprie sceleratos ac flagitiosos aut incontinentes vel iracundos aut sæuos aut iniurios. nam iudicem qui fontes puniat crudelem non dicimus, quando id non sui sed publici commodi causa faciat. Soc. Annuo: Sed quid hoc tandem ad felicitatem infelicitatemque singulorum. Gor. Satis, memor eorum esto quæ diximus. Nam eo Diij constituerunt metam virtutis, quæ ad vera bona & publicum commodum terminatur. Et si quis limitibus se contineat modo felix dicatur aut infelix non contendo, secundum virtutem viuere dicetur. Soc. Vera dicis, sed hoc nõ est de quo disputamus. Gor. Satis o Socrates. Si quis hoc leniter transgrediatur modo felix dicatur aut infelix rursus non contendo, sed flagitiosus aut improbus aut malus appellabitur. Soc. Quippini? Gor. Natura nostra in bonorū acquisitione ne vllum quidem in voluntate terminum præfini? An si diues sit quispiam postquam non sibi limites constituit bonum ac iustum & honestum, alios proponet? Soc. Certe non voluntate saltem. Gor. Quis est hominum qui vbi honesti metas egressus est nolit opes vniuersi, mulieres ad libidinem, vlcisci quoscunque participes iniuriarum quas accepit, quos oderit,

nec



nec ullum finem facturus sit postquam neque quod honestum est, neque quod satis est finem sibi facit. Soc. Vera sunt hæc. Sed finem tamen sibi proponunt; Phalaris Argentinorum, Pericles Atheniensium, Archelaus Macedonum tyrannidem. Gor. Voluntate. Soc. Non. Gor. mirabar. Nam & Pericles tot incommodis propriis potentiam Atheniensium amplificare conatus est. Et Phalaris Argentinorum: Quis iure existimet quorum corpora aduersus tot incommoda non conquiescunt animos quieturos? Soc. Sed tamen quiescunt nec Archelaus bellum gerit, nec Pisistratus, nec Periander nunc adepta tyrannide. Gor. Ita sit, nescio enim. Sed si modo quieuerunt, non hoc sibi contigit vel quod metam res ipsa haberet, aut eminus effugere cupiditates præterquam honesti, & æqui posset. Sed vel timore, vel quod aliis voluntatibus distraherentur magis, aut segnitia quod iam delassati essent, acquirendis quæ prius acquiseruntur. Soc. Tamen quieuerunt. Gor. Sed non quieuit animus quin plura optarent atque desiderarent. Soc. Fateor. Gor. Si hoc ergo ita se habet: ubi homo laxauerit iusti æquique, aut veri boni habenas, incipitque optare opes, mulieres, vltionem, voluptatum vsum, iam statim se committit vasto calamitatum pelago. Nam aut obtinet, aut non obtinet. si quidem non obtinet, perpetuo Tātalea fame sitique premitur, quæ nihil miserius, etiam inter inferos, & pro impiorum supplicio excogitare, maiores nostri potuerunt. Sin autem expleuerint longè maius, & triplex incommodum, & calamitas maxima imminet. Primum quidem explendo, ut in libidine, & crapula, ut simul cum voluptate interea, aut in morbos incidas grauissimos, & insanabiles. Secundo ne dum vlcisceris iniurias, acrius ab aliis opprimaris. quod quot euenerit tyrannis exemplum tu ipse nosti. Et si non id accidat nemo tamen hoc metu liberare potest. Idem periculum in crapula, ab insidiis, & veneno; idem in stupro, ab iniuria; idem in crudelitate, à populo, à custodibus ipsis, à domesticis tuis, à coniunctis, & amicis eorum in quos sæuis. Iam demum omnibus in his prospera fortuna vtaris. cum pro flagitij sine maior voluntas te vrat, si rapuisti, vt maiora rapias, si vltus es, vt de pluribus etiam sumas vltionem, si sæuieris, vt magis in alios sæuias, si virgines secunda fortuna constuprasti ciuium, modo vt alias, tum quæ tuo non sint subditæ imperio, possideas, nuptas, pueros. Si iniuria te delectet, quin alios plures maiore ludibrio habeas. In tanta cupiditate improbarum rerum quomodo felix esse potes, cum quanto magis implearis eo magis cupias atque indigeas, in tam fragili conditione periculum, & iactura maxima semper abesse poterunt? Adde breuitatem humanæ vitæ, annos meliores præteritos, auctum desiderium, vires imminutas, tot casus inexpectatos, eam instabilem fortunæ conditionem, tot aliorum principum insidias, versari inter tot tuorum odia, quomodo fieri potest, vt qui iam opinione sua miserrimus fuit, facto etiam & euentu talis non fiat? Dicis de Archelao quem felicem fuisse putant, tu negabas, sed rationem minime efficacem docebas, huius suæ infelicitatis quot credis miseriis animi illum circumuen-

tum? sciebat eripi sibi quod aliis iniuste eripuerat, regnum à quocunque posse, neminem id non cupere iam, & si pauci possent. Norat non sibi cuiquam fidendum, nullum sibi esse amicum, vicinos reges odio habebat, & timebat insidias, vim, bella perpetuo sibi inferri meditabatur. Soc. Quid omnia in præteritum refers, de presentibus loquaris, nam & adhuc viuit. Gor. Sit ita, ego nesciebam. Sed si modo, & nuper viuebat, cum absens sit, mortuus esse interim potest. Talibus viris mors momentanea instare cōsuevit. Sed vt vis, discamus frui tyrannide, verum cum maxima infelicitate. Soc. Persuaderes sanè: Sed cum videam reges Persarum qui fratres, & proximos occidunt felices esse, ea felicitate de qua nunc sermo habetur, nam de vera sumus concordēs, non habeo quod dicam. Gor. Falleris in hoc valde. Soc. Neque enim rem hanc intelligis. Qui proximos occidunt, quos tus celestos appellas, modo securitatis gratia id agant, non sunt iniusti: nam regnum diuidi non vult, nec etiam insidiis subiacere, aut seditionibus exponi. Qui ergo regnum ab his occasionibus expurgat, non est malus neque iniustus, iuxta ea quæ docuimus. Neque si quis tuto licet aduersus leges tantum apparet opum vt vitæ satisfaciatur, tum propriæ tum filiorum, impius dici debet. Sed in omnibus hoc vnum inspicere oportet, an habenas laxet iusti æquique, an in illud vastum pelagus incontinentiæ se conferat, an non? si quidem suos occiderit, aut rem iniuste ad vitam parauerit, præsertim si non miseros spoliauerit: is vero postea iuste in omnibus vixerit, claustris honesti se concluscrit, bonus dici potest, & esse felix. Soc. At ergo poterit aduersus leges facere, & iustus appellari tunc esse. Gor. Imò & quod maius est, iustior longè esse eo qui secundum leges vixerit. Soc. Quomodo? Gor. Finge duos principes, quorum vni plures sint filij superstites, relinquantque hæredes omnes proportionē: alteri sint, plures fratres, mali, ambitiosi, violenti, quos occupato regno omnes occidat: Hic quidem iuste, & aduersus leges: ille secundum leges atque iniuste egerit. Soc. Durum. Gor. Imò planum: nam si hic voluerit ferre fratres, mille in subditos iniurias cōferent: quas si non vlciscatur iniustus erit, si vlciscatur in discrimen vitæ & regni ipse incidet. Verum si commode illos arce aliqua concludere poterit, aut mites hi viri sint, aut pueri, occidendo impius euadet. Contra ergo prior ille alius pater, dum magis filiorum commodo prospicit quam iustitiæ meminit, & tranquillitatis subditorum, iniustissimus euadit. Soc. Quid ergo profunt leges, si seruare iniustum est, frangere pium? Gorg. Factæ sunt multitudinis causa. Oportebat enim maxima ex parte, sed generaliter esse non possunt, scire homini quid seruandum quidque vitandum. Soc. Mira refers. Gorgias, gaudeoque intellexisse viam fore qua quis docere possit iniustitiam flagitiaque semper esse mala, quamquam esse vtrumque tuo modo postea designas. Gor. An ergo non longè melius est, in summa quiete atque tranquillitate viuere, quandoquidem vita nostra tam brevis sit ac fragilis: & virtuti honestatique operam dare, simulque conscientia non torqueri, bene sperare



sperare in posteriore sæculo, à Diis non metuere, famæ consulere, quàm cupiditatis laxatis habenis se præcipitem dare? In quo ipsa cupiditas tam dira est, & ut fax cor nostrum vrit exitus incertus, & periculis extremis plenus: quod si etiam obtineas, breui sis possessor: atque interim longe maiore miseria quam si in priore vita permansisses. Soc. Vera mihi dicere videris omnino, fateorque me victum. Sed tamen illud me mouet, cur tam multi, & egregij viri tum prudētes huiusmodi viam tentent. Nam ut video stultum planè videtur tentare cum tot periculis, & difficultatibus id quo adepto sis inferior quam antea. hunc scrupum si exemeris iam non dubitabo solorum bonorum felicem esse vitam. Quanquam illud postea etiam superest dubium, tametsi mali omnes sint infelices, non tamen liquido constare bonos felices esse. Gorg. De hoc postmodum dicemus, non est aliud: sed quod prius retuleras, contigit quod homines, velut scabie corporis, & pruritu cum multi laborent, scabere optimum ducunt: ita etiam animi scabie seu natura, seu educatione, seu contagio exempli cum multi laborent, etiam exitiale quod proponunt, quod cupiunt esse putēt, solo illo impetu ducti, & sine proposito, omnium ærumnarum, periculorum, omnisque rationis obliuiscuntur. His dictis paululum conquieuit. Socrates inquit: Postquam tam difficilem mihi quæstionem explicasti de malorum miseria, de bonorum felicitate etiam si potes perfice. Gor. Non existimo verum esse, bonos omnes esse felices, quandoquidem si ita esset inter felicem & infelicem medium nullum magis esset, quam inter bonum, & malum. At constat quosdam nec felices esse nec infelices. Præterea constat multos bonos tyrannis dedisse posse pœnas, alios insontes pro fontibus damnatos. Illud ausim tamen dicere, paucissimos vere bonos ad eas paruenisse misérias. Et plerosque illorum qui male perierint fuisse non vere bonos, aut saltem bonos ex lege, id est, legum obseruatores. Nam hi primum legibus prauis parent quæ seruos negligunt, pauperes premunt, potentibus fauent. Deinde sic ad viuum illarum interpretationem resecant, ut etiam plura legibus interdicta permitta sibi existiment. Ut vero dixi viri boni, ut rarissime sunt infelices, ita constat ex priore ratiocinatione felicitatem solum conuenire bonis. Et bonos quoscunque qua parte boni sunt, felices esse. nam raro contingit necessariis hominem destitui, qui si non careat bonis, dum modestiam. Et moderationem adhibet cupiditatibus, felix est. Multum verò refert scire, non esse foelices malos quamvis sint potentes, aut diuites, aut voti compotes. Maxima enim miseriæ pars est, miseros se existimare: at hoc facit id credere alios esse beatos. At ubi homo rescuerit non esse beatos potentes, idque vere non per caillationem, aut disputationes de pulchro, & honesto, statim animus quiescit, & tranquillus fit, idque maxima pars est felicitatis. Soc. Videris innuere non esse felicitatem in diuitiis atque potentia, disputationemque de bono, & honesto sophisticam esse, illamque contemnere. Gor.

Non magnifacio sanè. Soc. Sed audi, nullum bonum non esse honestum, assentiris? Gor. Dubito, nec satis conuenit apud nos quid bonum sit, quidve honestum. Soc. Iterum audi, si vera non est, igitur quæ ei repugnat, aliquod bonum non est honestum, vera esse potest. Gor. Ita sit. Soc. Fateris ergo. Gor. Cur non cum nondum constet quid sit vtrumque: Soc. Si vera est hæc, aliquod bonum non est honestum: Et omne honestum est pulchrum, sequitur ut aliquod bonum non sit pulchrum. Gor. Nec sequitur, nec si sequeretur video quod nam maius sit hoc inconueniens priore. Aliud enim est bonum aliud pulchrum. Soc. At ô bone, non sequeris rectam viam. nam bonum id est, quod delectat estque pulchrum. Gor. Tricæ sunt hæc. Sed habes ne aliud de quo agamus? aliter ne me interpelles de hesternâ disputatione in qua totus scopus fuit, ut ostenderet, Rhetoricam non esse artem vllam, nec si sit eam esse vtilem. Soc. Non hæc te cum disputati, verum potius cum Callicle & Polo, quare ne ordinem nostrum interturbes. Gor. Vis ut relinquam hoc negocium his ô Socrates. Soc. Maximè cupio, & opto. Gor. Mos agatur, sed non video quid intersit, à quo veritatem audias. Verum auditis Pole, & Callicles quid velit dicatque Socrates. Po. At ego vires meas implebo postquam ita vis ô Gorgia, sed videbor gaudia pro olore irrepsisse. Gor. Noli hanc mihi præsentī tribuere laudem ô Pole, quæ neque absenti conueniret, sed iam incipe. Po. Heri si bene memor sum videbaris omnes virtutes ô Socrates tanquam vtilis, honestas atque bonas collaudare. At mihi non ita videtur, si modo bonum appellas quod nos iuuat, & prodest nobis estque vtile. Nisi forsan aliud hoc nomine intelligebas, velut & honestum: nam quod omnes virtutes honestæ sint haud ambigo ô Socrates, nec quisquam de hoc aduersum te contendet: at cum postmodum dicis eas esse vtilis nego, nescio quid hoc boni nomine à te significetur. Nam videris ô Socrates illaqueare respondentes improuisis quibusdam, vagis, ac variis interrogationibus, homonymisque dictionibus, ut quisque illis facile implicetur. Quare age, cum veritas simplex sit, eam si placet etiam simpliciter disquiramus, videamusque omisso bono, tanquam nomine non re quadam, an virtutes omnes vtilis sint. Si enim erunt, erunt etiam bonæ, si non erunt vtilis, non erunt etiam bonæ, nisi eatenus quatenus etiam honestæ erunt. At de hoc ut dixi, nulla est quæstio. Soc. Cur me trahere vis extra sententiam, & verba iam sumpta, & probata? Disputabamus enim heri, an virtutes essent bonæ, non an vtilis, quanquam non quidem si sint bonæ cur etiam non sint vtilis. Po. At mihi videtur considerandum potius, ô Socrates an sint vtilis? nam eo demonstrato, aut reiecto poterimus postea concludere, an etiam sint bonæ an non. Socrates. Videris mihi discedere à promissis, & pactis, ô Pole. Po. Qui sic? imò non. Soc. Imò discedis imprudenter, ut reor ô Pole. Po. Quo modo? Soc. Quia dixisti velle te imò omnes nos differere de his de quibus dubitatum



tum est atque conclusum heri. Nonne? Pol. Equidem. Soc. At heri dubitarum fuit, atque conclusum virtutes esse bonas non viles. Vide ergo quid agas? Po. Iam video quam callidus sis ô Socrates, & non tantus amator veritatis quantum te esse profiteris, & videri vis. Quis dubitat hanc non fuisse conclusionem, an virtutes essent bonæ? Sed hoc quaesitum nullum est, quia quid sit hoc bonum adhuc inter nos non conveniret. Vt ergo conveniret dico, per bonum utile intelligi non posse, sed honestum, sed nunc quaestio eodem revolvitur unde coeperat, quare sine ut hoc inquiramus ô Socrates. Nam si in controuersiam veniret, an triangulus haberet duos rectos an non, nonne velles, ô Socrates primum ostendere, quod exterior angulus duobus interioribus ex aduerso æqualis esset? Soc. Facerem id quidem. Po. At & nos ô Socrates idem nunc facimus, ostendendo primum quanam virtutes viles sint, quæ autem non habenti dico (nam ut honestæ sunt, cuique ita etiam viles Reipub. omnes sunt.) Soc. Age tuo more, postquam utile à bono separas. Po. Non hoc prorsus, sed non idem bonum, & utile esse dico. Soc. In quo differunt? Po. Quoniam cum omnes virtutes honestæ sint habenti, non tamen omnes sunt viles. Soc. Quæ non viles sunt? Po. Enumerabo primum viles: ex quibus intelliges plures non esse tales. Soc. Quæ tandem sunt viles virtutes? Po. Prudentia, solertia, comitas, temperantia in quantitate rerum, patientia opportuna, industria, laboris amor, parcitas. Soc. Non aliæ? Po. Non quod sciam. Soc. Ergo neque iustitia, neque liberalitas, nec temperantiæ nec patientiæ reliquum, nec fortitudo pro patria, nec splendor cultus, non fides, non amor, non gratia, nec pietas, nec humanitas, nec misericordia, viles erunt hominibus? Po. Erunt. Soc. Quid ergo ais? Po. Habentibus non erunt. Soc. Quibus ergo? Po. Aliis qui cum illis versabuntur, & Reipub. hominibus. Soc. Non ipsismet? Po. Nequaquam. Soc. Quomodo id verum esse docebis? Po. Per singulas ex his discurrendo; velut de iustitia primum dicemus. Honestum est iudici continere manus, nihil accipere, ius suum unicuique tribuere. At si id faciat, pauper semper erit. At utilius erit venale habere ius, maxime in dubiis: nam in adeo manifestis obnoxius fiet legibus: quapropter si tutò agere velit, quod plerique faciunt, ab utrisque accipiet; ab eo cui nullum est ius, simulando se decernere velle; ab eo qui potior est, si mulando decernere nolle: plus tamen ab hoc demum, & reddendo cui debetur, & pro eo decernendo. Ita nomen etiam iusti conservabit. Solet autem hos vulgus tardos iudices, sed iustos appellare: Cum verè sint iniusti sed cauti. Soc. Quid si alius queratur quòd dederit? Po. Respondebit, non coëgisse, distulisse sua gratia tam diu, ut etiam aduersarius quereretur: ut si quod habere vel eruere posset ius, erueret; interim etiam possedisse. Multi etiam ex his possessionem primò relinquunt ei cui non debetur, ut duas facias sententias, primam in possessorio, ut vocant, secundam in petitorio. Vtramque serius quam possunt. Ecce quod iniustitia utilis est exercenti, ergo

Tom. I.

iustitia damnosa. Soc. Vera concludis, si utile hoc modo definiendum sit. Po. At ego aliter definire nescierim, si modo calceum, & panem panem, & lignum lignum, appellare velim. Soc. At hoc modo plures erunt, virtutes, non viles habentibus quam viles. Po. Sanè ergo tamen utriusque generis quot sint, non dinumeravi. Soc. Sed videamus de aliis si placeat, nam pluribus testimoniis res ipsa melius intelligetur. Po. De Liberalitate agamus. Nonne pecunias plures possidere præsertim tenuis fortunæ viro, utile est, imò necessarium si fieri possit, & pulchrum atque decorum? Soc. Vtique saltem mille myriadas, eo modo quo utile distinguis à bono, nam ego dicerem utile fore quod esset pulchrum, & honestum. Po. Si igitur utile est, plures habere pecunias, inutile erit pauciores efficere, nonne? Soc. Vtique Po. At qui liberalis est, pauciores efficit pecunias quas habet, pauperiorque efficitur, nonne ô Socrates? Soc. Equidem. Po. Liberalitas igitur inutilis est. Soc. Vitiosa est argumentatio. Po. Quomodo? Soc. Ego pariter sic argumentari potero, quod qui scœnori dat pecunias, qui agrum emit vili, qui filiz dotem dat, fiat pauperior; & quod inutile non solum sit ista facere, sed etiam damnosum. Po. Non idem est: nam qui scœnori dat, postmodum plura recipit: qui agrum emit sit ditior redditibus quam antea: Qui dotem dat filiz locupletem eam reddit. Soc. At qui liberalis est, licet ære pauperior fiat, & ob id sibi noceat, amicos tamen parat, & bonum nomen: sit terribilior inimicis, aliorum opibus ut suis fruatur, ab aliis etiam aliquando recipit dona, & nonnunquam maiora quam dederit; ut hac sua liberalitate multo plura, & maiora consequatur commoda quam detrimenta. Po. Non equidem hæc sunt liberalitatis, sed casu quasi contingunt: at si non ob aliud dent homines, à liberali accipiunt non dant. Sed contingit, ut eidem dent qui sit liberalis, quod potens, versutus, quod in magistratu, quod te inuerit, quòd ad te qualis sis, homines respiciant; & ob id dabis, non quia sis liberalis. Soc. Nonne liberalis dicitur, non qui plura dat, sed pro ratione facultatum? Po. Est. Soc. At qui dat pro facultatum ratione, pauper non efficitur; sed ex redditibus & laboribus atque fortuitis dat: non igitur liberalis liberalitate sit pauperior, nec sibi ipsi nocet. Po. Sophistica est, & non vera hæc tua ratio, cum ad experimentum deducta erit. Nam qui non dat (& si pauper dando non fiat) non dando tamen locupletior euadit. Et dando sibi nocet. Quod verò dicas, aliquando prodesse liberalitatem, vno verbo tibi satisfaciam, soli auari sunt locupletes; qui non accipiunt, ut tu, pauperes semper sunt; qui liberaliter donant, non possent esse nummati. Soc. Mittamus sermonem de liberalitate, quæ forsitan sola virtutum, post iustitiam damnosa dici potest, si modo virtus damnosa vlla dici meretur, agamusque de reliquis. Po. Succedit Temperantia in qualitate, velut ut ab vxoribus alienis abstineas, cum maxima voluptas sit mœchari, filium, cuculi modo, in alieno nido alere: multis persæpe ex hac causa locupletari cōrigit. Hoc vno igitur in axioma res ipsa constat, si facere bonum utile est atque iucundum, abstinere malum,

I li

damno



damnosum atque triste erit. Quid ais ô Soc. Soc. Sed periculosa tamen est huiusmodi alea. Multi vapulauere. Euerfa est vna Troia hoc ipso crimine. Po. Sed pauci sunt Menelai, crimenque id non amoris ludentis, sed saeuientis cum iniuria hostis fuit. Quippe etiam Daretis Phrygij testimonio, non solius Dictys Cretensis Græci, erepta repetiuere per legatos. Socrat. Non moueret vlla ex parte Dictys testimonio, cum nihilominus verum sit eâ historiâ, quam multo post, qui nec vnquam Troiam vidit, aut aliquem ex his qui eo in bello interfuere, fabulis plenam incredibilibus scripsit. Sed Daretem vera scripsisse credo, nisi quantum amor patriæ eum paulo propensorem in Troianos fecit. Gor. Et ego sæpe id mecum cogitavi, sed non audebam proferre. nimis enim absona ille Græcus recitat Soc. Puto Homero extractam narrationem. Po. Vtunque sit, satis habeo adulterium etiam illud quauquam in regem & publicum, & cum iniuria tam magna, vt non suffecerit rapuisse vxorem, nisi & opes secum abstulerit, impune futurum illi; nisi & perseuerasset in non reddendo, & cum illo pater simul ac fratres obstinati mansissent. Soc. Iam mihi vt video persuadebis, vt mœchus sim? Po. Ita: aliud est de iuuenibus, aliud de senibus, tibi nimis est vna vxor, attamen & duas aliquando simul habebas, tam egregius Philosophus. Soc. Parendum est legibus: Po. At mœchari, est aduersus leges. Soc. Vera dicis: quomodo ergo bonum est? Pol. Iam videbam quomodo sensim abducere me tentabas, vt non fatereris quanta essent bona in possidendo alienas vxores. Soc. Sed tamē interim in perpetuo metu atque suspitione viuus, vt vita plena sit timoris? Po. Imo in continua spe ac perpetua voluptate. Possedisse dum memineris gaudes, gaudes cœpisse, perseuerasse, obtinuisse. Delectat recordatio osculorum, blanditiarum, sermonum, seu quid acceperit seu dederit, horum omnium iucunda memoria est: iuuat decepisse maritum zelotypum, sefellisse custodem intentum: gaudes seu pericula euaseris, seu sine periculo, & expers metus possederis. Quid postmodum futura? occurram hodie, videbo cras: alloquar, transibo illac, Maritus rus breui se conferet. O quæ oscula qui amplexus quanta voluptas! Puto ex me concepisse, nil aliud amat. O si filium pariat, nomen meum volo curare, vt imponatur. Beatus sum siue resciscant homines: imò magis beatus si tanto bono fruar tamque scælix sum nemine sciante, quando & sine hoc beatum me homines, esse putant. At quanta est portio felicitatis meæ hoc vnum, quod omnia alia bona excellit, vt Venerem ipsam possideam? Soc. Abunde videris mihi arte mœchi instructus, vt alieno exemplo non indigeas. Po. Imò talia legi apud egregium quendam Philosophum. Soc. Quem? Po. Protagoram? Soc. Ah: non est ille Philosophi nomine dignus impius vir. Sed quonam in libro? Po. De his quæ non rectè ab hominibus geruntur. Soc. Mira insania huius viri. Deos accusat, flagitia laudat. Po. Nunquid modo vides ô Socrates quantum ex vitiis utilitatis habiturus sit homo? Socrat. Conuincis nescio quomodo, sed non persuades. Pol. At ego di-

cam: quoniam insitum est nobis primum illud, animos nostros esse immortales, Deos vltiores malorum, & bonorum amicos, luendas esse pœnas ab obitu. Hæc, etsi falsa doctrina quam vos de diis habetis, ô Philosophi, obliterauit in animis vestris, ingenitæ tamen illæ notitiæ manent, & non permittunt plane falsis nos persuasionibus acquiescere. At si quæ antea dixit Gorgias hic de vitiorum incremento, atque inconstantia, adicias, tum demum etiam absque spe vlla futuri persuasus abibis. Socrat. Sed perge ad alia: nam hucusque solum vitia attigisti quæ versantur circa ea quæ nos plurimum delectant, pecunias, & salaces voluptates. Dicas aliquid de Patientia, quam video omnibus inuilem, cum tamen virtus sit eximia. Po. Quid ego aliud dicam, quam quod dici solet,

*Furor sit læsa sapiens patientia.*

Quam bona est ac utilis res, quæ cum læsa fuerit hominem reddit furiosum. Soc. At ô bone quid ais? nam si coacta sit, minuit ærûnam: si pateris quod vitare possis tanto præstantior, & maxime ad laudis segetem colligendam. Quot libri, quot statuae, quot bellica trophæa, imò omnia huic vni debentur virtuti. Pol. Sed interim homo male habet, & angitur. Socrates. At ô amice, nonne edere, bibere, quiescere bona sunt? Polus. Sunt quidem vtilia, vbi ex vsu fuerint. Socrates. At tum maxime cum homo exurit, sitit, delasatus est. Polus. Equidem. Socrates. Quid igitur efficit patientia quæ & finem bonum præstat, & causam voluptatis præbet? Pol. At non semper patientia, & fortitudo, vt neque temperantia, sed tum mala cum sponte pateris iniuriam, & damna quæ deuitare posses. Socrates. Et persæpe etiam huiusmodi patientia utilis fuit. Vides apud Homerum quam patienter Agamemnon ferat iniurias & probra in illum iacta exercitus & inferiorum Auidiusti etiam Phalaridis patientiam in Stesichoro poëta, postquam illum captiuum habuit. Periandri in æmulos ac maledicos. Po. At facile est (vt ille dicebat) pati cum vlcisci possis. Et illud: Maledicant impune, nobis satis sit ne nocere possint. Regibus hoc nihil est, quando nihil propemodum patiuntur. at priuatis id dici solet:

*Veterem ferendo iniuriam, inuitas nonam.*

Non utilis est patientia quæ vel nobis detrimenta affert, aut animos defensorum nostrorum frangit, aut spiritus & audaciam æmulis atque inimicis addit. Soc. Hanc ego patientiam non appello, sed insaniam. Polus. Et tamen tu illam commendas inter virtutes, nec quisquam (vt audio) magis de ea gloriatur, adeò vt & in vxore ferenda, & in calumniis, videaris immodicus. Socrates. O Pole: Quid ais? nunquam immodica potest esse patientia, quæ minuit mala, & animos emulorum frangit, & gloriam auget? Polus. O Socrates, quam pulchrum est in singulis adhibere modum! Addit & contemptum illa, & paupertatem, & canos accelerat. Nec minuit mala neque sensum malorum, sed aliis ostendit nos aut diuinò esse, aut stultos. Tu modo cogita ô Socrates, quid sit verisimilius, & qualia quibusque persuaderi possint. Socrat. Certè stupidis vt diuini sint, prudentibus vt stulti.

Pol.



Pol. Quorsum ergo tanta patientia opus erit? Neque etiam homines ea perferre possunt, quæ te facile ferre dicant, scilicet ut per totam diem ac noctem stes extentis utrinque manibus, An verum est ô Socrates? Socr. Quis hæc tibi retulit? Et quid mirum est, cum quilibet sui corporis dominus sit? Pol. At ego paucos id posse ferre crediderim. Sed quorsum, nisi ad quandam inanem gloriam? ut videaris scilicet posse quæ alij minimè possunt: dicantque homines; Socrates & mente & corpore supra mortalem conditionem est. Socrat. Bona verba: Non hoc studeo ostendere, sed adhortari homines ad patientiam. Siquidem nihil est vtilius Reipub. quam patientia insignis. Omitto, quod cunctibus ad aulas regum nullus clypeus sit melior, aut tam necessarius: inter tot anfractus atque tempestates humanæ conditionis quid potest esse vtilius? Quinetiam ad immortalitatem sola hæc confert, seu Cynegiri Atheniensis, seu Marci Attilij Romani exemplum inspicias, aut etiam Mutij Scæuolæ, vel magni Pompeij; cui plus ex hac sola quam tot tropheis gloriæ accessit. Ob tantam nobilitatem præstantiamque; solebāt Ægyptij veteres, qui in vnaquaque re proprietatē exprimere satagebant, ne nihil illos latuisse videretur, symbolum patientiæ hyæna pelle significare, quod hoc animal perhibeatur cunctis esse inuictum. Nec suaserim patientiæ experimentis quenquam imparatum esse, ut neque illis sponte occurrere, sed deuitare. Polus. Sed cur ergo tu te sponte offers? Socrat. Ut nō imparatus accederem. Sed quando quantum opus esset humana in vita perdidici, desij me obicere. Polus. Vt cunque agas dicāve, aliud est assuescere patientiæ, ita ut si contingat casus æquo animo aut saltem moderato incumbentia perferre possis, nec tete ipsum abicias, nec irrisui sis spectatoribus, aliud est sic perferre quæ perferenda non sunt, ut animum quemadmodum dixi tuis defensoribus adimas, oppugnatoribus vero addas. Socrat. Fateor. Polus. Ergo & hæc virtus, si quis ea non prudenter utatur, & ut melius dixerim, partem habet inutilem. Socr. De Fortitudine non audeo quicquam dicere, nam video te eadem obiecturum quæ de patientiæ defutura tibi exempla Herculis, Codri, Ægei, Aristogitonis, Harmodij, & Spartiatarum, Callicratidæ, Bullis & Sperchij, ac Leonidæ cum mille Spartiatis. Constat & apud Carthaginienses, duos fratres similiter pro patriæ finibus amplificandis occubuisse. Et apud Romanos nescio quos, patrem & filios Brutios, nobiles tamen: Gor. Brutos non Brutios, est enim ut audio familia nobilis ea in vrbe. Socrat. Omitamus hæc, satis enim sunt, illud potius videamus quod ab initio institutum erat, cui bono futura sit Rhetorica, etiamsi ars sit: nam de utroque dubito. Pol. Dubitas ne esse artem Rhetoricam, ô Socrates? Socrates. Imo maxime. Polus. At ego artem omnium esse existimo, oratorēque omnia noscere; ac plenam hanc esse disciplinam quæ de omnibus dicere conuenienter possit; ob idque nullos esse rariores in vlla arte nobiles professores quam oratores. Socrates. At ego contra opinor ô Pole, neminem elegantius, aut melius dicere posse in vnaquaque arte quam ipsos artifices.

Tom. I.

Dico de Medicina, si quis aut laudare, aut disputare velit, neminem melius sermonem habiturū quam Medicum: & de coquinaria coquū: & de coriariacoriariū: & de architectura Architectū: & ita de militari arte iuuabit audire ducem peritum exercitus, non Rhetorem neque oratorem. Ipsi enim oratoribus sufficere debet, ut in iudiciis quæcunque causa agatur melior, & probabilior videatur: Et ut orator, apud prudentes diserte, apud imperitos etiam vera dicere videatur. Cuius indicio est, quod neque orator ad bellum gerendum, aut ad administrandam Rempub. aut ad iudicia proferenda plus admittitur, quam ad mendandum, aut tondendum, aut edificandum. Sed in his quærimus medicos, tonsores & architectos, non oratores. Sit ergo Orator in concionum claustris ac septis tanquam in pistrino quodam relegatus, atque ibi voluat reuoluatque lapidem suum ac molam, animos auditorum circumducendo. Aliter si credas, non iam oratorem vnum effingas, sed Hippiam quendam omnium opificem. Polus. Mira narras ô Socrates, neque ego Rhetorem omnes artes callere dicam, nam reliqui artifices superflui essent, neque omnino ignorare quicquam: nam sic non de omnibus dicere conuenienter posset. Sed proprium illius est, diserte loqui. Quod vero ei proximum est, est ut sciat hominum mores, consuetudines, leges communes, decorum atque honestum. Demum ut eo sit ingenio, ut veritatem & rationem discere possit singulorum à propriis artificibus: inde vbi quod iustum, æquum, honestumque didicerit, tum illud exornet verbis, augeat sententiis, confirmet rationibus, decoret figuris, imprimat affectibus. Neque hoc nouum est exemplum, nam idem in pictore experimur: alio modo pingit calceum, scutum, tabulam, murum, rostra, carinam, theatrum, porticum, aulam, bellum, conuiuium, historiam Troianam & Romanam, luctum Iphigeniæ. Non est necesse ut omnes historias antè didicerit, artes, regiones: quis enim vnquam talis fuit? sed ut cum oportet edoctus de singulis ab his qui perfectè quid opus sit norunt, exornet postmodum rem ad arbitrium imperantis, factam coloribus, umbris, distantis, magnitudinibus, & ratione propria aspectus. Socrat. Mittamus modo hæc, nam ferme abruptisti sermonem meum; maiora in medium afferre volebam; scilicet artem nullam esse Rhetoricam: cum artes Rempub. adiuuent, & artifices ipsos, omnis enim ars bona est saltem vel artifice vel Reipub. Sed Rhetorica perdit ciuitates, & Rhetores ipsos. habes, ô Pole, nouissimum exemplum ac ut ita dicam affabrè, expolitum de Callixeno oratore qui Rempub. Atheniensium ita perdidit, dum suadet victoriæ auctores occidi quod mortuos non sepelissent ut ex domina vrbe iam tota Græcia seruam Lacedæmoniis effecerit, partemque virtute bellica decem ducum bonam fortunam ac dominationem vnus orator euerterit, funestus vrbi, funestus sibi, qui nunc amissis omnibus bonis cum maxima infamia cunctisque inuisus miserabiliter exulat. Siquidem eo iudicio factum est, ut cum iterum vicissent Athenienses, non est ausus dux persequi victoriam,

III 2

qua



qua funditus vires Lacedæmoniorum concidissent: sed versa vice ille Lyfandro duce creato nostram Rempub. & urbem vt vidistis in seruitutem redegerunt. Et nisi virtus Trasibuli nos vindicasset, actum esset de tota nostra ciuitate. Quid Cleophon oratione perfecit? vt cum possemus æquis conditionibus, & honestè pacem conficere cum Lacedæmoniis, maluimus paulo post illis seruire. Quid Pericles, qui summa facundia fuit, nonne omnium malorum quæ huic vrbi acciderunt auctor extitit? Quid flagitiosius Antiphonte oratore, qui infamem in æternum nostram urbem reddidit, damnatione Hippocratis medici, cui vrbs nostra, & tota Græcia tantum se debere fatetur, viri inuocentis & opum contemptoris, & nominis ac salutis Græcorum propugnatoris acerrimi? Ausim dicere, si de futuris pronuntiare liceret, si modo vnquam hæc vrbs peritura sit, non alia causa quam oratorum persuasione casuram. Sed audi rationem, ne obiter hoc dixisse videar: ciuitates nonne seruantur bonis consiliis? Pole, maliseuertuntur? Polus. Sanè. Socrates. Consilia bona nonne sunt plurimum peritorum, quique nulla animi perturbatione agitentur? Polus. Equidem. Socrates. Siue ergo homo corruptus pecunia, seu potiundæ dignitatis, seu amplificandæ autoritatis, seu vlciscendæ iniuriæ: seu vt plus oratione valuisse videatur, populo iniqua consulat, nonne malè consuluerit, & quæ noxia futura sint? Polus. Non dubium. Socrates. Si etiam animo bono sit, imperitus tamen administrationis Reipub. artisque bellicæ, tum eorum quæ necessaria sunt bello feliciter tractando: tum hostilium consiliorum, propriarum vrbis virium, improbitatis ac leuitatis sociorum, nonne etiam perperam consulat? Pole? Polus. Malè profectò consulat? Socrates. Socrates. Nonne prospicere bene futuris diuina potius est res? Pole quam humana, & difficillima & ardua, in qua raro collimare etiam sapientibus licet? Plusque ac melius norunt multi quam vnus, & prudentes imprudentibus? Polus. Quis dubitat? Soc. At orator vnus est, & parum gnarus: omnium si quidem non prudentiores aut magis experti apud populum verba habent, sed qui facundia valent præferuntur in dicendo. Po. Vtique. Soc. Quomodo ergo vnus, & imperitus omnium quæ necessaria sunt ad administrationem parum gnarus eorum quæ agitantur apud hostes consiliorum, solus, inexercitatus, variis perturbationibus agitatus, intempestiuo tumultu vocatus ad orandum: nec satis de quo dicuntur, sit sciens, sed repente in suggestum raptus, non plurimos etiam si bene consulere velit admittit errores atque Reipub. exitiales? Polus. Admitteret persæpe: admisere priores, & admittunt quotidie, fateor, ô Socrates. Socrat. Aut ergo hæc ars non est, sed peritia inutilis atque exitialis, ô Pole? Polus. Audi modo ô Socrates, non enim bene concludis. Socrat. Qui sic? & quomodo? Pol. Dic quæso, Medicina nonne ars est? Socrates. Est. Polus. Imò per quam vt video similima Rhetoricæ, vt maxime his duabus mortales indigeant. Socrat. Quare ita vnâ alteri comparas? Pol. Quia Medicina docemur quid sit faciendum vt corpus sanitate fruatur; Rhe-

thorica quid agendum, vt rectè viuas ac tutò. Socrates. Non ô Pole: postulas enim quod intendis probare: nam finis solum est persuadere, ô Pole. Polus. Ita sit, Rhetorica est peritia quædam rectè persuadendi: volo enim ex concessis solum te conuincere. Socrates. Non dicas rectè persuadendi, sed persuadendi. Polus. Non dico rectè persuadendi, vt rectè agat, sed vt qualiscunque sit ille efficaciter persuadeatur. Aliter si hoc etiam detraxeris, neque peritia vlla dici poterit, ô Socrates. Soc. Quidni? Po. Non intelligo quid velis: Soc. Dico Rhetoricam sane esse peritiam persuadendi. Po. Quæ tamen id rectè seu efficaciter facere doceat, aliter vt dixi quæ peritia erit, si etiam eo quod solum petit destituatur? Soc. Admitto. Po. Iam ergo Rhetorica est peritia quæ docet suadere quàm melius possunt ea quæ suadere volumus, seu bona seu mala. Soc. Est Po. Et Medicina quidem docet componere medicamenta certâ ratione; quodd si quis medicamentorum loco venena misceat, nunquid illa ars culpanda erit, sed potius non medicina appellanda? Socrat. Sed Medicinæ proprium est, vt doceat salutaria auxilia: Rhetoricæ proprium non est, vt doceat vtilia præcepta neque honesta. Po. Sit ita pro nunc: at saltam ars erit hoc ipso quodd rectè persuadere docebit. statuatur enim nunc finis, vel te consentiente, persuasio ipsa in oratore. Soc. Est hic finis. Po. Ars est ergo Rhetorica, nam persuadere vtile est per se, sicut scire medicamenta componere. Est autem recta ratio conficiendi instrumenta ferrea, ars fabrilis; & lanas texendi textoria ars: & rectè licet & male persuadere, imò quidam dum suadere volunt dissuadent: & melius etiam & optimè suadere licet: igitur persuadendi peritia ars est. Socrates. Non dubito quodd ad præcepta attinet, sed quodd ad finem, nam artis finis vtilis esse debet, at sic esse poterit malus vel indifferens. Præterea omni homini natura inditum est, exorare, tueri ratione quæ dicit, commiserationem mouere, exornare quæ velit; quæ desperet posse, deprecari; laudare, vituperare, comminari, recensere beneficia & collata & accepta; vt nulla sit ars hæc facere scire, cum neminem natura videamus fabrum aut sutorum tonsoremve: quamobrem existimauerim iure hanc peritiam esse naturalem, non artem. Et quemadmodum omnes norunt ambulare, comedere, loqui, vnus autem aliò id melius agit, ita etiam oratoriam artem nobis naturâ inditam esse crediderim. Eosque qui primi hac in re fuere, Corax, & Tisias non aliquam lumine naturali eloquentiam inuenisse. Atque hodie quot videas proflus oratoriæ artis ignaros, qui melius persuadent his qui artem profitentur: cum neminem possis ostendere qui imperitus artis melius tonsore tondeat, melius fabro nauem compingat, vel medico medeatur: aut concinnè cum aliis musicè canat. Accedit quodd quæ docentur ab oratore, opinioniones sunt & affectus solum; nihil quod ratione constet: at omnia quæ ab arte proueniunt imaginem rationis retinent. Vides in musica concentum, i. agro data potione, & eo purgato liberatum à morbo: puerum Grammaticum à magistro edoctum narrare quæ intellexit; nomina primæ declinationis genitiuû habere



habere qui in æ dipthongum finiatur. Quid est ergo cur oratoriam dicendi notitiam artem appellemus? Polus. Si per artem Socrates intelligas scientiam rerum firmam de rebus planè perspectis ac cognitis, non inficior Rhetoricam quod ad vsum attinet non esse artem. Sed qualis erit ars, quæ ita sit ars, ut etiam vsum eius, nomine artis dignus sit? aberrat enim artifex sæpe circa artis vsum, circa artem errare non potest: ut neque circa scientiam: proxima enim notitia dignitate scientiæ ipsi est ars. At verò si ad regulas, ad institutionem respicias, non minus quavis alia ars hæc cenferi debet. Neque enim vnquam oratio persuasoria, Exordio aut insinuatione, narratione, diuisione, confirmatione, confutatione atque conclusione carebit. Nunquam non opus erit inuentione rerum, & exornatione inuentorum: nunquam non bene faciemus iudices, aut auditores beneuolos, dociles & attentos. Cum ergo firmas habeat regulas, atque inconcussa præcepta, genera sua tractandorum, velut demonstratiuum, deliberatiuum & iudiciale, qui fieri potest ô Socrates ut ars non sit Rhetorica, artisque nomine digna censenda? Opinionem autem quam hominibus ingenerat, ac tanquam spicula infigit, eadem ratione artificiosam puto qua & medici opus. Si quis enim orator suadeat cadendum esse pro patria, ut dum pauci pereunt, certissimo & nobilissimo & (ut ita dicam) optatissimo mortis genere, reliqui omnes & defunctorum filij fratresque tum reliqui feliciter agant: ut Respub. in duo genera hominum diuidatur: vnum quod omni bono abundet: libertate, securitate, opibus, potentia, alterum cui nihil desit nec vllius mali particeps sit. Quod cum ita sit, præstat pugnare, quam per socordiam vinci, ut omnes infelicem vitam agant, qui supersunt molestè ad inferos descensum perferant recordatione suorum. An nõ hoc Socrates adeò firmiter confirmatum est. Quemadmodum si ægro propinaueris medicamentum ad febrem tollendam. Fateor in aliquanto lubriciore argumento Rhetorem versari, quam reliquos artifices: non tamen adeò inconstanti, ut à norma sua recedat, & vim non sentiat artis. Quo fit ut etiam ad id quod prius obieceras me conuertam, scilicet Rhetoricam docere artem (si modò est ars ut dicis) noxiam humano generi. Fateor quod ut duæ sunt Medicinæ, bonæ & malæ; duæ Theologiæ, vna quæ est religio, altera quæ est superstitio: Duæ Iuris prudentiæ, vna quæ ex æquo & iusto omnibus modestè suum reddit, ciues in pace retinet, animos illorum conciliat, turbulentos elicit, fontes punit, præstantes alacres reddit; altera quæ discordias serit, litibus fomenta subministrat, turbat omnia atque peruertit. Ita de Rhetorica dicendum est. Orator ergo bonus is solus erit qui vbi vtilia, iudici iusta suadet: non qui decreta violentius extorquet. Sicut nec optimus medicus qui efficacius commiscuerit venenum. aut Theologus qui celebri nomine cõparato falsa de diis diuulgat. Itaq; non hanc esse artem solum, sed præclarissimam etiam existimo, quæ hominem ita instruat ut vnus inter tam multos de rebus maximis, omnibus alijs silentibus, dignus ha-

Tom. I.

beat qui sit audiendus. Quod donum vix reges ipsi sibi impetrare potuerunt, nisi mentito Dei nomine. quemadmodum non multo antea ferunt in Italia quendam Numam Pompiliũ; & apud Cretenses Minos, alique si non reges paulò minores autoritate, velut antea Lycurgus apud Lacedæmonios & apud nos Pisistratus. Quis ergo hanc non esse artem fateatur, quæ & præclarissima sit artium? nam de maximis rebus deliberat, & quod vix reges successione, tyranni armis possident, vir vnus è plebe etiam hac ipsa summum in omnes ciues potestatem sibi vendicat: atque hic ducibus ipsis præscribit ante bellum, imperat in bello, pœnas exigit aut præmia largitur pro administratione. In qua tot sunt necessaria ut orator sit perfectus, ut vix vnus aut alter in multis seculis eo nomine plane dignus cenferi possit. Sed qualiscunque sit ars modo præclara, in qua licet & per quam malè uti atq; agere, nonne iccirco bona cenferi debet quod possimus ea uti opportunè? Accipio vtilitatē qua nulla est perniciosior disciplina si quis malè ea vtatur (nimis notum est quod dico) an ipsa non est optima, & præclarissima, quod hostes à patria propellere, amicos tueri, iniustos homines vlcisci, tyrannos exscindere & euertere possumus? Cur ergo vitio vertemus id solum Rhetoricæ arti, quod omnibus præclaris commune est? Et in alijs multo frequentius ac difformius accidit? At facile est periclitari Rhetorem imperitum rerum imperitorijs suadentem, fateor, nec probo modum, ut neque artem ipsam vitupero. Et Periclem & Antiphontem & Cleophontem torque alios perdidisse Athenienses non nego: sed neque tu dicis quoties ab oratoribus sint seruati. Quis in maximis discriminibus impellit ad aperta pericula milites, nisi orator? Quis cogit ciues, in vnũ, redigit in concordiã, nisi orator.

Quis in propria damna ut publico opitulentur accendit, nisi orator? Quis constantem amorem virtutis, fidei, gratiæ, misericordiæ in oppressos, gloriæ in periculis, nisi orator? Vnde tot seculis iactata licet nostra Respublic. nõ solum stat sed & floret, nisi oratorum industria, laboribus, arte, atque diligentia? Multis, ut vera fatear, alijs vrbibus sumus inferiores; hominũ robore Laconibus, fortitudine Thebanis, constãtia Messenijs, arte militari Thesfaljs: & tamen maior est potentia vrbis huius quam ceterarum omnium, quodd apud illas nulli sint oratores, aut parum periti. An putas consilia deesse Laconibus in tam pressa orationis breuitate: succumbunt tamen nobis, nec nisi nostra stulticia vnquam superiores euasere. An putas Lacones quod falso creditum est, pugnare acrius Atheniensibus? deciperis, naualis miles fortior est pedestri: nostri oratione incitantur, Lacones sunt magis disciplina exercitati, ut qui à pueritia nulli alij muneri vacent quam militiæ: Et tamen vbi ad pugnam ventum est, in qua propriæ agilitati, industriæ, fortitudini fidendum est non densata aciei, longè acrius pugnat Atheniensis victorque euadit, oratione ducis persuasus: quam Laco qui soli exercitationi confidit.

Vbi Lacedæmonia phalanx paululum retraxerit pedem, vbi retrocesserit, vbi vinci cœperit: nulla amplius est spes ut se colligat



& ex viſta victrix euadat. At militi Athenienſi nunquam deest ſpes, quod rationibus & abhortationibus ſemper ſit paratus. Quanta vis eloquentiæ Themistocli? quanta Pericli? quanta nuper Alcibiadi? quem ſi vitia nō perdidiffent, quis ei imperator equi parari poterat? Tu ergo ô Socrates mihi videris ſimilis ei qui ignem propter fumum ſuſtulit: longè maiora commoda ſunt ignis quam damna fumi. Et licet etiā fumum auferre ſeruato igne. Itaque ſi imptobis oratoribus quis obuiam eat, nulla non in re vtilis erit facundia, vt nec quicquam illi poſſit comparari. Socrates. Nimis ater vir es, ô Pole, quare malim vt heri paululum cum Callicle iſto diſputare, nam inter nos iam ſatis. Videris enim velle omnino artem conſtituere Rhetoricam, quam neque Rhetores ipſi artem eſſe volūt. Gorg. Qui? Socr. Lyſias, aliique, qui plurimum hac in parte valuerunt. Nam neminem video qui de Medicina, Militari, Nautica, Fabrilī, Poëſi, dubitet an ſint artes; de Rhetotica cum plerique negent, tu ô Gorgia, tuuſque hic teipſo acrior diſcipulus, non contentus eſt affirmare eam eſſe artem, niſi etiā omnibus aliis anteponat. Gorgias. Demiror ô Socrates quod tu cum Philoſophum te profitearis, adeo captes vulgi auram atque illius opinionem tantum tribuas. Hoc enim deceret potius me qui Rhetoricam exerceo, Rhetorque ab omnibus non Philoſophus appellor. Quanquam alias hoc tuum nomen nunquam auditum à me fuerit. Socrates. Vera narras, ego enim huius nominis inuentor ſum, ipſumque inuexi. Sede. enim hoc parum refert, quandoquidem haud dubiè conſeſſurus ſim Rhetoricam eſſe artem ſi id mihi perſuuleris, finem illius eſſe bonū: nam nunc non quæro, an multi patriam hac ipſa prodiderint, ſed an ſinis iſte Rhetoricæ ſit bonus? Callicles. Non intelligo ô Socrates: iam me duobus verbis inuoluisti. Hoc eſt quod me ſolum ad pugnam prouocabas, vt qui ſcires huius tuæ callidæ diſputationis imperitum eſſe. Socrates. Dicam quid velim: duo, vt mihi videtur, neceſſaria ſunt vt Rhetoricam ſciamus eſſe artem: primum vt ſciamus quid ſit bonum: deinde vt ſciamus illud doceri quouis modo bonum eſſe. Callicles. Non intelligo quæ dicas; vt turdus ſecundum laqueum timeo. Socrates. Dicam maniſeſtius. Primum orator docet populum Athenienſem vt velit pro Leontinis, quemadmodum hic Gorgias nuper egit, bellum ſuſcipere. Quærendum eſt igitur primum, an bellum poſſit vnquam melius eſſe pace? Deinde an præſtet etiā aliena ſuſcipere bella. idque bellum ruruſus præſtantius ſit pace.

Atque hæc circa rem ipſam. Aliud eſt an præſtet maiorem rei opinionem ingenerare populo quam ſit. Nam poſtquam oratorem à Philoſopho & Scriba diſtinguere vis, Philoſophus & Scriba, (quod etiā in conſiliis ſit) rem puram narrant, rationes addunt qualeſcunque ſint, non adiiciunt quicquam neque adimunt, non prætermittunt quæ in contrarium faciunt, ſed puram docent veritatem: Orator iſte tuus fallere quærit, etiā ſi propoſitam ſit vera dicere & ad vtilia adhortari. nam omittit multa quæ in contrarium faciunt, quæ recitat languidiuſ conciſeque ad-

ducit: quæ pro ſe faciunt auget, exornat, iſti-plet, affectibus inanibus exacuit: inanibus etiā expectationibus falſis que promiſſis rem adauget. Nullum igitur hæc ars eſſe poterit? Dicamus quod quis ſculptor egregius Mineruæ ſtatuum ex ligno ſingat, hunc nonne artificem eſſe dicemus? Callicles. Equidem. Socr. Et præſtantiem. Callicl. Siquidem ſi affabrè exculperit. Socr. Veniat vero alius & obducto liquore auream videri faciat; num hic ſtatue Mineruæ artifex dici debet? Callicl. Artifex quidem, ſed non ſtatuarius appellari merebitur. Socr. Si igitur orator nil aliud addit ad ſcribam niſi mendacia, artifex hic merebitur nomen mendacis potius quam opificis: Sicut ille artifex fuci, non autem ſtatuarius. Callicl. Totis vt video viribus eniteris conuellere ô Socrates quod dictum eſt, ſcilicet Rhetoricam eſſe artem, quamquā id Polo concedere imò & Gorgiæ ipſe viſus ſis. Sed dicam quid ſentiam: Qui ſtatuum ex ære ſingunt (poſtquam è Rhetorica redimus ad ſtatuariam) cum metallum intrudere durum tam anguſto loco non poſſint, illud liquefaciunt vt formam quam volunt recipiat: ita & maius quam ſit efficiunt, & pro ſolido liquidum, & pro rubro ſcæcum: at vbi effuſum fuerit & coaleſcit, rubrum, durum, & ſub propriâ quantitate redditur. Num ergo hæc ars falſa eſt & fuci operatrix an potius vera? Socrates. Vera ars eſt platiſtica. Callicles. Cur? nonne mentita eſt faciendū ſtatuum, formam, colorem, magnitudinem; naturam? Socr. Certè. Gallic. Cur ergo non vocas hanc artem fallacem, fucatam, mentitiā? Socr. Quoniam poſtmodum omnia ad finem inſtitutum qui verus eſt redeunt. Callicl. At ô generoſe Socrates idem dicendum eſt de Rhetore; nam etſi Rhetor multa non vt ſe habent ſimpliciter ſed callide referat, eum tamen imitatur pictorem qui ſtrabos homines pingit, vt à latere inſpecti rectis & equis oculis videantur. Et altius poſitas figuras longiores vt veram retineant in aſpectu meſuram. Et in mentis culmine homines multo minores, vt licet aſpectu & re parui ſint, cogitationem tamen diſtantiæ referant. Itaque mentiri non eſt metiendo veras rerum referre imagines & opiniones, ſed potius vera dicendo falſam ingeherare opinionem. Si quis ridendo in diſſerendo ſic vera dicat vt non credatur, aut veris impoſſibilia miſceat, vel quæ illi pro falſis iam compera ſint; mentitur & vera tamen dicit, decipit enim illum. Poſſem excuſare quod ſi boni cauſa mentiri liceat, ſed non tali opus eſt excuſatione. Sufficit vt cum qui audiunt minora putent ſemper quæ dicuntur quam ſint, vt ita orator illa augeat, vt quanta ſunt, & qualia tanta & talia eſſe exiſtimentur. Neque exornare, declarare, docere, attollere, inſigere hominum mentibus, eſt mentiri. Itaque nec orator cum talia dicit, nec Rhetor cum dicere docet peccat, nec mendacium dicunt, aut dicere iubent.

Socr. Sed liceat modo (poſtquam omnia licent) ſaltem vt bona & vtilia conſulat neceſſarium eſt. Callicl. Putaſne me oblitum longo circumductu veritatis? Dicebas de



de bonis, at socius noster semper de vtilibus respondit. Vtilia orator debet persuadere si verus sit orator, bona nescio. Socr. Quid per bona intelligis & per vtilia? Callic. Ego vtilia appello quæ homini placent, voluptate inquam, & voluptatum occasiones, vt vno verbo dicam. Socr. Quid communius esse putas, bonum an iucundum? Callic. Bonum, omne enim iucundum bonum est, at non omne bonum iucundum est. Virtutes enim bonæ sunt, attamen non iucundæ. Socrates. Vide quid dicas. Bonas esse virtutes non autem semper iucundas: sic enim interpretor. Callic. Rectè. Socr. At voluptates iucundas esse ais, itidem etiam bonas. Callic. Quid ni? Socr. Quid si ego ostendero voluptates non esse bonas, nec dolorem malum. Callic. Hoc est in quo penè tota consistit hodierna altercatio atque hesternæ. Socr. Propè igitur nihil peractum est hoc biduo? Callic. Certè; parum aut nihil, vt video, si hoc obtinueris. Socr. Imò si obtinuerò, confectum erit negotium, nunc vsque nihil peractum est. Callic. Eia igitur, age strenuè vt hoc ostendas. Socr. Illud tibi perspicuum, imò cuius esse potest, poenitentiam nil aliud esse quam omis. si boni quod in tua fuerit potestate recordationem. Siquidem si quis pecunias tibi obtulerit, vel vendere domum voluerit, vel vxorem in matrimonium locare, nec receperis, vbi recognoueris talia esse bona, statim poenitentia duceris. Nemo quod non malè fecerit poenitet, sed lætatur potius. At neminem poenitet voluptatum non habitatum, quinimo lætatur & gloriatur quod abstinuerit. Nam neque Bellerephontem poenitet apud Homerum quod Antææ *νεπτεδὴ φιλόπλη μισγόμεναι* non indulerit: neque Hippolytum quod Phædra, nec Agamennone quod Hippodamia non potitus fuerit, sed potius gloriatur: nec Achillem quod ad conuiuium non venerit: Non igitur voluptates bonæ sunt. Quid ais o Callicles. Callicl. Non habeo quod dicam, repente me irretisti. Socr. At si voluptates non sunt bonæ, nec dolores mali erunt. Eadem enim est ratio contrariorum. Quid ais? Callicl. Et hoc etiam durius: considerabo; interim sequere, nam maiora paradoxa auditurum me video. Socr. Paradoxa? imò Axiomata. Sed dic, si neque voluptas bona neque dolor malus, nec quæ ad ea ducunt bona aut mala censenda sunt, Quid ad hæc? Cal. Hæreo, stupeo: Sed quænam ad hæc ducunt? & quæ dicis o Socrates? Socr. Ad voluptates; dico opes, amicitia, amores, potentia, libertas. Ad dolores; morbi, carcer, cruciatus ac talia. Cal. O quæ audio, nonne dicebam tibi o Socrates te paradoxa dicturum. At ista magis admiranda sunt quam quæ à Poëtis scribuntur. Illa enim admiranda prorsus sunt: an tamen aliquando contigerit aliquis dubitare potest: At de his quæ dicis nemo dubitare potest, cum experimentum doceat contrarium horum. Socr. Responde igitur. Callicl. Quid si non scirem respondere argumentationi qua me asinum esse conuinceris, nam & id planè facturum satis confido, num velles me molæ ducendæ virum liberum & ciuem Atheniensem nihil

que mali meritum subiicere? Socrati. Iam disputamus: id quod dicis plurimum abest non solum à ratione sed à sensu: vbi sensus iudex non est rationi standum est. si ratione conuinceris debere centum minas etsi non deberes, iudices te ad soluendum adigerent. At vbi sensus iudex est, sensui standum est. Nemo autem sensu te esse asinum dicere potest, sed deprehendit esse hominem & Calliclem virum bonum ciuemque Atheniensem. Cal. Verum enimverò ne me tam abiectum esse existimes vt diffidam non posse huic rationi, quam palam est falsam esse, respondere. imò multiplex est fallacia. Neminem poenitet voluptatis omis, falsum primum hoc est: quinimo ereptam sibi occasionem plurimum dolent. Imò neminem non poenitet ob id, sed quidam gloriæ sibi ducunt sponte potuisse negligere, quod etiam in cæteris bonis contingit, sed neque omisisse bona semper piget, sed tantum egregia: At ego neque omnes bonas voluptates esse contendo, neque tu nullas. Propterea id omittamus. Socr. Distinctè primum si placet singula attingamus & bona fide. Callicl. Placet. Quid vis. Socrates. Primum quod suadent oratores & circa quid maxime versantur, est bellum; videamus quæso an bellum bonum sit populo Atheniensi? Ex hoc enim multa declarabuntur. Callicles. Rectè cogitasti. Socr. Dico ergo bellum omnino malum esse & priuatis & reipub. Bello homines intereunt aut redduntur inutiles ac syderantur, fiuntque probi, sæui, fures, impij: cædes peraguntur infantium, vastantur agri, vruntur segetes & proteruntur, diruuntur domus; diripiuntur vrbes & villæ, succiduntur vineta, consita, vastitas fit vbique, stupra, iniuriæ admittuntur in imbellem sexum & ætatem, artes negliguntur, disciplina & liberalia studia contemnuntur, deorum cultus, religio cum sacris omnibus, sacerdotibusque ipsis profanantur & conculcantur. Sed quænam vtilitas etiā ipsis militibus? quis quidem drachma argenti in singulos dies, peditibus duæ drachmæ in singulos menses; res vix fidem posteris seculis habitura. Quid ergo potest esse bello miserius, seu ad eos quibus inferitur, seu qui inferunt, referatur? Nihil aded execrabile quam bellum, vt contrà nihil tam salutare quam pax. Sed fac vt bello vrbs ipsa fiat longè potentior, milites ditentur. Quæ diuitiæ possunt esse cum tot assiduisque tributis? vtile interim lucrum perit: quod partum est breui dilabitur, homo inertia & luxu atque luxuria assuetus, fit ex paupere mendicus. Ipsa verò vrbs quod malè partum est plerumque restituere cogitur; si non cum scenore multo amittit. Si retineat, maius in retinendo dispendium (omitto modò labores & pericula) quam redditus. Itaque non tam priuati quam vrbes & reges ipso bello fiunt pauperiores. Quinimo ipsa bella solent comitari penuria, & pestis, vt paucis antè annis vidimus.

Quid ergo agunt impij oratores, mille supplicis digni, qui miserum hunc populum ambitionis & auaritiæ solius causa tot iam annis exagitant? Nec misericordia tot pupillorum, virginum, viduarum, senū, mendicorum,



agrorum, seruorum, opificumque plebeiorum mouentur, quibus indicto bello ob annonæ penuriam propter tributa fame pereundum, quamuis in excelsis positi, nec ut mortales ac focij meminerunt, iustitiæ, æquitatis, honestatis, verecundiæ. Non eos pudor monet, non recordatio humanitatis: nec cum seruiant populo, magistratibus obtemperare coguntur, maximeque Sexuiris, metus illos & tot exempla suorum maiorum qui malis modis perire coercent. Sed neque in pacata & à bello quiescente Repub. meliores aut vtiliores ciuitati, sed diis acti furialibus inaudita committunt scelera atque immania. Vidimus paulo antè quæ per hoc contigerunt apud Corcyreos, & quæ nuper inchoata est seditio apud Argiuos, nescio tandem quo eruptura, ab oratoribus accensa, alita.

Sed quid abiectius hoc genere hominum perditissimo, iniquo, futili, vano? Videas in felicitate secundisque rebus furiosos, in aduersis adeo proicectos ut quæuis mulier fortior sit, quiuis puer prudentior. Quid ergo prodest aut quam ob causam ei disciplinæ dare operam, qua adepta perniciosi patriæ vniuersæ, ciuibz singillatim & amicis, sibi ipsis inutiles & modò blandiente fortuna intolerandi, modò in calamitatibus lugubres, semper autem stulti? Quid enim stultius quam populo suadere, ut in cæde regum amicorum iniqua, quosque iam ob benemerita ciuitate donarunt, lætitiâ publicam præferrent, ipsos proditores aut eorum statuas corona (quod summum erat ornamentum) decorarent sacrificarèntque? Quod cum non semel hic populus in huiusmodi casibus fecerit, quid aliud illi egerunt quam ut meritò alioquin in precio habitus, ut odio maximo tanquam ingratus & perfidus, & contemptus, ut qui plus non posset tyrannis hostibus malefacere dignus haberetur? Quid si Thessalorum aut Macedonum rex aliquis quantumuis in nos humanus simili casu affligeretur? quid aliud aduersus omne iniurandum spreto omni decore ciuitatis legibusque pessundatis modò liberarentur vicini, quanquam insontis regis metu quod in Persarum regibus negligunt facturi essent? Sed quo improbitatis deuenerunt omnes non dicam aliqui, ne ut prius subterfugas, ut Thncydides damnatus peculatus in exilio vixit, eorum conscribens historias à quibus damnatus erat. A quibus si iniuste, quomodo potuit; si iuste, cur voluit? Quid de Pericle, qui vana publica lætitiâ, & solida priuata tristitiâ, luctu scilicet filiorum adolescentum, coronatus sacrificabat. Omitto nostros, quidenim fœdus Lycone? Quid Isocrate ineptius? Quid Isæo venalius? quamquam vulgare sit omni Rhetori orationes in vtramque partem habere. Gorg. Sed hæc & Socrates sunt malorum virorum flagitia, non oratorum. Socrat. Imò, quodd hoc tu non facias, priuilegium est probitatis tuæ, non artis. Calicl. Ergo suades & Socrates ut homines semper in pace degant, idque Reipub. vtile esse reris. Socrat. Non. Imò volo inuentutem exerceri, senes peritos esse militiæ, arma pro quadraginta millibus peditum & pro quinque millibus equitum, triremes & quinquiremes paratas ad

numerum trecentarum in portu: machinas etiam præterea, sumptus, ministros, magistratus, opifices, alimenta, duces, sic ad manum, ut si mane de bello gerendo decernatur, vesperi classis aut exercitus prodire sic possit instructus in sex menses ut nil desit. Calicl. Difficilis res hæc Socrates. Socrates. Imò facilis: illud nobis animaduertentibus quod in festiuitatibus seu Bacchanalium seu Panathenaeorum omnia multo aut in promptu sint; cum tamen festa hæc voluptatis causa potius quam salutis Reipub. sint instituta. Ipsam præterea inuentutem non solum meditationibus & exercitationibus eruditam & ad bellum promptam, sed etiam vsu belli esse voluisti: ipsius paucos singulo anno emittendo, semperque alios atque ad alios ad fines Atheniensium, qui partim vrbes dubias retineant in fide, discantque cauti ac modesti esse. Alij arces tueantur, hi patientiæ assuescent, vigilantique. Qui vero præliis arces oppugnare aut suffocare tentabunt, hi fortes, & vafri, callidi impigrique euadent. Demum alij & multo plures Atticam circumerint die noctuque æstate atque hyeme, ut assueti frigoribus, niui, ardoribus, itineribus, tranandis aquis, gestandis armis, seruandis ordinibus intereundum, nullumque munus militis non tenebunt, ut futuri sint non solum perfecti milites, sed etiam quod optimum est assueti ac duri. Ita paruo dispendio fortunarum cinium, minoræque cæde, florentibus studiis disciplinarum, omnibus etiam regibus incipient esse terribiles. Iam verò à Laconibus parum timendum est, cum eò redacti sint, & ob clades & ob terræmotus, ut ad nos auxilij causa confugerint. Gorg. Erant ne adeo terribiles in bello? Soc. Imò penè inuicti & Gorgia. Gorg. Cur? Socrat. Dicam, postquam audire cupis. Institutio vitæ ferme omnium horum in causa erat. Primum nullis artibus vacabant, sed ociosi erant, ideo etiam libertatis defensores accerrimi, velut etiam vides Persas & Indos. Ut contra qui artibus dant operam, serui sunt: amant enim lucrum, degeneres euadunt, & artem militarem non possunt exercere; ut Lydi ac Phryges. Propterea audio in Italia, vbi bellicosissimi feruntur esse homines, cum artibus non possint carere omnino, nullam tamen sedentariam, ut textorum vel sutorum eos exercere: Sed ea relinquunt munera mulieribus, seruis, libertinis, & exteris. Deinde ut ad Lacones reuertar, cum ocio dediti essent coacti sunt totos militiæ se dedere, nam agriculturam Ilotis mandarunt. Victu autem adeo aspero domuunt, ut deliciosius in castris viuere videantur. Sic tamen in castris viuunt, ut prælium tanquam solutionem laborum expectent, atque optent. Ita gloriæ consuetudinis & securitatis causa cum semper armati degant, & plurimum exerceantur, sub dio maneant paucosque cibo ac potu vtantur, corpora habet, ut videre potuisses nostris multum dissimilia, vasta, gracilia, macilenta, hirsuta, nigra, laborum supra modum patientia. Cum vero ad pugnam prodeunt, miris modis incitantur: Aneis siquidè tubis Doricū Præana canunt, atque ita ad prælium se accingunt. Par simul admiratione, risu terrorèque multo



multo digna; videre totum exercitum velut Bacchides saltantes. At cum sint leues & validi, ut dixi, res prodigio similis videtur, clamantque Italorum more, ut vix ullæ sint acies sed præcipue Barbarorum quæ illorum aspectum sustineant. Et ubi dimicæ cœperint agilitate robore & alacritate, quam tantum visam desperant diu se posse impetum reliqui populi Laconum sustinere. Quod nisi quodam Fato à Thebanis victi essent: totque simul & contra nos & contra Theßalos & Messenios & Persas bella suscepissent, præcipue autem maritima, in quibus minus multo valent, postmodum euerß funditus terræ motu, ut quinque duntaxat domus in tanta vrbe superfuissent: superbiæque intoleranda quæ etiam sæuitiam immanem in eis peperit cunctis Græcis odiosi facti fuissent, adhuc starent, adhuc florent, imò etiam imperium totius Græciæ retinerent. Sed ultio diuina ò Gorgia credo & nos & illos miris modis persecuta est. Callicl. Sed ad oratores redeamus, aliàs nunquam finem habituri. Socrat. Imò. Constat ex hoc Rhetoricam non esse vtilem artem; quæ nec in bello nec in pace utilis sit; nec amicis nec inimicis, neque ciuitatibus nec ciuibus. Callicl. O Socrates non paruum est, velle clauam è manu Herculis eripere: & à Rhetorica tollere pulchritudinem. Non est Rhetoris suadere quod optimum sit, sed in re bellica ducis prudentissimi, in Republica peritissimi gubernatoris, in iudicio sapientissimi Iurisconsulti, in ædificando verò Architecti, atque ita in reliquis. Hoc vnum sibi solum vendicat orator, ut quod suadendum est vehementi oratione validisque argumentis persuadere norit: id autem aio esse semper vtile atque decorum tum priuatis tum Reipub. tum sibi ipsi. Sibi ipsi quidem, quod pulcherrimum sit ab omnibus in admiratione haberi, posseque quod velis efficere suauis loquentia, ut alij velint: & turbam in tot partes diuisam in vnum redigere. Quin etiam ipsa per se facundia pulchra est; opes, authoritas, potentia inter ciues parantur per multos annos: atque id satis est: requirere cum mortalis sis immortalem felicitatem, stultum est. Vbi cadendum, tanto altius cadere necesse est quo plus ascenderis. Hoc admirantur mortales, causæ nescij. Ceciderunt Thucydides, Pericles, Isocrates; ut alios præteream, quid turpe in Pericle: priuatus natus, obiit Reipub. Princeps & ciuitatis dominus. Euerit urbem nostram: hoc si sic est, mali ciuis officium fuit, non boni oratoris. At si bonus orator non fuisset, non euertisset, neque si non vidisset prudens & solers; fuisset etiam incolumis, nunc ergo omnia hæc vitio verte quod non sine illis imò cum illis Reipub. euerterit. Sed neque si non tam mansuetus fuisset tantum imperium obtinere poterat: ergo & mansuetudinem etiam damna. Quin etiam si Sol non illuxisset vnquam, hæc agere non poterat; an ergo bonum fuisset carere perpetuo Sole? Quis hæc nisi stultus prorsus adducat in medium? Laudatur Nestor à sapientia & facundia. Duo erant, non vnum; duo fines, vehementer persuadere; sed rectè, facundia; vtilia, sapientiæ. In Isocratis morte quid habes quod non laudes? proximus centesimo

anno incolumis quieto obitu sinèque dolore obiit. In Thucydide, improbitas fecit exulem, facundia effecit ut multis domi qui essent ciuibus præferretur: & nunc monumenta sua leguntur. At non sunt fortes, patientes, prudentes in aduersis: non est hoc munus Rhetoris, sed quod sciat persuadere. Et quanto altiore loco se deiectos intelligunt, eo ut mortales catti vehementius dolent ac lugent infortunia sua, nihil ergo in his alienum à ratione, vel admiratione dignum. Id medicis, pictoribusque nobilibus, ac principibus accidisse video, non accidit pauperibus solisque Philosophis inter eos qui in pretio habentur viris, nec illis etiam omnibus contingit ut mortem patienter ferant ac fortiter. Illi euadunt ab hoc metu qui mortem fortuitam subeunt. Cæterum durum est, non timere imò etiam non lugere instantem mortem.

Dicis præterea optimum esse, patriæ bene consulere; omitto modò multa de quibus acturus sum post, id à te quero tanquam Philosopho eoque præclari nominis: si ut maior redundet utilitas atque generalior ò Socrates, cur non potius toti humano generi: si ut euidentius bonum, cur non tibi soli? Dico sic ò Socrates: natura mihi videntur omnes agnati cognatique ac proximi; nam omnes sumus eodem genere nati; quid est hoc partiri Græcos à Barbaris? Seruos à liberis? Athenienses à Leontinis? quandoquidem omnes sumus homines, omnes humanitate digni, omnes Deorum cultores, nisi si qua gens impia sit, & omnes eodem sanguine procreati. Quinimò, nime fallunt quidam qui de natura scripsere, affirmant, omnes homines quod ad formam attinet vnum solum eundemque esse hominem, distinguere ob materiam subiectam. Id illi, verumne an sit ignoro, palam iactant. Callicl. Verum Socrates qui patriam vnā incolunt, eisdem sacris vtuntur, eisdemque legibus, matrimonia iungunt, officiis se inuicem vinciunt, beneficiis obligant, si vnus lædatur ea iniuria ad omnes peruenit. Iactura quoque persæpe communis est, nec existimato tot legumlatores id solum non vidisse quod tu solum vides. Socrat. Imò quid voluerint legumlatores nescio. Lycurgus dum hortatur Lacedæmonios ad arma, ad patriæ potentiam, ut Atheniensibus noceant, sintque incommodi hortatur. Idem facit Solon, Athenienses hortando contra reliquos: nam & ut infesti sint Lacedæmoniis suadet; vterque autem omnibus aliis. Cum ergo pugnantia præcipiant malè alter aut vterque consulit. Hinc orta tot mala, euerßiones urbium, iniuriæ, miseriæ, seruitus, res omnino execranda. Finge aliquem ex communibus omnium parentibus viuere, quomodo feret? perinde ac si pater filios inter se pugnantes, ut Oedipus Eteoclè & Polynece.

Sed non viuit: an putas Deum vniuersi parentem non meliorem fore homine illo? Et æqua mente laturum tot opprobria quæ vnus in alium iniuste congerit & mala quæ infert? Callicles. De parente non dicam, neque enim natura hoc voluit ut tam diu superesset, ut posterius illorum diuersas regiones incolerent, diuersis institutis viverent: Sed quod ad Deum attinet ipsemet aut auctor est huius quam tu vocas iniustitiam, vel

saltem



saltem exemplum exhibet. Et cum multa pro hoc ostendere possem, vno duntaxat, euidentiori ero contentus: Propter quid enim creauit seu is, seu Natura eius vice, pulices, pediculos, cimices, muscasque, quæ omnia sunt supplicia pauperum, quod neque mutare possint vestes cum libet, nec domos; nec seruis vtuntur: at diuitibus hoc malum est prorsus ac si nullum est. Cubiculis frigidis, locis perfatis ætate degunt, lectos mutant, omnia nigent, vestes mundæ, serui flabellis ita muscas exagitant vt persæpe cum vnam anxie querant domini alicuius experimenti causa non inueniant. At si Deus hominum æqua conditione gauderet, hæc non generando pepercisset labori, magnoque decori fuisset vniuerso huiusmodi non esse. Socr. Imò ô Callicles ob id videtur homines ad æqualitatem incitasse, ne talia perferrent. Callic. Nugæ, ô Socrates, nam opportuisset auxilium non voluntatem vel incitamentum præbere: quandoquidem inæqualitas ipsa per se nobis dominetur ob ætatem, sexum, valitudinem, robur, ingenium, fortunam quandam; æqualitatem nullus vnquam populus vel inter suos ciues, quantumvis paucos, seruare potuit. Vides Athenienses, quibus nulli fuere magis æqualitatis studiosi, & tamen inter illos maxima est inæqualitas: opulenti, miseri, inquilini, ciues, ingenui, liberti, liberi, serui, oratores, elingues, potentes, abiecti, nec præter Senatū Quingentorum, quem etiam multi euitant ob inopiam, quique nullum emolumentum affert, ylla dignitas aut magistratus sortitione eligitur. Itaque fatearis, mi Socrates, etiam Deum fauisse iniustitiæ, vt beatis ac opulentis bene esset ex ipsa conditione quæ melior est, sed etiam vt quædam mala miseriæ necessario annexa forent & intoleranda. Socrates. Aperuisti mihi vel non circumspectanti oculos ô Callicles: Siquidem ordinem hunc nobilitatis velut in immortalibus esse voluit sine incommodo, ita & inter mortales etiam si incommodi quicquam adiungeretur. Ordo autem bonus est & ex Dei instituto, incommodum ex nostra conditione. At hoc incommodum leuius esse existimauit, quod ad alium finem puto Deus spectaret. Itaque iniustitiæ Deum nunquam fauere confitear, vbi etiam iniustitia viget Deum multa ex propria liberalitate donasse non negauerim. Velut Solis & aquarum vsum, fortitudinem, pulchritudinem, eloquentiam, gratiam, ordinem, sine quo neque decor adesse neque ad summum perueniri potest. Verum ista mittamus, maximum mihi videtur Rhetorum iniustitiæ argumentum, vniuersæque damnandæ artis, quod ipsa ars ex illegitimis maximam partem argumentorum assumit: sic enim omnes illius magistri docent. Ab utili fumentum argumentum, à securitate, à facilitate, ab exemplo, ab affectu: ambitiosos contentione, iratos vindictæ commemoratione, inanes spe incitando, inuidos docendo quo possit ille euerti, æmulos quo possit iudex antecire, improbos rapinarum viam patefaciendo: atque in his nulla recti aut æqui cura erit. aut igitur singula ex his relinquere oportet, maximamque artis ob id partem, aut fateri non æquam esse artem seu indifferentem, imò om-

nino malam & iniustam. Callicles. Videris mihi locusta siue capreolus, ô Socrates, qui hinc atque illinc saltitas. Sed tamen & huic argumento respondebo: Dico quod prius dixeram, artem neque malam neque iniustam prorsus dici posse, neque in probando Rhetorem debere vllam partem prætermittere, quæ ad probationem faciat, neque Oratorem quin in medium adducat. Verum ea sola his auxiliis sunt fulcienda quæ vel iusta sunt, vel secundum leges vel honesta vel misericordia digna. Nam cum rationes veræ populum aut imperitos iudices non mouent, huiusmodi auxiliis vtimur, imò indigemus. At cum nesciamus an apud populum veræ rationes persuasuræ sint, neque sciamus an iudices periti sint quantum decet, propterea Rhetores ad maiorem securitatem etiam has probationes vbi que inculcant: Superflue si possint recta via concludere, perinique autem ad defendendam iniustam causam. Socrates. Admirabilis es ô Callicles: sed dic vnum; si veræ rationes probandi factum aliquod in quouis genere quatuor sunt: Iustum, Ex lege, Misericordia dignum, atque Honestum, vbi inuicem pugnent, vt plerumque accidere solet, cui innitetur orator, vt vir probus dici possit? Callicles. Rectè concluderes si semper vni insistendum esset, nam vel reliqua essent superflua aut abiicienda. Nam si iustum præponi deberet, nec esset idem iustum quod secundum leges, neque quod misericordia dignum, neque honestum, cui vsui esse illa deberent quæ semper posthabenda essent: aut si idem essent: quid curandum, cum vno adepto omnia adipisceremur? Constat igitur ô Socrates, aliud esse plerumque non tamen semper iustum, secundum leges, honestum, & misericordia dignum.

Aliquando tamen coeunt, vt nullam anam habeat aduersarius. Quod & si diuersa sunt, non semper sequi idem oportet, sed quod est magis: atque in hoc probitas & Rhetoris & Iudicis etiam magis elucet. Velut si hominem qui prouocauerit iratus occiderit: sit autem qui occidit vnicius patri filius, aut matri, vna ex parte lex occidendum iubet, altera, prouocatio lenit supplicium, ira, tum misericordia parentum, ista cum sint maiora legis imperio, seruabimus virum in lapidicina aliquot annis. Contrà alius cui loco patris sunt plures filij, adactus spe potiendæ pecuniæ interfecit mercatorem; hic legis seueritas plus potest causa misericordiæ; cum filiis se eripuerit, nec illis pepercerit vt sine labore viueret: Occidet hunc lex, filiis autem vt alantur providebit.

Socrat. Rectè ais ô Callicles. Sed cur si quis patriæ causa spoliari hominem laudatur, si filiorum, qui magis sunt nostri, pœnas dat? Callicl. Ad priorem redis disputationem clam ô Socrates. Verum ego non laudari qui hominem ex vrbe hostili spoliari atque occiderit, nisi ille hostili animo in te feratur. Quia tamen illis temporibus omnia sunt periculi plena, & ob bellum tot infantes & imbelles male tractantur: & etiam ne in controuersiam cuncta vertantur, volunt licere quod haud licitum est.

Socrates. Atqui mihi, etiam si omnia de patri



patriæ commodis, legibus atque coniunctio-  
ne concedantur, mihi esse patria non vide-  
tur, ô Callicles. Call. Cur ita ô Socrates. Socr.  
Quoniam video non eosdem manere, sed ve-  
lut in flumine nunquam eandem esse aquam,  
licet locus ac nomen maneat. Quid putas  
fuisse de Atheniensibus? an credis Athenien-  
ses hos, esse posteros eorum qui fuerunt tem-  
pore belli Troiani: vel illorum qui tum fue-  
re Athenienses nunc descendentes in vrbe  
esse? Sed illi partim alio se contulerunt missi  
in Colonias, alij captiui, alij exilio pulsi,  
alij ob negociationes, alij filios per adulte-  
rium genitos parentibus creditis reliquerunt:  
Ita qui nunc in vrbe habitant alij sunt des-  
cendentes exulum aliarum ciuitatum, alij mi-  
litum, alij ex seruis nati, alij & negociationi-  
bus orti alienigenis, quidam etiam ex furtiua  
Venere aduenarum geniti.

Quo fit vt non rectè quidam veteres iniu-  
rias acceptas in eandem urbem vindicauerint  
multo post tempore. Velut illud Gylippi, ab  
Atheniensibus pœnas exigendas Syracusiis  
quod olim in Mitylenos, Melios, Sicyoneos-  
que illi sæuerint mirum in modum.

Sit ita: fuerintque crudeles: an iidem  
sunt viri? non certè, nam vix duo ex illis su-  
pererant, dum Lacon apud Siculos perorabat:  
num quia eodem loco habitent? stultum sanè  
homines qui in urbem aliquam veniunt, de  
criminibus ipsius urbis veteribus teneri. Cum  
nemo sit tam atrox vindex, etiamsi filij sint  
illi necati ab inimicis, qui vindictam exigat  
ab eiusdem loci habitatoribus, vel quia ea-  
dem instituta seruent, vel quia eisdem aris  
vtantur, omnia hæc absurdissima.

Quid tandem quod illorum sint descenden-  
tes & ex eadem agnatione cognationeque? At  
hoc dixi inane & commentitium. An idè  
quod vnum sit ciuitas; & certè ita est; & in  
vnum conspirat vt commodè viuatur, ideo pu-  
nienda est tanquam vnum sit? nequaquam,  
nam modo magis in cæteris conueniunt ci-  
ues inter se, quam cum reliquarum urbium  
ciuibus, his ipsis institutis, moribus, consue-  
tudinibus, sacris, legibus non tam conue-  
niunt quam conuenire coguntur. His addas,  
quod viri minima pars sunt ciuitatis si ad nu-  
merum referantur, nam maxima ex mulieri-  
bus plerisque constat: quæ & si virtutis sint  
compotes, non tamen deliberationis illius  
potuerunt esse participes, cum à legibus pro-  
hibeantur. Et virorum etiam non vnum vo-  
tum est, imò diuersa; vincitque deterior pars  
paucis suffragiis, imò persæpe nec plures sunt  
qui decernunt, sed vel audaciores vel perti-  
naciores vel potentiores, vel quod in magi-  
stratu contigerit esse, vel quod improbus ora-  
tor nec ex ipsa vrbe oriundus suaserit: vt di-  
xi de Gylippo, qui nostros ciues perdidit,  
cum Nicolaus Syracusius quamuis duobus  
egregiis filiis inuenibus ab Atheniensibus eo  
bello orbatus eos seruandos consulisset. Et  
Mitylenæorum excidij apud nos violentus  
orator Cleo. an vero par est tot viros dare  
pœnas vnius flagitio viri, aut etiam supino  
errore? absit. Itaque cum iam terminos egressi  
simus disputationis, par est vt concludamus  
non vnam rem, & eandem esse patriam; sicut  
nec nauim quæ nunc est, eam esse, quæ Argo;

olim Heroas vexit: cum nullæ illius tabulæ  
nunc supersint, non clauis, non aliud quic-  
quam; sed nominis continuatione in mortali  
re perpetuitatem, in aliena quod esset eadem  
incorrupta, tanquam sit superstes, meritosis  
esse homines.

Quid ergo aliud est hoc ciuitatis nomen,  
hæc multitudo, quam factio quædam humani  
generis? Quæ cum esset inuenta ad mutuum  
auxilium & ad commoda singulorum qui in ea  
essent, deducta est ad incommoda aliorum &  
ad dominationem.

Nam pari modo & in ipsis urbibus vigent  
aliæ minùs amplæ factiones: popularium con-  
tra optimates, tenuium contra locupletes, ar-  
tificum contra nobiles, urbiorum contra ru-  
sticos. Denique etiam eorum qui vni vel al-  
teri adhærent. Si ergo bonum esse præstat &  
vtilem, omnibus hominibus, modò hi cæteris  
non sint infesti, bonum & vtilem esse conue-  
nit: Si proprio commodo consulendum, tibi  
tuisque fratribus, parentibus, posteris atque  
amicis duntaxat benefacies: Ita in nullo nu-  
mero hoc patriæ nomen erit. Call. Vera esse  
reor quæ dicis ô Socrates, si de bono viro sim-  
pliciter sermo habeatur, sed aliud est vir bo-  
nus, aliud ciuis bonus.

Nam cum ciuem bonum dico, eum intel-  
ligo qui omni suo studio ac coram iurauerit  
in commoda illius facietatis, atque ob id ad  
illa tenetur iuramenti vi & sodalitatis vt di-  
cunt. Verùm si bonus simul vir & ciuis esse  
volet, commodis omnium bonorum studebit:  
modò boni illi ciuitati non sint inimici.  
Quod etiam si sit erga illos in priuatis officiis,  
bonus erit ac iustus, in publica inimicus: ali-  
se eximat è ciuium numero & vt deus quis-  
piam aut fera solus viuatur.

Quod vero dicis de aliis factionibus, rectè  
reprehendis; hæ enim neque bonorum sunt  
ciuium neque hominum, sed improborum &  
proditorum. Et qui ad illas etiam conuiuent,  
non sine culpa sunt.

Sed neque bonus ciuis est qui iniusta sua-  
det ciuitati, quamuis vtilia; quoniam in iura-  
mento intelligitur vt aduersus decreta natu-  
ræ non faciat nisi coactus. Est autem natura-  
le homini benefacere, vt etiam cæterorum  
animalium.

Nam quæcunque amamus his benefaci-  
mus naturaliter; amamus autem homines om-  
nes quia pulchri videntur: pulchri autem vi-  
dentur quia similes: ita Equus equo viso  
gaudet, Bos boue, Ovis oue, Leo etiam  
leone.

Socrat. Sed tamen magis amamus mu-  
lieres quam viros, etsi vir viro similior sit  
quam femina. Call. Ita; illud non est natu-  
rale ex origine, sed finis causa. Vt enim ge-  
nus conseruaretur, concubitus erat necessa-  
rius: at concubitus cum muliere fit, non cum  
viro, idè cum concubitus alliciat amor,  
conuenit vt finis gratia mulieres magis ama-  
remus quam viros. Quamuis viri si nudi ins-  
piciantur longè sint pulchriores. Ob id pi-  
ctores & scultores viros nudos libenter fa-  
ciunt, mulieres autem vestibus ornantur. Sunt  
enim in viris omnia rectiora, maiore cū pro-  
portione, & magis expressa. Mulieribus genua  
inter se colliduntur, carnes laxæ, crura & coxæ  
breuioræ



breuiore quam par sit, nates & mammae crassiores, venter latior etiam si virgo sit. Quocirca Tyrreni & Sybaritæ & Tarentini male faciebant pueros cum puellis nudos exponendo, nam cum forma adsit venustior, nec concumbendi modus, in nefariam venerem prouunt. Sed si paululum considerarent, non quæ extra est, cutim solam, sed quæ intus continentur: puellarum quidem corpora & concubitus maximo emerent, puerorum ne maximo precio sollicitati inirent. Sed & est maius in mulieribus quam pueris cum viris similitudinis argumentum. Soc. Quod? Cal. Virtus siquidem. Socr. Nunquam ferebor o Callicles virtutem in femina esse. Cal. Cur? Socr. Quoniam femina est vir imperfectus, multumque ab illius dignitate remotus: cumque vix in viro nisi philosophia imbuta virtus adsit, quomodo vis ut in muliere? Cal. Nugæ! velut in viro virtutes sunt absolutæ, ita in muliere minus sunt perfectæ. Socr. In quibus dicās, & quæ nam virtutes? Cal. Fortitudinis primum, ut ab eo exordiar quod magis alienum est à natura muliebri, quale experimentum dedit Penthesilea? quæ parum absuit quin Græcorum naues apud Troiam exureret. Qualis Artemisia annis ab hinc circiter quinquaginta, fortitudine, pietate, prudentiæque insigni? Et Semiramis Nini vxor quam amplum imperium rexit prudentia, quantum auxit fortitudine? Et Penelopes quanta fuit continentia? Referunt etiam in Italia quandam mulierem Lucretiam nomine quod stuprum passa sit à regis filio semetipsam occidisse, cum vir hortaretur ut viveret. Quid de Armoræ Gelonis filiæ fide ac fortitudine? Sapphonis sapientia? Pudoris quantam rationem habuit Polyxena dum caderet, & pudicitia Hippo iam paucis ante annis extincta? Quid plura? nonne sapientissimi legumatores curam rei familiaris mulieribus delegarunt? Est mulier comis, prudens, pudica, fortis, verecunda, fidelis, pia, iusta, parca, prouida, misericors, grata, læta, continens, temperata: & licet in plerisque inferior viro, in quibusdam tamen etiam præstantior. Ergo pro hac pugnabimus potius quam pro Republica. Soc. Et si femina virtute polleat non tamen similior erit alteri viro, cum femina sit præstantior. Calicles. Vera dicis o Socrates, sed femina quæ virtute præcellunt frequentiores sunt viris ac multo plures, adeo ut omnes ferme sint participes mansuetudinis, misericordiæ, cuiusdamque peculiaris prudentiæ, quæ & si non tanta sit quanta virorum, domui tamen tractandæ est accommodatior. Soc. Ergo neque orator quod bonum est Reipub. consulere neque ut video quenquam ad virtutem hortabitur, quæ non sit illi utilis. Cal. Non id dico o Socr. sed inspicere oportet quam bene instituta sit ipsa Reipub. Soc. Quomodo? Cal. Ut Deorum potius quam hominum sit domicilium. Soc. Quid ais? Cal. vera dico. Socr. Quomodo ut sint leges optimæ atque illæ feruentur. Defensorem autem populum instituere oportet atque etiam peculiarem quandam magistratum qui eis præsit, nam si solus is defensor sit, aut succumbent hi, legesque contemnentur, aut si vincant & superiores

illi sint, Reipub. occupare poterunt, ut in Italia contigit quibusdam qui legibus à ciuitate nostra acceptis præfuerunt. Quapropter oportet leges esse æquas admodum, & populo inesse quendam sensum Dei ad illas seruandas illarumque voluntatem potius etiam quam verba: & ut Iudices optimi quique sint & incorrupti, ipsi verò ciues assueti parere legibus, & ab initio illarum amore frangere: quod fiet si societatis non poeniteat, sed adeo bene temperata sit ratio bonorum magistratum, opum, tum muniorem, laboris, & tributorum, res bellica, agrorum cultus, vxoria coniunctio, patriæque potestas & in seruos dominium, conuiuia ac festa, viuendique mos, ut se superiores ob hæc omnia cæteris mortalibus existiment. Deinde ut ab initio quædam bona fortuna affulgeat, ut tamdiu semel sine offensa cohabitent, ut etiā sine externo bello nulla seditione inter se laborent. Id scilicet fiet in trecentis annis vel etiam ducentis, in totidem enim populus assuescet legibus. Quod si non bene fuerint neque æquales, bello externo, ut nostra ciuitas & Lacones, quicquid habent irarum inter se in miseros effundunt hostes. Sed non est bene instituta Respub. quæ nisi bello teneatur externo, non diu potest sine seditione manere. Nam huiusmodi ciuitatibus accidit ut quanto feliciores sunt magis erumpant seditiones, & ita aucta potentia fiant miseres, quando feliciores esse deberent. Et ideo leges ciuitatis ad pacem potius quam ad bellum debent esse comparatæ, aliter semper illas necesse est labore grauibus infortuniis, velut etiam ut audio apud barbaros Carthaginenses in Africa & Romanos in Italia. Hæ igitur quatuor vrbes etiam si ad imperium vniuersi peruenirent, felices esse non possent, imò nec tum retinere libertatem, quod leges illarum prauæ sint, sed ciues belli tempore iras vrbicas in alias ciuitates effundunt. Quare necesse est huiusmodi ciues esse iniustos & sanos, & immania patrare facinora. Iuuat autem multum ut seditio non procedat, ne quis ciuis ferat omnino arma, nec comitatum ducat domesticum, sed hæc omnia solum sint magistratum. Ut verò armis carere honestè possint, imò quasi necesse id illis sit, vestis longa vel à pueris admodum & iatis manicis in vfu sit. Sic enim velatur corpus & arma nimis dedecet. Cum ergo Respublica legibus ad tempus pacis potuerit bene coalescere, idque fiat si virtutibus maxima gloria honorum, dignitatumque præmia statuatur: idcirca necesse est etiam vsum adesse statuarum, & ordinum, & sepulchrorum & ornatus in vestitu & similibus: nam poenæ & si graues necessariae sint violatoribus legum, odia tamen inter ciues pariunt: potiusque sunt ad tollendas seditiones quam concordiam augendam: nos autem cum utroque indigeamus, concordia tamen per se sufficere potest ad retinendam non solum ciuitatem, sed imperio amplificandam, quies autem vix retinere potest ciues. In tali ergo Republica melius existimabunt ciues benefacere patriæ quam sibi: imò etiam melius erit quod famam & gloriam quam tota vrbis potest præstare patriæ benefaciendo, si tibi



aut aliis benefeceris, non consequi posse speras. Quare & si immortalitatis animorum nulla esset spes, imo magis etiam si non adesset, multi ad benefaciendum patriæ incitabuntur, sed tamen spem illam retinere bonum fuerit. Similiter & si Deos nec testes bonorum operum habituros credamus, neque adiutores, sed

*Nec curare Deum credis mortalia quonquam.*

Quod tamen religione summopere cauendum est: Et si etiam destinamur, velut illi qui animo efferato sunt & audaci, timore aut poenitentia quæ ex conscientia scelerum gigni solet; ac etiam ratione illa optimè à nostro Gorgia adducta, cur flagitia semper tandem hominem verè reddant infelicem & calamitosum: nihilominus hoc vno auxilio & ciuitatū concordia & amor virtutis in precio maximo haberi poterunt, atque perpetuo (quod ad humanas attinet) res retineri. Soc. Quinque igitur modis, ut video, homines virtutum cultores ac boni, etiam suppliciorum omisso metu, esse possunt. Cal. Equidem. Atque ita Orator bonus in huiusmodi ciuitate libenter audietur atque utilis erit, hortando ciues ad publicam potius vtilitatem quam ad priuatam, quoniam & in publica singulorum vtilitas etiam magis quam si quis sibi soli consulat habetur. quis ergo non malit ambas quam vnam per se solam? Eaque cum decore quam solā cum dedecore? At si bonus orator in male instituta fuerit Republica, dum ad virtutem & concordiam ciues hortatur, boni quidem fient meliores ac magis incauti, atque ita maior potentia improbis ciuibus relinquetur & in bonos ipsos magis grassabuntur iniurij, ut magis expositos illorum violentiæ atque fraudibus. Itaque nescio quantum tuis istis adhortationibus boni afferas huic vrbi aut quantum profeceris, videntur enim mihi indies o Socrates deteriores isti nostri ciues fieri: nam turpiter sequuntur alienas opes, ut nuper dum Syracusios ob solam prædam inuasērunt, sed infelices sydere ac quasi aduersus Deos: ut penè vrbs nostra hoc aduerso bello conciderit, ut præter atrocem animū & sceleratas actiones etiam non leue infortunium vrbs consequatur. Idque ut video contingit bifariā, primum, quod non est suadenda virtus in ciuitate malis legibus instituta. Quod si leges sint bonæ, more tamen diutino deprauatæ, aliquo magno præsidio sunt restituendæ: velut potentia, religione, efficaci ratione, gloriæ spe, quibus omnibus cum tu destituaris meritò dixerim (neque tamen mihi irascaris o bone) tuas has disputationes ad gloriam tibi comparandam potius esse quam ad ciuitatis vllum commodum. Soc. Ego tamen bono animo hæc feci semper, sed quomodo videam res labi in deterius, non habeo. quod dicam nisi illud tritum: Non semper sagittator collimat, verū, o generose, postquam adeo videris valere arte oratoria, dic quæso quibus. nā in præceptis maximè illa consistet. Cal. In quatuor maximè quouis in genere sit: seu demonstratiuo, seu deliberatiuo, seu iudiciali. Soc. Hui tam paucis? dicas quæso. Cal. Amplificatione probationum, coniectura ad probationem deducenda, Ancipiti in tuā sententiam trahendo, & connexu. Qualia sunt, nostri rei seu actoris virtus, nobilitas, fortuna aduersa, calamitates, exemplum, amicitia &

Tom. I.

fauor bonorum, simplicitas, religio, atque huiusmodi: contra aduersariorum contumacia, violentia, doli, crudelitas, odium, factio atque huiusmodi. Soc. At si tam pauca sunt, quare est quod ipsa ars singulis ætatibus tantū accipiat incrementi? nam quæ dicit, singulis etiam sine ferme mihi videntur esse perspicua & cognita, at videmus quantum præstet Cleon Antiphonti, Isocrates Cleoni, Lysias Isocrati: & nunc Isæus iuuenis quidam uti audio magnā spem de se suis initiis affert. Vidi orationes quasdam Periclis, quanto meliores videntur quam Themistoclis, & tamen ille sua ætate in precio maximo habitus est; fuitque Themistocles paulo antiquior Pericle, nunc verò Lyccon dedignaretur oratione Periclis uti. Gor. o Soc. hæc non sunt incrementa artis, sed quod orationes cum persuadere debeant, oportet ut sint moribus hominum accommodatæ. At mores hominū in dies fiunt delicatiores, ideo & orationes delicatiores requirunt. non quod in antiquis nervus aut roboris aut acuminis aliquid desideretur; siquidem homines iidē fuere semper. Indicio sunt Charondæ Cataniensis De Rep. libelli, qui quanquā antiqui, nemo tamē vel elegātia æquare potest. Et nisi nimis arcto argumento essent; siquidē de falsis testibus; idē summus orator & legislator haberi posset. Sed & idem discrimen inter oratores eiusdē ætatis veluti nostræ, videre potes: nā quæ oratio apud Lacones persuadebit si habeatur ad nostros ciues ridebitur: & nostra si ad Lacones habeatur, totum audire non sustinebunt sed reiciēt. Cum ergo solū nitore quodam & politiæ differant, non est ut ars aucta dici possit. Soc. Sed quidnam est in oratore summū? Gor. Imo quæ? Soc. Vel quot Gor. Duo. Soc. Quæ nā sunt illæ Gor. ut quæ aduersum te est in tuam partē trahas, & quod argumentum contra te probet ut iudices deterreat, id elidas. Soc. Non intelligo. Gorg. Dicam. Si quis ut commiserationē moueat, potentiæ aduersarij meminerit, forsā metu magis mouebit iudices ad nocendū reo, quā ad commiserationē inclinabit. Ostendet autē orator illis maiorem esse laudē quod aduersus potentem liberauerint infontem ex gratia quā consequentur ab omnibus bonis: denique postquam illam adeo extenuabit ut contra miserū plurimū posse videatur: accusatorē ipsum apud nobiles nullo esse in precio, sed cum alios metuere, à nemine metui. Quod verò aduersum te est, velut quod is quem reum agis, publicis dignitatibus ac magistratibus functus sit: ab eo argumentum capies si aliquid nunquā boni fecit mercedē accepisse, tanto plus peccasse exēplo, & eo magis fuisse ingratum. Soc. Sed si modo artem aliquā esset vis Rhetoricam, non video sub quo genere artiū sit collocanda. Nā Geometria est de mensuris, Arithmetica de numeris, Medici de humanis corporibus, hisque ægris: cum verò fabrilis de ligno aut metallo, & stannaria de lapidibus aut ære vel ligno. Calli. o Socrat. non est Rhetorica ut vlla harum certi generis, sed communis; velut etiam Grammatica & Dialectica: hæc tamē sunt artes & præclaræ. Socrat. Si communis esset ars Rhetorica, aliis seruiret artibus, ut dixisti de Dialectica & Grammatica: At Rhetorica solis ciuilibus actionibus commoda est. Quid enim Geometricæ aut Arithmeticæ, cum Rhetoricæ?

K K k

Calli



Callicles. At hoc mihi ô Socrat. reuocauit in mentem quod de Geometrica & Arithmetica equalitate heri dicebas, forsan proportionē seu rationem intelligebas, alia enim & alia est, vt etiam Musica, at æqualitas mihi omnibus & communis & vna videtur. Porro quod dicis Rhetoricā non prodesse artibus quibuscunque, non ea ratione communem illā appello, sed quod omnibus vtatur. Grammatica igitur omnibus artibus utilis est, velut & Dialectica, non tamen iis vtitur: Rhetorica vtitur quidem ad probationes, non tamen (& si aliter quidam sentiūt) ipsis utilis est. Soc. Æqualitatem intelligo non simpliciter neque ipsam proportionem: sed velut dicimus æqualia esse septem ac septē, hoc non negabis? Calicl. Nequaquam: & rursus rationem decem ad quinque & duo ad vnum. Ita, vt dominus suo seruo imperat, ita Rex suo satrapæ: & vt Rex dominatur in satrapem, ita priuatus seruo: ecce æqualitatem aliam Geometricam, quæ nō est proportio sed in proportione æqualiter: sicut Arithmetica, est simpliciter hominum eiusdē classis vt ita dicam inter se. Calicles. Intelligo: Sed est ne alia præter has? Socrat. Est. Musica scilicet, quæ est concordia vniuscuiusque cum sua vxore vel filiis aut fratribus: neque enim inter virum & vxorem est simplex æqualitas; nam vir plurius est quam mulier: neque dominatur alter alteri, hoc enim pertinet ad heros cum seruis, sed concordia ratio. Ita enim se habet Rex ad suam vxorem vt potens vir ad suam: & popularis & rusticus ad suas vxores, estque concinna æqualitas concordia. Sic inter sex tria ac duo, sic inter sexaginta triginta ac viginti: sic in acutis & in grauib. Quid tibi videtur ô Callicles? Vera sane existimo, sed longius petita, atque similia his qui de Republica disputant, & res narrant nimis procul à condendis legibus vel ab administranda ciuitate: adeo vt quanquam sint egregij philosophi, existimem tamen villulam illos biennio cum suis subtilibus rationibus in pare contineri non posse: Vel leges etiam condere quibus ab vno etiam sagaci viro regi queant. Socrates. An tu ô Callicles credis leges nostras (puto enim intellexisse de eis) bonas esse? Calicles. Minimè, imò omnibus deteriores; quas tu sedens ad focum hyeme credo excogitasti. At quando videres populum furentem, Magistratus tyrannicos, locupletum auaritiam & ambitionem, militum superbiam, quosdam contumaces, alios qui nil aliud quærerent quam seditionem, credo hiscere nil sciens quid facturus esses. Socrat. Doce ergo me, mi Gorgia, bonas leges condere. Gorg. Vix fieri potest vt vllæ leges sint bonæ; tot enim obstant. Socr. Quæ? Gorg. Sine numero, sed tamen enumerabo præcipua. Socr. Quenam, dic quæso. Gorg. Quatuor in condendo, vnum in retinendo. Atque in retinendo, plurimum facit auctoritas; vnde Lycurgus & Numa Pompilius, vt audio, tamen Minos vt acceptas à Deo: Solon arrogantius, cum nec minus mentiretur, quasi diuinus à se prolatus pollicitus est seruantibus perpetuam felicitatem, cum nulli sint Atheniensibus miseres. Itaque hoc nomine vel alio quouis commendandæ sunt populo, vt illi sint chariores, atque præcipuum quendam magistratum constituere oportet

qui illas perpetuo tueatur. Sitque is summus, nec nisi populum ipsum habeat superiorem. Quod vero ad condendas leges attinet, cum aliæ sint priuatorum quidem facile est reddere iustas, sunt enim contentæ in duodecim Tabulis, velut quod in hæreditate frater patruo, filius fratri, agnati cognatis sint præferendi: Et si in his aliquid etiam iniustum videatur consuetudo emollit. Quod verò in his difficillimum est, est ne fraus committatur gratia, muneribus, alterius odio atque inuidia. Nos habemus hic senatum Areopagitarum, sapientia & integritate toto orbe terrarum celeberrimum, quod in illum non legantur nisi homines longo vsu probatissimi. Sed & suffragia occulta esse oportet, vt Dij videant pro quibus feruntur, & contra non illi scire possint. Omnino enim cum confusa fuerint, ne Oedipus quidem diuinare posset. Sed & loco solitario Iudices habitabunt, & ad illos sub elementorum nomine controuersia, propriis accusatorum & reorum suppressis deferentur. Demum quod plurimum prodesse, vt leges & tractationes sint obscurissimæ, variæ atque multiplices, cum enim intellectu difficiles fuerint fraudem excogitare non licebit. Semper enim fraudem præcedit cognitio & tractatio: indicio est quod neque magistratus quicquā vident ab initio, nec serui nec ministri nisi cum mores eorum cum quibus agunt, & leges & res quas tractant, plenè cognouerint. Vbi ergo inuoluta sit huiusmodi ratio atque difficilis, primum ad intelligendum plurimum exigitur temporis, longè plus ad excogitandum dolum; semper sunt cū metu, interitū Magistratus tempus nisi omnino longum fuerit præterlabitur. Si ab initio in seius tentauerit, statim vt temerarius & legum violator accusabitur. Quamobrem quæ electionem magistratum, longis ambagibus inuoluēt Respublica, diu sine detrimento & seditione eā exercere poterunt. Similiter in proferendis sententiis tot scribantur quot sunt Iudices, suppresso nomine auctorum, omnesq; suffragiis latis probentur aut damnentur; quæ plura tulerit ea potior sit. Alia difficultas est circa arbitrium Iudicum quo possunt vni fauere, alteri obsequi de iniuriæ & odia inter ciues oriuntur. Et vnius hominis causa per sæpe odimus totam urbē; ita vnius viri contemplatione amamus. Lacedæmonij ob Pindarū Thebis inimicissimis pepererunt. At sic quidē est certè inimitabilis seu ad sententiarū grauitatem, seu ad verborum electionem atq; constructionem perelegatē & prolixam, tum ordinem respicias. Quis etiam non cupiat se esse Græcū, vt Homerum in suo fonte legat? Semper fuere eruntque homines tam claris monumentis, vt provincias suas illustrent, cupiantque ceteri mortales illic esse oriundos vbi illi nati sint. In vnius iudicis improbitate exosam totam vnā ciuitatem habebimus. Ipsaque ciuitas ad seditionem mouebitur. Ergo hæc est prima difficultas.

Secunda est quoniam quæ minima sunt tractu temporum in maximam molem crescunt, tuncque postulant emendari: cum non possint consuetis legibus nouas requirunt, in huiusmodi mutatione legum per sæpe periclitatur ciuitas. Velut enim Solis motus non ad amissum definiti potest, sed videmus ali- quid esse ultra dies trecentos sexaginta quin- que,



quæ, quod collectum in aliquot annis diem efficiet, inde duos dies ac tres, atque phane habet annum: Et quamvis ex horum collectione adhuc corrigatur annus, aderit aliquid residui, aut deficiet aliquid rursus, ex quo ordo anni adhuc mutabit; sic in quibuslibet legibus quantumcunque bene constitutis aliquid prætermittitur: aut additum esse necesse est, quo civitatis status saltem post longa tempora mutetur, aut magistratus, aut tenuiores, aut semina discordiæ feruntur aut pullulent. Tertia est controuersiarum macula, nam necesse est controuersias esse quæ iudiciis etiam si iustissimis dirimantur, manent tamen odia inter ciues, quæ mille modis aluntur, augentur, excitantur, reuoluantur, conduplicantur, quibus tandem ciuitas ad seditionem peruenit. Extremum malorum est repugnantia ipsa in rebus: velut primo in re vxoria; vna vxor facit vt bello non sufficiant ciues, plures concordiam ciuitatis dirimant. Diuortium destruit filios, necessitas coniunctionis parit iurgia, adulteria, vitam infelicem vtrique parti. Si milites in honore habeamus, iusticiam seruare non poterimus: si seruare voluerimus iustitiam milites minus acres & feroces habebimus. Si seuerè flagitia vindicare voluerimus, parentes plectemus innocentes, at quantum mali ex hoc sequatur quis non videt, cum, vt diximus, vnius viri gratia aut odio vniuersam provinciam omnes homines eodem affectu prosequantur? præterea iniustum est infantes plecti: at si non puniemus iustitia non seruabitur. Præterea in referenda gratia his qui bene se gesserunt, cum multi postmodum petant odia in ordines insurgunt, posteri illorum fiunt potentes atque superbi: si non referamus, quis gratis ardua aggredietur? Si religionem vbique præesse voluerimus, oriosis videbuntur gnauè parèresi aliquid ei prætulerimus, quodcunque fuerit, populus non poterit in concordia contineri. Deinde difficillimum est multitudinem habere bene paratam ad bellum & ad pacem: Nam ad bellum, feròx vt sit, importuna ac quasi stulta, præterea rapax, sæua, iniusta; ad pacem omnia contraria ratione, at ciuitates vtroque indigent & pace & bello, aut ergo milites nunquam reuocare domum oporteret, quod fieri nequit: aut milite semper conductio vti, quod vt est infidum & graue, ita vrbes ad extremam inopiam agit. Propterea bene consultum fuerit, si qua vrbs eo situ munita sit vt nullo modo possit expugnari: id continget si in palude ampla exædificata sit, hi enim poterunt solis pacis artibus studere, bellum procul & per alienos maximè duces gerere. Eaque vrbs si bene instituta fuerit, cum vinci non possit, possit vincere, sola diu quiete dominationem etiam, non solum libertatem tueri potest. In huiusmodi vrbe sola præstabit secundum virtutem viuere & Reipub. potius quam propriis commodis studere, hæcque sola diuturna esse potest. Quamobrem chimæram Philosophi quidam querere videntur, qui hoc nescientes conantur suis figmentis argutiisque obscuris docere modum bene constituendi Remp. cum nullus omnino sit nisi adeo situ munita sit natura vt in palude vel magno monte, vel arte, velut de Babylone re-

Tom. I.

ferunt, vt prorsus ab omni hostili iniuria nedum oppugnatione tuta sit. Soc. Erudiisti me ô Gorgia, hæc in re, sed postquam tot tantquam de ciuitate ciuibisque dixisti, vellem intelligere quid sit ciuis, & vtrum illius solius commodo orator consulere debeat? Gorg. ciuem dico, quem alij ciuem faciunt ac esse volunt. Velut ouem quam ouium grex recipit agnoscitque vt sociam, nec in villo ab eis discrepantem. Est autem qui & imperare & parere cæteris potest, nam qui solum parere, seruus est; qui solum imperare, rex aut tyrannus. Ciuis autem bonus, qui sic imperare ac parere potest vt vita cum virtute trahatur. Omnium autem saluti non ciuium solum consulere debet, vt etiam medicus, non carnibus & ossibus ac nervis prospicere, sed & vnguibus, & capillis: nam inquilini & serui homines & ipsi sunt & ad firmamentum primum Reipublicæ, deinde commodum, demum etiam illius ornatum constituti. Ostendet autem orator in exhortatione ad virtutem, animorum nostrorum immortalitatem, illamque inculcabit sine exceptione aut controuersia, non more philosophorum qui vt sapientes videantur aut illam sustulerunt, aut de illa visi sunt dubitare. At quorsum? cum hæc mali sint exempli, & cum hoc falsa aut incerta. Experior enim in me cum annum sim iam natus nonagesimum septimum, ô Socrates, eas ingenij ac prudentiæ vires, vt iudicio totius ciuitatis meæ quæ huc legatum me misit in re maximi periculi, vt si animus à corpore pendeat eas habere non possis: ad quod alludit Homerus, dicens:

*Illum iam exegisse hominum tria secula fama est.*

Et tamen eum inducit perorantem suauissimè:

his verbis:

τίσι δὲ Νέστωρ  
Ἡ δὲ πηρὶς ἀνόργανοι λίγος Πυλίων ἀρχηγῆς  
Τοῦ καὶ ἀπὸ γλώσσης μέλειτ' ὅ γλυκίαν εἶναι αὐδῆ.

Quod est:

*Post hos assurgit Pylius dux ille disertus,  
Nestor: cuius ab ore fluit vox melle liquenti  
Dulcior.*

Socrat. Sed caue ô Gorgia ne fallaris, nam priora dixit in Odyssæa, cum hæc scripserit tertio Iliados. Itaque potuit esse eloquens in iuuenta, cum nondum iam esset confectus senio. Gorg. Minimè ô Socrates, nam quam tulit de Nestoris senectute sententiam in quarto Odyssæa, antea etiam tulerat in primo Iliados, vt ante illud de eloquentia omnino scriptum sit. Socrates: Placet audisse, & ego in me videor experiri idem. Quinimo cum sim iam prope septuagesimum annum, animus ad Poësim fertur. Sed dic vnum si libet, optemus ille orator quem tu fingis, dico exempli gratia, tum ipse si tyrannus leges ferat, an pro illo perorabis, iam constituto Reipublicæ statu sub tyrannidis specie, seu imperet tyrannus, seu pauci tyranni, seu populus ipse sit tyrannicus; an contra illum? Gorgias. Non sat intelligo ô Socrates? Socrat. Hoc volo dicere, an orator hic bonus magis curabit Deorum voluntatem, & vt sit probus, perorabitque contra ty-

KKk 2 rannidem;



rannidem ; an potius fingetur boni ciuis persona : scilicet statum præsentem Reipublicæ cuius ipse est ciuis , confirmet augeatque eum , atque exornet ? Gorg. Intelligo modò ô Socrates. Sed an est in facultate oratoris euertere tyrannidem ? Socrat. Multiplex interrogatio ô Gorgia ; nam primum aliud est de populi tyrannide , vel paucorum , vel vnius. Et vnius prudentiæ efficacis quique auctoritatem habeat , aut contra abiecti , stulti , socordis. Est etiam aliud mutare tyrannidem , quam euertere. Mutare quidem animum tyranno licet , ac facilius , quam paucorum aut populi. Gorg. Sed non est mihi sermo de mutatione , verum de euerfione. Soc. Diuina tractes , ô Gorgia : sed postquã video te quæ scis libere me docere , dicam & ego quid de hoc sentiam. Magnum negocium est , ô amice , inermem contra tot armatos procedere , & sola oratione tyrannum stipatoribus atque militibus , custodiis , arcibusque cum tot pecuniis cum tot sequacibus spoliare. Propterea obseruare oportet in hoc Deorum numen , qui si aspirarint , conficere opus poteris , iuxta Homericum illud ,

*Τὸν δὲ θεὸς ἐνέμοσε φέρειν τὴν κέρως πέλασσι. i.*

*Est hunc huc ventusque ferens , atque impulsi vnda. Seu illud potius Pindaricum :*

*Θεὸς δὲ δὴ καὶ τὸ δόξα.*

*Εὐφραδὴ δὲ κλέειν τὸν εὐφραίνοντα.*

*Ostendente Deo principium , rectam inuenire viam prouum est , seu facile. Quin etiam illud dici solet , εὐχὴ θεῶν. Sequere Deum. Quin etiam seu fato quodam seu ratione occultiore anxios & talia quærentes ac de se sollicitos facile opprimere licet , seu urgente Dæmone aliquo , seu ex leuitate ingenij nata occasione : nam Hipparcho Pisistrati filio non parum nocuit in vulgus emanasse quod per somnum audierat viderátque. Viderat enim multis antea diebus quàm occideretur , aspergi à Venere sanguine ex phiala sumpto : vnde ab amatoribus occisus est , Harmodio & Aristogitone ; audieratque pridie quod & retulit. Intoleranda leo tolerans , tolerans animo egro.*

*Nemo viris pœnas iniustus inire repender.*

Proximum ergo Deorum exploratæ voluntati , inopia consilij tyranni aut tyrannorum. Post vero est vita , robur amiceque illorum , quæ omnia si labant , oratori consilium præbent , animos augent. Demum illud est summum præsidium , vt bonos illis amicissimos esse ostendas , leuibusque factis vt placeant tyrannis , donec inclinata in illos populi voluntate & fortitudine & consilio tyrannidem euertant. Gorgia : Hoc in statu rerum quænam officia præstabit orator ? Socr. Tria , vel ad summum quatuor. Primum , vt bonos tyranno conciliet , illius fautores in suspensionem adducat : Secundum , vt eisdem bonis strenuissimæque viris populi fauorem alliciat , atque id ita vt tyranni existiment placere eos populo quia sibi placeant. Demum vt in ipso agendarum rerum tumultu populum confirmet. Et ne proditor videatur , iniuriam ab imbellibus arceat : nam ab armatis furorem coniuratorum retraxisse exitio multis fuit recordantibus sublatam dominationem , occisum tyrannum iniuriasque ac periculum potius quam se ere-

ptos eorum beneficio. Huius autem prudentis oratoris vt tuta sunt facta , ita pauca exempla : audiui tamen in Italia quendam Brutium cum se stultum simulasset , & consilio Apollinis vsus esset , exegisse tyrannum sine cæde , & apud populum primas partes obtinuisse. Est & alius modus , præceps atque periculosus ; sed cuius plura fuerint exempla ; eruntque , vt orator suadeat forti viro necem tyranni maximè , si vel is sit gloriæ cupidior , vel Reip. amator , aut offensam aliquam perpeffus fuerit. Gorg. Sed vnde nam argumenta ad suadendum tam periculosum factum summet ? Soc. A te potius par esset vt discerem. Gorg. Non habeo ego in mea Rhetorica huiusmodi argumenti præcepta , à philosophis condiscere oportet. Soc. Quin ergo non audisti à tuo Empedocle ? Gorg. Nihil tale perlouem , nondum enim senex erat cum ego illum audiui , nec de fornace cogitabat. Sed audire libet argumenta in hoc deliberatiuo genere , fiet enim vt in his qui exercentur , vt vbi hoc superaro edoctus fuero reliqua omnia vincam. Soc. Mos geratur : A gloriæ studio sumere oportet argumentum , ab ipsa virtute , propter quam formidare mortem nõ debébis , à vitæ huius breuitate & famæ perpetuitate , ab amore patriæ , ab odio factorum tyrannidisque neque enim minus tyranni factis crudelibus , violentis , rapacibus execranda sunt & immania quæ sunt ab illius proceribus , magistratibus , militibus , stipatoribus , iudicibus aulicis , sordidaque caterva vitorum & luxuriæ ministra , tum amicis illius fautoribus ac defensoribus ; à misericordia innocentium & calamitosorum , ab ingruente tibi tuisque omnibus , etiam secus periculo atque ruina à bonorum oppressione , ab immetentium præmiis , ornamentis , potentia ; Deorum denique auxilio , tum præmiis post mortem. Atque inter hæc connumeranda sunt exempla quæ nulla ætate vnquam defuerunt deeruntve. illud inculeando , illi ni omnino periissent & crudeliter periissent , nunc nullo modo viuerent. at ob egregia facta nunc gloriosi viuunt , velut Zeno , insignis more Phalaridis tyranni Agrigentinarum , totque alij. Gorg. Nimis ardua hæc sunt incæpta , ac non nisi desipientium , vt video , atque insanorum. Ego quanquam hac ætate sim qualem tibi dixi , nec vnquam talia sum meditat , nec cuiquam consilium ad hoc dedi dederimue ; tu tibi hac in causa solus sapias cum hac tua gloria ; ego quam diu vixero & vna & innocens & sine calumnia viuere decreui : temeraria hæc facta cædesque dominorum qualescunque sint illis relinquo qui iniustam & grauem acceperunt iniuriam : nec minus sunt in vindicando feri quam illi in inferendo immanes & ab omni humanitate diuisi atque seiuncti. Sed demiror abunde ô Socrates , qui velis vltum patriæ iniurias , proprias autem consulis non debere vlcisci : Et quod maius est , nostrorum. O beatum te atque felicem in illo virtutis tuæ columine ? Socrat. Irrides me ; sed ego patriæ iniurias vlcisci neminem consulo , si possim homines ad rectam viam retrahere facturus sim libenter. Gorg. Vnum solum Volo quærere ex hæc tua præclara sapientia.

Milicasti



Militastine vnquam ô Socrates? Socrates: Certe: Gorg. Spente-ne, a. inuitus? Socrates: Non inuitus sed pro patria. Gorg. Quid ergo agebas? volebasne tueri patriam, vel aliena occupare, vel iniurias patriæ illatas vlcisci?

Socrat. Tueri patriam. Gorgias. Non ergo vlciscendi causa iniurias, neque aliena occupandi causa, ars militaris necessaria est? Socrat. Minimè. Gorg. Sed solum vt eam tuearis. Socrat. Profectò. Gorg. Quid ergo quod volebas patriam liberare à tyrannide? Quid est cur suades bonum esse iniuriam pati? Itaque ô Socrates quid velis scire cuperem. Socrat. Vellem homines ferre iniurias, patriæ tamen periclitanti succurrere, sui vbluisci. Gorg. Suorum? Socrat. Non ita, sed dubito melius sit suorum vlcisci iniurias, an non? proprias nolim, patriæ velim, suorum dubito.

Sed tu dic ô Gorgia quid de hoc sentias. Gorg. Ergo & patriæ & suorum & sui ipsius, sed has primùm iniurias vlciscendas puto, inde suorum, post etiam patriæ. Tu verò quid respondeas non habes. Socrat. Iam me in sententiam traxisses, vt existimarem Rhetorum aliquam esse egregiam notitiam, ni illorum facta, vitam, mores, exitum, adeò turpia & omni infamia plena viderem. acculant se inuicem, produnt semetipsos: in secundis intolerandi, in aduersis iacent, turpis quæstus causa omnia agunt: vitiis atque flagitiis obruti, intemperantes, rapaces, leues, inconstantes. Gor. O Socrates, hæc sunt vitia hominum, non artis aut professionis. Socrat. Demiror valde ô Gorgia hominem inter carbones perpetuò versantem candidiorem euadere, & non vnum sed quotquot sic versati fuerint. Contrà versantes inter calcem aut cerusam nigros vt Æthiopes fieri.

Iam magis demiror, si ars oratoria tam laudabilis est, quomodo oratores omnes adeò sint profligatæ vitæ. Video versantem in calce album, dico esse albam calcem: inter carbones nigrum, carbones nigros, coniectum, & rectè: cur oratores omnes malos vident, non dicam oratoriam artem malam esse? Gorgias. At ergo me malum esse dicis? Socrat. Non, sed quatenus orator non quatenus Gorgias.

Gorg. Pulchrum commentum! Sed neque id si tibi concedatur sufficit, sed solum ostendit oratoriam non bonum facere hominem, quod & fateor.

Quæcunque enim artes studiis literarum innituntur, si bonos non efficiant, malos relinquunt; velut Poësis, Historia, Dialectica, atque inter has connumerauerim Rhetoricam.

Sed id est deterius, quòd etiam multi qui his artibus operam dant, quæ bonos effice-

re se profitentur, pessimi sint, tum Philosophi, tum iura administrantes. Itaque ô Socrates & Rhetoricam esse artem docui, & egregiam, & Reipub. vtilem.

Et bona quæ vulgo bona esse creduntur, bona & mala. Et Archelaum felicem esse ob potentiam atque opes; vitia autem bona non esse, sed ad bonum: & nonnunquam præstare quod primum; vtpote eadem & rapinam bona esse, quoniam plus boni in se contineant opes atque potentia quam mali scelus. Quod etiam clarius luce ostendo.

Nam si opes optimæ sunt, absque dubio quæ nobis vitam, valetudinem, sensus (omitto modo voluptates) prolem perpetuitatisque cum hoc specm saltem si non ipsam perpetuitatem, amicos coniunctos & bonos viros seruant incolumia, etiam si vitia mala sint, poterunt adeò parum mala esse, vt melius sit opes possidere vitio paratas, quam illis dum careas omnibus simul carere bonis.

Si vitium sit occultum, immunis ero ab infamia: si cum potentia coniuncta, tutus à periculo. nolo vitium vnquam esse bonum, sed viam ad bonum, sicut qui alea vel adulterio ditantur.

Præstat omnia bona & mala comparare: & postquam in mortalibus nihil est à malo vsquequaque immune, præponere quod plus continet boni minusque mali.

Nam & tuo more adhuc incidis in eundem errorem; nam omnino mali aliquid adesse necessarium est, & plus iacturæ consequeris.

Dicas quæso, si magistratum geras in Reipub. mala, malus eris? attamen melius est te minus male administrare magistratum male agendo, vt non nisi coactus male agas quam alium sinere qui administrando multo plura damna inferat Reipub. tum præcipue miseris. Iam vero & de iniuria, quod optimum sit neque inferre, neque pati; at si modo alterum cogaris facere melius esse inferre quàm pati; quod hoc gloriosum lætumque, nec animum malum efficiat, sitque viri potentis, opulenti & quod actum est vt deleas in tua est potestate: at ferre, ignominiosum, turpe, sordidum, cum animi dolore, contemptum & miserum. Pauperumque est ac vilium, nec cum velis malum hoc ipsum & labem delere in tuo est arbitrio.

Potèrò & illud ostendi, quonam pacto vitia infelices per se faciant homines, vere nec opinione tantum. Voluptates vero humanas eiusmodi esse, vt necessario sint cum dolore coniunctæ. Callicles. At ego plurimum hac ipsa disputatione sum delectatus, nec pœnituit, vt nunquam alias, audisse Socratem differentem.

FINIS.





## DIALOGVS

# QVI DICITVR TETIM, SEV DE HVMANIS CONSILIIIS.

INTERLOCVTORES, TETIM, RAM.



**V** T I N A M , ô amice, collo-  
quis illis, quæ heri in cœna  
apud Charum habuimus,  
interfuisses: eum Min &  
Maamin valde & quasi pro  
fortunis omnibus contende-  
rent. Ego enim vtriq; eorū impar videbar vel  
iudicâre vel vt eos inter se cõciliarem: reliqui  
autem omnes, tanquam de vita aut maxima  
quapiam alia re ageretur, filebant. RAM. At  
de quibus sermo hic erat quæso? TETIM.  
De qua prorsus non satis memini: sed vide-  
batur initium fuisse de tyranno quodam, qui  
multa piè instituit: sed neque nomen palàm  
referre audebant: contrà de rege quodam  
optimo, qui tamen non pauca impiè admisit.  
RAM. At ego diuino, quānam fuerint. Rex  
ille fuit Ludouicus Gallorum, vndecimus eius  
nominis: tyrannus autem, Castrutius. TE-  
TIM. Diuinasti certè: existimo te latuisse sub  
mensa. Sed quomodo rescuisti? RAM. Omnia  
mihi narrauit \* Verū non de huiusmodi  
principibus loqui gratum est: demirorque il-  
los tam diu adeò suspectum traxisse sermo-  
nē. Sed Bacchus maiora facit ac potest. TET.  
Quid ergo tū censēs de illa cõtentione? RAM.  
Ego non satis noui quales fuerint vtriusque  
sermones, sed tutius puto huiusmodi silentio  
obtegere. TET. At si tu affuisses, quomodo  
sermonem instituisses? RAM. At si tu rex  
esses, quomodo subditos tractares? TET.  
Vtinam tam facilè mihi esset regnum obti-  
nere, quàm administrare. RAM. Sed quid  
acturus esses? TET. Coniuiua ludosque cele-  
brarem: mitis in omnes, beneuolus in ami-  
cos, iustitiam pietatēque colerem. RAM.  
Rectè equidem, si posses hæc omnia. Sed quo-  
modo simul & iustus & mitis, & quomodo  
beneuolus in amicos esse posses, si iusticiam  
colere velles? TET. At vtinam tamen possem  
regnum adipisci, quàm facile esset mihi &  
multo maiora facere. RAM. Sed quomodo  
tandem? TET. Meis facultatibus atque opi-  
bus cunctis satisfacerem. RAM. Sed vnde  
sumpturus has opes? TET. Ex vestigalibus.  
RAM. Qualia & quanta esse velles? TET. Vt  
sufficerent impēsæ, atq; donationibus. RAM.  
At magna esse oporteret. TET. Quidni?  
RAM. Quomodo ergo beneuolus esse posses  
in amicos omnes, si graui vestigalia ex eis

exigeres? TET. At non illis solis, sed etiam  
ex aliis. RAM. At satis est te non in illos fu-  
turum beneuolum, à quibus exigeres. TET.  
At non ab his tantum exigerem, quantum  
darem. RAM. Vnde ergo residuum sumeres,  
quod dares? TET. Ex aliis. RAM. Quomodo  
ergo iusticiam coleres, si ab his sumeres quod  
aliis dares? TET. At saltem pietatem cole-  
rem: & in iure dicendo, iustus essem. RAM.  
Quomodo, si amicus cum incognito tibi li-  
tigaret, non velles aliquo modo amico patro-  
cinari, vt esses beneuolus illi? TET. Vellem, si  
possem. RAM. Quomodo ergo iustus esses?  
TET. In his tantum quæ essent mei arbitrij.  
Præterea adhortarer litigantem illum, vt ce-  
dere vellet aliquid: de compositione tracta-  
rem. RAM. Omnes hæc sunt iniustitiæ partes.  
Ius, non persona spectanda est. Laudatur Græ-  
cus ille, qui preces filij quem diligebat, pro  
patre fonte surdus audiuit. TET. At, vt video,  
iustus esse non possem, essem tamen pius.  
RAM. Quid hæc iniusta pietas quæso? TET.  
Sed, si placet, non de me loquar. Subiiciam  
tyrannum aliquem ac regem ex antiquis, vt  
prorsus sermo noster inuidia ac suspitione ca-  
reat. RAM. Faciamus: sed quem vis? TETIM.  
Vespasianum audiui egregium fuisse princi-  
pem, & Titum etiam: Domitianum autem,  
tyrannum. Duos hos, si placet, pro exemplo,  
fratres subiiciamus. RAM. Rectè. TETIM.  
Agamus ergo de pietate, postquam Princeps  
& iustus & simul bonus esse non potest.  
RAM. Hoc non dico, sed perdifficile est. Ve-  
rū quomodo pius esse poterit, si iniustus sit?  
TETIM. Modum video nullum, nisi vt cre-  
dat, se quæ agit iustè agere. RAM. Ita est: sed  
hoc non satisfacit. TET. Sed liberè loquaris.  
Ergo quomodo principes hi, velut Titus,  
multa peregerit impiè & iniustè, & tamen  
bonus princeps habitus sit? & rursus quomo-  
do Domitianus multa bene, cum esset tyran-  
nus? RAM. Ita est: sed decet ab initio rem,  
quemadmodum se habeat, exordiri. Principes  
omnes aut in philosophia exercitati sunt, at-  
que hi admodum pauci: aut naturali quadam  
prauitate mali atque impij: aut simplices &  
religiosi, qualem Vespasianum fuisse hand  
dubium est, Titum verisimile. Qui religiosi  
erant inferos & tartara & Elysios campos  
esse credebant: consultores idanimaduerten-  
tes,



res, autoritate religionis seruata, illud idem consulebant, quod hominem impium solum deceret: hoc prætectu, quod Imperij seruandi causa, sub cuius vmbra tot insontes miseri atque impotentes tuti viuerent, liceret omnia facere. Hi ergo, cum quoddam religiosè aliqui viuerent, tum quoddam etiam in iudiciis aliisque rebus ad principem pertinentibus satis iustè agerent, boni principes habiti sunt: tametsi multa patrarent quouis tyranno iniustiora atque crudeliora. Qui è consilio horum sunt, neque bonum, neque tutum putant, velle quod ipsi sentiunt de humanis negociis, de Deo, de anima, principibus patefacere: verum tantum quod expedit pro conseruatione regni: & aliqui his deteriores, vt gratiam principis demereantur, quæ nefanda sunt, tãquam pia sint consulunt. Ille ergo, se putat sic cum multis sceleratis factis piè viuere. Eoque fit, vt huiusmodi principes maxima mala sine respectu committant: in paruis quibusdam superstitiosi sint admodum: quoniam contra mandata legum esse videntur. Ita sub vtroque horum fratrum expilasse totam vnam prouinciam, insontes plurimos seruos occidisse crudeliter, nullum peccatum erat: at Deos suos non coluisse, seruum sedisse iuxta Augusti statuum, imaginem principis in lupanari secum habuisse, vel in latrina, accusasse pessimum Senatorem milleque dignum suppliciis, nec potuisse plenè probare, capitale erat. Qui verò philosophia imbuti vel ab obitu nullam putant esse animam, aut omnibus communem, poenarumque ac meritorum expertem, hi iuxta sectæ suæ rationem viuunt, plerumque satis boni. TET. Sed ô amice, dic quæso quid sentias de animorum nostrum natura? RAM. Certè anceps valde sum: & cum ad iuuenes respicio, omnia ad immortalitatem adblaudiuntur: robur illorum, prudentia, alacritas, dignitas, sapientia, fortia facta: rursus cum cōsenui, desperatioe quadam agor: quoniam omnia mecum, etiam mentem ipsam, consenescere video, adeò vt plerique repuerascere videantur. Quod si in tam breui tempore pueris similes maiori ex parte fiant, quid speras futurum si in aliquot secula senectus tenderetur? Profectò homines muscis & vermicibus fierent simillimi: amissa enim memoria, etiam proprii nominis, inde omnis sermonis obliuiscerentur. TET. Sed dic quæso, quid de hoc sentias? RAM. Falluntur. TET. Qui? RAM. Qui ob id existimant animos esse mortales: sed non est tempus nunc de hoc disputandi. TETIM. Audirem perlibenter. RAM. Dicam, si vis: sed omittam cœptum iam sermonem de humanis consiliis, si libet. TET. Nihil minus: sed expedi primum sermone. RAM. Hac igitur cogitatione, cui è Philosophis & Medicis præcipui Hippocrates & Galenus, & quod magis mirum est, Theologi primarij, nec Christum nec Augustinum nec veritatem securi, dum Philosophos perbellè agunt, subscribere. Vnus enim inquit: Nisi Christus immortalitatem animi declarasset, quod ad naturalem rationem attinet, mortalem illum existimarem. Alter verò ait: Aristoteles licet verbis animum dixerit esse immortalem, ea tamen iecit fundamenta, per quæ illius mortalitas appareat. Subiicitque illa,

& referre pudet: securi viuunt, nec piè, nec simpliciter, nec ob gloriam honestè vitam ducentes. Itaque omnia iam pessum eunt. TET. Sed quid alij? RAM. Omnes eodem morbo laborant: quæcunque enim principes sequuntur, eadem & populi, seu ob auctoritatem, seu vt illis blandiantur, seu quod sperent fortunam cum maioribus æquare, faciunt. TET. At possunt hi vel illi sic esse felices? RAM. Certè nō: sed sufficit illis, vt reliqui ipsis sint infeliciores. TET. ô stultam opinionem: verum quomodo viuunt priuati? RAM. Et ipsi omnia ad speciem collocant: cæterum omnia aguntur Græca fide. TETIM. In quo ergo deterior fuit Tito Domitianus? RAM. Qui probi sunt, & religiosi, cum arbitrio aliorum, nec sibi imperantium, sed obedientium, nec idem sentiendum peccent, rariùs peccant, quam qui suo pte ingenio. Ita Domitianus eò peruenit scauitiae, dum humana contemnit, diuina non timet, vt Nerones tres superauerit. TET. Sed quænam voluptates sunt principum? RAM. Odium, amorem, & voluptatem explere: vlciscuntur quos oderunt, ditant quos amant, & voluptatibus fruuntur. TET. Quæ voluptates? RAM. Communia, lusus & alea, tum venatio & aucupium. TET. Sed & feræ ludunt, etsi non alea, & venantur: at gregales conuinantur: lupi soli, quod sciam, ex his qui carnes edunt, gregatim incedunt, vrsorum vel leonū metu: itaque parum vita hæc, quod ad voluptates attinet, à lupina differt. RAM. Vera dicis. Sed possunt prodesse, atque obeffe. Parum in hoc est, cum iniustè id fit: nam nemo tam securus esse potest horum mendacium adhortationibus, qui non à morte sibi aliquid metuat. Præterea offensiones illæ graues hand tutæ sunt: & dum vltione iniuriam tueri volunt, immensum numerum inimicorum pariunt. Itaque parum prodest plurimum posse, si non tantundem sapias. TET. verum. Cur ergo poenas non statim dant, adeò immites & inconsulti? Domitianus enim plus regnauit quàm pater & frater simul. RAM. Sors & vecordia hominum plurimum potest: nam & priuati & nobiles, dum inter se inimicitias exercent, occasionem miluo prædandi vtroque præbent. Itaque & hoc tyrannicum est vassamentum, discordias inter subditos ferere, vt tutius grassentur. Habent & ministros, qui prætectu iustitiæ aut pietatis, votis perniciosi non solum principum (hoc enim forsitan esset tolerabile) sed potentiorum & perniciosissimorum adulatorum satisfaciunt. Quot enim Tiberius, aut Nero, aut Domitianus (sed hic violentior) sine Senatus illius corruptissimi auctoritate damnauerunt: penè nullos. Itaque duo optima & diuina bona concessa mortalibus lenas tyrannidis effecere. Deinde credere possunt, non esse Deos, nec vlcisci hanc tantam illorum propriam iniuriam: & animos cum corporibus interire. Hoc enim, dum sapiens nimis ac catus videri vult, philosophorum maximus docuit. Deinde proclamat vbi que desertam omnibus bonis, ac ab eo spoliata virtutem. Quanto satius fuisset vel de naturalibus rebus aliter statuere, vel vnum quemque suo arbitrio ac viribus relinquere: ne tertia improbis principibus & tyrannidilena Philosophia accederet. TET. Sed quis



ergo bonus erit princeps? RAM. Bonus princeps pluribus benefacit, paucis malè: malus autem pluribus malefacit, paucis autem bene. TET. Ac sic, qui optimos perdet viros (qui certè pauci sunt semper) malos autem euehet, hic bonus erit princeps: at ego oppositum antea existimabam. RAM. Et rectè quidem: nam qui bonos perdit, is necessariò multos perdit: omnibus enim qui media natura sunt, qui plurimi sunt, infestus est: malis etiam plerisque cogitur esse immitis, tum specie quadam iustitiæ, tum metu potentiae, tum etiam ob priuata odia. At bonus bonos euehendo, mediocres omnes bonos facit, nec malis omnibus infestus est: sed his tantum, qui nec exemplo, nec metu, nec leuibus pœnis corriguntur: itaque tyrannus etsi non videatur ferro sæuire in plurimos plurimis tamen grauis est, tributis pauperes exhauriens, vt paucos ditare possit, & gurgiti illi voluptatū immenso satisfacere. At non par est, imò deterius, innoxios fame frigoreque ac laboribus intolerandis interficere, & gladio. Et qui gladio sæuiunt, saltem filiis parcunt: at hi filios coram parentibus inopia perimunt. TET. Maxima audio: atque ego nec Cyrus esse vellem, aut Alexander: nec ex purpuratis illis, qui ex eorum consilio essent. Sed dic amabò, fuitne quisquam princeps bonus? forsan, vt audio, Augustus, aut M. Antoninus Philosophus: hos enim intellexi optimos fuisse principes. RAM. Certè fuit aliquis: sed neuter istorum: quini- mo hi ex his fuere, qui pluribus malefecerunt, vt paucis gratificarentur. Atque horum vterque vltimum improbitatis experimentum dedit, in eligendo successore: cum primus improbitati stulticiam coniunxerit: priuignum hæredem, virum sanguinarium & improbissimum, nepti, vxori optimi viri Germanici ac pronepotibus præferendo. Secundus verò, quòd cum filium pessimum esse intelligeret, alium ad imperium non elegerit. Solent priuati boni viri, filios nepotes lurcones & nequam exhæredare, vbi nemini iniuria fit, aut periculum est, si hæreditatem accipiat: & bonus Imperator nepharium hæredem relinquet? valeant ergo Bruti illi, & Manlij, Cassij, Scaurij, & Damatrina, Talantiæque, ac mater Paulaniæ, omnes Spartanz mulieres, & Clotharius Gallorum rex, & Antonius Venereus Veneti Senatus princeps, qui filios vnico ex scelere peremerunt, quanquam viuentibus illis salua posset esse Respub. sic M. Antonius, vt orbem perderet flagitiosissimum filium imperij reliquit hæredem. Ergo vnus Alexander Seuerus princeps bonus fuit: alium ex antiquis noui neminem. TET. Quid ille agebat, vt talis esse potuerit? aut quid omnino agere debet bonus princeps, vt tutus etiam sit? RAM. Facile est principi, si velit, bonū esse: tutiorque multo erit improbo principe. Iustitiam & pietatem colat: quod vt faciat, præponat bonos malis. Bonos hoc vno argumento deprehendet, qui pecuniarum auidi non sunt. Huiusmodi viros inter Phratrios, non tamen multos, reperiēs. Qui enim facilè contemnunt pecunias, facilè omnia flagitia vitare possunt. Bis verò in singulis septem diebus audiat causas subditorum, quartam horæ partem singulis impendendo: Pridie autē omnes suos mo-

neat aduersarios. Quadraginta audiet vno die, qua die audit: vt octuaginta sint singulis septē diebus: in anno autem, supra quatuor millia. Antequam verò aduersarij vocentur, sorte ducantur hi quadraginta: nisi si qui pro soti- bus quibus capitis damnatio immineat, supplicare velint: hi enim inter illos qui audiri volunt, primi audiendi sunt. Post audiantur, qui quinquies à sorte exciderint: post, ad quadraginta vsque sorte ducti qui fuerint. Nec quisquam admittatur, nisi peractum fuerit iudicium ab ordinario iudice: aut cum vltra terminos iudici præstitutos adhuc lis pender. Semper verò vel iudex puniatur, si errauerit: vel supplicio vltimo puniatur, si iniuste ob præmium iudicari: aut laudetur, si rectè sententiam tulerit. Atque si, qui appellauerit, non omnino sit pauperrimus, nec iudex deliquerit, iudici persoluat ille redditum vnus anni totum. Porro ipse princeps, cum viri sapientis & optimi amicissimique consilio de re cognoscat, non (vt nostro æuo) ad eos releget qui à secretis sunt. Crimina autem omnia eorum qui suæ fidei creditos perdunt pecunia vel muneribus, vt iudices, tutores, causidicos, & procuratores, medicos vtriusque generis, pharmacopolas, molitores, pistores, sacerdotes, non sine exquisito mortis genere perdat, vt principis aut Reipub. proditores. Sed alios omnes etiam viarum oblectores, homicidas, fures, adulterinæ monetæ fabricatores, vel ad triremes (si graua sint crimina omnino, vel sapius ad vomitum, vt dici solet, redierint) aut ad excidendos montes damnentur, vbi pane & aqua pascantur, quantum fati sit. Et si viuente patre aut matre hæc fiant, mitius aliquantò agatur, si dilata ob id solum mors fuerit. Neque enim par est, parentes qui non peccarunt, in filiorum suppliciis affligi: & sic etiam patria pluribus hominibus abundabit, & ditior fiet illorum laboribus. At quale emolumentum belli tempore, seu epibatas, seu operarios legere voluerimus: ad urbium expugnationem, ferenda onera, ducendas machinas, duratos laboribus homines, ob penam, vitæ contemptores, tunc etiam adeptæ libertatis beneficio lätos & gratos: Hocque institutum ne putes nostrum esse commentum: sequi Reges quondam Ægyptiorum, vt Dioscorus Siculus refert, qui inuicti fuere ac felicissimi. Sic Christum opere, non verbis fallacibus, exprimemus. Nunc sub Christianis principibus crudelitas plusquam barbara exerceatur. Adulteria tamen grauitè puniendā: annonæ vbertas, triticeum, vili precio, nullo vetigali, sed pro censibus & redditibus exigatur: vini & carniū amplum, exiguum salis, oleum nullum, piscium perexiguum: tam paucis præceptis optimus princeps instituetur. Et tamen multo feliciorem atque liberiores agere vitam, quàm nunc reges: longèque tutius regnum administrabit. Sed malos abigere contentus non sit: insidiabuntur enim illi, & leues maledictis cotrumpent populorum animos: sed illos ad lapides, adulatores autem vt veros proditores morte sua damnabit. TET. Placent hæc, sed demiror cur tam diu ista latuerint omnes: aut si non latuerunt, cur nemo hanc viam ingressus sit? RAM. Hæc institutio tam aduersa est purpuratis ac potentibus quam



quam salutaris Principibus. Si enim ita agatur, vnus erit princeps scilicet: ceteri propriis opibus cogentur esse contenti, nec iniuria quenquam afficere poterunt. At hoc illis ministris non placet: ob id principes primo, deinde etiam seipsos perdunt. Quod si aliter principibus consulerent, & illorum animas & vitam, regnum, seipsosque seruari, innoxiique obirent: & pro paucis male beatis, plures plura felicitate gauderent. Vides quam parum nunc regna in eadem familia perseuerant? TET. Intellego. Sed cum duo proposuisses, alterum caput, scilicet de pietate, reliquisti. RAM. Nunc agam de illa: quanquam ut audiisti, seruando parentibus filios, mitiusque agendo in cunctos, praterquam proditores, etiam pietatis partem absoluisse videor. TET. At ego non partem, sed totum negocium explicari volo: postquam ob id, de immortalitate animi, quae cupiebam, sermonem audire praetermisisti. RAM. Dicam. Pietas in Deum atque patriam ac parentes dirigitur. De patria satis dictum est, cum nullum maius illi praestari possit obsequium iustitia, clementia, & auxilio in miseros. De parentibus, vix est Princeps qui patrem habeat: non enim principatum obtineret. De matre, forsitan plus tribuunt quam par sit mulieri, ambitiosa, luxuriosa, impotenti, ac illius plerumque sordidis ministris: quamobrem non est ut quenquam ad huius pietatis genus adhorter. Transferantur haec adhortationes ad priuatos: in quibus plus est debiti erga parentes, & in illis minus delicti, & maior necessitas beneficii. De principibus autem cum loquamur, de pietate erga Deum dicere satis superque fuerit. Quamobrem ab initio rem repetamus. Si Deorum munere cuncta se recepisse cognouerit Princeps, si reddendam rationem post mortem de administratione intellexerit, Pium ipsum, & maxime cum iam iustus sit, facile fuerit efficere. TET. Huius, quod (ut in prouerbio dici solet) pro vno duo lucratus sum: nam & de animi immortalitate, quae sperabam, optabamque, iam iam audiam. RAM. Principio illud animaduertendum, quod multa sunt, imò (ut verius dicam) omnia diuina nobis incredibilia, & omnino obscura, ac minus intellecta videntur. Quis enim potuit vnquam deprehendere, quoniam pacto caeli moueantur? nam quae Ptolemaeus statuit, experimentis satisfaciunt: absurda tamen sunt: quae verò Auerroës & Fracastoreus, minime absurda: sed talia, ut nugis proxima videantur. Quis, quomodo anima vel mens nobis assistat, intelligit? aut ut caelum moueat, cum in eo non sit, sed potius caelum in mente, & nos cum vita ipsa? Quis cogitatione apprehendit, eandem animam tam praesentem esse Antipodibus, quam nobis, cum illa sine magnitudine sit, nos verò tam longè distemus ab illis? necesse est enim dicere, animam aut mentem quae corpore adeò distant, tanquam nullo sint in loco, nec intervallo aliquo distincta sint, simul (ut ita dicam) tangere atque amplecti. Sic & praesentia atque praeterita futuraeque ambit, modò assistit, modò non, ipsa omnis expers temporis. Itaque mens nostra ubi hominem exuerit, ut affecta ad iustitiam fuerit, ita gaudet aut angitur parum aut multum, ut non solum tartara & delicias experia-

tur, sed vnusquisque pro qualitate improbitatis ac virtutis torqueatur aut gaudeat. Quod si enim tormentum hoc aut gaudium paruum esse putas, cogita quam multi diuites, potentes, iuuenes, incolumes, minima ex iniuria adeò torqueantur, ut cum Oratore illo verè dicere possint, vitam sibi acerbam putare: nam eorum qui ob dolorem mortui sint, qui infamierint, qui sibi manum etiam intulerint, non desunt exempla. Quare nil mirum est ibi summam esse constitutam poenam, ubi dum viuere etiam summam constituerint voluptatem. Ita qui minus peccarunt, qui moderatius appetuere opes, honores, vindictam iniustam, aut inferre iniurias: hi etiam moderatius & mitius torquentur. Sed quod maius est hac in re, cum anima sit expers aui, ut dixi, nihilominus & ipsa quandoque affici desinit: ut ibi sint differentiae temporis, ubi tempus nullum inuenitur. Et hoc est quod dixi, huiusmodi excedere mentis humanae cogitationem. Id facile esset in nobis deprehendere, dum à curis quiescimus. Sed forsitan idem concedi postulare videremur, quod demonstrare propositum est. An forsitan cum aliquo corporeo vehiculo omnes, aut aliquae coniunctae sunt? Sed omitamus futura, praesentia prosequamur. Existimo vitam Principum valde infelicem esse, aut illos omnino neminem amare. TET. Cur ita? RAM. Nam si amant, quos amare se ostendunt, cum praecipue eis tot sint alumni, necesse est ex alumniis singulis annis ferme, ex amicis singulis mensibus aliquem perire. At quam molesta sit mors charissimorum, satis cuique perspicuum est. Si cor ergo est principibus, ut esse existimo, nemo illis infelicior est tot amicorum continuo interitu. Sed hoc nihil esse velim. Quid, cum iussu suo, in praesentia, pro illius salute, tot charissimi occurrunt? TET. Certè vera narras: sed hi forsitan nihil curant. Verum dic amabè, postquam adeò mihi videris harum rerum etiam plus quam speraueram gnarus, deducta spe compensationis ab obitu, licetne omnia tuò mala agere, periculo deducto legum ut in potentibus sic ut in quibuscunque praestet malè agere, ac pro arbitrio viuere? RAM. Magna atque ardua quaestio: beneque fecisset (quod sapius soleo dicere) Aristoteles, hoc docendo: namque si virtus commodum nullum afferat, cur sectanda est? Quid illius encomium, & quorsum nam tendit, ab Aristotele tam disertè celebratum? Sed existimo prudentiam primum cuique necessariam, & utilem ad bene beatèque viuendum. Sed fieri haud potest ut quis viuatur beatè, nisi etiam securiter. Post prudentiam summa laus est fortitudinis: non formidare mortem ut necessariam, sed vitare ut fortuitam, quantum licet: ferre quoque labores ut necessarios, vel ut corporis salubritati, utiles, aliaque aduersa: quae etiam si aegre tuleris, nihilofecius beatior viues. Ita etiam assuescendum laboribus, & patientiae quae lucrum afferre potest. TET. Istud perinde est ac si dicas, dimidium fortitudinis habere. RAM. Rectè ais. Sed comitatis tanto plus, sesqui mensuram scilicet: haec enim nulla iactura & amicos & famam parit. TET. Nulla virtutem tam omnes norunt à supremo ad infimum, ut haec. Sic videris iam tres mensuras impleuisse virtutis.



tutis. Estne alia? RAM. Temperantia & abstinentia: quantum satis est ad sanitatem tuendam: in reliquis ne cura rem hanc: vivere enim volupe, vivere est: si post obitum nulla spes vitæ alterius superesset. TETIM. Sufficiunt hæc? RAM. Est quiddam aliud: ut sis gratus in beneficos, ob utilitatem: in tuos & alumnos, ne si malè eis contingat dolore distorquearis. Cauenda enim tristitia est, ut felicitati contraria. Ergo tuos non amabis, sed quantum potes illis benefacies: sic tamen, ne beneficiū in eos tibi fiat maleficiū. TET. Estne quid aliud? RAM. Non utique si desperes futura. TET. Tam paucis constat humana felicitas? RAM. Imò apud quosdam etiam paucioribus. TET. Qui possit minui, non video. Sed iustitia, pietate, liberalitate, misericordia, fide, innocentia, studiis bonarum literarum, nihil ergo opus erit? RAM. Imò omnes dānosæ erunt, præter eruditionem: sed hæc virtus non est: reliquis non opus est nisi in suos. TET. Sed quid adimi potest ex illis quinque? RAM. Duo etiam improbi adimunt, scilicet relationem gratiæ, & suorum curam: quanquam hæc inter illas quinque non numerata sit. TET. & corda viperarum, & mores lucianos, quos ferunt etiam propriam sobolem deuorare! Sed quid adegit ergo Aristotelem, ut virtutes adeò ardentè laudaret? non illas quinque tantum, sed ex æquo ferme omnes: postquam hic cultus virtutum plerisque semper cesserit infœliciter, neque nunc solum: aut nouum est illud Poëticum: Omne in præcipiti vitium stetit.

Sed & suis temporibus deteriores multo erant, quàm nunc sint. Quid ergo est causæ, fuitve, ut suos clientes, laborumque suorum studiosos, tam perfidè falleret? RAM. Dicam, quid sentiam: (tamen si quod dixisti de temporibus suis, non admittam facili: sed existimem maiori in precio fuisse non solum eruditionem, cuius minor copia erat, sed & virtutem: nam quis audeat, ut ille tum, Diuæ alicuius solentia sacra concubinæ celebrare, etsi princeps sit, quemadmodum ille fecit) vir primum fuit ambitiosus admodum, & gloriæ cupidus: ob id virtutem celebravit, ut non solum pius, sed etiam præstans haberetur, ac vbique de illius sententia sermo esset, plerisque admirantibus vel hominis sententiam, vel paradoxum. Deinde ipse prædiues, non tantum diues erat: non laborabo ut ostendam, quod luce clariùs esse potest. Diuitibus autem virtus conuenit, saltem ob tres causas. Prima, quòd vitiis opus habemus ut ditemur: namque ad id nil eis commodius: at diuiti per scelera minus conuenit, quàm per mercaturam ditari, etiam si totus sit Epicureus: quanquam, ut dixi homines nostra ætate deteriores sint, quàm qui tunc erant: & quanquam diuites non desinunt rapinis augere, quod breui totum simul relinquendum est: ita multo minus principibus. Secunda causa est, ut laudem consequantur, unde iacturam non metuunt. Tertia, quàm optimè norunt potentes ac principes, ut sic viuendo trifariam securiores sint, & opinione probitatis ac pietatis ut curæ Diis esse videantur: & ut minus odio sint hominibus ac contemptui: & quòd cæteri exemplo illorum sic viuentes, minus ad vindicandum iniurias, aut vltro inferendas erunt procliuēs. Accedit,

quòd Aristoteli forsan hoc incertum fuit, aut animæ post mortem præmia aut poenas consequerentur. Credidit certè, ut reor, non consequi: sed non adeò firmiter, ut quidam opinatur: sed addubitauit, ut existimo, egregiè. Credo etiam ab illo multa de hoc tradita, quæ perière. Sed & illud ad hoc induxit, quòd huiusmodi bonum esset commune. Et nemini dubium esset, si non omnes dico, sed potentiores solum, ne dicam maior pars hominum, viuere destinaret secundum virtutem, quin omnes commodius viuerent, etiam his qui nunc suo arbitrio viuunt, quanquam sunt opulentissimi. Ad simpliciter igitur bonum, non quorundam, respexit Philosophus. Addo aliam causam: quòd ut dixi iam, magna pars harum virtutum & improbißimis est necessaria ad beatam vitam: in reliqua parte tantum est voluptatis in bene agendo etiam pauperibus, tantum doloris in vitio ac scelere, si quis (gratia exempli) ob avaritiam à tuis pereat, ut plerique horum improborum despondentes animum moriuntur: cum probis vel in pestilentissima fortuna id vix accidit. Forsan & id animaduertit vir acutus, quòd animus flagitiis imbutus, etiam si specie felicior propter exteriora videatur: est tamen infelicior calamitoso probo, cuius animus integer est à scelere: nam videmus vulneratos & acriter laceratos grauius longè perferre plumeos puluinos, quàm sanum compedes. Aristoteles autem ad veram, non fictam felicitatem respexit. Forsan & alias ille habuit rationes, & firmiores: sed mihi modò hæc solum succurrunt. TET. At mihi satis hæc esse videntur, ut iam non demirer. Saltem cauendum existimo ab his sceleribus omnibus, vel quæ alios nimium torquent, aut nobis paruo sunt vsui, etiam si quis peccare velit. RAM. Ita existimo rectum esse, & hoc ad minus voluisse Aristotelem. TET. Sed neque id obseruant hac tempestate homines: sed velut cacodæmonibus (ita enim fertur) nihil tam suaue & incundum, quàm alios etiam immerentes discruciare. RAM. O homines nomine solum Christianos, vita autem idololatricis ac Mahomedicis (nam de Hebræis non dicam, quos assidua mala fregerunt) ac viperis sãuiore ac crudeliore! Meministi cum Henricus Rex Anglorum Bononiæ Neutrix oppugnaret, ipsa media die iubens per præcipitia & rupes eò ascendere ubi nullus esset accessus, cecidèrè tot millia hominum, nec obtinuit tamen, sed deditione accepit, puto altera die. Quam voluptatem capere poterat, cum tot amicos non casos, sed (ut ita dicam) præcipitados à se aspiceret? TETIM. Ferina omnino corda. RAM. Et tamen inter reges sui sæculi splendore virtutum, amoreque eruditionis enituit. Quid putas agitare alios, qui eo sunt inferiores? Deinde potes illorum inuidere sorti? Dispeream, ni malim esse custos pecorum, quàm princeps. TET. Sed quid Turcarum reges, quos tu clementia videris nostris præponere? RAM. Nihil minus Christianis peccat: quia hi qua parte Christiani sunt, aliquid sani habent, illi furunt. Verùm insania illorum nostros, ut sapiant, non efficit. TET. At dicunt aliter seruari regna non posse. RAM. Hic tota excusatio: sed si ita esset, præstaret (ut dixi) reges illis qui sunt non esse.

At



At non ita est: sed facilius longè seruarentur, si quod donant adulatoribus, si quod furripiunt improbi ministri, in milites egregios infumeretur. Industria, virtute, pecunia, non cædibus suorum, bella vincuntur. Sed neque Cæsar, qui militibus suis aded amicus fuit, illos, amabat, quos ob occupandam tyrannidem morti exponebat: at quorsum tanta cædes? quis nunc superest ex eius familia? quàm breui vsque ad selem (vt dici solet) consumpta est? Imperium in alienos peruenit. Patria oppressa, inde euerfa, facta est ludibrium gentium: nam quæ nunc paret Pontifici, tota ex aduenis constat, nihil antiquum habet. Ille Anglus Rex vix toto quadriennio ab illa inclyta strage superuixit, mortuus aqua intercute: tam grauitè tulit eam mortem, vt inuideret his qui in acie iam dudum perierant. Vrbs illa nec toto biennio regi Gallorum, paucis pecuniis, nec decima parte earum quas ille vt obtineret insumpserat, per vxoris frârem proditione infantis nepotis restituta est. Vnde etiam capite multatus. Hunc finem omnia hæc immoderata desideria, cum cædibus amicorum, obtinere volunt: quod virtute & continentia, sapientiaque facilius esset occupare. Horum omnium malorum causa est, auaritia ministrorum. TET. Sed iam redeas ad nostros, Titum atque Domitianum. Hic quamvis tyrannus, pulcherrimam tulit tamen legem, ne mares castrarentur. Vnde etiam mirum in modum à Martiale extollitur. RAM. Pulchra coniugatio: author vterque ipsum factum, etsi egregium esset, infame reddit: Martialis, nequissimus assentator: Domitianus, tyrannus crudelissimus, quam legem humano generi vtilem ferre potuit? TET. Sed quid de re ipsa censes? castrare mares ac fœminas licet? Et si licet, conducit? RAM. Ad libidinem castrabantur pueri, qui mos etiam apud Turcas adhuc viget. Et testatur Martialis hanc causam in suo Epigrammate. Hoc non detestor, quod non sufficerem tanto flagitio damnando coniungere tria simul grauissima scelera: concubitum præter naturam, atque ei miserum illum meretricis loco assuefacere: crudelitatem cum vitæ summo discrimine: & spem immortalitatis stirpis, etiam leporibus concessam, tollere. At quoniam in vtroque sexu fidelissimi custodes euadunt, dedecoraque domus auferunt, si contingat habere, laudo. Solos ergo morti damnatos ob immane flagitium castrari permitterem: & ni lex prohiberet, castrari possent empti ad hoc ex aliena lege Mauri: ita tamen, vt parentes scirent ad hoc ipsum emi. TET. At nulli venderent. RAM. Imò facilius filios quàm pecora vendunt. Nec magnum puto flagitium, illos spe posteritatis priuare, qui tam impij sunt, & insani. TET. Sed & mulieres possunt castrari? RAM. Cur non? sed tamen maiore longè periculo: si tamen adsit ars, vsusque propè nullo. Sunt tamen qui credant longo vsu viticis mares, & periclymeni fœminas eunuchas fieri. TET. Quotidie disco aliquid, vt nunquam perire velim. RAM. Imò, etiamsi nihil disceres. TET. Sed redeas quæso ad institutum sermonem. RAM. Diuinum esse existimant regnum, quod fortuitis casibus distribuitur. Sed postquam videmus eos qui regna

acquirunt, non esse segnes: qui segnes sunt, plerumque regna amittere: non existimo fortuitam esse prorsus regnorum possessionem, nec etiam diuinam, sed præmium esse virtutis humanæ. Dico humanæ, non diuinæ: nam virtus illa quam inertes hi philosophi non solum iactant, sed venditant, humani generis exitium est: tamen maximè, vt dixi, quod propter ambitionem animos mortales aut saltem non distributos affirmant, deinde volunt aduersus tot commoda & illecebras vitiorum pugnare! TET. O insanum genus, & planè perditum. RAM. Sic est: sed sunt quædam vitia principum, quæ non tam citò perniciose sunt, quamvis successu non longo & ipsa regnum adimant: velut crudelitas, & libido, atque stultitia. Præter hæc quatuor nulla sunt exitialia, quamvis mala mortalibus ac subditis. TET. Quomodo? RAM. Velut lenitudo, auaritia, iracundia. Sed miraberis quod dicam: deteriores (dicebat Hieronymus Cardanus) probis sunt principes, nimis mansueti, quam nimis sæui. TET. Quid dicam? quidve audio? RAM. Ille iratus, & forsan meritò, erat: vixerat sub Antonio Leua, nil mali passus, vel boni: quamvis viro acerrimo: inde sub Cardinali Caracio, viro optimo: sub Alphonso Daualo satis fœliciter, à quo etiam donatus fuerat: sed & apud illum, quod mitis esset, cœpit inuidia laborare, non tamen nocuit. Pòst optime sub Ferrando Gonzaga, viro asperrimo, sed omnis virtutis & bonorum fautori: sub Cardinali Tridentino, viro & ipso iracundo, sed virtutum & egregiorum virorum cultori: sub Ioanne Tigatolo, Duce etiam (vt vocant) Albæ: ab his nil boni consecutus, nil mali expertus, ob temporis breuitatem: quanquam ab ipsis nihil timendum: virtute enim insigni vterque præditus: cum ecce venit Sueffæ Princeps, eruditionis non expers, eruditorum amas, se cum ille dicebat: Quid si cum his tam bene, qui literarum studiis addicti non erant: cum hoc tam liberali, magnanimo & satis erudito principe, mansuetissimoque: non decepit illum (vt aiebat) iudicium, sed euentus: nam & eruditus erat, & pecunia donauit, & mitis, si quis alius, & comes, & mansuetus, benignus: deinde fortis, magnanimus, splendidus, supra omnem expectationem: verum casu quodam ob lentitudinem nullo sub principe infeliciores fuit, amisso optimæ spei adolescente filio. TET. Sed quomodo ille tot aduersa fert? RAM. Aequissimo animo: nam reliqua dolorem acerbissimum filij potius distrahunt, quam augeant, præter duo. TET. Hoc saltem habet commune cum egregiis viris, Anaxagora, Socrate, Aristotele, Anaxarcho, Zenone Eleate, Æsopo fabulatore, Demosthene, Cicerone, minore Africano, Miltiade, Themistocle, totque alijs: sed hic mihi acerbitate casuum ac multitudine alios omnes superauit. Magna res est spontaneum exilium, quod etiam sibi maior Africanus imperauit. Verum non satis pro nomine, neque pro titulo librorum quos edidit, de Vtilitate capiendæ ex aduersis, egisse visus est. RAM. Hoc ego illi obieci, cum quereretur. TET. Quid respondit? RAM. Nihil, nisi non potuisse, & impeditum fuisse, quem admodum & Socratem. TET. Quid hoc de Socrate? RAM. Non puto perperam



peram adiectum, sed historiam vno verbo significasse. TET. Quam? RAM. Vis ut dicam: credo illi Genium esse comitem, qui serò illi se prodidit, antea per somnia & strepitus monere solitum: nam quid maius? sine vllò medicamento liberatus est hernia intestinorum in latere dextro: quæ si ei non superuenisset ab obitu filij, statim eò discessurus videbatur, unde forsan multa mala & magna processissent: liberatus tamen, ab hoc proposito se recepit: liberatus etiam ab vrigine, vrinæ: tot tantæque ei mira in vita acciderunt, ut suspicari cogar & ipse, qui illi intusus sum, Genium ei esse, & magnum & potentem & rarum, ut non sit suarum actionum dominus. Sed quæ cupit, non habet: quæ habet, non concupierit, nedum ut sperarit: ille tamen hoc ab-

horret: sed cum cogitat Deo omnia parere, acquiescit. TET. Sed cuius naturæ? ferunt enim quosdam esse Saturnios, alios Iouios, atque ita de alijs. RAM. Suspiciatur esse Venerum, Saturno Mercurioque mistum. TET. Tales omnes misere viuunt, & pereunt: quamvis quorundam magnum sit nomen. RAM. Hoc nescio, cum neminem nouerim præter hunc, & illius patrem, ac Socratem, qui huiusmodi Geniorum familiaritate usus fuerit. TET. At pater quomodo obiit? RAM. Honestè, & ex senio: sed multo antea eum Genius ille reliquerat. Sed de his nescio: hoc vnum scio, bonis viris ac sinceris nullum periculosiorem esse Genium, Principum consuetudine, & patria, ubi odijs & gratia res agatur.

FINIS.







# DIALOGVS DE MORTE, CVI TITVLVS EST GVGLIELMV S.

## ARGVMENTVM DIALOGI.



ENIENS è Scotia anno M.D.LII. quærebam puerum Anglum, quem ducerem in Italiam. Cumque essem in vltima iam insula parte Doure, è regione Icij, flarentque venti aduersi, nona vix die vela pandere licuit. Pridie quàm discederemus, exorto sermone de hoc, hospes ostendit mihi filium nomine Guglielmum, ætatis annorum duodecim, probum, scitulum, & parentibus obsequentem. Auus paternus nomine Gregorius adhuc viuebat, & erat Ligur: pater Laurentius, familia nobili Cata- neorum. Fata illum intruserunt: quamvis enim egregia esset indole, neque tamen ego, neque illi hoc animaduenterunt, puerum nec Italicam communem, nec Lati- nam tenere linguam: nam si hoc ego considerassem, quod omnium malorum illi fuit initium, haud mecum deduxissem. Mane autem sequenti, cum de hoc solum vesperi verba fecissemus, pater dum eum deducere properat (iam enim naus val- de tempestiuè discedere properabat, metu piratarum) cecidit miser in littore, vt vix surgere potuerit à comitibus adiutus: quod etiam signum, vt ab eo audiui, parum ab- fuit quin illum recipere recusarem. Sed cogitans quàm alacri animo illum pater ob- tulisset, non sum ausus id facere. Postquam traieci mare, errorem meum agnouit: ne- que enim nisi nutu illum aut intelligebam, aut ab illo intelligebar. Verùm vr- gentibus fatis, quamvis consultò virgis illum nudum & sine causa verberassem, ro- gans, illud quod solum didicerat, ex familiaribus vnus, Volgo Doura, id est Vis ire Douram: respondebat, quod solum norat, No, id est Non: rursus dicebat meus fami- liaris, Volgo Milan, id est, Vis ire Mediolanum: respondebat, Sic Itaque nolens eum adeò tristitia afficere, deduxi Mediolanum: sæpius in itinere leuissima causa eum virgis cadens acriter, vt redire veller: nam Ioan. Angelum Anonum mecum habe- bam, qui vltro causa mea se obtulerat deducturum. Vbi Mediolani essem, nec ille quid veller, quidve pollicitus illi esset pater, intelligere poteram. Id tamen dum in itinere esset, accidit, vt nocte quadam, cum aliàs esset intrepidus, significaret, vidisse se mortui caput, faciemque: quod nos paruifecimus: verùm vbi fuimus Mediola- ni, intelleximus patrem illius obijisse. Neque ergo mittere eum volui ad ludum lite- rarium: de quo post, cum didicisset linguam, anno scilicet, fermè vno cum dimi- dio, questus est: nihilo secius Musicæ, quod gens illa ei negotio apta videretur, tradi- di. Sed magister patrum sollicitus, quamvis anno vno decem acciperet coronatos aureos: & puer ad discendum valde deses fuit.

Inde cum libellum emissem, neque illi operam dabat, vt saltem legere disceret: erat enim immodicus societatis puerorum amator. Et quamvis ego negligens fue- rim, ob multitudinem negotiorum in curando, vt doceretur: nihilominus hoc me so- latur, quod apparuerit, ipsum ad omnia hæc satis ineptum esse: nihilo secius fidus, obediens, probus & ingeniosus erat: optimaque videndi acie præditus, laborum pa- tiens, nec vnquam querulus: quas ob causas adeò à me diligebatur, vt nil magis: idq; etiam impensius, quod ab officio meo deficere viderer. Verùm interim tot impedi- menta ex filiis occurrere, vt neque respirare potuerim, assidue modò vno modo al- tero vndas velut pristis exagitante: sæpe ambobus simul. Agebatur, ni fallor, sextus iam annus: at me pudebat tam malè instructum dimittere, nec remuneratum: ob multas impensas, quas tunc facere cogeabant filij. Blanditiis ergo retinui illum. Sed cum septimo exacto anno Papiam me recepissem, cogitans vt illi benefacerem, iam

L L I

propo



proposueram aut aliquam artem disceret, legere ac scribere, canere atque pulsare: quæ omnia facile facturus erat, quod iam paululum didicisset legere, & canere etiam mediocriter. & in domo victum haberet ac vestitum: ars verò ipsa quam proposueram, erat caligarum formandarum, quæ admodum levis est, & etiam non adeò humilis: sed fortuna quæ illius saluti & meis votis aduersabatur, effecit, ut statim miserabilis ille casus filij mei natu maioris accideret. Ex quo coactus sum, toto anno operam dare conscribendo Theonosto: quod superaret, explicandæ Arti medicæ Galeni intentus: oblitusque sum rursus negocij alumni mei. Post sex menses, conscripta magna parte Theonosti, eaque præcipuè quæ de animorum immortalitate agit, rursus destinaveram sequi propositum: nam iam octauus annus à discessu ex Douira exactus erat, sed ob quasdam causas tum mihi valde graues, nunc mihi leuiore (ut in iuvene, imò adolescente, alumno, fido, mei amante, qui patrem auumque ac tres fratres ob mei amorem parum curauerat) visas, proposueram ipsum extra domum collocare. Itaque dixi: Guglielme iam iuuenescis, nihilque didicisti: ut tamen ostendam quàm te diligam: ego iturus sum Papiam, ut scis: si libet, in domo te artificis cuiuspiam collocabo: persoluam illi pro victu, vestiam te: ubi artem didiceris, vel nummarum domum redibis: vel pecuniam tantam suppeditabo, ut mercaturam & artem simul exercendo, commode viuere possis. Placuit quod obtuleram: subiunxi tamen: Et interim festis diebus legere scribereque disces. Annuit. Sed quænam ars arridet? (sum verò erravi, laboriosissimam simplici iuveni offerendo) vestiariæ? Annuit, atque eo libentius, quod iam cum vestiario meo sæpius colloquutus erat, M. Antonio Daldo. At ego eundem illum ei proposui: quo factum est, ut cum ille iam rem notam haberet, statim de precio conuenerit, ut triginta duos coronatos post sex menses illi numerarem. Atque hic secundus error: debueram enim in singulos annos (nam de tribus annis conueneramus) solum tertiam partem pecuniæ numerare. Sed & tertius error: nam Papiæ, ubi habitare solebam, non Mediolani, illum collocare debui. Quartus etiam error fuit, quod in domo non tam fidum alumnum, contemptis erroribus adolescentiæ (postquam nec de periculo vitæ, nec honoris mei, nec fortunarum aut coniuncti agebatur) creditum fidei meæ à patre tam facili, retinere debui, aut dimittere non nisi ad domum propriam debueram. Venere sex menses: vaser ille vir blandiebatur iuveni optimo: id ego cernens esse de re sua: nec quicquam fraudis suspicatus, ex me familiaque mea & conturbalibus iudicium de aliis faciens numero triginta duos coronatos. Ille per æstatem, quod ei esset rus exiguum, adolescentem ducit ad ludos: sensimque ex vestiario custodem vineæ facit. Simul etiam, si opus erat, redibat eadem die (aberat enim locus paulo plus duobus M.P. ab vrbe) atque noctem suendo consumeabant. Saltabat præterea cum rusticis, amore puellæ ardens. Itaque dum Mediolani essem, febrile coepit. Venit ad me: neglexi rem, multis causis: tum quia ipse parum conquerebatur: tum quod causam morbi ignorarem fuisse labores superfluos, & insolationes: tum quod apud me cum ægrotaffet bis aut ter simili febre, quarta aut quinta die releuatus esset: tum denique, quod & filius & puer fugam arripuissent. Quid plura? cum tamen sanguinem mitti iussissem, post quatuor dies veniunt nocte rogantes ut eum inuisere vellem: parum enim, iudicio suo, illi superesse vitæ. Corripuerat eum conuulsio, sensumque amiserat. Ego tamen pugnaui cum morbo, ac releuatus est: coactus autem sum Papiam redire, ob profitendi munus. Is verò, cum iam è lecto surgeret, celebrauit quasdam nuptias herus suus, coegeruntque illum in apotheca dormire: ubi ex frigore & mala victus ratione, cum miser serò destinasset Papiam venire, grauatus est rursus morbo. Ibi impius ille dominus suus, ad xenodochium transferri iussit: ex quo tum vi morbi, tum angore animi, tum nocturno frigore correptus, sequenti mane obiit. Hoc casu adeò percussus sum, ut diceres filium mihi alterum obiisse.

Igitur cum nullum huic dolori solatium inuenirem, sed vigilarem, cogitarem, nec vnquam ea cura me linqueret, ad solidum præsidium me conuerti, ut ratione cum sensu pugnarem, & memoriam nominis illius æternam facerem: cum minoris famæ longe spe multi, voluntariam & acerbam etiam mortem iuuenes ac diuites subierint. Itaque hæc exordior.





PERSONÆ DIALOGI.  
**HIERONYMVS CARDANVS.**  
**IOANNES PETRVS ALBVTIVS.**



**A**LDE admiror, ô amice, hunc tuum dolorem : vt qui alios consolari soleas, tu tam paruo succumbas. Memento quâta de Consolatione scripseris, quàm fortiter filij casum tuleris, & quidem acerbû, tot tantaque alia prudenti animo maiora: hîc casum familiaris & ignoti tam turpiter deploras, vt tria maxima pericula subeas. Primû, ne te amentem dicant: secundum, ne suspiceantur in deliciis hunc iuuenem habuisse, vel etiam habere: tertium, ne Dei iram aduersus te pronoces. Filium vnicum habes in carcere, quod pro medicamento est, vt dicis: iudica quantus sit morbus, cuius medicamentum adeo acerbû est: & luges familiarê morbo extinctum, totus in illum intentus. Pudeat te (liberè, vt soleo, tecû loquar) vel tanti criminis, vel tanti omnis (quæ absint) vel tantæ stultitiæ. **CARD.** Pudet me sanè, & maxima ex parte vera te dicere intelligo: nec tamen dolori resistere possum, cum dies noctesq; nil aliud cogitans, inter tot ærumnas, peruigil ab hora noctis decima, qui solitus sim ad multam diem (nisi interpellent negotia: & si interpellent, nunquam ante duodecimam) dormire, illius effigië imaginari non desino, & facta mea ac socordiam accusare, non minus quàm si volens scienſque occidisset, velut Alexander Clitum, & Solimanus puerum, quem in deliciis habebat suo illo puluere hic, vino ille temulentus. Quamobrem supplicium hoc esse meum vereor non amorem, non luctum. Quod enim ad amorem attinet, non ita eum amabâ, vt si prorsus persuaderi possem illum sine mea culpa periisse, vel tota die doluisset. Sed hoc me angit, quod culpa mea perierit, qui à patre mihi in custodiam traditus, tanta fide me atque amore prosequeretur, vt de reditu ad patrem, ad auum, ad tres quos habebat fratres, ad domesticos sociosque pueros, nunquam verbum audire voluerit. Expleuerat septênium, quod sibi prefixerat ad reditum: sed amor creuerat manendi in tractandis reb. adeo fidelis, vt nihil vnquâ defuerit. Deinde alacris ad omnes obeundos labores, & longè facilior ad subeundos quàm ego ad imperandum: diligentissimus, cautusque. Quî ego possum obliuisci tantam insaniam meam, vt non ego illum apud me retinuerim volentem, aut domum suam (vt par erat) remissem, suisque (quandoquidem patri non licuit) restituerim?

**ALB.** Rectè monent omnes, luctum suffusioni assimilari: hæc enim pruritum maximè commouet, & refrigando augetur: ita tu mihi non lenire dolorem, sed causas augere videris.

Tom. I.

Cogita miser (liberè, vt dixi, tecum loquor) quid agas, quo in statu sis, quam de te opinionem præbeas hominibus, & æmulis malè dicendi ansam: quanto periculo (si te alia non commouent) te exponas: seu obires, relicto infante nepotè, totque pulchris (vt audio) voluminibus adhuc imperfectis: seu in insaniam, quod deterius esset, deuenires. Quiesce igitur, & parce tuis, & gloriæ, si te tui cura non mouet. Pertulisti repulsam collegij, vt potuit iniustam: quandoquidem illimet te postea receperunt, post decem annos. Pertulisti, vt dixi, filij egregij, & tantæ spei necem, & crudelem, & miserabilem, & turpem (hanc non refricare, nisi, qui medicinam velut tu profitear, scirem, & medicamenta lethifera ad sanitatem conducere: & cum conducunt, omnium esse præstantissima) & alterius filij periculosa initia, & metu plenam expectationem: deinde mortem parentum, vxoris, aliâque multa aduersa grauiâ: nunc in adolescentis externi naturali morte adeo discrucari, vel (vt dixi) omnino est, vel turpe, vel insanix iam inchoatæ argumentum. Non iacuit Socrates, fœda morte eadem die periturus; tresque filios paruulos sine vllis opibus relicturus: cum etiam iniuste damnatus esset. Crede mihi, qui morbo perit, quouis modo pereat, a Deo eripitur: qui gladio aut veneno, ab hominibus: at si Deus eripit quod suum est, cum eripiat, dolendum non est: secus in illis. Deinde cogita quod senex es: & dictum Augustini, Senex diu viuere non potest: hoc te angat & totqueat, non aliena mors: cuius culpæ inscius es: etiam si non omnino esses.

**CARD.** Verissima commemoras: & me ipsum reprehendo: sed causam iustitiæ ac mœroris abolere non possum: nimis enim me torquet, atq; excruciat: consolor itaq; his rationibus: nam omnes has, aliasq; plurimas, pluribus in libris conscripsi: sed nō possum resistere mœrori. **ALB.** Scio te has scripsisse: atq; ob id in medium attuli, & vt maiorem apud te fidem haberent, & vt intelligeres, me tuorum operum esse studiosum. **CAR.** Gratias ago: sed illud dicam: Cum valemus, optimè consilia ægris damus. **ALB.** Sed ego inexpertusne sum harum calamitatum? Scis me, paupertatem quâdiu pertulerim (neq; enim turpius ducor fuisse, quàm pulchrum nunc, nō esse iam pauperem) calamitates meorum atque dissidia, mortem præterea filij optimæ spei: vt tamen nec tua cōsolatione, nec multo minus alterius cuiuspiâ indiguerim. Sapiens est, non solum fortis viri, necessitatem perferre: tum magis, cum ægrè ferendo malum malo addideris.

L L I 2 CAR.



CARD. Rectè omnia : sed fatigatum multis aduersis , oppressit me hæc extrema calamitas. ALB. Vtinam sit, & opto. CARD. Dico ultimam earum quæ præterierunt , quasque iam sustinui: non omnium: neque enim futura diuinare possum. ALB. Sed & filij in vinculis calamitatem non hac minorem duxerim, quæ tamen impendit nunc: sed mittamus hæc. CARD. Mittamus sanè , & de hac mea fortuna sermonem habeamus. ALB. Placet. Verùm cogita primùm, si libet, quanto in periculo sis. Senex , excessisti annum sexagesimum. Pauper : neque enim plus est tibi in redditibus, aureis ( vt à te audiui ) quadraginta: sed sint modò quinquaginta , sexagintaue, quid hoc ad tantos quos sustines sumptus? Cum odio, vt dicis, Senatus: saltem id ego dicam, non cum gratia. Ademptum seu imminutū stipendium plusquam centenū coronatorum aureorum. Nepos nondum bimus, filius vnicus in carcere, filia sterilis ad hæc vsq; diè: autoritas tua casu filij imminuta longè apud cives , vt non nisi cum summo labore ibi ex arte quæstum mediocre facere possis: corporis habitus speciosior quàm valetudo firma, vt ex te audio. Si pereas , quænam spes superest stirpis tuæ? Si viuas , & in alterum duorum incidas, vt vel desistere cogaris à profutendo ( quòd facillè ob æmulos, & Principum iam senelcentem gratiam acciderit ) vel vt morbo aliquo longo ( quòd senibus, & maxime studiosis, frequenter euenire solet ) opprimaris, quis te miserior , quòd ad publicam opinionem attinet ( nam miserum verè dicere non audeo , ne à tuis institutis omnino recedere videar ) dici poterit: ergo in tanta mole curarum , Guglielmi ( nōne sic nominatur , qui nuper obiit ? ) recordari poteris? Quin parum abest forsā , nē statim librum consolatorium scribas , atque edas : ita cum mœrebis maxime , vt apud Comicum, illi ridebunt maxime. CARD. Quid in hoc faciam? Credo diuinus es : tria enim ( postquam id agere cogor ) emolumenta ex hoc colligam : lenibo dolorem : immortale illi nomen parabo : eritque hic liber forsā illius Hegesiae aded famosi oratoris , qui Ægyptios laudatione mortis ad mortem voluntariam compellebat, orationibus persimilis : qui nisi comminatione mortis Ptolemæus ab eo munere illum deteruisset , prouinciam hominibus exhausturus videbatur. ALB. Ita qui mortem aliis suadebat , illam extimuit? CARD. Ita est , sed dicam qui me angat in huiusmodi morte præcipuè. ALB. Dicas quæso: nam hoc est quod audire malim. CARD. Id maxime me torquet, quòd infelicitissimus sim: & quòd eos qui mihi maxime sunt obsequentes , in easdem infelicitates deducam. Quid enim attinebat vt miserum illum abducerem è patria sua, tanquam alterum redditurus Theophrastum , cum in domo sua Rex Philippus cum Regina Maria paulopost ( vt audio ) hospitati sint? si pauper ille fuisset, non aded dolerem. Qui cadunt , dum coguntur à miseria tentando euadere casum , æquo animo ferre debent : & qui spontè se in pericula præcipitant. ALB. Sed de hoc post viderimus. Dicas quæso , quæ sit hæc maxima cura? CAR. Vidistine me ipso infeliciorem vnquam ho-

minem? In vtero matris , abortiuo medicamento tentatus sum primò : duos fratres & vnā sororem peste amisi : Papiam ob id mater aufugit : profugus antè , quàm natus : exanimis natus : vitricum peste vna diè amisi : in infantia æger , & toties deploratus , superuixi, credo vt deteriora experirer : reiectus à collegio medicorum inuidiosè , ne dicam iniustè , similem rursus repulsam in filio natu maiore expertus sum : apud patrem longam seruitutem sustinui , & pro spurio ab illo iactatus, etiam indecora matri simul audiebam. Inde vbi ab hac ærumna liber euasi , in deterioremi incidi, vt decem annis perpetuis frigidus, atque id ipso iuuentæ flore , essem. Solui hanc calamitatem deterior quādam alia : tabe enim correptus septimestri , me fusis lachrymis deploraui: liberatus rursus ab ea, tantam paupertatem expertus sum per annos decemnouem perpetuos, vt exemplo phratrum Capucinatorum prandenti mihi cœna incerta esset : idque ad annum vsque quinquagesimum. Omitto minas & vexationem Barbiani, alioqui illustris viri , sed meæ fortunæ parum amici, totque aliorum: mortes parentum. Nihil commune aut mediocre his connumerabo. Successere nuptiæ illæ infastæ filij natu maioris, inde mors tetrior : denique tot stultitia facta alterius filij , vt illum vinculis coercere coactus sim ( omitto nunc stipendij imminutionem , quam nuper commemorasti : herniam inguinis dextri deploratam aliquot annis : decimo octauo loco, miseri huius adolescentis mors intempestiua subsecuta est ) vt fatear ingenuè, me neminem nunc habere in quo fidere possim: Filius hostis & incōstantis, filia apud cōiugem, nepos imbellis: agnati parū amici, cognati pauperes, affines omnes procul, amicus nullus præter te, non cliens , non familiaris : hic solus adolescens , quanquam externus , credo ob probitatem & educationem longam in officio perstabat : cui ego ob tantam fidem, per socordiam & desidiā hæc gratiam retuli : & non vis me deflere eius mortem? ALB. Sed tamen si casum filij fortiter pertulisti, turpe est ( fateor causam esse non leuem ) cur vis nunc immoderato dolori succumbere? tum maxime, vt dixi, quod res hæc periculò ingenio non vacat. CARD. Rectè mones: sed in filio anima nondum erat magno villo vulnere faucia vides homines vulneratos parua puluina, molliaq; tum lintea grauius ferre, quàm ipsum vulnus : quòd caro faucia, nihil ferat: sana omnia contemnat. Quis eorū non ægrius stupas fert , quàm sanus grauissimas compedes? Deinde ibi affuit diuinum præsidium, ex smaragdo in ore detenta. Conscripsi etiam librum Theonoston , qui omnes curas sedare, omnemq; tristitiam quantumcunque grauem sistere potest. Adest & in hoc causa, vt dixi, erroris, & desidia : in filio nihil deliqui, quòd sciā: nihil est quòd probum virum magis torqueat, quàm cōscientia sceleris vel negligentia. Hic etsi scelus omnino abest, in diligentia fateor me deliquisse. ALB. Sed si Theonosti liber omnes curas sedare potest, habesne illum apud te? CARD. Habeo. ALB. Cur ergo non & hunc illius lectione luctū sedas? CAR. Vera dicis : sed in eo libro nil agitur de his infortuniis quæ nostra culpa, & maxime circa nostros



nostros euenient. Non me torquet hæc iactura, sed socordia stultitiaque mea: utroque enim modo peccaui. Nam omitto reliqua: nec cum vestiario, qui totas vigilat noctes, collocare oportuit: & cum ad me miser, cui totus fidebat, venisset, omiſſis omnibus aliis negociis illi succurrere debui. ALB. Video quàm sit anima tua hoc morbo faucia. Sed dic quæso, hocne præuidisti, qui omnia mala præuidere soles? CARD. Existimo equidem: ipso enim primo die anni, scilicet Calendis Ianuarij, tremuit cubiculum, cum tamen nullus esset terræmotus: unde quod esset initium anni, monui omnes è domo, & filium præsertim, ut caueret diligenter: scire enim me, aliquem è domo interiturum: quod dirum semper mihi fuerit hoc prodigium, tum etiam aliis, atque nimis certum: ut in patre seu patruo Comitissæ (sic appellare liceat more Longobardico) Hippolyti Mayni. ALB. At ille tamen in domo erat tua? CARD. Nequaquam, sed iam ad vestiarius se contulerat. ALB. Quid ergo illi cum tremore cubiculi? CARD. Et ille è numero fuit domesticorum: unde etiam de eo sortem in Saturnalibus duxeramus. Imò & pro nepote timebam, timeoque etiam nunc: nam paucis post diebus idem repetiit prodigium, circiter mensis medium: nepos autem extra domum meam educatur. ALB. Sed nepos necessarius est tuus, è familia tua perpetuò, possessurus etiam bona tua, si nihil ei enim aduersi euenierit: at hic neque tuus erat necessarius, nec forsan in domum quoque tuam amplius rediturus: non certè diu apud te moram ducturus: nisi & hoc cogitaueras, ut eum hæredem etiam relinqueres. CARD. Nil tale: iocaris: plus dedi vestiario, quàm ei ex testamento relinquebam: sed tamen amabam plurimùm illum, & perficere mercaturæ destinaueram.

ALB. Ita que non videtur hoc somnium ad illum pertinere: securus viuas: fortuitò orimur, fortuitò magis etiam perimus. CARD. Non omnes. ALB. Excipere oportuit ergo famulum tuum. CARD. Non illum sui causa, sed mei. ALB. Deliras o amice, dum talia dicis. Sed altius hæc defensionem exordiri oportet. CARD. Vnde vis: sed scito me de illis non fabulari: utinam ad hanc usque diem non tàm fuissent, quàm vera fuere huiusmodi ostenta. ALB. Credo: sed nihil tamen mihi tale contigit: verum omittamus hæc: dicasque, dolesne causa tua, an illius, an amborum, an suorum propinquorum? CARD. Omnium certè. ALB. Quàquam magis arduum negotium imposuisti quàm sperabam, nihilofecius enitar ostendere, te non solum tritari non debere hac causa, sed egregiè latari. Benèque factum existimo & pro illo, & pro te, & pro propinquis suis: ipsum verò, si posset reuiuiscere meliore multo conditione quàm erat, illustrique fortuna, non recepturum reuiuiscendi optionem. CARD. Omnes hoc dicunt: sed Deus nouit, quomodo res se habeat: vulgatum certè est illud: Omnia esse cupiunt. ALB. Nihil proficio eminus tecum, video: cominus pugnandum est. CARD. Age si quid habes: nihil non absolutum ex te proficisci posse spero. ALB. Et tamen etiam abstinere, quod multi non faciunt, à calumnia: plerique enim ex vitis, quibus nemo carere potest, nedum ille,

Tom. I.

odij causam & doloris lenimenta quærunt. Etsi etiam mihi illius vita intimè nota esset, longè plura dicere possem. CARD. Cogita illum inter iuuenes optimum fuisse, aded ut ne inimicum vllum haberet. ALB. Sit ita, quando etiam præstat decipi quàm contendere: nam audiui aliquando discessisse. CARD. Ita est: sed ex iniuria, qua illum affeceram: rediitque intra secundam horam: erat enim omnis contumaciæ expertus. ALB. Sit ita: video te facere dolori tuo, & gloriæ illius, si qua in barbaro adolescente gloria fingi potest. CARD. Utinam alium similem haberem Italum, sed perge: iam enim lenimenta doloris non solum non refugio, sed spontè quæro. ALB. Omnes qui de anima aliquid dixerunt, in quatuor opiniones diuisi sunt. Alij eas mortales esse volunt, aut vnâ tantum: quod ad idem redit, licet specie quædam magnifica de illa loquantur: alij perpetuas ac diuisas, præmia & pœnas subire dicunt: ut leges omnes, Platoque, sed aded frigide hoc docet, ne ineptè dicam, ut multum detraxerit suæ autoritati hac in parte, ubi omnes nervos intendere oportuit. Tertia est opinio eorum, qui certo numero annorum eas superesse volunt, sed satis magnò. Quarta est tua, ut ex te audiui, ut sint vnâ omnes, & diuisæ tamen sicut radij Solis & membra corporis. Quod enim sentit pes, manus non sentit, & tamen pes & manus vnus sunt, ne vnum dicam. Quicunque igitur animam æternam & diuisam esse dicunt, seu omnes sunt felices, seu bonorum tantum quandoquidem hunc bonum fuisse contendis) nihil melius accidere ei potuisse, fateri coguntur: quod idem in tua opinione dicere necesse est. CARD. Ne labores amplius, hæc nimis perspicua sunt. ALB. Nam si improbum fuisse affirmes, impium fuerit dolere pro eo: qui, si vixisset, quamvis tibi amicus, multos probos male habiturus esset, & iniuste læsurus. CARD. Vera nimis hæc: non labora: nervos omnes huc dirige, si mortalis sit, aut vna. ALB. Non credideram his opus esse apud te, qui toto vno anno (ut ex teipso audiui) nil aliud egeris, quàm ut ostenderes animas nostras esse immortales. CARD. Vera dicis: sed tamen cupio audire, quomodo etsi mortales essent, ostendere possis mortem non esse malam: quod diu frustra conatus est Seneca. Quid Alexander, Themistius & Auerroës dicturi essent: nam legisse me memini Theophrastum, qui eiusdem fuerit sententiæ, doluisse sortem suam cum esset senex, grauiter, nec quicquam frequentius quàm questum de conditione hominum, & illorum breuitate vitæ. Itaque si quid potes in hoc, age. ALB. Primum illud fateberis, quod poeta scripsit:

*Atque iterum ad Troiam magnus mittetur Achilles.*

Quod luculenter aded demonstratum est à te, exemplo argenti in aquam redacti, idem infinito numero reuerti ut nemo dubitare possit, vnumquenque hominem reuerti in hunc mundum, ac perinde esse ac si quis intermedio dormiat: variamque subire sortem, quam *ἀντιπικρία* tu vocare soles, mediam immortalitatem: ut verè quisquam nostrorum latitet velut in cinere scintilla, ut

LLI 3

æstra



astra sub terra, redeatque suo tempore longè felicior: aut si feliciter vixit, aliam subire cogatur sortem: nec hoc immortalitatis genus ullus philosophorum refugere potest. Porro tempus hoc quo interim dormimus, felicitati potius quàm infelicitati, & tranquillitati proculdubio, imò maximè, ascribi debet. CAR. Tam pulchri inuenti, ut & multorum aliorum, sed huius præcipuè, in quo maximè salus humani generis reposita est, gratiam vni mihi tota debet posteritas. ALB. Sed tu dic quæso, & melius explicarem tuam: nam in hac, ut dici solet, omnes leges & prophetae conueniunt. Hæc immortalitas est, quam nullus expugnare potest philosophus, nullum experimentum redarguit, nulla ratio reprobat: sed omnia vndique consentiunt. CARD. Dicam, postquam audire placet, solum demonstrationes ipsas tacebo, quod in Theonosto abundè sunt explicatae, ne bis idem repetere videar: à quo vitio, quantum memoria valeo, me vindicare soleo. At dicēs: Vel ipsam rem bis dicēs? Nequaquam: nam rei seriem explicare ibi neglexi: nunc accuratè expediā, quod iucundum tibi fore existimabo. ALB. Ut nihil magis. Sed perge. CAR. Principio scire debis, cum homo ex forma illa humana atque materia & mente perpetua constet, si omnino refugias animi immortalitatem, remque eò deducas ut lateribus similes simus (neque enim formam aliam vniuersalem, qualem commentus est Auerroës, imaginari oportet: tum quod nos ipsi sumus, & singuli seipso esse agnoscant, non alios: & quoniam omnes homines aliter essent vnus homo: sed fac ut libet, & omnia tibi concedam ab Auerroë posita quæ in nostram opinionem faciunt: quandoquidem quanto plura habebimus communia, tanto minus proprii restabit ad nostram resurrectionem) vnā saltem rem assignare oportet, qua singuli ab aliis distinguuntur: ea non est accidens: nam distinguimur hisdem quibus sumus: sed materiae portio, non totius corporis: quoniam & puer & senex non vnus idemque essent, nec amputato brachio vel effuso oculo idem homo esset: sed portiuncula illa in corde, in qua fixa est anima, si modò illam affirmes esse mortalem. Vbi ergo homo interit, materia manet, & forma illa in potentia in ea residet, velut in cinere fomes igniculi: & forsā actum etiam, licet exiguum, aliquem habent. Sed non assumo mihi, nisi quod negari nullo pacto potest: sic in somno profundo quiescimus, sic astra sub altero latent horizonte: sic in musca vitæ fomes: sic quidam, ut de Iuba fertur, adhuc calente corpore resurrexerunt (quod etiam ex Fortunio Affinito liquet & approbatur) ubi exigua pars illa rursus imbuerit & humanam animam & mentem, surgit idem homo: atque ita omnes verè resurgemus cum carne nostra, neque semel, sed infinite: quoniam tempus infinitum est. At si vel diecula superuiuant, necesse est vnumquēq; hominem infinito tempore superuiuere. Sic etiam parum hæc opinio differt ab illa, quæ animas nostras ab obitu dormire censet vsque ad diem iudicii. Vnde etiam illud toties repetitum: Dormiuit in pace.

Sed lex nostra vltra progreditur: philopphi

coguntur ad sensus vsque consistere. Vbi cor illud fabricatum fuerit, alia sibi exornat membra, atque idè alios mores, fortunamque. Credendum est etiam, ita constitutam esse hanc resurrectionem, ut qui felices fuerint, euadant infelices: aut saltem qui mali: relinqui etiam vestigia amoris & odij, si quando eodem tempore iidem qui amici fuerant, aut inimici, eadem ætate nascantur: quod ut non necesse est statim, necesse est tamen aliquando ut eueniat: & qui supplicio affectus est ab aliquo, eum rursus supplicio, vel aliter malè afficiat. Ostendo autem ita esse necesse: nam cum tempus infinitum sit, & infinities reuertantur, & numerus animarum finem habeat: sequitur, ut non solum semel, sed infinito quilibet homo cum quolibet in eandem incidant ætatem. Hic planè vides omnia in vnum consentire, esseque verisimilia. Quominus mirandum primò est, si multi philosophi sine cura vixerunt, tanquam redituri: nemo enim est, qui si se prorsus extinguendum existimaret, tristis non viueret. Deinde quod omnes religiones hanc immortalitatem asserant: tam multi etiam intrepide se morti offerunt. Reliqua autem quæ ex hoc pendent, planè eò vsque ignota sunt, eruntque nobis, donec venerit homo feliciori ingenio: velut, an iidem erunt filij singulis, an post obitum quicquam in ea materia resideat, actum habens. Illud pro comperto habeo, optimos esse illos, atque etiam felices, quibus cum nemine est negotium ut occidant aut occidantur, iniuriam inferant aut recipiant. Signum est enim tales iam pridem fuisse, talesque futuros esse. ALB. Mira hæc sunt: sed tamen valde dubia, ob vnum solum. Si quis enim dicat infinitos esse homines, diuidique materiam illam per partes minimas, ut nunquam prorsus sub eadem forma eadem sint materiae partes: Deinde, quod verear, etiam si sunt, non eundem esse hominem tanto interiecto tempore: hæc duo si dilueris, fatebor omnes nos redituros. CARDANVS. Dicam primùm de tempore, inde de numero. De tempore quidem: quoniam si eousque viueremus, palam est eosdem nos futuros esse: modò interceptio hæc temporis nihil officit vnitati. Vides in argento viuo, & in his qui ex longo somno expetrigiscuntur, ex longo morbo, in quo sui immemores facti conualuerint. Nulla enim prorsus dubitatio esse debet, quæ ex eisdem sunt, eadem esse debere.

Sed ad primum veniamus, ex quo etiam hoc secundum clarius elucescet. Si ergo hominum incertus atque infinitus esset numerus, nullus horum Deo notus esset: quorsum hæc inordinata incognitaque infinitas? at quanto satius, exemplo aliorum orbium proposito, certum numerum mortalium efficere, ut quemadmodum corpora cælestia, ita ille numerus reuertatur ad pristinum? In hoc certè seruabitur ordo sapientiae diuinæ, similitudo omnium, infinitas abominanda numerorum euitabitur: inutilis & incognita multitudo iustitiæ etiam diuinæ exemplum habebitur. Præterea si non ita sit, incidant autem aliqua materiae partes sub humana forma, ut alij quidem restituantur ho-

mines,



mines, alij non, quàm iniustum erit hoc restitui quosdam, quosdam non restitui? Si verò nulli? ALB. Nulli prorsus. CARD. Fugere oportebit ergo hanc collusionem, magnaque Deus sollicitudine tenebitur ne quisquam redire possit.

Quod si & istud aded absurdum tibi concedam, negare non poteris quin pars illa materiae ex pluribus portionibus constet: ita ut in me (gratia exempli) pars sit alia Galeni, alia pars Iri, alia Themisonis, atque alia Maximi Planudis: illi ergo, velis nolisque, ex parte resurrexerunt in nobis. Sed quæ confusio? at quanto dignius, diuina sapientia eosdem planè post aliquot secula redire? ALB. Stupreo in his: hæc sanè meliora sunt Epistola Auerrois de Resurrectione. Mirum: non sufficit his malè sentire, nisi etiam honestissima nomina impiis libris imponant: hic de Resurrectione, cum interire omnia præter quid commune: ille de immortalitate, cum nihil minus quàm animi immortalitatem credat, inscripsit, O beata Guglielmina (nam scio te adolescentem sincerum & optimum sæpe ita nominare ioci causa consuesse) qui tui nominis gloriæ talem nactus es præconem, qualem aliquando frustra desiderabunt reges. Et quanto tu rursus Gulielme beatus es, qui causam ferendi hos sermones exhibuisti? O gloriosum fatum, & Curtij temeritate immortalius atque honestius. Hæc alia sunt ab his quæ audire soleo in Scholis contentiosè clamari: Aristoteles dixit, Galenus sentit: Medicina scientia est: At non est, sed ars: Quid dicit Textus? at non, sed quæ vel quod. Sed perge, si quid habes, viterius: iam enim persuasisti me. CARD. Imò ego à te hoc exigo quod es pollicitus, ut omissis omnibus rationibus animi, modò me (ut volebas) consoleris. ALB. Præsto adsum, & pro viribus conabor egregiè: verum, ut vera fatear, perlibenter habere vellem vnam Hegesiam illius rationem, qui aded vitæ huius fortunam detestabatur, ut homines ad mortem vltro obeundam compelleret. CARD. An putas fuisse rem magnam? Certè non: in quo enim vis potuisse Ciceronem vinci in Tusculanis? qui potuit videre hoc in argumento, quod ille non viderit? aut visa & cogitata melius proferre, aut facundius quàm ille fecerit: & tamen nihil tale ille efficere potuit, nec hanc opinionem in hominum mentibus gignere. ALB. Forsan nec optauerit: imò etiam Hegesias ad immortalitatem animorum deuenit, velut & Cicero. Vnum fateor durum videri, sine hac immortalitate posse iuueni & diuiti persuadere, mortem esse potiore vitam. CARD. Et tamen hoc à te nunc expeto: sed quomodo credis id illi cedere potuisse? ALB. Si modò vera sunt quæ dicit. Valer. Max. existimo nihil fuisse præcipuum, sed potius facundiam quandam popularem, quæ (ut dicit Eurip.) magis suadet imperitis, quàm quæ arte ac ratione constat. CARD. Quid audio? unde hoc miraculum? ALB. Dicam: fieri potest: nam facundia popularis magis propria est idiotis, & illos magis mouet (splendida & verè ornata oratione, ob quatuor causas. CARD. Quatuor causas? hui vix vnam tota die inuenire posse considerem. ALB. Dicam, ut scias,

Prima est, quod huiusmodi incompta facundia melius percipitur ab illis qui crassiores sunt Minerua, quàm subtiles rationes: tum etiam, quia fundamentis innituntur, quibus illi magis fauent.

Secunda, quod inæqualior sit oratio (quod etiam Quintilianus anima uertit) & ob id magis concutiat popularium mentes. Tertia, quod gestibus homines minus graues (qualem Hegesiam illum, alioqui ignotum, fuisse credo) verba sua adiuuant: at saltem minus graues Aristotele, Platone, Demosthene atque Cicerone esse fateberis: unde percutiendo suggestum, exclamationibus, lachrymis, suspiriis, casu vocis, has suas nectas fulciunt: quæ ut ridicula sapientibus & attis peritis, ita admiranda imperitis, mulieribus puerisque sunt. Quarta est, quod mendacia etiam impudentia, nec credenda, tales immiscenda.

CARD. Intelligo nunc: sed si quid habes Hegesia isto dignius in hac causa, deprome. ALB. Dicam planè, atque ut sermo sermone iunctus videatur. Quid est, nisi hæc vita esset prorsus infelicissima, quod tot viri nulla ex causa seipsos occiderent? Narrant enim, in Othonis funere quàm plures milites se iugulasse sponte: cum nihil esset quod illos premeret. Centurio, qui Cassio serum attulerat responsum, seipsum iuxta cadaver domini confecit. Quot liberti, serui, mulieres, omitto parentes ac fratres, qui vel ob dominos, vel ob socios, semetipsos occiderunt? Quid ergo boni illi in vita esse rebantur?

CARD. Sed hi forsàn animos existimabant immortales. ALB. Nihil minus: paucis ad hanc diem hoc persuasum est: & tanto paucioribus, quanto plures id credere se simulant. Sed si modò hoc persuasum est: probis id est: tum quia simplices, tum quia ipso vitæ genere quam habeant opinionem, ostendunt. At qui se sic interfecere, viri omnes erant improbi, atheique, præter vnum Catonem, cuius mentem (saltem cum floret) Deus nouit. Sed fac ut etiam immortales existimarint animos: eam spem compensabat dolor ipse mortis.

At nunc disputatio non est, an mori expediat cuiquam: sed, an melius sit his qui mortui iam sunt, quàm quid viuunt. Quid ergo eiusmodi homines vitam morte deterioiorem existimarunt, si mortem non poterant bonam esse sperare?

CARD. Hæc ratio planè conuinceret, si plures eiusmodi fuissent homines, aut sapientes: illud enim fide dignum solum habetur, quod vel pluribus, vel sapientibus maxime probatur: modò hic neutrum est. ALB. Sed veniam quocumque vocor. Certè qui viuunt, nihil plus habent mortuis, quàm quod mortem ipsam experiri coguntur, malorum maximum atque terribilissimum: nam cetera paria ferme sunt in vita: metus, spes, dolor, voluptas, iucunda, ingrata, dulcia, amara. Atque id nimis etiam est, si demus bona malis possè æquari: nam mala & diuturnitate & magnitudine bona superare solent. Adde, quod magis mouent mala quàm bona: quod mala in extremo, bona in medio: & mala in sensu, bona in indolentia reposita.



sint. Quid inuit Ciceronem cum tantis opibus (supra trecenta enim millia aureorum coronatorum possidebat) cum tanta potentia, ut tertius esset Romæ (post Pompeium enim & Cæsarem, mortuo Crasso, iam primus habebatur) cum tot amicis, ut viginti millia ciuium ob eius exilium vestem mutasse dicantur: cum tot gestis, de quibus gloriabatur: cum consulatu, ordine Senatorio, collegio augurum, aliisque multis magistratibus, sospite adhuc filia, incolumi filio, fratre, nepote, cum tot libris pulcherrimis conscriptis, demum cum peritia tanta rerum singularum Philosophiæ; inde incomparabili illa eloquentia, corpore non solum sano, sed vegeto? Vide quid dicat, & ex animo? Attico enim scribebat (sola fratris iniuria lacesitus, qui tamen adde pro illius salute ac dignitate pugnauerat, ut vitam illius mortis falsa opinio tutata fuerit: namque in illa seditione, ut mortuus inter mortuos iacuit: ) Hæc ad te natali die meo scripsi, quo utinam susceptus non essem. Vides quàm longè magis mala nos afficiant: imò parua & pauca mala, multis bonis. CARD. Quòd dicis, nil plus habere viuentes mortuis, nisi quòd sint morituri: fateor: nam hoc ipso videntur feliciores: quoniam qui viuunt, commutare conditionem possunt: qui mortui sunt, coguntur retinere: melior ergo est conditio viuientium. ALB. Subtiliter, & digna te obiectio: sed ipse transitus è vita tam grauis est, ut nemo, quod ad hoc attinet, velit non euasisse. Si quis enim ex morbo ad sanitatem non possit, ut in vesicæ lapide (ambo enim medici cum simus, & (ut dixi) artis professores, exemplis medicis utar) redire, nisi exsecto lapide, quis non malit exsectum, quàm exigendum? CARDAN. At si, præter id, grauius sit ægrotaturus à sectione, qui non malit non exsectum, quàm eum frustra subiisse dolorem, ut grauius torqueretur.

ALB. Ergo eò deuenit res, quandoquidem qui mortuus est, malè non possit habere: quanto minus peius? ut videamus, an vita bona sit, an mala: nam si mala, cum mors mala sit, mortuis malum non sit, ut nec bonum, mortuis melius erit dupliciter: & quod malis vitæ, & quod dolori mortis non sint obnoxij. Sin autem bona, viuere melius erit, quàm mortuum esse. CARD. Rectè inquam. ALB. Sed & hoc videamus. Postquam mortui sunt, ac perinde ac nunquam nati: illud spectare solum sufficiet, an homini nasci bonum sit. Sic enim hoc quæsito omnia determinantur: nam qui nascitur, ea conditione nascitur, ut mori ipsum necesse sit. CAR. Video quorsum me trahas: quatuor enim simul difficultatibus implicare me vis. ALB. Imò explicare potius. Scio quid dicere velis. Primum, quòd (ut dixi) Cicero alique multi leuissimis ex causis mortem desiderauerunt. Secundum, ut dolorem mortis, bonis quæ possidemus opponas: quæ non leuis pars malorum est, tum per se, tum propter metum. Tertium, ut obicias Philosophi dictum illud: Mortem optare, & consciscere sibi, ad mollitiem pertinere: quasi durius sit longè dolores vitæ perferre, quàm mortem, & non esse. Quartum, ut illud Sileni adducas: Optimum homini, non nasci:

proximum est, statim, vbi natus fuerit, mori. Hæc erant, puto, quæ obicienda tibi existimaueras: quia verè obici poterant. CAR. Ita est: sed leuiter eadem discutiam. Optabam magis propria, & diligentius examende singulis. Quod enim de Sileno adducitur, tam fabulosum est, ut etiam fabula mera sit: quæ originem ducit à fabuloso animali, ac prorsus confecto: nec opus illud Aristotelis esse existimo, cuius etiam nullus Peripateticus Philosophus meminit. De mollitie, certum est mollitiem esse, non perferre posse dolorem, & ob cæcitatem atque stultitiam semetipsum conficere. Mors non perfertur sponte: sed vbi in illam te conieceris, velis nolisue perferre cogèris: vnde illud Virgilianum:

*-Oculisque errantibus alto*

*Quasiuit celo lucem, ingemuitque reper-*  
*tam.* Vnde etiam alibi clariùs:

*-Quam vellent arbere in alto*

*Nunc & pauperiem, & duros perferre labores?*

ALB. Effinxit Virgilius sordidarum animarum curas ac mores, quæ quiduis malunt pati ac subire quàm mortem. Vnde & illud: Gaudia vitæ. Vulgus sic viuit, ut nil potius vita esse ducat: ita etiam corporeas delicias animi iucunditati præfert. Sed quis scit, an Poëta mortuorum affectus pro moriturorum describat? Sed perge. CARD. Nolim hæc prodesse causæ) ut ita dicam) meæ, modò ne obsint: ut nec mihi illud, quòd naturaliter omnes appetant esse: nam hoc generale est. Igitur vita morte potior est. Sed ad alia. Qui moriturus est, perpetietur non duriora, quàm is perpeffus est qui ià sit mortuus. Finge superesse, vide æquam esse conditionem: nisi quòd ille iam superauit malum, hic expectat: nec nos morientem mortuo comparamus, sed viuum, qui vix vnquam mori sperat, qui nullum putat esse in morte dolorem: nam de moriente non contendam, quin melius sit esse mortuum, quàm mori. Quin etiam multi nullum putant esse in morte dolorem, quòd vnà cum vita etiam sensus extinguatur. Quod si ita esset, quid haberes quod obiceres? ALB. Legi hoc aliquando in libris tuis de Consolatione: sed an par sit linqui animo & mori, dubito: nam qui linquuntur animo, ut non dolent, ita nec aliquod doloris signum edunt: qui moriuntur, vel tum, vel parum antè, non mediocris doloris signa ostendunt: torquentur, lamentatur, pernigiles sunt, oculis intentè toruisque aspiciunt, subsiliunt, exilire volunt, terrentur, clamant. Sed nil aliud adduco præter rhechmonem illum quo diutiùs tenentur, & haud dubium est illos sentire se suffocari: hæc omnia non solum dolere eos qui moriuntur, nec mediocriter, sed maxime, signa sunt. Si tamen non vis, quid dicam non habeo. CARD. Aristoteles scripsit, vltimo senio confectos nullo dolore mori: tanquam cum aliquo eorum post obitum collocutus fuerit. Gualterius Corbetta, cum hæmoptoi periit, paulò defecit: vbi rediit, dixit: talem se expertum dolorem, ut maior in morte esse non posset, nolletque se reuixisse: quoniam periturum se nouerat: hæc fauent opinioni tuæ. Sed quid plura? ego ipse mortuus sum. ALB. Quando oh? iam pridem scio,



scia, sed non mortuus: nonne memor es dixisse, hoc me legisse in tuo opere de Consolatione? CARD. Non: dico, nuper, & verè. ALB. Quando? iocaris, aut insanis? cui nam persuadebis vnquam? CARD. Nocte quæ subsecuta est septimum Calendas Decēbris, huius anni M.D.LXI. ALB. Quo modo? ais serid? si mortuus es aliquando, quomodo viuis? resurrexistine? CARD. Nisi possem ostendere, miraculum huiusmodi proferre non auderem. ALB. Quod? quod mortuus resurrexeris? CARD. Nequaquam, sed aliud. ALB. Quod? CARD. Quodd cum hernia intestinali lateris dextri per decem octo menses laborassem, omniāque obsessent auxilia, repente proiectis omnibus medicamentis, sanus prorsus vt nunquam aliās factus sum. ALB. Mira hæc quanquam sint, non tamen id ad resurrectionem quicquam facit. Quid enim herniæ cum resurrectione? CARD. At non resurrexi. ALB. imò: nonne mortuum te dixisti, & viuis, ergo resurrexisti? CARD. Non mortuus sum, sed mortis dolorem sum expertus: atque vtinam tam tibi possem significare, quàm illum percepi. Credo etiam in ægris minorem esse. ALB. Cur ergo non periisti? Dormiebasne, an vigilabas? CARD. Dormiebam: sed perhorresco. ALB. Oh, dormiebas: somnium ergo est hoc. CARD. Non: sed eum sensi dolorem, quem scio ad vnguem morti esse persimilem. ALB. Et hoc secundum mirum: Dormiebas, & non est somnium: mortuus es, & viuis, nec resurrexisti?

CARD. Rectè dicis: sed omnia in me quandoque supra fidem sunt, seu ad id Genius quidam me ducit nescientem, seu donum est Dei, vt patefacere possim quæ vix nota sunt vlli alij: certè ignosco tibi si non credas, quandoquidem mihi vix ipsi credam. ALB. Dic quomodo res acta sit, & cur non interiisti?

CARD. Momento solo perduravit, & (vt dicunt) instanti: nec dubium est quin si vel per momentum perdurasset, quin animam efflasset. ALB. Quid videbatur? CARD. Non possum explicare. ALB. Explica seriem facti. CARD. Visus est mihi quispiam, nescio quis, dicere: hoc est mortis exemplum, hic dolor. Vnde statim mecum dixi: Non ergo moriar nunc. Et in ipsa cogitatione visa est mihi omnis vita è corde extirpari, atque in auras euanescere, simulque omnia confundi, & nullus esse cum terrore magno. Et statim solutus sum somno. Palpitabat autem cor, sed subito cessauit: & quod ex corde euanescebat, calidum erat aliquando plus quàm par erat. Itaque ego, qui miraculum seu ostentum de hernia vidi, facilius credere possum mortem ad vnguem talem fore. Et eò magis, quodd etiam verum esse expertus sum somnium illud, quo admonebar, si smaragdum quam collo appensum ferebam, in os ponerem, futurum vt obliuiscerer filij: non mortis illius, sed tanquam nullus mihi antea talis fuisset. Ego qui talia vidi, & multa alia, cur hoc quod minus est, & valde verisimile, vel ob hæc duo quodd neque quicquam simile habeas, nec aded terribile. ALB. Dic quæso, cuiquamne alij hoc narraſti? CARD. Non nisi conturbenali. Sed cur? ALB. Scire cupie-

bam, quid illi de huiusmodi re sentirent. CARD. Nemini dixi, nisi Herculi conturbenali meo. ALB. Magna sunt hæc, atque miranda. Et si vera sunt, argumentum satis euidens immortalitatis animorum nostrorum. Sed dic, quid putas interesse inter mortem hominis, cuius post mille annos anima denud reuiuiscet, & cuius anima interim sopita expergiscetur? ostendit enim ratio quædam, hos eisdem futuros, illos autem diuersos: quamuis non habeam quid dicam, cum materia & forma eadem sint in ambobus, & silentium intermedio tempore par in vtroque casu. CARD. Operatio & essentia rerum, sunt causæ differentiæ: hæc cum sint eadem, videtur parem effectum habere. Sed habeo hæc in re satis accommodatum exemplum Sol illucescat per fenestram in cubiculum tuum phialæ ibi duæ aqua plenæ, quas radiis illustreret: ex ambabus iris in pariete refrangatur: sed vna quidem perpetuò maneat, nullo obiecto Soli impedimento: alia obducta poste modò, modò aperta videatur, quandoque non videatur: quæritur igitur, an eadem vtraque sit iris: nullum est discrimen, nisi quod vna continuata est, altera verò interrupta. Si hanc vnā esse dixeris, dic & homines illos regenitos eisdem esse: si non, non. ALB. Sed quid dicis tu? CARD. Ardua quamuis sit dubitatio, videtur tamen quodd vna sit. ALB. Ergo veram omni modo resurrectionem non solum hominum, sed animalium omnium, atque etiam plantarum ostendisti. Imò, vt dubitabam, cum hoc, tum maxime animorum immortalitatem: vt cunque igitur cedat, animi ipsi sunt immortales. Solum hoc in dubium vertitur, an interim intelligant, vel non: nam quod sint, aut non, omnino nihil interest, quando & medium & extrema similia prorsus sint. Nam dum homines illi viuunt vtroque modo comparati, vt ego nunc & iam pridem, idem sumus, si de intermedio tempore loquamur: vbique par silentium, seu anima supersit, seu non, cum non intelligat, etiam si sit: igitur solum omnis hæc dubitatio in duo membra discindi potest: vel, vt animi supersint, & à corpore disuncti intelligant, aut non. Præcipue etiam, quoniam si non supersint actu, potentia tamen sunt: atque ita quilibet dum moritur, ad vnguem ad eam reuertitur conditionem qua fuit ante ortum: & denud rediens, solum mutat fortunam. Hoc igitur modo parum interest, an cum filiis moriamur, an non: in *παλιγγενεσία* enim qui habent, non habebunt: qui non habent, habebunt: & occident multi eos qui aliās parentes sui fuerunt, atque etiam filios. CARD. Sed libet apertius demonstrare hoc. ALB. Habesne quid melius? CARD. Ita opinor. ALB. Dic quæso. CARD. Materia prima in potentia est (vt vtar vocabulo & formula dicendi potius vsitata, quàm Latina) ad omnes formas, & omnis illius pars quæ sub actu non est. Materia igitur Socratis, cum Socrates viueret, si fuisset in potentia sub forma humana, potuisset vel alter Socrates vel alius homo generari: non Socrates qui erat iam, nec alius: nunquam enim ex vno in alium in eadem specie fit transitus. Cum ergo mortuo Socrate perit actus, sit potentia in materia



materia ad formam humanam, aut non? Si non, igitur illa pars materiae definit posse esse sub forma humana: pariter & quaelibet alia pars: & cum tota materia finem habeat, extinguetur potentia humanae formae in tota materia: & sic definit humanum genus aliquando. Sed si non extinguatur haec potentia, vel erit ad alium, quam ad Socratem: & ita potuit etiam esse dum Socrates viueret: & si ad Socratem, igitur cum non possit frustrari in specie, erit aliquando sub forma humana iterum, & ita iterum Socrates. Similiter ut partes coeli ad locum, ita partes materiae ad formam: & ut partes coeli ad motum, ita materiae ad mutationem. Sed partes coeli, utpote Sol semper est in potentia ad primum punctum Arietis, cum non est in illo, & ita ad omne aliud punctum: igitur quaelibet pars materiae est in potentia infinitis vicibus ad humanam formam, & ad idem homo generabitur infinitis vicibus. ALB. Dicet forsitan aliquis, hanc potentiam esse & in tota materia, & in quaelibet parte ad hominum formam, velut cinerem ad lixiuium. CARD. Vel ergo ad vniuersum genus Socratis materia est in potentia, vel ad singulos. Siquidem ad omnes, id fieri non potest: nam Plato Socrates esse non poterat: & non differunt nisi per materiam: igitur materia Socratis non est capax Platonis: non ergo ad vniuersos. Sed neque ad quos: nam per successionem esset ad infinitos, & semper ita ad hunc quod non ad illum: istud autem esse non potest: relinquitur igitur, ut sit ad vnum tantum, scilicet ad Socratem: igitur Socrates semper redibit in eadem materia. ALB. Satisfaceret mihi & opinio & argumentum, nisi esset, quod videtur hic reditus futurus valde serotinus, & ultra annum magnum, annorum scilicet xxxvi. Praeterea reditus Solis cum sit per partes non commensas, nunquam forsitan erit ad idem punctum: scio enim hoc te demonstrasse in vndecimo libro Arithmeticae tuae. CARD. Non scribimus quae volumus, sed quae vera sunt: nam cum iam constet materiam Socratis non habere nisi vnam potentiam ad vnam speciem, si ad singula & diuersa erunt infinitae potentiae & ordo & confusio: si ad vnum, igitur non nisi ad Socratem. ALB. Forsan dicam, ad hominem, non ad Socratem. CARD. Neque Platonem. CARD. Vel igitur ad quemcunque hominem: & ita ego non differam a te per materiam. Breuiter, omnis alia via est confusio ipsa. Sed de tempore quid refert? Forsan quod pars animae mundi habet ibi (quod verisimile est) appetitum: quoniam non est inferior illa materia quae appetitu non caret. Sed iam ad institutum sermonem rogo reuertaris. ALB. Explicasti mentem meam a longo veteris: sed huic negotio, quod a me exigis, satisfacet liber ille Platonis, seu Luciani (nam utriusque inscriptus est) nomine Axiochus: ibi enim damna vitae recensentur humanae, addo ut ille tandem cogatur optare mortem. Quid aptius huic negotio, nisi exigas, ut eloquentia superem Platonem? CARD. Non: sed librum illam legi, & meliora a te expecto: siquidem facile est inuentis addere. ALB. Patieris saltem ut ordinem illum sequar, & eius rationes explicem atque expoliam. Pulchrum enim est natam cum

cortice: CARD. Fac ut libet, modò noua aliqua & meliora audiam. ALB. Agam pro viribus, quanquā impar oneri. Primum illud considera, vitam nostram inauspicatā esse, ut quae a fletu semper incipiat. Infans ubi natus est, statim plorare didicit, ridere nisi post quadraginta dies haud didicit. Quodnam potest esse certius signum, & euidentius infelicitatis nostrae, cum a fletu sumat initium? Et ne fortuitum hoc esse credas, in somnis tamen ridet, memor credo prioris voluptatis ac vitae: nam ob quae alia ridere tunc potest, cum nec quae videt, probet, nec intelligat? Sed dolet in hunc mundum venisse, & augurium sibi miseriae facit. Plura de hoc dicerem, sed ad sermonem vereor immortalitatis reciderem animorum, a quo prorsus propter petitionem tuam abstinere cogor. Verum ut quam breuissimē agam, de vitae huius initio verba facturus non sum: neque enim quisquam est tam huius mundi laudator, ut stercore, fascias; molestiamque illam infantium (ubi sensus acutissimus, defensio aut tutela nulla est) non detestetur & abhorreat. CARD. Ne labora. Infantia ob inuentutem, non sui gratia fertur: est enim pueri carcerem tetrior. Nā in eo cognoscere multa, legere, scribere, amicos alloqui, petere quae cupis, scalpere, mouere se vel paululum potest victus: infanti omnia mala, solatium nullum. ALB. Ad pueritiam deuenio: ibi tormentis adduntur ludibria aetatis: quod si quis omnino non splendida fuerit fortuna, aut patre acerbior, cogitur omnia mala perpeti. Nudi verberantur, ieiunant, vigilant, laborant, irridentur, colaphis caeduntur, discere coguntur, in ludo literario esse velut compedibus alligati, totis diebus fame, aestu, frigoreque conficiuntur: nulla voluptas quae non eis exprobetur: hinc minae, hinc iurgia, minis apud ingenuos pueros grauiora. Coguntur furtim omnia surripere. O calamitosam vitam: in qua omnes perirent, nisi spe iuuentutis subeuntis recrearentur. Omitto senectutem, in qua nemo probus & firma mente esse velit, etiam defensore Cicerone: neque melius illam damnare auctore illo possum: Hinc iam fallens subreptit senectus, in quam confluit quicquid est infirmum fragilibusque naturae. Quod nisi quis vitam ociosius velut res alienam reddiderit, astans supra caput natura tanquam scenera-  
tor reposcit usuram. Ab alio quidem visum, ab alio auditum, persape utrumque. At si quis cunctetur debilitat, eum excruciat, membrisque destituit. Alij itaque multa senectutem repuerascunt, animoque bis pueri sunt senes. Adde, quae videt, quae patitur interim: mores suorum, luctus, iniurias, incommoda omnis generis.

Sed mittamus accusare id, quod accusatione ipsa sit lenius: nam si dentium casum, oris foetorem, irrisiones commemorare voluerō, non finem vnquam inueniam. De senectute maledicere, est mortuos iugulare velle. Alias prosequi aetates, vna iuuentute excepta, prorsus inane est, atque superfluum. Si enim iuuentus bona non est, quae aetas probari poterit? Nolim poetarum uti testimoniis, quae ille adducit, tanquam pondus apud te habitura sint: quale illud:

Quam



*Quam superi miserum flamen mortalibus  
ani*

*Nemere, ut vini deslenda per omnia durent.*

Ac rursus :

*E' cunctis, hominum generi sors pessima vita,  
Stant quacunque supra terram, spirantque,  
meantque.* At contra de Amphiarao :

*Iupiter hunc totis amicis, hunc magnus  
Apollo*

*Diligis, & insti metas non attingit ani.*

Quin illud etiam :

*Nascens*

*Fleat, qui tanta vita intrat mala.*

Hæc tamen addere volui, quod ad propositum maximè esse videantur, cum de morte adolescentis doleas, tanquam immaturè erepti-  
tium condoleas quasi illi, atque miserearis. Sed non omitam illa duo quæ ibi narrat de Agamede & Trophonio, qui cum Pythij Apollinis templum exædificassent, pro gratia quam rependi sibi postularant, retulerunt, ut ipsa nocte perierint. Et Iuno similiter matri adolescentum, qui pro iumentis eius simulacrum vexerant, petenti ut quod optimum esset daret, ambo sine morbo ipsa nocte mortui sunt. CARD. Magna testimonia, si vera sunt. Sed quis scit, non periisse ambos ex immodico labore? alios ex invidia, veneno dato: inde in religionem conuersum? Non requiro rationes ullas, ubi admiserimus, à morte superesse animos singulorum: non peto hinc auxilium. Videntur omnia hæc testimonia eò tendere, ut ad Deorum munus mors, tanquam animi supersint, referatur. ALB. Prosequar, hæc linquens. Illud primùm considera, eos qui viuunt, si rectè rem æstimare velint, cum neque horulam tutam habeant, tot imminentibus periculis vndique non solum sibi, sed filiis, fratribus, ac his quos maximè diligant, miserrimè viuere. Si quis morbos, tegulas, fulmina, lapsus, ruinas, iactus lapidum fortuitos, insidias, inimicos, venenata animalia & medicamenta consideraret, nunquam nisi miserrime viveret. Quod miseriam lenit, est stultitia ipsa, & ἀβελία propriè, quæ iucunde inter tot mala viuere nos sinit: ut appositè laudetur à quibusdam declamatoribus. Sed quid maius casibus? Meministi, cum hic in ciuitate quidam emens aromatis paxillum, ubi quadrantem æretim tanquam adulterium reiecisset, ea sola causa pistillo ferreo ictus, ab aromatario, statim mortuus est. Non paucos vidi ex huiusmodi causis non maiore mercede periisse. Quid hæc vita infelicius esse potest? tam verò quis ille est, cui omnia membra bene valeant? nullus ferè. Vnum dicam: timor mortis & consuetudo sola efficiunt, ut non omnes sponte nos neci ob calamitates dedamus: sic ferimus, tanquam quod querendum esset, omnino perpeti cogamur. Liberabit nos (dicere solemus) mors. Si carior esset illius aduentus, si non tantam sui copiam faceret, si dubium esset an nunquam ventura, plures illi occurrerent. Cur adèd magno cum cruciatu aduenit? quoniam ni hoc factum esset, omnes ferè sibi manus inferrent: quandoquidem vel sic plurimi id agant, & legibus prohibiti sit, semetipsum occidere. Si non esset res optanda, pluribus id minimè sancitum esset. CAR. Huius argumenti memini, in Theo-

nosto. Natura enim sepe mortis inter vitam hanc & interitum adèd duram & spinosam posuit, ut homines à transitu coerceret. Quid enim fuisset omnia potenti opifici, constituisse ut aduentus mortis somno esset simillimus? Sed omnes immatura ætate interiissent, hominumque genus defecisset. ALB. Euge, pulcherrimum aliud inuentum in mentem reuocasti, & dignius hoc primo, ut existimo: scilicet, quod causam inuenerimus, cur idem opifex abscondidit tam quæ ante ortum nostrum habemus, quam quæ post obitum: nam ex vno alterum intelligimus: ne homines id intelligentes, properarent ad exitum ex hac vita: tum etiam, ne coacti benefacerent, ac secundum virtutem viverent. Ambraciota enim ille iuuenis, cuius & tu meministi, lecto Phædone Platonis, se præcipitavit è muro, ut ad eam vitam, fabulosam tamè, properaret. Quid si constaret? Quem carcerem princeps posset constituere, quo inuiti continerentur in vita? CARC. ô pulchrum inuentum, pulchra ratio. Delectat, perge. ALB. Omitto malam valetudinem, & pericula. Subiciamus vitæ genus: quotidie vestes induere, atque exuere, hoc paruum esse putas? Indi hoc tanti faciunt, ut multi eorum, cum nudi degerent, mortem potius, quam hanc perpetuam seruitutem elegerint: Inde noctes insomnes: hyemæ frigore, æstate æstu torreris: pulices, culices, muscæ, tormenta æstatis: pediculi, cimices, omnis temporis. Quid fœdus aut molestius potest excogitari? Sed omitto rursus hæc. Quid de cibis ac potibus, quam fœda omnia? ancillæ, coqui, quibus manibus ea tractant: capillos, muscas, & sordidiora quæque inuenies. Quoties verò pediculi, pulices, vermes etiam, caro putrida, piscis marcidus, sordida putei aqua, vinum pedibus rusticorum exprimitur, puer è latrina desert illotis manibus in mensam. Vna est medela, nihil cogitare: si cogitaueris, insanies prorsus. Mittamus hæc, veniamus ad contubernales: nihil est miserris: furantur, rapiunt, coeunt, maledicunt, insidiantur, nihil hac pugna durius: adèd ut plerosque viderim hoc dolore mortuos: multi ad desperationem deueniunt: nulla ferè domus hoc malo caret. Et quanto opulentior & potentior, tanto maioribus malis premitur. Ô quam dira est res cõtumacia & seditio domesticorum: nihil peius, nihil acerbius. In principum domibus adèd magna est hæc miseria, ut aulam sedem damnatorum appellent. Conditio hæc tam terra est, ut homini nil possit contingere petus: perpetua est illa pugna, & insidiæ intimæ, & dolor ac cruciatus assiduus. Quod si in his malis vxor vel filij sint, millies in die perimus: & vita tam odiosa efficitur, ut nemo sic viuere velit. Cogita qualis sit animus eius, cuius vxor mœchatur, aut filius alea scortisque perditus pergræcatur: ô hominum sortem infelicissimam. Alia animalia nec sobolem aut coniugia norunt: & quæ norunt, ut turtures & delphini, neque vxores habent mœchas, neque filios discolos: ut miserrimum sit hominem esse, & omni calamitate maius. Dicas forè, oblectari illum sensibus. Quid nouum videtur? quotidie per eadem volutatur, duodecim aut paulo plures res spectando: cœlum, terram, domos, solem, lunam, astra, rura, flumina, homines,



nes, equos, boues, canes : hæc ferimè summa voluptatis, ad eadem semper redire. Idem de auditu, atque etiam magis evidens. Quid de aliis tribus sensibus ? qui potius ad dolorem quàm voluptatem creati videntur. Obiicies scientiam. Quis magis te hoc nouit, quàm pauci sint qui literis operam dent ? deinde hoc nostrum scire quàm sit fabulæ & pœnæ similis, quàm scientiæ : obscurum, imperfectum, confusum, dubium, inane, laboriosum, leue, vt omne vitium contraxerit. Quæ voluptas est tam diu laborare, vt nihil scias ? vel vt etiam grauius & perniciosè decipiaris ? Deinde, quot quantisque opus est, vt ad id peruenias ? Primum discere oportet elementa, inde Grammaticam, inde Dialecticam, scribere, disceptare, philosophiæ operam dare : tot tantisque rebus, vt miseram vnâ orationem intelligas, partim falsam, partim ineptam, semper incertam ? Sed mittamus hanc voluptatē, quæ longe aberat ab illo tuo adolescente. Veniamus ad felicitatis iuuenilis culmen : amorem & venerea, quibus ille ( vt audio ) misellus periit. Quid hac nostra ætate infelicius ? Amare cum dolore est seruire scemina nequissima : nunc maximæ voluptati pessima calamitas admixta cōsultò mihi videtur, vt quod vnum esset pulchrum hominibus, ex toto periret : lues scilicet illa Indica, tam perniciosa, contumax, inexpugnabilis, fœda & horribilis, elephantiasis simillima : imò plerique ipsam esse credant. Quid ampliùs sperare possumus, quando etiam Reges pauci malo hoc careant ? Veniamus ad ciuilia negotia : hui, quid deterius ? quanam regio nunc tuta est ? Dissident iniuicem, & certant Principes cum Principibus, Ministri cū Ministris. Melius est esse capreolum, quàm hominem : vterque in periculo, vterque securè occidi potest : sed homo deteriore conditione viuunt, quod interim timet, quod faciliùs capitur, quod longiore cruciatu multisque modis torquetur. Non tua vxor, non liberi, non opes tuta ab iniuria ministrorum. Pauca sunt nunc prouinciæ ab hoc malo immunes, vt ditis domus, vrbes & villæ nunc videantur. Diues quod habet, exponere cogitur : pauper, quod dare cogitur, non habet : nescias vtrum miserius sit, aut mendicare cum sis diues : aut non immunem esse, cum pauper. Olim erant, qui non censiti vocabantur apud Romanos, & apud Græcos ἀπορολόγῃται : nunc nulli sunt huiusmodi : quinimò quanto pauperior, tanto magis oneratur. Quis ergo pauper hoc pati potest, aut bonus videre ? Dij auertāt mihi omnibusque probis mortem : sed gratius fuisset donum non nasci vt sic viuerem, sic interirem. Semper hoc fuit : non enim queror de seculo, non culpo Principes : semper dico hoc fuit, vt maiores pisces glutirent minores. Quis angulus orbis ab hac calamitate immunis est, vt non cogaris aut malè facere, aut pati ? ô humanam sortem : non enim ( vt dixi ) vituperio iura, non magistratus : sed sortem adèd acerbam, vt cogamur miseri esse vtroque modo. Ô infelicem conditionem nostram. Sed mittamus hæc : modò intelligas congaudendum esse mortuis, condolendum viuētibz. Quid, non te mouet illud, ob quod ferunt Democritum se excaçasse : quod scilicet optimis viris malè sit, pessimi autem sint felices : te pre-

mant, te irrideant ? Hanc iniuriam, hanc improbitatē, hanc iniustitiam perferre potes, & viuere ? Si alieno arbitrio viuendum est, & pessimorum, quæ mors potest esse hac vita deterior : aut quæ vita hac morte miserior, nō est ? Satis esset hoc solum inter tanta mala ad obeundam mortem, & eis qui iam mortui sunt ob hæc omnia non inuides ? ô nimium amorem huius lucis, ô stultam cogitationem : si non mortuos beatos vel hoc solo iudicas, quod omni miseria, omni metu careant. Fac vt bona malis æquantur, quod tamen nunquam efficies : neque enim multitudine, magnitudine, perseverantia paria esse poterunt. Sed fac vt sint : timoremne auferes, suspicionemque ? aut hæc conferes cum spe : quæ si miseri solatium est, vt minor cruciatus : ipsa tamen per se cruciatus est, & non leuis. Qui sperat, timet semper, expectat frustra, anxius perpetuū est. Mitto quanta his miseri, qui inter religionis fluctus viuunt, vbi nec tutum quicquam est, nec tranquillum : mitto generales calamitates, pestis, bellorum, penuriæ, terræ motus, inundationum, sexcentorumque malorum : & dubitas, an melius sit mortuum esse quàm viuere ? Vitam nostram ô amice, credisne vitio naturæ factam adèd breuem, quin superare possit cornicum & coruorum secula ? quæ iniuria, quæ dementia fuisset illius : trecentos vitæ annos sortita est : sed breuem facit perpetua anxietas, in qua viuimus : & debilitata ob hoc natura : tamen si non adèd curiosus sit filius, breuem tamen vitam sortitur hæreditario iure, quod pater, auus, proauusque in perpetua molestia vixerunt : nec illi soli, sed & mater, auus, auiaque materna & proauia : ô infelicem nostrum statum, in anxietate & curis semper viuere, imò macerari. Ob quod ferunt Aristotelem morientem dixisse illud : Fœdè hunc mundum intraui, anxius vixi, perturbatus egredior : Causa causarum miserere mei. Quid sapientius, si dixit : aut quid verius, etiam si nō dixit ? Quem igitur sanæ mentis pigere poterit, vitam hanc molestam, quæ solum est anxietas, relinquere ? CARD. Persuasit hæc oratio tua, ex amico profecta animo, cum opinione quam de te habeo optima, vehementiæ huic adiuncta : nec dubito quin si ille etiam sit ( modò miser non sit, quod esse non potest ) & quis velit eum superis reddere, non recuset : multisque opus esse vt conditionem ( modò non coactus ) suscipere velit. Hocque illud esse Virgilianum, cum dixit de animis iterum reuersuris : Et longa obliuia potant. Quasi dicat, nisi magna obliuione deciperentur, nemo vellet ad superos, ad tantas miseras, ad tot pericula, ad tot curas, tamque graues, ad tam duram seruitutem reuerti : cogimur seruire sensibus : cumque seruierimus, infamia adest, pericula ac pœnitentia : si recusamus, torquemur perpetuū, donec succumbamus. Quæ hæc tyrannis ? quæ iniustitia ? Sed perge quæso, si quid aliud habes, adicere. ALB. Penè expleuisti partes meas tu ipse : gaudeoque non propter me, sed propter te, te esse persuasum. Sed omiseram spem illam quasi perpetuam, delicias ciborum ac potuum, quæ solæ sunt in quibus diuites felicitatem suam reposuerunt : nam venerea norunt senectute aboleri : & si coneris, præter id quod recusent mulieres, illis iuueni-



ingeniis que esse ludibrio. Opes non per se voluptatem afferunt. Alea parum senem delectat : & si perseveres , non iam ludunt , sed illuduntur. Magistratus autoritas , exercitatio , omnia cum senio conficiuntur. Dico conficiuntur ? intereunt. Familiaritas quoque principum maximè exolefcit : irrideris , sperneris , vitaris. Ergo in sola voluptate ciborum & potuum reposita est felicitatis spes : atque idè tota iucunditas : nam iucundum esse non potest , nisi tutum. Hoc solum tutum est posse frui gustus voluptate semper. At vide etiam huic tam exiguo bono quantà se immiscent mala : primum pauperibus hoc non convenit , sed & palatum senectute corrumpitur : deinde si non exiles desiderium , potus maximè , cœna redditur Tantalea : si exiles , gravatum te sentis , & ob brevissimam voluptatem longo dolore torqueris : ô infelicem statum , & turpem etiam. Sed dic amabò , disputasne de vitæ præstantia secundum rectam opinionem , aut vulgi sensum ? CARD. Secundum rectam opinionem. ALB. Huc te venisse volo , esseque cupiebam : nam quæ voluptas vera esse potest , nisi possideas quod optas ? Quæ enim vita est , in cruciatu perpetuo esse ? neque enim mente sanus quispiam cupiat perpetuò vivere tabidus , aut cum carcinomate , vel pthoe , aut hydrope , tum maximè , cum horum finem mors sit exceptura. CARD. Fateor , ita est. ALB. Sed cruciatus animi maiores sunt quàm corporis : etenim ob cruciatus animi , plurimi mortem sibi consciuerunt : ob corporis cruciatum paucissimi , imò vix unus aut alter legitur mortem oppetiisse voluntariam. Præterea animi cruciatus nunquam deserunt hominem : corporis verò non possunt esse perpetui : aut enim occidunt , aut intermittunt : cruciatus etiam animi ipsum tangunt hominem : corporis autem , si quis patienter ferat , prorsus sunt ac si non essent. Animi etiam cruciatus medelam non recipiunt , non medicamentis leniuntur vt corporis. Demùm animi dolor , illiusque causa , contemptum & multa mala externa affert , vt iniuriæ , aut repulsæ , aut iniusti iudicii : dolor corporis autem commiserationem sine contemptu. Quapropter si ita est , maior dolor est animi quàm corporis , ac magis angit. CARD. Fateor. ALB. Vidēsne quò te deduxerim ? CARD. Non profectò. ALB. Si animi cruciatus maiores sunt , & digniores vt pro illis oppetamus mortem , quàm corporis : & ob cruciatus corporis mortem oppetere dignum est , optare necessarium , ferre commune , mortuum exuisse ( si ita dici potest ) iucundum : cur non ob cruciatus etiam animi assiduos ? intelligisne CARD. Intelligo , sed non assequor quò tendas : assentior tamen. ALB. Duobus modò verbis aperiam : qui iniuriam patitur , qui existimationem suam non retinet , cruciatur perpetuò. Vnde illud Ciceronianum : vbi non sis quod esse velis , cur velis vivere ? intelligis modò ? CARD. Ah quam pulchrè deduxisti hanc rem. ALB. Tu modò cogita , an ille posset suam retinere existimationem , si his temporibus quibus ego & tu vix tuti vivere possu-

Tom. I.

mus , atque nos tueri , ille posset absque iniuria ad senectutem ducere vitam : & intelliges , morte beatum esse. CARD. Sed exple reliquas , quas suscepisti , partes : in hac enim perbellè mihi satisfecisti. ALB. Quas partes ? CARD. Vt etiam ostendas , non è re mea fuisse vt viveret : inde nec virorumque , nec suorum. ALB. Faciam hercle : sed volo mihi concedi : quoniam me vrges , vt si quid occurrat quod ad primam partem attineat , quoniam illa præcipua est ( neque enim Hieronymum Cardanum sui causa dolere & in luctu esse dignum est ) intermiscere possim. CARD. Licet ALB. Ergo statim mihi aliud succurrit argumenti genus , quo mortem quisque mente sanus præoptare debet , etsi nulla eum vexet calamitas aut cura. Nonne hi beati censentur qui beati mortui sunt ? hi miseri , qui in miseria ? Alexandrum & Cæsarem beatos fuisse dicimus , Priamum autem miserum ? Vnde sunt qui dubitant , vtrum Priamus , si ante mortem filiorum mortuus esset , beatus dici potuisset : & sunt qui à morte illud præfinit , iuxta Poëtam.

*Ultima semper*

*Expectanda dies homini est : dicique beatus  
Ante obitum nemo , supremâq; funera debet.*

Ergo præuenite calamitates infortunæ bonis connumeretur , & beneficij loco repositum sit , si damnentur parens , & filius , vt parens occidatur antè. Vnde apud Plutarchum , cum Cleomenis filij & vxor ducerentur ad supplicium , nec mater impetrare potuisset vt ipsa ante filios occideretur , Strate siclea ( sic enim mater appellabatur ) inquit : Etiam *τίνα πὶ ἐμῶν* : idest , ô filij quò abiistis ? in misero beneficio esse ducebat , ante illos interfici si impetrasset. Cur qui omnia mala morte præuenit , beatus & fortunatus dici non debet : neque enim cuiquam mortalium nihil euenit , si ad senectam perueniat , quod miserum sit : quod si contingat : hunc Ioue Iunonèque genitum dicemus. Quamobrem Poëtæ , vt reor , nullum ex ambobus filium genitum dixerunt , quòd nullus experts sit omnis calamitatis. Quid ergo felicius homini contingere potest , quàm sic mori , vt non possis esse infelix ? Sed venio ad rationem tuam.

Si quid tibi molestum esse debet aut potest , duotum altero contingit : vel ob amorem qui generalior est amicitia ( vnde nescio quomodo illum in amicitiam , & eum qui est voluptatis causa vel utilitatis , diuiserunt : sed omitto salebras & nodos nunc quærere ) vel ob commodum : certè neutram ob causam tanti illum facere debes , vt doleas ac affligaris : nam minore sumptu , quòd ad utilitatem attinet , alium inuenire poteris : atque eò magis , quòd alij liberiùs quàm huic imperabis : parcebas enim ob charitatem , & ille ob securitatem faciliùs delinquebat. CARD. Noli ista dicere ô amice : nihil hoc adolescente sincerius , fidelius , humanius , patientius , obsequentius. ALB. Omnia in ius. Sed quid profers inter hæc ? CARD. Hic primum plurimum me diligebat. ALB. Dupliciter peccas. Quis scis ? quid ad rem : nam de commodò nunc agitur. CARD. N. Vigil erat , ac diligens , probus.

M M m ALB.



ALB. Quis scis? amor hæc, non res ipsa suadet. Argumenta in contrariam partem habeo, sed non expedit adducere. CARD. Adducito: non forsan ad leuamen doloris facient. ALB. Non est opus: quandoquidem ubi de commodo agitur, turpissimum sit velle consolari Cardanum, omnium non solum commodorum, sed multorum etiam necessariorum contemptorem. CARD. Fides erat admodum, vt nil supra, mearum consuetudinum gnarus, patiens, laboriosus, humanus, modestus, diligens, obediens, mei & meorum amans, pudicus, pius, non obscenus, neque fœdus, nec inconstans: non avarus, qui modico contentus erat: non iactabundus, inde totus bonus ac probus. ALB. Sint omnia hæc: meliorem, quod ad vtilitatem attinet, inuenies, & minore sumptu. CARD. Fateor: quia liberiùs illi imperare volam, non quia melior sit. Sed & postquam è domo exiit, hoc anno plusquam duodecim famulos exegi ac mutui: nullus enim mensem superauit. Vtut res sic se habeat, commodiorem ob ea quæ dixi inuenturum me posse confido, sed qui mihi aded gratus sit neminem. ALB. Ergo de amore agendum est: nullus tibi gratioer erat, nullus esse poterit? At qua de causa, solum quod in domo sit educatus? nullam potes aliam afferre causam. Tulisti filij mortem patienter, & alumni non poteris? pudeat tandem harum nugarum. CARD. Vera refers: sed tamen miseret suorum, qui illum expectabant: nam de ambobus, me scilicet, & ipso, eadem quæ de singulis dices: duæ enim notæ nullius, nihil prorsus significant inuicem iunctæ. ALB. Id graue mihi non est: sed parum torquere te debet incommodum alienum. Nihil ille mali habet: si diuites erant fratres, ditiores sunt: si non erat, nec curabant an viuat, nisi illius vita eis fuisset vtilis: at vix esse poterat. Inde est etiam illud consideratione dignum, quod Angli parum aut nihil mortem curant. Et rectè quidem, vt quæ vltimum sit omnium malorum, & quam subire aliquando necesse sit: ac minus malum, semel experiri quod experiri oportet, quam toties atque tam diu timere. Itaque si propriam mortem non horrent, verisimile est multo minus de aliena vel fratrum vel amicorum dolore. Constat enim, ex te vt audiui, parentibus illum caruisse. Verum ne illa vera sunt quæ de eis feruntur, scilicet promptos & alacres ad mortem non solum, sed ad supplicium accedere? CARDAN. Verissima: salutant suos, & deosculantur: filios fratresque illis commendant. Dicunt se ad vitam ire immortalem, ibi illos expectare, memoriam vt vicissim colant hortantur: læti, nullo pallore, nulla balbutie, constanter suprema ferunt. Digni prorsus misericordia, qui tam alacri animo morti occurrant: nec sui misereant. Ex hac gente fuit hic alumnus meus. ALB. Quali forma corporis? quali habitu CARD. Forma Italicæ simillima, candidi sunt, & nobis candidiores: non aded rubri, lato pectore. Sunt inter eos quidam eximia corporis proceritate, moribus mansueti, ac

aduenis amici: sed faciles ad iram, tumque timendi. Fortes in bello, sed minus cauti: cibi & potus satis auidi, non tamen aded vt Germani: ad libidinem prouiores quam prompti. Ingenia inter illos præclara. Indicium est Scotus, & Suisset: quibus nulli anteponi possunt. Habitus qualis Italis: se enim propiores illis libenter iactant, ideoque student quantum possunt moribus ac vestitu eos imitari: quandoquidem forma etiam & Germanis & Gallis & Hispanis illis sint similiores. Itaque certè Europæi omnes barbari magis diligunt, quam inter se quæ differunt gentes. Parum absuit in Belgicæ vicinia, quod quendam Hispano similem adolecentem mecum haberem, ne nos omnes trucidarent: at nesciunt illi nostra scelera forsan ALB. Non omnes mali: nec vbique tot improbi. Sed perge. CARD. Fidi sunt, & liberales, ambitiosique. Sed quod ad fortitudinem attinet, magis mira sunt quæ syluestres Scoti faciunt: qui cum ad supplicium ducuntur, tibicinem sibi conducunt: atque ille persæpe etiam ex damnatis cum sit, pulsando saltantes illos ducit ad mortem. ALB. Minus ineptè forsan, quam quæ apud nos eam deplorant: nam, vt dixi, cum omnino immortales sint animi, nulla mors hac vita, qualecunque sit immortalitatis genus, bono viro non potior est. Sed tu penetraisti ad Scotos vsque? CARD. Maximè: atque etiam voluptatem magnam cœpi, tot inuisendo prouincias: itaque hæc saltem voluptas est viuentibus. ALB. Imò miseria, & ipsa non leuis est. Cogita quot æstus animi, quantum frigoris corpore, quod vitæ pericula, quanta incommoda pertuleris. CARDAN. Vera dicis: sed non animaduvertebam. ALB. Ita existimo: sed non ob id minora dici debent, quia non sentiebas. Etsi nihil aliud esset quam non intelligi, nec intelligere illorum linguam, nonne id maximum erat incommodum?

CARD. Verum hoc. Et mirabar, præsertim cum in Anglia essem, ubi regionem prope Londinum inequitarem, in Italia esse videbar: ubi ipsos Anglos vnâ sedentes inspicere, inter Italos omnino me esse putabam: forma, vt dixi, moribus, habitu, gestu, colore: sed ubi os aperuerant, nec verbum quidem intelligebam: ac quasi Italos insanientes ac deliros admirabar. Lingua enim in palatum inflexa, contorquent ore verba, dentibus stridulum quiddam imitantes. ALB. Sed & quæ suauitas esse poterat filiorum recordanti? Hoc vel solo non poterat quicquam gratum esse. Deinde, cui mortalium hæc rara auis contigit, pecunia aliena atque locupleti tam procul aduocari? atque hominem omaibus gentibus ac prouinciis ob scripta non solum cognitum, sed etiam gratum? CARD. Vera dicis: nam aded torquebat memoria meorum, vt ob id statim reditum quaesierim, & impetrarim. ALB. Ergo si modò illa peregrinatio iucunda fuit, proprium hoc tui munus fuit, non omnium, neque plurium, neque peregrinationis aut peregrinantium. CARDAN. Sed non fuit iucunda, nisi quantum

Sultitia



stultitia & obliuione adiutus sum. ALB. Sed neque dolere aut admirari debes de tot aduersis quæ tibi acciderunt, maximè circa filios: nam reliqua leuia sunt, & exigua si ad tantam molem seu malorum seu gloriæ comparantur. Deus enim omnia æquare solet. Sed forsan etiam aliquando latiora aduenient. CARD. Quando? cum ero *in pectore*. ALB. Nonne scis Aristotelem, quando de Fortitudine loquitur, dicere: Fortem beatum mori: quodd in ipso mortis momento tantam voluptatem ex virtute, qua tum moriendo fungitur, capiat, ut beatum se existimet, ac dici mereatur? Quid ergo si vel extremis mensibus hoc accidat tum magis quodd nemo tam senex sit, qui non sibi triennium vitæ possit polliceri: atque ided etiam tempestiuè satis restitutus videre. CARD. At filius restitueretur nunquam? ALB. Ostendam paulò post, quantum id intersit: sed hoc tui iam muneris, ut ex te audio, fuit, consolari, in Theonosto. CARD. Sed noua est addita cura, quæ me conuiescere non sinat. ALB. Quæ? CAR. Detractio stipendij, omnino iniqua. ALB. Oh, inter tam graues luctus, locustine est memoriæ acceptæ tam leuis iacturæ? CARD. Non ob id, sed cum per eosdem sit facta hæc imminutio, per quos damnatus est filius, intelligo iam id de quo suspicabar, scilicet odio mei damnatum iniuste adolescentem, hoc est quod me torquet. ALB. Forsan illud accidit, quod apud Aristotelem legitur: Coruscante cælo Socrates cecidit: ut hæc detractio ex alia causa acciderit. Sed si aded hæc cura te torquet, ut par est, quid ergo de alumno illo comminisceris? CARD. Hæc non possunt paucis explicari: superuenire quædam, dum alumnum lugeo, per quæ intellexi filium odio mei potius quàm crimine suo periisse: atque id etiam declarauit, detractioem illam eandem radicem habuisse. Vnde postmodum hæc illa pro firmo argumento habita est crudelitatis in filium. ALB. Factum malè, si sic est. Sed caue ne decipiatis. Omnia in mitiorem partem interpretanda sunt, non solum quod ita deceat: sed quia his qui affliguntur, etiam conducit, ut paulò post dicturus sum. Dicturusque essem mox, nisi duplex cura me tangeret eorum quæ iam dixisti: scilicet, ne reditus ille hominum verus non sit, quod non eandem materiam primam, sed secundam, scilicet idem corpus, formatum ex elementis, cuius forma est anima, esse necesse sit, ut idem homo restitatur. At hoc nunquam accidet in æternum. Altera dubitatio est, cum surreptus est puer bimus à barbaris, & translatus in Asiam, quod non semel his annis contingit ob bella, ubi suæ oblitus prorsus linguam barbaram discat, nesciat parentes, nesciat patriam, in quo magis vnus est infans ille sibi iuueni iam, quàm alteri barbaro? nam sibi idem certè est. Et si à parentibus recognoscatur ac redimatur, non secus quàm in domo educatus perpetuò charus erit: nec tamen meminit quicquam: quid ergo attinet iuueni illi, eum fuisse infantem vel alium? Nescio an intelligas quod dico? CARD. Non, ut vellem. ALB. Neque ego, ut vellem, possum explicare. Si tu interisti, nunc iterum natus es, anima mansit intermedium edio tempore, sed expers

Tom. I.

sensus: quid attinet ad te iam prius natum quodd tu sis, an ego? quandoquidem nec illatum hoc nouerat futurum esse, nec continuata est hæc cognitio tui ipsius, nec tu tunc scias, nonne illi tibi ipsi (non possum dicere ut volo) tam est ut sis ego, quàm tu? CARD. Et tamen interest plurimum: ego enim ille sum, & securitas nunc me illa iuuat quod sim reuersurus, & pro moribus, ac factis commutata fortuna. ALB. Rectè inquam: sed id est de quo maximè dubito, quo pacto sit, habeatque se hoc discrimen, tui primo à teipso, secundo vel à me. CARD. Idem in dormiente, in agro qui sensu destitutus diu iacuit, in eo qui insaniuit. ALB. Scio esse hoc discrimen in omnibus, sed quero quale sit. CARD. Non habeo, ut verè fatear, quid dicam: video, & non video: sed iungi potest tribus illis aliis dubiis, quorum solutionem (quamquam res præ oculis propositæ videantur) nunquam quæ mihi prorsus satisfaceret intueri potui. ALB. Quæ sunt illa? CARD. Vnum est illud: Ego dico falsum: an falsa sit, an vera oratio? Secundum: Omnes emptiones vno nummo paruo dirimi posse: quod etiam per absurdum videtur. Tertium, quomodo corpora densentur, ut aqua & aer, cum quæ diuersa sunt forma se penetrare non possint. ALB. Sed de his aliàs cogitabimus. Verum nunc primum saltem, si potes, exime scrupulum. CAR. Faciam ut dicis. Constat materiam hanc quam vocas secundam, si nulla alia anima interponatur, esse formam: ideoque communem: partem autem materiæ primæ subiectam, originem esse diuersitatis. ALB. communis non est, sed pro hominum natura hæc varia. CAR. Siquidem accidentium ratione & stellarum adiuuante influxu, non tamen secundum essentiam. Si enim forma humana idem est quod anima, & vtraque producit ex elementorum mixture, constat eam formam esse vnā, sed propter materiam variari: nec enim est forma habere duos oculos, vnā linguam, duos pedes, ac reliqua huiusmodi: sed potentia quædam & perfectio in corde, quæ semper absoluta est in omni homine: hæc ergo nullam recipit varietatem, nisi ex materia prima. ALB. Satis est. Sed si libet, hanc disputationem hodiernam ad pauca redigamus, & quæ diximus. CARD. Perpulchrum id erit, maximè tum si etiam præter id illa quæ colliges exornaueris. ALB. Placet.

Primum ergo ostensum est, animam esse immortalem, quomodolibet de propria cuiusque anima loquendo, non generali illa commenticia. Sed & homines planè ipsos etiam immortales: verum per interualla occidere atque resurgere, infinitoque numero singulos in hunc mundum reuerti: nam colligere animas infinitas sine corporibus: homines autem infinitos semper mutatis animabus, absurdissimum est. Sed necesse est eas infinitis vicibus reuerti, ut earum definitus numerus satisfaciatur æternitati: reuertentibus autem, neque eadem forma, nec mores, nec fortuna, nec nomen. Sed persæpe accidere, ut iidem filios, antea qui fuerint, & fratres & parentes perimant: contra habeant pro filiis, quos peremerint: & eadem vicissim pati, quæ peregerint iniuste

M M m 2 in



in alios : mendicare etiam opulentos, & ditari mendicos : omniaque hæc quodam circulo circumuolui, ut omnia æquantur fermè exemplo discursus siderum: tametsi non exactè, nec adeò brevibus, ut cuperent mortales, interval- lis. Interim verò trifariam contingere posse de animabus ipsis à corpore seiunctis vel ut superueniant & intelligant, quod verisimi- lius est, atque optandum magis, atque rationi consentaneum : nam ut qui vigilant, recor- dantur eorum quæ in somnis viderunt, non qui dormiunt eorum quæ per vigiliam viderint: ita post obitum & ante recordamur præ- teritæ vitæ, & præsentia certius inspicimus: ubi in hunc somnum: id est, præsentem vi- tam descenderimus, non recordamur nisi in ipsa prima infantia. Demum superuenienti- bus nouis imaginibus præsentium rerum velut efficacioribus obliuiscimur statim & prorsus eorum quæ in priore vita vidimus.

Secunda est, ut remaneat anima immer- sa materiæ cuiuspiam, expers omnis fermè cog- nitionis : non tamen omnino expers, sed cuius- piam obiecti, quod etiam perpetuò appetit, non ignara : cui opinioni fauent plurimùm quæ in dæmoniis & lymphaticis videntur, in quibus omnibus vel ad imprecationes, vel ad preces pias videmus collum intumescere, faciem colari, oculorum aciem turbari: quod vix voluntarium esse potest, ac fictum, præ- sertim in tot hominibus & præcipuè sexu & conditione rudibus.

Tertia est, ut prorsus intereat, & post ea- dem redeat, ut diximus ac demonstraui- mus. In omnibus autem modis hæc communia esse necesse est : scilicet redditum hominum eorun- dem infinitis vicibus. Eadem contingere no- bis post obitum, & ad eadem reuerti quàm ante obitum mutari mores, fortunam, reliqua- que: & miseris probisque beatam contingere vitam, improbis infelicem : Demum eos qui damnati sint, fuisse quondam & filios & pa- rentes, & fratres, & charissimos: & quos amas, aliquando à te plectendos : iusta iniustaque pariter misceri, æquari, aboleri certo circui- tu: quæ omnia sic esse oportere, iam demon- strasti. CARD. Quàm pulchrè hæc, quæ dixi- mus, & melius longè quàm à me dicta sint, tenes.

Secundum est, quòd ubi fieri posset, ut ani- mi nostri nullo modo essent immortales, nul- lum prorsus esse discrimen vitæ ac mortis in his qui vel sine sobole pereunt, vel quorum stirps tandem exstinguitur, nisi quòd qui vi- uunt, dolorem mortis subeunt, mortui vel non nati id non experiuntur. Ex quo patet (si modò verè dictum fuit illud à Sileno) Sileni dictum quàm sit verissimum: Optimum esse non nasci: his tantummodo, qui sine sobole obeunt, aut quorum stirps tandem exstinguitur : quoniam hæc vita prorsus cum in nihil redigatur, nihil præter mortis dolorem plus habet : ideòque optimum esse non nasci. Atque quod mirum satis videri forsan pluribus potest, verissimum tamè est. Ciceroni & Alciato præstitisse (quod ad illos actinet) non nasci : & perinde est cum tanta gloria, ac si non essent nati, nisi quòd plus habuerunt mortis cruciatum : vtriusque enim stirps in vnicis filiis, quos susceperant, extincta est. Cæterum quòd ad gloriam, oper,

potentiam, nomen, libros etiam ipsos, si mor- talis est animus, nihil primum nunc ad illos pertinet : & omnia certo annorum spatio ex- tinguntur atque delentur: quod quamuis no- bis longum satis videatur, tamen ad perpe- tuitatem quæ semper instat collatum, & quam subterfugere non possumus, prorsus nihil est. Sed ubi animos supposuerimus esse immorta- les, quouis modo ex illis tribus melius est his solum nasci, qui per egregiam virtutem vi- tam ducunt, memoriàmque perennem sui re- linquunt, quoniam sic quasi perpetuo viuere videntur : & dum viuunt verè per vitam ipsam, & interim per gloriam, maximè si quid ad eos ex illa permanuerit, tunc verò soboles & procreatio parui momenti erit : tum ob auras graues & educationem, tum ob reuolutionem illam & redditum singulorum ad singulos : ut quoniam tibi nascetur filius qui aliquando te ipsum peremit, tum quia minor debet esse sollicitudo perpetuitatis in stirpe, cum simus nos ipsi perpetui. Omnèsque fu- turos reges & sapientes, & miseros atque mendicos, & non semel, sed infinitis vi- cibis.

Tertium est, quòd hominum supposita ani- morum mortalitate, quicunque sine sobole pereunt, aut quorum stirps aliquando extin- guitur, hi similes sunt omnino surculis illis siccis, qui excindi solent à rusticis veris tem- pore dum arbores purgant : reliqui, quorum proles multa se toti generi hominum immis- cet germinibus plantarum cohærentium : aut in fluminibus aquæ, quæ in flumine tedit vnà ad mare: tanta verò sit mistio horum, ut etiam seminaria pereant. Quapropter si fieri posset ut mortales animi nostri essent, summa dili- gentia huic propagationi prospiciendum esset. Modò plerique, cum neque huic quæ ad im- mortalitatem pertinet, neque sanctitati vitæ prospiciant quæ ad immortalitatem, palam est homines prorsus insanire. At verò si non procreanti sobolem inutilis est & odiosa vita, procreanti incertum est an superfutura sit, & laboriosum alere, & habetibus fratres filij eo- rum loco filiorum propriorum sunt: huic verò (ut dicis) duo supersunt ex vtrisque parentibus fratres, nihil prorsus amissum esse puta : imò res melius longè & pro eo & pro suis sic se habet. Multa nos decipiunt, propter affectus quæ in singulos dies errores nostros conuin- cunt. Seu fabula sit, documentum præbet : seu historia, pro exemplo est: Paridem excidio pa- rentum & fratrum atque sororum & patriæ natum esse: cum tamen natus est, qualia fuere omnium illorum vota, quale gaudium ? Hoc firmum habeto, nihil melius ei contingere potuisse: deteriora infinita, non solum pro te, sed pro illo. Qui lucri exortem mercaturam exercet, cauere debet quàm diligentissimè, nee quicquam ex sorte pereat. Ita cum nihil me- lius, ut dixi, homini esse possit, ut adolescenti illi, malles superfuisse, ut damnatus occideretur à carnifice, in carcere maceraretur, in lecto marcesceret, aut ut tibi causam daret interi- tus, aut alicui ex tuis, ut serò amisso aliquo tuorum optares ei mortem: sunt fortunæ casus multi aduersi, mutantur faciliè ingenia ho- minum, & maximè iuuenum & pauperum, & qui voluptatibus dediti sunt: quibus illum ad- dictum



dictum fuisse, non negabis. Quid si bene illi fuisset, quod ( ut dixi ) difficile erat, nactus autem occasionem, grande aliquid surripuisset vestuario illi? pericula vndequaquē: si cautus, ab eo, & minora: si simplex, à consultoribus, & maiora. Sin autem aliquid ( ut ostendi ) superest, non est ut doleas.

Quartum, quod ostendimus, est, vitam nostram pluribus, & maioribus malis quàm bonis abundare: bonaque non sentiri, quoniam in indolentia reposita sunt: nec vllum esse bonum sine malo, multa esse, mala omnis boni expertia. Si edis, fames præcessit, aliter insuave est quicquid editur: per sæpe tamen contingit ut fame premaris, nec tamen possis edere: si pecunias habes, custodia opus est, solitudine angeris: si non habes, torqueris: ita ut nemo sui causa natus videatur, sed potiùs aliorum. Præstat ergo, non esse. Récensuimus præterea vndique difficultates & causas dolorum. Quare nil melius quàm non nasci, aut statim natum interire: si ad proprium commodum respiciamus. Quid ergo est hoc in casu quod dolere possis? CARD. Dolorem certè leuasti: vincor rationib. quàmuis sensus quippiam retineat molestum, & ut puto fallax. Non ampliùs illum videbo: fidum habebam familiarem: destitui eum, qui ut me committeretur, omnes suos reliquit: socors fui in curando eum, & ingratus: qualem gratiam fratribus qualem si viverent parentibus rependere possem? Non me mouet, quod in xenodochio perierit: nam ego in agro perire velim sepeliri in gurgite: facilis iactura sepulchri. Moses, tantus vir, & tam prudens, sepulchrum suum ignorari voluit. ALB. His omnibus oppone duo hæc: infortunia tua assidua, ut si omnino culpa aliqua tua sit, non tua est, sed eorum qui tibi causam præbuerunt huius inapedimenti: Pecunia data vestuario ab infamia, animus probus & conscientia à culpa omni te liberant. Alterum est, gloria nomini illius atque

parentibus fratribusque æterna tuis laboribus & industria parta: qui alioqui domi manens, etiam si Croeso ditior euassisset, ignotus fuisset. An parum est hoc, nomen suum posteritati perpetuis his tuis monumentis commendari? Existimo, si animus illius ac parentum aliquid intelligit, ut credo, lætari hæc tua diligenti historia ac commendatione nominis sui atque familiæ. Neque enim dubito, te, qui etiam minoribus ex causis soles omnia conscribere, tua hæc pulchra inuenta, nugæque nostras simul immistas conscripturum, & ( ut soles ) etiam expoliturum. CARD. Nugas? proh Iupiter, nunquam melius dici, quàm ab Albutio, in hac causa potuisse credo: atque vtinam tamen liceat memoriter, ut dicta sunt, tradere: nedum ut quicquam addere audeam, nisi forsan paucula hæc carmina in adolescentis laudem, quæ pro ornamento monumenti illius erunt:

*Venisti iuuenis, dulcissima cura tuorum.*

*Infelix nostrum ut prosequereris iter.*

*Excepta est à te, qua in me directæ sagitta:*

*Non tua, sed mea sors, inuida sic rapuit:*

*Debebar morti, patrie iam odiisque meorum:*

*Suscipit hoc rebum filius ipse meum.*

*Errarunt superi: quid mirum errasse senatum?*

*Infantes iuuenes sic periëre duo.*

*Quantum nunc lucis, quantum est nunc vita superstes,*

*Debebo verique, & sit licet impar amor.*

*Quæritis, unde mihi nata est hæc ira deorum?*

*Crediderant celi fata reclusa sui.*

ALB. O beate. Rectè enim ille Iulius Scalliger, quanquam ex professo tibi inimicus, appellauit ingenium tuum felicissimum: quod ego tum non credebam: sed, ut video nunc, hæc carmina extemporaneè fabricata, ut nec horulæ dimidium consumpseris: intelligo de te illud Horatianum verè dici posse:

*Græcis ingenium, Graia dedit ore rotundo*

*Musa loqui.*





# DE MINIMIS ET PROPINQVIS.

## LIBER VNVS.

**C**VM duarum falsarum opinio-  
num, quibus mortales maxi-  
mè infelices sunt, altera sit in  
æstimatione boni, altera ma-  
gnitudinis illius: propterea de  
ambabus dicere propositum est: atque eò qui-  
dem, vt ostendam, ad vtrumque non parùm  
conferre scientiam somniorum. Dico autem  
homines in duobus maximè falli. Primum  
est, quòd putant felicitatem nostram in ma-  
gnis bonis repositam esse, vtpote longissima  
vita, opulencia, potentia, eximiis honoribus.  
Falluntur igitur bifariam in hoc vno, &  
quòd in eis felicitatem esse credant, cum nil  
minus: & quòd hæc maxima bona esse existi-  
ment. Quod enim ad primum attinet, nil ab-  
surdus. Dm si viuas, senex fies, quomodo er-  
go beatus? Si honoribus fruaris, maximè oc-  
cupaberis: vt Siccus cum non posset ferre ma-  
gistratum) erat enim prætor capitalium om-  
nium iudiciorum) pila luderet perpetuò, ami-  
sit magistratum, alioqui vir sagax & cautus:  
sed de hoc sequenti libro. At nunc id agi-  
mus, non esse quæ diximus magna: quia nihil  
magnum ex bonis apud mortales, duntaxat  
excepta virtute. Quomodo igitur hæc, quæ  
dixi, bona magna erunt? Hoc verò errore  
quantum emergit mali? dum enim opes, po-  
tentiam, gloriam adepti, magnum aliquid  
possidere se existimant, impij primum eua-  
dunt, Deumque contemnunt, aut illius qui  
minus mali sunt obliuiscuntur: inde crude-  
les, ambitiosi, avari, cæteros mortales nihil  
esse putant, & in omnia flagitia erumpunt,  
obliti Dei beneficiorumque illius, tum virtu-  
tis humanitatisque, qua cum alijs homini-  
bus necessariò coniuncti sunt: nec non sortis  
humanæ: ita vnus vxorem alterius palàm, ac  
quasi per vim corrumpit: alter sæuo, non se-  
uero iudicio filium patri eripit: alius premit  
pauperem indignè, imò vniuersum genus  
quotidie, & illorum pignora omnia sibi lice-  
re putat: quidam agellos aut domos auferunt:  
alij ita se luxu perdunt, vt velis nolisse, fateri  
cogaris, his certè beneficium fortunæ exitio  
esse. At reliquis, quos diximus, nonne præsta-  
ret carere illis bonis, etiamsi maxima essent,  
quàm tantis vitiis animi laborare, adeoque  
orbi & humano generi exitiales esse, atque  
funestos?

At dico, illa non esse magna bona, cum  
nihil hominibus magnum sit, præsertim bo-  
num: breuitas temporis, conditio fragilis,  
exitus diuersi, inconstantia maxima, id doce-

re possunt. Sed quod ad id sequitur, quod cre-  
dunt, id prorsus declarat nihil huiusmodi  
adesse mortalibus. Hi enim sic ratiocinantur:  
Si maxima sunt quæ habemus, opes magnæ,  
potentia, bona valetudo, voluptates eximiæ,  
& hæc breui comparantur, vtpote toto de-  
cennio videmus commutari fortunam, neces-  
se est initia magna esse. Et paruo enim in bre-  
bi tempore magnum euadere nihil potest:  
quod quidem demonstrat argumentum: at-  
que ob id ego sic conuerto: sed omnia initia  
videmus esse exigua: ergo bona omnia mor-  
taliū parua admodum sunt & non maxima.  
Ita sanè me docuit Dialectica mea. Etenim  
initia quæcunque esse exigua, adeò clarum  
est, vt probatione haud indigeat: & ignis qui  
maximus inter omnia statim euadit, etiam  
initia habet exigua: licet breue sit tempus  
initij, vt etiam reliqua. Verum nihil simile  
est inter mortalia: scintilla enim ignis mo-  
mento horæ, si totus orbis pyrius esset pulvis,  
quantuscunque esset orbis, ipse conflagraret.  
Sed si & huius parua semper sunt initia, ita &  
magis aliarum quarumcunque rerum. Nec  
ergo omittere parua decet, cum nec minima  
oporteat. Vt enim qui ignem accensurus est,  
non frumenti acervos, aut enses prægrandes,  
aut pecuniarum cumulos, aut magna quæuis  
vel nobilia vel preciosa colligere debet, sed  
modicum scintillum, ac cumulum vilis stipu-  
læ & lignorum: ita in rebus humanis non  
magna aut preciosa captare oportet, sed ini-  
tia & alimenta illius boni quod parare in ani-  
mo est, quoque indiges. At minima esse ini-  
tia etiam maximarum rerum, adeò palàm est,  
vt nulla historia huiusmodi exemplis careat.  
Etenim Romuli ortus & educatio qualis: quæ  
etsi fabulosam esse contendas, certum est ta-  
men exigua fuisse illius primordia: ciuitatem  
è fugitiuis coactam, & pastoribus, millies  
potuisse abrumpi eius incrementa: atque ex  
minimis occasionibus seruata, atque resti-  
tuta. Nouissimè ex negligentia & avaritia  
decem aureorum nonne totus orbis conflag-  
rauit incendiis, rapinis, tumultibus, præliis,  
suppliciis sæuissimis? Quid maius in humanis  
cum diuina etiam sit, Pontificia dignitate? Et  
quàm exiguis discriminibus vnus vel alter ei  
succedat? Ita parùm ante hæc tempora, & no-  
stra memoria simile miraculū in Ægypti Re-  
gibus videre licuit. Quid de victoriis bellicis,  
aut seditionibus, quibus causis aut oriantur  
aut extinguantur? Nostra eadem ætas vidit,  
quàm paruo discrimine atque leui occasione



in hanc stirpem translatum fuerit Gallorum regnum, cum tres certarent.

Sed omittamus externa: nullum mihi maius meipso exemplum admiratione dignum occurrit. Qui cum aliquando fortuito in campo Iouis occurrens Principi, vitam felicissimam in miserrimam transmotaui: quodque magis admirabile: ille fauendo me perdidit, Senatus parum beneuolus obstando si perstitisset seruasset: neque filium amisisset optimum, ac crudelissimè: ut nisi Dei Opt. Max. praesidium memoriam excuteret, ea me concuteret. Inde autoritas, lucrum amicitiae, omnia pessum iere. Nouissimè etiam stipendij parte quam Princeps superaddiderat, spoliarunt: ita ea parua causa tantum momenti attulit ad perditionem rerum mearum, ut contra editi libri de Vtilitate capienda ex aduersis, conscriptum Theonoston, commentaria in Hippocratis Aphorismos, libri de Somniis, de Natura, Paralipomenon, Neronis encomium, totque alia, non solum suppeditante temporis copia maiore, sed ut tedium depellerem. Itaque nemo est qui non videat etiam in seipso, similia exempla, tametsi non adeò euidentia. Quid cum deliberarem: neque enim me latebat, magnum mihi malum imminere. Verum par periculum existimaui, seu reciperem conditionem, seu respuerem.

Cum igitur somniorum praedictio in ius vocetur tribus ex causis: quod de minimis sit: quod de incertis: & si certa sint, quod prodesse nequeant cognita, ut inuitabilia: his duobus quod responsum fuisset in opere ipso, par fuit ut huic primae calumniae responderem. Nam somnia si sint de paruis, sunt de rerum initiis, ex quibus tota rerum series atque exitus pendet. At si non de initiis, erunt certè de magnis: quapropter illorum observatio vitae mortalium utilissima erit.

Sed video quid dicturus sis. Primum forsitan illud, non omnibus sunt tam exigua initia, sed haec solum sunt fortuitorum. Qui enim è praediorum redditibus viuunt, non tam tenui filo pendent. Stultum etiam fermè videtur, aut saltem leue, tam infidæ coniecturae omnia nostra committere, vitam propriam ac filiorum, tum opes atque honores. Quid opus esset prudentia, si somniorum monitis parère debemus? Omitto subtiliores argumentationes, qualis illa est: Vel ipsa conueniunt cum prudentia, & sic sola prudentia opus habemus: vel dissident: & sic, si prudentiae credere volumus superflua est eiusmodi cognitio: vel somniis, tum vide quid sequatur: quo duce reges res tuas prudentia relictas? Numerantur ut in votis deorum, non qui perière, qui multi sunt, sed qui seruati, qui pauci sunt: sic in somniorum praedictionibus. At nos, ut aliàs etiam diximus, non negamus hominem oportere gnauiter se gerere: haec verò non tantum fundamenta fortunae nostrae atque existimationis statuere, sed solum tanquam auxilia. In quacunque tamen fortuna superuenierint, multum iuuant. Et nonnunquam splendori aut miseriae superueniunt, nonnunquam verò etiam tales efficiunt. Multi enim neglecta futurorum cognitione, ex magnis

statibus corrumpere. Caesar si somnium uxoris obseruasset, si Spuriæ praedictionem, superuixisset: cum multis diuersa ratione haec obseruatio fortunam perpererit, & ex humili conditione ad maximam potestatem eue-xerit.

Porro huiusmodi virorum exempla in ipsa narratione retulimus. Reliquum est, ut quacunque de somniorum obseruatione dixerim, non de illis solum intelligas, sed etiam de tota humana prudentia: ut exemplo praecipiti Hippocratis discas, nihil negligere. Est cuique sua felicitas, atque calamitas etiam, si non euertatur ex propria dignitate. Et quamquam diuersa videatur fortuna hominum omnium, tamen (ut dixi) exigua est: nec quicquam splendidum, praeter virtutem: in reliquis sat est, ut non in extrema decidas. Sutor cum dulcem sobolem alere potest, ut nil ei desit, cum domuncula & officina bene munita, felix est. Rex verò orbis, & victus in praelio, infelix. Non est omnium commutatio sortis suae per somnia: quamquam aliquibus contingat, ut ex humillima fortuna ad clarissimam euehantur: aliis contra, ut ex clarissima decident ad humillimam. Et quamquam non omnibus per somnia haec eueniant, omnibus tamen haec obseruatio conducit: omnibus etiam, quicquam aduentitium est, & excellens, extra nostram prudentiam & communes labores positum est: sicut è diuerso, quod nos ex alto fastigio in profundum demergit. Neque credas haec quae tanti nos aestimamus, tanta esse ut remur. Sicut homo è puluere sit, & in puluerem redigitur, sic & maxima ex minimis ortum ducunt: & cum tempus venerit, seu in ipsismet, seu filiis, nepotibus aut aliis posteris, in eadem minima redeunt.

Quod verò fidendum sit huiusmodi cognitioni, haud dubium est, si rectè omnia peragantur. Primum: quoniam si esse non deberent, non prauiderentur ab ipsis viris immortalibus: deinde, quod omnis ars est rerum verarum qualiscunque sit, artifices tamen decipiuntur. At, & si aliquando decipimur, quanam est ars in qua non aberremus? Militaris, medicina, nautica, longè frequentioribus scatent erroribus, maioribusque ac periculosioribus: quis tamen malit nauigare sine nauta, exercitum nulla ratione ducere magis quam cum perito imperatore? agrum non omnino curare, quam erudito committere medico? Quid etiam in musica, in fabili, sutoria, nonne quotidie errores contingunt? quanam est ars illa, quae errorem non admittit, qualiscunque sit? vidi homines qui solécismum in Geometria committebant. Sed neque velim hominem à solita prudentia aberrare. Confusus somnio, profitendi munus renunciaui, quod scirem coacturos: at ita tamen renunciaui, ut multa haberem praemanibus maioris spei, non tamen adeò commoda. Aderat certa causa repudiandi, tametsi omnia malè cessissent: iniuria, summa *diuagatio*, respectus nullus, neque modus seu ætatis seu paupertatis, seu quod nulli alij negotio vacarem, multaue alia quae etiam Iubam illum patientissimum ad iram prouocare possent.



Non ergo soli somnio confusus hoc egi, sed prudentia naturali comitante. Sed quid acturus fuisset, si somnium defuisset? Ferre forsitan melius erat, & maiorem opportunitatem querere. Soleo enim dicere, quinque rebus malam frangi fortunam: induciis ac dilatione) nam maiora facilius ac celerius dissoluantur paruis, quod ex pluribus concreta sint, & etiam tempus dum inchoatas res ac paruas auget, magnas & adultas corrumpit & deterit: vel repente inuadendo: vel sensim comminuendo aduersarij vires, dum carptim illum aggredimur, aut ea parte qua minus valet (vt sultum fauoribus, virtute, doctrinaque) superando fauores illius nonnunquam reddemus inutiles: quanquam nunc ea conditio temporum sit, vt quàm minimum virtuti seu eruditioni tribuatur. Vel si auxilia detraxerimus: quod prudenter à patricio quodam nostro excogitatum, non parum profuit: cum enim sororij exulis opibus oppugnaretur, reducto exule inimicum spoliavit praesidio, & alium etiam hostem suscitauit dum ille expensas pecunias repetit. Palàm est igitur, omnibus in casibus praesagiendo rectè ex somnis, paruis viribus occurrere posse magnis etiam hostibus.

Ceterum latus heptagoni paulo maius est dimidio lateris trigoni eidem circulo inscripti, cum ambo fuerint æquilateri: nam latus heptagoni est partium ferme LII, minutiarum IIII, & secundarum XXXV, at verò dimidium lateris trigoni est partium LI, minutiarum LVII, secundarum XLII, discrimen igitur horum est, minutiarum VI, secundarum minutiarum LIII, hoc autem est minus quingentesima trigesima parte dimidij lateris trigoni, quare omnino insensibile.

Quadratum quod sit ex secunda linea proportionem media inter diametrum circuli & latus quadrati in circulo descripti, paulo maius est area circuli: nam si demetius circuli est septem, circuli area erit paulo minor triginta octo cum dimidio: latus igitur erit ferme sex, & ex quadraginta nouem partibus decem: at secunda illa linea erit latus solidi CCCXLI  $\frac{XI}{XX}$  ferme: at hoc est quasi sex &  $\frac{XI}{XLIX}$  igitur differentia hæc est ex CCCIIII partibus, vna tantum: & ideo etiam ipsa insensibilis. Quidam verò longas rationes de hoc scripsere, existimantes etiam idem esse, cum non sit: atque etiam falsò demonstrasse hæc ita se habere, cum nil sit turpius.

Latus præterea figuræ quadraginta basium triplum, lateri ferme figuræ centum viginti basium, & sexquilaterum, quasi figuræ sexaginta basium: nam latus figuræ sexaginta basium, ferme duplum est lateri figuræ centum viginti basium. Et similiter latus figuræ triginta basium, propè quadruplum est lateri eidem figuræ, scilicet centum & viginti basium: & latus figuræ viginti quatuor basium, eidem penè quintuplum. Latus quoque figuræ nouem basium, & latus figuræ viginti basium, ferme iuncta æquantur lateri hexagoni in eodem circulo inscripti. Et latus figuræ vndecim basium, & pentagoni, efficiunt latus ferme trigoni æquilateri mul-

taque talia huiusmodi inuenire licet.

Similiter & in numeris, vbi cœperis primos, scilicet vnum & duo, erunt in proportionem habente medium & duo extrema ferme, & semper productum minoris in coniunctum erit vnitatem minus quadrato medij, & sic in perpetuum ratio incrementi illius seruabitur, vt vnum duo tria, & duo tria & quinque, & tria quinque & octo, & quinque octo & tredecim: & sic deinceps in infinitum, iungendo duos semper vltimos. Proportio quoque reflexa duplicata est ferme inter hos numeros, & valde propè, CXLIII, CXIIII, LXIII. Et ita cum volueris mediam proportionem inuenire inter  $\frac{x}{xiii}$  &  $\frac{vii}{xi}$  exempli gratia, iunges superiores semper simul, & inferiores similiter, & habebis  $\frac{xvii}{xxiiii}$ . Et si propior sit maiori quàm oporteat, iunges minori: vt in exemplo addam  $\frac{xvii}{xxiiii}$  cum  $\frac{vii}{xi}$  & habebo  $\frac{xxiiii}{xxv}$  & rursus repetam, donec oportebit: nunquam enim hoc modo poterit euadere minor  $\frac{vii}{xi}$  minore, nec maior  $\frac{x}{xiii}$  maiore. Poteris etiam addendo vnitatem semper augere: vt  $\frac{vii}{xi}$  addita vnitatem superius & inferius, sunt  $\frac{viii}{xii}$ : quod est  $\frac{ii}{iii}$  semper enim ad minores numeros reducere debes, si potes: & ita detracta vnitatem, semper reddes minorem proportionem: vt  $\frac{vii}{xi}$  & rursus  $\frac{v}{viii}$  &  $\frac{iiii}{viii}$ , quod est medietas.

Et in Musica ditonus à sexquiquarta differt sexquioctogesima tantum, & semiditonus à sexquiquinta eadem sexquioctogesima: & similiter interuallum sex vocum à proportionem quinque ad tria, & octo ad quinque, vt in Musicis abundè declaratum est.

Eodem modo supposita cœli æternitate, idem sola indiuidua superficie ab Æthere mortali disungitur: ita mortale ab immortali tam paruo discrimine seiunctum est. Nec est quòd dicant, Æthera maximo annorum spatio perdurare: nam quotquot annis perduret, infinito spatio temporis tam distat ab immortalibus, quàm etiam ephemerum: hæc enim sunt commenta & figmenta, imagineque imperitorum, qui vanam speciem rerum solum cognoscunt, & à sensibus propriis decipiuntur: itaque tam paruo discrimine mortale ab immortali seiungitur. Quod si tam paruo discrimine mortalia ab immortalibus seiunguntur, quanto magis mortalia ipsa inter se species quidem metallorum, lapidum, plantarum, atque huiusmodi? Hæc igitur ita se habent.

Quæ verò ad actiones ipsas nostras pertinent, eodem modo minimis differentiis, & magis quàm naturalia constant: quòd volubilitate opinionis variant. Diximus aliàs (quod & verissimum est, licet vanum videatur) venditiones obolo, quantumvis maximas, irritas fieri posse. At nunc si quis animaduertat, quàm parvis occasionibus multa malè aut benè cedant, satis miretur. Paulo ferius aut tempestiuus à prandio, ante prandium occurris in via: in foro, multa cum negotia habeas, modò omnia ritè peraguntur, modò nihil: quantum momentum est rem sic vel sic inchoasse. Damnatur iniuste Valentinia



lentinianus imperator ab Ammiano Marcellino, quod tot peremerit crudeliter: quoniam de successore magicis artibus quæsiuerunt. At non animaduertit, Valentiniano fuisse filium Gratianum: qui si non fuisset, puto Valentinianum vix grauer laturum hanc curiositatem: at modò successore filio ista quæsisse, quis non videt hoc crimen fuisse apertum læsæ maiestatis, atque omnino impium? Simili ergo ratione singula quæque, quàm exiguis discriminibus fiunt impia, licita, scdæ, honesta, felicia, infelicia, iusta, iniustaque? Quamobrem si quis totam naturæ vitam huiusmodi minimis animaduersionibus, casibus, opportunitatibus, euentibus constare dicat, is sanè non solum vera dicit, sed etiam pro conditione sua temporis locique, beatè & sine reprehensione viuere poterit. Quid ergo huic rationi commodius est prudentia primum, inde scientia somniorum? At nunc tota sapientia humana tribus constat præceptis: verbis pulchris, factis pessimis, & opinione probitatis ab initio per simulatam iustitiam comparata. Verùm non diu hi mores stare poterunt, & vel seipsam hæc fera conficiet: vel iratis superis dabunt pœnas: at prudētia prouidentiaque perpetuò ac sine impietate stare poterunt. Nec tamen tantum scire prodest, sed & vti opportunitate decet. Tria autem sunt in hac præcipua auxilia: continentia, promptitudo & fortitudo: his si destituamur, valedicere possumus prudentiæ atque prouidentiæ.

Quin etiam multis sua bona exitio fuere: arma M. Antonio, facundia Ciceroni: Philosophia Socrati, Pasiphyllo, Simonidi (primus enim cicutam hausit, secundus gladio periit, tertius flammis absumptus est) poësis Gallo & Naloni, medicina Petroleoni nostræ fermè ætatis viro erudito, astrologia Ascleptarioni. Quid est tam sanctum, quod si sinistrè vtaris, non noceat? Ego sanè ni somniis monitus essem manifestissimis, in hac tam ingrata calamitate peribam, cum odium, potentium ira, me premerent, mihi nullus amicus relictus esset. Miraris lector? mirum non est, reputanti temporum conditionem, hominum mores. Multi amicos se habere putant, quod volunt eos qui non sunt esse. Deinde quod fieri non possit, vt Deo & hominibus placeam: & his moribus arcesso procul has lamias. Itaque nil mirum esse debet, eum qui recta colat, hoc tempore nullum habere amicum. Sunt mala hæc, sed maiora fuere sub Repub. Romana, sub Caligula, Vitellio, Domitiano, Commodo, Caracalla, Valentiniano. Qui vult aduersa ferre placidè, historias legat: difficile est superare maiores nostros scelere atque crudelitates: sed longè difficilior æquare virtutibus. Sed ista extra aleam.

Illud ergo dicendum: minima esse omnium bonorum atque malorum initia: eaque plerunque in nostra esse potestate. Quod si ita est, quanta commoda asferre potest scientia somniorum? Peccamus tamen maximè, cum peccare non posse confidimus. Pauci peccant volentes: & si peccauerint, cautius saltem peccant. Et si non tam caurè, saltem ob magnas solum causas, atque ideo rarè. At vbi peccare non timemus, sapienti peccamus & incautè, & nullam ob causam. Quoties verbum incon-

sultè prolaturum euertit hominem? nemo est cui hoc sæpius non contigerit. At vel hoc solo monitu, quod in periculo verferis, consultius ages. Quàm cautè, quàm consideratè respondent homines interrogati de criminibus capitalibus, etiam si simplices natura fuerint? Et nisi essent tormenta, tormentorumque metus, nemo aberraret. Vnde causa? nisi quod imminere sibi periculum animaduertunt. Duobus in casibus paucula solemus commemorare exempla: vel cum rarè contingunt talia, vel cum infinitò quotidie, vt hac in re. Ergo præmonitus hæc deuitabis: aut si vitare non poteris, malo statim occures. Principiis obsta, dici solet.

At dices forsitan: Felices isti aliam viam compendiosiorē atque faciliorem ad beatam vitā inueniēre: dolum, iniustitiam, scenus, furta, sinistrum vsum conuentionum, scilicet per fraudes: ac demum etiam vim ipsam. Fateor: sed in his tria sunt maxima incommoda, atque adeò grauiora, vt sic esse felices haud præstet: Dei offensa: atque cum ea facti conscientia, quæ hominem stimulat, agit, torquet, nō nunquam etiam vsque ad desperationem agit: inde molestia ipsa facti, cum & inimicos sibi pariant, & cum inimicis pericula & lites & infamiam: & quod maius est omnibus, ipso premuntur exemplo: nam & à filiis & ab hæredibus vrgentur: scientibus his quomodo eas opes parauerint, & quàm inuisi sint superis. Itaque vbi vnus est tyrannus, necesse est plures esse tyrannos. Et filij nisi vi ac metu contineantur, eadem in partes parant, quæ boni in hostes: nec multum interest, seu veneno, seu dolo mortifero, aut vi, aut pernicacia (quod frequentissimum est) patrem adigant ad mortem, seu patrum. O quot vidi sic peremptos, sine periculo legis: sed non minus certo exitio, & duriorē morte. Tertium incommodum, quod omnibus maius est, est ipse viuendi modus, qui etiam sine ira Deū, ac dolo propinquorum, seipsum ita aggrauant, dum ab omnibus cauere coguntur, dum periculis vndique circumueniuntur, dum maiora metuunt, instantia admirantur: dum in perpetuis litibus, suspitionibus, contentionibusque vitam funestam agunt. Vita hominum per se molesta est, etiam si nullis externis afficiatur incommodis: at sic ærumnosior est vita ferarum, etiam ægrarum: illæ enim multa patiuntur, multis sunt periculis expositæ: at saltem nec incommoda, quandiu permanſura sint, intelligunt, nec periculum vitæ norunt, nec inuident aliis quæ nil tale patiuntur: omnium ergo viuentium miserrima est hæc vita improborum: hocque solo beata, quod multos existimant sibi inuidere. At prouidentia futurorum eadem præbet, & multo plura quàm scelera: nam & in tuenda valetudine, cauendis insidiis, erudiendo filios, longè melior est improba illa vita, & grata Diis, minusque anxiosa, nos illis similes reddit.

Sed redeo ad institutum lunaris motus, atque aspectus ad Solem: eam fermè obseruationem, vt addito vno numero annorum Christi, & toto diuiso per vnum de viginti, quodque relinquatur per vndecim ducto, ac per triginta diuiso, residuo si addas numerum mensium à Martio inchoando residuum ad

triginta



triginta est numerus dierum coniunctionis luminarium, ad quadraginta quinque autem oppositionis. Quod si numerum dierum à coniunctione per quatuor duxeris, per no- uemque diuiseris, habebis numerum signo- rum distantia lunæ à Sole, partiumque signi. Sol autem die decima Martij ingreditur Arietem, & post mensem propè ingreditur Taurum, atque deinceps per reliqua signiferi decem initia diuisionum.

Angulos diuides prope æqualitatem in quotquot volueris partes, diuidendo primò per æqualia, donec fiant acutissimi: deinde produces latera æqualiter vnus partis, & ba- sim in tot æquas partes diuides: ductisque ab angulo ad basis partes lineis, habebis angu- lum diuisum vt voles: inde idem de singulis faciendo, atque iungendo iuxta numerum diuisionem, perficies intentum: & hoc est quod Carolus Bouillus voluit: sed credidit exactam esse.

Neque recta quæ in tabula delineantur re- cta est, neque circulus circino descriptus exa- ctus est circulus. Proportio verò periferiæ ad dimetientem, minor est quàm  $xxii$  ad  $vii$ , & maior quàm  $ccxxiii$  ad  $lxxi$ .

Cùm è puncto lineæ ad perpendicularum li- neam extendere volueris, hoc quod ad vn- guem facere contingit: puncto alio quouis accepto hinc inde secundum distantiam pro- positi puncti, deduces periferarium portio- nes, quæ se secabunt in medio punctorum propositorum: inde duces ex aduerso puncto rectam per punctum communis sectionis cir- culorum ultra tantundem extendendo, & ex extremo illo ad punctum datum recta ducta ad perpendicularum eidem insister.

Oui figuram sic describes, ex Durerio da- tam: lineam in decem æquas partes diuides, inde ex puncto medio secundum quantitatem duarum partium circulum describes, cuius pe- riferiam in octo æquas partes ex lineæ termi- nis diuides: rursus altrinsecus ex totius lineæ extremis distantia septem partium portiones circulorum describes, tangentes in linea ipsa circuli descripti periferiam, quæ se in aduer- sis secabunt punctis: duces etiam lineam con- tingentem circulum in puncto è regione oc- cursus illarum partionum, recta intellecta ex sectione ad sectionem: altrinsecus ergo in punctis sectionum circuli constituto circini immobili pede, atque alio ad punctum aduer- sum occursum contingentis ad portiones cir- culorum, portiones rursus quatuor, duas ex superiori lineæ parte, & duas ex inferiore des- cribes, quæ similiter sibi occurrent è directo primarum, sed inferius.

Rursus diuisa parte rectæ inter locum con- tactus, & secundum concursum per æqualia, & medio puncto tanquam centro facto, des- cribes secundum quantitatem breuioris lineæ

ex eo puncto ad portiones circulorum ultimo ductas, portionem vnâ circuli quæ inferius cadet, & sub puncto secundæ sectionis, oua- lemque explebis figuram: hæc tamen apud illū errata sūt, seu illius seu typographi vitio.

Spiralem lineam quotquot volueris circuni- uolutionibus describere: & sit, vt gratia exem- pli velim tribus reuolutionibus: describam circulum satis magnum, & filum annectam, aut mobilem virgulam æneam, iuxta semi- diametri quantitatem: inde diuidam circulum in duodecim partes æquales: & quia volo tres reuolutiones, diuidam filum aut virgulam in triginta sex æquas partes: & si vellem qua- tuor, quod esset difficilius, assumerem quadru- plum numeri diuisionis circuli, id est quadra- ginta octo: inde sensim ducto filo ad primam partem circuli è regione primæ diuisionis à centro numerata, & in eadem distantia à cen- tro signabis punctum primum: & cum per- uenerit filum seu virgula ad secundam sectio- nem circuli è regione secundæ diuisionis in virgula, & secundum quantitatem distantia puncti in virgula à centro, signabis secundum punctum: & ita procedes perpetuò, donec om- nes reuolutiones & puncta virgulæ quæ si- mul perficientur, absoluantur. Vltimus enim punctus virgulæ perfectis integris reuolutio- nibus, ad circuli periferiam terminabitur. Hu- iusmodi sexcenta inuenire licet. Velut, volo- latus figuræ tredecim basium: diuido latus quadrati in tres partes æquales: & si voluero latus figuræ decemseptem basium, diuidam idem per quatuor.

Quantum verò possint minima, ostendunt præparationes ciborum, paulo magis cocta, aut minus salsa, insipida, ingrata vehementer, modico intervallo quàm iucunda: vestes, cal- cei, omniaque humana: lecti, equi, ignis, aqua, minimis variationibus delectant, aut molestia nos afficiunt. Idem in pactis, in con- uentionibus in itineribus, in pugna, præliis, curatione morborum. Quot in itineribus bre- ui mora inciderunt in latrones? quot alij ob eandem vitauere periculum? vidi hominem, qui ob modicum gelu prolapsus interiit. An- no præterito stiria glaciei occidit puerum. Si- mile exemplum apud Martialem legitur. Quid hoc nos docet? nil aliud, quàm nostra omnia momentanea esse: vitam ipsam per- exiguam: & quantumvis prolixa videatur, breuissimam esse: vnde & rectè viuere, & contemnere aduersa, & non discrucari secun- dis rebus aliorum, & minima quæque obser- uare, & nihil negligere: & quæ naturaliter no- bis ad prouidentiam offeruntur, considerare decet atque oportet. Istiusmodi cùm cogita- ueris, & tranquillius & honestius viues: intel- ligesque nec Regibus, nec Principibus quic- quam tam iucundum esse, quàm est sa- pientia.





HYMNVS,  
SEV CANTICVM  
AD DEVM.

**Q**UIVS CVNQVE, ô Iubar  
splendidissimum, tantum tui lu-  
minis impertijsti, vt quemad-  
modum sitientes ad limpidissi-  
mum fontem, ita hi ad contem-  
plandam laudandamque Diuinitatem tuam  
amore rapiantur, maximam illis felicitatis  
partem adesse haud dubium est. Et quanquam  
nomine, neque similitudine, neque magnitu-  
dine, aut alio quouis exemplo, ostendere aut  
comprehendere Te queam, vt qui Tui tan-  
tum similis sis, nihilominus inefficaces  
meos conatus exprimere malui. Pium hoc  
opus, Excelsè Deus, nisi Tu ipse adiuueris,  
non solum infans quisquam homunculus,  
qualis ego sum, sed neque principales mentes  
quæ Tibi assistunt, inchoare possunt. Non ego  
furore quasi fanatico id ausus sum, vt quali-  
buscunque verbis quæ plurimum à te absunt,  
Tibi tribuam. Horret animus, quum furem,  
iram, misericordiam, indignationem tantæ  
Maiestati tribui audio: sed religiosi Viri quã-  
tum hominibus prouideri voluerunt, iustitiæ  
declarantes effectus, tantum dignitati tuæ de-  
traxerunt. Ita licuit, te permittente, vt popu-  
lus omnium bonorum rudis, qualicunque  
modo à cultu tuo non abalienaretur. At nos  
hymnū non populo sed Diuinitati, non homi-  
nibus sed Deo canimus. Lumen igitur sapien-  
tiæ, quod à Te solo habere licet, indulge, vt  
quantum homini fas est, de tua potestate, sa-  
pientia, æternitate, beatitudine, amore, ac be-  
neficiis erga nos non solum, sed vniuersa quæ  
genuisti, quæ creasti, quæ fecisti, quæ esse vo-  
luisti, vt melius exprimam, verba habere pos-  
sim: nec in perturbationum nomina, aut de-  
fectuum, aut aliquid quod non solum nihil  
quod in Te sit, exprimat; nam hoc vitare me  
non posse satis intelligo: sed saltem cum di-  
gnitate tua nullā similitudine conueniat, in-  
cidam. Veniam peterem pro tanta temerita-  
te, Numen ô Maximum ac Præsentissimum, si  
non coram Te verba facerem, qui intelligas,  
non hæc ab audacia, sed amore illo erga Te  
ardentissimo, quo me imbuisti, proficisci.  
Nam etsi ego quod humanarum virium est,  
non potuero præstare, alius forsan mente  
purior melius adimplebit. Interim verò reos  
omnes agam mortales ingratitude, erga  
tanta tamque assidua beneficia, impudentiæ  
aduersus tantam sapientiam, temeritatis ad-  
uersus infinitam potestatem, denique stulti-  
tiæ, debacchationum suarum momentanea-

rum, in perpetuo æternitatis tuæ conspectu.  
Ignosce mihi tamen, ô Splendor infinite, tot  
maculis, tot peccatis, quibus anima mea in-  
terim fœdata, deturpata, atque conspurcata  
est. Scio quantum aberrem in sermone, dum  
vt ignoscas, non ignosci mihi postulo: Ve-  
rū quod alios detertere potest, atque à pro-  
prio sensu auertere, & ex mentis statu deijce-  
re, hoc mihi nunc præsidio est, cum non mi-  
nor sit liberalitas quàm potestas, & amor ip-  
sæ Maiestate. Non patitur præsens præsentem  
aberrare. Iam intelligo non mouendos affe-  
ctus, non mihi comparandam beneuolen-  
tiam, non augendum id cuius nec minimam  
particulam æquare possim. Nihil tuā causa à  
me dicendum, qui plenè in te ipso solus sis  
beatissimus. Nullā laude etiam opus est apud  
alios, qui à tot Illustrissimis mentibus perpe-  
tuò lauderis. Quid ergo huc accessisti, dicet  
quispiam? vt quod Parenti seni præstat Fi-  
lius valens & probus, ita Regum Regi hu-  
millimæ sortis homo ex debito quantum licet  
reddat. Tria enim cum sint, propter quæ gra-  
tias promerentibus reddimus, vt illis profici-  
mus & apud audientes testemur honoris de-  
bitum, & vt officio nostro fungamur, hoc  
hic præstare licet: Primo opus non est, reli-  
quum partim vsui est, partim autem non. Nā  
immortalibus persuadere hæc, aut docere vel-  
le quæ ipsi locupletius adepti sunt, absurdissi-  
mum est: mortalium autem plerisque forsan  
haud inutile fuerit. Iraque in re prorsus diffi-  
cillimā, ac supra etiam horum numinum vi-  
res, facilem mihi aditum præbuiisti. Etenim  
mortali cum immortalis, miserrimo homun-  
culo cum excelsa potestate, rudi cum suprema  
sapientia, impurissimo cum optimo, meticu-  
lo ac pauido cum ipsa securitate, curis obruto  
cum beatissimo nulla esset societas, nulla  
similitudo. Diuinitatis tuæ fauore & præsen-  
tiā tanti apparatus mens impletur, animus  
augetur, memoria confirmatur, studium ac-  
cenditur, vt nesciam iam quid difficilior sit,  
deferere cœptum iam opus, an pro viribus  
adimplere. Non me terrent incommoda plu-  
rima, quod & tui & tibi assistentium, & mor-  
talium rationem habere oporteat: cum Tibi  
nihil nisi candidum placere possit, assistentes  
maiores desiderant sapientiam. Nemo enim  
ea quæ melius nouit, libenter audit; morta-  
les captari & affectus moueri volunt. Tum  
demum quod quæ nôrim, maximā ex parte  
Omnipotentis Regi non congruant, quæ tu  
habet,



habes, omnia penè mihi ignota sint. Verùm gaudium quod ex hac laudatione capio, efficit ut non solum labor hic mihi dulcis sit, sed etiam iucundus, adeò ut in ipso opere mirum in modum gestiam. Quid enim suavius mihi esse potest, quàm arcana tua posse non solum abs te affèqui; sed etiam aliis mortalibus explicare? Quid gratius, quàm pro tot beneficiis, me vnum quasi pro vniuerso mortalium genere gratias tibi agere? Quid pulchrius, quàm tua posse in omnes commemorare beneficia? Quid denique excelsius, quàm præclara magnificaque dona vitæ, virtutis, veritatis ac sapientiæ, quæque solum verè bona sunt, non solum apud immortales hos Deos, sed etiam apud nos ipsos mortales, quibus sumus, quibus felices viuimus, quibus nos his Diis similes effecisti, quæ solum abs te ipso accepimus, recensere? Quid si ego à te in te genitam immensam Sapientiam effluentem perpetuò, tanquam perennem fontem, ardentissimum amorem adiciam, nonne ego sapiens ipsâ cogitatione, atque beatus efficiar? Inuitat ad dicendum largitio tua liberalissima, quâ me tot annis felicem esse voluisti, in omnibus calamitatibus opem subministrasti: denique hoc tanto tui amore accendisti, ut videaris, ô summa benignitas, flagitia mea mihi noluisse imputare. Itaque has tibi veras preces, veras supplicationes fundo, Optime Maximeque Deus, atque Deorum Deus, omnibus hymnis præstantiores: Nam etsi numeroso pede non fluat oratio, splendor rerum ipse multò venustius liberum dicendi genus efficit. Quid enim dignius, aut tantæ Maiestati congruentius, quàm simul referre magnitudinem potentiæ, sapientiæque ac liberalitatis tuæ? ut qui cum infinita cognoscas, omnia possis, liberalissimè dona tua in vniuersos impertiaris. Quamobrè ego tibi soli, inquam tibi soli, etiam vel ob id tantum, quantas possum gratias debere confiteor, agoque, quod huic tam digno negotio, tam laudabili operi, tam excelsæ prouinciæ, ut per me hymnus hic, hoc canticum dicatur, me præfeceris. Quis enim Te sine te cognoscere aut laudare potest? Quis puros candidosque animos, sacrataque verba, ab alio, quàm te ipso puritatis, candoris, benignitatisque fonte vnquam accepit? aut quis impurus, & ut dicunt, illotis manibus, te laudare audeat aut possit? O! felicem mihi diem hanc, ô beatam sortem & supra mortalitatis conditionem, memorabilem, posterisque omnibus celebrandam! Tibi, inquam, ô summe Deorum immortalium Pater, Tibi prima hæc gratia debetur, velut optimo & potentissimo rerum omnium Parenti: qui cum infantulus essem, effecisti laudum tuarum præconem. Tu principium ante omnia, omniūque salus, bonum immensum, potestas infinita: in te ipso collecta æternitas, ac quasi momentum exterius explicas in Diis, non tu in illa constitutus es: In cuius contemplatione felicitas solum nostra consistit. Nam & exemplo cæterorum immortalium Deorum, qui beatissimi sunt, & nullâ aliâ causa, nisi quod te assidue intueantur, & quod felicitas omnis in bono constituta sit, quod in te solo & purum & perfectum est, cum immortales hi Diij bonum purum, sed haud perfectum; nos verò neque perfectum

neque purum possideamus, comprobari potest. In te huius perpetui silentij quo quasi in horto amoenitatis, tantâ voluptate, quiete, securitateque fruimur, fons est. Hinc vix præ gaudio continere me possum, quin exultem, certè gestire cogor. O stulti mortales! ô insani! qui felicitatem vestram ubi non est quæritis! in diuitiis, in potentia, in honoribus, in gloria, filiis, amicis, improbaque voluptate: ubi omnia volubilia, inconstantia, caduca, infirma, ac falsis imaginibus plena: Bonum sine bono, securitatem absque securitate, vitam in morte, laetitiam in sordibus, beatitatem in miseriis, stabilitatem in inconstantia, silentium in turba ac strepitu quæritis! Quicumque dulcedinem ac suauitatem tui Numinis, quicumque hoc incundissimum nectar vel à labris degustarit, ille omnia hæc, quæ vos mortales suspicitis, desideratis, atque admiramini, insipida, amara abominandaque esse deprehendet, & si quis vltro offerat, reuuet: solum illa admittens, in quibus cū boni mentita specie madata tua exequi posse sperabit. Nam fatuas illas voces Rhetorum, Principes ac Reges tam turpibus mendaciis laudantium, nonne omnes vos mortales ridetis: hi verò, si fieri posset, indignè ferant, cum sentinas cædiū, rapinarum, libidinum, iniustitiæ atque impietatis, sanctos, innocentes, sacrosque appellari auditis; & quod etiam multò impudentius est, stirpes illorum, regna, sceptra, quoque nil absurdius excogitari potest, homunculos ipsos, qui, ut vester Homerus etiam testatus est, folijs (adeò caduci sunt, ac momentaneæ in dies singulos vitæ viuunt) similes prorsus sunt, æternos appellare audent: nulli parcunt laudabili titulo, nullum explodunt mendacium, quantumvis absurdum, modò orationem canoram ac gradibus verbis confarcinatam efficiant: tantum in illis est audaciæ atque temeritatis, in ipsis verò quibus dicuntur panegyrici, amentię ac stuporis, ut quæ non solum à veritate, sed ab omni veri etiam similitudine abhorrent, illi imponere audeant, ipsi imponi sustineant. Ita parasitorum hoc genus effecit, ut neque falsa in illis deprehendere possitis, nec verarum laudum, assuetis fabulas pro historia audire, magnitudinem æstimare vobis liceat. Et quâquam liberius, ut lubet, mentiantur, non tamen falsa hominum encomia veras tui laudes, ô potentissimum Numen, æquare poterunt: Verùm hæc minus artis in me, minus industriæ ac diligentię, denique forsan minus fauoris tui ostendent: cum ego in lætissima segete bonorum, argumentorumque laudis tam sterilis videar; illi ob exercitationem ac audaciam in tam inanibus argumentis adeò locupletes & abundantes. Sed quid hoc est? illi nihil tamen dicunt, sed obstrepunt, nostra, oratio exilis & inornata testimonium solum affert immensitatis tuæ. Quid ornamento opus est, ubi quod narrare velis, omnem mentis nostræ capacitatem, omne figmentum infinito exuperat intervallo? Quid addere velim ei, cuius si vel minimam partem possem attingere, admirabilis omnibus viderer? Quâ mihi arte ad illustrandam orationem illam, quæ tota per se illustrissima est, & supra omnem nostram cogitationem, utendum?

Num



Num quis audeat potestatis tuæ immensæ opera laudare, vel solum attingere? Creasti Orbem hunc totum, maria terras, cœlum, astra, tantâ magnitudine, tantâ pulchritudine, ut neque sensus sufficiat, neque mens satis rectè deprehendere possit. Et tamen hoc totum quod deprehenditis, quodque vestrâ æstimatione maximum vobis videtur, maiusque illâ longè est eorum quæ vos neque videtis, neque cognoscitis, vix minima pars est: seu magnitudinem magnitudini, seu pulchritudinem pulchritudini, seu dignitatem dignitati conferatis. Quæ cum maximâ sint, & talia ut nihil maius possit existimari, multò tamen maiora sunt, potuisse antè æterna esse, immensa absque magnitudine, tempus momento perpetuum, molem ex nihilo, fabricam tam admirabilem absque instrumento, sed solâ voluntate fecisse. Quid quodd in ipsa magnitudine aded admirabili maius aliquod potestatis tuæ argumentum elucescit: nam ductor illius, ubi tot perpetui micant splendores in singula momenta, dico ea in quâ horula ipsa diuisa sexcenta efficit) plus spatij superat, quàm sit hic vniuersus terræ & aquæ ambitus. Et tamen aded magna est machina, ut cum tantâ velocitate sidera ferantur, quæ omnem humanam cogitationem excedat, (nihil enim tale vel fulgur efficere potest, aut multò minùs tormentum vllum bellicum, aut sagitta) quiescere tamen, & omnino immota manere videantur. Atque rursus cum immota maneant, tam procul absunt, ut maximas & incredibiles spationum magnitudines superent. Cur ergo qui non te adorant & colunt qui te impij spernunt, hoc vel solum quod oculis subiicitur, quodque certis rationibus constat, non suspiciunt: nam reliqua quæ nobis abdita sunt, ac sensibus non subiecta, nec mēs nostra capere, nec si scire detur, explicare fas esset, aut multò minùs vobis intelligere liceret. Hæret iam animus, horret, stupet, denique lapidescere videtur, & mens ipsa amens fieri, dum hæc solum quæ oculis subiiciuntur, considero. Solem hunc videtis, quem vos pedis magnitudinem vix implere existimatis: hic molem terræ & aquæ plusquàm centies ac sexagies superat, atque eo multò maiora sunt, multa astra, longè autem quæ Canicularum nomine significatis. Sed hoc non est quod admirari deberis, quàmquam maximum sit; sed quodd tantillum cum sit Solis corpus, vniuerso huic Orbi, aded magno, ad ipsum illustrandum sufficiat. Sæpe ego testatus sum Vos me odisse, ô mortales, sed non vos ipsos odi, verùm temeritatem ac stultitiam vestram. Quippe cum opera hæc tam magna, & supra vestram mentis ac sensuum capacitatem, intueamini, cur est quodd tantum Numen totis viribus, non verbis ipsis, sed factis ac piâ mente non vereamini? non colatis, & adoretis? cur illi non perpetuò puris votis non supplicatis? cur non timetis? cur inobedientes illius mandatis, cur peruiaces estis contra illum, contra quem etiam si omnes vnâ consentiatis, nihil potestis, ille autem vel nutu ipso vos omnes delere potest. Cur ergo cum tales sitis, ego vos maximo odio non prosequar, nondam-

Tom. I,

nem, non accusem? Verùm ad Te, Optime Deus, reuertor, à quo vtinam velis nunquam etiam vel volēs ipse discedere queam. Ita mihi ignoscatur opto & rogo, tuus vel etiam inuitus ut sim facias cupiam. Quid illud æternitatis tuæ arcanum, in quo & omnibus præsens, & illa tamen diffuere pateris, & si alia etiam æterna esse velis, tu tamen ante ipsa esse possis? Quid quodd immensitatis pater cum sis, ubi sis nemo nouit, nisi ex operibus; magnitudinem autem tibi tribuere, profanum est. Ita præsens es omnibus, ut nullibi sistita magnus, ut nihil extra te sit. Sic & illud rursus maximum cœlum ferri velocissimè, liquidum esse, nec tamen solui, cum apud nos vel mediocri motu etiâ ipsa metalla liquefiant. Et sidera quæ in ipso cœlo infixæ sunt, tam tenui materiâ, quonam pacto radios Solis etiam ad nos reiciunt? cui rei locuples testimonium luna affert. Hæc atque infinita alia, quæ iam facta admiramur, neque quomodo fieri potuerint, deprehendimus, non solum maximæ sapientiæ, sed immensæ potestatis argumenta sunt. Verùm quanquam hæc laudis ac gloriæ, potentiæq; insignis sint indicia, cum tamen ad infinitam dignitatē conferuntur, quâ vis absque meta, maiestas absque termino continentur, hoc solum ostendunt admiratione dignum, quonam pacto finitum in infinito comprehendatur, aut quomodo infinitum finito potuit indigere? Multis enim persuasum est, quæ infinita sunt, nihil extrâ relinquere, nec quæ in infinito continentur, finita esse posse. Sed tamen ista quamuis necessaria non sint, possunt admitti: nec est quo indigeamus, vel quo componatur, sed effluit & iuxta metam susceptionis formatur ac desinit. Nam modus ipse agendi, cum ex nihilo vniuersum, imò hæc vniuersa fiunt, infinitam ostendit potestatem, ne infinities infinitum esse necesse sit, si hæc infinita forent. Etenim non in producto hæc est immensitas, sed in te ipso. Auge in nobis lumen diuinitatis tuæ, si si tua arcana vis ut pandam? Quid enim hoc est, momento ipso omne tempus comprehendisse, ut mille anni nobis, nec dies vna tibi sint? neque rursus mille tibi anni nobis vna dies? Quota enim pars vitæ tuæ æternæ sunt mille anni, non vitæ nostræ diecula, quantumvis etiam longissimæ, certa portio est: ut etiam mille anni nobis, cum æstimatione rerum nostrarum, maximum contineant spatium temporis; in te cum minima sint portio diuinæ vitæ, imò ne portio quidem, vicem puncti, & minus quàm dieculæ obtinebunt. Quam rem cum ego mecum reputo, vix vllam felicitatem tam diuturnam, tamque magnam esse posse reor, quæ homines si saperent, beatos reddere queat: atque ob id in dies ratione ipsa suadente, minùs ac minùs ad humana hæc bona, fortunæque dona optanda, cupidus euado. Sed iam quasi sub hyemis nitibus ac glacie totus torpeo. Vtinam mihi, ô Numen præsentissimum, des, ut tam tui tuarumque rerum amore ardeam, ut in mortalibus refrigi. Sed video id necessariò contingere, ut prius veterem hunc sordidumque hominem exuamus, quàm illum splendidum & purum induamus: quamobrem

NN n

noti



non levis muneris esse duco, iam illum magnâ ex parte exuisse. Itaque quid vos iuuant, ô mortales, regna vestra atque gloria, stirps longâ felicitate deducta, postquam neque in his, in quibus felicitatem esse existimatis, felicitas vlla est, nec diuturnum hoc vestrum regnandi tempus, cum ad Dei maiestatem, cum ad id quod verè est, confertur; puncti vel momenti vicem obtineat? Eja agite iam, expergiscimini tandem omnes. Quid enim vos iuuant filij, fratres, consanguineique in tanta solitudine? quid diuitiæ vestræ in tanta omnium verorum bonorum inopia? quid vitæ longitudo in tam breui cursu? quid gloria hæc inanis in tam contempta conditione? quid denique ambitio, fastus ac superbia vestra in tam humili sordidâque statu rerum vestrarum? Quod si ab his incommodis huius corporeæ molis, ab his difficultatibus, ab his necessitatibus contingeret liberari, existimo quod nunc ego sentio, quod nunc ego video, omnes vos, aut saltem maximam partem sensuros. Quare qui iam hanc sordidam vestem exuistis, cur est ut denuò induere curetis? & qui tantis laboribus verus hoc ædificium diruistis, quod vobis sinere liberum erat, cur modò cum tot incommodis reparare tentatis? Persistite in iudicio, permanete in sententia, cum nihil melius, nihil dulcius, nihil iucundius animis vestris esse possit intuitu huius lucis, memoriâ tam præsentis boni, intelligentiâ immensæ sapientiæ. Sed ad rem redeo, vnde digressus eram, eo studio quod cuperem omnes nos homines, ut par est, tuæ Diuinitati tam addictos esse, quam tua postulat dignitas & beneficiorum magnitudo, & quam mihi optabile esset, cum tot artis exempla, cum tantæ sapientiæ specimen edidisses, atque admirabili potestate ex nihilo momentoque tantam molem constituisses, illud etiam addidisti, ut tot instrumenta absque instrumentò, tantam rerum multitudinem vnus, tantam varietatem sine vlla varietate condideris, cunctaque solâ voluntate creaueris, ut idem penè fuerit, voluisse atque fecisse: cumque in omnibus, ut penè dicam, maius sit velle quam posse, plurâque cupiant quam efficere queant, in te vno plus possis quam velis, aut quod non solum mihi, sed omnibus certissimum esse debet, saltem nunquam velis, quod prius non possis Immenſus certè amor, immensa sapientia, immensaque potestas: sed si comparatio tali licet hæc uti, nihil ipsa potestate immensus est. Quæ enim Sapientia constituit mundum, hæcque beatas mentes, nonne à te parente primùm profuxit ab æterno, in teipsòque nata est? cuius non exemplum minùs elucescit in his quæ videmus, quæ agnoscimus, quam in infinita potestate. Quis terram in medio pendentem constituere nouisset tam tutò tantam molem? Tu tamen appetitu centrî eam firmasti. Quis prohibuisset ne ab aquis fluitantibus mergeretur: at tu terram, ut absorberet eam, ordinasti, illam, ut descenderet, iussisti. Quid iussisti? mentior coram te, sed non apud te; voluisti, dicere debueram. At nonne scriptum est, verbo Dei cœli facti sunt: qui per aquas in se quasi distillando re-

deuntes, ne non semper terra ab eis irrigaretur, fecisti fontes & flumina: quique eodem modo ex salſa dulcem, & siderum vi sursum trahens, ac rursus demittens, pluuias effecisti. Qui balneas calidas in hominum commoda fabricasti, ut ipsa sibi frigiditas hostem quasi pararet atque seruaret. Montes autem (quid de ornatu dicam? illum prætermittere volo, ne inter tuæ immensæ sapientiæ exempla, quicquam nostræ mentis capacitati mediocri subsideret) ut nunquam nobis aquarum copiam deesse paterentur, nec ab eadem opprimi. O diuinam verè tuam mentem, quâ eodem inuento duobus maximis contrariisque inuicem periculis prouidisti? Omitto nunc niuium conseruationem, auras frigidas, arborum proceritatem & firmitatem, metallorum commodam exhibitionem, saxa ingentia humanis vsibus ad structuras accommodata: Quæ omnia cum ad egregiam vtilitatem pertineant, sic illa cum necessitate coniunxisti, decorèque ornasti, ut non solum magnitudine vtilitatis, & multiplici vsu, sed ipso ordine, ipsaque coniunctione, tantæ sapientiæ specimen aliquod non mediocriter apud nos (nam apud te, quæ nos maxima esse existimamus, leuissima esse scio) declararent. Verùm & illud deesse videbatur tantis commodis, ne aquæ non in terræ superficie contineri possent, nec piscium vitæ, nec nostris commodis, nec vniuersi pulchritudini consultum esset. At tu quàm facillè omnibus occurristi? Pendere tractu siderum, concuti ventis, æstûque maximam maris partem agitari, solidum esse imum salis copiam etiam additâ voluisti. Quibus etiam prospectum est, ne tanta aquarum moles putredinem contraheret, aut in vnâ partem defluere cogeretur. Ac interim ei incommodo prospexisti, ne terræ medium nimis à Solis radiis exureretur. Et ne omnino tam potentis sideris vi, imbecillis aquarum succumberet, quantum ob vim ab illo metuebatur, tantum nubium molem assiduitatemque auxisti: ut sic rursus obuiam eodem medio duobus maximis atque inuicem contrariis incommodis iretur, scilicet ut nec aquâ destitueremur, nec illius copiam obrueremur. Simulque terrarum munimen magnum fabricasti, atque ita omnia temperasti ut tuæ sapientiæ magnitudinem, nostræque imbecillitatis, qui præsens hoc arcanum nec sensu dignoscere, nec mente ipsa comprehendere valemus, testimonium præberent. A te frustra mortales quicquam nisi factis ipsis exorant, cum nihil nobis ex merito, sed gratuitâ liberalitate, nec ipsam bonam despiciens mentem, vbertim largiaris. Qui Reges in eorum pœnam constituisti Dominos, & Tyrannos in subditorum vltionem imperare permittis. Qui nullo in loco es, sed ante omnem locum in temetipso solum: non magnus, neque parvus, sed immensus. Instituiſti vitas hæc etiam ante locum, ante tempus in semetipsis, atque exinde in in te solo constitutas, mundum verò & locum, ac tempus continentes, ut quod sit solum esse velis. Dubiâ ego in luce, imò in tenebris ipsis vagabar: quicquid luminis & claritatis ac veritatis adeptus sum, à te ipso



ipso proficiscitur. Quod nunc, quod olim eras, ac eris, idem est; at nos, ut vestis male contexta, senescimus, & mutamur in deterius. Quis constituit Solem, tanquam Regem inter sidera, eiusque motum superiorum trium motibus certâ ratione ita coæquavit, ut nullâ ratione adhuc constet? Atque hæc etsi sciri possint à nobis, supra nos sunt, cum lumen hoc tuum imaginibus numerorum & mensurarum non adhæreat, sed mortalitas ipsa hæc fingit: cum verò altius progreditur, ne fingere quidem potest. Sumus nos, & nos esse scimus, etiam si somniaremus, qui tamen & cur nescientes. Ita mundum esse scimus, nec magis quid in illius sit limbo atque corona scimus, quam vermis in auellana genitus nouit auellanae corticem, aut quid extra eum sit. Qui significas pluribus diversâ linguâ loquentibus idem, quasi unusquisque propriâ linguâ loquentem audiat: Et effecisti verba imagines disciplinæ veram doctrinam mentibus his tradidisti. Constituisti terram & maria in æquilibrio, & cælos ipsos in æquilibratione: cum regna & imperia eorum sic tempore & ambitu certo definieris, ac filios Anacyndarasin præesse permiseris, ut in alias gentes dominuram deuoluatur. Qui numerum, qui mensuram omnium sic certâ ratione definisti, ut eorum quæ sunt, fuerint, eruntque, nihil te fugiat. Et æterna miscuisti caducis: atque ex his imaginem quandam perpetuitatis effinxisti. Beati omnes qui te amant, & in teipso confidunt: atque etiam hi soli beati esse possunt. Beatiores autem qui te intuentur. Beatissimi verò qui te simpliciter agnoscunt. Tu ille es, cui nihil aduersatur, sed ut cæcitas & surditas, defectus sunt eorum qui te oderunt. Quibus permisum est ut te agnoscant, hi ne ament te, omnino fieri non potest. Maxima ergo gratia est te vnicè diligere: ab his enim, quantum illis fas est, cognosci voluisti. Quid ergo impio relinquitur nisi error & desperatio? qui cum morituros se existiment, in quo melior est eorum conditio, quam laterculi in fornacè cocti. Non est vita præter tuam, nec nisi à te: & idè æternitatis particeps. Quæ omnino deficiunt, vmbra vitam solum assequuntur. Vita vera non deficit, ut neque splendor in tenebras verti potest. Quid gloriâmini impij cum vestra potestate? Nonne sicut laterculi, qui in caput hominis cadentes interfecerunt. Iustum oppressistis? iustum occidistis? delitiis frui mini? his fucatis bonis abundatis? Quid inde, postquam à vitæ trunco auulsi estis: nec ramusculus vllus ex illo ad vos peruenit? Gnauiter agite, qui Numen æternum amatis, & ne salutem quæ in illo sola reposita est, desperetis. Quid Artaxerxi nunc, aut Cæsari, vel Alexandro? Quis illos non cœnæ vni postponat? Quis eorum voluntatem curet? & quis vbi reliquæ ipsorum si superessent, esse sustineat? quin potius canum cubile, & sordidam paleam illis omnibus præponat, atque eis insidere malit. Vbi ergo est vestra gloria, vestra gesta, vestra potentia atque delitiæ? Omnia inania, quæ à suo trunco auulsa sunt. Quid illis residuum, nisi diræ cædes & impiesates? Consolamini afflicti, & exultate, qui spem in iubare isto

Tom. I.

repositis, vbi neque timor est interitus, neque suspicio indigentia, neque metus oblivionis, nec ingrati intuitus atque operis formido esse potest. Laudate vos vicissim, ac vobis ipsis blandiamini: nihil tamen vobis superest, quam mouere affectus, & non recordari vestrae conditionis, quorum vno exuistis, quantum vobis licet, infelicitatem; altero etiam existimatis vos esse felices. Quo fit ut non amplius, quod ego cum multis ob veritatis amorem tanta passi dolebamus, dolore afficiar. Quid enim mortales dare possunt præclari, cum nihil habeant præter gratiam tuam, quæ sui non est arbitrij, aut auferre, cum nihil beatum sit apud illos. Si potuit Vir vnus geometricis figuris intentus non sentire mortem, aut saltem patriæ ruentis casum, nec exitij instantis metum: quid ego, aut alius quispiam intentus in tuum benignum iubar, mali in morte sentire potero? Ruant faces, tela, carnifex instet, filios in tormentis alius discruciet, fama, nomen pessum eant: quid è vita, quæ cum amore tuo coniuncta sit, adimere poterunt? Exigui sumus, & ex minimis coacti, mirari que cogimur minima, cum magna non intueamur. Sequimur anxie vmbas, donec veras res videre contigerit. Non possumus despicere terrena, delitias applaususque mortaliū, quousque te non viderimus. Eja, eja mortales, qui vobis laruas fingitis, deos alienos, & aliena sequentes? hoc ipsum quod totum est, qui omnia potest, cuique omnia debetis, relinquitis? En ingratum facinus, maximam amentiam, miseram calamitatem? Vitam omnibus præstas tu solus, atque adèd abundè ut omnia germinet. Ex te fecundus ille amor generandi, sobolem fouendi, educandi, atque etiam instituendi, totus manat: sed ad eos quos etiam magis diligis, etiâ virtutis amor, atque ipsa denique virtus; inde etiam præclarum veritatis studium, ac demum sapientia ipsa manat. Nos verò amentes excordesque mortales, colimus aut Dæmones, aut alia turpiora. Est aliquid sapere in vno homine, & admiramur si quem viderimus excellentem at in omnibus qualis scientia? Ea verò harum quæ hinc adsunt, minima portio: at tua prorsus infinita est, nullo illa æuo terminatur, ut crassa rei effigie ducar. Quid ergo est ut postquam in longum, dicam, non terminatur, vel in latum, vel profundum, finem aliquem habeant? Si igitur vnde quaque immensa est ac infinita, neque hoc ipsum quod intuemur, circumscriptum finibus vllis existimabimus. Sed eja timemus mortem inopinam, gloriam nominis extinguere, sobolem deficere, monumenta nostra aboleri, aboleri sapientiam? Non sat rectè, neque prudenter. Vita quidem, atque gloria nostra omnis in te vno reposita est, sapientia in omnibus his qui te circumstant, atque abundè nullius rei maior copia. Solum apud nos vmbra tilis quædam & exigua pars habetur, cætera omnia fecunda sunt verâ & solidâ sapientiâ: seu ad mentes has, seu vitas, seu quæcunque sunt antè locum, quibus hoc ipsum quod tu es, immensum repletum est, seu ad te ipsum. Stipula nostra sola relicta est, in qua ne pereat sapientia, periclitamur. Quid hoc est aliud

N N n 2



aliud quàm si metueremus, ne in abundantia optimorum piscium marinorum viuentium pro apparatu conuiuij præparatorum, quisquam metueret, quòd sordidus pisciculus è stagno ac iam semiputris abiiceretur. Nonne videtis mortales, quicunque huc peruenire potuistis, quàm splendida sint omnia, quàm clara, quàm sapientià plena? Vos ergo timeris, ne vmbra illa vestra atque confusa opinio vobis pereat. Cæterum quod ad opes attinet, quid miseri accidere potest, cum paucò pane, atque pomis, & aquà Natura contenta sit? Reliqua sunt ad cupiditatem, quà carere decet eos qui te cupiunt; aut ad fastum, qui eorum solùm esse debet, qui conditionem propriam ignorant. Extinguentur monumenta & soboles? Et hæc in omnibus extinguentur, licet in quibusdam paulo ferrius. Verùm si iam natos filios amittere durum est, an putas, ô mortalis, semper posse superesse? At si animum illorum? quomodo meliùs quàm hîc apud vos esse poterit? aut felicior, aut amabilior? An quemadmodum qui ligneas & lapideas statuas coluerunt, vos vobis quandam felicitatem plenam nugis, fabulis, insecutiã atque inani spe? At & cum illis bene actum est à te, ô Numen, qui plura illis tribuisti, quàm sperarent, imò quàm vel exigere auderent. Ergo quàm immensa in nos sunt tua beneficia, ô iubar, & quæ occulta sunt transmissa natura ministra? Genitos esse, nutrirî, adolescere, valere, robore præstanti esse, conficere posse quæ edimus ac bibimus, aduersa tot propellere, alios nobis similes generare, tot membra, partes, meatus in vsus nostros, nihil otiosum, nihil quod nobis esset inutile. Et quæ nos cognoscimus ipsi, videre, audire, ambulare, recordari, tot sensus, tot vires mentis ac corporis: sed præter id quæ supra hæc communia sunt, artes, scientiæ, ordines, commoda, domus, equi, currus, naues, regnare & imperare, aut in Republ. authoritatem habere, leges, iudicia, magistratus: tum verò maiora sunt, iungi cum his qui hîc astant numinibus, arcana Naturæ cognoscere, & Diuinarum rerum in mortalitate esse participes. Verùm quod maximum est, quòdque nec sperare, nec petere, nec velle ausi essemus, vnam habere cum his mentibus coniunctam naturam, mentisque immortalitatem, cuiusnam tantum est hoc beneficium, quàm tuum? cuius tanta benignitas, tanta liberalitas? Nonne tua hæc atque gratuita. Quonam facto, aut dicto, aut cogitatione ista promereri potuimus? An sordidis nostris desideriis, aut impiis factis, aut inanibus verbis? Tu tamen amplissimâ liberalitate ac munificentia tuâ nos reos maiorum criminum effecisti: priùsque nos definemus esse improbi, quàm tu beneficis. Qui cum non solùm in hoc nostrum humanum genus, mentisque capaciùs altæ, animam, vitam ac scientiam infudisti, sed etiam vsque ad culices, pulices, formicâsque tua illa immensa benignitas permeet, nullo fastu, nullâ ambitione, aut indignatione maculata vel obscurata. O? prouidentiam ineffabilem, ô liberalitatem immensam! ô amorem infinitum atque purissimum? Qui maluisti tua dona immortalia communicare, neglectis at-

que despectis his inferioribus, quàm vel minimum huius sordidæ materiæ, & abiectæ Hyles, & rapacis inconstantisque fecis, inornatum relinquere. Luunt animulæ illæ pœnas, sed cum dulcedine huius vitæ & sensuum illecebris. Non poterat totum incorporeum fabricari, si debuerat esse perfectum. Defuisset locus, tempus, vicissitudoque rerum ac varietas, quæ magnam affert voluptatem: nec sensus præstantia dignitatem recipere poterat, si corpora omnino defuissent. At propositis corporibus animæ restabant. Vbi enim suauitas odorû, dulcedo saporum, pulchritudo florum sine anima esse poterant? At decuit eas esse animas, quæ hæc ingredi corpora non indignarentur aut recusarent. Creasti illas: vt enim remotiores à te, eò dignitatis ac felicitatis minõris participes fore necesse fuit. Sed tamen & illas in suo genere perfectas, & ab omni macula atque iniuria, dolore molestiæque immunes esse decuit, vt libenter munus suum subirent, nec suæ dignitatis aut officij pigeret. Ita effectum est hæc infinitâ & incomprehensibili sapientiâ tuâ, vt & materiæ huic deformi prospiceretur, & mundus ipse ornaretur, & sensus gauderent, nec quicquid de dignitate aut felicitate animarum deperiret. Verùm dicat aliquis, (scio enim quanta sit cupiditas mortalium omnia cognoscendi) cur non omnis moles hæc corporea pura facta est, vt omnia mortis, quemadmodum superi hi, expertia essent. Non possum, non valeo hæc dicere, ac cuncta referuare, sed fatebor ingenuè me nescire: dicam tamen coram te, hisque mentibus, quas factum hoc scire puto, quid coniecturâ assequar, non vt vera dicere in tam ardua causa posse sperem, sed vt etiam ante te mortalitatis nostræ speciem reddam, & audaciæ, & temeritatis, ac inexhaustæ cupiditatis, denique planè absolutæ stultitiæ, quæ nobis omnibus hominibus ab ipsis incunabulis indita fuit, specimen non leue referam: nam prorsus infantis & perditæ amentię esse scio, ea narrare velle quæ nesciam, his ipsis qui illa qualiter se habeant, perfectissimè norunt. Sed pergam tamen, vt morem communem nostri generis sequar: scilicet velle alios docere quæ nesciant. Desinere oportebat in aliquid ordinem hunc à te procedentem atque finiri, nec patiebatur ipsa rerum series carere ultimo, cum ordinibus non magnitudinibus esset distincta. Cum igitur ad extremum deuenisset, Hylen ipsam confecit, inanem, vacuâ, exhaustam, ac penè tenebricoso vacuo similem. Equidem si eam non creasset, non vsque ad extremum series ipsa rerum deducta esset, sed adhuc aliquid agendum relinqueretur. Solùm ergo facta est quando nihil melius fieri potuit, absolutis iam omnium meliorum ordinibus. An ergo par erat illam destitui? Poterat quidem, sed suæ liberalitatis esse duxit & illam animis informare, atque ad vitam reuocare. Verùm animæ ipsæ tam informe barathrum ingredi recusabant. Itaque data sunt illi corporeæ formæ: quas Hyle, vt est inconstans & auida, perpetuò excutere nititur, atque vnam pro alia subiicere. Atque hæc fuit mortalitatis causa necessaria.



saria. Neque ergo detractum quicquam est ex meliorum procreatione, sed quasi ex superfluo ex perpetua defluxione esse, substantiam, vitamque accepit. Sed & in hac tam peruiacaci conditione huius rebellis ac nefaria rerum ipsarum noueræ, quanta protulit admiranda tua præclara Sapientia, ut & in tam sordidis reliquiis species diuinitatis refulgeret. Primum elementa ipsa, elementorumque motus adinstar cœli circumambiens terram, metallica tot, & metalla, lapides, speciosæ gemmæ; inde herbæ, frutices, arbuta, arbores: indeque illarum ornatus, folia, flores, fructus: insecta, serpentes, animalia quadrupedia, volucres, innumera piscium genera, tot illorum admirandæ partes, conchyliæ, ostrea: Demum homines, & inferi, & superi, & quicquid inter illos nobilius est ipsa mortalitate, sapientius atque decen-  
tius. Opera quoque non solum horum, sed etiam eorum quæ mente carent ad stuporem usque admiranda. Hinc mores, leges, curæque filiorum, cubicula, victus, industria: & quod magis mirum est, nullo præceptore didicisse optime, facere quæ nesciant. Sed iam ad altiora me recipio: quandoquidem etsi hæc à nobis melius intelligantur, inter vltima, tamen Diuinitatis opera, ac quasi (ut apud nos dici solet) succisua reponi debent. Iam primum Te ipsum solum, tuæque admiremur. Quod si hoc fas non est, non licet, non possumus; maiora enim sunt longè arcanis fictorum Sacerdotum Ægyptiorum atque Atheniensium, hominésque ac monstra pro Diis colentiū, & pro fabulosis seriæ horum qui tibi propius ordine astant, laudes dicamus: neque enim dubium est eas etiam omnes tuas esse, & ad Te peruenire. Et quod quisque plus intelligit, sapiensque est, eò longius se à maiestate tuâ abesse cognoscit, quoniam plus est quod comprehendere semper potest, quàm quod comprehendere. Quale illud: quod sempiternâ & inuariabili

æqualitate perpetuam & ordinatam varietatem efficiens, mundum tam pulchrè exornasti. Cœli enim sponte dum iubilant, per eandem viam euntes tot modis, nullum sibi faceffunt negotium. Genita verò hoc vno, ut per eadem continuentur, admirabilis illius primæ constructionis rationem retinent, ut prius totum quàm partes, & compositum quàm simplicia, præceptum tuum seruasse videantur. Nam dum totum hoc vñ simile sibi producit, innumeras illas partes singulas singulis conformat. O? immensam tuam Sapientiam, in his etiam quæ deprehendi à nobis possunt, conspicuam. Sed quanta pars hæc tanti dicam operisne an operum? cum in hoc ipso, & in immensitate tantam facilitatem, & in tam simplici facilitate tam altæ Sapientiæ specimen ostendisti. Deus ex quo omnia, mentem mihi dona. Vnde mihi tanta cognitio nisi à te? Et ut ex altantibus tibi dicere scirem, aut auderem, aut rectè possem? Dei summi vita, domina mei, serua me. Vbi & sensus, & actionum numerus, & elementorum perfectionem in utroque retinent, & primæ preces æquâ diuisione immortalia à mortalibus seiuncta habent. Quodnam malum homini tam magnum euenire potest, quod diuinis Sapientiæ tuæ muneribus largè non superes. Modò liceat limites tangere extremos abditiæ tuæ comprehensionis. Et nomen tuum nimis magnum est, quoniam Tu idem ipse es: Et qui illud suo genio prætexuere, ceciderunt, & dolo agentes in dolis perierunt ipsi, aut stirps eorum. Neque in potentia confidant Regna, omnia enim tuo ex nutu pendent. Nisi effuderis in me lumen tuum, non possum scire quæ tua sunt, neque dicere an sanguinarium virum diligas, qui asserat se ob mandatum tuum hæc facere. Ignotum enim mihi est, an humanâ manu placeat vindicta improborum, & legem tuam contemnentium.







# INDEX RERVM

Illustrium quæ in Priori Tomo  
Continentur.

*Prima Columna notatur per Litteram A, Secunda  
columna per Litteram B.*

A.



B indicationibus contrariis  
quomodo se expediendum  
a. 464

Aboribus duorum masculo-  
rum quadrimestrium Car-  
dani. 17

Aboluta quærere, leuitatis animi indicium.  
b. 123

Axapisia vitanda est. b. 359

Accensus candelæ mirus. p. 21

Accentus quis & eius etymologia. a. 258

Acilius ex diuite pauper. p. 22

Acromantia quid eiusque diuifio. a. 566

Actionum & verborum diuifio. b. 367

Adamas timorem expellit. b. 339

Adamantis tractio, unde, & quomodo  
fiat. a. 281. & b. 283

Addiscentem oportet præcognoscere quod  
est. *Contradiçtio.* b. 316

Ad mortem currimus omnes. 64

Aduersa quomodo toleranda. a. 461

Aduersus Æmulum ambitiosissimum quo-  
modo se gerendum. b. 450

Aduersus famam Cardani verba atrocif-  
sima. p. 13

Aduersus inimicum exitialem quomodo  
se gerendum. b. 459

Adulatores Principibus quare sint utiles.  
b. 538

Ægyptij omnium artium inuentores. a.  
598

Æmarus Ranconetus natione Gallus. 11

Æmulatio Fratrum regna Græciæ, Turca-  
rum dictioni tribuit. a. 540

Æmulorum conspirationes quomodo fu-  
giendæ. b. 448

Æqualitatis media legitima, & quæ. a.  
305

Æquiouoca non comparantur. a. 338

Æthines quis, eius mores & vita. b. 157

Æscula pius egregius Chirurgus. a. 160

Ætas foelicissima, homines infœlicissimi &  
quare. b. 129

Ætas, fortuna, & coniugium mutant mores  
p. 50

Ætates, mores, formam corporis, tem-  
peramentum atque habitum commutant.  
p. 52

Affectus animi repentini obseruandi. b.  
391

Affinitas triplex Litterarum inter se & de  
xxiv. litteris. a. 250

Affirmatiuæ necessariæ contradicit negatiua  
de inesse; *Contradiçtio.* b. 312

Afri bellicam Artem Religioni sæpè coniun-  
xerunt. b. 365

Afri fratres, & filios vendunt. b. 361

Agarici vires. a. 196

Agamedis & Trophonij mors. a. 602

Agathij de morte verba. a. 600

Agésilæus. Lacedæmoniorum Rex, vir gra-  
uis vsque ad ineptias amauit filios. a. 591

Agrippæ libri absurdis, & experimentis  
falsis pleni. b. 124

Agis Regis Lacedæmoniorum morientis  
verba eximia. a. 592

Agis strangulatus est. b. 557

Agricoltura, & eius cognitio. a. 144

Agriculturæ partes sunt decem & octo a.  
& b. 144

Agriculturæ vtilitas. a. 144

Agripina malorum omnium Neronis cau-  
sa. a. 193

Agrippina Neronis mater. a. 181

Agrippina Neronem filium suum ad stu-  
prum sollicitauit, & cur. b. 181

Agrippina & illius stirps. a. 181

Agrippinæ mors à Nerone iustè illata. b.  
181

Agrippinæ violentia. a. 199. & illius vita. a.  
197

Album per Accidens prædicatur. *Contra-  
diçtio.* a. 326

Album solam qualitatem significat. *Contra-  
diçtio.* b. 321

Alcyon in condendo nido peritissimus. 25

Alcibiadis, Coriolani, &c. generositas. b.  
458

Alcibiades facundâ oratione Patriam suam  
enertit. b. 644

Alcibiadis infamia. a. 576

Alea apud Mahumetanos prohibetur. b.  
190

Alea damnata ab Aristotele. b. 264

Alearum duarum iactus. b. 264

Aleæ Principale fundamentum quale sit. b.  
263

Alearum triqm iactus. a. 265

Aleæ



# Index Rerum.

- Alex vnius iactus. a. 264  
 Alexander Ephestioni sacra constituit. b. 615  
 Alexander in Clytium ingratus. a. 390  
 Alexander & Augustus, fuere minus fo-  
 clices quam existimantur. a. 132  
 Alexander nihil præter arma & corpora  
 erat, & tamen Asiam subegit. a. 627  
 Alexander quid prætulit vitæ dispendio.  
 pag. 7.  
 Alexander seuerus bonus Princeps. a. 154  
 Alexandri cuiusdam Tyranni apud iudæos  
 in morte, verba. a. 536  
 Alexandri magni vita breuiter enarrata. a.  
 541.  
 Alexandri regnum amplissimum. b. 558  
 Alexandro Aristoteles, Traiano plutar-  
 chus ad. acquirendum imperium multum  
 profuit. a. 593  
 Alfonsi Aragonij Regis historia. b. 245  
 Alphonsus Castellæ, tabulas astronomicas  
 reliquit. 76  
 Aliena à professione quærentes. a. 364  
*Αλιδεια* quid sit. 73  
 Alumni & discipuli Cardani qui & qua-  
 les fuere. 26  
 Amici, & quid cum illis cauendum. a.  
 388  
 Amici ac patroni Cardani. p. 12  
 Amicitia, pars felicitatis non leuis. p. 23.  
 Amicitia potentiorum, graues sunt. a. 362  
 Amicitia tres affectus, affines. b. 236  
 Amicorum Cardani laus. a. 12. & 13  
 Amicorum vitia quæ, quot, & quanta.  
 b. 418  
 Amicorum vsus & familiaritas. a. 417  
 Amicum præstantem habere, magnum sa-  
 pientia indicium est. p. 48  
 Amicum nemo è potentia deturbare, sed iu-  
 uare debet. b. 552  
 Amicus, vbi, periculo amici sui errat.  
 a. 420  
 Amitam Nero occidi non iussit & cur. a. 198  
 Ammonis Oraculum. b. 563  
 Amor quid sit, illius vis etiam in rusticis,  
 & de stupido amanti pulchrum exem-  
 plum. a. 524  
 Amor quid sit. b. 480  
 Amor Cardani in filium. a. 116  
 Amor, desiderium coniunctionis in vnum.  
 a. 277  
 Amor tam immensus Parentum in filios,  
 vnde. a. 509  
 Amor turpis vehemens est, etiam in Se-  
 nibus. a. 524  
 Amoris vis in Arist. platone, socrate &c.  
 a. 524  
 Amulcon quis fuerit. 72  
 Amulcon quo morbo laborauerit. 72  
 Anaxagoras, librum, in custodia, de qua-  
 dratura Circuli, scripsit. a. 632  
 Anaximandri Opinio de Mundo. a. 285  
 Andreas Alciatus, quare vir inuentionum  
 vocetur. a. 47  
 Andreæ Dauriæ Misera mors, & illius di-  
 uina vltio. b. 413  
 Andreæ Bagij historia. b. 562  
 Andromas animi affectibus multum pro-  
 dest. b. 339  
 Angelus bonus, quis sit. p. 45  
 Anima, corpus, homo, hæc tria sunt in ho-  
 mine. a. 237  
 Anima immortalis. b. 357  
 Anima & mens singulis vna est. a. 282  
 Animalia consilio, voluntate &c. sunt ex-  
 pertia. a. 598  
 Animalia delectationem habent. 76  
 Animalium quorundam educatio. b. 481  
 Animam nouam fieri in singulos dies qui  
 sunt illi, qui credant. a. 285  
 Animi bona quænam sint. a. 239  
 Animi & corporis firmitas quomodo ser-  
 uetur. a. 389  
 Animi vitia & quomodo corrigenda. a.  
 351.  
 Animorum cum Sole comparatio. a. 599  
 Animorum hominum æqualitas. a. 361  
 Animos esse immortales creditum est ab  
 æuo condito. a. 548  
 Animum virtute instruendus est. a. 366  
 An in morte propria seu necessarium ali-  
 quid mali sit. b. 596  
 Annibal sæpè victus, Romanis magnas ca-  
 lamitates peperit. a. 508  
 Annibalem Aristonum abcessu in pectore  
 in fistulam conuerso, mirabiliter curauit  
 Cardanus. 33  
 Annulus è digitis Cardani ereptus est de no-  
 cte. 21  
 Ansalii Hispani facinus, & historia. b. 562  
 Anthropomantia. a. 563  
 Antidorum Almanforis lætum hominem  
 reddit. b. 339  
 Antigorgæ Dialogus. a. 641  
 Antiochus miser. a. 140  
 Antisthenis dictum, ingenij acumine ple-  
 num. a. 179  
 Antisthenes Socratis auditor. b. 157  
 Antoninus & Antoninorum familia eorum-  
 que vita. b. 209. & a. 210  
 Antonius & Cassius, qui fuere. a. 180  
 Antonius de Caio sanguinis mictu sana-  
 tus. a. 87  
 Antoninus litteris vera mandauit. p. 10.  
 Antonius Maria comes, & morbus eius.  
 a. 94  
 Antonius Scazolus arthridite laborans.  
 a. 85  
 Antropophagi fratres & filios comedunt. b.  
 361  
 A & ω quare deo tribuantur. b. 449  
 A priuatione ad habitum non est regres-  
 sus *contradictio*. a. 319  
 Appelles pictor eximius. a. 503  
 Appellis adagium. a. 507  
 Appollonij vita fabulosa. b. 366  
 Appollonius in demonstrationibus circa  
 quatuordecim versatur. a. 304  
 Appollonij mors. a. 166.  
 Arabes qui præ metu moriuntur. a. 591  
 Aratus Atheos perdidit. b. 152  
 Arcæ, quæ postquam aperta est, non clau-  
 datur, constructio. a. 379  
 Arca veneni, quo infecta sunt maria. b.  
 206  
 Archelai regis de iniuria sibi illata, vlciscen-  
 da, verba Principis digna. a. 631  
 Archelaus Cappadociæ Rex, eius mors, &  
 quomodo eius regnum in prouinciam re-  
 ductum fuerit. b. 183  
 Archie



# Index Rerum.

- Archiepiscopus Toletanus eiusque histo-  
 ria. a. 341  
 Archimedes inter Geometras primus. b.  
 138  
 Archytas Tarentinus ante Socratem flo-  
 ruit. a. 154  
 Argileon & de morte filij interrogatio iu-  
 cunda. b. 616  
 Ariobarzanes Rex pauperrimus & regno  
 eiectus. b. 201  
 Arioli, Astrologi, & Pythones absque diui-  
 na sapientia futura prædicunt. b. 500  
 Arionisti calamitas. b. 497  
 Arithmetica diuisio in quatuor partes. b.  
 143  
 Aristippi de præmio pro magisterio acce-  
 pto egregium responsum. a. 156  
 Aristocratia melior Republica. b. 277  
 Aristoteles excelluit in naturali philosophia  
 & diuina, tumque in Dialectica. a. 127  
 Aristoteles Socratem vocat irrisorem, &  
 ambitiosum. b. 151  
 Aristotelis dictum de solitudine, *homo so-  
 litarius aut bestia aut Deus.* p. 11  
 Aristotelis formula ad inuentionem minus  
 utilis. a. 293  
 Arithmetica & eius utilitas. a. 143  
 Arithmetica Algebrae capitula comprehen-  
 dit. a. 39  
 Armenij Tyridalis historia. a. 569  
 Ars omnis usu & experientia constat. b.  
 545  
 Ars, prudentia, scientia, intelligentia, sa-  
 pientia, bona hominis. b. 503  
 Ars somniorum prædicendi quatuor habet  
 partes. a. 146  
 Artes omnes fraudem admittunt. a. 544  
 Artes sub sensu posita sunt. b. 232  
 Arthemisia Mausoleum Coniugi mirâ ar-  
 te construi iussit. b. 511  
 Artaxerxes in Metrodorum ingratus. a.  
 390  
 Aruspex. a. 565  
 Arx Mediolanensis fortissima. b. 201  
 Asclepiades, Archigenes, Erasistratus medi-  
 ci illustres. a. 160  
 Asclepiodorus sine coloribus pictor. a. 589  
 Aspiratio litterarum. a. 257  
 Assyriorum regnum in Medos translatum.  
 a. 201  
 Astra non sunt causæ euentuum. b. 469  
 Astrologia morbi euentum prægnoscere do-  
 cet. a. 171  
 Astrologiæ Cardani cognitio. 8  
 Astrologiæ consideratio. a. 144  
 Astrologiæ partes nouem. a. 144  
 Astrologiæ plurimum studuit Cardanus. pa-  
 gin. 31.  
 Astrologiæ usus. a. 144  
 Astronomia quid sit. b. 143  
 Astronomiæ usus. b. 143  
 Artium præclarissimi scriptores. b. 517  
 Athenienses non odere nisi prauos Philo-  
 sophos. a. 154  
 Attilij Reguli durities aduersus suos. b.  
 589  
 Avaritia quid sit, illius ortus, vnde & eius  
 effectus. b. 521. & a. 522  
 Avaritia ubi est, nec amor, nec fides, nec  
 misericordia est. 48  
 Aues, collo abscisso aliquando viuunt. b.  
 292  
 Autoritas vel æstimatio apud populum  
 quomodo captanda sit. a. 431  
 Audacia ab ira facit crudeles. p. 48  
 Auguria. b. 565  
 Augusti, amici tres. a. 181  
 Augustinus 40. diebus nudis genibus Deo  
 preces fudit. a. 470  
 Augustinus, & vnde ipsius gloria. b. 572  
 Augustinus multa scripsit. p. 55  
 Augustus amplissimæ fortunæ vir. p. 22  
 Augustus ignominiam suam egregiè tulit.  
 a. 572  
 Augustus laudatur in interrogatione *num tu  
 patrem occidisti?* p. 8  
 Augustus pronepotem occidi iussit. b. 199  
 Auicenna inter Medicos magnus. b. 138  
 Aureliani mors, lectione digna. b. 564  
 Auspicium. b. 565  
 Autoritas tribus constat virtute, proge-  
 nitoribus & societate. 543  
 Auxilia omnibus qualia. b. 238  
 Auxilia ex aliis capitibus quomodo peten-  
 da sunt. b. 439  
 Axiomata. b. 467  
 Axiomatum diuisio. b. 294
- B
- Bacchanalia, & quid in iis sit. a. 118  
 Baptista Syrtisij & totius domus sue hi-  
 storia. a. 84  
 Beatitudo non potest esse in honoribus, nec  
 in intempestiuis voluptatibus. pag. 8.  
 Bellum licet suscipere quinque de causis, &  
 quæ. b. 183  
 Bellum perturbationem fert hominibus. a.  
 183  
 Benefactorum tempus diuturnum esse de-  
 bet. b. 552  
 Beneficia erga amicos impetranda quomo-  
 do. b. 417  
 Beneficentia quid sit. a. 237  
 Beneficiorum collocandorum duo præcepta.  
 b. 389  
 Beneuolentia quid sit. b. 236  
 Berylli & eius efficacia. b. 339  
 Bionis Boristhenensis historia. 78  
 Bona animi & corporis, & illorum bonorum  
 mala contraria. b. 496  
 Bona humana nullis fuerunt exitio. a. 587  
 Bona quatuor eorum qui diuinâ sapientiâ  
 muniti sunt. b. 500  
 Bonifacij historia. b. 562  
 Bononiæ Cardanus Professus est. 9  
 Bonorum tria emolumenta. a. 233  
 Bonum triplex. a. 462  
 Branda Cardani Præceptor. p. 9  
 Brassicam inter & Rutam antipathia. b. 282  
 Brisacus Prorex, eiusque mors. a. 411  
 Brutus duos filios publico supplicio mul-  
 tauit. a. 616  
 Brutus simulans stultitiam tyrannum è re-  
 gno depulit. b. 556  
 Brutus & Torquatus filios occiderunt & cur  
 laudantur. b. 179  
 Budæus aduersus Erasmus in quo peccauit.  
 a. 135  
 Burrus imperij Neronis magister. b. 181  
 Cæcitas



# Index Rerum.

## C

- C**æcitas & eius utilitas. b.634  
**C**æmentum ex altissima subgrunda cadens euitauit Cardanus mirabiliter. 19  
**C**æromantia quid sit. a.565  
**C**æsaris eloquentia Ciceronianæ comporata. a.493  
**C**æsaris Palauicini morbus. b.82  
**C**æsaris & Catonis corporatio. b.542  
**C**æsar in conscribenda propria historia peritissimus. a.517  
**C**æsar, victoriis, comentariis, emendatione anni, summam gloriam sibi consequutus est. b.510  
**C**aij, Octauij Nepotis interitus. b.580  
**C**alamitas calamitati viam præcidit. b.340  
**C**aligula cum filios trucebat, patres ad illorum cænam inuitabat. b.206  
**C**aligula Tiberiolum occidi iussit & cur. a.181  
**C**allicratidæ generosa verba. b.602  
**C**alumniæ apud populum duplex. a.454  
**C**alumniarum apud populum eradicandum modus. a.454  
**C**alumniæ apud principes abolendæ modus. a.423  
**C**alumniæ, diffamatio, insidiæ aduersus Cardanum. 423  
**C**ambyfes iratus pueros viuos sepelire iussit. b.523  
**C**amilli Boromæi sanatio. 65  
**C**anes nomina propria agnoscunt. b.597  
**C**apnomantia. a.565  
**C**aptiones in syllogismis, quales, & quot sint secundum Arist. b.300  
**C**aptores quomodo eludendi. b.404  
**C**ardani mater. 2  
**C**ardani miseriam breuiter enarratæ. b.618  
**C**ardani natiuitas annus dies & hora in qua natus est. 2  
**C**ardani quinque aliæ stirpes ab Albina. 2  
**C**ardani Pater Facius Iurisconsultus & eius parentes. 1  
**C**ardani Patria. pag.1  
**C**ardani prosapia secundum aliquos ex Castillioneorum ramo. 1  
**C**ardani verba egregia inter disputandum. pag.10  
**C**ardani vitia ab ipsomet enumerata. 10  
**C**ardatorum familia. ibid.  
**C**ardanus dissimulare poterat, & dissimulare nesciebat. p.10  
**C**ardanus factus est ea *ῥασιὰ κήλων*. b.97  
**C**ardanus fuit valetudinarius. 5  
**C**ardanus in disputando acris fuit. 9  
**C**ardanus Matheseos professor. 23  
**C**ardanus Musicis instrumentis operam dabat. 6  
**C**ardanus post obitum gloriæ fuit cupidus p.10  
**C**ardanus quomodo in morte filij Camilli Bonromæi propriam mortem euaserit. pag.25  
**C**ardanus solitarius. 10  
**C**ardanus à peste voto beatæ Virginis liberatus. 4  
**C**armina mœrore plena. a.596  
**C**arniuoræ volucres, quæ sint. pag.54  
**C**aro Cardani quid olebat. p.28  
**C**aroli quinti imperatoris vita plena insidiis. b.413  
**C**aro pessima febricitantibus. a.172  
**C**artharum ludus, & differentia Cartharum. b.267  
**C**arthusianorum vita maximè austera. a.626  
**C**asamatus vir doctus. a.137  
**C**aspj, parentes post annum septuagesimum occidunt. a.609  
**C**asus domus vbi habitabat Cardanus cum vxore & filiis, & quomodo intactus remanserit. 28  
**C**atalogus librorum Cardani. 55  
**C**atoptromantia quid sit. a.564  
**C**ausæ ciuiliū calamitatum. a.561  
**C**ausæ dedecoris vitandæ, ne libertatem amittamus. a.585  
**C**ausæ duæ infœlicitatis mortalium. 47  
**C**ausæ humanæ congregationis decem & quæ. a.408  
**C**.Cæsar quot occiderit homines. b.208  
**C**efalconomantia quomodo fiat. b.565  
**C**elebris disputatio Cardani publicata apud Senatum. p.9  
**C**erebri morbus & vnde. b.90  
**C**erebrum seta cruda, & coccus latus reddunt: opium, & radix sicutæ perturbant. a.352  
**C**hiromantia ex manibus. a.144  
**C**hiromanticus Cardanus. 37  
**C**hrysolitus ad quid utilis. b.339  
**C**hristiani de filio nato quare gaudere debeant. b.185  
**C**hristianorum Neronis tempore paruus numerus. a.200  
**C**hristi præceptum. b.252  
**C**hristus Cacodæmonem mendaciæ patrem appellauit, & cur. a.152  
**C**hristus quare pauper venit. b.129  
**C**hristus quo genere iniuriæ fuerit proditus. b.414  
**C**ibi febricitantium quales. a.165  
**C**ibus optimus beneuolentibus, panis & caro. b.586  
**C**icero in Pompeio adulator. b.140  
**C**icero Romanos perdidit. b.152  
**C**iceroni exilium vtilissimum fuit. a.592  
**C**iceronis intolerabile encomium. b.140  
**C**iceronis vita in accusando posita semper fuit. a.135  
**C**iconiæ inter aues parentes fessos nutriunt. a.614  
**C**irca venerem quales sint homines. 48  
**C**irculo non contingit demonstrare. *Contradictio*. a.314  
**C**iuitates & meliores sunt vno homine non solum, sed etiam multitudine, & quare. b.277  
**C**laudiani verba exigua. 77  
**C**laudij mors, ab vxore illi illata. b.181  
**C**laudiorum gens ambitiosa. b.194  
**C**laudius, Drusi filius quomodo Imperator fuerit. a.181  
**C**laudius in diuorum numerum relatus. a.295  
Claudius



# Index Rerum.

- Claudius Messalinâ** trucidatâ, Agrippinam ducit in vxorem. a.181
- Cleanthis** exercitium nocturnum, & laus pag.76
- Clementia** Neronis. a.192
- Clementis** fœdus cum Gallorum Rege ac Venetis. a.349
- Cleombrotus** in equo Phalaridis obrutus fuit. a.482
- Cleopatra** & eius mors. a.603
- Cleromantia** multiplex. b.566
- Clodius** à Cicerone acensatus fuit. a.139
- Cogitatio** causa fuit incesus inæqualis, Cardani. 14
- Cognitio** eorum quæ in vrbe aguntur necessaria. 376
- Colapho** Cæsus Cardanus cecidit. 25
- Colluctare** cum impari periculosum est. a.439
- Color** cæruleus vnde fit. a.570
- Columbæ** simplicitas magna. a.500
- Columbi** Ligurisex dicto Aristotelis fortuna cum Princeps factus sit. a.494
- Comæ** cuiusdam mors. a.600
- Cometes** Neronis tempore & quid significabat. b.187
- Comitas** omnibus bona. b.369
- Commentaria** super posteriorum Aristotelis quantæ magnitudinis. 56
- Commune** est omni substantiæ, non suscipere contrarium, neque magis, aut minus. *Contradictio.* b.319
- Communia** sunt sex. b.293
- Commutationes** natura & tempore peccantur. b.401
- Complacentia** aduersus Reges. 11
- Compositio** omnis ornata, completa, dilucida, & ordinata esse debet. a.520
- Concilij** optima pars, ratio est. a.582
- Concilij** necessitas. a.580
- Concilium** & iudicium in ludis. b.273
- Concinomantia** quomodo fiat. a.567
- Conclusio** necessaria ex præmissis tantum sequitur necessariis. *Contradictio.* a.317
- Conclusio** potest esse dissimilis præmissis. a.309
- Conclusionis** probandæ terminus vnus necesse est vt sit totus, alius pars. a.309
- Conditionem** suam miserabilem Cardanus sæpè deiecit. p.30
- Conditiones** lusoris quænam sint. a.264
- Concordia** quid sit. b.235
- Confutationis** exemplum. b.308
- Consequentia** non valet à negatiua finita ad affirmationem infinitam. *Contradictio.* a.317
- Concilium**, & officium quomodo dandum pollicentibus summam, & tamen non numerata pecunia. a.441
- Consolatio** de morte filij habenda. b.614
- Consolationis** egregia argumenta. a. 595
- Consolatio**, vnde, & quibus auxiliis. b.242
- Consolatio** miseris. a.238
- Consonantium** ad vocales comparatio. a.256
- Consonantium** multitudo. a.257
- Constantinus** sapientissimus. a.498
- Constantinus Cæsar** agriculturæ præcepta tradidit. 76
- Consuetudine**, fama & appetitu omnia reguntur. a.233
- Consuetudine** omnia se tuentur. a.588
- Consuetudo** quid valeat. a.482
- Contemptus** domesticorum quid significat. b.453
- Contentiones** quomodo finiendæ. a.457
- Contradictiones** Logicæ. a.309
- Contra** hebetudinem remedia. a.352
- Conuersatio** quomodo stare possit cum tanta improbitate hominum. b.407
- Conuersationis** habendæ cum principibus modus. b.420
- Cornelia** Graccorum mater & eius constantia. b.616
- Cornutus** syllogismus vnde dicitur. b.296
- Corporis** bona, incolumitas, ætas, robur, pulchritudo externa, &c. b.496
- Corporis** bona quænam sint. a.239
- Corporis** hominis miseria. a.361
- Corporis** perfectio, forma est. a.355
- Corranæ** viridis ad quid utilis. a.563
- Corporibus** plurimus cibis etiam sanis periculosissimus. b.171
- Crabro** magnus circumuoluens infantem Cardani. p.28
- Craffius** & eius constantia. b.617
- Crates** bona sua ciuibus largitus est. 78
- Crates** & Polemon veri amici. a.362.
- Crimina** Neroni obiecta. b.192
- Cresus** Rex Lydiorum, &c. a.125. & 126
- Cruciatus** multiplex. b.633
- Cucumis** & oleum sibi inuicem contraria. b.282
- Cuiusdam** hominis qui centum ac viginti coronatos deuorauerat historia. b.577
- Cuiusdam** impudicæ misera mors à fratre intentata. a.563
- Cultum** Deorû simulare prophanû est. a.550
- Cultus** Cardani aduersus diuinam maiestatem B. Virginem & B. Martinum. 15
- Cum** pueris, ac mulieribus & stultis versari sapientiæ est inimicum. b.575
- Cuncta** tribus tyrannis subiiciuntur. b.234
- Custodia** vitæ vnde. b.350
- Cygni** in morte canunt. a.606
- Cypri** fortuna qualis. a.140
- Cypri** amissio. p.37
- D
- Dæmonum** differentia apud antiquos. pag.44
- Dæmones** incorporei sunt. a.287
- Dæmones** quomodo cognoscuntur. a.308
- Daneadam** mulierum in inferno supplicium. b.624
- Dapes** Neronis fulgure idæ, & vbi. b.187
- Darius** Rex regno spoliatus miserrimè occubuit. b.626
- Dauid** diuinâ sapientiâ præditus populum à seruitute liberauit & regnum assequutus est. b.497
- Deceptiones** circa finem. a.466
- Decor** in omnibus seruandus. b.402
- Dedecora** Cardano illata. 24. & 25
- Defensio** Cardani pro suo filio. p.8
- Dei** cultus præceptus est filiis. a.475
- De** immortalitate animi naturaliter sensit cum Platone Arist. & Plotino. p.15
- Delatores** quomodo excipiendi. a.451
- Delitiis** perpetuis frui humanæ vitæ non est summum commodum. b.291
- Delphini



# Index Rerum.

- Delphini Florauanti mors. 21  
 Delphis statua aurea sapientiae collocata. a. 530  
 De meatu fellis ad ventriculum. 10  
 Demetrius quis, & illius fastum. b. 188  
 Democles, eiusque mors. a. 603  
 Democritia pessima. b. 277  
 Democriti & aliorum plurimorum vana gloria. b. 510  
 Demoniacae sapientiae quatuor capita enarrantur. a. 563  
 Demophoon duplici scelere foedauit Phylidis domum. a. 429  
 Demosthenis & Aeschini eloquentia qualis. b. 154  
 Demosthenis sacrificium de morte filiae. b. 615  
 Demonstratio a causa remota ad effectum est demonstratio quia. *Contradictio.* a. 324  
 Demonstratio circularis quatuor eget conditionibus. *Contradictio.* a. 317  
 Demonstratio est ex propriis. b. 334  
 Demonstratio est ex necessariis tantum. *Contradictio.* a. 312  
 Demonstratio est in conuertibilibus. b. 309  
 Demonstratio est supra naturam vniuersalem infusam multis rebus. *Contradictio.* a. 329  
 Demonstratio omnis est ex necessariis. *Contradictio.* a. 300  
 Demonstrationes augentur in infinitum in post assumendo. *Contradictio.* b. 330  
 Demonstrationes augentur in latus. b. 331  
 De patria & loco eligendo. b. 350  
 De propriis hominis. a. 237  
 De quibus rebus praecipue gratias egit Cardanus. 15  
 Deriuatio litterarum vnde. a. 255  
 Describendi facta propria periculum. a. 96  
 Desiderio modum ponere optimum est. b. 579  
 De suis. a. 243  
 De vitae instituto Cardani. 8  
 De vno. a. 277  
 Deus. b. 657. & a. 658  
 Deus cum non solum bonus sit, sed etiam optimus, vnus necessario est. a. 277  
 Deus immensus. 39  
 Deus permittit impios viuere & quare. b. 232  
 Deus quomodo intelligatur cuncta esse. b. 288  
 Deus vnicuique quod expedit & quantum expedit, tribuit. b. 98  
 Deus vnus est & quare. a. 278  
 Deus vt Pater, est aduersus eos quos amat. a. 591  
 Dialectica. a. 293  
 Dialectica accipit vtramque partem contradictionis. a. 335  
 Dialectica cui rei inseruit. a. 143  
 Dialectica decem habet partes. a. 143  
 Dialecticae finis, & munus. a. 293  
 Dialogus H. Cardani, & Facij eius patris. a. 637  
 Dialogus Tetim. a. 666  
 Diana templum Ephesi, vnum ex orbis miraculum. a. 201  
 Diatob cum Turbit, medicamentum. p. 25  
 Dicta familiaria. p. 48  
 Dictum Cardani. *Nihil nouum aduenit sed tempus mutatum est & anticipauit.* p. 11  
 Dictum de omni, est quando omne dispositum per subiectum conuertitur sub praedicato. *Contradictio.* b. 313  
 Dictum de omni est verum. *Contradictio.* b. 313  
 Differentia est quae praedicatur de pluribus specie differentibus. a. 335  
 Differentia quae intercedit inter ludum cartharum, & ludum Alea. a. 272  
 Differentia duplex. a. 293  
 Difficultatem spirandi Archiepiscopi Amulthonis Scoti Cardanus sanauit. p. 32  
 Diffinitio est semper vniuersalis. *Contradictio.* a. 329  
 Diffinitio neque vniuersalis, neque particularis. *Contradictio.* a. 325  
 Definitio non potest demonstrari. *Contradictio.* a. 321  
 Definitio non significat esse vel non esse. *Contradictio.* 316  
 Digamma in vocalibus. a. 249  
 Dij cum amant populos Reges bonos mittunt. a. 158  
 Dij multo magis praestant hominibus quam Reges rusticis. a. 289  
 Dij qui summum bonum possident sapientissimi sunt. a. 584  
 Dij veridici. b. 152  
 Dinocrates in gratia Agatoclis Regis solus perseuerauit. a. 237  
 Diogenes aestate in sole arenae feruenti se inuoluens, hyeme gelidas columnas nude amplectebatur. p. 11  
 Diogenis Appolloniatis dictum. a. 285  
 Diogenis de exilio suo iucundissimum responsum. a. 628  
 Diogenis de morbo verba. b. 600  
 Diogenis opum contemptor maximus. a. 627  
 Dion & constantia eius de morte filij. b. 615  
 Diphthongi in vtraque lingua & aspiratio in Graecis litteris. a. 248  
 Diphthongorum ratio. a. 252  
 Disciplinae quibus se dedit Cardanus. p. 31  
 Discordia est immensa cupido diuisionis & ad vnitatem omnimoda repugnancia. a. 277  
 Dissimulatio ignorantiae, admirabilis vtilitatis. b. 536  
 Dissimulationis aliud genus. a. 548  
 Dissimulatio Principum neruus. b. 536  
 Dissimulatio quid sit & quod duplex. b. 395  
 Distinctionem qui quaerit, veritatis amator est. b. 356  
 Diuersitas punctorum in primaria. b. 269  
 Diuinitas an utilis. b. 359  
 Diuiniae sapientiae duo praecepta. b. 499  
 Diuisio sapientiae in diuinam, naturalem, humanam & diabolicam. 69  
 Diuitiae auctoritatem augent. b. 544  
 Diuitiae neque profunt post mortem illi qui mortuus est, neque posteris suis. b. 620  
 Diuitibus ob tres causas virtus conuenit. a. 670  
 Diuortium destruit filios. a. 662  
 Diuorum qualis sit cognitio. p. 89  
 Dolere quod cras, aut perendie sis mortuus abiecti animi est. a. 482  
 Doli



# Index Rerum.

- Doli dignoscendi modus. a.404  
 Doli in ludis quinam. a.268  
 Dolor capitis magnus. a.86  
 Dolor causa infomnij. p.38  
 Dolus quid sit. b.447  
 Dolus est extrema pars Dæmoniæ sapien-  
 tiæ. b.568  
 Domestici quomodo dominis commendari  
 possint. a.244  
 Domi qui habendi sint. a.244  
 Domitiani sæuitia. b.667  
 Domitianus propter quasdam figuras hermo-  
 genem occidi iussit. b.188  
 Dominandi tres præcipuè formæ. b.191  
 Domus Cardani multiplex. 16  
 Domus non ædificatur casu sed ratione. 43  
 Don quid significet. a.349  
 Donum, amicitia fomes. b.235  
 Donum linguarum Græcæ, Gallicæ & His-  
 panicæ datum fuit Cardano. p.31  
 Drusus à pulcherrima quadam muliere, mo-  
 nitus ne Germanos tantâ feritate prese-  
 queretur. b.208  
 Duæ causæ præcipuè erroris in scribendo.  
 b.249  
 Duæ virtutes ad benè, beatèque viuendum.  
 a.585  
 Duo capita adipiscendi summum bonum.  
 b.583  
 Duplex authoritatis genus. a.545  
 Duplex difficultas circa vsum litterarum.  
 a.251

## E

- E**A quæ hominem in contentione eue-  
 hunt. a.54  
 Ecelinus Paduam amisit & regni eius cum  
 tota familia interitus vnde. a.542  
 Echo quomodo sonum reddat. a.283  
 Edicta Neronis egregia. a.187  
 Electionis faciendæ præcepta. b.463  
 Eloquentiæ vis Themisthoclæ & aliorum.  
 a.654  
 Elyxir. 71  
 Emarus Ranconettus. a.138  
 Endimionis fabulosa dormitio. a.506  
 Ens solo nomine est commune. *Contradictio*.  
 a.321  
 Enthymema est syllogismus, & exemplum  
 inductio. *Contradictio*. 327  
 Entymemà est verè syllogismus. a.310  
 Enunciatio ab Aristotele inuenta. a.335  
 Enunciatio est falsa, vel superflua quando  
 clausura additur prædicato. *Contradictio*.  
 b.317  
 Eorum quæ mala putamus in vniuersum tria  
 sunt genera. a.590  
 Ephemera ad occasum solis moriuntur. a.  
 604  
 Epicharmi de morte verba. b.600  
 Epicurus. b.560  
 Epicurus Diis prouidentiam amouit. b.156  
 Epicurus voluptatis laudator. 79  
 Epistola Cardani ad filium suum de errore  
 filij. b.115  
 Epistola Cardano missa à viro nobilissimo.  
 b.137  
 Epistola contra honorem Cardani. p.26  
 Epistolæ maternæ linguâ scribendæ. b.445  
 Epistolarum faciendarum methodus. b.373  
 Epistolarum genus & earum utilitas. b.147  
 Epistolarum communis ratio. a.399  
 Erasistratus Antigoni medicus fuit. b.81  
 Epistolarum conscribendarum modus. b.446  
 Erasmus ex pauperrimis parentibus natus,  
 eruditissimus. a.527  
 Erga inimicos quomodo se gerendum sit.  
 b.459.  
 Errores in negotiis quomodo corrigendi.  
 a.440  
 Erysipela in crure & eius cura. 6.168  
 Erysipeles in facie. p.21  
*Ευβουλία* seu *φρονησις* quid. 9  
 Eubulides Aristotelem redarguit & illius no-  
 men posteritati, relatum fuit. a.170  
 Euclides, Archimedes & Appollonius de qua  
 re scripserint. a.127  
 Eudemij responsio subtilis de felicitàte. 76  
 Euergetes Ptolomæus duos filios proprios  
 occidit. a.610  
 Exanthemata. b.221  
 Executio rerum omnium perfectio. a.403  
 Ex minimis omnia humana constant. a.577  
 Exempla eorum qui de seipsis loquuti sunt.  
 b.532  
 Exempla eorum qui hostibus pepercerunt.  
 a.629  
 Exempla eorum qui sponte filiorum gloriæ  
 cedere voluerunt. b.609  
 Exempla trium hominum malæ fidei. a.546  
 Exemplificatio in litteris est manifestior,  
*Contradictio*. a.313  
 Exemplificatio in literis est propter facilita-  
 tem. b.316  
 Exemplum iucundum trium puellarum quæ  
 pudorem suum inter milites seruauere  
 pulchro stratagemate. b.577  
 Exercitationes Cardani. pag.6  
 Exilium & eius Encomium. a.628  
 Existimationis ciuilis comparandæ modus.  
 b.429  
 Existimatio retinenda est. a.370  
 Ex negatiuis nihil concluditur. b.309  
 Ex negatiuis, sequitur affirmatiua. *Contradi-*  
*ctio*. a.314  
 Exploratores quinam dicti. b.451  
 Ex Pictoribus textores nobiles sunt. b.577  
 Ex thure absumpto foelix euentus olim præ-  
 dicebatur. a.565  
 Ex Turcarum Regione Cæromantia. a.565  
 Extæ, causa Prædictionis Aruspici fuere.  
 a.565  
 Ex iecore exitium rei prædictio. a.565  
 Ex victima ab igne absumpta secundus euen-  
 tus. a.565  
 Ex visceribus sanis bonum omen. b.565  
 Ex visceribus lapidosus perniciosus prædictio.  
 b.561  
 Ex vngue dextri pedis anterioris asini annu-  
 lus, phastasmata pellit. a.352

## F

- F**Abius Rusticus. b.195  
 Fabricius pro Patria aurum reiecit. p.23  
 Fabula Æsculapij Medici qui Hipolitum à  
 morte suscitauit, & eius mors. b.163  
 Fabula de Piscatore. b.206  
 Fabula, quæ utilis est de bono & malo. b.590  
 Fabulæ



# Index Rerum.

- Fabulæ & ludi ad quid vtilis. b.146  
 Fabularum quadruplex genus. b.146  
 Facti primi filij vivere 94.88.86. annis. p.8  
 Factum Ioann Petri solari Tabellionis. p.8  
 Familia, & domi institutio. a.377  
 Papismo & frifesomorum communes sunt omnibus figuris. b.309  
 Fatum ex duobus compositum. b.469  
 Fatum quare sapientes admiserunt. a.469  
 Febris continens qualis, curatio, ægri victus. b.165  
 Febris quartana, eius curatio, & ægroti victus ratio. b.165  
 Febris syncopalis quæ, eius cura & morbidus victus. b.165  
 Febre vix ullus eorum moriebatur quos Cardanus inuisebat. p.33  
 Feles & cuniculos, filios occidunt ob ingentem libidinem. a.610  
 Fictæ voluptates fugiendæ, veris inhærendum est. b.357  
 Fidei pignus. b.235  
 Fides semper seruanda. a.480  
 Fides semper seruanda etiam cum detrimento. a.508  
 Figurarum Rhetoricarum energia. b.534  
 Figuræ dialecticæ quatuor. a.297  
 Figuræ primæ priuilegia. a.297  
 Filiorum cura quomodo habenda. b.462  
 Filiorum institutio. a.527  
 Finis hominis bene beatæque viuere. b.355  
 Finis duplex in hac vita. a.365  
 Florentia habet ædem sub titulo Annuntiationis virginis. b.540  
 Florentiam inuisit Cardanus. 69  
 Flores exorientem solem adorant. p.9  
 Fæderum coniunctio quomodo fiat. a.349  
 Fœlicitas Cardani in corandis morbis. p.3  
 Fœlicitas ferè nulla in his mortalibus. p.22  
 Fœlicitas humana in quid consistat. 77  
 Fœlicitas humana non est absoluta. 76  
 Fœlicitas non est in fortuna sed in virtute. 50  
 Fœlicitatis æternæ magnitudo. b.498  
 Fœlicitates Cardani 498  
 Fœlicitatis genera enumerantur. a.482  
 Fœliciter viuere quid sit. b.355  
 Fœlix quid & illius utilitas ad euacuandam melancholiam. a.230  
 Fœtor eiusque utilitas. b.577  
 Formæ materiariæ diuiduæ. b.280  
 Forma animalium est in materia. b.290  
 Forma ligni quomodo acquiratur. b.289  
 Fortia virorum verba, incondita sunt, sensus autem vegetes. p.50  
 Fortitudo. a.651  
 Fortitudo animi conducit plurimum ad fortunæ mutationem. a.620  
 Fortuna baculo domanda. a.469  
 Fortuna erga omnes, bonâ & malâ esse potest. a.469  
 Fortuna in humanis rebus plurimum potest. b.359  
 Fortuna in ludo quibusdam fœlix. a.270  
 Fortuna mala quinque rebus frangitur. a.692  
 Fortuna plus potest impedire quàm virtus illâ aduersante præstari. p.50  
 Fortuna semper ludit cum iis quibus fauet. b.133  
 Fortuna si votis aduersetur quid agendum. b.438  
 Fracancianus primus professor in praxi medicæ artis. p.10  
 Franciscus de Puteis sacerdos. a.86  
 Franciscus Gadius quis. b.82  
 Fratrum se inuicem lacerantium exemplum. a.527  
 Fratrum discordia & exempla infœlicissima. b.610  
 Fretus sola animi fortitudine inter miserrimam se fœlicem arbitratur. b.482  
 Frissellon non ponitur communis nisi duabus figuris. a.310  
 Fritillum eiusque vsus. b.263  
 Fuga non semper spernanda, plurimis illustribus vtilis semper fuit. a.508  
 Furcchi aduersus Cornarium, odium. a.135  
 Futuri sæculi expectatio omnibus grata esse debet. b.591
- G
- G**Aleni circa tertianam febrem victus ratio. b.165  
 Galeni inuentio in artibus. b.302  
 Galenus clarissimus medicorum. b.359  
 Galenus Comodi imperatoris medicus fuit. b.81  
 Galenus in quo peccauerit. a.135  
 Galenus medicus præ aliis ad Oribasij tempus excellens. a.160  
 Galenus multos edidit libros. p.55  
 Galenus peccauit cum Aristotele ad turpem vsque contentionem. p.22  
 Galenus quid senserit de aliis medicis. b.160  
 Galitta quæ, eius crimen, & criminis damnatio. a.203  
 Galliarum regnum quale sit. a.537  
 Gallicum adagium. a.496  
 Gallorum quomodo afflixi regnum. a.193  
 Garamantum vitæ longitudo. a.604  
 Garantes solem exorientem execrantur. p.9  
 Gebri, Hispani, libri amissio. 59  
 Gemina ludorum diuisio. a.271  
 Generalissima quæ sunt decem sub communibus continentur. b.293  
 Geminatio litterarum. a.254  
 Generositas Cardani in armis. p.6  
 Genesis construendæ methodus. a.352  
 Genium fuisse ostenditur. b.469  
 Genius Socratis. a.672  
 Genius Socratis & aliorum. b.469  
 Genus obsessio. b.413  
 Genus atræ bilis quoddam, est paupertate discerniari. a.625  
 Geographiæ partes nouem. 144  
 Geographiæ vsus ad cognitionem itinerum bellorum, &c. b.144  
 Geographiæ utilitas. b.144  
 Geomantia quid sit. b.564  
 Geometria confusam comprehendit proportionem. p.39  
 Geometricæ inuentionis tria propria & quæ. b.304  
 Geometriæ partes. a.144  
 Gesta plurima à Carolo quinto Cæsare patrata. b.626  
 Glires inter quadrupedia fœssos parentes alunt. a.614  
 Gloria comparata in oppugnandis summis viris. a.543  
 Gloria diuitiarum post mortem breuissimo tempore euanescebat. a.617
- ooo
- Gloria



# Index Rerum

- Gloria in quo posita sit. p.50  
 Gloriâ, diuites soli videntur esse digni. b.525  
 Gloria eiusque natura. a.465  
 Gloria quid sit. b.529  
 Gloria Principis ea est quæ ex re militari habetur. b.572  
 Gloria sobolis procreatione præstantior. b.509.  
 γυῶνδν σεαυτῶν. p.10  
 Græci in certaminibus victores coronabant. a.539.  
 Grangis Gallici fortuna. a.494  
 Grauitas principem decorat, ornat magistratus, & nobiles, plebeios tuetur. a.580  
 Guido Morianorum princeps quomodo fidem seruauerit. a.508  
 Gula. a.481
- H.
- H**abitatio extra patriam, & quomodo se quisque gerere debeat extra patriam. b.426  
 Hadrianus Cæsar iniuriæ & potentiæ, moderationem pulchre expressit. b.629  
 Harmel, Apiam, piperis radix contra hebetudinem inferunt. a.352  
 Hafen inter Arabes medicus illustris. a.160  
 Heber. 70  
 Heliogabalus imperator. b.612  
 Horbon quid significet. p.32  
 Hercules ferrariæ dux. a.193  
 Hercules lapis ad orientem defleuit à boreali polo ferrum. a.292  
 Hercules lapis cur ad orientem tendat. b.282  
 Herodes Iudæorum tyrannus multos filios occidit. b.217  
 Heroico morbo laborauit. p.61  
 Hieme lapis ad quid utilis. a.563  
 Hipparchi somnium, mors & propter quid. a.664  
 Hippocrates & Galenus in medicina peritus. a.127  
 Hippocrates in Medicina gloriam est consecutus. b.159  
 Hippocrates Perdicæ Macedonum regis Medicus fuit. a.81  
 Hippocrates salutis suæ spem totam in medico non in Deo collocat. a.140  
 Hippocratis inuentio dialectica 4. regulis innitur, & quibus. a.302  
 Hippocratis laus. a.160  
 Hirundinis mores. p.25  
 Historia rerum præteritarum ad quid utilis. a.409  
 Historia vnde suum pondus habeat. a.505  
 Historiæ miræ de insidiis lethalibus Cardan. p.20  
 Homicidium hominis plebei quomodo puniebatur. b.151  
 Homines cur sibi inuicem blandiantur. a.363  
 Homines falluntur maximè in duobus. a.690  
 Homines finem quærunt quem habere non possunt. a.363  
 Homines inepti & illorum actiones. b.364  
 Homines in mulieres potius quam in homines propensiores. b.660  
 Homines præstat esse bonos. a.646  
 Homines quærentes finem, quem habere non lunt. b.363  
 Homines quibus capi soleant. b.392  
 Homines quinque causis natura boni sunt. b.153  
 Homines qui opes habere neglexerunt. a.627  
 Homines quomodo ad amicitiam alliciuntur. b.392  
 Homines quomodo ad magna pericula inducantur. a.415  
 Homines tentandi sunt ante necessitatem. a.393  
 Homini maximè proprium est sibi imperare. a.599  
 Hominis natura. a.361  
 Hominis potestas, & vnde. a.355  
 Homini quid superest post mortem. a.290  
 Hominis vitia, & quomodo curanda. b.243  
 Hominis vnitas, vnitas principij. b.278  
 Homini iura sunt necessaria. a.235  
 Hominum mores cur ferre conuenit. b.375  
 Hominum quorundam vita longissima. a.604  
 Homo ab Hispanis vocatur *hombre*, & meritò quia vita eius nihil nisi vmbra est. 590  
 Homo, ab ipso ortu, alieno auxilio indiget. a.355  
 Homo ad comparandas diuitias qualis esse debeat. b.544  
 Homo animal est sociale. p.53  
 Homo comparatione ad deum minus est quam pediculus ad hominem. b.233  
 Homo debet carere omni culpâ qui in alium dicere paratus est. a.577  
 Homo est prior animali, sicut præmissæ conclusionē. *Contradictio*. a.314  
 Homo in conscientia magni sceleris timet, & contristatur. b.645  
 Homo mortalis factus est propter tres rationes. b.606  
 Homo natus propter tria. a.520  
 Homonyma quæ. 293  
 Homo qui in negotiatoris arbitrio est. b.460  
 Homo tria discere cupit, linguas, res & rerum accedentia. b.525  
 Homo vt redarguat alium omni culpa carere debet. p.80  
 Homo vt redarguat alium omni culpa carere debet. b.80  
 Honores Cardano delati. p.23  
 Honoris studium exhaurit opes. p.23  
 Hōnos primus quare Mathematicis debitus sit. a.344  
 Horatij verba, *virtus est uitium fugere*. p.12  
 Hortatio eximia ad mortales, vt originem suam quærant, & terrena contemnant. b.291  
 Hospitalitatis officium, res antiqua. b.428  
 Hostis potens cuncta auertit. a.355  
 Humana consilia ad beatè viuendum quàm parum prosint. 235  
 Humanæ res exiguis constant. b.344  
 Humanæ sapientiæ aliud genus opulenti conueniens. a.560  
 Humanitas & ciuilitas necessaria. b.366  
 Hyacinthus & illius proprietates eximie. b.131  
 Hydromantia quid sit. b.564  
 Hydropici, Gibbi, Claudi & Cardano sanati. p.34  
 Hymus ad Deum. a.695  
 Hyperchen quid sit & illius etymologia. a.284



# Index Rerum.

## I.

- |  |  |
|--|--|
| <p><b>I</b>acobi Sancti Pauli fortuna. b.470</p> <p><b>I</b>actantia inutilis. a.551</p> <p><b>I</b>actura librorum Hippocratis quid authori profuit. b.134</p> <p><b>I</b>ason duplici scelere Medæ domum scœdauit. a.429</p> <p><b>I</b>ecori &amp; ventriculo agallocum vtile. b.351</p> <p><b>I</b>ecur &amp; ventriculum tenentur septem modis. b.351</p> <p><b>I</b>j quibus exilium multum profuit. a.506</p> <p><b>I</b>j qui diuina sapientia florere. a.499</p> <p><b>I</b>magō cerea &amp; illius vis mira. a.283</p> <p><b>I</b>mperatorum stultitia. b.217. &amp; a.218</p> <p><b>I</b>mpetium Atheniensium cum Lacedemoniorum imperio collatio. a.558</p> <p><b>I</b>mprobitas efficit tyrannidem. p.23</p> <p><b>I</b>mprobis stultus est. b.357</p> <p><b>I</b>n aduersis Cardani natura parum Constans. p.11.</p> <p><b>I</b>n aduersis omnibus quo auxilio vtendum sit. a.345</p> <p><b>I</b>næqualitatis media quæ &amp; quomodo demonstrantur. b.303</p> <p><b>I</b>ncestus quid, &amp; eius enormitas. b.567</p> <p><b>I</b>nceffus Cardani varius. p.10</p> <p><b>I</b>n comparandis opibus quid cauendum sit. a.546</p> <p><b>I</b>nconstantia vitæ hominum. a.615</p> <p><b>I</b>n definitione non sunt partes. <i>Contradictio</i>. b.317</p> <p><b>I</b>n definitione syllogismi non ponitur semper. <i>Contradictio</i>. a.312</p> <p><b>I</b>nductio non facit scire sed probat. <i>Contradictio</i>. b.316</p> <p><b>I</b>ntertia facit stolidos. p.48</p> <p><b>I</b>n explendo desiderio maximus labor, post expletum flebilis conditio. 482</p> <p><b>I</b>nfamia quomodo &amp; quot modis tollatur. a.573</p> <p><b>I</b>n febribus putridis sectio venæ utilis. b.167</p> <p><b>I</b>nfœlicitas in hac vita maior fœlicitate. pag.51</p> <p><b>I</b>nsidi multi enumerantur. a.554</p> <p><b>I</b>nsinitum moueri non potest. b.285</p> <p><b>I</b>nfortunia lucro, multis fuere. b.591</p> <p><b>I</b>nfortuniorum propriorum simplicium duo sunt genera. a.590</p> <p><b>I</b>n Gallia studia maxime florent. b.175</p> <p><b>I</b>ngratitudo, bellæ vitium. p.15</p> <p><b>I</b>n humanis nihil purum. b.232</p> <p><b>I</b>nimici &amp; Æmuli Cardani. p.13</p> <p><b>I</b>nimicorum exitialium quinque genera. b.460</p> <p><b>I</b>n Italia studia nulla sunt, ideoque plurimi sycophantæ. b.175</p> <p><b>I</b>nitia quæcunque sunt exigua. b.690</p> <p><b>I</b>n itinere quid portandum, &amp; quomodo se gerendum sit. a.426</p> <p><b>I</b>niuria accepta quomodo vlciscenda. a.457</p> <p><b>I</b>niuria &amp; eius damnum. b.628</p> <p><b>I</b>niuria quænam sit contemnenda. b.480</p> <p><b>I</b>niuriæ maximæ, impietas &amp; insania. a.458</p> <p><b>I</b>n male institutis ciuitatibus, potentia pro lege, virtus in ludibrio, pro iuribus opes habentur. a.626</p> <p><b>I</b>n mundo nihil est tutum, quod tempus non atterat. b.638</p> | <p><b>I</b>n omni seruitute tria spectanda &amp; quæ. a.424</p> <p><b>I</b>n operibus artificium mirum. a.516</p> <p><b>I</b>n patria an manendum sit cū periculo. a.425</p> <p><b>I</b>nsanum est exprobrare aliis, quibus homo laboret. a.577</p> <p><b>I</b>n scribendis libris Constantissimus. 12</p> <p><b>I</b>nsidiæ habentibus commoda, paratur. b.451</p> <p><b>I</b>nsidiarum duo genera. p.13</p> <p><b>I</b>nstructio Cardani ad filium mirâ. a.117</p> <p><b>I</b>n intellectus, qui de foris aduenit, multiplex. b.598</p> <p><b>I</b>ntelligentia summum hominis bonū. a.583</p> <p><b>I</b>ntentio est tractare de materia demonstrationis <i>Contradictio</i>. b.317</p> <p><b>I</b>nter Gygantes vnus necessario minimus. 22</p> <p><b>I</b>nter pigmeos vnus necessario maximus. 22</p> <p><b>I</b>nuentionis quinque genera, &amp; quæ. a.293</p> <p><b>I</b>nuidia quid sit. a.481</p> <p><b>I</b>nuidia &amp; inuidiæ effectus. a.521</p> <p><b>I</b>nuidiæ abolendæ modus. b.453</p> <p><b>I</b>nuidiæ vitandæ remedium. b.521</p> <p><b>I</b>oannes Amulton patriâ Scotus. 72</p> <p><b>I</b>oannes Picus Mirandula in iuuenta mortuus est propter nimium studium. b.525</p> <p><b>I</b>oannes Paulus Negrolus phthisi laborans sanatus. a.85</p> <p><b>I</b>oannes primus Gallorum Rex quomodo Edoardo fidem seruauerit. a.608</p> <p><b>I</b>oannis Cardani filij &amp; illorum vita ac Corporis statura. p.1. &amp; 2</p> <p><b>I</b>oannis Pontificis thesaurus. a.470</p> <p><b>I</b>ob &amp; illius infortunia. b.591</p> <p><b>I</b>osephus erroribus suis suppressis vera tradidit. p.10</p> <p><b>I</b>osue sapientiâ diuinâ ductus imbellem multitudinem armavit, &amp; vicit Iudæam. b.497</p> <p><b>I</b>ra adimit consilium. a.232</p> <p><b>I</b>ra duplex. a.232</p> <p><b>I</b>ra quid sit. a.451</p> <p><b>I</b>ra vitis omnibus deterior &amp; quare. a.232</p> <p><b>I</b>racundia quid sit eius effectus, eiusque accusatio. b.523</p> <p><b>I</b>racundus sapiens esse non potest. b.523</p> <p><b>I</b>ronia quid sit, illius vis in verbis, &amp; ironiæ exempla. b.533</p> <p><b>I</b>roniæ diuisio, primum membrum. b.533</p> <p><b>I</b>roniæ secundum membrum. a.534</p> <p><b>I</b>roniæ tertium membrum. a.534</p> <p><b>I</b>talia sine bello decem annis continuis nunquam esse potest. b.63</p> <p><b>I</b>ter &amp; itineris dux. 425</p> <p><b>I</b>ter &amp; iterum habendorum ratio. a.476</p> <p><b>I</b>ucunditas omnis oportet esse in voluptate. p.76</p> <p><b>I</b>udicio perculsi quomodo se gerere debeant. a.458</p> <p><b>I</b>udicium quod est adhibendum in ponendis litteris. b.254</p> <p><b>I</b>ulia familia quænam fuerit. a.209</p> <p><b>I</b>ulia &amp; illius progenies, &amp; vita. b.180</p> <p><b>I</b>ulij Cæsaris mors. a.606</p> <p><b>I</b>uliorum familia quot annis imperauerit. a.209</p> <p><b>I</b>ulius Cæsar &amp; illius aduersus Romanam Remp. dolus. a.180</p> <p><b>I</b>unius Syllanus Asiæ preconful. a.195</p> <p><b>I</b>uramentum quid, eiusque diuisio. a.374</p> <p><b>I</b>ustiniani imperatoris &amp; Alexandri comparatio. a.542</p> |
|--|--|



# Index Rerum.

Iustinianus Imperator leges condidit. 76  
Iustitia omnium virtutum regina. b. 524  
Iustus quis sit. a. 184

## L.

**L**aberij sententia de fortuna. b. 79  
Laberij sententia de fortunæ utilitate. b. 79  
Lacertæ cauda etiam præcisa sentit, si pun-  
gatur. b. 289  
Lacones aliàs fortissimi in bello. b. 656  
Laconium dictum, *veterem ferendo iniuriam  
irritas novam.* b. 628  
Lacon puer & eius de morte contemptus. b. 617  
Læsis dissolvitur vsu. a. 339  
Læsiones quatuordecim simplices memoriæ,  
rationi, & phantasie accidentes. a. 351  
Lætitiæ undique patet via. a. 234  
Laicus & Priamus suos filios exposuerunt. a. 612  
Lapides è cælo cadentes. p. 35  
Lapides qui fortunam gestantium commu-  
tant. b. 118  
Lapis lazuli & Alchermes lætitiâ afferunt. b. 339  
Larij mors & causa. a. 166  
Lateris casum euitavit Cardanus. p. 18  
Latrocinia quibusdam periculosa, quibusdam  
gloriosa. a. 571  
Laudes suorum fugienda. b. 442  
Laurentij Medices historia. a. 562  
Laus propria fugienda. b. 442  
Laus summorum virorum. 76  
Lecanomantia quid sit. a. 564  
Leges tempore Neronis constitutas. a. 187  
Legum vis b. 502  
Legibus ac consuetudinibus bonis magis  
fidendum quàm optimis viris. a. 579  
Lentum in deliberando esse oportet & cur. a. 375  
Leporum historia. a. 594  
Lepræ biennalis cura. p. 32  
Leprosus qui ex decem sanatis solus ad Do-  
minum rediit. p. 10  
Lex quid sit. a. 546  
Lepus illæsus à canum moribus. p. 27  
Lex iniusta, non est lex. a. 204  
Lex Plinij tempore contra seruos. a. 204  
Liberalitas insulsa Ioan. Patriarchæ. a. 575  
Liberalitas Neronis. b. 189  
Liberalitas quid sit & eius effectus. b. 649  
Libertatis voluptas iucunda. b. 620  
Liber de latruncolorum ludo cuius magni-  
tudinis fuerit. p. 56  
Liber de sententiis contrarij Aristotelis &  
Auerrois in Dialecticis quantæ magnitu-  
dinis. p. 56  
Liberi, qui dicti sint & qui non. a. 233  
Liber latruncolorum diuisus in quatuor. p. 56  
Liber posteriorum ordine doctrinæ præce-  
dit librum Topicorum. *Contradictio.* a. 331  
Liber vagantium morborum magnitudinis  
Epidemiorum Hippocratis. p. 56  
Libertas Cresci diuitiis anteponenda est. a. 625  
Libertas Principibus parua est. b. 622  
Libri à Cardano compositi. 97  
Libri ad legendum selecti. b. 479

Libri summorum virorum laus & apud nos  
commendati. a. 125  
Librorum conscribendorum quot sunt ge-  
nera. b. 147  
Librorum omnium ornatus vnde sit. b. 513  
Licus & Iulianus Hippocratem insectati,  
clari euaserunt. a. 170  
Liger flumen, & eius qualitates. 41  
Linguarum derivatio apud omnes gentes. b. 528  
Litteræ ancipites quales sint. b. 252  
Litteræ eximie Cardano à multis Missæ. b. 92. & 93  
Litteræ fidelitatis, earumque utilitates. b. 349  
Litteræ maiores initio ponendæ & diuisio  
syllabarum. b. 250  
Litteræ quæ sint, quæ colliquantur inter se. a. 253  
Litteræ quæ nunquam in fine dictionis in-  
ueniuntur. b. 253  
Litteræ quæ nunquam se consequuntur. 253  
Litterarum concessio in aliis exteris linguis. b. 256  
Litterarum mittendarum occulta & pulchra  
inuentio, eiusque Author. a. 413  
Littes Cardani Iuges & apud quos iudices. 17  
Litigauit cum Alexandro Castilioneo pro  
quibusdam nemoribus. 17  
L, & K, non sunt literæ & de transitu littera-  
rum à Græca in Latinam linguam. b. 248  
Loca alta quare timebat Cardanus. b. 30  
Loca amœnissima quæ & qualia sint. p. 22  
Loquacitas importuna & eius vis, in aliqui-  
bus. a. 551  
Locus tutus ad habitandum eligendus ab  
omnibus est. a. 367  
Logica duobus modis vsitatur. *Contradictio.* b. 326  
Luciani ingenium quale & quantum fuerit. a. 147  
Lucij Syllæ iactantia qualis fuerit. 22  
Lucretiæ mors & propter quid vitam finie-  
rit. a. 603  
Luctus fœminea res est non virilis. a. 615  
Luctus inter omnes mortales inutilis est. a. 608  
Luctus parentum in morte filiorum quales  
esse debeant. b. 607  
Ludere quibus, & quando magis conueniat. b. 262  
Ludi cartharum in quibus industriæ locus  
est. b. 271  
Ludicartharum non in expectatione futu-  
rorum positi sunt. b. 272  
Ludorum omnium conditiones quales esse  
debeant. a. 262  
Ludorum genera Multiplicia & quæ. a. 262  
Ludus Aleæ quid sit. a. 262  
Ludus Aleæ Antiquorum, & illius nomen. b. 274  
Ludus talorum quid sit. b. 275  
Luxuria hominem perdit & quare. a. 481  
Lycurgus luctui limites posuit & quos. b. 608  
Lyromantia quid sit, eiusque diuisio. a. 565  
Lyzander perfidus erga omnes & crudelis. a. 409



# Index Rerum.

## M

**M** Achabæorum septem fratrum pro Christo mors. b.606  
 Machiaveli & Mahumeti figura quâ per- uersè vñ sunt. b.534  
 Machiaveli meditationes omnino improbæ. b.366  
 Macij cuiusdam diuersa conditio, coriarius iuuenis, post grammaticæ studuit, dein le- gibus, vltimò professor legum. a.578  
 Magia quid sit & quas partes contineat. b.221  
 Magiæ partes decem enumerantur. b.145  
 Magistri Cardani, qui & quales fuere. 26  
 Magnitudo cœli quanta sit ex opinione quo- rundam. b.235  
 Mala communia, fames, pestis, euersio pa- triæ. a.590  
 Mala nostra quare noscimus & aliorum igno- ramus. b.618  
 Mala quænam occultanda sint. b.371  
 Mala verbis suauissimis mollienda. a.372  
 Maledicta de Diis & de Principibus punien- da. a.541  
 Malorum omnium tria auxilia eximia. b.617  
 Malorum propriorum ignorantia ad iucun- ditatem vitæ confert. b.602  
 Mantuæ dux Theologus Marchio Pischariæ Theologus Cardanum defenderunt. p.20  
 Marcus Scaurus ditissimus & infœlix. p.22  
 Maro. b.139  
 Matthæus III. vir clarissimus fuit. p.45  
 Materiâ esse causam potentiæ probatur. a.236  
 Matrimonium faustum & filij Cardani. p.16  
 Mathiolus scriptor eximius, de dignoscendis simplicibus. a.138  
 Mammura Præfectus fabrûm Cæsaris in Gallia. a.215  
 Mammuræ laus. a.215  
 Maxima miseriæ pars, est, miserum se existi- mare. a.648  
 Maxima pars delectationis in amore posita est. b.579  
 Maxima pars felicitatis nostræ non prome- ruisse æterna, neque sensisse. b.134  
 Mœcenæ, Messala est Agrippa, tres Augusti, amici. a.181  
 Medica ars. p.40  
 Medicamentorum multitudine homines ci- tius senescunt. b.173  
 Medici & Chirurgi operationes variæ. a.159  
 Medici ex opinione Cardani ferè omnes La- nistæ. a.16  
 Medici in inuisendis ægrotis quid obseruare debeant in communi. a.433  
 Medicina quid sit, eius partes, & vtilitates. b.144  
 Medicinæ Præcepta firma & stabilia. b.159  
 Medicina etsi vera vix vnus aut alter Medi- cus. b.163  
 Medicina stare non potest absque præco- gnitione. b.170  
 Medicinam, veram artem esse probatur. a.159  
 Medicorum genus quare pestiferum. a.159  
 Medicorum numerum ad sex medicos refert Cardanus. a.160  
 Medicus longis temporum interuallis vix vnus habetur. a.159  
 Medicus vnusquisq; quid scire debeat. b.159  
 Medi Assyrios etsi fortissimos debellarunt. a.201

Mediorum omnium exempla non spernanda. b.306  
 Medium coniecturale quodnam sit & quid sit. a.306  
 Meditatio, ratio, consilium, & exercitatio quantum possint in omni humano nego- tio. b.231  
 Melius est duas bonas res omittere quàm vnâ malam facere. a.234  
 Mel, lac, oleum plurimum valent ad vitæ longitudinem. b.505  
 Melancholia, & ij qui eâ laborant. b.224  
 Mellissi & Parmenidis de mundo sententia. a.285  
 Memmius Regulus quis fuerit, eiusque facta. a.191  
 Mendacij duplex genus. b.152  
 Mendacium & circa illud monita. b.481  
 Mendacium in humanos omnium malorum causa est. b.152  
 Mendacium non est vtile hominibus. a.152  
 Menedemus & Asclepiades veri amici. b.361  
 Mens hominum cœlestis. a.599  
 Mens quâ parte simplex est, in materia non est. b.286  
 Mētem senescere quomodo arbitramur. p.42  
 Messalinæ mors & vnde. a.181  
 Messalina, vxor Claudij. a.181  
 Methodus veritatis eruenda. a.392  
 Metoposcopiæ partes tres. a.144  
 Metoposcopia in fronte. a.144  
 Meritorum humani generis efficacia. p.8  
 Metu fides seruatur potentioribus vel ob le- ges. b.361  
 Micropresbycon liber. 71  
*Microscopia* 60  
 Milo Cardanus accepit hanc potestatem ab Archiepiscopo Cribello pontifice nomine Urbani III. 1  
 Milo Cardanus præfuit vrbi mediolanensî & toti Regioni. 1  
 Minima tractu temporum in maximam mo- lem crescunt. b.662  
 Minutius eiusque historia. a.630  
 Miserorum solatium habere calamitatis so- cinum. b.593  
 Mithridates filios occidit. b.199  
 Mnemosynon. a.226  
 Moab Rex immolato primogenito urbem liberauit. a.568  
 Moderatio cum grauitate iuncta, ac conci- lium hominem multum euehunt. a.581  
 Moderationis partes quænam sint. a.582  
 Modi corruptionû proprij quinam sint. b.351  
 Modi dicendi sunt sex. b.293  
 Modi omnes corruptionum CVI. b.351  
 Modi opum parandarum quinam sint. b.376  
 Modi significandi sunt duæ species. b.293  
 Modi quibus homines in officio continentur. b.389  
 Modi qui sunt in prima figura. b.297  
 Modi significandi sunt duæ species. b.293  
 Modi sunt, non concludentis syllogismi. *Con- tradictio.* b.315  
 Modus acquirendi opes facilis. b.545  
 Modus captandorum hominum iuxta condi- tionem vniuscuiusque. b.416  
 Modus duplex in rep. ascendendi. a.543  
 Modus scribendi quomodo variet significa- tum. a.256  
 Modus



# Index Rerum.

|   |        |  |        |
|---|--------|--|--------|
| Modus seu methodus conscribendorum li-<br>brorum.                             | a. 344 | Musica proportio, quæ, & ad quid utilis.<br>b. 231                                       |        |
| Modus trahendi homines in suam senten-<br>tiam.                               | b. 548 | Mutationes consonantium.   | b. 255 |
| Mœror & illius remedia.   | a. 461 | Mutationes vocalium in compositione quo-<br>modo fiunt.                                  | a. 255 |
| Momentanea omnia sunt.  | 67     |  |        |
| Monitum iis qui se à principum seruitute<br>subdixerunt.                      | a. 425 | N.   |        |
| Monumenta summorum virorum memoriae<br>digna.                                 | b. 511 | Narcissi fabula.   | 77     |
| Morbi eorumque utilitates.  | a. 634 | Nasica scipio vir optimus, templum illi<br>erectum.                                      | a. 340 |
| Morbi in quibus ægri non periclitantur.                                       | b. 161 | Naso.  | b. 139 |
| Morbi qui reguntur à sole, longi & qui à lu-<br>na breues.                    | a. 171 | Natationi, equitatu, & machinarum explo-<br>sioni parum confidens Cardanus.              | p. 6.  |
| Mores animi, vitia & errores.   | p. 10  | Naturalis coniecturæ tres partes.  | a. 144 |
| Mores bonos corrumpunt colloquia praua.                                       | b. 596 | Natura humana est tanquam ignis qui è<br>terra prodiens in excessum fertur.              | a. 626 |
| Mores hominis.  | a. 361 | Natura mortalium ad malum prona.   | b. 359 |
| Mores ludentium quinam esse debent.   | a. 274 | Natura nostra prona est ad malum.  | p. 10  |
| Mores qui boni & qui mali.  | a. 369 | Natura quare animalia dentibus, cornibus<br>&c. armauerit.                               | a. 133 |
| Mors an sit summum malum.   | a. 586 | Natura vnitatem dilexit & quomodo.   | b. 278 |
| Mors est vltimum terribilium.   | b. 595 | Natura vtitur excrementis.   | b. 232 |
| Mors non potest esse cum dedecore, si vita<br>flagitio careat.                | b. 605 | Necessaria quæ dicantur.   | b. 496 |
| Mors, omnibus præmium est.  | a. 602 | Necessarij quadruplex diuisio secundum Phi-<br>losophos.                                 | a. 293 |
| Mors peregrinationi assimilata.   | a. 601 | Necessario & semper sunt conditiones syl-<br>logismi demonstratiui <i>Contradictio</i> . | a. 312 |
| Mors quænam mala sit.   | b. 138 | Necessarium quot modis dicitur.  | a. 294 |
| Mors quibus grauis fuit.  | b. 599 | Necessitas ordinis efficit dominationem  | p. 23  |
| Mors somno simillima.   | a. 600 | Necromantia.   | b. 563 |
| Mors spontaneè inferenda duabus causis.                                       | b. 608 | Negatiua particularis de inesse non conuer-<br>titur in terminis.                        | b. 310 |
| Mors stultis malorum finis est, sapientibus<br>bonorum initium.               | b. 616 | Negotiatio cum incognitis sæpe non est ha-<br>benda, nisi intercedente persona.          | a. 442 |
| Morsus est in ventre à Cane Cardanus.   | p. 19  | Negotiatio cum minimis quomodo habenda,<br>b. 441  |        |
| Mortem parum aut nihil Angli curant.  | a. 606 | Negotium cum quo sit aduertendum.  | b. 393 |
| Mortis causæ enumerantur egregiæ.   | a. 600 | Nemo miser est absque sceleris conscientia.  | a. 620 |
| Mortis genus multiplex & exempta.   | b. 605 | Neque propter quod contingit falsum syllo-<br>gizare. <i>Contradictio</i> .              | a. 315 |
| Mortua caro nihil est præter elementa.  | b. 290 | Nero bellum suscepit iustissime.   | a. 184 |
| Morum institutio & eius utilitas.   | b. 146 | Nero Doctis semper fauit.  | 189    |
| Moses diuina sapientia fretus populum con-<br>tumacem per deserta loca rexit. | b. 497 | Nero in re frumentaria populo prospexit.   | b. 186 |
| Moses sapientissimus.   | b. 493 | Nero Nervæ melior fuit.  | a. 180 |
| Motum Plato insectatus est & clarus ob<br>hoc fuit.                           | a. 170 | Neroni domus, vnum in miraculis mundi.<br>b. 211   |        |
| Mulier Dæmoniaca.   | a. 564 | Neronis encomium.  | a. 179 |
| Mulier & sol non generant hominem sed ne-<br>cessarium est agens proprium.    | a. 291 | Neronis in morte verba eximia.   | a. 181 |
| Mulieris cuiusdam impudicæ tragœdia.  | a. 563 | Neronis laudes.  | a. 180 |
| Multa in hac vita ferenda sunt.   | b. 367 | Neronis mors, & rogus.   | a. 182 |
| Multa sunt quæ tempus desiderant.   | b. 579 | Neronis liberalitas.   | a. 182 |
| Multi enumerantur qui sibi manus intule-<br>runt.                             | b. 553 | Neronis præceptor Seneca.  | b. 181 |
| Multis sua bona exitio fuere.   | a. 693 | Nero parthos debellauit.   | a. 184 |
| Multitudo quomodo facta sit.  | a. 286 | Nero sumptibus suis urbem restaurauit.   | b. 211 |
| Munditres.  | a. 152 | Nero vicit Parthos.  | a. 182 |
| Mundos infinitos esse qui existimauerit.                                      | a. 285 | Neronis virtutes.  | a. 182 |
| Mundum non esse antiquum manifestum est<br>per se.                            | b. 309 | Nervæ principis indoles.   | b. 179 |
| Mundus iste sublato mendacio supremo mun-<br>do simillimus.                   | a. 152 | Nicanor, & facinus illius eximium.   | b. 189 |
| Munia boni expositoris quatuor.   | a. 139 | Nicolai Cardani mors.  | 61     |
| Museum utile cordi.   | b. 351 | Nicolai Sicci encomium.  | 61     |
| Munia diuinæ sapientiæ.   | b. 501 | Nicomachus, Ptolomæus &c. de allegria mul-<br>ta scripserunt.                            | 66     |
| Musicæ partes duæ.  | b. 143 | Nihil grauius est pauperi, quam vt ditescere<br>velit.                                   | b. 620 |
| Musicæ vis.   | a. 574 | Nihil perit in mundo.  | a. 290 |
| Musicæ vsus.  | b. 143 | Nihil voluptatis est in homine quam pœni-<br>tentia non seruatur.                        | a. 602 |
| Musica novas voces novosque ordines inue-<br>nit.                             | p. 39  | Ninus Assyriorum imperium cōstituit.   | a. 201 |
|   |        | Ninus matrem occidit, & cur.   | a. 196 |
|   |        | Nomina   |        |



# Index Rerum.

Nomina transposita idem significant. b. 310  
 Nominis custodiendi multiplex ratio. b. 511  
 Nominis diuifio. b. 293  
 Nominis horrendæ libidinis exemplum. b. 517  
 Nomina eorum qui ditiffimi fuerunt & quorum antiqua memoria est. a. 617  
 Non esse inuentum est genus contingentis. *Contradictio.* a. 311  
 Notitia finis quem volumus necessaria est. b. 364  
 Noua Francia regio frigi diffima. b. 238  
 Nouæ Franciæ populi, eorumque historia. b. 238  
 Nouæ Franciæ populi victus ex solis piscibus sole duratis. b. 238  
 Noui Orbis Reges populus latrocinari permittunt. a. 408  
 Nuditas pedum Socratis quid ostentabat. a. 156.  
 Nulla felicitas est in hac vita. p. 51  
 Nullum paupertate grauius est onus. a. 620  
 Nullus Author exposuit ad litteram ante ipsum. *Contradictio.* b. 317  
 Nullus de sorte misera dolere debet præsertim Christianus. b. 116  
 Numa vir Sanctus, Romam instaurauit sæculo rudi. a. 158  
 Numeri compositi, tam vsque ad sex quam ultra & tam & duabus Aleis quam in tribus. b. 265  
 Numeri rerum principia ex Lytha gera. a. 143  
 Numeri significatio mira. b. 143  
 Numerus, forma & magnitudo literarum, & iderismus. a. 247  
 Nummus potestate omnia continet. a. 545  
 Nuptiæ bene institutæ beatam efficiunt vitam. a. 559  
 Nutrix qualis sit eligenda. a. 528

## O.

**O**bliuio, omnis infamiæ, medela est. a. 572  
 Obliuio quatuor modis inducitur. a. 572  
 Obliuio vindictæ confert ad augendam potentiam. b. 629  
 Obscuritas fugienda. a. 514  
 Observationes Cardani præcipuæ. p. 15  
 Occasio in omnibus obseruanda. b. 388  
 Octauiani Horatii verba. p. 55  
 Octauiano Augusto morbus fuit vtilissimus. b. 591  
 Octauii Augusti constantia de morte nepotum. b. 615  
 Octauius mors necessaria. a. 194  
 Octauius quis, & illius stirps. a. 180  
 Octauius Robia & illius morbus. a. 86  
 Oculi cordis fenestra sunt. a. 527  
 Odium. b. 480  
 Oeconomia, & oeconomiae precepta. b. 382  
 Officium respondentis aliud est, aliud redarguentis. b. 643  
 Oliarchia scoliõ quam popularis status. b. 557  
 Oliarchia quare mala. b. 277  
 Omne quod per impossibile deducitur, ostensuè probari potest. a. 336

Omnia animalia nexum soluunt. a. 597  
 Omnia in mitiorem partem interpretanda sunt. a. 687  
 Omnia opibus debentur. a. 544  
 Omnia quæ sunt ad Vnum tendunt. a. 277  
 Omnibus aliqua sapientia inest. a. 496  
 Omnibus aliquid deest. a. 547  
 Omnis demonstratio est ex principiis. *Contradictio.* a. 328  
 Omnis malus, & omnis infelix ignorans. b. 492  
 Omnium bonorum, mater est sapientia, omnium verò malorum ignorantia. b. 492  
 Onychomantia quid sit. b. 564  
 Operatio hominis optima est intelligere. a. 583  
 Operum Cardani commendatio. a. 77  
 Opes & amicitia, in ciuili vita valde necessaria. b. 236  
 Opes an honori sint præferendæ, vel honor opibus. a. 465  
 Opes commoda omnia, virtus in infelicitate solatium. p. 23  
 Opes, honores magistratus contempsit. p. 8  
 Opes vel vnicâ horâ parari possunt. 78  
 Opinio multorum est veritas paucorû. b. 642  
 Opinio Platonis tantum destruit discere de nouo. *Contradictio.* b. 332  
 Opisthotoni significatio. p. 32  
 Opisthotonus morbus, qualis. b. 83  
 Optica quid sit. b. 143  
 Opticæ partes septem. b. 143  
 Opticæ vtilitas. b. 143  
 Optimates qui. b. 141  
 Optimum est patriæ bene consulere. b. 657  
 Optimum in Contrariis haberi debet quod in longo vsu minus affert detrimenti. p. 48  
 Optimum statum assequutus est qui tantum habet vt viuere possit. b. 623  
 Optimum vitæ genus. a. 482  
 Oraculi de moribus Socratis verba. a. 156  
 Oraculum Delphicum. b. 563  
 Oraculum de lycurgo habitum. b. 497  
 Orationis ad virginem factam hora matutina VIIII. Calendas Aprilis efficacia. p. 28  
 Orationis diuifio sub multiplici genere. b. 259  
 Orationis duæ partes præcipuæ. b. 293  
 Orationes in figura quadrifariam collocatæ. a. 295  
 Orator bonus quis sit. a. 653  
 Oratores mendacio dediti omnia peruertere possunt. a. 152  
 Orator in Ciuitate vtilis. a. 661  
 Orator vtilia debet semper persuadere. a. 655  
 Orbis Dei opificium. b. 278  
 Orbis magis vnus quam homo & cur. b. 278  
 Orbis quid & in quo positus sit eiusque diuifio. b. 234  
 Orbus quis sit. b. 611  
 Ordo quid est. b. 226  
 Ordo duplex. b. 226  
 Ordo exquisitissimus quis sit. a. 357  
 Ordo libri, & multa præclare de Ordine. a. 358  
 Ordo vnus cum ad vnum tendit aliter, non b. 279



# Index Reru m.

- Oriens melior occidente & Cur. p.40  
 Originem linguarum scire magnum negotium est. b.525  
 Orizæ utilitas. a.352  
 Orochilia utilis ad tranquillitatem. b.238  
 Orontij speculum ignem accendens. 72  
 Orthographia quid sit. a.246  
 Ostentum mirabile Cardano factum. p.35  
 Ortho, & illius sæuitia. b.205  
 Ottomanis fratres suos vivere non patiuntur. b.193  
 Ottomanorum principum mos. b.179  
 Ottomanus quæ regna occupet in Europa, in Asia & in affrica. b.558  
 Oua temperamento proxima. a.172  
 Oua testudinis marinæ timores fugat. b.359  
 Oua volucrum ad quid utilia. a.166  
 Qui figuræ describendæ methodus. a.694
- P.
- P**Acis Encomium. a.183  
 Paconius & crimen eius. b.207  
 Pacta communia in primaria. a.269  
 Palingenesia. a.639  
 Pallas. b.195  
 Palumbus alit cuculum in perniciem suæ prolis. b.234  
 Pacis commoda. a.183  
 Panis lotus & ad quid utilis. a.172  
 Papia fuit vrbs in qua Cardanus natus est. b.96  
 Παράδοξον, quid sit. b.466  
 Parentes qui propriis filiis mortem procurarunt. a.616  
 Paronima quæ. b.293  
 Paronima quid significant. b.293  
 Parricidæ non pauci. b.614  
 Parthonopei regis infelicitas. a.578  
 Particularis affirmatiua, particulari negatiua est contraria. *Contradi.* a.314  
 Particularis negatiua de necessario non contingenti in terminis. *Contradictio.* a.312  
 Pascus aulicus & eius historia. b.340  
 Patientia & eius vis. b.650  
 Patientia læsa, fit furor. a.234  
 Patientia optimis viris auxilium attulit. a.592  
 Patria omnibus ante oculos habenda. a.234  
 Patriæ quid debeamus. a.234  
 Paulo Eufomia Card. prædixit mortem. p.37  
 Paulus æmilius, & eius constantia. a.616  
 Paulus Pontifex huius nominis tertius. b.591  
 Pauper non minus est fœlix quàm diues. b.620  
 Paupertati si accedat exilium, eligendus est locus natura, moribus, ac legibus patriæ similis. b.578  
 Paupertas commendata. b.129  
 Paupertas & detrimenta quæ Cardano acciderunt in Patrimonio. p.16  
 Paupertas, gloriæ non obest. b.620  
 Paupertas inter Lacedæmonios laudabilis. b.625  
 Paupertas libertatis custos. a.627  
 Paupertatis incommoda quomodo depellantur. a.573  
 Pauperum amicitia damnosæ sunt. a.362
- Pax bello præferenda. a.183  
 Pax incrementum & quietem affert humano Generi. a.183  
 Pecuniæ omnia potestate continent. b.401  
 Pendacij & Cardani Dialogus. a.352  
 Peregrinationes Cardani & loca, vrbes, provincias, & Regna quæ peregrinatus est. p.18  
 Perfectio agentis est finis. a.289  
 Perfidia summum vitium. a.508  
 Periculis constantia. a.616  
 Pericula & casus quos incurrit Card. p.18  
 Pericula vitanda. a.507  
 Persæ & illorum mos. a.196  
 Per se est idem quod primo. *Contradictio.* a.318  
 Persuasio quid sit. b.395  
 Pessimus qui sint. b.408  
 Pestis anni M. D. XXIX. multum sæuiens. pag.4  
 Petitio est propositio dubia vel contrariè Credita. *Contradictio.* b.328  
 Petri & Pauli interitus & sub quo. a.200  
 Pharneli statura qualis. a.138  
 Phidias artis statuariæ peritissimus. a.503  
 Philippi Alexandri pater ad Aristotelem aurea verba. a.493  
 Philippus Macedonum Rex sententiam à se Male latam, poenam in se conuertit. b.537  
 Philippus Macedonum rex Thessalos hospites suos sub hasta vendidit. a.429  
 Philomenis mors propter risum. a.600  
 Philopater patrem & matrem occidit. b.199  
 Philosophia moralis noxia est. b.158  
 Philosophi qui beati non fuerunt. a.587  
 Phistonimia totum hominem considerat. a.144  
 Phocionis verba de accepta iniuria. b.630  
 Phryges serò sapiunt. p.51  
 Phiriasis quid. p.52  
 Pica loquax. b.597  
 Pictor sine coloribus. a.589  
 Pietas Neronis erga Deos. a.191  
 Pigmentarij cuiusdam mors subtilissime intentata. a.618  
 Pipinella, styrax Solanum maniarum hyosciamus valdè lætificat. b.352  
 Piscatum ire iuxta lucos & sylvas. p.88  
 Piso à Cicerone accusatus fuit. a.135  
 Pisonianæ coniurationis Seneca conscius fuisse creditur & cur. a.199  
 Platonis de opibus verba. b.627  
 Plebs omnis boni ferè ignara. a.529  
 Plinius bouem se præbet dum de sole & astris agit. p.39  
 Plotinus in dictione negligentissimus. a.124  
 Plurimi alia aliis suadent, quæ ipsi nec sponte recipiant. a.581  
 Podagræ dolores. b.223  
 Podagræ encomium. a.221  
 Podagræ vis. b.222  
 Podagra si temperantiæ iuncta sit, sensus reddit vegetes, firmamque memoriam. b.224  
 Podagram pelli hermodactylis & Corallio Creditum est. a.223  
 Podagrosi prudentissimi. a.224  
 Podagra plerisque bona, paucisque mala est & cur. a.221  
 Podalirus



# Index Rerum.

- Podalirius quis & eius vita mirabilis. a. 160  
 Poëta concilio Regum & Magnatum inu-  
 tiles. b. 578  
 Poëtarum, comœdorum & satyricorum le-  
 ctio humanæ sapientiæ aptissima. b. 551  
 Polibius sine Philosophia Philosophus. p.  
 39  
 Politicæ disciplinæ diuifio in quatuor par-  
 tes. b. 146  
 Pollionis Romuli ad Augustum vtilis om-  
 nibus responsio. b. 505  
 Polycrates in tota vita nihil infœlix habuit,  
 tandem à Persarum Rege in crucem  
 ætus est. b. 626  
 Polyppus etsi diuifus viuit. b. 292  
 Pomponia Plancio maritata. a. 187  
 Pomponius Atticus, & eius mors volunta-  
 ria. a. 618  
 Pontanus infœlix. a. 578  
 Pontani cuiusdam doctissimi infœlicitas. a.  
 578  
 Pontificum in solemnibus grauitas. a. 580  
 Poppæa vxor Neronis. a. 194  
 Portia, Catonis filia eiusque mors. a. 603  
 Positiones syderum in Cardani natiuitate,  
 quales fuere. 2  
 Possessionis ab inuitis eripiendæ modus pul-  
 cherimus. a. 448  
 Possumus scire quod hic trigonus habet  
 tres Angulos æquales duobus rectis igno-  
 rato si est. *Contradictio.* a. 316  
 Post deambulationem musicæ operam da-  
 bat. p. 8  
 Potentia quæ constat affinibus & amicis.  
 b. 541  
 Potentibus de rebus an expediat scire opi-  
 nionem. a. 376  
 Potenti inimicò quomodo occurrandum. a.  
 339  
 Præcantationis mirum exemplum. b. 568  
 Præcepta ad filios. a. 475  
 Præcepta erga seruos. a. 480  
 Præceptis similibus in diuetsis casibus sæpe  
 vti oportet. b. 439  
 Præcognitio dicitur non esse terminorum  
 quod significant. *Contradictio.* a. 330  
 Præcognoscendi vis Cardani & ea quæ præ-  
 cognouit. p. 36. & 37  
 Præmissæ præcognoscuntur, non solum  
 Quoad quid est, sed quoad si est. b. 334  
 Pragmatica. b. 233  
 Prexaspi & Harpago bene cessit inimicum  
 blandis verbis tractare. a. 425  
 Priamus an beatus dici possit. b. 685  
 Priamus fœlix. b. 207  
 Primo vniuersalium commento diffinitio  
 constat ex genere & differentia. *Contra-*  
*dictio.* b. 318  
 Princeps in filiis quid cauere debeat. a. 540  
 Princeps vix est qui patrem habet. a.  
 669  
 Principes qui sapientes dicitur. a. 531  
 Principes quos amicos eligere debent. b.  
 540  
 Principes & Reges qui relictis prouinciis  
 ad diuinum cultum transiire. a. 499  
 Principia, Axiomata, Regulæ generales,  
 supposita. b. 231  
 Principibus secundum leges viuere optimum  
 est. a. 571  
 Principis institutio. b. 539  
 Principis optimi necessariæ cōditiones. a. 182  
 Principium hominis est in homine. a. 290  
 Principum obseruantia monita. a. 477  
 Principum seruitus. a. 424  
 Procreatio, & eius vtilitas. b. 509  
 Procurator in patria relinquendus est. a.  
 428  
 Pronominum compositio atque varietas. a.  
 257  
 Pro Patria pugnare gloriosum Brutis. pa-  
 gin. 23  
 Proportio est tantum finis aliarum proposi-  
 tionum. *Contradictio.* a. 318  
 Propositio affirmatiua præcedit negatiua  
*Contradictio.* a. 332  
 Propriam faciem in speculo intuentes, su-  
 blato speculo suæ imaginis obliuiscun-  
 tur ita qui multum student, & quæ didi-  
 cerint non exercent non recordantur. b.  
 578  
 Propositio diuiditur in tres partes demon-  
 stratiuas. *Contradictio.* b. 312  
 Propositio duplex quoad materiam necessa-  
 ria & probabilis. *Contradictio.* b. 312  
 Propositio est in actu sine verbo. *Contra-*  
*dictio.* b. 312  
 Propositio negatiua est in qua prædicatum  
 remouetur à subiecto. *Contradictio.* a.  
 313  
 Propositio significat esse vel non esse, & di-  
 citur positio. *Contradictio.* a. 316  
 Propositio significat esse vel non esse  
*Contradictio.* a. 318  
 Propria Animæ, quæ & qualia esse existi-  
 mentur. a. 237  
 Propria corporis, robur & pulchritudo. a.  
 237  
 Propria hominis, quæ. a. 237  
 Propria mala & composita quænam sint se-  
 cundum Cardanum. a. 598  
 Proprietates naturales mitificæ Cardano  
 propriæ. 27  
 Proprietates rei quæ quæritur, consideran-  
 da. a. 393  
 Proregis Neapolis sæuum exemplum &  
 stupendum. a. 458  
 Prosapia etiam nobilissima extincta confi-  
 deratur. a. 62  
 Prouidentia ad quid vtilis secundum om-  
 nes. b. 340  
 Proxenetæ eiusque vtilitas. b. 406  
 Proxenetæ vsus. a. 407  
 Proxenetæ quomodo in amicitiam allicia-  
 tur. b. 306  
 Προξενετης unde, & cur nomen illud libro  
 imposuerit. a. 356  
 Prudentia quid sit & circa illam iucunda  
 monita. b. 476  
 Prudentia circa honores, negotia circa pa-  
 rentes. a. 478  
 Prudentia erga amicos inimicos, & circa  
 Conuersationem. b. 478  
 Prudentia quænam habenda sit erga di-  
 uitias. b. 477  
 Prudentia parentum erga filios. b. 477  
 prudentia habenda circa domesticos. a.  
 477  
 Prudentia habenda circa vxorem. a. 477  
 Prudentiā dissimulare aliquando oportet. b. 558  
 Prudentiæ



# Index Rerum.

- Prudentiæ laus consistit in applicatione ad opus. b.476  
Prudentia post fortitudinem cæteris omnibus magis ad felicitatem conducit. b.476  
Prudentia quibus rebus ostenditur. b.593  
Ptisana *risch* vocata, & quæ. b.155  
Ptolomæi aurea verba. a.593  
Ptolomæus de Musica & Astrologia utraque scripsit. a.127  
Pudor in gestu & sermone seruandus vbique a.477  
Pulchritudo quid sit, eius vis, & encomium. a.528  
Pulchritudo, ornamentum, decor, & incunditas ex pluribus oriuntur. a.280  
Pulli cur miluum timeant. b.282  
Pulmones vnde imbecilli. a.91  
Pulmoni crocus utilis. b.351  
Punctorum geminatorum ratio habenda est in Alea. a.266  
Pyrrhi oppugnator Fabricius. a.664
- Q
- Quæ ad finem vitæ humanæ sunt, singula distinguuntur in rem & opinionem. b.489  
Quæ ad officia spectant. b.387  
Quæ ad tristitiam impellunt. b.504  
Quæ ad vnitatem rediguntur perfecta sunt. a.277  
Quæ à suo trunco auulsa sunt omnia inania sunt. a.699  
Quæ efficiunt summum bonum, est scientia possessionis illius. a.584  
Quæ deficiunt omnino, vmbra vitæ solum assequuntur. a.699  
Quædam obseruatu digna iis qui ad fastigium dignitatis peruenere. a.553  
Quæ facturus es nemini dixeris ne impediaris vel inuidearis. a.478  
Quænam Res scripturæ mandandæ propter memoriæ tenuitatem. a.477  
Quæ futura sunt à Deo præuisa sunt & ordinata & iusta sunt. b.98  
Quæ mutant mores. p.50  
Quæ nobis bona eueniunt, à Deo accepta sciendum est. a.475  
Quænam ex podagra vtilitates habeantur. a.224  
Quæ nullum afferunt detrimentum agenda sunt iuxta consuetudinem. b.476  
Quæ noxia sunt, rara sunt. a.600  
Quæ obseruanda sint in omnibus ludis. a.276  
Quæ sciri nolumus nec coram pueris nec seruis, nec mulieribus dicenda sunt. a.477.  
Quærentes quæ retinere non possunt. a.364  
Quæstores, Magistratus, Archiatri, Præfecti non ex virtutum eminentia Reges sumunt sed ex conspiratione nobilium. a.664  
Quæsitæ circa gloriam. a.466  
Quæ vitanda sint. b.370  
Quæ ultra vitam durant, vt agri & geminæ perpetua appellantur. b.489  
Quæ vsu non senescunt vel subripi non possunt, emenda sunt. a.478  
Quales fuere Cardani parentes. 2  
Qualitas seruatur in conuersione. *Contradictio*. b.313  
Quare non Recenset Cardanus nomina inimicorum. p.13  
Quatuor bonæ matres totidem malas filias pepererunt & quæ sint. b.476  
Quia principes sunt sicut montes ad quos accessus quanquam difficilis, longe tamen tutior est quàm recessus. b.475  
Quare obliuiscamur imaginis nostræ sublato speculo duæ rationes. b.578  
Qui amant Deum & in ipso confidunt hi soli beati esse possunt: beatiore qui inuentur; beatissimi qui simpliciter agnoscunt. a.699  
Qui ante Socratem claruere. a.154  
Qui à Deo scientiam quærit, animum à vitis, corpus à cibis mundum habeat. a.475  
Quibus ludis delectabatur. p.14  
Quibus rebus delectabatur Cardanus. pagin.14  
Qui cuncta curat, cuncta negligit. b.233  
Quidam orator totius orationis oblitus est cum aduersus solem cathedram posuissent. a.579  
Quid cauendum circa axiomata. b.467  
Quid faciendum domi, si sint plures coniurati. a.245  
Qui dicit lusorem, dicit vitiorum omnium sentinam. a.479  
Qui è domo amandandi. b.245  
Qui ex diuitibus litterarum studium ingenti ardore prosequuti sunt omnes in iuuenta obiere. b.525  
Qui in exilio fuere clarissimi. a.628  
Qui in mundo sunt non magis quæ in limbo mundi sunt sciunt quam vermis in auellana nouit auellana corticem. a.699  
Qui in iuuenta extincti sint. b.604  
Qui mercaturam exercent alienis opibus exercent. b.545  
Quinque scribendi & proferendi rationes, & quæ ad Orthographiam pertinent. a.247  
Quintilianus & Cicero in Rhetorica facundissimi. b.479  
Qui ob egregiorum virorum insectationem clari euaserunt. a.170  
Qui obtrineant Regna. a.140  
Qui paucissimis indigent, simillimi Diis sunt. a.622  
Qui ponit pecunias suas in animalibus de sero ridet, de mane lachrymatur. b.481  
Qui scit esse, scit quod nomen significet. *Contradictio*. 318  
Qui secundum virtutem viuit immensam sentit voluptatem. b.291  
Qui sibi sapiunt, nimium sapiunt. a.580  
Qui sperat, timet semper, expectat frustra anxius perpetuo est. b.684  
Qui sub principum potestate degunt, mores illorum æmulari debent. a.555  
Qui tanto magis eget quanto plus habet is scilicet esse non potest. a.170  
Qui transit ad extrema intacto medio mentis priuilegium habet. b.489  
Qui vera gloria claruerunt. b.153  
Qui virtute pollet hic verè nobilis est. a.664  
Qui



# Index Rerum.

Qui voluptatibus inferuiunt multum errare  
necesse est. 51  
Qui vult placide ferre aduersa historias le-  
gere debet. a.693  
Quando à conuentis discendendum. a.406  
Quod est vndequeque bonum nec potest  
deficere neque commutare nec melius  
esse. b.352  
Quodcunque rectum per syllogismum de-  
monstratur, per syllogismum contrarij  
etiam potest demonstrari. *Contradictio.*  
b.314  
Quò magis augentur opus, cupiditas ditari-  
di eò maior semper fit & labor. a.  
664  
Quomodo compositio dignoscenda sit. b.  
251

## R.

**R** Ara bonis calamitas est, rarior sapien-  
tibus; rarissima virtute præditis. b.  
488  
Rara felicitas in mortalibus diuturna est;  
rarior pura: Rarissima constans: secura  
nunquam. b.488  
Ranas, fungos, nec anguillos edere oportet,  
nec quod dentibus stridet, nec de duo-  
bus vinis bibendum. b.475  
Ratio agendorum primo à Deo sumenda  
est, dein à naturali inuentione vltimo à  
Vatibus. b.476  
Radix Ellebori nigri & vitis albæ sensus &  
intellectum exacuunt. b.339  
Ratio in conscribendis libris obseruatu di-  
gnissima. a.126  
Ratio & modus necessaria cognoscendi. b.  
584  
Ratio Reip. gubernandæ. a.146  
Reconciliatio erga inimicos ad tempus esse  
debet. b.459  
Reducere ad absurdum quomodo facillime  
potest. a.300  
Rectè viuere debet homo & contemnere  
aduersa, nihil negligere & minima ob-  
seruare. b.694  
Reges parua contemnunt. a.409  
Reges veridici & quare. b.152  
Regiæ potestatis humanæ cum diuina com-  
paratio. a.140  
Regio in qua pestilentia, vel morbi vrgent  
non est habitanda. b.427  
Regna tria. p.40  
Regno humano melius est nescire quid bo-  
num vel malum. p.40  
Regnum cui vnus præest à seditione vacat.  
a.541  
Regnum duabus viis quomodo contineri  
possit. 642  
Regnum Galliæ & Turcarum vnde inco-  
lume. a.540  
Reges nunc ab adulatoribus persuasi duces  
non eligunt sed emunt. a.664  
Reges vitam & Regnum non virtutibus ac  
peritiæ sed diuitiis & generi commen-  
dant. a.664  
Regibus & Principibus nihil tam iucundum  
quàm sapientia. b.694  
Regum liberi ab ipsismet Tutoribus regno

ac vita sæpissimè spoliuntur. b.664  
Regnum, seruitus gloriosa. a.622  
Relationis aliquod genus non suscipit ma-  
gis neque minus. b.319  
Religio & pietas Cardani. p.15  
Religio quantum valeat in regno guber-  
nando. b.550  
Religioni amore studiorum tradere se vo-  
luit Cardanus. a.619  
Regula 4. illiusque exemplum. b.227  
Rem noxiam, aut omnino turpem quaten-  
tes qui sint. b.363  
Remedia contra phantasmata. a.350  
Remedia cor roborantia. b.351  
Remedium pro venenis. b.351  
Rerum maximarum minima sunt initia. a.  
477  
Rerum quæ mutari nequeunt omnis cura  
abiicienda. a.476  
Repente ditari signum magnæ sapientiæ est  
a.545  
Res difficiles quomodo tractandæ. b.339  
Res domestica eiusque conseruatio. b.379  
Res humanæ per se difficiles & quibus ca-  
pitibus. a.349  
Res magnæ quomodo per proxenetam tra-  
ctandæ. b.409  
Res male olentes aut corrupti saporis co-  
medere non oportet. a.476  
Res mortalium quomodo ex minimis prin-  
cipiis maximos effectus fortiuntur. a.  
436  
Resolutio ponitur à simplicibus ad compo-  
sita. *Contradictio.* a.341  
Res parua quomodo magno commodo ca-  
dit. a.341  
Res periculosa quomodo tractandæ. b.410  
Res pleræque inanes. a.235  
Res secreta quomodo tententur. b.415  
Res serias coram gentibus aut coram ni-  
mis se efferentibus non loqui debemus. b.  
476  
Rex Deo simillimus. b.280  
Rex in victu omnia dubia habet. b.621  
Rex nullos certos amicos habet. a.621  
Rex & regnum quare bona sunt. b.277  
Rex timeri & amari debet. a.539  
Rinocerotis corau, latificat hominem. b.  
339  
Ridentibus aliis, flere mulierum est. b.  
476  
Risus abundat in ore stultorum. b.476  
Romanæ ab initio vili vili sunt indumento.  
a.622  
Romani à medicis abstinere & cur. a.  
161  
Romani quare dicti studiosi. a.140  
Romanorum pietas ad respublicas efforman-  
das. a.140  
Romanorum sæua crudelitas. b.201  
Romanorum sapientia. a.141  
Ructus quomodo curetur. b.241

## S.

**S**æuens fortuna non formidanda est nec  
aduersus illam est eundum. a.478  
Saccense oppidum prope Patauium. 62  
Saccharum in bilem vertitur. b.172  
tria



# Index Rerum.

- Sanguis viui agni aut columbi vel gallo-  
rum hebetudinis sunt Remedia. b.352
- Sanitas, harmonia & pulchritudo, hæc  
tria grata. b.581
- Sapere in vno homine est aliquid, at in om-  
nibus qualis scientia. b.699
- Sapere & amare solis concessum est Supe-  
ris. b.480
- Sapiens bonus est. b.357
- Sapiens consilium multas manus vincit. a.  
492
- Sapientes ab operibus non ex verbis, stulti  
autem ex vtroque iudicantur. a.477
- Sapientes quinam habiti sint. a.498
- Sapientes nimis quare fugiendi. a.343
- Sapientes quo magis cognoscunt, magis ti-  
ment. a.233
- Sapientia à natura aliquando est. a.495
- Sapientia diuina tota circa optimum vi-  
tæ genus versatur. a.497
- Sapientia diuinissima est. 69
- Sapientiæ deliciae cognoscendæ sunt & eas  
non aspernari debemus. b.479
- Sapientia doctorum virorum firmior omni  
alia sapientia est. a.525
- Sapientiæ altera diuisio. a.495
- Sapientiæ diuinæ vera definitio. b.499
- Sapientiæ proprietates. b.479
- Sapientia humana vbi ad culmen peruenit  
vmbrae redditur. b.232
- Sapientia nihil delectabilius. 76
- Sapientiam nec tyranni, nec necessariorum  
defectus auferre possunt. 78
- Sapientia quadruplex, Diuina, naturalis, hu-  
mana, dæmoniaca. a.495
- Sapientibus omnia facillima. b.494
- Sapienti quænam scientia sit necessaria. a.  
496
- Sapienti vt ad apicem perueniat quædam  
necessaria. a.548
- Sapientiam prudentia tribus probatur ra-  
tionibus. a.500
- Sapphirus & eius utilitas. b.339
- Sardanapali mors. b.601
- Sardonius & eius vis. b.339
- Sceleris quod inferre non cogitamus omnis  
suspicio deuitanda est. b.476
- Saxo silyptheo persimilis est labor compa-  
randarum diuitiarum. a.664
- Septici Philosophi omnia in opinione po-  
nebant. b.590
- Sæuola Porfennæ mortem meditans volun-  
taria confessione à morte liberatus est. a.  
592
- Sæuola pro Patria exurit dextram. pagin.  
23
- Scientia ad artem an sit utilis. a.273
- Scientia animi. a.390
- Scientiæ in intellectu positæ sunt. b.232
- Scientia in plurimis nocet. a.633
- Scientia rerum, morum ac potentiæ. a.  
402
- Scientia somniorum plurima affert commo-  
da. a.693
- Scientia rei, astutia, parcitas prudentia, hæc  
quatuor in omni arte necessaria. b.477
- Scipio Africanus & Camillus belli fulmi-  
na. a.664
- Scipio semper totus pro amicis fuit. a.507
- Scire ea caute quæ æqualiter habent peri-  
culum tacendo atque loquendo. a.477
- Scire tripliciter dicitur. *Contradictio*. b.  
315
- Scire vinci & amittere non malum est ali-  
quando. b.477
- Scommata fugienda. b.442
- Scommata quibus vtilia. b.555
- Scribendi causæ quæ pugnant inter se. a.  
257
- Scripta Cardani sub multiplici genere. b.  
142
- Scriptores clarissimi & celeberrimi quinam  
515
- Secunda regula comparatiuorum, illiusque  
exemplum. a.227
- Sedendum in fassis non est patentibus fe-  
nestris. a.476
- Seductio. 447
- Sedulitas Cardani in libris conscribendis.  
60
- Semiramis babylonem ædificauit. 511
- Senatus Romanus qui, & illius vitium. b.  
179
- Seneca & illius mores. b.155
- Senecæ victus miserrimus propter Nero-  
nem. p.22
- Senecæ mors Neroni Gloriosa. b.198
- Senecæ pompa in victu. p.22
- Seneca quis, eius vita, & mores. b.198
- Senectus & eius laus. a.635
- Senectus indigens misera est. b.477
- Senectus naturæ munus oblatum. a.590
- Senes omnibus Venerandi. b.476
- Senex Diu viuere non potest. b.675
- Senex est quem Deus destituit. p.49
- Sensibus plurimi seruiunt. 684
- Sententiam dubiam non habet animus gra-  
uiter læsus. b.480
- Sepeliendi cadauera diuersi mores eximij.  
a.607
- Septimius imperator, eiusque familia il-  
liusque crimina. b.210
- Sequelæ euidētis tria genera, & quæ. a.  
295
- Seianus, illius vita, & crimina, morsque  
eius. a.207
- Sergij parentes. b.163
- Sergius iniustissimus in Africa tamen præ-  
fectus fuit. b.163
- Sermo brevis esse debet. b.372
- Sermo brevis esse debet ne multa impruden-  
ter excidant. b.476
- Serpentem occidere pietatis est, non scele-  
ris. a.642
- Serid cum Regibus semper agendum. a.  
577
- Serpente Lupo diligentibus homo inco-  
gnitus cauendus est. a.479
- Sertorius & Marius infimæ sortis Romani,  
Romæ tamen vtilissimi. a.664
- Seruitus ventidio attulit consulatum. b.  
591
- Seruus Asdrubalis in tormentis ridens obiit.  
b.482
- Seuicippi Abdenner de Mundo opinio. a.  
285
- Sex sunt communia & quæ. b.293
- Sfortiadum familia, infœlix. a.186
- Sicut



# Index Rerum.

- Sicut Gigas non parvus est, nec pygmæus magnus est. p.22
- Signa foelicitatis Cardani. p.22
- Simonides ob Philosophiæ studium flammis absumptus est. a.693
- Signum mappis adhibendum. a.380
- Signorum numerus distantia lunæ à sole partiumque signi quomodo habeatur. a.694
- Sileni dictum, *optimum est non nasci*. a.688
- Sileni verba. b.602
- Silenus quid sit. a.602
- Silentij laus. b.374
- Similes in Societate eligendi sunt. a.386
- Simonidi, Pasiphyllo, Socrati Philosophia fuit exitialis; facundia Ciceroni; & arma Marco Antonio. a.693
- Simonis Coriarij historia mirabilis. a.593
- Simulatio quid sit, & eius diuisio. a. & b.394
- Sisyphus arcanâ Deorum cum reuelasset in inferno ab ima montis radice ad verticem saxum ingens portans suis humeris. a.664
- Smaragdus & eius vtilitas. b.339
- Societas & conuersatio omnibus necessaria. a.386
- Smaragdus collo pueris suspensus morbum comitalem fugat & cerebrum confirmat. a.476
- Societas hominis ignoti periculosa in itinere. a.476
- Socratem vt sapientem, sanctum Athenienses virum vt Reip. vtilem colebant. b.154
- Socrates cum Diagora Deorum sustilit prouidentiam. a.155
- Socrates est non albus & Socrates non est albus æquivalent. *Contradictio*. b.311
- Socrates formosos pueros sequebatur & cur. b.156
- Socrates in Morali peritus. b.154
- Socrates mendacissimus. b.152
- Socrates sibi vixit non Reip. b.158
- Socraticum dictum, *Sapientis patria est mundus*. b.28
- Socrates propter Philosophiam Cicutam hausit, & Pasiphylus gladio periit. a.693
- Socratis Encomij enersio. a.151
- Socratis Encomium. a.151
- Socratis verba eximia. b.597
- Socratis vitia. b.151
- Soboles si adsit & res & opes vitæ propriæ sunt præferendæ. b.489
- Sol cum obducta est nubes profunda non definit. p.9
- Solerria quid sitat eius proprietates. b.368
- Soli non debemus iter peragere multa enim obiter contingere possunt. a.476
- Solis lux immutabilis. a.285
- Solis magnitudo. a.502
- Sollicitatio domesticorum maximum scelus est. a.411
- Sola fortitudo nos similes diis facit. a.476
- Sol tanquam Rex inter sydera. a.699
- Sol & Luna in signis æstiuis breues & periculosi: in autumnalibus, iethales: in hyemalibus longos morbos efficere solent. a.171
- Sol & Luna in signis vernalibus salubres & breues. a.171
- Solis motus æqualis. a.699
- Solus quintus tertiæ figuræ non reducitur ad primam. *Contradictio*. a.311
- Somni conciliendi causa, hyacinthus & aduersus pestem & fulgura multum inseruit. b.475
- Somniorum Cardani Explicatio. p.29
- Somnium Cardani mirum. b.97
- Somniis non confidendum nec tamen contemnenda. b.476
- Somnus 7. horarum ad quid vtilis. b.240
- Somnus procurandus quia parit prudentiam, tranquillitatem, lætitiā & ex laboribus vtilitatem. b.489
- Somnus laborem, labor cibum, cibus potum, præcedat & superet. b.475
- Sorani dictum egregium. p.48
- Sortes à fabis delumptæ. a.567
- Softrati Gnidi memorabile factum. 76
- Spartha cur muris cæreat. b.557
- Species syllogismorum tres ponuntur. a.334
- Spectacula Romanorum nimium sæua. a.214
- Spitalis lineæ describendæ methodus eximia. b.694
- Spiritus assidentes aut præsidentes quales. p.44
- Spurius filius vt legitimus educandus & quare. b.477
- Statua ænea cum aurea lingua Eudoxo in porticu dedicata. a.154
- Spoliantur vitâ parentes ob lucupletissimum patrimonium. b.664
- Statium Poëtam mendicantem irrisit egregie iuuenalis. a.664
- Stirpes paululum extinguuntur etsi nobilissimæ. b.626
- Stiria glaciei occidit puerum, quam fragis vita. b.694
- Statura & forma Corporis Cardani describitur. p.4
- Stoici omnia ad virtutis culmen deducunt. a.234
- Stoicorum error circa foelicitatem. b.355
- Strepriadis argumentum egregium. a.155
- Studium Cardani nominis sui perpetuandi duplex vita, vna solida & altera communis animalibus ac stirpibus. p.7
- Stulti quare deuitandi. a.343
- Stultitia omnis damnosa. a.581
- Stultitia mortalium quanta sit in comparandis diuitiis. b.664
- Stupidis quid imperandum. 243
- Stupor hominis, Artificibus noxius. b.577
- Substantia Cælorum aëre tenuior. a.292
- Sub subgrundis nunquam deambulandum est. a.476
- Sues grunientes quid portenderunt Card. p.37



# Index Rerum.

Suetonius, & Suetonij peccatum. a. 179  
 Sulphur & eius vis erga Dæmones. a. 568  
 Summis miserijs quomodo occurrendum. b. 341  
 Summum bonum quid sit. a. 583  
 Summum bonum est id cuius quilibet est pro natura capere. b. 583  
 Summum bonum in civili vitâ, quod? a. 365  
 Summum bonum in sapientiâ positum est a. 584  
 Superbiæ casus quibus sit facilis a. 481  
 Summum malum à summo bono duobus digitis distat. b. 489  
 Superbia multos precario parit hostes. a. 481  
 Superioribus statim parendum est aut discendum. a. 479  
 Superstiones aliquæ. b. 566  
 Super plumam non dormiendum. b. 475  
 Supplicatio Cardani ad Deum. p. 15  
 Synonyma quæ sint. b. 293  
 Siluius aduersus Vesaliū in quo peccauerit. a. 135  
 Suppositio non est demonstrabilis. *Contradictio.* a. 322  
 Surgere quando oportet. a. 241  
 Sufurro in societatem non admittendus. a. 479  
 Sybillæ profetissæ. b. 500  
 Syllabarum vsus ex authoritate veterum. b. 257  
 Sylla iracundus. a. 409  
 Sylla se imperio abdicauit. a. 493  
 Syllogismi ad impossibile reducuntur ad tres figuras. b. 310  
 Syllogismi possunt omnes reduci in vniuersales primæ figuræ. a. 310  
 Syllogismi propositionum non conuertibilium non recipiunt, ostensionem per viam contrarij. *Contradictio.* b. 314  
 Syllogismi tertiz figuræ omnes in primam reducuntur. *Contradictio.* a. 311  
 Syllogismum reducere ad impossibile. a. 300  
 Syllogismus ad impossibile non præsupponit Categoricalum. b. 337  
 Syllogismus categoricus non fit in media figura. *Contradictio.* b. 320  
 Syllogismus concludens extremum de extremo per medium quod est conclusio, non probat. b. 315  
 Syllogismus contrarij in plus se habet quam syllogismus conuentionis. *Contradictio.* a. 315  
 Syllogismus ex puris affirmatiuis, in secunda figura non valet. *Contradictio.* a. 313  
 Syllogismus in id non valet minori existente negatiua. a. 310  
 Syllogismus omnis est per tres terminos. *Contradictio.* a. 315  
 Syluij statura. a. 138  
 Sympathia & Antipathia vnde originem ducant. a. 282  
 Synonyma quæ. b. 293

## T.

**T**abula dioscoridis quæ. a. 229  
 Tabulæ & chirographi diligenter custodiendi. a. 477  
 Tabula generalis omnium librorum Cardani. a. ....  
 Tabula illorum virorum qui scripta Cardani damnarunt. a. 122  
 Tabula illustrium virorum qui Cardanum & libros illius commendarunt. b. 121  
 Tabula librorum Cardani. a. 99. & sequentibus.  
 Tabula librorum quæ editione digni iudicati sunt. 75  
 Taciturnitas si cum periculo sit, est cauenda. a. 477  
 Tacitus quis, & eius ambitio. a. 179  
 Tacitus & Suetonius aduersus Neronem scripserunt. a. 179  
 Tali sinistri venæ apertio ad quid utilis. a. 168  
 Tamberlanus. a. 233  
 Tantum sunt duo modi syllogismi hypothetici coniuncti. *Contradictio.* a. 313  
 Teomproti mors. a. 601  
 Temone seruato quibusdam profuit totis velis sinere nauem ferri. b. 486  
 Temperata regio non habet acutiores mentes, sed mores moderatiores. a. 598  
 Tempestiuum est omne diuinum. a. 486  
 Templum B. Marci venetijs pulcherrimum. b. 540  
 Templum Talthyrij. b. 620  
 Tempore præciosius nihil. a. 507  
 Tempora duo loquendi sunt & quænam. b. 476  
 Temporis distributio æconomia, prouidentia, amicorum cognitio, morum notitia ad beatam vitam dignoscenda. a. 486  
 Temporis æstimatio, & incitamentum ad virtutem. b. 506  
 Temporis compendium. b. 366  
 Temporis fluxus insensibilis. b. 291  
 Temporibus antiquis ed refugiebant omnes vt tuti essent. b. 488  
 Tempus consilium præbet. b. 232  
 Tempus in lecto ab omni cura liberum esse debet. b. 475  
 Tempus omnia detegit. p. 22  
 Tempus omnia vincit. a. 572  
 Terentia Infelix. p. 52  
 Tempus Principibus imperat, Principes hominibus, expectate ergo tempus. b. 475  
 Terra motum habet ad situm immobilem. b. 282  
 Terræ quæ sine labore sudat; aqua quæ sine igne fernet; pluuia quæ sine nebulis est, periculosissima sunt. a. 476  
 Terram & maria in æquilibrio & cælos ipsos in æquilatione Deus constituit. a. 699  
 Terras quas lustrauit Cardanus. p. 34  
 Tertia regula comparisonum. b. 227  
 Testamenta Cardani plura. p. 26  
 Testimonia



# Index Rerum.

Testimonia de nobis in libris. 461  
 Thales qua arte ex pauperrimo ditissimus factus sit. b.493  
 Theodosius Imperator sapientissimus. a. 498  
 Theologia duodecim habet partes. b. 142  
 Theologia encomium. b.142  
 Theophanes quis. b.202  
 Theophrastus plurimos edidit libros. pagin. 55  
 Theophrastus, Plotinus, Plutarchus, & Aristoteles in physica eruditissimi. b. 479  
 Thoramenis mors & vnde. a.233  
 Thessalus cum lanariam artem exercuisset medicus factus est. a.578  
 Thessali diuitias ex arte medicinæ. a. 578  
 Thraces in morte parentum gaudent. a. 608  
 Tiberij astutia, & illius crimina. a.181  
 Tiberij inuistatilibido. b.215  
 Tiberius Agrippam in insula occidi iussit. b.180  
 Tiberius, & illius ortus. b.180  
 Tiberius proconsulatum dedit Nouellio Tricongio propter tricongium vini vno spiritu haustum. b.578  
 Tiburi piscis forma. b.80  
 Timoleon felicissimus. a.622  
 Timor homini nociuus. a.520  
 Timor in iactu vnde proueniat. a.271  
 Timoris effectus. b.520  
 Tituli Pontificibus, Regibus, Imperatoribus debiti. a.349  
 Tomiris Massagerum Regina eiusque constantia. a.616  
 Totum felicitatis miseræ fundamentum apud homines in sensibus est. a.488  
 Totus homo, animus est. b.592  
 Transductio non facit scire sed probat. *Contradictio*. a.318  
 Traiani ad Plinium secundum erga christianos epistola crudelissima. b.200  
 Traiani laus. a.493  
 Tranquillitas animi maxime necessaria ad sapientiam. b.523  
 Tranquillitas vitæ in quo posita sit. b. 142  
 Trapezitis cur non credendum. a.461  
 Tredecim basium latus figuræ quomodo habere possit. b.694  
 Tres annuli quomodo in vnum confluerint in digitis Cardani. p.36  
 Tres soles vidit Cardanus an. M. DXXXI. p.35  
 Tria inter cætera difficilia & quæ. b. 341  
 Triangulus habet tres æquales duobus rectis quia figura recti linea. *Contradictio*. a. 332  
 Tria quæ maximè lædunt hominem. b. 571  
 Tria sunt vitiorum genera. b.216  
 Tryphon tutelæ Antiochi relictus regno & vita spoliatus est. b.664  
 Tristitia felicitati contraria. a.670

Tom. I.

Tristitia omnis oportet esse in dolore. p.76  
 Troili & Dominici historia. b.339  
 Trunculis Cardanus Franciscos Sforciæ mediolani principi innotuit. pag.11  
 Turcæ à studiis alieni. a.140  
 Turcæ nunquam Medicis vtuntur & cur. a.161  
 Turcæ quales. a.140  
 Turcarum potentia vnde. b.185  
 Tutelæ hominum inferuiunt maxime catulus Ælurus. a.352  
 Tynnichus spartanus. a.616  
 Tyranni iniuriarum solum memores. a. 409  
 Tyrannis sine armis non potest esse diuturna. a.552

## V.

**V**alitudinem & robur opinio ex re non solum comparat sed etiam lærum habitum. b.489  
 Valetudo Cardani. p.5  
 Vanitas vanitatum & omnia vanitas. b. 599  
 Variola quid. b.221  
 Varro multa scripsit. p.55  
 Vbi iustitia non colitur, si habitaueritis, necesse erit vos meritis multa pati. b. 475  
 Vbi humanum suppetit, confugere ad diuinum temeritatis est. a.475  
 Vaticinium Cardani supra morbum Ludouici Madij. b.87. & 88  
 Vbi periculum leuitatis aut ignorantie subimus non est credendum. b.476  
 Vestigalia necessitatis causa solummodo imponenda. b.574  
 Vegetatrix anima vehiculum cœleste. a. 290  
 Vela colligenda, anchoræ dimittendæ, cum procella sæuit. b.486  
 Velocitas cœli, incredibilis. b.235  
 Venam in febribus incidere saluberrimum. b.166  
 Veneni, veneficii & philti differentia. a. 568  
 Veneratio, inter amorem & metum media. a.529.  
 Venetiæ & Athenæ situs. a.558  
 Veneti Ducem suum habent legibus subditum. b.557  
 Venetorum & Romanorum populorum conuenientia. b.557  
 Ventidius Parthos vicit. a.184  
 Venus cur testudini insidens depingarur. a. 559  
 Verba Angeli Candiani. p.9  
 Verba de inimicis nostris nunquam habenda sunt. b.478  
 Verba D. Pauli quæ ad institutum hominum multum inferuiunt. b.547  
 Verba propter res ipsas, & non res propter verba factæ sunt. b.123  
 Verbis pluribus quando vti liceat. b.403  
 Verbis tristibus nec leuibus vtendum est. b.476  
 Verborum vis. a.416

P P p 2

Veritas



# Index Rerum.

- Veritas etiam ab improbis defenditur. b. 618
- Veritas propositionis, quædam est in Conversione, conf. a. 314
- Versari cum felicibus pars est felicitatis. b. 419
- Vespasiani mors, & à quo occisus. a. 209
- Vespasianus occidit Epponimam. a. 209
- Vestitus Cardani. p. 14
- Via communis nisi necessitate non relinquenda est. b. 476
- Vetus adagium. *Multa modica faciunt unum satis.* p. 15
- Via absque fido duce non est ingredienda. a. 476
- Via commissus de sola via cogitare debet. a. 476
- Victus Cardani Ratio. p. 6
- Victus simplicitas ad vitæ diuturnitatem plurimum confert. a. 505
- Vicinos amicos probos quantum licet habere debemus. b. 478
- Vilia diuitibus, pretiosa pauperibus. b. 622
- Vilia pauperibus pretiosa sunt apud diuites. b. 622
- Villæ Cardani aspectus a. 242
- Venere, potu, cibo nec ante desiderium nec ad satietatem utendum est. b. 475
- Vindicta, res est periculosa. a. 629
- Vino cur aliquando sit abstinendum. b. 399
- Vino sit potior vobis aqua, inter vina potius album. b. 475
- Vinum maximè lætificat. b. 351
- Vires metiendæ ante negotium & cur. b. 393
- Vires quomodo augeantur. a. 243
- Viri grauiissimi ponderis qui Socratem damnant. b. 151
- Vir diues nihil aliud est quam Deus Peripateticus, suis legibus circumscriptus. b. 664
- Viri illustres qui iniuriam æquo animo tulerunt. b. 628
- Viri illustres qui iniuriam vlti sunt. b. 630
- Virgilius, Horatius, & Homerus in poësi Peritissimi. b. 479
- Viro sapienti aut forti miseria non est metuenda. b. 488
- Viri quibus mors instantanea instare consuevit. b. 647
- Viris bonis sapiens Princeps amicus est. b. 488
- Virtus & probitas nec tegenda nec ostentanda. b. 479
- Virtus quid sit. p. 12
- Virtus ipsa sibi pretium est. 77
- Virtus triplex. a. 465
- Virtutem & probitatem inuidia comitatur ut umbra corpus. b. 479
- Virtutes Cardani. p. 10
- Virtutis vsus secundum Aristotelem est finis noster. b. 488
- Virtutes omnes pulchræ, & honestæ. a. 476
- Virtutes quæ sint extra nos. a. 368
- Vir vnus Geometricis figuris intentus non sentit mortem, quid? Christianus in Dei iubar intentus facere debet. b. 699
- Virtutes viles quænam sint. a. 649
- Vis quid sit, eiusque proprietas. a. 401
- Vita non est præter illa Dei nec nisi ab ipso. a. 699
- Vita vera non magis deficit quam splendor in tenebras verti possit. a. 699
- Vita & ad vitam præcepta. b. 475
- Vita & gloria nostra in Deo tota reposita est. b. 699
- Vitæ primum principium est calor naturalis. a. 241
- Vita hæc, carcer animi est. a. 632
- Vita humana symbolica. a. 233
- Vita laconum sine pecunia & beata. b. 620
- Vita nostra pluribus & maioribus malis quam bonis abundat.
- Vita quæ non est libera non est vita. a. 505
- Vita quæ decurtant. a. 504
- Vita nostra qualis sit. a. 136
- Vita præponenda opibus. a. 489
- Vita quorundam senum pro exemplo. a. 472
- Vita in studiis longior euadit. a. 504
- Vita tota in lacrymis. b. 599
- Vita tribus modis longior euadit. b. 505
- Vitelli mors. b. 202
- Vitæ humanæ partes duæ, *finis* & *medium*. a. 489
- Vitæ humanæ plurima incommoda. b. 693
- Vitandi qui sint. b. 478
- Vitanda sunt, quæque nimis noxia, odiosa intempestiua, &c. b. 489
- Vitellio in Opticis Excelluit. a. 127
- Vitia aliorum in scribendo fugere debemus & non æmulari. a. 124
- Vitia facultatis restrictis diminutio & corruptio. a. 351
- Vitia facultatum restrictum vitiant prudentiam. a. 351
- Vitia graui cogitans. b. 461
- Vitia per se infelices faciunt homines. b. 665
- Vitia sunt vitiis antidotus. a. 480
- Vitruuius, Archimedes, Euclides, Appollonius & Ptolomæus in mathematicis peritissimi. b. 479
- Videndum latè quando licet, curæ hominem atterunt, non liberant. a. 476
- Vltionis voluntas, foeminis propria est. b. 630
- Vltio quomodo capienda. b. 460
- Vmbra taxi periculosa. p. 8
- Vna patet communis via omnibus vitandi omnem miseriam. b. 488
- Vnde dos redderetur vxori Paulus Æmilius licet doctissimus moriendo non reliquit a. 664



# Index Rerum.

**Vni** contingentia duæ contradictoriae affi-  
gnantur. *Contradictio.* a. 311  
**Vniuersale** est finitum, particulare infini-  
tum. *Contradictio.* a. 332  
**Vniuersale** est nobilius particulari quia per-  
petuum. b. 331  
**Vniuersale** in prædicando est notius apud  
naturam. *Contradictio.* b. 318  
**Vniuersalia** præcedunt singularia. a. 333  
**Vniuersalis** negatiua non conuertitur in ter-  
minis. b. 335  
**Vnus** rei tantum est vna demonstratio. *Con-  
tradictio.* b. 323  
**Vnum** bonum. a. 277  
**Vnum**, bonum, pulchrum & ætus fere idem  
sunt. a. 278  
**Vnum** causa multorum. a. 277  
**Vnum** est summum bonum omnibus. a. 583  
**Vnum** quod modis dicatur. a. 278  
**Vnus** numero, quid est. a. 278  
**Voleſus** quod sub Augusto vna die viros tru-  
cidauerit. b. 206  
**Voluptas** firma quænam sit. b. 582  
**Voluptates** quid ſint. b. 480  
**Voluptates** corporis animi morbi ſunt. b. 480  
**Voluptates** ſunt corruptibiles, honores verò  
immortales. b. 480  
**Vrbem** aut oppidum aut domum per por-  
tam ingredi debet quiſque. a. 476  
**Vpupa** lingua ad quid utilis. a. 563  
**Vrina** multa valde bona. b. 241  
**Vſus** ad finem humanæ vitæ triplex. a.  
489  
**Vſus** facilitatem parit. b. 231  
**Vtilior** eſt magna prudentia cum parua  
ſcientia quàm magna ſcientia cum parua  
prudentia. b. 476  
**Vt** veſtis malè conteſta ſeneſcimus omnes  
& muramur in deterius. a. 699  
**Vſus** Theologiæ duplex. b. 142  
**Vtilitas** ambra ergo cerebrum. b. 351  
**Vtile** à Turcis ad dimidium, frictione pro  
prandio palea pro ſceno, lecto incilo &  
ſiccato. b. 489  
**Vtilitas** ex aduerſis magnum auxilium. b.  
339  
**Vtilitas** Ludi & damna. a. 263  
**Vt** corpus abſque anima nihil agit ita ſer-  
uus abſque Domino. a. 480  
**Vt** dulcibus venena mixta fallunt facilius,  
ita inimicis permixtis beneficiis. b. 478  
**Vt** in foetu: aut creat vt in arboribus folia. b.  
232  
**Vulgi** voces terriſculamenta puerorum à So-  
crate appellantur. a. 486  
**Vultum** in contrarium efformare. p. 10  
**Vt** mendaciis locus non ſit aſueſcere oportet  
veritati. b. 481  
**Vxor**, & eius vtilitas & cur ducenda. a.  
559  
**Vxores** Imperatorum, quid paſſæ ſint. b.  
214  
**Vxori** nequiſſimæ ſeruire eſt cum dolore  
amare. a. 684  
**Vxor** quæ ſit eligenda. b. 378  
**Vxoris** cura diuitias omnes antecedit & qua-  
re. a. 477  
**Vxor** totius domi fundamentum. b. 358  
Tom. I.

**Vxor** nunquam irritanda ſed monenda. b.  
b. 477  
**Vxor** aut odit aut amat nihil habet me-  
dium. a. 477

## X.

**X** *Ανομιὰ* ſemper fugienda. a. 462  
**Xantippo** & Parolo indolis egregiæ  
adoleſcentibus, intra octo dies defunctis  
Pericles illorum pater, veſte candidâ coro-  
natus Athenienſibus concionabatur con-  
ſiliæque ac belli rationes magnâ animi  
tranquillitate illis dabat. b. 616  
**Xantippe** vxor irata cum Pallium Socrati  
detraxiſſet hortatibus amicis, vt manibus  
ſe vlciſceretur, Reſpondit Socrates: *vt vo-  
bis hoc ſpectaculum edam, atque vt dicatis,  
Eia Xantippe, eia Socrates.* b. 628  
**Xenocrates** & alij non pauci fabularum  
conditores ſeruitutem ſubierunt. b. 632  
**Xenocrates** cum verbis Platonem inſectaretur  
Plato tranquilli nuntianti reſpondit  
ſe non poſſe hoc credere, cumque alter  
iuraret, Reſpondit Plato, *ſe non exiſtima-  
re illum hæc dicturum, niſi Expediret.* b. 628  
**Xenocratis** adagium. *Loquutum fuiſſe pæ-  
nituit ſapius, tacuiſſe nunquam.* b. 523  
**Xenodochia**, ſportulæ, Religioſi viri, pro-  
ceres, viri probi Mendicis ſuccurrunt. a.  
635  
**Xenobiorum** origo. a. 613  
**Xenophon** quis, mores, eius & vita. a.  
157  
**Xenophon** Exilium ſubiit voluntarium in  
ſcillunte Heliæ vitam duxit; Canon athe-  
nienſis, in Cyprio, Iphichrates in Thra-  
cia; Chares in Sigæo; Timotheus Leſbi.  
a. 628  
**Xenophon** in aſcenſu Cyri delectatur. b.  
125  
**Xenophon** in peregrina militia aduerſus Pa-  
triæ decreta, exul. b. 641  
**Xerces** Athenas diruit facillimè. a. 558  
**Xerces** Atho monti Cominatur. b. 523  
**Xerces**, illiusque hiſtoria. b. 620  
**Xerxi** numerofus exercitus, Tiberio The-  
ſaurus, Antonio truculentæ minæ poſt  
mortem illis nihil profunt. a. 603  
**Xerces** ira motus helleſpontum verberat. b.  
523  
**Xeuxides** matrem interfecit, Euander Ni-  
coſtratæ matris ſuaſu Patrem occidit, quod  
fuit cauſa ſui Exilij in Italia. b. 614

## Z.

**Z** Apphira. p. 21  
**Zelum** & deſiderium cuiuſdam ſenis de  
Peregrinatione qui ſuburbia ciuitatis nun-  
quam tranſilierat, & Peregrinationis ne-  
gatio, fuit illius mors. b. 627  
**Zeno** apud athenas ſummos honores me-  
ruit. b. 81  
**Zeno** Citticus ab aurigono vocatus miſit ad  
illum Perſæum & cur. a. 157  
**Zeno** Citticus dicere ſolitus erat, *nul-  
lam eſſe nobis rem tenuiorem, ac cuius*  
P P p 3 minor



# Index Rerum.

- minor sit copia quàm temporis.* a. 507  
Zeno Citticus cum diues olim ex naufragio, Philosophiæ operam in maxima paupertate daret dicere solebat, *tunc secundis ventis nauigari cum naufragium feci.* a. 627  
Zeno Citticus & Crantor Solensis extra patriam totam vitam consumpsere, hæc peregrinatio illis iucunda fuit, quia voluntaria. b. 627  
Zeno Citticus cum ob ætatem mori non posset, se ipsum strangulauit. b. 604  
Zeno Eleates cum liceret in domo sua quietè viuere, Nearchum Tyrannum expugnare aggressus est, deprehensâ coniuratione in crucem agebatur, ibi populum verbis ita accendit, ut Tyrannum lapidibus occiderint. b. 605  
Zeno, Thales, Plato, Appelles, Diogenes, Galenus, Virgilius, Homerus, non tantum filiis caruerunt, sed suscipere noluerunt. b. 613  
Zenoni Athenienses statuam crexerunt. b. 157  
Zeno pauper, Antistheni nihil fuit. 76  
Zenonis libri quot. 76  
Zeusis. 77  
Zoar & Aristoteles filiis defunctis libros suos inscripsere. b. 615

F I N I S.



